

কোর্-আন্ শরীফ

ভাই গিরিশচন্দ্র সেন কর্তৃক

মূল কোর্-আন্ শরীফ হইতে অনুবাদিত ।

ভিন্ন ভিন্ন প্রসিদ্ধ তফসির অবলম্বনে টীকা লিখিত ।

“পরমেশ্বর ব্যতীত উপাস্ত নাই, মোহম্মদ তাঁহার প্রেরিত ও ভৃত্য ।”

“পৃথিবীতে যে সকল বৃক্ষ আছে, যদি তাহা লেখনী হয় ও সাগর তাহার মসী হয়, তাহার পরে (অস্ত) সপ্ত সাগর হয়, তথাপি ঈশ্বর সম্বন্ধীয় কথা সমাপ্ত হইবে না ; নিশ্চয় ঈশ্বর বিজ্ঞতা ও বিজ্ঞানময় ।”
কোর্-আন্ শরীফ, হুসা লোক্‌মান, ৩ রকু ।

চতুর্থ সংস্করণ

১৩৪৩ সাল ; ১৯৩৬ খৃঃ

নববিধান পাব্লিকেশন কমিটি

“ভারতবর্ষীয় ব্রহ্মমন্দির”

৯৫, কেশবচন্দ্র সেন ষ্ট্রীট, কলিকাতা ।

সর্বস্বত্ত্ব সংরক্ষিত]

সংস্করণ পরিচয়

প্রথম সংস্করণ, ১০০০ কপি, অনুবাদের সঙ্গে সঙ্গে, খণ্ডাকারে প্রকাশিত হয়। প্রথম খণ্ড শেরপুরে “চাঁকুসত্রে” মুদ্রিত হয়। পরবর্তী দুই খণ্ড কলিকাতায় “বিধানবন্ধে” মুদ্রিত হয়। প্রায় পাঁচ বৎসরে ১৮৮১-১৮৮৬ খৃঃ, সম্পূর্ণ গ্রন্থের মুদ্রণ কার্য সমাপ্ত হয়। অনুবাদক ভাই গিরিশচন্দ্র সেন স্বয়ং সমস্ত তত্ত্বাবধান করেন। সম্পূর্ণ অনুবাদ ১৮৮৬ খৃঃ প্রকাশিত হয়।

দ্বিতীয় সংস্করণ, ১০০০ কপি, সম্পূর্ণ গ্রন্থ সংশোধিত ও পরিবর্দ্ধিত আকারে, অনুবাদক কর্তৃক, একটা বিশদ বিজ্ঞাপন সহ, ১৮৯২ খৃঃ প্রকাশিত হয়। এই সংস্করণ কলিকাতায় “দেবযন্ত্রে” প্রায় তিন বৎসরে ১৮৮৯-১৮৯২ খৃঃ মুদ্রিত হয়।

তৃতীয় সংস্করণ, ১০০০ কপি, সম্পূর্ণ গ্রন্থ, অনুবাদক কর্তৃক ১৯০৮ খৃঃ প্রকাশিত হয়। এই সংস্করণ, প্রায় দুই বৎসরে ১৯০৬-১৯০৮ খৃঃ, কলিকাতায় “মঙ্গলগঞ্জ মিশন প্রেসে” মুদ্রিত হয়। এই সংস্করণে কোনও পরিবর্তন হয় নাই।

চতুর্থ সংস্করণ, ১০০০ কপি, সম্পূর্ণ গ্রন্থ, “নববিধান পাব্লিকেশন কমিটির” উদ্যোগে, কলিকাতায় “আর্ট প্রেসে,” ১৯৩৬ খৃঃ প্রায় ছয় মাসে অজ্ঞেয় ভাই অক্ষয় কুমার লধ ও প্রকাশকের তত্ত্বাবধানে মুদ্রিত ও প্রকাশিত হইল। অনুবাদক কর্তৃক ব্যবহৃত “কোরাণ শরিফ” স্থলে বর্তমানে চলিত “কোর-আন্ শরীফ” বানান ব্যবহৃত হইল। কয়েক স্থলে আয়ত ও রকুর সংশোধন করা হইল, মুগ্ধবুদ্ধে অজ্ঞেয় মোলানা মোহাম্মাদ আকরম খাঁ লিখিত “শ্রদ্ধা-নিবেদন” প্রদত্ত হইল।

শ্রীসতীকুমার চট্টোপাধ্যায়, সম্পাদক “নববিধান পাব্লিকেশন কমিটি” কর্তৃক প্রকাশিত।

শ্রীনরেন্দ্রনাথ মুখার্জি বি, এ, কর্তৃক “আর্ট প্রেস,” ২০, ব্রিটিশ ইন্ডিয়ান স্ট্রীট হইতে মুদ্রিত।

শ্রদ্ধা-নিবেদন

করুণাময় কুপানিধান আল্লার নামে

কোর্-আন্ আল্লার শাস্তবাহী, বিশ্বমানবের কল্যাণ ও মুক্তি সাধনের একমাত্র উদ্দেশ্যে, সর্বজগৎস্বামী আল্লার পক্ষ হইতে বিশ্বনবী হজরত মোহাম্মাদ মোস্তাফার নিকট প্রকাশিত—ইহা কোর্-আনের নিজের দাবী এবং মুছলমান সমাজের সমবেত বিশ্বাস।

দীর্ঘকাল যোগযুক্ত অবস্থায় অতিবাহন করার পর, হজরত মোহাম্মাদ প্রথম “অহি” বা ভাববাণী লাভ করেন, ৪১ বৎসর বয়সের প্রথম ভাগে। সেই হইতে তাঁহার জীবনের শেষভাগ পর্য্যন্ত, দীর্ঘ ২৩ বৎসর ব্যাপিয়া কোর্-আনের ক্ষুদ্র বৃহৎ এক একটি অংশ তাঁহার নিকট প্রকাশিত হইতে থাকে। হজরত মোহাম্মাদের সহচরগণের মধ্যে কয়েকজন লোক “কাতেবুল্-অহ্য” বা ভাববাণীর লেখক বলিয়া আখ্যাত হইতেন। তাঁহার নিকট কোন ভাববাণী প্রকাশিত হওয়ার সঙ্গে সঙ্গে তাহা লিপিবদ্ধ করিয়া রাখাই ইহাদের কর্তব্য ছিল। এইরূপে লিখিত কোর্-আনের অংশগুলি, স্বয়ং হজরতের তত্ত্বাবধানে ও তাঁহারই বাসস্থানে একটি সিন্দুকের মধ্যে সংরক্ষিত হইত। ইহা ব্যতীত হজরতের সহচরবর্গ নিজেদের ব্যবহারের জন্তও কোর্-আনের আয়ত ও ছুরাগুলি লিখিয়া রাখিতেন। এইরূপে সমস্ত কোর্-আন্, হজরত মোহাম্মাদের আদেশ ও নির্দেশ মতে এবং তাঁহার প্রত্যক্ষ তত্ত্বাবধানে সম্পূর্ণরূপে লিপিবদ্ধ হইয়া যায়। ইহা ব্যতীত হজরতের বহু সহচরও কোর্-আনের ক্ষুদ্র বৃহৎ বিভিন্ন অংশ লিপিবদ্ধ করিয়া রাখিয়াছিলেন।

মুছলমান সমাজে “হাফেজ” বলিয়া এক শ্রেণীর লোক আছেন, অমুছলমান পাঠকগণও ইহা লক্ষ্য করিয়া থাকিবেন। কোর্-আনের সম্পূর্ণ ত্রিশখণ্ড ইহারা কণ্ঠস্থ করিয়া রাখেন বলিয়া ইহাদিগকে হাফেজ বা স্মৃতিধর উপাধি দেওয়া হয়। কোর্-আন্ অতি যত্নে ও সম্পূর্ণ বিশুদ্ধভাবে কণ্ঠস্থ করিয়া রাখার এই প্রথা হজরত মোহাম্মাদের সময় হইতে আজ পর্য্যন্ত অব্যাহতভাবে চলিয়া আসিয়াছে। স্বয়ং হজরত ও তাঁহার বহুসংখ্যক ছাহাবা (সহচর) সম্পূর্ণ কোর্-আনকে কণ্ঠস্থ করিয়া রাখিয়াছিলেন। তাহার পর প্রত্যেক যুগে ও প্রত্যেক দেশে হাফেজদিগের সংখ্যা ক্রমশঃ বাড়িয়া যাইতে থাকে এবং বর্তমান সময় এইরূপ হাফেজের সংখ্যা এক লক্ষের কম হইবে না বলিয়া অহুমান করা হয়। ইহা ব্যতীত নামাজের প্রত্যেক রেকআতে কোর্-আনের কতক অংশের আবৃত্তি করিতে হয়। এজ্ঞাও প্রত্যেক ধর্মপ্রাণ মুছলমান কোর্-আনের অন্ততঃ কএকটা ছুরা কণ্ঠস্থ করিয়া রাখিতে বাধ্য হন। ফলতঃ হজরত

মোহাম্মাদের নিকট যে কোর্-আন্ প্রকাশিত হইয়াছিল, অবিকল তাহাই এখনও মুছলমানদিগের মধ্যে প্রচলিত আছে, তাহার কুত্ৰাপি বিন্দু বিসর্গেরও পরিবর্তন ঘটে নাই, ভবিষ্যতে তাহার কোন সম্ভাবনাও নাই। জগতের ধর্মগ্রন্থগুলির ইতিহাসে ইহা কোর্-আনের একটি গৌরবজনক বৈশিষ্ট্য। সেইজন্য সার উইলিয়ম মুইরের গ্রন্থ প্রতিকূল সমালোচকও অবশেষে স্বীকার করিতে বাধ্য হন যে, “There is probably no other book which has remained twelve centuries with so pure a text.”

কোর্-আন্ সর্বপ্রথমে হজরত আবু-বক্বরের সময় লিখিত হইয়াছিল বলিয়া একটা সাধারণ ধারণা প্রচলিত আছে। অনেকে আবার তৃতীয় খলিফা হজরত ওছমানকে “জামেউল-কোর্-আন্” বা কোর্-আন্-সকলক উপাধি দিয়া থাকেন। এই ধারণাগুলি সম্পূর্ণ নিতুল নহে। হজরত মোহাম্মাদের সময় কোর্-আন্ লিখিত হইয়াছিল বিভিন্ন চামড়ার টুকরার এবং প্রস্তর ও অস্থিখণ্ড প্রভৃতির উপর। হজরত আবু-বক্বর হুবিজ্ঞ ও হুনিপুণ লিপিকারদিগের দ্বারা সেগুলিকে একখণ্ড পুস্তকে, যথাযথ তরতীব অনুসারে, নকল বা সঙ্কলন করাইয়াছিলেন। তৃতীয় খলিফা হজরত ওছমানের সময় এছলাম ধর্ম বিভিন্ন দেশে বিস্তৃত হইয়া পড়ে। সেই সময় তিনি হজরত আবু-বক্বরের সঙ্কলনের কয়েকখানা নকল এছলাম-শাসিত বিভিন্ন জনপদে সরকারীভাবে পাঠাইয়া দেন মাত্র।

ভারতবর্ষে পার্শী, উর্দু এবং (সম্ভবতঃ) ব্রজভাষায় কোর্-আনের অনুবাদ হইয়াছে বহু যুগ পূর্বে। কিন্তু তিনকোটি মুছলমানের মাতৃভাষা যে বাংলা, তাহাতে কোর্-আনের অনুবাদ প্রকাশের কল্পনা ১৮৭৬ খৃষ্টাব্দ পর্য্যন্ত এদেশের কোন মনীষীর দৃষ্টি আকর্ষণ করিতে পারে নাই। তখন আরবী পার্শী ভাষায় সুপণ্ডিত মোসলমানের অভাব বাংলা দেশে ছিল না। তাঁহাদের মধ্যকার কাহারও কাহারও যে বাংলা সাহিত্যের উপরও যথেষ্ট অধিকার ছিল, তাঁহাদের রচিত বা অনুবাদিত বিভিন্ন পুস্তক হইতে তাহার অনেক প্রমাণ পাওয়া যায়। কিন্তু এদিকে মনোযোগ দেওয়ার সুযোগ তাঁহাদের একজনেরও ঘটিয়া উঠে নাই। এই গুরু কর্তব্যভার বহন করার জন্য হুদুৎ সঙ্কল্প নিয়া সর্বপ্রথমে প্রস্তুত হইলেন বাংলার একজন হিন্দু সন্তান, ভাই গিরীশচন্দ্র সেন—বিধান-আচার্য্য কেশবচন্দ্রের নির্দেশ অনুসারে। গিরীশচন্দ্রের এই অসাধারণ সাধনা ও অনুপম সিদ্ধিকে জগতের অষ্টম আশ্চর্য্য বলিয়া উল্লেখ করা যাইতে পারে।

বাংলা ও আরবী, দুইটা পরস্পর বিপরীত ধাতুসম্পন্ন ভাষা। তাহার উপর আরবী সাহিত্যের অসাধারণ বৈশিষ্ট্য। সুতরাং বাংলা ভাষায় আরবী পুস্তকের সঠিক অনুবাদ নাবান যে কি দুর্লভ ব্যাপার, এই পথের পথিকরাই সম্যকভাবে তাহার

উপলব্ধি করিতে পারেন। ভাই গিরীশচন্দ্র তাঁহার অনুবাদের প্রথম সংস্করণের (১২৯২ সাল) ভূমিকায় বলিয়াছেন—“অল্প কথায় বিস্তৃত ভাব ব্যক্ত করিতে আরব্য ভাষা যেরূপ অক্ষুণ্ণ, এমন পূর্ণ ভাষা যে সংস্কৃত, তদ্বিষয়ে অনেক স্থলে পরাস্ত। আরবীয় একটা কথার ভাব ব্যক্ত করিতে বাংলা ভাষায় প্রায় তাহার দ্বিগুণ ত্রিগুণ কথা প্রয়োগ করিতে হয়।” সাধারণ আরবী ভাষার এই অবস্থা, কোর্-আনের সাহিত্য আবার ইহার মধ্যে নানাগুণ-বৈশিষ্ট্যে সম্পূর্ণ স্বতন্ত্র।

কোর্-আনের অনুবাদ সম্বন্ধে ইহাই একমাত্র কথা নহে। কোর্-আনের হউক, অথবা অগ্র কোন ধর্মগ্রন্থের হউক, তাহার অনুবাদক ও টীকাকারের জ্ঞান কেবল সাহিত্যগত জ্ঞানই যথেষ্ট জ্ঞান বলিয়া বিবেচিত হইতে পারে না। তাঁহার পক্ষে আরও দরকার হয় সেই গ্রন্থের ভাবগত পরিবেশের সহিত সত্যাকার পরিচয়ের। শুধু ইহাই নহে। ধর্মগ্রন্থকে কেবল বিজ্ঞাগত বা জ্ঞানগত করিয়াই ক্ষান্ত হইবেন হাঁহারা, তাঁহাদিগকেও আমরা এই মহান সাধনার অনধিকারী বলিয়াই মনে করিব। এক্ষেত্রে সব চাইতে বেশী দরকার হয়, সেই গ্রন্থকে নিজের আত্মগত করিয়া লওয়া। কারণ ধর্মগ্রন্থের আসল কাজ কারবার হইতেছে মানুষের আত্মিক জগতের সহিত এবং গ্রন্থ দর্শনাদি সাধারণ জ্ঞান-শাস্ত্রের সহিত স্বর্গীয় ধর্মগ্রন্থ-সমূহের প্রধান পার্থক্যও বোধ হয় এইখানে। ফলতঃ এই ব্রত যাপনের জ্ঞান চাই-সেই শাস্ত্রের মূল ভাবধারার প্রতি লেখকের অন্তরের গভীর নিষ্ঠা। কোর্-আনের প্রথম বঙ্গানুবাদক ও হজরত মোহাম্মাদ মোস্তাফার প্রথম বাঙ্গালী চরিতকার ভক্তিবাজন ভাই গিরীশচন্দ্রের এ সমস্ত গুণই ছিল, তাই তাঁহার সাধনা সার্থক হইয়াছে।

ভাই গিরীশচন্দ্র ভক্ত, সাধক ও অসাধারণ তেজোদৃষ্ট কর্মযোগী। তাঁহার গুণ গরিমার পরিচয় দিতে যাওয়ার দৃষ্টতা আমার নাই, তাঁহার কর্মজীবনের সমালোচনা করার অবকাশও এক্ষেত্রে নাই। শুনিয়াছি, কোর্-আনের ও অগ্রাগ্র এছলামী ধর্মগ্রন্থের অনুবাদ-প্রকাশের গুরু দায়িত্ব গিরিশচন্দ্রের উপর গ্রস্ত করার সময় কেশবচন্দ্র প্রার্থনা করিয়াছিলেন—“তোমার জীবন মহাপুরুষ মোহাম্মাদের ‘স্পিরিটে’ মহিমাম্বিত ও অনুপ্রাণিত হউক!” তাঁহার ধর্মজীবনের সব সাধনা ও সিদ্ধির মধ্যে এই প্রার্থনাটা সার্থক হইয়া আছে, এই সংক্ষিপ্ত মন্তব্যে আজ এইটুকু বলিলেই বোধ হয় যথেষ্ট হইবে। বাংলার তিন কোটি মুছলমান জনসাধারণকে তাহাদের আল্লার, রহুলের ও কোর্-আনের সহিত পরিচিত করিয়াছেন সর্বপ্রথমে তিনিই। তাঁহারই অক্লান্ত সাধনার সম্যক ফলেই বাংলার পাঁচ কোটি অধিবাসী কোর্-আন শরীফের, এছলাম ধর্মের ও হজরত মোহাম্মাদ মোস্তাফার স্বরূপ সর্বপ্রথমে জানিতে পারিয়াছে। তাই গুরু হিসাবে, অগ্রপথিক হিসাবে এবং সত্যের অবিচল সেবক হিসাবে, তাঁহার প্রতি অন্তরের গভীরতম শ্রদ্ধা নিবেদন করিয়াই আজ ক্ষান্ত হইতেছি।

আমার বেশ স্মরণ আছে, শৈশবে পিতার সঙ্গে দুইবার গিরীশচন্দ্রের বাসভবনে উপস্থিত হওয়ার সৌভাগ্য লাভ করিয়াছিলাম। উভয়ের মধ্যে অনেকক্ষণ ধরিয়া ধর্ম্মালাপ হইয়াছিল। দ্বিতীয় দিন গিরীশচন্দ্র বাবাকে বলিয়াছিলেন—“আজও দেখছি, খোকারে সঙ্গে করে এনেছেন।” বাবা হাসিয়া বলিয়াছিলেন—“ছেলে মানুষ করা বড় দায়, ভাইছাহেব! তাই কেতাব পড়ানর চাইতে বেশী দরকার মনে করি সংস্কার।” গিরীশচন্দ্রের সেদিনকার সেই “খোকা” গুণমুগ্ধ ভক্ত হিসাবে, তিন কোটি বাদ্গালী মুছলমানের পক্ষ হইতে তাঁহাকে সশ্রদ্ধ কৃতজ্ঞতা নিবেদন করিতেছে।

কলিকাতা
১লা নভেম্বর, ১৯৩৬

বিনীত—
মোহাম্মাদ আকরমখাঁ

কয়েক জন মৌলবি সাহেবের লিপি

TO THE AUTHOR OF THE BENGALI TRANSLATION
OF THE KORAN, CALCUTTA.

REVD. SIR,

We the undersigned have most carefully and attentively read and compared with the original the first two parts of your valuable production, viz., the Bengali translation of the Koran, and our curiosity is not less excited to find it to be such a faithful and literal translation from a classic language as the Arabic—which varies so widely in its construction from all other languages of the world.

As we are Mahomedans by faith and birth, our best and hearty thanks are due to the author for his disinterested and patriotic effort and the great troubles he has taken to diffuse the deep meaning of our Holy and Sacred religious book, the Koran, to the public.

The version of the Koran above quoted has been such a wonderful success that we would wish the author would publish his name to the public, to whom he has done such a valuable service, and thus gain a personal regard from the public.

Lastly in our humble and poor opinion we think that the book may be very useful, particularly to the Mahomedans, if the style could be rendered a little easier so as to be understood by the less erudite.

We have the honor to be,

REVD. SIR,

Your most obedient servants,

AHMUD ULLAM,

Late Arabic senior scholar of the Calcutta Madrashah,

CALCUTTA,

The 2nd March, 1882.

}

ABDUL ALA,

ABDULAZIZ.

(ইংরাজী পত্রের অনুবাদ ।)

কোর্-আন্ গ্রন্থের বাঙ্গলা অনুবাদক মহাশয়েষু কলিকাতা ।

শ্রদ্ধাম্পদ মহাশয়,

আমরা নিম্নলিখিত কয়জন সাবধানে ও সমনোযোগে আপনার বঙ্গভাষায় কোর্-আনের অনুবাদ প্রথম ছই খণ্ড পাঠ করিলাম, এবং মূল গ্রন্থের সহিত আপনার মহামূল্য অনুবাদের তুলনা করিলাম । ইহাতে আমরা বিস্মিত হইতেছি যে, আপনি কিরূপে এতাদৃশ উদার আন্তর্পরিক প্রকৃত অনুবাদ করিতে সমর্থ হইলেন । বিশেষতঃ যখন আরব্যতুল্য পুরাতন ভাষা পৃথিবীর অণু অণু সকল ভাষা হইতে অতিশয় ভিন্ন ।

আমরা বিশ্বাসে ও জ্ঞাতে মোসলমান । আপনি নিঃস্বার্থভাবে জনহিতসাধনের জ্ঞাত যে, এতাদৃশ চেষ্টা ও কষ্টসহকারে আমাদিগের পবিত্র ধর্মগ্রন্থ কোর্-আনের গভীর অর্থপ্রচারে সাধারণের উপকারসাধনে নিযুক্ত হইয়াছেন, এজ্ঞ আমাদিগের অত্যন্তম ও আন্তরিক বহু কৃতজ্ঞতা আপনার প্রতি দেয় ।

কোর্-আনের উপরি উক্ত অংশের অনুবাদ এতদূর উৎকৃষ্ট ও বিস্ময়কর হইয়াছে যে, আমাদিগের ইচ্ছা, অনুবাদক সাধারণসমীপে স্বীয় নাম প্রকাশ করেন । যখন তিনি লোকমণ্ডলীর এতাদৃশ উৎকৃষ্ট সেবা করিতে সক্ষম হইলেন, তখন সেই সকল লোকের নিকটে আত্মপরিচয় দিয়া তাঁহার উপযুক্ত সম্মান লাভ করা উচিত ।

পরিশেষে আমাদিগের ক্ষুদ্র ও বিনীত বক্তব্য যে, আমরা বোধ করি, এই পুস্তকের ভাষা অপেক্ষাকৃত সরল করিতে পারিলে, অল্পশিক্ষিত সাধারণ মোসলমানগণের বিশেষ উপকারী হইবে ।

শ্রদ্ধা এবং সম্মানের সহিত আপনার বশীভূত ভৃত্য

আহমদোল্লা

২রা মার্চ, ১৮৮২

কলিকাতা

কলিকাতা মাদ্রাসার ভূতপূর্ব উচ্চশ্রেণীর ছাত্রবৃত্তিধারী

আবদোল্ আলা

আবদোল্ আজিজ

ঢাকা হইতে প্রাপ্ত

অন্ধেষ বাবু মণি গৌরবাসিত গৌরবাভিজ্ঞ সর্দাদা তাহার কৃপা হউক ।

আকিঞ্চনরূপ উপহার প্রদানান্তর নিবেদন এই ।

বঙ্গভাষায় অনুবাদিত একর সূরার দুই খণ্ড প্রশংসিত ও সম্মান্য কোব্-আন্ দৌনের নিকটে সমাগত হইয়া পুরাতন বন্ধুতার সূত্রে নবীভূত করিয়াছে । দীন ক্ষুদ্র জ্ঞানে মহাশয়ের অনুবাদ গৌরবাসিত পুণ্যাত্মা শাহ্ আবদোল্কাদেরের উদ্দু' অনুবাদের এবং তফ্‌সির হোসেনার অনুরূপ প্রাপ্ত । প্রকৃত পক্ষে মহাশয় এ বিষয়ে সমৃহ গলদধর্ম পরিশ্রম করিয়াছেন, এবং ইহা আরব্য, পারস্ত ও উদ্দু' ভাষানভিজ্ঞ লোকদিগের উপদেশের কারণ হইয়াছে । পরমেশ্বর পেগাম্বর ও তাঁহার মহামাত্র সন্ততিগণের গৌরবান্বিতোদে অনুগ্রহকারী বন্ধুকে সরল পথ ও সত্য পথ প্রদর্শন করুন । ১০ই ফাল্গুন, ১২৮৮ সন ।*

প্রার্থী—আলিমোদ্দিন আহমদ ।

মাগুরা শ্রীযুক্ত কোব্-আন্ শরীফ অনুবাদক মহাশয়

মাগুরাবেরষ

মহাশয়ের বাঙ্গলা ভাষায় অনুবাদিত কোব্-আন্ শরীফ দুই খণ্ড উপহার প্রাপ্ত হইয়া অতি আনন্দের সহিত পাঠ করিলাম । এই অনুবাদ আমার বিবেচনায় অতি উত্তম ও শুদ্ধরূপে ঢাকা সহ হইয়াছে । আপনি তফ্‌সির হোসেনী ও শাহ্ আবদোল্ কাদেরের তফ্‌সির অবলম্বন করিয়া যে সমস্ত টীকা লিখিয়াছেন, এজনের ক্ষুদ্র বিজ্ঞা বুদ্ধিতে যে পযাস্ত বুদ্ধিতে পারিয়াছি, তাহাতে বোধ করি যে, এপযাস্ত কোব্-আন্ শরীফের অবিকল অনুবাদ অত্র কোন ভাষাতেই এরূপ হয় নাই, এবং আমি মনের আনন্দের সহিত ব্যক্ত করিতেছি যে, আপনি যে ধর্ম উদ্দেশ্যে যার পর নাই পরিশ্রম স্বীকার করিয়া এই অনুবাদ করিয়াছেন, ইহার ফল ঈশ্বর আপনাকে ইহ ও পরকালে প্রদান করুন । ইতি সন ১২৮৮, ৬ই ফাল্গুন ।

নিবেদক

শ্রীআবুয়ল মজফ্‌র আবছল্লা

* ইহা পারস্তপত্রের অনুবাদ । আমাদের যন্ত্রালয়ের পারস্ত অক্ষরের অভাব হেতু মূলপত্র প্রকাশ করা যাইতে পারিল না ।

যশোহর কাজিপুর হইতে প্রাপ্ত

শ্রীযুক্ত মৌলবি আফ্‌তারোদ্দিন সাহেবের পত্রাংশ

বহমানাঙ্গদ—

শ্রীযুৎ কোর্-আন্‌ অনুবাদক মহাশয় মাগুবরেয়ু।

মহাশয় !

আমরা আপনার ১ম ভাগ কোর্-আন্‌ প্রাপ্যাস্তে পাঠ করিয়া পরম পরিতোষ লাভ করিলাম। অনুবাদক মহাশয় যে প্রকার গুরুতর পরিশ্রম, যত্ন এবং ভূরি অর্থব্যয়ভার বহন স্বীকার করিয়া এতাদৃশ গ্রন্থপ্রচাররূপ কঠোর ব্রতে দীক্ষিত হইতে প্রয়াসী হইয়াছেন, তাহাতে আমরা যার পর নাই আশ্বাসিত ও তাঁহার নিকট কৃতজ্ঞ হইলাম। এই পুস্তকের বাঙ্গলা অনুবাদ অতি উৎকৃষ্ট ও প্রাজ্ঞল এবং ইহা যে একটি উপাদেয় পদার্থ হইয়াছে, তাহা বলা বাহুল্য। ফল কথা, পুস্তকখানি সম্পূর্ণ হইয়া প্রকাশিত হইলে, কেবল অনুবাদকের নয়, দেশের বিশেষতঃ বাঙ্গালি জাতির গৌরব বাড়িবে, সন্দেহ নাই। অনুবাদক মহাশয় এই গ্রন্থ প্রচার করিয়া দেশের একটি মহদভাব-মোচনে প্রবৃত্ত হইলেন, এবং এজন্ত তিনি আজীবন প্রাণসমর্পণ থাকিবেন। দেশহিতৈষী মহোদয়গণের ইহাকে উৎসাহ প্রদান করা সর্বতোভাবে উচিত। ইনি অতি দুর্লভ কাণ্ডে হস্তক্ষেপ করিয়াছেন, সাধারণের উৎসাহ ব্যতিরেকে ইহার কৃতার্থতা লাভ করা কঠিন।

ভূমিকা



পৃথিবীর যাবতীয় সভ্য ভাষায় বাইবেল পুস্তক অন্তর্বাদিত হইয়া সর্বত্র সকল জাতির মধ্যে প্রচার হওয়ায় সাধারণের পক্ষে তাহা যাহার পর নাই স্থূলভ হইয়াছে। তজ্জন্যই দেবাত্মা ঈসার দেবচরিত্র ও তাঁহার স্বর্গীয় জীবন-প্রদ উপদেশ সকল বাইবেলে সহজে পাঠ্য করিতে পারিয়া, নানা দেশের নানা জাতীয় অগণ্য লোক আলোক ও জীবন লাভ করিয়াছে। কিন্তু বিধানমণ্ডলীভূক্ত ভ্রমণলের একটি প্রধান ও পবাক্রান্ত জাতি মোসলমান, তাঁহাদের মূল বিধান-পুস্তক কোর্-আন্ শরীফ শুদ্ধ তাঁহাদের মধোই ভুল্লহ আরব্য ভাষারূপ ভূর্ভেগ ভূর্গের ভিতরে বদ্ধ রহিয়াছে। অগ্ন জাতির নিকট মোসলমানেরা কোর্-আন্ বিক্রয় পর্য্যন্ত করেন না; অপর লোকে তাহা পড়িবে দূরে থাকুক, স্পর্শ করিতেও পায় না। অগ্ন জাতির মধ্যে আরব্য ভাষার চর্চাও বিরল। কেহ কোর্-আন্ হস্তগত করিতে পারিলেও ভাষাজ্ঞানের অভাবে তাহার মর্ম্ম কিছুই অবধারণ করিতে সমর্থ হয় না। সুতরাং ইহা কতিপয় মোসলমান মৌলবীর একচেটিয়া সম্পত্তি হইয়া রহিয়াছে। মৌলবী শাহ্ রফিয়োদ্দিন উদ্দভাষায় এবং শাহ্ অনি আল্লা ফতেহোর্-রহমান নামে পারস্যভাষায় কোর্-আনের অন্তর্বাদ করিয়া প্রচার করিয়াছেন; কিন্তু তাহা মূল পুস্তকের সঙ্গে একত্র সম্বন্ধ আছে, স্বতন্ত্র পুস্তকাকারে পাওয়া যায় না। সেই অন্তর্বাদিত পুস্তকদ্বয় জুপ্রাপ্ত হইলেও উদ্দু ও পারস্যভাষানভিজ্ঞ বাঙ্গালীর পক্ষে তাহা অন্ধজনের পক্ষে দর্পণের ত্রায় নিফল। ইংরাজী ভাষায় কোর্-আনের অন্তর্বাদ প্রচার হইয়াছে সত্য; কিন্তু এ দেশে তাহা সচরাচর প্রাপ্য নহে। অপচ যাহারা ইংরাজী জানেন না, তাঁহাদের পক্ষে উহা প্রাপ্ত হওয়া না হওয়া তুল্য। আমি আরব্যভাষা-শিক্ষায় প্রবৃত্ত হইলে অনেক বন্ধু বঙ্গভাষায় মূল কোর্-আন্ অন্তর্বাদ করিয়া প্রচার করিতে আমাকে অন্তরোধ করেন, এ বিষয়ে আমি কোন কোন মোসলমান বন্ধু কর্তৃকও বিশেষরূপে অন্তরুদ্ধ হই। কোর্-আন্ অধ্যয়ন ও তাহা অন্তর্বাদ করাই আরব্যভাষাশিক্ষায় প্রবৃত্ত হওয়ার আমার প্রধান উদ্দেশ্য। বন্ধুদিগের আগ্রহে ও স্বীয় কর্তব্যানুরোধে ঈশ্বররূপায় আমি এক্ষণে কোর্-আন্ বঙ্গভাষায় অন্তর্বাদ করিয়া প্রকটন করিয়াছি।

যাহাতে কোর্-আনের মূল “আয়ত” (প্রবচন) সকলের অবিকল অন্তর্বাদ হয়,

তদ্বিষয়ে যথোচিত যত্ন করা হইয়াছে। তদমুরোধে বঙ্গভাষার লালিত্যরক্ষার প্রতি সবিশেষ দৃষ্টি রাখিতে পারা যায় নাই। কিন্তু আরব্যভাষার প্রণালী বঙ্গীয় ভাষার প্রণালীর সম্পূর্ণ বিপরীত। বাঙ্গলা বাম দিক্ হইতে লিখিত হইয়া থাকে, আরবী ঠিক তাহার বিপরীত দক্ষিণ দিক্ হইতে লিখিত হয়। বচনবিজ্ঞাসপ্রণালীও সেইরূপ। সাধারণতঃ কর্তৃপদ পূর্বে স্থাপিত ও সমাপিকা ক্রিয়া অন্তে সংযুক্ত হইয়া বাঙ্গলা ভাষার বাক্য সমাপ্ত হইয়া থাকে; কিন্তু প্রায়শঃ আরব্য বাক্যের আরম্ভে সমাপিকা ক্রিয়ার ও অন্তে কর্তৃপদের প্রয়োগ হয়। অনেক স্থলে বঙ্গভাষার কর্তৃকারক ব্যক্ত ও ক্রিয়াপদ উহা থাকে, আরব্যভাষায় তাহার বিপরীত; অর্থাৎ কর্তৃকারক অব্যক্ত, ক্রিয়াপদ ব্যক্ত হইয়া থাকে; ক্রিয়াপদের পুরুষ, লিঙ্গ ও বচনের চিহ্ন দ্বারা কর্তা নির্ণয় করিতে হয়। অল্প কথায় বিস্তৃত ভাব ব্যক্ত করিতে আরব্য ভাষা যেরূপ অন্তকূল, এমন পূর্ণ ভাষা যে সংস্কৃত, তদ্বিষয়ে অনেক স্থলে পরাস্ত। আরবীয় একটা কথার ভাব ব্যক্ত করিতে বাঙ্গলা ভাষায় প্রায় তাহার দ্বিগুণ ত্রিগুণ কথা প্রয়োগ কবিতে হয়। এই উভয় ভাষার পদবিজ্ঞাসপ্রণালী ইত্যাদির বহু বিভিন্নতাহেতু কোর্-আনের প্রবচন সকল আরব্য ভাষার রীতি অনুসারে বাঙ্গলা ভাষায় আক্ষরিক অনুবাদ করিতে গেলে তাহা নিতান্ত শ্রুতিকটু ও দুর্বোধ হইয়া উঠে; অতএব আমাকে অনুবাদে বঙ্গভাষার বচনবিজ্ঞাসপ্রণালীর অনুসরণ করিতে হইয়াছে। বিশদরূপে ভাব প্রকাশ করিবার জন্য যে যে স্থানে দুই একটা অতিরিক্ত শব্দের প্রয়োগ করা হইয়াছে, তাহা () এই চিহ্নের মধ্যে ব্যবস্থাপিত করা গিয়াছে। দুর্জব বাক্যের টীকা ও ঐতিহাসিক তত্ত্ব সকল প্রায়ই কোর্-আনের পারশ্ব ভাগ পুস্তক “তফসির হোসেনী” এবং “শাহ্ আবদোল্লাদেদের” উদ্ভূত ভাগ্য অবলম্বন করিয়া লিপিত হইয়াছে। আমি কোর্-আনে উক্ত বাক্যের অর্থবোধ ও অনুবাদে এই দুই ভাগ হইতে অনেক সাহায্য পাইয়াছি।

কোর্-আন্ শব্দের অর্থ পাঠ,—কোর্-আনের অপর নাম “কলামালাহ” (ঈশ্বরবাণী)। সময়ে সময়ে মহাপুরুষ মোহম্মদ জগতের কল্যাণার্থ প্রচার করিতে যে সকল প্রত্যাদেশ লাভ করিয়াছিলেন, তাহাই পুস্তকে একত্র সম্বদ্ধ হইয়া কোর্-আন্ নাম প্রাপ্ত হইয়াছে। মোসলমানেরা ঈশ্বরের বাক্য বলিয়া কোর্-আনকে অত্যন্ত সম্মান করেন। কোর্-আন্ অধ্যয়ন ও শ্রবণে বহু পুণ্য লিখিত আছে। সমুদায় মোসলমান কোর্-আনের মতানুসারে চলিতে বাধ্য। কোর্-আনকে কোনরূপ অতিক্রম করিলে মহাপাতকী হইতে হয়। কোর্-আন্ পাঠকালে পাঠকের নিম্নলিখিত নীতি সকল পালন করা বিধেয়। যথা—দস্তখাবন, ওজু (বিশেষ নিয়মানুসারে হস্তপদমুখাদি

প্রক্ষালন) করিয়া অধ্যোতা শুদ্ধ ভূমিতে শুদ্ধ সঙ্কল্পসহকারে পশ্চিমাভিমুখে বসিবেন। তিনি মস্জিদে বসিতে পারিলে উত্তম হয়; কোর্-আন্ শরীফকে বিশুদ্ধ উচ্চাসনের উপর অর্থাৎ রহল ইত্যাদির উপর সংস্থাপন করিবেন; প্রথমতঃ “অউজ্জ বৈল্লাহ” (ঈশ্বরের শরণাপন্ন হই) ও “বেস্মালাহ” (ঈশ্বরের নামে প্রবৃত্ত হইতেছি) উচ্চারণ করিয়া, দীনভাবে ও বিনীত অন্তরে শুদ্ধরূপে পড়িবেন। অধ্যোতা “সূরা তওবা” ব্যতীত প্রত্যেক “সূরার” (অধ্যায়ের) পূর্বে “বেস্মালাহ” বলিবেন, এবং অধ্যয়নকালে অত্র কোন কথা উচ্চারণ করিলে, পুনর্বার পাঠারম্ভ করার পূর্বে “বেস্মালাহ” বলিবেন, এবং ইহা বোধ করিবেন যে, তিনি পরমেশ্বরের সহিত কথা কহিতেছেন ও যেন তাঁহাকে দেখিতেছেন। যদি এরূপ অবস্থা না হয়, তবে তিনি মনে করিবেন যে, ঈশ্বর তাঁহাকে দেখিতেছেন ও নিষেধ বিধি করিতেছেন; স্বসংবাদজনক প্রবচনপাঠে প্রকৃত্ত হইবেন, এবং ভীতিজনক প্রবচন অধ্যয়নকালে ভীত ও রোক্তগমান হইবেন।

মূল কোর্-আন্ শুদ্ধরূপে উচ্চারণ করিবার জ্ঞাত ত্রিশ বত্রিশ প্রকার আক্ষরিক চিহ্ন ব্যবহৃত হইয়া থাকে। কোর্-আনের বর্ধীয় অনুবাদপুস্তকে আরবীয় সেই সকল আক্ষরিক চিহ্ন ব্যবহারে প্রয়োজনাতাব বলিয়া তাহার প্রয়োগ হইল না। প্রত্যেক আয়তের অন্তে বিরাম চিহ্ন ব্যবহৃত হইয়াছে। কোর্-আনের প্রত্যেক সূরার অন্তর্গত আয়ত সকলের সংখ্যা ১, ২, ৩, করিয়া প্রত্যেক আয়তের অন্তে ও সমুদায় আয়তের সংখ্যার সমষ্টি সূরার আরম্ভে লিখিত আছে। কোর্-আন্ অধ্যয়ন কালে বিশেষ বিশেষ আয়তে মন্তক অবনত করিয়া কিয়ৎক্ষণ বিরত থাকিতে হয়। এইরূপ নমন-কার্যকে “রকু” বলে। কোর্-আন্ পাঠের বা নমাজের ব্যবচ্ছেদরূপে “রকু” ব্যবহৃত হয়। সূরা সকলের প্রারম্ভে প্রত্যেক সূরার “রকুর” সমষ্টি লিখিত আছে। কোর্-আনের ভিন্ন ভিন্ন সূরার অন্তর্গত নিদ্দিষ্ট ১২টি আয়তে সেজ্জাদার (নমস্কারের) বিধি আছে। কোর্-আন্ শরীফ ত্রিশ ভাগে বিভক্ত, সেই এক এক ভাগের নাম “সিপারা”। প্রত্যেক ভাগকে আবার চারি অংশে পৃথক করা হইয়াছে। প্রত্যেক অংশের শেষ ভাগে ক্রমে “রোবা” ও “নোস্ফা” এবং “সোলোসা” (চতুর্থাংশ, অর্দ্ধাংশ এবং তৃতীয়াংশ) এরূপ লিখিত আছে। যে যে বচন হইতে “সিপারা” সকলের আরম্ভ, সেই সেই বচনের প্রথম শব্দসমূহের সেই সমস্ত সিপারার নাম হইয়াছে। যথা “আলশ্মা” “সইয়কুলু” “তেল্করুসোলো”। নরপতি হোজ্জাজের রাজত্বকালে তাঁহার আদেশে কোর্-আনের এইরূপ বিভাগ হয়। আবার সমগ্র কোর্-আন্ ৬০ ভাগে বিভক্ত, এই প্রত্যেক ভাগের নাম “খর্ক”; এবং আরও অষ্টাদশ ভাগে বিভক্ত হইয়াছে, তাহাকে “মানকা” বলে। কোর্-আন্ পাঠ ও তাহা ক্রমে মুখস্থ করিবার সুবিধার জ্ঞাত এই সকল বিভাগ হইয়াছে। নানকল্পে তিন দিন ও অনধিক চল্লিশ

দিনের মধ্যে কোর্-আন্ সম্পূর্ণ পাঠ করা বিধি। মহাপুরুষ মোহাম্মদের প্রচারবন্ধু মহাত্মা ওসমান শুক্রবার রজনীতে কোর্-আন্ পাঠ আরম্ভ করিয়া বৃহস্পতিবার সমাপ্ত করিতেন। তদনুসারে কোর্-আন্ সাত ভাগে বিভক্ত হইয়াছে। এই বিভাগের নাম “মজ্জেল”। সিপারা, খর্ব্ব, মানকা, মজ্জেল অনুসারে কোর্-আন্ ১১৪ ভাগে বিভক্ত। অনুবাদিত কোর্-আন্ তদ্রূপ নিষ্ঠা ও প্রশালী অনুসারে কেহ অধ্যয়ন ও মুখস্থ করিবেন, এরূপ সম্ভাবনা নাই; একজ্ঞ সেই সকল বিভাগাদির নাম ও চিহ্নাদি যথাস্থানে প্রয়োজিত হইল না। কোন্ কোন্ সিপারা ও মজ্জেল কোন্ কোন্ স্থান হইতে আরম্ভ হইয়াছে, স্মৃতিতে কেবল তাহা প্রদর্শিত হইল। এক আয়তের সঙ্গে যে স্থানে অত্র আয়তের বিশেষ যোগ, সেখানে + যোগচিহ্ন স্থাপিত হইয়াছে।

১২২২ সন

১৮৮৬ খৃঃ

১৮০৭ শক

অনুবাদকস্ব

দ্বিতীয় সংস্করণের বিজ্ঞাপন

ঈশ্বররূপায় কোর্-আনের অনুবাদ দ্বিতীয় বার মুদ্রিত হইল। প্রথম বারের মুদ্রিত সহস্র পুস্তক বহুকাল হইল নিঃশেষিত হইয়াছে। অনেক গ্রাহক পুস্তক চাহিয়া প্রাপ্ত হন নাই। প্রায় তিন বৎসরে দ্বিতীয় সংস্করণের কার্য সমাপ্ত হইল। মুদ্রায়ন্ত্র নিজের আয়ত্তাধীন না থাকাতে মুদ্রাস্থানে ঈদৃশ কালগৌণ ও বহু অসুবিধা হইয়াছে।

এবার মূল কোর্-আনের প্রত্যেক আয়তের সঙ্গে পুনরায় মিলাইয়া সংশোধন করা গিয়াছে। প্রথম সংস্করণে যে কিছু ভ্রম প্রমাদ ঘটিয়াছিল, আশা করি, এই দ্বিতীয় সংস্করণে তাহা আর বড় লক্ষিত হইবে না। কোর্-আনের অনুবাদ শ্রুতবোধ ও সুপ্রাঞ্জল হয়, অনেকে এরূপ অভিলাষ প্রকাশ করিয়াছেন। এবার ভাষা অপেক্ষাকৃত প্রাঞ্জল করিতে যথাসাধ্য চেষ্টা করা গিয়াছে। কিন্তু পাঠকদিগের মনে করা কর্তব্য যে, অবিকল আক্ষরিক অনুবাদে অনুবাদকের কোনরূপ স্বাধীনতা নাই। বিশেষতঃ কোর্-আন্ সুদূরত্ব ধর্মগ্রন্থ, তাহার বঙ্গানুবাদে অনেক স্থানে সাধারণ প্রচলিত সহজ শব্দ প্রয়োজিত হইয়া উঠে না। স্থানে স্থানে ধর্মসম্বন্ধীয় আরব্য শব্দের বাঙ্গলা অনুবাদেতে কিছু কঠিন প্রতিশব্দ প্রয়োগ করিতে বাধ্য হওয়া গিয়াছে। ভাবমাত্র গ্রহণ করিয়া মুক্তভাবে অনুবাদ করিতে হইলে, ভাষার উপর অনেক দূর

কর্তৃত্ব চলে। একটি আয়তাত্মকের অবিকল অনুবাদ, যথা;—“যে উপদেশ গ্রহণ করিতেছে, তাহা অল্পই” ভাবমাত্র গ্রহণ করিয়া এ বিষয়টি অনুবাদ করিলে “অল্পই উপদেশ গ্রহণ করিতেছে,” লিখা যাইতে পারে; তাহা অপেক্ষাকৃত শ্রুতিমধুর হয়। কিন্তু কোর্-আনের অনুবাদে এরূপ অনুবাদ করা সাধ্যায়ত্ত নহে। কোর্-আন্ শব্দে শব্দে অবিকল অনুবাদ করা অনুবাদকের মূখ্য উদ্দেশ্য। অনেক স্থলে কোর্-আনে প্রতিপাত্ত বিষয়ের সংক্ষিপ্ততা ও জটিলতাতেও তাহা দুর্কৌশল হইয়াছে। ভাষ্যের সাহায্য ব্যতীত উহা বোধগম্য হয় না। ভাষাজ্ঞানে ও শব্দবিশ্বাসে অনুবাদকের দরিত্রতা ও অযোগ্যতা আছে, এ স্থলে ইহাও স্বীকার করিতে হইবে।

পূর্ব সংস্করণে কেবল তফসির হোসেনি ও শাহ্ আক্বোল কাদরের ফায়দা বলিয়া চিহ্নিত ব্যাখ্যান অবলম্বন করিয়া ভাষ্য লিখিত হইয়াছিল। এবার সুপ্রসিদ্ধ আরব্য ভাষা পুস্তক তফসির জলালিন অবলম্বন করিয়া বিশেষ বিশেষ স্থলে কিছু কিছু টীকা সংযোজিত করা গিয়াছে। তফসির হোসেনি হইতেও নূতন কিছু ব্যাখ্যা সংগৃহীত হইয়াছে। পরন্তু এই দ্বিতীয় সংস্করণে প্রত্যেক রকুর আয়তের সংখ্যা তত্তং রকুর শেষভাগে নিবন্ধ হইল। কোর্-আনের কোন্ অধ্যায়ের কোন্ রকুতে কি কি বিষয় সন্নিবেশিত, এবার তাহার বিস্তীর্ণ নির্ঘণ্ট প্রকাশ করা গেল। এই মহাগ্রন্থের কোথায় কোন্ বিষয় আছে, নির্ঘণ্টের অভাবে তাহা মহজে কেহ অনুসন্ধান করিয়া বাহির করিতে পারিতেন না। এক্ষণ নির্ঘণ্টের সাহায্যে অনায়াসে প্রত্যেক বিষয় উপলব্ধ হইবে। প্রতি রকুর অন্তর্গত বিষয়ের নির্ঘণ্ট করা গিয়াছে। তবে অনেক রকুতে বিভিন্ন নানা প্রসঙ্গ জড়িত ও পুনরুক্তি আছে, তজ্জন সাধারণতঃ অপেক্ষাকৃত প্রধান বিষয়টি নির্ঘণ্টে উল্লিখিত হইয়াছে। কোন কোন রকুর দুই তিনটি নির্ঘণ্টও করা গিয়াছে। এবার মূল কোর্-আনের ঐতিহাসিক বৃত্তান্ত প্রকাশ করা গেল। এ বিষয়টি একজন বন্ধু কর্তৃক সংগৃহীত হইয়াছে। তিনি এই অনুবাদিত পুস্তকের সঙ্গে প্রকাশ করিবার জন্য তাহা আমার হস্তে প্রদান করিয়াছেন।

১২৯৮ সন

১৮৯২ খৃঃ

১৮১৩ শক

অনুবাদকঃ

কোর্-আনের ঐতিহাসিক তত্ত্ব

হজরত মোহাম্মদ কোর্-আন্ বিবৃত করিলে পর সর্বপ্রথমে তাহা পুস্তকে আবদ্ধ বা কোনরূপে একত্র সম্বদ্ধ হয় নাই। হজরতের স্বর্গারোহণের এক বৎসর পরে তাঁহার প্রধান প্রচারবন্ধু আবুবেকর ও ওমর সেই সমস্ত বচন একত্র করিতে যত্ন করিয়াছিলেন। তাঁহারা বুঝিয়াছিলেন, কোর্-আনের বচনসমূহ এক্ষণ মোসলমানদিগের অনেকেই কণ্ঠস্থ আছে বটে, কিন্তু এই সময় গ্রন্থে বদ্ধ না করিলে তাঁহাদিগের মৃত্যুর সহিত এই অমূল্য সম্পত্তি বিলোপ প্রাপ্ত হইবে। বিশেষতঃ যুদ্ধ বিগ্রহে মোসলমানেরা যে প্রকার আনন্দের সহিত আত্মপ্রাণ আহুতি দিতেছে, তাহাতে হজরতের সমকালীন শ্রোতাদিগের সংখ্যা শীঘ্রই লয়প্রাপ্ত হইবে। জয়দনামক জনৈক মদিনাবাসী পণ্ডিত উৎসাহের সহিত এই সংগ্রহকার্যে প্রবৃত্ত হইয়া, বহু পরিশ্রমে নানাস্থান হইতে খর্জুরপত্রে লিখিত, খেত প্রস্তুতের খোদিত এবং মল্লশ্বের বক্ষে চিহ্নিত আয়ত সকল সংগ্রহ করেন*। এই সংগৃহীত বচন সকল প্রথমতঃ আমির আবুবেকরের নিকটে ছিল, পরে তাঁহার মৃত্যুকালে হফসানাম্মী হজরতের পত্নীর নিকটে গচ্ছিত থাকে। নেতৃবর ওমর ফারুক যাবজ্জীবন এই গ্রন্থকেই মাণ্ড করিয়া চলিয়াছিলেন। তাঁহার মৃত্যুর পর আমির ওসমানের সময় নানা স্থানে ইহার প্রতিলিপি বিস্তৃত হইয়াছিল বটে, কিন্তু সে সমস্ত পরস্পর এত বিভিন্নরূপে লিখিত হইয়াছিল যে, তাহার জ্ঞাত মোসলমানমণ্ডলী মধ্যে ভয়ানক বিবাদ আরম্ভ হইল। ইহাতে ওসমান পুনরায় সেই জয়দের দ্বারা কোর্-আন্ সংগ্রহ করিয়া তাহাই সমস্ত মোসলমানকে মাণ্ড করিতে বাধ্য করেন। তিনি এই নূতন গ্রন্থের বহুখণ্ড প্রতিলিপি করাইয়া সমস্ত প্রধান নগরে প্রেরণপূর্বক, পূর্বলিখিত সমস্ত কোর্-আন্ অগ্নিতে দগ্ধ করাইয়া ফেলেন।

জয়দ সংগ্রহকালে গ্রন্থমধ্যে কোন প্রকারে আপনার পাণ্ডিত্য প্রকাশ করেন নাই, তিনি যেখানে যেমন পাইয়াছেন, তেমন লিপিবদ্ধ করিয়া রাখিয়াছিলেন। সেই জ্ঞাত ইহার অধ্যায় সকল পর পর না হইয়া বিশৃঙ্খল ভাবে লিখিত দেখা যায়। এমন কি সূরা সকলের মধ্যে আয়তেরও এমন গোলযোগ যে, তাহাতে অনেক স্থলে অসংলগ্ন বোধ হইয়া থাকে।

* তিনি প্রথমে হজরতের ক্রীত দাস ছিলেন, খদিজা বিবীর পরেই আলি, তৎপর তিনি এসলাম ধর্ম গ্রহণ করেন; তাঁহার ধর্ম্মানুরাগ দর্শন করিয়া হজরত তাঁহার দাসত্ব মোচন করিয়াছিলেন। এই ব্যক্তি যে কোর্-আন্ সংগ্রহ করিবার সম্পূর্ণ উপযুক্ত, তাহাতে কোন সন্দেহ নাই।

কোর্-আন্ ১১৪ ভাগে বিভক্ত। প্রথম অবস্থায় ইহার সাত প্রকার সংস্করণ প্রকাশিত হইয়াছিল। প্রথম দুইখানি মদিনায়, তৃতীয় মকায়, চতুর্থ কুফানগরে, পঞ্চম বসোরায়, ষষ্ঠ সিরিয়া দেশে এবং সপ্তম খানি এরূপ কদর্য ছিল যে, তাহাকে সামান্য সংস্করণ বলিয়া লেখকেরা স্থানের উল্লেখ করেন নাই। এই সাত খানি সংস্করণে আয়তের সংখ্যা লইয়াই বিশেষ গোলযোগ হইয়াছিল।

কোর্-আনের ২৯টি অধ্যায়ের পূর্বে অবাক্ত সাক্ষাতিক অক্ষর সংযুক্ত আছে, কোন সুরায় তিনটি, কোন সুরায় একটি। মোসলমানেরা বলেন, হজরত ভিন্ন আর কেহ ইহার অর্থ জ্ঞাত ছিল না, তথাপি কেহ কেহ আনুমানিক অর্থ করিয়া থাকেন। যেমন সুরা বকরার প্রথমে আছে, “আ, ল, ম”; কেহ বলেন, ইহার সঙ্কেত, আল্লা লতিফ মজিদ অর্থাৎ ঈশ্বর দয়ালু ও মহিমান্বিত। কেহ বলেন, “আন্, নি, মেন্নি” অর্থাৎ, আগা হইতে এবং আমাতে। আর একস্থানে লিখিত আছে, আল্লাহ, জেব্রিল, মোহম্মদ। অর্থাৎ ঈশ্বর কোর্-আনের স্রষ্টা, জেব্রিল বা পবিত্রাত্মা কোর্-আন্ অবতারণ করেন, এবং মোহম্মদ কোর্-আনের প্রচারক ইত্যাদি অনেক আনুমানিক ব্যাখ্যা আছে। আগার কেহ বলেন, এই তিন অক্ষরের অর্থ “৭১” অর্থাৎ ইহা দ্বারা ঈশ্বর জানাইয়াছেন, ৭১ বৎসরের মধ্যে এই গ্রন্থ সম্পূর্ণভাবে জগতে পরিগৃহীত হইবে।

কোরেশজাতির বখোপকথনের ভাষাতেই কোর্-আনের অধিকাংশ পূর্ণ। কোন কোন অংশ একটু ভিন্ন বলিয়াও বোধ হয়। ইহার পদবিব্রাস এবং রচনাকৌশল এত চমৎকার যে, একজন বর্ণজানবিহীন লোকের মুখ হইতে তাহা অনর্গল নির্গত হওয়া সঙ্গোপেঙ্গ। প্রধান অলৌকিক ব্যাপার, সন্দেহ নাই। এই জগৎ অনেক আয়তে দর্পের সহিত এইরূপ উক্তি আছে যে, পৃথিবীতে এমন কোন্ ব্যক্তি আছে, ইহার ত্রায় একটি আয়ত বর্ণন করিতে পারে? বাস্তবিক তৎকালে আরব দেশে পণ্ডিত, রচয়িতা, কবি এবং শুবক্তার অভাব ছিল না। সেই শ্রেণীর অংসখ্য লোক হজরতের চারি দিক্ বেষ্টন করিয়া কোর্-আন্ শ্রবণ করিত, এবং পরিশেষে বলিয়া যাইত যে, এ ব্যক্তি নিশ্চয় কোন ভূতের সাহায্যে এ প্রকার অলৌকিক কথা প্রকাশ করিতেছে। লবিদ নামক তৎকালের প্রধান কবি পৌত্তলিক ছিলেন, একদিন তিনি হঠাৎ একটি আশ্চর্য শ্রবণমাত্র বলিলেন, এ প্রকার ভাষা প্রত্যাশিষ্ট ব্যক্তি ব্যতীত কেহ বলিতে পারে না। এই বিশ্বাসে তিনি তখনি এসলাম ধর্ম গ্রহণ করেন, এবং যে সকল অবিশ্বাসী এই ধর্মকে নিন্দা করিয়া রহস্যজনক কাব্য সকল লিখিতেছিল, তাহার প্রত্যুত্তর দিয়া চিরজীবন ধর্মের গৌরব বৃদ্ধি করেন।

কোর্-আন্ তিন বৎসরে সম্পূর্ণ অবতীর্ণ হইয়াছে। ২৬ অধ্যায়ের প্রথম পাঁচ আয়ত প্রথম বারে আসিয়াছিল। যখন কোন নূতন আয়ত আগমন করিত,

হজরতের মুখ হইতে প্রকাশমাত্র তাঁহার অমুগামিগণ তাহা লিখিয়া লইতেন, ইহা তাঁহারা পরস্পর নকল করিয়া লইয়া আপনাদিগের নিকটে রাখিতেন। কিন্তু অধিকাংশ লোক কণ্ঠস্থ করিয়াই রাখিত। যখন সেই সমস্ত মূল সংগৃহীত লিপি একত্রিত করা হইল, তখন যেমন পাওয়া গেল, অমনি একটি বাস্তবে এমন বিশৃঙ্খল ভাবে রাখা হইয়াছিল যে, কোন্ সূত্র কোন্ আয়ত কোন্ সময়ে অবতীর্ণ হইয়াছিল, প্রায় তাহা স্থির করা যায় নাই।

সূচী পত্র

সূরা	সূরা	অর্থ	পৃষ্ঠা
প্রত্যেক সূরার নাম সেই সূরার অন্তর্গত			
আয়তবিশেষের কোন একটি বিশেষ শব্দ	কহফ	গর্ভ	৩১৫
অবলম্বন করিয়া হইয়াছে। কেবল সূরা	মরয়ম	এক ধার্মিক নারীর নাম	৩৩৫
ফাতেহা ও সূরা এখলাস এই নিয়মের	তা-হা	ব্যবচ্ছেদক শব্দ	৩৬২
বহির্ভূত। নিম্নে সূরা সকলের নামের অর্থ	আশ্বিয়া	স্বর্গীয় সংবাদবাহকগণ	৩৭৫
ও তৎসমুদায়ের পত্রাক লিখিত হইল	হজ্জ	মক্কাতীর্থের ব্রতবিশেষ	৩৮৮
সূরা	অর্থ	পৃষ্ঠা	মুমেনুন
ফাতেহা	উদঘাটিকা	১	বিশ্বাসিগণ
বকরা	গাভী	২	জ্যোতিঃ
আলোএমরাণ	এমরাণের সন্ততি	৫০	কোব্-আন্
নেসা	নারী	৮০	কবিগণ
মায়দা	অন্নপাত্র	১১৭	পিপীলিকা
এনাম	গ্রাম্যপশু	১৪৪	উপাখ্যানাবলী
এরাফ	স্বর্গ ও নরকের মধ্যবর্তী	১৬২	উর্ণনাভ
	উন্নত স্থানবিশেষ	১৬২	রাজ্যবিশেষ
আনফাল	লুণ্ঠিত সামগ্রীপুঞ্জ	২০০	ব্যক্তিবিশেষের নাম
তওবা	পুনরাগমন	২১৩	নমস্কার
ইয়ুনস	এক পেগাস্বরের নাম	২৩১	দলসমূহ
হুদ	"	২৪৪	দেশবিশেষ
ইয়ুসোফ	"	২৬০	সৃষ্টিকর্তা
রঅদ	বজ্রধ্বনি	২৭৮	নিরাশা
এত্রাহিম	এক পেগাস্বরের নাম	২৮৫	শ্রেণীবদ্ধনকারিগণ
হেজর	বিচ্ছেদ	২৯২	ব্যবচ্ছেদক বর্ণবিশেষ
নহল	মধুমক্ষিকা	২৯৯	মাহুযের দল
			বিশ্বাসী

স্বরূপ	পৃষ্ঠা	স্বরূপ	অর্থ		
হামসজদা	বাবছেদক বর্ণবিশেষ ও	কলাম	লেখনী	৬৭২	
	নমস্কার	৫৭১	হাক্কা	বাণ্ডবিক	৬৭৫
গুরা	মন্ত্রণা সকল	৫৭৭	মেরাজ	সোপানশ্রেণী	৬৭৭
জোখ্‌রোফ	স্বর্ণ	৫৮২	লুহা	পেগাম্বর বিশেষ	৬৭৯
দোখান	ধূম	৫৯১	জেল	দৈত্য	৬৮১
জাসিয়া	জানুপরি বসা	৫৯৪	মোজ্জমেলো	কম্বলারূত	৬৮৪
আহ্‌কাফ	স্থানবিশেষের নাম	৫৯৮	মোদ্দস্‌সের	বস্ত্রারূত	৬৮৬
মোহম্মদ	এসলাম ধর্মের প্রবর্তক		কেয়ামত	প্রলয়দটন	৬৮৯
	মহাপুরুষের নাম	৬০৩	দহর	কাল	৬৯০
ফত্‌হ	বিজয়	৬০৭	মোরসলাত	প্রেরিতগণ	৬৯৩
হোজরাত	কুটীরসকল	৬১৩	নবা	সংবাদ	৬৯৪
কা	বাবছেদক শব্দ	৬১৭	নাঞ্জেয়াত	আকর্ষণকারী	৬৯৬
জারেয়াত	বিক্ষিপ্তকারী বায়ুবাশি	৬২০	অবস	মুগ বিরস করা	৬৯৮
তুর	পর্কতবিশেষ	৬২৪	তক্‌ওয়ির	বেষ্টিত হওন	৬৯৯
নজম	নক্ষত্র	৬২৭	এন্‌ফেতা	বিদীর্ণ হওন	৭০০
কমর	চন্দ্র	৬৩১	তত্‌ফিফ	ন্যূন করা	৭০১
রহমাণ	ঈশ্বরের নাম বিশেষ	৬৩৩	এন্‌শকাক	বিদীর্ণ হওয়া	৭০২
ওয়াক্‌য়া	সংঘটনীয়	৬৩৮	বোফজ	আকাশের বিভাগ সকল	৭০৩
হদিদ	লৌহ	৬৪১	তারেক	রাশিহে যে উপস্থিত হয়	৭০৪
মজাদলা	পরস্পর বিবাদ	৬৪৫	আলা	মতোন্নত	৭০৫
হশর	একত্র হওন	৬৪৯	গাশিয়া	কেয়ামত	ঐ
মোম্‌তহেনত	পরীক্ষিত	৬৫৪	ফজর	প্রাতঃকাল	৭০৬
সফ্‌ফ	শ্রেণী	৬৫৮	বলদ	নগর	৭০৮
জোমোয়া	শুক্লাবার	৬৫৯	শম্‌স	সূর্য	৭০৯
মোনাফেকোন	কপটগণ	৬৬১	লয়ল	রাশি	ঐ
তগাবোন	পরস্পর ক্ষতি করা	৬৬২	জোহা	মধ্যাহ্ন	৭১০
তলাক	বর্জন	৬৬৪	এন্‌শরাহ	উন্মুক্ত করণ	৭১১
তহরিম	অনৈধীকরণ	৬৬৬	তীন	আস্তির ফল	ঐ
মোল্ক	রাজত্ব	৬৬৯	অলক্‌	ঘনীভূত শোণিত	৭১২

সূরা	অর্থ	পৃষ্ঠা	সূরা	অর্থ	পৃষ্ঠা
কদর	সম্মান	৭১৩	মাউন	পরম্পর সাহায্যদানের	৭১৭
বয়্যিনত	প্রমাণ			বস্তু	
জেল্জাল	ভূমিকম্প	৭১৪	কওসর	স্বর্গস্থ সরোবরবিশেষ	৭১৮
আদিয়া	দ্রুতগামী অশ্ব		কাফেরোণ	ধর্মদ্রোহিগণ	”
কারিয়া	কেয়ামত	৭১৫	নসর	সাহায্য	৭১৯
তকাসোর	বহুতর		লহব	অগ্নিজিহ্বা	”
অসর	কাল		এখ্লাস	নির্মলতা	”
হমজা	দোষ ঘোষণা	৭১৬	ফলক	প্রাতঃকাল	৭২০
ফীল	হস্তী		নাস	মলমল	”
কোরেশ	জাতিবিশেষ	৭১৭			

সিপারা

সমগ্র কোর্-আন্ ত্রিশ ভাগে বিভক্ত। সিপারা শব্দের অর্থ ত্রিশ ভাগের এক ভাগ। প্রত্যেক ভাগের ভিন্ন ভিন্ন নাম। কোন্ পৃষ্ঠার কোন্ সূরার কোন্ আয়ত হইতে কোন্ ভাগ আরম্ভ হইয়াছে, নিম্নে তাহা প্রকাশ করা গেল।

(১)	আলম	পৃষ্ঠা	বকরার	১ম আয়ত
(২)	সইয়কুলো	২০	”	১৩৯
(৩)	তেঙ্করু রোসোলো	৪২	”	২৫১
(৪)	লন্ তনালু	৬৪	আলো এম্ব্রাণের	৯৪
(৫)	মোহসনাত	৮৬	নেসার	২৪
(৬)	লা ইয়ুহেক্বো আল্লাহো	১১২	”	১৪৫
(৭)	ও এজ্রা সমেউ	১৩৫	মায়দার	৮৬
(৮)	ও লও আয়না	১৫৯	এনামের	১১২
(৯)	কালল্গলাও	১৮১	এরাফের	৮৮
(১০)	ও আলমো	২০৭	আনুফালের	৪২
(১১)	ইয় অৎজেক্ফণ	২২৬	তওবার	৯৬
(১২)	ও মা মেন্ দাক্বতেন	২৪৫	হুদের	৭

	পৃষ্ঠা		আয়ত
(১৩) ও মা ওবরিয়ু	২৬২	ইয়ুসোফের *	৫৪
(১৪) রোবমা	২২২	হেজের	২
(১৫) সোব্‌হানল্লজি	৩১৫	বনি এশ্রায়েলের	১
(১৬) কালা আলম্	৩৪৭	কহফের	৭৪
(১৭) অক্‌তরবল্লেরাসে	৩৭৫	আশ্বিয়ার	১
(১৮) কদ্ অফ্‌লহল্‌মোমেগু	৪০১	মুমেন্নের	১
(১৯) ও কালান্নজিন	৪২৭	ফোরকাণের	২২
(২০) আমন্ খলকস্ সয়াত	৪৫২	নমলের	৬০
(২১) ওংলো মা ওহিয়	৪৭৫	অনু'কবুতের	৪৫
(২২) ও মন্ যুক্‌নোৎ	৫০১	আহজাবেবের	৩১
(২৩) ও মা লি	৫২২	ইয়াসের	২২
(২৪) ফ মন্ আজ্‌লমা	৫৫৭	জোমরের	৩২
(২৫) এলয়হে যুরদে।	৫৭৬	হাম সজ্‌দার	৪৬
(২৬) হাম	৫৯৮	আহকাফের	১
(২৭) কালা ফমা গোংবোকোম্	৬২২	জারেয়াতের	৩১
(২৮) কদ্‌সমেয়া আল্লাহো	৬৪৫	মজাদলার	১
(২৯) তবারকল্লজি	৬৬২	মোল্‌কের	১
(৩০) অম্ম	৬৯৪	নবার	১

মঞ্জেল

মঞ্জেল	সূরা	পৃষ্ঠা
প্রথম	ফাতেহা হইতে	১
দ্বিতীয়	মায়দা হইতে	১১৭
তৃতীয়	ইয়ুনস হইতে	২৩১
চতুর্থ	বনিএশ্রায়েল্ হইতে	৩১৫
পঞ্চম	শোঅরা হইতে	৪৩৫
ষষ্ঠ	সাক্‌ফাত হইতে	৫৩৪
সপ্তম	কা হইতে	৬১৭

নির্ঘণ্ট



(বিষয়, স্থরা, রকু, পৃষ্ঠা)

অ

অঙ্গীকারপালন—তওবা, ২ রকু, ২১৪ পৃ।

নহল, ১০ র, ৩১০ পৃ।

অংশবাদীদিগের সম্বন্ধে—তওবা, ১ র, ২১০ পৃ। নহল, ৫—৬ র, ৩০৩—৩০৪ পৃ।

অবিশ্বাসীদিগের সম্বন্ধে—কসস, ৫ র, ৪৬১ পৃ। তওবা, ১৬ র, ২৩০ পৃ। বকরা, ২৬ র, ৩২ পৃ। আলো এমরাণ, ২ র, ৫২ পৃ। ঐ ৮ র, ৬০ পৃ। ঐ ১০ র, ৬৩ পৃ। ঐ ১২ র, ৬৬ পৃ। এনাম, ১ র, ১৪৪ পৃ। ঐ ২ র, ১৫২ পৃ। নেসা, ৭—৮—৯ র, ৯০—৯৫ পৃ।

ঐ ১৬—১৭ র, ১০৬—১০৭ পৃ। ইয়াস, ১ র, ৫২৬ পৃ। জোমোয়া, ১ র, ৬৫২ পৃ। তুর, ২ র, ৬২৬ পৃ। মায়দা, ২ র, ১৩১ পৃ। ঐ ৬ র, ১২৮ পৃ। এরাফ, ২২—২৪ র, ১২৫—১২৭ পৃ। আনুফাল, ৭ র, ২০৮ পৃ। বকরা, ১৪ র, ১৭ পৃ।

অবিশ্বাসী যাববর—ফতহ, ২ র, ৬০২ পৃ। অজুবিষয়ে—মায়দা, ২ র, ১২০ পৃ।

অবরোধপ্রথা—নূর, ৪—৮ র, ৪১৬—৪২২ পৃ। আহজাব, ৭ র, ৫০৭ পৃ। অলৌকিকতা ও কোদ্-আনের মাহাত্ম্য—বনিএস্রায়েল, ১০ র, ৩৩১ পৃ।

অন্তরে নরক—হমজা, ১ র, ৭১৬ পৃ।

অবতীর্ণ সত্যের সঙ্গে অসত্যের মিশ্রণ—রঅদ, ৩ র, ২৮২ পৃ।

আ

আয়ুব এম্বায়িল এদ্রিস প্রভৃতি—আম্বিয়া, ৬ র, ৩৮২ পৃ।

আবুজহলসম্বন্ধে—কেয়ামত, ১ র, ৬৮৯ পৃ।

আদজাতি—আহকাফ, ৩ র, ৬০১ পৃ।

আরাবীলোক—তওবা, ১২ র, ২২৫ পৃ।

আদি প্রেরিতপুরুষগণ এনাম, ১০ র, ১৫৫ পৃ। নেসা, ২১—২২ র, ১১২—১১৩ পৃ। আম্বিয়া, ১ র, ৩৭৫ পৃ। রঅদ, ৫—৬ র, ২৮৩—২৮৪ পৃ। জারেন্নাত, ২ র, ৬২১ পৃ।

আশ্রয়লাভবিষয়ে—ফলক, ১ র, ৭২০ পৃ। নাস, ১ র, ৭২০ পৃ।

আদম—বকরা, ৪ র, ৫ পৃ।

আদ ও সমুদজাতির শাস্তি—সেজ্জা, ২ র, ৪২২ পৃ।

আজলামবিষয়ে—মায়দা, ১ র, ১১৭ পৃ। ঐ ১২ র, ১৩৬ পৃ।

আবরণ সম্বন্ধে—আহজাব, ৮ র, ৫০৮ পৃ। নূর, ৮ র, ৪২২ পৃ।

আয়ুবের বিষয়—স, ৪ র, ৫৫০ পৃ।

আবরণ সম্বন্ধীয়—আহজাব, ৬ র, ৫০৪ পৃ।

আবরহার মকা আক্রমণ—ফীল, ১ র, ৭১৬ পৃ।

আবুলহবের শাস্তিবিষয়ে—লহব, ১ র, ৭১২ পৃ।

ই

ইহুদিজাতি—নেসা, ২২ র, ১১৩ পৃ।

এরাফ, ২১ র, ১২৩ পৃ। জোমোয়া, ১ র, ৬৫২ পৃ।

ইয়ুসেনের বিষয়—সাক্ফাত, ৫ র, ৫৪২ পৃ।

ইয়ুনস, ১০ র, ২৪১ পৃ। কলম, ২ র, ৬৭৪ পৃ।

ইজিল—মায়দা, ৭ র, ১২২ পৃ।

ইয়ুসোফের বিষয়—ইয়ুসোফ, ১—১১ র, ২৬০—২৭৫ পৃ।

ঈ

ঈশ্বরের অধিতীয়ত্ব—আঘিয়া, ২ র, ৩৭৬ পৃ।

নহল, ৭ র, ৩০৪ পৃ। ইয়ুনস, ১ র, ২৩১ পৃ। হেজর, ২ র, ২২৩ পৃ।

ঈশ্বরের মহিমা—শুরা, ১—২ র, ৫৭৭—

৫৭৮ পৃ। জোথ্রোফ, ১ র, ৫৮২ পৃ।

ইয়াস, ৩ র, ৫৩০ পৃ। হশর, ৩ র,

৬৫৩ পৃ। তগাবোন, ২ র, ৬৬৩ পৃ।

মোল্ক, ১ র, ৬৬২ পৃ। নবা, ১ র, ৬২৪

পৃ। রুম, ৫ র, ৪৮৪ পৃ। লোকমান,

৩—৪ র, ৪৮২—৪২০ পৃ। নজম, ৩ র,

৬২২ পৃ। কা, ১ র, ৬১৭ পৃ। জারেয়াত,

৩ র, ৬২৩ পৃ। বোরুজ্জ, ১ র, ৭০৩ পৃ।

বনিএশায়েল, ৫—৬ র, ৩২৪—৩২৫

পৃ। আঘিয়া, ৩ র, ৩৭৮ পৃ। ঈ ৫ র,

৩৮০ পৃ। ইয়ুনস, ৩—৭ র, ২৩৪—

২৩৮ পৃ। রঅদ, ২ র, ২৭২ পৃ।

কহফ, ১ র, ৩৩৫ পৃ। জোথ্রোফ,

৭ র, ৫৮২ পৃ। হদিদ, ১ র, ৬৪১

পৃ। জোমর, ১ র, ৫৫৩ পৃ। গাশিয়া,

১ র, ৭০৫ পৃ।

ঈশ্বর ও তাঁহার অংলী—ইয়ুনস, ৪ র, ২৩৫ পৃ।

ঈশ্বরের অঙ্গীকার—হদিদ, ১র, ৬৪১ পৃ।

নহল, ৭র, ৩০৪ পৃ।

ঈশ্বর-স্মরণে অবহেলার শাস্তি—জোথ্রোফ,

৪ র, ৫৮৬ পৃ।

ঈশ্বরের করুণা—হদিদ, ৩র, ৬৪৩ পৃ।

নহল, ১১ র, ৩০৮ পৃ।

ঈশ্বর ও শয়তান—স, ৫ র, ৫৫২ পৃ।

ঈশ্বরের ক্রিয়া—বহ্মাণ, ১—৩ র, ৬৩৪—

৬৩৬ পৃ। নহল, ৩ র, ৩০১ পৃ।

ঈশ্বরের বিচার—আঘিয়া, ২ র, ৩৭৬ পৃ।

ঈশ্বরের অনন্তবাণী—কহফ, ১২ র, ৩৫০ পৃ।

লোকমান, ৩ র, ৪৮২ পৃ।

ঈশ্বরসম্বন্ধীয়—ফাতেহা, ১ র, ১ পৃ।

তওবা, ১০ র, ২২৩ পৃ। বকরা, ৩ র,

৪ পৃ। ঈ ৩৪ র, ৪২ পৃ। এনাম,

২ র, ১৪৫ পৃ। ঈ ৬—৭ র, ১৪২—

১৫০ পৃ। মায়দা, ১২—১৩ র, ১৩৬—

১৩৮ পৃ। এরাফ, ৭ র, ১৭৬ পৃ। হজ্জ,

৫ র, ৩২৩ পৃ। ঈ ২ র, ৭৮২। ঈ ৬—

১০ র, ৩২৪—৩২৮ পৃ। মুয়েন্ন, ৫ র,

৪০৮ পৃ। নূর, ৬ র, ৪২০ পৃ। ফোরকাণ,

১ র, ৪২৫ পৃ। ঈ ৫ র, ৪৩১ পৃ।

নমল, ৫ র, ৪৫২ পৃ। মুয়েন, ৭ র,

৫৬৮ পৃ। এখ্লাস, ১ র, ৭১২ পৃ।

ঈশ্বরের নেতৃত্ব—নূর, ৫ র, ৪১২ পৃ। বকরা, ৩৪ র, ৪২ পৃ। *

ঈশ্বরের শান্তি—বকরা, ২০ র, ২৪ পৃ। এনাম, ৫ র, ১৪৮ পৃ। ঐ ৮ র, ১৫১ পৃ। এরাফ, ১ র, ১৬২ পৃ। ঐ ৪ র, ১৭২ পৃ। ঐ ১২ র, ১৮২ পৃ। মুমেন্ন, ৩ র, ৪০৪ পৃ। ঐ ৬ র, ৪০২ পৃ। বনিএশ্রায়েল, ২ র, ৩১২ পৃ। জারেয়াত, ১ র, ৬২০ পৃ। ইয়ুনস, ২—৩ র, ২৩২—২৩৪ পৃ।

ঈসাঈদিগের সম্বন্ধে—মায়দা, ৩ র, ১২২ পৃ। ঐ ১৬ র, ১৪৩ পৃ। ঐ ১১ র, ১৩৪ পৃ। নেসা, ২২ র, ১১৩ পৃ।

ঈসাসম্বন্ধীয়—জোখুরোফ, ৬ র, ৫৮৭ পৃ। আলো এমরাণ, ৫—৬ র, ৫৬—৫৮ পৃ। নেসা, ২২ র, ১১৩ পৃ। মায়দা, ১০ র, ১৩৩ পৃ। ঐ ১৫—১৬ র, ১৪১—১৪৩ পৃ।

উ

উপদেশ—আলো এমরাণ, ১১ র, ৬৫ পৃ। এনাম, ৪ র, ১৪৭ পৃ। আনফাল, ৬ র, ২০৮ পৃ।

উপজীবিকা বিষয়ে—নহল, ১০ র, ৩০৭ পৃ।

ঋ

ঋতু—বকরা, ২৮ র, ৩৫ পৃ।

ঋণসম্বন্ধে—বকরা, ৩২ র। ৪২ পৃ।

এ

এব্রাহিমতত্ত্ব—শোঅরা, ৫ র, ৪৩২ পৃ। অনুকবুত, ৩ র, ৪৭২ পৃ। সাক্ফাত,

৩ র, ৫৩৮ পৃ। জোখুরোফ, ৩ র, ৫৮৫ পৃ। হেজর, ৪ র, ২২৫ পৃ। আশ্বিয়া, ৭ র, ৩৮০ পৃ। হুদ, ৭ র, ২৫৩ পৃ। নহল, ১৬ র, ৩১৪ পৃ। আলো এমরাণ, ৭ র, ৫২ পৃ। এনাম, ৯ র, ১৫২ পৃ। মরয়ম, ৩ র, ৩৫৬ পৃ। এব্রাহিম, ৬ র, ২৮২ পৃ।

এশ্রায়েলবংশীয়—দোখান, ২ র, ৫২৩ পৃ। বকরা, ৫—১৬ র, ৬—১২ পৃ। ঐ ৩২—৩৩ র, ৩২—৪১ পৃ। মায়দা, ৩—৪ র, ১২২—১২৪ পৃ। ঐ ৬ র, ১২৮ পৃ। সেজ্জাদা, ৩ র, ৪২৪ পৃ।

এলিয়াস—সাক্ফাত, ৪ র, ৫৪১ পৃ।

এব্রাহিমের ধর্ম—মোম্বতহেনত, ১ র, ৬৫৪ পৃ।

এন্তাকিয়াবাসিগণের প্রেরিতদিগের প্রতি ব্যবহার—ইয়াস, ২ র, ৫২৭ পৃ।

ও

ওহোদের সংগ্রাম—আলো এমরাণ, ১৬ র, ৭১ পৃ।

ক

কর্তব্যপালন—বনিএশ্রায়েল, ৩ র, ৩২১ পৃ। কাবিল ও হাবিলের বৃত্তান্ত—মায়দা, ৫ র, ১২৫ পৃ।

কোব্-আন্ সম্বন্ধে—হাক্কা, ২ র, ৬৭৬ পৃ। দোখান, ১ র, ৫২১ পৃ। মায়দা, ৭ র, ১২২ পৃ। এনাম, ১১ র, ১৫৬ পৃ। বকরা, ১৭—১৮ র, ২১—২২ পৃ। অনুকবুত, ৫ র, ৪৭৫ পৃ। আহকাফ, ১ র, ৫২৮ পৃ। ইয়ুনস, ৪ র, ২৩৫ পৃ। শোঅরা, ১১ র, ৪৪৪ পৃ। কোরকাণ,

১ র, ৪২৫ পৃ। ঐ ২ র, ৪২৬ পৃ। নমূল,
৬ র, ৪৫৩ পৃ। জেলজাল, ১ র, ৭১৪ পৃ।
আদিয়া, ১ র, ৭১৪ পৃ। কারেয়া, ১ র,
৭১৫ পৃ।

কেয়ামত—জাসিয়া, ৪ র, ৫২৭ পৃ। এনাম,
১৫ র, ১৬০ পৃ। এরাফ, ২৩ র, ১২৭ পৃ।
কসস, ৭ র, ৪৬৪ পৃ। ক্রম, ২—৩ র,
৪৮০—৪৮১ পৃ। নাজেয়াত, ১ র,
৬২৬ পৃ। হাক্কা, ১ র, ৬৭৫ পৃ। মোর্-
সলাত, ১ র, ৬২৩ পৃ। মেরাজ, ১—২ র,
৬৭৭—৬৭৮ পৃ। কেয়ামত, ১ র,
৬৮২ পৃ। লোকমান, ৪ র, ৪২০ পৃ।
সেজ্জা, ৩ র, ৪২৪ পৃ। আহজাব, ৮ র,
৫০৮ পৃ। নবা, ২ র, ৬২৫ পৃ। শুরা, ২ র,
৫৭৮ পৃ। ঐ ৫ র, ৫৮১ পৃ। দোখান,
২ র, ৫২৩ পৃ। কা, ২ র, ৬১৮ পৃ।
মুমেন্ন, ৩ র, ৪০৪ পৃ। ঐ ৬ র, ৪০২
পৃ। ফোরকাণ, ২—৩ র, ৪২৬—৪২৭
পৃ। নহল, ১২ র, ৩০২ পৃ। এব্রাহিম,
৭ র, ২২০ পৃ। তগাবোন, ১ র,
৬৬২ পৃ। এনশকাক, ১ র, ৭০২
পৃ। ওয়াক্কেয়া, ১—৩ র, ৬৩৮—৬৪০
পৃ। তৎফিক, ১ র, ৭০১ পৃ।

কাবামন্দির—হজ্জ, ৪ র, ৩২১ পৃ। আলো
এমরাণ, ১০ র, ৬৩ পৃ। মুমেন, ২ র,
৫৬৩ পৃ। জোমর, ৭ র, ৫৬০ পৃ।

কপটলোক—তওবা, ৭—২ র, ২২০—
২২৩ পৃ। ঐ ১৩ র, ২২৬ পৃ।
নেসা, ২১ র, ১১২ পৃ। মুমেন্ন, ৩ র,
৪০৪ পৃ। হশর, ২ র, ৬৫২ পৃ।
মোহম্মদ, ৩ র, ৬০৫ পৃ। মজাদলা,
৩ র, ৬৪৮ পৃ। নহল, ৭ র, ৩০৪ পৃ।

মোনাফেকোন, ১ র, ৬৬১ পৃ। সফ্ফ,
১ র, ৬৫৮ পৃ।

কারুণের বৃত্তান্ত—কসস, ৮ র, ৪৬৬ পৃ।

কওসর বিষয়ে—কওসর, ১ র, ৭১৮ পৃ।

কাফেরদিগের সন্ধে—হেজর, ১ র, ২২২
পৃ। মোম্তহেনত, ১ র, ৬৭৪ পৃ।
কমর, ৩ র, ৬৩৩ পৃ। শোঅরা, ১ র,
৪৩৫ পৃ। হজ্জ, ২—৩ র, ৬৮২—৬৯১
পৃ। ঐ ৭ র, ৩২৫ পৃ। নূর, ৫ র, ৪০২
পৃ। ফোরকাণ, ১ র, ৪২৫ পৃ। ঐ
৩—৪ র, ৪২৭—৪২২ পৃ। মুমেন,
১ র, ৫৬২ পৃ। কহফ, ৭ র, ৩৪৪
পৃ। রঅদ, ৪—৫ র, ২৮২—২৮৩ পৃ।
মাউন, ১ র, ৭১৭ পৃ। কাফেরোণ, ১ র,
৭১৮ পৃ।

কেব্‌লার বিষয়—বকরা, ১৭ র, ২১ পৃ।

কোরেশ জাতি বিষয়ে—কোরেশ, ১ র,
৭১৭ পৃ।

কথাহত্যা—নহল, ৭ র, ৩০৪ পৃ।

কার্‌যের বিনিময়—শুরা, ৪ র, ৫৮০ পৃ।

কোরবাণী (বলিদান)—হজ্জ, ৪—৫ র,
৩২১—৩২৩ পৃ।

কোর্-আন্ ও পুণ্যকর্ষ—দহর, ২ র, ৬২২ পৃ।

কাফেরদিগের সন্ধে বন্ধুতাবিষয়ে—নেসা,
২১ র, ১১২ পৃ।

কোর্-আনের মূলসত্য ও মাদৃশ্চাত্ত্বিক অনিত্য
উক্তি—আলো এমরাণ, ১ র, ৫০ পৃ।

খাত্মাখাত্মবিধি—বকরা, ২১ র, ২৪ পৃ।

হজ্জ, ৪ র, ৩২১ পৃ। নূর, ৮ র, ৪২২
পৃ। মায়দা, ১ র, ১১৭ পৃ। ঐ ১২ র,

১৩৬ পৃ। এনাম, ১৭—১৮ র, ১৬৪—
১৬৫ পৃ। ঐ ১৪ র, ১৫২ পৃ। ঐ ১৬ র,
১৬৫ পৃ। নহল, ১৫ র, ৩১৩ পৃ।
খাত্তবস্ততে ঈশ্বরের করুণা—নহল, ২ র,
৩০৬ পৃ।
খেজর ও মুসার বৃত্তান্ত—কহফ, ২—১০ র,
৩৪৫—৩৪৬ পৃ।

গ

গ্রাম্য পশু ও ঈশ্বরের শাস্তি—মুমেন, ২ র,
৫৭০ পৃ।
গুপ্ত কথা—মজাদলা, ২ র, ৬৪৬ পৃ।
গর্তনিবাসী যুবকগণ—কহফ, ১—৪ র,
৩৩৫—৩৪০ পৃ।
গ্রন্থাদিকারীদিগের সম্বন্ধে—বয়িনত, ১ র,
৭১৩ পৃ।

চ

চোরের শাস্তি—মায়দা, ৬ র, ১২৮ পৃ।
চন্দ্র দ্বিখণ্ডিত হওয়ার বিষয়—কমর, ১ র,
৬৩১ পৃ।

জ

জোলকরণয়নের বৃত্তান্ত—কহফ, ১১ র,
৫৪৮ পৃ।
জৈহাদ (ধর্মযুদ্ধ)—বকরা, ২৪ র, ২৮ পৃ।
ঐ ২৬—২৭ র, ৩২—৩৩ পৃ। নেসা,
১০—১৪ র, ২৭—১০৪ পৃ। ঐ ১৫ র,
১০৫ পৃ। তওবা, ৪—৫ র, ২১৬—
২১৭ পৃ। ঐ ১১ র, ২২৪ পৃ। ঐ ১ র,
২১৩ পৃ। তহরিম, ২ র, ৬৬৮ পৃ।
আহজাব, ২ র, ৪২৭ পৃ। হজ্জ, ৬ র,
৩২৪ পৃ। আনফাল, ৫ র, ২০৬ পৃ।

জকরিয়ার বিষয়—আলোএমরাণ, ৪ র, ৫৪
পৃ। মরয়ম, ১ র, ৩৫২ পৃ।
জকুম তরুর বিষয়—সাফ্ফাত, ২ র, ৫৩৬
পৃ।
জয়দের পুত্রবিষয়—আহজাব, ১ র, ৪২৫
পৃ।
জয়নবের বিবাহবৃত্তান্ত—আহজাব, ৫ র,
৫০২ পৃ।
জৈহাদে ব্যয়ের ফলাফল—মোহম্মদ, ৪র,
৬০৬ পৃ।
জেরিলের বিষয়—মোদিস্‌সের, ১ র, ৬৮৬
পৃ। ফাতেহা, ১ র, ১ পৃ। বকরা, ১২ র,
১৫ পৃ। শোঅরা, ১১ র, ৪৪৪ পৃ। ক্বম,
১ র, ৪৭৮ পৃ।

ত

তওরাতগ্রন্থ—মায়দা, ৭ র, ১২২ পৃ।
তলাক (স্ত্রীবর্জন)—বকরা, ২৮—৩১
র, ৩৫—৩৮ পৃ। তলাক, ১ র,
৬৬৪ পৃ।
তালুত ও জালুতের বিষয়—বকরা, ৩২—
৩৩ র, ৩২—৪১ পৃ।

দ

দান—বকরা, ৩৬—৩৭ র, ৪৫—৪৬ পৃ।
ঐ ২৬ র, ৩২ পৃ। নেসা, ৬ র, ৮৮ পৃ।
দাসদাসীর প্রতি ব্যবহার—নূর, ৪ র,
৪১৬ পৃ।
দণ্ড পুরস্কার—জোমর, ২—৩ র, ৫৫৫—
৫৫৬ পৃ। সবা, ১ র, ৫১০ পৃ। কসস,
২ র, ৪৬৮ পৃ। মোহম্মদ, ২ র, ৬০৪
পৃ। মরয়ম, ৫ র, ৩৫২ পৃ। রআদ,

৩—৪ র, ২৮২ পৃ। এব্রাহিম, ২—৫ র, ২৮৬—২৮৯ পৃ। ফাতের, ১ র, ৫১৯ পৃ।

দাউদের কাহিনী—নমূল, ২—৩ র, ৪৪৭—৪৪৯ পৃ। বকরা, ৩২ র, ৩৯ পৃ। স, ১ র, ৫৪৫ পৃ। ঐ ৩ র, ৫৪৮ পৃ। দৈত্যদিগের ধর্মগ্রহণ ও প্রচার—আহকাফ, ৪ র, ৬০২ পৃ।

দল সম্বন্ধে—কুম, ৪ র, ৪৮২ পৃ। আনফাল, ৬ র, ২০৮ পৃ।

দৈত্যদিগের বিষয়—জেন্ন, ১ র, ৬৮১ পৃ।

দূতক্রীড়া—বকরা, ২৭ র, ৩৩ পৃ। মায়দা, ১২ র, ১৩৬ পৃ।

দৃষ্টান্তযোগে উপদেশ—কহফ, ৫—৬ র, ৩৪২—৩৪৩ পৃ।

ধ

ধনবিভাগ—নেসা, ১ র, ৮০ পৃ। ঐ ৩ র, ৮৫ পৃ। ঐ ৫ র, ৮৭ পৃ। ঐ ২৩ র, ১১৬ পৃ। আনফাল, ৫ র, ২০৬ পৃ।

ধর্মগ্রহণে বলপ্রয়োগবিষয়ে—ইয়ুনস, ১০ র, ২৪১ পৃ। বকরা, ৩৪ র, ৪২ পৃ।

ধার্মিক অধার্মিকের অবস্থার পার্থক্য—জোখরোফ, ৩ র, ৫৮৫ পৃ।

ধর্মকে বিভক্ত করার বিষয়—এনাম, ২০ র, ১৬৭ পৃ।

ধর্ম স্বাভাবিক—কুম, ৪ র, ৪৮২ পৃ।

ধার্মিকের পুরস্কার—হামসজ্জদা, ৪ র, ৫৭৪ পৃ।

ধর্মক্রিয়া (ধর্মার্থ দান রোজাপালনাদি)—হজ্জ, ৬ র, ৩৯৪ পৃ।

ধর্মশাস্ত্রের অবিমিশ্র ও বিমিশ্র সত্য বিষয়ে—রআদ, ২ র, ২৭৯ পৃ।

ন

নমাজ—বকরা, ৩১ র, ৩৮ পৃ। মায়দা, ২ র, ১২০ পৃ। নেসা, ৭ র, ৯০ পৃ। এরাফ, ৩ র, ১৭১ পৃ। মোজ্জম্মেলো, ২ র, ৬৮৫ পৃ।

নরকদণ্ডবিষয়ে—মুমেন, ৮ র, ৫৬৯ পৃ। স, ৪ র, ৫৫০ পৃ। মোজ্জম্মেলো, ২ র, ৬৮৫ পৃ। তকাসোর, ১ র, ৭১৫ পৃ।

নরকবাসীদিগের সম্বন্ধে—মোল্ক, ১ র, ৬৬৯ পৃ।

নুহার প্রসঙ্গ—নুহা, ১—২ র, ৬৭৯—৬৮০ পৃ। সাফফাত, ৩ র, ৫৩৮ পৃ। ফোরকাণ, ৪ র, ৪২৯ পৃ। মুমেনুন, ২ র, ৪০৩ পৃ। শোঅরা, ৬ র, ৪৪০ পৃ। এরাফ, ৮ র, ১৭৬ পৃ। আযিয়া, ৬ র, ৩৮২ পৃ। ইয়ুনস, ৮ র, ২৩৯ পৃ। হুদ, ৩—৪ র, ২৪৭—২৪৮ পৃ।

নিদর্শন ও কোরু-আনু—ফাতের, ৫ র, ৫২৪ পৃ।

নুহীয়া সম্প্রদায় ও আদজাতি—কমর, ১ র, ৬৩১ পৃ।

নাসাচরণ—বনিএশ্রায়েল, ৪ র, ৩২২ পৃ।

নুহা, লুত ও ফেরওণের স্ত্রী—তহরিম, ২ র, ৬৬৮ পৃ।

প

পূর্বতন প্রেরিতমণ্ডলী—হদীদ, ৪ র, ৬৪৪ পৃ।

পুরাতন পদ্ধতিপ্রিয়তা—জোখরোফ, ২ র, ৫৮৪ পৃ।

পিতামাতা, স্বগণ ও দরিদ্রের প্রতি কর্তব্য

ব

—বনিএশায়েল, ৩ র, ৩২১ পৃ।

প্রতিশোধ ও ধৈর্য—নহল, ১৬ র, ৩১৪ পৃ।

প্রেরিত পুরুষসম্বন্ধে—নূর, ৭ র, ৪২১ পৃ।

মুন্মেন্ন, ৩ র, ৪০৪ পৃ। ইয়ুনস, ৫ র,

২৩৬ পৃ। নেসা, ২১—২২ র, ১১২—

১১৩ পৃ। জারেয়াত, ২ র, ৬২১ পৃ। স,

১ র, ৫৪৫ পৃ। আশিয়া ১ র, ৩৭৫ পৃ।

রঅদ, ৫—৬ র, ২৮৩—২৮৪ পৃ।

প্রত্যাদেশ—হজ্জ, ৭ র, ৩২৫ পৃ। গুরা, ৫

র, ৫৮১ পৃ। মোজ্জমেলো, ১ র, ৬৮৪ পৃ।

পবিত্রাত্মাবিষয়ে—বকরা, ১১ র, ১৩ পৃ।

প্রত্যাবর্তন—তওবা, ১৪ র, ২২৮ পৃ।

প্রেরিতকে গৌরব দান—ফত্হ, ১ র,

৬০৭ পৃ।

পিতামাতা ও সন্তান—আহকাফ, ২ র,

৫২২ পৃ।

প্রেরিতপুরুষের ধর্ম গ্রহণ—জের, ২ র,

৬৮৩ পৃ।

প্রতিমাপূজাবিষয়ে—হজ্জ, ১০ র, ৩২৮ পৃ।

হামসজদা, ২ র, ৫৭২ পৃ।

প্রেরিতপুরুষদিগের ভূত ও ভবিষ্যতে

অভ্যুদয়সম্বন্ধে—মুন্মেন্ন, ৮ র, ৫৬২ পৃ।

পারলৌকিক শাস্তি—আশিয়া, ৭ র, ৩৮৬

পৃ। নহল, ৪ র, ৩০২ পৃ। কহফ, ১২ র,

৩৫০ পৃ। গাশিয়া, ১ র, ৭০৫ পৃ।

ফ

ফেরগণ ও তাহার সম্প্রদায়ের প্রতি শাস্তি—

হুদ, ২ র, ২৫৭ পৃ।

বিবাহসম্বন্ধীয়—নূর, ৩—৪ র, ৪১৫—৪১৬

পৃ। বকরা, ২৭ র, ৩৩ পৃ। ঐ ৩০

র, ৩৭ পৃ। নেসা, ১ র, ৮০ পৃ। ঐ

৩—৫ র, ৮৫—৮৭ পৃ। আহজাব, ৬ র,

৫০৪ পৃ।

বিচারের দিন—এন্ফেতার, ১ র, ৭০০ পৃ।

বিধি অস্বীকারবিষয়ে—কহফ, ৮ র, ৩৪৪

পৃ।

ব্যভিচার সম্বন্ধে—নূর, ১—২ র, ৪১২—

৪১৩ পৃ।

বিধিপালনবিষয়ে—বকরা, ২২ র, ২৫ পৃ।

এনাম, ১২ র, ১৬৬ পৃ।

বিধিপরিবর্তনবিষয়ে—নহল, ১৪ র, ৩১১ পৃ।

বদরের যুদ্ধ—আন্ফাল, ১—২ র, ২০০—

২০২ পৃ। ঐ ২ র, ২১০ পৃ।

বিজয়সংবাদ—নসর, ১ র, ৭১২ পৃ।

বিশ্বাসীদিগের সম্বন্ধে—মুন্মেন্ন, ১ র, ৪০১

পৃ। ঐ ৩ র, ৪০৪ পৃ। নূর, ৫ র,

৪১২ পৃ। ঐ ৭ র, ৪২১ পৃ। ফোরকাণ,

৬ র, ৪৩৩ পৃ। হজ্জ, ২—৩ র, ৩৮২—

৩২১ পৃ। ঐ ৭ র, ৩২৫ পৃ। ঐ ১০ র,

৩২৮ পৃ। মোনাফেকোন, ২ র, ৬৬২

পৃ। তহরিম, ২ র, ৬৬৮ পৃ। ফত্হ

৩—৪ র, ৬১০—৬১২ পৃ। বকরা, ১ র,

২ পৃ। ঐ ১৩ র, ১৬ পৃ। ঐ ১২ র,

২২ পৃ। ঐ ২৬ র, ৩২ পৃ। ঐ ৪০ র,

৪২ পৃ। আলো এমরাণ, ১ র, ৫০

পৃ। ঐ ১৪—১৭ র, ৬২—৭৪ পৃ।

মায়দা, ১—২ র, ১১৭—১২০ পৃ।

ঐ ৮ র, ১৩০ পৃ। তওবা, ২ র, ২২৩

পৃ। কসস, ৬ র, ৪৬৩ পৃ। আহজাব, ৩ র, ৪২২ পৃ। হোজরাত, ২ র, ৬১৫ পৃ।

বিশ্বাসী ও অবিশ্বাসী—ফৎহ, ১ র, ৬০৭ পৃ। হদিদ, ১ র, ৬৪২ পৃ।

বৈধাবৈধ মাস বিষয়ে—তওবা, ৫ র, ২১৭ পৃ।

বিষুদ্ধ ধর্ম—কম, ৪ র, ৪৮২ পৃ।

বিশ্বাস ও ধর্মাত্মকূল্যবিষয়ে—সফ্ফ, ২ র, ৬৫২ পৃ।

বিশ্বাসীদিগের পরস্পরের সম্মিলন—হোজরাত, ১ র, ৬১৩ পৃ।

বিশ্বাসীর পুরস্কার—বোরুজ, ১ র, ৭০৩ পৃ।

ড

ভাগ্যবান ও হতভাগ্য—লয়ল, ১ র, ৭০২ পৃ।

ম

মুসার প্রসঙ্গ—ইয়ুনস, ২ র, ২৪০ পৃ।

কসস, ১—৪ র, ৪৫৫—৪৬০ পৃ।

মরয়ম, ৪ র, ৩৫৭ পৃ। ফোরকাণ, ৪ র,

৪২২ পৃ। শোঅরা, ২—৪ র, ৪৩৫—

৪৩৮ পৃ। এত্রাহিম, ১—২ র, ২৮৫—

২৮৬ পৃ। এরাফ, ১৩—২০ র, ১৮২—

১২২ পৃ। মায়দা, ৪ র, ১২৪ পৃ।

ম্মেন, ৩—৪ র, ৫৬৪—৫৬৫ পৃ।

আহজাব, ২ র, ৫০২ পৃ। দোখান,

১ র, ৫২১ পৃ। জোখ্রোফ, ৫ র,

৫৮৬ পৃ। তাহা, ১—৫ র, ৩৬২—

৩৭০ পৃ।

মনোমধ্যে কোর্-আনের প্রত্যাদেশ—বকরা, ১২ র, ১৫ পৃ।

মরয়মের প্রসঙ্গ—আলো এমরাণ, ৪—৫ র, ৫৪—৫৬ পৃ। মরয়ম, ২ র, ৩৫৩ পৃ।

মদয়ন জাতি ও শোয়ব পেগাধর—এরাফ, ১১ র, ১৮১ পৃ।

মৃত্যু ও শাস্তি—জোমর, ৫ র, ৫৫৮ পৃ।

মণ্ডলীর বিচ্ছেদ ও মিলন—শুরা, ২ র, ৫৭৮ পৃ।

মুসা ও হারুণের প্রসঙ্গ—সফ্ফ, ১ র, ৬৫৮ পৃ।

মেরাজ (স্বর্গারোহণ)—নজম, ১ র, ৬২৭ পৃ।

মল্লম্বাস্তি—তারেক, ১ র, ৭০৪ পৃ। হেজর, ৩ র, ২২৪ পৃ।

মৃত্যুসম্বন্ধীয়—নহল, ৮ র, ৩০৫ পৃ। বলদ, ১ র, ৭০৮ পৃ। তীন, ১ র, ৭১১ পৃ।

অলক, ১ র, ৭১২ পৃ।

য

যুদ্ধবিরোধী ও বিশ্বাসীদিগের দণ্ড পুরস্কার—মোহম্মদ, ১ র, ৬০৩ পৃ।

র

রোজা (উপবাসব্রত)—বকরা, ২৩ র, ২৬ পৃ।

রুমের পরাজয়—কম, ১ র, ৪৭৮ পৃ।

ল

লুত পেগাধর—শোঅরা, ২ র, ৪৪২ পৃ।

নমল, ৪ র, ৪৫১ পৃ। এরাফ, ১০ র, ১৭২ পৃ। অনুবৃত্ত, ৩—৪ র, ৪৭২—

৪৭৪ পৃ। হেজর, ৫ র, ২২৬ পৃ।

লুষ্ঠিত সামগ্রী বিষয়ে—আন্ফাল, ১ র, ২০০ পৃ।

লোকমানের প্রসঙ্গ—লোকমান, ২ র, ৪৮৭ পৃ।

শ

শয়তানের প্রসঙ্গ—বনিএশায়েল, ৭ র, ৩২৭ পৃ। নেসা, ১৮ র, ১০৮ পৃ। হেজর, ৩ র, ২২৪ পৃ। ফাতের, ১ র, ৫১২ পৃ। কহফ, ৭ র, ৩৪৪ পৃ।

শপথবিষয়ে—মায়দা, ১২ র, ১৩৬ পৃ।

শিকার—মায়দা, ১৩ র, ১৩৮ পৃ।

শুক্লাসরীয় নমাজ—জোমোয়া, ২ র, ৬৬০ পৃ।

শাস্তিবিষয়ে—সবা, ৪ র, ৫১৬ পৃ। সেজ্‌দা, ২—৩ র, ৪২২—৪২৪ পৃ। অনুকবৃত, ৬ র, ৪৭৭ পৃ। জোমর, ৬ র, ৫৫২ পৃ। মুয়েন, ৫—৬ র, ৫৬৬—৫৬৮ পৃ।

শবেকদর—কদর, ১ র, ৭১৩ পৃ।

শোয়ব পেগাঘরের প্রসঙ্গ—অনুকবৃত, ৪ র, ৪৭৪ পৃ। হুদ, ৮ র, ২৫৬ পৃ।

শয়তান ও আদম এবং মল্লুগা—এরাফ, ২ ৩ র, ১৭০—১৭১ পৃ।

শত্রুকুলের জীপুরুষদিগের প্রতি কর্তব্য—মোম্তহেনত, ২ র, ৬৫৫ পৃ।

স

সৃষ্টিক্রিয়া—মুয়েন্ন, ১ র, ৪০১ পৃ। লোক-মান, ১ র, ৪৮৬ পৃ। কুম, ৩—৪ র, ৪৮১—৪৮২ পৃ। সেজ্‌দা, ১ র, ৪২১ পৃ। নহল, ১ র, ২২২ পৃ। রঅদ, ১ র, ২৭৮ পৃ। হাম সজ্জা, ২ র, ৫৭২ পৃ।

সংঘমন—মুয়েন্ন, ১ র, ৪০১ পৃ।

স্বর্গ ও নরক—ফোরকাণ, ২ র, ৪২৬ পৃ। এরাফ, ৫—৬ র, ১৭৪—১৭৫ পৃ। ইয়াস, ৪—৫ র, ৫৩১—৫৩২ পৃ। জোমর, ৮ র, ৫৬১ পৃ। সাক্‌ফাত, ২ র, ৫৩৬ পৃ।

কা, ৩ র, ৬১২ পৃ। ওয়াকেষা, ১ র, ৬৩৮ পৃ। আহকাফ, ২ র, ৫২২ পৃ। মোহম্মদ, ২ র, ৬০৪ পৃ। নেসা, ১৮ র, ১০৮ পৃ।

সকল শাস্তিকে মাগ্ন করা বিষয়ে—বকরা, ১০ র, ১২ পৃ।

সালেহ পেগাঘর—শোঅরা, ৮ র, ৪৪২ পৃ।

নহল, ৪ র, ৪৫১ পৃ। এরাফ, ১০ র, ১৭২ পৃ।

সালেহ ও লুত—কমর, ২ র, ৬৩২ পৃ।

সৃষ্টি, এব্রাহিম ও হুহা—অনুকবৃত, ২ র, ৪৭১ পৃ।

সমুদ জাতি—শম্‌স, ১ র, ৭০২ পৃ।

স্ত্রী পুরুষের লজ্জা ও সতর্কতা—নূর, ৪ র, ৪১৬ পৃ।

সাম্প্রদায়িক সম্মিলন—শুবা, ২ র, ৫৭৮ পৃ।

স্বামী স্ত্রী—নেসা, ১২ র, ১০২ পৃ।

সন্ধিবিগ্রহ—আনফাল, ৮ র, ২০২ পৃ।

স্ত্রীবর্জন—আহজাব, ৬ র, ৫০৪ পৃ। তলাক, ১ র, ৬৬৪ পৃ।

স্ত্রীধন—আহজাব, ৬ র, ৫০৪।

স্ত্রীলোকের প্রতি শাসন—নেসা, ৬ র, ৮৮ পৃ।

সাক্ষাদান বিষয়ে—মায়দা, ১৪ র, ১৩২ পৃ।

সমুদায় প্রেরিতকে গ্রহণ—বকরা, ১৬ র, ১২ পৃ। মুয়েন, ৭ র, ৫৬৮ পৃ। নেসা, ২১ র, ১১২ পৃ। ঐ ২৩ র, ১১৫ পৃ।

সোলয়মান—নম্‌ল, ২—৩ র, ৪৪৭—৪৪৯ পৃ। সবা, ২ র, ৫১১ পৃ। স, ৩ র, ৫৪৮ পৃ।

সর্বশ্রেণীর সাধুর প্রতি অভয় বাণী—মায়দা, ১০ র, ১৩৩ পৃ।

সন্তানহত্যা—এনাম, ১৬ র, ১৬১ পৃ।

স্বর্গবাসীদের স্থবর্ণন—দহর, ১ র, ৬২০ পৃ।

সাধুর পুরস্কার—ফাতের, ৪ র, ৫২৩ পৃ।

স্বর্গস্থদের বর্ণনা—১ র, ৬১৭ পৃ।

স্বর্গস্থদের—হশর, ১ র, ৬৪২ পৃ।

স্বরাপানবিষয়ে—বকরা, ২৭ র, ৩৩ পৃ।
মায়দা, ১২ র, ১৩৬ পৃ।

স্বদ্রব্ধবিষয়ে—বকরা, ৩৮ র, ৪৭ পৃ।
আলোএমরাণ, ১৪ র, ৬২ পৃ।

সফা ও মরওয়াগিরি—বকরা, ১২ র, ২২ পৃ।
হ

হজক্রিয়া—বকরা, ২৪—২৫ র, ২৮—৩০ পৃ।
হেজরত (দেশত্যাগ)—তওবা, ৬ র, ২১২ পৃ।
নেসা, ১৪ র, ১০৪ পৃ।

হেজরনিবাসী—হেজর, ৬ র, ২২৭ পৃ।

হুদ পেগাষর—হুদ, ৫ র, ২৫০ পৃ।
এরাফ, ১০ র, ১৭২ পৃ।

হজরত মোহম্মদসম্বন্ধীয়—হজ, ৭ র, ৩২৫ পৃ।
হোজরাত, ২ র, ৬১৫ পৃ।
ইয়ুনস,

১০—১১ র, ২৪১—২৪৩ পৃ।
জোহা, ১ র, ৭১০ পৃ।

হজরতের প্রতি উপদেশ—বনিএশ্রায়েল, ৮—৯ র, ৩২২—৩৩০ পৃ।
হুদ, ১০ র, ২৫২ পৃ।
আলোএমরাণ, ১ র, ৫০ পৃ।
এনশাকাক, ১ র, ৭০২ পৃ।

হজরতের পত্নীগণ সম্বন্ধে—আহজাব, ৪—৫ র, ৫০১—৫০২ পৃ।

হজরতের ভাৰ্যাদিগের নাম—আহজাব, ৭ র, ৫০৭ পৃ।

হজরতের সম্বন্ধে বিবাহবিধি—আহজাব, ৬ র, ৫০৪ পৃ।

হজরতের পারিবারিক ব্যাপার—তহরিম, ১ র, ৬৬৬ পৃ।

হজরত মোহম্মদ ও কাফেরগণ—আম্বিয়া, ৩ র, ৩৭৮ পৃ।

হজরত মোহম্মদ ও একত্ববাদ—কুহফ, ১২ র, ৩৫০ পৃ।

হজরত মোহম্মদ ও কোর্-আন—হুদ, ২ র, ২৪৫ পৃ।

কোর-আন্ শরীফ

সূরা ফাতেহা *

প্রথম অধ্যায়

৭ আয়ত

(দাতা ও দয়ালু ঈশ্বরের নামে প্রবৃত্ত হইতেছি । ১ ।)

বিশ্বপালক পরমেশ্বরেরই সম্যক প্রশংসা । ২ । + তিনি দাতা ও দয়ালু । ৩ । +
বিচারদিবসের অধিপতি । ৪ । আমরা তোমাকেই মাত্র অর্চনা করিতেছি, এবং

* বিশেষ বিশেষ সময়ে ও বিশেষ বিশেষ ঘটনায় কোর-আনের এক এক সূরা (অধ্যায়)
অবতীর্ণ হইয়াছে । ফাতেহা সূরার সম্বন্ধে এরূপ উল্লিখিত আছে যে, একদা মহাপুরুষ মোহম্মদ
মক্কার প্রান্তরের পথ দিয়া যাইতেছিলেন, এমন সময়ে “হে মোহম্মদ,” এই শব্দ শুনিত পাইলেন ।
তিনি উর্দ্ধে দৃষ্টি করিয়া দেখিলেন যে, গগনমার্গে স্বর্ণময় সিংহাসনের উপর একজন জ্যোতির্মান
পুরুষ দণ্ডায়মান হইয়া তাঁহাকে আহ্বান করিতেছেন । মহাপুরুষ মোহম্মদ ইহা দেখিয়া ভয়ে
পলায়ন করিতেছিলেন, কিন্তু পুনঃ পুনঃ তিনি “হে মোহম্মদ,” এই শব্দ শ্রবণ করিলেন । খদিজাদেবীর
পিতৃব্যপুত্র অরকা পুরাতন ধর্মগ্রন্থ ও ইতিহাস শাস্ত্রে সুপণ্ডিত ছিলেন, এবং বর্তমান সময়ে
আরব দেশে যে একজন স্বর্গীয় তত্ত্ববাহক সমুদিত হইবেন জানিতেন । তিনি এই ব্যাপার
অবগত হইয়া হজরত মোহম্মদকে বলিলেন, “যখন তুমি এই শব্দ শ্রবণ করিবে, পলায়ন করিও না,
কি বলা হয়, মনোযোগপূর্বক শুনিও” । হজরত তদনুসারে কর্ণপাত করিয়া শুনিত লাগিলেন ।
তখন সেই জ্যোতির্ময় পুরুষের মুখে এই কথা শ্রবণ করিলেন, “হে মোহম্মদ, আমি জেব্রিল, তুমি
এই দলের নবি” (স্বর্গীয় সংবাদদাতা) । তৎপর বলিলেন, “আমি সাক্ষ্য দান করিতেছি যে,
ঈশ্বর ব্যতীত উপাস্ত নাই, মোহম্মদ তাঁহার প্রেরিত ও তাঁহার দাস ।” অপিত বলিলেন, “বল,
বিশ্বপালক পরমেশ্বরেরই সম্যক প্রশংসা” ইত্যাদি ফাতেহা সূরার শেষ বচন পর্যন্ত উচ্চারিত হইল ।
(তব্‌সির ফারদা)

+ “রহমাণ” শব্দের অর্থ দাতা লিখিত হইল । কিন্তু “রহমাণ” শব্দের প্রকৃত অর্থ প্রলম্বান্তে
চরমকালে পুনর্বার মানবীয় অস্তিত্বের প্রদাতা । মোসলমানদিগের পারলৌকিক মত ও বিশ্বাস
এই যে, মৃত্যুর পর আত্মা দেহের সঙ্গে কবরের ভিতরে বাস করে । ঈশ্বরের আজ্ঞানুসারে এক সময়
জগতের প্রলয় হইবে । তখন ভূগর্ভস্থ ভগ্ন ও বিচূর্ণ দেহ সকল পুনর্গঠিত ও সজীব হইয়া ঈশ্বরের

বিদ্বাং তাহাদের দৃষ্টি হরণ করিবে ; যখন (বিদ্বাং) তাহাদিগকে জ্যোতিঃ প্রদান করে, তাহারা তাহাতে চলিতে থাকে ; যখন তাহারা অন্ধকারাচ্ছন্ন হয়, তখন দণ্ডায়মান থাকে ; ঈশ্বর ইচ্ছা করিলে নিশ্চয় তাহাদের চক্ষু কণ্ঠ হরণ করিবেন, নিশ্চয় ঈশ্বর সর্বোপরি ক্ষমতাশালী * । ২০ । (র, ২, আ, ১৩)

হে লোকসকল, যিনি তোমাদিগকে ও তোমাদের পূর্ববর্তী লোকদিগকে সৃজন করিয়াছেন, তোমরা আপনাদের সেই প্রতিপালককে অর্চনা কর, তাহাতে তোমরা রক্ষা পাইবে। ২১ । + যিনি তোমাদের জন্ত ভূতলকে শয্যা, আকাশকে চক্রাতপ করিয়াছেন, এবং আকাশ হইতে বারিবর্ষণ করেন, পরে তাহা হইতে ফলপুষ্প তোমাদের উপজীবিকার জন্ত উৎপাদন করেন, সেই ঈশ্বরকে অর্চনা কর, ঈশ্বরের সদৃশ নিরূপিত করিও না, অপিচ তোমরা জ্ঞাত আছ। ২২ । আমি যাহা আপন দাসের প্রতি অবতারণ করিয়াছি, তাহাতে যদি তোমাদের সন্দেহ থাকে, তবে তৎসদৃশ এক সূরা উপস্থিত কর; যদি তোমরা সত্যব্রত হও, তবে ঈশ্বর ব্যতীত স্বীয় সাক্ষিগণকে আহ্বান কর। ২৩ । পরন্তু যদি করিলে না, তবে নিশ্চয় করিতে পারিবে না; অতএব যে অগ্নির ইন্ধন মনুষ্য, সেই নর-কাণ্ডি ও প্রস্তরপুষ্প সম্বন্ধে সাবধান হও; (তাহা) ঈশ্বরজ্যোতী লোকদিগের জন্ত সঞ্চিত আছে। ২৪ । যাহারা বিশ্বাস স্থাপন ও সংকর্ষ্য করিয়াছে, তাহাদিগকে (হে মোহম্মদ,) তুমি এই সুসংবাদ দান কর যে, তাহাদের জন্ত স্বর্গের উত্থান সকল আছে, যাহার নিম্ন দিয়া পয়ঃপ্রণালী সকল প্রবাহিত হইতেছে; যখন তাহা হইতে ফলপুষ্প উপজীবিকারূপে তাহাদিগকে দেওয়া যাইবে, তখন তাহারা বলিবে, আমরাদিগকে পূর্বে যাহা প্রদত্ত হইয়াছে, ইহা সেই ফল; আকারে পরস্পর সাদৃশ্য গৃহীত হইবে, + এবং সেখানে তাহাদের জন্ত পুণ্যবতী ভার্যা সকল থাকিবে ও তাহারা তথায় নিতাকাল বাস করিবে। ২৫ । নিশ্চয় ঈশ্বর মণকের ত্রায় ক্ষুদ্র জীবের বা তদপেক্ষা শ্রেষ্ঠ জীবের উদাহরণ দিতে লজ্জিত হন না, কিন্তু যাহারা বিশ্বাসী তাহারা জানে যে, তাহাদের প্রতিপালকের এই (রূপ দৃষ্টান্ত) সত্য; কিন্তু ঈশ্বরজ্যোতী লোকেরা পরে বলে, “এই উদাহরণে ঈশ্বর কি অভিপ্রায় করেন?” ইহা দ্বারা তিনি অনেককে পথচ্যুত ও অনেককে পথপ্রদর্শন করিতেছেন;

* ধর্ম্মে পরিণামে সম্পূর্ণ সম্পদ, পূর্বে কিছু রেশ; যেমন বারিবর্ষণের পরিণামে শস্তোৎপত্তি, কিন্তু তাহার প্রথমে বজ্রধ্বনি ও বিদ্বাং। কপট লোকেরা প্রথমে রেশ দেখিয়াই ভয় পায় এবং তাহাদের সঙ্কট উপস্থিত হয়। যেমন বিদ্বাং কখনও প্রজ্বলিত ও কখন অদৃশ্য হয়, তদ্রূপ কপট লোকদিগের মনে কখনও ধর্ম্ম স্বীকার, কখনও অস্বীকার হইয়া থাকে। (ত, কা,)

+ কথিত আছে যে, স্বর্গোচ্চানের ফলের আকার পৃথিবীর ফলের আবারের মত, কিন্তু আখাদনে বিভিন্নতা আছে। (ত, কা,)

এতদ্বারা কৃত্রিয়ামূল লোক ব্যতীত অন্ত্রে পথচ্যুত হয় না *। ২৬। যাহারা ঈশ্বরের অঙ্গীকার তত্ত্বজ্ঞানের পর ভঙ্গ করে, এবং ঈশ্বর সম্মিলন বিষয়ে যে আশা করিয়াছেন, তাহা লঙ্ঘন করে, এবং পৃথিবীতে অহিতাচরণ করে, ইহারাই তাহারা যে ক্ষতি-গ্রস্ত। ২৭। কেমন করিয়া তোমরা ঈশ্বরদ্রোহী হও; অবস্থা ত এই—তোমরা নিজেঁর ছিলে, পরে তিনি তোমাদিগকে জীবিত করিয়াছেন, অতঃপর তিনি তোমাদিগকে সংহার করিবেন, ইহার পর তিনি জীবন দান করিবেন, অবশেষে তাহার দিকেই তোমাদের প্রতিগমন। ২৮। তিনি এই পৃথিবীতে যাহা কিছু আছে, তৎসমুদায় তোমাদিগের জন্য সৃজন করিয়াছেন, তৎপর নভোমণ্ডলের প্রতি মনোযোগী হইয়া সপ্ত স্বর্গ প্রতিষ্ঠিত করিয়াছেন; তিনি সর্ব বিষয়ে জ্ঞানী। ২৯। (র, ৩, আ, ২)

এবং (স্মরণ কর,) যখন তোমার প্রতিপালক দেবগণকে বলিলেন, “নিশ্চয় আমি পৃথিবীতে দলপতি সৃজন করিব।” তাহারা বলিল, “তুমি কি এমন লোককে তথায় সৃজন করিবে, যাহারা সেই স্থানে অত্যাচার ও শোণিতপাত করিতে থাকিবে? আমরা তোমার গুণের প্রশংসা করিয়া থাকি ও তোমার পবিত্রতা স্বীকার করি।” তিনি বলিলেন, “যাহা তোমরা জ্ঞাত নও, নিশ্চয় আমি তাহা জ্ঞাত আছি।” ৩০। এবং তিনি আদমকে সকল পদার্থের নাম শিখাইয়াছিলেন, তৎপর সমুদায় দেবগণের নিকট উপস্থিত করিলেন, পরে বলিলেন, “যদি তোমরা সত্যবাদী, তবে এই সকলের নাম আমাকে জ্ঞাপন কর।” ৩১। তাহারা বলিল, “পবিত্রতার সহিত তোমাকে স্মরণ করিতেছি, (হে ঈশ্বর,) যাহা তুমি আমাদিগকে শিক্ষা দিয়াছ, তদ্ব্যতীত আমাদের কোন জ্ঞান নাই, নিশ্চয় তুমি জ্ঞাতা ও স্রবিজ্ঞাতা।” ৩২। ঈশ্বর বলিলেন, “হে আদম, তুমি তাহাদিগকে তাহাদের নাম জ্ঞাপন কর;” অনন্তর যখন সে তাহাদিগের নিকটে তাহাদের নাম ব্যক্ত করিল, তখন তিনি বলিলেন, “আমি তোমাদিগকে কি বলি নাই যে, সত্যই আমি ভূমণ্ডল ও নভোমণ্ডলের গুপ্ত বিষয় জ্ঞাত আছি ও তোমরা প্রকাশ্যে যাহা করিতেছ এবং যাহা গুপ্ত রাখিতেছ, তাহা অবগত হইতেছি?” ৩৩। এবং যখন আমি দেবগণকে বলিলাম, “তোমরা আদমকে প্রণাম কর,” তখন শয়তান ব্যতীত সকলে প্রণাম করিল, সে অগ্রাহ্য করিল, অবাধ্য হইল ও ধর্মদ্রোহীদের অন্তর্গত হইল। ৩৪। এবং আমি বলিলাম, “হে আদম, স্বর্গে তুমি সতীক বাস করিতে থাক ও তোমরা দুই জনে তাহার (খাদ্য) যথা ইচ্ছা স্থখে ভক্ষণ

* ঈশ্বর কোর-আনে মশক ও উর্ণনাভ ইত্যাদি জীবের আখ্যায়িকা দৃষ্টান্তরূপে বর্ণনা করেন। অবিধ্বাসী লোকেরা তৎপ্রতি উপেক্ষাপ্রদর্শনে অর্থ গ্রহণ না করিয়া বিপথগামী হইয়াছে, এবং বিশ্বাসীরা মনোযোগবিধানে তাহার মর্ম গ্রহণ করিয়া আলোক লাভ করিয়াছেন। (ত, কা,)

কর, এবং এই বৃক্ষের নিকটে যাইও না, তবে তোমরা অপরাধীদের অন্তর্গত হইবে।” ৩৫। অনন্তর শয়তান তাহাদিগকে তথা হইতে বিচালিত করিল, তৎপর তাহারা যাহাতে (যে সম্পদে) ছিল, তাহা হইতে নিজামিত হইল, এবং আমি বলিলাম, তোমরা অধোগামী হও, তোমরা পরম্পরের শত্রু, ভূমণ্ডলে তোমাদিগের অগ্নি বাসস্থান ও কিছু কাল ফলভোগ হইবে। ৩৬। পরে আদম স্বীয় প্রতিপালকের নিকটে কয়েক কথা শিক্ষা করিল, * অনন্তর তিনি তাহার প্রতি প্রসন্ন হইলেন; নিশ্চয় তিনি প্রত্যাবর্তনকারী ও দয়ালু। ৩৭। আমি বলিলাম যে, “তথা হইতে এক যোগে তোমরা অধোগমন কর, পরে যদি তোমাদের নিকটে আমা হইতে উপদেশ উপস্থিত হয়, তখন যে ব্যক্তি সেই উপদেশের অঙ্গুলণ করিবে, তাহার কোন ভয় থাকিবে না, সে শোকার্ত হইবে না।” ৩৮। এবং যাহারা ধর্মবিদ্রোহী হইয়াছে ও আমার নিদর্শন সকলের প্রতি অসত্যারোপ করিয়াছে, তাহারা নরকায়ির অধিবাসী, সেখানে তাহারা নিত্যনিবাসী হইবে। ৩৯। (র, ৪, আ, ১০)

হে এশ্রায়েলবংশীয় লোকসকল, আমি তোমাদিগকে যাহা দিয়াছি, সেই দান স্মরণ কর, এবং আমার অঙ্গীকার পূর্ণ কর, আমি তোমাদের অঙ্গীকার পূর্ণ করিব; পরন্তু আমা হইতে ভীত হও †। ৪০। আমি যাহা (কোর-আন্) প্রেরণ

* ঈশ্বর আদমের অন্তরে প্রকাশ করিয়াছিলেন যে, এই ভাবে প্রার্থনা করিও, তাহা হইলে তোমাকে ক্ষমা করা যাইবে। (ত, কা,)

† ইরকুকের বংশোদ্ভব লোক এশ্রায়েল জাতি, এই এশ্রায়েল বংশে ধর্মপ্রবর্তক মহাত্মা মুসা জন্মগ্রহণ করিয়াছিলেন। তাহার নিকট “তওরাত” গ্রন্থ অবতীর্ণ হয়। তিনি এশ্রায়েল জাতিকে মেষদের ঈশ্বরদ্রোহী অত্যাচারী রাজা কেরণের অধীনতা হইতে মুক্ত করিয়া কেনান দেশে আনয়নপূর্বক স্থাপন করিয়াছিলেন। তাহার ঈশ্বরের নিকটে সেই দেশের অধিকার প্রার্থনা করেন। ঈশ্বর তাহাজির সঙ্গে এই মর্মে অঙ্গীকার করিয়াছিলেন যে, “তোমরা যদি তওরাতের বিধি অনুসারে চল, এবং আমি যে যে পেশাধরকে (তত্ত্ববাহককে) প্রেরণ করিব, তাহাদের অনুবর্তী হও, তাহা হইলে কেনান দেশ তোমাদের অধিকারে রাখিব।” তখন তাহারা সেই অঙ্গীকারে বদ্ধ থাকে, পরে বিপথগামী হয়, অর্থাৎ দুর্নীতিপরায়ণ হইয়া উঠে, উৎকোচগ্রাহী ও শাস্ত্রীয় শ্রম সকলের অসত্য মীমাংসাকারী হয়। তাহাদের অনুবোধে সত্যে অসত্য আরোপ করে, প্রভুদের অভিলষী হয়, স্বর্গীয় তত্ত্ববাহকদিগকে অগ্রাহ্য করে, তওরাত গ্রন্থে তত্ত্ববাহকদিগের চরিত্র বৈশিষ্ট্য লিখিত ছিল, তাহার পরিবর্তন করে। এক্ষণ ঈশ্বর নিজের অনুগ্রহ ও তাহাদিগের অবাধ্যতা স্মরণ করাইয়া দিতেছেন। “তোমাদিগকে” স্থলে তোমাদের পূর্ব পুরুষদিগকে বুঝাইবে। ইহা জাতিই এশ্রায়েলবংশীয়। (ত, হো,)

শাম দেশ তুরস্কের পশ্চিম দক্ষিণ প্রান্তে স্থিত। এ দেশের এক নগরের নাম কেনান। এই নগরে মুসার পূর্বপুরুষ ইয়ুসুফের পিতা ইরকুব বাস করিতেন। এই কেনানকে কেহ শাম দেশ বলিয়া-

করিলাম, তাহাতে বিশ্বাস স্থাপন কর, তোমাদের সঙ্গে যাহা (যে পুস্তক) বিদ্যমান, (এই পুস্তক) তাহার সত্যতার প্রতিপাদক, * ইহার প্রতি তোমরা প্রথম ঈশ্বরদ্রোহী হইও না ও আমার নিদর্শন সকলের জন্য নিকট মূল্য গ্রহণ করিও না, † এবং পরে আমা হইতে সাবধান হইও। ৪১। এবং তোমরা সত্যের সঙ্গে অসত্যকে মিশ্রিত ও সত্যকে গোপন করিও না, এবং তোমরা তো জ্ঞাত আছ? ৪২। এবং উপাসনাকে প্রতি-
 ঠিত রাখ, জ্ঞাত ঃ প্রদান কর ও উপাসকমণ্ডলীর সঙ্গে উপাসনা কর। ৪৩।
 তোমরা কি লোকদিগকে সন্নিবেশে আদেশ কর, এবং আপনাদিগকে ভুলিয়া যাও ও
 তোমরা গ্রন্থ পাঠ করিয়া থাক, অনন্তর অর্থ বোধ করিতেছ না কি? ৪৪।
 সহিষ্ণুতা ও উপাসনাযোগে আহুকূল্য প্রার্থনা কর, নিশ্চয় ইহা কঠিন; কিন্তু
 বিনীত লোকদিগের পক্ষে কঠিন নয়। ৪৫। + যাহারা জানে যে, তাহার ঈশ্বরের
 সঙ্গে সম্মিলিত হইবে ও তাহার প্রতি তাহার প্রত্যাবর্তনকারী হওয়া (তাহাদের পক্ষে
 কঠিন নহে।) ৪৬। (র, ৫, আ, ৭)

হে এশ্রায়েলবংশীয় লোকসকল, আমি তোমাদিগকে যাহা দিয়াছি, আমার
 সেই দান স্মরণ কর, এবং নিশ্চয় আমি সমুদায় লোকের উপর তোমাদিগকে
 শ্রেষ্ঠতা দান করিয়াছি। ৪৭। যে দিবস কোন ব্যক্তি কাহারও নিকট হইতে
 কিঞ্চিৎ উপকার লাভ করবে না ও তাহার অনুরোধ স্বীকৃত এবং তাহার নিকট
 হইতে বিনিময় গৃহীত হইবে না ও তাহার সাহায্য পাইবে না, তোমরা সেই
 (বিচারের দিনকে) ভয় করিও। ৪৮। এবং (স্মরণ কর,) আমি যখন ফেরাওয়গীয়
 সম্প্রদায় হইতে তোমাদিগকে মুক্ত করিয়াছিলাম, তাহারা তোমাদের প্রতি
 কঠোর অত্যাচার করিতেছিল, তোমাদের পুত্র সন্তানদিগকে বধ করিতেছিল,
 এবং কন্যাদিগকে জীবিত রাখিতেছিল, ইহাতে তোমাদের প্রতিপালক হইতে
 গুরুতর পরীক্ষা ছিল। ৪৯। এবং (স্মরণ কর,) যখন আমি তোমাদের জন্য
 সমুদ্রকে বিভক্ত করিয়াছিলাম, পরে তোমাদিগকে রক্ষা ও কৈরীভয়গীয় লোক-
 দিগকে জলমগ্ন করিয়াছিলাম, এবং তোমরা দর্শন করিতেছিলে। ৫০। এবং

হেঁন, কিন্তু প্রসিদ্ধ পারস্ত অভিধানকার গরসোদ্দিন কেনান ইয়কুবের অধিষ্ঠিত নগর বিশেষ বলিয়া
 উল্লেখ করিয়াছেন।

* ধর্মপুস্তক “তওরাত”ে বর্ণিত আছে যে, যিনি তত্ত্ববাহকরূপে ধর্মগ্রন্থসহ প্রকাশিত হইবেন,
 যদি তিনি “তওরাতকে” সত্য বলেন, তবে তিনি সত্য তত্ত্ববাহক, অন্তর্থা মিথ্যা। (ত, কা,)

+ “নিদর্শন সকলের জন্য নিকট মূল্য গ্রহণ করিও না।” ইহার অর্থ সাংসারিক ঐতিহ্য অনুরোধে
 ধর্মকে পরিত্যাগ করিও না। (ত, হো,)

‡ বার্ষিক আয়ের চল্লিশ ভাগের এক ভাগ ধর্মোদ্দেশ্যে দান করাকে “জকাত” বলে, এতোক
 মোসলমান এইরূপ দানে ধর্মতঃ বাধ্য।

হয় স্বচ্ছন্দে ভক্ষণ কর, এবং প্রণাম করিতে করিতে দ্বারে আসিয়া বল যে, আমরা ক্ষমা চাহিতেছি, আমি তোমাদের অপরাধ ক্ষমা করিব, এবং অবশ্য হিতকারী লোকদিগকে অধিক দান করিব *। ৫৮। অনন্তর বাহারা দুই লোক ছিল, তাহাদিগকে যে কথা বলা হইয়াছিল, তাহারা তাহার বিপরীতাচরণ করিল, পরে আমি সেই সকল দুই লোকের অসদাচরণজন্য তাহাদের উপর স্বর্গ হইতে শাস্তি প্রেরণ করিলাম। ৫৯। (র, ৬, আ, ১৩)

এবং যখন মুসা স্বীয় সম্প্রদায়ের জন্ত জল প্রার্থনা করিয়াছিল, তখন আমি বলিয়াছিলাম, “তুমি স্বীয় যষ্টিদ্বারা প্রস্তরে আঘাত কর,” অনন্তর তাহা হইতে দ্বাদশ প্রস্রবণ নির্গত হইল, নিশ্চয় প্রত্যেক ব্যক্তি আপনাদে আপনাদে ঘাট জানিতে পারিল; (আমি বলিলাম) ঈশ্বরপ্রদত্ত জীবিকা হইতে ভক্ষণ ও পান কর, আর তোমরা পৃথিবীতে অত্যাচারিরূপে অত্যাচার করিয়া ফিরিও না *। ৬০। এবং যখন তোমরা বলিলে, “হে মুসা, আমরা একবিধ খাদ্যে ধৈর্য ধারণ করিতে পারিব না, অতএব আমাদের জন্ত তোমার ঈশ্বরকে আহ্বান কর, ক্ষেত্রে শাক, কাঁকড়ি, গোধূম, মসুর, পলাও জন্মে, তিনি যেন আমাদের নিমিত্ত এই সকল দ্রব্য বাহির করেন।” সে বলিল, “তোমরা কি নিকৃষ্ট বস্তুর সঙ্গে উৎকৃষ্ট বস্তুর বিনিময় করিতে চাহ? কোন নগরে অবতীর্ণ হও, পরে তোমরা যাহা চাহিতেছ, তাহা নিশ্চয় তোমাদের জন্ত হইবে;” পরে তাহাদের উপর হৃদশা ও দরিদ্রতা নিপতিত এবং তাহারা ঈশ্বরের আক্রোশের সঙ্গে পুনর্মিলিত হইল; যেহেতু তাহারা ঐশ্বরিক নিদর্শন সকলের প্রতি বিশ্বাস স্থাপন করিতেছিল না ও তত্ত্ববাহকদিগকে অবযাধ করিতেছিল, অপরাধ করিয়াছিল বলিয়া এরূপ ঘটিল, এবং তাহারা সীমা লঙ্ঘন করিতেছিল। ৬১। (র, ৭, আ, ২)

এই বিপুল বস্তু তোমাদিগকে দান করা বাইতেছে, ভক্ষণ কর, কল্যাকার জন্ত ভাবিও না।” তাহারা সেই আজ্ঞাপালনে বিমূখ হইলেন, এবং ভবিষ্যতের জন্ত সঞ্চয় করিতে লাগিলেন। তাহাতেই ঈশ্বর “আমার প্রতি” ইত্যাদি এই উক্তি করিলেন। (ত, হো,)

* এশ্রায়েলবংশীর লোকদিগকে স্বীয় পাপের জন্ত অরণ্যে প্রবেশ করিতে হইয়াছিল, এই বৃত্তান্ত মায়দা স্থানে বিশেষরূপে বিবৃত হইবে। একদা তাহারা অরণ্যে আহার প্রাপ্ত হন না, ঈশ্বর তাহাদিগকে এক গ্রামের নিকট উপস্থিত করিয়া এই আদেশ করেন, “গ্রামের দ্বারে প্রণাম করিতে করিতে যাও, এবং পাপ ক্ষমা হউক বলিতে থাক।” (ত, কা,)

+ সেই অরণ্যে জল ছিল না। এক প্রস্তর হইতে বারটি প্রস্রবণ নির্গত হয়। এশ্রায়েল সম্প্রদায়ের অন্তর্গত বারটি দল ছিল, এক এক দল এক এক প্রস্রবণের জল পান করিলেন। ইহার তাৎপর্য এই যে, যে দলের লোক হউক না কেন, বিশ্বাসী হইলে স্বর্গের শা বারি লাভ কবিবে, দলের বিশেষত্বের প্রাধান্য নাই। (ত, কা,)

(স্মরণ কর,) যখন আমি মুসার সঙ্গে চত্বারিংশৎ রজনীর অঙ্গীকার করিয়াছিলাম, তৎপর সে চলিয়া গেলে তোমরা গোবৎসকে আশ্রয় করিলে, * এবং তোমরা দুর্বৃত্ত হইলে। ৫১। অবশেষে ইহার পরে আমি তোমাদিগকে ক্ষমা করিয়াছিলাম, যেন তাহাতে তোমরা ধন্তবাদ দাও। ৫২। এবং (স্মরণ কর,) যখন আমি মুসাকে পুস্তক ও প্রমাণ দান করিয়াছিলাম, যেন তোমরা সত্য পথ প্রাপ্ত হও। ৫৩। এবং (স্মরণ কর,) যখন মুসা আপন সম্প্রদায়কে বলিয়াছিল, “হে আমার মণ্ডলীস্থ লোক-সকল, নিশ্চয় তোমরা গোবৎসকে (উপাস্তরূপে) গ্রহণ করিয়া নিজের প্রতি অনিষ্টাচরণ করিয়াছ, অতএব স্বীয় সৃষ্টিকর্তার দিকে প্রত্যাশ্রয় হও, অতঃপর স্ব স্ব জীবনকে বিনাশ কর, তোমাদের সৃষ্টিকর্তার নিকটে ইহাই তোমাদের জন্ত কল্যাণ,” অনন্তর ঈশ্বর তোমাদের প্রতি প্রত্যাবর্তন করিলেন, নিশ্চয় তিনি প্রত্যাবর্তনকারী ও দয়ালু। ৫৪। এবং (স্মরণ কর,) যখন তোমরা বলিতেছিলে, “হে মুসা, যে পর্যন্ত আমরা ঈশ্বরকে স্পষ্ট দর্শন না করিব, সে পর্যন্ত কখনও তোমাকে বিশ্বাস করিব না;” পরে তোমাদের উপর বিদ্রোহ সঞ্চারিত হইল ও তোমরা তাহা দেখিতেছিলে। ৫৫। তৎপর তোমাদের প্রাণত্যাগের পরে আমি তোমাদিগকে জীবিত করিয়াছিলাম, যেন তোমরা ধন্তবাদ কর। ৫৬। এবং তোমাদের উপর বারিবাহকে চন্দ্রাতপ করিয়াছিলাম ও তোমাদের প্রতি “মান্না ও সলওয়া” উপস্থিত করিয়াছিলাম, (বলিয়াছিলাম) যে, “বিশুদ্ধ বস্তু সকল তোমাদিগকে দান করিলাম, তাহা ভক্ষণ কর;” এবং তাহার আশ্রয় প্রতি কোন অনিষ্টাচরণ করে নাই, নিজের প্রতি অনিষ্টাচরণ করিতেছিল। ৫৭। এবং (স্মরণ কর,) যখন আমি বলিয়াছিলাম, “এই গ্রামে প্রবেশ কর, পরে এই স্থানের যথা ইচ্ছা

* ইহার ইতিহাস এরাফ সূর্যতে বিবৃত হইবে।

† ফেরওয়ণ জলমগ্ন হইলে পর এশ্রায়েলবংশীয় লোকেরা মুক্ত হইয়া শাম দেশে যাত্রা করিলেন। তখন প্রান্তরে মহাবাতায় তাহাদের পটমণ্ডপ সকল ছিন্ন ভিন্ন হইয়া যায়। সমুদ্র দিন মেঘ তাহাদের উপর ছায়া দান করিয়া রৌদ্র নিবারণ করে। “মান্না” ও “সলওয়া” তাহাদের আহারার্থ উপস্থিত হইত। “মান্না” এক প্রকার ক্ষুদ্র মিষ্ট দ্রব্যবিশেষ, রজনীতে এশ্রায়েল সৈন্তের চতুর্দিকে পুষ্পপরিমাণে বর্ষিত হইত। প্রাতঃকালে তাহারা তাহা সংগ্রহ করিয়া ভক্ষণ করিতেন। “সলওয়া” এক প্রকার পশু। সন্ধ্যাকালে এই পশু দলে দলে আসিয়া বেড়াইত, সৈন্তগণ তাহাদিগকে বধ করিয়া কবাব করিয়া খাইতেন।

(ত, কা,)

“সলওয়া” এক প্রকার ক্ষুদ্র পক্ষী, তাহা ইম্নন দেশে দৃষ্ট হয়। এই পক্ষী তৃণপত্রের বসিয়া স্থিতি স্বরে গান করিয়া থাকে! অরণ্যে এশ্রায়েল সৈন্তের চতুর্দিকে এই সকল পক্ষী বাতাহত হইয়া দলে দলে ভূতলে পড়িয়া বাইত, এবং এশ্রায়েলবংশীয় লোকেরা সেই সকলকে ধরিয়া আনিয়া কবাব করিয়া খাইতেন। “তাহারা আমার প্রতি কোন অনিষ্টাচরণ করে নাই, নিজের প্রতি অনিষ্টাচরণ করিতেছিল,” এই কথাই তাৎপর্য এই যে, ঈশ্বর বলিতেছেন যে, “আমি বলিয়াছিলাম,

নিশ্চয় যাহারা মোসলমান ও যাহারা মুসায়ী ও ঈসায়ী এবং ধর্মহীন, তাহাদের মধ্যে যে ব্যক্তি ঈশ্বরে ও পরকালে বিশ্বাস স্থাপন করে, এবং সংকার্য করে, পরে তাহাদের জন্ত তাহাদিগের প্রতিপালকের নিকট তাহাদিগের পুরস্কার আছে, এবং তাহাদিগের প্রতি ভয় নাই, তাহারা দুঃখ পাইবে না *। ৬২। এবং (স্মরণ কর,) যখন তোমাদিগ হইতে আমি অঙ্গীকার গ্রহণ করি ও তোমাদের মন্তকোপরি তুর পর্কত উত্থাপন করি, তখন (বলিয়াছিলাম,) “আমি যাহা দান করিয়াছি, তাহা দৃঢ়রূপে গ্রহণ কর, এবং ইহাতে (তওরাতে) যাহা আছে, তাহা স্মরণ কর, ভরসা যে তোমরা আশ্রয় পাইবে” †। ৬৩। অবশেষে ইহার পরে তোমরা ফিরিয়া আসিলে, অনন্তর যদি তোমাদের প্রতি ঈশ্বরের প্রসন্নতা ও কৃপা না থাকিত, তবে নিশ্চয় তোমরা ক্ষতিগ্রস্ত হইতে। ৬৪। এবং সত্য সত্যই তোমরা জ্ঞাত আছ যে, তোমাদের মধ্যে যাহারা শনিবাসরে বিধি লঙ্ঘন করিয়াছিল, তাহাদিগকে আমি বলিয়াছিলাম যে, “তোমরা জঘন্স মর্কট হইয়া যাও” ‡। ৬৫। অনন্তর যাহারা তাহার (সেই নগরের) সম্মুখে ও তাহার পশ্চাতে ছিল, তাহাদিগের নিমিত্ত আমি এই ব্যাপারকে শাসন এবং সংসারবিরাগীদিগের জন্ত উপদেশস্বরূপ করিলাম। ৬৬। এবং (স্মরণ কর,) যখন মুসা স্বজাতিকে বলিয়াছিল, “নিশ্চয় ঈশ্বর একটা গোহত্যা করিতে তোমাদিগকে আজ্ঞা করিয়াছেন।” তাহারা বলিয়াছিল, “তুমি কি আমাদেরকে উপহাস করিতেছ ?” মুসা বলিয়াছিল, “ঈশ্বরের শরণাপন্ন হই যে, আমি অজ্ঞান লোকদিগের অন্তর্গত হইব।” ৬৭। তাহারা বলিল, “তুমি আমাদের জন্ত স্বীয় প্রতিপালকের নিকটে প্রার্থনা কর, যেন তিনি আমাদের নিমিত্ত ব্যক্ত করেন, তাহা (উক্ত গো) কীদূশী” ; সে বলিল, “সত্যই ঈশ্বর বলিতেছেন, নিশ্চয় সেই গো প্রাচীন নয় ও নবীন নয়, এ তন্মধ্যে মধ্যমবয়স্ক, অতএব যে বিষয়ে আদিষ্ট হইয়াছ, তাহা সম্পাদন কর”। ৬৮। তাহারা বলিল, “তুমি আমাদের জন্ত

* ঈশ্বরের অনুরূপ কোন বিশেষ দলের প্রতি নহে, বিষায়ী ও সংকল্পশীল হইলেই তাহার প্রসন্নতা লাভ হয় ও তাহার নিকট পুরস্কার পাওয়া যায়। এস্থলে এই উক্তি এ কারণ হইল যে, এশ্রায়েলবংশীয় লোকেরা “আমরা পেগাশ্বরের সন্তান ও নানা প্রকারে ঈশ্বরের নিকট শ্রেষ্ঠ”, এই ভাবিয়া অহঙ্কারী হইয়াছিল। (ত, ল,)

† ঈশ্বর মুসার অধীনতা স্বীকার ও তওরাতের বিধি সকল পালনবিষয়ে এশ্রায়েল জাতি হইতে অঙ্গীকার গ্রহণ করিয়াছিলেন। বিধি অবতীর্ণ হইলে অতিশয় কঠিন বলিয়া তাহারা তাহা পালন করিতে অসম্মত হন ও অবাধ্য হইয়া উঠেন। তাহাতে ঈশ্বরের আদেশে তুর পর্কত (বাইবেল গ্রন্থে সায়না পর্কত লিখিত) তাহাদের উপর দণ্ডায়মান, সম্মুখে প্রজ্জ্বলিত অগ্নি, পশ্চাত্তাপে জলপূর্ণ নদী প্রকাশিত হয়। তখন তাহারা উপায় না দেখিয়া ব্যাকুল অন্তরে অধোবদনে পড়িয়া থাকেন, সেই সময় ঈশ্বর বলেন, “আমি যাহা দান করিয়াছি, গ্রহণ কর” ইত্যাদি। (ত, হো,)

‡ এরাফ নদীতে ইহার বিস্তীর্ণ ইতিহাস বিবৃত হইবে।

ঈশ্বর প্রতিপালকের নিকটে প্রার্থনা কর, যেন তিনি আমাদের নিমিত্ত ব্যক্ত করেন যে, তাহার বর্ণ কিরূপ?” সে বলিল, “সত্যই ঈশ্বর বলিতেছেন, নিশ্চয় সেই গো পীত বর্ণ, তাহার বর্ণ অতীব পীত, উহা দর্শকগণকে সন্তোষ প্রদান করে”। ৬২। তাহারা বলিল, “তুমি আমাদের জ্ঞাত ঈশ্বরের নিকটে প্রার্থনা কর, যেন তিনি আমাদের নিমিত্ত ব্যক্ত করেন যে, তাহা কিরূপ? আমাদের প্রতি সেই গো সঃসহস্র, এবং ঈশ্বর ইচ্ছা করিলে নিশ্চয় আমরা সংপথ প্রাপ্ত হইব”। ৭০। সে বলিল, “সত্যই তিনি বলিতেছেন, নিশ্চয় সে গো ভূমিকর্ষণে ও ক্ষেত্রে জলসিঞ্চে ব্যবহৃত হয় নাই, সে নির্দোষ, তাহাতে তিলাঙ্ক নাই”। তাহারা বলিল, “এক্ষণ তুমি সত্য উপস্থিত করিয়াছ।” অনন্তর তাহারা তাহাকে (গোপশুকে) হত্যা করিতে অপ্রস্তুতসত্ত্বেও তাহা করিল *। ৭১। (র, ৮, আ, ১০)

এবং (স্মরণ কর,) যখন তোমরা এক ব্যক্তিকে হত্যা করিয়া তদ্বিষয়ে পরস্পর বিবাদ করিতেছিলে, এবং তোমরা যাহা গোপন করিতেছিলে, ঈশ্বর তাহার প্রকাশক হইলেন। ৭২। অনন্তর আমি বলিলাম, “তাহার (হত গোর) অঙ্গবিশেষ দ্বারা তাহাকে (হত ব্যক্তিকে) আঘাত কর”। এই রূপে ঈশ্বর মৃতকে জীবিত করেন, এবং তোমাদিগকে নিজের নিদর্শন সকল প্রদর্শন করিয়া ধাক্কা, যেন তোমাদের হৃদয়ক্ষম হয় †। ৭৩। অতঃপর তোমাদিগের অন্তঃকরণ কঠিন হইল, অনন্তর তাহা পায়ণসদৃশ বরং কাঠিষ্ঠে তদপেক্ষা অধিক হইল, নিশ্চয় কোন প্রপ্তর আছে যে, তাহা হইতে প্রশ্রবণ সকল নিঃসৃত হয়, নিশ্চয় তাহাদের কোনটি বিদীর্ণ হইয়া যায়; অনন্তর তাহা হইতে জল নির্গত হয়, এবং নিশ্চয় তাহাদের কোনটি ঈশ্বরের ভয়ে অধঃপতিত হইয়া থাকে, এবং তোমরা যাহা করিতেছ, তাহা ঈশ্বরের অগোচর নহে। ৭৪। অনন্তর (হে বিশ্বাসী লোক সকল,) তোমরা কি আশা কর যে, ইহারা তোমাদের প্রতি বিশ্বাস স্থাপন করিবে? নিশ্চয় ইহাদের একমণ্ডলী ঈশ্বরের বাণীশ্রবণ করিতেছে, তৎপর তাহা

* উপরি উক্ত লক্ষণাক্রান্ত গোর নাম মজহরা, উহা এক জন ধার্মিক যুবার নিকটে ছিল। এশ্রায়েল - বংশীয় লোকেরা প্রচুর মূল্যদানে তাহা হইতে উহা ক্রয় করিয়া আনিয়া বধ করেন। অধিক মূল্যদানে গো ক্রয় করিতে হইবে বলিয়া প্রথমে তাঁহারা তৎকার্য্যে উদ্বৃত্ত হইতে অনিচ্ছুক ছিলেন। পরে গো ক্রয় করিয়া হত্যা করিতে বাধ্য হন। তাঁহারা ঈশ্বরের উপাসনা পরিত্যাগ করিয়া গোবৎসের মূর্ত্তি পূজা করিতেছিলেন, এই গোহত্যা তাঁহাদের সেই গোমূর্ত্তি-পূজারূপ পাপের প্রায়শ্চিত্তধরূপ হইল। (ত, হো,)

† কথিত আছে যে, এশ্রায়েল জাতির এক জন নিহত হইয়াছিল। অমুসকানে হত্যাকারীকে না পাওয়াতে ঈশ্বর বলিলেন, একটি গো-হত্যা কর ও সেই হত পশুর অঙ্গ বিশেষ দ্বারা নিহত ব্যক্তির শরীরে আঘাত কর, তাহাতে সে জীবিত হইয়া, কে তাহাকে হত্যা করিয়াছে ব্যক্ত করিবে পরে সেইরূপ আচরণ করিলে, হত ব্যক্তি জীবিত হইয়া, হত্যাপরাধী স্বীয় পিতৃবাপুদিগের নাম উল্লেখ করিল। তদনন্তর হত্যাকারিগণ হত্যাপরোধের শাস্তি প্রাপ্ত হইল। (ত, হো,)

হৃদয়ঙ্গম করিয়া তাহার পরিবর্তন করিতেছে ও তাহারা তাহা জ্ঞাত আছে। ৭৫। এবং যখন তাহারা বিশ্বাসী লোকদিগের সঙ্গে মিলিত হয়, তখন বলে যে, “আমরা বিশ্বাস স্থাপন করিয়াছি” ; এবং যখন নির্জন হয়, পরস্পর বলে, “ঈশ্বর তোমাদের নিকটে যাহা প্রকাশ করিয়াছেন, তাহা তাহাদিগকে কি বলিতেছ ? তাহা হইলে তাহারা সেই প্রমাণ দ্বারা তোমাদের প্রতিপালকের নিকটে তোমাদের সঙ্গে বিচার করিবে, অনন্তর তোমরা কি বুঝিতেছ না * ?” ৭৬। তাহারা কি জানে না যে, তাহারা যাহা গোপনে করে ও যাহা প্রকাশে করে, ঈশ্বর তাহা জানেন ? ৭৭। এবং তাহাদের মধ্যে অনেক অশিক্ষিত লোক আছে, তাহাদের (অসং) কামনা জ্ঞান ব্যতীত কোন গ্রন্থজ্ঞান নাই, এবং তাহারা কল্পনা ছাড়া নহে। ৭৮। অনন্তর যাহারা স্বহস্তে পুস্তক লিখে, তৎপর সামান্য মূল্য গ্রহণ করিবার উদ্দেশ্যে বলে যে, ইহা ঈশ্বরের নিকট হইতে (সমাগত,) দিক্ তাহাদিগকে ; অবশেষে তাহাদের হস্ত যাহা লিপি করিয়াছে, তজ্জ্ঞ তাহাদিগকে দিক্, তাহাদের ব্যবসায় অবলম্বনের জন্য তাহাদিগকে দিক্। ৭৯। এবং তাহারা বলে, “নরকাগ্নি নির্দ্বারিত কয়েক দিন ব্যতীত আমাদিগকে স্পর্শ করিবে না।” জিজ্ঞাসা কর, তোমরা কি ঈশ্বর হইতে অঙ্গীকার গ্রহণ করিয়াছ যে, পরে ঈশ্বর কখনও স্বীয় অঙ্গীকারের অগ্রথাচরণ করিবেন না ? তোমরা কি ঈশ্বরের সম্বন্ধে যাহা না জান, তাহা বলিতেছ ? ৮০। হাঁ, যাহারা পাপ করিয়াছে ও স্বীয় পাপ যাহাদিগকে ঘেরিয়াছে, তাহারা নরকাগ্নির নিবাসী, তাহারা তথায় সর্বদা থাকিবে। ৮১। এবং যাহারা বিশ্বাস স্থাপন ও সংকল্প করিয়াছে, তাহারা স্বর্গলোক-নিবাসী, তাহারা তথায় সর্বদা থাকিবে। ৮২। (র, ২, আ, ১১)

এবং (স্মরণ কর,) যখন আমি এশ্রায়েল জাতিকে অঙ্গীকারে বদ্ধ করিয়াছিলাম যে, ঈশ্বর ব্যতীত অগ্র কাহারও পূজা করিও না, পিতামাতার প্রতি এবং স্বর্ণের প্রতি ও নিরাশ্রয়ের প্রতি এবং দরিদ্রদিগের প্রতি সদাচরণ করিও, এবং লোকদিগকে সংকথা বলিও ও উপাসনাকে প্রতিষ্ঠিত রাখিও, এবং ধর্ম্মার্থ দান করিও ; তৎপর তোমরা অল্পসম্মত ব্যতীত অগ্রাহ করিলেও তোমরা অগ্রাহকারী। ৮৩। এবং (স্মরণ কর,) যখন আমি তোমাদিগকে অঙ্গীকারে বদ্ধ করিয়াছিলাম যে, তোমরা পরস্পরের শোণিতপাত করিও না, এবং পরস্পর আপনাদিগকে আপন গৃহ হইতে তাড়াইও না, তৎপর তোমরা সন্মত হইলে, তোমরাই সাক্ষী। ৮৪। পরন্তু তোমরা সেই সকল লোক, যে পরস্পর আপনাদিগকে হত্যা করিতেছে ও তোমরা আপনাদের এক দলকে তাহাদিগের

* ইহুদিদিগের মধ্যে যাহারা কপট ছিল, তাহারা ভোবামোদের অন্ধুরোধে তাহাদের পুস্তকে যে হজরত মোহম্মদের প্রসঙ্গ ছিল, মোসলমানদিগের নিকটে বর্ণন করিত, এবং যাহারা বিরোধী ছিল, তাহারা সেই সকল লোকের প্রতি দোষারোপ করিয়া বলিত, স্বীয় শাস্ত্রের তত্ত্ব মোসলমানদের নিকটে কেন প্রচার করিতেছ ?

গৃহ হইতে নিকাশিত করিতেছে, এবং তাহাদের প্রতি পাপাচরণ ও অভ্যাচার করিতে এক জন অগ্র জনের সহায় হইতেছে, তাহারা বন্দী হইয়া তোমাদের নিকটে আসিলে তোমরা তাহাদিগকে “ফদিয়া” * (বিনিময়) কর ; প্রকৃত পক্ষে তাহাদিগকে তাড়িত কর, তাহা তোমাদের সম্বন্ধে অবৈধ, অনন্তর তোমরা কি কোন গ্রন্থকে বিশ্বাস করিয়া কোন গ্রন্থের প্রতি বিপক্ষতাচরণ কর ? তোমাদের মধ্যে যাহারা একরূপ করে, তাহাদের পার্থিব জীবনে দুর্গতি ও বিচার-দিবসে তাহারা গুরুতর শাস্তিতে প্রত্যাহিত হইবে ; তোমরা যাহা করিতেছে, ঈশ্বর তাহা অজ্ঞাত নহেন । ৮৫ । ইহারা সেই সকল লোক, যাহারা পরলোকের বিনিময়ে পার্থিব জীবন ক্রয় করিয়াছে, অতএব ইহাদের সম্বন্ধে দণ্ড লঘু হইবে না, এবং ইহারা সাহায্য পাইবে না । ৮৬ । (র, ১০, আ, ৪)

এবং সত্যসত্যি আমি মুসাকে গ্রন্থ দান করিয়াছি ও তাহার পরে ক্রমান্বয়ে প্রেরিত পুরুষ সকলকে আনিয়াছি, এবং মরয়মের পুত্র ঈসাকে উজ্জ্বল অলৌকিকতা সকল দান করিয়াছি ও পবিত্রাত্মাযোগে তাহার প্রতি বল বিধান করিয়াছি ; † পরে যখন কোন প্রেরিত পুরুষ, যাহা তোমাদের অন্তর ভাল বাসিত না, তাহা লইয়া তোমাদিগের নিকটে উপস্থিত হইল, ভাল, তোমরা তখন অহঙ্কার করিলে ? অবশেষে তোমরা এক দলকে বধ করিলে ও এক দলকে মিথ্যাবাদী বলিলে ‡ । ৮৭ । এবং তাহারা বলে যে, “আমাদের অন্তঃকরণ আবৃত,” বরং তাহাদের বিরুদ্ধাচারের জগু তাহাদের প্রতি ঈশ্বর অভিসম্পাত করিয়াছেন, পরন্তু তাহারা যাহা বিশ্বাস করে, তাহা অল্প । ৮৮ । এবং তাহাদের সম্বন্ধে যে গ্রন্থ আছে, তাহার প্রমাণকারী গ্রন্থ (কোর-আন) ঈশ্বরের নিকট হইতে যখন তাহাদের সন্নিধানে অবতীর্ণ হইল, তাহারা পূর্ব হইতে ধর্ম্মজোহীদিগের উপর জয়াঘেষণ করিতেছিল, অবশেষে তাহাদের নিকটে তাহারা যাহার জ্ঞান রাখিত, তাহা উপস্থিত হইলে তাহা অস্বীকার করিল ; অতএব সেই ঈশ্বরজোহী লোকদিগের উপর ঈশ্বরের অভিসম্পাত হয় § । ৮৯ । যাহার বিনিময়ে তাহারা জীবনকে বিক্রয় করিয়াছে, তাহা অসং, এই যে ঈশ্বরের নিকট হইতে যাহা (প্রত্যাদেশ) অবতীর্ণ, তাহারা বিদ্বেষবশতঃ তাহার বিরোধী হইয়াছে, ঈশ্বর স্বীয় অঙ্গুগ্রহে আপন দাসদিগের মধ্যে যাহার প্রতি ইচ্ছা হয়, তাহা অবতারণ করেন ; অনন্তর তাহারা (পরমেশ্বরের) ক্রোধের পর ক্রোধে

* কোন বন্দীকে ক্রয় করিলে, যে বস্তু দ্বারা ক্রয় করা হয়, তাহাকে “ফদিয়া” বলে । এশ্রায়েল-বংশীয় লোকের ; স্বজাতীয় কোন লোককে বন্দী পাইলে, তাহার বিনিময়ে অগ্র বন্দীকে ক্রয় করিয়া ক্রীতদাস করিয়া রাখিতেন ।

+ পবিত্রাত্মাই হেব্রিল, হেব্রিল সর্ব্বদা মহান্ন ঈসায় সঙ্গে সঙ্গে থাকিতেন । (ত, ফা,)

‡ ইহুদিরা প্রেরিত পুরুষ ইয়ুহা ও জকরিয়াকে হত্যা করিয়াছিল ; (ত, ফা,)

§ ইহুদিরা খ্রীষ্টবাদীদিগের সঙ্গে তর্ক বিতর্ক কালে স্বীয় ধর্ম্মগ্রন্থে সপ্রমাণ করিতে যাইয়া বলিত যে, সন্ময়ই ভবিষ্যৎ সংবাদবাহক উপস্থিত হইবেন । এক্ষণ তাহারা সেই সংবাদবাহক হজরত মোহাম্মদকে অস্বীকার করিল । (ত, ফা,)

প্রত্যাবর্তিত হইল *, এবং ঈশ্বরজ্যোতীদিগের জগৎ বিধম শান্তি আছে। ২০। এবং যখন তাহাদিগকে বলা হইল যে, “ঈশ্বর যাহা অবতারণ করিয়াছেন, তাহাতে বিশ্বাস কর,” তাহারা বলিল, “আমাদিগের প্রতি যাহা অবতীর্ণ, আমরা তাহা বিশ্বাস করিতেছি।” এবং উহা ব্যতীত যাহা, তাহারা তাহার বিরোধী হইল, প্রকৃতপক্ষে ইহা (এই কোর্ন-আন্) সত্য, তাহাদের নিকটে যাহা (যে পুস্তক) আছে তাহার প্রমাণকারী, তাহাদিগকে জিজ্ঞাসা কর, যদি তোমরা বিশ্বাসী ছিলে, তবে ইতিপূর্বে ঈশ্বরের সংবাদবাহকদিগকে কেন বধ করিয়াছিলে? ২১। এবং সত্য সত্যই মুসা উজ্জল নিদর্শন সকল সহ তোমাদের নিকটে উপস্থিত হইয়াছিল; পরে তোমরা তাহার অগোচরে গোবৎসকে আশ্রয় করিলে ও তোমরা অগ্নাঘাচারী হইলে। ২২। এবং যখন আমি তোমাদের হইতে অঙ্গীকার গ্রহণ করিলাম ও তোমাদের উপর তুরগিরি উত্থাপন করিয়া বলিলাম, “যাহা আমি দান করিলাম, তাহা দৃঢ়রূপে গ্রহণ কর ও শ্রবণ কর”; তাহারা বলিল, “শুনিলাম ও অগ্রাহ্য করিলাম”; † তাহারা স্বীয় বিদ্রোহিতাবশতঃ আপন অন্তরে গোবৎসের (প্রেম) পান করিল, বল (হে মোহাম্মদ,) যদি তোমরা ধার্মিক, তবে তোমাদের ধর্ম যাহা আদেশ করিতেছে তাহা অকল্যাণ! ‡ ২৩। বল, যদি ঈশ্বরের নিকটে অপর লোক অপেক্ষা তোমাদের জগৎ বিশেষ পারলৌকিক আলায় থাকে, তবে মৃত্যুকে আকাঙ্ক্ষা কর, যদি তোমরা সত্যবাদী হও §। ২৪। এবং পূর্বে তাহাদের হস্ত যাহা প্রেরণ করিয়াছে, ¶ সেই কারণে তাহারা তাহা (মৃত্যুকে) কখনও আকাঙ্ক্ষা করিবে না, পরমেশ্বর অত্যাচারীদিগকে জ্ঞাত আছেন। ২৫। অবশ্য তুমি তাহাদিগকে পার্থিব জীবনের প্রতি অগ্ন লোক অপেক্ষা এবং অনেকেশ্বরবাদীদিগের অপেক্ষা অধিক আসক্ত পাইবে, তাহাদের এক একজন সহস্র বৎসর আয়ু প্রদত্ত হয় এরূপ ইচ্ছা করে, এবং (এই প্রকার) জীবন প্রদত্ত হইলেও তাহা তাহাদিগকে শান্তি হইতে রক্ষা করিবে না ও তাহারা যাহা করে, ঈশ্বর তাহার দর্শক। ২৬। (র, ১১, আ, ১০)

* ইহদিরা মহাপুরুষ ঈসাকে ও বাইবলকে অগ্রাহ্য করিয়া একবার ঈশ্বরের কোপে পতিত হয়; পুনর্বীর মহাপুরুষ মোহাম্মদ ও কোর্ন-আন্কে অঙ্গীকার করিয় ফ্রোথে পতিত হইল। (ত, হো,)

† “শুনিলাম ও অগ্রাহ্য করিলাম” এই কথাই তাৎপৰ্য্য, তাহারা মুখে গ্রাহ্য করিল এবং জীবকে অগ্রাহ্য করিল। এই বাক্যের প্রথমংশ ইহদিদিগের প্রতি, শেষাংশ ইহদিদিগের চরিত্র সম্বন্ধে হজরত মোহাম্মদের প্রতি উক্ত হইয়াছে।

‡ এখানে এই উক্তি তাৎপৰ্য্য এই যে, তোমরা ধার্মিক নও, কল্পিত ধার্মিক। যেহেতু ধর্ম ধার্মিককে অকল্যাণ আদেশ করেন না। অধর্ম হইতেই অকল্যাণ হয়। (ত, হো,)

§ ইহদিরা বলিয়া থাকে যে, মৃত্যুর পর স্বর্গে কেবল আমরাই বাইব, আমাদের শান্তি হইবে না। ঈশ্বর বলিলেন, যদি তোমরা স্বর্গে বাইবে, তবে মৃত্যুকে কেন ভয় কর?

¶ ইহার তাৎপৰ্য্য, পেগাম্বরদিগকে হত্যা করা ও ঈশ্বরতত্ত্ব অঙ্গীকার করা বলতঃ ইহদিরা যে পাপের দণ্ড ঈশ্বরের নিকটে সঙ্গম করিয়াছে, সেই ভয়ে তাহারা মৃত্যু আকাঙ্ক্ষা করিবে না।

বল, যে ব্যক্তি জেব্রিলের বিরোধী হয় (সে কেমন অনিষ্ট করে ?) কেননা নিশ্চয় সে ঈশ্বরের আদেশে তোমার অন্তরে ইহা (কোর্-আন্) অবতারণ করে, তাহার (ইহদির) হস্তে যে গ্রন্থ আছে, ইহা তাহার সত্যতার প্রতিপাদক ও বিশ্বাসীদের জন্য পথপ্রদর্শক এবং সুসংবাদদাতা। ২৭। যে ব্যক্তি ঈশ্বরের ও তাঁহার দেবগণের ও তাঁহার প্রেরিত-গণের এবং জেব্রিল ও মেকাইলের বিরোধী হয়, পরে নিশ্চয় ঈশ্বর সেই ধর্মবিরোধীর বিরোধী হন। ২৮। এবং সত্যসত্যই আমি তোমার নিকটে উজ্জ্বল নিদর্শন সকল উপস্থিত করিয়াছি, দুর্ভৃৎ লোক ব্যতীত কেহ তাহার বিরোধী হয় না। ২৯। কেমন, যখন তাহারা প্রতিজ্ঞা বন্ধন করিল, তখন তাহাদের এক দল তাহা পরিত্যাগ করিল, এবং তাহাদের অধিকাংশ বিশ্বাস করিতেছে না। ১০০। এবং যখন ঈশ্বরের নিকট হইতে তাহাদের সন্নিধানে প্রেরিত পুরুষ তাহাদের সঙ্গে যাহা (যে পুস্তক) আছে, তাহার সত্যতা প্রতিপাদন করিতে আগমন করিল, সেই যাহাদিগকে গ্রন্থ প্রদত্ত হই-
য়াছে, তাহাদের এক দল ঐশী গ্রন্থকে আপন পশ্চাত্তাপে নিক্ষেপ করিল, যেন তাহারা ইহা জ্ঞাত নহে *। ১০১। এবং সোলয়মানের রাজত্ব কালে দৈত্যগণ যাহা অধ্যয়ন করিত, তাহারা উহার অম্মসরণ করিয়াছে, সোলয়মান ধর্মবিরোধী হয় নাই; কিন্তু দৈত্যগণ ধর্মবিরোধী হইয়াছিল, তাহারা লোকদিগকে ঐন্দ্রজালিক বিদ্যা শিক্ষা দিত, এবং বাবেল নগরে দুই দেবতা হারুত ও মারুতের প্রতি যাহা (সজ্ঞাটিত হইয়াছিল, ইহার উহার অম্মসরণ করিতেছে,) কিন্তু তাহারা যে পর্যন্ত না ব্যক্ত করিতেছিল যে আমরা পরীক্ষায় পড়িয়াছি, অতএব তোমরা কাকের হইও না, সে পর্যন্ত কাহাকেও শিক্ষা দান করিত না; পরে লোকে যাহা দ্বারা স্বামী স্ত্রীর মধ্যে বিচ্ছেদ সজ্ঞাটিত হয়, তাহা-
দের নিকটে তাহা শিক্ষা করিত; এবং তাহারা ঈশ্বরের আজ্ঞা ব্যতীত কাহারও ক্ষতি করিতে পারে না, এবং তাহারা তাহা শিক্ষা করে যাহাতে তাহাদেরই ক্ষতি হয়, লাভ হয় না, এবং সত্যসত্যই তাহারা জ্ঞাত আছে যে, যে ব্যক্তি তাহা (ঐন্দ্রজালিক বিদ্যা) ক্রয় করিয়াছে, পরকালে তাহার কোন লাভ হয় নাই, তাহার বিনিময়ে যে আত্মবিক্রয় করিয়াছে নিশ্চয় তাহা মন্দ, তাহারা তাহা বুঝিলে ভাল ছিল † ১০২। এবং নিশ্চয়

* ইহদি সম্প্রদায়ের পণ্ডিতগণ কোর্-আনকে অস্বীকার করে।

(ত, হো,)

† ইহদিরা নিজের ধর্ম ও ধর্মগ্রন্থ পরিত্যাগ করিয়া ঐন্দ্রজালিক বিদ্যাশিক্ষায় প্রবৃত্ত হয়। ঐন্দ্রজালিক বিদ্যা দুই উপায়ে লোকে লাভ করে। সোলয়মানের সময়ে মনুষ্য ও দৈত্যগণ একত্র ছিল। লোকে দৈত্যগণের নিকটে ঐন্দ্রজালিক বিদ্যা শিক্ষা করিয়াছিল। ইহদিরা বলে, সোলয়মান হইতে আমরা এই বিদ্যা লাভ করিয়াছি, সোলয়মান ইহারই বলে মনুষ্য ও প্রেতলোকের উপর কর্তৃত্ব করিয়াছিলেন। ঈশ্বর কহিতেছেন যে, ইহা ধর্মবিরুদ্ধ কার্য, ধার্মিক সোলয়মানের এরূপ কার্য নহে। তাহার সময় দানবগণই শিক্ষা দান করিয়াছিল। দ্বিতীয়তঃ হারুত ও মারুত এই বিদ্যা শিক্ষা দিয়াছে, ইহদিরা এরূপও বলিয়া থাকে। হারুত ও মারুত দুই দেবতার নাম, তাহারা মনুষ্যের

তাহারা যদি বিশ্বাসী হইত, বৈরাগ্য অবলম্বন করিত, তবে নিশ্চয় ঈশ্বরের নিকটে উত্তম পুরস্কার হইত, যদি তাহারা বুঝিত, ভাল ছিল। ১০৩। (র, ১২, আ, ৭)

হে বিশ্বাসী লোক সকল, “রাআনা” * এই শব্দ উচ্চারণ করিও না, এবং বলিও, আমরাদিগকে লক্ষ্য কর ও শ্রবণ কর, এবং ঈশ্বরজ্যোতী লোকদিগের জন্ত ক্লেশজনক শাস্তি আছে। ১০৪। গ্রন্থাবলম্বী ব্যক্তিদিগের মধ্যে যাহারা ঈশ্বরজ্যোতী হইয়াছে তাহারা এবং অংশিবাদীরা তোমাদের প্রতি ঈশ্বর হইতে কোন কল্যাণ অবতীর্ণ হয় ইহা ভালবাসে না, এবং ঈশ্বর নিজকৃপাশ্রুতি যাহাকে ইচ্ছা হয় বিশেষত্ব দান করেন, ঈশ্বর মহান্ সমুদ্রত। ১০৫। আমি কোন নিদর্শনের যাহা খণ্ডন করি, অথবা বিন্যস্ত করাইয়া থাকি, তাহা অপেক্ষা উত্তম বা ততুল্য (নিদর্শন) আনয়ন করিয়া থাকি; তুমি কি জ্ঞাত হও নাই যে, ঈশ্বর সর্বোপরি ক্ষমতাশালী? ১০৬। তোমরা কি জান নাই যে, ছালোক ও ভুলোকের রাজত্ব ঈশ্বরেরই, এবং ঈশ্বর ব্যতীত তোমাদের বন্ধু ও সহায় নাই? ১০৭। ইতিপূর্বে যেমন মুসাকে প্রশ্ন করিয়াছিল, তোমরাও কি আপনাদের তত্ত্ববাহককে সেইরূপ প্রশ্ন করিতে চাহ? † এবং যে ব্যক্তি অবিশ্বাসের সঙ্গে বিশ্বাসের বিনিময় করে, পরে নিশ্চয় সে সরল পথ হারায়। ১০৮। তোমাদের বিশ্বাস লাভের পর তোমাদিগকে যেন ঈশ্বরজ্যোতী করিয়া তোলে, গ্রন্থধারীদিগের অনেকে আন্তরিক বিদ্বেষবশতঃ তাহাদের জন্ত সত্য প্রকাশিত হওয়ার পর ইহা ভাল বাসিয়াছে, যে পর্যন্ত ঈশ্বর স্বীয় আজ্ঞা

আকারে বাবেল নগরে আপনাদের পাপের শাস্তি ভোগ করিতেছিলেন। তাহারা ঐজ্ঞাতালিক বিভ্রান্ত পারদর্শী ছিলেন। যে কোন ব্যক্তি তাহা শিক্ষা করিবার জন্ত তাহাদের নিকটে উপস্থিত হইত, তাহারা প্রথমতঃ বলিতেন যে, ইহাতে ধর্মের হানি হয়, আমরা এজন্ত শাস্তি পাইতেছি। তৎপর একান্ত বাধ্য করিলে তাহারা শিক্ষা দান করিতেন। ঈশ্বর পরীক্ষা করিতে চাহেন। ঈশ্বর বলিয়াছেন যে, এইরূপে পারলৌকিক কল্যাণ হয় না, বরং অকল্যাণ হয়, এবং সংসারে ক্ষতি হয়। ঈশ্বরের আজ্ঞা ব্যতীত কেহ কিছু করিতে পারে না। (ত, ফা,)

* হজরত মোহাম্মদ যখন সাধারণকে উপদেশ দিতেন, তখন ইহুদিরা কোন কথা বুঝিতে না পারিলে তাহা বুঝিয়া লইবার জন্ত কিম্বা উপদেশের ভাবে রাআনা বলিত; “রাআনা” শব্দের অর্থ, আমাদের প্রতি লক্ষ্য কর, কিন্তু ইহুদিদিগের অভিধানে “রাআনা” শব্দে নির্কোষধকে বুঝায়। তাহাদের অনেকে “রাআনাকেই” “রাআনার” স্থায় উচ্চারণ করিত। ইহুদিদিগের দৃষ্টান্তে মোসলমানেরাও কখন কখন প্রেরিত পুরুষকে লক্ষ্য করিয়া “রাআনা” বলিত। এ জন্ত ঈশ্বর বলিতেছেন যে, তোমরা স্বীয় প্রেরিত পুরুষের প্রতি “রাআনা” শব্দ প্রয়োগ করিও না। (ত, ফা,)

† মহাপুরুষ মুসাকে তাহার অমুর্ভাগ্য পরীক্ষা করিবার জন্ত নানা প্রশ্ন করিয়াছিল। ঈশ্বর এসলামধর্মাবলম্বীদিগকে বলিতেছেন যে, তোমরা কি ইহুদিদিগের প্ররোচনার সেইরূপ তোমাদের তত্ত্ববাহককে প্রশ্ন করিয়া পরীক্ষা করিবে? (ত, হো,)

অর্থাৎ ইহুদিরা যেমন আপনাদের তত্ত্ববাহক মুসার প্রতি সন্দেহ করিয়াছিল, তাহাদিগের স্থায় তোমরা আপন দলের তত্ত্ববাহককে সন্দেহ করিও না। (ত, ফা,)

উপস্থিত না করেন, তোমরা ক্ষমা করিতে থাক ও উপেক্ষা কর, * নিশ্চয় ঈশ্বর সর্বোপরি ক্ষমতাশালী। ১০৯। এবং তোমরা নমাজকে প্রতিষ্ঠিত রাখ ও জাকাত দান কর, এবং সংকার্য্য দ্বারা যাহা নিজেদের জন্ত পূর্বে পাঠাইবে, ঈশ্বরের নিকটে তাহা প্রাপ্ত হইবে; তোমরা যাহা কর, নিশ্চয় ঈশ্বর তাহার দর্শক। ১১০। এবং তাহারা বলে, যাহারা মুসায়ী ও ঈসায়ী লোক হয়, তাহারা ব্যতীত অস্ত্র কেহ কখনও স্বর্গেও যাইবে না, তাহাদের ইহাই আকিঞ্চন; বল, (হে মোহম্মদ,) যদি তোমরা সত্যবাদী হও, তবে আপনাদের প্রমাণ উপস্থিত কর। ১১১। হাঁ, যে ব্যক্তি পরমেশ্বরের দিকে আপনার আনন স্থাপন করিয়াছে, এবং সংকল্পশীল হইয়াছে, পরে তাহার জন্ত তাহার প্রতিপালকের নিকটে পুরস্কার আছে ও তাহার সঞ্চকে ভয় নাই, সে শোকগ্রস্ত হইবে না। ১১২। (ব, ১৩, আ, ২)

এবং মুসায়ীরা বলে যে, ঈসায়িগণ কিছুই নয়, এবং ঈসায়ীরা বলে, মুসায়িগণ কিছুই নয়, ইহারা সকলেই গ্রন্থ অধ্যয়ন করে; এইরূপ যাহারা জ্ঞানহীন, তাহারাও ইহাদের স্তায় কথা বলিয়া থাকে; কিন্তু ইহাদের যে বিষয় লইয়া বিবাদ, তদ্বিষয়ে ঈশ্বর বিচার-দিবসে ইহাদের মধ্যে আজ্ঞা প্রচার করিবেন। ১১৩। এবং যাহারা ঈশ্বরের মন্দির সকলে তাঁহার নাম চর্চা করিতে দিতেছে না ও তাহা উৎসন্ন করিতে চেষ্টা করিয়াছে, তাহাদের অপেক্ষা সমধিক অত্যাচারী কে? সেই সকল লোকের উচিত নহে যে, শঙ্কিত না হইয়া তন্মধ্যে প্রবেশ করে, তাহাদের জন্ত পৃথিবীতে দুর্গতি ও পরলোকে কঠিন শাস্তি আছে †। ১১৪। এবং পূর্ব ও পশ্চিম দিক্ ঈশ্বরের, অতএব যে দিকে তোমরা মুখ ফিরাইবে, সেই দিকেই ঈশ্বরের আনন, নিশ্চয় ঈশ্বর প্রমুক্ত ও জ্ঞানী। ১১৫। এবং তাহারা বলে, ঈশ্বর সন্তান গ্রহণ করিয়াছিলেন; তিনি নির্বিকার, বরং ভূমণ্ডলে ও নভোমণ্ডলে যাহা আছে তাহা তাঁহারই ও সকলে তাঁহারই আজ্ঞামুবর্তী। ১১৬। তিনি দ্ব্যলোক ও ভূলোকের স্রষ্টা, এবং যখন তিনি কোন কার্য্য করেন, তখন তাহার জন্ত ‘হও’ মাত্র বলেন, ইহা বৈ নহে, তাহাতেই হয়। ১১৭। এবং অজ্ঞান লোকেরা বলিয়া থাকে যে, “ঈশ্বর আমাদের সঙ্গে কেন কথা কহেন না, এবং কেন আমাদের নিকটে নিদর্শন আসিতেছে না?” এইরূপে ইহাদের বাক্যের স্তায় ইহাদের পূর্ববর্তী লোকেরাও বলিয়াছে, ইহাদিগের অন্তরের পরস্পর সাদৃশ্য আছে,

* পরে আজ্ঞা হইয়াছিল যে, ইহুদিদিগকে মদিনার নিকট হইতে দূর করিয়া দাও। (ত, কা,)

† ঈসায়ীদের সঞ্চকে এই উক্তি; ঈসায়ীরা আপনাদিগকে স্ত্রায়াচারী ও ইহুদিদিগকে অত্যাচারী মনে করিয়া বলিত, ইহুদিরা প্রভু ঈসার সঙ্গে শত্রুতা করিয়াছে, এবং আমরা তাঁহাকে মান্ত করিয়াছি। পরমেশ্বর বলিতেছেন যে, ঈসায়ীরা যখন প্রবল হইয়াছিল, তখন বরতোল্ মকদ্দস মন্দির এবং ইহুদিদিগের অপর মন্দির সকল উৎসন্ন করিয়াছিল। বরতোল্ মকদ্দস শামদেশে মহাপুরুষ সোলয়মান কর্তৃক নির্মিত হইয়াছিল, ঠাউর তাহার নির্মাণ আরম্ভ করিয়াছিলেন। (ত, কা,)

নিশ্চয় আমি বিশ্বাসিমগুলীর জন্ত নিদর্শন সকল ব্যক্ত করিয়া থাকি *। ১১৮। নিশ্চয় আমি যথার্থ ভাবে তোমাকে সুসংবাদদাতা ও ভয়প্রদর্শক রূপে পাঠাইয়াছি, এবং নারকদিগের বিষয়ে তুমি জিজ্ঞাসিত হইবে না। ১১৯। এবং ইহুদি ও ঈসায়ী লোকেরা তুমি তাহাদের ধর্মের অনুসরণ না করিলে কখনও তোমার প্রতি সন্তুষ্ট হইবে না; বল, নিশ্চয় ঈশ্বরের উপদেশই সেই উপদেশ, এবং তোমার নিকটে যে জ্ঞান উপস্থিত হইয়াছে, তাহার পর যদি তুমি তাহাদের ইচ্ছার অনুসরণ কর, তবে ঈশ্বরের (শাস্তি হইতে রক্ষা করিবার) তোমার কোন বন্ধু ও সহায় নাই। ১২০। যাহারা আমি যে গ্রন্থ তাহাদিগকে দিয়াছি, তাহার বিস্তৃত অধ্যয়নরূপে অধ্যয়ন করে, তাহার প্রতি (কোর্-আন্ গ্রন্থে) বিশ্বাস স্থাপন করিতেছে, এবং যে সকল লোক ইহাকে অগ্রাহ্য করিতেছে, অনন্তর ইহারা ইহা যাহা যে অনিষ্টকারী। ১২১। (র, ১৪, আ, ২)

হে এস্রায়েলবংশীয় লোক সকল, যাহা আমি তোমাদিগকে দান করিয়াছি, সেই মংপ্রদত্ত সম্পদ স্বরণ কর, নিশ্চয় আমি সকল লোকের উপর তোমাদিগকে শ্রেষ্ঠত্ব দান করিয়াছি। ১২২। এবং সেই দিনকে ভয় কর, যে দিনে কেহ কাহারও কিছু উপকার করিবে না ও কাহা হইতে বিনিময় গৃহীত হইবে না, এবং পাপক্ষমার অন্তরোধ কাহাকেও ফল বিধান করিবে না ও তাহাদিগকে সাহায্য করা যাইবে না। ১২৩। এবং (স্মরণ কর,) যখন এব্রাহিমকে তাহার প্রতিপালক কয়েক কথায় পরীক্ষা করিলেন, পরে সে তাহা পূর্ণ করিল, তিনি বলিলেন, নিশ্চয় আমি তোমাকে মনুষ্যজাতির নেতা করিতেছি, সে বলিল, “আমার বংশের লোকদিগকেও করিবে,” তিনি বলিলেন, “অত্যাচারীদিগের প্রতি আমার অঙ্গীকার পছন্দ না।” ১২৪।

* ইহুদিদিগের সম্বন্ধে এই উক্তি; অর্থাৎ বর্তমান কালের ইহুদিরা যেরূপ বলিতেছে, পূর্বতন ইহুদিমণ্ডলীও স্বীয় পেশাদারকে এরূপ বলিয়াছিল। (ত, ফা,)

† মহাপুরুষ মোহাম্মদ এক দিন নিবেদন করিয়াছিলেন, “যদি তুমি অবিবাসী ইহুদিদিগের জন্ত একটি ভয়ঙ্কর শাস্তির দ্বার উন্মুক্ত করিতে, তাহা হইলে তাহার। গুরুতর শাস্তির ভয়ে সরল ধর্মপথে উপনীত হইত।” এই উক্তির উত্তরে ঈশ্বর তাহার নিকটে এই নিদর্শন অর্থাৎ এই প্রবচন প্রেরণ করেন। তাহার তাৎপর্য এই যে, এই অবিবাসীরা নরলোকনিবাসী, ইহারা কেন বিধানে বিশ্বাস করিল না, এ বিষয়ে আমি তোমাকে শ্রদ্ধা করিব না, তোমার কার্য প্রত্যাশে প্রচার করা, আমার কার্য পাপীদিগের বিচার করা। (ত, হো,)

অর্থাৎ তোমার প্রতি এরূপ দোষারোপ হইবে না।

(ত, ফা,)

‡ সেলামের পুত্র আবদোলা নামক ইহুদি “তওরাত” গ্রন্থ সত্যভাবে পাঠ করিয়া, কোর্-আনে বিশ্বাস স্থাপনপূর্বক সবাক্বে এসলাম ধর্ম গ্রহণ করিয়াছিলেন। আবৃত্ত্যের পুত্র জাকেরের সঙ্গে আফ্রিকা হইতে যে একদল ঈসায়ী আসিয়াছিল, তাহার। বাইবেল গ্রন্থ প্রকৃতরূপে পাঠ করিয়া মোসলমান হইয়াছিল। অতএব “যাহারা আমার প্রদত্ত পুস্তক” ইত্যাদি উক্ত হইয়াছে। যে ব্যক্তি আপনায় ধর্মগ্রন্থ যথার্থরূপে পাঠ করে, কিংবা তাহার অনুসরণ করে, সে কোর্-আনে বিশ্বাসী হয়। (ত, হো,)

এবং (স্মরণ কর,) যখন আমি মল্লযোৱ জন্ত শান্তিস্থান ও প্রত্যাবর্তনভূমি কাবামন্দির নির্মাণ করিলাম, এবং (বলিলাম,) তোমরা এত্রাহিমের স্থানকে উপাসনাভূমি কর; আমি এত্রাহিম ও এস্মায়িলকে আদেশ করিয়াছিলাম, যেন প্রদক্ষিণকারী ও নিৰ্জ্জনতা-ব্রতধারী, উপাসনাকারী, প্রণামকারী লোকদিগের জন্ত আমার মন্দিরকে পবিত্র রাখে* । ১২৫। এবং (স্মরণ কর,) যখন এত্রাহিম বলিল, “হে আমার প্রতিপালক, এই নগরকে তুমি শান্তিযুক্ত কর, ইহার অধিবাসীদিগের মধ্যে যাহারা ঈশ্বরে ও পরকালে বিশ্বাস স্থাপন করিয়াছে, তাহাদিগকে জীবিকারূপে ফল দান কর;” তিনি বলিলেন, “যে ব্যক্তি ঈশ্বরদ্রোহী, তাহাকে আমি অগ্নি ভোগ করিতে দিব, তৎপর উপায়হীন করিয়া তাহাকে নরকের দিকে আনয়ন করিব, (তাহা) মন্দ স্থান”। ১২৬। এবং যখন এত্রাহিম ও এস্মায়িল মন্দিরের প্রাচীর সকল উন্নত করিয়া তুলিল, তখন (বলিল,) “হে আমাদের প্রতিপালক, তুমি আমাদের হইতে গ্রহণ কর, নিশ্চয় তুমি শ্রোতা ও জ্ঞাতা”। ১২৭। “হে আমাদের প্রতিপালক, এবং আমাদের তুমি স্বীয় অহুগত করিয়া লও ও আমাদের সন্তানদিগকে আপন অহুগত মণ্ডলী করিয়া লও, এবং আমাদের উপাসনাপ্রণালী প্রদর্শন কর ও আমাদের প্রতি প্রত্যাবর্তন কর, নিশ্চয় তুমি প্রত্যাবর্তনকারী ও কৃপালু”। ১২৮। “হে আমাদের প্রতিপালক, এবং তাহাদিগের (বংশ) হইতে তাহাদিগের নিকটে প্রেরিত পুরুষ প্রেরণ কর, তাহারা তাহাদিগের নিকট তোমার নিদর্শন সকল পাঠ করিবেন ও তাহাদিগকে ধর্মপুস্তক ও জ্ঞান শিক্ষা দিবেন এবং তাহাদিগকে শুদ্ধ করিবেন, নিশ্চয় তুমি পরাক্রান্ত ও বিজ্ঞাতা”। ১২৯। (র, ১৫, আ, ৮)

যাহারা আত্মজ্ঞানবিহীন, তাহারা ব্যতীত কে এত্রাহিম-প্রবর্তিত ধর্মের প্রতি বিমুখ হয়? সত্যসত্যই আমি তাহাকে ইহলোকে গ্রহণ করিয়াছি, এবং নিশ্চয় সে পরলোকে সাধুদিগের অন্তর্গত। ১৩০। যখন তাহার প্রতিপালক তাহাকে বলিলেন, “অহুগত হও,” সে বলিল, “বিশ্বপালকের অহুগত হইলাম।” ১৩১। এবং এত্রাহিম ও ইয়াকুব স্বীয় পুত্রদিগকে উপদেশ দিয়াছিল যে, “হে আমার পুত্রগণ, নিশ্চয় ঈশ্বর তোমাদের জন্ত এই ধর্ম মনোনীত করিয়াছেন, অতএব ধর্মাবলম্বী না হইয়া প্রাণত্যাগ করিও না”। ১৩২। যখন ইয়াকুবের মৃত্যু সজ্জাটিত হয়, তখন তোমরা কি উপস্থিত ছিলে? সেই সময় সে আপন পুত্রদিগকে জিজ্ঞাসা করিয়াছিল যে, “আমার অভাব হইলে তোমরা কোন্ বস্তুর উপাসনা করিবে?” তাহারা বলিয়াছিল, “আমরা তোমার ও

* এস্মায়িল মহাপুরুষ এত্রাহিমের পুত্র, ইনিই মোসলমানদিগের আদি পুরুষ। এত্রাহিমের অপর পুত্র এসহাকের বংশে ইহুদিজাতি উৎপন্ন হয়। এত্রাহিম এস্মায়িলকে সঙ্গে করিয়া মক্কার মন্দির নির্মাণ করেন। কালক্রমে সেই মন্দিরে প্রতিমা সকল প্রতিষ্ঠিত ও পূজিত হয়। পরে হজরত মোহাম্মদ সেই সকল প্রতিমা বিনাশ করিয়া তাহাতে নিরাকার ঈশ্বরের পূজা প্রতিষ্ঠিত করেন।

তোমার পিতৃপুত্র এব্রাহিম ও এস্মায়িল এবং এস্হাকের ঈশ্বরের উপাসনা করিব, সেই ঈশ্বর একমাত্র, এবং আমরা তাঁহারই অলুগত*। ১৩৩। সেই মণ্ডলী চলিয়া গিয়াছে, তাহারা যাহা সঞ্চয় করিয়াছে তাহা তাহাদেরই জন্ত ও তোমরা যাহা সঞ্চয় করিয়াছ তাহা তোমাদের জন্ত, এবং তাহারা যাহা করিয়াছে তদ্বিষয়ে তোমাদিগের নিকটে প্রশ্ন হইবে না। ১৩৪। তাহারা বলে, “মুসায়ী হও বা ঈসায়ী হও, তবে পথ প্রাপ্ত হইবে, তুমি বল, বরং এব্রাহিমের ধর্ম সত্য, এবং তিনি অনেকেশ্বরবাদী ছিলেন না। ১৩৫। তোমরা বল, আমরা ঈশ্বরে বিশ্বাস স্থাপন করিলাম, এবং যাহা এব্রাহিমের প্রতি ও যাহা এস্মায়িল, এস্হাক, ইয়াকুব এবং (তাঁহাদের) সন্তানগণের প্রতি অবতীর্ণ হইয়াছে, এবং যাহা মুসার ও ঈসার প্রতি প্রদত্ত হইয়াছে, এবং যাহা অপর তত্ত্ববাহকগণের প্রতি তাঁহাদের প্রতিপালক কর্তৃক প্রদত্ত হইয়াছে, তৎসমুদায়ের প্রতি (বিশ্বাস স্থাপন করিলাম,) তাহাদের মধ্যে কাহাকেও প্রভেদ করিতেছি না, এবং আমরা তাঁহারই অলুগত। ১৩৬। অনন্তর তোমরা যাহাতে যেরূপ বিশ্বাস স্থাপন করিয়াছ, যদি তৎপ্রতি তদ্রূপ তাহারা বিশ্বাস স্থাপন করে, তবে নিশ্চয় আলোক পাইতে পারে, এবং যদি বিমুখ হয়, তবে তাহারা বিরোধী, ইহা বৈ নহে, অতএব সত্বরই ঈশ্বর তাহাদিগ হইতে প্রতিশোধ লইবেন, এবং তিনি শ্রোতা ও জ্ঞাতা*। ১৩৭। ঈশ্বর-প্রদত্ত বর্ণ আছে, এবং বর্ণদান বিষয়ে ঈশ্বর অপেক্ষা কে শ্রেষ্ঠ? ও আমরা তাঁহারই উপাসক†। ১৩৮। (বল,) ঈশ্বরসম্বন্ধে তোমরা কি আমাদের সঙ্গে বিতণ্ডা করিতেছ? এবং তিনি আমাদের প্রতিপালক ও তোমাদের প্রতিপালক, এবং আমাদের জন্ত আমাদের কার্য ও তোমাদের জন্ত তোমাদের কার্য, এবং আমরা তাঁহার প্রেমালুগত। ১৩৯। তোমরা কি বলিয়া থাক যে, এব্রাহিম, এস্মায়িল ও এস্হাক ও ইয়াকুব এবং সন্তানগণ মুসায়ী কিম্বা ঈসায়ী ছিল? জিজ্ঞাসা কর, (হে মোহম্মদ,) তোমরা অধিক জ্ঞানী, না ঈশ্বর? এবং যে ব্যক্তি নিজের নিকটে বিদ্যমান ঈশ্বরসম্বন্ধীয় সাক্ষ্য গোপন করিতেছে, তাহা অপেক্ষা অত্যাচারী কে? তোমরা যাহা করিতেছ, ঈশ্বর তাহা

* এই সকল প্রবচন অবতীর্ণ হইলে পর ইহদিরা তত্ত্ববাহকের অধীনতা-স্বীকারে অসম্মত হইল। ঈসায়ীগণও মোসলমানদিগের বিরোধী হইয়া গর্ব করিতে লাগিল যে, আমাদের জলসংস্কার আছে, তোমাদের তাহা নাই। ঈসায়ীদিগের জলসংস্কার এই যে, সন্তান প্রসূত হইলে পর সাত দিন অন্তর তাহাকে তীর্থ জলে স্নান করায়। তাহাদের বিশ্বাস এই যে, ইহা দ্বারা সন্তান শুদ্ধ হয়। ইহা মুসায়ী-ধর্মসম্বন্ধত নহে, জব্লেদ-সংস্কারস্থানে ঈসায়ীদের এই জলসংস্কার। নিম্নলিখিত আয়তোক্ত ঐষরিক বর্ণের অর্থ ঐষরিক ধর্মসংস্কার।

(ত, হো,)

† ঈসায়ীলোকদিগের এরূপ রীতি ছিল যে, তাহারা যাহাকে স্বীয় ধর্মে দীক্ষিত করিত, তাহাকে পীত বর্ণে রঞ্জিত, পীত বসনে আচ্ছাদিত করিত। তজ্জন্ত এই প্রবচন ঈসায়ীদিগের সম্বন্ধে উক্ত হইল।

(ত, কা,)

অজ্ঞাত নহেন। ১৪০। সেই এক সম্প্রদায় ছিল নিশ্চয়ই চলিয়া গিয়াছে, তাহারা যাহা করিয়াছে তাহা তাহাদের জন্ত ও তোমরা যাহা করিয়াছ তাহা তোমাদের জন্ত, তাহারা যাহা করিয়াছে তন্নিমিত্ত তোমাদিগের প্রশ্ন হইবে না। ১৪১। (র, ১৬, আ, ১২)

এক্ষণে নির্বোধ লোকেরা বলিবে যে, যে কেব্লাতে তাহারা ছিল, তাহাদের সেই কেব্লা হইতে তাহাদিগকে কিসে ফিরাইল, * বল, পূর্ব ও পশ্চিম ঈশ্বরের, তিনি যাহাকে ইচ্ছা করেন, সরল পথের অভিমুখে পথ প্রদর্শন করিয়া থাকেন। ১৪২। এবং আমি তোমাদিগকে এইরূপ অসাধারণ মণ্ডলী প্রস্তুত করিয়াছি যে, তোমরা লোকের নিকটে সাক্ষী হইবে, এবং যে ব্যক্তি স্বীয় পদঘরের উপর ফিরিয়া যায়, তাহাকে ছাড়িয়া যে ব্যক্তি (স্বতন্ত্র) প্রেরিত পুরুষের অমুগত হয়, তাহাকে জানিবার জন্ত ব্যতীত তুমি যাহার অভিমুখে ছিলে, আমি সেই কেব্লা নির্দ্ধারণ করি নাই, † এবং সংবাদবাহক তোমাদের নিকটে সাক্ষী হইবে, নিশ্চয় (এ বিষয়টি) গুরুতর, কিন্তু ঈশ্বর যাহাদিগকে পথ প্রদর্শন করিয়াছেন তাহাদের জন্ত নহে, এবং ঈশ্বর (এরূপ) নহেন যে, তোমাদের ধর্ম নষ্ট করিবেন, নিশ্চয় ঈশ্বর লোকের প্রতি প্রেমিক ও অমুগ্রহকারী ‡। ১৪৩। নিশ্চয় আমি (হে মোহম্মদ,) আকাশের দিকে তোমার আনন প্রত্যাবর্তিত দেখিতেছি, অতএব তুমি যাহার প্রতি সন্তুষ্ট হইবে, সেই কেবলার দিকে অবশ্য আমি তোমাকে ফিরাইব, § অনন্তর তুমি কাবার দিকে আপন মুখ ফিরাও, তোমরা (হে মোসলমানগণ,)

* বাহার অভিমুখে নমাজ পড়া হয়, তাহাকে কেব্লা বলে। মোসলমানদিগের কেব্লা কাবা। পূর্বে বয়তোল্ মকদ্দস কেব্লা ছিল। মহাপুরুষ মোহম্মদ সকা হইতে মদিনায় আগমন করিয়া বয়তোল্ মকদ্দসের অভিমুখে নমাজ পড়িয়াছিলেন। পরে কাবা মন্দিরের দিকে নমাজ পড়িতে আদিষ্ট হইলেন। তখন ইহুদিগণ ও অনেক মোসলমান সন্দেহ করিতে লাগিল যে, এ কিরূপ তদ্-বাহক? যাহা সকল তদ্বাহকের কেব্লা ছিল, তাহাকে পরিত্যাগ করাত তদ্বাহকের লক্ষণ নহে। অতএব ঈশ্বর পূর্বেই বলিলেন যে, লোকে এরূপ বলিবে। (ত, হো,)

† পদঘরের উপর ফিরিয়া যায়, এস্থলে ইহার অর্থ, স্বতন্ত্র প্রেরিত পুরুষ হজরতকে অস্বীকার করে।

‡ ঈশ্বর এই প্রবচন মোসলমানমণ্ডলীর প্রতি এই ভাবে ব্যক্ত করিলেন যে, তোমাদিগের মধ্যে পূর্ণতা, শত্রুদিগের মধ্যে অপূর্ণতা। প্রথমতঃ তোমরা সমুদায় প্রেরিত পুরুষকে গ্রহণ করিয়াছ, কিন্তু মুসায়ী ও ঈসায়ী লোকেরা কোন প্রেরিতকে মান্য করে, কাহাকে বা মান্য করে না। দ্বিতীয়তঃ তোমাদের কেব্লা কাবা, যাহা এত্রাহিমের সময় হইতে নির্দিষ্ট আছে। এত্রাহিম মুসা ও ঈসার পূর্ববর্তী প্রেরিত। মুসায়ী ও ঈসায়ীদিগের কেব্লা পরে নির্লপিত হইয়াছে। এরূপ সকল বিষয়ে তোমরা জেষ্ঠ, অপর মণ্ডলী নিকৃষ্ট। তোমাদিগের হইতে শিক্ষা লাভ করা তাহাদের আবশ্যক, তোমাদের অল্প মণ্ডলীর নিকটে শিক্ষা করা অপ্রয়োজন। (ত, ফা,)

§ এ পর্য্যন্ত বয়তোল্ মকদ্দস অর্থাৎ জেরুজিলমের অভিমুখে নমাজ হইতেছিল, কিন্তু প্রেরিত পুরুষের মন কাবার দিকে নমাজ পড়িতে সমুৎসুক ছিল। তিনি বারংবার উর্দ্ধদৃষ্টি হইয়া থাকিতেন যে, এ বিষয়ে কোন আজ্ঞা প্রাপ্ত হন কিনা, তাহাতেই এই প্রবচন অবতীর্ণ হয়। (ত, ফা,)

যে স্থানে আছ, পরে তথা হইতে আপনাদিগের মুখ সেই দিকে ফিরাও, এবং নিশ্চয় যাহাদিগকে গ্রন্থ প্রদত্ত হইয়াছে, তাহারা জানিবে যে, ইহা তাহাদের প্রতিপালকের প্রেরিত সত্য, এবং যাহা তাহারা করে, তাহা ঈশ্বরের অগোচর নহে। ১৪৪। এবং যাহাদিগকে পুস্তক প্রদত্ত হইয়াছে, যদি তুমি তাহাদের নিকটে সমুদায় নিদর্শন উপস্থিত কর, তাহারা তোমার কেবলার অহুসরণ করিবে না, এবং তুমিও তাহাদের কেবলার অহুসরণকারী নও, এবং তাহারা পরস্পর পরস্পরের কেবলার অহুসরণকারী নহে, এবং তোমার নিকটে যে জ্ঞান সমাগত হইয়াছে, তুমি তাহার পর যদি তাহাদের ইচ্ছার অহুসরণ কর, তবে নিশ্চয় তুমি একজন অত্যাচারী হইবে। ১৪৫। আমি যাহাদিগকে পুস্তক দান করিয়াছি, তাহারা তাহা এরূপ জানিতেছে, যেরূপ আপনাদিগের সন্তানদিগকে জানিতেছে, এবং নিশ্চয় তাহাদের একদল জ্ঞাতসারে সত্যকে গোপন করিতেছে। ১৪৬। ইহা তোমার প্রতিপালকের নিকট হইতে (আগত) সত্য, অতএব তুমি সং-শয়ীদিগের অন্তর্গত হইও না। ১৪৭। (র, ১৭, আ, ৬)

এবং প্রত্যেকের জন্ত এক দিক্ আছে, সে সেইদিকে মুখ ফিরায়, অতএব (হে মোসলমানগণ,) কল্যাণের দিকে অগ্রসর হও, তোমরা যে দিকে থাক না কেন, ঈশ্বর তোমাদের সকলকে (কেসামতে) একত্র করিবেন, নিশ্চয় ঈশ্বর সর্বোপরি ক্ষমতাশালী। ১৪৮। এবং তুমি যে স্থানে যাইবে, (হে মোহম্মদ,) স্বীয় আনন মসজ্জেন্দোলহরামের দিকে ফিরাইও, * এবং নিশ্চয় ইহা তোমার প্রতিপালক হইতে (আগত) সত্য, এবং তোমরা যাহা করিতেছ, তাহা ঈশ্বরের অগোচর নহে। ১৪৯। এবং তুমি যে স্থানে যাইবে, স্বীয় আনন মসজ্জেন্দোলহরামের দিকে ফিরাইও ও তোমরা যে স্থানে থাকিবে, স্বীয় মুখ সেই দিকে ফিরাইও, তাহা হইলে তাহাদের যে সকল লোক অত্যাচার করিয়াছে, তাহারা ভিন্ন অত্র লোকের তোমাদিগের প্রতি আপত্তি থাকিবে না, পরন্তু তাহাদিগকে ভয় করিও না, এবং আমি হইতে ভীত হইও, এবং তাহা হইলে আমি তোমাদের প্রতি আমার দান পূর্ণ করিব, এবং তোমরা তাহাতে পথ প্রাপ্ত হইবে। ১৫০। যথা আমি তোমাদিগের দল হইতে তোমাদিগের নিকট প্রেরিত পুরুষ পাঠাইয়াছি, যেন সে তোমাদিগের নিকটে আমার নিদর্শন সকল পাঠ করে ও তোমাদিগকে স্তম্ভ করে, এবং উচ্চ জ্ঞান ও গ্রন্থ শিক্ষা দেয়, এবং তোমরা যাহা জ্ঞান না, তাহার শিক্ষা দান করে। ১৫১। অতএব আমাকে স্মরণ কর, আমি তোমাদিগকে স্মরণ করিব, এবং আমার প্রতি কৃতজ্ঞ হও ও বিদ্রোহী হইও না। ১৫২। (র, ১৮, আ, ৫)

হে বিশ্বাসী লোক সকল, তোমরা সহিষ্ণুতা ও উপাসনাবিষয়ে সাহায্য অশ্বেষণ কর,

* মক্কার মসজ্জেন্দে নাম মসজ্জেন্দোলহরাম। হারাম শব্দের অর্থ নিষিদ্ধ। উক্ত মসজ্জেন্দে চতুঃসীমার মধ্যে এই কয়েকটি কার্য নিষিদ্ধ যথা;—মদ্য হত্যা করা, কোন জীবকে উৎপীড়ন করা, বৃক্ষাদি উৎপাটন করা, পতিত ধন গ্রহণ করা।

(ত, কা,)

নিশ্চয় ঈশ্বর সহিষ্ণুদিগের সহায়। ১৫৩। এবং বলিও না, যে সকল লোক ঈশ্বরের পথে নিহত হইয়াছে, তাহারা মরিয়াছে, বরং জীবিত হইয়াছে, কিন্তু তোমরা জ্ঞাত নহ। ১৫৪। এবং নিশ্চয় আমি তোমাদিগকে ভয় ও অন্নাতাব ও ধনহানি ও প্রাণহানি এবং ফলহানি ইহার কোন একটি দ্বারা পরীক্ষা করি, এবং সহিষ্ণুদিগকে হুসংবাদ দান করি। ১৫৫। + যখন আপনাদের সঙ্কট উপস্থিত হয়, তখন যাহারা বলে, নিশ্চয় আমরা ঈশ্বরেরই ও নিশ্চয় আমরা তাঁহার প্রতি প্রত্যাবর্তনকারী। ১৫৬। + এবং এই সকল লোক, ইহাদের প্রতি ঈশ্বরের আশীর্বাদ ও কৃপা, এবং এই সকল লোক, ইহারা সংপথগামী। ১৫৭। নিশ্চয় সফা ও মরওয়া গিরি ঈশ্বরের নিদর্শনবিশেষ, অতএব যে ব্যক্তি মক্কামন্দিরে হজ্জ কাফা করে, কিম্বা ওমরা করে, এই দুইকে প্রদক্ষিণ করা তাহার প্রতি অপরাধ নহে; এবং যে ব্যক্তি আগ্রহ সহকারে সংকর্ষ করে, পরে নিশ্চয় ঈশ্বর (তাহার) মর্যাদাভিজ্ঞ ও জ্ঞাত। *। ১৫৮। নিশ্চয় আমি যাহা কিছু নিদর্শন ও উপদেশ প্রেরণ করিয়াছি, তাহা মানবমণ্ডলীর জ্ঞাত গ্রন্থে ব্যক্ত করিলে পর যাহারা তাহা গোপন করে, এই তাহারাই তাহাদিগকে ঈশ্বর অভিসম্পাত করেন, এবং অভিসম্পাতকারিগণ তাহাদিগকে অভিসম্পাত করিয়া থাকে। † ১৫৯। + কিন্তু যাহারা মন পরিবর্তন ও সংকর্ষ করিয়াছে ও ব্যক্ত করিয়াছে, পরে আমি তাহাদের প্রতি প্রত্যাবর্তন করিব ও আমি প্রত্যাবর্তনকারী দয়ালু। ১৬০। নিশ্চয় যাহারা ধর্মদ্রোহী হইয়াছে ও ধর্মদ্রোহীর অবস্থায় মরিয়াছে, তাহাদের প্রতি ঈশ্বরের ও দেবগণের এবং সমুদায় লোকের অভিসম্পাত হয়। ১৬১। + তাহারা তাহাতে (সেই অভিসম্পাতে) সর্বদা থাকিবে, তাহাদিগ হইতে শাস্তি থর্ব করা হইবে না ও তাহাদিগকে অবকাশ দেওয়া হইবে না। ১৬২।

* মক্কায় সফা ও মরওয়া নামক দুইটি ক্ষুদ্র পর্বত আছে। এই দুই পর্বতের মধ্যে ব্যবধান দুই শত পদভূমি। হাজী লোকেরা সেই ভূমিতে দৌড়িয়া থাকে। এই কার্যটিও হজ্জফ্রিয়ার অন্তর্গত। নির্দিষ্ট কালে বিশেষ ব্রতধারী হইয়া মক্কা তীর্থ দর্শনকে হজ্জ বলে, যাহারা হজ্জ করে তাহাদিগকে হাজী বলে। ওমরা হাজীদিগের ব্রতবিশেষ। তাহা এইরূপ; হজ্জ ফ্রিয়ার এহরাম বাঁধিয়া মক্কার অদূর-বর্তী “তনইম” নামক স্থানে কয়েক বার নমাজ পড়িয়া মক্কাতে আগমন পূর্বক মন্দির প্রদক্ষিণ করিতে হয়। মক্কার নিকটে যাইয়া বিধিপূর্বক হজ্জ করার সঙ্কল্প করাকে “এহরাম” বলে। অতএব ঈশ্বর বলিতেছেন যে, যে ব্যক্তি হজ্জ ইত্যাদি করিতে যায়, তাহার পক্ষে “সফা” ও “মরওয়া” গিরির মধ্যস্থ ভূমিতে ধাবমান হওয়া দৃষ্ট নহে। পৌত্তলিক লোকেরা অজ্ঞানতাবশতঃ উক্ত পর্বতদ্বয় প্রদক্ষিণ করিত বনিয়া এসলামধর্মাবলম্বিগণ এ বিষয়ে সঙ্কুচিত ছিল, এক্ষণে ঈশ্বর এ কার্যে বিধি দিলেন। (ত, হো,)

+ ইহুদিদিগের ধর্মপুস্তক তওরাতে আরবীয় অন্তিম তত্ত্ববাহকের অর্থাৎ হজরত মোহম্মদের প্রসঙ্গ ছিল। ইহুদিরা ঈর্ষাবশতঃ সেই কথা গোপন করিয়াছে। এই আয়তে তাহারই উল্লেখ :।

এবং তোমাদের ঈশ্বর একমাত্র, সেই ঈশ্বর ব্যতীত উপাস্ত নাই, তিনি দাতা ও দয়ালু।
১৬৩। (র, ১২, আ, ১১)

নিশ্চয় স্বর্গ ও মর্ত্য সৃজনে ও দিবা রজনীর পরিবর্তনে এবং সমুদ্রে চালিত গোতে যাহাতে লোকে লাভ করে, এবং ঈশ্বর আকাশ হইতে বারিবর্ষণ পূর্বক তদ্বারা ভূমিকে যে তাহার যত্নের পর জীবন দান এবং তদুপরি বিবিধ জন্তু সঞ্চারিত করিয়াছেন তাহাতে ও বায়ুমণ্ডল এবং আকাশ ও পৃথিবীর মধ্যস্থ সঞ্চিত মেঘের সঞ্চারে সত্যই বৃষ্টিমান লোকদিগের জন্ত নিদর্শন সকল রহিয়াছে। ১৬৪। এবং মনুষ্যজাতির মধ্যে এমন লোক আছে যে, সে ঈশ্বরকে ছাড়িয়া ঈশ্বরের অংশী সকলকে গ্রহণ করে, ঈশ্বরের প্রতি প্রীতির দ্বারা তাহাদিগকে প্রীতি করে, কিন্তু যাহারা বিশ্বাসী, তাহারা ঈশ্বরের প্রতি দৃঢ়তর প্রেমিক। এবং যাহারা অহিতাচরণ করিয়াছে, তাহারা তখন যে শাস্তি দেখিবে, হায়! যদি তাহা দেখিত! ঈশ্বরের জন্তই 'পূর্ণ ক্ষমতা, এবং নিশ্চয় ঈশ্বর কঠিন শাস্তিদাতা। ১৬৫। (স্মরণ কর,) যখন অগ্রণীলোকেরা অনুযায়িবৃক্ষের প্রতি বিরাগ প্রকাশ করিবে ও শাস্তিভোগ করিতে থাকিবে, এবং তাহাদের সম্বন্ধ ছিন্ন হইয়া যাইবে। ১৬৬। এবং সেই অনুযায়িগণ বলিবে যে, যদি আমাদের প্রতিগমন হইত, তাহা হইলে আমাদের প্রতি যেমন তাহারা (অগ্রণীগণ) বিরাগী হইয়াছে, আমরাও তাহাদের প্রতি বিরাগী হইতাম; এইরূপ ঈশ্বর তাহাদের কার্যাবলী যে তাহাদের সম্বন্ধে আক্ষেপে পরিণত, ইহা তাহাদিগকে দেখাইবেন, এবং তাহারা নরকান্নি হইতে মুক্ত হইবে না *। ১৬৭। (র, ২০, আ, ৪)

হে লোকসকল, তোমরা পৃথিবীতে যাহা বৈধ, শুদ্ধ তাহাই ভক্ষণ করিও, এবং শয়তানের পদানুসরণ করিও না, নিশ্চয় সে তোমাদের স্পষ্ট শত্রু। ১৬৮। তোমরা দুর্কর্মে ও নিলজ্জ কার্যে (লিপ্ত হও,) এবং ঈশ্বরসম্বন্ধে যাহা জ্ঞাত নও তাহা বল, ইহা ব্যতীত সে তোমাদিগকে আদেশ করিবে না। ১৬৯। এবং যখন তাহাদিগকে বলা হইবে যে, ঈশ্বর যাহা প্রেরণ করিয়াছেন, তাহার অনুসরণ কর, তাহারা বলিবে, আমাদের পিতৃপুরুষদিগকে আমরা যে বিষয়ে প্রাপ্ত হইয়াছি, বরং তাহার অনুসরণ করিব, যদিচ তাহাদের পিতৃপুরুষগণ কিছুই বুঝিত না ও পথভ্রান্ত ছিল। ১৭০। কেহ কোন বিষয় ডাকিয়া বলিলে যে ব্যক্তি আহ্বান শব্দ ও ধ্বনি ভিন্ন শুনিতে পায় না, ধর্মদ্রোহিগণ তাহার অহরূপ, তাহারা বধির, মূক ও অন্ধ; অতএব তাহারা বুঝিতে

* লোকে ঈশ্বরকে ছাড়িয়া যাহাদিগকে পূজা করে, পরলোকে তাহারা সেই পূজকদিগকে পরিত্যাগ করিবে। তখন পূজকগণের আশা ভঙ্গ হইবে ও আক্ষেপ করিবে, তাহাদের আক্ষেপে কোন ফল দর্শিবে না। (ত, ফা,)

† আরবীয় লোকেরা এতাহিম-প্রবর্তিত ধর্মকে বিকৃত করিয়া ঈশ্বর ব্যতীত অন্তের উপাসনা করিতে থাকে। যুত ও অবৈধ পণ্ডিগকে জব করে, গৃহপালিত অহিংস পণ্ডিগের মধ্যে কতক-

মুক ও অন্ধ ; অতএব তাহারা বুঝিতে পারে না * । ১৭১ । হে বিশ্বাসী লোক সকল, বিশুদ্ধ বস্ত্র হইতে আমি যাহা তোমাদিগকে জীবিকা দান করিয়াছি তাহা ভক্ষণ কর, ঈশ্বরের গুণানুবাদ কর, যদি তোমরা তাঁহাকে পূজা করিয়া থাক । ১৭২ । তোমাদিগের সম্বন্ধে শব্দ, শোণিত ও বরাহমাংস এবং যাহা ঈশ্বর ভিন্ন অস্ত্র দেবতাদের উদ্দেশ্যে বলি প্রদত্ত হইয়াছে, ইহা বৈ নিষিদ্ধ নহে ; পরন্তু যে ব্যক্তি অত্যাচার ও সীমা লঙ্ঘন না করিয়া বিপদাকুল হইয়াছে, তাহার পক্ষে দোষ নাই, নিশ্চয় ঈশ্বর ক্ষমাশীল ও দয়ালু † । ১৭৩ । নিশ্চয় ঈশ্বর যাহা গ্রন্থে অবতারণ করিয়াছেন, তাহা যে সকল লোক গোপন করে ও ততুপরি সামান্য মূল্য গ্রহণ করে, তাহারা স্ব স্ব পাকস্থলীতে অগ্নি বৈ ভক্ষণ করে না, বিচারদিবসে ঈশ্বর তাহাদের সঙ্গে কথা কহিবেন না ও তাহাদিগকে গুরু করিবেন না, এবং তাহাদের জন্ত দুঃখকর শাস্তি আছে । ১৭৪ । ইহারাই যাহারা সংপথের পরিবর্তে বিপথ, ক্ষমার পরিবর্তে শাস্তি ক্রয় করে, ইহার নরকায়িতে কেমন ধৈর্য্যধারণ করিবে ! ১৭৫ । এই সেই কারণে ঈশ্বর সত্য গ্রন্থ অবতারণ করিয়াছেন, এবং নিশ্চয় যাহারা গ্রন্থমধ্যে পরিবর্তন করিয়াছে, তাহারা বিক্কাচারে বহু অগ্রসর ‡ । ১৭৬ । (র, ২১, আ, ২)

তোমরা আপনাদের আনন পূর্ব্ব বা পশ্চিমাভিমুখে আবর্তন কর, তাহাতে পুণ্য নাই, কিন্তু যে ব্যক্তি ঈশ্বরের প্রতি ও পরকাল ও দেবগণ এবং গ্রন্থ ও তত্ত্ববাহকগণের প্রতি বিশ্বাস স্থাপন করিয়াছে, এবং ধন তৎপ্রতি অল্পরাগসঙ্গে আত্মীয়দিগকে, অনাত্ম-দিগকে, দরিদ্রদিগকে ও পশ্বিকদিগকে এবং ভিক্ষুকদিগকে ও দাসত্বমোচনার্থ দান করিয়াছে, এবং উপাসনাকে প্রতিষ্ঠিত রাখিয়াছে ও জাকত দিয়াছে, এবং যখন যাহারা অঙ্গীকার করে, আপনাদের সেই অঙ্গীকার পালন করিয়া থাকে, এবং যাহারা ধনহীন-তায় ও ক্লেশে এবং যুদ্ধকালে ধৈর্য্যশীল, তাহাদেরই পুণ্য, ইহারাই তাহারা যাহারা সত্য বলিয়াছে, ইহারাই তাহারা যাহারা ধর্ম্মভীরু । ১৭৭ । হে বিশ্বাসী লোক সকল, তোমাদের সম্বন্ধে হত ব্যক্তির বিনিময়ে হত্যা করা লিখিত হইয়াছে, স্বাধীন স্বাধীনের তুল্য, দাস গুলিকে অন্তর্ভুক্ত হির করে । এনাম স্মৃতিতে তথ্যবরণ বিবৃত আছে । তাহারা বরাহমাংসকে বৈধ মনে করে । তাহাতে ঈশ্বর তাহাদিগের প্রতি দোষারোপ করেন । (ত, ফা,)

* অর্থাৎ কাকেরদিগকে উপদেশ দান করা আর পশুদিগকে ডাকিয়া উপদেশ দেওয়া তুল্য । পশুগণ যেমন ধনি ব্যতীত কিছুই বুঝিতে পারে না, তদ্ব্যাপদেশসম্বন্ধে কাকেরগণও তদ্রূপ । যাহার ধর্ম্মজ্ঞান নাই, সে ধর্ম্মজ্ঞানীর কথা গ্রাহ্য করে না । (ত, ফা,)

† যে অবস্থায় কেহ কোনরূপ অত্যাচার করে নাই, শাস্ত্রের সীমা অতিক্রম করে নাই, সেই অবস্থায় ক্ষুধা, ক্লান্তি ও অবসন্নতাবশতঃ মৃত্যুর আশঙ্কা হইলে শব ইত্যাদি ভক্ষণে দোষ নাই । (ত, হো,)

‡ ইহাঙ্গণ তাহাদের ধর্ম্মগ্রন্থ হইতে আরবীয় ভবিষ্যৎ তত্ত্ববাহকের প্রসঙ্গ গোপন এবং সোনারানুরোধ অনেক বচনের পরিবর্তন করিয়াছে । (ত, ফা,)

দাসের তুলা, নারী নারীর তুলা ; যে ব্যক্তি তাহার ভ্রাতার পক্ষ হইতে নিজের জ্ঞাত কিছু ক্ষমা প্রাপ্ত হইবে, তৎপর বিধির অনুসরণ করিয়া তাহার চলা এবং সম্ভাবে (হত্যার মূল্য) পরিশোধ করা (কর্তব্য,) ইহা তোমাদের প্রতিপালকের নিকট হইতে লঘু করা হইল, অনন্তর ইহার পরে যে ব্যক্তি সীমা লঙ্ঘন করিবে, তাহার জ্ঞাত দুঃখকর শাস্তি আছে * । ১৭৮ । এবং তোমাদের জ্ঞাত বিনিময়হত্যাতেই জীবন, হে বুদ্ধিমান লোক সকল, তাহা হইলে তোমরা রক্ষা পাইবে † । ১৭৯ । যখন তোমাদের কাহারও মৃত্যু উপস্থিত হইবে, তখন সম্পত্তি থাকিলে পিতা মাতা ও স্বগণের জ্ঞাত বৈধরূপে নির্ধারণ করা তোমাদিগের সম্বন্ধে লিখিত হইয়াছে, ঈশ্বরভীক লোকদিগের সম্বন্ধে ইহা উচিত ‡ । ১৮০ । অনন্তর ইহা (অন্তিম নির্ধারণ বাক্য) শ্রবণের পর যে জন ইহার ব্যতিক্রম করে, তখন ইহার অপরাধ তাহারই প্রতি হয়, যে তাহার ব্যতিক্রম করিয়া থাকে, ইহা বৈ নহে, নিশ্চয় ঈশ্বর শ্রোতা ও জ্ঞাতা । ১৮১ । অবশেষে কেহ অন্তিমনির্ধারণকারীর পক্ষে অসরলতা কিম্বা অপরাধ আশঙ্কা করিয়া তাহাদের মধ্যে মীমাংসা করিয়া দিলে তাহাতে দৃষ্ট্য নহে, নিশ্চয় ঈশ্বর ক্ষমাশীল ও দয়ালু । ১৮২ । (র, ২২, আ, ৬)

হে বিশ্বাসী লোক সকল, তোমাদের পূর্ববর্তী লোকদিগের প্রতি যেরূপ রোজা (উপবাসব্রত) লিখিত হইয়াছিল, তদ্রূপ তোমাদের জ্ঞাত লিখিত হইয়াছে, তাহাতে তোমরা ধৈর্য্যশীল হইবে । ১৮৩ । কতিপয় দিবস (রোজার জ্ঞাত) নির্ধারিত, তবে তোমাদের মধ্যে যে কেহ পীড়িত কিম্বা দেশভ্রমণে প্রবৃত্ত আছে, তাহার সম্বন্ধে অন্য কয়েকদিন নির্ধাৰ্য্য, এবং যে ব্যক্তি ইহাতে সক্ষম হইয়া (পালন করিতে চাহে না,) একজন দরিদ্রকে অন্ন বিতরণ করা প্রায়শ্চিত্ত, পরন্তু যে ব্যক্তি অধিক সংকাৰ্য্য করে তাহার পক্ষে কল্যাণ, যদি জ্ঞাত আছে, তবে রোজা পালন করাই তোমাদের শ্রেয়ঃ হয় । ১৮৪ । সেই রমজান মাস, যাহাতে মানববৃন্দের পথপ্রদর্শক এবং সংপণ ও মীমাংসার

* স্বাধীন স্বাধিনের তুলা, দাস দাসের তুলা, নারী নারীর তুলা । ইহার তাৎপর্য্য এই যে, পদমর্যাদানুসারে প্রত্যেক স্বাধীন ব্যক্তি অপর স্বাধীন ব্যক্তির তুলা, এরূপ পরস্পর দাস দাসের এবং নারী নারীর তুলা ; যেমন কাকেরদিগের মধ্যে হীন জাতি ও উচ্চ জাতি এবং ধনী ও দরিদ্রের প্রভেদ প্রচলিত আছে, তদ্রূপ প্রভেদ নাই । হত ব্যক্তির ঘনিষ্ঠ স্বগণ বিনিময়ে হত্যা না করিয়া অর্থগ্রহণে সম্মত হইলে, হত্যাকারীর কর্তব্য যে, অর্থ দ্বারা তাহাকে প্রসন্ন করে । ইহাই সহজ বিধি হইয়াছে । পূর্বতন সম্প্রদায়ের মধ্যে হত্যার বিনিময়ে হত্যা করার বিধিই নির্ধারিত ছিল । (ত, ফা,)

† অর্থাৎ বিচারকদিগের উচিত যে, হত্যার বিনিময়ে হত্যা করিতে ক্রটি না করেন । তাহাতে ভবিষ্যতে হত্যা নিবারিত হইবে । (ত, ফা,)

‡ কাকেরদিগের ব্যবস্থামতে মৃত ব্যক্তির উত্তরাধিকারী সন্তান, সন্তানের মধ্যেও পুত্র সন্তানমাত্র । এক্ষণে বিধি হইল যে, পুত্র ব্যতীত প্রয়োজনানুসারে অন্য ঘনিষ্ঠ স্বগণও মৃত ব্যক্তির সম্পত্তির অংশ পাইতে অধিকারী ।

উজ্জল নিদর্শন কোর-আন্ অবতীর্ণ হইয়াছে, * । অনন্তর তোমাদের মধ্যে যে ব্যক্তি সেই মাসে উপস্থিত হইবে, সে তাহাতে অবশ্য রোজা পালন করিবে, এবং যে ব্যক্তি পীড়িত বা দেশভ্রমণে রত, তাহার নিমিত্ত অল্প দিন সকলের গণনা থাকিবে, তোমাদের জন্ত সহজ হয় ঈশ্বর আকাজ্জা করেন, এবং তোমাদের হুঃসাধ্য হয় ইচ্ছা করেন না ; এবং (ইচ্ছা করেন) যে, তোমরা দিনের সন্ধ্যাকে পূর্ণ কর, এবং তোমাদিগকে যে সং পথ প্রদর্শন করিয়াছেন, তজ্জন্ত তোমরা ঈশ্বরকে মহিমাযিত কর, সম্ভবতঃ তোমরা কৃতজ্ঞ থাকিবে । ১৮৫ । + এবং যখন (হে মোহম্মদ,) আমার দাসগণ আমার বিষয় তোমাকে জিজ্ঞাসা করে, তখন নিশ্চয় আমি নিকটে থাকি, আমি প্রার্থীর প্রার্থনা গ্রহণ করি, এবং যখন কেহ আমার নিকটে প্রার্থনা করে, তখন আমার আজ্ঞাধীন হওয়া ও আমাকে বিশ্বাস করা তাহার উচিত, তাহাতে সে পথপ্রাপ্ত হইবে । ১৮৬ । রোজার রজনীতে স্ত্রীসংসর্গ তোমাদের জন্ত বৈধ হইল, তাহারা (নারীগণ) তোমাদের আবরণ এবং তোমরা তাহাদের আবরণ, তোমরা যে আপনাদের জীবনের ক্ষতি করিয়াছ, ঈশ্বর তাহা জ্ঞাত আছেন, অনন্তর তিনি অল্পগ্রহ করিয়া তোমাদের দিকে প্রত্যাবর্তিত হইয়াছেন, এবং তোমাদিগকে ক্ষমা করিয়াছেন, † অতএব এক্ষণ তাহাদের সঙ্গে সহবাস কর, এবং ঈশ্বর তোমাদের জন্ত যাহা লিখিয়াছেন, তাহার অনুসরণ করিয়া চল, যে পর্যন্ত তোমাদের পক্ষে প্রত্যুষে কৃষ্ণসূত্র হইতে শুভ্রসূত্র দৃষ্ট না হয়, সে পর্যন্ত পান ভোজন করিতে থাক, অতঃপর সায়াংকাল পর্যন্ত রোজা পূর্ণ কর, এবং যখন মস্জিদে নির্জনবাসী হইবে, তখন স্ত্রীসঙ্গ করিবে না, ইহা ঈশ্বরের নিষেধ ; অতএব তাহার (স্ত্রীর) নিকটবর্তী হইও না ; এইরূপ পরমেশ্বর লোকের জন্ত আপন নিদর্শন সকল ব্যক্ত করেন, যেন তাহারা ধর্মভীরু হয় । ১৮৭ । তোমরা আপনাদিগের মধ্যে পরস্পরের ধন অগ্ণায়রূপে ভোগ করিও না, এবং তাহা বিচারপতিগণের নিকট পর্যন্ত আনয়ন করিও না, তাহাতে

* রমজান মাসেই কোর-আনের প্রকাশ্যস্ত হয়, অথবা সমগ্র কোর-আন্ সূর্ণ হইতে পৃথিবীর আকাশে অবতীর্ণ হয় । তথা হইতে সূর্য্যর পর সূর্য্য কিম্বা আয়তের পর আয়ত লোকের হিত-সাধনকল্পে সমাগত হইতে থাকে । যখন এই সময়ে আত্মার অন্তরূপ প্রবচন সকল মানবমণ্ডলীর জন্ত প্রেরিত হইল তখন তৎস্মরণার্থ এই মাসে শারীরিক অল্পগ্রহণে লোকের সঙ্কুচিত হওয়া বিধেয়, ঈশ্বরের এই অভিপ্রায় । শুদ্ধ রমজান মাসে রোজা পালনের এই উদ্দেশ্য । (ত, হো,)

† যখন রোজার বিধি প্রবর্তিত হয়, তখন হইতে মোসলমানগণ সমগ্র রমজানমাস স্ব স্ব ভাণ্ডার নিকটে গমন করিতেন না, এবং প্রাচীন সম্প্রদায়ের জায় রজনীতে শয্যা হইতে গাত্ৰোত্থান করিয়া ভোজন করিতেন না । ইতিমধ্যে অনেক লোক অক্ষম হইয়া গোপনে স্ত্রীসঙ্গ ও ভোজন করিতে লাগিল । তাহাতেই এই প্রবচন অবতীর্ণ হয় যে, নিশান্তে যে পর্যন্ত শুভ্র সূত্র নয়নগোচর না হয়, উপরিউক্ত বিষয়ে বিধি রহিল । কিন্তু নির্জনবাসের সময় দিবা রজনী সর্বক্ষণ স্ত্রীসংসর্গে নিষেধ হইল । (ত, ফা,)

তাহারাও অধর্মাচারে লোকের ধনের অংশ গ্রহণ করিবে, তোমরা ইহা জানিতেছ * ।
১৮৮ । (র, ২৩, আ, ৬) ।

নবীনচন্দ্রোদয়ের বিষয়ে (হে মোহম্মদ,) তোমাকে তাহারা প্রদত্ত করিবে, বলিও, তাহা মম্বুত্তের সময় নির্ধারণজ্ঞাত ও হজ্জক্ৰিয়ার জ্ঞাত ; এবং গৃহে তোমাদের প্রত্যাগমন পশ্চাত্তাগ দিয়া (এহরামবন্ধনের পর) প্রার্থ্য : নহে, (ইহাতে কল্যাণ হয় না,) কিন্তু বিষয়বিরাগী লোকদিগেরই কল্যাণ হয়, তোমরা গৃহে তাহার দ্বারদেশ দিয়া প্রবেশ করিও এবং ঈশ্বরকে ভয় করিও, তাহাতে উদ্ধার পাইবে † । ১৮৯ । এবং যাহারা তোমাদের সঙ্গে যুদ্ধ করিতে প্রবৃত্ত হয়, ঈশ্বরের পথে তাহাদের সঙ্গে তোমরা যুদ্ধ করিও ও সীমা লঙ্ঘন করিও না, নিশ্চয় ঈশ্বর সীমালঙ্ঘনকারীদিগকে প্রেম করেন না । ১৯০ । এবং যে স্থানে তাহাদিগকে পাইবে, তথায় তাহাদিগকে সংহার কর, এবং তাহারা তোমাদিগকে যে স্থান হইতে নির্বাসিত করিয়াছে, তোমরাও তাহাদিগকে নির্বাসিত কর, হত্যা অপেক্ষা ধর্ম্মদ্রোহিতা গুরুতর, এবং মস্জিদোলহরামের নিকটে তোমরা তাহাদের সঙ্গে সংগ্রাম করিও না, যে পর্য্যন্ত না তথায় তাহারা তোমাদের সঙ্গে সংগ্রাম করে, পরন্তু যদি তাহারা তোমাদের সঙ্গে (তথায়) সংগ্রাম করে, তোমরাও তাহাদের সঙ্গে সংগ্রাম করিও, কাকেরদিগের প্রতি এইরূপ শাসন । ১৯১ । পরন্তু তাহারা নিবৃত্ত থাকিলে নিশ্চয় ঈশ্বর ক্ষমাশীল ও দয়ালু ‡ । ১৯২ । যে পর্য্যন্ত না ধর্ম্মবিরোহিতা হয় ও ঈশ্বরের ধর্ম্ম প্রতিষ্ঠিত হয়, সে পর্য্যন্ত তোমরা যুদ্ধ কর, পরে যদি নিবৃত্ত হয়, তবে অত্যাচারীর উপর ব্যতীত হস্তক্ষেপ করিতে নাই § । ১৯৩ । মাস্তামাস মাস্ত মাসের তুল্য, পরস্পর সম্মাননার বিনিময় হইয়া থাকে, অনন্তর কেহ (সেই মাসে) তোমাদিগকে আক্রমণ করিলে, যেমন তোমাদিগকে সে আক্রমণ করিল, তোমরাও তাহাকে আক্রমণ করিও, এবং ঈশ্বরকে ভয় করিও, এবং জানিও, নিশ্চয় ঈশ্বর ধর্ম্মভীরু লোকদিগের সঙ্গে

* বিচারপতিদিগের নিকট আনয়ন করিও না, ইহার অর্থ বিচারপতিকে সহায় করিয়া কাহারও সম্পত্তি ভোগ করিও না । (ত, কা,)

† কাকেরদিগের ক্রটির মধ্যে এই একটি ক্রটি ছিল যে, যখন তাহারা হজ্জ ক্রিয়ার এহরাম বন্ধন করিত, তখন প্রয়োজন হইলে হজ্জ না করিয়া গৃহে ফিরিয়া যাইত, তদবস্থায় তাহারা দ্বারদেশ দিয়া গৃহে প্রবেশ না করিয়া গৃহের পশ্চাত্তাগে ছাদের উপর উঠিয়া গৃহে প্রবেশ করিত । ঈশ্বর তাহা অকর্তব্য বলিয়া নির্দেশ করিলেন, এবং দ্বারদেশ দিয়া প্রবেশ করিতে আদেশ করিলেন । (ত, কা,)

‡ অর্থাৎ ইহার পর যদি তাহারা মোসলমান হয়, গৃহীত হইবে ।

(ত, কা,)

§ অত্যাচারের নিবৃত্তি হয়, লোকে ধর্ম্ম ছাড়িয়া বিপথগামী না হইতে পারে ও ঈশ্বরের আজ্ঞা প্রচলিত থাকে, এই উদ্দেশ্যেই কাকেরদিগের সঙ্গে সংগ্রামের বিধি হইয়াছে । কাকেরগণ বশীভূত থাকিলে যুদ্ধ অনাবশ্যক । মম্বুত্তের মনের উপর ধর্ম্ম নির্ভর করে, বলপূর্ব্বক মোসলমান করাতে কোন ফল নাই ।

(ত, কা,)

থাকেন * । ১২৪ । এবং তোমরা ঈশ্বরের পথে অর্থ ব্যয় কর ও যত্ন কর হস্তে আত্মসমর্পণ কর এবং হিতাহুষ্ঠান কর, নিশ্চয় ঈশ্বর হিতকারীকে প্রীতি করেন । ১২৫ । ঈশ্বরের জন্ত হজ্জ ও ওমরাত্রত পূর্ণ কর, পরন্তু যদি তোমরা বাধা প্রাপ্ত হও, তবে জভ করিবার জন্ত যে পশু হস্তগত হয়, (তাহা প্রেরণ কর,) এবং যে পর্য্যন্ত জভ করার পশু তাহার স্থানে উপস্থিত না হয়, সে পর্য্যন্ত তোমরা আপন মস্তক মুণ্ডন করিও না ; তবে যদি তোমাদের মধ্যে কেহ পীড়িত থাকে কিংবা তাহার মস্তকে কোন ক্লেশ থাকে, তবে তৎপ্রায়শ্চিত্তস্বরূপ রোজা বা সেদকা † কিংবা জভ করা বিধেয়, তোমরা নিরাপদ হইলে তখন তোমাদের মধ্যে যে ব্যক্তি হজ্জ ক্রিয়ার সঙ্গে ওমরা ত্রতের ফল লাভ করিল, তাহার প্রতি সহজলভ্য কোন পশু জভ করা বিধি, তবে কেহ (তদযোগ্য) পশু প্রাপ্ত না হইলে তাহার জন্ত হজ্জক্রিয়ার সময়ে তিন দিন, এবং তোমাদের প্রত্যাবর্তনকালে সাত দিন (রোজা পালন বিধি,) এই দশ দিনেতেই পূর্ণতা ; যাহার পরিবারস্থ লোক মস্জিদেদোল্ হরামের প্রতিবাসী নহে, তাহাদের জন্ত (এই ব্যবস্থা) হইল, এবং ঈশ্বরকে ভয় করিও, জানিও যে ঈশ্বর মহা শাস্তিদাতা ‡ । ১২৬ । (র, ২৩, আ, ৮)

* যদি কোন কাসের মাশ্ব মাসকে সম্মান করিয়া সেই মাসে তোমাদের সঙ্গে যুদ্ধ না করে, তবে তোমরা তাহার সঙ্গে যুদ্ধ করিও না । মক্কাবাসী ধর্ম্মবিদ্বেষিগণ সচরাচর এইরূপ মাসেও মোসলমানদিগের প্রতি অত্যাচার করিত, মোসলমানেরা তখন কেন ক্রটি করিবে ? জিলুকদা মাসে হজরত মোহাম্মদ ওমরা ত্রত উদযাপন করিবার জন্ত মক্কা গিয়াছিলেন, সেই সময় এই বচন অবতীর্ণ হয় । যে সকল মাসে হজ্জ ক্রিয়া হয়, তাহাই মাশ্ব মাস । (ত, ফা,)

† ঈশ্বরেরদেখে দরিদ্রদিগকে দান করা সেদকা ।

‡ এক্ষণ হজ্জ ইত্যাদির বিধি প্রদর্শিত হইতেছে ; তাহার নিয়ম এই ;—প্রথমতঃ এহরাম বন্ধন, অর্থাৎ বিধিপূর্ব্বক হজ্জক্রিয়ার সঙ্কল্প করা, পরে তৎকর্ত্তে প্রবৃত্ত হওয়ার দিন অরফাতে উপনীত হওয়া । অরফা হাজীদিগের দণ্ডায়মান হওয়ার স্থান, উহা মক্কার নয় ক্রোশ অন্তর একটি বিস্তৃত প্রান্তর মাত্র । হাজীলোকেরা তথায় দণ্ডায়মান হইয়া “লবয়েক” (দণ্ডায়মান হইলাম তোমার নিকটে) বলেন ও দুইবার উপাসনা করেন, তৎপর তথা হইতে যাত্রা করিয়া মশারেল্ হরামে বাইয়া রাত্রি যাপন করিয়া থাকেন । এই স্থানে হাজীলোকেরা মস্তক মুণ্ডন ও কোর্কাণি অর্থাৎ ধর্ম্মার্থ বলিদান করেন । অনন্তর ইদোৎসবের উদ্যাকালে হাজীগণ মক্কার বাজার মিনায় বাইয়া শয়তানের উদ্দেশ্যে ক্ষুদ্র প্রস্তর খণ্ড সকল নিক্ষেপ ও মস্তক মুণ্ডন করিয়া এহরাম উন্মোচন করিয়া থাকেন । পরে মক্কাতে বাইয়া তাঁহাদিগকে কাবা প্রদক্ষিণ করিতে হয় । তদনন্তর তাঁহারা সফা ও মরওয়া গিরির মধ্যভূমিতে ধাবমান হন, পুনর্বার মিনায় বাইয়া তিন দিবস বাস ও পূর্ব্বায়ুস্বরূপ প্রস্তর নিক্ষেপ করিয়া মক্কায় বাইয়া প্রদক্ষিণ কার্য সমাপ্ত করেন । ইহাই হজ্জ কার্য । ওমরা ত্রতের প্রণালী এই ;—যে দিবস ইচ্ছা এহরাম বন্ধন ও কাবা প্রদক্ষিণ করা এবং সফা ও মরওয়া গিরির অন্তর্বর্ত্তী ভূমিতে ধাবমান হওয়া, পরে মস্তক মুণ্ডন করিয়া এহরাম উন্মোচন করা । হজ্জ ও ওমরাতে কোরবানীর আবশ্যক করে না । কিন্তু তিনটি কারণের কোন একটি কারণ উপস্থিতমতে কোরবানীর বিধি আছে । প্রথমতঃ এহরাম বন্ধনানন্তর ত্রতধারী হাজী শত্রু বা বাধি কর্ত্তক আক্রান্ত

হজ্জ ক্রিয়ার মাস সকল নির্ধারিত, * অনন্তর যে ব্যক্তি তাহাতে হজ্জ কর্ষে ব্রতী হয়, সে হজ্জ ক্রিয়াকালে স্ত্রীসঙ্গ করিবে না ও দুজিয়া করিবে না, পরস্পর বিবাদ করিবে না, এবং তোমরা যে সংকর্ষ কর ঈশ্বর তাহা জ্ঞাত হন, অপিচ (মক্কায বাইতে) পাথেয় গ্রহণ করিও, পরন্তু নিশ্চয় শ্রেষ্ঠ পাথেয় সংসারবিরাগ, এবং হে জ্ঞানবান্ লোক সকল, তোমরা আমাকে ভয় করিও। ১২৭। (হজ্জকর্ষের সময়ে) তোমরা আপন প্রতিপালকের নিকটে গৌরব (অর্থলাভ) অন্বেষণ করিলে তোমাদের পক্ষে অপরাধ হইবে না †, অবশেষে যখন তোমরা অরফা হইতে প্রতিগমন করিবে, তখন মশারোল্হরামের নিকটে ঈশ্বর স্মরণ করিও, এবং তিনি যেমন তোমাদিগকে পথ প্রদর্শন করিয়াছেন, তোমরাও তদ্রূপ তাঁহাকে স্মরণ করিও, এবং নিশ্চয় তোমরা ইতিপূর্বে ভ্রাস্তদিগের অন্তর্গত ছিলে। ১২৮। অতঃপর যে স্থান হইতে লোকে প্রতিগমন করে, তথা হইতে তোমরা প্রতিগমন করিও, এবং ঈশ্বরের নিকটে ক্ষমা প্রার্থনা করিও, নিশ্চয় ঈশ্বর ক্ষমাশীল দয়ালু। ১২৯। অনন্তর যখন তোমরা হজ্জ ক্রিয়া সমাপ্ত করিলে, স্বীয় পিতা পিতামহকে যেরূপ স্মরণ করিতে, তখন তদ্রূপ বরং তদপেক্ষা অধিক স্মরণরূপে ঈশ্বরকে স্মরণ করিও, ‡ পরন্তু মানবমণ্ডলীর মধ্যে কেহ বলিয়া থাকে, “হে আমার প্রতিপালক, তুমি আমাকে সংসারে দান কর,” তাহার জন্ত পরলোকে কোন লাভ্য নাই। ২০০। এবং তাহাদের মধ্যে কেহ বলিয়া থাকে, “হে আমার প্রতিপালক, তুমি আমাকে সংসারে

হইয়া ব্রত-পালনে অক্ষম হইলে, তিনি কাহারও রোগে কোরবাণীর পশু প্রেরণ করিবেন, মক্কাতে সেই পশু জন্ত হইলে তিনি এহরাম হইতে মুক্ত হইবেন। বিতীয়তঃ হাছা কোনরূপ যন্ত্রণাগ্রস্ত কিম্বা মস্তকের ক্লেশে ক্লিষ্ট হইলে এহরাম সবেই মস্তক মুগুন করিতে পারেন। ইহার প্রায়শ্চিত্ত কোরবাণীর পশু প্রেরণ, বা তিন দিন রোজা পালন, কিম্বা ছয় জন দরিদ্রকে ভোজাদান। তৃতীয়তঃ হজ্জ ও ওমরা ভিন্ন ভিন্ন ভাবে না করিয়া একযোগে দুইব্রত পালন করিলে কোরবাণী আবশ্যক। কোরবাণীর যোগ্য পশু প্রাপ্ত না হইলে হজ্জক্রিয়ার সময়ে তিন দিন রোজা এবং ক্রিয়াস্তে সপ্তাহ রোজা সর্বশুদ্ধ দশদিন রোজা পালন বিধি। কোরবাণীর যোগ্য পশু নুনকলে এক ব্যক্তির জন্ত একটি ছাগ এবং সাত ব্যক্তির জন্ত একটি গো কিম্বা একটি উষ্ট্র নির্ধারিত আছে। মক্কাবাসীদিগের জন্ত হজ্জ ও ওমরাব্রতে কোরবাণীর বিধি নাই। আরবীয় পৌত্তলিক লোকেরা প্রতিমা উদ্দেশ্যে হজ্জ করিত, এক্ষণ সেই বিধি ঈশ্বরোদ্দেশ্যে নির্ধারিত হইল। (ত, হো,)

* এমাম শাকীর মতে শওরাল ও জিকায়ত্তা মাস এবং ছোল্হজ্জ মাসের নয় দিবস ও ইদের সমুদায় রজনী; এবং প্রথান এমামের মতে ইদের দিবাও হচ্ছে প্রযুক্ত হওয়ার দিবসের মধ্যে গণ্য। (ত, হো,)

† হজ্জ করিতে বাইয়া বাণিজ্য ব্যবসায়দ্বারা অর্থোপার্জনে নিবেদ্য নাই।

(ত, ফা,)

‡ পৌত্তলিকতার সময় আরবের সম্রাট লোকেরা মক্কার বিশেষ বিশেষ স্থানে দণ্ডায়মান হইয়া আপনাদের বংশের ও পিতা পিতামহদিগের খ্যাতি প্রতিপত্তি ঘোষণা করিয়া গৌরব প্রকাশ করিত। এক্ষণ আদেশ হইল যে, যেরূপ পিতৃপুরুষদিগকে স্মরণ করিবে, তদ্রূপ ঈশ্বরকে স্মরণ করিবে।

কল্যাণ ও পরলোকে কল্যাণ দান কর, এবং অগ্নিদণ্ড হইতে রক্ষা কর”। ২০১। এই সকল লোক যাহা করিয়াছে, ইহাদের তজ্জগৎ ফললাভ আছে, ঈশ্বর বিচারে সত্বর। ২০২। এবং নির্দিষ্ট দিবস সকলে ঈশ্বরকে স্মরণ করিও, * পরন্তু কেহ দুই দিবসের মধ্যে গমনে সত্বর হইলে, তাহার সত্বকে কোন দোষ নাই, এবং যে ব্যক্তি বিলম্ব করিবে অবশেষে তাহার পক্ষে কোন দোষ নাই, যে ব্যক্তি ধর্ম্মভীরু তাহার নিমিত্ত (এই বিধি,) ঈশ্বরকে ভয় করিও, জানিও নিশ্চয় তোমরা তাঁহার দিকে সমুখিত হইবে। ২০৩। এবং মানবমণ্ডলীর মধ্যে এমন লোক আছে যে, সাংসারিক জীবনসম্বন্ধে তাহার উক্তি তোমাকে (হে মোহাম্মদ,) প্রফুল্ল করিতেছে, অতএব সে স্বীয় অন্তরে যাহা আছে, তদ্বিষয়ে ঈশ্বরকে সাক্ষী করিয়া থাকে, প্রকৃতপক্ষে সে মহাবিরোধী। ২০৪। এবং যখন সে প্রভূত লাভ করে, তখন পৃথিবীতে প্রয়াস পায় যেন তাহাতে অত্যাচার করে, এবং ক্ষেত্র ও পশু সকলকে বিনাশ করিয়া ফেলে, ঈশ্বর অত্যাচারকে প্রীতি করেন না। ২০৫। এবং যখন তাহাকে বলা হয় যে ঈশ্বরকে ভয় কর, তখন অহঙ্কার তাহাকে অপরাধে আক্রান্ত করে, অতএব নরক তাহার লভনীয়, নিশ্চয় তাহা কুস্থান। ২০৬। এবং লোকমণ্ডলীর মধ্যে এমন লোক আছে যে, সে পরমেশ্বরের প্রসন্নতার উদ্দেশ্যে আত্ম-বিক্রয় করে, ঈশ্বর সেবকগণের প্রতি প্রসন্নঃ। ২০৭। হে বিশ্বাসী লোক সকল, পূর্ণ এসলামধর্মে প্রবেশ কর, এবং শয়তানের পদচিহ্নের অনুসরণ করিও না, নিশ্চয় সে তোমাদিগের পক্ষে স্পষ্ট শত্রু। ২০৮। অপিচ তোমাদিগের নিকটে নিদর্শন সকল উপস্থিত হওয়ার পর যদি তোমাদের পদস্থলন হয়, তবে জানিও ঈশ্বর বিজ্ঞাতা ও ক্ষমতাশালী। ২০৯। ঈশ্বর ও দেবগণ মেঘরূপ চন্দ্রাতপের মধ্যে আসিয়া তাহাদের নিকটে উপস্থিত হইবেন ও তাহাদের কার্যের নিষ্পত্তি হইবে, তাহারা ইহা ব্যতীত প্রতীক্ষা করে না, ঈশ্বরের দিকে কার্য্য সকলের প্রত্যাবৃতি হইয়া থাকে §। ২১০। (র, ২৫, আ, ১৪)

* “তস্বির” অর্থাৎ ঈশ্বর-স্মরণের ও প্রশংসার জন্ত তিন দিবস নির্দিষ্ট। পৌত্তলিকতার সময়ে লোকে হজ্জ ফিরার অবসানে তিন দিন এবং ইদোৎসবান্তে আমোদ করিয়া বেড়াইত ও বাজার বসাইত, এবং স্ব স্ব পূর্বপুরুষদিগের গুণ কীর্তন করিত। এখন ঈশ্বর তৎপরিবর্তে তিন দিবস ঈশ্বরগুণানুকীর্ণনের বিধি দিলেন। যাহার ইচ্ছা হয়, সে দুই দিন থাকিয়া চলিয়া যাইতে পারে, কিন্তু তিন দিন অবস্থিতি করা শ্রেয়ঃ। (ত, কা,)

+ কপট লোকদিগের এই অবস্থা, তাহারা প্রকাশ্যে তোমামোদ করে ও ঈশ্বরকে সাক্ষী করিয়া বলে, “আমি অন্তরে তোমার প্রতি অমুরাগী” কিন্তু বিবাদে কিকিছাত্ত ত্রুটি করে না, সুযোগ পাইলে হত্যার প্রবৃত্ত হয় ও লুণ্ঠন করে। (ত, কা,)

‡ বিশ্বাসী লোকের এই অবস্থা, তাহারা ঈশ্বরের প্রসন্নতার জন্ত জীবন সমর্পণ করেন। (ত, কা,)

§ যাহারা কোর্-আন্ ও সোবানবাহকের প্রতি অশিষ্যাসী, তাহারা প্রতীক্ষা করে যে, ঈশ্বর আসিয়া দেখা দিবেন, এবং প্রত্যেককে কর্ম্মানুসারে ফল বিধান করিবেন। (ত, কা,)

এশ্রায়েলসমুত্তিদিগকে জিজ্ঞাসা কর যে, তাহাদিগকে আমি কি পরিমাণ উজ্জল নিদর্শন সকল দান করিয়াছি, এবং যে ব্যক্তি ঈশ্বরের দান আপনার নিকটে উপস্থিত হওয়ার পর তাহার পরিবর্তন করে, পরে নিশ্চয় ঈশ্বর (তাহার) তীব্র শাস্তিদাতা। ২১১। যাহারা ঈশ্বরদ্রোহী, তাহাদের জগৎ সাংসারিক জীবন সজ্জিত হয়, তাহারা বিশ্বাসী লোকদিগকে উপহাস করিয়া থাকে, এবং যাহারা ধর্মভীরু হইয়াছে, তাহারা বিচারদিবসে সেই সকল লোকের উপর আসন পরিগ্রহ করিবে, ঈশ্বর যাহাকে ইচ্ছা করেন তাহাকে অগণ্য জীবিকা দান করিয়া থাকেন। ২১২। কতকগুলি লোক এক সম্প্রদায়ে বদ্ধ ছিল, পরে ঈশ্বর সুসংবাদদাতা ও ভয়প্রদর্শক তত্ত্ববাহকগণকে প্রেরণ করিলেন, এবং তাহাদের সঙ্গে সত্যগ্রন্থ অবতারণ করিলেন, যেন তাহারা যে বিষয়ে লোকে বিবাদ করিতেছে তদ্বিষয়ে তাহাদিগকে শাসন করে, এবং যাহাদের নিকটে প্রমাণ সকল উপস্থিত হওয়ার পর তাহাদিগকে (গ্রন্থ) প্রদত্ত হইয়াছে, আপনাদের মধ্যে পরস্পর বিদ্বেষপ্রযুক্ত তাহারা ব্যতীত অল্প কোন ব্যক্তি বিরুদ্ধাচারী হয় নাই, যাহারা তদ্বিষয়ে বিরুদ্ধাচরণ করিয়া পরে বিশ্বাস স্থাপন করিয়াছে, ঈশ্বর তাহাদিগকে স্বীয় ইচ্ছায় সত্যের পথ প্রদর্শন করিয়াছেন; এবং ঈশ্বর যাহাকে ইচ্ছা করেন, তাহাকে সরল পথ প্রদর্শন করেন*। ২১৩। তোমরা কি স্বর্গে গমন করিবে মনে করিতেছ? এদিকে যাহারা তোমাদিগের পূর্বে চলিয়া গিয়াছে, তাহাদের অবস্থা তোমরা প্রাপ্ত হও নাই; তাহাদিগকে দুঃখ বিপদ আক্রমণ করিয়াছিল, এবং তাহারা বিকম্পিত হইয়াছিল, এতদূর পর্য্যন্ত যে তত্ত্ববাহক ও তাহার অনুবর্তী বিশ্বাসিগণ বলিতেছিল যে, কবে ঈশ্বরের আনুকূল্য পছছিবে, জানিও ঈশ্বর আনুকূল্যদানে সমীপবর্তী। ২১৪। তাহারা তোমাকে প্রশ্ন করিতেছে যে কিরূপে ধন ব্যয় করিবে, বলিও, তোমরা ধন যাহা ব্যয় করিবে, তাহা পিতামাতার জন্ত, স্বজনবর্গের জন্ত, অনাথবৃন্দের জন্ত ও দরিদ্রকুলের জন্ত এবং পথিকদিগের জন্ত করিবে, এবং তোমরা যে সংকল্প করিয়া থাক, ঈশ্বর তাহা জ্ঞাত হন। ২১৫। তোমাদের

* পরমেশ্বর প্রত্যেক সম্প্রদায়কে বিভিন্ন পথ প্রদর্শন করিবার উদ্দেশ্যে ভিন্ন ভিন্ন তত্ত্ববাহক ও গ্রন্থ প্রেরণ করেন নাই। এক পথ অবলম্বন করিতে সমুদায় লোকের প্রতি ঈশ্বরের আদেশ। যখনই লোক ঈশ্বর-নির্দেশিত পথ ছাড়িয়া অল্প পথে চলিয়াছে, তখনই তাহাদিগকে শিষ্টা দিবার জন্ত ঈশ্বর তত্ত্ববাহক ও গ্রন্থ প্রেরণ করিয়াছেন। যখন গ্রন্থধারী লোকেরা গ্রন্থের অস্ত্রাচরণ করিয়াছে, তখন অল্প গ্রন্থের প্রয়োজন হইয়াছে। সমুদায় তত্ত্ববাহক এবং গ্রন্থ এই এক পথ প্রতিষ্ঠা করিবার জন্ত অবতীর্ণ হইয়াছে। ইহার দৃষ্টান্ত যথা;—বাহ্য এক, রোগ অগণ্য। এক প্রকার রোগ হইলে সেই রোগের অনুরূপ একবিধ ঔষধ ও একবিধ ব্যবস্থা হইয়া থাকে। আবার অল্প প্রকার রোগ হইলে তদনুরূপ অল্পবিধ ঔষধও ব্যবস্থা হয়। এক্ষণ অন্তিম পুস্তক কোর্-আনে বাহাতে সমুদায় রোগের উপশম হয়, এইরূপ পথ প্রদর্শিত হইয়াছে।

(ত, কা,)

† অনুহের পুত্র ওমর যে একজন নাস্তগণ্য ধনী লোক ছিলেন, তিনি হত্বরতের নিকটে গিয়া

সম্বন্ধে সংগ্রাম লিখিত হইয়াছে, এবং উহা তোমাদের পক্ষে দুষ্কর, হয় তো এমন বিষয়ে তোমরা বিরক্ত হইবে যাহা প্রকৃতপক্ষে তোমাদিগের জন্ত কল্যাণ, হয়তো যাহা তোমাদের জন্ত অমঙ্গল সেই বস্তুতে তোমাদিগের প্রীতি আছে, (তাহা) ঈশ্বর জানেন, এবং তোমরা জান না । ২১৬ । (র, ২৬, আ, ৬)

তাহারা সম্মানিত মাসে যুদ্ধ করার বিষয়ে তোমাকে প্রশ্ন করিতেছে, বলিও (হে মোহাম্মদ,) সেই সময়ে সংগ্রাম করা গুরুতর (পাপ,) * এবং ঈশ্বরের পথ হইতে নিবৃত্ত রাখা ও তাঁহার সঙ্গে ও মসৃজ্জেন্দোল্‌হরামের সঙ্গে বিদ্রোহাচরণ করা এবং তথাকার অধিবাসীদিগকে তথা হইতে নিকাশিত করা ঈশ্বরের নিকটে গুরুতর (অপরাধ,) হত্যা করা অপেক্ষা ধর্মদ্রোহিতা গুরুতর, এবং যে পর্যন্ত তাহারা তোমাদিগকে তোমাদের ধর্ম হইতে বিচ্যুত না করে, সে পর্যন্ত সূক্ষ্ম হইলে অবিশ্রান্ত তোমাদের সঙ্গে যুদ্ধ করিবে, এবং তোমাদিগের মধ্যে যাহারা স্বধর্মে বিমুগ্ধ হয়, পরে ধর্মদ্রোহী থাকিয়া প্রাণত্যাগ করে, অনন্তর তাহারাই ইহারা যে, ইহলোকে পরলোকে তাহাদের সমুদায় ক্রিয়া বিনষ্ট হয়, তাহারাই যাহারা নরকলোকে বাস করিবে, তথায় সর্বদা থাকিবে । ২১৭ । নিশ্চয় যাহারা বিশ্বাস স্থাপন করিয়াছে ও যাহারা ধর্মোদ্দেশে স্বদেশ ত্যাগ এবং যুদ্ধ করিয়াছে, তাহারা ঈশ্বরানুগ্রহের আশা রাখে, এবং ঈশ্বর ক্ষমাশীল ও দয়ালু । ২১৮ । তাহারা সুরাপান ও দ্রুতক্রীড়া বিষয়ে তোমাকে (হে মোহাম্মদ,) প্রশ্ন করিতেছে, এই দুই বিষয়ে গুরুতর অপরাধ, এবং লোকের লাভও আছে ; কিন্তু এই দুইয়ে লাভ অপেক্ষা অপরাধ গুরুতর † । তাহারা তোমাকে জিজ্ঞাসা করিতেছে যে, কেমন

করিয়াছিলেন যে, আমার প্রচুর সম্পত্তি আছে, তাহা কি প্রাণীতে ব্যয় করিব ? তাহাতে ঈশ্বর এই আদেশ করেন ।

* হজরত মোহাম্মদ নিক্রাসনের দ্বিতীয় বৎসরে হজ্রনের পুত্র আব্দোল্লাকে আপনার একদল সহচর সহ রতলতথলানামক স্থানে প্রেরণ করিয়াছিলেন । তাঁহাদের সঙ্গে তাম্বাকু হইতে আগত কোরেশজাতীয় বণিকদিগের যুদ্ধ উপস্থিত হয় । সেই যুদ্ধে বিপক্ষদলের প্রধান পুরুষ ওমর ও খেজর নামক দুই ব্যক্তি নিহত হইয়াছিল । তখন রজব মাসের নবীনচন্দ্র মৌসলমানদিগের দৃষ্টিগোচর হইল । তাঁহারা জানিতেন না যে, অমাদিয়ঃসানি মাসের অবসান ও রজব মাসের আরম্ভ । এই সময়ে সংগ্রাম নিষিদ্ধ, এই কথা প্রচার হইলে কাকেরগণ কুংসা করিয়া বেড়াইতে লাগিল যে, মোহাম্মদ অবৈধকে বৈধ করিল, নিজের শিষ্যদিগকে রজব মাসে যুদ্ধ করিতে আজ্ঞা দিল । সেই সময়ে মৌসলমানেরা নিষিদ্ধ মাস বিষয়ে হজরতকে প্রশ্ন করিলেন, তাহাতেই এই বচন অবতীর্ণ হয় । (ত, হো,)

† মহাঈদ । ওমর ও জবলের পুত্র মোয়াজ সুরাপান ও দ্রুতক্রীড়াবিষয়ে প্রশ্ন করিয়াছিলেন । তখন সুরাপান ও দ্রুতক্রীড়া আরবীয় লোকের মধ্যে বৈধরূপে প্রচলিত ছিল । এই প্রশ্নের উত্তরে ঈশ্বরের এই বাণী অবতীর্ণ হয় । সুরাপানে উচ্চতাবৃদ্ধি, ভুক্তাদের জীর্ণতাসম্পাদন, বীরত্ব ও সাহস প্রকাশ ইত্যাদি শারীরিক বিষয়ে লাভ আছে । তখন দ্রুতক্রীড়ার দরিদ্রদিগের লাভ ছিল । এরূপ রীতি ছিল যে, ক্রীড়ায় যে ব্যক্তি জয়ী হইত, সে দরিদ্রদিগকে দান করিত । (ত, হো,)

দান করিব? বল, অধিক দান কর, এইরূপ ঈশ্বর তোমাদের জন্ত আয়ত সকল ব্যক্ত করেন, সম্ভবতঃ ইহলোক ও পরলোক বিষয়ে তোমরা চিন্তা করিবে। ২১৯। + এবং তাহারা নিরাশ্রয় লোকের সম্বন্ধে তোমাকে প্রশ্ন করিতেছে, বল, তাহাদের কুশল-সম্পাদন শ্রেয়ঃ; যদি তাহাদের সঙ্গে তোমরা বাস কর, তবে তাহারা তোমাদের ভ্রাতা, এবং পরমেশ্বর হিতকারী লোক হইতে অহিতকারীকে চিনিয়া থাকেন, এবং ঈশ্বর ইচ্ছা করিলে তোমাদিগকে দৃঢ় আক্রমণ করিতেন, নিশ্চয়ই ঈশ্বর পরাক্রান্ত ও বিজ্ঞাত। ২২০। এবং অনেকেশ্বরবাদিনী নারী যে পর্যাস্ত বিশ্বাস স্থাপন না করে, তাহাকে বিবাহ করিও না, এবং অনেকেশ্বরবাদিনী (সৌন্দর্য্যে ও ধনসম্পাদনে) তোমার সম্ভাষণ উৎপাদন করিলেও তদপেক্ষা নিশ্চয় বিশ্বাসিনী দাসী শ্রেষ্ঠা, এবং যে পর্যাস্ত বিশ্বাসী না হয়, অনেকেশ্বরবাদীকে কত্তা সম্প্রদান করিও না, অনেকেশ্বরবাদী পুরুষ তোমার সম্ভাষণ উৎপাদন করিলেও তদপেক্ষা বিশ্বাসী দাস শ্রেষ্ঠ; সেই সকল লোকেরা নরকাগ্নির দিকে নিমন্ত্রণ করে ও ঈশ্বর স্বর্গের দিকে ও ক্ষমার দিকে স্বীয় আজ্ঞায় আহ্বান করেন, এবং মত্তগণের জন্ত স্বীয় নিদর্শন সকল ব্যক্ত করেন, যেন তাহাতে তাহারা উপদেশ লাভ করিতে পারে *। ২২১। (র, ২৭, আ, ৫)

হুরাপান ও দ্রুতক্রীড়াসম্বন্ধে অনেকগুলি আয়ত অবতীর্ণ হইয়াছে। প্রত্যেক আয়তে এই দুয়ের দোষ বিবৃত আছে। মায়া হুরার আয়তবিশেষে হুরাপান স্পষ্টরূপে নিষিদ্ধ। অপিচ যে বস্ত্র মাদকতার কারণ, তাহাও অবৈধ হইয়াছে। যে সকল ক্রীড়ায় অর্থের প্রয়োগ হয়, সেই সমস্ত ক্রীড়াও নিষিদ্ধ।

(ত হো,)

* মশ্বদনামক একজন বীরপুত্র অসহায় মোসলমানদিগকে গোপনে মক্কা হইতে মদিনায় লইয়া যাঁহাবার জন্ত প্রেরিত হইয়াছিল। তপায় এনাকনামী একজন অনেকেশ্বরবাদিনী পরমরূপবতী নারীর সঙ্গে তাহার পূর্বাভাষ গুপ্ত প্রণয় ছিল। সে মক্কায় উপনীত হইলে এনাক তাহার নিকট বাইয়া সম্মিলনের আকাজ্জা প্রকাশ করে। মশ্বদ বলে, “এক্ষণে এসলামধর্ম তোমার ও আমার মধ্যে সম্মিলনে অন্তরায় হইয়াছে, বিশেষতঃ ব্যক্তিচারের ভাবে সম্মিলন আমার পক্ষে দুঃসাধ্য।” এই কণা শুনিয়া এনাক বলিল, “তবে তুমি আমাকে ভাষ্যরূপে গ্রহণ কর।” মশ্বদ বলিল, “এ বিষয় প্রেরিত পুরুষের আদেশের উপর নির্ভর করে।” অনন্তর সে মদিনায় প্রতাগমন করিয়া হজরতের নিকট সর্বোৎসব নিবেদন করিল। তাহাতেই “যে পর্যাস্ত অনেকেশ্বরবাদিনী বিশ্বাস স্থাপন না করে” এই আয়ত অবতীর্ণ হয়। অপিচ সেই সময় রওয়াহার পুত্র আব্দোল্লা অবাধ্যতার জন্ত স্বীয় কাক্রি দাসীকে চপেটাঘাত করিয়াছিলেন। দাসী হজরতের নিকটে বাইয়া দুঃখ প্রকাশ করে। হজরত আব্দোল্লায় নিকটে দাসীর অবস্থা অনুসন্ধান করেন। আব্দোল্লা বলিলেন যে, “সে নমাজ পড়ে ও রোজা পালন করিয়া থাকে, এবং ঈশ্বর ও প্রেরিতপুরুষকে প্রেম করে, কিন্তু বড় অবাধ্য ও কলহকারিণী।” ইহা শুনিয়া হজরত বলিলেন, “সে ধর্মবিশ্বাসিনী, অতএব তাহার সঙ্গে তুমি সম্ভাবহার কর।” অতঃপর আব্দোল্লা তাহাকে দাসী হইতে মুক্ত করিয়া বিবাহ করিলেন। ইহা দেখিয়া অনেক লোক আব্দোল্লা কুলাঙ্গী দাসীকে বিবাহ করিল বলিয়া তাহার নিন্দা করিতে লাগিল, তাহাতেই এই ঘটনের শোষণ অবতীর্ণ হয়।

(ত হো,)

এবং তাহারা ঋতুসম্বন্ধে তোমাকে প্রশ্ন করিতেছে, বল (হে মোহাম্মদ,) উহা অশুচি, অতএব ঋতুকালে জীলোকদিগকে তোমরা পৃথক করিবে, এবং যে পর্যন্ত তাহারা শুচি না হয়, তাহাদের নিকটবর্তী হইও না, তাহারা শুদ্ধ হইলে পর (স্নান করিলে) তোমাদিগের প্রতি ঈশ্বর সে আদেশ করিয়াছেন, সেই ভূমি দিয়া তাহাদের নিকটে যাইও, সতাই ঈশ্বর প্রত্যাবর্তনকারী ও শুদ্ধাচারীদিগকে প্রেম করেন *। ২২২। তোমাদিগের জী সকল তোমাদের ক্ষেত্র, অতএব যেরূপে ইচ্ছা হয় ক্ষেত্রে আগমনপূর্বক স্বীয় জীবনের জগৎ অগ্রে প্রেরণ করিও,† এবং ঈশ্বর হইতে ভীত হইও, জানিও নিশ্চয় তোমরা তাহার সঙ্গে সাক্ষাৎ করিবে, এবং বিশ্বাসী লোকদিগকে সুসংবাদ দান করিও। ২২৩। তোমরা সদহুষ্ঠান এবং আত্মসংযমন ও লোকের মধ্যে সম্প্রীতিস্থাপনে স্বীয় শপথ করিতে ঈশ্বরকে ছল করিও না, এবং ঈশ্বর শ্রোতা ও জ্ঞাতা‡। ২২৪। তোমাদের অমুখা উক্তির শপথে ঈশ্বর তোমাদিগকে দোষী করেন না, কিন্তু তোমাদের মন যাহা করে, তজ্জগৎ তিনি তোমাদিগকে দোষী করেন, এবং ঈশ্বর ক্ষমাশীল ও প্রশান্ত। ২২৫। যাহারা স্বীয় ভাৰ্য্যাগণের সম্বন্ধে শপথ করে, তাহাদের জগৎ চারি মাস কাল প্রতীক্ষণীয়, পরে যদি প্রত্যাবর্তন করে, (শপথ ত্যাগ করে) তবে নিশ্চয় ঈশ্বর ক্ষমাশীল ও দয়ালু §। ২২৬। এবং যদি পুরুষ স্ত্রীবর্জনের উত্তোগ করে, তবে নিশ্চয় ঈশ্বর শ্রোতা ও জ্ঞাতা। ২২৭। এবং বর্জিতা নারীগণ ঋতু তৃতীয় কাল পর্যন্ত আপনাদিগকে প্রতীক্ষায় রাখিবে, এবং যদি তাহারা ঈশ্বরে ও পরলোকে বিশ্বাস করে, তবে ঈশ্বর তাহাদের গর্ভে যাহা সৃজন করিয়াছেন তাহা গোপন করা তাহাদের পক্ষে উচিত নহে, এবং যদি ইতিমধ্যে তাহাদিগের স্বামিগণ হিতাকাঙ্ক্ষা করে, তবে তাহারা তাহাদিগকে প্রতিগ্রহণ করিবার উপযুক্ত, পুরুষদিগের যেরূপ সেই স্ত্রীগণের উপর বৈধাচারে (স্বত্ব,) স্ত্রীগণেরও

* ইহুদিগণ স্ব স্ব স্ত্রীর ঋতুকালে দূরে থাকে, তাহাদের মুখের প্রতি দৃষ্টি করে না, তাহাদের সঙ্গে কথোপকথন ও একত্র ভোজন অবৈধ বলিয়া জানে। ঈশারী পুরুষেরা ইহার বিপরীত আচরণ করে, তাহারা ঋতুমতী স্ত্রীলোকের সঙ্গে কথোপকথন ও একত্র ভোজন, বরং একত্র শয়ন ও ক্রীড়া করিয়া থাকে। ওহদার পুত্র সাবেত স্বীয় ভাৰ্য্যা ঋতুমতী হইলে, কিরূপ আচরণ করিতে হইবে, এ বিষয়ে হজরতকে প্রশ্ন করিয়াছিলেন, তাহাতেই ঈশ্বরের এই বাণী অবতীর্ণ হয়। (ত, হো,)

† “স্বীয় জীবনের জগৎ অগ্রে প্রেরণ করিও,” এই কথাই তাৎপৰ্য্য, স্বীয় জীবনের জগৎ সঞ্জন কামনা কর, অথবা স্ত্রীসঙ্গের পূর্বে এরূপ সঙ্কল্প কর ও অবৈধ সহবাস হইতে প্রবৃত্তিকে সংযত রাখ। (ত, হো,)

‡ রওয়াহার পুত্র আব্দোল্লা স্বীয় ভগিনীপতির প্রতি অসন্তুষ্ট হইয়া ঈশ্বরের নামের শপথ করিয়া বলিয়াছিলেন যে, তাহার সঙ্গে কথা কহিবেন না ও তাহার হিতাহুষ্ঠান করিবেন না, এবং তাহার শত্রুগণের সঙ্গে তাহার সম্মিলনসম্পাদন করিবেন না। এই সূত্র উপলক্ষ করিয়া ঈশ্বর হজরতকে এই প্রত্যাদেশ করেন। (ত, হো,)

§ আমি স্বীয় পত্নীর নিকটে যাইব না, কেহ এরূপ শপথ করিলে সে চারি মাস পত্নীর সঙ্গ না করিয়া শপথের প্রারম্ভিক করিবে, অন্তথা স্ত্রীত্যাগ করিবে। (ত, কা,)

তজপ, কিন্তু স্ত্রীলোকের উপর পুরুষের শ্রেষ্ঠতা, ঈশ্বর পরাক্রান্ত ও বিজ্ঞাত। ২২৮।
(র, ২৮, আ, ৭)

বর্জন দুইবার মাত্র, পরে বিধিমতে রক্ষা করা অথবা সক্ষম হলে বিদায় করিয়া দেওয়া বিহিত, * এবং ঈশ্বরের অহুশাসন নরনারী পালন করিতে পারিবে না, এই আশঙ্কা ব্যতীত স্ত্রীগণকে যে কিছু দান করা হইয়াছে, তাহা প্রতিগ্রহণ করা তোমাদের পক্ষে শ্রেয়ঃ নহে ; অনন্তর যদি তোমরা আশঙ্কা কর যে দম্পতী দ্বারা ঈশ্বরের অহুশাসন প্রতিপালিত হইবে না, তবে স্ত্রী বিনিময় প্রতিদান করিলে উভয়ের পক্ষে অপরাধ নহে, ইহা ঈশ্বরের ব্যবস্থা, অতএব তাহা উল্লেখ্য করিও না, যাহারা পরমেশ্বরের বিধিকে অতিক্রম করে পরে তাহারাই যাহারা অত্যাচারী +। ২২৯। যদি কোন পুরুষ স্ত্রীকে (তৃতীয় বার) বর্জন করে, তবে তাহার পর যে পর্য্যন্ত তন্নিম্ন পুরুষের সঙ্গে সে বিবাহিতা না হয় (পূর্বোক্ত) পুরুষের জন্ত সেই নারী বৈধ নহে, পরে (দ্বিতীয়) পুরুষ তাহাকে বর্জন করিলে যদি উভয়ে বোধ করে যে পরমেশ্বরের অহুশাসন প্রতিপালন করিতে পারিবে, তবে এমতাবস্থায় পরিণয়ে প্রত্যাবর্তন করা উভয়ের পক্ষে দোষাবহ নহে, এবং ইহা ঈশ্বরের বিধি, তিনি জ্ঞানী লোকদিগের জন্ত ইহা বিবৃত করিতেছেন। ২৩০। এবং যখন তোমরা স্ত্রীদিগকে বর্জন কর, পরে যখন তাহারা নির্দ্ধারিত সময় প্রাপ্ত হয়, তখন তাহাদিগকে বিধিমতে রক্ষা করিও, অথবা বিধিমতে বিদায় করিয়া দিও। এবং তাহাদিগকে ক্লেশ দিবার জন্ত আবদ্ধ রাখিও না, তাহা করিলে সীমা লঙ্ঘন করিবে, যে ব্যক্তি ইহা করে, নিশ্চয় সে নিজের প্রতি অত্যাচার করিয়া থাকে, এবং তোমরা ঈশ্বরের বচন সকলের প্রতি বিজ্ঞপ করিও না, তোমাদিগের প্রতি ঈশ্বরের দান ও তিনি তোমাদিগকে

* পৌত্তলিকতার সময়ে স্ত্রী-বর্জনের নির্দ্ধারিত সংখ্যা ছিল না। এক স্ত্রীকে দশ বার বর্জন করিয়া পুরুষ পুনর্বার তাহাকে প্রতিগ্রহণ করিতে পারিত। একদা একটি স্ত্রীলোক হজরতের সহধর্মিণী মহামায়া আয়াশার নিকটে আসিয়া আপন স্বামীর অত্যাচারের বিষয় এরূপ নিবেদন করিয়াছিল যে, তাহার স্বামী তাহাকে পুনঃ পুনঃ বর্জন ও প্রতিগ্রহণ করিয়া অত্যন্ত ক্লেশ দিতেছে। এই বিবরণ হজরতের কর্ণগোচর হইলে দুই বার মাত্র বর্জনবিধি প্রবচনের অভ্যাস হয়।
(ত, হো,)

+ নির্দ্ধারিত সময় পর্য্যন্ত পুরুষ ইচ্ছা করিলে স্ত্রীকে পুনঃগ্রহণ করিতে পারে। প্রথম বর্জনে এই বিধি। দ্বিতীয় বর্জনের পর পুনঃগ্রহণের বিধি নাই। তবে ব্যবস্থানুসারে স্ত্রীকে তাহার স্বত্ব প্রদান করিতে সক্ষম হইলে তাহাকে রাখিতে পারে। সেইরূপে গ্রহণ করিতে না পারিলে তাহাকে বিদায় করিয়া দেওয়া কর্তব্য। যাহা দান করা হইয়াছে, তাহা পরিশোধ করিতে না পারিয়া কিরিয়া আসিবে, এই উদ্দেশ্য করিয়া স্ত্রীকে আবদ্ধ করিবে না। যখন কোনরূপে উভয়ের মিলন হইবে না, নিরুপায়ের অবস্থা, এবং পুরুষের পক্ষে স্বত্ব পরিশোধে ক্রটি হইতেছে না, তখন সকল লোক মিলিয়া স্ত্রীর সঙ্গে কিছু নির্ধারণ করিবেন, এবং পুরুষকে সন্তুষ্ট করাইয়া বর্জন করাইবেন।
(ত, কা,)

শিক্ষা দিবার জ্ঞান ও গ্রন্থযোগে যাহা তোমাদের নিকট অবতারণ করিয়াছেন, তাহা স্মরণ করিও, এবং ঈশ্বরকে ভয় করিও ও জানিও নিশ্চয় ঈশ্বর সর্বজ্ঞ। ২৩১। (র, ২২, আ, ৩)

এবং যখন তোমরা জীদিগকে বর্জন কর পরে তাহারা স্বীয় নির্দিষ্টকাল প্রাপ্ত হয়, তখন প্রকৃষ্ট রীতি অনুসারে পরস্পর সম্মত হইলে স্বীয় স্বামীর সঙ্গে বিবাহিত হইতে তাহাদিগকে বারণ করিও না, এই আজ্ঞা ; এতদ্বারা তোমাদিগের মধ্যে যাহারা ঈশ্বরে ও পরকালে বিশ্বাসী, তাহাদিগকে উপদেশ করা যাইতেছে, ইহা তোমাদের জ্ঞাত বিষয় ও অতিশয় বিশ্বস্ত, ঈশ্বর জ্ঞাত আছেন, তোমরা জ্ঞাত নহ। ২৩২। এবং পূর্ণ দুই বৎসর কাল সন্তানকে স্তন্যদান মাতার কর্তব্য, যে ব্যক্তি স্তন্যপানের কাল পূর্ণ করিতে ইচ্ছা করে তাহার পক্ষে এই বিধি, যে লোকের সন্তান তাহার উপর জীবিত যথোচিত ভরণপোষণের ভার ; কোন ব্যক্তিকে তাহার সাধার অতিরিক্ত ক্লেশ দেওয়া যায় না ; আপন সন্তানের জন্ত মাতাকে ও পিতাকে ক্লেশ দান অবিধেয়, এবং উত্তরাধিকারীর প্রতিও অবস্থি নিয়ম, পরন্তু যদি (পিতা মাতা) পরস্পরের সম্মতি ও পরামর্শ অনুসারে সন্তানকে স্তন্যদান হইতে নিবৃত্ত করিতে চাহে, তবে তাহাদিগের প্রতি অপরাধ নাই, * এবং তোমাদের যাহা দেয়, তাহা সম্যক্ সমর্পণ করিয়া যদি তোমরা স্বীয় সন্তানগণকে (ধাত্রীযোগে) দুগ্ধদান করাও, তবে তোমাদিগের প্রতি দোষ নাই, এবং ঈশ্বরকে ভয় করিও, জানিও তোমরা যাহা করিতেছ, ঈশ্বর তাহা দর্শন করেন। ২৩৩। এবং তোমাদের মধ্যে যাহারা গতানু হইয়া ভাৰ্য্যাগণকে পরিত্যাগ করে, সেই (পরিত্যক্ত) জীলোকেরা চারি মাস দশ দিন কাল আপনাদিগকে প্রতীক্ষায় রাখিবে, পরে নির্দিষ্ট সময় পূর্ণ হইলে তাহারা আপনাদের সম্বন্ধে যথাবিহিত যাহা করে, তাহাতে তোমাদের প্রতি কোন দোষ নাই, এবং তোমরা যাং কর ঈশ্বর তাহা জ্ঞাত আছেন †। ২৩৪ এবং নারীগণের প্রতি অভিলাষ তোমরা ইঙ্গিত বাক্যে প্রকাশ করিলে অথবা স্বীয় অন্তরে গোপন করিয়া রাখিলে তোমাদের সম্বন্ধে দোষ নহে, পরমেশ্বর জানেন যে, তোমরা নিশ্চয় তাহাদিগকে স্মরণ করিবে, কিন্তু যথাবিধি উক্তি (ইঙ্গিত বাক্য) বলা

* যে স্থলে জীবর্জন হইয়া গেল এবং স্তন্যপায়ী সন্তান রহিল, সে স্থলে মাতা দুগ্ধদানের জন্ত দুই বৎসর কাল আবদ্ধ থাকিবেন, পিতা তাহার ব্যয় নির্বাহ করিবেন। পিতার অভাব হইলে সন্তানের উত্তরাধিকারী তাহার ব্যয়ভার বহন করিবেন, এবং পিতা মাতা নির্দিষ্ট দুই বৎসরের পূর্বে দুগ্ধ ছাড়াইতে সক্ষম, পিতা জ্ঞাত কাহারও যোগে দুগ্ধ দান করাইয়া তাহাকে মৃত্ত করিতে পারেন। কিন্তু ইহার পরিবর্তে সম্পত্তির কোন স্বত্ব কর্তন করিতে তাহার অধিকার নাই। (ত, ফা,)

† বর্জনান্তে তিন মাসের পর বিবাহের নির্দিষ্টকাল। স্বামীর মৃত্যু হইলে চারি মাস দশ দিন প্রতীক্ষণীয়। গর্ভামৃত্ত না হইলে এই দুই কাল নিরূপিত, কিন্তু গর্ভ হইলে এসবকাল পর্যন্ত প্রতীক্ষণীয়। (ত, ফা,)

ব্যতীত তাহাদিগকে গোপনে বিবাহের অঙ্গীকার জানাইবে না, এবং যে পর্যন্ত লিখিত সময় উপস্থিত না হয় উদ্বাহবন্ধনে সম্মত হইবে না, এবং জানিও তোমাদের অন্তরে যাহা আছে ঈশ্বর তাহা জ্ঞাত হন, অতএব তাহাকে ভয় করিও, ও জানিও সত্যি ঈশ্বর ক্ষমাশীল ও গম্ভীর * । ২৩৫ । (র, ৩০, আ, ৪)

জীৱগকে স্পর্শ কর নাই, অথবা তাহাদের জন্ত কোন নির্দারণ নিরূপণ কর নাই, এমন অবস্থায় যদি তোমরা তাহাদিগকে বর্জন কর, তাহা হইলে তোমাদিগের পক্ষে দোষ নাই, এবং (সেই বর্জিত নারীগণ) সম্পন্ন বা দরিদ্র হইলে তদবস্থানুসারে তাহাদিগকে ধন দান করিবে, ধন সমুচিতরূপে দেয়, এবং হিতাহুতানকারীদিগের প্রতি এই বিধি । ২৩৬ । এবং তাহাদিগকে সংস্পর্শ করার পূর্বে ও তাহাদিগের সম্বন্ধে ঔষাহিক দান নির্দারণ করার পর যদি তোমরা তাহাদিগকে বর্জন কর, তবে জীৱদিগের ক্ষমা করা অথবা যাহার হস্তে বিবাহবন্ধন হয় তাহার ক্ষমা করা ব্যতীত নির্দারিত ঔষাহিক দানের অর্দ্ধাংশ (তোমাদের দেয়,) এবং তোমাদিগের ক্ষমা (নির্দারিত অর্থ না চাহিলেও দান করা) বৈরাগ্য হয়, এবং তোমরা আপনাদের মধ্যে হিতসাধনে বিশ্বস্ত হইও না, তোমরা যাহা করিতেছ নিশ্চয় ঈশ্বর তাহার দর্শক † । ২৩৭ । তোমরা নমাজ সকলকে বিশেষতঃ মধ্যম নমাজকে রক্ষা করিও, এবং ঈশ্বরের নিকটে বাধ্যভাবে দণ্ডায়মান থাকিও ‡ । ২৩৮ । অনন্তর যদি তোমরা (শত্রু হইতে) ভয় প্রাপ্ত হও, তবে আরোহী

* স্ত্রী স্বামী কর্তৃক বর্জিত হইয়া যে পর্যন্ত নির্দারিত কাল প্রতীক্ষার থাকে, সে পর্যন্ত কাহারও উচিত নহে যে তাহার সঙ্গে বিবাহবন্ধনে বদ্ধ হয়, অথবা বিবাহের স্পষ্ট অঙ্গীকার করে। কিন্তু অন্তরে সে এরূপ সঙ্কল্প করিতে পারে যে, সময় উপস্থিত হইলে আমি তাহাকে বিবাহ করিব, অথবা অল্প লোকে প্রস্তাব করিবার পূর্বে ইজ্জিতে এরূপভাবে তাহাকে জানাইতে পারে যে, তোমাকে সকলেই ঐতি করিবে, অথবা এরূপ বলিবে যে, আমার বিবাহে ইচ্ছা আছে । (ত, ফা,)

† উদ্বাহ উপলক্ষে স্বামী স্ত্রীকে সম্পত্তি দান করিয়া থাকেন। এই দানকে “মহর” বলে। উদ্বাহসময়ে, “মহর” নির্দারিত না হইলেও উদ্বাহ সিদ্ধ হয়। “মহর” অর্থাৎ ঔষাহিক দান বা যৌতুক নির্দারণ পরেও হইতে পারে। যদি ঔষাহিক দান নির্দারণের ও সহবাসের পূর্বে স্ত্রী বর্জিত হয়, তবে সেই দান তাহাকে অর্পণ করিতে স্বামী বাধ্য নহে, কিন্তু ক্রিষ্টিং অর্থানুকূল্য করা উচিত। ঔষাহিক দান নির্দারণের পর ও সহবাসের পূর্বে বর্জন করা হইলে নির্দারিত দানের অর্দ্ধাংশ দিতে হইবে। কিন্তু যদি স্ত্রী ক্ষমা করে অর্থাৎ গ্রহণ করিতে না চাহে, এবং যিনি বিবাহ বন্ধন ও ভঙ্গ করিতে ক্ষমতা-প্রাপ্ত, তিনি ক্ষমা করেন, তবে তাহা না দিলেও চলে। কিন্তু স্বামীর পক্ষে উহা অপেক্ষা করিয়া দান করা শ্রেয়ঃ । (ত, ফা,)

‡ দিবা রজনীর মধ্যস্থিত নমাজ মধ্যম নমাজ, উহা অসরের নমাজ অর্থাৎ আপরাহ্নিক নমাজ। এই নমাজের প্রতি দৃঢ়তা অধিক প্রয়োজন। স্ত্রীবর্জনবিধিহানে নমাজের বিধি হওয়ার কারণ এই যে, সাংসারিক ব্যাপারে মগ্ন হইয়া লোকে ঈশ্বরপূজা ভুলিয়া যাইতে পারে, এই নিমিত্ত আপরাহ্নিক নমাজের দৃঢ়তা রক্ষা করার বিধি হুইয়াছে, যেহেতু এই সময়েই সাংসারিক ব্যস্ততা অধিক হয় । (ত, ফা,)

থাক বা পদাতিক থাক, পরে যখন নির্ভয় হইবে, তোমরা যাহা (যে নমাজ) জানিতে না, পরমেশ্বর তোমাদিগকে যেমন তাহা শিক্ষা দিয়াছেন, তখন তদনুসারে তাঁহাকে স্মরণ করিও *। ২৩৯। এবং তোমাদিগের মধ্যে যে সকল লোক প্রাণত্যাগ করে ও ভাৰ্ঘ্যা রাখিয়া যায়, সৰ্ব্বসর কাল পর্যন্ত তাহাদিগের (ভাৰ্ঘ্যাদিগকে) গৃহের বাহির না করিয়া সম্পত্তিদানবিষয়ে নির্ধারণ করা বিধেয়; যদি তাহারা বাহির হইয়া যায়, তবে তাহারা নিজের সম্বন্ধে যথাবিধি যাহা করিল, তজ্জন্ত তোমাদের প্রতি দোষ নাই, এবং ঈশ্বর পরাক্রান্ত ও নিপুণ †। ২৪০। বর্জিত নারীগণকে যথাবিধি ধনদান ধর্মভীরু লোকদিগের সম্বন্ধে বিধি। ২৪১। পরমেশ্বর তোমাদিগের জন্ত এইরূপে প্রবচন সকল ব্যক্ত করেন, যেন তোমরা জ্ঞান লাভ করিতে পার। ২৪২। (র, ৩১, আ, ৭)

যাহারা আপন গৃহ হইতে বহির্গত হইয়াছিল, তোমরা কি তাহাদের প্রতি দৃষ্টি কর নাই? তাহারা বহুসংখ্য লোক ছিল যে, মৃত্যু আশঙ্কা করিতেছিল, পরে ঈশ্বর তাহাদিগকে বলিলেন, “তোমাদের মৃত্যু হউক,” তৎপর তিনি তাহাদিগকে জীবিত করিলেন, নিশ্চয় ঈশ্বর মনুষ্যের প্রতি একান্ত দয়ালু, কিন্তু অধিকাংশ লোক ধনবাদ করে না ‡। ২৪৩। এবং পরমেশ্বরের পথে সংগ্রাম করিও, ও জানিও নিশ্চয় ঈশ্বর শ্রোতা ও জ্ঞাতা। ২৪৪। কে সে যে পরমেশ্বরকে উত্তম ঋণে ঋণ দান করে? পরে পরমেশ্বর তাহার জন্য উহার দ্বিগুণ বহুগুণ (পুরস্কার) দান করিয়া থাকেন, এবং ঈশ্বর (জীবিকা) সঙ্কোচ ও

* সংগ্রামকালে পদাতিক বা আরোহী সকলের প্রতি এই উক্তিযোগে উপসনা করার বিধি হইল। তখন উপাসনা কেবলান্তিমুখে হউক বা না হউক, তাহাতে ক্ষতি নাই। (ত, হো,)

† পূর্বে এই রীতি ছিল যে, বিধবা হওয়ার পর নারী এক বৎসর কাল বিশেষ নিয়মে বন্ধ থাকিতেন, জীর্ণবস্ত্র পরিধান করিতেন, বেশভূষায় নিবৃত্ত থাকিতেন। মজরৎশীয়া নারী হইলে হয় তিনি স্বামীর গৃহে স্বামীর বন্ধুগণের সঙ্গে বাস করিতেন, নয় তাঁহার বন্ধুগণ তাঁহার জন্য তথায় অস্থায়ী গৃহ প্রস্তুত করিয়া দিতেন। ওমরৎশীয়া হইলে তাঁহার জন্য স্বতন্ত্র পটমণ্ডপ স্থাপিত হইত, তিনি সৰ্ব্বসরকাল সেই গৃহ হইতে বহির্গত হইতেন না, উপজীবিকা স্বামীর বন্ধুগণ হইতে গ্রহণ করিতেন। যখন নির্দিষ্ট গৃহ হইতে বাহিরে আগমন করিতেন, সেইকাল হইতে জীবিকা বন্ধ হইত। যে সময় হজরত মদিনায় পদার্পণ করিলেন, তখন তায়েকনিবাসী এক ব্যক্তির মৃত্যু হয়, তাঁহার পিতা মাতা ও এক স্ত্রী এবং এক পুত্র ছিল, সে আপন তাক্ত সম্পত্তি পিতা মাতা ও পুত্রকে বিভাগ করিয়া দেয়, স্ত্রীর জন্য অংশ নির্দেশ করে না। তখন স্বামীর সম্পত্তি হইতে স্ত্রীর জীবিকা প্রাপ্য ইত্যাদি বিষয়ে এই আয়ত অবতীর্ণ হয়। (ত, হো,)

‡ পূর্বতন কোন মণ্ডলীর কয়েক সহস্র লোক ধন সম্পত্তি লইয়া স্বদেশ ছাড়িয়া চলিয়া গিয়াছিল। তাহারা ভয় পাইয়া শত্রুর সঙ্গে যুদ্ধ করিতে পরাভূত হইল, মৃত্যুভয়ে ভীত হইল, দেববলে তাহাদের বিশ্বাস হইল না। অনন্তর এক স্থানে উপনীত হওয়ার পর তাহাদের সকলের মৃত্যু হয়। সম্ভ্রাহন্তে অরিত-পুরুষের আশীর্ব্বাদে তাহারা সকলে পুনর্জীবন প্রাপ্ত হইয়া অমৃত্যু করে। এস্থলে এই উক্তির তাৎপর্য এই যে, মৃত্যুভয়ে যুদ্ধ না করিলে মৃত্যু হইতে রক্ষা পাওয়া যায় না। (ত, কা,)

বিস্তৃত করেন, তাঁহার দিকে তোমরা প্রত্যাবর্তিত হইবে * । ২৪৫ । মুসার পরলোকান্তে এস্রায়েলবংশীয় এক প্রধান দলের প্রতি কি তুমি দৃষ্টি কর নাই ? যখন তাহারা আপনাদের তত্ত্ববাহককে বলিল যে, “আমাদের জন্ত একজন রাজা নিযুক্ত কর, আমরা ঈশ্বরের পথে সংগ্রাম করিব,” সে বলিল, “যদি তোমাদিগের সম্বন্ধে যুদ্ধ লিখিত হয়, তোমরা যুদ্ধ করিবে না, এরূপ কি প্রস্তুত ?” তাহারা বলিল, “আমাদের এমন কি হইয়াছে যে, আমরা ঈশ্বরের পথে যুদ্ধ করিব না ? বস্তুতঃ আমরা আপন আলয় হইতে ও সম্ভ্রানগণ হইতে বিচ্ছিন্ন হইয়াছি ;” পরে যখন তাহাদের প্রতি সংগ্রাম লিখিত হইল, তখন তাহাদিগের অল্প কয়েকজন ব্যতীত সকলেই পশ্চাৎপদ হইল ; পরমেশ্বর দুৰ্ভাগ্যবানদিগকে জ্ঞাত আছেন † । ২৪৬ । এবং তাহাদিগের পেগাশ্বর তাহাদিগকে বলিল, “সত্যই ঈশ্বর তোমাদের জন্ত তালুতকে রাজা নিযুক্ত করিয়াছেন ;” তাহারা বলিল, “আমাদের উপর তাহার রাজত্ব কিরূপে হইবে ? রাজত্বে তাহা অপেক্ষা আমাদের স্বত্ব অধিক, সে প্রচুর ধনৈশ্বর্যসম্পন্ন নহে ;” সে বলিল, “ঈশ্বর তোমাদের জন্ত তাহাকেই মনোনীত করিয়াছেন, এবং জ্ঞান ও শরীরবিষয়ে তাহাকে অধিক বিস্তৃতি প্রদান করিয়াছেন ও ঈশ্বর যাহাকে ইচ্ছা হয় স্বীয় রাজ্য দান করিয়া থাকেন, এবং ঈশ্বর উদারস্বভাব ও জ্ঞানী” ‡ । ২৪৭ । এবং তাহাদিগকে তাহাদের সংবাদবাহক বলিল, “নিশ্চয় তাহার রাজত্বের লক্ষণ এই যে, তোমাদের নিকটে এক মঞ্জুষা উপস্থিত হইবে, তন্মধ্যে তোমাদের প্রতিপালকের প্রদত্ত শাস্তিপত্র এবং মুসা ও হারুণের বংশোদ্ভব লোকের পরিত্যক্ত অবশিষ্ট বস্তুজাত আছে, দেবগণ উহা বহন করিবে,

* ঈশ্বরকে স্বর্ণদান করার তাৎপর্য ধর্মযুদ্ধে অর্থ ব্যয় করা । জীবিকা সঙ্কোচের অর্থাৎ দরিদ্রতার চিন্তা করিবে না, ঈশ্বরের হস্ত প্রসারিত আছে । (ত, ফা,)

† মুসার পরলোকান্তে কিয়ৎকাল এস্রায়েলবংশীয় লোকের স্থগের অবস্থা ছিল । পরে যখন তাহাদিগের চরিত্র মন্দ হইল, তখন শত্রু তাহাদিগকে আক্রমণ করিল । তালুতনামক একজন ধর্মদোহী রাজা তাহাদের হস্ত হইতে রাজ্যের কিয়দংশ কাড়িয়া লইল ও তাহাদিগের ধনসম্পত্তি লুণ্ঠন করিল ও অনেককে বন্দী করিয়া লইয়া গেল । অবশিষ্ট লোকেরা পলায়ন করিয়া জেরুজিলাম নগরে যাওয়া তদানীন্তন পেগাশ্বর মহারাজা শমুয়েলের নিকটে প্রার্থনা করিল যে, “আমাদের জন্ত একজন ভাগ্যবান রাজা নিযুক্ত করুন । ভাগ্যবান দলপতি ব্যতীত আমরা যুদ্ধ করিতে সক্ষম নহি ।” (ত, ফা,)

‡ পূর্বে তালুতের বংশীয় কোন ব্যক্তি রাজত্ব করে নাই । এস্রায়েলবংশীয় লোকদিগের দৃষ্টিতে এজন্ত তিনি রূপিত হইলেন । তখন ঈশ্বর পেগাশ্বরের হস্তে একটি যষ্টি প্রদান করিয়া আদেশ করিলেন যে, এই যষ্টির অনুরূপ দীর্ঘ সাহার দেহ হইবে, রাজত্বে তাহারই অধিকার । এই আজ্ঞা শ্রান্ত হইয়া তত্ত্ববাহক স্বীয় মণ্ডলীকে বলিলেন, শারীরিক বল ও বিভ্রাবুদ্ধি-যোগে কেহ রাজত্ব পাইবে না, যে ব্যক্তি এই যষ্টিতুল্য দীর্ঘকায় হইবে, তাহারই রাজত্ব হইবে । তালুতের কলেবর উক্ত যষ্টির অনুরূপ দীর্ঘ হইল, তিনি রাজালাভ করিলেন । (ত, ফা,)

যদি তোমরা বিশ্বাসী হও, তবে নিশ্চয় তাহাতে নিদর্শন সকল আছে *। ২৪৮। (র, ৩২, আ, ৬)

পরে যখন তালুত সৈন্যে বহির্গত হইল, তখন সে (সৈন্যগণকে) বলিল, “নিশ্চয় ঈশ্বর একটি জলপ্রণালীদ্বারা তোমাদিগকে পরীক্ষা করিবেন ; যে ব্যক্তি তাহা হইতে জল পান করিবে, সে আমার দলস্থ নহে, এবং যে ব্যক্তি তাহা পান করিবে না, স্বহস্তে গণ্ডুয-মাত্র ব্যতীত পান করিবে না, নিশ্চয় সে আমার লোক ;” কিন্তু তাহাদের অল্প লোক ভিন্ন সকলেই তাহা হইতে পান করিল, পরে যখন সে ও তাহার সহচর বিশ্বাসিগণ তাহা হইতে উত্তীর্ণ হইয়া গেল, তখন তাহারা বলিল, “অজ্ঞ জালুত ও তাহার সৈন্যের (সম্মুখে উপস্থিত) হইতে আমাদের ক্ষমতা নাই ?” যে সকল লোক পরমেশ্বরের সঙ্গে সাক্ষাৎ করিতে হইবে বলিয়া ভাবিয়াছিল, তাহারা বলিল, “অনেকবার হইয়াছে যে, ঈশ্বরের আজ্ঞায় অল্প লোক বহু লোকের উপর জয়লাভ করিয়াছে, এবং ঈশ্বর সন্তুষ্টিগের সহায় +”। ২৪৯। যখন তাহারা জালুতের ও তাহার সৈন্যগণের সম্মুখে উপস্থিত হইল, তখন বলিল, “হে ঈশ্বর, আমাদের ধৈর্য্য দান কর ও আমাদের চরণ দৃঢ় কর, এবং কাফেরদিগের উপর আমাদের সাহায্য দান কর”। ২৫০। অনন্তর ঈশ্বরের আজ্ঞায় তাহারা তাহাদিগকে পরাস্ত করিল ও দাউদ জালুতকে বধ করিল, এবং ঈশ্বর তাহাকে রাজ্য ও বিচক্ষণতা প্রদান করিলেন, সে যাহা আকাঙ্ক্ষা করিতেছিল, তিনি তাহাকে

* এশারেলবংশীয়েরা এক পেটিকা প্রাপ্ত হন। সেই পেটিকায় মহাপুরুষ মুসা ও হারুণের প্রসাদ-ত্রব্য সকল স্থাপিত ছিল। এশারেল সম্ভ্রতিগণ যুদ্ধকালে দলগতির অগ্রে অগ্রে তাহা বহন করিয়া লইয়া যাইতেন ও শত্রুকে আক্রমণ করিতেন ; তাহাতে ঈশ্বর শত্রুর উপর তাহাদিগকে জয়যুক্ত করিতেন। যখন তাহারা দুর্নীতিপরায়ণ হইয়া উঠিলেন, তখন শত্রুগণ তাহাদিগ হইতে সেই পেটিকা কাড়িয়া লইয়া যায়। এক্ষণ তালুত রাজা হইয়া রাত্রিকালে স্বীয় গৃহদ্বারে উহা প্রাপ্ত হন। এইরূপ সহজে মঞ্জুবা পাইবার কারণ এই যে, শত্রুরাজ্যের যেখানে তাহা স্থাপিত ছিল, সে দেশে ঘোর বিপদ উপস্থিত হয়, পাঁচটি নগর সংক্রামক রোগে উৎসন্ন হইয়া যায়। উক্ত মঞ্জুবা কে এই বিপদের কারণ জানিয়া শত্রুপক্ষীয় লোকেরা দুইটি বলীবর্দের উপর তাহা স্থাপনপূর্বক রাজ্য হইতে বাহির করিয়া দেয়। কথিত আছে, দুই কেরেস্তা পেটিকাবাহী বলীবর্দদ্বয়কে তাড়াইয়া তালুতের দ্বারদেশ পর্য্যন্ত আনিয়া উপস্থিত করে। (ত, ফা,)

+ সমুদায় লোক কোতুলহাফ্রাস্ত হইয়া তালুতের সঙ্গে যুদ্ধযাত্রা করিতে উদ্ভূত হইয়াছিল। তালুত নির্দারণ করিয়াছিলেন যে, যাহারা নির্ভীক যুবক, তাহারাই আমার সঙ্গে রণক্ষেত্রে যাইতে পারিবে। সেরূপ অশীতি সহস্র লোক যাত্রা করিল। তালুত পথে তাহাদিগকে পরীক্ষা করিতে চাহিলেন। এক দিন জল পাওয়া গেল না, পরে এক জলপ্রণালীর নিকটে তিনি সৈন্যে উপস্থিত হইলেন। বলিলেন যে, এই প্রণালী হইতে যে ব্যক্তি এক গণ্ডুয়ের অধিক জল পান করিবে, সে আমার সঙ্গে যাইতে পারিবে না। তিনশত তের জন লোক যাত্রা পান করিল না, অল্প সকলেই খেচ্ছানুসারে জল পান করিয়া দলচ্যুত হইল। (ত, ফা,)

তাহা শিক্ষা দিলেন ; এবং যদি ঈশ্বর মানবমণ্ডলীর এক দল দ্বারা অগ্র দলকে দূর না করিতেন, নিশ্চয় পৃথিবী উৎসন্ন হইত, কিন্তু ঈশ্বর জগৎবাসীদের প্রতি পরম সদয় * । ২৫১ । এ সকল ঐশ্বরিক বচন, তোমার নিকটে (হো মোহাম্মদ,) আমি সত্যরূপে পাঠ করিতেছি, নিশ্চয় তুমি পেগাম্বরদিগের অন্তর্গত । ২৫২ । এই সকল প্রেরিত পুরুষ, ইহাদের মধ্যে এক জনের উপর অগ্র জনকে আমি শ্রেষ্ঠতা দান করিয়াছি, † কাহার কাহার সঙ্গে ঈশ্বর কথা কহিয়াছেন, ‡ এবং ইহাদের কাহার পদ উন্নত করিয়াছেন, এবং আমি মরয়মের পুত্র ঈসাকে অলৌকিকতাদানে ও পবিত্রাত্মাযোগে সাধায়া দান করিয়াছি, এবং ঈশ্বর ইচ্ছা করিলে সেই প্রেরিত পুরুষদিগের অন্তে যাহারা ছিল, তাহারা স্পষ্ট নিদর্শন সকল প্রাপ্তির পর পরস্পর বিবাদ করিত না ; কিন্তু বিরোধ করিল, § পরে তাহাদিগের কেহ ধর্মবিশ্বাসী হইল ও তাহাদের কেহ ধর্মপ্রোহী হইল এবং যদি ঈশ্বর চাহিতেন, তবে তাহারা সংগ্রাম করিত না, কিন্তু ঈশ্বর যাহা চাহেন, তাহা করেন । ২৫৩ । (র, ৩৩, আ, ৫)

হে বিশ্বাসী লোক সকল, আমি তোমাদিগকে যে জীবিকা দান করিয়াছি, যাহাতে ক্রয় বিক্রয়, বন্ধুতা ও অমুরোধ থাকিবে না, সেই দিন আসিবার পূর্বে তাহা ব্যয় কর,

* তিনশতজন সেনার মধ্যে মহাপুরুষ দাউদ ও তাঁহার পিতা এবং তাঁহার ছয় ভ্রাতা ছিলেন । দাউদ তিন খণ্ড প্রস্তর পথ হইতে কুড়াইয়া সঙ্গে আনিয়াছিলেন । উভয় দলে সমরসজ্জা হইলে জালুত স্বয়ং সমরক্ষেত্রে অগ্রসর হইয়া সগর্বে বলিল, “তোমাদের সকলের জন্ত একাকী আমি উপস্থিত, আমার সম্মুখীন হইতে থাক ।” তখন পেগাম্বরের দাউদের পিতাকে আহ্বান করিয়া বলিলেন যে, “তুমি স্বীয় পুত্রগণকে আমার সম্মুখে আনয়ন কর ।” দাউদের পিতা দাউদকে প্রদর্শন না করিয়া তাঁহার ছয় ভ্রাতাকে আনিয়া দেখাইলেন । দাউদের ভ্রাতৃগণ দৃঢ়োন্নত বলিষ্ঠ পুরুষ ছিলেন । দাউদ পশুপাল চরাইতেন, তাঁহার কলেবর বীরপুরুষোচিত ছিল না । তথাপি প্রেরিত পুরুষ দাউদকে ডাকিয়া জিজ্ঞাসা করিলেন, “তুমি কি জালুতকে পরাস্ত করিতে পারিবে ?” তিনি বলিলেন, “হাঁ পারিব ।” অতঃপর দাউদ জালুতের সম্মুখে যাইয়া সেই তিন প্রস্তর দ্বারা কৌশলপূর্বক তাহাকে এক্রপ আঘাত করিলেন যে, তাহাতে তাহার মস্তক চূর্ণ হইয়া গেল । এই ঘটনার পর তালুত দাউদকে স্বীয় কস্তা সম্প্রদান করিলেন । তালুতের মৃত্যুর পরে দাউদ রাজা হন । অজ্ঞ লোকেরা বলিয়া থাকে যে, যুদ্ধ পেগাম্বরদিগের কার্য্য নহে । এই ইতিহাস দ্বারা জানা যায় যে, ধর্মযুদ্ধ পূর্বেও প্রচলিত ছিল, ধর্মযুদ্ধ না থাকিলে অত্যাচারী লোকেরা দেশ উৎসন্ন করিত । (ত, কা,)

† ঈশ্বর কোন তত্ত্ববাহককে মণ্ডলীবিশেষের প্রতি প্রেরণ করিয়াছিলেন, কাহাকে বা মানবজাতি সাধারণের জন্ত পাঠাইয়াছিলেন । পূর্বোক্ত তত্ত্ববাহক অপেক্ষা শেষোক্ত তত্ত্ববাহকের শ্রেষ্ঠতা আছে । (ত, হো,)

‡ মহাপুরুষ আদম ও মহাপুরুষ মুসা এবং মহাপুরুষ মোহাম্মদের সঙ্গে পরমেশ্বর কথা কহিয়াছিলেন । (ত, হো,)

§ ঈসারী ও মুসারী লোকেরা সত্যপথ পরিত্যাগ করিয়া বিরোধ করিয়াছে । (ত, হো,)

এবং সেই কাফেরগণই অত্যাচারী। ২৫৪। এবং পরমেশ্বর ব্যতীত উপাস্ত নাই, তিনি জীবন্ত ও অটল, তিনি তজ্জা ও নিজ্জা দ্বারা আক্রান্ত নহেন, দু্যলোকে যাহা ও ভূলোকে যাহা আছে তাহা তাঁহারই, কে আছে যে তাঁহার আজ্ঞা ব্যতীত তাঁহার নিকটে শফায়ত (পাপীর পাপ মুক্তির জন্ত অনুরোধ) করে? তাহাদের সম্মুখে ও তাহাদের পশ্চাতে যাহা আছে তিনি তাহা জানেন, তিনি যাহা ইচ্ছা করেন তদতিরিক্ত তাঁহার জ্ঞানের কোন বিষয়ে মনুষ্য প্রবেশ করিতে পারে না, তাঁহার সিংহাসন ভূলোক ও দু্যলোককে অধিকার করিয়াছে, এবং এ দুইয়ের সংরক্ষণ তাঁহার প্রতি ভারবহ নহে, তিনি উন্নত ও মহান। ২৫৫। ধর্মের জন্ত বলপ্রয়োগ নাই, নিশ্চয় পথভ্রান্তির পর পথ প্রকাশ পাইয়াছে, অবশেষে যে ব্যক্তি প্রতিমার প্রতি বিমুখ হইয়া পরমেশ্বরে বিশ্বাস স্থাপন করিবে, নিশ্চয় সে দৃঢ় অবলম্বনকে ধারণ করিবে, তাহা ছিন্ন হইবে না, এবং ঈশ্বর শ্রোতা ও জ্ঞাতা। ২৫৬। পরমেশ্বর বিশ্বাসীদের নেতা, তিনি তাহাদিগকে অন্ধকার হইতে জ্যোতিতে লইয়া যান। যাহারা কাফের, প্রতিমা তাহাদিগের নেতা, সে তাহাদিগকে জ্যোতি হইতে অন্ধকারে লইয়া যায়; তাহারা নরকাগ্নির অধিবাসী, তথায় তাহারা সর্বদা বাস করিবে। ২৫৭। (র, ৩৪, আ, ৫)

তুমি কি সেই ব্যক্তির প্রতি দৃষ্টি কর নাই, যে ব্যক্তি এব্রাহিমের সঙ্গে তাহার প্রতিপালক সম্বন্ধে বিবাদ করিয়াছিল? তাহাকে ঈশ্বর রাজত্ব দিয়াছিলেন; যখন এব্রাহিম বলিল, “যিনি আমার প্রতিপালক, তিনি জীবন দান ও সংহার করেন,” সে বলিল, “আমি জীবন রক্ষা করি ও বধ করিয়া থাকি;” এব্রাহিম বলিল, পরন্তু নিশ্চয় ঈশ্বর সূর্য্যকে পূর্ব দিক হইতে আনয়ন করেন, তবে তুমি তাহাকে পশ্চিম দিক হইতে লইয়া আইস, অবশেষে সেই ঈশ্বরজ্যোতী পরাস্ত হইল। বস্তুতঃ ঈশ্বর অত্যাচারী লোকদিগকে পথ প্রদর্শন করেন না*। ২৫৮। অথবা যেমন সেই ব্যক্তি কোন গ্রামে উপস্থিত হইয়াছিল, এবং তাহা গৃহ ছাদের উপর পতিত ছিল; † সে বলিল, “ঈশ্বর

* নোম্বুদনামক এক ঈশ্বরজ্যোতী রাজা ছিলেন, তিনি রাজ্যোৎসর্গের অহঙ্কারে ক্ষীণ হইয়া আপনাকে ঈশ্বর বলিয়া প্রচার করিয়াছিলেন। প্রজাগণ তাঁহাকে বা তাঁহার প্রতিমূর্ত্তিকে ঈশ্বরভাবে পূজা করিত। এব্রাহিম তাঁহার প্রজা ছিলেন, অথচ তাঁহাকে সেরূপ পূজা করেন নাই। রাজা তাহার কারণ জিজ্ঞাসা করিলে তিনি বলিলেন যে, “আমি স্বীয় ঈশ্বর ব্যতীত অন্য কাহাকে পূজা করি না।” রাজা বলিলেন, “আমিই ঈশ্বর।” এব্রাহিম উত্তর করিলেন, “আমি রাজাকে ঈশ্বর বলি না, তিনিই ঈশ্বর যিনি প্রাণদান ও প্রাণ সংহার করিতে পারেন।” তখন রাজা দুই জন কারাবাসীকে কারাগার হইতে আনয়ন করিলেন, তাহার এক জনের প্রতি প্রাণদণ্ডের আজ্ঞা হইয়াছিল, তাহাকে মুক্তি দিলেন, অপর ব্যক্তি কিয়দিনের জন্ত বন্দী হইয়াছিল, তাহার শিরচ্ছেদন করিলেন। (ত, ফা,)

† গৃহ ছাদের উপর পতিত হওয়ার অর্থ, প্রথমে ছাদ পড়িয়া যায়, পরে গৃহের প্রাচীরাদি পতিত হয়। (ত, হো,)

ইহাকে কি প্রকারে ইহার বিনাশের পর সজীব করিবেন ?” অনন্তর পরমেশ্বর তাহাকে শত বৎসর জীবনশূন্য রাখিলেন, অতঃপর জীবন দান করিলেন ; কত বিলম্ব হইল ? (ঈশ্বর জিজ্ঞাসা করিলে) সে বলিল, “একদিন কিম্বা একদিনের কিছু অধিক ;” তিনি বলিলেন, “বরং তুমি একশত বৎসর বিলম্ব করিয়াছ, অনন্তর তোমার অন্ন ও তোমার জলের প্রতি দৃষ্টি কর, তাহা বিকৃত হয় নাই, এবং তোমার গর্দভের প্রতি দৃষ্টি কর এবং মানববৃন্দের জন্ত তোমাকে নিদর্শন করিব, দেখ (গর্দভের) অস্থি সকলকে আমি কিরূপ সঞ্চালন করিতেছি, এবং তৎপর সেই সকলকে মাংস দ্বারা আচ্ছাদিত করিতেছি ;” অনন্তর যখন তাহার নিকটে তাহা প্রকাশিত হইল, তখন সে বলিল, “নিশ্চয় জ্ঞাত হইলাম, ঈশ্বর সর্বোপরি ক্ষমতাশীল *।” ২৫২। এবং যখন এব্রাহিম বলিল, “হে আমার প্রতিপালক, তুমি কি প্রকারে মৃতকে জীবিত কর, আমাকে দেখাও ;” তিনি জিজ্ঞাসা করিলেন, “তুমি কি বিশ্বাস কর না ?” এব্রাহিম বলিল, “হাঁ (বিশ্বাস করি,) কিন্তু তাহাতে আমার মনের প্রবোধ হইবে ;” তিনি বলিলেন, “চারিটি পক্ষী গ্রহণ কর, তৎপর নিজের নিকটে তাহাদিগকে চিনিয়া লও, তৎপর তাহাদের মাংসসংগত সকল প্রত্যেক পর্বতে নিক্ষেপ কর, তৎপর তাহাদিগকে আহ্বান কর, তাহারা দ্রুতগতি তোমার নিকটে চলিয়া আসিবে, এবং জানিও ঈশ্বর পরাক্রান্ত ও নিপুণ” ৭। ২৬০। (র, ৩৫, আ, ৩)

* বাহার সম্বন্ধে এই ঘটনা হইয়াছিল, তিনি আজিজ নামক প্রেরিত পুরুষ। নোজত নসরনামক একজন কাকের রাজা ছিলেন। সেই রাজা এশ্রায়েলবংশীয় লোকের উপর জয়লাভ করিয়া জেরুজিলাম নগর ধ্বংস করিয়াছিলেন। জেরুজিলাম নগরই উল্লিখিত গ্রাম। নোজত নরস তথাকার নিবাসী এশ্রায়েলবংশীয় লোকদিগকে বন্দী করিয়া লইয়া গিয়াছিলেন। তাহার কিয়ৎকাল পরে মহাপুরুষ আজিজ তথায় উপস্থিত হন। তিনি নগরের অবস্থা দেখিয়া বলিয়াছিলেন যে, “এখানে আর কেমন করিয়া বসতি হইবে।” তখন সেই স্থানেই তাঁহার মৃত্যু হয়। কথিত আছে, তিনি শত বৎসর অন্তে পুনর্ব্বার জীবিত হন। তৎকালে তাঁহার পানীয় ও খাদ্য দ্রব্য তাঁহার নিকটে পূর্ব্বাবস্থায় স্থাপিত ছিল, আরোহণের গর্দভটি মরিয়া অস্থিতে পরিণত হইয়াছিল, তখন তাহা তাঁহার সাক্ষাতে জীবিত হইল। সেই এক শত বৎসরের মধ্যে এশ্রায়েল জাতি মুক্ত হইয়া পুনর্ব্বার উক্ত নগরে যাইয়া বসতি করিয়াছিল। আজিজ জীবিত হইয়া নগর জনাকীর্ণ দেখিলেন। (ত, ফা,)

† ময়ূর, বুকুট, কাক, পারাবত এই চারি পক্ষী আনীত হইয়াছিল। এ সকলকে মারিয়া এক পর্ব্বতে সমুদায়ের মন্তক, অপর পর্ব্বতে পালক, অস্ত্র পর্ব্বতের উপর ডানা, আর এক পর্ব্বতের উপর অপর অঙ্গ সকল নিক্ষেপ করিয়া প্রথমোক্ত পক্ষীকে আহ্বান করিলে, তাহার মন্তক শূন্যে উথিত হইল, তৎপর তাহার বক্ষ, ডানা ও পালক ইত্যাদি দ্রুতবেগে আসিয়া তাহাতে সংলগ্ন হইল। অপর তিন পক্ষীর সম্বন্ধেও এরূপ ঘটিল। (ত, ফা,)

ময়ূর প্রভৃতি চারিটি পক্ষী হত্যা করার তাৎপর্য, সাধনাত্মে চারিটি কুশ্রয়ভিত্তিক বলিদান করিয়া নিত্য জীবন লাভ করা। ময়ূর সৌন্দর্য্যবিকাশ ও বেশভিষ্ঠাসের আলস, তাহার মন্তক ছেদন কর

যেমন একটি শতবীজ সাতটা শতমঞ্জরী উৎপাদন করে, প্রত্যেক মঞ্জরীতে শত শত উৎপন্ন হয়, পরমেশ্বরের পথে যাহারা স্বীয় সম্পত্তি ব্যয় করে, তাহাদের অবস্থা তজ্ঞপ; এবং যাহাকে ইচ্ছা হয়, ঈশ্বর দ্বিগুণ প্রদান করেন, এবং ঈশ্বর দাতা ও জ্ঞাত। ২৬১। যাহারা ঈশ্বরের পথে আপনাদের ধন ব্যয় করে, তৎপর ধনের উপকার স্থাপনের অহু-সরণ করে না, * এবং (গ্রহীতাদিগকে) ক্লেশ দেয় না, † তাহাদের প্রতিপালকের নিকটে তাহাদের জন্ত পুরস্কার আছে ও তাহাদিগের ভয় নাই, এবং তাহারা সন্তোষিত হইবে না। ২৬২। দানের পরে ক্লেশ প্রদান করা অপেক্ষা কোমল কথা বলা ও ক্ষমা করা শ্রেয়, এবং ঈশ্বর নিরাকাজ্ঞ ও প্রশান্ত। ২৬৩। হে বিশ্বাসী লোক সকল, উপকার স্থাপন ও ক্লেশ দান করিয়া যে ব্যক্তি লোকপ্রদর্শনের জন্ত স্বীয় ধন দান করে, পরমেশ্বরে ও পরকালে বিশ্বাস রাখে না, তাহার ঞ্চায় তোমাদিগের ধর্ম্মার্থ দানকে তোমরা বার্থ করিও না, সে যুক্তিকাবৃত কঠিন প্রস্তরের ঞ্চায়, যেমন মূলধারে বৃষ্টিপাত হয়, পরে তাহাকে মুন্মুক্ত করিয়া ফেলে, (দানপ্রদর্শকগণ) যাহা করে তাহারা তাহার কিছুই উপকার অধিকার রাখে না, এবং ঈশ্বর ধর্ম্মজোহী লোকদিগকে পথ প্রদর্শন করেন না ‡। ২৬৪। এবং যাহারা ঈশ্বরের প্রসন্নতা-লাভের জন্ত ও আপন অন্তরের বিশ্বাসের জন্ত দান করে, তাহারা উচ্চভূমিস্থিত উদ্ভানের ঞ্চায়, যথা তাহাতে প্রচুর বৃষ্টিপাত নাও হয়, শিশিরবিন্দু (উপকার করিয়া থাকে,) তোমরা যাহা করিতেছ ঈশ্বর দেখিতেছেন §। ২৬৫। কেহ কি ইহা ভালবাসে যে, তাহার জন্ত দ্রাক্ষা ও খোন্দা

অর্থাৎ বাহ্যিক চাকচিক্যপ্রকাশে নিবৃত্ত থাক। কুছুট কামাসক্ত, তাহাকে ছেদন কর, অর্থাৎ আপনাকে কামবন্ধন হইতে মুক্ত কর। কাক লোভী, তাহার শিরশ্ছেদন কর, অর্থাৎ লোভ ও কামনা বিসর্জন দেও। কপোত আসক্তলিপস্থ, তাহার কণ্ঠ ছিন্ন কর, ইহার অর্থ লোকসহবাসের আসক্তি পরিত্যাগ কর। অপিচ দেহস্থিত অনলানিলবৃৎসলি এই চতুর্ভূতের চতুর্দিক বিকার। সেই বিকার সকলকে সাধনান্ত্রে ছিন্ন করিতে হইবে। অনলের বিকার অহঙ্কার, অনিলের বিকার কামাসক্তি, মুক্তিকার বিকার মলিনতা, সলিলের বিকার লোভ। ঈশ্বরের জন্ত এই চারি শারীরিক ভাবের কণ্ঠ ছেদন কর, পরে চারিকে বিশ্বাস প্রেম জানেতে জীবিত কর। (ত, হো,)

* উপকার স্থাপন করার অর্থ, উপকার করিবার জন্ত দানগ্রহীতাকে স্বর্গী করা। দীন দরিদ্রের উপর উপকার স্থাপন করিলে দানের আর পুরস্কার কি? অপিচ ধনে ঈশ্বরের স্বত্ব, ধনী ধনবাহক ভিন্ন নহে, গ্রহীতা ধনাধিকারী ঈশ্বরের নিকটে স্বর্গী থাকিবে, ধনবাহকের নিকটে নহে। (ত, হো,)

† ক্লেশ দান, অর্থাৎ দান করিবার সময় দীন ভিক্ষুকদিগকে কটুক্তি ও তাড়না করা। (ত, হো)

‡ উপরের দৃষ্টান্তে ধর্ম্মার্থদানের পুণ্য উল্লিখিত হইয়াছে। যথা একটা বীজ বপন করিলে সাতটা মঞ্জরী জন্মে, প্রত্যেক মঞ্জরীতে শত শত উৎপন্ন হয় ইত্যাদি। এই প্রবচনের দৃষ্টান্তে দানের সাধিকতার আবশ্যকতা বিবৃত হইয়াছে। প্রদর্শনের অমুরোধে দান করা, না, যেমন অল্প যুক্তিকাবৃত প্রস্তরের উপর বীজ বপন করা, বারিবর্ষণে সেই যুক্তিকা ধোত হইয়া যায়, বীজ অক্ষুরিত হয় না। (ত, ফা,)

§ বৃষ্টিপাত অর্থে অধিক ধন দান, শিশিরপাত অর্থে অল্প দান। শুক্লসঙ্কল হইয়া দান

ফলের উদ্ভাৱ হয় ও তাহাৰ ভিতৰ দিয়া জলপ্রণালী প্রবাহিত থাকে, তাহাৰ জন্ত তথাৱ নানা প্রকাৰ ফল জন্মে ও সে বৃদ্ধ লাভ করে, এবং তাহাৰ সম্ভাৱনগণ দুৰ্বল হয়, অতঃপৰ এই অবস্থায় সেই উদ্ভাৱে অগ্নিসহ বাতাবৰ্ত্ত আসিয়া প্রবেশ করে, পৰে উহা দগ্ধ হইয়া যায় ? এইরূপ ঈশ্বৰ তোমাদেৱৰ জন্ত আয়ত সকল ব্যক্ত করেন, আশা যে তোমরা চিন্তা কৰিবে * । ২৬৬ । (র, ৩৬, আ, ৫)

হে বিশ্বাসী লোক সকল, তোমাদেৱৰ উপাৰ্জিত যে ধন বিপুল ও আমি তোমাদেৱৰ জন্ত ক্ষেত্ৰ হইতে যাহা উৎপাদন কৰি তাহা ব্যয় কৰিও, মন্দ বস্তু দান কৰিতে সক্ষম কৰিও না ; প্রকৃতপক্ষে তৎপ্রতি নয়ন মুদ্রিত কৰা ব্যতীত তোমরা গ্রহণকাৰী নও, এবং জানিও পৰমেশ্বৰ নিষ্কাম ও প্রশংসিত ‡ । ২৬৭ । শয়তান তোমাদেৱৰ সঙ্গ দৱিত্ৰতাৰ অঙ্গীকাৰ করে ও গহিত কৰ্ম্ম আদেশ কৰিয়া থাকে, এবং ঈশ্বৰ স্বীয় ক্ষমা বিষয়ে ও সম্পদ দানে তোমাদেৱৰ সঙ্গ অঙ্গীকাৰ করেন ; এবং ঈশ্বৰ প্রমুক্তস্বভাব ও জ্ঞানী § । ২৬৮ । + যাহাকে ইচ্ছা হয় তিনি জ্ঞান প্রদান করেন ও

কৰিলে বহু দানেৰ বহু ফল হয়, অল্প দানেৰ অল্প ফল হইয়া থাকে । যেমন উৎকৃষ্ট ভূমিতে ঈশ্বৰ বাৰিবৰ্ষণ কৰিলেও উপকাৰ হয়, শিথিলপাতেও উপকাৰ হয় । শুদ্ধসকলবিহীন হইয়া যত অধিক ব্যয় কৰা যায়, তত ক্ষতি । কেন না তদবস্থায় অধিক ধন দান কৰিলে দান-প্রদৰ্শনও অধিক হয় । যেমন মৃত্তিকাবৃত প্রস্তুৰগত বীজেৰ উপৰ যত অধিক বাৰিবৰ্ষণ হয়, তত মৃত্তিকা ধৌত হইয়া যায় । (ত, হো,)

* যৌবনকালে কেই উদ্ভাৱ লাভ কৰিয়া মনে কৰিল যে, বৃদ্ধকালে তাহা দ্বাৰা উপকাৰ লাভ কৰিবে । কিন্তু সেই সময় তাহা দগ্ধ হইয়া গেল । উপকাৰ-স্থাপনকাৰী দাতাদিগেৰ অবস্থা এইরূপ ; পৰিণামে তাহাদেৱৰ দানেৰ ফল বিনষ্ট হয় । (ত, হো,)

+ অনেক সদাশয় দয়াবান্ লোক খোৰ্শী ফলেৰ সময়ে সুপক উত্তম খোৰ্শীপুঞ্জ বিদেশ হইতে আগত দীন দৱিত্ৰ লোকেৰা ভক্ষণ কৰিতে পাৰে, এই উদ্দেশ্যে লোকেৰ অগোচৰে মস্জিদেৰে প্ৰান্তে রাখিয়া দিতেন । একদিন একজন বিষয়াসক্ত ধনবান্ লোক কতকগুলি খোৰ্শী ফল অস্ত্রায়োপাৰ্জিত অৰ্বে ক্ৰয় কৰিয়া একাংশে আনয়নপূৰ্বক সেই সকল বিপুল খোৰ্শীৰ সঙ্গ মিশাইয়া রাখিয়াছিল । ঈশ্বৰ এই দানকে অবিপুল দান বলিলেন, বিপুল বস্তু দান কৰিতে আদেশ কৰিলেন । (ত, হো,)

দান গৃহীত হওয়ার স্বত্ব এই যে, যে বস্তু বৈধ, তাহা ঈশ্বৰোদ্দেশ্যে দান কৰিবে, অবৈধ বস্তু দিবে না । “তৎপ্রতি নয়ন মুদ্রিত কৰা ব্যতীত তোমরা তাহাৰ গ্রহণকাৰী নও ।” ইহাৰ অৰ্থ, বাধ্য না হইয়া তোমরা অবিপুল বস্তু গ্রহণ কৰিবে না, কেন না ঈশ্বৰ নিষ্কাম, তাহাৰ কামনা নাই, তিনি প্রশংসিত , অৰ্থাৎ উত্তম উত্তমকেই মনোনীত করেন । (ত, ফা,)

‡ যখন ধন দান কৰিলে আমি দৱিত্ৰ হইয়া যাইব, মনে একৰূপ চিন্তা উপস্থিত হয় ও গহিত কাৰ্য্যে সাহস হয়, এবং ঈশ্বৰেৰ উত্তেজনা-বাক্য শুনিয়াও দান কৰিতে অনিচ্ছা প্রকাশ পায়, তখন জানিও, এই ভাব শয়তানেৰ নিকট হইতে আসিয়াছে । এবং যখন মনে একৰূপ ভাব হয় যে, দান কৰিলে

যাহার প্রতি জ্ঞান প্রদত্ত হইয়াছে, পরে নিশ্চয় তাহাকে বহু কল্যাণ দেওয়া গিয়াছে, এবং জ্ঞানবান্ লোক ব্যতীত কেহ উপদেশ গ্রহণ করে না। ২৬২। এবং তোমরা যাহা (ধর্মার্থ) দান করিয়াছ অথবা কোন সংস্করণে সঞ্চয় করিয়াছ, নিশ্চয় ঈশ্বর তাহা জানেন, কুক্রিয়াশীল লোকদিগের কোন সাহায্যকারী নাই *। ২৭০। যদি তোমরা ধর্মার্থ দান প্রকাশ কর, তবে তাহা ভাল ঃ। যদি তাহা গোপন কর ও তাহা দীন দরিদ্রকে দান কর, তবে তাহাও তোমাদের জন্য উত্তম, এবং ইহা তোমাদের অনেক পাপ দূর করিয়া থাকে, এবং তোমরা যাহা করিতেছ ঈশ্বর তাহা অবগত। ২৭১। তাহাদের উপদেশ (হে মোহম্মদ,) তোমার জন্য অপ্রয়োজন, কিন্তু ঈশ্বর যাহাকে ইচ্ছা সপথ প্রদর্শন করিয়া থাকেন ও তোমরা যাহা সদ্ব্যয় কর, পরে (তাহা) তোমাদের হিতের নিমিত্ত হয়, এবং পরমেশ্বরের আনন উদ্দেশ্য না করিয়া তোমরা দান করিও না, তোমরা যে শুভ দান করিবে, তাহা তোমাদের নিকটে প্রেরিত হইবে, এবং তোমরা উৎপীড়িত হইবে না। ২৭২। এই সকল দীনহীনের জন্য (দান বিধেয়,) যাহারা ঈশ্বরের পথে বন্ধ রহিয়াছে, পৃথিবীতে পধ্যটন করিতে পারে না; ধনাকাজ্ঞা করে না বলিয়া লোকেরা যাহাদিগকে মূর্থ মনে করে, তুমি (হে মোহম্মদ,) তাহাদের মুখ দেখিয়া তাহাদিগকে চিনিতেছ, তাহারা ব্যগ্র হইয়া লোকের নিকট প্রার্থনা করে না; এবং তোমরা যে ধর্মার্থ দান কর, অবশেষে নিশ্চয় ঈশ্বর তাহা জ্ঞাত হন ঃ। ২৭৩। (র, ৩৭, আ, ৭)

যে সকল লোক দিবা রজনী প্রকাশে ও গোপনে স্বীয় ধন দান করে, পরে তাহাদের জন্য তাহাদের প্রতিপালকের নিকটে পুরস্কার আছে; এবং তাহাদিগের সম্বন্ধে ভয় নাই ও তাহারা সম্ভাপিত হইবে না। ২৭৪। যাহাদিগকে শয়তান আক্রমণ করিয়া মতিচ্ছন্ন করিয়াছে, তাহারা ঘেরূপ (সমাধি হইতে) উথিত হইবে, যাহারা কুসীদ গ্রহণ করে, তাহারাও তদনুরূপ উথিত হইবে বৈ নহে; ইহা এ জন্য যে, তাহারা বলিয়াছে যে বাণিজ্য কুসীদগ্রহণ সদৃশ, ইহা ব্যতীত নহে, কিন্তু ঈশ্বর বাণিজ্যকে বৈধ ও স্তম্ভ পরমেশ্বরের প্রসন্নতা লাভ হইবে, তাহার নিকটে কোন অভাব নাই, চাহিলেই পাওয়া যাইবে, তখন জানিও, এই ভাব ঈশ্বরের নিকট হইতে আসিয়াছে। (ত, কা,)

* কোন সঞ্চয় করিলে তাহা পূর্ণ করা বিধি। সঞ্চয় ভঙ্গ করিলে অপরাধী হইতে হয়। সঞ্চয় ঈশ্বরোদ্দেশ্য ব্যতীত অন্য কিছু সম্বন্ধে ইওয়া সঙ্গত নহে। এই মাত্র বলিবে যে, আমি ঈশ্বরের জন্য অমুককে দান করিব। (ত, কা)

† প্রকাশ্য দানে অন্য লোকের উৎসাহ হয়, এই জন্য উত্তম। (ত, কা,)

‡ যাহারা ঈশ্বরের পথে বন্ধ রহিয়াছেন, উপার্জন করিতে পারেন না, স্বীয় অভাব প্রকাশ করেন না, যথা হজরতের অনুবর্তিগণ স্বীয় উদ্ভান গৃহ অটালিকা পরিত্যাগ পূর্বক হজরতের সহবাসে থাকিয়া জ্ঞান লাভ ও ধর্ম প্রচার করিয়াছেন, এবং এক্ষণে যাহারা কোর্-আন অভ্যাস, ধর্ম-সাধনায় রত, এমন লোকদিগকে দান করিলে বিশেষ পুণ্য হয়। (ত, কা,)

গ্রহণকে অবৈধ (নির্দারণ) করিয়াছেন; অতএব যে দ্বীপ প্রতিপালক হইতে উপদেশ প্রাপ্ত হইয়াছে, সে (এ কার্যে) বিরত থাকিবে; পরিশেষে যাহা গত হইয়াছে তাহা তাহার জ্ঞান, এবং তাহার কাৰ্য্য ঈশ্বরের (সমর্পিত,) কিন্তু যাহারা (কুসীদগ্রহণে) পুনঃ প্রবৃত্ত হইয়াছে তাহারা নরকাগ্নির নিবাসী, তথায় তাহারা সর্বদা বাস করিবে *। ২৭৫। পরমেশ্বর হৃদকে (হৃদের মূদ্রা দ্বারা কৃত সংকর্ষকে) বিফল করেন, ধর্ম্মার্থ দানকে গোঁরবান্ধিত করিয়া থাকেন, এবং ঈশ্বর সমুদায় অপরাধী কাফেরকে প্রেম করেন না। ২৭৬। নিশ্চয় যাহারা বিশ্বাসী হইয়াছে ও সংকর্ষ করিয়াছে, এবং উপাসনাকে প্রতিষ্ঠিত রাখিয়াছে ও ধর্ম্মার্থ দান করিয়াছে, তাহাদের প্রতিপালকের নিকট তাহাদিগের জ্ঞান পুরস্কার আছে, তাহাদের সম্বন্ধে ভয় নাই ও তাহারা সন্তোষিত হইবে না। ২৭৭। হে বিশ্বাসী লোক সকল, পরমেশ্বরকে ভয় কর, যদি তোমরা বিশ্বাসী হইয়া থাক, তবে হৃদের যাহা অবশিষ্ট আছে, তাহা পরিত্যাগ কর। ২৭৮। অনন্তর যদি তোমরা ইহা না কর (নিবৃত্ত না হও), তবে ঈশ্বরের সঙ্গে ও তাহার প্রেরিত পুরুষের সঙ্গে বিবাদ, ইহা জ্ঞাত হইও এবং নিবৃত্ত হইলে তোমাদের জ্ঞান মূল ধন রহিল, তোমরা উৎপীড়ন করিও না, উৎপীড়িত হইবে না। ২৭৯। এবং যদি (অধর্ম্মণ) রিক্তহস্ত হয়, তবে অর্থাগম পর্য্যন্ত প্রতীক্ষণীয়, এবং যদি (তোমাদের) জ্ঞান থাকে, তবে (তাহাকে) দান করিলে তোমাদের পক্ষে মঙ্গল ঃ। ২৮০। এবং যে দিবস

* হজরত মোহাম্মদ যে দিবস সন্ধ্যা জয় করেন, সেই দিবস হৃদ গ্রহণের অবৈধতার ব্যবস্থা প্রদান করিয়াছিলেন। ওমরবংশীয় ও ময়য়রা ও মুখজমীবংশীয় লোকদিগের মধ্যে হৃদের আদান প্রদান চলিতেছিল। ওমরপরিবারের লোকেরা এই ভাবে সন্ধি স্থাপন করিল যে, অস্ত্র লোকের নিকট তাহাদের হৃদ গ্রহণ স্থির রহিল, তাহাদের নিকটে অস্ত্রের হৃদ গ্রহণ রহিত হইল। হৃদদানে ময়য়রাপরিবারের অত্যন্ত কষ্ট উপস্থিত হয়। তাহারা এই বলিয়া আর্জনাধ করিতে লাগিল যে, আমরা কি দুর্ভাগ্য! ওমরবংশীয় লোকের সম্বন্ধে কুসীদেব্ সংকর্ষ রহিত হইল, আমরা এখনও এই বিপদে আক্রান্ত রহিলাম। অনন্তর তাহারা সন্ধ্যা শাসনকর্ত্তা আতাভের নিকট এ বিষয় নিবেদন করে। আতাভ এই ব্যাপার হজরতকে লিখিয়া জানান। তাহাতেই এই আয়ত অবতীর্ণ হয়।

(ত, হো)

+ হৃদ গ্রহণে ধন অধিক সঞ্চিত হউক না কেন, পরিণামে তাহা দুঃখের কারণ হয়। এবং আকাশ বলিয়াছেন যে, সেই ধন হইতে যাহা দান করা যায় বা অস্ত্র কোন সংকর্ষ করা হয়, তাহা ঈশ্বরকর্ত্ত্বক গৃহীত হয় না। সে কার্য্য সমূলে বিনষ্ট হইয়া থাকে।

(ত, হো,)

‡ ২৭৮ সংখ্যক আয়ত অবতীর্ণ হইলে ওমরবংশীয় লোকেরা বলিল যে, “ঈশ্বর ও প্রেরিত পুরুষের সঙ্গে বিবাদ করিতে আমাদের ক্ষমতা নাই।” তাহারা প্রাপ্য হৃদ পরিত্যাগ করিয়া মূল ধন গ্রহণেই সন্তুষ্ট হইল, কিন্তু ময়য়রাবংশীয় লোকেরা দরিদ্রতাবশতঃ মূলধন দিতে কিছু দিনের জ্ঞান অবসর প্রার্থনা করিল। ওমরবংশীয়েরা তাহা গ্রাহ্য না করিয়া সন্ধ্যা মূদ্রা আদায়ের নিমিত্ত পীড়াপীড়ি করিতে লাগিল। তাহাতে অর্থাগম পর্য্যন্ত প্রতীক্ষণীয়, এই ভাবে আয়ত অবতীর্ণ

তোমরা ঈশ্বরের নিকট প্রতিগমন করিবে, সেই দিনকে ভয় করিও, তৎপর প্রত্যেক ব্যক্তিকে তাহারা যাহা (যে সংকল্প) করিয়াছে, তাহা পূর্ণ প্রদত্ত হইবে এবং তাহারা উৎপীড়িত হইবে না। ২৮১। (র, ৩৮, আ, ৮)

হে বিশ্বাসী লোক সকল, যখন তোমরা নির্দিষ্ট কালের জজ্ঞ ঋণদানে পরস্পর কার্য্য করিবে, তখন তাহা লিখিয়া লইবে, এবং তোমাদের মধ্যে লেখকের উচিত যে, গ্রাহ্যরূপে লিখে, এবং ঈশ্বর যেরূপ শিক্ষা দিয়াছেন, লেখক তজ্জপ লিখিতে অসম্মত হইবে না; অবশেষে উচিত যে লিখে, এবং যাহার স্বস্থ সে লিখিবার বিবরণ বলিয়া দিবে, তাহার উচিত যে স্বীয় প্রতিপালক ঈশ্বরকে ভয় করে, এবং সেই ঋণের কিছু ক্ষতি না করে। পরন্তু যাহার স্বস্থ, সে যদি অবোধ কিম্বা দুর্বল অথবা পাণ্ডুলিপি করিতে অক্ষম হয়, তবে তাহার একজন কার্য্যকারক গ্রাহ্যরূপে বিবরণ লিখিবে, এবং তোমাদের মধ্য হইতে দুইজন পুরুষ সাক্ষীর সাক্ষ্য গ্রহণ করিবে, পরন্তু যদি দুইজন পুরুষের অভাব হয়, তবে একজন পুরুষ ও তোমাদের মনোনীত এমন দুইজন স্ত্রীলোক সাক্ষী (যথেষ্ট,) যদি তাহাদের এক স্ত্রী বিশ্বস্ত হয়, তবে তাহাদের অজ্ঞ স্ত্রী স্মরণ করাইয়া দিবে, এবং সাক্ষিগণ আহূত হইলে অস্বীকার করিবে না; তাহা (ঋণপত্র) ক্ষুদ্র হউক বা বৃহৎ হউক, তাহার কিয়ৎকাল পর্য্যন্ত লিখিতে শৈথিল্য করিবে না, এই লিখা ঈশ্বরের নিকট অতিশয় গ্রাহ্য এবং সাক্ষ্যের নিমিত্ত সুদৃঢ়, ইহা তোমাদের সন্দেহের খোঁগ্য নহে, কিন্তু সাক্ষ্য সঙ্কল্পীয় ব্যবসায় যাহাতে আপনাদের মধ্যে হস্তে হস্তে আদান প্রদান হয়, তাহাতে লেখা না হইলে তদ্বিষয়ে তোমাদের দোষ নাই, যখন তোমরা পরস্পর ক্রয় বিক্রয় কর, তখন সাক্ষ্য গ্রহণ করিবে ও লেখক এবং সাক্ষীকে কষ্ট দিবে না, এবং যদি তাহা কর, তবে নিশ্চয় তোমাদের অপরাধ; এবং ঈশ্বরকে ভয় করিও, পরমেশ্বর তোমাদিগকে শিক্ষা দান করেন ও পরমেশ্বর সর্ব্বজ্ঞ। ২৮২। এবং যদি তোমরা দেশ-পর্য্যটনে থাক ও লেখক প্রাপ্ত না হও, তবে বন্ধক হস্তগত করা উচিত; পরন্তু তোমরা আপনাদের পরস্পরকে বিশ্বাস করিলে যে ব্যক্তি বিশ্বাসভাজন হইয়াছে, আপনাদের গচ্ছিত ধন তাহার পরিশোধ করা বিধেয়, এবং আপন প্রতিপালক ঈশ্বরকে ভয় করা উচিত; সাক্ষ্য গোপন করিও না, এবং যে ব্যক্তি তাহা গোপন করে, নিশ্চয় তাহার মন অপরাধী, তোমরা যাহা করিতেছ ঈশ্বর তাহা অবগত। ২৮৩। (র, ৩৯, আ, ২)

দ্যুলোকে ও ভুলোকে যাহা আছে তাহা ঈশ্বরের, এবং তোমাদের অন্তরের বিষয় যজ্ঞপি প্রকাশ কর কিম্বা তাহা গোপন কর, তোমাদের নিকট হইতে ঈশ্বর তাহার হিসাব গ্রহণ করিবেন, অনন্তর তিনি যাহাকে ইচ্ছা হয় ক্ষমা করেন ও যাহাকে ইচ্ছা শাস্তি দিয়া থাকেন; এবং ঈশ্বর সর্ব্বোপরি ক্ষমতাশালী। ২৮৪। প্রেরিত পুরুষ তাহার হয়। “যদি জ্ঞান থাকে” বাক্যে ঐহিক পারত্রিক কুশলসম্বন্ধে যদি-জ্ঞান থাকে, এরূপ অর্থ বুঝিতে হইবে।

(ত, হো.)

প্রতিপালকের নিকট হইতে তৎপ্রতি যাহা অবতীর্ণ হইয়াছে তাহা বিশ্বাস করিয়াছে, এবং বিশ্বাসী লোকেরা প্রত্যেকে ঈশ্বরকে, তাঁহার দেবগণকে ও তাঁহার পুস্তক সকলকে এবং প্রেরিতগণকে বিশ্বাস করিয়াছে, এবং তাঁহার প্রেরিত পুরুষগণের মধ্যে প্রভেদ করে নাই, অপিচ তাহারা বলিয়াছে যে, “আমরা শ্রবণমাত্র আজ্ঞা পালন করিলাম, হে আমাদের প্রতিপালক, তোমার নিকট ক্ষমা চাহিতেছি, এবং তোমার নিকট আমাদিগের প্রতিগমন।” ২০৫। ঈশ্বর কাণকেও তাহার শক্তির অতিরিক্ত ক্লেণ দান করেন না; সে যে কাণ্য করিয়াছে তাহা তাহার জ্ঞ, সে যাহা উপার্জন করিয়াছে তাহা তাহার জ্ঞ, (তাহারা বলে,) “হে আমাদের প্রতিপালক, আমরা বিশ্বাস্ত হইলে কিম্বা দোষ করিয়া থাকিলে তুমি আমাদের আক্রমণ করিও না; হে আমাদের প্রতিপালক, এবং আমাদের উপর সেরূপ গুরুভার স্থাপন করিও না, যজ্ঞপ আমাদের পূর্ববর্তী লোকদিগের উপর স্থাপন করিয়াছ; হে আমাদের প্রতিপালক, এবং যাহা আমরা সহ্য করিতে অক্ষম, তাহা আমাদের উপর অর্পণ করিও না, আমাদের ক্ষমা কর ও আমাদের মার্জনা কর, এবং আমাদের দয়া কর, তুমি আমাদের প্রভু, অতএব ধর্মদ্রোহী দলের উপর আমাদের সাহায্য দান কর।” ২০৬। (র, ৪০, আ, ৩)

সূরা আলো এম্‌রাণ *



তৃতীয় অধ্যায়

.....

২০০ আয়ত, ২০ রকু

(দাতা দয়ালু ঈশ্বরের নামে প্রবৃত্ত হইতেছি)।

আলম্বা। ১। + সেই পরমেশ্বর, তিনি ব্যতীত উপাস্ত নাই; তিনি জীবন্ত অটল।

২ তিনি তোমার প্রতি (হে মোহাম্মদ,) সত্য গ্রন্থ অবতারণ করিয়াছেন, যাহা ইহার

* কয়েকজন ইসমায়ী মদিনায় আগমন করিয়া হজরত মোহাম্মদের সঙ্গে মহাস্বা ইসার বিষয়ে বিচার করিতে চাহিয়াছিলেন। সাক্ষাৎ হওয়ার পর হজরত তাঁহাদিগকে এসলাম ধর্ম গ্রহণ করিতে অনুরোধ করিলেন। তাঁহারা তাঁহাকে বলেন, “আমরা এসলাম ধর্মের বসনে আচ্ছাদিত আছি, ঐশ্বরিক ধর্মরূপ অবতঃস কর্ণে ধারণ করিয়াছি।” হজরত আজ্ঞা করিলেন, “পরমেশ্বরের সঙ্গে স্ত্রী পুত্রের সম্বন্ধ তোমাদিগকে এসলাম ধর্ম হইতে দূরে রাখিয়াছে।” ইসমায়ীরা বলিলেন, “আমরা ঈসাকে ঈশ্বরের পুত্র ও ঈশ্বর বলিয়া বিশ্বাস করি। যদি ঈসা ঈশ্বরের পুত্র না হন, তবে তাঁহার

পুরোবর্তী, ইহা তাহার সত্যতার প্রতিপাদক, এবং ইতিপূর্বে লোকদিগকে পথ প্রদর্শন করিবার জন্ত তওরাত ও ইঞ্জিল অবতারণ করিয়াছেন, অপিচ অলৌকিকতা অবতারণ করিয়াছেন *। ৩। নিশ্চয় যে সকল লোক ঐশ্বরিক নিদর্শনের বিরুদ্ধাচরণ করিয়াছে, তাহাদের জন্ত কঠিন শাস্তি আছে, এবং পরমেশ্বর পরাক্রান্ত ও প্রতিফলদাতা। ৪। নিশ্চয় ভূলোকস্থ ও দ্যুলোকস্থ কোন বিষয় ঈশ্বরের নিকট গুপ্ত নহে। ৫। সেই তিনি যিনি ইচ্ছামুসারে জরায়ুকোষে তোমাদিগকে গঠন করেন, তিনি ব্যতীত উপাশ্রয় নাই, তিনি পরাক্রান্ত ও নিপুণ। ৬। সেই তিনি যিনি তোমার প্রতি গ্রন্থ (কোৰ্-আন) অবতারণ করিয়াছেন, তাহার কোন কোন আয়ত স্মৃঢ়, গ্রন্থের মূল সেই সকল ও অপর সকল পরস্পর সাদৃশ্যকারী, পরস্পর যাহাদিগের অন্তরে বক্রভাব আছে, তাহারা গোলযোগ করার উদ্দেশ্যে ও তাহার মর্ম্মবোধের উদ্দেশ্যে তাহার সেই সাদৃশ্যাত্মক প্রবচনের অম্লসরণ করিয়া থাকে, কিন্তু তাহার মর্ম্ম ঈশ্বর ব্যতীত অন্য কেহ জানে না; জ্ঞানপ্রবীণ লোকেরা বলিবে যে, যে সকল আমাদের পরমেশ্বরের নিকট হইতে আগত, তৎসমুদায়ের প্রতি আমরা বিশ্বাস স্থাপন করিলাম, এবং সুবোধ লোক ব্যতীত অন্ত্রে উপদেশ গ্রহণ করে না। ৭। হে আমাদের প্রতিপালক, তোমার পথপ্রদর্শনের পর তুমি আমাদের

পিতা কে?” হজরত উত্তর করিলেন, “আমাদের ও তোমাদের ধর্মে ঈশ্বরের মৃত্যু স্বীকার উচিত নহে। তোমরা ঈসাকে ঈশ্বর বলিয়া থাক, এদিকে ঈসা মৃত্যুর শরবত পান করিয়াছিলেন, এবং তোমরা মরয়মের গর্ভে ঈসাকৃতির ছবি ঈশ্বরকর্তৃক নিহিত হইয়াছে এরূপ মনে করিয়া থাক, আবার তোমাদের মতে ঈশ্বর মূর্ত্তিনিষ্ঠাতা শিল্পী নহেন, এ দুই বিপরীত ভাব। অপিচ তোমরা বল যে, ঈসা গমনাগমন ও পান ভোজন করিতেন, নিদ্রিত ও জাগরিত হইতেন, কিন্তু জানিও পরমেশ্বর এসমস্ত শারীরিক ক্রিয়া হইতে বিমুক্ত।” এই সকল কথা শ্রবণে তাহারা নিরুত্তর হইয়া চলিয়া গেলেন। তৎপর এই সূরার প্রথম কতকগুলি আয়ত অবতীর্ণ হয়। সূরার প্রথমে ঈশ্বরের ঈশ্বরত্ব ও অমরত্বের এসঙ্গ, তদনন্তর প্রেরিতদের এসঙ্গ হইয়াছে। (ত, হো,)

এই সূরার আদি বাক্য “আলম্মার”, বকরা সূরারও আদি শব্দ ইহাই, কিন্তু বকরার “আলম্মার” অর্থ “আমি ঈশ্বর সুবিজ্ঞ।” এখানে “আলম্মার” অস্তরূপ অর্থ। ইহার এক এক বর্ণের এক এক প্রকার অর্থ ও ভাব। প্রথম বর্ণের অর্থ ঐশ্বরিক প্রচুর দান, দ্বিতীয় বর্ণের অর্থ তাহার মহা সাক্ষাৎকার, তৃতীয় বর্ণের অর্থ তাহার পুরাতন প্রেম। (ত, হো,)

* যাহা ইহার পুরোবর্তী ইত্যাদি উক্তির অর্থ একরূপে হইবে; যে যে গ্রন্থ এই কোৰ্-আন গ্রন্থের পূর্ববর্তী অর্থাৎ তওরাত ও ইঞ্জিল, সে সকলের সত্যতার প্রতিপাদক এই কোৰ্-আন। তিনি (ঈশ্বর) ইতিপূর্বে লোকদিগকে পথ প্রদর্শন করিবার জন্ত তওরাত ও ইঞ্জিল অবতারণ করিয়াছেন। মূলের অনুবাদে অধ্যায়মুসারে পদস্থাপন করিতে গেলে দুই আরতকে এক আরত করিতে হয় বলিয়া তাহা করা গেল না।

† এই সূরার ঈসায়ী লোকদিগকে শিক্ষা দান করা হয়। তাহারা সাধ্বী মরয়মকে ঈশ্বরের ভাৰ্যা ও মহাপুরুষ ঈসাকে ঈশ্বরের পুত্র বলিয়া থাকেন। দাসত্ব অপেক্ষা ঈসার উচ্চ পদ আবশ্যক, এইরূপ ঈশ্বরের বিশেষ অনুগ্রহবাণী স্রুত হওয়া গিয়াছে, তাহারা ব্যক্ত করেন। একজন্ত পরমেশ্বর আজ্ঞা

অন্তরকে বন্ধ করিও না, আমাদিগকে নিজের নিকট হইতে অল্পগ্রহ দান কর, নিশ্চয় তুমি দাতা। ৮। হে আমাদের প্রতিপালক, নিশ্চয় তুমি সেই দিনে, (বিচার দিবসে) লোকসংগ্রহকারী, তদ্বিষয়ে নিঃসন্দেহ ; নিশ্চয় ঈশ্বর অঙ্গীকারের অগ্রথাচরণ করেন না। ৯। (র, ১, আ, ২)

যে সকল লোক ধর্মদ্রোহী হইয়াছে, তাহাদিগের ধন ও তাহাদিগের সম্ভান ঈশ্বরের নিকটে তাহাদিগের সম্বন্ধে কোন ফলদায়ক হইবে না, এবং ইহারাই তাহারা যে নর-কাগ্নির উদ্দীপক। ১০। + যেমন ফেরঙীয় লোকদিগের এবং তাহাদের পূর্ববর্তী লোকদিগের রীতি ছিল (ইহাদেরও সেইরূপ,) তাহারা আমার নিদর্শন সকলে অসত্য-রোপ করিয়াছিল, অবশেষে ঈশ্বর তাহাদিগকে তাহাদিগের অপরাধের জন্ত ধরিয়াছিলেন, ঈশ্বর কঠিন শাস্তিদাতা *। ১১। যে সকল লোক ধর্মদ্রোহী, তাহাদিগকে বল, “তোমরা পরাভূত হইবে ও নরকের দিকে সমাহৃত হইবে, এবং তাহা কুস্থান।” ১২। নিশ্চয় পরস্পর মিলিত দুই দলে তোমাদের জন্ত নিদর্শন সকল আছে, এক দল ঈশ্বরের পথে সংগ্রাম করিয়াছিল, এবং অপর দল কাকের ছিল, (মোসলমান সৈন্ত) তাহাদিগকে আপনাদের দুই জনের সদৃশ চক্ষুর দর্শনে দর্শন করিতেছিল, এবং পরমেশ্বর যাহাকে ইচ্ছা করেন আপন সাহায্যে বল বিধান করিয়া থাকেন, নিশ্চয় এ বিষয়ে চক্ষুমান লোকদিগের নিমিত্ত একান্ত উপদেশ আছে †। ১৩। লোকের জন্ত নারীর প্রতি, সম্ভানগণের প্রতি ও পুঞ্জীভূত রক্তত কাঞ্চনভাণ্ডারের প্রতি ও চিহ্নিত অথ ও চতুষ্পদ (গবাদিপশু) এবং শস্যক্ষেত্রের প্রতি শারীরিক প্রেম সজ্জীকৃত, এ সকল পার্থিব জীবনের সম্পত্তি, এবং ঈশ্বরের নিকটে শুভ প্রত্যাভর্তন। ১৪। বল, (হে মোহম্মদ,) ইহার মধ্যে কি উত্তম তোমাদিগকে জ্ঞাপন করিব ? বিষয়নিবৃত্ত লোকদিগের জন্ত

করিতেছেন যে, ঈশ্বরের বাক্য সকলের মধ্যে এমন সাদৃশ্যাত্মক বাক্য আছে, যাহার অর্থ স্পষ্ট নহে, পথভ্রান্ত লোকেরা আপন বুদ্ধি অনুসারে তাহার অর্থ করিয়া থাকে। কিন্তু যে সকল লোক জানেন যে শ্রীণ, তাহারা গ্রন্থের মূলস্বরূপ অস্ত্র প্রবচনের সঙ্গে মিলাইয়া বুঝিলে বুঝিল, না বুঝিলে ঈশ্বরের প্রতি অর্পণ করিয়া বলে, “ইহা পরমেশ্বর উত্তম জানেন, বিশ্বাস দ্বারা আমাদের কার্য।” (ত, ফা,)

* ফেরঙীয় সম্প্রদায় অসত্য বলিয়া যেমন মহাপুরুষ মুসার প্রতি দোষারোপ করিয়াছিল, তাহাদের পূর্ববর্তী লোকেরাও তজ্জপ পেগাম্বর আদ ও সমুদকে মিথ্যাবাদী ভাবিয়া ঈশ্বরের বাক্য অগ্রাহ্য করিয়াছিল ও আপনাদের তত্ত্ববাহকদিগের অলৌকিকতাকে মিথ্যা বলিয়াছিল; সেই রীতি অনুসারে ইহুদি ও ঈসারীরা হজরত মোহম্মদের উপর অসত্যারোপ করিতেছে। (ত, হো,)

† বদরের যুদ্ধে তিন জন মোসলমান সৈন্তের সম্মুখে তিন জন করিয়া কাকের সৈন্ত ছিল। কিন্তু মোহম্মদীয় সেনারা কাকেরদিগের তিন জনের স্থলে দুই জন দেখিতে ন। তাহারা ভয় প্রাপ্ত না হন, এজন্ত ঈশ্বর এরূপ বিধান করিয়াছিলেন। অতঃপর ঈশ্বরকৃপায় মোসলমানেরা জয়ী হন। (ত, ফা,)

তাহাদের প্রতিপালকের নিকটে স্বর্গোত্তান সকল আছে, তাহার নিম্নে * পয়ঃপ্রণালী প্রবাহিত, তাহারা তাহাতে চিরকাল থাকিবে, এবং (তাহাদের জন্ত) পুণ্যবতী ভাখ্যা সকল ও ঈশ্বরের সন্তোষ থাকিবে, দাসদিগের প্রতি ঈশ্বর দৃষ্টিকারী। ১৫। তাহারা বলে, “হে আমাদের প্রতিপালক, নিশ্চয় আমরা বিশ্বাসী হইয়াছি, অতএব আমাদের অপরাধ তুমি ক্ষমা কর, অগ্নিদণ্ড হইতে আমাদের রক্ষা কর, (সেই বিষয়নিবৃত্ত লোকদিগের অবস্থা এইরূপ)। ১৬। তাহারা সহিষ্ণু, সত্যবাদী, বাধ্য, বদাঙ্গ, প্রত্যুষে ক্ষমাপ্রার্থী। ১৭। ঈশ্বর এই সাক্ষ্য দান করিয়াছেন যে, তিনি ব্যতীত উপাস্ত নাই, এবং দেবগণ ও পণ্ডিতগণ সাক্ষ্যদান করিয়াছেন যে, তিনি ছায়েতে বিচ্যমান, তিনি ব্যতীত উপাস্ত নাই, তিনি পরাক্রান্ত নিপুণ। ১৮। নিশ্চয় ঈশ্বরের নিকটে যে ধর্ম, তাহা এসলাম ধর্ম, এবং যাহারা গ্রন্থ লাভ করিয়াছে, তাহাদের নিকটে জ্ঞান উপাধিত হওয়ার পর আপনাদের মধ্যে শত্রুতা ব্যতীত তাহারা তাহা (এসলাম ধর্ম) অগ্রাহ্য করে নাই, এবং যে ব্যক্তি ঈশ্বরের নিদর্শন সকলের বিরোধী হইয়াছে, নিশ্চয় ঈশ্বর সহর তাহার বিচার করিবেন। ১৯। অনন্তর যদি তাহারা (হে মোহাম্মদ,) তোমার সন্ধে বিতণ্ডা করে, তবে তুমি বলিও, আমি ঈশ্বরের জন্ত স্বীয় আনন উৎসর্গ করিয়াছি এবং যাহারা আমার অনুসরণ করিয়াছে (তাহারা উৎসর্গ করিয়াছে,) † যাহারা গ্রন্থপ্রাপ্ত তাহাদিগকে ও অশিক্ষিতদিগকে বল, তোমরা কি এসলাম ধর্ম গ্রহণ করিতেছ? অবশেষে তাহারা যদি ধম্মাহুগত হয়, তবে নিশ্চয় পথ প্রাপ্ত হইবে, এবং যদি বিমুখ হয়, তবে সংবাদ প্রচার ভিন্ন তোমার প্রতি অণু কিছুই নহে, এবং পরমেশ্বর দাসদিগের প্রতি দৃষ্টিকারী। ২০। (র, ২, আ, ১১)

নিশ্চয় যে সমস্ত লোক ঐশ্বরিক নিদর্শনসকলকে অগ্রাহ্য করে ও সংবাদবাহকদিগকে অযথা বধ করে, এবং মানবমণ্ডলীর মধ্যে যাহারা ছায়েতে আদেশ করিয়া থাকে তাহাদিগকে বধ করে, তুমি তাহাদিগকে দুঃখের শাস্তির সংবাদ দান কর। ২১। ইহারা সেই সকল লোক যাহাদিগের ঐহিক পারত্রিক কাব্য বিনষ্ট হইয়াছে ও যাহাদিগের কোন সহায় নাই। ২২। যাহাদিগকে গ্রন্থের একাংশ প্রদত্ত হইয়াছে ও ঐশ্বরিক গ্রন্থের দিকে যাহারা আহূত হইতেছে, যেন তাহারা আপনাদের মধ্যে আজ্ঞা প্রচার করে, তুমি কি তাহাদিগের প্রতি দৃষ্টি কর নাই? তৎপর তাহাদের একদল অগ্রাহ্য করিল, বস্তুতঃ তাহারা অগ্রাহ্যকারী ‡। ২৩। ইহা এজ্ঞ যে, তাহারা বলিয়া থাকে, নির্দিষ্ট কিয়দিন ব্যতীত অগ্নি

* অর্থাৎ সেই উচ্চানতরুর নিম্নে

(ত, হো,)

† ঈশ্বরের জন্ত স্বীয় আনন উৎসর্গ করার অর্থ, আপন মন, বাক্য, সঙ্কল্প ও কার্য ঈশ্বরের জন্ত উৎসর্গ করা।

(ত, হো,)

‡ ইহাদিগের সম্বন্ধে এই উক্তি। তাহাদের একদল প্রস্তরখাতের বিধি অমান্য করিয়াছিলেন। এনাম মুরায় এই বৃত্তান্ত বিবৃত হইবে। ইজরত একদল ইহাদিকে এসলাম ধর্মে আহ্বান করিয়া-

আমাদিগকে স্পর্শ করিবে না, যে সমস্ত অপলাপ করিতেছে, তাহাতে যে তাহারা আপন ধর্মেই প্রতারিত। ২৪। অনন্তর সেই দিনে যখন আমি নিঃসন্দেহ তাহাদিগকে একত্রিত করিব, তখন কিরূপ হইবে? প্রত্যেক ব্যক্তিকে তাহারা যাহা করিয়াছে তাহা সম্যক্ দেওয়া যাইবে ও তাহারা অত্যাচারিত হইবে না। ২৫। তুমি বল, হে রাজ্যাধিপতি ঈশ্বর, তুমি যাহাকে ইচ্ছা হয় রাজ্য দান করিয়া থাক ও যাহা হইতে ইচ্ছা হয় রাজ্য প্রতিগ্রহণ কর, এবং যাহাকে ইচ্ছা হয় উন্নত কর ও যাহাকে ইচ্ছা হয় অবনত কর, তোমার হস্তে কল্যাণ, তুমি সর্বোপরি ক্ষমতাশালী। ২৬। তুমি রজনীকে দিবাতে ও দিবাকে রজনীতে আনয়ন কর, এবং মৃত্যু হইতে জীবন, জীবন হইতে মৃত্যু নিষ্কামণ কর, এবং তুমি যাহাকে ইচ্ছা অগণ্য জীবিকা দান করিয়া থাক। ২৭। বিশ্বাসিগণ বিশ্বাসী লোক ব্যতীত কাকেরদিগকে বন্ধুরূপে গ্রহণ করিবে না, যাহারা তাহা করে, অনন্তর তাহাদিগ হইতে তোমাদের সাবধান হওয়া ভিন্ন ঈশ্বর হইতে কিছুই মধ্যে নহে, * ঈশ্বর স্বতঃ তোমাদিগকে ভয় প্রদর্শন করেন এবং পরমেশ্বরের প্রতিই পরাবৃত্তি। ২৮। বল (হে মোহম্মদ,) আপন অন্তরে তোমরা যাহা গোপন করিয়া থাক, বা যাহা প্রকাশ কর, ঈশ্বর তাহা জানেন, এবং দু্যলোক ও ভুলোকে যাহা আছে তাহা জানেন, এবং পরমেশ্বর সর্বোপরি ক্ষমতাশালী। ২৯। প্রত্যেক ব্যক্তি যে সংকল্প করিয়াছে, এবং যে অসংকল্প করিয়াছে, যে দিন সাক্ষাৎ তাহা প্রাপ্ত হইবে, সে ইচ্ছা করিবে যে যদি তাহার ও উহার (সেই অসংকল্পের) মধ্যে দূরতা হইত, (ভাল ছিল,) † ঈশ্বর স্বতঃ তোমাদিগকে ভয় প্রদর্শন করেন, ও ঈশ্বর দাসগণের প্রতি কৃপালু। ৩০। (র, ৩, আ, ১০)

বল, যদি তোমরা ঈশ্বরকে প্রেম কর, তবে আমার অমুসরণ কর, ঈশ্বর তোমাদিগকে প্রেম করিবেন, এবং তোমাদের পাপ ক্ষমা করিবেন, ঈশ্বর ক্ষমাশীল ও দয়ালু ‡। ৩১। বল, পরমেশ্বরের ও প্রেরিতপুরুষের অমুগত হও, অনন্তর যদি তাহারা

ছিলেন। তাহাতে অমান নামক ইহুদি বলিল, “হে মোহম্মদ, ধর্মজ্ঞানীদিগের সভায় আমি তোমার সঙ্গে বিচার করিব।” হজরত বলিলেন, “তওরাত গ্রন্থের যে পত্রে আমার বর্ণনা আছে, তাহা উপস্থিত কর।” সে তাহা উপস্থিত করিতে অসম্মত হইল। ঈশ্বর হজরতের প্রতি আদেশ করিয়াছিলেন যে, ইহুদিদিগকে তওরাত গ্রন্থযোগেই আহ্বান কর। হজরত তাহা করিলে ইহুদিরা অগ্রাহ্য করিল। গ্রন্থের একাংশ প্রদত্ত হইয়াছে, ইহার তাৎপৰ্য্য এই যে, তাহারা তওরাত গ্রন্থের অন্ন জ্ঞান প্রাপ্ত হইয়াছে। এ স্থানে “ঐশ্বরিক গ্রন্থ” তওরাত গ্রন্থ। (ত. হো,)

* “তাহারা ঈশ্বর হইতে কিছুর মধ্যে নহে।” এই কথাই তাৎপৰ্য্য এই যে, ধর্মে দৃঢ়তা-প্রাপ্তির পূর্বে ধর্মদ্রোহিণ হইতে যে অল্পবিবাসীর অনিষ্টাশঙ্কা হয়, সে ঐশ্বরিক ধর্মের কিছুই প্রাপ্ত হয় না।

(ত. হো,)

† অর্থাৎ সে আপন কল্প দেখিতে অনিচ্ছুক হইবে।

(ত. হো,)

‡ যদি কেহ কাহারও প্রণয় আকাঙ্ক্ষা করে, তাহার উচিত যে, আপন মতামুসারে না চলিয়া

অগ্রাহ্য করে, তবে নিশ্চয় ঈশ্বর ধর্মদ্রোহীদেরকে প্রেম করিবেন না। ৩২। নিশ্চয় ঈশ্বর আদমকে ও নুহাকে ও এত্রাহিমের সন্তান এবং এম্‌রাণের সন্তানকে, একজন হইতে উৎপন্ন অল্প জনকে সমস্ত লোকের উপর গ্রহণ করিয়াছেন, এবং ঈশ্বর শ্রোতা ও জ্ঞাতা *। ৩৩-৩৪। (স্মরণ কর,) যখন এম্‌রাণের ভাৰ্য্যা বলিল, “হে আমার প্রতিপালক, আমি নিশ্চয় তোমার জন্ত সঙ্কল্প করিয়াছি যে, আমার গর্ভে যাহা (যে সন্তান) আছে, সে মুক্ত হইবে, † অতএব তুমি আমা হইতে (তাহাকে) গ্রহণ কর, নিশ্চয় তুমি শ্রোতা ও জ্ঞাতা।” ৩৫। অনন্তর যখন সে তাহাকে প্রসব করিল, তখন বলিল, “হে আমার প্রতিপালক, নিশ্চয় আমি কণ্ঠা প্রসব করিলাম;” এবং সে যাহা প্রসব করিল, ঈশ্বর তাহা উত্তম জ্ঞাত আছেন, (সে বলিল,) “এই কণ্ঠার তুলা পুত্র নহে, সত্যই আমি ইহার নাম মরয়ম রাখিলাম, এবং সত্যই আমি নিষ্কামিত শয়তান হইতে ইহাকে ও ইহার সন্তানগণকে তোমার আশ্রয়ে রাখিতেছি”। ৩৬। পরে তাহার প্রতিপালক তাহাকে (সেই কণ্ঠাকে) শুভ গ্রহণে গ্রহণ করিলেন ও শুভ বর্দ্ধনে তাহাকে বদ্ধিত করিলেন, এবং জকরিয়ার প্রতি তাহাকে সমর্পণ করিলেন; যখন জকরিয়া মন্দিরে তাহার নিকটে আগমন করিল, তখন তাহার সমীপে উপজীবিকা প্রাপ্ত হইল, সে জিজ্ঞাসা করিল, “মরয়ম, তোমার জন্ত ইহা কোথা হইতে হইল?” সে বলিল, “ইহা পরমেশ্বরের নিকট হইতে হইয়াছে;” নিশ্চয় ঈশ্বর যাহাকে ইচ্ছা হয় অগণ্য উপজীবিকা দান করেন ‡। ৩৭। সেই স্থানে জকরিয়া স্বীয় প্রতিপালকের নিকটে

প্রণয়াম্পদের মতানুবর্তী হয়। ঈশ্বরের ইচ্ছা যে, তিনি ঈশ্বরের প্রতি প্রসন্ন থাকেন, সে পাপ না করে, ; যে ব্যক্তি ঈশ্বরের এই ইচ্ছার অনুবর্তী হয়, সেই তাঁহার প্রেম ও প্রসন্নতা লাভ করিয়া থাকে।
(ত, কা.)

* আৰ্য্য মরয়মের পিতার নাম এম্‌রাণ। মহাপুরুষ মুসার পিতার নামও এম্‌রাণ। এস্থলে মরয়মের পিতাকে লক্ষ্য করা হইয়াছে। এইরূপ এই সকল পেগাঘরের সন্তানদিগের যোগ্যতা অনুসারে ঈশ্বর কোন কোন ব্যক্তিকে গ্রহণ করিয়াছেন, এস্থলে এই তাৎপৰ্য্য।
(ত, কা.)

† এম্‌রাণ যে সম্প্রদায়ভুক্ত ছিলেন, সেই সম্প্রদায়ে এইরূপ রীতি প্রচলিত ছিল যে, পিতা মাতা স্বীয় কোন কোন সন্তানকে নিজেরদের সেবা হইতে মুক্ত করিয়া ঈশ্বরের সেবায় নিযুক্ত রাখিতেন, চির জীবনের জন্ত তাঁহার প্রতি কোন সাংসারিক কার্য্যভার অর্পণ করিতেন না। সেই সন্তান সর্ব্বদা ধর্ম্মমন্দিরে ধর্ম্মসাধনায় রত থাকিতেন। এম্‌রাণের পত্নী গর্ভবতী হইলে তিনিও তজ্জপ সঙ্কল্প করিয়াছিলেন। “সে মুক্ত হইবে” ইহার অর্থ এই যে, সেই সন্তান পিতা মাতার আশ্রয় হইতে মুক্ত হইবে।
(ত, কা.)

‡ পরমেশ্বরের উদ্দেশ্যে পুত্র সন্তানকে উৎসর্গ করার নিয়ম। এম্‌রাণের সহধর্ম্মিণী কণ্ঠা প্রসব করিয়া স্বকৃত সঙ্কল্পের জন্ত সছুচিত হইলেন। পরে স্বপ্নে দেখিলেন যে, কেহ বলিতেছেন, সেই কণ্ঠাকেই ঈশ্বর গ্রহণ করিয়াছেন, তুমি তাহাকে মন্দিরে লইয়া যাও। তদনুসারে তিনি মরয়মকে উপাসনালয়ে লইয়া যান। ধর্ম্মব্রাহ্মকণ্ঠ প্রথমতঃ তাঁহাকে মন্দিরে গ্রহণ করিতে অসম্মত

প্রার্থনা করিল, বলিল, “হে আমার প্রতিপালক, আপন নিকট হইতে আমাকে পবিত্র সন্তান দান কর, নিশ্চয় তুমি প্রার্থনার শ্রোতা।” ৩৮। এবং সে উপাসনামূলে উপাসনাতে দণ্ডায়মান ছিল, অবশেষে দেবগণ ডাকিয়া বলিল, “নিশ্চয় ঈশ্বর ইয়হার বিষয়ে তোমাকে স্তম্ভবাদ দিতেছেন, সে ঈশ্বরের এক উক্তির বিশ্বাসী, * স্ত্রীবিরাগী, শ্রেষ্ঠ জন এবং সাধুগণের মধ্যে স্তম্ভবাদবাহক হইবে”। ৩৯। সে বলিল, “হে মম প্রতিপালক, কিরূপে আমার সন্তান হইবে, নিশ্চয় আমার বৃদ্ধ লাভ হইয়াছে, এবং আমার পত্নী বন্ধ্যা;” তিনি বলিলেন, “এই প্রকারই, ঈশ্বর যাহা ইচ্ছা করেন, তাহাই করিয়া থাকেন।” ৪০। সে বলিল, “হে আমার প্রতিপালক, আমার জন্ত কোন নিদর্শন নির্দ্বারক কর;” তিনি বলিলেন, “তোমার জন্ত এই নিদর্শন যে, তুমি তিন দিবস ইঙ্গিত করা ভিন্ন কথা কহিতে পারিবে না, তোমার প্রতিপালককে বহু স্মরণ কর, এবং প্রাতঃসন্ধ্যা বন্দনা কর” ৪১। (র, ৪, আ, ১১)

এবং তখন দেবগণ বলিল, “অয়ি মরয়ম, নিশ্চিত ঈশ্বর তোমাকে গ্রহণ করিয়াছেন ও তোমাকে শুদ্ধ করিয়াছেন, এবং তোমাকে জগতের নারীকুলের উপর স্বাকার করিয়াছেন”। ৪২। “অয়ি মরয়ম, তুমি নিজে প্রতিপালকের অতুল্য হইয়া থাক ও প্রণত হও, এবং উপাসনাকারীদের সঙ্গ উপাসনা কর”। ৪৩। ইহা (হে মোহাম্মদ,) অন্তর্জগতের তত্ত্ব, ইহা তোমার প্রতি প্রত্যাদেশ করিতেছি, এবং যখন আপন লেগনী তাহারা নিক্ষেপ করিতেছিল যে, তাহাদিগের মধ্যে কে মরয়মকে প্রতিপালন করিবে, তখন তুমি তাহাদিগের নিকটে ছিলে না, এবং যখন তাহারা বিতণ্ডা করিতেছিল, তখন

হন। পরে স্বপ্নদ্রষ্টাশ্রবণ করিয়া তাহারা কোন আপত্তি করেন না। জকরিয়্যার পত্নী কঙ্কার মাতৃভ্রমী ছিলেন। তিনি তাহাকে প্রতিপালন করিতে লাগিলেন। তাহার জন্ত মন্দিরের পার্শ্ব একটি কুটার নির্মিত হইয়াছিল। দিব্যভাগে তিনি তথায় বাস করিতেন। রজনীতে জকরিয়্য তাহাকে নিজালায়ে লইয়া যাইতেন। একদা জকরিয়্য দেব এই অলৌকিক বাপার দেখিলেন যে, সেই সময়ে যাহা উৎপন্ন হয় না এমন ফল মরয়ম ঈশ্বর হইতে প্রাপ্ত হইয়াছেন। জকরিয়্য বুদ্ধ ও অপূত্রক ছিলেন। তখন এই বাপার দেখিয়া তিনি বুদ্ধ বয়সে আশা করিলেন যে, ঈশ্বররূপায় আনিও সন্তান লাভ করিতে পারিব। তৎপর সন্তানের জন্ত প্রার্থনা করিলেন। (ত, ফা,)

* ঈশ্বরের এক উক্তির বিশ্বাসী, এই কথার তাৎপৰ্য্য এই যে, পরমেশ্বরের এক আজ্ঞা এই যে, ইয়হা ঈসার বিষয়ে সাক্ষ্য দান করিবেন। ঈসা জন্মগ্রহণ করিয়াছেন, এই কথা মহাপুরুষ ইয়হা পূর্বেই লোকের নিকটে ঘোষণা করিয়াছিলেন। মহাত্মা ঈসাকে পরমেশ্বর খীর “আজ্ঞা” উপাধি দান করিয়াছিলেন। যেহেতু তিনি জনক ব্যতিরেকে কেবল ঈশ্বরের আজ্ঞায় জন্মিয়াছিলেন।

(ত, ফা,)

+ যে দিন মহাত্মা ইয়হা মাতৃগর্ভে উৎপন্ন হইলেন, সেই দিন হইতে তিন দিন জকরিয়্য কথা কহিতে সক্ষম হন নাই। তখন জকরিয়্যার একনোশত বৎসর, তাহার সহধর্মিণীর অষ্টাবতি বৎসর বয়ঃক্রম হইয়াছিল, এবং এই সময়ে তাহার গর্ভের সঞ্চার হয়।

(ত, ফা,)

তুমি তাহাদিগের নিকটে ছিলে না * । ৪৪ । (স্মরণ কর, হে মোহাম্মদ,) যখন দেবগণ বলিল, “মরয়ম, নিশ্চয় ঈশ্বর তোমাকে আপন এক উক্তির স্মরণবাদ দান করিতেছেন, তাঁহার নাম মরয়মনন্দন ঈসা মসীহ, তিনি ইহ পরলোকে মাগ্ন এবং (ঈশ্বরের) নিকট-বর্তীদিগের অন্তর্গত । ৪৫ । ” “সে দোলারোহণে ও প্রৌঢ়াবস্থায় লোকের সঙ্গে কথা কহিবে, এবং সাধুদিগের অন্তর্গত হইবে + । ” ৪৬ । সে বলিল, “হে আমার প্রতিপালক, কেমন করিয়া আমার পুত্র হইবে, আমাকে পুরুষ স্পর্শ করে নাই ; ” তিনি বলিলেন, “ঈশ্বর যা যা ইচ্ছা করেন, সেইরূপ সৃজন করিয়া থাকেন, যখন তিনি কোন কার্য সম্পাদন করেন, তাহাকে ‘হও’ বলিয়া থাকেন, এতদ্ভিন্ন নহে, তাহাতেই হয় । ” ৪৭ । এবং তিনি তাহাকে গ্রন্থ ও বিজ্ঞান, এবং তওরাত ও বাইবেল শিক্ষা দিবেন । ৪৮ । এবং এশ্রায়েলবংশীয় লোকদিগের সম্বন্ধে প্রেরিতপুরুষ করিবেন, সে বলিবে, “নিশ্চয় আমি তোমাদের প্রতিপালকের নিদর্শন সহ তোমাদের নিকটে উপস্থিত, নিশ্চয় আমি তোমাদের জন্ত মুক্তিকা দ্বারা পতঙ্গবৎ মুক্তি প্রস্তুত করিয়া তাহাতে ফুৎকার করি, পরে ঈশ্বরের আজ্ঞায় পক্ষী হয়, এবং আমি ঈশ্বরের আজ্ঞায় জন্মান্নকে ও কুষ্ঠ রোগীকে আরোগ্য দান করি ও মৃতকে জীবিত করিয়া থাকি, এবং তোমরা যাহা আহার কর, আপন গৃহে যাহা সঞ্চয় কর, তাহা তোমাদিগকে বলিয়া থাকি, যদি তোমরা বিশ্বাসী হও, তবে ইহাতে নিশ্চয় তোমাদের জন্ত নিদর্শন আছে ‡ । ৪৯ । এবং তোমাদের হস্তে যে তওরাত আছে, আমি তাহার সত্যতার প্রতিপাদক ও তাহাতে তোমাদের প্রতি যে কিছু অবৈধ হইয়াছে, আমি তোমাদিগের জন্ত বৈধ করিব, এবং আমি তোমাদের প্রতিপালকের নিকট হইতে নিদর্শন সকল সহ তোমাদিগের সমীপে আসিয়াছি, অতএব ঈশ্বরকে ভয় কর, এবং আমার অনুগত হও । ৫০ । নিশ্চয় পরমেশ্বর আমার প্রতিপালক ও তোমাদের প্রতিপালক ; অতএব তাঁহাকে পূজা কর, ইহাই সরল পথ । ” ৫১ । অনন্তর

* যখন মন্দিরের উপাসকগণ মরয়ম দেবীর জননীর স্বপ্ন বৃত্তান্ত অবগত হইলেন, তখন সকলেই তাহাকে প্রতিপালন করিতে উৎসুক হইলেন । এ বিষয়ে হুস্তি ধরা হইল, প্রত্যেকে স্ব স্ব লেখনী যদ্বারা তওরাত গ্রন্থ লিপি করিয়াছেন, শ্রোতবৃত্তিতে বিসর্জন করিলেন । জকরিয়া দেবের লেখনী বাতীত সকলের লেখনী শ্রোতে ভাসিয়া চলিয়া গেল । এই নিদর্শনে তিনি মরয়ম দেবীর প্রতিপালনের ভার গ্রহণ করিলেন । (ত, ফা,)

+ মহান্না ঈসা যখন স্তম্ভপায়ী শিশু ছিলেন, দোলায় দোলায়মান হইতেন, সেই সময়ে কথা কহিয়াছিলেন । এক্ষণ শিশু কথা কহিতে পারে না, ইহা ঈসা দেবের একটি অলৌকিক ক্রিয়া । প্রৌঢ়াবস্থায় তিনি কথা কহিয়াছিলেন । অর্থাৎ তখন লোকদিগকে উপদেশ দিয়াছিলেন ।

‡ এই আয়ত ও নিম্নোক্ত দুই আয়ত মহাপুরুষ ঈসার সম্বন্ধে উক্তি । কথিত আছে যে, মহান্না ঈসা চর্মচটিকাৎ পক্ষিমুস্তি মুক্তিকা দ্বারা নির্দোষ করিয়া তদুপরি ফুৎকার করিতেন, তাহাতে উহা জীবিত হইয়া উড়িয়া যাইত । তাঁহার অলৌকিক ক্রিয়ার মধ্যে এই একটি অলৌকিক ক্রিয়া । পরন্তু শুণ্ড কথা বলিয়া দিতেন, এবং ইচ্ছিতে রোগীকে আরোগ্য, মৃতকে জীবিত করিতেন । (ত, ফা,)

যখন ঈসা তাহাদের মধ্যে ধর্মজোহিতা বোধ করিয়া জিজ্ঞাসা করিল, “ঈশ্বরের দিকে আমার সাহায্যকারী কে আছে?” তখন ধর্মবন্ধুগণ বলিল, “আমরা ঈশ্বরের সাহায্যকারী, আমরা ঈশ্বরানুগত” *। ৫২। হে আমাদের প্রতিপালক, যাহা তুমি অবতারণ করিয়াছ, আমরা তৎপ্রতি বিশ্বাস স্থাপন করিলাম, এবং তোমার প্রেরিত পুরুষের অনুবর্তী হইলাম, তুমি আমাদের সাক্ষীদিগের সঙ্গে লিপি কর। ৫৩। তাহার চতুরতা করিল, এবং ঈশ্বর চতুরতা করিলেন, ঈশ্বর চতুরশ্রেষ্ঠ †। ৫৪। (র, ৫, আ, ১৩)

(স্মরণ কর,) যখন পরমেশ্বর বলিয়াছিলেন, হে ঈসা, নিশ্চয় আমি তোমার গ্রহণকারী ও আপন অভিমুখে তোমার সমুখাপনকারী, এবং যাহারা ধর্মজোহী হইয়াছে তাহাদিগের মধ্য হইতে তোমার সংশোধনকারী, অপিত কেয়ামতের দিন পর্য্যন্ত কাকেরদিগের উপর তোমার অনুবর্তী লোকদিগের স্থাপনকারী, পরে আমার অভিমুখে তোমাদিগের পরাবৃতি, অবশেষে তোমরা যে বিষয়ে বিরোধ করিতেছিলে, তদ্বিষয়ে আমি তোমাদের মধ্যে বিচার করিব। ৫৫। অনন্তর যাহারা ধর্মজোহী হইয়াছে, তাহাদিগকে আমি ইহ পরলোকে কঠিন দণ্ড দণ্ডিত করিব, এবং তাহাদের জন্ত সাহায্যকারী নাই। ৫৬। কিন্তু যাহারা বিশ্বাসী হইয়াছে ও সংকল্প করিয়াছে, পরে আমি তাহাদিগের প্রাপ্য তাহাদিগকে পূর্ণ দান করিব, এবং ঈশ্বর অত্যাচারীদিগকে প্রেম করেন না। ৫৭। এই (হে মোহাম্মদ,) তোমার নিকটে আমি বিজ্ঞানোপদেশ ও নিদর্শন সকলের ইহা (এই বচন) পাঠ করিতেছি। ৫৮। নিশ্চয় ঈসার অবস্থা ঈশ্বরের নিকটে আদমের অবস্থার তুল্য, তিনি তাহাকে সৃষ্টিকা দ্বারা সজ্জন করিয়াছিলেন, তৎপর তাহাকে বলিলেন “হও” তাহাতে সে হইল ‡। ৫৯। তোমার প্রতিপালক হইতেই সত্য হয়, অতএব তুমি সংশয়াদিগের অন্তর্গত হইও না। ৬০। অনন্তর তোমার এতৎ জ্ঞান-

* এই আয়তের ভাব এই যে, এশ্রায়েলবংশীয় লোকদিগের জন্ত মহাপুরুষ ঈসা প্রকৃতরূপে প্রেরিত হইয়াছিলেন। যখন তিনি দেখিলেন, ইহারা আমার প্রবর্তিত ধর্ম গ্রহণ করিবে না, তখন ইচ্ছা করিলেন, অস্ত্র কেহ তাঁহার ধর্ম প্রচার করে। পরে তাঁহার ধর্মবন্ধুদিগের দ্বারা সেই ধর্মের প্রচার হয়। এক্ষণে এশ্রায়েলবংশীয় অল্প লোক এই ধর্মে স্থিতি করিতেছে। (ত, কা,)

† তদানীন্তন ইহুদি পণ্ডিতগণ তাহাদিগের শাসনকর্তাকে মহাপুরুষ ঈসার বিরুদ্ধে এই বলিয়া উত্তেজিত করিয়াছিল যে, এ ব্যক্তি ধর্মজোহী, এ তওরাতের বিধির বিপরীত অর্থ লোকদিগকে বুঝাইতেছে। শাসনকর্তা মহাশয় ঈসাকে ধরিয়া আনিবার জন্ত লোক প্রেরণ করে। ইত্যবসরে ঈসার নিকট হইতে তাঁহার বন্ধুগণ পলাইয়া যায়। তখন পরমেশ্বর উক্ত মহাপুরুষকে ধর্মে গ্রহণ করেন, তাঁহার এক সূৰ্ত্তিমাত্র থাকে; তাহাকে তাহারা ধরিয়া আনিয়া ক্রুশে বিদ্ধ করে। এই জন্ত উক্ত হইয়াছে, “তাহারা (ইহুদিরা) চতুরতা করিল, এবং ঈশ্বর চতুরতা করিলেন।” (ত, কা,)

‡ হতরত মোহাম্মদের সঙ্গে ঈসারী লোকেরা এই কথা লইয়া অত্যন্ত বিতণ্ডা করিয়াছিল যে, ঈসা ঈশ্বরের ভূতা নছেন, তাঁহার পুত্র; যদি তিনি তাঁহার পুত্র না হন, তবে বল কাহার পুত্র?

প্রাপ্তির পরে যাহারা এবিষয়ে তোমার সঙ্গে বাঞ্ছিতগুণ করিতে থাকে, তখন তুমি বলিও, এস নিজের সম্মানদিগকে ও তোমাদের সম্মানদিগকে এবং নিজের জীর্ণগণকে ও তোমাদের জীর্ণগণকে এবং নিজের প্রাণকে ও তোমাদের প্রাণকে আহ্বান করি, অতঃপর কাতর প্রার্থনা করি, পরিশেষে মিথ্যাবাদীর প্রতি পরমেশ্বরের অভিসম্পাত বলি * । ৬১ । নিশ্চয় ইহা সত্য বৃত্তান্ত, পরমেশ্বর ব্যতীত কোন উপাস্ত নাই, এবং নিশ্চয় ঈশ্বর তিনি পরাক্রান্ত ও বিচক্ষণ । ৬২ । অনন্তর যদি তাহারা গ্রাহ্য না করে, তবে নিশ্চয় ঈশ্বর দুরাচারদিগকে অবগত হন । ৬৩ । (র, ৬, আ, ২)

তুমি বল, হে গ্রন্থধারী লোক সকল, তোমরা আমাদের ও তোমাদের উভয়ের মধ্যে এক সরল উক্তির দিকে এস যে, ঈশ্বর ব্যতীত অস্ত্রের উপাসনা করিব না, তাঁহার সঙ্গে কোন বস্তুকে অংশিরূপে স্থাপন করিব না, এবং ঈশ্বরকে ছাড়িয়া আমরা কেহ আমাদের কাহাকেও ঈশ্বর গণ্য করিব না ; পরে যদি তাহারা অগ্রাহ্য করে, তবে তোমরা বল যে, এ বিষয়ে সাক্ষী থাক যে আমরা ঈশ্বরাত্মগত । ৬৪ । হে গ্রন্থধারী লোক সকল, এত্রাহিমের বিষয়ে তোমরা বিতণ্ডা করিও না, তাহার পরলোকের পর ব্যতীত তওরাত ও বাইবেল অবতীর্ণ হয় নাই, অনন্তর তোমরা কি জানিতেছ ? † । ৬৫ । জানিও তোমরা সেই লোক, যে বিষয়ে তোমাদের জ্ঞান ছিল, তদ্বিষয়ে তোমরা বিতর্ক করিয়াছ ; ‡ পরে যে বিষয়ে তোমাদের জ্ঞান নাই, কেন তদ্বিষয়ে তোমরা বিতর্ক করিতেছ, ? § এবং ঈশ্বর জ্ঞাত আছেন, তোমরা জ্ঞাত নহ । ৬৬ । এত্রাহিম ইহুদি বা ঈসারী ছিল না, কিন্তু সে সত্য ধর্ম্মাধীন আজাবহ ছিল, এবং অংশিবাদীদিগের অন্তর্গত ছিল না । ৬৭ । নিশ্চয় এত্রাহিমের সম্বন্ধে প্রকৃতপক্ষে তাহার স্বযোগ্য লোক, যাহারা

তদন্তরে এই আয়ত অবতীর্ণ হয় যে, আগমের পিতা মাতা ছিল না, ঈসারও ছিল না, আশ্চর্য্য কি ? (ত, কা,)

* পরমেশ্বর হজরত মোহাম্মদকে বলিতেছেন, এতদূর বুঝাইলে পরও যদি ঈসারী সম্প্রদায় গ্রাহ্য না করে, তবে মীমাংসার জন্য এই এক উপায় আছে যে, উভয় পক্ষের সকলে স্বয়ং স্ত্রী পুত্রগণসহ আগমন করুক, এবং এই প্রার্থনা করুক যে, আমাদের মধ্যে যে কেহ মিথ্যাবাদী, তাহার উপর অভিসম্পাত ও দণ্ড অবতীর্ণ হউক । অতঃপর হজরত স্বয়ং কাতোমা দেবী ও মাহান্না আলি এবং এমামহসন ও এমামহোসয়নকে লইয়া উপস্থিত হইলেন । জ্ঞানবান্ ঈসারিগণ এ বিষয়ে বোগদান না দিয়া করদানে অধীনতাবীকারে সম্মত হইলেন । (ত, কা,)

† ইহুদি ও ঈসারীদিগের এই এক বিতণ্ডা ছিল যে, প্রত্যেক ব্যক্তি বলিত, এত্রাহিম আমাদের ধর্ম্মাবলম্বী ছিলেন । (ত, কা,)

‡ হজরত মোহাম্মদের বিষয়ে তাহাদের জ্ঞান ছিল । বেহেতু তওরাত ও বাইবেলে তাঁহার বর্ণনা ছিল । ইহুদি ও ঈসারীরা সেই ভবিষ্যদ্বাণীর পরিবর্তন করিয়া ফেলে । (ত, হো,)

§ এ বিষয়ে ইহুদি ও ঈসারীদিগের জ্ঞান নাই, অর্থাৎ এত্রাহিম ইহুদী না ঈসারী, তাহাদের পুস্তকে ইহার কোন উল্লেখ নাই । (ত, হো,)

তাহার অনুসরণ করিয়াছে, এবং এই সংবাদবাহক ও বিশ্বাসিগণের এবং ঈশ্বরবিশ্বাসী-দিগের বন্ধু হন *। ৬৮। গ্রন্থধারীদিগের একদল তোমাদিগকে বিপথগামী করিতে সমুৎসুক, তাহারা নিজের আত্মাকে বিপথগামী ভিন্ন করিতেছে না ও তাহারা বুঝিতেছে না। ৬৯। হে গ্রন্থধারী লোক সকল, কেন ঈশ্বরিক নিদর্শন সকলের সম্বন্ধে বিদ্রোহী হইতেছ? এবং তোমরাইত সাক্ষ্যদান করিতেছ †। ৭০। হে গ্রন্থধারী লোক সকল, কেন অসত্যের সঙ্গে সত্যকে মিশাইতেছ ও সত্য গোপন করিতেছ, এদিকে তোমরা জ্ঞাত আছ ‡। ৭১। (র, ৭, আ, ৮)

এবং গ্রন্থধারী লোকদিগের একদল বলিল যে, “প্রথম দিবসে বিশ্বাসী লোকদিগের প্রতি যাহা অবতীর্ণ হইয়াছে, তৎপ্রতি তোমরা বিশ্বাস স্থাপন কর, তাহার শেষের প্রতি বিরুদ্ধাচারী হও, ভরসা যে তাহারা ফিরিয়া যাইবে”। ৭২। এবং যাহারা তোমাদের ধর্মের অনুসরণ করে, তোমরা তাহাদিগকে ভিন্ন বিশ্বাস করিও না; বল (হে মোহাম্মদ,) নিশ্চয় ঈশ্বরের উপদেশই উপদেশ, (বিশ্বাস করিও না,) তোমাদিগকে যাং দেওয়া হইয়াছে, তদ্রূপ কোন এক ব্যক্তিকে প্রদত্ত হয়; অথবা (বিশ্বাস করিও না,) (মোসল-মানগণ,) তাহারা তোমাদের প্রতিপালকের নিকটে তোমাদের সঙ্গে বিরোধ করিবে; বল (হে মোহাম্মদ,) নিশ্চয় ঈশ্বরের সম্পত্তি ঈশ্বরের হস্তে, তিনি যাহাকে ইচ্ছা হয় দান করেন, ঈশ্বর প্রমুক্তস্বভাব ও জ্ঞানী। ৭৩। তিনি যাহাকে ইচ্ছা হয় স্থায়ী অনুগ্রহে তাহাকে চিহ্নিত করেন, ঈশ্বর বদাত্ত ও মহান্। ৭৪। গ্রন্থাধিকারীদিগের মধ্যে কেহ আছে যে, যদি তুমি তাহাকে এক কেষ্টারের রক্ষক কর, সে তোমাকে তাহা পরিশোধ করিবে ¶ এবং তাহাদের মধ্যে এমন কেহ আছে যে, যদি তুমি তাহাকে এক দিনারের

* কতিপয় ঈসায়ী ও ইহুদি মোসলমানদিগের সঙ্গে তর্কবিতর্কস্থলে বলিয়াছিল যে, এব্রাহিমকে সম্মান করিতে আনরাউ যোগা, যেহেতু এব্রাহিম ইহুদি ও নসরান (ঈসায়ী) ছিলেন। হজরত মোহাম্মদ আপনাকে এব্রাহিমের ধর্মাবলম্বিরূপে প্রচার করিয়াছেন বলিয়া তাহার প্রতি তাহারা বিদ্বেষ ছিল। এই প্রবচন তাহাদের উক্তিগুণের জন্ত অবতীর্ণ হয়। যথা সেই সময়ে যে সকল লোক এব্রাহিমের ধর্মের অনুসরণ করিয়াছিল ও এই সংবাদবাহক (মোহাম্মদ) এবং তাহার অনুবর্তী বিশ্বাসিগণ ধর্মসম্বন্ধে অযোগ্য লোক। (ত, হো,)

† অর্থাৎ তোমরাই সাক্ষ্য দান করিয়া থাক যে, তওরাত ও বাইবেল সত্য, এবং হজরত মোহাম্মদের বর্ণনা উভয় গ্রন্থে আছে। (ত, হো,)

‡ স্বার্থোদ্দেশ্যে ইহুদিগণ তওরাতের কোন কোন বিধি বিলুপ্ত, কোন কোন কথা অর্থান্তরিত করিয়াছিল, এবং কোন কোন উক্তি গোপন করিয়াছিল, সকলকে তাহা জানিতে দিত না। যথা অন্তিম তত্ত্ববাহকের কথা প্রচ্ছন্ন করিয়াছিল। (ত, হো,)

¶ এক সহস্র দুই শত উক্কিয়ায় এক কেষ্টার ও চল্লিশ দেৱহমে এক উক্কিয়া, আড়াই মাযায় এক দেৱহম হয়। এস্থলে এক কেষ্টার পরিমিত স্বর্ণ বা রজত বুঝাইবে।

রক্ষক কর, * যে পর্যন্ত তুমি তাহার উপর দণ্ডায়মান না হও, সে তাহা পরিশোধ করিবে না; ইহা এজ্ঞা যে, তাহারা বলিয়া থাকে, অশিক্ষিতদিগের সম্বন্ধে "আমাদের পথ (নীতি) নাই, এবং তাহারা পরমেশ্বরের সম্বন্ধে অসত্য বলে ও তাহারা (ইহা) জ্ঞাত আছে। ৭৫। হাঁ, যে জন স্বীয় অঙ্গীকার পূর্ণ করে এবং বিষয়বিরাগী হয়, তবে নিশ্চয় ঈশ্বর সেই বিরাগীদিগকে প্রেম করেন। ৭৬। নিশ্চয় যাহারা ঈশ্বরের অঙ্গীকারের ও আপনাদের শপথের বিনিময়ে কিঞ্চিৎ মূল্য গ্রহণ করে, তাহারা সেই লোক যাহাদের জ্ঞান পরলোকে কোন লভ্য নাই এবং কেয়ামতের দিনে ঈশ্বর তাহাদের সঙ্গে কথা কহিবেন না ও তাহাদিগের প্রতি দৃষ্টি করিবেন না, এবং তাহাদিগকে শুদ্ধ করিবেন না ও তাহাদের জ্ঞান দুঃখজনক শাস্তি আছে। ৭৭। এবং নিশ্চয় তাহাদিগের মধ্যে একদল আছে যে, গ্রন্থে আপনাদের জিহ্বাকে কুঞ্চিত করিয়া থাকে, যেন তোমরা তাহাদিগকে গ্রন্থের অন্তর্গত বলিয়া জানিতে পার, § অথচ তাহারা গ্রন্থের অন্তর্গত নহে, এবং তাহারা বলে তাহারা ঈশ্বরের নিকট হইতে (আগত,) অথচ তাহারা ঈশ্বরের নিকট হইতে (আগত) নহে, তাহারা ঈশ্বরের সম্বন্ধে অসত্য বলিয়া থাকে, এবং (ইহা) তাহারা জানিতেছে। ৭৮। কোন মহত্ত্বের জ্ঞান উপযুক্ত নহে যে, ঈশ্বর তাহাকে গ্রন্থ, প্রত্যাদেশ ও প্রেরিতত্ব প্রদান করেন, তৎপর সে লোকদিগকে বলে যে, ঈশ্বরকে ছাড়িয়া তোমরা আমার সেবক হও; কিন্তু তোমরা যেমন গ্রন্থ শিক্ষা দিতেছিলে ও যেমন তোমরা

* আড়াই সিকায় এক দিনার হয়।

+ কোরেশবংশীয় এক ব্যক্তি সেলামের পুত্র আবদোল্লাহর নিকটে দ্বিশতাধিক সহস্র উকিয়া অর্থাৎ এক কেষ্টার স্বর্ণ বা রৌপ্য গচ্ছিত রাখিয়াছিল। সেলামের পুত্র তাহা পরিশোধ করিয়া ছিলেন। ফতাজনামক ইহুদির নিকট একটি দিনার গচ্ছিত রাখা হয়, সে তাহার অপচয় করে। ইহুদিরা বলে, যাহারা তওরাত গ্রন্থে জ্ঞান রাখে না, তাহারা মূর্থ, সেই মূর্থদিগের ধন আত্মসাৎ করার দোষ নাই। কেহ কেহ বলে, বিশ্বব্রাহ্মণ্যের ধন আমরা গ্রহণ করিতে অধিকার রাখি, তওরাতে এরূপ বিধি আছে। "বে পর্যন্ত তুমি তাহার উপর দণ্ডায়মান না হও" এই *য. ৩৫* অর্থ এই যে, যে পর্যন্ত তুমি তাহার নিকটে যাইয়া যাচঞা না কর। (ত, ফা,)

‡ অল্প মূল্যে ঈশ্বরের অঙ্গীকার ও আপনাদের শপথ বিক্রয় করার অর্থ এই যে, ইহুদি পণ্ডিতেরা কয়েক মণ যবশস্ত্র ও কয়েক গজ বস্ত্র আশরফের পুত্র কাব হইতে গ্রহণ করিয়া, তাহাদের ধর্মপুস্তকে উল্লিখিত সংবাদবাহক হজরত মোহাম্মদের বর্ণনার অশ্রুচারণ করিয়াছে, এবং এইরূপ অপহরণ করিয়া সাধারণের নিকটে শপথপূর্বক তাহা অঙ্গীকার করিয়াছে। (ত, হো,)

ইহুদিদিগের সঙ্গে ঈশ্বর অঙ্গীকার করিয়াছিলেন ও তাহাদিগকে শপথ দিয়াছিলেন যে, তাহারা প্রত্যেক পেগাম্বরের সহায় থাকিবে। পরে তাহারা সাংসারিক লাভের জন্ত মিথ্যা শপথ করাকে উচিত মনে করিল। (ত, ফা,)

§ অর্থাৎ তাহার সম্বন্ধে কথা বানাইয়া কোর্-আনের জ্ঞান উচ্চারণে পাঠ করিয়া অশিক্ষিত লোকদিগকে প্রবঞ্চনা করে। (ত, ফা,)

পড়িতেছিলে, তরুণ ঈশ্বরভূগত হও *। ৭২। এবং তোমাদিগকে তাহাদের আদেশ করা সঙ্গত নয় যে, তোমরা দেবগণকে ও ধর্মপ্রবর্তকগণকে ঈশ্বর বলিয়া স্বীকার কর, যখন তোমরা মোসলমান হইয়াছ, তাহার পর তোমাদিগকে কি তাহারা কাকের বলিবে? ৮০। (র, ৮, আ, ২)

এবং (স্মরণ কর, হে মোহাম্মদ,) যখন পরমেশ্বর সংবাদবাহকগণ হইতে অঙ্গীকার লইলেন যে, আমি যে সৃষ্টিজ্ঞতা ও গ্রন্থ তোমাদিগকে দান করিয়াছি, অতঃপর তোমাদের সঙ্গে এই যাহা আছে, তাহার সত্যতার প্রতিপাদক কোন পেগাম্বর তোমাদের নিকটে উপস্থিত হইবে, একান্তই তোমরা তাহার প্রতি বিশ্বাস স্থাপন করিবে, এবং একান্তই তোমরা তাহাকে সাহায্য দান করিবে; তিনি বলিলেন, তোমরা কি অঙ্গীকার করিলে? ও এ বিষয়ে আমার অঙ্গীকার গ্রাহ্য করিলে? তাহারা বলিল, “আমরা অঙ্গীকার করিলাম,” তিনি বলিলেন, “অনন্তর সাক্ষী থাকিও, এবং আমি তোমাদের সঙ্গে সাক্ষীদিগের অন্তর্গত” ৮। ৮১। অবশেষে ইহার পর যাহারা ফিরিয়া গিয়াছে, তাহারা, যাহারা দুষ্ক্রিয়াশীল ছিল। ৮২। পরে তাহারা কি নিরীশ্বর ধর্ম অন্বেষণ করিতেছে? যাহা কিছু স্বর্গে ও মর্ত্যে আছে, সেই সকল ইচ্ছায় অনিচ্ছায় ঈশ্বরের অলুগত, এবং তাঁহার অভিমুখে প্রত্যাগমনকারী। ৮৩। বল, (হে মোহাম্মদ,) আমরা ঈশ্বরের প্রতি ও যাহা আমার প্রতি অবতীর্ণ হইয়াছে, এবং যাহা এব্রাহিমের প্রতি, এস্মায়িলের প্রতি, এস্হাকের প্রতি, ইয়াকুবের প্রতি ও (তাহার) সন্তানগণের প্রতি অবতীর্ণ হইয়াছে, এবং যাহা মুসাকে, ঈসাকে ও সংবাদবাহকদিগকে তাহাদের প্রতিপালক কর্তৃক প্রদত্ত হইয়াছে, সে সকলের প্রতি বিশ্বাস স্থাপন করিয়াছি, তাহাদের কোন ব্যক্তিকে আমরা প্রভেদ করিতেছি না, আমরা তাঁহার অলুগত। ৮৫। এবং যে ব্যক্তি এসলামধর্ম ভিন্ন অন্য ধর্ম অন্বেষণ করে, পরে তাহার (সেই ধর্ম) গৃহীত হইবে না, এবং সে পরলোকে ক্ষতিগ্রস্তদিগের অন্তর্গত হইবে। ৮৬। যে দল আপন বিশ্বাসলাভের ও প্রেরিত পুরুষের সত্যতার সাক্ষাদানের এবং তাহাদের প্রতি প্রমাণ সকল

* ইহাদিগের অপলাপের উল্লেখ করিয়া ইসরাইলিগণের অপলাপের প্রসঙ্গ করা হইতেছে। তাহারা মহান্না ইসার সম্বন্ধে বলিয়া থাকে যে, তিনি ঈশ্বরের স্রষ্টা করিয়াছেন, এবং গ্রন্থ ও প্রেরিতত্ব বিষয়ে লোকের উক্তি খণ্ডন করিয়া বলিয়াছেন যে, কোন মহুযা প্রেরিতত্ব ও গ্রন্থাদিলাভের যোগ্য নহে। পরে স্বীয় মণ্ডলীকে বলিয়াছেন যে, তোমরা আমাকে সেবা কর। কিন্তু ইসরাইলিগণের স্রষ্টা দলই লোকদিগকে তোমরা বল, ইহাদিগকে যেমন গ্রন্থ শিক্ষা দিতেছ ও স্বয়ং গ্রন্থ পড়িতেছ, তরুণ তোমরা ঈশ্বরগত হও। যাহারা ঈশ্বরগত লোক, তাহারা ইহ পরলোকের মন্তকে পদস্থাপন করিয়া ঈশ্বরের প্রতি পূর্ণ নির্ভর স্থাপনপূর্বক অস্ত্র কাহারও শরণাপন্ন হয় না। (ত, হো,)

+ পরমেশ্বর সংবাদবাহকদিগকে অঙ্গীকারে বদ্ধ করিয়াছিলেন। এই কথাই তাৎপর্য এই যে, সংবাদবাহকদিগের বিষয়ে এশ্রায়েলবংশীয়গণ হইতে অঙ্গীকার গ্রহণ করিয়াছিলেন। (ত, কা,)

উপস্থিত হওয়ার পর কাকের হইয়াছে, তাহাদিগকে ঈশ্বর কেমন করিয়া পথ প্রদর্শন করিবেন? এবং ঈশ্বর অত্যাচারী সম্প্রদায়কে পথ প্রদর্শন করেন না। ৬৮। এই সকল লোক, তাহাদের প্রতিফল এই যে, তাহাদের উপর ঈশ্বরের, দেবগণের ও সমুদায় মল্লস্ত্রের অভিসম্পাত হয়। ৬৭। সর্বদা তাহারা তাহাতে থাকিবে, তাহাদিগ হইতে শাস্তি খর্ব করা হইবে না ও তাহাদিগকে অবকাশ দেওয়া যাইবে না। ৬৮। + (কিন্তু) যে সকল লোক ইহার পর অনুতাপ * ও সংকর্ষ করিল, তাহারা ব্যতীত; অবশেষে নিশ্চয় ঈশ্বর ক্ষমাশীল দয়ালু। ৬৯। নিশ্চয় যাহারা আপন ধর্মলাভের পর ধর্মদ্রোহী হইয়াছে, তৎপর তাহারা ধর্মদ্রোহিতায় প্রবল হইয়া উঠিয়াছে, তাহাদের অনুতাপ কখনও গৃহীত হয় না, এবং ইহরাই যাহারা পথভ্রান্ত। ৭০। নিশ্চয় যাহারা ধর্মদ্রোহী ছিল ও ধর্মদ্রোহী অবস্থায় মরিয়াছে, ধরাপূর্ণ স্রবণ যত্বপি তাহারা তাহার বিনিময়স্বরূপ প্রদান করে, তাহাদের কোন ব্যক্তি হইতে কখনও গৃহীত হইবে না; সেই এই লোক যে, ইহাদিগের জন্ত যন্ত্রণাকর দণ্ড আছে, ইহাদিগের সাহায্যকারী নাই ৭। ৭১। (র, ২, আ, ১১)

যে পর্য্যন্ত তোমরা যাহা ভালবাস, তাহা ব্যয় না করিবে, সে পর্য্যন্ত কল্যাণ লাভ করিবে না, এবং যাহা ব্যয় করিয়া থাক, নিশ্চয় ঈশ্বর তাহা জ্ঞাত হন ৭। ৭২। তওরাত অবতীর্ণ হওয়ার পূর্বে এস্রায়েল নিজের প্রতি যাহা অবৈধ নিন্দারিত করিয়াছিল, তদ্ব্যতীত সমুদায় খাণ্ড এস্রায়েলসম্মতিদিগের জন্ত বৈধ ছিল; বল (হে মোহাম্মদ,) যদি তোমরা সত্যবাদী হও, তবে তওরাত আনয়ন কর, অবশেষে তাহা পাঠ কর।

* আরব্য “তওবা” শব্দের অর্থে অনুতাপ শব্দ ব্যবহৃত হইল। তওবার প্রকৃত অর্থ পাপ হইতে প্রতিনিবৃত্ত হইয়া সাধতার মনো কিরিয় আসা। অনুতাপের অর্থ পশ্চাৎ তাপ, অর্থাৎ পাপ করার পর যে তজ্জন্ত মনে সন্তাপ হয়, তাহাকে অনুতাপ বলে। অনুতাপ হইলেই পাপী পাপ হইতে নিবৃত্ত হয়, এই জন্ত এই শব্দ তওবার অর্থরূপে গৃহীত হইল।

ইহদিগণ প্রথমে স্বীকার করে যে, হজরত মোহাম্মদ বাস্তবিক সংবাদবাহক, পরে তাহা অস্বীকার করে, এবং সংগ্রাম করিতে সম্মুখত হয়। ইহাদিগের অনুতাপ কখনও গৃহীত হইবে না, অর্থাৎ ইহার। এরূপ অনুতাপেরই অধিকারী হইবে না যে গৃহীত হয়। (ত, ফা,)

+ যদি কোন ঈশ্বরদ্রোহী নরকদণ্ড হইতে রক্ষা পাইবার উদ্দেশ্যে তাহার বিনিময়ে পৃথিবীপূর্ণ স্রবণ দান করে, তাহা গৃহীত হইবে না। যাহাদিগের ঈশ্বরদ্রোহিতার অবস্থায় মৃত্যু হইয়াছে, পরলোকে তাহারা অগণ্য দুঃখজনক শাস্তি প্রাপ্ত হয়। (ত, হো,)

‡ যে বস্তুতে মনের অত্যন্ত অমুরাগ, তাহার দানই শ্রেষ্ঠ দান, এই দানে বিশেষ পুণ্য হয়। ইহাদিগের প্রসঙ্গে এই আয়ত এই জন্ত উক্ত হইল যে, নীর দেশাধিপত্যে তাহাদের অত্যন্ত আসক্তি ছিল। সেই কারণে তাহারা ধর্মপ্রবর্তকের অমুগামী হয় নাই। অতএব বলি যাইতেছে যে, যে পর্য্যন্ত তাহারা ঈশ্বরোদ্দেশ্যে তাহা উৎসর্গ না করিবে, বিশ্বাসের ভূমি লাভ করিতে পারিবে না।

(ত, ফা,)

২৩। পরিশেষে ইহার পরে যে ব্যক্তি পরমেশ্বরের উপর অসত্য যোগ করে, ইহারা ইয়াহারা অত্যাচারী লোক। ২৪। বল, ঈশ্বর সত্য বলিয়াছেন, অতএব সত্যধর্ম্মাভুগত এত্রাহিমের ধর্ম্মের অনুসরণ কর, সে অংশিবাদী ছিল না। ২৫। নিশ্চয় প্রথমে যে মন্দির লোকের জন্ম প্রতিষ্ঠিত হইয়াছিল, তাহা মক্কাহিত কলাগযুক্ত ও জগতের পথপ্রদর্শক (মন্দির) *। ২৬। তাহাতে উজ্জল নিদর্শন আছে, (উহা) এত্রাহিমের দণ্ডায়মান ভূমি; যে কেহ তন্মধ্যে প্রবেশ করে, সে নিরাপদ হয়, এবং ঈশ্বরের জন্ম সেই মন্দিরে হজ্ব করা তদভিমুখে পথ পাইতে ক্ষমতা-প্রাপ্ত ব্যক্তির সম্বন্ধে (বিধি) এবং যে কেহ বিরুদ্ধাচারী হয়, নিশ্চয় ঈশ্বর জগতে নিরাকাজ্জ †। ২৭। বল, হে গ্রন্থাধিকারিগণ, তোমরা কেন ঈশ্বরিক নিদর্শন সকলের প্রতি বিরুদ্ধাচরণ কর? তোমরা যাহা করিতেছ, ঈশ্বর তাহার সাক্ষী। ২৮। বল, হে গ্রন্থাধিকারিগণ, যে ব্যক্তি বিশ্বাসী হইয়াছে, তাহাকে কেন ঈশ্বরের পথ হইতে নিবৃত্ত করিতেছ, তাহার জন্ম সেই সরল

* হজরত আলিকে কেহ প্রশ্ন করিয়াছিলেন, “ঈশ্বরের পূজার তন্মত কি কাবা প্রথম মন্দির?” তিনি তত্ত্বত্তরে বলেন—না, তৎপূর্বেও উপাসনা-মন্দির ছিল। কিন্তু পরমেশ্বর প্রথম যে মন্দিরকে লোকের জন্ম শ্রেষ্ঠ করিয়াছেন ও তাহাতে আগমন রূপা ও ধর্ম্মালোকলাভের কারণ করিয়াছেন, তাহা কাবা। এ বিষয়ে কাবাকে প্রথম মন্দির বলা যায়। (ত, হো,)

কাবা শব্দের অর্থ উন্নত, ভূমি অপেক্ষা উন্নত অথবা গৌরবে উন্নত বলিয়া এই মন্দির কাবা নামে অভিহিত হইয়াছে, এবং পাশা পেলায় ব্যবহার্য্য চতুষ্কোণ গজদন্তখণ্ডকে কাব বলে, কাবাও চতুষ্কোণ-বিশিষ্ট। এই কাব হইতে কাবা নাম হইয়া থাকিবে।

† কাবাতে যে সকল নিদর্শন আছে, তন্মধ্যে মহাপুরুষ এত্রাহিমের পদাঙ্ক এক নিদর্শন। একটি প্রস্তরে এই পদাঙ্ক আছে। উহা এক নিদর্শন নহে, বরং চারিটি নিদর্শন। ১ পাশাণে উক্ত মহাপুরুষের পদাঙ্ক হওয়া, ২ তন্মধ্যে সমগ্র পদতল প্রকাশিত হওয়া, ৩ দীর্ঘকাল তাহা অক্ষুণ্ণ ভাবে স্থায়ী হওয়া, ৪ সেই প্রস্তর বহু প্রাকৃতিক বিপ্লব সঙ্গ করিয়া রক্ষিত হওয়া; এতদ্ব্যতীত কাবাতে অল্প বহুবিধ অলৌকিক নিদর্শন আছে। সেই মন্দিরের আশ্রয় লইলে শত্রুর আক্রমণ ও অশুচি পাপ হইতে নিরাপদ হওয়া যায়। যে ব্যক্তি এমাম শাফির বিধি অনুসারে কাবাভিমুখে গমনের পাথের ও বাহন এবং এমাম মালেকের বিধি অনুসারে শারীরিক স্বাস্থ্য ও চলচ্ছক্তি প্রাপ্ত হইয়াছে, তাহার সম্বন্ধে হজ্ব করা বিধি। প্রধানতঃ এমাম বলেন, পাথের, বাহন ও শারীরিক স্বাস্থ্য এ সমুদয় যাহার আছে, কাবায় গমনের তাহারই অধিকার। “যে কেহ বিরুদ্ধাচারী হয়, তবে নিশ্চয় ঈশ্বর জগতে নিরাকাজ্জ,” ইহার অর্থ এই যে, জগতের লোকের বিরুদ্ধাচারে ঈশ্বরের পুণ্যধরূপের কোন ক্ষতি হয় না। (ত, হো,)

ইহুদিদিগের এই সম্বন্ধে ছিল যে, মহাপুরুষ এত্রাহিম শামদেশের লোক ছিলেন। তিনি তথায় বাস করিয়া বয়তালুমকন্দসকে কেবলা করিয়াছিলেন। মোসলমানেরা কাবাকে কেবলা বলিয়াছেন, তাহা হইলে কেমন করিয়া মক্কাতে এত্রাহিমের পদচিহ্ন হইবে? ঈশ্বর বলিতেছেন যে, তিনি এত্রাহিমের দ্বারা ই প্রথম উপাসনার মন্দির কাবা নির্মাণ করেন। অনেক প্রকার গৌরবের নিদর্শন চিরকাল হইতে এখানে আছে। এত্রাহিমের প্রকৃত স্থান ইহাট। (ত, ফা,)

পথের বক্রতা অব্বেষণ করিতেছ ও তোমরাই সাক্ষী আছ, এবং তোমরা যাহা করিতেছ, ঈশ্বর তাহা অজ্ঞাত নহেন। ৯৯। হে বিশ্বাসিগণ, যাহাদিগকে গ্রন্থ প্রদত্ত হইয়াছে, যদি তোমরা তাহাদের কোন দলের অন্তর্গত হও, তবে তাহারা তোমাদের বিশ্বাস-প্রাপ্তির পর তোমাদিগকে অবিশ্বাসী করিবে। ১০০। এবং যখন তোমাদের নিকটে ঈশ্বরের নিদর্শন পাঠ হইতেছে ও তোমাদের মধ্যে তাঁহার প্রেরিত পুরুষ বিস্ত্রমান, তখন তোমরা কেমন করিয়া কাকের হইবে? অবশেষে যে ব্যক্তি ঈশ্বরকে দৃঢ়রূপে ধারণ করিয়াছে, নিশ্চয় সে সরলপথের দিকে উপদিষ্ট হইয়াছে। ১০১। (র, ১০, আ, ১০)

হে বিশ্বাসিগণ, ঈশ্বর হইতে তাঁহার সম্বন্ধে প্রকৃত ভয়ে ভীত হও, এবং তোমরা বিশ্বাসী না হইয়া মরিও না। ১০২। এবং তোমরা পরমেশ্বরের রজ্জ্বকে একযোগে দৃঢ়রূপে ধারণ কর, বিচ্ছিন্ন হইও না; যখন তোমরা পরস্পর শত্রু ছিলে, তোমাদের প্রতি তখনকার ঈশ্বরের কৃপা স্মরণ কর, তখন তিনি তোমাদের অন্তরে প্রীতি স্থাপন করিলেন, তাহাতে তোমরা তাঁহার কৃপায় পরস্পর ভ্রাতা হইলে; এবং তোমরা অগ্নি-কুণ্ডের পার্শ্বে ছিলে, তিনি তাহা হইতে তোমাদিগকে উদ্ধার করিয়াছেন, এইরূপে ঈশ্বর তোমাদের জন্ত আপন নিদর্শন সকল ব্যক্ত করেন যেন তোমরা পথ প্রাপ্ত হও। ১০৩। এবং কলগণের দিকে আশ্রয় করে, বৈধ কার্য্যে বিধি ও অবৈধ কার্য্যে নিষেধ করে, এমন এক মণ্ডলী তোমাদের মধ্যে হওয়া উচিত, ইহারা সেই লোক যাহারা মুক্ত হইবে। ১০৪। যাহারা বিচ্ছিন্ন হইয়া পড়িয়াছে ও আপনাদের নিকটে নিদর্শন সকল উপস্থিত হইলে পর পরস্পর বিরুদ্ধাচরণ করিয়াছে, তোমরা তাহাদের সদৃশ হইও না, এবং ইহারাই যাহাদের জন্ত কঠিন শাস্তি আছে*। ১০৫। +সে দিবস মুখ শুভ্র ও কৃষ্ণবর্ণ হইবে; অনন্তর যাহাদিগের মুখ কৃষ্ণবর্ণ হইবে, (তাহাদিগকে বলা হইবে,) তোমরা কি বিশ্বাস-প্রাপ্তির পর কাকের হইয়াছ? তবে যেমন ধর্ম্মদ্রোহী হইয়াছ, তজ্জন্ত শান্তির স্বাদ গ্রহণ কর না। ১০৬। এবং কিন্তু যাহাদিগের মুখ শুভ্র হইল, তাহারা ঈশ্বরের কৃপার মধ্যে আছে, তাহারা তাহাতে সর্ব্বদা থাকিবে। ১০৭। ঈশ্বরের এই বচন সকল, ইহা তোমাদের নিকটে সত্য ভাবে পড়িতেছি, ঈশ্বর লোকের জন্ত অত্যাচার ইচ্ছা করেন না। ১০৮। এবং যাহা আকাশে ও যাহা পৃথিবীতে আছে তাহা ঈশ্বরের, এবং ঈশ্বরের দিকে সমুদায় ক্রিমার প্রত্যাবর্তন। ১০৯। (র, ১১, আ, ৮)

* মদিনার নিবাসিগণ দুই দলে বিভক্ত ছিল। এন্সলাম ধর্ম্ম প্রবর্তিত হওয়ার পূর্বে উভয় দল পরস্পর যুদ্ধ করিয়াছিল, সেই যুদ্ধে বহুলোকের জীবন নষ্ট হয়। এক দিন ইহুদিগণ মোসলমানদিগকে সেই কথা স্মরণ করাইয়া বিবাদে উত্তেজিত করে, তাহাতে ঈশ্বর মোসলমানদিগকে সাবধান করিতেছেন যে, তোমরা পরস্পর বিরোধী ছিলে, এক্ষণ সম্ভাব সম্মিলনের সম্পদ অশুভব কর, ইহুদিদিগের জ্ঞায় বিবাদ করিয়া উৎসন্ন হইও না। (ত. কা,)

† যে সকল মোসলমান মুখে এন্সলাম ধর্ম্মের কলেমা বলে ও তাহাদের অন্তরের ভাব বিপরীত, সেই দিনে অর্থাৎ বিচারের দিনে তাহাদের মুখ কাল হইবে। (ত. কা,)

তোমরা লোকের জন্ত নির্ধারিত শুভ মওলী, * বৈধ কার্যে বিধি দান ও অবৈধ কার্যে নিষেধ করিতেছ, এবং ঈশ্বরে বিশ্বাসস্থাপন করিতেছ; যদি গ্রন্থধারী লোক ঈশ্বরে বিশ্বাসস্থাপন করে, তবে নিশ্চয় তাহাদের কল্যাণ হয়, তাহাদের মধ্যে কেহ কেহ বিশ্বাসী আছে ও তাহাদের অধিকাংশই পাষণ্ড। ১১০। তাহারা কখনও তোমাদিগকে কিঞ্চিৎ ক্লেশ ভিন্ন ক্লেশ দিবে না, তোমাদের সঙ্গে যুদ্ধ করিলে তোমাদের দিকে পৃষ্ঠ দান করিবে, অতঃপর তাহাদিগকে সাহায্য দেওয়া যাইবে না। ১১১। যে স্থলে তাহাদিগকে ঈশ্বরের অবলম্বন বাতীত মনুষ্যের অবলম্বনে প্রাপ্ত হওয়া গিয়াছে, সেই স্থলে তাহাদিগের প্রতি লাঞ্ছনার প্রয়োগ হইয়াছে, তাহারা ঈশ্বরের আক্রোশে প্রত্যাগত, এবং তাহাদের প্রতি দরিত্রতার প্রয়োগ হইয়াছে; ইহা একারণে হইয়াছে যে, তাহারা ঈশ্বরের নিদর্শন সকলের বিরোধী হইতেছিল, এবং অযথা তৎসাহকদিগকে বধ করিতেছিল, ইহা একারণে যে, অপরাধ করিয়াছে ও সীমা লঙ্ঘন করিতেছিল। ১১২। তাহারা সকলে তুলা নহে, গ্রন্থাধিকারীদিগের একদল দণ্ডায়মান, তাহারা রাত্রিকালে ঈশ্বরের নিদর্শন সকল পড়িয়া থাকে ও প্রণত হয়। ১১৩। তাহারা ঈশ্বরকে ও পরকালকে বিশ্বাস করে, এবং বৈধকর্মে বিধি ও অবৈধ কর্মে নিষেধ করে, এবং দানেতে সত্বর হয়, এই সকল লোক সাধু। ১১৪। এবং তাহারা যে কিছু শুভাকার্য্য করে, পরে কখনও তৎপ্রতি কৃতজ্ঞতা করা হইবে না, এবং ঈশ্বর ধর্ম্মভীরু লোকদিগকে জ্ঞাত আছেন। ১১৫। নিশ্চয় তাহারা ধর্ম্মদ্রোহী হইয়াছে, তাহাদিগের ধন তাহাদিগের সম্ভান কখনও তাহাদিগ হইতে ঈশ্বরের (শাস্তি) কিছুই দূর করিবে না, এবং এই সকল লোক নরকান্নিবাসী, তথায় তাহারা সর্বদা থাকিবে। ১১৬। তাহারা এই সাংসারিক জীবনে যাহা বায় করে তাহা, আপন জীবনের প্রতি অত্যাচার করিয়াছে এমন কোন জাতির শাস্ত্যন্ত্রে সঞ্চারিত শীতল বায়ুসদৃশ, পরে উহা তাতাকে বিনষ্ট করিল, এবং ঈশ্বর তাহাদের প্রতি অত্যাচার করেন নাই, কিন্তু তাহারাই নিজের প্রতি অত্যাচার করিতেছে। ১১৭।

* এই মওলী সকল মওলী অপেক্ষা দুইটি গুণে শ্রেষ্ঠ। এক ঈশ্বরের পথে সংগাম করা, দ্বিতীয় একত্রে বিশ্বাস করা। কোন ধর্ম্মের একপন একত্বের বন্ধন নাই। (ত. ফা.)

† কথিত আছে, যখন সেলামের পুত্র আবদোল্লা ও তাহার কতিপয় বন্ধু ইহুদিধর্ম্ম পরিত্যাগ করিয়া এসলাম ধর্ম্ম গ্রহণ করিলেন, তখন উভয়দিগ কুৎসা রটনা করিয়া বলিতেছিল যে, ইহারা আমাদের দলের অতি নিকৃষ্ট লোক, প্রাচীন সাধুলোকের বিরোধী হইয়া আমাদের সঙ্গে শত্রুতা করিয়াছে। তাহাতেই পরমেশ্বর এই আয়ত প্রেরণ করেন যে, গ্রন্থাধিকারী ধর্ম্মনিবাসিগণ তাহাদের দলের কাফেরদিগের তুলা নহে। গ্রন্থাধিকারীর একদল দণ্ডায়মান, অর্থাৎ ঈশ্বরের শাসনে এসলাম ধর্ম্মে অবস্থিত, এই দলের অন্তর্গত সেলামের পুত্র আবদোল্লা ও তাহার বন্ধুগণ এবং গীষ্টধর্ম্মাবলম্বী রোমনগরের আট ব্যক্তি বপরাণের চর্চিশ ও হবসের বত্রিশ জন। ইহারা এসলাম ধর্ম্মে বিশ্বাস স্থাপন ও কোর্-আন্ ও বাবস্তার অধীনতা স্বীকার করিয়াছিলেন। (ত. হো.)

‡ ঈশ্বর বলিতেছেন, শীতল বাত্যাঘাত শাস্ত্যন্ত্রে দ্বারা যেমন ক্ষেত্রাধিকারীর কিছু লাভ হয়

হে বিশ্বাসিগণ, আপনার লোক ব্যতীত অন্যকে তোমরা আন্তরিক বন্ধুরূপে গ্রহণ করিবে না, তাহারা তোমাদের অনিষ্ট করিতে ক্রটি করে না, তোমাদিগকে ক্লেশ দিতে ভালবাসে, নিশ্চয় তাহাদের মুখ হইতে শক্রতা প্রকাশ পায়, এবং নিশ্চয় তাহাদের হৃদয়ে যাহা গুপ্ত রাখিয়াছে তাহা গুরুতর; যদি তোমরা জ্ঞান রাখ, তবে তোমাদের জ্ঞান নিদর্শন সকল ব্যক্ত করিলাম *। ১১৮। হে লোক সকল, তোমরা অবগত হও, তোমরা তাহাদিগকে প্রীতি করিতেছ ও তাহারা তোমাদিগকে প্রীতি করে না, এবং তোমরা সমুদয় গ্রন্থকে বিশ্বাস করিয়া থাক এবং তাহারা যখন তোমাদের সঙ্গে সাক্ষাৎ করে, বলিয়া থাকে যে, আমরাও বিশ্বাস করি, এবং যখন নির্জনে থাকে, তখন তোমাদের প্রতি আক্রোশবশতঃ অঙ্গুলি দংশন করে; বল, আপন ক্রোধে তোমরা মরিয়া যাও, নিশ্চয় ঈশ্বর হৃদয়স্থ বিষয়েব জ্ঞাত। ১১৯। এবং যদি তোমাদিগের প্রতি কল্যাণ উপস্থিত হয়, তবে তাহারা অসন্তুষ্ট হইবে, এবং যদি তোমাদিগের প্রতি অকল্যাণের সঞ্চার হয়, তাহাতে তাহারা সন্তুষ্ট হইবে; যদি তোমরা দৈর্য্যধারণ কর ও ঈশ্বরকে ভয় কর, তবে তাহাদিগের শঠতা তোমাদিগকে কিছুই পীড়া দিবে না, তাহারা যাহা করিতেছে, নিশ্চয় ঈশ্বর তাহা ঘেরিয়া রহিয়াছেন। ১২০। (র, ১২, আ, ১১)

এবং (স্মরণ কর, হে মোহাম্মদ,) যখন তুমি প্রভাতে স্বীয় পরিজনদের নিকট হইতে বহির্গত হইলে † ও সংগ্রামোদ্দেশ্যে বিধাসীদিগকে যথাস্থানে স্থাপন করিলে, ঈশ্বর

না, তদ্রূপ অনুগতভাবে যে সকল বস্তু যে বাস্তি বায় করে, তদ্বারা তাহার কোন উপকার হয় না। যেমন শীতল বায় ক্ষেত্রকে বিনষ্ট করে, সেইরূপ অসরল ভাব ধনদাতার জীবনকে বিনাশ করিয়া থাকে। (ত, হো,)

* ধর্ম্মদ্রোহী লোকের সঙ্গে বিধাসীর বন্ধুতা করা উচিত নহে, তাহার। সর্বদা শত্রু। (ত, হা,)

† হেজরির তিন সালে শওয়াল মাসের সপ্তম দিবসে ওহাদের যুদ্ধ হয়। আবু হুফিফান মহাপুরুষ মোহাম্মদের বিরুদ্ধে যুদ্ধ করিবার জন্ত সৈন্য সংগ্রহ করিয়া মক্কা হইতে মদিনাভিমুখে যাত্রা করে। তিন সহস্র আরোহী ও পদাতিক সৈন্য তাহার সঙ্গে ছিল। তন্মধ্যে সাত শত কবচধারী পুরুষ ও দুই শত অশ্ব ছিল। এই সকল সৈন্যসহ আবু হুফিফান ওহাদগিরির পার্শ্বে যাইয়া শিবির স্থাপন করে। হজরতের ইচ্ছা ছিল যে, মদিনায় অবস্থান করেন, নগরেই তাহাদের সঙ্গে যুদ্ধে প্রবৃত্ত হন। বদরের যুদ্ধে যে সকল বীরপুরুষ গমন করে নাই, তখন তাহারা সত্বর শত্রুদিগের সম্মুখীন হইবার জন্ত বাকুল হয়। হজরত সহস্র সৈন্য সমভিব্যাহারে যুদ্ধের উদ্যোগী হইলেন। পথে আবুর পুত্র আব্দোল্লা সসৈন্যে পৃষ্ঠভঙ্গ দেয়। হজরত সাত শত সৈন্য শত্রুদলের সম্মুখে শ্রেণীবদ্ধ করিয়া ওহাদপর্ব্বতকে পশ্চাত্তাণে রাখিয়া মদিনার দিকে পদার্পণ করেন। তিনি অবয়রের পুত্র আবদোল্লাকে পক্ষাশ জন ধর্ম্মদ্রোহ পুরুষের সঙ্গে ওহাদগিরির যে দিকে প্রবেশদ্বার ছিল, তাহা রক্ষার জন্ত ও সৈন্যদিগের সহায়তার জন্ত তথায় থাকিতে নিযুক্ত করিয়া স্বয়ং সৈন্যগণকে শ্রেণীবদ্ধ করিতে গমন করেন। ঈশ্বর স্মরণ করাইয়া দিতেছেন যে, সেই প্রাতঃকালে তুমি আপন গৃহ হইতে বাহির হইয়াছিলে। (ত, হো,)

শ্রোতা ও জ্ঞাতা ছিলেন। ১২১। (স্মরণ কর,) যখন তোমাদের দুই দল ভীকৃত-প্রকাশে চেষ্টা করিয়াছিল ও ঈশ্বর তাহাদিগের সহায় ছিলেন, বিশ্বাসীদিগের উচিত যে ঈশ্বরের প্রতি নির্ভর করে *। ১২২। এবং সত্যসত্যই ঈশ্বর তোমাদিগকে বদরে (বদরের যুদ্ধে) সাহায্য দান করিয়াছেন, তোমরা দুর্দশাপন্ন হইয়াছিলে; অতএব ঈশ্বরকে ভয় কর, ভরসা যে, তোমরা ধন্যবাদ করিবে। ১২৩। (স্মরণ কর,) যখন তুমি বিশ্বাসীদিগকে বলিতেছিলে, “যদি তোমাদের প্রতিপালক তিন সহস্র অবতীর্ণ দেবতা দ্বারা তোমাদিগকে সাহায্য দান করেন, তোমাদের কি লাভ হইবে না?”। ১২৪। বরং যদি তোমরা সহিষ্ণু ও ঈশ্বরভীরু হও, এবং তাহারা এই স্বীয় আবেগে তোমাদিগের প্রতি সমাগত হয়.. তোমাদের প্রতিপালক পাঁচ সহস্র চিহ্নিত ফেরেশতা দ্বারা তোমাদিগকে সাহায্য দান করিবেন †। ১২৫। এবং তোমাদিগের জন্য স্বেচ্ছা-সহায়তা হয়, তদ্বারা

* আবুর পুত্র আবদোন্ কাকের ছিল। যদিন তাহার বাসস্থান। হজরত যখন সৈয়দে নগরের বাহির হইয়াছিলেন, সেও সংগ্রামে তাহার সহযোগী হইয়াছিল। পরে সে আমাদের কথা-সারে কার্য্য হইল না। এই বলিয়া: অসম্ভব প্রকাশ করিয়া: চলিয়া যায়। তাহার কুমন্ত্রণার অপরাধ দুই দল হজরতকে ছাড়িয়া প্রস্থান করে। পরে সেই দুই দলের দলপতিদিগের চেষ্টায় তাহার কিরিয়া আইসে। (ত, কা,)

† এরূপ জনশ্রুতি যে, বদরের যুদ্ধের দিন প্রেরিত পুরুষ অন্তরে ঈশ্বরের নিকটে সাহায্য প্রার্থনা করিয়াছিলেন। পরমেশ্বর প্রথমে এক সহস্র, পরে তিন সহস্র, অবশেষে পাঁচ সহস্র সৈন্য সহায়তার জন্য প্রেরণ করেন। (ত, হো,)

ওহোদের যুদ্ধে বদরের যুদ্ধের প্রসঙ্গ এ জন্য হইল যে, এই দুই যুদ্ধের একটীতে জয়লাভ, তজ্জন্য কৃতজ্ঞতা দান, অপরাধে পরাজিত হওয়া তজ্জন্য ধৈর্য্যধারণ আবশ্যক হইয়াছিল। সংক্ষেপতঃ ওহোদের যুদ্ধের বিবরণ এই :- প্রথমতঃ শত্রুপক্ষীয় প্রধান পুরুষেরা ক্রমে ক্রমে নিহত হইলে শত্রুসৈন্যগণ পলায়িত হয়। যদিনার লোকেরা তাহাদের শিবির আক্রমণ করিয়া লুণ্ঠন আরম্ভ করে। একদল ধনুর্দ্ধারী পুরুষ পর্ব্বতের সঙ্কীর্ণ পথ রক্ষার জন্য হজরত মোহাম্মদ কর্তৃক নিযুক্ত হইয়াছিল। তিনি তাহাদিগকে এই বলিয়া বিশেষরূপে সতর্ক করিয়াছিলেন যে, আমাদের জয় হউক বা পরাজয় হউক, তোমরা এস্থান ছাড়িয়া কোথাও যাইবে না। তাহারা সেই আজ্ঞা অমান্য ও সকলের অনুরোধ অগ্রাহ্য করিয়া পরাজিত বিপক্ষ সৈন্যদিগের শিবির লুণ্ঠন করিবার জন্য সেই স্থানে দণ্ডজন মাত্র সেনা রাখিয়া চলিয়া আইসে। প্রেরিত পুরুষের আদেশ অগ্রাহ্য করায় অপরাধের কল হোসলমান সৈন্যগণের ভোগ করিতে হইল। অলিদের পুত্র খালেদ এবং আবুজোহেলের পুত্র অক্ৰমা যে পরাজিত হইয়া পলায়ন করিতেছিল, গিরিবন্ধ রক্ষকশূন্য দেখিয়া একদল সৈন্যসহ আসিয়া তাহার উপস্থিত হইল, এবং সেই স্থানের রক্ষক অবয়রের পুত্র আবদোলাকে সহচরণ সহ বধ করিয়া অপর হোসলমান সৈন্যের পশ্চাতে ধাবিত হইল। তুমুল সংগ্রাম আরম্ভ হইল। এই যুদ্ধে হজরত মোহাম্মদের পিতৃব্য হুমজা এবং তাহার অনেক ধর্ম্মবন্ধু প্রাণ-ত্যাগ করিলেন, একদল পলাইয়া গেলেন, কেবল একদল হজরতের রক্ষকরূপে নিযুক্ত ছিলেন। পরে এতদূর হইল যে, শত্রুনির্ভীক প্রত্যয়ের আঘাতে হজরতের দস্ত ভগ্ন হইয়া গেল। তিনি হস্ত ব্যক্তিদিগের সঙ্গে ধরাশায়ী হইয়াছিলেন।

তোমাদিগের অন্তর সাধনা লাভ করিবে, এ জন্ত ব্যতীত ঈশ্বর ইহা করেন নাই, পরাক্রান্ত নিপুণ ঈশ্বরের নিকট ব্যতিরেকে সাহায্য নাই। ১২৬। তাহাতে দেবগণ কাফেরদিগের এক দলকে সংহার করে, কিম্বা পরাস্ত করে, পরে তাহারা অক্লতকার্য্য হইয়া ফিরিয়া যায়। ১২৭। কি তাহাদের দিকে (প্রসন্ন ভাবে) প্রতিগমন করা, কি তাহাদিগকে শাস্তিদান করা, এ কার্য্যের কিছুই তোমার জন্ত নহে; পরন্তু নিশ্চয় তাহারা দুর্ভৃত। ১২৮। এবং ত্যালোকে ও ভুলোকে যাহা আছে তাহা ঈশ্বরের, তিনি যাহাকে ইচ্ছা হয় ক্ষমা করেন ও যাহাকে ইচ্ছা হয় শাস্তি দেন, ঈশ্বর ক্ষমাকারী দয়ালু *। ১২৯। (র, ১৩, আ, ৯)

হে বিশ্বাসিগণ, দ্বিগুণের পর দ্বিগুণ কুসীদ গ্রহণ করিও না; এবং ঈশ্বরকে ভয় করিও, তবে ভরসা যে তোমরা উদ্ধার পাইবে †। ১৩০। সেই অগ্নিকে ভয় কর, যাহা কাফেরদিগের জন্ত প্রস্তুত রহিয়াছে। ১৩১। এবং ঈশ্বরের ও প্রেরিত পুরুষের আজাবহ হও, তবে ভরসা যে, তোমরা দয়া প্রাপ্ত হইবে। ১৩২। এবং তোমরা আপনাদের প্রতিপালকের ক্ষমার দিকে ও স্বর্গলোকের দিকে দাবমান হও, এবং আকাশ ও পৃথিবীর স্তায় তাহার বিস্তৃতি, উহা ধর্ম্মভীক লোকদিগের জন্ত প্রস্তুত। ১৩৩। যাহারা স্তম্বে ও দুঃখে দান করে ও ক্রোধ সম্বরণ করে, এবং লোককে ক্ষমা করে, ঈশ্বর (সেই সকল) সংকর্ষশীল লোককে প্রেম করেন ‡। ১৩৪। এবং যাহারা কুর্কর্ম্ম করিয়া কিংবা নিজের জীবনের প্রতি অত্যাচার করিয়া ঈশ্বরকে স্মরণ করে, পরে নিজের পাপের জন্ত ক্ষমা প্রার্থনা করে, ঈশ্বর ব্যতীত কে তাহাদের পাপ ক্ষমা করিয়া থাকে ? এবং তাহারা যাহা (যে পাপ) করিয়াছে, তৎপ্রতি জ্ঞাতসারে দৃঢ় হয় না §। ১৩৫। এই তাহারাই,

অবশেষে কঠিনর বন্ধুর সাহায্যে ওহোঁদগিরির গুহায় যাইয়া প্রবেশ করেন। শত্রুদল মক্কাভিমুখে চলিয়া যায়। (ত, কা,)

* ঈশ্বর প্রেরিতপুরুষকে বলিতেছেন, দাসের কোন অধিকার নাই, ঈশ্বর ইচ্ছা করিলে তাহাদিগকে পথ দেখাইতে বা শাস্তি দিতে পারেন। (ত, কা,)

† হৃদের প্রসন্ন এখানে একজন্ত হইয়াছে যে, হৃদগ্রহণে দুই প্রকার দুর্ব্বলতা উপস্থিত হয়। এক নিবিদ্ধ বস্তু গ্রহণে সাধনাসুকুল্য ধর্ম্ম হয়, ধর্ম্মবুদ্ধ এক উচ্চ সাধনা। দ্বিতীয়তঃ হৃদগ্রহণে অত্যন্ত ক্লেশপূর্ণতা প্রকাশ পায়, আপন লাভ ব্যতিরেকে হৃদগ্রাহী লোকেরা অর্থ দ্বারা কাহার উপকার করিতে চাহে না, বিনিময় আকাঙ্ক্ষা করে। বাহার ধনের প্রতি এরূপ কর্পা, সে কেমন করিয়া প্রাণ দিতে পারে ? (ত, কা,)

‡ কথিত আছে যে, প্রধানতম এমামকে কেহ চপেটাঘাত করিয়াছিল। তিনি বলিলেন, “আমিও তোমাকে চপেটাঘাত করিতে পারি, কিন্তু করিব না; আমি তোমার জন্ত ঈশ্বরের নিকটে অভিসম্পাত প্রার্থনা করিতে পারি, অঘট করিব না।” ইত্যাদি বলিয়া তিনি তাহাকে শাস্তভাবে ক্ষমা করিলেন।

§ এই আদিত বনহাননামক ব্যক্তির উপলক্ষে অবতীর্ণ হইয়াছিল। একটা রূপবতী নারী বনহানের নিকটে খোঁদা ফল ত্রয় করিতে আগমন করে। বনহানের মন তাহাকে দেখিয়া আকৃষ্ট

যাহাদিগের পুরস্কার তাহাদের প্রতিপালকের নিকট হইতে ক্ষমা লাভ, এবং যাহার ভিতরে পয়ঃপ্রণালী সকল প্রবাহিত এমন স্বর্গোচ্চানলাভ হয় ; সেখানে তাহারা সর্বদা থাকিবে, সংক্রিয়াশীলদিগের (এই) উত্তম পুরস্কার । ১৩৬ । নিশ্চয় তোমাদের পূর্বে ঘটনীয় সকল হইয়া গিয়াছে, অতএব পৃথিবী ভ্রমণ কর, এবং পরে মিথ্যাবাদীদিগের পরিণাম কিরূপ হইয়াছে দেখ * । ১৩৭ । লোকের জন্ত এই উক্তি এবং ধর্মভীরুদিগের জন্ত এই পথদর্শন ও উপদেশ । ১৩৮ । অবসন্ন ও বিষন্ন হইও না, এবং যদি তোমরা বিশ্বাসী হও, তবে তোমরাই উন্নত † । ১৩৯ । যদি তোমরা আঘাত প্রাপ্ত হও, তবে নিশ্চয় সেই দলও (ধর্মপ্রোহী দল) তৎসদৃশ আঘাত প্রাপ্ত হইবে, আমি লোকের মধ্যে এই দিনের পরিবর্তন করিয়া থাকি, এবং তাহাতে যাহারা বিশ্বাস স্থাপন করিয়াছে, ঈশ্বর তাহাদিগকে জ্ঞাত হন, এবং তিনি তোমাদের মধ্য হইতে সাক্ষী গ্রহণ করিয়া থাকেন, ঈশ্বর অত্যাচারীদিগকে প্রেম করেন না । ১৪০ । + এবং তাহাতে ঈশ্বর বিশ্বাসীদিগকে সংশোধিত ও অবিশ্বাসীদিগকে বিলুপ্ত করিয়া থাকেন ‡ । ১৪১ । তোমরা কি মনে করিতেছ যে, স্বর্গে প্রবেশ করিবে ? ও তোমাদের মধ্যে যাহারা ধর্মযুদ্ধ করিয়াছে, এবং যাহারা সন্ধি, এক্ষণ ঈশ্বর তাহাদিগকে জ্ঞাত নহেন ? । ১৪২ । সত্যসত্যই তোমরা

হয় । উত্তম পোশাক দিব, এই ছল করিয়া তাকাকে নির্জন গৃহে লইয়া যায় ও তাহার প্রতি অসদভিপ্রায় প্রকাশ করে । নারী বনতানকে ভৎসনা করিয়া বলে, “ঈশ্বরকে ভয় কর, আমার শৃঙ্খল দেখে কলঙ্কিত করিও না ।” তাহাতে বনতানের অনুতাপ ও ঈশ্বরে ভয় হয় ! সে তৎক্ষণাৎ হজরত মোহাম্মদের নিকটে বাইয়া সবিশেষ নিবেদন করে । তিনি বিবরণ জ্ঞাত হইয়া বলেন, “আমি তোমাদের সাক্ষ্যে বিজ্ঞানসম্মত তোমরা ঈদুল ফকাহ করিতে প্রবৃত্ত হইতেছ ? ঈশ্বর অনুতপ্তদিগের আশার নিমিত্ত এই আয়ত প্রেরণ করেন । কেহ কেহ বলেন, পাপানুষ্ঠানে উদ্ধৃত অস্ত্র তিন বাক্তির উপলক্ষে এই প্রবচনের অবতারণা হইয়াছিল । (ত, চো,)

* ধর্মপ্রবর্তক মহাপুরুষগণের সঙ্গে বিবাদ করা কাকেরদিগের প্রাচীন রীতি । সকল দেশের বিবরণ অনুসন্ধান করিলে জানিতে পাঠিবে যে, প্রথমে ধর্মপ্রবর্তকদিগের প্রতি এইরূপ বিপদ ঘটয়াছে, কিন্তু পরিণামে মিথ্যাবাদীদিগের হুদিশা হইয়াছে । ওহোদের সংগ্রামে সন্তোর জন প্রধান মোসলমান নিহত হন, এবং যুদ্ধ তাহাদিগের পক্ষে প্রতিকূল হয়, একজন্ত ঈশ্বর মোসলমানদিগকে সাহস দিতেছেন । (ত, কা,)

† ওহোদের সংগ্রামে হজরত গিরিগুহার প্রচলিত হইলে এবং বিপক্ষ দলের নেতা আবু হুফিযান পর্ততশ্শে জয়পতাকা স্থাপন করিলে, মোসলমান সেনাগণ অত্যন্ত ভয়াকুল হইয়াছিলেন । পরমেশ্বর তাহাদের সান্ত্বনার জন্ত এই আয়ত অবতারণ করেন । ইহার ভাব এই যে, পদমর্যাদায় তোমরা উন্নত, তোমরা যুদ্ধে হত হইলেও পরাজিত করিবে, ধর্মপ্রোহী লোকেরা নরকে বাইবে, বদরের যুদ্ধে তোমাদের জয় হইয়াছে । (ত, হো,)

‡ জয় পরাজয়ের ভিত্তি নাই, তাহার পরিবর্তন হইয়া থাকে । যুদ্ধে নিহত হইলে মোসলমানদিগের পরাজিত হয় । বিশ্বাসী ও অবিশ্বাসীকে পরীক্ষা করা এবং মোসলমানদিগকে সংশোধন করা ঈশ্বরের অভিপ্রায় ছিল । নতুবা কাকেরগণের প্রতি ঈশ্বর প্রসন্ন নহেন । (ত, কা,)

মৃত্যুকে তাহার সঙ্গে সাক্ষাৎ হওয়ার পূর্বেই আকাঙ্ক্ষা করিতেছিলে, পরে নিশ্চয় তোমরা তাহাকে দর্শন করিয়াছ ও তোমরা প্রতীক্ষা করিতেছিলে। ১৪৩। (র, ১৪ আ, ১৪)

এবং মোহাম্মদ প্রেরিত ভিন্ন নহে, নিশ্চয়, তাহার পূর্বে প্রেরিতের অন্তর্দান হইয়াছিল, অবশেষে যদি সে মারা যায় কিম্বা হত হয়, তোমরা কি পশ্চাৎপদ হইবে? এবং যে ব্যক্তি পশ্চাৎপদ হয়, সে তখন কখনও ঈশ্বরকে কিছুই প্রাপীড়ন করে না, কৃতজ্ঞ লোকদিগকে ঈশ্বর সত্ত্বর পুরস্কার দান করেন *। ১৪৪। ঈশ্বরের ইচ্ছা বাতিরেকে কোন ব্যক্তির মৃত্যু হয় না, (মৃত্যুর) নির্দিষ্ট সময় লিখিত আছে, এবং যে ব্যক্তি সাংসারিক লাভ আকাঙ্ক্ষা করে আমি তাহা হইতে তাহাকে দান করি ও যে ব্যক্তি পারলৌকিক লাভ আকাঙ্ক্ষা করে আমি তাহা হইতে তাহাকে দান করি, এবং অবশ্য আমি কৃতজ্ঞ ব্যক্তিদিগকে পুরস্কার দিব। ১৪৫। এবং অনেক তত্ত্ববাহক ছিল যে, তাহাদের সঙ্গে মিলিত হইয়া বহু ঈশ্বরপরায়ণ লোক যুদ্ধ করিয়াছিল, পরে ঈশ্বরের পথে তাহাদের বিপদ উপস্থিতিবশতঃ তাহারা অবহেলা করে নাই ও দুর্বল হয় নাই, এবং নিরুপায় হইয়া পড়ে নাই, পরমেশ্বর সহিষ্ণুদিগকে প্রেম করিয়া থাকেন। ১৪৬। এবং তাহারা বলিয়াছিল, “হে আমাদের প্রতিপালক, আমাদের অপরাধ ও আমাদের আগের কার্য্যে আমাদের সীমালঙ্ঘন আমাদের আগের জন্ত ক্ষমা কর ও আমাদের চরণকে দৃঢ় কর, ধর্ম্মদ্রোহী দলের উপর আমাদের আগের সাহায্য দান কর, ইহা বাতীত তাহাদিগের কথা ছিল না। ১৪৭। পরিশেষে ঈশ্বর তাহাদিগকে ঐহিক পুরস্কার ও পারত্রিক উত্তম পুরস্কার দান করিয়াছেন, এবং ঈশ্বর হিতকারীদিগকে প্রীতি করেন। ১৪৮। (র, ১৫, আ, ৫)

হে বিশ্বাসিগণ, যদি তোমরা কাকেরদিগের আজ্ঞা বহন কর, তবে তাহারা তোমাদিগকে পশ্চাৎপদ করিয়া ফিরাইবে, পরে তোমরা ক্ষতিগ্রস্ত হইয়া ফিরিয়া যাইবে *। ১৪৯। পরমেশ্বর তোমাদিগের বন্ধু এবং তিনি উত্তম সাহায্য-

* এই ওহাদের যুদ্ধে অনেক প্রধান প্রধান মোসলমান বীরপুরুষ পলায়ন করিয়াছিলেন। তাহার কারণ এই যে, ধর্ম্মপ্রবর্তক মোহাম্মদ মারা পড়িয়াছেন বলিয়া একজন কাকের লোষণ করিয়াছিল। প্রকৃতপক্ষে হজরত আহত হইয়া শোণিতাক্তকলেণর ও একান্ত দুর্বল হইয়া এক গর্ভের ভিতরে পড়িয়াছিলেন। প্রথমতঃ মোসলমানেরা তাহাকে দেখিতে পায় নাই, তাহার মৃত্যুতে সকলের বিশ্বাস জন্মিয়াছিল। পরে হজরত গর্ভ হইতে উঠিয়া আসিয়া যে সকল লোক উপস্থিত ছিল, তাহাদিগকে সমবেত করিয়া পুনর্ব্বার সংগ্রামের আয়োজন করিলেন। ইতিমধ্যে কাকের সৈন্যদল চলিয়া গেল। অতএব ঈশ্বর বলিতেছেন যে, প্রেরিত পুরুষ জীবিত থাকুন বা না থাকুন, ধর্ম্ম ঈশ্বরের, তোমরা তাহাতে অটল থাক। হজরতের পরলোকে অনেক লোক ধর্ম্ম ছাড়িয়া চলিয়া যায়। যাহারা ছিল, তাহাদিগেরই অধিক পুণ্য। (ত, কা,)

† এই যুদ্ধে যে সকল মোসলমানের অন্তর ভগ্ন হইয়াছিল, ধর্ম্মদ্রোহী ও কপট লোকদের কেহ

কারী। ১৫০। যাহার সন্ধে কোন নিদর্শন অবতারণ করা হয় নাই, তাহাকে ঈশ্বরের সন্ধে অংশী করিয়াছে বলিয়া সহর আমি ধর্মদ্রোহীদের অন্তরে বিভীষিকা স্থাপন করিব, নরকাগ্নি তাহাদিগের স্থান, এবং (তাহা) অত্যাচারীদের জন্য মন্দির বাসস্থান। ১৫১। এবং যখন তোমরা তাহার আজ্ঞানুসারে তাহাদিগকে পরাস্ত করিতেছিলে, সত্যসত্যি ঈশ্বর তোমাদের সন্ধে সে সময় পর্যন্ত আপন অঙ্গীকার সপ্রমাণ করিয়াছেন; যে সময় হইতে তোমরা কার্যে কাপুরুষতা ও বিরোধ করিলে এবং যাহা তোমরা ভালবাসিতেছিলে, তাহা তোমাদিগকে প্রদর্শন করিলে পর তোমরা অপরাধ করিলে, তোমাদের মধ্যে কেহ সংসার চাহিতেছিল ও তোমাদের মধ্যে কেহ পরলোক চাহিতেছিল; তৎপর তিনি তোমাদিগকে পরীক্ষা করিবার জন্য তাহাদিগকে হইতে তোমাদিগকে বিমুখ করিলেন, এবং সত্যসত্যি তিনি তোমাদিগকে ক্ষমা করিয়াছেন, এবং ঈশ্বর বিশ্বাসীদের প্রতি রূপাবান *। ১৫২। যখন তোমরা উপরে উঠিতেছিলে ও কাহারও প্রতি মনোযোগ করিতেছিলে না, এবং প্রেরিত পুরুষ তোমাদের পশ্চাতে তোমাদিগকে আহ্বান করিতেছিলেন, তৎপর তিনি তোমাদিগকে শোকের পর শোক পুরস্কার দিলেন; তবে যাহা তোমাদের ক্রটি হইয়াছে ও যাহা তোমরা প্রাপ্ত হইয়াছ, তৎপ্রতি দুঃখ করিও না, এবং তোমরা যাহা

কেহ সুযোগ পাইয়া তাহাদিগকে হুমুযোগ করিতে লাগিল, কেহ হিতৈষণা বাক্যে এইরূপ বুঝাইতে লাগিল, যেন ভবিষ্যতে তাহারা যুদ্ধে বীরত্ব প্রকাশ না করে। এদ্রুজ ঈশ্বর সাবধান করিতেছেন যে, কাকেরগণ কর্তৃক প্রতারণিত হইও না। (ত, ফা,)

* ওহাদের যুদ্ধে প্রথমতঃ মোসলমানদিগের পক্ষে ভয়শ্রী ছিল। তাহারা কাকেরদিগকে সংহার করিতেছিলেন ও তাহারা পলায়ন করিতেছিল, এবং বিজয়ের লক্ষণ দৃষ্টিগোচর হইতেছিল। ধনলাভ হইবে বলিয়া কাহার আনন্দ হইয়াছিল, এসনাম ধর্মের জয় হইল বলিয়া কাহারও হর্ষ হইয়াছিল। যখন মোসলমানগণ কর্তৃক প্রেরিতপুরুষের আজ্ঞা অগ্রাহ্য হইল, তখনই যুদ্ধের অবস্থা কিরিয়া গেল। এক আদেশ অমান্য এই যে, হজরত পঞ্চাশ জন বাণবর্ষী পুরুষকে রক্তক্ষরণে গিরিবন্ধের দণ্ডারমান রাখিয়া ছিলেন, অবশিষ্ট সৈন্য যুদ্ধ করিতেছিল। যখন শরবর্ষী সৈনিকগণ আপন নলে বিজয় ও বিক্রম দর্শন করিল, তখন জয়ের অংশী হইতে ও শত্রুশিবির লুণ্ঠন করিতে তাহাদের ইচ্ছা হয়, তাহারা আদেশ অগ্রাহ্য করিয়া দশজনমাত্র ধর্মুর্গর সেনা রাখিয়া সেইস্থান হইতে চলিয়া আইসে। তাহাতে পলায়িত শত্রুগণ সুযোগ পাইয়া গিরিবন্ধের দিক দিয়া আসিয়া মোসলমান সৈন্যদিগকে আক্রমণ পূর্বক পরাস্ত করে। হয় আদেশ লঙ্ঘন এই যে, যখন শত্রুগণ পলায়ন করিতেছিল ও মোসলমান সেনারা তাহাদের অনুসরণ করিয়া আক্রমণ করিতে উদ্যত হইয়াছিল, তখন হজরত পঞ্চাশ হইতে আশা নিকটে এস, সেদিকে বাইও না বলিয়া ডাকিতেছিলেন। ধন লুণ্ঠন করার উদ্দেশ্যে তাহারা তাহা গ্রাহ্য করে নাই। (ত, ফা,)

ধৈর্য ধারণ করিলে তোমাদিগকে বিজয়ী করিব, ঈশ্বরের এই অঙ্গীকার ছিল। যখন মোসলমান-সৈন্যগণ অধৈর্য হইয়াছিল, তখনই পরাস্ত হইল। (ত, ফা,)

করিতেছ ঈশ্বর তাহার জ্ঞাতা *। ১৫৩। অতঃপর শোকান্তে তোমাদের প্রতি তিনি বিশ্রাম প্রেরণ করিলেন, (সেই বিশ্রাম কি ?) তজ্জা, উহা তোমাদের এক দলকে আচ্ছাদন করিতেছিল, এবং এক দল যে নিশ্চয় তাহাদের আত্মা তাহাদিগকে চিন্তায়ুক্ত করিয়াছিল, তাহারা ঈশ্বর সপক্ষে অসত্য কল্পনা, মূর্থতার কল্পনা করিতেছিল, বলিতেছিল, “আমাদের জ্ঞান কি কিছু কার্য আছে ?” বল তুমি (হে মোহম্মদ,) নিশ্চয় সমুদায় কার্য ঈশ্বরের জ্ঞান, (কপট লোকেরা) তোমার নিমিত্ত যাহা প্রকাশ করিতে পারে না, তাহা আপন অস্তরে গোপন করিয়া থাকে। তাহার বলে, “যদি আমাদের নিমিত্ত কোন কার্য থাকিত, তবে আমরা এখানে হত হইতাম না ;” তুমি বল, যদি তোমরা আপন গৃহেও থাকিতে, নিশ্চয় বাহাদের সপক্ষে হত্যা লিপিত হইয়াছে, তাহারা অবশ্য আপন হত্যাভূমির দিকে বহির্গত হইত ; এবং তাহাতে তোমাদের হৃদয়ে যাহা আছে ঈশ্বর তাহা পরীক্ষা করিতেছিলেন ও তদ্বারা তোমাদের অস্তরে যাহা আছে সংশোধিত করিতেছিলেন ; এবং ঈশ্বর হৃদয়ে ভাবের জ্ঞাতা †। ১৫৪। দুই দলের সাক্ষাৎকারের দিন নিশ্চয় তোমাদের মধ্যে যে সকল লোক প্রশ্রয় করিয়াছে, তাহারা যাহা করিয়াছিল তাহার কিছুই জ্ঞান ‡ শয়তান তাহাদিগকে বিচালিত করিয়াছে বৈ নহে, এবং সত্যসত্যই ঈশ্বর তাহাদিগকে ক্ষমা করিয়াছেন, § একান্তই ঈশ্বর ক্ষমাশীল, গম্ভীর। ১৫৫। (র, ১৬, আ, ৭)

* তোমরা উপরে উঠিতেছিলে, ইহার তাৎপর্য, পূর্ণতার উপর দিয়া পলায়ন করিতেছিলে। শোকের পর শোক, এক শোক প্রেরিতপুরুষের মৃত্যুসংবাদে, অপর শোক ধর্মবন্ধুদিগের প্রাণত্যাগে, অথবা এক শোক পরাজয় স্বীকারে, অপর শোক লুপ্তিত সামগ্রী হস্তচ্যুত হওয়ায়। তোমরা বিপদে ধৈর্য্য শিক্ষা করিবে, এই উদ্দেশ্যে তোমাদিগের প্রতি এই শাস্তি হইল। (ত, হো,)

† তোমরা প্রেরিতপুরুষকে মনঃক্লম করিয়াছ, এ জ্ঞান তোমাদিগকে মনঃক্লম হইতে হইল। অতএব কিছু ক্ষতি হউক বা লাভ হউক, আজ্ঞানুসারে চলিবে, এ কথা স্মরণ রাখিও। (ত, ফা,)

‡ এই পরাজয়ে বাহাদের মৃত্যু এবং বাহাদের পলায়ন অবশ্যস্বাবী ছিল হইয়াছে, এবং বাহারা রণক্ষেত্রে অবশিষ্ট ছিলেন, তাহারা ভীত ও অবসন্ন হইয়া পড়িয়াছিলেন। তৎপর তাহাদের ভয় বিভীষিকা দূর হয়। এতক্ষণ হজরতও মুছন্ন-প্রাপ্ত ছিলেন। তিনি সংজ্ঞা লাভ করিলে সকলে তাহার নিকটে উপস্থিত হইয়া পুনর্ব্বার সংগ্রাম প্রতিষ্ঠা করিলেন। বাহারা অল্প বিশ্বাসী ছিল, তাহারা বলিতে লাগিল, “আমাদের জ্ঞান কি কিছু কার্য আছে ?” অর্থাৎ ঈদৃশ পরাজয়ের পর আমরা কি আর কোন কার্য করিতে পারিব ? সমুদয় ক্ষমতার বহির্ভূত হইয়াছে, আমাদের আর কি সাধ্য আছে ? এই উক্তিঃ গূঢ় মর্ম্ম এই যে, আমাদের পরামর্শানুযায়ী কার্য হয় নাই, তজ্জন্য এতগুলি লোক মারা পড়িল। ঈশ্বর এই কথার উত্তর দান করিলেন ও বুঝাইয়া দিলেন যে, কপট ও সরল ব্যক্তিদিগকে পরীক্ষা করিবার জ্ঞান ঈশ্বরের এ বিষয়ে কৌশল ছিল। (ত, ফা,)

§ কিছুই জ্ঞান অর্থাৎ প্রেরিতপুরুষের আদেশ অমান্য করার জ্ঞান। (ত, হো,)

§ ইহা দ্বারা জানা যায় যে, এই ক্ষেত্রে বাহারা পলায়ন করিয়াছে, তাহারা অপরাধী রহিল না। (ত, ফা,)

হে বিশ্বাসিগণ, যাহারা কাকের হইয়াছে, তোমরা তাহাদের সদৃশ হইও না, তাহারা আপন ভ্রাতাদিগের সম্বন্ধে যখন তাহারা দেশভ্রমণে গেল ও ধর্মবোদ্ধা হইল বলিয়াছিল, যদি তাহারা আমাদের নিকটে থাকিত, মরিত না ও হত হইত না, তাহাতে ঈশ্বর তাহাদের অন্তরে এই (ভাবকে) আক্ষেপে পরিণত করিতেছেন, পরমেশ্বর জীবন দান ও প্রাণ হরণ করেন, এবং তোমরা যাহা করিতেছ ঈশ্বর তাহার দর্শক। ১৫৬। এবং যদি ঈশ্বরের পথে তোমরা হত হও বা মরিয়া যাও, তবে নিশ্চয় ঈশ্বর হইতে ক্ষমা ও দয়া আছে, * তাহারা যাহা সংগ্রহ করে তদপেক্ষা উত্তম। ১৫৭। এবং যদি তোমরা মরিয়া যাও বা নিহত হও, তবে অবশ্য তোমরা ঈশ্বরের দিকে সমুখিত হইবে। ১৫৮। পরে ঈশ্বরের দয়াবশতঃ তুমি (হে মোহাম্মদ,) তাহাদের জন্ত কোমল হইলে, যদি তুমি কঠিনপ্রকৃতি কঠোরহৃদয় হইতে, তবে অবশ্য তোমার দিক হইতে তাহারা বিক্ষিপ্ত হইয়া পড়িত, অতএব তাহাদিগকে মার্জনা কর ও তাহাদের জন্ত ক্ষমা প্রার্থনা কর, এবং এ কার্যে তাহাদের সঙ্গে মঙ্গল কর, পরন্তু যখন তুমি উদ্যোগ করিয়াছ, তখন ঈশ্বরের উপর নির্ভর কর, নিশ্চয় ঈশ্বর নির্ভরকারীকে প্রেম করেন। ১৫৯। যদি ঈশ্বর তোমাদিগকে সাহায্য দান করেন, তবে তোমাদিগের উপর বিজ্ঞতা নাই, এবং যদি তিনি তোমাদিগকে পরিত্যাগ করেন, তবে তাঁহার অভাবে সেই ব্যক্তি কে যে তোমাদিগকে সাহায্য দান করিবে? অতএব ঈশ্বরের প্রতি বিশ্বাসীদিগের নির্ভর করা আবশ্যক। ১৬০। এবং সংবাদবাহক হইতে অন্তায় হয় না ও যে ব্যক্তি অপচয় করে, সে যাহা অপচয় করিল, কেয়ামতের দিনে তাহা গ্রহণ করিবে, তৎপর প্রত্যেক ব্যক্তি যে কাণ্ড করিয়াছে তাহা (তাহার কণ) সম্যক প্রদত্ত হইবে, এবং তাহারা অত্যাচারিত হইবে না। ১৬১।

* অর্থাৎ কেহ সংকার্যোদ্দেশ্যে গৃহ হইতে বহির্গত হইয়া মরিলে বা মারা পড়িলে সেই বহির্গমনের জন্ত আক্ষেপ করা উচিত নয়। তাহা করিলে ঈশ্বরের বিধির প্রতি, পরলোকের প্রতি অবিশ্বাস প্রকাশ পায়। ঐহিক হিত দেখিতে হইবে না। সংসারে দৃষ্টি করা কাকেরদিগের ন্যায়।

(ত, ক।)

+ এই আয়তে মোসলমানদিগকে সাবধান দান করা হইতেছে। তোমাদের উচিত নয় যে, তোমরা মনে কর প্রেরিতপুরুষ আমাদিগকে বাহ্যে ক্ষমা করিয়াছেন, কিন্তু তাঁহার অন্তরে ক্রোধ আছে, পরে তিনি এক সময় সেই ক্রোধ প্রকাশ করিবেন। জানিও অন্তরে একরূপ বাহ্যে অন্তরূপ, প্রেরিত পুরুষদিগের এ প্রকার স্বভাব নহে। অথবা এই আয়তে মোসলমানগণকে এ প্রকার প্রবোধ দেওয়া হইতেছে যে, তোমরা হজরতের সম্বন্ধে এরূপ মনে করিবে না যে, তিনি লুপ্তিত ব্রবোর কিছু অপচয় করিয়াছেন অর্থাৎ গোপন করিয়া রাখিয়াছেন। হয়তো ইহা বুঝাইবার জন্ত অবতীর্ণ হইয়াছে, যে সকল ধর্ম্মের পুরুষ লুপ্তিত সামগ্রী গ্রহণ করিবার জন্ত বহান ছাড়িয়া চলিয়া গিয়াছিল, তাহাদিগকে কি হজরত অংশ দিতেন না, কিবা তিনি কোন দ্রব্য কি লুকাইয়া রাখিতেন? কথিত আছে, বদরের যুদ্ধে লুপ্তিত ব্রবোর কিছু হারাইয়া গিয়াছিল। কেহ বলিয়াছিল, হয়তো হজরত নিজের জন্ত তাহা রাখিয়াছেন, সম্ভবতঃ তত্পলক্ষেই এই আয়ত অবতীর্ণ হইয়াছে।

(ত, ক।)

পর্যন্ত যে ব্যক্তি ঈশ্বরের সন্তোষের অনুসরণ করিয়াছে, সে কি ঈশ্বরের কোপে প্রভাগত ব্যক্তির তুলা? উহার স্থান নরক ও কুস্থান। ১৬২। এই লোক ঈশ্বরের নিকটে পদস্থ* এবং তাহারা যাহা কহিতেছে ঈশ্বর তাহার দর্শক। ১৬৩। সত্য সত্যই ঈশ্বর বিশ্বাসীদের প্রতি উপকার বিধান করিয়াছেন, যখন তাহাদের মধ্যে তাহাদের জাতি হইতে প্রেরিত পুরুষ প্রেরণ করিয়াছেন, সে তাহাদের নিকটে তাহার বচন পাঠ করিতেছে ও তাহাদিগকে শুদ্ধ করিতেছে, এবং তাহাদিগকে গ্রন্থ ও জ্ঞান শিক্ষা দিতেছে, এবং তাহারা পূর্বে একান্তই স্পষ্ট পথভ্রান্তির মধ্যে ছিল। ১৬৪। যখন এক বিপদ তোমাদিগকে প্রাপ্ত হইল, নিশ্চয় তোমরা কি তাহার দ্বিগুণ প্রাপ্ত হইয়াছ? তোমরা বলিয়াছ, “ইহা কোথা হইতে হইল?” বল, (হে মোহম্মদ,) ইহা তোমাদের জীবন হইতে হইয়াছে, নিশ্চয় ঈশ্বর সর্বোপরি ক্ষমতাশালী। ১৬৫। উভয় দলের সাক্ষাৎকারদিবসে তোমরা যাহা প্রাপ্ত হইয়াছ, তাহা ঈশ্বরের আদেশানুসারে হইয়াছে, বিশ্বাসীদের প্রকাশ এবং যাহারা কপট তাহাদিগকে প্রকাশ করিবার জন্য হইয়াছে, তাহাদিগকে বলা হইয়াছিল এস, এবং ঈশ্বরের পথে সংগ্রাম কর, কিম্বা (কাফেরদিগকে) দূর কর। তাহারা বলিল, “যদি আমরা যুদ্ধ করিতে জানিতাম, নিশ্চয় তোমাদিগের অনুসরণ করিতাম,” তাহারা সেই দিন বিশ্বাসোন্মুগ লোকদিগের অপেক্ষা ধর্মস্বৈরাচারে অভিমুখে নিকটতর ছিল; যাহা তাহাদের অন্তরে নাই, তাহারা তাহা আপন মুখে বলিয়াছে; তাহারা যাহা গোপন করিতেছিল, ঈশ্বর তাহা উত্তম জ্ঞাত। ১৬৬। ১৬৭। যাহারা বসিয়া রহিয়াছে ও স্বীয় ভ্রাতাদিগের সম্বন্ধে বলিয়া থাকে, “আমাদের কথা মান্ত করিলে তাহারা হত হইত না,” বল, (হে মোহম্মদ,) যদি তোমরা সত্যবাদী হও, তবে আপনাদের মৃত্যুকে দূর কর। ১৬৮। এবং যাহারা ঈশ্বরের পথে হত হইয়াছে, তাহারা মরিয়াছে মনে করিও না, বরং তাহারা তাহাদের প্রতিপালকের

* প্রেরিতপুরুষ ও অন্য লোক তুলা নহে। সাধারণ লোকের জ্ঞান প্রেরিতপুরুষ দ্বারা লোভের কার্য হয় না। (ত, ফা,)

† অর্থাৎ তোমরা বদরের যুদ্ধে সন্তোর জন কাফেরকে বধ করিয়াছিলে, এবং সন্তোর জনকে বন্দী করিয়া আনিয়াছিলে। এই যুদ্ধে তোমাদের দলের সন্তোর জন হত হইয়াছে, তবে পুণ্য কেন হইতেছে? ইহা আপন অপরাধের ভাজ হইয়াছে। যেহেতু তোমরা আজ্ঞা অমান্ত করিয়াছ। অথবা এই অপরাধ ছিল যে, তোমরা অর্ধ গ্রহণ করিয়া বদরের বন্দীদের ছাড়িয়া দিয়াছিলে। হজরত, বলিয়াছিলেন, “এই সন্তোর জনকে ছাড়িয়া দিলে তোমাদের সন্তোর জন যুদ্ধে হত হইবে।” (ত, ফা,)

‡ এই আয়াতে কপট লোকদিগের কথা। তাহারা বলে, যখন সংগ্রাম উপস্থিত হইবে, আমরা বাইয়া যোগ দিব, অথবা একরূপ বলে যে, আমরা যুদ্ধের রীতি নীতি জ্ঞাত নহি। অন্তরে গর্ক করে যে, আমাদের পরামর্শ গ্রাহ্য হয় না, ইহাদের যুদ্ধবিজ্ঞান জ্ঞান নাই। এই কথাতে তাহারা ধর্মস্বৈরাচার “নিকটবর্তী” হইয়াছে ও বিশ্বাস হইতে দূরে পড়িয়াছে। (বোধহলভার্গ দুই আয়াত একত্রীকৃত।) (ত, ফা,)

নিকটে জীবিত আছে, তাহাদিগকে উপজীবিকা প্রদত্ত হইতেছে। ১৬৯। + ঈশ্বর নিজ রূপাণ্ডে তাহাদিগকে যাহা দান করিয়াছেন, তজ্জগ্ তাহারা আনন্দিত, যাহারা তাহাদের পশ্চাতে আছে, (এক্ষণে) তাহাদের সহিত মিলিত হয় নাই, তাহাদের জগ্ আনন্দিত, যেহেতু তাহাদের সম্বন্ধে ভয় নাই ও তাহারা শোকপ্রাপ্ত হইবে না। ১৭০। তাহারা ঈশ্বরের দানে ও (তাহার) করুণায় আনন্দিত হয়, এবং নিশ্চয় ঈশ্বর বিশ্বাসীদিগের পুরস্কার নষ্ট করেন না। ১৭১। (র, ১৭, আ, ১৬)

যাহারা নিজের প্রতি যে আঘাত পছছিয়াছে, তাহার পর ঈশ্বরকে ও প্রেরিত পুরুষকে স্বীকার করিয়াছে, তাহাদের মধ্যে যাহারা সংকল্প ও ধৈর্য ধারণ করিয়াছে, তাহাদের জগ্ মহাপুরস্কার আছে *। ১৭২। এই তাহারা যে তাহাদিগকে লোকে বলিয়াছিল, “নিশ্চয় তোমাদের জগ্ লোক সমবেত হইয়াছে, অতএব তাহাদিগকে ভয় কর,” পরে উহা তাহাদিগের বিশ্বাস বৃদ্ধি করিল, এবং তাহারা বলিয়াছিল, “আমাদের জগ্ ঈশ্বরই যথেষ্ট ও তিনি উত্তম কার্যাসম্পাদক” †। ১৭৩। অনন্তর তাহারা ঈশ্বরের দান ও রূপার সঙ্গে পুনর্মিলিত হইল, অকল্যাণ তাহাদিগকে প্রাপ্ত হয় নাই, তাহারা ঈশ্বরের প্রসন্নতার অনুসরণ করিয়াছিল, ঈশ্বর মহান, পরম রূপালু। ১৭৪। ইহারা শয়তান ভিন্ন নহে যে, আপন বন্ধুদিগকে ভয় দেখায়, যদি তোমরা বিশ্বাসী হও, তবে তাহাদিগকে ভয় করিও না, আমাকে ভয় করিও ‡। ১৭৫। এবং যাহারা অধর্মে বাবমান, তাহারা (হে মোহাম্মদ,) তোমাকে বিশ্বাসিত করিবে না, নিশ্চয় তাহারা ঈশ্বরের কিছু ক্ষতি করিবে না, ঈশ্বর

* যে দিন বিপক্ষ দলের নেতা আবুহুফিয়ান ওহোদ হইতে প্রতিগমন করিল, হজরত সেই দিন অপরাহ্নে মদিনায় চলিয় আসিলেন। সেদিন শওরালমাসের সপ্তম দিবস শনিবার ছিল। রবিবার দিন প্রাতঃকালে তিনি শত্রুদিগের পশ্চাতে ধাবমান হইবার জগ্ ওহোদের সৈন্যদিগকে আদেশ করিলেন, এবং যাহারা ওহোদের যুদ্ধে অনুপস্থিত ছিল, তাহাদিগকে মাঠতে বারণ করিলেন। ধর্মবন্ধগণ আহত দুর্বল শরীরে আজ্ঞা শিরোধার্য করিয়া শত্রুর অনুসরণে মক্কাভিমুখে চলিলেন। হুমরায়ল আসদ নামক স্থানে তাহাদের শিবির সন্নিবেশিত হয়। তাহারা সোমবার রাত্রিতে প্রবল অগ্নি উদ্দীপন করিয়া মক্কাবাসীদিগকে বিজ্ঞাপন করেন যে, আমরা ভীত ও দুর্বল হই নাই। এই সময়ে পরমেশ্বর এই আয়ত অবতারণ করেন। (ত. হো,)

† আবুহুফিয়ান এসলাম সৈন্তের মুলাংপাটনমানসে পুনর্যাত্রার উজ্জ্বল হইয়াছিল। ইতিমধ্যে হঠাৎ হজরত হুমরায়ল-আসদে পছছিয়াছেন, এই সংবাদ প্রাপ্ত হইয়া ভীত হইল। পথে মদিনার যাত্রিক একদল বণিককে পাইয়া বিশেষরূপে অনুরোধ করিয়া বলিল যে, যে স্থানে তোমরা মোহাম্মদীয় লোক দেখিতে পাইবে, তাহাদিগকে ভয় দেখাইবে যে, আমি সৈন্তে তাহাদিগকে উৎসন্ন করিতে আসিতেছি। সেই লোক সকল হুমরায়ল-আসদে আসিয়া মোসলমানদিগকে আবুহুফিয়ানের উক্তি জ্ঞাপন করিল। ঈশ্বরের অনুগ্রহে তাহারা কিছুই ভীত হইলেন না। বরং দৃঢ়তার সহিত তাহারা “আমাদের জগ্ ঈশ্বরই যথেষ্ট” ইত্যাদি বিশ্বাসের কথা বলিলেন। (ত. হো,)

‡ অর্থাৎ যে ব্যক্তি তজ্জগ্ কথা কহিত, শয়তান তাহাকে শিক্ষা দিত।

(ত. কা,)

ইচ্ছা করেন যে, পরলোকে তাহাদিগকে কিছুই লভ্য প্রদান না করেন, এবং তাহাদের জন্ত মহাশাস্তি আছে * । ১৭৬ । নিশ্চয় যাহারা ধর্মের বিনিময়ে অধর্মকে ক্রয় করিয়াছে, তাহারা ঈশ্বরের কিছুই ক্ষতি করিবে না ও তাহাদের জন্ত দুঃখজনক শাস্তি আছে । ১৭৭ । এবং ধর্মদ্রোহিণ যেন মনে করে না যে, তাহাদের জীবনের মঙ্গলের জন্ত তাহাদিগকে অবকাশ দিতেছি, অপরাধে বর্দ্ধিত হওয়ার জন্ত আমি তাহাদিগকে অবকাশ দিতেছি ইহা ব্যতীত নহে, তাহাদিগের জন্ত শ্রানিজনক শাস্তি আছে । ১৭৮ । যদবস্থায় তোমরা আছ, (হে কপটগণ,) তদবস্থায় বিশ্বাসীদিগকে রাখিবেন, ঈশ্বর (সে রূপ) নহেন, এতদূর পর্য্যন্ত যে তিনি পবিত্রতা হইতে অপবিত্রতা ভিন্ন করেন, এবং তোমাদিগকে যে গুপ্ত বিষয়ে জ্ঞাপন করিবেন ঈশ্বর (সে রূপ) নহেন, কিন্তু ঈশ্বর যাহাকে ইচ্ছা নিজের প্রেরিত পুরুষদিগের মধ্যে গ্রহণ করেন, অতএব ঈশ্বরকে ও তাহার প্রেরিত-দিগকে তোমরা বিশ্বাস করিও, এবং যদি তোমরা বিশ্বাস স্থাপন কর ও ধর্মভীরু হও, তবে তোমাদের জন্ত মহাপুরস্কার আছে । ১৭৯ । এবং তাহারা যেন মনে না করে যে, ঈশ্বর নিজরূপাণ্ডে তাহাদিগকে যাহা দান করিয়াছেন, তদ্বিষয়ে যাহারা কুপণতা করে উহা তাহাদের মঙ্গলের জন্ত ঘটিবে, বরং উহা তাহাদের অমঙ্গলের জন্ত হইবে, তাহারা যে বিষয়ে কুপণতা করিয়াছে, সম্বর কেয়ামতের দিনে উহা তাহাদিগের গ্রীবার বন্ধন করা হইবে ; স্বর্গ মর্ত্যের উত্তরাধিকারিত্ব ঈশ্বরেরই, এবং তোমরা যাহা করিতেছ, ঈশ্বর তাহার জ্ঞাতা † । ১৮০ । (র, ১৮, আ, ২)

যাহারা বলিয়াছিল যে, ঈশ্বর নিধন আমরা ধনী, সত্য সত্যই ঈশ্বর তাহাদিগের কথা শ্রবণ করিয়াছেন, তাহারা যাহা বলিয়াছে তাহা এবং তাহাদিগের দ্বারা অত্যাচাররূপে প্রেরিত পুরুষগণের হত্যা হওয়া এক্ষণ আমি লিপিব, এবং বলিব, তোমরা প্রদাহকারিণী শাস্তির আশ্বাদ গ্রহণ কর ‡ । ১৮১ । তোমাদের হস্ত পূর্বে যাহা প্রেরণ করিয়াছে

* কপট লোকের। যখন বিশ্বাসীদিগের দূঃখ বিপদ দেখিত, তখনই অবিবাসের কথা বলিত ।

(ত, ফা,)

† হাদিসে অর্থাৎ প্রেরিতপুরুষের বাক্য ও কার্যাবিবরণ পুস্তকে উক্ত হইয়াছে যে, ঈশ্বর যাহাদিগকে ধন দিয়াছেন, তাহারা ঐকান্ত দান না করিলে বিচারের দিনে সেই ধন দ্বারা বিষোন্মারী শস্যের বিষধরমূর্ত্তি নিশ্চিত হইবে । এই সর্প আসিয়া সেই ব্যক্তির গ্রীবা ও মুখ জড়াইয়া ধরিবে ও তাহাকে ভৎসনা করিবে । যে বস্ত্র পূর্বে কোন ব্যক্তির অধিকারে ছিল না, পরে অধিকারভুক্ত হও, এইরূপ অধিকারকে উত্তরাধিকার বলে । স্বর্গ ও মর্ত্যের উত্তরাধিকারিত্ব ঈশ্বরের, ইহার অর্থ এই যে, স্বর্গ ও মর্ত্যনিবাসীদিগের অভাব হইলে তাহাদের সম্পত্তির উত্তরাধিকারী ঈশ্বর হন । ইহা বাহ্যিক ভাবে উক্ত হইয়াছে । অর্থাৎ সম্পত্তি তাহাদের হস্তে অর্পণ করা হইয়াছিল, তাহাদের অভাবে সেই সম্পত্তি তাহার প্রকৃত পাত্র ঈশ্বরের হস্তগত হয় ।

(ত, হো,)

‡ উটদিয়া : “ঈশ্বরকে ধন দান কর” আয়ত্ত শ্রবণ করিয়া বলিতেছিল, ঈশ্বর আমাদের নিকটে ধন প্রার্থনা করেন, তাহা হইলে ঈশ্বর দরিস, আমরা ধনী ।

(ত, ফা,)

তাহারই জন্ত ইহা, * নিশ্চয় ঈশ্বর দাসদিগের প্রতি অত্যাচারী নহেন । ১৮২ । যাহারা বলিয়াছে, “নিশ্চয় ঈশ্বর আমাদের সম্বন্ধে অঙ্গীকার করিয়াছেন যে, আমাদের নিকটে বলি আনীত হইলে তাহা হতাশন ভক্ষণ করা পর্য্যন্ত আমরা প্রেরিতকে বিশ্বাস করিব না, (তাহাদিগকে) বল, আমার পূর্বে নিদর্শন সকল সহ প্রেরিত পুরুষগণ নিশ্চয় তোমাদের নিকটে আগমন করিয়াছেন, এবং যাহা তোমরা বলিতেছ, যদি সত্যবাদী হও, তবে কেন তাহাদিগকে বধ করিলে † ? ১৮৩ । অনন্তর যদি তাহারা তোমার প্রতি (হে মোহম্মদ,) অসত্যারোপ করিয়া থাকে, তবে নিশ্চয় তোমার পূর্বে নিদর্শন সকল ও উজ্জল গ্রন্থ ও ক্ষুদ্র গ্রন্থ সকল সহ সমাগত প্রেরিতদিগের প্রতিও অসত্যারোপ করিয়াছে । ১৮৪ । প্রত্যেক ব্যক্তি মৃত্যু আশ্বাদন করিবে, এবং কেয়ামতের দিনে তোমাদিগকে সম্যক পুরস্কার দেওয়া যাইবে ইহা ভিন্ন নহে, পরন্তু যে ব্যক্তি নরকাগ্নি হইতে দূরীকৃত, এবং স্বর্গে সমানীত, পরে নিশ্চয় সে প্রাপ্তকাম হইল, সাংসারিক জীবন প্রবন্ধনার সম্পত্তি ভিন্ন নহে । ১৮৫ । অবশ্য তোমাদিগকে ধন ও জীবনবিষয়ে পরীক্ষা করা হইবে, এবং তোমাদের পূর্বে যাহাদিগকে গ্রন্থ দান করা হইয়াছে তাহাদিগ হইতে ও যাহারা অনেকেশ্বরবাদ প্রবর্তিত করিয়াছে তাহাদিগের হইতে প্রচুর তৃপ্তি পুনিবে ; ‡ যদি তোমরা সহিষ্ণু ও ধর্মভীরু হও, তবে নিশ্চয় ইহা সাহসের কাণ্ডা হয় । ১৮৬ । এবং (স্বরণ কর,) যখন গ্রন্থপ্রাপ্তলোকদিগকে ঈশ্বর অঙ্গীকার করাইলেন যে, অবশ্য তোমরা লোকের জন্ত তাহা ব্যক্ত করিবে এবং তাহা গোপন করিবে না, পরে তাহারা তাহা (সেই অঙ্গীকারকে) আপনাদের পৃষ্ঠে নিক্ষেপ করিল ও তৎপরিবর্তে স্বল্পমূল্য গ্রহণ করিল, পরন্তু তাহারা যাহা গ্রহণ করিতেছে তাহা নিরুপ্ত । ১৮৭ । তাহাদিগকে কখনও মনে করিও না যে, যাহা প্রদত্ত হইয়াছে তজ্জন্ত তাহারা আহ্লাদিত, এবং যাহা তাহারা করে নাই তজ্জন্ত প্রশংসিত হইতে ভালবাসে ; § পরন্তু কখন তাহাদিগকে শাস্তি হইতে

* তোমাদের হস্ত পূর্বে যাহা প্রেরণ করিয়াছে, ইহার অর্থ তোমরা পূর্বে যে দুর্ভিক্ষ করিয়াছ ।

† কোন কোন প্রেরিতের দ্বারা এই অলৌকিক ক্রিয়া হইয়াছিল যে, কোন দ্রব্য ঈশ্বরের বলিরূপে রাখা হইত, এক প্রকার অগ্নি আকাশ হইতে অবতীর্ণ হইয়া তাহা গ্রাস করিয়া কেলিত । তখনই জানা যাইত যে, সেই বলি ঈশ্বরকর্তৃক গৃহীত হইয়াছে । এখন ইহাদিগ চলন। করিয়া বলিতেছে যে, আমাদের প্রতি ঈশ্বরের আদেশ হইয়াছে, যাহা হইতে আমরা এইরূপ অলৌকিকতা দর্শন না করিব, তাহাকে যেন বিশ্বাস না করি । ইহা তাহাদের প্রবন্ধনা ভিন্ন নহে । এক এক সংবাদবাহক এক এক প্রকার অলৌকিকতা লাভ করিয়াছেন । সকলের এক প্রকার অলৌকিকতা কেন হইবে ?

(ত, কা,)

‡ প্রচুর তৃপ্তি পুনিবে, ইহার অর্থ, প্রেরিতপুরুষ ও ঈশ্বরের সম্বন্ধে অনেক দুঃখজনক কথা পুনিবে ।

(ত, হো,)

§ হজরত ইহাদিগের নিকটে কিছু জিজ্ঞাসা করিয়াছিলেন, তাহারা তাহার প্রকৃত উত্তর না দিয়া অস্ত কণা বলে, এবং এরূপ প্রকাশ করে যে, তাহারা সত্য উত্তর দান করিয়াছে, এবং তজ্জন্ত

রক্ষা পাওয়ার মধ্যে মনে করিও না, তাহাদের জন্ত দুঃখজনক শাস্তি আছে । ১৮৮ ।
এবং স্বর্গ ও মর্ত্যের রাজত্ব ঈশ্বরের ও তিনি প্রত্যেক বস্তুর উপর ক্ষমতাশালী । ১৮৯ ।
(র, ১২, আ, ২)

স্বর্গ মর্ত্যের স্বজনে ও দিবা রজনীর পরিবর্তনে অবশ্য বুদ্ধিমান লোকদিগের
জন্ত নিদর্শন সকল আছে * । ১২০ । তাহারা শয়নে ও উপবেশনে ও দণ্ডায়মানে
ঈশ্বরকে স্মরণ করে, এবং ভূমণ্ডলে ও নভোমণ্ডলের সৃষ্টিবিষয়ে চিন্তা করে, (বলে) “হে
আমাদের প্রতিপালক, তুমি ইহা নিরর্থক স্বজন কর নাই, পবিত্রতা তোমারই, অবশেষে
তুমি অগ্নিদণ্ড হইতে আমাদেরকে রক্ষা কর । ১২১ । হে আমাদের প্রতিপালক, তুমি
যাহাকে নরকায়িতে প্রবেশ করাইয়াছ, নিশ্চয় তাহাকে লাক্ষিত করিয়াছ, পরিশেষে
নিশ্চয় অত্যাচারীদিগের জন্ত সাহায্যকারী নাই । ১২২ । হে আমাদের প্রতিপালক,
নিশ্চয় আমরা বোষণাকারীকে শ্রবণ করিয়াছি, তিনি বিশ্বাসের দিকে ডাকিতেছেন যে,
আপন প্রতিপালকের প্রতি বিশ্বাসী হও, পরে আমরা বিশ্বাস স্থাপন করিয়াছি ; হে
আমাদের প্রতিপালক, অবশেষে আমাদের অপরাধ আমাদের জন্ত ক্ষমা কর, এবং
আমাদিগ হইতে মলিনতা সকল দূর কর, এবং আমাদিগকে সাধুতা সহকারে মৃত্যুগ্রস্ত
কর । ১২৩ । হে আমাদের প্রতিপালক, স্বীয় প্রেবিত পুরুষের দোষে তুমি আমাদের
সম্বন্ধে যে বিষয়ে অঙ্গীকার করিয়াছ, তাহা আমাদিগকে দান কর, কৈয়ামতের দিনে
আমাদিগকে লাক্ষিত করিও না, নিশ্চয় তুমি অঙ্গীকার বের অত্যাচার কর না ।” ১২৪ ।
অনন্তর তাহাদের ঈশ্বর তাহাদিগকে গ্রহণ করিলেন, (বলিলেন,) নিশ্চয় তোমাদের
মধ্যে স্ত্রী হউক কিম্বা পুরুষ হউক, আমি অত্যাচারকারীর অত্যাচার বিফল করি না,
তোমাদের কতক লোক কতক লোকের (তুলা,) ৭ পরস্পর যাহারা দেশান্তরে গিয়াছে ও
আপন গৃহ হইতে বহিষ্কৃত হইয়াছে ও আমার পথে প্রদীড়িত হইয়াছে, এবং যুদ্ধ করিয়াছে
ও হত হইয়াছে, একান্তই আমি তাহাদিগের অপরাধ তাহাদিগ হইতে দূর করিব,
এবং একান্তই আমি তাহাদিগকে স্বর্গে লইয়া যাইব, যাহার ভিতরে পয়ঃপ্রণালী সকল
তাহারা প্রশংসা পাইতে ইচ্ছা করে । তাহাতেই এই আরত অবতীর্ণ হয় । ১২৫ ।
কথবা কপট লোকদিগের
সম্বন্ধে অবতীর্ণ হয় : যথা তাহারা যুদ্ধে যোগদান করিতে বিরুদ্ধভাব প্রকাশ করিয়াছে, হজরত
প্রত্যাগমন করিলে তাহারা তদ্বিষয়ে নান। ছল কোশল করে ও প্রশংসা পাইতে অভিলাষী হয় ।
(ত, হো,)

* কোরেশগণ ইহাদিগকে জিজ্ঞাসা করিয়াছিল যে, মুসার আলৌকিক নিদর্শন কি ছিল ?
তাহারা হজরত মুসার বস্তু ভুল্লঙ্গরূপে পরিণত হওয়া ও হস্তে জ্যোতিঃ প্রকাশ পাওয়ার বিষয় বলিলেন ।
পরে ইসরাঈলিগের নিকটে ইসার আলৌকিক ক্রিয়ার বিষয় জিজ্ঞাসা করিলে, তাহারা হজরত ইসার
রোমীকে আরাগো ও যুদ্ধে স্ত্রীবন দান বিষয় বলিলেন । পরে মোসলমানদিগের নিকটে হজরতের
আলৌকিকতার বিষয় জিজ্ঞাসা করিলে এই আরত অবতীর্ণ হয় ।
(ত, হো,)

† ডোবরা কতক কতক লোকের তুলা, ইহার অর্থ পরস্পর তুলা ।

(ত, হো,)

প্রবাহিত ; ঈশ্বরের নিকট হইতে পুরস্কার হয়, এবং সেই ঈশ্বর, তাঁহার নিকটে উত্তম পুরস্কার আছে । ১২৫ । নগর সকলে ধর্ম্মদ্রোহীদিগের গমনাগমন তোমাকে যেন (হে মোহাম্মদ,) প্রতারণিত না করে * । ১২৬ । (এই) ভোগ ক্ষুদ্র, অতঃপর তাহাদের বাসস্থান নরক, এবং (উহা) মন্দ স্থান । ১২৭ । কিম্ব যাহারা আপন ঈশ্বরকে ভয় করিয়াছে, তাহাদের জগৎ স্বর্গলোক সকল, যাহার ভিতরে পয়ঃপ্রণালী সকল প্রবাহিত, তাহাতে তাহারা সর্বদা থাকিবে, ঈশ্বরের আতিথ্য (লাভ করিবে,) পরমেশ্বরের নিকটে যাহা মঙ্গল তাহা সাধুদিগের জগৎ হয় । ১২৮ । নিশ্চয় গ্রন্থাধিকারীদিগের মধ্যে যাহারা ঈশ্বরে ও তোমাদিগের প্রতি বাহা অবতীর্ণ হইয়াছে এবং তাহাদিগের প্রতি বাহা অবতীর্ণ হইয়াছে, তৎপ্রতি বিশ্বাস স্থাপন করিতেছে, তাহারা ঈশ্বরসম্বন্ধে বিনয়, ঈশ্বরের প্রবচনের বিনিময়ে ক্ষুদ্র মুনা গ্রহণ করে না ; এই তাহারা, যাহাদিগের পুরস্কার ঈশ্বরের নিকটে তাহাদের জগৎ আছে, নিশ্চয় ঈশ্বর বিচারে সাহর । ১২৯ । হে বিশ্বাসিগণ, ধৈর্য্য ধারণ কব, পরস্পরকে দূর রাপ ও নিবিষ্ট থাক, এবং ঈশ্বরকে ভয় কর, ভরসা যে তোমরা উদ্ধার পাইবে । ২০০ । (র, ২০, আ, ১১)

সূরা নেসা



চতুর্থ অধ্যায়

.....

১৭৭ আয়ত, ২৪ রক

(দাতা দয়ালু পরমেশ্বরের নামে প্রবৃত্ত হইতেছি ।)

হে লোক সকল, যিনি এক বাক্তি হইতে তোমাদিগকে সৃজন করিয়াছেন ও তাহা হইতে তাহার স্ত্রী সৃজন করিয়াছেন, এবং এই উভয় হইতে বহু পুরুষ ও নারী বিস্তার

* ধর্ম্মদ্রোহী পৌত্তলিক লোকগণ নগরে গমনাগমন করিয়া বাণিজ্যাদি করিতেছে ও ধন সম্পদ লাভ করিয়া অথ সজ্জন্দে আছে, বিশ্বাসী ও ধার্মিক লোকেরা দুঃখ দরিদ্রতার ক্রোশ ভোগ করিতেছে, উহা দেখিয়া তুমি প্রতারণিত হইবে না । তাহাদের অথ আনন্দ কথিক, ধার্মিকদিগের জন্য নিত্যা স্বর্ণ রহিয়াছে ।

(ত. কো.)

করিয়াছেন, তোমরা আপনাদের সেই প্রতিপালককে ভয় কর, এবং বাহার নামে পরস্পর যাক্কা করিয়া থাক, সেই ঈশ্বরকে ও বান্ধবতাকে ভয় কর, * নিশ্চয় ঈশ্বর তোমাদিগের পরিদর্শক হন। ১। এবং অনাধাদিগকে তাহাদের সম্পত্তি প্রদান কর, শুদ্ধতার সঙ্গে অশুদ্ধতার বিনিময় করিও না, এবং তাহাদের সম্পত্তিকে নিজের সম্পত্তির সঙ্গে যোগ করিয়া ভোগ করিও না, নিশ্চয় ইহা গুরুতর অপরাধ ৭। ২। এবং যদি তোমরা আশঙ্কা কর যে, অনাধাদিগের প্রতি ক্ষয় ব্যবহার করিতে পারিবে না, তবে তোমাদের যেকোন অভিকৃতি, তদনুসারে দুই, তিন ও চারি নারীর পাণিগ্রহণ করিতে পার; পরন্তু যদি আশঙ্কা কর যে ক্ষয় ব্যবহার করিতে পারিবে না, তবে এক নারীকে (বিবাহ করিবে,) অথবা তোমাদের দক্ষিণহস্ত বাহার উপর অধিকার লাভ করিয়াছে, তাহাকে (পত্নীস্থলে গ্রহণ করিবে,) ইহা অক্ষয় না করার নিকটবর্তী ৬। ৩। এবং

* মদিনাতে এই সূরার প্রকাশ হয়। বিভিন্ন বর্ণ ও আকৃতিসম্মত ঈশ্বর তোমাদিগকে এক আদমের শরীর হইতে উৎপাদন করিয়াছেন। তিনি সেই আদমের দেহ হইতে তাহার পত্নী হবাকে সৃজন করিয়াছেন। এরূপ প্রকাশ যে, হবা আদমের কুকাহি হইতে সৃষ্ট হইয়াছে। ঈশ্বর এই উভয় হইতে নর নারী বিস্তার করিয়াছেন, অর্থাৎ উত্তরোত্তর বংশবৃদ্ধি করিয়াছেন। ঈশ্বরের আজ্ঞার বিরুদ্ধাচরণ করিতে ঈশ্বরকে ভয় করিও। পরস্পর সাহায্য-লাভার্থ ও অনুগ্রহের জন্য বাহার নাম করিয়া প্রার্থনা করিয়া থাক, সেই ঈশ্বরকে এবং বান্ধবতাকে অর্থাৎ বন্ধুতা ও স্নেহ প্রেমের বাবাত হওয়ারকে ভয় করিও। (ত, হো,)

† এই আয়ত গংকানবংশীয় এক ব্যক্তির সম্বন্ধে অবতীর্ণ হয়। তাহার ভ্রাতা এক শিশু পুত্র রাখিয়া পরলোক গমন করিয়াছিল। সে ভ্রাতার সম্পত্তি অধিকার করে। ভ্রাতৃপুত্র বয়ঃপ্রাপ্ত হইয়া পিতৃধন তাহার নিকটে প্রার্থনা করিলে সে তাহা প্রদানে শৈথিল্য করিতে থাকে। তাহাতে হজরত মোহাম্মদের নিকটে এ বিষয়ে অভিযোগ উপস্থিত হয়। সেই উপলক্ষে হজরত এই প্রত্যাদেশ প্রাপ্ত হন। পরে গংকানী মহাপাপ হইতে ঈশ্বর আমাকে রক্ষা করুন বলিয়া ভ্রাতার সমুদায় সম্পত্তি ভ্রাতৃপুত্রকে প্রদান করে। (ত, হো,)

যে বালকের পিতার মৃত্যু হয়, তাহার অভিভাবকের উচিত যে, সেই বালক বয়ঃপ্রাপ্ত না হওয়া পর্যন্ত তাহার ধনে হস্তক্ষেপ না করে, বায়ে বিরত থাকিয়া তাহা সাবধানে রক্ষা করে, বালক বয়ঃপ্রাপ্ত হইলে সেই ধন তাহাকে বুঝাইয়া দেয়। (ত, কা,)

‡ একজন নিরাশ্রয় নারী এক ব্যক্তির আশ্রয়ে ছিল। সেই পুরুষ উক্ত নারীর সম্পত্তি রক্ষণ-বেক্ষণ করিতেছিল। পরে তাহার ইচ্ছা হইল যে, সেই স্ত্রীলোকটীকে বিবাহ করিয়া অনাধার প্রতি বাহা কর্তব্য ও তাহার জন্ত যেকোন নির্ধারণ করা উচিত তাহা করে। তাহার মন্ব স্বভাব ও অন্ত নানা কারণ উহার প্রতিবন্ধক হইল। মহামাফা আয়শার নিকটে কেহ ইহার প্রসঙ্গ করে, তাঁহাধারা হজরত ইহা শুনিতে পান, তাহাতেই এই আয়ত অবতীর্ণ হয়। যখন, অনাধাদিগের প্রতি ক্ষয় ব্যবহার করিতে না পারিলে তাহাকে বিবাহ করিবে না। দক্ষিণ হস্ত বাহার উপর অধিকার লাভ করিয়াছে, ইহার অর্থ, যে নারী তোমার অধিকারে আছে, বাহার উপর তুমি কর্তৃত্ব লাভ করিয়াছ। (ত, হো,)

তোমরা জীদিগকে সহর্ষে তাহাদের যৌতুক দান করিবে, পরন্তু যদি তাহারা আপনা হইতে সন্তোষপূরক তাহার কোন দ্রব্য তোমাদিগকে প্রদান করে, তবে সেই উপযুক্ত স্বরসদ্রব্য ভোগ কর। ৪। এবং নিজের সম্পত্তি, যাহা পরমেশ্বর তোমাদের অঙ্গ স্থির করিয়াছেন, অবোধদিগকে প্রদান করিও না; তাহা হইতে তাহাদিগকে খাওয়াইবে ও তাহাদিগকে পরাইবে, এবং তাহাদের প্রতি উত্তম কথা কহিবে *। ৫। এবং অনাথ-দিগকে বিবাহের যোগ্য হওয়া পর্য্যন্ত পরীক্ষা কর, পরে যদি তাহাদিগের যোগ্যতা প্রাপ্ত হও, তবে তাহাদের সম্পত্তি তাহাদিগকে সমর্পণ করিবে, এবং তাহারা বয়ঃপ্রাপ্ত হইয়া উঠিল বলিয়া তাহা সত্তর ও বাহুল্যরূপে ভোগ করিবে না; যাহারা ধনী, তাহারা অবশেষে ধৈর্য্য ধারণ করিবে, এবং অপিত যাহারা নিধন, তাহারা উপযুক্তরূপে ভোগ করিবে। পরে যখন তোমরা তাহাদিগের সম্পত্তি তাহাদিগের প্রতি সমর্পণ করিবে, তখন তাহাদের স্বন্ধে সাক্ষী গ্রহণ করিও, এবং ঈশ্বর প্রচর বিচারকারী। ৬। যাহা পিতা মাতা ও স্বগণ পরিত্যাগ করে, তাহা হইতে পুরুষের অংশ, এবং যাহা পিতা মাতা ও স্বগণ পরিত্যাগ করে, তাহা অল্প বা অধিক হউক, তাহা হইতে নারীর অংশ, (এরূপ) অংশ নির্দ্ধারিত হয়। ৭। এবং যখন বণ্টন হইবে, তখন স্বগণ ও নিরাশ্রয় এবং দরিদ্র উপস্থিত হইলে তাহাদিগকে তাহা হইতে দান করিবে, এবং তাহাদিগকে প্রিয় বাক্য বলিবে। ৮। যদি তাহারা দুর্বল সম্মান আপনাদের পশ্চাতে রাখিয়া যায়, তাহাদিগের

* অর্থাৎ তোমরা অবোধ বালকের সম্পত্তি তাহার হস্তে দিবে না, তাহার বয়ঃসীমা করিবে। বয়ঃপ্রাপ্ত হইয়া জ্ঞানলাভ করিলে সম্পত্তি তাহার হস্তে সমর্পণ করিবে। কিন্তু ততাকে প্রিয় বাক্য বলিবে, অর্থাৎ এইরূপ প্রবেশ দিবে যে, এই ধন তোমারই, আমার নয়, আমি কেবল তোমার হিতসাধন করিয়া থাকি। (ত, ফা)

নিজের সম্পত্তি, ইহার অর্থ, অনাথ নারী বা নিরাশ্রয় বালক বালিকার যে সম্পত্তির রক্ষণের ভার তোমরা প্রাপ্ত হইয়াছ তাতঃ। (ত, হা,)

+ পৌত্তলিকতার সময়ে আরব লোকদিগের এই নীতি ছিল যে, স্ত্রীলোকদিগকে ও শিশু বালকগণকে উত্তরাধিকারিণে সম্পূর্ণরূপে বঞ্চিত করা হইত, এবং লোকে বলিত, যাহার শত্রুর সঙ্গে যুদ্ধ করিতে পারে, অস্ত্রাঘাতে শত্রুকে পরাস্ত করিয়া তাহাদের ধন লুণ্ঠন করিতে হুকুম, তাহারা ই সম্পত্তির উত্তরাধিকারী হইবে। হরম্মত যখন মদিনায় চলিয়া যান, তখনও উত্তরাধিকারিণের এই নিয়ম ছিল। তৎপর এক দিন অম্বকহান্না একটা স্ত্রীলোক হজরতের নিকটে বাইয়া নিবেদন করিল যে, আমার স্বামী ওস্ বহু সম্পত্তি রাখিয়া পরলোকে গমন করিয়াছেন, আমার গর্ভসম্বৃত তাহার তিন শিশু কন্তা বিচ্ছিন্ন। ওসের পিতৃব্য পুত্রগণ আমাকে এবং সেই কন্তাগণকে বঞ্চিত করিয়া সমুদায় সম্পত্তি অধিকার করিয়াছে, আমরা অন্ন বস্ত্রে কষ্ট পাইতেছি। হজরত ওসের পিতৃব্য পুত্রদিগকে ডাকিয়া বিবরণ জিজ্ঞাসা করিলেন। তাহার উপরি উক্ত উত্তরাধিকারিণের নিয়ম জ্ঞাপন করিয়া সেই অস্ত্রাঘাতকে সমর্থন করিতে চেষ্টা করিল। এই উপলক্ষে এই আয়ত অবতীর্ণ হইল।

(ত, হা,)

(সেই বালকদিগের) সম্বন্ধে তাহাদের ভয় হওয়া উচিত : * পরন্তু উচিত যে, ঈশ্বরকে ভয় করে, এবং উচিত যে অটল বাক্য বলে । ৯ । নিশ্চয় যাহারা অত্যাচার করিয়া অনাথদিগের ধন ভোগ করে, তাহারা নিজের পাকস্থলীতে অগ্নি ভিন্ন ভোজন করে না, এবং অবশ্য তাহারা নরকে যাইবে । ১০ । (র, ১, আ, ১০)

তোমাদের সম্বন্ধে ঈশ্বর নির্ধারণ করিতেছেন যে, দুই জন কণ্ঠার অংশের অমুরূপ এক জন পুত্রের (অংশ) হইবে ; পরন্তু যদি দুইয়ের অধিক কণ্ঠামাত্র হয়, তবে যাহা (মৃত ব্যক্তি) পরিত্যাগ করিয়াছে, তাহার দুই তৃতীয়াংশ ভাগ তাহাদের জ্ঞাত হইবে, এবং যদি এক কণ্ঠা হয়, তবে তাহার জ্ঞাত অর্দ্ধাংশ । যদি তাহার সম্বন্ধ থাকে, তবে সে যাহা পরিত্যাগ করিয়াছে, তাহার ষষ্ঠাংশ তাহার পিতা মাতা উভয়ের প্রত্যেকের জ্ঞাত হইবে ; পরন্তু যদি তাহার সম্বন্ধ না থাকে, তবে তাহার পিতা মাতা তাহার উত্তরাধিকারী, কিন্তু তাহার মাতার জ্ঞাত তৃতীয় ভাগ, পরন্তু যদি তাহার কয়েক ভ্রাতা থাকে, তবে তাহার মাতার জ্ঞাত ষষ্ঠ ভাগ, (মৃত ব্যক্তি কর্তৃক) এ বিষয়ে যে নির্ধারণ করা হয়, সেই নির্ধারিত পূর্ণ হওয়ার পর, (ইহা হইবে,) অথবা তোমাদের পিতা ও তোমাদের সম্বন্ধগণের ঋণ পরিশোধ হওয়ার পর হইবে ; তোমরা জ্ঞাত নও যে, কল্যাণসাধনে তাহাদের মধ্যে কে তোমাদের অধিকতর নিকটবর্তী, (ইহা) ঈশ্বর কর্তৃক নিরূপিত, নিশ্চয় ঈশ্বর জ্ঞাত ও নিগূণ ৭ । ১১ । এবং যাহা তোমাদের জ্ঞান পরিত্যাগ করিয়াছে, তাহাদের সম্বন্ধ না থাকিলে তোমাদের নিমিত্ত তাহার অর্দ্ধাংশ, পরন্তু যদি তাহাদের সম্বন্ধ থাকে, তবে তাহারা যাহা পরিত্যাগ করিয়াছে তোমাদের জ্ঞাত তাহার চতুর্থাংশ, এ বিষয়ে যাহা নির্ধারণ করা হয় (ইহা) তাহা পূর্ণ হওয়ার অথবা ঋণ পরিশোধ হওয়ার পরে হইবে ; এবং তোমরা যাহা পরিত্যাগ করিয়াছ, যদি তোমাদের সম্বন্ধ না থাকে, তবে তাহাদিগের জ্ঞাত তাহার চতুর্থাংশ, পরন্তু যদি তোমাদের সম্বন্ধ

* অর্থাৎ পরে সম্বন্ধদিগের পক্ষে ক্ষতি না হয়, তোমরা তাহা ভাবিবে । (ত, ৯,)

+ এই আয়তে সম্বন্ধ এবং পিতা মাতা এই দুইয়ের উত্তরাধিকারিত্বের বিধি হইতেছে । যদি মৃত ব্যক্তির পুত্র এবং কণ্ঠাসম্বন্ধ থাকে, তবে দুই কণ্ঠার তুলা অংশ এক পুত্র প্রাপ্ত হইবে যদি কেবল কণ্ঠাসম্বন্ধ থাকে, তবে এক কণ্ঠাতলে অর্দ্ধাংশ, অধিক কণ্ঠাতলে দুই তৃতীয়াংশ সম্পত্তি তুল্যরূপে বিভাগ করিয়া লইবে । মৃত ব্যক্তির সম্বন্ধ ও অনেক ভ্রাতা ভগিনী থাকিলে তাহার মাতা ষষ্ঠাংশ পাইবে, এবং তাহার অভাব হইলে মাতা তৃতীয়াংশের অধিকারিণী । মৃত ব্যক্তির সম্বন্ধ থাকিলে পিতা ষষ্ঠাংশের অধিকারী । সম্বন্ধের অভাব হইলে পিতা মূলোত্তরাধিকারী হইবেন । মৃত ব্যক্তির সম্পত্তি প্রথমতঃ তাহার কোকন ও সমাধির কার্যে ব্যবহার করিবে, তৎপর তদ্বারা তাহার ঋণ পরিশোধ করিবে ; পরে যাহা কিছু উৎকৃত হয়, তাহার নির্ধারণ অনুসারে এক তৃতীয়াংশ ব্যয় করিবে । ইহার পরে যাহা থাকিবে, উত্তরাধিকারিণী তাহার বিভাগ হইবে । এই বিভাগ কার্যে বুদ্ধির অধিকার নাই, এ বিষয়ে ঈশ্বর নির্ধারণ করিতেছেন, তিনি সর্বাপেক্ষা হুবিজ্ঞ । (ত, ৯,)

থাকে, তবে যাহা তোমরা পরিত্যাগ করিয়াছ, তাহাদের জন্ত তাহার অষ্টমাংশ হইবে, তোমরা এ সম্বন্ধে যে নির্ধারণ কর, সেই নির্ধারণ পূর্ণ ও ঋণের পরিশোধ হওয়ার পর (ইহা) হইবে; এবং যাহা হইতে উত্তরাধিকার প্রাপ্ত হওয়া যায়, সে যদি নিঃসন্তান ও পিতৃহীন পুরুষ হয়, অথবা (তজ্রপ) নারী হয়, এবং তাহার এক ভ্রাতা ও এক ভগিনী থাকে, তবে উভয়ের প্রত্যেকের জন্ত ষষ্ঠাংশ, পরন্তু যদি এতদপেক্ষা অধিক হয় তবে তাহারা তৃতীয় অংশের মধ্যে অংশী হইবে, এ সম্বন্ধে যে নির্ধারণ করা হয়, সেই নির্ধারণ পূর্ণ হওয়ার পর বা কতিবিহীন ঋণ পরিশোধ হওয়ার পর (ইহা) হইবে, * পরমেশ্বর

* এস্থলে ভ্রাতা ভগিনীর উত্তরাধিকারিত্বের বিধি। এ বিষয়ে পিতা পুত্রের সঙ্গে ভ্রাতা ভগিনীর উত্তরাধিকারিত্ব বৰ্তে। ভ্রাতা ভগিনী প্রকৃত, অপ্রকৃত এবং বৈমাত্র এই ত্রিবিধ। এক পিতার ঔরসে, এক মাতার গর্ভে যে নর নারীর জন্ম, তাহারা পরস্পর প্রকৃত ভ্রাতা ভগিনী; যাহাদের মাতা এক, পিতা স্বতন্ত্র, তাহারা অপ্রকৃত ভ্রাতা ভগিনী; যাহাদিগের পিতা এক, মাতা স্বতন্ত্র, তাহারা পরস্পর বৈমাত্র ভ্রাতা ভগিনী; উত্তরাধিকারিত্বে এই তিনের সম্বন্ধ আছে। একজন হইলে ষষ্ঠাংশ, অনেকজন হইলে তৃতীয়াংশ পাইবে।* ইহার মধ্যে গ্রীপুরুষের তুল্যাধিকার। প্রকৃত ও বৈমাত্র ভ্রাতা ভগিনী উত্তরাধিকারিত্ব বিষয়ে ধনদামীর সম্ভানসদৃশ, পিতা ও সম্ভানের অভাব হইলে প্রথমতঃ প্রকৃত ভ্রাতা ভগিনীর, তৎপরে বৈমাত্র ভ্রাতা ভগিনীর অধিকার। এই সূরার অন্তর্ভাগে ইহাদের উত্তরাধিকারিত্ব বিবৃত আছে। অতঃপর আদেশ হইয়াছে যে, প্রথমতঃ মৃত ব্যক্তির অন্তিম নির্ধারণের প্রতি দৃষ্টি করিতে হইবে যে, অপরের কতি করা হইয়াছে কি না। কতি দুই প্রকারে হইয়া থাকে। এক, সম্পত্তির তৃতীয়াংশের অধিক বিতরণ করিয়া পরলোক প্রাপ্ত হওয়া, তৃতীয়াংশ পর্য্যন্তই বিতরণ করা প্রচলিত নিয়ম। দ্বিতীয়তঃ যে জন উত্তরাধিকারিত্বের অংশ পাইবে, পক্ষপাতী হইয়া তাহাকে তাহার প্রাপ্য অংশের অধিক দান করিয়া লোকান্তরিত হওয়া, ইহা গ্রাহ্য নহে। যদি সমুদায় উত্তরাধিকারী সম্মত হন, এই দুই নির্ধারণ রক্ষা করিতে পারেন, অন্যথা খণ্ডন করিতে সমর্থ। এই যে পাঁচ প্রকার উত্তরাধিকারিত্ব উক্ত হইল, ইহা সম্পত্তির অংশীদিগের জন্ত, এতত্ত্বিন্ন আর এক প্রকার উত্তরাধিকারী আছে, তাহাকে মূলোত্তরাধিকারী বলা যায়। উহাকে আরবা ভাষায় “অসব” বলে, তাহার জ্ঞান অংশ হয় না। প্রকৃত মূলোত্তরাধিকারী পুরুষ হইয়া থাকে, স্ত্রীলোক নয়। ইহা চারি শ্রেণীতে বিভক্ত। প্রথম শ্রেণীতে পুত্র ও পৌত্র, দ্বিতীয় শ্রেণীতে পিতা ও পিতামহ, তৃতীয় শ্রেণীতে ভ্রাতা ও ভ্রাতৃপুত্র, চতুর্থ শ্রেণীতে পিতৃব্য ও পিতৃব্যপুত্র এবং পিতৃব্যপৌত্র। এক এক শ্রেণীতে কতিপয় ব্যক্তি হইলে বাহার সঙ্গে মৃত ব্যক্তির ঘনিষ্ঠ সম্বন্ধ, সেই অগ্রগণ্য, যেমন পৌত্র অপেক্ষা পুত্র এবং ভ্রাতৃপুত্র অপেক্ষা ভ্রাতা, তৎপর বৈমাত্র ভ্রাতা অপেক্ষা প্রকৃত ভ্রাতা অগ্রগণ্য। অপর সম্ভান ও ভ্রাতৃগণের মধ্যে পুরুষের সঙ্গে নারীও মূলোত্তরাধিকারী হয়, অন্ত হলে নয়। যদি এই দুই প্রকার উত্তরাধিকারী না থাকে, তবে অন্ত প্রকার হইয়া থাকে, তাহা একগণ ঘনিষ্ঠ ঋণ বাহার সঙ্গে স্ত্রীলোকের সম্বন্ধ রহিয়াছে, এবং অন্ত অংশী নাই; যথা দৌহিত্র, মাতামহ, ভাগিনের, মাতুল, মাতৃঘনা, পিতৃঘনা এবং ইহাদের সম্ভান, ইহারাও মূলোত্তরাধিকারী হলে গণ্য।

(ত, কা,)

তৃতীয়াংশের অধিক ধন নির্ধারিত হইলে অন্তিম নির্ধারণে কতি, মৃতব্যক্তির বাহা নাই এমন কিছু দানে অঙ্গীকার করাতে ঋণে কতি।

(ত, হো,)

কর্তৃক নির্ধারিত, ঈশ্বর জ্ঞাতা ও প্রাপ্ত। ১২। এ সকল ঈশ্বর কর্তৃক নির্ধারিত, এবং যে ব্যক্তি ঈশ্বরের ও তাঁহার প্রেরিত পুরুষের অমুগত হইবে, সে স্বর্গে সর্বদা তথায় অবস্থানকারিরূপে নীত হইবে, যাহার (বৃক্ষের) নিম্নে পয়ঃপ্রণালী সকল প্রবাহিত, এবং ইহাই মহা চরিতার্থতা। ১৩। এবং যে ব্যক্তি ঈশ্বরের ও তাঁহার প্রেরিতপুরুষের অবাধ্য হয় ও তাঁহার নির্ধারিত সীমা উল্লঙ্ঘন করে, সে নরকায়িতে সর্বদা তথায় অবস্থানকারিরূপে নীত হইবে, এবং তাহার জন্ত মানিজনক শাস্তি আছে। ৪। (র, ২, আ, ৪)

এবং তোমাদের জীর্ণের মধ্যে যাহারা কুকার্ধে উপস্থিত হয়, পরে তোমরা তাহাদের সম্বন্ধে স্বজাতীয় চারি জনের সাক্ষ্য চাহিবে, যদি সাক্ষ্য প্রদত্ত হয়, তবে তাহাদিগকে শমন যে পর্যন্ত বিনাশ না করে অথবা ঈশ্বর তাহাদের জন্ত কোন পথ নির্ধারণ না করেন, সে পর্যন্ত গৃহে রুদ্ধ করিয়া রাখিবে *। ১৫। এবং তোমাদের মধ্যে যে দুই ব্যক্তি তাহাতে (সেই দুর্কর্মে) উপস্থিত হয়, তোমরা তাহাদিগকে শাস্তি দান করিবে, পরে যদি তাহারা প্রত্যাবর্তন করে, এবং সাধু হয়, তবে তাহাদিগ হইতে প্রতিনিবৃত্ত হইবে, নিশ্চয় ঈশ্বর প্রত্যাবর্তনকারী দয়ালু। ১৬। যাহারা অজ্ঞানতাবশতঃ দুর্কর্ম করে, তাহাদিগের প্রত্যাবর্তন গ্রহণ করা ঈশ্বরের পক্ষে, ইহা ভিন্ন নহে; তৎপর তাহারা সত্ত্বর প্রত্যাবর্তন করে, পরে ইহারাই, যে ঈশ্বর তাহাদের প্রতি প্রত্যাবর্তিত হন, ঈশ্বর জ্ঞাতা ও নিপুণ। ১৭। এবং যে ব্যক্তি পাপ কর্তৃক করিতে থাকে, তাহার জন্ত প্রত্যাবর্তন নাই, এ পর্যন্ত যখন তাহাদের কাহারও মৃত্যু উপস্থিত হয়, তখন সে বলে, নিশ্চয় আমি এক্ষণ প্রত্যাবর্তিত হইলাম, কিন্তু যাহারা মরিতে চলিয়াছে, তাহাদের জন্ত (প্রত্যাবর্তন) নহে, তাহারা কাকের, এই তাহারা, তাহাদের জন্ত আমি দুঃখজনক শাস্তির আয়োজন করিয়াছি †। ১৮। হে বিশ্বাসিগণ, বলপূর্বক জীর্ণের স্বত্ব গ্রহণ করা তোমাদের পক্ষে অবৈধ, স্পষ্ট দুষ্ক্রিয়ায় তাহাদের যোগ দেওয়া ব্যতীত তোমরা তাহাদিগকে যে কোন দ্রব্য দান করিয়াছ, তাহা গ্রহণপূর্বক পুনবিবাহে তাহাদিগকে নিষেধ করিও না, এবং বৈধরূপে তাহাদের সত্ত্ব করিবে; পরন্তু যদি তোমরা তাহাদিগকে অবজ্ঞা কর, তবে

* জীর্ণ ব্যক্তিচারের শাসনসম্বন্ধে এই বিধি হইল যে, চারি জন মোসলমান পুরুষের সাক্ষ্য দান আবশ্যক হইবে। এক্ষণ পর্যন্ত তাহার মীমাংসা হইল না, তদ্বিষয়ে অঙ্গীকার রহিল। পরে হুর-ম্মাতে উহার মীমাংসার আয়ত্ত অবতীর্ণ হইয়াছে। (ত, ফা,)

† দুই স্ত্রী পুরুষ-দুর্কর্ম করিলে এই সময়ে সামান্ত শাস্তিদানের আজ্ঞা হইল, প্রত্যাবর্তন করিলে অর্থাৎ অনুতাপ করিয়া পাপ হইতে নিবৃত্ত হইলে শাস্তিদানের নিষেধ হইল। পরে যখন ব্যক্তিচারীর শাসনের মীমাংসা বাক্য অবতীর্ণ হইল, তখনও এ বিষয়ে অন্য নির্ধারণ হয় নাই। এ বিষয়ে পণ্ডিতগণের ভিন্নমত, কাহারও মতে ইহাই সিদ্ধান্ত, কাহারও মতে শিরচ্ছেদন, কাহারও মতে অন্য কিছু।

(ত, ফা,)

‡ অর্থাৎ যখন মৃত্যু উপস্থিত হয়, তখন অনুতাপ গৃহীত হয় না, তাহার পূর্বে অনুতাপ হওয়া আবশ্যক। (ত, ফা,)

হয়ত। এমন এক বস্তুকে অবজ্ঞা করিলে, যে যাহাতে ঈশ্বর প্রচুর কল্যাণ করিয়া থাকেন *। ১৯। এবং যদি তোমরা এক স্ত্রীর স্থলে অল্প স্ত্রীর পরিবর্তন ইচ্ছা কর, এবং তাহাদের এক জনকে কেন্দ্রার (বহুধন) দান করিয়াছ, † তবে তাহা হইতে কিছুই গ্রহণ করিবে না, তোমরা স্পষ্ট অপলাপ ও অপরাধ করিয়া কি তাহা গ্রহণ করিবে? ২০। এবং কি প্রকারে তোমরা তাহা গ্রহণ করিবে? বস্তুতঃ পরস্পর তোমাদের এক জন হইতে অল্প জনের প্রতি স্বত্ব হইয়াছে ও তাহারা তোমাদিগের হইতে দৃঢ় অঙ্গীকার গ্রহণ করিয়াছে ‡। ২১। এবং যাহা নিশ্চয় অতীত হইয়াছে, তদ্ব্যতীত তোমাদের পিতৃগণ যে সকল নারীকে বিবাহ করিয়াছে, তোমরা তাহাদিগকে বিবাহ করিও না, ইহা দুর্কর্ম, আক্রোশবিশিষ্ট ও কুপথ §। ২২। (র, ৩, আ, ৮)

তোমাদের সম্বন্ধে তোমাদিগের মাতা, কন্যা ভগিনী, পিতৃমহা, মাতৃমহা, ভ্রাতৃপুত্রী, ভাগিনেয়ী, এবং যে ব্যক্তি তোমাদিগকে স্ত্রী দান করিয়াছে সে (ধাত্রী), এবং সহ-স্ত্রীপায়িনীরূপা ভগিনী, তোমাদের ভাৰ্য্যার মাতা ও যাহার সঙ্গ করিয়াছে সেই ভাৰ্য্যার যে কন্যা তোমাদের ক্রোড়ে (প্রতিপালিত) সে, (ইহার) অবৈধ; পরন্তু যদি তাহার সঙ্গে সহবাস না করিয়া থাক, তবে (সেই কন্যা) তোমাদের সম্বন্ধে দোষ নহে, এবং যাহারা তোমাদের গুরুসম্বন্ধে সেই তোমাদের পুত্রগণের ভাৰ্য্যা (অবৈধ), ও দুই ভগিনীর মধ্যে যোগ করা অবৈধ, কিন্তু যাহা গত হইয়াছে তাহা নয়, নিশ্চয় ঈশ্বর ক্ষমাশীল ও দয়ালু। ২৩।+ এবং সধবা নারী (অবৈধ), কিন্তু তোমাদের দক্ষিণ হস্ত যাহার উপর অধিকার লাভ করিয়াছে, ঈশ্বর তাহাকে তোমাদের সম্বন্ধে লিপি করিয়াছেন, এবং এ সকল ব্যতীত তোমাদের অল্প বিধি হইয়াছে যে, তোমরা আপন ধন দ্বারা (কাবিন যোগে) সুরক্ষক অব্যভিচারী হইয়া (বিবাহ) অগ্ৰেণ কর, অনন্তর যদ্বারা তোমরা সেই নারীগণ হইতে (বিবাহজ্ঞ) কল ভোগ করিলে, পরে উহা তাহাদিগকে তাহাদের নির্দ্ধারিত যৌতুকরূপে দান কর, এবং নির্দ্ধারণ করার পর যে বিষয়ে তোমরা পরস্পর

* এই আয়তে দুইটি বিধি, যথা স্বামীর মৃত্যুর পর স্ত্রী নিজের বিবাহবিবরণে স্বাধীন, মৃত ব্যক্তির ভ্রাতা তাহাকে বলপূর্বক বিবাহ করিতে ও অন্য পুরুষের সঙ্গে তাহার বিবাহে বাধা দিতে পারে না। সে ভয় দেখাইয়া ভ্রাতার প্রদত্ত ধন সেই স্ত্রী হইতে হস্তগত করিবার অধিকারী নহে। দ্বিতীয় বিধি এই যে, গভীর ভাবে স্ত্রীর সঙ্গে জীবন যাপন করিবে, তাহাদের মধ্যে মন্দভাব কিছু থাকিতে পারে, ভালও থাকিতে পারে, কুচরিত্রের সঙ্গে ব্যবহার করা উচিত নয়। (ত, কা,)

† ৬০ সের রৌপ্য বা স্বর্ণে এক কেন্দ্রার হয়।

‡ স্বামী যে স্ত্রীর সঙ্গ করিলেন, নহর অর্থাৎ ঔদাহিক দান সম্পূর্ণরূপে সেই স্ত্রীর অধিকারভুক্ত হয়, সেই দান প্রতিগ্রহণ করিয়া তাহাকে বিদায় কর; বাইতে পারে না। (ত, কা,)

§ যাহা হইয়াছে, সে বিষয়ে এক্ষণ কোন কথা নাই, অর্থাৎ পৌত্তলিকতার সময়ে তোমরা যে এ বিষয়ে নিবৃত্ত থাকিতে না, এসলামধর্মগ্রহণের পর আর সে অপরাধ রহিল না। এক্ষণ হইতে বিমাতাকে বিবাহ করিতে ক্ষান্ত থাকিবে। (ত, কা,)

সম্মত হও, তব্বিসয়ে তোমাদের সম্বন্ধে দোষ নাই, নিশ্চয় ঈশ্বর জ্ঞাতা ও নিপুণ * । ২৪ ।
এবং যদি তোমাদের মধ্যে কোন ব্যক্তি (অর্থাভাববশতঃ) এই ক্ষমতা প্রচুর প্রাপ্ত না
হয় যে স্বাধীন বিবাসিনী কন্যাকে বিবাহ করে, তবে তোমাদের বিবাসিনী দাসীদিগের
যাহাদিগকে তোমাদের দক্ষিণ হস্ত অধিকার করিয়াছে তাহাদিগকে (বিবাহ করিবে,)
এবং ঈশ্বর তোমাদের বিশ্বাস উত্তম জ্ঞাত, তোমরা পরস্পরের, † অতএব তাহাদের
প্রভুর আজ্ঞানুসারে তাহাদিগকে বিবাহ কর, এবং তাহারা অব্যভিচারিণী বিশ্বাস
হইলে ও গুপ্ত বন্ধু গ্রহণ না করিলে বিধিমতে তাহাদিগকে তাহাদের ঔদ্যাহিক দান প্রদান
কর ; পরন্তু যদি তাহারা (বিবাহে) আবদ্ধ হইয়া দুর্কর্মে উপস্থিত হয়, তবে তাহাদের
প্রতি স্বাধীন স্ত্রীর শাস্তির অর্ধেক (হইবে,) তোমাদের যে ব্যক্তি কুর্কর্মকে ভয় করে
তাহার ভয় ইহা, ধৈর্য ধারণ কর তবে তোমাদের মঙ্গল, এবং ঈশ্বর ক্ষমাশীল দয়ালু ।
২৫ (র, ৪, আ, ৩)

ঈশ্বর ইচ্ছা করিতেছেন যে, তোমাদের পূর্বে যাহারা ছিল, তাহাদের পথ
তোমাদিগের অগ্র ব্যক্ত করেন, ও তোমাদিগকে প্রদর্শন করেন, এবং তোমাদের প্রতি
প্রত্যাবর্তন করেন, ঈশ্বর জ্ঞাতা ও নিপুণ । ২৬ । এবং ঈশ্বর ইচ্ছা করিতেছেন যে, তিনি
তোমাদের প্রতি প্রত্যাবর্তন করেন, এবং যাহারা কুকামনার অত্মসরণ করে, তাহারা
ইচ্ছা করে যে, তোমরা মগ্ন কুটিলতায় কুটিল হও । ২৭ । এবং ঈশ্বর ইচ্ছা করেন যে,
তোমাদিগ হইতে (ভার) লঘু করিয়া লন, মনুষ্য দুর্বল সৃষ্ট হইয়াছে ‡ । ২৮ । হে
বিশ্বাসিগণ, তোমাদের পরস্পর সম্মতিক্রমে বাণিজ্য হওয়া ব্যতিরেকে তোমরা আপনা-
দের ধন অন্য়রূপে পরস্পরের মধ্যে ভোগ করিও না, এবং আপনাদের জীবনকে বধ
করিও না, নিশ্চয় ঈশ্বর তোমাদের প্রতি দয়াবান হন § । ২৯ । এবং যে ব্যক্তি

* সম্বন্ধে বিবাহ কর। অবৈধ, কিন্তু যদি সেই নারীর উপর অধিকার লাভ হয়, তবে তাহাকে
বিবাহ করিতে বিধি আছে। যেমন কোন পতিবিহীন নারী কাফের নারী বন্দী হইয়া হস্তগত হইয়াছে,
যিনি তাহার উপর অধিকার লাভ করিয়াছেন, তিনি তাহাকে বিবাহ করিতে পারেন। (ত, ফা,)

† তোমরা সম্মতিক্রমে বাণিজ্য এক আদমের বংশসম্ভূত বলিয়া পরস্পরের সম্বন্ধে সম্বন্ধ আছে।
(ত, হো,)

‡ বিবাহ বিষয়ে তোমরা লব্ধ হও, বিপদে না পড়, ঈশ্বর এরূপ ইচ্ছা করেন। (ত, হো)

§ হ্রোদযোগে ও দ্যাক্রীড়া, উৎকোচ, বিশ্বাসঘাতকতা, চৌধ্য, মন্দ ব্যবসায়, মিথ্যা শপথ,
অশ্লিষ্ট স্বভাবোপ ও সাক্ষাদান এবং বলপ্রয়োগ দ্বারা যে ধন উপার্জন করিয়া ভোগ করা হয়, তাহাই
অন্য় ভোগ। এ স্থলে “আপনাদের” অর্থ এই যে, প্রকৃত পক্ষে সমুদায় বিশ্বাসী এক, পরস্পর
আত্মীয়। “আপনাদের জীবনকে বধ করিও না” অর্থ্যং পাপকাণ্ড করিয়া কিছা অবৈধ বস্তু ভোগ
করিয়া অথবা ইচ্ছার অধীনতা স্বীকারে তাহার চরিতার্থতা সাধন করিয়া আপনাদের জীবনকে
নষ্ট করিও না। অজ্ঞান পৌত্তলিকগণ যেমন আপনাকে পুত্তলিকার উদ্দেশ্যে বলিদান করে, কিছা

দৌরাওয়া ও অত্যাচার দ্বারা ইহা করে, পরে অবশ্যই আমি তাহাকে নরকানলে আনয়ন করিব, ইহা ঈশ্বরের সন্ধে সহজ হয় * । ৩০ । যাহা নিষেধ করা বাইতেছে, সেই মহা (পাপ) হইতে যদি তোমরা বিরত থাক, তবে আমি তোমাদের দোষ সকল তোমাঙ্গিক হইতে দূর করিব, এবং তোমাঙ্গিকে গৌরবের নিকেতনে প্রবেশ করাইব † । ৩১ । ঈশ্বর যাহারা তোমাদের কাহাকে কাহার উপরে শ্রেষ্ঠতা দান করিয়াছেন, তোমরা তাহার আকাঙ্ক্ষা করিও না, পুরুষদিগের অস্ত্র তাহারা যাহা লাভ করিয়াছে তাহাতে স্বত্ব, নারীদিগের অস্ত্র তাহারা যাহা লাভ করিয়াছে তাহাতে স্বত্ব এবং ঈশ্বরের নিকটে তাঁহার করুণা প্রার্থনা কর, নিশ্চয় ঈশ্বর সর্বস্ব হন ‡ । ৩২ । এবং যাহা পিতা মাতা ও স্বগণ পরিত্যাগ করিয়াছে, আমি প্রত্যেকের অস্ত্র তাহার উত্তরাধিকারী নির্দ্ধারিত করিয়াছি ও যাহাদের সঙ্গে তোমরা অঙ্গীকারে বন্ধ হইয়াছ, পরে তাহাদিগকে তাহাদের স্বত্ব প্রদান করিবে, নিশ্চয় ঈশ্বর সর্বস্বাধী হন § । ৩৩ । (র, ৫, আ, ৮)

পুরুষ স্ত্রীলোকের উপর কর্তৃত্ব রাখে, ঈশ্বর তাহাদের এক জনকে অস্ত্র জনের উপর

মৃত্যুজনক বিপজ্জনক স্থানে আপনাকে স্থাপন করে, তোমরা দেহরূপ করিবে না । যাহা তোমাদের মৃত্যুর কারণ হয়, এরূপ কোন কার্য করিবে না ।

(ত, হো,)

* অর্থাৎ এই বহিরা অহঙ্কার করিও না যে, আমরা মোসলমান, আমরা কেন নরকে বাইব ?

তোমাঙ্গিকে নরকে প্রেরণ করা ঈশ্বরের পক্ষে সহজ ।

(ত, ফা,)

† কোর্-আনে বা হাদিসে যে পাপের অস্ত্র নরকভোগ স্পষ্ট উল্লিখিত হইয়াছে, ঈশ্বরের আক্ৰোশ ও নির্দ্ধারিত শক্তির কথা আছে, তাহাই মহাপাপ; যাহা করিতে নিষেধমাত্র হইয়াছে, তাহা সামান্য দোষ ।

(ত, ফা,)

‡ অর্থাৎ আরাশ প্রেরিত মহাপুরুষের নিকটে এইরূপ নিবেদন করিয়াছিলেন যে, পুরুষ ধর্ম-যুদ্ধের অধিকারী হইয়াছে, নারীগণ তাহার ফললাভে বঞ্চিত । পুরুষ নানা প্রকারে উপাধ্বন করিবার ক্ষমতা রাখে, নারীগণ দুর্বল ও তাহাদের অভাব প্রচুর, এমনতাবস্থায় তাহাদের অপেক্ষা পুরুষেরা উত্তরাধিকারিত্বের শিষ্টাংশ গ্রহণ করে, ইহা ভাবিয়া আমার আক্ষেপ হইতেছে । হায় ! আমি যদি পুরুষ হইতাম, তাহা হইলে আমি ধর্মযুদ্ধের পুণ্যের ও উত্তরাধিকারিত্বের তুল্যাংশের অধিকারী হইতাম । এতদুপলক্ষে এই আয়ত অবতীর্ণ হয় । ইহার ভাব এই, প্রত্যেকের আচরণের সঙ্গে কলের সঘনক রহিয়াছে, উভয়ের পবিত্রতা ও ধর্ম্মাচারের উপর পুণা নির্ভর করে । প্রত্যেকের স্বত্ব ও অংশ নির্দ্ধারিত রহিয়াছে । একজন অস্ত্র জনের পথ আকাঙ্ক্ষা করিবে না । ঈশ্বর সমুদায় জ্ঞানেন, তিনি বাহার বাহা প্রাপ্য, তাহা তাহাকে প্রদান করিয়া থাকেন ।

(ত, হো,)

§ অধিকাংশ লোক একাকী হজরতের নিকটে মোসলমান ধর্ম গ্রহণ করিয়াছিল । তাহাদের আত্মীয় স্বগণ কাকের ছিল । পরে হজরত দুই জন দুই জন মোসলমানকে পরস্পর ব্রাতৃত্ববন্ধনে বদ্ধ করিয়াছিলেন । তাহারা এক জন অস্ত্র জনের উত্তরাধিকারী হইয়াছিল । যখন তাহাদের জাতি হুত্ব মোসলমান হইল, তখন এই বাণী অবতীর্ণ হয় যে, স্বজন আত্মীয়গণ উত্তরাধিকারী, কিন্তু বাহাদিগের সঙ্গে তোমরা ব্রাতৃত্ববন্ধনে বদ্ধ, জীবদ্দশায় তাহাদিগের সঙ্গে সন্ধাব রাখিবে, মৃত্যুকালে তাহাদের অস্ত্র কিছু নির্দ্ধারণ করিবে ।

(ত, ফা,)

শ্রেষ্ঠতা দান করিয়াছেন বলিয়া, এবং তাহারা (পুরুষেরা) নিজের ধন ব্যয় করে বলিয়া ; পরন্তু সান্দ্বী নারীগণ বাধ্য হয়, তাহারা গোপনীয়ের (দাম্পত্য-ধর্মের) সুরক্ষিকা, ঈশ্বর সংরক্ষণ করিয়াছেন বলিয়া ; এবং তোমরা যে সকল নারীর অবাধ্যতা আশঙ্কা করিয়া থাক, তাহাদিগকে উপদেশ দান কর ও শয়নাগারে তাহাদিগকে যাইতে বারণ কর, এবং তাহাদিগকে প্রহার কর, যদি তাহারা তোমাদের অত্মগত হয়, তবে তাহাদের প্রতি কোন পথ অন্বেষণ করিও না ; নিশ্চয় ঈশ্বর শ্রেষ্ঠ ও মহান্ * । ৩৪ । অপিচ যদি (হে বিচারকগণ,) তোমরা উভয়ের মধ্যে বিরুদ্ধ ভাব আশঙ্কা কর, তবে পুরুষের স্বগণ হইতে এক জন মীমাংসাকারী ও স্ত্রীর স্বগণ হইতে একজন মীমাংসাকারী নিযুক্ত করিবে, যদি তাহারা মীমাংসা করিয়া দিতে ইচ্ছা করে, তবে ঈশ্বর উভয়ের প্রতি অত্মকূল হইবেন ; নিশ্চয় ঈশ্বর জ্ঞানী ও জ্ঞাতা হন । ৩৫ । এবং ঈশ্বরকে পূজা কর ও তাঁহার সঙ্গে কোন বস্তুকে অংশী করিও না, এবং পিতা মাতা, স্বগণ, নিরাত্ম্য, দরিদ্র, স্বজনপ্রতিবেশী, পরজনপ্রতিবেশী ও পার্শ্ববর্তী সঙ্গী এবং পরিত্রাজক, এ সকলের প্রতি এবং তোমাদের হস্ত যাহাদিগকে অধিকার করিয়াছে, তাহাদিগের প্রতি সদ্যবহার কর ; যাহারা অহঙ্কারী আত্মাভিমানী হয়, নিশ্চয় ঈশ্বর তাহাদিগকে প্রেম করেন না † । ৩৬ । + যাহারা কৃপণতা করে ও লোকদিগকে

* এক স্ত্রী অবাধ্য হইয়া স্বামীর প্রতি অত্যন্ত বিরুদ্ধ ব্যবহার করিয়াছিল। তাহাতে স্বামী নিতান্ত বিরক্ত হইয়া তাহাকে চপেটঘাত করে। স্ত্রী আপন পিতার নিকটে যাইয়া দুঃখ প্রকাশ করে ও পিতার সঙ্গে যোগ দিয়া হজরতের নিকটে উপস্থিত হয়, এবং তাহাকে স্বামীর প্রহারের বৃত্তান্ত জ্ঞাপন করে। হজরত প্রহারের বিনিময়ে স্বামীকে প্রহার করিতে আজ্ঞা করেন। পিতা ও কন্যা উভয়ে ইহার উল্লেখী হয়। হজরত ইতিমধ্যে প্রত্যাদেশ অবগত হইয়া কন্যা ও কন্যার পিতাকে ডাকিয়া বলেন যে, “আমি এক প্রকার কার্যের ইচ্ছা প্রকাশ করিয়াছি, এবং ঈশ্বর অত্মরূপ কার্যের ইচ্ছা করিয়াছেন। ঈশ্বরের বাহ্য অভ্যর্থনা, তাহাই কল্যাণজনক”। পুরুষ স্ত্রীলোকের ভরণপোষণকারী, সংরক্ষক, কার্যনির্বাহক, এজন্য স্ত্রীলোক অপেক্ষা পুরুষের শ্রেষ্ঠতা অধিক। পরন্তু বুদ্ধি, জ্ঞান, গাভীর্বা, বিবেচনা ও চিন্তাশক্তির আধিক্যবশতঃ এবং ধর্মযুদ্ধে, উপবাসব্রতে ও নানাপ্রকার উপাসনায় ও কঠোর সাধনায় প্রচুর যোগ্যতা লাভজন্য এবং ধনাধিকারিণী প্রাধান্যবশতঃ নারী অপেক্ষা পুরুষের শ্রেষ্ঠতা। সমুদায় ধর্মপ্রবর্তক ও আচাৰ্য্য পুরুষ। সমুদায় উন্নত বিষয়ে পুরুষ শ্রেষ্ঠ ও উন্নত। “নারী গোপনীয়ের সংরক্ষিকা” এক কথার অর্থ, দাম্পত্যধর্মের, সতীত্ব ও পবিত্রতার পালয়িত্রী। নারীদিগকে এরূপ প্রহার করিবে না, যাহাতে তাহাদের কোন অঙ্গ আহত ও ইন্দ্রিয় বিকৃত হয়। যাহাতে তাহাদের অন্তর কোমল হয়, তাহার দাম্পত্যধর্মের সম্মান রক্ষা করিতে পারে, প্রথমতঃ তাহাদিগকে এরূপ উপদেশ ও শিক্ষা দিবে। অবাধ্যতার আশঙ্কা হইলে উপদেশ, অবাধ্যতা প্রকাশ পাইলে ভিন্ন শয্যায় শয়ন করিতে দেওয়া, পুনঃ পুনঃ অবাধ্যতাচরণ হইলে সামান্য প্রহার বিধি।

(ত, হে.)

+ প্রথমতঃ ঈশ্বরের প্রতি, পরে পিতামাতার প্রতি কর্তব্য পালন, এইরূপ ক্রমাগত স্বজন প্রতিবেশী ও পরজন প্রতিবেশী প্রভৃতির প্রতি কর্তব্য-পালন বিধি। প্রতিবেশী পরজন অপেক্ষা প্রতিবেশী

কুপণ হইতে বলে, এবং ঈশ্বর নিজকুপাণ্ডে তাহাদিগকে যাহা দান করিয়াছেন তাহা গোপন করে, (ঈশ্বর তাহাদিগকে প্রেম করেন না,) এবং আমি কাকেরদিগের জন্ত মানিজনক শাস্তি প্রস্তুত করিয়া রাখিয়াছি। ৩৭। এবং যাহারা লোকদিগকে প্রদর্শনের দ্বারা নিজের ধন ব্যয় করে এবং পরমেশ্বরে ও পরকালে বিশ্বাস রাখেনা, (তাহাদের প্রতি ঈশ্বর অগ্রসর) এবং শয়তান যে ব্যক্তির বন্ধু (সে তাহার) কুবন্ধু *। ৩৮। এবং যদি তাহার ঈশ্বরকে ও পরকালে বিশ্বাস করিত ও ঈশ্বর যাহা উপজীবিকারূপে তাহাদিগকে দিয়াছেন তাহা হইতে ব্যয় করিত, তবে তাহাদের সম্বন্ধে কি (ক্ষতি) ছিল; এবং পরমেশ্বর তাহাদিগকে জ্ঞাত আছেন। ৩৯। নিশ্চয় ঈশ্বর বিন্দু পরিমাণও অত্যাচার করেন না, এবং যদি সংকার্য্য হয়, তবে তিনি তাহাকে দ্বিগুণ করেন এবং আপনার নিকট হইতে মহাপুরস্কার দান করিয়া থাকেন। ৪০। অনন্তর কেমন হইবে, যখন আমি প্রত্যেক সম্প্রদায় হইতে সাক্ষী উপস্থিত করিব, এবং ইহাদের প্রতি তোমাকে সাক্ষী আনয়ন করিব †? ৪১। যাহারা ধর্ম্মবিহীন হইয়াছে ও প্রেরিত পুরুষের সম্বন্ধে অপরাধ করিয়াছে, তাহার সে দিবস ইচ্ছুক হইবে যেন তাহাদের উপর ভূমি সমতা প্রাপ্ত হয় ও তাহার ঈশ্বর হইতে কোন কথা গোপন রাখিতে পারিবে না ‡। ৪২। (র, ৬, আ, ২)

হে বিশ্বাসিগণ, তোমরা মত্ততাবস্থাপন্ন হইয়া যাহা বলিয়া থাক, তাহা বোধ হওয়া পর্য্যন্ত এবং পথপর্য্যটনকারী হওয়া ব্যতিরেকে গুরুক্ষরণের অবস্থায় ন্মান করা পর্য্যন্ত নমাজের নিকটে যাইও না; এবং যদি তোমরা পীড়িত হও বা পর্য্যটনে প্রবৃত্ত থাক, অথবা তোমাদের কেহ শৌচাগার হইতে আগমন করে, কিম্বা তোমরা ক্রীসঙ্গ কর, তখন জল প্রাপ্ত না হও, তবে বিশুদ্ধ মৃত্তিকার চেষ্টা করিও, পরে তাহা আপনাদের মুখে ও

স্বজনের সম্বন্ধে কর্তব্য গুরুতর। তৎপর সহচর অর্থাৎ যাহারা এক কার্য্যে সহযোগী, যথ এক শিক্ষকের দুই ছাত্র, এক প্রভুর দুই ভৃত্য। যাহারা আশ্রয়িত, অহঙ্কারী, আশ্রয়িতা কোন ব্যক্তিকে গণ্য করে না, সে সকল লোকই ইহাদের প্রতি কর্তব্যপালনে বিশ্বাস হয়। (ত, ক',)

* অর্থাৎ ধনদানে কুপণতা করা ঈশ্বরের নিকটে যেসকল গণিত, সংকার্য্যপ্রদর্শনের জন্ত দান করাও তদ্রূপ। যাহার যে স্বয়ং, তাহাকে তাহা পূর্ব্বোক্তরূপ সাধিক ভাবে দান করিলে ঈশ্বরের নিকটে গৃহীত হয়। পরকালে আশা ও ঈশ্বরের প্রতি বিশ্বাস রাখিয়া দান করিবে। (ত, ক',)

† প্রেরিতপুরুষ আপন মণ্ডলীস্থ লোকের বাক্য ও কার্য্যকলাপের সাক্ষ্য দান করিবেন। (ত, হো,)

‡ বিচারের দিনে প্রত্যেক মণ্ডলীর ও প্রত্যেক যুগের লোকদিগের অবস্থা সেই যুগের প্রেরিত পুরুষের ও সাধু পুরুষদিগের নিকটে ব্যক্ত করা যাইবে। বিরোধীর বিরুদ্ধ ভাব, সাধকের সাধনা বিবৃত হইবে। তখন বিরোধী লোকের ইচ্ছা করিবে যে, আমরা স্বস্তিকার সঙ্গে মিশিয়া যাই, আমরা এরূপ আচরণ না করিলে ভাল ছিল। (ত, ক',)

আপনাদের হস্তে আর্ঘ্য করিও, নিশ্চয় ঈশ্বর মার্জ্জনাকারী ও ক্ষমাকারী *। ৪৩।
 বাহাদিগকে গ্রন্থের অংশ দেওয়া গিয়াছে, তুমি কি তাহাদিগকে দেখ নাই? তাহারা
 পথভ্রান্তিকে ক্রয় করিতেছে, এবং ইচ্ছা করিতেছে যে তোমরাও পথভ্রান্ত হও। ৪৪।
 এবং ঈশ্বর তোমাদের শত্রুদিগকে উত্তম জ্ঞাত ও ঈশ্বরই (তোমাদের) যথেষ্ট বন্ধু,
 ঈশ্বরই যথেষ্ট সাহায্যকারী। ৪৫। ইহুদিদিগের কতক লোক প্রবচনকে তাহার স্থান
 হইতে পরিবর্তিত করিয়া থাকে, এবং তাহারা (ভাবের রসনায়) বলিয়া থাকে যে,
 আমরা শুনিয়াছি ও গ্রাহ্য করি নাই, এবং শ্রোতা না হইয়া (বলিয়া থাকে) শ্রবণ কর,
 আপনাদের রসনায় “রা আনাকে” জড়িত করে, † এবং ধর্ম্মেতে গর্ব্ব করিয়া থাকে, যদি
 তাহারা শ্রবণ করিলাম ও গ্রাহ্য করিলাম এবং শ্রবণ কর, আমাদিগের প্রতি মনোযোগ
 কর বলিত, তবে অবশ্য তাহাদের পক্ষে উত্তম ও সরল ভাব ছিল; কিন্তু তাহাদের
 ধর্ম্মভ্রোহিতার জন্য তাহাদিগকে ঈশ্বর অভিসম্পাত করিয়াছেন, পরন্তু তাহারা অল্প
 বাতিরেকে বিশ্বাস করে না। ৪৬। হে গ্রন্থপ্রাপ্ত লোক সকল, তোমাদের সঙ্গে যাহা
 (যে গ্রন্থ) আছে, আমি তাহার সত্যতার প্রতিপাদক, আমি যাহা অবতারণ করিয়াছি,
 মুখমণ্ডল বিলুপ্ত হওয়ার পূর্বে তাহাতে বিশ্বাস স্থাপন কর, পরে আমি তাহা তাহার

* একদিন ওয়কের পুত্র অবদোরহমাণের আলয়ে কতিপয় ধর্ম্মবন্ধু মিলিয়া মুরাপানে প্রবৃত্ত
 হইয়াছিলেন। তখন মুরাপান নিষিদ্ধ হয় নাই। তাহারা মুরাপানে মত্ত ও বিহ্বল হইয়া উঠিলে
 আজ্ঞানের ধ্বনি শ্রবণ করেন, সকলে বাইয়া নমাজে যোগ দেন। যিনি এমাম (আচার্য্য) ছিলেন,
 তিনি অধিক পান করিয়া অতিশয় বিহ্বল হইয়াছিলেন। তিনি নমাজের এক বচনস্থলে অস্ত্র বচন
 পড়িতে লাগিলেন। তাহাতেই “মত্ততাবস্থাপন্ন হইয়া যাহা বলিয়া থাক, তাহা বোধ হওয়া পয্যন্ত
 নমাজের নিকটে বাইও না” এই বাণী অবতীর্ণ হয়। মুরাসেবনে বা অস্ত্র কোন মাদকদ্রব্যসেবনে
 মত্ত হইয়া কেবল নমাজের নিকটে, মসজিদে যাওয়া নিষেধ তাহা নয়, তদবস্থায় সকল প্রকার সাধনায়
 প্রবৃত্ত হওয়াই নিষেধ। এমামশাকির মতে পুরুষের কোন অঙ্গ পরাজনার অঙ্গে স্পৃষ্ট হইলে উভয়বিধ
 অজু অসিদ্ধ হয়। এমাম মালেকের মতে কামভাবে নারীর অঙ্গ স্পর্শ করিলে অজু অসিদ্ধ হয়,
 এমাম আজমের মতে স্ত্রীসঙ্গ হইলে অসিদ্ধ। (ত, ক,)

কোন যুদ্ধযাত্রার কালে এই আয়ত অবতীর্ণ হয়। রাত্রিকালে এসলাম সৈন্য এক জলশূন্য স্থানে
 শিবির স্থাপন করেন। রজনী প্রভাত হওয়ার পূর্বে তথা হইতে যাত্রা করিবেন, তাহাদের একরূপ
 ইচ্ছা ছিল; তাহা হইলে নমাজের সময়ে কোন জলাশয়ের নিকটে উপনীত হইতে পারিবেন।
 ঘটনাক্রমে আর্ঘ্য আরাশার মুক্তার হার হারাইয়া যায়। তাহার অন্বেষণে বিলম্ব হয়, হৃদ্যোদয়
 হইয়া পড়ে। উপাসকগণ মহাত্মা আবুবেকরের নিকটে এজ্ঞা দুঃখ প্রকাশ করেন। তিনি আর্ঘ্য
 আরাশার পটমণ্ডপে বাইয়া তথায় হজরতকে নিদ্রাবস্থায় প্রাপ্ত হন। স্বীয় দুহিতা আরাশাকে এই
 বিলম্বের কারণে অনেক অনুযোগ করেন। ইতিমধ্যে প্রেরিতপুরুষ জাগরিত হন। তিনি সহচরদিগকে
 রান ও বিবর দেখিয়া আধ্যাত্মিক জগতের প্রতি অন্তর স্থাপন করেন। তাহাতেই যে স্থানে জলের
 অভাব হইবে, সে স্থানে বিপুল যুক্তিকার চোঁটা কর, এইরূপ বাণী অবতীর্ণ হয়। (ত, হো,)

† বক্তা মুরার “রা আনা” উক্তির বিশেষ বুভুক্ষু বিবৃত হইয়াছে।

পৃষ্ঠের দিকে ফিরাইব, অথবা শনিবাসরীয় লোককে যেকোন অভিসম্পাত করিয়াছি, তাহাদিগকে সেইরূপ অভিসম্পাত করিব; ঈশ্বরের কার্য সম্পাদিত হয় *। ৪৭। নিশ্চয় ঈশ্বর তাহার সঙ্গে অংশী স্থাপন করাকে ক্ষমা করেন না, এতদ্বিধা যাহাকে ইচ্ছা হয় ক্ষমা করেন; এবং যে ব্যক্তি ঈশ্বরের সঙ্গে অংশী করিয়াছে, নিশ্চয় সে মহা অপরাধকে বাধিয়া লইয়াছে। ৪৮। যাহারা আপন জীবনকে শুদ্ধ বলিতেছে, তুমি কি তাহাদের প্রতি দৃষ্টি কর নাই? বরং ঈশ্বর যাহাকে ইচ্ছা হয় শুদ্ধ করিয়া থাকেন, এবং তাহারা একটি সূত্র পরিমাণও অত্যাচারিত হইবে না। ৪৯। দেখ (হে মোহম্মদ,) কেমন তাহারা ঈশ্বরের প্রতি অসত্যকে সম্বন্ধ করিতেছে, এবং এই স্পষ্ট অশরাদ্ধই যথেষ্ট। ৫০। (র, ৭, আ, ৮)

যাহাদিগকে গ্রন্থের স্বত্ব প্রদত্ত হইয়াছে, তুমি কি (হে মোহম্মদ,) তাহাদিগের প্রতি দৃষ্টি কর নাই? তাহারাও জেবত ও তাওহতের প্রতি বিশ্বাস স্থাপন করিয়াছে, এবং তাহারা কাকেরদিগের সম্বন্ধে বলিয়া থাকে, যাহারা পথে বিশ্বাস স্থাপন করিয়াছে, তাহাদিগের অপেক্ষা এই সকল লোক অধিক পথদর্শী †। ৫১। এই তাহারাই যাহাদিগকে ঈশ্বর অভিসম্পাত করিয়াছেন, এবং যাহাকে ঈশ্বর অভিসম্পাত করেন, পরে তুমি তাহার

* হজরত মোহম্মদ কয়েকজন ইহুদি জ্ঞানবান লোককে ডাকাইয়া বলিয়াছিলেন, “হে ইহুদি-বন্ধুগণ, ঈশ্বরকে ভয় কর, এসলাম ধর্মরূপ বৃত্তের পরিধিতে পদ স্থাপন কর, ঈশ্বরের নামে শপথ করিয়া বলিতেছি যে, আমি এই বাক্য ও আজ্ঞা সৃষ্টিকর্তা পরমেশ্বর হইতে তোমাদের নিকটে উপস্থিত করিয়াছি। তিনি সত্য, তিনি তোমাদিগকে তওরাত গণ্ডে আমার তত্ত্ব জ্ঞাপন করিয়াছেন, এবং আমার প্রতি বিশ্বাস স্থাপন করিবার জন্য তোমাদিগকে অঙ্গীকারে বদ্ধ করিয়াছেন।” তাহারা এই কথা শুনিয়া বিবেচনামতঃ বলিল, “আমরা তোমার পরিচয় রাখি না, তোমার ও কোর্-আনের বর্ণনা অবগত নহি।” তাহাতেই এই অয়ত অবতীর্ণ হয়। মুখমণ্ডল বিলুপ্ত হওয়ার অর্থ এই, চক্ষু জড়িত নাসিকাদির কোন চিহ্ন থাকিবে না। “তাহা তাহার পৃষ্ঠের দিকে ফিরাইব” অর্থাৎ মুখমণ্ডলকে পৃষ্ঠদেশের দিকে স্থাপন করিব, তাহাতে তাহাদের মুখ পশ্চাদিকে থাকিবে। এ স্থলের “শনিবাসরীয় লোক” তাহারা, যাহারা ঈশ্বরের আজ্ঞা অমান্য করিয়া শনিবারে মৎস-শিকারে প্রবৃত্ত হইরাছিল।

(ত, হো,)

† কোরেশবংশীয় কতিপয় প্রধান ব্যক্তি মক্কা নগরে এক সভায় বলিয়াছিলেন, “আমাদের ধর্মপ্রণালী এই যে, আমরা কাবাদর্শনে আগত যাত্রিকদিগের আতিথ্যসংকার করিয়া থাকি, কাবাকে জঞ্জালমুক্ত রাখি, আত্মীয়স্বগণের প্রতি সন্তান প্রকাশ করি, মানবীয় পিতৃপিতামহের রীতি অনুসারে প্রতিমাপূজায় রত আছি। সম্প্রতি মোহম্মদ এক ধর্ম সৃষ্টি করিয়াছে, মনঃকলিত কথা ও রীতি নীতিকে ধর্ম বলিতেছে, সে আমাদের পৈতৃক ধর্মের নিষ্কা করে, এবং আমাদের কাকের এবং অজ্ঞান বলে।” সভায় ইহুদিগণ এই সকল কথা শুনিয়া বলিল, “তোমাদের ধর্ম অতিশয় সত্য, এবং তোমাদিগের রীতি নীতি বিশুদ্ধ।” তখন কোরেশদলপতি আবুহুজিফান বলিল, “আমরা এক সময়ে তোমাদের ধর্মে বিশ্বাস স্থাপন করিব। এক্ষণ তোমরা আমাদের প্রতিমা সকলকে প্রণাম কর।” তখন ইহুদিরা কোরেশদিগের উপাস্ত প্রতিমা ধ্বংস ও তাণ্ড্যতক প্রণাম করিল, এবং বলিল,

জগৎ সাহায্যকারী পাইবে না। ৫২। তাহাদের জগৎ কি রাজত্বের স্বত্ব আছে? (যদি স্বত্ব লাভ করে) তবে সেই সময়ে তাহারা লোকদিগকে ঋজুরের খোঁসা পরিমাণও দান করিবে না। ৫৩। ঈশ্বর নিজ করুণাশ্রুতিতে তাহাদিগকে যাহা দান করিয়াছেন, তদুপলক্ষে কি তাহারা লোকের প্রতি বিবেচনা করে? অনন্তর নিশ্চয় আমি এব্রাহিমের সন্তানদিগকে গ্রন্থ ও জ্ঞান দান করিয়াছি, এবং তাহাদিগকে প্রকাণ্ড রাজত্ব দিয়াছি। ৫৪। অবশেষে তাহাদের কোন লোক তৎপ্রতি (গ্রন্থের প্রতি) বিশ্বাস স্থাপন করিয়াছে, এবং তাহাদের কোন লোক তাহা হইতে বিমুখ হইয়াছে, (তাহাদের জগৎ) প্রদীপ্তানল নরক যথেষ্ট *। ৫৫। নিশ্চয় যাহারা আমার নিদর্শন সকলের বিরুদ্ধাচারী হইয়াছে, আমি অবশ্য তাহাদিগকে অনলে প্রবেশ করাইব, যখন তাহাদের চর্ম দগ্ধ হইবে, তখন তাহার বিনিময়ে তাহাদিগকে অল্প চর্ম দান করিব, যেন তাহারা শাস্তির আশ্বাস প্রাপ্ত হয়; নিশ্চয় ঈশ্বর পরাক্রান্ত নিপুণ হন। ৫৬। এবং যাহারা বিশ্বাসী হইয়াছে ও সংকল্প করিয়াছে, অবশ্য আমি তাহাদিগকে স্বর্গোচ্চানে লইয়া যাইব, যাহার নিম্নে পয়ঃপ্রণালী সকল প্রবাহিত, তাহাতে তাহারা চির অধিবাসী হইবে; তথায় তাহাদের জগৎ সাক্ষী নারী সকল থাকিবে, এবং আমি তাহাদিগকে শাস্তিযুক্ত ছায়াতে প্রবেশ করাইব †। ৫৭। নিশ্চয় ঈশ্বর তোমাদিগকে আদেশ করিতেছেন যে, তোমরা গচ্ছিত সামগ্রী তাহার স্বামীকে ফিরাইয়া দেও, এবং যখন তোমরা লোকের মধ্যে আজ্ঞা প্রচার করিবে, তখন জ্ঞানানুসারে আজ্ঞা করিবে, নিশ্চয় ঈশ্বর তোমাদিগকে যে উপদেশ দান করেন তাহা উত্তম, ঈশ্বর শ্রোতা ও দ্রষ্টা হন ‡। ৫৮। হে বিশ্বাসিগণ, তোমরা পরমেশ্বরের

পথে বিশ্বাসস্থাপনকারী লোক অপেক্ষা অর্থাৎ মোসলমানদিগের অপেক্ষা ইহার অধিক পথদর্শী।
ঈশ্বর ইহুদিদিগের এই কপটতা ও অধর্মাচারের সংবাদ দিতেছেন। (ত, হো,)

* পরমেশ্বর সর্বদা এব্রাহিমের বংশের মহত্ব রক্ষা করিয়া আসিয়াছেন, এক্ষণও তাঁহার বংশের মহত্ব আছে। অবিবেচক লোকেরা তাহা স্বীকার করে না। (ত, ফা,)

† তাহাই শাস্তিযুক্ত ছায়া সূর্য্য বাহাকে নষ্ট করিতে পারে না। আরবদেশে সূর্য্যোত্তাপ অতিশয় প্রখর। তদ্বশে নিবাসীরা ছায়াকে অত্যন্ত সুখের সামগ্রী বলিয়া জানেন। এ স্থলে ছায়া নিত্য সুখশাস্তি। যদি কেহ বলে স্বর্গলোকে সূর্য্য নাই, তাহার সম্ভাপজনক উত্তাপ নাই, তবে এইরূপ ছায়ার উল্লেখ কেন? ইহার তাৎপর্য্য কি? এই ছায়ার অর্থ, বিশ্বাসীদিগের প্রতি ঈশ্বরের আশ্রয় ও তাঁহার করুণা। উহা সর্বদা স্বর্গবাসীদিগের মস্তকে স্থাপিত থাকিবে, সেই ছায়ার অভাব হইবে না। (ত, হো,)

‡ যে দিবস মক্কা জয় হইল, সে দিবস হজরত মোহাম্মদ তল্‌হার পুত্র ওসমানের নিকটে কাবা মন্দিরের কুক্কা চাহিয়া পাঠাইলেন। কুক্কা তাহার মাতা সলাকার নিকটে ছিল। ওসমান সলাকার নিকটে বাইয়া তাহা চাহিল। সলাকা অসম্মত হইয়া বলিল যে, “এই কুক্কা তোমা হইতে গ্রহণ করা হইবে, কিন্তু তোমাকে ফিরিয়া দেওয়া হইবে না। আবদোদারের সময় হইতে উত্তরাধি-কারপুত্রে ইহা আমাদের হস্তে আছে।” ওসমান অনেক অনুরোধ করিয়াও জননী হইতে কুক্কা

আজ্ঞাবহ হও, এবং প্রেরিত পুরুষের এবং তোমাদের আজ্ঞাপ্রচারকের আজ্ঞাবহ হও ; পরন্তু যদি তোমরা কোন বিষয়ে বিরোধ কর, ঈশ্বরে ও পরকালে বিশ্বাসী থাকিলে তাহা ঈশ্বরের দিকে ও প্রেরিত পুরুষের দিকে উপস্থিত কর, ইহা উত্তম এবং পরি-
ণামানুসারে অত্যন্তম *। ৫২। (র, ৮, আ, ২)

গ্রহণ করিতে পারিল না। হজরত মস্জিদোলহরামের দ্বারে কুকিয়ার প্রতীক্য করিতেছিলেন, বিলম্ব দেখিয়া আবুবেকর ও ওমর সলাকার গৃহদ্বারে বাইরা ওসমানকে ডাকিয়া বলিলেন, “ওসমান দীর্ঘ চলিয়া আইন, হজরত অনেকক্ষণ প্রতীক্য করিলেন।” তখন সলাকা কুকিা পুত্রকে দান করিয়া বলিল, “ভাল তুমি গ্রহণ কর, পরে ইহা প্রতিগ্রহণ করিবে।” অনন্তর ওসমান চাবি আনিয়া হজরতের নিকটে উপস্থিত করে। হজরত হস্ত প্রসারণ করিয়া তাহা গ্রহণ করিতে উদ্ধত হইবামাত্র আক্বাস উঠিয়া বলিলেন, “আর্য্য, জমজমের জলদানের ভার যেমন আমার প্রতি অর্পিত হইরাছে, মন্দিররক্ষকতার ভারও অর্পিত হউক।” ওসমান এই কথা শুনিয়া হস্ত সঙ্কুচিত করিল। হজরত বলিলেন, “ওসমান, কুকিা আমার হস্তে দান কর।” ওসমান কুকিাপ্রদানে উদ্ধত হইতেই আক্বাস পুনর্বার সেই কথা বলিলেন। পুনরায় ওসমান হস্ত সঙ্কুচিত করিল। হজরত ওসমানকে বলিলেন, “যদি ঈশ্বরের প্রতি ও প্রেরিতপুরুষের প্রতি বিশ্বাস রাখ, তবে কুকিা আমাকে দাও।” ওসমান “এই ঈশ্বরের গচ্ছিত ব্রবা আপনি গ্রহণ করুন” বলিয়া প্রদান করিল। অতঃপর হজরত মন্দিরে প্রবেশ করিয়া বাহিরে আসিলেন। তখন চাবি তাঁহার হস্তে ছিল। মহান্না আলি নিকটে বাইরা বলিলেন, “প্রেরিত মহাপুরুষ, যেমন জমজমের জলদানের ভার অর্পণ করিয়াছেন, তজ্জন মন্দিররক্ষকতার পদে মওলীর কোন ব্যক্তিকে নিযুক্ত করুন।” ইত্যবসরে হজরত অনুপ্রাণিত হইলেন। তখন আজ্ঞা করিলেন, “আলি, আমি তোমাদিগকে যে সকল কার্যের কথা বলি, তাহাতে শুদ্ধ অপর লোকের উপকার হয় মনে করিও না, মানবমণ্ডলী হইতে তোমাদিগেরও হিত হইবে,” ইহা বলিয়াই তিনি ওসমানকে ডাকিয়া বলিলেন, “হে তল্হায পুত্র, তুমি কুকিা গ্রহণ কর, ইহা তোমার হইল।” অনন্তর ওসমান হজরতের আনুগত্য স্বীকার করিয়া কুকিা আপন জাতা সলবার হস্তে অর্পণ করিল। অদ্ভাবর্ধি কাবার কুকিা ওসমানবংশীয় লোকের হস্তে আছে। যদিচ এই বিশেষ বিরোধস্থলে গচ্ছিত সামগ্রী প্রত্যর্পণ করিবার ক্ষমতা এই প্রত্যাদেশ-বাণী অবতীর্ণ হইরাছে, তথাপি এই আজ্ঞা সাধারণ গচ্ছিত সামগ্রী সম্বন্ধে হয়।

(ত, হো,)

* হজরত মোহম্মদ অলিদের পুত্র খালেদকে এক দল সৈন্তের অধিপতি করিয়া অম্মার ইয়-সারকে তাঁহার সহচর করিয়া দেন। কতকগুলি বিদ্রোহী লোক খালেদ আসিতেছেন সংবাদ পাইয়া পলায়ন করে। সেই দলে একজন মোসলমান ছিল। সে অম্মারের নিকটে বাইরা বলিল, “আমার স্বগণ জ্ঞাতি পলায়ন করিয়াছে, আমি নিজের বিশ্বাস প্রচার করিবার জন্ত আপন আলয়ে বাস করিতেছি, এসলামধর্ম আমার হস্তাধীন করিলে থাকিব, অন্তথা পলায়ন করিব।” অম্মার তাহাকে অন্তর দান করিল। অম্মারের আজ্ঞানুসারে সে সপরিবারে গৃহে বসিয়া রহিল। প্রত্যুবে খালেদ সেই বিদ্রোহী জাতিকে আক্রমণ করিবার জন্ত তাহাদের নিবাসে সৈন্তদল প্রেরণ করিলেন। উপরি উক্ত আশ্রয়প্রার্থী লোকটি ব্যতীত অস্ত্র কেহই গৃহে ছিল না। সে সপরিবারে ধ্বংস হইয়া খালেদের নিকটে আনীত হইল। অম্মার বলিল, “এ ব্যক্তি মোসলমান, এ আমা কর্তৃক আশ্রিত ও অন্তরপ্রাপ্ত হইরাছে।” খালেদ বলিলেন, “সেনাপতি বিজ্ঞমানসঙ্গে তাঁহার আদেশ ও পরামর্শ ব্যক্তিরেকে

তুমি কি (হে মোহাম্মদ,) তাহাদিগকে দেখ নাই, যাহারা মনে করিতেছে যে, নিশ্চয় তাহারা তোমার প্রতি যাহা অবতারিত হইয়াছে ও তোমার পূর্বে যাহা অবতারিত হইয়াছে তাহাতে বিশ্বাস করিয়াছে, তাহারা শয়তানের প্রতি কর্তৃত্ব লইয়া যাইবে ইচ্ছা করিতেছে, বস্তুতঃ তাহার সঙ্গে বিরুদ্ধাচার করিতে তাহারা আদিষ্ট হইয়াছে, এবং শয়তান ইচ্ছা করিতেছে যে, তাহাদিগকে মহাভ্রান্তিতে ভ্রাস্ত করে। ৬০। এবং যখন তাহাদিগকে বলা হইল, ঈশ্বর যাহা অবতারণ করিয়াছেন তৎপ্রতি ও প্রেরিত পুরুষের প্রতি তোমরা উন্মুগ্ন হও, তুমি কপটদিগকে দেখিতেছ, তোমা হইতে তাহারা বিমুগ্ন হইতেছে। ৬১। অনন্তর যাহা তাহাদের হস্ত পূর্বে প্রেরণ করিয়াছে, তজ্জন্ত যখন তাহাদিগের প্রতি বিপদ উপস্থিত হইবে, তখন কেমন ঘটবে? তৎপর তোমার নিকটে আসিয়া ঈশ্বরের শপথ করিবে (ও বলিবে) যে, আমরা কল্যাণ ও সম্ভাব ভিন্ন আকাঙ্ক্ষা করি নাই *। ৬২। তাহারা সেই সকল লোক, তাহাদিগের অন্তরে যাহা আছে ঈশ্বর

কাহাকে অভয় দান করা নীতিবিরুদ্ধ।" এ বিষয়ে খালেদ ও অন্বারের পরস্পর অনেক তর্ক বিতর্ক হইল। পরে উভয়ে হজরতের নিকটে সবিশেষ নিবেদন করিলেন। হজরত সেই আশ্রয়শালকে স্থির রাখিয়া, দলপতির আজ্ঞা ব্যতিরেকে কেহ কাহাকে আশ্রয় দান করিবে না, এরূপ আদেশ করিলেন। তখন এই আশ্রয় অর্থাৎ আজ্ঞাপ্রচারকের আজ্ঞাবহ হও, ইত্যাদি উক্তি অবতীর্ণ হইল। (ত, হো,)

আধিপত্যপ্রাপ্ত লোকের,—রাজা ও রাজপুরুষ এবং যে কোন ব্যক্তি বিশেষ কার্যে নিযুক্ত, তাঁহাদের আজ্ঞানুসারে চল আবশ্যক। তাঁহারা ঈশ্বর ও প্রেরিতপুরুষের আজ্ঞার স্পষ্ট বিরুদ্ধাচারণ করিতে বলিলে তাহা গ্রাহ্য করিবে না। দুই মোসলমানের বিবাদস্থলে একজন যদি বলে, চল শরার (শাস্ত্র বিধির) অনুসরণ করি, তাহাতে অপর ব্যক্তি যদি বলে যে, আমি শরা জানি না, তাহাতে আমার প্রয়োজন নাই, তাহা হইলে সে ব্যক্তি কাকের। (ত, ফা,)

* মদিনা নগরে একজন ইহুদি ও একজন কপট মোসলমান কোন বিষয়ে বিবাদ করিয়াছিল। ইহুদি বলিল, "চল হজরত মোহাম্মদের নিকটে"। কপট বলিল, "চল তোমাদের দলপতি আশ্রয়কের নিকটে।" অবশেষে উভয়ে বিবাদ সীমাংসার জন্ত হজরতের নিকটে উপস্থিত হয়। হজরত ইহুদির স্বয়ং বলবৎ রাখিলেন। উক্ত কপট তাহাতে অসম্মত হইয়া বাহিরে যাইয়া বলিল, "চল ওমরের নিকটে।" তখন তিনি হজরতের আদেশে মদিনায় বিচারকের পদে নিযুক্ত ছিলেন। কপট ভাবিয়াছিল, সে এসলামধর্মাবলম্বী বলিয়া ওমর তাহার পক্ষ সমর্থন করিবেন। উভয়ে তাহার নিকটে গেল। ইহুদি তাহাকে নিবেদন করিল যে, "আমরা হজরতের নিকটে গিয়াছিলাম, তিনি আমাদের পক্ষ সম্ভা বলিয়া স্থির করিয়াছেন।" ওমর কপটকে এ বিষয় জিজ্ঞাসা করিলে সে বলিল, "ইহুদি যাহা বলিতেছে সত্য, কিন্তু আমি সেই আজ্ঞার সম্মত নহি, আপনাদের নিকটে বিচার প্রার্থনা করি।" ওমর বলিলেন, "তোমরা কণকাল এ স্থানে স্থির থাক, আমি গৃহের ভিতর হইতে আসিয়া তোমাদের মধ্যে সত্য ভাবে বিচার করিব।" তখন ওমর কোষযুক্ত করবাল হস্তে ধারণপূর্বক গৃহ হইতে বাহির হইয়া কপটের শিরশ্ছেদন করিলেন, এবং বলিলেন, "যে ব্যক্তি এমন বিচারকের বিচারে সম্মত নহ, তাহার শাস্তি এরূপ হওয়া প্রেরণ।" হত ব্যক্তির উত্তরাধিকারী হজরতের নিকটে যাইয়া হত্যার

জ্ঞাত ; অবশেষে তুমি তাহাদিগ হইতে বিমুখ হও, তাহাদিগকে উপদেশ দেও, এবং তাহাদিগকে তাহাদের অন্তরে সঞ্চারক বাক্য বল। ৬৩। এবং ঈশ্বরের আজ্ঞা মান্ত করা উদ্দেশ্য ব্যতীত আমি কোন প্রেরিত পুরুষকে প্রেরণ করি নাই, এবং যখন ইহারা নিজের জীবনের প্রতি অত্যাচার করিয়াছে, তখন যদি তোমার নিকটে আসিত, পরিশেষে ঈশ্বরের নিকটে ক্ষমা প্রার্থনা করিত, এবং প্রেরিত পুরুষ ইহাদের জন্ত ক্ষমা চাহিত, তবে নিশ্চয় ঈশ্বরকে প্রত্যাবর্তনকারী দয়ালু প্রাপ্ত হইত। ৬৪। অবশেষে তোমার ঈশ্বরের শপথ, তাহাদের পরস্পর বিবাদে তোমাকে বিচারক নিযুক্ত না করা পর্যন্ত তাহারা বিশ্বাসী হইবে না, তৎপর তুমি যাহা আদেশ করিবে, তাহাতে তাহারা নিজ অন্তঃকরণে কঠিন বোধ করিবে না, এবং গ্রহণীয়রূপে গ্রহণ করিবে *। ৬৫। এবং যদি আমি তাহাদের সন্মুখে লিখিতাম যে, তোমরা আপনাদিগকে বধ কর ও আপন গৃহ হইতে বাহির হইয়া যাও, তবে তাহাদের অল্পসংখ্যক ভিন্ন উদ্ধা করিত না, এবং যে বিষয়ে উপদেশ করা হইয়াছে, যদি তাহারা তাহা করিত, তবে নিশ্চয় তাহাদের জন্ত উদ্ধা মঙ্গল ও (বিশ্বাসের) দৃঢ়তা বিষয়ে প্রবল হইত। ৬৬।+ এবং আমি একান্তই তখন নিজের নিকট হইতে তাহাদিগকে মহাপুরস্কার দান করিতাম। ৬৭।+ এবং একান্তই তাহাদিগকে সরল পথ প্রদর্শন করিতাম। ৬৮। এবং যাহারা ঈশ্বরের ও প্রেরিত পুরুষের আদেশ মান্ত করে, পরে তাহারা তাহাদের সহযোগী হয় প্রেরিত পুরুষের যোগে তাহাদের প্রতি ঈশ্বর দান করিয়াছেন এবং যাহারা সত্যচারী ও ধর্মযুদ্ধে হত ও সাধু, এবং তাহারা উত্তম সহচর। ৬৯। ঈশ্বর হইতে এই দান, এবং ঈশ্বরই জ্ঞানবানু যথেষ্ট। ৭০। (র, ২, আ, ১১)

বিরুদ্ধে অভিযোগ উপস্থিত করে, এবং শপথপূর্বক বলে যে, আমরা কল্যাণ ও সম্ভাব ভিন্ন কিছুই চাহি না, তাহাতে এই আরও অবতীর্ণ হয়। সেদিন ওমর “কারুক” উপাধি প্রাপ্ত হন।

(ত, কা,)

* যখন জোবর ও হাতেব হজরতের বিচারালয় হইতে বাহিরে চলিয়া আসিলেন, মেকদাদ তাহাদের নিকটে যাওয়া জিজ্ঞাসা করিলেন যে, “কাহার সন্মুখে স্বত্বাধিকারিদের আদেশ হইল।” হাতেব বলিলেন, “ইহার ভ্রাতৃপুত্রের সন্মুখে স্বত্ব স্থির হইয়াছে।” এই কথা বলিবার কালে স্বর বিকৃত করিয়া ও মুখ ফিরাইয়া অগ্রাভ্রের ভাব প্রকাশ করিলেন। তখন একজন ইহুদি সেখানে উপস্থিত ছিল। সে হাতেবের এই ভাব দেখিয়া বলিল, “ইহারা কেমন লোক, ইহারা মোহনকে প্রেরিত পুরুষ বলিয়া ঘোষণা করে, এদিকে তাহার আদেশের প্রতি আত্মশ্রুত। মুসার সময়ে এন্ডারেল-বংশীয় কতকগুলি লোক কোন অপরাধ করিয়াছিল, তাহাতে মুসা আদেশ করেন, তোমাদের এই অপরাধের প্রায়শ্চিত্ত এই যে, তোমরা পরস্পর যুদ্ধ করিয়া হত ও; তৎক্ষণাৎ সকলে আজ্ঞা শিরোধার্য করিয়া পরস্পর হত্যায় প্রবৃত্ত হইল। তাহাতে সন্ততিসহস্র লোক প্রাণত্যাগ করিল। আপনাদের প্রেরিত পুরুষকে কখনও তাহারা অমান্ত বা অবিবাস করে নাই।” কয়সের পুত্র সাবেত এই কথা শুনিয়া ঈশ্বরের নামে শপথ করিয়া বলিলেন যে, “যদি হজরত আমাকে আদেশ করেন যে

হে বিশ্বাসিগণ, তোমরা আপনাদের অস্ত্র ধারণ কর, বিভিন্নরূপে বহির্গত হও, অথবা দলবদ্ধ হইয়া বাহির হও। ৭১। এবং পরে তোমাদের মধ্যে কতক লোক আছে যে, একান্তই বিলম্ব করিয়া থাকে; পরিশেষে যদি তোমরা বিপদগ্রস্ত হও, তাহারা বলে, “কখন আমরা তাহাদের সঙ্গী ছিলাম না, তখন নিশ্চয় ঈশ্বর আমাদের প্রতি অমুগ্রহ করিয়াছেন।” ৭২। এবং যদি ঈশ্বর ইহাতে তোমরা সমুন্নতি লাভ কর, তবে যেন তোমাদের ও তাহাদের মধ্যে কখনও বন্ধুতা ছিল না, তাহারা বলে, “হায়! যদি আমরা তাহাদের সঙ্গে থাকিতাম, তবে মহালাভে লাভমান হইতাম।” * ৭৩। পরিশেষে যাহারা সাংসারিক জীবনকে পরলোকের জগৎ বিক্রয় করে, তাহাদের উচিত যে ঈশ্বরের পথে সংগ্রাম করিতে থাকে, এবং যে ব্যক্তি ঈশ্বরের পথে সংগ্রাম করিয়া হত হয় বা জয়ী হয়, পরে অবশ্য আমি তাহাকে মহাপুরস্কার দান করি। ৭৪। এবং যাহারা বলিয়া থাকে যে, “হে আমাদের প্রতিপালক, ইহার অধিবাসী অত্যাচারী, এই গ্রাম ইহাতে আমাদের নিকট হইতে আমাদের জগৎ কার্য্যসম্পাদক নিযুক্ত কর, এবং তোমার নিকট হইতে আমাদের জগৎ সাহায্যকারী নিযুক্ত কর।” তোমাদিগের কি হইয়াছে যে, সেই দুর্বল স্ত্রী পুরুষদিগের নিমিত্ত ও বালকদিগের নিমিত্ত ঈশ্বরোদ্দেশ্যে তোমরা যুদ্ধ করিবে না? ‡ ৭৫। যাহারা বিশ্বাসী হইয়াছে, তাহারা ঈশ্বরোদ্দেশ্যে সংগ্রাম করে, এবং যাহারা কাকের হইয়াছে, তাহারা পুত্তলিকার উদ্দেশ্যে সংগ্রাম করে; অতএব তোমরা শয়তানের প্রেমাষ্পদদিগের সঙ্গে যুদ্ধ কর, নিশ্চয় শয়তানের প্রতারণা দুর্বল। ৭৬। (র, ১০, আ, ৬,)

তুমি কি (হে মোহম্মদ,) তাহাদিগের প্রতি দৃষ্টি কর নাই যে, তাহাদিগের জগৎ বলা হইল যে, তোমরা স্বীয় হস্ত বদ্ধ করিয়া রাখ, (যুদ্ধে নিবৃত্ত থাক,) নমাজকে প্রতি-
আত্মহত্যা কর, আমি তখনই এই আজ্ঞা পালন করিব।” অগ্ন দুই তিন জনও এই কথা বলিলেন
তখন ঈশ্বরের এই আজ্ঞা হয়। (ত, হো,)

* অর্থাৎ এই সকল লোক কপট, ইহারা ঈশ্বরের আদেশ অনুসারে চলে না, বরং আপনাদের লাভ ক্ষতি গণনা করে। যে কার্য্যে লোকের ক্রোধ দেবে, সে কার্য্য ইহাতে তাহারা দূরে থাকে ও তাহাতে যোগ দেয় নাই বলিয়া হর্ষ প্রকাশ করে। এবং লাভ দেখিলে সে কার্য্যে যোগ দেয় নাই বলিয়া অনুতাপ করিয়া থাকে ও শত্রুর স্তম্ভ হিংসা করে। (ত, ফা,)

† মোসলমানদিগের উচিত যে, পাখির জীবনের প্রতি দৃষ্টি না রাখিয়া পরলোকের প্রতি দৃষ্টি রাখেন, এবং যেন মনে করেন, ঈশ্বরের আজ্ঞাপালনে নানাপ্রকার লাভ আছে। (ত, ফা,)

‡ বিবিধ উদ্দেশ্যে যুদ্ধ আবশ্যিক। এক, ঈশ্বরের ধর্মকে বিস্তার করা, ২য়, যে সকল উপায়হীন মোসলমান কাকেরদিগের হস্তে পড়িয়া উৎপীড়িত ও বিড়ম্বিত হইতেছে, তাহাদিগকে উদ্ধার করা। মক্কা নগরে এরূপ বহুসংখ্যক মোসলমান উৎপীড়িত ও বিপদগ্রস্ত হইয়াছিলেন। তাহারা নানা কারণে বাধ্য হইয়া হজরতের সঙ্গে মক্কা হইতে প্রস্থান করিতে পারেন নাই। তাহাতে মক্কাবাসী পৌত্তলিকগণ তাহাদিগকে পুনর্ব্বার পৌত্তলিক করিবার জন্ত বিশেষরূপে উৎপীড়ন করে। (ত, ফা,)

ষ্ঠিত কর, জকাত দান কর, (তাহাতে সম্মত হইল ;) পরে যখন তাহাদের সম্বন্ধে যুদ্ধ লিখিত হইল, অকস্মাৎ তাহাদের একদল ঈশ্বরকে যেরূপ ভয় করা উচিত সেই প্রকার কিম্বা তদপেক্ষা অধিক ভয়ে লোককে ভয় করিতে লাগিল, এবং বলিল, “হে আমাদের প্রতিপালক, তুমি আগাদের সম্বন্ধে সংগ্রাম কেন লিপি করিলে ? এক অল্প সময় পর্য্যন্ত কেন আমাদের অবকাশ দিলে না ?” তুমি বল, সাংসারিক লাভ ক্ষুদ্র, যে ব্যক্তি ঈশ্বরভীরু হয়, তাহার জ্ঞান পরলোক উৎকৃষ্ট, তাহার সূত্রপরিমাণও অত্যাচারিত হইবে না * । ৭৭ । যে স্থানে তোমরা থাকিবে, যদি তোমরা স্মৃদূত উচ্চ দুর্গেও বাস কর, মৃত্যু সেস্থানে তোমাদিগকে ধরিবে । যদি তাহাদের প্রতি কোন কল্যাণ উপস্থিত হয়, তাহার বল, “ইহা ঈশ্বর হইতে হইয়াছে,” এবং যদি কিছু অকল্যাণ উপস্থিত হয়, বলে, “ইহা তোমা হইতে হইয়াছে ;” বল, সমুদায় ঈশ্বর হইতে হইয়াছে । অবশেষে সেই দলের কিরূপ অবস্থা, যাহারা কথা হৃদয়ঙ্গম করিবার নিকটবর্তী নহে † ? ৭৮ । যে কিছু কল্যাণ তোমার প্রতি উপস্থিত হয়, তাহা ঈশ্বর হইতে এবং যে কিছু অকল্যাণ তোমার প্রতি উপস্থিত হয়, তাহা তোমার জীবন হইতে হয় ; আমি তোমাকে (হে মোহম্মদ,) লোকের জ্ঞান প্রেরিত পুরুষরূপে পাঠাইয়াছি, ঈশ্বর সাক্ষাদানে যথেষ্ট ‡ । ৭৯ । যে ব্যক্তি প্রেরিত পুরুষের আজ্ঞা পালন করে, নিশ্চয় সে ঈশ্বরের আজ্ঞা পালন করিয়া থাকে, এবং যাহারা অমান্য করে, আমি তোমাকে তাহাদিগের প্রতি রক্ষক নিযুক্ত করি নাই § । ৮০ । এবং তাহার বলিয়া থাকে যে, আজ্ঞা প্রতিপালিত হইতেছে, পরে

* অর্থাৎ প্রথমতঃ মকানিবাসী মোসলমানেরা পৌত্তলিকগণ কর্তৃক উৎপাদিত হইলে, ঈশ্বর সেই পৌত্তলিকদিগের সঙ্গে যুদ্ধে নিবৃত্ত থাকিতে তাহাদিগকে বলিয়াছিলেন, ধৈর্য ধারণ করিতে আজ্ঞা করিয়াছিলেন । পরে যুদ্ধের আদেশ হইলে বিশ্বাসী মোসলমানেরা তাহাতে উৎসাহী হইয়া উঠিলেন, যাহার অল্পবিশ্বাসী অসরল ছিল, তাহার অপসৃত হইল, ঈশ্বরের দ্বায় মনুষ্যকে ভয় করিতে লাগিল ও মৃত্যুভয়ে ভীত হইল !

(ত, ফা,)

† এখানেও কপটদিগের প্রসঙ্গ, যদি যুদ্ধে সুব্যবস্থা হয় ও জয়ী হওয়া যায়, তবে বলে যে, ইহা ঈশ্বর হইতে হইয়াছে, হজরতের উদ্ভোগ নৈপুণ্যের কোন কথাই বলে না । কোন ব্যতিক্রম হইলে হজরতের উপর দোষারোপ করে । এদণ ঈশ্বর বলিতেছেন যে, জয় পরাজয়াদি সমুদায় ঘটনার মূলে ঈশ্বর আছেন । প্রেরিতপুরুষের আয়োজন উদ্ভোগের মূলেও ঈশ্বরের প্রত্যাদেশ । কোন দুর্ঘটনা হইলেও জানিবে যে, তদ্বারা ঈশ্বর তোমাদিগকে তোমাদের অপরাধ জ্ঞাপন করিয়া সতর্ক করিতেছেন ।

(ত, ফা,)

‡ কেহ কেহ এই আয়াতের এরূপ বাখ্যা করিয়া থাকেন ; যথা, হে মনুষ্য, তোমার প্রতি যে কল্যাণ উপস্থিত হয়, তাহা ঈশ্বরের অনুগ্রহে হইয়া থাকে, যে অকল্যাণ হয়, তাহা তোমার পাপের জন্ত হইয়া থাকে ।

(ত, হো,)

§ “যে ব্যক্তি প্রেরিতপুরুষের আজ্ঞা পালন করে, নিশ্চয় সে ঈশ্বরের আজ্ঞা পালন করিয়া থাকে” ইহার তাৎপৰ্য্য এই যে, প্রেরিতপুরুষ যাহা বলেন, ঈশ্বরের আদেশে বলিয়া থাকেন । অতএব তাহার

যখন তাহারা তোমার নিকট হইতে বহির্গত হয়, তাহাদের এক দল তুমি যাহা বলিয়া থাক, তাহার বিরুদ্ধে রজনীতে যজ্ঞা করে; তাহারা রাতিতে যাহা বলে, ঈশ্বর তাহা লিখিয়া রাখেন। অতএব তুমি তাহাদিগ হইতে বিমুখ হও, এবং ঈশ্বরের প্রতি নির্ভর কর ও ঈশ্বর কার্য্যসম্পাদনে যথেষ্ট। ৮১। অনন্তর তাহারা কি কোব্-আনে প্রশিধান করিতেছে না? এবং যদি তাহা ঈশ্বর ব্যতীত অতের নিকট হইতে (সনাগত) হইত, তবে তাহারা একান্তই তাহাতে প্রচুর ব্যতিক্রম পাইত *। ৮২। যখন তাহাদের নিকটে ভয় ও নির্ভয়ের কোন বিষয় উপস্থিত হয়, তাহারা তাহা রটনা করে, এবং তাহাদের মধ্যে যাহারা তাহার অনুসন্ধান লয়, যদি তাহারা প্রেরিত পুরুষ পর্য্যন্ত, তাহাদের কার্য্যসম্পাদক পর্য্যন্ত তাহা প্রত্যানয়ন করিত, তবে তাহাদের মধ্যে যাহারা তাহা করিতে সক্ষম, উহারা অবশ্য তাহা জ্ঞাত হইত; তোমাদের প্রতি ঈশ্বরের অনুগ্রহ ও দয়া না থাকিলে একান্তই অল্পসঙ্খ্যক ব্যতীত তোমরা শয়তানের অনুসরণ করিতে ৮। ৮৩। অনন্তর (হে মোহম্মদ,) পরমেশ্বরের উদ্দেশ্যে সংগ্রাম কর, তোমার জীবনে ব্যতীত তোমাকে প্রপীড়িত করা হইবে না, বিশ্বাসিগণকে উত্তেজিত কর, সমুদ্রই ঈশ্বর কাফেরদিগের সমর বন্ধ করিবেন, ঈশ্বর যুদ্ধবিষয়ে সুদৃঢ় ও শাস্তিদানবিষয়ে সুদৃঢ়। ৮৪। যে ব্যক্তি শুভ অনুরোধে অনুরোধ করে, তাহার জন্ত উহার ভাগ থাকিবে, এবং যে ব্যক্তি আজ্ঞা পালন করা ও ঈশ্বরের আজ্ঞা পালন কর তুলা। "যাহারা অমান্ত করে, আমি তোমাকে, হে মোহম্মদ, তাহাদিগের প্রতি রক্ষক নিযুক্ত করি নাই।" ইহার অর্থ এই যে, তুমি তাহাদের অবাধতা, বিক্রোহিতা আদি পাপকে পোষণ কর, এরূপ আমি আদেশ করি নাই। (ত, হো,)

* অর্থাৎ মনুষ্য প্রত্যেক অবস্থার অনুরূপ কথা বলিয়া থাকে। তাহার ক্রোধের অবস্থায় দয়ার প্রতি দৃষ্টি থাকে না, দয়ার অবস্থায় ক্রোধের প্রতি দৃষ্টি থাকে না। সংসারের বর্ণনা করিতে যাইয়া সে পরলোক ভুলিয়া যায়, পরলোকের বর্ণনার সময় তাহার সংসারের দৃষ্টি থাকে না ইত্যাদি। মনুষ্যের কাণ্ডে এইরূপ একদেশদর্শিত রহিয়াছে। কোব্-আন্ যে ঈশ্বরের বাক্য, তাহার প্রমাণ এই যে, তাহার প্রত্যেক বিষয়ের উক্তিগুলে অপর দিকে দৃষ্টি আছে, মনোযোগ করিলেই তাহা বুঝা যায়। তাহার সকল স্থানে সকল বিষয়ের বর্ণনা এক ভাবে হইয়াছে। এস্থলে কণ্ঠদিগের প্রসঙ্গ, এখানে প্রত্যেক কথায় যথোপযুক্তরূপে দোষারোপ হইয়াছে। আবার যে যে স্থানে সাধারণের প্রতি উক্তি, সেস্থলে যাহার প্রতি দোষের আরোপ হওয়া বিধেয়, তাহার প্রতিই দোষারোপ হইয়াছে। (ত, ফা,)

† অর্থাৎ কোথা হইতে কোন সংবাদ পাইলে দলপতি বা প্রধান কায্যকারকের নিকটে তাহা উপস্থিত করিবে, তাহারা তাহা সত্য বলিয়া স্থির করিলে তৎসম্বন্ধে বাহা করিতে হয় করিবেন। ইজরত এক ব্যক্তিকে কোন সম্প্রদায় হইতে জকাহ গ্রহণ করিবার জন্য পাঠাইয়াছিলেন, তাহারা তাহাকে অভ্যর্থনা করিয়া গ্রহণ করিতে সমুদাত হন। তখন তাহারা মারিতে আসিতেছেন মনে করিয়া সে ফিরিয়া আইসে, এবং মদিনানগরে প্রচার করে যে, অমুক সম্প্রদায় শত্রু হইয়া দাঁড়াইয়াছে। এ পর্য্যন্ত ইজরতের নিকটে এই সংবাদ পৌছিতে নাই, এদিকে নগরময় তাহা প্রচার হইয়া গিয়াছে। এই প্রকার তখন অনেক লোক অনুসন্ধান না করিয়া ও দলপতিকে না জানাইয়া বহু কথা রটনা করিয়াছিল। পরিশেষে তাহা মিথ্যা প্রকাশিত হইয়াছে। (ত, ফা,)

অশুভ অমুরোধে অমুরোধ করে, তাহার জ্ঞাত তাহার ভাগ থাকিবে, এবং ঈশ্বর সর্ববিষয়ে রক্ষক হন *। ৮৫। এবং যদি তোমরা সেলাম দ্বারা সম্মানিত হও, তবে তোমরা তদপেক্ষা উত্তমরূপে সম্মান করিও, অথবা তাহা প্রতিদান করিও, নিশ্চয় ঈশ্বর সমুদায় বিষয়ের বিচারক হন *। ৮৬। তিনি ব্যতীত উপাস্ত নাই, তিনি একান্তই তোমাদিগকে ক্রোধান্বিতের দিনে একত্র করিবেন, ইহাতে সন্দেহ নাই, এবং কথায় ঈশ্বর অপেক্ষা কে অধিকতর সত্যবাদী? ৮৭। (র, ১১, আ, ১১০)

তোমাদের কি হইল যে, (হে মোসলমানগণ,) তোমরা কপটদিগের সম্বন্ধে দুই পক্ষ হইলে? এবং তাহারা যাহা করিয়াছে, তজ্জ্ঞাত ঈশ্বর তাহাদিগকে অধোমুখ করিয়া রাখিয়াছেন; ঈশ্বর যাহাকে পথচ্যুত করিয়াছেন, তাহাকে কি তোমরা পথ প্রদর্শন করিতে ইচ্ছা করিতেছ? ঈশ্বর যাহাকে পথচ্যুত করিয়াছেন, পরে তাহার জ্ঞাত কোন পথ পাইবে না *। ৮৮। যেমন তাহারা কাফের হইয়াছে, তোমরাও কাফের হইবে আশায় তাহারা

* যথা, কেহ কোন ধনবানকে অমুরোধ করিয়া কোন দরিদ্রকে কিছু দেওয়াইলে, সেও সেই ধনবানের সঙ্গে ঐ দানের পুণ্যের ফলভোগী হয়, এবং কেহ কোন অত্যাচারীকে এই উপায়ে বন্ধনমুক্ত করিলে, সেই অত্যাচারী স্বাধীনতা পাইয়া যে অত্যাচার করে, অমুরোধকারীও সেই পাপের অংশী হইয়া থাকে। (ত, জা,)

+ যদি কেহ তোমাকে “অসুসলাম অলয়ক” বলে, তুমি তাহার উত্তরে “অলয়কমসুসলাম রহম-তোহ” বলিবে, এবং যদি সে “রহমতের” সঙ্গে সলাম যোগ করিয়া বলে, তুমি তাহার উত্তরে “বরকাতোহ” শব্দ বৃদ্ধি করিবে, অথবা “অসুসলাম অলয়কের” উত্তরে, “অলয়কম অসুসলাম” বলিবে। এটি বিবিমাত্র। প্রথমে যাহা উক্ত হইয়াছে, ইহা গোরবনুচক উত্তর ও এসলাম ধর্মের উচ্চ নীতি। মোসলমান মোসলমানের সেলামের উত্তরে অধিক আশীর্বাদমূলক বাক্যের প্রয়োগ করিবে। অপর লোকের সেলামের উত্তরে কেবল তাহার সেই কথাটার পুনরুক্তি করিবে। (ত, হো,)

“অসুসলাম অলয়ক” শব্দের অর্থ গ্রীবার নমন তোমার প্রতি, “অলয়কমসুসলাম রহমতোহ” অর্থ তোমাদিগের প্রতি গ্রীবার নমন, ঈশ্বরের অনুগ্রহ হউক। “বরকাতোহ” শব্দের অর্থ তাহার সমুহ প্রসন্নতা।

‡ একদা মক্কা হইতে কয়েক জন লোক মদিনাভিমুখে প্রস্থান করিয়াছিল। কতক দূর যাইয়া চিন্তিত হয় ও পথ হইতে ফিরিয়া আইসে, এবং এসলাম ধর্মে বিশ্বাস স্থাপন করিয়াছে বলিয়া মদিনা নগরে হজরতের নিকটে সংবাদ প্রেরণ করে। তাহাদের সম্বন্ধে মোসলমানদিগের মধ্যে মতের অনেকটা উপস্থিত হয়; কতকগুলি লোক বলে যে, তাহারা শিখারী হইয়াছে কতকলোক বলে, তাহারা কপট। তাহাতেই এই আয়ত অবতীর্ণ হয়। অনেকে বলেন যে, মদিনার উপনিবাসী একদল মোসলমান মদিনার বায়ু অস্বাস্থ্যকর ছিল বলিয়া হজরত হইতে প্রান্তরে বাস করার অনুমতি গ্রহণ করিয়াছিল। তাহারা মদিনানগর পরিত্যাগ করিয়া মক্কার আসিয়া তথাকার পৌত্তলিকদিগের সঙ্গে যোগ দেয়, তাহাতেই তাহাদের ধর্মবিষয়ে হজরতের ধর্মবক্তৃদিগের সংশয় উপস্থিত হয়, পরস্পর মতভেদ হওয়াতে তাহারা দুই দল হইয়া যান। তজ্জ্ঞাতই তোমরা কেন দুই পক্ষ হইলে, তাহাদের ধর্মমোহিতাবিষয়ে একমত হইলে না কেন? এই মর্মেণ্ডের আয়ত অবতীর্ণ হয়। (ত, হো,)

বন্ধুতা করিয়া থাকে, অবশেষে তোমরা পরস্পর তুলা হইবে; অতএব ঈশ্বরোদ্দেশ্যে দেশত্যাগ করা *পর্যন্ত তাহাদিগের কাহাকেও তোমরা বন্ধুরূপে গ্রহণ করিও না, পরন্তু যদি তাহারা অগ্রাহ্য করে, তবে তোমরা তাহাদিগকে ধর ও যেস্থানে পাও তাহাদিগকে সংহার কর, এবং তাহাদের কাহাকেও বন্ধু ও সাহায্যকারী বলিয়া গ্রহণ করিও না *। ৮৯। + বাহারা (এমন) কোন দলে মিলিত হয় যে, তোমাদের ও তাহাদের মধ্যে অঙ্গীকার রহিয়াছে, † কিম্বা বাহারা তোমাদের নিকটে আগমন করে যে, তোমাদের সঙ্গে যুদ্ধ করিতে তাহাদের হৃদয় সঙ্কুচিত, অথবা বাহারা আপন দলের সঙ্গে সংগ্রাম করে তাহাদিগকে ব্যতীত ‡; এবং যদি ঈশ্বর ইচ্ছা করিতেন, তবে অবশ্য তাহাদিগকে তোমাদিগের উপর প্রবল করিতেন, পরে অবশ্য তাহারা তোমাদের সঙ্গে যুদ্ধ করিত; পরিশেষে যদি তাহারা তোমাদিগ হইতে অপসৃত হয়, অপিচ তোমাদিগের সঙ্গে যুদ্ধ না করে ও তোমাদের সঙ্গে সন্ধি স্থাপন করে, তবে ঈশ্বর তাহাদিগের প্রতি তোমাদের জন্ত কোন পথ করেন নাই §। ৯০। অবশ্য তোমরা অন্ত (এমন) দলকে প্রাপ্ত হইবে যে, তাহারা ইচ্ছা করিতেছে, তোমাদিগ হইতে নির্ভয় হয়, এবং আপন দল হইতে নির্ভয় হয়; ¶ যখন তাহারা অত্যাচারের দিকে প্রত্যানীত হয়, তখন তাহাতে অধোমুখ

বাহারা প্রকাশ্যে মোসলমান ছিল না, কেবল স্বার্থ উদ্দেশ্যে হজরতের সঙ্গে সন্ধাব রক্ষা করিয়া চলিতেছিল, এস্থলে তাহাদিগকে কপট বলা হইয়াছে। হজরতের সৈন্তের সাহায্যে আমাদের ধন প্রাণ রক্ষা পাইবে, এই লক্ষ্য করিয়া তাহারা তাঁহার সঙ্গে সন্ধাব স্থাপন করিয়াছিল। যখন মোসলমানেরা অবগত হইলেন যে, ইহাদের গমনাগমনের উদ্দেশ্য কেবল স্বার্থ উদ্দেশ্যে, প্রেমের অনুরোধে নয়, তখন অনেকে বলিলেন যে, ইহাদের সংসর্গ পরিত্যাগ করিয়া দূরে থাকিতে হইবে। আবার কতক লোক বলিলেন যে, ইহাদের সঙ্গে যোগ রক্ষা করা বাইজু হুজাতো এতদ্বারা ইহারা বিশ্বাসের পথে আসিবে। তাহাতেই কাহাকে ধর্মপন প্রদর্শন বা পপচুত করা ঈশ্বরের হস্তে, ইহার চিন্তা তোমাদের কেন? এইরূপ ঐশ্বরিক বাণী অবতীর্ণ হয়। (ত, ফা,)

* ঈশ্বরোদ্দেশ্যে দেশত্যাগ করার অর্থ, বিখানী হইয়া শুদ্ধ ঈশ্বরের প্রসন্নতা উদ্দেশ্যে স্বদেশ ত্যাগ করিয়া যাওয়া, স্বার্থের জন্ত নয়। “যদি তাহা অগ্রাহ্য করে” ইহার অর্থ “ধর্মনিষ্ঠা ও দেশত্যাগকে যদি তাহারা অগ্রাহ্য করে।” (ত, হো,)

+ এই দল খজ্রা গোষ্ঠী বা বেকর কিম্বা আসলম গোষ্ঠী, ইহাদের সঙ্গে প্রেরিতপুরুষ এইরূপ অঙ্গীকারে বন্ধ ছিলেন যে, যে ব্যক্তি তাহাদের সঙ্গে মিলিত হইবে, সে তাঁহার সঙ্গে মিলিত হইল বলিয়া গণ্য হইবে। (ত, হো,)

‡ অর্থাৎ আপন দলের কাকেরদিগের সঙ্গে সংগ্রাম করিতে বাহারা প্রতিশ্রুত। ইহারা মনলক্ষ্যবাহী লোক। প্রেরিতপুরুষের পক্ষ হইয়া কোরেশদিগের সঙ্গে যুদ্ধ করিতে ইহারা অঙ্গীকারে বন্ধ হইয়াছিল। (ত, হো,)

§ “কোন পথ করেন নাই” ইহার অর্থ, তাহাদিকে আক্রমণ করা ইত্যাদির বিধি দেন নাই। (ত, হো,)

¶ এই দল মতকান বা আসলগোষ্ঠী, বাহারা মদিনাতে বাইয়া, আপনারা এসলাম ধর্মে বিশ্বাসী,

হইয়া থাকে ; পরন্তু যদি তোমাদিগ হইতে অপহৃত না হয় ও তোমাদের সঙ্ক্ষে সন্ধি স্থাপন না করে এবং আপন হস্ত বন্ধ না করে, তবে তাহাদিগকে ধর ও তাহাদিগকে যে স্থানে পাও সংহার কর, এবং তোমরা এই সেই দল যে আমি তাহাদের উপর তোমাদিগকে উজ্জল প্রমাণ দান করিয়াছি * । ২১ । (র, ১২, আ, ৪)

এবং ভ্রম বাতীত মোসলমানকে হত্যা করা মোসলমানের পক্ষে উচিত নহে, এবং যে ব্যক্তি ভ্রমবশতঃ কোন মোসলমানকে হত্যা করে, তবে একজন মোসলমানের গ্রীবা বন্ধনমুক্ত করিতে হয়, এবং খয়রাত না করিলে তাহার পরিবারের প্রতি হত্যার মূল্য সমপর্ণীয় ; পরন্তু যদি সে তোনাদের শত্রুদল হু ও মোসলমান হয়, তবে একজন মোসলমানের গ্রীবার বন্ধনমোচন কর্তব্য, এবং যদি সে সেই দলের হয় যে তোমাদের ও তাহাদের মধ্যে অঙ্গীকার আছে, তবে হত্যার মূল্য তাহার পরিবারের প্রতি সমপর্ণীয়, এবং এক জন মোসলমানের গ্রীবা বন্ধনমুক্ত করিতে হয় ; পরন্তু যে ব্যক্তি তাহা প্রাপ্ত না হয়, ঈশ্বরের দিক্ হইতে (তাহার) প্রায়শ্চিত্ত দুই মাস অবিচ্ছিন্ন রোজাপালন, ঈশ্বর জ্ঞাতা ও নিপুণ † । ২২ । এবং যে ব্যক্তি জ্ঞাতসারে মোসলমানকে হত্যা করে, পরে তাহার

একপ প্রচার করে ; পরে মকায় যাইয়া কাফেরদিগের সঙ্গে মিলিত হয় ও এসলাম ধর্মের শত্রু হইয়া দাঁড়ায় । (ত, হো,)

* অর্থাৎ কতক লোক আছে যে, তোমাদের সঙ্গে যুদ্ধ করিব না এবং স্বজাতির সঙ্গে যুদ্ধ করিব না বলিয়া প্রতিজ্ঞা করে, কিন্তু ষ্টির থাকিতে পারে না । যখন আপন দলে জয়ন্ত্রী দেখে, তখন তাহাদের সঙ্গে যাইয়া যোগ দেয় । অতএব যাহারা প্রতিজ্ঞা ভঙ্গ করে, তোমরা তাহাদের সঙ্ক্ষে ক্রটি করিও না । (ত, ফা,)

† আবু রবয়ের পুত্র আরাশ নামক ব্যক্তির সঙ্ক্ষে এই আয়ত অবতীর্ণ হয় । হজরতের মদিনা-প্রস্থানের পূর্বে আরাশ মোসলমানধর্ম গ্রহণ করিয়া আরাব্বানিগের নিকটে তাহা শুণ্ড রাখিয়াছিল । হজরত মদিনায় চলিয়া গেলে একদিন রাত্রিতে সে মদিনাভিমুখে পলায়ন করে । আরাশের মাতা তাহার বিচ্ছেদে অত্যন্ত শোক বিলাপ করিতে থাকে । আরাশেব সহোদর জাতি হারেস মাতার বিলাপ পরিতাপ দেখিয়া আবুজহলের সহায়তায় আরাশের অনুসন্ধানে প্রবৃত্ত হয় । মদিনার নিকটে তাহাকে পাইয়া নানা ছলকৌশলে মকায় ফিরাইয়া লইয়া আইসে । তথায় এসলাম ধর্ম পরিত্যাগ করাইবার জন্ত হস্তপদ বন্ধন করিয়া তাহাকে রোস্ত্রে রাখিয়া দেওয়া হয় । তখন জয়দের পুত্র হারেস তাহার নিকটে যাইয়া বলে, এই দ্রেশ যখন কেন সজ্ঞ করিতেছ, এসলাম ধর্ম পরিত্যাগ করিয়া সুখী হও । পরিশেষে আরাশ নানাপ্রকারে উৎপীড়িত হইয়া অবলম্বিত ধর্ম পরিত্যাগ করে । পুনর্বীর সেই হারেস আসিয়া তাহাকে বিদ্রূপ করিয়া বলে যে, “যে ধর্ম অনলম্বন করিয়াছিলে, যদি তাহা সত্য ছিল, তবে কেন পরিত্যাগ করিলে, অসত্য হইলে তাহা গণ্ডণ করিয়াছিলে বা কেন ?” আরাশ হারেসের এই বাবহায়ে ক্রুদ্ধ হইল, এবং শপথ করিয়া বলিল, “সুযোগ পাইলেই আমি তোমাকে যেকপেই হউক বধ করিব ।” অতঃপর আরাশ মদিনায় যাইয়া পুনর্বীর ধর্মগ্রহণ করে । হারেসও মদিনায় যাইয়া মোসলমান হয় । হারেসের ধর্মগ্রহণ বৃদ্ধান্ত আরাশ অবগত ছিল না । এক দিন সে হারেসকে নির্জনস্থানে পাইয়া তাহার জীবন সংহার করে । হজরতের ধর্মব্রহ্মণ

জগৎ শাস্তি নরক, তথায় চিরাবস্থিতি, এবং তাহার প্রতি ঈশ্বর কোপ করিয়াছেন ও তাহাকে অভিসম্পাত করিয়াছেন, এবং তাহার জগৎ মহাশাস্তি প্রস্তুত করিয়াছেন * । ৯৩। হে বিশ্বাসিগণ, যখন তোমরা ঈশ্বরের উদ্দেশে (যুদ্ধে) গমন কর, তখন অতুসন্ধান লইও, যে ব্যক্তি তোমাদের প্রতি সলাম অর্পণ করে, তাহাকে বলিও না যে, তুমি মোসলমান নও; তোমরা পার্থিব সামগ্রী চাহিতেছ, পরন্তু ঈশ্বরের নিকটে লুণ্ঠন দ্রব্য প্রচুর আছে; এইরূপ তোমরা প্রথমে ছিলে, পরে ঈশ্বর তোমাদের প্রতি হিতসাধন করিয়াছেন, অতুসন্ধান করিও, তোমরা বাহ্য কর, নিশ্চয় ঈশ্বর তাহা জ্ঞাত হন। ৯৪। আশাশুকে ভৎসনা করিয়া বলেন, “তুমি অযথা একজন মোসলমানকে বধ করিয়াছ, কেয়ামতে কি উত্তর দান করিবে?” তজ্জন্তু আশাশু অমৃতপ্ত হইয়া হজরতের নিকটে যাইয়া সর্বিশেষ নিবেদন করে, তাহাতে এই আয়তের অবতারণা হয়। (ত, হো,)

অনেক প্রকার ভ্রমে হত্যা হইতে পারে। এখানে মোসলমানকে কাফের জ্ঞানিয়া হত্যা করার উল্লেখ হইয়াছে। সকল প্রকার ভ্রমজনিত হত্যা-পাপ হইতে মুক্ত হইবার জন্ত এই কয়েকটি অনুষ্ঠানের বিধি। ১ম, একজন মোসলমানের গ্রীবা বন্ধনমুক্ত করা অর্থাৎ কোন মোসলমান ক্রীতদাসকে দাসত্ব হইতে মুক্তি দান করা। তাহার সম্মুখীন না হইলে অবিচ্ছিন্ন দুইমাস কাল রোজা পালন বিধি। অপরাধের জন্ত ঈশ্বরসম্মুখে এই পন্থ। ২য়, হত ব্যক্তির উত্তরাধিকারীকে হত্যার মূল্য প্রদান করা কর্তব্য। সে ইচ্ছা করিলে তাহা পয়সাত কবিয়া অর্থাৎ দেয় অর্গ ফমা করিয়া হত্যাকারীকে মুক্তি দিতে পারে। যদি হত ব্যক্তির উত্তরাধিকারী মোসলমান হয় অথবা সন্ধিবন্ধনে বদ্ধ কাফের হয়, তাহা হইলে তাহাকে হত্যার মূল্য প্রদান করা হইয়া থাকে, শত্রু কাফের হইলে প্রদান করা বিধি নহে। হিনকী ধর্মমতে মোসলমানের হত্যার মূল্য আনুমানিক দুই সহস্র সাত শত চল্লিশ মুদ্রা। তাহা তিন বৎসরের মধ্যে ক্রমে ক্রমে পরিশোধ করিতে পারে। (ত, ফা,)

* জরারার পুত্র মকিস আপন জাভা হশমকে বনি অন্নছারের পলীতে নিহত প্রাপ্ত হইয়া হজরতের নিকটে যাইয়া এ বিষয় নিবেদন করে। হজরত তাহার সঙ্গে জহির কহারীকে বনি অন্ন-জারের নিকটে প্রেরণ করিয়া তাকে বলিয়া গাঠান যে, কে হত্যাকারী, জ্ঞাত থাকিলে মকিসের হস্তে তাহাকে সমর্পণ করিবে। অজ্ঞাথা যথাবিধি হত্যার মূল্য মকিসকে প্রদান করিবে। বনি অন্নছার এই আজ্ঞা প্রাপ্ত হইয়া হত্যার মূল্যস্বরূপ একশত উষ্ট্র মকিসকে প্রদান করে। মকিস জহিরের সঙ্গে মদিনায় যাত্রা করিয়া নগরের নিকটে উপস্থিত হইলে শয়তানের কুমন্ত্রণায় পাড়ে, সে নিরপরাধ জহিরকে মারিয়া ফেলে। তৎপর সে মদিনায় না যাওয়া তথা হইতে মকায় ফিরিয়া আইসে। তাহাতে এই আয়ত অবতীর্ণ হয়। (ত, হো,)

+ হজরতের জীবদ্দশাকালে একদল এন্সলাম সৈন্য কোন গ্রামে উপস্থিত হয়। সেখানে কতিপয় মোসলমান কৃষক ছিল, তাহারা স্বীয় পালিত পশুদিগকে পার্শ্বে রাখিয়া লগ্নাধমান হয়, এবং সেই সৈন্যদিগকে সেলাম করে। সেনাগণ মনে করে যে, ইহারা স্বার্থোদ্দেশ্যে মোসলমানী প্রকাশ করিতেছে। এই ভাবিয়া তাহাদিগকে বধ করে, এবং তাহাদের গৃহপালিত পশুসকল হরণ করিয়া লইয়া যায়। তাহাতেই এই আয়ত অবতীর্ণ হয়। “এইরূপ তোমরা প্রথমে ছিলে” যে উক্ত হইয়াছে, তাহার অর্থ এই যে, তোমরা পূর্বে স্বার্থোদ্দেশ্যে অযথা হত্যা করিতে, কিন্তু মোসলমান হইয়া এক্ষণ আর তাহা করা তোমাদের পক্ষে উচিত নয়। (ত, ফা,)

২৪। উপবিষ্ট অক্ষত বিশ্বাসিগণ এবং আপন ধন ও আপন জীবনযোগে ঈশ্বরোদ্দেশে সংগ্রামকারিগণ তুল্য নহে; পরমেশ্বর আপন ধন ও আপন জীবনযোগে সংগ্রামকারীদিগকে মর্যাদায় উপবেশনকারীদিগের উপর গৌরবান্বিত করিয়াছেন, এবং সকলের সঙ্গে পরমেশ্বর উত্তম অঙ্গীকার করিয়াছেন, পরমেশ্বর উপবেশনকারীদিগের অপেক্ষা সংগ্রামকারীদিগকে উচ্চ পুরস্কার অধিক দিয়াছেন। ২৫। আপনার নিকট হইতে তিনি মর্যাদা সকল ও ক্ষমা এবং দয়া (প্রদান করিয়াছেন) এবং ঈশ্বর ক্ষমাশীল ও দয়ালু হন *। ২৬। (র, ১৩, আ, ৫)

নিশ্চয় যাহারা আপন জীবনের উৎপীড়নকারী ছিল, তাহাদিগকে দেবগণ গতাস্থ করিয়া জিজ্ঞাসা করিল যে, “তোমরা কি ভাবে ছিলে?” তাহারা বলিল, “আমরা পৃথিবীতে দুর্দশাপন্ন ছিলাম।” দেবগণ বলিল, “ঈশ্বরের পৃথিবী কি বিস্তৃত ছিল না যে, তাহাতে স্থানান্তরিত হও?” অনন্তর এই তাহারাই, তাহাদিগের স্থান নরক লোক, এবং তাহা কুৎসিত স্থান †। ২৭। + উপায় অবলম্বন করিতে পারে না ও পথ প্রাপ্ত হয় না এমন দুর্বল স্ত্রী পুরুষ ও শিশুগণ ব্যতীত। ২৮। + অতএব এই তাহারা, ভরসা যে ঈশ্বর তাহাদিগকে ক্ষমা করিবেন, ঈশ্বর ক্ষমাশীল ও মার্জনাকারী হন ‡। ২৯। এবং যে ব্যক্তি ঈশ্বরোদ্দেশে দেশ ত্যাগ করে, সে পৃথিবীতে বহু এবং বিস্তৃত স্থান প্রাপ্ত হয়, এবং যে ব্যক্তি ঈশ্বরোদ্দেশে ও তাহার প্রেরিত পুরুষের উদ্দেশে দেশত্যাগী হইয়া আপন গৃহ হইতে বহির্গত হয়, তৎপর সে মৃত্যুগ্রস্ত হয়, প্রকৃত পক্ষে তাহার পুরস্কার ঈশ্বরের নিকটে নিদ্ধারিত, এবং ঈশ্বর ক্ষমাশীল দয়ালু হন §। ১০০। (র, ১৪, আ, ৪)

* যে ব্যক্তি নিকলাজ্জ অর্থাৎ অন্ধ, গন্ধ বা বধির, তাহার সন্থকে জেহাদের (ধর্মযুদ্ধের) বিধি নাই। হুজ্ব সবলকায় লোকের মধ্যে যাহারা জেহাদে না যাইয়া বসিয়া থাকে, তাহাদের অপেক্ষা যাহারা জেহাদ করে, তাহারা অধিক গৌরবান্বিত। (ত, ৯১,)

+ কাকাহার পুত্র কয়স এবং অলিদের পুত্র কয়স এবং আরও কয়েকজন লোক ক্ষমতাসহে মক্কা হইতে মদিনায় প্রস্থান করে নাই। যখন কোরেশবংশীয় প্রধান পুরুষেরা মোসলমানদিগের বিরুদ্ধে যুদ্ধসজ্জা করিয়া বদরের দিকে যাত্রা করে, তখন তাহারা তাহাদিগের সঙ্গে রণক্ষেত্রে উপস্থিত হয়, এবং মোসলমানদিগের করবালের আঘাতে প্রাণত্যাগ করে। এই আঘাত তাহাদের সন্থকেই অবতীর্ণ হয়। “জীবনের উৎপীড়নকারী” ইহার ভাব এই যে, যখন মক্কা ত্যাগ করার বিধি হইয়াছিল, সেই বিধি উপেক্ষা করার অপরাধে আত্মার অনিষ্টকারী। “তাহাদিগকে দেবগণ গতাস্থ করিয়া জিজ্ঞাসা করে” অর্থাৎ শমনের অন্তরেণ তাহাদের প্রাণ হস্তগত করিয়া জিজ্ঞাসা করে। (ত, ৯১,)

‡ ইহা দ্বারা জানা যাইতেছে যে, যে দেশে মোসলমানগণ বিশ্বাস জ্ঞাপন করিয়া প্রকান্ত ভাবে থাকিতে পারে না, তাহাদিগের সন্থকে তথা হইতে প্রস্থান করা বিধি। অক্ষমদিগের জন্য এই বিধি নয়। (ত, ৯১,)

§ মক্কাতে এমন বহুসংখ্যক লোক এসলাম ধর্মে বিশ্বাস স্থাপন করিয়াছিল যে, তাহাদের স্থানান্তরিত হওয়ার ক্ষমতা ছিল না। যখন মক্কা পরিত্যাগ করিয়া স্থানান্তরণমনের বিধি রূপ

যখন তোমরা ভূতলে পর্যটন কর, তখন কাকেরগণ তোমাদিগকে বিপদে ফেলিলে আশঙ্কা হইলে, নমাজ সজ্জপ করায় তোমাদের সম্বন্ধে অপরাধ নাই; নিশ্চয় কাকেরগণ তোমাদের স্পষ্ট শত্রু হয় *। ১০১। এবং যখন তুমি (হে মোহাম্মদ,) ইহাদিগের (বিশ্বাসীদিগের) মধ্যে থাক, তখন তাহাদের জন্য নমাজ প্রতিষ্ঠিত করিও; পরে উচিত যে, ইহাদের এক দল তোমার সঙ্গে দণ্ডায়মান হয়, এবং উচিত যে, আপনাদের অস্ত্র গ্রহণ করে, পরিশেষে যখন প্রণত হইবে, তখন উচিত যে, তাহারা তোমাদের পশ্চাৎবর্তী হয়; এবং উচিত যে, নমাজ পড়ে নাই এমন অগ্নি একদল উপস্থিত হইয়া তোমার সঙ্গে পরে নমাজ পড়ে, অপিত আপনাদের রক্ষণোপায় ও আপনাদের অস্ত্র অবলম্বন করে; কাকেরগণ আক্রমণ করে, যদি তোমরা আপনাদের অস্ত্র ও আপনাদের জব্যজাতসম্বন্ধে অসতর্ক হও, তবে তাহারা অকস্মাৎ তোমাদের উপর আক্রমণ করিবে; যদি বৃষ্টিতে তোমাদের কোন ক্লেশ হয় ও তোমরা রোগগ্রস্ত হও, তবে আপনাদের অস্ত্র রাখিয়া দিলে তোমাদের প্রতি দোষ নাই, এবং তোমরা আপনাদের রক্ষাকে অবলম্বন করিও; নিশ্চয় জীবর কাকেরদিগের জন্য মানিজনক শাস্তি প্রস্তুত করিয়াছেন †। ১০২। অনন্তর

আরও অবতীর্ণ হইল, এবং তাহা লিপিবদ্ধ হইয়া মকানিবাসী দুর্বল মোসলমানদিগের নিকটে প্রেরিত হইল। তখন জমরার পুত্র জনদা খ্যর পুত্রদিগকে বলিলেন, “যদি আমি রুগ্ন ও বৃদ্ধ, তথাপি সাধারণ দুর্বলদিগের সদৃশ নহি, প্রস্থানের উপায় করিতে পাবিব, মদিনার পদও অবগত আছি; কেবল এইমাত্র ভয় হইতেছে যে, পথে বা আমার মৃত্যু হয়, কিন্তু প্রস্থানে বিরত থাকিলে আমার ধর্মহানি হইবে। অতএব আমি যে আসনের উপর শয়ান আছি, এই আসনের সহিত তোমরা আমাকে বাহির কর।” পুত্রগণও তাহার আজ্ঞার অনুসরণ করিল, এবং তাহারা পিতাকে যখন পূর্বক তনয়িনামক স্থানে উপনীত হইল। সেখানে জনদার প্রাণত্যাগ হয়। এই সংবাদ মদিনার পহুছিলে হজরতের ধর্ম-বন্ধুগণ পরস্পর বলিতে লাগিলেন, “জনদা মদিনার উপস্থিত হইতে পারিলে তাহার ধর্ম পূর্ণ হইত, তিনি পূর্ণ পুরস্কার প্রাপ্ত হইতেন।” তাহাতেই এই আরও অবতীর্ণ হয়। (ত, হো,)

* দেশপর্যটনকালে তিন মন্ডলে চারি রকাত নমাজ পড়ার বিধি। নমাজের চারি অঙ্গ, তাহার এক এক অঙ্গকে বা অংশকে রকাত বলে। মন্ডলে অবতরণভূমি। পথিকগণ যেখানে ঘাইয়া বিশ্রাম লাভ করে, তাহাকে মন্ডল বলে। যে স্থানে শত্রুর ভয়, সে স্থলে মোসলমানগণ দুই দলে বিভক্ত হইবেন। এমাম এক এক দলে এক এক বার করিয়া দুইবার নমাজ পড়িবেন, অথবা এক এক দলে এক এক রকাত করিয়া নমাজ পড়িবেন। প্রথম দলের সঙ্গে এক রকাত নমাজ পড়া হইলে, তিনি দণ্ডায়মান হইয়া অপর দলের প্রতীক্ষা করিবেন, সেই দল আসিয়া যোগ দিলে তাহাদের সহিত নমাজ পড়িবেন। বিশেষ স্থলে নমাজ ভঙ্গ হইবে। (ত, ফা,)

† এই আরও যুদ্ধক্ষেত্রে কি ভাবে নমাজ পড়িতে হইবে, তাহার বিধি হইয়াছে। যুদ্ধের সময় সৈন্ত দুই দলে বিভক্ত হইবে। এক এক দল ক্রমশঃ এমামের সঙ্গে নমাজের অর্দ্ধাংশে যোগ দিবে, অস্ত্র শস্ত্র ও কবচ ধারণ করিয়া থাকিবে, যদি দলবদ্ধ হইয়া নমাজ পড়ার অবিধা না হয়, তবে তাহা হইতে বিরত হইয়া একাকী ইচ্ছিতে নমাজ পড়িবে। তাহারও ব্যবহার না হইলে, নমাজ ভঙ্গ করিবে। (ত, ফা,)

যখন তোমাদের নমাজ সম্পন্ন হয়, তখন দণ্ডায়মান হইয়া ও বলিয়া এবং আপনাদের পার্শ্বে উপবিষ্ট হইয়া ঈশ্বরকে স্মরণ করিও ; পরে যখন তোমরা নিরাপদে থাক, তখন নমাজকে প্রতিষ্ঠিত করিও, নিশ্চয় বিশ্বাসীদিগের সম্বন্ধে নমাজ সাময়িকরূপে লিখিত * । ১০৩। এবং সেই দলের (কাকেরদিগের) অনুসন্ধানে তোমরা শিথিল হইও না ; যদি তোমরা পীড়িত হও, তবে তাহারাও তোমাদের হ্রায় পীড়িত, এবং তাহারা যাহা আশা করে না, তোমরা ঈশ্বরের নিকটে তাহা আশা করিতেছ, এবং ঈশ্বর জ্ঞানী ও নিপুণ হন * । ১০৪। (র, ১৫, আ, ৪)

নিশ্চয় আমি তোমার প্রতি সত্য গ্রন্থ অবতারণ করিয়াছি, যেন ঈশ্বর তোমাকে যাহা দেখাইয়াছেন, তাহা তুমি লোকদিগের মধ্যে আদেশ কর ; তুমি অহিতকারীদিগের অনুরোধে শত্রু হইও না † । ১০৫। ঈশ্বরের নিকট ক্ষমা প্রার্থনা কর, নিশ্চয় ঈশ্বর ক্ষমাশীল ও দয়ালু । ১০৬। এবং যাহারা আপনাদের জীবনের ক্ষতি করে, তুমি

* যদি ভয়ের অবস্থায় নমাজ সংক্ষেপ করা হয়, তবে নমাজের পরে অল্প ভাবে ঈশ্বরকে স্মরণ করিবে । যথাসময়ে নমাজ পড়া একটি বিশেষ নিয়ম । কিন্তু ঈশ্বরস্মরণ সকল অবস্থায় হইতে পারে ।

(ত, ফা,)

পার্বোপবিষ্ট হওয়ার অর্থ পার্শ্বাশ্রয়ী হওয়া, অর্থাৎ যখন তোমরা অস্বাস্থ্য হইয়া পার্শ্বাশ্রয়ী হও, তখনও ঈশ্বরকে স্মরণ করিও । এস্থলে সকল অবস্থায় ঈশ্বরকে স্মরণ করার বিধি হইয়াছে । ঈশ্বরকে স্মরণ করিয়া ভীত হইবে, এই তাহার ভাব । জাভেল মসিরনামক গ্রন্থে উল্লিখিত আছে যে, কার্য্য করিতে দণ্ডায়মান অবস্থায় ঈশ্বরকে ভয় করিও, এবং ভোজন পান ও লোকের সঙ্গে সহবাস করিতে, উপবেশনের অবস্থায়, এবং নিজের উদ্ভোগ করিবার সময়, শয়নের অবস্থায়, এইরূপ সর্বাবস্থায় ঈশ্বরকে ভয় করিও । “জেকর” শব্দের অর্থ স্মরণ করা, এ স্থলে “জেকর” শব্দের অর্থ ভয় করা লিখিত হইয়াছে ।

(ত, হো,)

+ অর্থাৎ পলায়িত কাকেরদিগের অনুসন্ধান কর । তোমরা আতত হইয়াছ বলিয়া আপত্তি করিও না, তাহারাও তোমাদের হ্রায় আতত ।

(ত, হো,)

‡ জফরবংশীয় আব্রিকের পুত্র তামা নামানের পুত্র কতাদার গৃহে সিঁধ কাটা এক থলে আটা (গোধূমচূর্ণ) চুরি করিয়া লইয়া যায় । দৈবাৎ সেই থলেতে ছিন্ন ছিল । তামার আলম পঞ্চাশত সমুদায় পথে উক্ত ছিন্ন দিয়া আটা পতিত হয় । তামা সেই আটা আপন গৃহে না রাখিয়া জয়বনামক ইহুদির আলয়ে গচ্ছিত রাখে । প্রাতঃকালে কতাদার পতিত আটার চিহ্নানুসারে তামার গৃহে উপস্থিত হইয়া আটার অনুসন্ধান করে । তামা শপথপূর্বক বলে যে, “আটা আমি চুরি করি নাই, ইহার কোন সংবাদও রাখি না ।” যে পথ দিয়া তামা আটার থলে সহ ইহুদির গৃহে গিয়াছিল, সে কতাদাকে সেই পথে উভয় আলয়ে লইয়া গেল, এবং ইহুদিকে আটা চোর বলিয়া ধরিল । ইহুদি বলিল, “আমি আটা চুরি করি নাই, গত রজনীতে তামা ইহা আমার নিকটে গচ্ছিত রাখিয়াছে ।” অনেক লোক এ বিষয়ে সাক্ষ্য দান করিল । তখন কতাদা যাইয়া হজরতের নিকটে অভিযোগ উপস্থিত করে । হজরত অনেকের অনুরোধে প্রসিদ্ধ জফরবংশীয় তামার অপমান ও শাস্তি হয়, ইচ্ছা করিলেন না । তিনি এ বিষয়ে ইহুদিকে দোষী, মোসলমান

তাহাদের পক্ষাবলম্বনে বিরোধ করিও না ; যে ব্যক্তি ক্ষতিকারী অপরাধী হয়, নিশ্চয় ঈশ্বর তাহাকে প্রেম করেন না। ১০৭। + তাহারা মমুস্তা হইতে গুপ্ত রাখে, কিন্তু ঈশ্বর হইতে গুপ্ত রাখিতে পারে না, এবং তাহারা যখন রজ্জীতে (ঈশ্বরের) অনভিপ্রেত কথার পরামর্শ করে, তখন তিনি তাহাদের সঙ্গে থাকেন, তাহারা যাহা করে, ঈশ্বর তাহা ঘেরিয়া রহিয়াছেন। ১০৮। জানিও, তোমরা সেই লোক, যে সাংসারিক জীবন বিষয়ে তাহাদের পক্ষ হইতে বিরোধ করিতেছ ; অবশেষে কেয়ামতের দিনে কোন্ ব্যক্তি তাহাদের (ক্ষতিকারীদের) পক্ষ হইতে ঈশ্বরের সঙ্গে বিরোধ করিবে ? অথবা কে তাহাদের সম্বন্ধে কার্য্যসম্পাদক হইবে ? ১০৯। এবং যে ব্যক্তি কুকর্ম্ম করে অথবা আপন জীবনের প্রতি অত্যাচার করে, অতঃপর ঈশ্বরের নিকটে ক্ষমা প্রার্থনা করে, সে ঈশ্বরকে ক্ষমাশীল ও দয়ালু প্রাপ্ত হয় *। ১১০। এবং যে ব্যক্তি পাপ করে, সে তাহা আপন জীবনের সম্বন্ধে করে, ইহা ভিন্ন নহে ; ঈশ্বর জ্ঞাতা ও নিপুণ হন †। ১১১। যে ব্যক্তি কোন ক্রটি করে, অথবা পাপ করে, তৎপর নিরপরাধীর প্রতি অপবাদ দেয়, পরে সতাই সে অসত্যকে ও স্পষ্ট অপরাধকে বহন করিয়া থাকে। ১১২। (র, -৬, আ, ৮)

এবং যদি তোমার প্রতি (হে মোহম্মদ,) ঈশ্বরের কৃপা ও তাঁহার দয়া না থাকিত, নিশ্চয় তাহাদের এক দলতো তোমাকে পথভ্রান্ত করিতে চেষ্টা করিয়াছিল ‡। তাহারা আপন জীবনকে ব্যতীত পথভ্রান্ত করে না, এবং তোমার কিছুই ক্ষতি করে না ; ঈশ্বর তোমার প্রতি গ্রন্থ ও বিজ্ঞান অবতারণ করিয়াছেন, এবং তুমি যাহার জ্ঞান রাখিতে না, তোমাকে তাহা শিক্ষা দিয়াছেন, তোমার প্রতি ঈশ্বরের মহাকৃপা বিদ্যমান। ১১৩। যাহারা দানে অথবা শুভকর্মে কিম্বা সন্ধিস্থাপনে লোকদিগের মধ্যে কথা কহে (মন্তব্য করে), তন্মিহ্ন তাহাদের বহুগুপ্ত মন্তব্য কল্যাণ নাই, এবং যে ব্যক্তি ঈশ্বরের সম্ভাষণ অশ্রেষণে ইহা করে, পরে সম্ভব তাহাকে আমি মহা পুরস্কার দান করিব §। ১১৪। এবং যে ব্যক্তি তাহার সম্বন্ধে পথপ্রদর্শন হওয়ার পর প্রেরিত পুরুষের বিরোধী হয়,

তাহাকে নির্দোষী স্থির করিলেন, এবং ইহদিকে শাস্তিদানে উদ্যত হইলেন। এমন সময়ে এই আয়ত ও নিম্নোক্ত দুই তিন আয়ত অবতীর্ণ হয়। (ত, হো)

* কুকর্ম্ম গুপ্ততর পাপ এবং আপনার প্রতি অত্যাচার লঘুতর পাপ বলিয়া উক্ত হইয়াছে। যে সকল লোক অজ্ঞতা প করে, তাহারা ঈশ্বরের কৃপায় তাহা হইতে মুক্তি লাভ করিয়া থাকে। (ত, ফা,)

+ অর্থাৎ যে ব্যক্তি পাপ করে, সেই পাপী হয়, তাহার পাপে অজ্ঞ ব্যক্তি পাপী হয় না। (ত, ফা,)

‡ অর্থাৎ তোমাকে নির্দোষ প্রতিপন্ন করার ও জয়বকে শাস্তি দান করার চেষ্টা হইতে ঈশ্বরের কৃপা তোমাকে নিবৃত্ত করিয়াছে। (ত, হো)

§ কপট লোকেরা হজরতের নিকটে যাইয়া কাণে কাণে কথা কহিত। তাহারা হজরতের অভিশয় বিশ্বাসপাত্র ও তাঁহার সঙ্গে তাহাদের ঘনিষ্ঠ যোগ আছে বুঝিয়া লোকে তাহাদিগকে বিশেষ সম্মান করিবে, এই উদ্দেশ্যেই তাহারা এরূপ করিত। এদিকে সভাতে বসিয়া তাহারা

বিশ্বাসীদিগের বিরুদ্ধ পথের অঙ্গসরণ করে, যে বিষয়ে সে সমুৎসুক হয়, আমি তাহাকে তাহাতে প্রবর্তিত করিব, এবং তাহাকে নরকে আনয়ন করিব, (উহা) কুহান *। ১১৫। (র, ১৭, আ, ৩)

নিশ্চয় ঈশ্বর তাহার সঙ্গে অংশিহ্বাপন করাকে ক্ষমা করেন না, এতদ্ব্যতীত যাহাকে ইচ্ছা হয় ক্ষমা করেন, এবং যে ব্যক্তি ঈশ্বরের সঙ্গে অংশিহ্বাপন করে, নিশ্চয় সে দূরতর পথচ্যুতরূপে পথচ্যুত হয়। ১১৬। তাহার। তাহাকে ব্যতীত নারীকে (নারীরূপী প্রতিমাকে) ভিন্ন আহ্বান করেন না, এবং অবাধ্য শয়তানকে ভিন্ন আহ্বান করে না। ১১৭। + ঈশ্বর তাহাকে (শয়তানকে) অভিশপ্ত করিয়াছেন এবং সে বলিয়াছে, “একান্তই আমি তোমার উপাসকগণ হইতে নির্দ্বারিত অংশ গ্রহণ করিব +। ১১৮। + একান্তই আমি তাহাদিগকে পথভ্রান্ত করিব ও একান্তই আমি তাহাদিগকে কামনায়ুক্ত করিব, এবং একান্তই আমি তাহাদিগকে আদেশ করিব যেন পশুর কর্ণচ্ছেদ করে, একান্তই আমি তাহাদিগকে আদেশ করিব যেন ঈশ্বরের সৃষ্টির পরিবর্তন করে;” পরন্তু যে ব্যক্তি ঈশ্বরকে ছাড়িয়া শয়তানকে বন্ধুরূপে গ্রহণ করে, পরে নিশ্চয়ই সে স্পষ্টকৃতিতে ক্ষতিগ্রস্ত হয় ‡। ১১৯। সে তাহাদের সঙ্গে অঙ্গীকার করে ও তাহাদিগকে কামনায়ুক্ত করে, এবং শয়তান তাহাদের সঙ্গে ছলনা ভিন্ন অঙ্গীকার করে না। ১২০। ইহারাই

মন্ত্রণাচ্ছলে কাণে কাণে ইহার উহার নিশ্চয় করিত। এ জন্ত ঈশ্বর বলিয়াছেন যে, তাহাদের শুভ মন্ত্রণা প্রায়ই অন্তঃ। শুভ বাক্য গোপন করিবার প্রয়োজন রাখে না। (ত, কা,)

* এই আয়তও পূর্বোক্ত তামা সম্বন্ধীয়। তামা আটা চুরির অপরাধে শাস্তির ভয়ে মদিনা হইতে পলায়ন করিয়া মক্কাত্তে বাইরা আগ্রহ লয়। দেখানেও সে এক ব্যক্তির গৃহের প্রাচীরে সিঁদ কাটে, তখন প্রাচীর পড়িয়া যায়, সে প্রাচীরের নিম্নে চাপা পড়ে। গৃহস্থ তাহা হইতে তাহাকে টানিয়া বাহির করে ও তাহার শিরচ্ছেদনে উদাত হয়। পরে কয়েকজন প্রতিবেশীর অনুরোধে সে তাহাকে ছাড়িয়া দেয়। অতঃপর তামা মক্কা হইতে তাড়িত হইয়া শাম দেশের দিকে প্রস্থান করে। পথে এক স্থানে এক জন বণিকের কোন দ্রব্য চুরি করিয়া সে ধরা পড়ে, এবং সেই বণিক কর্তৃক নিহত হয়! প্রেরিতপুত্র বলিয়াছেন যে, মোসলমানমণ্ডলীর উপর ঈশ্বরের হস্ত। যে ব্যক্তি ভিন্ন পথ অবলম্বন করে, সে নরকগামী হয়। যে বিষয়ে মণ্ডলীর সঙ্গে বোণ হয়, তাহাই ঈশ্বরের অভিপ্রেত। (ত, কা,)

+ অর্থাৎ তোমরা উপাসকগণ আপন ধনের অংশ আমার জন্ত রাখিবে। যেমন পৌত্তলিকেরা পুত্তলিকাকে উপহার দেয়, তদ্রূপ তোমরা আমাকে ধন উপহার দিবে। (ত, কা,)

‡ পশুর কর্ণচ্ছেদ করা কাকেরদিগের রীতি ছিল। একটি গো-বৎস বা ছাগশিশুকে দেবতার নামে অভিহিত করা হইত, এবং কর্ণে ছিঁড় করিয়া তাহাকে চিহ্নিত করার নিয়ম ছিল। “ঈশ্বরের সৃষ্টির পরিবর্তন” করা অর্থাৎ যত্নের রূপ পরিবর্তন করা। তাহা এরূপ হইত যে, কোন বালিকার মন্তকে সিকা বাঁধিয়া তাহাকে প্রতিমার নামে অভিহিত করা হইত। মোসলমানগণ এপ্রকার কার্য হইতে নিবৃত্ত থাকিবেন। (ত, কা,)

ইহাদিগের আবাস নরক, এবং তাহা হইতে ইহারা উদ্ধার পাইবে না। *। ১২১। এবং যাহারা বিশ্বাসী হইয়াছে ও সংকল্প করিয়াছে, অবশ্য আমি তাহাদিগকে সেই স্বর্গে প্রবেশ করাইব, যাহার ভিতর দিয়া পয়ঃপ্রণালী সকল প্রবাহিত, তাহাতে তাহারা নিত্যকাল থাকিবে; ঈশ্বরের অঙ্গীকার সত্য, কোন্ ব্যক্তি ঈশ্বর অপেক্ষা কথায় অধিকতর সত্যবাদী? ১২২। তোমাদের বাসনারূপ এবং গ্রন্থধারীদিগের বাসনারূপ (কার্য্য) নহে; যে ব্যক্তি অসং কৰ্ম্ম করিবে, তাহাকে তাহার প্রতিফল প্রদত্ত হইবে, সে আপনার জন্ত ঈশ্বর ব্যতীত বন্ধু ও সাহায্যকারী পাইবে না। ১২৩। স্ত্রী বা পুরুষ যে ব্যক্তি সংকল্প করে ও বিশ্বাসী হয়, পরে সেই তাহারাই স্বর্গে প্রবেশ করিবে, এবং তাহারা খজুর-বীজ পরিমাণও অত্যাচরিত হইবে না। ১২৪। এবং যে ব্যক্তি আপন আনন ঈশ্বরোদ্দেশ্যে স্থাপন করিয়াছে, ধর্ম্মবিষয়ে তাহা অপেক্ষা কে শ্রেষ্ঠ? সেই ব্যক্তি সংকল্পশীল ও সত্য-ধর্ম্মে প্রতিষ্ঠিত এব্রাহিমের ধর্ম্মের অনুসরণকারী; পরমেশ্বর এব্রাহিমকে বন্ধুরূপে গ্রহণ করিয়াছিলেন। ১২৫। এবং স্বর্গেতে যাহা কিছু আছে ও পৃথিবীতে যাহা কিছু আছে, তাহা ঈশ্বরের; ঈশ্বর সমুদায় বস্তুকে ঘেরিয়া আছেন। ১২৬। (র, ১৮, আ, ১১)

এবং নারীগণসম্বন্ধে (হে মোহম্মদ,) ইহারা তোমার নিকটে ব্যবস্থা জিজ্ঞাসা করিতেছে; বল, তাহাদের সম্বন্ধে পরমেশ্বরই তোমাদিগকে ব্যবস্থা দিয়া থাকেন, এবং নিরাশ্রয়া নারীদিগের বিষয়ে গ্রন্থে তোমাদের প্রতি যাহা পঠিত হইয়া থাকে—যাহাদিগকে, তাহাদের জন্ত যাহা লিখিত হইয়াছে, তোমরা প্রদান কর না ও যাহাদিগকে বিবাহ করিতে আকাজ্জক কর, (তাহাদের বিষয়ে) এবং দুর্বল বালকদিগের বিষয়ে তিনি (ব্যবস্থা দিয়া থাকেন,) এবং গ্ৰাম্যাসুসারে অনাথদিগকে প্রতিষ্ঠিত রাখার (আজ্ঞা আছে;) এবং তোমরা যে কিছু সংকল্প করিয়া থাক, নিশ্চয় ঈশ্বর তাহার জ্ঞাতা হন। ১২৭। এবং যদি কোন স্ত্রী আপন স্বামী হইতে অবাধ্যতা ও অবজ্ঞার আশঙ্কা

* গ্রন্থাধিকারী লোকেরা এরূপ ভাবিয়াছিল যে, আমরা বিশেষ চিহ্নিত লোক, যে অপরাধে অপর লোক শাস্তি প্রাপ্ত হয়, আমাদেরই শাস্তি ভোগ করিতে হইবে না। আমাদের পেশ্বর আমাদের রক্ষা করিবেন। অজ্ঞান মৌলমানগণও আপনাদের সম্বন্ধে এইরূপ মনে করিতেছিল। অতএব আদেশ হইল যে, যে ব্যক্তি পাপ করিবে, তাহারই শাস্তি হইবে। (ত, ফা,)

+ এই মূরার প্রথমভাগে নিরাশ্রয়ের স্বত্ব সম্বন্ধে বিধি নিরূপিত হইয়াছে। তাহাতে এই মর্ম্ম প্রকাশ পাইয়াছে যে, যে নিরাশ্রয়া বালিকার পিতৃব্যপুত্র ব্যতীত অভিভাবক নাই, সেই পিতৃব্যপুত্র যদি বুঝিতে পারে যে, সে তাহার স্বত্ব পরিশোধ করিতে পারিবে না, তবে তাহাকে সে বিবাহ করিবে না, অন্য কাহারও সঙ্গে তাহার বিবাহ দিবে। এই বিধি প্রবর্ত্তিত হইবার পর হইতে মৌলমানগণ এরূপ অবস্থাপন্ন নারীর পাণিগ্রহণে নিবৃত্ত ছিলেন। পরে যখন দেখিলেন, অভিভাবক বিবাহ করিলে নারীর পক্ষে কোন কোন বিষয়ে মঙ্গল হয়, এবং সে যেমন তাহার হিতসাধন করিতে সক্ষম, অল্প কেহ সেরূপ নয়, তখন ওঁহারা হজরতের নিকটে ইহার বিধি প্রার্থনা করিলেন। তাহাতে এই আয়ত

করে, তবে উভয়ের পক্ষে দোষ নয় যে, তাহারা কোন সম্মিলনে আপনাদের মধ্যে সম্মিলন সংস্থাপন করে; সম্মিলন কল্যাণ, কুপণতার প্রতি প্রাণ স্থাপিত। যদি তোমরা সংকার্য্য কর ও ধর্ম্মভীরু হও, তবে নিশ্চয় তোমরা যাহা কর, ঈশ্বর তাহা জ্ঞাত আছেন *। ১২৮। এবং যদিচ তোমরা ইচ্ছা কর, তথাপি নারীগণের সম্বন্ধে গাফায়াগ করিতে সক্ষম হইবে না, অনন্তর সম্পূর্ণ অমুরাগে (প্রিয়তমার প্রতি) অমুরাগ প্রকাশ করিও না; অবশেষে তাহাদিগকে শূণ্ণে লিখিত স্ত্রীবৎ ছাড়িয়া দেও, এবং যদি সম্মিলন স্থাপন কর ও ধর্ম্মভীরু হও, তবে নিশ্চয় ঈশ্বর দয়ালু ও ক্ষমাশীল আছেন। † ১২৯। এবং উভয়ে (স্বামী স্ত্রী) বিচ্ছিন্ন হইলে ঈশ্বর নিজ উদারতা-গুণে প্রত্যেককে নিশ্চিন্ত করিবেন, ঈশ্বর উদার ও নিপুণ হন। ১৩০। এবং স্বর্গে ও পৃথিবীতে যাহা কিছু আছে, তাহা ঈশ্বরের; সত্য সত্যই তোমাদের পূর্বে যাহাদিগকে গ্রন্থ প্রদত্ত হইয়াছে, তাহাদিগকে এবং তোমাদিগকেও আমি এই উপদেশ দিয়াছি যে, ঈশ্বরকে ভয় করিও; যদি কাফের হও, তবে (জানিও) নিশ্চয় স্বর্গে ও পৃথিবীতে যাহা কিছু আছে, তাহা ঈশ্বরের জগৎ ও ঈশ্বর প্রশংসিত ও ঐশ্বর্য্যবান্ আছেন। ১৩১। স্বর্গেতে যাহা কিছু আছে ও পৃথিবীতে যাহা কিছু আছে তাহা ঈশ্বরের, ঈশ্বর যথেষ্ট কার্য্য-সম্পাদক। ১৩২। হে লোক সকল, যদি তিনি ইচ্ছা করেন তোমাদিগকে দূর করিবেন ও অল্প সকলকে অন্য়ন করিবেন, এবং এ বিষয়ে ঈশ্বর ক্ষমতাবান্ হন। ১৩৩। যে ব্যক্তি সাংসারিক পুরস্কার ইচ্ছা করে, পরিশেষে পরমেশ্বরের নিকটেই সাংসারিক ও পারত্রিক পুরস্কার; এবং ঈশ্বর দ্রষ্টা ও শ্রোতা আছেন। ১৩৪। (র, ১২, আ, ৮)

হে বিশ্বাসিগণ, ঈশ্বরের জগৎ ত্রায়াস্ত্রসারে সাফাদান করিতে তোমরা প্রস্তুত থাক, যত্বাপি তোমাদের নিজের প্রতি অথবা পিতা মাতার প্রতি এবং আত্মীয়গণের প্রতিও হয়, যদি ধনী অথবা দরিদ্র হয়, তবে এই দুইয়ের প্রতি ঈশ্বর অধিক অনুগ্রহকারী; অবতীর্ণ হয়। ইহার মর্ম্ম এই যে, যে পরস্তু নিরাশ্রয় নারীর স্বত্ব পূর্ণরূপে প্রদান না করিবে, বিবাহে সে পর্য্যন্ত নিষেধ রহিল; তাহা প্রদান করিলে পর, তাহার কল্যাণসাধনে সমুৎসুক হইলে বিধি হইল। (ত, কা.)

* অর্থাৎ স্বামীকে অপ্রসন্ন দেখিয়া স্ত্রী তাকে প্রসন্ন করিবার উদ্দেশ্যে নিজের স্বত্ব কিছু ছাড়িয়া দিতে পারে, ইহা সম্ভব। “কুপণতার প্রতি প্রাণ স্থাপিত” ইহার তাৎপৰ্য্য এই যে, ধনাগমে সকলের মনে সন্তোষ হয়, কিছু ধন পাইলে একান্তই পুরুষ প্রসন্ন হইবে। (ত, কা.)

† মনুষ্য লোভপরবশ; যাহার বচপত্নী, সেই পত্নীদিগকে ধনবিভাগ করিয়া দিবার কালে তাহা দ্বারা প্রায় স্ত্রীর ব্যবহার হইয়া উঠে না। পত্নীদিগের মধ্যে যে পত্নী তাহার প্রিয়তমা, সে তাহাকেই অধিক অংশ দিতে সমুৎসুক হয়। শূণ্ণে লিখিত (বুলান) সেই স্ত্রীকে বলা যায়, যে স্ত্রীর স্বামী থাকিয়াও নাই। এস্থানের ভাব এই যে, অপ্রিয় স্ত্রীকে যে পর্য্যন্ত পরিত্যাগ না কর, পূর্ণ অমুরাগে প্রিয়তমার প্রতি অমুরাগ প্রকাশ করিও না, অর্থাৎ ধনবিভাগে ও পারিবারিক উপজীবিকাাদানে প্রিয়তমার প্রতি আন্তরিক অমুরাগকে বাহ্যে প্রকাশ করিও না। (ত, হো.)

অবশেষে তোমরা বিচার করিতে (নিঃ) ইচ্ছার অনুসরণ করিও না, এবং যদি (জিহ্বাকে) বন্ধ কর, কিম্বা (সাক্ষাদানে) বিমুখ হও, তবে তোমরা যাহা কর, ঈশ্বর তাহার জ্ঞাতা আছেন *। ১৩৫। হে বিশ্বাসিগণ, তোমরা ঈশ্বরের প্রতি বিশ্বাস স্থাপন কর ও তাঁহার প্রেরিত পুরুষের প্রতি ও সেই গ্রন্থের প্রতি যাহা তিনি আপন প্রেরিত পুরুষের প্রতি অবতারণ করিয়াছেন, এবং সেই গ্রন্থের প্রতি ইতিপূর্বে যাহা অবতারণ করিয়াছেন, বিশ্বাস স্থাপন কর; যে ব্যক্তি ঈশ্বরের প্রতি ও তাঁহার দেবগণের প্রতি এবং গ্রন্থ সকল ও প্রেরিতগণের প্রতি ও পরকালের প্রতি বিদ্রোহী হইয়াছে, পরে নিশ্চয় সে দূরতর পথভ্রান্তরূপে পথভ্রান্ত হইয়াছে। ১৩৬। নিশ্চয় যাহারা বিশ্বাসস্থাপন করিয়াছে, তৎপর ধর্মদ্রোহী হইয়াছে, তৎপর বিশ্বাসী হইয়াছে, তৎপর ধর্মদ্রোহী হইয়াছে, তৎপর অধিকতর ধর্মদ্রোহী হইয়াছে, কখনও ঈশ্বর তাহাদিগকে ক্ষমা করিবেন না, এবং তাহাদিগকে পথ প্রদর্শন করিবেন না। ১৩৭। কপট লোকদিগকে এই সংবাদ দান কর যে, তাহাদের জ্ঞাত ক্লেবর দণ্ড আছে। ১৩৮। + তাহারা (কপট লোকেরা) বিশ্বাসীদিগকে ছাড়িয়া কাকেরদিগকে বন্ধুরূপে গ্রহণ করে, তাহাদের নিকটে কি তাহারা সম্মান আকাঙ্ক্ষা করে? পরন্তু নিশ্চয় সমগ্র সম্মান ঈশ্বরের জ্ঞাত। ১৩৯। এবং নিশ্চয় তোমাদের প্রতি গ্রন্থে অবতারিত হইয়াছে যে, যখন তোমরা ঈশ্বরিক প্রবচন সকল শ্রবণ কর, তখন তৎপ্রতি অবজ্ঞা এবং তৎপ্রতি উপহাস করা হইলে যে পর্যন্ত কথায় তদ্ব্যতীত প্রসঙ্গ না হয়, তোমরা তাহাদের (অবজ্ঞাকারী ও উপহাসকদিগের) সঙ্গে উপবেশন করিবে না। (তাহা করিলে) তখন নিশ্চয় তোমরা তাহাদিগের সদৃশ। নিশ্চয় ঈশ্বর নরকে কাকের ও কপটদিগের একত্র সংগ্রহকারী। ১৪০। + তাহারা তোমাদিগের প্রতীক্ষা করে, পরন্তু ঈশ্বর কতক যদি তোমাদিগের জয় হয়, তবে তাহারা বলে, “আমরা কি তোমাদের সঙ্গে ভিলাম না?” এবং যদি কাকেরদিগের লাভ হয়, তবে বলে, “আমরা কি তোমাদের উপর পরাক্রান্ত ছিলাম না? মোসলমানগণ হইতে

* নিজের প্রতি সাক্ষাদানের অর্থ এই যে, আপন হস্তে যে বিষয়ের স্বত্ত্ব রহিয়াছে, তদ্বিষয়ে সাক্ষাদান। এক ব্যক্তি আদিয়া হজরতকে বলিয়াছিল যে, “আমার পিতৃধনসম্বন্ধে কাহাব কাহার স্বত্ত্ব আছে, আমি তদ্বিষয়ে সাক্ষী, আমি সাক্ষাদান করিলে আমার পিতার সর্বস্ব যায়, আমার বিশেষ ক্ষতি হয়, অতএব আমি সাক্ষা প্রদান করিতে চাহি না।” তাহাতেই এই আয়ত্ত্ব অবতীর্ণ হয় যে, আপনার বিষয়ে সাক্ষাদানে ক্ষান্ত থাকিবে না। “যদি ধনী অথবা দরিদ্র হয়”, অর্থাৎ সাক্ষাদান কালে ধনীকে সম্মান বা ভয় করিবে না, দরিদ্রের প্রতিও দয়া করিবে না। এ দুইয়ের প্রতি ঈশ্বরের অনুগ্রহ আছে, তোমার অনুগ্রহ করিতে হইবে না। (ত, হো,)

অর্থাৎ সাক্ষাদানে ধনী দরিদ্রের মনোরক্ষা করিবে না, আত্মীয় স্বগণের প্রতিও দৃষ্টি রাখিবে না। যদি সভ্যকথা বক্তৃত্যে বল, তবে সন্দেহ উপস্থিত হইতে পারে, অথবা যদি সমুদায় বক্তব্য প্রকাশ না কর, তবে অপরাধী হইবে। (ত, ফা,)

কি তোমাদিগকে রক্ষা করি নাই?" * অবশেষে নিশ্চয় ঈশ্বর কেয়ামতের দিনে তোমাদিগের মধ্যে বিচার করিবেন, এবং কদাচ ঈশ্বর বিশ্বাসীদিগের উপর কাকেরদিগের জন্ত পথ করিবেন না। ১৪১। (র, ২০, আ, ৭)

নিশ্চয় কপট লোকেরা ঈশ্বরকে বঞ্চনা করে, এবং ঈশ্বরও তাহাদিগকে বঞ্চনা করিয়া থাকেন; যখন তাহারা নমাজ উদ্দেশ্যে দণ্ডায়মান হয়, তখন শৈথিল্যভাবে দণ্ডায়মান হইয়া থাকে, তাহারা লোককে প্রদর্শন করে, এবং ঈশ্বরকে অল্প ব্যতীত স্মরণ করে না। ১৪২। + তাহারা ইহার মধ্যে দোলায়মান, তাহারা না ইহাদের দিকে, না উহাদের দিকে; এবং ঈশ্বর যাহাকে পথভ্রান্ত করেন, পরে তুমি তাহার জন্ত পথ পাইবে না। ১৪৩। হে বিশ্বাসিগণ, তোমরা বিশ্বাসীদিগকে ছাড়িয়া ধর্মহ্রোহীদিগকে বন্ধুরূপে গ্রহণ করিও না; তোমরা কি ইচ্ছা করিতেছ যে, আপনার প্রতি ঈশ্বরের জন্ত স্পষ্ট দোষারোপ স্বীকার কর? ১৪৪। নিশ্চয় কপট লোকেরা নরকায়ির নিম্নতম প্রদেশ-বাসী, এবং তুমি তাহাদের জন্ত কদাচ সাহায্যকারী পাইবে না। ১৪৫। + কিন্তু যাহারা অহুতাপ করিয়াছে, সংকর্ষ করিয়াছে ও ঈশ্বরকে দৃঢ়রূপে অবলম্বন করিয়াছে, এবং ঈশ্বরের জন্ত ধর্মকে সংশোধন করিয়াছে, পরে তাহারা ই বিশ্বাসীদিগের সঙ্গী, এবং সত্ত্বর ঈশ্বর বিশ্বাসীদিগকে মহাপুরস্কার দান করিবেন। ১৪৬। যদি তোমরা বিশ্বাস স্থাপন কর ও কৃতজ্ঞ হও, তবে পরমেশ্বর তোমাদিগের শান্তিদানে কি করিবেন? ঈশ্বর জ্ঞাতা ও মর্মজ্ঞ হন। ১৪৭। যে ব্যক্তি অত্যাচারগ্রস্ত হইয়াছে, সে ভিন্ন (অন্তর) উচ্চৈশ্বরে কুখ্যা বলাকে ঈশ্বর ভালবাসেন না, এবং ঈশ্বর শ্রোতা ও জ্ঞাতা আছেন। ১৪৮। যদি তোমরা সংকর্ষ প্রকাশে বা গোপনে কর, কিম্বা অপরাধ ক্ষমা কর, তাহা হইলে নিশ্চয় ঈশ্বর ক্ষমাশীল ও ক্ষমতাবান হন। ১৪৯। নিশ্চয় যাহারা পরমেশ্বর ও তাঁহার

* যুদ্ধে বিশ্বাসিগণ জরলাভ করিলে, লুপ্তিত জবাজাতের অংশ পাইবার লালসায়, কপট লোকেরা বিশ্বাসীদিগকে বলিয়া থাকে যে, "আমরা কি তোমাদিগকে সাহায্য করি নাই?" এবং কাকেরগণ বিশ্বাসীদিগের উপর পরাক্রান্ত হইলে, সেই কাকেরগণ হইতে অর্থ গ্রহণ করিবার জন্ত কপট লোকেরা বলে, "তোমাদের অপেক্ষা কি আমাদের বল পরাক্রম অধিক ছিল না? আমরা বল প্রকাশ করি নাই, কোশল করিয়া মোসলমানদিগকে যুদ্ধ হইতে নিবৃত্ত করিরাছি।" (ত, হে,)

ইহাযারা জানা বাইতেছে যে, যাহারা সত্যপথে আছে, অথচ পথচ্যুত লোকদিগের সঙ্গে সঙ্গিলন রক্ষা করিয়া চলে, তাহারাও কপট।

+ অর্থাৎ কাহারও দোষ দেখিলে প্রচার করিবে না। তাহা ঈশ্বরই দর্শন করেন ও জ্ঞাত হন। তিনি প্রত্যেক ব্যক্তিকে পাপের শাস্তি দান করেন। কিন্তু অত্যাচারগ্রস্ত ব্যক্তি অত্যাচারীর দোষ ব্যক্ত করিতে পারে। এই প্রকার আরও কোন কোন অবস্থায় দোষ প্রচার করার বিধি আছে। কপটের নাম প্রচার করা না হয়, এই উদ্দেশ্যে হয়তো এই হলে এই আদেশ হইরাছে। হজরত তাহা প্রচার করিতেন না। প্রচার করিলে কপট লোকের মন আরও বিকৃত হইয়া যায়। কপটকে পোপনে উপদেশ দিবে, তাহাতে সে নিজে বুকিতে পারিবে, পরে হয়তো সংপথ প্রাপ্ত হইবে। (ত, ফা,)

প্রেরিতগণের সঙ্গে বিদ্রোহিতাচরণ করে, এবং ইচ্ছা করে যে, ঈশ্বরের ও তাঁহার প্রেরিতগণের মধ্যে বিচ্ছেদ স্থাপন করে, এবং বলে যে, আমরা কাহাকে বিশ্বাস করিতেছি ও কাহার প্রতি বিদ্রোহী হইতেছি, এবং ইচ্ছা করে যে, ইহার মধ্যে কোন পথ অবলম্বন করে * । ১৫০। + এই তাহারা, তাহারাই প্রকৃত কাকের, আমি কাকের-দিগের জন্ত মানিজনক শান্তি প্রস্তুত রাখিয়াছি । ১৫১। এবং যাহারা ঈশ্বরকে ও তাঁহার প্রেরিতগণকে বিশ্বাস করে ও তাঁহাদের মধ্যে কাহাকেও বিচ্ছিন্ন করে না, এই তাহারা, অবশ্যই আমি তাহাদিগকে তাহাদের পুরস্কার প্রদান করিব; ঈশ্বর ক্ষমালী ও দয়ালু হন । ১৫২। (র, ২১, আ, ১১)

গ্রন্থদারী লোক সকল (হে মোহাম্মদ,) তোমার নিকটে প্রার্থনা করিতেছে যে, তুমি তাহাদের প্রতি স্বর্গ হইতে কোন গ্রন্থ অবতারণ কর; পরন্তু নিশ্চয় তাহারা মুসার নিকটে ইহা অপেক্ষা গুরুতর প্রার্থনা করিয়াছিল, তখন বলিয়াছিল, তুমি “স্পষ্টরূপে আমাদিগকে ঈশ্বরকে দেখাও।” পরে তাহাদের অপরাধের কারণ তাহাদিগকে বিভ্রাৎ আক্রমণ করে, তৎপর তাহাদের নিকটে অলৌকিক নিদর্শন সকল উপস্থিত হইলেও তাহারা গোবৎসকে গ্রহণ করিয়াছিল; পরে আমি তাহা ক্ষমা করিয়াছি, এবং মুসাকে স্পষ্ট বিক্রম দান করিয়াছি । ১৫৩। আমি তাহাদিগের অঙ্গীকার গ্রহণ করিবার জন্ত তাহাদের উপর তুর পর্ত্ততকে উত্থাপন করিয়াছিলাম, এবং তাহাদিগকে বলিয়াছিলাম যে, প্রণাম করিতে করিতে ঘারে প্রবেশ কর, এবং তাহাদিগকে বলিয়াছিলাম যে, শনিবাসরে সীমা লঙ্ঘন করিও না, অপিচ তাহাদিগ হইতে দৃঢ় অঙ্গীকার গ্রহণ করিয়াছিলাম । ১৫৪। পরিশেষে তাহাদের আপন অঙ্গীকার ভঙ্গ করার জন্ত, ঐশ্বরিক নিদর্শন সকলের প্রতি বিদ্রোহাচরণ জন্ত ও অগ্নায়রূপে প্রেরিতপুরুষদিগকে হত্যা করার জন্ত, এবং “আমাদের অন্তঃকরণ আবৃত” তাহাদের (এই) উক্তির জন্ত, (তাহাদিগকে যাহা করিবার আমি করিয়াছি;) বরং ঈশ্বর তাহাদের ধর্ম্মবিদ্রোহিতার জন্ত তাহাদের (অন্তরের) উপর মোহর করিয়াছেন, অনন্তর তাহারা অল্প বাতীত বিশ্বাস করে না । ১৫৫। এবং তাহাদের ধর্ম্মবিদ্রোহিতার জন্ত এবং মরয়মের প্রতি তাহাদের গুরুতর অপলাপ বাক্যের জন্ত । ১৫৬। + এবং “নিশ্চয় আমরা মরয়মনন্দন ঈশ্বরের প্রেরিত ঈসা মসিহকে হত্যা করিয়াছি” তাহাদের (এই) উক্তির জন্ত (যাহা করিবার করিয়াছি।) এবং তাহারা

* ইহাদিগ বলিবে যে, আমরা প্রেরিতপুরুষ মুসা ও আজিজকে বিশ্বাস করি, ঈসা ও মোহাম্মদের বিরোধী । ইহারা ইচ্ছা করে যে, বিশ্বাস ও বিদ্রোহিতার মধ্যে কোন পথ অবলম্বন করে । কিন্তু প্রেরিতগণের বিদ্রোহী হইয়া শুদ্ধ ঈশ্বরের প্রতি বিশ্বাসী হইলে বিশ্বাসের পূর্ণতা হয় না । (ত, হো,)

এ স্থানে শুদ্ধ ইহুদিদিগের প্রসঙ্গ । ইহুদি ও কপট লোকদিগের প্রসঙ্গ কোর-আনের প্রার সকল স্থানে একত্র সন্নিবেশিত । সাময়িক প্রেরিতপুরুষকে মাজ করিলে ঈশ্বরকে মাজ করা হয় । উদ্যত হানে একত্র সন্নিবেশিত । সাময়িক প্রেরিতপুরুষকে মাজ করিলে ঈশ্বরকে মাজ করা হয় । (ত, ফা,)

তাহাকে বধ করে নাই ও তাহাকে ক্রুশবিদ্ধ করে নাই ; কিন্তু তাহাদের জন্য একটি মৃতি রচিত হইয়াছিল, নিশ্চয় যাহারা তাহার প্রতি বিরুদ্ধাচরণ করিয়াছিল, একান্তই তাহার বিষয়ে সন্দেহের মধ্যে ছিল, কল্পনার অল্পসরণ ব্যতীত তৎসম্বন্ধে তাহাদের কোন জ্ঞান নাই, এবং বাস্তবিক তাহাকে বধ করে নাই । ১৫৭। + বরং ঈশ্বর তাহাকে আপনার দিকে উত্থাপন করিয়াছেন, ঈশ্বর নিপুণ ও পরাক্রান্ত হন * । ১৫৮। এবং তাহার মৃত্যুর পূর্বে তাহার সম্বন্ধে একান্ত বিশ্বাসী হইবে ব্যতীত কোন গ্রন্থাধিকারী নাই, এবং কেয়ামতের দিবস সে তাহাদের সম্বন্ধে সাক্ষী হইবে † । ১৫৯। ইহদিগণ হইতে যে অত্যাচার হইয়াছে তৎক্ষণাৎ এবং অনেককে ঈশ্বরের পথ হইতে প্রতিনিবৃত্ত করিবার জন্য তাহাদের সম্বন্ধে বৈধীকৃত শুদ্ধ বস্তুসকলকে আমি তাহাদিগের প্রতি অবৈধ করিয়াছি । ১৬০। + এবং তাহাদের হৃদ গ্রহণের জন্যও, নিশ্চয় তাহা আমি নিষেধ করিয়াছিলাম, এবং তাহাদের অন্তাররূপে লোকের ধন গ্রহণের জন্য, (শুদ্ধ বস্তু সকলকে অবৈধ করিয়াছি,) এবং আমি তাহাদিগের কাফেরদিগের জন্য দুঃখজনক শাস্তি প্রস্তুত রাখিয়াছি । ১৬১। কিন্তু তাহাদের মধ্যে জ্ঞানেতে নিপুণ ও বিশ্বাসী লোকেরা তোমার প্রতি যাহা অবতারিত হইয়াছে ও তোমার পূর্বে যাহা অবতারিত হইয়াছে তৎপ্রতি বিশ্বাস করে, এবং উপাসনার প্রতিষ্ঠাকারী ও জ্বাকতদাতা ও ঈশ্বর এবং পরকালের প্রতি বিশ্বাসী, তাহারাই তাহাদিগকে আমি অবশ্য মহা পুরস্কার দান করিব । ১৬২। (র, ২২, আ, ১০)

* ইহদিগণ বলে যে, আমরা ঈসাকে বধ করিয়াছি, এবং তাহার ঠাহাকে ঈশ্বরপ্রেরিত বলিয়া স্বীকার করে না। পরমেশ্বর তাহাদের জাতি প্রদর্শন করিয়া বলিতেছেন যে, তাহার ঠাহাকে কখনও বধ করে নাই, ঈশ্বর ঈসার এক মৃতি নির্মাণ করিয়াছিলেন, সেই মৃতিকে তাহার ক্রুশে বিদ্ধ করিয়াছিল। পরিশেষে তিনি বলিয়াছেন যে, ঈসায়ীরা প্রথম হইতে এই কথা বলে যে, ঈসাকে বধ করে নাই, তিনি জীবিত আছেন, কিন্তু তাহার নিশ্চিত বৃষ্টিতেই না। এ বিষয়ে অনেক অনেক কথা বলে। কেহ কেহ বলে যে, মহান্বা ঈসার শরীরকে বধ করিয়াছিল, তাহার আত্মা ঈশ্বরের নিকটে উত্তীর্ণ হইয়াছে। কেহ বলে, তাহাকে বধ করিয়াছিল, কিন্তু তিন দিবস অন্তে তিনি জীবিত হইয়া কলেবরসহ স্বর্গে সমুত্তীর্ণ হইয়াছেন। ইহার কোন উক্তিই প্রামাণ্য নহে। ঈশ্বরই এ বিষয় জ্ঞাত আছেন, তিনি বলিতেছেন যে, ইহদিগা ঈসার মৃতিকে বধ করিয়াছে। ইহদি ও ঈসায়ীরা ইহা জ্ঞাত নহে। (ত, কা,)

+ গ্রন্থাধিকারিগণ মহান্বা ঈসার মৃত্যুর পূর্বে তাহার প্রতি বিশ্বাসী হইবে, ইহার অর্থ এই যে, মহান্বা ঈসা অবতীর্ণ হইয়া শত্রুকে সংহার করিবেন, সকল গ্রন্থাধিকারী তাহার প্রতি বিশ্বাসী হইবেন, অর্থাৎ সকলে নিশ্চয়রূপে বুঝিবেন যে, ইনি প্রেরিতপুরুষ। তিনি তাহাদের নিকটে এসলাম ধর্ম সমর্থন করিবেন। বিভিন্ন ধর্ম পৃথিবীতে থাকিবে না, একমাত্র এসলাম ধর্ম থাকিবে। হজরত ঈসা আমাদের পেগাম্বরের গ্রন্থ ও বিধি অনুসারে কার্য্য করিবেন। তিনি চল্লিশ বৎসর পৃথিবীতে জীবন বাপন করিয়া পরলোকে চলিয়া যাইবেন। পরে ইহদিগণ যে তাহার প্রতি বিশ্বাসী হইয়া দোষারোপ করে, এবং ঈসারিগণ যে তাহাকে ঈশ্বরের পুত্র বলে, বিচারের দিন তাহার বিরুদ্ধে তিনি সাক্ষ্যদান করিবেন। (ত, হো,)

যেমন আমি হুহাৰ প্ৰতি ও তাহাৰ পৰবৰ্তী প্ৰেৰিত পুৰুষগণেৰ প্ৰতি প্ৰত্যাদেশ কৰিয়াছি, তজপ তোমাৰ প্ৰতি নিশ্চয় আমি প্ৰত্যাদেশ কৰিয়াছি ; এবং এব্ৰাহিম ও এস্মাইল ও এস্হাক ও ইয়াকুব এবং তাহাৰ সন্ততিগণ ও ঈসা ও আয়ুব ও ইয়ুনস ও হাৰুণ ও সোলয়মানৰ প্ৰতি প্ৰত্যাদেশ কৰিয়াছি, এবং দাউদকে জবুৰ গ্ৰন্থ দান কৰিয়াছি। ১৬৩। এবং কতক প্ৰেৰিতকে (পাঠাইয়াছি,) নিশ্চয় পূৰ্বে তাহাদেৰ বিবৰণ তোমাৰ নিকটে বলিয়াছি, এবং কতক প্ৰেৰিতকে (পাঠাইয়াছি,) তাহাদেৰ বিবৰণ তোমাৰ নিকট বলি নাই, ঈশ্বৰ মুসাৰ সন্ধে কথা কহিয়াছেন। ১৬৪। সুসংবাদদাতা ও ভয়প্ৰদৰ্শক কতক প্ৰেৰিত (পাঠাইয়াছি,) যেন প্ৰেৰিতদিগেৰ অভাবে ঈশ্বৰেৰ প্ৰতি মনুষ্যেৰ জন্ত কোন তৰ্ক না হয় ; ঈশ্বৰ পৰাক্ৰান্ত নিপুণ *। ১৬৫। কিন্তু ঈশ্বৰ তোমাৰ প্ৰতি যাহা অবতারণ কৰিয়াছেন, তাহাৰ সাক্ষাদান কৰেন, তিনি আপন জ্ঞানে তাহা অবতারণ কৰিয়াছেন, এবং দেবগণ সাক্ষাদান কৰেন ; ঈশ্বৰ যথেষ্ট সাক্ষী। ১৬৬। নিশ্চয় যাহাৰা ধৰ্ম্মদ্রোহী হইয়াছে ও ঈশ্বৰেৰ পথ হইতে (লোকদিগকে) প্ৰতিনিবৃত্ত কৰিয়াছে, সত্যই তাহাৰা দূৰতৰ পথচ্যুতিতে পথচ্যুত হইয়াছে। ১৬৭। নিশ্চয় যাহাৰা ধৰ্ম্মদ্রোহী হইয়াছে ও অত্যাচাৰ কৰিয়াছে, ঈশ্বৰ তাহাদিগকে কখনও ক্ষমা কৰিবাৰ নহেন, এবং তিনি তাহাদিগকে নৱকেৰ পথ ব্যতীত অন্য পথ দেখাইবেন না, তাহাৰা তাহাতে সৰ্বদা থাকিবে, ঈশ্বৰেৰ সন্থা ইহা সহজ হয়। ১৬৮+১৬৯। হে লোক সকল, নিশ্চয় তোমাদেৰ প্ৰতিপালকেৰ নিকট হইতে তোমাদিগেৰ সন্নিধানে সত্য সহকাৰে প্ৰেৰিতপুৰুষ আগমন কৰিয়াছে, অতএব বিশ্বাস কৰ, তোমাদিগেৰ জন্ত মজল হইবে ; যদি ধৰ্ম্মদ্রোহী হও, তবে নিশ্চয় (জানিও,) স্বৰ্গে ও পৃথিবীতে যাহা কিছু আছে সমুদায় ঈশ্বৰেৰ ; এবং ঈশ্বৰ জ্ঞাতা ও নিপুণ হন। ১৭০। হে গ্ৰন্থধাৰী লোক সকল, স্বীয় ধৰ্ম্মেতে অতিৰিক্ত কৰিও না, ঈশ্বৰেৰ সন্থা সত্য ব্যতীত বলিও না ; মৰয়মনন্দন ঈসা মসিহ ঈশ্বৰেৰ প্ৰেৰিত ও তাঁহাৰ আত্মা ভিন্ন নহে, তিনি তাহাকে মৰয়মেৰ প্ৰতি উৎসৰ্গ কৰিয়াছিলেন, এবং সে তাঁহাৰ আত্মা, অতএব ঈশ্বৰকে ও তাঁহাৰ প্ৰেৰিতপুৰুষকে বিশ্বাস কৰ, তিনজন ঈশ্বৰ বলিও না, ক্ষান্ত হও, তোমাদেৰ জন্ত মজল হইবে, ঈশ্বৰই একমাত্ৰ উপাস্ত ইহা ব্যতীত নহে, তাঁহাৰ জন্ত সন্তান হওয়া

* একদা কাকৈৰ দলেৰ প্ৰধান পুৰুষেৰা হজ্জৰতেৰ নিকটে যাইয়া বলিয়াছিল, “হে মোহম্মদ, আমাৰা তোমাৰ ধৰ্ম্মপ্ৰণালী বিষয়ে ইহুদিদিগকে জিজ্ঞাসা কৰিয়াছিলাম ও তোমাৰ প্ৰেৰিতত্ব ও গ্ৰন্থ বিষয়ে প্ৰশ্ন কৰিয়াছিলাম ; তাহাৰা বলে যে, আমাৰা মোহম্মদকে চিনি না, এবং তাঁহাৰ প্ৰসঙ্গ আমাদেৰ পুস্তকে নাই।” ইতিমধ্যে একদল ইহুদি হজ্জৰতেৰ সন্মুখ উপস্থিত হয়। হজ্জৰত তাহাদিগকে বলেন যে, “ঈশ্বৰেৰ পথ, তোমাৰা জ্ঞাত আছে যে, আমি ঈশ্বৰেৰ তত্ত্ববাহক।” তাহাৰা বলিল, “আমাৰা তাহা জানি না, কোন সাক্ষা রাখি না।” তাহাতেই নিরোক্ত আয়ত অবতীৰ্ণ হয়।

(ত, হো,)

বিষয়ে তিনি নিশ্চুঁকিত ; স্বর্গে যাহা ও পৃথিবীতে যাহা আছে তাহা তাঁহারই, এই ঈশ্বরই কার্য্যসম্পাদক যথেষ্ট * । ১৭১ । (র, ২৩, আ, ২)

ঈশ্বরের ভূত্য হইতে কদাচ ঈসা ও পারিষদ দেবগণ সঙ্কুচিত নহে, যাহারা তাঁহার দাসত্ব করিতে সঙ্কুচিত হয় ও অহঙ্কার করে, পরে তিনি তাহাদিগকে একত্র আপনার নিকটে সমুৎখাপিত করিবেন † । ১৭২ । পরিশেষে কিন্তু যাহারা বিশ্বাস করিয়াছে ও সংকল্প করিয়াছে, তাহাদিগকে তাহাদের পারিশ্রমিক তিনি পূর্ণ দিবেন ও আপন কৃপাশ্রমে তাহাদিগকে অধিক দিবেন ; কিন্তু যাহারা সঙ্কুচিত হয় ও অহঙ্কার করে, পরে দুঃখজনক শাস্তিযোগে তাহাদিগকে শাস্তি দিবেন । ১৭৩ । + তাহারা আপনাদের জন্ত পরমেশ্বর ব্যতীত কোন বন্ধু ও সাহায্যকারী পাইবে না । ১৭৪ । হে লোক সকল, নিশ্চয় তোমাদের প্রতিপালক হইতে তোমাদের নিকটে প্রমাণ উপস্থিত হইয়াছে, এবং আমি তোমাদের প্রতি উজ্জ্বল জ্যোতি অবতারণ করিয়াছি । ১৭৫ । পরে কিন্তু যাহারা ঈশ্বরের প্রতি বিশ্বাস স্থাপন করিয়াছে ও তাঁহাকে দৃঢ়রূপে অবলম্বন করিয়াছে, অবশেষে অবশ্য তাহাদিগকে তিনি আপন অনুগ্রহ ও দয়ার মধ্যে প্রবেশ করাইবেন, এবং তাহাদিগকে আপনার দিকে সরল পথ প্রদর্শন করিবেন । ১৭৬ । তাহারা (হে মোহম্মদ,) তোমার নিকটে ব্যবস্থা জিজ্ঞাসা করিতেছে, তুমি বল, ঈশ্বর “কলালা” বিষয়ে ‡ তোমাদিগকে ব্যবস্থা দান করিতেছেন ; যদি এমন কোন পুরুষের মৃত্যু হয় যে তাহার সন্তান নাই, এবং তাহার ভগিনী আছে, তবে তাহার জন্ত সে যাহা পরিত্যাগ করিয়াছে- উহার অর্দ্ধাংশ হইবে, এবং যদি তাহার (ভগিনীর) সন্তান না থাকে, তবে সে (ভ্রাতা)

* ঈসারদিগের প্রতি এই উক্তি । ঈসারিগণ ঈশ্বরকে তিন স্থলেতে প্রদর্শন করে ; যথা পিতা, পুত্র ও পবিত্রাত্মা । আজ্ঞা হইতেছে যে, ধর্ম্মবিষয়ে অতিরিক্ত আচরণ দূর । কাহারও প্রতি বিশ্বাস ও ভক্তি হইলে তাহার গুণানুবাদে সীমা লঙ্ঘন করিবে না। যত দূর সত্য, তাহাই বলিবে । পরন্তু আজ্ঞা হইতেছে যে, প্রকৃত পক্ষে পুত্র উৎপাদন করা ঈশ্বরের যোগ্য কার্য্য নহে । (ত, কা,)

ঈশ্বরের পুত্র গ্রহণ করা অনাবশ্যক । পুত্র পিতার কার্য্যের সাহায্যকারী হইয়া থাকে । ঈশ্বর স্বয়ং আপন সৃষ্টি রক্ষা করিতে প্রবৃত্ত আছেন । তিনি সৃষ্টির ও সাহায্যকারীর প্রার্থী নহেন । (ত, হো,)

† কথিত আছে যে, ঈসারিগণ হজরতকে বলিয়াছিল, “হে মোহম্মদ, তুমি ঈসার প্রতি কেন দোষারোপ কর ।” হজরত জিজ্ঞাসা করিলেন, “আমি তাঁহার সম্বন্ধে এমন কি কথা বলিয়া থাকি যে, তোমরা তাহা দোষ বলিয়া গণ্য করিতেছ ?” তাহার। বলিল, “তুমি বলিয়া থাক যে, তিনি ঈশ্বরের ভূত্য, তাঁহার ভূতাত্ত্ব-স্বীকারই যে দোষ ।” হজরত বলিলেন, “ঈশ্বরের দাসত্ব-স্বীকারে কোন দোষ নাই, কেহই ইহাকে দোষ বলিয়া গণ্য করে না ।” তখন এই কথার অনুরূপ এই আয়ত্ত অবতীর্ণ হয় । (ত, হো,)

‡ বাহার উত্তরাধিকারীর মধ্যে পিতা ও পুত্র নাই, এস্থলে “কলালা” শব্দে তাহাকে বুঝাইবে । (ত, কা,)

তাহার উত্তরাধিকারী ; পরন্তু যদি দুই ভগিনী হয়, তবে তাহাদের জ্ঞ (মৃত ব্যক্তি) যাহা পরিভাগ করিয়াছে, তাহার দুই তৃতীয়াংশ হইবে; এবং যদি (উত্তরাধিকারীর) বহু ভ্রাতা ভগিনী হয়, তবে পুরুষের জ্ঞ দুই স্ত্রীর অংশের তুল্য অংশ হইবে, তোমাদিগের জ্ঞ ঈশ্বর (ইহা) ব্যক্ত করিতেছেন যেন তোমরা পথভ্রান্ত না হও, ঈশ্বর সর্বজ্ঞ *। ১৭৭। (র, ২৪, আ, ৬)

সূরা মায়দা *

.....

পঞ্চম অধ্যায়

.....

১২০ আয়ত, ১৬ রকু

* (দাতা দয়ালু পরমেশ্বরের নামে প্রবৃত্ত হইতেছি।)

হে বিশ্বাসিগণ, অঙ্গীকার পূর্ণ কর, ঃ যাহা তোমাদের নিকটে পঠিত হইবে, তন্নিম্ন অহিংস্র জন্তু তোমাদের জ্ঞ বৈধ হইয়াছে; তোমরা এহরাম বন্ধন করিয়াছ, এই অবস্থায় যুগুয়া অবৈধ। নিশ্চয় ঈশ্বর যাহা ইচ্ছা করিয়া থাকেন, তাহা আজ্ঞা করেন। ১। হে বিশ্বাসিগণ, ঈশ্বরের নিদর্শন সকলের এবং হরাম মাসের ও কোরবাণীর পশুর ও কেলাদার এবং আপন প্রতিপালকের প্রসাদ ও সন্তোষ অন্বেষণ করে, এমন মস্জিদোন্ হরামের উচ্ছোঙ্গী লোকদিগের অবমাননা করিও না, এবং যখন এহরাম উন্মোচন কর, তখন যুগুয়া করিও; মস্জিদোন্ হরাম হইতে তোমাদিগকে নিবৃত্ত করিয়াছে, এমন কোন

* যেহলে উত্তরাধিকারীর মধ্যে পিতা ও পুত্র নাই, সেহলে উত্তরাধিকারিণে সহোদর ভ্রাতা ও ভগিনী পুত্র কন্তার স্থলবর্তী, সহোদর ভ্রাতা ও ভগিনী না থাকিলে বৈমাত্র ভ্রাতা ও ভগিনীর প্রতিও এই বিধি। এক ভগিনী থাকিলে অর্দ্ধাংশ, দুই ভগিনী হইলে দুই তৃতীয়াংশ করিয়া মৃত ব্যক্তির তাক সম্পত্তি প্রাপ্তি হইবে। ভ্রাতা ভগিনী দুই থাকিলে, ভ্রাতা ভগিনীর দ্বিগুণ অংশ পাঠবে। নিঃসন্তান ভগিনীর উত্তরাধিকারী ভ্রাতা। অজ্ঞের জ্ঞ যাহার অংশ নির্ধারিত নাই, সে "অস্বা" (ত, ফা,) অর্থাৎ প্রকৃত উত্তরাধিকারী।

† এই সূরা মদিনাতে অবতীর্ণ হয়।

‡ অর্থাৎ বিবাহবন্ধন ও ক্রয়বিক্রয়াদিতে যে অঙ্গীকার করিয়া থাক, তাহা পূর্ণ করিও। (ত, হে,)

দলের শত্রুতা যেন তোমাদের কারণ না হয় যে তোমরা সীমা লঙ্ঘন কর; এবং তোমরা সংকার্যে ও ধৈর্য্যধারণে পরস্পর আহুকূল্য করিও, দুর্কর্মে ও অত্যাচারে পরস্পর আহুকূল্য করিও না; ঈশ্বরকে ভয় করিও, নিশ্চয় ঈশ্বর কঠিন শাস্তিদাতা *। ২। তোমরা যাহা জ্ঞত করিয়াছ, তথ্যতীত শব ও শোণিত এবং বরাহমাংস, ও যাহা ঈশ্বর ব্যতীত অল্প দেবতার উদ্দেশ্যে নিবেদিত হইয়াছে এবং গলা চাপায় মরিয়াছে ও যষ্টির আঘাতে মরিয়াছে, এবং উচ্চস্থান হইতে পড়িয়া মরিয়াছে, ও শূদ্রাঘাতে মরিয়াছে, এবং যাহা হিংস্র জন্তু ভক্ষণ করিয়াছে, (এ সকল) তোমাদিগের প্রতি অবৈধ; এবং নির্দিষ্ট স্থান সকলে জ্ঞত করা হইয়াছে, আজলাম যোগে তোমরা যাহা বিভাগ কর, (অবৈধ,) ইহা দুর্কর্ম; অল্প কফেরগণ তোমাদের ধর্মে নিরাশ হইয়াছে, অনন্তর তোমরা তাহাদিগকে ভয় করিও না, এবং আগাকে ভয় করিও; অল্প আমি তোমাদের জন্য তোমাদের

* হতিম নামক ব্যক্তি, যে আরব দেশে নির্ভীকতায় ও মুর্থতায় এবং পাপাচারে বিখ্যাত ছিল, সে একদিন হজরতের নিকটে যাইয়া জিজ্ঞাসা করিল, “মোহম্মদ, তুমি লোকদিগকে কি কি বিষয়ে আহ্বান করিয়া থাক?” হজরত বলিলেন, “ঈশ্বরকে একমাত্র বলিয়া জানা ও আমাকে প্রেরিত বলিয়া বিশ্বাস করা, নমাজ ও জকাত দানে নিতাব্রতী হওয়া, এ সকল বিষয়ের জন্ত আহ্বান করিয়া থাকি।” ইহা শুনিয়া হতিম বলিল, “তুমি উত্তম বলিয়াছ, আমি কতকগুলি লোকের অধীনতা-শৃঙ্খলে বদ্ধ আছি, তাহাদের মত্ৰণানুসারে কাজ করিয়া থাকি। আমি যাইয়া তাহাদের নিকটে এই কথা বলিতেছি, তাহারা উত্তম বলিয়া স্বীকার করিলে আমি তোমার ধর্ম গ্রহণ করিব।” হজরত তাহার আগমনের পূর্বেই বলিয়াছিলেন যে, “অল্প এমন এক লোক আসিবে যে, সে শরতানের রসনার কথা কহিবে ও পরে অত্যাচার করিবে।” অতঃপর হতিম এই সকল কথা বলিয়া চলিয়া গেল, তৎপর উট্ট ও মদিনার অল্প কতকগুলি গৃহপালিত পশু হরণ করিল। তাহাতে তনয়িমনামক গ্রামে কোলাহল ও গোলযোগ উপস্থিত হয়। হজরত ওমরাব্রতপালনের জন্ত মকাবেত্রা করিয়া ধর্মবজ্রগণসহ তথায় উপস্থিত ছিলেন। তাহার বজ্রগণ দেখিলেন যে, হতিম উট্ট সকল হরণ করিয়া কোরবান্গিযোগ্য পশুর নিয়মে কেলাদা সংযুক্ত করিয়া মকাতিমুখে লইয়া যাইতেছে। তাহারা উট্ট সকল ছিন্দিয়া রাখিতে ইচ্ছা করিলেন। তখন হজরত বলিলেন, “হতিম কোরবান্গির পশুকে কেলাদাহুক্ত করিয়াছে, তাহার অসম্মাননা করা তোমাদের উচিত নয়।” এতদ্রূপলক্ষে এই আয়ত অবতীর্ণ হয়। (ত, হো,)

ঈশ্বরের নামে যে সকল বস্তু চিহ্নিত হইয়াছে, সে সকলের উপর হস্তক্ষেপ করিও না। অর্থাৎ কাকেরও যদি ঈশ্বরোদ্দেশ্যে বলি লইয়া যায়, তাহা লুণ্ঠন করিও না। হরাম মাসে অর্থাৎ হস্তব্রত-পালনের নির্দিষ্ট মাসে কাকেরদিগকে আহরণ করিও না ও তাহারা বলির জন্ত চিহ্নিত করিয়া পশু মকাত উদ্দেশ্যে লইয়া গেলে তাহা ছিন্দিয়া লইও না ও তাহাদের অবমাননা করিও না। যস্কেদোলু হরামে প্রবেশ করিতে কাকেরগণ তোমাদিগকে বাধা দিয়াছে, কিন্তু তোমরা সীমা লঙ্ঘন করিও না, অর্থাৎ আসিবার কালে তাহাদিগকে বাধা দিও না। পূর্বে হইতে বলিবে, যেন কাকের না আইসে। এতদ্বারা জগদ্বন্দ্ব হইতেছে, যে কার্য্য দ্বারা কাকেরগণ ঈশ্বরের সম্মান করে, সে কার্য্যের অবমাননা করা অবিধি। (ত, ক,)

কেলাদা পশুর গলার বন্ধন বিশেষ।

ধর্মকে পূর্ণ করিয়াছি, এবং আমার দান তোমাদের সম্বন্ধে পূর্ণ করিয়াছি, তোমাদের জন্ত এসলামকে ধর্মরূপে মনোনীত করিয়াছি ; অনন্তর যে ব্যক্তি পাপের প্রতি অনুতপ্ত, ক্ষুদ্র কাতর, পরে নিশ্চয় ঈশ্বর (তাহার) ক্ষমাকারী ও অল্পগ্রহকারী * । ৩ । তোমাকে তাহারা জিজ্ঞাসা করিতেছে যে, কোন্ বস্তু তাহাদের জন্ত বৈধ হইয়াছে ; তুমি বল যে, তোমাদের নিমিত্ত বিত্ত্ব বস্তু বৈধ, এবং ঈশ্বর তোমাদিগকে বাহা শিক্ষা দিয়াছেন, তদনুসারে তোমরা শিকারী জন্তদিগকে তাহাদের শিক্ষাদাতার ভাবে বাহা শিক্ষা দেও, (সেই ভাবে শিকার করিয়া) পরে তোমাদের জন্ত তাহারা বাহা রক্ষা করে, তাহা ভক্ষণ করিবে ; এবং তদুপরি ঈশ্বরের নাম স্মরণ করিও, ঈশ্বরকে ভয় করিও,

* মস্জিদেদৌল হরামের চতুর্পার্শ্বে ৩৬০ খণ্ড প্রস্তর নির্দিষ্ট আছে, পৌত্তলিকতার সময়ে লোকে সেই সকল প্রস্তরকে সম্মান করিত, এবং তদুপরি বলিদান করিত । এক্ষণ সেই নির্দিষ্ট স্থানসকলে বলি প্রদান নিষিদ্ধ হইল । আরবীয় লোকদিগের পালক ও ফালাশুজ তিনটি শর ছিল, তাহাকে আজলাম ও আকদা বলিত । তাহাদের কোন ব্যাপার উপস্থিত হইলে তাহারা সেই তিন বাণ গ্রহণ করিয়া একটি ঝুলিতে পুরিত, এবং সেই ঝুলি হবল নামক দেবমূর্তির প্রতিবেশী এমন এক জনের হস্তে সমর্পণ করিত । একটি শরে “আমার ঈশ্বর আমাকে আজ্ঞা করিলেন” (আমরণি রকিব) এই কথা, আর একটিতে “আমার ঈশ্বর আমাকে নিবেদন করিলেন” (নহানি রকিব) এই কথা লেখা থাকিত । অষ্টটিকে “মনিহ” বলা হইত, তাহাতে কিছু লেখা থাকিত না । যে ব্যক্তি কোন ব্যাপারে উদ্ভূত হইত, সে হবলদেবের প্রতিবেশীর নিকটে বলি উপহার সহ আগমনপূর্বক সেই ঝুলির ভিতরে হস্তার্পণ করিয়া একটি শর বাহির করিত ; তাহাতে “আমরণি রকিব” লেখা থাকিলে তৎক্ষণাৎ সেই কাণ্ডে প্রবৃত্ত হইত । “নহানি রকিব” লেখা হইলে সম্বৎসর কাল সেই কাণ্ডে বিরত থাকিত, এবং “মনিহ” শর বাহির হইলে পুনরায় ঝুলিতে শর স্থাপন ও তাহা হইতে নিঃসারণে প্রবৃত্ত হইত । তাহারা এই আজলাম অনুসারে বিবাহাদি কাণ্ড সম্পাদন করিত । নির্দিষ্ট স্থানে উষ্ট্র জন্ত করা ও পশুর মাংস বিভাগ করাও আজলাম অনুসারে হইত । (ত, হো,)

অহিংস্র জন্তর মধ্যে কয়েকটি জন্ত-ভক্ষণ নিষিদ্ধ । যথা বরাহমাংস, কোন পশুর শোণিত, অথবা যে পশু মৃত : মরিয়াছে, কিংবা জন্ত বাতীত অল্প কোন কারণে মারা গিয়াছে, বা বাহা ঈশ্বর বাতীত অল্প দেবতার নামে কিবা ঈশ্বরের মন্দির বাতীত কোন বিশেষ স্থানের সম্মানের জন্ত জন্ত করা হইয়াছে, এই সকল নিষিদ্ধ ; ক্ষুদ্রাশুজ মুম্বু' ব্যক্তিদিগের এ সকল ভক্ষণে দোষ নাই । আজলাম পাণ্ডি ক্রীড়ার ব্যবহায্য অস্থিখণ্ড সকলকে বলে । আজলামযোগে মাংস বিভাগ করা কাকেরদিগের রীতি ছিল । যথা দশজনে একটি পশু হ্রস্ব করিয়া জন্ত করিল, তাহারা দশটি আজলামের কোন কোনটিতে অর্দ্ধাংশ, তৃতীয়াংশ, কোনটিতে চতুর্থাংশ ইত্যাদি লিখিল । পরে ক্রীড়াতে যাহার নামে যে অংশ পড়িল, তাহার ভাগে সেই অংশ হইল । একটি আজলামে কিছুই লেখা থাকিত না, যাহার নামে তাহা পড়িত, সে কিছুই পাইত না । ঈশ্বর বাতীত অস্ত্রের নামে বা অল্প কিছুর সম্মান উদ্দেশ্যে বাহা জন্ত হয়, তাহা মৃতদেহতুল্য অখাদ্য, এবং এই বিধি হইল যে, “অল্প পূর্ণ ধর্ম তোমাদিগকে দেওয়া গেল ।” এই আদত ঈশ্বরের সমুদায় আদেশ অবতীর্ণ হওয়ার পর অবতীর্ণ হইয়াছিল । ইহার পর তিন মাস মাত্র হজরত জীবিত ছিলেন । (ত, ফা,)

নিশ্চয় ঈশ্বর বিচারে সত্বর *। ৪। তোমাদের জন্ত অল্প বিন্দু বস্তু বৈধ হইয়াছে, এবং গ্রন্থাধিকারীদিগের খাজ তোমাদের জন্ত বৈধ হইয়াছে, এবং তোমাদের খাজ তাহাদিগের জন্ত বৈধ হইয়াছে ; এবং মোসলমান শুদ্ধাচারিণী কন্যা ও তোমাদের পূর্ব-বর্তী গ্রন্থাধিকারীদিগের শুদ্ধাচারিণী কন্যা, তোমরা গুপ্তপ্রণয়গ্রহণবিমুখ শুদ্ধাচারী অব্যভিচারী হইয়া তাহাদিগকে তাহাদের যৌতুক দান করিলে (তোমাদের জন্ত বৈধ ;) এবং যে ব্যক্তি বিশ্বাসের বিরুদ্ধাচরণ করে, তাহার কর্ম বিনষ্ট হয়, সে পরলোকে ক্ষতিগ্রস্তদিগের অন্তর্গত †। ৫। (র, ১, আ, ৫)

হে বিশ্বাসিগণ, যখন তোমরা নমাজ উদ্দেশে দণ্ডায়মান হইবে, তখন আপনাদের মুখমণ্ডল ও আপনাদের হস্ত কফোণি পর্য্যন্ত ধৌত করিও ও আপনাদের মস্তকে এবং জাম্ম পর্য্যন্ত আপনাদের পদে হস্ত্যামর্শন করিও ; যদি অশুদ্ধ থাক, তবে শুদ্ধ (স্নাত) হইও, এবং যদি পীড়িত হও বা দেশভ্রমণে থাক, কিম্বা তোমাদের কেহ শৌচাগার হইতে আগমন করে, অথবা তোমরা স্ত্রীসঙ্গ কর, পরন্তু জল প্রাপ্ত হও নাই, তবে তোমরা

* অদি ও জয়দোল্ খয়ব এই দুই ব্যক্তি হজরতের নিকটে বাইরা বলিল যে, “আমরা একস্থানে থাকিয়া কুকুর ও শিকারী পক্ষীদিগের সাহায্যে জন্ত শিকার করিয়া থাকি। তাহারা আমাদের ইঙ্গিতক্রমে বনের পশুপক্ষীদিগকে শিকার করে। কোন শিকারকে কুকুরে জীবন নাশ করিবার পূর্বে আমরা প্রাপ্ত হইয়া জন্ত করি ; কতকগুলি এমন হয় যে, আমাদের কাছে পহুছিবার পূর্বেই কুকুরে মারিয়া ফেলে। এক্ষণ শব-ভঙ্গণে ঈশ্বর নিবেদন করিতেছেন, তবে এ বিষয়ে কি বিধি হইবে ? তাহাতে এই আয়ত অবতীর্ণ হয়। (ত, হো,)

হজরত যে সকল দ্রব্য-ভক্ষণে নিবেদন করিয়াছেন, তাহা শুদ্ধ নয়, বুঝা গেল। যথা, বাস্ত্র ভল্লুক বাজ্র চিল ইত্যাদি স্বাপদ ও শিকারী পক্ষী। গৃহ কাক প্রভৃতি শব্দী পক্ষী, অবতর ও পর্দিত প্রভৃতি পশু এবং মুখিক ইত্যাদি জন্ত অবেধ বস্তুর অন্তর্ভুক্ত। শিকারী জন্ত যে জন্তকে ভক্ষণ করিয়াছে, প্রথমতঃ তাহা ভক্ষণে নিবেদন হইয়াছিল। এক্ষণ বিন্দু শিকারী জন্ত কর্তৃক ভক্ষিত জন্ত বৈধ বলিয়া পরিগণিত হইল। যখন সেই সকল জন্তকে মনুষ্য শিক্ষা দিয়া থাকে, তখন তাহারা বাহা মারে, তাহা যেন মনুষ্য জন্ত করিল, এরূপ স্বীকার করিতে হইবে। কিন্তু তাহার শুদ্ধতা আবশ্যক। শিকারী জন্ত যে জন্তকে না খাইয়া রাপিয়া দেয়, তাহা শুদ্ধ। শিক্ষিত শিকারী জন্তকে শিকারের জন্ত ছাড়িয়া দিবার সময় ঈশ্বরের নাম স্মরণ করা অর্থাৎ “বেসমলা” বলা আবশ্যক। (ত, কা,)

† অল্প শুদ্ধ খাজ দ্রব্য সকল তোমাদের জন্ত বৈধ হইল। এ সকল বস্তু মহাপুরুষ এব্রাহিমের সময়ে বৈধ ছিল। তওরাত অবতীর্ণ হইলে পর ইহুদিদিগের শাস্তির জন্ত তাহার অধিকাংশ দ্রব্য নিবিদ্ধ হইয়াছিল। বাইবেলে বৈধাবৈধ খাজ বাক্য হয় নাই। এক্ষণ কোর-আনে সেই এব্রাহিমের ধর্মের অনুরূপ তৎসমুদায় বৈধ হইল। গ্রন্থাধিকারীদিগের খাজও বৈধ, উপরে যে বন্দিদানের (জন্ত করার) প্রণালী বিবৃত হইয়াছে, যথা ঈশ্বরের নামোচ্চারণ হইবে, তাহাতে অল্প দেবতার সম্মান রক্ষা করা হইবে না, সেই প্রণালী অনুসারে গ্রন্থাধিকারী ইহুদি বা খ্রীষ্টান কর্তৃক জন্ত করা যথা বৈধ। অল্প ধর্মাবলম্বী ঈশ্বরের নাম উচ্চারণ করিলেও তাহাদের জন্ত বৈধ নহে। এইরূপ বিন্দু ভাবে তাহাদের কন্যা মোসলমানগণ বিবাহ করিতে পারে। (ত, কা,)

বিশুদ্ধ মুস্তিকার চেষ্টা করিবে, পরে তাহা দ্বারা আপনাদের মুখ ও হস্ত মর্দন করিবে ; ঈশ্বর ইচ্ছা করেন না যে, তোমাদের প্রতি কিছু কঠিন করেন, কিন্তু তোমাদিগকে শুদ্ধ করিতে ও তোমাদের প্রতি আপন দান পূর্ণ করিতে ইচ্ছা করেন, ভরসা যে, তোমরা কৃতজ্ঞ হইবে * । ৬। তোমাদের প্রতি ঈশ্বরের দান ও তাঁহার অঙ্গীকার যদ্বারা তোমাদিগকে তিনি অঙ্গীকারে বদ্ধ করিয়াছেন, তাহা স্মরণ কর, তখন তোমরা বলিয়াছিলে “শ্রবণ করিলাম ও গ্রাহ্য করিলাম ;” এবং ঈশ্বরকে ভয় কর, নিশ্চয় ঈশ্বর হৃদয়ের তত্ত্বজ্ঞ ৷ ৭। হে বিশ্বাসিগণ, তোমরা ঈশ্বরের জ্ঞাত্যামুখ্যায়ী সাক্ষ্যদাতারূপে দণ্ডায়মান থাকিও, অগ্ন্যাচরণে তোমরা কোন দলের শত্রুতার কারণ হইও না, অগ্ন্যাচরণ কর, তাহা বৈরাগ্যের নিকটতর, এবং ঈশ্বরকে ভয় কর, নিশ্চয় তোমরা যাহা করিয়া থাক, ঈশ্বর তাহার জ্ঞাতা ৷ ৮। যাহারা বিশ্বাস স্থাপন ও সংকল্প করিয়াছে, ঈশ্বর অঙ্গীকার করিয়াছেন যে, তাহাদের জ্ঞাত্য ক্ষমা ও মহা পুরস্কার আছে । ৯। এবং যাহারা কাকের হইয়াছে ও আমার নিদর্শন সকলে অসত্যারোপ করিয়াছে, তাহারা নরক-লোকনিবাসী । ১০। হে বিশ্বাসিগণ, তোমাদের প্রতি ঈশ্বরের দানকে স্মরণ কর ; যখন একদল উজোগ করিয়াছিল যে, তোমাদের উপর তাহাদের হস্ত বিস্তার করে, তখন তিনি তোমাদিগ হইতে তাহাদের হস্তকে নিবৃত্ত রাখিয়াছেন, এবং তোমরা ঈশ্বরকে ভয় করিও, অনন্তর বিশ্বাসীদিগের উচিত যে, ঈশ্বরের প্রতি নির্ভর করে ১১। (র, ২, আ, ৬)

* এই আয়তের গূঢ় অর্থ এই যে, যখন আলস্ত নিদ্রা পরিত্যাগ করিয়া তোমরা স্বর্গের সোপান-স্বরূপ নামাজে প্রবৃত্ত হও, তখন স্বীয় মুখ ধৌত করিবে, অর্থাৎ তাহা সংসারের অভিমুখে স্থাপিত ছিল, অতএব অনুতাপ ও ক্ষমা-প্রার্থনার জলে তাহা ধৌত করিবে, সংসারলিপ্তি হইতে হস্তকে ধৌত করিবে ; মস্তকে হস্তামর্শন করিবে অর্থাৎ ঈশ্বরের পথে পশুজীবন মস্তক হইতে ঝাড়িয়া ফেলিবে, চরণকে পার্শ্ব প্রকৃতি অহংভাবাবস্থিত হইতে ধৌত করিবে । যদি অজ্ঞ বিষয়ে আসক্তিবশতঃ তোমরা অপবিত্র হইয়া থাক, তবে সেই কলঙ্ক হইতে জীবনকে মুক্ত করিবে, অন্তরকে তপস্তাসমীক্ষণ হইতে, নিগূঢ় তত্ত্বকে অপরের সমালোচন হইতে, আত্মাকে অজ্ঞ বিষয়ে আরাম লাভ হইতে রক্ষা করিবে । (ত, হো,)

† পরমেশ্বর স্মরণ করাইয়া দিতেছেন যে, অঙ্গীকারে তোমরা বদ্ধ থাকিবে, অঙ্গীকারকে স্মরণ করিবে । অঙ্গীকার এই যে, যখন লোক হজরতের নিকটে এসলাম ধর্মে দীক্ষিত হয়, তখন তিনি দীক্ষার্থীর হস্ত ধারণ করিয়া তাহাকে কতকগুলি অঙ্গীকারে বদ্ধ করেন । কয়েকটি অঙ্গীকার কার্যে প্রবৃত্তি বিষয়ে—যথা পাঁচবার নামাজ পড়িবে, রমজান মাসে রোজা রাখিবে, জকাত দিবে, হজ্জ করিবে, সকল মোসলমানের হিতাকাঙ্ক্ষা করিবে । কয়েকটি নিবৃত্তি বিষয়ে—যথা হত্যা করা, বাণিজ্য করা, চুরি করা, নির্দোষ ব্যক্তির উপর কলঙ্কারোপ করা, দলপতির বিকৃত্যচারা হওয়া ; এ সকল নিষিদ্ধ । ঈশ্বর বলিতেছেন যে, এই সকল অঙ্গীকারে তোমরা বদ্ধ থাক । (ত, ফা,)

‡ সত্য বিষয়ে শত্রু মিত্র তুল্য, সকল স্থানে এই বিধি । (ত, ফা,)

§ গংফানের যুদ্ধে একদল সালবরাবংশীয় যোদ্ধার সঙ্গে হজরত রণক্ষেত্রে উপস্থিত ছিলেন ।

এবং সত্য সত্যই ঈশ্বর এশ্রায়েলসন্তানগণ হইতে অঙ্গীকার গ্রহণ করিয়াছিলেন ও আমি তাহাদের মধ্য হইতে দ্বাদশ জন দলপতি দণ্ডায়মান করিয়াছিলাম, এবং ঈশ্বর বলিয়াছিলেন, নিশ্চয় আমি তোমাদের সঙ্গে আছি ; যদি তোমরা উপাসনাকে প্রতিষ্ঠিত রাখ, জ্বকাত দান কর ও আমার প্রেরিত পুরুষদিগের প্রতি বিশ্বাসী হও, এবং তাহাদিগকে সম্মানিত কর ও ঈশ্বরকে উত্তম ঋণদানরূপে ঋণদান কর, তবে অবশ্যই আমি তোমাদিগের পাপ তোমাদিগ হইতে মোচন করিব, এবং তোমাদিগকে স্বর্গোন্মানে লইয়া যাইব, যাহার ভিতর দিয়া পয়ঃপ্রণালীসকল প্রবাহিত ; অনন্তর ইহার পরে তোমাদের মধ্যে যাহারা ধর্ম্মদ্রোহী হইবে, তবে নিশ্চয় তাহারা সরল পথ হারাইবে * ।

শত্রুগণ তাহার আগমন সংবাদ আপন দলপতিকে জ্ঞাপন করে। দলপতির নাম যোরস ছিল। সে কোন পর্ব্বতের উপর হইতে এসলাম সৈন্ত অবলোকন করিতেছিল। এক সময়ে জলবর্ষণ হয়, তখন হজরত সেনাদল হইতে দূরে পড়িয়াছিলেন। তিনি শুষ্ক করিবার জন্য আর্দ্রবস্ত্র বৃক্ষশাখার স্থাপন করিয়া ঋণঃ বৃক্ষমূলে উপবিষ্ট ছিলেন। ইত্যবসরে কোন শত্রুসেনা খীর দলপতিকে বাইরা বলে যে, “দেখুন, মোহম্মদ একাকী তরুতলে বসিয়া আছে, তাহার সহচরগণ দূরে রহিয়াছে, এই সময়ে অনায়াসে তাহাকে বধ করা বাইতে পারে।” যোরস তৎক্ষণাৎ কোষমুক্ত করবাল হস্তে ধারণ পূর্ব্বক দৌড়িয়া হজরতের নিকট আসিয়া বলিল, “অন্ত কে তোমাকে আমা হইতে রক্ষা করিবে ?” হজরত বলিলেন, “ঈশ্বর রক্ষা করিবেন।” কথিত আছে, তখন ঈশ্বরের আজ্ঞায় ছেত্রিল আসিয়া যোরসের বক্ষে আঘাত করেন, তাহাতে তাহার হস্ত হইতে করবাল পড়িয়া যায়। হজরত সেই করবাল গ্রহণ করিয়া তাহাকে বলেন, “এক্ষণ তোমাকে আমা হইতে কে রক্ষা করিবে ?” সে বলিল, “কেহই নাই।” তখনই সে দীকার কলম্বা পড়িল ও আপন দলে বাইরা সকলকে এসলাম ধর্ম্ম গ্রহণ করিবার জন্য আহ্বান করিল। এতদুপলক্ষে এই আরত অবতীর্ণ হয়। (ত, হো,)

* কথিত আছে যে, পরমেশ্বর হজরত মুসার সঙ্গে এই অঙ্গীকার করিয়াছিলেন যে, তিনি এশ্রায়েলসন্ততিগণকে পৃণ্যভূমি শামরাজ্য দান করিবেন। আরলিহা ও আরিহা প্রভৃতি কয়েকটি গ্রাম সে দেশে ছিল। তথায় কতকগুলি দুর্দান্ত লোক বাস করিত, তাহারা অমালকা বলিয়া পরিচিত। এই অমালকাগণ অত্যন্ত দৃঢ়োন্নতকার ও বলবান পুরুষ ছিল, এবং আদজাতির দলপতি ছিল। ফেরাউণের সৈন্তদল জলমগ্ন হইলে পর, মেসর রাজ্য এশ্রায়েলবংশীয় লোকদিগের প্রতি সমর্পিত হয়। তখন তাহাদিগকে ঈশ্বর এই আজ্ঞা করেন যে, তোমরা পৃণ্যভূমিতে চলিয়া যাও, তথায় সহস্র গ্রাম আছে, প্রত্যেক গ্রামে সহস্র উজ্জান রহিয়াছে, তত্রত্য দুর্দান্ত দলপতিদিগের সঙ্গে বাইরা সংগ্রাম কর ও তাহাদিগকে পরাস্ত করিয়া সেই দেশ হস্তগত কর। অনন্তর এশ্রায়েলসন্তানগণের নেতা মহাপুরুষ মুসা আপন সৈন্তগণ হইতে দ্বাদশ জন দলপতি মনোনীত করিয়া এক একজনের প্রতি এক একটি দলের ভার অর্পণ করিলেন, এবং ঋণঃ সৈন্তে আরিহা নামক স্থানের নিকটে উপস্থিত হইয়া দলপতিদিগকে দুর্দান্ত অমালকাগণের অমুসন্মানে প্রেরণ করিলেন। তাহারা প্রথমতঃ আজ নামক একজন অমালকার সঙ্গে সাক্ষাৎ করেন। তাহারা তাহার প্রকাণ্ড ভীষণ মূর্ত্তি দেখিয়া ভীত হন। অন্ত অমালকাগণও তৎসদৃশ ছিল। ইহা দেখিয়া এশ্রায়েলদলপতিগণ পরস্পর মন্ত্রণা করিয়া স্থির করিলেন যে, সৈন্তদিগকে এ বৃত্তান্ত জানিতে দেওয়া হইবে না। তাহারা শুনিলে ভয় পাইয়া মেসরে পলায়ন করিবে। অতঃপর সকলেই অঙ্গীকার করিলেন যে, এই সংবাদ

১২। অবশেষে আমি তাহাদের আপন অঙ্গীকার ভঙ্গ করার জ্ঞাত তাহাদিগকে অভি-
সম্পাত করিয়াছিলাম ও তাহাদের অন্তরকে কঠিন করিয়াছিলাম; তাহারা (শাস্ত্রের)
উক্তি সকলকে স্বস্থান হইতে পরিবর্তিত করিয়া থাকে, এবং তাহারা সেই অংশ তুলিয়া
গিয়াছে, যাহার উপদেশ তাহাদিগকে দেওয়া গিয়াছিল; সর্বদা তুমি তাহাদের অল্প
লোকের বৈ তাহাদিগের অনিষ্টকারিতা জ্ঞাত হইতেছ না, অতএব তাহাদিগ হইতে
বিমুখ হও ও তাহাদিগকে অগ্রাহ্য কর, নিশ্চয় ঈশ্বর হিতকারীদিগকে প্রেম করেন * ।

১৩। এবং যাহারা বলে, আমি ঈসায়ী, তাহাদিগ হইতে আমি অঙ্গীকার গ্রহণ করিয়াছি,
তাহাদিগকে যে উপদেশ দেওয়া হইয়াছিল, পরে তাহারা সেই অংশ বিস্মৃত হইয়াছে;
অতএব আমি কেয়ামতের দিন পর্য্যন্ত তাহাদের পরস্পর শত্রুতা ও বিদ্বেষসজ্জটন করিয়া
রাখিয়াছি। তাহারা যাহা করিতেছিল, অবশ্যই ঈশ্বর তাহাদিগকে তাহার সংবাদ দান করি-
বেন †। ১৪। হে গ্রন্থাধিকারিগণ, নিশ্চয় তোমাদিগের নিকটে আমার প্রেরিতপুরুষ
আগমন করিয়াছে, তোমরা গ্রন্থের যাহা গোপন করিয়াছ, তাহার অনেকাংশ তোমাদের
জন্ত সে ব্যক্ত করিতেছে, এবং অনেক উপেক্ষা করিতেছে; নিশ্চয় ঈশ্বরের নিকট হইতে

গোপন রাখিবেন ও সৈন্তগণকে সংগ্রামে উৎসাহ দিবেন। অবশেষে সকলে শিবিরে প্রতাগমন
করিয়া মহান্বা মুসা ও তাহার ভ্রাতা হারুণকে সর্বশেষ জ্ঞাপন করিলেন। কিন্তু তখন দশ জন
দলপতি কাপুরুষতা প্রকাশ করিয়া সেই ভীষণকায় বলবান পুরুষদিগের বৃত্তান্ত সেনাগণকে জ্ঞাপন
করেন। কেবল ইয়ুসেফবংশসম্ভূত মূনের পুত্র ইয়ুশা এবং ইহুদীবাংশীয় ইয়ুফনার পুত্র কালেব এই দুই
জন দলপতি আপন অঙ্গীকারপালনে স্থিরতর ছিলেন। পরে বিপক্ষদিগের বল বিক্রমের কথা শুনিয়া
এসারেল সৈন্তগণ অতিশয় ভীত ও আকুল হইয়া পড়িল। তাহাতে ঈশ্বর তাহাদিগকে অভয়দান
করিয়া বলিয়াছিলেন, “নিশ্চয় আমি তোমাদের সঙ্গে আছি।” (ত, হো,)

মহাপুরুষ মুসার শেষ জীবনে পরমেশ্বর এসারেলসম্ভৃতিগণকে অঙ্গীকারে বদ্ধ করিয়াছিলেন।
হজরত মোহাম্মদেরও শেষ জীবনে এই মুরা অবতারণিত হয়। মুসারীমণ্ডলী এই অঙ্গীকারে বদ্ধ ছিলেন
যে, মহাপুরুষ মুসার পরে যে সকল ধর্মপ্রবর্তক আগমন করিবেন, তাহারা তাহাদের সাহায্যকারী
হইবেন। এক্ষণ তৎপরিবর্তে ঈশ্বর কর্তৃক মোসলমানগণ এই অঙ্গীকারে বদ্ধ যে, প্রেরিত মহাপুরুষ
মোহাম্মদের অন্তে যে সকল খলিফা মণ্ডলীর নেতা হইবেন, তাহারা তাহাদের অনুসরণ করিবেন। হজরত
মোহাম্মদেহে যে, আমার মণ্ডলীর মধ্যে কোরেশবংশীয় বার জন খলিফা প্রকাশিত হইবে, এবং ইহাও
বলিয়াছেন যে, আমার মণ্ডলীর মধ্যে কোরেশবংশীয় বার জন খলিফা প্রকাশিত হইবে, এবং ইহাও
বলিয়াছেন যে, পরমেশ্বরের বিলক্ষণচরণ করাতে পূর্বতন মণ্ডলীর যেমন দুর্গতি হইয়াছে, খলিফাগণের
(ত, ফা,)
বিলক্ষণচারা হইলে এই মণ্ডলীও অধোগতি প্রাপ্ত হইবে।

* তাহাদের অন্তরকে এরূপ কঠিন করিব যে, ভয়ের কথা ও নিদর্শন সকলের ভাব তাহাতে
সংক্রামিত হইবে না। তওরাত গ্রন্থের যে স্থলে হজরত মোহাম্মদের বর্ণনা ছিল, তাহার সেই বর্ণনা
বিলোপ করিয়া সেই স্থানে অস্ত্র উক্তি সকল বিস্তৃত করিয়াছে। (ত, হো,)

† ঈসায়ীরা তিন দলে বিভক্ত হইয়াছে ও পরস্পর বিবাদ করিতেছে। তাহারা যাহা করিতেছিল,
সব্বদই আমি তাহাদিগকে তাহার সংবাদ দিব। ইহার তাৎপৰ্য্য এই যে, তাহাদিগকে দুষ্কর্মের শাস্তি
দান করিব। (ত, হো,)

তোমাদের নিকটে জ্যোতি ও উজ্জ্বল গ্রন্থ সমাগত হইয়াছে। ১৫। + পরমেশ্বর তদ্বারা তাঁহার প্রসন্নতার অনুসরণকারী ব্যক্তিদিগকে মুক্তির পথ প্রদর্শন করেন ও স্বীয় আজ্ঞায় অন্ধকার হইতে তাহাদিগকে জ্যোতির দিকে লইয়া যান, এবং সরল পথের দিকে তাহাদিগকে উপদেশ দান করেন। ১৬। যাহারা বলিয়াছে যে, সেই মরয়মের পুত্র ঈসাই ঈশ্বর, সত্য সত্যই তাহারা কাকের হইয়াছে; যদি তিনি ইচ্ছা করেন যে, মরয়মের পুত্র ঈসাকে ও তাঁহার মাতাকে এবং পৃথিবীতে যাহারা আছে তাহাদিগকে একত্র সংহার করেন, বল তবে কোন্ ব্যক্তি ঈশ্বরের কার্যে কোন ক্ষমতা রাখে? স্বর্গ ও পৃথিবীর রাজ্য ও উভয়ের মধ্যে যাহা কিছু আছে তাহা ঈশ্বরের, তিনি যাহা ইচ্ছা করেন সৃষ্টি করিয়া থাকেন, এবং ঈশ্বর সমুদায় বিষয়ে শক্তিশালী। ১৭। এবং ইহুদি ও ঈসাম্মী লোকেরা বলিয়াছে যে, আমরা পরমেশ্বরের পুত্র ও তাঁহার বন্ধু, জিজ্ঞাসা কর, তবে কেন তিনি তোমাদিগকে তোমাদের অপরাধে শাস্তি দান করেন? বরং তোমরা সৃষ্ট মনুষ্য, ঈশ্বর যাহাকে ইচ্ছা হয় ক্ষমা করেন ও যাহাকে ইচ্ছা হয় শাস্তি দান করিয়া থাকেন, স্বর্গ ও পৃথিবীর রাজ্য ও উভয়ের মধ্যে যাহা কিছু তাহা ঈশ্বরের, তাঁহার দিকেই প্রতিগমন। ১৮। হে গ্রন্থাধিকারী লোক, নিশ্চয় তোমাদিগের নিকটে আমার প্রেরিত পুরুষ আগমন করিয়াছে, প্রেরিতগণের ভিতরকার অবস্থা সে তোমাদের জন্ত প্রচার করিতেছে; তোমরা যেন না বল যে আমাদের নিকটে ভয়প্রদর্শক ও সুসংবাদদাতা আগমন করিল না, পরন্তু নিশ্চয় তোমাদিগের নিকটে সুসংবাদদাতা ও ভয়প্রদর্শক আগমন করিয়াছে, এবং ঈশ্বর সর্বোপরি ক্ষমতামণ্ডলী। *। ১৯। (র, ৩, আ, ৮)

এবং (স্মরণ কর,) যখন মুসা আপন দলকে বলিয়াছিল, “হে আমার সম্প্রদায়, তোমাদিগের প্রতি ঈশ্বরের দান স্মরণ কর, যখন তোমাদিগের মধ্যে তিনি প্রেরিত পুরুষ সকলকে উৎপাদন করিয়াছেন ও তোমাদিগকে রাজা করিয়াছেন, এবং লোকমণ্ডলীর কাহাকেও যাহা দান করেন নাই, তোমাদিগকে তাহা দিয়াছেন”। ২০। “হে আমার সম্প্রদায়, সেই পুণ্য ভূমিতে, যাহা ঈশ্বর তোমাদের জন্ত লিপি করিয়াছেন, প্রবেশ কর, এবং আপন পৃষ্ঠদিকে তোমরা মুখ ফিরাইও না, তবে ক্ষতিগ্রস্তরূপে ফিরিবে।” †।

* হজরত ঈসার পরে অল্প কোন পেগাম্বরের আবির্ভাব হয় নাই। এ জন্ত ঈশ্বর বলিতেছেন, “তোমরা আক্ষেপ করিতেছিলে যে, হায়! আমরা প্রেরিতপুরুষদিগের সময়ে জন্মগ্রহণ করি নাই, তাহা হইলে তাঁহাদের নিকটে শিক্ষা লাভ করিতাম;” এক্ষণ বহুকালের পর প্রেরিতপুরুষের সহবাস তোমাদের লাভ হইল, এতদ্বারা কৃতার্থ হও। জানিও, ঈশ্বর পূর্ণ ক্ষমতামণ্ডলী। যদি তোমরা ঐহিক না কর, আমি তোমাদিগের অপেক্ষা শ্রেষ্ঠ অল্প লোক দণ্ডায়মান করিব। মহাপুরুষ মুগার সঙ্গে যোগদান করিয়া তাঁহার অনুবর্তিগণ সংগ্রাম করিতে অসম্মত হইলে, ঈশ্বর তাহাদিগকে বঞ্চিত করিয়া অল্প লোক দ্বারা শাসনদেশ অধিকারভুক্ত করিয়া লন। (ত, কা,)

† মহাপুরুষ এব্রাহিম ঈশ্বরোদ্দেশে আপন জন্মভূমি পরিত্যাগ করিয়া চলিয়া গিয়াছিলেন। তিনি শামদেশে যাইয়া অবস্থিতি করিয়াছিলেন। বহুকাল তাঁহার সন্ধান হয় নাই। পরে পরমেশ্বর

২১। তাহারা বলিয়াছিল, “হে মুসা, নিশ্চয় তথায় দুর্দান্ত জাতি বাস করে, এবং যে পর্য্যন্ত তাহারা তথা হইতে বাহির না হয়, নিশ্চয় আমরা কখনও সেখানে প্রবেশ করিব না, পরন্তু যদি তাহারা তথা হইতে নির্গত হয়, তবে একান্তই আমরা প্রবেশ করিব।” ২২। যাহারা ভয় পাইতেছিল, তাহাদিগের মধ্যে সেই দুই ব্যক্তি, যে দুই জনের প্রতি ঈশ্বর করুণা করিয়াছিলেন, বলিল, “তাহাদের উদ্দেশ্যে তোমরা দ্বারে প্রবেশ কর, অনন্তর যখন তোমরা তাহাতে প্রবিষ্ট হইবে, নিশ্চয় তখন তোমরা বিজয়ী হইবে, এবং যদি তোমরা বিশ্বাসী হও, তবে ঈশ্বরের প্রতি নির্ভর কর।” ২৩। তাহারা বলিল, “হে মুসা, নিশ্চয় তাহারা যে পর্য্যন্ত তথায় আছে, আমরা কখনও সেখানে প্রবেশ করিব না; তবে তুমি যাও ও তোমার ঈশ্বর যাউক, অবশেষে তোমরা দুইজনে যুদ্ধ কর, একান্তই আমরা এখানে বসিয়া থাকিব”। ২৪। (মুসা) বলিল, “হে আমার প্রতিপালক, নিশ্চয় আমি নিজের প্রতি ও স্বীয় ভ্রাতার প্রতি ব্যতীত ক্ষমতা রাখি না, অতএব তুমি আমাদের এই অপরাধী দলের মধ্যে বিচ্ছেদ আনয়ন কর”। ২৫। তিনি বলিলেন, “অবশেষে চল্লিশ বৎসর সেই স্থান তাহাদের প্রতি অবৈধ হইল, তাহারা পৃথিবীতে ঘুরিয়া বেড়াইবে, তুমি এই দুর্ভীকৃত দলের বিষয়ে মনস্তাপ করিও না”। ২৬। (র, ৪, আ, ৭)

এবং তুমি (হে মোহাম্মদ,) তাহাদিগের নিকটে পাঠ কর, সত্যভাবে আদমের সন্তানদিগকে সংবাদ দেও; যখন তাহারা দুইজনে বলি উৎসর্গ করিল, তখন তাহাদের একজনের গৃহীত হইল, এবং অগ্নজনের গৃহীত হয় নাই। একজনে বলিল, “অবশ্য তোমাকে বধ করিব;” অগ্নজন বলিল, “ধর্ম্মভীরুদিগের (বলি) ঈশ্বর গ্রহণ করেন, তাঁহাকে এই হুসংবাদ দান করেন যে, তোমার বংশকে বহু বিস্তৃত করিব ও শামরাজ্য তাহাদিগকে প্রদান করিব, এবং প্রেরিত্ত্ব, ধর্ম্মগ্রহ ও আধিপত্য তাহাদিগের মধ্যে প্রতিষ্ঠিত রাখিব। তিনি মুসার সময়ে এই অঙ্গীকার পূর্ণ করিয়াছেন। তখন এশ্রায়েলবংশীয় লোকদিগকে ফেরাওণের অধীনতা হইতে উদ্ধার ও ফেরাওণকে জলমগ্ন করিলেন, এবং তাহাদিগকে বলিলেন যে, “তোমরা অমালকাদিগের সঙ্গে সংগ্রাম করিয়া তাহাদিগের হস্ত হইতে শামদেশ কাড়িয়া লও, চিরকাল সেই রাজ্য তোমাদের আধিপত্য থাকিবে।” সেই সময়ে মহাপুরুষ মুসা আপন সম্প্রদায়কে দ্বাদশ দলে বিভক্ত করিয়া তাহাদের জন্ত দ্বাদশ জন দলপতি নিয়োগপূর্ব্বক শামদেশাভিমুখে প্রেরণ করিয়াছিলেন। তাহারা যাইয়া শামদেশ অতিশয় রমণীয় বলিয়া মহাত্মা মুসাকে জ্ঞাপন করেন, এবং ইহাও বলিয়া পাঠান যে, অমালকগণ এ রাজ্যে আধিপত্য করিতেছে। তাহারা অশেষ বলবিক্রমশালী। মুসা দলপতিদিগকে বলিলেন যে, তোমরা অমুবর্ত্তী লোকদিগকে সে দেশের রমণীয়তার বিষয় বলিবে, কিন্তু তাহাদের নিকটে শত্রুগণের বল পরাক্রমের কথা প্রকাশ করিবে না। দলপতিদিগের মধ্যে ইয়ুশা ও কালেব নামক দুইজন মাত্র এষ্ট আজ্ঞা পালন করিলেন, দশজন দলপতি শত্রুদিগের দুর্জয় বলের কথা প্রচার করিলেন। সকল সহচর ভয় পাইয়া পলায়ন করিতে উদ্ভত হইল। এই অপরাধের জন্ত চল্লিশ বৎসর শামদেশ অধিকার করিতে মুসার বিলম্ব হয়। এতকাল এশ্রায়েল-সন্ততিগণ বনে বনে ভ্রমণ করিয়া বেড়াইয়াছিলেন। অবশেষে দুই ব্যক্তি যাহারা মুসার পর গলিফা হইয়াছিলেন, তাহাদিগের দ্বারা শামদেশে আধিপত্য বিস্তৃত হয়।

ইহা ভিন্ন নহে *। ২৭। যদি তুমি আমাকে হত্যা করিতে আমার প্রতি আপন হস্ত প্রসারণ কর, আমি কখনও তোমাকে হত্যা করিতে স্বীয় হস্ত তোমার প্রতি প্রসারণ করিব না; নিশ্চয় আমি বিশ্বপালক পরমেশ্বরকে ভয় করি †। ২৮। নিশ্চয় আমি ইচ্ছা করি যে, তুমি আমার অপরাধ ও নিজের অপরাধ সহ ফিরিয়া যাও, পরে নরকবাসীদিগের অন্তর্গত হও, এবং ইহাই অত্যাচারীদিগের প্রতিফল ‡। ২৯। অনন্তর স্বীয় ভ্রাতাকে বধ করিতে তাহার প্রকৃতি তাহাকে উত্তেজিত করিল, অবশেষে তাহাকে হত্যা করিল, পরে সে ক্ষতিকারীদিগের অন্তর্গত হইল। ৩০। অবশেষে কিরূপে আপন ভ্রাতার শব গোপন করিতে হইবে, তাহা প্রদর্শন করিবার জ্ঞাত পরমেশ্বর এক কাককে যুক্তিকা খনন করিতে পাঠাইলেন; সে বলিল, “হায়! আমার প্রতি আক্ষেপ, আমি কি দুর্বল হইলাম যে, এই বায়স-সদৃশ হইব?” পরে সে স্বীয় ভ্রাতার মৃতদেহ লুকায়িত করিল, অবশেষে সমুদ্রতীরে গিয়া অস্তর্গত হইল §। ৩১। এই কারণে আমি এস্রায়েলবংশীয়দিগের সম্বন্ধে লিপি করিলাম যে, যে ব্যক্তি একজনের (হত্যার বিনিময়) ব্যতীত

* আদমের পত্নী হবা প্রতি গর্ভে এক কন্যা ও এক পুত্র প্রসব করিতেন। তাহার বয়ঃপ্রাপ্ত হইলে আদম এক গর্ভের কন্যার সঙ্গে অপর গর্ভের পুত্রের বিবাহ দিতেন। যে কন্যা কাবিল নামক পুত্রের সঙ্গে জন্মগ্রহণ করিয়াছিল, তাহার নাম অক্লিমা ছিল, তাহার সৌন্দর্যের তুলনা ছিল না। হাবিল নামক পুত্রের সঙ্গে যে কন্যার জন্ম হয়, তাহাকে লিয়ুজা বলিয়া ডাকিত। আদম লিয়ুজাকে কাবিলের সঙ্গে, অক্লিমাকে হাবিলের সঙ্গে বিবাহ দিতে সন্মত করিয়াছিলেন। কাবিল তাহাতে অসম্মত হইয়া বলে যে, “আমার ভগিনী অত্যন্ত রূপবতী, আমি তাহার সঙ্গে একগর্ভে ছিলাম, তাহার সহিত আমার বিবাহ হওয়া কর্তব্য।” আদম বলিলেন, “ঈশ্বরের আদেশ অন্তরূপ, এ বিষয়ে আমার কোন ক্ষমতা নাই।” কাবিল এই কথা গ্রাহ্য না করিয়া বলিল, “তুমি আমা অপেক্ষা হাবিলকে অধিক ভালবাস, অতএব সর্বাপেক্ষা হুম্মরী কন্যাকে তাহার সঙ্গে বিবাহ দিতে উদ্বৃত্ত হইয়াছ।” আদম বলিলেন, “তুমি আমার কথা বিশ্বাস করিতেছ না, অতএব তোমরা দুই ভ্রাতা বলি উৎসর্গ কর। বাহার বলি গৃহীত হইবে, অক্লিমা তাহার স্ত্রী হইবে।” পরে তাহা অনুষ্ঠিত হইল, তাহাতে হাবিলের বলি গৃহীত হয়। আকাশ হইতে অগ্নি অবতীর্ণ হইয়া তাহার বলি গ্রাস করে, কাবিলের বলি অমনি পড়িয়া থাকে। এই ঘটনার কাবিল ক্রুদ্ধ হইয়া হাবিলকে বধ করে। (ত, হো,)

† যদি কোন ব্যক্তি কাহাকে অথবা আঘাত করে, তবে সেই অত্যাচারীকে আঘাত করা বাইতে পারে। ধৈর্যধারণ করিয়া ক্ষমা করিলে বিশেষ পুণ্য। (ত, কা,)

‡ অর্থাৎ তোমার পাপ তোমার সঙ্গে রহিল, অপিত আমার হত্যাজনিত পাপ তোমার সম্বন্ধে বৃদ্ধি হইল। আমার জীবনের পাপ চলিয়া গেল। (ত, কা,)

§ ইহার পূর্বে কোন মনুষ্যের মৃত্যু হয় নাই যে, মৃতদেহ সম্বন্ধে কি করিতে হইবে, কাবিল জানিতে পাইবে। কাবিল হাবিলকে বধ করিয়া এই ভাবিয়া ভীত হইল যে, এই শব পড়িয়া থাকিলে লোকে ইহা দেখিয়া আমাকে হত্যাকারী বলিয়া ধরিবে। সে ইহা ভাবিতেছিল, ইতিমধ্যে এক কাক ঈশ্বরকর্তৃক প্রেরিত হইয়া তাহার দৃষ্টিগোচরে চকুপুটে তুমি খনন করিল। তাহা দেখিয়া সে বুঝিতে পারিল যে, যুক্তিকা খনন করিয়া ভরিয়া শব প্রোথিত করিতে হইবে। একপক্ষ প্রত হওয়া পিরাছে যে, একটি কাক আসিয়া তুমি খনন করিল, পরে এক কাক অপর কাকের মৃতদেহকে সেই গর্ভে

কিছা অত্যাচার ব্যতীত পৃথিবীতে কোন ব্যক্তিকে হত্যা করিল, অনন্তর সে যেন এক বোগে মানবমণ্ডলীকে হত্যা করিল, এবং যে ব্যক্তি তাহার জীবন দান করিল, সে পরে যেন সমগ্র মানবমণ্ডলীর জীবন দান করিল, এবং সত্যসত্যই তাহাদের নিকটে উজ্জল নিদর্শনসকল সহ আমার প্রেরিত পুরুষগণ সমাগত হইয়াছে, তৎপর নিশ্চয় তাহাদের অনেকে ইহার পরে পৃথিবীতে সীমালঙ্ঘনকারী হইয়াছে * । ৩২ । যাহারা ঈশ্বরের সঙ্গে ও তাঁহার প্রেরিত পুরুষের সঙ্গে সংগ্রাম করে, এবং পৃথিবীতে অত্যাচার করিতে ধাবিত হয়, শত্রুপক্ষ হইতে ছিন্নমস্তক হওয়া, কিম্বা শূলোপরি স্থাপিত হওয়া, অথবা তাহাদের হস্ত ও তাহাদের পদ ছিন্ন হওয়া, কিম্বা দেশচ্যুত হওয়া, ইহা ব্যতীত তাহাদিগের পুরস্কার নাই, এই তাহাদের জন্ত ইহলোকে দুর্গতি এবং পরলোকে তাহাদের জন্ত মহা শাস্তি আছে † । ৩৩ । + তাহাদের উপর তোমরা ক্ষমতা পাইবার পূর্বে যাহারা অমুতাপ করিয়াছে তাহারা ব্যতীত ; ‡ অনন্তর জানিও, নিশ্চয় ঈশ্বর ক্ষমাশীল দয়ালু । ৩৪ । (র, ৫, আ, ৮)

মৃত্তিকার নিম্নে লুকাইয়া রাখিল । তাহাতেই কাবিল শব্দ প্রোথিত করিবার প্রণালী অবগত হয়, এবং অস্ত্র ত্রাতার সম্বন্ধে ত্রাতার সদাচরণ দেখিয়া স্বীয় অসদাচরণজন্য অমুতপ্ত হয় । (ত, ফা,)

* মদিনাপ্রস্থানের ষষ্ঠ বর্ষে অরিণাবংশীয় কতকগুলি লোক হজরতের নিকটে বাইয়া এসলামধর্ম গ্রহণপূর্বক তাঁহার সহবাসে অবস্থিত করে । মদিনার জল বায়ু তাহাদের পক্ষে অমুকূল হয় না, তাহারা পীড়িত হইয়া পড়ে । তাহারা হজরতের নিকটে স্বীয় অবস্থা জ্ঞাপন করিলে তিনি তাহাদিগকে অবিলোম ইর নামক স্থানের নিকটে (যে স্থানে দুধবতী উদ্ভূত সকল রাখা হইয়াছিল) পাঠাইয়া দেন । তাহারা সেখানে কিছু দিন যাপন করিয়া ঔষধপথ্যস্বলে উদ্ভূত দুধ ও মূত্র পান পূর্বক সুস্থ হইয়া উঠে । একদিন প্রাতঃকালে তাহারা সকলে একমত হইয়া হজরতের পনেরটি উৎকৃষ্ট উদ্ভূত লইয়া স্বগৃহাভিমুখে প্রস্থান করে । হজরতের দাস ইয়সার নামক ব্যক্তি কয়েকজন লোক সঙ্গে করিয়া বাইয়া তাহাদিগকে আক্রমণ করে । কিন্তু তাহারা ইয়সারকে আক্রমণ করিয়া তাহার হস্ত পদ ছেদন এবং চক্ষু ও জিহ্বাতে কটক বিদ্ধ করে, তাহাতেই তাহার মৃত্যু হয় । হজরত এই বৃত্তান্ত অবগত হইয়া আবেগের পুত্র করজকে বিশ জন অঝারোহী সেনার সঙ্গে তাহাদের অনুসরণে পাঠাইয়া দেন । সে সকলকে বন্দী করিয়া হজরতের নিকটে আনিয়া উপস্থিত করে । এই উপলক্ষে এই আয়ত অবতীর্ণ হয় । (ত, ফা,)

পৃথিবীতে প্রথমে এইরূপ প্রধান পাপ হয়, প্রথম হইতে কঠিন শাস্তির বিধি হইয়াছে । এ জন্ত তওরাতে লিখিত হইয়াছে, যে এক ব্যক্তিকে বধ করিল, সে সকলকে বধ করিল ইত্যাদি । (ত, হো,)

† প্রথমতঃ বলা হইয়াছে যে, হত্যা করা পাপ । কিন্তু এক্ষণ অত্যাচার ও শাস্তির স্থলে এই আয়ত বিবৃত হইয়াছে । যে ব্যক্তি ঈশ্বরের সঙ্গে ও তাঁহার প্রেরিতপুরুষের সঙ্গে বিবাদ করে ও রাজবিদ্বেষী হইয়া রাজা লুণ্ঠন ও অত্যাচার করে, তাহাকে পাইলে করবালের আঘাতে বা শূলোপে বধ করিবে, বা তাহার দক্ষিণ হস্ত ও চরণ কাটয়া ফেলিবে, কিংবা কারাগারে বদ্ধ রাখিবে । পাপের অনুসরণ হও দিবে । (ত, ফা,)

‡ যদি কোন অত্যাচারী অত্যাচার হইতে নিবৃত্ত হয়, সেই অত্যাচারের কারণ হইতে দূরে থাকে তাহা হইলে তাহার সম্বন্ধে এই শাস্তির বিধি নহে । (ত, ফা,)

হে বিশ্বাসিগণ, পরমেশ্বরের ভয় করিও ও তাঁহার দিকে উপলক্ষ অব্বেষণ করিও* এবং তাঁহার উদ্দেশ্যে সংগ্রাম করিও; † ভরসা যে, তোমরা উদ্ধার পাইবে। ৩৫। নিশ্চয় যাহারা কাকের হইয়াছে, পৃথিবীতে যাহা কিছু আছে তৎসমুদায় যদি তাহাদেরও হয়, এবং তৎসদৃশ তাহাদের সঙ্গে থাকে যে তাহারা কেয়ামতের দিনে শাস্তির (পরিবর্তে) তাহা দান করে, তাহাদিগ হইতে গৃহীত হইবে না, এবং তাহাদের জন্য ক্লেশকর কঠিন শাস্তি আছে। ৩৬। + তাহারা ইচ্ছা করিবে যে, নরকারি হইতে নির্গত হয়, কিন্তু তাহা হইতে বাহির হইতে পারিবে না ও তাহাদের জন্য নিত্য শাস্তি থাকিবে। ৩৭। এবং পুরুষ চোর ও নারী চোর উভয়ের হস্তচ্ছেদন কর, তাহারা যাহা করিয়াছে তজ্জন্ম ঈশ্বর হইতে শিক্ষাদানরূপে বিনিময় হয়, এবং ঈশ্বর পরাক্রান্ত ও নিপুণ। ৩৮। অনন্তর যে ব্যক্তি আপন অত্যাচারের পর প্রতিনিবৃত্ত হইয়াছে ও সংকল্প করিয়াছে, পরে নিশ্চয় ঈশ্বর তাহার দিকে প্রত্যাগত হন, নিশ্চয় ঈশ্বর ক্ষমাশীল ও দয়ালু। ৩৯। তুমি কি জানিতেছ না যে, ঈশ্বরেরই স্বর্গ ও পৃথিবীর রাজত্ব? তিনি যাহাকে ইচ্ছা হয় শাস্তি দান করেন ও যাহাকে ইচ্ছা হয় ক্ষমা করিয়া থাকেন, এবং ঈশ্বর প্রত্যেক বস্তুর উপর ক্ষমতাশালী। ৪০। হে প্রেরিতপুরুষ, যে সকল লোক আপন মুখে বলে যে, আমরা বিশ্বাসী হইয়াছি, কিন্তু তাহাদের অন্তঃকরণ অবিশ্বাসী রহিয়াছে, তাহাদিগের অপেক্ষা যাহারা ধর্মদ্রোহিতায় সত্বর, তাহারা তোমাকে দুঃখিত করিবে না; ইহদিগণ অপেক্ষাও তাহারা অসত্য শ্রোতা, অগ্নি লোকের জন্য শ্রোতা, (এ পধ্যস্ত) তাহারা তোমার নিকটে উপস্থিত হয় নাই, তাহারা উক্তি সকলকে স্বস্থানচ্যুত করিয়া পরিবর্তিত করে; তাহারা বলে, যদি ইহা (এই পরিবর্তিত বিধি) তোমাদিগকে প্রদত্ত হইয়া থাকে, তবে ইহা গ্রহণ কর, এবং যদি তোমাদিগকে প্রদত্ত না হইয়া থাকে, তবে নিবৃত্ত হও; ঈশ্বর যাহাকে তাহার পথচ্যুতি ইচ্ছা করেন, পরে কখনও তাহার জন্য তুমি ঈশ্বর হইতে কোন ক্ষমতা প্রাপ্ত হইবে না; ইহারাই, যাহাদিগকে ঈশ্বর ইচ্ছা করেন না যে, তাহাদের অন্তঃকরণ শুদ্ধ করেন, তাহাদিগের জন্য ইহলোকে দুর্গতি ও তাহাদের জন্য পরলোকে মহাশাস্তি আছে ‡। ৪১। তাহারা অসত্য শ্রোতা, অবৈধ ভোক্তা, অবশেষে

* প্রেরিতপুরুষকে উপলক্ষ করিয়া অর্থাৎ তাঁহার আশ্রয়তা স্বীকার করিয়া যে সংকল্প করিবে, সে গৃহীত হইবে, অগ্নি হইবে না। (ত, ফা.)

+ অর্থাৎ আন্তরিক ও বাহ্যিক শত্রুর সঙ্গে ঈশ্বরের জন্য সংগ্রাম করা। (ত, ফা.)

‡ এরূপ অনেক কপট বক্তৃতা ছিল যে, তাহারা অন্তরে ইহদিগের সঙ্গে মিলিত হইত; কতক ইহুদি ছিল যে, তাহারা বক্তৃত্তবে হজরতের নিকটে গমনাগমন করিত। ঈশ্বর বলিতেছেন যে, হে মোহম্মদ, তোমার ধর্ম্মে ইহার কোন দোষ ধরিয়া স্বীয় দলপতিদিগকে বাইরা জ্ঞাপন করিবার জন্য আসিয়া থাকে, প্রধান পুরুষেরা আগমন করে না। প্রকৃতপক্ষে দোষ কোথায়? ইহার বাস্তব অসত্য ব্যাখ্যা করিয়া শুণকে দোষরূপে বর্ণন করে। অনেক ইহুদি হজরতের নিকটে অভিযোগ উপস্থিত করিয়া তাহার নিষ্পত্তি প্রার্থনা করিত; প্রধান ব্যক্তি স্বয়ং আগমন না করিয়া দ্বাব্যবস্থা

যদি তাহারা তোমার নিকটে আগমন করে, তবে তুমি তাহাদিগের মধ্যে আদেশ প্রচার করিও, অথবা তাহাদিগ হইতে বিমুখ হইও, এবং যদি তুমি তাহাদিগ হইতে বিমুখ হও, তবে তাহারা কখনও তোমার কোন ক্ষতি করিতে পারিবে না; এবং যদি আদেশ প্রচার কর, তবে তাহাদের মধ্যে ঞ্চানুসারে আদেশ করিও, নিশ্চয় ঈশ্বর ঞ্চানুসারিগকে প্রেম করেন * ৪২। তাহারা কেমন করিয়া তোমার প্রতি আজ্ঞা করিতেছে, তাহাদের নিকটে তওরাত বিদ্যমান, তাহাতে ঈশ্বরের আজ্ঞা আছে; ইহার পরেও তাহারা পুনর্বার বিমুখ হইতেছে, এই তাহারাই বিশ্বাসী নহে † ৪৩। (র, ৬, আ, ২)

নিশ্চয় আমি তওরাত অবতারণ করিয়াছি, তন্মধ্যে উপদেশ ও জ্যোতি রহিয়াছে, ঈশ্বরানুগত তত্ত্ববাহকগণ তদনুসারে ইহুদিদিগের জন্ত আদেশ করিয়াছে ও ঈশ্বরপরায়ণ লোক এবং পণ্ডিতগণ যে ঐশ্বরিক গ্রন্থের সংরক্ষক ছিল, তদনুসারে (আদেশ করিয়াছে,) এবং তাহারা তদ্বিষয়ে সাক্ষী ছিল; অতএব তোমরা লোকদিগকে ভয় করিও না, আমাকে ভয় করিও ও আমার প্রবচন সকল দ্বারা ক্ষুদ্র মূল্য গ্রহণ করিও না; এবং ঈশ্বর যাহা অবতারণ করিয়াছেন, যাহারা তদনুসারে আদেশ করে না, অবশেষে এই তাহারাই কাফের। ৪৪। আমি তাহাদের সম্মুখে তাহাতে (তওরাতে) লিপি করিয়াছি যে, জীবনের পরিবর্তে জীবন, চক্ষুর পরিবর্তে চক্ষু, নাসিকার পরিবর্তে নাসিকা, কণ্ঠের পরিবর্তে কণ্ঠ, দন্তের পরিবর্তে দন্ত, এবং আঘাত সকলের বিনিময় আছে; ‡ পরন্তু যে ব্যক্তি তদ্বিনিময়ে দান করে, তাহার জন্ত উহা পাপের ক্ষমা হয়। পরমেশ্বর যাহা অবতারণ করিয়াছেন, যাহারা (তদনুসারে) আজ্ঞা করে না, অনন্তর ইহারা তাহারাই যে অত্যাচারী। ৪৫। এবং আমি তাহাদের পশ্চাত্তাপ মরমের পুত্র ঈসাকে, তাহার পূর্বে যে

শ্রেণ করিয়া বলিয়া পাঠাইত যে, আমাদিগের প্রচলিত রীতির অনুকূপ আজ্ঞা হইলে আমরা গ্রহণ করিব, নতুবা নয়। তাহারা পূর্বে হইতে তওরাতের বিধির বিপরীত কতকগুলি বিধি প্রতিষ্ঠিত করিয়াছিল। কোন শ্রেণিতপুরুষ তদনুসারে আদেশ করিলে তাহারা মনে করিত যে, ইহার তওরাতের জ্ঞান নাই, আনাদের নিকটে যাহা শুনে, তাহাই করে। এ জন্ত ঈশ্বর হজরতকে সাবধান করিয়া দিলেন ও তওরাতের অনুযায়ী আদেশ করিলেন। (ত, ফা,)

* হজরত এইরূপ চিহ্নিত ছিলেন যে, আমি তাহাদের অভিযোগে কিছু ন: করিলে তাহারা অসন্তুষ্ট হইবে, এবং যদি ঈশ্বর ঞ্চানুসারে নিষ্পত্তি করি, তাহা বা গ্রাহ্য করিবে না, এবং তাহাদের প্রবর্তিত রীতি সমর্থন করিলে ঈশ্বরের নিকটে অপরাধী হইব। ঈশ্বর বলিতেছেন যে, “হয় তুমি তাহাদের অভিযোগে অমনোযোগী হও, তাহাতে তাহাদিগের অসন্তোষের কোন আশঙ্কা নাই, অথবা আপন ঞ্চানুসারে আদেশ কর।” অনন্তর হজরত তদনুসারে আদেশ করেন। (ত, ফা,)

† “ইহার পরেও তাহারা পুনর্বার বিমুখ হইতেছে” ইহার অর্থ, ঞ্চানুযায়ী আদেশ করার পরও তাহারা অগ্রাহ্য করিতেছে। (ত, ফা,)

‡ বিনিময় অর্থাক পরিবর্তন সেই সকল আঘাতের ইহুদী থাকে, যাহার তুল্যতা রক্ষা পাইতে পারে। (ত, ফা,)

তওরাত ছিল, তাহার সপ্রমাণকারিরূপে অনুপ্রেরণ করিয়াছি, এবং তাহাকে ইঞ্জিল দান করিয়াছি, তাহাতে উপদেশ ও জ্যোতি আছে ও তাহাকে (ইঞ্জিলকে) তাহার পূর্বে যে তওরাত ছিল, তাহার সপ্রমাণকারী ও ধর্মভীরু লোকদিগের জন্ত উপদেশ ও আলোক করিয়াছি *। ৪৬। এবং ইঞ্জিলাধিকারীর উচিত যে, তাহাতে ঈশ্বর যাহা অবতারণ করিয়াছেন, তদনুসারে আজ্ঞা করে; ঈশ্বর যাহা অবতারণ করিয়াছেন, তদনুসারে যাহারা আজ্ঞা করে না, অনন্তর ইহারাই তাহারা যে দুষ্ক্রিয়ালীল। ৪৭। যে গ্রন্থ তাহাদের নিকটে আছে ও তাহারা যাহার রক্ষক, আমি তাহার সপ্রমাণকারী সত্য গ্রন্থ তোমার নিকটে (হে মোহাম্মদ,) অবতারণ করিয়াছি; অতএব ঈশ্বর যাহা অবতারণ করিয়াছেন, তদনুসারে তাহাদের মধ্যে তুমি আদেশ কর, এবং তোমার নিকটে যে সত্য আগত, তৎ-প্রতি বিমুগ্ধ হইয়া তাহাদের রুচির অনুসরণ করিও না। তোমাদের প্রত্যেকের জন্ত আমি এক বিধি ও এক পথ নির্ধারণ করিয়াছি, এবং যদি ঈশ্বর ইচ্ছা করিতেন, তবে তোমাদিগকে এক মণ্ডলীভুক্ত করিতেন; কিন্তু তিনি তোমাদিগকে যাণ দান করিয়াছেন, তদ্বিষয়ে পরীক্ষা করিতেছেন, অতএব তোমরা কল্যাণেব প্রতি ধাবিত হও, পরমেশ্বরের দিকে তোমাদের সকলের প্রত্যাবর্তন। অনন্তর তোমরা তাহাতে † যে বিরোধ করিতেছিলে, তদ্বিষয়ে তিনি তোমাদিগকে সংবাদ দিবেন। ৪৮। + এবং আমি (আদেশ করিয়াছি,) ঈশ্বর যাহা অবতারণ করিয়াছেন, তদনুসারে তাহাদের মধ্যে তুমি আজ্ঞা কর ও তাহাদের রুচির অনুসরণ করিও না, তাহাদিগ হইতে সাবধান হইও যে, ঈশ্বর তোমার প্রতি যাহা অবতারণ করিয়াছেন, তাহার কিছু হইতে বা তোমাকে তাহারা বিভ্রান্ত করে। অনন্তর যদি তাহারা অগ্রাহ্য করে, তবে জানিও, ঈশ্বর তাহাদের কোন কোন পাপের জন্ত তাহাদিগকে দণ্ড দিবেন, ইহা ভিন্ন ইচ্ছা করেন না, এবং নিশ্চয় মানবজাতির অধিকাংশ একান্তই পাপাচারী। ৪৯। অনন্তর তাহারা কি অজ্ঞানতার আজ্ঞা চাহিতেছে? এবং বিশ্বাস রাখে এমন কোন দলের জন্ত আজ্ঞাদানবিষয়ে ঈশ্বর অপেক্ষা কে শ্রেষ্ঠ? ৫০। (র, ৭, আ, ৮)

হে বিশ্বাসিগণ, তোমরা ইহুদি ও ঈসায়ীদিগকে বন্ধুরূপে গ্রহণ করিও না, তাহারা পরস্পর পরস্পরের বন্ধু; তোমাদের যে ব্যক্তি তাহাদিগকে বন্ধু করে, পরে নিশ্চয় সে তাহাদের অন্তর্গত। একান্তই ঈশ্বর অত্যাচারী সম্প্রদায়কে পথ প্রদর্শন করেন না ‡।

* যে সকল ইহুদি ঈশ্বরের বিধিকে পরিবর্তিত করিয়াছে, তাহাদের সম্বন্ধে প্রথমাবধি তিন আয়ত অবতীর্ণ হইয়াছে। আব্বাসের পুত্র বলেন, বিশেষ ভাবে করিঙ্গা ও নজিরবংশীয় ইহুদিদিগের প্রতি এবং অনেকে বলেন, সাধারণ ইহুদিদিগের প্রতি আয়ত অবতীর্ণ। (তকসির আলানি)

† ধর্মাহুঠানে ও ধর্মবিধিতে।

(ত, হো,)

‡ সামেতের পুত্র এবাদা হজরতের নিকটে বলিয়াছিল যে, “আমার অনেক ইহুদি বন্ধু আছে, বিপদের সময়ে আমি তাহাদিগের নিকটে সাহায্য পাইতে পারি। কিন্তু অল্প আমি সে আশা

। ৫১। অনন্তর যাহাদিগের অন্তরে রোগ আছে, তুমি তাহাদিগকে দেখিতেছ, তাহারা তাহাদিগের মধ্যে ধাবিত হইতেছে, তাহারা বলে কালচক্র আমাদিগকে প্রাপ্ত হইবে বলিয়া ভয় হইতেছে ; পরিশেষে শীঘ্রই ঈশ্বর বিজয় অথবা আপনার নিকট হইতে কোন বিষয় আনয়ন করিবেন, যাহাতে পরে তাহারা আপন অন্তরে যাহা গুপ্ত রাখিয়াছে, তদ্বিষয়ে অহুতপ্ত হইবে * । ৫২। এবং বিশ্বাসিগণ বলিবে, “যাহারা ঈশ্বরের নামে গুরুতর শপথরূপে শপথ করিয়াছিল ইহারাই কি ?” অবশ্য তাহারা তোমাদের সঙ্গে আছে, তাহাদের কর্তৃপুস্তক বিনাশ পাইয়াছে, পরন্তু তাহারা ক্ষতিগ্রস্ত হইয়াছে । ৫৩। হে বিশ্বাসিগণ, তোমাদের মধ্যে যে ব্যক্তি আপন ধর্ম হইতে ফিরিয়া যায়, পরে ঈশ্বর এমন একদল আনয়ন করিবেন যে, তিনি তাহাদিগকে প্রেম করেন ও তাহারা তাঁহাকে প্রেম করে, এবং বিশ্বাসীদিগের প্রতি কোমল ও কাকেরদিগের প্রতি কঠোর হয়, তাহারা ঈশ্বরোদ্দেশ্যে সংগ্রাম করিবে, কোন ভৎসনাকারীর ভৎসনাকে ভয় করিবে না, ইহা ঈশ্বরপ্রদত্ত গৌরব ; তিনি যাহাকে ইচ্ছা হয় দান করিয়া থাকেন, ঈশ্বর বদাশ্র ও জ্ঞানী ঃ । ৫৪। পরমেশ্বর ও তাঁহার প্রেরিতপুরুষ ও যাহারা বিশ্বাসী হইয়াছে, এবং যাহারা উপাসনাকে প্রতিষ্ঠিত রাখে ও জকাত দান করে, তাহারা তোমাদের বন্ধু ইহা ব্যতীত নহে, তাহারা নমাজ পড়িয়া থাকে । ৫৫। এবং যাহারা ঈশ্বরকে ও তাঁহার প্রেরিতপুরুষকে প্রেম করে, এবং যাহারা বিশ্বাসী হইয়াছে, নিশ্চয় তাহারাই ঈশ্বরের পরাক্রান্ত মণ্ডলী । ৫৬। (র, ৮, আ, ৬)

হে বিশ্বাসিগণ, তোমাদের পূর্ববর্তী গ্রন্থপ্রাপ্ত ব্যক্তিদিগের যাহারা তোমাদিগের ধর্মকে উপহাস করে, অথবা (তাহা লইয়া) ক্রীড়ামোদ করে, তোমরা তাহাদিগকে এবং কাকেরদিগকে বন্ধুরূপে গ্রহণ করিও না ; যদি তোমরা বিশ্বাসী হও, তবে ঈশ্বরকে ভয় করিও । ৫৭। এবং যখন তোমরা নমাজ উদ্দেশ্যে ঘোষণা কর, তখন

আর রাখি না ; আমার জন্ত ঈশ্বর ও প্রেরিতপুরুষের বন্ধুতাই যথেষ্ট ।” ইহা শুনিয়া আবুর পুত্র অবদোলা বলিল, “আমি দুঃখ বিপদকে ভয় করি, আমি ইহুদিপ্রধান পুরুষদিগের আত্মকৃত্য পরিভ্যাগ করিতে পারি না ।” ইহাতেই এই আয়ত অবতীর্ণ হয় । (ত, হো,)

* “অন্তরে রোগ আছে” অর্থাৎ কপটতা আছে, “তাহারা তাহাদিগের মধ্যে ধাবিত” ইহার অর্থ, ইহুদিদিগের সঙ্গে বন্ধুতা করিতে সঙ্কর । “কালচক্র আমাদিগকে প্রাপ্ত হইবে বলিয়া ভয় হইতেছে,” এই কথাই তাৎপর্য, কালের গতি ও পরিবর্তনে দুর্ঘটন হইবে বলিয়া ভয় হইতেছে । (ত, হো,)

+ হজরতের পরলোক হইলে পর বহু আরবীয় লোক ধর্মত্যাগ করে । খলিফা আবুবেকর এমন দেশ হইতে মোসলমান আনয়ন করেন । তাহারা আসিয়া ধর্মত্যাগী লোকদিগের সঙ্গে যুদ্ধ করে, তাহাতে সমুদায় আরবীয় লোক পুনর্বার মোসলমান হয় । এই আয়ত সেই স্রসংবাদ প্রচার করিতেছে । (ত হো,)

তাহারা তৎপ্রতি উপহাস ও ক্রোড়ামোদ করে; ইহা এ কারণে যে, তাহারা এমন এক দল যে বুঝিতেছে না *। ৫৮। তুমি বল, হে গ্রন্থধারী লোক, আমরা ঈশ্বরের প্রতি এবং যাহা আমাদের প্রতি অবতীর্ণ হইয়াছে ও আমাদের পূর্বে যাহা অবতীর্ণ হইয়াছে, তৎপ্রতি বিশ্বাস করিয়াছি ভিন্ন তোমরা আমাদের দোষ ধরিতেছ না; যেহেতু তোমাদের অধিকাংশই দুর্বৃত্ত। ৫৯। তুমি বল, ঈশ্বরের নিকটেই প্রতিফল, ইহা অপেক্ষা অশুভ সংবাদ তোমাদিগকে কি দান করিব? ঈশ্বর যাহাকে অভিসম্পাত করিয়াছেন ও যাহার প্রতি আক্রোশ করিয়াছেন ও তাহাদের যাহাকে মর্কট এবং বরাহরূপে পরিণত করিয়াছেন, অসত্য উপাস্তকে উপাসনা করিতে দিয়াছেন, সেই লোক স্থানবিষয়ে নিকৃষ্টতর † এবং সে সরল পথ হইতে বহুদূরে পড়িয়াছে। ৬০। এবং যখন তাহারা তোমাদের নিকট আগমন করে, তখন বলে যে, আমরা বিশ্বাস স্থাপন করিয়াছি; তাহারা বস্তুতঃ ধর্মদ্রোহী সহ উপস্থিত হইয়াছে, তৎসহ চলিয়া গিয়াছে এবং তাহারা যাহা গুপ্ত রাখে, ঈশ্বর তাহার উত্তম জ্ঞাত। ৬১। তুমি তাহাদের অধিকাংশকে, পাপে ও অত্যাচারে এবং আপনাদের অবৈধ ভঞ্জে ধাবিত হইতেছে, দেখিতেছ; নিশ্চয় তাহারা যাহা করিয়াছে, তাহা অকল্যাণ। ৬২। ঈশ্বরপরায়ণ লোক ও জ্ঞানী পুরুষেরা তাহাদের পাপ কখন ও তাহাদের অবৈধ ভঞ্জে কেন তাহাদিগকে নিষেধ করিতেছে না? নিশ্চয় তাহারা যাহা করিয়াছে, তাহা অকল্যাণ ‡। ৬৩। এবং ইহাদিগকে বলিয়াছে যে, ঈশ্বরের হস্ত গলদেশে বদ্ধ; তাহাদের হস্ত গলদেশে বদ্ধ থাকুক, যাহা বলিয়াছে তজ্জন্ত তাহারা পাপগ্রস্ত; বরং ঈশ্বরের উভয় হস্ত মুক্ত, যেরূপ ইচ্ছা করেন, তিনি -সেরূপ বায় করিয়া থাকেন। এবং তোমার প্রতিপালক হইতে, হে মোহম্মদ, তোমার প্রতি যাহা অবতীর্ণ হইয়াছে, তাহা একান্তই তাহাদের বহুসংখ্যককে ধর্মদ্রোহিতায় ও অবাধ্যতায় পরিবর্দ্ধিত করিবে, এবং কেয়ামতের দিন পর্য্যন্ত আমি তাহাদিগের মধ্যে ঈর্ষা ও শত্রুতা স্থাপন করিয়াছি; তাহারা যখন যুদ্ধের জন্ত অগ্নি প্রজ্জ্বলিত করে, তখন ঈশ্বর তাহা নির্বাপিত করেন, এবং

* আজানদাতা আজানে যখন বলিত যে, “আমি সাক্ষাদান করিতেছি, মোহম্মদ তাহার প্রেরিত” তখন একজন অগ্নিপূজক বলিত, “দক্ষ হও, মিথ্যা কথা কহিতেছ।” ইহাদিগকে উপহাস বিক্রম করিত। ঘোষণার অর্থ আজান। “তাহারা বুঝিতে পারে না” ইহার অর্থ এই যে, তাহারা যে গুরুতর শাস্তি পাইবে, তাহা বোধ করিতে পারে না। (ত, হো,)

† “সে ব্যক্তি স্থান বিধয়ে নিকৃষ্টতর” এই কথা তাৎপর্য এই যে, সেই ব্যক্তি নিকৃষ্ট স্থান নরকে বাস করিবে।

‡ হজরত মোহম্মদের মদিনার আগমনের পূর্বে তথাকার ইহুদিদিগের প্রচুর ধনসম্পত্তি ছিল। তাহারা আমোদ প্রমোদ ও জগতের হিতসাধনে কালমাণন করিতেছিল। হজরত মদিনায় উপস্থিত হইলে তাহারা তাহার সঙ্গে শত্রুতাচরণে প্রবৃত্ত হয়। তাহাতে পরমেশ্বর তাহাদের ঈর্ষা প্রদীপ্ত করেন। তজ্জন্ত তাহারা অশুচিত কথা সকল বলে, ঈশ্বর তাহাদেরই সংবাদ দিতেছেন। (ত, হো,)

তাহারা পৃথিবীতে অত্যাচার করিতে ধাবিত হয়, ঈশ্বর অত্যাচারীদেরকে শ্রেম করেন না *। ৬৪। এবং যদি গ্রন্থাদিকারিগণ বিশ্বাস স্থাপন করিত ও ধর্মভীরু হইত, তবে অবশ্যই আমি তাহাদিগের পাপ তাহাদিগ হইতে দূর করিতাম, এবং অবশ্যই আমি তাহাদিগকে সম্পদের উত্থানসকলে লইয়া যাইতাম। ৬৫। এবং যদি তাহারা তওরাত ও ইঞ্জিলকে ও তাহাদের প্রতিপালক হইতে তাহাদের প্রতি যাহা অবতীর্ণ হইয়াছে তাহা প্রতিষ্ঠিত রাখিত, তবে একান্তই তাহারা আপনাদের মন্তকের উপর হইতে ও আপনাদের চরণের নিম্ন হইতে (জীবিকা) ভোগ করিত ; তাহাদের একদল পশ্চিমধ্যে আছে, এবং তাহাদের অধিকাংশ যাহা করে তাহা অকল্যাণ ৭। ৬৬। (র, ২, আ, ১০)

হে প্রেরিতপুরুষ, তোমার প্রতিপালক হইতে তোমার প্রতি যাহা অবতারিত হইয়াছে, তুমি তাহা প্রচার কর, এবং যদি না কর, তবে তাঁহার তত্ত্ব তুমি প্রচার করিলে না ; ঈশ্বর তোমাকে মানবমণ্ডলী হইতে রক্ষা করিবেন, নিশ্চয় ঈশ্বর ধর্মদ্রোহী দলকে পথ প্রদর্শন করেন না। ৬৭। তুমি বল, হে গ্রন্থাদিকারিগণ, যে পর্য্যন্ত তোমরা তওরাত ও ইঞ্জিলকে এবং তোমাদের প্রতিপালক হইতে যাহা তোমাদের প্রতি অবতারিত হইয়াছে, তাহা প্রতিষ্ঠিত না কর, সে পর্য্যন্ত তোমরা কিছুই নও ; তোমার প্রতি (হে মোহাম্মদ,) যাহা অবতারিত হইয়াছে, তাহা তাহাদের অধিক-সম্ম্যাককে অবশ্য ধর্মদ্রোহিতায় ও অবাধ্যতায় পরিবদ্ধিত করিবে ; অবশেষে তুমি ধর্মদ্রোহী সম্প্রদায়ের সম্মুখে ক্ষুব্ধ হইও না। ৬৮। নিশ্চয় যাহারা মোসলমান ও যাহারা ইহুদি ও নক্ষত্রপূজক এবং ঈসায়ী, (তাহাদের) যাহারা পরমেশ্বরে ও পরকালে বিশ্বাস স্থাপন এবং সংকার্য্য করিয়াছে, তাহাদের সম্মুখে ভয় নাই ও তাহারা শোকগ্রস্ত হইবে না। ৬৯। সত্য সত্যই আমি এশ্রায়েলসন্তানগণ হইতে অঙ্গীকার গ্রহণ করিয়াছি ও তাহাদের নিকটে প্রেরিতপুরুষ পাঠাইয়াছি ; যখন তাহাদের নিকটে প্রেরিতপুরুষ, যাহাকে তাহাদের জীবন ইচ্ছা করিত না, উপস্থিত হইয়াছে, তখন তাহারা কতকজনকে (কতক প্রেরিতকে) অসত্যবাদী বলিয়াছে, কতকজনকে বধ করিতেছিল। ৭০।

* ইহুদিগণ এক্রূপ বলিত যে, ঈশ্বরের হস্ত বদ্ধ হইয়াছে, অর্থাৎ আশ্বাদিগের প্রতি তিনি জীবিকা সঙ্কুচিত করিয়াছেন। ইহা ধর্মদ্রোহী বাক্য। ঈশ্বর বলিতেছেন যে, পরমেশ্বরের হস্ত কখনও বদ্ধ নহে, তাঁহার কৃপার হস্ত ও শাস্তির হস্ত এই উভয় হস্তই মুক্ত। তোমাদের উপর এক্ষণ শাস্তির হস্ত ও তাহাদের উপর কৃপার হস্ত মুক্ত। তিনি বলিতেছেন, “তোমরা যখন পরস্পর মিলিত হইয়া মুসলমানদিগের বিরুদ্ধে যুদ্ধানল প্রজ্বলিত কর, তখন ঈশ্বর তাহা নিবাহিয়া ফেলেন।” (ত, কা,)

+ “আপনাদের মন্তকের উপর হইতে ও আপনাদের চরণের নিম্ন হইতে ভোগ করিত” এই কথার তাৎপর্য্য এই যে, পর্য্যাপ্ত বারিবর্ষণে তাহাদের সম্মুখে উপজীবিকা বিস্তৃত হইত। শস্ত ও ফল এত অধিক উৎপন্ন হইত যে, তাহার বাহুল্যপ্রযুক্ত তাহারা তাহা মন্তকে বহন করিত ও যুদ্ধিকার বিক্ষিপ্ত হওয়াতে পদদ্বারা সর্জন করিত। “তাহাদের একদল পশ্চিমধ্যে আছে” ইহার অর্থ এই যে, একদল সরল পথাবলম্বী হজরতের প্রতি বিশ্বাসী হইয়াছে।

তাহারা মনে করিয়াছিল যে, কোন সন্কট হইবে না, যেহেতু তাহারা অন্ধ ও বধির; তৎপর ঈশ্বর তাহাদের প্রতি প্রত্যাগমন করিলেন, তদনন্তর তাহাদের অধিকাংশ অন্ধ ও বধির হইল। তাহারা যাহা করিতেছে, ঈশ্বর তাহার দর্শক। ৭১। যাহারা বলিয়াছে, নিশ্চয় সেই মরয়মের পুত্র মসিহই ঈশ্বর, সত্য সত্যই তাহারা ধর্মদ্রোহী হইয়াছে; এবং মসিহ বলিয়াছিল যে, “হে এস্রায়েলবংশীয়গণ, আমার প্রতিপালক ও তোমাদের প্রতিপালক পরমেশ্বরকে তোমরা অর্চনা কর।” নিশ্চয় যে ব্যক্তি পরমেশ্বরের সঙ্গে অংশিত্ব স্থাপন করে, পরে একান্তই তাহার প্রতি পরমেশ্বর স্বর্গোচ্চান অবৈধ করেন, এবং তাহার আবাস নরকায় হয়; অত্যাচারী লোকদিগের কোন সাহায্যকারী নাই। ৭২। যাহারা বলিয়াছে, নিশ্চয় ঈশ্বর তিনেতে ত্রিতম, সত্য সত্যই তাহারা কাফের; এবং একমাত্র ঈশ্বর ব্যতীত কোন উপাস্ত নাই। তাহারা যাহা বলিতেছে, যদি তাহা হইতে নিবৃত্ত না হয়, তবে তাহাদের মধ্যে যাহারা কাফের হইয়াছে, অবশ্য তাহাদিগকে দুঃপঙ্জনক শাস্তি প্রাপ্ত হইতে হইবে *। ৭৩। অনন্তর তাহারা কি ঈশ্বরের দিকে প্রত্যাবর্তন করিতেছে না ও তাহার নিকটে ক্ষমা চাহিতেছে না? ঈশ্বর ক্ষমাশীল দয়ালু। ৭৪। মরয়মের পুত্র মসিহ প্রেরিত বৈ নহে, তাহার পূর্ব (সময়) সত্যই প্রেরিতগণশূন্য হইয়াছিল ও তাহার মাতা সাধ্বী ছিল, উভয়ে অন্ন ভক্ষণ করিত; দেখ তাহাদের জ্ঞাত আমি কেমন নিদর্শন সকল ব্যক্ত করিতেছি, তৎপর দেখ কোথায় পরিবর্তিত হইতেছে †। ৭৫। তুমি বল, তোমরা কি ঈশ্বরকে ছাড়িয়া এমন বস্তুর অর্চনা কর, যে তোমাদের ক্ষতি ও হিত করিতে ক্ষমতা রাখে না? এবং ঈশ্বর, তিনিই স্রোতা ও দ্রষ্টা। ৭৬। তুমি বল, হে গ্রন্থাধিকারিগণ, স্বীয় ধর্ম বিষয়ে অসত্যে তোমরা আতিশয্য করিও না, এবং সত্যই যাহারা ইতিপূর্বে পথভ্রান্ত হইয়াছে ও অনেককে বিভ্রান্ত করিয়াছে ও সরল পথ হইতে বিভ্রান্ত করিয়াছে, সেই সম্প্রদায়ের ইচ্ছার অনুসরণ করিও না। ৭৭। (র, ১০, আ, ১১)

এস্রায়েলবংশীয়দিগের যাহারা ধর্মদ্রোহী হইয়াছে, তাহারা দাউদের ও মরয়মের পুত্র ঈসার রসনায় দিক্কার-প্রাপ্ত; তাহারা যে অবাধ্যতাচরণ করিয়াছিল ও সীমা লঙ্ঘন করিতেছিল, ইহা সেই কারণে হইয়াছে। ৭৮। তাহারা পরস্পরকে, অসৎকর্ম যাহা করিতেছিল, তাহা হইতে নিষেধ করিত না; তাহারা যাহা করিতেছিল, নিশ্চয় তাহা অকল্যাণ। ৭৯। তুমি তাহাদের অনেককে দেখিতেছ যে, তাহারা ধর্মদ্রোহীদিগের সঙ্গে

* ঈসারীদিগের দুইটি কথা। কেহ কেহ বলে, ঈসার আকারে যিনি প্রকাশ পাইয়াছেন, তিনিই ঈশ্বর। কেহ কেহ বলে, ঈশ্বর তিন ভাগে বিভক্ত হইয়াছেন; এক পরমেশ্বর, দ্বিতীয় পবিত্রাত্মা, তৃতীয় মসিহ। এই দুই উক্তিই স্পষ্ট অধর্মোক্তি। (ত, কা,)

† অর্থাৎ যে ব্যক্তি পানভোজন করে ও যাহার মানবীয় অভাব সকল আছে, তাহার ইহা অপেক্ষা মনুষ্যের নিদর্শন অধিক কি আর হইতে পারে? ঈশ্বরের স্বরূপ পবিত্র, তাহাতে কখনও এ সকল ভাব থাকিতে পারে না। (ত, কা,)

বন্ধুতা করিতেছে ; তাহাদের জন্ত তাহাদের জীবন যাহা প্রেরণ করিয়াছে, একান্তই তাহা অকলাণ এই যে, পরমেশ্বর তাহাদের প্রতি ক্রুদ্ধ হইয়াছেন, এবং তাহারা শাস্তিতে নিতাস্থায়ী হইবে । ৮০ । যদি তাহারা ঈশ্বর ও তত্ত্ববাহক এবং তাহারা প্রতি যাহা অবতীর্ণ হইয়াছে, তৎপ্রতি বিশ্বাস স্থাপন করিত, তবে তাহাদিগকে বন্ধুরূপে গ্রহণ করিত না ; কিন্তু তাহাদের অধিকাংশই দুর্বৃত্ত * । ৮১ । অবশ্য তুমি বিশ্বাসীদিগের প্রতি শত্রুতা বিষয়ে ইহুদি ও অংশিবাদীদিগকে সকল লোক অপেক্ষা (প্রবল) প্রাপ্ত হইবে, এবং যাহারা বলে, নিশ্চয় আমরা ঈসায়ী, অবশ্য তুমি বিশ্বাসীদিগের প্রতি বন্ধুতাবিষয়ে তাহাদিগকে অধিক নিকটবর্তী পাইবে ; ইহা একারণে যে, তাহাদের অনেকে জ্ঞানবান্ ও বিরাগী, অপিচ তাহারা অহঙ্কারী নহে ॥ ৮২ ॥ এবং প্রেরিত পুরুষের প্রতি যাহা অবতীর্ণ হইয়াছে, যখন তাহারা তাহা শ্রবণ করে, তুমি দেখিতেছ, তখন সত্য উপলব্ধি-বশতঃ তাহাদের নেত্র অশ্রুপূর্ণ হয় ; তাহারা বলে, “হে আমাদের প্রতিপালক, আমরা বিশ্বাস স্থাপন করিলাম, অতএব আমাদের সাক্ষ্যদাতৃগণের সঙ্গে লিপি কর । ৮৩ ॥ এবং আমাদের জন্ত কি হয় যে, ঈশ্বরের প্রতি ও যে সত্য আমাদের নিকটে উপস্থিত হইয়াছে, তৎপ্রতি আমরা বিশ্বাস করিব না ও আমাদের প্রতিপালক সাধুমণ্ডলীর সহিত আমাদের প্রবিশ্ট করিবেন, (ইহা) আমরা আকাঙ্ক্ষা করিব না ?” ৮৪ ॥ অনন্তর তাহারা যাহা বলিয়াছে, তজ্জন্ত পরমেশ্বর তাহাদিগকে স্বর্গোত্তান পুরস্কার দিবেন, যাহার ভিতর দিয়া পয়ঃপ্রণালী সকল প্রবাহিত হইতেছে ; তাহাতে তাহারা নিতাস্থায়ী, এবং হিতকারী লোকদিগের ইহাই পুরস্কার । ৮৫ ॥ এবং যাহারা ধর্ম্মজোহী হইয়াছে ও আমার নিদর্শন সকলের প্রতি অসত্যারোপ করিয়াছে, এই তাহারাই নরকলোকনিবাসী ॥ ৮৬ ॥ (র, ১১, আ, ২)

* তাহারা যদি কোর্-আনের প্রতি ও মোহম্মদের প্রতি বিশ্বাস রাখিত, তাহা হইলে কাকেরদিগের সঙ্গে বন্ধুতা করিত না । তওরাতেরও বিধি এই যে, কাকেরদিগের সঙ্গে বন্ধুতা করিবে না ।

(ত, হো,)

† অনেক ইহুদি ও খ্রীষ্টান মোসলমানদিগকে বধ করিতে ও তাহাদের মস্জিদ ও নগর ধ্বংস করিতে উদ্ধত হইয়াছিল । কিন্তু আফ্রিকার দলপতি নজাশী ও তাঁহার পারিষদগণ আবু-তালেবের পুত্র জাকেরের যুগে কোর্-আন শ্রবণ করিয়া মোসলমান ধর্মে বিশ্বাস স্থাপন করেন । নজাশী ও তাঁহার পারিষদবর্গ খ্রীষ্টান ছিলেন । তাঁহারা মোসলমানদিগের প্রতি অনেক সদয় ব্যবহার করেন । তাহাদের অনেকে হজরতের নিকটে যাইয়া কোর্-আনের সুরাবিশেষ শ্রবণ করিয়া অশ্রুবর্ণন করেন ও ধর্ম্মেতে দীক্ষিত হন ।

(ত, হে,)

‡ মক্কা নগরে পৌত্তলিকগণ মোসলমানদিগের উপর যখন অত্যাচার করিতে লাগিল, তখন হজরত তাহাদিগকে ভিন্ন দেশে চলিয়া যাইতে আদেশ করিলেন । তদনুসারে প্রায় আশি জন মোসলমান কেহ কেহ একাকী, কেহ কেহ সপরিবারে হবশে (আফ্রিকায়) চলিয়া যান । তথাকার খ্রীষ্টধর্ম্মাবলম্বী বাদশা অতিশয় সন্ধিবেচক ছিলেন, তিনি তাহাদিগকে আশ্রয় দান করেন । মক্কা

হে বিশ্বাসিগণ, ঈশ্বর যাহা তোমাদের জন্য বৈধ করিয়াছেন, তোমরা সেই পবিত্র বস্তুকে অবৈধ করিও না, এবং সীমা লঙ্ঘন করিও না; নিশ্চয় ঈশ্বর সীমালঙ্ঘনকারী-দিগকে শ্রেম করেন না *। ৮৭। এবং পরমেশ্বর বিপুল ও বৈধ যাহা উপজীবিকারূপে তোমাদিগকে দান করিয়াছেন, তাহা ভক্ষণ কর ও তোমরা তাহার প্রতি বিশ্বাসী, সেই ঈশ্বর হইতে ভীত হও †। ৮৮। তোমাদের অথবা শপথের জন্য পরমেশ্বর তোমাদিগকে ধরিবেন না, কিন্তু তোমরা যে সকল শপথ দৃঢ় বদ্ধ করিয়াছ, তাহার নিমিত্ত তোমাদিগকে ধরিবেন; অনন্তর তোমাদের পোস্তবর্গকে যে সাধারণ বস্তু খাওয়াইয়া থাক, দশজন দরিদ্রকে তাহা ভোজন করান, কিম্বা তাহাদিগকে বস্ত্র দান করা, অথবা একটি গ্রীবা মুক্ত করা তাহার প্রায়শ্চিত্ত; পরন্তু যে ব্যক্তি তাহা প্রাপ্ত না হয়, পরে তিন দিবস তাহার রোজা-পালন বিধি; যখন তোমরা শপথ কর, তখন ইহাই তোমাদের শপথের প্রায়শ্চিত্ত। আপনাদের শপথকে রক্ষা করিও। এইরূপে পরমেশ্বর তোমাদের জন্য স্বীয় নিদর্শন সকল ব্যক্ত করেন, ভরসা যে, তোমরা কৃতজ্ঞ হইবে ‡। ৮৯। হে, কাকের লোকেরা তাহাদিগকে তথা হইতে দূর করিয়া দিবার জন্য তাহাকে বিশেষ অহুরোধ করে, এবং বলে যে, “ইহারা মহাত্মা ঈসাকে ভৃত্য বলিয়া থাকে।” তখন বাদশা তাহাদিগকে জিজ্ঞাসা করিয়া সবিশেষ অবগত হন ও কোর্-আন শ্রবণ করেন। কোর্-আন শুনিয়া তিনি ও তাহার সভাসদ পণ্ডিতগণ কাদিয়া বলেন যে, “প্রভু ঈসার প্রমুখ্যে আমরা এইরূপ উক্তি শ্রবণ করিয়াছি। আমাদিগকে ঈসা বলিয়াছেন যে, ‘আমার পরে কোরামতের পূর্বে আর একজন ধর্মপ্রবর্তক আগমন করিবেন।’ ইনিই সেই ধর্মপ্রবর্তক।” সেই বাদশা গুপ্তভাবে মোসলমান হইয়াছিলেন। তাহারই সম্বন্ধে এই কয়েক আয়াত অবতীর্ণ হইয়াছে।

(ত, কা,)

* একদা হজরত ধর্মবন্ধুদিগের নিকটে কোরামতের বর্ণনা করেন, তাহার ভীষণত্ব বিষয়ে কিঞ্চিৎ বলেন। তখন তাহার ধর্মবন্ধুদিগের মধ্যে আবুবেকর, আলি, মেকদাদ, সোলয়মান প্রভৃতি উপস্থিত ছিলেন। তাহারা সকলে উহা শুনিয়া মতউনের পুত্র ওসমানের গৃহে সমবেত হইয়া এই স্থির করেন যে, অবশিষ্ট সমুদায় জীবন ধর্মার্থ উৎসর্গ করা যাইবে। সমস্ত দিন রোজা পালন ও সমুদায় রজনী উপাসনায় যাপন করিতে হইবে। শয্যায় শয়ন করা হইবে না, মাংস-ভক্ষণে বিরত থাকিতে হইবে, জ্বীলোকের নিকটে গমন স্থগিত থাকিবে, সংসার পরিত্যাগপূর্বক কবল পরিধান করিয়া দেশে দেশে ভ্রমণ করিতে হইবে। সকলেই এ বিষয়ে এক মত হইয়া শপথ করিলেন। হজরত এই সংবাদ শুনিয়া তাহাদিগকে বলিলেন যে, “তোমরা যাহা ভাবিয়াছ, আমি তদ্বিবরে আদিষ্ট হই নাই। তোমরা রোজা রাখিও, রোজা ভঙ্গও করিও; রাত্রিতে নমাজ পড়িও, শয়নও করিও। আমি উপাসনা ও শয়ন দুই করিয়া থাকি, রোজা পালন করিও রোজা ভঙ্গ করিয়া থাকি, মাংস ভোজন ও জ্বীলোকের নিকটে গমন করি।” তাহাতেই এই আয়াত অবতীর্ণ হয়।

(ত, হো,)

† যে বস্তু শরীতে (বিশিষ্টাঙ্গে) স্পষ্ট বৈধ হইয়াছে, তাহা অগ্রাহ্য করা উচিত নয়; যে বস্তু নিষিদ্ধ হইয়াছে, তাহার নিকটবর্তী না হওয়া কর্তব্য। এই নিবৃত্তির পথ অবলম্বন বিধেয়। যে বিষয় বিধিসম্মত, তদ্বিবরে শপথ করা অকর্তব্য। তদ্বিবর হইতে নিবৃত্ত হইবার জন্য শপথ করিলে, প্রায়শ্চিত্ত করিয়া তাহা ভঙ্গ করিবে।

(ত, কা,

‡ লক্ষ্য করিয়া যে বিষয়ে শপথ করা হয়, পরে সেই শপথের অঙ্গধারণে হইলে, নিম্নলিখিত তিন

বিশ্বাসিগণ, সূরা, দ্যাতক্বীড়া, “নসব” (দেবাধিষ্ঠানভূমি), “আজলাম” (ভাগ্যানির্দারণের বাণাবলী) * শয়তানের অপবিত্র ক্রিয়া ইহা ভিন্ন নহে ; অতএব এ সকল হইতে নিবৃত্ত হও, ভরসা যে তোমরা মুক্ত হইবে। ২০ । সূরা ও দ্যাতক্বীড়াতে তোমাদিগের মধ্যে ঈর্ষ্যা ও শত্রুতা স্থাপন এবং তোমাদিগকে ঈশ্বরশ্রমণ হইতে ও উপাসনা হইতে নিবৃত্ত রাখা, শয়তান ইহা ভিন্ন ইচ্ছা করে না ; অনন্তর তোমরা কি নিবৃত্ত হইবে ? ২১ । এবং ঈশ্বরের অমুগত হও, প্রেরিত পুরুষের অমুগত এবং ভীত হইও ; অনন্তর যদি তোমরা অগ্রাহ্য কর, তবে জানিও, আমার প্রেরিতের প্রতি স্পষ্ট প্রচার-কার্যের ভার, ইহা ভিন্ন নহে ২২ । যাহারা বিশ্বাস স্থাপন ও সংকল্প করিয়াছে, যখন তাহারা ধৈর্য্যশীল, বিশ্বাসী ও সংকল্পপরায়ণ হইয়াছে, অতঃপর ধৈর্য্যশীল ও বিশ্বাসী হইয়াছে, অতঃপর ধৈর্য্যশীল ও সংকল্পপরায়ণ হইয়াছে, তখন তাহারা যাহা ভক্ষণ করিয়াছে, তাহাতে তাহাদের প্রতি দোষ নাই ; ঈশ্বর হিতকারীদিগকে প্রেম করেন § । ২৩ । (র, ১২, আ, ৭) .

উপায়ের কোন একটি উপায়ে প্রায়শ্চিত্ত করিতে হয়। ১, দশ জন দীন দুঃখীকে ভোজন করান, অর্থাৎ প্রত্যেককে দুই সের গম অথবা চারি সের যব অথবা খাদ্যোপকরণসহ দান করা। ২, বস্ত্র দান করা। ৩, “একটি গ্রীবা মুক্ত করা” অর্থাৎ একজন ক্রীতদাসকে দাসত্ব হইতে মুক্ত করা। যে ব্যক্তি এই তিন বিধির কোন বিধি পালন করিতে সমর্থ নয়, তাহার পক্ষে তিন দিন রোজাপালন বিধি। সাধ্যানুসারে শপথ বিরত থাকিবে। শপথ করার অভ্যাস জিহ্বায় না হওয়া শ্রেয়ঃ। (ত, ফা,)

* এই সূরার প্রথম রুকুতে “নসব” ও আজলামের বিবরণ বর্ণিত হইয়াছে।

+ এই দুই আয়তে সূরাপানের অবৈধতাবিষয়ে দশটি প্রমাণ বিদ্যমান। প্রথমতঃ সূরাকে দ্যাতক্বীড়ার সঙ্গে যোগ করা হইয়াছে, দ্যাতক্বীড়া অবৈধ, সুতরাং তাহার সহযোগী সূরাও অবৈধ। দ্বিতীয়তঃ সূরাকে পৌত্তলিকতার সঙ্গে একত্রে বদ্ধ করা হইয়াছে, পৌত্তলিকতা অত্যন্ত অবৈধ, সুতরাং সূরাও অত্যন্ত অবৈধ। তৃতীয়তঃ সূরাকে অপবিত্র বলা হইয়াছে, অতএব যাহা অপবিত্র, তাহাই অবৈধ। চতুর্থতঃ সূরাপান শয়তানের কাণ্ড, বলিয়া উক্ত হইয়াছে, সুতরাং যাহা শয়তানের কাণ্ড, তাহাই অবৈধ। পঞ্চমতঃ আদেশ হইয়াছে যে, তাহা হইতে দূরে থাক, যাহা হইতে দূরে থাকার বিধি হয়, তাহা অবৈধ। ষষ্ঠতঃ সূরাপানের নিবৃত্তির সঙ্গে মুক্তির সম্বন্ধ রহিয়াছে, সুতরাং যাহা হইতে নিবৃত্ত হইলে মুক্ত হওয়া যায়, তাহা পান করা অবৈধ। সপ্তমতঃ সূরা শত্রুতা ও ঈর্ষ্যার কারণ, অতএব যাহা শত্রুতা আনয়ন করে, তাহা অবৈধ। অষ্টমতঃ সূরা ঈশ্বরশ্রমণ হইতে মানুষকে নিবৃত্ত করে, যে বস্ত্র মানুষের মনে ঈশ্বরবিশ্বস্তি উপাদান করে, তাহা অবৈধ। নবমতঃ সূরা নমাজের বিঘ্ন, অতএব নিঃসন্দেহ তাহা অবৈধ। দশমতঃ আদেশ হইয়াছে, তাহা হইতে নিবৃত্ত হও, অর্থাৎ তাহা পরিত্যাগ কর। যাহার পরিত্যাগে বিধি, একান্তই তাহা অবৈধ। (ত, হো,)

‡ “যদি তোমরা অগ্রাহ্য কর” ইত্যাদি উক্তির তাৎপৰ্য্য এই যে, প্রেরিতপুরুষ আমার আজ্ঞা তোমাদের নিকটে প্রচার করিলে, তৎপ্রতি তোমাদের অনাদর হইলে, তাহার কিছুই ক্ষতি হইবে না ; বরং তোমাদেরই ক্ষতি হইবে। আমার প্রেরিতের প্রতি প্রচার-কার্যের ভার বৈ নহে। (ত, হো,)

§ হজরতকে তাহার ধর্ম্মবঙ্গুগণ জিজ্ঞাসা করিয়াছিলেন যে, “আমাদের ব্রাতৃগণ সূরাপান

হে বিশ্বাসিগণ, যাহা তোমাদের হস্ত ও ভল্লাজ প্রাপ্ত হয়, পরমেশ্বর এমন কোন এক শিকার দ্বারা তোমাদিগকে পরীক্ষিত করেন, তন্ম্বারা ঈশ্বর, কে তাঁহাকে অন্তরে ভয় করে, জ্ঞাত হন ; অনন্তর ইহার পরে যে ব্যক্তি সীমা লঙ্ঘন করিবে, অবশেষে তাহার জন্ত দুঃখজনক শাস্তি আছে * । ২৪ । হে বিশ্বাসিগণ, তোমরা এহরামবন্ধ অবস্থায় মুগয়ার পশু বধ করিও না, এবং ইচ্ছাপূর্ব্বক তোমাদের মধ্যে যে ব্যক্তি তাহা বধ করিল, তবে সে যে চতুষ্পদকে বধ করিল, তাহার বিনিময় হওয়া (উচিত ;) তোমাদের মধ্যে দুইজন বিচারক, যে কাবাতে বলি উপহারের প্রেরক, তাহারা এ বিষয়ে আজ্ঞা করিবে, কিম্বা দরিদ্রদিগকে ভোজন করান অথবা ইহার অনুরূপ রোজাপালন প্রায়শ্চিত্ত হইবে, তাহাতে সে স্বীয় কাণ্ডের প্রতিফল ভোগ করিবে ; যাহা গত হইয়াছে, ঈশ্বর তাহা ক্ষমা করিয়াছেন, যে ব্যক্তি পুনরুদ্বার করিবে, তখন ঈশ্বর তাহার প্রতিশোধ দিবেন, পরমেশ্বর পরাক্রান্ত প্রতিশোধদাতা † । ২৫ । তোমাদের জন্ত সামুদ্রিক শিকার ও তাহা ভক্ষণ বৈধ হইয়াছে, তোমাদিগের নিমিত্ত এবং পথ্যটকদলের নিমিত্ত উহা লাভ, এবং যে পর্য্যন্ত তোমরা এহরামবন্ধ থাক, সে পর্য্যন্ত তোমাদের প্রতি আরণ্যক মুগয়া অবৈধ হইয়াছে ; এবং সেই ঈশ্বরকে ভয় কর, যাহার দিকে তোমরা সমুখিত হইবে ‡ । ২৬ । পরমেশ্বর লোকের দণ্ডায়মান হওয়ার জন্ত সম্মানিত মন্দির কাবাকে ও সম্মানিত মাস সকলকে ও বলি উপহার এবং কেলাদাকে নিরূপিত করিয়াছেন ; § একারণ যে, করিয়াছিলেন, তাহারা পরনোকে চলিয়া গিয়াছেন, তাহাদের কি গতি হইবে ? ” তাহাতেই এই আয়ত্ত অবতারণ হয় । (ত, হো,)

* এখানে ভল্লাজে সকল প্রকার অন্তকে বুঝাইবে । দ্বিবিধ উপায়ে মুগয়া করার উল্লেখ হইল । এক, পশুপক্ষকে হস্ত ও জাবিত অবস্থায় হস্তে ধরিয়া আনিয়া জন্ত করা, দ্বিতীয়তঃ দূর হইতে অন্ত্রদ্বারা নিহত করা । দূর হইতে পশু অন্ত্রাহত হইয়া মরিলেও বৈধ হয় । কিন্তু এহরামবন্ধনের অবস্থায় উভয় প্রকারের মুগয়াই অবৈধ । (ত, ফা,)

† এহরামবন্ধনের অবস্থায় শিকার পাহলে তাহা ছাড়িয়া দিবে, এই বিধি । তাহা বধ করিলে সেই মূল্যের একটি গৃহপালিত পশু ভাগ বা গো কিংবা উষ্ট্র কাবাতে পাঠাইয়া কোরবাণী করিবে, নিজে তাহা ভক্ষণ করিবে না । অথবা সেই মূল্যের পাচতরফা দরিদ্রদিগকে দিবে, কিংবা সেই অন্নদানের তুল্য রোজা পালন করিবে । দুই জন বিশ্বস্ত মোসলমান তাহার মূল্য নির্দ্ধারণ করিবে । (ত, ফা,)

‡ এহরামবন্ধনের অবস্থায় সামুদ্রিক শিকার অর্থাৎ মংস্ত শিকার ও ভক্ষণ করা বৈধ । জল হইতে বিচ্ছিন্ন হইয়া যে মংস্ত মরিয়া গিয়াছে, শিকার করা হয় নাই, তাহা ভক্ষণও বৈধ, ইহাতে লাভ । সরোবর ইত্যাদির মংস্তমৎস্তকেও এই বিধি । (ত, ফা,)

§ কাবা লোকের দণ্ডায়মানভূমি, অর্থাৎ লোকের ধর্ম্ম কৰ্ম্ম করিবার ও নিরাপদে থাকিবার স্থান । সেই কাবাকে এবং সম্মানিত মাস সকলকে অর্থাৎ যে সকল মাসে হজ্জকরিয়া ইত্যাদি হয়, এবং লোকে হত্যা ও লুণ্ঠন ইত্যাদির ভয় হইতে নিরাপদ থাকে ও কেলাদাকে (কোরবাণীর পশুর গ্রীবা-বন্ধন বিশেষ), কোরবাণীর এবং বলির উপহারকে যাহা হজ্জ ও ওমরাহভেদে অঙ্গ, বাহা চৌর্যাদি হইতে সংরক্ষিত থাকে, এ সমুদায় ঈশ্বর নির্দ্ধারণ করিয়াছেন । (ত, হো,)

তোমরা যেন জানিতে পার যে, ঈশ্বর যাহা কিছু স্বর্ণে ও যাহা কিছু পৃথিবীতে আছে, তাহা জ্ঞাত আছেন, ঈশ্বর সর্বোপরি ক্ষমতাশালী। ৯৭। তোমরা জানিও যে, ঈশ্বর কঠিন শাস্তিদাতা ও (জানিও) যে, ঈশ্বর ক্ষমাশীল ও দয়ালু। ৯৮। প্রেরিত পুরুষের প্রতি প্রচারকার্য বৈ নহে, এবং তোমরা যাহা প্রকাশ্যে কর ও যাহা গুপ্ত রাখ, ঈশ্বর জ্ঞাত হন। ৯৯। বল, হে মোহম্মদ, শুদ্ধ ও অশুদ্ধ তুলা নহে, যদিচ বহু অশুদ্ধ তোমাকে চমৎকৃত করে; * অনন্তর যে বুদ্ধিমান লোকসকল, তোমরা ঈশ্বরকে ভয় করিও, ভরসা যে তাহাতে মুক্ত হইবে। ১০০। (র, ১৩, আ, ৭)

হে বিশ্বাসিগণ, সেই সকল বিষয়ে তোমরা প্রশ্ন করিও না, যদি তাহা তোমাদের জ্ঞাত প্রকাশিত হয়, তবে তোমাদিগকে দুঃখিত করিবে, এবং তোমরা যদি তাহা জিজ্ঞাসা কর, যখন কোর্-আন্ অবতীর্ণ হইবে, তখন তোমাদের জ্ঞাত প্রকাশ করা যাইবে; ঈশ্বর তাহা ক্ষমা করিয়াছেন, এবং ঈশ্বর ক্ষমাশীল ও দয়ালু। ১০১। নিশ্চয় তোমাদের পূর্বে ও একদল তাহা জিজ্ঞাসা করিয়াছিল, তৎপর তাহার তদ্বিষয়ে কাফের হইয়াছিল। ১০২। পরমেশ্বর কোন বীর ও সারবা ও উসিলা এবং “হাম” নির্দোষিত করেন নাই;

পূর্বে আরবদেশে অরাজকতা ছিল। তথায় সর্বদা বিবাদ, বিসংবাদ ও অত্যাচার হইত। কিন্তু কাবাকে সকলে মান্য করিত, এবং সম্মানিত মাসে অর্থাৎ হজরতাদি পালন করিবার মাসে মক্কাপ্রদেশ নিরাপদ হইত, তখন লুঠন অত্যাচার ইত্যাদির ভয় থাকিত না। সেই সময়ে সকলে সেই দেশের নানা স্থানে গমনাগমন ও বাণিজ্যাদি করিত। তখন এইরূপে লোকে কাল যাপন করিত।

(ত, ফা,)

* শরার অর্থাৎ বাবুজাশ্বের বাবুজাশ্ব যাহা লাভ হয়, তাহাই শুদ্ধ। তাহা অল্প হইলেও উত্তম। বিধিসম্মত নয়, এমন যাহা কিছু প্রাপ্ত হওয়া যায়, তাহা অশুদ্ধ। উহার প্রচুরতার প্রতি দৃষ্টি রাখিবে না। এক সের চাগমাংস এক নগ বরহমাংস অপেক্ষা উত্তম।

(ত, ফা,)

† কতকগুলি লোক উপহাস করিয়া হজরতকে প্রশ্ন করিতেছিল, কেহ বলিতেছিল, “বল, আমার পিতা কে?” কেহ বলিতেছিল যে, “আমার উষ্ট্র হারাইয়া গিয়াছে, বল, তাহা কোপায়?” তাহাতেই ঈশ্বর এই আয়ত প্রকাশ করেন। ইহার ভাব এই যে, তোমরা প্রশ্ন করিও না, প্রশ্ন করিলে কোর্-আনের আয়তে তোমাদের জ্ঞাত তাহার উত্তর প্রকাশিত হইবে, তাহা তোমাদিগকে দুঃখিত করিবে।

(ত, হা,)

‡ অর্থাৎ আপনা হইতে জিজ্ঞাসা করিও না যে, ইহা উচিত কি অমুচিত, এ কার্য করিব কি করিব না? যেরূপ আজ্ঞা হইয়াছে, তদনুযায়ী আচরণ কর; যে বিষয়ে আদেশ হয় নাই, তাহা করিতে হইবে না, জানিও। ইহাতেই ধর্ম সহজ হয়, প্রত্যেক কথায় প্রশ্নোত্তর হইলে ধর্ম কঠিন হইয়া পড়ে। তদনুসারে চলা চঞ্চল হয়। পূর্বে এইরূপে অনেকে প্রশ্ন করিয়াছিল, তাহার তাহার উত্তরানুসারে আচরণ করিতে না পারিয়া বিজ্ঞোহিতার পথ আশ্রয় করিয়াছে। প্রশ্ন করিবার কোন প্রয়োজন রাখে না। যে বিষয়ে পরমেশ্বর আজ্ঞা করেন নাই, তাহা অপ্রয়োজনীয়। তদ্বিষয়ে প্রশ্ন করা নিরর্থক। কেহ জিজ্ঞাসা করিয়াছিল যে, “আমার পিতা কে?” কেহ প্রশ্ন করিয়াছিল যে, “আমার স্ত্রী গৃহে কি ভাবে আছে?” প্রেরিতপুরুষ যদি তাহার উত্তর দান করেন, হয়তো সেই উত্তর দুঃখজনক হইবে। (ত, ফা,)

কিছু ধর্মোচ্ছ্রোহিগণ ঈশ্বরের প্রতি অসত্যারোপ করিতেছে, এবং তাহাদের অধিকাংশ লোক বুঝিতেছে না *। ১০৩। যখন তাহাদিগকে বলা হইল, “ঈশ্বর যাহা অবতারণ করিয়াছেন, তাহার দিকে ও প্রেরিত পুরুষের দিকে আগমন কর,” তাহারা বলিল, “যে বিষয়ে আমরা আমাদের পিতৃপুরুষদিগকে প্রাপ্ত হইয়াছি, তাহাই আমাদের জ্ঞান যথেষ্ট;” যদিচ তাহাদের পিতৃপুরুষগণ কিছুই জানিতেছে না ও কোন পথ প্রাপ্ত হইতেছে না। ১০৪। হে বিশ্বাসিগণ, তোমাদের আত্মাকে তোমরা রক্ষা করিও, যখন তোমরা সংপথ প্রাপ্ত হও, যে ব্যক্তি বিপথগামী, সে তোমাদের ক্ষতি করিতে পারিবে না, ঈশ্বরের দিকে তোমাদের সকলের এক যোগে প্রত্যাবর্তন; তোমরা যাহা করিতেছ, অবশেষে তিনি তাহার সংবাদ দিবেন। ১০৫। হে বিশ্বাসিগণ, যখন তোমরা পৃথিবীতে পর্থাটন কর, অপিচ তোমাদের নিকটে মৃত্যুরূপ বিপদ উপস্থিত হয়, তখন তোমাদের মধ্যে সাক্ষাদান আছে; যে সময় তোমাদের কাহারও মৃত্যু উপস্থিত হয়, অন্তিম নির্দারণকালে তোমাদের মধ্যে দুই জন ঞায়বান্ অথবা তোমাদিগের ছাড়া অপর দুইজন (সাক্ষী আবশ্যক ;) যদি তোমরা সন্দেহ কর, তবে সেই দুই জনকে (শেযোকত দুইজনকে) আসরের নমাজের পর আবদ্ধ রাখিবে, পরে তাহারা ঈশ্বরের শপথ করিয়া বলিবে, “এবং যদিচ আত্মীয়ও হয়, আমরা কোন মূল্য ইহার সঙ্গে (এই শপথের সঙ্গে) বিনিময় করিব না, এবং ঈশ্বরের সাক্ষ্য আমরা গোপন করিব না, (করিলে) নিশ্চয় আমরা তখন অপরাধী হইব” †। ১০৬। অনন্তর যদি এই দুই জনের পাপ করিয়া স্বত্ব সমর্থন করার বিষয়

* ককেরদিগের এইরূপ রীতি ছিল যে, কোন পশুশাবকের কর্ণ বিদীর্ণ করিয়া তাহাকে প্রতিমার উদ্দেশ্যে চিহ্নিত করিয়া রাখিত, এইরূপ চিহ্নিত পশুশাবকের নাম বহিরা; এবং কোন পশুকে প্রতিমার নামে চাড়িয়া দিত, সে খাবীনভাবে চরিয়া বেড়াইত, তাহাকে সায়াবা বলা হইত; এবং কোন কোন ব্যক্তি এরূপ নির্দারণ করিত যে, যদি আমার পালিত পশুর পুংশাবক হয়, তবে আমি তাহা প্রতিমাকে উপহার দিয়া বলিদান করিব, স্ত্রীশাবক হইলে নিজে রাখিব। পুং স্ত্রী দুই শাবক হইলে স্ত্রীশাবকের সঙ্গে পুংশাবককে তাহারা নিজে রাখিত। তাহাকে উসিলা বলা হইত। এ সমুদায় রীতিই অবিলুপ্ত। (ত, কা.)

† মালেকের পুত্র তমিমওয়াদি যে একজন ইসারী ছিল, সে একদা বাণিজ্য উপলক্ষে শামদেশে যাত্রা করিয়াছিল। আসের পুত্র ওমরের ভৃত্য বদিল নামক একজন মৌসলমান তাহার সঙ্গী হইয়াছিল। যখন ইহার শামরাজ্যে যাইয়া উপস্থিত হইল, তখন বদিল পীড়িত হইয়া পড়িল। মুহা ও তৈজসাদি যাহা যাহা তাহার সঙ্গে ছিল, সে এক খণ্ড কাগজে তাহা লিখিয়া একটি আখারে লুকাইয়া রাখিয়াছিল। সে মুহু অবস্থায় তমিমওয়াদিকে বলিয়াছিল যে, তাহার জব্য সামগ্রী যেন তাহার পরিবারের নিকটে পৌছাইয়া দেয়। বদিলের মৃত্যুর পর তাহার পরিত্যক্ত সম্পত্তি হইতে একটি মূল্যবান বস্তু তমিমওয়াদি আত্মসাৎ করিয়া, অবশিষ্ট সামগ্রী মদিনানগরে তাহার পরিবারের হস্তে সমর্পণ করে। পরিবার কাগজের লেখানুসারে একটি বস্তু প্রাপ্ত না হইয়া, তমিম তাহা অপহরণ করিয়াছে বলিয়া, হজরতের নিকটে অভিযোগ উপস্থিত করে। তাহাতেই এই আয়াত অবতীর্ণ হয়।

(ত, হো)

ব্যক্ত হয়, তবে প্রথম দুইজন, যাহাদের সম্বন্ধে স্বত্ব নির্দ্ধারিত হইয়াছে, তাহাদিগের মধ্য হইতে অপর দুইজন সেই দুইজনের স্থানে দণ্ডায়মান হইবে, পরে তাহারা ঈশ্বরের শপথ করিয়া বলিবে যে, “অবশ্যই আমাদের সাক্ষ্য সেই দুইজনের সাক্ষ্য অপেক্ষা অধিক প্রামাণ্য ও আমরা সীমা লঙ্ঘন করি নাই, (করিলে) নিশ্চয় আমরা তখন একান্ত অত্যাচারী হইব।” ১০৭। ইহা, সাক্ষ্যদানে তৎপ্রণালী অনুসারে উপস্থিত হওয়ার অথবা তাহাদের শপথ করার পর শপথ-ভঙ্গভয়ের নিকটতর; এবং ঈশ্বরকে ভয় কর, তাহার আজ্ঞা শ্রবণ কর, এবং দুর্বৃত্ত লোকদিগকে পরমেশ্বর পথ প্রদর্শন করেন না *। ১০৮। (র, ১৪, আ, ৮)

(স্মরণ কর) যে দিন পরমেশ্বর প্রেরিত পুরুষদিগকে একত্র করিবেন, পরে জিজ্ঞাসা করিবেন যে, “তোমাদিগকে ইহারা কি উত্তর দিয়াছে ?” তাহারা বলিবে যে, “আমাদের কোন জ্ঞান নাই, নিশ্চয় তুমি গোপনীয় সকল জ্ঞাত।” ১০৯। যখন পরমেশ্বর বলিবেন যে, “হে মরয়মের পুত্র ঈসা, তোমার প্রতি ও তোমার মাতার প্রতি আমার দান তুমি স্মরণ কর; যখন আমি তোমাকে পবিত্রাত্মাযোগে সাহায্য করিয়াছিলাম, তুমি দোলায় থাকিয়া (শৈশবকালে) ও মধ্যম বয়সে লোকের সঙ্গে কথা বলিতেছিলে, এবং যখন তোমাকে গ্রন্থ, বিজ্ঞান ও তওরাত এবং ইঞ্জিল শিক্ষা দিয়াছিলাম ও যখন আমার আজ্ঞানুক্রমে তুমি মৃত্তিকা হইতে পক্ষিমূর্ত্তি নির্মাণ করিয়াছিলে, অবশেষে তাহাতে ফুৎকার করিয়াছিলে, পরে আমার আজ্ঞানুসারে পক্ষী হইয়াছিল ও আমার আজ্ঞানুক্রমে তুমি জন্মান্তর ও কুষ্ঠ রোগীকে সুস্থ করিতেছিলে, এবং যখন তুমি আমার আজ্ঞানুসারে মৃতদিগকে বাহির করিতেছিলে, এবং যখন আমি এশ্রায়েলবংশীয়দিগকে তোমা হইতে নিবৃত্ত রাখিয়াছিলাম, + যখন তুমি তাহাদিগের নিকটে অলৌকিক নিদর্শন সকল উপস্থিত করিয়াছিলে, তাহাদের মধ্যে যাহারা কাফের ছিল, তাহারা বলিয়াছিল, ‘ইহা স্পষ্ট ইন্দ্রজাল ভিন্ন নহে’।” ১১০। এবং (স্মরণ কর,) যখন আমি (তোমার) প্রচারবন্ধুদিগের প্রতি প্রত্যাশা করিয়াছিলাম যে, তোমরা আমার প্রতি ও আমার প্রেরিতের প্রতি বিশ্বাসী হও, তাহারা বলিয়াছিল যে, “আমরা বিশ্বাস স্থাপন করিলাম, এবং এ বিষয়ে তুমি (হে ঈসা,) সাক্ষী থাক যে, আমরা বিশ্বাসী।” ১১১। যখন প্রচারবন্ধুগণ বলিল, “হে মরয়মের পুত্র ঈসা, তোমার প্রতিপালক আমাদের নিকটে স্বর্গ হইতে ভোজ্যপাত্র উপস্থিত করিতে পারেন কি ?” সে বলিল, “যদি তোমরা বিশ্বাসী হও, তবে ঈশ্বরকে ভয় করিতে

* অর্থাৎ উত্তরাধিকারীদিগের সম্মুখে হইলে শপথ করাইবার আদেশ হইল। কেন না শপথ করিলে সাক্ষী ভীত হইয়া প্রথম হইতেই মিথ্যা বলিতে সাহসী হইবে না। পরে যদি তাহাদের কথায় অন্ত্য প্রকাশ পায়, তবে উত্তরাধিকারী শপথ করিবে। (ত, ফা,)

+ “এশ্রায়েলবংশীয়দিগকে তোমা হইতে নিবৃত্ত রাখিয়াছিলাম” অর্থাৎ তোমাকে হত্যা করিতে দিই নাই। (ত, হো,)

ধাক" *। ১১২। তাহারা বলিল যে, "আমরা তাহা হইতে ভোজন করিতে ইচ্ছা করি, তাহাতে আমাদের অন্তর শান্তিলাভ করিবে, এবং আমরা জানিব যে, তুমি আমাদের নিশ্চয় সত্য বলিয়াছ, এবং তদ্বিষয়ে আমরা সাক্ষী হইব" †। ১১৩। মরয়মের পুত্র ঈসা বলিল, "হে ঈশ্বর, হে আমার প্রতিপালক, আমাদের নিকটে ভোজ্যপাত্র স্বর্গ হইতে অবতারণ কর, তাহাতে আমাদের জন্ত ও আমাদের পূর্ব ও আমাদের অন্ত্য (মণ্ডলীর) জন্ত ঈদ (উৎসব) এবং তোমার সম্বন্ধে নিদর্শন হইবে ; এবং আমাদের উপজীবিকা দান কর, তুমি শ্রেষ্ঠ জীবিকা-দাতা ‡। ১১৪। পরমেশ্বর বলিলেন, নিশ্চয় আমি তাহা তোমাদের প্রতি অবতারণকারী ; অনন্তর তোমাদের যে ব্যক্তি ধর্মদ্রোহী হইবে, পরিশেষে নিশ্চয় আমি তাহাকে এমন শাস্তিদান করিব যে, কোন এক জগৎদাসীকে সেরূপ শাস্তিপ্রদান করিব না §। ১১৫। (র, ১৫, আ, ৭)

* অর্থাৎ আমাদের জন্ত তোমার প্রার্থনায় এরূপ অলৌকিক ব্যাপার হইতে পারে কি না ? ইসা বলিলেন, "ঈশ্বরকে ভয় কর" অর্থাৎ দাসের উচিত নয়, ঈশ্বরকে পরীক্ষা করে যে, তিনি আমার কথা গ্রাহ্য করেন কি না। (ত, ফা,)

† অর্থাৎ ঈশ্বরের প্রসাদলাভের আকাঙ্ক্ষায় আমরা প্রার্থনা করিতেছি, অলৌকিক কাণ্ড পরীক্ষা করিবার জন্ত নয়। (ত, ফা,)

‡ কথিত আছে যে, সেট ভোজ্যপাত্র রবিবারের অবতীর্ণ হইয়াছিল। তাহাতেই আমাদের শূক্ৰবরের স্ত্রী ঈসাদিগের সেই দিবস উৎসব দিন হইয়াছে। (ত, ফা,)

"আমাদের পূর্ব মণ্ডলীর জন্ত" অর্থাৎ আমাদের সমকালবর্তী মণ্ডলীর জন্ত।

§ অনন্তর ঈশ্বর ছুঁত গুণ মেঘ প্রেরণ করিলেন। তাহার মধ্যে ভোজ্যপাত্র পূর্ণ লোহিত বর্ণের ভোজ্যপাত্র ছিল। সেই ভোজ্যপাত্র মেঘের ভিতর হইতে মহর্ষি ঈসাক ধর্মবুদ্ধিগের সম্মুখে উপস্থিত হইল। প্রেরিতপুত্র ঈসা তাহা দেখিয়া সানন্দমনে বলিলেন, "হে আমার পরমেশ্বর, তুমি আমাকে কৃতজ্ঞ কর।" পরন্তু বলিলেন, "হে ঈশ্বর, এই ভোজ্যপাত্রে দয়াতে পরিণত কর, শাস্তিতে পরিণত করিও না ;" অনন্তর হস্ত পদাদি প্রক্ষালনপূর্বক উপাসনা করিয়া গলদশনমনে বলিলেন, "সর্বোত্তম জীবিকাদাতার নামে প্রবৃত্ত হইতেছি ;" ইহা বলিয়াই ভোজ্যপাত্র হইতে আবরণ উদ্ঘাটন করিলেন, এবং দেখিলেন যে, স্থলর ভোজ্যপাত্রে ভাজা মৎস্য রহিয়াছে, তাহাতে চর্ম ও অস্থি নাই, তাহা হইতে তৈল নিঃসৃত হইতেছে। তাহার মস্তকের নিকটে লবণ ও পুচ্ছের নিকটে অন্নরস এবং চতুর্দিকে নানাপ্রকার শাক তরকারি ছিল। পাঁচ গুণ রুটি ভোজ্যপাত্রে স্থাপিত ছিল, তাহার একটিতে তৈল, একটিতে ঘৃত, একটির উপর পনির, একটিতে মধু, একটির উপর শুক মাংস দৃষ্ট হইয়াছিল। এক শিষ্য মহাপুরুষ ঈসাকে জিজ্ঞাসা করিলেন, "আর্য্য, ইহা সাংসারিক খাদ্য, না, পারলৌকিক খাদ্য ?" প্রেরিতপুত্র বলিলেন, "তাহার কিছুই নয়, বরং ইহা এরূপ খাদ্য যে, ঈশ্বর নিজ শক্তিতে সৃষ্টি করিয়াছেন। যাহা প্রার্থনা করিয়াছিলে, তাহা উপস্থিত, ভক্ষণ কর, কৃতজ্ঞ হও, তাহা হইলে সম্পদের বৃদ্ধি হইবে।" শিষ্যগণ বলিলেন, "হে ঈশ্বরপ্রাণ ঈসা, যদি তুমি এই অলৌকিক নিদর্শনের সঙ্গে আর একটি অলৌকিকতা প্রদর্শন কর, তাহা হইলে আমাদের বিশ্বাস প্রবল হয়।" তখন মহাত্মা ঈসা সেই মৎসকে বলিলেন, "জীবিত হও," ঈশ্বরের আজ্ঞামুসারে মৎস্য তৎক্ষণাৎ জীবিত হইল।

এবং যখন পরমেশ্বর বলিবেন, “হে মরয়মের পুত্র ঈসা, তুমি কি লোক সকলকে বলিয়াছ যে, ঈশ্বরকে ছাড়িয়া আমাকে ও আমার জননীকে দুই ঈশ্বর বলিয়া গ্রহণ কর ?” সে বলিবে, “পবিত্রতা তোমারই, যাহা আমার পক্ষে সত্য নহে, তাহা আমি বলিব, আমার পক্ষে ইহা নহে; যদি আমি তাহা বলিতাম, তবে নিশ্চয় তুমি তাহা জ্ঞাত হইতে। আমার অন্তরে যাহা আছে, তুমি জানিতেছ, এবং তোমার অন্তরে যাহা আছে, তাহা আমি জ্ঞাত নহি; নিশ্চয় তুমি অন্তব্যামী”। ১১৬। “তুমি আমাকে যে আজ্ঞা করিয়াছ, ‘আমার প্রতিপালক ও তোমাদের প্রতিপালক পরমেশ্বরকে অর্চনা কর’ ইহা ব্যতীত আমি তাহাদিগকে বলি নাই; আমি তাহাদের মধ্যে যে পযন্ত ছিলাম, তাহাদের সম্বন্ধে সাক্ষী ছিলাম, পরে যখন তুমি আমাকে দেহচ্যুত করিলে, তখন তুমি তাহাদিগের সম্বন্ধে রক্ষক ছিলে, এবং তুমি সর্ববিষয়ে সাক্ষী”। ১১৭। “যদি তুমি তাহাদিগকে শাস্তি দান কর, তবে নিশ্চয় তাহারা তোমারই ভৃত্য; যদি তুমি তাহাদিগকে ক্ষমা কর, তবে নিশ্চয় তুমি পরাক্রান্ত ও নিপুণ”। ১১৮। ঈশ্বর বলিবেন, “এই সেই দিন যে সত্যবাদীদিগকে তাহাদের সত্য লাভবান করিবে, তাহাদের জ্ঞানই স্বর্গোদ্যান যাহার ভিতর দিয়া পঞ্চপ্রণালী সকল প্রবাহিত, তাহাতে তাহারা সর্বদা থাকিবে; ঈশ্বর তাহাদের প্রতি সম্বন্ধে হইয়াছেন, তাহারাও তাহার প্রতি সম্বন্ধে হইয়াছেন।” ইহাই মহা সফলতা। ১১৯। স্বর্গ ও পৃথিবীর রাজ হও উভয়ের মধ্যে যাহা আছে তাহা ঈশ্বরের, এবং তিনি সর্বোপরি ক্ষমতাশালী। ১২০। (র, ১৬, আ, ৫)

পুনর্বার তিনি বলিলেন, “পূর্বাবস্থা প্রাপ্ত হও,” তাহাতে পুনরায় সেই ভাঙ্গামংগলপে প্রকাশ পাইল। অনন্তর শিষ্যগণ ঈশ্বরের বিতীষিকায় ভাঁত হইয়া ভোগ্যপান হইতে কিছুই ভক্ষণ করিলেন না। মহাত্মা ঈসা বাধিগ্রস্ত দীন দুঃখী লোকদিগকে ডাকিয়া আনিয়া বলিলেন, “ইহা তোমরা ভক্ষণ কর, ইহা তোমাদের জন্ত সম্পদ, অল্প লোকের জন্ত বিপদ।” তদনুসারে এক সহস্র তিন জন লোক ভোজন করিল। তাহাতে ভোগ্যপাত্রে যাহা ছিল, তাহার কিছুই নান হয় নাই। এমন দরিদ্র ছিল না যে তাহা ভক্ষণ করিয়া ধনী হয় নাই, এমন রোগী ছিল না যে আরোগ্য লাভ করে নাই। (ত, হো,)

সূরা এনাম *

.....

ষষ্ঠ অধ্যায়

.....

১৬৬ আয়ত, ২০ রকু।

(দাতা দয়ালু পরমেশ্বরের নামে প্রবৃত্ত হইতেছি।)

সেই পরমেশ্বরেরই সম্যক্ প্রশংসা, যিনি স্বর্গলোক ও ভূলোক সৃজন করিয়াছেন, এবং অন্ধকার ও আলোক উৎপাদন করিয়াছেন ; † অতঃপর কাফেরগণ স্বীয় প্রতিপালকের সহিত সমকক্ষতা করিয়া থাকে। ১। তিনিই যিনি তোমাদিগকে মৃত্তিকা দ্বারা সৃজন করিয়াছেন, তৎপর মৃত্যু নির্দ্ধারণ করিয়াছেন, এবং এক কাল তাহার নিকটে নির্দ্ধারিত আছে, তৎপর তোমরা সন্দেহ করিতেছ। ২। তিনিই ঈশ্বর যিনি স্বর্গে ও পৃথিবীতে আছেন, তিনি তোমাদের অন্তর ও তোমাদের বাহ্য জানিতেছেন, এবং তোমরা বাহ্য করিয়া থাক, তাহা জ্ঞাত আছেন। ৩। এবং তাহাদের প্রতিপালক হইতে নিদর্শন সকলের (এমন) কোন নিদর্শন তাহাদিগের নিকটে উপস্থিত হইতেছে না যে, তাহারা তাহার অগ্রাহকারী নহে। ৪। অনন্তর নিশ্চয় সত্যের প্রতি তাহারা অসত্যারোপ করিয়াছে, যখন তাহাদের নিকটে তাহা উপস্থিত হইয়াছে ; বাহ্য লইয়া তাহারা উপহাস করিয়া থাকে, অবশেষে অবশ্য তাহার সংবাদ তাহাদের নিকটে উপস্থিত হইবে। ৫। তাহারা কি দেখে নাই যে, তাহাদের পূর্ববর্তী দলের কত লোককে আমি বিনাশ করিয়াছি ? আমি পৃথিবীতে তাহাদিগকে যেরূপ ক্ষমতা দান করিয়াছিলাম, তোমাদিগকে সেরূপ দান করি নাই, এবং আমি তাহাদের উপর বর্ষণকারী মেঘ প্রেরণ ও তাহাদের নিয়ে পয়ঃপ্রণালী সকল প্রবাহিত করিচ্ছিলাম ; অনন্তর তাহাদের অপরাধের জগ্গ তাহাদিগকে বিনাশ করিয়াছি, এবং বাহাদের পরে অপর এক সম্প্রদায় উৎপাদন করিয়াছি। ৬। এবং যদি আমি তোমার প্রতি কাগজে লিখিত গ্রন্থ অবতারণ করিতাম, তাহারা আপন হস্তে তাহা মর্দন করিত, কাফের লোকেরা

* মকানগরে এই সূরার আবির্ভাব হয়।

† অগ্নিপুঞ্জকেরা বলে যে, পরমেশ্বর জ্যোতির স্রষ্টা, শয়তান অন্ধকারের স্রষ্টা। ঈশ্বর বলেন যে, “জ্যোতি ও অন্ধকার উভয় আমি সৃজন করিয়াছি।” অনেকের মতে এই জ্যোতি ও অন্ধকারের

অর্থ দ্বিবা রাত্রি।

(ত, হে,)

অবশ্যই বলিত যে, ইহা স্পষ্ট চক্রান্ত ব্যতীত নহে *। ৭। এবং তাহারা বলিল, “কেন তাহার (প্রেরিতপুরুষের) প্রতি দেবতা অবতারিত হইল না ?” যদি আমি দেবতা অবতারিত করিতাম, তবে একান্তই কার্য শেষ হইত, তৎপর অবকাশ দেওয়া যাইত না। ৮। এবং যদি আমি তাহাকে (প্রেরিতকে) দেবতা করিতাম, তবে অবশ্যই আমি তাহাকে (আকৃতিতে) মমুয়া করিতাম, এবং তাহারা যেমন (এক্ষণ) সন্দেহ করিতেছে, একান্তই তাহাদের প্রতি সেরূপ সন্দেহ স্থাপন করিতাম। ৯। সত্য সত্যই তাহারা তোমার পূর্ববর্তী প্রেরিতগণের প্রতি বিদ্রূপ করিতেছিল, যাহা লইয়া উপহাস করিতেছিল, পরে উহা তাহাদিগ হইতে সেই উপহাসকারিগণকে আসিয়া ঘেরিল। ১০। (র, ১, আ, ১০)

তুমি বল, পৃথিবীতে ভ্রমণ কর, তৎপর দেখ, অসত্যবাদীদিগের পরিণাম কেমন হইয়াছে। ১১। বল, স্বর্গলোকে ও ভুলোকে যাহা আছে, তাহা কাহার ? বল, ঈশ্বরের, তিনি স্বীয় অন্তরেতে দয়া লিখিয়াছেন, অবশ্যই তিনি তোমাদিগকে কেয়ামতের দিনে সংগ্রহ করিবেন, তাহাতে সন্দেহ নাই ; যাহারা আপন জীবনকে ক্ষতিগ্রস্ত করিয়াছে, পরিশেষে তাহারা বিশ্বাস স্থাপন করিতেছে না। ১২। এবং দিবা রজনীতে যাহা স্থিতি করিতেছে, তাহা তাহারই হয় ; তিনি শ্রোতা ও জ্ঞাত। ১৩। বল, স্বর্গ মর্ত্যের স্রষ্টা ঈশ্বরকে ছাড়িয়া কি অগ্র বন্ধ গ্রহণ করিতেছ ? তিনি অন্ন দান করেন, অন্নগ্রহীতা নহেন ; বল, নিশ্চয় আমি আদিষ্ট হইয়াছি যে, মোসলমান হইয়াছে এমন এক প্রথম ব্যক্তি হইব, এবং (আদেশ হইয়াছে) তুমি অংশিবাদীদিগের অন্তর্গত হইও না। ১৪। বল, যদি আমি স্বীয় প্রতিপালকের সম্বন্ধে অবাধ্যতাচরণ করি, তবে নিশ্চয় মহাদিনের শাস্তিকে ভয় করি। ১৫। সেই দিবস যাহা হইতে (শাস্তি) নিবৃত্ত রাখা হইবে, নিশ্চয় তিনি তাহার প্রতি অনুগ্রহ করিলেন, এবং ইহাই স্পষ্ট মনোরথ-সিদ্ধি। ১৬। এবং যদি ঈশ্বর তোমাকে ক্লেণ দান করেন, তবে তিনি ব্যতীত তাহার নিবারণকারী নাই ; এবং যদি তিনি তোমার প্রতি কল্যাণ বিধান করেন, তবে তিনি সর্বোপরি ক্ষমতাশালী।

* নজর ও নওফল প্রভৃতি কয়েক ব্যক্তি হজরতের নিকটে যাইয়া বলিয়াছিল যে, “হে মোহাম্মদ, যে পর্যন্ত চারিজন দেবতা স্বর্ণ হইতে পুতক লিখিয়া আনয়ন না করে ও তুমি ঈশ্বরের প্রেরিত এই কথা সেই পুতকে লেখা না থাকে, এবং একরূপ সাক্ষ্য না দেয় যে, এই গ্রন্থ ঈশ্বরের নিকট হইতে তোমার নিকটে উপস্থিত করিলাম, সে পর্যন্ত তোমাকে আমরা বিশ্বাস করিতে পারিতেছি না।” তাহাতেই এই আয়ত অবতীর্ণ হয়। (ত, হো,)

যাহার ভাগ্যে উপদেশ নাই, তাহার সন্দেহ কখনও দূর হয় না।

+ তৎক্ষণাৎ তাহাদের বিনাশের আজ্ঞা প্রচার হইত। অর্থাৎ মমুয়া দেবতাকে দেবতার আকারে দর্শন করিতে সমর্থ নহে। সেই অবস্থায় দেখিলে তাহাদের প্রাণের বিয়োগ হয়। এজন্ত দেবতাগণ পৃথিবীতে ঈশ্বরকর্তৃক মমুয়াকারে প্রকাশিত হন। (ত, হো,)

১৭। এবং তিনি স্বীয় দাসদিগের উপর পরাক্রান্ত ও তিনি নিপুণ ও জ্ঞাত। ১৮। জিজ্ঞাসা কর, কোন্ বস্তু সাক্ষ্যদানবিষয়ে শ্রেষ্ঠ? তুমি বল, “তোমাদের ও আমার মধ্যে ঈশ্বরই সাক্ষী; তিনি এই কোর্-আন্ আমার প্রতি প্রত্যাদেশ করিয়াছেন, যেন এতদ্বারা আমি তোমাদিগকে ও যাহারা পথ প্রাপ্ত হইয়াছে, তাহাদিগকে সাবধান করি। তোমরা কি সাক্ষ্য দান করিতেছ যে, পরমেশ্বরের সঙ্গে অপর পরমেশ্বর সকল আছে?” তুমি বল, “আমি সাক্ষ্য দান করি না,” বল, “তিনি একমাত্র পরমেশ্বর ইহা ভিন্ন নহে, এবং তোমরা যে অংশী নির্ধারণ করিয়া থাক, নিশ্চয় আমি তাহা হইতে বিমুখ আছি।” ১৯। যাহাদিগকে আমি গ্রহ দান করিয়াছি, তাহারা আপন সম্ভানদিগকে যেরূপ জ্ঞাত, তজ্জপ ইহা জ্ঞাত; যাহারা আপন জীবনের অনিষ্ট করিয়াছে, তাহারা বিশ্বাস করে না। ২০। (র, ২, আ, ১০)

যে ব্যক্তি ঈশ্বরের প্রতি অসত্যারোপ করিয়াছে অথবা তাহার নিদর্শন সকলকে অসত্য বলিয়াছে, তাহা অপেক্ষা কে অধিক অত্যাচারী? নিশ্চয় অত্যাচারিগণ উদ্ধার পাইবে না। ২১। এবং (স্মরণ কর,) যে দিন আমি একযোগে তাহাদিগকে সমুখাপন করিব, তৎপর অংশিবাদীদিগকে জিজ্ঞাসা করিব যে, তোমাদের সেই অংশিগণ কোথায়, তোমরা যাহাদের বিষয়ে স্পর্ধা করিতে? ২২। তৎপর তাহারা এই বলিবে যে, “আমাদের প্রতিপালক পরমেশ্বরের শপথ, আমরা অংশিবাদী ছিলাম না;” এতদ্ভিন্ন তাহাদের অশ্রু ছলনা থাকিবে না। ২৩। দেখ, তাহারা আপন জীবন সম্বন্ধে কেমন অসত্য বলে ও যাহা কিছু (তাহারা অংশিত্ববিষয়ে) আরোপ করিতেছিল, তাহাদিগ হইতে উহা দূরীভূত হইয়াছে। ২৪। তাহাদের কেহ কেহ তোমার (কথার) প্রতি কর্ণ স্থাপন করে, আমি তাহাদের মনের উপর আবরণ ও তাহাদের কর্ণেতে গুরুভার স্থাপন করিয়াছি, যেন তাহারা তাহা বুঝিতে না পারে, এবং যদিচ তাহারা সমুদয় অলৌকিক ক্রিয়া দর্শন করে, তৎপ্রতি বিশ্বাস স্থাপন করে না; এতদূর যে যখন তাহারা তোমার নিকটে উপস্থিত হয়, তোমার সঙ্গে বিরোধ করে। কাফের লোকেরা বলে, “ইহা পূর্বতন উপস্থাপন ভিন্ন নহে” *। ২৫। এবং তাহারা তাহা হইতে (প্রেরিতপুরুষের আহ্বগত্য হইতে) সকলকে নিবৃত্ত করিতেছে ও তাহা হইতে নিজেরাও দূরে পড়িতেছে, তাহারা স্বীয় জীবন বৈ বিনাশ কুরিতেছে না, এবং বুঝিতেছে না। ২৬। এবং যখন তাহাদিগকে

* একদা আবুহুক্রিয়ান ও অলিদ এবং আত্-বা প্রভৃতি কতিপয় ধর্মবিরোধী লোক যস্বেদোল হরমের এক পার্শ্বে বসিয়া, হজরত যে কোর্-আন্ পাঠ করিতেছিলেন, তাহা শ্রবণ করিতেছিল। শুধায় হারেসের পুত্র নজরও ছিল। সে প্রাচীন বৃত্তান্ত সকল জ্ঞাত ছিল। তখন আবুহুক্রিয়ান প্রভৃতি তাহাকে জিজ্ঞাসা করিয়াছিল যে, মোহম্মদ বাহা পাঠ করিতেছে, তাহা কিরূপ? সেই দ্বারাজা বলিয়াছিল, সে যে কি বলিতেছে, আমি তাহা বুঝিতেছি না, সে কেবল অথরোঠ নাড়িতেছে ও প্রাচীন উপভাস পড়িতেছে। তাহাতেই এই আয়তের আবির্ভাব হয়। (ত, হে,)

অগ্নির উপর দণ্ডায়মান করা হইবে, যদি তুমি দেখ (আশ্চর্য্যান্বিত হইবে,) তখন তাহারা বলিবে, “হায়! যদি আমরা ফিরিয়া যাই, তবে স্বীয় প্রতিপালকের নিদর্শন সকলের প্রতি আর অসত্যারোপ করিব না ও বিশ্বাসীদের অন্তর্গত হইব”। ২৭। তাহারা পূর্বে যাহা গোপন করিতেছিল, বরং তাহাদের জ্ঞাত তাহা প্রকাশিত হইল, এবং যদি তাহারা ফিরিয়া যায়, যাহা নিষেধ করা হইয়াছে, অবশ্যই তাহাতে পুনঃ প্রবৃত্ত হইবে ও নিশ্চয় তাহারা মিথ্যাবাদী *। ২৮। এবং তাহারা বলিয়াছে যে, ইহা পার্থিব জীবন ভিন্ন নহে, আমরা সমুৎপাদিত হইব না। ২৯। এবং যখন তাহাদিগকে তাহাদের প্রতিপালকের নিকটে দণ্ডায়মান করা হইবে, যদি দেখ (বিস্মিত হইবে,) তিনি জিজ্ঞাসা করিবেন, “ইহা কি সত্য নহে?” তাহারা বলিবে, “আমাদের প্রতিপালকের শপথ, অবশ্য;” তিনি বলিবেন, “ধর্মদ্রোহী ছিলে বলিয়া অনন্তর শাস্তির আস্বাদন কর”। ৩০। (র, ৩, আ, ১০)

ঈশ্বরের সঙ্গে সম্মিলন বিষয়ে যাহারা মিথ্যা বলিয়াছে, নিশ্চয় তাহারা অনিষ্ট করিয়াছে; এতদূর যে, যখন তাহাদের নিকটে অকস্মাৎ ক্রোধমত উপস্থিত হইবে, তখন তাহারা বলিবে, “হায়! ইহাতে আমরা যে ক্রটি করিয়াছি, তজ্জন্ত আমাদের প্রতি আক্ষেপ,” এবং তাহারা আপন পৃষ্ঠে আপনাদের ভার বহন করিবে। জানিও, যাহা তাহারা বহন করিবে, তাহা অশুভ। ৩১। এবং পার্থিব জীবন ক্রীড়া আমোদ ভিন্ন নয়, অবশ্য ধর্মভীর্ণ লোকদিগের জ্ঞাত পরলোক কল্যাণের আলয়, তোমরা কি বুঝিতেছ না?। ৩২। নিশ্চয় আমি জানিতেছি যে, তাহারা যাহা বলিতেছে, একান্তই তোমাকে তাহা দুঃখিত করিতেছে; অবশেষে নিশ্চয় তাহারা তোমার প্রতি কেবল অসত্যারোপ করিতেছে না, কিন্তু অত্যাচারী লোকেরা ঈশ্বরের নিদর্শন সকলকে অস্বীকার করিতেছে। ৩৩। এবং সত্যসত্যই তোমার পূর্ববর্তী প্রেরিতগণের প্রতি অসত্যারোপিত হইয়াছিল, অবশেষে যে সকল অসত্যারোপ ও ক্লেশ দান করা হইয়াছিল, আমার আহুকূল্য তাহাদের প্রতি উপস্থিত না হওয়া পর্য্যন্ত তাহাতে তাহারা ধৈর্য ধারণ করিয়াছিল; অপিত ঈশ্বরের বাক্য সকলের পরিবর্তনকারী কেহই নয়, এবং সত্য সত্যই প্রেরিত পুরুষদিগের অনেক সংবাদ তোমার নিকট উপস্থিত হইয়াছে। ৩৪। যদি তাহাদিগের উপেক্ষা তোমার সম্মুখে কঠিন হইয়া থাকে, তবে যদি পার ভূমিতে ছিদ্র অথবা আকাশে সোপান আশ্বেষণ করিবে, পরে তাহাদের নিকটে কোন অলৌকিক নিদর্শন উপস্থিত করিবে;

* অর্থাৎ কাকেরগণ নরকের পার্শ্বে উপস্থিত হইলে আজ্ঞা হইবে, স্থির হও। তাহাতে তাহারা বলিবে যে, হুজুত! আমাদের পুনর্বার পৃথিবীতে ফিরিয়া যাইতে হইবে। এবার আমরা ফিরিয়া গেলে বিশ্বাসী হইব। এতদুপলক্ষে তখন ঈশ্বর বলিবেন যে, “আমি এ উদ্দেশ্যে ইহাদিগকে দণ্ডায়মান রাখি নাই, বরং তাহারা যে বিদ্রোহাচরণ করিয়াছে, এই উপায়ে তাহাদের মূখ দিয়া তাহা স্বীকার করাইয়া লইলাম। যেহেতু তাহারা যে অংশিবাদী ছিল, প্রথমে তাহা অস্বীকার করিয়াছে।” (ত, ফা,)

ঈশ্বর যদি ইচ্ছা করিতেন, তবে অবশ্যই তিনি তাহাদিগকে সংপদ-প্রদর্শনে একত্রিত করিতেন, অবশেষে কখনও তুমি মুর্খাদিগের অন্তর্গত হইও না * । ৩৫ । যাহারা শ্রবণ করে, তাহারা গ্রাহ্য করে, ইহা ভিন্ন নহে ; এবং মরিলে ঈশ্বর তাহাদিগকে জীবিত করেন, তৎপর তাঁহার দিকে তাহারা প্রত্যাগত হইবে । ৩৬ । এবং তাহারা জিজ্ঞাসা করিল, “কেন তাহার প্রতি তাহার ঈশ্বর হইতে কোন নিদর্শন অবতারণিত হইল না ?” তুমি বল, নিশ্চয় ঈশ্বর কোন নিদর্শন অবতারণে সক্ষম, কিন্তু তাহাদের অধিকাংশ লোকেই বুঝিতেছে না । ৩৭ । পৃথিবীতে কোন জীব এবং আপন পক্ষপুটযোগে উড্ডীন হয় কোন পক্ষী তোমাদের সদৃশ মণ্ডলী ভিন্ন নহে, আমি গ্রহে কোন বিষয়ে ক্রটি করি নাই, তৎপর স্বীয় প্রতিপালকের দিকে সকলে সমবেত হইবে † । ৩৮ । এবং যাহারা আমার নিদর্শন সকলকে অসত্য বলিয়াছে, তাহারা মহা অন্ধকারে বধির ও মূক ; ঈশ্বর যাহাকে ইচ্ছা করেন, তাহাকে বিভ্রান্ত করিয়া থাকেন, এবং যাহাকে ইচ্ছা করেন, তাহাকে সরল পথে স্থাপন করেন । ৩৯ । জিজ্ঞাসা কর, তোমরা দেখিয়াছ কি ? যদি তোমাদের নিকটে ঈশ্বরের শাস্তি উপস্থিত হয়, অথবা তোমাদের নিকটে কেয়ামত উপস্থিত হয়, তোমরা ঈশ্বরকে ছাড়িয়া কি (অগ্রজনকে) ডাকিবে ? যদি তোমরা সত্যবাদী হও, (বল) । ৪০ । বরং তাঁহাকেই ডাকিবে, তাঁহার নিকটে তোমরা যে বিষয়ের (মুক্তির জন্ত) প্রার্থনা করিবে, তিনি ইচ্ছা করিলে পরে তাহা যোচন করিবেন ; তোমরা যাহা অংশী নির্দ্ধারিত করিয়াছ, তাহা ভুলিয়া যাইবে । ৪১ । (র, ৪, আ, ১১)

এবং সত্যসত্যই তোমার পূর্ববর্তী সম্প্রদায় সকলের প্রতি আমি (তত্ত্ববাহক) প্রেরণ করিয়াছি, পরে তাহাদিগকে আমি রোগ ও দরিদ্রতা দ্বারা আক্রান্ত করিয়াছি, যেন তাহারা সকাতে প্রার্থনা করে । ৪২ । অবশেষে যখন তাহাদের প্রতি আমার শাস্তি উপস্থিত হইল, তখন কেন তাহারা সকাতে প্রার্থনা করিল না ? কিন্তু তাহাদের মন কঠিন হইয়া গিয়াছিল, এবং তাহারা যাহা করিতেছিল, শয়তান তাহাদের জন্ত তাহা শোভাযুক্ত করিয়াছিল । ৪৩ । পরন্তু তাহারা যাহা উপদিষ্ট হইয়াছিল, যখন তাহা বিশ্বত হইল, তখন আমি তাহাদিগের প্রতি প্রত্যেক বস্তুর দ্বার উন্মুক্ত করিলাম ; এপর্যন্ত

* কাকের লোকেরা স্থাবিত, যখন ইনি একজন ধর্মপ্রবর্তক, তখন সর্বদা ইঁহার সঙ্গে কোন অলৌকিক নিদর্শন থাকা আবশ্যক ; তাহা হইলে সকলে দেখিয়া বিশ্বাসী হইতে পারে । হয়ত হজরত মনে মনে তাহাও চাহিয়াছিলেন, তাহাতেই এই ভাবের আয়ত অবতীর্ণ হইল । যথা—ঈশ্বরের অমুগত হইয়া থাক, তিনি আবশ্যক বোধ করিলে নিদর্শন ব্যতিরেকে সকলের মন ধর্মের দিকে আকর্ষণ করিতেন । (ত, কা,)

† স্থলচর ও ব্যোমচর জীব তোমাদের দলের স্তায়, অর্থাৎ তাহারা মানবমণ্ডলীসদৃশ জন্ত ও জীবন-ধারণের এবং মৃত্যুর অধিকারী, অথবা ঈশ্বরের স্তুতি বন্দনায় প্রবৃত্ত । “আমি পুস্তকে কোন বস্তুকে উপেক্ষা করি নাই,” অর্থাৎ সৃজনেন্দ্রিয়গ্রহে কাহাকেও পরিভ্যাগ করি নাই । (ত, হো,)

যাহা প্রদত্ত হইল, যখন তাহাতে তাহারা আনন্দিত হইয়া উঠিল, আমি একেবারে তাহাদিগকে আক্রমণ করিলাম, তখন অকস্মাৎ তাহারা নিরাশ হইল * । ৪৪ । অনন্তর যাহারা অত্যাচার করিতেছিল, সেই দলের মূল ছিল হইল, বিশ্বপালক পরমেশ্বরেরই সম্যক্ প্রশংসা । ৪৫ । জিজ্ঞাসা কর, দেখিয়াছ কি ? যদি ঈশ্বর তোমাদের কণ ও তোমাদের চক্ষু প্রত্যাহার করেন, এবং তোমাদের মনের উপর মোহর (মন বন্ধ) করেন, সেই ঈশ্বর ব্যতীত কোন ঈশ্বর আছে যে, তোমাদিগকে তাহা আনিয়া দেয় ? তুমি দেখ (হে মোহমদ,) কেমন বিবিধ নিদর্শন সকল আমি ব্যক্ত করিতেছি, অতঃপর তাহারা অগ্রাহ্য করিয়া থাকে । ৪৬ । বল, তোমরা কি দেখিয়াছ, যদি ঈশ্বরের শাস্তি অকস্মাৎ অথবা প্রকাশরূপে তোমাদের নিকটে উপস্থিত হয়, অত্যাচারী দল ব্যতিরেকে কে বিনষ্ট হইবে ? ৪৭ । এবং আমি সুসংবাদদাতা ও ভয়প্রদর্শক ব্যতীত তত্ত্ববাহক প্রেরণ করি নাই ; তবে যাহারা বিশ্বাস স্থাপন ও সংকল্প করিয়াছে, পরিশেষে তাহাদের প্রতি ভয় নাই, তাহারা শোকার্ত হইবে না । ৪৮ । এবং যাহারা আমার নিদর্শন সকলকে মিথ্যা বলিয়াছে, অসদাচারী ছিল বলিয়া তাহাদিগকে শাস্তি পাইতে হইবে । ৪৯ । তুমি বল, যে, আমি তোমাদিগকে বলিতেছি না যে, আমার নিকটে ঈশ্বরের ভাণ্ডার রহিয়াছে ও আমি গুপ্ত বিষয় জানিতেছি, এবং আমি তোমাদিগকে বলিতেছি না যে আমি দেবতা, আমার প্রতি যাহা প্রত্যাশ করা হয়, তদ্ব্যতিরেকে (অন্ত কিছু) আমি অহুসরণ করি না ; তুমি বল, অন্ধ ও চক্ষুস্থান কি তুলা ? অনন্তর তোমরা কি ভাবিতেছ না ? * । ৫০ । (র, ৫, আ, ৯)

এবং যাহারা ভীত আছে যে, আপন প্রতিপালকের অভিমুখে একত্রীকৃত হইতে হইবে, তুমি তাহাদিগকে ইহা দ্বারা (কোব্-আন্ দ্বারা) ভয় প্রদর্শন কর, তাহাদের তিনি ব্যতীত বন্ধু নাই, শুভাকাজ্ঞা নাই, তাহাতে তাহারা ধর্মভীরু হইবে । ৫১ । এবং যাহারা প্রাতঃসন্ধ্যা স্বীয় প্রতিপালককে আহ্বান করে, তাঁহার আনন অন্বেষণ করে, তুমি তাহাদিগকে দূর করিও না ; তাহাদের গণনা কিছুই তোমার নিকটে নাই, এবং তোমার কোন গণনা তাহাদিগের নিকটে নাই, অতএব তাহাদিগকে দূর করিলে তুমি অত্যাচারীদিগের অন্তর্গত হইবে † । ৫২ । এবং এই প্রকার আমি পরস্পরকে পরীক্ষা করিয়াছি,

* অর্থাৎ যখন তাহারা বিপৎ পরীক্ষায় শিক্ষালাভ করে না, তখন ঈশ্বর স্বথ সম্পদ দ্বারা পরীক্ষা করেন, সেই সুখসম্পদে তাহারা মত্ত হয়, পরে বিষম শাস্তি পায় । প্রত্যেক বস্তুর দ্বার উন্মুক্ত করার অর্থ, নানা বিষয়ের সুখ দান করা । (ত, হো,)

+ তত্ত্ববাহক মনুষ্য ভিন্ন নহে, তাহাদ্বারা অসাধ্য কার্য হইতে পারে না, তাহারা নিকটে তাহা প্রার্থনা করা উচিত নয় । অন্ধ ও চক্ষুস্থান ব্যক্তি এ দুইয়ে যেরূপ প্রভেদ, সাধারণ মনুষ্য ও তত্ত্ববাহকে সেইরূপ প্রভেদ । তত্ত্ববাহক চক্ষুস্থান লোক সদৃশ । (ত, ফা,)

‡ কাকেরদিগের কোন কোন দলপতি হজরতকে বলিয়াছিল যে, “তোমার উপদেশ শ্রবণ করিতে

যেন তাহারা বলে, “ইহারা কি যে আমাদের মধ্য হইতে ইহাদের প্রতি ঈশ্বর উপকার সাধন করিয়াছেন ?” (ঈশ্বরের উক্তি) ঈশ্বর কি কৃতজ্ঞ লোকদিগের সর্বিশেষ জ্ঞাতা নহেন ? ৫৩। এবং যাহারা আমার নিদর্শন সকলের প্রতি বিশ্বাস স্থাপন করিয়াছে, তাহারা যখন তোমার নিকটে উপস্থিত হয়, তুমি বলিও, “তোমাদের প্রতি সেলাম, তোমাদের প্রতিপালক আপন অন্তরে অহুগ্রহ লিখিয়াছেন যে, যে কোন ব্যক্তি অজ্ঞানতাবশতঃ পাপ করিয়াছে, পরন্তু তাহার পর অহুতাপ ও সংকর্ষ করিয়াছে, (সে ক্ষমা পাইবে;) যেহেতু নিশ্চয় তিনি ক্ষমাশীল ও দয়ালু। ৫৪। এবং এইরূপে আমি বিভিন্ন ভাবে নিদর্শন সকল ব্যক্ত করিতেছি, তাহাতে অপরাধীদিগের পথ প্রকাশ পাইবে *। ৫৫। (র, ৬, আ, ৫)

বল, তোমরা পরমেশ্বর ব্যতীত যাহাদিগকে আহ্বান করিয়া থাক, নিশ্চয় আমি তাহাদিগকে অর্চনা করিতে নিষিদ্ধ হইয়াছি; বল, আমি তোমাদিগের ইচ্ছার অহুসরণ করিতেছি না, (করিলে) নিশ্চয় তখন বিপথগামী হইব ও আমি পথপ্রাপ্তদিগের অন্তর্গত হইব না। ৫৬। বল, নিশ্চয় আমি স্বীয় প্রতিপালকের উজ্জ্বল প্রমাণের উপরে আছি, এবং তোমরা তৎপ্রতি অসত্যারোপ করিয়াছ, তোমরা যাহা (যে শাস্তি) সম্বন্ধ চাহিতেছ, তাহা আমার নিকটে নাই; ঈশ্বর ব্যতীত (অস্ত্রের) কর্তৃত্ব নাই, তিনি সত্য বর্ণনা করেন ও তিনি মৌমাংসকারীদিগের মধ্যে শ্রেষ্ঠ। ৫৭। বল, তোমরা যাহা সম্বন্ধ চাহিতেছ, তাহা যদি আমার নিকটে থাকিত, তবে আমার ও তোমাদের মধ্যে অবশ্য কার্য্য নিষ্পত্তি হইত; পরমেশ্বর অত্যাচারীদিগের বিশেষ জ্ঞাতা। ৫৮। এবং তাঁহার নিকটে গুপ্ত বিষয়ের কুজিকা সকল আছে, তিনি ব্যতাত তাহা কেহ জানে না; এবং তিনি অরণ্যে ও সমুদ্রে যাহা আছে তাহা জানিতেছেন, এবং তাঁহার অজ্ঞাতসারে কোন বৃক্ষপত্র ও পৃথিবীর অঙ্ককারে কোন শস্ত্রকণিকা পতিত হয় না ও গ্রন্থে প্রকাশিত ভিন্ন কোন সরস ও কোন শুষ্ক বিষয় নাই †। ৫৯। এবং তিনিই যিনি রজনীতে তোমাদিগের প্রাণ হরণ করেন ও তোমরা দিবসে যাহা উপার্জন কর তাহা জ্ঞাত হন, তৎপর তাহাতে (দিবসে) উপস্থাপিত করেন যেন (জীবনের) নির্দিষ্ট কাল পূর্ণ হয়, তৎপর তাঁহার দিকে তোমাদিগের গতি; তদনন্তর তোমরা যাহা করিতেছিলে, তিনি তোমাদিগকে তাহার সংবাদ দিবেন। ‡। ৬০। (র, ৭, আ, ৫)

আমাদের ইচ্ছা হয়; কিন্তু তোমার সঙ্গে একাসনে সামান্ত লোকেরা উপবেশন করে, তাহাদের সহিত আমরা তুল্যাসনে বসিতে পারি না।” তাহাতেই এই আয়ত অবতীর্ণ হয়। (ত, ৯,)

+ অপরাধীদিগের পথ প্রকাশ পাইবে। অর্থাৎ সত্য মিথ্যার প্রভেদ বুঝা যাইবে।

* পৃথিবীর অঙ্ককারে শস্ত্রকণিকা পতিত হওয়ার অর্থ, বুদ্ধিকাগর্ভে বীজ স্থাপিত হওয়া। এ স্থলে গ্রন্থের অর্থ, সংরক্ষিত হজরী-শক্তি।

‡ “রজনীতে তোমাদের প্রাণ হরণ করেন” ইহার অর্থ, রাত্রিতে ঈশ্বর তোমাদিগকে নিম্নিত

এবং তিনি আপন দাসদিগের উপর পরাক্রান্ত ও তিনি তোমাদিগের নিকটে (দেবতারূপ) রক্ষক প্রেরণ করেন; এ পর্য্যন্ত যে, যখন তোমাদের কাহারও মৃত্যু উপস্থিত হয়, আমার প্রেরিতগণ তাহার প্রাণ হরণ করে, এবং তাহার ক্রটি করে না *। ৬১। তৎপর তাহাদের সত্য প্রভু পরমেশ্বরের নিকটে তাহার প্রত্যাদীত হয়, জানিও তাহারই কর্তৃত্ব এবং তিনি সত্ত্ব স্বক্ষাহুসক্ষায়ী। ৬২। বল, প্রান্তর ও সাগরের অন্ধকার হইতে কে তোমাদিগকে উদ্ধার করে? তোমরা উচ্চৈশ্বরে ও গোপনে তাঁহাকে আহ্বান করিয়া থাক, (বলিয়া থাক) যদি তিনি ইহা হইতে আমাদিগকে মুক্তি দান করেন, তবে নিশ্চয় আমরা কৃতজ্ঞদিগের অন্তর্গত হইব। ৬৩। বল, ঈশ্বর তোমাদিগকে তাহা হইতে ও সমুদায় দুঃখ হইতে উদ্ধার করেন, তৎপর তোমরা অংশী স্থাপন করিয়া থাক। ৬৪। বল, তিনি তোমাদের উপর হইতে কিছা পদতল হইতে তোমাদের প্রতি শাস্তি প্রেরণ করিতে অথবা দলে দলে সম্মিলিত করিতে ও পরস্পরকে সংগ্রামের আত্মদ গ্রহণ করাইতে সমর্থ; দেখ, আমি কেমন বিবিধ নিদর্শন ব্যক্ত করিতেছি, সম্ভবতঃ তাহার জ্ঞান লাভ করিবে। ৬৫। তোমার জ্ঞাতিগণ তাহা মিথ্যা বলিয়া থাকে, (কিন্তু) তাহা সত্য; তুমি বল, আমি তোমাদের সঙ্ক্ষে রক্ষক নহি। ৬৬। প্রত্যেক বিষয়ের জ্ঞান সময় নির্ধারিত আছে, অংশ তোমরা জানিতে পাইবে। ৬৭। যখন তুমি তাহাদিগকে দেখ যে আমার নিদর্শনাবলীবিষয়ে বিচার করে, পরে যে পর্য্যন্ত তদ্ব্যতীত অল্প কথার বিচারে প্রবৃত্ত না হয়, সে পর্য্যন্ত তুমি তাহাদিগ হইতে বিমূখ থাক, এবং যদি শয়তান তোমাকে বিশ্বাস্ত করে, তবে স্মরণ হইলে পর অত্যাচারীদের সঙ্গে বসিও না।

করেন। “দিবসে উৎখাপিত করেন” অর্থাৎ দিব্যভাগে জাগরিত করেন। তোমরা যাহা করিতেছ, ঈশ্বর কেয়ামতের দিনে তোমাদিগকে জানাইবেন। (ত, হো,)

* যে সকল দেবতা কেয়ামত পর্য্যন্ত মানবজীবনের ক্রিয়া লিখিয়া রাখেন, তাহাদিগকে রক্ষক বলা হইয়াছে। রক্ষক-প্রেরণের উদ্দেশ্য এই যে, কেয়ামতে অপদস্থ হওয়ার ভয়ে লোকে পাপ কার্যে উৎসাহী হইবে না। “প্রেরিতগণ তাহার প্রাণ হরণ করে,” অর্থাৎ শমন ও তাহার অনুচরগণ লোকের প্রাণ হরণ করেন। তাহার চৌদ্দ জন দেবতা। তাহাদের সাত জন দয়ার দেবতা, অপর সাত জন শাস্তির দেবতা। শমন বিশ্বাসীদিগের প্রাণ হরণ করিয়া দয়ার দেবতাদিগের হস্তে ও কাফেরদিগের প্রাণ হরণ করিয়া শাস্তির দেবতাদিগের হস্তে সমর্পণ করেন। (ত, হো,)

† উপর হইতে শাস্তি, যথা নুহীয় সম্প্রদায়ের উপর ঝটিকা ও লুতীয় সম্প্রদায়ের উপর প্রস্তর বর্ষণ হইয়াছিল। পদতল হইতে শাস্তি, যথা কেরাউশের জলময় অথবা কার্ণাণকে ভূগর্ভে নিহিত হইতে হইয়াছিল। (ত, হো,)

‡ “তাহা মিথ্যা বলিয়া থাকে” অর্থাৎ কোরেশগণ শাস্তিকে বা কোর্-আনকে মিথ্যা বলিয়া থাকে। কিন্তু “তাহা সত্য” অর্থাৎ সেই শাস্তি বা গ্রন্থ সত্য। (ত, হো,)

§ প্রত্যেক যন্ত্র অথবা প্রত্যেক কার্যের দণ্ড পুরস্কারের সময় নির্ধারিত আছে, সেই নির্ধারিত সময়ে তাহা উপস্থিত হয়। (ত, হো,)

। ৬৮। যাহারা ধর্মভীরু হইয়াছে, তাহাদের প্রতি তাহাদের (কাফেরদিগের) কোন গণনা নাই, কিন্তু উপদেশ দান করা (বিহিত ;) ভরসা যে, তাহারা ধর্মভীরু হইবে * ।
 ৬৯। এবং যাহারা স্বীয় ধর্মকে ক্রীড়া ও আমোদরূপে গ্রহণ করিয়াছে, এবং সাংসারিক জীবন যাহাদিগকে প্রবঞ্চিত করিয়াছে, তাহাদিগকে তুমি ছাড়িয়া দেও, এবং যে ব্যক্তি যাহা করিয়াছে, সে তজ্জ্ঞ যে মৃত্যুগ্রস্ত হইবে, ইহা দ্বারা (কোর্-আন্ দ্বারা) উপদেশ দেও ; ঈশ্বর ব্যতীত তাহার বন্ধু নাই ও শুভাকাজী নাই। এবং যদি সে প্রত্যেক বিনিময় বিনিময়রূপে দান করে, তাহা গৃহীত হইবে না, এট ইহারাই তাহারা যে, যাহা করিয়াছে তজ্জ্ঞ মৃত্যুগ্রস্ত হইয়াছে ; তাহারা কাফের হইয়াছে বলিয়া তাহাদের পানীয় উষ্ণজল ও শাস্তি দুঃখজনক। ৭০। (র, ৮, আ, ১০,)

বল, আমরা কি ঈশ্বরকে ছাড়িয়া সেই বস্তুকে আহ্বান করিব, যাহা আমাদের কল্যাণ ও অকল্যাণ করিতে পারে না ? এবং ঈশ্বর যখন আমাদের সৎপথ প্রদর্শন করিয়াছেন, তাহার পরে কি আমরা, শয়তান যাহাকে পৃথিবীতে অস্থির করিয়া বিপথে ফেলিয়াছে, তাহার ত্রায় পশ্চাত্তাপ হইয়া প্রত্যাবর্তিত হইব ? তাহার জ্ঞাত বন্ধুগণ আছে, তাহারা তাহাকে সৎপথের দিকে আহ্বান করিয়া থাকে যে, আমাদের নিকটে আগমন কর ; বল, নিশ্চয় ঈশ্বরের উপদেশ সেই উপদেশ, এবং বিশ্বপালকের অমুগত হইতে আমরা আদিষ্ট হইয়াছি * । ৭১। এবং (আদেশ হইয়াছে) যে, তোমরা উপাসনাকে

* যখন মোসলমানগণ পৌত্তলিকদিগের সঙ্গে উপবেশন করিতেন, তখন পৌত্তলিকগণ কোর্-আনের প্রতি দোষারোপ করিত ও তাহার কোন কোন উক্তি লইয়া উপহাস বিদ্রূপ করিতে প্রবৃত্ত হইত। তাহাতে ঈশ্বর আদেশ করিলেন, যখন দেখিবে যে, বিরোধী লোকের কোর্-আনকে অসত্য বলে ও তাহার বিচার করে, তখন তাহাদের নিকট হইতে দূরে চলিয় যাইবে। মোসলমানগণ প্রেরিতপুরুষের নিকটে নিবেদন করিলেন, “কাবা মন্দির প্রদক্ষিণ ও তাহার ভিতরে উপবেশন আমাদের পক্ষে আবশ্যক, বিরোধিগণও সেই মসজিদে উপস্থিত হয় ও তাহারা সর্বদা কোর্-আন্ ও কোর্-আনে বিশ্বাসী লোকদিগের সম্বন্ধে উপহাস বিদ্রূপ করে, তখন আমরা তাহাদের সভা হইতে চলিয়া যাইতে পারি না, তাহাদিগকেও উপহাস নিন্দা হইতে নিবৃত্ত রাখিতে অক্ষম, ইহার উপায় কি ?” তাহাতে এই আয়ত প্রকাশ পায় যে, ধর্মভীরুগণ কাফেরদিগের অধর্মাদির গণনা ও অনুসন্ধান করিবেন না, তাহাদিগকে দুর্দর্শ ও দুর্ভাষা হইতে নিবৃত্ত থাকিবার জন্য উপদেশ দিবেন। (ত, হো,)

+ মনুষ্যকে বন্ধুগণ সৎপথে আসিতে অনুরোধ করেন, এবং বলেন যে, তুমি আমাদের দিকে এস ; কিন্তু দৈত্যগণ আপনাদের দিকে আহ্বান করে। সেই ব্যক্তি কি করিবে স্থির করিয়া উঠিতে পারে না। সে শয়তানের কথা গ্রাহ্য করিলে মৃত্যুর আবর্তে পতিত হয়, বন্ধুদিগের উপদেশ অনুসারে চলিলে মুক্তির রাজ্যে উপস্থিত হইয়া থাকে। ইহার দৃষ্টান্ত এই যে, যে ব্যক্তি ধর্মবিরোধী হইয়াছে, তাহাকে যেন শয়তান বণিকদলবল্লভ বিশ্বাসিদল হইতে হরণ করিয়া ভয়ঙ্কর প্রান্তরে আনিয়া ফেলিয়াছে। সহচর বণিকগণ অর্থাৎ বিশ্বাসিগণ তাহাকে সৎপথে অর্থাৎ ধর্মপথে আসিতে আহ্বান করেন, এদিকে দৈত্য ছলনা করিয়া অধর্মের প্রান্তরে আকর্ষণ করে। সেই পথিক যদি বণিকদিগের নিকটে কিরিয়া যায়, তবে তাহাদের দলভুক্ত হইয়া মৃত্যু থাকিতে পারে। দৈত্যের সঙ্গী হইয়াই

প্রতিষ্ঠিত রাখ ও তাঁহাকে ভয় কর, তিনিই ঋহার দিকে তোমরা সমবেত হইবে। ৭২। এবং তিনিই যিনি বস্ত্রত: স্বর্গ মর্ত্য সৃজন করিয়াছেন; যে দিন বলেন, “হও,” তাহাতেই হয়। ৭৩। তাঁহার বাক্য সত্য এবং যে দিন সুরবাত্তের ধ্বনি হইবে, সেই দিনে তাঁহারই রাজত্ব; * তিনি অন্তর্বাহজ্জাতা এবং তিনি নিপুণ ও তত্ত্বজ্ঞ। ৭৪। অপিচ (স্মরণ কর,) যখন এব্রাহিম স্বীয় পিতা আজরকে বলিল, “তুমি কি পুতলিকাকে ঈশ্বর-রূপে গ্রহণ করিতেছ? নিশ্চয় আমি তোমাকে ও তোমার সম্প্রদায়কে স্পষ্ট বিপথগামী দেখিতেছি” †। ৭৫। এবং এইরূপে আমি এব্রাহিমকে পৃথিবী ও স্বর্গরাজ্য প্রদর্শন করিয়াছিলাম, যেন সে বিশ্বাসীদিগের অন্তর্গত হয় ‡। ৭৬। অনন্তর যখন তাহার সম্বন্ধে

ধর্মবিরোধী পায়ণ হয়। “ঈশ্বরের উপদেশই সেই উপদেশ” অর্থাৎ ইসলাম ধর্মই ঈশ্বরের ধর্ম, সেই সত্যধর্ম। (ত, হো,)

* সুর শিক্ষা বাস্তবিশেষ, প্রলয়কালে তিনবার সুর বাজিবে। ইহার বিবরণ পরে বিবৃত হইবে। (ত, হো,)

† অর্থাৎ মক্কাবাসিগণ এব্রাহিমের সম্ভান বলিয়া গর্ব করিয়া থাকে। তাহাদের জন্ত, হে মোহম্মদ, তুমি এব্রাহিমের চরিত্র স্মরণ কর; তাহাদের উচিত যে, ঈশ্বরের একত্ব ও স্বার্থ পূজাবিশয়ে এব্রাহিমের অনুসরণ করে। (ত, হো,)

‡ পুরাণালে বাবেল নগরে নেমরুদনামক একজন ভুবনবিজয়ী রাজা ছিলেন। তিনি একদিন রজনীতে স্বপ্নে দেখিলেন যে, একটি নক্ষত্র আকাশে উদ্ভিত হইয়া স্বীয় জ্যোতিতে চল্লিশ সূর্য্যকে পরাজিত করিয়াছে। প্রাতঃকালে তিনি ভবিষ্যদ্বক্তাদিগের নিকটে স্বীয় স্বপ্নবৃত্তান্ত জ্ঞাপন করিলে তাঁহারা স্বপ্নের এই তাৎপর্য্য ব্যাখ্যা করিলেন যে, এ বৎসর বাবেল রাজ্যে একজন মহাতেজস্বী পুরুষ জন্মগ্রহণ করিবেন। তিনি মহারাজের প্রাণ হরণ করিয়া রাজত্ব অধিকার করিবেন। এক্ষণ পর্য্যন্ত মাতৃগর্ভে সেই সম্ভানের সঞ্চার হয় নাই। ভবিষ্যদ্বক্তাদিগের মুখে এই নিদান্বিত কথা শ্রবণ করিয়া নেমরুদ ভীত ও চিন্তিত হইলেন। রাজ্যমধ্যে কোন স্বামী স্ত্রীর সঙ্গে বোণ স্থাপন করিতে না পারে, তাহার বিহিত উপায় বিধান করিলেন, গ্রামে গ্রামে প্রহরী সকল নিযুক্ত রাখিলেন। আজর-নামক এক ব্যক্তি নেমরুদের প্রিয়পাত্র ছিলেন। তিনি একদিন রজনীতে গোপনে স্বীয় ভাৰ্য্যা আদনার সঙ্গে মিলিত হন, তাহাতে আদনার গর্ভসঞ্চার হয়। প্রাতঃকালে ভবিষ্যদ্বক্তৃগণ বাইরা নেমরুদকে জ্ঞাপন করিলেন যে, গত রজনীতে সেই বালক গর্ভস্থ হইয়াছে। নেমরুদ এতদ্বৎ বণে ক্রুদ্ধ হইয়া এক এক জন গর্ভবতী নারীর উপর এক এক ব্রীকে প্রহররূপে নিযুক্ত করিলেন, যেন তাহারা প্রসবকাল পর্য্যন্ত প্রতীক্ষা করে ও পুত্র প্রসূত হইলেই তাহাকে বিনাশ করিয়া ফেলে। তখন নিয়োজিত নারীগণ পরীক্ষা করিয়া আদনার কোন গর্ভের লক্ষণ বৃত্তিতে পাবিল না, অগত্যা তাহাকে ছাড়িয়া দিল। পুনর্ব্বার কেহই তাহার প্রতি মনোযোগ বিধান করিল না। প্রসবকাল উপস্থিত হইলে পুত্র প্রসূত হইয়া বা রাজকিঙ্করীকর্তৃক বিনষ্ট হয়, এই ভয়ে আদনা নগরের বাহিরে এক পর্ব্বতশৃঙ্খল চলিয়া যান। তথায় এক গর্ভে এব্রাহিমকে প্রসব করেন। তিনি পুত্রকে বস্ত্রাভূত করিয়া গর্ভে রাখিয়া দেন, এবং প্রস্তরখণ্ড দ্বারা দ্বার বদ্ধ করিয়া রাখেন। পরে গৃহে বাইরা স্বামীকে বলেন যে, “প্রহরীগণের ভয়ে প্রান্তরে রাইরা সম্ভান প্রসব করিয়াছি, পুত্র জন্মিয়াছিল, ভূমিত হইয়াই

রাত্রি অন্ধকারাচ্ছন্ন হইল, সে একটি নক্ষত্রকে দেখিয়া বলিল, “ইহাই আমার প্রতিপালক;” পরে যখন তাহা অন্তর্মিত হইল, তখন বলিল, “আমি অন্তর্গামী বস্তু সকলকে প্রেম করি না।” ৭৭। পরিশেষে যখন চন্দ্রমাকে সমুদিত দেখিল, সে বলিল, “ইহাই আমার প্রতিপালক;” পরে যখন তাহা অন্তর্মিত হইল, বলিল, “যদি আমার প্রতিপালক আমাকে পথ প্রদর্শন না করেন, তবে আমি বিপথগামী দলের অন্তর্গত অবশ্যই হই।” ৭৮। অনন্তর যখন সূর্য্যকে সমুদিত দেখিল, সে বলিল, “ইহাই আমার প্রতিপালক, ইহাই শ্রেষ্ঠ;” পরে যখন তাহা অন্তর্মিত হইল, সে বলিল, “হে আমার জ্ঞাতিগণ, তোমরা যে অংশী স্বাপন কর, নিশ্চয় আমি তাহা হইতে বিমুখ আছি।” ৭৯। যিনি দ্যুলোক ভুলোক সৃজন করিয়াছেন, তাঁহার দিকে নিশ্চয় আমি সত্যধর্মাবলম্বিরূপে স্বীয় আনন সমুদ্রত রাখিয়াছি, এবং আমি অংশিবাদীদের অন্তর্গত নহি *। ৮০। তাহার স্বর্ণ তাহার

মরিয়। গিয়াছে। তাহাকে যুক্তিকার নিয়ে প্রোষিত করিয়াছি।” আজর এ বিষয়ে কোন সন্দেহ করিলেন না। তৎপর একদিন আদনা গর্ভে বাইয়া দেখেন যে, পুত্রটি অঙ্গুলি চোষণ করিতেছে, সেই অঙ্গুলি হইতে তাহার মুখে দুগ্ধ ও মধু নিঃসৃত হইতেছে। (কেহ কেহ বলেন যে, প্রতিদিন আদনা বাইয়া স্তন্য দান করিয়া আসিতেন।) আদনা সন্তানটিকে দেখিয়া প্রফুল্লমনে নগরে চলিয়া আসেন। বালক অলৌকিক ভাবে সত্ত্বর বৃদ্ধি প্রাপ্ত হইয়া অত্যন্ত হস্তী ও সবল হইয়া উঠিলেন। একদিন আদনা আজরকে বলিলেন যে, “আমি পুত্রের মৃত্যুর কথা তোমাকে মিথ্যা বলিয়াছি। দেখ আসিয়া পুত্র পরম রূপবান্ ও বলবান্ হইয়া গর্ভে বিরাজ করিতেছে।” এই বলিয়া তিনি আজরকে সঙ্গে করিয়া গর্ভে আনিয়া পুত্র প্রদর্শন করেন। আজর পুত্রমুখ দেখিয়া পরমোচ্ছাদিত হন ও তাঁহাকে নগরে লইয়া বাইতে অনুমতি করেন। বালকের নাম এব্রাহিম রাখা হইয়াছিল। এব্রাহিম গর্ভ হইতে বাহির হইয়াই প্রথমতঃ অর্থ উট্ট ইত্যাদি পশু দেখিয়া মাতাকে জিজ্ঞাসা করিলেন যে, “এ সকল কি পদার্থ? এ সকলের সৃজনকর্ত্তা পালনকর্ত্তা বা কে?” পরে প্রশ্ন করিলেন, “আমার প্রতিপালক কে?” মাতা বলিলেন, “আমি তোমার প্রতিপালিকা।” এব্রাহিম পুনর্বার জিজ্ঞাসা করিলেন, “তবে তোমার প্রতিপালক কে?” আদনা বলিলেন, “তোমার পিতা।” এব্রাহিম জিজ্ঞাসা করিলেন, “তাঁহার প্রভু কে?” তিনি বলিলেন, “নেমরুদ।” এব্রাহিম প্রশ্ন করিলেন, “নেমরুদের প্রভু কে?” মাতা ধম্কাইয়া বলিলেন, “এ প্রকার উক্তি করিও না, বিপদ হইবে।” নেমরুদের সময়ে কতক লোক নেমরুদকে, কতক লোক চন্দ্র সূর্য্য নক্ষত্রকে, কতক লোক পুত্তলিকাকে পূজা করিত। (ত, হো,)

* এব্রাহিম নগরে আগমন করিলে পর তাঁহাকে নেমরুদের নিকট উপস্থিত করা হয়। নেমরুদ কদাকার পুরুষ ছিলেন। এব্রাহিম দেখিলেন যে, তিনি সিংহাসনে বসিয়া আছেন, সিংহাসনের চতুর্দিকে পরম রূপবতী পরিচারিকাগণ শ্রেণীবদ্ধ হইয়া দণ্ডায়মান। তিনি মাতাকে জিজ্ঞাসা করিলেন, “উচ্চাসনে বসিয়াছেন ইনি কে?” মাতা বলিলেন, “ইনি সকলের ঈশ্বর।” পুনর্বার এব্রাহিম জিজ্ঞাসা করিলেন, “এই সকল লোক কাহার?” মাতা বলিলেন, “ইঁহাই সৃজিত।” এব্রাহিম ঈর্ষ হস্ত করিয়া বলিলেন, “মাতঃ, তোমাদের ঈশ্বর আপনা অপেক্ষা অল্প সকলকে হুম্মর করিয়া সৃজন করিয়াছেন, উচিৎ ছিল যে, তাহাদের অপেক্ষা তিনি নিজে হুম্মর হন।” এব্রাহিম সর্ব্বদা পুত্তলিকার নিদ্রা করিভেন ও পৌত্তলিকদিগকে গালি দিতেন। তাহাতে তাঁহার জাতি কুটুম্বগণ তাঁহার সঙ্গে বিবাদ কলহ করিত। (ত, হো,)

সঙ্গে বিবাদ করিল, সে বলিল, “ঈশ্বরের বিষয়ে কি তোমরা আমার সঙ্গে বিরোধ করিতেছ? নিশ্চয় তিনি আমাকে পথ প্রদর্শন করিয়াছেন, আমার প্রতিপালক যাহা কিছু ইচ্ছা করিতেছেন তাহা ব্যতীত, তোমরা তাহার সঙ্গে যাহাকে অংশীরূপে স্থাপন করিতেছ, আমি তাহাকে ভয় করি না; আমার প্রতিপালক জ্ঞানযোগে সমুদায় পদার্থকে ঘেরিয়া রহিয়াছেন, অনন্তর তোমরা কি উপদেশ গ্রহণ করিতেছ না?”। ৮১। “তোমরা যাহাকে অংশী কর, তাহাকে আমি কেমন করিয়া ভয় করিব, এবং যাহার সম্বন্ধে তোমাদের প্রতি কোন প্রমাণ উপস্থিত হয় নাই, তাহাকে ঈশ্বরের অংশী করিতে তোমরা ভয় পাইতেছ না; অনন্তর যদি তোমরা জ্ঞাত আছ, (তবে বল,) এই দুই দলের মধ্যে কোন্ দল শাস্তি-লাভে যোগ্যতর”। ৮২। “যাহারা বিশ্বাস স্থাপন করিয়াছে ও আপন বিশ্বাসকে অন্যায়ের সঙ্গে মিশ্রিত করে নাই, তাহাদের অংশই শাস্তি এবং তাহারা পথপ্রাপ্ত”। ৮৩। (র, ৯, আ, ১৩)

এবং ইহাই আমার প্রমাণ, আমি এব্রাহিমকে তাহার স্বর্ণ অতিক্রম করিয়া দান করিয়াছি, আমি যাহাকে ইচ্ছা করি, তাহাকে মর্যাদায় উন্নত করিয়া থাকি; নিশ্চয় তোমার ঈশ্বর (হে মোহাম্মদ,) দক্ষ ও জ্ঞানী। ৮৪। এবং আমি তাহাকে এস্হাক ও ইয়াকুব (পুত্রদ্বয়) দান করিয়াছি, প্রত্যেককে আমি সংপথ প্রদর্শন করিয়াছি, এবং পূর্বে তুমি তাহাকে ও তাহার (এব্রাহিমের) বংশীয় দাউদ, সোলয়মান, আয়ুব, ইয়ুসেফ ও মুসা এবং হারুনকে পথ দেখাইয়াছি, এবং এইরূপ আমি হিতকারীদিগকে পুরস্কৃত করি। ৮৫।+এবং জকরিয়া, ইয়হা ও ঈসা এবং এলিয়াসকে (পথ দেখাইয়াছি,) সকলেই সাধুদিগের অন্তর্গত ছিল। ৮৬।+এবং এস্মায়িল ও অলিয়াস ও ইয়ুনস এবং লুতকে (পথ প্রদর্শন করিয়াছি,) এবং মানবমণ্ডলীর উপর তাহাদের প্রত্যেককে আমি গৌরবান্বিত করিয়াছি। ৮৭।+এবং তাহাদের পিতৃপুরুষগণ, তাহাদের সম্মানগণ ও তাহাদের ভ্রাতৃগণকে (গৌরবান্বিত করিয়াছি,) ও তাহাদিগকে গ্রহণ করিয়াছি, এবং তাহাদিগকে সরল পথ সম্বন্ধে উপদেশ দিয়াছি। ৮৮। ইহাই ঈশ্বরের উপদেশ, এতদ্বারা তিনি স্বীয় দাসদিগের যাহাকে ইচ্ছা পথ প্রদর্শন করিয়া থাকেন, এবং যদি তাহারা অংশী স্থাপন করিত, তবে যাহা তাহারা করিত, তাহাদিগ হইতে তাহা অবশ্য বিলুপ্ত হইত। ৮৯। সেই তাহারা যাহাদিগকে আমি গ্রন্থ ও জ্ঞান এবং প্রেরিতত্ব প্রদান করিয়াছি, অনন্তর যদি ইহারা ইহার (কোব্-আনের) প্রতি বিদ্রোহাচরণ করে, তবে নিশ্চয় আমি ইহার প্রতি বিদ্রোহাচারী নহে, এমন একদল নিযুক্ত করিব। ৯০। সেই তাহারা, যাহাদিগকে ঈশ্বর পথ প্রদর্শন করিয়াছেন; অতএব তুমি তাহাদিগের পথের অনুসরণ কর, বল, এতৎ (কোব্-আন) সম্বন্ধে কোন পুরস্কার তোমাদের নিকটে প্রার্থনা করিতেছি না, ইহা মানবমণ্ডলীর উপদেশ ভিন্ন নহে *। ৯১। (র, ১০, আ, ৮)

* তুমি তাহাদিগের পথের অনুসরণ কর, ইহার তাৎপৰ্য্য এই যে, পূর্বতন প্রেরিতপুরুষগণের ঈশ্বরের

এবং যখন তাহারা বলিল যে, “ঈশ্বর কোন মন্তব্যের প্রতি কিছুই অবতারণ করেন নাই, তখন তাহারা ঈশ্বরকে তাহার প্রকৃত মর্যাদায় মর্যাদা করিল না; বল, কে সেই গ্রন্থ অবতারণ করিয়াছে, যাহাকে মানবমণ্ডলীর জন্ত মুসা জ্যোতি ও উপদেশরূপে আনয়ন করিয়াছিল? তোমরা তাহার পত্র সকল দুইভাগ করিতেছ ও অধিকাংশ গুপ্ত রাখিতেছ, এবং তোমাদের গিহূপুরুষগণ ও তোমরা যাহা জানিতে না, (তাহারা) তাহার শিক্ষা পাইয়াছে; বল, ঈশ্বর (তাহা অবতারণ করিয়াছেন,) তৎপর তিনি তাহাদিগকে আপনাদের বাঞ্ছিতগুণ জীড়া করিতে ছাড়িয়া দিয়াছেন। ২২। এবং এই গ্রন্থ, ইহাকে আমি কল্যাণজনকরূপে ও ইহার পূর্বে যাহা (যে গ্রন্থ) ছিল, তাহার সঙ্গমাকারিকরূপে অবতারণ করিয়াছি, এবং ইহা দ্বারা তুমি মক্কাবাসীদিগকে ও তাহার চতুর্দিকবর্তী লোকদিগকে ভয় প্রদর্শন করিবে; যাহারা পরলোকে বিশ্বাস করে, তাহারা ইহাকেও বিশ্বাস করে, এবং তাহারা স্বীয় উপাসনাকে রক্ষা করিয়া থাকে। ২৩। এবং ঈশ্বরের প্রতি যে ব্যক্তি অসত্যারোপ করে, অথবা যে ব্যক্তি বলে যে, আমার প্রতি প্রত্যাদেশ হইয়াছে, পরন্তু তাহার প্রতি কিছুই প্রত্যাদেশ হয় নাই, এবং যে ব্যক্তি বলে, ঈশ্বর যাহা অবতারণ করিয়াছেন, তদ্রূপ আমিও অবতারণ করিব, তাহার অপেক্ষা অত্যাচারী কে? এবং যখন অত্যাচারী লোকেরা মৃত্যুসঙ্কেতে পতিত হইয়াছে ও দেবগণ আপন হস্ত প্রসারণ করিয়াছে, তখন তুমি যদি দেখ, (বিস্মিত হইবে,) (দেবতারা বলে,) “তোমরা স্বীয় প্রাণ বাহির কর, তোমরা যে পরমেশ্বরের প্রতি অসত্য বলিতেছিলে, এবং তাহার নিদর্শন সকলকে অবজ্ঞা করিতেছিলে, তজ্জন্ত অল্প দুর্গতির শাস্তি তোমরা বিনিময়স্বরূপ প্রাপ্ত হইবে”। ২৪। এবং (ঈশ্বর বলিবেন,) “যদ্রূপ আমি তোমাদিগকে প্রথমবার সৃজন করিয়াছি, সত্যসত্যই তদ্রূপ তোমরা আমার নিকটে নিঃসহায় আসিয়াছ, আমি তোমাদিগকে যাহা দান করিয়াছিলাম, তোমরা তাহা আপন পশ্চাত্তাপে পরিত্যাগ করিয়াছ; তোমরা যাহাদিগকে ভাবিয়াছিলে যে, নিশ্চয় তাহারা

একদে ও ধর্মের মূলে যে ঐক্য ছিল, তাহার অনুসরণ কর। বিভিন্ন শাখা প্রশাখা বিবরের অনুসরণ করিও না। এই আয়ত সন্ধে মক্কাতিহোলগরের নামক গ্রন্থে উল্লিখিত হইয়াছে যে, ঈশ্বর হজরত মোহাম্মদকে বলিয়াছেন, “তুমি পূর্বতন প্রেরিতপুরুষদিগের ভাবগতি ও চরিত্রের অনুসরণ কর।” অর্থাৎ প্রত্যেকের গুণ ও চরিত্র জ্ঞাত হইয়া তাহার মধ্যে যাহা অত্যুত্তম ও পরম সুন্দর, তাহা অবলম্বন কর। হজরত সন্ধে প্রেরিতপুরুষদিগের অনুসরণ মূলে, ধর্মের শাখা প্রশাখায় নহে। কেন না তাহার ধর্মবিধি তাহাদিগের ধর্মবিধিকে গণন করিয়াছে। এই উক্তির মর্ম এই যে, সচ্চরিত্রতা ও মহত্ব ও সঙ্গুণ ও সম্ভাব যাহা পূর্বতন তত্ত্ববাহকদিগের জীবনে ভিন্ন ভিন্ন রূপে স্থিতি করিয়াছিল, একা হজরতের জীবনে সে সমুদায় একত্র প্রকাশ পাইয়াছিল। অতএব তিনি পূর্বতন সকল প্রেরিত অপেক্ষা শ্রেষ্ঠ ও উন্নত। এতদ্বিষয়ে অর্থাৎ ধর্মপ্রচারে তুমি তাহাদের নিকটে কোন পারিভ্রমিক প্রত্যাশা করিও না। পূর্ববর্তী কোন প্রেরিতপুরুষই প্রচার করিয়া মণ্ডলীর নিকট পুরস্কার প্রার্থনা করেন নাই।

তোমাদের মধ্যে অংশী, তোমাদিগের সঙ্গে তোমাদের সহায়রূপে তাহাদিগকেত দেখিতেছি না ; সত্য সত্যই তোমাদের পরস্পর সম্বন্ধ ছিন্ন হইয়াছে, যাহা তোমরা মনে করিতেছিলে, তোমাদিগ হইতে তাহা বিলুপ্ত হইয়াছে। ২৫। (র, ১১, আ, ৪)

এবং নিশ্চয় ঈশ্বর শাস্ত্রকণিকা ও বৃক্ষবীজের বিদারক, তিনি মৃত হইতে জীবিতকে ও জীবিত হইতে মৃতকে বাহির করেন ; ইনিই ঈশ্বর, তবে কোথা হইতে তোমরা ফিরিয়া যাও। ২৬। ইনি উষাকালের উদ্ভেদক এবং ইনি রজনীকে বিশ্রাম ও চন্দ্র সূর্য্যাকে গণনার (কালগণনার নিদর্শন) করিয়াছেন ; পরাক্রান্ত জ্ঞানী (ঈশ্বরের) এই নিরূপণ। ২৭। এবং তিনিই যিনি তোমাদিগের জন্ত নক্ষত্রাবলী স্বজন করিয়াছেন, যেন তদ্বারা সমুদ্র ও প্রান্তরের অন্ধকারের পথ প্রাপ্ত হও ; যাহারা বুঝিতেছে, সেই দলের জন্ত নিশ্চয় আমি নিদর্শন সকল বিস্তৃতভাবে বর্ণন করিলাম। ২৮। এবং তিনিই যিনি এক ব্যক্তি হইতে তোমাদিগকে উৎপাদন করিয়াছেন, পরে (তোমাদের জন্ত) অবস্থানভূমি ও প্রত্যর্পণভূমি আছে ; * যাহারা বুঝিতেছে, সেই দলের জন্ত নিশ্চয় আমি বিস্তারিত রূপে নিদর্শন সকল বর্ণন করিলাম। ২৯। এবং তিনিই যিনি আকাশ হইতে বারি বর্ষণ করেন, পরে আমি তাহা দ্বারা প্রত্যেক উৎপাদ্য বস্তু বাহির করি, অনন্তর সেই জল হইতে হরিন্দপদার্থনিচয় নিজামিত করি, তাৎ হইতে পরস্পর সম্মিলিত বীজ নিঃসারণ করি, খোঁষাতরু হইতে তাহার কোরকযুক্ত পরস্পর সম্মিহিত শাখাবলী (বাহির করি,) ত্রাঙ্কালতা হইতে উত্থান সকল এবং জয়তুন † ও পরস্পর সদৃশ ও অসদৃশ দাড়ি (নির্গত করি) ; যখন ফল জন্মে ও তাহার পরিপকতা হয়, দৃষ্টি কর তাহার ফলের দিকে। যে সম্প্রদায় বিশ্বাস করিতেছে, তাহাদের জন্ত নিশ্চয় ইহার মধ্যে নিদর্শন সকল আছে। ১০০। এবং তাহারা অম্বুরকে ঈশ্বরের অংশী করিয়াছে, প্রকৃত পক্ষে তাহাদিগকে তিনি স্বজন করিয়াছেন ; তাহারা অজ্ঞানতা-প্রযুক্ত তাহার জন্ত পুত্র ও কন্যাগণ সজ্জটন করিয়াছে। তিনি পবিত্র ও যাহা বর্ণনা হয়, তদপেক্ষা উন্নত। ১০১। (র, ১২, আ, ৬)

তিনি স্বর্গ মর্ত্যের স্রষ্টা, তাহার সম্ভান কেমন করিয়া হইবে ; প্রকৃত পক্ষে তাহার ভাষ্যা নাই, এবং তিনি সমুদায় বস্তু স্বজন করিয়াছেন, এবং তিনি সর্বজ্ঞ। ১০২। এই পরমেশ্বরই তোমাদের প্রতিপালক, তিনি ব্যতীত উপাস্ত নাই, তিনি সমুদায় পদার্থের সৃষ্টিকর্তা ; অতএব তাহাকে অর্চনা কর, এবং তিনি সকল পদার্থের উপর কার্য্য-সম্পাদক। ১০৩। চক্ষু তাহাকে অবধারণ করে না, তিনি চক্ষুকে অবধারণ করেন, এবং

* প্রথমতঃ মনুষ্য মাতৃগর্ভে সৃষ্ট হয়। ক্রমে ক্রমে তাহার পার্শ্বিক লক্ষণ প্রকাশ পায়, পরে সে পৃথিবীতে স্থিতি করে, তৎপরে কবরে সমর্পিত হয় ও ক্রমশঃ তাহার পরলোকের ভাব প্রকাশিত হয়, অবশেষে সে স্বর্গে বা নরকে অবস্থিতি করে। (ত, হো,)

† জয়তুন এক প্রকার বৃক্ষ, তাহার বীজ হইতে তৈল উৎপন্ন হয়। সেই তৈল প্রদীপে এবং বোলতা দলন করিলে ঔষধরূপে ব্যবহৃত হইয়া থাকে।

তিনি কুপালু ও জাতা *। ১০৪। সত্যই তোমাদের নিকটে তোমাদের প্রতিপালক হইতে প্রমাণ সকল আসিয়াছে ; পরন্তু যে ব্যক্তি দর্শক, সে তাহার আত্মার জ্ঞান (দর্শক,) এবং যে ব্যক্তি অন্ধ, সে তাহার আত্মার সম্বন্ধে (অন্ধ) ; (বল, হে মোহম্মদ,) আমি তোমাদিগের সম্বন্ধে রক্ষক নহি। ১০৫। এবং এই প্রকার আমি নিদর্শন সকল ব্যক্ত করিতেছি, তাহাতে তাহারা বলে, “তুমি পাঠ করিয়াছ” ; এবং তাহাতে জ্ঞান রাখে, এমন মনের জ্ঞান আমি তাহা ব্যক্ত করিব †। ১০৬। তোমার প্রতিপালক হইতে তোমার প্রতি যাহা প্রত্যাদেশ হইয়াছে, তুমি তাহার অনুসরণ কর, তিনি ব্যতীত উপাস্ত নাই, এবং অংশবাদিগণ হইতে বিমুখ হও। ১০৭। এবং যদি ঈশ্বর চাহিতেন, তাহারা অংশী স্থাপন করিত না ; আমি তোমাকে তাহাদের সম্বন্ধে রক্ষক করি নাই, তুমি তাহাদের উপর তত্ত্বাবধায়ক নও। ১০৮। যাহারা ঈশ্বরকে ছাড়িয়া (অগ্নি দেবতাকে) আহ্বান করে, তাহাদিগকে (হে মোসলমানগণ,) কুবাক্য বলিও না, যেহেতু তাহারা অজ্ঞানতাবশতঃ ঈশ্বরকে অধিক কুবাক্য বলিবে ; এই প্রকার আমি প্রত্যেক মণ্ডলীর জ্ঞান তাহাদের ক্রিয়া সম্বন্ধিত করিয়াছি, অতঃপর তাহাদের প্রতিপালকের নিকটে তাহাদের প্রতিগমন হইবে, তাহারা যাহা করিতেছে, পরে তিনি তাহাদিগকে জ্ঞাপন করি বেন। ১০৯। এবং তাহারা ঈশ্বর সহকারে স্বীয় কঠিন শপথে শপথ করে যে, যদি কোন নিদর্শন তাহাদের নিকটে উপস্থিত হয়, তবে অবশ্য তাহারা তৎপ্রতি বিশ্বাস স্থাপন করিবে ; বল (হে মোহম্মদ,) নিদর্শন সকল পরমেশ্বরের নিকট, ইহা ভিন্ন নহে ; এবং কিসে তোমাদিগকে জ্ঞাপন করিতেছে, (হে মোসলমানগণ,) যখন তাহা উপস্থিত হইবে, নিশ্চয় তাহারা বিশ্বাস করিবে না ? ১১০। এবং যেমন প্রথম বারে তাহারা ইহার (কোর-আনের) প্রতি বিশ্বাস স্থাপন করে নাই, তদ্রূপ আমি তাহাদের অন্তর ও তাহাদের চক্ষুকে ফিরাইব, এবং আপন অবাধ্যতাচরণে ঘূর্ণায়মান হইতে ছাড়িয়া দিব ‡। ১১১। (র, ১৩, আ, ১০)

* অর্থাৎ তিনি স্বয়ং দর্শন না দিলে চক্ষুর এরূপ শক্তি নাই যে, তাহাকে দর্শন করে, এজন্য তিনি দৃশ্য। (ত, কা,)

† ধর্মদ্রোহী কোরেশদিগের এই সংস্কার ছিল যে, ইজরত মোহম্মদ জোবরর ও হারসা নামক তাঁহার দুই ভৃত্যের নিকটে উক্তি সকল শিক্ষা করেন, পরে তাহা ঈশ্বর প্রত্যাদেশ করিয়াছেন বলিয়া প্রচার করেন। ঈশ্বর বলিতেছেন যে, আমি বণে সকল জ্ঞানবান লোকের নিকট ব্যক্ত করিব। কেহ বলিতে পারিবে না যে, তুমি কোন লোকের নিকটে শিক্ষা করিয়াছ, যেহেতু এই প্রকার বাক্য সমুদয় বলিতে পারে না। (ত, হো,)

‡ অর্থাৎ ঈশ্বর তাহাদিগকে আলোক দেন, তাহারা প্রথমেই সত্য গ্রহণ করিয়া বিবেচনা সহকারে গ্রাহ্য করিয়া থাকেন। যে ব্যক্তি প্রথমেই বিরোধী হয়, তাহার নিকটে কোন নিদর্শন উপস্থিত হইলেও সে কোনরূপ ছলনা করিয়া তাহা অস্বীকার করিয়া থাকে। ফেরগণ প্রেরিতপুত্র মুসার প্রদর্শিত নিদর্শন সকলের প্রতি কিছুতেই বিশ্বাস স্থাপন করে নাই। (ত, কা,)

এবং যদি আমি তাহাদিগের নিকটে দেবতাদিগকে অবতারণ করিতাম ও তাহাদের সঙ্গে মৃত ব্যক্তির কথা কহিত, এবং আমি তাহাদের নিকটে দলে দলে সমুদায় বস্তু একত্রিত করিতাম, ঈশ্বর ইচ্ছা না করিলে কখনও তাহারা বিশ্বাস স্থাপন করিত না; কিন্তু তাহাদের অধিকাংশই মূর্থতা প্রকাশ করিতেছে। ১২। কিন্তু এই প্রকার আমি প্রত্যেক তত্ত্ববাহকের জন্ত শয়তানরূপী মনুষ্যকে ও দানবকে শত্রু করিয়াছি, তাহাদের কেহ কেহ প্রতারণা করিবার জন্ত কাহারও প্রতি হুল্ললিত বাক্য বলিয়া থাকে; যদি তোমাদের প্রতিপালক চাহিতেন, তাহারা তাহা করিত না। অতএব তাহারা যাহা বন্ধন করিতেছে, তাহাতে তাহাদিগকে ছাড়িয়া দেও *। ১১৩। এবং যাহারা পরলোকে বিশ্বাসী নয়, তাহাদের মন তজ্জন্ত তৎপ্রতি অমুরাগী হয়; তখন তাহারা তাহা মনোনীত করে ও তাহাতে উহার যাহার অমুরাগীতা, তাহা করিয়া থাকে †। ১১৪। (বল) অনন্তর “আমি কি ঈশ্বরকে ছাড়িয়া (অন্ত) আজ্ঞা-প্রচারক অবশেষ করিব? তিনিই (ঈশ্বর) যিনি তোমাদের নিকটে বিস্তৃত গ্রন্থ অবতারণ করিয়াছেন;” যাহাদিগকে গ্রন্থ প্রদত্ত হইয়াছে, তাহারা জানে যে, ইহা সত্যতঃ তোমার প্রতিপালক হইতে অবতারিত; অতএব তুমি সন্দেহকারীদিগের অন্তর্গত হইও না। ১১৫। এবং তোমার প্রতিপালকের বাক্য সত্য ও সত্যেতে পূর্ণ, তাঁহার বাক্যের কোন পরিবর্তনকারী নাই, তিনি শ্রোতা ও জ্ঞাতা। ১১৬। অপিচ যদি তুমি পৃথিবীস্থ অধিকাংশ লোকের আজ্ঞানুসরণ কর, তবে তাহারা তোমাকে ঈশ্বরের পথ হইতে বিচ্যুত করিবে, তাহারা অহুমানের অহুসরণ বৈ করে না ও মিথ্যা ভিন্ন বলে না। ১১৭। নিশ্চয় তোমার সেই প্রতিপালক উত্তম জ্ঞাত যে, কোন ব্যক্তি তাঁহার পথ হইতে দূরে যাইতেছে, এবং তিনি পথ-প্রাপ্তকে উত্তম জ্ঞাত। ১১৮। যদি তোমরা তাঁহার নিদর্শন সকলে বিশ্বাসী হও, তবে যাহার উপর ঈশ্বরের নাম উচ্চারিত হইয়াছে, তাহা ভক্ষণ কর। ১১৯। এবং তোমাদের কি হইয়াছে যে,

* অর্থাৎ হে মোহম্মদ, তোমার যেরূপ শত্রু আছে, সেইরূপ আমি প্রত্যেক তত্ত্ববাহকের জন্ত শয়তানরূপী মনুষ্যকে ও দৈত্যদিগকে শত্রু করিয়া তুলিয়াছিলাম। কাকের লোকেরাই শয়তানরূপী মানব। তাহার শয়তানের আঁর ঈশ্বরের অনুগ্রহে বঞ্চিত। কতক শয়তানরূপী দানব শয়তানরূপী মনুষ্যকে, অথবা কতক দানব দানবকে, কতক মনুষ্য মনুষ্যকে হুল্ললিত বাক্যে প্রতারণা করে। ঈশ্বর যদি তাহাদের ধর্ম চাহিতেন, তাহারা তত্ত্ববাহকদিগের সঙ্গে শত্রুতাচরণ করিত না। তাহারা যে সকল অসত্য বন্ধন করিতেছে, সেই সকল মিথ্যাচরণে তাহাদিগকে ছাড়িয়া দেও। (ত, হো,)

† কাকের লোকেরা বলিতেছিল যে, মোসলমানেরা নিজে যে সকল জন্তকে বধ করে, তাহা ভক্ষণ করিয়া থাকে, এবং ঈশ্বর যে সকল জন্তকে মারেন, তাহা খায় না, ইহা অত্যন্ত গর্হিত। শয়তান সন্দেহ-স্থাপনের জন্ত এই সকল প্রতারণা-বাক্য শিক্ষা দিয়া থাকে। মনুষ্যবুদ্ধি আজ্ঞা সত্য নয়, ঈশ্বরের আজ্ঞা সত্য। পূর্বে পরিষ্কাররূপে বলা হইয়াছে যে, সকল জন্তের হস্তা ঈশ্বর। কিন্তু তাঁহার নামের বিশেষ গুণ আছে। যে জন্তকে তাঁহার নামযোগে জন্ত করা হইয়াছে, তাহাই বৈধ; তন্নিমিত্ত যাহা মরিয়াছে, তাহা অবৈধ শব্দ। এই কয়েক আয়াতে এই ভাব ব্যক্ত হইয়াছে। (ত, কা,

বাহার উপর ঈশ্বরের নাম উচ্চারিত হইয়াছে, তোমরা তাহা ভক্ষণ করিবে না, এবং তোমাদের সম্বন্ধে বাহা তদ্বিষয়ে নিরুপায় হওয়া-বাত্তিয়াকে অবৈধ, নিশ্চয় তাহা তিনি বিস্তারিত বর্ণন করিয়াছেন; এবং একান্তই বহু লোক অজ্ঞানতাবশতঃ স্বেচ্ছামুসারে পথভ্রান্ত হইয়াছে, নিশ্চয় তোমার সেই প্রতিপালক সীমালঙ্ঘনকারীদিগকে উত্তম জ্ঞাত। ১২০। তোমরা পাপের বাহির ও তাহার অন্তরকে পরিত্যাগ কর; * নিশ্চয় বাহার পাপ উপার্জন করে, তাহারা বাহা করিতেছে, অবশ্য আমি তদনুরূপ প্রতিকল দান করিব। ১২১। এবং বাহার উপর ঈশ্বরের নাম উচ্চারিত হয় নাই, তোমরা তাহা ভক্ষণ করিও না, নিতান্তই উহা অধর্ম; নিশ্চয় শয়তান তাহার বন্ধুদিগের প্রতি আদেশ করিয়া থাকে, যেন তাহারা তোমাদের সঙ্গে বিরোধ করে; যদি তোমরা তাহাদের অনুগামী হও, তবে একান্তই তোমরা অংশিবাদী হইবে। ১২২। (র, ১৪, আ, ১১)

ভাল, যে ব্যক্তি মরিয়াছিল, পরে তাহাকে আমি জীবন দিয়াছি, এবং তাহার জন্ত জ্যোতি উৎপাদন করিয়াছি; সে তৎসাহায্যে মহা অন্ধকারে আছে ও তৎসাহায্যে তাহা হইতে বহির্গামী হয় না যে ব্যক্তি, তৎসদৃশ লোকের মধ্যে সে বিচরণ করে; এইরূপ কাকেরদিগের জন্ত, তাহারা বাহা করিতেছিল, তাহা সজ্জিত করা হইয়াছে। ১২৩। এবং

* তাহাই ব্যক্ত পাপ, বাহা অঙ্গ-প্রত্যঙ্গ-যোগে কৃত হয়। শুণ্ড পাপ তাহা, বাহা চিন্তাতে হয়। হকারেক:সলাম নামক গ্রন্থে উল্লিখিত হইয়াছে যে, সাংসারিক হৃৎ অবেষণ করা ব্যক্ত পাপ, এবং পারলৌকিক হৃৎের প্রতি অনুরাগী হওয়া শুণ্ড পাপ। এই দুই কারণেই লোকের ঈশ্বরবিচ্যুতি হয়। কিংবা ব্যক্ত পাপ ইঞ্জিরযোগে মানবীয় প্রবৃত্তির চরিতার্থতা-সাধনে অনুরক্ত হওয়া এবং শুণ্ড পাপ অন্তরে নিকৃষ্ট কামনার প্রতি ঐতি হাসন করা। তাহাই ব্যক্ত পাপ, যে পাপ লোকে জানিতে পারে; তাহাই শুণ্ড পাপ, বাহা ঈশ্বর ও সেই পাপী মনুষ্যই জানে, অজ্ঞে জ্ঞাত নহে। প্রকৃতপক্ষে ব্যক্ত পাপ কু কথ্য ও কু কার্য্য, বাহা অঙ্গ-প্রত্যঙ্গ-যোগে উপাঞ্জিত হয়, শুণ্ড পাপ মনের অসাধু উদ্ভোগ ও মন্দ বিশ্বাস। বহরোল্ হকারেক উল্লিখিত হইয়াছে যে, মানুষের দুই বিভাগ, বাহির ও অন্তর, বহির্ভাগ শরীর। আন্তরিক পাপের প্রকাশ কুসভাবানুযায়ী বিধি-বিরুদ্ধ বাক্য ও কার্য্যে হয়। বাহার অন্তর পশুপক্ষি-বিশিষ্ট, তাহার বাক্য ও কার্য্যে সেইভাবে প্রকাশ হইয়া পড়ে। (ত, হো,)

+ এই আরত হামজা ও আবুহলহলের সম্বন্ধে অথবা ওমরকারক ও আবুহলহলের সম্বন্ধে অবতীর্ণ হইয়াছিল। যে দিন দুরাঙ্গা আবুহলহল হজরতের প্রতি ভয়ানক অত্যাচার করিয়াছিল, সে দিবস তাহার পিতৃব্য হামজা যুগ্মায় গিয়াছিলেন। তিনি গৃহে প্রত্যাগমনপূর্ব্বক অত্যাচারবৃত্তান্ত অবগত হইয়া অত্যন্ত ক্রুদ্ধ হন ও আবুহলহলের মস্তক শর দ্বারা বিদ্ধ করেন, এবং স্বয়ং কলেমা পড়িয়া এসলাম ধর্মে দীক্ষিত হন। অতএব ধর্ম-জ্যোতিতে হামজা জীবিত এবং আবুহলহল পাপাঙ্ককারে আচ্ছন্ন। দ্বিতীয়তঃ ওমরকারক ও আবুহলহল হজরতকে অপমান ও উৎপীড়ন করিতে অগ্রণী ছিলেন। হজরত ঈশ্বরের মনের পরিবর্তনের জন্ত প্রার্থনা করেন। তাহার প্রার্থনা কাকের সম্বন্ধে গৃহীত হয়। অতএব ওমরকারক জ্যোতিমান এবং আবুহলহল তিমিরাবৃত থাকে। (ত, হো,)

উপরে বৃত্তার উল্লেখ হইয়াছে। কাকেরদিগের প্রতিও সেই দৃষ্টান্ত প্রদর্শিত হইল। অর্থাৎ প্রথমতঃ অজ্ঞানতাবশতঃ সকলে দ্বত ছিল, পরে বিশ্বাসী হইয়া জীবিত হইল, এবং জ্যোতি লাভ

এইরূপ আমি প্রত্যেক গ্রামে তথাকার প্রধান পাপাচারীদিগকে স্বজন করিয়াছি, যেন তথায় তাহারা প্রবঞ্চনা করিতে থাকে ; কিন্তু নিজের জীবনের প্রতি প্রবঞ্চনা বৈ করে না, এবং (তাহা) বুঝিতেছে না । ১২৪ । এবং যখন তাহাদের নিকটে কোন নিদর্শন উপস্থিত হয়, তাহারা বলে যে, ঈশ্বরের প্রেরিতদিগকে যাহা প্রদত্ত হইয়াছে, যে পর্যন্ত আমরাদিগকে তৎসদৃশ প্রদত্ত না হয়, আমরা কখনও বিশ্বাস স্থাপন করিব না ; কোন স্থানে স্বীয় প্রেরিত স্বাপন করিতে হয়, পরমেশ্বর তাহা উত্তম জ্ঞাত আছেন । যাহারা পাপ করিয়াছে, অবশ্য তাহারা ঈশ্বরের নিকটে অপমানিত, এবং প্রতারণা করিতেছে বলিয়া কঠিন শাস্তিগ্রস্ত হইবে । ১২৫ । পরন্তু পরমেশ্বর যাহাকে ইচ্ছা হয়, তাহাকে পথ প্রদর্শন করিয়া থাকেন, এসলাম ধর্মের জন্ত তাহার হৃদয়কে প্রশস্ত করেন, এবং যাহাকে ইচ্ছা হয়, তাহাকে বিভ্রান্ত করিয়া থাকেন, তাহার হৃদয়কে অতি সঙ্কীর্ণ করেন, তাহারা যেন আকাশে উঠিতে থাকে * । এই প্রকার ঈশ্বর অবিশ্বাসীদিগের প্রতি অশুভতা স্থাপন করেন । ১২৬ । এই (এসলাম ধর্ম) তোমার প্রতিপালকের সরল পথ, নিশ্চয় আমি, উপদেশ গ্রহণ করে, এমন সম্প্রদায়ের জন্ত আয়ত সকল বিস্তৃত ভাবে ব্যক্ত করিয়াছি । ১২৭ । তাহাদের নিমিত্ত তাহাদের প্রতিপালকের সন্নিধানে শাস্তিনিকেতন আছে, এবং তাহারা যাহা করিতেছে, তাহার জন্ত তিনি তাহাদিগের বন্ধু হন । ১২৮ । এবং যে দিবস তিনি তাহাদের সকলকে একত্র করিবেন, (বলিবেন,) “হে দৈত্যদল, নিশ্চয় তোমরা বহু লোককে প্রাপ্ত হইয়াছ ;” এবং তাহাদের বন্ধু মানবগণ বলিবে, “হে আমাদের প্রতিপালক, আমরা এক অল্প জন হইতে পরস্পর ফলভোগ করিয়াছি, এবং যাহা তুমি আমাদের জন্ত নির্ধারিত করিয়াছ, আমরা নিজের সেই নির্দিষ্ট কালে উপনীত হইয়াছি ।” তিনি বলিবেন, “ঈশ্বর যাহা চাহেন, তাহা ব্যতীত তোমাদের স্থান অগ্নিতে, তাহাতে চিরকাল থাকিবে ।” নিশ্চয় তোমার প্রতিপালক নিপুণ ও জ্ঞাত * । ১২৯ । এবং এইরূপে আমি অত্যাচারীদিগের এক জনকে অপর জনের উপর, তাহারা যাহা করিতেছিল, তজ্জন্ত প্রবল করিয়া থাকি । ১৩০ । (র. ১৫, আ, ৮)

করিল । সকলেই তাহাদের মুখমণ্ডলে বিশ্বাসের জ্যোতিঃ দর্শন করিয়াছিল । যাহারা বিশ্বাস লাভে বঞ্চিত হইয়াছিল, তাহারা অন্ধকারে পতিত ছিল । (ত, ফা,)

* তাহারা সত্য গ্রহণ না করিয়া যেন আকাশে পলায়ন করে, অর্থাৎ অতিশয় দূরে চলিয়া যায় । (ত, হো,)

† যখন ঈশ্বর তাহাদের সকলকে একত্র করিবেন, অর্থাৎ দৈত্য ও মনুষ্যদিগকে একত্র করিবেন, তখন তিনি বলিবেন, “দৈত্যগণ, তোমরা অনেক মনুষ্যকে ভুলাইয়া অধীন করিয়া রাখিয়াছ ।” সেই অহরহদের অশুভ মানবগণ বলিবে, “পরমেশ্বর, আমরা পরস্পর ফল লাভ করিয়াছি ।” অর্থাৎ মনুষ্যেরা দৈত্য দ্বারা এই ফলভোগ করিয়াছে যে, তাহাদের নিকৃষ্ট প্রযুক্তি চরিতার্থ হইয়াছে, এবং দৈত্যগণ মনুষ্য দ্বারা এই ফল লাভ করিয়াছে যে, তাহাদিগকে আপনাদের অশুভ দাস করিয়া লইয়াছে । পরন্তু তাহারা বলিবে, “পরমেশ্বর, তুমি আমাদের জন্ত যাহা নির্দিষ্ট করিয়াছিলে, অর্থাৎ

হে দানব ও মানবদল, তোমাদের নিকটে আমার নিদর্শন সকল ব্যক্ত করিতে এবং তোমাদের এই দিনের সাক্ষাৎকারসম্বন্ধে তোমাদিগকে ভয় প্রদর্শন করিতে, তোমাদিগের মধ্য হইতে কি তোমাদের সমীপে প্রেরিত পুরুষ আগমন করে নাই ? * তাহারা বলিবে, “আপন জীবনসম্বন্ধে আমরা সাক্ষ্য দান করিয়াছি;” তাহাদিগকে পার্থিব জীবন প্রত্যাহার করিয়াছিল ও তাহারা স্বীয় জীবনসম্বন্ধে সাক্ষ্য দান করিয়াছিল যে, তাহারা কাকের ছিল ঃ। ১৩১। ইহা (ধর্মপ্রবর্তকপ্রেরণ) এই জ্ঞাত যে, কখনও তোমার প্রতিপালক অত্যাচার দ্বারা গ্রাম সকলের ও তন্নিবাসীদিগের উদাসীন্যাবস্থায় বিনাশক নহেন। ১৩২। প্রত্যেকের জ্ঞাত, তাহারা যাহা করিয়াছে, তন্নিমিত্ত উন্নত পদ সকল আছে ও তাহারা যাহা করিয়া থাকে, তদ্বিষয়ে তোমার প্রতিপালক উদাসীন নহেন। ১৩৩। এবং তোমার প্রতিপালক ঈশ্ব্যবান্ ও দয়াবান্ ; যদি তিনি ইচ্ছা করেন, তোমাদিগকে দূর করিবেন, এবং যাহাকে ইচ্ছা তাহাকে তোমাদের পরে স্থলবর্তী করিবেন, যেমন অগ্নি সম্প্রদায়ের সন্তানগণ হইতে তোমাদিগকে উৎপাদন করিয়াছেন। ১৩৪। নিশ্চয় যাহা তোমাদিগকে অঙ্গীকার করা যাইতেছে, তাহা অবশ্য উপস্থিত হইবে, এবং তোমরা (ঈশ্বরের) পরাভবকারী নও। ১৩৫। তুমি বল, হে আমার সম্প্রদায়, তোমরা স্বীয় অবস্থানুযায়ী কার্য্য করিতে থাক, নিশ্চয় আমিও কার্য্যকারক ; অবশেষে অবশ্য তোমরা জানিতে পাইবে, কোন্ ব্যক্তি যে তাহার জ্ঞাত পারলৌকিক নিকেতন হইবে। নিশ্চয় অত্যাচারিগণ মৃত হইবে না ঃ। ১৩৬। এবং তাহারা ক্ষেত্র ও গ্রাম্যপশু হইতে যাহা উৎপাদন করিয়াছে, তাহার অংশ পরমেশ্বরের জ্ঞাত রাখিয়াছে ; পরে আপন মনে মনে বলিয়াছে যে, ইহা ঈশ্বরের জ্ঞাত এবং ইহা আমাদের অংশীদিগের (প্রতিমাদিগের) জ্ঞাত। পরন্তু যাহা অংশীদের জ্ঞাত হইয়াছে, পরে তাহা ঈশ্বরের প্রতি প্রবর্তিত হয় না, এবং যাহা ঈশ্বরের নিমিত্ত, পরে তাহা তাহাদের অংশীদিগের প্রতি প্রবর্তিত হয় ; তাহারা যাহা

কবর হইতে উত্থানের যে সময় নির্দ্ধারিত করিয়াছিল, সেই সময়ে এক্ষণ আমরা সমুৎপাদিত হইয়াছি, আমাদের দশা কি হইবে ? ” ঈশ্বর যাহা চাহেন, তাহা ব্যতীত ” অর্থাৎ ঈশ্বর ইচ্ছা করিলে সেই শাস্তি নিবারণ করিতে পারেন। (ত, হো,)

* কথিত আছে যে, দানব জাতি হইতেও তাহাদের মধ্যে প্রেরিতপুরুষের অভ্যুদয় হইয়াছিল। অনেক দানব প্রেরিতদিগকে নজর বলে, তাহারা দানবকুলে মনুষ্যপ্রেরিতপুরুষগণ হইতে প্রেরিত। যথা, হজরত মোহাম্মদ হইতে সাত জন দানব ধর্ম্মালোক লাভ করিয়া স্বজাতির নিকটে তাহা প্রচার করিয়াছিলেন। (ত, হো,)

† “আপন জীবনসম্বন্ধে আমরা সাক্ষ্যদান করিয়াছি,” অর্থাৎ আমাদের ধর্ম্মপ্রোহিতা স্বীকার করিতেছি, এবং আমরা যে শাস্তি পাইবার উপযুক্ত, স্বীকার করিয়াছি। (ত, হো,)

‡ এক্ষণই তোমরা বুঝিতে পার, কোন্ দিকে সংসারের গতি, এবং পরিজ্ঞান-সম্পৎ কে লাভ করিবে ? দেখ, দীন দুর্বলগণ গৌরবের নিকেতনে কেমন আহুত এবং ধনশালী প্রভুগণ কেমন লাঞ্ছনার কারাগারে প্রেরিত হইতেছে। (ত, হো,)

নিষ্পত্তি করে, তাহা অকল্যাণ * । ১৩৭ । এবং এইরূপ অংশিবাদীদিগের অধিকসংখ্যকের জন্ত তাহাদের অংশিগণ তাহাদের সম্মানগণের হত্যা সজ্জিত করিয়াছিল, তাহাতে তাহাদিগকে বিনাশ করে, এবং তাহাতে তাহাদের ধর্ম তাহাদের সম্মুখে মিশ্রিত করে ; এবং যদি ঈশ্বর চাহিতেন, তাহারা তাহা করিত না । অতএব তাহাদিগকে ও তাহারা যাহা প্রবর্তন করিতেছে, তাহা পরিত্যাগ করে † । ১৩৮ । এবং তাহারা বলে যে, “এই চতুষ্পদ সকল ও ক্ষেত্র নিষিদ্ধ, যাহা আমরা আপন অন্তরে ইচ্ছা করি, তাহা ব্যতীত ভক্ষণ করি না ;” কিন্তু এক চতুষ্পদ (আরোহণের জন্ত) যাহার পৃষ্ঠ ও (কোরবানীর) চতুষ্পদ যাহার উপর ঈশ্বরের নাম উচ্চারিত হয় নাই, অসত্যারোপ হইয়াছে বলিয়া নিষিদ্ধ ; তাহারা যে অসত্যারোপ করিতেছে, তজ্জন্ত অবশ্য তাহাদিগকে প্রতিফল প্রদান করা হইবে ‡ । ১৩৯ । এবং তাহারা বলিয়াছে যে, “এই চতুষ্পদের গর্ভে যাহা আছে, তাহা আমাদের পুরুষদিগের জন্ত বৈধ, এবং আমাদের নারীগণের সম্মুখে অবৈধ ; কিন্তু যদি মরিয়া যায়, তবে তাহারা তাহাতে অংশী ।” অবশ্য তিনি তাহাদের কথার প্রতিফল তাহাদিগকে দিবেন, নিশ্চয় তিনি নিপুণ ও জ্ঞাতা § । ১৪০ । যাহারা নিবুদ্ধিতা ও অজ্ঞানতাবশতঃ আপন সম্মানদিগকে হত্যা করিয়াছে, সতাই তাহারা ক্ষতিগ্রস্ত হইয়াছে ; এবং তাহারা ঈশ্বরের প্রতি অসত্যারোপ করতঃ, ঈশ্বর তাহাদিগকে যাহা উপজীবিকা

* কাকেরগণ ঈশ্বরের জন্ত ও প্রতিমার জন্ত শস্য-ক্ষেত্র হইতে ও পশুশাবক হইতে কিছু অংশ উৎসর্গ করিত । পরে ঈশ্বরের নামে উৎসর্গীকৃত কোন পশুকে উৎকৃষ্টতর দেখিলে প্রতিমার নিকট পশুর সঙ্গে বিনিময় করিত, কিন্তু প্রতিমার জন্ত উৎসর্গীকৃত উত্তম পশুকে পরমেশ্বরের নিকট পশুর সঙ্গে বিনিময় করিত না । যেহেতু তাহারা ঈশ্বরোপেক্ষা প্রতিমাকে অধিক ভয় করিত ; পরন্তু স্বার্থও তদ্রূপ বিনিময়ের অন্তর কারণ ছিল । প্রতিমার উদ্দেশ্যে যে পশু বলিদান হইত, তাহার মাংস প্রসাদরূপে তাহারা পাইত ; ঈশ্বরোদ্দেশ্যে বলিপ্রদত্ত পশু ভিক্ষুকগণ গ্রহণ করিত । (ত. ফা,)

† শয়তান যেমন কুকর্মে সজ্জিত করে, এইরূপ অংশিবাদীদিগের চক্ষে তাহাদের সম্মানগণের হত্যা তাহাদের উপাস্ত দেবতাগণ বা পুরোহিতগণ সজ্জিত করিয়াছিল । তখন তাহারা তাহাদিগকে বিনাশ করে, অর্থাৎ তখন তাহারা অংশিবাদীদিগকে বিপথগামী করে ; এসময়িলের ধর্ম যে তাহারা আশ্রয় করিয়াছিল, তাহা তাহাদের নিকটে মিশ্রিত বিকৃত করে । (ত. হো,)

‡ এই চতুষ্পদ সকল ও ক্ষেত্র নিষিদ্ধ, অর্থাৎ ঈশ্বরোদ্দেশ্যে উৎসর্গীকৃত যে সকল পশু ও শস্য-ক্ষেত্র, তাহা গ্রহণে নিষেধ । এস্থলে অসত্যারোপ হওয়ার অর্থ, প্রতিমার নামে বলিদান করা । (ত. হো,)

§ কাকেরদিগের এই এক নিয়ম ছিল যে, কোন পশুকে জত করার পর তাহার উদর হইতে জীবিত শাবক নির্গত হইলে পুরুষেরা তাহা ভক্ষণ করে, স্ত্রীলোকদিগের সেই শাবকের মাংস খাইবার অধিকার ছিল না । মৃত শাবক বাহির করা হইলে স্ত্রী পুরুষ সকলে তাহা ভক্ষণ করিত । এই রীতি অত্যন্ত দুষিত । ইসলাম ধর্মে স্ত্রী পুরুষের মধ্যে প্রভেদ নাই । শাবক জীবিত বাহির হইলে তাহাকে জন্ত করিলেই বৈধ হয়, জন্ত ব্যতীত তাহা শবতুল্য অবৈধ । মৃত শাবক গর্ভচ্যুত হইলে এমাম আজমের মতে তাহা অশাস্ত । (ত. ফা,)

দিয়াছেন, তাহা অবৈধ করিয়াছে। সত্যই তাহার বিপথগামী হইয়াছে ও সংপথগামী হয় নাই *। ১৪১। (র, ১৬, আ, ১১)

এবং তিনিই যিনি সমুখাপিত ও অসমুখাপিত উজ্জান সকল † এবং খোন্দাতক ও শস্তক্ষেত্র যাহার খাজা বিভিন্ন এবং জয়তুন ও পরস্পর সদৃশ ও অসদৃশ দাড়িষ সৃষ্টি করিয়াছেন; তাহা যখন ফলবান হয়, তাহার ফল ভোগ কর, এবং তাহার (শস্তের) কর্তন করিবার দিন তাহার স্বত্ব (সেদকা বা জকাত) প্রদান কর, এবং অহুচিত ব্যয় করিও না; নিশ্চয় তিনি অপব্যয়ীদিগকে প্রেম করেন না ‡। ১৪২। + এবং তিনি ভারবাহক ও ভূমিশায়ী চতুষ্পদদিগকে (স্বজন করিয়াছেন;) § ঈশ্বর তোমাদিগকে যাহা উপক্ৰীভিকারূপে দিচ্ছিলেন, তাহা ভক্ষণ কর ও শয়তানের পদের অহুসরণ করিও না, নিশ্চয় সে তোমাদের স্পষ্টশত্রু। ১৪৩। + আট জোড়া (পশু স্বজন করিয়াছেন,) দুই জোড়া মেষ এবং দুই জোড়া ছাগ; বল (হে মোহম্মদ,) তিনি কি এই দুই পুং পশুকে বা এই দুই স্ত্রী পশুকে কিবা এই দুই স্ত্রী পশুর জরায়ু যাহার উপর সংলগ্ন হইয়াছে, তাহাকে অবৈধ করিয়াছেন? || যদি তোমরা সত্যবাদী হও, জ্ঞানানুসারে আমাকে সংবাদ দান কর। ১৪৪। + এবং দুই (জোড়া) উষ্ট্র ও দুই (জোড়া) গো (স্বজন করিয়াছেন;) বল, তিনি কি এই পুং পশুদ্বয়কে বা এই স্ত্রী পশুদ্বয়কে অথবা এই স্ত্রী পশুদ্বয়ের জরায়ু যাহার উপর সংলগ্ন হইয়াছে, তাহাকে অবৈধ করিয়াছেন? যখন ঈশ্বর এ বিষয়ে তোমাদিগকে অনুশাসন করিয়াছিলেন, তখন তোমরা কি উপস্থিত ছিলে? অবশেষে অজ্ঞানতাপ্রযুক্ত মনুষ্যদিগকে বিপথগামী করিতে যে ব্যক্তি ঈশ্বরসম্মুখে

* রবর ও মজর জাতি ও অন্ত কোন কোন আরব্য জাতি স্বীয় শিশুকন্যাদিগকে জীবিতাবস্থায় কবরে স্থাপন করিত। যৌবনকালে তাহাদের বিবাহ দিতে অধিক ব্যয় বিধান করিতে হইবে, এই ভয়েই কন্যাহত্যার একটি প্রবল কারণ। বিশেষতঃ আরব্য জাতির মধ্যে হত্যা ও লুণ্ঠনাদি নিষ্ঠুর কাজ সচরাচর প্রচলিত ছিল। (ত, হো,)

† মনুষ্য যে উজ্জানকে বহুস্তে স্থাপন করিয়াছে, তাহা সমুখাপিত উজ্জান; যে সকল বৃক্ষ পর্বতাদিতে স্বতঃ উৎপন্ন হইয়াছে, তাহা অসমুখাপিত। (ত, হো,)

‡ শস্তকর্তন ও কলাহরণের সময়েই সেদকা অর্থাৎ দরিদ্রদিগকে দান করিবে, জকাত অর্থাৎ উপার্জিত বস্তুর চল্লিশভাগের একভাগ ধর্মার্থ দান করিবে, বিলম্ব করিবে না। কেহ কেহ বলেন, জকাতের বিধি মদিনাতে হইয়াছিল, এই আয়ত মক্কাতে অবতীর্ণ হয়; অতএব ইহা জকাত সম্বন্ধীয় নহে, সেদকা সম্বন্ধীয়। কবলের পুত্র সাবেরের প্রায় পাঁচশত খোন্দা তরু ছিল। তিনি সেই সকল বৃক্ষের সমুদায় খোন্দা সেদকা দিয়াছিলেন, কিছুই রাখেন নাই। তাহাতেই অমুক্তি ব্যয় করিও না, এই আদেশ হয়। (ত, হো,)

§ ভারবাহক পশু উষ্টাদি বৃহৎ পশু, ভূমিশায়ী পশু ছাগ বেবাদি ক্ষুদ্র পশু, বাহাদিগকে জন্ত করিবার জন্ত ভূতলে নিক্ষেপ করিতে হয়। (ত, হো,)

|| একটি পুং পশু, একটি স্ত্রী পশু, এই দুইয়ে একজোড়া।

অসত্য বন্ধন করে, তাহা অপেক্ষা অধিক অত্যাচারী কে ? নিঃসন্দেহ ঈশ্বর অত্যাচারী সম্প্রদায়কে পথ প্রদর্শন করেন না * । ১৪৫ । (র, ১৭, আ, ৪)

বল, (হে মোহম্মদ,) যে বস্তু সন্মুখে আমার প্রতি প্রত্যাশা হইয়াছে, তাহা শব্দ অথবা নিঃস্বত-শোণিত কিম্বা বরাহমাংস, এতদ্ব্যতীত যাহা, তদ্ব্যক্কে কোন ভক্ষকের প্রতি আমি নিবেদন প্রাপ্ত হই নাই ; পরন্তু নিশ্চয় তাহা (শবাদি) মন্দ দ্রব্য, কিম্বা যাহার উপর ঈশ্বর ব্যতীত (অন্তের) নাম গৃহীত হইয়াছে, তাহা অশুদ্ধ ; কিন্তু যে ব্যক্তি (ক্ষুধায়) অবসন্ন হইয়া পড়ে, অমিতাচারী ও অত্যাচারী নয়, (তাহার পক্ষে বিধি ।) পরন্তু নিশ্চয় তোমার প্রতিপালক ক্ষমাশীল ও দয়ালু । ১৪৬ । এবং ইহুদিদিগের প্রতি সমুদায় নথযুক্ত জন্তকে আমি অবৈধ করিয়াছি, এবং গো ও ছাগের বসা, যাহা ইহাদের পৃষ্ঠ বা অস্ত্র বহন করিতেছে কিংবা যাহা অস্থির সঙ্গে সংযুক্ত, তদ্ব্যতীত তাহাদের প্রতি অবৈধ করিয়াছি ; ইহা আমি তাহাদের অবাধ্যতার জন্ত তাহাদিগকে প্রতিফল দান করিয়াছি এবং নিশ্চয় আমি সত্যবাদী † । ১৪৭ । অনন্তর যদি তোমাকে মিথ্যাবাদী বলে, তবে বল, তোমাদের প্রতিপালক পরম দয়ালু ; কিন্তু অপরাধী দল হইতে তাঁহার দণ্ড নিবারিত হয় না । ১৪৮ । অবশ্য অংশিবাদিগণ বলিবে যে, “ঈশ্বর যদি ইচ্ছা করিতেন, আমরা অংশী নির্ধারণ করিতাম না ও আমাদের পিতৃপুরুষগণও করিত না, এবং আমরা কিছুই অবৈধাচরণ করিতাম না ;” এইরূপ তাহাদের পূর্ববর্তী লোকেরা আমার শাস্তির আশ্বাদ গ্রহণ করা পর্যন্ত অসত্যারোপ করিয়াছে । তুমি বল, তোমাদের নিকটে কি কোন জ্ঞান আছে ? তবে তাহা আমাদের জন্ত প্রকাশ কর ; তোমরা অহুমান ব্যতীত অহুসরণ কর না ও তোমরা মিথ্যাবাদী ভিন্ন নও । ১৪৯ । বল, অবশেষে ঈশ্বরের জন্ত

* মালেকের পুত্র ‘অওক হজরতের নিকটে যাইয়া বলিয়াছিল, “হে মোহম্মদ, আমাদের পিতৃপুরুষগণ যে বস্তু অবৈধ করিয়াছিলেন, এ কি তুমি যে তাহা বৈধ করিলে ?” হজরত বলিলেন, “তোমাদের পিতৃগণ যাহা অবৈধ করিয়াছেন, তাহা অবৈধ নহে ।” অওক বলিল, “ঈশ্বর অবৈধ করিয়াছেন ।” তাহাতেই এই আরত অবতীর্ণ হয় । হজরত বলেন, “ঈশ্বর আট জোড়া পশুকে উপকার লাভ ও ভক্ষণের জন্ত সৃজন করিয়াছেন । তোমরা তাহার কোন কোনটিকে বহিয়া, সায়বা ও উসিলা এবং হাম নির্ধারিত করিয়া অবৈধ বলিতেছ । ভাল এই অবৈধতা পুং পশুর সন্মুখে প্রথম হইতে হইয়াছে, না, স্ত্রীপশুর সন্মুখে প্রথম হইতে হইয়াছে ?” অওক নিরুত্তর হইয়া রহিল । তৎপর তিনি বলিলেন, “যদি বল পুং পশুর জন্তই নিবেদন, তবে সমুদায় পুং পশু নিষিদ্ধ হওয়া উচিত । এইরূপ যদি স্ত্রী পশুর জন্ত নিবেদন হয়, তবে সমুদায় স্ত্রী পশু নিষিদ্ধ । যদি গর্ভের সংশ্রব বলিয়া অবৈধ হয়, তবে গর্ভস্থ স্ত্রী পুং সমুদায় শাবকই অবৈধ ।” হজরত ইহা বলিয়া অওককে জিজ্ঞাসা করিলেন, “তুমি কেন কিছুই বলিতেছ না ?” সে বলিল, “তুমি বল, আমি শুনিব ।” তাহাতে তিনি “ঈশ্বরের সন্মুখে যে ব্যক্তি অসত্য বন্ধন করে” ইত্যাদি এই আরতের শোষণ তাহার নিকটে ব্যক্ত করেন । (ত, হো,)

† হিংস্র পশু ও পক্ষী এই সকল নথযুক্ত জন্ত এবং উষ্ট্র ইহুদিদিগের সন্মুখে অবৈধ । গো ছাগের উদরস্থ বসা তাহাদের অভক্ষ্য । কেবল যে সকল বসা ভিতরে বা বাহিরে, পৃষ্ঠে ও পার্শ্বদেশে সংযুক্ত এবং যাহা অস্ত্র ও অস্থির সঙ্গে সংযুক্ত, তাহা তাহাদের পক্ষে বৈধ । (ত, হো,)

পূর্ণ প্রমাণ আছে ; প্ররক্ত যদি ঈশ্বর চাহিতেন, তোমাদিগকে একত্র পথ প্রদর্শন করিতেন। ১৫০। যাহারা সাক্ষ্য দান করিতেছে যে, ঈশ্বর ইহা অবৈধ করিয়াছেন, তাহাদিগকে বল, তোমরা আপন সাক্ষ্য উপস্থিত কর ; অতঃপর (হে মোহাম্মদ,) যদি তাহারা সাক্ষ্য দান করে, তুমি তাহাদের সঙ্গে সাক্ষ্য দান করিও না ও যাহারা আমার নিদর্শন সকলের প্রতি অসত্যারোপ করিয়াছে, এবং যাহারা পরলোকে বিশ্বাস করে না, তুমি তাহাদের ইচ্ছার অনুসরণ করিও না, তাহারা স্বীয় প্রতিপালকের সঙ্গে অংশী স্থাপন করে *। ১৫১। (র, ১৮, আ, ৬)

বল, তোমরা এস, তোমাদের প্রতিপালক তোমাদের প্রতি যাহা অবৈধ করিয়াছেন, পাঠ কর, যথা ;—“তাহার সঙ্গে কোন বস্তুকে অংশী নির্ধারণ করিও না ও পিতামাতার প্রতি সদাচরণ করিও, এবং দরিদ্রতা প্রযুক্ত আপন সম্বানদিগকে বধ করিও না ; আমি তোমাদিগকে ও তাহাদিগকে জীবিকা দান করিতেছি ; এবং যাহা প্রকাশ্য কুক্রিয়া ও যাহা গুপ্ত, তাহার নিকটবর্তী হইও না, ত্রায়েৰ অনুৰোধ ব্যতিরেকে কোন ব্যক্তিকে হত্যা করিও না।” ঈশ্বর যাহা অবৈধ করিয়াছেন ইহাই, এতদ্বারা তিনি তোমাদিগকে উপদেশ দিয়াছেন, ভরসা যে, তোমরা হৃদয়ঙ্গম করিবে। ১৫২। যে পর্য্যন্ত স্বীয় যৌবন অবস্থা প্রাপ্ত নহে, সে পর্য্যন্ত যাহাতে উপকার হইয়া থাকে, সেই ভাবে ভিন্ন নিরাশ্রয়ের সম্পত্তির নিকটবর্তী হইও না ; এবং ত্রায়াহুসারে তুল ও পরিমাণ পূর্ণ করিও ; আমি কোন ব্যক্তিকে তাহার ক্ষমতার অতীত ক্লেস দান করি না, এবং যখন তোমরা কথা কহিবে, স্বগণ হইলেও (তাহার পক্ষে) ত্রায়াচরণ করিও, এবং ঈশ্বরের অঙ্গীকারকে পূর্ণ করিও ; ইহাই, এতদ্বারা তিনি তোমাদিগকে উপদেশ দিয়াছেন, ভরসা যে, তোমরা উপদেশ গ্রাহ্য করিবে। ১৫৩।+ এবং (বলিয়াছেন,) ইহাই আমার সরল পথ, অতএব ইহার অনুসরণ কর ; বহুপথের অনুসরণ করিও না, তবে তাহা তোমাদিগকে তাহার পথ হইতে বিচ্ছিন্ন করিবে। ইহাই, এতদ্বারা তিনি তোমাদিগকে উপদেশ দিয়াছেন, ভরসা যে, তোমরা ধৰ্ম্মভীরু হইবে। ১৫৪। অতঃপর (বলিতেছি,) যাহারা সংকৰ্ম্ম করে, তাহাদের প্রতি (সম্পদ) পূর্ণ করিতে ও সমুদায় বিষয় এবং উপদেশ ও কৰুণা বিস্তারিত ব্যক্ত করিতে আমি মুসাকে গ্রন্থ দান করিয়াছি ; ভরসা যে, তাহারা আপন পরমেশ্বরের সঙ্গে সন্মিলনবিষয়ে বিশ্বাস স্থাপন করিবে। ১৫৫। (র, ১৯, আ, ৪)

* অৰ্থাৎ আজ্ঞা প্রচার ও সাক্ষ্যদানাদিতে আত্মীয় স্বজনের পক্ষপাতী হইও না। (ত, হো.)

+ সমুদয়ের পুত্র আবদোলা বলিয়াছেন যে, একদা হজরত আমার জন্ম একটি রেখা টানিয়া বলিয়াছিলেন, “ইহা ঐশ্বরিক সরল পথ।” তৎপর সেই রেখার দক্ষিণে ও বামে কতকগুলি রেখা টানিয়া বলিয়াছিলেন যে, “এই সকল পথের প্রত্যেক পথ এক এক দৈত্যের অধীনে। তাহারা লোকদিগকে এই সমস্ত পথ আশ্রয় করিবার জন্ত আহ্বান করে।” ইহা বলিয়াই তিনি এই আয়ত পাঠ করেন। (ত, হো.)

এবং এই এক গ্রন্থ (কোব্-আন), ইহাকে আমি উন্নতিবিধায়করূপে অবতারণ করিয়াছি ; অতএব ইহার অনুসরণ কর ও ধর্মভীরু হও ; ভরসা যে, তোমরা দয়া প্রাপ্ত হইবে। ১৫৬। + (হে আরবীয় লোক, এরূপ না হউক,) তোমরা যে বলিবে, আমাদের পূর্ববর্তী দুই সম্প্রদায়ের প্রতি ভিন্ন গ্রন্থ অবতারিত হয় নাই, বস্তুতঃ তাহাদের অধ্যয়নে আমরা অনবগত ছিলাম *। ১৫৭। + অথবা যে বলিবে, যদি আমাদের প্রতি গ্রন্থ অবতারিত হইত, তবে অবশ্য তাহাদিগের অপেক্ষা আমরা সংপথগামী হইতাম ; পরন্তু সত্যই তোমাদের প্রতিপালক হইতে তোমাদের প্রতি প্রমাণ, উপদেশ ও দয়া উপস্থিত হইয়াছে। যে ব্যক্তি ঈশ্বরের নিদর্শন সকলের প্রতি অসত্যারোপ করিয়াছে ও তাহা হইতে বিমুখ হইতেছে, অবশেষে কে তাহা অপেক্ষা অধিকতর অত্যাচারী ? অবশ্য যাহারা আমার নিদর্শন সকলকে অগ্রাহ্য করিতেছে, অগ্রাহ্য করিতেছে হেতু আমি তাহাদিগকে কুৎসিত শাস্তি দান করিব। ১৫৮। দেবতাগণ তাহাদের নিকটে আগমন করুক, অথবা তোমার প্রতিপালক আগমন করুন, কিম্বা তোমার প্রতিপালকের অপর কোন নিদর্শন উপস্থিত হউক, ইহা ব্যতীত তাহারা প্রতীক্ষা করে না ; যে দিবস তোমার প্রতিপালকের কোন নিদর্শন উপস্থিত হইবে, সে দিবস কোন ব্যক্তিকে, যে পূর্বে বিশ্বাস স্থাপন করে নাই, অথবা যে আপন বিশ্বাসেতে কল্যাণ উপার্জন করে নাই, তাহার বিশ্বাস উপকৃত করিবে না ; তুমি বল, প্রতীক্ষা করিতে থাক, নিশ্চয় আমরাও প্রতীক্ষা করিতেছি *। ১৫৯। নিশ্চয় যাহারা স্বীয় ধর্মকে খণ্ড খণ্ড করে ও দলে দলে বিভক্ত

* অর্থাৎ হে আরবীয় লোক, এই গ্রন্থ আমি এট জন্ত পাঠাইলাম, যেন তোমরা না বল যে, আমাদের পূর্ববর্তী ইঞ্জি ও ঈসার সম্প্রদায়ের প্রতি ভিন্ন গ্রন্থ কাহারও প্রতি গ্রন্থ অবতারিত হয় নাই। তাহারা কি পাঠ করিয়াছে, আমরা ভািত নছি, যেহেতু তাহা আমাদের ভাষায় লিখিত নহে।

(ত, হো,)

+ অর্থাৎ ঈশ্বরের দিক হইতে, যত দূর হইতে পারে, উপদেশ আনিয়াছে, গ্রন্থ ও বিধি সমাগত, তথাপি লোকে গ্রাহ্য করিতেছে না। এক্ষণ এই প্রতীক্ষা করিতেছে যে, ঈশ্বর যখন আগমন করুন অথবা কেয়ামতের লক্ষণ প্রকাশিত হউক, তবে বিশ্বাস করিব। কিন্তু যখন কেয়ামতের নিদর্শন উপস্থিত হইবে, অর্থাৎ সূর্য পশ্চিম হইতে সমুদ্রিত হইবে, তখন কাফের লোকের বিশ্বাস ও পাপীর অনুতাপ গৃহীত হইবে না।

(ত, ফা,)

প্রায় সকল ভাষ্যকারের মতে পশ্চিম দিকে সূর্যের উদয় হওয়াই এই নিদর্শন। যে রজনীর অবসানে পশ্চিম দিকে সূর্য প্রকাশ পাইবে, সেই রাত্রি সূর্য্য রাত্রি হইবে। জাগরণ করিয়া খাঁহারা সাধনা করেন, তাঁহারা এই দীর্ঘতা দেখিয়া মনে করিবেন যে, মহাব্যাপার উপস্থিত ; তখন অনুতাপ, প্রার্থনা ও আর্তনাদ করিতে থাকিবেন। তৎপর পশ্চিম দিকে উষার চিহ্ন প্রকাশিত হইবে ; সূর্য্য পশ্চিমাংশে প্রকাশ পাইবে, তাহার জ্যোতি থাকিবে না। আপন বিশ্বাসে কল্যাণ উপার্জন করার অর্থ, আপন বিশ্বাসানুসারে সংকার্য করা ; যে ব্যক্তি বিশ্বাসকে ক্রিয়াহীন মনে করে না, সেই তাহা করিয়া থাকে, অশ্রু সদমুঠান করে না। এমাম হোসেন বসোরী বলিয়াছেন, “যে ব্যক্তি পশ্চিমে সূর্য্যোদয় হওয়ার পূর্বে বিশ্বাসী হইয়াছে, কিন্তু বিশ্বাসানুযায়ী শুভ কার্য করে নাই, যখন এই নিদর্শন দর্শন

হয়, কোন বিষয়ে তুমি তাহাদিগের নও ; তাহাদের কার্য পরমেশ্বরের প্রতি (অর্পিত)
 বৈ নহে । তাহারা যাহা করিতেছে, তৎপর তিনি তাহাদিগকে জ্ঞাপন করিবেন । ১৬০ ।
 যে ব্যক্তি সাধুতা আনয়ন করিয়াছে, পরে তাহার অগ্র উহার অনুরূপ দশ গুণ (পূরস্কার,) এবং যে ব্যক্তি অসাধুতা আনয়ন করিয়াছে, পরে তাহাকে তদনুরূপ ব্যতীত
 বিনিময় দেওয়া যাইবে না, এবং তাহারা অত্যাচারিত হইবে না । ১৬১ । বল, নিশ্চয়
 আমার প্রতিপালক সরল পথের দিকে আমাকে পথ দেখাইয়াছেন, (বল,) প্রকৃত ধর্ম—
 সত্যে প্রতিষ্ঠিত এব্রাহিমের ধর্ম (পালন করিতেছি,) তিনি অংশিবাদীদিগের অন্তর্গত
 ছিলেন না । ১৬২ । বল, নিশ্চয় আমার নমাজ ও আমার সাধনা এবং আমার জীবন ও
 আমার মৃত্যু বিশ্বপালক ঈশ্বরের জন্ত । ১৬৩ । + তাহার অংশী নাই, এবং এ বিষয়ে
 আমি আদিষ্ট হইয়াছি ও আমি প্রথম মোসলমান । ১৬৪ । বল, আমি কি পরমেশ্বরকে
 ছাড়িয়া অগ্র প্রতিপালক অন্বেষণ করিব ? তিনি সমুদায় পদার্থের প্রতিপালক,
 কোন ব্যক্তি আপনার সম্বন্ধে ভিন্ন কার্য করে না, কোন ভারবাহক অস্ত্রের ভার বহন
 করে না ; অতঃপর তোমাদের প্রতিপালকের দিকে তোমাদের প্রতিগমন হইবে, অনন্তর
 তোমরা তৎপ্রতি যে অগ্রথাচরণ করিয়াছ, তোমাদিগকে তাহার সংবাদ দেওয়া
 যাইবে । ১৬৫ । এবং তিনিই যিনি তোমাদিগকে পৃথিবীর অধিপতি করিয়াছেন, *
 তোমাদিগকে যাহা দান করিয়াছেন, তদ্বিষয়ে তোমাদিগকে পরীক্ষা করিতে কাহার
 উপরে তোমাদের কাহাকে পদোন্নত করিয়াছেন ; নিশ্চয় (হে মোহাম্মদ,) তোমার
 প্রতিপালক শাস্তিদানে সম্বর, এবং নিশ্চয় তিনি ক্ষমালীল ও দয়ালু । ১৬৬ । (র, ২০,
 আ, ১১)

গুস্তাফ্টান করিবে, সেই অনুষ্ঠান পরিগৃহীত হইবে না ।” মালুমোত্তঞ্জিলে উক্ত হইয়াছে যে, সেই দিবস
 কাকেরের বিশ্বাস ও পাপীর অনুতাপ অগ্রাহ্য হইবে ! এ বিষয়ে হাদিসে বাহা উল্লিখিত হইয়াছে, তাহাও
 এই কথার প্রতিপোষক ; যথা, যে পর্যন্ত পশ্চিমে সূর্য্য সমুদিত না হয়, সে পর্যন্ত অনুতাপ ব্যর্থ হইবে
 না । (ত, হো,)

* অর্থাৎ হে মোহাম্মদের মণ্ডলী, সেই ঈশ্বর তোমাদিগকে পৃথিবীর অধিপতি করিয়াছেন । পূর্ব
 যুগের লোকদিগকে বিনাশ করিয়া তোমাদিগকে তাহাদের উত্তরাধিকারী করিয়াছেন । (তক্‌সির
 জ্বলালিন)

সূরা এরাক

সপ্তম অধ্যায়

২০৬ আয়ত, ২৪ রকু

(দাতা দয়ালু পরমেশ্বরের নামে প্রবৃত্ত হইতেছি।)

আলম্বস। ১। এই এক গ্রন্থ তোমার নিকটে অবতারিত হইয়াছে, অতএব এতদ্বারা ভয় প্রদর্শন করিতে ও বিশ্বাসীদিগকে উপদেশ দিতে যেন ইহার সম্বন্ধে তোমার অন্তরে কোন সঙ্কুচিত ভাব না হয়। ২। তোমাদের প্রতিপালক হইতে, (হে লোক সকল,) তোমাদিগের নিকটে যাহা অবতারিত হইয়াছে, তোমরা তাহার অম্লসরণ কর; তাঁহা ব্যতীত অগ্র বন্ধুদিগের অম্লসরণ করিও না। তোমরা উপদেশ যাহা গ্রাহ্য করিয়া থাক, তাহা অম্লই। ৩। বহু গ্রামবাসীকে আমি বিনাশ করিয়াছি, তৎসকলের প্রতি রাত্রিতে কিম্বা তাহাদের মাধ্যাহ্নিক নিদ্রাবস্থায় আমার শাস্তি উপস্থিত হইয়াছে। ৪। পরে যখন তাহাদের প্রতি আমার শাস্তি উপস্থিত হইল, “নিশ্চয় আমরা অত্যাচারী ছিলাম” ইহা বলা ভিন্ন তাহাদের অগ্র উক্তি ছিল না। ৫। অনন্তর অবশ্য আমি, যাহাদিগের প্রতি (প্রেরিতপুরুষ) প্রেরিত হইয়াছিল, তাহাদিগকে প্রশ্ন করিব, এবং অবশ্য প্রেরিতদিগকেও প্রশ্ন করিব। ৬। + অবশেষে জ্ঞানসহকারে তাহাদের নিকটে অবশ্য বর্ণন করিব, যেহেতু আমি লুকায়িত ছিলাম না। ৭। সেই দিনকার তুল করা ঠিক; অনন্তর যাহাদের পাল্লা (সাপুতায়) গুরুভার হইবে, সেই তাহারা ই মুক্তিলাভকারী। ৮। এবং যাহাদের পাল্লা লঘুভার হইবে, তাহারা সেই লোক, যাহারা আমার নিদর্শন সকলের প্রতি অত্যাচার করিয়াছিল বলিয়া আপনাদের জীবনের অনিষ্ট করিয়াছে। ৯। এবং সত্য সত্যই আমি তোমাদিগকে ধরাতলে স্থান দান

* মকানগরে এই সূরার আবির্ভাব হয়।

এই সূরার আদি আয়ত “আলম্বস”। ইহা কোর-আনের নাম, অথবা এই সূরার নাম, কিম্বা ঈশ্বরের নাম বিশেষকৈ লক্ষ্য করে। বিশেষ বিশেষ অক্ষর বিশেষ বিশেষ অর্থপ্রকাশক।

† রজনীতে লুতী সম্প্রদায়ের উপর, মাধ্যাহ্নিক নিদ্রাবস্থায় শেয়বীয় সম্প্রদায়ের উপর শাস্তি উপস্থিত হইয়াছিল। এই দুই সময়ে শাস্তির বিশেষত্ব এই যে, উহা সূখ আরামের সময়, তখন শাস্তির চিন্তা মনে স্থান পাইতে পারে না। যেমন আকস্মিক সম্পদ অত্যন্ত সুখজনক, তদ্রূপ আকস্মিক বিপদ অতিশয় কষ্টজনক। (ত, হো,)

‡ প্রত্যেক ব্যক্তির কাযা লিখিত হইয়া থাকে; সেই কার্যের পরিমাণই উপযুক্ত, যাহা ঈশ্বরের আজ্ঞানুযায়ী জ্ঞান ও প্রেমাম্বুসারে যথাস্থানে কৃত হয়, তাহারই পাল্লা গুরুভার হয়। যে কাযা বিধি অনুযায়ী করা হয় নাই ও যথাস্থানে কৃত হয় নাই, তাহার তুল লঘু হইয়া থাকে। পরকালে

করিয়াছি, এবং তোমাদের জন্ত তথায় উপজীবিকা উৎপাদন করিয়াছি ; তোমরা কৃতজ্ঞতা যাহা দান কর, তাহা অল্পই। ১০। (র, ১, আ, ১০)

এবং সত্য সত্যই আমি তোমাদিগকে সৃষ্টি করিয়াছি, তৎপর তোমাদের মূর্তি গঠন করিয়াছি ; * তৎপর দেবতাদিগকে বলিয়াছিলাম যে, তোমরা আদমকে প্রণাম কর, তাহাতে শয়তান ব্যতীত (অন্ত সকলে) প্রণাম করিয়াছিল ; সে প্রণামকারীদের অন্তর্গত হয় নাই। ১১। (ঈশ্বর) জিজ্ঞাসা করিলেন, “আমি যখন তোমাকে আজ্ঞা করিলাম, তখন প্রণাম করিতে কিসে বারণ করিল ?” সে বলিল, “আমি তাহা অপেক্ষা উত্তম, তুমি আমাকে অগ্নি দ্বারা ও তাহাকে মৃত্তিকা দ্বারা সৃজন করিয়াছ”। ১২। তিনি বলিলেন, “তুমি এস্থান হইতে চলিয়া যাও, যেহেতু এখানে অহংকার করা তোমার জন্ত (উচিত) নয় ; অতএব বাহির হও, নিশ্চয় তুমি নিকটদিগের অন্তর্গত”। ১৩। সে বলিল, “উত্থাপনের দিন পর্য্যন্ত আমাকে অবকাশ দাও”। ১৪। তিনি বলিলেন, “নিশ্চয় তুমি অবকাশপ্রাপ্তদিগের অন্তর্গত”। ১৫। সে বলিল, “অবশেষে যেমন তুমি আমাকে বিভ্রান্ত করিলে, আমিও তাহাদিগের জন্ত তোমার সরল পথে অবশ্য বসিয়া থাকিব †। ১৬। † অতঃপর তাহাদের সম্মুখ হইতে ও তাহাদের পশ্চাৎ হইতে ও তাহাদের দক্ষিণ হইতে এবং তাহাদের বাম হইতে অবশ্য আমি তাহাদের নিকটে আসিব, এবং তুমি তাহাদের অধিকাংশকে কৃতজ্ঞ প্রাপ্ত হইবে না”। ১৭। তিনি বলিলেন, “এস্থান হইতে তুমি লাঞ্চিত ও তাড়িত অবস্থায় বাহির হও ; তাহাদের যে ব্যক্তি নিশ্চয় তোমার অহংসরণ করিবে, অবশ্য আমি একযোগে সেই তোমাদিগের দ্বারা নরক লোক পূর্ণ করিব”। ১৮। এবং হে আদম, তুমি ও তোমার স্ত্রী স্বর্গেতে বাস করিতে থাক ; অনন্তর যথা হইতে তোমাদের ইচ্ছা হয় ভক্ষণ কর, এই বৃক্ষের নিকটে যাইও না, তাহা হইলে তোমরা পাপীদের অন্তর্গত হইবে। ১৯। অবশেষে শয়তান তাহাদের উভয়ের সেই লজ্জাকর অঙ্গ, তাহাদিগ হইতে যাহা গুপ্ত ছিল, তাহাদের জন্ত ব্যক্ত করিতে তাহাদিগকে কুমন্ত্রণা দিল ; এবং বলিল যে, “তোমাদের প্রতিপালক তোমাদের উভয়ের দেবতা হওয়া অথবা (এস্থানে) চিরনিবাসী হওয়া ব্যতীত বৃক্ষ বিষয়ে তোমাদিগকে নিবারণ করেন নাই” ‡। ২০। সে তাহাদের দুইজনের জন্ত শপথ করিয়া বলিল যে,

কার্য সকলের তুল্য হইবে। বাহার সংকল্প দুর্বল অপেক্ষা শক্তভার হইবে, তাহার সেই পাপকর্ম ক্ষমা করা যাইবে। বাহার দুর্বলের ভার অধিক হইবে, তাহাকে দণ্ডিত হইতে হইবে। (ড, কা,)

* “তোমাদিগকে সৃষ্টি করিয়াছি” অর্থাৎ তোমাদের আদি পিতা আদমকে সৃষ্টি করিয়াছি।

† অর্থাৎ আমি বিভ্রান্ত হইলাম, যত্নবিগকেও পথভ্রান্ত করিব।

(ড, কা,)

‡ স্বর্গে বলমূত্র-ত্যাগের প্রয়োজন ছিল না। আদম হবার অঙ্গ বস্ত্রে আচ্ছাদিত ছিল, তাহা কখনও উন্মোচন করার প্রয়োজন ছিল না ; তজ্জন্ত তাহারা আপনাদের গুপ্ত অঙ্গের বিষয় জ্ঞাত

“নিশ্চয় আমি তোমাদের দুই জনের উপদেশকদিগের অন্তর্গত” ১২১। অনন্তর সে তাহাদিগকে প্রবঞ্চনাতে ফেলিল, যখন তাহারা সেই বৃক্ষের আশ্বাদ গ্রহণ করিল, তখন তাহাদের গুপ্ত অঙ্গ তাহাদের নিমিত্ত প্রকাশিত হইয়া পড়িল ও তাহারা তদুপরি স্বর্গীয় তরুর পত্র সকল আচ্ছাদন করিতে লাগিল; এবং তাহাদিগের প্রতিপালক তাহাদিগকে ডাকিয়া বলিলেন যে, “এই বৃক্ষ সম্বন্ধে আমি কি তোমাদিগকে নিষেধ করি নাই? এবং আমি কি বলি নাই যে, শয়তান তোমাদের স্পষ্ট শত্রু?” ২২। তাহারা বলিল, “হে আমাদের প্রতিপালক, আমরা আপন জীবনের প্রতি অত্যাচার করিয়াছি; যদি তুমি আমাদের ক্ষমা না কর ও আমাদের প্রতি দয়া না কর, তবে অবশ্য আমরা ক্ষতিগ্রস্ত-দিগের অন্তর্গত হইব।” ২৩। তিনি বলিলেন, “তোমরা নামিয়া যাও, তোমরা পরস্পর শত্রু এবং ভূতলে তোমাদের অবস্থিতি ও কিছু কাল পর্য্যন্ত (তথায় তোমাদের) ফল-ভোগ হইবে” ২৪। তিনি বলিলেন, “তোমরা তথায় বাঁচিবে ও তথায় মরিবে, এবং তথা হইতে নিষ্ক্রামিত হইবে” ২৫। (র, ২, আ, ১৫)

হে আদমসন্তানগণ, নিশ্চয় তোমাদের প্রতি আমি সেই বস্ত্র, যাহা তোমাদের গুপ্ত অঙ্গকে আবৃত করিতেছে ও সূশোভন বস্ত্র অবতারণ করিয়াছি; বৈরাগ্য-বস্ত্র (অবতারণ করিয়াছি,) ইহাই উৎকৃষ্ট, ইহা ঈশ্বরের নিদর্শন সকলের (অন্তর্গত।) ভরসা যে, তাহারা উপদেশ লাভ করিবে * ১২৬। হে আদমসন্তানগণ, তোমাদের পিতা মাতাকে যেমন স্বর্গ হইতে বিচ্যুত করিয়াছে, তাহাদিগকে তাহাদের গুপ্ত অঙ্গ প্রদর্শন করিতে তাহাদিগ হইতে তাহাদের বস্ত্র উন্মোচন করিয়াছে, তদ্রূপ শয়তান তোমাদিগকেও যেন বিপাকে না ফেলে; নিশ্চয় সে ও তাহার দল, যে স্থান হইতে তোমরা

ছিলেন না। যখন তাহারা নিবিদ্ধ ফল ভক্ষণে অপরাদী হইলেন, তখন মানবীয় স্বভাব প্রাপ্ত হইলেন, আপনাদের কার্য্য বুঝিলেন, এবং গুপ্ত অঙ্গ দেখিতে পাইলেন। (ত, কা,)

এরূপ ছিল যে, স্বর্গবাসিগণ আদম হবার গুপ্ত অঙ্গ দেখিতে পাইতেন না। আদম হবাও পরস্পরের অঙ্গ দৃষ্টি করিতেন না। কথিত আছে যে, ঈশ্বর তাহাদের গুপ্ত অঙ্গের উপর আচ্ছাদন রাখিয়া দিয়াছিলেন। শয়তান জানিত যে, ঈশ্বরের অবাধ্যতাচরণ করিলেই তাহাদের অঙ্গ হইতে আবরণ উন্মুক্ত হইবে। অতএব সে চাহিল যে, তাহাদিগকে পাপগ্রস্ত করিয়া উলঙ্গ করে, তাহা হইলে দেবতাদের নিকটে তাহারা লজ্জা পাইবেন। তজ্জন্ত কুমন্ত্রণাদানে তাহাদিগকে ভুলাইতে আরম্ভ করে। আদম স্বর্গকে বিশেষ স্থানের স্থান ভাবিয়া তথায় চিরকাল থাকিতে ইচ্ছা করিয়াছিলেন, তাহাতে শয়তান এই চক্রান্ত করে। এই কুমন্ত্রণা পড়িয়াও তিনি ফলভক্ষণে বিলম্ব করিয়াছিলেন। (ত, হো,)

* অর্থাৎ শত্রু স্বর্গীয় বস্ত্র তোমাদের অঙ্গ হইতে উন্মোচন করিয়াছে, তৎপর আমি পৃথিবীতে বস্ত্রপ্রস্তুতপ্রণালী তোমাদিগকে শিক্ষা দিয়াছি। এক্ষণ যাহাতে বৈরাগ্যভাব আছে, সেই পরিচ্ছদ পরিধান কর। অর্থাৎ পুরুষেরা রেশমী কাপড় পরিবে না, এবং দামন (বস্ত্রাকল) দীর্ঘ করিবে না। যাহা নিবিদ্ধ হইল, তাহারা তাহা হইতে বিরত থাকিবে। এবং স্ত্রীলোকেরা সূক্ষ্ম বস্ত্র পরিবে না ও আপন সৌন্দর্য্য প্রদর্শন করিবে না। (ত, কা,)

তাহাদিগকে দেখিতে না পাও, তোমাদিগকে দেখিয়া থাকে। * নিশ্চয় আমি শয়তান-দিগকে অবিশ্বাসী লোকদিগের বন্ধু করিয়াছি। ২৭। এবং তাহারা যখন হুজ্জিয়া করে, তখন বলিয়া থাকে, “আমাদের পিতৃপুরুষদিগকে আমরা এ বিষয়ে প্রাপ্ত হইয়াছি, এবং ঈশ্বর আমাদের এ বিষয়ে আদেশ করিয়াছেন;” তুমি বল, নিশ্চয় ঈশ্বর হুজ্জিয়া আদেশ করেন না, যাহা তোমরা জ্ঞাত নহ, ঈশ্বরের প্রতি কি তাহা বলিতেছ? † ২৮। বল, আমার প্রতিপালকের আজ্ঞা গ্রাহ্যযুক্ত; প্রত্যেক নমাজের সময় উপস্থিতমতে তোমরা স্বীয় মুখমণ্ডলকে ঠিক রাখিও, এবং তাহার জন্ত ধর্মের বিশোধনকারী হইয়া তাহার অর্চনা করিও; ‡ যদ্রূপ তিনি তোমাদিগকে সৃষ্টি করিয়াছেন, তদ্রূপ পুনর্বার তোমরা হইবে। ২৯। তিনি এক দলকে পথ প্রদর্শন করিলেন ও এক দলকে (এরূপ করিলেন) যে, তাহাদের প্রতি বিপথ-গমন উপযুক্ত হইল; নিশ্চয় তাহারা ঈশ্বরকে ছাড়িয়া শয়তান সকলকে বন্ধুরূপে গ্রহণ করিল ও মনে করিতেছিল যে, তাহারা সুপথগামী। ৩০। হে আদমসন্তানগণ, প্রত্যেক নমাজের সময় উপস্থিতমতে তোমরা স্বীয় শোভা গ্রহণ করিও, এবং ভোজন পান করিও, অমিতাচরণ করিও না; নিশ্চয় তিনি অমিতাচারীকে প্রেম করেন না §। ৩১। (র, ৩, আ, ৬)

বল, ঈশ্বরের সেই শোভাকে, যাহা তিনি আপন দাসদিগের জন্ত বাহির করিয়াছেন, এবং বিশুদ্ধ উপজীবিকা সকলকে কে অবৈধ করিল? বল, তাহা পার্থিব জীবনে বিশ্বাসী-দিগের জন্ত হয়, শুদ্ধ (তাহাদের জন্ত) সন্ধানের দিন; এরূপ যাহারা জ্ঞান রাখে, সেই দলের নিমিত্ত আমি নিদর্শন সকল বিস্তারিত বর্ণন করি ॥ ৩২। বল, যে সকল

* অর্থাৎ অত্যন্ত সূক্ষ্ম বলিয়া শয়তান তোমাদের দৃষ্টি-গোচর হয় না। তোমরা স্মলদেহধারী, সে তোমাদিগকে দেখিতে পায়। অতএব ঈদৃশ শত্রু হইতে তোমাদের সাবধান থাকা উচিত। (ত, হো,)

† অর্থাৎ তোমাদের আদিপিতা শয়তান কর্তৃক প্রতারিত হইয়াছে, পুনর্বার পিতার প্রমাণ কেন উপস্থিত করিতেছ? (ত, ফা,)

‡ মুখমণ্ডল ঠিক রাখিও, অর্থাৎ কাবার অভিমুখে মুগ স্থাপন করিও।

§ স্বীয় শোভা অর্থাৎ আপন পরিচ্ছদ নমাজের সময় ধারণ করা বিধি। তখন পুরুষের কটীদেশ হইতে জামু পর্যন্ত এবং নারীর সর্ব্বাঙ্গ আবৃত থাকা আবশ্যক। কিন্তু দাসীর জামুর নিম্ন ও কঙ্ক-তলের উপর অনাবৃত থাকিলে দোষ নাই। যে সূক্ষ্ম বসনের ভিতর দিয়া শরীর এবং রোম নয়ন-গোচর হয়, তাহা পরিধান নিষিদ্ধ; এবং এই আদেশ হইল যে, অসৎ কর্ম্মে অর্থ ব্যয় করিবে না।

(ত, ফা,)

। অর্থাৎ নিষিদ্ধ কর্ম্মে অর্থ ব্যয় করিও না। তত্ত্বিন্ন সকল প্রকার পান ভোজন বৈধ। যে সকল সামগ্রী মোসলমানের জন্ত হজিত হইয়াছে, পৃথিবীতে কাফেরগণও তাহার অংশী। পরলোকের স্থপ কেবল বিশ্বাসীদিগের জন্ত নির্দিষ্ট। (ত, ফা,)

যে মসজ্জেদ নমাজ পড়িবে বা যে মসজ্জেদ প্রদক্ষিণ করিবে, তাহার নিকটবর্ত্তী হইলেই উত্তম ও শুদ্ধ পরিচ্ছদ ধারণ করিবে। কেহ কেহ বলেন, শোভা গ্রহণ করার অর্থ, সূক্ষ্ম বিস্তার করা। কোন

দুষ্টিয়া গুপ্ত ও ব্যক্ত * এবং অপরাধ, অশ্রায় অবাধ্যতা এবং যাহার সন্মুখে কোন প্রমাণ উপস্থিত হয় নাই, তাহাকে যে তোমরা ঈশ্বরের অংশী কর, এবং যাহা জ্ঞাত নহ, ঈশ্বর সন্মুখে যে তাহা বল, এই সকল ব্যতীত আমার প্রতিপালক অবৈধ করেন নাই। ৩৩। এবং প্রত্যেক সম্প্রদায়ের জন্ত এক নির্দিষ্ট কাল আছে; † যখন তাহাদের নির্দিষ্ট কাল উপস্থিত হয়, তখন তাহারা এক দণ্ড বিলম্ব করে না, সত্বরও হয় না। ৩৪। হে আদমের সন্তানগণ, যদি তোমাদের মধ্য হইতে তোমাদের নিকটে প্রেরিতপুরুষ আগমন করে ও আমার নিদর্শন সকল তোমাদের নিকটে বর্ণন করে, তাহাতে যাহারা ধম্মভীরু হইবে ও সংকল্প করিবে, তাহাদের সন্মুখে ভয় নাই, তাহারা শোকার্ত হইবে না। ৩৫। এবং যাহারা আমার নিদর্শন সকলের প্রতি অসত্যারোপ করিয়াছে ও তৎপ্রতি গর্ক করিয়াছে, এই তাহারাই নরকাগ্নির অধিবাসী, তাহারা তথায় নিত্যনিবাসী হইবে। ৩৬। অনন্তর ঈশ্বরের প্রতি যাহারা অসত্য বন্ধন করিয়াছে ও তাহার নিদর্শন সকলের সন্মুখে অসত্য বলিয়াছে, তাহাদের অপেক্ষা কোন্ ব্যক্তি সমধিক অত্যাচারী? এই তাহারা, গ্রন্থ হইতে তাহাদের লভ্য সে পর্যন্ত প্রাপ্ত হইবে, ‡ যখন আমার প্রেরিতগণ তাহাদের নিকটে উপস্থিত হইবে, তাহাদের প্রাণ হরণ করিবে ও বলিবে, “তোমরা ঈশ্বরকে ছাড়িয়া যাহাকে আহ্বান করিতেছিলে, তাহারা কোথায়?” তখন তাহারা বলিবে, “আমাদের নিকট হইতে তাহারা অন্তর্হিত হইয়াছে;” এবং তাহারা আপন জীবন সন্মুখে সাক্ষ্য দান করিবে যে, নিশ্চয় তাহারা কান্দে ছিল। ৩৭। তিনি বলিবেন, তোমাদের পূর্বে নিশ্চয় যে সকল দানব ও মানব নরকাগ্নিতে চলিয়া গিয়াছে, সেই দলে তোমরা প্রবেশ কর; যেমন একদল প্রবেশ করিবে, তখন আপন ভগিনীকে অভিসম্পাত করিবে। তথায় সকলে পরস্পর একত্রিত হওয়া পর্যন্ত তাহাদের পশ্চাদ্ধর্ত্তিগণ তাহাদের পূর্ববর্তী

এমাম বলিয়াছেন যে, এখানে আন্তরিক শোভার কথা হইয়াছে, বাহ্যিক নয়, অর্থাৎ প্রেম বিনয়াদি। কিন্তু এই প্রেম বিনয়াদি এক বিশেষ স্থানের জন্ত নয়, প্রত্যেক স্থান ও প্রত্যেক মসজ্জের জন্ত আবশ্যক। কশকোল আসার গ্রন্থে উক্ত হইয়াছে যে, “এখানে বাহাজানের ভাষায় শোভার অর্থ, আচ্ছাদন দ্বারা লজ্জা নিবারণ করা, তব্বজ্ঞানের ভাষায় প্রার্থনা ও দীনতার জন্ত মনের একাগ্রতা।” “ঈশ্বর অমিতাচারীদিগকে প্রেম করেন না” তাহারাই অমিতাচারী, যাহারা ক্ষুধার নিবৃত্তি হইলেও ভক্ষণ করে। কুঅতোলু কলুব গ্রন্থে উক্ত হইয়াছে যে, দিনে দুই বার করিয়া আহার করাই অমিতাচারিতা। ভোজনপানের চিন্তাতে যাহার সমুদায় শক্তি ব্যয়িত হয়, সেই ব্যক্তিই নরাধম। মহান্জা আবদোলা আনসারী বলিয়াছেন যে, ঈশ্বরের অনন্তপ্রেরণায় যাহা ব্যয় করা হয়, তাহাই অমিতাচারিতা।

(ত, হো,)

* এখানে দুষ্টিয়ার অর্থ ব্যতিচার।

† বিশ্বাসীদিগের পুনর্জীবন ও অবিশ্বাসীদিগের শাস্তি-প্রাপ্তির কাল।

‡ এখানে গ্রন্থ শব্দে ঈশ্বরের ইচ্ছাক্রম গ্রন্থ, অথবা পরমেশ্বর দণ্ড পুরস্কার জীবন মৃত্যু ইত্যাদি সন্মুখে যে নির্ধারণ করিয়াছেন, তাহা বুঝাইবে।

(ত, হো,)

লোক সঙ্ঘে বলিবে যে, “হে আমাদের প্রতিপালক, তাহারা আমাদেরকে বিপথগামী করিয়াছে, অতএব তুমি তাহাদিগকে নরকায়ির দ্বিগুণ শাস্তি দান কর” *। ৩৮। তিনি বলিবেন “প্রত্যেকের জন্ত দ্বিগুণ, কিন্তু তোমরা বুঝিতেছ না” †। ৩৯। এবং তাহাদের পূর্ববর্তী তাহাদের পশ্চাৎবর্তীকে বলিবে, অনন্তর আমাদের উপর তোমাদের শ্রেষ্ঠতা নাই; অতএব যাহা করিতেছিলে, তজ্জন্ত শাস্তি আন্বাদন কর। ৪০। (২, ৪, আ, ২)

নিশ্চয় যাহারা আমার নিদর্শন সকলের প্রতি অসত্যারোপ করিয়াছে ও তৎসঙ্ঘে ঔদ্ধত্য প্রকাশ করিয়াছে, তাহাদের জন্ত স্বর্গের দ্বার মুক্ত হইবে না; এবং যে পর্যন্ত ন্যূনতম সূচির ছিদ্রে উষ্ট্র প্রবেশ করে, সে পর্যন্ত তাহারা স্বর্গে যাইবে না। এবং এইরূপে আমি পাপীদিগকে প্রতিফল দান করি। ৪১। নরকলোক হইতে তাহাদিগের জন্ত শয্যা ও তাহাদের উপর আচ্ছাদন হইবে; এবং এইরূপে আমি অত্যাচারীদিগকে প্রতিফল দান করি। ৪২। এবং যাহারা বিশ্বাস স্থাপন করিয়াছে ও সংকল্প করিয়াছে, (তাহাদের) কোন ব্যক্তিকে তাহাদের সাধ্যানুরূপ ব্যতীত আমি ক্লেদ দান করি না; তাহারা স্বর্গ-লোকের নিবাসী, তাহারা তথায় নিত্য নিবাসী হইবে। ৪৩। এবং তাহাদের অন্তরে যে বিষাদ হয়, তাহা আমি দূর করি; ‡ তাহাদিগের নিয়ে জলপ্রণালী সকল প্রবাহিত হইবে, এবং তাহারা বলিবে, “ঈশ্বরেরই সম্যক গুণানুবাদ, যিনি আমাদেরকে এই দিকে পথ প্রদর্শন করিয়াছেন; যদি ঈশ্বর আমাদেরকে পথ প্রদর্শন না করিতেন, আমরা কখনও পথপ্রাপ্ত হইতাম না। সত্য সত্যই আমাদের প্রতিপালকের প্রেরিতপুরুষগণ সত্য সহকারে আগমন করিয়াছেন।” এবং ধ্বনি হইবে যে, “তোমরা যাহা করিতেছিলে, তজ্জন্ত তোমাদিগকে এই স্বর্গের উত্তরাধিকারী করা গেল”। ৪৪। এবং স্বর্গবাসিগণ নরকবাসীদিগকে ডাকিয়া বলিবে, “আমাদের প্রতিপালক আমাদের নিকটে যাহা অঙ্গীকার করিয়াছিলেন, নিশ্চয় তাহা সত্য পাইয়াছি; পরন্তু তোমরা কি, তোমাদের প্রতিপালক তোমাদের নিকটে যাহা অঙ্গীকার করিয়াছেন, সত্য পাইয়াছ?” তাহারা হাঁ বলিবে। তৎপরে ঘোষণাকারী তাহাদের মধ্যে ঘোষণা করিবে যে, যাহারা ঈশ্বরের পথ হইতে (লোকদিগকে) নিবৃত্ত করে ও সেই পথের জন্ত বক্রতা অন্বেষণ করে, এবং যাহারা পরলোক সঙ্ঘে অবিশ্বাসী, সেই অত্যাচারীদিগের প্রতি ঈশ্বরের অভিসম্পাত।

* “আপন ভগিনীকে অভিসম্পাত করিবে” ইহার অর্থ, আপন সহযোগী অপর দলকে অর্থাৎ এক ইহুদী অপর ইহুদিকে, এক ঈসারিদল অপর ঈসারিদলকে, এক অগ্নির উপাসকদল অপর অগ্নির উপাসক দলকে অভিসম্পাত করিবে। (ভ, হো,)

† অর্থাৎ এক ভাবে প্রথম দলের অপরাধ গুরুতর, যেহেতু পরবর্তী দলকে তাহারা পথ প্রদর্শন করিয়াছে; অন্ততাবে পরবর্তী দলের অপরাধও গুরুতর, যেহেতু তাহারা পূর্ববর্তী দলের অবস্থা দর্শন করিয়াও সাবধান হয় নাই। (ভ, শা,)

‡ স্বর্গবাসীদিগের অন্তরে যে বিষাদ হয়, তাহা আমি দূর করি। (ভ, হো,)

। ৪৫ + ৪৬। উভয়ের (স্বর্গ নরকের) মধ্যে আচ্ছাদন রহিয়াছে, এবং “এরাফের” উপর পুরুষ সকল আছে, তাহারা প্রত্যেকে তাহাদের লক্ষণানুসারে চিনিবে, এবং স্বর্গবাসীদিগকে ডাকিয়া বলিবে, “তোমাদিগের প্রতি সলাম ;” (তখনও) তাহারা তথায় প্রবেশ করে নাই, (প্রবেশ করিতে) আকাজক্ষা করিতেছে * । ৪৭। এবং যখন তাহাদিগের দৃষ্টি নরকবাসীদিগের প্রতি ফিরিয়া আসিবে, তখন তাহারা বলিবে, “হে আমাদের প্রতিপালক, আমাদের অত্যাচারিদলের সঙ্গী করিও না” । ৪৮। (র, ৫, আ, ৮)

এরাফনিবাসিগণ পুরুষদিগকে তাহাদের লক্ষণানুসারে চিনিয়া ডাকিয়া বলিবে, “তোমাদের হইতে তোমাদের দল উপকার প্রাপ্ত হয় নাই, যেহেতু তোমরা অহঙ্কার করিতেছিলে” । ৪৯। “ইহারা কি তাহারা, যাহাদের সমক্ষে তোমরা শপথ করিতেছিলে যে, কখনও তাহাদিগের প্রতি ঈশ্বর দয়া প্রেরণ করিবেন না ? তোমরা স্বর্গে প্রবেশ কর, তোমাদের প্রতি ভয় নাই ও তোমরা শোকার্ত হইবে না” * । ৫০। এবং নরকবাসিগণ স্বর্গবাসীদিগকে ডাকিয়া বলিবে যে, “আমাদের প্রতি কিছু জল অথবা ঈশ্বর তোমাদিগকে যে উপজীবিকা দিয়াছেন, তাহা হইতে কিছু বর্ষণ কর ;” তাহারা বলিবে, “ঈশ্বর নিশ্চয় ধর্মদ্রোহিগণের প্রতি এ দুইকে অবৈধ করিয়াছেন” । ৫১। যাহারা আপন ধর্মকে ক্রীড়া ও আমোদস্বরূপ করিয়াছে, তাহাদিগকে পার্থিব জীবন প্রত্যারণা করিয়াছে ; অতএব অত্ন আমি তাহাদিগকে বিস্মৃত হইব, তাহারা যেমন আপনাদের এই দিবসের সাক্ষাৎকারকে বিস্মৃত হইয়াছে, এবং যেমন আমার নিদর্শন সকলকে অস্বীকার করিতেছিল। ৫২। সত্য সত্যই আমি তাহাদের নিকটে গ্রন্থ আনয়ন করিয়াছি, বিশ্বাসিদলের জন্ত জ্ঞানানুসারে পথ প্রদর্শন ও দয়ার অতুরোধে তাহা বিস্মৃত বর্ণন করিয়াছি। ৫৩। তাহার মর্ম ব্যতীত তাহারা কি প্রতীক্ষা করিয়া থাকে ? যে দিন তাহার মর্ম উপস্থিত হইবে, যাহারা পূর্বে তাহা বিস্মৃত হইয়াছিল, তাহারা বলিবে, “নিশ্চয় আমাদের প্রতিপালকের প্রেরিত-পুরুষগণ সত্যসহকারে আসিয়াছিলেন ; অনন্তর আমাদের জন্ত শুভ প্রার্থী কে আছেন যে, আমাদের নিমিত্ত শুভ প্রার্থনা করিবেন ? কিংবা আমরা কি ফিরিয়া যাইব, অবশেষে

* স্বর্গ ও নরকের মধ্যে এক প্রাচীর আছে, তাহার উপরে কতিপয় পুরুষ স্থিতি করেন ; তাহারা যুদ্ধের লক্ষণানুসারে স্বর্গীয়লোক ও নারকী লোকদিগকে চিনিয়া স্বর্গবাসীদিগকে হৃৎসংবাদ দান করিবেন । তাহারা সংবাদ-প্রাপ্তির আশা করিবেন, শুভসংবাদ শ্রবণে আনন্দিত হইবেন । (ত, হো,)

স্বর্গ ও নরকের মধ্যে এক স্থান আছে, সেই স্থানে কে স্বর্গে যাইবে, কে নরকে যাইবে, তাহার পরিচয় হয় ; এজন্য সেই স্থানকে “এরাফ” বলে । “এরাফ” শব্দের অর্থ চিনিয়া লওয়া ।

† এরাফনিবাসিগণ বিশ্বাসী লোকদিগের প্রতি লক্ষ্য করিয়া কাকেরগণকে বলিবেন, “ইহারা কি তাহারা নয় যে, পৃথিবীতে তোমরা শপথ করিয়া বলিতেছিলে যে, কখনও ঈশ্বর ইহাদিগকে দয়া করিবেন না ; দেখ, এক্ষণ ঈশ্বরের দয়ার ইহারা স্বর্গেতে চলিয়াছেন।” ঈশ্বর বলিবেন, “তোমরা স্বর্গেতে প্রবেশ কর ।” (ত, হো,)

যাহা করিতেছিলাম, তত্ত্বি কার্য্য করিব ?” সতাই তাহারা আপন জীবনের ক্ষতি করিয়াছে, এবং যাহা অপলাপ করিতেছিল, তাহাদিগ হইতে তাহা বিলুপ্ত হইয়াছে * । ৫৪ । (র, ৬, আ, ৬)

নিশ্চয় তোমাদের প্রতিপালক সেই পরমেশ্বর, যিনি ছয় দিবসে স্বর্গলোক ও ভূলোক সৃজন করিয়াছেন, তৎপর সিংহাসনে স্থিতি করিয়াছিলেন ; তিনি দিবাক্ষারা রজনীকে আচ্ছাদিত করেন, তাহাকে (দিবারাত্রিকে) সত্ত্বর আহ্বান করিয়া থাকেন, এবং তাঁহার আদেশে সূর্য্য চন্দ্র ও নক্ষত্রপুঞ্জ নিয়মিত । জানিও, তাঁহারই সৃষ্টি ও আজ্ঞা, বিশ্বপালক পরমেশ্বর বহু সমুদ্রত । ৫৫ । তোমরা স্বীয় প্রতিপালককে কাতরতা সহকারে ও গুপ্ত ভাবে ডাক ; নিশ্চয় তিনি সীমানজ্ঞানকারীদিগকে প্রেম করেন না ৭ । ৫৬ । পৃথিবীতে তাহার সংশোধনের পর তোমরা উপদ্রব করিও না, তাঁহাকে ভয় ও আশার সহিত ডাক ; নিশ্চয় ঈশ্বরের দয়া হিতকারী লোকদিগের নিকটে আছে । ৫৭ । এবং তিনিই যিনি আপন দয়ার পূর্বে বায়ু সকলকে সুসংবাদবাহকরূপে প্রেরণ করেন, এতদূর পর্য্যন্ত, যখন (বায়ু) ঘন মেঘকে বহন করে ; তখন আমি নিজ্জীব নগরের দিকে তাহাকে প্রেরণ করি, পরে আমি তাহা দ্বারা বারিবর্ষণ করিয়া থাকি, অনন্তর তদ্বারা সর্ব্বপ্রকার ফল নিঃসারণ করি । এই প্রকার আমি মৃত লোকদিগকে বাহির করিব, ভরসা যে, তোমরা উপদেশ গ্রহণ করিবে । ৫৮ । বিশুদ্ধ নগর আপন প্রতিপালকের আদেশে স্বীয় উৎপাদনীয় বস্তু নিঃসারিত করে, এবং যাহা অবিশুদ্ধ, তাহা অল্প বৈ নিঃসারণ করে না ; এইরূপে আমি কৃতজ্ঞ হই, এরূপ দলের জন্ত নিদর্শন সকল বর্ণন করিয়া থাকি ৯ । ৫৯ । (র, ৭, আ, ৫)

সত্য সতাই আমি হুহাকে তাহার দলের প্রতি প্রেরণ করিয়াছিলাম ; অবশেষে সে বলিয়াছিল, “হে আমার সম্প্রদায়, পরমেশ্বরকে ভজনা কর, তোমাদের জন্ত তিনি ভিন্ন

* “তাহার মর্শ্ব বাতীত তাহারা কি প্রতীক্ষা করিয়া থাকে ?” অর্থাৎ প্রতীক্ষা করেন না । কাকের লোকেরা প্রতীক্ষা করে যে, এই গ্রন্থে যে শাস্তির বিষয় উল্লেখ হইয়াছে, তাহা সত্য হয় কি না দেখি ; সত্য হইলে তখন ইহা গ্রাহ্য করা যাইবে । কিন্তু যখন ঠিক হইবে, তখন আর মুক্তির সম্ভাবনা কোথায় ? এই জন্তই সংবাদ দেওয়া যায় যে, পূর্বে হইতে যেন মুক্তির উপায় অবলম্বন করা হয় । (ত, কা,)

† নিঃশব্দে প্রার্থনা করা উত্তম । তাহা করিলে প্রার্থনার আপনাকে প্রদর্শন করা হয় না । কাতরতা সহকারে প্রার্থনা করিবে, সীমা লঙ্ঘন করিবে না । অর্থাৎ নিজস্বপে উচ্চ বিষয় চাহিবে না । (ত, কা,)

‡ এ স্থানে বিশুদ্ধ নগরের অর্থ বালুকা ও প্রস্তুতমুক্ত পরিষ্কৃত ভূমি । যে ভূমি বিশুদ্ধ, তাহা স্বল্প ফল ভিন্ন উৎপাদন করে না । বিখাসী ও অবিখাসীদিগের সম্বন্ধে এই উপমা হইতে পারে । বিখাসীর মন বিভূক্তভূমি-সদৃশ, অবিখাসীর মন মরুভূমি-তুল্য । যখন ঈশ্বরবার্ণি রূপ মেঘ হইতে উপদেশরূপ বারি বিখাসীর মনে বর্ষিত হয়, তখন ভজন সাধনের ভাব তাহার জীবনে প্রকাশ পায় । কিন্তু কাকের মনোরূপ ভূমিতে বীজ অঙ্কুরিত হয় না, সে উপদেশ গ্রাহ্য করে না । (ত, হে,)

অন্ত কোন উপাশ্র নাই, নিশ্চয় আমি তোমাদের সম্বন্ধে মহাদিনের শান্তিকে ভয় করিতেছি। ৬০। তাহার দলের প্রধান পুরুষগণ বলিল, “নিশ্চয় আমরা তোমাকে স্পষ্ট বিপথে দেখিতেছি”। ৬১। সে বলিল, “হে আমার সম্প্রদায়, আমার জগৎ পথভ্রান্তি নয়, আমি বিশ্বপালক হইতে প্রেরিত। ৬২। আমি আপন প্রতিপালকের সমাচার তোমাদিগকে পছন্দাইতেছি ও তোমাদিগকে উপদেশ দিতেছি; তোমরা যাহা জানিতেছ না, আমি ঈশ্বরের সাহায্যে তাহা জানিতেছি। ৬৩। তোমরা কি বিশ্বত হইতেছ যে, তোমাদের প্রতিপালক হইতে তোমাদিগের এক ব্যক্তির প্রতি তোমাদের জগৎ উপদেশ আসিয়াছে, যেন সে তোমাদিগকে ভয় প্রদর্শন করে ও তাহাতে তোমরা ধর্মভীরু হও, এবং তাহাতে তোমরা দয়া প্রাপ্ত হও?”। ৬৪। পরে তাহারা তাহার প্রতি অসত্যারোপ করিয়াছে, অবশেষে আমি তাহাকে ও তাহার সম্বন্ধে যাহারা নোঁকায় ছিল, তাহাদিগকে উদ্ধার করিয়াছি, এবং যাহারা আমার নিদর্শন সকলের প্রতি অসত্যারোপ করিয়াছিল, তাহাদিগকে জলমগ্ন করিয়াছি; নিশ্চয় তাহারা এক অন্ধ সম্প্রদায় ছিল *। ৬৫। (র, ৮, আ, ৬)

এবং আমি আদ জাতির প্রতি তাহাদের ভ্রাতা হৃদকে (প্রেরণ করিয়াছিলাম;) সে বলিয়াছিল, “হে আমার সম্প্রদায়, ঈশ্বরকে ভজনা কর, তোমাদের জগৎ তিনি ভিন্ন অগ্নি ঈশ্বর নাই; অনন্তর তোমরা কি ধর্মভীরু হইতেছ না?”। ৬৬। তাহার সম্প্রদায়ের যাহারা ধর্মব্রোহী হইয়াছিল, তাহাদিগের প্রধান পুরুষগণ বলিল, “নিশ্চয়ই আমরা তোমাকে অজ্ঞানতার মধ্যে দর্শন করিতেছি, এবং নিশ্চয়ই আমরা তোমাকে মিথ্যাবাদীদিগের অন্তর্গত মনে করিতেছি”। ৬৭। সে বলিল, “হে আমার সম্প্রদায়, আমার জগৎ অজ্ঞানতা নয়, কিন্তু আমি বিশ্বপালকের নিকট হইতে প্রেরিত। ৬৮। আমি স্বীয় প্রতিপালকের সমাচার তোমাদিগকে পছন্দাইতেছি এবং আমি তোমাদের জগৎ বিশ্বস্ত উপদেষ্টা। ৬৯। তোমরা কি বিশ্বত হইতেছ যে, তোমাদের প্রতিপালক হইতে তোমাদের এক ব্যক্তির উপরে তোমাদের নিকটে ঐ উপদেশ আসিয়াছে, যেন সে তোমাদিগকে

* প্রেরিত পুরুষ মুহাকে তাহার দলস্থ লোকেরা মিথ্যাবাদী বলিয়াছিল। ঈশ্বর এক নোঁকা নির্মাণ করিয়াছিলেন। তদৃষ্টান্তে মুহা নোঁকা নির্মাণপূর্বক বিধাদিগকে সঙ্গে করিয়া তহুপরি আরোহণ করিয়াছিলেন। পরমেশ্বর মহাবল্লা প্রেরণ করেন, সেই বল্লার জলে ডুবিয়া ধর্মব্রোহী লোকেরা বিনাশ প্রাপ্ত হয়। মুহা সঙ্গীদিগের সঙ্গে নিম্নে রক্ষা পান। তাহাতেই ঈশ্বর বলিতেছেন যে, আমি তাহাদিগকে নিমজ্জন হইতে রক্ষা করিয়াছি। (ত, হো,)

† মুহার বংশোদ্ভব আদনামক এক ব্যক্তি ছিলেন। আদের বংশীয় লোকেরা আদ জাতি বলিয়া প্রসিদ্ধ। তাহারা অত্যন্ত উন্নত ও বলিষ্ঠকায় ছিল। তখন পৃথিবীতে কোন জাতি তাহাদের জায় প্রবল পরাক্রান্ত ছিল না। তাহারা ধনে জনে অত্যন্ত শক্তিশালী ছিল ও পুত্রলিকা পূজা করিত। তাহাদের বংশোদ্ভব হুদনামক ব্যক্তিকে ঈশ্বর তাহাদের প্রতি প্রেরিতরূপে নিযুক্ত করিয়াছিলেন। (ত, হো,)

‡ তোমাদের নিকট, এই কথাই তাহাদের জগৎ।

ভয় প্রদর্শন করে ; এবং স্মরণ কর, তিনি যখন হুহার সম্প্রদায়ের অন্তে তোমাদিগকে স্থলাভিষিক্ত ও সৃষ্টির মধ্যে তোমাদিগের (বংশ) বৃদ্ধি করিয়াছিলেন ; পরিশেষে ঈশ্বরের দানকে স্মরণ কর, তাহাতে তোমরা উদ্ধার পাইবে”। ৭০। তাহারা বলিল, “আমরা একমাত্র ঈশ্বরকে অর্চনা করিব ও আমাদের পিতৃপুরুষগণ যাহাকে ভজনা করিতেছিলেন, পরিত্যাগ করিব, এজন্য তুমি কি আমাদের নিকট আসিয়াছ ? অবশেষে যদি তুমি সত্যবাদীদিগের অন্তর্গত হও, তবে আমাদের সম্বন্ধে যাহা অঙ্গীকার করিতেছ, তাহা আমাদের নিকটে উপস্থিত কর”। ৭১। সে বলিল, “সত্যই তোমাদের প্রতি তোমাদের প্রতিপালক হইতে ক্রোধ ও শাস্তি নির্দ্ধারিত হইয়াছে ; তোমরা কি আমার সঙ্গে কতিপয় নামসম্বন্ধে বিতণ্ডা করিতেছ ? তোমরা ও তোমাদের পিতৃপুরুষগণ সেই নাম রাখিয়াছে, তাহার জন্ত ঈশ্বর কোন প্রমাণ অবতারণ করেন নাই ; অবশেষে প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকারীদিগের অন্তর্গত” * । ৭২। অনন্তর আমি তাহাকে ও যাহারা তাহার সঙ্গে ছিল, তাহাদিগকে নিজদয়াগুণে মুক্তি দিয়াছি ; এবং যাহারা আমার নিদর্শন সকলকে অসত্য বলিয়াছিল ও অবিশ্বাসী ছিল, তাহাদের মূল কর্তন করিয়াছি † । ৭৩। (র, ২, আ, ৮)

* বিশেষ বিশেষ প্রতিমার বিশেষ বিশেষ নাম রাগা হইয়াছিল, কাহাকে “সাকিয়া” (জলদাতা) বলা হইত। আদ মনে করিত যে, সাকিয়া দেবী বারিবর্ষণ করেন। তাহারা কাহাকে “হাকেকা” (রক্ষয়িত্রী) বলিত ; দেশপর্ধ্যটনকালে রক্ষয়িত্রীরূপে এই দেবী সঙ্গে থাকেন, এরূপ তাহাদের সংস্কার ছিল। এই প্রকার “রাজ্জেকা” (জীবিকাদাত্রী), “সালেমা” (কল্যাণদাত্রী) প্রভৃতি তাহাদের উপাস্ত দেবী ছিলেন। এসকল নাম ছিল মাত্র, কিন্তু নামানুরূপ কোন পদার্থ ছিল না। সমুত্তর উপর যুগ্মী বা পাষাণময়ী মূর্তির কি ক্ষমতা আছে ? অতএব হুদ বলিলেন, “তোমরা কি অজ্ঞানতা-প্রযুক্ত এই সকল বস্তু লইয়া আমার সঙ্গে বিতণ্ডা করিতেছ ?” (ত, হো,)

† পরমেশ্বর তিন বৎসর তাহাদের উপর জল বর্ষণ করেন নাই, তাহাতে দুর্ভিক্ষ হয়। তৎকালে যখন কোন বিপদ উপস্থিত হইত, এক্ষণ যে স্থানে কাবা মন্দির, সে স্থানে বিপদগ্রস্ত লোক সকল চলিয়া আসিত। তথায় লোহিত বর্ণের একটি মুক্তিকান্তপ ছিল, সেই স্থানে একেশ্বরবাদী ও অনেকেশ্বরবাদী সকলে প্রার্থনা করিত ; তাহাতে সমস্ত লোক ভয় হইতে মুক্তি পাইত ও সিদ্ধকাম হইত। তখন দুর্ভিক্ষাক্রান্ত হইয়া আদ জাতি বাত্রার আরোজন করিল। কবিল ও মোসদদ নামক দুই দলপতি আপন দলের সন্তোর জন লোক সঙ্গে করিয়া মক্কার চলিয়া আইসেন। মাওযিয়ানামক ব্যক্তি সেই সময়ে মক্কার শাসনকর্তা ছিলেন। আদগণ তাঁহার নিকটে উপস্থিত হইয়া, উপঢৌকনাদি প্রদানানন্তর, নির্দিষ্ট স্থানে যাইয়া প্রার্থনা করিবার জন্ত অমুমতির প্রার্থী হইল। মোসদ হুদের প্রতি বিশ্বাসী ছিলেন, তিনি কবিলের দলকে বলিলেন, “তোমরা যে পর্যন্ত হুদের আনুগত্য স্বীকার না করিবে, তোমাদের প্রার্থনার বৃষ্টি হইবে না। অনুতাপ করিয়া ক্ষমা প্রার্থনা কর, তাহা হইলে ঈশ্বর তোমাদের প্রতি প্রসন্ন হইবেন।” কবিল ও তাঁহার সঙ্গিগণ তাহা না শুনিয়া প্রার্থনার ভূমিতে চলিয়া আসিল, তথায় যাইয়া বলিল, “হে ঈশ্বর, আদ জাতি যেমন বৃষ্টি ইচ্ছা করে, প্রদান কর।” তৎক্ষণাৎ কৃষ্ণ স্তম্ভ লোহিত এই তিন বর্ণের তিন খণ্ড মেঘ আকাশে প্রকাশিত হইল ; তখন এই দৈববাণী হইল,

এবং আমি সমুদ জাতির প্রতি তাহাদের ভ্রাতা সালেহকে (প্রেরণ করিয়াছিলাম;) সে বলিয়াছিল, “হে আমার সম্প্রদায়, ঈশ্বরকে অর্জন কর, তিনি ব্যতীত তোমাদের জ্ঞাত অস্ত্র ঈশ্বর নাই; সত্যই তোমাদের প্রতিপালক হইতে তোমাদের নিকট এক প্রমাণ উপস্থিত হইয়াছে, এই ঐশ্বরিক উষ্ট্র তোমাদের জ্ঞাত নিদর্শন। অতএব ইহাকে ছাড়িয়া দেও, এ ঈশ্বরের ক্ষেত্রে ভক্ষণ করিতে থাকুক, এবং তাহাকে অসম্ভাব্যে স্পর্শ করিও না, তাহাতে তোমাদিগকে দুঃখজনক শাস্তি আক্রমণ করিবে।*। ৭৪। এবং স্বরণ কর, যখন আদ জাতির অন্ত্রে তিনি তোমাদিগকে স্থলাভিষিক্ত করিলেন, এবং তোমাদিগকে পৃথিবীতে স্থান দিলেন, তোমরা তাহার কোমল মৃত্তিকা দ্বারা আলায় সকল নির্মাণ করিতেছ ও পর্বত সকলকে কাটিয়া গৃহরাজি প্রস্তুত করিতেছ; অবশেষে ঈশ্বরের উপকার স্বরণ কর এবং ভূতলে অত্যাচাররূপে অহিতাচরণ করিও না”। ৭৫। তাহার সম্প্রদায়ের উদ্ধৃত প্রধান পুরুষগণ যাহাদিগকে দুর্বল মনে করিতেছিল, তাহা-

“কবিল, তুমি ইহার এক পণ্ড মেবকে মনোনীত কর।” কবিল কৃষ্ণবর্ণের মেঘপণ্ডকে প্রার্থনা করিয়া সহচরগণ সহ মক্কা হইতে স্বদেশে চলিয়া আসিল, এবং আপন নিবাসভূমি মদরগনামক স্থানে আসিয়া স্বজাতিকে এই হুসংবাদ দান করিল। তাহা শুনিয়া সকলে আনন্দিত হইয়া মেঘ দর্শন করিবার জন্ত গৃহ হইতে বাহিরে চলিয়া আসিল। তখন ঈশ্বরের শাস্তি তাহাদের উপর অবতীর্ণ হইল। সেই মেঘপণ্ডের সঙ্গে মহাবাত্যা ছিল। সাত দিন ক্রমাগত ঝড় হইয়া আদ সম্প্রদায়কে পিনাশ করিল। তদ সদলে এই বিপদ হইতে উদ্ধার পাইলেন।

(ত, হো,)

* সমুদ জাতি শারীরিক বল ও প্রচুর সম্পত্তি এবং লোকবলের কারণে গর্বিত হইয়া সালেহকে মিথ্যাবাদী বলিয়াছিল, এবং তাহার নিকটে প্রেরিতদের নিদর্শন চাহিয়াছিল। সালেহ জিজ্ঞাসা করিলেন, “তোমরা কিরূপ নিদর্শন চাহ?” তাহাতে তাহারা বলিল, “আমাদের সঙ্গে তুমি প্রান্তরে চলিয়া আইস, কলা আমাদের উৎসব, প্রতিমা সকলকে হুসজ্জিত করিয়া তথায় উপস্থিত কবি। তুমি আপন ঈশ্বরের নিকটে কিছু প্রার্থনা করিও, আমরাও আমাদের পরমেশ্বরদিগের নিকটে প্রার্থনা করিব; যাহার প্রার্থনা গৃহীত হইবে, সকল লোক তাহার আনুগত্য স্বীকার করিবে।” ইহাই স্থির করিয়া সকলে পরদিন প্রান্তরে চলিয়া গেলেন। সমুদ লোকেরা নানা বিষয়ে প্রার্থনা করিল, কোন প্রার্থনাই গৃহীত হইবার লক্ষণ লক্ষিত হইল না। তাহারা দুঃখিত ও লজ্জিত হইয়া অধোবদনে বসিয়া রহিল। সম্প্রদায়ের দলপতি ছন্দানামক ব্যক্তি প্রান্তরস্থিত একখণ্ড বৃহৎ প্রস্তরের প্রতি লক্ষ্য করিয়া বলিল, “হে সালেহ, এই প্রস্তরখণ্ড হইতে তুমি আমাদের জন্ত একটি রোমশ: বৃহৎ উষ্ট্র বাহির কর।” সালেহ বলিলেন, “যদি আমার ঈশ্বর পূর্ণশক্তি হন, এই প্রস্তর হইতে তদ্রূপ উষ্ট্র বাহির করিবেন; তাহা হইলে তোমরা কি করিবে বল?” তাহারা বলিল, “তোমার ঈশ্বরকে পূজা করিব।” সকলে এই নির্দারপে শপথপূর্বক প্রতিজ্ঞা করিল। সালেহ দুইবার উপাসনা করিলে পর পাপর কাপিয়া উঠিল, প্রসব-সময়ে উষ্ট্র যেরূপ আর্দ্রনাথ করে, প্রস্তরখণ্ডও সেইরূপ চীৎকার করিল, এবং তাহা হইতে পূর্বোক্ত লক্ষণযুক্ত একটি প্রকাণ্ড উষ্ট্র বাহির হইল। তাহার এক পার্শ্ব হইতে অপর পার্শ্বের দূরত্ব দুই শত চল্লিশ হস্ত, শরীরটা পর্বতসদৃশ ছিল। অনন্য ইহা দেখিয়াই ধর্ম গ্রহণ করিল। অন্ত সমুদয় লোক সংপথ আশ্রয় করিল না।

(ত, হো,)

দিগের বাহারা বিশ্বাস স্থাপন করিয়াছিল, তাহাদিগকে বলিল, “তোমরা কি বোধ করিতেছ যে, সালেহ তাহার প্রতিপালক কর্তৃক প্রেরিত ?” তাহারা বলিল, “সত্যই আমরা তাঁহার সঙ্গে যাহা প্রেরিত হইয়াছে, তৎপ্রতি বিশ্বাসী”। ৭৬। উক্ত লোকেরা বলিল, “তোমরা যাহার প্রতি বিশ্বাস স্থাপন করিয়াছ, নিশ্চয় আমরা তৎসম্বন্ধে কাফের”। ৭৭। অনন্তর তাহারা উষ্ট্রকে বধ করিল ও আপন প্রতিপালকের আদেশের অবাধ্য হইল, এবং বলিল, “হে সালেহ, যদি তুমি প্রেরিত পুরুষদিগের অন্তর্গত হও, তবে যে বিষয়ে অঙ্গীকার করিয়াছ, তাহা উপস্থিত কর”। ৭৮। অবশেষে ভূমিকম্প তাহাদিগকে আক্রমণ করিল, পরে তাহারা আপন গৃহে প্রাতঃকালে অধোমুখে (কালগ্রাসে) পতিত হইল। ৭৯। অনন্তর সে তাহাদিগ হইতে মুখ ফিরাইল, এবং বলিল, “হে আমার সম্প্রদায়, সত্য সত্যই আমি স্বায় প্রতিপালকের সমাচার তোমাদিগের নিকটে পৌঁছাইয়াছি, এবং তোমাদিগকে উপদেশ দিয়াছি, কিন্তু তোমরা উপদেষ্টাদিগকে প্রেম কর না”। ৮০। এবং আমি লুতকে (প্রেরণ করিয়াছি ;) (স্মরণ কর,) যখন সে আপন দলকে বলিল, “তোমরা যে দুষ্কর্ম করিতেছ, তোমাদের পূর্বের কি জগতের কেহ তাহা করিয়াছে ?”। ৮১। নিশ্চয় তোমরা জীলোক ছাড়িয়া কামভাবে পুরুষদিগের নিকট যাইয়া থাক, বরং তোমরা সীমালঙ্ঘনকারী দল”। ৮২। এবং “স্বীয় গ্রাম হইতে ইহাদিগকে বাহির কর, নিশ্চয় ইহারা পবিত্রতা চাহে এরূপ লোক,” এপ্রকার বলা ভিন্ন তাহার দলের উত্তর ছিল না। ৮৩। অনন্তর আমি তাহাকে ও তাহার স্ত্রী বাতীত অগ্র পরিজনকে মুক্তি দিলাম, সে (লুতের স্ত্রী) অবশিষ্ট লোকদিগের অন্তর্গত ছিল। ৮৪। এবং আমি তাহাদের উপর বৃষ্টি (প্রস্তরবৃষ্টি) বর্ষণ করিলাম ; পরে দেখ, অপরাধীদিগের পরিণাম কিরূপ হইয়াছিল ? ৮৫। (র, ১০, আ, ১২)

* লুত আজরের পৌত্র, হারুণের পুত্র ও মহায্যা এব্রাহিমের ভাতৃপুত্র। এব্রাহিম যখন বাবেল হইতে শাম দেশে চলিয়া যান, তখন লুত তাঁহার সঙ্গে ছিলেন। পরমেশ্বর লুতকে প্রেরিত্ব দান করিয়া মওতফকাতনামক স্থানের অধিবাসীদিগের নিকটে প্রেরণ করেন। মওতফকাত নামে পাঁচটি নগরের সম্মিলন। সদোমা সেই সকল নগরের মধ্যে প্রধান ছিল। আসুয়া, দাউমা, সাবুরা ও সউদা অপর চারিটি নগর। প্রত্যেক নগরে চারি সহস্র লোকের বাস ছিল। লুত সদোমাতে আগমন করিয়া ঐশ্বর্য্যকার অধিবাসীদিগের নিকটে ধর্ম প্রচার করেন। উনত্রিশ বৎসর তিনি সেখানে বাস করিয়া সংকর্মে প্রবর্তিত ও দুষ্কর্ম হইতে নিবৃত্ত হইবার জন্য উপদেশ দেন। নগরবাসীদিগের চক্ষুরার মধ্যে পুরুষের সঙ্গে বাস্তিচার প্রধান ছিল। ঈশ্বর সেই সকল লোকের পরিণাম জানাইলেন, এবং বলিলেন, হে মোহাম্মদ, লুতের বৃত্তান্ত স্মরণ কর। (ত, হো,)

+ “ইহাদিগকে বাহির কর” এই কথা অর্থ, লুতকে ও তাঁহার সঙ্গীদিগকে বাহির কর।

‡ পরমেশ্বর লুতীয় সম্প্রদায়ের উপর অসন্তুষ্ট হইলেন। তাহাদের উপর শাস্তি প্রেরিত হইল, ভয়ানক প্রস্তরবৃষ্টি হইতে লাগিল। লুতের ভাৰ্যা বাতীত তিনি ও তাঁহার আত্মীয়-স্বজন সকলে রক্ষা পাইলেন। লুতের পত্নীর নাম ওয়াএলা, সে গোপনে ঈশ্বরজোহীদিগকে উদ্ভেজন করিত।

(ত, হো,)

এবং আমি মদয়ন জাতির প্রতি তাহাদের ভ্রাতা শোয়বকে (প্রেরণ করিয়া-
ছিলাম;) সে বলিয়াছিল, “হে আমার সম্প্রদায়, ঈশ্বরকে ভজনা কর, তিনি ব্যতীত
তোমাদের জ্ঞাত উপাস্ত নাই; সতাই তোমাদের প্রতিপালক হইতে তোমাদের নিকটে
প্রমাণ উপস্থিত হইয়াছে, অবশেষে তুল ও পরিমাণকে পূর্ণ করিও, এবং লোকদিগকে
তাহাদের দ্রব্যপুঞ্জ নান পরিমাণ দিও না ও পৃথিবীতে তাহার সংশোধনের পর উপদ্রব
করিও না, তোমরা বিশ্বাসী হইলে তোমাদের জ্ঞাত ইহাই কল্যাণকর *। ৮৬। তোমরা
ঈশ্বরের পথ হইতে, তৎপ্রতি যে বিশ্বাসস্থাপন করিয়াছে, তাহাকে নিবৃত্ত করিতে ও ভয়
দেখাইতে প্রত্যেক পথে বসিও না, তোমরা তাহার জ্ঞাত বক্রতা অন্বেষণ করিতেছ; স্মরণ
কর, যখন তোমরা অল্প ছিলে, পরে তোমাদিগকে বর্দ্ধিত করা হইয়াছে। দেখ, অত্যাচারী-
দিগের পরিণাম কিরূপ হইয়াছে? ৮৭। এবং যদি তোমাদের এক দল, যৎসহ
আমি প্রেরিত হইয়াছি, তৎপ্রতি বিশ্বাস স্থাপন করে ও একদল অবিশ্বাসী হয়, তবে যে
পর্যন্ত না ঈশ্বর আমাদের মধ্যে আজ্ঞা প্রচার করেন, সে পর্যন্ত তোমরা ধৈর্য ধারণ কর;
তিনি বিচারপতিদিগের মধ্যে শ্রেষ্ঠ” ৮৮। তাহার দলের যে সকল প্রধান পুরুষ
উদ্ধৃত ছিল, তাহারা বলিল, “হে শোয়ব, তোমাকে ও তোমার সঙ্গে যাহারা বিশ্বাসী
হইয়াছে, তাহাদিগকে আমরা আমাদের গ্রাম হইতে অবশ্য বাহির করিব, অথবা তোমরা
আমাদের ধর্ম্মে ফিরিয়া আসিবে।” সে বলিল, “আমরা অসম্মত সত্ত্বে তাহাতে কি
(ফিরিয়া আসিব?) ৮৯। ঈশ্বর তাহা হইতে আমাদিগকে মুক্ত করার পর যদি
তোমাদের সেই ধর্ম্মে আমরা ফিরিয়া আসি, নিশ্চয় ঈশ্বরের প্রতি অসত্যারোপ করিব;
এবং আমাদের প্রতিপালক পরমেশ্বর যাহা ইচ্ছা করেন, তাহা অতিক্রম করিয়া তাহার
মধ্যে যে আমরা আসিব, আমাদের জ্ঞাত (উচিত) নয়। জ্ঞানযোগে আমাদের প্রতিপালক
সকল বস্তু ঘেরিয়া রহিয়াছেন, ঈশ্বরের প্রতি আমরা নির্ভর করিয়াছি। হে আমাদের

* মদয়নজাতি ক্ষুদ্র ও বৃহৎ দুই প্রকার তুল ও পরিমাণসম্বন্ধে রাপিত, বৃহৎ যন্ত দ্বারা ক্রয়, ক্ষুদ্র যন্ত
দ্বারা বিক্রয় করিত; এইরূপে তাহারা সকলকে ঠকাইত। শোয়ব এই প্রবঞ্চনা হইতে নিবৃত্ত হইবার
জ্ঞাত তাহাদিগকে উপদেশ দান করেন। মহাপুরুষ এরাহিমের এক পুত্রের নাম মদয়ন, সেই
মদয়নের বংশোদ্ভব লোকদিগকে মদয়ন জাতি বলে। তাহাদের প্রতি শোয়ব প্রেরিত হইয়া-
(ত, হো,)
ছিলেন।

+ মদয়ন লোকেরা পথে বসিয়া থাকিত, যাহাকে শোয়বের নিকটে ঘাইতেছে দেখিত, তাহাকে
ভয় প্রদর্শন করিয়া নিবৃত্ত করিত।
(ত, হো,)

‡ মদয়নজাতির এক দল শোয়বের প্রেরিত ঈশ্বার করিয়া তাহার ধর্ম্মে দীক্ষিত হয়, অন্ত
একদল তাহাকে অগ্রাহ্য করে। তাহারা বলে, “আমাদের ধন ও বল আছে, বিশ্বাসীদিগের তাহা
নাই; অতএব ঈশ্বর আমাদের দিকে আছেন। যদি ঈশ্বর তাহাদের পক্ষ হইতেন, তবে তাহাদের ধন
সম্পত্তি ও জীবিকার সচ্ছলতা হইত।” তাহাতে শোয়ব বলেন, “তোমরা ধৈর্য ধারণ কর, ঈশ্বর
অনুবর্তিগণকে বল যে, ঈশ্বর বিচার করিবেন, তিনি উত্তম বিচারপতি।”

প্রতিপালক, আমাদের মধ্যে ও আমাদের জাতির মধ্যে তুমি সত্যভাবে মীমাংসা করিয়া দাও, তুমি মীমাংসাকারীদিগের মধ্যে শ্রেষ্ঠ।” ২০। তাহার জাতির যে সকল প্রধান পুরুষ কাকের ছিল, তাহারা (বন্ধুদিগকে) বলিল, “যদি তোমরা শোয়বের অনুসরণ কর, তবে নিশ্চয় ক্ষতিগ্রস্ত হইবে”। ২১। অনন্তর ভূমিকম্প তাহাদিগকে আক্রমণ করিল, পরে তাহারা আপন গৃহে অধোমুখে প্রাতঃকালে (মৃত) পড়িয়া রহিল। ২২। যাহারা শোয়বের প্রতি অসত্যারোপ করিয়াছিল, তাহারা ক্ষতিগ্রস্ত হইয়াছে। ২৩। অনন্তর সে তাহাদিগ হইতে ফিরিয়া আসিল, এবং বলিল, “হে আমার সম্প্রদায়, সত্য-সত্যই আমি আপন প্রতিপালকের সমাচার সকল তোমাদের নিকটে পহুছাইয়াছি ও তোমাদিগকে উপদেশ দিয়াছি; অনন্তর কি প্রকারে ধর্মদ্রোহী দলের প্রতি শোক করি”। ২৪। (র, ১১, আ, ২)

এবং আমি কোন গ্রামে তাহার অধিবাসীকে দুঃখ ক্রেশ ঘারা আক্রমণ না করিয়া কোন তত্ত্বাবহককে প্রেরণ করি নাই, তাহাতে তাহারা কাতর হইয়া থাকে। ২৫। তৎপর অমঙ্গলের স্থলে মঙ্গল বিনিময় করিয়াছি, এত দূর যে সমধিক হইয়াছে; এবং তাহারা বলিয়াছে, “নিশ্চয় দুঃখ ও স্থগ আমাদের পিতৃপুরুষদিগকেও প্রাপ্ত হইয়াছিল।” অনন্তর আমি তাহাদিগকে অকস্মাৎ আক্রমণ করিয়াছি, এদিকে তাহারা অজ্ঞাত ছিল *। ২৬। এবং যদি গ্রামবাসিগণ শিখার কবিত ও ধর্মভীরু হইত, তবে অবশ্য আমি তাহাদের প্রতি স্বর্গ ও মর্ত্যের উন্নতির দ্বার মূল করিতাম; কিন্তু তাহারা অসত্যারোপ করিল, অতএব যাহা করিতেছিল, তজ্জন্ত তাহাদিগকে আমি আক্রমণ করিলাম। ২৭। পরন্তু গ্রামবাসিগণ কি নিঃশঙ্ক আছে? এই যে আমার শাস্তি রাত্রিকালে উপস্থিত হইবে, তাহারা নিদ্রিত থাকিবে। ২৮। অথবা গ্রামবাসিগণ কি নিঃশঙ্ক আছে? এই যে আমার শাস্তি মধ্যাহ্নকালে উপস্থিত হইবে, এবং তাহারা ক্রীড়া করিতে থাকিবে। ২৯। পরন্তু তাহারা কি ঈশ্বরের চতুরতার সম্বন্ধে নিঃশঙ্ক আছে? অনন্তর ক্ষতিকারক দল ব্যতীত অন্ত্রে ঈশ্বরের চতুরতায় নিঃশঙ্ক হয় না। ১০০। (র, ১২, আ, ৬)

যাহারা তাহাদের (পূর্ব) নিবাসীদিগের অস্ত্রে পৃথিবীর উত্তরাধিকারী হইয়াছে, তাহাদের জন্ত কি ইহা (কোরু-আন্) পথ প্রদর্শন করে নাই? আমি ইচ্ছা করিলে তাহাদের অপরাধের বিনিময়ে তাহাদিগকে আক্রমণ করিতাম, তাহাদের মনের উপর মোহর (মন বন্ধ) করিয়া রাখিয়াছি, অতএব তাহারা শুনিতেছে না। ১০১। সেই সকল গ্রাম

* তাহারা বলিয়াছিল যে, “দুঃখ পরিভ্রমের স্থানে এইরূপ স্থগ শাস্তি কালের প্রকৃতি অনুসারে হইয়া থাকে; পূর্বকালেও কখন অল্পকষ্ট, কখন সচ্ছলতা, কখন অসুস্থতা, কখন সুস্থতা, কখন শোক, কখন সন্তোষ হইয়াছে। ইহা ধর্মার্থের কারণে হয় নাই। অতএব আমরা যেভাবে কালবাণন করিয়াছি, সেই ভাবেই বাণন করিব।” যখন ইহার অর্থ ও অকৃতজ্ঞতাতে দৃঢ় হইল, তখন অকস্মাৎ সেই নিশ্চিত অবস্থার শাস্তি প্রেরিত হইল।

(ড, হো,)

(গ্রামবাসী), আমি তোমার নিকটে (হে মোহাম্মদ,) তাহাদের তত্ত্ব সকল বর্ণন করি-
তেছি, এবং সত্য সত্যই তাহাদের নিকটে তাহাদের প্রেরিতপুরুষগণ প্রমাণ সকল সহ
উপস্থিত হইয়াছিল; পূর্বে যে বিষয়ে তাহারা অসত্যারোপ করিয়াছিল, পরে কখনও
তাহাতে বিশ্বাস স্থাপন করে নাই। এইরূপে ঈশ্বর কাকেরদিগের মনের উপর মোহর
করিয়া থাকেন। ১০২। এবং আমি ইহাদের অধিকাংশকে অস্বীকার পূর্ণ করিতে
প্রাপ্ত হই নাই ও ইহাদের অধিকাংশকে অবশ্য দুষ্ক্রিয়াশীল প্রাপ্ত হইয়াছি। ১০৩।
তৎপর ইহাদের অন্তে আমি মুসাকে আমার নিদর্শন সকল সহ ফেরওণের ও তাহার
প্রধান লোকদিগের নিকটে প্রেরণ করিয়াছিলাম; পরে তাহারা তাহার (নিদর্শনের)
প্রতি অত্যাচার করিয়াছিল, অনন্তর দেখ, উপপ্লবকারীদিগের পরিণাম কি হইয়াছিল *।
১০৪। এবং মুসা বলিয়াছিল, “হে ফেরওণ, নিশ্চয় আমি বিশ্বপালকের নিকট হইতে
প্রেরিত। ১০৫। সত্য ভিন্ন ঈশ্বর সম্বন্ধে বলি না, এ বিষয়ে আমি উপযুক্ত; সত্যই
তোমাদের প্রতিপালক হইতে তোমাদের নিকটে এক প্রমাণ উপস্থিত করিয়াছি, অতএব
আমার সঙ্গে এস্রায়েলসন্ততিগণকে প্রেরণ কর।” ১০৬। সে বলিয়াছিল, “যদি
তুমি নিদর্শন সকল সহ আসিয়াছ, তবে সত্যবাদীদিগের অন্তর্গত হইলে তাহা উপস্থিত

* মুসা ফেরওণের প্রতি প্রেরিত হইয়াছিলেন। ফেরওণের প্রকৃত নাম কাবুস, অথবা অলিদ।
যেমন পারস্ত, রোম ও চীন এবং এয়মন দেশাধিপতিদিগের উপাধি কমরা, কমর, থাকান, তক্কা,
তজ্জপ মেসরাধিপতির উপাধি ফেরওণ ছিল। মহাপুরুষ মুসা যখন মেসর হইতে পলায়ন করিয়া
মদয়নে মহান্না শোয়বের নিকটে উপস্থিত হন, তখন তিনি তাহার কন্যা সফুরাকে বিবাহ করেন,
তৎপর তথা হইতে মেসরাভিমুখে ফিরিয়া যান। পথে এয়মনের অরণ্যে পহুছিয়া প্রেরিত লাভ
করেন ও অলৌকিক নিদর্শন প্রাপ্ত হন। তদ্বিবরণ পরবর্তী সূরায় বিবৃত হইয়াছে। ঈশ্বর তাঁহাকে
আদেশ করেন যে, তুমি মেসরে যাইয়া আমার ধর্ম ফেরওণের নিকটে প্রচার কর, সে অবশ্য ও
অত্যাচারী হইয়া আমাকে অস্বীকার করিতেছে। কিয়ংকাল পর মুসা ফেরওণের নিকটে যাইয়া প্রচার
আরম্ভ করেন। (ত, হো,)

+ ইয়কুবের অপর নাম এস্রায়েল। ফেরওণ এস্রায়েলবংশীয় লোকদিগকে দাসত্বে বদ্ধ করিয়া
রাখিয়াছিল। ইয়কুব যখন সন্ততিগণসহ মেসরে যাইয়া বাস করেন, তখন তাহার বংশ অত্যন্ত বৃদ্ধি প্রাপ্ত
হয়। ইয়কুব ও ইয়ুসেফের ভ্রাতৃবর্গ ক্রমে পরলোক প্রাপ্ত হন, এবং রাজা রয়ান, যিনি ইয়ুসেফের
সময়ে ফেরওণ ছিলেন, মানবলীলা সংবরণ করেন। তাহার পুত্র মদাব এস্রায়েলসন্ততিদিগকে
সন্মান করিতেন, কখনও তাহাদিগের বিরোধী হন নাই। তাহার মৃত্যু হইলে অলিদ যে মুসার সময়ে
ফেরওণ হয়, সে সিংহাসন প্রাপ্ত হইয়াই “আমি তোমাদের সর্বপ্রধান ঈশ্বর,” প্রজ্ঞামণ্ডলীর নিকটে
এই কথা প্রচার করে। এস্রায়েলবংশীয় লোকেরা তাঁহাকে ঈশ্বর বলিয়া মান্য করিতে অসম্মত হয়।
ফেরওণ বলে, “তোমাদের পিতৃপুরুষগণ আমার অনুচরবর্গের ক্রীতদাস ছিল, তোমরা আমার দাসের
দাসপুত্র।” ইহা বলিয়া তাহাদিগকে দাসত্বে আবদ্ধ করে। তৎপর মহান্না মুসা প্রেরিত লাভ করিয়া
ফেরওণকে যাইয়া বলেন, “তুমি এস্রায়েলসন্ততিগণকে মুক্তি দান কর, তাহাদিগকে আমি পৈতৃক
পণ্যভূমিতে লইয়া যাইব।” (ত, হো,)

কর”। ১০৭। অবশেষে সে আপন দণ্ড নিক্ষেপ করিল, পরে অকস্মাৎ তাহা স্পষ্ট অজগর হইল *। ১০৮। এবং স্বকীয় হস্ত বাহির করিল, অনন্তর অকস্মাৎ তাহা দর্শকদিগের জন্ত শুভ্র (জ্যোতিঃ) হইল †। ১০৯। (র, ১৩, আ, ২) *

ফেরওণের দলের প্রধান পুরুষেরা বলিল, “নিশ্চয় এ জ্ঞানী ঐন্দ্রজালিক। ১১০। + সে ইচ্ছা করিতেছে যে, তোমাদিগকে তোমাদের দেশ হইতে তাড়িত করে।” (ফেরওণ বলিল,) “অনন্তর তোমরা কি আদেশ করিতেছ?” ১১১। তাহারা বলিল, “তাহাকে ও তাহার ভ্রাতাকে নিবৃত্ত রাখ, এবং নগর সকলে দূতগণ প্রেরণ কর। ১১২। + তাহারা তোমার নিকটে প্রত্যেক ঐন্দ্রজালিক লোককে উপস্থিত করিবে।” ১১৩। এবং ঐন্দ্রজালিকগণ ফেরওণের নিকটে আগমন করিয়া বলিল, “যদি আমরা বিজয়ী হই, তবে নিশ্চয় আনাদের জন্ত কোন পারিশ্রমিক আছে।” ১১৪। সে বলিল, “হাঁ, তবে অবশ্য তোমরা আমার সান্নিধ্যবর্তীদিগের অন্তর্গত।” ১১৫। তাহারা বলিল, “হে মুসা, আমরা কি নিক্ষেপকারী হইব?” ‡। ১১৬। সে বলিল, “তোমরা নিক্ষেপ কর”; অনন্তর

* কথিত আছে, যষ্টি অজগররূপ ধারণ করিয়া রাজপ্রাসাদকে গ্রাস করিতে উদ্ভূত হইয়াছিল। ইহা দেখিয়া ভয় পাটয়া ফেরওণ পলায়ন করে, তাহার অনুচর এবং প্রজাবর্গও পলাইয়া যায়। প্রস্থানকালে পশ্চিম সহস্র লোক কালগ্রাসে পতিত হয়। তখন ফেরওণ আতঁনাদ করিয়া বলে, “হে মুসা, আমি শপথ করিয়া বলিতেছি, তুমি ঈশ্বরের প্রেরিত, স্বীয় যষ্টিকে সংবরণ কর, আমি তোমার প্রতি বিশ্বাস স্থাপন করিলাম, এবং এশ্বারেলজাতিকে তোমার হস্তে সমর্পণ করিতেছি।” ইহা শুনিয়া মুসা অজগরের পুচ্ছ গ্রহণ করিলেন, তৎক্ষণাৎ তাহা দণ্ডে পরিণত হইল। তখন ফেরওণ পুনর্বার সিংহাসনে আরোহণ করিয়া বলিল, “তোমার অস্ত্র কিছু অলৌকিকতা থাকিলে প্রকাশ কর।” মুসা বলিলেন, “আরও আছে।” তখন দক্ষিণ হস্ত কণ্ঠদেশে স্থাপন করিলেন। (ত, হো,)

† মহাপুরুষ মুসা কপিশবর্ণ ছিলেন। নিজের হস্ত কণ্ঠে স্থাপন করিয়া বাহির করিলে, সেই হস্তের জ্যোতিঃ হৃদয়ের জ্যোতিঃ অপেক্ষা উজ্জ্বল হইত। তখন মুসা স্বীয় হস্ত কণ্ঠে স্থাপনপূর্বক বাহির করিলেন, হস্তের জ্যোতিঃ ধক্ ধক্ করিয়া জ্বলিতে লাগিল। পুনর্বার তাহা কণ্ঠে স্থাপন করিয়া বাহির করিলেন, পূর্বাভা প্রাপ্ত হইল। ফেরওণ এই ব্যাপার দেখিয়া মন্ত্রিবর্গের সঙ্গে মুসার সম্মুখে পরামর্শ স্থির করিতে প্রবৃত্ত হইল। (ত, হো,)

‡ কথিত আছে, ঐন্দ্রজালিকদিগের মধ্যে দলের চারিজন প্রধান লোক ছিল। সাবুর ও আজুর নামক দুই ভ্রাতা এবং হত হত ও মসফা নামক দুই ব্যক্তি। এই চারি ব্যক্তির একজন নেতা ছিল, তাহার নাম শমুন। মুসার সময়ে সে দেশে যেমন ঐন্দ্রজালিক লোক ছিল, এরূপ কোন সময়ে ছিল ন। কেহ বলেন বার হাজার, কেহ বলেন সত্তার হাজার জাহুর মেসরে ফেরওণের আজামুসারে উপস্থিত হইয়াছিল। সাবুর ও আজুর কোন অলৌকিক উপায়ে জানিতে পারিয়াছিল যে, মুসা যখন নিদ্রিত হন, তখন তাহার পার্শ্বে দণ্ড অজগররূপ ধারণ করিয়া প্রহরীর কার্য করে। তাহারা গোপনে অমুসন্ধান করিয়া তাহা প্রত্যক্ষ করিল, তাহাতে উহাকে তাহার প্রেরিতত্বের নিদর্শন ভাবিয়া বিশেষ ভীত ও চিন্তিত হইল। যখন ফেরওণ মহাত্মা মুসাকে ডাকাইয়া ঐন্দ্রজালিকদিগের নিকটে তাহার অলৌকিক ক্রিয়া প্রকাশ করিতে অমুমতি করিল, তখন ঐন্দ্রজালিকগণ দণ্ড ও রজ্জু সকল প্রান্তরে আনিয়া উপস্থিত করিয়া আপনাদের বিজ্ঞা-প্রকাশে উদ্ভূত হইল। ফেরওণ কোঁড়ুলা-

তাহারা নিক্ষেপ করিল, তখন লোকের চক্ষে জ্বাছ করিল ও তাহাদিগকে ভয় দেখাইল, এবং এক মহা ঈল্লাজাল উপস্থিত করিল *। ১১৭। এবং আমি মুসার প্রতি প্রত্যাদেশ করিলাম যে, স্বীয় যষ্টিকে তুমি নিক্ষেপ কর; অনন্তর তাহারা যে মায়া স্থাপন করিতেছিল, উহা অকস্মাৎ তাহা গিলিয়া ফেলিতে লাগিল †। ১১৮। অবশেষে সত্য প্রমাণিত হইল ও তাহারা বাহা করিতেছিল, মিথ্যা হইল। ১১৯। অনন্তর সেই স্থানে তাহারা পরাজিত হইল, এবং নিকৃষ্ট হইয়া ফিরিয়া গেল। ১২০। এবং ঈল্লাজালিকগণ প্রণত হইয়া পড়িল। ১২১।+বলিল, “আমরা বিশ্বপালকের প্রতি ও মুসা ও হারুণের প্রতি-পালকের প্রতি বিশ্বাস স্থাপন করিলাম।” ১২২।+ফেরওণ বলিল, “তোমা-দিগকে আজ্ঞা-প্রদানের পূর্বে তোমরা তৎপ্রতি বিশ্বাস স্থাপন করিয়াছ, নিশ্চয় ইহা প্রতারণা; এই নগরেতে তোমরা এই প্রবঞ্চনা করিয়াছ যে, তোমরা এস্থান হইতে এস্থানের অধিবাসীদিগকে বাহির করিবে, অতএব সত্ত্বর তোমরা জানিতে পাইবে ‡। ১২৩। অবশ্য আমি তোমাদের হস্ত ও তোমাদের পদ বিপরীতভাবে ছেদন করিব, § তৎপর একযোগে অবশ্য তোমাদিগকে শূলে স্থাপন করিব”। ১২৪। তাহারা বলিল, “নিশ্চয় আমরা স্বীয় প্রতিপালকের দিকে প্রত্যাবর্তনকারী। ১২৫। এবং আমরা যে স্বীয় প্রতিপালকের নিদর্শন সকলের প্রতি, যখন তাহা আমাদের নিকটে উপস্থিত হইয়াছে, বিশ্বাস স্থাপন করিয়াছি, তুমি আমাদের প্রতিবন্ধক হইতেছ তাহা নহে, (উহার প্রতিদ্বন্দ্বী) হইতেছ; হে আমাদের প্রতিপালক, আমাদের প্রতি ধৈর্য্য স্থাপন কর ও আমাদের মোসলমান (জীবনে) কালগ্রস্ত করিও”। ১২৬। (র, ১৪, আ, ১৭)

ক্রান্ত হইয়া সিংহাসনে বসিল। সহস্র সহস্র লোক দর্শন করিবার জগ্গ সমবেত হইল। এক পাশে ঈল্লাজালিকগণ, অপর পার্শ্বে মুসা ও তাহার ভ্রাতা ও প্রচারক হারুণ দণ্ডায়মান হইলেন। (ত, হো,)

* ঈল্লাজালিকগণ শূল রজ্জুসকল ও যষ্টিসকল বর্ণরঞ্জিত ও গৃহগর্ত করিয়া পারদপূর্ণ করিয়াছিল। রৌদ্রের উত্তাপে পারদ ক্ষীত হইয়া উঠিলে সেই সকল রজ্জু ও যষ্টি স্পন্দন করিয়া সর্পের ছায় পরস্পরকে বেষ্টিত করিতে লাগিল। তৎসির অয়লোম্যানিনামক গ্রন্থে উল্লিখিত হইয়াছে যে, যুক্তিকার নিম্নে গর্ত করিয়া অগ্নি প্রজ্জ্বলিত করা হইয়াছিল, নিম্ন হইতে অগ্নির উত্তাপ, উপর হইতে সূর্যের উত্তাপ লাগিয়া সে সকল রজ্জু ও যষ্টি স্পন্দন করে ও সমুদায় প্রান্তর বেন সর্পে পরিপূর্ণ হয়। (ত, হো,)

† ঈল্লাজালিকগণ যে রজ্জু ও যষ্টিপুঞ্জকে প্রবঞ্চনা করিয়া দেখাইতেছিল, সেই সমস্তকে সেই অজগর ভক্ষণ করিয়া ফেলিল। ইহা দেখিয়া লোক সকল পলায়ন করিতে লাগিল, বহু লোক ভয়ে প্রাণত্যাগ করিল। অনন্তর মুসা অজগরকে স্পর্শ করিলে তৎক্ষণাৎ সে যষ্টি হইল। ঈশ্বর ঈল্লাজালিকদের সমুদায় রজ্জু ও যষ্টিকে বিলুপ্ত করিলেন। (ত, হো,)

‡ অর্থাৎ তোমরা মিলিয়া এই চক্রান্ত দ্বারা নগরের আধিপত্য গ্রহণ করিতে চাহিতেছ, ফেরওণ এই কথা বলিয়া সেই সকল লোককে শত্রু স্থির করিয়াছিল। (ত, ফা,)

§ “বিপরীতভাবে ছেদন করিব,” ইহার অর্থ, একজনের হস্ত, অঙ্গ একজনের পদ, এইরূপ এক একজনের এক এক অঙ্গ আমি ছেদন করিব।

এবং ফেরওণীয় সম্প্রদায়ের প্রধান লোকেরা বলিল, “তুমি কি মুসা ও তাহার দলকে দেশে উপদ্রব করিতে এবং তোমাকে ও তোমার উপাস্তদেবদিগকে ধ্বংস করিতে ছাড়িয়া দিতেছ?” সে বলিল, “এক্ষণ আমরা তাহাদের সন্তানদিগকে বধ করিব ও নারীগণকে জীবিত রাখিব, এবং নিশ্চয় আমরা তাহাদের উপর পরাক্রান্ত” *। ১২৭। মুসা আপন দলকে বলিল, “ঈশ্বরের নিকটে সাহায্য প্রার্থনা কর ও বৈধ্য ধারণ কর, নিশ্চয় পরমেশ্বরেরই পৃথিবী, তিনি আপন দাসদিগের যাহাকে ইচ্ছা, তাহাকে তাহার উত্তরাধিকারী করেন; এবং ধর্মভীরু লোকদিগের জগ্গই (শুভ) পরিণাম”। ১২৮। তাহারা বলিল, “আমাদের নিকটে তোমার আগমনের পূর্বে ও আমাদের নিকটে তোমার আগমনের পর আমরা উৎপীড়িত হইয়াছি।” সে বলিল, “আশা আছে যে, তোমাদের প্রতিপালক তোমাদের শত্রুকে বিনাশ করিয়া তোমাদিগকে পৃথিবীতে স্থলাভিষিক্ত করিবেন; অবশেষে দেখ, তোমরা কেমন আচরণ করিতেছ”। ১২৯। (র, ১৭, আ, ৩)

এবং সত্য সত্যই আমি ফেরওণের দলকে ছুভিক্ষ দ্বারা ও ফল সকলের অপচয় দ্বারা আক্রান্ত করিলাম, তাহাতে যেন তাহারা উপদেশ গ্রহণ করে। ১৩০। অনন্তর যখন তাহাদিগের কল্যাণ উপস্থিত হইত, তাহারা বলিত, ইহা আমাদের জগ্গই, এবং যদি অকল্যাণ তাহাদের নিকটে উপস্থিত হইত, তবে তাহারা মুসা ও তাহার সঙ্গীদের উপর অকুশল আরোপ করিত; জানিও, তাহাদের অকুশলারোপ ঈশ্বরের প্রতি, তদ্বিত্ত নহে; কিন্তু তাহাদের অধিকাংশই বুঝিতেছে না। ১৩১। এবং তাহারা বলিল, “তুমি নিদর্শন সকলের যে কিছু আমাদের নিকটে উপস্থিত করিবে যে, তদ্বারা আমাদের মুক্তি করিবে; কিন্তু আমরা তোমার সম্বন্ধে বিশ্বাসকারী নহি।” ১৩২। অনন্তর আমি তাহাদিগের প্রতি ঝটিকা, পঙ্গপাল ও শলভ ও মগুক এবং রক্ত (এই) ভিন্ন ভিন্ন নিদর্শন সকল প্রেরণ করিলাম; পরে তাহারা অহঙ্কার করিল, এবং তাহারা অপরাধী দল ছিল *। ১৩৩। এবং যখন তাহাদের উপর শাস্তি উপস্থিত হইল, তখন তাহারা

* ফেরওণ নিজের পূজাতে প্রজাদিগকে নিযুক্ত করিয়াছিল, সে স্বয়ং নক্ষত্রের উপাসক ছিল। ক্রত হওয়া গিয়াছে যে, সে স্বীয় আকৃতির প্রতিমা সকল নিৰ্ম্মাণ করিয়া তাহার এক একটিকে পূজা করিবার জন্ত এক এক প্রজাকে প্রদান করিয়া বলিয়াছিল যে, তোমরা এই মূর্তিকে অর্চনা কর, এ তোমাদিগকে শাস্তি দান করিবে। সে বলিত, আমি সর্বোপরি তোমাদের ঈশ্বর, অজ্ঞ সকল ঈশ্বর ক্ষুদ্র, আমি শ্রেষ্ঠ। তজ্জন্ত প্রধান প্রধান লোকেরা মুসাকে ও তাহার দলকে এশ্রয়েলবংশীয় লোকদিগকে বধ করিতে প্রধান দেব ফেরওণের নিকটে প্রার্থনা করিল। (ত, হে,)

+ এশ্রয়েলবংশীয় লোকদিগকে স্বদেশে যাইতে ছাড়িয়া দিবার জন্ত ফেরওণের সঙ্গে মহাজ্ঞা মুসার চল্লিশ বৎসর বিরোধ করিতে হয়, ফেরওণ কিছুতেই সন্তুষ্ট হয় নাই। মুসার অভিসম্পাতে এই সকল বিপদ ঘটে, যথা—নীল নদীর জল রক্তে পরিণত হয়, শস্তক্ষেত্র, উদ্ভান ও আলর সকল নষ্ট হইয়া যায়, পঙ্গপাল পড়িয়া ক্ষেত্রের অপচয় করে, লোকের শরীরে ও বস্ত্রে রাশি রাশি কীট জন্মে, এইরূপ নানান দুর্ঘটনা হইলেও ফেরওণ গ্রাহ্য করে নাই। (ত, কা,)

বলিল, “হে মুসা, (ঈশ্বর) তোমার নিকটে যাহা অঙ্গীকার করিয়াছেন, তদ্বিষয়ে আমাদের জন্ত তোমার প্রতিপালকের নিকটে প্রার্থনা কর; যদি তুমি আমাদিগ হইতে শাস্তিকে উন্মোচন কর, তবে অবশ্য আমরা তোমার প্রতি বিশ্বাসী হইব, এবং অবশ্য তোমার সঙ্গে এস্রায়েলসন্ততিগণকে প্রেরণ করিব”। ১৩৪। অনন্তর যখন আমি তাহাদিগ হইতে সেই শাস্তি, কিছুকাল পর্যান্ত যে তাহারা তাহা প্রাপ্ত হইতেছিল, উন্মোচন করিলাম, তখন অকস্মাৎ তাহারা অঙ্গীকার ভঙ্গ করিল *। ১৩৫। অবশেষে আমি তাহাদিগ হইতে সেই প্রতিশোধ লইলাম, পরে তাহাদিগকে সমুদ্রে নিমগ্ন করিলাম; যেহেতু তাহারা আমার নিদর্শন সকলের প্রতি অসত্যারোপ করিয়াছিল ও তাহারা তৎ-প্রতি উদাসীন ছিল। ১৩৬। এবং পৃথিবীর পূর্ব দিকের ও তাহার পশ্চিম দিকের যে স্থানে আমি সমুদ্রতট বিধান করিয়াছি, যাহারা দুর্বল বলিয়া পরিগণিত ছিল, সেই দলকে তাহার উত্তরাধিকারী করিয়াছি; এস্রায়েলসন্ততিগণের সম্বন্ধে, তাহারা যে ধৈর্য ধারণ করিয়াছিল, তন্নিমিত্ত, (হে মোহাম্মদ,) তোমার প্রতিপালকের শুভ বাক্য পূর্ণ হইয়াছে; এবং ফেরাণ ও তাহার দল যাহা করিতেছিল ও যাহা উঠাইতেছিল, আমি তাহা বিনষ্ট

* কথিত আছে যে, সপ্তাহ কাল অবিশ্রান্ত বারিবর্ষণ হইয়াছিল, মেসরের আদিনিবাসী কিস্তি জাহির গৃহে জল প্রবেশ করিয়াছিল, শিশুগণকে উচ্চস্থানে স্থাপন করিয়া স্ত্রী পুরুষ সকলকে জলে দগ্ধমান থাকিতে হইয়াছিল। অবশেষে তাহারা নিরুপায় হইয়া ফেরাণের আশ্রয় গ্রহণ করে, তাহাতেও নিরাশ হয়। পরে মগাপুরুষ মুসার নিকটে বাইয়া বলে, “আমাদিগকে এই বিপদ হইতে মুক্ত করিবার জন্ত তুমি তোমার ঈশ্বরের নিকটে প্রার্থনা কর, আমরা ধর্ম গ্রহণ করিব।” তখন মুসার প্রার্থনায় সেই মহাবৃষ্টির নিবৃতি হইল, ক্ষেত্রের জল শুকাইয়া গেল, প্রচুর শস্য জন্মিল। পুনর্বার তাহারা ধর্ম স্বীকার করিল, এবং বলিল, “ইহা স্বভাবতঃ হইয়া থাকে।” তখন ঈশ্বর তাহাদের প্রতি পক্ষপাল প্রেরণ করিলেন, তাহাতে অধিকাংশ শস্যক্ষেত্র বিনষ্ট হইল। তাহারা পুনর্বার মুসার শরণাপন্ন হইয়া শপথপূর্বক বলিল, “এই বিপদ হইতে আমরা মুক্ত হইলে তোমার ঈশ্বরের অনুগত হইয়া থাকিব।” তৎপর পক্ষপাল চলিয়া গেল। ক্ষেত্রে ক্রিয়দংশ শস্য অবশিষ্ট ছিল, তাহারা তাহা দেখিয়া বলিল, “আমাদের উপজীবিকার জন্ত ইহাই যথেষ্ট।” পুনর্বার তাহারা ঈশ্বরকে অঙ্গীকার করিল, তখন শলত উৎপন্ন হইয়া, যাহা কিছু শস্য অবশিষ্ট ছিল, বিনাশ করিল। আবার তাহারা মুসার আশ্রয় গ্রহণ করিয়া ধর্ম স্বীকার করিল, তাহাতে শাস্তির অবসান হইল। তখন তাহারা বলিল, “মুসা, আমরা নিশ্চয় বুঝিতে পারিয়াছি যে, তুমি ঐল্লজালিক বিদ্যার অতিশয় পটু।” পুনর্বার ঈশ্বর তাহাদের প্রতি ভেকের দল পাঠাইলেন। ভেক সকল তাহাদের অঙ্গস্থানীতে লাফাইয়া পড়িত, এক জন মুখ্যাদান করিয়া কথা কহিতে প্রবৃত্ত হইলে মুখের ভিতরে ভেক প্রবেশ করিত, কেহ শয়ন করিয়া আছে, এমন সময়ে তাহার বস্ত্রের ভিতরে বাইয়া লুকাইয়া থাকিত। পুনর্বার দীনভাবে তাহারা মুসার নিকটে নিবেদন করিল, “আমরা এবার অবশ্য বিশ্বাসী হইব, আমাদিগকে এ বিপদ হইতে তুমি রক্ষা কর।” তখন বিপদ দূর হইল। পুনর্বার তাহারা অগ্রাহ্য করিল। তৎকালীন নীল নদের জল কিস্তি-দের পক্ষে শোণিতের আকার ধারণ করিল ইত্যাদি।

করিয়াছি * । ১৩৭ । এবং আমি এশ্রায়েলসন্তানগণকে সাগর পার করাইয়াছিলাম ; পরে আপন পুত্রলিকাদিগের সঙ্গে সহবাস করিতেছিল, এমন এক জাতির নিকটে তাহারা উপস্থিত হইল, বলিল, “হে মুসা, ইহাদিগের যেমন ঈশ্বর সকল আছে, তুমি আমাদের জন্ত একরূপ এক ঈশ্বর প্রস্তুত কর ;” সে বলিল, “নিশ্চয় তোমরা (এমন) এক দল যে মূৰ্খতা করিতেছ + । ১৩৮ । নিশ্চয় এই সকল লোক, ইহারা যাহাতে স্থিতি করে, তাহা অলীক, এবং যাহা করিতেছে, তাহা মিথ্যা” । ১৩৯ । সে বলিল, “আমি ঈশ্বরকে ছাড়িয়া কি তোমাদের উপাশ্রয় অন্বেষণ করিব ? বস্তুতঃ তিনি সমুদায় জগতের উপরে তোমাদিগকে শ্রেষ্ঠতা দান করিয়াছেন । ১৪০ । এবং (স্মরণ কর,) যখন তিনি তোমাদিগকে ফেরওণীয় লোক হইতে উদ্ধার করিয়াছিলেন ; তাহারা তোমাদিগকে কঠিন শাস্তি পছন্দাইতেছিল, তোমাদের পুত্রসন্তানগণকে হত্যা করিতেছিল ও তোমাদের কন্যাদিগকে জীবিত রাখিয়াছিল, এ বিষয়ে তোমাদের প্রতিপালক হইতে কঠিন পরীক্ষা ছিল” । ১৪১ । (র, ১৬, আ, ১২)

এবং আমি মুসার সঙ্গে ত্রিংশৎ রজনীর অঙ্গীকার করিয়াছিলাম, এবং দশ দিন সহ তাহা পূর্ণ করিয়াছিলাম, পরে তাহার প্রতিপালকের চত্বারিংশৎ রজনীর অঙ্গীকার পূর্ণ হইয়াছিল ; এবং মুসা আপন ভ্রাতা হারুণকে বলিয়াছিল, “আমার দলে তুমি আমার স্থলাভিষিক্ত হও ও সদহুষ্ঠান কর, অত্যাচারীদিগের পথের অনুসরণ করিও না” † ।

* “যেহানে আমি সমুন্নতি বিধান করিয়াছি” অর্থাৎ তন্মধ্যে শামদেশ অন্তরে বাহিরে বহু উন্নত ছিল । (ত, কা,)

এশ্রায়েলবংশীয় লোকেরা কিব্‌তিদিগের অধীনতায় বদ্ধ হইয়া অতিশয় দুর্বল ও দুর্দশাপন্ন হইয়াছিল ; ফেরওণের ও তাহার অনুবর্তিগণের মৃত্যুর পর তাহারা মুক্ত হইয়া পূর্ব ও পশ্চিম দেশে আধিপত্য বিস্তার করে । তন্মধ্যে শাম দেশ প্রচুর শস্ত্রোপকরণ ও প্রেরিত পুরুষদিগের সমাগমের কারণ সর্বাপেক্ষা উন্নত ছিল । ফেরওণীয় লোকেরা যে সকল গৃহ, অট্টালিকা ও দুর্গাদি নির্মাণ ও উন্নত করিতেছিল, ঈশ্বর তাহা বিনষ্ট করিয়াছেন । (ভ, হো,)

+ মূৰ্খ লোকেরা নিরাকারকে পূজা করিয়া সন্তুষ্ট নহে । তাহারা যে পর্য্যন্ত সন্মুখে একটি মূর্ত্তি দেখিতে না পায়, সে পর্য্যন্ত পরিতৃপ্ত হয় না । নির্বোধ এশ্রায়েলসন্ততিগণ কতকগুলি লোককে গাভী পূজা করিতে দেখিয়া তৎপূজার প্রবৃত্ত হইতে ইচ্ছা করিল । অবশেষে তাহারা গুবর্ণদ্বারা গোবৎস নির্মাণ করিয়া পূজা করিতে লাগিল । (ত, কা,)

‡ মহাত্মা মুসা এশ্রায়েলসন্তানদিগের নিকটে এই অঙ্গীকার করিয়াছিলেন যে, ফেরওণ নিধন হইলে পর ঈশ্বরের নিকট হইতে তোমাদের জন্ত এক গ্রন্থ আনয়ন করিব, তোমাদের বাহা যাহা প্রয়োজন, সেই গ্রন্থে স্পষ্ট ও বিস্তারিতরূপে লিখিত থাকিবে । ফেরওণ জলমগ্ন হইলে পর তাহারা সমুদ্র পার হইয়া সেই গ্রন্থ চাহিলেন । মুসা পরমেশ্বরের নিকটে তাহার প্রার্থনা করিলে আদেশ হইল যে, ত্রিশ দিন রোজা পালন করিয়া তুর গিরিতে আগমন করিও, তখন আমি তোমার সঙ্গে কথা কহিব । মুসা তদনুসারে ত্রিশ দিন ব্রত পালন করিয়া তুর পর্ব্বতে উপস্থিত হইলেন । অনশনজন্ত মুখে গন্ধ হইয়াছিল বলিয়া তিনি কুণ্ঠিত ছিলেন । তাহা দূর করিবার জন্ত মুখ ধোত করিলেন । ইহা দেখিয়া

১৪২। এবং যখন মুসা আমার নির্দিষ্ট সময়ে উপস্থিত হইল ও তাহার প্রতিপালক তাহার সঙ্গে কথা কহিলেন ; সে বলিল, “হে আমার প্রতিপালক, আমাকে দেখা দেও, আমি তোমার প্রতি দৃষ্টি করি।” তিনি বলিলেন, “তুমি আমাকে কখনও দেখিবে না, কিন্তু পর্বতের দিকে দৃষ্টি কর, পরে যদি সে স্বস্থানে স্থিতি করে, তবে সম্বর তুমি আমাকে দেখিবে।” অনন্তর যখন সেই পর্বতের দিকে তাহার প্রতিপালক প্রকাশিত হইলেন, তখন তাহাকে চূর্ণ করা হইল, এবং মুসা অচৈতন্যভাবে পড়িল ; অবশেষে যখন সংজ্ঞা লাভ করিল, বলিল, “পবিত্রতা তোমারই, (হে ঈশ্বর), আমি তোমার নিকটে প্রত্যাগমন করিতেছি, এবং আমি বিশ্বাসীদের প্রথম” * ১৪৩। তিনি বলিলেন, “হে মুসা, সত্যি আমি মানবজাতির প্রতি স্বীয় সংবাদ প্রেরণ ও স্বীয় বাক্য (কথনে) তোমাকে স্বীকার করিয়াছি ; অতএব আমি যাহা তোমাকে দান করিলাম, তাহা গ্রহণ কর, এবং কৃতজ্ঞদিগের অন্তর্গত হও” ১৪৪। এবং আমি সকল বিষয়ের উপদেশ ও সকল বিষয়ের বর্ণনা তাহার জন্ত পট্টকে লিপি করিয়াছিলাম, পরে (বলিয়াছিলাম,) তাহা সবলে ধারণ কর, এবং আপন দলকে আদেশ কর, যেন তাহার উৎকৃষ্ট সকলকে গ্রহণ করে ; সম্বর আমি তোমাদিগকে দুর্ভুক্ত লোকদিগের আশ্রয় প্রদর্শন করিব † ১৪৫। যাহারা পৃথিবীতে অথবা অহঙ্কার করে, সম্বর আমি তাহাদিগকে আপন নিদর্শনাবলী হইতে নিবৃত্ত রাখিব ; এবং যদি তাহারা সমুদায় নিদর্শন দর্শন করে, তাহাতে বিশ্বাস

দেবগণ বলিলেন, “তোমার মুখে যুগনাভির গন্ধ অনুভূত হইতেছিল, তুমি মুখ প্রক্ষালন করিয়া তাহা দূর করিলে কেন?” তখন ঈশ্বর বলিলেন যে, ইহার দণ্ডশাস্তি আরও দশদিন ব্রত পালন করিতে হইবে। (ত, হো,)

* পরমেশ্বর মহাপুরুষ মুসাকে এই অধিকার দিয়াছিলেন যে, দেবতার মধ্যবর্ত্তি ব্যতিরেকে তিনি সাক্ষাৎসম্বন্ধে ঈশ্বরের সঙ্গে কথোপকথন করিতে পারিয়াছিলেন। পরে ঈশ্বরদর্শনে তাহার অভিলাষ হয়, দর্শনের তেজ সহ্য করিতে পারেন নাই, ঈশ্বরের জ্যোতি পর্বতের দিকে প্রকাশ পাইয়াছিল, পর্বত চূর্ণ হইয়া গেল, মুসা অচৈতন্য হইয়া পড়িলেন। ইহা দ্বারা বুঝা যায় যে, পৃথিবীতে ঈশ্বরদর্শন লোকের পক্ষে অসম্ভব হয়, পরলোকে সহ্য হইবে। (ত, হো,)

† জাদোলমনির গ্রন্থে উল্লিখিত হইয়াছে যে, দশ গুণ কাঠপট্টকে বা প্রস্তরপট্টকে উপদেশ সকল অঙ্কিত ছিল। আমি তোমাদিগকে দুর্ভুক্তদিগের আশ্রয় নরক-প্রদর্শন করিব বা শামদেশে লইয়া গিয়া যে সকল পুরাতন লোক আমার আজ্ঞা অমান্য করিয়াছিল, তাহাদের আশ্রয় তোমাদিগকে দেখাইব, অথবা মেসরে কেরওণ ও কিব্‌তিগণ যে নিধন প্রাপ্ত হইয়াছে, তাহাদের শূন্য গৃহ প্রদর্শন করিব। (ত, হো,)

যে কার্য্য করিবার জন্ত আদেশ হইয়াছে, তাহাই উৎকৃষ্ট বিষয় ; যাহা করিতে নিষেধ হইয়াছে, তাহা নিকৃষ্ট বিষয়। দুর্ভুক্তদিগের গৃহ তোমাদিগকে দেখাইব, অর্থাৎ যদি তোমরা আজ্ঞাধীন না হও, তবে তোমাদিগকে এরূপ অপদস্থ করিব, যেমন শামরাজ্য কাড়িয়া লইয়া দুর্ভুক্তদিগকে করিয়াছি। (ত, হো,)

স্থাপন করিবে না। যদি তাহারা প্রকৃত পথ দর্শন করে, তাহাকে পন্থারূপে গ্রহণ করিবে না, এবং যদি তাহারা ভ্রান্তির পথ দর্শন করে, তাহাকে পন্থারূপে গ্রহণ করিবে ; ইহা এজন্য যে, তাহারা আমার নিদর্শন সকলের প্রতি অসত্যারোপ করিয়াছে ও তৎপ্রতি উদাসীন হইয়াছে। ১৪৬। এবং যাহারা আমার নিদর্শন সকলের প্রতি ও পারলৌকিক সন্মিলনের প্রতি অসত্যারোপ করিয়াছে, তাহাদের ক্রিয়া সকল বিনষ্ট হইবে ; তাহারা যাহা করিতেছিল, তাহার বিনিময় বাতীত দেওয়া যাইবে না। ১৪৭। (র, ১৭, আ, ৬,)

এবং মুসার দল, সের্চলিয়া গেলে পর, আপন আভরণ দ্বারা গোবৎসমূর্ত্তি নির্মাণ করিল, তাহার শব্দ ছিল ; তাহারা কি দেখে নাই যে, নিশ্চয় সে তাহাদের সঙ্গে কথা কহে না ও তাহাদিগকে কোন পথ প্রদর্শন করে না ; তাহাকে গ্রহণ করিল ও তাহারা অত্যাচারী ছিল *। ১৪৮। এবং যখন তাহারা আপন হস্তে অমৃতপ্ত হইল † এবং দেখিল যে, নিশ্চয় তাহারা বিপদগামী হইয়াছে, তখন বলিল, “যদি আমাদের প্রতি-পালক আমাদের দয়া ও আমাদের ক্ষমা না করেন, তবে অবশ্য আমরা ক্ষতিগ্রস্ত-দিগের অন্তর্গত হই”। ১৪৯। যখন মুসা আপন দলের নিকটে ক্রুদ্ধ ও শোকার্ত্তভাবে ফিরিয়া আসিল, তখন বলিল, “আমার অস্ত্রে তোমরা যাহাকে স্থলাভিষিক্ত করিয়াছ, তাহা কদর্য্য ; তোমরা কি আপন প্রতিপালকের আজ্ঞার সম্বন্ধে সত্বর হইলে ?” ‡ এবং

* এশ্রায়েলবংশীয় লোকেরা ফেরণের অমৃতরসের অজ্ঞাতসারে মেশর হইতে চলিয়া গেলেন। তাহারা এই ছল করিয়াছিলেন যে, আমাদের মধ্যে বিবাহের উৎসব আছে, আমাদের সঙ্গে সেই উৎসবে যোগ দিতে হইবে। এই বলিয়া ফেরণীয় সম্প্রদায়ের যাহাদের সঙ্গে বন্ধুতা ছিল, তাহাদিগ হইতে অলঙ্কারাদি চাহিয়া লইয়াছিলেন ; তাহারা সাগর উত্তীর্ণ ও ফেরণ সদলে জলমগ্ন হইলে পর, সেই সকল আভরণ তাহাদের হস্তে ছিল। যখন মুসা তুর গিরির দিকে চলিয়া গেলেন, সামরি-নামক এক ব্যক্তি হারুণের নিকটে যাওয়া বলিল, “এশ্রায়েল লোকদিগের হস্তে যে সকল অলঙ্কার আছে, তাহা ব্যবহার করা তাহাদের পক্ষে পাপ।” ইহা শুনিয়া হারুণ সমুদায় অলঙ্কার তাহার নিকটে উপস্থিত করিতে সঙ্গীদিগকে অনুমতি করিলেন। তাহা একত্র করা হইলে তিনি সামরিকে বলিলেন, “তুমি এ সকল আভরণ আপন নিকটে গচ্ছিত রাখ।” সামরি স্বর্ণ রৌপ্যের অলঙ্কার সকল গ্রহণ করিল। সে স্তনিপুণ স্বর্ণকার ছিল, সেই সমুদায় ধাতুকে গলাইয়া একটি গোবৎস নির্মাণ করিল, এবং এরূপ কৌশল করিল যে, সেই ধাতুময়ী মূর্ত্তি গোবৎসের স্তায় শব্দ করিতে লাগিল। ইহা দেখিয়া এশ্রায়েলবংশীয় লোকেরা চমৎকৃত হইয়া সেই মূর্ত্তিকে পূজা করিতে প্রবৃত্ত হইলেন।

(ভ, হো,)

† “আপন হস্তে অমৃতপ্ত হইল,” ইহার অর্থ এই যে, যেমন কেহ কোন বস্তু হস্তে প্রাপ্ত হয়, সেইরূপ অমৃতাপকে তাহারা প্রত্যক্ষভাবে প্রাপ্ত হইল।

(ভ, হো,)

‡ “তোমরা কি আপন প্রতিপালকের আজ্ঞার প্রতি সত্বর হইলে ?” ইহার অর্থ, তোমরা ঈশ্বরের আজ্ঞার প্রতীক করিয়া আমার আগমনের জন্য ধৈর্য্যধারণ করিলে না, অবিলম্বে গোবৎসের পূজায় প্রবৃত্ত হইলে।

(ভ, হো,)

সে সেই পট্টক সকল নিক্ষেপ করিল, এবং স্বীয় ভ্রাতার মস্তক গ্রহণ করিল, তাহাকে আপনার দিকে টানিতে লাগিল ; সে (হারুন) বলিল, “হে আমার মাতুলনন্দন, নিশ্চয় এই দল আমাকে দুর্বল মনে করিয়াছে, এবং আমাকে বধ করিতে উত্তত হইয়াছিল। অনন্তর আমাচার্য তুমি ঐক্যকে সম্বলিত করিও না, এবং আমাকে অত্যাচারীদের দলভুক্ত করিও না”। ১৫০। সে বলিল, “হে আমার প্রতিপালক, আমাকে ও আমার ভ্রাতাকে ক্ষমা কর, এবং আপন দম্বার মধ্যে আমাদিগকে প্রবিষ্ট কর ; তুমি দয়ালুদিগের মধ্যে পরম দয়ালু”। ১৫১। (র, ১৮, আ, ৪)

নিশ্চয় যাহারা গোবৎসকে (উপাস্তদেবরূপে) গ্রহণ করিয়াছে, তাহাদের প্রতিপালক হইতে অবশ্য তাহাদের জ্ঞাত আক্রোশ পহুঁছবে, এবং সাংসারিক জীবনে দুর্গতি হইবে; এইরূপে আমি অপলাপকারীদেরকে প্রতিফল দান করি। ১৫২। এবং যাহারা দুষ্কর্ম করিয়াছে, অবশেষে তাহার পর অন্ততাপ করিয়াছে, এবং বিশ্বাসী হইয়াছে, নিশ্চয় তোমার প্রতিপালক (হে মোহাম্মদ,) তাহার পর ক্ষমাশীল ও দয়ালু হন। ১৫৩। এবং যখন মুসার ক্রোধের শাস্তি হইল, সে পট্টক সকল গ্রহণ করিল, তাহার লিপির মধ্যে উপদেশ ছিল, এবং যাহারা আপন প্রতিপালককে ভয় করে, তাহাদের জ্ঞাত দয়া ছিল। ১৫৪। এবং মুসা আপন দল হইতে সন্তোর জন পুরুষকে আমার অঙ্গীকারের জ্ঞাত মনোনীত করিল ; অনন্তর যখন তাহাদিগকে কক্ষ আক্রমণ করিল, সে বলিল, “হে আমার প্রতিপালক, যদি তুমি ইহাদিগকে ও আমাকে ইতিপূর্বে হত্যা করিতে ইচ্ছা করিতে, (ভাল ছিল ;) আমাদের নিকোধ লোকেরা যাহা করিয়াছে, তজ্জ্ঞাত কি আমাদিগকে তুমি বধ করিতেছ ? ইহা তোমার পরীক্ষা ভিন্ন নহে ; এতদ্বারা তুমি যাহাকে ইচ্ছা হয়, বিভ্রান্ত কর, এবং যাহাকে ইচ্ছা হয়, পথ প্রদর্শন করিয়া থাক। তুমি আমাদিগের বন্ধু, অতএব আমাদিগকে ক্ষমা কর ও আমাদিগকে দয়া কর, এবং তুমি ক্ষমাশীলদিগের মধ্যে শ্রেষ্ঠ *। ১৫৫। এবং আমাদের জ্ঞাত তুমি ইহলোকে ও পরলোকে কল্যাণ লিপি কর, নিশ্চয় আমরা তোমার দিকে ফিরিয়া আসিয়াছি।” তিনি বলিলেন, “আমার শাস্তি আমি যাহাকে ইচ্ছা হয়, তাহার প্রতি পহুঁছাইয়া থাকি, এবং আমার দয়া সমুদায় বস্তুকে ঘেরিয়া রহিয়াছে। অনন্তর আমি, যাহারা ধর্মভীরু হয় ও প্রকৃত দান করে, এবং যাহারা আমার নিদর্শন সকলের প্রতি বিশ্বাস স্থাপন করে, তাহাদের জ্ঞাত তাহা (সেই দয়া)

* মহাপুরুষ মুসা মণ্ডলীর প্রধান সন্তোর ব্যক্তিকে সঙ্গে করিয়া নইয়া গিয়াছিলেন। তাহার ঈশ্বরের বাণী শ্রবণ করিয়া বলিতে লাগিলেন, “যে পয়ান্ত ঈশ্বরদর্শন না হয়, সে পয়ান্ত আমরা বিশ্বাস করিব না।” এই কথার পরই তাহাদের উপর বিদ্যুৎপাত হয়, কাঁপিতে কাঁপিতে তাহারা প্রাণত্যাগ করেন। মহাত্মা মুসা তজ্জপ প্রার্থনা করেন, তাহাতে তাহারা জীবিত হইয়া উঠেন। এই ঘটনা গোবৎস-পূজার পূর্বে বা পরে হইয়াছিল। (ত, ৭১,)

অবশ্য লিখিব” * । ১৫৬ । + যাহারা হুসংবাদদাতা অশিক্ষিত প্রেরিত পুরুষের অহুসরণ করে, তাহারা আপনাদের নিকটে তওরাত ও ইঞ্জিলে যাহা লিপিবদ্ধ আছে, তাহাই (হজরতের বর্ণনা) প্রাপ্ত হয় । সে তাহাদিগকে বৈধ বিষয়ে আদেশ করে, অবৈধ বিষয় হইতে নিবৃত্ত করে ও তাহাদের জন্ত শুদ্ধ বস্ত্র বৈধ এবং তাহাদের সম্বন্ধে অশুদ্ধ বস্ত্র অবৈধ করে ; অপিত তাহাদের ভার ও গলবন্ধন, যাহা তাহাদের উপরে আছে, তাহাদিগ হইতে দূর করে । অতএব যাহারা তাহার প্রতি বিশ্বাস স্থাপন করে ও তাহাকে সম্মান করে ও তাহাকে সাহায্য দান করে, এবং যাহা তাহার সঙ্গে অবতারণিত হইয়াছে, সেই জ্যোতির অহুসরণ করে, ইহারাই তাহারা, যে মুক্তি পাইবে † ; ১৫৭ । (র, ১২, আ, ৬)

তুমি বল, হে লোকসকল, স্বর্গ ও পৃথিবী যাহার রাজত্ব, সত্যই আমি তোমাদের সকলের নিকটে সেই ঈশ্বরকর্তৃক প্রেরিত ; তিনি ব্যতীত উপাস্য নাই, তিনি প্রাণ দান ও প্রাণ হরণ করেন । অতএব তোমরা ঈশ্বরের প্রতি ও তাহার সেই অশিক্ষিত তত্ত্ববাহক প্রেরিত-পুরুষের প্রতি, যে ঈশ্বরের প্রতি ও তাঁহার বাক্যের প্রতি বিশ্বাস করিতেছে, বিশ্বাস স্থাপন কর ও তাহার অহুসরণ কর ; তাহাতে তোমরা পথ প্রাপ্ত হইবে । ১৫৮ । মুসার সম্প্রদায়ের মধ্যে এক দল আছে যে, তাহারা সত্যভাবে পথ দেখাইয়া থাকে, তৎসহ বিচার করে ‡ । ১৫৯ । এবং আমি তাহাদিগকে দ্বাদশ বংশ ও দলে বিভক্ত করিয়াছিলাম ; এবং আমি মুসার প্রতি, যখন তাহার নিকটে তাহার দল জল প্রার্থনা করিয়াছিল, প্রত্যাদেশ করিয়াছিলাম যে, তুমি প্রত্যেককে স্বীয় দণ্ড

* মহাপুরুষ মুসা আপন মণ্ডলীর সম্বন্ধে ঐহিক পারত্রিক কল্যাণের জন্ত যে প্রার্থনা করিয়াছিলেন, তাহার উদ্দেশ্য হয়তো এই হইবে যে, তাঁহার মণ্ডলী যেন ইহপরলোকে অগ্রগণ্য হয় । তাহাতে ঈশ্বর বলিলেন, “আমার কৃপা ও শাস্তি বিশেষভাবে কোন দলের প্রতি নহে ।” যাহাকে ইচ্ছা হয়, ঈশ্বর তাহাকে শাস্তি দান করেন, এবং তাঁহার কৃপার দ্বার সকলের জন্ত মুক্ত । কিন্তু সেই বিশেষ কৃপা তাঁহাদের জন্ত লিপিবদ্ধ আছে, যাহারা পরমেশ্বরের সমুদায় কথা বিশ্বাস করেন ।

(ত, কা,)

+ কতাদা নামক একজন সাধুপুরুষ বলিয়াছিলেন যে, “ইহুদি ও ঈসারী লোকেরা এই করুণার প্রার্থী হইয়া বলিয়াছিলেন যে, ‘আমরা নির্দণন সকলের প্রতি বিশ্বাস স্থাপন করিয়াছি ও ধর্ম্মার্থ দান করিয়া থাকি, অতএব আমাদের এই করুণায় অধিকার আছে ।’” ঈশ্বর তাঁহাদিগকে নিরাশ করিয়া বিশেষ সম্প্রদায়ের প্রতি বিশেষ করুণা করিয়াছেন । তিনি বলিয়াছেন যে, বিষয়বিরাগী বিশ্বাসী লোকের জন্ত আমি যীর করুণা লিখিয়া থাকি । “প্রেরিতপুরুষ” অশিক্ষিত, এই উক্তি দ্বারা হজরত মোহম্মদকে লক্ষ্য করা হইয়াছে । লেখা পড়া না জানিয়াও তাঁহার প্রচুর জ্ঞান ছিল, এই তাঁহার এক অলৌকিকতা ।

(ত, হো,)

‡ ইহারাই সেই লোক ছিল, যে হজরতের নিকটে বাইরা ধর্ম্ম গ্রহণ করিয়াছিল, যথা—সলামের পূর্বে আবদোলা প্রভৃতি ।

(ত, কা,)

এই হুসার ১৫৯, ১৬০, ১৬১ আয়তের ঐতিহাসিক ভাষ্য বকর হুসার বিবৃত হইয়াছে ।

দ্বারা আঘাত কর। অনন্তর তাহা হইতে দ্বাদশ প্রশ্রবণ নিঃসৃত হইল, নিক্ষেপ প্রত্যেক ব্যক্তি আপনাদের জলাশয় চিনিয়া লইল; এবং তাহাদের উপর আমি বারিবাহকে চম্ভ্রাতপ করিরাছিলাম ও তাহাদের প্রতি যান্না সলওয়াকে অবতারণ করিয়াছিলাম, (বলিয়াছিলাম,) আমি যে শুদ্ধবস্ত্র জীবিকারূপে তোমাদিগকে দান করিলাম, তাহা ভক্ষণ কর; তাহারা আমার প্রতি অত্যাচার করে নাই, কিন্তু আপন জীবনের প্রতি অত্যাচার করিতেছিল। ১৬০। এবং (স্মরণ কর,) যখন তাহাদিগকে বলা হইল যে, এ গ্রামেতে বাস কর ও ইহার যথা ইচ্ছা তোমরা ভক্ষণ কর ও বল, পাণ নিবৃত্ত হইল, এবং প্রশ্রাম করিতে করিতে দ্বারে প্রবেশ কর; আমি তোমাদের অপরাধ তোমাদের জন্ত ক্ষমা করিব, অবশ্য আমি হিতকারীদিগকে অধিক দান করিব। ১৬১। অনন্তর তাহাদিগের মধ্যে যাহারা অত্যাচার করিয়াছিল, তাহাদের সম্বন্ধে যাহা বলা হয় নাই, তাহারা এরূপ কথার পরিবর্তন করিল; অবশেষে তাহারা যে অত্যাচার করিতেছিল, তজ্জন্ত আমি স্বর্ণ হইতে তাহাদিগের উপর শাস্তি প্রেরণ করিলাম। ১৬২। (র, ২০, আ, ৫)

এবং তুমি (হে মোহম্মদ,) সেই গ্রামের বিষয়ে, যাহা সাগরকূলে ছিল, তাহাদিগকে প্রশ্র কর, যখন তাহারা শনিবাসরে সীমা লঙ্ঘন করিত; যে দিন তাহাদের শনিবাসর, তখন তাহাদের মংস্ত্র সকল প্রকাশভাবে তাহাদের নিকটে উপস্থিত হইত; এবং যেদিন তাহারা শনিবাসর করিত না, তাহাদের নিকটে আসিত না। এইরূপ তাহারা দুষ্কর্ম করিতেছিল বলিয়া আমি তাহাদিগকে পরীক্ষা করিতেছিলাম *। ১৬৩। এবং যখন তাহাদিগের একদল বলিল, “কেন তোমরা সেই দলকে উপদেশ দিতেছ? ঈশ্বর তাহাদিগের বিনাশকারী, অথবা তিনি তাহাদিগের কঠিন দণ্ডের দণ্ডদাতা;” তাহারা বলিল,

* সেই গ্রামের নাম আয়লা ছিল। উহা মদয়ন ও তুর এই দুই স্থানের মধ্যবর্তী তিব্রিয়া-সাগরের কূলে ছিল। সেই গ্রামনিবাসিগণ তওরাতের বিবিধ অনুসরণ করিয়া চলিত। তাহাদের কর্তব্যের মধ্যে শনিবারের সম্মান করা একটি কর্তব্য ছিল। সে দিবস মংস্ত্র শিকার করা ও বিষয়-কর্মে লিপ্ত হওয়া নিষেধ ছিল। তাহারা ঈশ্বরের সেই আজ্ঞা লঙ্ঘন করিয়া মহাপুরুষ দাউদ কর্তৃক তিরস্কৃত হয়। পরমেশ্বর ইহুদিদিগের চক্রিয়া প্রকাশ করিবার উদ্দেশ্যে হজরতকে বলিলেন যে, “তুমি এষ্টাধিকারীদিগকে প্রশ্র কর।” শনিবার দিন জলের উপর তাহাদের নিকটে মংস্ত্র সকল ভাসিয়া বেড়াইত, অল্প দিবস এরূপ হইত না। ইহা দ্বারা ঈশ্বর তাহাদিগকে পরীক্ষা করিতেছিলেন। যখন আয়লানিবাসিগণ শনিবারে অনেক মংস্ত্র দেখিত, তাহা শিকার করিতে পারিত না, ধৈর্যধারণও অক্ষম হইত। অনেক ভাবিয়া চিন্তিয়া এক উপায় স্থির করিল, সমুদ্রের কূলে ক্ষুদ্র ক্ষুদ্র পুষ্করিণী পান করিয়া সমুদ্র হইতে খাল কাটিয়া সেই সকল পুষ্করিণীর সঙ্গে যোগ করিয়া দিল। জোওয়ারের জলের সঙ্গে মংস্ত্র সকল প্রণালী দিয়া গর্ভে প্রবেশ করিলে তাহারা প্রণালীর মূণ জাল দ্বারা বদ্ধ করিয়া রাখিত; রবিবার দিন পুষ্করিণীতে সেই মংস্ত্র আবদ্ধ রাখিয়া পরে অনায়াসে শিকার করিয়া উদ্ধর-পুষ্টি করিত।

(ত, হো,)

“তোমাদের প্রতিপালকের নিকটে মিনতি করিবার জগ্ (এই উপদেশ ;) ভরসা যে, তাহারা ধর্ম-ভীক্ হইবে” * । ১৬৪ । অনন্তর যখন যে বিষয়ে উপদেশ দেওয়া হইয়াছিল, তাহারা তাহা বিশ্বস্ত হইল; যাহারা দুর্কর্ম হইতে নিবারণ করিতেছিল, তাহাদিগকে আমি মুক্তিদান করিলাম, এবং যাহারা অত্যাচার করিয়াছিল, তাহাদিগকে কঠিন শাস্তিদ্বারা আক্রমণ করিলাম, যেহেতু তাহারা কুর্কর্ম করিতেছিল । ১৬৫ । পরে যখন তাহারা যে বিষয়ে নিষেধ প্রাপ্ত হইয়াছিল, সে বিষয়ের (পরিত্যাগে) অবাধ্যতা করিল; তখন আমি তাহাদিগকে বলিলাম, “তোমরা জগ্গ মর্কট হইয়া যাও” † । ১৬৬ । এবং (স্মরণ কর,) যখন তোমার প্রতিপালক জ্ঞাপন করিলেন যে, অবশ্য তাহাদের উপরে কেয়ামতের দিন পর্য্যন্ত কোন এক ব্যক্তিকে প্রেরণ করিবেন, যেন তাহাদিগকে কঠিন শাস্তি অর্পণ করে ; ‡ নিশ্চয় তোমার ঈশ্বর সহর শান্তিদাতা, এবং নিশ্চয় তিনি ক্ষমাকারী ও দয়ালীল । ১৬৭ । এবং আমি ধরাতলে তাহাদিগকে বহুদলে বিভক্ত করিয়াছি, তাহাদিগের (কতক লোক সাধু ও তাহাদের কতক লোক এতদ্বিত্ত ; এবং তাহাদিগকে আমি শুভা-শুভ দ্বারা পরীক্ষা করিয়াছি, যেন তাহারা ফিরিয়া আইসে § । ১৬৮ । অনন্তর তাহাদিগের অন্তে স্থলবর্তী (অর্থাৎ স্থলাভিষিক্ত) হইল, গ্রন্থের স্বত্ত্ব লাভ করিল; তাহারা এই নিকৃষ্ট জীবনের সামগ্রী গ্রহণ করিতেছে, এবং বলিতেছে যে, আমাদের জগ্গ অবশ্য ক্ষমা আছে ; এবং যদি তাহাদের নিকট তৎসদৃশ সামগ্রী উপস্থিত হয়, তাহারা তাহা গ্রহণ করে । তাহাদের প্রতি কি গ্রন্থের অঙ্গীকার গৃহীত হয় নাই যে, ঈশ্বরের সন্দেহে সত্য ভিন্ন বলিবে না ? তাহাতে যাহা আছে, তাহারা পাঠ করিয়াছে, এবং ধর্মভীক্দিগের জগ্গ পারলৌকিক আলায় উৎকৃষ্ট, পরন্তু তাহারা কি বুঝিতেছে না ? ॥ ১৬৯ । এবং যাহারা

* তাহাদের মধ্যে তিন দল ছিল, এক দল শিকার করিত, একদল নিষেধ করিত, এবং আর এক দল এ দুইয়ের কিছুই করিত না । কিন্তু যাহারা নিষেধ করিত, তাহারাষ্ট শ্রেষ্ঠ ছিল । (ত, ফা,)

† নিষেধকারী লোকেরা শিকারীদিগের সঙ্গে মিলিত হইত না, আপনাদের ও তাহাদের ভবনের মধ্যে প্রাচীর স্থাপন করিয়াছিল, যেন তাহাদের সঙ্গে দেপা সাক্ষাৎ না হয় । এক দিন তাহারা প্রাতঃকালে গাত্রোথান করিয়া শিকারীদিগের কোন কথা শুনিতে পাইল না । প্রাচীরের উপর হইতে দৃষ্টি করিয়া দেখিল যে, প্রত্যেক গৃহে বানর বিরাজ করিতেছে । সেই মর্কটে পরিণত লোক সকল আপন প্রতিবেশীদিগের চরণে মন্তক স্থাপন করিয়া দুঃখে ক্রন্দন করিতে লাগিল । অবশেষে তাহারা অতি দ্রুতবাহ্য তিন দিনের মধ্যে প্রাণত্যাগ করিয়াছিল । (ত, হো,)

‡ তওরাত গ্রন্থে ইহুদিদিগের সন্দেহে উক্ত হইয়াছে যে, যখনতোমরা তওরাতের বিধি অমান্য করিবে, তখন তুমি তোমারিগের উপর অস্ত্র লোক পরাক্রান্ত হইবে ও তোমরা কেয়ামত পর্য্যন্ত হীলাবস্ত্রা থাকিবে । এক্ষণ কোথাও ইহুদিদিগের আধিপত্য নাই, তাহারা অস্ত্র জাতির প্রজা হইয়া আছে । (ত, ফা,)

§ ইহুদিগণ ভাগ্যহীন হইল, তাহারা আশ্রয়কলহে প্রবৃত্ত হইয়া নানাস্থানে বিচ্ছিন্ন হইয়া পড়িল, এবং তাহাদের ধর্মও বিভিন্ন হইল । (ত, ফা,)

॥ পরবর্তী ইহুদিগণ তওরাত গ্রন্থ শিক্ষা করিয়া উৎকোচগ্রহণপূর্ব্বক তাহার বিধির ব্যতিক্রম

গ্রন্থ অবলম্বন করে ও উপাসনাকে প্রতিষ্ঠিত রাখিয়াছে, নিশ্চয় আমি সেই সাধুদিগের পুরস্কার বিনষ্ট করি না। ১৭০। এবং (স্মরণ কর,) যখন আমি তাহাদিগের উপরে পূর্বত উঠাইয়াছিলাম, যেন তাহা চন্দ্রাতপ ছিল ও তাহার। মনে করিয়াছিল যে, নিশ্চয় তাহা তাহাদের উপর পতিত হইবে; (আমি বলিয়াছিলাম,) তোমাদিগকে যাহা দান করিতেছি, দৃঢ়তাসহকারে গ্রহণ কর, এবং যাহা ইহাতে আছে, স্মরণ কর, ভরসা যে রক্ষা পাইবে। ১৭১। - (র, ২১; আ, ৯,)

এবং (স্মরণ কর,) যখন তোমার প্রতিপালক আদমের সম্মানগণ হইতে তাহাদের ঔরসজাত তাহাদের সম্মানগণকে গ্রহণ করিলেন ও তাহাদের জীবনসম্বন্ধে তাহাদিগকে সাক্ষী করিলেন যে, “আমি কি তোমাদিগের প্রতিপালক নহি?” তাহার। বলিল, “সত্য, আমরা সাক্ষী হইলাম;” (ইহা এজ্ঞা) যেন কেয়ামতের দিনে তোমরা না বল যে, “নিশ্চয় আমরা এবিষয়ে উদাসীন ছিলাম”। ১৭২। + অথবা বল যে, “পূর্ব হইতে আমাদের পিতৃপুরুষগণ অংশী স্থাপন করিয়াছেন, তদ্বিল্ল নহে, এবং আমরা তাহাদের পশ্চাদ্বর্তী সম্মান হই; অনন্তর ঐশীচারণা যাহা করিয়াছে, তজ্জ্ঞ কি তুমি আমাদিগকে বিনাশ করিতেছ?” *। ১৭৩। এবং এই প্রকার আমি নিদর্শন সকল ব্যক্ত করি, এবং ভরসা যে, তাহার। ফিরিয়া আসিবে *। ১৭৪। এবং যাহাকে আমি স্বীয় নিদর্শন সকল প্রদান করিয়াছিলাম, পরে তাহা হইতে যে সে বহির্গত হইল, অবশেষে শয়তান তাহার অনুসরণ করিল, পশ্চাৎ পথভ্রাস্তদিগের অন্তর্গত হইল, তাহার বৃত্তান্ত তুমি ইহাদের নিকটে পাঠ কর। ১৭৫। এবং যদি ইচ্ছা করিতাম, অবশ্য তাহাকে উহার সঙ্গে উন্নত

করিয়াছিল; তাহার। বলিত যে, আমাদের দিবাভাগের পাপ রাত্রিতে, রাত্রিকালের পাপ দিবাভাগে ক্ষমা হইয়া থাকে। তাহার। পাপ তাগ ও অনুতাপ করিত না। “তৎসদৃশ” অর্থাৎ পূর্বোক্ত উৎকোচের জায় সামগ্রী উপস্থিত হইলেই গ্রহণ করিত। (ত, হো,)

* পরমেশ্বর আদমের ঔরস হইতে তাহার সম্মান সকল উৎপাদন করিয়াছেন। তাহাদিগকে আপন। দাস বলিয়া গ্রহণ করিয়া, তিনিই একমাত্র ঈশ্বর, এ বিষয়ে সকলকে অঙ্গীকারে বদ্ধ করিয়া ছিলেন। পরে লোক সকল অংশিবাদী হয়। এই আর্য ও পূর্ববর্তী আর্যের তাৎপর্য এই যে, ঈশ্বরকে মাস্ত করিতে প্রত্যেক ব্যক্তি নিজেই উপযুক্ত, তদ্বিষয়ে পিতৃপিতামহের সঙ্গে কোন সম্বন্ধ নাই। পিতা ঈশ্বরের সঙ্গে অংশী স্থাপন করিলেও, পুত্রের উচিত যে, অংশিবিহীন অধিতীয় ঈশ্বরে বিশ্বাসী হয়। যদি কেহ বলে যে, সেই অঙ্গীকার তো আমাদের স্মরণ নাই, অতএব তদ্বিষয়ে আমাদের কি প্রয়োজন? তবে ইহা জানিবে যে, তাহার চিহ্ন প্রত্যেকের অন্তরে আছে; প্রত্যেক রসনা ব্যক্ত করিয়াছে যে, সকলের শ্রুতি একমাত্র ঈশ্বর, সমুদায় জগৎ একথা প্রচার করিতেছে। যাহারা ঈশ্বর স্বীকার করে না, অথবা অংশী স্থাপন করে, তাহার। স্বীয় নীচ বুদ্ধির অনুসরণে তাহা করিয়া থাকে; নিজেই সেই সকল লোক বিশ্বাবাদী হয়। (ত, কা,)

+ ইহাদিগকে এই ইতিহাস শুনান হয়, অংশিবাদিদিগের জায় তাহারাও অঙ্গীকার ভঙ্গ করিয়াছিল। (ত, কা,)

করিতাম, কিন্তু সে নিয়মিকে বুঝিয়া পড়িল, এবং আপন ইচ্ছার অনুসরণ করিল ; অতএব তাহার অবস্থা কুকুরের অবস্থার স্তায়। যদি তাহার উপরে ভার্যাপণ কর, সে লোলজিহ্ব হইবে, কিংবা যদি তাহাকে ছাড়িয়া দেও, সে লোলজিহ্ব হইবে ; যাহারা আমার নিদর্শন সকলের প্রতি অসত্যারোপ করিয়াছে, সেই দলের এই অবস্থা হয়। অনন্তর তুমি এই ইতিহাস বর্ণন কর তাহাতে তাহারা চিন্তা করিবে * । ১৭৬। যাহারা আমার নিদর্শন সকলের প্রতি অসত্যারোপ করিয়াছে ও আপন জীবনের প্রতি অত্যাচার করিতেছে, সেই দল ছুব্বাপন্ন। ১৭৭। ঈশ্বর যাহাকে পথ প্রদর্শন করেন, সে পরে পথ প্রাপ্ত হয়, এবং তিনি যাহাদিগকে বিভ্রান্ত করেন, অনন্তর ইহারা তাহারাই যে ক্ষতিগ্রস্ত। ১৭৮। এবং সত্য সত্যই আমি দানব ও মানবের অধিকসম্ব্যাককে নরকের জন্ত সৃষ্টি করিয়াছি ; তাহাদের জন্ত অন্তঃকরণ আছে, তদ্বারা তাহারা বুঝিতে পারে না, তাহাদের জন্ত চক্ষু আছে, তদ্বারা দর্শন করিতে পায় না। তাহাদের জন্য কর্ণ আছে, তদ্বারা তাহারা শুনিতে পায় না ; তাহারা চতুষ্পদ-সদৃশ, বরং তাহারা পথভ্রান্ত, ইহারাই তাহারা যে উপেক্ষাকারী। ১৭৯। এবং ঈশ্বরের জন্ত উত্তম নাম সকল আছে, তোমরা তৎসহকারে তাঁহাকে আহ্বান কর, এবং যাহারা তাঁহার নামেতে কুটিলতা করে, তাহাদিগকে পরিত্যাগ কর ; তাহারা যাহা করিতেছে, অবশ্য তদ্বিনিময় প্রদত্ত হইবে † । ১৮০। এবং তাহাদের মধ্য হইতে এক দল আমি সৃষ্টি করিয়াছি যে, সত্যসহকারে তাহারা পথপ্রদর্শন করে ও তৎসাহায্যে বিচার করিয়া থাকে। ১৮১। (র, ২২, আ, ১০)

* মহাপুরুষ মুসার সৈন্তদল এক বাদশার প্রতি ধাবিত হইয়াছিলেন। তাঁহার রাজ্যে একজন অলৌকিক ক্ষমতাবান ফকির ছিলেন, তখন বাদশা তাঁহার নিকটে সাহায্য প্রার্থনা করিলেন। ফকির তাঁহাকে সাহায্য করিতে অন্তরে নিবেদন প্রাপ্ত হইলেন। অতঃপর বাদশা ফকিরের স্ত্রীকে ধন দ্বারা বশীভূত করিলেন, সে স্বামীকে সম্মত করিয়া বাদশার নিকটে পাঠাইয়া দিল। ফকির কোন অলৌকিক ক্রিয় করিতে অক্ষম হইয়া বাদশাকে এই চক্রান্ত করিতে বলিলেন যে, কতকগুলি কুলটী স্ত্রীলোক মুসার সৈন্তদলের মধ্যে পাঠাইয়া দেও, সৈন্তগণ তাহাদের সঙ্গে ব্যভিচারে প্রবৃত্ত হইলেই চূর্ণশাপন্ন হইবে। পরমেশ্বর মুসার পুণ্যের অনুরোধে এই যড়যন্ত্র বিফল করিয়া যড়যন্ত্রকারীকে বিড়ম্বিত করিলেন। ইহকালে বা পরকালে তাঁহার এই শাস্তি হইল যে, কুকুরের স্তায় জিহ্বা মুখ হইতে বাহির হইয়া পড়িল। উচ্চ জ্ঞান থাকিলে যখন প্রকৃতভাবে সেই জ্ঞানের অনুসরণ করা হয়, তখনই তাহার দ্বারা কার্য হইয়া থাকে। লোভমোহের বশবর্তী হইয়া সেই জ্ঞানকে কার্যে পরিণত করিতে চাহিলে কোন ফল হয় না, বরং তাহাতে শ্রান্ত কুকুরের অবস্থার তুল্য অবস্থা হয়। লোভ অন্তরে হান প্রাপ্ত হইলে জ্ঞানভারে আক্রান্ত হও বা জ্ঞানশূন্য হও, তোমার জিহ্বা বিবৃত হইয়া পড়িবেই। (ত, কা,)

† অর্থাৎ পরমেশ্বর আশ্বস্তরূপ বুঝাইয়া বলেন যে, উপাসনাকালে আমাকে এই নামে আহ্বান করিও, কুটিল পথ আশ্রয় করিও না। ঈশ্বর যে গুণ বুঝাইয়া দেন না, তাহা বলাই কুটিলতা।

(ত, কা,)

এবং যাহারা আমার নিদর্শন সকলের প্রতি অসত্যারোপ করিয়াছে, অবশ্য আমি তাহাদিগকে, তাহারা যে স্থান দিয়া জানিতে পায় না, ক্রমশঃ (বিপথে) আকর্ষণ করিব। ১৮২। এবং তাহাদিগকে অবকাশ দিব, নিশ্চয় আমার চতুরতা দৃঢ়। ১৮৩। তাহারা কি চিন্তা করে না যে, তাহাদের সঙ্গীর জগৎ কোন ক্ষিপ্ততা নয়, সে স্পষ্ট ভয়প্রদর্শক ভিন্ন নহে *। ১৮৪। স্বর্গ মর্ত্যের রাজত্বের প্রতি এবং সেই পদাধি যাহা ঈশ্বর সৃজন করিয়াছেন তৎপ্রতি, এবং নিশ্চয় যে তাহাদের কাল নিকটবর্তী হইল তৎপ্রতি, কি তাহারা দৃষ্টি করে না? অবশেষে ইহার (কোরু-আনের) পরে কোন বাক্যে তাহারা বিশ্বাস স্থাপন করিবে? ১৮৫। ঈশ্বর যাহাকে পথভ্রান্ত করেন, পরে তাহার জগৎ পথপ্রদর্শক নাই, তিনি তাহাদিগকে আপন অবাধ্যতায় ঘৃণায়মান হইতে ছাড়িয়া দেন। ১৮৬। তাহারা তোমাকে কেয়ামতের বিষয় জিজ্ঞাসা করিতেছে যে, তাহা সজ্ঞটনের কখন সময়? বল, তাহার জ্ঞান আমার প্রতিপালকের নিকটে, তদ্বিষয় নহে, তিনি ভিন্ন যথাসময়ে কেহ তাহাকে প্রকাশিত করিবে না; স্বর্গে ও মর্ত্যে তাহা গুরুভার, ঈ তাহা অকস্মাৎ বৈ তোমাদের নিকটে আসিবে না। তাহারা তোমাকে প্রশ্ন করিতেছে, যেন তুমি তবিষয়ে বিতর্ককারী; তুমি বল যে, তাহার জ্ঞান ঈশ্বরের নিকটে, তদ্বিষয় নহে, কিন্তু অধিকাংশ লোক ব্রূহিতেছে না। ১৮৭। বল, ঈশ্বর যাহা চাহেন, তদ্বিষয় আমি আপনার জগৎ হিত ও অহিত করিতে সক্ষম নাই, এবং যদি আমি গুপ্ত বিষয়ের জ্ঞান রাখিতাম, তবে অবশ্য বহুকল্যাণ লাভ করিতাম, এবং আমার প্রতি কোন অমঙ্গল উপস্থিত হইত না; আমি বিশ্বাসিদলের জগৎ ভয়প্রদর্শক ও সূসংবাদদাতা বৈ নহি। ১৮৮। (র, ২৩, আ, ৭)

তিনিই যিনি তোমাদিগকে এক ব্যক্তি হইতে সৃষ্টি করিয়াছেন, তাহা হইতে তাহার স্ত্রী উৎপাদন করিয়াছেন, যেন সে তাহাতে আরাম প্রাপ্ত হয়; অনন্তর যখন সে তাহাকে সঙ্গ করিল, সে লঘুতর গর্ভে গর্ভবতী হইল, পরে তাহার (স্বামীর) সঙ্গে চলিয়া গেল; অবশেষে যখন গুরু-ভারাক্রান্ত হইল, তখন উভয়ে আপন প্রতিপালক পরমেশ্বরের নিকটে প্রার্থনা করিল যে, যদি আমাদিগকে তুমি সাধু (পুত্র) দান কর, তবে অবশ্য আমরা কৃতজ্ঞদিগের অন্তর্গত হইব। ১৮৯। অনন্তর যখন তিনি তাহাদের উভয়কে সাধু (পুত্র) দান করিলেন, যাহা তাহাদিগকে দেওয়া হইয়াছিল, তবিষয়ে তাহার জগৎ তাহারা অংশী নির্ধারণ করিল; পরন্তু যাহাকে তাহারা অংশী স্থাপন করিয়া থাকে, তাহা

* এখানে প্রেরিতপুরুষকে সঙ্গী বলা হইয়াছে; কেন না, তিনি সর্বদা তাহাদের সঙ্গে সঙ্গে আছেন। (ত, ফা,)

† অর্থাৎ ঈশ্বর ব্যতীত কি স্বর্গবাসী দেবগণ ও কি মর্ত্যবাসী মানববৃন্দ সকলেই তাহা জানিতে অক্ষম। (ত, হো,)

হইতে ঈশ্বর সম্মত * । ১২০ । যে কোন বস্তু স্বজন করিতে পারে না, এবং স্বয়ং সৃষ্ট, তাহাকে তাহারা কি অংশী করিতেছে ? ১২১ । এবং তাহারা (সেই অংশিগণ) তাহা-
দিগকে সাহায্য করিতে সক্ষম নহে ও আত্মজীবনকেও সাহায্য করিতে পারে না । ১২২ ।
এবং যদি তোমরা তাহাদিগকে সম্পদের দিকে আহ্বান কর, তাহারা তোমাদের
অহুসরণ করিবে না ; তাহাদিগকে তোমরা আহ্বান কর, অথবা নীরব থাক, তোমাদের
সম্বন্ধে তুল্য । ১২৩ । নিশ্চয় তোমরা ঈশ্বর ব্যতীত যাহাদিগকে আহ্বান কর, তাহারা
তোমাদের গ্নায় ভূত্য ; ভাল, তাহাদিগকে আহ্বান কর, যদি তোমরা সত্যবাদী হও,
তবে তোমাদিগকে উত্তর দান করা তাহাদের উচিত । ১২৪ । তাহাদের কি পদ আছে
যে, তদ্বারা গমন করে, অথবা তাহাদের হস্ত আছে যে, তদ্বারা গ্রহণ করে ? কিংবা
তাহাদের চক্ষু আছে যে, তদ্বারা দর্শন করে বা তাহাদের কর্ণ আছে যে, তদ্বারা শ্রবণ
করে ? তুমি বল, (হে মোহম্মদ,) তোমরা স্বীয় অংশীদিগকে (প্রাতিমাদিগকে) আহ্বান কর,
তৎপর আমার সঙ্গে প্রতারণা করিও, অবশেষে আমাকে অবকাশ দিও না । ১২৫ ।
যিনি গ্রন্থ অবতারণ করিয়াছেন, নিশ্চয় আমার সহায় সেই ঈশ্বর, এবং তিনি সাধুদিগকে
প্রীতি করেন । ১২৬ । এবং ঈশ্বরকে ছাড়িয়া যাহাদিগকে তোমরা আহ্বান করিয়া থাক,
তাহারা তোমাদিগকে সাহায্য করিতে সক্ষম নহে, এবং নিজের জীবনকেও সাহায্য
করিতে পারে না । ১২৭ । এবং যদি তোমরা তাহাদিগকে সম্পদে আহ্বান কর, তাহাতে
শুনিবে না ও তুমি (হে দর্শক,) তাহাদিগকে দেখিতেছ যে, তোমার প্রতি দৃষ্টি
করিতেছে, বস্তুতঃ তাহারা দেখিতেছে না । ১২৮ । ক্ষমাকে স্বীকার কর, এবং বৈধ-
বিষয়ে আদেশ কর, অজ্ঞানিগণ হইতে বিমুখ হও * । ১২৯ । যদি শয়তানের প্ররোচনা

* কথিত আছে যে, এই অবস্থা আদম ও হবার সম্বন্ধে ঘটয়াছিল । হবার যখন প্রথম গর্ভ হইল,
তখন শয়তান একজন সাধুপুরুষের রূপ ধারণ করিয়া তাঁহার নিকটে উপস্থিত হয়, এবং তাঁহাকে ভয়
প্রদর্শন করিয়া বলে যে, তোমার গর্ভে কোন ভয়ঙ্কর জন্তু জন্মিয়াছে । যখন তাঁহারা স্বামী স্ত্রী প্রার্থনা
করিতে লাগিলেন, তখন সে আদম ও হবাকে বলিল যে, “আমার আশীর্বাদে বিপদ ঘটবে না,
তোমাদের পুত্রসন্তান হইবে । তাহার নাম আবদোল্ হারেস (হারেসের দাস) রাখিও ;” হারেস
শয়তানের অন্ততর নাম । আদম ও হবা আপন সন্তানের এই নাম রাখিয়াছিলেন । এই আধ্যাত্মিক
অনুসারে সংবাদবাহকের অংশবাদী হওয়া প্রমাণিত হইতেছে । অথবা এই উপাখ্যান অলীক । বস্তুতঃ
এই আয়তে অন্ত স্ত্রী পুরুষকে লক্ষ্য করিয়া ইহা বলা হইয়াছে, আদম ও হবাকে নহে । আদম হবার
বৃদ্ধান্ত পূর্বেই বিবৃত হইয়াছে । এই কথা স্বীকার করিতে হইবে যে, যাহা কিছু সম্বন্ধে সজ্ঞাটন
হওয়া নির্দ্বারিত ছিল, তাহা আদম হবাতে প্রথম প্রকাশিত হইয়াছে । তাঁহাদের জীবনেই তাহার
আদর্শস্থল । সন্তানের পাপ তাঁহাদের মধ্যে দৃষ্ট হইয়াছে, যেমন দর্পণে প্রতিবিম্ব দৃষ্ট হয় । যথা,
লোতপর্বণ হওয়া, ঈশ্বরের আজ্ঞা লঙ্ঘন করা, এবং কথা কহিয়া বিশ্বৃত হওয়া ইত্যাদি সন্তানের চরিত্র
আদম হবার জীবনে লক্ষিত হইয়াছে ।

(ভ, কা,)

+ এই আয়ত অবতীর্ণ হইলে স্ত্রীলকে হজরত জিজ্ঞাসা করিয়াছিলেন যে, “এই কথার প্রকৃত

তোমাকে প্ররোচিত করে, তবে তুমি ঈশ্বরের শরণ লইও, নিশ্চয় তিনি শ্রোতা ও জ্ঞাতা। ২০০। নিশ্চয় যাহারা ধর্মভীরু হয়, যখন তাহাদিগকে শয়তানের প্ররোচনা অভিভূত করে, তখন তাহারা (ঈশ্বরকে) স্মরণ করিয়া থাকে, পরে তাহারা অকস্মাৎ চক্ষুমান্ হয়। ২০১। এবং তাহাদের ভ্রাতৃগণ তাহাদিগকে বিপথে আকর্ষণ করে, তৎপর তাহারা ক্রান্ত হয় না। ২০২। এবং যখন (হে মোহম্মদ,) তাহাদের নিকটে কোন নিদর্শন উপস্থিত না কর, তাহারা বলে, “কেন তুমি তাহা আনয়ন করিলে না?” তুমি বল, আমার প্রতি আমার প্রতিপালক হইতে যাহা প্রত্যাদেশ হয়, আমি তাহার অনুসরণ করি, তদ্বিত্ত নহে; তোমাদের প্রতিপালক হইতে ইহা (কোর-আন্) প্রমাণপুঙ্খ-স্বরূপ (অবতীর্ণ,) এবং বিশ্বাসিগণের জন্য দয়া ও পথপ্রদর্শন হয়। ২০৩। এবং যখন কোর-আন্ পাঠ হয়, তখন তোমরা তাহা শ্রবণ করিও, এবং নীরব থাকিও; ভরসা যে, তোমরা দক্ষিণ প্রাপ্ত হইরে, *। ২০৪। এবং তুমি আপন অন্তরে স্বীয় প্রতিপালককে শঙ্কিত ও কাতরভাবে স্মরণ কর ও অতৃচ্ছবাক্যে প্রাতঃসম্বাদ্য (স্মরণ কর,) এবং উপেক্ষাকারীদের অন্তর্গত হইও না। ২০৫। নিশ্চয় যাহারা তোমার প্রতিপালকের নিকটে আছে, তাহারা তাঁহার উপাসনায় অহঙ্কার করে না, তাঁহাকে পবিত্রভাবে স্মরণ করে ও তাঁহাকে নমস্কার করে †। ২০৬। (র, ২৪, আ, ১৮)

মন্ত্র কি?” তাহাতে ছেত্রিল বলেন যে, “তোমার ঈশ্বর বলিতেছেন যে, যে ব্যক্তি তোমা হইতে বিচ্ছিন্ন হয়, তাহাদের সঙ্গে মিলিত হও। যে জন তোমাকে বশীকৃত করে, তাহাকে দান কর; যে ব্যক্তি তোমার প্রতি অত্যাচার করে, তাহাকে ক্ষমা কর।” প্রকৃতপক্ষে সাধুলোকেই এই প্রকৃতির মূল। “স্মরণ হইতে বিমুখ হও” অর্থাৎ নীচ অজ্ঞান লোকদিগের সঙ্গে বিবাদ করিও না। (ত, হো,)

* যখন কেহ কোর-আন্ পাঠ করে, তখন অল্প লোকের উচিত যে, কথা না বল ও মনোযোগ-পূর্বক শ্রবণ করে। হয়তো তাহারা তাহাতে অন্তরে আলোক লাভ করিতে পারিবে। কথোপকথনের সভাতে পাঠক উচ্চৈঃস্বরে পাঠ করিলে তাহার গঞ্জে অপরাধ। (ত, ফা,)

† ঈশ্বরকে মাত্র সেজদা (নমস্কার) কবিবে, অল্প কাহাকে নমস্কার করিবে না, নমস্কার বিশেষ ভাবে ঈশ্বরের প্রাপ্য। এই আয়ত পাঠায়ে নমস্কার করা কর্তব্য। কোর আনপাঠে নমস্কার চতুর্দশ স্থলে বিধি। দুই স্থানে মতভেদ আছে। এক, সূরা হুদের শেষভাগে এমাম শাফি ও এমাম আহমদের মতে নমস্কার বিধি, এমাম আজমের মতে বিধি নয়। দ্বিতীয়, সূরা “স” তে এমাম আজমের মতে নমস্কার আছে, অল্প অল্প এমামের মতে নয়। এমাম আজমের মতে নমাজের সময়ে ও অল্প সময়ে অধ্যায়নের নমস্কার পাঠক ও শ্রোতা উভয়ের প্রতি বৈধ। ভ্রমপ্রমাদাদিবশতঃ তাহা না করা হইলে, পরে যথাবিধি তাহা পূর্ণ করা আবশ্যক। অল্পাংশ এমামের মতে নমস্কার করা বিধি, কিন্তু “কোত” হইলে অর্থাৎ ঘটনাবশতঃ না করিলে, “কজা” করা অর্থাৎ পূর্ণ করা আবশ্যক নহে। (ত, হো,)

সূরা আনফাল *

.....

অষ্টম অধ্যায়

.....

৭৫ আয়াত, ১০ রকু

(দাতা দয়ালু পরমেশ্বরের নামে প্রবৃত্ত হইতেছি)

তাহারা লুণ্ঠিত দ্রব্যভ্রাত বিষয়ে তোমাকে (হে মোহাম্মদ,) প্রশ্ন করিয়া থাকে ; বল, লুণ্ঠিত সামগ্রী সকল ঈশ্বরের ও প্রেরিত পুরুষের জন্ত ; অনন্তর ঈশ্বরকে ভয় কর ও আপনাদের পরম্পরের মধ্যে সম্ভাব স্থাপন কর, এবং যদি তোমরা বিশ্বাসী হইয়া থাক, তবে পরমেশ্বরের ও তাঁহার প্রেরিত-পুরুষের অলুগত হও । ১ তাহারা বিশ্বাসী, তন্নিয়ম নহে ; যখন ঈশ্বর স্মৃত হন, তখন তাহাদের অন্তঃকরণ ভীত হইয়া থাকে, এবং যখন তাহাদের নিকটে তাঁহার নিদর্শন সকল পঠিত হয়, তাহাদের বিশ্বাস বৃদ্ধি হয় এবং তাহারা আপন প্রতিপালকের প্রতি নির্ভর করে, ঃ তাহারা উপাসনাকে প্রতিষ্ঠিত রাখে ও তাহাদিগকে যে উপজীবিকা দেওয়া হয়, তাহারা তাহা হইতে বায়্য করে । ২+৩ । ইহারাই তাহারা, যে প্রকৃতরূপে বিশ্বাসী, তাহাদের প্রতিপালকের নিকটে তাহাদের জন্ত উন্নত পদ সকল ও ক্ষমা এবং গৌরবাঘিত উপজীবিকা আছে । ৪ । যেক্ষণ হোমার প্রতিপালক তোমার আশ্রয় হইতে উচিতরূপে তোমাকে বাহির

* মদিনাতে এই সূরার আবির্ভাব হয় ।

+ সংগ্রামে কতক লোক অগ্রসর হইয়াছিল, কতক সৈন্য পশ্চাত্তাণে ছিল । যখন লুণ্ঠের সামগ্রী সকল সংগ্রহ করা হইল, তখন অগ্রবর্তী সৈন্যগণ বলিল যে, আমরা শত্রুকে পরাজয় করিয়াছি, এ সকল দ্রব্য আমাদের অধিকার ; এবং পশ্চাত্তাণী সেনারা বলিল যে, আমাদের বলে যুদ্ধে জয়লাভ হইয়াছে, লুণ্ঠের বস্তুতে আমাদের স্বত্ব । ঈশ্বর উভয়কে নীরব করিলেন, কেন না, ঈশ্বরের সাহায্যে জয়লাভ হয়, অলু কাহারও শক্তিতে নহে । অতএব সেই সম্পত্তির অধিকারী ঈশ্বর ; প্রেরিতপুরুষ তাঁহার প্রতিনিধি হন । (ত, ফা,)

‡ যখন কোন প্রত্যাদেশ অবতীর্ণ হয় ও তাহা বিশ্বাসীদের নিকটে পড়া যায়, তাহাতে তাহাদের বিশ্বাসের বৃদ্ধি হয়, ঈশ্বরের অনন্ত মহিমা ও গৌরব প্রাতিষ্ঠান তাঁহাদের অন্তঃকরণ ভরাকুল হইয়া থাকে । হকায়েকসুদলাম গ্রন্থে উক্ত হইয়াছে যে, কোর-অ-নুপাঠের প্রসাদাৎ অন্তরে বিশ্বাসের জ্যোতিঃ প্রকাশ পায়, উপাসনা সাধনার বৃদ্ধি হয় । বহরোলহকায়েক গ্রন্থে উক্ত হইয়াছে যে, বিশ্বাস বস্তুতঃ জ্যোতিঃবিশেষ, মনের দ্বারের প্রশস্ততা অনুসারে সেই জ্যোতিঃ মনে প্রবেশ করে । মনবী ব্যক্তির নিকটে কোর-আন পাঠ করিলে সেই পাঠের প্রসাদাৎ তাঁহার মনের দ্বার উন্মুক্ত হয়, তাহাতে বিশ্বাস-জ্যোতিঃ অধিক পরিমাণে প্রকাশ পায় । (ত, হো,)

করিয়াছেন, নিশ্চয় তাহাতে বিশ্বাসীদিগের একদল একান্ত অসন্তুষ্ট *। ৫। সত্যসম্বন্ধে তাহা প্রকাশিত হওয়ার পর, তাহারা তোমার সঙ্গে বিতণ্ডা করিতেছিল, তাহারা যেন মৃত্যুর দিকে চালিত হইতেছে, এবং তাহারা দেখিতেছে †। ৬। এবং (স্মরণ কর,) যখন পরমেশ্বর সেই দুই দলের এক দলকে তোমাদের সম্বন্ধে অঙ্গীকারে বদ্ধ করিতেছিলেন, যেন তাহারা তোমাদের জগ্ন হয়, এবং তোমরা প্রতাপশূন্য দলকে মনোনীত করিতেছিলে, যেন তাহারা তোমাদের নিমিত্ত হয়; ঈশ্বর ইচ্ছা করিতেছিলেন যে, আপন উক্তি সকল দ্বারা সত্যকে প্রমাণিত করেন, এবং ধর্মদ্রোহীদিগের মূল ছিন্ন করেন ‡। ৭। + তাহাতে সত্যকে সত্য করেন, অসত্যকে অসত্য করেন, যদিচ অপরাধিগণ অসন্তুষ্ট হইয়াছিল। ৮। (স্মরণ কর,) যখন তোমরা আপন প্রতিপালকের নিকটে প্রার্থনা করিতেছিলে, তখন তোমাদিগের জগ্ন তিনি (তাহা) গ্রহণ করিয়াছিলেন; (বলিলেন) নিশ্চয় আমি ক্রমশঃ সহস্র দেবতা দ্বারা তোমাদিগকে সাহায্যদান করিয়াছি। ৯। এবং পরমেশ্বর তাহা স্বেচ্ছাবাদের জগ্ন বৈ করেন নাই, যেন তদ্বারা তোমাদের অস্তঃকরণ সাস্থ্য লাভ করে, এবং ঈশ্বরের নিকট হইতে বৈ সাহায্য নাই; সত্যই ঈশ্বর পরাক্রান্ত ও বিজ্ঞাত। ১০। (র, ১, আ, ১০)

* কোরেশ বণিগদল প্রচুর স্রবাজাতসহ শামদেশ হইতে মক্কায় ফিরিয়া যাইতেছিল, আবুহুফিয়ান আরবের কতিপয় প্রধান পুরুষসহ সেই দলে কণ্ঠস্থ করিতেছিল। ছেত্রিল দ্বারা হজরত ইহা জ্ঞাত হইয়া সহচরদিগকে জানাইলেন। তাহারা সেই বণিগদলে অল্পলোক ও অধিক ধন আছে ভাবিয়া, তাহাদিগকে পথে আক্রমণ করিতে ইচ্ছুক হইলেন। সকলে এই উদ্ভোগেই মদিনা হইতে বাহির হইলেন। আবু হুফিয়ান এই সংবাদ পাইয়া কোরেশদিগের আত্মকৃত্য প্রার্থনায় জমজম নামক ব্যক্তিকে মক্কায় প্রেরণ করিল, এবং স্বয়ং বণিকদিগকে সঙ্গে করিয়া দুর্গমস্থান দিয়া মক্কাভিমুখী হইল। আবুজহল জমজমের মুখে সংবাদ পাইয়া বণিগদলের সাহায্যের জগ্ন বড় লোকজনসহ মক্কা হইতে বদরের অভিযুগে অগ্রসর হইল। তখন প্রেরিতপুরুষ জফরানামক প্রান্তরে ছিলেন, সেই সময়ে ছেত্রিল কাকের সৈন্তদলের আগমনবার্তা তাহাকে জ্ঞাপন করিলেন। হজরত সহচরবর্গকে উহা জানাইয়া জিজ্ঞাসা করিলেন যে, তোমরা বণিগদলের সঙ্গে সংগ্রাম করিতে ইচ্ছুক, না কোরেশ সৈন্তগণের সঙ্গে ইচ্ছুক? তাহাদের অনেকে বলিলেন যে, আমাদের যুদ্ধে প্রযুক্তি নাই, যদি বণিগদল হস্তগত হয়, তাহার চেষ্টা করিতে পারি। হজরত এই কথা শুনিয়া বিষর হইলেন, পরে প্রধান প্রধান লোক যুদ্ধকেই স্বীকার করিলেন। এফগ ঈশ্বর প্রেরিতপুরুষকে তাহা স্মরণ করাইয়া বলিতেছেন যে, আমি মদিনা হইতে তোমাকে বদর ভূমিতে আনয়ন করিয়াছি। (ত, হো,)

† বলিতে কি, এসলাম সৈন্তদল লক্ষণাদি দ্বারা মৃত্যু উপস্থিত বুঝিতেছিলেন। তাহাদের অস্ত্রশস্ত্রাদিও সৈন্ত অল্প ছিল। তিন শত পক্ষাশ জনমাত্র সৈন্ত, সত্তোরটি উষ্ট্র, দুইটি অশ্ব, ছয়টি কবচ, আটখানা করবাল মাত্র ছিল। (ত, হো,)

‡ দুই দলের একদল বণিক ও অপর দল কাকেরদিগের সৈন্ত ছিল। এসলাম সৈন্তগণ নিম্নোক্ত বণিগদলকে আক্রমণ করিতে ইচ্ছুক হইয়াছিলেন। বণিগদলে চল্লিশ জন অশ্বারোহী অধিক ছিল না। কাকেরদলে নয় শত পক্ষাশ জন সৈন্ত ছিল। (ত, হো,)

(স্মরণ কর,) যখন তিনি আপনার নিকট হইতে বিশ্রামস্থরূপ ঈবরিত্তা দ্বারা তোমা-
দিগকে আচ্ছন্ন করিলেন ও তোমাদের উপরে আকাশ হইতে বারিবর্ষণ করিলেন, যেন
তোমাদিগকে তছারা পরিকৃত করিয়া লন ও তোমাদিগ হইতে শয়তানের অপবিত্রতা
দূর করেন, এবং যেন তোমাদের অন্তঃকরণকে বন্ধ করেন, অপিত তছারা চরণকে দৃঢ়
করেন *। ১১। (স্মরণ কর,) যখন তোমার প্রতিপালক দেবতাগণের প্রতি প্রত্যাদেশ
করিয়াছিলেন যে, নিশ্চয় আমি তোমাদের সঙ্গে আছি; অতএব যাহারা বিশ্বাসী
হইয়াছে, তাহাদিগকে দৃঢ় কর, যাহারা ধর্মদ্রোহী হইয়াছে, তাহাদের অন্তরে অবশ্য আমি
ভয় স্থাপন করিব; অবশেষে গলদেশের উপর আঘাত কর, এবং তাহাদের প্রত্যেক
অঙ্গুলির গ্রন্থি সকলে আঘাত কর †। ১২। ইহা এজ্ঞাত যে, তাহারা ঈশ্বর ও তাঁহার
প্রেরিত পুরুষের বিরোধী হইয়াছিল; যাহারা ঈশ্বর ও তাঁহার প্রেরিত পুরুষের বিরুদ্ধাচরণ
করে, পরে নিশ্চয় ঈশ্বর (তাহাদের) কঠিন শাস্তিদাতা। ১৩। ইহাই, অতএব তাহার
আম্বাদ গ্রহণ কর, এবং সতাই কাকেরদিগের জন্ত অগ্নিদণ্ড আছে। ১৪। হে বিশ্বাসিগণ,
যখন তোমরা দলবদ্ধভাবে ধর্মদ্রোহী লোকদিগের সঙ্গে সাক্ষাৎ কর, তখন তাহাদের
প্রতি পৃষ্ঠদেশ ফিরাইও না। ১৫। এবং যে ব্যক্তি সেই দিন কোন দলের দিকে স্থান-
গ্রহণকারী ও কোন যুদ্ধের জন্ত সমুত্তত না হইয়া তাহাদের প্রতি আপন পৃষ্ঠ ফিরাইয়,
পরে নিশ্চয় সে ঈশ্বরের আক্রোশে প্রত্যাভর্তিত হয় ও তাহার স্থান নরকলোক এবং

* যে রজনীতে এসলাম ও কাকের সৈন্তদল পরস্পর সম্মুখীন হয়, তখন হজরতের বন্ধুদিগের
মন বড়ই উদ্বিগ্ন হইয়াছিল; যেহেতু বালুকাময় ক্ষেত্রে তাঁহারা অবস্থান করিয়াছিলেন, চলিতে চরণ
বালুকাপুঞ্জে বসিয়া যাইত, জল ছিল না। পরমেশ্বর তাঁহাদের উপর বিশ্রামের জন্ত তছারা প্রেরণ
করিলেন। সেই নিমিত্তে হজরতের অধিকাংশ সহচরের শপথদোষ হইল। প্রাতঃকালে পাণা-
হর তাহাদিগকে বুঝাইতে লাগিল যে, “তোমাদিগকে নমাজ পড়িতে হইবে, এদিকে তোমরা অপবিত্র
হইয়াছ, স্নান করার জল নাই, এবং জাহ্নু পর্যন্ত চরণ বালুকাপুঞ্জে বসিয়া যাইতেছে; দেখ কাকেরগণ
আপনাদের স্থানে কুর্স্তিত্ব ও তাহাদের অধিকারে জল আছে। তোমরা না বলিয়া থাক যে, ঈশ্বর
আমাদের বন্ধু এবং প্রেরিতপুরুষ আমাদের সঙ্গে আছেন, এই কি ব্যাপার হইল?” তখন পরমেশ্বর
সেই স্থানে মেঘ প্রেরণ করিলেন। ঈদৃশ বারিবর্ষণ হইল যে, সেই মরুক্ষেত্রে নদী প্রবাহিত হইতে
লাগিল। সেই বৃষ্টির জলে হজরতের সহচরণ স্নান ও অঙ্গু করিলেন, উটু অশ্বাদি পশুকে জলপান
করাইলেন, বালুকা সকল দৃঢ় বন্ধ হইল, মোসলমান সৈন্তদিগের মন বদ্ধ অর্থাৎ স্থির হইল, শয়তানের
কুমন্ত্রণা দূর হইয়া গেল। (ত, হো,)

† কথিত আছে যে, দেবগণ সমুত্তের আকারে মোসলমান সেনাশ্রেণীর অগ্রে গমন করিতে
ছিলেন, এবং বলিতেছিলেন যে, “তোমরা ধন্ত, ঈশ্বর তোমাদের সহায়, তোমরা জরী হইতেছ,
শত্রু জয়, বীরত্ব প্রকাশ কর।” এই আরতের অর্থ এই যে, হে দেবগণ, তোমরা বিশ্বাসীদিগকে
স্বলবান দান কর, আমি কাকেরদিগের মনে ভয় জন্মাইয়া দিব। দেবগণ অজ্ঞাবাহত করিতে জানিতেন
না, তাঁহারা যুদ্ধে প্রবৃত্ত হইলে ঈশ্বর বলিয়া দিলেন, গলদেশে আঘাত কর, এবং অঙ্গুলির গ্রন্থি
সকলে অর্ধাৎ হস্ত পক্ষে আঘাত কর। (ত, হো,)

(তাহা) কুৎসিত স্থান। ১৬। পরন্তু তোমরা তাহাদিগকে বধ কর নাই, কিন্তু ঈশ্বর তাহাদিগকে বধ করিয়াছেন, এবং যখন (হে মোহাম্মদ,) তুমি (মৃত্তিকা) নিক্ষেপ করিয়াছ, তুমি নিক্ষেপ কর নাই, কিন্তু ঈশ্বর নিক্ষেপ করিয়াছিলেন; * এবং তাহাতে উত্তম পরীক্ষায় তিনি বিশ্বাসীদিগকে পরীক্ষিত করিয়াছেন, নিশ্চয় ঈশ্বর শ্রোতা ও জ্ঞাতা। ১৭। এই (অবস্থা,) এবং নিশ্চয় ঈশ্বর কাফেরদিগের চক্রান্তের নিশ্চেষ্টকারী। ১৮। যদি তোমরা বিজয়াকাজক্ষা কর, তবে নিশ্চয় তোমাদের নিকটে বিজয় উপস্থিত হইবে; এবং যদি নিবৃত্ত হও, (হে কাফেরগণ,) তবে তাহা তোমাদের জন্য মঙ্গল, এবং যদি তোমরা ফিরিয়া আইস, আমিও ফিরিব; কখনও তোমাদের দল যদিচ অধিকও হয়, তোমাদিগকে লাভযুক্ত করিবে না, এবং নিশ্চয় ঈশ্বর বিশ্বাসীদিগের সঙ্গে আছেন। ১৯। (র, ২, আ, ২)

হে বিশ্বাসিগণ, পরমেশ্বরের ও তাঁহার প্রেরিতপুরুষের অহুগত হও, এবং তাঁহা হইতে বিমুখ হইও না। বস্তুতঃ তোমরা শ্রবণ করিতেছ। ২০। এবং যাহারা বলিয়াছে যে, আমরা শুনিয়াছি, তাহারা শ্রবণ করে না; তোমরা তাহাদের গ্রায হইও না। ২১। যাহারা বুঝিতেছে না, তাহারা ঈশ্বরের নিকটে নিকৃষ্টতর চতুষ্পদ মুক বধির ঃ। ২২। এবং যদি তাহাদের সম্বন্ধে ঈশ্বর কলাণ জানিতেন, অবশ্য তাহাদিগকে শুনাইতেন, এবং যদি তাহাদিগকে শ্রবণ করান, তবে অবশ্য তাহারা মুখ ফিরাইয়া প্রস্থান করিবে ঃ। ২৩। হে বিশ্বাসিগণ, যখন তোমাদিগকে সজীব করিবার জন্য তোমাদিগকে আহ্বান করেন, তখন ঈশ্বরের ও প্রেরিতপুরুষের (আহ্বান) গ্রাহ করিও; জানিও, নিশ্চয় ঈশ্বর মহত্ত্ব ও তাহার মনের মধ্যে অন্তরাল হন, এবং নিশ্চয় সে তাঁহার দিকে সমুপাধিত হইবে॥। ২৪। তোমাদের মধ্যে যাহারা অত্যাচার করিল, শুদ্ধ তাহাদিগকে

* ঘোরতর যুদ্ধ উপস্থিত হইলে হজরত কুদ্র প্রস্তর ও মৃত্তিকাপুঞ্জ বিপক্ষ সৈন্যের প্রতি নিক্ষেপ করিয়াছিলেন। পরমেশ্বরের কোশলে তাহাদের সকলের চক্ষে মৃত্তিকা পতিত হয়, তৎপর তাহারা পরাস্ত হইয়া পড়ে। এক্ষণ এই আদেশ হইতেছে যে, বিশ্বাসিগণ যেন স্বীকার করে যে, তাহাদের ক্ষমতার অয়লাভ হয় না, ঈশ্বরানুকূলে হইয়া থাকে। কোন বিষয়েই আত্মপ্রভাব ব্যক্ত করা কর্তব্য নয়। (ত, ফা,)

† অর্থাৎ ইহুদিরা যেমন তওরাতের বিধি মূখে স্বীকার করিয়া অন্তরে অস্বীকার করিয়া থাকে, যেমন কপট লোকেরা মৌখিক আজ্ঞা-পালনকারী, অন্তরে নয়, তোমরা সেইরূপ হইও না। (ত, ফা,)

‡ অর্থাৎ যাহারা সত্যধর্ম বুঝে না, তাহারা পশু অপেক্ষাও নিকৃষ্ট। (ত, ফা,)

§ অর্থাৎ পরমেশ্বর তাহাদের অন্তরে ধর্মালোক-লাভের যোগ্যতা প্রদান করেন নাই। যাহাকে তিনি সেই যোগ্যতা প্রদান করেন, তাঁহাকে ধর্মালোক দান করিয়া থাকেন। যোগ্যতাবিহীন হইয়া যে জন উপদেশ শ্রবণ করে, সে তাহা অস্বীকার করিয়া থাকে। (ত, ফা,)

॥ অর্থাৎ আদেশপালনে বিলম্ব করিবে না। যন ঈশ্বরের হস্তে, পরমেশ্বর প্রথমতঃ কাহারও মনে

বিশেষভাবে যাহা প্রাপ্ত হইবে না, সেই সন্ধিতে সাবধান হইও ; এবং জানিও, ঈশ্বর কঠিন শাস্তিদাতা *। ২৫। এবং স্মরণ কর, যখন তোমরা ভূমিতে (মক্কাগরে) দুর্বল, অল্পসংখ্যক ছিলে, ভয় পাইতেছিলে যে, লোকে তোমাদিগকে বা ধরিয়া লইয়া যায়, তখন তিনি তোমাদিগকে (মদিনায়) স্থান দিলেন ও আপন সাহায্যে তোমাদিগের সহায়তা করিলেন, এবং বিপুল বস্তুযোগে তোমাদিগকে উপজীবিকা দিলেন, যেন তোমরা কৃতজ্ঞতা অর্পণ কর। ২৬। হে বিশ্বাসিগণ, তোমরা ঈশ্বরের ও প্রেরিত-পুরুষের অপচয় করিও না, ও পরস্পরের গচ্ছিত বস্তু সকলের অপচয় করিও না, এবং তোমরা জানিতেছ *। ২৭। অপিত জানিও যে, তোমাদের সম্পত্তি সকল ও তোমাদের সম্ভানগণ পরীক্ষা, এতস্তিগ্ন নহে ; এবং এই যে পরমেশ্বর, তাঁহার নিকটে মহাপুরস্কার। ২৮। (র, ৩, আ, ২)

হে বিশ্বাসিগণ, যদি তোমরা ঈশ্বরকে ভয় কর, তবে তিনি তোমাদের জন্ত মীমাংসা করিবেন ও তোমাদের অপরাধ সকল তোমাদিগ হইতে দূর করিবেন, এবং তোমাদিগকে ক্ষমা করিবেন ; ঈশ্বর মহা গৌরবান্বিত *। ২৯। এবং (স্মরণ কর,) যখন (হে মোহাম্মদ,) কাফেরগণ তোমার সঙ্গে চলনা করিতেছিল, যেন তোমাকে বন্দী করিয়া রাখে, অথবা তোমাকে বধ করে, কিম্বা তোমাকে নির্দাসিত করে ; এবং তাহারা চলনা করিতেছিল ও ঈশ্বরও চলনা করিতেছিলেন, ঈশ্বর চলনাকারীদিগের মধ্যে শ্রেষ্ঠ §। ৩০।

বাধা দেন না ও আবরণ স্থাপন করেন না ; কিন্তু যখন লোকে শৈথিল্য করে, তখন তাহার প্রতিফলস্বরূপ আবরণ স্থাপন করেন। ঈশ্বরের পূজা না করিলে মনের দ্বার বদ্ধ হইয়া যায়। (ত, ফা,)

* অর্থাৎ আজ্ঞাপালনে শৈথিল্য করিলে একেত মন নিস্তেজ হয়, তাহাতে আবার কার্য অধিক দুঃসাধ্য হইয়া পড়ে। দ্বিতীয়তঃ, উন্নত লোকদিগের শিথিলতাদর্শনে পাণ্ডি লোকেরা সম্পূর্ণরূপে সংকার্য্য পরিত্যাগ করে, বশাব অধিকতর বিস্তার হইয়া পড়ে, তাহার কৃফল তুল্যভাবে সকলকেই ভোগ করিতে হয়। যেমন যুদ্ধকালে বীর পুরুষের শৈথিল্য হইলে হীনবল সৈন্যগণ পলাইয়া যায়, তাহাতে সকলকেই পরাজিত হইতে হয়, বীরপুরুষ সেই পরাজয় হইতে রক্ষা পান না। (ত, ফা,)

+ স্বীয় ধনসম্পত্তি ও সম্ভানাদিরক্ষার অল্পরোধে গোপনে কাফেরদিগের সঙ্গে যোগ স্থাপন করাই। ঈশ্বর ও প্রেরিতপুরুষের অপচয় করা বা চুরি করা। লুণ্ঠিত ব্রব্যজাত লুকাইয়া রাখা, দলপতির নিকটে তাহা প্রকাশ না করাই, পরস্পরের গচ্ছিত সম্পত্তির অপচয় করা। এইরূপ অপচয় অনেক প্রকার হইতে পারে। (ত, ফা,)

‡ হযরত বদরের যুদ্ধে জয়লাভের পর মোসলমানদিগের অন্তরে এই ভাবের উদয় হইয়াছিল যে, গোপনে কাফেরদিগের উপকার সাধন করা যাউক, আমাদের গৃহ পরিবার মক্কাতে রহিয়াছে, হিতসাধন করিয়া তাহাদের সঙ্গে সম্ভাব করিলে তাহারা পরিবারের প্রতি অত্যাচার করিবে না। তাহাতেই সপ্তবিংশ আয়তে বিশ্বাসঘাতকতা নিষেধ হইয়াছে, এবং এই আয়তে সাস্ত্য দান করা হইয়াছে যে, পূর্বেই তোমাদের গৃহ পরিবারের বিষয় নিষ্পত্তি হইবে, কাফেরদিগের হস্তগত হইবে না। (ত, ফা,)

§ যখন মক্কা পরিত্যাগের আদেশ হইল, তখন পূর্বেই হজরতের সহচরগণ মদিনায় প্রস্থান করিলেন, আবুবেকর ও আলি ব্যতীত অল্প কেহই তাঁহার নিকটে ছিলেন না। কোরেশ লোকেরা

এবং যখন তাহাদের নিকটে আমার নিদর্শন সকল পঠিত হয়, তাহারা বলে, “সত্যই আমরা অনিলাম, যদি ইচ্ছা করি, অবশ্য আমরা ইহার তুলা বলিব; ইহা পূর্ববর্তী লোকদিগের উপজ্ঞান ব্যতীত নহে। ৩১। এবং যখন তাহারা বলিল, “হে পরমেশ্বর, যদি ইহা (কোর-আন) তোমার নিকট হইতে (আগত) সত্য হয়, তবে আমাদের উপরে আকাশ হইতে প্রস্তর বর্ষণ কর, অথবা আমাদের প্রতি দুঃখজনক শাস্তি উপস্থিত কর” *। ৩২। এবং ঈশ্বর এরূপ নহেন যে, তাহাদিগকে শাস্তি দান করেন, যেহেতু তুমি তাহাদিগের মধ্যে ছিলে; এবং তাহারা ক্ষমা প্রার্থনা করিলে ঈশ্বর তাহাদের শাস্তিদাতা নহেন †। ৩৩। এবং তাহাদের জন্ত এমন কি আছে যে, ঈশ্বর তাহাদিগকে শাস্তি দান করিবেন না? বস্তুতঃ তাহারা মসজ্জেন্দোল্‌হরাম হইতে (লোকদিগকে) নিবৃত্ত রাখে ও তাহারা তাহার অধ্যাক্ষ নহে, ধর্মভীরু লোক ব্যতীত (কেহ) তাহার অধ্যাক্ষ

ইহা জানিতে পারিয়া দারোয়দওয়া নামক স্থানে বড়লম্ব করিবার জন্ত মিলিত হইল, পাপপুরুষও মন্তুয়ের আকারে সেই সভায় আগমন করিল। হজরতের সম্বন্ধে এক ব্যক্তি বলিল যে, “তাহাকে গৃহে আবদ্ধ করিয়া রাখা আবশ্যক, গৃহের দ্বার দৃঢ়রূপে বদ্ধ করিয়া, যে পর্যন্ত তাহার মৃত্যু না হয়, গবাক্ষদ্বারা অন্তর্জল তাহাকে যোগাইতে হইবে।” পাপাত্মর এই যুক্তি অগ্রাহ্য করিয়া বলিল যে, “মদিনানিবাসী অধিকাংশ লোক এসলাম ধর্ম গ্রহণ করিয়াছে ও মোহাম্মদের বচনশ্রবক বন্ধু সেখানে আছে, এবং হাশেমবংশীয় অনেক লোক এ নগরে বাস করে, সকলে দলবদ্ধ হইয়া আসিয়া তোমাদের সঙ্গে যুদ্ধ করিবে ও তাহাকে মৃত্যু করিয়া লইয়া যাইবে।” অতঃপর একজন বলিল, “তাহাকে এ নগর হইতে তাড়াইয়া দেওয়া আবশ্যক, যথা ইচ্ছা সে চলিয়া যাক;” এই কথা শুনিয়া পাপাত্মর বলিল, “সে যেখানে যাইবে, সেইখানেই লোক সকল তাহাদ্বারা প্রভাবিত হইবে, পরে সে বহুসম্মান লোককে প্রভাবিত করিয়া দল বাধিয়া আসিয়া, তোমাদের সঙ্গে সংগ্রাম করিবে।” তখন হজরতের পিতৃব্য আবুজহল বলিল, “আমার মত এই যে, আমরা সকলে মিলিয়া তাহাকে বধ করিব, মোহাম্মদের বন্ধু হাশেম বংশীয় লোকেরা আমাদের সঙ্গে যুদ্ধ করিতে সমর্থ হইবে না।” শয়তান বলিল যে, “আমারও এই মত।” ছুরায়া আবুজহল প্রত্যেক পরিবারের এক এক ব্যক্তিকে ডাকিয়া আনিয়া সেই দিন রাত্রিতেই হজরতকে হত্যা করা স্থির করিল। হজরত এই বৃত্তান্ত জানিতে পাইলেন, তিনি আপন প্রচারবন্ধু আলিকে স্বীয় শয্যায় শয়ান রাখিয়া প্রিয় সহচর আবুবকরের সঙ্গে গন্তের ভিতরে লুকাইয়া রহিলেন। এক্ষণ পরমেশ্বর হজরতকে সেই কথা স্মরণ করাইয়া দিলেন। (ত, হো,)

যেমন পরমেশ্বর প্রেরিত-পুরুষকে রক্ষা করিয়াছেন, তদ্রূপ তোমাদের গৃহ পরিবার রক্ষা করিবার সম্ভাবনা † ইহাই বিজ্ঞাপিত হইল। (ত, ফা,)

* আবুজহল যখন মক্কা হইতে চলিয়া যাইতেছিল, তখন কাবা মন্দিরের সম্মুখে এই প্রার্থনা করিয়াছিল। (ত, ফা,)

† অর্থাৎ মক্কা হজরতের উপস্থিতির নিমিত্ত শাস্তি রহিত ছিল, পরে কাফেরদিগের উপর শাস্তি আরম্ভ হয়। যে পর্যন্ত অপরাধী অমুতাপ করে, পাপ হইতে নিবৃত্ত থাকিতে চাহে, সে পর্যন্ত গুরুতর অপরাধ হইলেও সে ধৃত হয় না। হজরত বলিয়াছেন যে, পাপীর দুইটি আশ্রয় আছে, এক আমি, দ্বিতীয় ক্ষমা-প্রার্থনা। (ত, ফা,)

নয়; কিন্তু তাহাদের অধিকাংশই বুঝিতেছে না *। ৩৪। মন্দিরের নিকটে শীশ ও করতালি দেওয়া ব্যতীত তাহাদের উপাসনা নাই, অতএব ধর্মজোহী হইয়াছে বলিয়া তোমরা শাস্তি আশ্বাদন কর। ৩৫। নিশ্চয় যাহারা ধর্মজোহী হইয়াছে, তাহারা আপনাদের ধন ঈশ্বরের পথ হইতে (লোকদিগকে) নিবৃত্ত করিতে ব্যয় করে; অনন্তর অবশ্য তাহারা তাহা ব্যয় করিবে, অতঃপর তাহাদিগের প্রতি খেদ হইবে, তৎপর তাহারা পরাভূত হইবে, † এবং যাহারা কাকের হইয়াছে, নরকের দিকে তাহারা একত্রিত হইবে। ৩৬। + তাহাতে তিনি পবিত্র হইতে অপবিত্রকে বিচ্ছিন্ন করিবেন, এক অপবিত্রের উপর অন্য অপবিত্রকে রাখিবেন, তৎপর তাহা একত্রীভূত করিবেন, অবশেষে নরকেতে তাহাদিগকে স্থাপন করিবেন; ইহারাই তাহারা যে ক্ষতিগ্রস্ত। ৩৭। (র, ৪, আ, ২)

যাহারা কাকের হইয়াছে, তাহাদিগকে বল, “যদি তাহারা ফিরিয়া আইসে, তবে যাহা কিছু গত হইয়াছে, তাহাদের জন্য তাহা ক্ষমা করা যাইবে, এবং যদি প্রত্যাবর্তন করে, তবে নিশ্চয় পূর্বতনদিগের রীতি গত হইয়াছে ‡। ৩৮। এবং যে পর্য্যন্ত উপদ্রব না থাকে ও ঈশ্বরের জন্য সমগ্র ধর্ম হয়, সে পর্য্যন্ত তোমরা তাহাদের সঙ্গে সংগ্রাম কর; অবশেষে যদি তাহারা ফিরিয়া আইসে, তবে তাহারা যাহা করিবে, নিশ্চয় ঈশ্বর তাহার দ্রষ্টা। ৩৯। এবং যদি তাহারা বিমুগ্ধ হয়, তবে নিশ্চয় জানিও, ঈশ্বর তোমাদের বন্ধু, উত্তম বন্ধু এবং উত্তম সাহায্যকারী আছেন। ৪০। এবং জানিও, তোমরা যে কিছু দ্রব্য লুণ্ঠন কর, নিশ্চয় তাহার পঞ্চমাংশ ঈশ্বরের জন্য হয়, এবং প্রেরিত-পুরুষের জন্য ও স্বর্ণদিগের জন্য এবং নিরাশ্রয় ও দরিদ্র এবং পথিকদিগের জন্যও (অংশ) হয়; যদি তোমরা ঈশ্বরের প্রতি ও যে দিন দুই সৈন্যদলের সাক্ষাৎ হয়, সেই সত্যাসত্য-মীমাংসার দিনে আমি আপন দাসের প্রতি যাহা অবতারণ করিয়াছিলাম তৎপ্রতি বিশ্বাসী হও,

* কোরেশ লোকেরা আপনাদিগকে এত্রাহিমের সন্তান মনে করিয়া কাবার অধ্যাক্ষ হইয়াছিল; তাহারা মোসলমানদিগকে উক্ত মন্দিরে প্রবেশ করিতে দিত না। অতএব ঈশ্বর এই আদেশ করিতেছেন যে, এত্রাহিমের বংশীয় লোকের মধ্যে যে ব্যক্তি ধার্মিক, তাহারই তথিষরে স্বত্ব, অত্যাচারীদের স্বত্ব নহে। (ত, কা,)

+ কোন কোন কাকেরশ্রেণীর এই রীতি ছিল যে, স্ত্রী পুরুষ উলঙ্গ হইয়া শীশ ও করতালি দিয়া কাবা প্রদক্ষিণ করিত। এরূপও উক্ত হইয়াছে যে, প্রেরিতপুরুষ যখন নবাজ পড়িতেন, তখন তাহারা তাহার প্রতি বাজ করিবার উদ্দেশ্যে এ প্রকার আচরণ করিত। (ত, হো,)

‡ কোরেশদিগের দলপতি আবু হুফিয়ান বদরের যুদ্ধে পরাজিত হইলে, সেইবার সহস্র আরবীরা লোককে পারিশ্রমিক-দানে সৈন্তশ্রেণীতে গ্রহণ করিয়াছিল; পরবর্ত্তে তাহার পক্ষাঘাত সহস্র বেঞ্চাল হুর্ঘা ব্যারিত হইয়াছিল। এক এক বেঞ্চালের পরিমাণ সাড়ে চারি মাঝ। (ত, হো,)

§ পুরাকালে যে সকল লোক প্রেরিতপুরুষদিগের উপরে সৈন্ত চালনা করিয়াছিল, তাহারা সপুলে বিলাপ প্রাপ্ত হইয়াছিল। একশ শত্রুতা পরিত্যাগ করিলে আর দেহরূপ হইবে না। (ত, হো,)

(তবে কল্যাণ ;) ঈশ্বর সকল পদার্থের উপর ক্ষমতাশালী * । ৪১ । (স্মরণ কর,) যখন তোমরা (প্রাস্তরের) নিকটবর্তী ছিলে ও তাহারা (প্রাস্তরের) দূরবর্তী ছিল, এবং (বণিক) আরোহিণ তোমাদের নিয়ে ছিল, এবং যদি তোমরা (যুদ্ধের) অঙ্গীকারে বদ্ধ হইতে, তবে অবশ্য অঙ্গীকারের বিপরীত আচরণ করিতে ; কিন্তু যে কার্য্য করণীয় হয়, ঈশ্বর তাহাতো সম্পাদন করেন । তাহাতে সেই ব্যক্তি বিনষ্ট, যে ব্যক্তি স্পষ্ট নিদর্শন-মতে বিনষ্ট হইয়াছে, সেই ব্যক্তি জীবিত থাকে, যে ব্যক্তি স্পষ্ট নিদর্শনমতে জীবিত হইয়াছে ; নিশ্চয় ঈশ্বর শ্রোতা ও জ্ঞাতা * । ৪২ । (স্মরণ কর,) যখন ঈশ্বর তোমার স্বপ্নে তোমার প্রতি তাহাদিগকে অল্পসংখ্যক প্রদর্শন করিয়াছিলেন, যদি তোমার প্রতি তাহাদিগকে অধিক প্রদর্শন করিতেন, তবে অবশ্য তোমরা ভীকৃত প্রকাশ করিতে, এবং অবশ্য কার্য্যেতে তোমরা পরস্পর বিরোধ করিতে ; কিন্তু ঈশ্বর শান্তি রক্ষা করিয়াছেন, নিশ্চয় তিনি আস্তরিক বিষয়ে জ্ঞাতা । ৪৩ । এবং (স্মরণ কর,) তোমাদের নেত্রযোগে সাক্ষাৎ করিবার সময় যখন তিনি তোমাদের প্রতি তাহাদিগকে অল্পসংখ্যক ও তোমাদিগকে তাহাদের চক্ষেতে অল্পসংখ্যক প্রদর্শন করিলেন ; যাহা করণীয় ছিল, ঈশ্বর সেই কার্য্য সম্পাদন করেন, এবং ঈশ্বরের প্রতিই কার্য্য সকলের প্রত্যাবর্তন । ৪৪ । (র, ৫, আ, ৭)

* অর্থাৎ পরমেশ্বর স্বীয় প্রেরিতপুরুষের প্রতি বিজয় ও আহুকূলা দান করিয়াছেন, তাহাতেই তোমরা (হে মোসলমানগণ,) ভয়ী হইয়াছ ; পরেও ঈশ্বর তোমাদিগকে বিজয়ের পর বিজয়দানে লক্ষ্য করিয়া তোমরা কাকেরদিগের ধন যাহা প্রাপ্ত হইবে, তাহার পাঁচ ভাগের এক ভাগ ঈশ্বরের জন্য উৎসর্গ করিবে, উহা প্রেরিতপুরুষ ব্যয় করিবেন । প্রেরিতপুরুষের নিজের ও স্বগণবর্গের ও দরিদ্রদিগের জন্য অংশ আছে । হজরতের পরলোকের পর তাহার প্রাপ্য অংশ দলপতি প্রাপ্ত হইয়া আসিয়াছেন । সন্ধিবন্ধনদ্বারা যে ধন পাওয়া যায়, তৎসমুদায় মোসলমানদিগের জন্য ব্যয়িত হয় । পরন্তু গৃহীত জবোয় চারি অংশের দুই অংশ অস্বারূঢ় সেনাকে, একাংশ পদাতিককে দেওয়া বিধি । দাসের প্রতি অর্থাৎ হজরতের প্রতি দেবগণ অবতীর্ণ হইয়াছিলেন । (ত, কা,)

পঞ্চমাংশ গৃহীত সামগ্রীর ছয় ভাগ করা বিধি । এক ভাগ ঈশ্বরের, অপর ভাগ প্রেরিতপুরুষের, চারি ভাগ উপরি উক্ত চারি দলের । যে ভাগ ঈশ্বরের নামে গৃহীত, তাহা কাবা মন্দিরের জীর্ণ-সংস্কার ও তাহার শোভাবর্দ্ধনে ব্যয় করিবে, অপরংশ সৈন্য ও অন্যান্য লোকদিগকে ভাগ করিয়া দিবে । (ত, হো,)

+ অর্থাৎ কোরেশ লোকেরা বণিগ্দের সাহায্যের জন্য আসিয়াছিল ও তোমরা তাহাদিগকে আক্রমণ করিবার জন্য উপস্থিত হইয়াছিলে, বণিগ্দের বাঁচিয়া গেল । দুই পক্ষের সৈন্য এক প্রান্তরের দুই প্রান্তে সমাগত হয়, এক পক্ষ অপর পক্ষকে জ্ঞাত ছিল না । ইহাতে ঈশ্বরের কৌশল ছিল । হজরতের সৈন্যদল যত চেষ্টা করিয়া গেলেও, যথাসময়ে পঁতছিতে না পারিয়াও অকৃতকার্য্য হইতেন । পরে প্রেরিতপুরুষের সত্যতা কাকেরদিগের নিকটে প্রকাশিত হইয়া পড়ে । যে ব্যক্তি প্রাণত্যাগ করিল, সেও নিশ্চয় জানিয়া প্রাণত্যাগ করিল ; যে জীবিত রহিল, সেও সত্য হৃদয়ঙ্গম করিয়া জীবিত রহিল । (ত, কা,)

হে বিশ্বাসিগণ, যখন তোমরা কোন দলের সম্মুখীন হইবে, তখন দৃঢ় থাকিবে, এবং ঈশ্বরকে বহু স্মরণ করিবে ; ভরসা যে, তোমরা উদ্ধার পাইবে * । ৪৫ । এবং ঈশ্বরের ও তাঁহার প্রেরিত পুরুষের অনুগত হও ও পরস্পর বিরোধ করিও না, তাহাতে তোমরা দুর্বল হইবে, এবং তোমাদের বাতাস চলিয়া যাইবে ; † এবং সহিষ্ণু হও, নিশ্চয় ঈশ্বর সহিষ্ণু লোকদিগের সঙ্গে আছেন । ৪৬ । এবং যাহারা আপনাদের আলয় হইতে অবাধ্যতা-প্রযুক্ত ও লোকপ্রদর্শনের জগ্ৰ বাহির হইয়াছে, এবং ঈশ্বরের পথ হইতে (লোকদিগকে) নিবৃত্ত রাখিতেছে, তোমরা তাহাদের সদৃশ হইও না ; এবং তাহারা যাহা করিতেছে, ঈশ্বর তাহার আবেষ্টনকারী । ৪৭ । এবং (স্মরণ কর,) যখন শয়তান তাহাদের কার্যকে তাহাদের জগ্ৰ শোভায়ুক্ত করিয়াছিল ও বলিয়াছিল যে, “অজ্ঞ মানব-গণের (কেহ) তোমাদের উপর পরাক্রান্ত নহে, এবং নিশ্চয় আমি তোমাদের সাহায্যকারী ।” পরে যখন দুই দলের সাক্ষাৎ হইল, সে পশ্চাত্তাপ হইয়া ফিরিয়া গেল, এবং বলিল, “নিশ্চয় আমি তোমাদের প্রতি অসন্তুষ্ট, যাহা তোমরা দেখিতেছ না, নিশ্চয় আমি তাহা দেখিতেছি, নিশ্চয় আমি ঈশ্বরকে ভয় করি ।” এবং ঈশ্বর কঠিন শাস্তি-দাতা ‡ ৪৮ । (র, ৬, আ, ৪)

(স্মরণ কর,) যখন কপট লোকেরা এবং যাহাদের অন্তরে রোগ আছে, তাহারা বলিতেছিল যে, “ইহাদিগকে ইহাদের ধর্ম প্রত্যাহার করিয়াছে ;” যে ব্যক্তি ঈশ্বরের উপর নির্ভর করে, (তাহার কল্যাণ,) নিশ্চয় ঈশ্বর পরাক্রান্ত ও মহাজ্ঞানী § । ৪৯ । এবং যদি তোমরা দেখিতে, (আশ্চর্যান্বিত হইতে ;) যখন দেবগণ কাকেরদিগের প্রাণ হরণ করে, তখন তাহাদের মুখে ও তাহাদের পৃষ্ঠে আঘাত করিয়া থাকে, এবং (বলে)

* ঈশ্বরের নিকটে সাহায্য প্রার্থনা করিবে, বাহিরের কোন বস্তুর প্রতি নির্ভর করিবে না ; মনের তৈর্য সাধন, ঈশ্বরকে পুনঃ পুনঃ স্মরণ করা, দলপতির অনুগত থাকা এবং সকলের একমত হওয়া কর্তব্য । (ত, ফ,)

† “বাতাস চলিয়া যাইবে” ইহার অর্থ ভাগ্য ফিরিয়া যাইবে । (ত ফা.)

‡ কোরেশগণ দলবদ্ধ হইয়া হজরতের সঙ্গে যুদ্ধ করিতে বাহির হইলে, পথে এক বৃদ্ধের সঙ্গে তাহাদের সাক্ষাৎ হয় ; সে বলে, “আমি মৌসলমানদিগের শত্রু, তোমাদের সাহায্য করিতে আসিয়াছি, আমি সংগ্রামে বিশেষ নিপুণ” । পরে যখন যুদ্ধ আরম্ভ হইল, আবুহুহল হঠাৎ হস্ত ছাড়াইয়া সে পলায়ন করিল । কেহ সেই ব্যক্তিকে পূর্বে দেখে নাই, পরেও দেখে নাই, সে শয়তান ছিল । সে জেব্রিল ও মেকায়িলকে মৌসলমানদিগের সন্মুখ দেখিয়া পলায়ন করিয়াছিল । (ত, ফা)

§ কোরেশ জাতির একমুখ এসলাম ধর্ম গ্রহণ করিয়া ক্রমতাসহে মক্কা পরিত্যাগ করিয়া যায় নাই ; পরে কোরেশগণ বদরের যুদ্ধে প্রবৃত্ত হইলে, উভারা তাহাদের সঙ্গে আসিয়া যুদ্ধে যোগ দেয় । সেই এসলামধর্মাবলম্বী লোকদের মদিনা প্রত্যাহারের আজ্ঞা শ্রবণ করিয়া অসম্মত হওয়ার অপরাধের ফল বদরের দিবসে ফলিল ; তাহারা বিশ্বাসিগণকে অল্পসংখ্যক দেখিয়া বলিয়াছিল যে, ইহাদের ধর্ম ইহাদিগকে প্রত্যাহার করিয়াছে । (ত, হো,)

প্রদাহনের দণ্ড আন্বাদন কর। ৫০। তোমাদের হস্ত পূর্বে যাহা পাঠাইয়াছিল, তজ্জন্ম ইহা হইল, এবং নিশ্চয় ঈশ্বর দাসদিগের সম্বন্ধে অত্যাচারী নহেন। ৫১। + ফেরওণের দলের এবং বাহারা তাহাদের পূর্বে ঈশ্বরের নিদর্শন সকলের প্রতি বিদ্রোহী হইয়াছিল, পরে ঈশ্বর তাহাদিগকে তাহাদের অপরাধ অনুসারে ধরিয়াছিলেন, তাহাদের রীতির তুল্য (ইহাদের রীতি ;) নিশ্চয় ঈশ্বর শক্তিমান কঠিন শাস্তিদাতা। ৫২। ইহা এজ্ঞা যে, ঈশ্বর কখনও কোন জাতির প্রতি প্রদত্ত সম্পদের পরিবর্তনকারী নহেন, যে পর্য্যন্ত তাহারা আপনাদের জীবনে যে ভাব আছে, তাহার পরিবর্তন না করে; যেহেতু ঈশ্বর শ্রোতা ও দ্রষ্টা *। ৫৩। + ফেরওণীয় দলের এবং বাহারা তাহাদের পূর্বে আপন প্রতিপালকের নিদর্শন সকলের প্রতি অসত্যারোপ করিয়াছিল, তাহাদের রীতির ত্রায় (ইহাদের রীতি ;) পরে আমি তাহাদিগকে তাহাদের অপরাধে বিনাশ করিয়াছিলাম, এবং ফেরওণীয় লোকদিগকে জলমগ্ন করিয়াছিলাম, তাহারা সকলে অত্যাচারী ছিল। ৫৪। সত্যই বাহারা কাকের হইয়াছে, তাহারা ঈশ্বরের নিকটে নিকৃষ্ট জীব, পরে তাহারা বিশ্বাসী হয় না। ৫৫। তাহাদিগের বাহাদের সঙ্গে তুমি, (হে মোহম্মদ,) অঙ্গীকারবদ্ধন করিয়াছ, তৎপর তাহারা প্রত্যেক বার আপনাদের অঙ্গীকার ভঙ্গ করিতেছে, এবং তাহারা ধর্ম্মভীক হইতেছে না। ৫৬। অনন্তর যদি তুমি তাহাদিগকে যুদ্ধে প্রাপ্ত হও, তবে বাহারা তাহাদের পশ্চাতে আছে, তাহাদিগকে বিক্ষিপ্ত কর, সম্ভবতঃ তাহারা উপদেশ গ্রহণ করিবে। ৫৭। এবং যদি কোন দলের বিশ্বাস-ঘাতকতাকে ভয় কর, তবে (তাহাদের অঙ্গীকার) তাহাদের দিকে তুল্যভাবে ফিরাইয়া দেও; নিশ্চয় ঈশ্বর বিশ্বাসঘাতকদিগকে প্রেম করেন না। ৫৮। (র, ৭, আ, ১০)

এবং বিদ্রোহী লোকেরা মনে করে না যে, তাহারা (বিদ্রোহিতায়) অগ্রবর্তী হইয়াছে; নিশ্চয় তাহারা সঙ্কচিত হইবে না। ৫৯। এবং তাহাদের জন্ত, (হে মোসলমানগণ) * শক্তি অনুসারে যত পার আয়োজন কর, এবং অশ্বসংগ্রহপূর্ব্বক তদ্বারা ঈশ্বরের শত্রুকে ও তোমাদের শত্রুকে এবং তন্ত্ৰি অস্ত্র লোককে ভয় প্রদর্শন কর; তোমরা তাহাদিগকে জান না, ঈশ্বর তাহাদিগকে জানেন, এবং পরমেশ্বরোদ্দেশ্যে তোমরা যে কোন বস্তু ব্যয়

* বাহারা আপনাদের জীবনের অবস্থাকে তদপেক্ষা নিকৃষ্ট অবস্থাতে আনয়ন করে, পরমেশ্বর তাহাদের সম্পদ বিপর্য্যস্ত করেন; কোরেশদিগের প্রতি এই উক্তি। কাহারো আপনাদের পৌত্তলিকতা ও শব্দভ্রমের অবস্থাকে প্রেরিতপুরুষের প্রতি শত্রুতাচরণ ও কোর-আনের প্রতি ব্যঙ্গোক্তি ও অসত্যারোপ এবং বিশ্বাসীদিগকে উৎপীড়ন করা রূপ নিকৃষ্টতর অবস্থায় পরিবর্তন করিয়াছিল? দেই কোরেশ লোকেরা।

(ত, হো,)

+ যদি কোন ধর্ম্মব্রোহ্মদলের সঙ্গে সন্ধি স্থাপিত হয়, পরে তাহারা বিশ্বাসঘাতকতা করে, তবে অকস্মাৎ তাহাদিগকে আক্রমণ করিবে, এবং বাহাদের বিশ্বাসঘাতকতা প্রকাশ পায় নাই, কিন্তু তাহারা আশঙ্ক্য হইয়াছে, এমন অবস্থায় তাহাদিগকে সতর্ক করিয়া উত্তর দান করিবে।

(ত, ফা,)

কর, তাহা তোমাদের প্রতি পূর্ণ অর্পিত হইবে ও তোমরা অত্যাচারগ্রস্ত হইবে না * । ৬০ । এবং যদি তাহারা সন্ধির ইচ্ছা হয়, তবে তুমিও তাহার ইচ্ছা করিও, এবং ঈশ্বরের প্রতি নির্ভর করিও ; নিশ্চয় তিনি শ্রোতা ও জ্ঞাতা ॥ ৬১ ॥ এবং যদি তাহারা, (হে মোহাম্মদ,) তোমাকে প্রতারণা করিতে চাহে, তবে নিশ্চয় পরমেশ্বরই তোমার সাক্ষ্যে যথেষ্ট ; তিনিই যিনি আপন আশুকুল্য দ্বারা ও বিশ্বাসীদিগের দ্বারা তোমার প্রতি বলবিধান করিয়াছেন । ৬২ । + এবং তিনি তাহাদের পরস্পরের অন্তঃকরণে প্রীতি স্থাপন করিয়াছেন ; ধরাতলে যাহা কিছু আছে, যদি তুমি তৎসমগ্র ব্যয় করিতে, তথাপি তাহাদের পরস্পরের অন্তঃকরণে প্রীতি দান করিতে পারিতে না ; কিন্তু ঈশ্বর তাহাদের মধ্যে প্রীতি স্থাপন করিয়াছেন, নিশ্চয় তিনি পরাক্রান্ত ও বিজ্ঞাতা ॥ ৬৩ ॥ হে তত্ত্ববাহক, তোমার ও বিশ্বাসীদিগের যাহারা তোমার অনুসরণ করিয়াছে, তাহাদের ঈশ্বরই যথেষ্ট । ৬৪ । (র, ৮, আ, ৬)

হে সংবাদবাহক, তুমি বিশ্বাসীদিগকে সমরে প্রবৃত্তি দান কর ; যদি তোমাদের জ্ঞাত বিশ জন সহিষ্ণু লোক থাকে, তাহারা দুই শত ব্যক্তির উপর জয়ী হইবে ; এবং যদি তোমাদের জ্ঞাত এক শত থাকে, যাহারা কাকের হইয়াছে, তাহাদের সহস্র জনের উপর জয়ী হইবে । যেহেতু তাহারা (এমন) এক দল যে জ্ঞান রাখে না § । ৬৫ । এক্ষণ ঈশ্বর তোমাদিগের (ভার) লঘু করিলেন, এবং জানিলেন যে, তোমাদের মধ্যে দুর্বলতা আছে ; অনন্তর যদি তোমাদের এক শত সহিষ্ণু লোক হয়, দুই শতের উপর জয়ী হইবে, এবং যদি তোমাদের সহস্র লোক হয়, দুই সহস্রের উপর ঈশ্বরের আজ্ঞায় জয়ী হইবে ।

* আদেশ হইল যে, সমরের আয়োজন কর, বলপ্রয়োগে যত দূর হইতে পারে, তাহা কর ; অন্ত্রচালনা শরবর্ষণাদি ক্রিয়া বলপ্রয়োগের অন্তর্গত । অবশ্যপালনে যে ব্যয় হইবে, কেয়ামতের দিনে তাহার বিনিময় তুলনায় পরিমাণ করা যাইবে । অপিচ এই আদেশ হইল যে, এ সকল ভয়প্রদর্শনের জন্ত, ইহা মনে করিবে না যে, যুদ্ধসামগ্রীদ্বারা জয়লাভ হইবে ; বিজয়লাভ ঈশ্বরানুকূলে হইয়া থাকে । তাহাদিগকে তোমরা জানিতেছ না, তাহারা কপট, তাহারা বাঞ্ছা মোসলমান, কিন্তু অন্তরে বিপক্ষ ।

(ত, কা,)

+ অর্থাৎ যদি তাহারা বিশ্বাসবাহকতা করে, ঈশ্বর তাহার প্রতিফল দান করিবেন । (ত, কা,)

‡ ওম ও খজরজা এই দুই আরবজাতির মধ্যে এক শত বিশ বৎসর পর্যন্ত ভয়ানক শত্রুতা ও হিংসা বিদেহ ছিল ; সর্বদা তাহারা পরস্পর যুদ্ধ বিবাদ লুণ্ঠনে প্রবৃত্ত থাকিত । ঈশ্বর তোমার অনুরোধে, (হে মোহাম্মদ,) তাহাদের মনে প্রীতি স্থাপন করিয়াছেন । অর্থাৎ তাহারা উভয় বিপক্ষ দল তোমার প্রতি অত্যাচার করিবার জন্ত প্রীতিহীন বন্ধ হইয়াছে ।

(ভ, হো,)

§ হজরত মদিনাতে উপস্থিত হইয়া মোসলমানদিগকে গণনা করিয়া দেখিলেন যে, যুদ্ধ করিবার উপযুক্ত ছয় শত লোক আছে । সকলে সম্মত হইয়া বলিতে লাগিল যে, আমাদিগকে আর কোন্ কাকেরকে ভয় পাইতে হইবে ? তৎপর এই আয়ত অবতীর্ণ হয় । “তাহারা বুঝিতেছে না” অর্থাৎ তাহাদের ঈশ্বরের প্রতি ও পুরুষারের প্রতি বিশ্বাস নাই ; যাহাদের বিশ্বাস আছে, তাহারা মৃত্যুমুখে উপস্থিত হইতে সাহসী হয় ।

(ত, কা,)

এবং ঈশ্বর সহিষ্ণুদিগের সঙ্গী হন * । ৬৬ । কোন তত্ত্ববাহকের জন্ত (উচিত) নয় যে, যে পর্য্যন্ত সে ভূমিতলে বহররক্তপাত করে, সে পর্য্যন্ত তাহার জন্ত বন্দী সকল হয় ; তোমরা পার্থিব-সম্পত্তি ইচ্ছা করিতেছ, এবং ঈশ্বর পরলোক চাহিতেছেন । ঈশ্বর পরাক্রান্ত ও বিজ্ঞাতা † । ৬৭ । যদি ঈশ্বরের প্রথম লিপি না হইত, তবে অবশ্য যাহা লইয়াছ, তাহাতে তোমাদিগের গুরুতর দণ্ডপ্রাপ্তি হইত ‡ । ৬৮ । অনন্তর তোমরা যাহা লুণ্ঠন করিয়াছ, সেই বৈধ ও বিশুদ্ধ সামগ্রী ভক্ষণ কর § এবং ঈশ্বরকে ভয় কর, নিশ্চয় ঈশ্বর ক্ষমাশীল ও দয়ালু । ৬৯ । (র, ৯, আ, ৫)

হে সংবাদবাহক, তোমাদের হস্তে যাহারা বন্দীরাপে আছে, তাহাদিগকে বল, যদি পরমেশ্বর তোমাদের অন্তঃকরণের শুভ (ভাব) জ্ঞাত হন, তবে তোমাদিগ হইতে যাহা গ্রহণ করা হইয়াছে, তদপেক্ষা তোমাদিগকে শুভ প্রদান করিবেন, এবং তোমাদিগকে ক্ষমা করিবেন ; ঈশ্বর ক্ষমাশীল ও দয়ালু । ৭০ । এবং যদি তাহারা তোমার অপচয় করিতে ইচ্ছা করে, তবে নিশ্চয় পূর্বেই ঈশ্বরের অপচয় করিয়াছে, পরে তাহাদের প্রতি সেই ক্ষমতা দেওয়া গিয়াছে ; ঈশ্বর জ্ঞাতা ও বিজ্ঞাতা ॥ । ৭১ । নিশ্চয় যাহারা বিশ্বাস

* পূর্ববর্তী মোসলমানেরা পূর্ণবিশ্বাসী ছিলেন, তাহাদের প্রতি আদেশ হইয়াছিল যে, আপন অপেক্ষা দশ গুণ অধিক কাফেরের সঙ্গে যেন তাঁহারা সংগ্রাম করেন । তৎপূর্ববর্তী মোসলমানেরা তদ্বিষয়ে এক পদ পূর্ব ছিলেন, তখন এই আদেশ হয় যে, যিগুণেব সঙ্গে যেন যুদ্ধ করে ; এই আজ্ঞা এক্ষণও বর্তমান । কিন্তু যিগুণ অপেক্ষা অধিক লোককে আক্রমণ করিলে অধিক পুরস্কার । হজরতের সময়ে এক সহস্র মোসলমান অশীতি সহস্র কাফেরের সঙ্গে যুদ্ধ করিতে পারিত । (ত, ফা,)

† বদরের যুদ্ধে সন্তোর জন কাফের বন্দী হইয়াছিল । হজরত সহচরদিগের নিকটে পরামর্শ জিজ্ঞাসা করিলেন যে, ইহাদিগকে কি করিতে হইবে । অধিকাংশ মোসলমানের অভিপ্রায় হইল যে, অর্থ গ্রহণ করিয়া ছাড়িয়া দেওয়া হয় ; কাহারও কাহারও মত হইল যে, সকলের শিরচ্ছেদন করা হয় । অতঃপর ধন গ্রহণ করিয়া তাহাদিগকে ছাড়িয়া দেওয়া যায়, তাহাতে ভৎসনাস্থকে এই আয়ত অবতীর্ণ হয় ; অর্থাৎ প্রেরিতপুরুষদিগের যুদ্ধে অর্থের প্রতি দৃষ্টি থাকা উচিত নয়, ধর্ম্মস্বোহীদিগের বিদ্রোহিতা চূর্ণ করিবে, ইত্যার ভয়ে যেন তাহারা ধর্ম্মবিদ্বেষ পরিত্যাগ কবে । (ত, ফা,)

‡ সেই কথা এইরূপ লেখা হইয়াছিল যে, এই বন্দীদিগের মধ্যে বহুলোকের ভাগো এসলামধর্ম্ম গ্রহণ আছে । (ত, ফা,)

§ অর্থাৎ তোমরা ভীত থাকিবে, যদি কিছু অপরাধও হয়, এই অবস্থায় ঈশ্বর ক্ষমা করিবেন । বন্দীদিগের সম্বন্ধে সেই আজ্ঞা অবণ করিয়া মোসলমানেরা লুণ্ঠিত সামগ্রী গ্রহণ করিতে সঙ্কুচিত হইয়াছিল । তাহাতে তাহাদিগকে এইরূপ সান্ত্বনা দান করা হয় যে, ইহা ঈশ্বরের দান, আনন্দে ভোগ কর, কিন্তু লুণ্ঠনের জন্ত স্বেচ্ছা করিবে না । হিন্দীর মতে কাফের ধরা পড়িলে ধন লইয়া ছাড়িয়া দেওয়া বিহিত নয় ; এইরূপে ছাড়িয়া দিলে তাহারা স্বগণ কাফেরদিগের সঙ্গে যাইয়া পুনর্বার মিলিত হয় । কিন্তু তাহাদিগকে দাস করিয়া রাখা অথবা এসলাম রাজ্যে প্রজা হইয়া বাস করিবার জন্ত ছাড়িয়া দেওয়ার বিধি প্রচলিত । (ত, ফা,)

॥ “পূর্বেই ঈশ্বরের অপচয় করিয়াছে,” ইহার অর্থ, ধর্ম্মবিদ্রোহিতা ও তাঁহার আদেশ অমান্য করা । (ত, ফা,)

স্থাপন করিয়াছে ও দেশান্তরিত হইয়াছে, এবং ঈশ্বরোদ্দেশ্যে আপন জীবন ও আপন সম্পত্তিযোগে সংগ্রাম করিয়াছে, এবং যাহারা আশ্রয় ও সাহায্য দান করিয়াছে, ইহারা ই তাহারা, যে পরস্পর পরস্পরের বন্ধু ; এবং যাহারা বিশ্বাসী হইয়াছে ও দেশান্তরিত হয় নাই, যে পর্যন্ত তাহারা দেশান্তরিত না হয়, তাহাদের কোন বন্ধুতা তোমাদের জন্য নহে ; এবং যদি তাহারা তোমাদের নিকটে ধর্মবিষয়ে সাহায্য প্রার্থনা করে, তবে যাহাদের মধ্যে তোমাদের অঙ্গীকার আছে, সেই দলের উপর ব্যতীত সাহায্যদান তোমাদিগের সম্বন্ধে (বিধেয় ;) এবং যাহা তোমরা করিয়া থাক, ঈশ্বর তাহার দর্শক * । ৭২ । এবং যাহারা ধর্মদ্রোহী হইয়াছে, তাহারা পরস্পর পরস্পরের বন্ধু ; যদি (হে মোসলমানগণ,) তোমরা ইহা না কর, তবে পৃথিবীতে বিপত্তি হইবে ও মহাগোলযোগ ঘটবে † । ৭৩ । এবং যাহারা বিশ্বাস স্থাপন করিয়াছে ও দেশান্তরিত হইয়াছে এবং ঈশ্বরের উদ্দেশ্যে সংগ্রাম করিয়াছে ও যাহারা আশ্রয় ও সাহায্য দান করিয়াছে, এই সকল লোক, ইহারা ই প্রকৃত বিশ্বাসী ; ইহাদের জন্য ক্ষমা ও উত্তম উপজীবিকা আছে । ৭৪ । এবং ইহার পরে যাহারা বিশ্বাস স্থাপন করিয়াছে ও দেশান্তরিত হইয়াছে, এবং তোমাদের সহযোগী হইয়া যুদ্ধ করিয়াছে, অবশেষে তাহারা তোমাদিগেরই অন্তর্গত ; এবং ঐশ্বরিক গ্রন্থবিষয়ে তাহারা পরস্পর নিকটবর্তী স্বত্বাধিকারী, তাহারা পরস্পর পরস্পরের অধিকতর নিকটবর্তী ; নিশ্চয় ঈশ্বর সর্বজ্ঞ ‡ । ৭৫ । (র, ১০, আ, ৬)

“পরে তাহাদের প্রতি সেই ক্ষমতা দেওয়া গিয়াছে” ইহার অর্থ, ঈশ্বর তাহাদিগকে ধরাইয়া দিয়াছেন ।

* হজরতের অগুচরবর্ণ দুই দলে বিভক্ত ছিলেন, “মোহাজের” ও “আনসার” । “মোহাজের” গৃহত্যাগী, “আনসার” সাহায্য ও আশ্রয়দাতা । যাহারা মক্কা ত্যাগ করিয়া হজরতের সঙ্গে ছিলেন, তাহারা মোহাজের ; তাহাদের সকলের সন্ধি বিগ্রহ এক ছিল, একের বন্ধু সকলের বন্ধু, একের শত্রু সকলের শত্রু ছিল । যে সকল মোসলমান অদেশে ছিলেন, তাহারা আনসার, তাহারা কাকেরদিগের প্রত্যেকে মোহাজেরদিগের সন্ধিবিগ্রহে যোগদান করিতে পারিতেন না । গৃহত্যাগিগণ সাহায্য প্রার্থনা করিলে তাহারা সুযোগমতে সহায়তা করিতেন । (ত, কা,)

যদি অগৃহত্যাগী বিবাসী লোক ধর্মবিষয়ে সাহায্যপ্রার্থী হয়, অর্থাৎ তাহাদের সঙ্গে কাকেরদিগের যুদ্ধ উপস্থিত হইলে যদি সাহায্য প্রার্থনা করে, তবে তোমাদিগের উচিত যে, যে সকল অংশিবাদীর সঙ্গে তোমাদের সন্ধি আছে, তাহাদের সঙ্গে যদি সাহায্যপ্রার্থীদের সংগ্রাম না হয়, তবে সাহায্য দান করিবে, অঙ্গীকার ভঙ্গ করিবে না । (ত, হো,)

† অর্থাৎ কাকেরগণ পরস্পর একতান্ত্রে বদ্ধ, তাহারা শত্রুতাবশতঃ দুর্বল মোসলমানদিগকে যেখানে পাইবে, সেই স্থানেই আক্রমণ করিয়া যত্রণা দান করিবে । অতএব তুমি, (হে মোহম্মদ,) এই ঘোষণা কর যে, যাহারা দলবদ্ধ হইয়া আমার নিকটে থাকিবে, তাহাদের জন্য আমি দায়ী । তাহা না করিয়া স্বগৃহে বিচ্ছিন্নভাবে থাকিলে তাহাদের জন্য পৃথিবীতে বিপত্তি আছে । (ত, কা,)

‡ অর্থাৎ যাহারা দেশত্যাগ করিয়া হজরতের সঙ্গে দলবদ্ধ হইয়া আছেন, তাহাদের স্বজন গৃহবাসী অন্তঃ স্বজন অপেক্ষা প্রহোষিত উত্তরাধিকারিসম্বন্ধে পরস্পর অধিকতর ঘনিষ্ঠ ; তাহারা ইহাদের স্বজন লাভ করিবে ।

সূরা তওবা *

.....

নবম অধ্যায়

১২৯ আয়ত, ১৬ রকু

অংশিবাদিগণের যাহাদের সম্বন্ধে তোমরা অঙ্গীকার বন্ধন করিয়াছ, ঈশ্বর ও তাঁহার প্রেরিতপুরুষের প্রতি তাহাদের বিরাগ । ১। অনন্তর তোমরা, (হে অংশিবাদিগণ,) চারি মাস পৃথিবীতে ভ্রমণ কর ; * জানিও যে, তোমরা ঈশ্বরের পরাভবকারী নহ, এবং ঈশ্বর ধর্মদ্রোহীদিগের নির্ধ্যাতনকারী । ২। মহা হজ্জের দিন ঈশ্বরের ও তাঁহার প্রেরিতপুরুষের পক্ষ হইতে মানবমণ্ডলীর প্রতি বিজ্ঞাপন যে, ঈশ্বর এবং তাঁহার প্রেরিতপুরুষ অংশিবাদীদিগের প্রতি অগ্রসর ; পরন্তু যদি তোমরা (বিদ্রোহিতা হইতে) প্রতিনিবৃত্ত হও, তবে তাহা তোমাদের জন্য মঙ্গলকর, এবং যদি অগ্রাহ্য কর, তবে জানিও যে, তোমরা ঈশ্বরের পরাভবকারী নহ । যাহারা ধর্মদ্রোহী হইয়াছে, তাহাদিগকে, (হে মোহমদ,) তুমি দুঃখকর শাস্তিসম্বন্ধে সংবাদ দান কর ঃ । ৩। + অংশিবাদিগণের যাহাদিগের সম্বন্ধে তোমরা অঙ্গীকারবন্ধন করিয়াছ, তৎপর যাহারা কোন বিষয়ে তোমাদের

* এই সূরা মদিনাতে অবতীর্ণ হয় । “বরায়ত” “ফাজেহা” প্রভৃতি ইহার অল্প অনেক নাম আছে । “দাতা দয়ালু পরমেশ্বরের নামে প্রবৃত্ত হইতেছি ।” এই বচন অভয়দানার্থ ব্যবহৃত হয় । এই সূরা ভয়ের জন্য অবতীর্ণ হইয়াছে, এই নিমিত্ত ইহার শিরোভাগে উক্ত বচনের প্রয়োগ হয় নাই । (ত, হো)

+ ইদ নব্বের দিন হইতে রবিয়োল্ আখেরের দশম দিবস পর্য্যন্ত চারি মাস যুদ্ধে নিবৃত্ত থাকার বিধি । অল্প মত এই যে, এই আরত শওয়াল মাসের প্রথমভাগে অবতীর্ণ হয়, অতএব মহরম মাসের শেষ পর্য্যন্ত নিবৃত্তির কাল । এই নিষ্কিষ্ট কালের জন্য প্রতিজ্ঞাবদ্ধ লোকদিগের মধ্যে যাহারা প্রতিজ্ঞা ভঙ্গ করিত, অবস্থাবিশেষে কাহাকে চারি মাস, কাহাকে অধিক কাল সময় দেওয়া যাইত, যেন তাহারা নিজের ব্যবহারের বিষয়ে চিন্তা করে ও কোন উপায় অবলম্বন করে । (ত, হো,)

‡ মক্কা অঞ্চলের বহু সম্প্রদায়ের সম্মুখে হজরতের সাক্ষি ছিল । মক্কা জয় হওয়ার এক বৎসর পর এরূপ আজ্ঞা হইল যে, “কোন অংশিবাদীর সম্মুখে সাক্ষি রাখিবে না, এই কথা হজ্জের দিন অর্থাৎ ইদ কোরবানের প্রাতঃকালে সকলকে ডাকিয়া জ্ঞাপন করিবে । কাফেরদিগকে অবকাশ দেও, তাহারা যুদ্ধের জন্য প্রস্তুত হউক, কিম্বা মক্কা পরিত্যাগ করিয়া চলিয়া যাউক, অথবা মোসলমান হউক ।” (ত, ফা)

সঙ্গে ক্রটি করে নাই, এবং তোমাদের উপরে (বিপক্ষে) কাহাকেও সাহায্য দান করে নাই, তাহারা ব্যতীত; অতঃপর তোমরা তাহাদের প্রতি তাহাদের অঙ্গীকারকে নির্দিষ্ট কাল পর্য্যন্ত পূর্ণ কর, নিশ্চয় ঈশ্বর ধর্মভীরুদিগকে প্রেম করেন। ৪। অনন্তর যখন হজ্জাক্রমার মাস সকল অতীত হয়, তখন যে স্থানে অংশিবাদীদিগকে প্রাপ্ত হবে, সেই স্থানেই তাহাদিগকে সংহার করিও; তাহাদিগকে ধর, এবং আবেষ্টন কর ও তাহাদের জগ্ম প্রত্যেক গম্যস্থানে উপবিষ্ট হও। পরে যদি প্রতিনিবৃত্ত হয় ও উপাসনাকে প্রতিষ্ঠিত রাখে, এবং জকাত দান করে, তবে তাহাদের পথ ছাড়িয়া দেও; নিশ্চয় ঈশ্বর ক্ষমাশীল ও দয়ালু*। ৫। এবং যদি অংশিবাদীদিগের কোন ব্যক্তি তোমার আশ্রয় প্রার্থনা করে, তবে ঈশ্বরের বাক্য যে পর্য্যন্ত শ্রবণ করে, তাহাকে আশ্রয় দেও; তৎপর তাহার আশ্রয়ভূমিতে তাহাকে প্রেরণ কর। ইহা এজ্ঞা যে, ইহারা এমন একদল যে জ্ঞান রাখে না। ৬। (র, ১, আ, ৬)

যাহাদের সঙ্গে তোমরা মস্জিদেদোল্‌হরামের নিকটে অঙ্গীকারবন্ধন করিয়াছ, তাহারা ব্যতীত অগ্ন অংশিবাদীদিগের নিমিত্ত অঙ্গীকার ঈশ্বরের ও তাহার প্রেরিতপুরুষের নিকটে কিরূপে হয়? অনন্তর যে পর্য্যন্ত তাহারা তোমাদের জগ্ম (অঙ্গীকারে) স্থির থাকে, তোমরাও সে পর্য্যন্ত তাহাদের জগ্ম স্থির থাক; নিশ্চয় ঈশ্বর ধর্মভীরু লোকদিগকে প্রেম করেন। ৭। কেমন করিয়া হয়? এবং যদি তোমাদের উপর তাহারা জয়লাভ করে, তাহারা তোমাদের সম্বন্ধে স্বগণ্ড ও অঙ্গীকার রক্ষা করিবে না; তাহারা নিজমুখে তোমাদিগকে সন্তুষ্ট করিতেছে, এবং তাহাদের অন্তর অঙ্গীকার করিতেছে, তাহাদের অধিকাংশই দুর্বৃত্ত। ৮। তাহারা ঐশ্বরিক নিদর্শনের বিনিময়ে স্বল্প মূল্য

* যাহারা প্রতিজ্ঞাসূত্রে বদ্ধ ছিল ও কোনরূপ বিশ্বাসঘাতকতা করে নাই, তাহাদের সন্ধি স্থির রহিল। যাহাদের সঙ্গে অঙ্গীকারের বন্ধন নাই, তাহাদিগকে চারি মাস অবকাশ দেওয়া যায়, তৎপর তাহাদিগকে আক্রমণ করা হয়। হজরত বলিয়াছেন যে, অন্তরের তত্ত্ব ঈশ্বর জানেন; যাহারা বাঞ্ছে মোসলমান, তাহারা অগ্ন সকলের ভূলা আশ্রয় পাইবে। মোসলমানের বাহ্যিক লক্ষণ এই নির্দ্ধারিত;—মূলমতে বিশ্বাস স্থাপন করা, পৌত্তলিকতাদি হইতে নিবৃত্ত থাকা, নমাজ পড়া ও জকাত দান করা। যে ব্যক্তি নমাজ ও জকাত হইতে বিরত, সে আশ্রয় পাইবে না। (ত, কা,)

+ “তৎপর তাহার আশ্রয়ভূমিতে তাহাকে প্রেরণ কর” ইহার অর্থ, কোর্-আন্ শ্রবণ করিয়া যদি সে এসলাম ধর্ম অবলম্বন না করে, তবে তাহাকে তাহার আশ্রয়ভূমি গৃহে কিরিয়া যাইতে দাও, পরে তাহার সঙ্গে সংগ্রাম কর। (ত, হো,)

‡ সন্ধিবন্ধনকারীদিগের তিন শ্রেণী ছিল। যাহাদের সঙ্গে সন্ধির নিয়ম-পালনের সময় নির্দ্ধারিত ছিল না, তাহাদিগকে বিদায় দান করা হইয়াছিল; কিন্তু যাহারা মক্কা নগরের সন্ধিবন্ধনে বদ্ধ ছিল, তাহারা যে পর্য্যন্ত বিশ্বাসঘাতকতা করে নাই, সে পর্য্যন্ত সন্ধি রহিত হয় নাই। যাহাদের সঙ্গে সময় নির্দ্ধারিত হইয়াছিল, তাহাদের সঙ্গে সন্ধি স্থির ছিল। কিন্তু অবশেষে আরবের সমুদায় পৌত্তলিক এসলাম ধর্মে বিশ্বাসী হইয়াছিল। (ত, কা,)

গ্রহণ করিয়াছে, পরে তাঁহার পথ হইতে (লোকদিগকে) নিবৃত্ত রাখিয়াছে; নিশ্চয় তাহারা যাহা করিতেছিল, তাহা মন্দ। ২। তাহারা কোন বিশ্বাসীর সম্বন্ধে স্বগণত্ব ও অঙ্গীকার পালন করিতেছে না; ইহারাই তাহারা যে সামালজ্ঞানকারী। ১০। পরন্তু যদি তাহারা পাপ হইতে নিবৃত্ত হয় ও উপাসনাকে প্রতিষ্ঠিত রাখে, এবং জকাত দান করে, তবে তাহারা ধর্মসম্বন্ধে তোমাদের ভ্রাতা; এবং যাহারা জ্ঞান রাখে, সেই দলের জ্ঞা আমি নিদর্শন সকল বিস্তারিত বর্ণন করিতেছি। ১১। এবং যদি তাহারা আপন অঙ্গীকারবন্ধনের পর আপন শপথ ভঙ্গ করে, এবং তোমাদের ধর্মের প্রতি ব্যঙ্গ করে, তবে সেই ধর্মবিরোধিতায় অগ্রগামীদের সঙ্গে তোমরা যুদ্ধ কর; নিশ্চয় তাহারাই যে, তাহাদের জ্ঞা শপথ নাই, ভরসা যে, তাহারা নিবৃত্ত হইবে। ১২। যাহারা আপন শপথ ভঙ্গ করিয়াছে, এবং প্রেরিত-পুরুষকে নির্দাসন করিতে সচেষ্ট হইয়াছে, সেই দলের সঙ্গে কি তোমরা সংগ্রাম করিবে না? এবং তাহারা প্রথমবারে তোমাদের সঙ্গে আরম্ভ করিয়াছে, তোমরা কি তাহাদিগকে ভয় করিতেছ? পরন্তু যদি তোমরা বিশ্বাসী হও, তবে ঈশ্বরই উপযুক্ত যে তাঁহাকে ভয় কর। ১৩। তাহাদের সঙ্গে যুদ্ধ কর, তোমাদের হস্তে ঈশ্বর তাহাদিগকে শাস্তি দিবেন, এবং বিড়ম্বিত করিবেন ও তাহাদের উপর তোমাদিগকে বিজয়ী করিবেন, এবং বিশ্বাসিদলের অন্তরকে স্ফুট করিবেন। ১৪। + এবং তিনি তাহাদের অন্তরের ক্ষোভ দূর করিবেন; যাহার প্রতি ইচ্ছা হয়, ঈশ্বর তাহার প্রতি প্রত্যাবর্তন করেন, এবং ঈশ্বর জ্ঞানবান্ নিপুণ। ১৫। তোমরা কি মনে করিয়াছ যে, পরিত্যক্ত হইবে? ও তোমাদের মধ্যে যাহারা ধর্মযুদ্ধ করে, তাহারা ঈশ্বর ব্যতীত ও তাঁহার প্রেরিত পুরুষ এবং বিশ্বাসিগণ ব্যতীত গুপ্তবদ্ধ রাখে না, এ পযাস্ত ঈশ্বর তাহাদিগকে জানেন না? এবং তোমরা যাহা করিতেছ, ঈশ্বর তাহার জ্ঞাত। ১৬। (র, ২, আ, ১০)

আপন জীবনে ধর্মবিরোধিতার বিষয়ে সাক্ষাদাতা হইয়া যে ঈশ্বরের মন্দির সকলের স্থিতিরক্ষা করিবে, অংশবাদীদিগের জ্ঞা তাহা নয়; এই তাহারাই, তাহাদের ক্রিয়া সকল বার্থ হইয়াছে, এবং তাহারা নরকাগ্নির চিরনিবাসী *। ১৭। যে ব্যক্তি ঈশ্বরে ও অন্তিম দিবসে বিশ্বাস করে, এবং উপাসনাকে প্রতিষ্ঠিত রাখে ও জকাত দান করে, এবং ঈশ্বর ব্যতীত (অন্য কাহাকে) ভয় করে না, সে ঈশ্বরের মন্দির সকলের স্থিতিরক্ষা

* আকাশ বন্দী হইলে পর মোসলমানগণ পৌত্তলিকতা ও নির্দয়তা বিষয়ে তাঁহাকে অনেক ভৎসনা করিতে লাগিলেন; তাহাতে আকাশ বলিলেন যে, “তোমরা কেবল আমার দোষ বলিতেছ, আমি যে সংকার্য করিয়াছি, তাহা স্মরণ করিতেছ না।” আলি জিজ্ঞাসা করিলেন, “তুমি কি সংকার্য করিয়াছ?” আকাশ বলিলেন, “আমি কাবার স্থিতিরক্ষায় যত্ন করিতেছি, কাবা মন্দিরকে সম্মান করিয়া থাকি, হাজীলোকদিগকে জম্জমের জল পান করাই, বন্দীদিগকে বন্ধনমুক্ত করি।” এই কথা উপর এই আয়ত অবতীর্ণ হয়। (ত, হো,)

করে, তদ্ব্যতীত নহে; ইহারাই, যে সমস্ত পথপ্রাপ্তদিগের অন্তর্গত হইবে। ১৮। যে ঈশ্বরে ও অন্তিম দিবসে বিশ্বাস স্থাপন ও ঈশ্বরোদ্দেশ্যে সংগ্রাম করিয়াছে, তোমরা কি তাহার জায় হাজীদিগকে জলপান করাইয়াছ, এবং মস্জিদোলহরামের স্থিতিরক্ষা করিয়াছ? ঈশ্বরের নিকটে (সকলে) তুল্য নয়, এবং ঈশ্বর অত্যাচারীদের পথ প্রদর্শন করেন না। ১৯। যাহারা বিশ্বাসী হইয়াছে ও দেশত্যাগ করিয়াছে এবং ঈশ্বরোদ্দেশ্যে আপন ধন ও আপন জীবন দ্বারা সংগ্রাম করিয়াছে, ঈশ্বরের নিকটে তাহাদের সর্বোচ্চপদ; এবং ইহারাই তাহারা যে পূর্ণমনোরথ হইবে। ২০। তাহাদের প্রতিপালক তাহাদিগকে স্বীয় দয়া ও সন্তোষ এবং তাহাদের জন্ত যাহাতে নিত্য সম্পদ হয়, এমন স্বর্গোত্তানবিষয়ে স্বেচ্ছাবাদ দান করেন। ২১। +তাহারা তথায় নিত্যকাল অবস্থিতি করিবে, নিশ্চয় ঈশ্বরের নিকটে মহা পুরস্কার। ২২। হে বিশ্বাসিগণ, তোমাদের পিতৃগণকে ও ভ্রাতৃগণকে, যদি তাহারা বিশ্বাস অপেক্ষা বিদ্রোহিতাকে প্রেম করে, তোমরা বন্ধুরূপে গ্রহণ করিও না; এবং তোমাদের যে ব্যক্তি তাহাদিগের সঙ্গে বন্ধুতা করে, পরে ইহারাই তাহারা যে অত্যাচারী। ২৩। বল, (হে মোহাম্মদ,) যদি তোমাদের পিতৃগণ, তোমাদের পুত্রগণ ও তোমাদের ভ্রাতৃগণ ও তোমাদের ভাৰ্য্যা সকল এবং তোমাদের কুটুম্বগণ এবং সম্পত্তি সকল যাহা তোমরা উপার্জন করিয়াছ, এবং বাণিজ্য যে যাহার অপ্রচলনকে তোমরা ভয় কর, এবং আলায় সকল, যাহা তোমরা মনোনীত কর, এ সকল যদি তোমাদের নিকটে ঈশ্বর ও তাঁহার প্রেরিত-পুরুষ এবং ঈশ্বরের উদ্দেশ্যে সংগ্রাম অপেক্ষা প্রিয়তর হয়, তবে ঈশ্বর আপন আজ্ঞা উপস্থিত করা পর্য্যন্ত তোমরা প্রতীক্ষা কর; এবং পরমেশ্বর দুরাচারদের পথ প্রদর্শন করেন না। ২৪। (র, ৩, আ, ৮)

সত্য সত্যই পরমেশ্বর বহুস্থানে তোমাদিগকে সাহায্য দান করিয়াছেন, এবং হোন-য়নের দিবসে যখন তোমাদের লোকাধিক্য তোমাদিগকে প্রফুল্ল করিয়াছিল, তখন তাহা তোমাদিগের কিছুই উপকার করে নাই; বিস্তৃতিসত্ত্বে ভূমি তোমাদের পক্ষে সঙ্কীর্ণ হইয়াছিল। তৎপর তোমরা পৃষ্ঠভঙ্গ দিয়া প্রস্থান করিয়াছিলে*। ২৫। অতঃপর ঈশ্বর তাঁহার প্রেরিতপুরুষের প্রতি ও বিশ্বাসীদের প্রতি আপন সাক্ষ্য প্রেরণ করি-

* হোনয়ন এক প্রান্তরের নাম, উহা তায়ফ ও মক্কার মধ্যস্থলে বিস্তৃত; সেই স্থানে হওয়াজন ও সাকিব সম্প্রদায়ের সঙ্গে সংগ্রাম হইয়াছিল। তৎপূর্ব এই,—হজরত মক্কায় জয় করিলে পর এই দুই সম্প্রদায় একত্র হইয়া মোসলমানদিগকে আক্রমণ করিতে উদ্ভূত হয়। হজরতের দ্বাদশ সহস্র কিংবা বোড়শ সহস্র অনুচর তাহাদের বিরুদ্ধে রণক্ষেত্রে উপস্থিত হন। তাহাদের দলে চতুর্দশ সহস্র সৈন্য ছিল। তখন হজরতের অনুবর্তীদের এক জন সহর্ষে বলিয়াছিলেন যে, “আমাদের অধিক সৈন্য আছে, আমরা বিপদের সৈন্য দ্বারা পরাস্ত হইব না।” এই কথা হজরত শ্রবণ করিয়া দ্বিগুণিত হইলেন। যেহেতু পূর্বে একবার এরূপ গর্ব প্রকাশ করাতে পরাস্ত হইতে হইয়াছিল।

এই দুইও তাঁহার প্রাণে পরাজিত হন।

(ত, হো,)

লেন ও সৈন্ত পাঠাইলেন, তোমরা তাহা দেখ নাই, এবং কাফেরদিগকে শাস্তি দান করিলেন; ঈশ্বরজ্যোতীদিগের ইহাই বিনিময়। ২৬। তদনন্তর ঈশ্বর যাহার প্রতি ইচ্ছা হয়, প্রত্যাবর্তন করিবেন, এবং ঈশ্বর ক্ষমাশীল ও দয়ালু। ২৭। হে বিশ্বাসিগণ, অংশিবাদীরা অপবিত্র, তদ্ব্যতীত নহে; অবশেষে তাহাদের এতদ্বৎসরের অন্তে তাহারা মস্জিদোলহরামের নিকটবর্তী হইতে পারিবে না। এবং যদি তোমরা দরিত্রতাকে ভয় কর, তবে ইচ্ছা করিলে ঈশ্বর তোমাদিগকে আপন রূপাণ্ডে সত্তর ধনী করিবেন; নিশ্চয় ঈশ্বর জ্ঞানী ও নিপুণ *। ২৮। যাহারা ঈশ্বরের প্রতি ও অন্তিম দিবসের প্রতি বিশ্বাস স্থাপন করে না, এবং ঈশ্বর ও তাঁহার প্রেরিত-পুরুষ যাহা অবৈধ করিয়াছেন, তাহা অবৈধ মনে করে না, এবং যাহাদিগকে গ্রন্থ প্রদত্ত হইয়াছে, তাহাদিগ হইতে সত্যধর্ম গ্রহণ করে না, যে পর্যন্ত তাহারা নিকৃষ্ট হইয়া স্বহস্তে জজিয়া ৭ প্রদান না করে, তাহাদের সঙ্গে তোমরা সংগ্রাম কর। ২৯। (র, ৪, আ, ৫,)

এবং ইহুদিগণ বলে, ওজরির ঈশ্বরের পুত্র, ঃ এবং ঈসায়িগণ বলে, ঈসা ঈশ্বরের

* মস্জিদোলহরামে অংশিবাদীদিগের প্রবেশ নিষেধ। অপর মস্জিদে প্রবেশে নিষেধ নাই। অপবিত্রতা অংশিবাদীদিগের মনে, শরীরে নহে। “তোমরা দরিত্রতাকে ভয় কর” অর্থাৎ অংশিবাদীদিগের গমনাগমন রহিত হইলে বাণিজ্যাদি ব্যবসায় বন্ধ হইবে, তাহাতে তোমরা দরিত্র হইয়া যাইবে ভাবিতেছ। অতএব ঈশ্বর সমুদায় দেশের লোককে মোসলমান করিবেন। সমুদায় ব্যবসায় বাণিজ্যের দ্বার মুক্ত রহিল। (ত, ফা,)

এই বিধি মদিনা প্রস্থানের নবম বৎসর কিধা চম্বোল্ ওমরারতের দশম বৎসরে হইয়াছিল। হজ্ব ও ওমরারতপালনে কাফেরদিগের সম্বন্ধে নিষেধ হইয়াছিল, কাবা মন্দিরে বা অগ্ন মস্জিদে প্রবেশে নিষেধ নয়, এমাম আজম এক্রপ বলেন। এমাম মালেক মস্জিদোলহরামে প্রবেশে নিষেধামুসারে সমুদায় মস্জিদেই প্রবেশ করিতে নিষেধ করেন, এমাম শাফি শুদ্ধ মস্জিদোলহরামে প্রবেশেই নিষেধ করেন। (ত, হো,)

† “জজিয়া” ভিন্নধর্মাবলম্বী প্রজার প্রতি মোসলমান রাজার নির্দারিত করবিশেষ।

‡ ওজরির ইয়কুবের বংশোদ্ভব শরখিয়ার পুত্র, এমরাণের পুত্র হারুণের চতুর্দশ পুরুষের অন্তর্গত। তাহার সজ্জপ বৃত্তান্ত এই;—নোজতনসর এশ্রায়েলবংশীয় লোকদিগকে আক্রমণ করিয়া তওরাত গ্রন্থ দক্ষ ও জেরুজেলম নগর ধ্বংস ও তওরাতে জ্ঞান যাহাদের ছিল, তাহাদের সকলকে সংহারপূর্বক অবশিষ্ট লোকদিগকে বন্দী করিয়া লইয়া গিয়াছিল। ওজরির সেই বন্দীদিগের মধ্যে একজন ছিলেন। তিনি তওরাত পাঠ করিতেন, কিন্তু তখন বালক ছিলেন বলিয়া তাঁহার পাঠ গণনার মধ্যে গৃহীত হয় নাই। কিছু কাল পরে তিনি বন্ধনমুক্ত হইয়া জেরুজেলমের অভিযুগে যাত্রা করেন। পথিমধ্যে এক গ্রামে ঈশ্বরের আদেশে তাঁহার মৃত্যু ও সেই গ্রাম ধ্বংস হয়, এবং শত বৎসর অন্তে তিনি পুনর্জীবন লাভ করেন। বকর সূরাতে এই বিবরণটি উল্লিখিত হইয়াছে। পরে যখন ওজরির স্বজাতির নিকটে উপস্থিত হইলেন, সকলে তওরাত অধ্যয়ন ও লিপিকরণ বিষয়ে তাঁহাকে পরীক্ষা করিতে লাগিলেন। কথিত আছে যে, পাঁচটি লেখনী তাঁহার পাঁচ অঙ্গুলিতে বাধিয়া দেওয়া হয়, তিনি প্রত্যেক অঙ্গুলিদ্বারা তওরাত লিপি করেন। তাহাতেও লোকদিগের সন্দেহনিরসন হয় না, সকলে বলে, “আমাদের

পুত্র, ইহা তাহাদের আপন মুখের উক্তি ; যাহারা পূৰ্ব হইতে কাকের হইয়াছে, তাহাদের কথায় পরস্পর সাদৃশ্য আছে, ঈশ্বর তাহাদিগকে বিনাশ করুন, তাহারা কোথা হইতে (সত্যপথ হইতে) ফিরিয়া যাইতেছে। ৩০। তাহারা ঈশ্বরকে ছাড়িয়া আপনাদের জ্ঞান-লোকদিগকে ও আপনাদের তপস্বীদিগকে এবং মরয়মের পুত্র ঈসাকে প্রতিপালকরূপে গ্রহণ করিয়াছে ; এবং মরয়মের পুত্র ঈসা এবং তাহারা এক মাত্র ঈশ্বরের উপাসনা করা ব্যতীত আদিষ্ট হয় নাই। তিনি ভিন্ন ঈশ্বর নাই ; তাহারা যাহাকে অংশী নির্ণয় করে, তাহা অপেক্ষা তিনি পবিত্র। ৩১। তাহারা আপন মুখে ঈশ্বরের জ্যোতিষিক নির্দোষ করিতে ইচ্ছা করে ; যদিচ ধৰ্ম্মদ্রোহিণ অসম্ভব হয়, তথাপি ঈশ্বর স্বীয় জ্যোতিঃ পূর্ণ করা ব্যতীত কিছুই গ্রাহ্য করেন না। ৩২। তিনিই যিনি আপন প্রেরিতপুরুষকে, যদিচ অংশিবাদিগণ অসম্ভব, তথাপি ধৰ্ম্মালোক ও সত্যধৰ্ম্মসহ সমুদায় ধৰ্ম্মের উপর বিজয়ী করিতে প্রেরণ করিয়াছেন। ৩৩। হে বিশ্বাসিগণ, নিশ্চয় অধিকাংশ জ্ঞানী ও তপস্বী অগ্ন্যয়রূপে লোকের ধন ভোগ করিয়া থাকে ও ঈশ্বরের পথ হইতে (লোকদিগকে) নিবৃত্ত রাখে ; এবং যাহারা স্বর্ণ রৌপ্য সঞ্চয় করিয়া ঈশ্বরোদ্দেশ্যে তাহা ব্যয় করে না, (হে মোহম্মদ,) তুমি তাহাদিগকে দুঃখজনক শাস্তির সংবাদ দান কর। ৩৪। + যে দিবস নরকায়িতে তাহার উপর উষ্ণ করা হইবে, পরে তদ্বারা তাহাদের ললাট ও তাহাদের পার্শ্বদেশ এবং তাহাদের পৃষ্ঠ চিহ্নিত করা হইবে, * সেই দিবস (বলা হইবে,) ইহা তাহা যাহা তোমরা নিজের জন্ত সঞ্চয় করিয়াছ ; অতএব যাহা সঞ্চয় করিতেছিলে, তাহার স্বাদ গ্রহণ কর। ৩৫। নিশ্চয় ঈশ্বরের নিকটে ঐশ্বরিক গ্রন্থে মাস সকলের গণনা ধান্দা মাস হয় ; যে দিবস তিনি স্বর্গ ও মর্ত্য সৃজন করিয়াছেন, (সেই দিন হইতে) তাহার চারিটি অবৈধ, ইহাই সত্য ধৰ্ম্ম ; অতএব তাহাতে তোমরা আত্মজীবনসম্বন্ধে অত্যাচার করিও না এবং অংশিবাদীদের সকলের সঙ্গে, তাহারা যেমন তোমাদের সকলের সঙ্গে সংগ্রাম করে, সংগ্রাম কর। জানিও যে, পরমেশ্বর ধৰ্ম্মভীকৃদিগের সঙ্গে

মধ্যে যখন কেহই তওরাত জ্ঞাত নহে, তখন কেমন করিয়া সিদ্ধান্ত করা যাইবে যে, সত্যই তওরাত লিপি হইতেছে।” অনন্তর এক ব্যক্তি বলিলেন, “আমি আমার পিতার নিকটে শুনিয়াছি, তিনি তাঁহার পিতার মুখে এই কথা শুনিয়াছেন যে, ‘নোজতনসরের ব্যাপারের সময়ে আমি তওরাত গ্রন্থ একটি আধারে দৃঢ়বদ্ধ করিয়া পৰ্ব্বতের অমুক গর্ভের মধ্যে রাখিয়া দিয়াছি।’।” এই কথা শুনিয়া সকলে বাইয়া তথা হইতে তওরাত লইয়া আসিলেন, এবং ওজরির বাহা লিখিয়াছিলেন, তাহার সঙ্গে মিলাইয়া দেখিলেন, সম্পূর্ণ একা হইল। সকলে চমৎকৃত হইয়া বলিলেন যে, শত বৎসর পরে ঈশ্বর ওজরির মনে তিনি তাঁহার পুত্র বলিয়া তওরাত স্থাপন করিয়াছেন। তদনুসারে ইহাদিগণ ওজরিকে ঈশ্বরের পুত্র বলিয়া থাকে। (ভ, হো,)

* “নরকায়িতে তাহার উপর উষ্ণ করা হইবে” ইহার অর্থ, নরকায়িতে সেই রক্ত কাঞ্চনাদি খাড়ুয়াকে উষ্ণ করা হইবে।

আছেন *। ৩৬। ধর্মদ্রোহিতায় ভুল অধিক, এতদ্বিত্ব নহে, তদ্ধারা ধর্মদ্রোহিগণ বিভ্রান্তীকৃত হয়; তাহারা এক বৎসর তাহাকে (সেই মাসকে) বৈধ এবং এক বৎসর তাহাকে অবৈধ গণনা করে, তাহাতে ঈশ্বর যাহা অবৈধ করিয়াছেন, তাহার সঙ্গে গণনার মিল করিয়া থাকে। অতএব ঈশ্বর যাহা অবৈধ করিয়াছেন, তাহারা তাহা বৈধ করে, তাহাদের জন্ত তাহাদের অসৎকর্ম সজ্জিত হইয়াছে; এবং ঈশ্বর ধর্মদোহিদলকে পথ প্রদর্শন করেন না†। ৩৭। (র, ৫, আ, ৮)

হে বিশ্বাসিগণ, যখন তোমাদিগকে বলা হয় যে, ঈশ্বরের পথে বাহির হও, তখন তোমাদের জন্ত কি হয় যে, তোমরা পৃথিবীর দিকে ঝুঁকিয়া পড়; তোমরা কি পরলোক অপেক্ষা পার্থিব জীবনকে মনোনীত করিয়াছ? পরন্তু পরলোকের সম্বন্ধে পার্থিব জীবন ক্ষুদ্র বিষয় ব্যতীত নহে। ৩৮। যদি বাহির না হও, তবে (ঈশ্বর) দুঃখজনক শাস্তিতে তোমাদিগকে শাস্তিদান করিবেন, এবং তোমরা ব্যতীত (অপর) এক জাতিকে তিনি বিনিময়রূপে গ্রহণ করিবেন, এবং তাঁহাকে (ঈশ্বরকে) তোমরা কিছুই ক্লেষ দান করিবে না; ঈশ্বর সর্বোপরি ক্ষমতামালী। ৩৯। যদি তোমরা তাহাকে (প্রেরিতপুরুষকে) সাহায্য দান না কর, তবে নিশ্চয় (জানিও,) যখন কাফেরগণ তাহাকে দুইয়ের দ্বিতীয় রূপে বাহির করিয়াছিল, তখন ঈশ্বর তাহাকে সাহায্য দান করিয়াছেন; যখন তাহারা উভয়ে গর্ভমধ্যে ছিল, যখন সে আপন সঙ্গীকে বলিতেছিল যে, নিশ্চয় ঈশ্বর আমাদের সঙ্গে আছেন, তখন ঈশ্বর তাহার প্রতি আপনার সাহায্য প্রেরণ করিয়াছিলেন, এবং সৈন্যদ্বারা তাহার সহায়তা করিয়াছিলেন, তাহা তোমরা দর্শন কর নাই, এবং তিনি কাফেরগণের অসত্য বাক্যকে নীচ করিয়াছিলেন; ঈশ্বরের সেই বাক্য উচ্চ, ঈশ্বর পরাক্রান্ত ও নিপুণ‡। ৪০। লঘু ও গুরু ভাররূপে তোমরা সকলে বাহির

* এরাহিমের ধর্মে জিকাদা, জিলহজ্বা, মহরম, রজব, এই চারি মাসে যুদ্ধাদি করা অবৈধ ছিল। এই কালে আরব দেশের সর্বত্র শান্তি থাকিত, দূর দেশস্থ ও নিকটবর্তী লোকেরা আসিয়া হজ্জ ও ওমরা করিত। এক্ষণ অধিকাংশ পণ্ডিতের নিকট এই বিধি সম্যক মান্য নয়। এই আয়তদ্বারা এই অর্থ প্রকাশ পায় যে, কাফেরদিগের সঙ্গে সংগ্রাম করা সর্বদা কর্তব্য, এবং পরস্পর অত্যাচার করা সর্বদা অপরাধ, বিশেষতঃ এই কয়েক মাসে অধিক অপরাধ। কিন্তু যদি কোন কাফের এই সকল মাসের সম্মানের জন্ত যুদ্ধে প্রবৃত্ত না হয়, তবে তাহাদের সঙ্গে আমাদের প্রথমে প্রবৃত্ত হওয়া বৈধ নহে।

(ত, ফা,)

† কাফেরগণ এই এক ভ্রান্তমত প্রকাশ করিয়াছিল যে, পরস্পর যুদ্ধকালে অবৈধ মাস উপস্থিত হইলে তাহারা তাহা উপেক্ষা করিয়া বলিত যে, এ বৎসর সফর মাস প্রথমে আগত, মহরম পরে আসিবে, এই কৌশল করিয়া তাহারা মহরম মাসে যুদ্ধ করিত। তৎপ্রতি ঈশ্বরের এই উক্তি।

(ত, ফা,)

‡ হজরত যখন মদিনাপ্রস্থানকালে পথে গারেমুর নামক গর্তে লুকাইয়া ছিলেন, তখন আবুবেকর তাহার সঙ্গী ছিলেন। অস্ত্র অমুদ্বর্তীদিগের কেহ কেহ চলিয়া গিয়াছিলেন, কেহ কেহ পরে

হও * ও আপন ধন ও আপন জীবনযোগে ঈশ্বরের উদ্দেশ্যে সংগ্রাম কর, যদি তোমরা জ্ঞান রাখ, তবে ইহাই তোমাদের জ্ঞান কল্যাণ। ৪১। যদি নিকট সম্পত্তি † ও বিদেশযাত্রা মধ্যম প্রকার হইত, তবে অবশ্য তাহারা তোমার অনুসরণ করিত, কিন্তু দীর্ঘপথ তাহাদের নিকটে দূর বোধ হইল; সত্বর তাহারা ঈশ্বরযোগে শপথ করিয়া বলিবে যে, যদি আমাদের সাধ্য থাকিত, আমরা তোমাদের সঙ্গে অবশ্য বাহির হইতাম; তাহারা আপন জীবনকে বিনাশ করে, ঈশ্বর জানেন যে, অবশ্য তাহারা মিথ্যাবাদী। ৪২। (র, ৬, আ, ৫)

ঈশ্বর তোমাকে, (হে মোহাম্মদ,) ক্ষমা করুন; যাহারা সত্যবাদী, যে পর্যন্ত না তাহারা তোমার জ্ঞান প্রকাশিত হয় ও তুমি মিথ্যাবাদীদিগকে জ্ঞাত হও, সে পর্যন্ত কেন তাহাদিগকে অনুমতি দান করিলে ‡? ৪৩। যাহারা ঈশ্বরে ও অন্তিম দিবসে বিশ্বাস করে, তাহারা আপন সম্পত্তি ও আপন জীবনযোগে সংগ্রাম করিয়া থাকে, তাহারা (পশ্চাৎদীর্ঘ ইহবার জ্ঞান) তোমার নিকটে অনুমতি প্রার্থনা করে না; ঈশ্বর ধর্মভীরুদিগকে জ্ঞাত আছেন। ৪৪। যাহারা ঈশ্বরের প্রতি ও অন্তিম দিবসের প্রতি বিশ্বাস রাখে না, তাহারা তোমার নিকটে অনুমতি প্রার্থনা করে, এতদ্ভিন্ন নহে; এবং তাহাদের অন্তঃকরণ সন্দেহগ্রন্থ, পরে তাহারা স্বীয় সন্দেহের মধ্যে ঘূর্ণায়মান হয়। ৪৫। এবং যদি তাহারা বাহির হওয়ার ইচ্ছা করিত, তবে তাহার আয়োজনের উদ্যোগ করিত, কিন্তু ঈশ্বর তাহাদিগের সমুখানকে মনোনীত করেন নাই; অতএব তাহাদিগকে নিবৃত্ত রাখিয়াছেন, এবং বলা হইয়াছে যে, উপবিষ্ট লোকদিগের সঙ্গে বসিয়া যাও। ৪৬। যদি তাহারা তোমাদিগের সঙ্গে বাহির হইত, উপদ্রব করা ভিন্ন তোমাদের (কিছুই) বৃদ্ধি করিত না, এবং তোমাদিগের ভিতরে তোমাদের প্রতি উপদ্রব অন্বেষণ করিয়া অশ্রু চালাইত; এবং তোমাদের মধ্যে তাহাদের জ্ঞান গুপ্তচর সকল আছে, এবং ঈশ্বর অত্যাচারীদিগকে জ্ঞাত। ৪৭। সত্য সত্যই পূর্ব হইতে তাহারা উৎপাত অন্বেষণ করিয়াছে ও যে পর্যন্ত না সত্য উপস্থিত হইয়াছে, এবং ঈশ্বরের আজ্ঞা প্রতিভাত হইয়াছে, তাহারা কার্য সকল তোমার জ্ঞান বিপর্যস্ত করিয়াছে, এবং তাহারা বীতরাগ বাইয়া মদিনার উপস্থিত হন। “সৈন্ত দ্বারা তাহার সহায়তা করিয়াছিলেন” অর্থাৎ ঈশ্বর দেবসৈন্ত-গর্ভে প্রেরণ করিয়া হজরতকে রক্ষণাবেক্ষণ করিয়াছিলেন। (ত, হো,)

* “লবু ও গুড় ভাররূপে তোমরা সকলে বাহির হও” ইহার অর্থ, আরোহী ও পদাতিকভাবে কিংবা স্থল ও অস্থল অথবা বুদ্ধ ও যুবক বা ধনী ও দরিদ্ররূপে বাহির হও, অথবা সংসারাসক্ত ও সংসারবিরাগীরূপে বাহির হও। (ত, হো,)

† “যদি নিকট সম্পত্তি হইত” ইহার অর্থ এই যে, যে বিষয়ে তুমি আহ্বান করিয়া থাক, তাহা যদি নিকটের সম্পত্তি, পার্শ্বের সম্পত্তি হইত। (ত, হো,)

‡ “কেন তাহাদিগকে অনুমতি দান করিলে” অর্থাৎ মিথ্যাবাদীদিগকে নিবৃত্ত থাকিতে কেন অনুমতি দান করিলে? তাহাদের হলনাপূর্ণ আপত্তি কেন শ্রবণ করিলে? (ত, হো,)

ছিল ৪৮। এবং তাহাদের মধ্যে কেহ বলিতেছে যে, আমাকে অনুমতি দান কর ও বিপাকে ফেলিও না; † জানিও, বিপাকে তাহারা পতিত আছে, এবং নিশ্চয় ধর্মোদ্ভোগকে নরক ঘেরিয়া আছে *। ৪৯। যদি কল্যাণ তোমাকে প্রাপ্ত হয়, তবে তাহাদিগকে অস্থখী করে, এবং যদি বিপদ তোমাকে প্রাপ্ত হয়, তবে তাহারা বলে, “নিশ্চয় পূর্ব হইতে আমরা নিজের কার্য গ্রহণ করিয়াছি;” এবং তাহারা আনন্দে ফিরিয়া যায়। ৫০। তুমি বলিও, ঈশ্বর যাহা আমাদের জন্ত লিপি করিয়াছেন, কখনও তাহা ভিন্ন আমাদের নিকটে উপস্থিত হয় না, তিনি আমাদের প্রভু; অতএব বিশ্বাসিগণ যেন ঈশ্বরের প্রতি নির্ভর করে। ৫১। তুমি বলিও, তোমরা দুইটি কল্যাণের একটা ব্যতীত আমাদের সম্বন্ধে প্রতীক্ষা করিতেছ না, † এবং আমরা তোমাদের সম্বন্ধে প্রতীক্ষা করিতেছি যে, ঈশ্বর আপনার নিকট হইতে অথবা আমাদের হস্তদ্বারা শান্তি তোমাদের প্রতি প্রেরণ করিবেন; অপিত তোমরা প্রতীক্ষা করিতে থাক, নিশ্চয় আমরাও তোমাদিগের সঙ্গে প্রতীক্ষাকারী। ৫২। তুমি বলিও, (হে কপটগণ,) তোমরা ইচ্ছায় বা অনিচ্ছায় দান করিতে থাক, তিনি তোমাদিগ হইতে তাহা কখনও গ্রহণ করিবেন না; নিশ্চয় তোমরা দুর্ভুক্ত দল হও। ৫৩। তাহাদিগ হইতে তাহাদিগের দান গ্রহণ করিতে তাহাদিগকে ইহা ভিন্ন নিবারণ করে নাই, যেহেতু তাহারা ঈশ্বরের প্রতি ও তাঁহার প্রেরিত-পুরুষের প্রতি বিদ্বেষিতা করিয়াছে ও তাহারা শৈথিল্য করা ভিন্ন নমাজে উপস্থিত হয় না, এবং তাহারা অনিচ্ছায় ভিন্ন দান করে না। ৫৪। অনন্তর তাহাদের ধন ও তাহাদের সম্বলগণ তোমাকে আশ্চর্যান্বিত করিবে না, তাহাদিগকে ইহাদ্বারা পার্থিব জীবনে শান্তি দান করেন, ঈশ্বর ইহা ব্যতীত ইচ্ছা করেন না; এবং তাহাদিগের প্রাণ বহির্গত হইবে ও তাহারা কাকের থাকিবে ‡। ৫৫। এবং তাহারা ঈশ্বরযোগে শপথ করিবে যে, নিশ্চয় তাহারা একান্ত তোমাদিগেরই হয়; কিন্তু তাহারা (এমন) একদল যে, (যুদ্ধে) ভয় পায়। ৫৬। যদি তাহারা কোন আশ্রয়স্থান অথবা কোন গর্ত কিম্বা প্রবেশস্থান প্রাপ্ত হয়, তবে তাহার দিকে তাহারা অবশ্য প্রস্থান করিতে ধাবিত হয়। ৫৭। এবং তাহাদের মধ্যে কেহ আছে যে, তোমাকে দাতব্য-বণ্টনে দোষী করিতেছে; পরন্তু যদি তাহা হইতে দান কর, তবে তাহারা সন্তুষ্ট হয়, এবং যদি তাহা হইতে

* কয়সের পুত্র সয়িদ একজন কপট লোক ছিল, সে ছলনা করিয়া হজরতকে বলিয়াছিল যে, রোমীয় নারীগণ পরমা স্থল্লরী, সে দেশে গেলে আমি বিপদে পড়িব, আমাকে বিদেশে না যাঁইতে হয় এরূপ অনুমতি দান করুন, আমি অর্থদ্বারা সাহায্য করিব। (ত, কা,)

† দুইটি কল্যাণের একতর জয়লাভ করা, অজ্ঞাতর ধর্মার্থ নিহত হওয়া। (ত, হো,)

‡ অর্থাৎ এই আশ্চর্য্য যে, অধাশ্রিতকে কেন ঈশ্বর সম্পদ দান করিলেন। কিন্তু অধাশ্রিতের সম্বন্ধে ধনসম্পত্তি ও সম্বল সন্ততি বিপৎস্বরূপ, তজ্জন্ত তাহাদের মন অস্থির থাকে। তাহার চিন্তা হইতে তাহারা মুক্ত হয় না, যত্নকাল পর্যন্ত অনুতাপ করে না ও সংকর্ষ করে না। (ত, কা,)

(তাহাদিগকে) দান না কর, তাহারা অকস্মাৎ ক্রুদ্ধ হয় । ৫৮ । এবং ঈশ্বর ও তাঁহার প্রেরিত-পুরুষ তাহাদিগকে যাহা দান করিয়াছেন, যদি তাহারা তাহাতে সন্তুষ্ট হইত, এবং বলিত, পরমেশ্বরই আমাদের পক্ষে যথেষ্ট, পরমেশ্বর আপন গুণে ও তাঁহার প্রেরিত-পুরুষ অবশ্য আমাদের দান করিবেন ; নিশ্চয় আমরা ঈশ্বরের প্রতি অহুঁরাগী, (তাহা হইলে ভাল ছিল) । ৫৯ । (ব, ৭, আ, ১৭)

সেদকা দরিদ্রদিগের জগ্ন ও নিরুপায়দিগের জগ্ন ও তৎসম্বন্ধে কর্মচারীদিগের জগ্ন ও যাহাদের অন্তরকে অনুরক্ত করা যাইতেছে তাহাদের জগ্ন এবং গ্রীবামুক্তিবশ্যে ও ঋণগ্রস্তের প্রতি ও ঈশ্বরে পথে (ধর্মযুদ্ধে) এবং পথিকদিগের প্রতি, ইহা ব্যতীত নহে ; * ঈশ্বরের নিকট হইতে বিধি হয়, এবং ঈশ্বর জ্ঞাতা ও নিপুণ । ৬০ । তাহাদিগের মধ্যে উহার হয় যে, তত্ত্ববাহককে ক্রেশ দান করে, এবং বলে যে, তিনি শ্রোতা ; বল, শ্রোতা হওয়াতে তোমাদের জগ্ন কল্যাণ হয়, সে ঈশ্বরের প্রতি বিশ্বাস করে ও বিশ্বাসীদিগকে বিশ্বাস করে, এবং তোমাদের যাহারা বিশ্বাসী হইয়াছে, তাহাদের জগ্ন (ইহা) অল্পগ্রহ ; যাহারা ঈশ্বরের প্রেরিত-পুরুষকে ক্রেশ দান করে, তাহাদের জগ্ন দুঃখকর শাস্তি আছে † । ৬১ । তাহারা তোমাদিগকে প্রসন্ন করিবার জগ্ন তোমাদের উদ্দেশ্যে ঈশ্বরের যোগে শপথ করে ; এবং যদি তাহারা বিশ্বাসী হয়, তবে তাহাদিগকে সন্তুষ্ট করা ঈশ্বর ও প্রেরিত-পুরুষের সম্যক্ কর্তব্য । ৬২ । তাহারা কি ইহা জ্ঞাত হয় নাই যে, যে ব্যক্তি ঈশ্বর ও তাঁহার প্রেরিত-পুরুষের বিরোধী হয়, পরে নিশ্চয় তাহার জগ্ন নরকান্নি আছে ; তথায় সে নিত্যবাসী হইবে, ইহাই মহাজুর্গতি । ৬৩ । কপট লোকেরা ভয় পায় যে, তাহাদের প্রতি বা এমন কোন সূরা অবতারণিত হয় যে, তাহাদের অন্তরে যাহা আছে, তাহার সংবাদ তাহাদিগকে দান করে ; বল, তোমরা উপহাস করিতে থাক, তোমরা যাহাতে ভয় পাইতেছ, নিশ্চয় ঈশ্বর তাহার প্রকাশক । ৬৪ । এবং যদি তুমি তাহাদিগকে প্রদ্বন্দ্ব কর, তাহারা অবশ্য বলিবে যে, আমরা উপহাস ও ক্রীড়া করি, ইহা ব্যতীত নহে ; তুমি বলিও, ঈশ্বরের প্রতি ও নিদর্শন সকলের প্রতি ও তাঁহার প্রেরিত-পুরুষের প্রতি তোমরা

* ঈশ্বরোদ্দেশ্যে দরিদ্র প্রভৃতিকে দান করাকে “সেদকা” বলে । যাহার প্রাত্যহিক প্রয়োজনীয় বিষয় নির্বাহ হওয়ার অতিরিক্ত ধন নাই সে দরিদ্র, যাহার প্রয়োজনীয় সামগ্রীর অভাব সে নিরুপায়, যাহারা সেদকা সংগ্রহ করে তাহারা তৎসম্বন্ধে কর্মচারী, “যাহাদের অন্তরকে অনুরক্ত করা যাইতেছে” ইহার অর্থ, অর্থের প্রয়োগে যাহাদিগকে ইসলাম ধর্মে আকর্ষণ করা যাইতেছে, গ্রীবামুক্তি অর্থাৎ দাসত্ব-বন্ধন হইতে মুক্তি, ঈশ্বরের পথে ব্যয় করা, অর্থাৎ ধর্মযুদ্ধে ব্যয় করা । (ভ, কা,)

† কপট লোকেরা হজরতকে বাজ করিয়া বলিয়াছিল যে, ইনি বড় কাণ কথা শুনে । এহলে “শ্রোতা” শব্দে সত্য অসত্য সর্বপ্রকার বাক্যের শ্রবণকারী । হজরত গভীরভাবে সকলের কথা শ্রবণ করিতেন, চঞ্চল না হইয়া শান্তভাবে সত্যাসত্য বিচার করিতেন । সেই নির্বোধেরা ভাবিত যে, তিনি কিছুই বুঝিতেছেন না, অবোধ । তাহাতে ঈশ্বর বলিলেন, এরূপ হওয়া তোমাদের সম্বন্ধে কল্যাণ । অজ্ঞা তোমরা প্রথমেই ধরা পড়িতে । (ভ, কা,)

উপহাস করিতেছে। ৬৫। তোমরা ছলনা করিও না, নিশ্চয় তোমরা বিশ্বাসলাভের পর কাকের হইয়াছ; যদি আমি তোমাদের একদলকে ক্ষমা করি, একদলকে শাস্তি দিব, যেহেতু তাহারা অপরাধী হইয়াছে। ৬৬। (র, ৮, আ, ৭)

কপট পুরুষ ও কপট নারীগণ তাহারা এক অগ্নির অন্তর্গত, তাহারা অবৈধ কার্যে (লোকদিগকে) আদেশ করে ও বৈধ কার্য হইতে নিবৃত্ত করিয়া থাকে, এবং স্বীয় হস্তকে (দানে) বদ্ধ রাখে; তাহারা ঈশ্বরকে বিশ্বস্ত হইয়াছে, অতএব তিনিও তাহাদিগকে বিশ্বস্ত হইয়াছেন, নিশ্চয় সেই কপটেরা দুর্বৃত্ত। ৬৭। ঈশ্বর কপট পুরুষ ও কপট নারীগণের এবং কাকেরদিগের সম্বন্ধে নরকাগ্নি অপ্ৰীকার করিয়াছেন, তাহারা তথাকার চিরনিবাসী, ইহা তাহাদিগের জ্ঞাত যথেষ্ট; এবং ঈশ্বর তাহাদিগকে অভিসম্পাত করিয়াছেন, এবং তাহাদের জ্ঞাত নিত্য শাস্তি আছে। ৬৮। যেমন তোমাদের পূর্বে যাহারা ছিল, তাহারা শাস্তিতে তোমাদিগ অপেক্ষা দূরতর ছিল ও ধন ও সম্ভানবিষয়ে অধিকতর ছিল, পরে তাহারা আপন লভ্য দ্বারা (সংসার দ্বারা) ফলভোগী হইয়াছিল; অতএব যেমন তোমাদের পূর্ববর্তী লোকেরা স্বীয় লভ্য দ্বারা ফলভোগী হইয়াছে, তোমরাও স্বীয় লভ্য দ্বারা ফলভোগী হও। এবং তাহারা যেমন অবথা উক্তি করিয়াছে, তোমরাও সেইরূপ অবথা উক্তি করিয়াছ। ইহারাই, ইহাদের কার্য ইহলোকে ও পরলোকে বিনষ্ট হইয়াছে; ইহারাই যে, ইহারা ক্ষতিগ্রস্ত। ৬৯। তাহাদের পূর্বে হুদীয় ও আদীয় ও সমুদীয় সম্প্রদায় যাহারা ছিল, তাহাদের এবং এব্রাহিমের সম্প্রদায়ের ও মদয়ন ও মূতফেকাতনিবাসীদিগের সংবাদ কি তাহাদের নিকটে উপস্থিত হয় নাই? তাহাদের নিকটে তাহাদের প্রেরিত-পুরুষ স্পষ্ট নিদর্শন সকল সহ উপস্থিত হইয়াছিল, পরন্তু ঈশ্বর (এরূপ) ছিলেন না যে, তাহাদিগের প্রতি অত্যাচার করেন; কিন্তু তাহারা স্বীয় জীবনের প্রতি অত্যাচার করিতেছিল। ৭০। এবং বিশ্বাসী পুরুষ ও বিশ্বাসিনী নারীগণ পরস্পর পরস্পরের বন্ধু, তাহারা বৈধ বিষয়ে আদেশ করে ও অবৈধ বিষয়ে নিষেধ করিয়া থাকে, এবং উপাসনাকে প্রতিষ্ঠিত রাখে, জব্বাত দান করে, অপিত ঈশ্বর ও তাহার প্রেরিত-পুরুষের অন্তর্গত হয়; তাহারা, সত্তর ঈশ্বর তাহাদিগকে কৃপা করিবেন, নিশ্চয় ঈশ্বর বিজয়ী ও নিপুণ। ৭১। বিশ্বাসী পুরুষ ও বিশ্বাসিনী নারীদিগের সম্বন্ধে ঈশ্বর স্বর্গোত্তান সকল অপ্ৰীকার করিয়াছেন, তাহার নিম্ন দিয়া জলপ্রণালী প্রবাহিত হয়, তথায় তাহারা চিরনিবাসী হইবে; এবং নিত্য স্বর্গোত্তানে পরিব্রাজ্যমান সকল ও ঈশ্বরের মহা প্রসন্নতা সকল আছে, ইহাই সেই মহা চরিতার্থতা হয়। ৭২। (র, ৯, আ, ৬)

হে তত্ত্ববাহক, ধর্মদ্রোহী ও কপট লোকদিগের সঙ্গে সংগ্রাম করিও এবং তাহাদের প্রতি কঠিন ব্যবহার করিও; তাহাদের স্থান নরক, এবং (উহা) কুংসিত স্থান। ৭৩। তাহারা ঈশ্বরের যোগে (নামে) শপথ করে যে, তাহা বলে নাই, এবং সত্য সত্যই

তাহারা ধর্মদ্রোহিতার বাক্য বলিয়াছে ও স্বীয় এসলাম ধর্মের পর কাফের হইয়াছে, এবং যাহা প্রাপ্ত হয় নাই, তৎপ্রতি উদ্যোগ করিয়াছে; * ঈশ্বর ও তাঁহার প্রেরিত-পুরুষ আপন গুণে তাহাদিগকে যে সম্পংশালী করিয়াছিলেন, তাহারা তাহা ভিন্ন অগ্রাহ্য করে নাই। অনন্তর যদি তাহারা প্রত্যাবর্তিত হয়, তবে তাহাদের জন্ত কল্যাণ হইবে, এবং যদি (প্রত্যাবর্তন হইতে) প্রতিনিবৃত্ত হয়, তবে ঈশ্বর ইহলোকে ও পরলোকে তাহাদিগকে দুঃখজনক দণ্ডে দণ্ডিত করিবেন, এবং পৃথিবীতে তাহাদের জন্ত কোন বন্ধু ও সহায় নাই। ৭৪। তাহাদিগের মধ্যে কেহ আছে যে, ঈশ্বরের সঙ্গে অঙ্গীকার করিয়াছে যে, “যদি তিনি স্বীয় রূপাণ্ডে আমাদিগকে দান করেন, তবে অবশ্য আমরা সেদকা দিব, এবং অবশ্য সাধু হইব।” ৭৫। অনন্তর যখন তিনি তাহাদিগকে আপন গুণে দান করিলেন, তখন তাহারা তদ্বিষয়ে রূপণতা করিল ও ফিরিয়া গেল, এবং তাহারা অগ্রাহ্যকারী হয়। ৭৬। অনন্তর তাঁহার সঙ্গে যে দিবস তাহারা সাক্ষাৎ করিবে, সে পর্য্যন্ত তিনি তাহাদের অন্তরের ঈর্ষ্যাকে তাহাদের পরিণাম নিদর্শন করিলেন; তাহারা ঈশ্বরের সঙ্গে তাঁহার সম্বন্ধে যে অঙ্গীকার করিয়াছিল, তদ্বিষয়ে যে বিরুদ্ধাচরণ করিয়াছে এবং যে অসত্য বলিতেছিল, তজ্জন্ত (ইহা হইল)। ৭৭। ঈশ্বর যে তাহাদের গুপ্ত বিষয় ও তাহাদের গুঢ় মন্ত্রণা জানিতেছেন, এবং ঈশ্বর যে গুপ্ত বিষয়ের জ্ঞাতা, তাহারা কি জানিতেছে না? ৭৮। সেদকাতে অহুরাগী এমন বিশ্বাসীদিগের ও যাহারা স্বীয় পরিশ্রম ব্যতীত (কিছুই) প্রাপ্ত হয় না, যাহারা তাহাদের দোষ ধরে, পরে তাহাদিগকে উপহাস করে, ঈশ্বরও তাহাদিগকে উপহাস করেন, এবং তাহাদের জন্ত দুঃখজনক শাস্তি আছে। ৭৯। তুমি তাহাদের জন্ত ক্ষমা প্রার্থনা কর বা তাহাদের জন্ত ক্ষমা প্রার্থনা না কর, যদি সন্তোর বারও তাহাদের নিমিত্ত ক্ষমা প্রার্থনা কর, তথাপি কখনও ঈশ্বর তাহাদিগকে ক্ষমা করিবেন না; ইহা এজন্ত যে, তাহারা ঈশ্বরের ও তাঁহার প্রেরিত-পুরুষের বিদ্রোহী হইয়াছে, ঈশ্বর দুর্বৃত্তদলকে পথ প্রদর্শন করেন না। ৮০। (র, ১০, আ, ৮)

পশ্চাতে পরিত্যক্ত লোকেরা ঈশ্বরপ্রেরিতের বিরুদ্ধে আপনাদের উপবেশনে সন্তুষ্ট হইল, এবং ঈশ্বরের উদ্দেশ্যে আপন সম্পত্তি ও আপন জীবনযোগে সংগ্রাম করিতে অসন্তুষ্ট হইল, এবং পরস্পর বলিল, “তোমরা উম্মতের মধ্যে বাহির হইও না;” তুমি বল, নরকান্নি অধিকতর উম্ম। যদি তাহারা বৃদ্ধিত, (এরূপ করিত না)। ৮১। অতএব উচিত যে, তাহারা অল্প হাস্য করে ও অধিক ক্রন্দন করে; তাহারা যাহা করিতেছিল, তাহার বিনিময় আছে। ৮২। অনন্তর যদি ঈশ্বর তোমাকে, (হে মোহাম্মদ,) তাহাদের কোন দলের

* অধিকাংশ কপটলোক অসাক্ষাতে হস্তরতের নিম্না করিত, ধরা পড়িলে শপথ করিয়া তাহা অস্বীকার করিত। “তাহারা যাহা প্রাপ্ত হয় নাই, তৎপ্রতি উদ্যোগ করিয়াছে।” ইহার তাৎপৰ্য্য এই যে, সৈন্তগণের গৃহের সতর্কতা হইয়াছিল, কপট লোকেরা প্রশস্ত স্থান পাইবার জন্ত প্রয়োচনা করিয়া মোহাজের ও আনসারদিগের মধ্যে বিচ্ছেদ আনয়ন করিয়াছিল। (ত, কা,)

নিকটে পুনর্ব্বার আনয়ন করেন, তবে বাহির হইবার জ্ঞতা হাংরা তোমার নিকটে অহুমতি প্রার্থনা করিবে ; তখন তুমি বলিও, তোমরা আমার সঙ্গে কখনও বহির্গত হইবে না, এবং আমার সমভিব্যাহারে কখনও কোন শত্রুর সঙ্গে যুদ্ধ করিবে না । নিশ্চয় তোমরা বসিয়া থাকিতে প্রথম বারে সম্মত হইয়াছ, অতএব পশ্চাৎকারীদিগের সঙ্গে বসিয়া থাক । ৮৩ । মরিলে তাহাদের কাহারও উপর, (হে মোহম্মদ,) তুমি কখনও নমাজ পড়িও না, এবং তাহাদের সমাধির উপরে দণ্ডায়মান হইও না ; নিশ্চয় তাহারা ঈশ্বর ও তাঁহার প্রেরিত-পুরুষের সম্বন্ধে বিরোধী হইয়াছে, এবং তাহারা দুর্কৃত্ত অবস্থায় প্রাণত্যাগ করিল । ৮৪ । এবং তাহাদের সম্পত্তি ও তাহাদের সন্তানগণ তোমাকে বিস্মিত যেন না করে, ঈশ্বর ইচ্ছা করিয়া থাকেন যে, এতদ্বারা পৃথিবীতে তাহাদিগকে শাস্তি দান করেন, ইহা ব্যতীত নহে ; তাহাদের প্রাণ বহির্গত হইবে, অথচ তাহারা কাকের থাকিবে । ৮৫ । এবং যখন (এমন) কোন সূরা অবতারণিত হয় যে, তোমরা ঈশ্বরের প্রতি বিশ্বাস স্থাপন কর ও তাঁহার প্রেরিতপুরুষের যোগে সংগ্রাম কর, তখন তাহাদের ধনবান লোকেরা তোমার নিকটে অহুমতি প্রার্থনা করে, এবং বলে, আমাদের দিগকে ছাড়িয়া দেও, যেন আমরা উপবিষ্ট লোকদিগের সঙ্গী হই । ৮৬ । তাহারা পশ্চাৎকারী নারীদিগের সঙ্গে থাকিতে সম্মত, এবং তাহাদের মনের উপর মোহর করা হইয়াছে ; * পরন্তু তাহারা বুঝিতেছে না । ৮৭ । কিন্তু প্রেরিত-পুরুষ এবং যাহারা তাহার সঙ্গে বিশ্বাস স্থাপন করিয়াছে, তাহারা আপন সম্পত্তি ও আপন জীবনযোগে সংগ্রাম করিয়াছে ; ইহারাই, ইহাদের জ্ঞত কল্যাণ, এবং তাহারা ইহারা, যে মুক্তি পাইবে । ৮৮ । পরমেশ্বর তাহাদের জ্ঞতা স্বর্গোচ্চান প্রস্তুত রাখিয়াছেন, যাহার নিম্নদিয়া জলপ্রণালী সকল প্রবাহিত, তাহাতে তাহারা সর্বদা থাকিবে ; ইহাই মহাকৃত্তার্থতা । ৮৯ । (র, ১১, আ, ২)

এবং ক্রটি-স্বীকারকারী আরাবী লোকেরা, তাহাদের নিমিত্ত অহুমতি দেওয়া হয়, ও জ্ঞতা আসিয়াছে ; † এবং যাহারা ঈশ্বর ও তাঁহার প্রেরিত-পুরুষের প্রতি অসত্যারোপ করিয়াছে, তাহারা বসিয়া আছে । তাহাদের মধ্যে যাহারা ধর্ম্মস্রোহী হইয়াছে, অবশ্য তাহাদের প্রতি দুঃখকর শাস্তি উপস্থিত হইবে । ৯০ । যদি ঈশ্বরের জ্ঞতা ও তাঁহার প্রেরিত-পুরুষের জ্ঞতা শুভাকাঙ্ক্ষা করিয়া থাকে, তবে অশক্ত লোকদিগের প্রতি ও রোগীদিগের প্রতি এবং যাহারা যাহা কিছু ব্যয় করিবে, তাহা প্রাপ্ত হয় নাই, তাহাদের প্রতি কোন সঙ্কট নাই ; এবং হিতকারী লোকদিগের প্রতি কোন (আক্রোশের) পথ নাই । ঈশ্বর ক্রমাশীল ও দয়ালু । ৯১ । + এবং তুমি বাহন দিবে বলিয়া যখন তাহারা তোমার

* সিলমোহর করিয়া বস্তু সকলকে বদ্ধ করা হয় ; মনের উপর মোহর করার অর্থ, মনে জ্ঞানালোক-প্রবেশের পথ বদ্ধ করা ।

+ “আরাব” বা “আরাবী” আরবের অরণ্যনিবাসী উক্ত লোক ।

নিকটে উপস্থিত হয়, তুমি বল, যাহার উপরে তোমাদিগকে আরোহণ করাইব, তাহা প্রাপ্ত হই নাই ; (তাহাতে) তাহারা ফিরিয়া যায়, এবং এই দুঃখহেতু তাহাদের চক্ষু অশ্রুপ্লাবিত হয় যে, কিছুই (তাহাদের) হস্তগত নাই যে ব্যয় করে ; তাহাদের প্রতি (আক্রোশের পথ) নাই । ২২ । যাহারা তোমার নিকটে (নিবৃত্ত থাকিবার) অজুমতি প্রার্থনা করে, এবং যাহারা ধনবান্, পশ্চাতে স্থিত নারীদিগের সঙ্গে বাস করিতে সম্মত, তাহাদের প্রতি (আক্রোশের) পথ ; এবং ঈশ্বর তাহাদের মনের উপর মোহর করিয়াছেন, অতএব তাহারা বুঝিতেছে না । ২৩ । যখন তোমরা তাহাদের নিকটে (যুদ্ধক্ষেত্র হইতে) ফিরিয়া আসিবে, তখন তাহারা তোমাদের নিকটে ছলান্বেষণ করিবে ; তুমি বলিও, ছলান্বেষণ করিও না, তোমাদিগকে আমরা বিশ্বাস করি না, নিশ্চয় ঈশ্বর তোমাদের কোন কোন সংবাদ আমাদিগকে জানাইয়াছেন । এক্ষণ ঈশ্বর ও তাঁহার প্রেরিত-পুরুষ তোমাদের কাৰ্য্য দেখিবেন ; অতঃপর তোমরা অন্তর্বহির্বিজ্ঞাতার নিকটে ফিরিয়া যাইবে । পরে তিনি, তোমরা যাহা করিতেছিলে, তাহার সংবাদ দিবেন । ২৪ । যখন তাহাদের নিকটে তোমরা উপস্থিত হইবে, তাহারা ঈশ্বরযোগে তোমাদের জ্ঞাত শপথ করিবে, যেন তোমরা তাহাদিগ হইতে ফিরিয়া যাও ; অতএব তোমরা তাহাদিগ হইতে মুখ ফিরাও, নিশ্চয় তাহারা অপবিত্র এবং তাহাদের স্থান নরকলোক । তাহারা যাহা করিতেছে, তাহার প্রতিশোধ আছে । ২৫ । তাহারা তোমাদের জ্ঞাত শপথ করিবে, যেন তোমরা তাহাদের প্রতি সন্তুষ্ট হও ; পরন্তু যদি তোমরা তাহাদের প্রতি সন্তুষ্ট থাক, তবে নিশ্চয় ঈশ্বর পাষণ্ডদের প্রতি অসন্তুষ্ট থাকিবেন । ২৬ । আরাবী লোকেরা অত্যন্ত ধর্ম্মবিদ্বেষী ও কপট ; ঈশ্বর আপন প্রেরিত-পুরুষের প্রতি যাহা অবতারণ করিয়াছেন, তাহার সীমা সকল (বিধি সকল) তাহাদের না জানাই সমুচিত ; এবং ঈশ্বর জ্ঞাতা ও নিপুণ । ২৭ । আরাবীদিগের এমন কেহ আছে যে, সে যাহা ব্যয় (দান) করে, তাহা দণ্ড মনে করিয়া থাকে, এবং তোমাদের সম্বন্ধে কালচক্র (বিপৎ) প্রতীক্ষা করে ; তাহাদের সম্বন্ধেই অন্তঃ কালচক্র, ঈশ্বর শ্রোতা ও জ্ঞাতা । ২৮ । এবং আরাবীদিগের এমন কেহ আছে যে, ঈশ্বরে ও অন্তিম দিবসে বিশ্বাসী হইয়াছে এবং যাহা ব্যয় করে, তাহাকে পরমেশ্বরের সান্নিধ্য ও প্রেরিত-পুরুষের শুভাশীর্ষাদের (কারণ) মনে করে ; জানিও, তাহাদের জ্ঞাত উহা সান্নিধ্য বটে, অবশ্য পরমেশ্বর তাহাদিগকে স্বীয় দয়ার মধ্যে প্রবেশ করাইবেন, নিশ্চয় ঈশ্বর ক্ষমাশীল ও দয়ালু । ২৯ । (র, ১২, আ, ১০)

এবং পূর্ববর্তী প্রথম মোহাজের ও আনসারগণ এবং যাহারা সংকার্য্যে তাহাদের অনুসরণ করিয়াছে, * ঈশ্বর তাহাদের প্রতি প্রসন্ন এবং তাহারাও তাঁহার প্রতি সন্তুষ্ট ; তিনি তাহাদের নিমিত্ত স্বর্গোত্তান সকল প্রস্তুত করিয়াছেন, যাহার নিম্নে জলপ্রণালী

* বদরের যুদ্ধ পর্য্যন্ত যাহারা মোসলমান হইয়াছিল, তাহারা পূর্বতন, অবশিষ্ট লোকেরা তাহাদের অনুবর্তী ।

সকল প্রবাহিত, তথায় তাহারা নিত্যস্থায়ী হইবে, ইহাই মহা কৃতার্থতা। ১০০। এবং যাহারা তোমাদের প্রতিবেশী, তাহাদের মধ্যে কপট আরাবী আছে, এবং মদিনানিবাসীও আছে, যে কপটতাতে সংলিপ্ত; তুমি তাহাদিগকে জান না, আমি তাহাদিগকে জ্ঞাত আছি, সত্ত্বর আমি তাহাদিগকে দুইবার শাস্তি দান করিব, তৎপর তাহারা মহাশাস্তির দিকে প্রত্যাবর্তিত হইবে *। ১০১। অপর লোক আছে যে, স্বীয় অপরাধ স্বীকার করিয়াছে, তাহারা ভাল কর্ম ও অশ্রু মন্দকে পরস্পর মিশ্রিত করিয়াছে; ঈশ্বর তাহাদের প্রতি প্রত্যাবর্তন করিতে সমুদ্রত, নিশ্চয় ঈশ্বর ক্ষমাশীল ও দয়ালু। ১০২। তাহাদের সম্পত্তি হইতে তুমি দাতব্য গ্রহণ কর, তাহাতে তদ্বারা তুমি তাহাদিগকে (বাছে) পবিত্র করিবে ও (অন্তরে) তাহাদিগকে শুদ্ধ করিবে; † এবং তাহাদের প্রতি শুভ প্রার্থনা কর, নিশ্চয় তোমার শুভ প্রার্থনা তাহাদের জন্য শাস্তির (কারণ)। ঈশ্বর শ্রোতা ও জ্ঞাত। ১০৩। তাহারা কি জানে না যে, ঈশ্বর সেই, যিনি স্বীয় দাসদিগের প্রত্যাবর্তন গ্রাহ্য করিয়া থাকেন ও সেদকা সকল গ্রহণ করেন; এবং পরমেশ্বর সেই, যিনি প্রত্যাবর্তনকারী ও দয়ালু। ১০৪। তুমি বল, তোমরা অনুষ্ঠান কর, পরে ঈশ্বর ও তাঁহার প্রেরিতপুরুষ এবং বিশ্বাসিগণ তোমাদের অনুষ্ঠান সকল অবশ্য দেখিবেন; এবং অংশ তোমরা অন্তর্বিজ্ঞাতার দিকে ফিরিয়া আসিবে। পরে যাহা করিতেছিলে, তিনি তোমাদিগকে তাহা জ্ঞাপন করিবেন। ১০৫। অশ্রু লোকেরা ঈশ্বরের আজ্ঞার নিমিত্ত অবকাশ পাইবে; ‡ হয় তাহাদিগকে তিনি শাস্তি দান করিবেন, কিম্বা তাহাদিগের প্রতি প্রত্যাবর্তিত হইবেন। এবং ঈশ্বর জ্ঞাত ও নিপুণ। ১০৬। এবং যাহারা প্রপীড়ন ও ধর্মবিদ্রোহাচরণ এবং বিশ্বাসীদিগের মধ্যে বিচ্ছেদ আনয়ন নিমিত্ত, অপিত যাহারা পূর্বে ঈশ্বর ও তাঁহার প্রেরিতপুরুষের সঙ্গে যুদ্ধ করিয়াছে, তাহাদের গুপ্ত আক্রমণস্থানের জন্য মসজিদ নির্মাণ করিয়াছে, তাহারা অবশ্য শপথ করিবে যে, আমরা কল্যাণ ব্যতীত আকাজক্ষা করি নাই; এবং ঈশ্বর সাক্ষ্যদান করিতেছেন যে, নিশ্চয় তাহারা মিথ্যাবাদী §।

* অর্থাৎ পৃথিবীতে ক্রেশের পর ক্রেশ পাইবে, পুনর্ব্বার পরলোকে শাস্তি প্রাপ্ত হইবে। (ত, ফা,)

† অর্থাৎ যেমন কাহারও কাহারও প্রতি আক্রোশ হইয়াছিল যে, চিরকালের জন্য তাহাদের দাতব্য গৃহীত হইবে না, ইহাদের প্রতি তাহা হয় নাই। (ত, ফা,)

‡ যে কয়েক শ্রেণীর কপটের কথা পূর্বে উক্ত হইয়াছে, তাহাদের মধ্যে যাহারা পাপ স্বীকার করিত, তাহাদিগের কাহাকে কাহাকে শিক্ষা দিবার জন্য পঞ্চাশ দিন অবকাশ দেওয়া হইত। এই সময়ে হজরত ও অপর মোসলমানেরা তাহাদের সঙ্গে কথোপকথন করিতেন না, তাহাদের ভাষাগণ স্বতন্ত্র থাকিত, বিশেষ আক্লানি হইলে তাহাদের জন্য ক্ষমা হইত। (ত, ফা,)

§ হজরত মক্কা হইতে প্রস্থান করিয়া মদিনা নগরের প্রান্তবর্তী কবানামক স্থানে প্রথম উপস্থিত হন। চতুর্দশ দিবস তথায় বাস করেন, সেই সময়ে কবী মসজিদের ভিত্তি স্থাপিত হইয়াছিল। হজরতের উপাসনার জন্য মদিনা প্রদেশে এই প্রথম ধর্মমন্দির নির্মিত হয়। তিনি সপ্তাহে একদিন সেই মন্দিরে বাইয়া সদলে উপাসনা করিতেন। তখন উক্ত পল্লীস্থ কোন কোন কপট লোক ইচ্ছুক হয় যে,

১০৭। তুমি কখনও, (হে মোহাম্মদ,) তন্মধ্যে দণ্ডায়মান হইও না; প্রথম দিবসে ধর্মভাবে যে মন্দির নির্মিত হইয়াছে, অবশ্য তাহাই উপযুক্ত যে, তাহার মধ্যে তুমি দণ্ডায়মান হও। তদ্রূপিত পুরুষগণ নির্মল হইতে ভালবাসে, এবং ঈশ্বর নির্মল লোকদিগকে প্রেম করেন।
 ১০৮। পুনশ্চ যে ব্যক্তি ঈশ্বংভয় ও (তাহার) প্রসন্নতার উপরে স্বীয় অট্টালিকার ভিত্তি স্থাপন করিল, সে উত্তম, না যে ব্যক্তি নরকাগ্নিতে পতনোন্মুখ নদীভয় তীরভূমিতে স্বীয় অট্টালিকার ভিত্তি স্থাপন করিল, সে? ঈশ্বর অত্যাচারী দলকে পথ প্রদর্শন করেন না।
 ১০৯। তাহাদের সেই অট্টালিকা, যাহা সন্দেহরূপে আপনাদের অন্তরে তাহারা নির্মাণ করিয়াছে, তাহাদের অন্তঃকরণ খণ্ড খণ্ড না হওয়া পর্য্যন্ত উহা সর্বদা থাকিবে; ঈশ্বর জ্ঞাতা ও নিপুণ *। ১১০। (র, ১৩, আ, ১১)

নিশ্চয় ঈশ্বর বিশ্বাসিগণ হইতে তাহাদের জীবন ও তাহাদের সম্পত্তি ক্রয় করিয়াছেন, কেন না তাহাদের জগৎ স্বর্গলোক হয়, তাহারা ঈশ্বরের উদ্দেশ্যে সংগ্রাম করে; অতএব তাহারা ইত্যা করিবে ও নিহত হইবে, তওরাতে ও ইজিলে এবং কোর্-আনে তাহাদের সম্বন্ধে সত্য অঙ্গীকার আছে। এবং কোন্ ব্যক্তি ঈশ্বর অপেক্ষা স্বীয় অঙ্গীকার অধিক পূর্ণকারী? অনন্তর তাহার প্রতি তোমরা যাহা বিক্রয় করিয়াছ, আপনাদের সেই বিক্রয়ে সন্তুষ্ট থাক, এবং ইহাই সেই মহাচরিতার্থতা। ১১১। ইহার প্রত্যাবর্তনকারী (পাপ হইতে নিবৃত্ত ব্যক্তি) তাপস, স্তাবক, (ধর্মপথে) পর্য্যটক, রকুকারক, নমস্কারকারক, বৈধ-কার্যের অতুলজাদাতা, অবৈধ কার্যের নিষেধকারী এবং ঐশ্বরিক বিধি সকলের রক্ষক হয়; এবং তুমি বিশ্বাসীদিগকে (এই) সুসংবাদ দান কর। ১১২। তাহারা (অংশিবাদিগণ) নরকলোকনিবাসী, (ইহা) তাহাদের (বিশ্বাসীদের) জগৎ প্রকাশিত হওয়ার পর, যতাপি স্বগণও হয়, তথাপি অংশিবাদীদিগের নিমিত্ত ক্ষমা প্রার্থনা করা তত্ত্ববাহক ও বিশ্বাসীদিগের পক্ষে কর্তব্য নয়। ১১৩। এবং স্বীয় পিতার জগৎ তাহার সঙ্গে যে অঙ্গীকার করা হইয়াছিল, সেই অঙ্গীকারের কারণ ব্যতীত এব্রাহিমের ক্ষমা প্রার্থনা ছিল না; পরে

তাহার পার্শ্বে অল্প মস্বেদ নির্মাণ ও হজরতের মণ্ডলীর বিরুদ্ধে এক মণ্ডলী প্রতিষ্ঠিত করে। আবু আমের নামক একজন পৌত্তলিক পুরোহিত, যে পূর্বে এসলাম ধর্মের বিরুদ্ধে দণ্ডায়মান হইয়াছিল, তাহাকে সেই সকল কপট লোকের মণ্ডলীর দলপতি ও সেই মস্বেদের এমাম নিযুক্ত করিতে কৃতসঙ্কল্প হয়। উক্ত মস্বেদ নির্মাণ হইলে পর হজরত ইচ্ছা প্রকাশ করিলেন যে, একদিন সেই মন্দিরে উপাসনা করিয়া মণ্ডলী স্থির করেন, তিনি কপটদিগের প্রতারণা বুঝিতে পারেন নাই। তাহারা বলিল, তবুকের সংগ্রাম হইতে কিরিয়া আসিয়া আমরা সেখানে নমাজ পড়িব ও পরে নগরে প্রবেশ করিব। পরমেখর পূর্বেই তাহাদের প্রতারণার সংবাদ দিলেন, এবং কবা মস্বেদসংক্রান্ত মণ্ডলীর প্রশংসা করিলেন। সকলে যেন সাবধান হয় যে, অনেকের বাহিরে তপস্শা ও ধার্মিকতা এবং অন্তরে ঘোর সাংসারিকতা ও নিকৃষ্ট ভাব। (ত, কা,)

* অর্থাৎ এই দুর্ভিক্ষের ফল এই হইল যে, সর্বদা তাহাদের মনে কপটতা থাকিবে। এ স্থলে “সন্দেহ” শব্দে কপটতা। (ত, কা,)

যখন তাহার প্রতি প্রকাশিত হইল যে, সে ঈশ্বরের শত্রু, তখন সে তাহা হইতে পরাভূত হইল। নিশ্চয় এব্রাহিম সহিষ্ণু ও দুঃখিত ছিল *। ১১৪। এবং ঈশ্বর একপন নহেন যে, কোন জাতিকে তাহার প্রতি পথ প্রদর্শন করার পর পথভ্রান্ত করেন; এত দূর যে, যাহা হইতে নিবৃত্ত হইতে হইবে, তাহাদের জন্ত তিনি তাহা ব্যক্ত করিয়া থাকেন। নিশ্চয় ঈশ্বর সর্ববিষয়ে জ্ঞানী। ১১৫। নিশ্চয় পরমেশ্বরের জন্তই স্বর্গ ও পৃথিবীর রাজ্য, তিনি প্রাণদান ও প্রাণহরণ করেন, এবং ঈশ্বর ব্যতীত তোমাদের নিমিত্ত কোন বন্ধু ও সহায় নাই। ১১৬। সত্য সত্যই ঈশ্বর তত্ত্ববাহকের প্রতি এবং মোহাজের ও আনসারদিগের মধ্যে যাহারা সন্ধটের সময়ে তাহাদের একদলের অন্তর স্থলিত হওয়ার উপক্রমের পর তাহার অনুসরণ করিয়াছে, তাহাদের প্রতি প্রত্যাগত, পুনর্দার তাহাদের প্রতি প্রত্যাগত; নিশ্চয় তিনি তাহাদের সম্বন্ধে অল্পগ্রহকারী ও দয়ালু†। ১১৭। + এবং যাহারা (যুদ্ধ) হইতে পশ্চাদবর্তী হইয়াছিল, যখন বিজৃতিসঙ্গে পৃথিবী তাহাদের প্রতি সন্ধীর্ণ পর্য্যন্ত হইল, এবং তাহাদের প্রতি তাহাদের জীবন সন্ধীর্ণ হইল ও সেই তিন ব্যক্তি মনে করিল যে, ঈশ্বর হইতে তাহার প্রতি (গমন) ব্যতীত অস্ত্র আশ্রয় নাই; তখন তিনি তাহাদের প্রতি ফিরিয়া আসিলেন, যেন তাহারা ফিরিয়া আইসে। নিশ্চয় ঈশ্বর প্রত্যাবর্তনকারী দয়ালু ‡। ১১৮। (র, ১৪, আ, ৮)

হে বিশ্বাসিগণ, ঈশ্বরকে ভয় করিও, এবং সত্যবাদীদিগের সঙ্গে থাকিও। ১১৯। মদিনানিবাসীদিগের ও তাহাদের প্রতিবেশী আরাবীদিগের জন্ত (উচিত) ছিল না যে, ঈশ্বরের প্রেরিত-পুরুষ হইতে পশ্চাদ্গমন করে ও তাহার জীবন অপেক্ষা আপন জীবনের প্রতি অধিক অনুরাগী হয়; ইহা একজ্ঞ হইয়াছে যে, ঈশ্বরের পথে তৃষ্ণা এবং ক্লেশ ও ক্ষুধা যেন তাহাদিগকে প্রাপ্ত না হয়, অপিচ সেই স্থানে যাইতে না হয়, যথায় কাফেরদিগকে

* কোর-আনে যে উল্লিখিত হইয়াছে, মহাপুরুষ এব্রাহিম স্বীয় পিতার নিমিত্ত ক্ষমা চাহিয়াছিলেন; তাহাতেই হজরতের মনে ইহা উদয় হইয়া থাকিবে, এবং মোসলমানেরাও ইচ্ছুক ছিল যে, স্বজন অংশিবাদীদিগের সম্বন্ধে প্রার্থনা করে; কিন্তু তাহা নিষিদ্ধ হইল। ইহাতে বুঝা যাইতেছে যে, অংশিদ্ধ ক্ষমার যোগ্য নহে। (ত, কা,)

+ মোহাজের ও আনসারদিগকে মনের উদ্বেগ হইতে রক্ষা করা হইল, একজ্ঞ দৃঢ়তার নিমিত্ত দুই বার বলা হইল, “প্রত্যাগত” “পুনঃ প্রত্যাগত।” (ত, কা,)

‡ তবুকের যুদ্ধে খোর সন্ধট হইয়াছিল, সমরক্ষেত্রের প্রত্যেক দশ জন মোসলমান সেনার মধ্যে একটিমাত্র উষ্ট্র ছিল, প্রত্যেক দুইজনে একটিমাত্র খোরমাকল ভক্ষণে দিন যাপন করিয়াছিল। জলের অভাব ছিল, বায়ু অত্যন্ত উত্তপ্ত হইয়াছিল। সৈন্যগণ উষ্ট্র ছেদন করিয়া তাহার উদরের জলাধার হইতে জল গ্রহণ করিয়া অথরোষ্ঠ সিক্ত করিত।

এখানে এই তিন জনের নাম কাব ও হেলাল এবং মেরার, ইহারা ধর্ম্মযুদ্ধে গমনে নিবৃত্ত হইয়াছিল। হজরত মোহম্মদ তাহাদের সম্বন্ধে এই আদেশ করিয়াছিলেন যে, কেহ তাহাদের সঙ্গে সম্পর্ক রাখিবে না ও কথা কহিবে না। জীসংসর্গ হইতে তাহাদিগকে দূর করিয়াছিলেন। (ত, হো,)

প্রকোপিত করিতে হয়, তাহাদের জ্ঞান সদহুষ্ঠানের লিপি হওয়া ব্যতীত শত্রু হইতে যেন প্রাপ্য কোন (দুঃখ ক্লেশ) তাহারা প্রাপ্ত না হয়। নিশ্চয় পরমেশ্বর সংকল্পশীলদিগের পুরস্কার বিনষ্ট করেন না *। ১২০। + এবং তাহারা এমন কোন অল্প ও অধিক দান (যুদ্ধে সাহায্য দান) করে না এবং এমন কোন অরণ্য অতিক্রম করে না, যাঁহা তাহাদের জ্ঞান লিপি হয় না ; তাহাতে ঈশ্বর, তাহারা যাহা করিতেছে, তদপেক্ষা উৎকৃষ্ট পুরস্কার তাহাদিগকে দান করিবেন। ১২১। বিশ্বাসিগণ সকলে (সমর্থ) ছিল না যে, (যুদ্ধে) বহির্গত হয়, কিন্তু প্রত্যেক সম্প্রদায় হইতে তাহাদের এক দল কেন বহির্গত হইল না ? তাহারা যেন ধর্ম্মেতে জ্ঞানবান হয়, যেন আপন দলকে ভয় প্রদর্শন করিতে পারে ; যখন তাহারা (যুদ্ধ হইতে) তাহাদের নিকটে ফিরিয়া আসিবে, হয়তো তাহারা নিবৃত্ত থাকিবে ঃ। ১২২। (র, ১৫, আ, ৪)

হে বিশ্বাসিগণ, কাফেরদিগের যাহারা তোমাদের নিকটে উপস্থিত হয় ও তোমা-
দিগের মধ্যে সন্নিবিষ্ট উপস্থিত চাহে, তোমরা তাহাদের সঙ্গে সংগ্রাম কর ; জানিও যে,
ঈশ্বর ধর্ম্মভীরুদিগের সঙ্গে আছেন। ১২৩। এবং যখন কোন সূরা অবতারিত হয়,
তখন তাহাদের মধ্যে কেহ বলে, ইহা তোমাদের কাহার সম্বন্ধে ধর্ম্মবুদ্ধি করিয়াছে ?
কিন্তু যাহারা বিশ্বাসী হইয়াছে, তাহাদের ধর্ম্মবুদ্ধি করিয়াছে, এবং তাহারা আনন্দিত
আছে। ১২৪। কিন্তু যাহাদের অন্তরে রোগ, পরে তাহা তাহাদের সম্বন্ধে তাহাদিগের
বিকারের উপর বিকার বৃদ্ধি করিয়াছে, এবং তাহারা ধর্ম্মদ্রোহী অবস্থায় প্রাণত্যাগ
করিয়াছে। ১২৫। তাহারা কি দেখিতেছে না যে, তাহারা প্রতি বৎসর একবার বা
দুইবার বিপন্ন হয় ? পরে (পাপ হইতে) প্রতিনিবৃত্ত হয় না, এবং তাহারা উপদেশ
গ্রহণ করে না ঃ। ১২৬। এবং যখন কোন সূরা অবতারিত হয়, তখন তাহারা
(লজ্জাপ্রযুক্ত) পরস্পর পরস্পরের দিকে দৃষ্টি করিয়া বলে, কেহ কি তোমাদিগকে

* আবুহশিমা আনসারী মদিনাতে ছিলেন। তবুকের সংগ্রামে হজরতের চলিয়া যাওয়ার কয়েক
দিন পরে তিনি প্রথর আতপতাপের সময় স্বীয় গৃহে ফিরিয়া আইসেন। তাহার দুই পত্নী ছিল,
তাহারা স্মৃতিশীল জল ও স্মৃতিশীল খাদ্যদ্রব্য পরিবেশন করিয়া তাহার সেবা করিতে প্রবৃত্ত হয়, এবং
নানাপ্রকার যত্ন গুঞ্জনা করিতে থাকে। ইহাতে আবুহশিমা ভাবেন যে, আমি ছান্নাতে বসিয়া
সুখে শীতল দ্রব্য ভোগ করিতেছি, এদিকে হজরত প্রথর রৌদ্রের উত্তাপে ক্ষুধায় তৃষ্ণায় কষ্ট পাইতেছেন,
ধিক্ আমাকে ! এই ভাবিয়া তিনি যৎকিঞ্চিৎ পাণ্যে গ্রহণপূর্বক তবুকে চলিয়া যান। (ত, হো,)

+ অর্থাৎ প্রত্যেক সম্প্রদায়ের কয়েক ব্যক্তির উচিত যে, প্রেরিতপুঙ্কবের নিকটে থাকিয়া ধর্ম্মশিক্ষা
করে, এবং পরবর্তী লোকদিগকে শিক্ষা দেয়। এক্ষণ সংবাদবাহক বিদ্যমান নাই, কিন্তু ধর্ম্মশাস্ত্র
বিদ্যমান। ভয় প্রদর্শন করার অর্থ, নরকদণ্ড, ঐশ্বরিক শাস্তির ভয়প্রদর্শন।

“তাহারা নিবৃত্ত থাকিবে” ইহার এই অর্থ যে, যে সকল কার্যে ভয় প্রদর্শন করা হইবে, সেই
সকল কার্য হইতে নিবৃত্ত থাকিবে।

‡ প্রায়ই যুদ্ধাদির সময়ে কপটলোক ধরা পড়ে।

(ত, কা,)

দেখিতেছে? তৎপর চলিয়া যায়, ঈশ্বর তাহাদের অন্তরকে ফিরাইয়াছেন, যেহেতু তাহারা নিকোঁধ দল। ১২৭। সত্য সত্যই, (হে মোসলমানগণ,) তোমাদের জাতি হইতে তোমাদের নিকটে প্রেরিতপুরুষ আসিয়াছে, তোমাদিগের ক্লেশ তাহার সম্বন্ধে দুঃসহ, সে তোমাদের প্রতি অহুবাগী, বিশ্বাসীদিগের সম্বন্ধে কৃপাযুক্ত দয়ালু। ১২৮। অনন্তর যদি তাহারা ফিরিয়া যায়, তবে তুমি বলিও, আমার জ্ঞাত ঈশ্বরই যথেষ্ট, তিনি ব্যতীত উপাস্ত নাই, তাঁহার প্রতি আমি নির্ভর করিয়াছি, এবং তিনি মহাসিংহাসনের প্রভু। ১২৯। (র, ১৬, আ, ৭)

সূরা ইয়ুনস ❀

.....

দশম অধ্যায়

.....

১০৯ আয়ত, ১১ রকু

(দাতা দয়ালু পরমেশ্বরের নামে প্রবৃত্ত হইতেছি।)

বৈজ্ঞানিক গ্রন্থের এই আয়ত অটল। ১। মনুষ্যের পক্ষে ইহা কি আশ্চর্য্য হয় যে, আমি তাহাদের মধ্যে এক ব্যক্তির প্রতি (এই) প্রত্যাশ করি যে, তুমি লোকদিগকে ভয় প্রদর্শন কর, এবং যাহারা বিশ্বাসী হইয়াছে, তাহাদিগকে সুসংবাদ দান কর যে, তাহাদের জ্ঞাত তাহাদিগের প্রভুর নিকটে সমুচিত পদোন্নতি আছে; কাফেরগণ বলিল যে, নিশ্চয় এ স্পষ্ট ঐজ্জ্বালিক। ২। সত্যই তোমাদের প্রতিপালক সেই পরমেশ্বর, যিনি ছয় দিনে স্বর্গ মর্ত্য সৃজন করিয়াছেন, তদনন্তর কার্য্য নির্বাহ করিতে সিংহাসনের উপর স্থিতি করিতেছেন, তাঁহার আদেশ হওয়ার পর ব্যতীত কোন শাফী (মুক্তির অহুরোধকারী) নহে; ইনিই তোমাদের প্রতিপালক পরমেশ্বর, অতএব ইহাকে অর্চনা কর। পরন্তু তোমরা কি উপদেশ গ্রহণ করিতেছ না? ৩। তাঁহার দিকে তোমাদের সকলের পুনর্গমন; ঈশ্বরের অঙ্গীকার সত্য, নিশ্চয় তিনি প্রথম বারে সৃষ্টি করেন, অতঃপর যাহারা বিশ্বাসী হইয়াছে ও গুণানুসারে সংকল্প করিয়াছে, তাহাদিগকে পুরস্কার দান করিতে দ্বিতীয় বার তাহা করিয়া থাকেন; এবং যাহারা বিদ্রোহাচরণ করিয়াছে, তাহাদের

* এই সূরা মক্কাতে অবতীর্ণ হয়। এই সূরার আরম্ভস্থচক বাবচ্ছেদক অক্ষর, “রা”। এলমোলুহদি নামক মহান্বা বলিয়াছেন যে, পরমেশ্বর আপন ইচ্ছানুসারে সূরার নাম রাখিয়াছেন। “রা” এই শব্দের অর্থ, আমি পরমেশ্বর “রহমান” (পুনর্জীবনদাতা); বহরোল্ হুকায়েকে উল্লিখিত হইয়াছে যে, পরমেশ্বর হইতে তাঁহার বন্ধুর প্রতি ইঙ্গিতস্থচক উপরি উক্ত অক্ষর হয়। (ত, ৫১,)

নিমিত্ত, তাহারা বিস্ত্রোহী ছিল বলিয়া, উষ্ণ জল ও দুঃখকর শাস্তি আছে। ৪। তিনিই যিনি সূর্য্যকে জ্যোতির্শ্ময় ও চন্দ্রকে উজ্জ্বল করিয়াছেন, এবং তাহার (চন্দ্রের) জন্ত স্থান সকল নিরূপিত করিয়াছেন, * যেন তোমরা বৎসরের গণনা ও হিসাব জানিতে পার; পরমেশ্বর সত্যরূপে ব্যতীত ইহাকে সৃজন করেন নাই, জ্ঞানবান্ লোকদিগের জন্ত তিনি নিদর্শন সকল বর্ণন করেন। ৫। নিশ্চয় দিবা রজনীর গমনাগমনে এবং ঈশ্বর ভূমণ্ডলে ও নভোমণ্ডলে যাহা সৃজন করিয়াছেন, তাহাতে ধর্ম্মভীরুদের জন্ত নিদর্শন সকল আছে। ৬। নিশ্চয় যাহারা আমার সাক্ষাৎকারের আশা রাখে না ও পার্থিব জীবনে সন্তুষ্ট এবং তদ্বারা স্তম্ভ ভোগ করিয়াছে, এবং যাহারা আমার নিদর্শন সকলের প্রতি উদাসীন, এই সকলেই, ইহারা যাহা করিয়াছে, তজ্জন্ত ইহাদের স্থান নরকায়ি হয়। ৭+৮। নিশ্চয় যাহারা বিশ্বাস স্থাপন ও সংকল্প করিয়াছে, তাহাদের বিশ্বাসের নিমিত্ত তাহাদের প্রতিপালক সম্পদের স্বর্গোচ্চান সকলে, যাহাদের নিয়ে পদঃপ্রণালী সকল প্রবাহিত হয়, তাহাদিগকে পথ প্রদর্শন করেন। ৯। তথায় তাহাদের ধ্বনি, “হে ঈশ্বর, তোমারই পবিত্রতা”; তথায় তাহাদের পরস্পর কুশলাশীর্বাদ সেলাম হয়, এবং তাহাদের শেষ ধ্বনি এই যে, “বিশ্বপালক পরমেশ্বরেরই সম্যক প্রশংসা”। ১০। (র, ১, আ, ১০)

যদি পরমেশ্বর মানবমণ্ডলীর জন্ত, তাহারা যেমন সত্ত্বর কল্যাণ চাহে, তদ্রূপ সত্ত্বর দুর্গতি প্রেরণ করেন, তবে অবশ্য তাহাদের প্রতি তাহাদিগের বিধি সম্পাদিত হয়; অবশেষে যাহারা আমার সাক্ষাৎকারের আশা রাখে না, আমি তাহাদিগকে তাহাদিগের অবাধ্যতাতে ঘূর্ণায়মান হইতে ছাড়িয়া দি। ১১। যখন মহুষ্যকে দুঃখ আক্রমণ করে, তখন সে পার্শ্বশায়ী হইয়া অথবা বসিয়া কিম্বা দণ্ডায়মান হইয়া আমাকে আহ্বান করে; অনন্তর যখন আমি তাহা হইতে তাহার দুঃখ উন্মোচন করি, তখন সে চলিয়া যায়, তাহাকে যে দুঃখ প্রাপ্ত হইয়াছিল, তাহাতে সে যেন আমাকে ডাকে নাই। এইরূপ সীমালঙ্ঘনকারীদিগের জন্ত, তাহারা যাহা করিতেছিল, তাহা সজ্জিত হইয়াছে। ১২। এবং নিশ্চয় আমি তোমাদের পূর্বে, যখন অত্যাচার করিয়াছিল, তখন বহু গ্রামকে (গ্রামবাসীদিগকে) বিনাশ করিয়াছি; নিদর্শন সকল সহ তাহাদের প্রেরিতপুরুষ তাহাদের নিকটে উপস্থিত হইয়াছিল ও তাহারা (এরূপ) ছিল না যে, বিশ্বাস স্থাপন করে।

* আকাশে চন্দ্রের গতি অনুসারে সাইত্রিশটি স্থান নিরূপিত আছে, চন্দ্রমা প্রায় ২৪ ঘণ্টাতে এক একটী স্থান (মঞ্জল) অতিক্রম করে।

† অর্থাৎ মহুষ্য আকাঙ্ক্ষা করে যে, সংকল্পের পুরস্কার যেন তাহারা সত্ত্বর প্রাপ্ত হয় ও তাহাদের গুণ প্রার্থনা শীঘ্র সকল হয়। এইরূপ ঈশ্বর যদি সত্ত্বর হন, তবে তাহারা আপন দুঃখের শাস্তি হইতে অবকাশ পাইতে পারে না। কিন্তু এই দুই বিষয়েই বৈধব্য অবলম্বিত হয়, তাহাতে সজ্জনেরা শিক্ষা লাভ করেন, এবং অসৎ লোকেরা শিথিল হইয়া পড়ে।

(ত, কা,)

এই প্রকারে আমি অপরোধী দলকে প্রতিফল দান করি। ১৩। তদনন্তর আমি তাহা-
দিগের পরে ধরাতে তোমাদিগকে স্থলাভিষিক্ত করিয়াছি, তাহাতে দেখিব, তোমরা
কি প্রকার কাণ্ড কর। ১৪। এবং যখন আমার উজ্জ্বল প্রবচন সকল তাহাদের নিকটে
পাঠিত হয়, তখন যাহারা আমার সাক্ষাৎকারের আশা রাখে না, তাহারা বলে, “ইহা
বাতীত অথ কোর্-আন্ উপস্থিত কর, অথবা ইহার পরিবর্তন কর ;” তুমি বলিও, (হে
মোহম্মদ,) আমার (ক্ষমতা) নাই যে নিজের পক্ষ হইতে ইহার পরিবর্তন করি, আমার প্রতি
যাহা প্রত্যাদেশ হয়, তদ্বিগ্র আমি অমুসরণ করি না, নিশ্চয় আমি আপন প্রতিপালকের
বিরুদ্ধাচরণ করিতে মহাদিনের শাস্তিকে ভয় করি *। ১৫। তুমি বল, যদি ঈশ্বর
চাহিতেন, আমি তোমাদের নিকটে তাহা পাঠ করিতাম না, এবং তিনি তৎসম্বন্ধে তোমা-
দিগকে জ্ঞাপন করিতেন না ; পরন্তু নিশ্চয় আমি তোমাদের মধ্যে ইহার পূর্বে এক
জীবনে স্থিতি করিয়াছি, পরন্তু তোমরা কি জানিতেছ না † ? ১৬। অনন্তর যে ব্যক্তি
ঈশ্বরের প্রতি অসত্য বন্ধন করিয়াছে, এবং তাহার নিদর্শন সকলকে অসত্য বলিয়াছে,
তাহা অপেক্ষা অধিক অত্যাচারী কে ? নিঃসন্দেহ অপরাধিগণ উদ্ধার পায় না। ১৭।
এবং তাহার ঈশ্বর বাতীত সেই বস্তুর অর্চনা করে, যাহা তাহাদিগের অপকার ও তাহা-
দিগের উপকার করে না এবং তাহারা বলে, “ইহারাই ঈশ্বরের নিকটে আমাদিগের
মুক্তির অথ অল্পরোধকারী ;” তুমি বল, তোমরা কি পরমেশ্বরকে তাহা জ্ঞাপন করিতেছ,
যাহা তিনি স্বর্গ মর্ত্যে অবগত নহেন ? পবিত্রতা তাঁহারই ও তাহারা যাহাদিগকে অংশী
স্থাপন করে, তিনি তদপেক্ষা উন্নত ‡। ১৮। এবং মনুষ্য একমাত্র সম্প্রদায় ভিন্ন ছিল
না, পরে বিভিন্ন হইয়াছে ; এবং যদি সেই এক উক্তি, যাহা তোমার প্রতিপালক হইতে
পূর্বে হইয়াছে, তাহা না হইত, তবে যে বিষয়ে তাহারা বিভিন্ন হইয়াছে, তদ্বিষয়ে তাহা-
দের মধ্যে নিষ্পত্তি করা যাইত §। ১৯। এবং তাহারা বলে, “কেন তাহার প্রতি

* তাহারা কোর্-আনের উপদেশ সকল মনোনীত করে, কিন্তু প্রতিমা সকল যে মিথ্যা, এ কথা গ্রাহ্য
করিতে চাহে না। তাহারা বলিয়া থাকে যে, কোর্-আনের এই অংশের পরিবর্তন কর, তাহা হইলে
আমরা অল্প সকল গ্রাহ্য করিব। (ত, ফা,)

† অর্থাৎ আমি আপনা হইতে ইহা রচনা করি না, পূর্বে জীবন চলিষ বৎসরে রচনা করি নাই।
(ত, ফা,)

‡ যাহারা অংশিবাদী, তাহারাও বলে যে, ঈশ্বর একমাত্র, এই অংশী সকল তাঁহা হইতে আমা-
দের প্রতি অধাক্ষরূপে নিযুক্ত। তাহাতে বলা হইল যে, তিনি অধাক্ষ নিযুক্ত করিয়া থাকিলে এক্ষণ
তাহা নিষেধ করিতেছেন কেন ? যদি তাহারা বলে, আমাদের ধর্ম্মে অংশিবাদিতা নিষেধ হয় নাই,
তোমাদিগের প্রতি নিষেধ হইয়াছে। তাহার উত্তর এই যে, ঈশ্বরের ধর্ম্ম এক, মূল ধর্ম্মে কোন প্রভেদ
নাই। যদি বলে, তোমরা সত্যবাদী হইলে এই পৃথিবীতে আমাদের প্রতি শাস্তি উপস্থিত হইত ;
তাহার উত্তর পরে উল্লিখিত হইতেছে যে, বিচারের দিনে হইবে। (ত, হো,)

§ অর্থাৎ বিচ্ছেদের শাস্তিদানে বিলম্ব হওয়ার আদেশ পূর্বে হইয়াছে। (ত, হো,)

তাহার প্রতিপালক হইতে কোন নিদর্শন (অলৌকিকতা) অবতীর্ণ হইল না ?” অতঃপর তুমি বল যে, অন্তর্জগৎ ঈশ্বরের বৈ নহে ; তবে তোমরা প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকারীদিগের একজন * । ২০ । (র, ২, আ, ১০)

যখন আমি লোকদিগকে তাহাদিগের দুঃখ-প্রাপ্তির পর অনুগ্রহ আশ্বাদন করাই, তখন অকস্মাৎ আমার নিদর্শন সকল সম্বন্ধে তাহাদিগের চক্ৰান্ত হয় ; বল, ঈশ্বর ক্রত চক্ৰান্তকারী ; নিশ্চয় তোমরা যে চক্ৰান্ত করিতেছ, আমার প্রেরিতগণ তাহা লিখিতেছে † । ২১ । তিনিই যিনি তোমাদিগকে স্থলপথে ও সমুদ্রে পরিচালিত করেন, যে পর্য্যন্ত নৌকা সকলের মধ্যে তোমরা থাক, এবং অনুকূল বায়ুঘোণে তাহাদের সঙ্গে (নৌকা) চলিতে থাকে ও তদ্বারা তাহারা আহ্লাদিত ; (অকস্মাৎ) এমন অবস্থায় প্রতিকূল বায়ু সংক্রামিত হয় ও সকল স্থান হইতে তরঙ্গ তাহাদের প্রতি উপস্থিত হয়, এবং যখন তাহারা জানে যে তাহাদিগকে (বিপদ) ঘেরিয়াছে, তখন তাহারা ঈশ্বরকে তাহার জগৎ ধর্ম বিশোধিত করিয়া আহ্বান করে যে, “যদি তুমি আমাদের দিকে ইহা হইতে উদ্ধার কর, অবশ্য আমরা ধন্যবাদকারী হইব” । ২২ । পরে যখন তিনি তাহাদিগকে উদ্ধার করেন, তখন অকস্মাৎ তাহারা পৃথিবীতে অগ্রায়রূপে অবাধ্যতাচরণ করে ; হে লোক সকল, তোমাদের অবাধ্যতা তোমাদিগের জীবনসম্বন্ধে ভিন্ন নহে, পার্থিব জীবনের ভোগ গ্রহণ করিতে থাক, তৎপর আমার দিকে তোমাদের প্রত্যাবর্তন ; অনন্তর তোমরা যাহা করিতেছিলে, আমি তাহা তোমাদিগকে জ্ঞাপন করিব । ২৩ । পার্থিব জীবনের দৃষ্টান্ত ;— যেমন বারি, এতদ্ভিন্ন নহে, আমি তাহা আকাশ হইতে অবতারণ করি, পরে যাহা হইতে মনুষ্য ও চতুষ্পদগণ ভক্ষণ করে, পৃথিবীর সেই উদ্ভিদ তাহার সঙ্গে মিশ্রিত হয় ; যতক্ষণ পর্য্যন্ত ভূমি আপন সৌন্দর্য্য আনয়ন করে ও সজ্জিত হয়, এবং তন্নিবাসিগণ মনে করে যে, তাহারা তাহার উপর ক্ষমতাশালী, ততক্ষণ তৎপ্রতি আমার আজ্ঞা অহর্নিশি উপস্থিত হয় ; অনন্তর তাহাকে আমি ছিন্নমূল ক্ষেত্র করি, যেন তাহা পূর্ব দিবস ছিল না । যাহারা চিন্তা করে, তাহাদের জগৎ আমি এইরূপ নিদর্শন সকল বর্ণন করিয়া থাকি ‡ । ২৪ । এবং ঈশ্বর শান্তিনিকেতনের দিকে আহ্বান করেন ও তিনি যাহাকে

* অর্থাৎ যদি তাহারা বলে, তোমাদের ধর্ম যে সত্য, অলৌকিকতা ভিন্ন কিরূপে আমরা জানিব । তাহাতেই আজ্ঞা হইল, প্রতীক্ষা করিয়া দেখ, পরবশর এই ধর্মকে উজ্জ্বল করিবেন, শত্রুগণ অপদস্থ হইবে, সত্যের এই লক্ষণ । (ত, কা,)

† অর্থাৎ দুঃখ বিপদের সময়ে ঈশ্বরের প্রতি লোকের দৃষ্টি থাকে, কাৰ্য্যসাধন হইলে আর ঈশ্বরকে ভয় করে না । (ত, কা,)

‡ অর্থাৎ আত্মা স্বর্ণ হইতে অবতীর্ণ হয়, দেহের সঙ্গে মিলিত হইয়া শক্তি প্রকাশ করে, পাশব ও মানবীয় কার্য্য করিয়া থাকে । যখন জীবনের সৌন্দর্য্য পূর্ণ হইল, এবং তাহার উপর লোকের আশা জন্মিল, তখন অকস্মাৎ মৃত্যু উপস্থিত হয় । (ত, কা,)

ইচ্ছা হয়, সরল পথের দিকে আলোকদান করিয়া থাকেন। ২৫। যাহারা সংকল্প করিয়াছে, তাহাদেরই কল্যাণ ও উন্নতি; কালিমা ও দুর্গতি তাহাদের আনন্দকে আচ্ছাদন করে না, এই সকল স্বর্গলোকনিবাসী, ইহারা তথাকার নিতানিবাসী। ২৬। যাহারা মলিনতা উপার্জন করিয়াছে, তাহাদের বিনিময়ও তৎসদৃশ মলিনতা, এবং দুর্গতি তাহাদিগকে আচ্ছাদন করে, ঈশ্বর হইতে তাহাদিগের আশ্রয়দানকারী কেহ নাই; তাহাদের মুখ যেন তিমিরাবৃত রজনীগুণ্ডে আচ্ছাদিত হইয়াছে, এই সকল নরকলোক-নিবাসী, ইহারা তথাকার চিরনিবাসী। ২৭। যে দিবস আমি তাহাদের সকলকে সমুৎপাদন করিব, (সেই দিনকে ভয় করিও;) তৎপর অংশিবাদীদিগকে বলিব যে, তোমাদের অংশিগণ ও তোমরা স্বস্থানে দণ্ডায়মান হও, অনন্তর তাহাদিগের মধ্যে বিচ্ছেদ আনয়ন করিব, এবং তাহাদের অংশিগণ বলিবে যে, “তোমরা আমাদিগকে পূজা করিতে না *। ২৮। অনন্তর তোমাদের ও আমাদের মধ্যে ঈশ্বরই যথেষ্ট সাক্ষী; নিশ্চয় তোমাদের পূজা বিষয়ে আমরা অজ্ঞাত।” ২৯। তথায় প্রত্যেক ব্যক্তি যাহা পূর্বে করিয়াছিল, পরীক্ষা করিয়া লইবে, এবং ঈশ্বরের দিকে তাহাদের প্রকৃত প্রভু প্রত্যাবর্তিত হইবে, এবং তাহারা যে (অসত্য) বাধিতোঁছিল, তাহাদিগ হইতে তাহা বিলুপ্ত হইবে। ৩০। (র, ৩, আ, ১০)

তুমি জিজ্ঞাসা কর যে, কে তোমাদিগকে আকাশ ও পৃথিবী হইতে উপজীবিকাদান করে? অথবা কে চক্ষু কর্ণের অধিপতি? ও কে মৃত হইতে জীবিতকে এবং জীবিত হইতে মৃতকে বাহির করে, এবং কে কার্য সাধন করে? অনন্তর অবশ্য তাহারা বলিবে যে, ঈশ্বর; পরে তুমি বলিও, অবশেষে তোমরা কি ভয় পাইতেছ না? ৩১। অতএব ইনিই তোমাদের প্রতিপালক সত্য পরমেশ্বর, অনন্তর সত্যের পক্ষাভাসিত ব্যতীত কি আছে? অবশেষে কোথা হইতে তোমরা ফিরিয়া যাইতেছ? ৩২। এইরূপে যাহারা দুরাচারী হইয়াছে, তাহাদের প্রতি, (হে মোহম্মদ,) তোমার প্রতিপালকের বাক্য প্রমাণিত হইয়াছে যে, তাহারা বিশ্বাস করে না। ৩৩। তুমি জিজ্ঞাসা কর, তোমাদের অংশীদিগের কেহ কি আছে যে, সে নূতন সৃজন করে, তৎপর তাহা দ্বিতীয় বার করিবে? বলিও যে, ঈশ্বরই নূতন সৃজন করেন, তৎপর তাহা দ্বিতীয় বার করিয়া থাকেন; অবশেষে তোমরা কোথা হইতে ফিরিয়া যাইতেছ? ৩৪। তুমি জিজ্ঞাসা কর, তোমাদের অংশীদিগের মধ্যে কেহ কি আছে যে, সত্যের দিকে পথ প্রদর্শন করে? বল, ঈশ্বরই সত্যের দিকে পথ প্রদর্শন করিয়া থাকেন। অনন্তর যিনি সত্যের দিকে পথ প্রদর্শন করেন, তিনি অহুম্মত হইতে সমধিক উপযুক্ত, না যে ব্যক্তি পথ প্রদর্শন ব্যতীত পথ

* অংশিবাদিগণ যে সকল প্রতিমাকে ঈশ্বরের অংশী বলিয়া পূজা করে, কেয়ামতের দিনে কিয়ৎকালের জন্য পরমেশ্বর তাহাদিগকে সমুখে স্থাপন করিবেন, এবং তাহাদের মধ্যে প্রাণ প্রতিষ্ঠা করিবেন, তখন তাহারা অংশিবাদীদিগকে “তোমরা আমাদিগকে পূজা করিতে না” ইত্যাদি বলিবে। (হ, ফা.)

প্রাপ্ত হয় না, সে? পরন্তু তোমাদের জ্ঞান কি আছে? তোমরা কিরূপ আদেশ করিতেছ? ৩৫। এবং তাহাদের অধিকাংশ লোকে অহুমান ব্যতীত অহুসরণ করে না, নিশ্চয় অহুমানে সত্যের কিছুই লাভ হয় না; তাহারা যাহা করিতেছে, সত্যই ঈশ্বর তাহার জ্ঞাত। ৩৬। এবং এই কোর্-আন্ (এরূপ) নহে যে, ঈশ্বর ব্যতীত অগ্নে রচনা করে, কিন্তু যাহা (বাইবলাদি) ইহার সাক্ষাতে আছে, এ তাহার প্রমাণকারী; এবং এ বিষয়ে নিঃসন্দেহ যে, বিশ্বপালক হইতে এই গ্রন্থের বিবৃতি। ৩৭। তাহারা কি বলিতেছে যে, তাহা রচনা করিয়াছে? বল, তবে ইহার সদৃশ একটি সূরা উপস্থিত কর, এবং যদি তোমরা সত্যবাদী হও, তবে ঈশ্বর ব্যতীত যাহাকে ক্ষমতা হয় আস্থান কর। ৩৮। বরং যাহা তাহাদের জ্ঞানের বিষয়ীভূত হয় না, তাহারা তাহাকে মিথ্যা বলিয়াছে, এবং তাহাদের নিকটে তাহার ব্যাখ্যা সমাগত হয় নাই* ; এইরূপ তাহাদের পূর্ববর্তী লোকেরাও অসত্যারোপ করিয়াছে। তৎপর দেখ, অত্যাচারীদিগের পরিণাম কিরূপ হইয়াছে। ৩৯। এবং তাহাদের মধ্যে কেহ আছে যে, তৎপ্রতি বিশ্বাস স্থাপন করে ও তাহাদের মধ্যে কেহ আছে যে, তৎপ্রতি বিশ্বাস স্থাপন করে না; এবং তোমার প্রতিপালক অত্যাচারীদিগকে উত্তম জ্ঞাত। ৪০। (র, ৪, আ, ১০)

এবং যদি তাহারা তোমার প্রতি অসত্যারোপ করে, তবে তুমি বলিও, আমার জ্ঞান আমার কাৰ্য্য ও তোমাদের জ্ঞান তোমাদের কাৰ্য্য; আমি যাহা করি, তাহা হইতে তোমরা বিমুক্ত ও তোমরা যাহা কর, তাহা হইতে আমি বিমুক্ত ন। ৪১। এবং তাহাদের মধ্যে কেহ কেহ আছে যে, তোমার প্রতি কর্ণপাত করে; তাহারা যদিচ বুঝিতেছে না, তথাপি তুমি কি বধিরকে শুনাইতেছ? ৪২। এবং তাহাদের মধ্যে কেহ আছে যে, তোমার প্রতি দৃষ্টিপাত করে; এবং যদিচ তাহারা দর্শন করিতেছে না, তথাপি তুমি কি অন্ধকে পথ প্রদর্শন করিতেছ? ৪৩। নিশ্চয় ঈশ্বর মনুষ্যের প্রতি কিছুই অত্যাচার করেন না, কিন্তু মনুষ্য আপন জীবনের প্রতি অত্যাচার করে §। ৪৪। এবং যে দিবস তিনি তাহাদিগকে সমুখাপন করিবেন, তখন তাহারা যেন দিবসের এক ঘণ্টা বৈ বিলম্ব করে

* তাহার তাৎপর্য্য ব্যক্ত হইতেছে না, অর্থাৎ কোর্-আনে যে সকল অঙ্গীকার আছে, এঙ্গণও তাহা প্রকাশ হয় নাই।

(ত, ফা,)

† অর্থাৎ যদি ঈশ্বরের আদেশ অসত্যভাবে প্রচার করি, তবে আমি অপরাধী হই, তোমরা নও; এবং যদি তাহা সত্য প্রচার করি ও তোমরা মান্য না কর, তবে অপরাধ তোমাদের হয়। আদেশ মান্য করিতে তোমাদের কোনরূপ ক্ষতি নাই।

(ত, ফা,)

‡ অর্থাৎ অশ্রু লোকের যেরূপ হইয়াছে, তদ্রূপ উপদেশ আমাদের মনেও প্রবেশ করুক, এই আশায় তাহারা কর্ণপাত বা দৃষ্টিপাত করে; এ বিষয়ের ফল ঈশ্বরের হস্তে।

(ত, ফা,)

§ অর্থাৎ অনেকের মন তাহাদের পাপের জ্ঞান উপদেশ পরিগ্রহ করিতে পারে না, তাহারা অন্তরকে বিশুদ্ধ করিয়া অবগত করে না।

(ত, ফা,)

নাই ; * তাহারা পরস্পরকে চিনিবে, যাহারা পরমেশ্বরের সাক্ষাৎকারের বিষয়ে অসত্য-
 রোপ করিয়াছে ; নিশ্চয় তাহারা ক্ষতিগ্রস্ত হইয়াছে, তাহারা পথ প্রাপ্ত হয় নাই। ৪৫।
 এবং আমি তাহাদের সঙ্গে যে অঙ্গীকার করিয়াছি, তাহার কিছু যদি তোমাকে প্রদর্শন
 করি, কিম্বা তোমার প্রাণ হরণ করি, পরে আমার দিকেই তাহাদিগের প্রত্যাবর্তন ;
 অনন্তর তাহারা যাহা করিতেছে, তৎসম্বন্ধে ঈশ্বর সাক্ষী ঃ। ৪৬। প্রত্যেক ধর্মসম্প্রদায়ের
 জন্ত এক জন প্রেরিতপুরুষ আছে ; তাহাদের প্রেরিতপুরুষ যখন উপস্থিত হয়,
 তখন তাহাদের মধ্যে গ্রায়াহুসারে বিচার নিষ্পত্তি করা হইয়া থাকে, এবং তাহারা
 অত্যাচারগ্রস্ত হয় না। ৪৭। তাহারা বলে, “যদি তোমরা সত্যবাদী হও, তবে (বল,)
 কবে এই অঙ্গীকার (পূর্ণ হইবে) ঃ”। ৪৮। তুমি বল যে, ঈশ্বরের ইচ্ছা ব্যতীত আমি
 আপন জীবনের জন্ত ক্ষতি বৃদ্ধি করিতে অক্ষম নহি ; প্রত্যেক ধর্মসম্প্রদায়ের জন্ত নির্দিষ্ট
 কাল আছে, যখন তাহাদের নির্ধারিত কাল উপস্থিত হয়, তখন তাহারা এক ঘণ্টা বিলম্ব
 করে না ও অগ্রবর্তীও হয় না। ৪৯। তুমি বল, তোমরা কি দেখিলে, যদি দিবা বা
 রজনীতে তাহার শাস্তি তোমাদের নিকটে উপস্থিত হয়, পাপিগণ তাহার কোনটাকে
 সত্ত্ব চাহিবে ? ৫০। পরে যখন তাহা উপস্থিত হইবে, তখন কি তোমরা তৎপ্রতি
 বিশ্বাসী হইবে ? (তৎকালে বলা হইবে,) এক্ষণ (কি তোমরা বিশ্বাসী হইতেছ ?) এবং
 বস্তুতঃ তোমরা (উপহাসপূর্বক) তাহা সত্ত্ব চাহিতেছিলে। ৫১। তদনন্তর যাহারা
 অত্যাচার করিয়াছে, তাহাদিগকে বলা হইবে, তোমরা নিত্যাশান্তি আশ্বাদন কর ; যাহা
 তোমরা উপার্জন করিয়াছ, তন্নিম্ন তোমাদিগকে বিনিময় দেওয়া যাইবে না। ৫২।
 তোমাকে তাহারা জিজ্ঞাসা করিবে, ইহা কি সত্য ? তুমি বলিও, হাঁ, আমার প্রতিপালকের
 শপথ, নিশ্চয় ইহা সত্য, এবং তোমরা (ঈশ্বরের) পরাভবকারী নও। ৫৩।
 (র, ৫, আ, ১৩)

এবং যদি পৃথিবীতে যাহা আছে, তাহা প্রত্যেক অত্যাচারী ব্যক্তির হয়, তবে অবশ্য
 তাহারা তাহা “ফদিয়া” (শাস্তির বিনিময়) স্বরূপ প্রদান করিবে ; যখন তাহারা শাস্তি
 দর্শন করিবে, তখন (লজ্জাপ্রযুক্ত বকুগণ হইতে) অহুতাপ গোপন করিবে, গ্রায়াহুসারে

* অর্থাৎ সেদিন কবরে বাস এক ঘণ্টা কাল বোধ হইবে। (ত, ফা,)

কাফেরগণ কবরের মধ্যে যে দীর্ঘকাল শাস্তিভোগ করিলে, কেয়ামতের ক্রেশ শাস্তির নিকটে উহা
 একঘণ্টা বলিয়া অনুমিত হইবে। (ত, হো,)

+ অর্থাৎ বদরের সংগ্রামদিবসে আমি কাফেরদিগকে শাস্তিদানের অঙ্গীকার করিয়াছি,
 সেই শাস্তি-প্রদর্শনের পূর্বে যদি তোমার প্রাণ হরণ করি, তবে পরলোকে তোমাকে তাহাদের কিরূপ
 শাস্তি হয় দেখাইব। (ত, হো,)

‡ অর্থাৎ তাহারা উপহাস করিয়া ব্যগ্রতাপূর্বক বলে, শাস্তিদানের অঙ্গীকার বিষয়ে যদি তোমরা
 সত্যবাদী হও, তবে কবে সেই অঙ্গীকার পূর্ণ হইবে বল। (ত, হো,)

তাহাদের মধ্যে বিচার নিষ্পত্তি হইবে ও তাহারা অত্যাচারিত হইবে না। ৫৪। জানিও, নিশ্চয় স্বর্গে ও মর্ত্যে যাহা আছে, তাহা ঈশ্বরের : জানিও, নিশ্চয় ঈশ্বরের অঙ্গীকার সত্য ; কিন্তু তাহাদের অধিকাংশ অবগত নহে। ৫৫। তিনি প্রাণদান করেন ও প্রাণহরণ করেন, এবং তাঁহার প্রতি তোমরা প্রত্যাবর্তিত হইবে। ৫৬। হে লোক সকল, সত্যি তোমাদের প্রতিপালক হইতে উপদেশ ও যাহা তোমাদের অন্তরে আছে, তাহার আরোগ্য উপস্থিত হইয়াছে ; পথপ্রদর্শন ও অমুগ্রহ বিশ্বাসীদিগের জন্ত *। ৫৭। বল, (হে মোহম্মদ,) ঈশ্বরের অমুকম্পায় ও তাঁহার অমুগ্রহেই (উপদেশাদি অবতীর্ণ,) অতএব ইহা দ্বারা আনন্দিত হওয়া বিধেয় ; যাহা তোমরা সঞ্চয় করিতেছ, তদপেক্ষা ইহা যে শ্রেষ্ঠ। ৫৮। বল, ঈশ্বর তোমাদের জন্ত উপজীবিকার যাহা কিছু অবতারণ করিয়াছেন, তাহা হইতে তোমরা কি দেখিয়া (কতক) বৈধ ও (কতক) অবৈধ করিয়াছ ? তুমি জিজ্ঞাসা কর যে, ঈশ্বর কি তোমাদিগকে (এক্রপ) আজ্ঞা করিয়াছেন, কিম্বা তোমরা ঈশ্বরের প্রতি (অসত্য) বন্ধন করিতেছ ? ৫৯। এবং যাহারা ঈশ্বরের প্রতি অসত্য বন্ধন করে, কেয়ামতের দিনে তাহাদের অমুমান কি ? নিশ্চয় ঈশ্বর মানবমণ্ডলীর প্রতি রূপাবান, কিন্তু তাহাদের অধিকাংশই কৃতজ্ঞতা দান করে না। ৬০। (র, ৬, আ, ৭)

তুমি (হে মোহম্মদ,) এমন কোন ভাবে থাক না ও তাঁগ হইতে (ঈশ্বর হইতে) কোর-আনের কিছু অধ্যয়ন কর না, এবং তোমরা (হে লোক সকল,) এমন কোন কার্য-মুঠান কর না, যখন তাহাতে প্রবৃত্ত হও, তোমাদের নিকটে আমি সাক্ষী থাকি না ; স্বর্গ ও পৃথিবীতে বিন্দু পরিমাণ কিছুই তোমার প্রতিপালক হইতে প্রচ্ছন্ন হয় না, এবং উজ্জল গ্রন্থে (লিপি) ব্যতীত ইহার ক্ষুদ্রতর ও বৃহত্তর কিছুই নাই †। ৬১। জানিও, ঈশ্বরের প্রেমিকগণের উপর কোন ভয় নাই, তাহারা শোকগ্রস্ত হইবে না। ৬২। যাহারা বিশ্বাস স্থাপন করিয়াছে ও ধর্মভীরু হইয়াছে, পার্থিব জীবনে ও পরলোকে তাহাদের জন্ত সুসংবাদ ; ঈশ্বরের বাক্যের পরিবর্তন নাই, ইহাই মহা ফললাভ। ৬৩+৬৪। এবং তাহাদের (কাকেরদের) বাক্য তোমাকে, (হে মোহম্মদ,) ছুঃখিত না করুক ; নিশ্চয় ঈশ্বরেরই সম্পূর্ণ প্রভাব, তিনি শ্রোতা ও জ্ঞাতা। ৬৫। জানিও, নিশ্চয় স্বর্গে যে কেহ আছে ও পৃথিবীতে যে কেহ আছে, সে ঈশ্বরের ; এবং যাহারা ঈশ্বর ব্যতীত অঙ্গীদিগকে আহ্বান করে, তাহারা (ঈশ্বরের) অমুর্ভন করে না, তাহারা কল্পনার অমুসরণ বৈ করে না, এবং তাহারা মিথ্যাবাদী ভিন্ন নহে। ৬৬। তিনিই যিনি তোমাদের জন্ত রজনীকে সৃজন করিয়াছেন, যেন তোমরা তাহাতে বিশ্রাম লাভ কর, দিব্যভাগকে

* অর্থঃ মানবমণ্ডলীর জন্ত যে কোর-আন্ অবতীর্ণ হইয়াছে, তাহা এক্রপ এক গ্রন্থ যে, তাহা সংকর্ণের প্রযুক্তিজনক ও অসংকর্ণের নিবৃত্তিকারক উপদেশের আকর। অপিচ তাহা আনুষ্ঠানিক ও আধ্যাত্মিক বিজ্ঞান-সমবিত, উহা অন্তরের রোগ সন্দেহ কুসংস্কারাদি অপনয়ন করে। (ত, হে,)

† উজ্জল গ্রন্থ এখানে ঈশ্বরের ইচ্ছারূপ গ্রন্থ।

আলোকময় করিয়াছেন; নিশ্চয় শ্রবণ করে, এমন দলের জগ্ন ইহাতে নিদর্শন সকল আছে। ৬৭। তাহারা বলে যে, “ঈশ্বর পুত্র গ্রহণ করিয়াছেন;” পবিত্রতা তাঁহার, তিনি নিষ্কাম, পৃথিবীতে যে কিছু আছে ও স্বর্গেতে যে কিছু আছে, তাহা তাঁহারই, সেই বিষয়ে তোমাদের নিকটে কোন প্রমাণ নাই; ঈশ্বরসম্বন্ধে তোমরা যাহা জ্ঞাত নহ, তাহা কি বলিতেছ? ৬৮। বল, নিশ্চয় যাহারা ঈশ্বরের প্রতি অসত্যারোপ করে, তাহারা উদ্ধার পাইবে না। ৬৯। পৃথিবীতে (তাহাদের) ভোগ, তৎপর আমার প্রতি তাহাদিগের প্রত্যাবর্তন হইবে; তদনন্তর তাহারা যে ধর্মপ্রোহিতা করিতেছিল, তজ্জগ্ন আমি তাহাদিগকে গুরুতর শাস্তি আশ্বাদন করাইব। ৭০। (র, ৭, আ, ১০)

এবং তুমি তাহাদিগের নিকটে হুহার সংবাদ পাঠ কর; যখন সে আপন সম্প্রদায়কে বলিল যে, “হে আমার সম্প্রদায়, যদি আমার (উপদেশদানার্থ) অবস্থান এবং ঈশ্বরের নিদর্শন সকল সম্বন্ধে আমার উপদেশ-দান তোমাদিগের প্রতি কঠিন হয়, তবে আমি ঈশ্বরের প্রতি নির্ভর করিলাম; অবশেষে তোমরা আপনাদের কার্য সকল ও আপনাদের অংশী সকলকে সমবেত কর। তদনন্তর তোমাদের কার্য তোমাদের সম্বন্ধে গুপ্ত না থাকুক, তৎপর আমার প্রতি (সেই কার্য) সম্পাদন কর, এবং আমাকে অবকাশ দান করিও না*। ৭১। অনন্তর যদি তোমরা (উপদেশ) অগ্রাহ্য কর, তবে আমি তোমাদের নিকটে কিছুই পারিশ্রমিক চাহি না, ঈশ্বরের নিকটে ভিন্ন আমার পারিশ্রমিক নাই; আমি মোসলমানদিগের অন্তর্গত হইতে আদিষ্ট হইয়াছি†। ৭২। অনন্তর তাহারা তাহার প্রতি অসত্যারোপ করিল, পশ্চাৎ আমি তাহাকে ও তাহার সম্বন্ধে যাহারা ছিল, তাহাদিগকে নৌকাতে রক্ষা করিলাম, এবং আমি তাহাদিগকে স্থলাভিষিক্ত করিলাম; ও যাহারা আমার নিদর্শন সকলের প্রতি অসত্যারোপ করিয়াছিল, তাহাদিগকে জলমগ্ন করিলাম। তদনন্তর দেখ, ভয়প্রাপ্তলোকদিগের পরিণাম কীদৃশ হইল? ৭৩। অবশেষে আমি তাহার (হত্যার) পর প্রেরিতপুরুষগণকে তাহাদের স্বজাতির নিকটে প্রেরণ করিলাম, পরে তাহারা তাহাদের নিকটে নিদর্শন সকল সহ উপস্থিত হইল, পূর্বে তৎপ্রতি তাহারা অসত্যারোপ করিয়াছিল, তজ্জগ্ন বিশ্বাসী হইল না; এইরূপে আমি গেই সীমালঙ্ঘনকারীদিগের অন্তরে মোহর (বন্ধন) স্থাপন করিয়া থাকি। ৭৪।

* কথিত আছে যে, মহাপুরুষ মুহাম্মদ শত বৎসর উৎপীড়ন সহ করিয়া স্বজাতিকে ঈশ্বরের দিকে আহ্বান করিয়াছিলেন। তাহারা ভয়ানক অত্যাচার আরম্ভ করিলে, তিনি “হে আমার সম্প্রদায়, যদি আমার অবস্থান” ইত্যাদি কথা সকল বলিলেন। কার্য সকল একত্র কর, ইহার তাৎপৰ্য্য, উৎপীড়নে সমুদ্বোগী হও, অর্থাৎ কার্যসম্পাদক প্রধান পুরুষ ও দলপতিদিগকে একত্র কর। তোমাদের কার্য তোমাদের সম্বন্ধে যেন গুপ্ত না থাকে, ইহার অর্থ এই যে, প্রকাশ্যে আমার প্রতি তোমরা উৎপীড়নে উদ্বোগী হও। (ভ, ৪৫,)

† মোসলমান শব্দের অর্থ, ঈশ্বরের আজ্ঞাবীন লোক।

তদনন্তর তাহাদিগের পরে আমি মুসা ও হারুণকে আমার নিদর্শন সহ ফেরাওণ ও তাহার পারিষদদিগের নিকটে প্রেরণ করিলাম ; পরে তাহারা অহঙ্কার করিল ও তাহারা অপরাধী দল ছিল। ৭৫। অনন্তর যখন তাহাদের নিকটে আমার নিকট হইতে সত্য উপস্থিত হইল, তাহারা বলিল, “নিশ্চয় ইহা স্পষ্ট ইঙ্গিত”। ৭৬। মুসা বলিল, “তোমরা কি সত্যের সম্মুখে, যখন (তাহা) তোমাদের নিকটে উপস্থিত হইল, বলিতেছ, ইহা কি ইঙ্গিত ? ঐঙ্গিত্যলিকগণ উদ্ধার প্রাপ্ত হয় না”। ৭৭। তাহারা বলিল, “আমাদের পিতৃগণ যাহা প্রাপ্ত হইয়াছে, তাহা হইতে আমাদের পিতৃগণকে নিবৃত্ত করিবে ও পৃথিবীতে তোমাদের দুই জনের জ্ঞা আধিপত্য হইবে, এ জ্ঞা কি তোমরা আমাদের নিকটে আসিয়াছ ? আমরা তোমাদের প্রতি বিশ্বাসী নহি”। ৭৮। ফেরাওণ বলিল, “আমার নিকটে প্রত্যেক জ্ঞানী ঐঙ্গিত্যলিককে উপস্থিত কর”। ৭৯। অনন্তর যখন ঐঙ্গিত্যলিকগণ উপস্থিত হইল, মুসা তাহাদিগকে বলিল, “তোমরা যাহার নিক্ষেপকারী, তাহা নিক্ষেপ কর”। ৮০। পরে যখন তাহারা নিক্ষেপ করিল, তখন মুসা বলিল, “তোমরা যাহা আনয়ন করিয়াছ, তাহাতে ইঙ্গিত্যল, ঈশ্বর তাহা অবশ্য অসত্য করিবেন ; নিশ্চয় ঈশ্বর প্রত্যেকদিগের কাৰ্য্যকে সংশোধন করেন না। ৮১। এবং পরমেশ্বর সত্যকে, যদিচ পাপিগণ তাহা ভালবাসে না, তথাপি স্বীয় আজ্ঞায় প্রমাণিত করিবেন”। ৮২। (র, ৮, আ, ১২)

অনন্তর মুসার প্রতি তাহার দলের সম্মানগণ ব্যতীত অল্প কেহ, ফেরাওণ ও তাহাদের প্রধান পুরুষগণ তাহাদিগকে শাস্তিদান করিবে ভয়ে, বিশ্বাস স্থাপন করে নাই ; নিশ্চয় ফেরাওণ পৃথিবীতে গর্ভিত এবং নিশ্চয় সে সীমালঙ্ঘনকারী ছিল। ৮৩। এবং মুসা বলিয়াছিল, “হে আমার সম্প্রদায়, যদি তোমরা ঈশ্বরের প্রতি বিশ্বাস স্থাপন করিয়া থাক, যদি আজ্ঞাত্বন্তী হইয়া থাক, তবে তাহার প্রতি নির্ভর কর”। ৮৪। অনন্তর তাহারা বলিয়াছিল, “ঈশ্বরের প্রতি আমরা নির্ভর স্থাপন করিলাম, হে আমাদের প্রতিপালক, তুমি উৎপীড়কদলে জ্ঞা আমাদের উপস্থিত করিও না। ৮৫। এবং আপন দয়াগুণে ধর্মদ্রোহিদল হইতে আমাদের রক্ষা কর”। ৮৬। এবং আমি মুসার প্রতি ও তাহার ভ্রাতার প্রতি প্রত্যাদেশ করিলাম যে, আপন দলের জ্ঞা তোমরা মেসেরে আশ্রয় নিষ্কাশন কর, এবং আপনাদের গৃহকে কেবল কর ও উপাসনাকে প্রতিষ্ঠিত রাখ, এবং বিশ্বাসীদিগকে সঙ্গবাদ দান কর *। ৮৭। এবং মুসা বলিয়াছিল, “হে আমাদের প্রতিপালক, নিশ্চয় তুমি ফেরাওণকে ও তাহার প্রধান পুরুষদিগকে

* ইহাদের মুসার প্রতি বিশ্বাস স্থাপন করা ও ঈশ্বরের উপাসনায় নিযুক্ত হওয়ার পর ফেরাওণ আজ্ঞা করিল যে, বস্ত্রপ্রাপ্ত পত্নীতে ও বিপণিমধ্যে ইহাদের যে সকল ধর্মমন্দির ও ভজনালয় আছে, তৎসমুদায় ধ্বংস করিয়া ইহাদিগকে উপাসনা হইতে নিবৃত্ত রাখ। তাহাতে তাহাদিগকে ঈশ্বর কাকেরদিগের অগোচরে আপন আপন গৃহে ভজনালয় স্থাপন করিতে আদেশ করিলেন। (ত, হো,)

পার্থিব জীবনে শোভা ও সম্পত্তি দান করিয়াছ ; হে আমাদের প্রতিপালক, তাহাতে তাহারা তোমার পথ হইতে (লোকদিগকে) বিভ্রান্ত করে। হে আমাদের প্রতিপালক, তাহাদিগের সম্পত্তি বিলোপ কর ও তাহাদের মনের উপর কাঠি স্থাপন কর ; অনন্তর যে পর্য্যন্ত তাহারা হুংকর শাস্তি দর্শন (না) করে, বিশ্বাসী হইবে না ” । ৮৮ । তিনি বলিলেন, “নিশ্চয় তোমাদিগের প্রার্থনা গৃহীত হইল, অতএব তোমরা দৃঢ় থাক ; যাহারা জ্ঞান রাখে না, তাহাদিগের পথের অনুসরণ করিও না” * । ৮৯ । এবং আমি এশ্রায়েল-সন্ততিদিগকে সমুদ্র পার করিলাম, তৎপরে ফেরণ ও তাহার সৈন্যগণ অত্যাচার ও শত্রুতারূপে তাহাদের অনুসরণ করিল ; এ পর্য্যন্ত যে, যখন তাহার প্রতি নিমজ্জন হওয়া ব্যাপার উপস্থিত হইল, তখন সে বলিল, “এশ্রায়েলসন্তানগণ যাহার প্রতি বিশ্বাস স্থাপন করিয়াছে, আমি তাঁহার প্রতি বিশ্বাস স্থাপন করিলাম, তিনি ব্যতীত কোন উপাস্ত নাই, এবং আমি আজ্ঞানুবর্তীদিগের অন্তর্গত” । ৯০ । (বলা হইল,) এক্ষণ (কি তুমি বিশ্বাসী হইতেছ ?) নিশ্চয় পূর্বে তুমি বিদ্রোহিতা করিয়াছ ও উপদ্রবকারী ছিলে । ৯১ । পরন্তু আমি অতঃপর তোমাকে তোমার শরীরের সঙ্গে উদ্ধার করিব, তাহাতে যাহারা তোমার পশ্চাতে আছে, তুমি সেই সকল লোকের জগৎ নিদর্শন হইবে ; নিশ্চয় মানব-মণ্ডলীর অধিকাংশ আমার নিদর্শন সকলে উদাসীন ঃ । ৯২ । (র, ৯, আ, ১০)

এবং সত্যসত্যই আমি এশ্রায়েলসন্তানগণকে উপযুক্ত স্থানদানরূপে স্থান দিয়াছি ও তাহাদিগকে বিস্তৃত বস্তু হইতে উপজীবিকা দান করিয়াছি ; অনন্তর যে পর্য্যন্ত তাহাদের নিকটে (তওরাতের) জ্ঞান উপস্থিত ছিল, সে পর্য্যন্ত তাহারা বিরুদ্ধাচরণ করে নাই । নিশ্চয় (হে মোহম্মদ,) তদ্বিষয়ে (এক্ষণ) তাহারা বিরুদ্ধাচরণ করিতেছে, কেয়ামতের দিনে তাহাদের মধ্যে তোমার প্রতিপালক তাহার বিচার নিষ্পত্তি

ফেরণের যত্ন নিকটবর্তী হইলে মূসার প্রতি এই আদেশ হইয়াছিল যে, আপন দলকে ফেরণের দলের সঙ্গে মিশ্রিত করিয়া রাখিও না, আপনাদের পল্লী পৃথক কর ; তাহা হইলে ফেরণীয়দের প্রতি যে দুঃখ বিপদ উপস্থিত হইবে, তাহার অংশী হইতে হইবে না । (ড, ফা,)

* কেহ কেহ বলিয়াছেন যে, এই প্রার্থনামুসারে ফেরণের সমুদায় সম্পত্তি প্রস্তুত পৰিণত হইয়াছিল । (ত, হো,)

† অর্থাৎ ঈশ্বর বলিতেছেন যে, সমুদায় জীবন শত্রুতাচরণ করিয়া এক্ষণ শাস্তি উপস্থিত দেখিয়া বিশ্বাস স্থাপন করিতেছে ; এই সময়ে বিশ্বাসস্থাপনে কোন ফল নাই । (ত, ফা,)

‡ অর্থাৎ তোমার দল সমুদায় লোক সমুদ্রগর্ভে নিমগ্ন হইবে, তোমার শরীরকে আমি জলের উপর উত্তোলন করিব । কথিত আছে, যখন ফেরণ সদলে সাগরজলে নিমগ্ন হইল, এশ্রায়েলীয় লোকেরা এই ভাবিয়া উৎকণ্ঠিত হইল যে, ফেরণের যত্ন হয় নাই, সে মুহূর্ত্তে আমাদের অনুসরণে সৈন্যদিগকে নৌকাযোগে সমুদ্র পার করাইবে । তখন পরমেশ্বর ফেরণের দেহকে জলের উপর উত্তোলন করিলেন ; তাহার অঙ্গে যে কবচ ছিল, তাহা দ্বারা সকলে তাহাকে চিনিতে পারিল । এশ্রায়েলবংশীয় লোকেরা ফেরণকে প্রাণশূন্য দেখিয়া শাস্তিলাভ করিল । (ত, হো,)

করিবেন * । ২৩ । তোমার প্রতি যাহা অবতারণ করিয়াছি, তৎপ্রতি যদি তুমি সন্দিগ্ধ হও, তবে তোমার পূর্ব হইতে যাহারা গ্রন্থ অধ্যয়ন করিতেছে, তাহাদিগকে প্রশ্ন কর ; নিশ্চয় তোমার প্রতিপালক হইতে তোমার প্রতি সত্য উপস্থিত হইয়াছে, অতএব তুমি সংশয়ীদিগের অন্তর্গত হইও না । ২৪ । যাহারা ঈশ্বরের নিদর্শন সকলের প্রতি অসত্য-রোপ করিয়াছে, তুমি তাহাদিগের হইও না ; তাহা হইলে ক্ষতিগ্রস্তদিগের অন্তর্গত হইবে । ২৫ । নিশ্চয় যাহাদিগের প্রতি তোমার প্রতিপালকের বাক্য প্রমাণিত হইয়াছে, তাহারা বিশ্বাস করে না । ২৬ । + এবং যদিচ তাহাদের নিকটে সমুদায় নিদর্শন উপস্থিত হয়, যে পর্য্যন্ত না দুঃখকর শাস্তি দর্শন করে, সে পর্য্যন্ত তাহারা (বিশ্বাস করে না) । ২৭ । অবশেষে কোন গ্রাম কেন একরূপ হইল না যে, (পূর্বের) বিশ্বাস স্থাপন করে ; তবে, ইয়ুনসের সম্প্রদায় ব্যতীত, তাহার বিশ্বাস তাহাকে লাভমান করিত । যখন তাহারা বিশ্বাস স্থাপন করিয়াছিল, তখন আমি পার্থিব জীবনে অপমানজনক শাস্তিকে তাহাদিগ হইতে উন্মোচন করিয়াছিলাম, এবং তাহাদিগকে কিছুকাল ফলভোগী করিয়াছিলাম † । ২৮ ।

* ফেরওণের মৃত্যুর পর শামরাজা এস্রায়েলসন্তানদের প্রতি প্রদত্ত হইল, কোন শত্রু রহিল না । তখন তাহারা খ্রীষ ধর্মশাস্ত্রে বা হজরত মোহাম্মদের সখ্যে কোন বিপরীত ভাব পোষণ করে নাই । কিন্তু এক্ষণ শাস্ত্রের অনেক পরিবর্তন করিতেছে । (ত. হো,)

+ অর্থাৎ কেন গ্রামবাসিগণ শাস্তি দর্শন করিবার পূর্বে বিশ্বাসী হইল না ? শাস্তির পূর্বের বিশ্বাস-স্থাপনে সত্ত্ব হইলে তাহাদেব মঙ্গল হইত । কিন্তু ইয়ুনসের সম্প্রদায় পূর্বে বিশ্বাসী হয় নাই, শাস্তি প্রাপ্ত হইয়া তৎক্ষণাৎ বিশ্বাস স্থাপনপূর্বক নিরাপদ হইয়াছিল । এক্ষণ উক্ত ব্যবস্থা পণ্ডিত হইয়াছে । ইয়ুনসের সংক্ষিপ্ত বিবরণ এই ;—ইয়ুনস একজন প্রেরিত মহাপুরুষ ছিলেন । পরমেশ্বর তাহাকে নয়নুয় নগরবাসীদিগের প্রতি মওলভূমি হইতে প্রেরণ করিয়াছিলেন । তিনি বহুকাল তাহাদিগকে ঈশ্বরের নাথে আহ্বান করেন, তাহারা অগ্রাহ্য করিয়া তাহার প্রতি বহু উৎপীড়ন করে । অবশেষে তিনি অক্ষম হইয়া ঈশ্বরের নিকটে প্রার্থনা করিলেন যে, “হে পরমেশ্বর, এই সকল লোক আমাকে মিথ্যাবাদী বলিতেছে, অতএব তুমি ইহাদিগের উপর তোমার শাস্তি প্রেরণ কর ।” তখন ঈশ্বর আদেশ করিলেন যে, “তোমার সম্প্রদায়কে এই সংবাদ দান কর যে, তিন দিবস বা চল্লিশ দিবস পরে তোমাদের উপর শাস্তি অবতীর্ণ হইবে ।” ইয়ুনস তাহাদিগকে এই সংবাদ দিলেন ও তাহাদের নিকট হইতে চলিয়া গিয়া এক পর্বতের গুহায় প্রচ্ছন্ন হইয়া রহিলেন । পরে যথাসময়ে ঈশ্বরের আদেশে উষ্ণ বাতাসহ নিষিড় নীল মেঘ বা ধূমপুঞ্জ ও উষ্ণপিণ্ডরাশি আসিয়া নয়নুয় ভূমিকে আচ্ছাদন করিল । নগরবাসিগণ বুঝিল যে, ইহা ইয়ুনসের প্রার্থনার ফল । সকলে যাইয়া রাজার শরণাপন্ন হইল । রাজা ইয়ুনসকে অমুসন্ধান করিয়া উপস্থিত করিবার নিমিত্ত আদেশ করিলেন, কিন্তু কেহই তাহার অমুসন্ধান পাইল না । রাজা বলিলেন, “যদিচ ইয়ুনস প্রস্থান করিয়াছেন, কিন্তু তিনি গাঁহার দিকে আমাদিগকে আহ্বান করিতেন, সেই ঈশ্বর বিদ্যমান আছেন ; চল সকলে দীনতা ও কাতরতা সহকারে প্রার্থনা করি ।” তদনুসারে দলে দলে লোক সকল ক্রন্দন, আর্তনাদ ও প্রার্থনা করিতে লাগিল । চল্লিশ দিন পরে তাহাদের প্রার্থনার ফল ফলিল । সেই ভয়ানক বিপদের মেঘ কাটিয়া গেল, ঈশ্বররূপার চায়া নগরবাসীদিগের মস্তকে পতিত হইল । ইয়ুনস চল্লিশ দিন অন্তে নগরবাসীদিগের অবস্থার অমুসন্ধান লইবার জন্ত নগরাভিমুখে যাত্রা করিয়া পথে সবিশেষ জ্ঞাত হইলেন ।

এবং যদি তোমার প্রতিপালক ইচ্ছা করিতেন, তবে অবশ্য পৃথিবীতে যাহারা আছে, একযোগে তাহারা সকলে বিশ্বাসী হইত ; পরন্তু তুমি কি লোকের প্রতি, যে পর্য্যন্ত না বিশ্বাসী হয়, বলপ্রয়োগ করিতেছ ? *। ৯৯। এবং ঈশ্বরের আদেশ ভিন্ন কাহারও পক্ষে বিশ্বাসী হওয়া (সাধ্য) নহে ; যাহারা জ্ঞান রাখে না, তাহাদের প্রতি তিনি দুর্গতি প্রেরণ করেন। ১০০। তুমি বল, (হে মোহম্মদ,) নভোমণ্ডলে ও ভূমণ্ডলে কি আছে, তোমরা দৃষ্টি কর ; নিদর্শন সকল ও ভয়প্রদর্শকগণ অবিশ্বাসী দলের উপকার করে না †। ১০১। অনন্তর তাহাদের পূর্বে যাহারা চলিয়া গিয়াছে, তাহাদের কালের (শাস্তি-দুর্ঘটনার কালের) সদৃশ ব্যতীত ইহারা প্রতীক্ষা করে না ; তুমি বল, তবে তোমরা প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকারীদের অন্তর্গত। ১০২। অতঃপর আমি আপন প্রেরিতপুরুষদিগকে ও যাহারা বিশ্বাসী হইয়াছে, তাহাদিগকে এইরূপে উদ্ধার করি ; বিশ্বাসীদিগকে উদ্ধার করা আমার প্রতি প্রমাণিত হইয়াছে। ১০৩। (র, ১০, আ, ১১)

তুমি বল, হে লোকসকল, যদি তোমরা আমার ধর্মসম্বন্ধে সন্দিগ্ধ হও, তবে (শ্রবণ কর ;) তোমরা ঈশ্বর ভিন্ন যাচাদিগকে অর্চনা কর, আমি তাহাদিগকে অর্চনা করি না ; কিন্তু সেই ঈশ্বরকে অর্চনা করি, যিনি তোমাদিগের প্রাণ হরণ করেন। এবং আমি আদিষ্ট হইয়াছি যে, আমি বিশ্বাসীদিগের অন্তর্গত হইব। ১০৪। + এবং (আদিষ্ট হইয়াছি) যে, “স্বীয় আননকে তুমি সত্যপন্থের প্রতি স্থাপন কর ও অংশিবাদীদিগের অন্তর্গত হইও না। ১০৫। এবং ঈশ্বর ব্যতীত যাহা তোমার উপকার ও তোমার অপকার করে না, তাহাকে আহ্বান করিও না ; পরে যদি তুমি তাহা কর, তবে তখন নিশ্চয় তুমি অত্যাচারিদলভুক্ত হইবে। ১০৬। এবং যদি পরমেশ্বর তোমাকে দুঃখ দান করেন, তবে তাহার উয়োচনকারী তিনি ব্যতীত কেহ নাই, এবং যদি তোমার সম্বন্ধে তিনি কল্যাণ ইচ্ছা করেন, তবে তাহার দানের প্রতিরোধকারী নাই ; তিনি আপন দাসদিগের যাহাকে ইচ্ছা হয়, তাহার প্রতি তাহা প্রেরণ করেন, এবং তিনি ক্ষমাশীল ও দয়ালু।” ১০৭। তুমি বল, হে লোক সকল, নিশ্চয় তোমাদের নিকটে তোমাদের প্রতিপালক হইতে সত্য উপস্থিত হইয়াছে ; অনন্তর যাহারা পথপ্রাপ্ত হইয়াছে, তাহারা আপন জীবনের নিমিত্ত তখন মনে মনে ভাবিলেন যে, আমি নগরস্থ লোকদিগকে শান্তির ভয় প্রদর্শন করিয়াছি, এক্ষণ শান্তি প্রসন্নতাতে পরিণত হইয়াছে ; আমি নগরে উপস্থিত হইলে সকলে আমার প্রতি অসত্যারোপ করিবে। এই আশঙ্কা করিয়া তিনি প্রান্তরাভিমুখে চলিয়া গেলেন। তাহার নদীতে নিমজ্জন ও মংস্তের উদ্ভবের ভিতরে বদ্ধ হওয়ার বৃত্তান্ত শূরা আখিয়া ও শূরা সাফ্বাতে বিবৃত হইবে। (ত, হো,)

* এই আয়ত সংগ্রামের আয়ত সকলের বিরোধী।

+ অর্থাৎ আকাশ ও পৃথিবীতে ঈশ্বরের যে সকল অভূতক্রিয়া ও আশ্চর্য্য সৃষ্ট পদার্থ সকল আছে, সেই সকলের প্রতি দৃষ্টিপাত করিতে তুমি তাহাদিগকে বল ; সেই সমস্ত নিদর্শন তাহাদিগকে প্রমাণ প্রদর্শন করুক। (ত, হো,)

বৈ পথপ্রাপ্ত হয় নাই, এবং যাহারা পথভ্রান্ত হইয়াছে, তাহারা (তাহাতে নিজের সম্বন্ধে) পথভ্রান্ত হইয়াছে বৈ নহে । আমি তোমাদের সম্বন্ধে রক্ষক নহি । ১০৮ । এবং (হে মোহম্মদ,) তোমার প্রতি যাহা প্রত্যাদেশ করা যায়, তুমি তাহার অনুসরণ কর ও ঈশ্বরের আদেশ হওয়া পর্য্যন্ত ধৈর্য্যধারণ কর ; তিনি আজাদাতাদিগের মধ্যে শ্রেষ্ঠ । ১০৯ । (র, ১১, আ, ৬)

সূরা হুদ *

.....

একাদশ অধ্যায়

.....

১২৩ আয়ত, ১০ রকু

(দাতা দয়ালু পরমেশ্বরের নামে প্রবৃত্ত হইতেছি ।)

(এই) এক গ্রন্থ যে, ইহার নিদর্শন সকল দৃষ্টীকৃত হইয়াছে, তৎপর নিপুণ তত্ত্বজ্ঞ (ঈশ্বরের) নিকট হইতে বিভক্তীকৃত হইয়াছে । ১।+এই তোমরা পরমেশ্বর ব্যতীত অস্ত্রের অর্চনা করিও না, নিশ্চয় আমি তাঁহার নিকট হইতে তোমাদিগের জন্ত ভয়-প্রদর্শক সুসংবাদদাতা (আগত) । ২।+এবং এই তোমাদের প্রতিপালকেব নিকটে ক্ষমা প্রার্থনা কর, তৎপর তাঁহার দিকে প্রত্যাবর্তিত হও ; তিনি তোমাদিগকে এক নির্দিষ্ট কাল পর্য্যন্ত উত্তম ফলে ফলভোগী করিবেন, এবং প্রত্যেক গৌরবশালী ব্যক্তিকে তাহার গৌরব প্রদান করিবেন । † যদি তোমরা অগ্রাহ্য কর, তবে নিশ্চয় আমি তোমা-

* এই সূরা মক্কাতে অবতীর্ণ হয় । ইহারও ব্যবচ্ছেদক (ওকুফ) অক্ষর “রা” । সাধারণতঃ ব্যবচ্ছেদক বর্ণ সকলের কোন মর্শ্ব পবিগ্রহ হয় না । তাহার ভাব নিগূঢ় । এই উক্তির পরিপোষক বাক্য এই যে, কেহ কোন মহাত্মাকে জিজ্ঞাসা করিয়াছিলেন যে, ব্যবচ্ছেদক বর্ণাবলীর অর্থ কি ? তাহাতে তিনি বলিলেন, “ঐশ্বরিক গুঢ় তত্ত্ববিষয়ে প্রশ্ন করিও না ।” কেহ কেহ বলেন যে, “রা” ইহার অর্থ, আমি পরমেশ্বর সাধুদিগের সাধুতা ও পাপীদিগের পাপ দর্শন করি, এবং প্রত্যেক ব্যক্তিকে তাহাদের কার্য্যানুরূপ বিনিময় দান করি । অতএব এই বাক্য দণ্ড পুরস্কারের অঙ্গীকারসম্বন্ধীয় ।

(ত, হো,)

† অর্থাৎ যদি বিশ্বাস স্থাপন কর, তবে উত্তমরূপে তোমাদের পার্শ্বব জীবন যাপিত হইবে, এবং ধর্ম্মেতে অগ্রসর ব্যক্তিকে পরমেশ্বর অধিকতর গৌরব দান করেন ।

(ত, কা,)

দের সম্বন্ধে মহাদিনের শাস্তি আশঙ্কা করিতেছি। ৩। ঈশ্বরের দিকে তোমাদিগের প্রত্যাবর্তন, এবং তিনি সকল পদার্থের উপর ক্ষমতাশালী। ৪। জানিও যে, নিশ্চয় তাহারা আপন অন্তরকে কুঞ্চিত করে, তাহাতে তাঁহা হইতে লুকাইয়া হইতে চাহে ; জানিও, যখন তাহারা স্বীয় বস্ত্র সকল (মস্তকে) জড়িত করে, তখন তাহারা যাহা লুকাইয়া করে ও যাহা ব্যক্ত করিয়া থাকে, তিনি তাহা জ্ঞাত হন। নিশ্চয় তিনি আন্তরিক বিষয়ের জ্ঞাতা *। ৫। এবং পৃথিবীতে এমন কোন স্থলচর নাই যে, ঈশ্বরের উপর ব্যতীত তাহার উপজীবিকার নির্ভর ; তিনি তাহার (মহুযোর) অবস্থানভূমি ও অর্পণভূমি অবগত আছেন, সকলই উজ্জ্বল গ্রন্থে (লিপি) আছে †। ৬। এবং তিনিই যিনি স্বর্গ ও মর্ত্য ছয় দিনে সৃজন করিয়াছেন, কার্য্যতঃ তোমাদের মধ্যে কে অত্যন্তম, ইহা পরীক্ষা করিতে তাহার সিংহাসন জলের উপর ছিল ; ‡ যদি তুমি, (হে মোহাম্মদ,) বল যে, নিশ্চয় তোমরা মৃত্যুর পরে সমুৎপাদিত হইবে, তবে অবশ্য ধ্বংসোহিগণ বলিবে যে, ইহা স্পষ্ট ইঙ্গিতাল ভিন্ন নহে। ৭। এবং যদি আমি কোন নির্দ্ধারিত সময় পর্য্যন্ত তাহাদিগ হইতে শাস্তি ক্ষান্ত রাখি, তবে তাহারা অবশ্য বলিবে যে, কিসে তাহা বন্ধ রাখিয়াছে ? জানিও, যে দিবস (তাহা) তাহাদের নিকটে উপস্থিত হইবে, তাহাদিগ হইতে ফিরাইয়া লওয়া হইবে না, এবং যৎপ্রতি তাহারা উপহাস করিতেছিল, তাহা তাহাদিগকে আবেষ্টন করিবে। ৮। (র, ১, আ, ৮)

এবং যদি আমি মহুযাকে আপনা হইতে অমুগ্রহ আশ্বাদন করাই, তৎপর তাহা হইতে তাহা কাড়িয়া লই, তখন নিশ্চয় সে নিরাশ ও ক্রতব্ধ হয়। ৯। এবং যদি আমি, সে প্রাপ্ত হইয়াছে যে দুঃখ, তাহার পর তাহাকে স্তম্ভ আশ্বাদন করাই, তবে সে অবশ্য বলিবে যে, “আমা হইতেই অন্তত সকল দূর হইয়াছে ;” নিশ্চয় সে আহ্লাদিত ও গবিত হয়। ১০। + তাহারা ধৈর্য্য ধারণ ও সংকল্প করিয়াছে, তাহারা ব্যতীত ; ইহারাই, ইহাদের জগৎ ক্ষমা ও মহা পুণ্ডার আছে। ১১। কেন তাহার প্রতি ধন

* কাকের লোকেরা গৃহে ঈশ্বরবিদ্বেষিতার কথা বলিত, পরে তাহার উত্তর কোন্-আনে ব্যক্ত হইত। তাহারা মনে করিত যে, কেহ গোপনে গৃহে আসিয়া সকল কথা শুনিয়া যায়, পরে প্রেরিতপুরুষকে বলিয়া দেয়, তাহাতেই তিনি এরূপ উক্তি করিয়া থাকেন। (ত, ফা,)

+ অবস্থানভূমি স্বর্গ বা নরক, যাহাতে প্রাণিগণ স্থিতি করে। অর্পণভূমি কবর, যাহাতে অর্পিত হয় ; বা পৃথিবী, যাহাতে উপজীবিকা প্রদত্ত হয়। (ত, ফা,)

‡ কোন কোন ভক্ষুরে উক্ত হইয়াছে যে, পরমেশ্বর সৃষ্টির পূর্বে হরিষর্গের ইয়াকুত (মাণিকা বিশেষ) সৃজন করিয়া তীক্ষ্ণ দৃষ্টিতে তৎপ্রতি দৃষ্টিপাত করেন, তাহাতে সেই মণি জলে পরিণত হয় ; তৎপর ঈশ্বর বায়ু সৃজন করিয়া বায়ুর উপর জল, জলের উপর সিংহাসন স্থাপন করেন। এইরূপে তিনি স্বর্গ, মর্ত্য, বায়ু ইত্যাদি সৃষ্টি করিয়াছেন। এ সকল ব্যাপার দ্বারা তিনি তোমাদিগকে পরীক্ষা করেন যে, তোমরা কার্য্যতঃ তাহার প্রতি কেমন কৃতজ্ঞ হও, এবং বায়ুর উপর জল, জলের উপর স্বর্গীয় সিংহাসন স্থাপনরূপ অদ্ভুত কার্য্যকে কেমন সত্য বলিয়া স্বীকার কর। (ত, হো,)

অবতারিত হইল না, অথবা তাহার সঙ্গে দেবতা উপস্থিত হইল না, এই যে তাহার বলে, পরে তাহাতে বা তোমার প্রতি যাহা প্রত্যাশা করা গিয়াছে, তুমি তাহার কোনটির পরিহারক হও, এবং তুমি বা তোমার অন্তর সন্তুষ্টি হয়; তুমি (পাপীদিগের) ভয়-প্রদর্শক বৈ নহ, এবং ঈশ্বর সকল পদার্থের উপর কার্য্যসম্পাদক। ১২। তাহার কি বলে যে, তাহাকে (কোর্-আন্কে) রচনা করিয়াছে; তুমি বল, তবে তোমরা তাহার সদৃশ নিবন্ধ দশটা স্থা উপস্থিত কর। যদি তোমরা সত্যবাদী হও, তবে ঈশ্বর ব্যতীত যাহাকে ক্ষমতা হয় আত্মান কর। ১৩। অনন্তর যদি তাহার তোমাদিগকে, (হে মোসলমানগণ,) গ্রাহ না করে, তথাপি তোমরা জানিও যে, ইহা (কোর্-আন্) ঈশ্বরের জ্ঞানসহ অবতারিত হইয়াছে; এবং (জানিও) যে, তিনি ভিন্ন ঈশ্বর নাই, পরন্তু তোমরা কি মোসলমান? ১৪। যে সকল ব্যক্তি পাখিব জীবন ও তাহার শোভা আকাজক্ষ করে, আমি তাহাদের প্রতি তাহাদিগের কর্ম (কর্মফল) এখানেই পূরণ করিব, এবং তাহার এখানে ক্ষতি-গ্রস্ত হইবে না*। ১৫। ইহারাই তাহার, যাহাদের জন্ত পরলোকে অগ্নি ভিন্ন নাই; এখানে তাহার যাহা করিয়াছে, তাহা প্রণষ্ট হইয়াছে, এবং যাহা করিতেছিল, তাহা মিথ্যা হইয়াছে। ১৬। অনন্তর যে ব্যক্তি স্বীয় প্রতিপালকের নিদর্শনেতে দ্বিত, সে কি (পার্থিব জীবনের প্রার্থীদিগের সদৃশ?) এবং তাহা হইতে আগত সাক্ষী ইহার অনুসরণ করে ও ইহার পূর্ব হইতে মুসার গ্রন্থ ইহার অগ্রবর্তী ও অন্তগ্রহরূপে আছে, ইহার এতৎপ্রতি (কোর্-আনের প্রতি) বিশ্বাস স্থাপন করে; এবং সম্প্রদায় সকলের যে ব্যক্তি ইহার বিরোধী, পরে তাহার জন্ত অগ্নি অঙ্গীকৃত। অতএব ইহার প্রতি সন্দিগ্ধ হইও না, নিশ্চয় তোমার প্রতিপালকের ইহা (এই অঙ্গীকার) সত্য; কিন্তু অধিকাংশ লোক বিশ্বাস করে না†। ১৭। যে ব্যক্তি ঈশ্বরের প্রতি অসত্যারোপ করিয়াছে, তাহা অপেক্ষা সমধিক অত্যাচারী কে? তাহার আপন প্রতিপালকের নিকটে আনীত হইবে, এবং সাক্ষিগণ বলিবে যে, “যাহারা আপন প্রতিপালকের সম্বন্ধে অসত্য বলিয়াছে,

* অর্থাৎ যাহারা আপন সংকল্পের পূরণের পৃথিবীতে পাইতে ইচ্ছা করে, পরলোকে ফললাভের আকাজক্ষা নহে, তাহাদিগকে আমি এই পৃথিবীতেই স্বাস্থ্য, সম্পৎ ও বহু সমৃদ্ধি প্রদান করিব।

(ত, হো,)

† ঐশ্বরিক নিদর্শন যাহাকে কল্যাণের পথ প্রদর্শন করিতেছে, তিনি কি সংসারী লোকের সদৃশ? এবং ঈশ্বরের সাক্ষী অর্থাৎ জেব্রিল প্রভৃতি ইহার অনুসরণ করিয়াছে, তাহার ইহাকে কোর্-আন্ বলিয়া বিশ্বাস করিয়াছেন। জাদোলমসির গ্রন্থে উক্ত হইয়াছে যে, ইজিল যদি পূর্বে অবতীর্ণ হইয়াছে, তথাপি উহা হুসংবাদ দান ও সত্যতাবিশয়ে কোর্-আনের অনুবর্তী। ইজিলের বা কোর্-আনের পূর্ববর্তী মুসার গ্রন্থ তওরাতও হজরত মোহাম্মদের প্রেরিত্বের সত্যতা ও তাহার জন্মগ্রহণের হুসংবাদদান-বিশয়ে কোর্-আনের অনুবর্তী, অর্থাৎ কোর্-আনের সদৃশ। ধর্মবিদ্বাসীদিগের পূর্ববর্তী গ্রন্থ তওরাত, তাহা ঈশ্বরের অনুগ্রহরূপ।

(ত, হো,)

ইহারাই তাহারা ;” আনিও, অত্যাচারীদের প্রতি ঈশ্বরের অভিসম্পাত হয় * । ১৮ ।
 যাহারা ঈশ্বরের পথ হইতে (লোকদিগকে) নিবৃত্ত করে ও তাহাতে কুটিলতা ইচ্ছা করে,
 তাহারা পরলোকেও সেই কাকের থাকে । ১৯ । তাহারা পৃথিবীতে (ঈশ্বরের) পরাভব-
 কারী হয় না, এবং তাহাদের জন্ত ঈশ্বর ভিন্ন কোন বন্ধু নাই, তাহাদের নিমিত্ত
 শাস্তি দ্বিগুণ করা হইবে ; তাহারা শুনিতে সূক্ষ্ম নহে ও দর্শন করিতেছে না † । ২০ ।
 যাহারা স্বীয় জীবনকে ক্ষতিগ্রস্ত করিয়াছে, ইহারাই তাহারা, তাহারা বাহা বন্ধন
 (প্রতিমাপূজাদি) করিতেছিল, তাহাদিগ হইতে উহা বিলুপ্ত হইয়াছে । ২১ । নিঃসন্দেহ
 যে, তাহারাই স্বীয় পরলোকে ক্ষতিগ্রস্ত । ২২ । নিশ্চয় যাহারা বিশ্বাসী হইয়াছে ও সং-
 কর্ম করিয়াছে, এবং স্বীয় প্রতিপালকের প্রতি দীনতা প্রকাশ করিয়াছে, তাহারা স্বর্গ-
 লোকনিবাসী, তাহারা তথায় সর্বদা থাকিবে । ২৩ । এই দুই দলের ভাব অন্ধ ও বধির
 দ্রষ্টা ও শ্রোতার সদৃশ, উভয়ে কি তুল্য ? অনন্তর তোমরা কি উপদেশ গ্রহণ করিতেছ
 না ‡ ? ২৪ । (র, ২, আ, ১৬)

এবং সত্য সত্যই আমি বুঝকে তাহার সম্প্রদায়ের প্রতি প্রেরণ করিয়াছিলাম ; (সে
 বলিয়াছিল,) “নিশ্চয় আমি তোমাদের জন্ত স্পষ্ট ভয়প্রদর্শক । ২৫ । + যেন তোমরা
 ঈশ্বর ব্যতীত (অন্তের) অর্চনা না কর, নিশ্চয় আমি তোমাদের সম্বন্ধে দুঃখকর দিব-
 সের শাস্তিকে ভয় করি” । ২৬ । অনন্তর তাহার দলের যে সকল প্রধান পুরুষ ধর্মদ্রোহী
 ছিল, তাহারা বলিল যে, “আমরা আমাদের তায় মন্থণা ভিন্ন তোমাকে দেখিতেছি না,
 এবং যাহারা আমাদের মধ্যে বাহুদর্শী নিকৃষ্ট, তাহারা ব্যতীত (কেহ) তোমার অনুসরণ
 করিতেছে দেখিতেছি না ; এবং আমরা দেখিতেছি না যে, আমাদের উপরে তোমাদের

* যে সকল দেবতা মনুষ্যের কার্যকলাপ লিপি করিয়া থাকেন, পরলোকে তাহারা সাক্ষী হইবেন ।
 এই কয়েক প্রকার ঈশ্বরের সম্বন্ধে অসত্য বলা হইয়া থাকে, যথা, শাস্তের অসত্য বাপা দ্বারা, কৃত্রিম
 স্বপ্নদর্শনের দ্বারা, ধর্মসম্বন্ধে বুদ্ধি অকসারে আদেশ করিয়া, আমি ঈশ্বরের সান্নিধ্যবর্তী লোক, আমি গুঢ়
 তত্ত্বের জ্ঞাত, এইরূপ ভাব প্রকাশ করিয়া । (ত, ফা,)

+ ইহারা কোন আধ্যাত্মিকত্ব শ্রবণ করিতে পারে না, এবং আধ্যাত্মিক ব্যাপার দর্শন করিতে
 সমর্থ নহে ; ইহারা ঈশ্বরতত্ত্ব কোথা হইতে লাভ করিবে ? হুতরাং মিথ্যা ভিন্ন বলে না । (ত, ফা,)

‡ দর্শন ও শ্রবণবিষয়ে বিশ্বাসীদের অবস্থা কাকেরদিকের বিপরীত । বহরোলহকায়েকে
 উল্লিখিত হইয়াছে যে, সেট বাকিই অন্ধ, যে সত্যকে অসত্য ও অসত্যকে সত্য দর্শন করে, এবং
 বধির সেই বাক্তি, যে অসত্যকে সত্য ও সত্যকে অসত্য শ্রবণ করিয়া থাকে । তিনিই চক্ৰবর্তী, যিনি
 সত্যকে সত্যরূপে দর্শন করিয়া তাহার অনুসরণ করেন, এবং অসত্যকে অসত্য দেখিয়া তাহা হইতে
 বিরত থাকেন । অপিচ তিনিই শোভা, যিনি সত্যকে সত্য শ্রবণ করিয়া তদনুরূপ কার্য করেন,
 এবং অসত্যকে অসত্য শ্রবণ করিয়া তাহা হইতে বিরত হন । যিনি ঈশ্বরযোগে দর্শন করেন, তিনি ঈশ্বর
 ব্যতীত অল্প কিছু অবলোকন করেন না, এবং যিনি ঈশ্বরযোগে শ্রবণ করেন, তিনি ঈশ্বরের বাণী
 ব্যতীত শ্রবণ করেন না । (ত, হো,)

কোন শ্রেষ্ঠতা আছে, বরং আমরা তোমাদিগকে মিথ্যাবাদী মনে করিতেছি”। ২৭। সে বলিয়াছিল, “হে আমার সম্প্রদায়, তোমরা কি দেখিয়াছ যে, আমি আপন প্রতিপালকের নিদর্শনে স্থিতি করিলে ও তাঁহার নিকট হইতে আমার প্রতি কৰুণা বিতরিত হইয়া থাকিলে, তোমাদের সম্বন্ধে (যাহা) গোপন করা হইয়াছে, আমরা কি তাহা (গ্রাহ্য করিতে) তোমাদিগকে বাধ্য করিব? যেহেতু তোমরা তাহার অবজ্ঞাকারী। ২৮। এবং হে আমার সম্প্রদায়, তৎসম্বন্ধে আমি তোমাদের নিকটে ধন প্রার্থনা করি না, ঈশ্বরের নিকটে বৈ আমার পুরস্কার নাই; যাহারা বিশ্বাস স্থাপন করিয়াছে, আমি তাহাদের বহিষ্কারী নহি, নিশ্চয় তাহারা স্বয়ং প্রতিপালকের সঙ্গে সাক্ষাৎকারী; কিন্তু আমি তোমাদিগকে এমন একদল দেখিতেছি যে, মূর্থতা করিতেছে। ২৯। এবং হে আমার সম্প্রদায়, যদি আমি তাহাদিগকে বহিষ্কৃত করি, তবে ঈশ্বরের (শাস্তি) হইতে কে আমাকে রক্ষা করিবে? অনন্তর তোমরা কি উপদেশ গ্রহণ করিতেছ না? ৩০। এবং আমি তোমাদিগকে বলিতেছি না যে, আমার নিকটে ঈশ্বরের ভাণ্ডার ও আমি গুপ্ত বিষয় জানি, এবং আমি বলিতেছি না যে, নিশ্চয় আমি দেবতা ও আমি বলিতেছি না যে, তোমাদের চক্ষু যাহাদিগকে নিকট দেখিতেছে, পরমেশ্বর তাহাদিগের প্রতি কখনও কোন কল্যাণ বিধান করিবেন না; তাহাদের অন্তরে যাহা আছে, পরমেশ্বর তাহার উত্তম জ্ঞাত। (তাহাদিগকে ধম্মোপদেশ না দিলে) নিশ্চয় আমি তখন অত্যাচারীদিগের অন্তর্গত হইব”। ৩১। তাহারা বলিল, “হে হুহা, তুমি আমাদের সঙ্গে সতাই বিতণ্ডা করিলে, অনশেষে আমাদের বিতণ্ডা বৃদ্ধি করিলে, পরে তুমি আমাদের সঙ্গে যে (শাস্তির) অঙ্গীকার করিয়াছ, যদি তুমি সত্যবাদীদিগের অন্তর্গত হও, তবে তাহা আমাদের নিকটে উপস্থিত কর”। ৩২। সে বলিল, “যদি ঈশ্বর ইচ্ছা করেন, তোমাদের নিকটে তাহা উপস্থিত করিবেন, ইহা বৈ নহে; তোমরা (তাঁহার) নির্যাতনকারী নও। ৩৩। যদি আমি ইচ্ছা করি যে তোমাদিগকে উপদেশ দান করি, ঈশ্বর তোমাদিগকে বিভ্রান্ত করিতে ইচ্ছা করিয়া থাকিলে, আমার উপদেশ তোমাদিগকে উপকৃত করিবে না; তিনি তোমাদের প্রতিপালক, তাঁহার দিকেই তোমরা প্রত্যাবর্তিত হইবে”। ৩৪। (হে মোহম্মদ,) তাহারা কি বলে যে, ইহা (কোর-আন্) রচনা করা হইয়াছে? বল, যদি আমি ইহা রচনা করিয়া থাকি, তবে আমার প্রতি আমার অপরাধ, এবং তোমরা যে অপরাধ করিতেছ, তাহা হইতে আমি মুক্ত। ৩৫। (র, ৩, আ, ১১)

এবং হুহার প্রতি এই প্রত্যাদেশ করা গেল যে, নিশ্চয় যাহারা বিশ্বাস করিয়াছে, তাহারা ব্যতীত তোমার দলের ইহারা কখনও বিশ্বাস করিবে না; অনন্তর ইহারা যাহা করিতেছে, তজ্জগৎ তুমি ছঃগিত হইও না*। ৩৬। এবং তুমি আমার দৃষ্টি-

* প্রেরিত মহাপুরুষ হুহা ধর্মগ্রন্থ উপস্থিত করিয়াছিলেন, তাহার জ্ঞাতিবর্গ তাহাকে মিথ্যাবাদী বলিয়াছিল।

গোচরে ও আমার আজ্ঞাধারে নৌকা নিষ্কাশন কর; যাহারা অন্ডায় করিয়াছে, তাহাদের সঙ্গে কথা কহিও না, নিশ্চয় তাহারা নিমগ্ন হইবে। ৩৭। এবং সে নৌকা প্রস্তুত করিতে লাগিল ও যখন তাহার দলের প্রধান পুরুষগণ তাহার নিকটে উপস্থিত হইত, তখন তাহার প্রতি উপহাস করিত; সে বলিত, “যদি তোমরা আমাদের প্রতি উপহাস কর, তবে নিশ্চয় তোমরা যেমন উপহাস করিতেছ, আমরাও তোমাদের প্রতি উপহাস করিব” *। ৩৮। অনন্তর যাহার প্রতি শাস্তি উপস্থিত হইয়া যাহাকে লাহিত করিবে, এবং যাহার প্রতি নিত্য শাস্তি অবতীর্ণ হইবে, সত্ত্বর তোমরা তাহাকে জানিতে পাইবে। ৩৯। যে পর্য্যন্ত না আমার আজ্ঞা উপস্থিত হইল, এবং চুল্লী উজ্জ্বলিত হইল। সে পর্য্যন্ত আমি বলিলাম যে, তুমি ইহার মধ্যে প্রত্যেকের জোড়া এবং যাহার সম্বন্ধে পূর্বে কথা হইয়া গিয়াছে সে ভিন্ন, আপন স্বগণদিককে ও বিশ্বাসীদিগকে উঠাও; তাহার সঙ্গে অল্প লোক ব্যতীত বিশ্বাস স্থাপন করে নাই †। ৪০। এবং সে বলিল, “ইহাতে আরোহণ কর, ঈশ্বরের নামে ইহার গতি ও স্থিতি; নিশ্চয় আমার প্রতিপালক ক্ষমাশীল দয়ালু”। ৪১। তাহাদের সহকারে তাহা পর্বততুল্য তরঙ্গের মধ্যে চলিতছিল, এবং মুহা স্বীয় পুত্রকে, যে কূলে ছিল, ডাকিয়া বলিল, “হে আমার পুত্র, আমার সঙ্গে আরোহণ কর, এবং ধর্ম্মদ্রোহীদিগের সঙ্গে থাকিও না”। ৪২। সে বলিল, “আমি সত্ত্বর পর্বতের দিকে আশ্রয় লইতেছি, উহা জল হইতে আমাকে রক্ষা করিবে।” (মুহা) বলিল, “অম্লগৃহীত ব্যক্তি ব্যতীত অগ্নি ঈশ্বরের (শাস্তির) আজ্ঞা হইতে রক্ষাকারী কেহ নাই;” তাহাদের উভয়ের মধ্যে তরঙ্গ আবরণ হইল, অনন্তর সে জলমগ্ন হইল ‡। ৪৩। এবং বলা হইল, “হে পৃথিবী, তুমি স্বীয় সলিলপুঞ্জকে গ্রাস কর, ওহে আকাশ, তুমি নিবৃত্ত হও; §” এবং জল শুষ্ক হইল ও কাষ্য সমাপ্ত হইল, ছুদ-

* শুষ্কভূমির উপরে জলনিমজ্জন হইতে রক্ষা পাওয়ার উপায় অবলম্বন করা হইতেছে বলিয়া, তাহারা হাস্যোপহাস করিতেছিল; এবং মুহা এজন্ত উপহাস করিয়াছিলেন যে, ইহাদের স্রষ্টা উপস্থিত, ইহারা হাস্য করিতেছে। (ত, ফা,)

+ সেই নৌকাতে প্রত্যেক সত্ত্বর জোড়া (পুং স্ত্রী) সেই সকলের বংশরক্ষার কৃন্ত রাণা হইয়াছিল। মুহার পরিবারস্থ যাহাদের সম্বন্ধে কথা হইয়াছিল, সেই কেনাননামক পুত্র ও তাহার মাতা নিমগ্ন হইল। তিন পুত্র রক্ষা পাইল, সমুদায় ভবিষ্যৎবাণী লোক তাহাদেরই সম্ভান। মহাত্মা মুহার গৃহে এক চুল্লী ছিল, তাহাতেই জলপ্রাবনের পূর্বলক্ষণ প্রকাশ পায়। যখন সেই চুল্লী হইতে জল উঠিবে, তখনই নৌকায় আরোহণ করিতে হইবে, এরূপ নির্দেশ ছিল। (ত, ফা,)

‡ সেই দিবস উন্নত গিরিশিখরস্থ উন্নত বৃক্ষ সকল পয্যন্ত জলমগ্ন হইয়াছিল, বিহঙ্গকুলেরও রক্ষা পাইবার উপায় ছিল না। (ত, ফা,)

§ মহাপুরুষ মুহা কুফা নগর হইতে কিম্বা হিন্দুস্থান হইতে অথবা দ্বীপাস্তর্গত অয়নগরদানামক স্থান হইতে নৌকায় আরোহণ করিয়াছিলেন। তরঙ্গী সমুদায় পৃথিবী ভ্রমণ করিয়াছিল। জলপ্রাবন নিঃশেষিত ও ধর্ম্মদ্রোহিণ জলমগ্ন হইলে পর এইরূপ আজ্ঞা হয়। (ত, হো,)

গিরিতে (নৌকা) স্থির হইল ; এবং অত্যাচারী লোকদিগকে “দূর হউক,” বলা হইল। ৪৪। পরে হুহা স্বীয় প্রতিপালককে ডাকিল, পরে বলিল, “হে আমার প্রতিপালক, নিশ্চয় আমার পুত্র আমার স্বগণসম্বন্ধীয়, নিশ্চয় তোমার অঙ্গীকার সত্য, এবং তুমি আজ্ঞাদাতাদিগের মধ্যে শ্রেষ্ঠ আজ্ঞাদাতা” *। ৪৫। তিনি বলিলেন, “হে হুহা, নিশ্চয় সে তোমার স্বগণসম্বন্ধীয় নহে, নিশ্চয় তাহার কাৰ্য্য অযোগ্য ; যে বিষয়ে তোমার জ্ঞান নাই, তুমি তাহা আমার নিকটে প্রার্থনা করিও না। সত্যই আমি তোমাকে উপদেশ দিতেছি যে, তুমি মুখদিগের অন্তর্গত হইতে (নিবৃত্ত) হও”। ৪৬। সে বলিল, “হে আমার প্রতিপালক, সত্যই আমি তোমার শরণাপন্ন হইতেছি যে, যে বিষয়ে আমার জ্ঞান নাই, আমি তোমাকে তাহার প্রশ্ন করিয়াছি ; যদি তুমি আমাকে ক্ষমা না কর ও আমাকে দয়া না কর, আমি ক্ষতিগ্রস্তদিগের অন্তর্গত হইব”। ৪৭। বলা হইল, “হে হুহা, আমা হইতে শাস্তি সহকারে ও তোমার প্রতি এবং তোমার সঙ্গে যাহারা আছে, তাহাদিগ হইতে (উৎপন্ন) মণ্ডলী সকলের প্রতি সমুন্নতি সহকারে তুমি নামিয়া এস ; এবং (পরে) অনেক মণ্ডলী হইবে যে, অবশ্য আমি তাহাদিগকে ফলভোগী করিব, তৎপর আমা হইতে দুঃখজনক শাস্তি তাহাদের প্রতি উপস্থিত হইবে *। ৪৮। ইহা শুণ্ডত্ব, আমি তোমার প্রতি ইহা প্রত্যাদেশ করিলাম, তুমি ও তোমার দল ইতিপূর্বে ইহা জানিতে না ; ধৈর্য্য ধারণ কর, নিশ্চয় ধর্ম্মভীরুদিগের জন্ত (শুভ) পরিণাম”। ৪৯। (র, ৪, আ, ১৪)

এবং আদম্ভাতির প্রতি তাহাদের ভ্রাতা হুদ (প্রেরিত হইয়াছিল ;) সে বলিয়াছিল, “হে আমার সম্প্রদায়, পরমেশ্বরকে অর্চনা কর, তোমাদের জন্ত তিনি ব্যতীত কোন উপাস্ত নাই, তোমরা অসত্যবন্ধনকারী ব্যতীত নহ। ৫০। হে আমার সম্প্রদায়, আমি এই (প্রচার) বিষয়ে তোমাদের নিকটে পুরস্কার প্রার্থনা করিতেছি না ; যিনি আমাকে সৃষ্টি করিয়াছেন, তাহার নিকটে ব্যতীত আমার পুরস্কার নাই, পরন্তু তোমরা কি বুঝিতেছ না ? ৫১। এবং হে আমার সম্প্রদায়, তোমরা ঈশ্বরের নিকটে ক্ষমা প্রার্থনা কর, তৎপর তাহার প্রতি প্রত্যাবর্তিত হও ; তোমাদের উপরে তিনি বর্ষণকারী মেঘ প্রেরণ করিবেন ও তোমাদিগকে তোমাদের শক্তির উপর অধিক শক্তি দিবেন, অপরাধী

চলিশ দিন অবিচ্ছিন্ন বৃষ্টিপাত ও মৃত্তিকার নিম্ন হইতে জল উখিত হইয়াছিল। ছয় মাস অন্তে জলের হ্রাস হয় ও পর্বতের চূড়া সকল প্রকাশ পায়, শানদেশের অন্তর্গত জুদ্দি শৈলে যাইয়া পোত সংলগ্ন হয়।

(ত, ফা,)

* অর্থাৎ ভাষ্যাতো যত্নগ্রস্ত হইয়াছে, এক্ষণ তুমি আমার পুত্রকে হয় রক্ষা কর, না হয় বিনাশ কর।

(ত, ফা,)

† পরমেশ্বর আশ্বাস দান করিলেন যে, কেয়ামতের পূর্বে পুনর্বার সমুদায় মানবজাতির উপর বিনাশ উপস্থিত হইবে না ; কিন্তু কোন কোন দল বিনষ্ট হইবে।

(ত, ফা,)

হইয়া কিরিয়া যাইও না” *। ৫২। তাহারা বলিল, “হে হৃদ, তুমি আমাদের নিকটে কোন প্রমাণ উপস্থিত কর নাই, তোমার কথাব্বসারে আমরা আপন উপাশ্র দেবতাদিগকে বর্জন করিব না ও আমরা তোমার প্রতি বিশ্বাসী নহি। ৫৩। আমাদের পরমেশ্বরদিগের কেহ তোমাকে পীড়া দিয়াছে, ইহা ভিন্ন আমরা বলিতেছি না;” † সে বলিল, “নিশ্চয় আমি ঈশ্বরকে সাক্ষী করিতেছি ও তোমরা সাক্ষী থাক যে, সত্যই তোমরা যাহাকে অংশী করিতেছ, আমি তাহা হইতে বিমুক্ত। ৫৪। ‡ অনন্তর তোমরা সকলে আমার প্রতি ছলনা করিও; তৎপর আমাকে অবকাশ দিও না §। ৫৫। সত্যই আমি স্বীয় প্রতিপালক ও তোমাদের প্রতিপালক পরমেশ্বরের প্রতি নির্ভর স্থাপন করিয়াছি; (এমন) কোন স্থলচর নাই যে, তিনি ব্যতীত (অন্তে) তাহার মস্তক ধারণ করিয়া আছে। নিশ্চয় আমার প্রতিপালক সরলপথে আছেন §। ৫৬। অনন্তর যদিচ তোমরা অগ্রাহ্য করিলে, তথাপি নিশ্চয় আমি, যৎসহ তোমাদের প্রতি প্রেরিত হইয়াছি, তাহা তোমাদের নিকটে প্রচার করিলাম; এবং আমার প্রতিপালক তোমাদের ভিন্ন অস্ত্র দলকে স্থলাভিষিক্ত করিবেন, এবং তোমরা তাঁহার কিছুই অংকার করিতে পারিবে না। নিশ্চয় আমার প্রতিপালক সকল পদার্থের সংরক্ষক” ¶। ৫৭। এবং যখন আমার আজ্ঞা উপস্থিত হইল, তখন আমি হৃদকে ও তাহার সঙ্গে যাহারা বিশ্বাস স্থাপন করিয়াছিল, তাহাদিগকে আপনার দয়াতে উদ্ধার করিলাম, এবং কঠিন শাস্তি হইতে তাহাদিগকে বাচাইলাম। ৫৮। এই আদজ্ঞাত, তাহারা আপন প্রতিপালকের নিদর্শন সকলকে

* আদীয় লোকেরা হৃদের উপদেশ অগ্রাহ্য করিলে পর, সেই অপরাধে পরমেশ্বর তিন বৎসর তাহাদের প্রতি বারিবর্ষণ করেন নাই। এবং তিনি স্বী পুরুষের সম্মানোৎপাদিকা শক্তি রহিত করিয়াছিলেন। তাহারা সকলে কৃষিজীবী ছিল ও তাহাদের অনেক শত্রুছিল; তাহারা শস্তোৎপত্তির উদ্দেশ্যে বৃষ্টির জন্ত ও শত্রুনিবারণকারী সম্মানের জন্ত প্রার্থী হইয়াছিল। (ত, হো)

† আদীয় লোকেরা বলিল, “তুমি আমাদের গালি দিয়া থাক, এজন্য আমাদের পরমেশ্বরগণ তোমাকে ক্ষিপ্ত করিয়া তুলিয়াছেন; তাহাতেই যে সকল কথা বুদ্ধিসঙ্গত নহে, আমরা তোমা হইতে তাহা শ্রবণ করিতেছি।” (ত, হো,)

‡ অনন্তর আমাকে তোমরা অবকাশ দিও না, অর্থাৎ আমার প্রতি যাহা করিতে ইচ্ছা হয় করিও, আমি ভয় করি না। ঈশ্বরের আশ্রয় পাইয়া আমি তোমাদের অত্যাচার উৎপীড়ন বিষয়ে নির্ভয় হইয়াছি। মহাপুরুষ হৃদের অলৌকিকতার মধ্যে এই একটি বিশেষ অলৌকিকতা ছিল যে, তিনি একাকী প্রবল পরাক্রান্ত শোণিতলোলুপ শত্রুদলের মধ্যে উপস্থিত ছিলেন, এবং নির্ভীক রূপে “আমাকে অবকাশ দিও না” ইত্যাদি কথা বলিয়াছিলেন; সকলে মহাক্রোধে তাঁহাকে আক্রমণ করিয়াছিল, কিন্তু তাঁহার কোন ক্ষতি করিতে পারে পাই। (ত, হো,)

§ অর্থাৎ সরল পথে চলিলেই তাঁহার সঙ্গে মিলন হয়। (ত, ফা,)

¶ অর্থাৎ প্রেরিতপুরুষের কোন ক্ষতি করিতে পারিবে না, কেন না ঈশ্বর তাঁহার রক্ষক। (ত, ফা)

অধীকার করিয়াছিল ও তাঁহার প্রেরিতপুরুষের বিরোধী হইয়াছিল, এবং তাহারা প্রত্যেক দুর্দান্ত শত্রুতাকারাদিগের আজ্ঞার অনুসরণ করিয়াছিল। ৫০। এবং এই পৃথিবীতে এবং কৈয়ামতের দিনে তাহাদিগের পশ্চাতে অভিসম্পাত প্রেরিত হইয়াছে। জানিও, নিশ্চয় আদজাতি স্বীয় প্রতিপালকের প্রতি বিদ্রোহিতা করিয়াছে; জানিও, হৃদয়ের দল যে আদ ছিল, তাহাদের জগ্ন অভিসম্পাত আছে। ৬০। (র, ৫, আ, ১১)

এবং সমুদজাতির প্রতি তাহাদের ভ্রাতা সালেহ (প্রেরিত হইয়াছিল;) সে বলিয়াছিল যে, “হে আমার সম্প্রদায়, ঈশ্বরকে অর্চনা কর, তোমাদের জগ্ন তিনি ব্যতীত কোন উপাস্ত নাই, তিনি তোমাদিগকে ভূমি হইতে সৃজন করিয়াছেন * এবং তথায় তোমাদিগকে অধিবাসী করিয়াছেন; অতএব তাঁহার নিকটে তোমরা ক্ষমা প্রার্থনা কর, তৎপর তাঁহার প্রতি প্রত্যাগমন কর, নিশ্চয় আমার প্রতিপালক সত্য প্রার্থনা-গ্রাহক-কারী”। ৬১। তাহারা বলিল, “হে সালেহ, সত্যই তুমি ইতিপূর্বে আমাদের মধ্যে আশান্বিত ছিলে; আমাদের পিতৃপুরুষগণ যাহাদিগকে অর্চনা করিয়াছেন, তাহাদিগকে আমরা অর্চনা করিতেছি; তুমি কি আমাদের প্রতি (করিতে) নিষেধ করিতেছ? তুমি যে সংশয়োৎপাদক বিষয়ের প্রতি আমাদের আশ্রয় করিতেছ, তাহাতে নিশ্চয় আমরা সন্দিগ্ধ” ৬২। সে বলিল, “হে আমার সম্প্রদায়, তোমরা কি দেখিয়াছ যে, আমি আপন প্রতিপালকের কোন নিদর্শনে স্থিতি করি ও তাঁহা হইতে আমার প্রতি কোন কৃপা প্রদত্ত হয়; (সেই অবস্থায়) যদি আমি তাঁহার অবাধ্য হই, তবে ঈশ্বর হইতে (ঈশ্বরের শাস্তি হইতে) আমাকে কে সাহায্যদান করিবে? অনন্তর তোমরা ক্ষতি ভিন্ন আমার সম্বন্ধে বুদ্ধি করিতেছে না ৬৩। এবং হে আমার সম্প্রদায়, এই ঈশ্বরিক উষ্ট্রী তোমাদের জগ্ন নিদর্শন, অবশেষে ইহাকে ছাড়িয়া দেও, সে ঈশ্বরের ভূমিতে ভক্ষণ করিতে থাকুক; এবং কোন অনিষ্টের জগ্ন তাহাকে স্পর্শ করিও না, তবে

* “তোমাদিগকে ভূমি হইতে সৃজন করিয়াছেন,” ইহার অর্থ, তোমাদের আদিপুরুষ আদমকে সৃজিত হইতে সৃজন করিয়াছেন। (ত, হো,)

† “তুমি ইতিপূর্বে আমাদের মধ্যে আশান্বিত ছিলে” অর্থাৎ তুমি যে এক জন মহাপুরুষ হইবে, তোমার ললাটে সেই লক্ষণ আমরা দর্শন করিতেছিলাম। (ত, হো,)

‡ “যদি আমি তাঁহার অবাধ্য হই” অর্থাৎ তাঁহার আজ্ঞা-প্রচারে অধীকার করি, তবে ঈশ্বরের শাস্তি হইতে “কে সাহায্য দান করিবে?” অর্থাৎ কে রক্ষা করিবে? আমি তোমাদিগকে ঈশ্বরের দিকে আশ্রয় করিতেছি, এ দিকে তোমরা পথগর্ভে আমাকে আশ্রয় করিয়া আমার সম্বন্ধে বিতণ্ডা করিতেছ। তোমরা আমার প্রতি ক্ষতি ভিন্ন বুদ্ধি করিতেছ না। সমুদ জাতি বহু তর্ক বিতর্কের পর তাহাদের প্রেরিতপুরুষ সালেহকে অস্ত্রুত স্রিয়া প্রদর্শন করিতে অনুরোধ করিয়াছিল। যথা, হুরা এরাফে তাহা বিবৃত হইয়াছে। সালেহের প্রার্থনামুদারে প্রস্তর হইতে উষ্ট্র বাহির হয়, তিনি সেই উষ্ট্রকে প্রমাণস্বরূপ গ্রহণ করেন ও তাহার সম্বন্ধে কয়েকটি অঙ্গীকার পালন করিতে বলেন।

(ত, হো,)

ত্বরিত শাস্তি তোমাদিগকে আক্রমণ করিবে” * । ৬৪ । অনন্তর তাহারা তাহার (উষ্টীর) পদ ছেদন করিল, তৎপর সে (সালেহ) বলিল, “তিন দিবস স্বীয় গৃহে তোমরা ফলভোগী হও, ইহা সত্য অঙ্গীকার” । ৬৫ । পরে যখন আমার আদেশ উপস্থিত হইল, তখন আমি সালেহকে ও যাহারা তাহার সঙ্গে বিশ্বাসী হইয়াছিল, তাহাদিগকে স্বকীয় দয়াতে রক্ষা করিলাম ও সেই দিবসের দুর্গতি হইতে (রক্ষা করিলাম ;) নিশ্চয় তোমার প্রতিপালক সেই শক্তিশালী বিজ্ঞয়ী । ৬৬ । এবং যাহারা অত্যাচার করিয়াছিল, ভীষণ নিনাদ তাহাদিগকে আক্রমণ করিল ; অনন্তর তাহারা আপন গৃহে অধোভাবে মৃত্যুগ্রস্ত হইয়া প্রাতঃকাল করিল । ৬৭ । + যেন তাহারা সেই স্থানে ছিল না ; জানিও, নিশ্চয় সমুদ্র স্বীয় প্রতিপালকের প্রতি বিদ্রোহিতা করিয়াছে, জানিও, “দূর হউক” (অভিসম্পাত) সমুদ্রের প্রতি হইয়াছে ॥ ৬৮ । (র, ৬, আ, ৮)

এবং সত্য সত্যই আমার প্রেরিতগণ সূসংবাদ সচ এব্রাহিমের নিকটে গিয়াছিল, তাহারা বলিয়াছিল, “সেলাম,” সেও বলিয়াছিল, “সেলাম” ; তৎপর সে গোবৎস ভাজা আনয়ন করিতে বিলম্ব করে নাই ॥ ৬৯ । অনন্তর যখন দেখিল যে, তাহাদের হস্ত তৎপ্রতি (ভোজ্যের প্রতি) সংলগ্ন হয় না, তখন তাহাদিগকে অপরিচিত জানিল, এবং তাহাদিগ হইতে মনে ভয় পাইল ; তাহারা বলিল, “ভীত হইও না, নিশ্চয় আমরা লুতীয় সম্প্রদায়ের প্রতি প্রেরিত হইয়াছি” । ৭০ । এবং তাহার স্ত্রী দণ্ডায়মান ছিল, তাহাতে সে হাস্ত করিল ; § অনন্তর আমি সেই প্রেরিতগণ-যোগে তাহাকে এসহাকের ও এসহাকের অন্তে ইয়কুবের উৎপত্তির সূসংবাদ দান করিলাম । ৭১ । সে বলিল, “হায়, আমার প্রতি আক্ষেপ ! আমি কি প্রসব করিব ? আমি বৃদ্ধা এবং এই আমার স্বামী বৃদ্ধ, নিশ্চয় এই ব্যাপার আশ্চর্য্য” । ৭২ । তাহারা বলিল, “তোমরা কি ঈশ্বরের কার্য্যে আশ্চর্য্যাব্বিত

* সালেহের নিকটে সমুদ্রজাতি অলৌকিকতা প্রার্থনা করিয়াছিল ; সালেহের প্রার্থনাসুসারে পাষণ্ড ভেদ করিয়া এক উষ্ট্রী বাহির হয়, তৎক্ষণাৎ সে প্রসব করে, সেই মুহূর্ত্তে শাবক মাতার তুলা বৃহৎ হইয়া উঠে । সালেহ বলিলেন, যে পশুসত্ত্ব তোমরা ইহাকে সম্মান করিবে, সে পশুসত্ত্ব পৃথিবীতে ক্লেণ দুর্গতি হইবে না । সেই প্রকাণ্ড উষ্ট্রকে দেখিয়া পশু সকল ভয়ে পলায়ন করিতে লাগিল, তখন কোন ব্যক্তি তাহাকে কোনরূপ তাড়না করে নাই । (ত, ফা,)

+ তাহাদের প্রতি এই প্রকার শাস্তি উপস্থিত হইল যে, রজনীতে তাহারা শয়ান ছিল, স্বর্গীয় দূত ভয়ঙ্কর শব্দ করিল, তাহাতে তাহাদের জন্মপণ্ড বিদীর্ণ হইয়া গেল । (ত, ফা,)

‡ সেই কয়েক প্রেরিত ব্যক্তি স্বর্গীয় দূত ছিলেন । তাহারা লুতীয় সম্প্রদায়কে সংহার করিতে বাইতেছিলেন । প্রথমতঃ মহাপুরুষ এব্রাহিমের নিকটে উপস্থিত হইয়া তাহার ভাষার গর্ভে পুত্র হইবে, এই সূসংবাদ তাহাকে দান করেন । এব্রাহিম অপূরক ছিলেন । তাহারা যে স্বর্গীয় দূত, এব্রাহিম প্রথমতঃ চিনিতে না পারিয়া তাহাদের আহ্বারার্থ ভোজ্যজাত উপস্থিত করেন । (ত, ফা,)

§ ভয় বিদূরিত হওয়াতে মনে আত্মদান হয়, তাহাতে এব্রাহিমের ভাষা হাস্ত করেন । পরমেশ্বর সন্তোষের উপর সন্তোষ বৃদ্ধি করিলেন । (ত, ফা,)

হও ? হে গৃহস্থ, তোমাদের প্রতি ঈশ্বরের দয়া ও তাহার প্রসন্নতা আছে ; নিশ্চয় তিনি প্রশংসিত গৌরবান্বিত”। ৭৩। অনন্তর যখন এব্রাহিম হইতে ভয় বিদূরিত হইল ও তাহার নিকটে স্নানঘাটের উপস্থিত হইল, তখন সে আমাদের সঙ্গে লুতীয় সম্প্রদায়ের বিষয়ে বিতর্ক করিতে লাগিল *। ৭৪। নিশ্চয় এব্রাহিম ধৈর্য্যশালী, দয়ালু, (ঈশ্বরের প্রতি) প্রত্যাভর্তক †। ৭৫। (তাহার। বলিল,) “ হে এব্রাহিম, ইহা হইতে তুমি নিবৃত্ত হও, বস্তুতঃ তোমার প্রতিপালকের আজ্ঞা উপস্থিত হইয়াছে ; নিশ্চয় তাহারাই যে, তাহাদের প্রতি অনিবার্য্য শাস্তি আসিতেছে”। ৭৬। যখন আমার প্রেরিতগণ লুতের নিকটে উপস্থিত হইল, তখন সে তাহাদের নিমিত্ত দুঃখিত হইল ও তাহাদের জগ্ন ক্ষমনা হইল, এবং বলিল, এই দিবস স্থগিষ্ট ‡। ৭৭। এবং তাহার নিকটে তাহার সম্প্রদায় তৎপ্রতি ধাবমান হইয়া উপস্থিত হইল, পূর্বে তাহার। দুঃখ স্কল করিতেছিল। সে বলিল, “হে আমার সম্প্রদায়, ইহার। আমার কণ্ঠা, ইহার। তোমাদের জগ্ন বিস্তুত ; অতএব ঈশ্বরকে ভয় কর, আমার অভ্যাগতদিগের সম্বন্ধে তোমরা আমাকে লাক্ষিত করিও না, তোমাদের মধ্যে কি স্পথগামী পুরুষ নাই § ?। ৭৮। তাহার। বলিল,

* কথিত আছে যে, এব্রাহিম দেবতাদিগকে বলিয়াছিলেন, আপনারা গ্রামবাসীদিগকে যে নির্ধন করিতে উদ্বৃত্ত হইয়াছেন, তন্মধ্যে একশত বিশ্বাসী লোক আছেন। তাহার। বলিলেন, তাহা নয়। এব্রাহিম কহিলেন, যদি নব্বই জন থাকে ? দেবতার। বলিলেন, না, তাহা হইলে সংহার করিব না। এব্রাহিম দশ দশ জন নুন করিয়া পাঁচ জন, পরে একজন বিশ্বাসীর কথা উল্লেখ করেন। স্বর্গীয় দূতের। বলেন, যে গ্রামে একজন বিশ্বাসী থাকে, আমাদের প্রতি সেই গ্রামের বিনাশসাধনে আজ্ঞা নাই। এব্রাহিম বলিলেন, তথায় প্রেরিতপুরুষ লুত আছেন। দেবতার। বলিলেন যে, আমরা লুতকে সপরিবারে তথা হইতে বাহির করিয়া আনিব। (ত, হো)

† দয়াপ্রস্তুত এব্রাহিম দেবতাদিগের সঙ্গে এরূপ বাধিতগু করিয়াছিলেন। তাহার। ইচ্ছা ছিল যে, উক্ত জাতিতে শাস্তিদানে বিলম্ব করা হয় ; হয়তো তাহার। অনুতাপ করিয়া ঈশ্বরের শরণাপন্ন হইবে। (ত, হো,)

‡ দেবতাগণ এব্রাহিমকে বিদায় দান করিয়া মণ্ডতক্ষত প্রদেশে উপনীত হন। সে দেশে চারিটি নগর ছিল। প্রত্যেক নগরে লক্ষ করবালধারী বীরপুরুষ ছিল। প্রধান নগরের নাম সদ্দুম, সেই নগরে লুত বাস করিতেন। দেবতার। সেই নগরের অদূরে উপস্থিত হইয়া দেখিলেন যে, লুত শস্তক্ষেত্রে কাষ্য করিতেছেন। তাহার। তাহার নিকটে যাইয়া সেলাম করিলেন। লুত তাহাদিগের নিমিত্ত ক্ষুব্ধ হইলেন। তাহাদের আতিপাসংকার করিতে সঙ্কুচিত বলিয়া ক্ষুব্ধ হন নাই ; তাহার। অতিশয় সৌম্যমুর্ত্তি ও মনোহরকান্তি, এ দিকে লোক সকল নির্ভীক হ্রাসের, তাহা ভাবিয়াই তিনি দুঃখিত ও চিন্তিত হইলেন। (ত, হো,)

§ পরবেশ্বর স্বর্গীয় দূতদিগকে বলিয়াছিলেন যে, যে পর্য্যন্ত লুত স্বীয় সম্প্রদায়ের দুষ্কৃত্য বিষয়ে চারিবার সাক্ষ্য দান না করে, সে পর্য্যন্ত তাহাদিগকে বিনাশ করিবে না। লুত অভ্যাগতদিগকে দেখিয়া বলিলেন, “আপনারা কি এই নগরবাসীদিগের বৃত্তান্ত ও আচরণ অবগত নহেন ?” তাহার। করিলেন, “তাহাদের কিরূপ আচরণ ?” লুত সেই স্থপিত আচরণের কথা বলিতে লজ্জিত

“সত্য সত্যই তুমি জানিয়াছ যে, তোমার কণ্ঠাগণের প্রতি আমাদের কোন স্বত্ব নাই, এবং আমরা যাঁহা চাহিতেছি, নিশ্চয় তুমি তাহা জানিতেছ”। ৭৯। সে বলিল, “যদি তোমাদের প্রতি আমার ক্ষমতা থাকিত, অথবা আমি দৃঢ়স্বত্ত্ব আশ্রয় করিতে পারিতাম” (তবে যাঁহা করিবার করিতাম)। ৮০। (স্বর্গীয় দূতগণ) বলিল, “হে লুত, নিশ্চয় আমরা তোমার প্রতিপালকের প্রেরিত, তোমার প্রতি কখনও ইহারা পঁছছিতে পারিবে না; অনন্তর তুমি রজনীর একভাগে তোমার স্বগণদিগকে লইয়া চলিয়া যাও, তোমার ভাষ্যার প্রতি ভিন্ন তোমাদের কেহ যেন ফিরিয়া না চায়। তাহাদের প্রতি যাঁহা সজ্ঞাটিত হইবে, নিশ্চয় উহা তাহার প্রতিও সজ্ঞাটনীয়; সত্যই তাহাদিগের নির্দ্ধারিত কাল প্রাতঃকাল, প্রাতঃকাল কি নিবটে নয়? *। ৮১। পরে যখন আমার আজ্ঞা উপস্থিত হইল, তখন আমি তাহার (সেই নগরের) উন্নতিকে তাহার অবনতি করিলাম, এবং তদুপরি মূকবাক্যরূপ পরস্পর সংযুক্ত প্রস্তর সকল বর্ষণ করিলাম †। ৮২। + (ইহা)

হইলেন; অগত্যা বলিলেন, “এ নগরের লোক অত্যন্ত জঘন্তচরিত্র, পৃথিবীর কোন জাতি এরূপ নহে, ইহারা পুরুষের সঙ্গে ব্যভিচার করে।” তখন জেত্রিল মেকাইলকে বলিলেন, “এই এক সাক্ষ্য হইল।” অনন্তর লুত তাঁহাদিগকে সঙ্গে করিয়া নগরের দিকে গমন করিলেন। নগরদ্বারে উপস্থিত হইয়া পুনরায় সেই কথা বলিলেন, নগরে প্রবেশ করিয়া আবার তাহার উল্লেখ করিলেন, এবং গৃহে উপস্থিত হইয়া তাহার পুনরাবৃত্তি করিলেন। চারি বার সাক্ষ্য দান হইল। তখন কোন কোন লোকে লুতের গৃহাগত অতিথিদিগকে দেখিয়া অপর লোকদিগকে সংবাদ দান করিল, অথবা লুতের ভাষ্যা যে ধর্ম-বিরোধিনী ছিল, সংবাদ পাঠাইল। সুতরাং যুবকগণ লুতের গৃহে অতিথি হইয়াছে, এই সংবাদ পাইয়া লোক সকল তথায় দৌড়িয়া আসিল। লুত বলিলেন, “দেখ, আমার কথা সকল বিপুল, ইহাদিগকে বিবাহ কর।” মহাপুরুষ লুত অতিশয় উদার্য্য, দয়া ও স্নেহভরণে আপন কণ্ঠাগণকে উৎসর্গ করিতে উদ্বৃত্ত হইয়াছিলেন। ফলতঃ কণ্ঠান্তরে নগরের সাধারণ নারীগণকে লক্ষ্য করা হইয়াছে। কেন না, প্রত্যেক ধর্মপ্রবর্তক স্নেহ-প্রকাশ ও শিক্ষাদানজন্ত স্ত্রী সম্প্রদায়ের পিতৃপুরুষ। অর্থাৎ তোমরা নারীদিগকে ভাষ্যাক্রমে গ্রহণ কর, ইহা তোমাদের জন্ত বৈধ। (ত, হো,)

* মহাপুরুষ লুত গৃহের দ্বার বন্ধ করিয়াছিলেন, সেই সকল দুরাত্মা পুরুষ দ্বারের বাহিরে থাকিয়া তাঁহার সঙ্গে তর্ক বিতর্ক করিতেছিল। তাহার প্রাচীর ভগ্ন করিয়া গৃহে প্রবেশ করিতে উদ্বৃত্ত হইলে, তাহাতে তিনি অত্যন্ত ভয়ানক হন। মনুষ্যরূপধারী দেবগণ তাঁহাকে ভীত ও বিষম দেখিয়া সান্দ্র্য দান করিয়া বলিলেন যে, “আমরা পরমেশ্বরের প্রেরিত, ইহাদিগকে শাস্তি দিবার জন্ত উপস্থিত হইয়াছি, ভয় পাইও না, তাহার তোমার কিছুই হানি করিতে পারিবে না।” পরে স্বর্গীয় দূতদ্বারা তাহার আত্ম হইয়া যায়, এবং লুতের গৃহাগত অতিথি সকল ঐন্দ্রজালিক, এই বলিয়া সকলে দৌড়িয়া পলায়ন করে। জেত্রিল লুতকে বলিলেন যে, “রাত্রির কিস্যংক্ষণ গত হইলে তুমি আত্মীয় স্বজনগণসহ প্রস্থান করিবে; তাহাদের প্রতি যে দুর্ঘটনা ঘটয়াছে, তোমার ভাষ্যা ধর্মস্রোতসিণী বলিয়া তাহার প্রতিও ঘটবে।” লুত ব্যগ্র হইয়া জিজ্ঞাসা করিলেন, কখন সেই বিপদ উপস্থিত হইবে? তাহাতে জেত্রিল বলেন, প্রাতঃকালে ঘটবে। (ত, হো,)

+ মহাবাতায় নগর সকলের উচ্চভূমি নিম্নভূমিতে পরিণত হয়, পরে তদুপরি কঙ্কর বর্ষণ হইয়াছিল। (ত, হো,)

তোমার প্রতিপালকের নিকটে চিহ্নীকৃত হইয়াছে, এবং ইহা অত্যাচারিগণ হইতে দূরে নহে * । ৮৩। (র, ৭, আ, ১৫)

এবং আমি মদয়ন জাতির প্রতি তাহাদের ভ্রাতা শোয়বকে (পাঠাইয়াছিলাম;) সে বলিয়াছিল যে, “হে আমার সম্প্রদায়, তোমরা পরমেশ্বরকে অর্চনা কর, তিনি ভিন্ন তোমাদের কোন উপাস্ত্র নাই, তুল ও পরিমাণকে নান করিও না; নিশ্চয় আমি তোমাদিগকে সম্প্রদায়ী দেখিতেছি, এবং নিশ্চয় আমি তোমাদের প্রতি আবেষ্টনকারী দিনের শান্তিকে ভয় করিতেছি ৷ ৮৪। এবং হে আমার সম্প্রদায়, জায়াত্বসারে তুল ও পরিমাণকে পূর্ণ কর, লোকদিগকে তাহাদের (প্রাপ্য) বস্ত্রসকল অল্প দিও না, উপদ্রবকারী হইয়া পৃথিবীতে অহিতাচরণ করিও না। ৮৫। যদি তোমরা বিশ্বাসী হও, তবে ঈশ্বরের রক্ষিত (লভ্য) তোমাদের জন্য উত্তম, আমি তোমাদের সম্বন্ধে রক্ষক নহি” । ৮৬। তাহারা বলিল, “হে শোয়ব, তোমার উপাস্ত্র কি তোমাকে আদেশ করিতেছে যে, আমাদের পিতৃপুরুষগণ যাঁহাকে অর্চনা করিয়াছে, আমরা তাহাকে অথবা আমাদের সম্প্রদায়ের আমরা যাঁহা চাহিতেছি, তাহা পরিত্যাগ করি? নিশ্চয় তুমি গভীর বিজ্ঞ” । ৮৭। সে বলিল, “হে আমার সম্প্রদায়, যদি আমি স্বীয় প্রতিপালকের নিদর্শনে স্থিতি করিয়া থাকি, এবং তিনি স্বতঃ উৎকৃষ্ট উপজীবিকারূপে উপজীবিকা আমাকে দিয়া থাকেন, তোমরা কি দেখিলে যে, (এ অবস্থায়) প্রত্যাদেশের অশ্রুতাচরণ করা আমার উচিত? ৷ আমি ইচ্ছা করি না যে, যে বিষয়ে তোমাদিগকে বারণ করিতেছি, তৎসম্বন্ধে তোমাদের সঙ্গে বিরুদ্ধাচরণ করি; এবং যতদূর পারি, শুভাচরণ করিব বৈ ইচ্ছা করি

* সেই সকল প্রস্তরগণ্ড কৃষ্ণ ও শুভ্র বর্ণের রেখায় অঙ্কিত ছিল। জাদোন্‌মসিরে উক্ত হইয়াছে যে, সেই উপলগণ্ড সকলের কোনটি খেতবর্ণ ও তন্ন্যথো কৃষ্ণবর্ণের বিন্দু সকল ছিল; কোনটি কৃষ্ণবর্ণ ও তন্ন্যথো শুভ্রবর্ণের বিন্দু সকল ছিল। কেহ বলেন, সেই সকল প্রস্তর কলসের স্থায় বৃহৎ ছিল; কেহ বলেন, তদপেক্ষা বৃহৎ ছিল। এ সম্বন্ধে এতদ্ভিন্ন অনেক প্রকার অদ্ভুত প্রবাদ-বাক্য আছে। “ইহা অত্যাচারিগণ হইতে দূরে নহে” অর্থাৎ এ সকল প্রস্তর অত্যাচারীদিগকে শাস্তিদান করিবার জন্য তাহাদের উপর বর্ষিত হইবার উপযুক্ত। (ত, হো)

† আমি তোমাদিগকে ধনী দেখিতেছি, তোমরা দুঃখী দরিদ্র নও যে, পরিমাণে ও তুলে লোকদিগকে প্রবকনা করা তোমাদের আবশ্যক হইবে; বরং আপন সম্পত্তি হইতে তোমাদিগের কিছু কিছু দান করা উচিত। “আমি তোমাদের প্রতি আবেষ্টনকারী দিনের শান্তিকে ভয় করি,” ইহার অর্থ এই যে, সেই পুনরুত্থানের দিনে যে শান্তি তোমাদিগকে ঘোরবে, তাহা হইতে কেহই মুক্ত হইতে পারিবে না, তাহাই ভাবিতেছি। (ত, হো,)

‡ অর্থাৎ যদি আমি তত্ত্বজ্ঞান ও স্বর্গীয় নিদর্শন প্রাপ্ত হইয়া থাকি এবং যদি আমাকে উত্তম উপজীবিকা অর্থাৎ প্রেরিত্ত্ব ও সংবাদবাহকত্ব ও বৈধ সামগ্রী ইত্যাদি আধ্যাত্মিক ও শারীরিক সৌভাগ্য পরমেশ্বর আপনা হইতে প্রদান করিয়া থাকেন, এমন অবস্থায় কি প্রত্যাদেশের অশ্রুতাচরণ করা আমার উচিত?

(ত, হো,)

না। এবং ঈশ্বরের সঙ্গে বৈ আমার যোগ নাই, তাঁহার প্রতি আমি নির্ভর করি ও তাঁহার দিকে আমি প্রত্যাগমন করি। ৮৮। হে আমার মণ্ডলী, হুহীয় সম্প্রদায়ের প্রতি বা হুদীয় সম্প্রদায়ের প্রতি কিংবা সালেহীয় সম্প্রদায়ের প্রতি যাহা ঘটয়াছে, তাহা তোমাদের প্রতি সংঘটিত হয়, আমার বিপক্ষতা তোমাদের সম্বন্ধে তৎকারণ না হউক; এবং নুতীয় সম্প্রদায় তোমাদিগ হইতে দূরে নহে। ৮৯। তোমরা স্বীয় প্রতিপালকের নিকটে ক্ষমা প্রার্থনা কর, তৎপর তাঁহার দিকে ফিরিয়া আইস; নিশ্চয় আমার প্রতিপালক দয়ালু প্রেমিক”। ৯০। তাহারা বলিল, “হে শোয়ব, তুমি যাহা বলিতেছ, তাহার অধিকাংশ আমরা বুঝিতেছি না, এবং সতাই আমরা আমাদের মধ্যে তোমাকে দুর্বল দেখিতেছি; যদি তোমার স্বগণ না থাকিত, তবে নিশ্চয় তোমাকে প্রস্তরাহত করিতাম। তুমি আমাদের মধ্যে গৌরবান্বিত নও”*। ৯১। সে বলিল, “হে আমার সম্প্রদায়, আমার স্বগণ কি তোমাদের নিকটে ঈশ্বর অপেক্ষা প্রিয়তর? তোমরা তাঁহাকে (ঈশ্বরকে) স্বীয় পৃষ্ঠের পশ্চাতে গ্রহণ করিয়াছ। সতাই আমার প্রতিপালক, তোমরা যাহা করিতেছ, তাহার আবেষ্টনকারী। ৯২। এবং হে আমার সম্প্রদায়, তোমরা স্বভূমিতে কার্য্য করিতে থাক, নিশ্চয় আমিও কার্য্যকারক; সত্ত্বর তোমরা জানিতে পাইবে, সে কোন্ ব্যক্তি যে, তাহার নিকটে তাহাকে লাঙ্ঘিত করিতে শাস্তি উপস্থিত হইবে, এবং কোন্ ব্যক্তি মিথ্যাবাদী। অপিচ তোমরা প্রতীক্ষা করিতে থাক, নিশ্চয় আমিও তোমাদের সঙ্গে প্রতীক্ষাকারী”। ৯৩। এবং যখন আমার আজ্ঞা উপস্থিত হইল, তখন আমি শোয়বকে ও যাহারা তাহার সঙ্গে বিশ্বাসী হইয়াছিল, তাহাদিগকে আপন দয়াতে রক্ষা করিলাম; এবং যাহারা অত্যাচার করিয়াছিল, তাহাদিগকে মহাশব্দ আক্রমণ করিল, অনন্তর তাহারা স্বীয় গৃহে অধোমুখে (মৃত হইয়া) প্রাতঃকাল করিল। ৯৪।+ যেন, তাহারা সেই স্থানে কখনও ছিল না; জানিও, যেমন সমুদ্র বহিষ্কৃত হইয়াছিল, তদ্রূপ মদয়নদিগের জন্ত বহিষ্কৃতি। ৯৫। (র, ৮, আ, ১২)

এবং সত্য সতাই আমি স্বীয় নিদর্শন ও উজ্জ্বল অলৌকিকতা সহ মুসাকে ফেরওণ ও তাহার প্রধান পুরুষদিগের প্রতি প্রেরণ করিয়াছিলাম; পরে তাহারা ফেরওণের আজ্ঞার অমুসরণ করিয়াছিল, ফেরওণের আদেশ সত্য পথে ছিল না। ৯৬+৯৭। পুনরুত্থানের দিবসে সে আপন দলের অগ্রগামী হইবে, অনন্তর তাহাদিগকে অগ্নিতে আনয়ন করিবে, সেই উপস্থিতির ভূমি কুৎসিত ভূমি। ৯৮। এবং ইহলোকে ও পুনরুত্থানের দিবসে অভিসম্পাত তাহাদের অমুসরণ করিল; সেই প্রদত্ত (অভিসম্পাত) কুৎসিত দান। ৯৯।

* বুদ্ধি ক্রীণ ও চিন্তাশক্তি দুর্বল বলিয়া অথবা শত্রুতাবশতঃ তাহারা সেই সকল কথার মৰ্ম্ম বুঝিতে পারে নাই। প্রেরিত-পুরুষের উক্তি না বুঝিবার কারণ এই বটে। “যদি তোমার স্বগণ না থাকিত, তবে নিশ্চয় তোমাকে প্রস্তরাহত করিতাম” অর্থাৎ তোমার জাতি কুটুম্ব আমাদের ধৰ্ম্মে আছে, তাহাদিগকে আমরা অত্যন্ত ভালবাসি; তাহা না হইলে তোমাকে হত্যা করিতাম। (ত, হো)

ইহাই গ্রাম সকলের কতক সংবাদ, যাহা তোমার নিকটে বর্ণন করিতেছি; তাহার কোনটি প্রতিষ্ঠিত, কোনটি উন্মূলিত *। ১০০। তাহাদিগের প্রতি আমি অত্যাচার করি নাই, কিন্তু তাহারা স্বীয় জীবনের প্রতি অত্যাচার করিয়াছে; অনন্তর যখন তোমার প্রতিপালকের (শান্তির) আজ্ঞা উপস্থিত হইল, ঈশ্বর ভিন্ন তাহাদিগকে তাহারা আহ্বান করিতেছিল, তাহাদের সেই উপাস্তগণ তখন তাহাদের হইতে কিছুই নিবারণ করিল না, এবং তাহারা তাহাদের বিনাশ ভিন্ন (কিছুই) বৃদ্ধি করে নাই। ১০১। এবং যখন তিনি গ্রাম সকল আক্রমণ করেন, এদিকে তাহা অত্যাচারী, তখন এই প্রকার তোমার প্রতিপালকের আক্রমণ হয়; নিশ্চয় তাঁহার আক্রমণ কঠিন দুঃখজনক। ১০২। নিশ্চয় যে ব্যক্তি অস্তিম দণ্ডকে ভয় করিয়াছে, তাহার জগৎ ইহাতে একান্ত নিদর্শন আছে; এই একদিন যে, তজ্জগৎ মনুষ্য একত্রীকৃত হইবে ও এই একদিন যে, (সমুদায়) উপস্থিতীকৃত হইবে। ১০৩। আমি এক নিদিষ্ট সময়ের জগৎ বৈ তাহা স্থগিত রাখি না। ১০৪। যে দিন আসিবে, তাহাতে কোন ব্যক্তি তাঁহার আদেশ ভিন্ন কথা কহিবে না; অনন্তর তাহাদের মধ্যে কেহ ভাগ্যহীন ও কেহ ভাগ্যবান হইবে। ১০৫। কিন্তু যাহারা ভাগ্যহীন হইল, তৎপর তাহারা অগ্নিতে রহিল, তথায় তাহাদের জগৎ উচ্চাত্তর আর্দ্রনাদ হইল। ১০৬। + তোমার প্রতিপালকের (অন্ত) ইচ্ছা হওয়া বাতীত যে পর্য্যন্ত স্বর্গ ও পৃথিবীর স্থিতি, সে পর্য্যন্ত তথায় তাহারা নিত্যস্থায়ী; নিশ্চয় তোমার প্রতিপালক যাহা ইচ্ছা করেন, তাহার সম্পাদক *। ১০৭। কিন্তু যাহারা ভাগ্যবান, পরে তাহারা স্বর্গোচ্চানে থাকিবে; তোমার প্রতিপালকের (অন্ত) ইচ্ছা হওয়া বাতীত যে পর্য্যন্ত আকাশ ও পৃথিবীর স্থিতি, সে পর্য্যন্ত তাহারা তথায় নিত্যস্থায়ী, (তাঁহার) অবিচ্ছিন্ন দান হইবে। ১০৮। অনন্তর ইহারা যাহাকে অর্চনা করে, তৎপ্রতি তুমি নিঃসন্দেহ হইও; ইহাদের পূর্ব হইতে ইহাদের পিতৃপুরুষগণ যেরূপ অর্চনা করিত, ইহারা তদ্রূপ বৈ অর্চনা করিতেছে না, এবং নিশ্চয় আমি তাহাদের লভ্যাংশ অক্ষতভাবে তাহাদিগকে সম্যক্ দিয়া থাকি। ১০৯। (র, ২, অ। ১৪)

* সেই গ্রাম সকলের কোন কোনটি অবশিষ্ট আছে, তাহাতে লোকের বসতি আছে ও শস্তাদি হইতেছে, এবং কোন কোন গ্রামের শস্তাদি উন্মূলিত হইয়া গিয়াছে। (ত, হো.)

+ ঈশ্বর ইচ্ছা করিলে দণ্ডের পরিবর্তন করিয়া অগ্নিদণ্ডের স্থলে ভয়ানক শৈতাদণ্ড অথবা অন্ত কোন প্রকার দণ্ড বিধান করিতে পারেন। নরকে নানা প্রকার শাস্তির ব্যবস্থা আছে। ধর্মদ্রোহিণ চিরকাল নরকে থাকিবে, কিন্তু সর্বদা একবিধ শাস্তি যে সকলেই ভোগ করিবে, তাহা নহে। যে অগ্নিদণ্ড ভোগ করিয়াছে, পরে তাহার জগৎ শৈতাদণ্ড হইতে পারে। ক্রিয়ান্তের পর এই আকাশ ও পৃথিবী থাকিবে না, তৎপরিবর্তে অন্তরূপ আকাশ ও পৃথিবী হইবে। বস্তুতঃ এস্থলে আকাশ ও পৃথিবী অর্থে, তাহাদের প্রকৃতিকে বুঝাইবে, আকৃতি নয়। অর্থাৎ উর্দ্ধ ও নিম্ন; মস্তকের উপরে যাহা, আরবীর লোকেরা তাহাকে আকাশ এবং নিম্নে যাহা, তাহাকে পৃথিবী বলে। যে পর্য্যন্ত উর্দ্ধ ও নিম্ন থাকিবে, সে পর্য্যন্ত উক্ত পানীরা নরকে বাস করিবে। (ত, হো.)

সত্য সত্যই আমি মুশাকে গ্রহ দান করিয়াছি, অনন্তর তাহাতে পরিবর্তন করা হইয়াছে, এবং যদি তোমার প্রতিপালকের এক বাক্য যে পূর্বে হইয়াছে, তাহা না হইত, তবে অবশ্য তাহাদের মধ্যে মীমাংসা করা যাইত ; সত্যই তাহারা ইহার সম্বন্ধে অস্থিরতাজনক সন্দেহের মধ্যে আছে * । ১১০ । নিশ্চয় যখন (সমুখাপিত হইবে,) তখন তোমার প্রতিপালক প্রত্যেক ব্যক্তিকে তাহাদের কার্য সকলের (বিনিময়) সম্যক দান করিবেন ; তাহারা যাহা করিতেছে, নিশ্চয় তিনি তাহার জ্ঞাত । ১১১ । অতএব তুমি, (হে মোহম্মদ,) যেরূপ আদিষ্ট হইয়াছ, (তাহাতে) স্থির থাক ও তোমার সঙ্গে যাহারা প্রত্যাবৃত্তি আছে, (স্থির থাকুক ;) এবং তোমরা, (হে বিশ্বাসিগণ,) অবাধ্য হইও না, নিশ্চয় তোমরা যাহা করিতেছ, তিনি তাহার দ্রষ্টা । ১১২ । এবং যাহারা অন্ডায় করিয়াছে, তাহাদের প্রতি তোমরা অনুরাগী হইও না ; তবে অগ্নি তোমাদিগকে গ্রাস করিবে, এবং ঈশ্বর ব্যতীত তোমাদের জন্ত কোন বন্ধু নাই, পরে তোমরা সাহায্য প্রাপ্ত হইবে না । ১১৩ । এবং দিবার দুইভাগে ও রজনীর কিছুকাল উপাসনাকে প্রতিষ্ঠিত রাখ ; নিশ্চয় কল্যাণ সকল অকল্যাণ সকলকে দূর করে, উপদেশগ্রহীতাদিগের জন্ত ইহাই উপদেশ । ১১৪ । এবং ধৈর্য ধারণ কর, নিশ্চয় ঈশ্বর হিতকারীদিগের পুরস্কার নষ্ট করেন না । ১১৫ । অনন্তর গ্রাম সকলের তোমাদের পূর্ববর্তী জ্ঞানবান্দিগের মধ্য হইতে যাহাদিগকে আমি রক্ষা করিয়াছি, তাহাদিগের অল্পসংখ্যক ব্যতীত কেন অগ্নে পৃথিবীতে উপজব নিবারণ করে নাই ? অত্যাচারিগণ যাহার মধ্যে স্থখ পাইয়াছে, তাহার অনুসরণ করিয়াছে, তাহারা অপরাধী ছিল । ১১৬ । এবং তোমার প্রতিপালক (এরূপ) নহেন যে, গ্রাম সকলকে, তল্লাবাসিগণ সাধুসঙ্গে, অন্ডায়পূর্বক বিনাশ করেন । ১১৭ । এবং যদি তোমার প্রতিপালক ইচ্ছা করিতেন, তবে অবশ্য সমুদায় লোককে এক সম্প্রদায় করিতেন ; যাহাদের প্রতি তোমাদের প্রতিপালক অনুগ্রহ করিয়াছেন, তাহারা ব্যতীত (সকলে) সর্বদা বিরুদ্ধাচারী থাকিবে, ইহারই জন্ত তাহাদিগকে তিনি সজ্ঞান করিয়াছেন । এবং তোমার প্রতিপালকের বাক্য পূর্ণ হইল যে, অবশ্য আমি দৈত্য ও মল্লমু সমুদায়ের দ্বারা নরকলোক পূর্ণ করিব । ১১৮ + ১১৯ । এবং আমি তোমার নিকটে, (হে মোহম্মদ,) প্রেরিতপুরুষদিগের সংবাদাবলী সমুদায় বর্ণন করিতেছি ; এ বিষয় দ্বারা তোমার অন্তঃকরণ স্থির করিতেছি, এতন্মধ্যে তোমার প্রতি সত্য ও উপদেশ এবং বিশ্বাসীদিগের জন্ত স্মরণীয় (বিষয়) উপস্থিত হইয়াছে । ১২০ । তুমি অবিশ্বাসীদিগকে বল যে, তোমরা আপনাদের স্থানে কার্য কর, নিশ্চয় আমরাও কার্য্যকারক । ১২১ । + এবং তোমরা প্রতীক্ষা কর, নিশ্চয় আমরাও প্রতীক্ষাকারী । ১২২ । এবং স্বর্গ ও পৃথিবীর

* “শান্তিদামে বিলম্ব করা হইবে,” পূর্বে ঈশ্বরের এই প্রকার আদেশ হইয়াছে, তাহা না হইলে তাহাদের মধ্যে মীমাংসা করা যাইত, অর্থাৎ মুসারী সম্প্রদায়কে শান্তি দেওয়া যাইত ! নিশ্চয় কাকের লোকেরা ইহার প্রতি অর্থাৎ কোরু-আনের সত্যতার প্রতি সন্দেহ করিয়া অস্থির হইয়াছে । (ভ, হে,)

নিগূঢ় তব্ব দীক্ষারের জ্ঞান এবং তাঁহার দিকে সমগ্র কার্যের প্রত্যাভর্তন ; অতএব তাঁহাকে অর্চনা কর ও তাঁহার প্রতি নির্ভর কর, এবং তোমরা যাহা করিয়া থাক, তোমার প্রতিপালক তাহা অজ্ঞাত নহেন। ১২৩। (র, ১০, আ, ১৪)

সূরা ইয়ুসোফ ❀

.....❀.....

দ্বাদশ অধ্যায়

.....❀.....

১১১ আয়ত, ১২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

উজ্জল গ্রন্থের এই সকল প্রবচন। ১। নিশ্চয় আমি তাহা আরব্য কোর্-আন্ রূপে অবতারণ করিয়াছি, ভরসা যে, তোমরা হৃদয়ঙ্গম করিবে। ২। আমি তোমার নিকটে, (হে মোহম্মদ,) অত্যুৎকৃষ্ট আখ্যায়িকা সকলের বর্ণনা করিতেছি, এই প্রকারে আমি তোমার প্রতি এই কোর্-আন্ প্রত্যাদেশ করিয়াছি ; নিশ্চয় তুমি অজ্ঞদিগের অন্তর্গত ছিলে। ৩। যখন ইয়ুসোফ স্বীয় পিতাকে বলিল, “হে আমার পিতা, নিশ্চয় আমি (স্বপ্নে) একাদশ নক্ষত্র এবং চন্দ্র সূর্য্য দর্শন করিয়াছি ; তাহাদিগকে দেখিয়াছি যে, আমাকে নমস্কার করিতেছে”। ৪। (তখন) সে বলিল, “হে আমার পুত্র, তুমি স্বীয় ভ্রাতৃগণের নিকটে স্বীয় স্বপ্নবৃত্তান্ত বিবৃত করিও না, তাহা হইলে তাহারা তোমার সম্বন্ধে কোন ছলে ছলনা করিবে ; নিশ্চয় শয়তান মনুষ্যের জ্ঞান স্পষ্ট শত্রু ন। ৫। এই প্রকারে তোমার প্রতিপালক তোমাকে গ্রহণ করিবেন ও (স্বপ্ন) বৃত্তান্তের ব্যাখ্যা তোমাকে শিক্ষা দিবেন ; এবং তোমার প্রতি ও ইয়কুবের সম্মানগণের প্রতি আপন দান পূর্ণ করিবেন, যেমন ইতিপূর্বে তোমার পিতৃপুরুষদ্বয় এব্রাহিম ও এস্হাকের প্রতি তাহা পূর্ণ করিয়াছেন। নিশ্চয় তোমার প্রতিপালক জ্ঞাত ও নিপুণ”। ৬। (র, ১, আ, ৬)

* এই সূরা মক্কাতে অবতীর্ণ হয়। “অলুরা” এই শব্দের ব্যবচ্ছেদক শব্দ। ইহার মর্ম গূঢ়, সঙ্ক্ষেপতঃ অবর্ণের অর্থ আমি, “ল” এর অর্থ কোমল এবং “রা” এর অর্থ অনুগ্রহকারী। (ত, হো,)

পূর্ব দুই অধ্যায়েও ব্যবচ্ছেদক শব্দ “রা” স্থানে “অলুরা” বৃদ্ধিতে হইবে।

† ইয়কুব জানিয়াছিলেন যে, ইয়ুসোফ উন্নতপদ লাভ করিবেন। ইয়ুসোফের একাদশ ভ্রাতা ছিল, তাহারা একাদশ নক্ষত্ররূপে ইঙ্গিত হইয়াছে। পিতা মাতা চন্দ্র সূর্য্যের স্থলবর্তী হইয়াছেন, তাহারা সকলে ইয়ুসোফকে সম্মান করিতেছেন, স্বপ্নের এই ভাব। ইয়কুব ভাবিলেন যে, এ বিষয় ইয়ুসোফের ভ্রাতৃগণ শ্রবণ করিলে তাঁহাকে বধ করিতে চেষ্টা করিবে। (ত, হো,)

সত্য সত্যই ইয়ুসোফে ও তাহার ভ্রাতৃবর্গে জিজ্ঞাস্যদিগের জ্ঞান নিদর্শন সকল ছিল *। ৭। স্মরণ কর, যখন তাহারা (পরস্পর) বলিল যে, “অবশ্য ইয়ুসোফ ও তাহার (সহোদর) ভ্রাতা আমাদের পিতার নিকটে আমাদের অপেক্ষা প্রিয়তর, এদিকে আমরা বহুলোক; নিশ্চয় আমাদের পিতা স্পষ্ট ভ্রাতৃত্বের মধ্যে আছেন †। ৮। + ইয়ুসোফকে বধ কর, অথবা তাহাকে কোন স্থলে নিক্ষেপ কর; তবে তোমাদের জ্ঞান তোমাদের পিতার মনোযোগ মুক্ত হইবে। অতঃপর তোমরা এক উত্তম দল হইবে”। ৯। তাহাদের মধ্যে এক বক্তা বলিল, “ইয়ুসোফকে বধ করিও না, তাহাকে গভীর কূপে নিক্ষেপ কর; যদি তোমরা এই কার্যের কারক হও, তবে পথিকদিগের কেহ তাহাকে উঠাইয়া লইবে”। ১০। তাহারা বলিল, “হে আমাদের পিতা, তোমার কি হইল যে, আমাদের ইয়ুসোফের সন্ধানে বিখণ্ড মনে করিতেহ না? সত্যই আমরা তাহার শুভাকাজী। ১১। কল্যাণ তাহাকে আমাদের সঙ্গে প্রেরণ করিও, সে পথ্যাপ্ত ভোগ করিবে ও ক্রীড়া করিবে, এবং একান্তই আমরা তাহার রক্ষক”। ১২। সে বলিল, “নিশ্চয় আমাকে দুঃখিত করিতেছে যে, তোমরা তাহাকে লইয়া যাইবে; আমি ভয় পাইতেছি যে, তাহাকে ব্যাঘ্রে ভক্ষণ করিবে, এবং তোমরা তৎপ্রতি উদাসীন থাকিবে”। ১৩। তাহারা বলিল, “আমরা বহুলোকসঙ্গে যদি তাহাকে ব্যাঘ্রে ভক্ষণ করে, নিশ্চয় তখন আমরা ক্ষতিগ্রস্ত হইব” ‡। ১৪। অনন্তর যখন তাহাকে লইয়া গেল, তখন তাহাকে গভীর কূপে নিক্ষেপ করিবে স্থির করিল; এবং আমি তাহার প্রতি প্রত্যাদেশ করিলাম যে,

* কথিত আছে যে, কোরেশগণ ইহুদিদিগকে বলিয়াছিল যে, “পরীক্ষা করিবার জন্ত মোহাম্মদকে কিছু প্রশ্ন করিব; কি প্রশ্ন করিব, তোমরা তাহা বলিয়া দাও।” ইহুদিরা বলিল, “তোমরা যাইয়া জিজ্ঞাসা কর যে, এরাহিমের বাসস্থান শামদেশে ছিল, তাহার বংশোদ্ভব বনিএশ্রায়েল মেসরে কিরূপে উপস্থিত হইল যে, যেসরের রাজা ফেরওণের সঙ্গে তাহাদের বিবাদ সম্বন্ধিত হয়?” তাহাতেই এই মুরা অবতীর্ণ হইল। কোরেশগণ আপনাদের এক ভ্রাতা হজরত মোহাম্মদের প্রতি ঈর্ষ্যা করিয়া, তাহার আত্মগত্য অস্বীকার করিয়াছিল, পরে পরমেশ্বর তাহার নিকট তাহাদিগকে কৃপা প্রার্থী করেন, এই প্রকার ইহুদিগণও ঈর্ষ্যা করিয়া পতিত হয়। কোরেশগণ স্বীয় ভ্রাতাদিগকে স্বদেশ হইতে তাড়াইয়া দেয়, পরে তাহাদেরই উন্নতি হয়। (ত, হো,)

+ অর্থাৎ আমরা যথাসময়ে কার্যে ব্যবহৃত হইব, আর ইয়ুসোফ ও তাহার ভ্রাতা শিশু বালক কোন কার্যে আসিবে না। ইয়ুসোফের একটি মাত্র সহোদর ভ্রাতা ছিল, অল্প সকলেই বৈমাত্রেয় ভ্রাতা। (ত, হো,)

‡ সত্যই আমরা যখন তাহাকে ব্যাঘ্রের মুখে সমর্পিত দেখিব, তখন আমাদের ক্ষতি হইবে। ইয়ুসোফের ভ্রাতৃবর্গ এইরূপ অনেক কথা বলিয়া একান্ত অনুরোধ করিল ও ইয়ুসোফও মাঠের শোভা দেখিবার আগ্রহ প্রকাশ করিল; তাহাতে ইয়কুব অগত্যা ভ্রাতৃগণের সঙ্গে তাহাকে বিদায়দানে সম্মত হইলেন। তিনি বেশ বিভ্রান্ত করাইয়া দুঃখের সহিত ইয়ুসোফকে ভ্রাতাদের হস্তে সমর্পণ করিলেন।

(ত, হো,)

অবশ্য তুমি তাহাদিগকে তাহাদের এই কাছের সংবাদ দান করিবে, এবং তাহারা চিনিবে না *। ১৫। তাহারা সন্ধ্যাকালে ক্রন্দন করিয়া আপন পিতার নিকটে উপস্থিত হইল। ১৬। +বলিল, “হে আমাদের পিতা, আমরা সকলে অগ্রসর হইব বলিয়া দৌড়িয়াছিলাম, এবং ইয়ুসোফকে আমাদের বস্ত্রজাতের নিকটে রাখিয়াছিলাম; অনন্তর তাহাকে বাস্ত্বে ভক্ষণ করিয়াছে। যদিচ আমরা সত্যবাদী, তথাপি তুমি আমাদের সম্বন্ধে বিশ্বাসী নও”। ১৭। এবং তাহারা মিথ্যা শোণিতযুক্ত তাহার উপরের অঙ্গাবরণ উপস্থিত করিল; সে বলিল, “বরং তোমাদের জন্ত তোমাদের জীবন এক কাণ্ড প্রস্তুত করিয়াছে, অনন্তর (আমার কাণ্ড) উত্তম ধৈর্য; এবং তোমরা যাহা ব্যক্ত করিতেছ, তজ্জন্ত ঈশ্বরের নিকটে সাহায্য প্রার্থনা করা গিয়াছে”। ১৮। এবং এক দল পথিক উপস্থিত হইল। অনন্তর তাহারা স্বীয় জলোত্তোলনকারীকে প্রেরণ করিল, পরে সে আপন জলপাত্র (সেই কুপে) নিক্ষেপ করিল; সে বলিল, “ও হে হুস্ববাদ, হায়! এই এক বালক,” এবং তাহারা তাহাকে মূলধনরূপে লুকাইয়া রাখিল। এবং তাহারা যাহা করিতেছিল, ঈশ্বর তাহার জ্ঞাত। ১৯। তাহারা নির্দিষ্ট নিকট মুহুর মূল্যে তাহাকে বিক্রয় করিল, এবং তৎপ্রতি তাহারা বিরাগী ছিল। ২০। (র, ২, অ, ১৪)

* ইয়কুব প্রিয় পুত্র ইয়ুসোফকে সম্বন্ধে রক্ষা করিবার জন্ত সম্ভানদিগকে বিশেষরূপে অমুরোধ করিয়াছিলেন। তাহারা ইয়ুসোফকে সাদরে স্বন্ধে ধারণপূর্বক পিতার নিকট হইতে বিদায় লইয়া প্রান্তরাভিমুখে গমন করে। ইয়কুবের দৃষ্টির অন্তরাল হইলে পর তাহারা ইয়ুসোফকে ভূমিতে নিক্ষেপ করে ও দুর্নীক্য বলিতে থাকে; এবং “রে মিথ্যাবাদী বালক, যে সকল নক্ষত্র তোকে নমস্কার করিয়াছিল, তাহারা এক্ষণ কোথায়? তাহারা আসিয়া আমাদের হস্ত হইতে অস্ত্র তোকে উদ্ধার করুক;” একগু বলে। ইয়ুসোফ বলিলেন, “ভাই সকল, একি ব্যাপার? একবার বৃদ্ধ পিতার বিষয় চিন্তা কর, এবং আমাকে দুর্বল শিশু বলিয়া দয়া কর।” তাহারা তাহার কথায় কর্ণপাত না করিয়া তাহাকে চপেটাঘাত করিল, এবং ক্ষুধা তৃষ্ণায় আকুল সেই হুকুমার শিশুকে কটকাবৃত ভূমির উপর দিয়া টানিয়া ওষ্ঠাগতপ্রাণ করিয়া লইয়া চলিল। ইয়ুসোফের নিবাসভূমি কেনানের নয় মাইল অন্তর এক গভীর অন্ধকূপ ছিল, তাহারা তাহাকে বন্ধন করিয়া তাহার মধ্যে নিক্ষেপ করিল ও তাহার অঙ্গবস্ত্র কাড়িয়া লইয়া গেল। পরমেশ্বর স্বর্গদূত প্রেরণ করিয়া তাহাকে সাব্বনা দান করিলেন, এবং বলিলেন যে, শীঘ্র তোমাকে উদ্ধার করিয়া উন্নত পদে স্থাপন করিব; পরে ভ্রাতৃগণ তোমার শরণাপন্ন হইবে, এবং তুমি তাহাদের দুর্বিষহারের কথা বলিবে ও তাহারা তোমাকে চিনিয়া উঠিতে পারিবে না। (ত, হো,)

+ একদল মদয়নবাসী বণিক সেই কুপের নিকট দিয়া মেরসরাভিমুখে বাইতেছিল, তাহারা জলাশয়ে লোক পাঠায়। সেই লোক জল উত্তোলন করিবার জন্ত দলভনামক জলপাত্র বিশেষ রক্ষুযোগে কুপে নিক্ষেপ করে, তখন ইয়ুসোফ সেই দলভে চড়িয়া বসেন। বণিকের ভৃত্য জলপাত্রকে অত্যন্ত ভাষাক্রান্ত বোধ করিয়া ও ভয়ঙ্কর পরম রূপবান্ বালককে দেখিয়া উত্তোলনের সাহায্যের জন্ত দলপত্ৰিকে আহ্বান করে। সেই দলপত্ৰির নাম বোশরা ছিল, এই শব্দে হুস্ববাদকেও বুঝায়। জাতুবর্গ তখন ইয়ুসোফকে দেখিয়া অশ্রুভাষায় ভয় দেখাইয়া বলিয়াছিল যে, “আমরা যাহা বলিব,

এবং মেসরের যে ব্যক্তি তাহাকে ক্রয় করিয়াছিল, সে আপন স্ত্রীকে বলিল যে, “তাহার পদকে সম্মানিত করিও, সম্ভব যে, সে আমাদের উপকারে আসিবে, অথবা আমরা তাহাকে পুত্ররূপে গ্রহণ করিব;” এবং এই প্রকারে আমি ইয়ুসোফকে সে দেশে স্থান দিলাম, তাহাতে স্বপ্নবিবরণসকলের তাৎপর্য তাহাকে শিক্ষাদান করি; ঈশ্বর আপন কার্যে ক্ষমতাশালী, কিন্তু অধিকাংশ মনুষ্য জ্ঞাত নহে *। ২১। এবং যখন সে স্বীয় যৌবনে উপস্থিত হইল, তখন আমি তাহাকে প্রজ্ঞা ও বিদ্যা দান করিলাম; এই প্রকারে আমি হিতকারীদিগকে পুরস্কার দিয়া থাকি †। ২২। সে যাহার গৃহে ছিল, সেই স্ত্রী তাহার জীবন হইতে (প্রবৃত্তি চরিতার্থ করার জন্ত) তাহাকে কামনা করিল ও দ্বার সকল বন্ধ করিল, এবং বলিল, “এস, আমি তোমারই;” সে বলিল, “আমি ঈশ্বরের শরণাপন্ন হই, নিশ্চয় তিনি আমার প্রতিপালক, তিনি আমার পদ উন্নত করিয়াছেন, সত্যি অত্যা-কারী উদ্ধার পায় না ‡।” ২৩। সত্য সত্যি সেই স্ত্রী তাহার প্রতি উত্তত হইয়াছিল,

তাহার অন্তথা বলিলে তোমার শিরশ্ছেদন কবিব।” তখন ইয়ুসোফ চুপ করিয়া রহিলেন। তাহার বণিক্ দলপতিকে বলিল, “এ বালক আমাদের ভৃত্য, এ বড় দুই ও অবাধ্য, ইহাকে তুমি অল্প দেশে লইয়া যাও; আমরা এই ভৃত্যকে তোমার নিকটে বিক্রয় করিতেছি।” অতঃপর অতি সামান্য কয়েক মুদ্রায় তাহার ঠাহাকে বিক্রয় করিয়া চলিয়া যায়। (ত, হো,)

* মেসরের আজিজ ইয়ুসোফকে ক্রয় করিয়াছিলেন। তখন তৎপাকার রাজার প্রধান কর্মচারীর আজিজ উপাধি হইত। আজিজ ইয়ুসোফকে বিশেষ প্রতিভাসম্পন্ন দেখিয়া দাসত্বে নিযুক্ত না করিয়া খীয় কার্য কর্মের প্রতিনিধি হইবার জন্ত সম্মানভাবে রাখিয়াছিলেন। এই রূপে পরমেশ্বর সে দেশে তাঁহাকে প্রতিষ্ঠিত করিলেন, এবং তাঁহারই উপলক্ষে সমুদায় বনিএশ্রায়েলকে তথায় স্থাপন করিলেন। এই নির্দারিত হইয়াছিল যে, ইয়ুসোফ প্রধান রাজপুরুষদিগের সঙ্গে থাকিয়া রাজকোশ অবগত ও রাজনীতিবিষয়ে হুশিক্ষিত হন। তাঁহার জাতৃবর্গ চেষ্টা করিয়াছিল যে, তাঁহাকে হৃদয়শূন্য করে, কিন্তু তিনি তাহাদিগের সেই চেষ্টাটায় উন্নতপদ লাভ করেন, যেহেতু ঈশ্বর তাঁহার সহায় ছিলেন। (ত, ফা,)

বণিক্ তাঁহাকে মেসরে লইয়া আইসে। সেই সময়ে অলিদ অমলিকির পুত্র রয়াণ মেসরের রাজা ছিলেন। তিনি রাজাশাসনের ভার কতফির নামক মন্ত্রীর হস্তে সমর্পণ করিয়াছিলেন। কতফিরেরই আজিজ উপাধি ছিল। যখন মদয়নের বণিপদল মেসরে উপস্থিত হইল, তখন আজিজের অনুচরগণ তাহাদের নিকটে লাইয়া ইয়ুসোফকে দর্শন করে, তাহার ঠাহার সৌন্দর্যে মুগ্ধ হয়, এবং আজিজকে তদ্বিষয় জ্ঞাপন করে। জোলেরখানার আজিজের এক পত্নী ছিলেন। বণিক্ ইয়ুসোফকে হুসজ্জিত করিয়া বিক্রয়ার্থ বাজারে উপস্থিত করিলে বহুলোক বাকুল হইয়া আপন আপন ধন সম্পত্তি সহ ক্রয় করিতে আইসে; পরে আজিজ প্রচুর অর্থদানে তাঁহাকে ক্রয় করেন। আজিজ অপূত্রক ছিলেন, তিনি ইয়ুসোফকে পুত্ররূপে গ্রহণ করিয়া তাঁহার প্রতি আদর সম্মান প্রদর্শন করিবার জন্ত স্বীয় ভাষা জোলেরখাকে অনুবোধ করেন। (ত, হো,)

† “প্রজ্ঞা ও বিদ্যা দান করিলাম” অর্থাৎ আমি তাহাকে দুর্লভ বিষয় হৃদয়ঙ্গম করিবার বুদ্ধি ও ঈশ্বর-জ্ঞান প্রদান করিলাম। (ত, ফা,)

‡ আজিজের পত্নী জোলেরখা ইয়ুসোফের রূপলাবণ্যে মুগ্ধ হইয়া তাঁহা দ্বারা প্রবৃত্তি চরিতার্থ

এবং সে সেই স্ত্রীর প্রতি উদ্ভত হইয়াছিল; সে যদি আপন প্রতিপালকের নিদর্শন দর্শন করে এরূপ না হইত, (তবে সে ব্যভিচার করিত।) * এই প্রকার (করিলাম,) যে তাহাতে তাহা হইতে মন্দভাব ও নিলজ্জতা দূর করিলাম; নিশ্চয় সে আমার নির্দোষিত ভৃত্যদিগের অন্তর্গত ছিল। ২৪। উভয়ে দ্বারের দিকে অগ্রসর হইয়াছিল, এবং নারী তাহার কামিজ পশ্চাদ্ধিকে ছিন্ন করিয়াছিল, উভয়ে আপন স্বামীকে দ্বারের নিকটে প্রাপ্ত হইয়াছিল; নারী বলিয়াছিল, “যে ব্যক্তি তোমার পরিবারের প্রতি মন্দ ইচ্ছা করে, কারারুদ্ধ হওয়া অথবা দুঃখজনক শাস্তি ব্যতীত (তাহার জন্ত) বিনিময় কি ? ” ২৫। সে বলিয়াছিল, “এই নারী আমার জীবন হইতে আমার প্রার্থী হইয়াছে;” এবং সেই স্ত্রীর স্বগণসম্পর্কীয় এক সাক্ষী সাক্ষ্য দান করিল যে, যদি তাহার কামিজ সম্মুখভাগে ছিন্ন হইয়া থাকে, তবে নারী সত্য বলিয়াছে, এবং পুরুষ মিথ্যাবাদীদিগের অন্তর্গত। ২৬। এবং যদি তাহার কামিজ পশ্চাদ্ধিকে ছিন্ন হইয়া থাকে, তবে নারী মিথ্যা বলিয়াছে, এবং সেই পুরুষ সত্যবাদীদিগের অন্তর্গত। ২৭। অনন্তর যখন সে (আজিজ) তাহার কামিজকে পশ্চাদ্ধিকে ছিন্ন দেখিল, বলিল যে, “ইহা তোমাদের (নারীগণের) চক্রান্ত, নিশ্চয় তোমাদের চক্রান্ত প্রবল। ২৮। হে ইয়ুসোফ, তুমি ইহা হইতে নিবৃত্ত হও, এবং (হে জোলয়খা,) তুমি স্বীয় অপরাধের জন্ত ক্ষমা প্রার্থনা কর, নিশ্চয় তুমি অপরাধিনীদিগের অন্তর্গত”। ২৯। (র, ৩, আ, ২)

করিতে চাহিয়াছিলেন; তিনি সমুদয় প্রাসাদের ভিতর ইয়ুসোফকে লইয়া গিয়া সমুদয় দ্বার বন্ধ করিয়া তাহাকে প্রলুপ্ত করিতে বিশেষ চেষ্টা করিয়াছিলেন। ইয়ুসোফ ঈশ্বরের আশ্রয় গ্রহণ করিয়া বলেন, “তিনি আমাকে আজিজ দ্বারা উচ্চপদ প্রদান করিয়াছেন, আমি বিশ্বাসঘাতকতা করিতে পারি না।” (ত, হো,)

* সতাই জোলয়খা ইয়ুসোফের সঙ্গে সম্মিলিত হইতে উদ্ভত হইয়াছিলেন, এবং ইয়ুসোফ জোলয়খাকে দূর করিয়া পলায়ন করিতে উদ্ভত হইয়াছিলেন। ঈশ্বরের নিদর্শন প্রেরিত হইয়া ও পবিত্রতা যে তাহার জীবনে ছিল, যদি ইয়ুসোফ তাহা দেখিতে না পাইতেন, তবে নিশ্চয় প্রলোভনে পড়িয়া দুঃখ করিতেন। (ত, হো,)

† ইয়ুসোফ আজিজকে বলিলেন যে, “জোলয়খা আমাদ্বারা দুঃস্বপ্ন চরিতার্থ করিতে চাহিয়াছেন; আমি সম্মত হই নাই, এবং পলায়ন করিতেছিলাম।” আজিজ বলিলেন, “একথা যে সত্য, আমি কেমন করিয়া বিশ্বাস করিব, কেহ কি এ বিষয় জ্ঞাত আছে?” ইয়ুসোফ বলিলেন, “সেই গৃহে চারি মাসের একটি শিশু ছিল, সে জোলয়খার মাতৃদুগ্ধের পুত্র, সেই শিশু আমার সাক্ষী।” এই কথা শুনিয়া আজিজ বলিলেন, “যে শিশুর চারি মাস বয়ঃক্রম, সে কি জানে? এবং সে কেমন করিয়া কথা কহিবে? তুমি কি আমার সঙ্গে উপহাস করিতেছ?” ইয়ুসোফ বলিলেন যে, “আমার পরমেশ্বর অনন্তশক্তিশালী, তিনি সেই শিশুকে বাকুশক্তি দান করিবেন, সে আমার নির্দোষিতা-বিষয়ে সাক্ষ্য দান করিবে।” এই কথা শুনিয়া আজিজ বালককে জিজ্ঞাসা করেন, বালক দৈব শক্তির প্রভাবে কথা কহিতে প্রবৃত্ত হয়, এবং “যদি তাহার কামিজ সম্মুখ ভাগে ছিন্ন হইয়া থাকে” ইত্যাদি কৌশলের কথা বলে। (ত, হো,)

এবং নগরে নারীগণ (পরস্পর) বলিল যে, “আজিজের স্ত্রী স্বীয় যুবক (দাসকে) তাহার জীবন হইতে (প্রবৃত্তি চরিতার্থ করিবার জন্ত) কামনা করিতেছে, নিশ্চয় তাহার প্রেম গাঢ় হইয়াছে ; সত্যই আমরা তাহাকে স্পষ্ট পথভ্রাস্তির মধ্যে দেখিতেছি” । ৩০ । অনন্তর যখন সে তাহাদের চাতুরী শ্রবণ করিল, তখন তাহাদের নিকটে (লোক) পাঠাইল, এবং তাহাদিগের জন্ত এক সভার আয়োজন করিল, তাহাদের প্রত্যেককে এক একটি ছুরিকা দান করিল ও বলিল, (“হে ইয়ুসোফ,) তুমি ইহাদের নিকটে বাহির হও” ; অনন্তর যখন তাহারা তাহাকে দেখিল, তখন তাহাকে শ্রেষ্ঠ মনে করিল, এবং আপন আপন হস্ত ছেদন করিল, এবং বলিল, “ঈশ্বরেরই পবিত্রতা, এ মনুষ্য নহে, এ দেবতা ভিন্ন নহে” * । ৩১ । সে (জোলয়খা) বলিল, “এই ব্যক্তিই যাহার সম্বন্ধে তোমরা আমাকে ভৎসনা করিতেছ, সত্য সত্যই আমি তাহার জীবন হইতে (প্রবৃত্তি চরিতার্থ করিবার জন্ত) তাহাকে কামনা করিয়াছি ; পরন্তু সে পবিত্রতা রক্ষা করিয়াছে । এবং আমি তাহাকে যাহা আজ্ঞা করিয়াছি, সে যদি তাহা না করে, তবে অবশ্য কারারুদ্ধ করা যাইবে, এবং অবশ্য সে দুর্দশাপন্নদিগের অন্তর্গত হইবে”† । ৩২ । সে বলিল, “হে আমার প্রতিপালক, তাহারা আমাকে যৎপ্রতি আহ্বান করিতেছে, তাহা অপেক্ষা কারাবাস আমার নিকটে প্রিয়তর ; এবং যদি তুমি শ্রামা হইতে ইহাদের চক্রান্ত নিবৃত্ত না কর, তবে আমি ইহাদের প্রতি উৎসুক হইব, এবং মূর্খদিগের অন্তর্গত হইব” । ৩৩ । অনন্তর তাহার প্রতিপালক তাহার (প্রার্থনা) গ্রাহ্য করিলেন, অতঃপর তাহাদের চক্রান্ত তাহা হইতে নিবৃত্ত করিলেন ; নিশ্চয় তিনি শ্রোতা ও জ্ঞাতা ‡ । ৩৪ । তৎপর তাহারা যে সকল নিদর্শন দেখিয়াছিল, (তাহাতে বুঝিয়াছিল) যে, অবশ্য সে কিয়ৎকাল তাহাকে কারারুদ্ধ করিবে ; পরে তাহা তাহাদের জন্ত প্রকাশিত হইল । ৩৫ । (র, ৪, আ, ৬)

এবং তাহার সঙ্গে দুই যুবক কারাগারে প্রবেশ করিয়াছিল, তাহাদের একজন বলিয়াছিল, “নিশ্চয় আমি আমাকে (স্বপ্নে) দেখিতেছি যে, আমি সূরা নিঃসারণ করিতেছি ;” এবং দ্বিতীয় বলিল যে, “নিশ্চয় আমি আমাকে দেখিতেছি যে, আমি স্বীয় মস্তকের উপর রুটি বহন করিতেছি, তাহা হইতে পক্ষী ভক্ষণ করিতেছে ; তুমি

* জোলয়খা সভাস্থ নারীদিগকে ফল কাটিয়া ভক্ষণ করিবার জন্ত ছুরিকা দান করিয়াছিলেন । তাহারা ইয়ুসোফকে দেখিয়া তাহার সৌন্দর্য্যে এমন মুগ্ধ হইয়াছিলেন যে, আপন আপন হাত কাটিয়া ফেলিলেন । (ত, কা,)

† জোলয়খা সেই নারীমণ্ডলীর মাঝাতে এই উদ্দেশ্য এইরূপ বলেন যে, তাহারা ইয়ুসোফকে বুঝাইতে চেষ্টা করিবেন, ও ইয়ুসোফও কারাগারের কথা শুনিয়া ভয় পাইবে । (ত, কা,)

‡ স্পষ্ট বুঝা যায় যে, এইরূপ প্রার্থনা করাতেই ইয়ুসোফকে কারারুদ্ধ হইতে হইয়াছিল, কিন্তু পরমেশ্বর তাহাদের চক্রান্ত নিবৃত্ত করার প্রার্থনামাত্র গ্রাহ্য করিলেন । কারাভোগ যেন ইয়ুসোফের অদৃষ্টাধীন ছিল । (ত, কা,)

আমাদিগকে ইহার ব্যাখ্যা জ্ঞাপন কর, সত্যই আমরা তোমাকে হিতকারীদিগের অন্তর্গত দেখিতেছি” * । ৩৬ । সে বলিল, “যে কোন খাছু তোমাদিগকে দেওয়া হইয়া থাকে, তাহা তোমাদের নিকটে উপস্থিত হওয়ার পূর্বে, তোমাদিগকে আমার তাহা ব্যাখ্যা করা ব্যতীত, তোমাদের নিকটে উপস্থিত হইবে না; আমার প্রতিপালক আমাকে বাহা শিক্ষা দান করিয়াছেন, ইহা তাহার (অন্তর্গত ।) যে সম্প্রদায় ঈশ্বরে ও পরলোকে বিশ্বাসী নহে, আমি তাহাদের ধর্ম পরিত্যাগ করিয়াছি, † তাহারা কাফের । ৩৭ । এবং আমি আপন পিতৃপুরুষ এব্রাহিম ও এস্‌হাক ও ইয়কুবের ধর্মের অনুসরণ করিয়াছি, কোন বস্তুকে যে আমরা ঈশ্বরের সঙ্গে অংশী স্থাপন করিব, আমাদের নিমিত্ত তাহা নয়; আমাদের প্রতি ও মানবমণ্ডলীর প্রতি ঈশ্বরের কৃপা হইতে ইহা হয়, কিন্তু অধিকাংশ লোক কৃতজ্ঞ হয় না ‡ । ৩৮ । হে কারাগৃহের সন্নিবাসী, ভিন্ন ভিন্ন বহু ঈশ্বর কি ভাল, না, পরাক্রান্ত এক ঈশ্বর (ভাল) ? ৩৯ । তোমরা ঈশ্বরকে ছাড়িয়া কতকগুলি নামের অর্চনা বৈ করিতেছ না, তাহাদের নামকরণ তোমরা করিয়াছ ও তোমাদের পিতৃপুরুষগণ (করিয়াছে ;) পরমেশ্বর তাহাদের প্রতি (নাম সকলের সত্যতা বিষয়ে) কোন প্রমাণ প্রেরণ করেন নাই, ঈশ্বরের জন্ত বৈ আজ্ঞা নাই । তিনি আদেশ করিয়াছেন যে, তাঁহাকে ব্যতীত অর্চনা করিবে না, ইহাই সরল ধর্ম, কিন্তু অধিকাংশ লোক বুঝিতেছে না । ৪০ । হে কারাগৃহের সন্নিবাসী, তোমাদের একজন কিন্তু অতঃপর স্বীয় প্রভুকে স্মরণ পান করাইবে,

* মেসরাবিপতি রয়ানের ইয়ুনা নামক একজন পানপাত্রদাতা এবং মন্ডনত নামক একজন পাচক ছিল । খাছুর সঙ্গে তাহারা বিষ মিশ্রিত করিয়া দিয়াছে, এরূপ সন্দেহ হওয়াতে রয়ান তাহাদিগকে কারাগারে প্রেরণ করেন । ঘটনাক্রমে ইয়ুসোফের সঙ্গেই তাহারা কারাগৃহে উপস্থিত হয় । ইয়ুসোফ কারাগারে বন্দীদিগের তত্ত্বাবধান করিতেন, এবং তাহাদের স্বপ্ন সকলের তাৎপর্য ব্যাখ্যা করিতেন । একদিন স্বপ্ন দর্শন করিয়াই হউক, কিম্বা স্বপ্ন না দেখিয়া ইয়ুসোফকে পরীক্ষা করিবার জন্ত হউক, ইয়ুনা ও মন্ডনত ক্রমে দুই স্বপ্নের কথা উল্লেখ করে । (ত, হে,)

† ইয়ুসোফ তাহাদের স্বপ্নে অমনোযোগ প্রদর্শন করিয়া বলিলেন যে, “তোমাদিগকে যে খাছু জীষাকারূপ প্রদত্ত হয়, সেই খাছুর কিরূপ বর্ণ ও স্বাদ, উহা তোমাদিগের নিকটে উপস্থিত হওয়ার পূর্বে আমি বলিতে সমর্থ” । তাহারা ইহা শ্রবণ করিয়া তাঁহাকে একজন ভবিষ্যদ্বক্তা গণক বলিয়া স্থির করিল । তাহাতে ইয়ুসোফ বলিলেন যে, আমি সেরূপ ভবিষ্যদ্বক্তা নহি, এ বিষয় ঈশ্বর আমাকে প্রত্যাদেশ করেন ও শিক্ষা দেন; যে সকল লোক ঈশ্বরের উপর বিশ্বাস করে না, আমি তাহাদের দলভুক্ত নহি । (ত, হে,)

পরস্বপ্নের কারাগৃহে এই কৌশল করিলেন যে, ইয়ুসোফের মন কাফেরদিগের প্রতি অনুরক্ত হইল না, তাহাতে ঐশ্বরিক জ্ঞান তাহার অন্তরে প্রকাশ পাইতে লাগিল । তিনি প্রথমতঃ ইচ্ছা করিলেন যে, সেই কারাবাসিদেরকে ধর্মোপদেশ প্রদান করেন, পরে স্বপ্নের তাৎপর্য ব্যাখ্যা করেন; এজন্য তিনি তাহাদিগকে সান্দ্রনা দান করেন, যেন উতলা না হয় । বলেন, যেন ভোজনের সময় পর্য্যন্ত প্রতীক্ষা করে, তখন উহা বলিয়া দিব । (ত, কা,)

‡ অর্থাৎ আমাদের এই ধর্মেতে স্থিতি করা সমুদায় মনুষ্যের সম্বন্ধে কলাপ । (ত, কা,)

এবং অগ্নি জন কিন্তু পরে শূলেতে চড়িবে, তাহার মন্তক হইতে পক্ষী (চক্ষু) ভক্ষণ করিবে ; তোমরা তদ্বিষয়ে যাহা প্রশ্ন করিতেছ, সেই কাৰ্য্য নির্দ্ধারিত হইয়াছে” * । ৪১ । এবং উভয়ের মধ্যে সে (ইয়ুসোফ), যাহাকে মনে করিয়াছিল যে, সে মুক্তি পাইবে, তাহাকে বলিল, “তোমার প্রভুর নিকটে আমাকে স্মরণ করিও” ; অনন্তর শয়তান তাহাকে বিস্মৃত করিল যে, স্বীয় প্রভুর নিকটে স্মরণ করে । পরে সে (ইয়ুসোফ) কারাগারে কয়েক বৎসর বাস করিল † । ৪২ । (র, ৫, আ, ৭)

এবং রাজা বলিল, “সত্যই আমি সাতটি স্থলাকৃতি গো দেখিতেছি, তাহাদিগকে সাতটি কৃশ গো ভক্ষণ করিতেছে, এবং সাতটি শস্য সরস (দেখিতেছি,) অগ্নি সাতটি শুষ্ক ; হে প্রধান পুরুষগণ, যদি তোমরা স্বপ্নের তাৎপর্য্য ব্যাখ্যাকারী হও, তবে আমার স্বপ্নবিষয়ে আমাকে উত্তর দান কর” । ৪৩ । তাহারা বলিল, “এই স্বপ্ন বিক্ষিপ্ত, এবং আমরা বিক্ষিপ্ত স্বপ্নের ব্যাখ্যা অবগত নহি” । ৪৪ । এবং সেই দুই জনের মধ্যে যে ব্যক্তি মুক্ত হইয়াছিল, সে বলিল, কিয়ৎকালের পর স্মরণ করিয়া বলিল, “আমি তোমাদিগকে ইহার ব্যাখ্যা সম্বন্ধে সংবাদ দিব, অতএব তোমরা আমাকে প্রেরণ কর” । ৪৫ । (সে যাইয়া বলিল,) “হে ইয়ুসোফ, হে সত্যবাদিন্, সাতটি স্থলাকৃতি গোবিষয়ে যে তাহাদিগকে সাতটি কৃশাঙ্গ গো ভক্ষণ করিতেছে, এবং সাতটি শস্য সরস ও অপর (সাতটি) শুষ্ক, এবিষয়ে আমাকে উত্তর দান কর ; তবে আমি লোকদিগের নিকটে ফিরিয়া যাই, সম্ভব যে তাহারা জ্ঞান পাইবে” ‡ । ৪৬ । সে বলিল, “তোমরা সাত বৎসর যথারীতি শস্তক্ষেত্র করিবে, পরে তোমরা যাহা কৰ্ত্তন করিবে, অবশেষে তাহার শস্ত্রেতে তাহা রাখিয়া দিবে ; যাহা ভক্ষণ করিয়া থাক, তাহা কিয়দংশ বৈ নহে § । ৪৭ । পরিশেষে

* ইয়ুসোফ বলিলেন যে, তোমাদের মধ্যে যে ব্যক্তি রাজাকে হুৱা দান করিয়া থাকে, তিন দিবস অন্তর সে কারামুক্ত হইয়া পুনর্কায় স্বীয় পূৰ্ব্বপদে নিযুক্ত হইবে ; শূলের উপর অগ্নি জনের প্রাণদণ্ড হইবে । সে কিছুকাল তদবস্থায় শূলের উপর থাকিবে, পরে শিকারী পক্ষী তাহার চক্ষু খুলিয়া খাইবে । এই কথা শুনিয়া তাহারা বলিল যে, আমরা মিথ্যা কথা কহিয়াছি, বাস্তবিক তদ্রূপ স্বপ্ন দেখি নাই । তাহাতে ইয়ুসোফ বলিলেন, তোমরা যে বিষয়ে প্রশ্ন করিয়াছ, তদ্বিষয়ে ঈশ্বরের আজ্ঞা স্থির হইয়া গিয়াছে । (ত, হো,)

† তিন দিবস গত হইলে পাচকের দোষ প্রমাণিত হয়, রাজা তাহাকে শূলাস্ত্রে বধ করেন । শূলের উপর সে তদবস্থায় থাকে, পক্ষী তাহার চক্ষু উৎপাটন করে । এবং হুৱাদাতা নির্দ্ধোষ বলিয়া প্রমাণিত হয়, রাজা তাহাকে পূৰ্ব্বপদে নিযুক্ত করেন । সে স্বীয় পদ লাভ করিয়া ইয়ুসোফকে খুলিয়া যায়, রাজার নিকটে আর তাহার নির্দ্ধোষিতার বিষয় উল্লেখ করে না । ইয়ুসোফ সাত বৎসর, কেহ কেহ বলেন, আশ্চর্য্যাপন্ন বার বৎসর কারাগারে বন্দী থাকেন । (ত, হো,)

‡ “তাহারা জ্ঞান পাইবে” অর্থাৎ রাজপুরুষগণ স্বপ্নের তাৎপর্য্য হৃদয়ঙ্গম করিবে, এবং তাহাতে তোমার বিজ্ঞতা ও নিপুণতা বুঝিতে পারিবে ও তোমাকে নিকটে আহ্বান করিবে । (ত, হো,)

§ সাতটি শস্তশালী বৎসর অথবা সাতটি স্থলাকার গো, “পরে তোমরা যাহা কৰ্ত্তন করিবে, অবশেষে

ইহার পর সাতটি কঠিন (বৎসর) আসিবে, তাহাদের জন্ত পূর্বে তোমরা যাহা স্থাপন করিয়াছ, তাহারা তাহা ভক্ষণ করিবে ; তোমরা যাহা যত্নপূর্বক রাখিবে, তাহা কিয়দংশ বৈ নহে * । ৪৮ । অবশেষে ইহার পর এক বৎসর আসিবে যে, তাহাতে লোক সকলের আন্তনাদ গৃহীত হইবে, এবং তাহাতে (দ্রাক্ষারসাদি) নিঃসৃত হইবে” † । ৪৯ । (র, ৬, আ, ৭)

এবং রাজা বলিল, “তাহাকে আমার নিকটে লইয়া আইস” ; অনন্তর যখন প্রেরিত ব্যক্তি তাহার নিকটে আসিল, তখন সে বলিল, “তুমি আপন প্রভুর নিকটে ফিরিয়া যাও, পরে তাঁহাকে প্রস্তাব কর যে, যাহারা স্ব স্ব হস্ত ছেদন করিয়াছে, সেই স্ত্রীলোকদিগের কি অবস্থা ? নিশ্চয় আমার প্রতিপালক তাহাদের প্রত্যারণা অবগত” । ৫০ । সে জিজ্ঞাসা করিয়াছিল, “যখন তোমরা ইয়ুসোফকে তাহার জীবন হইতে (প্রবৃত্তি চরিতার্থ করিতে) কামনা করিয়াছিলে, তখন তোমাদের কি ভাব ছিল ?” তাহারা বলিয়াছিল যে, “ঈশ্বরেরই পবিত্রতা ; আমরা তাহাতে কোন কুভাব দেখি নাই ।” আজিজের ভাৰ্ঘ্যা বলিয়াছিল, “এক্ষণ সত্য প্রকাশিত হইয়াছে, আমি তাহার জীবন হইতে তাহাকে (প্রবৃত্তি চরিতার্থ করিবার জন্ত) কামনা করিয়াছিলাম ; নিশ্চয় সে সত্যবাদীদের অন্তর্গত” ‡ । ৫১ । (ইয়ুসোফ বলিয়াছিল) “ইহা এজন্ত যে, (আজিজ) যেন জ্ঞাত হন যে, নিশ্চয় আমি গোপনে তাঁহার প্রতি বিশ্বাসঘাতকতা করি নাই ; অপিচ (জ্ঞাত হন) যে, ঈশ্বর বিশ্বাসঘাতকদিগের প্রবঞ্চনাকে কুশলে পরিণত করেন না § । ৫২ । এবং আমি তাহার শপ্তেতে তাহা” রাখিয়া দিবে, অর্থাৎ কঠিন শস্তপুঞ্জকে তুষবিমুক্ত না করিয়া স্থাপিত করিবে । “যাহা ভক্ষণ করিয়া থাক, তাহা কিয়দংশ বৈ নহে” অর্থাৎ কিয়দংশ শস্ত তুষমুক্ত করিয়া ভক্ষণ করিবে । (ত, হো,)

* সাতটি কঠিন বৎসর বা সাতটি দুর্ভিক্ষ বৎসর, উহা শেষোক্ত সাতটি কৃষ্ণাঙ্গ গো । “তাহাদের জন্ত পূর্বে তোমরা যাহা স্থাপন করিয়াছ, তাহারা তাহা ভক্ষণ করিবে” অর্থাৎ এই সাত বৎসরের জন্ত পূর্বে তোমরা যাহা সঞ্চয় করিয়া রাখিয়াছ, তাহা ভক্ষণ করিবে । বীজের জন্ত যত্নপূর্বক কিয়দংশ শস্তমাত্র রাখিয়া দিবে । পূর্বোক্ত সরস সাতটি শস্ত, সাত বৎসরের উৎপন্ন শস্তরাশি এবং সাতটি শুষ্কশস্ত, সপ্ত দুর্ভিক্ষ বৎসরের জন্ত সঞ্চিত শুষ্ক শস্তপুঞ্জ । (ত, হো,)

† সাতটি দুর্ভিক্ষ বৎসরের পর লোকের প্রার্থনা গৃহীত হইবে, অর্থাৎ পর্যাপ্ত বৃষ্টি হইবে, প্রচুর শস্ত জন্মিবে, ত্রাক্ষা, জয়তুন প্রভৃতির রস, গো ছাগাদির দুগ্ধ নিঃসৃত হইবে । ইহা স্বাভাবিক বৎসর বুঝায় । (ত, হো,)

‡ ইয়ুসোফ ইচ্ছা করিয়াছিলেন যে, স্বীয় নির্দোষিতা রাজার নিকটে ব্যক্ত করেন, তাহা হইলে তাঁহার বিরুদ্ধে কাহারও কোন কথা বলিবার ক্ষমতা থাকিবে না । এইজন্তই তিনি তজ্জন প্রস্তাব করিয়া পাঠান । প্রেরিত ব্যক্তি রাজার নিকটে ফিরিয়া যাইয়া ইয়ুসোফের নিবেদন জ্ঞাপন করিলে, রাজা জোলয়খাসহ নারীদিগকে ডাকিয়া আনিলেন ও তাহাদের নিকটে ইয়ুসোফের সম্বন্ধে প্রশ্ন করিলেন ; নারীগণ ইয়ুসোফের নির্দোষিতার সাক্ষ্য দান করিল, এবং জোলয়খা আপন দোষ স্বীকার করিলেন । (ত, হো,)

§ রাজা ইয়ুসোফের নিকটে সংবাদ পাঠাইলেন যে, “মহিলাগণ আত্মদোষ স্বীকার করিয়াছে,

আপন জীবনকে শুদ্ধ বলিতেছি না ; আমার প্রতিপালক যখন দয়া করেন, সেই সময় ব্যতীত নিশ্চয় জীবন পাপবিষয়ে আজ্ঞাদাতা হয়। সতাই আমার প্রতিপালক ক্ষমাশীল দয়ালু।” ৫৩। এবং রাজা বলিল, “তাহাকে আমার নিকটে উপস্থিত কর, আমি আপন জীবনের জন্ত তাহাকে বিশেষত্ব দান করিব ;” অনন্তর যখন (রাজা) তাহার সঙ্গে কথোপকথন করিল, তখন বলিল, (হে ইয়ুসোফ,) “নিশ্চয় তুমি অল্প আমাদের নিকটে পদস্থ বিশ্বস্ত”। ৫৪। সে বলিল, “ভূমির ধনভাণ্ডারসম্বন্ধে আপনি আমাকে নিযুক্ত করুন, নিশ্চয় আমি সংরক্ষক ও বিজ্ঞ”। ৫৫। এইরূপে আমি সেই দেশে ইয়ুসোফকে স্থান দান করিলাম, সে সেই স্থানের যথা ইচ্ছা স্থান গ্রহণ করিতেছিল ; আমি যাহাকে ইচ্ছা করি, তাহার প্রতি আপন রূপা প্রেরণ করিয়া থাকি, আমি সংকল্পশীলদিগের পুরস্কার বিনষ্ট করি না। ৫৬। এবং যাহারা বিশ্বাস স্থাপন করিয়াছে ও তিতিক্ষু হইয়াছে, তাহাদের জন্ত অবশ্য পারলৌকিক পুরস্কার উত্তম *। ৫৭। (র, ৭, আ, ৮)

এবং ইয়ুসোফের ভ্রাতৃবর্গ উপস্থিত হইল, তাহারা তাহার নিকটে প্রবেশ করিল, তখন সে তাহাদিগকে চিনিল, এবং তাহারা তাহার সম্বন্ধে পরিচয় প্রাপ্ত হইল না †।

তুমি এক্ষণ এস, তোমার সাক্ষাতে তাহাদিগকে শান্তি দান করিব।” তাহাতে ইয়ুসোফ বলিলেন যে, “শান্তি দান করা হয়, ইহা আমার উদ্দেশ্য নহে ; আমি বিশ্বাসঘাতকতা করি নাই, আজিজ ইহা বুঝিতে পারেন, এজন্তই এরূপ প্রার্থনা করিয়াছি।” (ত, হো,)

* এক্ষণ পূর্বোক্ত প্রস্তাবের উত্তর হইতেছে, যথা, দুর্ভিক্ষনিপীড়িত হইয়া এব্রাহিমের সন্তানগণ শামদেশ হইতে মেষরে আগমন করে, এবং বিবৃত হইয়াছে যে, মহাত্মা ইয়ুসোফকে তাহার ভ্রাতৃবর্গ লাক্ষিত ও অপমানিত করিয়া নির্বাসিত করিয়াছিল। পরে পরমেশ্বর তাহাকে সম্মানিত করিয়া একটি রাজ্যের উপর কর্তৃত্ব প্রদান করিলেন। হজরত মোহম্মদের সম্বন্ধেও এইরূপ অবস্থা ঘটয়াছে।

(ত, কা,)

† ইয়ুসোফ রাজ্যসম্বন্ধীয় গুরুতর কার্যভার গ্রহণ করিয়া প্রজাদিগকে কৃষিকর্মে মনোযোগ-বিধানে আদেশ করিলেন, এবং প্রকাণ্ড প্রকাণ্ড শস্তাগার সকল নির্মাণ করিলেন ; সাত বৎসর যত শস্ত উৎপন্ন হইল, প্রজাদের খাদ্যোপযোগী তাহাদিগকে প্রদান করিয়া, তাহার অবশিষ্ট সমুদায় শস্তাগারে যত্নপূর্বক সঞ্চয় করিতে লাগিলেন। তদনন্তর দুর্ভিক্ষ বৎসর উপস্থিত হইল, তখন মেষর এবং কেনানের অধিবাসীদিগের অত্যন্ত অনাভাব হয়। মেষরবাসিগণ ইয়ুসোফের আশ্রয় গ্রহণ করে। তিনি প্রথম বৎসর মুদ্রা গ্রহণ করিয়া তাহাদের নিকটে শস্ত বিক্রয় করেন, তাহাতে প্রজাদিগের সমুদায় মুদ্রা নিঃশেষিত হয়। দ্বিতীয় বৎসর অলঙ্কারাদির বিনিময়ে, তৃতীয় বৎসর দাস-দাসীদিগের বিনিময়ে, চতুর্থ বৎসর গোমেষাদি গৃহপালিত পশুর বিনিময়ে, পঞ্চম বৎসর শস্তক্ষেত্রাদির বিনিময়ে, ষষ্ঠ বৎসর সন্তানাদির বিনিময়ে প্রজাদের নিকটে শস্ত বিক্রয় করেন ; সপ্তম বৎসর সকলে অন্নের জন্ত ইয়ুসোফের নিকটে দাসত্ব স্বীকার করে। ইয়ুসোফ মেষরাধিপতির নিকট এ বিষয় নিবেদন করিলে, তিনি বলিলেন, “এক্ষণ সমুদায় প্রজা ক্রীতদাস হইয়াছে, তাহাদের উপর তোমার সম্পূর্ণ আধিপত্য।” তখন ইয়ুসোফ রাজার সাক্ষাতে সকলকে দাসত্ব হইতে মুক্তিদান করিলেন। তাহাদের টাকা পরমা ভূমি সম্পত্তি পুত্র কন্যা দাস দাসী বাহা গ্রহণ করিয়াছিলেন, সমুদায় কিরাইয়া দিলেন।

। ৫৮। এবং তাহাদের জন্ত যখন সে তাহাদের সামগ্রীর আয়োজন করিল, তখন বলিল, “তোমরা তোমাদের পিতা হইতে (উৎপন্ন) আপন (বৈমাত্র) ভ্রাতাকে আমার নিকটে উপস্থিত কর; তোমরা কি দেখিতেছ না যে, আমি (শস্ত্রের) পরিমাণ পূর্ণ করিয়া দিতেছি, আমি আতিথেয়-শ্রেষ্ঠ * ?। ৫৯। পরন্তু যদি তাহাকে আমার সমীপে আনয়ন না কর, তবে আমার নিকটে তোমাদের জন্ত (শস্ত্রের) সেই পরিমাণ নাই ও তোমরা আমার নিকটবর্তী হইও না” †। ৬০। তাহারা বলিল, “সত্তর আমরা তাহার সম্বন্ধে তাহার পিতার নিকটে কথোপকথন করিতেছি, এবং নিশ্চয় আমরা কার্য-সম্পাদক”। ৬১। এবং সে স্বীয় যুবকদিগকে (দাসদিগকে) বলিল, “যখন তাহারা আপন স্বর্ণের নিকটে ফিরিয়া যাইবে, সম্ভবতঃ তাহারা ফিরিয়া আসিবে; তোমরা তাহাদের

মেসরবাসীরা এক সময় ইয়ুসোফকে দাসরূপে বিক্রীত হইতে দেখিয়াছিল, পরে ঈশ্বর তাহার দাসত্ববন্ধনে সকলকে বন্ধ করিলেন, তাহার সম্বন্ধে কাহারও কোনরূপ কুংসা করিবার আর পথ রহিল না। পরন্তু কেনানেও মহা দুর্ভিক্ষ হইয়াছিল, ইয়কুবের সন্তানগণ অন্নাশ্রমে নিপীড়িত হইয়া পিতাকে বলিয়াছিল যে, মেসরাধিপতি ভ্রমরদান করিয়া দুর্ভিক্ষনিপীড়িত লোকদিগের প্রাণরক্ষা করিতেছেন, দীন দরিদ্র ও পশিক লোকেরা তাহার নিকটে সাহায্য পাইতেছে; তুমি সম্মতি করিলে আমরা সেখানে যাইয়া ভ্রমরদান কেনানবাসীদিগের জন্ত অন্ন আনয়ন করিতে পারি। ইয়কুব এ বিষয়ে সম্মতি দান করিলেন। মহাপুরুষ ইয়ুসোফের সহোদর ভ্রাতা বেনয়ামিন বাতীত অল্প দশ ভ্রাতা এক একটি উষ্ট্র ও কিছু মূলধন সঙ্গে করিয়া মেসরে যাত্রা করিল। বেনয়ামিনের জন্ত শস্ত্র আনয়ন করিতে একটি উষ্ট্র লইয়া গেল। চল্লিশ বৎসর অন্তে ইয়ুসোফের সঙ্গে তাহাদের সাক্ষাৎ হয়, এই দীর্ঘকালের অদর্শননিবন্ধন তাহারা ভ্রাতাকে চিনিতে পারিল না।

(ত, হো,)

* ইয়ুসোফ তাহাদিগকে জিজ্ঞাসা করিয়াছিলেন, “তোমরা কে? তোমাদিগকে গুপ্তচরের দ্বার বোধ হইতেছে।” তাহারা বলিয়াছিল, “মহারাজ, ঈশ্বরের শপথ করিয়া বলিতেছি যে, আমরা তাহা নহি, আমরা সকলে এক পিতার পুত্র; আমাদের পিতার নাম ইয়কুব ও তাহার অপর নাম এশ্রায়েল।” ইয়ুসোফ জিজ্ঞাসা করিলেন, “তোমাদের পিতার কয়জন সন্তান?” এবং তাহারা বলিল, “তাঁহার দ্বাদশ পুত্র ছিল, শৈশবাবস্থায় এক পুত্রকে ব্যাঘ্রে ভক্ষণ করিয়াছে, একজনকে পিতা আপন সেবার জন্ত নিকটে রাখিয়াছেন, আমরা দশ ভ্রাতা উপস্থিত হইয়াছি।” ইয়ুসোফ জিজ্ঞাসা করিলেন, “এখানে এমন কেহ আছে যে, তোমাদিগকে চিনে? তাহারা বলিল, “মেসরে এমন কেহই নাই যে, আমাদের পরিচয় রাখে।” তখন ইয়ুসোফ বলিলেন, “এক জন এখানে থাকিয়া তোমরা সকলে কেনানে প্রতিগমন কর, এবং উক্ত ভ্রাতাকে লইয়া আইস।” তদনুসারে শমুন নামক ব্যক্তি মেসরে স্থিতি করিল, গোধুমপুস্ত্রসহ অপর ভ্রাতৃবর্গ কেনানে চলিয়া গেল।

(ত, হো,)

† ইয়ুসোফ প্রত্যেক দশ ভ্রাতার জন্ত এক একটি উষ্ট্রের বহনযোগ্য গোধুম নির্ধারিত করিয়াছিলেন; তাহারা গৃহস্থিত ভ্রাতার জন্তও সেই পরিমাণ গোধুম প্রার্থনা করিয়াছিল। ইয়ুসোফ বলিলেন, “আমি লোকসংখ্যানুসারে দান করিয়া থাকি, উষ্ট্রের সংখ্যানুসারে নয়।” কিন্তু তাহারা তাহা দান করিতে একান্ত অমুরোধ করে; তাহাতেই তিনি “যদি তাহাকে আমার সমীপে আনয়ন না কর” ইত্যাদি বলেন।

(ত, হো,)

মূলধন তাহাদের দ্রব্যাদ্বারা রাখিয়া দেও, যেন তাহারা তাহা চিনিয়া লয়”। ৬২। অনন্তর যখন তাহারা স্বীয় পিতার নিকটে ফিরিয়া গেল, তখন বলিল, “হে আমাদের পিতা, আমাদের প্রতি (শেষের) তুল করা নিষিদ্ধ হইয়াছে; অতএব আমাদের সঙ্গে আমাদের ভ্রাতাকে প্রেরণ কর, আমরা তুল করিয়া লইব, এবং নিশ্চয় আমরা তাহার সংরক্ষক”। ৬৩। সে বলিল, “কিন্তু আমি পূর্বে যে রূপ ইহার ভ্রাতার সম্বন্ধে তোমা-দিগকে বিশ্বাস করিয়াছিলাম, তদ্রূপ কি ইহার সম্বন্ধে তোমা-দিগকে বিশ্বাস করিব? অনন্তর ঈশ্বরই উত্তম রক্ষক, এবং তিনি দয়ালুদিগের মধ্যে শ্রেষ্ঠ দয়ালু”। ৬৪। যখন তাহারা স্বীয় দ্রব্যজাত উন্মুক্ত করিল, তখন আপনাদের মূলধন আপনাদের প্রতি প্রত্যাৰ্পিত প্রাপ্ত হইল; তাহারা বলিল, “হে আমাদের পিতা, আমরা কি চাহিতেছি? এই আমাদের মূলধন আমাদের প্রতি প্রত্যাৰ্পিত হইয়াছে; আমরা আপন আশ্রয়দিগের জন্ত খাণ্ড আনয়ন করিব এবং স্বীয় ভ্রাতাকে রক্ষা করিব, এক উষ্ট্রের পরিমাণ অধিক আনিব, এই তুল (যাহা আনয়ন করিয়াছি) সামান্য”। ৬৫। সে বলিল, “যে পর্য্যন্ত তোমরা আমার নিকটে ঈশ্বরের (নামে) প্রতিজ্ঞা না কর যে, তোমরা আবদ্ধ হওয়া ব্যতীত অবশ্য তাহাকে ফিরাইয়া আনিবে, সে পর্য্যন্ত কখনও আমি তোমাদের সঙ্গে তাহাকে পাঠাইব না।” অনন্তর যখন তাহারা তাহাকে স্বীয় অঙ্গীকার দান করিল, তখন সে বলিল, “আমরা যাহা বলি, ঈশ্বর তৎপ্রতি দৃষ্টিকারক”। ৬৬। এবং বলিল, “হে আমার পুত্রগণ, এক দ্বার দিয়া তোমরা প্রবেশ করিও না, কিন্তু ভিন্ন দ্বার দিয়া প্রবেশ করিও; * তোমা-দিগ হইতে ঈশ্বরের কিছুই দূর করিতেছি না, ঈশ্বরের জন্ত ব্যতীত কৰ্ত্তৃত্ব নাই, তাহার প্রতি আমি নির্ভর করিয়াছি, অনন্তর নির্ভরকারীদিগের উচিত যে, তাঁহার প্রতি নির্ভর করে”। ৬৭। এবং যে স্থান দিয়া তাহাদের পিতা তাহা-দিগকে (প্রবেশ করিতে) আজ্ঞা করিয়াছিল, যখন তাহারা সেই স্থান দিয়া প্রবেশ করিল, ইয়কুবের অন্তরে যে এক স্পৃহা নিহিত হইয়াছিল, তদ্ব্যতীত তাহাদের হইতে ঈশ্বরের (বিধি) কিছুই অন্তর্হিত করে, (এরূপ) হইল না। † আমি যাহা তাহাকে শিক্ষা দিয়াছিলাম, তদ্বিষয়ের নিমিত্ত নিশ্চয় সে জ্ঞানবান ছিল, কিন্তু অধিকাংশ মনুষ্য অবগত নহে। ৬৮। (র, ৮, আ, ১১)

* অর্থাৎ তোমরা সকল ভ্রাতা এক যোগে এক দ্বার দিয়া নগরে প্রবেশ করিবে না, তাহা হইলে তোমাদের রূপলাবণ্য ও দলবদ্ধ ভাব ও ঘটনা দেখিয়া তোমাদের প্রতি লোকের কুদৃষ্টি পড়িবে না।

(ত, হো,)

† ইয়কুবের অন্তরে সম্ভাব্য জন্ত এক স্পৃহা জন্মিয়াছিল, তজ্জন্ত তিনি তাহা-দিগকে অঙ্গীকারে বদ্ধ করেন। “তাহাদের হইতে ঈশ্বরের (বিধি) কিছুই অন্তর্হিত করে, (এরূপ) হইল না,” অর্থাৎ ইয়কুবের অভিপ্রায়ানুসারে চলিয়াও তাহারা বিপদগ্রস্ত হইয়াছিল; বরং বেনয়ামিনের প্রতি চুরি করার অপবাদ হয়, তাহাতে সমুদায় ভ্রাতাকে দুঃখিত হইতে হইয়াছিল।

(ত, হো,)

এবং যখন তাহারা ইয়ুসোফের সম্মিথানে প্রবেশ করিল, তখন সে আপনার সমীপে স্বীয় ভ্রাতাকে স্থান দান করিল, “সত্যই আমি তোমার ভ্রাতা, অতএব তাহারা যাহা করিতেছিল, তজ্জন্ত দুঃখিত হইও না”* । ৬৯ । অনন্তর যখন সে তাহাদের জন্ত তাহাদের সামগ্রীর আয়োজন করিল, তখন স্বীয় ভ্রাতার দ্রব্যাদ্বারা একটি জলপাত্র রাখিয়া দিল ; পরে নিনাদকারী নিনাদ করিল যে, “হে বণিগ্‌দল, নিশ্চয় তোমরা চোর” † । ৭০ । (ইয়কুবের সন্তানগণ) তাহাদের নিকটে অগ্রসর হইল ও বলিল, “যাহা তোমরা হারাইয়াছ, তাহা কি ?” । ৭১ । তাহারা বলিল, “আমরা রাজার পরিমাণপাত্র হারাইয়াছি, এবং যাহাকে এক উষ্ট্রের ভার (শস্য দেওয়া যায়,) তাহার জন্ত উহা আনয়ন করা হয় ;” এবং (নিনাদকারী বলিল,) “আমি তদ্বিষয়ে প্রতিভূ” । ৭২ ।

* যখন ইয়কুবের সন্তানগণ ইয়ুসোফের নিকটে উপস্থিত হইয়াছিল, তখন ইয়ুসোফ আবারও আবৃত হইয়া সিংহাসনে বসিয়াছিলেন ; জিজ্ঞাসা করিয়াছিলেন যে, “তোমরা কে ?” তাহারা বলিয়াছিল, “আমরা কেনাননিবাসী, আপন ভ্রাতাকে আনয়ন করিবার জন্ত আপনি আমাদিগকে আজ্ঞা করিয়াছিলেন, আমরা বিশেষ অঙ্গীকারে বদ্ধ হইয়া তাহাকে পিতার নিকট হইতে চাহিয়া লইয়া আসিয়াছি :” অনন্তর ছয়খানা ভোজ্যপাত্র তাহাদের নিকটে স্থাপন করিয়া ইয়ুসোফ বলিলেন, “তোমরা এক পিতার গুরসে এক মাতার গর্ভজাত দুই দুই জন ভ্রাতা এক এক ভোজ্যপাত্রে ভোজন কর ;” তদনুসারে তাহারা দুই জন করিয়া এক এক ভোজনপাত্রে বসিয়া গেল । বেনয়ামিন একাকী রহিল । সে ক্রন্দন করিতে করিতে অজ্ঞান হইয়া পড়িল । কিয়ৎক্ষণানন্তর সে চৈতন্ত লাভ করিলে, ইয়ুসোফ জিজ্ঞাসা করিলেন, “কেনানী যুবক, তোমার কি হইয়াছিল যে, সংজ্ঞাহীন হইয়া পড়িয়াছিলে ?” তখন সে বলিল, “মহাশয়, যাহারা সহোদর ভ্রাতা, তাহারা দুই জন করিয়া এক এক পাত্রে ভোজন করুক, আপনি এরূপ আদেশ করিয়াছেন ; আমার সহোদর ভ্রাতার নাম ইয়ুসোফ ছিল, তাঁহাকে স্মরণ হইল । মনে মনে ভাবিলাম যে, তিনি যদি আমার সঙ্গে এই ভোজনে যোগ দিতেন, আমি একাকী খাইতাম না, ইহা ভাবিতে ভাবিতে অশ্রুগাণল অন্তরে প্রজ্জ্বলিত হইয়া উঠে ; তাহাই আমার রোদন করার ও অচৈতন্ত হওয়ার কারণ ।” ইয়ুসোফ বলিলেন, “এস, আমি তোমার ভাই হইয়া এক ভোজ্যপাত্রে ভোজন করি ।” অনন্তর স্থানান্তরে উভয়ে ভোজনে প্রবৃত্ত হইলেন, ইয়ুসোফ যবনিকার ভিতরে রহিলেন, তথা হইতে ভোজ্যপাত্রে হস্ত প্রসারণ করিলেন । বেনয়ামিন ইয়ুসোফের হস্ত নিরীক্ষণ করিয়া ক্রন্দন করিতে লাগিল । ইয়ুসোফ ক্রন্দনের কারণ জিজ্ঞাসা করিলে, সে বলিল যে, “আমার ভ্রাতা ইয়ুসোফের হস্তের স্থায় হস্ত দেখিতেছি, তাহাতেই আমার মনে এক ভাবের উদয় হইয়াছে ।” এই কথা শুনিয়া ইয়ুসোফ তৎক্ষণাৎ প্রকাশিত হইয়া বলিলেন যে, “আমিই তোমার ভ্রাতা ইয়ুসোফ ।”

(ত, হো,)

† সেই জলপাত্র মণিমুক্তা-খচিত রৌপ্য বা স্বর্ণ-নির্মিত ছিল, রাজা তদ্বারা জল পান করিতেন । এই সময়ে খাদ্য সামগ্রীর সম্মান ও গৌরবের অনুরোধে তাহাকে পরিমাপক করা হইয়াছিল । সকল বণিক পোখুমাদি সহ নগরের বাহিরে চলিয়া গেলে, ইয়ুসোফের কতিপয় অনুচর তাহাদের নিকটে উপস্থিত হয়, এবং এক জন ডাকিয়া বলে, তোমরা চোর ।

(ত, হো,)

রাজার স্বর্ণময় জলপাত্রকে পরে খাদ্যদ্রব্যাদির সম্মানার্থ পরিমাপকপাত্র করা হইয়াছিল । (ত, হো,)

তাহারা বলিল, “ঈশ্বরের শপথ, সত্য সত্যই তোমরা জানিতেছ যে, দেশে আমরা উপদ্রব করিতে আসি নাই, এবং আমরা চোর নহি”। ৭৩। সে বলিল, “যদি তোমরা মিথ্যাবাদী হও, তবে ইহার প্রতিফল কি হইবে?”। ৭৪। তাহারা বলিল, “তাহার বিনিময় (এই,) যাহার দ্রব্যাদ্বারা তাহা পাওয়া যাইবে, অনন্তর সেই তাহার বিনিময়।” এইরূপে আমি অত্যাচারীদেরকে প্রতিফল দান করি। ৭৫। অনন্তর (ইয়ুসোফ) আপন ভ্রাতার দ্রব্যাদ্বারা (অনুসন্ধান করার) পূর্বে তাহাদের দ্রব্যাদ্বারা (অনুসন্ধান) প্রবৃত্ত হইল; অতঃপর তাহা স্বীয় ভ্রাতার দ্রব্যাদ্বারা হইতে বাহির করিল। এইরূপে আমি ইয়ুসোফের নিমিত্ত ছলনা করিয়াছিলাম, ঈশ্বরের ইচ্ছা হওয়া ব্যতীত স্বীয় ভ্রাতাকে যে রাজবিধিতে গ্রহণ করে, (উচিত) হইল না; আমি যাহাকে ইচ্ছা করি, তাহাকে পদোন্নত করিয়া থাকি, সকল জ্ঞানবানের উপর একজন জ্ঞানবান আছেন*। ৭৬। তাহারা বলিল, “যদি এ ব্যক্তি চুরি করিল, তবে নিশ্চয় ইহার ভ্রাতা পূর্বে চুরি করিয়াছে”; অতঃপর ইয়ুসোফ তাহা স্বীয় অন্তরে গুপ্ত রাখিল, এবং তাহাদের নিমিত্ত তাহা প্রকাশ করিল না। বলিল, “পদানুসারে তোমরা ছুট, তোমরা যাহা বর্ণন করিতেছ, ঈশ্বর তাহার উত্তম জ্ঞাতা”†। ৭৭। তাহারা বলিল, “হে আজিজ, সত্যই মহা বৃদ্ধ ইহার এক পিতা আছে, অতএব তাহার স্থানে আমাদের একজনকে গ্রহণ কর; নিশ্চয় আমরা তোমাকে হিতকারীদের অন্তর্গত দেখিতেছি”। ৭৮। সে বলিল, “যাহার নিকটে আমরা আপন দ্রব্য প্রাপ্ত হইয়াছি, তাহাকে ব্যতীত (অন্য) ব্যক্তিকে কি গ্রহণ করিব? ঈশ্বরের শরণাপন্ন হই, নিশ্চয় আমরা তখন অত্যাচারী হইব।” ৭৯। (র, ২, আ, ১১)

অনন্তর যখন তাহা হইতে তাহারা নিরাশ হইল, তখন মন্ত্রণা করিতে এক প্রাস্তে গেল; তাহাদের জ্যেষ্ঠ বলিল, “তোমরা কি জান না যে, তোমাদের পিতা তোমাদের সম্বন্ধে ঈশ্বরের অঙ্গীকার গ্রহণ করিয়াছেন, এবং পূর্বে তোমরা ইয়ুসোফের সম্বন্ধে অপরাধ করিয়াছ?” যে পর্যন্ত আমাকে আমার পিতা আদেশ না করেন, অথবা ঈশ্বর আমাকে আজ্ঞা না করেন, সে পর্যন্ত আমি এস্থান ছাড়িব না; তিনিই শ্রেষ্ঠ আজ্ঞা-প্রচারক। ৮০। তোমরা তোমাদের পিতার নিকটে গমন কর, পরে তাঁহাকে বল যে,

* অনন্তর বণিকদিগকে ইয়ুসোফের অনুচরণ নগরে ফিরাইয়া আনিলা; তাহাদিগকে ইয়ুসোফের নিকটে উপস্থিত করিলে, তিনি লোকের সঙ্গের না হয়, এই উদ্দেশ্যে প্রথমতঃ সহোদর ভ্রাতার দ্রব্যাদ্বারা অনুসন্ধান না করিয়া, অন্য বণিকদিগের দ্রব্যাদ্বারা অনুসন্ধান করেন। পরে সহোদর ভ্রাতার দ্রব্যাদ্বারা হইতে জলপাত্র বাহির করা হয়। রাজবিধিতে চোরের যে শাস্তি নির্ধারিত আছে, স্বীয় ভ্রাতাকে সেই শাস্তি দান করা ইয়ুসোফ উচিত বোধ করিলেন না। (ত, হো,)

† বণিগণ বলিল, “যখন বেনরামিন চুরি করিল, তখন ইহার ভ্রাতা ইয়ুসোফ যে চুরি করিয়াছে, তদ্বিষয়ে কিছুই আশ্চর্য্য নহে।” কথিত আছে যে, ইয়ুসোফের মাতৃস্বামীর গৃহে একটা কুক্কট ছিল, একজন ভিক্ষুক দ্বারে উপস্থিত, অন্তঃ কেহ নিকটে ছিল না, ইয়ুসোফ সেই কুক্কটট ভিক্ষুককে দান করেন; তাহাতে তাহার আত্মবর্গ তাহার প্রতি কুক্কট চুরির অপবাদ দেয়। (ত, হো,)

“হে আমাদের পিতা, নিশ্চয় তোমার পুত্র চুরি করিয়াছে, এবং আমরা যাহা জানিতে-
ছিলাম, তদ্ব্যতীত সাক্ষ্য দান করি নাই ও আমরা গুপ্ত বিষয়ের সাক্ষী নহি। ৮১। এবং
যে স্থানে আমরা ছিলাম, সেই গ্রামকে প্রশ্ন কর ও যাহাদের প্রতি আমরা উপস্থিত
হইয়াছিলাম, সেই বণিগ্‌দলকে (প্রশ্ন কর ;) নিশ্চয় আমরা সত্যবাদী”*। ৮২। সে
বলিল, “বরং তোমাদের জন্ত তোমাদের অন্তর এক কার্য প্রস্তুত করিয়াছে ; অনন্তর
দৈর্ঘ্যই উত্তম, আশা যে, পরমেশ্বর সকলকে এক যোগে আমার নিকটে উপস্থিত
করিবেন। নিশ্চয় তিনি জ্ঞাতা ও নিপুণ ঈ।” ৮৩। এবং সে তাহাদিগ হইতে মুখ
ফিরাইল, এবং বলিল, “হায় ! ইয়ুসোফের সম্বন্ধে আমার আক্ষেপ ;” এদিকে শোকেতে
তাহার চক্ষু শুভ্র হইয়া গিয়াছিল ও সে দুঃখপূর্ণ ছিল। ৮৩। তাহারা বলিল, “ঈশ্বরের
শপথ, তুমি দিব্যরাশি ইয়ুসোফকে এতদূর পর্য্যন্ত স্মরণ করিতেছ যে, তাহাতে তুমি
রোগগ্রস্ত হইবে, অথবা মৃত্যুগ্রস্তদিগের অন্তর্গত হইবে”। ৮৫। সে বলিল, “ঈশ্বরের
নিকটে আমি আপন অস্থিরতা ও আপন শোকের কুংসা করিতেছি, এতদ্ভিন্ন নহে ; এবং
তোমরা যাহা জানিতেছ না, ঈশ্বর দ্বারা তাহা আমি জ্ঞাত আছি। ৮৬। হে আমার
পুত্রগণ, গমন কর, অনন্তর ইয়ুসোফ ও তাহার ভ্রাতার অল্পসন্ধান কর, এবং ঈশ্বরের
কৃপায় নিরাশ হইও না ; বাস্তবিক ধর্মদ্রোহী সম্প্রদায় ব্যতীত ঈশ্বরের কৃপায় নিরাশ হয়
না” ঈ। ৮৭। অনন্তর যখন তাহারা তাহার নিকটে প্রবেশ করিল, তখন বলিল, “হে

* “সেই গ্রামকে প্রশ্ন কর” অর্থাৎ মেসরের রাজধানীর লোকদিগকে প্রশ্ন কর। এবং মেসর হইতে
কোনান্‌তিমুখে যাত্রা করিয়া যে সকল বণিকের সঙ্গে আসিয়া আমরা মিলিত হইয়াছিলাম, তাহাদিগকে প্রশ্ন
কর। সেই সকল বণিক কোনান্‌নিবাদী ও ইয়কুবের প্রতিবেশী ছিল। (ত, হো,)

† ইয়কুবের সন্তানগণের জ্যেষ্ঠভ্রাতা বলিল, অথবা তাহার আজানুসারে চতুর্থ ভ্রাতা ইদ্বদা
কেনানে চলিয়া আইসে, এবং পিতার নিকটে উপস্থিত হইয়া, ভ্রাতা যাহা বলিয়াছিল, তাহা নিবেদন
করে ; তাহাতেই তিনি “বরং তোমাদের জন্ত” ইত্যাদি বলেন। (ত, হো,)

‡ ইয়কুব মেসরাধিপতির নিকটে এই মর্মে পত্র লিপিযাছিলেন, যথা ; “আমি এস্‌হাকের
পুত্র, এব্রাহিমের পৌত্র ইয়কুব, আমরা দুঃখ বিপদে আশ্রিত। নেমরুদ আমার পিতামহকে হস্ত
পদ বন্ধন করিয়া অগ্নিতে বিসর্জন করিয়াছিল, পরমেশ্বর তাহাকে উদ্ধার করেন। আমার পিতা
এস্‌হাকের গলদেশে ছুরিকা অর্পিত হইয়াছিল, পরে ঈশ্বর তাহার বিনিময়ে এক মেঘকে বলিক্রমে
প্রেরণ করিয়াছিলেন। আমার এক পুত্র ছিল, তাহাকে আমি সকল পুত্র অপেক্ষা অধিকতর স্নেহ
করিতাম, তাহার ভ্রাতৃগণ তাহাকে অরণ্যে লইয়া যায়, শোণিতলিপ্ত বস্ত্র আমাকে অর্পণ করিয়া
বলে যে, সেই ভ্রাতাকে বাস্ত্রে ভক্ষণ করিয়াছে। আমি তাহার বিচ্ছেদে এরূপ ক্রন্দন করিয়াছি যে,
তাহাতে আমার চক্ষুর তারা শুভ্র হইয়া গিয়াছে। তাহার এক সহোদর ভ্রাতা ছিল, তদ্বারা আমি
সাধনা গ্ৰাভ করিতেছিলাম, আপনি তাহাকে চোর বলিয়া আবদ্ধ করিয়া রাখিয়াছেন। আমরা
ঈদূশ বংশের লোক নহি যে, চুরি করিব, কিংবা আমাদের দ্বারা চুরি হইতে পারে। যদি আপনি
সেই বালককে প্রত্যর্পণ করেন, ভালই ; নচেৎ এরূপ অভিসম্পাত করিব যে, আপনার সন্তানের প্রতি
তাহা কলিবে।” ইয়কুব এই প্রকার পত্র লিখিয়া সন্তানগণের নিকটে অর্পণ করেন, এবং তৈল,

আজিজ, আমাদের প্রতি ও আমাদের আত্মীয়দিগের প্রতি দুঃখের সঞ্চার হইয়াছে, এবং আমরা সামান্য মূলধন আনয়ন করিয়াছি; অতএব আমাদের (খাতির) পরিমাণ পূর্ণ করিয়া দেও, আমাদের প্রতি সদকা কর। নিশ্চয় ঈশ্বর সদকাদাতাদিগকে পুরস্কার দান করেন” *। ৮৮। সে বলিল, “যখন তোমরা মূর্থ ছিলে, তখন ইয়ুসোফের প্রতি ও তাহার ভ্রাতার প্রতি যাহা করিয়াছিলে, তাহা কি জ্ঞাত আছ” ? †। ৮৯। তাহার বলিল, “সত্যই তুমি কি ইয়ুসোফ ?” সে বলিল, “আমিই ইয়ুসোফ এবং এই আমার ভ্রাতা, একান্তই পরমেশ্বর আমাদের প্রতি কল্যাণ বিধান করিয়াছেন; বস্তুতঃ যে ব্যক্তি ধর্মভীরু হয় ও বৈধ ধারণ করে, পরে নিশ্চয় ঈশ্বর সেই হিতকারীর পুরস্কার নষ্ট করেন না”। ৯০। তাহার বলিল, “ঈশ্বরের শপথ, সত্য সত্যই ঈশ্বর আমাদের উপর তোমাকে মনোনীত করিয়াছেন, এবং নিশ্চয় আমরা অপরাধী ছিলাম ‡।” ৯১। সে বলিল, “অন্ত তোমাদের প্রতি অন্তযোগ নাই, তোমাদিগকে পরমেশ্বর ক্ষমা করিবেন, তিনি দয়ালুদিগের মধ্যে শ্রেষ্ঠ দয়ালু। ৯২। তোমরা আমার এই কামিজ লইয়া যাও, পরে ইহা আমার পিতার মুণের উপর নিক্ষেপ কর, তিনি চক্ষুস্থান হইবেন; § এবং তোমরা আপন স্বগণদিগকে একযোগে আমার নিকটে আনয়ন কর।” ৯৩। (র, ১০, আ, ১৪)

এবং যখন সেই বণিগদল (মেসর হইতে) প্রস্থান করিল, তখন তাহাদের পিতা বলিল, “যদি তোমরা আমাকে বুদ্ধিভ্রষ্ট মনে না কর, তবে নিশ্চয় আমি ইয়ুসোফের গন্ধ প্রাপ্ত হইতেছি ¶।” ৯৪। (উপস্থিত লোকেরা) বলিল, “ঈশ্বরের শপথ, সত্যই তুমি

কার্পাস ও পনির ইত্যাদি কিঞ্চিৎ মূলধন সংগ্রহ করিয়া তাহাদিগকে পুনর্বার মেসরে পাঠাইয়া দেন। তাহার তৎসহ ইয়ুসোফের নিকটে উপস্থিত হয়। (ত, হো,)

* ঈশ্বরোদ্দেশে দরিদ্রদিগকে যাহা দান করা হয়, তাহাকে সদকা বলে।

† ইয়ুসোফের জ্যেষ্ঠ ভ্রাতৃগণ ইয়ুসোফকে যে কুপে নিক্ষেপ করিয়াছিল, তাহা সর্বত্র প্রসিদ্ধ। কিন্তু তাহার ভ্রাতা বেনয়ামিনের প্রতি কিরূপ দুর্ব্যবহার করিয়াছিল, তাহার কোন বিশেষ বৃত্তান্ত পাওয়া যায় না। তবে নিকট মনে করিয়া তাহার প্রতি তুচ্ছ তামূল্য প্রকাশ করিত, তাহার সঙ্গে সম্ভাবে কথা কহিত না। (ত, হো,)

‡ কথিত আছে, ভ্রাতৃগণ ইয়ুসোফকে চিনিয়াই সিংহাসনের দিকে অগ্রসর হইয়াছিল, এবং তাহার পদচূষন করিয়াছিল। ইয়ুসোফ সিংহাসন হইতে নামিয়া তাহাদিগকে আলিঙ্গন দান করেন। (ত, হো,)

§ ঈশ্বরের নিকটে প্রত্যেক রোগের ঔষধ আছে, পুত্রবিচ্ছেদে ইয়কুবের চক্ষু দৃষ্টিশক্তিহীন হইয়াছিল, পুত্রের শরীরের এক জব্যের সংস্পর্শে দৃষ্টি লাভ হইল। মহাত্মা ইয়ুসোফের এই এক অদ্ভুত ক্রিয়া প্রকাশ পাইয়াছিল। (ত, ফা,)

¶ জ্যেষ্ঠ ভ্রাতা ইহুদা বলিয়াছিল যে, “হে ইয়ুসোফ, পূর্বে শোণিতলিপ্ত বস্ত্র পিতার নিকটে উপস্থিত করিয়াছিলাম, এক্ষণ তোমার গাত্রের কামিজ আমার প্রতি অর্পণ কর, আমি তাহা লইয়া

স্বীয় পুরাতন ভ্রান্তিতে আছ”। ২৫। অনন্তর যখন হুসংবাদদাতা উপস্থিত হইল, তখন তাহার মুখের উপর তাহা নিষ্ক্ষেপ করিল, তৎপর সে চক্ষুমান হইল। সে বলিল, “আমি কি তোমাদিগকে বলি নাই যে, তোমরা যাহা জানিতেছ না, নিশ্চয় আমি ঈশ্বর দ্বারা তাহা জানিতেছি”। ২৬। তাহারা বলিল, “হে আমাদের পিতা, আমাদের জ্ঞাত আমাদের অপরাধ ক্ষমা প্রার্থনা কর, সতাই আমরা অপরাধী হইয়াছি”। ২৭। সে বলিল, “অবশ্য আপন প্রতিপালকের নিকটে তোমাদের জ্ঞাত ক্ষমা প্রার্থনা করিব, নিশ্চয় তিনি ক্ষমাশীল দয়ালু”। ২৮। অনন্তর যখন তাহারা ইয়ুসোফের নিকটে প্রবেশ করিল, তখন সে স্বীয় পিতা মাতাকে আপন সন্নিধানে স্থান দান করিল, এবং বলিল, “যদি ঈশ্বর ইচ্ছা করিয়াছেন, তবে তোমরা শাস্তিযুক্ত হইয়া মেসরে প্রবেশ কর” *। ২৯। এবং সে আপন পিতা ও মাতাকে সিংহাসনের উপর বসাইল, এবং তাহার উদ্দেশ্যে তাহারা নমস্কার করিয়া পতিত হইল। সে বলিল, “হে আমার পিতা, আমার পূর্বতন স্বপ্নের ইহাই ব্যাখ্যা, নিশ্চয় আমার প্রতিপালক তাহা সত্য করিয়াছেন; এবং যখন আমাকে তিনি কারাগার হইতে বাহির করিলেন, নিশ্চয় তখন আমার প্রতি উপকার বিধান করিলেন, এবং অরণ্যে আমার ও আমার ভ্রাতৃগণের মধ্যে শয়তান বিরোধ উপস্থিত করিয়াছিল, তাহার পর তথা হইতে তোমাদিগকে লইয়া আসিলেন; নিশ্চয় আমার প্রতিপালক যাহাকে ইচ্ছা করেন, তৎপ্রতি কোমল ব্যবহারকারী হন। নিশ্চয় তিনি জ্ঞাত ও নিপুণ *। ১০০। হে আমার প্রতিপালক, তুমি আমাকে রাজ্য দান করিয়াছ, এবং বাইব ও পিতাকে প্রদান করিব; হয়তো ইহা পাইয়া তিনি সেই দুঃখ ভুলিয়া যাইবেন।” তদনুসারে ইয়ুসোফ স্বীয় কামিজ তাহাকে প্রদান করেন। কথিত আছে যে, সেই কামিজ মহাপুরুষ এত্রাহিমের ছিল, স্বর্গীয় দূতের সাহায্যে ইয়ুসোফ তাহা প্রাপ্ত হইয়াছিলেন। ইয়ুসোফ সেই কামিজ এবং পিতামাতা ও আত্মীয়স্বজনের আগমনের জন্ত পাথের দ্রব্যজাত ইহুদার হস্তে সমর্পণ করিলেন। ইহুদা ভ্রাতৃবর্গসহ মেসর হইতে কেনানে যাত্রা করিলে, ঈশ্বরের আদেশে সমীরণ সেই অঙ্গবস্ত্রের সৌরভ ইয়কুবের ভ্রাণেল্লিয়ে অর্পণ করে।

(ত, হো,)

* ইয়কুব যখন মেসরের নিকটবর্তী হইল, তখন ইয়ুসোফ নরপতি রয়্যণ ও প্রধান প্রধান রাজকর্মচারী এবং সৈন্ত সামন্তসহ পিতাকে অভ্যর্থনা করিয়া গ্রহণ করিবার জন্ত অগ্রসর হন। ইয়কুব সম্ভানগণসহ এক ক্ষুদ্র পর্বতে আরোহণ করিয়া লোকজনের ঘটা ও সৈন্তাশ্রয়দর্শনে বিম্বিত হইয়াছিলেন। ইয়ুসোফ পিতাকে দেখিয়াই যান হইতে অবতরণ করেন, ইয়কুবও পদব্রজে অগ্রসর হন। ইয়কুব ইয়ুসোফকে দেখিয়া মন্তক নত করিয়া সম্মান প্রদর্শনপূর্বক তাঁহাকে আলিঙ্গনপাশে বদ্ধ করেন, এবং উভয়ে পরস্পর স্বন্ধ ধারণ করিয়া আনন্দাশ্রু বর্ষণ করিতে থাকেন। মেসরের নিকটবর্তী একস্থানে উচ্চ রাজপ্রাসাদ ছিল, ইয়ুসোফ সেই প্রাসাদে পিতামাতাসহ উপস্থিত হন। ইয়ুসোফের গর্ভধারিণী ছিলেন না, মাতৃঘনাই জননীর স্থলবর্তিনী ছিলেন। সেই প্রাসাদে আসিয়া ইয়ুসোফ পিতাকে আলিঙ্গন দান, জননীকে ও ভ্রাতৃগণকে বিশেষভাবে সম্ভাষণ করিলেন। কেহ বলেন, চল্লিশ বৎসর পরে, কেহ বলেন, ষাট বৎসর পর ইয়ুসোফের সঙ্গে ইয়কুবের পুনর্দর্শন হইয়াছিল।

(ত, হো,)

† হুসংবাদ পরমেশ্বরের কৃপায়, দুঃখ বিপদ শয়তানের প্ররোচনায় হইয়া থাকে, এরূপ লিখিত

বৃত্তান্তের ব্যাখ্যা করিতে শিক্ষা দিয়াছ ; তুমি স্বর্গ ও পৃথিবীর সৃষ্টিকর্তা ও তুমি ইহলোক ও পরলোকে বন্ধু, আমাকে বিশ্বাসী অবস্থায় মৃত্যুগ্রস্ত করিও, এবং সাধুদিগের সঙ্গে আমাকে মিলিত করিও।” ১০১। (হে মোহাম্মদ,) ইহা অব্যক্ত সংবাদাবলী, আমি তোমার প্রতি ইহা প্রত্যাদেশ করিতেছি ; * এবং যখন তাহারা আপন কার্যের যোজনা করিয়াছিল ও তাহারা চলনা করিতেছিল, তখন তুমি তাহাদের নিকটে ছিলে না। ১০২। এবং যদি তুমি বিশ্বাসী হইবার জন্ত উত্তেজনা কর, অধিকাংশ লোক (তাহাতে সম্মত) নয়। ১০৩। তুমি তাহাদের নিকটে ইহার জন্ত (কোর্-আন্ প্রচারের জন্ত) কোন পুরস্কার প্রার্থনা করিতেছ না, ইহা জগৎবাসীদিগের জন্ত উপদেশ ব্যতীত নহে। ১০৪। (র, ১১, আ, ১১)

এবং আকাশে ও পৃথিবীতে (এমন) কত নিদর্শন আছে, যাহার উপর তাহারা সঞ্চরণ করিতেছে, এবং তাহারা তাহা হইতে মুখ ফিরাইতেছে †। ১০৫। এবং তাহাদের অধিকাংশই ঈশ্বরের প্রতি বিশ্বাস করে না, কিন্তু তাহারা অঙ্গী নির্দারণকারী। ১০৬। অনন্তর তাহাদের নিকটে যে ঐশ্বরিক আবেষ্টনকারী দণ্ড আসিয়া পড়িবে, কিম্বা অকস্মাৎ কেয়ামত তাহাদের নিকটে উপস্থিত হইবে, তাহা হইতে কি তাহারা নির্ভয় হইয়াছে? বস্তুতঃ তাহারা জানিতেছে না। ১০৭। তুমি বল, ইহাই আমার পক্ষা, আমি ঈশ্বরের দিকে আহ্বান করিতেছি, আমি ও যে ব্যক্তি আমার অনুসরণ করে, সে চক্ষুমান; ঈশ্বরেরই পবিত্রতা, আমি অংশিবাদীদিগের অন্তর্গত নহি। ১০৮। এবং গ্রামবাসীদিগের যাহাদের প্রতি আমি প্রত্যাদেশ করিয়াছি, তাহারা ভিন্ন (অস্ত্র) পুরুষদিগকে তোমার পূর্বে আমি প্রেরণ করি নাই ; অনন্তর তাহারা কি পৃথিবীতে ভ্রমণ করে নাই? তাহা হইলে তাহাদের পূর্বে যাহারা ছিল, তাহাদের কিরূপ পরিণাম হইয়াছে, তাহারা দেখিত ; এবং যাহারা ধর্মভীরু হইয়াছে, নিশ্চয় তাহাদের জন্ত পার-লৌকিক আলায় উত্তম। পরন্তু তোমরা কি বুঝিতেছ না?। ১০৯। যদবধি প্রেরিতপুরুষগণ নিরাশ হইল, এবং মনে করিল যে, তাহারা মিথ্যা বলিতেছে, ‡ তদবধি তাহাদের নিকটে আমার সাহায্য উপস্থিত হইল ; অনন্তর যাহাকে আমি ইচ্ছা করিলাম, তাহাকে মুক্তি দেওয়া গেল, অপরাধিদল হইতে আমার শাস্তি প্রতিরোধ করা যায় না। ১১০।

হইল। পূর্বে মুস্লিমিত আদমকে অগ্নিসমুত দেবতাগণ নমস্কার করিয়াছিলেন, এক্ষণ ঈশ্বরোদ্দেশে ব্যতীত নমস্কার করার বিধি নাই ; কিন্তু ইয়ুসোফের সময়ে এই রীতি প্রচলিত ছিল। (ত, কা,)

* অর্থাৎ তওরাতে ও পূর্বতন গ্রন্থ সকলে ইহার উল্লেখ নাই, ইহা নূতন ব্যক্ত হইল। (ত, কা,)

† “যাহার উপর তাহারা সঞ্চরণ করিতেছে” অর্থাৎ যাহার তত্ত্ব জানিতেছে, এবং যাহার অবস্থা অবলোকন করিতেছে। “মুখ ফিরাইতেছে”, অর্থাৎ চিন্তা করিতেছে না। (ত, আ,)

‡ প্রেরিতপুরুষগণ মনে করিল যে, কাকের লোকেরা বিশ্বাসের অঙ্গীকারে তাহাদের সঙ্গে মিথ্যা বলে। (ত, হো,)

সত্য সত্যই বুদ্ধিমান লোকদিগের জ্ঞান তাহাদের আখ্যায়িকা সকলেতে উপদেশ আছে ; আমার কথা এরূপ নহে যে, (অসত্যে) বদ্ধ হইবে ; কিন্তু যাহা তাহার সম্মুখে আছে, উহা তাহার প্রমাণ ও সকল বিষয়ের বর্ণনা এবং বিশ্বাসী দলের জ্ঞান দয়া ও পথ-প্রদর্শন * ।
১১১ । (র, ১২, আ, ৭,)

সূরা রঅদ †

.....

ত্রয়োদশ অধ্যায়

.....

৪৩ আয়ত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি ।)

সেই গ্রন্থের এই সকল আয়ত, এবং তোমার প্রতিপালক হইতে তোমার প্রতি, (হে মোহম্মদ,) যাহা অবতীর্ণ হইয়াছে, তাহা সত্য ; কিন্তু অধিকাংশ মনুষ্য বিশ্বাস করে না । ১ । নভোমণ্ডলকে যে তোমরা দেখিতেছ, তাহা যিনি স্তম্ভ ব্যতীত উন্নয়িত করিয়াছেন, তিনিই ঈশ্বর । তৎপর সিংহাসনের উপর তিনি স্থিতি করিয়াছেন, এবং চন্দ্র ও সূর্যকে বশীভূত রাখিয়াছেন, প্রত্যেকে নির্দ্ধারিত সময়ে সঞ্চরণ করিতেছে ; তিনি কার্য সম্পাদন করেন, এবং নিদর্শন সকল বর্ণনা করেন । ভরসা যে, তোমরা স্বীয় প্রতিপালকের সাক্ষাৎকারে বিশ্বাসী হইবে । ২ । এবং তিনিই যিনি ভূতলকে প্রসারিত করিয়াছেন, এবং তন্মধ্যে গিরিশ্রেণী ও নিব্বারপুঞ্জ সৃষ্টি করিয়াছেন, এবং তাহার মধ্যে সমুদায় ফলের দুই দুই জাতি সৃজন করিয়াছেন, ‡ তিনি দিবা দ্বারা রজনীকে আচ্ছাদিত করেন ; চিন্তাশীল দলের জ্ঞান নিশ্চয় ইহাতে নিদর্শন সকল আছে । ৩ । এবং ভূতলে

* “আমার কথা” অর্থাৎ আমার কোর্-আন্ । “যাহা তাহার সম্মুখে আছে, উহা তাহার প্রমাণ” অর্থাৎ তওরাত বাইবলাদি যে সমস্ত ধর্মগ্রন্থ কোর্-আনের নিকটে উপস্থিত আছে, কোর্-আন্ তাহার প্রমাণ ।
(ত, হো,)

† মক্কাতে এই শুরার আবির্ভাব হয় । ইহার ব্যবচ্ছেদক শব্দ “আলম্মা” ; ব্যবচ্ছেদক শব্দের বর্ণাবলী যে সকল বাক্যের সারাংশ, সেই সমস্ত বাক্য ঈশ্বরের গুণ প্রকাশ করে, যথা, “আলম্মার” ‘আ’ তাঁহার দান, ‘ল’ তাঁহার অনন্ত কোমলতা, ‘ম’ তাঁহার অক্ষয় রাজত্ব ব্যক্ত করে ।
(ত, হো,)

‡ বিবিধ জাতীয় ফল, যথা—রক্ত ও পীত, কৃষ্ণ ও শুভ্র, বৃহৎ ও ক্ষুদ্র, অন্ন ও মধুর, উষ্ণ ও শীতল, শুষ্ক ও সরস, বনজাত ও উদ্ভানজাত ইত্যাদি ।
(ত, হো,)

পরম্পর সংলগ্ন বিভাগ সকল আছে, ও আশ্রমের উদ্ভাৱন সকল এবং ক্ষেত্র সকল ও বহু
শাখাবিশিষ্ট তরু ও বহুশাখাবিহীন খোন্দা তরু সকল আছে ; (সে সকল) একবিধ জলে
অভিযুক্ত হয়, এবং ফল সম্বন্ধে আমি পরম্পরকে পরম্পরের উপর (বিভিন্ন) উন্নতি দান
করিতেছি। সতাই যাহারা জ্ঞান রাখে, সেই দলের জগৎ ইহার মধ্যে নিদর্শন সকল
আছে * । ৪ । এবং যদি তুমি আশ্চর্য্যান্বিত হও, তবে তাহাদের বাক্য আশ্চর্য্য, “কি
আমরা যখন যুক্তিকা হইব, তখন কি সতাই নূতন সৃজনে আসিব ?” ইহাৱাই যাহারা
স্বীয় প্রতিপালকের সম্বন্ধে বিরোধী, ইহাৱাই যে ইহাদের গলদেশে বন্ধন আছে, এবং
ইহাৱাই নরকলোকনিবাসী, ইহারা তথায় চিরনিবাসী হইবে । ৫ । এবং তাহারা মঙ্গলের
পূর্বে তোমা হইতে অমঙ্গলকে সম্বরণ চাহিতেছে, এবং নিশ্চয় তাহাদের পূর্বে (শাস্তির)
দৃষ্টান্ত সকল হইয়া গিয়াছে ; এবং নিশ্চয় তোমার প্রতিপালক মহুয়ের জগৎ তাহাদের
অত্যাচারসম্বন্ধে ক্ষমাকারী, এবং নিশ্চয় তোমার প্রতিপালক কঠিন শাস্তিদাতা ॥ ৬ ।
এবং ধর্ম্মদ্রোহিণ বলিয়া থাকে, “তাহার প্রতিপালক হইতে তৎপ্রতি কেন অলৌকিকতা
অবতীর্ণ হইল না ?” তুমি ভয়প্রদর্শক, ও সমুদায় জাতির জগৎ পথপ্রদর্শক, এতদ্ভিন্ন
নহে । ৭ । (র, ১, আ, ৭)

সমুদায় নারী যাহা গৰ্ভে ধারণ করে, এবং গৰ্ভ সকল যাহা হীন করে ও যাহা বৃদ্ধি করে, ঈশ্বর তাহা জ্ঞানেন ; এবং প্রত্যেক বস্তু তাঁহার নিকটে পরিমেয় ঃ। ৮। তিনি

* একবিধ জলে প্রতিপালিত তরুশ্রেণীতে বিভিন্ন ফলপুষ্প উৎপন্ন হইতেছে, ইহা ঐশী শক্তি ব্যতীত হইতে পারে না। মানবজাতির সম্বন্ধেও এই দৃষ্টান্ত সংলগ্ন হয়। এক মাতা পিতা হইতে মানবজাতির জন্ম, কিন্তু আকৃতি প্রকৃতি, বর্ণ ও শব্দ চরিত্রাদি বিভিন্ন হয়। মানসিক গুণ ও শক্তিবিশয়ে সমুদায় মনুষ্য পরস্পর বিভিন্ন হয়।

(ত, হো,)

(ভ, হো,)

† যখন হজরত কাকেরদিগকে শাস্তির কথা বলিয়া ভয় প্রদর্শন করিতেছিলেন, তখন হারেসের পুত্র নজর ও অন্ত্র কোন কোন ব্যক্তি উপহাস করিয়া বলে যে, “শীঘ্র শাস্তি উপস্থিত কর।” পরমেশ্বর হজরতের প্রতি অসত্যারোপকারী কাকেরদিগকে শাস্তিদানে কেয়ারত পর্যন্ত বিলম্ব করা স্থির করিয়াছেন, এবং এই দলের মূলোচ্ছেদক দণ্ড রহিত করিয়াছেন। ঈশ্বর হইতে কলাপলাভের বিলম্ববশতঃ কাকেরগণ মূলোচ্ছেদক শাস্তি সম্বন্ধে চাহিতেছে, আশ্চর্য্য যে, তাহারা শাস্তি প্রার্থনা করিতেছে। অহঙ্কার ও অগ্রাহ্য করার নিমিত্ত কাকেরদিগের প্রতি কঠিন শাস্তি নিদ্ধারিত। পুনশ্চ তিনি ক্ষমাশীল, যেন কেহ তাঁহার দয়াতে নিরাশ না হয়; তিনি শাস্তিদাতা, যেন কেহ তাঁহার সম্বন্ধে নির্ভয় না হয়। বিশ্বাসী লোকেরা ভয় ও আশার পথ অবলম্বন করেন। তাঁহার দণ্ডদানের অঙ্গীকার না থাকিলে সকল লোক তাঁহার ক্ষমার প্রতি নির্ভর করিয়া পাপ কার্য্য হইতে বিরত হইত না, এবং তাঁহার ক্ষমা না থাকিলে কাহারও আমোদ প্রমোদে রুচি হইত না। (ত, হো,)

(ত, হো,)

† “গর্ভ সকল যাহা হীন করে ও যাহা বৃদ্ধি করে, ঈশ্বর তাহা জানেন” অর্থাৎ গর্ভে যে সন্তান অপূর্ণাঙ্ক হয়, কিংবা যে জ্ঞানের অতিরিক্ত অঙ্ক হয়, ঈশ্বর তাহা জানেন। অথবা সন্তানের সম্বন্ধানুসারে এই নানাবিধা, যথা, গর্ভ এক সন্তান, বা একাধিক সন্তান বহন করিতেছে, ঈশ্বর তাহা জানেন। (ত, হো,)

(ত, হো,)

বাহ ও অন্তরের জ্ঞাতা ও মহান্ ও শ্রেষ্ঠ। ৯। তোমাদের যে ব্যক্তি বাক্য গোপন করে ও যে ব্যক্তি তাহা উচ্চৈঃস্বরে বলে; এবং যে ব্যক্তি রজনীতে প্রচ্ছন্ন ও যে ব্যক্তি দিবাভাগে বিচরণকারী, (তাহার নিকটে) তুল্য। ১০। তাহার জন্ত প্রহরী সকল তাহার অগ্রে ও তাহার পশ্চাতে আছে, তাহারা ঈশ্বরের আজ্ঞামুসারে তাহাকে রক্ষা করে; যে পর্যন্ত তাহাদের অন্তরে যাহা আছে, তাহারা তাহার পরিবর্তন (না) করে, সে পর্যন্ত পরমেশ্বর কোন সম্প্রদায়ের কিছু পরিবর্তন করেন না; * এবং যখন ঈশ্বর কোন সম্প্রদায়ের প্রতি দুর্গতি ইচ্ছা করেন, তখন তাহার নিবারক নাই, এবং তাহাদের নিমিত্ত তিনি ব্যতীত কার্যসম্পাদক নাই। ১১। তিনিই যিনি তোমাদিগকে ভয় ও লোভের জন্ত বিদ্যুৎ প্রদর্শন করিয়া থাকেন, এবং ঘন মেঘ উৎপাদন করেন। ১২। জলদ-নির্গোষ তাঁহার প্রশংসাতে ও দেবগণ তাঁহার ভয়েতে স্তব করে; এবং তিনি বজ্র সকল প্রেরণ করেন, অনন্তর যাহাদের প্রতি ইচ্ছা হয়, তৎপ্রতি উহা সঞ্চারিত করিয়া থাকেন, এবং তাহারা ঈশ্বরের সম্বন্ধে বিতণ্ডা করে, তিনি অতিশয় কঠিন। ১৩। তাঁহার

* মানুষের অগ্র পশ্চাতে সর্গীয়দূতগণ প্রহরীর কার্য করেন, মনুষ্যের কার্য ও বাক্য তাঁহার লিখিয়া রাখেন। ইহাদিগকে “কোরামোল কাতবিন” (শ্রেষ্ঠ লিপিকর) বলে। ঈশ্বর মনুষ্যদিগকে দুঃখ বিপদ ও ছল চক্রান্ত হইতে রক্ষা করিবার জন্ত দেবতাদিগকে সৃষ্টি করিয়াছেন। কেহ বলেন, দিবাভাগের জন্ত দশ জন এবং রাত্রির জন্ত দশ জন দেবতা নিযুক্ত। (ত, হো,)

অর্থাৎ পরমেশ্বর কোন জাতিতে সে পর্যন্ত স্বীয় অনুগ্রহ ও রক্ষাকার্য্য হইতে বঞ্চিত করেন না, যে পর্যন্ত তাহারা আপন ভাব প্ৰত্যেকে ঈশ্বরের বিরোধী না করে; সে পর্যন্ত ঈশ্বর হইতে আনুকূল্য পাইয়া থাকে। (ত, কা,)

+ বৃষ্টি যাহাদিগের হানি করিতে পারে, এমন পলিকদিগকে ভয় দেখাইয়া সতর্ক করিতে এবং যে সকল গৃহবাসী বৃষ্টির প্রার্থী, তাহাদিগকে আশা দিবার জন্ত ঈশ্বর বিদ্যুৎ প্রকাশ করেন। (ত, হো,)

‡ রোবয়ের পুত্র আরিদ বজ্রপাতে নিহত হইয়াছিল। হজরতের মদিনা প্রস্থানের নবম বৎসরে তোকয়লের পুত্র আমের আরিদকে বলিয়াছিল যে, “চল আমরা মোহম্মদের সঙ্গে সাক্ষাৎ করিতে যাই; যখন আমি তাহার সঙ্গে কথোপকথনে প্রবৃত্ত হইব, তখন তুমি পশ্চাদ্গত হইতে আসিয়া তাহার গলদেশে করবালের আঘাত করিও।” এইরূপ স্থির করিয়া আমের হজরতের নিকটে উপস্থিত হয়, এবং তাঁহার সঙ্গে কথোপকথন করিতে থাকে। অনেক বাগবিতণ্ডার পর সে বলিল, “হে মোহম্মদ, আমি এক্ষণ যাইতেছি, বহুসংখ্যক অশাক্ত ও পদাতিক দুর্জয় সৈন্য তোমাকে আক্রমণ করিবার নিমিত্ত সজ্জ হইতেছি।” এই বলিয়া সে আরিদের সঙ্গে বাহিরে চলিয়া গেল। তখন হজরত প্রার্থনা করিলেন যে “হে ঈশ্বর, এই দুই জনকে যেরূপ তোমার ইচ্ছা হয়, শাস্তি দান কর।” অনন্তর আমের আরিদকে বলিল, “সেই সকল পরামর্শ কোথায় চলিয়া গেল, তুমি কেন করবাল চালনা কর নাই?” আরিদ বলিল, “যখন আমি মোহম্মদকে করবালের আঘাত করিতে উদ্ভূত হইয়াছিলাম, তুমি আমার ও তাহার মধ্যে ব্যবধান হইয়াছিলে, তজ্জন্তই স্বেযোগ হইয়া উঠে নাই।” পরে তাহারা মদিনার বাহিরে চলিয়া গেল। ইতিমধ্যে অকস্মাৎ বজ্রপাতে আরিদ নষ্ট হইল, আমেরও পশ্চিমদিকে কোন দূর্য্যটনায় পতিত হইয়া প্রাণত্যাগ করিল। সেই সময়ে এক জন ইহুদি

উদ্দেশ্যেই প্রার্থনা করা সত্য, এবং তাহারা ঈশ্বরকে ছাড়িয়া যাহাদিগের নিকটে প্রার্থনা করে, তাহারা তাহাদের (প্রার্থনা) কিছুই গ্রাহ্য করে না; যেমন কেহ স্বীয় হস্তদ্বয় জলের দিকে প্রসারণ করে, যেন তাহার মুখে তাহা উপস্থিত হয়, কিন্তু তাহা তাহার প্রতি উপস্থিত হইবার নয়; তদ্রূপ ধর্মদ্রোহীদিগের প্রার্থনা নিফল হয়, ইহা ভিন্ন নহে * । ১৪ । যে কেহ স্বর্গে ও পৃথিবীতে আছে, তাহারা ও তাহাদের ছায়া প্রাতঃসন্ধ্যা ইচ্ছায় হউক, অনিচ্ছায় হউক, ঈশ্বরকে নমস্কার করে † । ১৫ । তুমি জিজ্ঞাসা কর, কে দুালোক ও ভুলোকের প্রতিপালক ? বল, ঈশ্বরই; জিজ্ঞাসা কর, অনন্তর তোমরা কি তাঁহাকে ছাড়িয়া (এমন) বন্ধু গ্রহণ করিয়াছ, যাহারা আপন জীবনের ক্ষতি বৃদ্ধি করিতে সক্ষম নহে ? জিজ্ঞাসা কর, অন্ধ ও চক্ষুমান কি তুলা ? অথবা অন্ধকার ও আলোক কি তুলা ? তাহারা কি ঈশ্বরের জ্ঞান এমন অংশী সকলকে নির্দারিত করে যে, তাহারা তাঁহার সৃষ্টির ন্যায় সৃষ্টি করিয়াছে ? অতএব তাহাদের প্রতি সৃষ্টির উপনা হইয়াছে ? বল, ঈশ্বর সমুদায় পদার্থের সৃষ্টিকর্তা এবং তিনি একমাত্র বিজ্ঞেতা । ১৬ । তিনি আকাশ হইতে জল অবতারণ করিয়াছেন, অনন্তর তৎপরিমাণে নদী সকল প্রবাহিত হইয়াছে, পরে জলপ্রবাহ উপরে ফেনপুঞ্জ ধারণ করিয়াছে; এবং যে বস্তু হইতে অলঙ্কার অথবা তৈজস সামগ্রীর অধেষণ হয়, অগ্নিসমূহ তাহাকে জালান হইয়া থাকে, (উহা) তৎসদৃশ ফেন (খাদ) হয় । এইরূপ পরমেশ্বর সত্য ও অসত্যের বর্ণনা করেন, কিন্তু ফেন (বা খাদ) পরে অসার হইয়া দূরীভূত হয়, এবং যে বস্তু লোকের উপকারে আইসে, অবশেষে তাহা পৃথিবীতে থাকে । এই প্রকার পরমেশ্বর দৃষ্টান্ত সকল বর্ণন করেন ‡ । ১৭ ।

হজরতের নিকটে আসিয়া ব্যঙ্গ করিয়া বলিল, “তোমার ঈশ্বর মুক্তানির্মিত, না, স্ববর্ণনির্মিত ?” তখনই অশনিপাত হইয়া তাহাকে দন্দ করিল । তৎকালে ঈশ্বর এই আয়ত প্রেরণ করিলেন ।

(ত, হো,)

* কোন তৃষ্ণার্ত কূপের নিকটে উপস্থিত হইয়া, হস্ত প্রসারণপূর্বক জল তুলিয়া পান করিবার চেষ্টা করিলে, তাহার সেই চেষ্টা যেমন বিফল হয়, ঈশ্বর ব্যতীত অস্ত্রের নিকটে প্রার্থনা ও দ্রুপ বিফল হইয়া থাকে ।

(ত, হো,)

† যে ব্যক্তি ঈশ্বরের প্রতি বিশ্বাস স্থাপন করিয়াছেন, তিনি আত্মদুর্ভাগ্য তাঁহার আত্মা শিরোধার্য করেন, এবং যে জন বিশ্বাস স্থাপন করে নাই, পরিণামে সেও ঈশ্বরের আদেশ মান্য করিতে বাধ্য হয় । প্রাতঃসন্ধ্যা সমুদ্যতের ও বস্তুজাতের ছায়া সকল ভূমিতলে বিস্তৃত হইয়া থাকে, ইহাও ঈশ্বরোদ্দেশ্যে নমস্কাররূপ ।

(ত, ফা,)

‡ অর্থাৎ স্বর্ণ হইতে সত্য ধর্ম অবতীর্ণ হয় । প্রত্যেক মনুষ্য স্ব স্ব ক্ষমতানুসারে তাহা গ্রহণ করে, পরে সত্য ও মিথ্যার, স্বর্গীয় ও পার্থিবের প্রভেদ বুঝিয়া লয় । যেমন পৃথিবীতে আকাশ হইতে বারিবারিত হইয়া নদীরূপে প্রবাহিত হইয়া থাকে ও স্বর্ণরজতাদি ধাতু অগ্নিসংযোগে দ্রবীভূত হয়, এবং নদী-প্রবাহের উপর ফেনপুঞ্জ ও দ্রবীভূত ধাতুর উপর খাদ উঠিয়া থাকে । ফেনপুঞ্জ ও খাদরাশি অসার, অবশ্য ও অপ্রয়োজনীয়, তাহা বহির্নিষ্কৃত হয়, সার বস্তুই কার্যে ব্যবহৃত হইয়া থাকে,

যাহারা স্বীয় প্রতিপালকের (বাক্য) গ্রাহ্য করিয়াছে, তাহাদের জন্ত কল্যাণ ; এবং যাহারা তাহা গ্রাহ্য করে নাই, যদি পৃথিবীতে যাহা কিছু আছে, তৎসমুদায় তাহাদের হয় এবং তৎসদৃশ (সমুদয়) তাহাদের সঙ্গে থাকে, তাহারা অবশ্য তাহা (শাস্তির) বিনিময় (স্বরূপ) দান করিবে। ইহারাই যে, ইহাদের জন্ত দুর্ভাগ্য বিচার, ইহাদের আশ্রয়ভূমি নরকলোক ও (তাহা) কুৎসিত স্থান। ১৮। (র, ২, আ, ১১)

অনন্তর তোমার প্রতিপালক হইতে তোমার প্রতি যাহা অবতীর্ণ হইয়াছে, যাহারা তাহা সত্য জানিতেছে, তাহারা কি, যাহারা অন্ধ, তাহাদিগের সদৃশ? বুদ্ধিমান লোকেরা উপদেশ গ্রহণ করে, এতদ্বিষয় নয়। ১৯। + যাহারা পরমেশ্বরের অঙ্গীকারকে পূর্ণ করে এবং অঙ্গীকারকে ভঙ্গ করে না। ২০। + এবং ঈশ্বর আজ্ঞা করিয়াছেন যে, আপন প্রতিপালকের প্রতি যোগ স্থাপন কর, তাঁহাকে ভয় কর ; তৎপ্রতি যাহারা যোগ স্থাপন করে, এবং বিচারের কাঠিন্যকে ভয় করে। ২১। + এবং যাহারা স্বীয় প্রতিপালকের আনন্দের প্রার্থনায় ধৈর্য ধারণ করে ও উপাসনাকে প্রতিষ্ঠিত রাখে, এবং তাহাদিগকে প্রকাশ্যে ও গোপনে আমি যে উপজীবিকা দিয়াছি, তাহা ব্যয় করে, অপিত সাধুতা দ্বারা অসাধুতাকে দূর করে, তাহারা, তাহাদিগের জন্ত পারলৌকিক আলায়। ২২। + তাহারা নিত্য স্বর্গোত্তান সকলে প্রবেশ করে, এবং যাহারা স্বীয় পিতৃগণের প্রতি, স্বীয় ভাৰ্য্যাগণের প্রতি ও স্বীয় সন্তানগণের প্রতি সদাচরণ করে, তাহারা ও দেবগণ প্রত্যেক দ্বার দিয়া তাহাদিগের নিকটে উপস্থিত হয়। ২৩। + (তাহারা বলে,) তোমরা যে ধৈর্য ধারণ করিয়াছ, তজ্জন্ত তোমাদের প্রতি শাস্তি, অনন্তর শুভ পারলৌকিক আলায় (তোমাদের জন্ত)। ২৪। + এবং যাহারা ঈশ্বরের অঙ্গীকার, তাহা সম্বন্ধ হওয়ার পর, ভঙ্গ করে, এবং ঈশ্বর সম্মিলনের যে আজ্ঞা করিয়াছেন, তাহা ছিন্ন করে, এবং পৃথিবীতে দৌরাশ্রয় করে, তাহারা, তাহাদিগের জন্ত অভিসম্পাত, এবং তাহাদিগের জন্ত দুঃখের আলায়। ২৫। + যাহার প্রতি ইচ্ছা হয়, ঈশ্বর তাহাকে বিস্তৃত উপজীবিকা দান করেন, এবং সংকীর্ণ দিয়া থাকেন ; (কাফেরগণ) পার্থিব জীবনে আনন্দিত, পরলোকসম্বন্ধে পার্থিব জীবন ক্ষুদ্র সামগ্রী বৈ নহে। ২৬। (র, ৩, আ, ৮)

এবং ধর্মপ্রোহিগণ বলে যে, “কেন তাহার প্রতি তাহার প্রতিপালক হইতে অলৌকিকতা অবতীর্ণ হয় নাই?” তুমি বল, নিশ্চয় ঈশ্বর যাহাকে ইচ্ছা হয়, বিভ্রান্ত করিয়া থাকেন, এবং যে ব্যক্তি উন্মুখ, তাহাকে আপনার দিকে পথ প্রদর্শন করেন। ২৭। (তাহারা তাঁহার প্রতি উন্মুখ,) যাহারা বিশ্বাস স্থাপন করিয়াছে ও ঈশ্বরপ্রসঙ্গে যাহাদের অন্তর শান্তি লাভ করে ; জানিও, ঈশ্বরপ্রসঙ্গে হৃদয় শান্তি লাভ করিয়া থাকে। ২৮। যাহারা বিশ্বাস স্থাপন করিয়াছে ও সংকল্প সকল করিয়াছে, তাহাদের জন্ত সুখের অবস্থা,

তদ্রূপ পরিণামে সত্যই জরলাভ করে। প্রত্যেক ব্যক্তির মনের অসত্যকে দূর করিয়া সত্য উজ্জলরূপে প্রকাশিত হয়।

এবং উত্তম প্রত্যাবর্তনভূমি। ২২। নিশ্চয় যাহার পূর্বে অনেক মণ্ডলী গত হইয়াছে, এমন এক মণ্ডলীর প্রতি এইরূপে আমি তোমাকে প্রেরণ করিয়াছি, যেন তোমার প্রতি যাহা প্রত্যাশা করিয়াছি, তুমি তাহাদের নিকটে তাহা পাঠ কর; এবং তাহারা পর-মেশ্বরের প্রতি বিদ্রোহাচরণ করিতেছে। তুমি বল, তিনিই আমার প্রতিপালক, তিনি ভিন্ন ঈশ্বর নাই, তাঁহার প্রতি আমি নির্ভর করিয়াছি, এবং তাঁহার দিকে আমার প্রত্যাবর্তন। ৩০। এবং যদিচ কোন এক কোর্-আন্ হইত যে, তদ্বারা পর্কত সকল স্থানচ্যুত অথবা ভূমি বিদারিত হইত, কিম্বা মৃত ব্যক্তি কথা কহিত, (তথাপি তাহারা বিশ্বাস করিত না;) বরং ঈশ্বরের জন্ত সমুদায় কার্য। * অনন্তর যাহারা বিশ্বাসী হইয়াছে, তাহারা কি জানে না যে, যদি ঈশ্বর ইচ্ছা করিতেন, তবে সমুদায় মহুয়াকে পথ দেখাই-তেন; এবং যাহারা ধর্মদ্রোহী হইয়াছে, তাহারা যাহা করিয়াছে, তজ্জন্ত তাহাদের প্রতি নিত্যশাস্তি উপস্থিত হইবে, অথবা যে পর্য্যন্ত ঈশ্বরের অঙ্গীকার সমাগত হয়, তাহাদের গৃহের নিকটে তাহা অবতীর্ণ হইবে। নিশ্চয় ঈশ্বর অঙ্গীকারের অন্তথা করেন না। ৩১। (র, ৪, আ, ৫)

এবং সত্য সত্যই তোমার পূর্ববর্তী প্রেরিত পুরুষগণের প্রতি উপহাস করা হইয়াছে, পরে কাফেরদিগকে আমি অবকাশ দিয়াছি, তৎপর তাহাদিগকে ধরিয়াছি; পরিশেষে আমার শাস্তি কিরূপ ছিল? ৩২। অনন্তর যে ব্যক্তি প্রত্যেক লোকের উপরে, তাহারা যাহা করিয়াছে, তজ্জন্ত (প্রহরিরূপে) দণ্ডায়মান, তিনি কি (অন্ত দুর্বলের তুল্য?) তাহারা পরমেশ্বরের নিমিত্ত অংশী সকল নিযুক্ত করিয়াছে; বল, তোমরা তাহাদের নামকরণ কর, ‡ তিনি পৃথিবীতে যাহা জানেন না, তদ্বিষয়ে অথবা বাহ্যিক কথায়

* কতিপয় কোরেশ বলিয়াছিল যে, “হে মোহম্মদ, যদি তুমি ইচ্ছা কর যে, আমরা তোমার আনুগত্য স্বীকার করি, তবে কোর্-আন্ দ্বারা পর্কত সকলকে মক্কার প্রান্তর হইতে স্থানান্তরিত কর, তাহা হইলে আমরা বিস্তৃত ক্ষেত্র লাভ করিব; এবং ভূমিকে বিদীর্ণ কর, যেন প্রস্রবণ সকল উৎপন্ন হয় ও আমরা কৃষিকর্ম করিতে পারিব। অপিচ যদি কোলাবের পুত্র কসাকে জীবিত কর, তাহা হইলে আমাদের পরলোকগত পিতৃপুরুষগণ তাহার যোগে তোমার বিষয়ে যাহা বক্তব্য, আমাদের গৃহের নিকটে বলিবেন।” তাহাতেই এই আয়ত অবতীর্ণ হয়। “বরং ঈশ্বরের জন্ত সমুদায় কার্য” অর্থাৎ ঈশ্বর সমুদায় করিতে সমর্থ। (ত, হো,)

+ ঈশ্বরের অঙ্গীকার কেয়ামত বা মৃত্যু, তাহা উপস্থিত হওয়া পর্য্যন্ত মক্কার কাফেরগণ যে হজরতের প্রতি অসত্যারোপ করিয়াছিল, সেই অপরাধের জন্ত সর্বদা নানা বিপদে পতিত থাকিবে, ঈশ্বর এইরূপ আদেশ করিয়াছিলেন। তাহাদের শত্রুগণ তাহাদের গৃহের নিকট হইতে ধন সম্পত্তি ও গোমেষাদি পশু হরণ করিয়া লইয়া যাইত। (ত, হো,)

‡ “তোমরা তাহাদের নামকরণ কর” অর্থাৎ অংশী প্রতিমা সকলকে তাহাদের নাম ও কল্পিত গুণানুসারে প্রশংসা করিতে থাক; কিন্তু বিবেচনা করিও যে, তাহারা ঈশ্বরের অংশী হইবার ও পূজা পাইবার যোগ্য কি না? ইহার তাৎপর্য এই যে, পরমেশ্বর জীবনদাতা জীবিকাদাতা, সৃষ্টিকর্তা,

তোমরা কি তাঁহাকে সংবাদ দিতেছ? বরং কাকেরদিগের জ্ঞান তাহাদের চক্রান্ত সজ্জিত হইয়াছে, এবং তাহার (ঈশ্বরের) পথ হইতে নিবারণিত আছে; ঈশ্বর যাহাকে পথভ্রান্ত করেন, পরে তাহার জ্ঞান পথপ্রদর্শক নাই। ৩৩। তাহাদের জ্ঞান সাংসারিক জীবনে শাস্তি ও অবশ্য পরলোকে গুরুতর শাস্তি আছে, এবং ঈশ্বর হইতে তাহাদের নিমিত্ত কোন রক্ষাকর্তা নাই। ৩৪। ধর্মভীরুদিগের জ্ঞান যাহা অস্বীকৃত হইয়াছে, সেই স্বর্গলোকের বর্ণনা, তাহার নিম্ন দিয়া জলপ্রণালী সকল প্রবাহিত, তাহার ফল সকল ও তাহার ছায়া সকল নিত্য; যাহারা ধর্মভীরু হইয়াছে, তাহাদের এইরূপ চরম (পুরস্কার,) এবং ধর্মদ্রোহীদিগের জ্ঞান অগ্নি চরম (পুরস্কার)। ৩৫। এবং যাহাদিগকে আমি গ্রন্থ দান করিয়াছি তাহার, তোমার প্রতি যাহা অবতারণিত হইয়াছে, তাহাতে আফ্লাদিত; এবং সেই দলের কেহ আছে যে, তাহা কতক অস্বীকার করে। * তুমি বল, আমি আদিষ্ট হইয়াছি যে, ঈশ্বরকে অর্চনা করি, এবং তাঁহার সঙ্গে অংশী স্থাপন না করি, এতদ্ভিন্ন নহে; তাঁহার দিকে আত্মান করিতেছি, এবং তাঁহার দিকে আমার প্রত্যাবর্তন। ৩৬। এবং এইরূপে আমি ইহাকে আরব্য আদেশরূপে অবতারণিত করিয়াছি, এবং তোমার নিকটে যে জ্ঞান আসিল, তাহার পরেও যদি তুমি তাহাদিগের ইচ্ছার অনুসরণ কর, তবে তোমার জ্ঞান ঈশ্বর অপেক্ষা কোন বন্ধু ও রক্ষক নাই। ৩৭। (র, ৫, আ, ৬)

এবং সত্য সত্যই আমি তোমার পূর্বে প্রেরিত পুরুষদিগকে প্রেরণ করিয়াছি ও তাহাদিগের ভাষ্যাবগণ ও সম্ভান সকল সৃজন করিয়াছি; এবং ঈশ্বরের আদেশ ব্যতীত কোন নিদর্শন আনয়ন করা কোন প্রেরিত পুরুষের পক্ষে সম্ভব হয় নাই, প্রত্যেক নিরূপিত কালের জ্ঞান লিপি আছে †। ৩৮। পরমেশ্বর যাহা ইচ্ছা হয়, তাহা বিলুপ্ত করেন ও স্থির রাখেন, এবং তাঁহার নিকটে মূল গ্রন্থ আছে ‡। ৩৯। আমি তাহাদিগের সর্দশক্তিমান, জ্ঞানময়, কৌশলময়, শোভা ও দ্রষ্টা; এই নামে কোন প্রতিমা অভিহিত হইতে পারে না। (ত, হো,)

* ইহুদি ও ঈসারীদিগের অনেক লোক এই কোর্-আন্ গ্রন্থের প্রতি সন্তুষ্ট; কিন্তু কোন কোন লোক, যথা, ইহুদিবংশোদ্ভব রোবরের পুত্র কেনানা ও তাহার অনুবর্তীগণ এবং অনেক ঈসারী কোর্-আনের কোন কোন অংশ অগ্রাহ্য করিয়াছে। অপিচ গ্রন্থাদিকারী বিদ্বানগণ, যথা, ইহুদিবংশীয় সেলামের পুত্র আবদোলা ও তাঁহার সহচরগণ এবং বাটজন ঈসারী, যাহার চল্লিশ জন বধরাণের, আট জন এয়মদের ও দুই জন আফ্রিকার ছিলেন, এই সকল লোক কোর্-আনের প্রতি সন্তুষ্ট হইয়াছিলেন। (ত, হো,)

† অর্থাৎ আমি ইতিপূর্বে প্রেরিত-পুরুষদিগকেও ভাষ্য ও সম্ভান দান করিয়াছি; অংশিদানগণ বলে যে, এই মোহমুদরই কেবল স্রীলোকের প্রতি অন্তরের অনুরাগ। (ত, হো,)

যখন সেই নির্ধারিত কাল উপস্থিত হয়, আদেশ প্রচার হইয়া থাকে। (ত, হো,)

‡ পৃথিবীর সমুদায় বিষয়ই কারণ হইতে উৎপন্ন; কোন কোন কারণ ব্যক্ত, কোন কোন কারণ অব্যক্ত। কারণের প্রকৃতির একটি পরিমাণ আছে; কিন্তু যখন ঈশ্বর ইচ্ছা করেন, সেই প্রকৃতির

সঙ্গে যাহা অঙ্গীকার করিয়া থাকি, যদি তাহা তোমাকে প্রদর্শন করি, বা (তৎপূর্বে) তোমার প্রতি হরণ করি, (যাহাই হয়,) ফলতঃ তোমার প্রতি প্রচার ও আমার প্রতি বিচারকার্য্য, এতদ্ভিন্ন নহে । ৪০ । তাহারা কি দেখিতেছে না যে, আমি এই ভূমিতে আসিতেছি যে, তাহার পার্শ্ব সকল হইতে তাহাকে ক্ষয় করিতেছি ; * ঈশ্বর আদেশ করেন, তাঁহার আজ্ঞার প্রতিরোধকারী নাই, এবং তিনি বিচারে সত্ত্বর । ৪১ । অপিচ তাহাদের পূর্বে যাহারা ছিল, নিশ্চয় তাহারা চক্রান্ত করিয়াছিল, পরন্তু ঈশ্বরেরই সমুদায় চক্রান্ত ; প্রত্যেক ব্যক্তি যাহা আচরণ করে, তিনি তাহা জানেন, এবং সত্ত্বর ধর্ম্মদ্রোহিণ জ্ঞানিতে পাইবে যে, পারলৌকিক আলয় কাহার হইবে । ৪২ । পরন্তু ধর্ম্মদ্রোহিণ বলিতেছে যে, তুমি প্রেরিত নও ; তুমি বল, আমার ও তোমাদের মধ্যে ঈশ্বরই যথেষ্ট সাক্ষী, এবং যাহার নিকটে গ্রন্থজ্ঞান আছে, তিনি ঃ । ৪৩ । (র, ৬, আ, ৬)

সূরা এব্রাহিম †

.....

চতুর্দশ অধ্যায়

.....

৫২ আয়ত, ৭ রকু

(দাতা দয়ালু পরমেশ্বরের নামে প্রবৃত্ত হইতেছি ।)

এই গ্রন্থ, ইহাকে আমি তোমার প্রতি অবতারণ করিয়াছি, যেন তুমি মানবমণ্ডলীকে অঙ্গীকার হইতে জ্যোতির দিকে, তাহাদের প্রতিপালকের আজ্ঞাক্রমে, স্বর্গে ও পৃথিবীতে যাহা কিছু আছে যাহারই, সেই প্রশংসিত গৌরবান্বিত ঈশ্বরের পথের দিকে বাহির কর ;

পরিমাণের ন্যূনাধিক্য করিয়া থাকেন, অথবা সামান্যবস্থায় রাখেন । কখন প্রস্তুতকণিকার আঘাতে মনুষ্যের মৃত্যু হয়, আবার তীক্ষ্ণ অস্ত্র দ্বারা আহত হইয়াও মানুষ জীবিত থাকে । ঈশ্বরের আজ্ঞাক্রমে প্রত্যেক বস্তুর এক্রূপ এক পরিমাণ আছে, যাহার কখনও পরিবর্তন হয় না । তাহাকে “বিধি-নির্দ্ধারণ বলে । (ত, ফা,)

* অর্থাৎ আমি আরব দেশে এসলাম ধর্ম্ম বিস্তার করিতেছি, এবং পৌত্তলিকতার বিনাশ সাধন করিতেছি । (ত, ফা,)

† গ্রন্থজ্ঞান যাহার নিকটে আছে, সেই ছেত্রিল সাক্ষী । (ত, হো,)

‡ এই সূরা মক্কাতে অবতীর্ণ হয় । ইহার ব্যবচ্ছেদক বর্ণ, “অল্-রা” কোর-আনের জ্ঞানবিশেষ । (ত, হো,)

গুরুতর শাস্তিবশতঃ কাফেরদিগের জন্ত আক্ষেপ *। ১+২। যাহারা পারলৌকিক জীবন অপেক্ষা পার্থিব জীবনকে প্রেম করে, এবং ঈশ্বরের পথ হইতে (লোকদিগকে) নিবারণ করে ও তৎপ্রতি কুটিলতা অন্বেষণ করে, তাহারা দূরতর পথভ্রান্তির মধ্যে আছে। ৩। এবং আমি কোন প্রেরিত পুরুষকে স্বজাতীয় ভাষায় তাহাদের নিমিত্ত প্রচার করিতে ভিন্ন প্রেরণ করি নাই; অনন্তর ঈশ্বর যাহাকে ইচ্ছা হয়, বিভ্রান্ত করেন ও যাহাকে ইচ্ছা হয়, পথ প্রদর্শন করিয়া থাকেন, তিনি পরাক্রান্ত ও নিপুণ। ৪। এবং সত্য সত্যই আমি স্বীয় নিদর্শন সহ মুসাকে প্রেরণ করিয়াছিলাম; (বলিয়াছিলাম) যে, স্বজাতিকে অন্ধকার হইতে জ্যোতির দিকে বাহির কর, এবং ঐশ্বরিক দিবসসম্বন্ধে তাহাদিগকে উপদেশ দাও; † নিশ্চয় তাহাতে প্রত্যেক সহিষ্ণু ও কৃতজ্ঞ লোকদিগের জন্ত নিদর্শন সকল আছে। ৫। (স্মরণ কর,) যখন মুসা স্বীয় সম্প্রদায়কে বলিল, “তোমাদের প্রতি ঈশ্বরের সেই দান স্মরণ কর, যখন তিনি তোমাদিগকে ফেরওণের স্বর্ণ হইতে উদ্ধার করিলেন; তাহারা তোমাদের প্রতি কুৎসিত শাস্তি প্রয়োগ করিতে-ছিল ও তোমাদের পুত্রদিগকে বধ করিতেছিল, এবং তোমাদের কন্যাদিগকে জীবিত রাখিতেছিল, এবং ইহার মধ্যে তোমাদের প্রতিপালক হইতে মহা পরীক্ষা ছিল”। ৬। (র, ১, আ, ৬)

এবং স্মরণ কর, যখন তোমাদের প্রতিপালক জ্ঞাপন করিয়াছিলেন যে, “যদি তোমরা কৃতজ্ঞ হও, তবে অবশ্য তোমাদিগকে অধিক দিব, এবং যদি তোমরা বিদ্রোহিতা কর, তবে নিশ্চয় আমার শাস্তি কঠিন”। ৭। এবং মুসা বলিয়াছিল যে, “যদি তোমরা ধর্মদ্রোহী হও ও যাহারা পৃথিবীতে আছে, তাহারা সকলে (ধর্মদ্রোহী হয়,) তথাপি নিশ্চয় ঈশ্বর প্রশংসিত, নিশ্চিন্ত”। ৮। হুহীয় ও আদীয় ও সমুদীয় সম্প্রদায়ের যাহারা তোমাদের পূর্বে ছিল, এবং তাহাদের পরে যাহারা ছিল, তাহাদের সংবাদ কি তোমাদিগের নিকটে উপস্থিত হয় নাই? পরমেশ্বর ব্যতীত (কেহ) তাহাদিগকে জানে না, ‡ তাহাদের নিকটে তাহাদের প্রেরিত পুরুষগণ প্রমাণ সকল সহ

* অন্ধকার অর্ধ, সংশয় কপটতা, জ্যোতি বিশ্বাস বা প্রেম। আত্মাভিমানের জায় গভীর অন্ধকার অস্ত্র কিছুই নয়। এই অন্ধকার হইতে মুক্ত হইলেই পুণ্যস্বরূপ ঈশ্বরের অস্তিত্ব হৃদয়দর্পণে প্রতিভাত হয়; এই কোর-আন্ ঘারা সেই অন্ধকার বিদূরিত হইয়া থাকে। (ত, হো,)

† অন্ধকার হইতে জ্যোতিতে বাহির হইবার জন্ত যেন তুমি ঈশ্বরের আদেশক্রমে বা তাঁহার সাহায্যে আদেশ কর। (ত, আ,)

‡ পূর্বে যে সকল দিবসে পরমেশ্বর কাফেরদিগকে শাস্তি দিয়াছেন, সেই সমস্ত দিবসবিষয়ে তুমি তাহাদিগকে উপদেশ দাও, অথবা তাহা স্মরণ করিতে দাও। (ত, হো,)

§ তাহাদের সংখ্যা এত অধিক যে, পরমেশ্বর ব্যতীত অস্ত্র কেহ তাহাদের সকলকে জানে না, অথবা ঈশ্বর আত্ম ও আরবের অনেক সম্প্রদায়কে বিনাশ করিয়াছেন, তাহাদের চিহ্ন নাই; ঈশ্বর

উপস্থিত হইয়াছিল ; পরে তাহারা (ক্রোধ বা বিস্ময়বশতঃ) স্ব স্ব মুখে স্ব স্ব হস্ত অর্পণ করিয়াছিল, এবং বলিয়াছিল যে, “নিশ্চয় তোমরা যৎসহ প্রেরিত হইয়াছ, আমরা তাহার বিরোধী ; তোমরা যে সন্দিক্ত বিষয়ের প্রতি আমাদেরকে আহ্বান করিতেছ, নিশ্চয় আমরা তৎপ্রতি সন্দিক্ত”। ৯। তাহাদের প্রেরিতপুরুষগণ বলিয়াছিল, “ভূমণ্ডল ও নভোমণ্ডলের সৃষ্টিকর্তা ঈশ্বরের প্রতি কি সন্দেহ ? তিনি তোমাদিগকে আহ্বান করিতেছেন, যেন তোমাদের নিমিত্ত তোমাদের পাপ ক্ষমা করেন, এবং এক নির্দিষ্ট সময় পর্য্যন্ত তোমাদিগকে অবকাশ দেন।” তাহারা বলিয়াছিল যে, “তোমরা আমাদের ত্রায় মনুষ্য বৈ নহ ; আমাদের পিতৃপুরুষগণ যাহাকে অর্চনা করিতেন, আমাদেরকে তাহা হইতে নিবৃত্ত করিতে তোমরা ইচ্ছা করিতেছ ; অবশেষে আমাদের নিকটে উজ্জল প্রমাণ উপস্থিত কর”। ১০। তাহাদের প্রেরিতপুরুষগণ তাহাদিগকে বলিয়াছিল যে, “আমরা তোমাদের ত্রায় মনুষ্য বৈ নহি, কিন্তু ঈশ্বর আপন দাসদিগের মধ্যে যাহার প্রতি ইচ্ছা হয়, হিতসাধন করিয়া থাকেন ; এবং ঈশ্বরের আদেশ বাতীত যে আমরা তোমাদের নিকটে কোন প্রমাণ উপস্থিত করিব, আমাদের জ্ঞত তাহা নহে। অতঃপর বিশ্বাসীদিগের উচিত যে, ঈশ্বরের প্রতি নির্ভর করে। ১১। এবং আমাদের জ্ঞত কি আছে যে, আমরা ঈশ্বরের উপর বাতীত নির্ভর করি ; নিশ্চয় তিনি আমাদেরকে আমাদের পথ সকল প্রদর্শন করিয়াছেন। এবং তোমরা আমাদের প্রতি যে উৎপীড়ন কর, তদ্বিষয়ে অবশ্য আমরা ধৈর্য ধারণ করিব ; অনন্তর নির্ভরশীল লোকদিগের উচিত যে, ঈশ্বরের প্রতি নির্ভর করে”। ১২। (র, ২, আ, ৬)

এবং ধর্ম্মদ্রোহিণ আপনাদের প্রেরিতপুরুষদিগকে বলিয়াছিল যে, “অবশ্য আমরা তোমাদিগকে আমাদের দেশ হইতে বহিষ্কৃত করিব, অথবা অবশ্য তোমরা আমাদের ধর্ম্মে ফিরিয়া আসিবে ;” তাহাদের প্রতিপালক তাহাদের প্রতি প্রত্যাশা করিয়াছিলেন যে, “অবশ্য আমি অত্যাচারীদিগকে বিনাশ করিব”। ১৩। + এবং অবশ্য তাহাদের অস্ত্রে আমি তোমাদিগকে দেশে স্থাপন করিব ; যে ব্যক্তি আমার উপস্থিতিকে ভয় পায় ও আমার দণ্ডাঙ্গীকারকে ভয় করে, তাহার জ্ঞত ইহা। ১৪। এবং তাহারা (প্রেরিতপুরুষগণ) বিজয়প্রার্থী হইল ও সমুদায় বিরোধী দুর্দান্ত লোক নিরাশ হইল। ১৫। + তাহাদের সম্মুখে নরক রহিয়াছে, এবং পীতবর্ণ সলিল (তাহাদিগকে) পান করান যাইবে। ১৬। + তাহারা অগ্নি অগ্নি করিয়া তাহা পান করিবে ও প্রায় তাহা অধঃকরণ করিতে পারিবে না, এবং সকল স্থান হইতে তাহাদের নিকটে মৃত্যু উপস্থিত হইবে ও তাহারা মৃত্যুগ্রস্ত হইবে না ; এবং তাহাদের সম্মুখে কঠিন শাস্তি রহিয়াছে।

বাতীত অন্ত কেহ তাহার সংবাদ রাখে না। মহাপুরুষ এব্রাহিম হইতে হজরত মোহম্মদের পূর্বপুরুষ অদনান পর্য্যন্ত বহু শত বৎসর গত হইয়াছে, সেই সময়ের লোকদিগের সংবাদ কেহ জ্ঞাত নহে।

(ত, হো,)

১৭। যথা, আপন প্রতিপালকের প্রতি যাহারা বিরুদ্ধাচারী হইয়াছে, তাহাদের ক্রিয়া সকল ভগ্নের জায় ; ঝড়ের দিনে তাহাতে বায়ু প্রবল আঘাত করিবে, তাহারা যাহা উপার্জন করিয়াছে, তাহা হইতে কোন বিষয়ে ক্ষমতা পাইবে না, ইহাই সেই দূরতর পথভ্রাস্তি। ১৮। তুমি কি দেখ নাই যে, ঈশ্বর সত্যরূপে ভুলোক ও ছালোক সৃজন করিয়াছেন? যদি তিনি ইচ্ছা করেন, তোমাদিগকে দূর করিবেন, এবং নূতন সৃষ্টি আনয়ন করিবেন। ১৯।+ এবং ইহা ঈশ্বরের সম্বন্ধে কঠিন নহে। ২০। এবং তাহারা একযোগে ঈশ্বরের সম্মুখে উপস্থিত হইবে, তৎপর যাহারা অহঙ্কার করিতেছিল, তাহাদিগকে দুর্বলগণ বলিবে, “নিশ্চয় আমরা তোমাদের অনুগামী ছিলাম, অবশেষে তোমরা আমাদের হইতে ঈশ্বরের কিছু শাস্তির নিবারণকারী কি হও?” তাহারা বলিবে, “যদি ঈশ্বর আমাদের পথ প্রদর্শন করিতেন, তবে অবশ্য আমরা তোমাদিগকে পথ দেখাইতাম ; আমরা অধৈর্য্য হই বা ধৈর্য্য ধারণ করি, আমাদের প্রতি তুলা, আমাদের জন্ত উদ্ধার নাই”। ২১। (র, ৩, আ, ২)

এবং যখন কার্য্য-নিষ্পত্তি হইবে, তখন শয়তান বলিবে যে, “নিশ্চয় ঈশ্বর তোমাদিগের সঙ্গে সত্য অঙ্গীকার করিয়াছেন, এবং আমি তোমাদের সঙ্গে অঙ্গীকার করিয়াছি, পরে তোমাদের সঙ্গে তাহার অন্তথা করিয়াছি ; এবং তোমাদিগকে আহ্বান করা ব্যতীত তোমাদের উপর আমার কোন প্রভাব ছিল না। অনন্তর তোমরা আমার (বাক্য) গ্রাহ্য করিয়াছ, পরে তোমরা আমাকে ভৎসনা করিও না, আপন জীবনকে ভৎসনা কর ; আমি তোমাদিগের আর্ন্তনাদ-শ্রবণকারী নহি, এবং তোমরা আমার আর্ন্তনাদ-শ্রবণকারী নহ। পূর্বে তোমরা আমাকে যে অংশী করিয়াছ, তদ্বিমুখে সত্যই আমি বিরোধী হইয়াছি, নিশ্চয় অত্যাচারিগণের জন্ত দুঃখকর শাস্তি আছে। ২২। যাহারা বিশ্বাসী হইয়াছে ও সংক্রিয়া সকল করিয়াছে, তাহাদিগকে সেই স্বর্গোচ্চান সকলে প্রবেশ করান যাইবে, যাহার নিম্ন দিয়া পয়ঃপ্রণালী সকল প্রবাহিত হয় ; তাহারা তথায় আপন প্রতিপালকের আজ্ঞাক্রমে নিত্য বাস করিবে, এবং তথায় তাহাদের পরস্পর শুভ সম্ভাষণ সেলাম হইবে *। ২৩। তুমি কি দেখ নাই যে, ঈশ্বর উত্তম বাক্যের উদাহরণ কেমন ব্যক্ত করিয়াছেন? তাহা উত্তম বৃক্ষসদৃশ, তাহার মূল দৃঢ়, তাহার শাখা আকাশে (বিস্তৃত)। ২৪।+ সর্বদা সে স্বীয় প্রতিপালকের আজ্ঞাক্রমে আপন ফলপুষ্প প্রদান করে ; এবং ঈশ্বর মানবমণ্ডলীর জন্ত দৃষ্টান্ত সকল ব্যক্ত করেন, যেন তাহারা উপদেশ গ্রহণ করে। ২৫। এবং মন্দ বাক্য মন্দ বৃক্ষসদৃশ, তাহা যুক্তিকার উপর হইতে উন্মূলিত হয়, তাহার নিমিত্ত কোন স্থিতি নাই। ২৬। যাহারা বিশ্বাসী হইয়াছে, তাহাদিগকে পরমেশ্বর সত্য বাক্য দ্বারা ঐহিক ও পারত্রিক জীবন দৃঢ় করেন, এবং

* ইহলোকে কুশল অবস্থার সেলাম, প্রার্থনা; পরলোকে কুশল অবস্থার সেলাম, শুভ সম্ভাষণ বুঝায়।

পরমেশ্বর অত্যাচারীদিগকে বিভ্রান্ত করিয়া থাকেন, এবং ঈশ্বর যাহা ইচ্ছা হয়, তাহা করেন। ২৭। (র, ৪, আ, ৬)

যাহারা ধর্মদ্রোহিতা দ্বারা ঈশ্বরের দানের পরিবর্তন করিয়াছে ও স্বজাতিকে মৃত্যুর আলয়ে অবতারণিত করিয়াছে, তাহাদের প্রতি তুমি কি দৃষ্টি কর নাই? যাহা নরক, তাহাতে তাহারা প্রবেশ করিবে ও (তাহা) মন্দ নিবাস *। ২৮+২৯। এবং তাহারা ঈশ্বরের জন্ত সদৃশ সকল (পুত্তলিকা সকল) নির্ধারিত করিয়াছে, এবং (লোকদিগকে) তাঁহার পথ হইতে বিভ্রান্ত করিতেছে; তুমি বল, তোমরা ফলভোগী হইতে থাক, অতঃপর নিশ্চয় অনলের দিকে তোমাদের প্রতিগমন। ৩০। যাহারা বিশ্বাস স্থাপন করিয়াছে, উপাসনাকে প্রতিষ্ঠিত রাখিয়াছে, এবং আমি যে উপজীবিকা প্রকাশে ও গোপনে যাহাদিগকে দান করিয়াছি, যে দিবসে ক্রয় বিক্রয় ও বন্ধুতা হইবে না, তাহা আসিবার পূর্বে তাহারা তাহা ব্যয় করে, আমার সেই দাসদিগকে তুমি বল। ৩১। সেই পরমেশ্বরই, যিনি স্বর্গ ও পৃথিবী সৃজন করিয়াছেন ও আকাশ হইতে জল অবতারণিত করিয়াছেন; অনন্তর তোমাদিগের নিমিত্ত তাহা দ্বারা ফল সকল উপজীবিকারূপে বাহির করিয়াছেন ও তোমাদের নিমিত্ত নৌকা সকলকে অধিকৃত করিয়াছেন, যেন তাঁহার আজ্ঞাক্রমে সমুদ্রে চলিয়া যায়, এবং তোমাদের নিমিত্ত জলপ্রণালী সকলকে অধিকৃত করিয়াছেন। ৩২। এবং তোমাদের নিমিত্ত সর্ষদা সূর্য্য চন্দ্রকে অধিকৃত করিয়াছেন, তোমাদের নিমিত্ত দিবা-রাত্রিকে অধিকৃত করিয়াছেন। ৩৩। তোমরা যাহা তাঁহার নিকটে প্রার্থনা করিয়াছিলে, তিনি সেই সমুদায় তোমাদিগকে দিয়াছেন, এবং যদি তোমরা ঈশ্বরের দান গণনা কর, তাহা আয়ত্ত করিতে পারিবে না; নিশ্চয় মহুগ্ন ধর্মদ্রোহী অত্যাচারী। ৩৪। (র, ৫, আ, ৭)

এবং (স্মরণ কর,) যখন এত্রাহিম বলিয়াছিল যে, “হে আমার প্রতিপালক, এই নগরকে তুমি শাস্তির আলয় কর ও আমাকে ও আমার সন্তানগণকে প্রতিমা সকলের পূজা করা হইতে নিবৃত্ত রাখ। ৩৫। হে আমার প্রতিপালক, নিশ্চয় এ সকল

* পরমেশ্বরের দানের কৃতজ্ঞতাবলে যাহারা অকৃতজ্ঞ ও বিরুদ্ধাচারী হইয়াছে, তাহাদিগ হইতে সেই দান প্রত্যাহার করা গিয়াছে; অর্থহীন বাতীত তাহাদের হস্তে কিছুই অবশিষ্ট নাই। এই উক্তি মকার অধিবাসীদিগের প্রতি। পরমেশ্বর তাহাদিগকে উত্তম স্থান দিয়াছিলেন, তাহাদের প্রতি উপজীবিকার দ্বার উন্মুক্ত করিয়াছিলেন, এবং প্রেরিত মহাপুরুষ মোহাম্মদের বিদ্যমানতারূপসম্পদ দ্বারা তাহাদিগকে ভাগ্যবান করিয়াছিলেন; তাহারা কৃতঘ্ন হইয়া সেই দানের মধ্যদ্বারা রক্ষা করে নাই, হজরতকে মকা হইতে তাড়িত করিয়াছে। হতরাং তাহারা সাত বৎসর দুর্ভিক্ষ দ্বারা আক্রান্ত হইয়া দুর্বল ও নিস্তেজ হইয়া পড়ে, এবং অনেকে বদরের যুদ্ধে পরাজিত ও নিহত হয়। ইহারা কোরেশ জাতির দুই প্রধান শ্রেণীর লোক, বণা “বনি-মঘররা” ও “বনি-উশিয়া”। (ত, হো,)

যাহারা আরবীর লোকদিগকে পথপ্রান্ত করিয়াছিল, মকার সেই প্রধান পুরুষগণ এই উক্তি লক্ষ্য। (ত, হো,)

অধিকাংশ মহুগ্ৰকে পথভ্রান্ত করিয়া থাকে ; অনস্তর যে ব্যক্তি আমার অনুসরণ করে, নিশ্চয় সে আমারই, এবং যে ব্যক্তি আমার অবাধ্য হইল, পরে তুমি নিশ্চয় (তাহার পক্ষে) ক্ষমাশীল দয়ালু। ৩৬। হে আমাদের প্রতিপালক, নিশ্চয় আমি আমার কোন কোন সন্তানকে তোমার সম্মানিত নিকেতনের নিকটে শশুক্ষেত্রশূণ্য প্রান্তরে স্থাপন করিয়াছি ; হে আমাদের প্রতিপালক, তাহারা উপাসনাকে যেন প্রতিষ্ঠিত রাখে। অনস্তর কতক মহুগ্ৰের অন্তরকে তাহাদের প্রতি অতুরাগী কর, এবং তাহাদিগকে ফলপুষ্প উপজীবিকা দাও, ভরসা যে তাহারা কৃতজ্ঞতা দান করিবে*। ৩৭। হে আমাদের প্রতিপালক, আমরা যাহা গোপন করি, এবং যাহা প্রকাশ করি, নিশ্চয় তুমি তাহা জানিতেছ ; স্বর্গে ও পৃথিবীতে ঈশ্বরের নিকটে কিছুই গোপন নহে। ৩৮। সেই ঈশ্বরেরই প্রশংসা, যিনি বৃদ্ধাবস্থায় আমাকে এসমায়িল ও এসহাক (পুত্রদ্বয়) দান করিয়াছেন ; নিশ্চয় আমার প্রতিপালক প্রার্থনাপ্রবণকারী। ৩৯। হে আমার প্রতিপালক, আমাকে ও আমার সন্তানকে উপাসনার প্রতিষ্ঠাতা কর ; হে আমাদের প্রতিপালক, আমার প্রার্থনা গ্রাহ্য কর। ৪০। হে আমাদের প্রতিপালক, যে দিবস বিচার প্রতিষ্ঠিত হইবে, সেই দিবস আমাকে ও আমার পিতা মাতাকে ও বিশ্বাসীদিগকে ক্ষমা করিও"। ৪১। (র, ৬, আ, ৭)

এবং অত্যাচারিগণ যাহা করিতেছে, তদ্বিষয়ে তোমরা ঈশ্বরকে কখনও উদাসীন মনে করিও না ; সেই দিবসের নিমিত্ত যাহাতে দৃষ্টি সকল উৰ্দ্ধ দিকে থাকিবে, তিনি তাহাদিগকে অবকাশ দিতেছেন, এতদ্বিননহে। ৪২। + তাহারা মন্তক উত্তোলন করিয়া ধাবমান হইবে, তাহাদের দিকে তাহাদের চক্ষু ফিরিয়া আসিবে না ও তাহাদের অন্তঃকরণ শূণ্য থাকিবে†। ৪৩। এবং লোকদিগকে তুমি ভয় প্রদর্শন কর যে, যে দিবস তাহাদের

* এখানে মহাপুরুষ এব্রাহিম যে সন্তানের উল্লেখ করিয়াছেন, তাহার নাম ইস্মাইল। শাম দেশে হাশ্বেরার গর্ভে তিনি জন্মগ্রহণ করিলে, এব্রাহিমের প্রধান পত্নী সারার মহা ঈর্ষ্যা হয় ; তিনি এব্রাহিমকে বলেন যে, হাশ্বেরাকে ও তাহার সন্তানকে জল ও ফলশস্তাদিশূণ্য স্থানে রাখিয়া আইস। তখন এব্রাহিম ঈশ্বরের এরূপ আদেশ শুনিতে পাইলেন যে, সারা যাহা বলে, তুমি তদনুরূপ কার্য্য কর। তাহাতে এব্রাহিম হাশ্বেরা ও শিশু ইস্মাইলকে সঙ্গে করিয়া শামদেশ হইতে মক্কার প্রান্তরে চলিয়া আইসেন, এবং সেখানে তাহাদিগকে রাখিয়া তাহাদের জন্ত প্রার্থনা করণানন্তর প্রস্থান করেন। ঈশ্বর তাহার প্রার্থনা পূর্ণ করিয়াছিলেন। এব্রাহিম চলিয়া যাওয়ার অল্পক্ষণ পরেই জন্মজন্মানক প্রশংসা প্রকাশিত হয় ; এবং অরহামবংশীয় লোকেরা তথায় বসতি করিতে অভিলাষ করে। এব্রাহিম যখন প্রার্থনা করিয়াছিলেন, তৎকালীন সেই স্থানে ঈশ্বরের মন্দির ছিল না, মন্দিরের ভূমিমাাত্র ছিল।

(ত, হো,)

† পুনরুত্থানের দিন স্বর্গের দ্বার উন্মুক্ত হইলে, স্বর্গীয় দূত সকল অবতরণ করিয়া লোকদিগকে শাস্তিদানে প্রবৃত্ত হইবেন ; সেই ভয়ে সকলের চক্ষু উৰ্দ্ধদৃষ্টি হইয়া থাকিবে, নীচের দিকে দৃষ্টি করিবার অবকাশ পাইবে না।

(ত, কা,)

প্রতি শাস্তি উপস্থিত হইবে, যাহারা অত্যাচার করিয়াছিল, তাহারা তখন বলিবে, “হে আমাদের প্রতিপালক, নির্দিষ্ট অল্প সময় পর্য্যন্ত তুমি আমাদেরকে অবকাশ দান কর, আমরা তোমার আস্থান গ্রাহ্য করিব, এবং প্রেরিতপুরুষদিগের অমূল্য হইব;” (তখন বলা হইবে,) “পূর্বে তোমরা কি প্রতিজ্ঞা করিয়া বলিতেছিলে না যে, তোমাদের জ্ঞাত কোনরূপ বিনাশ হইবে না ?” ৪৪।+এবং যাহারা আপন জীবনের প্রতি অত্যাচার করিয়াছিল, তোমরা তাহাদের স্থানে স্থিতি করিয়াছ; এবং আমি তাহাদের সঙ্গে কিরূপ আচরণ করিয়াছি, তোমাদিগের নিমিত্ত তাহা প্রকাশিত হইয়াছে ও আমি তোমাদের নিমিত্ত দৃষ্টান্ত সকল ব্যক্ত করিয়াছি। ৪৫। এবং নিশ্চয় তাহারা আপন চলনাতে চলনা করিয়াছে, তাহাদের চলনা ঈশ্বরের নিকটে (ব্যক্ত) আছে; তাহাদের চলনা (এরূপ নয়) যে, তদ্বারা তাহারা পরীক্ষিতকে বিচালিত করে *। ৪৬। পরে তোমরা ঈশ্বরকে মনে করিও না যে, তিনি স্বীয় প্রেরিতপুরুষগণের সঙ্গে অঙ্গীকারের অগ্ৰথাকারী; নিশ্চয় ঈশ্বর পরাক্রান্ত ও প্রতিশোধদাতা। ৪৭। সেই দিবস পৃথিবী শূন্যতাতে ও আকাশ পরিবর্তিত হইবে, এবং একমাত্র পরাক্রান্ত ঈশ্বরের উদ্দেশ্যে (সকলে) অগ্রসর হইবে। ৪৮। এবং তুমি সেই দিবস পাপীদিগকে শৃঙ্খলে বদ্ধ দেখিবে। ৪৯। তাহাদের অলঙ্কারের বস্ত্র হইবে ও অগ্নি তাহাদের মুখ আচ্ছাদন করিবে। ৫০। তখন ঈশ্বর প্রত্যেক ব্যক্তিকে, তাহারা যাহা করিয়াছে, তাহার বিনিময় দিবেন; নিশ্চয় ঈশ্বর বিচারে সত্বর। ৫১। ইহা মানব-মণ্ডলীর জ্ঞাত প্রচার করা হয় ও তাহাতে ইহা দ্বারা তাহারা ত্রাসযুক্ত হইবে; এবং তাহাতে জানিবে যে, তিনি একমাত্র ঈশ্বর, ইহা ব্যতীত নহে, এবং তাহাতে বুদ্ধিমান লোকেরা উপদেশ গ্রহণ করিবে। ৫২। (র, ৭, আ, ১১)

* মক্কাবাসিগণ সকলে মিলিয়া হজরতকে হত্যা বা বন্দী করিতে কত প্রকার কৌশল অবলম্বন করিয়াছিল, সকলই বিফল হইয়া গিয়াছে; এই আয়তে তাহারই উল্লেখ হইয়াছে। (ত, ফা,)

সূরা হেজর *

.....

পঞ্চদশ অধ্যায়

.....

৯৯ আয়ত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি ।)

এই প্রবচন সকল সেই গ্রন্থের ও উজ্জ্বল কোর্-আনের হয় † । ১। অনেক সময় ধর্মদ্রোহিগণ বকুতা স্থাপন করে, হায় ! যদি তাহারা মোসলমান হইত ‡ । ২। তুমি তাহাদিগকে ছাড়িয়া দাও, তাহারা ভক্ষণ ও ফল ভোগ করুক, এবং কামনা তাহাদিগকে (সংসারে) লিপ্ত রাখুক ; পরে শীঘ্রই তাহারা জানিতে পাইবে । ৩। এবং আমি কোন গ্রামকে তাহার জন্ত নিরুপিত লিপি ব্যতীত বিনাশ করি নাই § । ৪। কোন সম্প্রদায় স্বীয় নিদিষ্ট কালের অগ্রবর্তী ও পশ্চাৎবর্তী হয় না । ৫। এবং তাহারা বলে যে, “ওহে, যাহার উপর উপদেশ (কোর্-আন্) অবতীর্ণ হইয়াছে, তুমি সেই ব্যক্তি, নিশ্চয় তুমি ক্ষিপ্ত । ৬। + যদি তুমি সত্যবাদীদিগের অন্তর্গত হও, তবে কেন আমাদের নিকটে দেবতাদিগকে আনয়ন করিতেছ না” ? ৭। আমি দেবগণকে স্মারামুসারে ব্যতীত অবতারণ করি না, এবং তখন তাহারা (ধর্মদ্রোহিগণ) অবকাশ প্রাপ্ত হইবে না । ৮। নিশ্চয় আমি উপদেশ অবতারণ করিয়াছি, এবং নিশ্চয় আমি তাহার সংরক্ষক । ৯। এবং সত্য সত্যই আমি, (হে মোহম্মদ,) তোমার পূর্বে পূর্ববর্তী সম্প্রদায় সকলের মধ্যে (সংবাদবাহক) প্রেরণ করিয়াছি । ১০। এবং (এমন) কোন প্রেরিতপুরুষ তাহাদের নিকটে উপস্থিত হয় নাই যে, তাহারা তাহার প্রতি উপহাস বৈ করে নাই । ১১।

* এই সূরা মক্কাতে অবতীর্ণ হয় । এই সূরার বাবচ্ছেদক বর্ণ “আলুরা” । কাহার কাহার মতে ‘আ’য়ে আলা, ‘ল’য়ে জেরিল, ‘র’য়ে রহুল (প্রেরিতপুরুষ) বুঝায় । . অর্থাৎ এই বাণী ঈশ্বর হইতে জেরিলের যোগে প্রেরিতপুরুষের নিকটে উপস্থিত হইয়াছে । (ত, হো)

† গ্রন্থ ও “কোর্-আন্” দুই এক পদার্থ, কিন্তু ভিন্ন নামে উক্ত হইয়াছে । প্রত্যেক শব্দই ভাবকে প্রমাণিত করে । গোরবার্থে “কোর্-আন্” এই শব্দের উল্লেখ হইয়াছে । (ত, হো,)

‡ “যদি তাহারা মোসলমান হইত” এই আকাঙ্ক্ষার ভাব কাকেরদিগের প্রতি পৃথিবীতে বিজয়লাভের সময়ে বিশ্বাসীদিগের হয় ; বা কাকেরদিগের মৃত্যুকালে, কিম্বা ভূগর্ভে সমাহিত অবস্থায়, অথবা পুনরুত্থানের দিনে, কিম্বা বিচারের সময়ে তাহাদের এইরূপ ইচ্ছা হয় ।

§ সময় নির্দ্ধারিত ছিল, এবং স্বর্ণে সংরক্ষিত বিধিপুস্তকে লিপি ছিল যে, ধর্মবিরোধীদিগকে কত দিন অবকাশ দেওয়া যাইবে ও কি প্রকার তাহাদের বিনাশ হইবে । (ত, হো,)

এই প্রকারে আমি অপরাধীদের অন্তরে তাহা (বিক্রপ) চালনা করি । ১২ । +তাহারা ইহার প্রতি (কোর-আনের প্রতি) বিশ্বাস স্থাপন করে না, নিশ্চয় (এক্ষণ) পূর্ববর্তী-দিগের পদ্ধতি চলিয়া গিয়াছে * । ১৩ । এবং যদি আমি তাহাদের প্রতি আকাশের দ্বার মুক্ত করি, তবে তাহারা তন্মধ্যে আরোহণকারী হইবে । ১৪ । +তাহারা অবশ্য বলিবে যে, “আমাদের চক্ষু বিহ্বল হইয়াছে বৈ নহে, বরং আমরা ইন্দ্রজালমুগ্ধ এক জাতি ।” ১৫ । (র, ১, আ, ১৫)

এবং সত্য সত্যই আমি আকাশে গ্রহমণ্ডল সকল উৎপাদন করিয়াছি, এবং দর্শক-দিগের নিমিত্ত তাহাকে শোভিত করিয়াছি † । ১৬ । +এবং যেলুকাইয়া শ্রবণ করিয়াছে, তাহা ব্যতীত সমুদায় নিস্তাড়িত শয়তান হইতে তাহাকে রক্ষা করিয়াছি, অনন্তর উজ্জ্বল উজ্জ্বল তাহার অন্তরঙ্গ করিয়াছে ‡ । ১৭ + ১৮ । এই পৃথিবী, ইহাকে আমি প্রসারিত করিয়াছি ও ইহার মধ্যে পর্বত সকল স্থাপন করিয়াছি, এবং ইহার মধ্যে প্রত্যেক পরিমিত বস্তু উৎপাদন করিয়াছি । ১৯ । এবং ইহার মধ্যে তোমাদের জন্ত উপজীব্য সামগ্রী সৃজন করিয়াছি, এবং তোমরা যাহার জীবিকাদাতা নও, তাহাকে (জীবদিগকে সৃজন করিয়াছি) । ২০ । এবং (এমন) কোন বস্তু নাই যে, আমার নিকটে তাহার ভাণ্ডার নাই, এবং আমি নির্দ্ধারিত পরিমাণ ব্যতীত তাহা অবতারণ করি না । ২১ । এবং আমি ভারস্থাপনকারী বায়ুকে প্রেরণ করিয়াছি, তৎপর আকাশ হইতে বারিবর্ষণ করিয়াছি, অনন্তর তাহা তোমাদিগকে পান করাইয়াছি ; তোমরা তাহার সংগ্রহকারী নও § । ২২ । এবং নিশ্চয় আমি জীবন দান করি ও প্রাণ হরণ করিয়া থাকি, এবং আমিই স্বত্বাধিকারী ¶ । ২৩ । এবং সত্য সত্যই আমি তোমাদের

* অর্থাৎ পূর্ববর্তী ধর্ম্মদ্রোহী লোকদিগের সংহারসাধনে ঈশ্বরের যে প্রণালী ছিল, এক্ষণ তাহা রহিত হইয়াছে । (ত, হো,)

† আকাশে মেঘ বৃষাদি ষাটটি গ্রহমণ্ডল আছে । নক্ষত্রবৃন্দে নভোমণ্ডল শোভিত হইয়াছে । (ত, হো,)

‡ আদমের সময় হইতে মহাপুরুষ ঈসার সময় পর্য্যন্ত দৈত্যগণ নভোমণ্ডলে উপস্থিত হইয়া, দেবতাগণ যে স্বর্গীয় গ্রন্থ পাঠ করিতেন, তাহা শ্রবণ করিত, এবং পৃথিবীতে আসিয়া সেই সকল কথা তাহাদের বন্ধু ভবিষ্যদ্বক্তাদিগকে জানাইত । মহান্না ঈসা জন্মগ্রহণ করিলে পর, তিন স্বর্গে গমনে তাহারা নিষিদ্ধ হয়, চতুর্থ স্বর্গ পর্য্যন্ত গমনাগমন করিত । মহাপুরুষ মোহাম্মদ আবির্ভূত হইলে, সমুদায় স্বর্গ হইতেই তাহারা তাড়িত হয় । তাহাকে অর্থাৎ সেই শয়তানদিগকে তাড়াইবার জন্ত উজ্জ্বল উজ্জ্বল নিযুক্ত থাকে ও সমুদায় গুণগুণ অবরুদ্ধ হয় । (ত, হো,)

§ বৃষ্টি উৎপাদনের জন্ত প্রথমতঃ বাষ্প সকল উৎপন্ন হয়, বায়ু সেই বাষ্পপুঞ্জ দ্বারা মেঘকে ভারাক্রান্ত করিয়া প্রকাশ করে, তৎপর বারিবর্ষণ হয় । (ত, হো,)

¶ অর্থাৎ আমি প্রাণের সকার করিয়া নখর দেহকে জীবিত করি, এবং প্রাণ হরণ করিয়া তাহাকে

পূর্ববর্তীদিগকে জ্ঞাত আছি, ও সত্য সত্যই আমি পরবর্তী লোকদিগকে জ্ঞাত আছি * । ২৪। এবং নিশ্চয় (যিনি) তোমার প্রতিপালক, তিনি তাহাদিগকে সমুৎপাদন করিবেন, নিশ্চয় তিনি নিপুণ ও জ্ঞাত। ২৫। (র, ২, আ, ১০)

এবং সত্য সত্যই আমি মনুষ্যকে দুর্গন্ধ কর্দ্দমের শুদ্ধ মৃত্তিকা দ্বারা সজ্জন করিয়াছি । ২৬। এবং পূর্বে দৈত্যদিগকে জলন্ত অগ্নি দ্বারা সজ্জন করিয়াছি। ২৭। এবং (স্মরণ কর,) যখন তোমার প্রতিপালক দেবতাদিগকে বলিয়াছিলেন যে, “নিশ্চয় আমি দুর্গন্ধ কর্দ্দমের শুদ্ধ মৃত্তিকা দ্বারা মনুষ্যের সৃষ্টিকর্ত্তা ঃ। ২৮। অনন্তর যখন আমি তাহাকে ঠিক করিয়া লইব, এবং তন্মধ্যে আপন প্রাণ ফুৎকার করিব, তখন তোমরা তাহাকে নমস্কার করিবে” ঃ। ২৯। পরে শয়তান ব্যতীত দেবগণ সমুদায় একযোগে নমস্কার করিল, সে নমস্কারকারীদিগের সঙ্গী হইতে অসম্মত হইল। ৩০+৩১। তিনি বলিলেন, “হে শয়তান, তোমার কি হইয়াছে যে, তুমি নমস্কারকারীদিগের সঙ্গী হইলে না” ? ৩২। সে বলিল, “দুর্গন্ধ কর্দ্দমের শুদ্ধ মৃত্তিকা দ্বারা তুমি যাহাকে সজ্জন করিয়াছ, আমি সেই মনুষ্যকে নমস্কার করিতে কখনও (বাধ্য) নহি”। ৩৩। তিনি বলিলেন, “তুমি এস্থান হইতে বাহির হও, অনন্তর নিশ্চয় তুমি তাড়িত। ৩৪।+ এবং নিশ্চয় তোমার প্রতি কেয়ামতের দিন পর্য্যন্ত অভিসম্পাত হইল”। ৩৫। সে বলিল, “হে আমার প্রতিপালক, অবশেষে আমাকে পুনরুত্থানের দিন পর্য্যন্ত অবকাশ দাও” । ৩৬। তিনি বলিলেন, “পারিশেষে নিশ্চয় তুমি নির্দারিত সময়ের দিবস (আগমন) পর্য্যন্ত অবকাশ-প্রাপ্তদিগের অন্তর্গত” § । ৩৭+৩৮। সে বলিল, “হে আমার প্রতিপালক, যেহেতু তুমি আমাকে বিভ্রান্ত করিলে, আমি অবশ্য পৃথিবীতে তাহাদের জন্ত (পাপকে) সম্ভিজত করিব, এবং আমি অবশ্য এক যোগে তাহাদিগকে বিভ্রান্ত করিব।

নির্জীব করিয়া থাকি। অথবা দর্শনের জ্যোতিতে অন্তরকে সজীব করি, এবং সাধনার অগ্নিতে পশু জীবনকে ধ্বংস করিয়া থাকি। (ত, হো,)

* আদমের সময় হইতে যাহারা জন্মগ্রহণ করিয়াছে ও মরিয়াছে, এবং কেয়ামত পর্য্যন্ত যাহারা জন্মিবে ও মরিবে, সমুদায় আমি জ্ঞাত আছি। (ত, হো,)

† পরমেশ্বর আদমকে মৃত্তিকা দ্বারা সজ্জন করিয়াছেন। প্রথমতঃ তিনি মৃত্তিকার উপর জলবর্ষণ করিয়া তাহাকে কর্দ্দমে পরিণত করেন, কিছুকাল গত হইলে তাহা শুষ্ক হয়, পরে তদ্বারা আদমকে সৃষ্টি করেন। (ত, হো,)

‡ “আপন প্রাণ ফুৎকার করিব”, অর্থাৎ আমার গুণ, ভাব বাহাতে বিশেষ ভাবে প্রতিফলিত, সেই আত্মাকে সেই দেহের মধ্যে সঞ্চারিত করিব। (ত, ফা,)

§ “নির্দারিত সময়ের দিবস পর্য্যন্ত,” অর্থাৎ প্রথম সুরক্ষনি হইলে প্রলয় হইবে, দ্বিতীয় সুরক্ষনিতে মৃত সকল জীবিত হইয়া উঠিবে। দ্বিতীয় সুরক্ষনি প্রথম ধ্বনির চল্লিশ বৎসর পরে হইবে। শয়তান সেই নির্দারিত চল্লিশ বৎসর মৃত থাকিয়া পরে বাঁচিয়া উঠিবে। ঈশ্বর শয়তানের প্রার্থনামুসারে তাহাকে পুনরুত্থানের দিন পর্য্যন্ত অবকাশ না দিয়া প্রলয় দিবস পর্য্যন্ত অবকাশ দিলেন। (ত, হো,)

৩২।+ তাহাদের মধ্যে তোমার চিহ্নিত দাসগণকে ব্যতীত (সকলকে বিভ্রান্ত করিব)"
 ১৪০। তিনি বলিলেন, "ইহাই (এই বিশেষত্ব,) আমার দিকে সরল পথ। ৪১। পথ-
 ভ্রান্তদিগের যে ব্যক্তি তোমার অহসরণ করিয়াছে, তৎপ্রতি ভিন্ন নিশ্চয় আমার দাস-
 গণের প্রতি তোমার প্রভাব নাই। ৪২। এবং নিশ্চয় নরক তাহাদের সকলের অঙ্গীকৃত
 ভূমি। ৪৩। তাহার সপ্ত দ্বার, তাহার প্রত্যেক দ্বারের জন্ত অংশ বিভাগ করা আছে" *
 ১৪৪। (র, ৩, আ, ১২)

নিশ্চয় ধর্মভীরুগণ উত্থান ও প্রশ্রবণ সকলে বাস করিবে †। ৪৫। (বলা হইবে,)
 নিরাপদে ও স্বচ্ছন্দে এখানে প্রবেশ কর। ৪৬। এবং তাহাদের বক্ষে পরস্পর ভ্রাতৃ-
 বিষেষ যাহা ছিল, তাহা আমি বাহির করিব; তাহারা সিংহাসনের উপরে পরস্পর
 সম্মুখীন থাকিবে ‡। ৪৭। তথায় কোন দুঃখ তাহাদিগকে প্রাপ্ত হইবে না, এবং
 তাহারা তথা হইতে বহিষ্কৃত হইবে না। ৪৮। আমার দাসদিগকে, (হে মোহম্মদ,)
 সংবাদ দান কর যে, আমি ক্ষমাশীল দয়ালু। ৪৯।+ এবং এই যে আমার শাস্তি, তাহা
 দুঃখজনক শাস্তি। ৫০। এবং তাহাদিগকে এত্রাহিমের অতিথিদিগের সংবাদ দান কর §
 ৫১। যখন তাহারা তাহার নিকটে উপস্থিত হইয়াছিল, তখন "সেলাম" বলিয়াছিল;

* যেমন স্বর্গের আট দ্বার আছে ও সৎকর্মশীলদিগের জন্ত তাহার বিভাগ হয়, তদ্রূপ নরকের
 সাত দ্বার আছে, দুষ্ক্রিয়শীলদিগের নিমিত্ত তাহা বিভক্ত হইয়া থাকে। বোধ করি, স্বর্গের এক দ্বার
 একজন্ত অধিক আছে যে, সৎকর্ম ব্যতীত কেবল ঈশ্বরকৃপায় লোকে সেই দ্বার দিয়া প্রবেশ করিতে
 পারে। (ত, ফা,)

এখানে নরকের দ্বার অর্থে নরকের শ্রেণী, এক এক শ্রেণীর নরক এক এক সম্প্রদায়ের নিমিত্ত
 নির্দিষ্ট আছে। একেশ্বরবাদী পাণ্ডিদিগের জন্ত "জহন্নম" নামক এক নরক নির্দিষ্ট, "নতি" ঈসারী-
 দিগের নিমিত্ত, "হোত্তমা" ইহুদিদিগের নিমিত্ত, "সয়ির" সার্বসম্প্রদায়ের নিমিত্ত, "সকর" অগ্নিপূজক-
 দিগের নিমিত্ত, "জহিম" ঋণিবাদীদিগের নিমিত্ত, "হাভিয়া" কপটদিগের নিমিত্ত নির্দ্ধারিত। বহরো-
 ল্-হকায়েকে উক্ত হইয়াছে যে, লোভ, মোহ, ঈর্ষ্যা, হিংসা, ক্রোধ, কাম, অহঙ্কার এই সাতটি
 নরকের দ্বার। অপিচ অপর গ্রন্থে উল্লিখিত হইয়াছে যে, চক্ষু, কণ, জিহ্বা, উদর, জননেন্দ্রিয়, হস্ত,
 পদ মনুষ্যের এই সাতটি অঙ্গ নরকের দ্বার, এই সপ্ত অঙ্গ দ্বারা মনুষ্য পাপ করিয়া থাকে।
 (ত, হো,)

† অর্থাৎ যে সকল উজ্জানে দুঃখ ও সূরা প্রভৃতির প্রশ্রবণ প্রবাহিত, তথায় তাহারা বাস
 করিবে। (ত, হো,)

‡ পৃথিবীতে ঈহাদের ভ্রাতৃবিষেষ ছিল, উন্নত লোকে তাহা থাকিবে না; সকলে প্রণয়ন্যে
 বদ্ধ হইবেন। কথিত আছে যে, স্বর্গবাসীদিগের কেহ কাহার পৃষ্ঠদেশ দর্শন করেন না, তাহারা যে
 স্থানে যে অবস্থায় থাকুন না কেন, পরস্পরের মুখ দর্শন করেন, এবং চলিবার সময় তাহাদের সঙ্গে
 সঙ্গে সিংহাসনও চলিয়া থাকে। (ত, হো,)

§ অর্থাৎ সেই তিন স্বর্গীয় দূত বা অষ্ট কিংবা দ্বাদশ স্বর্গীয় দূত, ঈহারা এত্রাহিমের নিকটে

সে বলিয়াছিল, “নিশ্চয় আমরা তোমাদিগ হইতে ভীত আছি”। ৫২। তাহারা বলিয়াছিল, “ভয় করিও না, একান্তই আমরা তোমাকে এক জ্ঞানবান্ পুত্রের স্বেসংবাদ দান করিতেছি”। ৫৩। সে বলিয়াছিল যে, “আমাকে বৃদ্ধ প্রাপ্ত হইয়াছে, তদবস্থায় কি তোমরা আমাকে স্বেসংবাদ দান করিতেছ? অনন্তর কিরূপ শুভ সংবাদ দিতেছ?” ৫৪। তাহারা বলিয়াছিল যে, “যথার্থ ভাবে আমরা তোমাকে স্বেসংবাদ দান করিতেছি, অতএব তুমি নিরাশদিগের অন্তর্গত হইও না”। ৫৫। এবং সে বলিয়াছিল, “পথভ্রান্তগণ ব্যতীত কে স্বীয় প্রতিপালকের দয়াতে নিরাশ হয়?” ৫৬। বলিয়াছিল, “হে প্রেরিতগণ, অবশেষে তোমাদের কি অভিপ্রায়?” ৫৭। তাহারা বলিয়াছিল যে, “নিশ্চয় আমরা লুতের স্বগণ ব্যতীত (অন্ত) অপরাধীদের প্রতি প্রেরিত হইয়াছি; নিশ্চয় আমরা তাহার ভাষা ব্যতীত তাহাদিগকে (লুতের স্বগণদিগকে) এক যোগে উদ্ধার করিব। আমরা স্থির করিয়াছি যে, নিশ্চয় সেই নারী পতিতদিগের অন্তর্গত”। ৫৮ + ৫৯ + ৬০। (র, ৪, আ, ১৬)

অনন্তর যখন প্রেরিতপুরুষগণ লুতের স্বগণবর্গের নিকটে উপস্থিত হইল। ৬১। + তখন সে বলিল, “নিশ্চয় তোমরা অপরিচিত দল”। ৬২। তাহারা বলিল, “বরং তাহারা যে বিষয়ে সন্দেহ করিতেছিল, তৎসহ আমরা তোমার নিকটে আসিয়াছি *। ৬৩। এবং আমরা তোমার নিকটে সত্যসহ উপস্থিত হইয়াছি, এবং নিশ্চয় আমরা সত্যবাদী। ৬৪। অনন্তর তুমি রজনীর একভাগে স্বজনসহ প্রস্থান করিও ও তুমি তাহাদিগের পশ্চাদ্গমনের অহুসরণ করিও, এবং তোমাদের কেহ যেন পশ্চাদ্গতি না করে ও যে স্থানে তোমরা আদিষ্ট হইয়াছ, তথায় চলিয়া যাইবে” †। ৬৫। এবং তাহার প্রতি আমি এই বিষয় নির্ধারণ করিয়াছিলাম যে, প্রাতঃকাল হইলে ইহাদিগের মূল ছিন্ন হইবে। ৬৬। এবং সেই নগরবাসিগণ আনন্দসহকারে উপস্থিত হইল। ৬৭। সে বলিল, “নিশ্চয় ইহারা আমার অতিথি, অতঃপর তোমরা আমাকে অপমানিত করিও না। ৬৮। + এবং ঈশ্বরকে ভয় কর ও আমাকে লাক্ষিত করিও না”। ৬৯। তাহারা বলিল, “ধরাতলবাসীদিগকে (অতিথি করিতে) আমরা কি তোমাকে বারণ করি নাই?” ৭০।

স্বেসংবাদদানের জন্ত ও লুতের নিকটে তাহার সম্প্রদায়ের বিনাশসাধনের জন্ত উপস্থিত হইয়াছিলেন।

(ত, হো,)

* অর্থাৎ লুত যে সম্প্রদায়ের প্রতি প্রেরিত হইয়াছিলেন, তাহারা পুরুষের সঙ্গে ব্যাভিচার করিত। এই পাপের জন্ত যে শাস্তির অঙ্গীকার আছে, এ বিষয়ে তাহাদের সন্দেহ ছিল। এক্ষণ স্বর্গীয় দূতগণ বলিতেছেন যে, তাহারা যে শাস্তির বিষয়ে সন্দেহ করিতেছে, তাহাদিগকে সেই শাস্তি দান করিবার জন্তই আমরা উপস্থিত হইয়াছি।

(ত, ফা,)

† শাম বা মের দেশে বাইবার জন্ত তাহাদের প্রতি আদেশ হইয়াছিল, তথাকার নিবাসিগণ বিনাশ প্রাপ্ত হইবে না।

(ত, হো,)

সে বলিল, “যদি তোমরা কার্য্যকারক হও, তবে ইহারা আমার কন্ঠা”, (বিবাহ কর) * । ৭১। তোমার জীবনের শপথ, (হে মোহাম্মদ,) † নিশ্চয় তাহারা স্বীয় মন্ততায় ঘূর্ণায়মান ছিল। ৭২। অনন্তর উষাকাল আগত হইলে, ঘোর নিনাদ তাহাদিগকে আক্রমণ করিল। ৭৩। + পরে আমি তাহার (নগরের) উন্নতিকে তাহার অবনতিতে পরিণত করিলাম, এবং তাহাদিগের উপরে প্রস্তরকঙ্কর সকল বর্ষণ করিলাম। ৭৪। নিশ্চয় ইহাতে শিক্ষার্থীদিগের নিমিত্ত নিদর্শন সকল আছে। ৭৫। এবং নিশ্চয় তাহা (সেই নগর) পশ্চিমধ্যে স্থিত। ৭৬। সতাই ইহাতে বিশ্বাসীদিগের জন্ত নিদর্শন সকল আছে। ৭৭। নিশ্চয় আয়কানিবাসিগণ ‡ অত্যাচারী ছিল। ৭৮। অনন্তর আমি তাহাদিগ হইতে প্রতিশোধ লইয়াছি ও নিশ্চয় উভয় স্থান § পশ্চিমধ্যে প্রকাশিত আছে। ৭৯। (র, ৫, আ, ১৯)

এবং সতাই সতাই হেজরনিবাসিগণ প্রেরিত পুরুষদিগের প্রতি অসত্যারোপ করিয়াছিল ॥ । ৮০। এবং তাহাদিগকে আমি আপন নিদর্শন সকল দান করিয়াছিলাম, পরন্তু তাহারা তাহার প্রতি বিমূখ ছিল। ৮১। + এবং তাহারা পর্ব্বত সকল হইতে নিরাপদ আলয় কাটিয়া লইতেছিল ॥ । ৮২। অনন্তর প্রাতঃকাল হইলে বিকটধ্বনি তাহাদিগকে প্রাপ্ত হইল। ৮৩। + পরিশেষে তাহারা বাহা করিতেছিল, তাহাদিগ

* প্রত্যেক প্রেরিতপুরুষ আপন আপন মণ্ডলীর পিতৃস্বরূপ, একজ্ঞ লুত স্বীয় সম্প্রদায়ের কন্ঠা-দিগকে লক্ষ্য করিয়া আমার কন্ঠাগণ বলিয়া নির্দেশ করিয়াছিলেন। (ত, হো,)

+ পরমেশ্বর সৃষ্ট বস্তু সকলের বাহাকে ইচ্ছা হয়, তাহার উল্লেখ করিয়া শপথ করিয়া থাকেন; কিন্তু কোন জীব ঈশ্বরের উল্লেখ ব্যতীত শপথ করে না। সৃষ্ট জীবের মধ্যে হজরত অপেক্ষা কেহই শ্রেষ্ঠ নহে; একজ্ঞ পরমেশ্বর অস্ত্র কাহারও জীবনের শপথ করেন নাই। যেহেতু তাঁহার জীবন সত্য জীবন ছিল, এবং ঈশ্বরের অতি প্রিয় ও সান্নিধ্যবর্তী ছিল। (ত, হো,)

‡ মহাপুরুষ শোয়বের সম্প্রদায় “আয়কা” নিবাসী ও “মদয়ন” নিবাসী ছিল। যে স্থানে ঘন-সন্নিবিষ্ট পাদপশ্রেণী, তাহাকে “আয়কা” বলে। অনেক উদ্ভান ছিল বলিয়া উক্ত স্থানকে “আয়কা” বলিত। আয়কানিবাসিগণ শোয়বের অবাধ্য হওয়াতে এবং মদয়নের লোকগণ তাঁহাকে মিথ্যাবাদী বলাতে, ভয়ঙ্কর নিনাদে আক্রান্ত হইয়া বিনাশ প্রাপ্ত হইয়াছিল। (ত, হো,)

§ “উভয় স্থান” অর্থাৎ লুতীয় সম্প্রদায়ের নিবাসভূমি “সুছুমা” এবং শোয়বীয় সম্প্রদায়ের বাসস্থান “আয়কা”। (ত, হো,)

¶ সমুদ্রজাতি হেজরনিবাসী, তাহারা তাহাদের প্রেরিতপুরুষ সালেহকে অসত্যবাদী বলিয়া-ছিল। (ত, ফা,)

॥ পাণাণ হইতে প্রকাণ্ডকার উল্লী প্রসূত হওয়া এবং সেই উল্লীতে আশ্চর্য্য জীবনের ক্রিয়া প্রকাশ পাওয়া ইত্যাদি যে অলৌকিক ক্রিয়া প্রকাশ পাইয়াছিল, সমুদ্র জাতি তাহা গ্রাহ্য করে নাই। তাহারা শাস্তি ও দুর্ঘটনা হইতে রক্ষা পাইবার জন্ত পর্ব্বত খনন করিয়া হৃদৃঢ় গৃহ নির্মাণ করিয়াছিল। (ত, হো,)

উহা তাহাদিগ হইতে বিপদ দূর করিতে পারে নাই।

হইতে তাহা দূর করিল না। ৮৪। এবং আমি সত্য ভাবে ব্যতীত, স্বর্গ ও মর্ত্য এবং উভয়ের মধ্যে যাহা কিছু আছে, তাহা সৃজন করি নাই; নিশ্চয় কেহামত উপস্থিত হইবে, অনন্তর উত্তম ক্ষমারূপে ক্ষমা কর *। ৮৫। নিশ্চয় তোমার প্রতিপালকই সৃষ্টিকর্তা জ্ঞানবান। ৮৬। এবং সত্য সত্যই তোমাকে, (হে মোহাম্মদ,) আমি দ্বিকৃতির সপ্ত (আয়ত) এবং মহা কোর্-আন্ প্রদান করিয়াছি †। ৮৭। যাহা দ্বারা আমি তাহাদিগের অনেক প্রকারের লোককে লাভবান করিয়াছি, তুমি তাহার প্রতি আপন দৃষ্টিকে প্রসারণ করিও না ও ইহাদের সম্বন্ধে শোক করিও না, এবং বিশ্বাসিগণের জগৎ স্বীয় বাহকে নত কর ‡। ৮৮। বল, নিশ্চয় আমি স্পষ্ট ভয়প্রদর্শক। ৮৯। + যদ্রূপ আমি (ঈশ্বর) বিভাগকারীদিগের প্রতি শাস্তি অবতারণ করিয়াছি, তদ্রূপ যাহারা কোর্-আন্কে খণ্ড খণ্ড করিয়াছে, তাহাদিগের প্রতি (শাস্তি প্রেরণ করিব) §। ৯০ + ৯১। অনন্তর তোমার প্রতিপালকের শপথ, তাহারা যাহা করিতেছিল, সমবেতভাবে তাহাদিগকে আমি তদ্বিষয়ে প্রশ্ন

* পূর্ববর্তী মণ্ডলীদিগের বৃত্তান্ত বর্ণন করিয়া পরমেশ্বর বলিলেন যে, ক্রীড়ার ভাবে আমি জগৎ সৃজন করি নাই, সত্যভাবে সৃষ্টি করিয়াছি, যথা তাহার তত্ত্বাবধান করিয়াছি। পরিশেষে প্রলয় উপস্থিত হইবে। আজ্ঞা প্রচার হইলেও যখন কাকেরগণ গ্রাহ্য করিল না, তখন আদেশ হইল যে, বিরোধের প্রয়োজন নাই, সন্ধি ও অঙ্গীকারের পথ অনুসরণ কর। (ত, ফা,)

† একদা সাত দল বণিক্ বহুমূল্য দ্রব্যজাত সহ মক্কার উপস্থিত হইয়াছিল। হজরতের কোন কোন ধর্মবন্ধু তাহা দেখিয়া বলিয়াছিলেন যে, “হায়! যদি এ সকল সম্পত্তি আমাদিগের হস্তে থাকিত, তাহা হইলে সমুদায় ঈশ্বরোদ্দেশ্যে ব্যয় করিতাম।” হজরতের মনেও আশোলন উপস্থিত হয় যে, বিশ্বাসিগণের অন্ন বস্ত্রের কষ্ট, আর অংশবাদীদিগের এই সকল সম্পত্তি, এ কেমন ব্যাপার? তাহাতেই এই আয়ত অবতীর্ণ হয় যে, সপ্ত বণিকের সম্পত্তি অপেক্ষা মূল্যবান্ কাতেহা সুরার সপ্ত আয়ত, অথবা প্রথম হইতে সপ্ত সুরা তোমাকে দান করিয়াছি। “দ্বিকৃতি” অর্থে কোর্-আন্, কোর্-আন্কে দ্বিকৃতি এজন্ত বলা হইল যে, তাহাতে অনুজ্ঞা ও ঐতিহাসিক বৃত্তান্ত সকলের পুনরুজ্জীৱিত হইয়াছে। (ত, হে,)

‡ অনেক প্রকার কাকের আছে, যথা;—ইহুদি, ঈসারী, সূর্য্যোপাসক ও পৌত্তলিক ইত্যাদি। ঈশ্বর বলিতেছেন যে, তাহাদিগকে আমি যাহা দান করিয়াছি, তৎপ্রতি তুমি অনুরাগ প্রকাশ করিও না, উহা অতি নিকৃষ্ট ও হেয়। ইহাদিগের অর্থাৎ বিশ্বাসীদিগের দরিদ্রতা দেখিয়া শোক করিও না। “বিশ্বাসিগণের জগৎ স্বীয় বাহকে নত কর” ইহার অর্থ, বিশ্বাসীদিগকে সম্মান কর। (ত, হো,)

§ কাকেরগণ যখন কোর্-আন্ শ্রবণ করিত, তখন উপহাস করিয়া এক জন অপর জনকে বলিত, আমি “বকর সুরা” লইব, অল্প জন বলিত, আমি “মায়দা” লইব, অপর ব্যক্তি কহিত, আমি “অনকবুত সুরা” গ্রহণ করিব। ইহাদিগকে কোর্-আন্বিভাগকারী বলা হইয়াছে। (ত, ফা,)

কতকগুলি লোক কোর্-আন্কে কাব্য ও ঐন্দ্রজালিক মত এই সংজ্ঞায় বিভক্ত করিত, তাহারা দ্বাদশ জন ছিল। যাত্রিকদিগের আগমনের সময়ে অলিদ মঘয়রা তাহাদিগকে মক্কার পথে পাঠাইয়া দিত। তাহারা যাত্রিক দেখিলেই তাহাদিগকে বলিত যে, মোহাম্মদ কবি, ভবিষ্যৎভা, ঐন্দ্রজালিক বৈ নহে। তাহারা কোর্-আন্কে কাব্য ইত্যাদি ভিন্ন ভিন্ন বিশেষণ দান করিত। (ত, হো,)

করিব। ২২ + ২৩। পরে যে বিষয়ে তুমি আদিষ্ট হইতেছ, তাহা প্রচার কর, এবং অংশিবাদিগণ হইতে বিমুখ হও। ২৪। নিশ্চয় আমি বিজ্ঞপকারীদিগকে তোমার পক্ষে যথেষ্ট করিলাম *। ২৫। + যাহারা ঈশ্বরের সঙ্গে অপর ঈশ্বর নির্দারিত করে, পরে সত্ত্ব তাহারা জানিবে। ২৬। এবং সত্য সত্যই আমি জানিতেছি, তাহারা যাহা বলিতেছে, তজ্জন্ত তোমার বক্ষঃস্থল সঙ্কচিত হইতেছে। ২৭। + অনন্তর তুমি আপন প্রতিপালকের গুণ পবিত্রভাবে কীর্তন কর, এবং প্রণামকারীদিগের অন্তর্গত হও। ২৮। + এবং যে পর্যন্ত তোমার প্রতি মৃত্যু উপস্থিত হয়, সে পর্যন্ত আপন প্রতিপালককে অর্চনা কর। ২৯। (র, ৬, আ, ২০)

সূরা নহল †

.....

ষোড়শ অধ্যায়

.....

১২৮ আয়ত, ১৬ রকু

(দাতা দয়ালু পরমেশ্বরের নামে প্রবৃত্ত হইতেছি)

ঈশ্বরের আজ্ঞা উপস্থিত, অতএব তাহা সত্ত্ব প্রার্থনা করিও না; তিনি পবিত্র, এবং তাহারা যাহাকে অংশী নির্দারণ করে, তাহা হইতে তিনি উন্নত ‡। ১। তিনি আত্মসহ দেবতাদিগকে স্বীয় আজ্ঞাক্রমে ভয় প্রদর্শন করিতে, আপন দাসদিগের যাহার

* প্রধান পাঁচ জন কোরেশ অলিদ মখয়রা প্রভৃতি হজরতকে উৎপীড়ন করিতে বিশেষ উদ্যোগী ছিল। তাহারা তাঁহাকে যে স্থানে পাইত, উপহাস বিজ্ঞপ করিত। ঈশ্বর সেই পাঁচ ব্যক্তিকে যথেষ্ট শাস্তি দান করিয়াছেন। (ত, হো,)

† মক্কাতে এই সূরা অবতীর্ণ হয়।

‡ অর্থাৎ কেরামতের উপস্থিতিসম্বন্ধে অথবা ধর্ম্মসোহাদীদিগের শাস্তিবিষয়ে ঈশ্বরের আদেশ নিকটবর্তী; অতএব আর তাহা সত্ত্ব প্রার্থনা করিও না। প্রেরিতপুস্তক কাফেরদিগকে কেরামতের ঐহিক শাস্তির ভয় প্রদর্শন করিলে, তাহারা উপহাস করিয়া বলিতেছিল যে, শীঘ্র কেরামত ও শাস্তি উপস্থিত কর। তাহাতেই এই আয়ত অবতীর্ণ হয়। যথা, তোমরা যাহা বলিতেছ, তাহা সত্যটি হইবে; তোমরা প্রতিমাকে যে ঈশ্বরের অংশী করিয়াছ, সে তোমাদিগকে রক্ষা করিতে পারিবে না। ঈশ্বর প্রতিমা হইতে উন্নত। (ত, হো,)

উপরে ইচ্ছা হয়, অবতারণ করেন ; * যথা, আমি ব্যতীত কোন উপাস্ত নাই, অতএব তোমরা আমাকে ভয় করিও । ২ । তিনি সত্যভাবে স্বর্গ ও মর্ত্য সৃজন করিয়াছেন, তাহারা যাহাকে অংশী নির্ধারণ করে, তাহা অপেক্ষা তিনি উন্নত । ৩ । তিনি শুক্র দ্বারা মনুষ্য সৃজন করিয়াছেন, পরে অকস্মাৎ সে স্পষ্ট বিরোধী হইল । ৪ । এবং তিনি চতুস্পদদিগকে তোমাদের নিমিত্ত সৃজন করিয়াছেন, তন্মধ্যে (বস্ত্রের জন্ত) উষ্ণ রোম ও লাভ সকল আছে, এবং তাহাদের (কোন কোনটি) তোমরা ভক্ষণ করিয়া থাক । ৫ । যখন (প্রাস্তুর হইতে) প্রত্যাগমন কর ও যখন ছাড়িয়া দেও, তখন তন্মধ্যে তোমাদের জন্ত শোভা আছে । ৬ । এবং তাহারা তোমাদের ভার কোন নগরের দিকে বহন করিয়া থাকে, (অতথা) তোমরা আত্মিক ক্লেশ ব্যতীত কখনও তথায় সমাগত হও না ; নিশ্চয় তোমাদের প্রতিপালক অল্পগ্রহকারী দয়ালু । ৭ । এবং অশ্ব, উষ্ট্র ও গর্ভদদিগকে (তিনি সৃজন করিয়াছেন,) যেন তোমরা তদুপরি আরোহণ কর ও শোভার নিমিত্ত (সৃজন করিয়াছেন ;) তোমরা যাহা অবগত নও, তিনি তাহা সৃজন করেন । ৮ । এবং ঈশ্বরের প্রতিই সরল পথ পছন্দে ও তাহার (কোনটি) কুটিল ; এবং যদি তিনি ইচ্ছা করিতেন, তবে এক যোগে তোমাদিগকে পথ প্রদর্শন করিতেন † । ৯ ।

(র, ১, আ, ২)

তিনিই যিনি তোমাদের জন্ত আকাশ হইতে বারি বর্ষণ করেন, তাহা হইতে পান করা হয়, এবং তাহা হইতে বৃক্ষ (তৃণাদি) হয়, তাহাতে তোমরা পশুদিগকে চরাইয়া থাক । ১০ । তিনি তদ্বারা তোমাদের জন্ত শশুক্লেত্র ও জয়তুন ও খোন্দাতক এবং ত্রাণা এবং সূর্যবিধ ফল উৎপাদন করেন ; নিশ্চয় যাহারা চিন্তা করে, সেই দলের জন্ত ইহাতে নিদর্শন সকল আছে । ১১ । এবং তিনিই তোমাদের জন্ত দিবা ও রজনী এবং সূর্য ও চন্দ্র অধিকৃত করিয়াছেন, অপিচ নক্ষত্রবৃন্দ তাঁহার আজ্ঞাক্রমে অধিকৃত ; নিশ্চয় ইহাতে জ্ঞানী সম্প্রদায়ের জন্ত নিদর্শন সকল আছে । ১২ । + এবং তিনি তোমাদের জন্ত ধরাতে যাহা বিকীর্ণ করিয়াছেন, তাহার বিভিন্ন বর্ণ ; উপদেশগ্রহণকারী দলের জন্ত নিশ্চয় ইহাতে নিদর্শন সকল আছে । ১৩ । এবং তিনিই যিনি সমুদ্রকে আয়ত্ত করিয়াছেন, যেন তাহা হইতে তোমরা সদ্য মাংস (মৎস্য) ভক্ষণ করিতে পাও ও আভরণ যাহা পরিধান করিয়া থাক, তাহা হইতে বাহির কর ; এবং তুমি দেখিতেছ যে, (হে মোহম্মদ,) নৌকা সকল তাহাতে চলিয়া থাকে ; (তিনি সমুদ্রকে অধিকৃত করিয়াছেন,) যেন

* এহলে আত্মা শব্দে প্রত্যাদেশ বুঝাইবে । অথবা ঈশ্বরের সান্নিধ্যবর্তী এক দল আত্মা আছে, যখন পরমেশ্বর কোন স্বর্গীয় দূতকে পৃথিবীতে প্রেরণ করেন, সেই আত্মা সকলকে তাঁহার সঙ্গে পাঠাইয়া থাকেন । (ত, কা,)

† তাঁহার ক্ষমতা দেখিয়া তাঁহার গুণ স্পষ্ট বুঝা যায় । যাহার বুদ্ধি সরল নয়, সেই তাঁহার পথ হুইতে পলায়ন করে । (ত, কা,)

তোমরা তাহার গুণে (জীবিকা) অন্বেষণ করিতে থাক ; ভরসা যে, তোমরা কৃতজ্ঞ হইবে * । ১৪ । এবং তিনি ধরাতলে গিরিশ্রেণী স্থাপন করিয়াছেন, যেন তাহা তোমাদিগকে স্থিরতর রাখে, † এবং জলস্রোত সকল ও বর্ষা সকল (সৃজন করিয়াছেন,) ভরসা যে, তোমরা পথ প্রাপ্ত হইবে । ১৫ । + এবং (পথের) নিদর্শন সকল (সৃজন করিয়াছেন,) তাহারা নক্ষত্র-যোগে পথ প্রাপ্ত হইয়া থাকে । ১৬ । অনন্তর যিনি সৃজন করেন, তিনি কি, যে সৃজন করে না, তাহার তুল্য ? পরন্তু তোমরা কি উপদেশ গ্রহণ করিতেছ না ? ১৭ । এবং যদি তোমরা ঈশ্বরের দান গণনা কর, তাহা আয়ত্ত করিতে পারিবে না ; নিশ্চয় ঈশ্বর ক্ষমাশীল ও দয়ালু । ১৮ । এবং তোমরা যাহা গোপন কর ও যাহা ব্যক্ত করিয়া থাক, ঈশ্বর তাহা জানিতেছেন । ১৯ । যাহারা ঈশ্বর ব্যতীত (অল্প বস্তু সকলকে) আহ্বান করে, (সেই সকল বস্তু) কিছুই সৃষ্টি করে না ও তাহারা সৃষ্ট হইয়া থাকে । ২০ । মৃত সকল জীবিত নহে, তাহারা জানে না যে, কখন সমুখাপিত হইবে ‡ । ২১ । (র, ২, আ, ১২)

তোমাদের ঈশ্বর একমাত্র ঈশ্বর ; অনন্তর যাহারা পরলোকে বিশ্বাস করে না, তাহাদের অন্তর অগ্রাহকারী এবং তাহারা অহঙ্কারী । ২২ । নিঃসন্দেহ যে, তাহারা যাহা গোপন করে ও যাহা ব্যক্ত করিয়া থাকে, ঈশ্বর তাহা জ্ঞাত হন ; নিশ্চয় তিনি অহঙ্কারীদিগকে প্রেম করেন না । ২৩ । এবং যখন তাহাদিগকে বলা যায়, “যাহা তোমাদের প্রতি-পালক অবতারণ করিয়াছেন, তাহা কি ?” তখন তাহারা বলে, “পূর্বতন বৃত্তান্ত সকল” ।

* পরমেশ্বর বাহু জগতে নদ, নদী ও সাগর সৃজন করিয়াছেন, এবং তাহা পার হইবার জন্য নৌকা সকল নিযুক্ত রাখিয়াছেন । অন্তর রাজ্যেও নদী সকল আছে, যথা,—আসজ্জি-নদী, বিবাদ, লোভ, ঔদাসীন্ত, বিচ্ছেদ-নদী ইত্যাদি । এ সমুদায় নদী হইতে উত্তীর্ণ হইবার জন্যও তিনি নৌকা সকল নিরূপিত করিয়া রাখিয়াছেন । যিনি নির্ভরের নৌকায় আরোহণ করেন, তিনি আসজ্জি-নদী হইতে বিষয়মুক্তির তীরে উত্তীর্ণ হন । যে ব্যক্তি সম্ভাব্যতরগীতে আরোহণ করেন, তিনি বিবাদনদী পার হইয়া শান্তিতে সমাগত হইয়া থাকেন । যে জন ধৈর্য্যপোতে আরূঢ় হন, তিনি লোভসাগর হইতে বৈরাগ্যকূলে উপস্থিত হন । যিনি বৈরাগ্যতরিতে উপবেশন করেন, তিনি ঔদাসীন্তসরিং পার হইয়া তত্ত্বজ্ঞানের তটে সমুত্তীর্ণ হইয়া থাকেন । যিনি একত্ববাদের নৌকায় সমারূঢ় হন, তিনি ভিন্নতার স্রোতধ্বাতি অতিক্রম করিয়া যোগের ভূমিতে আসিয়া পহঁছেন । প্রকৃতপক্ষে ভিন্নতাই স্থিতি, যোগ শ্রলয় । যাহারা আত্মবান্ (আসক্তিমুক্ত), তাহারা ভিন্নতার সৃষ্টাজনক ভূমিতে স্থিতি করে । যিনি আসক্তিহীন, তিনি যোগভূমিতে বাস করেন । (ত, হো,)

† যখন পরমেশ্বর জলের উপর পৃথিবী সৃষ্টি করিলেন, তখন পৃথিবী কম্পিত হইতেছিল ; তদুপরি পর্বত সকল স্থাপন করিলে পর তাহা স্থির হয় । (ত, হো,)

‡ অর্থাৎ যখন পুত্তলিকাদি আপনার ও অন্তর পুনরুত্থানের সময় অবগত নহে, তখন কি প্রকারে স্বীয় সেবকদিগকে পুরস্কার দিতে সক্ষম ? উপাস্তের উচিত যে, উপাসকের পুনরুত্থানের তত্ত্ব জ্ঞাত থাকে ও তাহাদিগকে পুরস্কার-দানে সমর্থ হয় । (ত, হো,)

২৪। +তাহাতে তাহারা স্বীয় (পাপের) পূর্ণভার ও যাহারা অজ্ঞানতাবশতঃ তাহাদিগকে পথভ্রান্ত করিতেছে, তাহাদিগের কোন ভার কেয়ামতের দিনে বহন করিবে; জানিও, যে কিছু ভার তাহারা বহন করিবে, তাহা মন্দ। ২৫। (র, ৩, আ, ৪)

যাহারা ইহাদের পূর্বে ছিল, নিশ্চয় তাহারা ছলনা করিয়াছিল; তৎপর তাহাদের অট্টালিকার ভিত্তির দিকে ঈশ্বর আগমন করিলেন, অনন্তর তাহাদের উর্দ্ধ হইতে তাহাদের উপর ছাদ পতিত হইল; তাহাদের প্রতি সেই দিক্ দিয়া শাস্তি উপস্থিত হইল যে, তাহারা জানিত না *। ২৬। অতঃপর কেয়ামতের দিনে তিনি তাহাদিগকে লাহিত করিবেন, এবং বলিবেন, “কোথায় আমার সেই অংশিগণ, তোমরা যাহাদের সম্বন্ধে বিরোধ করিতেছিলে?” জ্ঞানবান্ লোকেরা বলিবে যে, “নিশ্চয় ধর্মদ্রোহীদিগের প্রতি সেই দিবসের লাহনা ও অকল্যাণ হয়”। ২৭। +আপন জীবনের প্রতি অত্যাচারী (অবস্থায়) দেবগণ যাহাদিগের প্রাণ হরণ করিয়াছিল, অনন্তর তাহারা সম্মিলন স্থাপন করে; (বলে) যে, “আমরা মন্দ আচরণ করিতাম না।” (তখন বলা হয়,) “হী, নিশ্চয় তোমরা যাহা করিতেছিলে, ঈশ্বর তাহার জ্ঞাতা”। ২৮। অতঃপর তোমরা নরকের দ্বার সকলে প্রবেশ কর, তন্মধ্যে তোমরা নিত্য স্থায়ী হইবে; পরন্তু অহঙ্কারীদিগের স্থান কদম্ব। ২৯। এবং যাহারা ধর্মভীক হইয়াছিল, তাহাদিগকে বলা হইল, “তোমাদের প্রতিপালক যাহা অবতারণ করিয়াছেন, তাহা কি?” তাহারা বলিল, “কল্যাণ;” যাহারা এই সংসারে শুভকার্য্য করিয়াছে, তাহাদের জগৎ শুভ হয়, এবং অবশ্য পারলৌকিক আলায় কল্যাণকর, এবং অবশ্য ধর্মভীকদিগের নিকেতন উত্তম। ৩০। নিত্য উত্তান সকল আছে, তন্মধ্যে তাহারা প্রবেশ করিবে, তাহার নিম্নে জলপ্রণালী প্রবাহিত; তাহারা যাহা ইচ্ছা করিবে, তাহা তাহাদের জগৎ তথায় আছে। এইরূপে পরমেশ্বর ধর্মভীকদিগকে বিনিময় দান করেন। ৩১। +দেবগণ বিমুগ্ধ আছে (এই অবস্থায়) যাহাদিগের প্রাণ হরণ করে, তাহাদিগকে বলিয়া থাকে, “তোমাদের প্রতি সেলাম, তোমরা যাহা

* কথিত আছে যে, নেমরুদের অট্টালিকার পতন সম্বন্ধে এই আয়ত অবতীর্ণ হয়। রাজা নেমরুদ বাবেল প্রদেশে এক অট্টালিকা নির্মাণ করিয়াছিল। তাহার উচ্চতা দশ সহস্র হস্ত, দৈর্ঘ্য ও পরিসর তিন কোশ ছিল। সেই অট্টালিকার সাহায্যে স্বর্গে আরোহণ করিয়া এত্রাহিমের ঈশ্বরের সঙ্গে সংগ্রাম করিতে তাহার চেষ্টা হয়। প্রাসাদ প্রস্তুত হইলে পর ঈশ্বর ভয়ঙ্কর বাত্যা প্রেরণ করেন, তাহাতে উহা সমূলে চূর্ণ হইয়া যায়। কেহ কেহ বলেন, অট্টালিকার চূড়া নদীতে নিক্ষিপ্ত হয়, অবশিষ্ট অংশ নেমরুদের অমুবর্জিগণের গৃহের উপর পড়িয়া যায়, এবং এক ভয়ঙ্কর শব্দ হয়, তাহাতে সেই দেশে এক সম্প্রদায়ের কথা অল্প সম্প্রদায়ের আবেদ্য হইয়া উঠে। পূর্বে সমুদায় জাতির এক ভাষা ছিল, এই ঘটনার পর হইতে ভিন্ন ভিন্ন ভাষা প্রচলিত হয়, এবং পৃথিবীতে দ্ব্যধিক সপ্ততি ভাষায় লোকে কথোপকথন করে। এক্ষণ ঈশ্বর সংবাদ দান করিতেছেন যে, যেমন নেমরুদ ও তাহার অমুবর্জিগণ চক্রান্ত করিয়াছিল, তদ্রূপ আমিও তাহাদের অট্টালিকা চূর্ণ করিতে আজ্ঞা করিয়াছিলাম।

করিতেছিলে, তজ্জন্ম স্বর্গলোকে প্রবেশ কর”। ৩২। তাহাদের (কাকেরদিগের) নিকটে দেবগণ উপস্থিত হওয়া, অথবা তোমার প্রতিপালকের আদেশ সমাগত হওয়া ব্যতীত তাহারা প্রতীক্ষা করে না ; তাহাদের পূর্ববর্তী লোকেরাও এই প্রকার করিয়াছিল, ঈশ্বর তাহাদের প্রতি অত্যাচার করেন নাই, কিন্তু তাহারাই স্বীয় জীবনের প্রতি অত্যাচার করিতেছিল। ৩৩। অনন্তর তাহারা যাহা বলিয়াছিল, তাহার অন্তত সকল তাহাদের প্রতি উপস্থিত হইয়াছে ও তাহারা যে বিষয়ে উপহাস করিতেছিল, তাহা তাহাদের প্রতি অবতীর্ণ হইয়াছে। ৩৪। (র, ৪, আ, ২)

এবং অংশবাদিগণ বলে, “যদি ঈশ্বর চাহিতেন, আমরা তাঁহাকে ভিন্ন অথ কোন বস্তুকে অর্চনা করিতাম না ও আমাদের পিতৃপুরুষগণ (অর্চনা করিত না,) এবং আমরা তাঁহার (আজ্ঞা) ব্যতীত কোন বস্তুকে অবৈধ স্থির করিতাম না ;” যাহারা তাহাদের পূর্বে ছিল, তাহারাও এই প্রকার বলিয়াছে ; অনন্তর প্রেরিত পুরুষদিগের প্রতি স্পষ্ট প্রচার করা বৈ নহে। ৩৫। এবং সত্য সত্যই আমি প্রত্যেক মণ্ডলীর প্রতি প্রেরিত পুরুষ প্রেরণ করিয়াছি, (বলিয়াছি) যে, তোমরা ঈশ্বরের অর্চনা করিও, এবং প্রতিমা সকল হইতে নিবৃত্ত থাকিও ; অনন্তর তাহাদের মধ্যে কেহ ছিল যে, ঈশ্বর তাহাকে পথ প্রদর্শন করিয়াছেন, এবং তাহাদের মধ্যে কেহ ছিল যে, তাহার প্রতি পথভ্রাস্তি স্থিরীকৃত হইয়াছে। অবশেষে তোমরা পৃথিবীতে ভ্রমণ করিতে থাক, পশ্চাৎ দেখ যে, মিথ্যাবাদীদিগের পরিণাম কি হইল। ৩৬। যদি তুমি, (হে মোহম্মদ,) তাহাদিগের পথপ্রদর্শনে উৎসুক হও, তবে (জানিও,) যাহারা (লোকদিগকে) পথভ্রাস্ত করে, নিশ্চয় ঈশ্বর তাহাদিগকে পথ প্রদর্শন করেন না, এবং তাহাদের জন্ত কোন সাহায্যকারী নাই। ৩৭। তাহারা ঈশ্বরসম্বন্ধে স্বীয় দৃঢ় শপথ করিয়াছে যে, যে ব্যক্তি প্রাণত্যাগ করে, ঈশ্বর তাহাকে উত্থাপন করিবেন না ; হাঁ, (উত্থাপন করিবেন,) অঙ্গীকার করা তাঁহার সম্বন্ধে সত্য, কিন্তু অধিকাংশ লোক অবগত নহে। ৩৮। + (তিনি উত্থাপন করিবেন,) এ বিষয়ে যাহারা বিরোধ করিতেছে, তাহাদিগের জন্ত তাহাতে ব্যক্ত করিবেন, এবং তাহাতে ধর্ম্মদ্রোহিণ গণ জানিবে যে, নিশ্চয় তাহারা মিথ্যাবাদী ছিল। ৩৯। কোন বিষয়ের নিমিত্ত আমার ইহা ভিন্ন কথা নহে যে, যখন আমি তাহা (সৃষ্টির) ইচ্ছা করি, তজ্জন্ম “হউক” বলি, তাহাতেই হয়। ৪০। (র, ৫, আ, ৬)

এবং যাহারা অত্যাচারিত হওয়ার পর ঈশ্বরোদ্দেশে দেশ ত্যাগ করিয়াছে, আমি অবশ্য তাহাদিগকে পৃথিবীতে উত্তমরূপে স্থান দান করিব ; এবং নিশ্চয় পারলৌকিক পুরস্কার শ্রেষ্ঠ, হয় ! যদি তাহারা জানিত। ৪১। + যাহারা ধৈর্য ধারণ করিয়াছে ও স্বীয় প্রতিপালকের উপর নির্ভর করিয়াছে, (তাহাদিগকে উত্তমরূপে স্থান দান করিব)। ৪২। এবং আমি যাহাদের প্রতি প্রত্যাদেশ করিতেছিলাম, তোমার পূর্বে, (হে মোহম্মদ,) সেই পুরুষদিগকে ব্যতীত প্রেরণ করি নাই ; অনন্তর যদি তোমরা, (হে কোরেশগণ,)

অজ্ঞাত থাক, তবে স্বরণকারীদিগকে প্রেরণ কর *। ৪৩। + আমি প্রমাণ সকল ও গ্রন্থসকল সহ (তাহাদিগকে প্রেরণ করিয়াছিলাম,) এবং তোমার প্রতি উপদেশ অবতারণ করিয়াছি, যেন তুমি লোকদিগকে, তাহাদের সম্বন্ধে যাহা অবতারিত হইয়াছে, তাহার বর্ণনা কর; ভরসা যে, তাহারা চিন্তা করিবে। ৪৪। অনন্তর যাহারা কুংসিত ছিলনা করিয়াছে, ঈশ্বর যে তাহাদিগকে ভূমিতে প্রোথিত করিবেন, বা অজ্ঞাত স্থান দিয়া যে তাহাদের প্রতি শাস্তি উপস্থিত হইবে, কিম্বা তাহাদের গমনাগমনে তাহাদিগকে যে আক্রমণ করিবেন, (এ বিষয়ে) তাহারা কি নির্ভয় হইয়াছে? পরন্তু তাহারা (ঈশ্বরের) পরাভবকারী নহে। ৪৫ + ৫৬। অথবা ভয় দ্বারা তাহাদিগকে আক্রমণ করা (বিষয়ে) কি নির্ভয় হইয়াছে?) পরন্তু নিশ্চয় তোমাদের প্রতিপালক অমুগ্রহকারী নয়। ৪৭। ঈশ্বর যে বস্তু সৃজন করিয়াছেন, তৎপ্রতি কি তাহারা দৃষ্টি করে নাই? ঈশ্বরোদ্দেশে নমস্কার করত তাহার ছায়া সকল বামে ও দক্ষিণে ঘুরিয়া থাকে, এবং সে সকল হীনা-বস্তুাপন্ন ‡। ৪৮। জীব ও দেবতা এবং যাহা কিছু স্বর্গে ও যাহা কিছু পৃথিবীতে আছে, তাহারা ঈশ্বরকে প্রণিপাত করে ও তাহারা অহংকার করে না §। ৪৯। তাহারা আপনাদের উপরে (পরাক্রান্ত) আপনাদের প্রতিপালককে ভয় করে, এবং যাহাতে আদিষ্ট হয়, তাহা করিয়া থাকে। ৫০। (র, ৬, আ, ১০)

এবং ঈশ্বর বলিয়াছেন, “তোমরা দুই উপাস্ত গ্রহণ করিও না, তিনিই একমাত্র উপাস্ত, এতদ্বিত্ত নহে; অতঃপর আমা হইতে ভীত হও” ¶। ৫১। এবং স্বর্গে ও পৃথিবীতে যাহা আছে, তাহা তাঁহারই, তাঁহারই জগৎ সাধনা সমুচিত হইয়াছে; পরন্তু তোমরা কি ঈশ্বর ব্যতীত অত্মকে ভয় কর? ৫২। এবং যে কিছু সম্পদ তোমাদের সঙ্গে আছে,

* কোরেশগণ বলিয়াছিল যে, ঈশ্বর অত্যন্ত ক্ষমতামালী, তিনি সমুদ্রদিগকে ধর্মবিধিপ্রচারে প্রেরণ না করিয়া, দেবতাকে তৎকার্য্যে পৃথিবীতে প্রেরণ করিতে পারেন। এই উক্তির প্রতিবাদস্বরূপ এই আয়ত অবতীর্ণ হয়। (ত, হো,)

+ অর্থাৎ পূর্ববর্তী ধর্মমোহী লোকেরা যেরূপ আকস্মিক দণ্ডে দণ্ডিত হইয়াছিল, সেই দণ্ডভয় হইতে কি তাহারা মুক্ত হইয়াছে? কিন্তু ঈশ্বর দয়ালু, তিনি শাস্তিদানে বিলম্ব করেন। (ত, হো,)

‡ অর্থাৎ কাকেরগণ প্রণিপাত করে না, ক্ষতি কি? তাহাদের ছায়া সকল প্রণাম করিয়া থাকে। সে সকল হীনাবস্থাাপন্ন, অর্থাৎ বিনীত, অবনত। (ত, হো,)

§ প্রণিপাত বিবিধ, আর্চনিক প্রণিপাত ও আবনতিক প্রণিপাত। ঈশ্বরার্চনাকালে ললাটদেশে যে ভূমিতে স্থাপন করা হয়, তাহা আর্চনিক প্রণিপাত, জ্ঞানবান্দিগের এই প্রণিপাত। অজ্ঞান পদার্থের আবনতিক প্রণিপাত। (ত, হো,)

¶ অর্থাৎ ঈশ্বরকে একমাত্র প্রয়োজন। ঈশ্বরের সঙ্গে অংশিৎ সম্বন্ধীয় নহে, যুক্তি ও প্রমাণ দ্বারা ইহা সিদ্ধান্ত হইয়াছে। অতএব ঈশ্বরকে অদ্বিতীয়রূপে সর্ব্বতোভাবে স্বীকার করা উচিত। তিনি কোন বস্তুর সঙ্গে মিশ্রিত নহেন, বস্তু সকল তাঁহা দ্বারা প্রকাশিত, তিনি বস্তুর সাহায্য ব্যতীত স্থিতি করিতেছেন। (ত, হো,)

তাহা ঈশ্বর হইতে হইয়াছে ; অতঃপর যখন তোমাদিগের প্রতি দুঃখ উপস্থিত হয়, তখন তাহার উদ্দেশে আর্তনাদ করিয়া থাক। ৫৩। ইহার পরে যখন তিনি তোমাদিগ হইতে দুঃখ দূর করেন, তখন অকস্মাৎ তোমাদের একদল আপন প্রতিপালকের সম্বন্ধে অংশী স্থাপন করে। ৫৪।+তাহাতে আমি যাহা তাহাদিগকে দান করিয়াছি, তাহারা তৎসম্বন্ধে অধর্ম্য করে ; পরে তোমরা ফলভোগ করিতে থাক, অবশেষে সহর জানিতে পাইবে। ৫৫। এবং আমি তাহাদিগকে যে উপজীবিকা দান করিয়াছি, তাহারা যাহাকে জ্ঞাত নহে, তাহার জ্ঞাত উহার অংশ নির্দারণ করে ; ঈশ্বরের শপথ, তোমরা যে (অসত্য) বন্ধন করিতেছিলে, তদ্বিষয়ে অবশ্য তোমরা জিজ্ঞাসিত হইবে *। ৫৬। এবং তাহারা ঈশ্বরের জ্ঞাত কণ্ঠা সকল নির্দারণ করে, পবিত্রতা তাঁহারই ; এবং তাহারা যাহা ইচ্ছা করে, তাহা তাহাদের নিমিত্ত হয় †। ৫৭। যদি তাহাদের এক ব্যক্তিকে কণ্ঠা (উৎপত্তির) স্বসংবাদ দেওয়া যায়, তবে তাহার মুখ মলিন ও সে বিষাদপূর্ণ হয়। ৫৮। তাহাকে যে স্বসংবাদ দেওয়া হইয়াছে, সেই দুঃখহেতু দল হইতে সে লুপ্তায়িত হয়, (ভাবে) যে তাহাকে কি দূরবস্থায় রাখিলে, অথবা কি তাহাকে মৃত্যুকাতে প্রোথিত করিবে ; জানিও, তাহারা যাহা আদেশ করে, তাহা অশুভ ‡। ৫৯। যাহারা পরলোকে বিশ্বাস স্থাপন করে নাই, তাহাদের ভাব মন্দ, এবং ঈশ্বরের ভাব উন্নত ও তিনি পরাক্রান্ত নিপুণ। ৬০। (র, ৭, আ, ১০)

এবং যদি পরমেশ্বর লোকদিগকে তাহাদের অত্যাচারের জ্ঞাত দ্রুত করেন, তবে পৃথিবীতে কোন জীব মুক্তি পায় না ; কিন্তু তিনি নির্দারিত সময় পর্যন্ত তাহাদিগকে অবকাশ দান করেন। অনন্তর যখন তাহাদের সময় উপস্থিত হইবে, তখন তাহারা একঘণ্টা পশ্চাতে থাকিবে না ও অগ্রসর হইবে না §। ৬১। এবং তাহারা যাহা অবজ্ঞা করে, তাহা ঈশ্বরের জ্ঞাত নিরূপণ করিয়া থাকে ও তাহাদের রসনা অসত্য বর্ণন করে যে, তাহাদের নিমিত্ত কল্যাণ আছে ; নিঃসন্দেহ এই যে তাহাদের নিমিত্ত অগ্নি আছে ও এই যে তাহারা (নরকে) প্রথম প্রেরিত ¶। ৬২।

* অর্থাৎ যে প্রতিমার ক্ষমতা তাহারা জ্ঞাত নহে, তাহার জ্ঞাত তাহারা শস্ত্র ও পালিত পশুর অংশ নিরূপণ করে। সূরা এনামে এতদ্বিবরণ বিবৃত হইয়াছে। (ত, হো,)

† খোজাআ ও কননা সম্প্রদায় বলিত যে, দেবীগণ ঈশ্বরের কণ্ঠা। মলিহ সম্প্রদায়ের এই উক্তি যে, ঈশ্বর দৈত্যানারীদিগের সঙ্গে যোগ স্থাপন করিয়াছিলেন, তাহাতে তাহার সম্মান হইয়াছিল। তাহারা যাহা ইচ্ছা করে, তাহা লইয়াই আমোদ করিয়া থাকে। (ত, হো,)

‡ বনি-তমিন ও বনি-নজির সম্প্রদায় সন্তোজ্ঞাত কণ্ঠাদিগকে জীবিতাবস্থায় ভূগর্ভে প্রোথিত করিত। (ত, হো,)

§ অর্থাৎ যখন মৃত্যুর বা শাস্তির নির্দারিত সময় উপস্থিত হইবে, তখন তৎক্ষণাৎ তাহা সম্মতিত হইবে। (ত, হো)

¶ যাহারা অযোগ্য বস্তু ঈশ্বরের নামে উৎসর্গ করিয়া মনে করে যে, আমাদের স্বর্গলাভ হইবে, এই কথা তাহাদের নিমিত্ত বলা হইয়াছে। তাহারা নরকের দিকেই অগ্রসর হইতেছে। (ত, কা,)

ঈশ্বরের শপথ, সত্য সত্যই আমি তোমার পূর্বে মণ্ডলী সকলের প্রতি (তত্ত্ববাহকদিগকে) প্রেরণ করিয়াছিলাম; অনন্তর শয়তান তাহাদের নিমিত্ত তাহাদের কার্যকে সম্বন্ধিত করিয়াছিল, অতঃপর অজ্ঞ ও সেই তাহাদের যক্ষ, তাহাদের জ্ঞাত দুঃখজনক শাস্তি আছে। ৬৩। এবং তাহার। যাহা বিপরীত করিয়াছে, সে বিষয়ে তাহাদিগের নিমিত্ত বর্ণন করিতে ও বিশ্বাসী সম্প্রদায়ের নিমিত্ত পথ প্রদর্শন এবং দয়া করিতে বৈ আমি তোমার প্রতি, (হে মোহাম্মদ,) গ্রন্থ অবতারণ করি নাই। ৬৪। এবং ঈশ্বর আকাশ হইতে বারি বর্ষণ করিয়াছেন, তৎপর তদ্বারা ভূমিকে তাহার মৃত্যুর অন্তে জীবিত করিয়াছেন; * নিশ্চয় ইহাতে শ্রোতৃদলের জ্ঞাত নিদর্শন আছে। ৬৫। (র, ৮, আ, ৫)

এবং নিশ্চয় তোমাদিগের নিমিত্ত পশুদিগের মধ্যে উপদেশ আছে, তাহাদের উদরে যাহা আছে, তাহা হইতে আমি তোমাদিগকে পান করাইয়া থাকি; মল ও শোণিতের ভিতর হইতে পানকারীদিগের জ্ঞাত বিশুদ্ধ স্রবাহু দুগ্ধ হয় †। ৬৬। এবং গোষ্ঠাতরু ও দ্রাক্ষালতার ফল হইতে তোমরা মাদক দ্রব্য ও উত্তম উপজীবিকা গ্রহণ করিয়া থাক; ‡ নিশ্চয় ইহাতে জ্ঞানিমণ্ডলীর জ্ঞাত নিদর্শন সকল আছে। ৬৭। এবং তোমার প্রতিপালক, (হে মোহাম্মদ,) মধুমক্ষিকার প্রতি প্রত্যাদেশ করিয়াছেন যে, “তুমি পর্বত সকলের ও বৃক্ষ সকলের মধ্যে এবং (মহুয়া) যে (গৃহ) উন্নমিত করে, তাহাতে গৃহ সকল প্রস্তুত

* এই প্রকার অন্তরের সহিত প্রবেশ করিলে কোর-আন্ দ্বারা মূর্খকে ঈশ্বর জ্ঞানী করিবেন। (ত, কা,)

† পশুগণ তৃণাদি ভক্ষণ করিলে তাহা পাকস্থলীতে যখন পরিপাক হইতে থাকে, তখন তিনটি থাকে হয়; নিম্ন থাকে মল, মধ্যস্থলে দুগ্ধ, উপরের থাকে শোণিত উৎপন্ন হইয়া থাকে। রক্ত শিরা সকলে ও দুগ্ধ স্তনে সঞ্চারিত হয়, এবং মল দ্বীপ নির্দিষ্ট পথে বাহির হইয়া যায়। দুগ্ধ ও শোণিত মলেতে স্থিত করে না। ভক্ষিত জীর্ণ দ্রব্য সকলের সার ভাগ স্রবপিণ্ড আকর্ষণ করিয়া থাকে, স্থূল অসার অংশ যে মল, তাহা পরিত্যাগ করে। প্রথম পরিপাকের পর ভক্ষিত দ্রব্য হইতে যে রস নির্গত হয়, তাহা পাকস্থলীতে জীর্ণ হইয়া কফ, রক্ত, পিত্ত ও পীতরস উৎপাদন করে, এবং সেই সকল যথোপযুক্ত রূপে অঙ্গপ্রত্যঙ্গে সঞ্চারিত হয়। যখন কোন জন্তু গর্ভধারণ করে, জীর্ণপ্রকৃতির সরসতার বৃদ্ধি প্রযুক্ত তাহার ভক্ষ্য দ্রব্যের অনুরূপ উপরি উক্ত চতুর্বিধ রস বর্ধিত হইয়া থাকে, এবং সেই বর্ধিত রস গর্ভকোষে ক্রমের জন্তু সঞ্চারিত হয়। সন্তান প্রসূত হইলে তাহা পয়োথরে প্রবেশ করে, পয়োথরে মাংসপেশী সকলের সংস্পর্শে সেই রস শুভ্র হইয়া যায়, উহাকেই দুগ্ধ বলে। পশুগণ হরিষর্গ তৃণপত্রাদি ভক্ষণ করিয়া থাকে, তাহাদের মাংসপেশীর ভিতর দিয়া একরূপ শুভ্র ও স্রবাহু রস নির্গত হওয়া ও রক্তের সঞ্চার হওয়া স্পষ্ট অলৌকিকতা ও উজ্জল নিদর্শন। শুভ্র বিশুদ্ধ দুগ্ধের স্রাব ঈশ্বরের সঙ্গে মহুয়ের আচরণ হওয়া উচিত। দুগ্ধ যেমন মল ও রক্তের সংশ্রবশূন্য, মহুয়ের চরিত্রও যেন কপটভাৱে মল, কামনারূপে শোণিত হইতে মুক্ত হয়; তাহা হইলে উহা ঈশ্বরের দ্বারা গৃহীত হইতে পারে। কার্যে কপটতা, গুপ্ত অংশিবাদিত্ব, এবং কামনা দ্বারা ক্রিমার বিশুদ্ধভাব নষ্ট হয়। কপটভাৱ লোকের প্রতি দৃষ্টি, কামনায় নিজের প্রতি দৃষ্টি থাকে। ইহার কিছুই সঙ্গে যোগ থাকিলে ক্রিয়া মলিন হয়।

(ত, হো,)

‡ এই আয়ত হরণাপান নিষিদ্ধ হওয়ার পূর্বে অবতীর্ণ হইয়াছে।

(ত, হো,)

কর। ৬৮। +তৎপর তুমি প্রত্যেক ফল ভক্ষণ কর, অনন্তর বিনীতভাবে তোমার প্রতিপালকের পথে চলিতে থাক।” তাহার উদর হইতে বিবিধ বর্ণের পেয় দ্রব্য, যাহাতে লোকের আরোগ্য হয়, বাহির হইয়া থাকে; নিশ্চয় তাহাতে চিন্তাশীল দলের জ্ঞান নিদর্শন আছে *। ৬৯। এবং ঈশ্বর তোমাদিগকে সৃজন করিয়াছেন, তৎপর তোমাদিগের প্রাণ হরণ করিবেন; এবং তোমাদের মধ্যে কেহ আছে যে, নিকৃষ্টতর জীবনের দিকে প্রত্যাবর্তিত হইবে, তাহাতে জ্ঞানলাভের পর কিছুই জ্ঞান প্রাপ্ত হইবে না। নিশ্চয় ঈশ্বর জ্ঞানী ও ক্ষমতাশীল †। ৭০। (র, ২, আ, ৫)

এবং পরমেশ্বর তোমাদের এক জনকে অল্প জনের উপরে জীবিকাসম্বন্ধে উন্নতি দান করিয়াছেন; অনন্তর যাহারা উন্নত হইয়াছে, তাহারা স্বীয় জীবিকা আপন অধীনস্থ দাসদিগের প্রতি প্রত্যর্পণ করে, (এমন) নহে যে, পরে তাহারা সে বিষয়ে তুল্য হইবে; অবশেষে তাহারা কি ঈশ্বরের দানকে অগ্রাহ্য করে ‡? ৭১। এবং পরমেশ্বর তোমাদের নিমিত্ত তোমাদের জাতি হইতে জীর্ণগণকে সৃষ্টি করিয়াছেন, এবং তোমাদের নিমিত্ত তোমাদিগের জীর্ণগণ হইতে পুত্রগণকে ও পৌত্রগণকে সৃজন করিয়াছেন, এবং বিপুল বস্তু সকল হইতে তোমাদিগকে উপজীবিকা দিয়াছেন;

* স্লেহাদি রোগে মধু ঔষধ বা ঔষধের অনুপানরূপে ব্যবহৃত হইয়া থাকে। একদা এক ব্যক্তি হজরতের নিকটে আসিয়া নিবেদন করিয়াছিল যে, “প্রেরিত মহাপুরুষ, আমার ভ্রাতা উদরের বেদনায় আর্তনাদ করিতেছে।” হজরত বলিলেন, “তাহাকে মধুপান করাও।” পুনঃ পুনঃ কয়েক বার মধুপান করাইলে পর সে সম্পূর্ণ আরোগ্য লাভ করে। মধু যেক্রপ বাহ্য রোগ সকলের আরোগ্যজনক ঔষধ, তক্রপ কোর্-আন্ আন্তরিক পীড়ার ঔষধ। প্রথমোক্ত ঔষধ শারীরিক রোগ নষ্ট করে, শেষোক্ত ঔষধ আন্তরিক রোগের প্রতীকারক। এ বিষয়ে যাহারা চিন্তা করে, তাহাদের জ্ঞান নিদর্শন সকল আছে। মধুমক্ষিকার প্রকৃতি ঈশ্বরের একটি আশ্চর্য্য ক্রিয়া। তাহারা প্রত্যাদেশ ভিন্ন জীবন ধারণ করে না। জ্ঞানময় শক্তিময় ঈশ্বর দ্বারা পরিচালিত হইয়া সেই ক্ষুদ্র দুর্বল জীব কেমন জ্ঞান কৌশলের কার্য্য সকল করে। কখনও মধুমক্ষিকা তাহার আজ্ঞার বিরুদ্ধ পথে চলে না, তাহারা আশ্রয় মধু প্রদান করে, বিপুল বস্তু আহার করিয়া থাকে, অবিশ্রান্ত পরিশ্রম করিয়া থাকে, স্বীয় দলপতির অবাধ্য হয় না, বহু ক্রোশের পথ চলিয়া গিয়াও পুনর্ব্বার গৃহে ফিরিয়া আইসে; তাহারা ষট্‌কোণ গৃহ সকলে যে শিল্পনৈপুণ্যের পরিচয় দিয়া থাকে, পৃথিবীর সমুদায় স্থনিপুণ শিল্পী একত্র হইয়া যত্ন করিলেও, সেরূপ করিতে পারে কি না সন্দেহ। যেমন মধুদ্বারা বাহ্যিক রোগের উপশম হয়, সেইরূপ মধুমক্ষিকার প্রকৃতি আলোচনা দ্বারা আন্তরিক রোগ যে অজ্ঞানতা, তাহা দূরীভূত হয়। (ত, হো,)

† নিকৃষ্টতর জীবন বর্দ্ধিকা, অর্থাৎ যখন তোমাদের কেহ বৃদ্ধ হইবে, তখন বালকের অবস্থা প্রাপ্ত হইয়া অনেক বিষয় বিস্মৃত হইয়া যাইবে। (ত, হো,)

‡ হজরত মোহাম্মদ বলিয়াছেন যে, যখন কোন দাস তাহার প্রভুর জ্ঞান অল্প বাজনাদি শ্রুত করে, তখন তাহাকে অগ্নির উত্তাপ ও ধূমের ক্লেশ সহ করিতে হয়; প্রভুর উচিত যে, ভোজন করিবার সময় তাহাকে সঙ্গে বসাইয়া ভোজন করেন, অথবা তাহার মুখে দুই চারি গ্রাস অর্পণ করেন। (ত, ক,)

অনন্তর. তাহারা কি অসত্যের প্রতি বিশ্বাস স্থাপন করিতেছে, এবং তাহারা ঈশ্বরের দানসম্বন্ধে অর্থহীন করিতেছে * ? ৭২। + এবং তাহারা ঈশ্বরকে ছাড়িয়া সেই বস্তুর অর্চনা করে, যে তাহাদিগকে আকাশ ও ভূমি হইতে কিছুই জীবিকা-দানে অধিকারী নহে, এবং ক্ষমতা রাখে না। ৭৩। অনন্তর ঈশ্বরসম্বন্ধে উপভ্রাস সকল বলিও না, † নিশ্চয় ঈশ্বর অবগত আছেন ও তোমরা অবগত নহ। ৭৪। ঈশ্বর এক ক্রীতদাসের আখ্যায়িকা ব্যক্ত করিলেন যে, সে কোন বিষয়ে ক্ষমতা রাখে না, এবং যে ব্যক্তিকে আমি উত্তম উপজীবিকা দান করিয়াছি, পরে সে তাহা হইতে প্রকাশ্যে ও গোপনে ব্যয় করে, তাহারা কি তুল্য হয় ? ঈশ্বরেরই সম্যক প্রশংসা, বরং তাহাদের অনেকেই জ্ঞাত নহে ‡। ৭৫। এবং ঈশ্বর দুই ব্যক্তির আখ্যায়িকা ব্যক্ত করিলেন, তাহাদের এক জন মুক, সে কোন বিষয়ে ক্ষমতা রাখে না, এবং সে তাহার প্রভুর উপর ভারস্বরূপ, তাহাকে যে স্থানে প্রেরণ করা হয়, সে তথা হইতে কোন কল্যাণ আনয়ন করে না ; সে ও যে ব্যক্তি ছায়াভ্রাসারে আদেশ করে, সে, (এই দুইয়ে) কি তুল্য ? সে সরল পথে আছে §। ৭৬। (র, ১০, আ, ৬)

এবং স্বর্গ ও মর্ত্যের গুপ্ত (তত্ত্ব) ঈশ্বরেরই ও কেয়ামতের কার্য চক্ষুর নিমেষ ভিন্ন নহে, অথবা তাহা নিকটতম ; নিশ্চয় ঈশ্বর সমুদায় বিষয়ের উপরে ক্ষমতামণ্ডলী। ৭৭। এবং ঈশ্বরই তোমাদিগকে তোমাদের মাতৃগণের গর্ভ হইতে বাহির করেন, তোমরা কিছুই জানিতে না ; তিনি তোমাদের জন্ত চক্ষু ও কর্ণ ও অন্তর সকল সৃষ্টি করিয়াছেন, যেন তোমরা কৃতজ্ঞ হও ¶। ৭৮। তাহারা কি আকাশমণ্ডলে বিধৃত পক্ষীদিগের

* অর্থাৎ তাহারা প্রতিমা সকল হইতে উপকার প্রাপ্ত হইয়াছে বলিয়া স্বীকার করে। যথা, প্রতিমা রোগ হইতে মুক্ত করিয়াছে, পুত্র দান ও ধন দান করিয়াছে, এইরূপ তাহারা অনেক অসত্য কথা বলিয়া থাকে। কিন্তু প্রতিমাদিগের কিছুই দান করিবার ক্ষমতা নাই, তাহারা কৃতজ্ঞতার পাত্রও নহে।

(ত, কা,)

† অংশিবাদী লোকেরা বলে যে, ঈশ্বরই কর্তা, পুস্তলিকাগণ তাহারই নিরোজিত কর্মচারী, এজন্য আমরা তাহাদের অর্চনা করিয়া থাকি। ইহা মিথ্যা কথা, ঈশ্বর সমুদায় কার্য স্বয়ং করেন, কাহারও প্রতি তিনি কার্যের ভার অর্পণ করেন নাই।

(ত, কা,)

‡ অর্থাৎ প্রভু বাহাকে ইচ্ছা হয়, তাহাকে দান করিতে পারেন ; কিন্তু কোন প্রতিমার কোন বস্তুর উপর প্রভু নাই।

(ত, কা,)

§ যথা ঈশ্বরের দুই ভূত, এক মুক, সে অকর্ণশ্রবণ, কথা কহিতে পারে না। দ্বিতীয় প্রেরিতপুত্র, যিনি সহস্র সহস্র লোককে ঈশ্বরের পথ প্রদর্শন করেন, এবং তাহারই দাসত্বে নিবৃত্ত। এ দুয়ের মধ্যে কে ভাল ?

(ত, কা,)

¶ অর্থাৎ অনেকে উপজীবিকার ভাবনার ধর্মগ্রহণে সম্মুচিত হইতেছিল, তাহাতেই এই আদেশ হইল যে, কেহ মাতৃগর্ভ হইতে কিছুই সঙ্গে করিয়া আনয়ন করে নাই, ঈশ্বরই উপার্জনের উপায় চক্ষু, কর্ণ, মন-ইত্যাদি প্রদান করিয়া থাকেন।

(ত, কা,)

প্রতি দৃষ্টি করিতেছে না ? ঈশ্বর ভিন্ন অস্ত্র (কেহ) তাহাদিগকে ধারণ করে না, যাহারা বিশ্বাস করে, সেই দলের জন্ত নিশ্চয় ইহাতে নিদর্শন সকল আছে । ৭২ । এবং ঈশ্বরই তোমাদের গৃহ সকল দ্বারা তোমাদের জন্ত বাসস্থান করিয়াছেন, এবং তোমাদের জন্ত পশুচৰ্ম্ম দ্বারা আলয় সকল করিয়াছেন, স্বীয় পর্য্যটনের দিনে ও স্বীয় অবস্থিতির দিনে তোমরা তাহা লঘু বোধ করিয়া থাক, এবং তিনি উষ্ট্র, মেঘ ও ছাগরোম দ্বারা সাময়িক গৃহসামগ্রী ও বাণিজ্যদ্রব্য করিয়াছেন । ৮০ । এবং ঈশ্বর যাহা সৃষ্টি করিয়াছেন, তাহা হইতে তিনি তোমাদের জন্ত ছায়া সকল উৎপাদন করিয়াছেন ও তোমাদের জন্ত পৰ্ব্বতের গহ্বর সকল করিয়াছেন ; এবং উষ্ণতা হইতে তোমাদিগকে রক্ষা করিতে তোমাদের জন্ত পরিচ্ছদ সকল করিয়াছেন ও (যুদ্ধের) কষ্ট হইতে তোমাদিগকে রক্ষা করিতে তোমাদের জন্ত পরিচ্ছদ সকল করিয়াছেন । এই প্রকারে তোমাদিগের সম্বন্ধে তিনি আপন দান পূর্ণ করিয়াছেন, যেন তোমরা অহুগত হও * । ৮১ । অনন্তর যদি তাহারা বিমুখ হয়, তবে, (হে মোহম্মদ,) তোমার প্রতি স্পষ্ট প্রচার করা বৈ নহে । ৮২ । তাহারা ঈশ্বরের দান বুঝিতেছে, অতঃপর তাহা অগ্রাহ করিতেছে, তাহাদের অধিকাংশই ধৰ্ম্মদ্রোহী । ৮৩ । (র, ১১, আ, ৭)

এবং যে দিন আমি প্রত্যেক মণ্ডলী হইতে সাক্ষী সমুৎপাদন করিব, তৎপর সেই দিন যাহারা ধৰ্ম্মদ্রোহী হইয়াছে, তাহাদিগকে অহুমতি দেওয়া যাইবে না, এবং তাহারা (ঈশ্বরের প্রসন্নতাতে) প্রত্যাভিহিত হইবে না † । ৮৪ । এবং যখন অত্যাচারিগণ শাস্তি দেখিবে, তখন তাহাদিগ হইতে (তাহা) থৰ্ব্ব করা যাইবে না, এবং তাহারা অবকাশ প্রাপ্ত হইবে না । ৮৫ । এবং যাহারা অংশী স্থাপন করিয়াছে, তাহারা যখন স্বীয় অংশীদিগকে দেখিবে, তখন বলিবে, “হে আমাদের প্রতিপালক, তোমাকে ছাড়িয়া আমরা যাহাদিগকে আহ্বান করিতেছিলাম, ইহারাই আমাদের সেই অংশী ;” পরে উহারা তাহাদের প্রতি এই বাক্য স্থাপন করিবে যে, “নিশ্চয় তোমরা মিথ্যাবাদী” । ৮৬ । এবং তাহারা সেই দিন ঈশ্বরোদ্দেশ্যে সম্মিলন স্থাপন করিবে ও তাহারা যাহা বন্ধন (অংশী স্থাপনাদি) করিতেছিল, তাহাদিগ হইতে তাহা হারাইয়া যাইবে । ৮৭ । এবং যাহারা ধৰ্ম্মদ্রোহী হইয়াছে ও (লোকদিগকে) ঈশ্বরের পথ হইতে নিবৃত্ত করিয়াছে, তাহারা যে অত্যাচার করিতেছিল, তজ্জন্ত আমি তাহাদিগকে শাস্তির উপর অধিক

* আরব উচ্চপ্রধান দেশ, ওখার শীতের অভাব বলিয়া শীতনিবারণোপযোগী বস্ত্রের উল্লেখ হয় নাই । (ত, হো,)

† সেই পুনরুত্থানের দিনে এক এক মণ্ডলীর সাক্ষী এক এক জন প্রেরিতপুরুষ হইবেন । কাকেরদিগকে অহুমতি দেওয়া যাইবে না, অর্থাৎ ক্রমা প্রার্থনার জন্ত বা পৃথিবীতে প্রতিগমনের নিমিত্ত অহুমতি দান করা হইবে না ; এবং তোমরা ঈশ্বরকে প্রসন্ন কর, অর্থাৎ সংকীর্ণ কর, তাহা হইলে তিনি প্রসন্ন হইবেন, এই কথা বলিয়াও তাহাদিগকে আহ্বান করা যাইবে না । (ত, হো,)

শাস্তি দান করিব *। ৮৮। এবং যে দিন আমি প্রত্যেক মণ্ডলীর মধ্যে তাহাদের প্রতি তাহাদের জাতি হইতে সাক্ষী দণ্ডায়মান করিব, সেই দিন তোমাকেও উহাদের উপরে সাক্ষিকপে আনয়ন করিব ; প্রত্যেক বিষয় বর্ণনার জন্ত এবং মোসলমানদিগের নিমিত্ত সুসংবাদ দান ও দয়া ও পথপ্রদর্শনের জন্ত, তোমার প্রতি আমি গ্রন্থ অবতারণ করিয়াছি। ৮৯। (র, ১২, আ, ৬)

নিশ্চয় ঈশ্বর স্বর্ণের প্রতি দান, উপকার ও ন্যায়চরণ করিতে আদেশ করিতেছেন, এবং নিরলঙ্ঘ্যতা ও অবৈধ কৰ্ম ও অবাধ্যতাসম্বন্ধে নিষেধ করিয়া থাকেন ; তিনি তোমাদিগকে উপদেশ দান করেন, যেন তোমরা উপদেশ গ্রহণ কর। ৯০। এবং যখন তোমরা অঙ্গীকার কর, তখন ঈশ্বরসম্বন্ধীয় অঙ্গীকার পূর্ণ করিও ও শপথকে তাহা দৃঢ় করিবার পর ভঙ্গ করিও না ; নিশ্চয় তোমরা পরমেশ্বরের আপনাদের সম্বন্ধে প্রতিভূ করিয়াছ, তোমরা যাহা করিতেছ, একান্তই ঈশ্বর তাহা অবগত হন। ৯১। এবং সেই (নারীর) সদৃশ হইও না, যে আপনার স্বত্বকে তাহা দৃঢ় হওয়ার পর খণ্ড খণ্ড করিয়াছে ; তোমরা আপনাদের শপথকে আপনাদের মধ্যে প্রবেশ করাইতেছ, যাহাতে তোমরা (এমন) এক মণ্ডলী হও যে, তাহা (অন্ত) মণ্ডলী হইতে বৃহৎ হয়। † ঈশ্বর তোমাদিগকে এতদ্বারা পরীক্ষা করেন বৈ নহে, এবং তোমরা যে বিষয়ে বিরুদ্ধাচরণ করিতেছ, অবশ্য কেয়ামতের দিনে তিনি তাহা বর্ণন করিবেন। ৯২। এবং যদি ঈশ্বর ইচ্ছা করিতেন, তবে অবশ্য তিনি তোমাদিগকে একমাত্র মণ্ডলী করিতেন ; কিন্তু তিনি যাহাকে ইচ্ছা হয়, পথভ্রাস্ত করেন ও যাহাকে ইচ্ছা হয়, পথ প্রদর্শন করিয়া থাকেন। তোমরা যাহা করিতে-ছিলে, অবশ্য তদ্বিষয়ে জিজ্ঞাসিত হইবে। ৯৩। এবং তোমরা আপনাদের শপথকে পরস্পরের মধ্যে প্রবেশ করাইও না, অনন্তর তাহা দৃঢ় হওয়ার পর পদস্থলন হইবে ; এবং তোমরা

* অধিক শাস্তি এই যে, ভয়ানক বিষধর ও বৃহদাকার বৃশ্চিক সকল কাকেরদিগের প্রতি প্রেরিত হইবে ; তাহারা চাহিবে যে, পলায়ন করিয়া অগ্নিমধ্যে যাইয়া লুপ্তায়িত হয়। পুনশ্চ কথিত আছে যে, দ্রবীভূত জলন্ত ধাতুর পাঁচটি নদী তাহাদিগের দিকে প্রবাহিত হইবে। তাহারা সেই অগ্নিময় ধাতু-নিঃস্রবে ক্রমে ক্রমে জড়িত হইয়া ভয়ানক যাতনা পাইবে। (ত, হো,)

† আরব দেশে রায়তা নামী এক নারী ছিল, সেই নারী প্রতিদিন প্রাতঃকাল হইতে অর্দ্ধরজনী পর্যন্ত পশুরোম দ্বারা সূত্র প্রস্তুত করিত। তাহার অনেক দাসী ছিল, তাহারাও অনবরত ইহাই করিত ; অর্দ্ধরামিনী অন্তে রায়তার আদেশে দাসীগণ সূত্র সকলকে ছিন্নভিন্ন করিয়া রাখিত। পরমেশ্বর কোন প্রতিজ্ঞা করিয়া তাহা ভঙ্গ করাকে, সূত্র প্রস্তুত করিয়া তাহা ছিন্ন করার সঙ্গে তুলনা করিয়াছেন। অর্থাৎ তিনি বলিতেছেন, যেমন সেই নির্বোধ স্ত্রী সূত্র পাকাইয়া পরে নষ্ট করিত, তদ্রূপ তোমরা প্রতিজ্ঞা করিয়া ভঙ্গ করিও না। জ্ঞানবান লোকের উচিত যে, প্রতিজ্ঞার সূত্রে ছিন্ন না করেন। তোমরা অস্ত্র মণ্ডলীকে অর্থাৎ কোরেশসম্প্রদায়কে ধনবলে মোসলমানগণ অপেক্ষা প্রবল দেখিয়া, ছল কৌশলে স্বার্থ সাধন করিয়া তাহাদিগ হইতে প্রবল হইতে চাহিতেছ, এবং অঙ্গীকার করিয়া অঙ্গীকারের অন্তর্থাচরণ করিতেছ, ইহা উচিত নহে। (ত, হো,)

যে (লোকদিগকে) ঈশ্বরের পথ হইতে নিবৃত্ত করিয়াছে, তজ্জগৎ শাস্তি ভোগ করিবে ও তোমাদের জগৎ মহাশাস্তি আছে। ২৪। এবং তোমরা ঈশ্বরের অঙ্গীকারের বিনিময়ে অল্প মূল্য (পার্থিব বস্তু) গ্রহণ করিও না ; যদি জ্ঞান, তবে নিশ্চয় ঈশ্বরের নিকটে যাহা আছে, তাহা তোমাদের জগৎ কল্যাণ। ২৫। তোমাদের নিকটে যাহা আছে, তাহা বিনাশ পাইবে ও ঈশ্বরের নিকটে যাহা আছে, তাহা অবিনশ্বর ; এবং যাহারা ধৈর্য্য ধারণ করিয়াছে, অবশ্য আমি তাহাদিগকে, তাহারা যাহা করিতেছিল, তাহাদের সেই কল্যাণের অম্লরূপ বিনিময় পুরস্কার দিব। ২৬। যে ব্যক্তি সংকল্প করিয়াছে, সে পুরুষ হউক বা নারী হউক, সে বিশ্বাসী ; অনন্তর অবশ্য আমি তাহাকে বিশুদ্ধ জীবনে জীবিত করিব,* এবং অবশ্য আমি তাহাদিগকে, তাহারা যাহা করিতেছিল, সেই কল্যাণের অম্লরূপ বিনিময় পুরস্কার দিব। ২৭। অনন্তর যখন তুমি কোব্-আন্ পাঠ কর, তখন নিস্তাড়িত শয়তান হইতে ঈশ্বরের নিকটে আশ্রয় প্রার্থনা করিও। ২৮। যাহারা বিশ্বাস স্থাপন করিয়াছে ও স্বীয় প্রতিপালকের প্রতি নির্ভর করিতেছে, তাহাদের উপরে নিশ্চয় তাহার পরাক্রম নাই। ২৯। যাহারা তাহাকে প্রেম করে ও সেই যাহারা তাঁহার (ঈশ্বরের) সঙ্গে অংশী নির্ধারণ করে, তাহাদের প্রতি ভিন্ন তাহার পরাক্রম নাই। ১০০। (র, ১৩, আ, ১১)

এবং যখন আমি কোন আয়তের স্থানে কোন পরিবর্তন করি, তখন তাহারা বলে, তুমি, (হে মোহাম্মদ,) রচনাকারী, এতস্তিম্ব নহ ; যাহা অবতারণ করেন, ঈশ্বর তদ্বিমুখে উত্তম জ্ঞাত, বরং তাহাদের অধিকাংশই জানে না ঃ। ১০১। বল, যাহারা বিশ্বাস স্থাপন করিয়াছে, তাহাদিগকে দৃঢ় করিতে ও মোসলমানদিগের জন্ত হুসুবাদ ও পথ প্রদর্শন করিতে, পবিত্রাত্মা তোমার প্রতিপালক হইতে সত্যভাবে তাহা অবতারণ করিয়াছেন। ঃ। ১০২। এবং সত্য সত্যই আমি জানি, তাহারা বলিয়া থাকে যে, তাহাকে মনুঞ্জে শিক্ষা দান করে, এতস্তিম্ব নহে ; যাহার প্রতি তাহারা আরোপ করে, তাহার ভাষা আজমী এবং এই ভাষা স্পষ্ট আরবী ॥ ১০৩। নিশ্চয় যাহারা ঈশ্বরের নিদর্শন

* কেয়ামতে উত্তম জীবনে জীবিত করিব, অথবা ইহলোকে ঈশ্বরের প্রেম্যানন্দেতে জীবিত রাখিব। (ত, ফা,)

+ ঈশ্বর অনেক উক্তি রচনা করিয়াছেন। তাহাতে কাক্ষেরগণ সন্দেহ করে, এই বাক্য তাহার উত্তর প্রকাশ পাইয়াছে। অর্থাৎ তিনি সকল সময়ে সময়োপযোগী আদেশ করেন, তাহাতে বিশ্বাসীদিগের মনে বল বৃদ্ধি হয় ও তাহাদের এই দৃঢ় সংস্কার হয় যে, আমার প্রভু সকল অবস্থারই তত্ত্ব রাখেন। (ত, ফা,)

‡ অর্থাৎ যাহারা বিশ্বাসী, এই বাক্য সত্য বলিয়া তাঁহাদের দৃঢ় বিশ্বাস হয়। যখন তাঁহারা খণ্ডনের বাণী শ্রবণ করেন ও ভ্রমধ্যে যে সন্দেহ ও স্তম্ভাভিপ্রায় ও কৌশল আছে, হৃদয়ঙ্গম করেন, তখনও তাঁহাদের মন শাস্তি লাভ করে। (ত, হো,)

। খজরীর পুত্র আমেরের খবরনামক এক দাস ছিল। কেহ কেহ বলে যে, খবর ও ইসার নামক

সকলে বিশ্বাস করে না, ঈশ্বর তাহাদিগকে পথ প্রদর্শন করেন না, এবং তাহাদের জন্ত দুঃখজনক শাস্তি আছে। ১০৪। ঈশ্বরের নিদর্শন সকলের প্রতি যাহারা বিশ্বাস করে না, তাহারা অসত্য বন্ধন করে, এতদ্ভিন্ন নহে, এবং এই তাহারাই মিথ্যাবাদী। ১০৫। যে ব্যক্তি উৎপীড়িত ও যাহার অস্থির বিশ্বাসেতে বিশ্রাম-প্রাপ্ত, সে ব্যতীত যে জন স্বীয় বিশ্বাস-লাভের পর ঈশ্বর সম্বন্ধে বিদ্রোহী হয়, (সে কাকের থাকে ;) কিন্তু যাহারা ধর্ম-দ্রোহিতায় বক্ষুঃস্থল প্রসারিত করে, পরে তাহাদের প্রতি ঈশ্বরের ক্রোধ হয়, এবং তাহাদের জন্ত মহা শাস্তি আছে *। ১০৬। ইহা এজ্ঞা যে, তাহারা পরলোক অপেক্ষা পার্থিব জীবনকে অধিকতর প্রেম করিয়াছে ; নিশ্চয় ঈশ্বর ধর্মদ্রোহিদলকে পথ প্রদর্শন করেন না। ১০৭। ইহারাই তাহারা, ঈশ্বর তাহাদিগের অন্তরে, তাহাদের কর্ণে, তাহাদের নেত্রে মোহর (আবরণ স্থাপন) করিয়াছেন, এবং ইহারাই তাহারা যে অজ্ঞান। ১০৮। নিঃসন্দেহ যে, তাহারা ইহ পরলোকে ক্ষতিগ্রস্ত। ১০৯। অতঃপর উৎপীড়িত হওয়ার পরে যাহারা দেশ ত্যাগ করিয়াছে, অতঃপর ধর্মযুদ্ধ ও ধৈর্য ধারণ করিয়াছে, নিশ্চয় (হে মোহম্মদ,) তোমার প্রতিপালক তাহাদেরই ; এবং নিশ্চয় তোমার প্রতিপালক ইহার পরে ক্ষমাশীল ও দয়ালু ঃ। ১১০। (র, ১৪, আ, ১০)

ঈসায়ী ও ইহুদি দুই দাস ছিল, তাহারা সর্বদা বাইবেল ও তওরাত অধ্যয়ন করিত ; যখন হজরত তাহাদের নিকটে যাইতেন, তখন তাহাদের পাঠ শ্রবণ করিতেন। কেহ কেহ বলে যে, খতিব নামক ব্যক্তির একজন দাস ছিল, সে কখন কখন হজরতের নিকটে রজনীযোগে আগমন করিয়া কোর-আন্ শিক্ষা করিত। কোরেশগণ বলে, মোহম্মদ তাহার নিকটে বাক্য শিক্ষা করিয়া আমাদিগকে বলিয়া থাকে। তাহারই উত্তরস্থলে এই আয়ত অবতীর্ণ হয়। অর্থাৎ দাসের সামান্য আত্মীয় ভাষা, হজরত অত্যুৎকৃষ্ট আরব্য ভাষায় প্রবচন সকল বলিয়াছেন। (ত, হো,)

* হজরত পুস্তলপূজা অগাধ করিলে, কোরেশগণ দুঃখী নিরাশ্রয় বিশ্বাসী বেলাল, খোন্সাব, এমার ও তাহার পিতা ইয়াদর এবং মাতা ওম্মিয়ার প্রতি উৎপীড়নে প্রবৃত্ত হয়। তাহাদিগকে পৌত্তলিক ধর্মে প্রবৃত্ত করিবার জন্ত বিধি যন্ত্রণা দান করে ; কিন্তু তাহারা আপনাদের অবলম্বিত পথে স্থির থাকিয়া কোরেশদিগের উৎপীড়ন সহ্য করেন। এমন কি, এমারের জনক জননী সেই অত্যাচারে প্রাণত্যাগ করিয়াছিলেন। কিন্তু এমার শারীরিক দুর্বলতা ও অক্ষমতাবশতঃ অত্যাচারবহনে অক্ষম হইয়া অত্যাচারীদিগের মতে সম্মতিদানপূর্বক বলে যে, আমি তোমাদের দেবতার প্রতি বিশ্বাসী হইলাম। তখন হজরতের নিকটে সংবাদ পৌঁছিল যে, এমার স্বীয় ধর্ম পরিত্যাগ করিয়া কাকের-দিগের পদ্ধতি অবলম্বন করিয়াছে। তিনি বলিলেন, “তাহা নহে, এমারের আপাদমস্তক বিশ্বাসে পূর্ণ, বিশ্বাস তাহার রক্তমাংসের মধ্যে মিশ্রিত হইয়াছে ;” অর্থাৎ তাহার অন্তরে বিশ্বাস এরূপ বদ্ধমূল হইয়াছে যে, তাহা কথোঁতে টলিবার নহে। অতঃপর এমার কাদিতে কাদিতে হজরতের নিকটে উপস্থিত হয়। হজরত স্বহস্তে তাহার অশ্রুমোচন করিয়া তাহাকে আশ্বাস-বাক্যে প্রবোধ দেন। এবং খলনন তামা মকিশ প্রভৃতি বিশ্বাস-লাভের পর কাকের হইরাছিল। (ত, হো,)

† মকাতো কোন ব্যক্তি কাকেরদিগের উৎপীড়নে একান্ত অসহমান হইয়া ধর্মবিরুদ্ধ কথা উচ্চারণ করিয়াছিল। তৎপর যখন অনেক ধর্মহুতান করিল, তখন তাহার অপরাধ মার্জনা হয়। এমার

সেই দিনে যে প্রত্যেক ব্যক্তি নিজের জীবনসম্বন্ধে বিবাদ করতঃ উপস্থিত হইবে, * এবং যাহা তাহার অমুঠান করিয়াছে, সকল ব্যক্তিকেই তাহার পূর্ণ (বিনিময়) দেওয়া যাইবে ও তাহার অত্যাচারিত হইবে না। ১১১। এবং ঈশ্বর এক গ্রামের বৃত্তান্ত বর্ণন করিলেন, তাহা সুখশান্তিযুক্ত ছিল, তাহার উপজীবিকা সচ্ছলরূপে সকল স্থান হইতে তথায় আসিত ; অনন্তর (সেই গ্রাম) ঈশ্বরের দান সকলসম্বন্ধে অধ্যাচরণ করিল, সে যাহা করিতেছিল, তজ্জন্ত পরে পরমেশ্বর তাহাকে ক্ষুধা ও ভীতিরূপ পরিচ্ছদের স্বাদ গ্রহণ করাইলেন †। ১১২। এবং সত্য সত্যই তাহাদের মধ্য হইতে তাহাদের নিকটে প্রেরিতপুরুষ উপস্থিত হইয়াছে, অনন্তর তাহার তাহার প্রতি অসত্যারোপ করিয়াছে, পরে শাস্তি তাহাদিগকে আক্রমণ করিয়াছে ; তাহার অত্যাচারী হইয়াছিল। ১১৩। অনন্তর ঈশ্বর যে বৈধ ও শুদ্ধ সামগ্রী তোমাদিগকে জীবিকা দান করিয়াছেন, তোমরা তাহা ভক্ষণ কর, এবং যদি তোমরা তাহাকে অর্চনা করিতেছ, তবে ঈশ্বরের দানের কৃতজ্ঞতা দান কর ‡। ১১৪। তোমাদের সম্বন্ধে শব, শোণিত, বরাহমাংস এবং যাহার উপর ঈশ্বর ভিন্ন (অগ্র দেবতার) নাম গৃহীত হইয়াছে, এতদ্ভিন্ন অবৈধ নহে ; পরন্তু যে ব্যক্তি (ক্ষুধায়) কাতর হইয়া পড়ে, অমিতাচারী ও অত্যাচারী নয়, (তাহার পক্ষে সে সকল বৈধ ;) অপিচ নিশ্চয় ঈশ্বর ক্ষমাশীল, দয়ালু। ১১৫। এবং তোমরা ঈশ্বরের প্রতি অসত্য-

নামক একজন সম্ভ্রান্ত লোকের পিতা ইয়াসর ও মাতা ওসমিয়া অত্যাচারে প্রাণত্যাগ করিয়াছিল ; কিন্তু এমার প্রাণের ভয়ে কাকেরদিগের অভিমত বাক্য উচ্চারণ করে। ৩৭পর অমুতাপিত হইয়া হজরতের নিকটে উপস্থিত হয়। তদুপলক্ষে এই করেক আয়ত অবতীর্ণ হয়। (ত, ফা,)

* নিজের জীবনসম্বন্ধে বিবাদ করা, অর্থাৎ স্বীয় চরিত্রকে তৎসনা করা ;—যথা, প্রত্যেক পাণ্ডা বলিবে যে, কেন পাণ্ডা করিলাম, এবং সাধু বলিবেন যে, কেন অধিকতর পুণ্য উপার্জন করি নাই, অথবা প্রত্যেক ব্যক্তি স্বীয় জীবনকে মুক্ত করিবার জন্ত চেষ্টা ও সংগ্রাম করিবে। (ত, হো,)

† অর্থাৎ ঈশ্বর এরূপ করিলেন যে, গ্রামবাসিগণ ক্ষুধা ও ভয়ের যাতনা ভোগ করিল। কথিত আছে যে, মক্কাবাসীদিগের সম্বন্ধে এই প্রসঙ্গ হইয়াছে। তাহার হত্যাকাণ্ড লুণ্ঠনাদি বিষয়ে নিরাপদ ছিল, সুখে স্বচ্ছন্দে জীবন কাটাইতেছিল। যখন তাহার প্রেরিত মহাপুরুষ মোহাম্মদের বিরোধী হইল, তখনই ঈশ্বর সচ্ছলতা দূর করিয়া তাহাদের মধ্যে দুর্ভিক্ষ প্রেরণ করিলেন। সাত বৎসর পর্য্যন্ত মহা দুর্ভিক্ষ ছিল, লোকে ক্ষুধায় নিপীড়িত হইয়া শব ভক্ষণ ও রক্ত পান করিয়াছিল। হজরতের অভিসম্পাতেই এরূপ হইয়াছিল। অপিচ তাহাদের নিশ্চিন্ততা ভয়েতে পরিণত হয়, অর্থাৎ তাহাদের মনে মোসলমানদিগের ভয় এরূপ প্রবল হয় যে, তাহার দেশ ত্যাগ করিয়া চলিয়া যাইতে বাধ্য হইয়াছিল। স্বীয় জীবন ও সম্পত্তিসম্বন্ধে তাহার নিরাপদ ছিল না। “ক্ষুধা ও ভীতিরূপ পরিচ্ছদের স্বাদ গ্রহণ করাইলেন” অর্থাৎ ক্ষুধা ও ভয়কে তাহাদের দেহে সংলগ্ন করিলেন।

‡ কোরেণ নারীগণ হজরতের নিকটে কোন ব্যক্তিকে পাঠাইয়া নিবেদন করিয়াছিল যে, আমাদের স্বামিগণ আপনার সঙ্গে শত্রুতা করিয়াছে, মক্কাবাসী স্ত্রীলোক ও বালক বালিকার কি অপরাধ যে, তাহার দুর্ভিক্ষে ওষ্ঠাগতপ্রাণ হইল ? তখন হজরত কিছু খাদ্য সামগ্রী মক্কার উপস্থিত করিতে আদেশ করেন। তাহাতে এই আয়ত অবতীর্ণ হয়। (ত, হো,)

রোপ করিতে, তোমাদের রসনা যাহা মিথ্যা বর্ণন করে যে, ইহা বৈধ ও ইহা অবৈধ, তাহা বলিও না; যাহারা ঈশ্বরের প্রতি অসত্যরোপ করিয়া থাকে, তাহারা মুক্তি লাভ করে না। ১১৬। + লাভ অল্প ও তাহাদের জন্ত দুঃখজনক শাস্তি আছে। ১১৭। এবং তোমার প্রতি, (হে মোহাম্মদ,) আমি যাহা বর্ণন করিলাম, পূর্বে তাহা ইহুদীদিগের প্রতি অবৈধ করিয়াছিলাম; আমি তাহাদিগের প্রতি অত্যাচার করি নাই, কিন্তু তাহারা স্বীয় জীবনের প্রতি অত্যাচার করিতেছিল *। ১১৮। যাহারা অজ্ঞানতাবশতঃ দুর্কর্ম করিয়াছে, তাহার পর পুনঃ প্রত্যাবর্তিত হইয়াছে ও সংকর্ম করিয়াছে, অবশেষে নিশ্চয় তোমার প্রতিপালক তাহাদিগেরই; সত্যই তোমার প্রতিপালক তদনন্তর ক্ষমাশীল, দয়ালু †। ১১৯। (র, ১৫, আ, ২)

নিশ্চয় এব্রাহিম ঈশ্বরের অগ্রণী সেবক, সে সত্যধর্মে প্রতিষ্ঠিত ছিল, এবং অংশি-বাদীদিগের অন্তর্গত ছিল না ‡। ১২০। সে তাহার দানে কৃতজ্ঞ ছিল, তিনি তাহাকে গ্রহণ করিয়াছিলেন, এবং সরল পথের দিকে তাহাকে পথ প্রদর্শন করিয়াছিলেন। ১২১। এবং তাহাকে আমি পৃথিবীতে কল্যাণ দান করিয়াছি ও নিশ্চয় সে পরলোকে সাধুদিগের অন্তর্গত। ১২২। তৎপর আমি তোমার প্রতি প্রত্যাদেশ করিয়াছি যে, তুমি সত্যধর্মে প্রতিষ্ঠিত এব্রাহিমের ধর্মের অনুসরণ কর, এবং সে অংশিবাদীদিগের অন্তর্গত ছিল না। ১২৩। শনিবাসর, যাহারা তদ্বিষয়ে বিরুদ্ধাচরণ করিয়াছে, তাহাদের প্রতি নির্দ্বারিত, এতদ্বিত্ত নহে; এবং তাহারা যে বিষয়ে বিরুদ্ধাচরণ করিতেছিল, তজ্জন্ত নিশ্চয় তোমার প্রতিপালক কেয়ামতের দিনে তাহাদের মধ্যে আজ্ঞা প্রচার করিবেন §। ১২৪। তুমি

* সূরা এনামে ইহার বিশেষ বৃত্তান্ত বিবৃত হইয়াছে।

† অর্থাৎ বৈধাবৈধ বিষয়ে কাকেরগণ অন্ত্য বলিয়াছে; পরে যখন তাহারা মোসলমান হইল, তখন ক্ষমা লাভ করিল। (ত, কা,)

‡ অর্থাৎ বৈধাবৈধ ও ধর্মপ্রণালীবিষয়ে এব্রাহিমের ধর্মমতই সর্বোৎকৃষ্ট। আরবের লোকেরা আপনাদিগকে এব্রাহিমের মতাবলম্বী বলিয়া থাকে, বাস্তবিক তাহারা তাঁহার পথে নয়; তাহারা ঈশ্বরের অংশী সকল আছে, স্বীকার করে। (ত, কা,)

§ সর্বত্র “হনিফ” শব্দের অর্থ, সত্যধর্মে প্রতিষ্ঠিত লিখিত হইয়াছে; কাহার কাহার মতে, যাহারা দৃষ্টিছেদ, হস্ত ও অন্তি হইলে স্নান করে, তাহারা “হনিফ”।

§ পরমেশ্বর মুসাকে আজ্ঞা করিয়াছিলেন যে, বনিএশ্রায়েলকে বল, যেন শুক্রবার দিন সমুদায় কার্য হইতে অবসর গ্রহণ করিয়া পরমেশ্বরের অর্চনা করিতে থাকে। যখন আদেশ তাহাদের মধ্যে প্রচারিত হইল, অল্পসংখ্যক লোক গ্রাহ্য করিল, অধিকাংশ লোকই তাহাতে অসম্মত হইল। তাহাদের মধ্যে বিরোধ ঘটিল। কতক লোক বলিল যে, ঈশ্বর শুক্রবার দিন সৃষ্টিক্রিয়া শেষ করিয়াছেন, আমরা শনিবারকে অবলম্বন করিব; অল্প দল বলিল যে, রবিবারই শ্রেষ্ঠ, সেই দিন সৃষ্টিক্রিয়ার আরম্ভ হয়। পরমেশ্বর শনিবারকে সম্মান করিতে সকলকে বিশেষরূপে বাধ্য করেন। শনিবারসম্বন্ধে এইরূপ সম্মাননা নির্দ্বারিত হয়, যথা, সেই দিন লোকে ব্যবসায় বাণিজ্য করিবে না, কোন কার্যে লিপ্ত হইবে না, সেই দিন উৎসবের দিন হইবে, লোকে কেবল ঈশ্বরের পূজা করিবে। (ত, হো,)

তোমার প্রতিপালকের পথের দিকে বিস্তৃত জ্ঞান ও উত্তম উপদেশানুসারে (লোকদিগকে) আহ্বান কর, এবং যাহা উত্তম, তদনুসারে তাহাদের সঙ্গে বিতর্ক কর*। যে ব্যক্তি তাহার পথ হইতে বিচ্যুত হইয়াছে, নিশ্চয় তোমার প্রতিপালক তাহাকে উত্তম জ্ঞাত, তিনি সংপথপ্রিতদিগকেও উত্তম জ্ঞাত। ১২৫। এবং যদি তোমরা প্রতিশোধ লও, তবে যেরূপ তোমরা উৎপীড়িত হইয়াছ, তদনুরূপ প্রতিশোধ লইও; এবং যদি তোমরা ধৈর্য্য ধারণ কর, তবে উহা ধৈর্য্যশীলদিগের জন্য কল্যাণ। ১২৬। এবং তুমি সহিষ্ণু হও, তোমার সহিষ্ণুতা ঈশ্বরের (সাহায্য) ব্যতীত নহে ও তাহাদের সম্বন্ধে দুঃখ করিও না, তাহারা যে প্রতারণা করিতেছে, তজ্জন্ত ক্ষুদ্র থাকিও না। ১২৭। যাহারা ধর্ম্মভীরু হয় ও যাহারা সংকর্শ্মশীল, নিশ্চয় ঈশ্বর তাহাদের সঙ্গে থাকেন। ১২৮। (র, ১৬, আ, ২)

সূরা বনিএস্রায়েল †

.....

সপ্তদশ অধ্যায়

.....

১১১ আয়ত, ১২ রকু

(দাতা দয়ালু পরমেশ্বরের নামে প্রবৃত্ত হইতেছি।)

তিনি পবিত্র, যিনি কোন রজনীতে স্বীয় দাসকে মস্জিদোল্‌হরাম হইতে সেই দূরতর মস্জিদ পর্য্যন্ত লইয়া গিয়াছেন, আপন নিদর্শন সকলের (কিছু কিছু) তাহাকে দেখাইতে যাহার চতুঃপার্শ্বকে আমি সৌভাগ্যযুক্ত করিয়াছি; নিশ্চয় তিনি শ্রোতা,

* ত্রিবিধ প্রণালীতে ঈশ্বরের পথে লোকদিগকে আহ্বান করা হইয়া থাকে, বিজ্ঞান, উত্তম উপদেশ ও বিতর্ক। বিজ্ঞান বিশেষ আহ্বানের জন্ত, সদুপদেশ সাধারণ সংপথ-প্রদর্শনের জন্ত, বিতর্ক শত্রুদিগকে পরাস্ত করিবার জন্ত। এই ত্রিবিধ পথ হকিকত, তরিকত, শরিয়ত। সাক্ষাৎ সম্বন্ধে ঈশ্বর হইতে যে সত্য লাভ হয়, তাহা বিজ্ঞানমূলক হকিকত; প্রেরিতপুরুষযোগে যে সত্য লাভ হয়, তাহা সহুপদেশমূলক তরিকত; শাস্ত্রীয় নিবেদন বিধি যুক্তি প্রমাণাদি শরিয়ত। (ত, হো,)

† এই সূরা মক্কাতে অবতীর্ণ হয়।

স্তো * ১। এবং আমি মুসাকে গ্রন্থ দান করিয়াছি ও তাহাকে বনিএশ্রায়েলের জন্ত পঞ্চপ্রদর্শক করিয়াছিলাম ; (বলিয়াছিলাম) যে, তোমরা আমাকে ছাড়িয়া কোন কার্য-

* মস্জদোলহরাম হইতে অর্থাৎ কাবার চতুঃসীমার মধ্য হইতে ঈশ্বর কোন রজনীতে হজরতকে দূরতর মস্জদ বরতোলমোকদ্দসের নিদর্শন সকল প্রদর্শন করিবার জন্ত লইয়া গিয়াছিলেন। ঈশ্বর বলিতেছেন যে, বরতোলমোকদ্দসের চতুষ্পার্শ্বই শামদেশকে আমি ভাগ্যযুক্ত করিয়াছি। শামদেশ বা কেনানভূমি স্বর্গীয় ও পার্থিব এই দ্বিবিধ সৌভাগ্য লাভ করিয়াছে। প্রথমতঃ উহা প্রত্যাদেশাবতরণভূমি ও ধর্মপ্রবর্তকদিগের সাধনক্ষেত্র, দ্বিতীয়তঃ হরিৎক্ষেত্র ও নদ নদী এবং ফলভারাবনত তরু-রাজিতে তাহা শোভিত। স্বর্গীয় নিদর্শন সকল প্রদর্শন করিবার জন্ত রজনীতে হজরত মোহাম্মদ বরতোলমোকদ্দসে, যাহাকে জেরুজেলম বলে, ঈশ্বর কর্তৃক নীত হইয়াছিলেন। অতি অল্প সময়ের মধ্যে তিনি মক্কা হইতে শামদেশে উপস্থিত হন, এবং বরতোলমোকদ্দস দর্শন করিয়া ধর্মপ্রবর্তক মহাপুরুষগণের সাক্ষাৎ লাভ এবং তাঁহাদের অবস্থানভূমি ও ছালোকের অনেক অলৌকিক ও আশ্চর্য্য ব্যাপার সকল অবলোকন করেন। হজরতের এই স্বর্গারোহণকে “মেরাজ” বলে। অধিকাংশ পণ্ডিতের মতে, “মেরাজ” তাঁহার প্রেরিতজ্ব-লাভের ষাটশ বর্ষে হইয়াছিল; মাসসম্বন্ধে মতভেদ আছে। রবিওল্ আওল্ বা রবিওল্ আপের কিঞ্চিৎ রমজান অথবা শওয়াল মাসে “মেরাজ” সম্ভটিত হইয়াছিল। হজরতের মক্কা হইতে বরতোলমোকদ্দসে গমন কোর্ আন্ অনুসারে প্রমাণিত। যাহারা তাহা বিশ্বাস করে না, তাহারা কান্ধের। তাঁহার স্বর্গারোহণ ও পরমেশ্বরের সান্নিধ্যলাভ প্রসিদ্ধ হাদিস সকল দ্বারাও প্রমাণিত। অধিকাংশ বিশ্বাসী মোসলমানের মত এই যে, হজরতের স্বর্গারোহণ সশরীরে জাগ্রতাবস্থায় হইয়াছিল। তাঁহার শূন্য শরীর স্বর্গারোহণের প্রতিবন্ধক ছিল, এরূপ যাহারা বলে, তাহারা ঈশ্বরের শক্তি ও অলৌকিক ক্রিয়ায় অবিবাসী। সেই রাজিতে জেরিল এক দল দেবতাসহ আগমন করিয়া পিতৃব্য আবু তালেবের কন্যা ওম্মোহানীর আলয় হইতে হজরতকে মস্জদোলহরামে লইয়া যান; তথায় তদীয় বন্ধু বিদীর্ণ ও হৃৎকোষ প্রক্ষালন করার পর, তাঁহাকে বোরাকনামক স্বর্গীয় বাহনে আরোহণ করাইয়া বরতোলমোকদ্দসে আনয়ন করেন। বরতোলমোকদ্দসে ধর্মপ্রবর্তক মহাপুরুষ ও দেবগণের সঙ্গে হজরতের সাক্ষাৎ হয়। তিনি বরতোলমোকদ্দসে স্থাপিত সখরানামক বৃহৎ প্রস্তর খণ্ডের উপর হইতে বোরাক বা জেরিলের পক্ষযোগে সোপানে আরোহণ করেন। প্রথম স্বর্গে আদমের সঙ্গে তাঁহার সাক্ষাৎ হয়, দ্বিতীয় স্বর্গে ঈসা ও ইয়হাকে দেখিতে পান, তৃতীয় স্বর্গে ইয়সাককে, চতুর্থ স্বর্গে মুসাকে, সপ্তম স্বর্গে এব্রাহিমকে প্রাপ্ত হন। এই সকল স্থানে তাঁহাদের সঙ্গে তাঁহার বিশেষ আলাপ পরিচয় হয়। তিনি সদরতোলুমস্তাহ, বরতোল্ মানুর, হওজ কওসর ও নহরোরুরহমত ইত্যাদি পুণ্যস্থান, সরোবর ও নদী দর্শন করেন। হেজ্রাবে মুর অর্থাৎ জ্যোতির আবরণের নিকটে উপস্থিত হইলে, জেরিল তাঁহার সঙ্গে গমনে কান্ত হন। তথা হইতে তিনি একাকী জ্যোতি ও অন্ধকারের আবরণ ভেদ করিয়া এক স্থানে উপনীত হইলেন যে, বোরাকও গমনে নিবৃত্ত হইল। অনন্তর রফরকনামক এপ্রাকিলের মন্দিরে আরোহণ করিয়া ঈশ্বরের সিংহাসনের সমীপবর্তী হন। তথায় তিনি সহস্র বার “তুমি আমার নিকটে এস,” এই আহ্বানদ্বনি শ্রবণ করেন, এবং সহস্রবার তিনি নব নব উন্নতি প্রাপ্ত হন। তিনি ক্রমে নিকট হইতে নিকটতর ও উচ্চতর পবিত্র স্থান সকল অতিক্রম করিয়া একান্তে ঈশ্বরের সহবাস লাভ করেন। তখন প্রভু ঐ সকল প্রত্যাদেশ করেন, তাঁহার দাস মোহাম্মদ তাহা অবগত হন,

সম্পাদক গ্রহণ করিও না। ২। + যাহাকে আমি মুহার সঙ্গে (নৌকায়) উঠাইয়াছিলাম, তোমরা যে তাহার সন্তান, স্মরণ কর ; নিশ্চয় সে কৃতজ্ঞ দাস ছিল *। ৩। গ্রন্থে আমি এশ্রায়েলসন্ততিগণের প্রতি আদেশ করিয়াছি যে, অবশ্য তোমরা পৃথিবীতে দুইবার উৎপাত করিবে, এবং অবশ্য তোমরা মহাহর্দমরূপে হুর্দাস্ত হইবে +। ৪। অনন্তর যখন দুইয়ের প্রথম অঙ্গীকার উপস্থিত হইবে, তখন আমি বিষম সংগ্রামকারী স্বীয় দাসগণকে তোমাদের প্রতি প্রেরণ করিব, পরে তাহারা (তোমাদের) আলয়ের মধ্যে আসিবে ; (ঈশ্বরের) অঙ্গীকার সম্পন্ন হইয়া থাকে ‡। ৫। তৎপর আমি তাহাদের সম্বন্ধে তোমাদিগের জন্ত পরাক্রম প্রত্যর্পণ করিব, এবং বহু সম্পত্তি ও সন্তান দ্বারা তোমাদিগকে সাহায্য করিব ও তোমাদিগকে লোকবৃদ্ধির অমুসারে বৃদ্ধিশালী করির §।

নানাপ্রকার আদর ও প্রিয় সম্ভাষণে তিনি সম্মান লাভ করেন। বেহেস্তে ও তাহার ভিন্ন ভিন্ন বিভাগে প্রত্যাগমনকালে নরকের অবস্থা দর্শন করিয়া, আপন মণ্ডলীর অন্তর্গত পরলোক-প্রাপ্ত লোকদিগের জন্ত নমাজরূপ উপহার নির্ধারণ করেন। অতঃপর তিনি বয়তোলুমোকদ্দসে ফিরিয়া আইসেন, তথা হইতে মক্কায় যাত্রা করিয়া কোরেশ বণিকদিগকে প্রাপ্ত হন। তিন ঘণ্টায়, কেহ বলেন, চারি ঘণ্টায় এই ভ্রমণ-কার্য শেষ হইয়াছিল। যখন হজরত প্রত্যুষে মেরাজের বৃত্তান্ত বর্ণন করিলেন, তখন বিশ্বাসীরা সত্য বলিয়া গ্রাহ্য করেন, কাদের লোকেরা একান্ত অসম্ভব বলিয়া বয়তোলুমোকদ্দসের নিদর্শন প্রার্থনা করে। তখন সেই মসজিদ তাহাদের চক্ষে প্রকাশিত হইয়া পড়িল, তাহারা যে যে নিদর্শন চাহিয়াছিল, সমুদায় পাইল। যে সকল বণিক পথে হজরতের সঙ্গী ছিল না, তাহাদিগকে জিজ্ঞাসা করাতে, তাহারা উহা মিথ্যা বলিয়া অগ্রাহ্য করিয়াছিল। তিনি সজ্জা ও শ্রোতা, অর্থাৎ তিনি হজরত মোহাম্মদকে আপনার নিদর্শন সকলের প্রদর্শক ও স্বীয় বাক্যের শ্রাবয়িতা। (ত. হো,)

* মহাপুরুষ মুহার এক পুত্রের নাম সাম, মহাদাবনের সময় তিনি মুহার সঙ্গে নৌকায় আরোহণ করিয়া জীবন রক্ষা করিয়াছিলেন। বনিএশ্রায়েলের পূর্বপুরুষ এব্রাহিম তাহারই বংশোৎপন্ন। ঈশ্বর বলিতেছেন, জলপ্রাবন হইতে মুক্তিদানরূপ যে অমুগ্রহ আমি তোমাদের পূর্বপুরুষদিগের প্রতি প্রকাশ করিয়াছিলাম, তাহা স্মরণ করিয়া কৃতজ্ঞতা দান কর। নিশ্চয় সেই মুহা কৃতজ্ঞ ভূত্য ছিল। বিনীত ভূত্য পান ভোজন বস্ত্র-পরিধান শয়ন উপবেশন উত্থান ও যানারোহণাদি সর্বাবস্থায় কৃতজ্ঞতাসহ ঈশ্বরকে স্মরণ করিয়া থাকেন। মুহার সন্তানগণের প্রতি ইহা উদ্ভেজনাশুচক বাক্য, যেন তাহারা পূর্বপুরুষের চরিত্রের অনুসরণ করে। যেহেতু কৃতজ্ঞতায় দানের বৃদ্ধি হইয়া থাকে। (ত. হো,)

+ ধর্মগ্রন্থ তওরাতে এরূপ লিপি আছে যে, বনিএশ্রায়েল পৃথিবীতে দুইবার উৎপাত করিবে। প্রথম উৎপাত তওরাতের আদেশ অমান্য করা ও আপনাদের প্রেরিতপুরুষ আরমিয়াকে অগ্রাহ্য করা। দ্বিতীয় ইয়্যাহাকে হত্যা করা ও ঈসার হত্যায় উদ্বৃত্ত হওয়া। (ত. হো,)

‡ “স্বীয় দাসগণ” অর্থে আমার সৃষ্ট মমুসগণ বুঝাইবে। উহা বোণতনসূর অথবা জ্বালুত কিংবা আমলকার দলপতি। মেঘগর্জনের শব্দ তাহাদের শব্দ এবং বিদ্রোহের শব্দ তাহাদের চক্ষু ছিল। তাহারা হত্যা ও লুণ্ঠন করিবার জন্ত বনিএশ্রায়েলের আলয় আক্রমণ করিয়াছিল। (ত. হো,)

§ অর্থাৎ পরে যাহারা তোমাদিগকে হত্যা ও তোমাদের সম্পত্তি লুণ্ঠন করিবে, তোমরা তাহাদিগকে পরাভূত করিতে পারিবে। আমি তোমাদিগকে ধনসম্পত্তি ও সন্তানসন্ততি প্রদান করিব। পূর্বাশংক। তোমাদের লোকসংখ্যা বৃদ্ধি পাইবে। (ত. হো,)

৬। যদি তোমরা সদাচরণ কর, স্বীয় জীবনসম্বন্ধে সদাচরণ করিবে, এবং যদি দুর্ভিক্ষ কর, তবে তাহার নিমিত্ত হইবে; অনন্তর যখন অপর অঙ্গীকার উপস্থিত হইবে, তাহাতে তাহারা তোমাদের মুখমণ্ডলকে বিষন্ন করিবে, এবং তাহাতে তাহারা মন্দিরে প্রবেশ করিবে, যে রূপ প্রথমবার উহার তন্মধ্যে প্রবিষ্ট হইয়াছিল, এবং তাহাতে যাহা বিনিপাত করিতে প্রবল হইবে, তাহা বিনিপাত করিবে *। ৭। তোমাদের প্রতিপালক তোমাদিগকে দয়া করিতে সত্বর; এবং যদি তোমরা (অবাধ্যতায়) পুনঃ প্রবৃত্ত হও,

* এ বিষয়ের প্রকৃত ঐতিহাসিক তত্ত্ব এই;—শামদেশ বনিএশ্রায়েলের রাজত্ব যখন সলমান বংশোদ্ভব সদ্দিক্‌ প্রাপ্ত হইলেন, তখন চতুর্দিক হইতে রাজগণের লোভ-দৃষ্টি সেই দেশের প্রতি পড়িল। সদ্দিক্‌ দুর্বল ও নিস্তেজ ছিলেন, তাহা দেখিয়া ভূপতিগণ শামদেশ আক্রমণের উদ্যোগ করিলেন। প্রথমতঃ মোসলের অধিপতি সঞ্জাবির সৈন্যে অগ্রসর হইলেন; তাহার সংগ্রামযাত্রার পর আঞ্জরবায়জানের বাদশাহ সলমা যাত্রা করিলেন। উভয়েই জেরুজেলম অধিকারের প্রার্থী হইয়া পরস্পর যুদ্ধে প্রবৃত্ত হইলেন। তখন উভয়ের মধ্যে ভয়ানক সংগ্রামানল প্রজ্বলিত হইয়া উঠিল। তাহাতে উভয় সৈন্যদল পরাস্ত হইল। তাহাদের দ্রব্যজাত এশ্রায়েলবংশীয় লোকেরা লুণ্ঠন করিল। তৎপর রোমের অধীশ্বর ও সকালিয়ার রাজা ও আন্দলসের অধিপতি অগণ্য পরাক্রান্ত সেনাসহ জেরুজেলমে উপস্থিত হন। তাহারাও পরস্পর ভয়ঙ্কর যুদ্ধ করেন, অসম্মা সৈন্য হতাহত হয়, অবশিষ্ট সৈন্য পলায়ন করে। সমুদায় সম্পত্তি বনিএশ্রায়েলগণ প্রাপ্ত হয়। রণক্ষেত্রে পাঁচজন প্রবল রাজার পরিত্যক্ত প্রচুর সম্পত্তি লাভ করিয়া এশ্রায়েলকুলোদ্ভব লোকেরা ভয়ানক অহঙ্কারী হইয়া উঠে, ধর্মপুস্তক ও তওরাতের বিধি অমান্য করিতে থাকে; প্রেরিতপুরুষ আরমিয়া তাহাদিগকে অনেক প্রকার ভয় প্রদর্শন ও উপদেশ দান করেন, তাহারা তাহাতে কর্ণপাত করে না। বোখতনসূসর সঞ্জাবিরের লিপিকর ছিল ও সঞ্জাবিরের মৃত্যুর পর তাহার নির্দারগণ্যসারে তদীয় সিংহাসন প্রাপ্ত হইয়াছিল। পরমেধর তাহাকে এশ্রায়েলসন্তানগণের প্রতি প্রেরণ করেন। বোখতনসূসর যাইয়া যুদ্ধ করিয়া এশ্রায়েলবংশীয় লোকদিগের উপর জয়ী হয়, মন্দির ও অট্টালিকা সকল ধ্বংস করে, তওরাত দগ্ধ করিয়া ফেলে, এবং সন্তোর সহস্র বনিএশ্রায়েলকে দাস করিয়া রাখে। বনিএশ্রায়েলদিগের প্রতি এই প্রথম শাস্তি। অনন্তর কুরশ হমদানী বিনি এশ্রায়েলবংশোদ্ভব এক কন্যাকে বিবাহ করিয়াছিলেন, তিনি এই সংবাদ পাইয়া বিপুল ধন সম্পত্তি এবং ত্রিশ সহস্র স্থপতি ও বহু শ্রমজীবী কর্ণচারী সহ উপস্থিত হন। ত্রিশ বৎসর চেষ্টা উদ্যোগ করিয়া জেরুজেলম নগরের ও তৎপ্রদেশের অট্টালিকা সকল পুনর্নির্মাণ করেন, তাহাতে সেই দেশ পূর্বাধ্বা প্রাপ্ত হয়। পুনর্ব্বার বনিএশ্রায়েল দুর্দান্ত হইয়া উঠে, এবং মহাপুরুষ ইয়্যাহাকে হত্যা করে ও মহান্ধা ইয়্যাকে হত্যা করিতে প্রবৃত্ত হয়। তখন দ্বিতীয় শাস্তি উপস্থিত হয়। তরতুস রমী তাহাদিগকে পরাস্ত করিয়া জেরুজেলমের মন্দির ধ্বংস করে ও এশ্রায়েলবংশীয়দিগের সম্পত্তি লুণ্ঠন করিয়া লইয়া যায়। পরমেধর তওরাত অঙ্গীকারের পর এই দুই শাস্তির কথা তাহাদিগকে বলিয়াছেন। “তাহাতে তাহারা তোমাদের মুখমণ্ডলকে বিষন্ন করিবে, এবং তাহাতে তাহারা মন্দিরে প্রবেশ করিবে, যে রূপ প্রথমবার উহার তন্মধ্যে প্রবিষ্ট হইয়াছিল” ইত্যাদি বলেন। অর্থাৎ যেমন প্রথমবার বোখতনসূসর সৈন্যে আসিয়া মন্দির ধ্বংস করে, তদ্রূপ তরতুসের সৈন্যও উপস্থিত হইয়া বরতোলুবোকাদসে প্রবেশ করিবে ও মন্দির ধ্বংস করিয়া দুঃখে তোমাদের মুখ মলিন করিবে।

(ত, হো,)

আমিও (শান্তিদানে) পুনঃ প্রবৃত্ত হইব, এবং ধর্মপ্রোহীদিগের জন্ত আমি নরকলোককে বন্দিশালা করিয়াছি * । ৮ । নিশ্চয় এই কোব্-আন, যাহা অতীব সরল, সে (প্রকৃতির) পথ প্রদর্শন করে ; এবং যাহারা সদাচরণ করে, সেই বিশ্বাসীদিগকে সুসংবাদ দান করিয়া থাকে যে, তাহাদের জন্য মগাপুরস্কার আছে । ৯ । + এবং নিশ্চয় যাহারা পরলোকে বিশ্বাস করে না, তাহাদের জন্ত আমি দুঃখকর শাস্তি প্রস্তুত রাখিয়াছি । ১০ । (র, ১, আ, ১০)

এবং মনুষ্য অকল্যাণবিষয়ে প্রার্থনা করে, (যেমন) কল্যাণবিষয়ে তাহার প্রার্থনা হয়, এবং মনুষ্য ব্যস্ত হইয়া থাকে † । ১১ । আমি রাত্রি ও দিবাকে দুই নিদর্শন করিয়াছি, পরস্তু নৈশিক নিদর্শনকে প্রচ্ছন্ন রাখিয়াছি ও আফিক নিদর্শনকে আলোকিত করিয়াছি যে, তাহাতে তোমরা স্থায়ী প্রতিপালক হইতে উন্নতি অব্বেষণ করিবে, এবং তাহাতে বৎসর সকলের গণনা ও হিসাব জ্ঞাত হইবে ; এবং আমি সকল বিষয় বিভিন্নরূপে ব্যক্ত করিয়াছি ‡ । ১২ । অপিচ সকল মনুষ্যের কাছে তাহার পক্ষী (কার্যালিপি) সংলগ্ন করিয়াছি, এবং পুনরুত্থানের দিনে আমি তাহার জন্ত এক পুস্তক বাহির করিব, সে তাহা উন্মুক্ত দেখিবে § । ১৩ । (বলিব,) তুমি আপন পুস্তক পাঠ কর, অত

* অবাধ্যতা ও দুর্নীতির কারণে বনিএশ্রায়েলদিগের দুইবার দুর্দশা হইয়াছে। এক্ষণ ঈশ্বর অনুগ্রহ করিতে প্রস্তুত আছেন। তিনি বলিতেছেন, যদি তোমরা বর্তমান ধর্মপ্রবর্তকের আনুগত্য স্বীকার কর, তবে সেই রাজত্ব, জয় ও পরাক্রম তোমাদিগকে প্রত্যর্পণ করা যাইবে। পুনরায় সেই রূপ ছুটতা প্রকাশ করিলে তদ্রূপ দুর্দশাপন্ন হইবে, অর্থাৎ আমি তোমাদিগের উপর মোসলমানদিগকে বিজয়ী করিব। পরলোকে তোমাদের জন্ত নরক সজ্জিত রহিয়াছে। (ত, ফা,)

+ মনুষ্য যেমন কল্যাণবিষয়ে প্রার্থনা করে, তদ্রূপ ক্রোধের সময় ব্যস্ত সমস্ত হইয়া নিজের জীবন, পরিবার ও সম্পত্তিবিষয়ে অকল্যাণ প্রার্থনা করিয়া থাকে। যেমন হারুণের পুত্র নজর ঈশ্বরের নিকটে আপন শাস্তি প্রার্থনা করিয়াছিল, যথা ;—“আমার উপর আকাশ হইতে প্রস্তুত বর্ষণ কর।” (ত, হো,)

অর্থাৎ লোকে এই বলিয়া ব্যস্ত সমস্ত হয় যে, আমার প্রার্থনা শীঘ্র কেন গ্রাহ্য হইল না। এদিকে তাহার কোন কোন প্রার্থনা তাহার পক্ষে অকল্যাণ, সেই প্রার্থনা পূর্ণ হইলে তাহার দুর্গতি হয়, তজ্জন্তই গৃহীত হয় না। সর্ব্বতোভাবে ঈশ্বর উত্তম জ্ঞানী, তাহার ইচ্ছার বাধ্য হওয়াই কর্তব্য। (ত, হো,)

‡ অর্থাৎ ব্যস্ত সমস্ত হইলে কোন লাভ নাই, সকল বিষয়েরই দিব্যরাত্রির জ্ঞায় সময় ও পরিমাণ নির্দ্ধারিত আছে। যেমন কাহারও ব্যাকুলতায় রাত্রি খর্ব্ব হয় না, যথাসময়ে স্বতঃ উষার উদয় হইয়া থাকে। দিব্যরাত্রি এই দুই ঈশ্বরের শক্তির নিদর্শন। (ত, হো,)

§ কি ধার্মিক, কি অধার্মিক, তাহার শুভাশুভ কর্ম্ম আদিকাল হইতে তাহার কাছে কণ্ঠবন্ধনের জ্ঞায় সংলগ্ন আছে। কথিত আছে যে, প্রত্যেক সন্তানের গলদেশে এক এক পুস্তক দোলায়মান থাকে, তাহাতে “হুর্ভাগ্য” বা “ভাগ্যবান্” এই কথা লিখিত। কেহু কেহ বলেন, আরাবী অর্থাৎ যাযাবর লোকেয়া দক্ষিণে বা বামে পক্ষী উড়িতে দেখিলে তদ্বারা সৌভাগ্য বা দুর্ভাগ্য নির্ণয় করিয়া থাকে। পক্ষী দক্ষিণে উড়ন্তীয়মান হইলে শুভ এবং বামে উড়িলে অশুভ লক্ষণ বলে। অতএব এই স্থানে

তোমার জীবনই তোমার সম্বন্ধে যথেষ্ট হিসাবকারক *। ১৪। যে ব্যক্তি পথ প্রাপ্ত হইয়াছে; অনন্তর সে আপন জীবনের জগ্ৰ পথ পাইতেছে, এতস্তিগ্ন নহে; এবং যে ব্যক্তি পথভ্রাস্ত হইয়াছে, অনন্তর সে তৎপ্রতি পথভ্রাস্ত হইয়াছে, এতস্তিগ্ন নহে; এবং কোন ভারবাহী অস্ত্রের ভার বহন করে না। এবং যে পর্যন্ত কোন প্রেরিতপুরুষকে প্রেরণ না করি, সে পর্যন্ত আমি শাস্তিদাতা নহি †। ১৫। এবং যখন আমি কোন গ্রামকে বিনাশ করিতে ইচ্ছা করি, (প্রথমতঃ) তত্রত্য উদ্ধত লোকদিগকে (প্রেরিতপুরুষের অহুগত হইতে) আজ্ঞা করিয়া থাকি; তৎপর সেই স্থানে তাহারা বিরুদ্ধাচরণ করে, পরে তথায় (শাস্তির) বাক্য স্থিরীকৃত হয়, অবশেষে তাহাকে উচ্ছেদনরূপে উচ্ছেদ করিয়া থাকি। ১৬। এবং আমি মুহার পরে বহুশতাব্দী পর্যন্ত কত সংহার করিয়াছি; ‡ তোমার প্রতিপালক, (হে মোহাম্মদ,) স্বীয় দাসদিগের অপরাধসম্বন্ধে যথেষ্ট জ্ঞানী ও দ্রষ্টা। ১৭। যে ব্যক্তি সাংসারিক স্তূপ কামনা করে, আমি যাহাকে ইচ্ছা করি, তাহাতে

শুভাশুভ কার্যালিপিকে পক্ষী বলা হইয়াছে। অল্প এক গ্রন্থে উল্লিখিত হইয়াছে যে, বিহঙ্গ বলিতে সেই গ্রন্থ, যাহা কেয়ামতের দিনে উড়িয়া আসিয়া পুণ্যবান বা পাপীর হস্তগত হইবে। তাহার গলদেশে সংলগ্ন হওয়ার অর্থ এই যে, শুভাশুভ কর্ত্ত্ব তাহার গলায় জড়িত হওয়া। (ত, হো,)

* স্বীয় কার্যালিপি পাঠ কর, অর্থাৎ সেই দিবস সকলেই পাঠক হইবে; সকলকে বলা হইবে যে, স্বীয় পুস্তক যাহা নিজে রচনা করিয়াছ, পাঠ কর, তোমার চিত্তই তোমার সম্বন্ধে বিচারক। অর্থাৎ নিজে দৃষ্টি কর যে কিরূপ আচরণ করিয়াছ, তুমি কি প্রকার বিনিময়-লাভের অধিকারী। মহান্না ওমর স্বীয় অনুগামীদিগকে বলিয়াছিলেন যে, তোমরা স্ব স্ব কার্যালিপি সম্মুখে রাখিয়া ভাল মন্দ কি করিয়াছ, দৃষ্টি কর; এখনও সময় আছে, স্বীয় কাব্যের অনুসন্ধান লও, অস্তিমকালে তাহা আর অনুসন্ধান করার শক্তি থাকিবে না। কশফোল্ আশ্রাবে উল্লিখিত হইয়াছে যে, কোন ব্যক্তি স্বীয় পুত্রকে বলিয়াছিলেন, “তুমি অল্প যাহা লোকদিগকে বলিবে বা তাহাদিগ হইতে শ্রবণ করিবে, এবং যে কাব্যের অনুসন্ধান করিবে, সায়াংকালীন নমাজের সময় তাহা আমার নিকটে বলিও এবং ভাল মন্দ সমুদায় বর্ণন করিও।” সে দিন বালক বহু যত্ন ও চেষ্টায় আজ্ঞা পালন করিল। পর দিনও পিতা সেইরূপ আদেশ করিলেন, তখন পুত্র বলিল, “পিতঃ, অনেক কষ্টে ভাষিয়া চিস্তিয়া কল্যা দৈনিক বিবরণ বলিয়াছি, ক্ষম। করিবেন, আজ আর বলিবার ক্ষমতা নাই।” তাহাতে পিতা বলিলেন, “তোমাকে এই ব্যাপারে একটি উপদেশ দিলাম, যেন তুমি জাগ্রত ও সতর্ক থাক, হিসাবদান সম্বন্ধে তুমি উদাসীন না থাক। অল্প তুমি পিতার নিকটে একদিনের হিসাব দিতে অক্ষম, পরলোকে ঈশ্বরের নিকটে জীবনের হিসাব কেমন করিয়া দিবে?” (ত, হো,)

† অলিদমদয়রা কাকেরদিগকে বলিয়াছিল যে, তোমরা আমার অনুসরণ কর, আমি তোমাদের পাপের ভার বহন করিব। তাহাতে পরমেশ্বর বলেন যে, প্রত্যেক ব্যক্তি নিজের নিজের ভার বহন করিয়া থাকে, অস্ত্রের ভার বহন করে না। যে পর্যন্ত ধর্ম্মপ্রবর্ত্তক আসিয়া লোকদিগকে সত্য পথে আহ্বান না করেন ও স্বর্গীয় নিদর্শন প্রদর্শন না করেন, সে পর্যন্ত ঈশ্বর কোন জাতিকে শাস্তিদানে প্রবৃত্ত হন না। প্রেরিতপুরুষকে অগ্রাহ্য করিলেই তিনি শাস্তি দান করেন। (ত, হো,)

‡ মুহার যত্নের পর সমুদ ও আদ জাতি প্রভৃতি উচ্ছিন্ন হইয়াছে।

(ত, হো,)

(সংসারে) যত ইচ্ছা তাহা তাহাকে সম্ভৱ দান কৰি ; তৎপৰ তাহাৰ জন্তু নৱক নিৰূপণ কৰিয়া থাকি, তথায় সে দুৰ্দশাপন্ন নিষ্ঠাভিত্তিৰে উপস্থিত হয় *। ১৮। এবং যে ব্যক্তি পরলোক কামনা কৰে, এবং তাহাৰ জন্তু তাহাৰ (অমূৰূপ) চেষ্টায় চেষ্টা কৰে, সে বিশ্বাসী ; অনন্তৰ ইহাৱাই যে, ইহাদেৱ যত্ব সম্মানিত হয়। ১৯। সেই সকল ও সেই সকল উভয় (দলকে) আমি তোমাৰ প্ৰতিপালকেৰ দানদ্বাৰা সহায়তা কৰিয়া থাকি, তোমাৰ প্ৰতিপালকেৰ দান অৱৰুদ্ধ হয় না †। ২০। দেখ, কেমন আমি তাহাদেৱ (দুই দলেৰ) একেৰ উপৰ অন্তৰ্কে উন্নতি দান কৰিয়াছি ; নিশ্চয় পরলোক শ্ৰেণী অমূ-সারে শ্ৰেষ্ঠ ও উন্নতিবিধানাহুসারে শ্ৰেষ্ঠ। ২১। তুমি ঈশ্বৰেৰ সঙ্গ্বে অন্ত উপাস্ত নিৰূপণ কৰিও না, তবে লাহিত ও হীনাবস্থাপন্নৰূপে বসিবে। ২২। (ৱ, ২, আ, ১২)

এবং তোমাৰ প্ৰতিপালক আদেশ কৰিয়াছেন যে, তোমরা তাঁহাকে ভিন্ন পূজা কৰিবে না, এবং পিতা মাতাৰ প্ৰতি সদাচৰণ কৰিবে ; যাঁদ তাহাদেৱ এক জন বা উভ-য়েই তোমাৰ নিকটে বুদ্ধত্বে উপনীত হয়, তবে তুমি তাহাদেৱ প্ৰতি ধিক্ বলিও না ও তাহাদিগকে ধমক দিও না, এবং তাহাদিগকে সম্মানিত কথা কহিও। ২৩। এবং তাহাদেৱ জন্তু (তাহাদিগেৰ) দ্বাৰা নিমিত্ত স্বীয় বিনয়েৰ বাহকে নত কৰিও, এবং বলিও, হে আমাৰ প্ৰতিপালক, তাহাৱা যেমন আমাকে শৈশবে প্ৰতিপালন কৰিয়াছে, তদ্রূপ তুমি তাহাদিগকে দয়া কৰ। ২৪। তোমাদেৱ অন্তৰে যাহা আছে, তোমাদেৱ প্ৰতিপালক তাহা উত্তম জ্ঞাত ; যদি তোমরা সাধু হও, তবে নিশ্চয় তিনি প্ৰত্যাগমন-কাৱীদিগেৰ জন্তু ক্ষমাশীল। ২৫। এবং তুমি স্বগণকে ও দৱিত্ৰকে এবং পথিককে তাহাৰ স্বত্ব প্ৰদান কৰিও, এবং অপব্যয় কৰিও না। ২৬। নিশ্চয় অপব্যয়িগণ শয়তানেৰ ভাতা, এবং শয়তান স্বীয় প্ৰতিপালকেৰ সঙ্গ্বে বিৰোধী ‡। ২৭। এবং যদি তুমি

* কপট লোকেৱা বিশ্বাসীদিগেৰ সঙ্গ্বে ধৰ্ম্মযুদ্ধে গমন কৰিয়াছিল। ধৰ্ম্মেৰ জন্তু যুদ্ধ কৰা তাহাদেৱ লক্ষ্য ছিল না, শত্ৰুৱ শিবিৰ লুণ্ঠন কৰাই উদ্দেশ্য ছিল। তাহাতেই পৰমেশ্বৰ “যে ব্যক্তি সাংসাৱিক তপ কামনা কৰে” ইত্যাদি বলেন। (ত, হো,)

† অৰ্থাৎ সাংসাৱিক সম্পদেৰ অভিলাসী এবং পাৰলৌকিক সম্পদেৰ অভিলাসী এই দুই দলকেই ঈশ্বৰ সাহায্য দান কৰিয়া থাকেন ; তিনি কাহাকেও বঞ্চিত করেন না। (ত, হো,)

‡ স্বগণদিগকে যাহা দান কৰা যায়, তাহাকে “নফ্” বলে। এমাম আজম বলিয়াছেন, স্বগণেৰ স্বত্ব এই যে, তাহাৱা সাহায্যপ্ৰাৰ্থী ও দীনহীন হইলে তাহাদিগকে অৰ্থ দান কৰিবে। এস্থলে স্বগণ অৰ্থে, প্ৰেৰিত মহাপুৰুষেৰ গোষ্ঠীকে বুঝায়। তাহাদেৱ স্বত্ব পক্ষমাংশ তাহাদিগকে দান কৰা নিৰ্দ্ধাৰিত। তক্‌সিৱবিশেষে উক্ত হইয়াছে যে, আলিমোৰ্ত্তজাৱ পুত্ৰ এমামহোসয়ন শামদেশেৰ কোন ব্যক্তিকে জিজ্ঞাসা কৰিয়াছিলেন, “তুমি কি কোৱ-আন পড়িয়া থাক ?” তাহাতে সে উত্তৰ কৰিল, “হী, পড়িয়া থাকি ;” তিনি পুনৰ্কাৱ জিজ্ঞাসা কৰিলেন, “হুৱা বনিএশ্রায়েলেৰ ‘ওআত্তে জোন্ কোৰ্কা’ এই আয়ত পাঠ কৰিয়াছ কি ?” সে উত্তৰ কৰিল, “পড়িয়াছি, বলিতে কি আপনাৱাই স্বগণস্থলে, ঈশ্বৰ আপনাৱেৰ বশ্বদানে আদেশ কৰিয়াছেন।” এমাম বলিলেন, “হী, আমৱাই স্বগণ।” অৰ্থ সংকাৰ্য্যে ব্যয় কৰিবে,

আপন প্রতিপালক হইতে সেই দয়া (জীবিকা), যাহা তুমি আশা করিয়াছ, তাহা পাইবার প্রতীক্ষায় তাহাদিগ হইতে মুখ ফিরাইয়া লও, তবে তাহাদিগকে কোমল কথা বলিও *। ২৮। এবং তুমি স্বীয় হস্তকে স্বীয় গলদেশের দিকে বদ্ধ রাখিও না ও তাহাকে সম্পূর্ণ প্রমুক্তিতে প্রমুক্ত করিও না, তবে নিন্দিত ও অবসন্ন হইয়া বসিবে। ২৯। নিশ্চয় তোমার প্রতিপালক যাহার জন্ত ইচ্ছা করেন, উপজীবিকা বিস্তৃত ও সঙ্কুচিত করিয়া থাকেন; নিশ্চয় তিনি স্বীয় দাসগণের সম্বন্ধে জ্ঞানী ও দ্রষ্টা †। ৩০। (র, ৩, আ, ৮)

তোমরা আপন সম্ভানদিগকে দরিদ্রতার ভয়ে বধ করিও না, আমি তাহাদিগকে ও তোমাদিগকে জীবিকা দান করিয়া থাকি; নিশ্চয় তাহাদিগকে হত্যা করা গুরুতর পাপ। ৩১। এবং ব্যভিচারের নিকটবর্তী হইও না, নিশ্চয় তাহা দুষ্কর্ম ও কুপথ হয়। ৩২। এবং ঈশ্বর যে ব্যক্তিকে অবৈধ করিয়াছেন, তোমরা আয়ানুসারে ব্যতীত সেই ব্যক্তিকে হত্যা করিও না; যে ব্যক্তি অত্যাচারগ্রস্তরূপে হত হইয়াছে, পরে নিশ্চয় আমি তাহার স্বগণকে ক্ষমতা দান করিয়াছি; অনন্তর হত্যাসম্বন্ধে অতিরিক্ত আচরণ করিও না, নিশ্চয় সে আনুকূল্য প্রাপ্ত হয় ‡। ৩৩। এবং সেই উপায় যাহা

অপব্যয় করিবে না। মক্কার লোকেরা কপটাচার ও কুৎসিত আমোদ প্রমোদে প্রচুর অর্থ ব্যয় করিত, এবং এক জন নিমন্ত্রিত ব্যক্তির জন্ত ভিন্ন ভিন্ন আকারের উষ্ট্র কোরবাণী করিত। ঈশ্বর তাহাদিগকে ভৎসনা করিতেছেন ও তাহাদের কার্যকে শয়তানের কার্য বলিয়া নির্দেশ করিতেছেন। একটী যবকণিকা অস্তায়রূপে ব্যয় হইলেই অপব্যয় হয়। (ত, হো,)

* অর্থাৎ যে ব্যক্তি নিরন্তর দান করিয়া থাকেন, কোন সময় তিনি রিক্তহস্ত হইলে দরিদ্র প্রার্থাদিগকে দুঃখিত করিয়া ফিরাইয়া দেওয়া তাহার পক্ষে উচিত নয়। এক সময় তাহাদিগকে কিছু না দিতে পারিলেও মিষ্ট বাণ্য বলা কর্তব্য। (ত, ফা,)

† অর্থাৎ দুঃখী হিন্দুকদিগকে দেখিয়া তুমি অস্থির হইবে না, তাহাদের অভাব পূরণের ভার তোমার উপরে নহে। চিকিৎসক যেমন কোন রোগীকে উক্তার ও কাহাকে শীতলতার ব্যবস্থা করেন, ঈশ্বরও তদ্রূপ ব্যক্তিভেদে প্রচুর ধন দান করেন, কাহাকে বা দরিদ্র করিয়া থাকেন। (ত, ফা,)

‡ এসলামধর্মাবলম্বী ও অঙ্গীকারে বদ্ধ এবং আশ্রয়প্রাপ্ত এই তিন শ্রেণীর লোকদিগকে স্থবিচার ব্যতীত বধ করিতে এই আয়তে ঈশ্বর নিষেধ করিলেন। অর্থাৎ তাহাদের কেহ ধর্ম্মত্যাগ বা ব্যভিচারাদি করিলেই তাহার সমুচিত দণ্ড পাওয়া বিধেয় বলিয়া স্বীকৃত হইল; অস্তায়রূপে কেহ হত হইলে তাহার স্বগণ উত্তরাধিকারী হত্যার বিনিময়ে হস্তাকে বধ করিতে পারে, অস্তকে নয়। পৌত্তলিকতার সময়ে কোন ব্যক্তি হত হইলে, তাহার স্বগণ আত্মীয় তদ্বিনিময়ে হত্যাকারীকে হত্যা না করিয়া, হত্যাকারী যে দলের লোক, সেই দলপতিক হত্যা করিতে উদ্যোগী হইত। ঈশ্বর “অতিরিক্ত আচরণ করিও না” বলিয়া তদ্বিষয়ে নিষেধ করিলেন। (ত, হো,)

অর্থাৎ প্রত্যেক ব্যক্তির উচিত যে, হত্যার বিনিময়প্রদানবিষয়ে সাহায্য করে, তদ্বিপরীত হত্যাকারীর সহায়তার প্রবৃত্ত না হয়; এবং হতব্যক্তির উত্তরাধিকারীর কর্তব্য যে, এক জনের পরিবর্তে

সং, তদ্ব্যতীত তোমরা অনাথ বালকের সম্পত্তির নিকটে, সে (বয়ঃক্রমের) পূর্ণতায় পঁছছা পর্য্যন্ত যাইও না, এবং তোমরা অঙ্গীকার পূর্ণ করিও, নিশ্চয় অঙ্গীকার জিজ্ঞাসিত হইবে *। ৩৪। + এবং তোমরা যখন পরিমাণ কর, পরিমাণযন্ত্রকে পূর্ণ করিও, সরল তুলদণ্ডে ওজন করিও; ইহা উত্তম এবং পরিমাণসম্বন্ধে অভ্যুত্তম †। ৩৫। এবং যে বিষয়ে তোমার জ্ঞান নাই, তুমি তাহার অনুসরণ করিও না; নিশ্চয় চক্ষু ও কর্ণ এবং অন্তঃকরণ এ সকলের প্রত্যেকের সম্বন্ধে জিজ্ঞাসিত হইবে ‡। ৩৬। এবং তুমি পৃথিবীতে আমোদের ভাবে চলিও না, নিশ্চয় তুমি পৃথিবী ভেদ করিতে পারিবে না, এবং পৰ্ব্বত সকলের দৈর্ঘ্যে পঁছছিবে না §। ৩৭। সমুদায় ইহা পাপ, তোমার প্রতিপালকের নিকটে, (হে মোহম্মদ,) ঘৃণিত পাপ হয় ¶। ৩৮। তোমার প্রতিপালক তোমার প্রতি বিজ্ঞানানুসারে যাহা প্রত্যাদেশ করিয়াছেন, ইহা তাহা; তুমি ঈশ্বরের সঙ্গে অল্প উপাশ্রু নির্ধারণ করিও না, তবে নিস্তাড়িত ও তিরস্কৃত হইয়া নরকে নিক্ষিপ্ত হইবে। ৩৯। অতঃপর কি তোমাদের প্রতিপালক তোমাদিগকে পুত্র মনোনীত করিয়াছেন ?

দুই জনকে বধ না করে, অথবা হত্যাকারীকে না পাইলে তাহার পুত্রের বা ভ্রাতার প্রাণ সংহার না করে। (ত, ফা,)

* অর্থাৎ পিতৃমাতৃহীন বালকের সম্পত্তি তাহার বয়ঃপ্রাপ্তি পর্য্যন্ত সম্বন্ধে রক্ষা করিবে, বিপরীত আচরণ করিবে না। অঙ্গীকারের নিমিত্ত প্রণ হইবে, কাহারও সঙ্গে সন্ধির অঙ্গীকার করিয়া অন্তঃপ্রাচরণ করিলে নিশ্চয় শাস্তি পাইতে হইবে। (ত, ফা,)

+ উত্তমরূপে শস্তাদি পরিমাণ করিয়া দিবে, তাহাতে ছল চতুরতা করিবে না। প্রথমে তোমাদের ছল চতুরতা প্রকাশ পাইলে, কেহ আর তোমাদের সঙ্গে ব্যবসায়ের যোগ রাখিতে চাহিবে না। যে ব্যক্তি সত্যভাবে ব্যবসায় করে, সকলেই তাহাকে ভালবাসে, ঈশ্বরও তাহার ব্যবসায়ে উন্নতি বিধান করেন। (ত, ফা,)

‡ অর্থাৎ যাহা তুমি জ্ঞান না, বলিওনা যে জানি; যাহা তুমি শ্রবণ কর নাই, বলিও না যে শুনিয়াছি। মোহম্মদ এবং হনিকা এই আয়তের এরূপ অর্থ করিয়াছেন যে, “নিশা সাক্ষ্য দান করিও না। পরলোকে ইঞ্জিরদিগকে প্রণ করা হইবে যে, তোমাদের প্রভু তোমাদের সঙ্গে কিরূপ আচরণ করিয়াছেন? কর্ণকে জিজ্ঞাসা করা হইবে, তুমি কি শুনিয়াছ, কেন শুনিয়াছ? চক্ষুর প্রতি প্রণ হইবে, কি দেখিয়াছ ও কেন দেখিয়াছ? অন্তঃকরণকে জিজ্ঞাসা করা হইবে, তুমি কি জানিয়াছ ও কেন জানিয়াছ?” (ত, হো,)

§ অর্থাৎ যে ব্যক্তি তুমি ভেদ করিতে সমর্থ নহে, এবং শারীরিক দৈর্ঘ্যানুসারে পৰ্ব্বতের দৈর্ঘ্যের তুল্য নহে, তাহার অহঙ্কার করার প্রয়োজন কি? মৃত্তিকা দ্বারা নির্মিত মনুষ্যের মৃত্তিকাবৎ বিনশ্ব হইয়া থাকাই কর্তব্য। (ত, হো,)

¶ সমুদায় ইহা অর্থাৎ নিষেধ। চারি নিষেধ ও একাদশ বিধি, এ সকল মূসার প্রস্তরকলকে লিখিত ছিল। তাহার অন্তর্গত অন্তঃ অর্থাৎ নিষেধবাচ্যবিষয় আচরণ করা ঈশ্বরের নিকটে ঘৃণিত। (ত, হো,)

এবং দেবতাগণ হইতে কত্কা সকল গ্রহণ করিয়াছেন? নিশ্চয় তোমরা গুরুতর কথা বলিয়া থাক। ৪০। (র, ৪, আ, ১০)

এবং সত্য সত্যই আমি এই কোর্-আনে পুনর্বর্ণন করিয়াছি, যেন তাহারা উপদেশ গ্রহণ করে; কিন্তু তাহাদের সম্বন্ধে অশ্রদ্ধা ভিন্ন বৃদ্ধি হয় নাই। ৪১। তুমি বল, (হে মোহম্মদ,) তাহারা যেরূপ বলিয়া থাকে, যদি তাঁহার সঙ্গে (অন্ত) বহু উপাস্ত থাকিত, তবে অবশ্য তখন তাহারা সিংহাসনাধিপতির উদ্দেশ্যে পথ অব্বেষণ করিত *। ৪২। তাহারা যাহা বলে, তাহা অপেক্ষা তিনি পবিত্র ও উন্নত, (তাঁহার) মহতী উন্নতি। ৪৩। সপ্ত স্বর্গ ও পৃথিবী এবং সেই সকলের মধ্যে যাহারা আছে, তাহারা তাঁহাকে স্তুতি করে, এবং তাঁহার প্রশংসার স্তব করে না এমন কোন বস্তু নাই; কিন্তু তোমরা তাহাদের স্তুতি বুঝিতেছ না। † নিশ্চয় তিনি গম্ভীর ক্ষমাশীল। ৪৪। এবং যে সময় তুমি কোর্-আন্ পাঠ কর, তখন আমি তোমার ও পরলোকে অবিস্থাসীদিগের মধ্যে গুপ্ত আবরণ স্থাপন করি। ৪৫। + এবং তাহাদের অন্তরে আচ্ছাদন রাখি, যেন তাহারা তাহা জন্মদগ্ধ না করে ও তাহাদের কর্ণে ভার (চাপিয়া দেই;) এবং যখন তুমি কোর্-আনে একাকিমাত্র তোমার প্রতিপালককে স্মরণ কর, তখন তাহারা পলায়নের ভাবে আপন পশ্চাত্তাপে মুখ ফিরাইয়া লয় ‡। ৪৬। যখন তাহারা তোমার প্রতি কর্ণ স্থাপন করে, এবং যখন তাহারা মন্ত্রণা করে, যখন অত্যাচারিগণ বলিয়া থাকে যে, তোমরা ঐচ্ছিক পুরুষের অনুসরণ বৈ করিতেছ না, যে ভাবে তাহা তাহারা শ্রবণ করে, তাহা আমি উত্তম জ্ঞাত §।

* অর্থাৎ পরমেশ্বর সেই কল্পিত ঈশ্বরদিগের বিরুদ্ধে অনেক আয়ত প্রেরণ করিয়াছেন; যদি তাহারা ঈশ্বর বা ঈশ্বরের অংশী হইত, তবে অবশ্য তাহারা সিংহাসনাধিপতি ঈশ্বরের উদ্দেশ্যে পথ অব্বেষণ (প্রতিবাদ) করিত। (ত, হো,)

† দেবতা ও মনুষ্য বাক্যের রসনায় স্ফটিকভীর স্তব করে, অপর জীব ও জড়পদার্থ সকল দিবানিশি ভাবের রসনায় তাঁহার স্তুতি করিয়া থাকে। তত্ত্বজ্ঞ ব্যক্তিরাই তাহা বুঝিতে পারেন। (ত, হো,)

‡ আবুজহল প্রভৃতি ইচ্ছা করিয়াছিল যে, কোর্-আন্ পাঠের সময় হজরতের প্রতি উৎপীড়ন করে। সেই দুরাশ্রয় একজন সহচর কোর্-আনের হুঁরা বিশেষ অবতীর্ণ হইলে পর, প্রস্তরবাণত করিবার জন্ত হজরতের অধেবণে বাহির হয়। তখন আবুবেকরকে জিজ্ঞাসা করে যে, তোমার সহচর কোথায়? সে আমাকে নিশ্চয় করিয়াছে। আবুবেকর বলিলেন, তিনি নিশ্চয় নহেন যে, কাহারও নিশ্চয়বাদে প্রযুক্ত হইবেন। ইতিমধ্যে হজরত মোহম্মদ আবুবেকরকে বলিলেন, তুমি জিজ্ঞাসা কর, এই গৃহে তোমাকে ব্যতীত অন্ত কাহাকে সে দেখিতেছে কি না। সদ্দিক তদনুসারে জিজ্ঞাসা করিলে, সে বলিল, তুমি কি আমার সঙ্গে উপহাস করিতেছ? আমি তো তোমাকে ব্যতীত অন্ত কাহাকে দেখিতেছি না, ইহা বলিয়া সে চলিয়া গেল। তাহাতেই এই আয়ত অবতীর্ণ হয় যে, আমি কোর্-আন্ পাঠের সময় তোমাকে কাকেরদিগের দৃষ্টি হইতে লুকায়িত রাখি। (ত, হো,)

§ একদা কাকেরগণ গোপনে কথোপকথন করিতেছিল, তখন কেহ হজরতের বাক্যকে “কথিত”, কেহ বা “জাহ্নকরের মত” ইত্যাদি বলিল। হারেসের পুত্র নজর বলিল, “মোহম্মদ কি বলে, বুঝিতে

৪৭। দেখ, তোমার জন্ত তাহারা কেমন সাদৃশ্য সকল ব্যক্ত করিয়াছে ; অনন্তর তাহারা পথজ্ঞাস্ত হইয়াছে, অবশেষে পথ প্রাপ্ত হইতে পারিবে না। ৪৮। এবং তাহারা বলে, “যখন আমরা গলিত ও অস্থিপুঞ্জ হইয়া থাকিব, তখন কি নূতন সৃষ্টিতে সমুৎপাদিত হইব?” ৪৯। তুমি বল, তোমরা প্রস্তর বা লৌহ হইয়া যাও, অথবা তোমাদের অন্তরে যাহা গুরুতর বোধ করে, সেই সৃষ্টি হইয়া যাও। তৎপর অবশ্য তাহারা বলিবে, “কে আমাদের পুনরানয়ন করিবে?” তুমি বলিও, যিনি তোমাদিগকে প্রথম সৃষ্টি করিয়াছেন, তিনি ; অনন্তর তাহারা তোমার দিকে মন্তক সঞ্চালন করিবে ও বলিবে যে, “কবে তাহা হইবে?” বলিও, সম্ভব যে, শীঘ্র ঘটবে। ৫০+৫১। যে দিবস তিনি তোমাদিগকে আহ্বান করিবেন, তখন তোমরা তাঁহার প্রশংসাবাদের সহিত (তাহা) গ্রাহ্য করিবে, এবং মনে করিবে যে, কিঞ্চিৎকাল ভিন্ন বিলম্ব কর নাই *। ৫২। (র, ৫, আ, ১২)

এবং তুমি আমার দাসদিগকে বল, যাহা অত্যাশ্রয়, তাহা যেন তাহারা বলে ; নিশ্চয় শয়তান তাহাদের মধ্যে বিরোধ উপস্থিত করিয়া থাকে, একান্তই শয়তান মনুষ্যের জন্ত স্পষ্ট শত্রু *। ৫৩। তোমাদের প্রতিপালক তোমাদিগকে উত্তম জ্ঞাত ; যদি তিনি পারি না ;” আবুসুফিয়ান বলিল, “আমি তাহার কোন কোন কথা সত্য বলিয়া জানি।” আবুহুহল বলিল, “সে কিণ্ড,” আবুলহব তাঁহাকে “ভবিষ্যজ্ঞতা” কহিল, হবিতব তাঁহাকে “কবি” উপাধি দান করিল ; তাহাতে এই আয়ত অবতীর্ণ হয়। (ত, হো,)

* উক্ত হইয়াছে যে, লোক সকল কবর হইতে বাহির হইয়া মন্তকের ধূলি ঝাড়িয়া বলিবে, হে ঈশ্বর, তুমি পবিত্র। পারলৌকিক জীবনের তুলনায় পার্থিব জীবন ক্ষণকালমাত্র। জ্ঞানী লোকেরা পার্থিব জীবনকে পারলৌকিক জীবনের নিকট কিঞ্চিৎমাত্র মনে করেন ; তাহারা এই নখর মুহূর্ত জীবনকে সেই অবিনশ্বর দীর্ঘজীবনের কার্য্যে ব্যয় করিয়া থাকেন, তাহাতেই সেই দিনে তাহারা শাস্তিপ্রাপ্ত হইবেন না। (ত, হো,)

+ মকার গোস্তলিকগণ বাক্য ও ব্যবহারে হজরতের অনুবর্ত্তাদিগের প্রতি উৎপীড়ন করিতে ক্রটি করিতেছিল না। বিশ্বাসিগণ হজরতের নিকটে স্ব স্ব ছুরবস্থা জ্ঞাপন করিয়া বিরোধ ও সংগ্রাম করিতে অনুমতি প্রার্থনা করেন। তখন হজরত বলেন যে, উহাদের সঙ্গে অসদাচরণ করিতে ঈশ্বর আমাদের আদেশ করেন নাই। তাহাতেই এই আয়ত অবতীর্ণ হয়। ইহার মর্ম্ম এই যে, তাহাদের অত্যাচারের প্রতিশোধ লইবে না, বরং তাহাদের জন্ত প্রার্থনা করিবে। কেহ কেহ বলেন যে, কোন ব্যক্তি মহাজ্ঞা ও মরকে গালি দিয়াছিল, তিনি তাহার প্রতিফলদানে উদ্ধত হইয়াছিলেন ; তাহাতে পরমেশ্বর এই আয়ত প্রেরণ করিয়া ক্ষমা করিতে আজ্ঞা করেন। “লা এলাহ এল্লেলা” ইত্যাদি সাক্ষ্যদানের কলেমা উত্তম বচন, অথবা সদাচারে বিধি ও অসদাচারে নিষেধ বাক্য সদ্ভাষ্য। বিশ্বাসীদিগের মতে তাহাই শুভ বচন যে, শুভ উদ্দেশ্য ব্যতীত কোন প্রসঙ্গ না করা, কেহ কঠোরায়ণ করিলে কোমল বাক্যে তাহার প্রসন্নতা বিধান করা। অত্যাচারের পরিবর্তে অত্যাচার বিবাদ ও শত্রুতা-বৃদ্ধির কারণ হইয়া থাকে। সত্যই শয়তান মনুষ্যের স্পষ্ট শত্রু, সে লোকের বিনাশসাধন ব্যতীত কখনও মঙ্গল চাহে না। (ত, হো,)

ইচ্ছা করেন, তোমাদের প্রতি দয়া করিবেন, অথবা যদি তিনি ইচ্ছা করেন, তোমাদিগকে শাস্তি দিবেন ; এবং আমি তোমাকে, (হে মোহম্মদ,) তাহাদের প্রতি কার্যসম্পাদকরূপে প্রেরণ করি নাই * । ৫৪ । এবং তোমার প্রতিপালক, যে কেহ স্বর্গে ও মর্ত্যে আছে, তাহাকে উত্তম জ্ঞাত ; এবং সত্য সত্যই আমি কতক ধর্মপ্রবর্তককে কতক (ধর্ম-প্রবর্তকের) উপর শ্রেষ্ঠতা দান করিয়াছি, এবং দাউদকে জব্বুর গ্রন্থ দান করিয়াছি † ৫৫ । তুমি বল, তাঁহাকে ব্যতীত যাহাদিগকে তোমরা (ঈশ্বর) মনে করিয়া থাক, আহ্বান কর, অবশেষে তাহারা তোমাদিগ হইতে দুঃখ উন্মোচন ও পরিবর্তন করিতে সমর্থ হবে না । ৫৬ । তাহারা এ সকল যাহাদিগকে আহ্বান করিয়া থাকে, তাহারাও আপন প্রতিপালকের দিকে সহায় অন্বেষণ করে যে, তাহাদের কে অধিকতর নিকটবর্তী হয় ; এবং তাহারা তাঁহার দয়ার আশা করে ও তাঁহার শাস্তি হইতে ভীত হয় । নিশ্চয় তোমার প্রতিপালকের শাস্তি ভীষণ হইয়া থাকে ‡ । ৫৭ । এমন কোন গ্রাম নাই যে, পুনরুত্থানের দিনের পূর্বে আমি যাহার সংহারকারী অথবা কঠিন শাস্তিরূপে শাস্তিদাতা নহি ; গ্রন্থমধ্যে ইহা লিখিত আছে § । ৫৮ । এবং নিদর্শন সকল প্রেরণ করিতে তদ্বিষয়ে পূর্ববর্তী লোকদিগের অসত্যারোপ ব্যতীত আমাকে নিবৃত্ত করে নাই ; এবং আমি সমুদ জাতিকে উষ্টীরূপ নিদর্শন দান করিয়াছি, অনন্তর তৎপ্রতি তাহারা অত্যাচার করিয়াছে, এবং আমি ভয়-প্রদর্শনের জন্ত বৈ নিদর্শন প্রেরণ করি নাই ¶ । ৫৯ । এবং

* অর্থাৎ যদি তিনি ইচ্ছা করেন, কাকেরদিগের অত্যাচার হইতে তোমাদিগকে উদ্ধার করিবেন, অথবা তিনি ইচ্ছা করিলে তোমাদের উপর কাকেরদিগকে জয়লাভ করিতে দিবেন । কিম্বা তিনি সংপথ-প্রদর্শনে দয়া করিবেন, অথবা পথভ্রান্তি ও অপরাধের মধ্যে রাখিয়া শাস্তি দিবেন । অশ্রমতে কাকেরদিগের প্রতি এই বাক্য ; যথা, যদি তিনি ইচ্ছা করেন, তোমাদিগকে ক্ষমা করিবেন ও ঐহিক শাস্তিদানে বিলম্ব করিবেন ; এবং যদি ইচ্ছা করেন, পৃথিবীতেই শাস্তি দিবেন । ঈশ্বর বলিতেছেন যে, তোমাকে, হে মোহম্মদ, কাকেরদিগের প্রতিভূ করি নাই, তাহাদের অসদাচরণের জন্ত তুমি দায়ী নও । (ত, হো,)

† যথা, ঈশ্বর মহান্বা এব্রাহিমকে প্রেমসম্বন্ধে, মহাপুরুষ মুসাকে কথোপকথনবিষয়ে ও হজরত মোহম্মদকে মেরাজে উন্নতি দান করিয়াছেন । দাউদের গৌরব তাঁহার রাজত্বে নয়, জব্বুর গ্রন্থ যে তিনি প্রাপ্ত হইয়াছিলেন, শুজ্জন্ত গৌরবান্বিত হন । (ত, হো,)

‡ অর্থাৎ ধর্মজোহিগণ যাহাদিগকে পূজা করে, তাহারা নিজেই ঈশ্বরের নৈকট্যালভের জন্ত সহায় অন্বেষণ করিয়া থাকে । যে দেবতা ঈশ্বরের অধিকতর নিকটবর্তী, তাহারা তাহাকেই অবলম্বন করিতে ইচ্ছুক হয় ; কিন্তু সকলেরই সহায় প্রেরিতপুরুষ, পরলোকে তিনিই পাপ-ক্ষমার অনুরোধ করেন । (ত, কা,)

§ অর্থাৎ সকল গ্রামেই বিশ্বাসী সাধুর মৃত্যু হইবে, এবং অসাধু কাকেরগণ হত্যা ও দুর্ভিক্ষাদি শাস্তি লাভ করিবে । ইহা ঈশ্বরের বিধিরূপ গ্রন্থে লিখিত আছে । (ত, হো,)

¶ কোরেশগণ হজরতকে অলৌকিক ক্রিয়া সকল প্রদর্শন করিতে অনুরোধ করে । সেই অদ্ভুত ক্রিয়া সকলের মধ্যে সফা গিরিকে বিগুজ্জ হবর্ষে পরিণত করা ও মক্কার পর্বতশ্রেণীকে চূর্ণ করিয়া প্রসারিত কৃষিক্ষেত্রের উপযোগী সমভূমি করা, এবং শ্রোতৃবৃত্তী সকল উৎপাদন করা, যেন তদ্বারা

(স্মরণ কর,) যখন আমি তোমাকে বলিয়াছিলাম যে, তোমার প্রতিপালক লোকদিগকে আবেষ্টন করিয়া আছেন; আমি সেই নিদর্শন যাহা তোমাকে দেখাইয়াছি, এবং কোর্-আনেতে যে বৃক্ষ অভিসম্পাতিত হইয়াছে, তাহা লোকের জ্ঞাত পরীক্ষা বৈ নহে। এবং আমি তাহাদিগকে ভয় দেখাইয়া থাকি, পরন্তু মহা অবান্যতা ব্যতীত তাহাদের (কিছুই) বৃদ্ধি হয় নাই *। ৬০। (র, ৬, আ, ৮)

এবং (স্মরণ কর,) যখন আমি দেবতাদিগকে বলিলাম যে, তোমরা আদমকে নমস্কার কর, তখন শয়তান ব্যতীত তাহারা সকলে নমস্কার করিল; সে বলিল, “যে ব্যক্তিকে

উত্তম ক্ষেত্র ও উদ্ভানাদি প্রস্তুত হইতে পারে, এই কয়েকটি ক্রিয়া; তাহাতেই এই আশ্রয় অবতীর্ণ হয়। অর্থাৎ পরমেশ্বর বলেন, পূর্বতন মণ্ডলী সকলও আলৌকিক ক্রিয়া সকলের প্রার্থী হইয়াছিল, আমি প্রেরিতপুরুষদিগের যোগে তাহা প্রদর্শন করিয়াছিলাম। যথা, সমুদ্র জাতির জন্য প্রস্তুত পণ্ড হইতে উল্লী বাহির করিয়াছি, এরূপ অপরাধের জ্ঞাতও করা হইয়াছে, কিন্তু তাহারা তৎপ্রতি অসত্যারোপ করিয়া সমূলে বিনাশপ্রাপ্ত হইয়াছে। অপিচ এই সকল লোক যে সমস্ত আলৌকিকতার প্রার্থনা করিয়া থাকে, যদি আমি তাহা প্রদর্শন করি, নিশ্চয় ইহারাতঃ সন্দেহ হইবে না; সুতরাং শাস্তিদানে তাহাদের উচ্ছেদসাধন করা আবশ্যক হইবে। কিন্তু আমি সর্বপ্রথমে আদেশ করিয়াছি যে, ইহাদিগকে উদ্ভিন্ন করিব না, কেন না ইহাদের বংশ হইতে ধার্মিক লোক উৎপাদন করিব। (ত, হো,)

* মূলে “রোয়া” শব্দের অর্থ “প্রদর্শন” লিখা গিয়াছে, কিন্তু “রোয়া” স্বপ্নদর্শনকেও বুঝায়। ভাষ্যকারক তাহা স্বপ্নদর্শন বলিয়াই লিখিয়াছে, যথা, হজরত স্বপ্নে দেখিয়াছিলেন যে, তিনি ওমরারত পালন করিতেছেন, সফা ও মরওয়া গিরির মধ্য ভূমিতে সপ্তবার ধাবমান হইয়াছেন ও মস্তক মুগুন এবং কাবা প্রদক্ষিণ করিয়াছেন। প্রকৃতপক্ষে সেই বৎসর ওমরারতের সজ্জটন হয় নাই। তাহাতে কপট লোকেরা বাজ করিয়া বলিতে থাকে যে, স্বপ্ন সত্য হইল না। বস্তুতঃ ঈশ্বরের এরূপ বিধি ছিল যে, আগামী বৎসর স্বপ্ন সফল হইবে। কয়েকজন পণ্ডিত এরূপ আলোচন করেন যে, এই সূরা মক্কা মখদ্বীয়, এবং এই বিবরণটি মদিনায় হইল, ইহা কেমন করিয়া সম্ভব হইতে পারে? কেহ কেহ বলেন যে, হজরত স্বপ্ন মক্কাতে দর্শন করিয়া মদিনায় যাইয়া তাহা বর্ণন করিয়াছিলেন। সেই স্বপ্ন লোকের পরীক্ষার কারণ হইয়াছিল, যথা, হজরত দেখিয়াছিলেন যে, আমিরাবংশের কতকগুলি লোক তাহার উপদেশবেদিকার (সেখরের) দিকে দৌড়িয়া আসিল ও তথায় মৰ্কটের চ্যায় লক্ষ বাক্ষ করিতে লাগিল। প্রদর্শন অর্থে এইরূপ বুঝাইবে, তোমাকে যে আমি মেরাজে প্রদর্শন করিয়াছিলাম, তাহা লোকের পরীক্ষার কারণ হইয়াছে। অর্থাৎ কতকগুলি দুর্বলচিত্ত মোসলমান তাহাতে অবিশ্বাসী হইল, কপট লোকেরা বাজ করিতে লাগিল, কাক্ষেরগণ অগ্রাহ্য করিল, বিশ্বাসীরা সত্য বলিয়া মান্য করিল। নরক লোকে উৎপন্ন জকুম তরুর প্রশস্ত গুলিয়া লোকে আশ্চর্য্যবিত্ত হইল। যথা “উল্লিখিত হইয়াছে, সেই বৃক্ষ অহিমনামক নরকের মূলে উৎপন্ন হইয়াছে।” এই কথা গুলিয়া আবুজহল বলিল যে, “নরকের অগ্নি প্রস্তুতকে দক্ষ করে; তোমরা বলিতেছ যে, তথায় বৃক্ষ অঙ্কুরিত হয়, এ বড় আশ্চর্য্যের ব্যাপার।” ঈশ্বরের শক্তিতে কিছুই আশ্চর্য্য নহে, তিনি সম্বলনামক জন্তকে অগ্নিতে উৎপাদন করেন, অথচ অগ্নি তাহার গাত্র দক্ষ করে না। জকুম বৃক্ষকে অভিষাগপ্রাপ্ত তজ্জন্ত বলি হইয়াছে যে, নরকের লোকেরা তাহার ফল ভক্ষণ করিয়া থাকে, সেই ফল অমঙ্গলজনক। (ত, হো,)

তুমি যুক্তিকা দ্বারা স্বজন করিয়াছ, তাহাকে কি আমি নমস্কার করিব” * ৬১। (পুনর্বার) সে বলিল “তুমি কি দেখিলে, এই যাহাকে তুমি আমার উপর সম্মানিত করিয়াছ, যদি তুমি কেয়ামতের দিন পর্যন্ত আমাকে অবকাশ দান না কর, তবে অবশ্য আমি অল্পসংখ্যক ব্যতীত তাহার সম্মানগণের মূলোচ্ছেদন করিব”। ৬২। তিনি বলিলেন, যাও, অনন্তর তাহাদিগের যে কেহ তোমার অহুসরণ করিবে, অবশেষে নিশ্চয় নরক তোমাদের (সকলের) পূর্ণ বিনিময়রূপে বিনিময় হইবে। ৬৩। এবং তুমি আপন ধ্বনিতে তাহাদের যাহাকে স্তম্ভ হও, বিচালিত কর ও তাহাদের উপর আপন অশ্রুত ও পদাতিক সৈন্য আকর্ষণ কর, এবং সম্মান ও সম্পত্তিবিষয়ে তাহাদের অংশী হও, এবং তাহাদের সঙ্গে অঙ্গীকার কর; নিশ্চয় শয়তান প্রবঞ্চনা ব্যতীত তাহাদের সঙ্গে অঙ্গীকার করিবে না। ৬৪। নিশ্চয় আমার দাসবন্দ আছে, তাহাদের উপর তোমার কোন প্রভাব নাই, এবং তোমার প্রতিপালক যথেষ্ট কার্য্যকারক। ৬৫। যিনি তোমাদের জন্ত সাগরে নৌকা সকল সঞ্চালিত করেন, যেন তোমরা তাঁহার প্রসাদে (জীবিকা) অন্বেষণ কর; তিনি তোমাদের প্রতিপালক, নিশ্চয় তিনি তোমাদের সম্বন্ধে দয়ালু হন। ৬৬। এবং যখন সমুদ্রে তোমাদের বিপদ উপস্থিত হয়, তোমরা তাঁহাকে ব্যতীত যাহাকে আহ্বান কর, সেই হারাইয়া যায়; অনন্তর যখন তিনি তোমাদিগকে ভূমির দিকে উদ্ধার করেন, তখন তোমরা বিমুখ হও, এবং মনুষ্য ধর্ম্মদ্রোহী হয়। ৬৭। অনন্তর ভূমিতে তোমাদের প্রোথিত হওয়া অথবা তোমাদের প্রতি প্রস্তরবর্ষা প্রভঞ্জন সঞ্চালিত হওয়া সম্বন্ধে কি তোমরা নিশ্চয় হইয়াছ? অবশেষে তোমরা আপনাদের সম্বন্ধে কার্য্যসম্পাদক পাইবে না। ৬৮। +পুনর্বার তন্মধ্যে (সমুদ্রে) তোমাদিগকে প্রত্যাশ্রয়ন করা হইতে কি তোমরা নিশ্চয় হইয়াছ? অবশেষে তোমাদের প্রতি নৌকাভগ্নকারী অনিল প্রেরিত হইবে, পরে তোমরা অধর্মাচরণ করিয়াছ বলিয়া তোমাদিগকে জলমগ্ন করিবে; তৎপর তোমরা আপনাদের নিমিত্ত তদ্বিষয়ে আমার উপর কোন

* ঈশ্বরের আদেশে সন্দেহ উৎপাদন করিতে কাকেরদিগের যে আচরণ, তাহা শয়তানের আচরণ।

(ত, ফা,)

+ ঈশ্বরের অনভিপ্রেত যে শব্দ উচ্চারিত হয়, তাহাই শয়তানের শব্দ। শয়তানের সৈন্য শয়তানের অনুগামী দানব সকল, তাহারা লোকদিগকে কুমন্ত্রণা দান করে ও প্রবঞ্চিত করিয়া থাকে। হৃদ গ্রহণ করিয়া ধন দান করা বা দুষ্কিন্দিয় অর্থ ব্যয় করাই ধনসম্বন্ধে শয়তানের অংশী হওয়ার, ব্যাভিচার দ্বারা সম্মান উৎপাদন হইলে সেই সম্মানে শয়তানের অংশী হওয়া হয়। ঈশ্বর বলিতেছেন যে, মনুষ্যের সম্বন্ধে পুত্তলিকাগণ পাপকর্ম্মের অহুরোধ করিবে, শয়তান এইরূপ মিথ্যা অঙ্গীকার করে। প্রায়শ্চিত্তে বিলম্ব করা, প্রলয়, পুনরুত্থান, স্বর্গ নরক অগ্রাহ্য করা বিষয়ে শয়তান অহুরোধ করিয়া থাকে; শয়তানের উক্তি প্রবঞ্চনা ভিন্ন নহে।

(ত, হো,)

অনুগামী পাইবে না *। ৬৯। এবং সত্য সত্যই আমি আদমের সন্তানদিগকে গৌরবান্বিত করিয়াছি ও সমুদ্রে এবং প্রান্তরে তাহাদিগকে আরোহণ করাইয়াছি, এবং তাহাদিগকে বিপুল বস্তু সকল হইতে উপজীবিকা দিয়াছি; তাহাদিগকে আমি উন্নত ভাবে সৃজন করিয়াছি, তাহাদের অনেকের উপরে তাহাদিগকে উন্নতি দান করিয়াছি †। ৭০। (র, ৭, আ, ১০)

যে দিন আমি সমুদায় মনুষ্যকে তাহাদের নেতৃগণসহ আশ্বাস করিব, অনন্তর স্বীয় গ্রন্থ (কার্য্যালিপি) তাহাদের দক্ষিণ হস্তে প্রদত্ত হইয়াছে, তখন তাহারা তাহাদের গ্রন্থ পাঠ করিবে, এবং তাহারা সূত্রপরিমাণও অত্যাচরিত হইবে না ‡। ৭১। এবং যে ব্যক্তি এখানে অন্ধ হয়, অবশেষে পরলোকেও সে অন্ধ ও সমধিক পথভ্রান্ত হইয়া থাকে §। ৭২। আমি তোমার প্রতি, (হে মোহাম্মদ,) যে প্রত্যাশ করিয়াছি, নিশ্চয় তাহারা তোমাকে তাহা হইতে বঞ্চনা করিতে উপক্রম করিয়াছে, যেন আমার সম্বন্ধে তুমি তথ্যতিরিক্ত (বিষয়) সম্বন্ধ কর; (তুমি তাহা করিলে) তখন অবশ্য তাহারা তোমাকে বন্ধু বলিয়া গ্রহণ করিত ¶। ৭৩। এবং যদি আমি তোমাকে দৃঢ় না

* জলে নিমগ্ন হওয়া বিষয়ে আমার উপরে অনুগামী পাইবে না। অর্থাৎ আমাকে প্রতিফল দান করিবার জন্ত কেহ তোমাদের সাহায্য করিতে আসিবে না। (ত, হে,)

† মনুষ্যের প্রতি ঈশ্বরের করুণা দ্বিবিধ, শরীরসম্বন্ধীয় ও আত্মসম্বন্ধীয়, শরীরসম্বন্ধীয় করুণা ধার্মিক অধার্মিক মানবমাত্রের জন্ত সাধারণ। যথা, শারীরিক রূপগুণস্বাস্থ্যবলবিষয়ে সাধু অসাধুর তুল্য অধিকার। ধনমানাদি পার্শ্বিক বিষয়েও উভয় শ্রেণীর সমান স্বত্ব। কিন্তু ধার্মিকদিগের আধ্যাত্মিক দানসম্বন্ধে বিশেষত্ব। মনুষ্যমাত্রের জন্তই সাধারণ উন্নতি ও গৌরব নির্দিষ্ট রহিয়াছে। কিন্তু অধার্মিকদিগের উপর ধার্মিকগণ বিশেষভাবে আধ্যাত্মিক দান লাভ করিয়া থাকেন। তাহারা প্রত্যাশে ও গ্রন্থ লাভ করেন, তাহারা সংযমী বৈরাগী ও বিশ্বাসী বিনয়ী ও প্রেমিক হন। তাহাদের নিকটে ধর্মপ্রবর্তক প্রেরিতপুরুষ সাধু মহর্ষিগণ আবির্ভূত হইয়া থাকেন। ঈশ্বরের সঙ্গে তাহাদের ঘনিষ্ঠ সম্বন্ধ, তাহারা এই সঙ্কীর্ণ অনিত্য সংসার পরিত্যাগ করিয়া নিত্য উন্নত লোকে বাস করেন। “সমুদ্রে এবং প্রান্তরে তাহাদিগকে আরোহণ করাইয়াছি” অর্থাৎ সমুদ্রে নৌকায়, প্রান্তরে উষ্ট্রাদি বাহনোপরি আরোহণ করাইয়াছি। (ত, হো,)

‡ বিচারদিবসে প্রত্যেক মণ্ডলীকে তাহাদের নেতার নাম উল্লেখসহ আশ্বাস করা হইবে। যথা—বলা হইবে, হে মুসার মণ্ডলী, হে ইমার মণ্ডলী ইত্যাদি, অথবা যে গ্রন্থ তাহাদিগকে দেওয়া হইয়াছে, তাহা উল্লেখ করিয়া ডাকা হইবে, যথা—হে কোর-আনী, হে ইব্রিলী, কিংবা ধর্মোচরণে তাহাদিগের অনুসরণ করা হইয়াছে, তাহাদিগের নাম উচ্চারণ করিয়া আশ্বাস করা হইবে, যথা—হে হনিকী, হে শাফী ইত্যাদি; অথবা ধর্মসম্প্রদায়ের নাম উল্লেখ হইবে, যথা—মোসলমান, ইহুদি ইত্যাদি। (ত, হো,)

§ অর্থাৎ যে ব্যক্তি এই পৃথিবীতে সংপদপ্রাপ্তিবিষয়ে অন্ধ রহিয়াছে, সে মৃত্যুর পরও অন্ধ হইয়া স্বর্গের পথ হইতে দূরে থাকিবে। (ত, কা,)

¶ কাকের লোকেরা বলিত যে, এ সকল বাক্যে ভাল উপদেশ আছে, কিন্তু স্থানে স্থানে

করিতাম, তবে সত্য সত্যই তুমি তাহাদের প্রতি অল্প কিছু অহুয়াগী হইবার জন্ত উপক্রম করিতে *। ৭৪। +তখন আমি তোমাকে অবশ্য (পার্থিব) জীবনের (শান্তি) ও মৃত্যুর দ্বিগুণ (শান্তি) আশ্বাদন করাইতাম; তৎপর তুমি নিজের সম্বন্ধে আমার দিকে সাহায্য-কারী পাইতে না। ৭৫। এবং নিশ্চয় তাহারা তোমাকে স্থানভ্রষ্ট করিবার উপক্রম করিয়াছিল, যেন তথা হইতে তোমাকে বাহির করে, এবং তাহারা তোমার পশ্চাতে তখন অল্প বৈ বিলম্ব করিবে না †। ৭৬। পদ্ধতি (তাহাদিগের জন্ত রহিয়াছে;) নিশ্চয় তোমার পূর্বে যাহাদিগকে আমি স্বীয় প্রেরিতগণের মধ্যে প্রেরণ করিয়াছি, তুমি (তাহাদের মধ্যে) আমার পদ্ধতিতে কোন পরিবর্তন পাইবে না ‡। ৭৭। (র, ৮, আ, ৭)

তুমি স্বর্যাস্তগমনসময়ে অন্ধকার রজনীপর্য্যন্ত নমাজ ও প্রাতঃকালে কোর-আন্ (পাঠ) প্রতিষ্ঠিত রাখ, নিশ্চয় প্রাভাতিক কোর-আন্ পরিলক্ষিত হয় §। ৭৮। এবং তুমি কোন রজনী তৎসহ জাগরণ কর, তোমার জন্ত (নিত্য নৈমিত্তিক নমাজের উপর তাহা) অতিরিক্ত; সম্ভবতঃ যিনি তোমার প্রতিপালক, তোমাকে প্রশংসিত নিকেতনে উঠাইয়া পৌত্তলিকতাসম্বন্ধে দোষোদ্ঘোষিত হইয়াছে; তাহার পরিবর্তন করিলে আমরা সমুদার উক্তি মান্ত করিতে প্রস্তুত। (ত, কা,)

* হজরত কাকেরদিগের বাসনা পূর্ণ করিতে সম্পূর্ণ বিরাগ প্রকাশ করিয়াছিলেন। তিনি বিগুহ্ব ছিলেন। কেবল মণ্ডলীকে ভয়-প্রদর্শনের জন্ত এই উক্তি হইয়াছে, যেন কেহ অশিবাদীদিগের কথায় কর্ণপাত না করে। (ত, হো,)

+ মক্কাবাসিগণ হজরতকে নির্বাসিত করিবার জন্ত পরামর্শ করিয়াছিল। তাহাদের সকলের মত একরূপ স্থির হয় যে, হজরতের সঙ্গে ঘোর শত্রুতাচরণ করা হইবে। তাহাতে তিনি মক্কা ছাড়িয়া চলিয়া যাইতে বাধ্য হইবেন। তদুপলক্ষে এই আয়ত অবতীর্ণ হয়। “তোমার পশ্চাতে তখন অল্প বৈ বিলম্ব করিবে না,” অর্থাৎ একরূপ সম্ভাবিত হয় যে, হজরতের মদিনায় প্রস্থানের পর অল্প সময়ের মধ্যেই বদরের যুদ্ধ উপস্থিত হয়, সেই যুদ্ধে উক্ত শত্রুগণ প্রাণত্যাগ করে। অল্প উক্তি এই যে, মদিনায় হজরতের অবস্থানে ইহুদিদিগের ঈর্ষা হয়, তাহারা তাঁহাকে বলে, “হে মোহাম্মদ, শামদেশেই পূর্বতন প্রেরিতপুরুষেরা অবস্থান করিয়াছেন; যদি তুমি প্রেরিতপুরুষ হও এবং ইচ্ছা কর যে, আমরা তোমাকে সংবাদবাহক বলিয়া মান্ত করি, তবে তোমার কর্তব্য যে, শামদেশে বাইরা বসতি কর।” এই কথায় হজরত শামদেশে গমনের উদ্যোগী হন, তাহাতেই এই আয়ত অবতীর্ণ হয় যে, ইহুদিগণ ইচ্ছা হইয়াছে যে, তোমাকে মদিনা হইতে দূর করে, তোমার পশ্চাতে ইহারা অল্প বৈ বিলম্ব করিবে না। তদনুসারে হজরত প্রস্থানের সম্বল পরিত্যাগ করেন। কিছু দিন পরেই তত্রত্য ইহুদিমণ্ডলী হত্যা ও নির্বাসন-দণ্ডে দণ্ডিত হয়। এই বাখ্যা অনুসারে এই আয়ত মদিনাসম্বন্ধীয়, পূর্ব কথানুসারে মক্কাসম্বন্ধীয়। (ত, হো,)

‡ প্রেরিতপুরুষগণের প্রতি অসত্যারোপ করিলে যে মণ্ডলীর সংহারসাধন হয়, সেই পদ্ধতি (ত, হো,)

§ অর্থাৎ প্রাভাতিক কোর-আন্ পাঠ নৈশিক ও আফ্রিক দেবগণ দর্শন করেন। নৈশিক দেবগণ তাহা দেখিয়া নৈশিক অমুঠানপুস্তকের শেষভাগে লিপি করিয়া থাকেন, এবং আফ্রিক দেবগণ তদ্বারা আফ্রিক অমুঠান-পুস্তকের আরম্ভ করেন। (ত, হো,)

লইবেন * । ৭২ । এবং বল, হে আমার প্রতিপালক, তুমি প্রকৃত প্রবেশরূপে আমাকে প্রবেশ করাও, প্রকৃত নির্গমনরূপে আমাকে নির্গমন করাও, এবং তোমার নিকট হইতে আমার জন্ত পরাক্রান্ত সাহায্যকারী নিযুক্ত কর ॥ ৮০ ॥ এবং বল, সত্য উপস্থিত হইয়াছে, অসত্য বিলুপ্ত হইয়াছে, নিশ্চয় অসত্য বিলোপ্য হয় ॥ ৮১ ॥ এবং যাহা বিশ্বাসীদিগের জন্ত স্বাস্থ্য ও দয়া হয়, আমি কোর্-আন্ হইতে তাহা অবতারণ করিব, এবং অত্যাচারীদিগের সম্বন্ধে অনিষ্ট বৈ বৃদ্ধি করে না ॥ ৮২ ॥ এবং যখন ময়ূগ্গের প্রতি আমি দান করি, তখন সে বিমুখ হয় ও পার্থ ফিরাইয়া লয়; এবং যখন অন্তত তাহার প্রতি উপস্থিত হয়, তখন সে নিরাশ হইয়া থাকে ॥ ৮৩ ॥ তুমি বল, সকলেই স্বীয় প্রশালী অনুসারে কার্য্য করিতেছে; পরন্তু যে ব্যক্তি উত্তমপথলাভকারী, তোমাদের প্রতিপালক তাহাকে উত্তম জ্ঞাত ॥ ৮৪ ॥ (র, ২, আ, ৭)

এবং তাহারা তোমাকে আশ্রয় বিষয়ে প্রশ্ন করিতেছে; তুমি বল যে, আমার প্রতিপালকের আজ্ঞা হইতেই আশ্রয় হয়, এবং তোমাদিগকে অল্প বৈ জ্ঞান প্রদত্ত হয় নাই ॥ ৮৫ ॥ এবং তোমার প্রতি যাহা প্রত্যাশ করিয়াছি, যদি আমি তাহা প্রত্যাশ করিতে ইচ্ছা করি, তবে অবশেষে নিজের জন্ত তুমি তদ্বিষয়ে আমার সম্বন্ধে কোন কার্য্য-সম্পাদক তোমার প্রতিপালকের দয়া ব্যতীত প্রাপ্ত হইবে না; নিশ্চয় তোমার প্রতি

* অর্থাৎ নিজ হইতে জাগরিত হইয়া কোর্-আন্ পাঠ করা; তোমার প্রতি সর্ব্বাঙ্গেন্দ্র প্রধান আজ্ঞা এই হইল যে, তোমাকে উচ্চপদ দান করা হইবে, তাহা পাণীর জন্ত অনুরোধ করা রূপ প্রশংসিত পদ । অর্থাৎ যখন অস্ত্র কোন প্রেরিতপুরুষ কিছুই বলিতে পারিবে না, তখন পরমেশ্বরের নিকটে হজরত প্রার্থনা করিয়া পাণীদিগকে ক্রেশ হইতে মুক্তি দান করিবেন । (ত, ফা,)

† অর্থাৎ তুমি মদিনাতে আমাকে উত্তমরূপে প্রবেশ করাও ও মক্কা হইতে নির্ব্বিয়ে বাহির কর, এবং আমার প্রতি সাহায্যকারী নির্দর্শন ও শক্তি প্রেরণ কর । (ত, হো,)

‡ সত্য কোর্-আন্, অসত্য শয়তান; যে স্থানে কোর্-আন্ প্রকাশিত হয়, তথা হইতে শয়তান লুক্কায়িত হইয়া থাকে । অস্ত্র মতে, যাহা ঐশ্বরিক, তাহা সত্য, তত্ত্বের অসত্য । অথবা ঈশ্বরের অস্তিত্বই সত্য, যাহা অনন্ত ও নিত্য; এবং মানবীর শক্তির অস্তিত্ব অসত্য, যাহা অনিত্য ও অস্থায়ী । যখন ঈশ্বরের অস্তিত্বের জ্যোতিঃ প্রকাশ পায়, তখন কল্পিত অস্তিত্ব তাহার নিকটে বিলয় প্রাপ্ত হয় । (ত, হো,)

§ অর্থাৎ সমগ্র কোর্-আন্ শারীরিক, মানসিক, বাহ্যিক ও আধ্যাত্মিক রোগের মহৌষধ । কাতেহা সূরার আয়ত সকল শারীরিক রোগের প্রতীকারক ও অস্ত্র সকল আয়ত সংশয় ও মূর্খতারোগের ঔষধ । (ত, হো,)

¶ হজরতকে পরীক্ষা করিবার জন্ত ইহুদিগণ আশ্রয় সম্বন্ধে প্রশ্ন করিয়াছিল; তাহাতে ঈশ্বর বলিলেন যে, ইহাদের বুঝিবার ক্ষমতা নাই, সুস্থ কথা ইহাদিগকে বলা অনাবশ্যক । ইহাদের এই মাত্র জানা যথেষ্ট যে, ঈশ্বরের আদেশে একরূপ পদার্থ দেহে অবতীর্ণ হয়, তাহাতে দেহ জীবিত হইয়া উঠে, তাহা দেহ হইতে বহির্গত হইলেই মনুষ্য মরিয়া যায় । (ত, ফা,)

তাঁহার প্রসাদ প্রচুর *। ৮৬+৮৭। তুমি বল যে, এই কোর-আনের সদৃশ উপস্থিত করিতে যদি মনুষ্য ও দৈত্য একত্র হয়, এবং যত্বপি তাহারা পরস্পর পরস্পরের সাহায্য-কারীও হয়, তথাপি তাহারা ইহার সদৃশ আনয়ন করিতে পারিবে না। ৮৮। এবং সত্য সত্যই আমি মানবমণ্ডলীর জন্ত এই কোর-আনের মধ্যে সমুদায় দৃষ্টান্ত নানা প্রকারে বিবৃত করিয়াছি, পরন্তু অধিকাংশ লোক অধর্ম বৈ গ্রাহ্য করে নাই। ৮৯। তাহারা বলিয়াছে, “যে পর্য্যন্ত তুমি আমাদের জন্ত যুক্তি হইতে উৎস উৎসারিত (না) কর, অথবা তোমার নিমিত্ত দ্রাক্ষা ও খোশ্মাকলের উদ্ভান (না) হয়, তৎপর তাহার মধ্যে পয়ঃপ্রণালীসকল প্রবাহিতরূপে প্রবাহিত (না) কর, সে পর্য্যন্ত তোমাকে কখনও বিশ্বাস করিব না। ৯০+৯১। কিম্বা তুমি আমাদের সম্বন্ধে যেমন মনে করিয়া থাক, সেরূপ আকাশকে খণ্ড খণ্ডরূপে পাতিত (না) কর, অথবা ঈশ্বর ও দেবতাগণসহ সম্মুখে উপস্থিত (না) হও। ৯২।+কিংবা তোমার জন্ত স্বর্ণময় গৃহ (না) হয়, বা তুমি আকাশে আরোহণ (না) কর, (সে পর্য্যন্ত কখনও তোমার উর্দ্ধে সমুদ্যানকে বিশ্বাস করিব না;) এবং যে পর্য্যন্ত আমাদের প্রতি (এমন) গ্রন্থ অবতারণ না কর যে, আমরা তাহা পড়িতে পারি, সে পর্য্যন্ত তোমার (আকাশে) সমুদ্যানকে কখনও বিশ্বাস করিব না।” তুমি বল, আমার প্রতিপালক পবিত্র, আমি প্রেরিত মনুষ্য বৈ নহি। ৯৩। (র, ১০, আ, ৯)

এবং “ঈশ্বর কি মনুষ্যকে প্রেরিত পুরুষ করিয়া পাঠাইয়াছেন?” ইহা বলা ব্যতীত লোকদিগকে, তাহাদের নিকটে যখন সত্যালোক উপস্থিত হয়, (তাহা) বিশ্বাস করা হইতে (অন্ত) কিছু নিবৃত্ত করে নাই। ৯৪। তুমি বল, যদি পৃথিবীতে দেবগণ থাকিত যে, স্বর্গে বিচরণ করে, তবে আমি নিশ্চয় তাহাদের প্রতি স্বর্গ হইতে দেবতারূপ প্রেরিত পুরুষ পাঠাইতাম †। ৯৫। তুমি বল, আমার মধ্যে ও তোমাদের মধ্যে ঈশ্বরই যথেষ্ট সাক্ষী, নিশ্চয় তিনি আপন দাসগণের সম্বন্ধে জ্ঞাত ও দ্রষ্টা হন ‡। ৯৬। এবং ঈশ্বর যাহাকে পথ প্রদর্শন করেন, অবশেষে সেই পথাপ্রিত হয় ও তিনি যাহাদিগকে পথভ্রান্ত করেন, অনন্তর তুমি কখনও তাহাদের জন্ত তিনি ব্যতীত (বন্ধু) পাইবে না; এবং

* তদ্বিষয়ে কোন কার্য্যসম্পাদক পাইবে না, অর্থাৎ সেই প্রত্যাহারখণ্ডে কোন কার্য্যকারক পাইবে না। (ত, হো,)

† পৃথিবীতে দেবতার বাস হইলে তত্ত্ববাহকও দেবতা হইতেন, তাহা হইলে সেই দেবতাগণ তাঁহার নিকটে উপস্থিত হইয়া শিক্ষা লাভ করিতেন। স্বজাতির নিকটেই শিক্ষা লাভ করা কর্তব্য, তাহাতেই কল লাভ হইয়া থাকে। দেবতাদিগের প্রতি দেবতা ধর্ম-প্রবর্তক প্রেরিত হন। যখন পৃথিবীতে মনুষ্য বাস করে, তখন তাহাদের নিকটে মনুষ্য তত্ত্ববাহক আবশ্যক। (ত, হো,)

‡ হজরতকে কাকেরগণ জিজ্ঞাসা করিয়াছিল, “তুমি যে প্রেরিতপুরুষ, তাহার সাক্ষী কে?” তাহাতেই এই আয়ত অবতীর্ণ হয় যে, ঈশ্বরই সাক্ষী; অলৌকিকতা ভাবের রসনার সাক্ষ্য দান করিতেছে যে, মোহম্মদ প্রেরিতপুরুষ। ঈশ্বরবাণী অলৌকিক জিয়ার সাক্ষী। (ত, হো,)

পুনরুত্থানের দিবসে আমি তাহাদিগকে অন্ধ ও বধির এবং মূক করিয়া মুখমণ্ডলের উপর সমুখাপন করিব, * তাহাদের স্থান নরকানল ; যখন তাহা নির্ঝাপিত হইবে, তখন আমি তাহাদের উপর অগ্নিশিখা বৃদ্ধি করিয়া দিব। ১৭। ইহাই তাহাদের বিনিময়, যেহেতু তাহারা আমার নিদর্শন সকলের সম্বন্ধে বিরুদ্ধাচরণ করিয়াছে, এবং তাহারা বলে, “যখন আমরা বিল্লিষ্টাঙ্গ ও অস্থিপুঞ্জ হইয়া যাইব, তখন কি নবীন সৃষ্টিতে সমুখাপিত হইব” ? ১৮। তাহারা কি দেখে নাই যে, যিনি স্বর্গমর্ত্য সৃজন করিয়াছেন, নিশ্চয় সেই ঈশ্বর তাহাদের সদৃশ সৃষ্টি করিতে ক্ষমতা রাখেন, এবং তাহাদের জন্ত তিনি কাল নির্দ্ধারিত করিয়াছেন, তাহাতে সন্দেহ নাই ; অনন্তর অত্যাচারিগণ অধর্ম ব্যতীত স্বীকার করে নাই। ১৯। বল, যদি তোমরা আমার প্রতিপালকের করুণাভাগ্যের অধ্যক্ষ হইতে, তখন তোমরা ব্যয় করার ভয়ে অবশ্য কুপণতা করিতে ; এবং মনুষ্য কুপণ হয় ৭। ১০০। (র, ১১, আ, ৭)

এবং সত্য সত্যই আমি মুসাকে নয়টি উজ্জ্বল নিদর্শন দান করিয়াছি ; পরে তুমি, (হে মোহম্মদ,) বনিএশ্রায়েলকে, যখন তাহাদের নিকটে সে উপস্থিত হইয়াছিল, (এবিষয়ে) জিজ্ঞাসা কর; অনন্তর তাহাকে ফেরগণ বলিয়াছিল, “নিশ্চয় আমি, হে মুসা, তোমাকে একান্ত ঐন্দ্রজালিক মনে করিতেছি” ৭। ১০১। সে বলিল, “সত্য সত্যই তুমি জানিতেছ যে, এ সকল (নিদর্শন প্রমাণস্বরূপ,) স্বর্গমর্ত্যের প্রতিপালক ব্যতীত

* মালেকের পুত্র ওন্দস বলিয়াছিলেন যে, হজরতকে প্রশ্ন করা গিয়াছিল, মুখমণ্ডলের উপরে অর্থাৎ অধোমুখে কি প্রকারে উত্থাপন করা হইবে ? তাহাতে তিনি বলেন, যিনি পদব্রজে উঠাইতে সক্ষম, তিনিই তাহাদিগকে বিপরীতভাবে অধোমুখে তুলিবেন। ইহার প্রকৃত মর্ম এই যে, সংসারে তাহাদের মুখমণ্ডল কলঙ্কিত হইবে, তাহারা অন্ধ, বধির ও মূকরূপে উথিত হইবে, অর্থাৎ সংসারে তাহারা ঐশ্বরিক নিদর্শনদর্শনে, সত্যপ্রবণে ও সত্যবাক্যকথনে অক্ষম হইবে। (ত, হো,)

† অর্থাৎ যদি কোন সৃষ্ট জীব ঈশ্বরের ভাগ্যের অধ্যক্ষ হয়, তবে তাহার দান কখনও ঈশ্বরের দানের তুল্য হইবে না। যেহেতু সে নিজের জন্ত কিছু ধন রাখিতে চাহিবে, এবং ধন নান হইয়া গেলে ভীত হইবে। পরমেশ্বর এই দুই অবস্থা হইতে মুক্ত। (ত, হো,)

‡ নয়টি উজ্জ্বল নিদর্শন বা অলৌকিকতা এই ;—ষটি, করতলজ্যোতি, ঝটিকা, পদ্মপাল, কীটপুঞ্জ, মণ্ডুকুল, রক্ত, বৃক্ষের ফলহানি, বজ্র। এই নয়টি। এতস্তিন্ন জলস্রোতের উদ্ভেদ, সাগরের উচ্ছ্বাস, বনিএশ্রায়েলের উপর ভূরপর্যন্তের উত্থাপন, কিব্দিগিরের সম্পত্তি বিলুপ্ত হওয়া ইত্যাদি আছে। কথিত আছে যে, দুইজন ইহুদি নয়টি নিদর্শনবিষয়ে হজরতকে প্রশ্ন করিয়াছিল, তাহাতে তিনি বলেন, “ঈশ্বরের সঙ্গে অংশী স্থাপন করিও না, অকারণে হত্যা করিও না, চোখ, বাজিচার, স্তন-গ্রহণ, কুৎসা ও জাহ্নু করা, সাক্ষী নারীদিগকে অপবাদ দেওয়া এই সকল কার্য হইতে দূরে থাকিবে, এবং ধর্ম-বুদ্ধ হইতে পলায়ন করিও না। এসকল সাধারণ বিধি সমস্ত ধর্মশাস্ত্রেই লিখিত আছে। তোমাদের ইহুদিজাতির বিশেষ বিধি এই যে, শনিবারে আজ্ঞার বিরুদ্ধাচরণ করিও না।” পরে তুমি বনিএশ্রায়েলকে, যখন তাহাদের নিকটে সে উপস্থিত হইয়াছিল, জিজ্ঞাসা কর।” অর্থাৎ হে মোহম্মদ, ইহুদি পণ্ডিতমণ্ডলীকে এই নিদর্শন সকলের বিষয় জিজ্ঞাসা কর, তাহা হইলে তোমার কথার

(অন্ত কেহ) ইহা প্রেরণ করে নাই; এবং নিশ্চয় আমি, হে ফেরগণ, তোমাকে একান্ত নিহত মনে করিতেছি”। ১০২। পরে সে ইচ্ছা করিল যে, তাহাদিগকে দেশ হইতে বিচ্যুত করে; অনন্তর আমি তাহাকে ও তাহার সঙ্গে যাহারা ছিল, তাহাদিগকে একযোগে জলমগ্ন করিলাম। ১০৩। + এবং তাহার পরে আমি বনিএশ্রায়েলদিগকে বলিলাম যে, দেশে বাস কর; অনন্তর যখন শেষ অঙ্গীকার উপস্থিত হইবে, তখন আমি তোমাদিগকে সম্মিলিতভাবে আনয়ন করিব *। ১০৪। + এবং আমি সত্যভাবে তাহা (কোর-আন্) অবতারণ করিয়াছি ও সত্যভাবে তাহা অবতারিত হইয়াছে, এবং আমি তোমাকে সুসংবাদদাতা ও ভয়প্রদর্শকরূপে বৈ প্রেরণ করি নাই †। ১০৫। এবং কোর-আন্কে আমি খণ্ডণ করিয়াছি, যেন তাহাকে তুমি লোকের নিকটে বিলম্বে পাঠ কর ও আমি তাহাকে অবতরণরূপে অবতারণ করিয়াছি ‡। ১০৬। তুমি বল, তৎপ্রতি তোমরা বিশ্বাস কর বা বিশ্বাস না কর, নিশ্চয় ইতিপূর্বে যাহাদিগকে জ্ঞান প্রদত্ত হইয়াছে, যখন তাহাদের নিকটে পাঠ হয়, তখন তাহারানুমত্তার করতঃ অধোমুখে পতিত হইয়া থাকে §। ১০৭। + এবং তাহারা বলে, “আমাদের প্রতিপালক পবিত্র, নিশ্চয় আমাদের প্রতিপালকের অঙ্গীকার সম্পন্ন হয়”। ১০৮। এবং তাহারা ক্রন্দন করত অধোমুখে পতিত হয় ও তাহাদের দীনতা বর্ধিত হইয়া থাকে। ১০৯। বল, তোমরা ঈশ্বরকে আহ্বান কর, অথবা “রহমাণকে” আহ্বান কর; তোমরা যাহাকে ডাকিবে, অনন্তর তাঁহারই উত্তম নাম সকল হয়। তুমি স্বীয় উপাসনায় উচ্চ শব্দ করিও না ও তাহাতে ক্ষীণ (শব্দও) করিও না, এবং ইহার মধ্যে কোন পথ অব্বেষণ করিও ¶। ১১০। এবং তুমি বল, সত্যতা অশিবাঙ্গীদিগের নিকটে প্রকাশিত হইবে। অথবা ইহাদিগকে জিজ্ঞাসা কর, যখন মুসা তাহাদের নিকটে উপস্থিত হইয়াছিল, তখন ফেরগণ ও তাহাদের মধ্যে কি ঘটয়াছিল। (ত, হো)

* শেষ অঙ্গীকার কেসামত।

(ত, হো,)

+ অর্থাৎ ঈশ্বর হইতে যাহারা বিমুখ, তাহাদিগকে তাহার পূর্ণ দয়া ও ক্রমার বিষয়ে হজরত মোহাম্মদ সুসংবাদদাতা, যেন তাহারা তাহার মন্দিরের দিকে চলিয়া আইসে; এবং সংকল্পশীল লোকের প্রতি তিনি ঈশ্বরের তেজ প্রতাপ মহিমা ও গৌরব বিষয়ে ভয়-প্রদর্শক, যেন তাহারা আপন সদমুঠানের প্রতি নির্ভর স্থাপন না করেন।

(ত, হো,)

‡ অস্ত্র অস্ত্র গ্রন্থের শুদ্ধ মর্ম্ম গ্রহণ করা উদ্দেশ্য। কিন্তু এই কোর-আনের এক একটি করিয়া শব্দও পাঠ করা আবশ্যক, তাহাতে ঈশ্বরের প্রসাদ ও জ্যোতিঃ অবতীর্ণ হয়। এই জন্তই সূরা ও আয়ত সকল ভিন্ন ভিন্ন রূপে স্থাপন করা হইয়াছে ও বাহা পাঠের উপযোগী, কিছু কিছু করিয়া সকল সময়ে তাহা প্রেরিত হইয়াছে।

(ত, হা,)

§ অর্থাৎ ঈশ্বরের আদেশের প্রতি সম্মান-প্রদর্শনের জন্ত অথবা কোর-আন্ ও হজরত মোহাম্মদকে প্রেরণ করা হইবে, এবিষয়ে যে পূর্বতন গ্রন্থে অঙ্গীকার উল্লিখিত হইয়াছে, তাহা সকল হইল দেখিয়া তাহারা কৃতজ্ঞতার ভাবে নমস্কার করে।

(ত, হো,)

¶ “ইহার মধ্যে কোন পথ অব্বেষণ করিও,” অর্থাৎ এই দুইয়ের মধ্যে মধ্য পথ অব্বেষণ করিও। আবুবেকর কোর-আন্ ধীরে ধীরে পাঠ করিতেন; তিনি বলিতেন যে, আমি ঈশ্বরের বন্দনা করিয়া থাকি।

সেই ঈশ্বরেরই সম্যক প্রশংসা, যিনি পুত্র গ্রহণ করেন নাই ও রাজত্বে যাহার কোন অংশী নাই, এবং অক্ষমতাবশতঃ যাহার কোন সহায় নাই ; সম্মানরূপে তাঁহাকে সম্মান কর। ১১১। (র, ১২, আ, ১১)

সূরা কহফ *

.....

অষ্টাদশ অধ্যায়

.....

১১০ আয়ত, ১২ রকু

(দাতা দয়ালু পরমেশ্বরের নামে প্রবৃত্ত হইতেছি)

সম্যক গুণানুবাদ সেই ঈশ্বরেরই, যিনি আপন দাসের প্রতি গ্রন্থ অবতারণ করিয়াছেন, এবং তাহার জ্ঞান কোন বক্রতা করেন নাই ৭।১।+ (তাহাকে) দণ্ডায়মান রাখিয়াছেন, যেন সে ঈশ্বরের নিকট হইতে কঠিন শাস্তি (আসিবার) ভয় প্রদর্শন করে ও যাহারা সংকল্প করিয়া থাকে, সেই বিশ্বাসীদিগকে (এই) হুস্ববাদ দান করে যে, তাহাদের জ্ঞান উত্তম পুরস্কার আছে। ২।+ তন্মধ্যে তাহারা নিত্যস্থায়ী। ৩।+ এবং যাহারা বলে, ঈশ্বর পুত্র গ্রহণ করিয়াছেন, তাহাদিগকে যেন সে ভয় প্রদর্শন করে। ৪। তৎসম্বন্ধে তাহাদের পিতৃপুরুষদিগের কোন জ্ঞান নাই, তাহাদের মুখ হইতে গুরুতর কথা নির্গত হয়, তাহারা অসত্য বৈ বলে না। ৫। যদি তাহারা এই কাহিনীতে (কোর-আনে) বিশ্বাস স্থাপন না করে, পরে হয়তো তুমি শোকবশতঃ তাহাদের পশ্চাতে স্বীয় প্রাণের হত্যাকারী হইবে। ৬। পৃথিবীতে যাহা কিছু আছে, নিশ্চয় আমি (তদ্বারা) তাহার শোভা করিয়াছি ; তাহাতে আমি তাহাদিগকে পরীক্ষা করি যে, তাহাদের মধ্যে ওমর উচ্চৈশ্বরে পাঠ করিতেন ; তিনি বলিতেন যে, শয়তানকে তাড়াইয়া থাকি ও নিদ্রিতকে জাগরিত করি। এই আয়ত অবতীর্ণ হইলে পর হজরত আবুবেকরকে বলেন, কিঞ্চিৎ উচ্চৈশ্বরে পড়, এবং ওমরকে বলেন, স্বীয় ধনি কিছু ধর্ম কর। (ত, হো,)

* এই সূরা মক্কাতে অবতীর্ণ হইয়াছে।

+ এ স্থলে বক্রতা অর্থে, শব্দের পরিবর্তন বা অর্পণ ব্যতিক্রম, অথবা সত্যকে অসত্যে পরিণত করা বুঝাইবে। (ত, হো,)

কে কার্য্যামুসারে সর্বোত্তম *। ৭। এবং তাহার উপরে যাহা কিছু আছে, তাহাকে নিশ্চয় আমি তৃণহীন সমতলভূমি করিব। ৮। তুমি কি মনে করিয়াছ যে, গহ্বর ও রকিমনিবাসিগণ আমার নিদর্শন সকলের মধ্যে আশ্চর্য্য ছিল ? ১। ২। যখন যুবকগণ গর্তের দিকে আশ্রয় গ্রহণ করিল, তখন তাহারা বলিল, “হে আমাদের প্রতিপালক, তুমি আপন সন্নিধান হইতে আমাদিগকে কৃপা বিতরণ কর, এবং আমাদের নিমিত্ত

* “পৃথিবীতে যাহা কিছু আছে” অর্থাৎ ধাতু রত্নাদি ও উদ্ভিদ ও জীব জন্ত ইত্যাদি, তদ্বারা পৃথিবী শোভিত হইয়াছে। (ত, হো,)

তাহাতে আমি তাহাদিগকে পরীক্ষা করিয়া থাকি, অর্থাৎ লোকে পৃথিবীর শোভাতেই মুগ্ধ হইয়া পড়ে, না, তাহা পরিত্যাগ করিয়া পরলোকসাধনে নিযুক্ত হয়, আমি এই পরীক্ষা করিয়া থাকি। (ত, ফা,)

† অর্থাৎ পরিণামে আমি বৃক্ষ, লতা, গৃহ, অট্টালিকাাদি ধ্বংস করিয়া পৃথিবীকে সমতল মরুভূমি-তুল্য করিয়া কেলিব। (ত, হো,)

‡ অর্থাৎ আমি যে স্বর্গ-মর্ত্য-স্থানে অদ্ভুত শক্তির নিদর্শন প্রকাশ করিয়াছি, গর্তনিবাসীদিগের বৃত্তান্ত তাহা অপেক্ষা আশ্চর্য্যজনক নহে। দকিয়ামুস নামক রাজার রাজধানী আফহুস নগরের অনতিদূরে স্থিত, রকিমপ্রান্তরে তবাখলুস পর্বতে জিরমনামক এক গহ্বর ছিল; কাহার কাহার মতে রকিম গ্রামের নাম, সেই গ্রামে গহ্বরনিবাসীদিগের পূর্বনিবাস ছিল। কেহ কেহ বলেন, একটি সীসকফলকে গর্তনিবাসীদের নাম অঙ্কিত বা লিখিত অর্থে “রকিম” শব্দ ব্যবহৃত হয়, সীসকফলকে নাম অঙ্কিত ছিল বলিয়া তাহাকে রকিম বলা হইয়াছে, সেই ফলক গর্তের দ্বারে লটকান ছিল। সে বাহা হউক, গহ্বরনিবাসীদিগের সম্বন্ধে নান প্রকার জনশ্রুতি আছে; তন্মধ্যে বাহা সর্বাপেক্ষা প্রসিদ্ধ ও বিশ্বাসজনক, তাহাই বিবৃত হইতেছে। উম্মার্গচারী রাজা দকিয়ামুস রোম রাজ্য অধিকারের সময়ে আফহুস নগরকে রাজধানী করে, এবং সেই স্থানে স্বীয় উপাশ্রয় দেব দেবীর জন্ত এক পুঞ্জার ক্ষেত্র প্রস্তুত করিয়া নগরবাসী নরনারীদিগকে সেই সকল দেবতার পূজা করিতে উৎপীড়ন করিতে থাকে। বাহারা তাহার আজ্ঞা অমান্য করিয়াছিল, দকিয়ামুস তাহাদিগের শিরশ্ছেদন করে। ছয় জন ভদ্রবংশীয় ঈশ্বরপরায়ণ নব যুবক নগরের এক প্রান্তে যাইয়া কাতরভাবে প্রার্থনার প্রবৃত্ত হন, এবং সেই দুরাস্থার আক্রমণ হইতে উদ্ধার পাইবার জন্ত ঈশ্বরের নিকটে মিনতি করিতে থাকেন। অবশেষে তাঁহাদিগের কণা দকিয়ামুসের কর্ণগোচর হয়। রাজা তাঁহাদিগকে সম্মুখে ডাকিয়া অনেক ভয় প্রদর্শন করে। তাহারা দৃঢ়রূপে অস্থিতীয় ঈশ্বরের শরণাপন্ন হইয়া তাহার আজ্ঞা-পালনে অসম্মত হন; তাহাতে দকিয়ামুস তাঁহাদের গাত্র হইতে বস্ত্রান্তরণ কাড়িয়া লইয়া এই আদেশ করে যে, “তোমরা বালক, অতএব তোমাদিগকে আপনাদের বিষয় চিন্তা করিতে তিন দিবসের অবকাশ দেওয়া গেল; দেখ, আমার পরামর্শ তোমাদের গ্রাহ্য হয় কি না?” অনন্তর দকিয়ামুস স্থানান্তরে চলিয়া যায়, তাহার গমনে যুবকগণ ক্রীত হইয়া আপনাদের বিষয়ে মন্ত্রণা করেন, সকলেরই পলায়ন করা সম্ভব বোধ হয়; প্রত্যেকে স্ব স্ব পিতৃগৃহ হইতে কিছু কিছু ধন পাণেরস্বরূপ গ্রহণ করিয়া নগরের অদূরস্থিত এক পর্বতের অভিমুখে প্রস্থান করেন। পথে এক জন পশুপালকের সঙ্গে তাঁহাদের সাক্ষাৎ হয়, সে তাঁহাদের ধর্ম গ্রহণ করিয়া তাঁহাদিগের অনুসরণ করে। পশুপালকের কুহুরও সঙ্গে সঙ্গে চলিয়া আইসে। পর্বতের নিকটবর্তী হইলে রাখাল বলে যে, এই পর্বতে এক গহ্বর আছে,

আমাদের কার্য্য হইতে শুভ ফল প্রস্তুত কর।” ১০। অনন্তর আমি নির্দ্ধারিত কতক বৎসর গৰ্ভমধ্যে তাহাদিগের কর্ণে আবরণ স্থাপন করিলাম *। ১১। + তৎপর আমি তাহাদিগকে সমুখাপন করিলাম, যেন জ্ঞাপন করি যে কতক্ষণ বিলম্ব করা হইয়াছে, দুই দলের মধ্যে কে ইহার অধিক স্মরণকারী †। ১২। (র, ১, আ, ১২)

আমি তোমার নিকটে, (হে মোহম্মদ,) তাহাদের বৃত্তান্ত সত্যভাবে বর্ণন করিতেছি ; নিশ্চয় তাহারা কয়েক যুবক ছিল, স্বীয় প্রতিপালকের প্রতি বিশ্বাস স্থাপন করিয়াছিল, এবং আমি তাহাদিগকে অধিক ধর্মজ্ঞান দান করিয়াছিলাম। ১৩। এবং আমি তাহাদের অন্তরে বন্ধন (দূত) রাখিয়াছিলাম, যখন তাহারা দণ্ডায়মান হইল, তখন বলিল, “স্বর্গ ও মর্ত্যের প্রতিপালক আমাদের প্রতিপালক, কখনও আমরা তাঁহাকে বাতীত অথবা কোন উপাস্ত্রকে আহ্বান করিব না ; (তবে) সত্য সত্যই আমরা তখন অতিরিক্ত বলিব”। ১৪। এই আমাদের জ্ঞাতি তাঁহাকে ছাড়িয়া অথবা উপাস্ত্র গ্রহণ করিয়াছে ; কেন তাহারা তাহাদের নিকটে উজ্জল প্রমাণ উপস্থিত করিতেছে না ? অনন্তর যে ব্যক্তি ঈশ্বরের সম্বন্ধে অসত্য যোগ্য করিয়াছে, তাহা অপেক্ষা কে অধিক অত্যাচারী ? ১৫। এবং যখন তোমরা, (হে বন্ধুগণ,) তাহাদিগ হইতে ও তাহারা ঈশ্বর ভিন্ন যাহাকে অর্চনা করে তাহা হইতে বিচ্ছিন্ন হইবে, তখন গহ্বরের দিকে আশ্রয় লইও ; তোমাদের প্রতিপালক তোমাদের জন্ত স্বীয় দয়া প্রসারিত করিবেন, এবং তোমাদের জন্ত তোমাদের কার্য্যকে সহজরূপে প্রস্তুত করিবেন। ১৬। এবং দেখ, সূর্য্য যখন উদিত হয়, তখন তাহাদের গহ্বরের দক্ষিণ দিকে বুকিয়া থাকে ও যখন অস্তমিত হয়, তখন তাহাদের বাম দিক অতিক্রম করে, এবং তাহারা তাহার প্রশস্ত ভূমিতে আছে ; ইহা ঈশ্বরের নিদর্শন সকলের অন্তর্গত। ঈশ্বর যাহাকে পথ প্রদর্শন করেন, সেই পথ প্রাপ্ত হয়, এবং তিনি যাহাকে পথভ্রান্ত করেন, পরে তুমি তাহার জন্ত কখন পথপ্রদর্শক বন্ধু পাইবে না ‡। ১৭। (র, ২, আ, ৫)

তথায় আশ্রয় লওয়া যাইতে পারে। সকলে একযোগে সেই গহ্বরে প্রবেশ করিলেন, কুতুর গর্ভের দ্বারে প্রহরিরূপে শয়ান রহিল। পরমেশ্বর তাঁহাদের গর্ভপ্রবেশের বৃত্তান্ত এই প্রকারে বর্ণন করিতেছেন। (ত, হো,)

* “তাহাদিগের কর্ণে আবরণ স্থাপন করিলাম” যেন শব্দ শুনিতে না পায়, অর্থাৎ তাহাদিগকে নিদ্রিত করিয়া রাখিলাম। (ত, হো,)

† “জ্ঞাপন করি,” এখানে এই বিবরণ দ্বারা যেন আমার দাসগণ জ্ঞাত হয় যে, বিশ্বাসী ও অশ্বাসী বা অগ্রগামী ও পশ্চাৎগামী এই দুই দলের লোকের মধ্যে কোন দল কতকাল গর্ভে ছিল, যেন তাহা নির্দ্ধারণ করিতে সমর্থ হয়। (ত, হো,)

‡ যুবকগণ একযোগে পর্ব্বতে চলিয়া আসিলেন, পশুপালক তাহাদিগকে গর্ভের ভিতবে লইয়া গেল। সেখানে তাহারা অবস্থিত করিলে পর পরমেশ্বর তাহাদের প্রতি নিত্ৰা প্রেরণ করিলেন,

এবং তুমি, (হে দর্শক,) তাহাদিগকে জাগ্রত মনে করিতেছ, ফলতঃ তাহারা নিদ্রিত, এবং তাহাদিগকে আমি দক্ষিণ পার্শ্বে ও বাম পার্শ্বে ফিরাইতেছিলাম ও তাহাদের কুকুর আপন দুই হস্ত গর্ভমুখে বিস্তার করিয়াছিল ; যদি তুমি, (হে মোহম্মদ,) তাহাদের সম্বন্ধে জ্ঞাত হইতে, তবে অবশ্য পলায়নস্বরূপ তাহাদিগ হইতে বিমুখ হইতে, এবং তাহাদিগ হইতে অবশ্য ভয়ে পূর্ণ হইতে * । ১৮ । এবং এইরূপে আমি তাহাদিগকে সমুখাপিত করিলাম, যেন তাহারা আপনাদের মধ্যে প্রশ্ন করে ; তাহাদের একজন বক্তা প্রশ্ন করিল, “তোমরা কত বিলম্ব করিয়াছ ?” তাহারা বলিল, “আমরা একদিন অথবা একদিনের কিছুকাল বিলম্ব করিয়াছি ;” (পরে) তাহারা বলিল, “তোমরা যতকাল বিলম্ব করিয়াছ, তোমাদের প্রতিপালক তাহা উত্তম জ্ঞাত ।” অনন্তর তোমাদের একজনকে তোমাদের এই মূদ্রাসংনগরের দিকে প্রেরণ কর ; পরিশেষে দৃষ্টি করা উচিত যে, কোন্ পাণ্ডা বিমুগ্ধ, পরে তাহা হইতে জীবিকা তোমাদের নিকট তাহার আনয়ন করা সমুচিত ; এবং মুদ্রুতা

তাহারা গর্তের ভিতরে নিদ্রিত হইলেন । দকিয়ানুস দুই তিন দিন অন্তর নগরে প্রত্যাগমন করিয়া যুবকদিগের অবস্থা অনুসন্ধান করিল ; তখন যুবকদিগের পলায়নের সংবাদ অবগত হইয়া তাহাদিগকে উপস্থিত করিবার জন্য তাহাদিগকে অস্তিত্বাবকদিগকে উৎপীড়ন করিতে লাগিল । অস্তিত্বাবকেরা বলিল, “মহারাজ, যুবকগণ আমাদের ধন অপহরণ করিয়া অমুক পর্বতে লুকাইয়াছে ।” এই কথা শুনিয়া দকিয়ানুস কতিপয় অনুচর সমভিবাাহারে যুবকদিগের অনুসন্ধানে বহির্গত হয়, এবং সেই পর্বতের গর্ভমধ্যে তাহাদিগকে শয়ান দেখিতে পায় । তাহাদিগকে তদবস্থায় দেখিয়া দকিয়ানুস আদেশ করিল যে, গর্তের মুখ প্রস্তর দ্বারা বন্ধ করা হউক, তাহা হইলে সকলেই এই স্থানে প্রাণত্যাগ করিবে । তদনুসারে দার দৃঢ়রূপে বন্ধ কর’ হয় । সকলে চলিয়া গেলে, দকিয়ানুসের স্বগণ দুইজন ধর্মবিষাসী পুরুষ যুবকদিগের নাম ধাম অবহা একটি সীসকফলকে অঙ্কিত করিয়া গর্তের প্রাচীরে এই আশায় স্থাপন করে যে, হয়তো একদিন কেহ এখানে আসিবে ও যুবকদিগের অনুসন্ধান লইবে । তাবাকনুস গিরির দক্ষিণ দিকে গর্তের দ্বার ছিল, অতরাং সূর্য্য উদয়াস্তের সময়ে দ্বারের উভয় পার্শ্বে আলোক ও উত্তাপ দান করিত ; তাহাতে গলিত দেহের দুর্গন্ধ দূরীভূত হইয়া বায়ুকে স্বাভাবিক অবস্থায় রাখিত, গর্ভভাস্তরে উত্তাপের সঞ্চার হইত না, তজ্জন্ত যুবকদের দেহের ও বর্ণের ব্যতিক্রম হইতে পারে নাই । (ত, হো,)

* এইরূপ ঈশ্বরপরায়ণ সংপুরুষদিগের ভাব লক্ষিত হয় । বাহ্যে তাহাদিগের প্রতি দৃষ্টি করিলে দেখিতে পাইবে যে, তাহারা ক্রিয়াকলাপের বিস্তৃত ভূমিতে বিচরণ করিতেছেন, গৃঢ়রূপে নিরীক্ষণ করিলে দেখিবে যে, তাহারা ক্রিয়াকাণ্ড হইতে মুক্ত হইয়া ঈশ্বরের প্রেমরূপ উজ্জানে স্থিত করেন । তাহারা বাহ্যে প্রমত্ত, অন্তরে ধীর শান্ত ; অন্তরে নিষ্ক্রিয়, বাহ্যে কন্ঠা । ছয় মাস অন্তর উক্ত গর্ভ-নিবাসী যুবকগণের পার্শ্বপরিবর্তন করা হইত, এরূপ পার্শ্বপরিবর্তনের জন্য তাহাদের অঙ্গ-সংলগ্ন ভূমি শরীরের বিশেষ অপচয় করিতে পারে নাই । তুমি, হে মোহম্মদ, তাহাদের সম্বন্ধে জ্ঞাত হইলে অর্থাৎ তাহাদিগকে দেখিলে ভয় পাইতে, যেহেতু তাহাদের চক্ষু উন্মুক্ত ছিল, নখ ও কেশপুঞ্জ অতিশয় দীর্ঘ হইয়াছিল, সেই গর্তের ভিতরে তাহাদের ভয়ঙ্কর আকার প্রকাশ পাইয়াছিল । এদিকে দকিয়ানুস গর্তের দ্বার দৃঢ়বন্ধ করিয়া রাজধানীতে প্রত্যাগমন করিলে পর কিছু দিনের মধ্যেই সে মৃত্যুপ্রাসে

আবশ্যক ও তোমাদের (অবস্থা) সম্বন্ধে তোমরা কাহাকেও জ্ঞাপন করিবে না * । ১৯ । নিশ্চয় তাহারা (কাফেরগণ) যদি তোমাদিগের প্রতি ক্ষমতা লাভ করে, তবে তোমাদিগকে তাহারা চূর্ণ করিবে, অথবা তোমাদিগকে আপন ধর্ম্মেতে প্রত্যানয়ন করিবে, এবং তোমরা তখন কখনও মুক্তি পাইবে না । ২০ । এবং এই প্রকার আমি তাহাদের প্রতি জ্ঞাপন করিলাম, যেন তাহারা অবগত হয় যে, ঈশ্বরের অঙ্গীকার সত্য ও কৈয়ামত (সত্য,) তাহাতে সন্দেহ নাই ; যখন তাহারা আপনাদের ব্যাপারে আপনাদের মধ্যে পরস্পর বিবাদ করিতেছিল, তখন বলিল, “ইহাদের উপর অট্টালিকা নির্মাণ কর ;” তাহাদের প্রতিপালক তাহাদের সম্বন্ধে উত্তম জ্ঞাত । যাহারা তাহাদের ব্যাপারে প্রবল হইয়াছিল, তাহারা বলিল, “অবশ্য ইহাদের উপর আমরা মন্দির নির্মাণ করিব” † ।

পতিত হয় । তৎপর ক্রমাধিক কয়েকজন অধিপতির অধিকারে তাহার পরিত্যক্ত রাজ্য সম্পত্তি স্থিতি করে । অবশেষে সালেহ তন্দরিস রাজ্যাধিপতি হন । তিনি ধর্ম্মভীরু ঈশ্বরপরায়ণ লোক ছিলেন । তাহার প্রজাদিগের অধিকাংশেরই দেহের পুনরুত্থান সম্বন্ধে সন্দেহ জন্মে । রাজা তাহাদিগকে এবিষয়ে অনেক উপদেশ দান করেন, কোন ফল দর্শে না । পরমেশ্বর ইচ্ছা করিলেন যে, ইহার প্রমাণ তাহাদের নিকটে প্রদর্শন করেন, তাহাতেই তিনি গত্তবাসী যুবকদিগের নিদ্রাভঙ্গ করেন । (ত, হো,)

* দাঁতকালেও যুবকদিগের শরীরের কোন পরিবর্তন হয় নাই, তাহাদের বস্ত্রাদিও ছিল ও জীর্ণ হয় নাই । ঈশ্বর কোশল করিয়া তাহাদিগকে নিদ্রিত রাখিয়াছিলেন, অশ্রু দিকে তাহারা সচেতন ছিলেন । তাহাদের মধ্যে মগনলমিনামক যে সর্কচ্ছাত্র ছিলেন, তিনি জিজ্ঞাসা করিলেন, “যুবকগণ, গর্ত্তে তোমরা কত বিলম্ব করিলে ?” বিলম্বের সময় নিক্রমণ করা এবং যে কয়দিন উপাসনা করা হয় নাই, তাহা পূর্ণ করা তাহার একরূপ জিজ্ঞাসার উদ্দেশ্য ছিল । তাহারা প্রাতঃকালে গর্ত্তে প্রবেশ করিয়াছিলেন, বাহিরে আসিয়া দেখেন যে, মধ্যাহ্ন কাল উপস্থিত । তখন কেহ বলিলেন, একদিন, কেহ বলিলেন, দিবসের একাংশ আমরা নিদ্রিত ছিলাম । যখন তাহারা আপনাদের নথ ও কেশ দীর্ঘ দেখিলেন, তখন বলিলেন, “এ বিষয় ঈশ্বর জ্ঞাত” । “পরিশেষে দৃষ্টি করা উচিত যে, কোন্ খাণ্ড বিশুদ্ধ,” অর্থাৎ কোন্ ব্যক্তির অন্ন বৈধ ও বিশুদ্ধ, ইহা দৃষ্টি করা কর্তব্য । তদানীন্তন কালে নগরে কতক লোক ছিল যে, তাহারা গোপনে সত্য ধর্ম্ম পালন করিত, তাহাদের প্রস্তুত খাণ্ড বা বলির দ্রব্যই বিশুদ্ধ ছিল, তাহাদিগ হইতেই খাণ্ড গ্রহণ করা কর্তব্য, এই উক্তির তাৎপর্য্য । (ত, হো,)

† ইমলিখানামক ব্যক্তি তাহাদের মধ্যে সংবাদপেক্ষা জানী ও বুদ্ধিমান ছিলেন । তিনি পূর্বোক্ত উপদেশ গ্রাহ্য করিয়া নগরে চলিয়া গেলেন । ইমলিখা নগরে প্রবেশ করিয়া তাহার গৃহ অট্টালিকা রাস্তা ঘাট বাজার ইত্যাদির অবস্থা অল্পরূপ দেখিলেন, তাহা দেখিয়া বিস্মিত হইলেন ; পরিশেষে রুটির দোকানে যাইয়া মুজাদানে রুটি ক্রয় করিতে চাহিলেন । রুটিবিক্রেতা মুজাদ দকিয়ানুসের নাম অঙ্কিত দেখিয়া মনে করিল যে, এই ব্যক্তি কোন প্রোথিত ধন প্রাপ্ত হইয়াছে । সে তাহা বাজারের অল্প লোককে প্রদর্শন করিতে লাগিল । ক্ষণকালমধ্যে এই সংবাদ সর্বত্র প্রচারিত ও শাস্তিরক্ষকের কর্ণগোচর হইল । শাস্তিরক্ষক ইমলিখাকে ডাকিয়া ধমকাইয়া তাহার নিকটে অবশিষ্ট মুদ্রা চাহিল ।

২১। অবশ্য (ইহুদিরা) বলিবে যে, তিন ব্যক্তি, তাহাদের চতুর্থ তাহাদের কুকুর ; এবং (ঈসায়ী লোকে) বলিবে, পাঁচ ব্যক্তি, তাহাদের ষষ্ঠ তাহাদের কুকুর, অগোচরে (বাক্যের) নিক্ষেপ ; এবং (মোসলমানেরা) বলিবে, সাত জন, তাহাদের অষ্টম তাহাদের কুকুর ; তুমি বল, (হে মোহম্মদ,) আমার প্রতিপালক তাহাদের গণনাসম্বন্ধে স্বেচ্ছাকৃত, তাহারা তাহাদিগকে অল্প বৈ জানে না ; অতএব তুমি, (হে মোহম্মদ,) তাহাদের সম্বন্ধে বাহ্য তর্ক বিতর্ক ভিন্ন কথোপকথন করিও না ও তাহাদের সম্বন্ধে তাহাদিগের (কাফেরদিগের) কাহাকেও প্রশ্ন করিও না। ২২। (র, ৩, আ, ৫)

এবং “ঈশ্বরের ইচ্ছা হইল” (বলা) ব্যতীত তুমি কোন বিষয়ে কখনও বলিও না যে, নিশ্চয় আমি কল্যাণ ইহা করিব ; তুলিয়া গেলে তোমার প্রতিপালককে স্মরণ করিও, এবং বলিও, ভরসা যে, আমার প্রতিপালক আমাকে নৈকট্যের গুণ পথ প্রদর্শন করিবেন।

তিনি বলিলেন, “আমি কোন গুপ্তধন প্রাপ্ত হই নাই, কলা এই মুদ্রা পিতৃগৃহ হইতে গ্রহণ করিয়াছিলাম, অত্ৰ ইহা রুটিকা ক্রয় করিতে আনয়ন করিয়াছি।” শাস্ত্রবিদগণ তাঁহার পিতার নাম জিজ্ঞাসা করিলেন, তিনি নাম বলিলেন। নগরের কোন ব্যক্তি তাঁহার পিতাকে চিনিতে পারিল না। তিনি মিথ্যা বলিতেছেন বলিয়া সকলে সন্দেহ করিল। ইমলিগা একান্ত ভয়ে ভীত হইয়া বলিলেন যে, “আমাকে তোমরা দক্ষিয়ারুসের নিকটে লইয়া যাও, তিনি আমাদের বিষয় জ্ঞাত আছেন।” সকলে উপহাস করিয়া বলিতে লাগিল যে, “দক্ষিয়ারুস তিন শত বৎসর হইল, পরলোক প্রাপ্ত হইয়াছে।” ইমলিগা বলিলেন, “তোমরা কি আমাকে উপহাস করিতেছ ? গত কল্য আমরা একদল তাঁহার ভয়ে পলায়ন করিয়া পর্বতে চলিয়া গিয়াছিলাম, অত্ৰ আমি রুটিকা ক্রয় করিবার জন্ত নগরে প্রেরিত হইয়াছি, এতদ্ব্যতীত কিছুই জানি না।” শাস্ত্রবিদগণ পরিশেষে তাঁহাকে রাজার নিকট উপস্থিত করিয়া সবিশেষ জ্ঞাপন করিল। তখন রাজা তন্দরিস অমুসরবুলসহ গব্বের অভিমুখে যাত্রা করিলেন, ইমলিগা অগ্রেই গব্বের ভিতরে আসিয়া বন্ধুদিগকে সকল বিষয় জানাইলেন। ইতিমধ্যে রাজা উপস্থিত হইলেন, তিনি গব্বের দ্বারে আনিয়াই সীসকলকে অস্তিত্ব তাঁহাদের নাম ও অবস্থা পাঠ করিলেন ; পরে গব্ব প্রবেশ করিয়া তাহাদিগকে স্বাভাবিক অবস্থায় প্রাপ্ত হইয়া আশ্চর্য্যবিত্ত হইলেন। তন্দরিস তাহাদিগকে সেলাম করিলেন, তাঁহারা তাঁহাকে অভিনন্দন করিয়া আপনাদের শয়নাগারে শয়ন হইলেন, তখনই তাহাদের আত্মা কালকবলিত হইল। ইহা দ্বারা প্রমাণিত হইল, শরীর ও আত্মা যে একযোগে পুনরুত্থিত হইবে, ঈশ্বর এই যুবকদিগের জীবনে প্রদর্শন করিলেন। তিনি নয় শত বৎসর পর্যান্ত তাহাদের শরীরকে বিকার ও ধ্বংস হইতে রক্ষা করিয়া আত্মাকে বিচ্যুত করিয়াছিলেন। তিনি এইরূপে মৃত্যুর পর সমুদায় মনুষ্যের অঙ্গ প্রত্যঙ্গ সকল পুনঃসংযোজন করিয়া পুনর্বার প্রাণ সঞ্চার করিতে সক্ষম। “যখন তাহারা আপনাদের ব্যাপারে আপনাদের মধ্যে পরস্পর বিবাদ করিতেছিল,” অর্থাৎ যখন তৎকালীন নোকেরা দেহের পুনরুত্থানসম্বন্ধীয় আপনাদের ধর্ম্মমত লইয়া তর্ক বিতর্ক করিতেছিল, তখন এক দল অর্থাৎ তন্দরিস ও তাঁহার অনুচরগণ প্রমাণ পাইয়া বলিল, এই যুবকদিগের স্মরণচিহ্নস্বরূপ অট্টালিকা নির্মাণ কর। যাহারা তর্ক বিতর্ক করিতেছিল, ঈশ্বর তাহাদিগকে উত্তম জ্ঞাত। “যাহারা তাহাদের ব্যাপারে প্রবল হইয়াছিল,” অর্থাৎ পুনরুত্থানবাদমতে যাহারা প্রবল হইয়াছিল।

ইহা দ্বারাই সম্পথে গমন হয় * । ২৩+২৪ । এবং তাহার আপন গর্ভে তিন শত বৎসর বিলম্ব করিয়াছিল, এবং নয় বৎসর অধিক ছিল । ২৫ । তুমি বলিও, তাহার কি পর্য্যন্ত বিলম্ব করিয়াছিল, ঈশ্বর তাহা উত্তম জ্ঞাত ; স্বর্গ ও মর্ত্যের নিগূঢ় (তত্ত্ব) তাঁহারই জ্ঞাত, তিনি তাহার বিচিত্র দ্রষ্টা ও শ্রোতা । † তাহাদের জ্ঞাত তিনি ব্যতীত কোন সহায় নাই, এবং তিনি কোন ব্যক্তিকে স্বীয় কর্তৃত্বসম্বন্ধে অংশী করেন না । ২৬ । এবং তোমার প্রতিপালকের গ্রন্থে তোমার প্রতি, (হে মোহাম্মদ,) যাহা প্রত্যাদেশ করা হইয়াছে, তুমি তাহা পাঠ কর ; তাঁহার বাক্যের পরিবর্তনকারী নাই, এবং তাঁহাকে ব্যতীত তুমি কোন আশ্রয় পাইবে না । ২৭ । যাহারা আপন প্রতিপালককে প্রাতঃসন্ধ্যা আহ্বান করে, এবং তাঁহার আনন আকাজ্জা করিয়া থাকে, তাহাদের সঙ্গে তুমি আপন জীবনকে বন্ধ করিও, এবং তাহাদিগ হইতে তোমার দৃষ্টি যেন ফিরিয়া না যায়, তুমি পার্থিব জীবনের শোভা চাহিতেছ ; আমি যাহার অন্তর আমার প্রসঙ্গ হইতে শিথিল করিয়াছি ও যে স্বীয় ইচ্ছার অনুসরণ করিয়াছে, তুমি তাহার অনুগত হইও না, এবং তাহার কার্য্য সীমার বহির্ভূত হয় ‡ । ২৮ । এবং তুমি বলিও, তোমাদের প্রতিপালক হইতেই সত্য সমাগত হয় ; অনন্তর যে ইচ্ছা করিবে, পরে সে বিশ্বাসী হইবে ও যে ব্যক্তি ইচ্ছা করিবে, পরে সে কাকের হইবে । নিশ্চয় আমি অত্যাচারীদিগের জ্ঞাত অগ্নি প্রস্তুত রাখিয়াছি, তাহার

* গর্ভবাসী যুবকদিগের বৃত্তান্ত সাধারণের অবিদিত ছিল । ইতিহাসদিগের ইঙ্গিতক্রমে কাকেরগণ হজরতকে পরীক্ষা করিবার জন্ত সেই বিবরণ জিজ্ঞাসা করে । ছেত্রিল আসিলে জিজ্ঞাসা করিয়া জানিব, এই ভরসায় হজরত কল্যা ইহা ব্যক্ত করিব বলিয়া তাহাদের নিকটে অঙ্গীকার করেন । অষ্টাদশ দিবস পর্য্যন্ত ছেত্রিল আসিলেন না, তাহাতে হজরত নিতান্ত দুঃখিত ও চিন্তিত হন, পরে উপরি উক্ত বিবরণসহ ছেত্রিল আগমন করেন ; অনন্তর এই উপদেশ দেন যে, তুমি ভবিষ্যদ্বশয়ে ঈশ্বরের ইচ্ছার উল্লেখ ব্যতীত অঙ্গীকার করিবে না, যদি একবার ভুলিয়া যাও, পরে স্মরণ হইলে তাহা বলিও । এবং ছেত্রিল ইহাও বলিলেন, আশা করিও যে, পরমেশ্বর এতদ্বারা তোমাকে পদোন্নত করিবেন । অর্থাৎ এইরূপ বলিলেন, আর কখনও তাহা ভুলিবে না । (ত, ফা,)

† যে কাল পর্য্যন্ত তাঁহার নিদ্রিত থাকিয়া পরে জাগরিত হন, তদ্বশয়ে ইতিহাসবিদগণ নানা কথা বলিয়াছেন । ঈশ্বর যাহা বুঝাইয়া দিলেন, তাহাই ঠিক, এই পর্য্যন্তই যুবকদিগের ইতিহাস সমাপ্ত । (ত, ফা,)

‡ অয়নিয়া ও অব্বা প্রভৃতি কতিপয় সম্ভ্রান্ত লোক হজরতের নিকটে উপস্থিত হইয়া বলিয়াছিল যে, “হে প্রেরিতপুরুষ, আমরা আরবীয় প্রধান পুরুষ, দরিজ্র মোসলমানদিগের সঙ্গে তুল্যাসনে বসিতে অক্ষম । যদি তুমি তাহাদিগকে দূর কর, তাহা হইলে আমরা নিকটে আসিয়া শাস্ত্রীয় বিধি সকল শিক্ষায় নিযুক্ত থাকিতে পারি ।” তাহাতেই এই আয়ত অবতীর্ণ হয় যে, যে সকল দরিজ্র লোক প্রাতঃসন্ধ্যা ঈশ্বরের উপাসনা ও তাঁহার প্রসন্নতা প্রার্থনা করে, তুমি তাহাদের সঙ্গ কর । তুমি পার্থিব জীবনের শোভা চাহিতেছ । এস্থলে জানা কর্তব্য যে, হজরত কখনও সংসার বা সাংসারিক জীবনের প্রতি অনুরাগী হন নাই । এই আয়তের তাৎপর্য্য এই যে, পৃথিবী বা পার্থিব শোভার প্রতি বাহার অনুরাগ, তুমি তাহার দ্বার আচরণ করিও না । (ত, হো,)

আচ্ছাদন তাহাদিগকে আবেষ্টন করিবে; এবং যদি তাহারা (জল) প্রার্থনা করে, তবে মুখ দক্ষ করে (এমন) দ্রবীভূত তায় সদৃশ জলদ্বারা প্রার্থনা পূরণ করা হইবে, উহা কদর্যা পানীয়; (নরক) মন্দ নিবাস। ২২। নিশ্চয় যাহারা বিশ্বাস স্থাপন ও সৎকর্ম করিয়াছে, একান্তই আমি, যাহারা সৎকর্ম করিয়াছে, তাহাদিগের পুরস্কার বিনষ্ট করিব না। ৩০। তাহারাই, তাহাদের জন্ত নিত্য উত্তান, তাহার নিয়ে পয়ঃপ্রণালী সকল প্রবাহিত হইবে, তথায় তাহারা স্বর্ণময় বলয় দ্বারা অলঙ্কৃত হইবে, এবং তথায় সিংহাসন সকলে ভর করিয়া সোন্দোস ও আস্তবরকনামক হরিষ্ণবস্ত্র সকল পরিধান করিবে; * উৎকৃষ্ট পুরস্কার ও (স্বর্ণ) উত্তম নিবাস। ৩১। (র, ৪, আ, ২)

এবং তাহাদের জন্ত তুমি দুই ব্যক্তির দৃষ্টান্ত বর্ণন কর, আমি তাহাদের এক জনের জন্ত দুইটি দ্রাক্ষার উত্তান নিরূপণ করিয়াছিলাম ও খোশ্মা তরুদ্বারা উহা ঘেরিয়াছিলাম, এবং উভয় উত্তানের মধ্যে শস্যক্ষেত্র নিরূপণ করিয়াছিলাম †। ৩২। প্রত্যেক উত্তান স্বীয় ফল উপস্থিত করিল ও তাহার কিছুই ক্রটি হইল না, এবং উভয়ের ভিতরে আমি জলশ্রোত প্রবাহিত করিয়াছিলাম। ৩৩।+ এবং তাহার জন্ত ফল (সকল) ছিল, অনন্তর সে আপন সঙ্গীকে বলিল ও সে তাহার সঙ্গে কথোপকথন করিতে লাগিল যে, “আমি তোমা অপেক্ষা ধনে শ্রেষ্ঠ ও জনে গৌরবান্বিত”। ৩৪। এবং সে আপন উত্তানে প্রবেশ করিল ও সে স্বীয় জীবনসম্বন্ধে অত্যাচারী ছিল; বলিল, “আমি মনে করি না যে, ইহা কখনও বিনাশ পাইবে। ৩৫।+ এবং আমি মনে করি না যে, প্রলয় সঙ্ঘটনীয়; যদি আমি স্বীয় প্রতিপালকের দিকে প্রত্যাবর্তিত হই, নিশ্চয় ইহা অপেক্ষা উৎকৃষ্ট প্রত্যাবর্তনভূমি (উত্তান) লাভ করিব”। ৩৬। তাহাকে তাহার সঙ্গী বলিল ও সে তাহার সঙ্গে কথোপকথন করিতে লাগিল, “যিনি তোমাকে মৃত্তিকাদ্বারা, তৎপর শুক্রদ্বারা সৃজন করিয়াছেন, তদনন্তর তোমাকে এক পুরুষ গঠন করিয়াছেন, তাহার সম্বন্ধে কি তুমি বিদ্রোহিতা করিতেছ? ৩৭। কিন্তু সেই ঈশ্বরই আমার প্রতিপালক, এবং আপন প্রতিপালকের সম্বন্ধে আমি কাহাকেও অংশী স্থাপন করি না”। ৩৮। এবং যখন তুমি স্বীয় উত্তানে প্রবেশ করিলে, তখন যাহা ঈশ্বর ইচ্ছা করিয়াছেন, কেন বলিলে না; ঈশ্বরের বৈ (কাহারও) ক্ষমতা নাই। যদি তুমি সন্তান ও সম্পত্তি অল্পসারে তোমা অপেক্ষা আমাকে নিকৃষ্টতর দেখিতেছ, তবে সহরই আমার প্রতিপালক তোমার উত্তান অপেক্ষা উৎকৃষ্টতর আমাকে দান করিবেন, এবং তৎপ্রতি আকাশ হইতে শান্তি পাঠাইবেন,

* মহামূল্য স্কোমল দ্বিবিধ কোষেয় বস্ত্র বিশেষ।

+ সেই দুই ব্যক্তি এশ্রায়েলবংশসম্বৃত দুই ভ্রাতা ছিল। এক জন ইতদ, তিনি ধার্মিক ছিলেন। অল্প জন কওরস বা কওরস, সে কাকের ছিল। তাহারা অষ্ট সহস্র মুদ্রা উত্তরাধিকারিতাত্ত্ব পিতা হইতে প্রাপ্ত হয়। প্রত্যেকে চারি সহস্র মুদ্রা হস্তগত করে; অধাৰ্মিক ব্যক্তি তাহা দ্বারা উত্তানভূমি, অট্টালিকা ও গৃহসামগ্রী ইত্যাদি ত্রয় করে, এবং বিশ্বাসী ভ্রাতা সমুদায় অর্থ সংকার্যে ব্যয় করেন। পরমেশ্বর তাহাদের অবস্থাসম্বন্ধে সংবাদ দান করিতেছেন। (ত, হো,)

অনন্তর তাহা তৃণহীন ভূমি হইয়া যাইবে। ৩২ + ৪০। অথবা তাহার জল শুষ্ক হইবে, পরে কখনও তুমি তাহা আকাজক্ষা করিতে সক্ষম হইবে না। ৪১। এবং তাহার ফল (শান্তিধারা) আক্রান্ত হইল; অনন্তর সে তাহাতে যাহা ব্যয় করিয়াছিল, তৎসম্বন্ধে আপন করে কর (আক্ষেপে) মর্দন করিতে করিতে প্রাতঃকাল করিল। এবং তাহা (অট্টালিকা) আপন (নিপতিত) ছাদের উপরে পড়িয়া গিয়াছিল; সে বলিতে লাগিল, হায়! যদি আমি স্বীয় প্রতিপালকের সম্বন্ধে কাহাকেও অংশী স্থাপন না করিতাম *। ৪২। এবং ঈশ্বর ভিন্ন কোন সম্প্রদায় তাহার জগ্ন ছিল না যে, তাহাকে সাহায্য করে ও সে (ঈশ্বরের) প্রতিফলদাতা ছিল না। ৪৩। এ স্থানে ঈশ্বরের জগ্নই কর্তৃত্ব সত্য, তিনি পুরস্কারদানাত্মসারে শ্রেষ্ঠ, শাস্তিদানাত্মসারে শ্রেষ্ঠ। ৪৪। (র, ৫, আ, ১৩)

এবং তুমি তাহাদের জগ্ন সাংসারিক জীবনের দৃষ্টান্ত ব্যক্ত কর, উহা সেই বারি-সদৃশ; আমি যাহাকে আকাশ হইতে বর্ষণ করিলাম, অনন্তর তৎসহ পৃথিবীর উদ্ভিদ মিলিত হইল, পরিশেষে ছিন্ন ভিন্ন হইয়া গেল, বায়ু তাহাকে উড়াইতে ছিল; ঈশ্বর প্রত্যেক বস্তুর উপরে ক্ষমতাশালী হন †। ৪৫। সম্পত্তি ও সম্ভান সকল সাংসারিক জীবনের শোভা, অবিনশ্বর সাধুতা সকল তোমার প্রতিপালকের নিকটে পুরস্কারাত্মসারে শ্রেষ্ঠ ও আশাত্মসারে শ্রেষ্ঠ ‡। ৪৬। এবং (স্মরণ কর,) সে দিন আমি পর্বত সকলকে বিচালিত করিব ও পৃথিবীকে তুমি (পর্বতের নিম্ন হইতে) প্রকাশিত দেখিবে, এবং আমি তাহাদিগকে সমুখাপন করিব, পরে তাহাদের একজনকেও পরিত্যাগ করিব না। ৪৭। + এবং তোমার প্রতিপালকের নিকটে শ্রেণীবদ্ধরূপে তাহাদিগকে সম্মুখ করা হইবে; (ঈশ্বর বলিবেন,) তোমাদিগকে আমি যেরূপ প্রথম বারে সৃজন করিয়াছি, সত্য সত্যই তোমরা আমার নিকটে সেরূপ আসিয়াছ; বরং তোমরা মনে করিতেছিলে যে, আমি তোমাদের জগ্ন অঙ্গীকারভূমি (বিচারস্থান) করিব না। ৪৮। এবং পুস্তক

* সেই সাধু পুরুষ যাহা বলিয়াছিলেন, পরিশেষে তাহাই ঘটিল। আকাশ হইতে অগ্নি পতিত হইয়া সমুদায় উদ্ভিদ দগ্ধ করিল, উদ্ভিদস্থ অট্টালিকার ছাদ পতিত হইলে তাহার প্রাচীরাদি পড়িয়া গেল। সে সম্পত্তি-বৃদ্ধির জগ্ন অর্থ ব্যয় করিয়াছিল, এক্ষণ মূলধনই একেবারে বিনষ্ট হইল। (ত, হো,)

† অর্থাৎ তৃণ বৃষ্টির জলসংযোগে হরিতকান্তি ধারণ করে, পুষ্ট ও বন্দি হয়, এমন সময় আইসে যে, তদ্বারা লাভ হইয়া থাকে; পরে হঠাৎ তাহার সমাভাবে শুষ্ক হইয়া যায় ও অপ্রয়োজনীয় হয়। এগুলে পার্থিব জীবন সেই বৃষ্টিজলের সঙ্গে উপমিত হইয়াছে, মনুষ্য সেই জীবনে সতেজ ও পুষ্ট হয় এবং যৌবনের কান্তি প্রকাশ করে; কিয়দিন অন্তর সে বার্কক্যে পরিণত হয়, এবং মৃত্যুরূপ বাত্যা তাহাকে শুষ্ক করিয়া ফেলে ও তাহার আশা ভরসার মূল ছিন্ন হইয়া যায়। “পরিশেষে ছিন্ন ভিন্ন হইয়া গেল,” অর্থাৎ অবিলম্বে শুষ্ক হইয়া বিনষ্ট হইল। (ত, হো,)

‡ আরবের সম্রাট লোকেরা ধনসম্পত্তি ও সম্ভান সম্ভতির অহঙ্কাবে ক্ষীণ ছিল, এবং প্রেরিত মহাপুরুষকে দরিদ্র ও অপূত্রক দেখিয়া কুৎসা করিত; তাহাতেই এই আয়ত প্রেরিত হয়। (ত, হো,)

(কার্যালিপি) স্থাপিত হইবে, অনন্তর তুমি অপরাধীদিগকে দেখিবে যে, তন্মধ্যে যাহা (লিখিত) আছে, তাহা হইতে তাহারা ভয়াকুল ; এবং বলিবে, “হায় ! আমাদের প্রতি আক্ষেপ, কি অবস্থা যে, না ক্ষুদ্র, না মহৎ (পাপের কথা,) তাহা পরিগণিত করা ব্যতীত এই পুস্তক পরিত্যাগ করিতেছে না।” এবং তাহারা যাহা করিয়াছে, তাহা সাক্ষাৎ প্রাপ্ত হইবে, তোমার প্রতিপালক কাহাকেও উৎপীড়ন করিবেন না * । ৪২ । (র, ৬, আ, ৫)

এবং (স্মরণ কর,) যখন আমি দেবতাদিগকে বলিলাম যে, “তোমরা আদমকে প্রণাম কর ;” তখন শয়তান ব্যতীত তাহারা প্রণাম করিল, সে দৈত্যের অস্বর্গত ছিল, অতএব স্বীয় প্রতিপালকের আজ্ঞার অবাধ্য হইল । অনন্তর আমাকে ব্যতীত তোমরা কি তাহাকে ও তাহার সম্মানগণকে বহুক্রমে গ্রহণ করিবে ? তাহারা তোমাদের জগৎ শত্রু, অত্যাচারীদিগের জগৎ মন্দ বিনিময় হয় ণ । ৫০ । স্বর্গ ও মর্ত্যের স্বজনে আমি তাহাদিগকে উপস্থিত করি নাই ও তাহাদের জীবনের স্বজনেও নয়, এবং আমি পথভ্রান্তকারীদিগের হস্ত ধারণ করিব না । ৫১ । এবং (স্মরণ কর,) যে দিন তিনি বলিবেন, “তোমরা যাহাদিগকে অংশী মনে করিতেছ, আমার সেই অংশীদিগকে ডাক ;” পরে তাহারা তাহাদিগকে ডাকিবে, অনন্তর তাহারা তাহাদিগকে উত্তর দান করিবে না, এবং আমি তাহাদের মধ্যে মৃত্যুভূমি স্থাপন করিব । ৫২ । এবং অপরাধিগণ অগ্নি দর্শন করিবে, পরে মনে করিবে যে, তাহারা তাহাতে পতনোন্মুখ, এবং তাহা হইতে প্রত্যাবর্তনস্থান প্রাপ্ত হইবে না । ৫৩ । (র, ৭, আ, ৪)

সত্য সত্যই আমি মানবমণ্ডলীর জগৎ এই কোর-আনে বিবধ দৃষ্টান্ত পুনঃ পুনঃ বর্ণন করিয়াছি, এবং মনুষ্য বিবোধবিষয়ে সর্বাপেক্ষা প্রবল হয় । ৫৪ । এবং যখন তাহাদের নিকটে উপদেশ উপস্থিত হয়, তৎপ্রতি বিশ্বাস স্থাপন করিতে ও আপন প্রতিপালকের নিকটে ক্ষমা প্রার্থনা করিতে, তাহাদের নিকটে পূর্ববর্তী লোকদিগের পদ্ধতি উপস্থিত হওয়া কিংবা সম্মুখীন শাস্তি সমাগত হওয়া প্রতীক্ষা করা ব্যতীত সেই লোক-

* ঈশ্বর বাহা করেন, তাহা অত্যাচার নয় । তিনি নিরপরাধী নরকে প্রেরণ করেন না, এবং সংকল্পের ফল বিনষ্ট করেন না । যে ব্যক্তি বলে, পাপ করিতে আমার কি ক্ষমতা আছে ? তাহার এই কথা ঠিক নয়, সে আপন মনকে জিজ্ঞাসা করুক, যখন পাপ করিতে প্রবৃত্ত হয়, সে তখন ইচ্ছাবশতঃ প্রবৃত্ত হয় কি না ? যে জন বলে যে, ইচ্ছাও তিনি দিয়াছেন, তাহার উত্তর এই যে, ইচ্ছা-শক্তি দান করিলেও পাপ করা, না করা দুই দিকেই ইচ্ছার যোগ হইতে পারে । যদি বলে, তিনিই পাপের দিকে ইচ্ছাকে প্রবর্তিত করেন, তাহা হইতে পারে না ; কেন না, ঈশ্বর অসদিচ্ছার প্রবর্তক হইলে ঈশ্বরের অপরাধ হয়, পাপের জন্ত মনুষ্য শাস্তি পাইতে পারে না । (ত, হো,)

† ধর্মস্রোহী লোকেরা ঈশ্বরের পরিবর্তে শয়তানেরও উপাসক হয় । প্রতিমাই শয়তানের সম্মান । (ত, কা,)

দিগকে নিবৃত্ত রাখে নাই *। ৫৫। এবং হুসংবাদদাতা ও ভয়প্রদর্শকরূপে ব্যতীত আমি প্রেরিতপুরুষদিগকে প্রেরণ করি নাই; ঋক্ষদ্রোহী লোকেরা অসত্যযোগে বিবাদ করিয়া থাকে, যেন তজ্জ্বারা সত্যকে বিচালিত করে, এবং আমার নিদর্শন সকলের প্রতি ও যাহা দ্বারা ভয় প্রদর্শন করা গিয়াছে, তৎপ্রতি বিজ্ঞপ করে। ৫৬। এবং যে ব্যক্তি স্বীয় প্রতিপালকের নিদর্শন সকল দ্বারা উপদিষ্ট হইয়া পরে তাহা হইতে বিমূখ হইয়াছে ও তাঁহার হস্ত যাহা পূর্বে প্রেরণ করিয়াছে, তুলিয়া গিয়াছে, তাহা অপেক্ষা কে অধিক অত্যাচারী? নিশ্চয় আমি তাহাদের অন্তরে আবরণ রাখিয়া দিয়াছি যে, তাহা (কোব্-আন্) বুঝিবে (না,) তাহাদের কর্ণে গুরুভার (রাখিয়াছি;) এবং যদি তুমি তাহাদিগকে পথ-প্রদর্শনের দিকে আহ্বান কর, তবে কখনও তাহারা পথপ্রাপ্ত হইবে না। ৫৭। এবং তোমার প্রতিপালক, (হে মোহম্মদ,) ক্ষমাশীল ও দয়াবান; তাহারা যে আচরণ করিয়াছে, যদি তিনি তজ্জগু ধরিতেন, তবে তাহাদের নিমিত্ত সমস্ত শাস্তি পাঠাইতেন, বরং তাহাদের অঙ্গীকারভূমি (কেয়ামতে) আছে, তাঁহাকে ব্যতীত তাহারা কোন আশ্রয় পাইবে না। ৫৮। এবং যখন অত্যাচার করিল, তখন আমি এই গ্রাম সকলকে বিনাশ করিলাম, এবং তাহাদের সংহারের জগু অঙ্গীকারভূমি স্থাপন করিলাম †। ৫৯। (র, ৮, আ, ৬)

এবং (স্মরণ কর,) যখন মুসা আপন (সঙ্গী) নবযুবককে বলিল, “যে পর্য্যন্ত আমি দুই সাগরের সঙ্গমস্থলে উপস্থিত (না) হই, সে পর্য্যন্ত নিরন্তর চলিতে থাকিব, অথবা বহু বৎসর চলিব” ‡। ৬০। অনন্তর যখন তাহারা উভয়ে (সাগরের) সঙ্গমস্থলে

* “পূর্ববর্তী লোকদিগের পদ্ধতি” উহা প্রেরিতপুরুষকে অগ্রাহ্য করার জগু সবংশে নিখন-প্রাপ্ত হওয়া। (ত, হা,)

† পূর্বে উল্লিখিত হইয়াছে যে, ঋক্ষদ্রোহী লোকেরা পার্শ্ববর্তী সম্পদের অহঙ্কারে দরিদ্র বোঁসলমানদিগকে নীচ মনে করিয়া হজরতের নিকটে প্রার্থনা জানাইয়াছিল যে, ইহাদিগকে তোমার নিকটে বসিতে দিও না, তাহা হইলে আমরা বসিব। এতদুপলক্ষে দুই জাতীয় আধ্যাত্মিক ও অহঙ্কারে শরতানের অবনতি হওয়ার বিষয় বর্ণিত হইয়াছে। এক্ষণ ঈশ্বরপরায়ণ মুসা ও খেজরের উপাখ্যান বিবৃত হইতেছে। ধার্মিক লোকেরা শ্রেষ্ঠ হইলেও আপনাকে অস্ত্র অপেক্ষা শ্রেষ্ঠ বলে না। হজরত বলিয়াছেন যে, মহাশয় মুসা এক সময় আপন সম্প্রদায়কে উপদেশ দিতেছিলেন, তখন এক ব্যক্তি তাঁহাকে জিজ্ঞাসা করে, “দেব, তোমা অপেক্ষা অধিক জানী অস্ত্র কেহ কি আছে?” মুসা বলিলেন, “আমি তাহা জ্ঞাত নহি।” এই কথা বর্ধার্ব, কিন্তু ঈশ্বরের অভিপ্রায় ছিল যে, তিনি এরূপ বলেন, “আমার স্তায় প্রভু পরমেশ্বরের দাস অনেক আছেন, সকলের তত্ত্ব তিনিই রাখেন।” তখন মুসা এই প্রত্যাদেশ শুনিলেন যে, আমার এক ছুতা দুই সাগরের সঙ্গমস্থলে অবস্থিতি করিতেছে, তোমা অপেক্ষা সে অধিক জানী। মুসা তাঁহার দর্শনলাভের প্রার্থনা করিলেন। আদেশ হইল যে, একটি জাজা মংস্ত সঙ্গে লইয়া চল, যে স্থানে মংস্ত হারাইয়া বাইবে, তথায় তাঁহাকে পাইবে। (ত, কা,)

‡ ইহুশানামক মুসার একজন যুবক শিষ্য ছিলেন। মুসা বাত্রার জগু প্রস্তুত হইয়া তাঁহাকে

পঁহুছিল, তখন আপনাদের মংস্ত ভুলিয়া গেল, অবশেষে সে (মংস্ত) সাগরেতে স্রব্ধবৎ স্বীয় পথ অবলম্বন করিল। ৬১। পরে যখন তাহারা (সঙ্গমস্থান হইতে) চলিয়া গেল, তখন সে আপন নবযুবককে বলিল যে, “আমাদের পৌরোহিত্যিক ভোজ্য উপস্থিত কর, সত্য সত্যই আমাদের এই পর্য্যটনে আমরা ক্লান্তি লাভ করিয়াছি”। ৬২। সে বলিল, “তুমি কি দেখিয়াছ, যখন প্রস্তরের দিকে আশ্রয় লইয়াছিলাম, তখন নিশ্চয় আমি মংস্তকে ভুলিয়া গিয়াছি, এবং আমার তাহা স্মরণ করিতে শয়তান ব্যতীত (অল্প কেহ) আমাকে বিস্মরণ করায় নাই, এবং সে সমুদ্রে আপন পথ গ্রহণ করিয়াছে, আশ্চর্য্য”। ৬৩। সে (মুসা) বলিল, “ইহাই, বাহা আমরা অন্বেষণ করিতেছিলাম;” অনন্তর উভয়ে আপনাদের পদচিহ্নানুসারে অহুসরণ করতঃ প্রত্যাবর্তিত হইল। ৬৪। + অবশেষে সে আমার দাসদিগের এমন এক দাসকে প্রাপ্ত হইল, যাহাকে আমি আপন সন্নিধান হইতে কৃপা বিতরণ করিয়াছি ও যাহাকে আমি আপন সন্নিধান হইতে জ্ঞান শিক্ষা দিয়াছি *। ৬৫। তাহাকে মুসা বলিল, “তুমি যে ধর্ম্মজ্ঞান শিক্ষা করিয়াছ, তাহা আমাকে তুমি শিক্ষা দিবে বলিয়া আমি কি তোমার অহুসরণ করিব”? ৬৬। সে বলিল, “নিশ্চয় তুমি আমার সঙ্গে কখনও ধৈর্য্যধারণে সমর্থ হইবে না। ৬৭। এবং তুমি জ্ঞানযোগে বাহা আয়ত্ত কর নাই, তৎপ্রতি কেমন করিয়া ধৈর্য্যধারণ করিবে”? ৬৮। সে বলিল, “যদি ঈশ্বর ইচ্ছা করেন, তবে তুমি আমাকে ধৈর্য্যশালী পাইবে, এবং আমি তোমার সম্বন্ধে আদেশমতে অবাধ্যতাচরণ করিব না”। ৬৯। সে বলিল, “অনন্তর যদি তুমি আমার অহুসরণ কর, তবে কোন বিষয়ে যে পর্য্যন্ত আমি তোমার জ্ঞাত তাহার কোন প্রশঙ্গ উপস্থিত (না) করি, সে পর্য্যন্ত আমাকে প্রশ্রয় করিবে না”। ৭০। (র, ২, আ ১১)

পরে যে পর্য্যন্ত না নৌকায় আরোহণ করিল, সে পর্য্যন্ত উভয়ে চলিল; সে (খেজর) তাহা বিদীর্ণ করিল, সে (মুসা) বলিল, “কি তুমি তাহা বিদীর্ণ করিলে, যেন তাহার আরোহী জলমগ্ন হয়? সত্য সত্যই তুমি এক গুরুতর বিষয় উপস্থিত করিলে”। ৭১। সে বলিল, “আমি কি বলি নাই যে, নিশ্চয় তুমি আমার সঙ্গে কখনও ধৈর্য্যধারণ ডাকিয়া বলিলেন, “তুমিও আমার সঙ্গে চল।” রোম ও পারস্ত সাগরের সঙ্গমস্থলে সেই মহাপুরুষ ছিলেন, তাঁহার নাম খেজর। মুসা বলিলেন, “আমি সর্বদা চলিতে থাকিব।” ইয়ুশা তাঁহার সঙ্গী হইতে কৃতসঙ্কল্প হইয়া কিছু ক্রটি ও ভাঙ্গা মংস্ত সঙ্গে লইলেন। উভয়ে একযোগে যাত্রা করিলেন। (ত, হো,)

* “সেই দাস খেজর ছিলেন,” তিনি মুসাকে আগমনের কারণ জিজ্ঞাসা করিলে মুসা সবিশেষ জ্ঞানাইলেন। খেজর বলিলেন, “ঈশ্বর তোমাকে শিক্ষাদান করিয়াছেন। তথাপি এমন এক বিদ্যা আমার নিকটে আছে, বাহা তোমার নাই।” ইতিমধ্যে একটি চটকপক্ষী দৃষ্টিগোচর হইল যে, সে সাগরের জল পান করিতেছে; তাহা দেখিয়া খেজর বলিলেন, সমুদায় জীবের সমগ্র জ্ঞান ঈশ্বরের জ্ঞানসাগরের নিকটে চটকপক্ষীর চক্ষুস্থিত বারিবিম্বের স্থায় ক্ষুদ্র। (ত, কা,)

+ “জ্ঞানযোগে বাহা আয়ত্ত কর নাই” অর্থাৎ জ্ঞানযোগে বাহা প্রাপ্ত হও নাই।

করিতে পারিবে না” ? ৭২। সে বলিল, “আমি যাহা ভুলিয়াছি, তৎসম্বন্ধে তুমি আমাকে ধরিও না, এবং আমার ব্যাপারে তুমি আমার উপরে সৰ্ব্বট ফেলিও না”। অনন্তর উভয়ে যে পরীক্ষা না এক বালকের সঙ্গে তাহাদের সাক্ষাৎ হইল, সে পরীক্ষা চলিল ; সে (খেজর) তাহাকে হত্যা করিল, সে বলিল, “কোন ব্যক্তির (হত্যাবিনিময়) ব্যতীত তুমি কি এক নির্দোষ ব্যক্তিকে বধ করিলে ? সত্য সত্যই তুমি মন্দ বিষয় উপস্থিত করিলে”। ৭৩। সে বলিল, “আমি কি তোমাকে বলি নাই যে, নিশ্চয় তুমি আমার সম্বন্ধে কখনও ধৈর্য্য ধারণ করিতে পারিবে না” ? ৭৪। সে বলিল, “যদি ইহার পরে কোন বিষয়ে আমি তোমাকে জিজ্ঞাসা করি, তবে আমার সঙ্গে সহবাস করিবে না, নিশ্চয় তুমি আমার নিকট হইতে মার্জনা পাইবে” *। ৭৫। অনন্তর উভয়ে চলিল, যখন তাহারা এক গ্রামের অধিবাসীদের নিকটে উপস্থিত হইল, তখন তাহার অধিবাসীদের নিকট পাণ্ডা প্রার্থনা করিল, তাহারা তাহাদের আতিথ্য-সংকারে অসম্মত হইল। পরে তাহারা (মুসা ও খেজর) তথায় পতনোন্মুখ এক প্রাচীর প্রাপ্ত হইল, সে (খেজর) তাহার জীর্ণ সংস্কার করিল ; সে (মুসা) বলিল, “যদি তুমি ইচ্ছা করিতে, নিশ্চয় এসম্বন্ধে পারিশ্রমিক গ্রহণ করিতে”। ৭৬। সে বলিল, “তোমার ও আমার মধ্যে এই বিচ্ছেদ, যে যে বিষয়ে তুমি ধৈর্য্যধারণে সক্ষম হও নাই, এক্ষণ আমি তোমাকে তাহার তত্ত্ব জানাইব”। ৭৭। কিন্তু নৌকা, (নৌকার বিষয়,) পরন্তু উহা কয়েক জন দরিদ্রের ছিল, তাহারা সমুদ্রে কার্য্য করিতেছিল ; অনন্তর আমি ইচ্ছা করিলাম যে, তাহাকে দোষযুক্ত করি, যেহেতু তাহাদের পশ্চাতে এক রাজা ছিল, সে বলপূর্ব্বক সমুদায় নৌকা গ্রহণ করিত। ৭৮। এবং কিন্তু বালক, (বালকের বিষয়) পরন্তু তাহার পিতামাতা ধার্মিক ছিল, পরে ভীত হইলাম যে, সে বা তাহাদের উপর অধর্ম্ম ও অবাধ্যতায় প্রবল হইয়া উঠে। ৭৯। অনন্তর ইচ্ছা করিলাম, যেন তাহাদের প্রতিপালক শুদ্ধতা অহুসারে তাহা অপেক্ষা শ্রেষ্ঠ ও পিতা মাতার প্রতি করুণা অহুসারে সমধিক নিকটবর্ত্তী (সন্তান) তাহাদিগকে বিনিময় দান করেন। ৮০। কিন্তু প্রাচীর, (প্রাচীরের বিষয়,) পরন্তু তাহা নগরস্থ দুই অনাথ বালকের ছিল, এবং তাহার নিম্নে তাহাদের ধন ছিল ও তাহাদের পিতা মাধু ছিল ; পরে তোমার প্রতিপালক চাহিলেন যে, তাহারা উপযুক্ত বয়ঃপ্রাপ্ত হয় ও আপনাদের ধন বাহির করে। তোমার প্রতিপালকের অহুগ্রহ, আমি

* অর্থাৎ যখন পুনর্বার তোমার বিরুদ্ধাচরণ করিব, তখন আমাকে তোমার সহবাস হইতে দূর করিলে নিশ্চয় তুমি মার্জনা পাইবে। (ভ, হো,)

+ পরমেশ্বর সেই বালকের পরিবর্তে তাহার পিতা মাতাকে একটি কন্যা দিয়াছিলেন। এক জন প্রেরিত পুরুষ তাহাকে বিবাহ করিয়াছিলেন, তাহার বংশে সন্তান জন প্রেরিত পুরুষ আবির্ভূত হইয়াছিলেন। (ভ, হো,)

আপন মতে তাহা করি নাই ; তুমি বাহাতে ধৈর্য ধারণ করিতে পার নাই, তাহার এই তত্ত্ব * । ৮১ । (র, ১০, আ, ১১)

এবং তোমাকে, (হে মোহাম্মদ,) জোলকরণগনের বিষয় তাহারা জিজ্ঞাসা করিতেছে ; তুমি বল, সত্ত্বর তোমাদের নিকটে তাহার প্রসঙ্গ পাঠ করিব * । ৮২ । নিশ্চয় আমি তাহাকে পৃথিবীতে ক্ষমতা দান করিয়াছিলাম, এবং তাহাকে প্রত্যেক বিষয়ের এক সঞ্চল দিয়াছিলাম † । ৮৩ । + অনন্তর সে কোন সঞ্চলের অনুসরণ করিল । ৮৪ । সে যখন সূর্যের অন্তগমন-স্থান পর্য্যন্ত পহুছিল, তখন কৰ্দময় জলপ্রণালীমধ্যে মগ্ন হইতেছে (অবস্থায়) তাহাকে পাইল, এবং তাহার নিকটে এক দল প্রাপ্ত হইল § । ৮৫ । আমি বলিয়াছিলাম, “হে জোলকরণগন, হয় তুমি শাস্তি দিবে, এবং না হয় ইহাদিগের প্রতি হিতাহুষ্ঠান অবলম্বন করিবে” । ৮৬ । সে বলিল, কিন্তু যে ব্যক্তি অত্যাচার (অধর্ম) করিয়াছে, পরে সত্ত্বর আমি তাহাকে শাস্তি দান করিব ; তৎপর সে স্বীয় প্রতিপালকের দিকে প্রত্যাবর্তিত হইবে, অবশেষে তিনি তাহাকে কঠিন শাস্তি দিবেন ¶ ।

* তৎপর মুসা ও খেজর পরস্পর বিদায় গ্রহণ করিয়া স্ব স্ব স্থানে চলিয়া গেলেন । এই আখ্যায়িকার স্তম্ভশিখাসম্বন্ধীয় নীতির গুঢ় তত্ত্ব প্রকাশ পাইতেছে ।

† “করণ” শব্দের অর্থ দীর্ঘকাল, কোন কোন অভিধানকারের মতে শত বৎসর, কাহারও মতে আশী বৎসর । আরবীভাষায় দ্বিবিচনে “করণগনে” হয় । জোলকরণগন এক সম্রাটের নাম ছিল । তিনি দুই করণকালের মধ্যে পৃথিবীর পূর্ব পশ্চিম সীমা প্রদক্ষিণ করিয়াছিলেন, এজন্ত তাহার উপাধি জোলকরণগন অর্থাৎ দ্বিশতবৎসরাধিপতি হইয়াছিল । জোলকরণগন শব্দের অন্তরূপ অর্থও হয় । রোমের সম্রাট দিখিব্রয়ী সেকেন্সরের জোলকরণগন উপাধি ছিল, এরূপ প্রসিদ্ধি । (ত, হো,)

‡ তাহাকে এরূপ এক এক বিষয়সম্বন্ধে সঞ্চল বা উপায় দেওয়া হইয়াছিল যে, তদ্বারা তিনি সেই সেই বিষয় আয়ত্ত করিতে পারিতেন । কথিত আছে যে, পরমেশ্বর জ্যোতি ও অন্ধকারকে তাহার বাধ্য করিয়া রাখিয়াছিলেন । জাদোল্-মসিরনামক গ্রন্থে উক্ত হইয়াছে যে, মেঘ তাহার আজ্ঞাধীন ছিল । তিনি মেঘের উপর আরোহণ করিয়া বধা ইচ্ছা চলিয়া বাইতেন । এক দিনে রোম হইতে বহির্গত হইয়া তিনি মেসর দেশ আক্রমণ করেন, তথায় হবসীদিগের সঙ্গে তাহার যুদ্ধ হয়, তিনি তাহাদের উপর জয়লাভ করিয়া পশ্চিম দেশে যাত্রা করেন । (ত, হো,)

§ জোলকরণগন পশ্চিম সমুদ্রের উপকূলস্থ এক জলপ্রণালীর নিকটে নাসেকনামক এক সম্রাটের প্রাপ্ত হন । তাহার পৌত্তলিক ছিল । তাহাদের চক্ষু হরিষর্ণ, কেশ রক্তবর্ণ, দেহ স্থল, পরিচ্ছদ পশুচর্ম, খাদ্য বস্ত্রপশু ও জলচর জন্তুর মাংস ছিল । (ত, হো,)

জোলকরণগনের ইচ্ছা হইল যে, পৃথিবীতে লোকের বসতি কত দূর, তাহা অবগত হন ; সেই ইচ্ছার বশবর্তী হইয়া তিনি পশ্চিম দিকে যাত্রা করেন । বাইতে বাইতে সূর্যাস্তগমনকালে এক অগ্নয়াজ্বলা তুসিতে বাইয়া উপস্থিত হন, তাহাকেই তিনি ঈশ্বরের রাজ্যের সীমা মনে করেন । (ত, কা,)

¶ অর্থাৎ আমি সেই ধর্মজোহী লোকদিগকে শীঘ্র সংহার করিব, পরমেশ্বর আবার কোমলমতে তাহাদিগকে কঠিন শাস্তি দান করিবেন । (ত, হো,)

৮৭। কিন্তু যে ব্যক্তি বিশ্বাস স্থাপন ও সংকল্প করিয়াছে, পরে তাহার জন্ত শুভ বিনিময় আছে, এবং শীঘ্র স্বীয় আদেশানুসারে আমি তাহার জন্ত সহজ (কার্য) বলিব *।
 ৮৮। তৎপর সে কোন সঘলের অনুসরণ করিল। ৮৯। সে যখন সূর্য্যের উদয়ভূমি পর্য্যন্ত পহঁছিল, তখন তাহাকে এক সম্প্রদায়ের উপরে প্রকাশ পাইতেছে (অবস্থায়) প্রাপ্ত হইল; আমি তাহা (সূর্য্য) ব্যস্তীত তাহাদের জন্ত কোন আবরণ করি নাই †।
 ৯০। + এইরূপ (বিবরণ ছিল,) এবং নিশ্চয় তাহার নিকটে যাহা ছিল, তাহার তত্ত্ব আমি ধারণ করিয়াছিলাম। ৯১। তৎপর সে কোন সঘলের অনুসরণ করিল। ৯২। যখন সে দুই প্রাচীরের (পর্ব্বতের) মধ্য পর্য্যন্ত পহঁছিল, সে তখন উভয় প্রাচীরের নিকটে এক সম্প্রদায়কে প্রাপ্ত হইল; সে তাহাদের কোন কথা হৃদয়ঙ্গম করিবার নিকটবর্ত্তী (উপযুক্ত) ছিল না ‡। ৯৩। তাহারা বলিল, “হে জ্বালকরণয়ন, নিশ্চয় ইয়াজ্জু ও মাজ্জু ভূমণ্ডলে বিপ্লবকারী; অনন্তর তুমি আমাদের মধ্যে ও তাহাদের মধ্যে প্রাচীর স্থাপন করিবে, এই (অঙ্গীকারে) আমরা তোমার জন্ত কি কর নির্দ্ধারণ করিব” § ? ৯৪। সে বলিল, “আমার প্রতিপালক তদ্বিষয়ে আমাকে যে ক্ষমতা দান করিয়াছেন, তাহা উত্তম; অনন্তর তোমরা শক্তিদ্বারা আমার সহায়তা কর, আমি তোমাদের ও তাহাদের মধ্যে দৃঢ় আবরণ স্থাপন করিব। ৯৫। যে পর্য্যন্ত সেই দুই পর্ব্বতের তুল্য হয়, তোমরা আমার নিকটে সে পর্য্যন্ত লৌহখণ্ড সকল উপস্থিত কর”। সে বলিল,

প্রত্যেক রাজা ও রাজপুরুষকে পরমেশ্বর এইরূপ শক্তি দান করিয়াছেন যে, তাহারা লোকদিগকে শাস্তি বা পুরস্কার এই দুই বিধান করিতে পারেন। (ত, ফা,)

* অতঃপর জ্বালকরণয়ন অন্ধকারের সৈন্তদিগকে নাসেক জাতির উপর প্রেরণ করিলেন, তাহাতে তাহারা ক্ষমা প্রার্থনা করিয়া তাঁহার অধীনতা স্বীকার করিল; অনন্তর বাহাদুর পূর্ব্বদীর্ঘায় গমন করা যাইতে পারে, সেই উপায়ের অনুসরণ করিলেন, এবং নাসেক সম্প্রদায়কে সঙ্গে লইলেন। জ্যোতির সৈন্তকে অগ্রে প্রেরণপূর্ব্বক অন্ধকারের সৈন্তকে পশ্চাতে রাখিলেন ও দক্ষিণদিকে যাত্রা করিলেন, এবং হাবিল জাতিতে পরাজিত করিয়া পূর্ব্বদীর্ঘায় উপস্থিত হইলেন। (ত, হো,)

+ হয়তো তাহারা বস্ত্রলোক ছিল, গৃহ নির্মাণ বা কোন আবরণ স্থাপন করিয়া তন্মধ্যে বাস করা তাহাদের রীতি ছিল না। (ত, ফা,)

‡ তাহাদের কথা জ্বালকরণয়নের সৈন্তগণ বুঝিয়া উঠিতে পারে নাই। জ্বালকরণয়ন অনুবাদকের সাহায্যে তাহা হৃদয়ঙ্গম করিয়াছিলেন। (ত, হো,)

§ সেই সম্প্রদায় বলিল, “ইয়াজ্জু ও মাজ্জু এই স্থানে আসিয়া আমাদের প্রতি অত্যাচার করিয়া থাকে। যখন তাহারা এই দুই পর্ব্বত অতিক্রম করিয়া উপস্থিত হয়, তখন হরিষ্য ক্ষুদ্র উদ্ভিদ বাহা প্রাপ্ত হয় ভক্ষণ করে ও গুচ্ছ তৃণ সকল সঙ্গে লইয়া যায়, এবং আমাদের সমুদায় পালিত গণ্ড মারিয়া খাইয়া ফেলে। চতুষ্পদ না পাইলে তাহার পরিবর্তে মনুষ্যগণকে বধ করিয়া ভক্ষণ করে। তাহারা মুহার পুত্র ইরাকসের বংশোদ্ভব, ইয়াজ্জু ও মাজ্জু এই দুই পরিবারে বিভক্ত।” তাহাদের উৎপত্তি ও বলবীৰ্য্য ও আকার প্রকারাদিবিষয়ে নানা অলৌকিক বৃত্তান্ত বর্ণিত আছে। (ত, হো,)

“যে পর্য্যন্ত তাহাকে অগ্নিতে পরিণত করা হয়, তোমরা সে পর্য্যন্ত ফুংকার করিতে থাক;”
 সে বলিল, “আমার নিকটে (তাহা) আনয়ন কর, আমি তাহার উপর দ্রবীভূত তাম্র
 নিক্ষেপ করিব” * । ৯৬ । অনন্তর তাহারা (ইয়াজ্জুজ ও মাজ্জুজ) তাহার উপর উঠিতে
 সমর্থ হইল না, এবং তাহাকে ভেদ করিতেও সমর্থ হইল না । ৯৭ । সে (জোল্করণয়ন)
 বলিল, আমার প্রতিপালকের এই অল্পগ্রহ, অনন্তর যখন আমার প্রতিপালকের অঙ্গীকার
 উপস্থিত হইবে, তখন তাহাকে সমভূমি করিবে, যেহেতু আমার প্রতিপালকের
 অঙ্গীকার সত্য । ৯৮ । এবং সেই দিন আমি তাহাদের এক দলকে অগ্ন দলে মিলিত
 হইতে ছাড়িয়া দিব, এবং স্রব্যাগে ফুংকার করা হইবে, অনন্তর আমি তাহাদিগকে
 একত্র সম্মিলিত করিব † । ৯৯ । + এবং সেই দিন আমার স্মরণ করা হইতে যাহাদের
 চক্ষু আচ্ছাদনের ভিতরে আছে ও যাহারা শ্রবণ করিতে সক্ষম নহে, সেই ধর্ম্মদ্রোহী-
 দিগের জগ্ন নরক সম্মুখস্থ করিব ‡ । ১০০ + ১০১ । (র, ১১, আ, ২০)

অনন্তর ধর্ম্মদ্রোহিগণ কি মনে করিয়াছে যে, আমাকে ছাড়িয়া আমার দাসদিগকে
 বন্ধুরূপে গ্রহণ করিবে ? নিশ্চয় আমি ধর্ম্মদ্রোহীদিগের নির্মিত নরককে আতিথ্যভূমি
 করিয়াছি । ১০২ । তুমি বল, পার্থিব জীবনে যাহাদিগের চেষ্টা বিফল হইয়াছে, এবং
 যাহারা মনে করিতেছিল যে, তাহারা কার্য্য উত্তম করিতেছে, আমি তোমাদিগকে কি
 কার্য্যতঃ সেই ক্ষতিগ্রস্তদিগের সংবাদ জানাইব ? § । ১০৩ + ১০৪ । তাহারা ই যাহারা

* তখন জোল্করণয়নের আদেশে উভয় পর্ব্বতের মধ্যভাগ যে, তাহা দৈর্ঘ্যে চারি সহস্র পদ
 ভূমি ও পঁয়ষট্টি গজ পরিসর ছিল, স্রগভীর ধ্বনন করা হয়; পরে সেই গর্ভে নোহাও সকল স্থাপিত
 করিয়া কাঠপুঞ্জ রাখা হয়, তৎপর লোক সকল ফুংকার করিয়া অগ্নি উদ্দীপন করে। লোহ অগ্নিবৎ
 উত্তপ্ত হইলে তন্মধ্যে জোল্করণয়ন দ্রবীভূত তাম্রাশি নিক্ষেপ করেন। সেই ধাতুপুঞ্জযোগে পর্ব্বতের
 স্থায় দেড় শত গজ উচ্চ এক প্রাচীর প্রস্তুত হয়। তাহাতে ইয়াজ্জুজ ও মাজ্জুজ সম্প্রদায় সেই প্রাচীরকে
 অতিক্রম করিয়া আসিতে সমর্থ হয় না। (ত, হো,)

প্রথমতঃ বড় বড় লোহ পাট সকল নির্মিত হয়, এবং সে সকলকে স্তরে স্তরে স্থাপিত করা যায়,
 তাহাতে উহা দুই পর্ব্বতের সঙ্গে সমান ভাবে মিলিয়া যায়। তৎপর তাম্র গলাইয়া তাহার উপর
 ঢালিয়া দেওয়া হয়, তাহাতে জমাট বাঁধিয়া পর্ব্বতের স্থায় হইয়া যায়। (ত, কা,)

+ অর্থাৎ কেয়ামতের দিনে সমুদায় মানব দানব ব্যস্ত সমস্ত হইয়া একত্র হইবে, এবং ঈশ্বর সকলকে
 একযোগে সমুখাপিত করিবেন। (ত, হো,)

‡ অর্থাৎ যাহাদের অন্তঃকণ্ঠ আবরণের মধ্যে আছে যে, আমার নিদর্শন সকল দর্শন করিয়া
 আমাকে স্মরণ করে না, তাহাদের জগ্ন নরক হইবে। (ত, হো,)

§ ঈসারী বৈরাগ্যাস্রিত সন্ন্যাসিগণ কার্য্যতঃ ক্ষতিগ্রস্ত। তাহারা অধিকাংশ সময় তপস্যাকুটরে
 বাস করিয়া ব্রতোপাসনাদিতে যাপন করে, কিন্তু তাহাদের সেই ব্রতোপাসনাদি কার্য্য তাহাদের
 অংশিবাদিতাদোষে নিষ্ফল হয়। অথবা রাক্ষসী সম্প্রদায় যে কোর্-আনের সমুদায় বিধি মান্ত করে না
 ও যে সকল লোক কপটভাবে কার্য্য করে, তাহারা কার্য্যানুসারে ক্ষতিগ্রস্ত। (ত, হো,)

আপন প্রতিপালকের নিদর্শন সকল ও তাঁহার সাক্ষাৎকারসম্বন্ধে অধর্ম করিয়াছে, অনন্তর তাহাদের কর্ম সকল বিনষ্ট হইয়াছে; পরে আমি তাহাদের জন্ত কেয়ামতের দিনে পরিমাণ স্থাপন করিব না *। ১০৫। যেহেতু তাহারা ধর্মদ্রোহী হইয়াছে ও আমার নিদর্শন সকলকে এবং প্রেরিতগণকে বিদ্রূপ করিয়াছে, তন্নিমিত্ত এই তাহাদের বিনিময়-স্বরূপ নরক। ১০৬। নিশ্চয় যাহারা বিশ্বাস স্থাপন ও সংকল্প করিয়াছে, তাহাদের জন্ত স্বর্গের উদ্যান সকল আতিথ্যভূমি হয়। ১০৭।+ তাহারা তথায় নিত্যস্থায়ী হইবে, তথা হইতে প্রত্যাগমন প্রার্থনা করিবে না। ১০৮। তুমি বল যে, আমার প্রতিপালকের বচনাবলী (লিপির) জন্ত যদি সাগর মসী হয়, এবং যদিচ আমরা তৎসদৃশ সাহায্য আনয়ন করি, আমার প্রতিপালকের বচনাবলী সমাপ্ত হওয়ার পূর্বে অবশ্য সমুদ্র সমাপ্ত হইবে †। ১০৯। তুমি বল, আমি তোমাদের স্থায় মন্তব্য, এতদ্ভিন্ন নহি; আমার প্রতি প্রত্যাদেশ প্রেরিত হয় যে, তোমাদের উপাস্ত সেই একমাত্র উপাস্ত। অনন্তর যে ব্যক্তি স্বীয় প্রতিপালকের সাক্ষাৎকারের আশা রাখে, তাহার উচিত যে, সংকল্প করে ও আপন প্রতিপালকের উপাসনায় কাহাকেও অংশী স্থাপন না করে ‡। ১১০। (র, ১২, আ, ২)

* তাহারা কোন পরিমাণের মধ্যে আসিবে না, অর্থাৎ তাহাদের কোন মর্যাদা ও গৌরব রক্ষা পাইবে না, বরং তাহারা হীন ও অপদস্থ হইবে। (ত, হো,)

+ যখন ইহুদিরা মোসলমানদিগকে বলিয়াছিল, “তোমরা আপনাদের এই শাস্ত্রীয় বচন পাঠ করিয়া থাক যে, যে ব্যক্তিকে উত্তম জ্ঞান দান করা হয়, নিশ্চয় সেই প্রচুর কল্যাণ লাভ করে। মোহাম্মদ মনে করেন যে, তাহাকে মহা জ্ঞান প্রদত্ত হইয়াছে, অতএব তোমাদেরও প্রভূত জ্ঞান আছে। পুনর্বার তোমরা পাঠ কর, অল্প বৈ জ্ঞান প্রদান করা হয় নাই। এই কথার মধ্যে কেমন করিয়া যোগ হইতে পারে?” তখনই পরমেশ্বর এই আয়ত প্রেরণ করেন যে, ঈশ্বরের জ্ঞানের সীমা নাই, কোন ব্যক্তির যত কেন প্রচুর জ্ঞান হউক না, তাঁহার নিকটে অত্যন্ত অল্প। (ত, হো,)

‡ তত্ত্ববাহক মহাপুরুষের অধীনতা স্বীকার করা সাধুপুরুষদিগের কার্য, তাঁহার বিধিব্যবস্থাকেই তাহাদের গতি হইয়া থাকে। উহা বাহ্যে সংসারত্যাগ, বৈরাগ্যাবলম্বন ও নিত্য সাধন, অন্তরে বাহ্য পদার্থ অতিক্রম করিয়া ঈশ্বরের সঙ্গে যোগ স্থাপন, অর্থাৎ ঈশ্বর ব্যতিরিক্ত পদার্থের সম্বন্ধে অন্তশূন্য ব্রহ্ম করিয়া রাখা, এবং প্রভুর দর্শন ব্যতীত উন্মীলন না করা। একদা জহির আমরির পুত্র জনব হজরতকে বলিয়াছিল “প্রেরিত মহাপুরুষ, আমি ঈশ্বরোদ্দেশে ধর্ম্মমুঠান করিয়া থাকি, যদি কেহ তদ্বিবরে জ্ঞাত হয়, আফ্লাদিত হই।” তাহাতে হজরত বলেন, “যে ক্রিয়ায় অন্ধকে অংশী করা হয়, ঈশ্বর তাহা গ্রাহ করেন না।” তখন পরমেশ্বর এই আয়ত প্রেরণ করিয়া স্বীয় প্রেরিত পুরুষের বাক্যের সত্যতা প্রতিপাদন করিলেন। (ত, হো,)

সূরা মরয়ম ❀

.....

উনবিংশ অধ্যায়

.....

৯৮ আয়াত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি ।)

(তিনি) মহান্ পথপ্রদর্শক জ্ঞানময় সত্যস্বরূপ ৷ ১। তোমার প্রতিপালকের দয়ার প্রসঙ্গ তাঁহার দাস জকরিয়্যার প্রতি হয় ৴ ২। যখন সে আপন প্রতিপালককে গুপ্ত আস্থানে ডাকিল, বলিল, “হে আমার প্রতিপালক, নিশ্চয় আমার অস্থি শিথিল হইয়াছে, এবং মস্তক বৃদ্ধকে উদ্দীপিত করিয়াছে; ৴ হে আমার প্রতিপালক, আমি তোমাকে প্রার্থনা করায় বঞ্চিত হই নাই। ৩।+৪। এবং নিশ্চয় আমি আপন (মৃত্যুর) পরে স্বীয় আত্মীয়গণ হইতে ভীত হইতেছি ও আমার ভাৰ্য্যা বন্ধ্যা, অতএব আমাকে নিজের নিকট হইতে এক উত্তরাধিকারী প্রদান কর। ৫।+সে আমার উত্তরাধিকার লাভ করিবে ও ইয়কুবের সন্তানের উত্তরাধিকার প্রাপ্ত হইবে; এবং হে আমার প্রতিপালক, তুমি তাহাকে মনোনীত কর”। ৬। (ঈশ্বর বলিলেন,) “হে জকরিয়্য, নিশ্চয় আমি তোমাকে এক বালকের স্বেসংবাদ দান করিতেছি, তাহার নাম ইয়হা; ৷ ইতিপূর্বে আমি তাহার (নামাহরূপ) নামকরণ করি নাই”। ৭। সে বলিল, “হে আমার প্রতিপালক, কিরূপে আমার বালক হইবে? আমার ভাৰ্য্যা বন্ধ্যা, এবং নিশ্চয় আমি বৃদ্ধত্বে সীমা প্রাপ্ত হইয়াছি”। ৮ (স্বর্গীয় দূত বলিল,) “তদ্রূপই, (কিন্তু) তোমার প্রতিপালক বলিয়াছেন যে, তাহা আমার সম্বন্ধে সহজ, এবং নিশ্চয় তোমাকে (ইতি) পূর্বে

* এই সূরা মক্কাতে অবতীর্ণ হয়।

+ “কহায়মস” এই ব্যবচ্ছেদক শব্দের গূঢ় অর্থ মহান্ পথ-প্রদর্শক ইত্যাদি। এই শব্দের এক এক বর্ণ ঈশ্বরের গুণব্যাঞ্জক এক এক নাম প্রকাশ করে। (ত, হো,)

‡ জকরিয়্য আজরের পুত্র দাউদের বংশসম্ভূত ছিলেন, তিনি একজন প্রধান স্বর্গীয় বার্তাবাহক ও জেরুজেলমের সম্ভ্রান্ত লোক ছিলেন। (ত, হো,)

§ “মস্তক বৃদ্ধকে উদ্দীপিত করিয়াছে” অর্থাৎ মস্তকের কেশ শুষ্ক হইয়াছে।

¶ তাঁহার পূর্বে কাহারও তাঁহার নামের অধরূপ নাম ছিল না, অথবা অজ্ঞগ্রহণের পূর্বে তাঁহার জ্ঞান এরূপ নামকরণ কাহার হয় নাই, এজন্য তাঁহার মহত্ব, এরূপ নহে; বরং পরমেশ্বর স্বয়ং নামকরণ করিয়া তাঁহাকে তাঁহার পিতামাতার হস্তে সমর্পণ করিলেন, একারণেই মহত্ব। (ত, হো,)

সৃজন করিয়াছি, তুমি কিছূই ছিলে না”। ৯। সে বলিল, “হে আমার প্রতিপালক, আমার জন্ত কোন নিদর্শন স্থাপন কর;” তিনি বলিলেন, “তোমার জন্ত নিদর্শন এই যে, তিন দিব্যারাত্রি তুমি লোকের সঙ্গে স্বহাবস্থায় কথা কহিতে পারিবে না”। ১০। অনন্তর সে মন্দিরের দ্বার হইতে আপন মণ্ডলীর নিকটে বাহির হইল, পরে তাহাদের প্রতি ইঙ্গিত করিল যে, “প্রাতঃসন্ধ্যা তোমরা স্তুতি করিতে থাক” *। ১১। (আমি বলিলাম,) “ইয়হা, তুমি সবলে গ্রন্থকে ধারণ কর;” আমি তাহাকে বাল্যাবস্থায়ই বিজ্ঞতা দান করিলাম। ১২। + এবং আপন সন্নিধান হইতে দয়া ও পবিত্রতা দিলাম, এবং সে সহিষ্ণু ছিল। ১৩। + অপিচ পিতা মাতার প্রতি সদাচারী (ছিল) ও সে উদ্ধত অপরাধী ছিল না। ১৪। যে দিন সে জন্মগ্রহণ করিল ও যে দিন মরিবে, এবং যে দিন জীবিত সমুৎপাদিত হইবে, তৎপ্রতি আশীর্বাদ (হউক)। ১৫। (র, ১, আ, ১৫)

এবং গ্রন্থমধ্যে মরয়মকে স্মরণ কর, যখন সে আপন আত্মীয়জন হইতে পূর্বভূমিতে সরিয়া পড়িয়াছিল †। ১৬। + অনন্তর তাহাদের নিকটে সে আবরণ গ্রহণ করিয়াছিল, পরে আমি তাহার নিকটে স্বীয় আত্মা পাঠাইয়াছিলাম, অবশেষে উহা তাহার জন্ত সুন্দর মনুগ্ররূপ ধারণ করিয়াছিল ‡। ১৭। সে বলিল, “যদি তুমি (দৃষ্ট) তকি হও,

* তিনি কথা কহিতে পারেন নাই বলিয়া ইঙ্গিতে জানাইলেন। এই লক্ষণ প্রকাশ পাইল, তাহার জিহ্বা অতিশয় ভারাক্রান্ত হইয়াছিল, তিন দিবস তিনি তাহা সঞ্চালন করিতে পারেন নাই। তাহার জীর নাম আসিয়া ছিল, যে দিন প্রাতঃকালে জকরিস্মার বাগ্‌গোধ হইল, সেই দিন রাত্রিতেই আসিয়া গর্ভধারণ করিলেন। কথিত আছে যে, ইয়হা বৈরাগ্যবস্ত্রসহ ঈশ্বরের বন্দনা করত মাতৃগর্ভ হইতে ভূমিষ্ঠ হইয়াছিলেন। (ত, হো,)

+ অর্থাৎ এম্বরণের কস্তা মরয়মের বুস্তান্ত কোর্-আনে পাঠ কর। মরয়ম জেরুজেলমের মন্দিরে অবস্থিতি করিতেছিলেন, তিনি অশুচি হইলে মাতৃঘসার গৃহে বাইতেন, স্নানান্তে শুদ্ধ হইয়া পরে মন্দিরে চলিয়া আসিতেন। একদা তিনি মাতৃঘসার গৃহে ছিলেন, স্নান করা আবশ্যক হওয়াতে তদুপযোগী স্থানের অভাবে মাতৃঘসা ও স্বগণ হইতে দূরে চলিয়া গেলেন। তিনি মাতৃঘসার আলয়ের বা জেরুজেলমের পূর্বপ্রান্তে স্নান করিতে বান; তখন শীতকাল ছিল, এজন্ত যে স্থান সূর্য্যভিমুখে ছিল, সেই স্থানে স্নান করিতে গিয়াছিলেন। (ত, হো,)

অর্থাৎ মরয়ম ঋতুর অন্তে স্নান করিবার জন্ত গিয়াছিলেন। তাহার তখন ত্রয়োদশ বা পঞ্চদশ বৎসর বয়ঃক্রম ও প্রথম ঋতু। লক্ষ্যবশতঃ তিনি দূরে চলিয়া গিয়াছিলেন। যে স্থানে স্নান করিতে গিয়াছিলেন, সেই স্থান পূর্বদিকে ছিল। (ত, ফা,)

‡ লোকে না দেখিতে পারে, এজন্ত তিনি তাহাদের দিকে আচ্ছাদন প্রাপ্ত হইয়াছিলেন। স্নানান্তে বস্ত্র পরিধান করিলে পর পরমেশ্বর স্বীয় আত্মস্বরূপ ছেত্রিলকে তাহার নিকটে প্রেরণ করেন। ছেত্রিল মনুগ্ররূপ ধারণ করিয়া মরয়মের নিকটে আসিয়া দর্শন দেন। মরয়ম স্নানভূমিতে ছিলেন, পরপুরুষ দেখিয়া লজ্জিত হন। (ত, হো,)

তবে আমি তোমা হইতে ঈশ্বরের নিকটে শরণাপন্ন হইতেছি” *। ১৮। সে বলিল, “আমি তোমার প্রতিপালকের প্রেরিত ব্যতীত নহি, যেহেতু তোমাকে পুণ্যবান্ বালক প্রদান করিব”। ১৯। সে বলিল, “কি রূপে আমার বালক হইবে? যেহেতু কোন পুরুষ আমাকে স্পর্শ করে নাই, এবং আমি দুশ্চরিত্রা নহি”। ২০। সে বলিল, “তজ্ঞপই, (কিন্তু) তোমার প্রতিপালক বলিয়াছেন যে, উহা আমার সম্বন্ধে সহজ; এবং তাহাকে আমি মানবমণ্ডলীর জন্ত এক দিনর্শন ও আপন সম্মিধান হইতে অনুগ্রহস্বরূপ করিব, এবং কার্য নিৰ্দ্ধারিত আছে”। ২১। অনন্তর সে তাহাকে (ঈসাকে) গর্ভে ধারণ করিল, পরে সে তৎসহ দূরতর ভূমিতে সরিয়া পড়িল, †। ২২। পরিশেষে খোশ্বাতরুর মূলে তাহার প্রসব-বেদনা উপস্থিত হইল, সে বলিল, “হায়! যদি আমি ইহার পূর্বে প্রাণত্যাগ করিতাম ও বিস্মরিত হইতাম (ভাল ছিল)” ‡। ২৩। অনন্তর সে তাহাকে তাহার নিম্ন হইতে ডাকিয়া বলিল যে, § “তুমি শোক করিও না, নিশ্চয় তোমার প্রতিপালক তোমার নিম্নে জলস্রোত সৃষ্টি করিয়াছেন। ২৪। এবং তুমি আপনাদিকে খোশ্বাতরুর কাণ্ডকে কস্পিত কর, তোমার প্রতি সরস খোশ্বা সকল নিক্ষেপ করিবে। ২৫। অনন্তর ভক্ষণ কর ও পান কর, এবং নয়নকে শাস্ত রাখ। ২৬। পরে যদি তুমি কোন এক মনুষ্যকে দেখ, তবে বলিও যে, সত্যই আমি পরমেশ্বরের উদ্দেশ্যে উপবাসব্রত সঙ্কল্প করিয়াছি, পরন্তু অণু কোন ব্যক্তির সঙ্গে কথা কহিব না”। ২৭। অবশেষে সে স্বজাতির নিকটে তৎসহ (অর্থাৎ) তাহাকে বহন করত

* তকি একজন দুশ্চরিত্র লোকের নাম, সে স্ত্রীলোকের প্রতি অত্যাচার করিত, মরয়ম তাহার বৃত্তান্ত শুনিয়াছিলেন। তিনি মনে করিলেন যে, সেই তকি উপস্থিত, অতএব তিনি ঈশ্বরের শরণাপন্ন হইলেন; কিন্তু ছেত্রিল তখন তাঁহাকে উৎকণ্ঠিত দেখিয়া অভয় দান করিলেন। (ত, হো,)

† তিনি নগরের বাহিরে দূরতর একস্থানে চলিয়া গিয়াছিলেন। নগরের পূর্বদিকে এক পর্বতে অথবা বরতোলমোকদ্দস হইতে ছয় মাইল দূরে বরতলখনামক প্রান্তরে গিয়াছিলেন। তাঁহার নবম মাস কিবা অষ্টম মাস গর্ভধারণের পর সন্তান প্রসূত হয়। কেহ বলেন, এক ঘণ্টার মধ্যে গর্ভসঞ্চার ও প্রসব হইয়াছিল; কেহ বলেন, নয় ঘণ্টার মধ্যে হইয়াছিল। কল কথা, গর্ভসঞ্চারের পর শীঘ্র সন্তান জন্মগ্রহণ করিয়াছিল। মরয়ম এক শুদ্ধ খোশ্বাতরুর মূলে বাইয়া বসিয়াছিলেন। (ত, হো,)

‡ অর্থাৎ সকলে যদি আমাকে ভুলিয়া যাইত, অর্থাৎ কেহ যদি আমার পরিচয় না রাখিত ও আমাকে গণ্য না করিত, তবে ভাল ছিল। বস্তুতঃ জেরুজেলমের আগামর সাধারণ সকলে আমাকে চিনে যে, আমি তাহাদের দলপতির কজা হই ও জকরিয়্যার আশ্রয়ে আছি। এ পর্য্যন্ত আমার কুমারীত্ব দূর হয় নাই, স্বামী আশ্রয় গ্রহণ করি নাই, এই অবস্থায় আমি সন্তান প্রসব করিতেছি, লজ্জার আমাকে স্রিয়মাণ হইতে হইয়াছে। (ত, হো,)

§ “সে তাহাকে তাহার নিম্ন হইতে ডাকিয়া বলিল,” অর্থাৎ স্বর্গীয় দূত মরয়মকে বৃদ্ধের নিম্ন হইতে ডাকিয়া বলিল। (ত, হো,)

সমাগত হইল ; তাহারা বলিল, “হে মরয়ম, সত্য সত্যই তুমি এক কুংসিত বিষয় উপস্থিত করিলে। ২৮। হে হারুণের ভগিনি, * তোমার পিতা অসং লোক ছিলেন না, এবং তোমার মাতা দুশ্চরিত্রা ছিলেন না”। ২৯। অনন্তর সে তাহার প্রতি ইঙ্গিত করিল, তাহারা বলিল, “যে জন শৈশব দোলায় স্থিতি করিতেছে, তাহার সঙ্গে কেমন করিয়া কথা কহিব” †? ৩০। সে (ঈসা) বলিল, “নিশ্চয় আমি ঈশ্বরের তৃত্যু, তিনি আমাকে গ্রন্থ দিয়াছেন ও আমাকে সংবাদবাহক করিয়াছেন। ৩১।+এবং যে স্থানে আমি থাকি, তথায় আমাকে গৌরবান্বিত করিয়াছেন ও যে পর্য্যন্ত আমি জীবিত থাকিব, সে পর্য্যন্ত ধর্ম্মার্থদানে ও উপাসনায় (রত থাকিতে) আমাকে আদেশ করিয়াছেন। ৩২।+এবং আপন পিতামাতার প্রতি সদাচারী করিয়াছেন ও আমাকে অবাধ্য হতভাগ্য করেন নাই। ৩৩। এবং যে দিন আমি জয়গ্রহণ করিয়াছি ও যে দিন প্রাণ-ত্যাগ করিব ও যে দিন জীবিত সমুখিত হইব, সেই সকল দিনে আমার প্রতি আশীর্ব্বাদ”। ৩৪। মরয়মের পুত্র ঈসার এই (বৃত্তান্ত) সত্য কথাই, যাহার প্রতি তাহারা সন্দেহ করিতেছে। ৩৫। ঈশ্বরের পক্ষে (উচিত) নয় যে, তিনি কোন সন্তান গ্রহণ করেন, পবিত্রতা তাঁহারই ; যখন তিনি কোন কার্য সম্পাদন করেন, তখন তৎসম্বন্ধে “হউক” বলেন, এতদ্বিধ নহে, তাহাতেই হইয়া থাকে। ৩৬। নিশ্চয় ঈশ্বর আমার প্রতি-পালক ও তোমাদের প্রতিপালক, অতএব তাঁহাকে অর্চনা কর, ইহাই সরল পথ। ৩৭। অনন্তর সম্প্রদায় সকল আপনাদের মধ্যে পরস্পর বিরুদ্ধাচরণ করিয়াছে ; পরে মহাদিনের সাক্ষাৎকারসম্বন্ধে যাহারা অবিশ্বাস করিয়াছে, তাহাদের প্রতি আক্ষেপ ‡। ৩৮। যে দিন আমাদের নিকটে আসিবে, সেই দিন তাহারা কেমন ভাল দেখিবে শুনিবে। কিন্তু অত্যাচারিগণ স্পষ্ট পথভ্রান্তির মধ্যে আছে। ৩৯। যখন তাহাদের কার্য সম্পাদন করা যাইবে, তুমি সেই অল্পশোচনার দিনসম্বন্ধে, (হে মোহম্মদ,) তাহা-দিগকে ভয় প্রদর্শন কর ; এবং তাহারা উদাসীন রহিয়াছে ও তাহারা বিশ্বাস করিতেছে

* মরয়মের হারুণনামক এক ভ্রাতা ছিল, অথবা বনিএপ্রায়েলের মধ্যে হারুণনামক এক জন সাধু বা অসাধু পুরুষ ছিল, সাধুতা বা অসাধুতার উপমা স্বলে তাহার নাম উল্লিখিত হইত।

(ত, হো,)

† অর্থাৎ মরয়ম ঈসার প্রতি ইঙ্গিত করিয়া বলিল যে, এই শিশু তোমাদের কথার উত্তর দান করিবে। তাহারা বলিল, যে দোলাতে শয়ন করিয়া আছে, এমন ক্ষুদ্র শিশু কেমন করিয়া কথা কহিবে ?

(ত, হো,)

‡ অর্থাৎ ইহুদি ঈসারী সম্প্রদায় বিপরীত আচরণ করিয়াছে। ইহুদিগণ ঈসাকে নিকৃষ্ট করিয়া তুলিয়াছে ও ঈসারীরা তাঁহাকে অত্যন্ত বাড়াইয়াছে। মতভেদ হওয়ার ঈসারিগণও তিন দলে বিভক্ত হইয়াছে। একদল নস্তুরিয়া, তাহারা ঈসাকে ঈশ্বরের পুত্র বলে, দ্বিতীয় ইয়হুবিয়া, তাহারা ঈশ্বর বলে, তৃতীয় মলকানিয়া, তাহারা ত্রিঈশ্বরবাদী। এহলে মহাদিন কেয়ামত।

(ত, হো,)

না। ৪০। নিশ্চয় আমি পৃথিবীর ও যাহারা তাহাতে আছে, তাহাদের উত্তরাধিকারী হইব ও আমার প্রতি তাহারা প্রত্যাবর্তিত হইবে *। ৪১। (২, ২, আ, ২৬)

এবং গ্রন্থে (কোর-আনে) তুমি এব্রাহিমকে স্মরণ কর, নিশ্চয় সে সাধু সংবাদবাহক ছিল। ৪২। (স্মরণ কর,) যখন সে স্বীয় পিতাকে বলিল, “হে আমার পিতা, যে বস্তু শ্রবণ করে না ও দর্শন করে না, এবং তোমা হইতে কিছু নিবারণ করিতে পারে না, তুমি তাহাকে অর্চনা করিও না। ৪৩। হে আমার পিতা, নিশ্চয় আমার নিকটে সেই জ্ঞান আসিয়াছে, যাহা তোমার নিকটে পৌঁছে নাই; অতএব আমার অহুসরণ কর, আমি তোমাকে সরল পথ প্রদর্শন করিতেছি। ৪৪। হে আমার পিতা, তুমি শয়তানকে পূজা করিও না, নিশ্চয় শয়তান পরমেশ্বরের সম্বন্ধে অপরাধী হয়। ৪৫। হে আমার পিতা, নিশ্চয় আমি ভয় পাইতেছি যে, পরমেশ্বর হইতে বা শাস্তি (আসিয়া) তোমার প্রতি সংলগ্ন হয়, পরে তুমি শয়তানের বন্ধু হইবে”। ৪৬। সে বলিল, “হে এব্রাহিম, তুমি কি আমার ঈশ্বর সকল হইতে বিমুখ? যদি তুমি নিরুত্তর না হও, তবে অবশ্য তোমাকে চূর্ণ করিব; দীর্ঘকালের জন্ত তুমি আমার সঙ্গ পরিত্যাগ কর”। ৪৭। সে বলিল, “তোমার প্রতি সেলাম, সত্বর তোমার জন্ত আমি আপন প্রতিপালকের নিকটে ক্ষমা প্রার্থনা করিব, নিশ্চয় তিনি আমার প্রতি কৃপালু হন। ৪৮। এবং আমি তোমাদিগ হইতে ও তোমরা ঈশ্বরকে ছাড়িয়া যে বস্তুকে আহ্বান করিয়া থাক, তাহা হইতে দূর হইতেছি; এবং আমি আপন প্রতিপালককে আহ্বান করিব, ভরসা যে, স্বীয় প্রতিপালককে আহ্বান করা হেতু আমি হতভাগ্য হইব না” †। ৪৯। অনন্তর যখন সে তাহাদিগ হইতে ও তাহারা ঈশ্বর ভিন্ন যাহাকে অর্চনা করে, তাহা হইতে দূর হইল, তখন

* “আমি পৃথিবীর ও যাহারা তাহাতে আছে, তাহাদের উত্তরাধিকারী হইব” অর্থাৎ সমুদায় বিনাশ প্রাপ্ত হইবে, আমি থাকিব। (ত, হো,)

† এব্রাহিম স্বীয় পিতা আজরকে বলিলেন যে, তোমার প্রতি সেলাম হউক। অর্থাৎ আমি বিদায় গ্রহণ করিয়া চলিয়া যাইতেছি। সেলাম করিয়া তিনি পিতার প্রতি তিস্তমিশ্র মধুর ভাব প্রকাশ করিয়াছিলেন, যেন তাঁহার মন একটু বিদ্ধ হয় ও সত্য ধর্মের প্রতি মন যায়। পুনশ্চ কথিত আছে যে, যখন এব্রাহিম প্রহ্বানের উদ্যোগী হইলেন, তখন তাঁহার পিতা বলিলেন, “গমনে দুঃখিত হইও না, তোমার ঈশ্বর উত্তম, তিনি তোমাকে পরিত্যাগ করিবেন না।” এব্রাহিম এই কথার তাঁহার হৃদয়ে বিশ্বাসের সঞ্চার হওয়ার আশা করিয়া তাঁহাকে সেলাম করিয়াছিলেন। (ত, হো,)

‡ অর্থাৎ তোমরা মুর্তিপূজা করিয়া ক্ষতিগ্রস্ত ও বিনষ্ট হইতেছ, আমি ঈশ্বরের নিকটে আশা করি যে, অবশ্য সফলমনোরথ হইব। কথিত আছে যে, এব্রাহিম বাবেল হইতে পারস্তের পার্শ্বত্যাগে বাইয়া সাত বৎসর ইতস্ততঃ ভ্রমণ করিয়াছিলেন। যখন তাঁহার পিতার মৃত্যু হয় ও পিতৃব্য হাজার প্রতিমা সকলের ভার গ্রহণ করে, সেই সময়ে তিনি বাবেলে প্রত্যাগমন করিয়া পুত্তলিকার নিল্লা আরম্ভ করেন ও প্রতিমা সকল ভাঙ্গিয়া ফেলেন। পাণ্ডুরাজা নেমরুদ তাঁহাকে অগ্নিতে বিসর্জন করে, অগ্নি শীতল হইয়া যায়, এবং তিনি স্বীয় পত্নী সারা ও অনুগত বন্ধু লুতকে

আমি তাহাকে এসহাক ও ইয়কুব (পুত্রদ্বয়) দান করিলাম, এবং প্রত্যেককে সংবাদ-বাহক করিলাম। ৫০। এবং তাহাদিগকে আমি আপন অমুগ্রহ দান করিলাম ও তাহাদের জন্ত উন্নত সরলতার রসনা সৃজন করিলাম। ৫১। (র, ৩, আ, ১০)

এবং গ্রন্থে মুসাকে স্মরণ কর, নিশ্চয় সে বিপুল ছিল ও প্রেরিত সংবাদবাহক ছিল। ৫২। এবং আমি তুর গিরির দক্ষিণ পার্শ্ব হইতে তাহাকে ডাকিয়াছিলাম ও কথা বলার অবস্থায় তাহাকে নিকটবর্তী করিয়াছিলাম *। ৫৩। এবং আমি আপন অমুগ্রহে তাহার ভ্রাতা হারুণকে সংবাদবাহকরূপে তাহাকে দান করিয়াছিলাম। ৫৪। এবং এস্মায়িলকে গ্রন্থে স্মরণ কর, নিশ্চয় সে অঙ্গীকারের অব্যর্থকারী ছিল ও প্রেরিত সংবাদবাহক ছিল †। ৫৫। এবং সে আপন পরিজনকে উপাসনা ও ধর্মার্থ দান করিতে আদেশ করিত ও আপন প্রতিপালকের নিকটে মনোনীত ছিল। ৫৬। অপিচ এদ্রিসকে গ্রন্থে স্মরণ কর, নিশ্চয় সে সত্যবাদী সংবাদবাহক ছিল ‡। ৫৭। আমি তাহাকে উন্নত স্থানে উঠাইয়াছিলাম §। ৫৮। আদমের বংশের ও যাহাদিগকে মুহার সঙ্গে (নৌকায়) আরোহণ করাইয়াছিলাম, তাহাদের এবং এত্রাহিম ও এস্রায়েলের বংশের ও যাহাদিগকে আমি পথ প্রদর্শন ও আকর্ষণ করিয়াছি, যাহাদিগের প্রতি ঈশ্বর পুরস্কার দান করিয়াছেন, তাহাদের (বংশের) স্বর্গীয় বার্তাবাহকদিগের (মধ্যে) ইহার; যখন তাহাদের প্রতি পরমেশ্বরের নিদর্শন পাঠ করা হইত, তখন তাহারা রোক্তগুণান্বিত হওত পড়িয়া যাইত ¶। ৫৯। অনন্তর তাহাদের পরে (কু) সন্তানগণ স্থলবর্তী হইল,

সঙ্গে করিয়া শামদেশে যাত্রা করেন। এস্থলে পরমেশ্বর সেই দেশান্তরগমনের বৃত্তান্ত বিবৃত করিতেছেন।
(ত, হো,)

* পরমেশ্বর মুসাকে উন্নত করিয়া স্বীয় মন্দিরের সন্নিহিত করিয়াছিলেন। মুসা ঈশ্বর কর্তৃক এক স্বর্গ হইতে স্বর্গান্তরে ক্রমশঃ নীত হইয়া ঈশ্বরের অত্যন্ত নিকটবর্তী হইয়াছিলেন।
(ত, হো,)

† এস্মায়িল কাহারও নিকটে এরূপ অঙ্গীকার করিয়াছিলেন যে, যে পর্য্যন্ত তুমি আমার নিকটে ফিরিয়া না আইস, আমি এ স্থানে অবস্থিতি করিব। তিন দিবস অস্ত্রে, কেহ কেহ বলেন, সপ্তদশর অতীত হইলে, সেই ব্যক্তি তথায় ফিরিয়া আইসে; এস্মায়িল স্বীয় অঙ্গীকারের অমুরোধে তথায় স্থিতি করেন। এতাবৎকাল বৃক্ষের বকলমাত্র আহার করিয়া জীবন ধারণ করিয়াছিলেন।
(ত, হো,)

‡ এদ্রিস আদমের প্রপৌত্র, শিসের পৌত্র ও মুহার পিতামহ ছিলেন। তাহার নাম আখমুথ, এদ্রিস উপাধি ছিল। সর্বপ্রথমে এদ্রিসই সূচীকর্ম ও লেখনীযোগে লিপি করেন, এবং গ্রন্থ নক্ষত্রের ভঙ্গ প্রচার করেন। তাহার প্রতি ত্রিশং ধর্মপুস্তিকা অবতারণিত হইয়াছিল। কথিত আছে যে, এদ্রিস আদমের মৃত্যুর পর শত বৎসরের মধ্যে জন্মগ্রহণ করিয়াছিলেন।
(ত, হো,)

§ অর্থাৎ ঈশ্বর তাহাকে প্রেরিতের উন্নত পদে ও স্বীয় সন্নিহিত ভূমিতে উন্নতি করিয়াছিলেন, অথবা স্বর্গলোকে পূর্নহাইয়াছিলেন। মেরাজের বৃত্তান্তে উল্লিখিত হইয়াছে যে, হজরত মোহাম্মদ চতুর্থ স্বর্গে এদ্রিসের সঙ্গে সাক্ষাৎ করিয়াছিলেন।
(ত, হো,)

¶ ঈশ্বরের মহিমার কথা প্রবণ করিয়া তাহার তাহাকে প্রণাম ও তাহার জন্ম রোদন করিতেন।

তাহারা উপাসনা ত্যাগ করিল, কামনা সকলের অহুসরণ করিল; পরে অবশ্যই তাহারায় পথভ্রান্তির (শাস্তির) সাক্ষাৎ লাভ করিবে *। ৬০। + কিন্তু যাহারা অহুতাপ করিয়াছে ও বিশ্বাস স্থাপন ও সংকল্প করিয়াছে, তাহারায় নয়; অনন্তর তাহারাই স্বর্গে প্রবেশ করিবে, এবং কিঞ্চিৎ অত্যাচারিত হইবে না। ৬১। + সেই নিত্যবাসের স্বর্গোত্তান সকল, যাহা পরমেশ্বর গোপনে আপন দাসের প্রতি অঙ্গীকার করিয়াছেন, নিশ্চয় তাঁহার অঙ্গীকার সমানীত (সম্পাদিত) হয় †। ৬২। আশীর্বাদ ব্যতীত তাহারায় বৃথা বাক্য তথায় প্রবণ করিবে না ও তথায় প্রাতঃসন্ধ্যা তাহাদের উপজীবিকা তাহাদের জন্ত (প্রদত্ত) হইবে ‡। ৬৩। আপন দাসদিগের যে ব্যক্তি ধর্মভীরু হয়, তাহাকে আমি যাহার অধিকারী করিয়া থাকি, তাহা এই স্বর্গ। ৬৪। এবং আমরা, (হে মোহম্মদ,) তোমার প্রতিপালকের আদেশ ব্যতীত অবতরণ করি না; আমাদের সম্মুখে ও আমাদের পশ্চাতে এবং ইহার মধ্যে যাহা উহা তাঁহারই, এবং তোমার প্রতিপালক বিশ্বরণকারী নহেন §। ৬৫। তিনি স্বর্গ ও পৃথিবীর ও এই উভয়ের মধ্যে যাহা আছে, তাহার

ঐশ্বরিক বাক্য-শ্রবণে ক্রম্বন করা একটি বিশেষ ভাব। শাস্ত্রে উল্লিখিত আছে যে, কোর-আন্ পাঠকালে রোদন করিবে, কান্না না পাইলে চেষ্টা করিয়াও কাঁদিবে। প্রেরিত পুরুষের প্রতি প্রয়োজিত ঐশ্বরিক বাক্যশ্রবণে অশ্রুগাগনল অন্তরে অলিয়া উঠিলে অশ্রু উচ্ছ্বসিত হইয়া নয়নপথ দিয়া বহির্গত হয়। কোর-আনের নমস্কার সকলের মধ্যে এই নমস্কার পঞ্চম। এই নমস্কারকে, যাহা ঐশ্বরিক নিদর্শন সকল পাঠে হইয়া থাকে, সাধারণ পুরস্কারের নমস্কার ও ক্রম্বনকে তাহার শাখা বলা হইয়াছে। এই ক্রম্বন হর্ষ ও আনন্দের জন্ত হয়, শোক বিবাদের কারণে নয়। (ত, হো,)

* “যয়ি” অর্থে পথভ্রান্তি বা হুঙ্কিয়ার বিনিময় কিংবা শাস্তি বা ক্ষতি। কথিত আছে যে, “যয়ি” নরকের অন্তর্গত কুপবিশেষ। নরকনিবাসিগণ সেই কুপাধাক্ষের শাস্তি হইতে রক্ষা পাইবার জন্ত ঈশ্বরের শরণাপন্ন হইবে। কেহ কেহ বলেন, নরকলোকের অন্তর্গত প্রছলিত অগ্নিময় কান্ডারনিশেব, তাহার শাস্তি গুরুতর; যাহারা নিকৃষ্ট প্রবৃত্তির অধীন আছে ও নমাজ পড়ে না, তাহারায় তথায় শাস্তিভোগ করিবে। (ত, হো,)

+ অর্থাৎ বিশ্বাসীদিগকে পরমেশ্বর যে স্বর্গে লইয়া যাইবেন বলিয়া অঙ্গীকার করিয়াছেন, উহা শুণ্ড আছে, অথবা তাঁহারায় সেই স্বর্গ হইতে শুণ্ড। যখন অঙ্গীকার হইয়াছে, তখন শুণ্ড আছে বলিয়া তাহাদের ভাবনা নাই। (ত, হো,)

‡ সম্পন্ন লোকেরা যেমন দুই বেলা অন্নাদি ভোজন করে, শুণ্ড স্বর্গবাসী লোকেরাও সেইরূপ স্বর্গীয় সামগ্রী প্রাতঃসন্ধ্যা ভোগ করিবে। অর্থাৎ তাহাদের অস্থায়ী উপজীবিকা হইবে। স্বর্গে যদিচ দিবা রাত্রি নাই, তথাপি এমন লক্ষণ সকল আছে যে, তাহা দ্বারা দিবা রাত্রির ভাব বুঝা যায়। কথিত আছে, তথায় যবনিকা নিক্ষেপ ও দ্বার বন্ধ করিলে রজনী অহুভূত হয়, যবনিকা ও দ্বার উন্মোচন করিলে দিবা বলিয়া বোধ হইয়া থাকে। নিশাকালে স্বর্গীয় দাসীগণ, দিবাতে দাসগণ বিশ্বাসীদিগের সেবা করিতে উপস্থিত হয়। (ত, হো,)

§ যখন হজরতকে আশা ও জ্বালকরণন এবং গর্ভনিবাসীদিগের বিষয়ে কেহ কেহ প্রশ্ন করিল,

প্রতিপালক; অতএব তাঁহাকে অর্চনা কর ও তাঁহার অর্চনায় ধৈর্য ধারণ কর, তুমি কি তাঁহার তুলা নাম জান * ? ৬৬। (র, ৪, আ, ১৫)

এবং লোকে বলে, “যখন আমরা মরিয়া যাইব, একান্তই কি জীবিত বহিষ্কৃত হইব?” ৬৭। মহুশ্য কি স্মরণ করে না যে, আমি ইতিপূর্বে তাহাকে সৃষ্টি করিয়াছি, এবং সে কিছই ছিল না? ৬৮। অনন্তর তোমার প্রতিপালকের শপথ, একান্তই আমি শয়তানের সঙ্গে তাহাদিগকে সমুখাপন করিব, তৎপর অবশ্য তাহাদিগকে নরকের পার্শ্বে জাহ্নুপাতিতরূপে উপস্থিত করিব। ৬৯। তৎপর প্রত্যেক মণ্ডলীর মধ্য হইতে, যাহারা ঈশ্বরের প্রতি অবাধ্যতারূপে দুরন্ত, তাহাদিগকে অবশ্য টানিয়া লইব। ৭০। অতঃপর অবশ্য আমি তাহাদিগের সম্বন্ধে উত্তম জ্ঞাত যে, তাহারা তন্মধ্যে প্রবেশের অধিক উপযুক্ত। ৭১। এবং তন্মধ্যে গমনকারী ব্যতীত তোমাদের (কেহই) নহে, তোমার প্রতিপালকের সম্বন্ধে (এই অঙ্গীকার) এক দৃঢ় কার্য। ৭২। তৎপর যাহারা ধর্মভীরু হইয়াছে, আমি তাহাদিগকে উদ্ধার করিব, এবং তন্মধ্যে জাহ্নুপাতিতরূপে অত্যাচারীদিগকে বিসর্জন করিব। ৭৩। এবং যখন তাহাদের নিকটে আমার উজ্জ্বল নিদর্শন সকল পঠিত হয়, তখন ধর্মদ্রোহিণ বিখ্যাসীদিগকে বলে, “এই দুই দলের মধ্যে পদানুসারে কে শ্রেষ্ঠ? এবং পারিষদ অনুসারে কে অতি উত্তম?” ৭৪। তাহাদের পূর্বে দলের কত লোককে আমি বিনাশ করিয়াছি, তাহারা গৃহসামগ্রী অনুসারে ও দৃষ্টে

তখন তিনি বলিলেন, “তোমরা কল্যাণ আগমন করিও, ইহার উত্তর দান করিব।” ঈশ্বরেচ্ছাক্রমে ঘাদশ বা পঞ্চদশ কিংবা বিংশতি দিন পর্যন্ত জেত্রিল আগমন করিলেন না। পরে জেত্রিল উপস্থিত হইলে তিনি তাঁহাকে বলিলেন, “জ্ঞাতঃ, বিলম্বে কেন আগমন করিলে? আমি অমুক বিষয়ের উত্তর দান করিতে না পারিয়া তোমার আগমন প্রতীক্ষা করিতেছিলাম।” তাহাতেই এই আয়ত অবতীর্ণ হয়। ভূত ভবিষ্যৎ বর্তমানের কার্য সকল ঈহাংর আয়ত্তাধীন, তিনি বিশ্বিত হইবার ব্যক্তি নহেন। (ত, হো,)

* অর্থাৎ কাহারও “আল্লা” নাম আছে, তুমি কি জান? বস্তুতঃ জান না। ঈশ্বরের মহিমার এই একটি নিদর্শন যে, কোন অংশিবাদী পৌত্তলিক আপন অসত্য দেবতাকে “আল্লা” বলে না, বরং আল্লাহ্ বলিয়া থাকে। (ত, হো,)

† ভয়েতে তাহারা দণ্ডায়মানাবস্থায় পড়িয়া যাইবে, ঠিক ভাবে বসিতে পারিবে না, জাহ্নুর উপরে পড়িয়া যাইবে। (ত, ফা,)

‡ কিন্তু বিখ্যাসী লোকেরা যখন তথায় উপস্থিত হইবে, তখন অগ্নি নির্বাণ-প্রাপ্ত হইবে। হৃদিসে উক্ত হইয়াছে যে, কোন কোন স্বর্গগামী লোক প্রসন্ন করিবে যে, ঈশ্বর যখন বলিয়াছেন, “তন্মধ্যে গমনকারী ব্যতীত তোমাদের (কেহই) নহে,” এমন অবস্থায় আমরা কেমন করিয়া অগ্নি দর্শন করিব না? দেবগণ বলিবেন, নিশ্চয় নরকাগ্নিতে তোমরা উপস্থিত হইবে, কিন্তু তোমাদের বিধাসের জ্যোতিতে অগ্নি নির্বাণ পাইবে। (ত, হো,)

§ অর্থাৎ ধর্মদ্রোহী লোকেরা বলে যে, আমরা সভ্যহলে আরবের সম্ভ্রান্ত ও শ্রেষ্ঠ লোক, তোমরা স্তম্ভ্য দুর্বল ও অধীন। অনন্তর পরমেশ্বর তাহাদের অহঙ্কার চূর্ণ করিবেন। (ত, হো,)

অত্যন্তম ছিল । ৭৫ । তুমি বলিও, “যাহারা পথভ্রাস্তিতে আছে, যাহা অঙ্গীকার করা যাইতেছে, তাহা বা শাস্তি কিম্বা কেয়ামত তাহাদের দর্শন হওয়া পর্য্যন্ত হয়তো পর-মেশ্বর তাহাদিগকে অধিকরূপে অধিক দিবেন ; অনন্তর তাহারা জানিতে পাইবে, সে কে, যে পদাঙ্গুসারে নিকটতর ও সৈন্তবল অঙ্গুসারে দুর্বলতর * ? ৭৬ । এবং যাহারা উপদেশে উপদিষ্ট হইয়াছে, ঈশ্বর তাহাদিগকে অধিক দান করেন, এবং তোমার প্রতি-পালকের নিকট পুরস্কারাঙ্গুসারে অবিনশ্বর সাধুতা শ্রেয়ঃ, এবং পরাবৃত্তি অঙ্গুসারে শ্রেয়ঃ” † । ৭৭ । অনন্তর যে ব্যক্তি আমার নিদর্শনসকলসম্বন্ধে অধর্ম্ম করিয়াছে, তাহাকে কি তুমি দেখিয়াছ ? সে বলিয়াছে, “অবশ্য ধন ও সন্তান আমাকে প্রদত্ত হইবে” ‡ । ৭৮ । সে কি গুপ্ত (তত্ত্ব) অবগত হইয়াছে, অথবা ঈশ্বরের নিকটে কোন অঙ্গীকার গ্রহণ করিয়াছে ? ৭৯ । এরূপ নয়, সে যাহা বলিতেছে, অবশ্য তাহা আমি লিখিব, এবং তাহাকে অধিকরূপে শাস্তি দান করিব । ৮০ । এবং সে যাহা বলে, আমি তাহাকে তাহার উত্তরাধিকারী করিব, (পরে) আমার নিকট সে একাকী উপস্থিত হইবে । ৮১ । এবং তাহারা ঈশ্বরকে ছাড়িয়া (অন্ত) উপাস্ত্র গ্রহণ করিয়াছে, যেন উহা তাহাদের জন্ত গৌরব হয় । ৮২ । এরূপ নয়, অবশ্য তাহারা তাহাদের অর্চনায় বিরুদ্ধাচরণ করিবে, এবং তাহাদের সম্বন্ধে বিরোধী হইবে । ৮৩ । (র, ৫, আ, ১৭)

তুমি কি দেখ নাই যে, আমি ধর্ম্মদ্রোহীদিগের প্রতি শয়তানদিগকে প্রেরণ করিয়া থাকি ; তাহারা তাহাদিগকে চঞ্চলতায় চঞ্চলিত করিয়া থাকে § । ৮৪ । অতএব

* অর্থাৎ যে পর্য্যন্ত শাস্তি না হয়, পরমেশ্বর পথভ্রাস্ত লোকদিগকে ধন জন মান সম্ভ্রম হয়তো অধিক দিবেন ; পরে জানিতে পারিবে, তাহারা কেমন হীন দুর্বল ও দুর্ববস্থাপন্ন । তাহাদিগের সৈন্ত সামন্ত সহায় সম্বল কিছুই থাকিবে না, এদিকে দেবগণ ও ধর্ম্মপ্রবর্তকগণ বিশ্বাসীদিগের সহায় ও বন্ধু হইবেন । (ত, হো,)

† অর্থাৎ কাকেরদিগের পৃথিবীতে ধন ঐর্ষ্যা মান সম্ভ্রম আছে, কিন্তু পরলোকে তাহাদের হুঃখ বিপত্তি সার হইবে । কিন্তু সংসারে বিশ্বাসীদিগের ধর্ম্ম ও আলোক আছে, পরলোকেও তাহাদের জন্ত পুরস্কার ও উত্তম প্রত্যাবর্তনস্থান আছে । (ত, হো,)

‡ হারেসের পুত্র খোকাব ওয়াইলের পুত্র আসকে ষণ দান করিয়াছিলেন । এক দিন তিনি তাহাকে তাহা পরিশোধ করিতে বলেন ; তাহাতে সে বলে, “যে পর্য্যন্ত তুমি মোহনদের বিরোধী না হইবে, সে পর্য্যন্ত আমি ষণ পরিশোধ করিব না ।” খোকাব বলিলেন, “ঈশ্বরের শপথ, আমি কখনও কাকের হইব না ।” আস বলিল, “যে দিবস তুমি সমুৎপাদিত হইবে, সেদিন আসিও ; তুমি যাহা বল, যদি তাহা সত্য হয়, তবে আমার নিকট হইতে ষণ পরিশোধ করিও । আমি পরলোকে তোমা অপেক্ষা শ্রেষ্ঠ হইব, যেহেতু আমার ধন জন সন্তান অধিক আছে ।” এই উপলক্ষে পরমেশ্বর এই আয়ত্ত প্রেরণ করেন । (ত, হো,)

§ অর্থাৎ শয়তানদিগকে কাকেরদিগের বন্ধু করিয়া থাকি, শয়তানগণ তাহাদিগকে নানা পাণ্ডা প্রলোভনে প্রলুব্ধ করে । (ত, হো,)

তাহাদের সম্বন্ধে ব্যস্ত হইও না, আমি তাহাদের নিমিত্ত (দিন) গণনায় গণনা করি, এতদ্বিধা নহে। ৮৫। সেই দিন ধর্মভীরু লোকদিগকে পরমেশ্বরের দিকে অতিথিরূপে সমুখাপন করিব *। ৮৬। এবং পাপীদিগকে তুষ্টারূপে নরকের দিকে তাড়াইয়া লইয়া যাইব। ৮৭। ঈশ্বরের নিকটে যে ব্যক্তি অদ্বীকার গ্রহণ করিয়াছে, সে ভিন্ন (পাপ হইতে) মুক্তির অলুরোধ করিতে সমর্থ হইবে না। ৮৮। এবং তাহারা বলে যে, পরমেশ্বর পুত্র গ্রহণ করিয়াছেন; সত্য সত্যই তোমরা এক কঠিন বিষয় আনয়ন করিলে। ৮৯। + ইহা হইতে স্বর্গ ও পৃথিবী বিদীর্ণ হইবার ও পরস্পর সকল গুণ্ড গুণ্ড হইয়া পড়িবার উপক্রম। ৯০। যেহেতু তাহারা ঈশ্বরের জ্ঞান পুত্র সমর্থন করিয়াছে। ৯১। ঈশ্বরের নিমিত্ত উচিত নয় যে, তিনি কোন সন্তান গ্রহণ করেন। ৯২। ঈশ্বরের নিকটে দাস হইয়া আগমন করে ভিন্ন, স্বর্গে ও মর্ত্যে কেহই নাই। ৯৩। সত্য সত্যই তিনি তাহাদিগকে আয়ত্ত করিয়াছেন ও তাহাদিগকে গণনায় গণিয়াছেন। ৯৪। এবং কেয়ামতের দিনে তাহাদের প্রত্যেকে একাকী তাহার নিকটে উপস্থিত হইবে। ৯৫। নিশ্চয় যাহারা বিশ্বাস স্থাপন ও সংকল্প করিয়াছে, অবশ্য তাহাদিগকে পরমেশ্বর প্রেম করিবেন। ৯৬। পরন্তু আমি তোমার রসনায় ইহাকে (কোর্-আনকে) সহজ করিয়াছি, এতদ্বিধা নহে, যেন তুমি তদ্বারা ধর্মভীরু লোকদিগকে সুসংবাদ দান কর ও কলঙ্কারী দলকে ভয় প্রদর্শন কর। ৯৭। এবং আমি তাহাদের পূর্বে সম্প্রদায় সকলের কত লোকে বিনাশ করিয়াছি, তুমি কি তাহাদের কাহাকেও জানিতেছ ও তাহাদের সম্বন্ধে কোন ধনি শুনিতে পাইতেছ ? ৯৮। (র, ৬, আ, ১৫)

* এমাম কশিরী বলিয়াছেন যে, কতক লোক সাধন ভজনার গোরণে আছেন ও কোন সম্প্রদায় ধর্মের উচ্চাভিলাষরূপ বাহনে আরুঢ়; যাহারা সাধনার বাহনে চড়িয়াছেন, তাহারা স্বর্গ অন্বেষণ করেন, তাহাদিগকে স্বর্গের উদ্ভানে লইয়া যাওয়া হইবে। যাহারা উচ্চাকাঙ্ক্ষী, তাহারা ঈশ্বর জ্ঞান অন্বেষণ করেন, তাহাদিগকে ঈশ্বরের সন্নিধানে উপস্থিত করা হইবে। মশাদনামক সাধু পুরুষের মুমূর্ষু অবস্থায় একজন ফকির তাহার নিকটে উপস্থিত হইয়া এরূপ প্রার্থনা করিতেছিল যে, “হে পরমেশ্বর, ইহার প্রতি দয়া কর, ইহাকে স্বর্গে লইয়া যাও।” তাহা শুনিয়া মশাদ ধম্কাইয়া বলেন, “হে অবোধ, ত্রিশ বৎসর যাবৎ স্বর্গ আপন শোভা সম্পদের সহিত আমার নিকটে প্রকাশ পাইতেছে, আমি তাহার প্রতি কটাক্ষপাত করি নাই। এক্ষণ ঈশ্বরের সান্নিধ্য লাভ করিতেছি, তুমি এদিকে আমার জ্ঞান স্বর্গ চাহিতেছ ?” (ত, হো,)

+ অর্থাৎ যখন আমার শাস্তি তাহাদের প্রতি অবতীর্ণ হইল, তখন তাহারা সমূল বিনাশ পাইল; কেহই অবশিষ্ট রহিল না যে, কোন ব্যক্তি দেখিতে পাইবে, কোন শব্দ রহিল না যে, কেহ শুনিতে পাইবে। (ত, হো,)

সূরা তা-হা ❀

.....

বিংশতি অধ্যায়

.....

১৩৫ আয়ত, ৮ রকু

(দাতা দয়ালু পরমেশ্বরের নামে প্রবৃত্ত হইতেছি ।)

প্রার্থী ও পথ-প্রদর্শক ৭। ১। আমি তোমার প্রতি, (হে মোহাম্মদ,) (এজ্ঞা) কোর্-আন্ অবতারণ করি নাই যে, তুমি ক্লেশ প্রাপ্ত হও। ২। + কিন্তু যে ব্যক্তি ভীত হয়, তাহাকে উপদেশ দান করিতে, যিনি পৃথিবী ও উন্নত স্বর্গ সকল সৃজন করিয়াছেন, তাঁহা হইতে (ইহার) অবতরণ হইয়াছে। ৩ + ৪। পরমেশ্বর স্বর্গের উপর স্থিতি করিয়াছেন। ৫। পৃথিবীতে যাহা ও স্বর্গলোক সকলে যাহা, উভয়ের মধ্যে যাহা এবং আর্দ্রভূমির নিম্নে (তহতঃসরাতে) যাহা আছে, উহা ঈহারই ৬। ৬। এবং যদি কথা ব্যক্ত

* এই সূরা মক্কাতে অবতীর্ণ হইয়াছে। প্রথম অবস্থায় হজরত একপদে দণ্ডায়মান হইয়া অবিশ্রান্ত সাধনা করিতেন, তাহাতে তাঁহার চরণ ক্ষীত ও বেদনাযুক্ত হইত; তদুপলক্ষেই এই “তা-হা” সূরার অবতরণ হয়। অনুজ্ঞা বিশেষে ‘তা’, ভূমি অর্থে ‘হা’ ইঙ্গিত হইয়াছে; অর্থাৎ তুমি উভয় চরণ ভূমিতে স্থাপন কর, এই ভাব হইতেই সূরার আরম্ভ। কেহ কেহ বলেন যে, এক দিন আবুহুলা হজরতকে বলিয়াছিল, তুমি আমাদের ধর্ম পরিচাণ করিয়া ক্লেশ পাইতেছ। অথবা সে বান্দ্র করিয়া বলিয়াছিল যে, মোহাম্মদের প্রতি কোর্-আন্ অবতারিত হইয়াছে, তাহাকে কেবল ক্লেশ যন্ত্রণা দান করিবার জ্ঞা। তাহাতেই, হে মহাপুরুষ, তোমার শ্রায় বীরত্বের প্রাপ্তিরে কেহ পদ নিক্ষেপ করে নাই, এই ভাববাক্যক “তা-হা” শব্দ অবতীর্ণ হয়। (ত, হো,)

+ “তা-হা” বাবচ্ছেদক শব্দ। তন্মধ্যে মূল দুইটি বর্ণ ত, হ,। এস্থলে এই দুই বর্ণের প্রত্যেক বর্ণ হইতে বহু সাক্ষেতিক অর্থ নিম্পন্ন হয়। তন্মধ্যে এক প্রকারে ‘তা’র অর্থ অন্বেষণকারী, অর্থাৎ মঙ্গলীর সঙ্গতির জ্ঞা অনুরোধ করার প্রার্থী; ‘হা’র অর্থ পথপ্রদর্শক, অর্থাৎ বিধি পথ-প্রদর্শনকারী। ইহা হজরতের নাম বিশেষ। ভিন্ন ভিন্ন অর্থে এই শব্দ ঈশ্বরের নাম ও কোর্ আনের নামবিশেষেও ব্যবহৃত হয়। ভাষ্যগ্রন্থে এ বিষয়ের বিস্তারিত তত্ত্ব প্রকাশিত হইয়াছে, এস্থলে তাহা বর্ণন করা আবশ্যক বোধ হইল না। (ত, হো,)

‡ আর্দ্রভূমির নিম্নে পৃথিবীর সর্বনিম্ন স্তর। নানা তক্ষিসিরেতে উক্ত হইয়াছে যে, পৃথিবীর সপ্ত স্তর, উহা এক দেবতার স্বন্ধে আছে; সেই দেবতার পদদ্বয় এক বৃহৎ প্রস্তরের উপর এবং প্রস্তর এক স্বর্গীয় বৃষের শৃঙ্গের উপর স্থাপিত, এবং বৃষের পদ স্বর্গস্থ “কওসর” নামক ক্রীড়া-সরোবরের এক মংস্তের পৃষ্ঠোপরি প্রতিষ্ঠিত, মংস্ত সাগরের উপর ও সাগর নরকের উপর স্থিত, নরক বায়ুর পৃষ্ঠে, বায়ু ভূমিরাজের আর্দ্রভূমির উপর সংস্থাপিত। স্বর্গ ও পৃথিবীনিবাসীদিগের জ্ঞান উপরি উক্ত আর্দ্রভূমি অতিক্রম করে না। “তহতঃসরাতে” অর্থাৎ আর্দ্রভূমির নিম্নে যাহা আছে, তাহা পরমেশ্বর মাত্র জানেন। (ত, হো,)

কর, (ভাল,) পরন্তু নিশ্চয় তিনি গুপ্ত ও গুপ্ততম বিষয় জানেন * । ৭। সেই পরমেশ্বর, তিনি ভিন্ন উপাশ্রু নাই, তাঁহার উত্তম নাম সকল আছে। ৮। এবং তোমার নিকটে কি মুসার বৃত্তান্ত উপস্থিত হইয়াছে? ৯। যখন সে অগ্নি দর্শন করিল, তখন আপন পরিজনকে বলিল, “তোমরা বিলম্ব কর, নিশ্চয় আমি অগ্নি দর্শন করিয়াছি, হয়তো তাহা হইতে তোমাদের নিকটে অনলখণ্ড আনয়ন করিব, অথবা অগ্নির নিকটে কোন পথপ্রদর্শক প্রাপ্ত হইব” † । ১০। অনন্তর যখন সে তাহার নিকটে উপস্থিত হইল, আমি ডাকিলাম, “হে মুসা, নিশ্চয় আমি তোমার প্রতিপালক, অতঃপর তোমার পাদুকদ্বয় উন্মোচন কর, নিশ্চয় তুমি তুর নামক পবিত্র প্রান্তরে আছ। ১১+১২। এবং আমি তোমাকে মনোনীত করিলাম, অনন্তর যাহা প্রত্যাশা করা যাইতেছে, তুমি শ্রবণ কর। ১৩। নিশ্চয় আমি পরমেশ্বর, আমি ব্যতীত উপাশ্রু নাই, অতএব আমাকে অর্চনা কর ও আমাকে স্মরণ করিবার জগু উপাসনাকে প্রতিষ্ঠিত রাখ। ১৪। একান্তই কেয়ামত উপস্থিত হইবে, আমি তাহার (সময়) গোপন রাখিতে সমুদ্রত, যেন প্রত্যেক ব্যক্তি মাহা করিতেছে, তাহাকে তাহার অমুরূপ ফল দেওয়া যায়। ১৫। অনন্তর তাহাতে যে ব্যক্তি অবিশ্বাসী হইয়াছে ও স্বীয় কামনার অমুসরণ করিয়াছে, সে যেন তাহা হইতে (বিশ্বাস হইতে) তোমাকে নিবৃত্ত না করে, তাহা হইলে তুমি বিনাশ পাইবে। ১৬। এবং হে মুসা, তোমার দক্ষিণ হস্তে ইহা কি? ১৭। সে বলিল, “ইহা আমার যষ্টি, আমি ইহার উপর ভর করিয়া থাকি ও এতদ্বারা স্বীয় পশুপালের প্রতি বৃক্ষপত্র নিক্ষেপ করি, এবং ইহাতে আমার অগ্ন কাষ্যও আছে”। ১৮। তিনি বলিলেন, “হে মুসা, তাহা নিক্ষেপ কর”। ১৯। অনন্তর সে তাহা ফেলিয়া দিল, পরে অকস্মাৎ উহা ধাবমান অজগর হইল। ২০। তিনি বলিলেন, “ইহাকে গ্রহণ কর, এবং ভয় করিও না; অবিলম্বেই আমি ইহাকে পূর্ব প্রকৃতিতে পরিবর্তিত করিব। ২১। এবং তুমি স্বীয় হস্তকে আপন কক্ষতলে সংলগ্ন কর, তাহা শুভ্র নির্দোষ অগ্ন নিদর্শনরূপে বাহির হইবে। ২২। তবে আমি তোমাকে স্বীয় মহা নিদর্শন সকল হইতে (কোন

* তাহাই গুপ্ত, যাহা অশ্বে করে ও জানে, এবং লুকাগিত করিয়া থাকে; তাহার অন্তরের বিষয়, যাহা মনুষ্যে জানে না, তাহা গুপ্ততম। অথবা তাহাই গুপ্ত, যাহা অশ্ব জনকে বলা যায়; অন্তরে যাহা লুকাইয়া রাখা যায়, তাহা গুপ্ততম। (ত, হো,)

† ইতিহাসে উল্লিখিত হইয়াছে যে, যখন মহাপুরুষ মুসা আপন খন্ডর শোষণ হইতে বিদায় গ্রহণ করিয়া পিতা মাতাকে দর্শন করিবার জগু সপরিবারে মেসরে যাইতেছিলেন, তখন এক দিন পথে অন্ধকার রজনীতে শীতল বায়ু প্রবাহিত হইয়া তুষার বর্ণন করে; সেই সময় তাঁহার পথ হারা হইয়া এমন প্রান্তরের নিকটে উপস্থিত হন, সেই স্থানে তাঁহার পত্নী সেফুরার প্রসব-বেদনা আরম্ভ হয়। তখন অগ্নির আবশ্যক হইল, মুসা বহু চেষ্টা করিয়াও আগ্নেয় প্রস্তর হইতে অগ্নি উদ্দীপন করিতে পারিলেন না। অকস্মাৎ দূরে অনল দেখিতে পাইলেন, তাহা দেখিয়া সেফুরাকে এইরূপ বলিলেন।

(ত, হো,)

নিদর্শন) প্রদর্শন করিব। ২৩। তুমি ফেরওণের নিকটে চলিয়া যাও, নিশ্চয় সে অবাদ্যতাচরণ করিয়াছে”। ২৪। (র, ১, আ, ২৪)

সে বলিল, “হে আমার প্রতিপালক, তুমি আমার জন্ত আমার হৃদয়কে প্রশস্ত কর। ২৫।+এবং আমার জন্ত আমার কার্যকে সহজ কর। ২৬।+এবং আমার জিহ্বা হইতে গ্রন্থি উন্মোচন কর*। ২৭।+তাহা হইলে আমার কথা তাহারা বুঝিতে পারিবে। ২৮। এবং আমার জন্ত আমার পরিবার হইতে কোন সহকারী নিযুক্ত কর। ২৯।+হারুণ আমার ভ্রাতা। ৩০।+তদ্বারা তুমি আমার বল দৃঢ় কর। ৩১।+এবং আমার কার্যে তাহাকে অংশী কর। ৩২।+তাহা হইলে আমরা তোমাকে বহু স্তুত করিব। ৩৩।+এবং তোমাকে বহু স্মরণ করিব। ৩৪। নিশ্চয় তুমি আমার সম্বন্ধে দর্শক আছ।” ৩৫। তিনি বলিলেন, “হে মুসা, নিশ্চয় তোমাকে তোমার প্রার্থনীয় প্রদত্ত হইল। ৩৬। এবং সত্য সত্যই আমি তোমার প্রতি দ্বিতীয় বার উপকার করিলাম। ৩৭।+(স্মরণ কর,) যখন তোমার মাতার প্রতি যে প্রত্যাশা করা হয়, আমি প্রত্যাশা করিয়াছিলাম। ৩৮। যথা—তাহাকে তুমি সিন্দুকে নিক্ষেপ কর, পশ্চাৎ নদীতে তাহা বিসর্জন কর।” অনন্তর তাহাকে নদীকূলে নিক্ষেপ করিল, তাহার শত্রু ও আমার শত্রু (ফেরওণ) তাহাকে গ্রহণ করিল; এবং আমি আপনা হইতে তোমার প্রতি প্রেম ঢালিয়া দিলাম, এবং (চাহিলাম) যে, আমার চক্ষুর সম্মুখে তুমি প্রতিপালিত হও*। ৩৯। যখন তোমার ভগিনী যাইতেছিল, তখন সে বলিতেছিল, “যে ইহাকে প্রতিপালন করিবে, তাহার প্রতি কি তোমাদিগকে পথ দেখাইব?” অনন্তর

* এক দিন ফেরওণ মুসাকে বাল্যকালে ফোড়ে ধারণ করিয়াছিল, মুসা ফেরওণের আশ্রয় টানিয়া কিয়দংশ উৎপাটন করিয়া ফেলেন; তাহাতে ফেরওণ ফোড়াঙ্ক হইয়া তাহাকে বধ করিতে উদ্যত হয়। ফেরওণের পত্নী আসিয়া বিনয় করিয়া বলে, এ নিতান্ত বালক, ইহার কোন জ্ঞান নাই, উচ্ছল মপি ও অলস্তু অঙ্গার ইহার নিকটে তুল্যা, অতএব ইহাকে ক্ষমা কর। আসিয়া তাহার প্রমাণ প্রদর্শন করিবার জন্ত অগ্নিপূর্ণ এক ভাণ্ড ও মণিপূর্ণ এক পাত্র শিশু মুসার নিকটে ধারণ করে, শিশু বিধাতার প্রেরণায় মণিপাত্রের দিকে মনোযোগ না করিয়া একটি অলস্তু অঙ্গার উঠাইয়া লয়, এবং তাহা জিহ্বায় অর্পণ করে। তাহাতে জিহ্বা দগ্ধ হওয়ায় তন্মধ্যে গ্রন্থি বসিয়া যায়। তজ্জন্ত তিনি কথা স্পষ্ট উচ্চারণ করিতে পারিতেন না; এই স্থানে জিহ্বার স্বাভাবিক অবস্থা-প্রাপ্তির জন্ত প্রার্থনা করিলেন। (ত, হো,)

+ অর্থাৎ ঈশ্বর বলিতেছেন, যে সময় তোমার মাতা তোমাকে প্রসব করিয়াছিল ও ফেরওণের নিযুক্ত লোক সকল হত্যা করিবার জন্ত শিশুদিগকে অন্বেষণ করিতেছিল ও তোমার মাতা তোমার সম্বন্ধে ভাবিত ছিল, তখন আমি তাহাকে প্রত্যাশা করিয়াছিলাম যে, এই শিশুকে সিন্দুকে পুরিয়া নদীতে বিসর্জন কর ইত্যাদি। মুসার মাতা ঈশ্বরের আজ্ঞামুসারে নবজাত মুসাকে সিন্দুকে স্থাপন করিয়া নীল নদীতে বিসর্জন করে, নদীর স্রোত ফেরওণের প্রাসাদমূল পর্যন্ত প্রবাহিত হইত। সিন্দুক জলস্রোতে ভাসিয়া ফেরওণের উদ্যানে উপস্থিত হয়, তখন ফেরওণ সজীব জলপ্রণালীর কূলে স্থিতি করিতেছিল, সিন্দুক প্রণালী দিয়া তাহাদের নিকটে ভাসিয়া আইসে। তাহারা সিন্দুক উঠাইয়া

আমি তোমাকে তোমার জননীর নিকটে ফিরাইয়া আনিলাম, যেন তাহার চক্ষু শাস্ত হয় ও সে শোকার্ত না থাকে; এবং তুমি এক ব্যক্তিকে হত্যা করিলে, অনন্তর আমি তোমাকে দুঃখ হইতে মুক্তি দান করিলাম, এবং পরীক্ষাতে তোমাকে পরীক্ষিত করিলাম; পরে তুমি মদয়নবাসীদিগের মধ্যে অনেক বৎসর বাস করিলে, তৎপর ভূগি, হে মুসা, ভাগ্যক্রমে আসিয়াছ। ৪০। এবং আমি তোমাকে আমার নিজের জ্ঞান মনোনীত করিয়াছি। ৪১। আমার নিদর্শন সকলসহ তুমি যাও ও তোমার ভ্রাতা (যাউক,) এবং আমার স্মরণে তোমরা শৈথিল্য করিও না। ৪২। তোমরা উভয়ে ফেরওণের নিকটে যাও, নিশ্চয় সে দুর্দান্ত হইয়াছে। ৪৩। অনন্তর তোমরা তাহাকে কোমল কথা বলিবে, হয়তো সে উপদেশ গ্রহণ করিবে, অথবা ভয় পাইবে। ৪৪। তাহার বলিল, “হে আমাদের প্রতিপালক, নিশ্চয় আমরা শঙ্কিত আছি যে, সে আমাদের আক্রমণ করিবে, অথবা অবাধ্যতা করিবে।” ৪৫। তিনি বলিলেন, “তোমরা ভয় করিও না, নিশ্চয় আমি তোমাদের সঙ্গে আছি, আমি দেখিতেছি ও শুনিতেছি। ৪৬। অনন্তর তোমরা তাহার নিকটে যাইবে, পরে বলিবে যে, নিশ্চয় আমরা তোমার প্রতিপালকের প্রেরিত; অতএব আমাদের সঙ্গে বনিএশ্রায়েলকে প্রেরণ কর, এবং তাহাদিগকে ক্লেশ দিও না। সত্যি আমরা তোমার প্রতিপালকের নিদর্শন সকলসহ উপস্থিত হইয়াছি, এবং যে ব্যক্তি উপদেশের অনুসরণ করে, তাহার প্রতি আশীর্বাদ। ৪৭। নিশ্চয় আমাদের প্রতি প্রত্যাদেশ হইয়াছে যে, যে ব্যক্তি অসত্যারোপ করে ও অগ্রাহ্য করে, তাহার প্রতি শাস্তি হয়” *। ৪৮। সে জিজ্ঞাসা করিল, “হে মুসা, অনন্তর কে তোমাদের প্রতিপালক”? ৪৯। সে বলিল, “যিনি প্রত্যেক বস্তুকে তাহার প্রকৃতি দান করিয়াছেন, তৎপর পথ দেখাইয়াছেন, তিনি আমাদের প্রতিপালক”। ৫০। সে জিজ্ঞাসা করিল, “অনন্তর পূর্বতন শতাব্দী সকলের অবস্থা কি”? ৫১। সে (মুসা) বলিল, “তাহার জ্ঞান

তাহার উপরের আচ্ছাদন উদঘাটন করে, তাহাতে পরম হুম্মর শিশু প্রকাশ হইয়া পড়ে। ফেরওণ ও আসিয়া মুসার রূপলবণো মুগ্ধ হইয়া যায়, তাহার মাতাকে ধাত্রী করিয়া তাহাকে পালন করে।

(ত, হো,)

* এই আজ্ঞা শ্রবণ করিয়া মুসা মেসরে চলিয়া যান। মুসার পরিজনবর্গ রজনীতে তাহার প্রতীক্ষা করেন, রজনী অবসানেও তাহার কোন সংবাদ প্রাপ্ত হন না। তাহারাই সেই প্রান্তরে এজ্ঞাত অত্যন্ত ভাবনাগুক্ত হন। দৈবাৎ তথায় কতিপয় মদয়ননিবাসী লোক উপস্থিত হয়, তাহারাই সেফুরাকে চিনিতে পারিয়া তাহার পিতার নিকটে লইয়া যায়। ফেরওণ জলমগ্ন হইয়া প্রাণতাগ করিলে পর মুসার সংবাদ সেফুরা প্রাপ্ত হন। অবশেষে মুসা মেসরে গমনে উদ্রত হইলে হারুণের অতি প্রত্যাশে হয় যে, তুমি স্বীয় ভ্রাতাকে অভ্যর্থনা করিতে মদয়নের পথে চলিয়া যাও। তদনুসারে হারুণ বাইয়া পথিমধ্যে মুসার সঙ্গে মিলিত হন। মুসা স্বীয় বিবরণ বিস্তারিত তাহাকে জ্ঞাপন করেন। পরে উভয়ে মিলিত হইয়া মেসরে উপস্থিত হন। অনেক দিন প্রতীক্ষার পর ফেরওণের সাক্ষাৎ লাভ হয়। তখন তাহার তাহার নিকটে ঈশ্বরের আজ্ঞা প্রচার করেন।

(ত, হো,)

আমার প্রতিপালকের গ্রন্থেতে আছে, আমার প্রতিপালক বিশ্বত ও বিভ্রান্ত হন না”। ৫২। যিনি তোমাদের জন্ত ভূমিকে শয্যা করিয়াছেন ও তন্মধ্যে বস্তুসকল চালিত করিয়াছেন, এবং আকাশ হইতে বারিবর্ষণ করিয়াছেন, তিনি। অনন্তর তদ্বারা আমি নানাবিধ উদ্ভিদ পদার্থ বাহির করিয়াছি। ৫৩। (বলিয়াছিলাম,) তোমরা ভক্ষণ কর ও স্বীয় পশুযুথকে চরাও, নিশ্চয় ইহাতে বুদ্ধিমান লোকদিগের জন্ত নিদর্শন সকল আছে, *। ৫৪। (র, ২, আ, ৩০)

আমি তাহা হইতে (যুক্তিকা হইতে) তোমাদিগকে সৃজন করিয়াছি, এবং তন্মধ্যে তোমাদিগকে পুনরানয়ন করিব ও তাহা হইতে পুনর্বার তোমাদিগকে বাহির করিব। ৫৫। এবং সত্য সত্যই আমি তাহাকে (ফেরওণকে) আপন নিদর্শন সকলের সমগ্র প্রদর্শন করিয়াছি, অনন্তর সে অসত্যারোপ ও অগ্রাহ্য করিয়াছে †। ৫৬। সে বলিয়াছিল, “হে মুসা, তুমি আমাদের নিকটে আসিয়াছ যে, আপন ইন্দ্রজাল দ্বারা আমাদের দেশ হইতে আমাদের বহিষ্কৃত করিবে? ৫৭। অনন্তর নিশ্চয় আমি ইহার সদৃশ জাহ্ন তোমার নিকটে উপস্থিত করিব; অবশেষে তোমার ও আমাদের মধ্যে অঙ্গীকার-কাল নির্ধারণ কর, সমতল ক্ষেত্র নির্ধারণ কর, তুমি ও আমরা সমতল ক্ষেত্রে তাহার বিপরীতাচরণ করিব না”। ৫৮। সে বলিল, “তোমাদিগের অঙ্গীকারের সময় শোভা (সম্পাদনের) দিন, যথায় মধ্যাহ্নকালে লোক সকল একত্রিত হইবে” ‡। ৫৯। অনন্তর ফেরওণ ফিরিয়া গেল, পরে নিজের প্রবঞ্চনা সংযোজনা করিল, তৎপর আসিল §। ৬০। মুসা তাহাদিগকে বলিল, “তোমাদিগের প্রতি ধিক্, তোমরা ঈশ্বরের প্রতি অসত্য যোজনা করিও না, পরে তিনি তোমাদিগকে শাস্তি দ্বারা বিনাশ করিবেন; নিশ্চয় সাহারা (অসত্য) যোজনা করিয়াছে, তাহার। অকৃতকার্য হইয়াছে”। ৬১। অনন্তর তাহার। আপনাদের মধ্যে আপনাদের কার্য্যসম্বন্ধে পরস্পর বাগ্বিতণ্ডা করিল ও ষড়যন্ত্র গোপন করিল। ৬২। তাহার। বলিল, “নিশ্চয় এই দুইজন ঐন্দ্রজালিক আপন

* ফেরওণকে উদ্বোধিত করিবার জন্ত মুসা এই সকল ঈশ্বরের উক্তি বলিয়াছিলেন।

† অনন্তর ফেরওণ কোন প্রমাণ ও নিদর্শন চাহিল, তাহাতে মুসা যষ্টি নিক্ষেপ করিলেন, তাহা অজগর হইয়া উঠিল। পুনর্বার তাহা গ্রহণ করিলে যষ্টিতে পরিণত হইল, এবং তিনি তাহাকে হস্তের গুস্ত্রতা প্রদর্শন করিলেন। ফেরওণ অলৌকিকতা নয়বার দর্শন করিল, কিছুতেই তাহা গ্রাহ্য করিল না।

(ত, হো,)

‡ শোভার দিন অর্থাৎ কিব্ তি লোকদিগের উৎসবের দিন, সে দিন মেসরের সমুদায় লোক স্ত্রশোভিত হইয়া নির্দিষ্ট স্থানে উপস্থিত হইত ও আমোদ আহ্লাদ করিত। মুসা বলিল, বহুলোক যে দিন একস্থানে একত্রিত হইবে, সেই উৎসবের দিন তোমাদের নিকটে আমাদের অলৌকিকতা প্রদর্শন করা স্থির রহিল; তাহা হইলে সত্যাসত্য সকলের সাক্ষাতে প্রমাণিত হইবে।

(ত, হো,)

§ অনন্তর ফেরওণ সভা হইতে নির্জনে চলিয়া গেল, এবং নানা স্থান হইতে ঐন্দ্রজালিক লোক সংগ্রহ করিতে পরামর্শ স্থির করিয়া দেশে দেশে লোক পাঠাইল।

(ত, হো,)

ইল্লাজাল দ্বারা তোমাদের দেশ হইতে তোমাদিগকে বহিস্কৃত করিতে ইচ্ছা করে, এবং তোমাদের উত্তম ধর্মপথকে দূর করিতে চাহে *। ৬৩। অতএব চক্রান্তের যোজনা কর, তৎপর শ্রেণীবদ্ধরূপে উপস্থিত হও, এবং নিশ্চয় অজ্ঞ যে ব্যক্তি প্রবল হইল, সেই মুক্ত হইল” †। ৬৪। তাহারা বলিল, “হে মুসা, ইহা কি হইবে যে, তুমি (যষ্টি) নিক্ষেপ করিবে, অথবা এই যে ব্যক্তি প্রথম নিক্ষেপ করে, সে আমরা হইব?” ‡ ৬৫। সে বলিল, “বরং তোমরা নিক্ষেপ কর;” অনন্তর অকস্মাৎ তাহাদের যষ্টি ও তাহাদের রজ্জু সকল তাহাদের ইল্লাজালে তাহার দিকে লক্ষ্য করিতেছিল, যেন সেই সকল দৌড়িতেছিল। ৬৬। পরে মুসা আপন অন্তরে ভয় পাইল। ৬৭। আমি বলিলাম, “তুমি ভয় করিও না, নিশ্চয় তুমি প্রবলতর। ৬৮। এবং তোমার দক্ষিণ হস্তে যাহা আছে, তাহা নিক্ষেপ কর, তাহারা যাহা প্রস্তুত করিয়াছে, তাহা গ্রাস করিবে; নিশ্চয় তাহারা যাহা নির্মাণ করিয়াছে, তাহা ঐল্লাজালিক বন্ধনা, এবং ঐল্লাজালিকগণ যে স্থানে যাইবে, তথায় মুক্তি পাইবে না” §। ৬৯। অনন্তর নমস্কারপূর্বক ঐল্লাজালিকগণ নিপতিত হইল, বলিল, “আমরা হারুণ ও মুসার প্রতিপালকের প্রতি বিশ্বাসী হইলাম”। ৭০। সে বলিল, “তোমাদিগকে আমি আদেশ করার পূর্বে তোমরা কি তাহাকে বিশ্বাস করিলে? নিশ্চয় সে (মুসা) তোমাদের প্রধান, যেহেতু সে তোমাদিগকে ইল্লাজাল শিক্ষা দিয়াছে; অনন্তর অবশ্য আমি তোমাদের হস্ত ও পদ বিপরীতভাবে ছেদন করিব ও গোষ্ঠী তরুর কাণ্ডে তোমা-দিগকে শূলে চড়াইব। এবং অবশ্য তোমরা জানিবে যে, আমাদের মধ্যে কে শাস্তিদান

* অর্থাৎ পরস্পর তাহারা বলিতে লাগিল যে, তোমাদের ধর্ম অজ্ঞ ধর্ম অপেক্ষা শ্রেষ্ঠ। মুসা স্বীয় ধর্ম প্রচার করিয়া তাহা দূর করিতে চাহে, অথবা তোমাদের প্রধান পুরুষদিগকে তোমাদিগ হইতে বিচ্ছিন্ন করিয়া নিজের প্রতি অনুরক্ত করিতে ইচ্ছু। যখন এরূপ অবস্থা, তখন ঐল্লাজালিক উপকরণ সকল সংগ্রহ করা আবশ্যক। (ত, হো,)

† অতএব সকলে শ্রেণীবদ্ধ হইয়া প্রান্তরে চলিয়া আইস, তাহা হইলে তোমাদের ভয় লোকের অন্তরে সঞ্চারিত হইবে, এবং চেষ্টা কর, ইল্লাজালে মুসার উপর জরী হইতে পারিবে। অনন্তর সমুত্তি সহস্র কিংবা ত্রয়সিংশংসহস্র ঐল্লাজালিক শ্রেণীবদ্ধ হইল, মুসা ও হারুণ তাহাদের সম্মুখে দণ্ডায়মান হইলেন। ঐল্লাজালিক লোকেরা ক্ষেত্রপথের উপদেশানুসারে পুঞ্জ পুঞ্জ রজ্জু ও যষ্টি শৃঙ্খল করিয়া তন্মধ্যে পারদ পুরিয়া প্রান্তরে আনয়ন করিল। (ত, হো,)

‡ অর্থাৎ তোমার দক্ষিণ হস্তে যে যষ্টি আছে, তাহা নিক্ষেপ কর, তাহাদের যষ্টি ও রজ্জুকে ভয় করিও না; তোমার যষ্টি অজগররূপ ধারণ করিয়া সেই সমুদায়কে ভক্ষণ করিবে। অনন্তর মুসা তৎক্ষণাৎ হস্তস্থিত দণ্ড ভূমিতলে নিক্ষেপ করিলেন। তখনই উহা প্রকাণ্ড অজগররূপ ধারণ করিয়া মূখবাদানপূর্বক ঐল্লাজালিকদিগের সমুদায় ঐল্লাজালিক উপাদান গ্রাস করিল। ইহা দেখিয়া লোক সকল ভয়ে পলায়ন করিতে লাগিল, কয়েক সহস্র লোক ভিড়ের চাপে মারা পড়িল। পরে মুসা অজগরের পুঙ্খ ধারণ করিলেন, তৎক্ষণাৎ উহা সেই যষ্টি হইল। ঐল্লাজালিকগণ বুঝিতে পারিল যে, ইহা ইল্লাজাল নহে, যেহেতু এক ইল্লাজাল অজ্ঞ ইল্লাজালকে নষ্ট করে না। বরং ইহাতে ঐশীশক্তি ও মুসার অলৌকিকতার প্রকাশ। (ত, হো,)

অনুসারে স্মৃতি ও অটল” * ৭১। তাহারা বলিল, “উজ্জ্বল নিদর্শন সকলের যাহা আমাদের নিকটে উপস্থিত হইয়াছে, তদুপরি এবং যিনি আমাদেরকে সজ্ঞান করিয়াছেন, (তাহার উপর) কখনও তোমাকে আমরা শ্রেষ্ঠতা দান করিব না ; অনন্তর তুমি যাহার আজ্ঞাকর্তা, সেই আজ্ঞা কর, তুমি এই পার্থিব জীবনে আজ্ঞা করিবে, এতদ্বিষয় নহে। ৭২। নিশ্চয় আমরা আপন প্রতিপালকের প্রতি বিশ্বাস স্থাপন করিয়াছি, তাহাতে তিনি আমাদের জন্ত আমাদের অপরাধ এবং ইল্লাজাল-সম্বন্ধীয় বিষয়ে তুমি যে আমাদের প্রতি বল করিয়াছ, তাহা মার্জনা করিবেন ; ঈশ্বর কল্যাণ ও নিত্য” † ৭৩। নিশ্চয় যে ব্যক্তি স্বীয় প্রতিপালকের নিকট অপরাধরূপে উপস্থিত হয়, পরে একান্তই তাহার জন্ত নরক আছে, তথায় সে মরিবে না, এবং বাঁচিবেও না ‡ ৭৪। এবং যে ব্যক্তি তাহার নিকটে বিশ্বাসরূপে উপস্থিত হয়, নিশ্চয় সে সাধু কার্য করে ; অনন্তর ইহারাই তাহারা, যাহাদের জন্ত উন্নত পদ সকল আছে। ৭৫। + অক্ষয় উত্তাননিবহ, যাহার নিম্ন দিয়া জনপ্রণালী সকল প্রবাহিত হয়, তথায় তাহারা নিত্যাবস্থানকারী ; যে ব্যক্তি পবিত্র হইয়াছে, তাহার ইহাই বিনিময়। ৭৬। (র, ৩, আ, ২২)

এবং সত্য সত্যই আমি মুসার প্রতি প্রত্যাদেশ করিয়াছি যে, আমার দাসগণ সহ (রজনীতে) গ্রহণ কর ; অনন্তর তাহাদের জন্ত সাগরে শুষ্ক পথে চলিতে থাক, (শত্রুর) ধরিবার ভয় করিও না, এবং (জলমগ্ন হইবার) শঙ্কা করিও না § ৭৭।

* অর্থাৎ ফেরওণ ঐল্লাজালিকদিগকে বলিল যে, আমার আদেশ না পাইয়া তোমরা কি মুসাকে স্বীকার করিলে ? অতএব তোমাদের এক জনের হস্ত ও এক জনের পদ ছেদন করিব, এইরূপ বিপরীত ভাবে ছেদন করিয়! খোন্দাবুন্দের উপর শুলে চড়াইব। মুসাই তোমাদের শিক্ষক ও দলপতি, তোমরা তাহার সঙ্গে যোগ করিয়া ইচ্ছা করিয়াছ যে, আমার রাজ্যে বিদ্রোহ উপস্থিত কর। লোকে দেখিবে, আমাদের মধ্যে অর্থাৎ ঈশ্বর ও আমার মধ্যে শান্তিদানে কে অধিক কঠিন ও স্থায়ী ? (ত, হো,)

+ ফেরওণ ঐল্লাজালিক বিদ্যা শিক্ষা করিবার জন্ত লোকের প্রতি বলপ্রয়োগ করিত, অথবা ঐল্লাজালিকদিগের আস্থানে বলপ্রয়োগ করিয়াছিল। তাহারা পরমেশ্বরের নিকটে সেই বলপ্রয়োগরূপ অপরাধের ক্ষমা প্রার্থনা করিল ; যেহেতু সমুদার ধর্ম্মেই বলপ্রয়োগের জন্ত ঈশ্বরের নিকটে দায়ী হইতে হয়, কিন্তু এই দায়িত্ব হজরতের মণ্ডলীসম্বন্ধে রহিত হইয়াছে। (ত, হো,)

‡ অর্থাৎ সে তথায় মরিবে না যে, শাস্তি হইতে রক্ষা পাইবে, এবং সে স্বথ স্বচ্ছন্দতার জীবনেও জীবিত থাকিবে না। (ত, হো,)

§ অর্থাৎ সমুদ্র শুষ্ক হইয়া যাইবে, ফেরওণ সৈন্তবল সহ অনুসরণ করিলেও তোমাদিগকে ধরিতে পারিবে না ; তোমরা সহজে পার হইয়া যাইবে, জলমগ্ন হইবার ভয় নাই। আমি নিরাপদে তোমাদিগকে পার করিব। ঈশ্বরের আজ্ঞাক্রমে মুসা রাত্রিকালে এশ্রায়েলমণ্ডলীকে মেসর হইতে বাহির করিয়া লইয়া যান। পরদিন কিব্‌তিগণ সংবাদ প্রাপ্ত হয়, কিন্তু প্রত্যেকের ভয়ানক বিপদ উপস্থিত হইয়াছিল বলিয়া তাহারা তৎক্ষণাৎ মুসার অনুসরণ করিতে তুচ্ছ হয় নাই ; পরে সৈন্ত সংগ্রহ করিয়া বনিএশ্রায়েলকে ধরিতে যায়। (ত, হো,)

পরিশেষে ফেরওণ আপন সেনাদল সহ তাহাদের অহুসরণ করিল, পরে তাহাদিগকে আচ্ছাদন করিল, নদীর যাহা (তরঙ্গ) তাহাদিগকে ঢাকিল * । ৭৮ । এবং ফেরওণ আপন দলকে পথভ্রাস্ত করিল ও পথ প্রদর্শন করিল না । ৭৯ । (আমি বলিলাম,) “হে বনিএশ্রায়েল, নিশ্চয় তোমাদের শত্রু হইতে আমি তোমাদিগকে উদ্ধার করিয়াছি, এবং তুরগিরির দক্ষিণদিকে (তওরাত গ্রন্থের অবতারণাবিশয়ে) তোমাদের সঙ্গে অঙ্গীকার করিয়াছি ও তোমাদের প্রতি ‘মন্না’ ও ‘সলওয়া’ বর্ষণ করিয়াছি” † । ৮০ । এবং (বলিয়াছি,) “তোমাদিগকে যে বিশুদ্ধ উপজীবিকা দান করিয়াছি, তোমরা তাহা ভক্ষণ কর, এবং এ বিষয়ে সীমালঙ্ঘন করিও না ; তাহা হইলে তোমাদের উপর আমার ক্রোধ অবতীর্ণ হইবে, এবং যাহার প্রতি আমার ক্রোধ অবতীর্ণ হয়, পরে সে নিপাত হইয়া থাকে । ৮১ । এবং যে ব্যক্তি ফিরিয়া আইসে ও বিশ্বাস স্থাপন ও সংকল্প করিয়াছে, নিশ্চয় আমি তাহার সম্বন্ধে ক্ষমাকারী হইয়াছি ; তৎপর সে সংপথ প্রাপ্ত হইয়াছে । ৮২ । এবং হে মুসা, তোমার মণ্ডলী হইতে তোমাকে কিসে সত্বর আনয়ন করিল” ‡ ? । ৮৩ । সে বলিল, “ঐ তাহার (অহুবর্তিগণ) আমার পদচিহ্নানুসারে (আসিতেছে ;) হে আমার প্রতিপালক, আমি সত্বর তোমার অভিমুখী হইলাম, যেন তুমি প্রসন্ন হও” । ৮৪ । তিনি বলিলেন, “অনন্তর নিশ্চয় আমি তোমার (আগমনের) পর, তোমার দলকে পরীক্ষা করিয়াছি, এবং সামরী তাহাদিগকে পথভ্রাস্ত করিয়াছে” § । ৮৫ । অবশেষে মুসা আপন

* অর্থাৎ নদীর তরঙ্গে ফেরওণ সসৈন্তে নিমগ্ন হইয়া প্রাণত্যাগ করিল । (ত, হো,)

† মন্না ও সলওয়ার বৃন্তাস্ত হুয়া বকরাতে বিবৃত হইয়াছে ।

‡ ফেরওণের মৃত্যু হইলে পর, বনিএশ্রায়েল ধর্মবিধি ও শাস্ত্রীয় ব্যবস্থা সকল তাহাদের নিমিত্ত নির্ধারণ করিবার জন্ত, মুসার নিকটে প্রার্থনা করিল । মুসা এবিষয়ে ঈশ্বরের সন্নিধানে নিবেদন করিলে আজ্ঞা হইল যে, তুমি এশ্রায়েলবংশধর প্রধান পুরুষদিগকে সঙ্গে করিয়া তুর পর্বতে আসিবে, তাহা হইলে আমি ব্যবস্থাগ্রস্ত তোমাকে দান করিব । মুসা বনিএশ্রায়েলের তত্ত্বাবধানের ভার হারুণের প্রতি অর্পণপূর্বক সন্তোর জন প্রধান পুরুষকে সঙ্গে করিয়া তুরগিরির অভিমুখে যাত্রা করেন । অহুবর্তী লোকদিগের নিকটে এই অঙ্গীকার করিয়া যান যে, আমি চল্লিশ দিন অন্তে বিধি পুস্তকসহ ফিরিয়া আসিব । তুরের নিকটবর্তী হইয়াই তিনি সমস্ত লোকদিগকে রাখিয়া ঈশ্বরের বাণী ও স্বর্গীয় সন্দেশ-প্রবণোৎসাহে দ্রুতগতিতে গিরিমূলে উপস্থিত হইলেন । তখন তাহার প্রতি এই উক্তি হইয়াছিল । (ত, হো,)

§ সামরী সামরাকুলোদ্ভব এশ্রায়েলমণ্ডলীর মধ্যে একজন প্রধান পুরুষ ছিল । সে গোবৎস পূজা করিত । যখন মুসা তুরগিরিতে চলিয়া গেলেন, তখন সামরী হারুণের নিকটে যাইয়া বলিল যে, কিব্‌তিদিগের নিকট হইতে চাহিয়া যে সকল অলঙ্কার লওয়া গিয়াছিল, তাহা আমাদের নিকটে আছে, উহা অধিকার করা আমাদের উচিত নয় । সকলেই তাহা ক্রয় বিক্রয় করিতেছে, তুমি সেই সকল আভরণ ও ধাতুদ্রব্য একত্র করিয়া বিতরণ করিতে আজ্ঞা কর । এই কথা শুনিয়া তখন হারুণ সমুদায় অলঙ্কার আনয়ন করিতে আদেশ করিলেন । সে সকল উপস্থিত করা হইলে, সামরী এক পাত্রে স্থাপন করিয়া অনলযোগে দ্রবীভূত করে । সে স্বর্ণকারের কার্যে হনিপুণ ছিল, সেই

সম্প্রদায়ের অভিমুখে ক্রুদ্ধ ও বিষণ্ণভাবে প্রত্যাগমন করিয়া বলিল, “হে আমার মণ্ডলী, তোমাদের প্রতিপালক কি উত্তম অঙ্গীকারে অঙ্গীকার করেন নাই? অনন্তর তোমাদের প্রতি কি সময় দীর্ঘ হইয়াছে, অথবা তোমরা কি ইচ্ছা করিয়াছ যে, তোমাদিগের প্রতিপালক হইতে তোমাদের প্রতি আক্রোশ উপস্থিত হয়? পরিশেষে তোমরা আমার অঙ্গীকারের অগ্রথাচরণ করিলে” *। ৮৬। তাহারা বলিল, “আমরা আপন সাধ্যানুসারে তোমার অঙ্গীকারের অগ্রথাচরণ করি নাই; কিন্তু আমরা (কিব্‌তি) জাতির আভরণের ভার বহন করিয়াছিলাম, অনন্তর তাহা নিক্ষেপ করিয়াছি, পরে তরুণ সামরীও নিক্ষেপ করিয়াছে” †। ৮৭। অবশেষে সে (সামরী) তাহাদের জগ্গ এক গোবৎসমূর্ত্তি বাহির করিল, তাহার শব্দ ছিল; অনন্তর তাহারা (সামরী ও তাহার অহুচরণ) বলিল, ইহাই তোমাদের ঈশ্বর ও মুসার ঈশ্বর, তৎপর সে ভুলিয়া গেল ‡। ৮৮। অনন্তর তাহারা কি দেখিতেছে না যে, সে (গোবৎস) তাহাদের প্রতি কোন উক্তি প্রত্যানয়ন করে না, (কথা বলে না,) এবং তাহাদের জগ্গ কোন ক্ষতি বৃদ্ধিও করিতে সমর্থ নহে? ৮৯। (র, ৪, আ, ১৩)

এবং সত্য সত্যই পূর্বে হারুণ বলিয়াছিল যে, “হে আমার মণ্ডলী, এতদ্বারা তোমরা পরীক্ষিত হইলে, এতস্তিগ্ন নহে; এবং নিশ্চয় তোমাদের প্রতিপালক পরমেশ্বর। অনন্তর তোমরা আমার অহুসরণ কর ও আমার আজ্ঞা মান্ত কর”। ৯০। তাহারা বলিল, “যে পর্য্যন্ত মুসা আমাদের নিকটে ফিরিয়া না আইসে, সে পর্য্যন্ত আমরা ইহার নিকটে সাধ্যানুসারে নিরন্তর বাস করিব”। ৯১। সে (মুসা) বলিল, “হে হারুণ, যখন তুমি স্রবীভূত ধাতু দ্বারা একটি গোবৎসের মূর্ত্তি নির্মাণ করে। ছেত্রিলের অথের পুরের ধূলি উহার ভিতরে নিক্ষেপ করিলে উহা সজীব গোবৎসের স্থায় শব্দ ও স্পন্দনাদি করিতে থাকে। বনিএশ্রায়েলের চারি সম্প্রদায় সেই গোবৎসমূর্ত্তিকে পূজা করিতে আরম্ভ করে। পরমেশ্বর মুসাকে এই সংবাদ দান করিলেন যে, তুমি চলিয়া আসিলে পর তোমার সম্প্রদায় গোবৎসপূজক হইয়াছে। (ত, হো,)

* মুসা যখন মণ্ডলীর নিকটে উপস্থিত হইলেন, তখন দেখিলেন যে, গোবৎসমূর্ত্তিকে ঘেরিয়া সকলে নৃত্য করিতেছে ও বাজ্য বাজাইতেছে। ইহা দেখিয়া তিনি তাহাদিগকে ভৎসনা করিয়া বলিতে লাগিলেন, আমি ধর্ম্মগ্রন্থ আনয়নের জগ্গ তোমাদের দলপতিগণকে সঙ্গে করিয়া তুরগিরিতে গিয়াছিলাম, চল্লিশ দিন পরে ফিরিয়া আসিব, আমার এই অঙ্গীকার ছিল; আমি যথাসময়ে উপস্থিত হইয়াছি। এই সময় কি তোমাদের পক্ষে দীর্ঘ হইয়াছিল? (ত, হো,)

† অর্থাৎ এশ্রায়েলের সম্ভানগণ বলিল, আমরা মের হইতে চলিয়া আসিবার সময় কিব্‌তিগণ হইতে যে সকল অলঙ্কার চাহিয়া আনিয়াছিলাম, তাহা আমাদের নিকটে ভার বোধ হইয়াছিল; তজ্জন্ত তাহা হারুণের আজ্ঞাক্রমে বিসর্জন করিয়াছিলাম। যেমন আমরা ফেলিয়া দিয়াছিলাম, তরুণ সামরীও অগ্নিতে বিসর্জন করিয়াছিল; পরে সে তাহা অগ্নিতে গলাইয়া গোবৎসমূর্ত্তি বাহির করিয়াছে। (ত, হো,)

‡ সে ঈশ্বরের উক্তি ভুলিয়া গেল, অর্থাৎ ধর্ম্ম রক্ষা করা যে কর্তব্য ছিল, সামরী তাহা পরিত্যাগ করিল। (ত, হো,)

তাহাদিগকে বিপথগামী হইতে দেখিলে, তখন আমার অনুসরণ করিতে কিসে তোমাকে নিবৃত্ত করিল ? অনন্তর তুমি কি আমার আজ্ঞা অমান্ত করিয়াছ ? * ১২ + ২৩। সে বলিল, “হে আমার মাতৃনন্দন, তুমি আমার কেশ ও আমার অশ্রু ধরিও না ; নিশ্চয় আমি আশঙ্কা করিয়াছিলাম যে, তুমি বলিবে যে, তুমি বনিএশ্রায়েলের মধ্যে বিচ্ছেদ আনয়ন করিয়াছ এবং আমার কথা পালন কর নাই”। ২৪। সে (মূসা) বলিল, “হে সামরি, অনন্তর তোমার কি অবস্থা ? ২৫। সে বলিল, “যাহা তাহারা দেখে নাই, আমি তাহা দেখিয়াছি ; অনন্তর আমি প্রেরিতপুরুষের (অশ্বের) পদাঙ্কের এক মুষ্টি (মুক্তিকা) গ্রহণকরণানন্তর উহাতে (গোবৎসে) নিক্ষেপ করিয়াছি, এবং এইরূপে আমার চিত্ত আমাকে উৎকৃষ্ট দেখাইয়াছে” †। ২৬। সে বলিল, “অনন্তর তুমি চলিয়া যাও, অবশেষে নিশ্চয় জীবদ্দশাতে তোমার জ্ঞাত (শাস্তি) এই যে, তুমি বলিবে, ‘অস্পৃশ্য’ ; এবং নিশ্চয় তোমার জ্ঞাত এক অঙ্গীকার আছে, তাহার অগ্রথা হইবে না। যাহার নিকটে তুমি সাধকের ভাবে বাস করিয়াছিলে, তোমার সেই উপাস্ত্রের প্রতি দৃষ্টি কর ; অবশ্য আমি তাহাকে দণ্ড করিব, তৎপর অবশ্য নদীতে তাহাকে বিকীর্ণভাবে বিকিরণ করিব ‡। ২৭। তোমাদের উপাস্ত্র সেই ঈশ্বর, এতদ্বিন্ন নহে ; তিনি ব্যতীত উপাস্ত্র নাই, তিনি জ্ঞানযোগে সমুদায় বস্তুতে প্রবেশ করিয়াছেন”। ২৮। এইরূপে, (হে মোহম্মদ,) পূর্বে নিশ্চয় যাহা ঘটয়াছে, আমি তাহার বিবরণ তোমার নিকটে বিবৃত করিলাম, এবং নিশ্চয় আপন সন্নিধান হইতে উপদেশ তোমাকে দান করিলাম। ২৯। যে ব্যক্তি তাহা হইতে বিমুখ হইয়াছে, নিশ্চয় সে কেয়ামতের দিনে ভার বহন করিবে। ১০০। + তাহারা তাহাতে (সেই ভারেতে) সর্কদা থাকিবে, এবং কেয়ামতের দিনে তাহাদের বহনীয় কুৎসিত (ভার) হইবে। ১০১। + যে দিবস সূরে ফুৎকার করা হইবে, সেই দিবস নীলাক্ষ অপরাধীদিগকে আমি সমুখাপন করিব §। ১০২। তাহারা আপনাদের মধ্যে পরস্পর গোপনে বলিবে যে, দশ দিবস ভিন্ন তোমরা বিলম্ব কর নাই ¶। ১০৩। তাহারা যাহা বলিতেছে, যখন ধর্মজ্ঞানানুসারে তাহাদের শ্রেষ্ঠ

* মূসা পর্বত হইতে ফিরিয়া আসিয়া প্রথমতঃ লোকদিগকে ভৎসনা করেন, পরে স্বীয় ভ্রাতা হারুণের নিকটে বাইরা মহাক্রোধে এক হস্তে তাহার কেশ, অপর হস্তে অশ্রু ধরিয়া টানিতে থাকেন ও অনুযোগ করেন। (ত, হো,)

† এস্থলে প্রেরিতপুরুষ ঐত্রিল।

‡ পৃথিবীতে সামরীর এই শাস্তি ছিল যে, তাহাকে এশ্রায়েল সৈন্তগণের শিবিরের বাহিরে অবস্থিতি করিতে হইত, সে কাহারও সঙ্গে মিশিতে পারিত না। সে অস্পৃশ্য ছিল, লোক সকল তাহাকে দূর দূর করিত। পরকালেও তাহার জ্ঞাত শাস্তির অঙ্গীকার রহিয়াছে। (ত, ফা,)

§ অর্থাৎ যাহারা ঈশ্বরের অঙ্গী স্থাপন করিয়াছে, সেই সকল অপরাধিগণের চক্ষু অতি রেশে ক্লম্বর্ণ হইয়া যাইবে, অন্ধ হইবে। তাহারা সেই অবস্থায় আমা দ্বারা উত্থাপিত হইবে। (ত, হো,)

¶ অর্থাৎ পারলৌকিক কালের দীর্ঘতার তুলনায় পৃথিবীতে ও কবরে অবস্থিতি কালকে অনেক

(ব্যক্তি) বলিবে, একদিন ভিন্ন তোমরা বিলম্ব কর নাই, তাহা আমি উত্তম জ্ঞাত * ।
১০৪ । (র, ৫, আ, ১৫)

এবং তোমাকে, (হে মোহাম্মদ,) পৰ্ব্বত সকলের বিষয়ে তাহারা প্রশ্ন করিতেছে ; অনন্তর তুমি বল, আমার প্রতিপালক তাহা বিকিরণরূপে বিকিরণ করিবেন † । ১০৫ । + পরে তিনি সমতল প্রান্তররূপে তাহাকে পরিভ্রমণ করিবেন । ১০৬ । + তুমি তথায় বক্রতা ও উচ্চতা দেখিতে পাইবে না । ১০৭ । সেই দিন তাহারা আত্মশ্রমকারীর পশ্চাদ্ধৰ্ত্তী হইবে, তাহার জন্ত কোন বক্রতা হইবে না, পরমেশ্বরের জন্ত শব্দ সকল ক্ষীণ হইবে, অনন্তর ক্ষীণ শব্দ ব্যতীত তুমি শুনিতে পাইবে না ‡ । ১০৮ । যাহাকে ঈশ্বর অনুমতি দান করিয়াছেন, এবং তিনি যাহার বাক্যে প্রসন্ন হইয়াছেন, সেই দিন সে ব্যতীত (অন্তের) “শফায়ত” (লোকের সদগতির জন্ত অনুরোধ) উপকারে আসিবে না । ১০৯ । তাহাদের যাহা সম্মুখে ও যাহা পশ্চাতে আছে, তিনি তাহা জ্ঞাত আছেন, এবং জ্ঞানযোগে তাহারা তাঁহাকে আবেষ্টন করিতে পারে না § । ১১০ । এবং (তাহাদের) আনন্দ জীবন্ত বিজ্ঞান (ঈশ্বরের) জন্ত অবনত হইবে, এবং যে ব্যক্তি অত্যাচার (অংশবাদিতা) বহন করিয়াছে, নিশ্চয় সে অসিদ্ধকাম হইয়াছে । ১১১ । এবং যে ব্যক্তি সংকল্প সকল করে ও যে বিশ্বাসী হয়, পরে সে কোন অত্যাচার ও ক্ষতিকে ভয় করে না । ১১২ । এই প্রকারে আমি ইহাকে (এই গ্রন্থকে) আরব্য কোর-আন্‌রূপে অবতারণা করিয়াছি, এবং তন্মধ্যে (শাস্তির) ভয়ের বিষয় বর্ণন করিয়াছি ; হয়তো তাহারা দৃষ্টান্ত হইবে, অথবা তাহা তাহাদের সম্মুখে কোন উপদেশ উপাদান করিবে । ১১৩ । অনন্তর সত্যামিতি পরমেশ্বরের সন্মুখ, এবং কোর-আনে তাঁহার প্রত্যাদেশ তোমার প্রতি পহুছাইবার পূর্বে তুমি সত্বর হইও না ; এবং তুমি বল, হে আমার প্রতিপালক,

অতি অল্প (দশ দিন) বলিয়া অনুমান করিবে ; এবং যাহারা জ্ঞানবান, তাহারা বলিবে যে, এক দিনের অধিক নয় । কয়ামতের ভয়ে তাহারা এমন ভীত হইবে যে, পৃথিবীতে ও কবরে অবস্থিতির সময়কে ভুলিয়া যাইবে । (ত, হো,)

* অর্থাৎ তোমাদের অবস্থিতিকাল পৃথিবীতে ও কবরে এক দিনের অধিক নহে । কয়ামতের দ্বয়ে তাহারা পৃথিবীতে ও কবরে অবস্থানকালের দীর্ঘতা ভুলিয়া যাইবে । সেই সময়ের দীর্ঘতার তুলনায় পার্থিব জীবনের দীর্ঘতা, বিশেষতঃ যে সময় অজ্ঞানতায় অতিবাহিত হইয়াছে, তাহা অত্যন্ত পৰ্ব্ব মনে হইবে । (ত, হো,)

† প্রলয়কালে পৰ্ব্বত সকল সম্মূলে উৎপাটিত হইবে, পরে তাহা ধূলিবৎ চূর্ণীকৃত হইবে, তৎপর বায়ু উহা উড়াইয়া লইয়া যাইবে । (ত, হো,)

‡ প্রলয়কালে আত্মশ্রমকারী এশ্রাফিলদেব । সকলে তাঁহা কর্তৃক আহৃত হইয়া তাঁহার অনুসরণ করিবে । “তাহার জন্ত কোন বক্রতা হইবে না” অর্থাৎ কোন আহৃত ব্যক্তি তাঁহার আহ্বানের ব্যতিক্রম করিতে পারিবে না । “পরমেশ্বরের জন্ত শব্দ সকল ক্ষীণ হইবে” অর্থাৎ ঈশ্বরের মহিমা ও প্রতাপ দেখিয়া, লোকে ভয়ে উচ্চ কথা কহিতে সক্ষম হইবে না । (ত, হো,)

§ অর্থাৎ ঈশ্বরের স্বরূপ তাহারা জ্ঞানপ্রভাবে অবগত হইতে পারে না (ত, হো,)

আমাকে অধিক জ্ঞান দান কর *। ১১৪। এবং সত্য সত্যই পূর্বে আমি আদমের সঙ্গে অঙ্গীকার করিয়াছিলাম, অনন্তর সে ভুলিয়া গেল, এবং আমি তাহার দৃঢ়তা প্রাপ্ত হই নাই †। ১১৫। (র, ৬, আ, ১১)

এবং (স্মরণ কর,) যখন আমি দেবতাদিগকে বলিলাম যে, “তোমরা আদমকে প্রণাম কর,” তখন শয়তান ব্যতিরেকে তাহারা নমস্কার করিল; সে অগ্রাহ্য করিল। ১১৬। অনন্তর আমি বলিলাম, “হে আদম, নিশ্চয় এ তোমার ও তোমার ভাৰ্য্যার শত্রু, অবশেষে তোমাদিগকে যেন সে স্বর্গ হইতে বাহির না করে, তবে তুমি দুন্দুশাপন্ন হইবে। ১১৭। নিশ্চয় তোমার জন্ত ইহা যে, তথায় তুমি ক্ষুধিত ও বিবস্ত্র থাকিবে না। ১১৮।+ এবং নিশ্চয় তুমি তথায় তুষিত ও আতপতাপিত হইবে না”। ১১৯। পরিশেষে শয়তান তাহার প্রতি কুমন্ত্রণা প্রয়োগ করিল; সে বলিল, “হে আদম, তোমাকে কি অবিনশ্বর বৃক্ষ ও চির নূতন রাজত্বের দিকে পথ প্রদর্শন করিব”? ১২০। অনন্তর তাহারা তাহার (ফল) ভক্ষণ করিল, পরে তাহাদের জন্ত তাহাদের লজ্জাজনক অঙ্গ প্রকাশ পাইয়া পড়িল ও তাহারা স্বর্গীয় বৃক্ষপত্র আপনাদের জননেন্দ্রিয়ে সংলগ্ন করিতে আরম্ভ করিল; এবং আদম স্বীয় প্রতিপালকের বিরুদ্ধাচারী হইল, অবশেষে পথভ্রান্ত হইয়া গেল ‡। ১২১। তৎপর তাহার প্রতিপালক তাহাকে গ্রহণ করিলেন, পরে তিনি তাহার দিকে প্রত্যাবর্তন করিলেন ও পথ দেখাইলেন। ১২২। তিনি বলিলেন, “তোমরা উভয়ে এ স্থান হইতে অবতরণ কর, তোমরা এক অশ্বের শত্রু; অনন্তর যদি আমার নিকট হইতে তোমাদের প্রতি জ্ঞানোপদেশ উপস্থিত হয়, তখন যে ব্যক্তি আমার উপদেশের অনুসরণ করিবে, পরে সে পথভ্রান্ত হইবে না ও দুর্গতি ভোগ করিবে না। ১২৩। এবং যে ব্যক্তি আমার স্মরণে বিমুখ হইয়াছে, অনন্তর নিশ্চয় তাহার জন্ত জীবিকা সঙ্কোচ হয়, এবং আমি কেয়ামতের দিনে তাহাকে অঙ্গ (করিয়া) সমুখাপন করিব”।

* “কোর-আনে তাহাৰ প্রত্যাদেশ তোমার প্রতি পঠছাইবার পূৰ্বে তুমি সত্বর হইও না।” অৰ্থাৎ যে পর্য্যন্ত প্রত্যাদেশ লাভ না কর, কোর-আন বিষয়ে আদেশ-প্রচারে প্রবৃত্ত হইও না। এমাম হোসন বসোরী বলিয়াছেন যে, এক ব্যক্তি আপন স্ত্রীকে চপেটাঘাত করিয়াছিল, সেই নারী হজরতের নিকট আসিয়া বিচারপ্রার্থিনী হয়। তিনি ইচ্ছা করিলেন, আঘাতকারীকে প্রতিকূল দান করেন। তাহাতেই এই আয়ত অবতীর্ণ হয়, এবং তদনুসারে হজরত শান্তির আজায় বিলম্ব করেন। সুস্বা অধিক জ্ঞান অন্বেষণ কৰাতে ঈশ্বৰ তাহাকে মহাপুৰুষ খেজরের নিকটে সমৰ্পণ করিয়াছিলেন। প্রেরিতপুৰুষ মোহম্মদ প্রার্থী না হওয়াতে, ঈশ্বৰ তাহাকে অধিক জ্ঞানের জন্ত প্রার্থনা করিতে শিক্ষা দিলেন। তিনি অল্প কাহারও নিকটে শিক্ষা করিতে নিযুক্ত হন নাই। (ত, হো,)

+ অৰ্থাৎ পরমেশ্বৰ আদমকে আদেশ করিয়াছিলেন যে, নিষিদ্ধ বৃক্ষের নিকটে বাইও না। তিনি তাহা ভুলিয়া নিষিদ্ধ বৃক্ষের ফল ভক্ষণ করিয়াছিলেন। (ত, হো,)

‡ অনন্তর আদম অসিদ্ধকাম হইলেন, স্বৰ্গ হইতে তাহাকে পৃথিবীতে নামিয়া আসিতে হইল। পরে তিনি নিরন্তর অনুতাপ ও ক্ষমা প্রার্থনা করেন। (ত, হো,)

১২৪। সে বলিল, “হে আমার প্রতিপালক, কেন আমাকে অন্ধ (করিয়া) উত্থাপন করিবে? নিশ্চয় আমি অবলোকনকারী ছিলাম”। ১২৫। তিনি বলিলেন, “আমার নিদর্শন সকল তোমার নিকটে এইরূপে আসিয়াছে, পরে তুমি তাহা ভুলিয়া গিয়াছ, ও এইরূপে তুমি অন্ধ ভ্রান্ত হইলে” *। ১২৬। এবং যে ব্যক্তি সীমা লঙ্ঘন করিয়াছে ও আপন প্রতিপালকের নিদর্শন সকলের প্রতি বিশ্বাস করে নাই, এইরূপে আমি তাহাদিগকে প্রতিফল দান করি; নিশ্চয় পারলৌকিক শাস্তি অত্যন্ত কঠিন ও স্থায়ী। ১২৭। অনন্তর তাহাদিগকে কি পথ দেখায় নাই যে, আমি তাহাদের পূর্বে, তাহারা যাহাদের দেশে বিচরণ করিতেছে, সেই মণ্ডলী সঙ্কলের কত (লোককে) বিনাশ করিয়াছি; নিশ্চয় ইহাতে জ্ঞানবান লোকদিগের জন্ত নিদর্শন সকল আছে। ১২৮। (র, ৭, আ, ১৩)

এবং যদি তোমার প্রতিপালক হইতে এক বাক্য পূর্বে প্রচার না হইত, তবে অবশ্য (শাস্তি) সমুচিত ও কাল নির্ধারিত হইত †। ১২৯। অনন্তর তাহারা যাহা বলিতেছে, তৎপ্রতি তুমি ধৈর্যধারণ কর; এবং সূর্য্যোদয়ের পূর্বে ও তাহার অন্তগমনের পূর্বে ও নিশার কতিপয় ঘণ্টা স্বীয় প্রতিপালকের প্রশংসার স্তব কর ও অবশেষে দিবসের বিভাগ সকলে স্তব কর, সম্ভবতঃ তুমি সন্তুষ্ট থাকিবে ‡। ১৩০। এবং তাহাদের দল সকলকে যাহা দ্বারা আমি ফলশালী করিয়াছি, তৎপ্রতি তুমি কখনও আপন দৃষ্টি প্রসারণ করিও না, উহা পার্থিব জীবনের শোভা; যেহেতু তাহাতে আমি তাহাদিগকে পরীক্ষা করিয়া থাকি, এবং তোমার প্রতিপালকের (প্রদত্ত) উপজীবী কল্যাণও বহুস্থায়ী। ১৩১। এবং আপন লোকদিগকে তুমি নমাজে আদেশ কর, তৎপ্রতি ধৈর্যধারণ কর, তোমার নিকটে আমি উপজীবিকার প্রার্থনা করিতেছি না; আমিই তোমাকে জীবিকা দান করিয়া থাকি, এবং ধর্ম্মভীরুদিগের জন্ত পরিণাম (কল্যাণ) §। ১৩২। এবং তাহারা বলিল, “সে কেন আমাদের নিকটে প্রতিপালকের কোন (অলৌকিক) নিদর্শন আনয়ন করিতেছে না?” পূর্ব্বতন গ্রন্থ সকলে যাহা আছে, সেই (জাতীয়) উজ্জল প্রমাণ কি তাহাদের নিকটে উপস্থিত হয় নাই ¶? ১৩৩। এবং

* অর্থাৎ ঈশ্বর বলিলেন, তোমার নিকটে নিদর্শন সকল প্রেরিত হইয়াছিল, তুমি তৎপ্রতি দৃষ্টিপাত কর নাই ও তাহা অগ্রাহ করিয়াছ; এ জন্ত তুমি অন্ধ পরিত্যক্ত ও শাস্তিগ্রস্ত হইলে। (ত, হো,)

† কাকের ও মৌসলমানদিগের জন্ত পরকালে দণ্ড পুরস্কারের বিধান হইবে, পূর্বেই এইরূপ অঙ্গীকার হইয়াছে। অজ্ঞতা ইহলোকে বথাসময়ে সমুচিত শাস্তি হইত। (ত, কা,)

‡ প্রথম প্রহর ব্যতীত দিবসের এক এক বিভাগে অর্থাৎ প্রতি ঘণ্টা নমাজ পড়। তাহা হইলে তুমি সন্তুষ্ট থাকিবে, অর্থাৎ পৃথিবীতে তোমাদ্বারা মণ্ডলীর সাহায্য হইবে, এবং পরলোকে তোমার অনুরোধে তাহাদের পাপ ক্ষমা পাইবে। (ত, কা,)

§ অর্থাৎ প্রভু দাসের নিকটে উপজীবিকার প্রত্যাশা করেন না, তাহার দাসত্ব আকাজ্ঞা করেন। প্রভু স্বয়ং দাসকে উপজীবিকা দান করেন। (ত, কা,)

¶ ধর্ম্মপ্রবর্তকদিগের প্রতি তাহাদের অলৌকিকতা-প্রকাশের পর অসত্যারোপ করার জন্ত

তাহার (প্রেরিত পুরুষের প্রেরণের) পূর্বে যদি আমি তাহাদিগকে শান্তিযোগে বিনাশ করিতাম, তবে অবশ্য তাহারা বলিত, “হে আমাদের প্রতিপালক, তুমি কেন আমাদের নিকটে প্রেরিত পুরুষ পাঠাও নাই? তাহা হইলে আমরা অপমানিত ও দুর্দশাপন্ন হওয়ার পূর্বে তোমার নিদর্শন সকলের অঙ্গসরণ করিতাম” । ১৩৪ । তুমি বল, প্রত্যেকে প্রতীক্ষাকারী, অনন্তর তোমরা প্রতীক্ষা করিতে থাক ; অবশেষে তোমরা অবশ্য জানিতে পাইবে যে, কাহারো সরল পথে পাম্ব ও কাহারো পথ প্রাপ্ত হইয়াছে । ১৩৫ । (র, চ, আ, ৭)

সূরা আশ্বিয়া *

.....

একবিংশ অধ্যায়

.....

১১২ আয়ত, ৭ রকু

(দাতা দয়ালু পরমেশ্বরের নামে প্রবৃত্ত হইতেছি ।)

মানব-মণ্ডলীর জন্ত তাহাদের হিসাব সন্নিহিত হইয়াছে ও তাহারা শৈথিল্যে আছে, (এবং) বিমুখ † । ১ । তাহাদের নিকটে তাহাদের প্রতিপালক হইতে কোন নূতন উপদেশ, তাহা শ্রবণকরণানন্তর তাহারা আমোদ করিয়াছে ব্যতীত, উপস্থিত হয় নাই । ২ । + তাহাদের মন শিথিল হইয়াছে, এবং অত্যাচারিগণ গোপনে মন্ত্রণা করিয়াছে যে, এ তোমাদের জ্ঞায় মহত্ত্ব ভিন্ন নহে ; অনন্তর তোমরা কি ইঙ্গজালের নিকটে আসিতেছ ?

পূর্বতন মণ্ডলীর প্রতি যে শান্তি ও মৃত্যু উপস্থিত হইয়াছিল, প্রাচীন গ্রন্থ সকলে তাহা তাহারা কি পাঠ করে নাই? তওরাতে ও বাইবেলে হজরত মোহাম্মদের বর্ণনা ও তাহার আবির্ভাবের উল্লেখ আছে । হজরতের সম্বন্ধে প্রধান অলৌকিকতা কোর্-আন, এই স্বর্গীয় মহানিদর্শন তাহাদের নিকটে প্রকাশিত আছে । হজরত কোন গ্রন্থ না পড়িয়া, কাহারও নিকটে শিক্ষা না করিয়া, কোর্-আনের সূরা সকল প্রচার করিতেছেন । (ত, হো,)

* মক্কাতে এই সূরার আবির্ভাব হয় ।

† মানবমণ্ডলীর সদস্য কর্মের হিসাব লওয়ার দিন অর্থাৎ কেয়ামত নিকটবর্তী । এ স্থলে মানবমণ্ডলী অর্থে মক্কার কাকেরগণ । তাহারা বদরের হত্যাকাণ্ডের বিনিময়ে যে ধৃত হইবে, সেই দিন নিকটবর্তী হইয়াছে । (ত, হো,)

অথচ তোমরা দর্শন করিতেছ * । ৩ । সে বলিল, “আমার প্রতিপালক পৃথিবীস্থ ও স্বর্গস্থ বাক্য জানিতেছেন, এবং তিনি শ্রোতা জ্ঞাতা” । ৪ । বরং তাহারা বলিল, “(এই কোর্-আন্) বিক্ষিপ্ত চিন্তা, বরং সে তাহা রচনা করিয়াছে, বরং সে কবি ; অনন্তর উচিত যে, সে আমাদের নিকটে কোন নিদর্শন আনয়ন করে, যেমন পূর্ববর্তিগণ তৎসহ প্রেরিত হইয়াছিল” । ৫ । তাহাদের পূর্বে (এমন) কোন গ্রাম (গ্রামবাসী) বিশ্বাস স্থাপন করে নাই, যাহাকে আমি বিনাশ করিয়াছি ; অবশেষে তাহারা কি বিশ্বাস করিবে ? ৬ । এবং তোমার পূর্বে, (হে মোহাম্মদ,) যে সকল পুরুষের প্রতি প্রত্যাদেশ করিতেছিলাম, আমি তাহাদিগকে বৈ প্রেরণ করি নাই ; অনন্তর, (হে লোক সকল,) তোমরা যদি অবগত না থাক, তবে গ্রন্থাধিকারীদিগকে জিজ্ঞাসা কর ৭ । ৭ । এবং আমি তাহাদিগের (প্রেরিত পুরুষদিগের) এমন শরীর করি নাই যে, তাহারা অল্প ভক্ষণ করিত না, তাহারা চিরস্থায়ী ছিল না । ৮ । তৎপর তাহাদের সম্মুখে আমি অঙ্গীকার সপ্রমাণ করিয়াছি, অনন্তর তাহাদিগকে মুক্তি দিয়াছি ও (বিশ্বাসীদিগের) যাহাকে ইচ্ছা করিয়াছি (মুক্তি দিয়াছি,) এবং সীমালঙ্ঘনকারীদিগকে বিনাশ করিয়াছি । ৯ । সত্য সত্যই আমি তোমাদিগের প্রতি গ্রন্থ অবতারণ করিয়াছি, তন্মধ্যে তোমাদের জগৎ উপদেশ আছে ; অনন্তর তোমরা কি বুঝিতেছ না ? ১০ । (১, ১৫, ১০)

এবং অত্যাচারী ছিল, এমন কত বসতি আমি চূর্ণ করিয়াছি ও তাহার পরে অন্য জাতি সৃষ্টি করিয়াছি । ১১ । অনন্তর যখন তাহারা আমার শাস্তি অনুভব করিল, অকস্মাৎ তাহারা তথা হইতে দৌড়িতে লাগিল । ১২ । (বলিলাম,) “তোমরা দৌড়িও না ও যাহাতে স্থখ দেওয়া গিয়াছে, সেই দিকে ও আপন আলয় সকলের দিকে ফিরিয়া আইস ; হয়তো তোমরা জিজ্ঞাসিত হইবে” ১৩ । তাহারা বলিল, “হায় ! আমাদের প্রতি আক্ষেপ, নিশ্চয় আমরা অত্যাচারী ছিলাম” । ১৪ । অনন্তর যে পর্যন্ত আমি শাস্তকর্ত্তিত ক্ষেত্র (সদৃশ) করিয়াছিলাম, সে পর্যন্ত সর্বদা তাহাদের

* “তোমরা কি ইল্লাজালের নিকটে আসিতেছ ?” অর্থাৎ ইল্লাজাল মাগ্ন করিতেছ ? কাফেরদিগের এই সংস্কার ছিল যে, হজরত তাহাদের নিকটে যে সকল ঐশ্বরিক বাক্য পাঠ করিয়া থাকেন, তাহা কুহকবিশেষ । অবশেষে তাহারা পরস্পর গোপনে বলিতে লাগিল যে, তোমরা জানিও, মোহাম্মদ যাহা পাঠ করিয়া থাকে, তাহা ভেঁকি ; এবং তোমরা দেখিতেছ যে, সে দেবতা নহে, তোমাদের জ্ঞায় মনুষ্য । অতঃপর তোমরা কি ভাবিতেছ ? তাহার চেষ্টা বিফল কর । পরমেশ্বর হজরতকে তাহাদের এই মন্তণার সংবাদ দান করিতেছেন । (ত, হো,)

† অর্থাৎ গ্রন্থাধিকারী ঈসারী ও মুসারী সম্প্রদায় প্রভৃতিকে জিজ্ঞাসা কর যে, প্রেরিত পুরুষগণ মনুষ্য, না দেবতা ছিল । (ত, হো,)

‡ ঈশ্বরের শাস্তির ভয়ে লোক সকল পলায়ন করিতে লাগিল ; দেবতার উপহাস করিয়া বলিতে লাগিল, দৌড়িও না, আপন গৃহে ফিরিয়া আইস । স্বীয় ধর্মপ্রবর্তকের হত্যাসম্বন্ধে তোমরা জিজ্ঞাসিত হইবে । (ত, হো,)

এই আর্ন্তনাদ ছিল। ১৫। এবং আমি স্বর্গ মর্ত্য এবং এই উভয়ের মধ্যে যাহা আছে, ক্রীড়াকারিরূপে তাহা সৃষ্টি করি নাই। ১৬। যদি ইচ্ছা করিতাম যে, ক্রীড়ামোদ গ্রহণ করি, তবে অবশ্য আপনা হইতে গ্রহণ করিতাম, যদি কাঙ্ক্ষাকারক হইতাম। ১৭। বরং আমি সত্যকে অসত্যের উপর নিক্ষেপ করিতেছি, পরে তাহার মস্তক ভগ্ন হইতেছে, অবশেষে উহা অকস্মাৎ বিলুপ্ত হইতেছে; তোমরা যাহা বর্ণন করিতেছ, তজ্জন্ত তোমাদের প্রতি আক্ষেপ *। ১৮। এবং যে কেহ স্বর্গে ও পৃথিবীতে আছে, সে তাঁহারই ও যাহার। তাঁহার নিকটে আছে, তাহারা তাঁহার অর্চনায় গর্ষ করে না ও পরিশ্রান্ত হয় না। ১৯। তাহারা দিবারাত্রি স্তব করে, শৈথিল্য করে না। ২০। তাহারা কি এমন পার্থিব বস্তুসকল উপাস্তরূপে গ্রহণ করে, যাহারা (মৃতদিগকে) জীবিত করিয়া থাকে না? ২১। যদি (স্বর্গ মর্ত্য) উভয়ের মধ্যে এই ঈশ্বর ব্যতীত অনেক উপাস্ত থাকিত, তবে অবশ্য সেই দুইই সঙ্কটাপন্ন হইত; অনন্তর তাহারা যাহার বর্ণন করিয়া থাকে, তদপেক্ষা স্বর্গের প্রতিপালক পরমেশ্বরের পবিত্রতা (অধিক)। ২২। তিনি যাহা করেন, তদ্বিষয়ে জিজ্ঞাসিত হন না, বরং তাহারা জিজ্ঞাসিত হইয়া থাকে। ২৩। তাহারা কি তাঁহাকে ব্যতীত (অন্য) ঈশ্বর গ্রহণ করে? তুমি বল, তোমরা আপনাদের প্রমাণ উপস্থিত কর; যাহারা আমার সঙ্গে আছে, তাহাদের এই পুস্তক (কোর-আন গ্রন্থ) ও যাহারা আমার পূর্কে ছিল, তাহাদেরও পুস্তক; বরং তাহাদের অধিকাংশ লোক সত্যকে জানিতেছে না, পরন্তু তাহারা অগ্রাহকারী ঃ। ২৪। তোমার পূর্কে, (হে যোহান্না,) যাহার প্রতি প্রত্যাদেশ করিতেছিলাম, আমি তাহাকে ব্যতীত অন্য কোন প্রেরিতপুরুষ পাঠাই নাই; এই যে আমি ভিন্ন উপাস্ত নাই, অনন্তর তোমরা আমাকে অর্চনা কর। ২৫। এবং তাহারা বলিয়াছে যে, পরমেশ্বর সন্তান গ্রহণ করিয়াছেন, পবিত্রতা তাঁহারই, বরং (দেবগণ) সম্মানিত দাস। ২৬।+ তাহারা কথায় তাঁহাকে অতিক্রম করে না, বরং তাহারা তাঁহার আজ্ঞাক্রমে কার্য্য করে। ২৭। তাহাদের সম্মুখে যাহা ও তাহাদের পশ্চাতে যাহা আছে, তিনি তাহা জানিতেছেন; এবং যে ব্যক্তি মনোনীত হয়, তাহার জন্ত ব্যতীত তাহারা শফায়ত (ক্ষমার অনুরোধে) করে না, এবং তাহারা তাঁহার ভয়ে দ্যাকুল *। ২৮।

* অর্থাৎ আমি সত্যকে অসত্যের উপর অর্থাৎ আমোদ প্রমোদের উপর, অথবা এসলাম ধর্ম্মকে পৌত্তলিকতার উপর প্রাধান্য দান করিতেছি। তোমরা যে, ঈশ্বর স্ত্রী পুত্র গ্রহণ করিয়াছেন, এরূপ অযোগ্য বর্ণনা করিতেছ, তজ্জন্ত তোমাদিগকে দিচ্। (ত, হে,)

+ অর্থাৎ তাহারা কি পার্থিব বস্তু হ্রবর্ণ রজত কাষ্ঠ মৃত্তিকাদি দ্বারা নির্মিত ঈশ্বর আকার করে ও সেই ঈশ্বর কি মৃতদিগকে পুনর্জীবন দান করিতে পারে? (ত, হে,)

‡ যে সকল দেবতাকে ঈশ্বরের তুল্যরূপে গণনা করা হইয়াছে, প্রথমতঃ তাহাদের প্রসঙ্গ হইয়াছে, যথা, দুই প্রজ্বলিত জগৎ বিনাশ পাইত। যাহাদিগকে ঈশ্বরের প্রতিনিধিরূপে গণ্য করা গিয়াছে, এক্ষণ তাহাদের প্রসঙ্গ হইতেছে; প্রমাণ স্থলে সেই সকল প্রতিনিধিদিগের ওড়ুর নিদর্শনপত্র আবশ্যক, তদ্ব্যতীত কেমন করিয়া তাহারা প্রতিনিধি হইবে। (ত, কা,)

এবং তাহাদের মধ্যে যে ব্যক্তি বলে যে, “তিনি ভিন্ন নিশ্চয় আমিই ঈশ্বর,” অনন্তর এই তাহাকে আমি নরকদণ্ড বিধান করি; এই প্রকার অত্যাচারীদিগকে আমি বিনিময় দান করিয়া থাকি। ২০। (র, ২, আ, ১২)

ধর্মত্রোহিগণ কি দেখে নাই যে, আকাশ ও পৃথিবী বদ্ধ ছিল, পরে আমি উভয়কে উন্মুক্ত করিয়াছি, এবং আমি জল দ্বারা সমুদায় বস্তুকে জীবিত করিয়াছি; অনন্তর তাহারা কি বিশ্বাস করিতেছে না? ৩০। এবং আমি পৃথিবীতে (এই ভাবে) পর্বত সকল সৃষ্টি করিয়াছি, যেন উহা সেই সকলের সঙ্গে বিচলিত না হয়, এবং আমি তথায় প্রশস্ত বস্তুসকল উৎপাদন করিয়াছি, হয়তো তাহারা পথ প্রাপ্ত হইবে। ৩১। এবং আমি আকাশকে সংরক্ষিত ছাদ করিয়াছি ও তাহারা তাহার নিদর্শন সকল হইতে বিমুগ্ধ আছে। ৩২। এবং তিনিই যিনি রাত্রি ও দিবা, স্বর্ষ্য ও চন্দ্র সৃজন করিয়াছেন, সকলেই আকাশেতে স্তুতি করিতেছে। ৩৩। এবং তোমার পূর্বে, (হে মোহম্মদ,) কোন মনুষ্যের জন্ত স্থায়িত্ব প্রদান করি নাই; অনন্তর যদি তুমি মরিয়া যাও, তবে তাহারা কি স্থায়ী হইবে? ৩৪। প্রত্যেক মনুষ্য মৃত্যুর আশ্বাদনকারী, এবং আমি তোমাদিগকে সম্পদ বিপদ দ্বারা পরীক্ষাভূসারে পরীক্ষা করিয়া থাকি, এবং আমার দিকে তোমরা প্রত্যাবর্তিত হইবে। ৩৫। এবং ধর্মত্রোহিগণ যখন তোমাকে দেখে, তখন বিক্রম করে ভিন্ন তোমাকে গ্রহণ করে না; (যথা) “যে ব্যক্তি তোমাদের উপাস্তগণকে (অবজ্ঞা করিয়া) স্মরণ করে, এ কি সে?” তাহারা ঈশ্বরের স্মরণেতে বিরুদ্ধাচারী। ৩৬। মনুষ্য সত্ত্ব সৃষ্ট হইয়াছে, অবশ্য তোমাদিগকে আপন নিদর্শন দেখাইব; অনন্তর তোমরা সত্ত্ব চাহিও না। ৩৭। এবং তাহারা বলে, “যদি তোমরা সত্যবাদী হও, তবে এই অঙ্গীকার কবে হইবে?” ৩৮। ধর্মত্রোহিগণ যদি সেই সময়কে

* কাকেরদিগের সম্বন্ধে কাহারও “শকায়তের” আশা নাই, ঈশ্বরের আজ্ঞা বাতীত দেবতারাত তাহাদের জন্ত শকায়ত করিতে পারেন না। এবং আকাশ বলিয়াছেন যে, যে ব্যক্তি পৃথিবীতে পবিত্র কলমা উচ্চারণ করিয়াছে ও তৎপ্রতি অন্তরের সহিত বিশ্বাস রাখে, তাহার সম্বন্ধেই “শকায়ত” বিধেয় হইয়াছে। (ত, হো,)

† অর্থাৎ আকাশে মেঘ বদ্ধ ছিল, বারিবর্ষণ হইত না। পৃথিবীতে জলপ্রণালী ও খনি ইত্যাদি বদ্ধ ছিল। পরে এ সকল প্রকাশিত হয়, আকাশে নক্ষত্রাবলী দীপ্তি পায়, বারিবর্ষণ হয়, নদ নদী ও উদ্ভিদাদি উৎপন্ন হয়, গুরুবোলে জীবের উৎপত্তি হয়, এই সমুদায়েরই মূল ঈশ্বর। (ত, হো,)

‡ পৃথিবীর দৃঢ়তার জন্ত পর্বত সকল স্থাপিত হইয়াছে। এক দেশের লোকের সঙ্গে অন্য দেশের লোক মিলিতে পর্বত প্রতিবন্ধক যেন না হয়, এজন্য পথ প্রস্তুত হইয়াছে। (ত, কা,)

§ অর্থাৎ এমন ছাদ নির্মিত হইয়াছে যে, কেহ তাহা ভগ্ন করিতে পারে না। (ত, কা,)

¶ স্বর্ষ্য চন্দ্র দিবা রাত্রি নির্দিষ্ট স্থানে ভ্রমণ করিয়া ঈশ্বরের মহিমা ঘোষণা করিতেছে। (ত, কা,)

|| কাকের লোকে বলে যে, এ ব্যক্তিপর্যন্ত এই ঘটনা ও আন্দোলন; এ মরিয়া গেলে আর কিছুই থাকিবে না। (ত, কা,)

জানিত, যে সময়ে আপন মুখমণ্ডল হইতে ও আপন পৃষ্ঠ হইতে অগ্নি নিবারিত করিতে পারিবে না, এবং তাহারা আবহুত্ব প্রাপ্ত হইবে না, (ভাল ছিল)। ৩৯। তাহাদের নিকটে অকস্মাৎ (কেয়ামত) উপস্থিত হইবে, অনন্তর তাহাদিগকে অস্থির করিয়া তুলিবে, তাহারা তাহা খণ্ডন করিতে পারিবে না, এবং তাহাদিগকে অবকাশ দেওয়া যাইবে না। ৪০। এবং সত্য সত্যই তোমার পূর্বে, (হে মোহাম্মদ,) প্রেরিতপুরুষগণকে উপহাস করা হইয়াছে; অনন্তর তাহাদের যাহারা উপহাস করিয়াছিল, যদ্বারা উপহাস করিয়াছিল, তাহা তাহাদিগকে আক্রমণ করিয়াছে। ৪১। (র, ৩, আ, ১২)

তুমি জিজ্ঞাসা কর, দিবা রাত্রি ঈশ্বরের (শাস্তি) হইতে কে তোমাদিগকে রক্ষা করিবে? বরং তাহারা স্বীয় প্রতিপালকের প্রদত্ত হইতে মুখ ফিরাইয়া থাকে। ৪২। আমি ভিন্ন তাহাদের জ্ঞাত কি উপাশ্রয় সকল আছে, যে তাহাদিগকে রক্ষা করে? তাহারা আপন জীবনকে সাহায্য দান করিতে পারে না ও তাহারা আমার (শাস্তি) হইতে রক্ষিত হইতে পারে না। ৪৩। বরং আমি তাহাদিগকে ও তাহাদের পিতৃপুরুষদিগকে এতদূর ফলভোগী করিয়াছি যে, তাহাদিগের প্রতি জীবন দীর্ঘ হইয়াছে; অনন্তর তাহারা কি দেখিতেছে না যে, আমি পৃথিবীতে তাহার বিভাগ সকল হইতে তাহাকে নষ্ট করিয়া উপস্থিত হইতেছি? অবশেষে তাহারা কি বিজেতা *? ৪৪। তুমি বল, প্রত্যাদেশ-যোগে আমি তোমাদিগকে ভয় প্রদর্শন করিতেছি, এতদ্ভিন্ন নহে; এবং যখন কিছু ভয় প্রদর্শন করা হয়, বধির লোকেরা (সেই) ধ্বনি শুনিতে পায় না। ৪৫। এবং যদি তোমার প্রতিপালকের শাস্তির কিঞ্চিৎ গন্ধ তাহাদিগকে স্পর্শ করে, তবে নিশ্চয় তাহারা বলিবে, “হায়! আমাদের প্রতি আক্ষেপ, একান্তই আমরা অত্যাচারী ছিলাম”। ৪৬। এবং কেয়ামতের দিনে আমি জ্বায়ের তুল্যস্ত স্থাপন করিব, তখন কোন ব্যক্তি কিছুই অত্যাচারগ্রস্ত হইবে না, এবং সর্বপঙ্খিকা পরিমাণ (অহুষ্ঠান) হইলেও আমি তাহা আনয়ন করিব, আমি যথেষ্ট হিসাবকারী †। ৪৭। এবং সত্য সত্যই আমি মুসা'কে ও হারুনকে মীমাংসাগ্রস্ত ও জ্যোতি, এবং ধর্মভীরু লোকদিগের জ্ঞাত উপদেশ দান করিয়াছি। ৪৮। + যাহারা গোপনে আপন প্রতিপালককে ভয় করে, তাহারা কেয়ামত হইতে ভীত। ৪৯। এবং এই উপদেশ (কোর-আন) ফলোপধায়ক, ইহাকে আমি অবতারণ করিয়াছি; অনন্তর তোমরা কি ইহার অগ্রাহ্যকারী হইয়াছ? ৫০। (র, ৪, আ, ২)

* তাহাদের বয়ঃক্রম দীর্ঘ হয়, তাহাতে তাহারা অহঙ্কারী হইয়া উঠে ও মনে করে যে, সর্বদা এই ভাবেই গত হইবে। তাহারা ইহা জানে না যে, মুহম্মদ হযরত মূল ছিল ও জীবনের ভিত্তি চূর্ণ হইয়া থাকে। (ভ, ফা,)

† কোন কোন ভাষ্যকারের মত এই যে, তুল্যস্ত অর্থে জ্বায়ে-বিচার। তুল্যস্ত স্থাপন, পাণ পুণ্ডর দণ্ড পুরস্কারাদির সত্য ও জ্ঞানানুসারে বিচার ও হিসাবের উদাহরণস্থলে উক্ত হইয়াছে। সাধারণের মত এই যে, পরলোকে একটি তুল্যস্ত আছে, তাহাতে একটি পরিমাণদণ্ড ও দুই দিকে দুইটি পরিমাণপাত্র বিস্তারিত। তাহাতে লোকের ধর্ম্মাধর্ম্মের পরিমাণ করা হয়। (ভ, ফা,)

এবং সত্য সত্যই আমি পূর্বে এব্রাহিমকে তাহার পথের আলোক প্রদান করিয়াছি ও তাহার (অবস্থা) সম্বন্ধে আমি জ্ঞানী ছিলাম। ৫১। (স্মরণ কর,) যখন সে আপন পিতাকে ও স্বজনদিগকে জিজ্ঞাসা করিল, “এই সকল কি মূর্তি, তোমরা যাহাদিগের সহবাস করিয়া থাক” * ? ৫২। তাহারা বলিল, “আমাদের পিতৃপুরুষগণকে ইহাদের অর্চনাকারী প্রাপ্ত হইয়াছি”। ৫৩। সে বলিল, “সত্য সত্যই স্পষ্ট পথপ্রাপ্তিতে তোমরা (আছ) ও তোমাদের পিতৃপুরুষগণ ছিল”। ৫৪। তাহারা বলিল, “তুমি কি আমাদের নিকটে সত্য উপস্থিত করিয়াছ, অথবা তুমি কি আমোদকারীদিগের অন্তর্গত” ? ৫৫। সে বলিল, “বরং যিনি স্বর্গ মর্ত্যের প্রতিপালক ও এ দুইকে স্বজন করিয়াছেন, তিনিই তোমাদের প্রতিপালক, এবং আমি এ বিষয়ে সাক্ষীদিগের অন্তর্গত”। ৫৬। এবং ঈশ্বরের শপথ, তোমরা পৃষ্ঠভঙ্গ দিয়া ফিরিয়া গেলে পর, অবশ্য আমি তোমাদের প্রতিমা সকলের সঙ্গে অসদ্ব্যবহার করিব” †। ৫৭। অনন্তর সে তাহাদের প্রধান প্রতিমা ব্যতীত সেই সকলকে খণ্ড খণ্ড করিল ; (এই মনে করিল,) হয়তো তাহারা তাহার প্রতি পুনরুন্মুখ হইবে ‡। ৫৮। তাহারা বলিল, “কে আমাদের ঈশ্বরগণের প্রতি ইহা করিল, নিশ্চয় সে অত্যাচারীদিগের অন্তর্গত” §। ৫৯। (পরস্পর) বলিল, “আমরা শুনিয়াছি, এক

* কেহ কেহ বলেন যে, বাবেলের দেবালায়ে বায়াত্তরটি প্রতিমা, কেহ বলেন, নব্বইটি প্রতিমা ছিল। সর্বপ্রধানমূর্তি স্বর্ণনির্মিত ও তাহার দুই চক্ষুতে দুইটি উজ্জ্বল মণি সংযুক্ত ছিল। সেই সকল মূর্তি পশু পক্ষী মনুষ্যাকারে বা গ্রহ নক্ষত্রাদির আকারে গঠিত ছিল, এক্রপ উক্ত হইয়াছে। এব্রাহিম সেই সকল প্রতিমূর্তিকে লক্ষ্য করিয়া জিজ্ঞাসা করিয়াছিলেন যে, এ সকল কিসের মূর্তি ? (ত, হো,)

† ঈশ্বরবিরোধী বাবেলাধিপতি নেমরুদের অমুবর্তী লোকেরা বৎসরে একদিন বিশেষ উৎসব করিত, সেই দিবস তাহারা প্রাস্তরে বাইয়া সায়াংকাল পর্যন্ত আমোদ আহ্লাদে রত থাকিত। পরে দেবালায়ে প্রত্যাগমন করিয়া দেবমূর্তি সকলকে হুসজ্জিত করিত ও সেই সকলকে প্রণাম ও পূজা অর্চনা করিয়া আপন আপন গৃহে ফিরিয়া যাইত। যখন এব্রাহিম বাবেলবাসীদের সঙ্গে তাহাদের প্রতিমাবিষয়ে তর্ক বিতর্ক করিয়াছিলেন, তখন তাহারা বলিয়াছিল যে, কলা আমাদের উৎসব, আমাদের সঙ্গে উৎসবে উপস্থিত হইয়া দেখিও, আমাদের ধর্মপ্রণালী কেমন উত্তম। এব্রাহিম হাঁ বা না কিছুই বলিলেন না। পরদিন পৌত্তলিকগণ চাহিল যে, তাহাকে সঙ্গে করিয়া উৎসবে লইয়া যার। কিন্তু তিনি পীড়ার ছল করিয়া গেলেন না। তাহারা চলিয়া গেলে পর, তিনি তাহাদের অগোচরে এইরূপ বলিলেন। (ত, হো,)

‡ এব্রাহিম প্রধান মূর্তিকে রাখিয়া অল্প সমুদায় মূর্তি কুঠারাঘাতে ভাঙ্গিয়া ফেলিয়াছিলেন। প্রধান মূর্তির সঙ্গে আপন কুঠার স্থাপন করিয়াছিলেন।

§ অর্থাৎ সেই ব্যক্তি অত্যাচারী, কোথায় দেবতাদিগকে সম্মান করিবে, না যার পর নাই অপমান করিল; অথবা সে আত্মজীবনের প্রতি অত্যাচারী, এই কার্য দ্বারা সে আপনাকে মৃত্যুর স্রোতে নিক্ষেপ করিল। নেমরুদের অমুবর্তী লোকেরা, যে এক্রপ দ্রুত করিচ্চাছে, তাহার অমুসন্ধানে প্রবৃত্ত হইল। তখন এক ব্যক্তি, এব্রাহিম প্রতিমা ভঙ্গ করিয়াছে, বলিয়া নির্দেশ করিল। (ত, হো,)

নবযুবক, তাহাকে এত্রাহিম বলিয়া থাকে, সে সেই সকলের প্রসঙ্গ করিত”। ৬০। তাহারা বলিল, “অনন্তর তাহাকে লোকের চক্ষুর নিকটে উপস্থিত কর, হয়তো তাহারা সাক্ষ্য দান করিবে”। ৬১। তাহারা জিজ্ঞাসা করিল, “হে এত্রাহিম, তুমি কি আমাদিগের ঈশ্বরগণের প্রতি ইহা করিয়াছ” ? ৬২। সে বলিল, “বরং ইহাদিগের এই প্রধান (দেব) তাহা করিয়াছে ; অনন্তর যদি ইহারা কথা কহিতেছিল, তবে ইহাদিগকে প্রহর কর”। ৬৩। অবশেষে তাহারা আপনাদের প্রতি প্রত্যাবর্তিত হইল, পরে (পরস্পর) বলিল, “নিশ্চয় তোমরা অত্যাচারী”। ৬৪। তৎপর তাহারা আপনাদের মস্তকোপরি উলটিয়া পড়িল, * (বলিল,) “সত্য সত্যই তুমি জান যে, ইহারা কথা কহে না”। ৬৫। সে বলিল, “অনন্তর তোমরা কি সেই ঈশ্বরকে ছাড়িয়া তাহার পূজা কর, যে তোমাদিগের কিছুই লাভ ও ক্ষতি করে না ? ৬৬। তোমাদের প্রতি ও তোমরা ঈশ্বর ব্যতীত যাহাদিগকে অর্চনা কর, তাহাদের প্রতি আক্ষেপ ; অনন্তর তোমরা কি বুঝিতেছ না” ? ৬৭। তাহারা বলিল, “ইহাকে দণ্ড কর, যদি তোমরা কার্য্যকারক হও ; তবে আপনাদের ঈশ্বরদিগকে সাহায্য কর” †। ৬৮। আমি বলিলাম, “হে অগ্নি, তুমি এত্রাহিমের উপর শীতল ও শাস্ত হও”। ৬৯। + এবং তাহারা তাহার সঙ্গে প্রবঞ্চনা করিতে ইচ্ছা করিয়াছিল, অনন্তর আমি তাহাদিগকে ক্ষতিগ্রস্ত করিয়াছিলাম ‡। ৭০। সেই দেশের দিকে আমি তাহাকে ও লুতকে উদ্ধার করিয়া লইয়া গেলাম, যেস্থানকে জগদ্ধামোদিগের জন্ত গৌরব দান করিয়াছিলাম §। ৭১। এবং তৎপ্রতি আমি এসহাককে

* অর্থাৎ অধোবদনে রহিল।

† নেমরুদ এক পর্বতের সম্মুখে একটি প্রশস্ত স্থান উচ্চ প্রাচীরে বদ্ধ করে। প্রায় এক মাস কাল কাঠ আহরণ করিয়া তন্মধ্যে সঞ্চয় করিয়া রাখে। সেই কাঠপুঞ্জ যত ঢালিয়া অগ্নি জালিয়া দেয়। এত্রাহিমকে বন্ধন করিয়া সেই অগ্নিমধ্যে পর্বতের উপর হইতে বিশেষ যন্ত্রযোগে নিক্ষেপ করা হয়। অগ্নিতে বিসর্জন করার সময় ছেত্রিল আসিয়া এত্রাহিমকে বলেন, “তোমার যাহা ইচ্ছা হয়, প্রার্থনা কর।” তিনি বলেন, “আমার কোন প্রার্থনাই নাই।” তিনি ঈশ্বরের প্রতি সম্পূর্ণ নির্ভর স্থাপন করিয়া থাকেন। (ত, হো,)

‡ যখন এত্রাহিম অগ্নিতে বিসর্জিত হইলেন, তৎক্ষণাৎ তাহার হস্ত পদ ও গলদেশের বন্ধন সকল দগ্ধ হইয়া গেল ও তাহার চতুর্দিকে পুষ্প সকল বিকশিত ও মৃষ্টজলের প্রস্রবণ প্রবাহিত হইল। সাত দিবস তিনি সেই স্থানে ছিলেন। নেমরুদ প্রাসাদের উপর হইতে দেখিল যে, এত্রাহিম মনোহর পুষ্পোদ্ভাদানে বসিয়া দেবতাদের সঙ্গে কথোপকথন করিতেছেন। তখন সে ডাকিয়া বলিল, “এত্রাহিম, তোমার ঈশ্বরের অত্যন্ত ক্ষমতা দেখিতেছি, আমি তাহার উদ্দেশ্যে বলিদান করিব।” এত্রাহিম বলিলেন, “যে পর্য্যন্ত তুমি ধর্ম গ্রহণ না কর, সে পর্য্যন্ত আমার ঈশ্বর তোমার প্রদত্ত বলি গ্রহণ করিবেন না।” কথিত আছে যে, পরে নেমরুদ চারি সহস্র গো বলিদান করিয়াছিল। (ত, হো,)

§ অর্থাৎ শামদেশে আমি তাহাকে ও লুতকে লইয়া গেলাম। ধর্মপ্রবর্তক প্রেরিতপুরুষদিগের অভ্যুদয় দ্বারা সেই দেশকে গৌরবান্বিত করিয়াছিলাম, এবং তদ্ব্যয় আমি হইতে অনেক সম্পদ ও

ও অতিরিক্ত (পৌত্র) ইয়কুবকে দান করিয়াছিলাম ও প্রত্যেককে সাধু করিয়াছিলাম। ৭২। এবং আমি তাহাদিগকে অগ্রণী করিয়াছিলাম, তাহারা আমার আজ্ঞানুসারে পথ প্রদর্শন করিত; এবং সংকর্ষ্য করিতে ও উপাসনা প্রতিষ্ঠিত রাখিতে এবং জ্বকাত দান করিতে তাহাদিগকে আমি প্রত্যাদেশ করিয়াছিলাম, এবং তাহারা আমার সেবক ছিল। ৭৩।+ এবং আমি লুতকে জ্ঞান বিজ্ঞান দান করিয়াছিলাম, এবং যে (গ্রাম) দুর্ভিক্ষ করিত, সেই গ্রাম হইতে তাহাকে উদ্ধার করিয়াছিলাম; নিশ্চয় তাহারা পাপাচারী দুষ্ট জাতি ছিল *। ৭৪।+ এবং তাহাকে আমি স্বীয় অল্পগ্রহের মধ্যে প্রবেশ করাইয়াছিলাম, নিশ্চয় সে সাধুদিগের অন্তর্গত ছিল। ৭৫। (৩, ৫, আ, ২৫)

এবং তঁহাকে (স্বরণ কর;) যখন ইতিপূর্বে সে ডাকিয়াছিল, তখন আমি তাহা গ্রাহ্য করিয়াছিলাম; পরে আমি তাহাকে ও তাহার পরিজনকে গুরুতর ক্রোধ হইতে মুক্ত করিয়াছিলাম। ৭৬। এবং তাহারা আমার নিদর্শন সকলের প্রতি অসত্যারোপ করিয়াছিল, সেই সম্প্রদায়সম্বন্ধে আমি তাহাকে সাহায্য দান করিয়াছিলাম; নিশ্চয় তাহারা দুষ্ট লোক ছিল, অনন্তর আমি তাহাদিগকে একযোগে জলমগ্ন করিয়াছিলাম। ৭৭। এবং দাউদ ও সোলয়মানকে (স্বরণ কর,) যখন শত্ৰুক্ষেত্রবিষয়ে যে সময়ে তাহাতে এক সম্প্রদায়ের ছাগপাল চরিয়াছিল, তাহারা আদেশ করিতেছিল, এবং আমি তাহাদের আদেশের সাক্ষী ছিলাম †। ৭৮। অনন্তর আমি সোলয়মানকে তাহা বুঝাইয়া

অল্পগ্রহের সঞ্চার হইয়াছিল। এব্রাহিম শামদেশের ফলসতিননামক স্থানে উপনীত হন, লুত মওতকভাবে যাইয়া বাস করেন, এই দুই স্থানের ব্যবধান এক দিবসের পথ। (ত, হো,)

* সেই গ্রামের নাম সত্ৰুম। সত্ৰুমনিবাসিগণ অত্যন্ত দুর্ভিক্ষ করিত, গর্হিত ব্যস্তির ও বলাৎকার রত ছিল। (ত, হো,)

+ নরপতি দাউদ যখন বিচারালয়ে উপবেশন করিতেন, তখন তাঁহার পুত্র সোলয়মান বিচারালয়ের দ্বারে বসিয়া থাকিতেন। বিচারার্থী যে কেহ বাহিরে আসিত, তিনি তাহাকেই তাহার অভিযোগ কি ছিল ও পিতা কিরূপ নিষ্পত্তি করিয়াছেন, জিজ্ঞাসা করিতেন। একদা দুই জন অর্থাৎ প্রত্যর্থা বিচারাগারে উপস্থিত হই, একজন কুবক তাহার নাম আরলিয়া, আর একজনের নাম ইয়ুহনা ছিল, সে ছাগ পশু পালন করিত। আরলিয়া বলিল, “মহারাজ, আমার প্রতিবেশী ইয়ুহনা রাত্রিতে ছাগপাল ছাড়িয়া দিয়াছিল, সেই পশুযুগ আমার ক্ষেত্রে প্রবেশ করিয়া সমুদায় শস্ত নষ্ট করিয়াছে।” দাউদ ইয়ুহনাকে এ বিষয় জিজ্ঞাসা করিলে, সে বলিল, “হা, একরূপ হইয়াছে।” তখন দাউদ আদেশ করিলেন, “আপন পশুযুগ এই অপরাধের জন্ত তুমি আরলিয়াকে অর্পণ কর।” দাউদের ব্যবহাশাজ্ঞে এইরূপই বিধি ছিল। পরে আরলিয়া ও ইয়ুহনা বিচারমণ্ডপ হইতে বাহিরে চলিয়া আসিলে, সোলয়মান অভিযুক্ত বিষয়ের বিশেষ বৃত্তান্ত অবগত হন; তৎক্ষণাৎ তিনি বিচারালয়ে প্রবেশ করিয়া পিতাকে বলেন, “বিচার-নিষ্পত্তি অন্তরূপ হইলে ভাল হইত।” দাউদ জিজ্ঞাসা করিলেন, “কিরূপ করা যায়?” সোলয়মান উত্তর করিলেন যে, “ছাগযুগ আরলিয়াকে অর্পণ করা হউক, সে দুজ্ঞ ও যত ইত্যাদি দ্বারা লাভ করিতে থাকুক; এবং শত্ৰুক্ষেত্র ইয়ুহনাকে অর্পণ করা হউক, সে ক্ষেত্র কর্ণ ও বীজবপনাদি

দিয়াছিলাম ও প্রত্যেককে জ্ঞান বিজ্ঞান দান করিয়াছিলাম, এবং দাউদের সঙ্গে স্তব করিতে পক্ষী ও পর্বত সকলকে বাধ্য করিয়াছিলাম, এবং আমি কর্মকর্তা ছিলাম *। ৭২। এবং তোমাদের জন্ত তাহাকে আমি পরিচ্ছদ প্রস্তুত করিতে শিক্ষা দিয়াছিলাম, যেন তোমাদিগকে তোমাদের সংগ্রামক্ষেত্র হইতে রক্ষা করে; অনন্তর তোমরা কি কৃতজ্ঞ হও ৭। ৮০। এবং মহাবাত্যাকে সোলয়মানের (বাধ্য করিয়াছিলাম,) উহা তাহার আদেশক্রমে সেই দেশে প্রবাহিত হইত, যাহাকে আমি গৌরব দান করিয়াছিলাম; এবং আমি সমুদায় বস্ত্রসম্বন্ধে জ্ঞাতা †। ৮১। এবং দৈত্যদিগের মধ্যে বাহার তাহার জন্ত জলমগ্ন হইত, এবং এতদ্বিত্ত কার্য্য করিত, তাহাদিগকে (বাধ্য করিয়াছিলাম) ও আমি তাহাদের সংরক্ষক ছিলাম §। ৮২।+ এবং অযুবকে (স্মরণ কর,) যখন সে আপন প্রতিপালককে ডাকিল যে, নিশ্চয় আমাকে দুঃখ আক্রমণ করিয়াছে, তুমি দয়ালুদের অপেক্ষা দয়ালু ¶। ৮৩। অনন্তর আমি তাহা গ্রাহ্য করিয়াছিলাম, অবশেষে যে দুঃখ

করিয়া তাহাকে পূর্বাভাষ্য পরিণত করুক। ক্ষেত্রের শস্ত পরিপক হইলে, সে আরলিয়াকে অর্পণ করিয়া স্বীয় পশুপুত্র তাহা হইতে গহণ করিবে, তাহা হইলে কাহারই ক্ষতি হইবে না।" পরে দাউদ পূর্ব অংশে খণ্ডন করিয়া সোলয়মানের মন্ত্রণামুসারেই আজ্ঞা করেন। সেই সময়ে সোলয়মানের বয়ঃক্রম ত্রয়োদশ বৎসর ছিল। এক্ষণ পরমেশ্বর এই বৃত্তান্ত স্মরণ করাইয়া দিতেছেন। (ত, হো,)

* কথিত আছে যে, দাউদ যখন ঈশ্বরের স্তব করিতেন, তখন পর্বত ও পক্ষী সকলও সেইরূপ স্তুতি করিত। ইহা তাহার সম্বন্ধে এক বিশেষ আলৌকিক ক্রিয়া ছিল। কিন্তু অনেক ধার্মিক লোকের মত এই যে, পর্বত ও পক্ষী ভাবের রসনায় স্তব করিত, মানবীয় ভাষায় নহে। (ত, হো,)

+ অস্ত্রের আঘাত হইতে শরীরকে রক্ষা করিবার জন্ত পরমেশ্বর দাউদকে বগ্ন নির্মাণ শিক্ষা দিয়াছেন। (ত, হো,)

‡ শামদেশে তদ্মরনামক এক নগর ছিল। দৈত্যগণ সোলয়মানের জন্ত সেই নগর নির্মাণ করিয়াছিল। বায়ু তথা হইতে নির্গত হইয়া ও পৃথিবীর চতুর্দ্দিক্ ভ্রমণ করিয়া সায়াংকালীন উাসনার সময় তাহাকে তথায় লইয়া বাইত। মোপতারোল্কসদে উল্লিখিত হইয়াছে যে, প্রাতঃকালে সোলয়মান বায়ুভরে তদ্মর হইতে নির্গত হইয়া পারস্ত দেশের আশ্তখর নামক স্থানে মধ্যাহ্নকাল নিদ্রায় যাপন করিয়া সন্ধ্যাকালে বাবেলে উপস্থিত হইতেন; এবং পরদিন বাবেল হইতে বাহির হইয়া পৌর্ণাঙ্কক ভোজন আশ্তখরে সমাপন করিয়া সন্ধ্যাকালে তদ্মরে প্রত্যাগমন করিতেন। (ত, হো,)

§ দৈত্যগণ সাগরে নিমগ্ন হইয়া সোলয়মানের জন্ত নানাপ্রকার মূল্যবান বস্তু উত্তোলন করিত, এতদ্বিত্ত অষ্টালিকা নির্মাণ ও শিল্পকার্য্যাদি করিত। (ত, হো,)

¶ অযুব এত্ৰাহিমের বংশোদ্ভব আযুসের পুত্র ছিলেন। ঈশ্বর তাহাকে প্রচুর ধনসম্পত্তি প্রদান করেন, এবং প্রেরিতভূগদে বরণ করিয়া শামরাজ্যের অন্তর্গত বসনিয়া প্রদেশে পাঠাইয়া দেন। তিনি তথায় দিবা রাত্রি সাধন ভজনায় ও দানধর্মাদিতে নিযুক্ত ছিলেন। "যতান তাহার প্রতি হিংসা করিয়া পরমেশ্বরের নিকটে এই নিবেদন করে যে, "তোমার দাস অযুব হুখে লক্ষ্মণে আছে, তাহার প্রচুর ধন ও উপযুক্ত সন্তান সকল বিদ্যমান; যদি তাহার ধন সম্পত্তি ও সন্তান সম্বতি বিনষ্ট কর, তাহাকে আর তোমার অধুগত পাইবে না, সে তোমার বিদ্রোহী হইয়া উঠিবে।" ঈশ্বর বতিলেন,

তাহাতে ছিল, তাহা আমি দূর করিয়াছিলাম; ও আপন সন্নিধানের দয়াবশতঃ আমি তাহাকে তাহার পরিজন ও তাহাদের সদৃশ তাহাদের অল্পচরবর্গ দান করিয়াছিলাম, এবং সাধকদিগের জ্ঞান উপদেশ (দান করিয়াছিলাম) *। ৮৪। এবং এশ্বায়িল ও এদ্রিস্ ও জোলুকোক্‌লকে (স্মরণ কর;) প্রত্যেকেই ধৈর্য্যশীলদিগের অন্তর্গত ছিল ৭। ৮৫। এবং আমি তাহাদিগকে স্বীয় অল্পগ্রহের মধ্যে প্রবেশ করাইয়ছিলাম, নিশ্চয় তাহারা সাধুদিগের অন্তর্গত ছিল। ৮৬। এবং জোলুকুনকে (স্মরণ কর;) যখন সে ক্রোধ করিয়া চলিয়া গেল, তখন মনে করিয়াছিল যে, কখনও আমি তাহার প্রতি বাধা

“ইহা কখনও হইতে পারে না, সে আমার বিশেষ চিহ্নিত ও মনোনিীত ভূতা। যদি সহস্র বার তাহাকে আমি বিপদে আক্রান্ত করি, তথাপি সে বিচলিত হইবে না, সকল পরীক্ষায় সে উত্তীর্ণ হইবে।” তখন শয়তান ঈশ্বরের নিকটে প্রার্থনা করিল যে, “অঘুবের শরীর ও সন্তান সন্ততি এবং ধনসম্পত্তির প্রতি ক্ষমতা প্রকাশ করিতে তুমি আমাকে অধিকার প্রদান কর; তাহা হইলেই তাহার প্রকৃত অবস্থা প্রকাশ হইয়া পড়িবে।” ইহা শুনিয়া পরমেশ্বর অঘুবের বাহ্যিক বিষয়ের উপর শয়তানকে ক্ষমতা দান করিলেন। তখন শয়তান স্বীয় অনুচর দৈত্যাদিগকে পাঠাইয়া অঘুবের সন্তানাদি সংহার করিতে প্রবৃত্ত হয়। প্রাচীন প্রামাণ্য গ্রন্থাদিতে এ কথাই কোন প্রমাণ পাওয়া যায় না, ইহা জনশ্রুতি মাত্র। প্রকৃত কথা এই যে, পরমেশ্বর অঘুবকে নানা প্রকার দুঃখ ক্লেশ আক্রান্ত করেন। এবল বাটিকায় তাহার উট্টু সকল বিনষ্ট হয়, বস্থা আসিয়া হাগমেবাদি পশু ভাসাইয়া লইয়া যায়, এবং শস্ত্রক্ষেত্র বাতাহত হইয়া সম্পূর্ণরূপে বিনষ্ট হয়। তাহার সাত পুত্র ও সাত কন্যা প্রাচীরের চাপে গড়িয়া প্রাণত্যাগ করে। তাহার সর্ব্বাঙ্গে কুষ্ঠরোগ হয়, তাহাতে কৃমি সকল জন্মে ও অত্যন্ত দুর্গন্ধ হয়। সকলে তাহার প্রতি ঘৃণা প্রকাশ করিতে থাকে, কোন গ্রামে ও নগরে তাহার বাস করা ছুফর হইয়া উঠে, সকলেই ঘৃণা করিয়া তাহাকে তাড়াইতে থাকে। তাহার ভাব্যামাত্র তাহার সেবাতে নিযুক্ত থাকেন। সাত বৎসর পর্য্যন্ত তিনি এই দুঃখ বিপদে আক্রান্ত থাকিয়া একদিনের জন্মও ঈশ্বরের প্রতি অবিশ্বাসী হন নাই। সেই অবস্থায়ও সর্ব্বদা তাহার গুণানুকীৰ্ত্তন করিয়াছেন। তাহার রসনা পর্য্যন্ত ক্ষত ও কীটাকীর্ণ হইয়াছিল, তিনি অন্তরে মাত্র ঈশ্বরের গুণানুকীৰ্ত্তন করিতেন, রসনায় তাহার নাম উচ্চারণ করিতে পারিতেন না। কথিত আছে, তিনি একরূপ দয়ালু ও সহিষ্ণু ছিলেন যে, এক দিন রৌদ্রের সময় একটি কীট তাহার ক্ষতস্থান হইতে উত্তপ্ত বালুকার উপর পড়িয়া যায়, তিনি সেই কীটের ক্লেশ দেখিয়া দয়াদ্র হন, এবং তৎক্ষণাৎ তাহাকে তুলিয়া যথাস্থানে স্থাপন করেন। (ত, হো,)

* এই বিশ্বাস ও সহিষ্ণুতার পরে ঈশ্বর তাঁহার সমুদায় রোগ ও দরিদ্রতা দূর করেন, পূর্ব পুত্র ও কন্যাদিগের অনুরূপ সাত পুত্র ও সাত কন্যা ও অশ্বপুত্র প্রদান করেন। ঈশ্বরপ্রসাদে তাঁহার ধনসম্পত্তি ও গোমেষাদি পশু বিগুণ হয়। ইহার বিশেষ বৃন্তান্ত ব্রহ্মা সাধে বিবৃত হইবে। (ত, হে,)

+ এশ্মায়িল, এদরিস ও জোলকোফ্‌ল ইহারা সকলেই প্রেরিতপুরুষ ছিলেন। এশ্মায়িল মকর মরুপ্রান্তরে স্থিতি করিয়া ধৈর্য ধারণ করিয়াছিলেন। এদরিস বহুকাল অবিবাহী লোক দ্বারা এষণগত উৎপীড়িত হইয়া আশ্চর্য্য সহিষ্ণুতার পরিচয় দিয়াছিলেন। জোলকোফ্‌লের অর্থ ধুতকার বা ভারবাহক। প্রেরিতপুরুষ এলিয়াস প্রহানকালে অনিমা নামক ব্যক্তির প্রতি স্বীয় কার্য্যভার অর্পণ করিয়াছিলেন। তাহাতেই অনিমা জোলকোফ্‌ল উপাধি লাভ করেন। তিনি যে কাষের ভার প্রাপ্ত হইয়াছিলেন, তদ্বিষয়ে অত্যন্ত ধৈর্য্য ধারণ করিয়াছিলেন। (ভ, হো,)

দিব না; অনন্তর সে অন্ধকারের মধ্যে শব্দ করিল যে, “তুমি বাতীত উপাশ্রু নাই, পবিত্রতা তোমারই, নিশ্চয় আমি অত্যাচারীদিগের অন্তর্ভূত ছিলাম” *। ৮৭। পরিশেষে আমি তাহার (মিনতি) গ্রাহ করিয়াছিলাম ও শোক হইতে তাহাকে মুক্তিদান করিয়াছিলাম; এবং এই প্রকারে আমি বিশ্বাসীদিগকে মুক্ত করিয়া থাকি †। ৮৮। এবং জকরিয়াকে (স্মরণ কর,) যখন সে আপন প্রতিপালককে ডাকিল, “হে আমার প্রতিপালক, তুমি আমাকে একাকী (অপুত্রক) পরিত্যাগ করিও না, তুমিই উত্তরাধিকারীদিগের মধ্যে উত্তম” ‡। ৮৯। অনন্তর আমি তাহার (প্রার্থনা) গ্রাহ করিলাম ও তাহাকে ইয়হা (পুত্র) দান করিলাম, এবং তাহার জন্ত তাহার ভাৰ্য্যাকে সাংকী করিলাম; নিশ্চয় তাহার। সংকার্য্য সকলে ধাবমান হইত, এবং ভয় ও আশাতে আমাকে আহ্বান করিত ও আমার সযস্কে তাহার। বিনীত ছিল §। ৯০। এবং সেই (স্ত্রীকে) (স্মরণ কর,) যে আপন লজ্জাকর ইন্দ্ৰিয়কে সংরক্ষণ করিয়াছিল; অনন্তর তৎপ্রতি আমি স্বীয় আত্মা ফুৎকার করিয়াছিলাম, এবং আমি তাহাকে ও তাহার পুত্রকে জগতের জন্ত নিদর্শন করিয়াছিলাম ¶। ৯১। নিশ্চয় তোমাদের এই মণ্ডলী একমাত্র মণ্ডলী,

* মহাপুরুষ ইয়ুনসের অশ্রু নাম জোলুখন। লোকে তাঁহার উপদেশ অগ্রাহ্য করাতে তিনি ক্রোধ করিয়া চলিয়া যান। মহাত্মা জ্বনিদ বলিয়াছেন যে, তিনি আপন জীবনের প্রতি ক্রোধ করিয়াছিলেন। কথিত আছে, জোলুখন ধর্ম্মবিরোধীদিগের নিকটে বলিয়াছেন যে, তোমাদের প্রতি শাস্তি অবতীর্ণ হইবে। যখন নির্দারিত সময় উপস্থিত হইল, তখন শাস্তির বিলম্ব দেখিয়া মনে করিলেন যে, লোকে তাঁহাকে মিথ্যাবাদী জানিবে, এই ভাবিয়া তিনি মণ্ডলীর মধ্য হইতে প্রস্থান করেন। তিনি মনে করিয়াছিলেন যে, পথে ঈশ্বর তাহাকে বাধা দিবেন না। পরে প্রমথের তাহাকে সমুদ্রে লইয়া যান ও মৎস্তের গর্ভে স্থাপন করেন। তখন ইয়ুনস অন্ধকারময় সাগরজলে ও মৎস্তের গর্ভে এবং অন্ধকার রজনীতে, “তুমি আমার একমাত্র উপাশ্রু, আমি সত্ত্বর পলায়ন করিয়া নিজের প্রতি অত্যাচার করিয়াছি,” এই কথা বলেন। (ত, হো)

† “শোক হইতে তাহাকে মুক্তিদান করিয়াছিলাম” অর্থাৎ সমুদ্রগর্ভে অবস্থিতির ক্লেশ হইতে আমি তাহাকে উদ্ধার করিয়াছিলাম। তাহাকে স্বীয় গর্ভ হইতে বাহির করিয়া সমুদ্রের তীরে স্থাপন করিতে মৎস্তের প্রতি আদেশ করিয়াছিলাম। সূরা সাফাতে এই মন্তব্য ও সাগরের বৃত্তান্ত বিশেষরূপে বিবৃত হইবে। (ত, হো,)

‡ “তুমিই উত্তরাধিকারীদিগের মধ্যে উত্তম” অর্থাৎ যদি তুমি আমাকে উত্তরাধিকারী প্রদান না কর, তাহাতে আমি দুঃখিত নহি। (ত, হো,)

§ জকরিয়্যার ভাৰ্য্যার নাম ইয়শা, তিনি এমরাণের কন্যা ছিলেন। ঈশ্বর জকরিয়্যার সঙ্গে ইয়শার অত্যন্ত সন্তাব স্থাপন করিয়াছিলেন। ইয়শা বন্ধ্যা ছিলেন, পরে ঈশ্বরের অনুগ্রহে তিনি গর্ভধারণ করিয়া ইয়হা নামক পুত্র প্রসব করেন। (ত, হো,)

¶ অর্থাৎ মরয়ম কৌমার্য্য রক্ষা করিয়াছিলেন, ঈশ্বর তাহার গর্ভে স্বীয় আত্মারূপ ঈসাকে ফুৎকার করেন, এবং তিনি ঈসা ও মরয়মকে জগতের জন্ত এক অলৌকিক নিদর্শন করেন; যেহেতু পিতা

এবং আমি তোমাদের প্রতিপালক ; অতএব আমাকে অর্চনা করিতে থাক * । ২২ ।
এবং তাহারা আপনাদের মধ্যে আপন আপন কার্য বিচ্ছিন্ন করিল, প্রত্যেকে আমার
দিকে প্রত্যাবর্তনকারী । ২৩ । (র, ৬, আ, ১৮)

অনন্তর যে ব্যক্তি সংকল্প করে এবং বিশ্বাসী হয়, পরে তাহার যত্ন অনাদৃত হয় না ;
এবং নিশ্চয় আমি তাহার (সংকল্পের) লিপিকারক । ২৪ । যাহাকে আমি সংহার
করিয়াছি, সেই গ্রামের প্রতি নির্দ্বারিত হইয়াছে যে, তাহারা ফিরিবে না † । ২৫ । যে
পর্যন্ত না ইয়াজুজ ও মাজুজ প্রমুক্ত হয়, তাহারা সকলে উচ্চ ভূমি দিয়া দৌড়িতে
থাকিবে ‡ । ২৬ । এবং সত্য অঙ্গীকার নিকটবর্তী হইবে, অনন্তর তাহাতে অকস্মাৎ
ধর্মপ্রোহীদিগের চক্ষু উদ্ধৃষ্ট হইয়া থাকিবে ; (বলিবে,) আমাদের প্রতি আক্ষেপ,
নিশ্চয় আমরা এবিষয়ে ওদাসীন্নে ছিলাম, বরং আমরা অত্যাচারী ছিলাম । ২৭ । নিশ্চয়
তোমরা ও ঈশ্বর ব্যতীত তোমরা যাহাদিগকে অর্চনা কর, সে সকল নরকের প্রস্তর ;
তোমরা তাহার প্রতি আগমনকারী । ২৮ । যদি তাহারা ঈশ্বর হইত, তবে তথায় উপস্থিত
হইত না ; এবং সকলে (মূর্তি ও মূর্তিপূজক) তথায় সর্বাদা থাকিবে । ২৯ । তথায়
তাহাদের আর্তনাদ হইবে, এবং তাহারা তথায় (কিছুই) শুনিতে পাইবে না । ১০০ ।
নিশ্চয় যাহারা প্রথম হইয়া গিয়াছে, তাহাদের জন্ত আমি হইতে কল্যাণ আছে ; তাহারা
তাঁহা হইতে (নরক হইতে) বিদূরিত হইবে § । ১০১ । + তাহারা তাহার শব্দ শুনিতে
বাতিরেকে কুমারীর গর্ভ হইতে সন্তানের জন্মগ্রহণ করা, ঈশ্বরের অদ্ভুত ক্রিয়া ভিন্ন আর কি হইতে
পারে ?

* এককের ধর্মে ও ইসলাম ধর্মে স্থিতি করাই তোমাদের পক্ষে উচিত ; এই ধর্মে কোন বিরোধ নাই,
বরং সমুদায় প্রেরিতপুরুষ এই ধর্মেই ছিলেন । প্রকৃত একত্ববাদে সমুদায়ের মিলন । (ত, হো,)

+ অর্থাৎ বিনাশপ্রাপ্ত লোকগণ যে পৃথিবীতে ফিরিয়া আসিয়া আপনাদের কার্যের ও অবস্থার
অনুসন্ধান লইবে, এইরূপ বিধি নাই । বরং তাহারা পুনরুত্থানের দিন আপনাদের কার্যের হিসাব
দিবার জন্ত সমুখিত হইবে ও তাহাদের সম্বন্ধে বিচার হইবে । গ্রাম শব্দে এখানে গ্রামবাসী
বুঝাইবে । (ত, হো,)

‡ ইয়াজুজ ও মাজুজের বৃত্তান্ত কহক সূরাতে বিবৃত হইয়াছে । কেয়ামতের বিবরণে উল্লিখিত
হইয়াছে যে, মহাপুরুষ ঈসার হত্যাকারী দছাল ও তাহার অনুচরগণ ঈসার হস্তে হত হইলে ইয়াজুজ ও
মাজুজ প্রাচীরমুক্ত হইবে । তাহাদের প্রাচীর উন্মুক্ত হইলে পর ঈসা ধার্মিক লোকদিগের সঙ্গে
তুরগিরিতে যাইয়া অবস্থিতি করিবেন । কোন কোন পুস্তকে লিখিত আছে যে, ইয়াজুজ ও মাজুজ
সমুদায় জেরুজেলমের নিকটবর্তী খমর পর্বত পর্যন্ত যাইয়া বলিবে, “পৃথিবীর লোকদিগকে তো বধ
করিলাম, চল, স্বর্গে যাহা কিছু আছে, তৎসমুদায় হত্যা করি ।” তখন আকাশের দিকে তাহারা বাণ
নিক্ষেপ করিবে, সেই শর শোণিতলিপ্ত হইয়া ভূতলে পতিত হইবে । ঈসা ও তাঁহার অনুগামিগণ
বিষয় সম্বন্ধে পড়িয়া প্রার্থনা করিতে থাকিবেন, তখন পরমেশ্বর একেবারে সমুদায় ইয়াজুজ ও
মাজুজ সমুদায়কে সংহার করিবেন । (ত, হো,)

§ “তাহারা প্রথম হইয়া গিয়াছে” অর্থাৎ পূর্বতন মহাজন আজিজ ও ঈসা এবং দেবগণ, যাহারা ঈশ্বর

পাইবে না, এবং তাহারা যাহা চাহিবে, তাহাতে তাহাদের জীবন চিরস্থায়ী হইবে। ১০২। মহাভয় তাহাদিগকে বিষন্ন করিবে না, এবং দেবগণ তাহাদের প্রত্যাগমন করিবে; (বলিবে,) এই তোমাদিগের দিন, যাহা তোমাদিগের সম্বন্ধে অঙ্গীকার করা হইয়াছে *। ১০৩। (স্মরণ কর,) আদেশপত্রকে লিপি করিলে যেমন জড়ান হয়, সেই দিন আমি নভোগুলকে সেই প্রকার জড়াইব; যেহেতু আমি প্রথমে সৃষ্টি আরম্ভ করিয়াছিলাম, তদ্রূপ পুনর্বার করিব। আমার পক্ষেই অঙ্গীকার, নিশ্চয় আমি কর্ত্তা হই। ১০৪। এবং সত্য সত্যই আমি উপদেশের (তওরাতের) পরে জব্বুর গ্রন্থে লিপি করিয়াছি যে, আমার সাধু দাসগণ পৃথিবীর উত্তরাধিকারী হইবে। ১০৫। নিশ্চয় ইহার মধ্যে সেবক-দলের জন্ত মনোরথসিদ্ধি আছে। ১০৬। আমি তোমাকে, (হে মোহম্মদ,) জগতের নিমিত্ত দয়ালুসারে ভিন্ন প্রেরণ করি নাই। ১০৭। তুমি বল, “আমার প্রতি যে প্রত্যাশা প্রেরণ করা হয়, ইহা বৈ নহে যে, তোমাদের উপাস্ত্র একমাত্র পরমেশ্বর; অনন্তর তোমরা কি মোসলমান? ১০৮। অবশেষে যদি তাহারা ফিরিয়া যায়, তবে তুমি তাহাদিগকে বল যে, “আমি সাম্য বিষয়ে তোমাদিগকে সংবাদ দান করিয়াছি; তোমাদিগকে যাহা অঙ্গীকার করা গিয়াছে, আমি জানি না, তাহা নিকটবর্ত্তী, কি দূরবর্ত্তী” †। ১০৯। নিশ্চয় তিনি (কাকেরদিগের) কথা স্পষ্ট জানেন, এবং যাহা তোমরা গোপন কর, তাহা অবগত হন। ১১০। এবং আমি জানি না, হয় তো উহা তোমাদের জন্ত

হইতে সাধনার বল, সৌভাগ্য ও স্বর্গের হৃদয়মাচার লাভ করিয়াছেন, তাহারা নরকের সঙ্গে কোন সম্বন্ধ রাখেন না। (ত, হো,)

* কবর হইতে বাহির হইবার সময় দেবতাগণ আশিয়া তাহাদিগকে অভ্যর্থনা করিবেন ও বলিবেন যে, “এই তোমাদিগের দিন, যাহা (পৃথিবীতে অবস্থানকালে যে দিন উপস্থিত হইবে বলিয়া) তোমাদিগের সম্বন্ধে অঙ্গীকার করা হইয়াছে।” অর্থাৎ ইহাই তোমাদিগের গোরব ও পুরস্কারের দিন; তপস্বীদিগকে বলা হইবে, ইহা তোমাদিগের বিনিময়-লাভের দিন ইত্যাদি। (ত, হো,)

† হজরত মোহম্মদ জগতের বিধাসী লোকদিগের জন্ত ঈশ্বরের অনুগ্রহস্বরূপ ছিলেন, বিধাসিগণ তাহার সাহায্যে ধর্মপথে চলিতেন; এবং ধর্মস্রোতীদিগের সম্বন্ধেও তিনি অনুগ্রহস্বরূপ ছিলেন, যেহেতু তাহারা ইহা কারণে তাহারা সমূলে সংহারপ্রাপ্ত হওয়ার শাস্তি হইতে রক্ষা পাইয়াছিল। কশকোল আশ্রয় গ্রন্থে উল্লিখিত হইয়াছে যে, কি মকায়, কি মদিনায়, কি মস্জিদে, কি কুতীরে, যখন যেখানে তিনি থাকিতেন, আপন মণ্ডলীকে স্মরণ করিতেন; কোথাও কখনও ভুলেন নাই, স্বর্গে যাইয়াও বিস্মৃত হন নাই। সর্বদা সকল স্থানে মণ্ডলীর কল্যাণ আকাঙ্ক্ষা করিয়াছেন ও করিতেছেন। ইহাভেই তিনি অনুগ্রহস্বরূপ হইয়াছেন। (ত, হো,)

‡ “আমি সাম্য বিষয়ে তোমাদিগকে সংবাদ দান করিয়াছি,” অর্থাৎ যে তত্ত্ব প্রচার করা গিয়াছে, তাহা জানেন আমি ও তোমরা যে ভুল্য, তাহা বলিয়াছি। আমার প্রতি যাহা প্রত্যাশা হইয়াছে, তাহা আমি প্রচার করিয়াছি, তোমাদের প্রতি তাহা ব্যক্ত হইয়াছে। পুনরুত্থান ও মোসলমানদিগের জয়বিষয়ে যাহা অঙ্গীকার করা গিয়াছে, তাহা শীঘ্র বা বিলম্বে উপস্থিত হইবে। (ত, হো,)

। ও কিয়ৎকাল পর্য্যন্ত লাভ হইবে * । ১:১। তুমি বল, “হে আমার প্রতিপালক, তুমি সত্যভাবে আদেশ করিতে থাক”। এবং আমার প্রতিপালক পুনর্জীবনদাতা ; তোমরা যাহার বর্ণন করিয়া থাক, তদ্বিষয়ে সাহায্য প্রার্থনা করা গিয়াছে † । ১১২ । (র, ৭, আ, ১২)

সূরা হজ্জ ‡

.....

দ্বাবিংশ অধ্যায়

.....

৭৮ আয়ত, ১০ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে লোক সকল, তোমরা আপন প্রতিপালককে ভয় করিতে থাক, নিশ্চয় কেয়ামতের ভূমিকম্প মহা ব্যাপার § । ১ । যে দিন উহা তোমরা দেখিবে, সেই দিন প্রত্যেক স্তম্ভদাত্রী যাহাকে স্তম্ভদান করিতেছিল, তাহার প্রতি উদাসীন হইবে, এবং প্রত্যেক গর্তবতী স্বীয় গর্ত পরিত্যাগ করিবে ও লোকদিগকে মত্ত দেখিবে, এদিকে তাহারা (নিশায়) বিহ্বল নহে ; কিন্তু ঈশ্বরের শাস্তি কঠিন । ২ । মানবমণ্ডলীর মধ্যে কেহ আছে যে, জ্ঞান না রাখিয়া ঈশ্বর-সম্বন্ধে বাদামুবাদ করে ও প্রত্যেকে অবাধ্য শয়তানের অম্মসরণ করে ¶ । ৩ । + তাহার সম্বন্ধে লিখিত হইয়াছে যে, যে ব্যক্তি তাহার বন্ধু হইবে, অনন্তর

* অর্থাৎ সেই অস্বীকৃত বিষয়ে বা তোমাদের সদস্য কর্ণের দণ্ড পুরস্কার বিষয়ে বিলম্ব হওয়া তোমাদের সম্বন্ধে পরীক্ষা বা তোমাদের জন্য এক নির্দিষ্টকাল পর্য্যন্ত মনোরথ-সিদ্ধি । (ত, হো,)

+ অর্থাৎ তোমরা যে বলিয়া থাক, শাস্তি নির্দারিত ; যদি তাহা সত্য হয়, তবে কেন আমাদের প্রতি অবতীর্ণ হইতেছে না ? তোমরা অযোগ্য কথা সকল বলিয়া থাক, আমি পরমেশ্বরের নিকটে তাহা খণ্ডনের জন্য সাহায্য প্রার্থনা করিতেছি, এবং ঈশ্বর হইতে সাহায্যের আশা আছে । (ত, হো,)

‡ এই সূরা মদিনাতে অবতীর্ণ হয় ।

§ এই ভূকম্পই কেয়ামতের পূর্বলক্ষণ, পশ্চিম দিকে সূর্যোদয় হওয়ার পূর্বে উহার উদ্ভব হইবে । জাদোলুমসির নামক গ্রন্থে উক্ত হইয়াছে যে, কেয়ামতনূচক প্রথম সুরধ্বনির পূর্বে পৃথিবী কাঁপিয়া উঠিবে, আকাশ হইতে ধ্বনি হইবে যে, হে লোকসকল, ঈশ্বরের আজ্ঞা উপস্থিত । তখন মানবমণ্ডলী অত্যন্ত ভীত হইবে । (ত, হো,)

¶ হারেসের পুত্র নজর বলিয়াছিল যে, এই কোর-আন্ পুরাতন উপছাদ ভিন্ন নহে । অথবা লোকে ঈশ্বরের শক্তিসম্বন্ধে তর্ক করিয়া থাকে ও কেয়ামতকে অস্বীকার করে । (ত, হো,)

নিশ্চয় সেই তাহাকে পথভ্রান্ত করিবে ও নরককুণ্ডের দিকে তাহাকে পথ প্রদর্শন করিবে । ৪ । হে লোক সকল, যদি তোমরা পুনরুত্থানসম্বন্ধে সন্দিগ্ধ হও, তবে (জানিও,) নিশ্চয় আমি তোমাদিগকে মৃত্তিকা দ্বারা সৃজন করিয়াছি, তৎপর শুক্র দ্বারা, তৎপর জমাট রক্তদ্বারা, তৎপর অবয়বহীন ও অবয়বযুক্ত মাংস খণ্ড দ্বারা (সৃজন করিয়াছি ;) তাহাতে তোমাদের জন্ত (সৃষ্টিপ্রণালী) ব্যক্ত করিয়া থাকি । এবং আমি জরায়ুকোষে এক এক নির্দিষ্ট কাল পর্য্যন্ত যাহাকে ইচ্ছা করি, তাহাকে স্থিরতর রাখি ; তৎপর তোমাদিগকে শিশুরূপে বাহির করি, তাহার পর (প্রতিপালন করি ;) তাহাতে তোমরা স্ব স্ব যৌবন প্রাপ্ত হও । এবং তোমাদের মধ্যে কেহ হয় যে, তাহার প্রাণহরণ করা হইয়া থাকে ও তোমাদের মধ্যে কেহ হয় যে, সে নিকৃষ্টতর জীবনে ফিরিয়া আইসে, তাহাতে সে কোন বিষয়ে জ্ঞান রাখার পরে অজ্ঞান হইয়া যায় ; এবং তুমি পৃথিবীকে শুষ্ক দোষভেদে, অনন্তর অকস্মাৎ তাহাতে আমি জল প্রেরণ করি, উহা সঞ্চালিত ও বর্দ্ধিত হয় ও সর্বপ্রকার উত্তম বস্তু উৎপাদন করে * । ৫ । ইহা এই জ্ঞাত যে, সেই ঈশ্বর সত্য, এবং তিনি মৃতকে জীবিত করেন ও তিনি সর্বোপরি ক্ষমতাশালী । ৬ ।+ এবং এই যে কেয়ামত উপস্থিত হইবে, তাহাতে নিঃসন্দেহ ; নিশ্চয় ঈশ্বর, যাহারা কবরে আছে, তাহাদিগকে উঠাইবেন । ৭ । মানবমণ্ডলীর মধ্যে কেহ আছে, যে ঈশ্বরসম্বন্ধে জ্ঞান না রাখিয়া এবং শিক্ষা ও উজ্জল গ্রন্থ না রাখিয়া বাদান্তবাদ করে । ৮ ।+ সে আপন স্বন্ধকে ফিরাইয়াছে, যেন (লোকদিগকে) ঈশ্বরের পথ হইতে বিভ্রান্ত করে ; ৯ পৃথিবীতে তাহার দুর্গতি এবং কেয়ামতের দিনে আমি তাহাকে দাহদণ্ড আশ্বাদন করাইব । ১০ । (বলিব,) “যাহা তোমার হস্তদ্বয় পূর্বে প্রেরণ করিয়াছে, ইহা সেই (দুষ্কর্মের) জন্ত, এবং এই যে পরমেশ্বর, দাসদিগের প্রতি অত্যাচারী নহেন” । ১০ । (র, ১, আ, ১০)

এবং মানবমণ্ডলীর মধ্যে কেহ আছে যে, পার্থে (থাকিয়া) ঈশ্বরকে অর্চনা করে ; পরে যদি তাহার নিকটে সম্পদ উপস্থিত হয়, সেই (অর্চনার) সন্ধে সে আরাম লাভ

* এ স্থলে অবিস্বাসী কাকেরদিগকে লক্ষ্য করিয়া বলা হইয়াছে । মানবমণ্ডলীর আদি পিতা আদম মৃত্তিকা দ্বারা সৃষ্ট হইয়াছিলেন । আদমের সম্ভানগণ পিতা মাতার শুক্র-শোণিতযোগে জরায়ুকোষে প্রথম জড়পিণ্ডাকারে প্রকাশ পায়, পরে তাহাতে মাংসখণ্ড সকল জন্মে, তৎপর হস্তপদাদি অবয়ব উৎপন্ন হয়, ক্রমাগারে নির্দিষ্ট কাল গূর্ভে স্থিতি করে, অনন্তর শিশুরূপে ভূমিষ্ঠ হইয়া ক্রমে যৌবন প্রাপ্ত হয় । কেহ কেহ যৌবনকালে প্রাণত্যাগ করে, কেহ বা জরাদুর্কল বৃদ্ধ হইয়া শিশুর অবস্থা লাভ করে, তাহার পূর্বার্জিত জ্ঞান সকল বিলুপ্ত হয় । ঈশ্বর বলিতেছেন যে, এইরূপ আমি তোমাদিগকে এক অবস্থা হইতে অবস্থান্তরে লইয়া যাই । জড় পৃথিবীর সম্বন্ধেও শুদ্ধতার পরে জলপ্রাবন, বৃক্ষোদগম ইত্যাদি পরিবর্তন হইয়া থাকে । অতএব এইরূপ আমি কেয়ামতের সময় গলিত মনুষ্য-দেহকে পুনর্গঠন করিয়া পূর্বাবস্থায় আনিতে পারি । (ত, হো,)

+ স্বন্ধ ফিরান অর্থাৎ অহঙ্কারে বন্ধাঙ্কল টানিয়া লওয়া, ইহাতে অহঙ্কারী লোকের প্রতি লক্ষ্য হইয়াছে । (ত, হো,)

করে, এবং যদি তাহার নিকটে বিপদ উপস্থিত হয়, সে আপন মুখ ফিরাইয়া থাকে। ইহলোক পরলোক নষ্ট হয়, ইহাই সেই স্পষ্ট ক্ষতি। ১১। তাহারা ঈশ্বরকে ছাড়িয়া যাহাকে আহ্বান করে, সে তাহাদের লাভ ও ক্ষতি করে না; ইহাই সেই দূরতর পথভ্রান্তি। ১২। যাহার লাভ অপেক্ষা ক্ষতি অধিক নিকটে, তাহারা সেই ব্যক্তিকে আহ্বান করে, অবশ্য সে মন্দ প্রভু ও অবশ্য মন্দ বন্ধু। ১৩। যাহারা বিশ্বাস স্থাপন ও সংকল্প করিয়াছে, নিশ্চয় পরমেশ্বর তাহাদিগকে স্বর্গোচ্চান সকলে লইয়া যাইবেন, তাহার নিম্নে পথঃপ্রণালী সকল প্রবাহিত হয়; নিশ্চয় ঈশ্বর যাহা ইচ্ছা করেন, করিয়া থাকেন। ১৪। যে ব্যক্তি মনে করিয়া থাকে যে, পরমেশ্বর তাহাকে (প্রেরিতপুরুষকে) ইহলোকে ও পরলোকে কখনও সাহায্য দান করিবেন না, পরে তাহার উচিত যে, আকাশেতে একটি রজ্জু প্রসারণ করে; তৎপর উচিত যে, (পথ) অতিক্রম করিতে থাকে। পরিশেষে সে দেখিবে, যাহা ক্রোধ উপস্থিত করে, তাহার কৌশল উহা কি দূর করে * ? ১৫। এই প্রকারে আমি তাহাকে (কোর্-আনকে) উজ্জ্বল নিদর্শনসমূহরূপে অবতারণ করিয়াছি, এবং নিশ্চয় ঈশ্বর যাহাকে চাহেন, পথ প্রদর্শন করিয়া থাকেন। ১৬। নিশ্চয় যাহারা বিশ্বাস স্থাপন করিয়াছে ও যাহারা ইহুদি হইয়াছে এবং যাহারা নক্ষত্রপুঙ্গব ও ঈমানী এবং অগ্নিপূজক ও যাহারা অশিবাদী, কেয়ামতের দিনে নিশ্চয় ঈশ্বর তাহাদের মধ্যে (বিচার) নিষ্পত্তি করিবেন; নিশ্চয় ঈশ্বর সমুদায় বস্তুর সম্বন্ধে সাক্ষী। ১৭। তোমরা কি দেখে নাই যে, যাহারা স্বর্গে ও যাহারা পৃথিবীতে আছে, তাহারা এবং চন্দ্র ও সূর্য ও নক্ষত্রবৃন্দ ও পর্বতসকল ও বৃক্ষ ও চতুষ্পদগণ এবং অধিকাংশ মনুষ্য নিশ্চয় ঈশ্বরকে প্রণাম করে; এবং অনেক আছে যে, তাহাদের প্রতি শাস্তি প্রতিপন্ন হইয়াছে, এবং যাহাকে ঈশ্বর দুর্দশাগ্রস্ত করিয়াছেন, অনন্তর তাহার জন্ত কোন সম্মানকারী নাই। নিশ্চয় ঈশ্বর যাহা ইচ্ছা করেন, তাহা করিয়া থাকেন †। ১৮। এই দুই বিরোধিদল স্বীয় প্রতিপালকের সম্বন্ধে বিরোধ করিয়াছে; অনন্তর যাহারা ধর্মদ্রোহী হইয়াছে, তাহাদের জন্ত আগ্নেয় বসন প্রস্তুত হইয়াছে, তাহাদের মৃত্যুর উপরে উজ্জ্বল নিষ্ক্ষেপ করা

* অর্থাৎ ভূমি আকাশ হইতে একটি রজ্জু ভূমির দিকে লম্বমান করিয়া তাহাতে হস্তার্পণ পূর্বক উর্দ্ধে উঠিতে থাক, স্বর্গে যাইয়া আরোহণ কর, এবং প্রেরিতপুরুষের প্রতি ঈশ্বরের আশুকুল্য দূর করিতে চেষ্টা করিতে থাক; দেখ, এই সকল পরিশ্রম যত্নও তোমার ক্রোধের কারণ দূর হয় কি না। (ত, হো,)

+ এক প্রকার প্রণাম আছে যে, তাহার সঙ্গে স্বর্গ মর্ত্যের সমুদায় পদার্থের যোগ আছে, উহা ঈশ্বরের মহিমাতে সকল পদার্থের বিলীন হইয়া যাওয়া; আর এক প্রকার প্রণাম প্রত্যেক পদার্থের জন্ত ভিন্ন। তাহা এই যে, ঈশ্বর যাহাকে যে কার্যের জন্ত সৃষ্টি করিয়াছেন, তাহার সেই কার্যে নিযুক্ত থাকা। উহা অনেকে করে না, এবং অনেকে করিয়াও থাকে। যাহারা করে না, তাহাদের জন্ত দুর্দশা ও শাস্তি আছে (ত, কা,)

হইবে * । ১৯ ।+ তাহাদের উদরে যাহা আছে, তাহা ও চৰ্ম তদ্বারা দ্রবীভূত করা হইবে । ২০ ।+ এবং তাহাদের জন্ত লৌহময় হাতুড়ী সকল আছে । ২১ । যখন তাহারা ইচ্ছা করিবে যে, তাহার ক্লেশ হইতে বাহির হয়, তখন তথায় পুনঃ স্থাপিত করা হইবে, এবং (বলা হইবে,) অগ্নিদণ্ড আন্বাদন কর । ২২ (র, ২, আ, ১২)

যাহারা বিশ্বাস স্থাপন ও সংকৰ্ম্ম করিয়াছে, নিশ্চয় ঈশ্বর তাহাদিগকে স্বর্গোদ্যান সকলে লইয়া যান ; তাহার নিম্ন দিয়া পয়ঃপ্রণালী সকল প্রবাহিত হয়, তথায় স্বৰ্ণময় ও মৌক্তিক কৰ্ণ (তাহাদিগকে) পরান হইবে, এবং তথায় তাহাদের পরিচ্ছদ কৌমোয় বস্ত্র (হইবে) । ২৩ । এবং তাহাদিগকে বিমুক্ত কথার দিকে পথ প্রদর্শন করা গিয়াছে ও প্রশংসিত পথের দিকে পথ প্রদর্শন করা গিয়াছে । ২৪ । নিশ্চয় যাহারা ধৰ্ম্মদ্রোহী হইয়াছে, এবং ঈশ্বরের পথ ও সেই মস্জিদোল্হরাম হঠতে (লোকদিগকে) নিবৃত্ত করে, যাহাকে আমি তব্বনিবাসী ও অরণ্যবাসী লোকমণ্ডলীর সন্মুখে তুল্য করিয়াছি, যে ব্যক্তি তথায় অত্যাচারযোগে বক্রগামী হয়, তাহাকে আমি দুঃখজনক শাস্তি আন্বাদন করাইব * । ২৫ । (র, ৩, আ, ৩)

এবং (স্মরণ কর,) যখন আমি এব্রাহিমের জন্ত কাবা গৃহ নির্ধারণ করিলাম, তখন (বলিলাম) যে, আমার সঙ্গে কোন বস্তুকে অশী করিও না ও আমার নিকেতনকে প্রদক্ষিণকারীদিগের জন্ত ও (উপাসনায়) দণ্ডায়মানকারীদিগের জন্ত এবং রকু ও নমস্কারকারীদিগের জন্ত পবিত্র রাখ * । ২৬ । এবং তুমি লোকদিগকে হজ্জ উদ্দেশ্যে

* গ্রন্থাবিকারী ঈযাদী ও মুদারী লোকেরা হজ্জের অন্তর্বর্তী লোকদিগের সঙ্গে বাদান্বাদ করিয়া বলিয়াছিল যে, “আমাদের ধৰ্ম্ম প্রাচীন ও আমাদের ধৰ্ম্ম বৰ্ত্তনশীল অগ্ৰগণ্য, প্রকৃতপক্ষে আমরা তোমাদের অপেক্ষা শ্রেষ্ঠ ।” তাহাতে তাহারা উত্তর দান করেন যে, “আমরা স্বীয় পেশাবর ও তোমাদের পেশাবরকে মাস্ত্র করি, এবং আপন ধৰ্ম্মগ্রন্থ ও তোমাদের ধৰ্ম্মগ্রন্থের প্রতি বিশ্বাস রাখি । তোমরা আমাদের ধৰ্ম্মগ্রন্থ ও ধৰ্ম্মপ্রবর্ত্তকে জানিয়াও ঈযাবশতঃ স্বীকার করিতেছ না । সুতরাং সত্য আমাদের দিকে হয়, তোমাদের দিকে নয়” । ইত্যন্তেই পবিত্র এই আয়ত প্রেরণ করেন । আবুজর গোফ্ফারি বলিয়াছেন যে, “ছয় জনের সন্মুখে এই আয়ত প্রেরিত হইয়াছে, সেই ছয় জন বদরের যুদ্ধে অগ্রসর হইয়াছিল ; কাকেরদিগের পক্ষে অতবা, সয়বা ও অলিদ, বিশ্বাসীদিগের পক্ষে হয্জা, আলি ও ওবয়দা ।” পুনশ্চ কবিত আছে যে, দুই দলের মধ্যে একদল ইহুদি, ঈযাদী ও নক্ষত্রপূজক, অগ্নিপূজক এবং অংশিবাদী ; আর এক দল তাহাদের বৈবোধী বিশ্বাসী দল । এই দুই দল সর্বদা ঈশ্বরের স্বরূপ ও গুণবিষয়ে বিরোধ করিয়াছে । (ত, হো,)

+ অর্থাৎ মক্কানিবাসী ও দূরদেশবাসী লোক হজ্জক্রিয়াদিতে তুলা ।

(ত, হো,)

‡ অর্থাৎ কাবামন্দিরকে জঙ্ঘালমুক্ত কর, তাহা হইলে সকলে তাহা প্রদক্ষিণ করিবে ও তথায় নমাজ পড়িবে । ইহা জানীদিগের উচ্চারিত বাক্য, কিন্তু নিগূঢ় তত্ত্বজ্ঞদিগের উক্তি এই যে, মহেশ্বর তুমিষ্করূপ অন্তরকে সকল বিষয় হইতে মুক্ত কর, অজ্জ কিছু তাহাতে প্রবেশ করিতে দিও না ; যেহেতু উহা প্রেমরূপ স্বরূপ আধার । মহাপুরুষ দাউদের প্রতি প্রত্যাদেশ হইয়াছিল যে, “যাহাতে আমার মহাদৃষ্টি পতিত হয়, তুমি আমার জন্ত সেই আলয় গুদ্ধ করিয়া লও ।” দাউদ জিজ্ঞাসা করিলেন,

আহ্বান কর, তাহার। পদাতিকরূপে ও ক্ষীণাঙ্গ উষ্ট্র সকলের উপর (চড়িয়া) সমস্ত দূর পথ হইতে তোমার নিকটে আসিবে। ২৭। + তাহা হইলে তাহার। নিজের লাভের প্রতি উপস্থিত হইবে, এবং পরিচিত দিবস সকলে, আমি তাহাদিগকে যে সকলকে উপ-জীবিকারূপে দিয়াছি, সেই গৃহপালিত চতুষ্পদের উপর ঈশ্বরের নাম উচ্চারণ করিবে ; পরে তোমরা তাহার (মাংস) ভক্ষণ করিবে, এবং পরিশ্রান্ত ফকিরদিগকে ভোজন করাইবে *। ২৮। তৎপর উচিত যে, তাহার। আপন দৈহিক মালিগ্ন দূর করে ও আপন সঙ্কল্প সকল সম্পাদন করে, এবং সেই প্রাচীন নিকেতন প্রদক্ষিণ করে। ২৯। ইহাই, এবং যে ব্যক্তি ঈশ্বরের গৌরব সকলকে সম্মানিত করে, পরে উহা তাহার জন্ত তাহার প্রতিপালকের নিকটে কল্যাণ হয়। তোমাদের নিকটে যাহা পড়া যাইবে, তদ্ব্যতীত গ্রাম্য পশু তোমাদের জন্ত বৈধ ; অনন্তর তোমরা পুত্তলিকা সকলের অন্তর্ভুক্ত হইতে নিবৃত্ত থাক, এবং মিথ্যা কথা হইতে নিবৃত্ত থাক †। ৩০। ঈশ্বরসম্বন্ধে একত্ববাদিগণ তাহার সঙ্গে অংশিবাদী নহে, এবং যে ব্যক্তি ঈশ্বরের সঙ্গে অংশিত্ব স্থাপন করে, পরে সে যেন আকাশ হইতে পতিত ; অনন্তর তাহাকে (শবানী) পক্ষী উঠাইয়া লইবে, অথবা বায়ু তাহাকে দূরতর স্থানে ফেলিয়া দিবে ‡। ৩১। ইহাই, এবং যে ব্যক্তি ঈশ্বরের নিদর্শন

“প্রভো, কিরূপে গৃহ তোমার মহিমা ও গৌরবের উপযুক্ত ?” ঈশ্বর বলিলেন, “উহা বিশ্বাসীদিগের হৃদয়।” দাউদ জিজ্ঞাসা করিলেন, “তাহা কিরূপে শুদ্ধ করিয়া লইবে ?” ঈশ্বর বলিলেন, “তদ্ব্যতীত প্রেমের অগ্নি জ্বালিয়া দেও, তাহা হইলে আমার বিরোধী সমুদায় বস্তুকে নষ্ট করিবে।” যখন মহাপুরুষ এব্রাহিম কাবামন্দির নির্মাণ করিয়া তুলিয়াছিলেন, তখন প্রত্যাদেশ হইয়াছিল যে, “লোকদিগকে এই পুণ্যগৃহে আসিতে আহ্বান কর।” এব্রাহিম বলিলেন, “প্রভো, আমার ধনি কতদূর যাইবে ?” ঈশ্বর বলিলেন, “তোমার কাণ্ড ডাকা, আমার কাণ্ড সেই ধনি লইয়া যাওয়া।” তখন এব্রাহিম আবুকারিস গিরিশিখরে আরোহণ করিয়া উচ্চৈঃস্বরে ডাকিতে লাগিলেন, “হে বিশ্বাসিগণ, পরমেশ্বর স্বীয় নিকেতনের হস্ত তোমাদের জন্ত লিপি করিয়াছেন, তোমাদিগকে তথায় আসিতে তিনি আহ্বান করিতেছেন, তাহা স্বীকার কর।” পরমেশ্বর তাহার এই ধনি সর্বত্র পৃচ্ছাইলেন, এবং সকলকে তাহার আহ্বান-বাক্য শুনাইলেন। যে ব্যক্তি হস্ত করিতে ঈশ্বর হইতে জ্ঞানলাভ করিল, সে অগ্রসর হইয়া উত্তর দান করিয়া উপস্থিত হইল। এব্রাহিমের ধর্ম পথান্ত এই বৃত্তান্ত। (ত, হো,)

* গো, উষ্ট্র ও ছাগ পশুর উপর ঈশ্বরের নাম উচ্চারণ করিয়া তাহা জড করিবার বিধি। কাফেরগণ পুত্তলিকার নামে জড করিত, বলির পশুর মাংস ভক্ষণ করিত না। পরমেশ্বর বিশ্বাসীদিগকে বলিতেছেন যে, জড করিবে, পরে তাহার মাংস ভক্ষণ করিবে। “পরিচিত দিবস” হস্তক্ৰিয়া-সম্পাদনের নির্দিষ্ট দিন। (ত, হো,)

† “তোমাদের নিকটে যাহা পড়া যাইবে” অর্থাৎ শব ও বরাহমাংস প্রভৃতির বিষয় যাহা পরে বলা যাইবে, তদ্ব্যতীত অন্ত মাংস তোমাদের জন্ত বৈধ ; এবং তোমরা পুত্তলিকাসম্বন্ধীয় অন্ত সংশ্রব ছাড়িয়া দিবে ও অসত্য বাক্য হইতে দূরে থাকিবে। যে কথার সঙ্গে অংশিবাদিতার সংশ্রব আছে, এবং যে বাক্যের সঙ্গে মনের যোগ হয় না, তাহা ও মিথ্যা সাক্ষ্যদান, এই সকল অসত্যবাণী। (ত, হো,)

‡ অর্থাৎ যে ব্যক্তি বিশ্বাসের উচ্চ ভূমি হইতে অবিশ্বাসের গর্ভে নিপতিত হয়, মানসিক কুশ্রবৃষ্টি

সকলকে সম্মান করে, ইহা (তাহার) মনের ধর্মভীরুতা হইতে হয়। ৩২। তোমাদের জন্ত তন্মধ্যে (সেই পশুর মধ্যে) নির্দিষ্টকাল পর্যন্ত লাভ সকল আছে, তৎপর প্রাচীন নিকেতনের (কাবার) দিকে তাহার অবতরণভূমি *। ৩৩। (র, ৪, আ, ৮)

এবং প্রত্যেক মণ্ডলীর জন্ত আমি (কোরবাণীর ভূমি) নির্দিষ্ট করিয়াছি; যে চতুষ্পদ পশুদিগকে আমি উপজীবিকারূপে তাহাদিগকে দান করিয়াছি, যেন তাহাদের উপর তাহারা ঈশ্বরের নাম উচ্চারণ করে। অনন্তর তোমাদের ঈশ্বর একমাত্র ঈশ্বর, অতএব তোমরা তাঁহার অতুল্য হও, এবং তুমি, (হে মোহাম্মদ,) বিনয়ীদিগকে সুসংবাদ দান কর। ৩৪। + সেই তাহারা, যখন ঈশ্বর স্মরণীয় হন, তখন তাহাদিগের মন ভীত হইয়া থাকে, এবং তাহারা আপনাদের সম্বন্ধে যাহা সংঘটিত হয়, তৎপ্রতি সহিষ্ণু ও উপাসনার প্রতিষ্ঠাকারী হয় ও যাহা তাহাদিগকে উপজীবিকা দেওয়া যায়, তাহা ব্যয় করে, তাহাদিগকে (সুসংবাদ দান কর)। ৩৫। এবং সেই বলির উষ্ট্র, তাহাকে আমি তোমাদের জন্ত ঈশ্বরের (ধর্মের) নিদর্শন ও তোমাদের জন্ত তন্মধ্যে মঙ্গল স্থাপন করিয়াছি; অনন্তর দণ্ডায়মান অবস্থায় তাহার উপর (বলিদান-কালে) তোমরা ঈশ্বরের নাম উচ্চারণ করিও, পরে যখন পার্শ্বভাগে সে পড়িয়া যায়, তখন তাহা ভক্ষণ করিও এবং প্রার্থী ও অপ্রার্থী (ফকিরদিগকে) ভোজন করাইও। এইরূপে আমি তোমাদের জন্ত তাহাকে বশীভূত করিয়াছি, সম্ভবতঃ তোমরা ধন্যবাদ করিবে। ৩৬। ঈশ্বরের নিকটে তাহার মাংস ও তাহার রক্ত কখনও পহুঁছবে না, কিন্তু তাঁহার নিকটে তোমাদিগের ধর্মভীরুতা উপস্থিত হইবে; এইরূপে তোমাদের জন্ত তাহাকে আয়ত্ত করিয়াছি, যেন তোমাদিগকে যে পথ প্রদর্শন করিয়াছি, তদ্বিষয়ে তোমরা ঈশ্বরকে মহিমাঘিত করিতে থাক, এবং তুমি, (হে মোহাম্মদ,) হিতকারীদিগকে সুসংবাদ দান কর *। ৩৭। নিশ্চয় ঈশ্বর

সকল তাহাকে পদদলিত ও বিক্ষিপ্ত করে, অথবা শয়তানের কুমন্ত্রণারূপ বাত্যা জাতির প্রাপ্তরে লইয়া গিয়া বিনাশ করিয়া থাকে। (ত, হো,)

* অর্থাৎ পরে কাবামন্দিরে সেই পশু সকলকে কোরবাণী করিবার জন্ত উপস্থিত করিবে।

(ত, হো,)

+ গবাদি যত গৃহপালিত পশু আছে, তাহাদের সম্বন্ধে বিধি এই যে, প্রথমতঃ তাহাদের দ্বারা কার্য উদ্ধার করিয়া লইবে, পরে কাবার নিকটে আনয়ন করিয়া কোরবাণী করিবে। অজ্ঞ যে স্থানে “আল্লা হো আক্বর” বলিয়া পশু জন্ত করা হয়, সেই স্থান কাবা হইতে নিকটে বা দূরে হইলেও, কাবার উদ্দেশে জন্ত হইল, মানিতে হইবে। (ত, ফা,)

‡ অর্থাৎ উষ্ট্রকে দণ্ডায়মান অবস্থায় জন্ত করার বিধি। অনেকে কোরবাণীর সময় বলিয়া থাকে, “আল্লা হো আক্বর লা এলাহ্ এল্লেলাহ্ ও আল্লা হো আক্বর আল্লাহোম্মা মেন্কা ও অলয়কা” অর্থাৎ ঈশ্বর স্রেষ্ঠ, ঈশ্বর ব্যতীত উপাস্ত নাই; হে পরমেশ্বর, তোমা হইতে আগমন ও তোমার দিকে প্রতিগমন। জন্ত করার পর উষ্ট্র ভূমিতে কাত হইয়া পড়িয়া গেলে ও জীবনশূন্য হইলে, তাহার মাংস ভক্ষণ করিবে। আমি তোমাদের জন্ত মহাশক্তিমানী ও বৃহৎকার উষ্ট্রকে বশীভূত করিয়াছি। (ত, হো,)

বিশ্বাসিগণ হইতে (কাফেরদিগের উপদ্রব) দূর করেন, নিশ্চয় ঈশ্বর প্রত্যেক ক্ষতিকারক ধর্মদ্রোহীকে প্রেম করেন না ৷ ৩৮। (র, ৫, আ, ৫)

যাহাদের সঙ্গে (কাফেরগণ) সংগ্রাম করিতে প্রবৃত্ত, তাহাদিগকে (ধর্মযুদ্ধে) অনুমতি দেওয়া হইয়াছে; যেহেতু তাহারা উৎপীড়িত, নিশ্চয় ঈশ্বর তাহাদের সাহায্যদানে সমর্থ ৷ ৩৯।+তাহারা যে অস্ত্রায়ুগ্ধে স্ব স্ব আশ্রয় হইতে বহিষ্কৃত হইয়াছে, কেবল (এই কারণে) যে, তাহারা বলিয়া থাকে, আমাদের প্রতিপালক পরমেশ্বর; এবং যদি মনুষ্য পরস্পর একজন হইতে অজ্ঞান ঈশ্বর কর্তৃক দূরীকৃত না হইত, তবে অবশ্য মোসলমান সন্ন্যাসীদিগের তপস্বীকুটার, ঈসায়ীদিগের উপাসনালয় ও ইহুদিদিগের পূজাগৃহ ও মোসলমানদিগের ভজনালয় সকল, যে স্থানে গ্রচুরূপে ঈশ্বরের নাম উচ্চারিত হইয়া থাকে, ধ্বংস করা হইত। এবং যে ব্যক্তি তাহার (ধর্মের) সাহায্য করিয়া থাকে, অবশ্য ঈশ্বর তাহাকে সাহায্য দান করিবেন, নিশ্চয় ঈশ্বর ক্ষমতাবান্ পরাক্রান্ত। ৪০। তাহারাই, যদি পৃথিবীতে আমি তাহাদিগকে ক্ষমতা দান করি, তবে তাহারা নমাজকে প্রতিষ্ঠিত রাখিবে, জাকাত দান করিবে, বৈধবিষয়ে আদেশ ও অবৈধ বিষয়ে নিষেধ করিবে; ঈশ্বরের জ্ঞানই কার্য সকলের পরিণাম। ৪১। যদি তোমার প্রতি, (হে মোহম্মদ,) তাহারা অসত্যারোপ করে, তবে নিশ্চয় (জানিও,) তাহাদের পূর্বে মুহার দল ও আদ ও সমুদ জাতি অসত্যারোপ করিয়াছে। ৪২।+এবং এব্রাহিমের সম্প্রদায় ও লুতের সম্প্রদায় (অসত্যারোপ করিয়াছে)। ৪৩।+ও মদয়ননিবাসিগণ (অসত্যারোপ করিয়াছে,) এবং মুসা অসত্যারোপিত হইয়াছিল; অনন্তর আমি ধর্মদ্রোহীদিগকে অবকাশ দিয়াছিলাম, তৎপর আমি তাহাদিগকে আক্রমণ করিয়াছিলাম। অনন্তর কিরূপ আমার শাস্তি ছিল? ৪৪। এবং কত গ্রাম ছিল যে, তাহাকে আমি সংহার করিয়াছি, উহা অত্যাচারী ছিল; অনন্তর উহা আপন ছাদ ও অকর্ণগাকুপ ও স্তূপ

* পূর্বে অজ্ঞানী লোকেরা বলি-প্রদত্ত পশুর রক্ত কাবামন্দিরের প্রাচীরে লেপন করিত, তাহা ঈশ্বরের অনুগ্রহলাভের কারণ বলিয়া জানিত। এসলাম ধর্মের অভ্যুদয়-সময়েও বিশ্বাসী লোকেরা পূর্বে প্রথামুসারে কাবার প্রাচীরে রক্ত লেপন করিতেছিল। এই আয়ত দ্বারা পরমেশ্বর নিষেধ করিতেছেন। (ত, হো,)

† যাহারা ধর্মরক্ষণে ও ঈশ্বরদত্ত সম্পদের জন্ত কৃতজ্ঞতা-দানে বিরত, তাহারা ক্ষতিকারক। যখন মকার পৌত্তলিকগণ বিশ্বাসীদিগকে উৎপীড়ন করিতে হস্ত ও জিহ্বা প্রসারণ করিয়াছিল, তখন ক্ষণে ক্ষণে হজরতের এক একজন অনুবর্তী উৎপীড়িত ও আহত হইয়া তাহার নিকটে যাইয়া দুঃখ প্রকাশ করিতেন। হজরত বলিতেন, “ধৈর্যধারণ কর, আমি তাহাদের সঙ্গে সংগ্রাম করিতে এক্ষণ পর্যন্ত আদিষ্ট হই নাই।” মদিনায় প্রস্থান করার পর হইতে সংগ্রামের আদেশ উপস্থিত হয়। পরবর্তী আয়তে তাহার উল্লেখ হইয়াছে। (ত, হো,)

‡ অর্থাৎ বিশ্বাসিগণ শত্রুর অত্যাচার অত্যন্ত সহ্য করিয়াছেন; অতএব ঈশ্বর তাহাদিগকে আদেশ করিলেন যে, কাফেরগণ যুদ্ধ করিতে চাহিলে তোমরাও যুদ্ধ কর। (ত, হো,)

অট্টালিকার উপর নিপতিত হইয়াছে * । ৪৫ । অনন্তর তাহারা কি পৃথিবীতে ভ্রমণ করে নাই ? তাহা হইলে তাহাদের জ্ঞাত্য একরূপ অন্তর সকল হইত যে, তাহা দ্বারা বুঝিতে পারে, অথবা কর্ণ সকল যে, তাহা দ্বারা শুনিতে পায় ; পরিশেষে (বৃত্তান্ত) এই যে, চক্ষু সকল অন্ধ হয় না, কিন্তু যাহা বক্ষেতে আছে, তাহাই অন্ধ হইয়া থাকে † । ৪৬ । এবং তাহারা তোমার নিকটে, (হে মোহম্মদ,) শাস্তি শীঘ্র চাহিতেছে ; কখনও পরমেশ্বর আপন অঙ্গীকারের অগ্রথা করেন না, এবং তোমরা যাহা গণনা করিয়া থাক, নিশ্চয় তোমার প্রতিপালকের নিকটে তাহার এক দিবসের ভুলা সহস্র বৎসর ‡ । ৪৭ । এবং অনেক গ্রাম আছে যে, সেই সকলকে আমি অবকাশ দিয়াছি, সে সকল অত্যাচারী ছিল ; তৎপর সে সকলকে আক্রমণ করিয়াছি, এবং আমার দিকেই প্রত্যাবর্তন হয় । ৪৮ । (র, ৬, আ, ১০,)

তুমি বল, হে লোক সকল, আমি তোমাদের জ্ঞাত্য স্পষ্ট ভয়প্রদর্শক, এতদ্ভিন্ন নহি । ৪৯ । অনন্তর যাহারা বিশ্বাস স্থাপন ও সংকল্প সকল পরিয়াছে, তাহাদের জ্ঞাত্য ক্ষমা ও উত্তম উপজীবিকা আছে । ৫০ । এবং যাহারা দুর্ফলকারী হইয়া আমার নিদর্শন সকলের প্রতি দৌড়িয়া থাকে, তাহারা নরকলোক-নিবাসী § । ৫১ । এবং আমি তোমার

* কূপাট হজরমৌত নগরের নিকটে এক পর্বতের পার্শ্বে ছিল, এবং উচ্চ অট্টালিকা সেই পর্বতের উপর ছিল । সেই অট্টালিকার নির্মাণ দ্বিতীয় আদ, তাহাকে মস্তুর বলা হইত । প্রকৃত বিবরণ এই যে, যখন সমুদ্র জাতি বিনাশ প্রাপ্ত হইল, তখন প্রেরিত পুরুষ সালেহ চারি সহস্র বিশ্বাসিসহ এয়মন দেশে সমাগত হন । সেই দেশের কোন স্থানে মড়ক উপস্থিত ছিল, এজন্য তাহারা তাহার “হজর-মৌত” (মৃত্যু উপস্থিত) নাম রাখিলেন । তাহারা জ্বলিসের পুত্র জ্বলিসকে আপনাদের মধ্যে দলপতি, সওয়াদার পুত্রকে মস্ত্রিদের পদে নিযুক্ত করিয়া উপরি উক্ত কূপের নিকটে বসতি স্থাপন ও উক্ত অট্টালিকা নির্মাণ করিলেন । ক্রিয়াকাল পরে তাহাদের সম্মানগণ পুস্তলপূজা আরম্ভ করিয়া পৈতৃক ধর্ম হইতে ফিরিয়া যায় । পরে সফওয়ানের পুত্র হস্তলা তাহাদের সম্বন্ধে প্রেরিতজ্ঞ-পদে বরিত হন, তাহারা তাঁহাকে নানা প্রকার লাঞ্ছনা করিয়া হত্যা করে । এজন্য পরমেশ্বর তাহাদিগকে বিনাশ করেন । তদবধি তাহাদের সেই কূপ অকর্ষণ্য ও অট্টালিকা শূন্য পড়িয়া আছে । (ত, হো,)

† অর্থাৎ পূর্ববর্তী লোকদিগের অবস্থাদর্শনসম্বন্ধে তাহাদের মন প্রচ্ছন্ন ছিল, অতএব তাহারা শিক্ষা লাভ করিতেছে না । (ত, হো,)

‡ অর্থাৎ ঈশ্বরের নিকটে একদিন ও সহস্র দিন সমান, যেহেতু তাঁহাতে কালের অধিকার নাই । অতএব কালের অন্তিত্ব ও অনন্তিত্ব এবং অল্প ও অধিক তাঁহার নিকটে তুলা । যখন ইচ্ছা তিনি শাস্তি প্রেরণ করেন । (ত, হো,)

§ যখন সূরা নজম অবতীর্ণ হয়, তখন হজরত তাহা কাবা মন্দিরে কোরেশদিগের সভায় পাঠ করিতেন, এবং আয়ত সকলের বিরামস্থলে লোকে স্মরণ করিয়া রাখিতে পারে, এই উদ্দেশ্যে বিরত থাকিতেন । পরে একদা উক্ত প্রণালী অনুযায়ী আয়ত পাঠের পর তিনি বলিয়াছিলেন যে, তোমরা কি লাভ, গরি ও মনাত দেবকে দেখ নাই ? ইত্যাদি । লাভ, গরি প্রভৃতি কোরেশদিগের উপাঙ্গ প্রতিমা ছিল । শয়তান ইতিমধ্যে স্বেযোগ পাইয়া কাকেরদিগের কাণে কাণে বলিয়া

পূর্বে, (হে মোহাম্মদ,) এমন কোন রহুল ও নবি প্রেরণ করি নাই যে, সে যখন (কোন) অভিপ্রায় করিত, শয়তান তাহার অভিপ্রায়ের মধ্যে (কিছু) নিক্ষেপ করে নাই ; অনন্তর শয়তান যাহা নিক্ষেপ করিয়াছে, ঈশ্বর তাহা খণ্ডন করিয়াছেন, তৎপর পরমেশ্বর আপন নিদর্শন সকলকে দৃঢ় করিয়াছেন, এবং ঈশ্বর জ্ঞানী ও নিপুণ * । ৫২ । + শয়তান যাহা নিক্ষেপ (কুমন্ত্রণা দান) করে, যাহাদের অন্তরে রোগ আছে ও যাহাদের অন্তর কঠিন, তাহাদের নিমিত্ত (পরমেশ্বর) তাহা আপজ্ঞনক করিয়া তোলেন ; নিশ্চয় অত্যাচারিগণ প্রবল বিরুদ্ধাচারের মধ্যে আছে । ৫৩ । + যাহাদিগকে জ্ঞান প্রদত্ত হইয়াছে, তাহাতে তাহারা জানিতে পারে যে, নিশ্চয় তোমার প্রতিপালক হইতে (আগত) উহা (প্রত্যাদেশ) সত্য ; অনন্তর তাহারা তৎপ্রতি বিশ্বাস স্থাপন করে, পরে তজ্জন্ত তাহাদের অন্তর বিনীত হয়, এবং নিশ্চয় যাহারা বিশ্বাস স্থাপন করিয়াছে, তাহাদিগকে ঈশ্বর সরল পথের দিকে পথ প্রদর্শন করেন † । ৫৪ । এবং ধর্মদ্রোহিগণ যে পর্য্যন্ত (না) অকস্মাৎ তাহাদের নিকটে কেয়ামত উপস্থিত হয়, অথবা তাহাদের নিকটে বক্ষ্য দিবসের শাস্তি উপস্থিত হয়, ‡ সে পর্য্যন্ত তাহা হইতে (সেই প্রত্যাদেশ হইতে) সন্দেহের দিল যে, এ সকল দেবতা দলপতি ও বোমচারী মহাবিহ্বল । ইহাদের প্রতি শকায়েতের অর্থাৎ পাপ-ক্ষমার অনুরোধের আশা করা যাইতে পারে । ধর্মদ্রোহিগণ এই কথা শ্রবণে আনন্দিত হয়, তাহারা মনে করে যে, হজরত প্রতিমা সকলের আশ্রয়-প্রার্থী হইয়াছেন ও তাহাদের প্রতিমা সকলকে প্রশংসা করিয়াছেন । এই জন্ত নুরার অন্তে বিশ্বাসীদিগের সহিত হজরতের প্রণাম করার কালে অধিকাংশ কোরেশও তাহাতে বোগ দেন । তখন জেব্রিল অবতীর্ণ হইয়া সবিশেষ হজরতের নিকটে জ্ঞাপন করেন । তাহাতেই হজরতের মন অত্যন্ত দুঃখিত হয় । এই হেতু পরমেশ্বর তাঁহার সাক্ষনার জন্ত পরবর্তী আয়ত প্রেরণ করেন । “ যাহারা দুর্বলকারী হইয়া আমার নিদর্শন সকলের প্রতি ঘোড়ীয়া থাকে ” ইহার অর্থ এই যে, আমার নিদর্শন কোর্-আনের উদ্দেশ্য, তাহাকে দুর্বল করিবার জন্ত যাহারা তাহার প্রতি বোগ দান করিয়া থাকে । (ত, হো,)

* রহুল ধর্মবিধির প্রবর্তক, নবি বিধিপ্রচারে রহুলের সহকারী । যেমন রহুল এত্রাহিমের প্রবর্তিত ধর্মবিধির নবি লুত ছিলেন । এইরূপ মুসা রহুল, তাঁহার নবি হারুণ ও ইয়ুশা ; রহুল ঈসা, তাঁহার সহকারী শমউন নবি । রহুল ধর্মবিধিসম্বন্ধে বিশেষ প্রচারক, নবি রহুলের সহকারী সাধারণ প্রচারক । রহুলের প্রতি কোন বিশেষ বিধিগ্রন্থ অবতীর্ণ হয় ও তিনি অলৌকিকতার প্রকাশভূমি ; নবির প্রতি সেইরূপ কোন গ্রন্থ অবতারিত হয় না । রহুলের নিকটে কেবল বিশেষ প্রত্যাদেশ আনয়ন করেন, নবি সাধারণভাবে দৈববাণী শ্রবণ করেন ও প্রত্যাদিষ্ট হন । রহুল বা নবি যখন কোন প্রত্যাদেশ প্রচার করেন, তখন শয়তান সেই প্রত্যাদেশের অভিপ্রায়ে গোলযোগ করিয়া লোকের মনে অশুভ ভাব জন্মাইয়া দিয়া থাকে । (ত, হো,)

+ অর্থাৎ বিশ্বাসীদিগের সম্মুখে যাহা দৃষ্টি হয়, পরমেশ্বর সত্য দৃষ্টিযোগে তাহার পথ তাহাদিগকে প্রদর্শন করেন ; তাহাতে তাহাদের মনোরথসিদ্ধি হয় । তজ্জন্ত তাহাদের অন্তর নরম হয়, তাঁহার তাহার বিধি সকল গ্রাহ করেন । (ত, হো,)

‡ বক্ষ্য দিবস কেয়ামতের দিন, সেই দিবসের পর আর দিবস জন্মগ্রহণ করিবে না, এজন্ত তাহাকে বক্ষ্য দিন বলা হইয়াছে । (ত, হো,)

মধ্যে সর্বদা থাকিবে। ৫৫। সেই দিন ঈশ্বরের জ্ঞাত রাজত্ব, তিনি তাহাদের মধ্যে আজ্ঞা প্রচার করিবেন; * অনন্তর যাহারা বিশ্বাস স্থাপন ও সংকল্প সকল করিয়াছে, তাহারা সম্পদের স্বর্গোচ্চান সকলে থাকিবে। ৫৬। এবং যাহারা ধর্মদ্রোহী হইয়াছে ও আমার নির্দর্শন সকলের প্রতি অসত্যারোপ করিয়াছে, অনন্তর তাহারাই, তাহাদের জ্ঞাত লাহূনাঙ্গনক দণ্ড আছে। ৫৭। (র, ৭, আ, ২)

* এবং যাহারা ঈশ্বরের পথে দেশত্যাগ করিয়াছে, তৎপর নিহত হইয়াছে, অথবা মরিয়াছে, নিশ্চয় পরমেশ্বর তাহাদিগকে উত্তম উপজীবিকা দান করিবেন; একান্তই পরমেশ্বর জীবিকাদাতাদিগের মধ্যে শ্রেষ্ঠ †। ৫৮। অবশ্য তিনি এমন স্থানে তাহাদিগকে লইয়া যাইবেন যে, তাহারা তাহা মনোনীত করিবে, এবং নিশ্চয় ঈশ্বর প্রশান্ত ও জ্ঞাত ‡। ৫৯। এই (ঈশ্বরের আজ্ঞা) এবং যে ব্যক্তি এরূপ শাস্তি দান করে, যেরূপ তাহাকে শাস্তি দেওয়া হইয়াছে; তৎপর তাহার প্রতি উৎপীড়ন করা হইলে, একান্তই ঈশ্বর তাহাকে সাহায্য দান করিবেন। নিশ্চয় ঈশ্বর মার্জ্জনাকারী ও ক্ষমাশীল §। ৬০। এই (সাহায্য) এই কারণে যে, ঈশ্বর রাত্রিকে দিবাতে পরিণত করেন ও দিবাকে রাত্রিতে পরিণত করেন, এবং নিশ্চয় ঈশ্বর শ্রোতা ও দ্রষ্টা। ৬১। এই (সাহায্য) এই কারণে যে, সেই ঈশ্বর সত্য, এবং এই যে (ধর্মদ্রোহিগণ) তাঁহাকে ব্যতীত (অন্যকে) আহ্বান করে, তাহা অসত্য; এই কারণে যে, সেই ঈশ্বর উন্নত মহান। ৬২। তুমি কি দেখ নাই

* অল্প রাজাধিরাজের রাজত্ব ও আধিপত্যের গোঁরব। অর্থাৎ সেই কেরামতের দিবস সকল অহঙ্কারী অহঙ্কারের কটাবন্ধন কটিদেশ হইতে উন্মোচন করা যাইবে; রাজাদিগের মন্তক রাজমুকুটশূন্য হইবে, তাহাদের স্বত্ব, অধিকার ও অভিমান কিছুই থাকিবে না। ব্রহ্মাণ্ডাধিপতি ঈশ্বর পৃথিবীর রাজাদিগের সমুদায় রাজকীয় ভাব ও চিন্তা বিনাশের গভীর সমুদ্রে বিসর্জন করিবেন। ঈশ্বরেরই নির্বিরোধ ও নিষ্কটক আধিপত্য ও কর্তৃত্ব থাকিবে। (ত, হো,)

† হজরতের কোন কোন ধর্মবন্ধু তাঁহাকে জিজ্ঞাসা করিয়াছিলেন যে, “প্রেরিত মহাপুরুষ, আমরা ধর্মজ্ঞাতাদিগের সঙ্গে জেহাদ করিতে যাইতেছি; যদি আমরা ধর্মযুদ্ধে নিহত না হইয়া অল্প কারণে মরিয়া যাই, তবে আমাদের কি দশা ঘটবে?” তাহাতেই এই আশ্রয় অবতীর্ণ হয় যে, যখন তোমরা সকলে জেহাদের সঙ্গে একা হইয়াছ, তখন সকলকেই আমি উত্তম উপজীবিকা দান করিব। (ত, হো,)

‡ জেহাদকারীকে সৌরভময় স্বর্ণময় স্বর্গে লইয়া যাওয়া হইবে। সে তাহা মনোনীত করিবে ও তাহা পাইয়া আনন্দিত হইবে। পরমেশ্বর দেবতাদিগকে তাহার অভিযানের জ্ঞাত পাঠাইবেন, তাহার তাহাকে সঞ্চর্চনা করিয়া স্বর্গে লইয়া যাইবেন। (ত, হো,)

§ এক দল কাকের মহরম মাসের শেষভাগে চাহিয়াছিল যে, মোসলমানদিগের সঙ্গে সংগ্রাম করে। মহরম মাসে সংগ্রাম নিষিদ্ধ। মোসলমানগণ উক্ত মাসে নিবৃত্ত থাকিরা তৎপর মাসে যুদ্ধে প্রবৃত্ত হইতে ইচ্ছা প্রকাশ করেন। কাকের লোকেরা সন্তুষ্ট হইল না। তখন মোসলমানগণ তাহাদের সঙ্গে যুদ্ধ করিয়া জয়লাভ করেন। তাহাতে এই আশ্রয় অবতীর্ণ হয়। (ত, হো,)

যে, ঈশ্বর আকাশ হইতে বারি বর্ষণ করিয়াছেন, অনন্তর ভূমি হরিষ্ণ হইয়া থাকে, নিশ্চয় ঈশ্বর তব্জ ও কুপালু। ৬৩। যাহা স্বর্গে ও যাহা মর্ত্যে আছে, তাহা তাঁহারই ; নিশ্চয় ঈশ্বর নিষ্কাম ও প্রশংসিত। ৬৪। (র, ৮, আ, ৭)

তোমরা কি দেখ নাই যে, ঈশ্বর পৃথিবীতে যাহা কিছু আছে, তাহা ও নৌকা সকল তোমাদের জন্ত অধিকৃত করিয়াছেন যে, তাঁহার আজ্ঞাহুসারে (নৌকা) সমুদ্রে চলিয়া থাকে, এবং তাঁহার আজ্ঞা ব্যতীত পৃথিবীর উপর পড়িয়া না যায়, (এজন্ত) তিনি নভোমণ্ডলকে রক্ষা করিতেছেন ; নিশ্চয় ঈশ্বর মানবের সন্মুখে সদয় ও কুপালু। ৬৫। এবং তিনিই, যিনি তোমাদিগকে জীবন দান করিয়াছেন, তৎপর তোমাদিগের প্রাণ হরণ করিবেন, তাহার পর তোমাদিগকে বাঁচাইবেন ; নিশ্চয় মানবমণ্ডলী অকৃতজ্ঞ। ৬৬। আমি প্রত্যেক মণ্ডলীর জন্ত ধর্মপ্রণালী নির্ধারণ করিয়াছি, যেন তাহারা তদনুযায়ী কার্য্যকারক হয় ; অনন্তর উচিত যে, এ বিষয়ে তাহারা তোমার সঙ্গে, (হে মোহম্মদ,) বিবাদ না করে। এবং তুমি আপন প্রতিপালকের দিকে (তাহাদিগকে) আহ্বান কর, নিশ্চয় তুমি সরল পথে আছ। ৬৭। এবং যদি তাহারা তোমার সঙ্গে বিতর্ক করে, তবে তুমি বলিও যে, “তোমরা যাহা করিতেছ, ঈশ্বর তাহার উত্তম জ্ঞাত। ৬৮। তোমরা যে বিষয়ে বিরুদ্ধাচরণ করিতেছিলে, কয়ামতের দিনে তদ্বিষয়ে ঈশ্বর তোমাদের মধ্যে বিচার করিবেন”। ৬৯। তুমি কি জানিতেছ না যে, ঈশ্বর স্বর্গে ও মর্ত্যে যাহা আছে, তাহা জানিতেছেন ? নিশ্চয় ইহা গ্রন্থে (লিখিত) আছে, একান্তই ইহা ঈশ্বরের সন্মুখে সহজ। ৭০। যাহার সঙ্গে কোন প্রমাণ প্রেরিত হয় নাই, তাহারা ঈশ্বরকে ছাড়িয়া তাহাকে এবং যাহার (প্রমাণ) বিষয়ে তাহাদের কোন জ্ঞান নাই, তাহাকে অর্চনা করে ; অত্যাচারীদিগের জন্ত কোন সাহায্যকারী নাই। ৭১। এবং যখন আমার উজ্জল নিদর্শন সকল তাহাদের নিকটে পঠিত হয়, তখন তুমি সেই কাফেরদিগের মুখমণ্ডলে অসম্মতি উপলব্ধি করিয়া থাক ; যাহারা তাহাদের নিকটে আমার নিদর্শন সকল পাঠ করে, তাহারা সেই পাঠকদিগকে আক্রমণ করিতে উত্তত হয়। তুমি বল, “অনন্তর তোমাদিগকে কি এতদপেক্ষা মন্দ সংবাদ জ্ঞাপন করিব ? (উহা) নরক, ধর্মত্রোহীদিগের সন্মুখে ঈশ্বর (ইহাই) অঙ্গীকার করিয়াছেন, এবং (উহা) কুৎসিত স্থান”। ৭২। (র, ৯, আ, ৮)

হে লোক সকল, দৃষ্টান্ত বর্ণিত হইয়াছে, অনন্তর তাহা তোমরা শ্রবণ কর ; নিশ্চয় ঈশ্বরকে ছাড়িয়া তাহারা যাহাদিগকে আহ্বান করে, তাহারা (প্রতিমা সকল) একটি মক্ষিকাও কখনও স্বপ্নন করিতে পারে না, তাহারা যদিচ তজ্জন্ত সম্মিলিতও হয়, এবং যদি মক্ষিকা তাহাদিগ হইতে কিছু লইয়া যায়, তাহা হইতে তাহারা উহা উদ্ধার করিতে পারে না ; প্রার্থী ও প্রার্থিত দুর্বল হয় *। ৭৩। তাহারা ঈশ্বরকে তাঁহার যথার্থ মর্য্যাদায়

* কাবা মন্দিরের চতুস্পার্শ্বে ৩৬০ টি প্রতিমা স্থাপিত ছিল। ঈশ্বর বলিতেছেন, তোমরা আমাকে ছাড়িয়া এই সকল প্রতিমাকে যে অর্চনা করিয়া থাক, যদি তাহারা সকলে একত্রিত হইয়া একটি

মর্যাদা করে নাই ; নিশ্চয় ঈশ্বর শক্তিময় পরাক্রান্ত * । ৭৪ । পরমেশ্বর দেবতাগণ ও মানবগণ হইতে প্রেরিত পুরুষ মনোনীত করেন ; নিশ্চয় ঈশ্বর শ্রোতা ও দ্রষ্টা । ৭৫ । যাহা তাহাদের (লোকদিগের) সম্মুখে ও বাহা তাহাদের পশ্চাতে আছে, তাহা তিনি জানিতেছেন, এবং ঈশ্বরের দিকে কার্য্য সকলের প্রত্যাবর্তন । ৭৬ । হে বিশ্বাসিগণ, তোমরা স্বীয় প্রতিপালকের উদ্দেশ্যে রকু কর ও নমস্কার কর, এবং পূজা কর ও শুভাহুষ্ঠান কর ; সম্ভবতঃ তোমরা মুক্তিলাভ করিবে † । ৭৭ । এবং ঈশ্বরের সম্বন্ধে

মক্ষিকা স্বজন করিতে চাহে, পারিবে না, বা একটি মক্ষিকা তাহাদের কাহা হইতে কিছু লইয়া গেলে, তাহা প্রত্যাহরণ করিতে সমর্থ হইবে না । মক্ষার পৌত্তলিকদিগের একপ রীতি ছিল যে, তাহারা প্রতিমা সৰ্ব্বককে হৃগক্ষি রস ও মধুদ্বারা লেপন করিত ও মন্দিরের দ্বার বন্ধ করিয়া চলিয়া যাইত । মক্ষিকা সকল গৃহের ছিত্র দিয়া প্রবেশ করিয়া সেই সকল ভক্ষণ করিত ; কিয়দ্দিন পরে যখন সেই হৃগক্ষি দ্রব্য ও মধুর কোন চিহ্ন থাকিত না, তখন উপাসকগণ আনন্দ প্রকাশ করিয়া বলিত যে, আমাদের ঈশ্বর তাহা ভক্ষণ করিয়াছেন । তাহাতে ঈশ্বর এ বিষয়ে সংবাদ দান করিতেছেন যে, প্রতিমার কোন ক্ষমতা নাই । প্রার্থা ও প্রার্থিত দুর্বল, অর্থাৎ উপাসক পৌত্তলিক ও উপাস্ত পুতুল দুইই দুর্বল ।

(ত, হো,)

* ইহদিগণ বলিয়া থাকে যে, পরমেশ্বর ক্রমাগত ছয় দিন সৃষ্টি করিয়া সপ্তম দিবস শনিবারে বিশ্রাম করিয়াছিলেন । তছুপলক্ষে এই আয়ত অবতীর্ণ হয় । যথা, শক্তিময় ঈশ্বরকে তাহার যথার্থ মর্যাদায় মর্যাদা করে নাই, যেহেতু তাহার, তাঁহার পরিশ্রম ও ক্লান্তি হইয়াছিল, একপ ভাব প্রকাশ করিয়া থাকে । কেহ কেহ বলেন, অংশিবাদী প্রতিমাপূজকদিগের সম্বন্ধে এই আয়ত অবতীর্ণ হইয়াছে ; যেহেতু তাহার। তাহাকে সত্যভাবে চিনিয়া সম্মান করে না, তাঁহার অংশী স্থাপন করে ও প্রস্তরাদিকে ঈশ্বর বলিয়া থাকে । তত্ত্বজ্ঞ লোকেরা বলেন, যেমন অংশিবাদিগণ প্রকৃত তত্ত্বানুসারে ঈশ্বরকে জানিতে পারে নাই, বিদ্বান্ লোকেরাও তাঁহার তত্ত্বলাভে বঞ্চিত আছে । কেহই তাঁহার মহিমার মন্দিরে যাইতে পারে না, কোন পথপ্রদর্শক তাঁহার পথ প্রদর্শন করিতে সমর্থ নহে । তাঁহার যথার্থ মর্যাদা তিনিই জানেন, অন্তঃ কেহ জানে না । তাঁহার তত্ত্বভূমিতে তিনি ব্যতীত অপর কেহই উপনীত হইতে পারে না । ঈশ্বর ও ঈশ্বরের পদার্থের মধ্যে পরস্পর কোন সাদৃশ্য সম্বন্ধ নাই যে, তত্ত্ববল্লীপদার্পণ করা যাইবে ।

(ত, হো,)

† এসলাম ধর্ম্মের প্রথম অবস্থায় নমাজের সময় উপবেশন করা ও দণ্ডায়মান হওয়ার নিধি মাত্র ছিল । এই আয়ত হইতেই নমাজাদির বাবচ্ছেদস্থলে রকু (রুজপৃষ্ঠ হইয়া মস্তক অবনমন), সেজ্জা (ভূতলে মস্তক স্থাপন করিয়া নমস্কার) প্রবর্তিত হয় । রকু ও সেজ্জা নমাজের শুদ্ধ দুই প্রধান অঙ্গ । এক্ষণ্ত এমাম আজম ও এমাম মালেক এই আয়তে নমস্কার করিতেন না, তাঁহার। নমাজের সম্বন্ধেই এই রকু ও সেজ্জার উল্লেখ হইয়াছে বলিতেন । কিন্তু এমাম শাফি ও এমাম আহম্মদ এই আয়তে সেজ্জা করিতেন ও বলিতেন যে, এস্থলে সেজ্জা সম্বন্ধেই স্পষ্ট আদেশ হইয়াছে । এমাম শাফি কোন্-আনের নমস্কার সকলের মধ্যে এই নমস্কারকে সপ্তম নমস্কার বলিয়াছেন । এস্থলে নমস্কারতত্ত্ব কিঞ্চিৎ প্রকাশ করা যাইতেছে । ললাটদেশ ভূমিতে স্থাপন করা বস্তুতঃ নমস্কার নহে । যদি কেহ উপহাস করিয়া কাহারও নিকট ভূতলে মস্তক স্থাপন করে, তবে উহা নমস্কার বলিয়া গণ্য

তাহার প্রকৃত জেহাদমতে জেহাদ কর, তিনি তোমাদিগকে গ্রহণ করিয়াছেন, তিনি তোমাদের প্রতি ধর্মবিষয়ে সঙ্কোচ করেন নাই; তোমরা আপন পিতৃপুরুষ এব্রাহিমের ধর্ম (গ্রহণ কর,) পূর্বে এবং ইহাতে (কোর-আনে) তিনি (ঈশ্বর) তোমাদিগের মোসলমান নাম রাখিয়াছেন, প্রেরিতপুরুষ যেন তোমাদের সঙ্ক্ষে সাক্ষী হয় ও তোমরা মানবমণ্ডলী সঙ্ক্ষে সাক্ষী থাক। অনন্তর তোমরা উপাসনাকে প্রতিষ্ঠিত রাখ ও জকাত দান কর, এবং ঈশ্বরকে দৃঢ়রূপে আশ্রয় কর, তিনি তোমাদের প্রভু, পরন্তু তিনি উত্তম প্রভু ও উত্তম সাহায্যকারী *। ৭৮। (র, ১০, আ, ৬)

হইবে না। নমস্কার হৃদয়ের নব্রতা, কাতরতা ও নমস্তের প্রতি সন্মান ও সমাদরপ্রকাশক। এক অর্থে, জগতের সমুদায় ক্ষুদ্র বস্তু পর্যন্ত ভাবযোগে ঈশ্বরের নিকট নব্রতা ও আনুগত্য স্বীকার ও তাহার প্রতি সন্মান প্রদর্শন করিয়া থাকে। (ত, হো,)

* জেহাদ শব্দের অর্থ ধর্মযুদ্ধ করা। জেহাদ বিবিধ, এক অংশিবাদী পৌত্তলিক ঈশ্বর-বিরোধী ইত্যাদি বাহ্য শত্রুর সঙ্গে সংগ্রাম, অস্ত্র কাম ক্রোধাদি আন্তরিক রিপূর সঙ্গে সংগ্রাম। এমাম কমশরি বলিয়াছেন যে, “কুপ্রবৃত্তির সঙ্গে সংগ্রামে এক নিমেষও ক্ষান্ত থাকিবে না, যেহেতু তাহা হইতে কখনও নিরাপদ নাই। প্রভু পরমেশ্বর আপন ধর্ম-বিস্তারের জন্ত তোমাদিগকে মনোনীত করিয়াছেন। তোমাদের প্রতি তিনি ধর্মসঙ্ক্ষে কোন ত্রুটি করেন নাই, অর্থাৎ পরমেশ্বর বিধি ব্যবস্থা দ্বারা তোমাদিগকে আঁটিয়া ধরেন নাই ও শক্তির অতীত ভারবহনে নিযুক্ত করিতেছেন না। প্রয়োজনমতে তিনি তোমাদিগকে যুদ্ধাদি হইতে বিদায় দিয়া থাকেন।” “তোমরা আপন পিতৃপুরুষের (ধর্ম) গ্রহণ কর,” অর্থাৎ এব্রাহিমের ধর্ম গ্রহণ কর। অধিকাংশ আরবীর লোক এব্রাহিমের বংশসম্ভূত ছিলেন। তাহাদিগকে সমুদায় মণ্ডলীর উপর শ্রেষ্ঠতা দান করা হইয়াছে। অথবা তিনি হজরত মোহম্মদের পিতৃপুরুষ ছিলেন ও হজরত মোহম্মদ মণ্ডলীর পিতৃস্বরূপ, অতএব পিতার পিতাতে পিতৃত্ব আছে। এসলাম ধর্ম এব্রাহিমের ধর্মের পূর্ণতা, এব্রাহিমপ্রবর্তিত ধর্মের সঙ্গে তাহার কোন বিরোধ নাই। এজন্ত বিশ্বাসীদিগকে বলা হইয়াছে যে, তোমরা এব্রাহিমের ধর্মের অনুসরণ কর। তাহা হইলে হজরত মোহম্মদ পুনরুত্থান-দিনে, তোমরা যে তাহার স্বর্গীয় আহ্বান ও এব্রাহিমের ধর্মের অনুসরণ করিয়াছ, তাহার সাক্ষী হইবেন, তোমরাও প্রেরিত পুরুষের বখার্ব আহ্বানসঙ্ক্ষে সাক্ষী হইবে। ঈশ্বরকে দৃঢ়রূপে আশ্রয় কর, অর্থাৎ তোমরা আপন সমুদায় কার্যে ঈশ্বরের প্রতি বিশ্বাস ও নির্ভর রাখ ও তাহার নিকট সাহায্য প্রার্থনা কর। (ত, হো,)

সূরা মুমেনুন *

ত্রয়োবিংশ অধ্যায়

১১৮ আয়ত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি ।)

নিশ্চয় বিশ্বাসিগণ মুক্ত হইয়াছে । ১ । এবং (বিশ্বাসী) তাহারা, যাহারা আপন নমাজে সাক্ষিনিবেশন * । ২ । + এবং তাহারা, যাহারা অনর্থ বিষয় হইতে বিমুখ † । ৩ । + এবং তাহারা, যাহারা জকাতের পরিশোধকারী । ৪ । + এবং তাহারা, যাহারা আপন ভাষা-দিগের অথবা তাহাদের হস্ত যাহাদিগকে অধিকার করিয়াছে, সেই (ভোগ্য) দাসীদিগের) সর্ব্বদে ব্যতীত আপন গুপ্ত ইন্দ্রিয়ের সংযমকারী, নিশ্চয় তাহারা ভৎসনাত্মক । ৫ + ৬ । অনন্তর যাহারা ইহা ব্যতীত অন্বেষণ করে, পরে এই তাহারা ই সীমালঙ্ঘনকারী । ৭ + এবং তাহারা, যাহারা আপন গচ্ছিত বিষয় ও আপন অঙ্গীকারের রক্ষক § । ৮ । + এবং বিশ্বাসী

* এই সূরা মক্কাতে অবতীর্ণ হয় ।

† পূর্বে হজরত মোহাম্মদ নমাজ পড়িবার সময় উর্দ্ধদিকে দৃষ্টি স্থাপন করিতেন; যখন এই আয়ত অবতীর্ণ হয়, তখন হইতে নমস্কারভূমির প্রতি দৃষ্টি প্রসারণ করেন। এইরূপ বিধি যে, দণ্ডায়মানের অবস্থায় নমস্কারভূমির দিকে দৃষ্টি স্থাপিত রাখিবে; কিন্তু মক্কাতীর্থে নমাজের সময় কাবা মন্দিরের প্রতি দৃষ্টি রাখা আবশ্যিক। উপাসক ঈশ্বরের প্রতি মনের একাগ্রতার জন্য, দক্ষিণে ও বামে কে আছে, যখন তাহা জানিতে পারেন না, তখন তাহাকে সাক্ষিনিবেশন বলা যায়। মহান্না ওয়াস্তি বলিয়াছেন যে, অনন্তমনে ঈশ্বরেতে মগ্ন হইয়া ঈশ্বরোদ্দেশ্যে যে নমাজ হয়, সেই নমাজের অবস্থাকে “খলু” বলে। এস্থলে “খলু” শব্দের অভিনিবেশ অর্থ করা হইয়াছে। বহরোল্হকায়ক গ্রন্থে উক্ত হইয়াছে যে, বাহ্যে উক্ত অভিনিবেশ এই যে, সমুদ্রের দিকে মস্তক ঝুকাইয়া রাখা এবং দক্ষিণে বামে দৃষ্টি-প্রসারণে নিবৃত্ত থাকা, অপিচ স্থিরভাবে বসন পাঠ করা। আন্তরিক অভিনিবেশ এই যে, মনে কোন সংশয় ও বৈধৰ্ম্য না রাখা ও ঈশ্বরকে অনুধ্যান করা, ঈশ্বরবিভাবরূপ সমুদ্রে নিমগ্ন হইয়া তাহার সৌন্দর্য ও মহিমার জ্যোতিতে বিমুগ্ধ হওয়া। তত্ত্বজ্ঞানী লোকেরা বলিয়াছেন যে, উপাসনার প্রথমে নিজের প্রতি বিরাগী, পরে সখ্যার দর্শন ও সান্নিধ্যের জন্য আগ্রহান্বিত হইবে। (ত, হো,)

‡ যাহা ঈশ্বরোদ্দেশ্যে হয় না ও যে সকল কথা ও কাৰ্য্য কোন প্রয়োজনে আসে না, তাহাকে অনর্থ বিষয় বলা হইয়া থাকে। (ত, হো,)

§ গচ্ছিত বস্তু দুই প্রকার হইতে পারে, এক মানবসম্বন্ধীয়, অল্প ঈশ্বরসম্বন্ধীয়। মানবসম্বন্ধীয় গচ্ছিত ধন ভৈরবপত্রাদি ও ঈশ্বরসম্বন্ধীয় গচ্ছিত সামগ্রী নমাজ রোজা ইত্যাদি। (ত, হো,)

তাহারা, যাহারা আপন উপাসনাকে রক্ষা করিয়া থাকে *। ২। ইহারা ই তাহারা, যে উত্তরাধিকারী হয়। ১০। + যাহারা স্বর্গের উত্তরাধিকারী হইবে, তাহারা তথায় সর্বদা থাকিবে। ১১। এবং সত্য সত্যই আমি মানবমণ্ডলীকে কৰ্দমের সার দ্বারা সৃষ্টি করিয়াছি। ১২। তৎপর আমি তাহাকে দৃঢ় অবস্থানভূমিতে গুত্রবিন্দু করিয়াছি †। ১৩। তাহার পর আমি গুত্রবিন্দুকে ঘনীভূত রক্ত করিয়াছি, পরে আমি ঘনীভূত রক্তকে মাংস-খণ্ড করিয়াছি, অনন্তর মাংসখণ্ডকে অস্থিপুঞ্জ করিয়াছি, অবশেষে অস্থিপুঞ্জকে মাংসে আচ্ছাদন করিয়াছি, তৎপর তাহাকে আমি অস্থি স্ফটিকরূপে সৃজন করিয়াছি; অতএব ঈশ্বর মহা-গৌরবান্বিত অত্যন্তম সৃষ্টিকর্তা। ১৪। অনন্তর নিশ্চয় তোমরা ইহার পরে প্রাণ-ত্যাগকারী। ১৫। তৎপর নিশ্চয় তোমরা কেয়ামতের দিনে সমুখিত হইবে। ১৬। এবং সত্য সত্যই আমি তোমাদের উপর সপ্ত স্বর্গ সৃজন করিয়াছি, এবং আমি সৃষ্টিসম্বন্ধে উপেক্ষাকারী ছিলাম না। ১৭। এবং আমি উপযুক্ত পরিমাণে আকাশ হইতে বারি বর্ষণ করিয়াছি, পরে তাহা পৃথিবীতে স্থাপিত করিয়াছি, ‡ এবং নিশ্চয় আমি তাহা উপরে লইয়া বাইতে ক্ষমতাবান। ১৮। অনন্তর আমি তোমাদের জন্ত তাহা দ্বারা ত্রাণ ও খোশ্বার উদ্ভান সকল উৎপাদন করিয়াছি, তোমাদের জন্ত সেই (উদ্ভান সকলে) প্রচুর ফল হইয়াছে, এবং তাহা তোমরা ভক্ষণ করিয়া থাক। ১৯। + এবং এক বৃক্ষ (সৃজন করিয়াছি,) তাহা তুর সায়না পর্বত হইতে নির্গত হয়, উহা হইতে তৈল ও ভোক্তাদিগের জন্ত ভোজ্যোপকরণ সকল উৎপন্ন হইয়া থাকে §। ২০। এবং নিশ্চয় তোমাদের জন্ত চতুঃপদ সকলে উপদেশ আছে, তাহাদের উদরে যে (দুগ্ধ) আছে, আমি তাহা তোমাদিগকে পান করাইয়া থাকি; এবং তাহাদিগের মধ্যে তোমাদের অত্যন্ত লাভ আছে ও তাহাদের (মাংস) তোমরা ভক্ষণ করিয়া থাক। ২১। + এবং তাহাদের

* অর্থাৎ স্বীয় উপাসনাতে নিদিষ্ট সময় ও নিয়মপ্রণালী ইত্যাদি রক্ষা করিয়া থাকে। (ত, হো,)

+ দৃঢ় অবস্থানভূমি জরায়ু-কোষ, জরায়ু-কোষে চল্লিশ দিন গুত্রবিন্দু গুত্রাবস্থায় স্থিতি করে। (ত, হো,)

‡ কথিত আছে যে, পরমেশ্বর স্বর্গের পরঃপ্রণালীর পাঁচটি জলস্রোত জেরিলের পক্ষেপরি স্থাপন করিয়া আকাশ হইতে পাঠাইয়াছেন। তাহাতেই ভারতবর্ষ নদী বিশেষ সরহন (শোন) ও বলখের নদী বিশেষ জয়হন এবং এরাকের নদীদ্বয় কোরাত ও দজলা এবং মেসরের নীল নদী ও পর্বতস্থ প্রস্রবণ সকল লোকহিতার্থ প্রবাহিত হয়। একজন্তই উক্ত হইয়াছে যে, “আমি পৃথিবীতে জল স্থাপিত করিয়াছি।” (ত, হো,)

§ মেসর ও আরব প্রদেশের মধ্যস্থলে সায়না গিরি, উহার অপর নাম মুদাপর্বত। মহাপুরুষ মুসা এই পর্বতে ঈশ্বরবাণী শ্রবণ করিয়া প্রচারব্রতে ব্রতী হইয়াছিলেন। কথিত আছে যে, মুহার জলমাবনের পর প্রথমে সায়না গিরিতে এক বৃক্ষ জন্মে, উহা জরতুন। সেই বৃক্ষে তৈল জন্মে, তাহা দীপজ্বালনে ব্যবহৃত হয়, এবং তাহা রুটির উপকরণ হইয়া থাকে। (ত, হো,)

উপরে ও নৌকা সকলের উপরে তোমরা আরোপিত হইয়া থাক *। ২২। (র, ১, আ, ২২)

এবং সত্য সত্যই আমি মুহাকে তাহার মণ্ডলীর নিকটে প্রেরণ করিয়াছিলাম ; অনন্তর সে বলিয়াছিল যে, “হে আমার সম্প্রদায়, ঈশ্বরকে অর্চনা কর, তিনি ব্যতীত তোমাদের জ্ঞাত (অজ্ঞ) উপাস্ত নাই ; অনন্তর তোমরা কি ভয় পাইতেছ না” ? ২৩। অবশেষে তাহার দলস্থ প্রধান ধর্ম্মদ্রোহী লোকেরা বলিল, “এ তোমাদের জ্ঞায় মনুষ্য ভিন্ন নহে, এ তোমাদের উপর কর্তৃত্ব করিতে চাহিতেছে, এবং যদি ঈশ্বর চাহিতেন, তবে অবশ্য দেবতাদিগকে প্রেরণ করিতেন ; আপন পূর্ববর্তী পিতৃপুরুষদিগের নিকটে আমরা এ বিষয় শ্রবণ করি নাই। ২৪। সে বায়ুরোগগ্রস্ত পুরুষ বৈ নহে, অতএব কিয়ৎকাল পর্য্যন্ত তাহার সন্মুখে তোমরা প্রতিজ্ঞা কর”। ২৫। সে বলিল, “হে আমার প্রতিপালক, তাহারা যে অসত্যারোপ করিতেছে, তদ্বিষয়ে তুমি আমাকে সাহায্য দান কর”। ২৬। অনন্তর আমি তাহার প্রতি প্রত্যাদেশ করিলাম যে, তুমি আমার সাক্ষাতে ও আমার আজ্ঞানুসারে নৌকা প্রস্তুত কর ; পরে যখন আমার আজ্ঞা উপস্থিত হইবে, এবং চুল্লী উজ্জ্বলিত হইবে, তখন সকল প্রকারের পুং স্ত্রী যুগল ও আপন পরিজন, তাহাদের বাহ্যার সন্মুখে কথা পূর্বে হইয়াছে, সে ব্যতীত (সকলকে) তন্মধ্যে আনয়ন করিও। বাহারা অত্যাচার করিয়াছে, তাহাদের সন্মুখে তুমি আমার সন্ধে কথা কহিও না, নিশ্চয় তাহারা জলমগ্ন হইবে †। ২৭। অনন্তর যখন তুমি ও তোমার সঙ্গী লোক নৌকায় বসিবে, তখন তুমি বলিও, “সেই ঈশ্বরেরই প্রশংসা, যিনি আমাদের অত্যাচারী দল হইতে উদ্ধার করিলেন। ২৮। এবং বলিও, হে আমার প্রতিপালক, আমাকে মঙ্গল-

* অর্থাৎ তোমরা স্থলপথে উষ্ট্রের উপর ও জলপথে নৌকায় আরোহণ করিয়া থাক। উষ্ট্র ও নৌকা তোমাদিগকে বহন করিয়া একস্থান হইতে অগ্ৰস্থানে লইয়া যায়। (ত, হো,)

† মহাপুরুষ মুহা মণ্ডলীর মনঃপরিবর্তনে নিরাশ হইয়া এই প্রার্থনা করিতে লাগিলেন যে, “প্রভো, আমাকে সাহায্য দান কর, আমার পক্ষ হইয়া তুমি ইহাদিগকে শাস্তি দান কর, ইহারা আমাকে মিথ্যাবাদী বলিতেছে।” তৎপর পরমেশ্বর তাহার প্রতি প্রত্যাদেশ করেন যে, তুমি একটি নৌকা নির্মাণ করিয়া রাখ, আমি তোমাকে রক্ষা করিব। নৌকা কিরূপে নির্মাণ করিতে হইবে, আমি তোমাকে শিক্ষা দিব। পরে যখন আমার আদেশ বা ধর্ম্মবিদ্রোহীদিগের প্রতি শাস্তি উপস্থিত হইবে, তখন চুল্লী হইতে জল উজ্জ্বলিত হইয়া উঠিবে, অর্থাৎ তোমার রক্ষন করিবার সময় অগ্নির ভিতর হইতে জল উঠিবে। তখন পুং স্ত্রী এক এক ঘোড়া সমুদায় জন্তু ও স্বীয় ধার্মিক বিবাদী পরিজনদিগকে নৌকায় তুলিবে ; কিন্তু বাহাদের সন্মুখে পূর্বেই “বিনাশ” কথা লিখিত হইয়া গিয়াছে, তাহাদিগকে অর্থাৎ তোমার অবিবাদী পুত্র কেনান ও ভাধ্যা আয়লাকে নৌকায় তুলিবে না। এবং বাহারা ধর্ম্ম গ্রহণ করে নাই ও তোমাকে উপহাস করিয়াছে, সেই অত্যাচারীদিগের জন্ত তুমি আমার নিকটে প্রার্থনা করিও না। (ত, হো,)

জনক স্থানে অবতারণ কর, তুমি অবতারণকারীদিগের মধ্যে শ্রেষ্ঠ” *। ২৯। নিশ্চয় ইহার মধ্যে নিদর্শন সকল আছে ও নিশ্চয় আমি পরীক্ষক ছিলাম। ৩০। অবশেষে তাহাদের পরে আমি অল্প সম্প্রদায় সৃষ্টি করিয়াছি। ৩১। পরে আমি তাহাদের (বংশ) হইতে তাহাদের মধ্যে এক প্রেরিতপুরুষ পাঠাইয়াছি। † (সে বলিয়াছিল) যে, “তোমরা ঈশ্বরকে অর্চনা কর, তোমাদের অল্প তিনি ব্যতীত উপাস্ত নাই; অনন্তর তোমরা কি ভয় পাইতেছ না?” ৩২। (র, ২, আ, ১০)

এবং যাহারা ধর্মদ্রোহী হইয়াছিল ও পরলোকের সাংক্ষাৎকারের প্রতি অসত্যারোপ করিয়াছিল, এবং যাহাদিগকে আমি সাংসারিক জীবনে সুখী করিয়াছিলাম, তাহার দলের সেই প্রধান পুরুষেরা বলিল, “এ তোমাদের ঞ্চায় মনুষ্য ভিন্ন নহে; তোমরা যাহা ভক্ষণ করিয়া থাক, তাহা ভক্ষণ করিয়া থাকে, এবং তোমরা যাহা পান কর, তাহা পান করে। ৩৩। এবং যদি তোমরা আপনাদের ঞ্চায় মনুষ্যের আভুগত্য স্বীকার কর, তবে নিশ্চয় তোমরা ক্ষতিগ্রস্ত হইবে। ৩৪। তোমাদের সঙ্গে কি অঙ্গীকার করা হইতেছে যে, তোমরা যখন মরিবে ও মৃত্তিকা ও অস্থি সকল হইবে, তখন তোমরা বাহির হইবে? ৩৫। যে বিষয়ে তোমাদিগের সঙ্গে অঙ্গীকার করা হইতেছে, তাহা দূরে দূরে। ৩৬।+ আমাদের সাংসারিক জীবন ভিন্ন ইহা (এই জীবন) নহে, আমরা মরিতেছি ও বাঁচিতেছি, এবং আমরা সমুখাপিত হইব না। ৩৭।+সে সেই ব্যক্তি ভিন্ন নহে যে, ঈশ্বরসম্বন্ধে অসত্যরচনা করিয়াছে, এবং আমরা তাহার সম্বন্ধে বিশ্বাসী নহি”। ৩৮। সে বলিল, “হে আমার প্রতিপালক, তাহারা যে আমার প্রতি অসত্যারোপ করিতেছে, তদ্বিমুখে তুমি আমাকে সাহায্য দান কর”। ৩৯। তিনি বলিলেন, “কিয়ৎকালের মধ্যে অবশু তাহারা লজ্জিত হইবে”। ৪০। অবশেষে সত্যতঃ মহানিনাদ তাহাদিগকে আক্রমণ করিল, অনন্তর আমি তাহাদিগকে (তুণবৎ) খণ্ড খণ্ড করিলাম; পরিশেষে অত্যাচারি-দলের নিমিত্ত (ঈশ্বরের কৃপা) দূর হউক ‡। ৪১। তৎপর আমি তাহাদিগের পরে

* উহাই মঙ্গলজনক স্থান, যে স্থান বিশ্বাসিগণের সম্বন্ধে শান্তি ও মুক্তির কারণ হয়। কেহ কেহ বলেন, নোকা হইতে বাহির হইবার সময় এইরূপ প্রার্থনা করিবার জন্য মুহার প্রতি ঈশ্বরের আদেশ হইয়াছিল। কিন্তু নোকায় আরোহণ ও তাহা হইতে অবতরণ করার সময় এইরূপ প্রার্থনা করিতে আদেশ হইয়াছিল, এ প্রকার প্রসিদ্ধি। আত্মবার পুত্র সোলয়মান বলিয়াছেন যে, উহাই মঙ্গলজনক ভূমি, যথায় কুপ্রবৃত্তি ও রিপূর প্রেরণা হইতে নিরাপদ থাকা যায়, এবং ঈশ্বরের সৌন্দর্যের আবির্ভাব সমধিকরূপে হয়।

(ত, হো,)

† তাহাদের প্রেরিতপুরুষ হুম বা সালেহ ছিলেন।

(ত, হো,)

‡ অর্থাৎ জেরিল ভয়ানক শব্দ করিলেন, তাহাতে ধর্মদ্রোহী লোকদিগের বক্ষ বিদীর্ণ হইয়া গেল, সকলে প্রাণত্যাগ করিল। কতিপয় তক্ষসিরলেখক বলেন যে, এই শব্দদণ্ড সমুদ্র জাতির প্রতি হইয়াছিল। কাহারও কাহারও মতে আদ জাতি এই শান্তি প্রাপ্ত হয়। যে দণ্ড অপরাধীদিগের সম্মুখে বিনাশের কারণ হয়, তাহাকেই শব্দদণ্ড বলা যাইতে পারে।

(ত, হো,)

অন্য সম্প্রদায় সকল সৃষ্টি করিয়াছি *। ৪২। কোন মণ্ডলী আপন (শান্তির) নির্দিষ্টকাল (অতিক্রম করিয়া) অগ্রসর হইবে না ও পশ্চাদ্বর্তী হইবে না। ৪৩। তৎপর আমি ক্রমাগতই স্বীয় প্রেরিত পুরুষদিগকে প্রেরণ করিয়াছি; যখন কোন মণ্ডলীর নিকটে তাহাদের রহস্য উপস্থিত হইয়াছে, তখন তাহারা তাহার প্রতি অসত্যারোপ করিয়াছে, অনন্তর আমি তাহাদের একজনের পশ্চাৎ অগ্র জনকে আনয়ন করিয়াছি, এবং তাহাদিগকে উপাখ্যান করিয়াছি; অবশেষে যাহারা বিশ্বাস করে না, সেই দলের নিমিত্ত (ঈশ্বরের কৃপা) দূর হউক †। ৪৪। তৎপর আমি মুসা ও তাহার ভ্রাতা হারুণকে আপন নিদর্শন ও উজ্জ্বল প্রমাণসহ ফেরাওণের ও তাহার প্রধান পুরুষদিগের নিকটে প্রেরণ করিয়াছি; অনন্তর তাহারা গর্ভ করিল, এবং তাহারা উদ্ধত দল ছিল। ৪৫ + ৪৬। পরিশেষে তাহারা বলিল, “আমাদের তুল্য দুই জন মনুষ্যকে কি আমরা বিশ্বাস করিব? সেই দুয়ের জ্ঞাতিবর্গ আমাদের সেবা করিয়া থাকে” ‡। ৪৭। অনন্তর তাহারা সেই দুই জনের প্রতি অসত্যারোপ করিল, পরিশেষে তাহারা বিনাশ প্রাপ্ত হইয়াছিল। ৪৮। এবং সত্য সত্যই আমি মুসাকে গ্রন্থ দান করিয়াছি, যেন তাহারা (বনিএশ্রায়েল) সংপথ প্রাপ্ত হয়। ৪৯। এবং আমি মরয়মের পুত্র ও তাহার জননীকে নিদর্শনস্বরূপ করিয়াছিলাম, এবং তাহাদিগকে প্রস্রবণযুক্ত অবস্থানযোগ্য উচ্চভূমিতে স্থান দান করিয়াছিলাম § ৫০। (র, ৩, আ, ১৮)

হে প্রেরিতপুরুষগণ, তোমরা নিষ্পেক্ষ বস্তু সকল ভক্ষণ কর ও শুভকর্ম কর; তোমরা যাহা করিয়া থাক, নিশ্চয় আমি তাহার জ্ঞাতা ¶। ৫১। এবং নিশ্চয় তোমাদের এই ধর্ম-

* এখানে অন্য সম্প্রদায় শোয়ব ও লুতের সম্প্রদায়।

(ত, হো,)

† এক জনের পশ্চাৎ অগ্র জনকে আনয়ন করার অর্থ, এক জনকে অগ্র জনের সংহারসাধনে নিযুক্ত করা। আমি কাহাকেও জীবনধারণে অবকাশ দান করি নাই। “তাহাদিগকে উপাখ্যান করিয়াছি” অর্থাৎ তাহাদের উপাখ্যান ভিন্ন অন্য কিছুই অবশিষ্ট নাই, তাহারা সমূল সংহার প্রাপ্ত হইয়াছে, লোকে তাহাদের গল্প মাত্র করিয়া থাকে। তাহাদের বৃত্তান্ত সকল সাধারণের শিক্ষার কারণ হইয়াছে, যেন তাহাদের চিরশান্তি লোকে স্মরণ করিয়া ভীত হয়।

(ত, হো,)

‡ অর্থাৎ বনিএশ্রায়েল ক্রীতদাসের স্ত্রায় আমাদের সেবা করিয়া থাকে, তাহারা দাস এবং আমরা প্রভু। ফেরাওণ ও তাহার অনুবর্তীগণ গোবৎস ও প্রতিমার সেবা করিত, বনিএশ্রায়েল ফেরাওণ ও তাহার অনুচরগণের সেবা করিতেন।

(ত, হো,)

§ প্রস্রবণযুক্ত অবস্থানযোগ্য উচ্চভূমি ফেলুসতিন বা পেলষ্টাইননামক স্থান। মরয়ম আপন পুত্র ও স্বীয় পিতৃব্য সামানের পুত্র ইয়সোফ সহ দ্বাদশ বৎসর তথায় জীবন যাপন করিয়াছিলেন। তিনি সূতা কাটিতেন, এবং তাহা বিক্রয় করিয়া উপজীবিকা সংগ্রহ করিতেন। কেহ কেহ বলেন, উপরি উক্ত উচ্চভূমি মিসরদেশ, কেহ দমস্ককে জেরুজেলম বলিয়া থাকেন। কিন্তু অনেক প্রামাণিক লোকের মতে ফেলুসতিনই সত্য বলিয়া পরিগণিত।

(ত, হো,)

¶ কুতোল্ কলুবনামক গ্রন্থে উল্লিখিত হইয়াছে যে, বিশুদ্ধ ভোজ্য শব্দ সংক্রিয়ার পূর্বে একজন

মণ্ডলী একমাত্র ধর্মমণ্ডলী এবং আমি তোমাদের প্রতিপালক ; অতএব আমাকে ভয় কর। ৫২। অনন্তর তাহারা আপনাদের মধ্যে আপনাদের কার্য খণ্ড খণ্ড করিয়া কাটিল ; প্রত্যেক সম্প্রদায়, যাহা তাহাদের নিকটে আছে, তাহাতে আনন্দিত *। ৫৩। অতএব তুমি, (হে মোহাম্মদ,) কিয়ৎকাল পর্য্যন্ত তাহাদিগকে তাহাদের শৈথিল্যে ছাড়িয়া দেও। ৫৪। তাহারা কি মনে করিতেছে যে, ধন ও সম্ভান দ্বারা যে কিছু আমি তাহাদিগকে সাহায্য দান করি, তাহাতে তাহাদের জন্ত মঙ্গলাচ্ছান সকলে চেষ্টা করিয়া থাকি ? বরং তাহারা জানিতেছে না। ৫৫। + ৫৬। নিশ্চয় তাহারাই, যাহারা আপন প্রতিপালকের ভয়ে শশব্যস্ত। ৫৭। + এবং তাহারাই, যাহারা আপন প্রতিপালকের নিদর্শন সকলের প্রতি বিশ্বাস করে। ৫৮। এবং তাহারাই, যাহারা আপন প্রতিপালকের সঙ্গে অংশী স্থাপন করে না। ৫৯। + এবং তাহারাই, যাহারা, যাহা কিছু দেওয়া যায়, তাহা দান করে, এবং যাহাদের মন ভীত, নিশ্চয় তাহারাই আপন প্রতিপালকের দিকে প্রত্যাবর্তনকারী *। ৬০। + ইহারাই শুভকার্য সকলে সম্মত হয় ও ইহার তদুদ্দেশ্যে অগ্রসর ‡। ৬১। আমি কোন ব্যক্তিকে তাহার সাধ্যাভীত ক্লেশ দান করি না, এবং আমার নিকটে সেই গ্রন্থ আছে, যে সত্য বর্ণন করে ও তাহার অত্যাচারিত হইবে না। ৬২। বরং তাহাদের মন এ বিষয়ে ঔদাসীণ্যে আছে, এতদ্ব্যতীত তাহাদের (মন্দ) কার্য সকল আছে, তাহারা তাহার অচ্ছানকারী §। ৬৩। এতদূর পর্য্যন্ত, যখন আমি সম্পন্ন লোকদিগকে শান্তিদ্বারা আক্রমণ করিব, তখন তাহারা আর্তনাদ করিবে। ৬৪। (আমি বলিব,) অচ্ছ তোমরা আর্তনাদ করিও না, নিশ্চয় তোমরা আমা হইতে সাহায্য প্রাপ্ত হইবে না। ৬৫। একান্তই তোমাদের নিকটে আমার আয়ত সকল পঠিত হইত, পরে গর্ক করতঃ তোমরা আপন পশ্চাৎ পদের প্রতি ফিরিয়া যাইতে, তৎসম্বন্ধে গল্পে রত হইয়া

সন্নিবেশিত হইল যে, উহা কর্ণের কলঙ্করূপ হইয়াছে। হজরত শেখোল্ এসলাম বলিয়াছেন যে, কর্ণের বীজ অন্ন, কর্ণ ফল ; বীজ উত্তম ও বিপুল হইলে তাহার কলও উত্তম হয়। (ত, হো,)

* ঐচ্ছাধিকারিগণ পরস্পরের মধ্যে আপনাদের ধর্মসম্বন্ধীয় কার্যপ্রণালী বিভাগ করিয়া নানা দলে বিভক্ত হইয়াছে ও পরস্পর বিবাদ করিয়াছে। প্রত্যেক সম্প্রদায় আপনাদের নিকটে যে কিছু আছে, তাহাতেই সন্তুষ্ট ও তৃপ্ত এবং ইহাই সত্য, এই বলিয়া তাহারা তৎপ্রতি দৃঢ় বিশ্বাসী। (ত, হো,)

+ অর্থাৎ “জকাত ও সদকা” স্বরূপ তাহাদিগকে যাহা দেওয়া যায়, তাহারা তাহা বীন দুঃখীদিগকে দান করিয়া থাকে, তাহাদের মন শান্তিভরে ভীত, তাহারাই ঈশ্বরকে প্রাপ্ত হইবে। (ত, হো,)

‡ অর্থাৎ ইহার সাংসারিক কল্যাণজনক দানাদি সংকার্য ও সাধন ভজনাди পারলৌকিক শুভকর্ম উৎসাহের সহিত নির্বাহ করে। (ত, হো,)

§ যে কথা বলা হইল, তৎপ্রতি তাহারা উপেক্ষাকারী। তদ্ব্যতীত তাহারা দুর্কর্ম ও ভয়ানক পাপ সকল করিয়া থাকে, ঈশ্বরের সঙ্গে অংশী স্থাপন করে ও পুনরুত্থানে অবিশ্বাস করিয়া থাকে। (ত, হো,)

বার্থ বাক্য সকল বলিতে *। ৬৬+৬৭। অনন্তর এই উক্তির প্রতি কি তাহারা মনোযোগ করে না? যাহা তাহাদের পূর্ববর্তী পিতৃপুরুষদিগের নিকটে আসে নাই, তাহা তাহাদের নিকটে কি উপস্থিত হইয়াছে? †। ৬৮। তাহারা কি আপনাদের প্রেরিত পুরুষকে চিনিতেছে না? অনন্তর তাহারা তাহার অস্বীকারকারী। ৬৯। তাহারা কি বলিতেছে যে, তাহাতে উন্নততা আছে? বরং সে তাহাদের নিকটে সত্য আনয়ন করিয়াছে, এবং তাহাদের অধিকাংশই সত্যের অশ্রদ্ধাকারী। ৭০। এবং যদি (ঈশ্বর) তাহাদের ইচ্ছার অনুসরণ করিতেন, তবে একান্তই স্বর্গ ও মর্ত্য এবং এই দুইয়ের মধ্যে যে কেহ আছে, বিশৃঙ্খল হইয়া পড়িত; বরং আমি তাহাদের নিকটে তাহাদের সম্বন্ধীয় উপদেশ আনয়ন করিয়াছি, অনন্তর তাহারা আপন উপদেশ হইতে বিমুগ্ধ। ৭১। তুমি কি, (হে মোহাম্মদ,) তাহাদের নিকটে ধন প্রার্থনা কর? অনন্তর তোমার প্রতিপালকেরই উৎকৃষ্ট ধন এবং তিনি শ্রেষ্ঠ জীবিকাদাতা। ৭২। এবং নিশ্চয় তুমি তাহাদিগকে সরল পথের দিকে আহ্বান করিতেছ। ৭৩। এবং নিশ্চয় যাহারা পরলোকে বিশ্বাস করে না, তাহারা সেই সরল পথ হইতে দূরবর্তী হয়। ৭৪। এবং যদি আমি তাহাদিগকে অনুগ্রহ করিতাম ও তাহাদের যে দুঃখ আছে, তাহা উন্মোচন করিতাম, তবে নিশ্চয় তাহারা আপন অবাধ্যতাতে অবিশ্রান্ত বিক্ষিপ্ত থাকিত §। ৭৫।+ এবং

* অর্থাৎ তোমরা উপহাস করিয়া কিরিয়া যাইতে, আমার বাক্য শ্রবণ করিতে না। সাধারণ লোকের উপরে নিজের গৌরব অধেষণ করিতে ও বলিতে যে, আমরা মক্কাভীরের অধিবাসী ও গৌরবাধিত লোক। (ত, হো,)

† অর্থাৎ তাহারা বলে যে, আমরা ধর্মগ্রন্থ ও পেশাদারসম্বন্ধে কোন সংবাদ রাখি না। ঈশ্বর এই ভাব ব্যক্ত করেন, আমি মুহা ও এব্রাহিমকে যেমন তাহাদের পিতৃপুরুষদিগের জন্ত প্রেরণ করিয়া ছিলাম, তাহাদের জন্তও মোহাম্মদকে প্রেরণ করিয়াছি, তাহারা যেন আপত্তি না করে। (ত, হো,)

‡ ঈশ্বর কাকেরদিগের ইচ্ছার অনুসরণ করিলে স্বর্গলোক ও পৃথিবী এবং উভয় লোকবাসী দেব দানব মানবাদি জীবজন্তু বিনাশ প্রাপ্ত হইত। অর্থাৎ ঈশ্বর কাকেরদিগের ইচ্ছামুসারে অংশিবাদিতাকে প্রসন্ন দিলে কেদামত উপস্থিত করিতেন, ও মহাপ্রলয় হইত। ঈশ্বর বলিতেছেন যে, আমি কাকেরদিগের নিকটে এক গ্রন্থ (কোর-আন) উপস্থিত করিয়াছি, তাহাতে তাহাদের সম্বন্ধে উপদেশ সকল আছে; সেই উপদেশ মান্ত করিয়া চলিলে তাহাদের গৌরব ও খ্যাতি হয়। কিন্তু তাহারা আপনাদের সেই উপদেশকে অগ্রাহ্য করিতেছে। (ত, হো,)

§ অর্থাৎ যদি আমি তাহাদের নিকট হইতে বিপদ বিষয় দূর করিতাম, তবে তাহারা কুভাববশতঃ ধর্মবিষয়ে ও অসত্যারোপে আরও দৃঢ় থাকিত। একদা মক্কাবাসী ধর্মদেবী লোকগণ প্রবল দুর্ভিক্ষে আক্রান্ত হয়। তাহারা ধাত্তাভাবে ক্ষুধার জ্বালায় শব ভক্ষণ করিতে থাকে। তখন কোরেশদলপতি আবুহুসায়িন মদিনাতে আগমন করিয়া হজরতকে বলে যে, তোমার অভিসম্পাতে মক্কাবাসীরা বিপদ-গ্রস্ত, তুমি পিতৃবর্গকে করবালাঘাতে বধ করিয়াছ, আবার সম্ভানদিগকে ক্ষুধানলে দগ্ধ করিতেছ; তাহাতেই এই আরত অবতীর্ণ হয়। (ত, হো,)

সত্য সত্যই আমি তাহাদিগকে শান্তিযোগে আক্রমণ করিয়াছিলাম ; অনন্তর আপন প্রতিপালকের নিকটে তাহারা মিনতি করে নাই ও কাতরোক্তি করে নাই । ৭৬ । এ পর্য্যন্ত, যখন আমি তাহাদের প্রতি স্ফুটন শান্তির দ্বার উন্মুক্ত করিলাম, তখন অক-
স্মাৎ তাহারা তাহাতে নিরাশ হইল । ৭৭ । (র, ৪, আ, ২৭,)

এবং তিনিই, যিনি তোমাদের জন্ত দৃক্, শ্রবণ ও অন্তঃকরণ সকল সৃজন করিয়াছেন ; তোমরা অল্পই ধন্যবাদ করিয়া থাক । ৭৮ । এবং তিনিই, যিনি তোমাদিগকে পৃথিবীতে সৃষ্টি করিয়াছেন ও তোমরা তাঁহার দিকে সমুখাপিত হইবে । ৭৯ । এবং তিনিই, যিনি জীবন দান ও প্রাণ হরণ করেন ও তাঁহার কারণেই দিবা রাত্রির পরিবর্তন হইয়া থাকে ; অনন্তর তোমরা কি জানিতেছ না ? ৮০ । বরং পূর্ববস্তী লোকেরা যে প্রকার বলিত, তাহারাও তাহাই বলিয়াছে । ৮১ । তাহারা বলিয়াছে, “কি যখন আমরা প্রাণত্যাগ করিব, এবং মৃত্তিকা ও অস্থি সকল হইয়া যাইব, তখন কি আমরা সমুখাপিত হইব ? ৮২ । সত্য সত্যই আমাদিগকে এবং ইতিপূর্বে আমাদিগের পিতৃপুরুষদিগকে এই অন্ধকার প্রদত্ত হইয়াছে ; ইহা পুরাতন উপন্যাস ভিন্ন নহে” । ৮৩ । তুমি জিজ্ঞাসা কর, (হে মোহম্মদ,) পৃথিবী ও তন্মধ্যে যে কেহ আছে, সে কাহার ? যদি তোমরা জান, (বল) । ৮৪ । তৎক্ষণাৎ তাহারা বলিবে, “ঈশ্বরের” ; তুমি বলিও, অনন্তর তোমরা কি উপদেশ গ্রহণ করিতেছ না * ? ৮৫ । তুমি জিজ্ঞাসা কর, সপ্ত স্বর্গের স্বামী ও মহা স্বর্গের স্বামী কে ? ৮৬ । তৎক্ষণাৎ তাহারা বলিবে, “(এ সকল) ঈশ্বরের ;” তুমি বলিও, অনন্তর তোমরা কি শঙ্কিত হইতেছ না ? ৮৭ । তুমি জিজ্ঞাসা কর, কে তিনি, যাঁহার, হস্তে সকল বস্তুর রাজত্ব, এবং যিনি আশ্রয় দান করেন ও যাঁহার সশব্দে আশ্রয় দেওয়া হয় না ? যদি তোমরা জান, (বল) । ৮৮ । তৎক্ষণাৎ তাহারা বলিবে, “(এ সকল) ঈশ্বরের ;” তুমি বলিও, অনন্তর তোমরা কোথা হইতে প্রবঞ্চিত হইতেছ ? ৮৯ । বরং আমি তাহাদের নিকটে সত্য আনয়ন করিয়াছি, এবং নিশ্চয় তাহারা মিথ্যাবাদী । ৯০ । পরমেশ্বর কোন সন্তান গ্রহণ করেন নাই, এবং তাঁহার সঙ্গে (অস্ত্র) কোন ঈশ্বর নাই ; তবে তৎকালীন প্রত্যেক ঈশ্বর যাহা সৃজন করিয়াছেন, তাহা লইয়া যাইতেন, এবং নিশ্চয় তাঁহাদের পরস্পর এক অস্ত্রের উপর প্রবল হইতেন । তাহারা যাহা বর্ণনা করে,

* অর্থাৎ যে ব্যক্তি প্রথমে মনুষ্যকে সৃষ্টি করিতে ক্ষমতা রাখেন, তিনি যত্ন ও শরীর ধ্বংস হওয়ার পরে তাহাকে পুনর্বার পূর্বাবস্থায় আনয়ন করিতে অক্ষম হইতে পারেন না, এই উপদেশ কি তোমরা প্রাপ্ত হইতেছ না ? (ভ, হো,)

+ “কোথা হইতে প্রবঞ্চিত হইতেছ ?” অর্থাৎ একত্বের জ্যোতির প্রকাশ ও পরমেশ্বরের অদ্বিতীয়ত্বের প্রমাণ জাঙ্ঘল্যমানসদে, তোমরা কেমন করিয়া সত্য পথ হইতে কিরিয়া যাইতেছ, এবং কোথায় যাইতেছ ? (ভ, হো,)

ঈশ্বর তাহা অপেক্ষা বিপুলত্ব *। ২১। তিনি অন্তর্বহির্বিদ ; তাহারা যাহাকে অংশী স্থাপন করে, তাহা হইতে তিনি উন্নত। ২২। (র, ৫, আ, ১৫)

তুমি বল, “হে আমার প্রতিপালক, (শাস্তিবিষয়ে) যাহা অঙ্গীকার করা হইয়াছে, তাহা যদি আমাকে প্রদর্শন করিতে। ২৩। + হে আমার প্রতিপালক, অনন্তর আমাকে তুমি অত্যাচারিদলের মধ্যে প্রবিষ্ট করিও না”। ২৪। এবং যাহা তাহাদিগকে অঙ্গীকার করিয়াছি, নিশ্চয় আমি তাহাতে আছি, তাহা তোমাকে দেখাইব, অবশ্য আমি ক্ষমতাবান। ২৫। যাহা অতি কল্যাণ, তাহা দ্বারা তুমি অকল্যাণকে দূর কর ; তাহারা যাহা বর্ণনা করিতেছে, আমি তাহা উত্তম জ্ঞাত। ২৬। এবং বল, “হে আমার প্রতিপালক, আমি শয়তান সকলের কুমন্ত্রণা হইতে তোমার আশ্রয় গ্রহণ করিতেছি। ২৭। + এবং হে আমার প্রতিপালক, আমার নিকটে যে (সেই পাপ পুরুষ) উপস্থিত হয়, তাহা হইতে আমি তোমার শরণাপন্ন হইতেছি”। ২৮। এ পর্য্যন্ত, যখন তাহাদের কোন ব্যক্তির নিকটে মৃত্যু উপস্থিত হয়, তখন সে বলে, “হে আমার প্রতিপালক, আমাকে ফিরাইয়া লইয়া যাও। ২৯। + সম্ভবতঃ আমি যে স্থান পরিত্যাগ করিয়াছি, তথায় (যাঁটয়া) সংকল্প করিব।” কখনও নহে, নিশ্চয় ইহা এক কথামাত্র যে, সে উহার বক্তা ; পুনরুত্থান হওয়ার দিন পর্য্যন্ত তাহাদের সম্মুখে আবরণ আছে §। ১০০।

* এমন কোন উপাস্ত নাই যে, সে ঈশ্বরের সঙ্গে ঈশ্বরকে অংশী হয় ; যদি ঈশ্বরকে পরমেশ্বরের কেহ অংশী থাকে, তবে সেই অংশী ঈশ্বরের উচিত যে, স্রষ্টা হন। পরন্তু প্রকৃত ঈশ্বরসদৃশকে আরোপিত অংশী কতকগুলি স্রষ্ট পদার্থমাত্র। নানা প্রকারে প্রমাণিত হয় যে, ঈশ্বরের অংশী অল্প কোন ঈশ্বর নাই, তিনি অংশিবিহীন একমাত্র। যেরূপ উক্ত হইয়া থাকে, যদি তদ্রূপ তাঁহার অংশী কেহ থাকিত, তবে সে আপনার স্রষ্ট বস্তু ও রাজ্য বিভাগ করিয়া লইতে চাহিত, পৃথিবীর রাজাদিগের মধ্যে যেরূপ হইয়া থাকে, একান্তই তাঁহাদের মধ্যে কলহ বিবাদ উপস্থিত হইত। (ত, হো,)

+ পরমেশ্বরের মহা অনুগ্রহ ও দয়াপ্রকাশে বলিতেছেন যে, তুমি মহাকল্যাণ দ্বারা অকল্যাণকে দূর কর ; অর্থাৎ দয়া ও ক্ষমা দ্বারা অপরাধীর অপরাধ ভুলিয়া যাও, অথবা নীচ লোকদিগের মূর্থতার কার্য্য আপন ধৈর্য্যগুণে নিবৃত্ত কর, কিংবা সাধন ভজনায় প্রবৃত্ত করিয়া লোকদিগকে পাপ হইতে দূরে রাখ, অথবা একত্ববাদ দ্বারা গংশিবাদীদিগের অংশিবাদ বিলুপ্ত কর, বা বিধি দ্বারা নিষিদ্ধকে বিনষ্ট কর। এমাম কল্পশরি বলিয়াছেন যে, অত্যাচারকে উপকার দ্বারা দূর কর, বা কুপ্রবৃত্তির উত্তেজনাকে বিবেকের সুসংবাদ দ্বারা দূর কর, কিংবা মানবীর অন্ধকারকে ঐথরিক জ্যোতি দ্বারা পরাস্ত কর, অথবা আমোদ কোতূহলকে ঐথরিক সত্য দ্বারা বিমোচন কর, কিংবা বিপদ দুর্ঘটনার সঙ্কীর্ণ পথকে পরিত্যাগ করিয়া প্রশস্ত তত্ত্ববল্লী বিচরণ কর। (ত, হো,)

‡ অর্থাৎ ঈদ-আন পাঠ বা উপাসনার সময়ে কিছা অল্প অল্প অবস্থায় শয়তান যে আমার নিকটে আসিয়া আমাকে বিপন্ন করিবে, তাহা হইতে রক্ষা পাইবার জন্ত, হে ঈশ্বর, আমি তোমার আশ্রয় গ্রহণ করিতেছি।

§ অর্থাৎ মৃত্যু ইহা বলিয়া থাকে যে, মৃত্যু মৃত্যুর পর পুনর্ব্বার পৃথিবীতে আসিয়া থাকে, ইহা অসত্য। কেলামতের দিন কবর হইতে সকলে উঠিবে, ইহার পূর্বে কখনও নয়। (ত, ফা,)

অনন্তর যখন হুরবাতে ফুৎকার করা হইবে, তখন সেই দিবস তাহাদের মধ্যে সম্বন্ধ থাকিবে না, এবং তাহারা পরস্পর সংবাদ লইবে না * । ১০১ । অবশেষে যাহার তুল্যস্ত গুরুভার হইবে, অনন্তর ইহারাই তাহারা, যে মুক্ত হইবে † । ১০২ । এবং যে ব্যক্তির তুল্যস্ত লঘু, অনন্তর তাহারাই, যাহারা আপন জীবনের প্রতি ক্ষতি করিয়াছে, তাহারা নরকে নিত্য নিবাসী হইবে ‡ । ১০৩ । অগ্নি তাহাদের মুখ দগ্ধ করিবে, এবং তাহারা তথায় বিকটমুখ হইবে । ১০৪ । (আমি বলিব,) “তোমাদের নিকটে কি আমার আয়ত সকল পঠিত হয় নাই ? অনন্তর তোমরা তাহা অসত্য বলিতেছিলে” । ১০৫ । তাহারা বলিবে, “হে আমাদের প্রতিপালক, আমাদের উপর আমাদের দুর্ভাগ্য প্রবল হইয়াছিল, এবং আমরা পথভ্রান্ত দল ছিলাম । ১০৬ । হে আমাদের প্রতিপালক, ইহা হইতে আমাদের মুক্ত কর, পরে যদি আমরা (ধর্মদ্বেষিতায়) ফিরিয়া আসি, তবে নিশ্চয় আগর। অত্যাচারী হইব” । ১০৭ । তিনি বলিবেন, “ইহার ভিতরে অপমানিত হইয়া দূর হও, এবং কথা কহিও না” । ১০৮ । নিশ্চয় আমার দাসদিগের এক দল ছিল, § তাহারা বলিতেছিল যে, “হে আমাদের প্রতিপালক, আমরা বিশ্বাস স্থাপন করিয়াছি, অতএব আমাদের ক্ষমা কর ও আমাদের দয়া কর, এবং তুমি শ্রেষ্ঠ দয়ালু” । ১০৯ । অনন্তর তোমরা তাহাদিগকে উপহাস করিয়াছিলে, এত দূর পর্য্যন্ত যে, তাহারা আমার স্মরণ তোমাদিগকে ভুলাইয়াছিল, এবং তোমরা তাহাদের সম্বন্ধে হাস্য করিয়াছিলে ¶ । ১১০ । নিশ্চয় তাহারা যে ধৈর্য ধারণ করিয়াছিল, তজ্জন্ত অচ্ছ আমি তাহাদিগকে পুরস্কার দান করিলাম, যেহেতু তাহারা প্রাপ্তকাম হইবে । ১১১ । তিনি জিজ্ঞাসা করিবেন, “বৎসরের গণনানুসারে তোমরা পৃথিবীতে কত কাল স্থিতি

* হুরবাতে বাজিলেই কেয়ামত উপস্থিত হইবে । সেই দিন সমুদায় সম্বন্ধ কাটিয়া যাইবে । কোন ব্যক্তি আপন আত্মীয়ের প্রতি রেহ মনত। প্রকাশ করিবে না ; এক্ষণ যে সকল পার্থিব সম্বন্ধ আছে বলিয়া লোকে গর্ব করে, তখন তাহা কোন ফলদায়ক হইবে না । অপনার জন্ত ব্যস্ততাবশতঃ আত্মীয় স্বগণাদির নিমিত্ত কেহ কাহাকে জিজ্ঞাসা করিবে না । এই অবস্থা বিচারের পূর্বে হইবে । পরে সকলে পরস্পরের তত্ত্ব লইবে । (ত, হো,)

† অর্থাৎ যাহাদের সংকল্পের ভাৱে তুল্যস্ত ভারাক্রান্ত হইবে, সেই বিধাতারাই মুক্তিলাভ করিবে । (ত, হো,)

‡ অর্থাৎ তাহাদের জীবনের মূলধন উপেক্ষা করিয়া নষ্ট করিয়াছে, নিকৃষ্ট প্রযুক্তির চরিতার্থতা-সাধনে ও কামনার আনুগত্যস্বীকারে অর্গীয় ধন বিসর্জন দিয়াছে । (ত, হো,)

§ এক দল দাস, অর্থাৎ এমার ও বেলাল ও খোন্সাব প্রভৃতি তাহারা সর্বদা বলিত, হে ঈশ্বর, আমরা বিশ্বাস স্থাপন করিয়াছি, আমাদের ক্ষমা কর ইত্যাদি । (ত, হো,)

¶ অর্থাৎ তোমাদের উপহাস বিজ্রপের জন্ত ব্যস্ততাবশতঃ তাহারা তোমাদের সম্মুখে আমার স্মরণ মনন ভুলিয়া যাইত । তাহাদের দুর্গতি ও দুঃখবস্থা দেখিয়া অহঙ্কারে তোমরা হাস্য করিতে । (ত, হো,)

করিয়াছিলে” ? ১১২। তাহারা বলিবে, “আমরা এক দিবস, বা এক দিবসের অংশ-মাত্র স্থিতি করিয়াছিলাম ; অনন্তর গণনাকারীদিগকে তুমি জিজ্ঞাসা কর” *। ১১৩। তিনি বলিবেন, “অল্পক্ষণ ভিন্ন তোমরা স্থিতি কর নাই, হায় ! তোমরা যদি জানিতে। ১১৪। অনন্তর তোমরা কি মনে করিয়াছ যে, আমি তোমাদিগকে ক্রীড়ার ভাবে সৃষ্টি করিয়াছি, এবং ইহা (মনে করিয়াছ) যে, আমার দিকে তোমরা ফিরিয়া আসিবে না” † ? ১১৫। পরিশেষে পরমেশ্বর সমুন্নত, সত্য অধিপতি ; তিনি ব্যতীত ঈশ্বর নাই, তিনি মহাস্বর্গের প্রতিপালক। ১১৬। এবং যে ব্যক্তি এই পরমেশ্বরের সঙ্গে অল্প উপাশ্রকে আহ্বান করে, তৎসমক্ষে তাহার কোন প্রমাণ নাই, অনন্তর তাহার প্রতিপালকের নিকটে তাহার গণনা (হিসাব,) এতদ্বিন্ন নহে ; নিশ্চয় ধর্মদেবিগণ উদ্ধার পাইবে না। ১১৭। তুমি বল, (হে মোহম্মদ,) “হে আমার প্রতিপালক, ক্ষমা কর ও দয়া কর, তুমি শ্রেষ্ঠ দয়ালু”। ১১৮। (র, ৬, আ, ২৬)

* ধর্মবিরোধী লোকেরা ঔদাসীন্ধ্য ও দ্রুশাবশতঃ বলিত যে, আমরা পৃথিবীতে ত্রিকাল অবস্থান করিব, কখনও পরলোক প্রাপ্ত হইব না। তৎপর ঈশ্বর বা দেবগণ তিরস্কার করিয়া জিজ্ঞাসা করিবেন যে, তোমরা পৃথিবীতে ও কবরে কত বৎসর স্থিতি করিয়াছিলে ? তাহাতে তাহারা চির নরকবাস ও অগ্নিদাহের ভয়ে অস্থির হওতঃ সময় বিস্মৃত হইয়া বলিবে, এক দিন বা তদপেক্ষা অল্প সময় ছিলাম ; আমরা বিশেষ জানি না, যে সকল দেবতা জীবন ও নিঃশ্বাস গণনা করেন, তুমি তাহাদিগকে জিজ্ঞাসা কর। (ত, হো,)

† অর্থাৎ সদস্য কক্ষের বিনিময় গ্রহণ করিবার জন্ত তোমাদিগকে আমার নিকটে ফিরিয়া আসিতে হইবে। আমি তোমাদিগকে সাধন ভজনের জন্ত সৃষ্টি করিয়াছি ও তোমাদের আচরণের ফল নির্ধারণ করিয়াছি ; এস্থলে যে কাব্য ঈশ্বর হইতে দূরে রাগিয়া সংসারে লিপ্ত রাখে, তাহাই ক্রীড়া। ঈশ্বর মনুষ্যকে সেই ক্রীড়াতে লিপ্ত থাকিবার জন্ত সৃষ্টি করেন নাই ও তাহা করিতে আজ্ঞা করেন নাই। শেখ আবুবেকর ওয়াস্তি এই আয়ত পড়িতে পড়িতে বলিয়াছিলেন যে, “ঈশ্বর মনুষ্যকে ক্রীড়ার জন্ত সৃষ্টি করেন নাই, বরং তিনি ইচ্ছা করিয়াছেন, যেন তাহাদিগের দ্বারা তাঁহার অস্তিত্ব উজ্জলরূপে প্রকাশ পায় ; তাহারা তাঁহার সৃষ্টিকে অতিক্রম করিয়া তাঁহার গুণ ও মহিমার প্রতি দৃষ্টি স্থাপন করে”। উক্ত হইয়াছে যে, আমি তোমাদিগকে ক্রীড়ার জন্ত সৃষ্টি করি নাই, বরং মোহম্মদীয় জ্যোতি প্রকাশের জন্ত সৃজন করিয়াছি। আদিকালেই নির্দারিত ছিল যে, সেই উজ্জল মণি মানবজাতিরূপে শুদ্ধিকোষ হইতে বাহির হইবে, উহাই মূল এবং তোমরা তাহার অংশস্বরূপ। বহরোলহকায়েকে উক্ত হইয়াছে যে, ঈশ্বর বলিয়াছেন, “হে মানবগণ, আমি তোমাদিগকে এজন্ত সৃজন করিয়াছি যে, আমাতে তোমরা লাভবান হইবে ; এজন্ত সৃজন করি নাই যে, তোমাদিগের দ্বারা আমি লাভবান হইব।” (ত, হো,)

সূরা নূর *

.....

চতুবিংশ অধ্যায়

.....

৬৪ আয়ত, ৯ রকু

(দাতা দয়ালু পরমেশ্বরের নামে প্রবৃত্ত হইতেছি ।)

এই এক সূরা যে, ইহাকে আমি অবতারণ করিয়াছি ও ইহাকে বৈধ করিয়াছি, এবং ইহার মধ্যে উজ্জ্বল নিদর্শন সকল অবতারণ করিয়াছি ; সম্ভবতঃ তোমরা উপদেশ গ্রহণ করিবে । ১ । ব্যভিচারী ও ব্যভিচারিণী হইলে পর তাহাদের প্রত্যেককে তোমরা এক শত কষাঘাত করিও ; যদি তোমরা ঈশ্বর ও পারলৌকিক দিবসের প্রতি বিশ্বাসী হও, তবে ঈশ্বরিক ধর্মে তাহাদিগের প্রতি তোমাদিগকে অল্পগ্রহ আশ্রয় না করুক, এবং তাহাদিগের শাস্তিদানে বিশ্বাসীদিগের এক দল উপস্থিত থাকুক ৷ ২ । ব্যভিচারী পুরুষ ব্যভিচারিণী বা অংশবাদিনী নারীকে ব্যতীত বিবাহ করিবে না, এবং ব্যভিচারিণী নারী ব্যভিচারী বা অংশবাদী পুরুষকে ব্যতীত বিবাহ করিবে না ; বিশ্বাসীদিগের সম্মুখে ইহা অবৈধ করা গিয়াছে । ৩ । এবং যাহারা সাক্ষী নারীর প্রতি অপবাদ দান করে, তৎপর চারি জন জন সাক্ষী আনয়ন করে না, অনন্তর তাহাদিগকে তোমরা অশীতি কষাঘাত করিও, এবং কখনও (কোন বিষয়ে) তাহাদিগেব সাক্ষ্য গ্রহণ করিও না ; ইহারাই তাহারা, যে দুষ্ক্রিয়শীল ৷ ৪ । + কিন্তু যাহারা ইহার পরে প্রত্যাবর্তিত হইয়াছে ও সংকর্ষ

* এই সূরা মদিনাতে অবতীর্ণ হইয়াছে ।

+ ব্যভিচারের শাস্তিদান-কালে বিশ্বাসীদিগের এক দল উপস্থিত থাকার বিধি এই জন্ত হইয়াছে যে, লজ্জা ও অপমানবশতঃ পুনর্বার সেই দুষ্কর্ম করিতে কাহারও সাহস হইবে না । এমাম মালেক ও এমাম শাফির মতে ব্যভিচারের অনুচর চারি জন সাক্ষীর প্রয়োজন ; অথচ এমামদের মতে এক জন, কেহ কেহ দশ জন আবশ্যক বোধ করিয়াছেন । (ভ, হো,)

‡ এই আয়ত অবতীর্ণ হওয়ার পর অমির পুত্র আসেম হজরতকে বলিয়াছিলেন যে, “হে প্রেরিত মহাপুরুষ, মনে করুন, আমাদের কোন এক জন আপন স্ত্রীকে পর পুরুষের সঙ্গে বাস করিতে দেখিতে পাইল ; এদিকে সে সাক্ষীর অশেষণে প্রবৃত্ত হইল, এবং সেই পুরুষ কুপ্রযুক্তি চরিতার্থ করিয়া চলিয়া গেল । সাক্ষী ব্যক্তিকে অশী বেত্রাঘাত তাহাকে লাভ করিতে হইবে ও অপবাদের ভাগী হইতে হইবে, কোন স্থানে তাহার সাক্ষ্য প্রমাণিত হইবে না, এমত অবস্থায় কেমন হইবে ?” তখন হজরত বলিলেন, “আসেম, ঈশ্বর এক্ষণ এইরূপই আজ্ঞা করিতেছেন” । অতঃপর আসেম চলিয়া গেলেন ।

করিয়াকে, তাহার নয় ; অনন্তর নিশ্চয় ঈশ্বর ক্ষমাশীল ও দয়াময় । ৫ । এবং যাহারা আপন ভাষ্যাদিগকে অপবাদ দেয় ও তাহাদিগের জন্ত আপন জীবন ভিন্ন সাক্ষী নাই, তবে তাহাদিগের এক জনের সাক্ষ্যদান ঈশ্বরের শপথ যোগে চারি বার হইবে ; (তাহা হইলে,) নিশ্চয় সে সত্যবাদীদিগের অন্তর্গত । ৬ । এবং পঞ্চম বার (বলিবে,) “যদি সে মিথ্যাবাদী হয়, তবে ঈশ্বরের অভিসম্পাত তাহার উপর হউক” * । ৭ । এবং যদি ঈশ্বরের শপথপূর্বক চারি বার (স্ত্রী) এই সাক্ষ্যদান করে যে, নিশ্চয় সে (স্বামী) মিথ্যাবাদীদিগের অন্তর্গত, তবে তাহা হইতে (স্ত্রী হইতে) শাস্তি নিবৃত্ত রাখিবে । ৮ । + এবং পঞ্চম বার বলিবে যে, যদি সে (স্বামী) সত্যবাদীদিগের অন্তর্গত, তবে তাহার (স্ত্রীর) উপর যেন ঈশ্বরের ক্রোধ হয় † । ৯ । এবং যদি ঈশ্বরের প্রসাদ ও তাহার দয়া তোমাদের উপর না হইত, (কেমন হইত ;) নিশ্চয় ঈশ্বর অত্যাচারগ্রহণকারী বিজ্ঞানময় । ১০ । (র, ১, আ, ১০)

নিশ্চয় যাহারা (আয়শার সম্বন্ধে) অপবাদ উপস্থিত করিয়াছে, তাহার তোমাদের এক দল ; তাহা আপনাদের নিমিত্ত তোমরা অকলাণ মনে করিও না, বরং তোমাদের জন্ত তাহা কলাণ ; (অপবাদ দ্বারা) তাহারা যে পাপ উপার্জন করিয়াছে, তাহা

পথে স্বীয় ভ্রাতৃপুত্র অভিমনের সঙ্গে তাহার সাফাৎ হয়, সে তাহাকে বলে, “আমি সমহারের পুত্র শরিককে আমার ভাষ্যা খন্ডিলার সঙ্গে শয়ন করিতে দেখিয়াছি।” আসেম এই কথা শুনিয়া দুঃখিত হইয়া বলিলেন যে, “হায় ! যাহা জিজ্ঞাসা করিয়াছিলাম, তাহাই ঘটিল।” অনন্তর তিনি কিরিয়া গিয়া হজরতকে এবিষয় জানাইলেন। তখন হজরত খন্ডিলাকে নিকটে ডাকিয়া বিবরণ জিজ্ঞাসা করেন, সে অস্বীকার করে। এতদুপলক্ষে পরবর্তী আয়ত অবতীর্ণ হয়। (ত, হো,)

* স্বামী স্ত্রীকে লক্ষ্য করিয়া চারি বার বলিবে যে, ঈশ্বরের নামে শপথ করিয়া বলিতেছি যে, আমি এ স্ত্রীর সম্বন্ধে যে অপবাদ দিয়াছি, তাহা সত্য ; পঞ্চম বারে বলিবে, যদি আমি এবিষয়ে এই স্ত্রীকে মিথ্যা দোষে দোষী করিয়া থাকি, তবে আমার প্রতি ঈশ্বরের অভিসম্পাত হউক। এই কথা বলা হইলে স্বামী নির্দোষী হইয়া কশাঘাত হইতে মুক্ত হইবে। এমাম আবু হনিকার বিধি অনুসারে স্ত্রী বর্জন হইবে, এবং এমাম শাকির মতে স্বামীর প্রতি শাস্তির বিধি রহিত হইয়া ব্যভিচারের বিহিত শাস্তি স্ত্রীকে ভোগ করিতে হইবে ; এবং পঞ্চম উক্তি অনুসারে স্বামী শপথ না করিলে, এমাম শাকি ও আবু হনিকার মতে তাহার কারাবাস বিধি। (ত, হো,)

+ অর্থাৎ যদি স্ত্রী স্বামীকে লক্ষ্য করিয়া ঈশ্বরের নামে শপথপূর্বক চারি বার বলে যে, এ ব্যক্তি আমার উপর যে অপবাদ দিতেছে, তাহা সত্য নয়, এ মিথ্যা কহিতেছে ; এবং পঞ্চম বার যদি বলে, এ ব্যক্তি সত্য বলিয়া থাকিলে আমার প্রতি ঈশ্বরের ক্রোধ হউক। তাহা হইলে সে শাস্তি হইতে মুক্তি লাভ করিবে। হজরত দ্বিতীয় নমাজের পর অভিমন ও খন্ডিলাকে ডাকিয়াছিলেন, উল্লিখিত মতে স্বামী স্ত্রী উভয়েই সাক্ষ্য দান করিয়াছিল। অভিশাপ ও ক্রোধের উক্তির সময়ে হজরত “আমিন” বলিয়াছিলেন ও উপাসকমণ্ডলীও তাহার সঙ্গে যোগ দিয়াছিলেন। কতিপয় তক্ষসিরকারক অভিমন হানে আমিনার পুত্র হেলনের নাম উল্লেখ করিয়াছেন। (ত, হো,)

তাহাদের প্রত্যেক ব্যক্তির জন্ত ; এবং তাহাদিগের যে ব্যক্তি উহাকে গুরুতররূপে পরিণত করিয়াছে, তাহার জন্ত মহাশাস্তি আছে *। ১১। যখন তোমরা তাহা শ্রবণ করিয়াছিলে, তখন (তোমাদের) বিশ্বাসী পুরুষ ও বিশ্বাসিনী নারীগণ আপনাদের জীবনসম্বন্ধে কেন কল্যাণ মনে করিতেছিল না ? এবং কেন বলিতেছিল না যে, ইহা স্পষ্ট

* একদা হজরত মোহাম্মদের সহধর্মিণী সতী আয়শার চরিত্রের বিরুদ্ধে কলঙ্ক রটনা হইয়াছিল, তত্প্রলক্ষে এই আয়ত অবতীর্ণ হয়। সেই অপবাদের সজ্জিস্ত বিবরণ এই,—মদিনায় প্রস্থানের পঞ্চম বৎসরে মরিসিবি যুদ্ধ সংঘটিত হয়, সেই যুদ্ধযাত্রাকালে সান্দী আয়শা শিবিকারোহণে হজরতের সঙ্গে গিয়াছিলেন। কোন স্থলে আবশ্যকমতে তিনি শিবিকা হইতে অবতরণ করেন; তথায় অনবধানতাবশতঃ তাঁহার হার হারাইয়া যায়। তিনি ইতস্ততঃ সেই হারের অনুসন্ধান করিতে করিতে কিঞ্চিৎ দূরে চলিয়া যান, এতদ্রূপে কিছু বিলম্ব হইয়া পড়ে। এ দিকে শিবিকাবাহকগণ প্রস্থান করে। আয়শা কিয়ৎক্ষণ অন্তর পূর্বস্থানে প্রত্যাগমন করিয়া কাঁহাকেও দেখিতে পান না। তখন তিনি সেখানে শিবিকাবাহকদিগের প্রতীক্ষা করিতে থাকেন। ইতিমধ্যে মাতেলের পুত্র সফওয়ান, যে হজরতের আজ্ঞাক্রমে সৈন্যবৃন্দের পশ্চাতে আসিতেছিল, তথায় উপস্থিত হয়, এবং সে আয়শাকে দেখিতে পাইয়া আপন উষ্ট্রে আরোহণ করাইয়া শিবিরে লইয়া যায়। তৎপা আবুর পুত্র আবদোল্লা আয়শাকে সফওয়ানের উষ্ট্রোপরি দর্শন করিয়া তাঁহার চরিত্রসম্বন্ধে অতি জঘন্য কথা বলে। যখন সকলে মদিনাতে উপনীত হইলেন, তখন এই সংবাদ হজরতের কর্ণগোচর হইল। আয়শা পীড়িত ছিলেন, এই ব্যাপারের কোন তত্ত্ব রাগিতেন না; কিন্তু হজরত তাহার প্রতি অনাদর প্রকাশ করিতেছেন, বৃষ্টিতে পারিলেন। সেই সময়ে তিনি অনুমতি গ্রহণ করিয়া পিত্রালয়ে চলিয়া যান, তথায় সবিশেষ অবগত হন। তাহাতে তাঁহার পীড়াবৃদ্ধি হয়, তিনি দিব্যাত্মি ক্রন্দন করিতে থাকেন। এদিকে হজরত নীচ ধর্মপত্নী আয়শার চরিত্রের অনুসন্ধানে মনোযোগী হইয়া আপন ধর্ম-বন্ধুবর্গ ও প্রধান প্রধান বিশ্বাসী লোকদিগকে সবিশেষ জিজ্ঞাসা করেন। সকলেই তাঁহার সচরিত্রতা বিষয়ে দৃঢ়তা সহকারে সাক্ষ্যদান করিতে থাকেন। তৎপর একদিন হজরত আপন শত্রুর আবুবেকর সেদিকের গৃহে উপস্থিত হইয়া আয়শাকে ক্রন্দন বিলাপের অবস্থায় দেখিতে পান। তখন হজরত বলেন, “আয়শা, পাপ করিয়া থাকিলে ঈশ্বরের শরণাপন্ন হও ও ক্ষমা প্রার্থনা কর।” হজরতের কথার উত্তর দান করিতে আয়শা জনক জননীকে অনুরোধ করেন। তাঁহার তদ্বিষয়ে মনোযোগ করেন নাই। পরে অগত্যা তিনিই সভয় অন্তরে বলিলেন যে, “শত্রুগণ ইহা রটনা করিয়াছে, আমি বাহা বলি, কেহ বিশ্বাস করে না। ইয়সোফের পিতা ইয়কুব যেমন বলিয়াছেন, ‘বৈধাধারণ করিতেছি, দেখি, প্রভুর করুণা কি কার্য করে।’ আমিও ইহাই বলিতেছি।” ইতিমধ্যে হজরত প্রত্যাশিষ্ট হইলেন। “নিশ্চয় যাহারা অপবাদ উপস্থিত করিয়াছে” এই আয়ত অবতীর্ণ হইল। অপবাদরটনাকারী পাঁচ জন ছিল, যথা, কপট লোকদিগের অগ্রণী আবদোল্লা, রাকার পুত্র জয়দ, সাবেতের পুত্র হসান ও আবুবেকর সেদিকের মাতৃশ্রমার পুত্র মন্তহ এবং হজ্বশের কস্তা হমিয়ত। “তাহা (মিথ্যাদোষারোপকে) আপনাদের নিমিত্ত তোমরা অকল্যাণ মনে করিও না” প্রেরিতপুরুষ ও আয়শা এবং সফওয়ানের প্রতি এই উক্তি। কেন না, এইরূপ দোষারোপ করাতেই কতকগুলি স্বর্গীয় আয়ত তোমাদের সম্বন্ধে প্রকাশ পাইল, সর্বাপেক্ষা তোমাদের গৌরব হইল, তোমরা প্রচুর পুরস্কার পাইবে, এবং মিথ্যাবাদীরা আপনাদের পাপের সমুচিত প্রতিকূল লাভ করিবে।

(ত, হো,)

মিথ্যাবাদ * ? ১২। চারি জন সাক্ষী তৎপ্রতি কেন আনয়ন করে নাই? অনস্তর যখন সাক্ষিগণ উপস্থিত করে নাই, তখন ঈশ্বরের নিকটে ইহার। তাহারাই যে মিথ্যাবাদী। ১৩। এবং যদি তোমাদের প্রতি ঈশ্বরের প্রসাদ ও ইহপরলোকে তাঁহার দয়া না থাকিত, তবে যে বিষয়ে তোমরা প্রবৃত্ত হইয়াছ, তাহাতে অবশ্য মহাশাস্তি তোমাদের নিকট উপস্থিত হইত। ১৪। যখন তোমরা আপনাদের রসনায় তাহা উচ্চারণ করিতেছিলে এবং যৎসম্মুখে তোমাদের জ্ঞান নাই, তাহা আপন মুখে বলিতেছিলে ও তাহা নহুদ মনে করিতেছিলে; কিন্তু তাহা ঈশ্বরের নিকটে গুরুতর ছিল। ১৫। এবং যখন তোমরা তাহা শ্রবণ করিতেছিলে, তখন কেন বলিতেছিলে না, “আমরা যে ইহা বলিব, আমাদের জ্ঞান (উচিত) নয়; (ঈশ্বর,) তোমারই পবিত্রতা, (স্মরণ করিতেছি,) ইহা মহা অপলাপ”। ১৬। ঈশ্বর তোমা’দিগকে উপদেশ দিতেছেন যে, যদি তোমরা বিশ্বাসী হও, তবে কখনও এই প্রকার আর করিও না। ১৭। এবং ঈশ্বর তোমাদের জ্ঞান আয়ত সকল ব্যক্ত করিতেছেন, ঈশ্বর জ্ঞানময় কৌশলময়। ১৮। বিশ্বাসীদিগের প্রতি যাহারা কুংসা রটনা করিতে ভালবাসে, নিশ্চয় তাহাদের জ্ঞান ইহপরলোকে দুঃখজনক শাস্তি আছে; এবং ঈশ্বর জ্ঞাত হইতেছেন ও তোমরা অবগত নও। ১৯। যদি তোমাদের প্রতি ঈশ্বরের প্রসাদ ও তাঁহার দয়া না থাকিত, (কেমন হইত;) এবং নিশ্চয় ঈশ্বর দয়ালু অহুগ্রহকারী। ২০। (র, ২, আ, ১০)

হে বিশ্বাসিগণ, তোমরা শয়তানের পদানুসরণ করিও না, এবং যে ব্যক্তি শয়তানের

* অর্থাৎ আয়শা ও সফওয়ানদখদীর অপবাদ শ্রবণ করিয়া মিথ্যা মনে করা বিশ্বাসীদিগের উচিত ছিল। (ত, হো,)

* অর্থাৎ শাস্তিদানে বিলম্ব করা বিধেয়। যদি ঈশ্বরের দয়া ও প্রসন্নতা না থাকিত, তাহা হইলে তোমরা বিনাশ প্রাপ্ত হইতে; অথবা যদি পরমেশ্বর অনুগ্রহ করিয়া ক্রিয়ায় নিষেধ ও তাহার প্রতিবন্ধকতা করিতে প্রবৃত্ত না থাকিতেন, তবে তোমাদের বংশ উচ্চিন্ন হইয়া যাইত; কিংবা যদি ঈশ্বর দয়া করিয়া তোমাদের অনুতাপ গ্রাহ্য না করিতেন, তবে তোমরা নিরাশার প্রান্তরে ভ্রাম্যমান হইতে। অতএব তিনি তোমা’দিগকে অনুতাপের উদ্দীপনে সাহায্য দান করিয়া আশার প্রশস্ত ভূমিতে আহ্বান করিয়াছেন। (ত, হো,)

‡ কথিত আছে যে, আবু আয়ুব আনসারীর স্ত্রী তাহাকে বলিয়াছিল, “শুনিয়াছি, লোকে আয়শার সম্বন্ধে কি সকল কথা কহিতেছে?” তাহাতে আবু আয়ুব বলিয়াছিল, “শুনিয়াছি, ইহা মিথ্যা; ভাল, তুমি নিজের সম্বন্ধে এরূপ করিতে সম্মত আছ কি?” সে বলিল, “ঈশ্বরের শপথ, কখনও না।” তখন আবু আয়ুব বলিল, “আয়শা তোমা অপেক্ষা গ্রেষ্ঠা নারী, পরম স্বর্গীয় বার্তাবাহকের সহধর্মিণী, তাহা দ্বারা এরূপ কাণ্ড হইল, তুমি কেমন করিয়া গুক্তিযুক্ত মনে করিতেছ? ইহা যে ভয়ানক মিথ্যা কথা।” তাহাতেই এই আশত অবতীর্ণ হয়। কোর-আনকে মিথ্যা বলা, প্রেরিতপুরুষের পরিবার-সম্বন্ধে অপবাদ রটনা করা, প্রেরিতপুরুষকে লজ্জা মনে করা, এই সকল পাপের গুরুতর শাস্তি বিহিত হইয়াছে। (ত, হো,)

পদের অনুসরণ করে, পরে নিশ্চয় সে তাহাকে নির্লজ্জ ও অবৈধ কার্যে আদেশ করিয়া থাকে ; এবং যদি তোমাদের প্রতি ঈশ্বরের প্রসাদ ও তাহার দয়া না থাকিত, তবে কখনও তোমাদের মধ্যে কেহ পবিত্র হইত না। কিন্তু ঈশ্বর যাহাকে ইচ্ছা হয়, পবিত্র করিয়া থাকেন, এবং ঈশ্বর শ্রোতা ও জ্ঞাতা। ২১। এবং তোমাদিগের মধ্যে গৌরবান্বিত ও ক্ষমতাবান লোক যেন স্বগণ ও দরিদ্র এবং ঈশ্বরের পথে গৃহত্যাগী লোকদিগকে দান করিতে শপথ না করে, এবং যেন ক্ষমা করে ও দোষ পরিহার করে ; তোমরা কি ভালবাস না যে, ঈশ্বর তোমাদিগকে ক্ষমা করেন ? এবং ঈশ্বর ক্ষমাশীল দয়ালু *। ২২। নিশ্চয় যাহারা (দুষ্কর্ম) অবিজ্ঞাতা, বিশ্বাসিনী, সাক্ষী নারীদিগের প্রতি অপবাদ দেয়, ইহ পরলোকে তাহারা অভিশপ্ত হয়, এবং তাহাদের জন্ত মহাশাস্তি আছে। ২৩।+যে দিবস তাহাদিগের সম্বন্ধে তাহাদিগের জিহ্বা ও তাহাদিগের হস্ত এবং তাহাদিগের চরণ সকল, তাহারা যাঁহা করিতেছিল, তদ্বিষয়ে সাক্ষ্য দান করিবে। ২৪। সেই দিবস পরমেশ্বর তাহাদিগকে তাহাদিগের বিনিময় পূর্ণরূপে প্রদান করিবেন, এবং তাহারা জানিবে যে, নিশ্চয় ঈশ্বর (স্বরূপতঃ) স্পষ্ট সত্য। ২৫। অসতী নারীগণ অসং পুরুষদিগের ও অসং পুরুষগণ অসতী নারীদিগের (উপযুক্ত,) এবং সতী নারীগণ সংপুরুষদিগের ও সংপুরুষগণ সতী নারীদিগের (যোগ্য ;)। তাহারা যাঁহা বলিয়া থাকে, তাহা হইতে ইহারা বিমুক্ত, ইহাদের জন্ত ক্ষমা ও উত্তম উপদ্রবীকা আছে †। ২৬। (র, ৩, আ, ৬)

হে বিশ্বাসিগণ, তোমরা আপন গৃহ ব্যতীত (অস্ত্র) গৃহে যে পণ্যস্তু তাহার স্বামীর নিকটে অহুমতি প্রার্থনা ও সেলাম (না) কর, প্রবেশ করিও না ; ইহা তোমাদের জন্ত কল্যাণ, সম্ভবতঃ তোমরা উপদেশ লাভ করিবে ‡। ২৭। পরন্তু যদি তন্মধ্যে কাহাকেও প্রাপ্ত না হও, তবে যে পণ্যস্তু (না) তোমাদিগকে অহুমতি করে, তোমরা তাহাতে

* “দান করিতে শপথ না করে” অর্থাৎ দান করিব না বলিয়া শপথ না করে। যদি তোমরা ইচ্ছা কর যে, ঈশ্বর আমাদের পাপ ক্ষমা করুন, তবে তোমরাও অস্ত্রের দোষ উপেক্ষা করিও। (ত, হো,)

† আকাসের পুত্র বলিয়াছেন যে, কোন প্রেরিতপুরুষের সহধর্মিণী দুষ্চরিত্রা হন নাই, ঈশ্বর তাহাদিগের সত্যতা রক্ষা করিয়া থাকেন। (ত, কা,)

‡ কথিত আছে যে, একদা একটি আনসারী স্ত্রী হজরতের নিকটে যাইয়া নিবেদন করিয়াছিল যে, “আমরা আপন আপন গৃহে এক ভাবে থাকি, সেই অবস্থায় কেহ আমাদের দর্শন করে, এরূপ ইচ্ছা করি না। কখন কখন হঠাৎ কেহ আমাদের গৃহে আসিয়া উপস্থিত হয়, এবং যে অবস্থায় আমাদের দর্শন দেখা উচিত নয়, সে দেখিয়া যায়।” তাহাতেই ঈশ্বর এই আয়ত প্রেরণ করেন। কোন ব্যক্তি আপন আত্মীয় স্বগণের নিকটে আসিলে, প্রথমতঃ কোন বাক্য বা পদধ্বনি দ্বারা বা অস্ত্র কোন উপায়ে তাহাকে সংবাদ দিবে। তাহা হইলে গৃহস্থানী আপন পরিষেয় বস্তাদি সম্বরণ ও লজ্জাজনক ব্যাপার নিবারণে অগ্রসর হইতে পারিবে। (ত, হো,)

প্রবেশ করিও না, এবং যদি তোমাদিগকে বলা হয় যে, ফিরিয়া যাও, তবে ফিরিয়া যাইও ; তাহা তোমাদের জন্য বিশুদ্ধতর, এবং তোমরা যাহা করিয়া থাক, ঈশ্বর তাহার জ্ঞাত। ২৮। বসতিবিহীন আবাস সকলে প্রবেশ করিতে তোমাদের সম্মুখে দোষ নাই, তথায় তোমাদের জন্য লাভ আছে ; এবং যাহা তোমরা প্রকাশ কর ও যাহা গোপন করিয়া থাক, ঈশ্বর তাহা জানেন *। ২৯। বিশ্বাসী পুরুষদিগকে, (হে মোহাম্মদ,) তুমি বল, যেন তাহারা স্ব স্ব দৃষ্টি বদ্ধ করে, স্ব স্ব গুহেঙ্গ্রিয় সকলকে সংযত রাখে, ইহা তাহাদের জন্য বিশুদ্ধতর ; তোমরা যাহা করিয়া থাক, নিশ্চয় ঈশ্বর তাহার তত্ত্বজ্ঞ *। ৩০। এবং বিশ্বাসিনী নারীদিগকে বল, যেন তাহারা স্ব স্ব দৃষ্টি সকলকে বদ্ধ করে ও স্ব স্ব গুহেঙ্গ্রিয় সকলকে সংযত রাখে ও স্ব স্ব ভূষণ যাহা তাহা হইতে ব্যক্ত হইয়া থাকে, তদ্ব্যতীত প্রকাশ না করে এবং যেন তাহার আপন কণ্ঠদেশে স্বীয় বস্ত্রাঞ্চল বুলাইয়া রাখে ; আপন স্বামী বা আপন পিতা বা আপন শ্বশুর বা আপন পুত্র (এবং পৌত্র) বা আপন স্বামীর পুত্র (সপত্নীজাত পুত্র) বা আপন ভ্রাতা বা আপন ভ্রাতুষ্পুত্র বা আপন ভাগিনেয় বা আপন (ধর্মাবলম্বিনী) নারীগণ বা তাহাদের দক্ষিণ হস্ত যাহাদের উপর স্বত্ব লাভ করিয়াছে, সেই (দাসীগণ) বা নিকাম অমুগামী পুরুষগণ এই সকলের ও যাহারা নারীগণের লজ্জাজনক ইঙ্গ্রিয়সম্বন্ধে জ্ঞান রাখে না, সেই শিশুদিগের নিমিত্ত ভিন্ন তাহারা আপন অভরণ যেন প্রকাশ না করে ; এবং তাহারা যেন আপন শব্দাধ্বনি (ভূষণযুক্ত) চরণ বিক্ষেপ না করে, তাহা করিলে তাহারা আপন ভূষণ যাহা গোপন করিয়া থাকে, (লোকে) তাহা জানিতে পাইবে। এবং হে বিশ্বাসিগণ, তোমরা একযোগে ঈশ্বরের দিকে ফিরিয়া আইস, সম্ভবতঃ তোমরা মুক্ত হইবে †। ৩১। এবং আপন (দলের)

* অষ্টবিংশ আয়ত অবতীর্ণ হইলে আবুবেকর সেদিক হজরতকে গিজাসা করিয়াছিলেন, “প্রেরিতপুরুষ, শাম ও এরাকের পথে বণিকদিগকে পাছনিবাসে আশ্রয় গ্রহণ করিতে হয়, তথায় কেহ না থাকিলে কাহার নিকটে তাহারা অশ্রুমতি প্রার্থনা করিবে ?” তাহাতেই এই আয়তের অবতরণ হয়। (ত, হো,)

† মানবদেহে শরতানের দ্রুতগামী পদাতিক চক্ষু, যেহেতু অস্ত্রাস্ত্র ইঙ্গ্রিয় স্ব স্ব স্থানে স্থিতি করে, কোন বিষয় আপনাদের মধ্যে প্রাপ্ত না হইলে তাহারা তাহার ভোগে প্রবৃত্ত হয় না। কিন্তু চক্ষু একরূপ এক ইঙ্গ্রিয় যে, দূর ও নিকটের পাপ বিপদকে টানিয়া আনে। এজন্য অবস্থাবিশেষে নয়ন অবরুদ্ধ করিবার বিধি হইয়াছে। মহাত্মা শব্লি বলিয়াছেন যে, শিরশ্চক্ষুকে অবৈধ দর্শন-সম্বন্ধে এবং অন্তঃচক্ষুকে ঈশ্বরের পদার্থের আলোচনা সম্বন্ধে অবরুদ্ধ কর। (ত, হো,)

‡ কার্য্য করিবার সময় এ সকল বসন ভূষণ ব্যক্ত হইয়া থাকে, যথা—অঙ্গুরীয়, বসনাঞ্চল, চক্কের কজ্জল, করতলের রঙ্গনদ্রব্য (খেজাব), এ সমুদায় ব্যতীত অস্ত্র ভূষণ নারীগণ লোকের নিকটে প্রকাশ করিবেন না। কেহ কেহ বলেন, এস্থলে ভূষণ অর্থে ভূষণস্থান। “যেন তাহার আপন কণ্ঠদেশে স্বীয় বস্ত্রাঞ্চল বুলাইয়া রাখে” অর্থাৎ স্ত্রীগণ উত্তরীয় বস্ত্রবিশেষ মস্তক হইতে কণ্ঠের উপর বুলাইয়া রাখিবে, তাহাতে তাহাদের কেশপাশ, কর্ণমূল, গ্রীবা ও বক্ষোদেশ আচ্ছাদিত

ভর্ষহীন নারীদিগকে এবং আপন উপযুক্ত দাসদিগকে ও আপন দাসীদিগকে তোমরা বিবাহ দিও ; তাহারা নিধন হইলে ঈশ্বর স্বীয় কুপায় তাহাদিগকে সম্পন্ন করিবেন, এবং ঈশ্বর উদার দাতা জ্ঞানময়। ৩২। যাহারা বৈবাহিক (সম্পত্তি) প্রাপ্ত হয় নাই, যে পর্য্যন্ত (না) ঈশ্বর আপন করুণায় তাহাদিগকে ধনসম্পন্ন করেন, সে পর্য্যন্ত যেন তাহারা বিমুক্ত থাকে ; তোমাদের দক্ষিণ হস্ত যাহাদিগকে অধিকার করিয়াছে, তাহাদের যাহারা মুক্তিপত্র প্রার্থনা করে, অনন্তর তোমরা যদি তাহাদের সম্বন্ধে ভাল বুঝ, তবে তাহাদিগকে তাহা লিখিয়া দেও, এবং ঈশ্বরের ধন হইতে যাহা তিনি তোমাদিগকে দিয়াছেন, তোমরা তাহাদিগকে দান করিও। যদি নিবৃত্তি চাহে, তবে আপন দাসীদিগের প্রতি ছুক্রিয়ায় বলপ্রয়োগ করিও না যে, তদ্বারা তোমরা পার্থিব সম্পত্তি অন্বেষণ করিবে ; যে ব্যক্তি তাহাদের প্রতি বলপ্রয়োগ করে, অবশেষে নিশ্চয় ঈশ্বর বলপ্রয়োগের পর (তাহাদের প্রতি) ক্ষমাশীল দয়ালু হন *। ৩৩। এবং সত্যসত্যই আমি তোমাদের

ধাকিবে। যে সকল স্বর্ণ পুরুষের নিকটে ভূষণস্থান প্রকাশ করিবার বিধি হইল, তাহাদের সঙ্গে বিবাহের বিধি নাই। সহ স্তম্ভপায়ী ভ্রাতার সম্বন্ধেও এই ব্যবস্থা। পিতৃবা ও মাতৃবশ্পতি ভ্রাতার স্থলে গণ্য। স্থলান্তরে তাহাদিগকেও ভূষণস্থান প্রদর্শন নিষিদ্ধ হইয়াছে ; যেহেতু তাহারা আপন আপন পুত্রের নিকটে তাহার বর্ণনা করিতে, মোসলমান মহিলাদিগের ভূষণস্থান প্রকাশ করিবে। ঈসারী, ইহুদী ও যুদ্যোপাসক এবং পৌত্তলিক নারীগণের নিকটে উহা প্রকাশ করিবে না, তাহারা পরপুরুষ-তুল্য। গোপনীয় ভূষণস্থান তাহাদিগকে প্রদর্শন করা মোসলমান নারীদিগের পক্ষে উচিত নহে। তখন মোসলমান ও কাকেরদলের মধ্যে সন্দাব জন্মিয়াছিল। অধার্মিক নারীর সঙ্গে ধার্মিক মহিলাদিগের মিলন না হওয়াই শ্রেয়ঃ। কেহ কেহ বলেন যে, কোন শ্রেণীর স্ত্রীলোকের নিকটে মোসলমান নারীগণ ভূষণস্থান গুপ্ত রাখিবেন না, এইরূপ বিধি। অকাম পুরুষ ভৃত্যগণ, যাহারা খাচ্ছাদির অনুরোধে অন্তঃপুরে গমনাগমন করে, যুবতী নারী দর্শন করিয়া যাদের মনে কুভাবের উদয় হয় না, অর্থাৎ যাহারা বৃদ্ধ বা বিকারহীন নির্দোষ ভৃত্য, তাহাদিগকে নারীগণ ভূষণস্থান প্রদর্শন করিতে পারেন। যে সকল শিশু বালক স্ত্রী-সংসর্গের কোন তত্ত্ব রাখে না, তাহাদিগকেও দেখাইতে পারেন। মহিলাদিগের চলিবার সময় চরণভূষণের ধনি যেন পুরুষের কর্ণগত না হয়, তাহা হইলে তাহাদের কুপ্রবৃত্তির উল্লেখক হওয়া সম্ভব। (ত, হো,)

* “তোমাদের দক্ষিণ হস্ত যাহাদিগকে অধিকার করিয়াছে” ইত্যাদি অর্থাৎ তোমাদের ক্রীতদাস-দাসীগণ দাসত্ব হইতে মুক্তি আকাঙ্ক্ষা করিলে, তোমরা তাহাদের সম্বন্ধে যদি ভাল বুঝ, তবে মুক্তিপত্র লিখিয়া দিতে পার, এবং মুক্তিপত্রে লিখিত নির্দিষ্ট মূল্যের কিছু তাহাদিগকে ক্ষমা করিতে পার। মোসলমান কারসারী নিকটে এক দাস মুক্তিপত্র চাহিলে, মোসলমান জিজ্ঞাসা করিয়াছিলেন, “তুমি কিছু সম্পত্তি রাখ কি ?” সে বলিল, “না ;” তিনি পুনর্বার জিজ্ঞাসা করিলেন, “অর্থ-সাহায্য করিতে পারে, তোমার এমন কেহ আছে ন?” সে বলিল, “না”। তাহাতে মোসলমান মুক্তিপত্র লিখিয়া দিতে অসম্মত হন। একশত টাকার মরসকে খতিব মুক্তিপত্র লিখিয়া দিয়াছিলেন, এই আয়ত শ্রবণের পর বিশ টাকা তাহাকে দান করিয়াছিলেন। এমাম শাকি ও এমাম আহমদ বলেন যে, লিপির নির্দ্ধারিত অর্থ হইতে কিছু দান করিতে হইবে। এমাম আহমদ চতুর্থাংশ ধন নিরূপণ করেন। ইত্যাদি ভিন্ন ভিন্ন

প্রতি উজ্জ্বল নিদর্শন সকল ও তোমাদের পূর্বে যাহারা গত হইয়াছে, তাহাদের দৃষ্টান্ত এবং ধর্মভীরু লোকদিগের অগ্ৰ উপদেশ অবতারণ করিয়াছি। ৩৪। (র, ৪, আ, ৮)

পরমেশ্বর দু্যলোক ও ভূলোকের জ্যোতি (দাতা;) তাঁহার জ্যোতির উপমা, যথা, (গৃহে) দীপ-সংরক্ষণীয় তাক আছে, তন্মধ্যে দীপ আছে, সেই দীপ কাচাধারে, সেই কাচাধার উজ্জ্বল নক্ষত্রতুল্য; কল্যাণযুক্ত জয়তুন তরুর তৈল-যোগে প্রজ্জ্বলিত হইয়া থাকে, তাহা পূর্ব ও পশ্চিম দেশীয় নহে, তাহার তৈল, যদিচ তাহাকে অগ্নি স্পর্শ না করে, (তথাপি স্বতঃ) জ্যোতির্দানে সমুদ্যত হয়, জ্যোতির উপর জ্যোতি হয়। যাহাকে ইচ্ছা করেন, ঈশ্বর আপন জ্যোতি দ্বারা পথ প্রদর্শন করিয়া থাকেন, এবং ঈশ্বর মানব-মণ্ডলীর অগ্ৰ দৃষ্টান্ত সকল বর্ণন করেন, ঈশ্বর সকল বিষয়ে জ্ঞানী *। ৩৫।+ যে সকল আলয়ের প্রতি ঈশ্বর আদেশ করিয়াছেন যে, (তাহাকে) উন্নত করা হয়, এবং তন্মধ্যে তাঁহার নামোচ্চারণ করা হয়; † যাহাদিগকে বাণিজ্য ও ক্রয় বিক্রয় ঈশ্বরপ্রসঙ্গ হইতে ও

এমামের মতভেদ আছে। আবুসলুলের পুত্র অবদোদা যে কপট লোকদিগের অগ্রণী ছিল, তাহার পরমা স্ত্রী ছয় জন দাসী ছিল। সে তাহাদের প্রতি বলপ্রয়োগ করিত এবং ছাড়িয়া দিবার উদ্দেশ্যে তাহাদিগ হইতে কিছু কিছু গ্রহণ করিত। মাজা ও মসিকা নামী দুইটি দাসী পরস্পর বলিয়াছিল যে, "যে কার্য আমরা করিয়া থাকি, যদি তাহা ভাল হয়, তবে আমরা তাহা অনেক করিয়াছি; যদি মন্দ হয়, তবে সময় উপস্থিত যে, তাহা আমরা পরিত্যাগ করিব।" এই বলিয়া তাহারা হজরতের নিকটে উপস্থিত হইয়া সবিশেষ জ্ঞাপন করে, তাহাতেই এই আয়ত অবতীর্ণ হয়। দাসী দুইজনে অসম্মত হইলে, তাহার উপার্জিত অর্থ বা তাহার সম্বান বিক্রয় করিয়া সেই অর্থ গৃহস্থানী গ্রহণ করিত (ত, হো,)

* নানা টীকাকার ও গ্রন্থকার এই আয়তের বিস্তারিতরূপে নানা প্রকার ব্যাখ্যা করিয়াছেন। এখানে সংক্ষেপে কিছু বিবৃত হইতেছে। দীপ ঈশ্বরতত্ত্ব, উহা ঈশ্বরপরায়ণ লোকের অন্তররূপ কাচাধারে স্থিত, সাধুর বন্ধুত্ব দীপসংরক্ষণীয় তাক, হজরত মোহাম্মদের বিদ্যমানতা জয়তুনতরুরূপ। তিনি পূর্বদেশে বা পশ্চিম দেশে জন্মগ্রহণ করেন নাই, মক্কাভূমিজাত, মক্কা পৃথিবীর মধ্যস্থল। পৃথিবী শামদেশের পার্বত্য প্রদেশে জয়তুন তরু উৎপন্ন হয়, অগ্ৰ কোথাও নহে। সেই বৃক্ষে সাত জন পেগাম্বরের শুভাশীর্বাদ পড়িয়াছে, তাহাতেই তাহাকে কল্যাণযুক্ত বলা হইয়াছে। সেই জয়তুন-ফলের নির্ধাস অগ্নির স্পর্শ না হইতেই জ্বলিয়া উঠে; হজরত মোহাম্মদ জয়তুন, তাঁহার শিক্ষা তৈলধরূপ। সেই শিক্ষায় তত্ত্বপরায়ণ লোকদিগের অন্তরে তত্ত্বরূপ দীপ জ্বলিয়া উঠে। অগ্ৰ জ্যোতির সাহায্য বাতীত স্বতঃ সেই শিক্ষারূপ তৈল সাধুদিগের অন্তররূপ কাচাধারে জ্বলিয়া উঠে। হজরত মোহাম্মদের প্রেম ও এত্রাহিমের প্রেম এই দুই জ্যোতির পর জ্যোতি। (ত, হো,)

† এখানে আলয় সকল ঈশ্বরের মন্দির, উহা চারিটি মন্দির। (১) মহা মন্দির কাবা, ইহা মহাপুরুষ এত্রাহিমের যত্নে ও এন্মারিলের সাহায্যে নির্মিত হইয়াছে। (২) জেরুজেলমের মন্দির, দাউদ তাহার ভিত্তি স্থাপন ও সোলয়মান তাহার নির্মাণ পূর্ণ করেন। (৩) মদিনার মস্জিদ, (৪) কাবা মস্জিদ, এই দুই হজরত মোহাম্মদের ইঙ্গিতক্রমে নির্মিত হইয়াছে। এই সকল মন্দিরে ঈশ্বরের উপাসনাদি হইয়া থাকে। এ সমস্তকে উন্নত বর্দ্ধিত ও সংস্কৃত করা আবশ্যক। কেহ কেহ বলেন, এখানে আলয় অর্থে, প্রেরিতপুরুষদিগের আলয়, মদিনার আবাস কিবা তপস্তুভূটির সকল বুঝাইবে। (ত, হো,)

উপাসনার প্রতিষ্ঠা এবং জকাত দান হইতে শিথিল করে না ও যাহাতে অন্তর সকল, দৃষ্টি সকল বিক্ষিপ্ত হইবে, যাহারা সেই দিনকে ভয় করে, সেই পুরুষগণ প্রাতঃ সন্ধ্যা তথায় তাঁহাকে স্তব করিয়া থাকে। ৩৬। + ৩৭। + তাহাতে তাহারা যে, অত্যন্তম কাজ করিয়াছে, ঈশ্বর তাহার পুরস্কার দিবেন ও তিনি আপন করুণায় তাহাদিগকে অধিক দিবেন ; এবং ঈশ্বর যাহাকে ইচ্ছা করেন, তাহাকে অগণ্য জীবিকা দান করিয়া থাকেন। ৩৮। এবং যাহারা ধর্ম্বেষী হইয়াছে, তাহাদের কর্ম্ম সকল প্রাপ্তিরের সেই মুগ্ধতার ঞ্চায়, পিপাসু যাহাকে জল মনে করে ; এ পর্য্যন্ত যখন সে তাহার নিকটে উপস্থিত হয়, তাহাকে কোন পদার্থরূপে প্রাপ্ত হয় না, এবং ঈশ্বরকে আপন নিকটে (শাস্তিদাতৃরূপে) প্রাপ্ত হয়। অনন্তর ঈশ্বর তাহার হিসাব (বিচার) পূর্ণ করেন, এবং ঈশ্বর হিসাবে সঙ্গর *। ৩৯। + অথবা তাহার অবস্থা যেন গভীর সমুদ্রে তিমিররাশি, তরঙ্গের উপর তরঙ্গ তাহাকে গ্রাস করিতেছে, তাহার উপর মেঘ, অন্ধকারপুঞ্জ পরস্পর এক অন্তর উপর, যখন সে আপন হস্ত বাহির করে, তাহা যে দেখিবে, এমন স্বযোগ নাই ; যাহাকে ঈশ্বর আলোক দান করেন নাই, সে সেই ব্যক্তি, অনন্তর তাহার জন্ত কোন আলোক নাই। ৪০। (র, ৭, আ, ৬)

তুমি কি দেখ নাই যে, ছ্যালোকে ও ভুলোকে যে কেহ আছে সে, এবং প্রসারিতপক্ষ পক্ষী ঈশ্বরকে স্তব করিয়া থাকে ? সকলে একান্তই তাঁহার উপাসনা ও তাঁহার স্তুতি জ্ঞাত আছে, এবং তাহারা যাহা করিতে থাকে, ঈশ্বর তাহার জ্ঞাত। ৪১। এবং ছ্যালোকে ও ভুলোকে রাজহ ঈশ্বরের ও তাঁহার দিকে (সকলের) পুনর্গমন। ৪২। তুমি কি দেখ নাই যে, ঈশ্বর বারিবাহকে সঞ্চালিত করেন, তৎপর তাহার ভিতরে স্তর সকল (পরস্পর) সম্মিলিত করেন, তদনন্তর স্তরে স্তরে স্থাপিত করেন ? অনন্তর তুমি দেখিয়া থাক যে, তাহার ভিতর হইতে জলবিন্দু সকল নির্গত হয়, এবং তিনি আকাশ হইতে, যন্মধ্যে করকা আছে, সেই (মেঘরূপ) পর্বত সকল হইতে (করকা) বর্ষণ করেন ; অনন্তর যাহাকে ইচ্ছা করেন, তাহার প্রতি উহা পঁছাইয়া থাকেন, এবং যাহাকে ইচ্ছা করেন, তাহা হইতে নিবৃত্ত রাখেন, এবং উহার বিদ্যুতের জ্যোতি দৃষ্টি সকল হরণ করিতে উদ্ভূত হয়। ৪৩। + ঈশ্বর দিবা রজনীর পরিবর্তন করেন, নিশ্চয় ইহাতে চক্ষুমান লোকদিগের জন্ত শিক্ষা আছে। ৪৪। এবং ঈশ্বর সমুদায় স্থলচরকে (শুক্লরূপ) জল দ্বারা সৃষ্টি করিয়াছেন, অনন্তর তাহাদের কেহ বক্ষোযোগে গমন করে, এবং তাহাদের

* মধ্যাহ্নকালে বালুকাময় বিস্তীর্ণ সমতল ক্ষেত্র স্বর্ধ্য-কিরণে দূর হইতে তরঙ্গায়িত জলরাশির আকারে তৃকার্ণ পথিকদিগকে যে দৃষ্টপ্রম জন্মায়, তাহাকে মুগ্ধতা বলে। (ভ, হো,)

† ভূতলে যেমন পাষণময় পর্বত সকল আছে, তদ্রূপ আকাশে করকাময় পর্বতাকার মেঘ সকল আছে, তাহা হইতে ঈশ্বর করকা বর্ষণ করেন। তিনি যে উদ্ভান ও শস্তক্ষেত্রাদির প্রতি ইচ্ছা হয়, করকা লইয়া যান, এবং যে উদ্ভানাদির প্রতি ইচ্ছা হয়, তাহা হইতে নিবৃত্ত রাখেন। (ভ, হো,)

কেহ পদদ্বয়যোগে বিচরণ করে ও তাহাদের কেহ চতুর্পদে চলিয়া থাকে ; ঈশ্বর যাহা ইচ্ছা করেন, সৃষ্টি করিয়া থাকেন, নিশ্চয় ঈশ্বর সর্বোপরি ক্ষমতাশালী। ৪৫। সত্য সত্যই আমি উজ্জ্বল নিদর্শন সকল অবতারণ করিয়াছি, এবং ঈশ্বর যাহাকে ইচ্ছা করেন, তাহাকে সরল পথের দিকে আলোক দান করিয়া থাকেন। ৪৬। এবং তাহারা বলে যে, “আমরা পরমেশ্বর ও প্রেরিতপুরুষের প্রতি বিশ্বাস স্থাপন করিয়াছি, এবং অন্তর্গত হইয়াছি” ; অনন্তর তাহাদের একদল ইহার পরে বিমুগ্ধ হয়, এবং তাহারা বিশ্বাসী নহে *। ৪৭। এবং যখন ঈশ্বর ও তাঁহার প্রেরিতপুরুষের দিকে তাহারা আহৃত হয়, যেন তিনি তাহাদের মধ্যে আজ্ঞা প্রচার করেন, তখন অকস্মাৎ তাহাদের একদল বিমুগ্ধ হয়। ৪৮। এবং যদি স্বত্ব তাহাদের হয়, তবে তাহারা তাহার (প্রেরিতপুরুষের) দিকে অগ্রগতভাবে উপস্থিত হইয়া থাকে। ৪৯। তাহাদের অন্তরে কি রোগ আছে, বা তাহারা সন্দেহ করিয়া থাকে, অথবা তাহারা ভয় পায় যে, ঈশ্বর ও তাঁহার প্রেরিত-পুরুষ তাহাদের প্রতি অত্যাচার করিবেন ? বরং ইহারাই তাহারা যে অত্যাচারী। ৫০। (র, ৬, আ, ১০)

যখন বিশ্বাসিগণ ঈশ্বর ও তাঁহার প্রেরিত পুরুষের নিকটে আহৃত হয়, যেন তিনি তাহাদের মধ্যে আজ্ঞা প্রচার করেন, তখন তাহারা বলে, “শ্রবণ করিলাম ও আজ্ঞাবহ হইলাম,” বিশ্বাসীদিগের বাক্য এতদ্ভিন্ন হয় না ; ইহারাই তাহারা, যে মুক্তাভকারী। ৫১। এবং যে ব্যক্তি ঈশ্বরের ও তাহার প্রেরিতপুরুষের আজ্ঞাকারী হয়, এবং ঈশ্বরকে ভয় করে ও তাঁহার (শাস্তিবিষয়ে) সাবধান হয়, অনন্তর ইহারাই তাহারা, যে সিদ্ধকাম হইবে। ৫২। এবং তাহারা আপনাদের দৃঢ় শপথে ঈশ্বরের নামে শপথ করিয়াছে যে, যদি তুমি তাহাদিগকে আদেশ কর, তবে অবশ্য তাহারা (স্বদেশ হইতে) বহির্গত হইবে ; তুমি বল, “তোমরা শপথ করিও না, আনুগত্যই মনোনীত হয়, তোমরা যাহা করিয়া থাক, নিশ্চয় ঈশ্বর তাহার তত্ত্বজ্ঞ”। ৫৩। তুমি বল, (হে মোহম্মদ,) “তোমরা

* ভূমি ও জলাশয় লইয়া মহাস্বা আলির সঙ্গে ওয়ায়িলের পুত্র ময়মরার বিরোধ উপস্থিত হইয়াছিল। আলি চাহিলেন, তাহাকে হজরত মোহম্মদের নিকটে লইয়া যান, এবিষয়ে বিচার প্রার্থী হন। ময়মরা বলিল, “তিনি তোমার পক্ষেই বিচার নিষ্পত্তি করিবেন, যেহেতু তুমি তাঁহার পিতৃব্যপুত্র।” কিন্তু সে জানিত, আলিরই স্বত্ব এবং হজরত সত্য বিচার করিবেন। তাহাতে ঈশ্বর এই আয়ত প্রেরণ করেন যে, কপট লোকেরা মুখে বিশ্বাস ও আনুগত্য স্বীকার করে, এদিকে ঈশ্বর ও প্রেরিতপুরুষের আজ্ঞাকে অগ্রাহ্য করে ইত্যাদি। (ত, হো,)

+ এক জন বাদশা এমন একটি আয়তের প্রার্থনা করিয়াছিলেন যে, তদনুসারে কার্য করিলেই যথেষ্ট হইবে, অল্প আয়তের আবশ্যক হইবে না। তদানীন্তন পণ্ডিতগণ এ বিষয়ে এই আয়তে ঐক্য হন। যেহেতু লোকের মূখ্য শাস্তি প্রেরিতপুরুষের ও ঈশ্বরের আনুগত্য ও ঈশ্বরভয় বাতীত অসম্ভব (ত, হো,)

ঈশ্বরের অহুগত থাক ও তাঁহার প্রেরিতপুরুষের অহুগত থাক”; পরে যদি তোমরা, (হে লোক সকল,) বিমুগ্ধ হও, তবে তাহার প্রতি যে ভার অপিত ও তোমাদের প্রতি যে ভার অপিত হইয়াছে, এতদ্বিধ নহে, * এবং যদি তোমরা তাহার আজ্ঞাকারী হও, তবে পথ প্রাপ্ত হইবে; প্রেরিতপুরুষের প্রতি স্পষ্ট প্রচার করার (ভার) বৈ নহে। ৫৪। ঈশ্বর অঙ্গীকার করিয়াছেন যে, তোমাদের মধ্যে যাহারা বিশ্বাস স্থাপন ও সংকল্প সকল করিয়াছে, ভূতলে তিনি তাহাদিগকে অবশ্য রাজ্যাধিপতি করিবেন, যেমন তাহাদের পূর্বে যাহারা ছিল, তাহাদিগকে রাজ্যাধিপতি করিয়াছেন; এবং তিনি অবশ্য তাহাদের জ্ঞাত তাহাদের ধর্মকে, যাহা তাহাদের নিমিত্ত মনোনীত হইয়াছে, দৃঢ় করিবেন, এবং অবশ্য তাহাদের ভয়ের পরে তাহাদিগকে অভয়ে পরিবর্তিত করিবেন। তাহারা আমাকে অর্চনা করিবে, এবং আমার সঙ্গে কিছুই অংশী স্থাপন করিবে না, এবং যাহারা ইহার পরে ধর্মদ্বেষী হইবে, অনন্তর তাহারাই ইহারা, যে দুষ্ক্রিয়াশীল। ৫৫। এবং তোমরা উপাসনাকে প্রতিষ্ঠিত রাখ ও জ্ঞাত দান কর, এবং প্রেরিতপুরুষের অহুগত থাক; সম্ভবতঃ তোমাদের প্রতি দয়া করা হইবে। ৫৬। তোমরা মনে করিও না যে, পৃথিবীতে ধর্মদ্রোহিণ (ঈশ্বরের) পরাভবকারী, অগ্নি তাহাদের আশ্রয়ভূমি, এবং (তাহা) কুৎসিত প্রত্যাবর্তন-ভূমি। ৫৭। (র, ৭, আ, ৭,)

হে বিশ্বাসিগণ, তোমাদিগের দক্ষিণ হস্ত যাহাদিগকে অধিকার করিয়াছে, (সেই দাস দাসীগণ) ও তোমাদের মধ্যে যাহারা বয়ঃপ্রাপ্ত হয় নাই, তাহারা প্রাভাতিক নমাজের পূর্বে এবং মধ্যাহ্নে, যখন তোমরা স্বীয় বস্ত্র সকল উন্মোচন কর, তখন ও নৈশিক উপাসনার অন্তে (গৃহে প্রবেশে) যেন তিন বার অহুমতি প্রার্থনা করে, তোমাদের জ্ঞাত এ তিনটি নির্জনতা হয়; ইহার পর (আসিলে) তাহাদের প্রতি ও তোমাদের প্রতি কোন দোষ নাই, তাহারা তোমাদের পরস্পর পরস্পরের নিকট গমনাগমনকারী। এই প্রকার পরমেশ্বর তোমাদের জ্ঞাত আয়ত সকল বর্ণনা করেন, এবং ঈশ্বর জ্ঞানময় কৌশলময় *। ৫৮। এবং যখন তোমাদের বালকগণ বয়ঃপ্রাপ্ত হয়, তখন উচিত যে,

* “তাহার প্রতি যে ভার অপিত ও তোমাদের প্রতি যে ভার অপিত হইয়াছে” অর্থাৎ প্রেরিত পুরুষের প্রতি যে ঈসলাম-প্রচারের ভার ও তোমাদের প্রতি যে তাহা মান্য করার ভার অপিত আছে। (ত, হো,)

+ প্রেরিতপুরুষ মোহাম্মদ মধ্যাহ্নকালে মদলজ্জ নামক এক জন দাসকে স্বীয় প্রচারবস্ত্র ও মর ফারাককে ডাকিতে পাঠান। মদলজ্জ সংবাদ না দিয়া কারকের গৃহে প্রবেশ করে। তখন তিনি নিমজ্জ ছিলেন, তাঁহার কোন কোন অঙ্গ হইতে আচ্ছাদন দূরীভূত হইয়াছিল। কেহ বলেন যে, তিনি নিমজ্জ ছিলেন না, আপন সহধর্মিণীসহ আমোদ আহ্লাদ করিতেছিলেন। মদলজ্জের আগমনে তাঁহার মনে অতিশয় লজ্জার সঞ্চার হয়। তখন তিনি বলিয়া উঠেন, ঈদৃশ সময় আমাদের পিতা ও সন্তান ও স্বজন ও কিছুর বিনা অহুমতিতে আমাদের গৃহে উপস্থিত না হয়, ঈশ্বর যদি এইরূপ আদেশ করিতেন, কেমন ভাল হইতে; তাহা হইলে গোপনীয় ব্যাপার সকল তাহারা জানিতে পারিত

তাহারা, তাহাদের পূর্ববর্তী লোকেরা যেমন অমুমতি প্রার্থনা করিত, (তদনুরূপ) অমুমতি প্রার্থনা করে ; এই প্রকার পরমেশ্বর তোমাদের জন্ত আপন আয়ত সকল বর্ণন করেন, ঈশ্বর জ্ঞানময় কৌশলময় । ৫২ । গৃহবাসিনী নারীদিগের যাহারা (বৃদ্ধ-প্রযুক্ত) বিবাহার্থিনী নহে, তখন আভরণ প্রকাশ না করার অবস্থায় আপন (বাহ্যিক) বসন পরিত্যাগ করিলে তাহাদের সম্বন্ধে দোষ নাই এবং যদি আত্মসংবরণের প্রার্থিনী হয়, (আপনাদিগকে আচ্ছাদিত করে,) তবে তাহাদের জন্ত মঙ্গল ; এবং ঈশ্বর শ্রোতা ও জ্ঞাতা * । ৬০ । যদি তোমরা আপন আলয়ের বা আপন পিত্রালয়ের বা স্বীয় মাতৃগৃহের বা স্বীয় ভ্রাতৃ-ভবনের বা স্বীয় স্বশ্রমিলয়ের বা স্বীয় পিতৃবাগৃহের বা পিতৃব্যাপ্ত্রীর গৃহের বা স্বীয় মাতৃ-স্বশ্রমতির নিকতনের বা আপন মাতৃস্বশ্রমগৃহের অথবা যাহার (ধনাগারের) কুঞ্জিকা তোমার হস্তগত করিয়াছ তাহাদের, কিংবা আপন বন্ধুদিগের (ভবনের খাচ্চ) ভোজন কর, তাহাতে তোমাদের নিজের সম্বন্ধে কোন দোষ নাই; অন্ধের প্রতি কোন দোষ নাই, খঞ্জে প্রতি কোন দোষ নাই, রোগীর প্রতি কোন দোষ নাই, যদি তোমরা একযোগে বা পৃথক্ ভাবে ভোজন কর, তাহাতে তোমাদের প্রতি কোন দোষ নাই । যখন তোমরা গৃহে প্রবেশ করিবে, তখন স্বজাতির প্রতি ঈশ্বরসন্নিধানের বিশুদ্ধ কল্যাণযুক্ত মঙ্গলাশীর্বাদসূচক সেলাম করিবে ; এই প্রকার পরমেশ্বর তোমাদের জন্ত নিদর্শন সকল বর্ণনা করেন, সম্ভবতঃ তোমরা বুঝিতে পারিবে † । ৬১ । (র, ৮, আ, ৪)

না । ইহার পরই তিনি প্রেরিতপুরুষের নিকটে উপস্থিত হন । তখন এই আয়ত অবতীর্ণ হয় । প্রাভাতিক নমাজের পূর্বে অমুমতি প্রার্থনা করার উদ্দেশ্য এই যে, সেই সময়ে গৃহস্থ শয্যা হইতে গাত্রোপাখান করিয়া রাত্রিবাস-বস্ত্রের পরিবর্তে সামাজিক বসন পরিধান করে, এবং মধ্যাহ্নকালে বস্ত্র ত্যাগ করা হইয়া থাকে, আর এক বার নৈশিক নমাজের পর শয়নের পূর্বে নির্জনতার বস্ত্র ব্যবহৃত হয় । এই তিন সময়ে অমুমতি ব্যতীত কোন গৃহস্থের গৃহে প্রবেশ করা নিষেধ । (ত, হো,)

* এতলে বাহ্যিক বসন চাদর ও শিরোবাস ; বয়োয়সী মহিলাগণ ইচ্ছা করিলে তাহা দ্বারা গাঁবা ও মস্তক আবৃত না করিতে পারেন । কেহ কলঙ্কারোপ করিবে না, শুদ্ধতা রক্ষা পাইবে, এই উদ্দেশ্যে যদি উহা পরিধান করেন, তাহাতে বরং কল্যাণ হইবে । (ত, হো,)

† হজরতের হুহ ধর্মবন্ধুগণ অন্ধ ও ঋগ্ন ব্যক্তিদিগের সঙ্গে একত্র ভোজন করিতেন না, অথবা বিকলাঙ্গ অমুমু লোক সকল হুহ ব্যক্তিদিগের সঙ্গে এক পাত্রে ভোজনে নিযুক্ত থাকিত । তাহারা ভয় করিত বা পাছে তাহাদের সংসর্গে হুহ লোকের বিরক্তির কারণ হয় । হজরতের কোন কোন বন্ধু যখন বিদেশে যাত্রা করিতেন, তখন তাহারা গৃহের ও ভাণ্ডারের কুঞ্জিকা সকল বিপদগ্রস্ত দরিদ্র লোকদিগের হস্তে অর্পণ করিয়া যাইতেন; অভাবমতে সেই দুঃখী বিপন্নগণ তাহাদের ভাণ্ডার হইতে খাদ্য সামগ্রী গ্রহণ করিবে, এই উদ্দেশ্যেই তাহারা একরূপ আচরণ করিতেন । সচরাচর সেই সকল দুঃখী লোক, গৃহস্থায়ী সম্মতি নাই মনে করিয়া, তদগ্রহণে বিরত থাকিত । কিংবা যদি আপন পিতৃ-মাতৃগৃহে বা নিকট সম্পর্কীয় আত্মীয় স্বজনদের আলয়ে ক্রটিকা প্রস্তুত করিয়া তাহাদিগকে নিমন্ত্রণ করিত, তাহাও তাহারা গ্রহণ করিত না । এই আয়ত এতদুপলক্ষে আবির্ভূত হয় । সত্য বন্ধু

যাহারা ঈশ্বরের ও তাঁহার প্রেরিতপুরুষের প্রতি বিশ্বাস স্থাপন করিয়াছে, তাহারা বিশ্বাসী, এতদ্ভিন্ন নহে; এবং যখন তাহারা তাঁহার (প্রেরিতপুরুষের) সঙ্গে কোন কার্যসংগ্রহসাধনে স্থিতি করে, যে পর্য্যন্ত তাঁহার নিকটে অল্পমতি চাওয়া (না) হয়, চলিয়া যায় না; নিশ্চয় যাহারা তোমার নিকটে, (হে মোহাম্মদ,) অল্পমতি প্রার্থনা করে, ইহাৱাই তাহারা, যে ঈশ্বরের ও তাঁহার প্রেরিতপুরুষের প্রতি বিশ্বাস স্থাপন করিয়াছে। অনন্তর যখন তাহারা আপনাদের কোন কার্যের নিমিত্ত তোমার নিকটে অল্পমতির প্রার্থী হয়, তখন তাহাদের যাহাকে ইচ্ছা কর, তুমি অল্পমতি দান করিও, এবং তাহাদের জন্ত ঈশ্বরের নিকটে ক্ষমা প্রার্থনা করিও, নিশ্চয় ঈশ্বর ক্ষমাশীল ও দয়ালু *। ৬২। তোমাদের মধ্যে প্রেরিতপুরুষের প্রার্থনা তোমাদের পরস্পরের প্রার্থনার অনুরূপ গণ্য করিও না, † নিশ্চয় তোমাদের যাহারা আশ্রয় গ্রহণের নিমিত্ত হঠাৎ বাহির হইয়াছে, ঈশ্বর তাহাদিগকে জানেন; অতএব যাহারা তাঁহার আজ্ঞার বিরুদ্ধাচরণ করে, তাহাদিগের প্রতি যে বিপদ উপস্থিত হইবে, অথবা তাহাদিগকে যে দুঃখজনক শাস্তি আশ্রয় করিবে, উচিত যে, তাহারা তাহা হইতে ভীত হয়। ৬৩। জানিও, স্বর্গে ও মর্ত্যে যে কিছু আছে, তাহা নিশ্চয় ঈশ্বরের; তোমরা যাহাতে (প্রবৃত্ত) আছ, একান্তই তিনি তাহা জানেন, এবং যে দিবস তাহারা তাঁহার নিকটে ফিরিয়া আসিবে, তাহারা যাহা করিয়াছে, তখন তিনি তাহাদিগকে সংবাদ দিবেন। ঈশ্বর সর্বজ্ঞ। ৬৪। (র, ২, আ, ৩)

গৃহ হইতে কোন দ্রব্য তাহার অগোচরে গ্রহণ করিলে তাহার বিরক্তি না হইয়া বরং আশ্চর্য হইয়া থাকে। একদা তপস্বী ফতেহ মওসলি এক জন বন্ধুর দ্বারে উপস্থিত হন, বন্ধু গৃহে ছিলেন না। মওসলি বন্ধুর মুদ্রাধার তাঁহার দাসীর নিকটে চাহিয়া লইলেন, এবং দুইটি মুদ্রা গ্রহণ করিয়া অবশিষ্ট দাসীকে হস্তে সমর্পণ করিলেন। গৃহস্থানী গৃহে আসিয়া ইহা শ্রবণপূর্ব্বক মহা আশ্চর্য হইলেন, এবং দাসীকে পুরস্কার দান করিয়া দাসীকে হইতে মুক্তি প্রদান করেন। এ স্থলে উক্ত হইয়াছে, অন্ধ, খঞ্জ, প্রভৃতি লোকের সঙ্গে এক পাত্রে ভোজনে দোষ নাই। ওমরের পুত্র বনিলয়সের সম্বন্ধে এরূপ কথিত আছে যে, তিনি একাকী ভোজন করিতেন না, ভোজ্যপাত্র স্থাপন করিয়া সমুদায় দিন ও রজনীর তৃতীয়াংশ পর্য্যন্ত অতিথির প্রতীক্ষা করিতেন, কাহাকেও না পাইলে অগত্যা একাকী কিছু খাইতেন। অপিচ এক দল আনসারী বিশেষ কষ্ট স্বীকার করিতেন, তাহারা অভ্যাগত না পাইলে অন্ন গ্রহণ করিতেন না। পুনশ্চ এরূপ এক সম্প্রদায় ছিল যে, দলবদ্ধভাবে ভোজন করিত না। ইহাদের অবস্থাবর্ণনেও এই আয়তের অবতারণা হইয়া থাকিবে। (ত, হো,)

* তবুকের সংগ্রাম উপস্থিত হইলে কতকগুলি রূপট লোক যুদ্ধ হইতে নিবৃত্ত থাকিবার ছলে হজরতের নিকটে অল্পমতি প্রার্থনা করিয়াছিল; তাহাদের সম্বন্ধে এই আয়ত অবতীর্ণ হয়। (ত, হো,)

+ প্রেরিতপুরুষের প্রার্থনা ও তোমাদের প্রার্থনা তুল্য নহে। তাঁহার প্রার্থনা একান্তই ঈশ্বর কর্তৃক গৃহীত হয়। অথবা এস্থলে যে শব্দের অর্থ প্রার্থনা লিখিত হইল, তাহার অন্ততম অর্থ আহ্বান

সূরা ফোরকাণ *

.....

পঞ্চবিংশ অধ্যায়

.....

৭৭ আয়ত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি)

যিনি আপন দাসের প্রতি কোর্-আন্ অবতারণ করিয়াছেন, যেন জগৎসীদিগের জ্ঞান ভয়প্রদর্শক হয়, তিনি বহু গৌরবান্বিত ১।+ তিনিই বাহার স্বর্গলোক ও ভুলোকের রাজত্ব, এবং তিনি কোন সন্তান গ্রহণ করেন নাই ও রাজত্বে তাঁহার কোন অংশী নাই, এবং তিনি সমস্ত পদার্থ সৃজন করিয়াছেন, অনন্তর তাহা পরিমাণে পরিমিত করিয়াছেন। ২। এবং তাহারা তাঁহাকে ব্যতীত (এমন) ঈশ্বরদিগকে গ্রহণ করিয়াছে যে, বাহার কিছুই সৃষ্টি করে নাই, তাহারা সৃষ্ট হয়, এবং তাহারা আপনাদের জীবনসম্বন্ধে ক্ষতি ও বৃদ্ধি করিতে সমর্থ নহে ও জীবন ও মৃত্যু এবং পুনরুত্থানের সম্বন্ধে ক্ষমতা রাখে না। ৩। ধর্মবিদ্বেষিগণ বলিয়াছে যে, “ইহা অপলাপ ভিন্ন নহে, সে তাহা রচনা করিয়াছে, এবং অহুদল তদ্বিষয়ে তাহাকে সাহায্য দান করিয়াছে ;” অনন্তর একান্তই তাহারা অত্যাচার ও মিথ্যা আনয়ন করিয়াছে ৭। ৪। এবং তাহারা বলিয়াছে, (এই কোর্-আন্) পুরাতন উপজ্ঞাসাবলী, সে ইহা লিখাইয়া লইয়াছে, পরে ইহা তাহার নিকটে প্রাতঃসন্ধ্যা পঠিত হয় ৫। ৫। তুমি বল, (হে মোহম্মদ,) যিনি স্বর্গ মর্ত্যের নিগূঢ় তত্ত্ব জ্ঞাত আছেন,

(ডাকা) বখা ;—তোমাদের আহ্বান ও প্রেরিতপুরুষের আহ্বান তুল্য নহে। তাঁহার আহ্বানকে অবজ্ঞা করিয়া বিনা অনুমতিতে বাহার চলিয়া যায়, তাহাদের গুরুতর অপরাধ।

* এই সূরা মক্কাতে অবতীর্ণ হইয়াছে।

+ অর্থাৎ তাহারা পরস্পর একপন বলে যে, জরার ও ইয়সার প্রভৃতি কতকগুলি রোমদেশীয় লোক প্রাচীন উপাখ্যান সকল মোহম্মদের নিকট পাঠ করে ও সে তাহা আরব্য ভাষায় আমাদিগের নিকট ব্যক্ত করিয়া থাকে, ইহাকেই সে কোর্-আন্ বলে। এইরূপ মিথ্যাবাদী লোকেরাই অত্যাচারী।
(ত, হো,)

‡ কাকের লোকেরা বলে যে, কোর্-আন্ মিথ্যা। উহা কতকগুলি লোকের সাহায্যে রচিত হইতেছে, মোহম্মদ নিজে লিখিতে জানে না, অল্প লোকদ্বারা লিখাইয়া লয়, এবং উহা প্রাতঃসন্ধ্যা তাহার নিকটে পঠিত হয়, তাহাতে সে মুখস্থ করিয়া লোকের নিকটে পাঠ করে।
(ত, হো,)

তিনিই ইহা অবতারণ করিয়াছেন, নিশ্চয় তিনি ক্ষমাশীল ও দয়ালু। ৬। এবং তাহার বলিয়াছে, “এই প্রেরিতপুরুষ কেমন যে অন্ন ভোজন করে ও বিপণীতে বিচরণ করিয়া থাকে, তাহার নিকট কেন দেবতা অবতারিত হয় নাই? তাহা হইলে সে তাহার সঙ্গে ভয়-প্রদর্শক হইত। ৭।+ অথবা তাহার প্রতি ধনরাশি নিষ্কিণ্ড কিংবা তাহার জ্ঞান উত্থান যে উহার (ফল) ভক্ষণ করিবে” (কেন হয় নাই?) এবং অত্যাচারী লোকেরা বলিয়াছে যে, “তোমরা ইল্লাজালগ্রন্থ পুরুষের অনুসরণ বৈ করিতেছ না”। ৮। তুমি দেখ, তোমার জ্ঞান কেমন দৃষ্টান্ত সকল তাহারা প্রয়োগ করিয়াছে, অনন্তর তাহার পথভ্রান্ত হইয়াছে, অবশেষে তাহারা কোন পথ পাইতে পারিবে না। ৯। (র, ১, আ, ২)

যিনি ইচ্ছা করিলে ইহা অপেক্ষা উত্তম উত্থান সকল তোমাকে দান করিবেন, যাহাদের নিয়ে পয়ঃপ্রণালী সকল প্রবাহিত হয়, এবং তোমাকে প্রাসাদ সকল দান করিবেন, তিনি গৌরবান্বিত *। ১০। বরং তাহারা কেয়ামতসম্বন্ধে অসত্যারোপ করিয়াছে; যে ব্যক্তি কেয়ামতসম্বন্ধে অসত্যারোপ করে, আমি তাহার জ্ঞান নরক প্রস্তুত রাখিয়াছি। ১১। যখন (নরক) দূরদেশ হইতে তাহাদিগকে দেখিবে, তখন তাহারা তাহার গর্জন ও কোপনিবাদ শ্রবণ করিবে। ১২। যখন তাহারা বদ্ধভাবে তাহা হইতে সন্ধীর্ণ-ভূমিতে নিষ্কিণ্ড হইবে, তখন তথায় মৃত্যুকে ডাকিবে †। ১৩। (আমি বলিব যে,) “অন্য তোমরা এক মৃত্যুকে আহ্বান করিও না, বহু মৃত্যুকে আহ্বান কর”। ১৪। তুমি জিজ্ঞাসা করিও, (হে মোহম্মদ,) “ইহা কি উত্তম? না, নিত্য স্বর্গধাম, যাহা ধর্মভীরুদিগের প্রতি অঙ্গীকার করা হইয়াছে, (উত্তম?) তাহাদের জ্ঞান উহা পুরস্কার ও প্রত্যাবর্তনস্থান হয়। ১৫। তাহারা যাহা চাহিবে, তথায় তাহাদের জ্ঞান তাহা চিরস্থায়ী; তোমার প্রতিপালকের নিকটে অঙ্গীকার প্রার্থিত হইয়াছে” ‡। ১৬। এবং যে দিবস তিনি

* যখন ধনশালী কোরেশগণ দুঃখী দরিদ্র বলিয়া হজরতের প্রতি অবজ্ঞা প্রকাশ করিল, তখন স্বর্গোত্তানের অধিক রজওয়ান এই আরতসহ অবতীর্ণ হইয়া হজরতের সম্মুখে এক জোড়তির শ্ৰীও সমর্পণপূর্বক বলিলেন যে, “তোমার প্রভু পরমেশ্বর আজ্ঞা করিতেছেন, এখানে অগণ্য পার্শ্বিক ধন সম্পত্তির কৃত্তিকা আছে, তিনি তাহা তোমার হস্তে সমর্পণ করিতেছেন; কিন্তু যে পারলৌকিক সম্পদ তোমার নামে লিপিত হইয়াছে, তাহার কিছুই ন্যূন করা যাইবে।” হজরত বলিলেন, “তদ্বারা আমার প্রয়োজন নাই, আমি দীনতাকে সমধিক প্রেম করিয়া থাকি; ইচ্ছা করি যে, সহিষ্ণু ও কৃতজ্ঞ দাস হইয়া থাকি।” ইহা শ্রবণ করিয়া রজওয়ান বলিলেন, “তুমিই ঈশ্বরের দান প্রাপ্ত হইয়াছ, তাহাতেই এই সংসারসের লক্ষণ প্রকাশ পাইতেছে।” হজরত নানা অভাব ও কষ্টে পড়িয়াও পৃথিবীর ঐশ্বর্যের প্রতি কটাক্ষপাত করেন নাই। (ত, হো,)

+ অর্থাৎ সাধারণ নরকভূমি হইতে অত্যন্ত ক্রেশজনক সন্ধীর্ণ স্থানে যোর পাপীদিগকে নিক্ষেপ করা হইবে। তথায় পড়িয়া তাহারা মৃত্যু আকাজ্ঞা করিবে। (ত, হো,)

‡ অর্থাৎ বিবাসিগণ প্রার্থনা করিয়াছেন যে, হে পরমেশ্বর, তুমি যাহা অঙ্গীকার করিয়াছ, তাহা

তাহাদিগকে ও তাহারা ঈশ্বরকে ছাড়িয়া যাহাকে অর্চনা করিতেছিল, তাহাকে সমুখাপন করিবেন, তখন জিজ্ঞাসা করিবেন, “তোমরা কি আমার এই দাসদিগকে পথভ্রান্ত করিয়াছ, অথবা ইহারা (স্বয়ং) পথহারা হইয়াছে” ? ১৭। তাহারা (উপাশ্রয়) বলিবে, “পবিত্রতা তোমার, (হে পরমেশ্বর,) আমাদের জন্ত উচিত নয় যে, আমরা তোমাকে ছাড়িয়া কোন সহায় গ্রহণ করি ; কিন্তু তুমি তাহাদিগকে ও তাহাদের পিতৃ-পুরুষদিগকে এত দূর লাভবান করিয়াছ যে, তোমার উপদেশ তাহারা তুলিয়া গিয়াছে, এবং বিনাশোন্মুখ দল হইয়াছে”। ১৮। অনন্তর, (হে ধর্মঘোষণ,) তোমরা যাহা বলিতেছিলে, তাহাতে (এই উপাশ্রয়) নিশ্চয় তোমাদিগের প্রতিই অসত্যারোপ করিয়াছে ; পরে তোমরা (শান্তি) ফিরাইতে ও সাহায্য দান করিতে সমর্থ হইতেছ না। তোমাদের মধ্যে যাহারা অত্যাচার করিয়াছে, আমি তাহাদিগকে মহাশাস্তি ভোগ করাইব। ১৯। তোমার পূর্বে, (হে মোহম্মদ,) নিশ্চয় যাহারা অন্নাহার করিত ও বিপণিতে বিচরণ করিত, তাহাদিগকে ব্যতীত আমি প্রেরিতপুরুষরূপে প্রেরণ করি নাই ; এবং আমি তোমাদের এক জনকে, (হে বিশ্বাসিগণ,) অগ্র জনের জন্ত পরীক্ষাস্বরূপ করিয়াছি। তোমরা কি ধৈর্যধারণ করিতেছ ? তোমাদের প্রতিপালক দর্শক আছেন *। ২০। (র, ২, আ, ১১)

এবং যাহারা আমার সাক্ষাৎকারের আশা রাখে না, তাহারা বলিয়াছে যে, “কেন আমাদের নিকটে দেবতাগণ প্রেরিত হয় নাই, অথবা আমরা স্বীয় প্রতিপালককে দেখিতে পাই না ?” সত্য সত্যই তাহারা স্ব স্ব জীবনসম্বন্ধে অহঙ্কৃত ও মহা অবাধ্যতায় অবাধ্য হইয়াছে। ২১। যে দিবস তাহারা দেবতাদিগকে দর্শন করিবে, সেই দিবস সেই অপরাধীদিগের জন্ত কোন সুসংবাদ নাই, এবং তাহারা (দেবতারা) বলিবে, “বিঘ্ন ও অন্তরায়” †। ২২। এবং তাহারা যে সকল কর্ম করিয়াছে, আমি তাহার

আমাদের নিকটে উপস্থিত কর, অথবা দেবগণ বিশ্বাসীদিগের জন্ত এরূপ প্রার্থনা করিয়াছেন।

(ত, হো,)

* অর্থাৎ ধনীদিগের দ্বারা দরিদ্রগণের, স্ব স্ব মণ্ডলীদ্বারা প্রেরিতপুরুষদিগের, অহঙ্কৃত দ্বারা সন্তের, অন্ধাচারী চক্ষুস্থানের পরীক্ষা হইয়া থাকে। বস্তুতঃ সংসারের লোক পরীক্ষার স্থল। অবস্থার প্রতি-কূলতাকে মনুষ্য কিছুতেই এড়াইতে পারে না। ঈশ্বর বলিতেছেন যে, আমি প্রতিকূলতা দ্বারা মনুষ্যকে পরীক্ষা করিয়া থাকি যে, সে সছিষ্ণু ও কৃতজ্ঞ, না, অধৈর্য ও অকৃতজ্ঞ। কথিত আছে যে, আবুজহল ও অসৈয়দ ও তাহাদের অনুগামী লোকেরা যখন বেলাল ও এমার ও সহিব এবং অপর দীন বিশ্বাসী লোকদিগকে দেখিত, তখন পরস্পর বলিত, “আমরা কি এসলাম ধর্ম গ্রহণ করিয়া ইহাদের দ্বারা দুঃখী দরিদ্র ও নীচ হইব ?” তদুপলক্ষে পরমেশ্বর এই আয়ত প্রেরণ করেন। তিনি দুঃখী দরিদ্রদিগকে সম্বোধন করিয়া বলেন যে, আমি সজ্জনকে নীচ গণিত লোক দ্বারা, নীচ ব্যক্তিকে মহদ্ব্যক্তি দ্বারা পরীক্ষা করিয়া থাকি।

(ত, হো,)

† মকানিবাসী কাকেরগণ ঈশ্বরদর্শন ও দেবতাদিগের সাক্ষাৎকারলাভ এই দুইটি বিষয় প্রার্থনা

দিকে অগ্রসর হইয়াছি, অনন্তর আমি তাহা রেণুগুঞ্জ-সদৃশ বিক্ষিপ্ত করিয়া ফেলিয়াছি *। ২৩। সেই দিবস স্বর্গবাসী অবস্থিতিস্থান অল্পসারে উৎকৃষ্টতর। ২৪। এবং যে দিবস মেঘসহ আকাশ বিদীর্ণ হইবে, এবং দেবগণ অবতারণরূপে অবতারিত হইবে †। ২৫। সেই দিবস প্রকৃত রাজত্ব ঈশ্বরের, এবং সেই দিবস কাকেরদিগের প্রতি কঠিন হইবে। ২৬। এবং (স্মরণ কর,) যে দিবস অত্যাচারিগণ আপন হস্তপৃষ্ঠ দংশন করিতে থাকিবে, বলিতে থাকিবে, “হায়! যদি আমি প্রেরিত-পুরুষের সঙ্গে পথ অবলম্বন করিতাম ‡। ২৭। হায়! আমার প্রতি আক্ষেপ, যদি আমি অমুককে বন্ধুরূপে গ্রহণ না করিতাম, (ভাল ছিল)। ২৮। সত্য সত্যই আমার নিকটে পহুছিবার পর সেই উপদেশ হইতে সে আমাকে বিপথে লইয়া গিয়াছে, এবং শয়তান মানবমণ্ডলীর (বিপদে) নিক্ষেপকারী হয়”। ২৯। এবং প্রেরিতপুরুষ বলিল, “হে আমার প্রতিপালক, নিশ্চয় আমার সম্প্রদায় এই কোর-আনকে বর্জিত করিয়াছে”।

করিয়াছিল। ঈশ্বর জ্ঞাপন করিতেছেন যে, তাহার কেয়ামতের সময় দেবতাদিগকে দেখিতে পাইবে, কিন্তু দেবতাদের নিকটে শুভ সংবাদ লাভ করিবে না, শান্তির সংবাদ শুনিতে পাইবে। দেবতার তাহাদিগকে বলিবেন যে, তোমাদের ঈশ্বরদর্শনপক্ষে বিশ্ব ও অন্তরায় আছে। (ত, হো,)

* অর্থাৎ আকাশে বিকীর্ণ রেণু বা বায়ুনিক্ষিপ্ত ভাষের স্থায় আমি ইহাদের ধর্ম কর্তৃক সকলকে বিলুপ্ত করিব। যেহেতু এই সকল কর্তৃক গৃহীত হইবার যত্ন বিধাস, তাহাদের সেই বিশ্বাস নাই। (ত, হো,)

† কথিত আছে যে, পুনরুত্থানের সময় দেবতাগণ সপ্ত দলে বিভক্ত হইয়া পৃথিবীতে অবতীর্ণ হইবেন, নভোমণ্ডল মেঘমুক্ত হইয়া বাহির হইয়া পড়িবে, মেঘ ভূতলে বর্ষিত হইবে। (ত হো,)

‡ আবুলদিদের পুত্র আক্বা দেশান্তর হইতে স্বগৃহে প্রত্যাগমন করিয়া আত্মীয় প্রতিবেশীদিগকে এক ভোজ দেয়, প্রতিবাসী বলিয়া হজরতকেও নিমন্ত্রণ করে। হজরত বলেন যে, “ধর্মদীক্ষার বাক্য কলেমা উচ্চারণ না করিলে আমি তোমার অন্ন গ্রহণ করিব না”। তাহাতে আক্বা কলেমা উচ্চারণ করে। তাহার বন্ধু খলকের পুত্র আবি এ কথা শ্রবণ করিয়া তাহার নিকটে যাইয়া বলে, “শুনিলাম, তুমি মোহাম্মদের ধর্ম গ্রহণ করিয়াছ, মোহাম্মদের কথা মান্য করিয়া কলেমা পড়িয়াছ”। আক্বা বলিল, “বস্তুতঃ তাহা নহে, নিমন্ত্রিত ব্যক্তি ভোজন না করিয়া চলিয়া যাইবে, এই জাবিরা চুঃখ হইল, তজ্জন্ম কলেমা উচ্চারণ করিয়াছি, আমি ধর্ম গ্রহণ করি নাই।” তখন আবি বলিল, “যে পর্য্যন্ত না তুমি মোহাম্মদের মুখে থুতু ফেলিবে, সে পর্য্যন্ত আমি তোমার প্রতি সন্তুষ্ট হইতে পারি না”। আক্বা তাহাতে সন্তুষ্ট হইয়া হজরতের মুখে থুতু ফেলিতে তাহার অঘেঘণে বহির্গত হয়। তখন হজরত দারুলনওয়াতে নমাজ পড়িতেছিলেন। আক্বা যাইয়া তাঁহার পবিত্র মুখমণ্ডলে নিতীবন নিক্ষেপ করে। কথিত আছে যে, সেই থুতু অগ্নিশিখা হইয়া ফিরিয়া আসিয়া তাহার মুখ দগ্ধ করে, হজরতকে স্পর্শও করে না। পরে বদরের যুদ্ধে আলির হস্তে সে নিহত হয়। এই আয়ত তাহার সম্বন্ধেই অবতারিত হইয়াছে। ইহার মর্ম এই যে, সেই অত্যাচারী আক্বা কেয়ামতের দিন আক্ষেপ করিতে করিতে আপন হস্তপৃষ্ঠ দংশন করিবে ও বলিবে যে, “হায়! আমি প্রেরিতপুরুষের অঙ্গুগামী কেন হই নাই?” (ত, হো,)

৩০। এবং এইরূপে আমি প্রত্যেক তত্ত্ববাহকের জ্ঞান অপরাধিগণ হইতে শত্রু উপস্থিত করিয়াছি, এবং তোমার প্রতিপালক যথেষ্ট পথপ্রদর্শক ও সাহায্যকারী। ৩১। ধর্মদেবী লোকেরা বলিয়াছে, “কেন তাহার প্রতি কোর্-আন্ একযোগে একেবারে অবতীর্ণ হয় নাই?” এইরূপই (অবতারণ করিয়াছি,) যেহেতু তদ্বারা আমি তোমার অন্তর দৃঢ় করিব ও তাহা আমি ক্রমশঃ পাঠ করিয়াছি *। ৩২। তাহারা তোমার নিকটে এমন কোন প্রস্তাব উপস্থিত করে না, যাহার সত্য (উত্তর) ও উত্তমতম ব্যাখ্যা আমি তোমাকে যোগাই না। ৩৩। যাহারা আপন মুখোপরি (অধোমুখে) নরকের দিকে সমুখাপিত হইবে, তাহারা ই স্থানান্তসারে নিকটে, পথান্তসারে ভ্রাস্ত। ৩৪। (র, ৩, আ, ১৪)

এবং সত্য সত্যই আমি মুসা কে গ্রন্থ দান করিয়াছিলাম, এবং তাহার সঙ্গে তাহার ভ্রাতা হারুনকে সহকারী করিয়া দিয়াছিলাম। ৩৫। তদনন্তর আমি বলিয়াছিলাম যে, যাহারা আমার নিদর্শন সকলের প্রতি অসত্যারোপ করিয়াছে, তোমরা সেই জাতির নিকটে যাও; পরে আমি তাহাদিগকে সংহারে সংহার করিয়াছি। ৩৬। এবং নূহীয় সম্প্রদায় যখন প্রেরিতপুরুষদিগের প্রতি অসত্যারোপ করিয়াছিল, তখন আমি তাহাদিগকে জলমগ্ন করিয়াছিলাম ও মানবমণ্ডলীর জ্ঞান তাহাদিগকে নিদর্শন করিয়াছিলাম, এবং অত্যাচারীদিগের জ্ঞান আমি কষ্টকর দণ্ড সজ্জিত রাখিয়াছি। ৩৭। আদ ও সমুদ ও রশ্বনিবাসিগণকে এবং ইহাদের মধ্যবর্তী বহুদলকে আমি (বিনষ্ট করিয়াছি) †। ৩৮। প্রত্যেকের জ্ঞান দৃষ্টান্ত সকল ব্যক্ত করিয়াছি, এবং প্রত্যেককে

* মুসা ও দাউদের গ্রন্থ ভিন্ন ভিন্ন রূপে ক্রমে ক্রমে প্রকাশিত না হইয়া একযোগে প্রকাশিত হইয়াছিল, তাহারা একেবারে লিখিয়া লইয়াছিলেন ও পাঠ করিয়াছিলেন। কোর্-আন্ তদ্রূপ অবতীর্ণ হয় নাই, তাহার এক একটি ক্ষুদ্র অংশ ভিন্ন ভিন্ন সময়ে অবতীর্ণ হইয়াছে। এজ্ঞান অংশিবাধিগণ তৎপ্রতি অগ্রদ্বা প্রকাশ করিয়া বলিয়াছে যে, উহা ঐশ্বরিক গ্রন্থ হইলে খণ্ডশঃ প্রকাশিত না হইয়া পূর্ণভাবে একেবারে অবতীর্ণ হইত। এইরূপ ক্রমশঃ কোর্-আনের প্রকাশ হওয়ার নানা কারণ আছে। এক এই যে, হজরত লেখা পড়া জানিতেন না, একযোগে সমুদায় গ্রন্থ অবতীর্ণ হইলে তাহা স্মরণ করিয়া রাখা তাহার পক্ষে কঠিন হইত। দ্বিতীয়তঃ এক এক ঘটনা অবলম্বন করিয়া, তাহার তাৎপর্যের প্রতি লোকের দৃষ্টি আকর্ষণ ও অনুসন্ধান বৃদ্ধি করিবার জ্ঞান, এক এক মূরা বা আয়ত অবতীর্ণ হইয়াছে। (ত, হো,)

† রশ্ব এক কুপের নাম, উহা তহামায় বা আজরবায়জানে কিংবা এন্তাফিয়াতে ছিল। কেহ বলেন যে, রশ্ব একটি প্রস্তর ছিল; কেহ বলেন, উদ্ভান ছিল। সেই রশ্বের নিকটই লোকেরা বাবেলাধিপতি নেশ্বদের অনুগামী দলের অন্তর্গত ছিল। তাহারা এরমদ দেশস্থ কোন নগরে ভাষায় আবির্ভূত এক প্রেরিতপুরুষকে বধ করিয়াছিল। কোন কোন গ্রন্থকার বলেন যে, তাহারা সেই প্রেরিতপুরুষকে হত্যা করিয়া তাহার মাংস ভক্ষণ করে, তাহাতে তাহাদের প্রতি শাস্তি উপস্থিত হয়। অথবা রশ্বনিবাসী একদল পৌত্তলিক ছিল, প্রেরিতপুরুষ শোয়ব তাহাদের নিকটে বাইরা উপদেশ

সংহারে সংহার করিয়াছি। ৩৯। এবং সত্য সত্যই তাহারা এমন এক গ্রামেতে উপস্থিত হয়, যাহাতে কুবুত্টি বর্ষিত করা হইয়াছিল; অনন্তর তাহারা কি উহা দেখিতেছিল না? বরং তাহারা পুনরুত্থানের আশা করিত না *। ৪০। এবং যখন তাহারা তোমাকে, (হে মোহাম্মদ,) দর্শন করে, তখন তোমাকে উপহাস করিয়া বৈ গ্রহণ করে না; (বলে,) “যাহাকে ঈশ্বর প্রেরিতরূপে পাঠাইয়াছেন, এ কি? ৪১। নিশ্চয় সে আমাদের উপাস্তগণ হইতে আমাদেরিগকে ভুলাইয়া লইয়া যাইতে উগ্ৰত ছিল, যদি আমরা তাহাদের প্রতি ধৈর্য ধরিয়া না থাকিতাম †।” যখন শাস্তি অবলোকন করিবে, তখন তাহারা অবশ্য জানিবে যে, কে অধিকতর পথভ্রান্ত। ৪২। তুমি তাহাকে কি দেখিয়াছ যে, স্বীয় বাসনাকে স্বীয় ঈশ্বররূপে গ্রহণ করিয়াছে? অনন্তর তুমি কি তাহার সম্বন্ধে কার্য্যসম্পাদক হইবে ‡? ৪৩। তুমি কি মনে করিতেছ যে, তাহাদের অধিকাংশ দান করেন, তাহারা তাহাকে মিথ্যাবাদী বলে। তাহারা যে কুপের পার্শ্বে দলবদ্ধ হইয়া বাস করিতেছিল, তথায় একদা শোয়বকে উৎপীড়ন করিতে প্রবৃত্ত হয়; তখন অকস্মাৎ সেই কুপ ভাঙ্গিয়া পড়ে, তাহারা সকলে গৃহসম্পত্তি এবং পশাদিসহ ভূগর্ভশায়ী হয়। অথবা একদল লোক ছিল যে, তরু বিশেষকে তরু রাজ বলিয়া পূজা করিত। ইয়কুবের পুত্র ইহদার বংশসম্ভূত এক প্রেরিতপুরুষ তাহাদের নিকটে আবির্ভূত হইয়াছিলেন। তাহারা তাহাকে মিথ্যাবাদী বলিয়া হত্যা করে ও কুপে ফেলিয়া দেয়। তখন এক কৃক মেঘ তাহাদের উপর প্রকাশ পায় ও তাহা হইতে বজ্রপাত হইয়া তাহাদিগের সকলকে দধ্ব করে। প্রসিদ্ধ বিবরণ এই যে, রশনিবাসীরা সক্ষপ্তার পুত্র হজ্জলার মণ্ডলী। যখন তাহারা ধর্ম্মপ্রবর্তককে মিথ্যাবাদী বলিল, তখন পরমেশ্বর এক বৃহদাকার বিহঙ্গম দ্বারা তাহাদিগকে আক্রমণ করিলেন। সেই পক্ষীর গ্রীবা দীর্ঘ, পক্ষপুট নানা বর্ণে রঞ্জিত ছিল। তাহার নাম অনকা। গ্রীবাকে আরব্য ভাষায় অনক বলে, উক্ত পক্ষীর গ্রীবা দীর্ঘ ছিল বলিয়া উহা অনকা নামে অভিহিত হইয়াছে। সেই পক্ষী জমহানামক পর্ব্বতে বাস করিত। সময়ে সময়ে আসিয়া উক্ত ধর্ম্মযোষী লোকদিগের বালক বালিকা ও ছাগ মেবাদি পশু চক্ষুপুটে বহন করিয়া লইয়া যাইত ও সেই সকলকে মারিয়া ভক্ষণ করিত। একজ্ঞা একদা রশনিবাসিগণ প্রেরিতপুরুষের নিকটে যাইয়া দুঃখ প্রকাশ করে, এবং অঙ্গীকার করে যে, সেই পক্ষীর অভ্যাচারের নিবৃত্তি হইলে তাহারা ধর্ম্ম গ্রহণ করিবে। তাহাতে সেই মহাপুরুষ প্রার্থনা করেন, প্রার্থনা সিদ্ধ হয়। অনকা একেবারে অদৃশ্য হইয়া পড়ে, তাহার নাম মাত্র থাকে। অনকা অদৃশ্য হইলে তাহাদের অহঙ্কার ও বিদ্বেষ বৃদ্ধি হয়, তাহারা হজ্জলাকে হত্যা করে। ঈশ্বর বলিতেছেন যে, আমি রশনিবাসীদিগকে সংহার করিয়াছিলাম।

(ত, হো,)

* সেই স্থানের নাম সছমা, মণ্ডতক্ষকাত প্রদেশের মধ্যে সছমা প্রধান স্থান। তথায় মহাত্মা লুত বাস করিতেন। সেই স্থানে প্রস্তরবৃষ্টি হইয়াছিল। বহুকাল পরে ধর্ম্মজ্ঞোহী কোরেশগণ তথায় গিয়াছিল। তাহাতেই ঈশ্বর বলিতেছেন যে, কোরেশগণ সছমানিবাসীদিগের দুর্দশা কি দেখিতেছেন না?

(ত, হো,)

† ‘অর্থাৎ আমরা যদি আমাদের উপাস্ত দেবগণকে দৃঢ়রূপে অবলম্বন না করিতাম, তবে মোহাম্মদ নানা চেষ্টা যত্নে ও মনোহর বাক্যে আমাদেরিগকে ভুলাইয়া লইয়া যাইত।

(ত, হো,)

‡ এক সময়ে অংশিবাগিগণ কোন প্রস্তর বা লোষ্ট্র কিংবা কাঠখণ্ড পূজা করিত; যখন অন্ত কোন

লোক শ্রবণ করে বা বুঝিতে পায় ? তাহারা পশুসদৃশ বৈ নহে, বরং তাহারা অধিকতর পথভ্রান্ত * । ৪৪ । (র, ৪, আ, ১০)

তুমি কি আপন প্রতিপালকের দিকে দৃষ্টি করিতেছ না যে, তিনি কেমন ছায়া বিস্তৃত করিয়াছেন ? এবং যদি তিনি চাহিতেন, তবে তাহাকে স্থিরতর রাখিতেন ; তৎপর আমি তাহার দিকে সূর্য্যকে পথপ্রদর্শক করিয়াছি, তাহার পর আমি সহজ ধারণে তাহাকে আপনার দিকে ধারণ করিয়াছি † । ৪৫ + ৪৬ । এবং তিনিই যিনি তোমাদের

প্রভুর বা লোষ্ট্র কিংবা কাষ্ঠ তদপেক্ষা হৃদয় দেখিতে পাইত, তখন আপনার সেই উপাস্তকে পরিভাগ করিয়া উহার অর্চনায় প্রবৃত্ত হইত । তাহাতেই ঈশ্বর বলেন, “তুমি তাহাকে কি দেখিয়াছ যে, স্বীয় বাসনাকে স্বীয় ঈশ্বররূপে গ্রহণ করিয়াছে ?” অর্থাৎ তাহারা আপনাদের কামনাকে পূজা করে, মনে বাহা ভাল বোধ হয়, তাহারই অর্চনায় প্রবৃত্ত হয় । বাহারা ঈশ্বরকে ছাড়িয়া অল্প পদার্থকে ভাল বাসে ও তাহাতে লিপ্ত থাকে, এবং তাহার পূজা করে, প্রকৃত পক্ষে তাহারা স্বীয় বাসনার পূজা করিয়া থাকে । যেহেতু তাহাদের বাসনাই তাহাদিগকে ঈশ্বর ভিন্ন অল্প বস্তুর প্রেমে সংলিপ্ত রাখে ।

(ত, হো,)

* পশু সকল আপন স্বামীর অধীনতা স্বীকার করিয়া থাকে, অংশিবাদিগণ স্বীয় প্রতিপালকের পূজা অস্বীকার করে । বাহাতে লাভ আছে, পশুবৃথ তাহারই দিকে ধাবিত হয় ; বাহাতে ক্রেশ ও ক্ষতি, তাহা হইতে নিবৃত্ত থাকে । অংশিবাদিগণ বাহা লাভজনক, বাহা পুণ্য, তাহা প্রত্যাখ্যান করে ; অত্যন্ত ক্রেশকর যে পাপ, তাহাতে তাহারা লিপ্ত থাকে । এজন্ত অংশিবাদিগণ পশু অপেক্ষা অধম । (ত, হো,)

† উবা-সমাগম হইতে সূর্য্যোদয় পর্য্যন্ত সূর্য্যপ্রদ ছায়ার কাল । নিরবচ্ছিন্ন অন্ধকার অন্তরের ক্রেশজনক ও নয়নের জ্যোতির্হারক হয়, এবং দিবাকরের দীপ্তি বায়ুকে উত্তপ্ত করে ও চক্ষুর উদেগ জন্মায় ; কিন্তু এ দুই উবাকালে সুদৃঢ়তা প্রাপ্ত হয়, এজন্ত বিস্তৃত ছায়া স্বর্গীয় সম্পাদিশেষরূপে পরিগণিত হইয়াছে । ঈশ্বর ইচ্ছা করিলে এই ছায়াকে এক ভাবে স্থির রাখিয়া দিতে পারিতেন । পরমেশ্বর সূর্য্যকে ছায়ার পথ প্রদর্শন করেন, অর্থাৎ সূর্য্যের প্রকাশ ব্যতীত ছায়া পরিচিত হয় না । সূর্য্যোদয় হইলে পরমেশ্বর ছায়াকে নিজের দিকে টানিয়া লন, ক্রমে ছায়া অন্তর্হিত হয় । অর্থাৎ ঈশ্বর ক্রমশঃ সূর্য্যের কিরণকে সূর্য্যের উজ্জ্বলমানুষ্যারে ছায়ার দিকে আনয়ন করেন ও ছায়া অধিকৃত হইতে থাকে । একেবারে অকস্মাৎ ছায়াকে বিলুপ্ত করা হইলে, ছায়াতে মনুষ্যের যে সকল কার্য্য হইয়া থাকে, তাহা রহিত হইত । কাহারও কাহারও মতে ছায়া তামসী নিশা । পরমেশ্বর সেই নৈশিক ছায়া বিস্তৃত করিয়া জগৎকে অন্ধকারাবৃত্ত করেন । সেই ছায়া চিরকাল রাখেন না । বরং তিনি সূর্য্যকে প্রকাশ করিয়া তাহার পরিচয়ের উপায় করেন, এবং রজনীর বিপরীত দিবাভাগকেও তিনি চিরস্থায়ী করেন নাই, নিশ্চিষ্ট সময় অতীত হইলে তাহাকে লুকায়িত করেন, তখন রজনী উপস্থিত হয় । এই দিবা ও রজনী লোকের কার্য্য-সৌকর্য্য ও সুখ-শান্তি-বিধানের জন্ত নিশ্চিষ্ট হইয়াছে । ইহার আধ্যাত্মিক ভাব এই যে, যে যুগে মানবাত্মা অধর্ম্মের অন্ধকারে আচ্ছন্ন ছিল, ছায়া সেই ধর্ম্মশূন্য যুগ ; সূর্য্য এসলাম ধর্ম্মের জ্যোতিঃ, বাহা হজরত মোহম্মদের আবির্ভাবে প্রকাশ পাইয়াছে । সেই ছায়া সর্বদা থাকিলে মনুষ্য অজ্ঞানতার অন্ধকারে থাকিয়া জ্যোতির তরু কিছুই পাইত না । কশফোল্ আশ্রারে উক্ত হইয়াছে যে, হজরতের এক অলৌকিক ক্রিয়ার প্রকাশানুসারে এই আয়তের আবির্ভাব হইয়াছে । একদা হজরত দেশ-পর্য্যটন-কালে মাধ্যাহ্নিক বিশ্রামের সময় কোন বৃক্ষতলে উপস্থিত হন, তাহার

জন্তু রক্তনিকে আবরণ ও নিত্রাকে বিশ্রামপ্রদা করিয়াছেন, এবং দিবাকে সমুখানের সময় করিয়াছেন। ৪৭। এবং তিনিই যিনি আপনার দয়ার পূর্বে বায়ুকে স্রুসংবাদ-দাত্তরূপে প্রেরণ করিয়াছেন, * এবং আমি আকাশ হইতে নির্মল বারি বর্ষণ করি। ৪৮। যেহেতু তাহা দ্বারা আমি মৃত নগরকে জীবিত করি, যে সকলকে আমি সৃজন করিয়াছি, সেই পশু ও বহু মনুষ্যকে তাহা পান করাইয়া থাকি। ৪৯। এবং সত্যসত্যই আমি তাহাদের মধ্যে উহা (অর্থাৎ উপদেশ) নানা প্রকারে ব্যক্ত করিয়াছি, যেন তাহারা উপদেশ গ্রহণ করে; পরন্তু অধিকাংশ মনুষ্য অধর্ম ভিন্ন গ্রাহ্য করে নাই। ৫০। এবং যদি আমি ইচ্ছা করিতাম, তবে অংশ প্রত্যেক গ্রামে ভয়প্রদর্শক প্রেরণ করিতাম। ৫১। অনন্তর তুমি কাফেরদিগের অহুগত হইও না, তদনুসারে (কোর্-আনের মতে) মহাজেহাদে জেহাদ কর। ৫২। এবং তিনিই যিনি দুই সাগরকে মিলিত করিয়াছেন, এই (এক) তৃষ্ণানিবারক মিষ্ট এবং এই (অমৃত) লবণাক্ত বিরস, এবং উভয়ের মধ্যে আবরণ ও দৃঢ় প্রাচীর রাখিয়াছেন †। ৫৩। এবং তিনিই যিনি (শুক্ররূপ) জল হইতে মনুষ্যকে সৃষ্টি করিয়াছেন, অনন্তর তাহাকে বংশ (পিতা) ও শ্বশুর করিয়াছেন; এবং তোমার প্রতিপালক, (হে মোহাম্মদ,) ক্ষমতাবান্ হন ‡। ৫৪। এবং যাহা তাহাদের কোন ক্ষতি ও তাহাদের কোন বৃদ্ধি করে না, তাহারা ঈশ্বরকে ছাড়িয়া তাহাকে অর্চনা করিয়া থাকে, এবং কাফেরগণ আপন প্রতিপালকের দিকে পৃষ্ঠস্থাপক হয়। ৫৫। এবং আমি তোমাকে স্রুসংবাদদাতা ও ভয়প্রদর্শক ভিন্ন প্রেরণ করি নাই। ৫৬। তুমি বল, (হে মোহাম্মদ,) যে ব্যক্তি ইচ্ছা করিতেছে যে, আপন প্রতিপালকের দিকে পথ অবলম্বন করে, সে (করুক;) তদ্ব্যতীত আমি তৎসম্বন্ধে (কোর্-আন্-প্রচারসম্বন্ধে) তোমাদের নিকটে কোন পারিশ্রমিক প্রার্থনা করি না। ৫৭। যিনি মরেন না, জীবিত, তুমি তাঁহার প্রতি নির্ভর স্থাপন কর, এবং তাঁহার প্রশংসাযোগে স্তব কর, তিনি আপন

সঙ্গে বহুসম্মান অমুচর ছিল, সেই তরুচ্ছায়া সন্ধ্যা ছিল। পরমেশ্বর আপনার আলৌকিক শক্তিব্যোগে সেই সন্ধ্যা ছায়ায় সূর্য্যোদয় করিলেন। তখন সমুদ্রের এসলাম সৈন্ত তাহার মধ্যে স্থান গ্রহণ করিয়া স্থায়ী হয়। তাহাতেই এই আয়ত অবতীর্ণ হয়। (ত, হো,)

* এতলে ঈশ্বরের দয়া অর্থে বৃষ্টিপাত। ঈশ্বর বারিবর্ষণরূপ দয়া-প্রকাশের পূর্বে জগতে সেই স্রুসংবাদ-প্রচারের জন্ত শীতল সমীরণ প্রেরণ করিয়া থাকেন। (ত, হো,)

† এ দুই রোম সাগর ও পারস্য সাগর। এ দুইয়ের মধ্যে এরূপ সীমা নির্দিষ্ট আছে যে, এক অস্ত্রের উপর প্রভাব বিস্তার করিতে পারে না। অপিচ কথিত আছে যে, নীল, সরহন, জয়হন ও দম্বল এই সকল বৃহৎ জলস্রোত হুমিষ্ট ও তৃষ্ণানিবারক ও অজ্ঞাত নদী লবণময় বিরস; ইহাদের মধ্যে প্রান্তর ও নগর সকল ব্যবধান আছে। দুই সাগর বা নদীকে মিলিত করার অর্থ নিকটস্থ করা। (ত, হো,)

‡ বিবিধ অবস্থাপন্ন পুরুষ সৃষ্ট হইয়াছে। এক বংশপতি, বাহা দ্বারা বংশ উৎপন্ন ও রক্ষিত হয়, বংশ, পিতা; বিত্তীয় সম্বন্ধপতি, বাহা দ্বারা সম্বন্ধ রক্ষা পায়, বংশ, শ্বশুর। (ত, হো,)

দাসগণের অপরাধসম্বন্ধে যথেষ্ট জ্ঞানী। ৫৮। যিনি স্বর্গ মর্ত্য এবং উভয়ের ভিতরে যাহা কিছু আছে, তাহা ছয় দিবসের মধ্যে সৃষ্টি করিয়াছেন, তৎপর স্বর্গোপরি অবস্থিত আছেন, তিনি রহমাণ, (পুনর্জীবনদাতা ;) অবশেষে তুমি তাঁহার (গুণ ও স্বরূপ) সম্বন্ধে কোন জ্ঞানীকে প্রশ্ন কর। ৫৯। এবং যখন তাহাদিগকে বলা হইল যে, রহমাণকে তোমরা নমস্কার কর, তখন তাহারা বলিল, “কে রহমাণ ? যাহাকে (প্রণাম করিতে) তুমি আমাদের আদেশ করিতেছ, আমরা কি সেই বস্তুকে প্রণাম করিব ?” (এ কথা) তাহাদের সম্বন্ধে বিচ্ছেদ বুদ্ধি করিল। ৬০। (র, ৫, আ, ১৬)

যিনি গগনে গ্রহমণ্ডল সকল সৃজন করিয়াছেন, এবং তন্মধ্যে দীপ (সূর্য্য) ও উজ্জ্বল চন্দ্রমা সৃষ্টি করিয়াছেন, তিনি মহিমাযুক্ত। ৬১। এবং তিনিই যিনি, যাহারা উপদেশ গ্রহণ করিতে বা ধন্যবাদ দিতে ইচ্ছা করে, তাহাদের জন্ত (পরস্পর) অনুগামিনী রজনী ও দিবা সৃজন করিয়াছেন। ৬২। এবং তাহারাই ঈশ্বরের দাস, যাহারা ভূতলে ধীরে গমন করে, এবং যখন মূর্খ লোকেরা তাহাদের সঙ্গে কথা কহে, তাহারা সেলাম বলিয়া থাকে *। ৬৩। এবং যাহারা আপন প্রতিপালকের উদ্দেশ্যে প্রণাম ও (নমাজের জন্ত) দণ্ডায়মানভাবে রজনী যাপন করে। ৬৪। এবং যাহারা বলে, “হে আমাদের প্রতিপালক, আমাদের হইতে নরকদণ্ড দূর কর, নিশ্চয় তাহার শাস্তি (আমাদের সম্বন্ধে) সমুচিত হইয়াছে”। ৬৫। নিশ্চয় উহা স্থান ও অবস্থিতিভূমি অনুসারে মন্দ। ৬৬। এবং যাহারা যখন ব্যয় করে, অপব্যয় করে না ও কুপণতা করে না, এবং এই উভয়ের মধ্যে সামঞ্জস্য প্রাপ্ত হয়। ৬৭। এবং যাহারা পরমেশ্বরের সঙ্গে অস্ত্র ঈশ্বরকে আহ্বান করে না, এবং ঈশ্বর যাহাকে অবৈধ করিয়াছেন, এমন ব্যক্তিকে গ্রাহ্যরূপে ব্যতীত হত্যা করে না, এবং ব্যভিচার করে না†। ৬৮। এবং যে ব্যক্তি ইহা করে, সে আসামে

* ধীরে গমন করা অর্থাৎ বিনত্র ও গাঙ্গীর্ণভাবে চলা। “যখন মূর্খ লোকেরা তাহাদের সঙ্গে কথা কহে, তাহারা সেলাম বলিয়া থাকে।” অর্থাৎ তাহাদের সঙ্গে মূর্খ ও পাণ্ডু লোকেরা কলহ ও বাস্তিতণ্ডা করিলে তাহারা তদন্তরে বিনত্রভাবে কথা কহিয়া থাকেন। (ত, হো,)

† একদা কয়েক দল অংশিবাদী হজরতের নিকট উপস্থিত হইয়া নিবেদন করিয়াছিল যে, “হে মোহাম্মদ, আমরা ঈশ্বরের সঙ্গে অংশী স্থাপন করিয়াছি ও অস্তায়রূপে বহু লোককে হত্যা করিয়াছি, এবং ব্যভিচার ও নানা দুষ্কিয়া আমাদের দ্বারা হইয়াছে; যদি তোমার ঈশ্বর আমাদের এই সকল অপরাধ ক্ষমা করেন, তবে আমরা ইসলাম ধর্মে বিশ্বাস স্থাপন করিতে পারি।” তাহাতেই এই আয়ত আবির্ভূত হয়। মসুদের পুত্র হজরতকে জিজ্ঞাসা করিয়াছিলেন যে, “পাপের মধ্যে কোন কোন পাপ প্রধান?” তিনি বলেন, “যিনি তোমাকে সৃষ্টি করিয়াছেন, তাঁহার অংশী আছে বলা, এই একটি গুরুতর পাপ, এবং অন্নদানে প্রতিপালন করিতে হইবে, এই ভয়ে আপন সন্তানকে হত্যা করা এবং প্রতিবেশিনী নারীর সঙ্গে ব্যভিচার করা গুরুতর পাপ।” তাহাতেই ঈশ্বরের অনুগত ভূতগণ অংশিবাদী হয় না, ব্যভিচার ও অস্তায়রূপে হত্যা করে না, এ সকল কথা এই আয়তে প্রকাশ পায়। (ত, হো,)

মিলিত হয় * । ৬৯ ।+কেয়ামতের দিন তাহার জন্ত শান্তি দ্বিগুণ করা হইবে, তথায় সর্বদা সে লালিত থাকিবে । ৭০ ।+কিন্তু যে ব্যক্তি প্রতিনিবৃত্ত হইয়াছে ও বিশ্বাস স্থাপন এবং সংকল্প করিয়াছে, সে নহে ; অনন্তর ইহারাই যে, ঈশ্বর ইহাদের পাপ সকলকে পুণ্যেতে পরিবর্তিত করিবেন, এবং ঈশ্বর ক্ষমাশীল দয়ালু হন । ৭১ । এবং যে ব্যক্তি (পাপ হইতে) ফিরিয়া আইমে ও শুভ কর্ম করে, অনন্তর নিশ্চয় সে ঈশ্বরের দিকে প্রত্যাবর্তনরূপে প্রত্যাবর্তিত হয় । ৭২ । এবং যাহারা মিথ্যা সাক্ষ্য দেয় না ও যখন নিরর্থক বিষয়ের দিকে উপস্থিত হয়, তখন মহন্তাবে চলিয়া যায় । ৭৩ । এবং যাহারা আপন প্রতিপালকের নিদর্শন সকল সন্মুখে উপদিষ্ট হয়, তখন তৎসম্মুখে বধির ও অন্ধরূপে পতিত (উপস্থিত) থাকে না । ৭৪ । এবং যাহারা বলে, “হে আমাদের প্রতিপালক, তুমি আমাদের ভাষ্যা ও নয়নজ্যোতিস্বরূপ সন্তানবৃন্দ দান কর ও আমাদের ধর্মভীরুদিগের অগ্রণী কর” । ৭৫ । ইহারাই, যাহারা ধৈর্য ধারণ করিয়াছে, তজ্জন্ত ইহাদিগকে উচ্চ অট্টালিকা পুরস্কার দেওয়া যাইবে, এবং ইহারা তথায় মঙ্গল ও শান্তির আশীর্বাদ প্রাপ্ত হইবে । ৭৬ ।+এবং তথায় ইহারা চিরস্থায়ী হইবে, বাসভূমি ও স্থানান্তরে তাহা উত্তম । ৭৭ । তুমি বল, (হে মোহম্মদ,) যদি তোমাদের প্রার্থনা না থাকিত, তবে আমার প্রতিপালক তোমাদিগকে গণ্য করিতেন না । অনন্তর নিশ্চয় তোমরা অসত্যারোপ করিয়াছ, পরে অবশ্য তাহার সমুচিত (প্রতিফল) হইবে । ৭৮ । (র, ৬, আ, ১৮)

* নরকের প্রান্তর বিশেষের নাম আসাম, ব্যাভিচারী লোকেরা তথায় শাস্তি ভোগ করিবে । অথবা শোণিত বা পিত্তরস, যাহা নরকগত লোকদিগের শরীর হইতে নির্গত হইবে, তাহার নাম আসাম । কিংবা আসাম ও যমি নিরয়ান্তর্গত শাস্তিদানের দুইটি কূপবিশেষ । (ভ, হো,)

সূরা শোঅরা ❁

.....

ষড়্বিংশ অধ্যায়

.....

২২৭ আয়ত, ১১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

(পাপ) গোপনকারী ও পবিত্র এবং মহিমান্বিত ৴। ১। উজ্জ্বল গ্রন্থের এই আয়ত সকল। ২। তুমি, (হে মোহাম্মদ,) সম্ভবতঃ আপন জীবনের বিনাশক হইয়াছ, যেহেতু তাহারা বিশ্বাসী হইতেছে না ৴। ৩। আমি ইচ্ছা করিলে স্বর্গ হইতে তাহাদের নিকটে কোন নিদর্শন প্রেরণ করিতাম, তখন তাহার জন্ত তাহাদের গ্রীবা নত হইত। ৪। এবং ঈশ্বর হইতে তাহাদের নিকটে (এমন) কোন নূতন উপদেশ আসে নাই যে, তাহারা তাহা হইতে বিমুখ হয় নাই। ৫। অনন্তর তাহারা অসত্যারোপ করিয়াছে; অবশেষে যাহারা তাহার প্রতি উপহাস করিতেছিল, সম্বরই তাহাদের নিকট তাহার তত্ত্ব আসিবে §। ৬। তাহারা কি পৃথিবীর দিকে দৃষ্টি করে না যে, আমি তাহাতে সকল প্রকারের কত উত্তম (বস্তু) উৎপাদন করিয়াছি। ৭। নিশ্চয় ইহার মধ্যে এক নিদর্শন আছে, তাহাদের অধিকাংশ বিশ্বাসী নহে। ৮। নিশ্চয় তোমার সেই প্রতিপালক, (হে মোহাম্মদ,) পরাক্রমশালী দয়ালু। ৯। (র, ১, আ, ২)

এবং (স্মরণ কর,) যখন তোমার প্রতিপালক মুসাকে ডাকিলেন যে, “তুমি অত্যাচারী দলের নিকট যাও ॥। ১০। + ফেরওণের দল, তাহারা কি ধর্ম্মভীরু হইতেছে

* এই সূরা মক্কাতে প্রকাশ পায়।

+ “তান্নাম্মা” এই ব্যবচ্ছেদক শব্দের সাক্ষেতিক অর্থ গোপনকারী ও পবিত্র ও মহিমান্বিত। এই কয়েকটা ঈশ্বরের নাম। বহরোল্‌হকায়কে উক্ত হইয়াছে যে, ত, এই বর্ণের অর্থ একত্বের আকাশে উড্ডীয়মান পক্ষী, অর্থাৎ ঈশ্বরের অভিমুখে ধাবমান ব্যক্তি; স, এই বর্ণের অর্থ তত্ত্বগণের যাত্রিক; ম, বর্ণের অর্থ দাসত্বের পথে বিচরণকারী। এ সকল হজরতের বিশেষণরূপ। এতদ্বিত্তি এই কয় বর্ণের অল্প অনেক অর্থও হইতে পারে। (ত, হো,)

‡ যখন কোরেশগণ কোর-আন্ গ্রন্থকে অসত্য বলিতে লাগিল, কিছুতেই বিশ্বাস করিতেছিল না, এ দিকে হজরত তাহাদের বিশ্বাসলাভ ও ধর্ম্মগ্রহণের জন্ত একান্ত ব্যাকুল হইলেন, তখন পরমেশ্বর তাহার মনের সাস্তুনার জন্ত এই আয়ত প্রেরণ করেন। (ত, হো,)

§ “সম্বরই তাহাদের নিকট তাহার তত্ত্ব আসিবে” অর্থাৎ শীঘ্র তজ্জন্ত তাহাদিগকে পরিতাপিত হইতে হইবে। (ত, হো,)

। ফেরওণ ও তাহার অনুবর্তী কিব্‌তিজাতি অত্যাচারী দল, যেহেতু তাহারা আপন জীবনের প্রতি ও বনিএশ্রায়েলের প্রতি অত্যাচার করিয়াছিল। (ত, হো,)

না" ? ১১। সে বলিল, "হে আমার প্রতিপালক, নিশ্চয় আমি ভয় পাইতেছি যে, তাহারা আমার প্রতি অসত্যারোপ করিবে। ১২। এবং আমার বন্ধ সঙ্কচিত হইতেছে ও আমার রসনা সঞ্চালিত হইতেছে না; অতএব হাক্কের প্রতি (প্রত্যাদেশ) প্রেরণ কর। ১৩। এবং তাহাদের সম্বন্ধে আমাতে কোন অপরাধ আছে, অতএব আমি শঙ্কিত আছি যে, তাহারা আমাকে বধ করিবে"। ১৪। তিনি বলিলেন, "এরূপ হইবে না, অনন্তর তোমরা দুইজন আমার নিদর্শন সকল সহ যাও, নিশ্চয় আমি তোমাদের সঙ্গে প্রোতা আছি। ১৫। অবশেষে তোমরা ফেরওণের নিকটে যাও, পরে বল যে, নিশ্চয় আমরা বিশ্বপালকের প্রেরিত। ১৬। (সংবাদ) এই যে, আমাদের সঙ্গে তুমি বনিএশ্রায়েলকে প্রেরণ কর"। ১৭। সে (ফেরওণ) বলিল, "আমি কি তোমাকে আপনাদের মধ্যে শৈশবে প্রতিপালন করি নাই ও আমাদের মধ্যে তুমি আপন জীবনের বহু বৎসর স্থিতি কর নাই? ১৮। এবং তুমি যাহা করিয়াছ, তাহা নিজের কার্য্য করিয়াছ ও তুমি অধর্মাচারী লোকদিগের অন্তর্গত" *। ১৯। সে (মুসা) বলিল, "আমি তাহা করিয়াছি ও তখন আমি পথভ্রান্তদিগের অন্তর্গত ছিলাম। ২০। পরে যখন তোমাগিকে ভয় করিলাম, তখন তোমাগি হইতে পলায়ন করিয়াছিলাম; অবশেষে আমার প্রতিপালক আমাকে জ্ঞান দান করিয়াছেন, এবং তিনি আমাকে প্রেরিতদিগের অন্তর্গত করিয়াছেন। ২১। এবং ইহা কি এক দান হয় যে, তুমি আমাকে তদ্ধারা উপকৃত করিয়াছ যে, বনিএশ্রায়েলকে দাস করিয়া রাখিয়াছ" ? ২২। এবং ফেরওণ জিজ্ঞাসা করিল, "জগতের প্রতিপালক কে" ? ২৩। সে বলিল, "যিনি দু্যলোক ভুলোকের এবং উভয়ের মধ্যে যাহা আছে, তাহার প্রতিপালক, যদি তুমি বিশ্বাস স্থাপন কর"। ২৪। যাহারা তাহার পার্শ্বে ছিল, সে (ফেরওণ) তাহাদিগকে বলিল, "তোমরা কি শুনিতেছ না" ? ২৫। সে (মুসা) বলিল, "তিনি তোমাদের প্রতিপালক ও তোমাদের পূর্ববর্তী পিতৃপুরুষদিগের প্রতিপালক"। ২৬। সে আপন দলকে বলিল, "তোমাদের নিকটে যে প্রেরিত হইয়াছে, তোমাদের এই প্রেরিতপুরুষ সে একান্ত ক্ষিপ্ত"। ২৭। সে (মুসা) বলিল, "তিনি পূর্ব ও পশ্চিমের ও যাহা উভয়ের মধ্যে আছে তাহার প্রতিপালক, যদি তোমরা জ্ঞান রাখ"। ২৮। সে কহিল, "যদি তুমি আমাকে ছাড়িয়া (অথ) ঈশ্বর গ্রহণ করিয়া থাক, তবে অবশ্য আমি তোমাকে কারাবাসীদিগের অন্তর্গত করিব"। ২৯। সে বলিল, "যতুপি আমি তোমার নিকটে কোন উজ্জ্বল বস্তু আনয়ন করি, (তথাপি কি তুমি ইহা করিবে)" ? ৩০। সে বলিল, "যদি তুমি সত্যবাদীদিগের অন্তর্গত হও, তবে তাহা উপস্থিত কর"। ৩১। অনন্তর সে আপন যষ্টি নিক্ষেপ করিল, অবশেষে অকস্মাৎ উহা স্পষ্ট অজগর হইল। ৩২। এবং সে

* মুসা একজন কিস্তিকে হত্যা করিয়াছিলেন, সেই ব্যাপারকে লক্ষ্য করিয়া ফেরওণ এই কথা বলিয়াছিল।

আপন হস্ত বাহির করিল, অনন্তর হঠাৎ উহা দর্শকদিগের জ্ঞাত্ত গুহ্র হইল। ৩৩। (র, ২, আ, ২৪)

সে আপন পার্শ্বস্থ প্রধান পুরুষদিগকে বলিল যে, “নিশ্চয় এ জ্ঞানী ঐন্দ্রজালিক। ৩৪। + সে আপন ঐন্দ্রজালযোগে তোমাদিগকে তোমাদের দেশ হইতে বাহির করিতে ইচ্ছা করে ; অনন্তর তোমরা কি অহুমতি করিতেছ” ? ৩৫। তাহারা বলিল, “তাহাকে ও তাহার ভ্রাতাকে অবকাশ দাও, এবং নগর সকলে (লোক) সংগ্রহকারীদিগকে প্রেরণ কর। ৩৬। + তাহারা সমুদায় জ্ঞানী ঐন্দ্রজালিককে তোমার নিকটে আনয়ন করিবে”। ৩৭। অনন্তর নির্দ্ধারিত দিনের সময়ের জ্ঞাত্ত ঐন্দ্রজালিকগণ একত্রীকৃত হইল। ৩৮। + এবং লোকদিগকে বলা হইল, “তোমরা কি একত্র হইবে ? ৩৯। + হয়তো আমরা (মুসাকে দূর করিতে) ঐন্দ্রজালিকদিগের অহুসরণ করিব, (দেখি,) যদি তাহারা বিজয়ী হয়”। ৪০। অনন্তর যখন ঐন্দ্রজালিকগণ উপস্থিত হইল, তখন তাহারা ফেরওণকে জিজ্ঞাসা করিল, “যদি আমরা বিজয়ী হই, তবে আমাদের জ্ঞাত্ত কি পুরস্কার হইবে” ? ৪১। সে বলিল, “হাঁ, এবং তখন নিশ্চয় তোমরা সন্নিহিত লোকদিগের অন্তর্বর্তী হইবে”। ৪২। মুসা তাহাদিগকে বলিল, “তোমরা যাহার নিক্ষেপকারী, নিক্ষেপ কর”। ৪৩। অনন্তর তাহারা আপনাদের রজ্জু ও আপনাদের যষ্টি সকল নিক্ষেপ করিল, এবং বলিল, “ফেরওণের গৌরবের শপথ, নিশ্চয় আমরা বিজয়ী হইব”। ৪৪। অবশেষে মুসা নিজের যষ্টি নিক্ষেপ করিল, পরে হঠাৎ উহা, তাহারা যদ্বারা প্রবঞ্চনা করিতেছিল, তাহা গ্রাস করিতে লাগিল। ৪৫। অনন্তর ঐন্দ্রজালিকগণ প্রণত হইয়া পড়িয়া গেল। ৪৬। + তাহারা বলিল, “বিশ্বপালকের প্রতি, মুসা ও হারুণের প্রতি-পালকের প্রতি আমরা বিশ্বাস স্থাপন করিলাম”। ৪৭+৪৮। সে (ফেরওণ) বলিল, “তোমাদিগকে আজ্ঞা করিবার পূর্বে তোমরা কি তাহার (মুসার) প্রতি বিশ্বাস স্থাপন করিলে ? নিশ্চয় এ তোমাদিগের দলপতি, তোমাদিগকে ঐন্দ্রজাল শিক্ষা দিয়াছে ; অনন্তর তোমরা অবশ্য জানিতে পাইবে। ৪৯। অবশ্য আমি তোমাদের হস্ত ও তোমাদের পদ (পরস্পর) বিপরীত ভাবে ছেদন করিব * এবং অবশ্য একযোগে তোমাদিগকে শূলে চড়াইব”। ৫০। তাহারা বলিল, “ক্ষতি নাই, নিশ্চয় আমরা স্বীয় প্রতিপালকের দিকে প্রত্যাবর্তনকারী। ৫১। নিশ্চয় আমরা আশা করি যে, আমাদের প্রতিপালক আমাদের অপরাধ আমাদের নিমিত্ত ক্ষমা করিবেন, যেহেতু আমরা প্রথম বিশ্বাসী হইলাম”। ৫২। (র, ৩, আ, ১২)

* অর্থাৎ ঐন্দ্রজালিকদিগের এক এক জনের দক্ষিণ হস্ত ও বাম পদ, বা বাম হস্ত ও দক্ষিণ পদ ছেদন করিয়া, সকলকে শূলে চড়াইতে ফেরওণ আদেশ করিল। তাহাতে মুসা তাহাদের জ্ঞাত্ত আর্তনাদ করিতে লাগিলেন। তখন পরমেশ্বর আবরণ উদ্ঘাটন করিয়া তাহাদের জ্ঞাত্ত যে স্বর্গলোকে উচ্চ স্থান আছে, তাহা প্রদর্শনপূর্বক মুসাকে সাক্ষনা দান করিলেন। (ত, হো,)

এবং আমি মুসার প্রতি প্রত্যাশা করিয়াছিলাম যে, তুমি আমার দাসবুল সহ রজনীতে প্রস্থান কর, নিশ্চয় তোমরা অল্পস্বত হইবে *। ৫৩। অনন্তর ফেরগণ নগর সকলে (লোক) সংগ্রহকারীদিগকে প্রেরণ করিল। ৫৪। (বলিল) “নিশ্চয় ইহার এক ক্ষুদ্র দল †। ৫৫। +এবং একান্তই ইহার আমাকে ক্রুদ্ধ করিয়া তুলিয়াছে। ৫৬। +এবং নিশ্চয় আমরা অস্বাধারী দল”। ৫৭। অনন্তর আমি তাহাদিগকে (ফেরগণীয় সম্প্রদায়কে) উদ্ধান ও প্রস্রবণ সকল হইতে এবং ধনাগার ও উত্তমাগার হইতে বাহির করিয়াছি। ৫৮+৫৯। এই (করিয়াছি,) এবং বনিএশ্রায়েলকে তাহার উত্তরাধিকারী করিয়াছি ‡। ৬০। অনন্তর তাহারা সূর্য্যোদয়ের সময়ে তাহাদের পশ্চাদ্-গামী হইয়াছিল। ৬১। পরে যখন দুই দল (পরস্পরকে) দৃষ্টি করিল, তখন মুসার সহচরগণ বলিল যে, “নিশ্চয় আমরা (তাহাদিগ কর্তৃক) প্রাপ্ত হইলাম”। ৬২। সে বলিল, “এরূপ নহে, একান্তই আমার সঙ্গে আমার প্রতিপালক আছেন, শীঘ্র তিনি আমাকে পথ প্রদর্শন করিবেন”। ৬৩। অনন্তর আমি মুসার প্রতি প্রত্যাশা করিলাম যে, “তুমি সাগরকে আপন ষষ্টি দ্বারা আঘাত কর”; পরে তাহা বিদীর্ণ হইল, পরিশেষে (তাহার) প্রত্যেক অংশ বৃহৎ পর্বত-সদৃশ হইল। ৬৪। এবং আমি সেই স্থানে অপর সকলকে (ফেরগণের দলকে) সন্নিহিত করিয়াছিলাম। ৬৫। মুসাকে ও তাহার সঙ্গী লোকদিগকে একযোগে উদ্ধার করিয়াছিলাম। ৬৬। তৎপর অপর দলকে জলমগ্ন করিলাম। ৬৭। নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না §। ৬৮। এবং নিশ্চয় তোমার সেই প্রতিপালক, (হে মোহম্মদ,) পরাক্রমশালী দয়ালু। ৬৯। (র, ৪, আ, ১৭)

* মুসা এই প্রকারে কয়েক বৎসর ফেরগণের নিকটে থাকিয়া প্রচার ও অলৌকিক ক্রিয়া সকল প্রদর্শন করিতে থাকেন। তাহাতে প্রত্যহ ফেরগণের ও তাহার অনুগামীগণের জোড়, বিধেব ও অত্যাচার বৃদ্ধি হইতে থাকে। তজ্জন্ত তাহাদের মৃত্যু নিকটবর্তী হয়; ঈশ্বর মুসাকে আদেশ করেন যে, তুমি আপন দল সহ মেসর হইতে প্রস্থান কর। (ত, হো,)

† বনিএশ্রায়েলদলে বিংশতি বৎসর হইতে ষষ্টি বৎসর বয়ঃক্রম পর্য্যন্ত ছয় লক্ষ সন্তোর সহস্র লোক ছিল। তন্মিহ্ন স্ত্রী, বালক ও নবযুবক সহস্র সহস্র ছিল। ফেরগণ তাহাদিগকে স্বীয় সৈন্ত-দলের তুলনায় অত্যন্তসংখ্যক মনে করিয়া চব্বিশ লক্ষ সৈন্তসহ মুসার বিরুদ্ধে যাত্রা করিয়াছিল। (ত, হো,)

‡ কেহ কেহ বলেন যে, ফেরগণ ও তাহার অনুগামীগণ বিনাশ প্রাপ্ত হইলে, বনিএশ্রায়েল মেসরে প্রত্যাগমন করিয়া তাহাদের সমুদায় ধনসম্পত্তি গ্রহণ করিয়াছিলেন। প্রকৃত বিবরণ এই যে, দাউদ ও সোলয়মান মেসর দেশ জয় করিয়া কিব্‌তিদিগের সমুদায় সম্পত্তি হস্তগত করিয়াছিলেন। (ত, হো,)

§ কথিত আছে, ফেরগণের পরিবারের জজবিন নামক ব্যক্তি ব্যতীত অপর কেহই তখন মুসার ধর্ম গ্রহণ করে নাই, সে মুসার সঙ্গে মেসর হইতে চলিয়া গিয়াছিল। (ত, হো,)

এবং তুমি, (হে মোহাম্মদ,) তাহাদের নিকটে এত্রাহিমের বৃত্তান্ত পাঠ কর। ৭০। যখন সে স্বীয় পিতাকে ও স্বীয় সম্প্রদায়কে জিজ্ঞাসা করিল, “তোমরা কাহাকে পূজা করিয়া থাক” ? ৭১। তাহারা বলিল, “আমরা প্রতিমূর্তি সকলকে অর্চনা করি, পরন্তু তাহাদের সহবাসে স্থিতি করিয়া থাকি”। ৭২। সে জিজ্ঞাসা করিল, “যখন তোমরা তাহাদিগকে আহ্বান কর, তাহারা কি তোমাদের কথা শুনিতে পায় ? ৭৩।+ অথবা তাহারা তোমাদিগের উপকার করে, কিংবা অপকার করিয়া থাকে” ? ৭৪। তাহারা বলিল, “বরং আমরা স্বীয় পিতৃপুরুষদিগকে এরূপ করিতে প্রাপ্ত হইয়াছি”। ৭৫। সে জিজ্ঞাসা করিল, “অনন্তর তোমরা বাহাদিগকে অর্চনা করিয়া থাক ও তোমাদের পূর্বতন পিতৃপুরুষগণ (অর্চনা করিয়াছে,) তোমরা কি তাহাদিগকে দেখিতেছ, (জানিতেছ) ? ৭৬+৭৭। অনন্তর বিশ্বপালক ব্যতীত নিশ্চয় তাহারা আমার শত্রু। ৭৮। যিনি আমাকে সৃষ্টি করিয়াছেন, পরে তিনি আমাকে পথ প্রদর্শন করিয়া থাকেন। ৭৯। এবং তিনি যিনি আমাকে ভোজন পান করাইয়া থাকেন *। ৮০। এবং যখন আমি পীড়িত হই, তখন তিনি আমাকে আরোগ্য দান করেন। ৮১। এবং তিনি আমার প্রাণ হরণ করেন, তৎপর আমাকে জীবিত করিয়া থাকেন †। ৮২। এবং আমি আশা করি যে, কেয়ামতের দিনে আমার পাপ সকল তিনি আমার জন্ত ক্ষমা করিবেন”। ৮৩। “হে আমার প্রতিপালক, তুমি আমাকে জ্ঞান দান কর ও সাধু পুরুষগণের সঙ্গে আমাকে মিলিত কর। ৮৪। এবং পশ্চাদ্বর্তীদিগের মধ্যে আমার জন্ত সত্য রসনা দান কর ‡। ৮৫।

* অন্নপান বিবিধ, বাহ্যিক ও আধ্যাত্মিক। আধ্যাত্মিক অন্ন ঈশ্বরার্চনা, তদ্বারা আত্মা জীবিত থাকে; আধ্যাত্মিক পানীয় ঈশ্বরের স্বরূপের প্রকাশ, তদ্বারা আত্মা সতেজ হয়। এই স্থানে তপস্বী জোলুখন বলিয়াছেন যে, এই অন্ন-ভোজন তদ্ব্যন্ন-ভোজন, এই জল-পান প্রেমজল-পান। (ত, হো,)

† অর্থাৎ পরমেশ্বর জ্ঞান-বিচারে মারেন, কৃপাতে প্রাণে বাঁচান। অথবা পাপে মৃত্যু, ঈশ্বরভক্ত্যায় জীবন। কিংবা অজ্ঞানতায় মৃত্যু, জ্ঞানে জীবন। অথবা লোভে মৃত্যু, অলোভে জীবন। কিংবা অবৈরাগ্যে মৃত্যু, বৈরাগ্যে জীবন। বা বিচ্ছেদে মৃত্যু, সম্মিলনে জীবন। কোন সাধু পুরুষ বলিয়াছেন যে, ঈশ্বর আমিত্ববিনাশে আমাকে আপনাতে জীবিত করিয়া থাকেন, মানবীয় গুণে বিনাশ ও আধ্যাত্মিক প্রকৃতিতে জীবন দান করেন, আধ্যাত্মিক উন্নতির গোরবে বিনাশ ও ঐশ্বরিক স্বরূপে জীবিত করেন। কোন কোন তত্ত্বদর্শীর মতে ভয় ও আশাতে বা ভজনহীনতা ও সাধন ভজননে, ঈশ্বরের অদর্শনে ও তাঁহার আবির্ভাবে মৃত্যু ও জীবন স্থিতি করে। (ত, হো,)

‡ অর্থাৎ যে সকল লোক আমার প'র আসিবে, সেই ভবিষ্যৎপ্রাপ্য লোকদিগের রসনায় তুমি আমার নিমিত্ত খ্যাতি প্রতিপত্তি দান কর। তাঁহার এই প্রার্থনা গৃহীত হইয়াছিল। সমুদয় সূর্য্যোপাসক ও ইহুদি ও ইসলামী এবং মোসলমানমণ্ডলী মহান্বা এত্রাহিমের গুণানুকীর্ণন করিতেন। কেহ কেহ বলেন যে, সত্য রসনার অর্থ সত্যপ্রিয় পুরুষ। এই আয়তের মর্ম্ম এই যে, আমার ধর্ম্মের মূল গৌরবান্বিত করিবার জন্ত তুমি ভবিষ্যৎপ্রাপ্য লোকের মধ্যে একজন সত্যবাদী পুরুষ প্রকাশ কর। হজরত মোহাম্মদই সেই সত্যবাদী পুরুষহলে লক্ষিত হইয়াছেন। (ত, হো,)

এবং আমাকে সম্পদের স্বর্গের উত্তরাধিকারী কর। ৮৬। এবং আমার পিতাকে তুমি ক্ষমা কর, নিশ্চয় তিনি পথভ্রান্তদিগের (অন্তর্গত)। ৮৭। যে দিবস (লোক সকল) সমুখাপিত হইবে, সেই দিবস আমাকে ক্ষুণ্ণ করিও না। ৮৮। যে ব্যক্তি প্রশান্ত হৃদয় ঈশ্বরের নিকটে উপস্থিত করে, * তাহা ব্যতীত যে দিবস সম্পত্তি ও সন্তানগণ তাহার উপকার করে না। ৮৯+৯০। এবং (যে দিবস) ধর্মভীরু লোকদিগের জন্ত স্বর্গ সন্নিহিত করা যাইবে। ৯১।+ এবং বিপথগামী লোকদিগের জন্ত নরক প্রকাশিত হইবে, সে দিবস (আমাকে লজ্জিত করিও না)”। ৯২। তাহাদিগকে বলা হইবে, “তোমরা ঈশ্বরকে ছাড়িয়া যাহাকে অর্চনা করিতেছিলে, সে কোথায়?” তাহারা কি তোমাদিগকে সাহায্য দান করে বা স্বয়ং প্রতিশোধ তুলিতেছে? ৯৩+৯৪। অনন্তর তথায় তাহারা ও বিপথগামিগণ এবং শয়তানের সেনাদল একযোগে অধোমুখে নিক্ষিপ্ত হইবে। ৯৫+৯৬। (কাকেরগণ) বলিবে, এবং তাহারা (প্রতিমা সকল) তথায় পরস্পর বিতণ্ডা করিতে থাকিবে। ৯৭।+ “ঈশ্বরের শপথ, যখন তোমাদিগকে বিশ্বপতির সঙ্গে তুল্য করিয়াছিলাম, তখন নিশ্চয় আমরা স্পষ্ট বিপথে ছিলাম। ৯৮+৯৯। এই পাপিগণ ভিন্ন আমাদিগকে (কেহ) বিপথগামী করে নাই। ১০০। অনন্তর আমাদের জন্ত পাপক্ষমার কোন অহুরোধকারী নাই। ১০১।+ এবং সহানুভূতিকারী বন্ধু নাই। ১০২। অনন্তর যদি আমাদের জন্ত একবার পুনর্গমন হয়, তবে আমরা বিশ্বাসী দলের অন্তর্গত হইব”। ১০৩। নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না। ১০৪। এবং নিশ্চয় তোমার সেই প্রতিপালক, (হে মোহাম্মদ,) পরাক্রমশালী দয়ালু। ১০৫। (র, ৫, আ, ৩৬)

হুদয় সম্প্রদায় প্রেরিত পুরুষদিগের প্রতি অসত্যারোপ করিয়াছিল। ১০৬। (স্মরণ কর,) যখন তাহাদের ভ্রাতা হুহা তাহাদিগকে বলিল, “তোমরা কি ভয় পাইতেছ না? ১০৭। নিশ্চয় আমি তোমাদের জন্ত বিশ্বস্ত প্রেরিত পুরুষ। ১০৮। অনন্তর তোমরা ঈশ্বরকে ভয় করিতে থাক ও আমার অহুগত হও। ১০৯। আমি এ বিষয়ে তোমাদের নিকটে কোন পারিশ্রমিক প্রার্থনা করি না, বিশ্বপালকের নিকটে ভিন্ন আমার পারিশ্রমিক নাই। ১১০। অনন্তর ঈশ্বরকে ভয় কর ও আমাব অহুগত হও”। ১১১। তাহারা বলিল, “আমরা কি তোমাকে বিশ্বাস করিব? বস্তুতঃ নিকৃষ্ট লোকেরা

* “লা এলাহ্ এল্লা মোহাম্মদ রহুল্লা” এই বাক্যের সত্যতাতে যে একান্ত আস্থা, তাহাই অন্তরের শান্তি। অন্ত মত এই যে, যে হৃদয় সংসারপ্রেমশূন্য, উহাই প্রশান্ত হৃদয়। অনেক সাধুলোকেরা বলিয়াছেন যে, যখন ঈশ্বর ব্যতীত অন্ত কিছু জ্ঞান ন, তাহাই প্রশান্ত মন। অন্ত কেহ কেহ বলিয়াছেন যে, হৃদয়ে সাংসারিক গোলযোগ স্থান পায় না, পারলৌকিক হৃদয়ের আশা নাই, তাহাই শান্ত হৃদয়। অন্ত অনেকে এ বিষয়ে একরূপ অনেক প্রকার ভাব প্রকাশ করিয়াছেন।

(ড, হো,)

তোমার অনুসরণ করিয়াছে” * । ১১২ । সে कहিল, “আমি তাহা কি জানি, তাহারা কি করিতেছিল ? ১১৩ । যদি তোমরা বুঝিতেছ, তবে আমার প্রতিপালকের নিকটে ভিন্ন তাহাদের গণনা নাই । ১১৪ । এবং আমি বিশ্বাসীদের দূরকারী নহি । ১১৫ । আমি স্পষ্ট ভয়প্রদর্শক বৈ নহি” । ১১৬ । তাহারা বলিল, “হে মুহা, যদি তুমি নিশ্চয় না হও, তবে অবশ্য চূর্ণীকৃত হইবে” । ১১৭ । সে कहিল, “হে আমার প্রতিপালক, নিশ্চয় আমার সম্প্রদায় আমার প্রতি অসত্যারোপ করিতেছে । ১১৮ । অতএব তুমি আমার ও তাহাদের মধ্যে মীমাংসায় মীমাংসিত কর, এবং আমাকে ও আমার সঙ্গে বিশ্বাসীদের যাহারা আছে, তাহাদিগকে উদ্ধার কর” । ১১৯ । অনন্তর আমি তাহাকে ও তাহার সঙ্গী লোকদিগকে নৌকায় পূর্ণ করিয়া উদ্ধার করিলাম । ১২০ । তৎপর আমি অবশিষ্ট লোকদিগকে জলমগ্ন করিয়াছিলাম । ১২১ । নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না । ১২২ । নিশ্চয় তোমার এই প্রতিপালক, (হে মোহাম্মদ,) পরাক্রমশালী দয়ালু । ১২৩ । (র, ৬, আ, ১৮)

আদ সম্প্রদায় প্রেরিতপুরুষদিগের প্রতি অসত্যারোপ করিয়াছিল । ১২৪ । (স্মরণ কর,) যখন তাহাদের ভ্রাতা হুদ তাহাদিগকে বলিল, “তোমরা কি শঙ্কিত হইতেছ না ? ১২৫ । নিশ্চয় আমি তোমাদের জগৎ বিশ্বস্ত প্রেরিতপুরুষ । ১২৬ । অনন্তর তোমরা ঈশ্বরকে ভয় করিতে থাক ও আমার অনুগত হও । ১২৭ । আমি এ বিষয়ে তোমাদের নিকটে কোন পারিশ্রমিক প্রার্থনা করি না, বিশ্বপালকের নিকটে বৈ আমার পারিশ্রমিক নাই । ১২৮ । তোমরা কি উচ্চ স্থান সকলে আমোদ করত এক এক নিদর্শন নির্মাণ করিতেছ ? ১২৯ ।+ এবং তোমরা কারুকাৰ্য্যযুক্ত আলয় সকল প্রস্তুত করিয়া লইতেছ, যেন সর্বদা থাকিবে । ১৩০ । এবং যখন তোমরা আক্রমণ কর, তখন দুর্দান্ত হইয়া আক্রমণ করিয়া থাক । ১৩১ । অনন্তর ঈশ্বরকে ভয় করিতে থাক ও আমার অনুগত হও । ১৩২ । এবং তোমরা যাহা জানিতেছ, যিনি তদ্বিমুখে তোমাদিগকে সাহায্য করিয়াছেন, পশু ও সম্ভানবর্গ দ্বারা এবং উত্তান ও জলপ্রণালী দ্বারা তোমাদিগকে সাহায্য করিয়াছেন ; তোমরা তাঁহাকে ভয় কর । ১৩৩+১৩৪+ ১৩৫ । আমি মহা-দিনের শাস্তিকে তোমাদের সম্বন্ধে ভয় করিতেছি” । ১৩৬ । তাহারা বলিল, “তুমি উপদেশ দান কর বা উপদেষ্টাদিগের অনুগত না হও, (ইহা) আমাদের সম্বন্ধে তুল্য । ১৩৭ । ইহা পূর্বতন লোকদিগের স্বভাব ভিন্ন নহে । ১৩৮ ।+ এবং আমরা শাস্তিগ্রস্ত

* অর্থাৎ যাহারা বাছে তোমার অনুগত হইয়া বিশ্বাসী বলিয়া পরিচয় দেয় ও বিশ্বাসীদের অনুগত কার্য্য করে, কিন্তু অন্তরে তোমার বিরোধী, এমন নিকৃষ্ট লোকেরা তোমার অনুসরণ করিয়াছে ।
(ত, হো,)

+ আদ সম্প্রদায় পথের পার্শ্বে কপোতগৃহ নির্মাণপূর্বক তাহাতে অবস্থিতি করিয়া পথিকদিগের সম্মুখে কপোতযোগে ক্রীড়া আমোদ করিত ।
(ত, হো,)

লোক নহি। ১৩৯। অনন্তর তাহারা তাহার প্রতি অসত্যারোপ করিয়াছিল, পরিশেষে আমি তাহাদিগকে সংহার করিয়াছিলাম; নিশ্চয় ইহার মধ্যে নিদর্শন আছে, এবং তাহাদের অধিকাংশই বিশ্বাসী ছিল না। ১৪০। এবং নিশ্চয় তোমার সেই প্রতিপালক, (হে মোহাম্মদ,) পরাক্রমশালী ও দয়ালু। ১৪১। (র, ৭, আ, ১৮)

সমুদ জাতি প্রেরিতপুরুষদিগের প্রতি অসত্যারোপ করিয়াছিল। ১৪২। (স্মরণ কর,) যখন তাহাদের ভ্রাতা সালেহ তাহাদিগকে বলিল, “তোমরা কি শঙ্কিত হইতেছ না? ১৪৩। নিশ্চয় আমি তোমাদিগের জগ্ন বিশ্বস্ত প্রেরিতপুরুষ। ১৪৪। অনন্তর ঈশ্বরকে ভয় করিতে থাক, এবং আমার অত্মগত হও। ১৪৫। আমি এবিষয়ে তোমাদের নিকটে কোন পারিশ্রমিক প্রার্থনা করি না, বিশ্বপালক পরমেশ্বরের নিকটে ভিন্ন আমার পারিশ্রমিক নাই। ১৪৬। এখানে তোমরা যে ভাবে আছ, উজ্জানে ও প্রশ্রবণ সকলে এবং শস্যক্ষেত্রে ও যাহার পুষ্প কোমল হয়, সেই খোঁজা তরুতে কি তোমরা নিরাপদে পরিত্যক্ত হইবে? ১৪৭+১৪৮+১৪৯। তোমরা নিপুণ হইয়া পর্বত সকল হইতে আলয় সকল কাটিয়া লইতেছ। ১৫০। অনন্তর ঈশ্বরকে ভয় কর ও আমার অত্মগত থাক। ১৫১। এবং যাহারা ধরাতলে উৎপাত করে ও সংকর্ষ করে না, এমন সীমালঙ্ঘনকারীদিগের আদেশ মাগ্ন করিও না। ১৫২+১৫৩। তাহারা বলিল, “তুমি ইল্লজালগ্রস্ত (লোকদিগের) অন্তর্গত ভিন্ন নও। ১৫৪। তুমি আমাদের ন্যায় এক জন মনুষ্য বৈ নও; অনন্তর যদি তুমি সত্যবাদীদিগের অন্তর্গত হও, তবে কোন নিদর্শন উপস্থিত কর”। ১৫৫। সে বলিল, “এই উষ্ট্রী, নির্দিষ্টদিবসে ইহার জগ্ন পানীয় হইবে ও তোমাদের জগ্ন পানীয় হইবে *। ১৫৬। এবং তোমরা ক্লেশ দান করিতে তাহাকে স্পর্শ করিও না, তবে মহাদিবসে তোমাদিগকে শান্তি আশ্রয় করিবে”। ১৫৭। অনন্তর তাহারা তাহার পদচ্ছেদন করিল, পরে মনঃক্ষুব্ধ হইল। ১৫৮।+অনন্তর তাহাদিগকে শান্তি আশ্রয় করিল, নিশ্চয় ইহার মধ্যে নিদর্শন আছে ও তাহাদের অধিকাংশই বিশ্বাসী নহে। ১৫৯। এবং নিশ্চয় তোমার সেই প্রতিপালক, (হে মোহাম্মদ,) পরাক্রমশালী ও দয়ালু। ১৬০। (র, ৮, আ, ১২)

লুতীয় সম্প্রদায় প্রেরিতপুরুষদিগের প্রতি অসত্যারোপ করিয়াছিল। ১৬১। (স্মরণ কর,) যখন তাহাদের ভ্রাতা লুত তাহাদিগকে বলিল, “তোমরা কি শঙ্কিত

* সমুদ জাতি সালেহকে আপনাদের সদৃশ দেখিয়া ব্যঙ্গ করিয়া বলিয়াছিল, “তুমি আমাদেরই ন্যায় একজন, তোমার প্রেরিতদের অদ্ভুত ফ্রিয়া কি আছে?” সালেহ জিজ্ঞাসা করিলেন, “তোমরা কিসের প্রার্থী?” তাহাতে তাহারা বলিল যে, “এই সমুদ্র প্রান্তর খণ্ড হইতে একটি উষ্ট্র বাহির কর।” তখনই এক উষ্ট্র বাহির হইল। এবং সালেহ বলিল, “এই তোমাদের প্রার্থিত উষ্ট্র, জলাশয়ের জল এক দিবস ইহার পান করা ও এক দিবস তোমাদের পান করা নির্দিষ্ট হইল। ইহার জলপান করার দিন তোমরা প্রতিবন্ধক হইবে না। (ত, হো,)

হইতেছে না? ১৬২। নিশ্চয় আমি তোমাদের জ্ঞাত বিশ্বস্ত প্রেরিতপুরুষ। ১৬৩। অনন্তর ঈশ্বরকে ভয় কর ও আমার অহুগত হও। ১৬৪। আমি এবিষয়ে তোমাদের নিকটে কোন পারিশ্রমিক প্রার্থনা করি না, বিশ্বপতির নিকটে ব্যতীত আমার পারিশ্রমিক নাই। ১৬৫। পৃথিবীস্থ পুরুষদিগের নিকটে কি তোমরা (ব্যভিচার উদ্দেশ্যে) উপস্থিত হও? ১৬৬।+এবং তোমাদের প্রতিপালক তোমাদিগের জ্ঞাত তোমাদিগের ভাৰ্য্যাগণকে যে সৃষ্টি করিয়াছেন, তাহাদিগকে কি তোমরা পরিত্যাগ কর? বরং তোমরা সীমানজ্ঞানকারী জাতি”। ১৬৭। তাহারা বলিল, “হে লুত, যদি তুমি নিবৃত্ত না হও, তবে একান্তই তুমি বহিষ্কৃত লোকদিগের অন্তর্গত হইবে”। ১৬৮। সে বলিল, “নিশ্চয় আমি তোমাদিগের ক্রিয়ার বিপক্ষদিগের অন্তর্গত। ১৬৯। হে আমার প্রতিপালক, তাহারা যাহা করিতেছে, তাহা হইতে তুমি আমাকে ও আমার পরিজনকে রক্ষা কর”। ১৭০। অনন্তর আমি তাহাকে ও তাহার পরিজনকে, অবশিষ্ট স্থিত এক বৃদ্ধা নারীকে ব্যতীত, একযোগে উদ্ধার করিয়াছিলাম *। ১৭১+১৭২। তৎপর অজ্ঞ লোকদিগকে বিনাশ করিয়াছিলাম। ১৭৩। এবং তাহাদের উপর আমি বৃষ্টি বর্ষণ করিয়াছিলাম, অনন্তর ভয়প্রাপ্ত ব্যক্তিদিগের সম্মুখে সেই বৃষ্টি অকল্যাণ ছিল। ১৭৪। নিশ্চয় ইহার মধ্যে নিদর্শন আছে ও তাহাদের অধিকাংশই বিধ্বাসী ছিল না। ১৭৫। নিশ্চয় তোমার সেই প্রতিপালক, (হে মোহাম্মদ,) পরাক্রমশালী ও দয়ালু। ১৭৬। (র, ২, আ, ১৬)

এককানিবাসিগণ প্রেরিতপুরুষদিগের প্রতি অসত্যারোপ করিয়াছিল। ১৭৭। (স্মরণ কর,) যখন শোয়ব তাহাদিগকে বলিল, “তোমরা কি শঙ্কিত হইতেছ না? ১৭৮। নিশ্চয় আমি তোমাদের জ্ঞাত বিশ্বস্ত প্রেরিতপুরুষ। ১৭৯।+অনন্তর ঈশ্বরকে ভয় কর ও আমার অহুগত হও। ১৮০।+এবিষয়ে আমি তোমাদের নিকটে কোন পারিশ্রমিক চাহি না, বিশ্বপালকের নিকটে ব্যতীত আমার পারিশ্রমিক নাই। ১৮১। তোমরা পূর্ণ পরিমাণপাত্র রাখিও, এবং ক্ষতিকারকদিগের অন্তর্গত হইও না। ১৮২। সরল তুল্যমুদ্বারা তুল করিও। ১৮৩। এবং লোকদিগকে তাহাদের দ্রব্য কম দিও না ও পৃথিবীতে উৎপাতজনক হইয়া (নির্ভয়ে) ঘুরিয়া বেড়াইও না। ১৮৪। এবং যিনি তোমাদিগকে ও পূর্বতন জাতিতে সৃজন করিয়াছেন, তাঁহাকে ভয় করিও”। ১৮৫। তাহারা বলিল, “তুমি ইচ্ছাজালগ্রস্ত লোকদিগের অন্তর্গত ভিন্ন নও। ১৮৬।+এবং তুমি আমাদের ঋণ্য মনুষ্য বৈ নও, এবং আমরা নিশ্চয় তোমাকে মিথ্যাবাদীদিগের অন্তর্গত মনে করি। ১৮৭। যদি তুমি সত্যবাদীদিগের অন্তর্গত হও, তবে তুমি আমাদের নিকটে আকাশের একখণ্ড নিক্ষেপ কর”। ১৮৮। সে বলিল, “তোমরা যাহা করিতেছ, আমার প্রতিপালক তাহা উত্তম জ্ঞাত”। ১৮৯। অনন্তর তাহার প্রতি তাহারা অসত্যারোপ

* সেই জী লুতের সঙ্গে চলিয়া যায় নাই। সে বলিয়াছিল, সকলের ভাগ্যে যাহা ঘটে, আমারও তাহাই ঘটবে। (ত, হো,)

করিল, পরিশেষে তাহাদিগকে চন্দ্রাতপসম্বিত দিবসের শান্তি আশ্রয় করিল; নিশ্চয় উহা মহাদিনের শান্তি (স্বরূপ) ছিল *। ১২০। নিশ্চয় ইহার মধ্যে নিদর্শন ছিল, এবং তাহাদের অধিকাংশই বিশ্বাসী ছিল না। ১২১। এবং একান্তই তোমার সেই প্রতিপালক, (হে মোহম্মদ,) পরাক্রমশালী ও দয়ালু †। ১২২। (র, ১০, আ, ১৬)

এবং নিশ্চয় এই (কোর্-আন্) বিশ্বপালক কর্তৃক অবতারণিত। ১২৩। জেব্রিল তৎসহ তোমার অন্তরে অবতীর্ণ হইয়াছে, যেন তুমি স্পষ্ট আরব্য ভাষায় ভয়প্রদর্শকদিগের অন্তর্গত হও। ১২৪+১২৫+১২৬। এবং নিশ্চয় ইহা (এই কোর্-আন্) পূর্বতন পুস্তিকায় উল্লিখিত হইয়াছে। ১২৭। তাহাদের জ্ঞাত কি এমন কোন নিদর্শন নাই যে, বনিএশ্রায়েলের পণ্ডিতগণ বাহা জ্ঞাত আছে ‡? ১২৮। এবং যদিচ আমি আজমীদিগের কাহারও প্রতি তাহা অবতারণ করিতাম, পরে সে তাহাদিগের নিকটে পাঠ করিত, তথাপি তাহারা তৎপ্রতি বিশ্বাসী হইত না §। ১২৯।+এইরূপে আমি পাপীদিগের

* যখন শোয়বের মণ্ডলী অত্যন্ত অহঙ্কার করিয়া ধর্ম অস্বীকার করিল, তখন পরমেশ্বর ক্রমাগত সাত দিবস তাহাদের প্রতি উষ্ণতার সঞ্চার করেন। উষ্ণতা এরূপ বৃদ্ধি হইল যে, তাহাতে কুপ ও নিষরের জল ফুটতে লাগিল। সেই দুর্ভাগ্যদিগের নিঃশ্বাস প্রশ্বাস বন্ধ হওয়ার উপক্রম হইল, সকলে গৃহাভ্যন্তরে প্রবেশ করিল। তাপ আরও বৃদ্ধি হইল, পরে তাহারা ঘর ছাড়িয়া অরণ্যে যাইয়া প্রবেশ করিল। তথায় প্রত্যেকে বৃক্ষতল আশ্রয় করিয়া পড়িয়া রহিল, তাহারা উত্তাপে যেন দগ্ধ হইতেছিল। ইতিমধ্যে হঠাৎ এক কৃষ্ণ মেঘ তাহাদের উপর প্রকাশ পায় ও তাহা হইতে শীতল বায়ু প্রবাহিত হইতে থাকে। তখন তরুচ্ছায়াশ্রিত ব্যক্তিগণ আনন্দিত হইয়া আপন আপন বন্ধুবর্গকে ডাকিতে লাগিল যে, চলিয়া আইস, জলদচন্দ্রাতপের নিম্নে সকলে বিশ্রাম-স্থল ভোগ কর। ক্রমে ক্রমে সকলে মেঘপটলের নিম্নে একত্রিত হইল। তখন সেই মেঘ হইতে অগ্নি বহির্গত হইয়া সকলকে দগ্ধ করিয়া ফেলিল। এস্থলে মেঘ চন্দ্রাতপের আকারে কাকেরদিগের মন্তকের উপর ছায়া বিস্তার করিয়াছিল।

(ত, হো,)

† পরমেশ্বর সপ্ত সংবাদবাহকের বৃত্তান্ত সংক্ষেপে হজরতের মনের সামান্য জ্ঞাত এই সূরাতে বিবৃত করিলেন, এবং এতদ্বারা মিথ্যাবাদী কোরেশদিগকে ভয় দেখাইলেন যে, যে মণ্ডলী প্রেরিতপুরুষদিগকে অপবাদপ্রস্তু করিয়াছে, তাহারই শাস্তি প্রাপ্ত হইতে হইয়াছে। অতএব তোমাদিগকেও সেই আচরণের জ্ঞাত শাস্তি পাইতে হইবে।

(ত, হো,)

‡ কথিত আছে যে, আরবের পৌত্তলিকগণ কোন কঠিন ব্যাপার উপস্থিত হইলে এশ্রায়েলবংশীয় পণ্ডিতদিগের নিকটে আগমন করিত ও তাহারা বাহা বলিত, তাহা গ্রাহ্য করিত, এবং সেই কথাকে প্রমাণ বলিয়া জানিত। ঈশ্বর বলিতেছেন যে, কোর্-আনের সত্যতাসম্বন্ধে কি বনিএশ্রায়েল পণ্ডিতগণ প্রাচীন গ্রন্থের বা জ্ঞানী লোকদিগের সাক্ষ্যে কোন প্রমাণ প্রকাশ করিতে পারে না, বাহা কাকেরদিগের বিশ্বাসের কারণ হয়?

(ত, হো,)

§ অর্থাৎ যদি আমি কোর্-আনকে আজমী ভাষায় আজমী লোকদিগের নিকটে অবতারণ করিতাম, তবে আরবের কাকেরগণ তাহা বিশ্বাস করিত না; তাহারা বলিত, আমরা ইহার অর্থ কিছুই হৃদয়ঙ্গম করিতে পারিতেছি না।

(ত, হো,)

অন্তরে বৈমুখ্য আনয়ন করিয়া থাকি। ২০০। যে পর্য্যন্ত তাহারা ক্লেশকরী শাস্তি দর্শন (না) করে, সে পর্য্যন্ত তৎপ্রতি বিশ্বাস স্থাপন করে না। ২০১। অনন্তর তাহাদের প্রতি অকস্মাৎ শাস্তি উপস্থিত হয়, এবং তাহারা জানিতে পারে না। ২০২। পরে তাহারা বলে, “আমাদিগকে কি অবকাশ দেওয়া যাইবে? ২০৩। অনন্তর আমাদিগের জন্ত শাস্তি কি শীঘ্র আনয়ন করিতে চাহে?” ২০৪। অবশেষে তুমি কি দেখিয়াছ, যদি বহু বৎসর আমি তাহাদিগকে ফলভোগী করি। ২০৫। + তৎপর (শাস্তিবিষয়ে) যাহা অঙ্গীকার করা যাইতেছিল, তাহা তাহাদের নিকটে উপস্থিত হয়। ২০৬। + তাহারা যে ফল ভোগ করিতেছিল, উহা তাহাদিগ হইতে (শাস্তি) নিবারণ করে না। ২০৭। আমি (এমন) কোন গ্রামকে বিনাশ করি নাই যে, শিক্ষা দিবার জন্ত যাহার নিমিত্ত ভয়-প্রদর্শনকারী হয় নাই; আমি অত্যাচারী ছিলাম না *। ২০৮ + ২০৯। এবং শয়তান সকল তাহাকে (কোর-আনুকে) অবতারণ করে নাই। ২১০। তাহাদের জন্ত (উহা) উপযুক্ত নয়, এবং তাহারা সূক্ষ্ম নহে। ২১১। নিশ্চয় তাহারা (তৎ) শ্রবণে বিরত। ২১২। অনন্তর তুমি ঈশ্বরের সঙ্গে অগ্র উপাশ্রুকে আহ্বান করিও না, তবে শাস্তি-প্রাপ্তদিগের অন্তর্গত হইবে। ২১৩। এবং আপন নিকটস্থ জাতিকে ভয় দেখাও †। ২১৪। এবং বিশ্বসীদিগের যে ব্যক্তি তোমার অহুসরণ করিয়াছে, তাহার জন্ত তুমি আপন বাহকে নত কর। ২১৫। অনন্তর যদি তাহারা তোমার সম্বন্ধে অবাধ্যতাচরণ করে, তবে তুমি বলিও যে, “তোমরা যাহা করিতেছ, নিশ্চয় আমি তদ্বিষয়ে বীতরাগ”। ২১৬। এবং তুমি সেই পরাক্রমশালী দয়ালু (ঈশ্বরের) উপর নির্ভর কর। ২১৭। যিনি তোমাকে (নমাজে) উত্থান করিবার সময়ে দর্শন করেন। ২১৮। + এবং প্রণামকারীর অবস্থায় তোমার ক্রিয়া (দর্শন করেন) ‡। ২১৯। নিশ্চয় তিনি শ্রোতা ও জ্ঞাতা। ২২০। যে ব্যক্তির উপর শয়তান অবতীর্ণ হয়, আমি কি তোমাদিগকে তাহার সংবাদ দান করিব? ২২১। সমুদায় মিথ্যাবাদী পানীর উপর সে অবতরণ করে। ২২২। + (শয়তানের উক্তিতে) তাহারা কণ স্থাপন করে, তাহাদের অধিকাংশই মিথ্যাবাদী

* অর্থাৎ যে কোন গ্রামের লোককে সংহার করা গিয়াছে। প্রথমতঃ তথায় উপদেশদানের জন্ত প্রেরিতপুরুষকে প্রেরণ করা হইয়াছে; উপদেশ গ্রাহ্য করিয়া সংপথ অবলম্বন না করিলে, তাহাদিগকে শাস্তি দেওয়া গিয়াছে। (ত, হো,)

+ এই আয়ত অবতীর্ণ হইলে হজরত সফা গিরির উপর আরোহণ করিয়া কোরেশদিগকে ডাকিতে লাগিলেন। সকলে সমবেত হইলে, হজরত বলিলেন, “তোমরা আমার কথা কি বিশ্বাস করিবে? আমি তোমাদিগের ভবিষ্যৎ গুরুতর শাস্তির প্রদর্শক।” এই কথা শুনিয়া সমস্ত লোক তাহাকে অগ্রাহ্য করিয়া ইতস্ততঃ চলিয়া গেল। এবং আবুলহব তাঁহার উৎপিড়নে প্রবৃত্ত হইল। (ত, হো,)

‡ অর্থাৎ নমাজে মগলীর নেতৃত্ব করিবার সময় তুমি কি ভাবে দণ্ডায়মান হও ও উপবেশন এবং প্রণামাদি কর, ঈশ্বর তাহা দেখিতেছেন। (ত, হো,)

এবং কবি ; বিপথগামী লোকেরা তাহাদের অহুসরণ করে। ২২৩+২২৪। তুমি কি দেখে নাই যে, নিশ্চয় তাহারা প্রত্যেকে প্রান্তরে ঘুরিয়া বেড়ায়। ২২৫।+এবং বাহা করে না, তাহারা তাহা বলে। ২২৬।+নিশ্চয় যাহারা বিশ্বাস স্থাপন ও সংকল্প সকল করিয়াছে, এবং ঈশ্বরকে অত্যন্ত স্মরণ করিয়াছে, এবং অত্যাচারগ্রস্ত হওয়ার পর প্রতিশোধ লইয়াছে, তাহারা ব্যতীত (তদ্রূপ বলে ;) এবং শীঘ্রই অত্যাচারী লোকেরা জানিতে পাইবে যে, কোন্ স্থানে ফিরিয়া যাইবে। ২২৭। (র, ১১, আ, ৩৫)

সূরা নমূল ❀

.....

সপ্তবিংশ অধ্যায়

.....

৯৩ আয়ত, ৭ রকু

(দাতা দয়ালু পরমেশ্বরের নামে প্রবৃত্ত হইতেছি।)

তাসা † এই আয়ত সকল কোর্-আনের ও উজ্জল গ্রন্থের। ১। বিশ্বাসীদিগের জন্য উপদেশ ও সুসংবাদ হয়। ২। যাহারা উপাসনাকে প্রতিষ্ঠিত রাখে ও জরাজীর্ণ দান করে, বস্তুতঃ তাহারা পরলোকে বিশ্বাস করিয়া থাকে। ৩। নিশ্চয় যাহারা পরলোকে বিশ্বাস করে না, তাহাদের জন্য আমি তাহাদের ক্রিয়া সকলকে সজ্জিত রাখিয়াছি, অনন্তর তাহারা ঘূর্ণায়মান হইয়া থাকে ‡। ৪। ইহারাই তাহারা, যে ইহাদের জন্য কঠিন শাস্তি আছে, এবং ইহারাই তাহারা, যে পরলোকে ক্ষতিকারক। ৫। এবং নিশ্চয় কৌশলময় (ঈশ্বরের) নিকট হইতে তোমাকে কোর্-আন্ শিক্ষা দেওয়া যাইতেছে। ৬। (স্মরণ কর,) যখন মুসা আপন পরিজনকে বলিল যে, “নিশ্চয় আমি অনল দেখিতেছি,

* এই সূরা মক্কাতে অবতীর্ণ হয়।

† তাসা ব্যবচ্ছেদক শব্দ। বাক্যের আরম্ভ ও বাক্যের শেষ অর্থে ইহা ব্যবহৃত হইয়াছে। যথা শোআরা সূরার উপসংহার, নমূল সূরার উপক্রম। অথবা ‘ত’ বর্ণের অর্থ ঈশ্বরের পবিত্রতা, ‘স’ বর্ণের অর্থ তাহার জ্যোতি। এতদ্বিল ইহার অস্তুবিধ অর্থও হয়। (ত, হো,)

‡ অর্থাৎ আমি তাহাদের দুষ্ক্রিয়া সকলের প্রতি তাহাদিগকে আকৃষ্ট করিয়াছি। কুপ্রবৃত্তির উত্তেজনার দুষ্ক্রিয়া সকল তাহাদের নিকটে ভাল বোধ হয়, তাহাতেই তাহারা তৎপ্রতি অনুরক্ত হইতেছে। (ত, হো,)

শীঘ্র তাহা হইতে তোমাদের নিকটে কোন (পথিকের) সংবাদ আনয়ন করিব, অথবা জলন্ত অগ্নিখণ্ড তোমাদের নিকটে লইয়া আসিব, সম্ভবতঃ তোমরা উত্তাপ লাভ করিবে”। ৭। অনন্তর যখন সে তাহার নিকটে উপস্থিত হইল, তখন ধনি হইল যে, “যে ব্যক্তি অগ্নিতে ও যে ব্যক্তি তাহার পার্শ্বে আছে, তাহারা দগ্ধ; এবং (বল,) বিশ্ব-পালক পরমেশ্বর পবিত্র *। ৮। হে মুসা, ইহা নিশ্চয় যে, আমি পরমেশ্বর পরাক্রমশালী কৌশলময়। ৯। এবং তুমি আপন যষ্টি নিক্ষেপ কর”; অনন্তর যখন তাহাকে দেখিল যে, নড়িতেছে যেন উহা সর্প, সে পশ্চাভাগে মুখ ফিরাইল ও ফিরিল না। (আমি বলিলাম,) “হে মুসা, ভয় করিও না, নিশ্চয় আমি আছি, আমার নিকটে অত্যাচারী লোক ভিন্ন প্রেরিত পুরুষগণ ভয় পায় না; তৎপর (অত্যাচারী) অকল্যাণের সঙ্গে কল্যাণ বিনিময় করে, † অনন্তর নিশ্চয় আমি ক্ষমাশীল দয়ালু ১০+১১। এবং তুমি স্বীয় হস্তকে স্বীয় গ্রীবাদেশে লইয়া যাও, তাহাতে উহা কলঙ্কশূন্য শুভ হইয়া বাহির হইবে; ফেরওণ ও তাহার দলের নিকটে নব অলৌকিক ক্রিয়ার মধ্যে (এই দুই অলৌকিক ক্রিয়া,) নিশ্চয় তাহারা দুর্বৃত্ত দল হয়”। ১২। অনন্তর যখন তাহাদের নিকটে আমার উজ্জল নিদর্শন সকল উপস্থিত হইল, তখন তাহারা বলিল, “ইহা স্পষ্ট ইন্দ্রজাল”। ১৩। এবং তাহাদের অন্তঃকরণ তাহা বিশ্বাস করা সত্ত্বে, অত্যাচার ও অহঙ্কারবশতঃ তাহারা তাহা অস্বীকার করিল; অনন্তর দেখ, উপদ্রবকারীদিগের পরিণাম কেমন হয়। ১৪। (র, ১, আ, ১৪)

এবং সত্য সত্যই আমি দাউদ ও সোলয়মানকে জ্ঞান দান করিয়াছিলাম, এবং তাহারা বলিয়াছিল যে, “সেই ঈশ্বরেরই প্রশংসা, যিনি স্বীয় বিশ্বাসী দাসদিগের অধিকাংশের উপর আমাদিগকে শ্রেষ্ঠ করিয়াছেন”। ১৫। এবং দাউদের উত্তরাধিকারী সোলয়মান হইয়াছিল ও সে বলিয়াছিল, “হে লোক সকল, আমি পক্ষীর ভাষায় শিক্ষিত হইয়াছি ও আমাকে সকল বস্তু প্রদত্ত হইয়াছে, ইহা অবশ্য স্পষ্ট উন্নতি” ‡। ১৬। এবং

* উক্ত হতাশনের ভিতরে ও চতুস্পার্শ্বে স্বর্গীয় দূতগণ ছিলেন, এবং ঈশ্বর অন্তর্জগৎ হইতে ধনি করিলেন। (ত, ফা,)

† অর্থাৎ পাপ করিয়া পরে তাহারা অনুতাপ করে। (ত, হো,)

‡ রাজ্যাধিপতি মহাপুরুষ দাউদের উনবিংশতি পুত্র ছিল। প্রত্যেকেই তাহার রাজত্বের প্রার্থী হয়। পরমেশ্বর দাউদকে এক পুস্তিকা প্রদান করিয়া বলেন যে, ইহার মধ্যে কতকগুলি গ্রন্থ আছে, তোমার সন্তানবর্গের মধ্যে যে ব্যক্তি এই সকল গ্রন্থের সহস্রের দান করিবে, সেই তোমার স্থলবর্তী হইবে। দাউদ এক সভা করিয়া সমগ্রায় সন্তানকে ডাকিয়া তাহাদের নিকট গ্রন্থ সকল উপস্থিত করেন। দাউদের সমস্ত সন্তানই উক্ত গ্রন্থাবলীর উত্তরদানে অক্ষম হয়, কিন্তু তাহার পুত্র সোলয়মান কেবল প্রত্যেক গ্রন্থের সহস্রের দান করেন। তাহাতেই তিনি পিতৃসিংহাসন প্রাপ্ত হন। তাহার এক দিন পরেই দাউদ প্রাপত্যাগ করেন। মানব ও দানব এবং পশুপক্ষী সোলয়মানের অনুচর ও সৈন্ত ছিল। (ত, হো,)

সোলয়মানের জন্ত তাহার সৈন্ত দানব ও মানব এবং বিহ্বল হইতে সংগৃহীত হইয়াছিল, অনন্তর তাহার নিবারিত হইত * । ১৭ । এ পর্য্যন্ত, যখন তাহার পিপীলিকার প্রান্তরে উপস্থিত হইল, তখন এক পিপীলিকা বলিল, “হে পিপীলিকাগণ, আপন আলায়ে তোমরা প্রবেশ কর, তাহা হইলে সোলয়মান ও তাহার সৈন্তগণ তোমাদিগকে বিদলিত করিবে না; বস্তুতঃ তাহার জানিতেছে না” । ১৮ । অনন্তর (সোলয়মান) তাহার বাক্যে হাস্য করিল, এবং বলিল, “হে আমার প্রতিপালক, তুমি আমার প্রতি এবং আমার পিতামাতার প্রতি যে দান করিয়াছ, তোমার সেই দানের কৃতজ্ঞতা প্রকাশ করিতে তুমি আমাকে সাহায্য কর, এবং যাহা তুমি মনোনীত করিবে, এমন সংকল্প করিতে আমাকে (সাহায্য দান কর,) এবং তুমি স্বীয় করুণায় স্বীয় সাধু দাসদিগের মধ্যে আমাকে লইয়া যাও” । ১৯ । এবং সে পক্ষীদিগকে অহুসন্ধান করিল, অনন্তর বলিল, “আমার কি হইল যে, আমি হোদহোদকে দেগিতেছি না, সে কি লুপ্তায়িত হইল † ? ২০ । অবশ্য আমি তাহাকে কঠিন শাস্তিতে শাস্তি দান করিব, অথবা তাহাকে বলিদান করিব, কিংবা সে আমার নিকটে স্পষ্ট প্রমাণ উপস্থিত করিবে” । ২১ । অনন্তর সে অগ্নি বিলম্ব করিল, পরে সে আসিয়া বলিল, “তুমি যাহা ধরিতে পাও নাই, আমি তাহা ধরিয়াছি, এবং তোমার নিকটে সবা নগর হইতে এক নিশ্চয় সংবাদ আনয়ন করিয়াছি ‡ । ২২ । নিশ্চয় আমি এক নারীকে প্রাপ্ত হইয়াছি যে, তাহাদের

* সোলয়মান পশু পক্ষী কীট পতঙ্গাদির কথা বুঝিতে পারিতেন, ইহাই তাহার এক প্রধান অলৌকিকতা ছিল । কথিত আছে, সোলয়মানের একরূপ এক বিচিত্র সিংহাসন ছিল যে, কোন রাজার তরুণ ছিল না । কোথাও যাইতে হইলে দৈত্যগণ সেই সিংহাসন বহন করিত । তাহার সঙ্গে বহুক্রোশ ব্যাপিয়া অগণ্য সৈন্ত চলিত, অগ্র পশ্চাৎ কোটি কোটি সৈন্তের গমনে কোন শৃঙ্খলার ব্যতিক্রম হইত না । যাত্রাকালে অগ্রগামী সৈন্তশ্রেণীকে নিবারণ করা হইত, যে পর্য্যন্ত না পশ্চাদর্তী সৈন্ত আসিয়া তাহাদের সঙ্গে মিলিত হইত । তজ্জন্তই “অনন্তর তাহা নিবারিত হইত” এখানে একরূপ উক্ত হইয়াছে । সোলয়মানের শিবির বহু শত ক্রোশ ব্যাপিয়া স্থাপিত হইত, এবং তাহার জন্ত অতি মূল্যবান এক বৃহৎ আসন প্রস্তুত হইয়াছিল, উহা তিন চারি মাইলের পথ ব্যাপিয়া বিস্তৃত হইত । সেই আসনের মধ্যে তাহার সিংহাসন থাকিত, বায়ু সেই আসন এক মাসের পথ এক দিনে বহন করিয়া লইয়া যাইত । এক দিন তিনি শামদেশ হইতে এয়মন রাজ্যের দিকে যাত্রা করিয়াছিলেন, পথে পিপীলিকা-পূর্ণ এক প্রান্তরে উপস্থিত হন । (ত, হো,)

† হোদহোদ এক জাতীয় পক্ষী, একটি হোদহোদ সোলয়মানের সঙ্গে থাকিত । যাত্রাকালে সে সৈন্তদিগের জন্ত জল অন্বেষণ করিত । কোথায় জলাশয় আছে, সে তাহা জ্ঞাত হইয়া পূর্বে সংবাদ দান করিত । কথিত আছে যে, এক দিন জলশূন্য প্রান্তরে সোলয়মান উপস্থিত হন । একবিন্দু জল ছিল না যে, তিনি নমাজের পূর্বে অজু করেন । হোদহোদকে অহুসন্ধান করিলেন, পাইলেন না । কিয়ৎক্ষণ পরে সে আসিয়া সংবাদ বলে । (ত, হো,)

‡ হোদহোদ সোলয়মানের প্রহ্মাধুন্যে বলিল, “আমি সবান্যক নগর হইতে এক সংবাদ

মধ্যে রাজত্ব করে, এবং তাহাকে সমুদায় বস্তু প্রদত্ত হইয়াছে ও তাহার এক মহাসিংহাসন আছে। ২৩। ঈশ্বরকে ছাড়িয়া সৃষ্টির উদ্দেশ্যে প্রণাম করিতে আমি তাহাকে ও তাহার দলকে প্রাপ্ত হইয়াছি, এবং শয়তান তাহাদের ক্রিয়াকে তাহাদের জন্ত শোভিত করিয়াছে, অনন্তর সে তাহাদিগকে পথ হইতে নিবৃত্ত রাখিয়াছে; পরিশেষে তাহারা (সে দিকে) পথ প্রাপ্ত হইতেছে না যে, সেই ঈশ্বরকে প্রণাম করে, যিনি স্বর্গের ও মর্ত্যের গুপ্ত বিষয় বাহির করেন, এবং তোমরা যাহা গুপ্ত রাখ ও যাহা প্রকাশ করিয়া থাক, তাহা জ্ঞাত হন। ২৪+২৫+২৬। সেই ঈশ্বর, তিনি ভিন্ন উপাস্ত নাই, তিনি মহা-সিংহাসনের অধিপতি” *। ২৭। সে (সোলয়মান) বলিল, “আমি এক্ষণ দেখিব যে, তুমি সত্য বলিয়াছ, না, তুমি মিথ্যাবাদীদের অন্তর্গত। ২৮। তুমি আমার এই পত্র লইয়া যাও, পরে তাহাদের নিকটে ইহা নিক্ষেপ কর, তৎপর তাহাদের নিকট হইতে ফিরিয়া আইস; পরে দেখ, তাহারা কি উত্তর দান করে”। ২৯। সে (বল্কিস্) বলিল, “হে সম্রাট পুরুষগণ, নিশ্চয় আমার প্রতি এক মাননীয় পত্র নিক্ষিপ্ত হইয়াছে, একান্তই ইহা সোলয়মানের, নিশ্চয় ইহা ‘বেসমোলা আবু রহমান আবু রহিম’ (বচন) যুক্ত”। ৩০। +এই মর্ম্ম যে, “আমার সম্বন্ধে তোমরা গর্ষ করও না, এবং মোসলমান (বিশ্বাসী) হইয়া আমার নিকটে উপস্থিত হও”। ৩১। (র, ২, আ, ১৭)

সে বলিল, “হে প্রধান পুরুষগণ, আমার কার্যাবিসয়ে আমাকে উত্তর দান কর, যে পধ্যস্ত (না) তোমরা আমার নিকটে উপস্থিত হও, আমি কোন কার্য নিষ্পত্তি করি না”। ৩২। তাহারা বলিল, “আমরা শক্তিশালী ও কঠিন যোদ্ধা, কার্য তোমার প্রতি (অর্পিত;) অনন্তর দেখ যে, কি আজ্ঞা কর”। ৩৩। সে বলিল, “নিশ্চয় যখন রাজগণ কোন স্থানে উপস্থিত হয়, তখন তাহা উচ্চিন্ন করে, এবং তাহার সম্মানিত নিবাসিগণকে দুর্দশাপন্ন করিয়া থাকে ও তাহারা এই প্রকারই করে। ৩৪। এবং নিশ্চয় আমি তাহাদের নিকটে উপঢৌকনসহ দূতের প্রেরয়িত্রী, অনন্তর দূতগণ কি লইয়া ফিরিয়া আইসে, তাহার দৃষ্টিকারিণী”। ৩৫। পরে যখন (দূত) সোলয়মানের নিকটে উপস্থিত

সহ আসিয়াছি; সেই সংবাদ এই যে, আমি গগনমার্গে সেই দেশের এক হোদহোদের সঙ্গে সাক্ষাৎ করিয়াছিলাম। সে আমার নিকটে সে দেশের রাজার মহিমা ও প্রতাপ এবং রাজ্যের শোভা ও সৌন্দর্যের কথা বর্ণন করে; তাহা শুনিয়া আমার দর্শনের ইচ্ছা হয়, তদনুসারে আমি সেই রাজ্যে চলিয়া যাই।” তখন সোলয়মান জিজ্ঞাসা করিলেন, “তথাকার রাজা কে ও তাহার এবং তাহার প্রজাবর্গের ধর্ম্ম কিরূপ?” হোদহোদ বলে যে “বল্কিস্ নামী এক নারী সেই রাজ্যের রাজ্ঞী, তাহার মণিমাণিক্যখচিত স্তব্ধময় অত্যুচর্য্য এক প্রকাণ্ড সিংহাসন আছে। রাজ্ঞী ও তাহার প্রজাবর্গ ঈশ্বরের পূজা না করিয়া সৃষ্টির পূজা করিয়া থাকে।” (ত, হো,)

* ঈশ্বরের সিংহাসন স্বর্গ ও মর্ত্যে পরিব্যাপ্ত হইয়া রহিয়াছে, সেই সিংহাসনের সঙ্গে বল্কিসের সিংহাসনের কি তুলনা হইতে পারে? (ত, হো,)

হইল, তখন (সোলয়মান) বলিল, “ধনদ্বারা তোমরা কি আমার সাহায্য করিতেছ ?
ঈশ্বর যাহা তোমাদিগকে দান করিয়াছেন, তদপেক্ষা অধিক আংগাকে দিয়াছেন, বরং
তোমরা আপন উপঢৌকনে সন্তুষ্ট থাক * । ৩৬ । তুমি তাহাদের নিকটে যাও, যাহার
সম্মুখীন হওয়া তাহাদের ঘটিবে না, নিশ্চয় আমি সেই সৈন্তবৃন্দ তাহাদের উপর আনয়ন
করিব, আমরা তথা হইতে তাহাদিগকে দুর্দশাপন্নরূপে বাহির করিব, এবং তাহারা অধম
হইবে” । ৩৭ । সে (সোলয়মান) বলিল, “হে প্রধান পুরুষগণ, তাহারা মোসলমান
হইয়া আমার নিকটে আসিবার পূর্বে, তোমাদের কে তাহার সিংহাসন আমার সন্নিধানে
আনয়ন করিবে” ? ৩৮ । দৈত্যদিগের এক দৈত্য বলিল, “তোমার আপন স্থান হইতে
উঠিবার পূর্বে, আমি তাহা তোমার নিকটে আনয়ন করিব, নিশ্চয় আমি তৎসম্বন্ধে
বিশস্ত ক্ষমতালীল” । ৩৯ । যাহার গ্রন্থে জ্ঞান ছিল, এমন এক ব্যক্তি বলিল, “তোমার
দৃষ্টি তোমার দিকে ফিরিয়া আসিবার পূর্বে, আমি তাহা তোমার নিকটে লইয়া আসিব” ;
অনন্তর যখন সে (সোলয়মান) আপনার নিকটে তাহাকে স্থির দেখিল, তখন বলিল,
“ইহা আমার প্রতিপালকের দয়াতেই হয় যে, আমাকে তিনি পরীক্ষা করিতেছেন, কৃতজ্ঞ
না, কৃতজ্ঞ হই ; এবং যে ব্যক্তি কৃতজ্ঞ হয়, অনন্তর সে আপন জীবনের জ্ঞাত কৃতজ্ঞ হইয়া
ধাকে, ইহা ভিন্ন নহে ; যে ব্যক্তি কৃতজ্ঞ হয়, তবে নিশ্চয় আমার প্রতিপালক নিকাম
অনুগ্রহকারী” । ৪০ । সে বলিল, “তাহার (বল্কিসের) জ্ঞাত তাহার সিংহাসনকে
অপরিচিত কর, দেখি, সে পথ প্রাপ্ত হয় কি না, অথবা যাহারা পথ প্রাপ্ত হয় না, সে
তাহাদের অন্তর্গত হয়” * । ৪১ । অনন্তর যখন (বল্কিস্) আগমন করিল, তখন বল।

* কথিত আছে যে, বল্কিস্ নারীবশে হুমজ্জিত পাঁচ শত দাস ও পুরুষবেশে শোভিত পাঁচ
শত দাসী ও সহস্র খণ্ড হুবর্ণশিলা, এবং মণিমাণিক্যখচিত এক মুকুট ও মৃগনাভি ও অস্ত্রাস্ত্র উৎকৃষ্ট
হুমজ্জিত দ্রব্য এবং একটা মুক্তাপূর্ণ কোটা এবং একটি অভিন্ন মুক্তা ও বক্রবিদ্ধ একটি কপর্দক উপহার-
স্বরূপ মঞ্জরনামক এক প্রধান রাজকর্মচারীর সঙ্গে পাঠান, এবং অপর অনেক প্রধান পুরুষকে তাহার
সঙ্গে গমনে নিযুক্ত করেন। মঞ্জরকে বলেন যে, “তুমি উত্তমরূপে দৃষ্টি করিয়া দেখিও, যদি সোলয়মান
তোমার প্রতি ক্রোধনয়নে নিরীক্ষণ করেন, তবে তিনি বাদশা ; যদি সহাস্ত্র প্রসন্নভাবে তোমার সঙ্গে
কথা কহেন, তবে তিনি প্রেরিতপুরুষ। তাহার প্রেরিতত্বের অস্ত্র প্রমাণ এই যে, কাহারো দাস,
কাহারো দাসী, তিনি ঠিক করিয়া উঠিতে পারিবেন না, অবিদ্ধ মুক্তাকে বিদ্ধ করিবেন ও বক্রবিদ্ধ কপর্দকে
সূত্র সংলগ্ন করিবেন।” অনন্তর তাহারা এই সকল উপঢৌকন সহ যাত্রা করে। হোদহোদ এই বৃত্তান্ত
সোলয়মানকে জ্ঞাপন করিলে, সোলয়মান দৈত্যদিগের যোগে অগণ্য হুবর্ণ ও রক্ততময় শিলা প্রস্তুত
করিয়া দৈর্ঘ্যে প্রায় বিশ মাইল প্রান্তর আচ্ছাদন করেন। মঞ্জর উপস্থিত হইলে, তাহার সঙ্গে সহাস্যবদনে
কথোপকথন করেন, এবং তাহার সমুদায় উপঢৌকন ফিরাইয়া দেন, অবিদ্ধ মুক্তাকে বিদ্ধ
ও কপর্দকে সূত্র সংলগ্ন করেন। অপিচ আপন দাস দাসীদিগকে মঞ্জর ও তাহার সঙ্গীদিগের
পরিচর্যায় নিযুক্ত রাখেন। তাহাতেই এই আশ্রিত অবতীর্ণ হয়। (ত, হো,)

+ অর্থাৎ সিংহাসনের আকৃতি ও গঠনের এরূপ পরিবর্তন কর, যথা, তাহার উপরিভাগকে নিম্নভাগ.
অগ্রভাগকে পশ্চাভাগ করিয়া ফেল। তাহার বর্ণ ও মণিমুক্তাদির ব্যত্যয় কর। (ত, হো,)

হইল, “এইরূপ তোমার সিংহাসন” ? সে বলিল, “যেন এ তাহাই, এবং আমাদেরকে ইহার পূর্বেই (সোলয়মানের সম্বন্ধে) জ্ঞান প্রদত্ত হইয়াছে ও আমরা মোসলমান আছি” । ৪২ । এবং ঈশ্বরকে ছাড়িয়া সে যাহার অর্চনা করিতেছিল, তাহা হইতে (সোলয়মান) তাহাকে নিবৃত্ত করিল, নিশ্চয় সে ধর্ম্মদ্বৈতদিগের অন্তর্গত ছিল । ৪৩ । তাহাকে বলা হইল, “এ প্রাসাদে তুমি প্রবেশ কর ;” অনন্তর যখন সে তাহা দেখিল, তাহাকে ক্ষুদ্র সরোবর মনে করিল, এবং আপন পদদ্বয় হইতে বস্ত্র তুলিয়া লইল । (সোলয়মান) বলিল, “নিশ্চয় ইহা কাচখচিত প্রাসাদ ;” সে (বল্কিস্) বলিল, “হে আমার প্রতিপালক, একান্তই আমি নিজের প্রতি অত্যাচার করিয়াছি, এবং আমি সোলয়মানের সঙ্গে বিশ্বপালক পরমেশ্বরের অমুগত হইলাম” * । ৪৪ । (র, ৩, আ, ১৩)

এবং সত্য সত্যই আমি সমুদ্র জাতির প্রতি তাহাদের ভ্রাতা সালেহকে প্রেরণ করিয়াছিলাম, বলিয়াছিলাম যে, তোমরা ঈশ্বরকে অর্চনা কর ; অনন্তর হঠাৎ তাহারা দুই দল হইয়া পরস্পর বিবাদ করিতে লাগিল † । ৪৫ । সে বলিল, “হে আমার সম্প্রদায়, কেন কল্যাণের পূর্বে তোমরা অকল্যাণে সত্ত্বর হইতেছ ? কেন ঈশ্বরের নিকটে ক্ষমা প্রার্থনা করিতেছ না ? সম্ভবতঃ তোমরা দয়া প্রাপ্ত হইবে” । ৪৬ । তাহারা বলিল, “আমরা তোমার ও তোমার সঙ্গীদের সম্বন্ধে মন্দভাব ধারণ করিয়াছি ;” সে বলিল, “তোমাদের মন্দভাব ঈশ্বরের সম্বন্ধে হয়, বরং তোমরা এমন একদল হও যে, পরীক্ষিত হইতেছ” । ৪৭ । এবং সেই নগরের নয়জন লোক ছিল যে, পৃথিবীতে উৎপাত করিত ও সদাচরণ করিত না ‡ । ৪৮ । তাহারা পরস্পর ঈশ্বরের নামে শপথ করিয়া বলিল যে, “অবশ্য আমরা তাহাকে ও তাহার পরিজনকে নিশায় আক্রমণ করিয়া বিনাশ করিব ; তৎপর অবশ্য তাহার উত্তরাধিকারীকে বলিব যে, তাহার স্বর্ণগণের হত্যা সময়ে আমরা উপস্থিত ছিলাম না এবং নিশ্চয় আমরা সত্যবাদী” । ৪৯ । এবং তাহারা প্রবঞ্চনারূপে এক প্রবঞ্চনা করিল ও আমিও বঞ্চনারূপে বঞ্চনা করিলাম, এবং তাহারা বুঝিতেছিল না । ৫০ । অনন্তর দেখ, তাহাদের প্রবঞ্চনার পরিণাম কেমন ছিল ; নিশ্চয় আমি তাহাদিগকে ও তাহাদের দলকে একযোগে সংহার করিয়াছিলাম § । ৫১ ।

* সোলয়মান বল্কিসের পদদ্বয় পরীক্ষার জন্ত এক প্রাসাদ নির্মাণ করিয়াছিলেন । সেই প্রাসাদের মধ্যভূমি উচ্চল গুহ্র কাচফলকে খচিত হইয়াছিল, এবং তাহার নিয়ে জল স্থাপন করিয়া মৎস্য সকল ছাড়িয়া দেওয়া গিয়াছিল । তাহাতে গৃহান্তরস্থ সমুদ্র ভূমি বারিবৎ প্রতীয়মান হয় । সোলয়মান প্রাসাদের ভিতরে সিংহাসন স্থাপন করিয়া বল্কিসকে ডাকিয়া পাঠাইলেন । বল্কিস্ প্রাসাদের দ্বারে উপস্থিত হইয়া, জল মনে করিয়া, পদের বসন উঠাইলেন ; তখন সোলয়মান দেখিলেন যে, দেবান্ননার পদ নয়, মনুষ্যের পদসদৃশ রোমযুক্ত পদ, সে দেবী নহে, মানবী । (ত, হো,)

† ইহার বিশেষ বিবরণ শূরা এয়াকে বিবৃত হইয়াছে ।

‡ সেই নয়জনের একজনের নাম কদ, অপর জনের নাম মসদা ছিল ।

(ত, হো,)

§ এক গর্তের ভিতরে সালেহের এক মন্দির ছিল । রাজ্যিতে তিনি তথায় সাধন ভজন

পরিশেষে তাহারা যে অত্যাচার করিয়াছিল, তজ্জন্ত এই তাহাদের গৃহ সকল শূণ্য পড়িয়া রহিয়াছে ; যে সকল লোক জ্ঞান রাখে, তাহাদের জন্ত নিশ্চয় ইহার মধ্যে নিদর্শন আছে। ৫২। এবং যাহারা বিশ্বাস স্থাপন করিয়াছিল, আমি তাহাদিগকে উদ্ধার করিয়াছিলাম ও তাহারা ধর্মভীরু ছিল। ৫৩। এবং লুতকে (পাঠাইয়াছিলাম ;) (স্মরণ কর,) সে যখন আপন দলকে বলিল, “তোমরা কি নিল্লজ্জ কার্য্য করিতেছ ও তোমরা দেখিতেছ ? ৫৪। তোমরা কি জ্বীগণকে ছাড়িয়া কামভাবে পুরুষের নিকটে যাইয়া থাক ? বরং তোমরা (এমন) একদল যে, মুর্থতা করিতেছ”। ৫৫। “অনন্তর লুতের পরিবারকে আপনাদের গ্রাম হইতে বহিষ্কৃত কর, নিশ্চয় তাহারা এরূপ লোক যে, পবিত্রতা প্রকাশ করে ;” পরস্পর ইহা বলা ভিন্ন, তাহার দলের অগ্র উত্তর ছিল না *। ৫৬। অবশেষে আমি তাহাকে ও তাহার ভাৰ্য্যা ব্যতীত তাহার পরিজনকে উদ্ধার করিলাম ; তাহাকে (ভাৰ্য্যাকে) পশ্চাদ্বর্তিগণের মধ্যে নিরুপণ করিয়াছিলাম। ৫৭। এবং তাহাদের প্রতি আমি বৃষ্টি বর্ষণ করিলাম, পরে ভয়প্রাপ্ত লোকদিগের জন্ত (উহা) কুবৃষ্টি হয়। ৫৮। (র, ৪, আ, ১৪)

তুমি বল, “ঈশ্বরেরই সম্যক্ প্রশংসা, এবং যাহারা গৃহীত হইয়াছে, তাহার সেই দাসদিগের প্রতি আশীর্ব্বাদ। ঈশ্বর কি শ্রেষ্ঠ ? না, তাহারা যাহাকে অংশী করে, তাহা (শ্রেষ্ঠ)” ? ৫৯। কে ছালোক ও ভুলোক সৃজন করিয়াছেন, এবং তোমাদের জন্ত আকাশ হইতে বারি বর্ষণ করিয়াছেন ? অনন্তর আমি তদ্দ্বারা উত্তান সকলকে সরসভাবে উৎপাদন করিয়াছি ; তোমাদের (ক্ষমতা) নাই যে, তোমরা তাহার বৃক্ষকে সমুৎপাদন কর। সেই ঈশ্বরের সঙ্গে কি কোন উপাস্ত আছে ? বরং ইহারা একদল যে, বক্রভাবে চলিয়া থাকে। ৬০। কে ধরাতলকে স্থির রাখিয়াছেন ও তাহার ভিতর হইতে নিব্বার সকল উৎপাদন করিয়াছেন ? এবং তাহার জন্ত পর্ব্বত সকল সৃষ্টি করিয়াছেন ও দুই সাগরের মধ্যে আবরণ রাখিয়াছেন ? সেই ঈশ্বরের সঙ্গে কি (অগ্র) উপাস্ত আছে ? বরং তাহাদের অধিকাংশই বুঝিতেছে না। ৬১। ব্যাকুল ব্যক্তি যখন তাহাকে প্রার্থনা করে, কে গ্রাহ করিয়া থাকেন, এবং অকল্যাণ দূর করেন ও তোমাদিগকে

করিতেন। সেই নয় পাষণ্ড পরস্পর বলিল যে, তিন দিন পরে আমাদের প্রতি শাস্তি হইবে, এরূপ অঙ্গীকার আছে। চল, ইহার পূর্বেই সালেহকে সংহার করি। পরে তাহারা প্রথম রজনীতে সেই গর্ভে প্রবেশ করিয়া গুপ্তভাবে বসিয়া রহিল। সালেহ উপস্থিত হইলেই অতর্কিতভাবে তাহাকে বধ করিবে, এই তাহাদের লক্ষ্য ছিল। ইতিমধ্যে অকস্মাৎ এক বৃহৎ প্রস্তর তাহাদের উপর পতিত হইল ও সকলেই তাহার নিম্নে চাপা পড়িয়া মারা গেল, এবং অবশিষ্ট কাকেরগণ জেব্রিলের নিনাদে প্রাণত্যাগ করিল। (ত, হো,)

* “নিশ্চয় তাহারা এরূপ লোক যে, পবিত্রতা প্রকাশ করে” অর্থাৎ লুত ও তাহার অনুবর্তী লোকেরা বলিয়া থাকে, আমরা পবিত্র, তোমরা পাপী।

পৃথিবীতে উত্তরাধিকারী করেন? সেই ঈশ্বরের সঙ্গে কি (অন্ত) উপাস্ত আছে? তোমরা অল্পই উপদেশ গ্রহণ করিয়া থাক। ৬২। কে তিমিরচ্ছন্ন প্রান্তরে ও সাগরে তোমাদিগকে পথ প্রদর্শন করেন, এবং (বৃষ্টিরূপ) আপন অনুগ্রহের পূর্বে স্বসংবাদ-দাতারূপে সমীরণ সকলকে প্রেরণ করিয়া থাকেন? সেই ঈশ্বরের সঙ্গে কি (অন্ত) উপাস্ত আছে? তাহারা যাহাদিগকে অংশী করে, পরমেশ্বর তাহা অপেক্ষা উন্নত। ৬৩। কে প্রথম সৃষ্টি করেন, তৎপর তাহা দ্বিতীয় বার করেন, এবং কে আকাশ ও ভূতল হইতে তোমাদিগকে উপজীবিকা দিয়া থাকেন? সেই ঈশ্বরের সঙ্গে কি (অন্ত) উপাস্ত আছে? তুমি বল, (হে মোহম্মদ,) যদি তোমরা সত্যবাদী হও, তবে তোমাদের প্রমাণ উপস্থিত কর। ৬৪। তুমি বল, স্বর্গে ও পৃথিবীতে ঈশ্বর ব্যতীত কেহ গুপ্ততত্ত্ব জানে না, এবং কখন (কবর হইতে লোক) সমুখাপিত হইবে, জ্ঞাত নহে। ৬৫। বরং পরলোক সম্বন্ধে তাহাদের জ্ঞান বিভিন্ন হইয়াছে, বরং তাহারা তদ্বিষয়ে সন্দেহের মধ্যে আছে, বরং তাহারা তদ্বিষয়ে অন্ধ। ৬৬। (র, ৫, আ, ৮)

এবং ধর্মদ্রোহিগণ বলিয়াছে “যখন, আমাদের পিতৃপুরুষগণ ও আমরা মৃত্তিকা হইয়া যাইব, তখন কি আমরা (কবর হইতে) বহিষ্কৃত হইব? ৬৭। সত্য সত্যই আমাদের প্রতি ও ইতিপূর্বে আমাদের পিতৃপুরুষগণের প্রতি এই অঙ্গীকার করা হইয়াছে, ইহা পূর্বতন উপস্থাপনাবলী ভিন্ন নহে”। ৬৮। তুমি বল, “তোমরা পৃথিবীতে বিচরণ করিতে থাক, অনন্তর দেখ, অপরাধীদিগের পরিণাম কেমন হয়”। ৬৯। তাহাদের সম্বন্ধে তুমি শোক করিও না ও তাহারা যে প্রবঞ্চনা করিয়া থাকে, তাহাতে ক্ষুণ্ণ থাকিও না। ৭০। এবং তাহারা বলিয়া থাকে, “যদি তোমরা সত্যবাদী হও, তবে (বল,) কবে এই অঙ্গীকার (পূর্ণ) হইবে”? ৭১। তুমি বলিও, “তোমরা যাহা শীঘ্র চাহিতেছ, তাহার কিছু সত্তরই তোমাদের পৃষ্ঠে সংলগ্ন হইবে”। ৭২। এবং নিশ্চয় তোমার প্রতিপালক, (হে মোহম্মদ,) মানবমণ্ডলীর প্রতি বদান্ত, কিন্তু তাহাদের অধিকাংশই কৃতজ্ঞ হইতেছে না। ৭৩। এবং নিশ্চয় তাহারা আপন অন্তরে যাহা গোপন করে ও যাহা প্রকাশ করিয়া থাকে, তোমার প্রতিপালক জ্ঞাত হন। ৭৪। এবং উজ্জল গ্রন্থে লিখিত ভিন্ন স্বর্গ ও পৃথিবীতে কোন বিষয় প্রচ্ছন্ন নাই*। ৭৫। নিশ্চয় এই কোব্-আন্ বনিএশ্রায়েলের নিকটে, তাহারা যে বিষয়ে পরস্পর বিরোধ করিয়া থাকে, তাহার অধিকাংশ বর্ণন করে। ৭৬। এবং নিশ্চয় ইহা বিশ্বাসীদিগের জন্ত উপদেশ ও অনুগ্রহস্বরূপ। ৭৭। নিশ্চয় তোমার প্রতিপালক আপন আজ্ঞানুসারে তাহাদের মধ্যে নিষ্পত্তি করিবেন, এবং তিনি পরাক্রমশালী জ্ঞানী। ৭৮। + অনন্তর তুমি পরমেশ্বরের প্রতি নির্ভর কর, নিশ্চয় তুমি স্পষ্ট সত্য (ধর্মে) আছ। ৭৯। যখন তাহারা পৃষ্ঠ দিয়া ফিরিয়া যায়, তখন নিশ্চয় তুমি সেই মৃতকে আহ্বানধ্বনি শুনাইতে পারিবে না ও

বধিরকে শুনাইতে পারিবে না। ৮০। এবং তুমি অন্ধদিগের তাহাদের পথপ্রাপ্তির পথপ্রদর্শক নও ; যাহারা আমার নিদর্শন সকলের প্রতি বিশ্বাস করিতেছে, তুমি তাহাদিগকে বৈ শুনাইতেছ না, অনন্তর তাহারা মোসলমান। ৮১। যখন তাহাদের প্রতি (শাস্তির) কথা উপস্থিত হইবে, তখন আমি তাহাদের জন্ত এক পশু ভূগর্ভ হইতে বাহির করিব ; সে তাহাদের সম্বন্ধে কথা কহিবে যে, এই সকল লোক ছিল যে, আমার নিদর্শন সকলের প্রতি বিশ্বাস স্থাপন করে নাই *। ৮২। (র, ৬, আ, ১৬)

অনন্তর যাহারা আমার নিদর্শন সকলের প্রতি অসত্যারোপ করিতেছিল, যে দিন আমি প্রত্যেক মণ্ডলী হইতে (তাহাদের প্রধান লোকের) দল সমুখাপন করিব, তখন তাহারা (সকলের আগমন প্রতীক্ষায়) একত্রীভূত থাকিবে। ৮৩। এ পর্যন্ত, যখন তাহারা উপস্থিত হইবে, তখন (ঈশ্বর) বলিবেন, “তোমরা কি আমার নিদর্শন সকলকে মিথ্যা বলিয়াছ এবং জ্ঞানযোগে তাহা ধারণ করিতে পার নাই, তোমরা কি করিতেছিলে?” ৮৪। এবং তাহারা যে অত্যাচার করিয়াছিল, তৎক্ষণ তাহাদের প্রতি (অঙ্গীকারের) উক্তি প্রমাণিত হইবে, অনন্তর তাহারা কথা কহিতে পারিবে না। ৮৫। তাহারা কি দেখে নাই যে, আমি রজনীকে সৃষ্টি করিয়াছি, যেন তাহাতে বিশ্রাম লাভ করে, এবং আলোকযুক্ত দিবসকে (সৃষ্টি করিয়াছি;) নিশ্চয় বিশ্বাসী দলের জন্ত ইহার মধ্যে নিদর্শন সকল আছে। ৮৬। এবং যে দিবস হুরে ফুৎকার করা হইবে, তখন যাহারা স্বর্গে ও যাহারা পৃথিবীতে থাকিবে, ঈশ্বর যাহাকে ইচ্ছা করিয়াছেন, সে ব্যতীত (সকলে) অস্থির হইবে, এবং সকলেই তাঁহার নিকটে লাঞ্চিতভাবে আগমন করিবে। ৮৭। এবং তুমি পর্বত সকলকে দেখিবে, যেন তাহা স্থির আছে মনে করিবে, বস্তুতঃ উহা জ্বলদগতিতে চলিতেছে; সেই ঈশ্বরেরই শিল্প-নৈপুণ্য, যিনি প্রত্যেক পদার্থকে দৃঢ় করিয়াছেন। তোমরা যাহা করিয়া থাক, নিশ্চয় তিনি তাহার জ্ঞাত। ৮৮। যাহারা কল্যাণ আনয়ন করিবে, অনন্তর তাহাদের জন্ত তদপেক্ষা (অধিক) কল্যাণ হইবে, এবং তাহারা সেই দিবসের ভয় হইতে নিরাপদ থাকিবে। ৮৯। এবং যাহারা অশুভ আনয়ন করিবে, অনন্তর তাহাদের মুখমণ্ডল অগ্নিমধ্যে বিসর্জিত হইবে; তোমরা যাহা করিতেছিলে, তাহা ব্যতীত কি তোমাদিগকে বিনিময় প্রদত্ত হইবে? ৯০। তুমি বল, (হে মোহম্মদ,) আমি আদিষ্ট হইয়াছি যে, এ নগরের প্রভুকে, যিনি ইহাকে নিষিদ্ধ করিয়াছেন, অর্চনা করিব, এতদ্বিত্ত নহে; + এবং সমুদায় পদার্থ তাঁহারই ও আমি আদিষ্ট হইয়াছি যে, মোসলমানদিগের অন্তর্গত হইব। ৯১। + এবং (আদিষ্ট হইয়াছি) যে,

* যখন প্রলয়কাল নিকটবর্তী হইবে, তখন বিশেষলক্ষণাক্রান্ত এক পশু যুদ্ধিকার ভিতর হইতে বাহির হইবে, সে মহুয়ের স্তায় কথা কহিবে। কেয়ামতের অন্ত্যস্ত লক্ষণের মধ্যে এই একটি লক্ষণ। ভিন্ন ভিন্ন গ্রন্থে এই পশুর নানা প্রকার বর্ণনা আছে। (ত, হো,)

+ এই মক্কা নগরে কষ্টকতর ও শুষ্ক ভূগাদি ছেদন ও শিকারের পশু পক্ষী হনন করিতে

কোব্-আন্ পাঠ করিব ; অনন্তর যে ব্যক্তি পথ প্রাপ্ত হইয়াছে, সে আপন জীবনের (কল্যাণের) জন্ত পথ পাইতেছে বৈ নহে, এবং যে বিপথগামী হইয়াছে, পরে (তাহাকে) তুমি বল যে, “আমি ভয়প্রদর্শকদিগের অন্তর্গত, এতদ্বিধ নহি” । ২২ । এবং তুমি বল, ঈশ্বরেরই সম্যক্ গুণাহুবাদ, অবশ্য তিনি তোমাদিগকে আপন নিদর্শন সকল প্রদর্শন করিবেন, অনন্তর তোমরা তাহা চিনিবে ; এবং তোমরা যাহা করিতেছ, ঈশ্বর তদ্বিমুখে অজ্ঞাত নহেন । ২৩ (র, ৭, আ, ১১)

সূরা কসস

.....

অষ্টাবিংশ অধ্যায়

.....

৮৮ আয়ত, ৯ রকু

(দাতা দয়ালু পরমেশ্বরের নামে প্রবৃত্ত হইতেছি)

তাসমা ৭ । ১ । এই আয়ত সকল উজ্জ্বল গ্রন্থের হয় । ২ । তোমার নিকটে, (হে মোহম্মদ,) বিশ্বাসী সম্প্রদায়ের নিমিত্ত আমি মুসা ও ফেরওণের কোন বৃত্তান্ত যথাযথ পাঠ করিতেছি । ৩ । নিশ্চয় ফেরওণ পৃথিবীতে গর্কিত হইয়াছিল ও তাহার অধিবাসীদিগকে দলে দলে বিভক্ত করিয়াছিল ; সে তাহাদের এক দলকে দুর্বল জানিত, তাহাদিগের পুত্রসন্তানদিগকে বধ করিত ও তাহাদের কন্যাগণকে জীবিত রাখিত । নিশ্চয় সে উপপ্রবকারীদিগের অন্তর্গত ছিল ৭ । ৪ । যাহাদিগকে পৃথিবীতে

ঈশ্বর নিবেদন করিয়া ইহাকে সম্মানিত করিয়াছেন ; তজ্জন্ত এই নগরকে “নিষিদ্ধ” বলা হইয়াছে ।
(ত, হো,)

* এই সূরা মক্কাতে অবতীর্ণ হয় ।

† “তাসমা” এই ব্যবচ্ছেদক শব্দের ‘ত, এই বর্ণের অর্থ, ঈশ্বর ব্যতীত অস্ত্র পদার্থের উপাসনা না করিয়া জীবনকে সর্বতোভাবে শুদ্ধ রাখা’, ‘স, এই বর্ণের অর্থ, পরিজ্ঞাপনস্বকীয় ঐশ্বরিক কোন গুণতত্ত্ব পাপীদিগের নিকটে প্রকাশ পাওয়া’, ‘ম, এই বর্ণের অর্থ, সমুদায় মনুষ্যের মনোরথসিদ্ধিবিষয়ে পরমেশ্বরের উপকার সাধন’ । এইরূপ অস্ত্র প্রকার অর্থও হইয়া থাকে ।
(ত, হো,)

‡ ফেরওণ যে দলকে দুর্বল জানিয়া উৎপীড়ন করিত, তাহারা বনিএশ্রায়েল ।

হীনবল করা হইয়াছিল, আমি তাহাদিগের সম্বন্ধে উপকার করিব ও তাহাদিগকে অগ্রণী করিব, এবং তাহাদিগকে উত্তরাধিকারী করিব, এই ইচ্ছা করিতেছিলাম। ৫। + এবং তাহাদিগকে ধরাতে ক্ষমতা দান করিব ও ফেরওণ ও (মন্ত্রী) হামান এবং উভয়ের সেই সৈন্যদলকে, যাহাদিগ হইতে তাহারা ভয় পাইতেছিল, প্রদর্শন করিব (এই ইচ্ছা করিতেছিলাম) *। ৬। এবং আমি মুসার জননীর প্রতি প্রত্যাশা করিয়াছিলাম যে, তুমি ইহাকে দান কর, অনন্তর যখন তুমি তাহার সম্বন্ধে ভয় পাইবে, তখন তুমি তাহাকে নদীতে নিক্ষেপ করিও, এবং ভয় করিও না ও দুঃখ করিও না; নিশ্চয় আমি তাহাকে তোমার নিকটে পুনঃ প্রেরণ করিব, এবং তাহাকে প্রেরিতপুরুষদিগের অন্তর্গত করিব †। ৭। অনন্তর ফেরওণের স্বর্ণণ তাহাকে উঠাইয়া লইল, যেন সে তাহাদের জন্ত পরিণামে শত্রু ও শোকজনক হয়; নিশ্চয় ফেরওণ ও হামান এবং তাহাদের সেনাদল দোষ করিতেছিল ‡। ৮। ফেরওণের স্ত্রী বলিল, (এই বালক) তোমার ও

* অর্থাৎ ফেরওণ ও তাহার অনুগত মন্ত্রী হামান এবং তাহাদের অনুগামী সৈন্যগণ, বনিএশ্রায়েলের যোগে রাজত্বের লোপ ও আপনাদের মৃত্যু আশঙ্কা করিতেছিল। যে সময়ে সাগরে নিমগ্ন হইবার উপক্রম হয়, তখন তাহারা এ বিষয় স্পষ্ট দেখিতে পায়। তাহারা দেখিল যে, বনিএশ্রায়েল আনন্দ উল্লাসে সাগর সমুত্তীর্ণ হইল। তখন বুঝিতে পারিল যে, উৎপীড়ন ও অত্যাচার করার জন্ত আপনারা হত ও পরাভূত হইল, এবং দুঃখী উৎপীড়িত লোকেরা সিদ্ধকাম, বিজয়ী ও উন্নত হইল।

+ ফেরওণ নিজের অনুগত মেসরের আদিম জাতি কিব্জি লোকদিগকে এশ্রায়েলবংশীয় গর্ভবতী নারীদিগের সম্বন্ধে এই জন্ত প্রহরী নিযুক্ত করিয়াছিল যে, কোন নারী পুত্র প্রসব করিলে তৎক্ষণাৎ যেন তাহারা তাহার সেই সন্তানকে মারিয়া ফেলে। কাবেলা নামী এক কিব্জি স্ত্রী মুসার মাতার প্রতি প্রহরীরূপে নিযুক্ত ছিল। এসবের সময় সে উপস্থিত হয়, তখন সন্তোজাত মুসার রূপলাবণ্য দেখিয়া কাবেলা মুগ্ধ হইয়া পড়ে, সেই শিশুর প্রতি তাহার মনে অত্যন্ত স্নেহের সঞ্চার হয়। সে মুসাজননীকে অভয় দান করিয়া বলে, “তুমি চিন্তা করিও না, আমি এ বিষয় প্রকাশ করিব না। অজ্ঞ প্রহরীদিগকে বলিব যে, মৃত কন্যা জন্মিয়াছিল, তাহাকে ভূগর্ভে নিহিত করা গিয়াছে; কিন্তু সাবধান, তুমি আপন আত্মীয় স্বর্ণণ কাহাকেও এই সন্তান দেখাইবে না।” এতদমুসারে মুসাজননী মুসাকে তিন মাস কি ততোধিক সময় গোপনে রাখিয়াছিলেন। পরে যখন তিনি দেখিলেন যে, ফেরওণের অনুচরগণ হত্যা করিবার জন্ত এশ্রায়েলবংশীয় শিশুদের বিশেষ অনুসন্ধান করিতেছে, তখন এক সূত্রধর দ্বারা দিক্কা নির্মাণ করিয়া লইলেন, এবং তদ্বাধ্য শিশু মুসাকে স্থাপন পূর্বক আবরণে আবৃত করিয়া নীলনদে বিসর্জন করিলেন। ফেরওণের এক কন্ডার কুষ্ঠ-রোগ হইয়াছিল। ভবিষ্যৎভাৱা বলিয়াছিল যে, অমুক দিবস নীলনদের স্রোতে এক শিশু ভাসিয়া আসিবে, তাহার মুখরস-স্পর্শে এই রোগের উপশম হইবে। নির্দিষ্ট দিনে ফেরওণ ও তাহার পত্নী ও কন্যা এবং কতিপয় অন্তঃপুরচারী কিস্কর নীলনদের তটে উপস্থিত হইয়া উক্ত শিশুর প্রতীক্ষা করিতেছিল। অকস্মাৎ তাহারা সেই দিক্কা জলের উপর ভাসিতেছে, দেখিতে পাইল। ফেরওণ উহা উঠাইবার জন্ত অনুচরদিগকে আদেশ করিল।

(ত, হো,)

‡ দিক্কার আবরণ উদ্ঘাটিত হইলে সকলে মুসাকে দেখিতে পাইল। দর্শকদিগের মনে তাহার

আমার নয়নের তৃপ্তিকর, ইহাকে তুমি হত্যা করিও না, সম্ভবতঃ এ আমাদিগের উপকার করিবে, অথবা আমরা ইহাকে পুত্ররূপে গ্রহণ করিব ; এবং এদিকে তাহারা (প্রকৃত অবস্থা) জানিতেছিল না। ৯। এবং মুসা-জননীর অন্তর (ধৈর্য্য) শূন্য হইয়া গেল, নিশ্চয় সে তাহা প্রকাশ করিতে উত্তত ছিল ; যদি আমি তাহার অন্তরে বন্ধন না রাখিতাম যে, সে বিশ্বাসীদিগের অন্তর্গত হয়, তবে সে (প্রকাশ করিত) *। ১০। এবং সে তাহার (মুসার) ভগিনীকে বলিল, “তুমি তাহার পশ্চাতে যাও ;” অনন্তর দূর হইতে সে তাহাকে দেখিতেছিল, এবং তাহারা (ইহা) জানিতেছিল না। ১১। ইতিপূর্বে তাহার সম্বন্ধে আমি স্তম্ভদাত্রীদিগকে নিষেধ করিয়াছিলাম ; অনন্তর সে (মুসার ভগিনী) বলিল, “তোমাদের জন্ত ইহার তত্ত্বাবধান করে, এমন গৃহস্থের প্রতি কি তোমাদিগকে আমি পথ দেখাইব ? এবং তাহারা তাহার শুভাকাঙ্ক্ষী হয়” †। ১২। পরে তাহাকে আমি তাহার মাতার প্রতি প্রত্যানয়ন করিলাম, যেন তাহার চক্ষু শীতল হয় ও সে শোক না করে, এবং যেন জানে যে, ঈশ্বরের অঙ্গীকার সত্য ; কিন্তু তাহাদের অধিকাংশই অবগত ছিল না। ১৩। (র, ১, আ, ১৩)

প্রতি স্নেহের সন্ধার হইল ; ফেরওণ ভাবিতে লাগিল যে, এই বালকের প্রাণ কেনন করিয়া রক্ষা পাইল ? ভবিষ্যৎকারী যে বালকের কথা বলিয়া থাকে, এই বা সেই বালক। ফেরওণের পত্নী তাহাকে বলিল, “আমি জ্যোতির্বিদদিগের নিকটে শ্রবণ করিয়াছি যে, অমুক রজনীতে তোমার সম্বন্ধে যে ভয় ছিল, তাহা বিদূরিত হইয়াছে ; তুমি এই শিশুর প্রতি হস্তক্ষেপ করিও না, ইহা দ্বারা আপন কন্ডার চিকিৎসা করিব।” অনন্তর তাহা হইতে কিঞ্চিৎ মূরস গ্রহণ করিয়া কন্ডার যে স্থানে কৃষ্ট হইয়াছিল, তাহাতে লেপন করিল, তৎক্ষণাৎ রোগ দূর হইল। (৬, হো,)

* যখন মুসার জননী শ্রবণ করিলেন যে, মুসা ফেরওণের হস্তে সমর্পিত হইয়াছে, তখন তিনি অধৈর্য্য হইয়া গেলেন ; বালকের বৃত্তান্ত ফেরওণের নিকটে প্রকাশ করিয়া, তাহাকে বধ করিও না, এরূপ বসিতে উত্তত হইয়াছিলেন। ঈশ্বর বলিতেছেন, আমি তাহাকে উদ্ধা করিতে দেই নাই। (ত, হো,)

† মুসার ভগিনীর নাম কল্‌হুম ছিল, তিনি ফেরওণের নিকটে যাওয়া এরূপ বলিলেন। ফেরওণ তাহাকে আশ্বাস দিয়া বলিল, “তুমি যাও, দাত্রী লইয়া আইস।” তখন কল্‌হুম মুসার মাতাকে আনিয়া উপস্থিত করিলেন। সেই সময়ে মুসা ফেরওণের দ্বোড়ে ছিলেন। তিনি অল্প কোন দাত্রীর দ্বারা আশ্রয় করিয়া স্তম্ভপান করিতেছিলেন না। যখন তাহাকে ষীয় মাতার দ্বোড়ে অর্পণ করা হইল, তখন আগ্রহ সহকারে তিনি তাহার স্তম্ভপান করিতে লাগিলেন। ইহা দেখিয়া ফেরওণ জিজ্ঞাসা করিল, “তুমি কে যে, এ বালক তোমার স্তম্ভপানে ঈদৃশ অতুরাগ প্রকাশ করিল ?” তিনি বলিলেন, “আমি এরূপ একজন স্ত্রীলোক যে, আমার গাত্র হৃৎকি আছে ও আমার স্তম্ভ অত্যন্ত মিষ্ট ও সুস্বাদ ; যে কোন বালক আমার নিকটে আইসে, আমার স্তম্ভ আগ্রহের সহিত পান করে।” ইহা শুনিয়া ফেরওণ বেতন নিদ্ধারণ করিয়া মুসাকে তাহার হস্তে সমর্পণ করিল, এবং বলিল, “ইহাকে আপন গৃহে লইয়া যাও, প্রতি সপ্তাহে এক দিন আমার নিকটে আনয়ন করিও।” তখন মুসার জননী মুসাকে গ্রহণ করিয়া আনন্দে গৃহে চলিয়া আসিলেন। ঈশ্বরের অঙ্গীকার পূর্ণ হইল। (ত, হো,)

এবং যখন সে আপন যৌবনসীমায় উপস্থিত হইল ও স্তম্ভাঙ্কিত হইয়া উঠিল, তখন আমি তাহাকে জ্ঞান ও কৌশল দান করিলাম; এইরূপে আমি হিতকারীদিগকে পুরস্কার দান করিয়া থাকি। ১৪। এবং (একদা) সে নগরে তাহার অধিবাসীদিগের অনবধানতার সময়ে প্রবেশ করিল, তখন সে তথায় দুই ব্যক্তিকে পরস্পর বিবাদ করার অবস্থায় প্রাপ্ত হইল; এই একজন তাহার দলের, এই অগ্রজন শত্রুদিগের অন্তর্গত ছিল। অনন্তর যে ব্যক্তি তাহার দলের ছিল সে, যে ব্যক্তি তাহার শত্রুপক্ষের ছিল, তাহার সঙ্ক্ষে তাহার (মুসা) নিকটে অভিযোগ করিল; পরে মুসা তাহাকে মুষ্টি প্রহার করিল, অনন্তর তাহার সঙ্ক্ষে (জীবন) শেষ করিল। সে বলিল, “ইহা শয়তানদের ক্রিয়ার অন্তর্গত, নিশ্চয় সে স্পষ্ট বিপথগামী শত্রু”। ১৫। সে বলিল, “হে আমার প্রতিপালক, নিশ্চয় আমি আপন জীবনের প্রতি অত্যাচার করিয়াছি, অনন্তর আমাকে ক্ষমা কর;” পরে তিনি তাহাকে ক্ষমা করিলেন, নিশ্চয় তিনি ক্ষমাশীল ও দয়ালু। ১৬। সে বলিল “হে আমার প্রতিপালক, তুমি আমার প্রতি যে দান করিয়াছ, তদনুরোধে অনন্তর আমি কখনও অপরাধীদিগের সাহায্যকারী হইব না”। ১৭। পরে সে সভয়ে তদ্বাহুসন্ধান করত নগরে রাজি প্রভাত করিল; অনন্তর যে ব্যক্তি গত কল্যা তাহার নিকটে সাহায্য প্রার্থনা করিয়াছিল, ইঠাৎ সে (পুনর্বার) তাহাকে ডাকিতে লাগিল। মুসা তাহাকে বলিল, “নিশ্চয় তুমি স্পষ্ট বিপথগামী”। ১৮। পরিশেষে যখন সে ইচ্ছা করিল, যে ব্যক্তি তাহাদের দুইজনের শত্রু, তাহাকে আক্রমণ করে, তখন সে (শত্রু) বলিল, “হে মুসা, গত কল্যা যেমন তুমি এক ব্যক্তিকে হত্যা করিয়াছ, তদ্রূপ কি আমাকেও হত্যা করিতে ইচ্ছা কর? তুমি পৃথিবীতে উৎপীড়ক হইবে ব্যতীত ইচ্ছা কর না, এবং তুমি ইচ্ছা করিতেছ না যে, সম্ভাব-সংস্থাপকদিগের অন্তর্গত হও”। ১৯। এবং নগরের প্রান্ত হইতে এক ব্যক্তি দৌড়িয়া উপস্থিত হইল, সে বলিল, “হে মুসা, নিশ্চয় প্রধান পুরুষগণ তোমার সঙ্ক্ষে পরামর্শ করিতেছে যে, তোমাকে বধ করিবে; অতএব তুমি বাহিরে চলিয়া যাও, একান্তই আমি তোমার শুভাকাঙ্ক্ষীদিগের অন্তর্গত”। ২০। অনন্তর সে তথা হইতে তদ্বাহুসন্ধান করত সভয়ে বহির্গত হইল, সে বলিল, “হে আমার প্রতিপালক, অত্যাচারিদল হইতে আমাকে তুমি রক্ষা কর”। ২১। (র, ২, আ, ৮)

এবং যখন সে মদয়ন নগরের দিকে যাওয়া করিল, তখন বলিল, “আশা করি যে, আমার প্রতিপালক আমাকে সরল পথ প্রদর্শন করিবেন” *। ২২। এবং যখন সে মদয়নের জলের নিকটে উপস্থিত হইল, তখন তদুপরি একদল লোক প্রাপ্ত হইল যে,

* মহাপুরুষ এভ্রাহিমের এক পুত্রের নাম মদয়ন ছিল। তিনি আপন নামানুসারে মদয়ন নগর সংস্থাপন করিয়াছিলেন। মেসর হইতে এই নগর আট দিনের পথ অন্তর। মুসা প্রত্যাদিষ্ট হইয়া মদয়নের অভিমুখে বাজা করিলেন। সঙ্গে পাথের কিছুই ছিল না। আট দিন ক্রমাগত বৃক্ষপত্র ভক্ষণ করিয়া জীবন ধারণ করিয়াছিলেন।

তাহারা (পশুযুগ্ধকে) জলপান করাইতেছে, এবং তাহাদের অপর দিকে দুই নারীকে পাইল যে, তাহারা (পশুদলকে) তাড়াইতেছে ; সে জিজ্ঞাসা করিল, “তোমাদের কি অবস্থা ?” তাহারা বলিল, “যে পর্য্যন্ত (না) পশুপালকগণ পশুদিগকে ফিরাইয়া লইয়া যায়, সে পর্য্যন্ত আমরা জলপান করাই না, এবং আমাদের পিতা মহাবৃদ্ধ” * । ২৩ । অনন্তর সে তাহাদের অমুরোধে (তাহাদের পশুযুগ্ধকে) জলপান করাইল, তৎপর ছায়ার দিকে ফিরিয়া আসিল ; পরে বলিল, “হে আমার প্রতিপালক, তুমি আমার প্রতি বাহা কিছু কল্যাণ প্রেরণ করিয়াছ, নিশ্চয় আমি তাহারই ভিক্ষুক” । ২৪ । অবশেষে তাহাদের একজন সলজ্জগতিতে তাহার নিকটে উপস্থিত হইয়া বলিল, “তুমি যে আমাদের অমুরোধে জলপান করাইয়াছ, তোমাকে তাহার পুরস্কার দান করিতে নিশ্চয় আমার পিতা তোমাকে ডাকিতেছেন” । অনন্তর সে যখন তাহার (শোয়বের) নিকটে আসিল ও তাহার নিকটে বৃত্তান্ত বর্ণন করিল, তখন সে বলিল, “ভয় করিও না, তুমি অত্যাচারী দল হইতে উদ্ধার পাইয়াছ” † । ২৫ । কস্তাঘরের একজন বলিল, “হে আমার পিতা, তাহাকে তুমি ভৃত্য করিয়া রাখ ; নিশ্চয় তুমি যে ব্যক্তিকে ভৃত্য নিযুক্ত

* মুসা মদয়নে যে জলের নিকটে উপস্থিত হইয়াছিলেন, উহা নগরের প্রান্তস্থিত এক কূপ ছিল । তিনি সেখানে বাইরা দেখেন যে, কয়েক জন পশুপালক মেঘযুগ্ধকে জলপান করাইতেছে, দুইটা কস্তা কতকগুলি পশুসহ নিয়ন্ত্রণিতে দণ্ডায়মান আছেন । তিনি তাহাদের বিবরণ জিজ্ঞাসা করিলে, তাহারা বলিলেন, “এখানে আমরা পশুযুগ্ধকে জলপান করাইতে আসিয়াছি, পশুপালকগণ আপন আপন পশুকে জলপান করাইয়া চলিয়া গেলে, আমরা সেই পানাবশিষ্ট জল স্বীয় গো মেঘদিগকে পান করাইয়া থাকি ; যেহেতু কূপ হইতে জল তুলিয়া দেয়, আমাদের এরূপ সহায় কেহ নাই । আমাদের পিতা অত্যন্ত বৃদ্ধ ।” সেই কস্তাঘর মদয়ননিবাসী শোয়বনামক সাধু পুরুষের কস্তা ছিলেন । জোষ্ঠার নাম সফুর, কনিষ্ঠার নাম সফিরা । মুসা তাহাদের মধ্যে বৃত্তান্ত অবগত হইয়া মেঘপালকদিগের নিকটে বাইরা বলিলেন, “তোমরা এই চুঃখিনী কস্তাদিগকে কেন ক্লেশ দাও, প্রথমতঃ তাহাদের পশুযুগ্ধকে জলপান করিতে দিলে ভাল হয় ; তাহা হইলে তাহারা শীঘ্র গৃহে চলিয়া বাইতে পারেন” । পশুপালকগণ বলিল, “আমরা তাহাদিগকে জল যোগাইতে পারি না ; যদি তুমি স্বক্ষম হও, এস, জল তুলিয়া দাও ।” তৎক্ষণাৎ মুসা তাহাদের নিকটে গেলেন, মেঘপালকগণ তাহার দৃঢ় বলিষ্ঠ মূর্ত্তি দেখিয়া সন্তরে এক পার্শ্বে সরিয়া দাঁড়াইল । যে ডোল-যোগে দশ জন বলবান পুরুষ কূপ হইতে জল তুলিত, মুসাদেব আট দিন অনাহারসঙ্গেও একাকী তদ্বারা জল তুলিয়া উক্ত দুই ভগিনীর মেবাদি পশুকে পান করাইলেন । কেহ কেহ বলেন, তথায় একটা কূপের মধ্যে এক প্রকাণ্ড প্রস্তরকলক স্থাপিত ছিল, চল্লিশ জন লোকে তাহা সরাইতে পারিত । তিনি বাইরা একাকী তাহা সরাইয়া, যে ডোলযোগে চল্লিশ জনে জল তুলিত, তদ্বারা জল তুলিয়া কস্তাঘরের পশুযুগ্ধকে (ত, হো,) পান করাইলেন ।

† কস্তাঘর সেদিন লীভ্র গৃহে কিরিয়া আসিলে, তাহাদের পিতা শোয়ব সত্তর আগমনের কারণ জিজ্ঞাসা করিলেন । তাহারা বিশেষ বৃত্তান্ত পিতাকে জানাইলেন । তখন শোয়ব সফুরাকে বলিলেন, তুমি বাইরা সেই দয়ালু পুরুষকে সঙ্গে করিয়া গৃহে লইয়া আইস । তদনুসারে সফুরা বাইরা তাহাকে সাধরে সঙ্গে (ত, হো,) করিয়া বাটতে লইয়া আইলেন ।

করিবে, সে উত্তম বলবান্ বিশ্বস্ত পুরুষ” *। ২৬। সে বলিল, “একান্তই আমি ইচ্ছা করি যে, আমার এই দুই কন্যার একজনকে এই অঙ্গীকারে তোমার সঙ্গে বিবাহ দি যে, তুমি আট বৎসর আমার দাসত্ব করিবে; অনন্তর যদি তুমি দশ বৎসর পূর্ণ কর, তবে তোমার নিকট হইতে (প্রচুর) হইল, এবং আমি ইচ্ছা করি না যে, তোমাকে ক্লেশ দান করি। ঈশ্বর ইচ্ছা করিলে অবশ্য তুমি আমাকে সাধুদিগের অন্তর্গত প্রাপ্ত হইবে”। ২৭। সে বলিল, “তোমার ও আমার মধ্যে এই (অঙ্গীকার) হইল, আমি এই দুই নির্দিষ্ট কালের যে কোন একটি পূর্ণ করিব, পরে আমার প্রতি অতিরিক্ত থাকিবে না; এবং আমরা যাহা বলিতেছি, ঈশ্বর তৎসম্বন্ধে সহায়” †। ২৮। (র, ৩, আ, ৭)

অনন্তর যখন মুসা নির্দিষ্ট কাল পূর্ণ করিয়া আপন পরিজনসহ যাত্রা করিল, তখন তুর গিরির দিকে অগ্নি দর্শন করিল; সে আপন পরিজনকে বলিল, “তোমরা বিলম্ব কর, নিশ্চয় আমি অনল দর্শন করিতেছি; ভরসা করি যে, আমি তথা হইতে তোমাদের নিকটে কোন (পথিকের) সংবাদ অথবা জলন্ত অগ্নিখণ্ড আনয়ন করিব, হয়তো তোমরা উত্তাপ লাভ করিবে”। ২৯। অনন্তর যখন সে তাহার নিকটে উপস্থিত হইল, তখন প্রান্তরের দক্ষিণ প্রান্ত হইতে কল্যাণযুক্ত ভূমিস্থিত বৃক্ষ হইতে ধনি হইল যে, “হে মুসা, নিশ্চয় আমি বিশ্বপালক পরমেশ্বর। ৩০।+এবং এই তুমি আপন যষ্টি নিক্ষেপ কর;” অনন্তর যখন সে তাহাকে দেখিল যে, নড়িতেছে, যেন উহা সর্প, সে পশ্চাত্তাপে মুখ ফিরাইল ও ফিরিল না। (আমি বলিলাম,) “হে মুসা, অগ্রসর হও, ভয় করিও না, নিশ্চয় তুমি বিশ্বস্ত পুরুষদিগের অন্তর্গত। ৩১। তুমি স্বীয় হস্তকে স্বীয় গ্রীবদেশে লইয়া যাও, উহা কলঙ্কশূন্য শুভ্র হইয়া বাহির হইবে, এবং সঙ্কোচভাবে আপন বাহকে তুমি নিজের দিকে (বক্ষে) সংযুক্ত কর; ‡ অনন্তর ফেরৎ ও তাহার প্রধান পুরুষদিগের নিকটে তোমার প্রতিপালকের এই দুই নিদর্শন হয়”। নিশ্চয় তাহার দুর্বৃত্ত দল ছিল। ৩২। সে বলিল, “হে আমার প্রতিপালক, নিশ্চয় আমি তাহাদের একজনকে হত্যা করিয়াছি, পরে ভয় পাইতেছি যে, আমাকে তাহার বধ করিবে।

* কথিত আছে, শোয়ব কন্যাকে জিজ্ঞাসা করিয়াছিলেন যে, তুমি তাহার শক্তি ও বিশ্বস্ততা কেমন করিয়া বুঝিতে পারিলে? সফুরা বলিলেন, দশ জনে যে ডোল টানিয়া তোলে, তিনি তাহা একাকী তুলিয়াছেন ও আমার প্রতি অত্যন্ত ভালবাসা ও সম্মান প্রদর্শন করিয়াছেন; তাহাতে বুঝিয়াছি, তিনি অতিশয় বিশ্বস্ত ও বলবান্। (ত, হো,)

+ অর্থাৎ পরে আমার প্রতি অতিরিক্ত থাকিবে না। অর্থাৎ আট বৎসর বা দশ বৎসর তোমার ভৃত্য হইয়া পশু চরাইব, কিন্তু ততোধিক কাল সেবা প্রত্যাশা করিয়া আমার ভাৰ্য্যাকে আমি হইতে বিচ্ছিন্ন রাখিতে পারিবে না। আমাদের কাৰ্য্য আমরা ঈশ্বরে সমর্পণ করিলাম, তিনি সাক্ষী রহিলেন, তিনি অঙ্গীকার পূর্ণ করিতে সাহায্য করিবেন। (ত, হো,)

‡ অর্থাৎ তুমি ভীত হইও, তাহা হইলে সাহায্য পাইবে

(ত, হো,)

৩৩। এবং আমার ভ্রাতা হারুণ হয়, সে বাগিদ্রিয় অনুসারে আমা অপেক্ষা অধিক মিষ্টভাষী ; অতএব তাহাকে আমার সঙ্গে সাহায্যকারিরূপে প্রেরণ কর, সে আমার সত্যতা প্রতিপাদন করিবে। নিশ্চয় আমি ভয় পাইতেছি যে, তাহারা আমার প্রতি অসত্যারোপ করিবে”। ৩৪। তিনি বলিলেন, “অবশ্য আমি তোমার বাহকে তোমার ভ্রাতা দ্বারা দৃঢ় করিব, এবং তোমাদের দুই জনকে বিজয় দান করিব ; অনন্তর তাহারা আমার নিদর্শন সকলের জন্ত তোমাদের দিকে পঁহুঁহিতে পারিবে না, তোমরা দুই জন ও যাহারা তোমাদের অনুসরণ করিবে, তাহারা বিজয়ী হইবে”। ৩৫। অবশেষে যখন মুসা আমার উজ্জল নিদর্শন সকল সহ তাহাদের নিকটে উপস্থিত হইল, * তখন তাহারা বলিল, “ইহা রচিত ইল্লাজাল ভিন্ন নহে, আমরা আপন পূর্বতন পিতৃপুরুষদিগের মধ্যে ইহা শুনিতে পাই নাই”। ৩৬। এবং মুসা বলিল, “আমার প্রতিপালক, যে ব্যক্তি তাঁহার নিকট হইতে উপদেশ আনয়ন করিয়াছে, এবং পারলৌকিক আলম্ যাহার জন্ত হইবে, তাহাকে বিশেষ জানেন ; নিশ্চয় অত্যাচারী লোকেরা উদ্ধার পায় না”। ৩৭। ফেরগণ বলিল, “হে প্রধান পুরুষগণ, আমি জানি না যে, আমি ব্যতীত তোমাদের কোন উপাশ্র আছে ; অনন্তর, হে হামান, মৃত্তিকার উপর আমার জন্ত অগ্নি উদ্দীপন কর, ৮ পরে আমার জন্ত এক প্রাসাদ নির্মাণ কর, ভরসা যে, আমি মুসার উপাশ্রের দিকে আরোহণ করিব ; নিশ্চয় আমি তাহাকে মিথ্যাবাদীদিগের অন্তর্গত মনে করি”। ৩৮। এবং সে ও তাহার সেনাদল পৃথিবীতে অগ্ন্যায়রূপে অহঙ্কার করিল ও মনে করিল যে, আমাদের দিকে ইহাদের ফিরিয়া আসা হইবে না। ৩৯। অনন্তর আমি তাহাকে ও তাহার সৈন্যদলকে আক্রমণ করিলাম, পরে তাহাদিগকে নদীতে ফেলিয়া দিলাম ; অবশেষে দেখ, অত্যাচারীদিগের পরিণাম কেমন হইল ? ৪০। এবং তাহাদিগকে আমি অগ্রণী (বিপথগামী) করিয়াছিলাম, তাহারা নরকাগ্নির দিকে (লোকদিগকে) আহ্বান করিতেছিল, কেয়ামতের দিনে তাহাদিগকে সাহায্য দান করা হইবে না। ৪১। এবং এই সংসারে আমি তাহাদের পশ্চাতে অভিসম্পাত আনয়ন করিয়াছিলাম ও কেয়ামতের দিনে তাহারা নিকৃষ্টদিগের অন্তর্গত হইবে। ৪২। (র, ৪, আ ১৪,) এবং পূর্বতন যুগের অধিবাসীদিগকে বিনাশ করিলে পর, সত্য সত্যই আমি মুসাকে গ্রন্থ দান করিয়াছি ; উহা লোকদিগের জন্ত প্রমাণাবলী ও উপদেশ এবং অনুগ্রহ-স্বরূপ হইয়াছে। ভরসা যে, তাহারা উপদেশ গ্রহণ করিবে। ৪৩। এবং যখন আমি মুসার প্রতি প্রত্যাদেশ করিয়াছিলাম, তখন তুমি, (হে মোহম্মদ,) পশ্চিম প্রদেশে ছিলে না, এবং তুমি সাক্ষীদিগের অন্তর্গত ছিলে না। ৪৪। + কিন্তু আমি (মুসার পরে)

এস্থলে নিদর্শন মুসার হস্তস্থিত বাট, যাহা অজগররূপ ধারণ করে ও তাঁহার করতল, যাহা শুদ্ধ
(ত, জ,)
ঠ।

+ প্রাসাদের ইষ্টক প্রস্তুত করিবার জন্ত মৃত্তিকার উপর অগ্নি উদ্দীপন।

অনেক সম্প্রদায় সৃষ্টি করিয়াছি, অনন্তর তাহাদের সম্বন্ধে জীবন দীর্ঘ হইয়াছে ; এবং তুমি মদয়নবাসীদিগের মধ্যে অধিবাসী ছিলে না যে, তাহাদের নিকটে আমার নিদর্শন সকল পাঠ করিতে ; কিন্তু আমি (বার্তাবাহকের) প্রেরক ছিলাম * । ৪৫ । এবং যখন আমি ডাকিয়াছিলাম, তখন তুমি তুর পর্বতের দিকে ছিলে না ; কিন্তু তোমার প্রতিপালকের অল্পগ্রহক্রমে (সমাগত প্রত্যাদেশে,) তোমার পূর্বে তাহাদের নিকটে কোন ভয়প্রদর্শক উপস্থিত হয় নাই, তুমি সেই দলকে যেন ভয় প্রদর্শন কর ; হয়তো তাহারা উপদেশ গ্রহণ করিবে ॥ ৪৬ । এবং যদি ইহা না হইত যে, তাহাদের হস্ত পূর্বে যাহা প্রেরণ করিয়াছে, তজ্জন্ত তাহাদের প্রতি কোন বিপদ উপস্থিত হয়, (তাহা হইলে তাহারা কোন কথা কহিত না ;) অবশেষে তাহারা বলিবে, “হে আমাদের প্রতিপালক, কেন তুমি আমাদের নিকটে কোন প্রেরিতপুরুষ প্রেরণ কর নাই ? তাহা হইলে আমরা তোমার নিদর্শন সকলের অনুসরণ করিতাম, এবং বিশ্বাসীদিগের অন্তর্ভূত হইতাম ॥ ৪৭ । অনন্তর যখন আমার নিকট হইতে তাহাদের প্রতি সত্য উপস্থিত হইল, তখন তাহারা বলিল, “মুসাকে যাহা দেওয়া হইয়াছে, তদ্রূপ কেন (এই প্রেরিতপুরুষকে) দেওয়া

* মুসার পরবর্তী সম্প্রদায় সকলের পরে জীবন দীর্ঘ হইয়াছে, ইহার অর্থ, তাহাদের পরে বহুকাল অতীত হইয়া গিয়াছে, নানা প্রাকৃতিক ঘটনাতে তাহাদের দেশ উচ্ছিন্ন হইয়াছে, এক্ষণ তাহাদের সম্বন্ধে লোকের কিছুই অভিজ্ঞতা নাই । আমি তোমাকে, হে মোহম্মদ, সেই সকল লোকের বৃত্তান্ত নূতন ভাবে রচনা করিবার জন্ত প্রেরণ করিয়াছি ; তাহাতে লোকে বুঝিতে পারিবে যে, প্রত্যাদেশের সাহায্য ব্যতীত এ প্রকার সংবাদ কেহ প্রচার করিতে পারে না । (ত, হো,)

† কথিত আছে, মুসা পরমেশ্বরকে জিজ্ঞাসা করিয়াছিলেন যে, প্রভো, তওরাতে কতগুলি লোকের ধর্মনিষ্ঠা ও সচ্চরিত্রতার বিষয় পাঠ করিতেছি ; কাহারো সেই সকল লোক ? তাহাতে ঈশ্বর উত্তর করিলেন যে, উহার আমার সখা মোহম্মদের মণ্ডলী । ইহা শ্রবণে মুসার ইচ্ছা হইল যে, তাঁহা-দিগকে দেখেন । ঈশ্বর বলিলেন, এক্ষণ তাহাদের প্রকাশের সময় নয় । যদি ইচ্ছা কর, তবে আমি তাহাদিগের শব্দ তোমাকে শুনাইতেছি । এই বলিয়া তিনি “হে মোহম্মদীয় মণ্ডলী” বলিয়া ডাকিলেন, তাহাতে তাঁহারা নিভৃতদেশ হইতে “উপস্থিত আছি” বলিয়া উত্তর করিলেন । যখন পরমেশ্বর মুসাকে তাঁহাদের শব্দ শ্রবণ করাইলেন, তখন তিনি ইচ্ছা করিলেন না যে, কিছু হুসংবাদ না পাইয়া তাঁহারা ফিরিয়া যান । ঈশ্বর বলিতেছেন যে, আমার নিকটে প্রার্থনা করিবার পূর্বে আমি তোমাদিগকে দান করিয়াছি, ক্ষমা চাহিবার পূর্বে ক্ষমা করিয়াছি । হজরতের অনুরোধে তাঁহার মণ্ডলীর একপ গোব সম্পাদিত হইয়াছে ; সুতরাং পরমেশ্বর তাঁহাকে বলিতেছেন যে, যে সময়ে আমি তোমার মণ্ডলীকে ডাকিয়াছিলাম, তখন তুমি তুর পর্বতে ছিলে না । (ত, হো,)

‡ “তাহাদের হস্ত পূর্বে যাহা প্রেরণ করিয়াছে” অর্থাৎ তাহারা পূর্বে পুত্তলিকার পূজা আদি যে সকল দুষ্কর্ম করিয়াছিল । শান্তিপ্রাপ্ত হইবার সময়ে তাহারা তর্ক করিতেছিল যে, স্বর্গীয় বার্তাবাহক আমাদের নিকটে উপস্থিত হইয়া আমাদের দিকে ঈশ্বরের দিকে আহ্বান করেন নাই, আমাদের দোষ নাই । ঈশ্বর বলিতেছেন যে, একান্তই আমি তাহাদের প্রতি শান্তি প্রেরণ করিয়াছিলাম ।

(ত, হো,)

হইল না?" পূর্বে যাহা মুসার প্রতি প্রদত্ত হইয়াছে, তৎসম্বন্ধে কি তাহারা বিদ্রোহী হয় নাই? তাহারা বলিয়াছিল, "পরম্পর সাহায্যকারী (মুসা ও হারুন) দুই ঐক্সজালিক;" এবং বলিয়াছিল, "নিশ্চয় আমরা প্রত্যেকের সম্বন্ধে প্রতিদ্বন্দ্বী" *। ৪৮। তুমি বল, (হে মোহম্মদ,) অনন্তর তোমরা ঈশ্বরের নিকট হইতে এমন এক গ্রন্থ উপস্থিত কর, যাহা সেই দুই জন অপেক্ষা অধিকতর পথপ্রদর্শক হইবে; যদি তোমরা সত্যবাদী হও, তবে আমি তাহার (সেই গ্রন্থের) অনুসরণ করিব। ৪৯। পরিশেষে যদি তাহারা তোমাকে গ্রাহ্য না করে, তবে জানিও, তাহারা আপন প্রবৃত্তি সকলের অনুসরণ করে, এতদ্বিষয় নহে; যে ব্যক্তি ঈশ্বরের পথ প্রদর্শন ব্যতীত আপন প্রবৃত্তির অনুসরণ করে, তাহা অপেক্ষা অধিক বিপথগামী কে আছে? নিশ্চয় পরমেশ্বর অত্যাচারী দলকে পথ প্রদর্শন করেন না। ৫০। (র, ৫, আ, ৮)

এবং সত্য সত্যই তাহাদের জন্ত আমি ক্রমশঃ বচন (কোব্-আন) উপস্থিত করিয়াছি, যেন তাহারা উপদেশ গ্রহণ করে। ৫১। ইহার (কোব্ আনের) পূর্বে যাহাদিগকে আমি গ্রন্থ দান করিয়াছি, তাহারা ইহাতে বিশ্বাস স্থাপন করিতেছে না। ৫২। এবং যখন তাহাদের নিকটে পাঠ হয়, তাহারা বলে, "আমরা ইহার প্রতি বিশ্বাস স্থাপন করিলাম, নিশ্চয় ইহা আমাদের প্রতিপালকের নিকট হইতে (আগত) সত্য, নিশ্চয় আমরা ইহার (অবতরণের) পূর্বেই মোসলমান ছিলাম"। ৫৩। ইহারাই যে দৈর্ঘ্য ধারণ করিয়াছে ও শুভ দ্বারা অন্তর্ভুক্ত দূর করিতেছে; এবং আমি তাহাদিগকে যে উপজীবিকা দান করিয়াছি, তাহা ব্যয় করিয়া থাকে, তজ্জন্ত তাহাদিগকে দুই বার পুরস্কার দেওয়া যাইবে। ৫৪। এবং তাহারা যখন অনর্থক বিষয় শ্রবণ করে, তখন তাহা হইতে বিমুখ হয়, এবং বলে, "আমাদের জন্ত আমাদের ক্রিয়া সকল এবং তোমাদের জন্ত তোমাদের

* কথিত আছে যে, কোরেশ লোকেরা ইহুদীদের নিকটে হজ্রতের প্রেরিতদ্বন্দ্বন্ধে প্রশ্ন করিয়াছিল। ইহুদিগণ তাহার প্রেরিতত্ব স্বীকার করিয়া বলে যে, তওরাত গাছে আমরা তাহার বর্ণনা পাঠ করিয়াছি। পৌত্তলিক কোরেশগণ তওরাতকে অগ্রাহ্য করিয়া বলে, যদি মোহম্মদ পোষক, তবে কেন মুসা যেদ্বারা হস্তে জোতিঃ প্রকাশ, যষ্টিকে অঙ্গগণে পরিণত করা ইত্যাদি অলৌকিক কার্য্য করিয়াছিল, সেইরূপ অলৌকিক ক্রিয়া সে করিতে পারে না। (ত, হো,)

† এক দল ইহুদী হজ্রতের নিকটে যাইয়া এসলাম ধর্ম গ্রহণ করিয়াছিল, তাহাদিগকে লক্ষ্য করিয়া এই আয়তের অবতারণা হইয়াছে। কেহ কেহ বলেন, কতক জন অগ্নির উপাসক মোসলমানধর্মে দীক্ষিত হইয়াছিল, তাহাদের সম্বন্ধে এই উক্তি হইয়াছে।

‡ অগ্নির উপাসকগণ এসলামধর্মে বিশ্বাস প্রকাশ করিলে পর, আবুজহল ও তাহার অনুচরগণ তাহাদিগকে অত্যন্ত কটুক্তি করে; তাহাতে তাহারা দৈর্ঘ্য ধারণ করিয়া বিনীতভাবে বলে যে, ঈশ্বর তোমাদের প্রতি প্রসন্ন থাকুন, তোমাদিগকে সংপথ প্রদর্শন করুন। এস্থলে পরমেশ্বর তাহাদের বর্ণনা করিতেছেন। (ত, হো,)

ক্রিয়া সকল রহিয়াছে ; তোমাদের প্রতি সেলাম হউক, আমরা মুর্থদিগকে চাই না” * । ৫৫ । নিশ্চয় তুমি যাহাকে প্রেম করিয়া থাক, তাহাকে পথ প্রদর্শন কর না ; কিন্তু ঈশ্বর যাহাকে ইচ্ছা করেন, পথ প্রদর্শন করিয়া থাকেন, এবং তিনি পথপ্রাপ্তদিগকে উত্তম জ্ঞাত ৭ । ৫৬ । তাহারা বলিয়াছে, “যদি আমরা তোমার সঙ্গে উপদেশের অনুসরণ করি, তবে আমরা স্বস্থান হইতে ভ্রষ্ট হইব ;” আমি কি তাহাদিগকে সেই শাস্তিযুক্ত মক্কার স্থান দান করি নাই, যথায় আমার নিকট হইতে সর্ববিধ ফলপুঞ্জ উপজীবিকারূপে প্রেরিত হইয়া থাকে ? কিন্তু তাহাদের অধিকাংশই বুঝিতেছে না । ৫৭ । এবং আপন জীবিকাবিশয়ে অমিতাচারী হইয়াছে, এমন গ্রামবাসীদিগের অনেককে আমি বিনাশ করিয়াছি ; পরে এই তাহাদিগের বাসস্থান, তাহাদের পরে (এখানে) অল্প লোক বাতীত বসতি করে নাই, এবং আমি উত্তরাধিকারী হইয়াছি । ৫৮ । এবং তোমার প্রতিপালক, (হে মোহম্মদ,) সে পর্য্যন্ত কোন গ্রামের বিনাশকারী হন নাই, যে পর্য্যন্ত (না) তিনি তাহার প্রধান নগরে তাহাদের (নগরবাসীদিগের) নিকটে আপন নিদর্শন সকল পাঠ করিতে প্রেরিতপুরুষ প্রেরণ করিয়াছেন ; এবং তাহার অধিবাসিগণ অত্যাচারী হওয়ার অবস্থা ব্যতীত আমি কোন গ্রামের সংহারক হই নাই । ৫৯ । এবং যে কিছু বস্তু তোমাদিগকে প্রদত্ত হইয়াছে, তাহা পার্থিব জীবনের ফলভোগ ও তাহারই শোভা ; এবং যাহা ঈশ্বরের নিকটে, উহা শুভ ও নিত্য । অনন্তর তোমরা কি বুঝিতেছ না ? ৬০ । (র, ৬, আ, ১০)

অনন্তর যাহার সঙ্গে আমি উত্তম অঙ্গীকারে অঙ্গীকার করিয়াছি, পরে সে কি, যাহাকে আমি পার্থিব জীবনের ফলভোগী করিয়াছি, তাহার ঞায় উহা লাভ করিবে ? তৎপর কেয়ামতের দিনে সে সমুপস্থিত লোকদিগের অন্তর্গত হইবে ৬১ । এবং

* অর্থাৎ কপট লোকদিগের কটুক্তি শ্রবণ করিয়া বিশ্বাসী লোকেরা বলে, আমাদের জন্ত আমাদের ধর্ম্মকর্ম্মের ফলাফল, তোমাদের জন্ত তোমাদের ধর্ম্মকর্ম্মের ফলাফল ; আমরা তোমাদের নিরর্থক কথা উত্তরদান করিতে ইচ্ছা করি না, তোমাদিগকে সেলাম করিতেছি । (ত, হো,)

+ কথিত আছে যে, হজরত আপন পিতৃবা আবৃতালেবকে এসলামধর্মে দীক্ষিত করিতে একান্ত ব্যাকুল ছিলেন । তিনি তাহার স্ত্রীকালে শয্যার পার্শ্বে বসিয়া বলিতেছিলেন যে, পিতৃবা, তুমি কলেমা উচ্চারণ করিয়া ধর্ম্ম গ্রহণ কর, তাহা হইলে আমি তোমার জন্ত ঈশ্বরের নিকটে পাপক্ষমার অনুরোধ করিতে পারিব । আবৃতালেব বলেন, বৎস, তুমি যথার্থ বলিতেছ ; কিন্তু এই মুম্বু-কালে আমি কোরেশ লোকদিগের ভৎসনা সহ্য করিতে প্রস্তুত নহি । পরে আবৃতালেব স্ত্রীভয়ে ভীত হইয়া কলেমা উচ্চারণ করেন । ঈশ্বর হজরতকে বলিতেছেন যে, আমি আবৃতালেব দ্বারা কলেমা উচ্চারণ করাইয়া তোমাকে আনন্দিত করিয়াছি । তুমি কাহারও পথপ্রদর্শক নও, ঈশ্বরই একমাত্র পথপ্রদর্শক । (ত, হো,)

‡ মহান্না আলি ও হুম্ভা আবুজহলের সঙ্গে, কেহ কেহ বলেন, ইয়াসরের পুত্র এমার ময়মরার পুত্র অলিদের সঙ্গে ধর্ম্মসম্বন্ধে বাদানুবাদ করিতেছিলেন ; তাহাতেই এই আয়ত অবতীর্ণ হয় ।

(স্মরণ কর,) যে দিবস তাহাদিগকে তিনি ডাকিবেন, পরে বলিবেন, “তোমরা যাহাদিগকে মনে করিতেছিলে, আমার সেই অংশিগণ কোথায়” ? ৬২। যাহাদিগের প্রতি (শাস্তির) বাক্য নির্ধারিত হইয়াছে, তাহারা বলিবে, “হে আমাদের প্রতিপালক, ইহারাই, যাহাদিগকে আমরা বিপথগামী করিয়াছি, আপনারা যেমন পথভ্রান্ত হইয়াছি, তদ্রূপ ইহাদিগকেও পথভ্রান্ত করিয়াছি ; এক্ষণ তোমার অভিমুখে (ইহাদিগ হইতে) বিমূগ্ধ হইতেছি, ইহারা আমাদের অর্চনা করিত না” *। ৬৩। এবং বলা হইবে যে, “আপন অংশীদিগকে তোমরা আহ্বান কর ;” অনন্তর তাহাদিগকে তাহারা ডাকিবে, পরে তাহাদিগের (আহ্বান) তাহারা গ্রাহ্য করিবে না, এবং শাস্তি দর্শন করিবে। হায় ! তাহারা যদি পথ প্রাপ্ত হইত। ৬৪। এবং (স্মরণ কর,) যে দিবস তিনি তাহাদিগকে ডাকিবেন, পরে বলিবেন, “তোমরা প্রেরিতপুরুষদিগকে কি উত্তর দান করিয়াছ” ? ৬৫। অনন্তর সে দিবস তাহাদের সম্বন্ধে তব্ব সকল তমসাচ্ছন্ন হইবে, পরে তাহারা পরস্পরকে জিজ্ঞাসা করিবে না †। ৬৬। অবশেষে যাহারা অনুতাপ করিয়াছে, এবং বিশ্বাসস্থাপন ও সংকল্প করিয়াছে, আশা যে, পরে তাহারা বিমুক্ত হইবে। ৬৭। এবং তোমার প্রতিপালক, (হে মোহম্মদ,) যাহা ইচ্ছা হয় সৃষ্টি করেন ও গ্রহণ করিয়া থাকেন, তাহাদের জ্ঞান ক্ষমতা নাই ; পরমেশ্বরেরই পবিত্রতা, এবং তাহারা যাহাকে অংশী করে, তিনি তাহা অপেক্ষা উন্নত ‡। ৬৮। এবং তোমার প্রতিপালক, তাহাদের অন্তর যাহা গোপন করে ও যাহা প্রকাশ করিয়া থাকে, তাহা জানেন। ৬৯। এবং তিনিই পরমেশ্বর, তিনি ব্যতীত কোন উপাস্ত নাই, ইহ পরলোকে তাঁহারই কর্তৃত্ব ও

ঈশ্বর বলিতেছেন, যাহাদিগকে আমি পরলোকে স্বর্গবাসী ও ইহলোকে বিজয়ী করিব বলিয়া অঙ্গীকার করিয়াছি, সেই আলি ও হুম্মা অথবা এমার কি আবুজ্জহল প্রভৃতি লোকের অবস্থা প্রাপ্ত হইবে ? তাহাদিগের জন্ত ইহ পরলোকে দুঃখ ক্লেশ পরাজয় নির্ধারিত রহিয়াছে। “তৎপর কেমামতের দিনে সে সম্পূর্ণ লোকদিগের অন্তর্গত হইবে ;” অর্থাৎ শাস্তি-গ্রহণের জন্ত আবুজ্জহল অথবা অলিদ কেমামতের দিনে ঈশ্বরের নিকট উপস্থিত হইবে। (ত, হো,)

* অর্থাৎ পৌত্তলিকদিগের কল্পিত ঈশ্বরগণ বলিবে যে, ইহারা আমাদের অর্চনা করিত না, বরং আপন প্রবৃত্তির পূজা করিত। (ত, হো,)

† “পরে তাহারা পরস্পরকে জিজ্ঞাসা করিবে না” অর্থাৎ যখন ঈশ্বর কাকেরদিগকে ডাকিয়া জিজ্ঞাসা করিবেন যে, তোমরা প্রেরিতপুরুষদিগের কথার কি উত্তর দান করিয়াছ ? তখন ভয়ে তাহারা, প্রেরিতপুরুষগণ যাহা বলিয়াছেন, তাহা ভুলিয়া যাইবে, যুক্তি প্রমাণ সকল বিস্মৃত হইবে, এবং কি উত্তর দান করিব, পরস্পর এরূপ জিজ্ঞাসা করিতে পারিবে না। (ত, হো,)

‡ অর্থাৎ পরমেশ্বর যাহা ইচ্ছা করেন, তাহা সৃষ্টি করিয়া থাকেন, কোন হেতু ও প্রতিবন্ধক তাহার বাধা দিতে পারে না, তাহারই পূর্ণ কর্তৃত্ব। তিনি যাহাকে ইচ্ছা করেন, তাহাকেই বিধিপ্রচারের জন্ত মনোনীত করিয়া থাকেন। আবুজ্জহল ও অলিদ প্রভৃতি কোন কাকের ক্ষমতা নাই যে, কাহাকে প্রেরিতরূপে বরণ করে। (ত, হো,)

তাঁহার দিকেই তোমরা প্রতিগমন করিবে। ৭০। তুমি জিজ্ঞাসা কর, তোমরা কি দেখিয়াছ, যদি ঈশ্বর তোমাদের সহক্ষে পুনরুত্থানের দিন পর্য্যন্ত রজনী স্থায়ী করেন, ঈশ্বর ব্যতীত কোন্ উপাশ্রু আছে যে, তোমাদের নিকটে জ্যোতি উপস্থিত করে? অনন্তর তোমরা কি শ্রবণ কর না? ৭১। তুমি জিজ্ঞাসা কর, তোমরা কি দেখিয়াছ, যদি ঈশ্বর তোমাদের সহক্ষে পুনরুত্থানের দিন পর্য্যন্ত দিবাকে স্থায়ী করেন, ঈশ্বর ব্যতীত কোন্ উপাশ্রু আছে যে, তোমাদের নিকটে রজনী আনয়ন করে যে, তাহাতে তোমরা বিশ্রাম লাভ করিবে? অনন্তর তোমরা কি দেখিতেছ না? ৭২। এবং তিনি আপন রূপানুসারে তোমাদের জন্ত রজনী ও দিবা স্বজন করিয়াছেন, যেন তোমরা তাহাতে বিশ্রাম কর ও যেন তাঁহার প্রসাদে জীবিকা অন্বেষণ কর; সম্ভবতঃ তোমরা কৃতজ্ঞ হইবে। ৭৩। এবং (স্মরণ কর,) যে দিবস তিনি তাহাদিগকে ডাকিবেন ও পরে বলিবেন, “যাহাদিগকে তোমরা মনে করিতেছিলে, আমার সেই অংশিগণ কোথায়”? ৭৪। এবং প্রত্যেক মণ্ডলী হইতে আমি সাক্ষী বাহির করিয়া লইব, পরে বলিব, “তোমরা স্বীয় প্রমাণ উপস্থিত কর;” অনন্তর তাহারা জানিবে যে, ঈশ্বরের পক্ষেই সত্য আছে, এবং তাহারা যাহা (যে অসত্য) কল্পনা করিতেছিল, উহা তাহাদিগ হইতে বিলুপ্ত হইবে। ৭৫। (র, ৭, আ, ১৫)

নিশ্চয় কারুণ মুসার সম্প্রদায়ের অন্তর্গত ছিল, পরে সে তাহাদের প্রতি বিরুদ্ধাচরণ করিয়াছিল; এবং তাহাকে আমি এই পরমাণ দনপুঞ্জ দান করিয়াছিলাম যে, তাহার কুঞ্জিকা সকল একদল বলবান্ লোকের ভারবহ হইত; (স্মরণ কর,) যখন তাহার সম্প্রদায় তাহাকে বলিল, “তুমি আমোদ করিও না, নিশ্চয় ঈশ্বর আমোদকারীদিগকে প্রেম করেন না” *। ৭৬। পরমেশ্বর যাহা তোমাকে দান করিয়াছেন, তুমি তাহাতে পারলৌকিক গৃহের (কল্যাণ) অন্বেষণ করিতে থাক ও সংসারের আপন অংশ তুমি ভুলিও না; এবং ঈশ্বর তোমার প্রতি যেমন হিতসাধন করিয়াছেন, তুমি তদ্রূপ হিতসাধন কর ও জগতে উপপ্লব অন্বেষণ করিও না। নিশ্চয় ঈশ্বর উপপ্লবকারীদিগকে প্রেম করেন না” †। ৭৭। সে বলিল, “আমার সন্নিধানে যে জ্ঞান আছে, তজ্জন্ত এই (দন)

* মুসার সময়ে কারুণনামক একজন মহা ধনশালী লোক ছিল, তাহার ধনাধারসকলের কুঞ্জিকা এত অধিক ছিল যে, চল্লিশ জন বলবান্ লোকের পক্ষে গুরুভার ছিল। কেহ কেহ বলেন, বাটটি উষ্ট্র কুঞ্জিকাপুঞ্জ বহন করিয়া লইয়া যাঁবার জন্ত নিযুক্ত থাকিত। কেহ কেহ বলিয়া থাকেন, সহস্রগুণ চারি লক্ষ ও চল্লিশ সহস্র ভাণ্ডার রজত কাঞ্চনে পূর্ণ ছিল। “ঈশ্বর আমোদকারীদিগকে প্রেম করেন না” অর্থাৎ পার্থিব সম্পত্তি দ্বারা যাহারা আমোদ করে, ঈশ্বর তাহাদিগকে প্রেম করেন না। (ত, হো,)

† অর্থাৎ পারলৌকিক কল্যাণ-লাভের জন্ত ঈশ্বরেরদেখে তুমি আপন দন ব্যয় কর; “সংসারের আপন অংশ তুমি ভুলিও না” অর্থাৎ ইহলোক হইতে গ্রন্থানের সময়ে তোমার অংশ কখন (শবাজ্জাদন) মাত্র থাকিবে, তাহা তুমি ভুলিও না, সেই অবস্থা চিন্তা করিও, ধনৈর্ঘর্ষে অহঙ্কারী হইও না। (ত, হো,)

আমাকে শ্রদ্ধা হইয়াছে, ইহা ভিন্ন নহে;” সে কি জানে না যে, পরমেশ্বর তাহার পূর্বে অনেক দলকে, যে তাহারা শক্তি অনুসারে তাহা অপেক্ষা প্রবলতর ও জনতা অনুসারে অধিকতর ছিল, নিশ্চয় বিনাশ করিয়াছেন; এবং অপরাধিগণ আপন অপরাধ-বিষয়ে জিজ্ঞাসিত হইবে না *। ৭৮। অনন্তর সে আপন সজ্জাতে স্বজাতির নিকটে বাহির হইল, যাহারা পাখিব জীবন আকাজ্জা করিতেছিল, তাহারা বলিল, “হায়! কারণকে যাহা প্রদত্ত হইয়াছে, তদ্রূপ যদি আমাদের হইত! নিশ্চয় সে মহাভাগা-শীল” †। ৭৯। এবং যাহাদিগকে জ্ঞান প্রদত্ত হইয়াছে, তাহারা বলিল, “তোমাদের প্রতি আক্ষেপ, যে ব্যক্তি বিশ্বাস স্থাপন ও শুভ কর্ম করিয়াছে, তাহার জগুই ঈশ্বরের উত্তম পুরস্কার হয়, এবং সহিস্র লোকদিগকে ভিন্ন তাহাতে সংযোগ করা হয় না”। ৮০। অনন্তর আমি তাহাকে ও তাহার গৃহকে ভূমিতে প্রোথিত করিলাম, পরে ঈশ্বর ব্যতীত তাহার জগু কোন দল ছিল না যে, তাহাকে সাহায্য দান করে, এবং সে প্রতিশোধকারীদিগের অন্তর্গত ছিল না ‡। ৮১। এবং যাহারা তাহার পদ কামন।

* “অপরাধিগণ আপন অপরাধ বিষয়ে জিজ্ঞাসিত হইবে না” অর্থাৎ ঈশ্বর তাহাদের মূখ দেখিয়াই চিনিয়া লইবেন, কেয়ামতের দিন তাহাদের অপরাধসম্বন্ধে তাহাদিগকে প্রশ্ন করিবেন না, তিনি সমুদায় জানেন। তখন অগণ্য পাপী নরকে যাইবে। (ত, হো,)

† কারণ শনিবার দিন স্বজাতির নিকটে বাহির হইয়াছিল, সে গুত্র উট্টোপরি স্বর্ণময় আসনে বিচিত্র লোহিত বসনে আচ্ছাদিত হইয়া উপবিষ্ট ছিল। এই ভাবে চারি সহস্র লোক, কেহ কেহ বলে, নব্বই সহস্র লোক উট্টোরোহণে তাহার সঙ্গে গমন করিয়াছিল। উট্টোরোহণ লোহিতবসনা স্তম্ভজিতা সহস্র কিস্করী তাহার সঙ্গে ছিল। (ত, হো,)

‡ মুসাদেবের প্রতি কারণের ভয়ানক হিংসা ও শত্রুতা ছিল। অনুক্ষণ সে তাহার প্রতি উৎপীড়ন করিতে চেষ্টা করিত। সকলে ধর্মার্থ দান করিবে, ঈশ্বরের এই আদেশ মূসার প্রতি অবতীর্ণ হইল। মুসা ঈশ্বরের আজ্ঞাক্রমে কারণকে বলিলেন যে, প্রত্যেক সহস্র মুদ্রায় তোমাকে এক মুদ্রা দান করিতে হইবে। কারণ হিসাব করিয়া দেখিল যে, তাহাতে প্রচুর মুদ্রা হস্তচ্যুত হয়। তখন কুপণতা তাহাকে বাধা দিল। সে কতিপয় উন্নত এশ্রায়লকে ডাকিয়া বলিল, মুসা যখন যাহা বলিয়াছে, তোমরা তাহা পালন করিয়াছ, এক্ষণ দেখিলে, তোমাদের ধনসম্পত্তি হরণ করিতে ইচ্ছুক হইয়াছে। তাহারা কহিল, তুমি আমাদের দলপতি, তুমি কি আজ্ঞা কর? সে বলিল, আমি ইচ্ছা করি যে, তাহাকে সাধারণের নিকটে ঘৃণিত ও লজ্জিত করিব, তাহা হইলে অপর লোকে তাহার কথায় কর্ণপাত করিবে না। অনন্তর সে সবজা নামী এক বাড়িচারিণী নারীকে অর্থ দ্বারা বশীভূত করিয়া এই অঙ্গীকারে বদ্ধ করিল যে, সে সাধারণের নিকটে উপস্থিত হইয়া বলিবে যে, মুসা তাহার সঙ্গে বাড়িচার করিয়াছে। পরদিন মুসাদেব কারণের সাক্ষাতে এক্রূপ নিবেদ্য বিধি প্রচার করিয়া-ছিলেন যে, যে ব্যক্তি চুরি করিবে, তাহার হস্তচ্ছেদন করা যাইবে; যে জন বাড়িচার করিবে, অবিবাহিত হইলে তাহাকে বৈবাহ্যে আহত ও বিবাহিত হইলে প্রসূতরাঘাতে চূর্ণ করা হইবে। এই কথা শুনিয়াই কারণ গাত্ৰোত্থান করিয়া বলিল, যদি তোমার নিজের এই অপরাধ হয়, তবে কেমন হইবে? মুসা বলিলেন, হাঁ, আমি অপরাধী হইলেও এই শাস্তি পাইব। কারণ বলিল, এশ্রায়েলবংশীয়

করিতেছিল, তাহারা পর দিন প্রত্যুষে (আগমন করিল,) বলিতে লাগিল, “আশ্চর্য্য যে, ঈশ্বর আপন দাসদিগের মধ্যে যাহাকে ইচ্ছা করেন, তাহার প্রতি জীবিক। উগ্ৰুজ্জ ও সঙ্কুচিত করিয়া থাকেন; যদি আমাদের সম্বন্ধে ঈশ্বর হিত সাধন না করিতেন, তবে নিশ্চয় তিনি আমাদের প্রার্থিত করিতেন। আশ্চর্য্য যে, ধর্ম্মবিদ্বেষিগণ উদ্ধার পায় না”। ৮২। (র, ৮, আ, ৭)

এই পারলৌকিক আলায়, যাহারা পৃথিবীতে উচ্চতা ও উপগ্রব আকাঙ্ক্ষা করে না, আমি তাহাদের জন্ত ইহা নির্ধারণ করিতেছি; এবং ধর্ম্মভীরুদিগের জন্ত (শুভ) পরিণাম * ৮৩। যে ব্যক্তি শুভ আনয়ন করে, পরে তাহার জন্ত তদপেক্ষা অধিক মঙ্গল হয়, এবং যাহারা অশুভ আনয়ন করে, অনন্তর সেই অশুভকারীদিগকে, তাহারা যাহা করিতেছিল, তদনুরূপ ভিন্ন বিনিময় দেওয়া যাইবে না। ৮৪। নিশ্চয় যিনি তোমার লোকেরা মনে করিতেছে যে, তুমি অমুক নারীর সঙ্গে বালিচার করিয়াছ। মুসা বলিলেন, ঈশ্বরের আশ্রয় লইতেছি, এ কি ভয়ানক কথা! তুমি সেই স্ত্রীকে উপস্থিত কর। তৎপর সব্জা সভায় উপস্থিত হইল। মুসা বলিলেন, সেই ঈশ্বরের শপথ, যিনি সাগরকে বিভক্ত ও তওরাত অবতারণা করিয়াছেন, যথার্থ বলিও। তখন ঈশ্বরের প্রতি নারীর ভয় জন্মিল। সে বলিল, দেব, এই কারণ তোমার সম্বন্ধে অপবাদ রটনা করিবার জন্ত বহুযত্ন। আমাকে উৎকোচ দিয়াছে; আমি ঘোর কলঙ্কিনী পাপীয়সী, আমি কেমন করিয়া তোমার প্রতি কলঙ্কারোপ করিব? এই দেখ, কারণের মোহরাক্ষিত মুজাপূর্ণ দুই মুজাধার আমার নিকটে আছে। এস্রায়েলবংশীয় লোকেরা মুজাধারে কারণের মোহর দেখিয়া তাহার প্রতারণা উত্তমরূপে বুঝিতে পারিল। তখন মুসাদেব ভূমিতলে মস্তক স্থাপন করিয়া স্বীয় প্রভুর নিকটে কারণের সম্বন্ধে অভিযোগ করিলেন। ঈশ্বর বলিলেন, মস্তিকাকে তোমার আশ্রয়ধীন করিলাম, তুমি যাহা বলিবে, সে তাহা পালন করিবে। তখন মুসা বলিলেন, হে লোক সকল, ক্ষেত্রপতির প্রতি আমি যেমন প্রেরিত হইয়াছিলাম, তদ্রূপ কারণের প্রতিও প্রেরিত হইয়াছি। যাহারা কারণের সঙ্গে আছে, তাহাদিগকে বল, যেন স্বস্থানে স্থির থাকে, এবং যাহারা আমার সঙ্গে আছে, তাহারা এক পাশ্বে চলিয়া যাউক। সমুদায় বনিএস্রায়েল সভাস্থল হইতে সরিয়া দাঁড়াইল, দুই জন মাত্র কারণের সঙ্গে স্থিতি করিল। তৎক্ষণাৎ ভূমি তাহাদের চরণ জাহ্নু পর্য্যন্ত গ্রাস করিয়া ফেলিল। তাহারা আর্তনাদ করিয়া আশ্রয় প্রার্থনা করিল, কোন ফল দর্শিল না। মুসা বলিতেছিলেন যে, ইহাদিগকে গ্রাস কর, তৎপর ক্রমে ক্রমে তাহাদের কটীদেশ ও গ্রীবা পর্য্যন্ত ভূগর্ভে প্রোথিত হইল। তাহারা অনেক ক্রন্দন ও বিলাপ করিল, কিছুই ফল হইল না। পরে সর্ব্বাঙ্গ ভূগর্ভে প্রোথিত হইল। অবশেষে মুসার ইচ্ছামুসারে কারণের সমুদায় গৃহ অট্টালিকা ধনসম্পত্তি ভূগর্ভে প্রোথিত হইয়া গেল। (ত, হো,)

* যাহারা শুদ্ধ হইয়াছেন, অর্থাৎ মানবীয় ভাব হইতে বাঁহাদের আত্মা মুক্ত হইয়াছে, যাহারা এই নরলোকে উচ্চতার অভিলাষী নহেন, অত্যাচার ও উপগ্রব করিতে চাহেন না, একমাত্র ঈশ্বরেতে দৃষ্টি সম্বদ্ধ রাখিয়া অস্ত্র কিছুই প্রতি আকৃষ্ট নহেন, ইহলোক পরলোক বিধাখিপতির হস্তে উৎসর্গ করিয়াছেন, তাহাদের জন্তই পারলৌকিক প্রসন্নতার আলায়। (ত, হো,)

+ যে ব্যক্তি শুভ কর্ম্ম করে, সে তাহার দ্বিগুণ পুরস্কার লাভ করিয়া থাকে; যে জন পাপ করে, সে তাহার অনুরূপ শাস্তি প্রাপ্ত হয়। (ত, হো,)

প্রতি কোরু আনু নির্ধারণ করিয়াছেন, অবশ্য তিনি তোমাকে প্রত্যাবর্তনভূমির দিকে ফিরাইয়া লইয়া যাইবেন ; যে ব্যক্তি ধর্মালোক সহ আসিয়াছে ও যে জন স্পষ্ট পথভ্রাস্তির মধ্যে আছে, তুমি বল, আমার প্রতিপালক তাহাদিগকে উত্তম জানেন * । ৮৫ । এবং তোমার প্রতিপালকের কৃপা বাতীত, তোমার প্রতি যে গ্রন্থ অবতারণিত হইবে, তুমি আশা করিতেছিলে না ; অনন্তর তুমি কখনও কাফেরদিগের সাহায্যকারী হইও না । ৮৬ । তোমার প্রতি অবতারণিত হওয়ার পর, ঈশ্বরের নিদর্শন সকল হইতে তোমাকে তাহারা নিবৃত্ত করিতে পারিবে না ; এবং আপন প্রতিপালকের দিকে তুমি (লোকদিগকে) আহ্বান করিতে থাক ও তুমি অংশিগাদীদিগের অন্তর্গত হইও না । ৮৭ । ঈশ্বরের সঙ্গে অগ্র উপাশ্রকে কখনও ডাকিও না, তিনি বাতীত উপাশ্র নাই, তাহার স্বরূপ ভিন্ন সমুদায় বস্তুই বিনশ্বর ; তাহারই কর্তৃত্ব ও তাহার দিকেই তোমরা প্রতিগমন করিবে । ৮৮ । (র, ২, আ, ৬)

সূরা অনুবৃত †

.....

উনত্রিংশ অধ্যায়

.....

৬৯ আয়ত, ৭ রকু

(দাতা দয়ালু পরমেশ্বরের নামে প্রবৃত্ত হইতেছি ।)

ঈশ্বর সূক্ষ্ম ও মহিমান্বিত ঃ । ১ । লোকে কি মনে করে, “আমি বিশ্বাস স্থাপন করিলাম,” এই যে তাহারা বলিয়া থাকে, তাহাতে ছাড়িয়া দেওয়া হইবে, এবং তাহারা

* এই আয়ত মদিনাপ্রস্থানের সময় অবতীর্ণ হয় । পরমেশ্বর হজরতকে সামান্য দান করিয়া বলেন যে, তুমি পুনর্বার মক্কাতে আসিতে পারিবে । তাহাতে তিনি পূর্ণ জয়লাভ করিয়া সুল্লারূপে ফিরিয়া আসিয়াছিলেন । (ত, ৯১)

† এই সূরা মক্কাতে অবতীর্ণ হইয়াছে ।

‡ “আলম্মা” পদের আ, ল, ম, এই তিন বর্ণের সাক্ষেতিক তিন অর্থ, ঈশ্বর, সূক্ষ্ম ও মহিমান্বিত ! অর্থাৎ পরমেশ্বর বলিতেছেন যে, আমি ঈশ্বর, আমার সেবাতে অভিনিবিষ্ট হও ; আমি সূক্ষ্ম, আমার অর্চনায় প্রেমের ক্রটি করিও না ; আমি মহিমান্বিত, অন্য কাহাকে মহিমান্বিত করিও না । (ত, ১০১)

পরীক্ষিত হইবে না * ? ২। এবং সত্য সত্যই তাহাদের পূর্বে যাহারা ছিল, আমি তাহাদিগকে পরীক্ষা করিয়াছি; অনন্তর যাহারা সত্য বলে, অবশ্য ঈশ্বর তাহাদিগকে প্রকাশ করিবেন, এবং মিথ্যাবাদীদিগকে অবশ্য প্রকাশ করিবেন †। ৩। যাহারা অধর্ম করিয়া থাকে, তাহারা কি মনে করে যে, মন্দবিষয়ে তাহারা যে আদেশ করে, উহা আমার উপর জয়লাভ করিবে? ৪। যে ব্যক্তি ঈশ্বরের সাক্ষাৎকারের আশা রাখে পরে, নিশ্চয় ঈশ্বরের (সম্মিলনের) নির্ধারিত কাল (তাহাদের নিকট) উপস্থিত হইবে; এবং তিনি শ্রোতা ও জ্ঞাতা। ৫। এবং যে ব্যক্তি জেহাদ করে, অনন্তর সে আপন জীবনের জন্ত জেহাদ করিয়া থাকে, এতদ্ভিন্ন নহে; নিশ্চয় ঈশ্বর জগদ্বাসীদিগের (সেবাসম্বন্ধে) নিকাম। ৬। এবং যাহারা বিশ্বাস স্থাপন ও শুভ কর্ম করিয়াছে, অবশ্য আমি তাহাদিগ হইতে তাহাদের অপরাধ সকল দূর করিব, এবং তাহারা যাহা করিতেছিল, অবশ্য আমি তাহার অভ্যুত্তম পুরস্কার তাহাদিগকে দান করিব ‡। ৭। এবং পিতা মাতার প্রতি সদ্যবহার করিতে আমি মনুষ্যকে আদেশ করিয়াছি, এবং যদি তাহারা তোমার সম্বন্ধে চেষ্টা করে যে, যে বস্তুতে (ঈশ্বরে) তোমার জ্ঞান নাই, আমার সঙ্গে তুমি তাহার অংশিত্ব স্থাপন কর, তবে তাহাদিগের আজ্ঞা পালন করিও না, আমার দিকে তোমাদের প্রত্যাবর্তন; অনন্তর তোমরা যাহা করিতেছিলে, তদ্বিষয়ে আমি

* অর্থাৎ আমি বিশ্বাসী হইয়াছি, এই বলিয়া লোকে কি মনে করে যে, শাস্ত্রীয় নিষেধ বিধি-বিষয়ে তাহারা পরীক্ষিত হইবে না, বা ধন ও জীবনে কিম্বা নিকরাসন ও ধর্মযুক্তিতে পরীক্ষিত হইবে না? এই আয়তের উদাহরণস্বরূপ মক্কানবাসী কতিপয় মোসলমান হইয়াছিলেন। তাহাদের পক্ষে স্বদেশ ও শ্বগৃহ পরিত্যাগ করিয়া বাওয়া দ্রুত হইয়াছিল। যে সকল মোসলমান মক্কা ছাড়িয়া মদিনায় প্রস্থান করিয়াছিলেন, তাহারা মদিনা হইতে মক্কানগরস্থিত উক্ত মোসলমানদিগকে বলিয়া পাঠাইতে লাগিলেন যে, মক্কায় অবস্থান করিলে তোমাদের ধর্ম পূর্ণতা লাভ করিবে না, শীঘ্র মদিনায় চলিয়া আইস। তৎপর কেহ কেহ মদিনাপ্রস্থানের সম্বল করিয়া নগর হইতে বহির্গত হইয়াছিলেন। কাকের লোকেরা সংবাদ পাইয়া তাহাদিগকে বলপূর্বক পথ হইতে ফিরাইয়া লইয়া আইসে। তখন পরমেশ্বর তাহাদের সান্ত্বনার জন্ত এই আয়ত প্রেরণ করেন। যথা, তোমাদের মনে করা উচিত নয় যে, বিপদ পরীক্ষার আক্রমণ ব্যতীত ধর্মবল প্রকৃতভাবে উপার্জিত হইবে। প্রকৃত কথা এই যে, মহান্বা ওমরের মহাজ্ঞানামক এক দাস বদরের যুদ্ধে এমার হজরমীর শরণাগতে নিহত হইয়াছিল। হজরত প্রেরিতপুঙ্খ বলিয়াছিলেন যে, এ ব্যক্তি ধর্মযুদ্ধে নিহত বিশ্বাসীদিগের অগ্রগামী হইবে। মহান্বার পিতা মাতা তাহার মৃত্যুতে অত্যন্ত আকুল হইয়া আর্তনাদ করিতে থাকে। তখন পরমেশ্বর এই আয়ত প্রেরণ করিলেন যে, পরীক্ষা বিপদ ভিন্ন বিশ্বাসীমুসারে কোন কার্য সাধন হইতে পারে না।

(ত, হো,)

† অর্থাৎ পরমেশ্বর সত্যবাদী ও মিথ্যাবাদী এই দুই দলকে লোকের নিকটে প্রকাশ করিবেন, অথবা তাহাদিগকে সত্যচরণ ও অসত্যচরণের জন্ত পুরস্কার ও শাস্তিবিধান করিবেন।

(ত, হো,)

‡ অর্থাৎ ঈশ্বর বলিতেছেন যে, তাহাদের বিশ্বাসের গুণে আমি তাহাদিগের সংক্রিয়ার প্রচুর পুরস্কার দান করিব, এবং পাপ ক্ষমা করিব।

(ত, ফা,)

(কেয়ামতে) তোমাদিগকে সংবাদ দান করিব *। ৮। এবং যাহারা বিশ্বাস স্থাপন ও সংকল্প করিয়াছে, অবশ্য আমি তাহাদিগকে সাধুমণ্ডলীতে প্রবেশ করাইব। ৯। এবং মানবমণ্ডলীর মধ্যে কেহ কেহ আছে যে, বলিয়া থাকে, “আমরা ঈশ্বরের প্রতি বিশ্বাস স্থাপন করিয়াছি;” অনন্তর যখন তাহারা ঈশ্বরের পথে উৎপীড়িত হয়, তখন লোকের প্রপীড়নকে পরমেশ্বরের শাস্তিস্বরূপ গণ্য করে, এবং যদি তোমার প্রতিপালক হইতে, (হে মোহম্মদ,) আনুকূল্য উপস্থিত হয়, তবে বলিয়া থাকে, “নিশ্চয় আমরা তোমাদের সঙ্গে ছিলাম।” জগৎসীদীগের অন্তরে যাহা আছে, ঈশ্বর কি তাহার উত্তম জ্ঞাতা নহেন †? ১০। এবং যাহারা বিশ্বাস স্থাপন করিয়াছে, অবশ্য পরমেশ্বর তাহাদিগকে জ্ঞাত আছেন, এবং অবশ্য তিনি কপটদিগকে জ্ঞাত আছেন। ১১। এবং কাফের লোকেরা বিশ্বাসীদিগকে বলিয়াছে যে, “তোমরা আমাদের পথের অহুসরণ কর, সম্ভবতঃ আমরা তোমাদের অপরাধ সকল বহন করিব;” এবং তাহারা তাহাদিগের অপরাধের কিস্কিন্মাত্র বহনকারী নহে, নিশ্চয় তাহারা মিথ্যাবাদী। ১২। এবং একান্তই তাহারা আপনাদের ভার ও আপনাদের ভারের সঙ্গে (অথের) ভার বহন করিবে; তাহারা যে অসত্য বলিতেছিল, কেয়ামতের দিনে অবশ্য তদ্বিষয়ে জিজ্ঞাসিত হইবে ‡। ১৩। (র, ১, আ, ১৩)

এবং সত্য সত্যই আমি মুহাকে তাহার মণ্ডলীর প্রতি প্রেরণ করিয়াছিলাম, অনন্তর সে তাহাদিগের মধ্যে নয় শত পঞ্চাশ বৎসর স্থিতি করিয়াছিল, পরে জলপ্লাবন তাহাদিগকে আক্রমণ করিয়াছিল, এবং তাহারা অত্যাচারী ছিল §। ১৪। অবশেষে আমি

* কথিত আছে, যখন আবু ওকাসের পুত্র সাদ এসলামধর্মে দীক্ষিত হইলেন, তখন তাহার মাতা আবুহুফিফানের কন্যা হমনা শপথ করিয়া পুত্রকে বলিল, যে পথান্ত না তুমি মোহম্মদের ধর্ম পরিত্যাগ কর, সে পথান্ত আমি সূর্য্যোস্তাপ হইতে ছায়ায় লইব না, কিছুই আহা করিব না। সাদ হজরতের নিকটে যাইয়া এ বিষয় নিবেদন করেন, তাহাতেই এই আয়ত অবতীর্ণ হয়। (ত, হো,)

+ অর্থাৎ যেমন ঈশ্বরের শাস্তিভয়ে অধর্ম পরিত্যাগ করা আবশ্যক, তদ্রূপ কপট লোকেরা প্রপীড়িত হইয়া লোকভয়ে ধর্মকে পরিত্যাগ করিয়া পাকে। কখনও যুদ্ধে জয়লাভ হইলে লুণ্ঠিত সামগ্রীর অংশ পাইবার উদ্দেশ্যে বলে, আমরাও তোমাদের সঙ্গে সমরে যোগ দিয়াছিলাম। (ত, হো,)

‡ অর্থাৎ কেয়ামতের দিনে কপট লোকেরা আপনাদের অপরাধের ভারের সঙ্গে যাহাদিগকে তাহারা বিপথগামী করিয়াছে, তাহাদের অপরাধের ভারও বহন করিবে। (ত, হো,)

§ কথিত আছে যে, মহাপুরুষ মুহা চল্লিশ বৎসর বয়ঃক্রমকালে প্রেরিতত্ব-পদ লাভ করিয়া, নয় শত পঞ্চাশ বৎসর সাধারণের নিকটে সুসমাচার প্রচার করিয়াছিলেন। জলপ্লাবনের পর ষাট বৎসর জীবিত ছিলেন। স্থলান্তরে উক্ত হইয়াছে যে, চতুর্দশ শত বৎসর মুহার বয়ঃক্রম ছিল; কেহ কেহ বলেন, তিনি এতদপেক্ষা অধিককাল জীবিত ছিলেন। এই আয়ত হজরতের সাহাবার জন্ম প্রেরিত হইয়াছে, যেহেতু মুহা নয় শত পঞ্চাশ বৎসর দুঃসহ উৎপীড়ন সহ করিয়া প্রচার করিয়াছেন। তিনি

তাহাকে ও নৌকাধিকৃত লোকদিগকে উদ্ধার করিয়াছিলাম, এবং তাহাকে (নৌকাকে) সমস্ত জগতের জন্ত এক নিদর্শন করিয়াছিলাম। ১৫। এবং এব্রাহিমকে (প্রেরণ করিয়াছিলাম;) যখন সে আপন মণ্ডলীকে বলিল, “তোমরা ঈশ্বরকে অর্চনা কর ও তাঁহাকে ভয় করিতে থাক, যদি তোমরা জ্ঞান রাখ, তবে ইহাই তোমাদের জন্ত কল্যাণ। ১৬। তোমরা ঈশ্বরকে ছাড়িয়া প্রতিমা সকলকে অর্চনা করিতেছ ও অসত্য রচনা করিয়া থাক, এতদ্ভিন্ন নহে; নিশ্চয় ঈশ্বরকে ছাড়িয়া তোমরা যাহাদিগকে অর্চনা কর, তাহারা তোমাদিগকে জীবিকাদানে সমর্থ নহে। অনন্তর তোমরা ঈশ্বরের নিকটে জীবিকা অন্বেষণ করিতে থাক ও তাঁহাকে অর্চনা কর, এবং তাঁহাকে ধন্যবাদ দাও, তাঁহার দিকেই তোমরা ফিরিয়া যাইবে। ১৭। যদি তোমরা, (হে লোক সকল,) অসত্যারোপ কর, তবে (জানিও,) নিশ্চয় তোমাদের পূর্ববর্তী মণ্ডলী সকলও অসত্যারোপ করিয়াছিল; এবং প্রেরিতপুরুষের প্রতি স্পষ্ট প্রচার ভিন্ন (অজ্ঞ কার্য্য নহে)” *। ১৮। তাহারা কি দেখে নাই যে, ঈশ্বর কেমন করিয়া প্রথমে সৃষ্টি করিয়া থাকেন, তৎপর তিনি তাহা পুনর্বার করিবেন? নিশ্চয় ইহা ঈশ্বরের সম্বন্ধে সহজ। ১৯। ভূমি বল, (হে মোহম্মদ,) তোমরা পৃথিবীতে ভ্রমণ করিতে থাক, পরে দেখ, কেমন করিয়া তিনি প্রথম সৃষ্টি করিয়াছেন, তৎপর ঈশ্বর সেই সৃষ্টিকে পুনর্বার সৃজন করিবেন; নিশ্চয় ঈশ্বর সর্বোপরি ক্ষমতাশালী †। ২০। তিনি যাহাকে ইচ্ছা করেন, শাস্তি দিবেন ও যাহাকে ইচ্ছা করেন, দয়া করিবেন, এবং তাঁহার দিকেই তোমরা প্রত্যাবর্তিত হইবে। ২১। এবং তোমরা, (হে লোকসকল,) পৃথিবীতে ও স্বর্গেতে (ঈশ্বরের) পরাভবকারী নও, এবং ঈশ্বর ভিন্ন তোমাদের কোন বন্ধু ও সাহায্যকারী নাই। ২২। (র, ২, আ, ৯)

এবং যাহারা ঈশ্বরের নিদর্শন সকল ও তাঁহার সাক্ষাৎকারসম্বন্ধে অবিখ্যাসী হইয়াছে, তাহারাই আমার দয়াতে নিরাশ হইয়াছে; এবং তাহারাই, যে তাহাদের জন্ত ক্লেশকরী যখন এত অধিক কাল অত্যাচার সহ্য করিয়াছেন, তখন হজরতকেও উৎপীড়ন সহ্য করিতে হইবে।

(ত, হো,)

* প্রেরিতপুরুষ মুহা, লুত ও সালেহের প্রতি তাহাদের সম্প্রদায় অসত্যারোপ করিয়াছিল; তাহাদের অসত্যারোপে উক্ত প্রেরিতপুরুষদিগের কোন ক্ষতি হয় নাই, বরং তাহারাই আপন আপন দুশ্চেষ্টার জন্ত বিপদগ্রস্ত হইয়াছিল, সকলে ঐহিক পারত্রিক শাস্তি লাভ করিয়াছিল। অতএব অসত্যারোপে ঈশ্বরের প্রেমাস্পদ হজরত মোহম্মদের কি অনিষ্ট হইতে পারে? (ত, হো,)

† গ্রায়ামুসারে ঈশ্বরকর্তৃক শাস্তিদান ও তাঁহার অসন্নতায় তৎকর্তৃক দয়াপ্রকাশ হইয়া থাকে। তিনি যাহার প্রতি ইচ্ছা করেন, স্ত্রায়ব্যবহার করিয়া তাহাকে আপন সন্নিধান হইতে দূর করিয়া থাকেন; যাহার প্রতি ইচ্ছা হয়, দয়া করিয়া তাহাকে নিকটে আহ্বান করেন। বস্তুতঃ দুশ্চরিত্রতার জন্ত শাস্তি ও সচ্চরিত্রতার জন্ত কৃপাবিধান হয়। কোন কোন সাধক বলেন যে, সংসারাসক্তি ও সংসারবিরাগ, বা লোভ ও সহিষ্ণুতা, কিংবা বেচ্ছাচারিতা ও ধর্মবিধির অধীনতা, অথবা আন্তরিক বিকিপ্ততা ও আন্তরিক যোগ অনুসারে শাস্তি ও কল্পনার প্রকাশ হইয়া থাকে। (ত, হো,)

শাস্তি আছে। ২৩। অনন্তর তাহার (এব্রাহিমের) সম্প্রদায়ের “তাহাকে বধ কর, অথবা তাহাকে দক্ষ কর” বলা ভিন্ন কথা ছিল না; পরে পরমেশ্বর তাহাকে অগ্নি হইতে রক্ষা করিয়াছিলেন, বিশ্বাসীদের জন্ত নিশ্চয় ইহার মধ্যে নিদর্শন সকল আছে। ২৪। এবং সে বলিয়াছিল, তোমরা পার্থিব জীবনের প্রতি প্রেম থাকা বশতঃ ঈশ্বরকে ছাড়িয়া আপনাদের মধ্যে প্রতিমা সকলকে গ্রহণ করিয়াছ, এতদ্ভিন্ন নহে; তৎপর পুনরুত্থানের দিনে তোমরা পরস্পর পরস্পরকে অগ্রাহ্য করিবে ও তোমরা পরস্পর পরস্পরকে অভিশাপ দিবে, এবং তোমাদের বাসভূমি অগ্নি হইবে ও তোমাদের জন্ত সাহায্যকারী নাই। ২৫। অনন্তর তাহার সম্বন্ধে লুত বিশ্বাস স্থাপন করিল ও বলিল, “নিশ্চয় আমি আপন প্রতিপালকের উদ্দেশ্যে দেশত্যাগকারী, নিশ্চয় তিনি বিজ্ঞেতা ও বিজ্ঞাতা” *। ২৬। এবং আমি তাহাকে এসূহাক ও ইয়কুব (পুত্রদ্বয়) দান ও তাহার বংশের মধ্যে প্রেরিত্ত্ব ও গ্রন্থ নির্ধারণ করিয়াছি, এবং ইহলোকে তাহাকে তাহার পুরস্কার দিয়াছি ও নিশ্চয় সে পরলোকে সাধুদিগের অন্তর্গত ঁ। ২৭। এবং লুতকে (প্রেরণ করিয়াছিলাম;) যখন সে আপন দলকে বলিল, “নিশ্চয় তোমরা এমন দুষ্ট করিতেছ, যাহা তোমাদের পূর্বে জগৎসমী কোন লোক করে নাই। ২৮। তোমরা কি নিশ্চয় (কামভাবে) পুরুষদিগের নিকটে উপস্থিত হও ও পথে দস্যুবৃত্তি কর, এবং আপনাদের সভাতে তোমরা অবৈধ কথ্য করিয়া থাক” ? অনন্তর “যদি তুমি সত্যবাদীদিগের অন্তর্গত

* যখন মহাপুরুষ এব্রাহিম পাঁচও রাজ নেমরদ কর্তৃক প্রজ্বলিত অগ্নিমধ্যে নিক্ষিপ্ত হইয়াও দক্ষ হইলেন না, তখন তাহার ভাগিনেয় লুত (কেহ কেহ বলেন, লুত ভাতৃপুত্র ছিলেন) ও পিতৃব্য-কস্তা সারা তাহার প্রেরিত্ত্বে বিশ্বাস স্থাপন করিয়া তাহার কন্যাসমী হইয়াছিলেন। এব্রাহিম লুত ও সারাকে বলিয়াছিলেন যে, আমি ঈশ্বরোদ্দেশ্যে দেশ ত্যাগ করিয়া চলিয়া যাইব। তিনি বিদেশে যাত্রা করিলে, লুত সারাও তাহার সঙ্গী হন। তাহারা প্রথমতঃ নদ্যারণ্য নামক স্থানে আগমন করেন, তৎপর শামদেশে উপস্থিত হন। এব্রাহিম ফলসতিনে (পেলষ্টাইনে) অবস্থিত করেন। লুত মওতফকাতনামক স্থানে চলিয়া যান। এব্রাহিম সারার পাণিগ্রহণ করিয়াছিলেন। হাজেরা নামী এক কস্তা সারার পরিচারিকা ছিলেন, পরে তাহাকেও এব্রাহিম পত্নীরূপে গ্রহণ করেন। এব্রাহিমের পঁচাত্তর বৎসর বয়ঃক্রমকালে হাজেরার গর্ভে এক পুত্র হয়, তাহার নাম এন্মায়িল। যখন মহাপুরুষ এব্রাহিমের একশত বার বৎসর বা একশত বিশ বৎসর বয়ঃক্রম, তখন ঈশ্বরপ্রসাদে তিনি এসূহাকনামক পুত্র লাভ করেন। (ত, হো,)

+ ঈশ্বর বলিতেছেন যে, আমি এব্রাহিমের বৃদ্ধাবস্থায় তাহার বৃদ্ধা পত্নীর গর্ভে পুত্রসন্তান প্রদান করিয়াছি। তাহারই বংশে ক্রমান্বয়ে ধর্মপ্রবর্তকদিগকে পাঠাইয়াছি ও ধর্মগ্রন্থ দান করিয়াছি; এবং তাহাকে সকলের প্রিয় ও আদরণীয় করিয়াছি। তাহার সঙ্গে সকল ধর্মসম্প্রদায়ের বিশেষ সম্বন্ধ। এব্রাহিম অত্যন্ত আতিথেয় ছিলেন, তিনি অতিথিশালায় দ্বার সর্বদা উন্মুক্ত রাখিতেন। কথিত আছে যে, সেই অতিথিশালা এক্ষণও বিদ্যমান। সাধারণ লোক তাহাতে আতিথ্য গ্রহণ করিয়া কৃতার্থ হইয়া থাকে। তাহার সম্বন্ধে ইহাই ইহলোকে পুরস্কার বলিয়া উক্ত হইয়াছে। (ত, হো,)

হও, তবে ঈশ্বরের শাস্তি আমাদের নিকটে আনয়ন কর” বলা ভিন্ন তাহাদের দলের উত্তর ছিল না *। ২৯। সে বলিল, “হে আমার প্রতিপালক, বিপ্লবকারী দলের উপর আমাকে তুমি সাহায্য দান কর।” ৩০। (র, ৩, আ, ৮)

এবং যখন আমার প্রেরিতপুরুষগণ এব্রাহিমের নিকটে সুসমাচার সহ উপস্থিত হইল, তখন তাহারা বলিল, “নিশ্চয় আমরা সেই গ্রামনিবাসীদিগের হত্যাকারী, নিশ্চয়ই তাহার অধিবাসিগণ অত্যাচারী হয়”। ৩১। সে বলিল, “নিশ্চয় তথায় লুত আছে;” তাহারা বলিল, “তথায় যাহারা আছে, তাহাদিগকে আমরা উত্তম জ্ঞাত; তাহাকে ও তাহার ভাৰ্য্যা ব্যতীত তাহার পরিজনকে অবশ্য আমরা রক্ষা করিব, সে (নারী) অবশিষ্ট লোকদিগের মধ্যে থাকিবে”†। ৩২। এবং যখন আমার প্রেরিতপুরুষগণ লুতের নিকটে আগমন করিল, তখন সে আক্রমণের ভয়ে তাহাদের দ্বন্দ্ব দুঃখিত হইল ও তাহাদের দ্বন্দ্ব অন্তরে সঙ্কুচিত হইল; এবং তাহারা বলিল, “ভয় করিও না ও দুঃখ করিও না, নিশ্চয় আমরা তোমার ও তোমার ভাৰ্য্যা ব্যতীত তোমার পরিজনের রক্ষক হইব, সে অবশিষ্ট লোকদিগের মধ্যে থাকিবে। ৩৩। নিশ্চয় আমরা, তাহারা যে দুষ্কর্ম করিতেছে, তজ্জন্ত এই গ্রামবাসীদিগের উপর আকাশ হইতে শাস্তির অবতারণকারী”। ৩৪। এবং সত্য সত্যই আমি, জ্ঞান রাখে এমন দলের দ্বন্দ্ব, উহার উজ্জল নিদর্শন রাখিয়াছি ‡। ৩৫। এবং মদয়নবাসীদিগের দিকে তাহাদের ভ্রাতা শোয়বকে (প্রেরণ করিয়াছিলাম,) অনন্তর সে বলিয়াছিল, “হে আমার সম্প্রদায়, তোমরা ঈশ্বরকে অর্চনা করিতে থাক ও অন্তিম দিবসের প্রতি আশা রাখ, এবং ধরাতলে উপপ্লবকারিরূপে ভ্রমণ করিও না”। ৩৬। পরে তাহারা তাহার প্রতি অসত্যারোপ করিল, অনন্তর তাহাদিগকে ভূমিকম্প আক্রমণ করিল, অবশেষে তাহারা আপনাদের গৃহে প্রত্যাগে জাহুর

* “আপনাদের সভাতে তোমরা অবৈধ কর্ম করিয়া থাক” অর্থাৎ তোমরা সভাগুলে এমন কুক্রিয়া সকল কর, যাহা জ্ঞানী ধার্মিক লোকদিগের নিকটে নিতান্ত ঘৃণিত। যথা, গালি দান, লজ্জাজনক বিষয় লইয়া আশ্রয় করা, শীস্ দেওয়া, পরস্পরের প্রতি টিল ছুড়িয়া ফেলা, হারা পান করা, গীতবাদ্য করা এবং পরিব্রাজকদিগকে উপহাস করা ইত্যাদি। লুত বলিলেন, এ সকল দুষ্কর্ম তোমরা করিয়া থাক, এজন্ত তোমরা শাস্তিগ্রস্ত হইবে। তাহারা বলিল, এ সমস্ত কার্য আমরা পরিত্যাগ করিব না; তুমি যদি সত্যবাদী হও ও যদি ঈশ্বর থাকে, এবং তুমি তাহার প্রেরিত হও, তবে ঈশ্বরকে বল, যেন শাস্তি প্রেরণ করে। (ত, হো,)

† অর্থাৎ যখন এই গ্রামে ঈশ্বর শাস্তি প্রেরণ করিবেন, তখন লুত স্বজনবর্গসহ গ্রাম হইতে চতুর্দিক ঘাইবেন, কেবল তাহার স্ত্রী তথায় সেই দুরাচার লোকদিগের মধ্যে বাস করিবে ও তাহাদের সঙ্গে বিনাশ প্রাপ্ত হইবে। (ত, হো,)

‡ তৎকালের উজ্জল নিদর্শন, স্থানের দূরবস্থা ও জনশূন্যতা এবং তথায় যে মণ্ডলাকার কৃক প্রস্তরখণ্ড ও নীল জল দেখিতে পাওয়া যায়, তাহা। লুতীয় সম্প্রদায়ের উপর কৃক প্রস্তর বর্ষণ হইয়াছিল। (ত, হো,)

উপর মৃত পড়িয়া রহিল। ৩৭। এবং আদ ও সমুদ জাতিকে (আমি সংহার করিয়াছিলাম,) নিশ্চিত তোমাদের জ্ঞাতাহাদিগের কোন কোন গৃহ প্রকাশিত আছে, এবং শয়তান তাহাদের জ্ঞাতাহাদের ক্রিয়াসকলকে সজ্জিত করিয়াছিল; অনন্তর তাহাদিগকে (ধর্ম) পথ হইতে নিবৃত্ত রাখিয়াছিল, এবং তাহারা (তৎসমুদায়ের) দর্শক ছিল *। ৩৮। এবং কারুণ ও ফেরওণ ও হামানকে (সংহার করিয়াছি;) এবং সত্য সত্যই মুসা তাহাদের নিকটে প্রমাণ সকলসহ উপস্থিত হইয়াছিল, অনন্তর তাহারা পৃথিবীতে গর্ভ করিল, এবং অগ্রসর হইল না। ৩৯। পরিশেষে প্রত্যেককে আমি তাহাদের অপরাধের জ্ঞাত ধরিয়াছিলাম; পরে তাহাদের কেহ ছিল যে, তাহার প্রতি আমি প্রস্তর-বৃষ্টি প্রেরণ করিয়াছিলাম ও তাহাদের কেহ ছিল যে, তাহাকে ঘোর নিনাদে আক্রমণ করিয়াছিল, এবং তাহাদিগের কেহ ছিল যে, আমি তাহাকে মৃত্তিকায় প্রোথিত করিয়াছিলাম ও তাহাদের কেহ ছিল যে, আমি তাহাকে জলমগ্ন করিয়াছিলাম; এবং ঈশ্বর তাহাদের প্রতি অত্যাচার করেন, (এরূপ) ছিলেন না, কিন্তু তাহারাই স্বীয় জীবনের প্রতি অত্যাচার করিতেছিল। ৪০। যাহারা ঈশ্বরকে ছাড়িয়া (অশ্রুকে) বন্ধুরূপে গ্রহণ করিয়াছে, তাহাদের অবস্থা উর্ণনাভের অবস্থার তুল্য; সে গৃহ (জাল) রচনা করে, এবং নিশ্চয় উর্ণনাভের আশ্রয়, আশ্রয় সকলের মধ্যে ক্ষীণতর, যদি তাহারা জানিত, (উত্তম ছিল) †। ৪১। নিশ্চয় ঈশ্বর, তাহারা তাহাকে ছাড়িয়া যে কোন পদার্থকে আহ্বান করে, তাহা জানেন; এবং তিনি পরাক্রমশালী বিজ্ঞানময়। ৪২। এবং এই দৃষ্টান্ত সকল, ইহাকে আমি মানবমণ্ডলীর জ্ঞাত বর্ণন করিলাম, এবং জ্ঞানী লোকেরা ব্যতীত ইহা বুঝে না। ৪৩। ঈশ্বর সত্যভাবে স্বর্গ ও মর্ত্য সৃজন করিয়াছেন, নিশ্চয় ইহার মধ্যে বিশ্বাসীদিগের জ্ঞাত নিদর্শন আছে। ৪৪। (র, ৪, আ, ১৪)

তোমার প্রতি, (হে মোহাম্মদ,) গ্রন্থের যাহা প্রত্যাদেশ করা গিয়াছে, তুমি তাহা পাঠ করিতে থাক, এবং নমাজকে প্রতিষ্ঠিত রাখ; নিশ্চয় উপাসনা দুষ্ক্রিয়া ও অবৈধ কর্ম হইতে নিবারণ করে, এবং অবশ্য ঈশ্বরকে স্মরণ করা মহত্তম কাণ্ড। তোমরা

* অর্থাৎ হেমাঙ্গ ও এয়মন দেশে ভ্রমণ করিলে তাহাদের আশ্রয়ের চিহ্ন ও শাস্তির লক্ষণ দেখিতে পাইবে। “তাহারা দর্শক ছিল” অর্থাৎ তাহারা আপনাদিগকে চিন্তাশীল মুসলমান চতুর মনে করিত, এ দিকে প্রেরিত মহাপুরুষের বাক্যকে মূল্যহীন বলিয়া জানিত। (ত, হো,)

† অর্থাৎ তাহাদিগের ধর্ম উর্ণনাভের গৃহের স্থায় অস্থায়ী ও অকিঞ্চিৎকর, তাহাদের সেই ধর্ম দ্বারা কোনরূপ স্থায়ী উপকার হয় না। বহরোল্হকায়েকে উক্ত হইয়াছে যে, উর্ণনাভ উর্ণা বিকীর্ণ করিয়া আপনার জ্ঞাত কারাগার নির্মাণ করিয়া থাকে ও আপন হস্ত পদের উপর বন্ধন স্থাপন করে। কান্ফের লোকেরা যে ঈশ্বরকে ছাড়িয়া প্রবৃত্তির অর্চনায় ও সাংসারিক প্রেমে এবং শয়তানের আজ্ঞাপালনে রত হয়, তাহাতে শৃঙ্খলে বদ্ধ ও বিপদে জড়িত হইয়া থাকে, তাহাদের আর রক্ষার উপায় থাকে না, পরিণামে ভয়ানক শাস্তি প্রাপ্ত হইতে হয়। কেহ কেহ মানবীয় প্রবৃত্তিকে উর্ণনাভের জালের স্থায় অবিচল বলিয়া বর্ণন করিয়াছেন। (ত, হো,)

যাহা করিয়া থাক, ঈশ্বর তাহা জ্ঞাত হন * । ৪৫ । এবং গ্রন্থাধিকারীর সঙ্গে তাহাদের মধ্যে যাহারা অভ্যাচার করিয়াছে, তাহাদের সঙ্গে ব্যতীত, যাহা উত্তম, তদ্রূপ (প্রণালী) ভিন্ন তোমরা বিরোধ করিও না ; এবং বল, (হে মোসলমানগণ,) যাহা আমাদের প্রতি অবতীর্ণ হইয়াছে ও তোমাদের প্রতি অবতীর্ণ হইয়াছে, তৎপ্রতি আমরা বিশ্বাস স্থাপন করিয়াছি, এবং আমাদের উপাস্ত ও তোমাদের উপাস্ত একমাত্র ও আমরা তাঁহারই অলুগত । ৪৬ । এইরূপে আমি তোমার প্রতি, (হে মোহম্মদ,) গ্রন্থ অবতারণ করিয়াছি ; অবশেষে যাহাদিগকে আমি গ্রন্থ দান করিয়াছি, তাহারা ইহাতে বিশ্বাস স্থাপন করিয়া থাকে, এবং ইহাদিগেরও কেহ আছে যে, ইহার প্রতি বিশ্বাস রাখে। ধর্মবিবেচিগণ ব্যতীত (কেহ) আমার নিদর্শন সকলকে অস্বীকার করে না । ৪৭ । এবং তুমি ইহার পূর্বে কোন গ্রন্থ পাঠ করিতেছিলে না ও আপন দক্ষিণ হস্তে তাহা লিখিতেছিলে না ; তখন অবশ্য মিথ্যাবাদিগণ সন্দেহ হইয়াছে † । ৪৮ । বরং যাহাদিগকে জ্ঞান প্রদত্ত হইয়াছে, তাহাদের হৃদয় মধ্যে ইহা (কোর-আন্) উজ্জ্বল নিদর্শনপুঞ্জ হয় ; অত্যাচারিগণ ভিন্ন (কেহ) আমার নিদর্শন সকলকে অস্বীকার করে না ‡ । ৪৯ । এবং তাহারা বলিয়াছে, “তাহার প্রতি কেন নিদর্শন সকল (অলৌকিক ক্রিয়া সকল) তাহার প্রতিপালক হইতে অবতারিত হয় নাই ?” তুমি বল, (হে মোহম্মদ,) “ঈশ্বরের নিকটে নিদর্শনাবলী, এতস্তিন্ন নহে ; এবং আমি স্পষ্ট ভয়প্রদর্শক, ইহা ব্যতীত নহি” । ৫০ । আমি তোমার প্রতি যে গ্রন্থ অবতারণ করিয়াছি, তাহাদের নিকটে তাহা যে পড়া হইয়া থাকে, ইহা তাহাদিগকে কি লাভ দর্শায় নাই ? নিশ্চয় ইহার মধ্যে বিশ্বাসী সম্প্রদায়ের জগৎ দয়া ও উপদেশ আছে । ৫১ । (র, ৫, আ, ৭)

* কথিত আছে যে, এক যুবক হজরতের সঙ্গে সামাজিক উপাসনায় যোগ দান করিত, এ দিকে শাস্ত্রবিরুদ্ধ কোন অবৈধ কর্ম ছিল না, যাহা সে করিত না । যখন এ বিষয় হজরতের নিকটে বাস্তব হইল, তখন তিনি বলিলেন, নমাজ দুষ্ক্রিয়া হইতে লোকদিগকে নিবৃত্ত রাখে ; আশা যে, তাহার নমাজ তাহাকে সাধু করিয়া তুলিবে । কিয়দ্দিন পরেই সেই যুবকের অন্ত্যুতাপ হয়, সে হজরতের একজন বিষয়বিরাগী ধর্মবন্ধু হইয়া উঠে । হজরত মোহম্মদ বলিয়াছেন যে, যে ব্যক্তি নমাজ পরিত্যাগ না করে, সে দুঃস্থশীল হইলেও নমাজের প্রসাদাৎ অন্ততঃ তাহার দুষ্ক্রিয়া বৃদ্ধি পাইতে পারে না । “ঈশ্বরকে স্মরণ করা মহত্তম কার্য”, অর্থাৎ অস্ত্র সকল প্রকার বিষয় স্মরণ করা অপেক্ষা ঈশ্বরকে স্মরণ করা শ্রেষ্ঠ কার্য । যেহেতু তাঁহাকে স্মরণ করা তপস্কা, অস্ত্র কিছু স্মরণ তপস্কা নয় । (ত, হো,)

† অর্থাৎ লোকে এরূপ সন্দেহ করিত যে, হজরত যে সকল কথা বলেন, তাহা হয়তো প্রাচীন গ্রন্থাদি পাঠ করিয়া জ্ঞাত হইয়া থাকেন । এ দিকে তিনি তো কখনও শিক্ষকের নিকটে উপদ্রষ্ট হন নাই, ও হস্তে লেখনী ধারণ করেন নাই । (ত, হো,)

‡ অর্থাৎ প্রেরিতপুরুষ মোহম্মদ কাহারও নিকটে লেখা পড়া শিক্ষা করেন নাই, স্বর্ণ হইতে এ সকল কথা তাঁহার অন্তরে প্রকাশিত হইয়াছে, এবং লিপি ব্যতিরেকে ইহা লোকের হৃদয়ে প্রমাণরূপে সর্বদা প্রকাশ পাইবে । (ত, ফা,)

তুমি বল, (হে মোহম্মদ,) আমার ও তোমাদের মধ্যে ঈশ্বরই যথেষ্ট সাক্ষী ; স্বর্গে ও পৃথিবীতে যাহা আছে, তিনি তাহা জানেন, এবং যাহারা অসত্যের প্রতি বিশ্বাসী ও ঈশ্বরের বিরোধী হইয়াছে, ইহারাই তাহারা, যে ক্ষতিগ্রস্ত । ৫২ । এবং তাহারা তোমার নিকটে শীঘ্র শাস্তি চাহিতেছে, যদি সময় নির্দ্ধারিত না থাকিত, তবে অবশ্য তাহাদের নিকটে শাস্তি উপস্থিত হইত ; এবং অবশ্য তাহাদের নিকট (শাস্তি) অকস্মাৎ সমুপস্থিত হইবে ও তাহারা জানিতে পাইবে না । ৫৩ । তাহারা তোমার নিকটে শীঘ্র শাস্তি চাহিতেছে, নিশ্চয় নরক ধর্মদ্রোহী লোকদিগের আবেষ্টনকারী । ৫৪ । + (স্বরণ কর,) যে দিন শাস্তি তাহাদিগের উপর হইতে ও তাহাদের পদতল হইতে তাহাদিগকে আচ্ছাদন করিবে, এবং বলিবে, “তোমরা যাহা করিতেছিলে, তাহা আশ্বাদন কর” । ৫৫ । হে আমার বিশ্বাসী দাসগণ, নিশ্চয় আমার ক্ষেত্র প্রশস্ত আছে, * অনন্তর আমাকেই অর্চনা করিতে থাক । ৫৬ । প্রত্যেক ব্যক্তি মৃত্যু (রস) আশ্বাদনকারী, তৎপর তাহারা আমার দিকে প্রত্যাবর্তিত হইবে । ৫৭ । এবং যাহারা বিশ্বাস স্থাপন ও সংকল্প করিয়াছে, আমি অবশ্য তাহাদিগকে স্বর্গের প্রাসাদোপরি স্থান দান করিব, তাহার নিয়ম দিয়া পয়ঃপ্রণালী সকল প্রবাহিত হইয়া থাকে, তাহারা তথায় স্থায়ী হইবে ; যাহারা দৈর্ঘ্যধারণ করিয়াছে ও আপন প্রতিপালকের প্রতি নির্ভর করে, তাহাদের ও কর্ম্মীদের জন্ত উত্তম পুরস্কার হয় । ৫৮ + ৫৯ । কত স্থলচর জন্ত আছে যে, তাহারা আপন জীবিকা বহন করে না, ঈশ্বর তাহাদিগকে ও তোমাদিগকে জীবিকা দান করেন ; এবং তিনি শ্রোতা ও জ্ঞাতা † । ৬০ । এবং যদি তুমি তাহাদিগকে জিজ্ঞাসা কর, কে ভূমণ্ডল ও নভোমণ্ডল সৃজন করিয়াছে, এবং চন্দ্র সূর্য্যকে নিয়মিত রাখিয়াছে ? অবশ্য তাহারা বলিবে, পরমেশ্বর ; অনন্তর তাহারা কোথা হইতে প্রত্যাবর্তিত হইতেছে ‡ ? ৬১ । পরমেশ্বর আপন দাসদিগের মধ্যে, যাহার জন্ত ইচ্ছা করেন, জীবিকা উন্মুক্ত ও যাহার জন্ত ইচ্ছা করেন, সঙ্কীর্ণ করিয়া থাকেন ; নিশ্চয় ঈশ্বর সর্ব্বজ্ঞ § । ৬২ । এবং যদি তুমি তাহাদিগকে প্রশ্ন কর যে, কে আকাশ হইতে বারি বর্ষণ করেন, অনন্তর তদ্বারা ভূমিকে

* অর্থাৎ পৃথিবী বিস্তীর্ণ, তোমরা ভয় বিপদের স্থান হইতে নিরাপদ ভূমিতে চলিয়া যাও ।

(ত, হো,)

† অনেক জন্ত আছে যে, স্বীয় জীবিকা বহন করিতে সমর্থ নহে, তাহারা জীবিকা সংগ্রহ করে না । জন্তবর্গের মধ্যে মনুষ্য, মূষিক ও পিপীলিকাই শস্তাদি সংগ্রহ করিয়া রাখে । আকাশবিহারী পক্ষী কিম্বা বনচর পশু, কিম্বা মৎস্তাদি জলচর জীব প্রায় জন্তই আপনাদের খাদ্যাদি সংগ্রহ করিয়া রাখে না ।

(ত, হো,)

‡ “তাহারা কোথা হইতে প্রত্যাবর্তিত হইতেছে” অর্থাৎ সত্যপথ ও একত্ববাদ হইতে কেন মুখ ফিরাইতেছে ও অসত্যপথে ধাবিত হইতেছে ?

(ত, হো,)

§ অর্থাৎ ঈশ্বর যাহাকে ইচ্ছা করেন, একবার প্রচুর জীবিকা দান করেন, পুনর্বার জীবিকা খর্ব্ব করিয়া থাকেন ।

(ত, হো,)

তাহার মৃত্যুর পর সজীব করিয়া থাকেন ? তাহারা বলিবে, ঈশ্বর ; তুমি বল, ঈশ্বরেরই সম্যক প্রশংসা, বরং তাহাদের অধিকাংশই বুঝিতেছে না। ৬৩। (র, ৬, আ, ১২)

এই পার্থিব জীবন ক্রীড়া-কৌতুক ভিন্ন নহে, এবং নিশ্চয় পারত্রিক আলয়ই সেই জীবন ; যদি তাহারা জানিত, (ভাল ছিল)। ৬৪। অনন্তর যখন তাহারা নৌকায় আরোহণ করে, তখন ঈশ্বরকে তদুদ্দেশ্যে ধর্ম বিস্তার রাখিয়া আহ্বান করিয়া থাকে ; পরে যখন তাহাদিগকে আমি ভূমির দিকে উদ্ধার করি, তখন অকস্মাৎ তাহারা অংশী স্থাপন করে। ৬৫। + তাহাতে আমি যাহা দান করিয়াছি, তৎপ্রতি কৃতজ্ঞ হয় ও তাহাতে (সাংসারিক জীবনের) ফলভোগী হইয়া থাকে ; অনন্তর অবশ্য তাহারা জানিতে পাইবে। ৬৬। তাহারা কি দেখে নাই যে, আমি কাবার চতুঃসীমাবর্তী স্থানকে নিরাপদ করিয়াছি, এবং লোক সকল তাহাদের পার্শ্বদেশ হইতে অপহৃত হয় * ? অনন্তর তাহারা কি অসত্যকে বিশ্বাস করিতেছে ও ঈশ্বরের দানের প্রতি অকৃতজ্ঞ হইতেছে ? ৬৭। এবং যে ব্যক্তি ঈশ্বরের প্রতি অসত্য বন্ধন করিয়াছে, অথবা সত্যের প্রতি, যখন তাহা উপস্থিত হইয়াছে, অসত্যারোপ করিয়াছে, তাহা অপেক্ষা কে অধিক অত্যাচারী ? নরকলোকে কি ধর্মদ্রোহিণের জন্ত কোন স্থান নাই ? ৬৮। এবং যাহারা আমার উদ্দেশ্যে সংগ্রাম করিয়াছে, অবশ্য আমি তাহাদিগকে স্বীয় পথ প্রদর্শন করিব ; এবং নিশ্চয় ঈশ্বর হিতকারী লোকদিগের সঙ্গে থাকেন। ৬৯। (র, ৭, আ, ৬)

সূরা রুম +

.....

ত্রিংশ অধ্যায়

.....

৬০ আয়ত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি।)

ঈশ্বর জেত্রিলযোগে মোহম্মদের প্রতি প্রত্যাদেশ প্রেরণ করিয়াছেন † । ১। নিকট-তর ভূমিতে রুমজাতি পরাজিত হইল, এবং তাহারা আপন পরাজয়ের পর অবশ্য কয়েক

* “লোক সকল তাহাদের পার্শ্বদেশ হইতে অপহৃত হয়” অর্থাৎ কাবার চতুঃসীমার বাহিরে মক্কা-বাসীদিগের পার্শ্বে দহাগণ পথিকদিগকে হত্যা করে ও ধরিয়া লইয়া যায়। (ত, হো,)

+ এই সূরা মক্কাতে অবতীর্ণ হয়।

† ঈশ্বর জেত্রিলযোগে মোহম্মদের প্রতি প্রত্যাদেশ প্রেরণ করিয়াছেন, “আলম্মা” পদের বর্ণত্রয়ের এই অন্তর মাৎসেতিক অর্থ।

বৎসরের মধ্যে জয়লাভ করিবে ; পূর্বে ও পরে ঈশ্বরেরই আজ্ঞা (প্রধান,) এবং সেই দিন বিশ্বাসিগণ ঈশ্বরের আনুকূল্যে আহ্লাদিত হইবে। তিনি যাহাকে ইচ্ছা করেন, সাহায্য দান করিয়া থাকেন, এবং তিনি পরাক্রান্ত দম্বালু * ১২ + ৩ + ৪। ঈশ্বর অঙ্গীকার করিয়াছেন, ঈশ্বর স্বীয় অঙ্গীকারের অগ্রথা করেন না ; কিন্তু অধিকাংশ মনুষ্য জানিতেছে

* রুমীয় জাতির উপর পারস্য জাতি আরবের নিকটবর্তী রুম রাজ্যের অন্তর্গত আরদন ও ফলসতিন নামক স্থানে বা কশকরে কিংবা বসোরার নিকটবর্তী স্থানে জয় লাভ করিয়াছিল। পারস্যাদিপতি পরবেজ, সহরিয়্যার ও ফরখান নামক আপন সেনাপতিদ্বয়কে অগাধ সৈন্য সামন্তসহ, রুমরাজ্য আক্রমণ করিবার জন্য প্রেরণ করিয়াছিলেন। তাঁহারা যাইয়া উক্ত রাজ্যের অন্তর্গত কোন কোন প্রদেশ অধিকার করিয়া বসেন, রুমীয় জাতি পরাস্ত হইয়া পলায়ন করে। হজরতের প্রেরিতজ-লাভের প্রথম বৎসরে এই সংবাদ মক্কার প্রচার হয়। তাহাতে মক্কার কাকের লোকেরা আহ্লাদিত হইয়া বিশ্বাসী লোকদিগকে বলিয়াছিল যে, “তোমরা ও ঈসায়ী লোকেরা গ্রন্থাধিকারী, আমরা ও পারস্য জাতি ধর্মগত্ববিহীন মূর্খ ; রুমের উপর পারস্যের জয়লাভ হওয়াতে আমরা স্থির করিয়াছি যে, তোমাদের উপরও আমাদের জয়লাভ হইবে।” আবুবেকর সদ্দিক এই আয়ত অবতীর্ণ হইলে পর পৌত্তলিকদিগকে বলিলেন যে, “ঈশ্বরের নামে শপথ করিয়া বলিতেছি যে, কতিপয় বৎসরের মধ্যে রুমীয় জাতি পারস্য দেশীয় লোকের উপর বিজয়ী হইবে।” তখন খলফের পুত্র আবি বলিল, “তাহা কখনও হইবে না, আমি তিন বৎসরের দ্বন্দ্ব দশটি উষ্ট্র তোমার নিকটে বন্ধক রাখিতেছি, যদি ইহা সত্য হয়, উষ্ট্র সকল তোমার হইবে।” আবুবেকর এই বৃত্তান্ত হজরতের নিকটে নিবেদন করিলেন। হজরত বলিলেন, “তিন বৎসর ও নয় বৎসরের মধ্যে এই ঘটনা হইবে ; তুমি যাও, আবার সঙ্গে সময় ও দানের সংখ্যা বৃদ্ধি করিয়া লও।” তখন আবুবেকর ফিরিয়া নয় বৎসর অঙ্গীকারে আবি হইতে শত উষ্ট্র বন্ধক রাখিলেন। তাহা উভয়ের সীকৃত একজন প্রতিভূর নিকটে গচ্ছিত রহিল। যে দিবস বলরের সংগ্রামে মোসলমানগণ কাকেরদিগের উপর জয় লাভ করিলেন, সেই দিবস পারসিকদিগের উপর রুমীয় জাতির জয়লাভের সংবাদ পৌঁছিল। হোদয়বেরার যুদ্ধের দিন এই সংবাদ হুম্মিত্ত হয়। তখন আবুবেকর সদ্দিক এক * ৩ উষ্ট্র অঙ্গীকারানুসারে আবি হইতে গ্রহণ করেন। ওহদনামক স্থানের সময়ে আবি কোন মোসলমান সেনার হস্তে নিহত হয়। হজরতের আজ্ঞাক্রমে আবুবেকর উক্ত উষ্ট্র সকল ঈশোরোদ্দেশে দান করেন। “পূর্বে ও পরে ঈশ্বরেরই আজ্ঞা” অর্থাৎ প্রথমে পারস্য জাতির, পরে রুমীয় জাতির জয়লাভ, সকল সময়েই ঈশ্বরের আজ্ঞানুসারে হইয়াছে। সমুদায় ক্রিয়া তাঁহার শক্তিপূর্ণ বাহর অন্তর্গত। কশকোলু আশ্রারে উক্ত হইয়াছে যে, পূর্বে ও পর আদিম ও নিত্যকাল ; এ উভয়কালে আজ্ঞাপ্রচারের অধিকার ঈশ্বরেরই, তিনি উভয়ের অধিপতি। “সেই দিন বিশ্বাসিগণ ঈশ্বরের আনুকূল্যে আহ্লাদিত হইবে” অর্থাৎ কোন কোন ধর্মশ্রোহিদলের উপর জয়লাভ করিয়া তাহার বহুসংখ্যক লোককে নিমূল করে, ইহাই বিশ্বাসীদিগের চর্যের কারণ। এইরূপ ঘটনা হয় যে, সহরিয়্যার ও ফরখান রুমরাজ্যের অন্তর্গত কতিপয় প্রদেশে জয়লাভ করিলে পর, পরবেজ কোন স্বার্থপর লোকের কুমন্ত্রণায় উভয় সেনাপতির প্রতি অসন্তুষ্ট হন ; ইচ্ছা করেন যে, একজনকে অশ্রু জন দ্বারা নিহত করেন। তাঁহারা ইহা অবগত হইয়া সবিশেষ রুম সম্রাটকে জ্ঞাপন করেন, এবং ঈসায়ী ধর্মে দীক্ষিত হইয়া রুমীয় সৈন্তের অধিনায়ক হন। পরে পারস্যজাতিকে পরাস্ত করিয়া রাজ্যের অনেক দেশ অধিকার করেন।

(ত, হো,)

না। ৫। তাহারা পার্থিব জীবনের বাহ্য বিষয় জানে ও তাহারা আপন পরকালে অজ্ঞান। ৬। তাহারা কি আপন অন্তরে ভাবে না যে, ঈশ্বর সত্যভাবে ও নিদ্বিষ্টকালে ভিন্ন, স্বর্গ ও মর্ত্য এবং উভয়ের মধ্যে যাহা কিছু আছে, তাহা সৃজন করেন নাই? * নিশ্চয় মানবমণ্ডলীর অধিকাংশ আপন প্রতিপালকের সাক্ষাৎকারসম্বন্ধে অবিশ্বাসী। ৭। ইহারা কি পৃথিবীতে ভ্রমণ করে নাই? অবশেষে ইহাদের পূর্বে যাহারা ছিল, তাহাদের পরিণাম কেমন হইয়াছে, দেখুক। ইহাদের অপেক্ষা তাহারা বলেতে দৃঢ়তর ছিল, এবং তাহারা পৃথিবীকে কণ্ঠ করিয়াছিল, ইহারা যত তাহা আবাদ করিয়াছে, তদপেক্ষা তাহারা তাহা অধিক আবাদ করিয়াছিল; এবং তাহাদের প্রেরিত পুরুষগণ তাহাদের নিকটে প্রমাণ সকল সহ উপস্থিত হইয়াছিল। অনন্তর ঈশ্বর যে তাহাদের প্রতি অত্যাচার করিবেন, এরূপ ছিলেন না; কিন্তু তাহারা আপন জীবনের প্রতি অত্যাচার করিয়াছিল। ৮। তৎপর যাহারা দুষ্কর্ম করিয়াছিল, তাহাদের পরিণাম মন্দ হইল, যেহেতু তাহারা ঈশ্বরের নিদর্শন সকলের প্রতি অসত্যারোপ করিয়াছিল ও তৎসম্বন্ধে উপহাস করিতেছিল। ৯। ১০। পরমেশ্বর প্রথম সৃষ্টি করেন, তৎপর তাহা পুনরুদ্বার করিয়া থাকেন; তদনন্তর তাঁহার দিকে তোমরা প্রতিগমন করিবে। ১০। (র, ১, আ, ১০)

এবং যে দিবস কেয়ামত উপস্থিত হইবে, সেই দিবস অপরাধিগণ নিরাশ হইয়া থাকিবে। ১১। এবং তাহাদের জন্ত তাহাদিগের অংশিগণ পাপক্ষমার নিমিত্ত অহুরোধকারী হইবে না ও তাহারা আপন অংশীদিগের বিরোধী হইবে। ১২। এবং যে দিন কেয়ামত উপস্থিত হইবে, সেই দিন তাহারা বিচ্ছিন্ন হইয়া পড়িবে। ১৩। অনন্তর কিন্তু যাহারা বিশ্বাস স্থাপন ও সৎকর্ম করিয়াছে, তাহারা উচ্চানে আনন্দিত হইবে। †

* অর্থাৎ প্রত্যেক পদার্থের নিরাসম্বন্ধে এক আরম্ভ ও এক শেষ আছে; কি মনুষ্য, কি দেবতা, কি বৃক্ষাদি সকলেই এই নিয়মের অধীন। আকাশে পৃথিব্যাদি গ্রহের পরিভ্রমণও এক একটা সময় নির্দ্ধারিত আছে, যথা মাস বর্ষাদি। সমুদ্রায় জগতে স্ব স্ব নির্দিষ্ট সময়ে প্রত্যেক বস্তুর যে আরম্ভ ও শেষ, তাহা ক্রীড়া নহে, ইহার মধ্যে কোন বিশেষ লক্ষ্য আছে, তাহা পরলোকে বোধগম্য হইবে।

(ত, ফা,)

† অর্থাৎ এক জাতির যে বিষয়ে যে শাস্তি হইয়াছে, অন্য সকলেরই সেই বিষয়ে সেই শাস্তি হইবে। একের মৃত্যুতে সকলের মৃত্যু পরিগণিত হয়, একের শাস্তিতে অন্তের শাস্তি গণনা করা কর্তব্য। পূর্বে যে দুষ্কর্মার জন্ত যাহাদের যেরূপ শাস্তি হইয়াছে, এক্ষণও সেইরূপ দুষ্কর্মের জন্ত লোকের তদ্রূপ শাস্তি হইবে।

(ত, ফা,)

‡ যে উচ্চানে পুষ্প সকল বিকশিত, পয়ঃপ্রণালী সকল প্রবাহিত, পুনরুদ্বারের পর সাধুপুরুষেরা তথায় বাস করিবেন। তাহারা বস্ত্রালঙ্কারে ভূষিত সম্পদশালী ও গৌরবান্বিত হইবেন। হুমধুর সঙ্গীতস্থলা তাহাদের কর্ণে বহিত হইবে। ঈশ্বরপ্রেমিকগণ স্থললিতঅরে ঈশ্বরের স্তুতিবন্দনার সঙ্গীত করিবেন। পরমেশ্বর বলিবেন, “হে দাউদ, তোমার প্রতি প্রদত্ত জন্ম গ্রহণ হইতে তুমি আমার হুমধুর স্তোত্র পান কর, হে মুসা, তুমি তওরাত পাঠ কর, হে ইসা, ঈজিলপাঠে প্রবৃত্ত হও, হে কদ্বূক্ষ, তুমি

১৪। কিন্তু বাহার। ধর্মবিদ্বৈষী হইয়াছে ও আমার নিদর্শন ও পরলোকের সাক্ষ্য-
কারের প্রতি অসত্যারোপ করিয়াছে, পরে তাহারাই শাস্তির মধ্যে আনীত হইবে। ১৫।
অনন্তর যখন তোমরা সায়ংকালে আগমন কর, এবং যখন প্রাতঃকালে আগমন কর,
তখন ঈশ্বরেরই পবিত্রতা *। ১৬। এবং স্বর্গে ও মর্ত্যে, অপরাহ্নে ও সায়াহ্নে তাঁহারই
সম্যক প্রশংসা। ১৭। তিনি মৃত হইতে জীবিতকে ও জীবিত হইতে মৃতকে
বাহির করেন ও ভূমিকে তাহার মৃত্যুর পর জীবিত করেন; এইরূপে তোমরা (কবর
হইতে) বহিষ্কৃত হইবে। ১৮। (র, ২, আ, ৮)

এবং তাঁহার নিদর্শনের মধ্যে এই যে, তিনি তোমাদিগকে মৃত্তিকা দ্বারা সৃজন
করিয়াছেন, তৎপর অকস্মাত তোমরা মনুষ্য হইয়া বিক্ষিপ্ত হইয়া পড়িলে। ১৯। তাঁহার
নিদর্শন সকলের মধ্যে এই যে, তিনি তোমাদের জন্ত তোমাদের জাতি হইতে ভাষা-
সকল সৃষ্টি করিয়াছেন, যেন তোমরা তাহাদিগেতে সুখী হও; এবং তোমাদিগের মধ্যে
স্নেহ ও প্রণয় সৃজন করিয়াছেন, নিশ্চয় ইহার মধ্যে চিন্তাশীল দলের নিমিত্ত নিদর্শন
সকল আছে। ২০। এবং তাঁহার নিদর্শন সকলের মধ্যে তিনি স্বর্গ ও মর্ত্য ও তোমাদের
বিভিন্ন ভাষা ও বর্ণ সকল সৃজন করিয়াছেন; নিশ্চয় ইহার মধ্যে জ্ঞানীদিগের জন্ত
নিদর্শন সকল আছে। ২১। এবং তাঁহার নিদর্শন সকলের মধ্যে রজনীতে ও
দিবাভাগে তোমাদিগের নিদ্রা ও তাঁহার প্রসাদে তোমাদের (জীবিকা) অন্বেষণ
করা; নিশ্চয় ইহার মধ্যে শ্রোতৃবর্গের জন্ত নিদর্শন সকল আছে। ২২। এবং তাঁহার
নিদর্শন সকলের মধ্যে তিনি তোমাদিগকে ভয় ও লোভাশ্রিত্যকা বিদ্ভাং প্রদর্শন করিয়া

মনোহরণের আমার বন্দনা-সঙ্গীত করিতে থাক, হে এস্রাফিল, তুমি কোর-আন পাঠ কর।” কোন
মহাত্মা বলিয়াছেন যে, এস্রাফিলের হৃদয়ের গুহের নিকটে সকল দেবতার শর পরাস্ত হইবে, তখন
সমুদায় দেবতা নীরব হইয়া তাহা শ্রবণ করিবেন। প্রকৃতপক্ষে ঈশ্বরের জ্যোতির্দর্শনের পর সেই
বন্দনা-সঙ্গীত অপেক্ষা স্বর্গলোকে মিষ্টতর সামগ্রী অল্প কিছুই হইবে না। (ত, হো,)

* “অনন্তর যখন তোমরা সায়ংকালে আগমন কর এবং যখন প্রাতঃকালে আগমন কর, তখন
ঈশ্বরেরই পবিত্রতা” ইহার অর্থ এই যে, তোমরা যখন সায়ংকালে ও প্রাতঃকালে নমাজে প্রবৃত্ত হও,
তখন ঈশ্বরের পবিত্রতা স্মরণ করিও। (ত, হো,)

† অর্থাৎ ঈশ্বর পুনরুত্থানের সময় মৃতকে জীবিত করেন, পৃথিবীতে জীবিত ব্যক্তির প্রাণ হরণ
করিয়া থাকেন, তিনি দক্ষ মরুভূলা ভূমিকে বারিবর্ষণ দ্বারা সঞ্চেদ করিয়া তাহা হইতে বৃক্ষলতাদি
উৎপাদন করেন।

‡ পৃথিবীর সমুদায় বিভিন্ন ভাষার মধ্যে ৭২টি মূল ভাষা। এক পিতা মাতা আদম ও হবা
হইতে মনুষ্যজাতির উৎপত্তি। তথাপি কৃষ্ণ শ্বেত পীত লোহিতাদি বর্ণের মনুষ্য দেখিতে পাওয়া
যায়। সকলের শারীরিক গঠন ও আকৃতিতে নানাপ্রকার ভিন্নতা আছে। কোন এক ব্যক্তি
অল্প ব্যক্তির অনুরূপ নহে। ইহা একটি ঈশ্বরের নিদর্শন। (ত, হো,)

ধাকেন *, এবং আকাশ হইতে বারি বর্ষণ করেন, অনন্তর তদ্বারা ভূমিকে তাহার মৃত্যুর পর জীবিত করেন ; নিশ্চয় ইহার মধ্যে বুদ্ধিমান্ মণ্ডলীর জ্ঞান নিদর্শন সকল আছে। ২৩। এবং তাঁহার নিদর্শন সকলের মধ্যে এই যে, স্বর্গ মর্ত্য তাঁহার আজ্ঞাক্রমে প্রতিষ্ঠিত আছে ; তৎপর যখন তিনি তোমাদিগকে সাধারণ আহ্বানে আহ্বান করিবেন, তখন অকস্মাৎ তোমরা (ভূগর্ভ হইতে) বহির্গত হইবে। ২৪। এবং স্বর্গে ও মর্ত্যে যে কিছু আছে, তাহা তাঁহারই ও সমুদায় তাঁহারই আজ্ঞাবহ। ২৫। এবং তিনিই, যিনি প্রথম সৃষ্টি করিয়া ধাকেন, তৎপর তাহা পুনরায় করিবেন, এবং ইহা তাঁহার সম্বন্ধে সহজ হয় ; এবং স্বর্গে ও পৃথিবীতে তাঁহারই উন্নতভাব ও তিনি পরাক্রান্ত বিজ্ঞানময়। ২৬। (র, ৩, আ, ৮)

তিনি তোমাদিগের জ্ঞান তোমাদের জীবনের (অবস্থা) হইতে দৃষ্টান্ত বর্ণন করিলেন ; তোমাদিগের দক্ষিণ হস্ত যাহাদিগকে অধিকার করিয়াছে, সেই (দাসগণ) কি, তোমাদিগকে আমি যে উপজীবিকা দান করিয়াছি, তদ্বিষয়ে তোমাদিগের কোন অংশী হইয়া থাকে ? অনন্তর তোমরা কি (তাহাদের সঙ্গে) সে বিষয়ে তুল্য ? আপন জাতিসম্বন্ধে যেরূপ ভয়, তোমরা তাহাদিগকে তদ্রূপ ভয় করিয়া থাক ? বুদ্ধিমান্ দলের জ্ঞান এইরূপে ঈশ্বর আয়ত সকল বর্ণন করিয়া ধাকেন †। ২৭। বরং অত্যাচারী লোকেরা জ্ঞান-ভাবে আপন ইচ্ছার অনুসরণ করিয়াছে ; ঈশ্বর যাহাদিগকে পথভ্রান্ত করিয়াছেন, অনন্তর কে তাহাদিগকে পথ প্রদর্শন করিবে ? এবং তাহাদের জ্ঞান কোন সাহায্যকারী নাই। ২৮। অবশেষে তুমি, (হে মোহাম্মদ,) বিশুদ্ধ ধর্মের উদ্দেশ্যে আপন আননকে প্রতিষ্ঠিত রাখ, ‡ ঈশ্বরের ধর্মের (অনুসরণ কর ;) সেই (ধর্ম,) যাহার উপর তিনি লোকদিগকে

* অর্থাৎ বিদ্যাৎ দেগিয়া পশিকগণ বজ্রপাতের ভয়ে ভীত হইয়া থাকে, এবং অগ্নিতে বারিবর্ষণে ভূমি উর্বর। হইবে ভাবিয়া লোকের লোভ হয়। (ত, হো,)

† অর্থাৎ প্রভু কি দাসদিগকে স্বীয় ধনসম্পত্তিতে অংশী করিয়া থাকে যে, দাসগণ তাহাতে স্বত্ব ও স্বামিত্ব স্থাপন করিতে সমর্থ হয় ? তোমাদের সম্পত্তিসম্বন্ধে তোমরা তোমাদিগের দাসগণের সঙ্গে এক প্রকার স্বত্ববান্ নও, তোমরা যেমন তাহাতে স্বামিত্ব স্থাপন কর, তাহার। তাহার কিছুই করিতে পারে না। “আপন জাতিসম্বন্ধে যেরূপ ভয়, তোমরা তাহাদিগকে তদ্রূপ ভয় করিয়া থাক ?” অর্থাৎ তোমরা আপন যথার্থ অংশীদিগ হইতে যেরূপ ভীত হইয়া থাক, যে পাছে বা তাহারা সম্পত্তির উপর একান্ত ক্ষমতা বিস্তার করে, তদ্রূপ এ বিষয়ে দাসদিগকে কি ভয় করিয়া থাক ? যখন হজরত এই আয়ত প্রধান প্রধান কোরেশের নিকটে পাঠ করিলেন, তখন তাহারা একবাক্যে বলিল, “দাস প্রভুর তুল্য, ইহা কখনই হইতে পারে না।” তাহাতে হজরত বলিলেন, “তোমরা দাসদিগকে আপন ধনে অংশী করিতে প্রস্তুত নও, এমন অবস্থায় ঈশ্বরের ভৃত্য সৃষ্টবস্ত্তদিগকে কেমন করিয়া তাঁহার ঐশ্বর্য্যের অংশী করিতে চাও ?” (ত, হো,)

‡ যাহারা এত্ৰাহিমের বিশুদ্ধ একেশ্বরবাদধর্মাবলম্বী, তাহাদিগকে হনিক বলে, সেই ধর্মকে আশ্রয় কর, এত্লে এ কথাই তাৎপর্য্য।

স্বজন করিয়াছেন। ঈশ্বরের সৃষ্টির পরিবর্তন হয় না, ইহাই প্রকৃত ধর্ম; কিন্তু অধিকাংশ মনুষ্য বুঝিতেছে না *। ২৯। + তোমরা তাঁহার দিকে উন্মুখীন হও ও তাঁহা হইতে ভীত হও, এবং উপাসনাকে প্রতিষ্ঠিত রাখ ও অংশিবাদীদিগের যাহারা স্বীয় ধর্মকে খণ্ড খণ্ড করিয়াছে ও দলে দলে বিভক্ত হইয়াছে, তাহাদের অন্তর্গত হইও না; প্রত্যেক দল, তাহাদের নিকটে যাহা আছে, তাহাতে সন্তুষ্ট ন। ৩০ + ৩১। এবং যখন লোক-দিগকে দুঃখ আক্রমণ করে, তখন তাহারা আপন প্রতিপালককে তাঁহার দিকে উন্মুখীন হইয়া আত্মন করিয়া থাকে; তৎপর যখন তিনি তাহাদিগকে আপনার দয়া আশ্বাদন করান, তখন অকস্মাৎ তাহাদের এক দল আপন প্রতিপালকের সম্বন্ধে অংশী স্থাপন করে। ৩২। + তাহাতে আমি তাহাদিগকে যাহা দিয়াছি, তাহারা অবশ্য তৎপ্রতি কৃতজ্ঞ হয়; অনন্তর তোমরা ভোগ করিতে থাক, পরে জানিতে পাইবে। ৩৩। আমি কি তাহাদিগের প্রতি কোন প্রমাণ প্রেরণ করিয়াছি যে, পরে উহা, যাহাকে তাহারা অংশী করিয়াছে, তৎসম্বন্ধে বাক্য বায় করিবে? ৩৪। এবং আমি যখন মানবমণ্ডলীকে কৃপা আশ্বাদন করিতে দেই, তখন তাহাতে তাহারা আহ্লাদিত হয়; এবং যাহা তাহাদের হস্ত পূর্বে প্রেরণ করিয়াছে, তজ্জন্ম যদি তাহাদের নিকট বিপদ উপস্থিত হয়, তবে অকস্মাৎ তাহারা নিরাশ হইয়া থাকে। ৩৫। তাহারা কি দেখিতেছে না যে, ঈশ্বর যাহার জন্ম ইচ্ছা করেন, জীবিকা বিস্তৃত ও সঞ্চচিত করিয়া থাকেন? নিশ্চয় ইহার মধ্যে বিশ্বাসী সম্প্রদায়ের জন্ম নিদর্শন সকল আছে। ৩৬। অনন্তর তুমি স্বজনকে ও নিধনকে এবং পরিব্রাজককে তাহার স্বয়ং প্রদান কর; যাহারা ঈশ্বরের আনন আকাজক্ষা করে, ইহা তাহাদের জন্ম কল্যাণ হয়, এবং ইহারাই তাহারা, যে পরিভ্রাণ পাইবে। ৩৭। এবং তোমরা লোকের ধন বৃদ্ধি করিতে যাহা কুসীদরূপে দান কর, পরে তাহা ঈশ্বরের নিকটে বৃদ্ধি প্রাপ্ত হয় না; এবং ঈশ্বরের আননের আকাজক্ষা করিয়া যাহা ভ্রাতৃত্ব (ধর্মার্থ দান) রূপে দিয়া থাক, অনন্তর ইহারাই, (তোমরাই) যে, তাহার দ্বিগুণকারী। ৩৮। সেই

* এস্থলে ধর্ম অর্থে সৃষ্টিকর্তা ঈশ্বরের সম্বন্ধে জ্ঞানলাভ, উৎপত্তিকাল হইতে সমুদায় মনুষ্য এই জ্ঞান প্রাপ্ত হইয়াছে। ঈশ্বর বলিতেছেন, তুমি যে ধর্মের সঙ্গে সৃষ্ট হইয়াছ, তাহার উপভুক্ত হও। "ঈশ্বরের সৃষ্টির পরিবর্তন হয় না" অর্থাৎ যাহার উপর পরমেশ্বর মনুষ্যকে সৃষ্টি করিয়াছেন, সেই ধর্মের পরিবর্তন হয় না। (ত, হো,)

+ ইসলাম ধর্ম পরিত্যাগ করিয়া অংশিবাদিগণ নানা দলে বিভক্ত হইয়াছে, তাহাদের কেহ প্রতিমা পূজা করে, কেহ নক্ষত্রের, কেহ সূর্যের উপাসনা করিয়া থাকে। ইহুদী ও খ্রিস্টীয় সম্প্রদায় প্রত্যেকে দলে দলে বিভক্ত। মোসলমানদিগের মধ্যেও নানা মতন মত উদ্ভাবিত হইয়া ধারেকা ও রাকেকা প্রভৃতি সম্প্রদায় হইয়াছে। ঈশ্বর বলিতেছেন, তোমরা সেরূপ হইও না। এক এক দল আপন আপন মত ও সংকীর্ণ ধর্মকে ভাল বলে ও তাহাতেই সন্তুষ্ট। (ত, হো,)

‡ "যাহা তাহাদের হস্ত পূর্বে প্রেরণ করিয়াছে।" তজ্জন্ম যদি তাহাদের নিকটে বিপদ উপস্থিত হয়, অর্থাৎ তাহারা পূর্বে যে দুষ্কর্ম করিয়াছে, তাহার শাস্তিস্বরূপ যদি বিপদ উপস্থিত হয়।

পরমেশ্বর, যিনি তোমাদিগকে সৃজন করিয়াছেন, তৎপর তোমাদিগকে জীবিকা দিয়াছেন, তদনন্তর তোমাদিগের প্রাণ হরণ করিয়া থাকেন, তাহার পর তোমাদিগকে জীবিত করেন ; তোমাদিগের অংশীদিগের মধ্যে কেহ কি আছে যে, ইহার কিছু করিয়া থাকে ? তাহারই পবিত্রতা এবং তাহার যাহাকে অংশী করে, তিনি তাহা হইতে উন্নত । ৩৯ । (র, ৪, আ, ১৩)

মন্ত্বেয়র হস্ত যাহা (যে পাপ) উপার্জন করিয়াছিল, তজ্জগু প্রাপ্তরে ও সাগরে উপপ্লব উপস্থিত হইয়াছিল, যেন তাহার যে আচরণ করিয়াছে, তাহার কোন (ফল) তাহাদিগকে আশ্বাদন করিতে দেওয়া হয় ; হয়তো তাহার ফিরিয়া আসিবে * । ৪০ । তুমি বল, (হে মোহম্মদ,) তোমরা পৃথিবীতে বিচরণ করিতে থাক, পরে দেপ, যাহারা পূর্বে ছিল, তাহাদের পরিণাম কেমন হইয়াছে ; তাহাদের অধিকাংশই অংশবাদী ছিল । ৪১ । অনন্তর ঈশ্বর হইতে যাহার প্রতিশোধ নাই, সেই দিন আসিবার পূর্বে তুমি সত্যধর্মের প্রতি আপন আননকে স্থাপন কর, সেই দিনে তাহার বিচ্ছিন্ন হইয়া পড়িবে । ৪২ । যে ব্যক্তি ধর্মদ্রোহী হইয়াছে, অনন্তর তাহার প্রতিই তাহার ধর্মদ্রোহিতা, এবং যাহারা সংকল্প করিয়াছে, অনন্তর তাহার আপন জীবনের জগু স্থখস্থান প্রসারণ করে । ৪৩ । + তাহাতে যাহার বিশ্বাস স্থাপন ও সংকল্প করিয়াছে, তাহাদিগকে তিনি আপন ঐক্যগুণে পুরস্কার দান করিবেন ; নিশ্চয় তিনি ধর্মদ্রোহীদিগকে প্রেম করেন না । ৪৪ । এবং তাহার নিদর্শন সকলের মধ্যে এই যে তিনি বায়ুপুঞ্জকে অসংবাদদাতা-রূপে প্রেরণ করেন, এবং তাহাতে তিনি তোমাদিগকে স্বীয় কৃপা আশ্বাদন করান ও তাহাতে তাহার আজ্ঞাক্রমে নৌকা সকল পরিচালিত হয় ও তাহাতে তোমরা তাহার প্রসাদে (জীবিকা) অন্বেষণ কর ; সম্ভবতঃ তোমরা কৃতজ্ঞ হইবে † । ৪৫ । এবং সত্য সত্যই আমি তোমার পূর্বে, (হে মোহম্মদ,) তাহাদের জাতির নিকটে প্রেরিত পুরুষদিগকে প্রেরণ করিয়াছিলাম ; অনন্তর তাহার প্রমাণ সকল সহ তাহাদিগের নিকটে উপস্থিত হইয়াছিল, পরে যাহারা অপরাধ করিয়াছিল, আমি তাহাদিগ হইতে প্রতিশোধ লইয়াছি, বিশ্বাসীদিগকে সাহায্য করা আমার সম্বন্ধে বিহিত ছিল । ৪৬ । সেই ঈশ্বর, যিনি বায়ুপুঞ্জকে প্রেরণ করেন, অনন্তর উহা মেঘকে উন্নয়ন করে, পরে তিনি তাহাকে ঘেরূপ ইচ্ছা করেন, আকাশে বিকীর্ণ করিয়া থাকেন ও তাহাকে খণ্ড খণ্ড

* দ্রুতগতি ঋতিকা জলপ্লাবন ইত্যাদি দ্বারা গ্রাম নগরাদির উচ্ছেদ হওয়া প্রাপ্তরে উপপ্লব, এবং জলমগ্নাদি হওয়া সাগরে উপপ্লব । আদ ও সমুদ্রজাতি ও কোরণ প্রভৃতি দ্রুতগতি লোকেরা আপন পাপের জন্ত তরুণ উৎপাতগ্রস্ত হইয়াছিল । (ত, হো,)

† উত্তরানিল ও দক্ষিণানিল বারিবর্ষণের সংবাদ দান করিয়া থাকে, অর্থাৎ এইরূপ বায়ু প্রবাহিত হওয়ার পরই বৃষ্টি হয় । তাহাতে ঈশ্বরের কৃপার জীবগণের উপজীবিকাস্বরূপ শস্যাদি উৎপন্ন হইয়া থাকে, জলপথে বাণিজ্যের সুবিধা হয় ইত্যাদি । (ত, হো,)

করেন ; পরে তুমি দেখিতে পাও যে, তাহার ভিতর হইতে বারিবিন্দসকল বহির্গত হয় । অনন্তর যখন তিনি আপন দাসদিগের, যাহাদিগের প্রতি ইচ্ছা করেন, তাহা পছন্দইয়া দেন, তখন হঠাৎ তাহার আফ্লাদিত হয় । ৪৭ । এবং নিশ্চিত তাহার ইতিপূর্বে ও তাহাদের প্রতি (বারি) বর্ণন করার পূর্বে নিরাশ ছিল । ৪৮ । অনন্তর তুমি ঈশ্বরের কৃপার নিদর্শন সকলের প্রতি দৃষ্টিপাত কর যে, তিনি কেমন করিয়া ভূমিকে তাহার মৃত্যুর পর জীবিত করেন ; নিশ্চয় ইহা যে, তিনি মৃতসঞ্জীবনকারী, এবং তিনি সর্বোপরি ক্ষমতাশালী * । ৪৯ । এবং যদি আমি (এমন) কোন বায়ু প্রেরণ করি, পরে (তদ্বারা) তাহার তাহাকে (শস্ত্রক্ষেত্রে) শীর্ণ দেখিতে পায়, তবে অবশ্য তৎপর তাহার কৃত্ত্ব হইবে । ৫০ । অনন্তর যখন তাহার পৃষ্ঠভঙ্গ দিয়া বিমুখ হয়, তখন সেই মৃতলোকদিগকে ও বধিরদিগকে তুমি নিশ্চয় আহ্বান শ্রবণ করাইও না । ৫১ । এবং তুমি অন্ধদিগের তাহাদের পথভ্রাস্তি হইতে পথপ্রদর্শক নও ; যাহারা আমার নিদর্শন সকলের প্রতি বিশ্বাস স্থাপন করিয়াছে, তুমি তাহাদিগকে ব্যতীত (উপদেশ) শুনাইতেছ না, অনন্তর তাহারাই মোসলমান । ৫২ । (র, ৫, আ, ১৩)

সেই ঈশ্বর, যিনি তোমাদিগকে দুর্বলতার মধ্যে সৃজন করিয়াছেন, তৎপর অশক্তির পরে শক্তি দিয়াছেন, তৎপর শক্তির পরে দুর্বলতা ও বার্ক্য বিধান করিয়াছেন ; তিনি যেরূপ ইচ্ছা করেন, সৃজন করিয়া থাকেন, এবং তিনি জ্ঞানী ও ক্ষমতাবান । ৫৩ । এবং যে দিবস ক্যেয়ামত উপস্থিত হইবে, সেই দিবস পাপী লোকেরা শপথ করিবে, (বলিবে) যে, তাহার ক্ষণকাল ভিন্ন (পৃথিবীতে) স্থিতি করে নাই ; এইরূপ তাহার (সত্যপথ হইতে) ফিরিয়া যায় । ৫৪ + ৫৫ । এবং যাহাদিগকে জ্ঞান ও বিশ্বাস প্রদত্ত হইয়াছে, তাহার বলিবে যে, সত্য সত্যই তোমরা ঐশ্বরিক গ্রন্থানুসারে পুনরুত্থানের দিন পর্য্যন্ত স্থিতি করিয়াছ ; অনন্তর ইহাই পুনরুত্থানের দিন, কিন্তু তোমরা জানিতেছ না । ৫৬ । পরিশেষে সে দিবস অত্যাচারীদিগকে তাহাদের আপত্তি উপকৃত করিবে না, এবং তাহাদের নিকট অল্পতাপ চাওয়া হইবে না । ৫৭ । এবং সত্য সত্যই আমি এই কোর-আনে মানবমণ্ডলীর জন্ত সকল প্রকার দৃষ্টান্ত বর্ণন করিয়াছি ; এবং যদি তুমি, (হে মোহাম্মদ,) যাহারা ধর্মবিদ্বেষী হইয়াছে, তাহাদের নিকটে কোন নিদর্শন উপস্থিত কর, তাহার অবশ্য বলিবে যে, তোমরা মিথ্যাবাদী ভিন্ন নও । ৫৮ । এইরূপ পরমেশ্বর অজ্ঞানীলোকদিগের অন্তরে মোহর বদ্ধ করিয়া থাকেন । ৫৯ । অনন্তর তুমি

* ভূমি মৃত্যুর পর জীবিত হওয়ার অর্থ, ভূমি শুষ্ক ও ফলশস্তাদিবিহীন হওয়ার পর বারিবধনে উর্বরতা লাভ করিয়া ফলশস্তাশালিনী হওয়া । বাহ্যে ঈশ্বরের কৃপার নিদর্শন বৃষ্টি, যেহেতু তাহাতে জীবের উপজীবিকাধরূপ শস্তাদি উৎপন্ন হয় ; আন্তরিক কৃপার নিদর্শন ঈশ্বর-স্মরণ, তাহাতে অন্তর জীবন লাভ করে ।

(ত, হো,)

ধৈর্য্যধারণ কর, নিশ্চয় ঈশ্বরের অঙ্গীকার সত্য ; এবং যাহারা বিশ্বাস করে না, তাহারা তোমাকে লঘু করিতে পারিবে না * । ৬০ । (র, ৬, আ, ৮)

সূরা লোক্‌মান ‡

.....

একত্রিংশ অধ্যায়

.....

৩৪ আয়ত, ৪ রকু

(দাতা দয়ালু পরমেশ্বরের নামে প্রবৃত্ত হইতেছি ।)

আমি ঈশ্বর সমুদায় গুণের স্বামী, ক্ষমা ও কল্যাণের আকর ঙ্গ । ১ । বিজ্ঞানময়ের গ্রন্থের এই নিদর্শন সকল হয় । ২ । + (ইহা) হিতকারী লোকদিগের জ্ঞান বিধি ও দয়্য-স্বরূপ । ৩ । যাহারা উপাসনাকে প্রতিষ্ঠিত রাখে ও জকাত দান করে ও যাহারা পরলোকে বিশ্বাস রাখে, এই ইহারাই আপন প্রতিপালকের বিধিতে স্থিতি করে, এবং ইহারাই তাহারা যে মুক্ত হইবে । ৪ + ৫ । এবং মানবমণ্ডলীর মধ্যে কেহ আছে যে, অজ্ঞানতা-প্রযুক্ত ঈশ্বরের পথ হইতে (লোকদিগকে) নিবৃত্ত রাখিতে আমোদজনক আখ্যায়িকা ক্রয় করে, এবং তাহাকে (ঈশ্বরের পথকে) উপহাস করিয়া থাকে ; ইহারাই, ইহাদের জগৎ দুর্গতিজনক শাস্তি আছে § । ৬ । এবং যখন তাহার নিকটে আমার

* অর্থাৎ অবিশ্বাসী পাষাণ লোকদিগের শীঘ্র শাস্তি হইক, এরূপ তুমি প্রার্থনা করিও না । শাস্তির কাল নির্দিষ্ট আছে, যথাসময়ে তাহা প্রকাশিত হইবে । (ত, হো,)

† এই সূরা মক্কাতে অবতীর্ণ হইয়াছে ।

‡ “আলম্মা” এই সাঙ্কেতিক শব্দের অর্থ “আমি ঈশ্বর সমুদায় গুণের স্বামী” ইত্যাদি । (ত, হো,)

§ হারেসের পুত্র নসর বাণিজ্যোপলক্ষে পারস্ত দেশে গিয়াছিল । সে তথা হইতে রোস্তম ও আস্ফলিয়ারের আখ্যায়িকা ক্রয় করিয়া আনিয়া কোরেণ লোকদিগের সভাস্থলে পাঠ করিতেছিল ; কোরেণগণ হৃবিপ্যাত বীর্য্যগ্রগণ্য রোস্তম ও সম্রাট আস্ফলিয়ারের বিবরণ পাঠ করিয়া চমৎকৃত হয় । তাহারা গর্ব্ব করিয়া পরস্পর বলিতে থাকে যে, যদি মোহম্মদ আদ ও সমুদার বীরত্বের বৃত্তান্ত এবং দাউদ ও সোলয়মানের রাজ্যের ঐশ্বৰ্য্যের বিবরণ আমাদের নিকটে প্রচার করে, আমরা পারস্তদেশের রাজাদিগের বিপুল রাজ্যসম্পত্তির বিষয় বলিব । এতদুপলক্ষেই ঈশ্বর এই আয়ত প্রেরণ করেন । এস্থলে ঈশ্বরের পথ কোর্-আন্ । কোর্-আনে আদ, সমুদ ও দাউদ, সোলয়মানের বৃত্তান্ত বর্ণিত আছে ।

আয়ত সকল পঠিত হয়, তখন সে অহঙ্কারপ্রযুক্ত বিমুখ হইয়া থাকে, যেন সে তাহা শ্রবণ করে নাই, যেন তাহার উভয় কর্ণে গুরুভার আছে ; অতএব তুমি তাহাকে ক্রেশকর শাস্তির সংবাদ দান কর *। ৭। নিশ্চয় যাহারা বিশ্বাস স্থাপন ও সংকর্ষ সকল করিয়াছে, তাহাদের জগৎ সম্পদের স্বর্গলোক সকল আছে, তথায় তাহারা চিরস্থায়ী হইবে ; ঈশ্বরের অঙ্গীকার সত্য এবং তিনি বিজ্ঞেতা বিজ্ঞানময়। ৮+৯। তোমরা যাহা দেখিতেছ, এই নভোমণ্ডলকে তিনি স্তম্ভ ব্যতিরেকে সৃজন করিয়াছেন, এবং তোমাদিগকে (বা) বিচালিত করে, এই জগৎ তিনি পৃথিবীতে পর্বত সকল স্থাপন করিয়াছেন, এবং সর্ববিধ পশু সঞ্চারিত রাখিয়াছেন ; ও আমি আকাশ হইতে বারি বর্ষণ করিয়াছি, পরে আমি তথায় (ভূমিতে) সকল প্রকার উত্তম বস্তু (শস্যাদি) উৎপাদন করিয়াছি। ১০। এই ঈশ্বরের সৃষ্টি, অবশেষে তুমি আমাকে প্রদর্শন কর, তিনি ব্যতীত যাহারা, তাহারা কি বস্তু সৃজন করিয়াছে ? বরং তাহারা স্পষ্ট পথভ্রান্তির মধ্যে অত্যাচারী। ১১। (র, ১, আ, ১১)

এবং সত্য সত্যই আমি লোক্‌মানকে বিজ্ঞান প্রদান করিয়াছি, (এবং তাহাকে বলিয়াছি) যে, তুমি ঈশ্বরের দানের কৃতজ্ঞতা প্রকাশ কর ; যে ব্যক্তি কৃতজ্ঞ হয়, অনন্তর সে আপন জীবনের জগৎ কৃতজ্ঞ হয়, এতদ্বিষয় নহে, এবং যে ব্যক্তি কৃতজ্ঞ হয়, তবে জানিও, নিশ্চয় ঈশ্বর নিদাম প্রশংসিত †। ১২। এবং স্মরণ কর, যখন লোক্‌মান

“ইহাদের জগৎ দুর্গতিজনক শাস্তি আছে” অর্থাৎ ইহালোকে ইহাদের শাস্তি দাসত্ব ও হত্যা এবং পরলোকে ক্রোধ ও অপমান হইবে। কোরেশ লোকেরা সুগায়িকা দাসীদিগকে ক্রয় করিয়া আনিয়া সঙ্গীত করিতে নিযুক্ত রাখিয়াছিল। তাহাদের হুমধুর সঙ্গীত শ্রবণে মুগ্ধ হইয়া লোকে হজরতের প্রচারিত স্তমসচারশ্রবণে বিরত থাকিত। কেহ কেহ বলেন, তাহাদের সম্বন্ধেই এই আয়ত প্রেরিত হইয়াছে। (ত, হো,)

* যে ব্যক্তি আমোদজনক আধ্যাত্মিক ক্রয় করিয়াছে, তাহার সম্বন্ধে এই আয়ত অবতীর্ণ হইয়াছে।

† লোক্‌মানের জীবনসম্বন্ধে মতভেদ আছে। কেহ কেহ তাহাকে প্রেরিত বলিয়াছেন, কেহ কেহ বৈজ্ঞানিক পুরুষ বলিয়া সিদ্ধান্ত করিয়াছেন। বাণুবিক লোক্‌মান (হকিম) বৈজ্ঞানিক পুরুষই ছিলেন। মহাপুরুষ দাউদের রাজ্যাধিকারকালে তিনি জন্মগ্রহণ করিয়া ইয়ুনেসের সময় পর্যন্ত জীবিত ছিলেন। তিনি অতিশয় দীর্ঘজীবন লাভ করিয়াছিলেন। কথিত আছে, তিনি কোন সম্ভ্রান্ত লোকের দাস কুম্ভবর্ণা কাফ্রি ছিলেন। তিনি পশুপাল চরাইতেন, বা স্থলীজীবী, কিংবা ভাস্করের কার্য করিতেন। একদিন মাধ্যাহ্নিক নিদ্রার সময়ে কয়েকজন স্বর্গীয় দূত তাঁহার আলয়ে উপস্থিত হইয়া তাঁহাকে বলেন যে, আমরা ঈশ্বরের প্রেরিত স্বর্গীয় দূত, তোমাকে পৃথিবীতে আধিপত্য প্রদান করিতেছি। তুমি মানবমণ্ডলীর মধ্যে জ্ঞানানুসারে বিচার করিতে থাক। লোক্‌মান বলিলেন, যদি প্রভু পরমেশ্বরের এরূপ দৃঢ় আদেশ হইয়া থাকে, তবে তাহা আমার শিরোধার্য। আমার এই প্রার্থনা যে, এই কার্য সুন্দররূপে নির্বাহ করিতে আপনারা আমাকে সাহায্য করুন। স্বর্গীয় দূতগণ এই কথা শুনিয়া সন্তুষ্ট হইলেন ও তাঁহাকে বিজ্ঞানবুদ্ধি প্রদান করিলেন। কথিত

আপন পুত্রকে বলিল, এবং সে তাহাকে উপদেশ দিতে লাগিল, “হে আমার শিশু পুত্র, তুমি ঈশ্বরের সঙ্গে অংশী স্থাপন করিও না, নিশ্চয় অংশিত্ব গুরুতর দোষ”। ১৩। এবং আমি মানবমণ্ডলীকে তাহার পিতা মাতার সম্বন্ধে নির্দেশ করিয়াছি, তাহার মাতা শ্রান্তির পর শ্রান্তির অবস্থায় তাহাকে বহন করিয়াছে, এবং দুই বৎসরের মধ্যে তাহার শুষ্কচূতি হয় ; (তাহাকে পুনরায় উপদেশ করিয়াছিলাম) যে, তুমি আমাকে ও আপন পিতা মাতাকে ধন্যবাদ দাও, আমার দিকেই প্রত্যাবর্তন। ১৪। এবং যে বস্তুসম্বন্ধে তোমার জ্ঞান নাই, যদি তাহারা আমার সঙ্গে তাহাকে অংশী করিতে তোমাকে অনুরোধ করে, তবে তুমি তাহাদিগের অন্তর্গত হইও না ; তুমি সংসারে বিধিমতে তাহাদিগের সঙ্গ কর, এবং যে ব্যক্তি আমার দিকে ফিরিয়া আসিয়াছে, তাহার পথানুসরণ কর, তৎপর আমার দিকে তোমাদিগের প্রত্যাবর্তন। তোমরা যাহা করিতেছ, পরে তোমাদিগকে তাহা জ্ঞাপন করিব *। ১৫। (লোক্‌মান বলিল,) “হে আমার শিশুপুত্র, নিশ্চয় সেই (ক্ষুদ্র বস্তু) যদি সর্ষপ-কণিকা পরিমাণও হয়, পরে তাহা প্রস্তুরে বা আকাশে কিম্বা মৃত্তিকার মধ্যে স্থিতি করে, ঈশ্বর উহাকে উপস্থিত করিবেন ; নিশ্চয় ঈশ্বর হুস্মদশী তত্ত্বজ্ঞ। ১৬। হে আমার শিশুপুত্র, তুমি উপাসনাকে প্রতিষ্ঠিত রাখ, বৈধ বিষয়ে আদেশ কর ও অবৈধ বিষয়ে নিষেধ করিতে থাক ; এবং যাহা তোমার নিকটে উপস্থিত হয়, তদ্বিষয়ে ধৈর্য্য ধারণ আছে, দশ সহস্র নীতি ও বিজ্ঞানসম্বন্ধীয় উচ্চ উচ্চ উক্তি লোক্‌মান দ্বারা প্রচারিত হইয়াছে। একদা এস্রায়েলবংশীয় একজন প্রধান পুরুষ লোক্‌মানের নিকটে উপস্থিত হইয়া দেখেন যে, বহুলোক তাঁহাকে খেরিয়া ধর্ম ও নীতিবিজ্ঞানসম্বন্ধীয় নানা কথা জিজ্ঞাসা করিতেছে ও তিনি উত্তর দিতেছেন। তখন সেই সম্রাট লোকটি জিজ্ঞাসা করিলেন, লোক্‌মান, তুমি এরূপ উচ্চপদ কেমন করিয়া প্রাপ্ত হইলে? তিনি বলিলেন, সত্য কথা কহিয়া ও বিশ্বস্ততা রক্ষা করিয়া এবং স্বার্থ বিসর্জন করিয়া তাহা লাভ করিয়াছি। কথিত আছে, একদা লোক্‌মানের দাসত্বকালে তাঁহার প্রভু তাঁহাকে অল্প কতিপয় দাসের সহিত ফল আহরণ করিবার জন্ত উদ্ভানে পাঠাইয়াছিলেন। দাসগণ ফল সকল পথে ভক্ষণ করিয়া লোক্‌মানের প্রতি দোষারোপ করে, প্রভু তাহাতে ক্রুদ্ধ হন। লোক্‌মান বলেন যে, ইহারা আমার প্রতি মিথ্যা অপবাদ দিতেছে। প্রভু জিজ্ঞাসা করিলেন, এ বিষয়ে সত্যাসত্য কিরূপে নির্দারিত হইবে? লোক্‌মান কহিলেন, আমাদের সকলকে তুমি উষ্ণজল পান করাইয়া প্রাস্তরে দোড়িতে আদেশ কর, তাহা হইলে বমন হইবে। তখন যে ব্যক্তি ফল বমন করিবে, সেই ফলভোজী চোর স্থির হইবে। (ত, হো,)

* সাদ ওকাস নামক ব্যক্তির সম্বন্ধে এই আয়ত সংজ্ঞা দিত হইয়াছে। এরূপ অনকবৃত সূরাতেও উল্লেখ হইয়া গিয়াছে। অংশিবাদিতার অবৈধতা-প্রদর্শনার্থ লোক্‌মানের আখ্যায়িকার সঙ্গে এই উপদেশের যোগ হইয়াছে। কথিত আছে যে, সাদ এসলাম ধর্ম গ্রহণ করিতে তাঁহার মাতা তিন দিন অন্নজল-গ্রহণে বিরত ছিল। কাষ্টখণ্ড প্রবেশ দ্বারা বলপূর্ব্বক মুণ্ডাব্যাদান করাইয়া তাহাকে জলপান করান হইয়াছিল। সাদ বলিয়াছিলেন, যদি মাতার সন্তোরটি আত্মা হয়, একটি একটি করিয়া ক্রমে ক্রমে সন্তোরটি আত্মা স্তম্ভ্যমুখে পড়ে, তথাপি আমি এসলাম ধর্ম পরিত্যাগ করিতে বাধ্য নহি। (ত, হো,)

কর, নিশ্চয় ইহা মহৎ কার্যসকলের অন্তর্গত। ১৭। এবং লোকের প্রতি তুমি মুগ্ধ ফিরাইও না, * এবং ভূমিতলে বিলাসের ভাবে পরিভ্রমণ করিও না; নিশ্চয় ঈশ্বর সমুদায় বিলাসী অভিমানী লোককে প্রেম করেন না। ১৮। আপন গতিসম্বন্ধে মধ্যপথ অবলম্বন কর, আপন ধরনিকে নিম্ন কর, নিশ্চয় গর্দভের শব্দ কুৎসিত শব্দ। ১৯। (র, ২, আ, ৮)

তোমরা কি দেখ নাই যে, স্বর্গে ও পৃথিবীতে যাহা কিছু আছে, পরমেশ্বর তাহা তোমাদের জগৎ অধিকৃত করিয়াছেন, এবং আপন বাহ্যিক ও আন্তরিক সম্পদ তোমাদের সম্বন্ধে পূর্ণ করিয়াছেন; এবং মানবমণ্ডলীর মধ্যে কেহ আছে যে, জ্ঞান ব্যতিরেকে ও ধর্মালোক ও উজ্জ্বল গ্রন্থ ব্যতিরেকে ঈশ্বরের সম্বন্ধে বিরোধ করিয়া থাকে? ২০। এবং যখন তাহাদিগকে বলা হয়, “ঈশ্বর যাহা অবতারণ করিয়াছেন, তোমরা তাহার অনুসরণ কর;” তাহারা বলে, “বরং আমাদের পিতৃপুরুষদিগকে যে বিষয়ে আমরা প্রাপ্ত হইয়াছি, তাহার অনুসরণ করিব।” শয়তান যদি তাহাদিগকে নরকদণ্ডের দিকে আহ্বান করে, তাহারা কি (অনুসরণ করিবে)? ২১। এবং যে ব্যক্তি আপন আননকে ঈশ্বরের উদ্দেশ্যে উৎসর্গ করে, বস্তুতঃ সে হিতকারী, অবশেষে নিশ্চয় সে দৃঢ় হস্তাবলম্বনকে দারণ করে, এবং ঈশ্বরের দিকেই ক্রিয়া সকলের পরিণাম। ২২। এবং যে ব্যক্তি ধর্মদ্রোহী হইয়াছে, পরে তাহার ধর্মদ্রোহিতা তোমাকে, (হে মোহম্মদ,) বিবাদিত করিবে না; আমার দিকেই তাহাদিগের প্রত্যাবর্তন, তাহারা যাহা করিয়াছে, পরে আমি তাহাদিগকে তাহা জ্ঞানাইব, (শান্তি দিব,) নিশ্চয় ঈশ্বর হৃদয়ের তত্ত্বজ্ঞ। ২৩। আমি তাহাদিগকে (পৃথিবীতে) অল্প ভোগ করিতে দিব, তৎপর কঠিন শাস্তিতে তাহাদিগকে নিপীড়িত করিব। ২৪। এবং যদি তুমি তাহাদিগকে জিজ্ঞাসা কর, “কে স্বর্গ ও মর্ত্য সৃজন করিয়াছে?” অবশ্য তাহারা বলিবে, ঈশ্বর; তুমি বলিও, “ঈশ্বরেরই সমাক্ষ প্রশংসা,” বরং তাহাদের অধিকাংশই (তাহা) বুঝে না। ২৫। ছালোকে ও ভুলোকে যাহা কিছু আছে, তাহা ঈশ্বরেরই; নিশ্চয় ঈশ্বর নিকাম ও প্রশংসিত। ২৬। এবং পৃথিবীতে যে সকল বৃক্ষ আছে, যদি তাহা লেখনী হয় ও সাগর তাহার মসী হয়,

* “লোকের প্রতি তুমি মুগ্ধ ফিরাইও না.” অর্থাৎ অহঙ্কার করিয়া তুমি কোন ব্যক্তি হইতে মুগ্ধ ফিরাইয়া থাকিও না, বরং বিনম্রভাবে লোকদিগকে সমাদর করিও। (ত, হো,)

† উচ্চারণিতে কোন প্রকার পৌরুষ নাই। গর্দভের তারতম্য অত্যন্ত অতিকটু ও লোকের বিরক্তিকর। আরবেষ পৌত্তলিকগণ উচ্চশব্দে গর্ভ প্রকাশ করিত, এই আয়ত্ত তাহার প্রতিবাদ-স্বরূপ। হজরত কোমল শব্দকে ভালবাসিতেন, উচ্চশব্দকে ঘৃণা করিতেন। ইঞ্জিলে উক্ত হইয়াছে যে, “আমার দাসদিগকে বল, তাহারা মুহূর্ত্তকো যেন প্রার্থনা করে, আমি তাহা শুনিতে পাইব। তাহাদের অন্তরে যাহা আছে, আমি তাহা জানিতে পাই।” (ত, হো,)

‡ বাহ্যিক সম্পদ বুদ্ধি ও ইন্দ্রিয়গ্রাহ্য প্রিয় সামগ্রী, আন্তরিক সম্পদ স্বর্গীয় দূতদিগের আশুকুলো হয়। এই বাহ্যিক ও আন্তরিক সম্পদবিষয়ে অনেকে অনেক প্রকার ভাব প্রকাশ করিয়াছেন। (ত, হো,)

তাহার পরে (অত্র) সপ্ত সাগর হয়, তথাপি ঈশ্বরস্বর্গীয় কথা সমাপ্ত হইবে না ; নিশ্চয় ঈশ্বর বিজ্ঞেতা ও বিজ্ঞানময়। ২৭। এক ব্যক্তির তুল্য ভিন্ন তোমাদিগের স্বজন ও তোমাদিগের সমুখাপন নহে ; নিশ্চয় ঈশ্বর জ্ঞাতী ও শ্রোতা *। ২৮। তুমি কি দেখ নাই, (হে মোহাম্মদ,) ঈশ্বর দিবাতে রাত্রি উপস্থিত করেন, এবং রাত্রিতে দিবা আনয়ন করেন ? এবং তিনি সূর্য ও চন্দ্রমাকে অধিকৃত করিয়াছেন, প্রত্যেকে এক নির্দিষ্ট সময়ে চলিয়া থাকে ; এবং নিশ্চয় ঈশ্বর, তোমরা যাহা করিতেছ, তাহার জ্ঞাত। ২৯। ইহা এ কারণে যে, সেই ঈশ্বর সত্য এবং এ কারণে যে, তাঁহাকে ছাড়িয়া তাহার যাহাকে আস্থান করে, তাহা অসত্য, এবং এ কারণে যে, সেই পরমেশ্বর উন্নত মহান। ৩০। (র, ৩, আ, ১১)

তুমি কি দেখ নাই যে, ঈশ্বরের প্রসাদে পোত সকল তোমাদিগকে তাঁহার নিদর্শন-বলীর কিছু প্রদর্শন করিতে সাগরে চলিয়া থাকে ; নিশ্চয় ইহার মধ্যে প্রত্যেক সহিষ্ণু কৃতজ্ঞ ব্যক্তির জ্ঞান নিদর্শন সকল আছে। ৩১। এবং যখন চন্দ্রাতপের স্রাব তরঙ্গ তাহাদিগকে আচ্ছাদন করে, তখন তাহার ঈশ্বরকে, তাঁহার জ্ঞান ধর্মকে বিশুদ্ধ করিয়া, আহ্বান করিতে থাকে ; অনন্তর যখন আমি তাহাদিগকে স্থলের অভিমুখে উদ্ধার করিয়া লইয়া যাই, তখন তাহাদের কেহ মধ্যপথাবলম্বী হয় ; † এবং প্রত্যেক অঙ্গীকার-ভঙ্গকারী ধর্মস্রোতসিগণ বাতীত (কেহ) আমার নিদর্শন সকলকে অগ্রাহ্য করে না। ৩২। হে লোক সকল, তোমরা আপন প্রতিপালককে ভয় করিতে থাক, এবং যে দিবস কোন পিতা আপন পুত্রের উপকারে আসিবে না, এবং কোন পুত্র স্বীয় পিতার কিছুই উপকারী হইবে না, তোমরা সেই দিবসকে ভয় করিতে থাক ; নিশ্চয় ঈশ্বরের অঙ্গীকার সত্য, অনন্তর যেন পার্থিব জীবন তোমাদিগকে প্রতারণা না করে, এবং প্রবঞ্চক (শয়তান) যেন ঈশ্বরসম্বন্ধে তোমাদিগকে প্রতারণিত না করে ‡। ৩৩। নিশ্চয় ঈশ্বরের নিকটেই কেদামতের জ্ঞান আছে, এবং তিনি বৃষ্টি প্রেরণ করেন ও গর্ভে যাহা থাকে,

* “এক ব্যক্তির তুল্য ভিন্ন তোমাদিগের স্বজন ও তোমাদিগের সমুখাপন নহে :” অর্থাৎ সৃষ্টি করিতে ঈশ্বরের কাহারও সাহায্য-গ্রহণ বা যন্ত্রের প্রয়োজন হয় না। তিনি “হউক” এই মাত্র উক্তিতে লক্ষ লক্ষ জগৎ স্বজন করেন। লক্ষ লক্ষ জীবের সৃষ্টি তাঁহার সম্বন্ধে এক জনকে সৃষ্টি করার স্রাব সহজ। সৃত লোকদিগকে সজীব করিয়া সমুখাপন করিতেও তাঁহার কোন আয়োজন উদ্যোগের আবশ্যক করে না। বরং তিনি এশ্রাফিল নামক স্বর্গীয় দূতকে এই আদেশ করিবেন যে, তুমি বল, যেন সকলে কবর হইতে বাহির হয় ; এশ্রাফিলের এক আস্থানে সমুদায় লোক কবর হইতে বহির্গত হইবে।

(ভ, হো,)

† “মধ্যপথাবলম্বী হয়” অর্থাৎ নির্ভর হয়।

(জ, কা,)

‡ “যে দিবস কোন পিতা আপন পুত্রের উপকারে আসিবে না” এই উক্তি কাকেরদিগের সম্বন্ধে হইয়াছে ; নতুবা বিষাদী পিতা বা সন্তান কেদামতের দিনে শকারতবোণে পরস্পর পরস্পরকে সাহায্য করিবেন।

(ভ, হো,)

তিনি তাহা জানেন ; এবং কল্যাণ কি উপার্জন করিবে, তাহা কোন ব্যক্তি জানে না ও কোন স্থানে মরিবে, কোন ব্যক্তি জানে না। নিশ্চয় ঈশ্বর জ্ঞানময় তত্ত্বজ্ঞ * ১৩ ।
(র, ৪, আ, ৪)

সূরা সেজ্‌দা †

.....

দ্বাত্রিংশ অধ্যায়

.....

৩০ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি)

আদ্যন্ত মধ্য বাক্যে ও কার্যে পরমেশ্বরের প্রসঙ্গে অতুরন্ত হওয়া কর্তব্য § । ১ ।
ইহাতে কোন সন্দেহ নাই যে, বিশ্বপালক হইতেই এই গ্রন্থের অবতরণ । ২ । তাহারা
কি বলিতেছে যে, উহাকে রচনা করা হইয়াছে ? বরং তোমার প্রতিপালক হইতে উহা
সত্য হয়, যেন তোমার পূর্বে যাহাদের নিকটে কোন ভয়প্রদর্শক উপস্থিত হয় নাই, তুমি
সেই দলকে (এতদ্বারা) ভয় প্রদর্শন কর ; সম্ভবতঃ তাহারা পথ প্রাপ্ত হইবে । ৩ ।
সেই পরমেশ্বর, যিনি ছয় দিবসের মধ্যে স্বর্গ ও মর্ত্য এবং এই উভয়ের মধ্যে যাহা কিছু
আছে, সৃজন করিয়াছেন, তৎপর সিংহাসনে স্থিতি করিয়াছেন, তিনি ব্যতীত তোমাদের

* হারেস বা ওমরের পুত্র ওয়াহেস হজরতের নিকটে যাইয়া বলিয়াছিল যে, “হে মোহাম্মদ,
বল, কখন কেয়ামত প্রকাশিত হইবে ? আমি বীজ বপন করিয়াছি, কোন্ সময়ে বারিবর্ষণ হইবে,
এবং আমার স্ত্রী গর্ভবতী, সে পুত্র, না কন্যা সম্ভান প্রসব করিবে ? গতকলা আমার সম্বন্ধে কি
ঘটিয়াছে, তাহা আমি জানি ; কিন্তু আগামী কলা কি সজ্জটন হইবে, বল । আমি আপন জ্ঞানস্থান
জ্ঞাত আছি, কিন্তু আমার কবর কোথা হইবে, জানি না ; তুমি ভবিষ্যদ্বক্তা, তুমি তাহা আমাকে
জ্ঞাপন কর ।” এই কথাতেই পরমেশ্বর এই আয়ত প্রেরণ করিয়াছেন । (ত, হো.)

† এই সূরা মক্কাতে অবতীর্ণ হইয়াছে ।

‡ মহান আলি বলিয়াছেন যে, প্রত্যেক ঐশ্বরিক গ্রন্থের সারাংশ আছে । কোর-আনের সারভাগ
ব্যবচ্ছেদক বর্ণাবলী । “আলফা” এই ব্যবচ্ছেদক বর্ণাবলীর ভাবার্থ আদ্যন্ত মধ্য ইত্যাদি অর্থাৎ
‘অ’ এই বর্ণের অর্থ ‘আওল’ (প্রথম) শব্দোৎপত্তির আদি স্থান, ‘ল’ এই বর্ণের অর্থ ‘লেসান’ (রসনা)
উৎপত্তি-ভূমির মধ্যস্থান, “ম” ওষ্ঠাধরযোগে উচ্চারিত হয়, উহা শেষস্থান । ইহা দ্বারা ইঙ্গিত হইয়াছে
যে, “আদ্যন্ত মধ্য বাক্যে ও কার্যে পরমেশ্বরের প্রসঙ্গে অতুরন্ত হওয়া (দাসের) কর্তব্য” । (ত, হো.)

কোন বন্ধু নাই ও পাপক্ষমার অনুরোধকারী নাই। অনন্তর তোমরা কি উপদেশ গ্রহণ করিতেছ না ? ৪। তিনি স্বর্গ হইতে পৃথিবী পর্য্যন্ত কার্যের চর্চা করেন, তৎপর তোমাদের গণনামুসারে যাহার পরিমাণ সহস্র বৎসর হয়, সেই এক দিবসে উহা (কার্য) তাঁহার দিকে সমুপস্থিত হইয়া থাকে *। ৫। তিনিই অন্তর্বাহবিদ্ পরাক্রান্ত দয়ালু। ৬। (তিনিই) যিনি যে সমুদায় বস্তুকে যাহা করিয়াছেন, অত্যন্তমরূপে করিয়াছেন, এবং সৃষ্টিকারী মনুষ্য-সৃষ্টি আরম্ভ করিয়াছেন। ৭। তৎপর তাহার বংশকে নিকট জলের (স্ত্রের) সার ভাগ হইতে উৎপাদন করিয়াছেন। ৮। তদনন্তর তাহাকে (দেহকে) ঠিক করিয়া লইয়াছেন, তন্মধ্যে স্বীয় প্রাণযোগে ফুৎকার করিয়াছেন ও তোমাদিগের জ্ঞান চক্ষু কর্ণ ও হৃদয় স্ফূটন করিয়াছেন ; তোমরা যে কৃতজ্ঞতা দান কর, তাহা অল্প। ৯। এবং তাহারা বলিয়াছে যে, “যখন আমরা ভূমিগন্তে লুপ্তায়িত হইব, নিশ্চয় আমরা কি তখন নূতন সৃষ্টির ভিতরে হইব ?” বরং তাহারা আপন প্রতিপালকের সাক্ষাৎকারসম্বন্ধে অবিশ্বাসী। ১০। তুমি বল, (হে মোহম্মদ,) তোমাদের সম্বন্ধে যাহাকে নিযুক্ত করা হইয়াছে, সেই মৃত্যুর দেবতা তোমাদিগের প্রাণহরণ করিবে ; তৎপর আপন প্রতিপালকের দিকেই তোমরা প্রতিগমন করিবে †। ১১। (ব, ১, আ, ১১)

এবং যখন অপরাধিগণ স্বীয় প্রতিপালকের নিকটে আপনাদেব মস্তক অবনত করিয়া থাকিবে, তখন, (হে মোহম্মদ,) যদি তুমি দেখ, (ভাল হয় ;) তাহারা (বলিবে,) “হে আমাদের প্রতিপালক, আমরা দেখিয়াছি ও শুনিয়াছি ; অনন্তর আমাদের (পৃথিবীতে) ফিরাইয়া লইয়া যাও, আমরা সংকল্প করিব, নিশ্চয় আমরা বিশ্বাসী”। ১২। এবং যদি আমি ইচ্ছা করিতাম, তবে অবশ্য প্রত্যেক ব্যক্তিকে তাহার ধর্ম্মালোক দান করিতাম ; কিন্তু আমার (এই) কথা প্রমাণিত হইয়াছে যে, নিশ্চয় আমি একযোগে মানব ও দানবদিগের দ্বারা নরকলোক পূর্ণ করিব। ১৩। অনন্তর (বলিবে,)

* অর্থাৎ স্বর্গীয় দূত এক দিবসের মধ্যে স্বর্গ হইতে পৃথিবীতে অবতরণ করেন ও পৃথিবী হইতে স্বর্গে চলিয়া যান ; মনুষ্য গমনাগমন করিলে সহস্র বৎসরের নান হয় না। যেহেতু স্বর্গ হইতে পৃথিবী পর্য্যন্ত পাঁচ শত বৎসরের পথ, স্তত্রাং অবতরণ ও উত্থানে সহস্র বৎসর হয়। (ত, হো,)

† কথিত আছে যে, মৃত্যুর দেবতা অজরাইল আত্মা সকলকে আত্মান করিয়া থাকেন ও তাহার উত্তর দান করে। পরে অজরাইল স্বীয় অনুচরবর্গকে আদেশ করেন যে, তোমরা আত্মাদিগকে হস্তগত কর। এমাম আবুলঅয়স বলিয়াছেন যে, মৃত্যুর দেবতার এক মুখ অগ্রিময়, সেই মুখে তিনি কাকেরদিগের নিকটে প্রকাশিত হইয়া তাহাদের আত্মা সকলকে হস্তগত করেন। তাঁহার আবার অন্ধকারের মুখ আছে, তৎসহ তিনি কপট লোকদিগের আত্মা অধিকার করেন ; এবং মনুষ্যের মুখ সদৃশ একপ্রকার মুখ আছে, তিনি তৎসহযোগে ধর্ম্মপ্রবর্তক ও সাধু লোকদিগের আত্মা হস্তগত করিয়া থাকেন। তাঁহার অনুচর দয়া ও দণ্ডের দেবতা। জীবনের হিসাব দান ও দণ্ডপুরস্কারপ্রদানের জ্ঞান ঈশ্বরের নিকট সকলের প্রতিগমন হইয়া থাকে। (ত, হো,)

তোমরা যে আপনাদের এই দিনের সাক্ষাৎকারকে বিশ্বস্ত হইয়াছ, তজ্জগু (শান্তি) আশ্বাদন কর; নিশ্চয় আমিও তোমাদিগকে ভুলিয়াছি, এবং তোমরা যে কার্য্য করিতে-ছিলে, তজ্জগু নিত্য শান্তি আশ্বাদন কর। ১৪। যাহারা আমার নিদর্শন সকলের প্রতি বিশ্বাস স্থাপন করে, যখন তদ্বিষয়ে স্মরণ করাইয়া দেওয়া যায়, তখন তাহারা প্রণতভাবে অধোমুখে পড়িয়া যায় ও আপন প্রতিপালকের প্রশংসার স্তব করে, এতদ্বিষয়ে নহে, এবং তাহারা অহঙ্কার করে না। ১৫। শয়নালায় হইতে তাহাদের পার্শ্বদূর হইয়া থাকে, তাহারা স্বীয় প্রতিপালককে ভয় ও আশাতে ডাকিয়া থাকে; ও তাহাদিগকে আমি যে উপজীবিকা দান করিয়াছি, তাহারা তাহা ব্যয় করে *। ১৬। অনন্তর কোন ব্যক্তি জানে না যে, তাহাদের জগু (তাহাদের) স্নিগ্ধ চক্ষু হইতে কি গোপন করা হইয়াছে; তাহারা যাহা করিতেছিল, তাহার বিনিময় আছে *। ১৭। অবশেষে যে ব্যক্তি বিশ্বাসী হয়, সে কি, যে ব্যক্তি পায়ণ্ড, তাহার তুল্য হইয়া থাকে? তুল্য হয় না *। ১৮। কিন্তু যাহারা বিশ্বাস স্থাপন ও সংকল্প সকল করিয়াছে, অনন্তর তাহাদের জগু স্বর্গলোক অবস্থিতস্থান; তাহারা যাহা করিতেছিল, তজ্জগু আতিথ্য আছে। ১৯। কিন্তু যাহারা পায়ণ্ড হইয়াছে, তাহাদিগের স্থান অগ্নি; যখন তাহারা ইচ্ছা করিবে যে, তাহা হইতে নির্গত হয়, তখন তন্মধ্যে প্রতানীত হইবে, এবং তাহাদিগকে বলা যাইবে যে, “যাহাকে তোমরা মিথ্যা বলিতেছিলে, তোমরা সেই অগ্নিদণ্ড আশ্বাদন কর”। ২০। এবং অবশ্য আমি তাহাদিগকে মহা শান্তি বাতীত ক্ষুদ্র শান্তিও

* মকানিবানী অনেক উপাসকের গৃহ হজরতের উপাসনালয় হইতে দূরে ছিল। যে সময় তাহারা সায়াংকালীন সামাজিক উপাসনা হজরতের সঙ্গে সম্পাদন করিতেন, তখন নৈশিক উপাসনার সময় পয়ান্ত মস্জিদে অবস্থিত করিয়া উপাসনায় রত থাকিতেন, গৃহে গমন করিতেন না, পরে হজরতের সঙ্গে প্রাত্যহিক উপাসনা করিয়া কৃতার্থ হইতেন। তাহাদের সম্বন্ধে পরমেশ্বর এই আয়ত প্রেরণ করিয়াছেন। কেহ কেহ বলেন যে, যে সকল সাধক নিশা জাগরণ করিয়া সাধন ভজন করিতেন, তাহাদের সম্বন্ধে এই আয়ত অবতীর্ণ হইয়াছে। নিশাকালে গমন সমুদায় লোক নিদ্রায় অচেতন হইত, তখন সেই সাধকগণ সুপথিয়া হইতে পার্শ্বকে সরাইয়া বিনীতভাবে দণ্ডায়মান হইতেন, এবং দীঘ রজনী বিশ্বপতি পরমেশ্বরের সঙ্গে গোপনে কথোপকথন করিতেন। (ত, হো,)

+ যাহারা গোপনে ধর্ম্মানুষ্ঠান করেন, তাহাদের পুরস্কারও গোপনে প্রদত্ত হয়, তাহাতে কেহ তাহাদের ধর্ম্মসাধন জানিতে পারে না, এবং কোন ব্যক্তিই তাহাদিগের প্রাপ্য বিনিময়ের প্রতি দৃষ্টি প্রসারণ করে না। (ত, হো,)

‡ অক্বার পুত্র অলিদ জুদ্দ শার্দীলকে বাতলে পরাস্ত করিত, তাহাতে তাহার অত্যন্ত অহঙ্কার হয়। সে এক দিন গর্লিতভাবে মহান্না আলিকে বলে যে, “আমার বড়শা তোমার বড়শায় অপেক্ষা দৃঢ়তর ও আমার বাক্য তোমার বাক্য অপেক্ষা তীক্ষ্ণতর”। তাহাতে আলি বলেন, “রে পামর, চুপ-কর, আমার সঙ্গে তোমার তুলনা হওয়ার কি অধিকার? ও আমার সঙ্গে তোমার বাস্তিতত্ত্ব করার কি সমতা?” তাহাতে পরমেশ্বর সেই মহান্নার সম্বন্ধে এই আয়ত প্রেরণ করেন। (ত, হো,)

ভোগ করাইব; সম্ভব যে তাহারা ফিরিয়া আসিবে *। ২১। এবং যে ব্যক্তি আপন প্রতিপালকের নিদর্শন সকলসম্বন্ধে উপদিষ্ট হইয়াছে, তৎপর তাহা হইতে মুখ ফিরাইয়াছে, তাহা অপেক্ষা কে অধিক অত্যাচারী? নিশ্চয় আমি অপরাধীদের প্রতিশোধকারী। ২২। (র, ২, আ, ১১)

এবং সত্য সত্যই আমি মুসাকে গ্রন্থ দান করিয়াছি, অনন্তর তাহার সাক্ষাৎকার-বিষয় তুমি সন্দেহের মধ্যে থাকিও না; † এবং এশ্রায়েলবংশীয়লোকদিগের জন্ত তাহাকে আমি পথপ্রদর্শক করিয়াছি। ২৩। এবং আমি তাহাদিগ হইতে (এশ্রায়েল বংশ হইতে) ধর্ম্মনেতৃগণকে উৎপাদন করিয়াছি; যখন তাহারা সহিষ্ণু হইয়াছিল, তখন আমার আদেশক্রমে তাহারা পথপ্রদর্শন করিয়াছিল, এবং তাহারা আমার নিদর্শন সকলের প্রতি বিশ্বাস করিতেছিল। ২৪। নিশ্চয় তোমার প্রতিপালক, (হে মোহাম্মদ,) তাহারা যে বিষয়ে বিরোধ করিতেছিল, তিনি তদ্বিষয়ে কেয়ামতের দিনে তাহাদের মধ্যে নিষ্পত্তি করিবেন। ২৫। তাহাদের (মক্কাবাসীদের) জন্ত কি প্রকাশ পায় নাই যে, তাহাদের পূর্বে বহুশতাব্দীতে কত (লোককে) আমি সংহার করিয়াছি? তাহারা উহাদিগের নিবাসে গমন করিয়া থাকে, নিশ্চয় ইহার মধ্যে নিদর্শন সকল আছে; অনন্তর তাহারা কি শ্রবণ করিতেছে না? ২৬। তাহারা কি দেখে নাই যে, আমি তৃণহীন ক্ষেত্রের দিকে জল চালনা করিয়া থাকি, পরে তন্মারা শস্তক্ষেত্র বাহির করি, তাহারা নিজে ও তাহাদের পশু সকল তাহা হইতে ভক্ষণ করে; অবশেষে তাহারা কি দেখিতেছে না? ২৭। এবং তাহারা বলে, “যদি তোমরা সত্যবাদী হও, তবে কখন এই জয় হইবে” ‡? ২৮। তুমি বল, যাহারা ধর্ম্মজ্ঞোহী হইয়াছে, বিজয়-লাভের দিবসে তাহাদের বিশ্বাসী হওয়ার ফল দর্শিবে না, এবং তাহারা অবকাশ প্রাপ্ত হইবে না। ২৯। অনন্তর তুমি তাহাদিগ হইতে বিমুখ হও, এবং প্রতীক্ষা করিতে থাক, নিশ্চয় তাহারাও প্রতীক্ষাকারী ঃ। ৩০। (র, ৩, আ, ৮)

* কবরের শান্তি ক্ষুদ্র ও নরকের শান্তি বৃহৎ। মহাত্মা আবু সোলয়মান দারাবী বলিয়াছেন যে, সামান্য শান্তি কোন প্রাণ্য বিষয়ে বঞ্চিত হওয়া, অসামান্য শান্তি নরকায়িত্ব। পরন্তু উক্ত হইয়াছে যে, সামান্য ও অসামান্য শান্তি ঐহিক দুর্গতি ও পারত্রিক বিবাদ, অর্থাৎ ইহকালে পাপে পতিত হওয়া এবং পরকালে ঈশ্বরের সন্নিধিকলাভ হইতে দূরে পড়া। (ত, হো,)

† পরমেশ্বর হজরত মোহাম্মদের সঙ্গে অঙ্গীকার করিয়াছিলেন যে, ইহলোকপরিত্যাগের পূর্বে তুমি মুসাকে দেখিতে পাইবে। এস্থলে তিনি সেই অঙ্গীকারের দৃঢ়তা সম্পাদন করিতেছেন যে, তাহার দর্শনসম্বন্ধে সন্দেহ করিও না। যখন হজরত সশরীরে স্বর্গারোহণ করিয়াছিলেন, তখন তিনি আরোহণ ও অবরোহণ কালে মুসাদেবকে যষ্ট বর্গে স্পষ্ট দর্শন করিয়াছিলেন। (ত, হো,)

‡ অর্থাৎ ধর্ম্মজ্ঞোহিগণ ব্যাকুলতার সহিত বলিত যে, সেই জয়, যাহা অঙ্গীকৃত হইয়াছে, কখন হইবে? শীঘ্র আমাদিগকে প্রদর্শন কর। (ত, হো,)

§ অর্থাৎ সত্যই ধর্ম্মজ্ঞোহিগণ প্রতীক্ষা করিতেছে যে, তোমার উপর জয় লাভ করে; কিন্তু ঈশ্বর তোমাকেই বিজয়ী করিবেন, তাহাদিগকে নয়। (ত, হো,)

সূরা আহজাব *

.....

ত্রয়স্ত্রিংশ অধ্যায়

.....

৭৩ আয়ত, ৯ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে সংবাদপ্রচারক, তুমি ঈশ্বরকে ভয় করিতে থাক, এবং ধর্মদ্রোহী ও কপট লোকদিগের অহুগত হইও না ; নিশ্চয় ঈশ্বর জ্ঞানময় কৌশলময় । ১। এবং তোমার প্রতিপালক হইতে তোমার প্রতি যে প্রত্যাদেশ হয়, তুমি তাহার অহুসরণ কর ; নিশ্চয় ঈশ্বর, তোমরা যাহা করিয়া থাক, তাহার তত্ত্বজ্ঞ । ২। এবং ঈশ্বরের প্রতি তুমি নির্ভর কর ও ঈশ্বরই যথেষ্ট কার্য্যসম্পাদক । ৩। ঈশ্বর কোন ব্যক্তির জন্ত তাহার উদরে দুইটি হৃদয় উৎপাদন করেন নাই, এবং তোমাদের ভাষ্যাগণকে সৃজন করেন নাই যে, তাহাদিগ হইতে তোমরা তোমাদের মাতৃগণকে প্রকাশ করিবে, এবং তোমাদের (পুত্র) সঞ্চোধনপ্রাপ্ত ব্যক্তিদিগকে তোমাদের পুত্র সকল করেন নাই, ইহা তোমাদিগের নিজ মুখের কথা ; এবং ঈশ্বর সত্য বলেন ও তিনি পথ প্রদর্শন করিয়া থাকেন † । ৪।

* এই সূরা মদিনাতে অবতীর্ণ হইয়াছে। ইহার অবতরণের কারণ এই যে, ধর্মদ্রোহী আবুহুফিয়ান ও অকরম্বা এবং আবুহু অউর ওহদের সংগ্রামের পর মক্কা হইতে মদিনাতে যাইয়া কপটপ্রবর এব্ন আবুর আলেয়ে অবস্থিত করে। একদিন তাহারা কতিপয় কপট লোক সমভিব্যাহারে হজরতের নিকটে উপস্থিত হইয়া নিবেদন করে যে, “তুমি আমাদের লাত ও মনাত দেবতার অর্চনা করিতে দাও, এবং বল যে, প্রতিমা সকল কেয়ামতের দিন পাপক্ষমার অমুরোধকারী হয়; তাহা হইলে আমরাও তোমাকে আপন ঈশ্বরের পূজা করিতে দিব।” এই কথা হজরতের নিকটে কঠিন বোধ হইল, তিনি মুখ কিরাইয়া রহিলেন। এব্ন আবু ও এব্নকশির এবং কয়সের পুত্র হদ্ব বলিল, “হে প্রেরিতপুরুষ, আরবের সমস্ত লোকদিগের বাক্য অগ্রাহ করিবেন না, ইহার অভ্যন্তরে সমুদায় কল্যাণ স্থিতি করিতেছে।” মহাত্মা ওমর ধর্মের সংরক্ষক ও গৌরববর্দ্ধক ছিলেন। তিনি এই কথা শুনিয়া সহ্য করিতে না পারিয়া, তাহাদিগকে হত্যা করিতে উদ্যত হন। ইহা দেখিয়া হজরত বলেন, “ওমর, ইহাদিগকে অভয় দান করা হইয়াছে, অজীকার লঙ্ঘন করা উচিত নহে।” তাহাতেই নিম্নবর্তী আয়ত অবতীর্ণ হয়। (ভ, হো,)

† অমিলের পুত্র আবুহামর বুক্কাইন পুরুষ ছিল। সে সর্বদা বলিত যে, আমার বকে দুইটা হৃৎকোষ আছে; মোহম্মদ যাহা বুঝিতে পারে, আমি তাহার একটি দ্বারা তদপেক্ষা অধিক হৃদয়ঙ্গম করিয়া থাকি। আরবীর লোকেরা তাহাকে “জোলুকুবরনে” (দুই হৃদয়ধারী) বলিয়া ডাকিত।

তোমরা তাহাদের পিতৃসম্বন্ধে তাহাদিগকে সম্বোধন করিতে থাক, ইহা ঈশ্বরের নিকটে সমুচিত ; অনন্তর যদি তোমরা তাহাদের পিতৃগণকে অজ্ঞাত থাক, তাহার ধর্মসম্বন্ধে তোমাদের ভ্রাতা ও তোমাদের অহুচর। এবং তোমরা তাহাতে যাহা ভুল করিয়াছ, তদ্বিষয়ে তোমাদের কোন দোষ নাই, কিন্তু তোমাদের অন্তঃকরণ যাহা চেষ্টা করে, তাহাতেই (দোষ ;) এবং ঈশ্বর ক্ষমাশীল দয়ালু হন *। ৫। সংবাদবাহক বিশ্বাসীদিগের সম্বন্ধে তাহাদের জীবন অপেক্ষা নিকটবর্তী ও তাহার পত্নীগণ তাহাদের জননী ; এবং তোমরা যে বন্ধুদিগের প্রতি বিহিত অগুষ্ঠান করিয়া থাক, (সে বিষয়ে,) বিশ্বাসিগণ ও ধর্ম্মার্থ দেশত্যাগিগণ অপেক্ষা ঘনিষ্ঠ স্বজনবর্গ পরস্পর পরস্পরের সন্নিহিত, ইহা ঈশ্বরিক গ্রন্থে লিখিত আছে †। ৬। এবং (স্মরণ কর,) যখন আমি সংবাদপ্রচারকগণ যে সময়ে সে বদবের যুদ্ধ হইতে পলায়ন করিয়া মক্কাভিমুখে যাইতেছিল, তখন একটা পাহুকা তাহার হস্তে ও একটি চরণে ছিল। ইতিমধ্যে কোরেশদলপতি আবুহফিয়ান তাহার নিকটে উপস্থিত হইয়া দলের অবস্থা জিজ্ঞাসা করে, সে বলে, “কতক লোক হত হইয়াছে, কতক পলায়ন করিয়াছে”। আবুহফিয়ান বলিল, “তোমার পাহুকার একি অবস্থা, এক পাহুকা চরণে, একটি হস্তে ?” আবুহফিয়ান তখন দৃষ্টি করিয়া বুঝিতে পারিল ও বলিল, “আমি এই পাহুকাদ্বয়কে চরণে সংলগ্ন ভিন্ন বোধ করিতেছিলাম না।” ইহা শ্রীয়া ঈশ্বর তাহাকে মিথ্যাবাদী বলিয়া নিকারিত করিলেন। তাহার যে দুই হৃদয় নাই, ইহা প্রতীয়মান হইল। এই বিষয়ে এই আয়তের আবির্ভাব হয়। পূর্বকালে যাহাকে পুত্র বলা হইত, সে গুরু পুত্রের স্থায় ধনাধিকারী হইত। ঈশ্বর বলিতেছেন, যেমন দুই হৃদয় এক দেহে মিলিত হয় ন, তদ্রূপ এক স্ত্রীতে পত্নী ও মাতৃ এবং এক ব্যক্তিতে পুত্র-সম্বোধন ও পুত্র স্বান পায় না।

(ত, হো,)

পৌত্তলিকতার সময়ে আরবের কেহ কেহ আপন স্বীকে মা বলিত, তাহাতে সমগ্র জীবন সেই স্ত্রী সেই পুঙ্গব হইতে পুণ্য থাকিত, উভয়ের মধ্যে মাতৃ-পুত্রের সম্বন্ধ স্থাপিত হইত ; এবং কেহ কাহাকে পুত্র বলিয়া ডাকিত, তাহাতে পুত্রসম্বোধনপ্রাপ্ত ব্যক্তি পুত্রের স্থলবর্তী হইত। পরমেশ্বর এই দুই আচরণকে খণ্ডন করিলেন। ভাষ্যকে মা বলার বৃত্তান্ত শ্রবণবিশেষে পরে বিবৃত হইবে। এ সকল সম্বন্ধ কথায় হইলেও এতদনুসারে আচরণ হইতে পারে না। এই দুইটি বিষয়ের সঙ্গে দুই হৃদয়ধারণ বিষয়টি সংযুক্ত হইয়াছে। হৃনিপুণ সজ্জন ব্যক্তিকে দুই হৃদয়গুক্ত বলা যাইতে পারে। কিন্তু স্বাক্ষর বিদারণ করিয়া দেখ, কাহারও দুই হৃদয় হয় না।

(ত, ফা,)

* এই আয়ত জয়দের পুত্র হারেসের সম্বন্ধে অবতীর্ণ হইয়াছিল। লোকে তাহাকে মোহাম্মদের পুত্র জয়দ বলিত। প্রকৃত তত্ত্ব এই যে, জয়দ হজরতের সহধর্ম্মিণী খদিজার দাস ছিল। খদিজা তাহাকে হজরতের হস্তে সমর্পণ করিয়াছিলেন। হজরত দাসত্ব হইতে মুক্ত করিয়া তাহাকে পুত্রের স্থায় পালন করিতে থাকেন, তাহাতে লোকে তাহাকে হজরতের পুত্র বলিতে থাকে। এতদ্ব্যতীত এই আয়ত অবতীর্ণ হয়। “তোমাদের অন্তঃকরণ যাহা চেষ্টা করে, তাহাতেই (দোষ ;)” অর্থাৎ ভুল করিলে দোষ নাই, কিন্তু ইচ্ছা করিয়া যে পিতা নয়, যদি তাহার প্রতি কেহ পিতৃসম্বন্ধ স্থাপন করে, তাহা হইলে অপরাধ হয়।

(ত, হো,)

† প্রেরিতপুঙ্গব যে বিষয়ে যাহা কিছু করেন, লোকের একান্ত কল্যাণ উদ্দেশ্যে করিয়া থাকেন ; অস্ত্র লোক অপেক্ষা তিনি অধিকতর প্রিয় বলিয়া জানা বিশ্বাসীদিগের কর্তব্য। হৃদিসে হজরত

হইতে তাহাদিগের অঙ্গীকার ও তোমা হইতে ও মুহা এবং এব্রাহিম ও মুসা এবং মরয়মের পুত্র ঈশা হইতে (অঙ্গীকার) গ্রহণ করিয়াছিলাম, এবং আমি তাহাদিগ হইতে দৃঢ় অঙ্গীকার গ্রহণ করিয়াছিলাম যে, তিনি সত্যবাদীদিগের (প্রেরিতপুরুষদিগের) নিকটে তাহাদের সত্যবাদিতাবিষয়ে প্রশ্ন করিবেন ; এবং তিনি ধর্মদ্রোহীদিগের জন্ত ক্রোধের দণ্ড সজ্জিত রাখিয়াছেন *। ৭+৮। (র, ১, আ, ৮)

হে বিশ্বাসিগণ, তোমরা আপনাদের সম্বন্ধে ঈশ্বরের দান স্মরণ কর, যখন তোমাদের প্রতি সৈন্ত উপস্থিত হইয়াছিল, তখন আমি তাহাদিগের উপর বাত্যা ও সেনাবৃন্দ (দেব-সৈন্ত) প্রেরণ করিয়াছিলাম ; তোমরা তাহা দেখ নাই, এবং তোমরা যাহা করিতে থাক, ঈশ্বর তাহার দর্শক ন। ৯। (স্মরণ কর,) যখন তোমাদের উপর হইতে ও তোমাদের নিক্ত হইতে (সৈন্ত সকল) তোমাদিগের নিকটে উপস্থিত হইল, এবং যখন (তোমাদের) চক্ষু বন্ধ হইয়া গেল, এবং প্রাণ কণ্ঠাগত হইল ও তোমরা ঈশ্বরের সম্বন্ধে নান।

বলিয়াছেন যে, তোমাদের মধ্যে কেহ বিশ্বাসী হইবে না, যে পথান্ত আমি তাহার জীবন ও তাহার পিতা মাতা পুত্র কন্যা অপেক্ষা প্রিয়তর না হইব। কথিত আছে, যখন হজরত তবকের সংগ্রামের জন্ত উদ্ভোগী হইয়া সমুদায় মোসলমানকে যাত্রা করিতে আদেশ করেন, তখন অনেকে বলে যে, আমরা পিতা মাতার অনুমতি গ্রহণ করিয়া আসি। তাহাতেই এই আয়ত অবতীর্ণ হয়। যেহেতু হজরত বিশ্বাসীদিগের সম্বন্ধে তাহাদের জীবন অপেক্ষা নিকটবর্তী (শ্রেষ্ঠ ;) অতএব তাঁহার আজ্ঞা অমূল্য সকলের আজ্ঞা অপেক্ষা শ্রেষ্ঠ বলিয়া গণ্য করা তাহাদের উচিত। আপনাদের প্রতি ও অস্ত্রের প্রতি যে প্রেম, তদপেক্ষা তাঁহার প্রতি অধিকতর প্রেম হওয়া বিধেয়। কোন কোন স্থলে উক্ত হইয়াছে যে, “প্রেরিতপুরুষ তাহাদের পিতা” এবং “তাঁহার ভাষা তাহাদের মাতা।” যেহেতু বিশ্বাসিমণ্ডলীর প্রতি প্রেরিতপুরুষের একান্ত স্নেহ ও দয়া। (ত, হো,)

* এ সকল বিষয়ে প্রেরিতপুরুষদিগকে অঙ্গীকারে বদ্ধ করা হইয়াছিল, যথা, তাঁহারা পরমেশ্বরের পূজা করিবেন, ঈশ্বরের অর্চনার জন্ত লোকদিগকে আহ্বান করিবেন, মণ্ডলীকে উপদেশ দিবেন, এবং তাঁহাদের পরে যে কোন প্রেরিতপুরুষের অভ্যুদয় হইবে, তাঁহার সংবাদ দান করিবেন। এই অঙ্গীকার পেশাদারদিগের সম্বন্ধে সৃষ্টিকালেই নির্ধারিত হইয়াছিল। (ত, হো,)

† হজরতের মদিনাপ্রস্থানের চতুর্থ বৎসরে মদিনা হইতে তাড়িত নজিরবংশীয় ইহুদি সম্প্রদায় কোরেশ ও কারায়া ও গতান জাতিতে এবং মদিনার নিকটবর্তী করিজাবংশীয় লোকদিগকে দলবদ্ধ করিয়া হজরতকে যাইয়া আক্রমণ করে ; তাহারা বার সহস্র ছিল, হজরতের অনুচর মোসলমান তিন সহস্রমাত্র ছিল। মদিনানগরের বহির্ভাগে শিবির স্থাপিত হইয়াছিল। শিবিরের প্রান্তভাগে পরিখা খাতি হয়। বিপক্ষদল সম্মুখীন হইলে দূর হইতে তাহাদের সঙ্গে হজরতের সেনাদিগের যুদ্ধ হইতে থাকে। প্রায় একমাস পর্যন্ত সংগ্রাম হয়। তন্মধ্যে একদিন রাত্রিতে পরমেশ্বর কাফের সৈন্যদলের উপর অবল বায়ু প্রেরণ করেন। বাতাবলে তাহাদের পটমণ্ডপ সকল ছিন্ন ভিন্ন হইয়া যায়, অশ্বযুগ বন্ধনমুক্ত হইয়া পলায়ন করে, সৈন্য সকল যারপর নাই দুর্দশাপন্ন দুর্বল হইয়া পড়ে, অগত্যা পলায়ন করিয়া যায়। এই সংগ্রামকে খন্দকের (পরিধার) সংগ্রাম বলে। (ত, ফা,)

কল্পনায় কল্পনা করিতেছিল * । ১০ । সেই স্থানে বিশ্বাসিগণ পরীক্ষিত হইয়াছিল ও কঠিন সঞ্চালনে সঞ্চালিত হইয়াছিল । ১১ । এবং (স্মরণ কর,) যখন কপট লোকেরা ও যাহাদের অন্তরে রোগ আছে, তাহারা বলিতেছিল যে, ঈশ্বর ও তাহার প্রেরিতপুরুষ আমাদের নিকটে প্রবেশনা করা ভিন্ন কোন অঙ্গীকার করেন নাই । ১২ । এবং (স্মরণ কর,) যখন তাহাদের একদল বলিল, “হে মদিনাবাসিগণ, তোমাদের জন্ত স্থান নাই, অতএব তোমরা ফিরিয়া যাও ;” এবং তাহাদের একদল সংবাদবাহকের নিকটে অনুমতি চাহিল, বলিতে লাগিল, “নিশ্চয় আমাদের গৃহ শূন্য আছে ;” বস্তুতঃ তাহা শূন্য ছিল না, তাহারা পলায়ন করা ভিন্ন ইচ্ছা করিতেছিল না † । ১৩ । এবং যদি (কাকের সৈন্ত) তাহার (মদিনার) প্রাস্ত হইতে তাহাদের (কপটদিগের) প্রতি (মদিনায়) প্রবেশ করে, তৎপর বিপ্লবপ্রাণী হয়, তবে অবশ্য তাহারা তাহা দিবে, এবং তৎসম্বন্ধে অল্প লোকে ভিন্ন বিপ্লব করিবে না ‡ । ১৪ । এবং সত্য সত্যই তাহারা ইতিপূর্বে ঈশ্বরসম্বন্ধীয় অঙ্গীকারে বদ্ধ হইয়াছে যে, পিঠ ফিরাইবে না ; এবং ঈশ্বর কর্তৃক অঙ্গীকার জিজ্ঞাসিত হয় । ১৫ । তুমি বল, (হে মোহাম্মদ,) যদি তোমরা হত্য ও মৃত্যু হইতে পলায়ন কর, সেই পলায়ন তোমাদিগকে লাভবান করিবে না ; এবং তখন অল্প ভিন্ন তোমাদিগকে ফলভোগী করা হইবে না । ১৬ । তুমি বল, সে কে যে, তোমাদিগকে ঈশ্বর হইতে রক্ষা করিবে, যদি তিনি তোমাদের সম্বন্ধে অকল্যাণ ইচ্ছা করেন, অথবা তোমাদের সম্বন্ধে রূপা করিতে চাহেন ? ঈশ্বর ব্যতীত তাহারা নিজের জন্ত সহায় ও

* উপর ও নিম্ন হইতে সৈন্ত উপস্থিত হওয়ার অর্থ, মদিনার পূর্বদিকে যে উচ্চভূমি, পশ্চিম দিকে যে নিম্নভূমি, এই দুই দিকে হইতে সৈন্ত আগমন করা । ভয়েতে মোসলমান সেনাদিগের চক্ষু বাকিয়া গিয়াছিল ও প্রাণ কণ্ঠাগত হইয়াছিল, এবং অল্পবিশ্বাসীরা ঈশ্বরের সম্বন্ধে নানা অবিশ্বাসের কথা বলিতেছিল ।
(ত, ফা,)

† করতার পুত্র ওম্ম ও আবু আরবা প্রভৃতি কপট লোকেরা মদিনাবাসীদিগকে বলিয়াছিল যে, তোমাদের জন্ত মোহাম্মদের শিবিরে থাকিবার স্থান নাই, অথবা এই স্থানে তোমাদের বিলম্ব করা সঙ্গত নয়, অতএব মদিনাস্থিত আপন আপন গৃহে চলিয়া যাও ; কিংবা এসলাম ধর্মে স্থিতি করা তোমাদের পক্ষে উচিত নয়, মোহাম্মদকে শত্রুহস্তে সমর্পণ করিয়া তোমরা স্বীয় পৈতৃক ধর্মের আশ্রয় পুনগ্রহণ কর । হজরতের নিকটে হারসা ও সলমার সম্ভানগণ বলিয়াছিল যে, আমাদের গৃহ শূন্য পড়িয়া রহিয়াছে, তাহা রক্ষা করে এমন লোক নাই, অনুমতি করুন, আমরা চলিয়া যাই ও শত্রুর আক্রমণ হইতে গৃহকে রক্ষা করি । বস্তুতঃ গৃহ শূন্য বা অদৃঢ় ছিল না, বরং সম্পূর্ণ সুরক্ষিত ছিল, তাহারা যুদ্ধহল হইতে পলায়ন করিবার ইচ্ছার এরূপ বলিয়াছিল ।
(ত, হো,)

‡ অর্থাৎ যদি কাকের সৈন্তদল একযোগে মদিনায় প্রবেশ করিয়া কপট লোকদিগকে আক্রমণ-পূর্বক বিপ্লব প্রার্থনা করে, যথা, তাহাদিগকে পৌত্তলিক ধর্মগ্রহণ ও মোসলমানদিগের সঙ্গে সংগ্রাম করিতে অনুরোধ করে, তবে তাহারা তাহাদের কথা গ্রাহ্য করিবে ।
(ত, হো,)

বন্ধু পাইবে না *। ১৭। নিশ্চয় পরমেশ্বর তোমাদিগের নিবৃত্তকারীদিগকে ও “আমাদের নিকটে এস” (বলিয়া) আপন “ভাই” সম্বোধনকারীদিগকে জ্ঞাত আছেন ; এবং তাহারা অল্প ভিন্ন যুদ্ধে উপস্থিত হয় না †। ১৮।+তাহারা তোমাদের সম্বন্ধে (সাহায্যদানে) রূপণ ; অনন্তর যখন ভয় উপস্থিত হইবে, তখন তুমি তাহাদিগকে দেখিবে যে, তাহারা তোমার প্রতি দৃষ্টি করিতেছে, যাহার উপর মৃত্যুর মুচ্ছা সঞ্চারিত হইয়াছে, তাহার শ্রায় তাহাদের চক্ষু ঘুরিতেছে ; পরে যখন ভয় চলিয়া যাইবে, তখন তাহারা কল্যাণসম্বন্ধে রূপণ হওত তীক্ষ্ণ রসনায় তোমাদিগকে কটুক্তি করিবে। এই সকল লোক বিশ্বাস করে না, অনন্তর ঈশ্বর তাহাদের (পর্য্য) কক্ষ সকল বিলুপ্ত করিয়াছেন, এবং ইহা ঈশ্বরের সম্বন্ধে সহজ হয়। ১৯। তাহারা মনে করে যে, (কাফের) সৈন্যদল চলিয়া যায় নাই, এবং যদি সেই সৈন্যদল উপস্থিত হয়, তখন তাহারা (এই) অনুরাগ প্রকাশ করে যে, যদি তাহারা প্রাস্তরে বাস করিত ও তোমাদের সংবাদ জিজ্ঞাসা করিত, তবে (ভাল ছিল ;) এবং যদি তোমাদের মধ্যে থাকে, তবে তাহারা অল্প ভিন্ন সংগ্রাম করে না ‡। ২০। (র, ২, আ, ১২)

সত্য সত্যই তোমাদের জ্ঞাত ঈশ্বরের প্রেরিতপুরুষের অনুসরণই কল্যাণ হয় ; যাহারা ঈশ্বরকে ও অস্তিত্ব দিবসকে আশা করে, এবং প্রচুররূপে ঈশ্বরকে স্মরণ করিয়াছে,

* অর্থাৎ যদি ঈশ্বর তোমাদের অকলাণ ও পরাজয় ইচ্ছা করেন, অথবা তোমাদিগকে সম্পদ ও বিজয়দানে উদ্বৃত্ত হন, তবে কে তাহা নিবারণ করিতে পারে ? (ত, হো,)

+ এক ব্যক্তি হজরতের শিবির হইতে মদিনায় চলিয়া গিয়া আপন সহোদর জাভাকে দেখিয়াছিল যে, সে নানা প্রকার আমোদ প্রমোদ করিতেছে। ইহা দেখিয়া সে তাহাকে বলে, “জাভা, তুমি এখানে আমোদ আশ্লাদ করিতেছ, এ দিকে প্রেরিত মহাপুরুষ রণক্ষেত্রে করবাল সহ ক্রীড়া করিতেছেন।” এই কথা শুনিয়া সে উত্তর করিল, “তুমিও এখানে আসিয়া বসিয়া থাক, তোমাকে ও তোমার বন্ধুদিগকে বিপদে পেরিয়াছে, মোহম্মদ কখনই এই বিপদের তরঙ্গ হইতে উদ্ধার পাইবে না।” জাভার এই কথা শুনিয়া সে হজরতের নিকটে চলিয়া যায়, এই বৃত্তান্ত তাহাকে নিবেদন করে। তখনই জেব্রিলযোগে তিনি এই আয়ত প্রাপ্ত হন ; আবুহুফিয়ান কিংবা ইহুদিগণ কপট লোকদিগকে বলিতেছিল যে, তোমরা আপনাদিগকে যত্নমুখে নিক্ষেপ করিও না, মোহম্মদের সঙ্গ পরিত্যাগ কর। তাহারা এই কথায় যুদ্ধক্ষেত্রে হইতে চলিয়া যায়। তাহাতেই “তাহারা অল্প ভিন্ন যুদ্ধে উপস্থিত হয় না” এই উক্তি হয়। (ত, হো,)

‡ অর্থাৎ কপটলোকদিগের ভয় ও কাপুরুষতা এতদূর ছিল যে, বিদ্রোহী সৈন্যগণ পলায়ন করিয়া গেলেও, তখন পর্য্যন্ত তাহারা মনে করে যে, সেই সেনাদল মদিনা নগর পেরিয়া যুদ্ধ প্রতীক্ষা করিতেছে। পুনর্বার বা উপস্থিত হইয়া যুদ্ধ করে, এই ভয়ে তাহারা ইচ্ছা করিত যে, আমরা নগর ছাড়িয়া যদি প্রান্তরে থাকিতাম, ভাল ছিল ; পথিক লোকদিগকে যুদ্ধের সংবাদ জিজ্ঞাসা করিয়া অবগত হইতাম। (ত, হো,)

তাহাদের পক্ষে (ইহা কল্যাণ হয়) *। ২১। এবং যখন বিশ্বাসিগণ (কাফের) সৈন্ত দলকে দেখিল, তখন বলিল, “যাহা পরমেশ্বর ও তাঁহার প্রেরিতপুরুষ অঙ্গীকার করিয়াছিলেন, ইহাই তাহা, এবং পরমেশ্বর ও তাঁহার প্রেরিতপুরুষ সত্য বলিয়াছেন;” এবং (ইহা) তাহাদের বিশ্বাস ও আত্মগত্য বৈ বৃদ্ধি করে নাই †। ২২। বিশ্বাসীদিগের মধ্যে কতক লোক ঈশ্বরের সঙ্গে যে বিষয়ে অঙ্গীকার করিয়াছিল, তাহা প্রমাণিত করিল; পুনশ্চ তাহাদের কেহ আপন সঙ্কল্পকে পূর্ণ করিল ও তাহাদের কেহ প্রতীক্ষা করিতে লাগিল এবং কোন পরিবর্তনে পরিবর্তন করিল না ‡। ২৩। + তাহাতেই ঈশ্বর সত্যাবলম্বীদিগকে তাহাদের সত্যের অমুগোদে পুরস্কার বিধান করেন, এবং যদি তিনি ইচ্ছা করেন, কপটলোকদিগকে শাস্তি দেন, অথবা তাহাদের প্রতি (অমুগ্রহপূর্বক) ফিরিয়া আইসেন; নিশ্চয় ঈশ্বর ক্ষমাশীল ও দয়ালু। ২৪। এবং ধর্মদ্রোহীদিগকে পরমেশ্বর তাহাদের ক্রোধ সহকারে ফিরাইয়া দিলেন, তাহারা কোন কল্যাণ প্রাপ্ত হইল না, পরমেশ্বর বিশ্বাসীদিগের পক্ষে যুদ্ধে লাভ দেখাইলেন; এবং ঈশ্বর শক্তিশালী পরাক্রান্ত হন §।

* অর্থাৎ হজরত মোহাম্মদ সংগ্রামে অটল, ক্রেশ বিপদে অত্যন্ত সহিষ্ণু অথবা তাঁহার চরিত্রে আরও অনেক সদগুণ আছে, তোমরাও তদ্রূপ হও। (ত, হো,)

† হজরত মোহাম্মদ খ্যায় ধর্মবন্ধুদিগকে কাফের সৈন্তদলের আক্রমণের তত্ত্ব জ্ঞাপন করিয়া বলিয়াছিলেন যে, তাহারা দলবদ্ধ ইহা উপস্থিত হইলে তোমাদের গোরতর সঙ্কট হইবে; কিন্তু পরিণামে তাহাদের উপর তোমাদিগের জয়লাভ নিশ্চিত। তখন কাফের সৈন্তদলকে দেখিয়া বিশ্বাসী লোকেরা বলেন যে, ঈশ্বর ও তাঁহার প্রেরিতপুরুষ যথার্থ বলিয়াছেন, আমরা বাধা অমুগত থাকিব। (ত, হো,)

‡ কথিত আছে যে, হজরতের ধর্মবন্ধুদিগের এক দল, যথা হম্জা, মসাব, ওসমান, তুল্হা এবং ওন্স প্রভৃতি সঙ্কল্প করিয়াছিলেন যে, যুদ্ধক্ষেত্রে হজরতের সঙ্গে থাকিয়া দৃঢ়তার সহিত যুদ্ধ করিবেন, বিশ্রাম করিবেন না, বরং প্রাণ দিবেন। পরমেশ্বর তাহাতেই বলেন, তাহারা আপনাদের কথা প্রমাণিত করিল। কেহ কেহ আপনাদের সঙ্কল্প পূর্ণ করিলেন, যথা হম্জা ও মসাব যুদ্ধ করিয়া প্রাণ দিলেন; কেহ কেহ, যথা, ওসমান ও তুল্হা যুদ্ধস্থলে অপ্রতিহতভাবে দাঁড়াইয়া প্রতীক্ষা করিলেন, খ্যায় অঙ্গীকারকে অমুগত হইতে, কথার ব্যতিক্রম হইতে দিলেন না। (ত, হো,)

§ কাফের সৈন্তদল বিংশতি ও সপ্তবিংশতি দিবস মদিনার বহির্ভাগে স্থিতি করিয়াছিল। দিবান্তাগে তাহারা পরিবার পার্শ্বে আসিত, তখন উভয় দল পরস্পর বাণ ও প্রস্তর বর্ষণ করিত। রাত্রিকালে কাফেরগণ হঠাৎ আক্রমণের চেষ্টা পাইত, হজরত কতিপয় অমুচর সঙ্গে করিয়া তাহা নিবারণে নিযুক্ত থাকিতেন। একদিন অবিরের পুত্র ওমর, যে একজন বিখ্যাত বীরপুরুষ ছিল, শত্রুসৈন্তদলের অপর চারি জন বীর পুরুষকে সঙ্গে করিয়া পরিণা উল্লঙ্ঘনপূর্বক এসলাম সৈন্তদিগের সম্মুখে যুদ্ধ করিতে উপস্থিত হয়, তখন ওমর আলির হস্তে প্রাণত্যাগ করে, তাহার সহচর নওফলনামক বীরপুরুষও নিহত হয়। ইহাতে কাফেরগণ হতোচ্ছন্ন হইয়া পড়ে। হজরত তিন দিন কমাগত মসজ্জিদে বিজয়লাভের প্রার্থনা করিতে থাকেন, তৃতীয় দিবস বিজয়ের লক্ষণ প্রকাশ পায়। পরমেশ্বর হজরতের আত্মকুল্যবিধানে বায়ুকে নিযুক্ত করেন, বায়ু রাত্রিকালে বিদ্রোহী সৈন্তদলকে ছিন্নভিন্ন করিয়া ফেলে, অগ্নি নির্ঝাঁপ করিতে থাকে, দেবতার অবতীর্ণ হইয়া তাহাদের পটমণ্ডলের র সঙ্কজ্জল

২৫। এবং গ্রন্থাধিকারীদিগের যাহারা তাহাদিগকে সাহায্য দান করিয়াছিল, তিনি তাহাদিগকে তাহাদের দুর্গসকল হইতে নামাইলেন ও তাহাদের অন্তরে ভয় নিক্ষেপ করিলেন ; তোমরা তাহাদের এক দলকে হত্যা, এক দলকে বন্দী করিতেছিলে * । ২৬। এবং তিনি তোমাদিগকে তাহাদের ভূমি ও তাহাদের আলয় ও তাহাদের সম্পত্তি সকলের উত্তরাধিকারী করিলেন, (পরিশেষে) সেই ভূমি দিলেন, যথায় তোমরা পদার্পণ কর নাই ; এবং ঈশ্বর সর্বোপরি ক্ষমতাশালী হন † । ২৭। (র, ৩, আ, ৭)

হে সংবাদবাহক, তুমি স্বীয় ভাষ্যাদিগকে বল, যদি তোমরা পার্থিব জীবন ও তাহার শোভা অভিলাষ করিয়া থাক, তবে এস, তোমাদিগকে (তাহার) ফলভোগ করাইব, এবং তোমাদিগকে উত্তম বিদায়ে বিদায় দান করিব ‡ । ২৮। এবং যদি তোমরা ঈশ্বরকে ও তাঁহার প্রেরিতপুরুষকে এবং পারলৌকিক আলয়কে কামনা কর, তবে নিশ্চয় ঈশ্বর তোমাদের মধ্যে সাক্ষী নারীদিগের জন্ত মহা পুরস্কার সঞ্চিত রাখিয়াছেন । ২৯। হে সংবাদবাহকের পত্নীগণ, তোমাদের মধ্যে যে কেহ স্পষ্ট দুষ্কিয়ায় প্রবৃত্ত হইবে, তাহার জন্ত দ্বিগুণ শাস্তি দ্বিগুণ করা হইবে, এবং ইহা ঈশ্বরের নিকটে সহজ হয় । ৩০। এবং তোমাদের মধ্যে যে কেহ ঈশ্বরের ও তাঁহার প্রেরিতপুরুষের আজ্ঞা-বাহিকা হইবে ও সংকল্প করিবে, তাহাকে আমি দুইবার তাহার পুরস্কার দান করিব, এবং তাহার জন্ত আমি উৎকৃষ্ট জীবিকা সঞ্চয় রাখিয়াছি । ৩১। হে সংবাদবাহকের ছেদন করেন, স্তম্ভ সকল উৎপাটন করিয়া ফেলেন । তখন তাহারা অনন্তোপায় হইয়া পলায়ন করিয়া যায়, হজরতের পক্ষে জয়লাভ হয় । (ত, হো,)

* কাকেরগণ পলায়ন করিলে পর করিজাবংশীয় লোকদিগের বিরুদ্ধে যুদ্ধবাজা করিতে আদেশ হয় । যেহেতু তাহারা অঙ্গীকার ভঙ্গ করিয়া উক্ত বিদ্রোহী সৈন্যদলের সাহায্য করিয়াছিল । এসলাম সৈন্য পনের দিবস পয্যন্ত তাহাদিগকে আবেষ্টন করিয়া একান্ত সঙ্কটাপন্ন করিয়াছিল । মাজের পুত্র সাদ মোসলমানদিগের পক্ষে সেনাপতি ছিলেন, তিনি করিজাবংশীয় পুরুষদিগকে বধ করিলেন, বালক বালিকা ও স্ত্রীলোকদিগকে দাসদাসী করিয় লইলেন, তাহাদের ধনসম্পত্তি মোসলমানদিগকে ভাগ করিয়া দিলেন । পরে হজরত মোহাম্মদ সাদকে বলিলেন, তুমি যেক্রপ আজ্ঞা করিয়াছ, ঈশ্বরও স্বর্গ হইতে সেই প্রকার আজ্ঞা প্রচাৰ করিয়াছেন । এই আয়তে তাহারই উল্লেখ হইল । (ত, হো,)

† “সেই ভূমি দিলেন, যথায় তোমরা পদার্পণ কর নাই” অর্থাৎ রোম ও পারস্ত রাজা পরে ঈশ্বর তোমাদিগকে প্রদান করিলেন । (ত, হো,)

‡ মদিনাপ্রস্থানের নবম বৎসরে হজরত স্বীয় পত্নীগণ হইতে বিচ্ছিন্ন হইয়াছিলেন ও শপথ করিয়াছিলেন যে, এক মাস কাল তাহাদের সঙ্গ করিবেন না, কারণ এই যে, তাহারা তাহার সাধ্যা-তীত বস্ত্রাদি প্রার্থনা করিতেছিলেন । এরমনের নিচিহ্ন বসন ও মেসরের পট্টিবস্ত্র, এবং এইরূপ অন্যান্য সামগ্রীর প্রতি তাহাদের লোভ হইয়াছিল । এই সকল হজরতের হস্তায়ত্ত্ব ছিল না । তিনি তাহাদের কর্তৃক উদ্ভাস্ত হইয়া তাহাদের সঙ্গ পরিত্যাগ করেন, এবং এক মস্জিদে বাইয়া বসিয়া থাকেন, উনত্রিশ দিবসের পর তিনি এই আয়ত প্রাপ্ত হন । (ত, হো,)

সহধর্মীগণ, যেমন অগ্ন প্রত্যেক নারী, তোমরা সেরূপ নও ; যদি তোমরা সাধুতা রক্ষা কর, তবে কথায় নম্র হইও না ; তাহা হইলে যাহার অন্তরে রোগ আছে, সে (তোমাদের প্রতি) লোভ করিবে, এবং তোমরা বৈধ বাধ্য বলিও। ৩২। এবং তোমরা আপন আপন গৃহ সকলে স্থিতি করিতে থাক ও পূর্বতন মূর্থতার বেশবিজ্ঞাসের (জ্ঞায়) বেশ-বিজ্ঞাস করিও না, এবং উপাসনাকে প্রতিষ্ঠিত রাখ, ও জকাত দান কর, এবং ঈশ্বরের ও তাঁহার প্রেরিতপুরুষের আহুগত্য কর ; হে নিকেতননিবাসিগণ, তাহা হইলে ঈশ্বর তোমাদিগ হইতে অন্তরিতা দূর করিতে চাহেন, এতদ্ভিন্ন নহে, এবং তিনি শুদ্ধতায় তোমাদিগকে শুদ্ধ করিবেন *। ৩৩। এবং তোমাদের নিকেতনসম্বন্ধে বিমুগ্ধ জ্ঞান ও ঈশ্বরের নিদর্শন সকল যাহা কিছু পড়া হয়, তাহা তোমরা স্মরণ করিতে থাক ; নিশ্চয় ঈশ্বর কোমল ও জ্ঞানবান্ হন। ৩৪। (র, ৪, আ, ৭)

নিশ্চয় মোসলমান পুরুষগণ ও মোসলমান নারীগণ এবং বিশ্বাসী পুরুষগণ ও বিশ্বাসিনী নারীগণ এবং অহুগত পুরুষগণ ও অহুগতা নারীগণ এবং সত্যবাদিগণ ও সত্যবাদিনীগণ এবং ধৈর্য্যশীলগণ ও ধৈর্য্যশীলাগণ এবং বিনম্র পুরুষগণ ও বিনম্রা নারীগণ এবং ধর্ম্মাধারী ও দাত্রীগণ এবং উপবাসব্রতধারী ও উপবাসব্রতধারীগণ এবং স্বীয় ইচ্ছায়-সংযমনকারী ও সংযমনকারীগণ এবং ঈশ্বরকে প্রচুরস্মরণকারী ও স্মরণকারীগণ তাহাদের জগ্ন ঈশ্বর ক্ষমা ও মহা পুরস্কার সক্ষিত রাখিয়াছেন। ৩৫। এবং যখন পরমেশ্বর ও তাঁহার প্রেরিতপুরুষ কোন কার্যের আদেশ করেন, তখন কোন বিশ্বাসী পুরুষ

* “পূর্বতন মূর্থতা” এত্রাহিমের সময়ের মূর্থতা ; সেই সময়ে জীলোকেরা মণিমুক্তাখচিত বস্ত্র পরিধান করিয়া পুরুষদিগের নিকটে বাইয়া হাব ভাব প্রকাশ করিত। পরবর্ত্তিমূর্ত্তা মহাপুরুষ ঈসা পর হইতে হজরত মোহম্মদের অভ্যুদয় পর্য্যন্ত। আরশা, ওম্মসলমা এবং আবু সয়িদ, খজরি ও নালেকের পুত্র ওন্স বলিয়াছেন যে, ফাতেমা ও আলি এবং হাসন ও হোসেন এই চারি জন নিকেতনবাসীর মধ্যে গণ্য ; অনেকের মত এই যে, হজরতের সহধর্ম্মীগণই নিকেতনবাসীর মধ্যে পরিগণিত। ওম্মসলমা বলিয়াছেন যে, একদিন আমার আলায়ে এক কন্ডলের উপর হজরত উপবিষ্ট আছেন, ইতিমধ্যে ফাতেমা উপস্থিত হন, তিনি হজরতের জগ্ন ব্যঙ্গনাঙ্গি আনিয়াছিলেন। হজরত বলিলেন, “ফাতেমা, আলি ও তোমার সন্তানকে ডাকিয়া আন, এই পাতে একত্র ভোজন করা যাইবে।” ভোজন হইলে পর কন্ডলের এক অংশ দ্বারা তিনি তাহাদিগকে আচ্ছাদন করিয়া বলিলেন, “হে ঈশ্বর, ইহারা আমার নিকেতনবাসী, ইহাদিগকে কলঙ্কশূন্য কর, পবিত্র রাখ।” তখন এই আরত অবতীর্ণ হইল। ওম্মসলমা বলিতেছেন, সেই সময়ে আনিও স্বীয় মন্তক কন্ডলের নিম্নে স্থাপন করিলাম, এবং বলিলাম, “হে প্রেরিতপুরুষ, আমি কি তোমার নিকেতনবাসিনী নহি ?” তাহাতে তিনি বলেন, “নিশ্চয় তুমি এ কল্যাণাপ্রাপ্তি।” এতদনুসারে নিকেতনবাসী পাঁচ জন হয়। যখনই হজরত ফাতেমার গৃহদ্বারে উপস্থিত হইতেন, তখনই এই আরতাংশ বলিতেন, “হে নিকেতনবাসিগণ, তাহা হইলে ঈশ্বর তোমাদিগের অন্তরিতা দূর করিতে চাহেন, এতদ্ভিন্ন নহে ; এবং তিনি শুদ্ধতায় তোমাদিগকে শুদ্ধ করিবেন।”

বিশ্বাসিনী নারীর পক্ষে উচিত নয় যে, তাহাদের জন্ত আপন কার্যের ক্ষমতা থাকে ; এবং যে ব্যক্তি ঈশ্বরকে ও তাঁহার প্রেরিতপুরুষকে অগ্রাহ্য করে, পরে সে নিশ্চয় স্পষ্ট বিভ্রান্তিতে বিভ্রান্ত হয় * । ৩৬ । এবং (স্বরণ কর,) যাহার প্রতি ঈশ্বর সম্পদ বিধান করিয়াছেন ও যাহার প্রতি তুমি সম্পদ বিধান করিয়াছ, তাহাকে যখন তুমি বলিলে যে, “আপন জ্বীকে তুমি আপনার নিকটে রক্ষা কর ও ঈশ্বর হইতে ভীত হও ;” এবং ঈশ্বর যাহার প্রকাশক, তুমি তাহাকে স্বীয় অন্তরে লুকাইয়া রাখিতেছিলে ও লোকদিগকে ভয় করিতেছিলে ; ঈশ্বরই সর্বাপেক্ষা উপযুক্ত যে, তুমি তাঁহাকে ভয় করিবে । অনন্তর যখন জয়দ তাহা হইতে (জয়নব হইতে) প্রয়োজন সিদ্ধ করিল, তখন আমি তাহাকে তোমার ভাষা করিয়া দিলাম ; তাহাতে বিশ্বাসীদিগের সম্বন্ধে আপন (পুত্র) সম্বোধন-প্রাপ্ত ব্যক্তিদিগের ভাষ্যাগণের বিবাহের সম্বন্ধে, যখন তাহার তাহাদিগ হইতে প্রয়োজন সিদ্ধ করে, তখন অন্তর হইবে না, এবং ঈশ্বরের আজ্ঞাই সম্পাদিত হয় † ।

* হজরত মোহাম্মদ হযরতের কণ্ঠা জয়নবকে হারেসের পুত্র জয়দের সঙ্গে বিবাহদানের অভিলাষ প্রকাশ করিয়াছিলেন । তিনি বিবাহের প্রস্তাব উপস্থিত করিলে, জয়নব, হজরত তাঁহার পাণিগ্রহণ করিতে চাহেন মনে করিয়া, সম্মত হইয়াছিলেন । পরে যখন জানিতে পাইলেন, জয়দের জন্ত প্রস্তাব উপস্থিত, তখন অসম্মত হইলেন । তিনি পরমাত্মারী ও হজরতের পিতৃষত্বকণ্ঠা ছিলেন । বলিলেন, “আমি কেন একজন সামান্ত লোকের পত্নী হইব ?” তাঁহার ভ্রাতা আবদোল্লাও এই প্রস্তাব অমুমোদন করেন না । এতদুপলক্ষে পরমেশ্বর এই আয়ত প্রেরণ করেন । এই আয়ত প্রচার হইলে জয়নব ও তাঁহার ভ্রাতা সম্মতি দান করেন, এবং উদ্ধাহকিয়া সম্পন্ন হয় । প্রভু পরমেশ্বর হজরতকে জ্ঞাপন করেন যে, জয়নব তোমার পত্নী হইবে, একপ বিবাহ হইয়া গিয়াছে । অনন্তর জয়দ ও জয়নবের মধ্যে বিষম অনৈক্য উপস্থিত হয়, জয়দ যখনকবাব জয়নবকে বঞ্জন করিতে উদ্যত হইয়াছিলেন, হজরত তাহা হইতে তাঁহাকে নিবৃত্ত রাখেন ।

(ত, হো,)

† পরিশেষে জয়দ জয়নবকে বর্জন করেন । বিহিত সময় অতীত হইলে, হজরতের পক্ষ হইতে লোক যাইয়া জয়নবের নিকটে বিবাহের প্রস্তাব করে । জয়নব হজরতের পত্নী হইবে ভাবিয়া মহা আশ্চর্য্যে ঈশ্বরকে ধন্যবাদ দেন, এবং দুইবার নমাজ পড়িয়া বলেন, “পরমেশ্বর, তোমার প্রেরিতপুরুষ আমাকে পত্নীত্বে বরণ করিতে চাহিয়াছেন, যদি তাঁহার উপযুক্ত হই, তবে আমাকে সম্প্রদান কর ।” তৎক্ষণাৎ তাঁহার প্রার্থনা পূর্ণ হইল । হজরত জয়দকে পুত্র বলিয়া সম্বোধন করিয়াছিলেন, প্রথমতঃ লোকভয়ে তিনি জয়দের পরিত্যক্তা পত্নীকে বিবাহ করিতে সঙ্কুচিত ছিলেন । তাহাতেই ঈশ্বর বলেন যে, “ঈশ্বর যাহার (যে অভিপ্রায়ের) প্রকাশক, তুমি তাহাকে স্বীয় অন্তরে লুকাইয়া রাখিতেছিলে ও লোকদিগকে ভয় করিতেছিলে ; ঈশ্বরই সর্বাপেক্ষা উপযুক্ত যে, তুমি তাঁহাকে ভয় করিবে” ইত্যাদি । এই উক্তি পর তিনি জয়নবকে বিবাহ করিতে উদ্যোগী হন । “তাহাদিগ হইতে প্রয়োজন সিদ্ধ করে” ইহার অর্থ, তাহাদিকে অর্থ্য পত্নীগণকে পরিত্যাগ করে ।

(ত, হো,)

জয়নব মহাকুলোদ্ভবা হজরতের পিতৃষত্বকণ্ঠা ছিলেন । হজরত ইচ্ছা করিয়াছিলেন যে, হারেসের পুত্র জয়দের সঙ্গে তাঁহার বিবাহ হয় । জয়দ আরব্য লোক ছিলেন, বালাকালে তাঁহাকে আরবের কোন প্রদেশ হইতে এক চরকৃত হরণ করিয়া মকানগরে লইয়া যায় । হজরত মূল্যদানে তাঁহাকে

৩৭। তত্ত্ববাহকের সম্বন্ধে, ঈশ্বর তাহার জন্ত যাহা বিধি করিয়াছেন, তদ্বিষয়ে কোন অত্যায নয়; (বরং) পূর্বে যাহারা চলিয়া গিয়াছে, সেই (প্রেরিতপুরুষদিগের) প্রতি ঈশ্বরের বিধি (এইরূপ হইয়াছে,) এবং ঈশ্বরের কার্য পরিমাণে নির্দ্ধারিত হয়। ৩৮। + যাহারা ঈশ্বরের সংবাদ সকল প্রচার করে, এবং তাঁহাকে ভয় করিয়া থাকে ও ঈশ্বরকে ভিন্ন কোন ব্যক্তিকে ভয় করে না, (তাহাদের সম্বন্ধে ঈশ্বরের কার্য পরিমাণে নিরূপিত হয়;) ঈশ্বরই যথেষ্ট হিসাবকারী। ৩৯। মোহম্মদ তোমাদের পুরুষদিগের কাহারও পিতা নহে, কিন্তু সে ঈশ্বরের প্রেরিত ও সংবাদবাহকদিগের শেষ, এবং ঈশ্বর সর্ব বিষয়ে জ্ঞানী হন। ৪০। (র, ৫, আ, ৬)

হে বিশ্বাসিগণ, তোমরা প্রচুর স্মরণে ঈশ্বরকে স্মরণ কর *। ৪১। + এবং প্রাতঃ-সন্ধ্যা তাঁহাকে স্তুতি করিতে থাক। ৪২। তিনিই যিনি তোমাদিগের প্রতি আশীর্বাদ করেন ও তাহার দেবগণ করিয়া থাকে, যেন তোমাদিগকে অন্ধকার হইতে জ্যোতির দিকে আনয়ন করেন; এবং তিনি বিশ্বাসিগণের প্রতি দয়ালু হন †। ৪৩। যে দিবস তাহারা তাহার সঙ্গে সাক্ষাৎ করিবে, সেই দিবস (তাঁহা হইতে) তাহাদের প্রতি শুভাশীর্বাদ সেলাম (শান্তি) হইবে; ‡ এবং তাহাদের জন্ত তিনি উত্তম পুরস্কার সঞ্চিত করিয়াছেন। ৪৪। হে সংবাদবাহক, নিশ্চয় আমি তোমাকে সাক্ষ্যদাতা ও সুসংবাদপ্রচারক ও ভয়প্রদর্শক এবং ঈশ্বরের দিকে তাঁহার আদেশক্রমে আহ্বানকারী ও উজ্জ্বল দীপস্বরূপ প্রেবণ করিয়াছি §। ৪৫ + ৪৬। এবং তুমি বিশ্বাসীদিগকে এই সুসংবাদ দান কর যে, ক্রয় করেন। যখন তাঁহার দশবৎসর বয়ঃক্রম, তখন ভদীয় পিতা ও ভ্রাতা আসিয়া তাঁহাকে গৃহে লইয়া যাইতে চাহে। হজরতও সম্মতি দান করেন, কিন্তু তিনি পিতার সঙ্গে গৃহে যাইতে অসম্মত হন। এসলামধর্মগ্রন্থের পূর্বে জয়দকে হজরত স্নেহপ্রকাশে পুত্র বলিয়া ডাকিতেন। জয়দ ও জয়নব এবং বিবাহ উপলক্ষ্য করিয়া এই কয়েক আয়ত অবতীর্ণ হইয়াছে। (ত, ফা,)

* অন্তরে সর্বদা ঈশ্বরকে স্মরণ করাই প্রচুর ঈশ্বরস্মরণ করা। কেহ কেহ বলেন, প্রচুররূপে ঈশ্বর-স্মরণ অর্থে ঈশ্বরকে স্তুতি করা বুঝায়। যে ব্যক্তি যে বস্তুকে প্রেম করে, সে তাহাকে পুনঃ পুনঃ স্মরণ করিয়া থাকে। বহু স্মরণই প্রেমের লক্ষণ, প্রেম ইচ্ছা করে না যে, জিহ্বা প্রেমাম্পদের প্রসঙ্গ হইতে ও মন তাঁহার মনন হইতে নিবৃত্ত পাকে। (ত, হো,)

† অন্ধকার হইতে জ্যোতির দিকে লইয়া যাওয়ার অর্থ, পাপরূপ অন্ধকার হইতে ঈশ্বরানুগত্য-রূপ জ্যোতিতে, বা সংশয় হইতে বিশ্বাসে লইয়া যাওয়া। বহুরোল্হকায়েকে উক্ত হইয়াছে যে, শারীরিক ভাবরূপ অন্ধকার হইতে আধ্যাত্মিক জ্যোতিতে লইয়া যাওয়া, এই উক্তির তাৎপর্য। (ত, হো,)

‡ “যে দিবস তাহারা তাহার সঙ্গে সাক্ষাৎ করিবে” এস্থলে তাহার সঙ্গে সাক্ষাৎ মৃত্যুর অধিপতি অজরায়িলের সঙ্গে সাক্ষাৎ করা বুঝাইবে। (ত, হো,)

§ হজরতকে উজ্জ্বলদীপস্বরূপ একজ্ঞ বলা হইয়াছে যে, দীপ অন্ধকার নিবারণ করে, হজরতের বিজ্ঞমানতার জ্যোতিও ধর্মসোহিতারূপ অন্ধকার বিনষ্ট করিয়াছে। পরন্তু গৃহে যাহা হারাইয়া যায়, দীপের আলোকে তাহার অনুসন্ধান পাওয়া যায়। সে সকল সত্য লোকের নিকট প্রচ্ছন্ন ও

তাহাদের জন্ত পরমেশ্বর হইতে মহা অমুগ্রহ আছে। ৪৭। এবং তুমি ধর্মবিধেয়ীদিগের ও কপট লোকদিগের অমুগ্রহ হইও না ও তাহাদিগকে যন্ত্রণাদানে বিরত থাক, এবং ঈশ্বরের উপর নির্ভর কর; ঈশ্বরই যথেষ্ট কার্য্যসম্পাদক। ৪৮। হে বিশ্বাসী লোক সকল, যখন তোমরা বিশ্বাসিনী নারীদিগকে বিবাহ কর, তৎপর তাহাদের প্রতি হস্ত পহুছিবার পূর্বে তাহাদিগকে বর্জন কর, তখন তাহাদের সম্বন্ধে তোমাদের দিন গণনা নয় যে, তোমরা তাহা গণনা করিবে; অনন্তর তোমরা তাহাদিগকে ধন দান করিও, এবং তাহাদিগকে উত্তম বিদ্যায়ে বিদায় দান করিও *। ৪৯। হে তত্ত্ববাহক, যাহাদিগকে তুমি তাহাদের (প্রাপ্য) স্ত্রীধন দান করিয়াছ, নিশ্চয় আমি তোমার সেই ভাৰ্য্যাদিগকে এবং (কাফেরদিগের সম্পত্তি হইতে) ঈশ্বর যাহা তোমার প্রতি প্রত্যর্পণ করিয়াছেন, তাহা হইতে তোমার হস্ত যাহাকে অধিকার করিয়াছে, সেই (দাসীকে) এবং তোমার পিতৃব্যের কন্যাগণকে ও তোমার পিতৃব্যপত্নীর কন্যাগণকে এবং তোমার মাতুলের কন্যাগণকে ও তোমার মাতুলপত্নীর কন্যাগণকে, যাহারা তোমার সঙ্গে দেশান্তরিত হইয়াছে,

শুণ্ড ছিল, এই মোহম্মদরূপ দীপের জ্যোতিতে সেই সকল প্রকাশ পাইয়াছে। বিশেষতঃ গৃহস্থের শান্তি, নির্ভীকতা ও আরামের কারণ এবং চোরের শাস্তিভয় ও উদ্বেগের কারণ দীপ। তদ্রূপ হজরতও বিশ্বাসীদিগের শান্তি ও সৌভাগ্য, গৌরবের কারণ এবং অবিশ্বাসীদিগের খেদ ও অপমানের হেতু। তিনি অশ্রান্ত সাধারণ দীপের তুল্য নহেন, সেই সকল দীপ কখন প্রদীপ্ত, কখন নির্বাপিত হয়; কিন্তু তিনি আত্মোপাস্ত জ্যোতি দান করেন। অন্তদীপ বাতাহাত হইয়া নিবিয়া যায়, কিন্তু কোন ব্যক্তি তাঁহার জ্যোতিকে পরাস্ত করিতে পারে না। লোকে দীপ রাত্রিতে প্রজ্জ্বলিত করে, দিবাভাগে নয়। হজরত সতাপ্রচাররূপ জ্যোতিতে সংসাররূপ রজনীর অন্ধকার বিনষ্ট করিয়াছেন, কেয়ামতের দিনেও শমায়ত (পাপক্ষমার অনুরোধ) রূপ মশাল দ্বারা জ্যোতি বিকীর্ণ করিবেন। সূর্য্যকে দীপ ও প্রেরিতপুরুষ মোহম্মদকেও দীপ বলা হইয়া থাকে। উহা আকাশের দীপ, ইনি অধ্যাত্ম জগতের দীপ; উহা পৃথিবীর দীপ, ইনি দেবমণ্ডলীর দীপ; উহা ভৌতিক দীপ, ইনি আধ্যাত্মিক দীপ; সেই দীপের অভায়ে লোকের নিদ্রাভঙ্গ হয়, এই দীপের প্রকাশে লোকের অন্তঃকরুণ বিকশিত হয়।

(ত, হো,)

* যদি কোন পুরুষ সহবাসের পূর্বে স্ত্রীবর্জন করে, তখন তাহার মহরবন্ধন অর্থাৎ স্বামীর দেয় স্ত্রীধন নির্দ্ধারিত হইয়া থাকিলে, তাহাকে নির্দ্ধারিত ধনের অর্দ্ধেক দিবে; মহরবন্ধন না হইয়া থাকিলে, কিছু ধন দান করিবে, অর্থাৎ একজোড়া বস্ত্র দিবে। তখন সে ইচ্ছা করিলে, অন্ত পুরুষকে বিবাহ কবিত্তে পারিবে; এত দিনের পর তাহার বিবাহ হইবে, এরূপ কোন সময় তাহার পক্ষে নির্দ্ধারিত হইবে না। সেই স্ত্রীর সঙ্গে নির্জনবাস হইয়া থাকিলে, কিন্তু তাহাতে সহবাস হয় নাই, এমন অবস্থা হইলেও, তাহাকে মহরবন্ধনের পূর্ণ অর্থ দান করিতে হইবে। হজরত এক নারীকে বিবাহ করিয়া যখন তাহার নিকটে উপস্থিত হন, তখন সে বলিতে থাকে যে, “ঈশ্বর তোমাকে নিবৃত্ত রাখুন,” তখন হজরত তাহাকে বর্জন করেন। হয়তো এতদ্রূপলক্ষ্যই সাধারণ বিশ্বাসীদিগকে উল্লেখ করিয়া এই উক্তি হইয়াছে। এই বিধি বিশেষভাবে প্রেরিতপুরুষের প্রতি নহে, সাধারণ মোসলমানের প্রতি এই বিধি।

(ত, ফা,)

এবং যদি বিশ্বাসিনী নারী তত্ত্ববাহকের জন্ত আপন জীবন দান করে, যদি তাহাকে বিবাহ করিতে তত্ত্ববাহক ইচ্ছা করে, (তাহাকে) তোমার জন্ত বৈধ করিয়াছি; (অন্ত) বিশ্বাসিগণ ব্যতীত (ইহা) তোমার জন্ত বিশেষ হইয়াছে। নিশ্চয় আমি তাহাদের ভাৰ্ধ্যাগণের সম্বন্ধে ও তাহাদের হস্ত যাহাকে অধিকার করিয়াছে, তাহার সম্বন্ধে তাহাদিগের প্রতি যাহা ব্যবস্থা করিয়াছি, জ্ঞাত আছি; (ইহা সহজ করিলাম,) কেন তোমার সম্বন্ধে কোন সন্দেহ না হয়, ঈশ্বর ক্ষমাশীল ও দয়ালু হন *। ৫০। সেই (ভাৰ্ধ্যাদের) মধ্যে যাহাকে ইচ্ছা কর, তুমি দূরে রাখিবে ও যাহাকে ইচ্ছা কর, নিকটে স্থান দিবে; যাহাদিগকে তুমি দূরে রাখিয়াছ, (যদি) তাহাদের মধ্যে তুমি কাহাকে অভিলাষ কর, তবে তোমার সম্বন্ধে দোষ নাই। ইহাতে (এই অবকাশদানে) তাহাদের নয়ন শীতল হইবে ও তাহারা শোক করিবে না, এবং তুমি তাহাদের প্রত্যেককে যাহা দান করিবে, তাহাতে তাহারা সন্তুষ্ট থাকিবে, তাহারই উপক্রম হয়; তোমাদের অন্তরে যাহা আছে, ঈশ্বর জানিতেছেন, এবং ঈশ্বর গভীরপ্রকৃতি জ্ঞাত হন +। ৫১। ইহা ব্যতীত নারীগণ তোমার জন্ত বৈধ নহে; তাহাদের সঙ্গে যাহাকে তোমার দক্ষিণ হস্ত অধিকার

* অর্থাৎ যে সমস্ত নারী কাবিনের নিয়মে, যে মোহাম্মদ, এক্ষণ তোমার উদ্বাহশৃঙ্খলে বদ্ধ আছে, তাহারা কোরেশ হোক বা মোহাজের (দেশত্যাগী) সম্প্রদায়ের হোক অথবা অন্ত কোন দলের হোক না কেন, তোমার পক্ষে বৈধ। এবং মাতুলের ও পিতৃব্যের কস্তাগণ কোরেশজাতির অন্তর্গত হইলেও, তোমার সঙ্গে দেশত্যাগ করিয়া থাকিলে বৈধ, অন্তথা অবৈধ। যে স্ত্রী কাবিন ব্যক্তিরকে আপনাকে উৎসর্গ করে, সে বিশেষভাবে প্রেরিতপুত্রেরই ভাৰ্ধ্যা হইতে পারে। অন্ত মোসলমানের পক্ষে কাবিন ব্যতীত বিবাহ অসিদ্ধ। হজরতের দশ ভাৰ্ধ্যা ছিল। তন্মধ্যে খদিজা প্রথম ভাৰ্ধ্যা ছিলেন, তাহার পরলোক হইলে পর তিনি ক্রমে অপর নয় জনকে বিবাহ করেন। হজরত মানবলীলা সম্বরণ করিলে, সেই নয় জন বিদ্যমান ছিলেন। সেই নয় জন এই, বিবী আরশা, হফসা, হুদা, ওম্মসলমা, ওম্মহবিবা, জয়নব, জব্বারা, সফিয়া, ময়মুনা। (ত, কা,)

+ কোন ব্যক্তির অনেক ভাৰ্ধ্যা থাকিলে তাহার পক্ষে উচিত যে, পালাক্রমে প্রত্যেকের নিকটে তুল্যভাবে থাকে। হজরতের সম্বন্ধে এ জন্ত এই বিধি ছিল না যে, তাহার স্ত্রীগণ যেন নিজের স্বামীর প্রতি কিছু আছে, এরূপ মনে না করেন। কিন্তু হজরত প্রত্যেকের পালায় মধ্যে কোন প্রভেদ করেন নাই, সকলের সম্বন্ধে তুল্য দৃষ্টি রাখিয়াছিলেন। কেবল বিবী হুদা নিজের পালা বিবী আরশাকে দান করিয়াছিলেন। হজরতের ছুই দাসী পত্নী ছিল, এক জনের নাম মারিরা, এক জনের নাম ময়মুনা। মারিয়ার গর্ভে হজরতের এব্রাহিম নামক পুত্র জন্মগ্রহণ করিয়াছিলেন, শৈশবকালেই তাহার মৃত্যু হয়। (ত, কা,)

বিবী হুদা নিজের ভাগ আরশাকে দান করিয়াছিলেন, সেই হুদাকে ব্যতীত হজরত সকল পত্নীর ভাগের প্রতি শেষ জীবন পর্যন্ত দৃষ্টি রাখিয়াছেন। হুদা, সফিয়া, জব্বারা, ওম্মহবিবা, ময়মুনা এই পাঁচ পত্নীকে তিনি দূরে রাখিয়াছিলেন; কিন্তু যখন যে প্রকার ইচ্ছা করিতেন, তাহাদের ভাগের প্রতি লক্ষ্য রাখিতেন। বিবী আরশা, হফসা, ওম্মসলমা এবং জয়নবকে হজরত নিকটে রাখিয়াছিলেন।

(ত, হো,)

করিয়াছে, সে ব্যতীত (অশ্রু) জীর্ণগকে, তাহাদের সৌন্দর্য্য তোমাকে মুগ্ধ করিলেও, পরিবর্তন করিবে না। এবং ঈশ্বর সর্ববিষয়ে দৃষ্টিকারী *। ৫২। (র, ৬, আ, ১২)

হে বিশ্বাসিগণ, ভোজনসম্বন্ধে তোমাদের জগ্ৰু নিমজ্জণ হওয়া ব্যতীত, (নিমজ্জণ হইলেও) তাহার (খাদ্য দ্রব্যের) রন্ধনের প্রতীক্ষাকারী হইয়া তোমরা সংবাদবাহকের আলয়ে প্রবেশ করিও না; কিন্তু যখন তোমাদিগকে আহ্বান করা হয়, তখন প্রবেশ করিও। পরে যখন ভোজন করিলে, তখন চলিয়া যাইও, কোন কথার জগ্ৰু অবস্থিতি করিও না, নিশ্চয় ইহা সংবাদবাহককে কষ্ট দান করে; পরন্তু সে তোমাদিগ হইতে লজ্জিত হয়, এবং পরমেশ্বর সত্য বিষয়ে লজ্জা করেন না। যখন তোমরা কোন সামগ্রী তাহাদের (প্রেরিতপুরুষের পত্নীদিগের) নিকটে প্রার্থনা করিবে, তখন যবনিকার অন্তরাল হইতে তাহাদের নিকটে প্রার্থনা করিও; ইহা তোমাদের হৃদয়ের জগ্ৰু ও তাহাদের হৃদয়ের জগ্ৰু বিশুদ্ধ হয়। ঈশ্বরের প্রেরিতপুরুষকে ক্লেশ দান করা ও তাহার অভাবে কখনও তাহার পত্নীদিগকে বিবাহ করা তোমাদের পক্ষে (উচিত) নয়; নিশ্চয় ইহা ঈশ্বরের নিকটে গুরুতর হয় †। ৫৩। যদি তোমরা কোন বিষয় প্রকাশ কর বা তাহা গোপন রাখ, তবে নিশ্চয় (জানিও,) ঈশ্বর সকল বিষয়ে জ্ঞানী হন ‡।

* অর্থাৎ হে মোহম্মদ, এই নারী যে তোমার বিবাহবন্ধনে বদ্ধ আছে, তদ্ব্যতীত অশ্রু কাহাকে বিবাহ করা তোমার পক্ষে বৈধ নহে। তুমি তাহাদের এক জনকে বর্জন করিয়া অশ্রু কোন স্ত্রীকে যে তাহার স্থানে গ্রহণ করিবে, তাহা হইতে পারিবে না। এক্ষণ নয় জন মাত্র তোমার নির্দিষ্ট সহ-ধর্ম্মিণী; কেবল তোমার হস্ত যাহাকে অধিকার করিয়াছে, সেই দাসী তোমার পত্নীস্থানে গৃহীত হইতে পারিবে। হজরতের পক্ষে নয় ভাৰ্য্যা, সাধারণ মোসলমানের পক্ষে চারি স্ত্রী গ্রহণ করা বিধি হইয়াছে। (ত, হো,)

† যখন হজরত ঈশ্বরের আদেশক্রমে জয়নবকে বিবাহ করিলেন, তখন তদুপলক্ষে লোকদিগকে মহা ভোজ দিলেন। সকলে ভোজনান্তে কণোপকথনে প্রবৃত্ত হইল। জয়নব গৃহপ্রান্তে শ্রাচীরের দিকে মুখ ফিরাইয়া বসিয়াছিলেন। হজরত ইচ্ছা করিতেছিলেন যে, সকল লোক চলিয়া যায়। পরে স্বয়ং সস্তা হইতে গাত্রোথান করিয়া গমন করিলে অধিকাংশ লোক প্রশ্নান করে, তখনও তিন জন বসিয়া কণোপকথন করিতে থাকে। হজরত গৃহের দ্বারে আসিলেন, কিন্তু তাহাদিগকে 'চলিয়া যাইবার জগ্ৰু অনুরোধ করিতে লজ্জিত হইলেন। পরে বহু প্রতীক্ষার পর নির্জন হয়। ওনস্ বলিয়াছেন যে, হজরত মোহম্মদ জয়নবের গৃহে প্রবেশ করিলে পর, আমিও ইচ্ছা করিয়াছিলাম যে, সেখানে যাইব; কিন্তু গৃহের দ্বারে আচ্ছাদন ছিল। তখনই এই আয়ত অবতীর্ণ হয়। হজরতকে জীবদ্দশায় সম্মান করা ও মৃত্যুর পর তাঁহাকে গৌরব দান করা সকলের একান্ত কর্তব্য। তাঁহার পত্নীগণ বিষাদীদিগের মাতৃস্বরূপ; তাহার মৃত্যু হইলে বা তিনি কোন পত্নীকে বর্জন করিলে, সন্তানের পক্ষে মাতা যেমন অবৈধ, বিষাদীর পক্ষে তাহার পত্নী সেইরূপ অবৈধ। (ত, হো,)

‡ হজরতের ধর্ম্মবন্ধুদিগের এক জন বলিয়াছিলেন যে, হজরত পরলোক গমন করিলে, আমি আরশাকে আমার সঙ্গে বিবাহের প্রস্তাব জানাইব, আর এক জনের অন্তরে এই অভিলাষ হইয়াছিল, সে মুখে ব্যক্ত করে নাই। তাহাতেই এই আয়ত অবতীর্ণ হয়। (ড, হো,)

৫৪। আপন পিতৃগণের ও আপন পুত্রদিগের ও আপন ভ্রাতাদিগের এবং আপন ভ্রাতুষ্পুত্রদিগের ও আপন ভাগিনেয়দিগের ও স্বজাতি নারীদিগের ও তাহাদের হস্ত যাহাদিগকে অধিকার করিয়াছে, তাহাদের নিকটে (অনাবৃত হওয়া) তাহাদিগের পক্ষে দোষ নহে; এবং তোমরা, (হে নারীগণ,) ঈশ্বরকে ভয় করিতে থাক, নিশ্চয় ঈশ্বর সর্ব বিষয়ে সাক্ষী হন। ৫৫। নিশ্চয় ঈশ্বর ও তাঁহার দেবগণ সংবাদবাহককে আশীর্বাদ করিয়া থাকেন; হে বিশ্বাসিগণ, তোমরা তাঁহার নিকটে অল্পগ্রহ প্রার্থনা কর ও সেলাম করণে সেলাম কর। ৫৬। নিশ্চয় যাহারা ঈশ্বরকে ও তাঁহার প্রেরিত-পুরুষকে ক্লেশ দান করে, ইহলোকে ও পরলোকে তাহাদের উপর ঈশ্বরের অভিসম্পাত হইয়া থাকে ও তাহাদের জন্ত তিনি মানিজনক শাস্তি প্রস্তুত রাখিয়াছেন। ৫৭। এবং যাহারা বিশ্বাসী পুরুষ ও বিশ্বাসিনী নারীদিগকে, যে (অপরাধ) করিয়াছে, তদ্ব্যতীত যজ্ঞদান করিত, পরে সত্যই তাহারা অপবাদের ও স্পষ্ট অপরাধের ভার বহন করিয়াছে। ৫৮। (র, ৭, আ, ৬)

হে সংবাদবাহক, তুমি স্বীয় ভাৰ্য্যাগণকে ও স্বীয় কন্যাগণকে এবং মোসলমানদিগের জীগণকে বল, যেন তাহারা আপনাদের উপর আপনাদের চাদর সকল সংলগ্ন করে; তাহারা পরিচিত হওয়ার পক্ষে ইহা (এই উপায়) নিকটতম, পরে তাহারা উৎপীড়িত হইবে না। § এবং ঈশ্বর ক্ষমাশীল ও দয়ালু হন। ৫৯। যদি কপট লোকেরা ও যাহাদের অন্তরে রোগ আছে, তাহারা এবং নগরে অপগশরটনাকারিগণ

* আবরণসম্বন্ধায় আয়ত অবতীর্ণ হইলে পর, এই আদেশ প্রচার হইয়াছিল যে, সমুদায় নারী আবরণের অন্তরালে থাকিবে। তখন তাহাদের পিতা, ভ্রাতা ও বজনবর্গ আসিয়া ইজরতের নিকটে জিজ্ঞাসা করে, “হে প্রেরিত মহাপুরুষ, স্ত্রীলোকেরা আবৃত থাকিবে, আমরা কি আবরণের বাহিরে থাকিয়া তাহাদের সঙ্গে কথোপকথন করিব?” এতদুপলক্ষে এই আয়ত অবতীর্ণ হয়। (ত, হো,)

† নমাজের অঙ্গ বলিয়া এই আদেশ মাস্ত হইয়া থাকে, যথা;—হে নবি, তোমার প্রতি সেলাম; হে পরমেশ্বর, মোহম্মদ ও তাঁহার বংশের জন্ত তোমার কৃপা শিক্ষা করিতেছি, ইত্যাদি। এই কৃপা-প্রার্থনা বিশেষরূপে গৃহীত হয়। যিনি এইরূপ প্রার্থনা করিয়া থাকেন, তাহার উপর দশ গুণ কৃপা হইয়া থাকে। (ত, হো,)

‡ এই আয়ত অবতীর্ণ হইবার এই কয়েক কারণ ছিল। এক দিন মহান্না ওমর এক হুসজ্জিতা দাসীকে ব্যভিচারে উদ্ধত দেখিয়া ভৎসনাপূৰ্বক সমুচিত শিক্ষা দান করেন; সে আপন প্রভুর নিকটে যাইয়া অভিযোগ উপস্থিত করে। সেই দাসীর দুৰ্দাস্ত প্রভু ওমরকে তাঁহার সাক্ষাতে নানা প্রকার গালি ও অপবাদ দেয়। (২য়) ব্যভিচারীদিগের সম্বন্ধে, যাহারা রজনীতে পথপ্রান্তে বসিয়া থাকে ও দাসীদিগের উপর হস্তক্ষেপ করে ইত্যাদি। (ত, হো,)

§ অর্থাৎ অবগুণ্ঠনাবৃত হইলে দাসী নয় ভদ্রমহিলা, নীচকুলোদ্ভবা নয় সংকুলোদ্ভবা, দুশ্চরিত্রা নয় সচ্চরিত্রা, ইহা জানা যাইবে। দুশ্চরিত্র লোকেরা তাহা হইলে তাহাদিগকে উৎপীড়ন করিতে সাহসী হইবে না। অবগুণ্ঠন উহার চিহ্ন রহিল। (ত, ফা,)

নিবৃত্ত না হয়, তবে অবশ্য আমি তাহাদের প্রতি তোমাকে প্রেরণ করিব; তৎপর অল্ললোক ব্যতীত তাহারা তথায় তোমার প্রতিবেশী থাকিবে না। ৬০। অভিশপ্ত লোকগণ, যে স্থানে পাওয়া যাইবে, ধৃত হইবে ও প্রচুর হতায় হত হইবে। ৬১। যাহারা পূর্বে চলিয়া গিয়াছে, তাহাদের প্রতিও ঈশ্বরের (ঈদৃশ) নীতি ছিল, ঈশ্বরের নীতিতে তুমি পরিবর্তন পাঠবে না *। ৬২। লোকসকল (উঃহাসক্রমে) তোমাকে কেয়ামতের কথা জিজ্ঞাসা করিতেছে, তুমি বল, “তাহার জ্ঞান ঈশ্বরের নিকটে, এতদ্ভিন্ন নহে;” কিসে তোমাকে জানাইবে যে, সম্ভবতঃ কেয়ামত নিকট হইবে? ৬৩। নিশ্চয় ঈশ্বর ধর্মবিদ্বৈদীদিগকে অভিসম্পাত করিয়াছেন ও তাহাদের জ্ঞান নরক প্রস্তুত রাখিয়াছেন। ৬৪। +তথায় তাহারা সর্বদা বাস করিবে, কোন সাহায্যকারী ও বন্ধু পাইবে না। ৬৫। যে দিবস অগ্নির দিকে তাহাদের মুখ ফিরান হইবে, তাহারা বলিবে, “হায়! যদি ঈশ্বরের অনুগত হইতাম ও প্রেরিতপুরুষের অনুগত হইতাম”। ৬৬। এবং বলিবে, “হে আমাদের প্রতিপালক, নিশ্চয় আমরা আপন দলপতিদিগের ও আপন প্রধান পুরুষদিগের আনুগত্য করিয়াছি, পরে তাহারা আমাদের পথহারা করিয়াছে। ৬৭। হে আমাদের প্রতিপালক, তুমি তাহাদিগকে দ্বিগুণ শাস্তি দান কর, এবং মহা অভিশাপে তাহাদিগকে অভিশপ্ত কর”। ৬৮। (র, ৮, আ, ১০)

হে বিশ্বাসিগণ, যাহারা মুসাকে যন্ত্রণা দান করিয়াছিল, তোমরা তাহাদের হায়ে হইও না; তাহারা যাহা বলিয়াছিল, ঈশ্বর তাহা হইতে তাহাকে বিমুক্ত রাখিয়াছিলেন এবং সে ঈশ্বরের নিকটে সম্মানিত ছিল। ৬৯। হে বিশ্বাসিগণ, তোমরা ঈশ্বরকে ভয় করিতে থাক, এবং দৃঢ় কথা বলিতে থাক। ৭০। +তিনি তোমাদের জ্ঞান তোমাদের কার্য্য সকলকে শুভজনক করিবেন ও তোমাদের অপরাধ সকল তোমাদের জ্ঞান ক্ষমা করিবেন; এবং যে ব্যক্তি ঈশ্বরের ও তাঁহার প্রেরিতপুরুষের আনুগত্য করে, পরে নিশ্চয় সে মহা চরিতার্থতায় চরিতার্থ হয়। ৭১। নিশ্চয় আমি স্বর্গ ও মর্ত্য ও পর্বত সকলের

* অর্থাৎ পূর্ববর্তী মণ্ডলী সকলের পেশাদারদিগের প্রতিও এরূপ নির্দোষ ছিল, তাহারাও ধর্মবিদ্বৈ কপট লোকদিগকে হত্যা করিতে আপন অনুগত লোকদিগকে আদেশ করিয়াছেন।

(ত, হো,)

+ বনিএশ্রায়েল মুসার প্রতি বাস্তিচারের অপবাদ দিয়াছিল। তাহারা এক দুষ্চরিত্রা নারীকে অর্থদ্বারা বশীভূত করিয়া, মুসা তাহার সঙ্গে বাস্তিচার করিয়াছেন, এরূপ অপবাদ দেয়। পরে ঈশ্বর মুসাদেবের চরিত্রের শুদ্ধতা প্রমাণিত করেন। কারুণের বিবরণে এ বিষয় কিঞ্চিৎ বিবৃত হইয়াছে। অথবা হারুণকে সঙ্গে করিয়া যখন মুসা সায়েনগিরিতে গিয়াছিলেন, তখন তথায় হারুণের মৃত্যু হয়। এশ্রায়েলবংশীয় লোকেরা মুসাকে বলে যে, তুমি হারুণকে বধ করিয়াছ। ঈশ্বরের আদেশে দেবগণ অঙ্কত হারুণের দেহকে কবর হইতে উঠাইয়া লোকদিগকে প্রদর্শন করেন, তাহাতে প্রমাণিত হয় যে, তিনি হত হন নাই। অতএব বলা হইয়াছে যে, মুসাকে যেমন তাহার মণ্ডলী যন্ত্রণাদান করিয়াছিল, তোমরা মোহমদকে তদ্রূপ যন্ত্রণা দিও না।

(ত, হো,)

নিকটে “আমানত” (বিষয়বিশেষের রক্ষার ভার) উপস্থিত করি, তখন তাহারা তাহা বহনে অসম্মত হয় ও তাহাতে ভয় পায়; এবং মনুষ্য তাহা বহন করে, নিশ্চয় সে অত্যাচারী অজ্ঞান ছিল *। ৭২। + তাহাতে (আমানতের ক্ষতির জন্য) ঈশ্বর কপট পুরুষ ও কপট নারীগণকে এবং অংশিবাদী ও অংশিবাদিনীদিগকে শাস্তি দান করেন, এবং বিশ্বাসী পুরুষ ও বিশ্বাসিনী নারীদিগের প্রতি ঈশ্বর প্রত্যাবর্তিত হন; এবং ঈশ্বর ক্ষমাশীল ও দয়ালু হন। ৭৩। (র, ২, আ, ৫)

সূরা সবা +

.....

চতুস্ত্রিংশ অধ্যায়

.....

৫৪ আয়ত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি।)

যে কিছু স্বর্গে ও যে কিছু পৃথিবীতে আছে, সেই সকল বাহার, সেই ঈশ্বরেরই সম্যক প্রশংসা, এবং পরলোকে তাঁহারই সম্যক প্রশংসা; তিনি বিজ্ঞানময় তত্ত্বজ্ঞ। ১। ভূতলে বাহা উপস্থিত হয় ও তাহা হইতে বাহা নির্গত হইয়া থাকে এবং বাহা আকাশ হইতে অবতীর্ণ হয় ও বাহা তথায় উথিত হইয়া থাকে, তাহা তিনি জানেন; এবং তিনি দয়ালু ও ক্ষমাশীল †। ২। এবং ধর্মজ্যোতির্গণ বলিয়াছে যে, আমাদের নিকটে কয়ামত

* “আমানত” অর্থে, এ স্থলে ঈশ্বরসেবা অর্থাৎ নমাজ, রোজা, জকাত, জেহাদ, হজ্জত-পালন। প্রথমতঃ ঈশ্বর এই আমানত স্বর্গ ও মর্ত্য ও পরকালের নিকটে উপস্থিত করেন; এ সকল পালন করিলে পুরস্কৃত ও তাহা অবহেলা করিলে দণ্ডিত হইবে, এরূপ বলেন। তাহারা পুরস্কারের প্রত্যাশী হয় না, শাস্তি-গ্রহণেও অসম্মত হয়। এস্থলে স্বর্গ অর্থে স্বর্গবাসী দেবগণ, মর্ত্য ও পরকালে অর্থে সমতলভূমি ও পরকালে পশাদি। প্রচুর শক্তিশালী, প্রকাণ্ড দেহসম্বন্ধেও ইহারা ভয় পাইয়া আমানত গ্রহণে অসম্মত হয়। পরে দুর্বল মানুষ তাহা বহন করিতে সক্ষম প্রকাশ করে। “নিশ্চয় মে অত্যাচারী অজ্ঞান ছিল।” অর্থাৎ বৃহৎকায় জীব সকল ভয় করিয়া বাহা বহনে অসম্মত হয়, মনুষ্য তাহা বহন করিয়া নিজের প্রতি অত্যাচারী হইয়াছে; এ বিষয়ে ত্রুটি ও অপরাধ হইলে যে শাস্তি হইবে, তৎসম্বন্ধে সে অজ্ঞান ছিল। এই আয়ত সম্বন্ধে অনেকে অনেক প্রকার ব্যাখ্যা করিয়াছেন। এ স্থলে সজ্ঞেপে সাত্র বিবৃত হইল।

(ত, হো,)

+ এই সূরা মক্কাতে অবতীর্ণ হইয়াছে।

† কেহ বলেন, আকাশ হইতে বাহা অবতীর্ণ হয়, তাহার স্বর্ণ ছেত্রিল, বাহা আকাশে উথিত হয়,

উপস্থিত হইবে না ; তুমি বল, (হে মোহম্মদ,) হাঁ, আমার প্রতিপালকের শপথ, অবশ্য তোমাদের নিকটে নিগূঢ় তত্ত্ব (ঈশ্বর) আগমন করিবেন । স্বর্গে ও পৃথিবীতে রেণু-পরিমাণ এবং ইহা অপেক্ষা ক্ষুদ্রতর অপিচ বৃহত্তর, উজ্জ্বল গ্রন্থে (লিপি আছে) ভিন্ন, তাহা হইতে লুকায়িত নহে * । ৩ । +তাহাতে তিনি, যাহারা বিশ্বাসস্থাপন ও সংকল্প করিয়াছে, তাহাদিগকে পুরস্কার দিবেন ; ইহারাই, যাহাদের জ্ঞান উৎকৃষ্ট ক্রমা ও উপজীবিকা আছে । ৪ । এবং যাহারা আমার নিদর্শন সকলসম্বন্ধে (তাহার) হীনতা-সম্পাদক হইবার চেষ্টা করিয়াছে, ইহারাই যে, তাহাদের জ্ঞান দুঃখজনক শাস্তির শাস্তি আছে । ৫ । এবং যাহাদিগকে জ্ঞান প্রদত্ত হইয়াছে, তাহারা দেখে যে, তোমার প্রতি যাহা তোমার প্রতিপালক হইতে অবতারিত হইয়াছে, তাহা সত্য, এবং (তাহা) প্রশংসিত বিজয়ী (পরমেশ্বরের) পথের দিকে পথ প্রদর্শন করিয়া থাকে । ৬ । এবং ধর্ম্মজ্যোতির্গণ (পরম্পর) বলে যে, “আমরা কি সেই ব্যক্তির দিকে তোমাদিগকে পথ দেখাইব, যে ব্যক্তি তোমাদিগকে সংবাদ দিয়া থাকে যে, যখন তোমরা সম্পূর্ণ ঋণে ঋণে ঋণে পৌঁছিত হইয়া যাইবে, তখন নিশ্চয় তোমরা নূতন সৃষ্টির মধ্যে হইবে” ? ৭ । সে কি ঈশ্বর সম্বন্ধে অসত্য সম্বন্ধ করিয়াছে, না, তাহাতে ক্ষিপ্ততা আছে ? বরং যাহারা পরলোকে বিশ্বাস করে না, তাহারা শাস্তি ও দূরতর পথভ্রান্তির মধ্যে আছে । ৮ । অনন্তর তাহাদের সম্মুখে ও তাহাদের পশ্চাতে স্বর্গ ও পৃথিবীস্থ যাহা আছে, তাহার দিকে কি তাহারা দৃষ্টি করে নাই ? যদি আমি ইচ্ছা করি, তবে তাহাদিগকে মৃত্তিকায় প্রোথিত করিব, অথবা তাহাদের উপর আকাশের একখণ্ড ফেলিয়া দিব ; নিশ্চয় ইহার মধ্যে প্রত্যেক পুনর্জীবনকারী দাসের জ্ঞান নিদর্শন আছে † । ৯ । (র, ১, আ, ৯)

এবং সত্য সত্যই আমি দাউদকে আপন সন্নিধান হইতে যহুদ্য দান করিয়াছিলাম ; (বলিয়াছিলাম,) “হে পরিত সকল, তাহার সঙ্গে তোমরা স্তব করিতে থাক” ও পক্ষী-দিগকে (তাহার বশীভূত করিয়াছিলাম,) এবং তাহার জ্ঞান লৌহকে কোমল করিয়া-

তাহার অর্থ মেরাজের রজনীতে হজরতের স্বর্গারোহণ করা । গ্রন্থবিশেষে উক্ত হইয়াছে যে, বাহা অবতীর্ণ হয় ও উথিত হয় অর্থে, সাধুপুণ্যদিগের অন্তরে যে সকল স্বর্গীয় তত্ত্ব ও আলোক প্রকাশিত হইয়া থাকে ও সর্বদা তাহাদিগের যে সকল প্রার্থনাদি উথিত হয় । অথবা ঈশ্বরের নিকট হইতে যে সমস্ত দয়া ও করুণা অবতীর্ণ হইয়া থাকে ও অমৃতদ্রব্য দীন দুঃখীদিগের হৃদয় হইতে যে সকল আর্তনাদ সমুৎপন্ন হয়, তিনি তাহা জানেন । (ত, হো,)

* আবুহক্কিয়ান লাত ও গরি দেবতার নামে শপথ করিয়া বলিয়াছিল যে, কেয়ামত কখনও হইবে না ; তাহাতে ঈশ্বর বলেন, হে মোহম্মদ, তুমিও শপথ করিয়া বল যে, শীঘ্র তোমাদের নিকটে কেয়ামত উপস্থিত হইবে । এ স্থলে “উজ্জ্বলগ্রন্থ” ঈশ্বরের বিধিগুণ গ্রন্থ । (ত, হো,)

+ অর্থাৎ আকাশ ও পৃথিবীর প্রতি দৃষ্টি করিলে, কিংবা নিক্ষেপ ও প্রোথিত করার ক্ষমতার প্রতি সন্দেহবোধ করিলে, নিশ্চয় ইহার মধ্যে যে নিদর্শন আছে, বুঝিতে পারিবে । (ত, হো,)

ছিলাম *। ১০। + (এবং বলিয়াছিলাম) যে, “তুমি সুবিস্তৃত বর্ষ প্রস্তুত করিতে থাক ও তাহা বয়নে পরিমাণ রক্ষা কর, এবং (হে দাউদের পরিজনবর্গ,) তোমরা সাধু অন্বেষণ করিতে থাক; নিশ্চয় আমি, তোমরা যাহা করিয়া থাক, তাহার স্রষ্টা” †। ১১। এবং সোলয়মানের জন্ত বায়ুকে (বশীভূত রাখিয়াছিলাম,) তাহার প্রাভাতিক গতি একমাসের পথ ও সায়াংকালীন গতি একমাসের পথ ছিল, এবং আমি তাহার জন্ত দ্রবীভূত তাম্রের প্রস্রবণ সঞ্চারিত করিয়াছিলাম ও কোন কোন দৈত্যকে (বশীভূত রাখিয়াছিলাম,) আপন প্রতিপালকের আদেশানুসারে সে তাহার সম্মুখে কার্য্য করিতেছিল; এবং (নির্দারণ করিয়াছিলাম) যে, তাহাদের যে কেহ আমার আজ্ঞার বিরুদ্ধাচরণ করিবে, তাহাকে আমি নরকদণ্ড ভোগ করাইব ‡। ১২। তাহারা তাহার

* প্রেরিত্ত্ব বা ঐশ্বরিক জন্মের নামক গ্রন্থ কিংবা রাজত্ব বা সদিচার অথবা দুঃখী দরিদ্রের প্রতি বদান্ততা বা বিদ্রাবন্তা অথবা উপাসনশীলতায়োগে সর্বোপরি দাউদের মহত্ব ছিল। দাউদ যখন জন্মের গ্রন্থ অধ্যয়নে প্রযুক্ত হইতেন, তখন তাহার স্বমধুরস্বরে আকৃষ্ট হইয়া পশুপক্ষ দৌড়িয়া আসিত, তাহার মনোহর স্তোত্রগানে উদ্‌ভীতমান বিহঙ্গমুল আকুল হইয়া আকাশ হইতে ভূতলে অবতরণ করিত। ঈশ্বর বলিতেছেন যে, আমি পূর্বত সকলকে আজ্ঞা করিয়াছিলাম যে, তোমরাও দাউদের সঙ্গে স্তোত্রগানের সময়ে আপন আপন স্বরে যোগদান কর, অথবা সে যে স্থানে যায়, তাহার সঙ্গে ভ্রমণ করিতে থাক। দাউদের অলৌকিক ক্রিয়ার মধ্যে এই অলৌকিক ক্রিয়া ছিল যে, তিনি যখন যে স্থানে যাইতে চাহিতেন, গিরিরাশিও তাহার সঙ্গে সঙ্গে চলিত, এবং তিনি যখন গান করিতেন, পূর্বত সকলও তাহাতে যোগ দিয়া গান করিত। ঈশ্বরের আজ্ঞাক্রমে পক্ষিবৃন্দ তাহার বশীভূত হইয়াছিল, উহার তাহার মস্তকেপরি শ্রেণীবদ্ধ হইয়া স্বমধুরস্বরে তাহার সঙ্গে গান করিত। অগ্নি-সংযোগ-বাতিরেকে তাহার হস্তে লৌহ মণ্ডলের স্থায় কোমল হইয়া যাইত। তিনি তদ্বারা যাহা ইচ্ছা, তাহা প্রস্তুত করিয়া লইতেন। (ত, হো,)

† একদিন সর্গীয় দূত দাউদের নিকটে আসিয়া বলে যে, তুমি ঈশ্বরের প্রেরিত্ত্ব ও তাহার প্রতিনিধি। উচিত যে, তুমি শস্য ব্যবসায় করিয়া নিজের জীবিকা উপার্জন কর। দাউদ কি ব্যবসায় করিবেন, ঈশ্বরের নিকটে তদ্বিষয়ে অনুমতি চাহেন। পরমেশ্বর রণপরিচ্ছদ বর্ষা নির্মাণ করিতে তাহাকে আদেশ করেন। তাহার পক্ষে এ কার্য্য অত্যন্ত সহজ হয়। তিনি প্রতিদিন এক একটি লৌহকবচ প্রস্তুত করিয়া, ছয় সহস্র দেহহুমদ্রামলো বিক্রয় করিতেন। তাহার চারি সহস্র দেহহুম বিতরিত ও দুই সহস্র পরিবারের উপজীবিকার জন্ত ব্যয়িত হইত। দাউদের মৃত্যুর পর তাহার গৃহে ছয় সহস্র বর্ষ সঞ্চিত ছিল। (ত, হো,)

‡ সোলয়মানের এক সুবিশাল সিংহাসন ছিল, তাহার উপর আরোহণ করিয়া সমুদায় সৈন্ত গমন করিত, বায়ু উহা বহন করিয়া লইয়া যাইত। শামদেশ হইতে এয়মন এবং এয়মন দেশ হইতে শাম পর্য্যন্ত দিবান্বিলকালের মধ্যে বায়ু সিংহাসনসহ উপস্থিত হইত। পরমেশ্বর এয়মন রাজ্যের দিকে দ্রবীভূত তাম্রের প্রস্রবণ বাহির করিয়াছিলেন। দৈত্যগণ তাহা ছাঁচে ঢালিয়া রত্ননস্থালী ইত্যাদি নির্মাণ করিত। তাহাতে অগণ্য সৈন্তের অন্ন প্রস্তুত হইত। “তাহাকে আমি নরকদণ্ড ভোগ করাইব” অর্থাৎ দৈত্যদিগের উপর সোলয়মানের আধিপত্য ছিল, যখন কোন দৈত্য ঈশ্বরের আজ্ঞার বিরুদ্ধে

জ্ঞান দুর্গ ও প্রতিমূর্তি এবং সরোবরতুল্য তৈজসপাত্র ও অচল রক্ষনপাত্র (বৃহৎ ডেগ) সকলের যাহা ইচ্ছা নির্মাণ করিত ; (আমি বলিয়াছিলাম,) “হে দাউদের সন্তানগণ, তোমরা ধন্যবাদ করিতে থাক,” কিন্তু আমার দাসদিগের মধ্যে অল্পই ধন্যবাদকারী * । ১৩। অনন্তর যখন আমি তাহার প্রতি মৃত্যুকে নিযুক্ত করিলাম, তখন তাহার মৃত্যুর দিকে বন্দীক-কীট ব্যতীত তাহাদিগকে জ্ঞাপন করি নাই ; (কীটে) তাহার যষ্টি ভক্ষণ করে, পরে যখন সে পড়িয়া যায়, তখন দৈত্যগণ জানিতে পায়। এই যে, যদি তাহারা গুপ্তবিষয় জানিত, তবে দুর্গতিজনক শাস্তির মধ্যে স্থিতি করিত না। ১৪। সত্য সত্যই সবানগরবাসীদিগের জ্ঞান তাহাদের বাসস্থানে নিদর্শন ছিল, দক্ষিণে ও বামে দুই উত্তান ছিল ; (আমি বলিয়াছিলাম) যে, “তোমরা আপনাদের প্রতিপালকের উপজীবিকা ভোগ করিতে থাক, এবং তাঁহাকে ধন্যবাদ কর, (তোমাদিগের) নগর

সোলয়মানকে অগ্রাহ্য করিয়া কোথাও চলিয়া যাইত, তখন সোলয়মান তাহাকে বেত্রাঘাত করিতেন। সেই বেত্র অগ্নিময় ছিল, তাহার আঘাতে অপরাধী দৈত্য যেন নরকাগ্নিতে দগ্ধ হইত। (ত, ফা,)

* এয়মন রাজ্যে দৈত্যদিগের নির্মিত অনেকগুলি আশ্চর্য্য দুর্গ আছে। যথা কল্কুম দুর্গ ও গমদান, হেলা এবং হিন্দা প্রভৃতি। দৈত্যগণ দেবতা ও ধর্ম্মপ্রবর্তক প্রভৃতির মন্দির মন্দির প্রতিমূর্তি নির্মাণ করিত। কেহ কেহ বলেন যে, তাহারা লৌহদ্বারা মনুজ্যাকৃতি প্রতিমূর্তি সকল প্রস্তুত করিত, যুদ্ধের সময়ে সেই সকল প্রতিমূর্তির মধ্যে ঈশ্বর প্রাণ সঞ্চার করিতেন, তাহারা বীর পরাক্রমে সোলয়মানের শত্রুর সঙ্গে যুদ্ধে প্রবৃত্ত হইত। সোলয়মানের সিংহাসনের নিম্নে দুইটা বাঘের মূর্তি, উপরি ভাগে দুইটা গৃধের মূর্তি ছিল। সোলয়মান যখন সিংহাসনে আরোহণ করিতে উদ্যত হইতেন, তখন সেই দুই শাব্দুল বাঘ বিস্তার করিত, সোলয়মান তদুপরি পদস্থাপন করিয়া সিংহাসনে আরোহণ করিতেন, এবং সিংহাসনে উপবিষ্ট হইলে গৃধর পক্ষ বিস্তার করিয়া তাহার মস্তকে ছায়া দান করিত।

(ত, হো,)

† কথিত আছে যে, মহাপুরুষ দাউদ জেরুজেলমের ধর্ম্মমন্দির নির্মাণ আরম্ভ করিয়াছিলেন। সোলয়মান তাহার নির্মাণ-কার্য্য শেষ করিতে বিশেষ চেষ্টা পাইয়াছেন। এক্ষণে এক বৎসরের কার্য্য অবশিষ্ট আছে, এমন সময়ে সোলয়মানের মৃত্যুকাল উপস্থিত হইল। তখন সোলয়মান স্বীয় ভৃত্যবর্গকে আদেশ করেন যে, আমার মৃত্যু প্রকাশ করিবে না, মরণের পর আমার যষ্টির উপর আমার মৃতদেহকে হেলান দিয়া বসাইয়া রাখিবে; তাহা হইলে মন্দির-নির্মাণকাৰ্য্যে প্রবৃত্ত দৈত্যগণ স্বীয় কাৰ্য্য হইতে নিবৃত্ত হইবে না, মন্দির-নির্মাণ সমাপ্ত হইবে। পরে সোলয়মানের মৃত্যু হইলে অনুসরণতঃ তাহার আদেশানুসরণ কাৰ্য্য করিল। দৈত্যগণ দূর হইতে তাঁহাকে দেখিয়া জীবিত মনে করিতেছিল ও স্ব স্ব কার্য্যে তৎপর ছিল। এক বৎসর পরে যষ্টির নিম্নভাগ বন্দীকে কঠন করে, এবং যষ্টির সঙ্গে দেহ জুতলে পড়িয়া যায়। তখন সোলয়মানের মৃত্যু সকলে অবগত হয়। তৎক্ষণাৎ দৈত্যগণ অরণ্যে ও গিরিগন্ধরে পলায়ন করে। দানবগণ মনে করিত যে, তাহারা গুপ্ত বিষয় জানিতে পারে, এবং তাহারা লোকের নিকট তাহা বলিয়া বেড়াইত। একজ্ঞ ঈশ্বর বলিতেছেন, যদি উহারা গুপ্ততত্ত্ব জ্ঞাত হইতে পারিত, তবে দুর্গতিজনক শাস্তির মধ্যে পাকিত না। অর্থাৎ মন্দির-নির্মাণকাৰ্য্যে এক বৎসর কাল পরিশ্রম ও রেশ স্বীকার করিত না।

(ত, হো,)

বিশুদ্ধ এবং প্রতিপালক ক্ষমালীল” *। ১৫। পরে তাহারা অগ্রাহ্য করিল, তখন আমি তাহাদিগের প্রতি মহা জলপ্লাবন প্রেরণ করিলাম, এবং তাহাদিগের সেই উত্থানের সঙ্গে অল্প ও লবণাক্ত ফলের এবং অল্প কিছু বদরী তরুর দুই উত্থান পরিবর্তন করিলাম †। ১৬। তাহারা যে কৃতঘ্ন হইয়াছিল, তজ্জন্ত তাহাদিগকে এই বিনিময় দান করিলাম, এবং আমি কৃতঘ্নগণকে বাতীত শাস্তি দান করি না। ১৭। এবং আমি তাহাদিগের মধ্যে ও সেই গ্রাম সকলের যাহার প্রতি আমি আশীর্বাদ করিয়াছি, তাহার মধ্যে দীপ্তিমান গ্রাম সকল স্থাপন করিয়াছিলাম, এবং সেই সকলের মধ্যে ভ্রমণ নিরূপণ করিয়াছিলাম; (বলিয়াছিলাম,) “তোমরা এ সমস্তের ভিতরে দিবারাত্রি নিরাপদে ভ্রমণ করিতে থাক”। ১৮। অনন্তর তাহারা বলিল, “হে আমাদের প্রতিপালক, আমাদের পর্যাটনের মধ্যে দূরত্ব বিধান কর;” এবং তাহারা আপন জীবনের প্রতি অত্যাচার করিয়াছিল, অনন্তর তাহাদিগকে আমি আপ্যায়িকা বলিতে দিলাম, এবং তাহাদিগকে সম্পূর্ণ খণ্ড খণ্ডে খণ্ড খণ্ড করিলাম। নিশ্চয় ইহার মধ্যে প্রত্যেক সহিষ্ণু ও

* এয়মন রাজ্যের প্রধান নগরের নাম সবা, সবানিবাসীদিগের বসতি-স্থলের নাম মার্ক, এয়মন রাজ্যে দুই পর্বতের মধ্যস্থলে উচ্চ হইতে নিম্নভূমি পর্য্যন্ত সবাবাসীদিগের ক্ষেত্রাদি প্রয়োজনীয় ভূমি ও বসতি ছিল। এই বসতির বিস্তৃতি প্রায় ষাট মাইল, তাহাদের ব্যবহার্য্য জলাশয় প্রস্রবণবিশেষ প্রান্তরস্থ উন্নত ভূমিতে পর্বতমূলে ছিল। কখন কখন একপাশে ঘটিত যে, স্থানান্তরের অতিরিক্ত জলশ্রোত সেই জলাশয়ে মিলিত হইয়া দেশ ভাসাইয়া লইয়া যাইত। বলকিসুনানী নারী সেই স্থানের অধিপতি ছিলেন। তিনি প্রজাবর্গের প্রার্থনামুসারে উভয় পর্বতের সম্মুখভাগে প্রাচীর স্থাপন করেন, তাহাতে সেই স্থানে স্থায়ী ও অতিরিক্ত জল সঞ্চিত থাকিত। প্রাচীরে তিনটি রক্ষা করা হইয়াছিল, কুবকগণ প্রথমতঃ উপরের ছিদ্রমুখ উন্মুক্ত করিয়া জলশ্রোত শস্তক্ষেত্রাদিতে লইয়া যাইত, তাহার জল কমিয়া গেলে ক্রমে মধ্য ও নিম্নস্থ ছিদ্রের মুখ খুলিয়া দিত। সবানিবাসিগণ আপনাদের আলয়ের দক্ষিণে ও বামে সুরস ফলের দুইটি উদ্যান প্রস্তুত করিয়াছিল। বস্তুতঃ দক্ষিণে ও বামে বড় উদ্যান ছিল, পরস্পর সংলগ্ন থাকিতে দুইটি উদ্যানের স্থায় প্রত্যয়মান হইত, তাহাতে অপঘ্যাণ্ড ফল উৎপন্ন হইত। সেই নগরে মশক বৃশ্চিক চারপোকা ইত্যাদি পীড়াজনক কোন কীট ছিল না। একজন্ত তাহাকে বিশুদ্ধ নগর বলা হইতেছে। (ত, হো,)

† পরে সবানিবাসিগণ আপনাদের ধর্ম্মপ্রবর্তকদিগকে অগ্রাহ্য করে ও অকৃতজ্ঞ হয়। তের জন সর্গীয় সংবাদপ্রচারক তাহাদের নিকটে আবির্ভূত হইয়াছিলেন, যে সকলকে তাহারা মিথ্যাবাদী বলিয়া অপমান করে। জয়গানের পুত্র জিয়ল্‌আজগারের রাজত্বকালে মহাত্মা এদ্রিসের পরে অন্তিম সংবাদবাহক তাহাদের নিকটে অভ্যর্থিত হন। তাহারা তাঁহাকে কৃতান্ত ক্রোধ দান করে, তজ্জন্ত পরমেশ্বর আরণ্য মুখিক সকলকে সেই বাধের নিকটে প্রেরণ করেন। তাহারা বাধে ছিট্র করে, নিশীথ সময়ে যখন সকলে নিদ্রায় অভিভূত ছিল, তখন প্রাচীরের বাঁধ ভাঙ্গিয়া যায়। প্রবল জলশ্রোত আসিয়া সবানিবাসীদিগের গৃহ উদ্যানাদি প্লাবিত করে, তাহাতে বহুসংখ্যক মনুষ্য ও গবাদি পশু নিশ্চেষ্ট হয়। স্মৃষ্টিত ফলের উদ্যান বিনষ্ট হইলে, তথায় লবণাক্ত বিরস ফলের উপবন উৎপন্ন হয়। (ত, হো,)

ধন্যবাদকারীর জন্ত নিদর্শন সকল আছে * । ১৯ । এবং সত্য সত্যই শয়তান স্বীয় কল্পনা তাহাদিগের সম্বন্ধে সপ্রমাণ করিয়াছিল, অনন্তর বিশ্বাসীদের একদল ব্যতীত তাহারা তাহার অনুসরণ করিয়াছিল । ২০ । এবং যে ব্যক্তি পরলোকে বিশ্বাস স্থাপন করিতেছে তাহাকে, যে জন তাহাতে সন্দেহযুক্ত, সেই ব্যক্তি হইতে (পৃথক) জানিব, এ বিষয়ে ভিন্ন তাহাদের উপরে তাহার (শয়তানের) ক্ষমতা ছিল না ; এবং তোমার প্রতিপালক, (হে মোহাম্মদ,) সর্ববিষয়ে সংরক্ষক ঃ । ২১ । (র, ২, আ, ১২)

তুমি বল, (হে মোহাম্মদ,) ঈশ্বর ব্যতীত তোমরা যাহাদিগকে উপাস্ত মনে করিতেছ, তাহাদিগকে আহ্বান কর ; স্বর্গে ও পৃথিবীতে তাহারা একবিন্দু পরিমাণ কর্তৃত্ব রাখে না, এবং সেই উভয় স্থানে তাহাদের কোন অংশিত্ব নাই, তাহাদের মধ্যে তাহার কোন সাহায্যকারী নাই । ২২ । এবং যাহাকে তিনি অনুমতি দান করেন, সে ব্যতীত (অন্তরে) শফায়ত (পুনরুত্থানের দিনে পাপক্ষমার অহরোধ) তাহার নিকটে ফল দর্শিবে না ; এপর্যন্ত, যখন তাহাদের অন্তঃকরণ হইতে উৎকণ্ঠা দূর করা হইবে, তখন তাহারা পরস্পর বলিবে, “তোমাদের প্রতিপালক (শফায়ত বিষয়ে) যাহা বলিয়াছেন, তাহা কি ?” বলিবে, “উহা সত্য” ; এবং তিনি উন্নত গৌরবান্বিত ঃ । ২৩ । তুমি

* “দীপ্তিমান গ্রামসকল স্থাপন করিয়াছিলাম” অর্থাৎ পরস্পর সংলগ্ন সমৃদ্ধ গ্রাম সকল স্থাপন করিলাম । মার্ক হইতে শামদেশ পর্য্যন্ত ৪৭০০ গ্রাম উৎপন্ন হয়, নগরে ও গ্রামে লোকাধিক্যবশতঃ, অথবা ক্ষুধা তৃষ্ণার উত্তেজনাবশতঃ বহুসংখ্যক লোক বহির্বাণিজ্যে প্রবৃত্ত হইতে থাকে । তাহারা এমনন হইতে শামদেশে ক্রয়বিক্রয় করিতে যাইত, পূর্বাভ্যে একগ্রামে, অপরাভ্যে অল্পগ্রামে বাস করিত । তাহাতে দরিদ্রদিগের প্রতি ধনীদিগের ঈর্ষা হয় ; তাহারা বলে যে, “আমাদের ও ইহাদের মধ্যে বিভিন্নতা কিছুই রহিল না । ইহারা নির্দীন হইয়াও পদব্রজে যানাক্রমে ধনীদিগের স্থায় এতদূর পথ চলিতেছে ।” ইহা ভাবিয়া ধনিগণ একপূর্ণ প্রার্থনা করে যে, “হে আমাদের প্রতিপালক, আমাদের পষাটনের মাধা দূরত্ব বিধান কর” । অর্থাৎ বিস্তীর্ণ প্রান্তর সকল প্রকাশ কর, তাহা হইলে লোক পাথের-সম্বলদি-ব্যতীত একস্থান হইতে স্থানান্তরে যাইতে পারিলে না । এই প্রার্থনা দ্বারা তাহারা স্বীয় জীবনসম্বন্ধে অকলাগ আনয়ন করে । ঈশ্বর তাহাদের গ্রাম সকল ধ্বংস করেন । “তাহাদের কথা বলার” এই অর্থ, তাহারা বিস্ত্রিত হইয়া পরস্পর বলে যে, “আমাদের বাসস্থান বিনাশের দিকে অগ্রসর হইয়াছে ।” সেই হইতে সবানিবাসিগণ দলে দলে বিক্ষিপ্ত হইয়া পড়িল । কেহই মার্কের আর বসতি করিল না । গসানবংশ শামে, ফজাজা মক্কাতে, আসুদবা হরিণে, আন্সার মদিনায়, জজাম তহামাতে চলিয়া গেল । ১৮শ ও ১৯শ আয়তের টীকা এইস্থানে একযোগে প্রকাশ করা গেল । (ত, হো)

+ অর্থাৎ সবানিবাসীদের প্রতি শয়তানের এইমাত্র ক্ষমতা ছিল যে, পরলোকে কে বিশ্বাসী, কে অবিশ্বাসী, ইহাই সে ঈশ্বরের নিকটে প্রকাশ করিত, অল্প কিছুই করিতে পারিত না । (ত, হো,)

‡ অর্থাৎ কোন প্রতিমা বা দেবতা কেহামতের দিনে শফায়ত করিবে না । ঈশ্বরের নির্দিষ্ট ধর্মপ্রবর্তক মহাপুরুষ শফায়ত করিবে । ঈশ্বর শফায়ত বিষয়ে এই কথা বলিয়াছেন যে, বিশ্বাসীদের জন্তই শফায়ত হইবে, কাকেরদিগের জন্ত নয় । (ত, হো,)

জিজ্ঞাসা কর, স্বর্গ ও পৃথিবী হইতে কে তোমাদিগকে জীবিকা দান করিয়া থাকে ? বল, পরমেশ্বর, এবং নিশ্চয় আমরা অথবা তোমরা পথপ্রাপ্তিতে কিংবা স্পষ্ট পথভ্রান্তির মধ্যে স্থিত। ২৪। তুমি বল, আমরা যে অপরাধ করি, তদ্বিষয়ে তোমাদিগকে প্রশ্ন করা যাইবে না, এবং তোমরা যে কার্য্য কর, তৎসম্বন্ধে আমাদিগকে প্রশ্ন করা হইবে না। ২৫। তুমি বল, আমাদের প্রতিপালক (কেয়ামতে) আমাদিগের মধ্যে সম্মিলন সম্পাদন করিবেন, তৎপর আমাদের মধ্যে সত্যভাবে আজ্ঞা প্রচার করিবেন, এবং তিনি আজ্ঞাপ্রচারক জ্ঞানময়*। ২৬। তুমি বল, যাহাদিগকে তোমরা তাঁহার সঙ্গে অংশীরাপে যোগ করিয়াছ, তাহাদিগকে আমাকে প্রদর্শন কর, সেরূপ (অংশী) নয় ; এবং সেই ঈশ্বর পরাক্রান্ত কৌশলময়। ২৭। এবং মানবমণ্ডলীর জন্ত পর্য্যাপ্ত (স্বর্গের) স্তম্ভসংবাদদাতা ও (নরকের) ভয়প্রদর্শকরূপে ভিন্ন তোমাকে আমি প্রেরণ করি নাই ; কিন্তু অধিকাংশ মনুষ্য বুঝিতেছে না। ২৮। তাহারা বলে, “যদি তোমরা সত্যবাদী হও, তবে এই অঙ্গীকার কবে (পূর্ণ হইবে)” ? ২৯। তুমি বল, তোমাদের জন্ত সেই একদিনের সেই অঙ্গীকার, তাহা হইতে একদণ্ড পশ্চাৎ থাকিবে না ও অগ্রসর হইবে না। ৩০। (র, ৩, আ, ৯)

এবং ধর্ম্মদ্রোহিগণ বলিল যে, “আমরা এই কোর্-আন্কে ও তাহার পূর্বে যাহা (যে গ্রন্থ) আছে, তাহাকে বিশ্বাস করি না।” যখন অত্যাচারিগণকে তাহাদের প্রতিপালকের নিকটে দণ্ডায়মান করা হইবে, তখন যদি তুমি দেখ, (বিস্মিত হইবে ;) তাহারা একজন অন্তের প্রতি বাক্য প্রয়োগ করিবে, দুর্বল লোকেরা প্রবলদিগকে বলিবে, “যদি তোমরা না থাকিতে, তবে অবশ্য আমরা বিশ্বাসী হইতাম” †। ৩১। প্রবল লোকেরা দুর্বলদিগকে বলিবে, “ধর্ম্মালোক হইতে, তাহা তোমাদিগের নিকটে উপস্থিত হওয়ার পর, আমরা কি তোমাদিগকে নিবৃত্ত করিয়াছিলাম ? বরং তোমরাই অপরাধী ছিলে”। ৩২। এবং দুর্বলগণ প্রবলদিগকে বলিবে, “যে সময়ে তোমরা ঈশ্বরের সঙ্গে বিদ্রোহিতা করিতে ও তাঁহার সদ্গুণ নিকরণ করিতে আমাদিগকে আদেশ করিতেছিলে, তখনই বরং (তোমাদের) দিবা রাত্রির চলনা আমাদিগকে (নিবৃত্ত করিয়াছিল ” ;) এবং যখন তাহারা শাস্তি দর্শন করিবে, তখন অস্থশোচনা গোপন করিয়া রাখিবে। যাহারা ধর্ম্মদ্রোহী হইয়াছে, তাহাদের গলদেশে আমি গলবন্ধনসকল স্থাপন করিব ; তাহারা যাহা

* “সত্যভাবে আজ্ঞা প্রচার করিবেন” অর্থাৎ পরমেশ্বর ধর্ম্মপথাবলম্বীদিগকে ঈশ্বরসান্নিধ্যাভিরূপ উদ্ধানে এবং অত্যাচারীদিগকে বিপদের কারাগারে প্রেরণ করিবেন। (ত, হো,)

† মক্কাবাসী কাকেরগণ গ্রন্থাধিকারী ইহুদী ও ঈসায়ী প্রভৃতিকে হজরতের বৃত্তান্ত জিজ্ঞাসা করিয়াছিল ; তাহারা বলিয়াছিল যে, আমরা খ্রীষ্ট গ্রন্থে তাঁহার বর্ণনা পাঠ করিয়াছি। তিনি সত্যই স্তম্ভাচারপ্রচারক। তাহা শুনিয়া আবুজহল ও অন্ত অন্ত ধর্ম্মদ্রোহী লোকেরা বলে, আমরা তোমাদের গ্রন্থকে বিশ্বাস করি না। তাহাতেই এই আরত অবতীর্ণ হয়। (ত, হো,)

করিতেছিল, তদনুরূপ ব্যতীত দণ্ডিত হইবে না। ৩৩। এবং আমি কোন গ্রামে এমন কোন ভয়প্রদর্শককে প্রেরণ করি নাই যে, তাহার অধিবাসী ধনশালী লোকেরা (তাহাকে) বলে নাই যে, “তোমরা যৎসহ প্রেরিত হইয়াছ, আমরা তৎসম্বন্ধে অবিশ্বাসী”। ৩৪। এবং তাহার। বলিয়াছিল, “আমরা ধনরাশি ও সন্তান সম্বন্ধে শ্রেষ্ঠ ও আমরা শান্তিগ্রস্ত হইব না”। ৩৫। তুমি বল, নিশ্চয় আমার প্রতিপালক যাহার জ্ঞান ইচ্ছা করেন, জীবিকা বিস্তৃত ও সঙ্কচিত করিয়া থাকেন; কিন্তু অধিকাংশ মনুষ্য জ্ঞাত নহে। ৩৬। (র, ৪, আ, ৬)

এবং যাহারা বিশ্বাস স্থাপন ও সংকল্প করিয়াছে, তাহারা ভিন্ন যাহ। তোমাদিগকে আমার নিকটে সান্নিধ্যপথে সন্নিহিত করাইবে (ভাবিতেছ,) সেই তোমাদের সম্পত্তি ও তোমাদের সন্তান নহে; অনন্তর এই তাহারাই, আপনাদের জ্ঞান তাহারা যে (শুভ) কর্ম করিয়াছে, তন্নিমিত্ত দ্বিগুণ পুরস্কার আছে, এবং তাহারা (স্বর্গস্থ) প্রাসাদ সকলের মধ্যে নির্ঝিল্লি থাকিবে। ৩৭। এবং যাহারা আমার নিদর্শন সকলের প্রতি নির্ধ্যাতনকারিরূপে যত্ন করে, এই তাহারাই শান্তির ভিতরে উপস্থাপিত হইবে। ৩৮। তুমি বল, (হে মোহম্মদ,) নিশ্চয় আমার প্রতিপালক আপন দাসদিগের মধ্যে যাহাকে ইচ্ছা করেন, তাহার জ্ঞান জীবিকা বিস্তৃত ও সঙ্কচিত করিয়া থাকেন, এবং তোমরা যে কোন বস্তু (সদ্) ব্যয় কর, পরে তিনি তাহার বিনিময় দান করিবেন; এবং তিনি জীবিকাদাতাদিগের মধ্যে শ্রেষ্ঠ*। ৩৯। (স্মরণ কর,) যে দিবস তিনি এক যোগে তাহাদিগকে সমুখাপন করিবেন, তৎপর দেবতাদিগকে জিজ্ঞাসা করিবেন, “ইহারা কি তোমাদিগকে অর্চনা করিতেছিল”? ৪০। তাহারা বলিবে, “পবিত্রতা তোমার, (হে ঈশ্বর,) তাহারা ব্যতীত তুমি আমাদের বন্ধ, বরং তাহারা দৈত্যের পূজা করিতেছিল, তাহাদিগের অধিকাংশ উহাদিগের প্রতিই বিশ্বাসী”†। ৪১। অনন্তর অজ্ঞ তোমরা পরস্পর পরস্পরের লাভ ও ক্ষতি করিতে পারিবে না, এবং অত্যাচারীদিগকে আমি বলিব যে, যৎসম্বন্ধে তোমরা অসত্যারোপ করিতেছিলে, সেই অগ্নিদণ্ড ভোগ করিতে থাক। ৪২। এবং যখন তাহাদের নিকটে আমার উজ্জল নিদর্শন সকল পঠিত হয়, তখন তাহারা পরস্পর বলে, “তোমাদের পিতৃপুরুষগণ যাহাকে অর্চনা করিতেছিল, (এ)

* যদিহে উক্ত হইয়াছে যে, প্রতিদিন প্রাতঃকালে দুই জন স্বর্গীয় দূত স্বর্গ হইতে অবতরণ করেন। একজন বলেন, “হে আমার পরমেশ্বর, তুমি প্রত্যেক দাতাকে দশগুণ দান করিতে থাক।” দ্বিতীয় স্বর্গীয় দূত প্রার্থনা করেন, “হে পরমেশ্বর, তুমি প্রত্যেক রূপণের ধন বিনষ্ট কর।” (ত, হো,)

† তাহারা অজ্ঞানতাবশতঃ দৈত্যদিগকে অর্চনা করিতেছিল, অর্থাৎ তাহাদের আজ্ঞানুসারে অসত্য ঈশ্বর ও অবৈধ মূর্ত্তি সকলের অর্চনায় রত ছিল; এবং মনে করিতেছিল, ইহারা ই দেবত। “তাহারা ব্যতীত তুমি আমাদের বন্ধ” অর্থাৎ তাহাদের ও আমাদের মধ্যে কোন বন্ধুতা নাই, তুমিই আমাদের বন্ধ। (ত, হো,)

এক ব্যক্তি তাহা হইতে তোমাদিগকে নিবৃত্ত করিতে চাহে বৈ (অজ্ঞ) নহে” ; এবং তাহারা বলে, “অসত্য রচিত ভিন্ন ইহা (এই কোর-আন) নহে।” যাহারা সত্যের প্রতি, তাহাদের নিকটে উহা উপস্থিত হওয়ার পর, বিদ্রোহাচরণ করিয়াছে, তাহারা বলে, “ইহা স্পষ্ট ইঙ্গজাল ভিন্ন নহে”। ৪৩। এবং আমি তাহাদিগকে গ্রন্থ সকল দান করি নাই যে, তাহারা তাহা পাঠ করিয়া থাকে ও তাহাদের নিকটে তোমাদের পূর্বে কোন ভয়প্রদর্শক প্রেরণ করি নাই *। ৪৪। এবং যাহারা তাহাদের পূর্বে ছিল, তাহাদের প্রতি উহারা অসত্যারোপ করিয়াছে ; আমি তাহাদিগকে (পূর্ববর্তীদিগকে) যাহা দান করিয়াছি, উহারা (বর্তমান মক্কাবাসিগণ) তাহার দশমাংশও প্রাপ্ত হয় নাই। অতএব আমার প্রেরিতপুরুষদিগের প্রতি তাহারা অসত্যারোপ করিয়াছে, অনন্তর কেমন আমার শাস্তি হইল। ৪৫। (র, ৫, আ, ৯)

তুমি বল, (হে মোহম্মদ,) এক বিষয়ে তোমাদিগকে আমি উপদেশ দিতেছি, এতদ্ভিন্ন নহে ; তোমরা ঈশ্বরের জ্ঞান ছুই ছুই জন ও এক এক জন করিয়া গায়েত্থান কর, তৎপর বিবেচনা করিতে থাক, ঈ কোন দৈত্য তোমাদের বন্ধু নহে, সে (মোহম্মদ) তোমাদের জ্ঞান ভবিষ্যৎ কঠিন শাস্তির ভয়প্রদর্শক ভিন্ন নহে। ৪৬। তুমি বল, আমি তোমাদের নিকটে কোন পারিশ্রমিক প্রার্থনা করি না, অনন্তর উহা তোমাদের জ্ঞানই হয়, ঈশ্বরের নিকটে ভিন্ন আমার পারিশ্রমিক নাই এবং তিনি সর্বোপরি সাক্ষী ঃ। ৪৭। তুমি বল, নিশ্চয় আমার প্রতিপালক সত্য প্রেরণ করিয়া থাকেন, তিনি গুপ্ত বিষয়ের জ্ঞাত। ৪৮। বল, সত্য উপস্থিত হইয়াছে এবং অসত্য (শয়তান) প্রথম সৃষ্টি করে নাই ও পরেও করিবে না। ৪৯। বল, যদি আমি পথভ্রান্ত হই, তবে স্বীয় জীবনসম্বন্ধে পথভ্রান্ত হইতেছি, এতদ্ভিন্ন নহে, এবং যদি পথপ্রাপ্ত হই, তবে আমার প্রতি যে আমার প্রতিপালক প্রত্যাদেশ প্রেরণ করেন, তজ্জ্ঞান প্রাপ্ত হইয়া থাকি। নিশ্চয় তিনি সন্নিহিত শ্রোতা। ৫০। এবং যখন তাহারা ভয় পাইবে, তখন তুমি যদি দেখ, (ভাল হয় ;) অনন্তর (পলায়ন করিলেও তাহাদের শাস্তির) নিবৃত্তি হইবে না, এবং

* অর্থাৎ ঈশ্বর বলিতেছেন যে, আমি ইহাদিগকে এক্রপ ধর্মপুস্তক সকল দান করি নাই যে, সর্বদা তাহা পাঠ করিয়া কোর-আনের অসত্যতাবিশয়ে প্রমাণ উপস্থিত করিবে ; অথবা, হে মোহম্মদ, তোমার পূর্বে কোন ভয়প্রদর্শক পেগাম্বর ইহাদের নিকটে আবির্ভূত হইয়া সত্য প্রচার করিয়াছে, এবং তোমাকে ও কোর-আনকে অসত্য বলিয়াছে, এমত নহে। (ত, হো,)

† অর্থাৎ তোমরা ঈশ্বরোদ্দেশ্যে, পেগাম্বরের সভা হইতে ছুই জন ছুই জন করিয়া বা এক এক জন করিয়া উঠিয়া স্বাভাবিক গিয়া তাহার প্রেরিত পুরুষের শাস্ত্যভাবে পরস্পর আলোচনা কর বা একাকী চিন্তা কর। (ত, হো,)

‡ অর্থাৎ আমি তোমাদের নিকটে উপদেশদানাদির জ্ঞান কোন পারিশ্রমিক প্রত্যাশা করি না, আমার প্রাপ্য পারিশ্রমিক তোমাদিগকেই দান করিলাম। (ত, হো,)

সম্মিহিত স্থান হইতে তাহারা ধৃত হইবে *। ৫১। তাহারা বলে, “আমরা তৎপ্রতি (কোর-আনের প্রতি) বিশ্বাস স্থাপন করিলাম ;” এবং কোথা হইতে তাহাদের (বিশ্বাস) অবলম্বন হইবে ? দূরতর স্থান হইতে † ? ৫২। এবং বস্তুতঃ পূর্ব হইতে তৎপ্রতি তাহারা অবিশ্বাসী হইয়াছে, এবং দূরবর্তী স্থান হইতে না জানিয়া (অল্পমানে কথা) নিক্ষেপ করিয়া থাকে ‡। ৫৩। তাহাদের মধ্যে ও তাহারা যাহা অভিলাষ করিতেছে, তাহার মধ্যে বিচ্ছেদ আনয়ন করা হইয়াছে, যেমন তোমার পূর্ববর্তী সম্প্রদায় সকলের প্রতি করা হইয়াছিল ; নিশ্চয় তাহারা উৎকণ্ঠাজনক সন্দেহের মধ্যে ছিল। ৫৪। (র, ৬, আ, ২)

সূরা ফাতের \$

.....

পঞ্চত্রিংশ অধ্যায়

.....

৪৫ আয়ত, ৫ রকু

(দাতা দয়ালু পরমেশ্বরের নামে প্রবৃত্ত হইতেছি ।)

ভূমণ্ডল ও নভোমণ্ডলের স্রষ্টা, দুই দুই ও তিন তিন এবং চারি চারি পক্ষবিশিষ্ট দেবগণকে সংবাদবাহকরূপে নিয়োগকারী ঈশ্বরেরই সম্যক্ প্রশংসা হয় ; তিনি সৃষ্টিতে

* ভবিষ্যৎকালে সোফিয়াননামক এক ব্যক্তি মোসলমান ধর্মের বিরুদ্ধে অভ্যুত্থান করিবে, সে কাবা ধ্বংস করিবার মানসে শামদেশ হইতে সৈন্ত সংগ্রহ করিয়া পাঠাইবে, তাহার সম্বন্ধেই এই আয়ত হয়। উক্ত সেনাবল্ল প্রান্তরে ভূগর্ভে প্রোথিত হইয়া যাইবে। “সম্মিহিত স্থান হইতে তাহারা ধৃত হইবে” ইহার অর্থ, ভূমির উপর হইতে ভূমির নিম্নে অথবা দণ্ডায়মান ভূমি হইতে নরকে বা বদরের প্রান্তর হইতে কুপগর্ভে আবদ্ধ হইবে। সমুদায় সৈন্তের মধ্যে দুই জন মাত্র মুক্ত হইবে, এক জন মকায় যাইয়া অসংবাদ দান করিবে, নাঈয়াজ্জহনি নামক অপর ব্যক্তি ফিরিয়া গিয়া সেনাবাহকের ভূগর্ভে প্রোথিত হওয়ার সংবাদ সোফিয়ানকে জানাইবে। (ত, হো,)

† “কোথা হইতে তাহাদের (বিশ্বাস) অবলম্বন হইবে ? দূরতর স্থান হইতে ?” অর্থাৎ কোর-আন বা প্রেরিতপুরুষ কিংবা পুনরুত্থানের প্রতি তাহাদের বিশ্বাস হওয়া দুর্লভ ব্যাপার। অথবা ইহলোকে তাহারা বিশ্বাসী হইবে না, দূরতর স্থান পরলোকে যাইয়া তাহারা বিশ্বাসী হইবে। সেই বিশ্বাসে কোন ফল দর্শিবে না। (ত, হো,)

‡ অর্থাৎ না জানিয়া তাহারা কোর-আন ও প্রেরিতপুরুষ ইত্যাদির সম্বন্ধে দূর হইতে বাঙ্গ করিয়া থাকে। অথবা তাহারা যাহা বলিতেছিল, তাহা হইতে দূরে ছিল, কি বলিতেছে, বুঝিতেছিল না। (ত, হো,)

\$ এই সূরা মক্কাতে অবতীর্ণ হয়।

যাহা কিছু ইচ্ছা করেন, বৃদ্ধি করিয়া থাকেন, নিশ্চয় ঈশ্বর সর্ববিষয়ে ক্ষমতামণ্ডলী * ।
 ১। পরমেশ্বর মানবমণ্ডলীর জন্ত যে করুণা উন্মুক্ত করেন, পরে তাহার কোন অবরোধ-
 কারী হয় না, এবং তিনি যাহা রুদ্ধ করেন, তদনন্তর তাহার কোন উন্মোচক হয় না ;
 এবং তিনি পরাক্রান্ত কৌশলময় ॥ ২। হে লোক সকল, তোমরা আপনাদের প্রতি
 ঈশ্বরের দান স্মরণ কর, ঈশ্বর ভিন্ন কি (অজ) কোন সৃষ্টিকর্তা আছে যে, স্বর্গ হইতে ও
 পৃথিবী হইতে তোমাদিগকে জীবিকা দান করিয়া থাকেন ? তিনি ব্যতীত উপাস্ত
 নাই, অনন্তর তোমরা কোথায় ফিরিয়া যাইবে ? ৩। এবং যদি তোমার প্রতি, (হে
 মোহম্মদ,) তাহার অসত্যারোপ করিতেছে, অনন্তর সত্যই তোমার পূর্ববর্তী প্রেরিত
 পুরুষদিগকেও তাহার মিথ্যাবাদী বলিয়াছে ; ঈশ্বরের দিকে কার্য সকল প্রত্যাবর্তিত
 হইয়া থাকে ॥ ৪। হে লোক সকল, নিশ্চয় ঈশ্বরের অঙ্গীকার সত্য ; অনন্তর তোমা-
 দিগকে পার্থিব জীবন যেন প্রতারণিত না করে, এবং ঈশ্বরের সম্বন্ধে প্রতারক (শয়তান)
 যেন তোমাদিগকে প্রতারণিত না করে । ৫। নিশ্চয় শয়তান তোমাদের শত্রু, অনন্তর
 তোমরা তাহাকে শত্রুরূপে গ্রহণ করিও ; সে আপন অন্তর্বর্তীদিগকে নরকনিবাসী হইবার
 জন্ত আহ্বান করে, এতদ্বিন্ন নহে ॥ ৬। যাহারা ধর্ম্মজোহী হইয়াছে, তাহাদের জন্ত
 কঠিন শাস্তি আছে ; এবং যাহারা বিশ্বাসী হইয়াছে ও সংকর্ম্ম সকল করিয়াছে, তাহাদের
 জন্ত ক্ষমা ও মহাপুরস্কার আছে । ৭। (র, ১, তা, ৭)

অনন্তর সেই ব্যক্তি, যাহার জন্ত তাহার দুষ্ক্রিয়া সজ্জিত হইয়াছে, পরে সে
 তাহাকে কি উত্তম দেখিয়াছে ? অবশেষে নিশ্চয় ঈশ্বর যাহাকে ইচ্ছা করেন,

* “তিনি সৃষ্টিতে যাহা কিছু ইচ্ছা করেন, বৃদ্ধি করিয়া থাকেন” অর্থাৎ যথেষ্টরূপে তিনি দেবতা-
 দিগের পক্ষ বৃদ্ধি করেন, চারিটি পক্ষ পয্যন্ত যে সীমা, তাহা নহে। জেব্রিল ছয় শত জনাবিশিষ্ট।
 অন্তমতে সৃষ্টিবৃদ্ধি মনুষ্যসৃষ্টিবৃদ্ধি বা মিষ্ট ভাষা, জ্ঞান, প্রেম, দৌন্দর্য্য, লাভা ইত্যাদির বৃদ্ধি। গাছ
 বিশেষে উক্ত হইয়াছে যে, উন্নত লোকের বিনয়, সম্পন্ন ব্যক্তির বদাচ্ছতা, দরিদ্রের পবিত্রতা, বিশ্বাসীর
 সাধুতা ইত্যাদি এখানে বৃদ্ধিরূপে গণ্য। (ত, হো,)

† অন্বেষণ ও প্রার্থনা ব্যতিরেকে সর্গ হইতে যে দয়া উন্মুক্ত হয়, এতলে তাহাকেই লক্ষ্য করা
 হইয়াছে। উহা দ্বিবিধ, এক বাহ্যিক, যথা, পরিশ্রম ব্যতিরেকে জীবিকা লাভ ; দ্বিতীয় আধ্যাত্মিক,
 যথা, শিক্ষা ব্যতীত তত্ত্বজ্ঞানের উদয়। (ত, হো,)

‡ অর্থাৎ সদস্য সমুদায় কার্য পরমেশ্বরের নিকটে বিদিত। অসত্যারোপ করার জন্ত তাহাদিগকে ও
 সহিত্যতার জন্ত তোমাকে তিনি দণ্ড ও পুরস্কার বিধান করিবেন। (ত, হো,)

§ শয়তান অত্যন্ত প্রতারক, পাপকার্য্যে মনুষ্যের দৃঢ়তা সম্বন্ধে সে ক্ষমার কামনা অন্তরে সঞ্চারিত
 করে। এরূপ অম সম্ভব হইলে, বিষভঞ্জে রত থাকিয়া বিশ্বের অপকারিতা দূর হইলে, এরূপ আশা
 করার সদৃশ। শয়তানের প্রবঞ্চনার মধ্যে এই একটি বিশেষ প্রবঞ্চনা যে, পাপীকে বিলম্বে অমৃত্যুতাপ
 করিতে বলে। সে বলিয়া থাকে যে, এক্ষণে সময় আছে, উপস্থিত আমোদকে পরিত্যাগ করিও না।

(ত, হো,)

পথভ্রান্ত করিয়া থাকেন ও যাহাকে ইচ্ছা করেন পথপ্রদর্শন করেন; পরে তাহাদের প্রতি আক্ষেপপ্রযুক্ত তোমার চিত্ত, (হে মোহম্মদ,) যেন বিনষ্ট না হয়। নিশ্চয় ঈশ্বর, তাহারা যাহা করিতেছে, তাহার জ্ঞাত। ৮। এবং সেই ঈশ্বর বায়ুরাশিকে প্রেরণ করিয়াছেন, পরে উহা বারিবাহকে সমুত্থাপন করিয়াছে, অবশেষে আমি তাহাকে মৃত (শুষ্ক) নগরের দিকে সঞ্চালন করিয়াছি, অনন্তর আমি তদ্বারা ভূমিকে তাহার মৃত্যুর পর বাঁচাইয়াছি; এই প্রকার (কবর হইতে) সমুত্থাপন হয়। ৯। যে ব্যক্তি গৌরব ইচ্ছা করে, (সে ঈশ্বরের নিকটে তাঁহার অর্চনা দ্বারা গৌরব অন্বেষণ করুক;) অনন্তর ঈশ্বরেরই সমগ্র গৌরব, তাঁহার দিকেই পুণ্য বাণী সমুখিত হয়, এবং সংকল্পকে তিনি উন্নতি করেন, এবং যাহারা কুক্রিয়া দ্বারা প্রবঞ্চনা করিয়া থাকে, তাহাদের জগৎ কঠিন শাস্তি আছে; ইহাদের প্রবঞ্চনা তাহাই হয় যে বিলুপ্ত হইবে *। ১০। এবং ঈশ্বর তোমাদিগকে মৃত্তিকা দ্বারা (প্রথম) সৃজন করিয়াছেন, তৎপর শুষ্ক দ্বারা, তৎপর তোমাদিগকে স্ত্রী পুরুষ করিয়াছেন, এবং তাঁহার জ্ঞানগোচর ব্যতীত কোন স্ত্রী গর্ভধারণ ও প্রসব করে না, এবং গ্রন্থে (লিপিবদ্ধ) ব্যতীত কোন জীবনধারীকে জীবন দেওয়া যায় না ও তাহার জীবন হইতে খর্ব করা হয় না; নিশ্চয় ইহা ঈশ্বরের সম্বন্ধে সহজ হয়। ১১। এবং ইহার জল স্রমধুর স্রবাসু তৃপ্তিকর, ইহা লবণাক্ত তিক্ত, (এইরূপ) দুই সাগর পরস্পর তুল্য হয় না; † এবং প্রত্যেক (সাগর) হইতে তোমরা সচোমাংস ভক্ষণ করিয়া থাক ও অনস্বাদ (মোক্তিক) বাহির কর, তাহা পরিয়া থাক। এবং তুমি, (হে মোহম্মদ,) তন্মধ্যে বারিবিদোর্গকারী নৌকা সকলকে দেখিতেছ, তাহাতে তোমরা তাঁহার প্রসাদে (জীবিকা) অন্বেষণ করিয়া থাক, এবং সম্ভবতঃ তোমরা কৃতজ্ঞ হইবে। ১২। তিনি দিবাকে রজনীতে উপস্থিত করেন ও

* ঈশ্বরের সেবাত্তেই গৌরব ও উন্নতি, তাঁহার বিস্ময়চরণে লাভনা ও দুর্গতি। পবিত্র বাক্য সকল তাঁহার মন্দিরে গৃহীত হইবার জগৎ উর্দ্ধগামী হয় ও শুভানুষ্ঠান সেই বাক্যাবলীকে উন্নতি করিয়া থাকে। এস্থলে পবিত্র বাক্য প্রার্থনা। প্রার্থনা সদাচার ব্যতীত ঈশ্বর কর্তৃক গৃহীত হয় না। ধর্মোদ্দেশ্যে দরিদ্রদিগকে দান করা সংকল্প, এই ধর্মার্থ দান প্রার্থনা গৃহীত হইবার পক্ষে অনুকূল। অথবা “লু! এলাহ্! এল্লোহা” এই একত্ববাদের বাক্য পবিত্র বাক্য। এস্থলে “সংকল্প তাহাকে উন্নত করে” ইহার অর্থ, ঈশ্বর সংকল্পকে উন্নত করেন, এরূপও হইয়া থাকে; অর্থাৎ তিনি সংকল্পের মর্যাদা বৃদ্ধি করেন। একেশ্বরবাদের সংকাণ্ড বলিতে সরল ব্যবহার বুঝায়, অল্প কিছুই তৎসদৃশ নহে। যে অনুষ্ঠান কপটতামিশ্রিত, তাহা সর্দাপেক্ষা নিকৃষ্ট ও অসার। এস্থলে কুক্রিয়া সকল প্রবঞ্চনা, কোরেশদিগের প্রবঞ্চনা; তাহারা দারিদ্র্যওয়াতে হজরতকে বন্দী ও হত্যা এবং নির্বাসন করিতে বাহ্য করিয়াছিল, সুরা আনকালে তাহা বিবৃত হইয়াছে।

(ত, হো,)

† বিশ্বাসী ও আবিধাসী লোক সম্বন্ধে এই দৃষ্টান্তের প্রয়োগ হইতে পারে। তাহাদিগের মধ্যে সমতা নাই, একজন ধর্মের মাধ্যমে অত্যন্ত মধুর, অপর বাস্তবিত্তে পাপের কটুতা। এখানে লবণাক্ত সাগর ধর্মমোহিতা ও উদ্বার্গচরিতা।

(ত, হো,)

রজনীকে দিবাতে আনয়ন করিয়া থাকেন, এবং সূর্য্য ও চন্দ্রকে বাধ্য রাপিয়াছেন, তাহার প্রত্যেক নিদিষ্ট সময়ে সঞ্চালিত হয় ; তিনিই তোমাদের প্রতিপালক পরমেশ্বর, তাঁহারই রাজত্ব, তোমরা তাঁহাকে ব্যতীত যাহাদিগকে আহ্বান করিয়া থাক, তাহার ঋজুরের ক্ষুদ্র খোসাপরিমাণও কর্তৃত্ব রাখে না। ১৩। তোমরা তাহাদিগকে আহ্বান করিলে তাহার তোমাদের আহ্বান শ্রবণ করে না, এবং শ্রবণ করিলেও তোমাদিগকে উত্তর দান করে না, কেয়ামতের দিনে তাহার তোমাদের অংশিত্বকে অগ্রাহ করিবে ; এবং তোমাকে, (হে মোহম্মদ,) তত্ত্বজ্ঞ (ঈশ্বরের) ত্বায় (কেহ) সংবাদ দিবে না। ১৪। (র, ২, আ, ৭)

হে লোক সকল, তোমরা ঈশ্বরের নিকটে দীনহীন, এবং সেই ঈশ্বর প্রশংসিত নিদ্ধাম। ১৫। তিনি ইচ্ছা করিলে তোমাদিগকে দূর করিবেন ও নূতন সৃষ্টি আনয়ন করিবেন *। ১৬। এবং ঈশ্বরের সপক্ষে ইহা কঠিন নয়। ১৭। এবং ভারবাহক অন্তের (পাপের) ভার বহন করে না ; যদি কোন ভারাক্রান্ত ব্যক্তি আপন ভারের দিকে (ভার উঠাইতে) ডাকে, আত্মীয় হইলেও তাহার কিছুই বহন করে না। যাহারা স্বীয় প্রতিপালককে গোপনে ভয় করে ও নমাজকে প্রতিষ্ঠিত রাখে, তুমি তাহাদিগকে ভয় প্রদর্শন করিয়া থাক, এতদ্ভিন্ন নহে ; যে ব্যক্তি শুদ্ধ হইয়া থাকে, এবং অবশেষে সে স্বীয় জীবনের জ্ঞাত শুদ্ধ হয়, এতদ্ভিন্ন নহে, এবং ঈশ্বরের দিকেই পুনর্গমন †। ১৮। অন্ধ ও চক্ষুহীন এবং অন্ধকার ও জ্যোতি এবং ছায়া ও উজ্জ্বলতা তুল্য হয় না। ১৯+২০+২১। এবং জীবিত ও মৃত পরস্পর তুল্য হয় না, নিশ্চয় ঈশ্বর যাহাকে ইচ্ছা করেন, শ্রবণ করান ; এবং যে ব্যক্তি কবরে আছে, তুমি তাহার শ্রাবক নও। ২২। তুমি ভয়প্রদর্শক ব্যতীত নও। ২৩। নিশ্চয় আমি তোমাকে সত্যভাবে (স্বর্গের) সুসংবাদদাতা ও (নরকের) ভয়প্রদর্শকরূপে প্রেরণ করিয়াছি ; এবং (এমন) কোন মণ্ডলী নাই, যাহাতে ভয়প্রদর্শক হয় নাই ‡। ২৪। এবং যদি তাহার তোমার প্রতি অসত্যারোপ করে, (আশ্চর্য্য নয় ;) নিশ্চয় তাহাদের পূর্বে যাহারা ছিল, তাহার ঐ অসত্যারোপ করিয়াছে। তাহাদের নিকটে তাহাদের প্রেরিতপুরুষগণ প্রমাণ সকল সহ ও ধর্ম্মপুস্তিকা সকল সহ

* অর্থাৎ তোমাদের পরিবর্তে তিনি নূতন লোক সকল তাঁহার ধর্ম্মরক্ষার্থ আনয়ন করিবেন।

(ত, হো,)

† অর্থাৎ যতপি কোন পাপী স্বীয় আত্মীয় লোককে ডাকিয়া তাহার কিয়দংশ পাপ বহন করিবার জ্ঞাত প্রার্থনা করে, কেহ তাহাতে সম্মত হয় না, যেহেতু সকলেই এ বিষয়ে অন্ধময়। “যাহারা স্বীয় প্রতিপালককে গোপনে ভয় করে” অর্থাৎ ভয়ের লক্ষণ যাহাদের মধ্যে স্পষ্ট বিদ্যমান, অথবা লুক্কায়িত, শাস্তি না দেখিয়াও যাহারা ভীত হইয়া থাকে।

(ত, হো,)

‡ ভয়প্রদর্শক স্বর্গীয় সংবাদবাহক বা তাঁহার অনুবর্তী কোন জ্ঞানী লোক হইতে পারেন।

(ত, হো,)

এবং উজ্জল গ্রহ সহ আসিয়াছিল। ২৫। তৎপর আমি ধর্মদ্রোহীদিগকে আক্রমণ করিয়াছিলাম, অনন্তর কেমন শান্তি ছিল। ২৬। (র, ৩, আ, ১২)

তুমি কি, (হে মোহম্মদ,) দেখ নাই যে, ঈশ্বর আকাশ হইতে বারি বর্ষণ করিয়াছেন, পরে তদ্বারা আমি ফলপুষ্প বাহির করিয়াছি? সে সকলের বর্ণ বিব্রিধ এবং গিরিশ্রেণী হইতে বস্মসকল (বাহ্য করিয়াছি,) তাহার বিবিধ বর্ণ, শ্বেত ও লোহিত এবং অত্যন্ত কৃষ্ণবর্ণ হয় *। ২৭। এবং মানবমণ্ডলী ও জীবজন্তু এবং পশুরও এইরূপ বিবিধ বর্ণ; তাহার দাসদিগের মধ্যে জ্ঞানী লোকেরা ঈশ্বরকে ভয় করে, এতদ্ভিন্ন নহে। নিশ্চয় পরমেশ্বর পরাক্রান্ত ক্ষমাশীল। ২৮। নিশ্চয় যাহারা ঐশ্বরিক গ্রন্থ পাঠ করে ও উপাসনাকে প্রতিষ্ঠিত রাখিয়াছে, এবং আমি তাহাদিগকে প্রকাশ্যে ও গোপনে যে জীবিকা দান করিয়াছি, তাহা হইতে ব্যয় করিয়াছে, (এতৎসহ) বাণিজ্যের আশা রাখে, তাহারা কখনও বিনষ্ট হইবে না। ২৯+ তাহাতে তিনি তাহাদিগের পারিশ্রমিক তাহাদিগকে পূর্ণ দান করিবেন, এবং স্বীয় করুণাযোগে তাহাদিগকে অধিক দিবেন; নিশ্চয় তিনি ক্ষমাশীল গুণজ্ঞ। ৩০। এবং তোমার প্রতি আমি গ্রন্থবিষয়ে যাহা প্রত্যাশ করিয়াছি, তাহা সত্য; তাহার পূর্বে যাহা (যে গ্রন্থ) ছিল, উহা তাহার প্রমাণকারী। নিশ্চয় ঈশ্বর স্বীয় দাসদিগের দ্রষ্টা তত্ত্বজ্ঞ। ৩১। তৎপর আমি স্বীয় দাসদিগের মধ্যে যাহাদিগকে গ্রহণ করিয়াছি, তাহাদিগকে গ্রন্থের উত্তরাধিকারী করিয়াছি; অনন্তর তাহাদিগের মধ্যে (কতক লোক) স্বীয় জীবনসম্বন্ধে অত্যাচারী এবং তাহাদের মধ্যে (কতক) মধ্যমভাবাপন্ন ও তাহাদের মধ্যে (কতক) ঈশ্বরের আদেশক্রমে কল্যাণপুষ্পের দিকে অগ্রসর, ইহাই সেই মহা গৌরব ঃ। ৩২। স্থায়ী উজ্জান

* এখানে গিরিশ্রেণীর বস্ম সকল অর্থে পর্বতসমূহের স্তরপুষ্প। পর্বতের কতক স্তর শুভ্র, কতক লোহিত, কতক কৃষ্ণবর্ণ ইত্যাদি। ইহা দ্বারা ঈশ্বরের শক্তির বিচিত্রতা প্রকাশ পাইতেছে। এইরূপ জীবজন্তু মানবমণ্ডলীর মধ্যেও বিবিধ ভাব, প্রত্যেকের আকার প্রকার ভিন্ন। এই প্রকার বিশ্বাসী ও অবিশ্বাসী হয়, ইহারা পরস্পর তুল্য কখনই হইতে পারে না। হজরতের প্রতি ঈশ্বরের এই সান্বনা-বাক্য। (ত, কা,)

+ হজরতের মণ্ডলী ঈশ্বরের দানকে উত্তরাধিকার দান বলেন; ক্রেশ, পরিশ্রম ও অধেবণ ব্যতিরেকে যে ধন হস্তগত হয়, উহা উত্তরাধিকারিত্ব দান। এইরূপ যত্ন চেষ্টা ব্যতিরেকে বিশ্বাসীদিগের নিকটে তাহাদের প্রতি ঈশ্বরের একান্ত অনুগ্রহে কোর্-আন্ দান উপস্থিত হইয়াছে। যেরূপ অসম্পত্তি লোকের উত্তরাধিকারিত্বদানে অধিকার নাই, তদ্রূপ শত্রুগণেরও কোর্-আনের ফলভোগে অধিকার নাই। উত্তরাধিকারিত্বের অংশে ভিন্নতা আছে, অষ্টমাংশ ষষ্ঠাংশ চতুর্থাংশ ইত্যাদি। কেহ একপা আছে যে, সমুদ্র গ্রহণ করিয়া থাকে। এই প্রকার কোর্-আনের অধিকারীদিগেরও ফলভোগসম্বন্ধে প্রভেদ আছে। প্রত্যেকে স্ব স্ব যোগ্যতা ও ক্ষমতার পরিমাণানুসারে কোর্-আনের স্বত্ব লাভ করিয়া থাকে। অত্যাচারী ও মধ্যমাবস্থাপন্ন এবং অগ্রসর, এই তিন শ্রেণীর লোক। পাপ কার্যে একান্ত অনুরক্ত অত্যাচারী, যে ব্যক্তি পুনঃ পুনঃ অনুতাপ করিয়া তাহা ভঙ্গ করে, সে মধ্যমাবস্থাপন্ন, যে অনুতাপে আন্তরিক

সকল আছে, তাহাতে তাহারা প্রবেশ করিবে, তথায় তাহারা স্বৰ্গ ও মুক্তার কক্ষ-সকলে ভূষিত হইবে, এবং তথায় তাহাদের পরিচ্ছদ কৌশেয় বস্ত্র হইবে। ৩৩। এবং তাহারা বলিবে, “সেই ঈশ্বরেরই সম্যক্ প্রশংসা, যিনি আমাদের হইতে দুঃখ দূর করিয়াছেন, নিশ্চয় আমাদের প্রতিপালক ক্ষমাশীল গুণজ্ঞ, যিনি আপন গুণে আমাদের অমরধামে আনয়ন করিয়াছেন ; তথায় কোন দুঃখ আমাদের স্পর্শ করে না, এবং তথায় কোন শ্রাস্তি আমাদের স্পর্শ করে না”। ৩৪ + ৩৫। এবং যাহারা ধর্ম-দ্রোহী হইয়াছে, তাহাদের জগ্ন নরকের অগ্নি আছে, তাহাদিগের প্রতি আজ্ঞা হইবে না যে, পরে তাহারা প্রাণত্যাগ করিবে, এবং তাহাদিগ হইতে উহার শাস্তি স্বর্ক করা যাইবে না ; এইরূপে আমি সকল ধর্মদ্রোহীকে বিনিময় দান করিব। ৩৬। এবং তাহারা তথায় আর্তনাদ করিবে, (বলিবে,) “হে আমাদের প্রতিপালক, তুমি আমাদের বাহির কর, আমরা যাহা করিতেছিলাম, তদ্ব্যতিরেকে সংকল্প করিব।” (তিনি বলিবেন,) “আমি কি তোমাদিগকে সেই পরিমাণ আরু দান করি নাই যে, যে ব্যক্তি উপদেশ গ্রহণ করিতে চাহে, তাহাতে উপদেশ গ্রহণ করে ? এবং তোমাদের নিকটে ভয়প্রদর্শক উপস্থিত হইয়াছিল ; অতএব (দণ্ড) আশ্বাদন কর, অনন্তর অত্যাচারীদের জগ্ন কোন সাহায্যকারী নাই” *। ৩৭। (৩, ৪, আ, ১১)

নিশ্চয় ঈশ্বর স্বর্গ ও পৃথিবীর নিগূঢ় তত্ত্বজ্ঞ, তিনি আন্তরিক রহস্যবিদ। ৩৮। তিনিই যিনি তোমাদিগকে পৃথিবীতে স্থলাভিষিক্ত করিয়াছেন ; অনন্তর যে ব্যক্তি ধর্মদ্রোহিতা করিয়াছে, পরে তাহার প্রতিই তাহার ধর্মদ্রোহিতা বর্ধিতাছে, এবং ধর্মদ্রোহীদের সম্বন্ধে তাহাদের ধর্মদ্রোহিতা তাহাদিগের প্রতিপালকের নিকটে অপ্রসন্নতা ভিন্ন বৃদ্ধি করে না ও ধর্মদ্রোহীদের সম্বন্ধে তাহাদের ধর্মদ্রোহিতা ক্ষতি ব্যতীত বৃদ্ধি করে না। ৩৯। তুমি, (হে মোহাম্মদ,) জিজ্ঞাসা কর, “ঈশ্বরকে ছাড়িয়া তোমরা যাহাদিগকে আহ্বান করিয়া থাক, তোমরা কি আপনাদিগের সেই অংশীদিগকে দেখিয়াছ ? পৃথিবীর যাহা তাহারা সৃজন করিয়াছে, তাহা আমাদের প্রদর্শন কর, তাহাদের জগ্ন কি স্বর্গে অংশিত আছে ?” তাহাদিগকে কি আমি গ্রন্থ দান করিয়াছি যে, পরে তাহার প্রমাণের হৃদু, সে অগ্রসর। অথবা সংসারামুরাগী অত্যাচারী, পরলোকাকাজী মনামাবস্থাপন্ন এবং ঈশ্বরের প্রতি অনুরক্ত ব্যক্তি অগ্রসর। (ভ, হো,)

* “তোমাদের নিকটে ভয়প্রদর্শক উপস্থিত হইয়াছিল” অর্থাৎ তোমাদিগকে শিক্ষা দান করিতে পেশাবর তোমাদের নিকটে আসিয়াছিলেন, অথবা সদগ্রন্থ কিংবা গুণজ্ঞান বা স্বজন প্রতিবেশীদের মৃত্যু উপস্থিত হইয়াছিল। যখন নরকলোকস্থ পাপিগণ আর্তনাদ করিয়া বলিতে থাকিবে যে, হে ঈশ্বর, আমাদের উদ্ধার করিয়া পৃথিবীতে পাঠাও, আমরা আদান্ত চিরকাল সংকল্প করিব, তখন ঈশ্বর বলিবেন, তোমাদিগকে কি পৃথিবীতে জীবন দান করি নাই ? তাহারা বলিবে, হাঁ, জীবন লাভ করিয়াছিলাম, ভয়প্রদর্শকও দেখিয়াছিলাম। তাহাতে ঈশ্বর বলিবেন, তবে নরকের শাস্তি আশ্বাদন কর। (ভ, হো,)

উপর তাহারা আছে ? বরং অত্যাচারিগণ প্রতারণারূপে ভিন্ন তাহাদের এক জন অগ্র জনের সম্বন্ধে অঙ্গীকার করে না। ৪০। নিশ্চয় ঈশ্বর স্থানচ্যুতি হইতে স্বর্গ ও মর্ত্যকে রক্ষা করেন, এই দুই স্থলিত হইলে, তাঁহার অভাবে কেহ নাই যে, এ দুইকে রক্ষা করে ; নিশ্চয় তিনি সহিষ্ণু ক্ষমাশীল হন। ৪১। এবং তাহারা ঈশ্বরের নামে আপনাদের দৃঢ়পথে শপথ করিয়াছিল যে, যদি তাহাদের নিকটে ভয়প্রদর্শক উপস্থিত হয়, তবে অবশ্য তাহারা প্রত্যেক মণ্ডলী অপেক্ষা অধিকতর সংপথগামী হইবে ; অনন্তর যখন তাহাদের নিকটে ভয়প্রদর্শক উপস্থিত হইল, তখন তাহাদের সম্বন্ধে পৃথিবীতে অহঙ্কার ও উপেক্ষা ভিন্ন বৃদ্ধি করে নাই। এবং তাহারা অসচ্চক্রান্ত করিয়াছে, অসচ্চক্রান্ত সেই চক্রান্তকারীর প্রতি ব্যতীত অবতরণ করে না ; অনন্তর তাহারা পূর্বতন লোকদিগের প্রতি (ঈশ্বরের) যে বিধি ছিল, তাহা ব্যতীত প্রতীক্ষা করে না, পরে তুমি কখনও ঈশ্বরের বিধির পরিবর্তন পাইবে না *। ৪২। এবং তুমি ঈশ্বরের বিধির অগ্রথা পাইবে না। ৪৩। তাহারা কি ধরাতে ভ্রমণ করে নাই ? তাহা হইলে দেখিত, তাহাদের পূর্বে যাহারা ছিল, তাহাদের পরিণাম কিরূপ হইয়াছে, অপিচ তাহাদের অপেক্ষা তাহারা শক্তিতে দৃঢ়তর ছিল ; এবং ঈশ্বর (এরূপ) নহেন যে, স্বর্গে ও পৃথিবীতে তাঁহাকে কোন বস্তু পরাভূত করে, নিশ্চয় তিনি জ্ঞানময় শক্তিময় হন। ৪৪। এবং যদি ঈশ্বর মানবমণ্ডলীকে, তাহারা যাহা করিয়া থাকে, তজ্জন্ত আক্রমণ করিতেন, তবে কোন প্রাণীকে তাহার (পৃথিবীর) পৃষ্ঠে ছাড়িয়া দিতেন না ; কিন্তু তিনি নির্দারিত কাল পর্য্যন্ত তাহাদিগকে অবকাশ দিতেছেন, অনন্তর যখন তাহাদিগের কাল উপস্থিত হইবে, তখন নিশ্চয় ঈশ্বর আপন দাসদিগের সম্বন্ধে দৃষ্টিকারী। ৪৫। (র, ৫, আ, ৮)

* অর্থাৎ ধর্ম্মসোহী কোরেশদল প্রভৃতি দৃঢ়রূপে শপথ করিয়া বলিয়াছিল যে, তাহাদের নিকটে প্রেরিতপুরুষ উপস্থিত হইলে তাহারা ইহুদী ও ঈসারিগণ অপেক্ষা অধিকতর সংপথগামী হইবে। কিন্তু যখন প্রেরিতপুরুষ মোহম্মদ উপস্থিত হইলেন, তখন তাঁহাকে তাহারা অহঙ্কারবশতঃ অবজ্ঞা করিল ও নানাপ্রকার উপায়ে তাঁহাকে বন্দী বা হত্যা করিতে চেষ্টা পাইল। কিন্তু চক্রান্তকারিগণ অপরের জন্ত যে চক্রান্ত করে, তাহাতে নিজেরাই আবদ্ধ হয় ; পূর্ববর্তী কুচক্রী অত্যাচারী লোকদিগের প্রতি যে শাস্তির বিধি হইয়াছিল, তাহারাও সেই শাস্তি পাইবার প্রতীক্ষা করে। (ত, হো,)

সূরা ইয়াস *

.....

ষট্‌ত্রিংশ অধ্যায়

.....

৮৩ আয়ত, ৫ রকু

(দাতা দয়ালু পরমেশ্বরের নামে প্রবৃত্ত হইতেছি)

ইয়াস ৴। ১। হৃদয় কোরু আনের শপথ ; নিশ্চয় তুমি সরল পথে স্থিত প্রেরিত পুরুষদিগের অন্তর্গত। ২ + ৩ + ৪। করুণাময় পরাক্রান্ত (ঈশ্বর কতকই) অবতারণ, যেন তুমি সেই দলকে ভয় প্রদর্শন কর, যাহাদের পিতৃপুরুষগণকে (শত্রু) ভয় প্রদর্শন করা হয় নাই ; পরন্তু ইহারা অজ্ঞাত। ৫ + ৬। সত্য সত্যই (শাস্তির) কথা তাহাদের অধিকাংশের সম্বন্ধে নিশ্চিত, এবং তাহারা বিশ্বাস করিতেছে না। ৭। নিশ্চয় আমি তাহাদের গলদেশে গলবন্ধন রাখিয়াছি, অনন্তর উহা চিবুক পর্যন্ত রহিয়াছে, অবশেষে তাহারা উদ্ধীর্ণ হইয়া আছে। ৮। এবং আমি তাহাদের সম্মুখভাগে এক প্রাচীর ও তাহাদের পশ্চাত্তাগে এক প্রাচীর স্থাপন করিয়া তাহাদিগকে আচ্ছাদন করিয়াছি ; পরন্তু তাহারা দেখিতেছে না। ৯। এবং তুমি তাহাদিগকে ভয় প্রদর্শন কর বা না

* এই সূরা মক্কাতে অবতীর্ণ হইয়াছে।

† ব্যবচ্ছেদক বণ সকলের নিগূঢ় অর্থ আছে, সে সমস্ত তব্ব খর্গীয় ভাঙারের রত্নরূপ। পরমেশ্বর স্বীয় প্রেমাস্পদ সংবাদবাহক মোহম্মদকে তাহা জ্ঞাপন করিয়াছিলেন। স্বেত্রিলযোগে সেই বর্ণাবলী প্রেরিত হইয়াছে, ঈশ্বর ও প্রেরিতপুরুষ ব্যতীত অন্য কেহ তাহার ঠিক মর্ম্ম অবগত নহে। কোন পণ্ডিত বলেন, “ইয়াস” কোরু-আনের নাম ; গ্রন্থবিশেষে উক্ত হইয়াছে যে, তাহা ঈশ্বরের নাম বিশেষ। কেহ বলেন, কোরু-আনের সুরার নাম। ভাগবিশেষে উক্ত হইয়াছে যে, কোরু-আনে হজরতের সাতটি নাম উল্লিখিত আছে, ইয়াস তন্মধ্যে একটি। এমাম কয়শরী বলিয়াছেন, ইয়া, অর্থে অদ্বীকৃত দিন ; স, অর্থে আলয়। এইরূপ অনেকে অনেক প্রকার বলিয়াছেন। (ত, হো,)

‡ একদা আবুজহল শপথ করিয়া বলিয়াছিল যে, “মোহম্মদকে নমাজ পড়িতে দেখিলে তাহার মস্তক চূর্ণ করিব।” পরে সে একদিন দেপে, তিনি নমাজ পড়িতেছেন, তৎক্ষণাৎ প্রস্তর হস্তে করিয়া তাহার দিকে ধাবিত হয়। সে যখন পাথর মারিবার জন্ত হস্ত উত্তোলন করে, তখন হাত তাহার গলদেশ আবেষ্টন করিয়া থাকে, এবং প্রস্তর করতলে বদ্ধ হইয়া তাহার চিবুকের নিম্নে গ্রীবাতে সংযুক্ত হইয়া যায় ; তাহাতে সে বাধা হইয়া হজরতকে প্রহার করিতে নিবৃত্ত হয়। মপজুমবংশীয় লোকেরা বহু বড় আবুজহলের গলদেশ হঠতে হস্ত নিষ্কৃত করিয়াছিল। (ত, হো,)

§ একজন মপজুমী আবুজহলের হস্ত হঠতে উপরি উক্ত প্রস্তর গ্রহণ করিয়া হজরতকে মারিতে যায়। তাহার নিকটে উপস্থিত হওয়া মাত্র সে অন্ধ হয়, কিছুই দেখিতে পায় না ; না সম্মুখে বাইতে পারে, না পশ্চাতে। তাহাতেই এই আয়ত অবতীর্ণ হয়। (ত, হো,)

কর, তাহাদের প্রতি তুল্য ; তাহারা বিশ্বাস করে না। ১০। যে ব্যক্তি উপদেশের অঙ্গস্বরূপ করে ও পরমেশ্বরকে অন্তরে ভয় করিয়া থাকে, তাহাকে তুমি ভয় প্রদর্শন কর, এতদ্বিষয় নহে ; অনন্তর ক্ষমা ও মহা পুরস্কার বিষয়ে তাহাকে তুমি স্বেচ্ছা বাদ দান কর। ১১। নিশ্চয় আমি মৃতকে জীবিত করি, এবং তাহারা বাহা পূর্বে পাঠাইয়াছে, তাহা ও তাহাদের পদচিহ্ন লিপি করিয়া থাকি, উজ্জল গ্রন্থে সমুদায় বিষয় আয়ত্ত করিয়াছি *। ১২। (র, ১, আ ১২)

এবং তুমি, (হে মোহাম্মদ,) তাহাদের জন্ত সেই গ্রামবাসীদিগের দৃষ্টান্ত বর্ণন কর, যখন তথায় প্রেরিত পুরুষগণ উপস্থিত হইল ; (স্মরণ কর,) যখন আমি তাহাদের নিকটে দুই ব্যক্তিকে প্রেরণ করিলাম, তখন তাহারা তাহাদিগকে মিথ্যাবাদী বলিল, পরে আমি তৃতীয় ব্যক্তি দ্বারা (তাহাদিগের) পুষ্টি বর্দ্ধন করিলাম ; অবশেষে তাহারা বলিল যে, “নিশ্চয় আমরা তোমাদের নিকটে প্রেরিত” †। ১৩+১৪। তাহারা

* “তাহারা বাহা পূর্বে পাঠাইয়াছে” অর্থাৎ যে পাপ পুণ্য তাহারা পূর্বে করিয়াছে। “তাহাদের পদচিহ্ন” অর্থাৎ উপাসনালয়ে বাইতে যে পদস্থাপন হয়, এ সমস্ত স্মৃতিপুস্তকরূপ উজ্জল গ্রন্থে লিপি হইয়া থাকে। যে অধিক দূরের পথ হাটিয়া মন্দিরে যায়, তাহার অধিক পুণ্য। এজন্য অনেক সাধুলোকে উপাসনালয় স্বীয় গৃহ হইতে দূরে নির্মাণ করেন। “পদচিহ্ন” পাপ ও পুণ্যের চিহ্নও হইতে পারে। (ত, হো,)

† মহাম্মদ ঈসা পর্গারোহণের পূর্বে, কিংবা তাঁহার স্থলাভিষিক্ত শমউন তাঁহার (ঈসার) স্বর্গারোহণের পরে, ইয়হা ও তুমাননামক দুইজন প্রেরিতকে, কেহ কেহ বলেন, অপর দুই জনকে এস্তাকিয়া নগরে ধর্ম-প্রচারার্থে প্রেরণ করেন। তাহারা নগরের অদূরে উপনীত হইয়া এক বৃদ্ধকে দেখেন যে, পশুচারণ করিতেছেন, তাহার নিকট যাইয়া সেলাম করেন। বৃদ্ধ জিজ্ঞাসা করেন, “তোমরা কে হও?” তাহারা বলেন, “আমরা মহাপুরুষ ঈসার প্রেরিত, লোকদিগকে সত্যপথ প্রদর্শন করিয়া থাকি, ঈশ্বরের দিকে যাইতে আহ্বান করি।” বৃদ্ধ জিজ্ঞাসা করেন, “তোমরা যে সত্যপ্রচারক, তাহার কোন প্রমাণ রাখ?” তাহারা বলেন, “ঈ, আমরা রোগীদিগকে আরোগ্য দান করি, এবং কুষ্ঠ রোগীকেও সুস্থ করিতে পারি।” তখন বয়োবৃদ্ধ পুরুষ বলেন, “বজ্রবৎসব যাবৎ আমার এক সম্মান পীড়িত, চিকিৎসকগণ তাহার চিকিৎসায় নিরাশ হইয়াছে, যদি তোমরা তাহাকে আরোগ্যদান করিতে পার, তবে আমি তোমাদের ঈশ্বরের শরণাপন্ন হইব।” এতচ্ছুবণে তাহারা সেই রোগীর শয্যার পাশ্বে উপস্থিত হইয়া প্রার্থনা করেন, তৎক্ষণাৎ সে আরোগ্যলাভ করে। বৃদ্ধ ইহা দেখিয়া প্রেরিতপুরুষদিগের নিকটে ধর্ম দীক্ষিত হন। ত্রমে সেই দুই প্রেরিতের সংবাদ নগরের সকল প্রচার হয়, অনেক রোগী তাহাদের নিকটে যাইয়া আরোগ্যলাভ করিতে থাকে। তখন আস্থগণিকামী নামক ব্যক্তি সেই নগরে রাজা ছিলেন, তিনি প্রতিমা পূজা করিতেন। প্রেরিতপুরুষদিগের বিষয় শুনিতে পাইলেন যে, তাহারা প্রতিমা-পূজার বিরুদ্ধে এবং এক মাত্র ঈশ্বরের উপাসনার পক্ষে লোকদিগকে উপদেশ দান করিয়া থাকেন। ইহা শুনিয়া তিনি তাহাদিগকে কারাগারে বন্দী করেন। তখন শমউন তাহাদের উদ্দেশে আসিয়া রাজমন্ত্রিগণের সঙ্গে শরণস্থাপনে প্রবৃত্ত হন, স্বীয় নৈপুণ্য ও বিচক্ষণতার বলে তিনি অচিরে রাজার সান্নিধ্য লাভ করেন। পরমেশ্বর এই আখ্যায়িকায় তাহার সংবাদ দান করিতেছেন। (ত, হো,)

বলিল, “তোমরা আমাদের ঞায় মহুয়া ভিন্ন নও, এবং ঈশ্বর কোন বিষয় অবতারণ করেন নাই, তোমরা মিথ্যাবাদী ভিন্ন নও”। ১৫। তাহারা বলিল, “আমাদের প্রতি-পালক জ্ঞাত আছেন যে, নিশ্চয় আমরা তোমাদের নিকটে প্রেরিত। ১৬। এবং আমাদের প্রতি স্পষ্ট প্রচারকার্য ভিন্ন নহে”। ১৭। তাহারা বলিল, “একান্তই আমরা তোমাদের (আগমন) সম্বন্ধে কুভাব পোষণ করিতেছি, যদি তোমরা নিবৃত্ত না হও, তবে অবশ্য আমরা তোমাদিগকে চূর্ণ করিব, এবং অবশ্য আমরাই হইতে তোমাদের প্রতি ক্লেণ্জনক শাস্তি প্ৰাপ্তিবে”। ১৮। তাহারা বলিল, “তোমাদের মন্দভাব তোমাদের সঙ্গে আছে, তোমরা কি উপদিষ্ট হইতেছ ? বরং তোমরা সীমানজ্ঞানকারী জাতি” *। ১৯। এবং নগরের দূর দেশ হইতে এক ব্যক্তি দ্রুতগতি উপস্থিত হইল, বলিল, “হে আমার দলস্থ লোক, তোমরা প্রেরিতপুরুষদিগের অনুসরণ কর। ২০।+ তাহারা

* কথিত আছে যে, শমউন নরপতির সঙ্গে প্রতিমার মন্দিরে যাইতেন ও ঈশ্বরকে প্রণাম করিতেন ; তাহাতে লোকে মনে করিত যে, তিনি প্রতিমাকে সম্মান করেন। রাজা তাহার প্রতি অত্যন্ত বিবাসী হন, শমউনের পরামর্শ গ্রহণ না করিয়া তিনি কোন গুরুতর কার্যে হস্তক্ষেপ করিতেন না। এক দিন শমউন নৃপতিকে জিজ্ঞাসা করেন, “মহারাজ, শুনিতে পাইয়াছি, আপনি দুইটা দীনহীন ব্যক্তিকে কারাগারে বদ্ধ করিয়াছেন, তাহার কারণ কি ?” রাজা বলেন, “তাহারা বলিয়া থাকে যে, আমাদের প্রতিমা বাতীত অস্ত্র ঈশ্বর আছে, তজ্জন্ত তাহাদিগকে কারাবদ্ধ করিয়াছি।” শমউন বিশ্বাসের ভাব প্রকাশ করিয়া বলেন, “তাহাদের কথা অতি বিচিত্র, লোক পাঠাইয়া তাহাদিগকে আনয়ন করুন, শোনা যাউক।” তদনুসারে রাজা তাহাদিগকে উপস্থিত করিলেন। তাহারা শমউনকে তথায় দেখিয়া আশ্চর্য্যাবিত হইলেন। শমউন জিজ্ঞাসা করিলেন, “তোমরা কাহাকে পূজা করিয়া থাক ?” তাহারা বলিলেন, “যিনি স্বর্গ মর্ত্য স্বজন করিয়াছেন, তাহাকে”। শমউন পুনর্বার প্রশ্ন করিলেন, “তোমাদের ঈশ্বর কি কার্য্য করিতে পারেন ?” তাহারা বলিলেন, “তিনি অন্ধকে চক্ষুদান করিয়া থাকেন।” শমউন নরপতিকে অনুরোধ করিয়া কয়েক জন অন্ধ উপস্থিত করিলেন, এবং তাহাদিগকে বলিলেন, “তোমরা আপন ঈশ্বরদিগকে বল, যেন ইহাদিগকে চক্ষুদান করেন।” তাহারা প্রার্থনা করিলেন, তৎক্ষণাৎ অন্ধগণ চক্ষু লাভ করিল। তখন শমউন ভূপালকে বলিলেন, “প্রভো, চলুন, আমরাও আমাদের ঈশ্বর সকলকে এরূপ আশ্চর্য্য কার্য্য করিতে অনুরোধ করি।” রাজা বলিলেন, “শমউন, তুমি কি জান না যে, তাহারা দেখিতে শুনিতে পান না ও কিছু করিতে পারেন না ?” শমউন পুনর্বার বলিলেন, “হে যুবকদ্বয়, তোমাদের পরমেশ্বর আর কি করিতে পারেন ?” তাহারা বলিলেন, “মৃতকে বাঁচাইয়া থাকেন।” তখন শমউন বলিলেন, “যদি তোমাদের ঈশ্বর এরূপ আশ্চর্য্য কার্য্য করিতে পারেন, তবে আমরা সকলে তাহার অধীনতা স্বীকার করিব।” রাজকন্তা প্রাণত্যাগ করিয়াছিল, সত্ত্বে সাত দিন পরে প্রার্থনাবোধে সেই প্রেরিতদ্বয় তাহাকে জীবিত করিয়া তুলিলেন। ইহা দেখিয়া রাজা পজনবর্গ সহ ধর্মগ্রহণ করিলেন। কিন্তু কতিপয় লোক বিরোধী হইয়া বিবাসির্বাণ ও প্রেরিতপুরুষদিগের উপর অত্যাচার করিতে প্রবৃত্ত হয়। এই অত্যাচারের সংবাদ পূর্বোক্ত বৃদ্ধ পুরুষ শুনিতে পাইয়া তথায় দৌড়িয়া আসেন। ইহাতেই ঈশ্বর পরের আয়তে সংবাদ দিতেছেন যে, এক ব্যক্তি নগরের দূরতর প্রদেশ হইতে দ্রুতগতিতে উপস্থিত হইল ইত্যাদি। (ত, হো,)

তোমাদের নিকটে কোন পারিশ্রমিক প্রার্থনা করেন না, তাঁহাদিগের অনুসরণ কর, তাঁহারা (সং) পথপ্রাপ্ত। ২১। এবং যিনি আমাকে সৃজন করিয়াছেন; ও যাহার দিকে তোমরা প্রত্যাবর্তিত হইবে, তাঁহাকে আমি পূজা করিব না, আমার সম্বন্ধে (এই) কি? ২২। তাঁহাকে ছাড়িয়া কি আমি (অথ) ঈশ্বরকে গ্রহণ করিব? যদি ঈশ্বর আমার অপকার করিতে ইচ্ছা করেন, তাহাদিগের (পুত্রলিকাদের) শফায়ত আমার কিছুই উপকার করিবে না, এবং তাহারা আমাকে উদ্ধার করিবে না। ২৩। নিশ্চয় আমি তখন স্পষ্ট পথভ্রান্তির মধ্যে থাকিব। ২৪। নিশ্চয় আমি তোমাদের প্রতিপালকের প্রতি বিশ্বাস স্থাপন করিয়াছি, অনন্তর তোমরা আমা হইতে শ্রবণ কর” *। ২৫। বলা হইল, “তুমি স্বর্গলোকে প্রবেশ কর;” সে বলিল, “হায়! আমার স্বজাতি যদি জানিত যে, আমার প্রতিপালক কি জন্ত আমাকে ক্ষমা করিলেন ও আমাকে অনুগ্রহীত লোকদিগের অন্তর্গত করিলেন”। ২৬+২৭। এবং তাহার অন্তে তাহার দলের উপর আমি কোন সৈন্ত স্বর্গ হইতে অবতারণ করি নাই, এবং আমি অবতারণকারী ছিলাম না†। ২৮। এক ধনি ব্যতীত (তাহাদের শাস্তি) ছিল না, পরে তখনই তাহার নির্দোষিত হইল†। ২৯। হায়! দাসদিগের প্রতি আক্ষেপ, এমন কোন প্রেরিত-পুরুষ তাহাদের নিকটে উপস্থিত হইল না যে, তাহারা তাহাকে বিদ্রূপ করে নাই। ৩০। তাহারা কি দেখে নাই যে, আমি তাহাদের পূর্ব সম্প্রদায় সকলের কত লোককে বিনাশ

* বিদ্রোহী লোক সকল উক্ত বৃদ্ধ পুরুষ হইতে এই কথা শ্রবণ করিয়া তাঁহাকে হত্যা করিতে উদ্যত হয়। তখন তিনি প্রেরিতপুরুষদিগের প্রতি দৃষ্টি করিয়া এই কথা বলেন, এবং কেয়ামতের দিনে আমার সম্বন্ধে সাক্ষ্য দান করিবে, তাহাদিগকে এইরূপ অনুরোধ করেন। সেই বয়োবানের নাম হবিব নজার ছিল। তিনি হজরত মোহাম্মদের অভ্যুদয়ের ছয় শত বৎসর পূর্বে জন্মগ্রহণ করিয়া, তাঁহার প্রতি বিশ্বাসস্থাপনপূর্বক ইসলামধর্মে দীক্ষিত হইয়াছিলেন। তাঁহার এইরূপ উক্তি শ্রবণ করিয়া অত্যাচারী লোক প্রস্তরঘাতে তাঁহাকে হত্যা করে, এস্তাকিয়া নগরে তাঁহার সমাধি বিদ্যমান। পুনশ্চ কথিত আছে যে, হত্যা করিলে পর তাঁহাকে ঈশ্বর পুনর্জীবন দান করিয়া স্বর্গাভিমুখে লইয়া যান, এবং “স্বর্গলোকে প্রবেশ কর” এরূপ বলেন। কেহ কেহ বলেন যে, প্রেরিতপুরুষগণ ও রাজা এবং বিশ্বাসিগণও নিহত হইয়াছিলেন। কেহ বলেন, তাহারা প্রাণে বাঁচিয়াছিলেন, কেবল হবিব নজার নিহত হইয়াছিলেন, ঈশ্বর তাঁহাকে স্বর্গে লইয়া যান। (ত, হো,)

† ঈশ্বর বলেন, সেই বৃদ্ধের দল অর্থাৎ কাকের দল পরে এমন হীন ও নিকৃষ্ট হইয়াছিল যে, তাহাদিগকে বিনাশ করিবার জন্ত স্বর্গ হইতে দেবসৈন্ত প্রেরণ করা আর আবশ্যক হয় নাই। কিন্তু বদর ও হোনয়নের সংগ্রামে দেবসৈন্ত প্রেরিত কেন হইয়াছিল? তাহার উত্তর এই যে, হজরতের গৌরববর্ধনের জন্ত তাহা প্রেরিত হইয়াছিল। সেই কাকের সৈন্ত কোন গণনার মধ্যে আইসে নাই। (ত, হো,)

‡ ছেব্রিল এস্তাকিয়া নগরে প্রকাশিত হইয়া হত্যা করিয়াছিলেন, তাহাতে অগ্নি যেমন প্রবল বায়ুর আঘাতে সহসা নির্দোষিত হয়, কাকের দল তদ্রূপ নির্দোষিত হইয়া যায়। (ত, হো,)

করিয়াছি যে, তাহারা তাহাদের দিকে ফিরিয়া আসিতেছে না ? ৩১। এবং আমার নিকটে সমুদায় একযোগে উপস্থাপিত করা হইবে ভিন্ন নয়। ৩২। (র, ২, আ, ২০)

এবং তাহাদের জন্ত নির্জীবভূমি নিদর্শন, আমি তাহা জীবিত করিয়াছি ও তাহা হইতে শস্যকণা বাহির করিয়াছি, পরে তাহারা তাহা ভক্ষণ করিয়া থাকে। ৩৩। এবং আমি তথায় দ্রাক্ষা ও খোশ্বাতরুর উত্থান সকল উৎপাদন করিয়াছি, পরে তন্মধ্যে প্রস্রবণ প্রবাহিত করিয়াছি। ৩৪।+তাহাতে তাহারা তাহার ফল ভক্ষণ করিয়া থাকে, এবং তাহাদের হস্ত তাহা রচনা করে নাই; অনন্তর তাহারা কি ধন্তবাদ করিতেছে না * ? ৩৫। তিনি পবিত্র হন, যিনি যুগল পদার্থ সমুদায় সৃজন করিয়াছেন, যদ্বারা পৃথিবী সমুর্ভর হইতেছে; এবং তাহাদের জ্ঞাতি হইতেও, তাহারা যাহা জানিতেছে না, তাহা (সৃজন করিয়াছেন) †। ৩৬। তাহাদের জন্ত রজনী নিদর্শন, আমি তাহা হইতে দিবা টানিয়া লই, পরে অকস্মাৎ তাহারা অন্ধকারাবৃত হয়। ৩৭।+এবং দিবাকর তাহার অবস্থিতি-স্থানের জন্ত চলিতে থাকে, ইহা পরাক্রমশালী জানী (ঈশ্বরের) নিরূপণ ‡। ৩৮।+এবং চন্দ্রমা, তাহার জন্ত আমি স্থান সকল নিরূপণ করিয়াছি, এ পর্যন্ত যে, সে (খোশ্বাতরুর) পুরাতন শাখার স্তম্ভ পর্যন্ত হয় §। ৩৯। সূর্য্যের জন্ত উপযুক্ত হয় না যে, সে চন্দ্রকে প্রাপ্ত হয়, ¶ এবং রজনী দিবার অগ্রগামী নয়, গগনমণ্ডলে সমুদায়ই চলিতেছে। ৪০। এবং তাহাদের জন্ত নিদর্শন এই যে, আমি তাহাদের পিতৃপুরুষদিগকে নৌকাতে পূর্ণ করিয়া উঠাইয়াছিলাম ॥ ৪১।+ এবং তাহাদের

* এই আয়তের আধ্যাত্মিক অর্থ এই, আমি স্ফূর্তরূপ ক্ষেত্র রূপাদৃষ্টি দ্বারা জীবিত করি, তদ্বারা সাধনভঙ্গনরূপ শস্যকণা উৎপাদন করিয়া থাকি, তাহাতে তাহাদের আহার আহর হয়। এবং স্ফূর্তভূমিতে ঈশ্বরস্বরূপ খোশ্বা ফলের ও অনুরূপরূপ দ্রাক্ষার উত্থান প্রস্তুত করিয়া লই, তন্মধ্যে তত্ত্বজ্ঞানের প্রস্রবণ সকল প্রবাহিত করি, যেন তাহারা ঈশ্বরানুভাবরূপ ফল ভোগ করে, এবং দান বিতরণাদি সংকার্যের রত থাকে। এজন্ত তাহারা কি কৃতজ্ঞ হইতেছে না ? (ত, হো,)

† উদ্ভিদ যুগল বস্তু তরু ও তৃণ, মানবজাতীয় যুগল পদার্থ নরনারী, তদ্বিত্ত অগণা জীবজন্তু হইতে ঈশ্বর যুগল বস্তু সৃজন করিয়াছেন। (ত, হো,)

‡ অবস্থিতিস্থান হইতে সূর্য্যের ভ্রমণের নির্দিষ্ট স্থান। (ত, হো,)

§ চন্দ্রের জন্ত দ্বাদশ সাক্ষরমণ্ডলে আছে, এক এক মণ্ডলে তৃতীয়াংশে বিভক্ত, তাহাতে সমুদায় ক্ষেত্রের অষ্টাবিংশ অংশ হয়। প্রতিদিন চন্দ্রমা প্রায় এক এক অংশ অতিক্রম করে, পূর্ণতার অংশ সকলে তাহার জ্যোতির ক্রমশঃ বৃদ্ধি ও ক্ষীণতার অংশ সকলে ক্ষীণ হইতে থাকে। যখন ক্ষীণতার চরমাংশে চন্দ্র উপস্থিত হয়, তখন চন্দ্রমা খোশ্বাতরুর পুরাতন শাখার স্তম্ভ ও বক্র এবং নিশ্চল পীতবর্ণ হয়। (ত, হো,)

¶ সূর্য্য চন্দ্রের সঙ্গে সাক্ষর হইতে পারে না, যেহেতু চন্দ্র একমাসে স্বীয় নির্দিষ্ট ক্ষেত্র পরিভ্রমণ করিয়া থাকে। (ত, হো,)

॥ অর্থাৎ মহা দ্রাবনের সময় আমি সুহার সঙ্গে নৌকাতে তাহাদের পূর্বপুরুষদিগকে উঠাইয়াছিলাম। (ত, হো,)

জ্ঞান, তৎসদৃশ যে সকলের উপর তাহারা আরোহণ করিয়া থাকে, সে সমস্ত সৃজন করিয়াছি * ১৪২। এবং আমি ইচ্ছা করিলে তাহাদিগকে জলমগ্ন করিব, অনন্তর তাহাদের কোন সাহায্যকারী নাই, এবং তাহারা আমার অহুগ্রহব্যতীত উদ্ধার পাইবে না, নির্দিষ্ট সময় পর্য্যন্তই ভোগ হয়। ৪৩+৪৪। এবং যখন তাহাদিগকে বলা হইল, 'তোমাদের সম্মুখে ও তোমাদের পশ্চাতে যে (শান্তি) আছে, তাহাকে ভয় করিতে থাক, সম্ভব যে তোমরা অহুগ্রহীত হইবে; (তাহারা অগ্রাহ্য করিল) ৫১। এবং তাহাদের প্রতিপালকের নিদর্শনাবলীর (এমন) কোন নিদর্শন তাহাদের নিকটে উপস্থিত হয় নাই যে, তাহারা তাহা হইতে বিমুগ্ধ হয় নাই। ৪৬। যখন তাহাদিগকে বলা হয়, পরমেশ্বর তোমাদিগকে যে উপজীবিকা দিয়াছেন, তোমরা তাহা হইতে ব্যয় কর, তখন ধর্ম্মদ্রোহিণ ধর্ম্মপরায়ণ লোকদিগকে বলে, "আমরা কি সেই ব্যক্তিকে আহার দিব, ঈশ্বর যদি তাহাকে আহার দিতে ইচ্ছা করেন? তোমরা স্পষ্ট পথভ্রান্তিতে ভিন্ন নও" ৫৭। এবং তাহারা বলে, "যদি তোমরা সত্যবাদী হও, তবে কবে এই (শান্তির) অঙ্গীকার (পূর্ণ) হইবে"? ৪৮। এক মহা নিনাদ যে তাহাদিগকে আক্রমণ করিবে, তাহারা তাহার প্রতীক্ষা ব্যতীত করিতেছে না, এবং তাহারা পরস্পর কলহ করে। ৪৯। অনন্তর তাহারা অন্তিম বাক্য বলিতে পারিবে না, এবং স্বীয় পরিবারের দিকে ফিরিয়া চাহিবে না। ৫০। (র, ৩, অ, ১৮)

এবং সূরবাণে (প্রলয়কালে) ফুৎকার করা যাইবে, তখন অকস্মাৎ তাহারা কবর হইতে আপন প্রতিপালকের দিকে ধাবমান হইবে। ৫১। বলিবে যে, "আমাদিগের প্রতি আক্ষেপ, কে আমাদিগকে আমাদের শয়নাগার হইতে উঠাইল?" ঈশ্বর যাহা অঙ্গীকার করিয়াছেন, তাহাই ইহা, এবং প্রেরিত পুরুষগণ যথার্থ বলিয়াছেন। ৫২। একমাত্র ধানি ভিন্ন (এই ব্যাপারে) হইবে না, তখন পরে অকস্মাৎ তাহারা একত্র আমার নিকটে আনীত হইবে। ৫৩। অনন্তর

* অর্থাৎ আমি সেই নৌকার সদৃশ আরোহণ করিবার যোগ্য শকট অথ উষ্ট্রাদি যান বাহন সৃজন করিয়াছি। (ত, হো,)

+ সম্মুখে ও পশ্চাতের শান্তি অর্থে, ইহলোক ও পরলোকের শান্তি। (ত, হো,)

† কাফের লোকেরা বিশ্বাসী লোকদিগকে বলে, "আমরা কি সেই ব্যক্তিকে আহার দিব, ঈশ্বর যদি তাহাকে আহার দিতে ইচ্ছা করেন?" অর্থাৎ দিব না। তোমাদের মতে ঈশ্বর জীবদিগকে জীবিকা-দানে সম্পূর্ণ ক্ষমতা রাখেন, তাঁহার কর্তব্য যে, তিনি আহার দেন। যখন তিনি দিলেন না, আমরাও দিব না। তোমরা পথভ্রান্তির মধ্যে আছ। অর্থাৎ কাফেরগণ বিশ্বাসীদিগকে বলে যে, তোমরা ঈশ্বরের ইচ্ছার বিরুদ্ধে কার্য্য করিতে আমাদিগকে বলিতেছ। ইহা তাহাদের ভ্রম, যেহেতু ঈশ্বর কাহাকে ধনী ও কাহাকে দরিদ্র করিয়াছেন; ধনীকে ঈশ্বর যে ধন দিয়াছেন, তাহা হইতে দরিদ্রকে দান করিবার জ্ঞান আদেশ করিয়াছেন। অতএব ঈশ্বরের ইচ্ছার বিরুদ্ধে কথা বলা তাহাদের ছল মাত্র।

(ত, হো,)

এই দিবস কোন ব্যক্তি কিছুই উৎপীড়িত হইবে না; তোমরা যাহা করিতেছিলে, তদনুরূপ ভিন্ন বিনিময় দেওরা যাইবে না। ৫৪। নিশ্চয় এই দিবস স্বর্গাধিকারিগণ কার্য বিশেষে আনন্দিত হইবে *। ৫৫। তাহারা ও তাহাদের ভাৰ্য্যাগণ ছায়ার নিম্নে সিংহাসন সকলের উপর ভর দিয়া উপবিষ্ট হইবে। ৫৬। তথায় তাহাদের জন্ত ফলপুঞ্জ থাকিবে ও তাহারা যাহা চাহিবে, তাহাদের জন্ত হইবে। ৫৭। কৃপালু প্রতিপালক হইতে “সেলাম” উক্তি হইবে। ৫৮। এবং (আমি বলিব,) “হে অপরাধিগণ, অন্ত তোমরা বিচ্ছিন্ন হও। ৫৯। হে আদমের সন্তানগণ, তোমাদের সম্বন্ধে কি আমি নিশ্চিত বাক্য বলি নাই যে, তোমরা শয়তানকে অর্চনা করিও না, নিশ্চয় সে তোমাদের স্পষ্ট শত্রু, এবং আমাকে পূজা কর, ইহাই সরল পথ ৭ ৬০+৬১। এবং সত্য সত্যই সে তোমাদিগের বহু লোককে পথহারা করিয়াছে, অনন্তর তোমরা কি বুঝিতেছ না? ৬২। এই নরক, যাহাতে তোমরা অঙ্গীকৃত হইয়াছ। ৬৩। তোমরা যে ধর্মদ্রোহী হইয়াছিলে, তন্নিমিত্ত অণু ইহার মধ্যে প্রবেশ কর”। ৬৪। এই দিবস আমি তাহাদের মুখের উপর মোহর (বন্ধন) স্থাপন করিব, এবং আমার সঙ্গে তাহাদের হস্ত কথা কহিবে ও তাহারা যাহা করিতেছিল, তদ্বিষয়ে তাহাদের চরণ সাক্ষ্য দান করিবে ৮। ৬৫। এবং আমি ইচ্ছা করিলে অবশ্য তাহাদের চক্ষুর উপর প্রচ্ছন্নতা রাখিয়া দিব; অনন্তর তাহারা এক পথ অবলম্বন করিবে, পরে কোথা হইতে দেখিতে পাইবে? ৬৬। এবং আমি ইচ্ছা করিলে অবশ্য তাহাদের স্থানে তাহাদিগকে বিরূপ করিয়া রাখিব, অনন্তর তাহারা চলিতে পারিবে না, ফিরিতে পারিবে না ৬৭। (র, ৪, আ, ১৭)

এবং যাহাকে আমি দীর্ঘজীবন দান করি, তাহাকে সৃষ্টিতে অবনত করিয়া থাকি;

* গানবাঈ বা পরম্পরের সঙ্গে সাক্ষাৎকার কিংবা প্রেমভোজ ইত্যাদি কার্যে স্বর্গবাসিগণ আনন্দিত হইবেন। সাধারণ বিশ্বাসিগণ একরূপ স্বর্গীয় সম্পদ ভোগ করিবেন, কিন্তু সাধু লোকেরা ঈশ্বরদর্শন ও তাঁহার জ্যোতিতে আনন্দ করিবেন। (ত, হো,)

† অর্থাৎ মুখ বন্ধ করা হইবে, তাহারা স্বীয় পাণ পুণ্যের কথা নিজমুখে বলিবে না। ঈশ্বর-বিরোধীদিগের হস্তপদাদি ইল্লিয় তাহাদের দুষ্কির্যার সাক্ষ্য দান করিবে, এবং সাধু লোকদিগের ইল্লিয়, তাঁহারা যে সাধন উভয় করিয়াছেন, তাহার সাক্ষ্য দিবে। ঈশ্বর সেই দিবস আপন বিশ্বাসী ভূত্যদিগকে জিজ্ঞাসা করিবেন যে, তোমরা কি আনয়ন করিয়াছ? আপনাদের দান ধর্ম তপস্তাদি গণনা করিয়া বলিতে তাঁহারা লজ্জিত হইবেন। ঈশ্বর তাঁহাদিগের ইল্লিয়দিগকে বাকশক্তি দান করিবেন। তাহারা প্রত্যেকে নিজ নিজ কার্য বর্ণন করিবে, যথা, অজুলি নামকপের কথা বলিবে, একরূপ অস্ত্র ইল্লিয় বলিবে। (ত, হো,)

‡ অর্থাৎ যদি আমি ইচ্ছা করি, তবে তাহাদিগকে শূকর, বানর ও প্রস্তর করিয়া রাখিব। তাহারা কিরিবে না, অর্থাৎ এই বিকৃত আকার হইতে পূর্ব আকৃতিতে পরিণত হইবে না। সেই স্থানে থাকিয়াই তাহারা নিশ্চেষ্ট হইবে। (ত, হো,)

অনন্তর তাহারা কি বুঝিতেছে না * ১৬৮। এবং আমি তাহাকে (মোহম্মদকে) কবিতা শিক্ষা দেই নাই, এবং সে তাহার উপযুক্ত নয়, উহা উপদেশ ও উজ্জল কোর্-আন ভিন্ন নহে + ১৬৯। তাহাতে যে ব্যক্তি জীবিত আছে, তাহাকে সে ভয় প্রদর্শন করে, এবং কাকেরদিগের প্রতি বাক্য প্রমাণিত হয়। ১৭০। তাহারা কি দেখিতেছে না যে, তাহাদের জন্ত আমি সেই চতুর্দ, যাহা আমার হস্ত করিয়াছে, সৃজন করিয়াছি, অনন্তর তাহারা তাহার স্বামী হইয়াছে † ১৭১। এবং উহাকে তাহাদের অতুল্য করিয়াছি, পরে উহার কোনটি তাহাদের বাহন হইয়াছে, এবং উহার কোনটাকে তাহারা ভক্ষণ করিয়া থাকে। ১৭২। উহার মধ্যে তাহাদের লাভ সকল আছে ও (দুগ্ধ) পান হয়; অনন্তর তাহারা কি ধন্যবাদ করিতেছে না? ১৭৩। এবং তাহারা সেই ঈশ্বরকে ছাড়িয়া (অন্ত) উপাস্ত গ্রহণ করিয়াছে; ভরসা এই যে, তাহারা সাহায্য প্রাপ্ত হইবে। ১৭৪। তাহারা (পুত্তলিকাগণ) তাহাদিগকে সাহায্য দান করিতে সক্ষম হইবে না, তাহারা (পুত্তলিকাগণ) তাহাদের জন্ত সৈন্তরূপে উপস্থাপিত হইবে ‡ ১৭৫। অনন্তর তাহাদের কথা যেন তোমাকে, (হে মোহম্মদ,) দুঃখিত না করে; নিশ্চয় আমি, তাহারা যাহা গুপ্ত করিতেছে ও যাহা বাক্ত করিয়াছে, জানিতেছি ¶ ১৭৬। মন্তব্য কি দেখে নাই যে,

* এস্থলে অবনত করার অর্থ, বলকে দুর্বলতাতে, পুত্র দেহকে ক্ষীণ দেহে পরিণত করা। অধিক বয়স্ক হইলেই লোকে জরাজীর্ণ হইয়া দুর্বল হইয়া পড়ে। (ত, হো,)

+ যদি হজরত মোহম্মদ কবি হইয়া রচনা করিতেন, তাহা হইলে লোকের মনে সন্দেহ হইত যে, তিনি কবিতাশক্তি ও জ্ঞান-বুদ্ধি-প্রভাবেই কোর্-আনের সন্দর বচন সকল রচনা করিয়া থাকেন। লোকের সন্দেহ-ভঙ্গনের জন্ত ঈশ্বর তাহাকে কবিতাশক্তি দান করেন নাই, প্রত্যাদেশের আলোকে তাহাকে আলোকিত করিয়াছেন। লোকে বলিত, মোহম্মদ কবি, ঈশ্বর এই আয়ত দ্বারা তাহাদের সেই কথা খণ্ডন করেন। (ত, হো,)

‡ যে ব্যক্তি একাকী কোন কাৰ্য্য করে, সে বলিয়া থাকে যে, এ কাৰ্য্য আমি স্বহস্তে করিয়াছি, অর্থাৎ অন্ত কেহ এ কাজ করিতে অংশী হয় নাই; তজ্জপ ঈশ্বর এই স্থানে বলিতেছেন যে, আমি স্বহস্তে কাহার সহায়তা-বাতিরেকে গো মেষ উষ্ট্রাদি চতুর্দ জন্ত তাহাদের জন্ত সৃজন করিয়াছি। (ত, হো,)

§ অর্থাৎ পুত্তলিকা সকল সুপাশাণ, তাহারা শক্তিহীন অচেতন পদার্থ। ইহালোকে প্রতিমা সকল কাকেরদিগের গৃহের প্রহরী, এবং পরকালে যখন তাহারা নরকে যাইবে, তখন প্রতিমা সকলও তাহাদের সঙ্গে সৈন্ত হইয়া নরকে উপস্থিত হইবে। (ত, হো,)

¶ কথিত আছে, খলকের পুত্র একখণ্ড পুরাতন জীর্ণ অস্ত্র মর্দন করিতে করিতে হজরতের নিকটে উপস্থিত হয়। তখন অনেক সম্রাট কোরেশ উপস্থিত ছিল; খলকের পুত্র বলিল যে, “এমন কে আছে যে, এই বিচ্ছিন্ন দেহাংশ ও ভগ্ন অস্ত্রকে সংযুক্ত করিয়া দেহসঙ্কঠনপূর্বক পুনর্বার জীবিত করিতে পারে?” হজরত বলিলেন, “সৃষ্টিকর্তা ইহাকে কেয়ামতের দিনে জীবিত করিয়া তুলিবেন, তোমাকেও জীবিত করিয়া নরকে লইয়া যাইবেন।” তাহাতেই এই আয়তের অবতারণা হয়

(ত, হো)

নিশ্চয় আমি তাহাকে গুরু হইতে স্বজন করিয়াছি? পরে সে হঠাৎ স্পষ্ট বিরোধকারী হইল। ৭৭। এবং সে আমার জন্ত সদৃশ প্রকাশ করিল ও নিজের সৃষ্টি ভুলিয়া গেল; বলিল, “কে অস্থিকে জীবিত করিবে? বস্তুতঃ তাহা গলিত হইয়াছে”। ৭৮। তুমি বল, (হে মোহম্মদ,) যিনি প্রথমবার তাহাকে স্বজন করিয়াছেন, তিনিই তাহা করিবেন, তিনি সমুদায় সৃষ্টিসম্বন্ধে জ্ঞানী। ৭৯। + যিনি তোমাদের জন্ত হরিদ্বর্ণ তরু হইতে অগ্নি উৎপাদন করিয়াছেন, পরে তোমরা তাহা হইতে অগ্নি উদ্দীপন কর। ৮০। যিনি স্বর্গ ও মর্ত্য স্বজন করিয়াছেন, তিনি কি তাহাদের অমূল্য সৃষ্টি করিতে সমর্থ নহেন? ইহা, (সমর্থ,) এবং তিনি জ্ঞানী সৃষ্টিকর্তা। ৮১। যখন তিনি কিছু ইচ্ছা করেন, তখন তাঁহার আদেশ এতদ্রূপ নহে যে, তিনি তাহাকে বলেন, হৌক, পরে হয়। ৮২। অনন্তর ঈহা হস্তে সমুদায় পদার্থের কতক, তাঁহারই পবিত্রতা, তাঁহার দিকেই তোমরা পুনর্নির্মিত হইবে। ৮৩। (র, ৫, আ, ১৬)

সূরা সাফ্যাত *

.....

সপ্তত্রিংশ অধ্যায়

.....

১৮২ আয়ত, ৫ রকু

(দাতা দয়ালু পরমেশ্বরের নামে প্রবৃত্ত হইতেছি।)

শ্রেণীবদ্ধনে শ্রেণীবদ্ধনকারী (দেবগণের) শপথ। ১। + অনন্তর হুক্মারে হুক্মার-কারীদিগের (শপথ)। ২। + অনন্তর উপদেশপাঠকদিগের (শপথ)। ৩। + নিশ্চয়

* এই সূরা মক্কাতে অবতীর্ণ হয়।

+ ঈশ্বর সেই দেবতাদের নামে শপথ করিয়া বলিতেছেন, ঈহারা গগনমার্গে, তাঁহার কি আজ্ঞা হয়, শুনিবার জন্ত শ্রেণীবদ্ধ হইয়া দণ্ডায়মান আছেন, কিংবা ধর্মযোদ্ধাদের ঈহারা ধর্মযুদ্ধে শ্রেণীবদ্ধ হইয়াছেন, বিশ্বাসীদিগের ঈহারা সম্মুখে শ্রেণীবদ্ধ হইয়াছেন, তাঁহাদের নামে, অথবা এইরূপ অস্ত্র কোন জীবের নামে শপথ করিয়া বলিতেছেন। দেবগণ হুক্মারও করিয়া থাকেন, যেহেতু তাঁহারা হুক্মারে মেঘকে আকাশপথে চালনা করেন। তাঁহারা পাঠকও, যেহেতু সর্বদা স্তুতি বন্দনা ও ঈশ্বরের মহিমাকীর্তনে নিযুক্ত। ধর্মযোদ্ধাসম্বন্ধে শপথ হইল, তাঁহারাও হুক্মার করিয়া অথ চালনা করেন বা শত্রুদিগকে তাড়াইয়া থাকেন। তাঁহাদিগকে পাঠকও বলা যায় যেহেতু পার্শ্ববর্তী বিশ্বাসীদিগের সম্মুখে শপথ হইল, বিশ্বাসিগণ ঈশ্বরস্বাক্ষরিত জোহাতিতে দৈত্যদিগকে তাড়াইয়া থাকেন, অথবা স্বীয় জীবনকে পাপ হইতে নিবৃত্ত থাকিবার জন্ত ধর্ম দিয়া থাকেন। তাঁহারা পাঠকও বটেন, যেহেতু নবাজের সময় কোর-আন পাঠ করেন

(ত, হো,)

তোমাদের উপাশ্র একমাত্র * ৪। তিনি স্বর্গ ও মর্ত্যের এবং উভয়ের মধ্যে যে কিছু আছে, তাহার প্রতিপালক, এবং (সূর্য্যচন্দ্রাদির) উদয়ভূমির প্রতিপালক। ৫। নিশ্চয় আমি ভূমণ্ডলের আকাশকে তারকাভূষণে ভূষিত করিয়াছি। ৬ + ৭। এবং প্রত্যেক অবাধ্য শয়তান হইতে (নভোমণ্ডলকে) রক্ষা করিয়াছি, তাহারা উন্নততর দেবদলের দিকে কর্ণপাত করে না, সকল দিক হইতে তাহাদিগের অপসরণার্থ ও চির শান্তির জ্ঞা (উচ্চা) পড়িতে থাকে ৮। ৮ + ৯। কিন্তু যে কেহ অকস্মাৎ হরণে (ঐশ্বরিক বাক্য) হরণ করিয়াছে, পরে উজ্জ্বল উচ্চাপিণ্ড তাহার অন্তঃসরণ করিয়াছে। ১০। পরে তুমি, (হে মোহম্মদ,) তাহাদিগকে জিজ্ঞাসা কর, সৃষ্টিবিষয়ে কি তাহারা নিপুণতর, না, যে আমি সৃষ্টি করিয়াছি? নিশ্চয় আমি তাহাদিগকে আঁঠাল মৃত্তিকা দ্বারাঃ সৃজন করিয়াছি। ১১। বরং তুমি বাফেরদিগের (অবস্থায়) বিস্ত্রিত হইয়াছ, এবং তাহারা বিক্রম করিতেছে ১২। এবং যখন তাহাদিগকে উপদেশ দেওয়া যায়, তাহারা উপদেশ গ্রহণ করে না। ১৩। যখন কোন নিদর্শন দর্শন করে, তখন তাহারা উপহাস করে। ১৪। এবং তাহারা বলে, “ইহা স্পষ্ট ইলুজাল ভিন্ন নহে। ১৫। যখন আমরা মরিয়া যাইব ও মৃত্তিকা এবং কঙ্কাল হইব, তখন কি নিশ্চয় আমরা সমুখাপিত হইব? ১৬। + অথবা আমাদের পূর্বতন পিতৃপুরুষগণ (সমুখাপিত হইবে)” ? ১৭। তুমি বল, ইহা বটে, তোমরা লাক্ষিত হইবে। ১৮। অনন্তর উহা এক হুকার, ইহা ভিন্ন নহে; পরে অকস্মাৎ তাহারা দেখিবে। ১৯। এবং তাহারা বলিবে, “হায়! আমাদের প্রতি

* মক্কার কাকেরগণ বিস্ত্রিত হইয়। বলিতেছিল যে, আশ্চর্য্য, মোহম্মদ সমুদায় ঈশ্বরকে টানিয়া আনিবা একমাত্র ঈশ্বরে পরিণত করিল! আমাদের এতগুলি ঈশ্বর, তাহাদের দ্বারাই আমাদের কাশ্য অশূলরূপে চলিতেছে না, এক ঈশ্বর দ্বারা কেমন করিয়া হইতে পারে? এতদুপলক্ষে এই আয়ত অবতীর্ণ হয়। (ত, হো,)

+ ইহার অর্থ এই যে, স্বর্গে যে সকল প্রধান দেবতা ঐশ্বরিক নিগূঢ় তত্ত্বের বিষয় পরস্পর কপোপকথন করিয়া থাকেন, দৈত্যগণ যাইয়া যাহাতে তাহা শুনিত না পায়, ঈশ্বর তজ্জন্ত উচ্চাপিত করিয়া তাহাদিগকে দূরীভূত কবেন ও আকাশমার্গকে রক্ষা করিয়া থাকেন, তাহারা উহা শ্রবণ করিতে সমর্থ হয় না। (ত, হো,)

‡ জয়দের পুত্র রকাণত ও আবুজল আশদ যে প্রলেয় ও পুনরুত্থানে অবিস্বাসী ছিল, তাহারা সর্বদা আপন আপন বলবীর্ষ্যের গর্দন করিত, এবং কোরেশদিগের নিকটে যাইয়া অনেক গুণগরিমা ও জ্ঞানভিমান প্রকাশ করিত, তাহাদের সম্মুখে এই আয়ত অবতীর্ণ হয়। “যাহা আমি সৃজন করিয়াছি তাহা” অর্থাৎ চল্লি সূর্য্য নক্ষত্রাদি যাহা যাহা সৃজন করিয়াছি, সে সকল ও মানব-দেহ হ্রল ও পাখিব জড় পদার্থের মিশ্রণে সঙ্গঠিত, তাহাতেই আঁঠাল মৃত্তিকা বলা হইয়াছে। (ত, হো,)

\$ হুজরত মনে করিয়াছিলেন যে, যে ব্যক্তি কোর্-আন্ শ্রবণ করিলে, সেই তাহাতে শ্রদ্ধা প্রকাশ করিবে। মক্কার অংশিবাগিণ গুলিয়া কোর্-আনের বচনের প্রতি কিছুই শ্রদ্ধা করিল না, বরং তৎপ্রতি উপহাস করিল, তাহাতে হুজরত আশ্চর্য্যম্বিত হন। এতদুপলক্ষে এই আয়ত অবতীর্ণ হয়। (ত, হো,)

আজ্ঞাপ, এইত ধর্মশাসনের দিবস”। ২০। (বলা হইবে) “তোমরা যে বিষয়ে অসত্য-
রোপ করিতেছিলে, এই সেই বিচারনিষ্পত্তির দিন”। ২১। (র, ১, আ, ২১)

অত্যাচারিগণ ও তাহাদের সহযোগিগণ এবং তাহারা ঈশ্বরকে ছাড়িয়া যাহার
অর্চনা করিয়া থাকে, উহা সমুখাপিত হইবে; অনন্তর (ঈশ্বর বলিবেন,) তাহাদিগকে
নরকের পথের দিকে, (হে বিশ্বাসিগণ,) তোমরা পথ প্রদর্শন কর, এবং তাহাদিগকে
দণ্ডায়মান কর; নিশ্চয় তাহারা জিজ্ঞাসিত হইবে যে, তোমাদের কি হইয়াছে যে, পরস্পর
সাহায্য করিতেছ না? * ২২+২৩+২৪+২৫। বরং তাহারা অল্প ঈশ্বরানুগত। ২৬।
এবং তাহাদের একজন অস্ত্রের নিকটে প্রস্থ করত উপস্থিত হইবে। ২৭। বলিবে, “নিশ্চয়
তোমরা দক্ষিণ দিক হইতে (শুভাকাজিক্ষরূপে) আমাদের নিকটে আসিতেছিলে”। ২৮।
তাহারা (প্রতিমা বা দৈত্যগণ) বলিবে, “বরং তোমরা বিশ্বাসী ছিলে না। ২৯। এবং
তোমাদের প্রতি আমাদের কোন পরাক্রম ছিল না, বরং তোমরা স্বেচ্ছাচারিদল
ছিলে। ৩০। অনন্তর আমাদের সম্মুখে আমাদের প্রতিপালকের বাক্য প্রমাণিত
হইল, অবশ্য আমরা (শাস্তির) আশ্বাদনকারী। ৩১। পরন্তু আমরা তোমাদিগকে
পথভ্রান্ত করিয়াছি, নিশ্চয় আমরাও পথভ্রান্ত ছিলাম”। ৩২। অনন্তর নিশ্চয় তাহারা
অল্প শাস্তির মধ্যে অংশী হইবে। ৩৩। নিশ্চয় আমি অপরাধীদিগের সঙ্গে এইরূপ করিয়া
থাকি। ৩৪। যখন তাহাদিগকে বলা হইল যে, “ঈশ্বর ব্যতীত উপাস্ত নাই,” তখন
নিশ্চয় তাহারা গর্ভ করিতেছিল। ৩৫। এবং বলিতেছিল, “আমরা কি এক জন ক্ষিপ্ত
কবির অল্পরোধে আমাদের ঈশ্বর সকলের বর্জনকারী হইব?” ৩৬। (ঈশ্বর বলিলেন,)
বরং সে (মোহম্মদ) সত্য আনয়ন করিয়াছে, এবং প্রেরিত পুরুষদিগকে সপ্রমাণ করি-
য়াছে। ৩৭। নিশ্চয় তোমরা ক্রোধকর শাস্তির আশ্বাদনকারী হও। ৩৮। এবং ঈশ্বরের
বিশুদ্ধ দাসগণকে ব্যতীত, তোমরা যাহা করিতেছ, তদন্তরূপ ভিন্ন তোমাদিগকে বিনিময়

* অর্থাৎ পৌত্তলিকগণ পুত্তলিকার সহিত ও নক্ষত্রের উপাসকগণ নক্ষত্রের সহিত এবং কাকের
স্বামীর সহিত কাকের স্বীগণ, বাড়িচারী ব্যভিচারীর সহিত, হুরাপারী হুরাপারীর সহিত এবং অত্যাচারের
সাহায্যকারী অত্যাচারীদিগের সহিত কেয়ামতের দিনে সমুখাপিত হইবে। যাহারা পাপাচরণে
আত্মজীবনের প্রতি অত্যাচার করে ও লোকদিগকে বিপথগামী করিয়া থাকে, এখানে তাহারাই
অত্যাচারী বলিয়া অভিহিত। মোবারকের পুত্র আব্দুল্লাকে কেহ বলিয়াছিল যে, “আমি হুতীজীবী,
কখন কখন অত্যাচারী লোকদিগের জন্ত বস্ত্র শিলাই করিয়া থাকি, তজ্জন্ত আমি সেই সময় কি
সাহায্যকারিরূপে গণ্য হইব?” আব্দুল্লা বলিলেন, “না, বরং তুমি অত্যাচারীর মধ্যে গণ্য হইবে;
তাহারাই অত্যাচারীর সাহায্যকারী, যাহারা হুতী ও হুত্ব তোমার নিকটে বিক্রী করে”। অনন্তর
ঈশ্বর বলিলেন যে, তোমরা, হে বিশ্বাসিগণ, অত্যাচারী ও তাহাদের সঙ্গিগণকে নরকের দিকে পথ
দেখাইয়া দেও। যখন তাহারা সেই দিকে যাইবে, তাহাদিগকে সন্নাত নামক সেতুর উপর দণ্ডায়মান
কর। তাহাদিগকে তাহাদের বিশ্বাস ও আচরণাধির বিষয় জিজ্ঞাসা করা যাইবে। (ত, হো,)

দেওয়া যাইবে না *। ৩২+৪০। তাহারাই, তাহাদের জ্ঞান নির্দিষ্ট উপজীবিকাস্বরূপ ফলপুঞ্জ আছে, এবং তাহারা সম্পদের উত্থান সকলে পরস্পর সম্মুখবর্তী সিংহাসনের উপর সম্মানিত হইবে। ৪১+৪২+৪৩+৪৪। তাহাদের প্রতি পানকারীদিগের স্বাদজনক নির্যাতনগ্ন শুভ স্বরার পাত্র পরিবেশন করা হইবে। ৪৫+৪৬। তন্মধ্যে অপকারিতা নাই ও তাহারা তন্মারা বিহ্বল হইবে না। ৪৭। এবং তাহাদের নিকটে অধোদৃষ্টি-কারিণী বিশালাক্ষীগণ আসিবে, যেন তাহারা গুপ্ত অগ্নিস্বরূপ। ৪৮+৪৯। অনন্তর তাহাদের এক অগ্নের দিকে অভিযুগী হইয়া (পৃথিবীর বিষয়ে) জিজ্ঞাসা করিবে। ৫০। তাহাদের মধ্যে এক বলিবে, “নিশ্চয় আমার (পৃথিবীতে) এক বন্ধু ছিল” ৫১। + সে বলিত, “নিশ্চয় তুমি কি (কেয়ামত) স্বীকারকারীদিগের অন্তর্গত? ৫২। যখন আমরা মরিব, এবং মৃত্তিকা ও কঙ্কাল হইয়া যাইব, তখন কি আমাদেরকে (পাপ-পুণ্যের) বিনিময়ে প্রদত্ত হইবে”? ৫৩। (পুনরায়) সে বলিবে, “তোমরা কি (নরক-বাসীদিগের) অবলোকনকারী” ৫৪। অনন্তর সে অবলোকন করিবে, পরে তাহাকে নরকের মধ্যে দেখিবে। ৫৫। সে বলিবে, “ঈশ্বরের শপথ, নিশ্চয় তুমি আমাকে মারিতে উপক্রম করিয়াছিলে। ৫৬। + এবং যদি আমার প্রতিপালকের কৃপা না থাকিত, তবে অবশ্য আমি (নরকে) উপস্থিত লোকদিগের অন্তর্গত হইতাম। ৫৭। + অনন্তর আমরা কি আমাদের পূর্বমৃত্যু ব্যতীত মরিব না ও শাস্তিগ্রস্ত হইব না”? ৫৮+৫৯। (দেবগণ বলিবে,) “ঈদৃশ সম্পদের জ্ঞান নিশ্চয় ইহা সেই মহা কৃতার্থতা; অতএব অতৃপ্তানকারীদিগের উচিত যে, অতৃপ্তান করে”। ৬০+৬১। এই উপহার,

* ঈশ্বরানুগত নির্মল ব্যক্তিদিগকে তাহাদের সংকার্যের দ্বিগুণ ফল প্রদান করা হইবে।

(ত, হো.)

+ স্বর্গাঙ্গনাগণ তাহাদের নিকটে আসিবেন, কিন্তু পরপুরুষ বলিয়া তাহারা তাহাদের সম্মিথানে অধোমুখে থাকিবেন। সেই দিব্য নারীগণ শুভ্রতা ও সৌন্দর্য্য এবং শুদ্ধতায় প্রচ্ছন্ন শুভ্র অগ্নিসদৃশী। উদ্ভূত পক্ষীর অণু শুভ্র হইয়া থাকে, তাহারা আপন আপন অণুকে পালক দ্বারা আচ্ছাদন করিয়া রাখে, তাহাতে তাহার উপর ধূলি সংলগ্ন হইতে পারে না। একজ্ঞ স্বরাঙ্গনাগণের সঙ্গে তাহার তুলনা হইয়াছে।

(ত, হো.)

‡ অর্থাৎ স্বর্গবাসীদিগের এক ব্যক্তি স্বীয় বন্ধুদিগকে বলিবে যে, পৃথিবীতে যখন ছিলাম, তখন আমার এক জন সখা ছিল, সে পুনরুত্থানে বিশ্বাস করিত না। তাহারা দুই ভ্রাতা ছিল, সূরা কহকে তাহার উল্লেখ হইয়াছে। সেই দুই ভ্রাতার নাম ইছদা ও কৎরস। ইছদা বিশ্বাসী ও কৎরস পুনরুত্থানে অবিশ্বাসী ছিল।

(ত, হো.)

§ অর্থাৎ ইছদা বন্ধুদিগকে বলিবে যে, তোমরা নরকলোকবাসীদিগের প্রতি লক্ষ্য করিতে থাক, তাহা হইলে দেখিতে পাইবে, আমার ভ্রাতা নরকের কোন্ শ্রেণীতে কিরূপ শাস্তিগ্রস্ত হইয়াছে। স্বর্গবাসিগণ বলিবেন, তুমি তাহাকে ভালরূপে চিন, তুমিই নরকের প্রতি দৃষ্টিপাত কর।

(ত, হো.)

না জকুমতক শ্রেষ্ঠ * ১৬২। নিশ্চয় আমি অত্যাচারীদের জন্ত তাহাকে আপদ-
স্বরূপ করিব। ৬৩। নিশ্চয় সেই বৃক্ষ নরকমূলেতে উৎপন্ন হইবে। ৬৪। + তাহার
স্তবক যেন শয়তানকূলের মস্তকশ্রেণী। ৬৫। অনন্তর তাহারা তাহার (ফল) অবশ্য
ভক্ষণ করিবে, পরে তাহাদ্বারা উদর পূর্ণ করিবে। ৬৬। তৎপর নিশ্চয় তাহাদের জন্ত
তাহাতে (সেই খাদ্যের মধ্যে) উষোদকের মিশ্রণ হইবে। ৬৭। তৎপর অবশ্য নরকের
দিকে তাহাদের পুনর্গমন হইবে। ৬৮। একান্তই তাহারা স্বীয় পিতৃপুরুষদিগকে
বিপথগামী পাইয়াছে। ৬৯। পরে তাহারা তাহাদের পদচিহ্নের অনুসরণে ধাবিত হই-
তেছে। ৭০। এবং সত্য সত্যই তাহাদের পূর্বে অধিকাংশ প্রাচীন লোক বিপথগামী
হইয়াছে। ৭১। + সত্য সত্যই আমি তাহাদিগের মধ্যে ভয়প্রদর্শকদিগকে প্রেরণ
করিয়াছিলাম। ৭২। অনন্তর দেখ, ঈশ্বরের বিস্তৃত দাসগণ ব্যতীত ভয়প্রদর্শিতদিগের
পরিণাম কেমন হইয়াছে? ৭৩+৭৪। (র, ২, আ, ৫৩)

এবং সত্য সত্যই মুহা আমাকে ডাকিয়াছিল, তখন আমি উত্তম উত্তরদাতা ছিলাম।
৭৫। এবং তাহাকে ও তাহার স্বজনদিগকে আমি মহাত্ম্য হইতে উদ্ধার করিয়া-
ছিলাম। ৭৬। তাহার সন্তানদিগকে সৃষ্টি করিয়াছিলাম, তাহারা অবশিষ্ট ছিল। ৭৭।
এবং তাহার সম্বন্ধে পরবর্তী (মণ্ডলীর) মধ্যে (সংগ্রহঃসা) রাখিয়াছিলাম §।

* জকুমতক আরব দেশে আছে, তাহার পত্র ক্ষুদ্র এবং ফল অতিশয় তিক্ত। পরমেশ্বর নারকী-
দিগকে যে বৃক্ষের ফল উপহার দিবেন, তাহার নামও জকুম। যখন জকুমের কথা সকলে শ্রবণ করিল,
তখন বলিতে লাগিল, নরকলোকে ভয়ঙ্কর ভাশন, সেই অগ্নির উত্তাপে লৌহ দ্রবীভূত হয়, বৃক্ষ
কেমন করিয়া রক্ষা পাইবে। তাহারা জানে না যে, পূর্ণ শক্তিমান সৃষ্টিকর্তা অনলনাগরের মধ্যে বৃক্ষ
উৎপাদন ও সংরক্ষণ করিতে সক্ষম। জ্বারি নামক ব্যক্তি কোরেশ-দলপতিদিগকে কহিল যে,
মোহম্মদ আমাদিগকে জকুম দ্বারা ভয় দেখাইতেছে। জকুম আফ্রিকার লোকদিগের ভাষায় নবনীত
ও ধোন্নাফলকে বলে। এই কথা শ্রবণে আবুজ্জহল গাত্ৰোত্থান করিয়া আরবের প্রধান লোকদিগকে
গৃহে ডাকিয়া আনিল, এবং তাহাদের সাক্ষাতে স্বীয় দাসীকে বলিল যে, “আমাকে জকুম প্রদান কর।”
দাসী ননী ও ধোন্নাফল দান করিল। আবুজ্জহল তাহা ভক্ষণ করিয়া বলিল, “মোহম্মদ তাহার কথা
বলিতেছে, এইত তাহা?” তখন পরমেশ্বর পরবর্তী আয়ত সকলে জকুম তরুর লক্ষণ বর্ণন করেন।

(ত, হো,)

+ অর্থাৎ জকুম ফল ভক্ষণ ও উষ্ণ জলপানের পর তাহাদের পুনর্ব্বার নরকেই স্থিতি হইবে।
এরূপ উষ্ণ জল পান করিবে যে, তাহার উষ্ণতায় তাহাদের অস্ত্র সকল যেন দগ্ধ ও খণ্ড খণ্ড হইয়া
যাইবে।

(ত, হো,)

‡ মুহার পরিবারের মধ্যে সাম, হাম এবং ইয়াকজ ও তাহার স্ত্রীগণ ব্যতীত জীবিত ছিল না।
সমুদায় মনুষ্য তাহাদের বংশ হইতেই উৎপন্ন হয়। আরব্য, পারস্ত ও রোমীয় লোকদিগের পিতা
সাম, তোর্ক ও খরজ এবং সকলাব জাতির পিতা ইয়াকজ, হিন্দু, হবশি ও জঙ্গ এবং বর্ব্বরের
পিতা হাম।

(ত, হো,)

§ পরবর্তী মণ্ডলী মোহম্মদীয় মণ্ডলী।

(ত, হো,)

৭৮। জগতে মুহার প্রতি সেলাম হোক *। ৭৯। নিশ্চয় আমি এইরূপে হিতকারী লোকদিগকে বিনিময় দান করিয়া থাকি। ৮০। নিশ্চয় সে আমার বিশ্বাসী দাসদিগের অন্তর্গত। ৮১। তৎপর আমি অত্র লোকদিগকে জলমগ্ন করিয়াছিলাম। ৮২। এবং নিশ্চয় তাহার অমুবর্তী লোকদিগের মধ্যে এব্রাহিম ছিল। ৮৩। (স্মরণ কর,) যখন সে স্তম্ভমনে আপন প্রতিপালকের নিকটে উপস্থিত হইল। ৮৪। যখন সে আপন পিতাকে, ও আপন দলকে বলিল, “তোমরা কাহাকে অর্চনা করিয়া থাক ? ৮৫। ঈশ্বরকে ছাড়িয়া কি অসত্য উপাস্তকে চাহিতেছ ? ৮৬। অনন্তর বিশ্বপালকের প্রতি তোমাদের কি প্রকার মত ? ৮৭। পরে সে নক্ষত্রমণ্ডলের প্রতি একদৃষ্টিতে দৃষ্টি করিল। ৮৮। অবশেষে বলিল, “নিশ্চয় আমি পীড়িত”। ৮৯। পরে তাহারা তাহার প্রতি পৃষ্ঠ দিয়া ফিরিয়া গেল। ৯০। অনন্তর সে তাহাদের পরমেশ্বরগণের নিকটে গোপনে গেল, পশ্চাৎ বলিল, “তোমরা কি (নৈবেদ্য) খাও না ? ৯১। তোমাদের কি হইয়াছে যে, কথা কহিতেছ না ? ৯২। পরে সে গোপনে দক্ষিণ হস্তে তাহাদের প্রতি প্রহার করিতে প্রবৃত্ত হইল। ৯৩। পরিশেষে তাহারা (নেমকদীয় দল) তাহার নিকটে দৌড়িয়া আসিল। ৯৪। সে জিজ্ঞাসা করিল, “তোমরা যাহাকে নির্মাণ কর, তাহাকে কি পূজা করিয়া থাক ? ৯৫। + এবং ঈশ্বর তোমাদিগকে ও তোমরা যাহা কিছু করিয়া থাক, তাহা স্মরণ করিয়াছেন”। ৯৬। তাহারা পরস্পর বলিল, “তাহার জন্ত এক অট্টালিকা নির্মাণ কর, পরে (কাষ্ঠপুঞ্জ পূর্ণ করিয়া) তাহাকে (নরকের) অগ্নিতে নিক্ষেপ কর”। ৯৭। অবশেষে তাহারা তাহার প্রতি কুরাচরণ করিতে ইচ্ছা করিল, পরে আমি তাহাদিগকে অত্যন্ত হীন করিলাম ঃ। ৯৮। এবং সে বলিল,

* পরমেশ্বর মুহাকে সেলাম জানাইতেছেন। সেলাম শব্দের অর্থ নিরাপদ, ইহা আশীর্বাদমূলক বাক্য। (ত, হো,)

+ “বিশ্বপালকের প্রতি তোমাদের কি প্রকার মত ?” এই কথা এব্রাহিম প্রতিমার উপাসক লোকদিগকে জিজ্ঞাসা করেন; তাহাতে তাহারা বলে, “আগামী কলা উৎসব আছে, আমরা সকলে তদুপলক্ষে আমোদ করিবার জন্ত নগরের বাহিরে প্রান্তরে যাইব। অত্র খাচ্ছাত প্রস্তুত করিয়া প্রতিমা সকলের পার্শ্বে স্থাপন করিব, প্রান্তর হইতে প্রত্যগমন করিয়া পূজার মণ্ডপে যাইয়া প্রসাদরূপে সে সকল ভাগ করিয়া লইব। তুমিও আমাদের মেলাতে আসিয়া আমোদ আহ্লাদ কর, পরে তথা হইতে দেবমন্দিরে যাইয়া দেবতাদিগের রূপলাবণ্য বেশ ভূষা দর্শন করিবে। আমরা বিশ্বাস করি, সেই আমোদ আহ্লাদ ও দেবদর্শনের পর আমাদের আরাধনায় অমুযোগ্য করিতে সাহসী হইবে না।” (ত, হো,)

‡ এব্রাহিম নক্ষত্রের প্রতি দৃষ্টি করিয়া অর্থাৎ জ্যোতিষশাস্ত্র পর্যালোচনা করিয়া বলিলেন, আমি পীড়িত, অর্থাৎ তাউন নামক পীড়া বিশেষ আমার হইবে। তাউন সংক্রামক রোগ, ফোটকবিশেষ, পুরুষের কোষে বা জন্মতে কিংবা স্ত্রীলোকের স্তনের মধ্যে উৎপন্ন হইয়া সেই সকল অঙ্গকে বিকৃত করিয়া কেলে, আনুযজিক মুছাঁ ও উষ্মন ইত্যাদি উপসর্গ হইয়া থাকে। লোক সকল তাউনের কথা

“নিশ্চয় আমি আপন প্রতিপালকের দিকে গমনকারী, অবশ্য তিনি আমাকে পথ প্রদর্শন করিবেন। ৯৯। হে আমার প্রতিপালক, তুমি আমাকে সাধুদিগের (এক জন) দান কর”। ১০০। অবশেষে আমি তাহাকে প্রশান্ত বালকের (এস্মায়িলনামক পুত্রের) সুসংবাদ দান করিলাম *। ১০১। পরে যখন সে তাহার সঙ্গে দৌড়িবার বয়ঃপ্রাপ্ত হইল, তখন সে বলিল, “হে আমার নন্দন, নিশ্চয় আমি স্বপ্নে দেখিয়াছি যে, সত্যি আমি তোমাকে বলিদান করিতেছি; অতএব তুমি কি দেখিতেছ, দেখ”। সে বলিল “হে আমার পিতা, যে বিষয়ে আদিষ্ট হইয়াছ, তাহা কর; ঈশ্বরেচ্ছায় তুমি আমাকে অবশ্য সহিসুদিগের অন্তর্গত পাইবে”। ১০২। পরে যখন তাহার দুই জনে (ঈশ্বরাজ্জার) অহুগত হইল, এবং সে তাহাকে (ছেদন করিতে) ললাটের অভিমুখে ফেলিল †। ১০৩। এবং আমি তাহাকে ডাকিলাম যে, “হে এব্রাহিম, ১০৪।+সত্যি তুমি স্বপ্নকে সপ্রমাণ করিয়াছ; নিশ্চয় আমি এইরূপে হিতকারী লোকদিগকে বিনিময় দান করিয়া থাকি”। ১০৫। নিশ্চয় ইহা সেই স্পষ্ট পরীক্ষা। ১০৬। আমি তাহাকে বৃহৎবলি (শৃঙ্গযুক্ত পুং মেঘ) বিনিময় দান করিলাম ‡। ১০৭। এবং তাহার সম্বন্ধে (সংপ্রশংসা) ভবিষ্যৎশীর্ষদিগের প্রতি রাখিলাম। ১০৮। এব্রাহিমের প্রতি সেলাম হোক। ১০৯। এই রূপে আমি হিতকারীদিগকে বিনিময় দান করি। ১১০। নিশ্চয়ই সে আমার বিশ্বাসী দাসদিগের অন্তর্গত ছিল। ১১১। আমি তাহাকে সাধুদিগের অন্তর্গত এক প্রেরিত পুরুষ এসহাক (পুত্রের) সম্বন্ধে সুসংবাদ দান করিয়াছিলাম। ১১২। এবং তাহার প্রতি ও এসহাকের প্রতি আশীর্বাদ করিয়াছিলাম, এবং তাহাদের সম্ভানগণের মধ্যে কতক হিতকারী ও কতক আপন জীবনসম্বন্ধে স্পষ্ট অত্যাচারী হয়। ১১৩। (র, ৩, আ, ৩৯)

গুনিয়া পরে বা সেই রোগ দ্বারা আক্রান্ত হয়, এই ভয়ে এব্রাহিমের নিকট হইতে চলিয়া যায়। পরদিন তাহার প্রান্তরে চলিয়া গেলে, এব্রাহিম তাহাদের দেবালয়ে প্রবেশ করেন, প্রতিমাদিগকে বিক্রপ করিয়া কুঠারাঘাতে খণ্ড খণ্ড করিয়া ফেলেন। (ত, হো,)

* ইনি হাশ্বেরার গর্ভে জন্মগ্রহণ করিয়াছিলেন।

† “ললাটের অভিমুখে ফেলিল,” অর্থাৎ অধোমুখে নিক্ষেপ করিল। এব্রাহিম যখন এস্মায়িলের কণ্ঠচ্ছেদনে উদ্ভত হইলেন, তখন এস্মায়িল পিতাকে এই তিনটি কথা নিবেদন করেন;—(১) আমার হস্তপদ দুটরূপে বন্ধন করিবে, তাহা হইলে আমি বলিদানের সময় ভয়প্রযুক্ত হস্তপদ সঞ্চালন করিয়া বাধাত করিব না। (২) তুমি কিরীয়া গিয়া আমার মাতাকে আমার শোণিতাক্ত বস্ত্র প্রদান করিবে। (৩) অধোমুখে হত্যা করিবে, তাহা হইলে আমার মূখের প্রতি দৃষ্টি পড়িবে না, আমার মুখ দেখিলে মন দর্য হইয়া ঈশ্বরাদেশ-পালনে বিশ্ব জন্মাইতে পারে। এব্রাহিম তদনুরূপ নিক্ষেপ করিয়া এস্মায়িলকে বলিদানে প্রবৃত্ত হন। তখন তাহার বিশ্বাস পরীক্ষিত হইল বলিয়া পরমেশ্বর তাহাকে নিবৃত্ত থাকিতে আদেশ করেন। (ত, হো,)

‡ পরে ঈশ্বরের আদেশে এক বৃহৎ পুংমেঘ অরূপ হইতে এব্রাহিমের নিকটে দৌড়িয়া আইসে। তিনি এস্মায়িলের পরিবর্তে তাহাকে বলিদান করেন। (ত, হো,)

এবং সত্য সত্যই আমি মুসা ও হারুণের সম্বন্ধে উপকার করিয়াছি। তাহাদিগকে ও তাহাদের দলকে মহাক্রোধ হইতে বাঁচাইয়াছি। ১১৪। এবং তাহাদিগকে সাহায্য দান করিয়াছি, পরে তাহারা বিজয়ী হইয়াছে। ১১৫। এবং তাহাদিগকে বর্ণনাকারক গ্রন্থ দান করিয়াছি। ১১৬। তাহাদিগকে সরল পথ দেখাইয়াছি। ১১৭। এবং তাহাদের সম্বন্ধে পরবর্তী লোকদিগের মধ্যে (সং প্রশংসা) রাখিয়াছি। ১১৮। + মুসা ও হারুণের প্রতি সেলাম হোক। ১১৯। নিশ্চয় আমি এইরূপে হিতকারীদিগকে বিনিময় দান করিয়া থাকি। ১২০। নিশ্চয় তাহারা আমার বিশ্বাসী দাসদিগের অন্তর্গত ছিল। ১২১। এবং নিশ্চয় এলিয়াস প্রেরিতপুরুষদিগের অন্তর্গত ছিল। ১২২। (স্মরণ কর,) যখন সে আপন দলকে বলিল, “তোমরা কি ধর্ম-ভীরু হইতেছ না? ১২৩। তোমরা কি বাল নামক প্রতিমাকে পূজা করিয়া থাক ও অত্যন্তম সৃষ্টিকর্তাকে পরিহার কর? ১২৪। ঈশ্বরই তোমাদের প্রতিপালক, এবং তোমাদের পূর্ববর্তী পিতৃপুরুষদিগের প্রতিপালক” *। ১২৫। অনন্তর তাহারা তাহাকে মিথ্যাবাদী বলিল, পরে নিশ্চয় ঈশ্বরের বিশুদ্ধ দাসগণ ব্যতীত তাহারা (শাস্তির মধ্যে) আনীত হইবে। ১২৬ + ১২৭। এবং তাহার সম্বন্ধে আমি পরবর্তী লোকদিগের

* পরমেশ্বর এলিয়াসকে বালবেকনিবাসী লোকদিগের প্রতি প্রেরণ করিয়াছিলেন। তাহারা প্রতিমাপূজক ছিল। বালবেকে আত্মবরনামক এক রাজা ছিলেন। প্রথমতঃ তিনি একেশ্বরবাদী ছিলেন, পরে স্থায় পৌত্তলিক পত্নীর প্ররোচনায় পৌত্তলিক হন। এলিয়াসের প্রার্থনামুসারে তিন বৎসর পর্যন্ত বালবেকনিবাসিগণ দুর্ভিক্ষ দ্বারা নিপীড়িত হয়; অনন্তোপায় হইয়া তাহারা এলিয়াসের নিকটে যাইয়া, কি উপায়ে দুর্ভিক্ষের প্রতীকার হইতে পারে, তাঁহাকে জিজ্ঞাসা করে। এলিয়াস বলেন, “তোমাদিগকে সত্য ধর্ম গ্রহণ ও ঈশ্বরের অদ্বিতীয় স্বীকার করিতে হইবে।” ইহা শুনিয়া নগরবাসিগণ চিন্তা করিতে লাগিল। তখন এলিয়াস বলিলেন, “তোমাদের ও আমার ধর্মের সত্যাসত্য নির্ণয় করিতে যদি ইচ্ছা কর, তবে এস, আমি আমার পরমেশ্বরের নিকটে প্রার্থনা করি, তোমরাও তোমাদের পরমেশ্বরের নিকটে প্রার্থনা কর; যিনি প্রার্থনা গ্রাহ্য করিবেন, তিনিই উপাশ্রয় বলিয়া স্বীকৃত হইবেন।” নগরবাসিগণ এই কথায় সম্মত হইয়া অনেক স্তুতি মিনতি করিয়া আপনাদের প্রতিমার নিকটে বৃষ্টি প্রার্থনা করে, কোন ফল দর্শন না। পরে এলিয়াস প্রার্থনা করেন, তৎক্ষণাৎ বারিবর্ষণ হয়। ইহা দেখিয়াও লোক সকল এলিয়াসকে অগ্রাহ্য করে। (ত, হে,)

+ কথিত আছে যে, এলিয়াস নগরবাসীদিগের ব্যবহারে অত্যন্ত বিষয় হন। শাস্তি উপস্থিত হইবার পূর্বে তাঁহাকে সেই ধর্মস্রোহী লোকদিগের নিকট হইতে স্থানান্তরিত করিবার জন্ত তিনি ঈশ্বরের নিকটে প্রার্থনা করেন। আদেশ হয় যে, অমুক স্থানে তুমি যাইবে, যাহা উপস্থিত দেখিবে, তাহার উপর আরোহণ করিবে। তদনুসারে এলিয়াস নির্দিষ্ট সময়ে নির্দিষ্ট স্থানে চলিয়া যান। এক অগ্নিময় শার্দূল বা অশ্ব তাঁহার নিকটে উপস্থিত হয়। তিনি আলিয়ানামক এক সাধুপুরুষকে নিজের স্থলাভিষিক্ত করিয়া সেই শার্দূল বা অশ্বারোহণে প্রস্থান করেন। পরমেশ্বরের কৃপায় তিনি ডানা ও পালক প্রাপ্ত হন, এবং ক্ষুধা তৃষ্ণা তাঁহা হইতে নিবৃত্ত হয়। তিনি স্বর্গীয় দূতগণের সঙ্গে গগনমার্গে উড়িতে থাকেন। তাঁহার মনুষ্য ও দেবত্ব দুই গুণ ছিল। তিনি গগনবিহারী ছিলেন,

মধ্যে (সৎ প্রশংসা) রাখিলাম। ১২৮। এলিয়াসের প্রতি সেলাম হোক। ১২৯। নিশ্চয় আমি এইরূপে হিতকারীদিগকে বিনিময় দান করি। ১৩০। নিশ্চয় সে আমার বিশ্বাসী দাসদিগের অন্তর্গত ছিল। ১৩১। এবং নিশ্চিত লুত প্রেরিতদিগের অন্তর্গত *। ১৩২। (স্মরণ কর,) যখন এক বুদ্ধা নারী ব্যতীত, যে অবশিষ্ট লোকদিগের মধ্যে ছিল, তাকে ও তাহার স্বজনবর্গকে আমি এক যোগে উদ্ধার করিয়াছিলাম। ১৩৩+১৩৪। তৎপর অপর লোকদিগকে সংহার করিলাম। ১৩৫। নিশ্চয় তোমরা তাহাদের দিকে প্রাতে ও রাত্ৰিতে গিয়া থাক, অনন্তর তোমরা কি বুঝিতেছ না? ১। ১৩৬+১৩৭। (র, ৪, আ, ২৪)

এবং নিশ্চয় ইয়ুনস প্রেরিতদিগের অন্তর্গত ছিল। ১৩৮। (স্মরণ কর,) যখন সে (লোকে) পরিপূর্ণ নৌকার দিকে পলায়ন করিল। ১৩৯। পরে নৌকার লোকদিগের সঙ্গে স্তম্ভি ধরিল, অনন্তর পরাস্ত হইল। ১৪০। পরে মৎস্ত তাহাকে উদরস্থ প্রান্তরেও তাঁহার আধিপত্য ছিল। নদীপথে ও অবকা নামক স্থানে মহাপুরুষ খেজরের সঙ্গে তাঁহার সাক্ষাৎ হয়। রমজান মাসে জেরুজেলমে পরস্পর একযোগে পারণা করেন। তাহাদের মণ্ডলী ও অনেক সাধুপুরুষ তাহাদের দর্শন পান। (ত, হো,)

* লুত মহাপুরুষ এব্রাহিমের সহযোগী ধর্মপ্রচারক ছিলেন। তিনি শাম দেশে প্রচার করিতে গিয়াছিলেন। তাঁহার বৃত্তান্ত পূর্বে বিবৃত হইয়াছে। (ত, হো,)

† অর্থাৎ ঈশ্বর বলিতেছেন যে, হে কোরেশদল, তোমরা বাণিজ্য উপলক্ষে সর্বদা তাহাদের নিবাসভূমিতে গিয়া থাক; লুতের বিরোধী দুর্বৃত্ত লোকেরা যে উৎসন্ন হইয়াছে, জনশূন্য অরণ্যাকীর্ণ নিবাসভূমি দেখিয়া কি তোমরা টের পাইতেছ না? (ত, হো,)

‡ পরমেশ্বর ইয়ুনসকে মওসলে তথাকার অধিবাসী লোকদিগের প্রতি প্রেরণ করিয়াছিলেন। লোক সকল তাঁহাকে মিথ্যাবাদী বলিল। তিনি তাহাদের জন্ত শাস্তি প্রার্থনা করেন ও তাহাদের নিকট হইতে চলিয়া যান। শাস্তি উপস্থিত হইলে মওসলের লোক সকল ধর্মে বিশ্বাসী হয়, তাহাতে শাস্তি বিলুপ্ত হইয়া যায়। ইয়ুনস ইহা শুনিতে পাইলেন, কিন্তু তিনি লোকদিগকে বলিয়াছিলেন যে, তোমরা শাস্তিগ্রস্ত হইবে। তখন ভাবিলেন, তাহারা হয়তো এক্ষণ তাঁহাকে মিথ্যাবাদী বলিবে। ইহা ভাবিয়া তিনি নদীর অভিমুখে চলিয়া যান। নদীর কূলে উপনীত হইয়াই দেখেন যে, এক দল বণিক নৌকার আরোহণ করিতেছে, তিনিও তাহাদের সঙ্গে নৌকায় উঠিলেন। তরঙ্গী কতক দূর চলিয়াই স্থির রহিল। নৌকাবাহকগণ বলিতে লাগিল যে, কোন পলায়িত দাস এই নৌকার আছে, তজ্জন্ত নৌকা চলিতেছে না। ইয়ুনস বলিলেন, আমিই পলায়িত দাস। নৌকাধিকার লোকেরা কহিতে লাগিল, তুমি কেমন করিয়া পলায়িত দাস হইবে? তোমার ললাটে ও মুখমণ্ডলে পুরুষত্ব, মহত্ব ও সাধুতার লক্ষণ প্রকাশ পাইতেছে। তথাপি ইয়ুনস পুনঃ পুনঃ বলিতে লাগিলেন যে, আমিই পলায়িত দাস। তখন একরূপ রীতি ছিল যে, নৌকা না চলিলে পলায়িত দাসকে জলে নিক্ষেপ করা হইত, তাহা হইলে নৌকা চলিত। তখন ইয়ুনস নৌকাধিকার লোকদিগের কথা অগ্রাহ্য করিয়া, পুনঃ পুনঃ ‘আমি পলায়িত দাস’ বলিতে লাগিলেন। (ত, হো,)

§ নৌকাধিকার লোকেরা, কে পলায়িত দাস, ইহা নির্ণয় করিবার জন্ত স্তম্ভি ধরিল, স্তম্ভি তিন বার ইয়ুনসের নামেই উঠিল। (ত, হো,)

করিল ও সে (আপনার প্রতি) অত্যাযোগকারী ছিল *। ১৪১। অনন্তর যদি সে স্তুতিকারকদিগের অন্তর্গত না হইত, তবে তাহার উদরে পুনরুত্থানের দিন পর্য্যন্ত বাস করিত। ১৪২ + ১৪৩। অবশেষে আমি তাহাকে মরুভূমিতে বিসর্জন করি, তখন সে পীড়িত ছিল †। ১৪৪। এবং আমি তাহার উপর অলাবলতা উৎপাদন করি ‡। ১৪৫। এবং আমি তাহাকে লক্ষ অথবা অধিক লোকের নিকটে পাঠাইয়াছিলাম §। ১৪৬। পরে তাহারা বিশ্বাস স্থাপন করিল, অনন্তর নির্দিষ্ট কাল পর্য্যন্ত আমি তাহাদিগকে ফলভোগী করিলাম। ১৪৭। অবশেষে তুমি, (হে মোহম্মদ,) তাহাদিগের (প্রত্যেককে) প্রশ্ন কর যে, “তোমার ঈশ্বরের কি কণ্ঠা সকল আছে ও তাহাদের কি পুত্র আছে” || ? ১৪৮। আমি কি দেবতাদিগকে নারীরূপে সৃষ্টি করিয়াছি ? এবং তাহারা (তখন) উপস্থিত ছিল ? ১৪৯। জানিও, নিশ্চয় তাহারা আপনাদের মিথ্যাবাদিতা দ্বারা বলিতেছে যে, “ঈশ্বর জন্মদান করিয়াছেন; নিশ্চয় তাহারা অসত্যবাদী”। ১৫০ + ১৫১। পুত্রদিগের উপর কণ্ঠাদিগকে কি (পরমেশ্বর) মনোনীত করিয়াছেন ? ১৫২। তোমাদের কি হইয়াছে, তোমরা কিরূপ আজ্ঞা করিতেছ ? ১৫৩। অনন্তর তোমরা কি উপদেশ গ্রহণ করিতেছ না ? ১৫৪। তোমাদের জ্ঞান কি উজ্জল প্রমাণ আছে ? ১৫৫। তাহারা বলিল, “যদি তোমরা সত্যবাদী হও, তবে আপন গ্রন্থ উপস্থিত কর” ∴। ১৫৬। এবং তাহারা তাঁহার ও দৈত্যগণের মধ্যে কুটুদ্ভিতা

* তখন নৌকার লোকেরা তাঁহাকে জলে ফেলিয়া দেয়। পরমেশ্বর এক মংস্রকে প্রেরণ করেন। মংস্র তাঁহাকে গ্রাস করিয়া উদরস্থ করে। (ত, হো,)

† যদি ইয়ুনস আপনাকে ভৎসনা না করিয়া ঈশ্বরের স্তুতি করিত, তবে চিরকাল মংস্রের গর্ভে স্তুতি বলনার রত থাকিত। তাহা না করাতো পরমেশ্বর মংস্রকে উদ্বমন করিতে আদেশ করেন। মংস্র উদ্বমন করিয়া মরুভূমিতে তাঁহাকে নিক্ষেপ করে, তখন তিনি নিতান্ত সন্তোষপ্রসূত শিশুর স্থায় দুর্বল ছিলেন। (ত, হো,)

‡ মক্ষিকা দ্বারা তিনি উপদ্রুত ও যথোক্তাপে উৎপীড়িত না হইত, এই উদ্দেশ্যে পরমেশ্বর অলাবলতা দ্বারা তাঁহাকে আচ্ছাদিত করিয়া রাখিলেন। যে পর্য্যন্ত না তিনি দৃঢ় ও পুষ্ট এবং বলিষ্ঠ হইলেন, সে পর্য্যন্ত পার্শ্বভা ছাগ আসিয়া প্রতিদিন তাঁহার মূখে স্তন প্রদান করিত, তিনি দুগ্ধ পান করিতেন। (ত, হো,)

§ রাজা সংবাদ পাইয়া ইয়ুনসকে অভ্যর্থনা করিয়া লইয়া যান। তখন তিনি লক্ষ বা ততোধিক লোকের নিকটে উপস্থিত হন ও ধর্মপ্রচার করেন। (ত, হো,)

|| অর্থাৎ খজাআ ও মলিহ এবং অহিনবংশীয় লোকেরা দেবতাদিগকে ঈশ্বরের দুহিতা বলিত; তাহাদিগকে প্রশ্ন করিবার জন্য পরমেশ্বর হজরতকে আজ্ঞা করিতেছেন। (ত, হো,)

¶ তাহারা ইহা ভাবে না যে, ঈশ্বর স্রষ্টার সংশ্রব-বর্জিত, তিনি মনুষ্য-সদৃশ নহেন। এক জন্তু হইতেই অস্ত্র জন্তর জন্ম হইয়া থাকে, তিনি তদ্রূপ জন্তু নহেন। (ত, হো,)

∴ খজাআবংশীয় লোকেরা বলে যে, ঈশ্বর দৈত্যদিগের কণ্ঠা গ্রহণ করিয়াছেন, তাহা হইতে

স্থাপন করিয়াছে ; সত্য সত্যই দানবগণ জ্ঞাত আছে যে, তাহারা (শাস্তির জন্ত) সমানীত হইবে * । ১৫৭ । ঈশ্বরের বিস্তৃত দাসগণ ব্যতীত তাহারা যাহা বর্ণন করে, তদপেক্ষা ঈশ্বরের অধিক পবিত্রতা । ১৫৮ । অনন্তর নিশ্চয়, (হে কাফেরগণ,) তোমরা যাহাকে অর্চনা করিয়া থাক, তাহা (এই ;) তোমরা সকলে, যে ব্যক্তি নরকগামী, তাহাকে ব্যতীত (অন্ত কাহাকেও) তাহার (উপাশ্রু প্রতিমার) দিকে পথভ্রাস্তকারী নও । ১৫৯+১৬০+১৬১+১৬২+১৬৩ । এবং আমাদের মধ্যে (এমন কেহ) নাই, যাহার জন্ত নিদ্রিষ্ট স্থান নাই † । ১৬৪ ।+নিশ্চয় আমরা শ্রেণীবদ্ধনকারী । ১৬৫ । এবং নিশ্চয় আমরা স্তুতিকারী ‡ । ১৬৬ । এবং নিশ্চয় তাহারা বলিয়া থাকে, “যদি আমাদের নিকটে পূর্বতন লোকদিগের কোন স্মৃতিচিহ্ন (উপদেশগ্রন্থাদি) থাকিত, তবে অবশ্য আমরা ঈশ্বরের প্রেমিক দাসদিগের অন্তর্ভুক্ত হইতাম” । ১৬৭+১৬৮+১৬৯ । অনন্তর তাহারা তৎসমক্ষে (কোর-আন্ সমক্ষে) বিদ্রোহী হইল, পরে শীঘ্রই জ্ঞানিতে পাইবে । ১৭০ । এবং সত্য সত্যই স্বীয় প্রেরিত দাসদিগের সমক্ষে আমার উক্তি প্রথমেই হইয়াছে । ১৭১ । নিশ্চয় ইহারা তাহারাই, যে সাহায্য-প্রাপ্ত § । ১৭২ । আমার সেই সৈন্য যে, তাহারা বিজয়ী । ১৭৩ । অনন্তর তুমি, (হে মোহাম্মদ,) কিছুকাল পর্য্যন্ত তাহাদিগ হইতে বিমুখ থাক । ১৭৪ ।+এবং তাহাদিগকে দেখ, পরে তাহারাও শীঘ্র দেখিতে পাইবে । ১৭৫ । অনন্তর তাহারা কি আমার শাস্তি শীঘ্র চাহিতেছে ? ১৭৬ । পরে যখন তাহাদের অঙ্গনে (শাস্তি) অবতীর্ণ হইবে, তখন ভয়প্রাপ্ত লোকদিগের পক্ষে

দেবতাদের জন্ম হইয়াছে ; শূন্যোপাসকদিগের বিশ্বাস এই যে, শয়তানের সঙ্গে পরমেশ্বরের জাতৃসম্বন্ধ । (ত হো,)

* অনেকের মত এই যে, দৈতাই দেবতা । আরব্য লোকেরা অদৃশ্য জীবদিগকেই দৈত্য বলিত । তাহারা ঈশ্বরের সঙ্গে দৈত্যদিগের সম্বন্ধ ঘটাইয়াছিল ; অনেকে বলিত, দৈত্যগণ তাঁহাদের কন্যা । কিন্তু দৈত্যগণ জ্ঞাত আছে যে, তাহাদিগকে প্রহর করিবার জন্ত উপস্থিত করা হইবে । কাফেরগণ যে তাহাদিগকে পূজা করিয়াছে, তদ্বিষয়ে তাহাদিগের প্রতিও কেয়ামতে প্রশ্ন হইবে । (ত, হো,)

+ অর্থাৎ যে কোন স্থান সাধন ভক্তদের জন্ত নির্ধারিত রহিয়াছে, প্রত্যেককে তাহা মাত্র করিতে হয় । শেখ আবুবকর ওরাক বলিয়াছেন যে, এ স্থানে নিদ্রিষ্ট স্থান শব্দ বক্ষঃস্থলকে বুঝাইবে । যথা ভয়, আশা, প্রেম ও বাধ্যতা প্রত্যেক সাধু মহাত্মার বক্তের বিশেষ বিশেষ স্থানে স্থিতি করে । (ত, হো,)

‡ প্রেরিতমহাপুরুষ ও বিশ্বাসী লোকদিগের এই উক্তি । তাহারা বলেন যে, পরলোকে আমাদের প্রত্যেকের জন্ত স্থান নিদ্রিষ্ট আছে । এক্ষণ আমরা কার্গ-শ্রেণীতে দণ্ডায়মান আছি ও উপাসনা এবং স্তুতি বন্দনা দ্বারা ঈশ্বরকে স্মরণ করিয়া থাকি । (ত, হো,)

§ অর্থাৎ প্রেরিতপুরুষদিগকে সাহায্য দান করার অঙ্গীকারাদি ঈশ্বরের স্বর্গস্থ গ্রন্থে লিপিবদ্ধ আছে । যথা, ঈশ্বর লিপি করিয়াছেন যে, আমি ও আমার প্রেরিতপুরুষ অবশ্য বিজয়-লাভের অধিকারী । (ত, হো,)

প্রাতঃকালে অন্তত ঘটিবে * । ১৭৭ । এবং তুমি কিছুকাল পর্যন্ত তাহাদিগ হইতে বিমুখ হও । ১৭৮ । + দেখ, পরে তাহারাও অবশ্য দেখিতে পাইবে । ১৭৯ । তাহারা যাহা বর্ণন করিয়া থাকে, তাহা অপেক্ষা তোমার প্রতিপালক (অধিক) গৌরবান্বিত প্রভু, পবিত্র । ১৮০ । এবং প্রেরিতপুরুষদিগের প্রতি সেলাম হোক । ১৮১ । + বিশ্বপালক পরমেশ্বরেরই সম্যক প্রশংসা । ১৮২ । (র, ৫, আ, ৪৫)

সূরা স +

.....

অষ্টত্রিংশ অধ্যায়

.....

৮৮ আয়ত, ৫ রকু

(দাতা দয়ালু পরমেশ্বরের নামে প্রবৃত্ত হইতেছি ।)

স § উপদেশক কোর-আনের শপথ । ১ । বরং যাহারা ধর্ম্মত্রোহী হইয়াছে, তাহারা অবাধ্যতা ও বিপক্ষতার মধ্যে আছে । ২ । তাহাদের পূর্বে কত দলকে আমি সংহার করিয়াছি, তখন তাহারা চিৎকার করিয়াছিল, সেই সময়ে উদ্ধারের (উপায়) ছিল না । ৩ । এবং তাহারা আশ্চর্যান্বিত হইয়াছিল যে, তাহাদের মধ্য হইতে তাহাদের নিকটে ভয়প্রদর্শক আগমন করিল ও কাকেরগণ বলিল, “এ মিথ্যাবাদী ঐশ্বরজালিক ।

* পুরাকালে আরব্য লোকদিগের মধ্যে লুঠন ও হত্যাকাণ্ড অত্যন্ত প্রবল ছিল । যে সকল সৈন্ত কোন পরিবারকে আক্রমণ করিবার ইচ্ছা করিত, তাহারা সমুদায় রাত্রি পর্যটন করিয়া গভীর নিদ্রার সময় প্রাতঃকালে বাইয়া হত্যা ও লুঠনব্যাপারে প্রবৃত্ত হইত ও পরিবারটিকে সমূলে সংহার করিত । সাধারণতঃ লুঠনাদি কার্য প্রাতঃকালে হইত বলিয়া লুঠনের নাম (‘সবা’) প্রাতঃকাল রাখা হইয়াছে । অন্ত সময়ের লুঠনাদি ব্যাপারকেও প্রাতঃকাল বলিয়া থাকে, এক্ষণ অন্ত প্রাতঃকাল বলিয়া এখানে উল্লিখিত হইয়াছে । কথিত আছে যে, প্রাতঃকালে হজরত খয়রর প্রদেশে উপনীত হন, তখন সেখানকার চুর্গ দর্শন করিয়া বলেন, “ঈশ্বরই শ্রেষ্ঠ । আমি খয়ররকে বিনষ্ট করিলাম ।” তৎকালে এই আয়তের পুনরুক্তি হয় । (ভ, হো,)

+ এই সূরা মক্কাতে অবতীর্ণ হইয়াছে ।

‡ মহান্না আবুবেকর ওরাক ও কংরব বলেন যে, যাবচ্ছেদক বর্ণাবলী কাকেরদিগকে শান্ত রাখিবার জন্য আবির্ভূত হইত । সকল সময়ে হজরত উপাসনাকালে উঠেঃখরে কোর-আন পড়িতেন । ধর্ম্মবিষেবী লোকেরা বিষেবশতঃ শীশ দানে রত থাকিত, এবং করতালি দিত, যেন তাঁহার পাঠে

৪। এ ঈশ্বরসমূহকে এক ঈশ্বরে পরিণত করে, নিশ্চয় ইহা আশ্চর্য্য বাপার” *। ৫। এবং তাহাদের নিকট হইতে প্রধান পুরুষগণ চলিয়া গেল, (পরস্পর বলিতে লাগিল) যে, “চলিয়া যাও ও স্বীয় ঈশ্বরগণের উপর ধৈর্য্য ধারণ কর, নিশ্চয় এবিষয় প্রত্যাশিত হইয়াছে। ৬। পরবর্তী ধর্ম্মের মধ্যে আমরা ইহা শ্রবণ করি নাই, † ইহা কল্পিত ভিন্ন নহে। ৭। আমাদের মধ্য হইতে কি তাহার প্রতি উপদেশ অবতীর্ণ হইল?” বরং তাহারা আমার উপদেশসম্বন্ধে সন্দ্বিষ্ট, বরং (এক্ষণ পর্য্যন্ত) তাহারা আমার শান্তি আশ্বাদন করে নাই। ৮। তাহাদের নিকটে কি তোমার দাতা বিজ্ঞতা প্রতিপালকের অহুগ্রহের ভাণ্ডার আছে? ৯। স্বর্গ ও পৃথিবীর এবং উভয়ের মধ্যে যাহা কিছু আছে, তাহার রাজত্ব কি তাহাদের? অনন্তর রজ্জ্বযোগে তাহাদের উপরে উঠা আবশ্যক ‡।

ব্যাখ্যাত হয় ও তিনি অশুদ্ধ পড়েন। তখন ঈশ্বর এই সকল অক্ষর প্রেরণ করেন। হজরতের মুখে তাহারা উহা শ্রবণ করিয়া তাহার অর্থ বুঝিতে না পারিয়া চিন্তায় প্রবৃত্ত হইত, এবং গোলযোগ করিয়া কিয়ৎকণ হজরতের মন বিক্ষিপ্ত করিতে পারিত না। স, এই বর্ণে প্রষ্টা ও মহান ইত্যাদি ঈশ্বরের গুণবাচক বিশেষ বিশেষ নাম, বা হজরত মোহাম্মদের কিংবা কোর-আনের নাম ইত্যাদি বুঝায়। (ত, হো,)

* হম্জা ও ওমর এসলাম ধর্ম্মে দীক্ষিত হইলে পর, সম্ভ্রান্ত কোরেশগণ বাস্তব হইয়া হজরতের পিতৃব্য আবুতালেবের নিকটে আগমনপূর্ব্বক বলে যে, “তুমি আমাদের মধ্যে শ্রেষ্ঠ ও যোগ্য লোক, আমরা তোমার নিকটে একজ্ঞ আসিয়াছি যে, তুমি তোমার ভ্রাতৃপুত্র ও আমাদের মধ্যে একটা মীমাংসা স্থাপন করিবে। সে আমাদের দলের এক একজন নির্দোষ লোককে প্রবক্তা করিতেছে, নূতন ধর্ম্ম ও নূতন বিধি সকল অমুক্ণ প্রচার করিয়া আমাদের জাতিমধ্যে বিচ্ছেদ আনয়ন করিতেছে। পরে এই অগ্নি নির্দোষ করা যে দুরূহ হইবে, তাহার উপক্রম হইয়াছে।” আবুতালেব তাহাদের এই কথায় হজরতকে ডাকিয়া বলেন, “মোহাম্মদ, তোমার জাতিগণ আসিয়াছেন, তোমার নিকটে তাহাদের প্রার্থনিতব্য এই যে, তুমি একেবারে উদ্বিগ্নচারী না হও, তাহাদের আবেদনে মনোযোগ বিধান কর।” হজরত জিজ্ঞাসা করিলেন, “হে কোরেশ বহুগণ, আপনাদের অভিলাষ কি?” তাহারা বলিল, “আমাদের ধর্ম্মের অনিষ্ট সাধন করিও না, আমাদের ঈশ্বরদিগের নিম্না হইতে নিবৃত্ত থাক, আমরাও তোমাকে এবং তোমার অনুগত লোকদিগকে নিপীড়ন করিব না।” হজরত বলিলেন, “আমিও আপনাদের নিকটে একটা প্রার্থনা করি, একটা কথায় আমার সঙ্গে যোগ দিতে হইবে। তাহা হইলে সমগ্র আরবদেশ আপনাদের অধিকারভুক্ত হইবে ও আজম দেশের সম্ভ্রান্ত লোকেরাও আপনাদের আজ্ঞাবহ থাকিবে।” কোরেশগণ জিজ্ঞাসা করিলেন, “সেই কথা কি?” হজরত বলিলেন, ঈশ্বর একমাত্র অধিতীয়, এই কথা মাজ্জ করিতে হইবে।” ইহা শুনিয়া সেই প্রধান পুরুষগণ বিস্মিত হইলেন ও পরস্পর এইরূপ বলিতে লাগিলেন। (ত, হো,)

+ পরবর্তী ধর্ম্ম পিতৃপিতামহের অবলম্বিত ধর্ম্ম। (ত, হো,)

‡ অর্থাৎ যদি কাফেরদিগের পৃথিবীতে ও স্বর্গরাজ্যে কোন ক্ষমতা ও কর্তৃত্ব থাকে, তবে তাহাদের উচিত যে, আকাশে উঠে ও উচ্চতম স্বর্গে স্থিতি করিয়া জগতের কার্য্যপ্রণালীর ব্যবস্থা করিতে নিযুক্ত হয়; বাহা হইতে ইচ্ছা হয়, প্রত্যাদেশ নিবৃত্ত রাখে, যাহার প্রতি ইচ্ছা হয়, তাহা প্রদান করে।

(ত, হো,)

১০। পরাজিত দলের এক সৈন্যদল এখানে আছে *। ১১। তাহাদের পূর্বে হুহার সম্প্রদায় ও আদ ও কৌলখারী ফেরওণ † (প্রেরিতদিগের প্রতি) অসত্যারোপ করিয়াছিল। ১২। + এবং সমুদ ও লুতীয় সম্প্রদায় ও এয়াকান্নিবাসিগণ এই সকল দল ‡। ১৩। প্রেরিতপুরুষদিগকে অসত্যারোপ করিয়াছে ভিন্ন কেহ ছিল না, অনন্তর আমার শাস্তি নির্দ্ধারিত হইল। ১৪। (র, ১, আ, ১৪)

এবং ইহারা (প্রলয়ের) এক (সূর) ধ্বনি ভিন্ন প্রতীক্ষা করিতেছে না, তাহার কোন বিলম্ব নাই। ১৫। এবং তাহারা (উপহাসচ্ছলে) বলে, “হে আমাদের প্রতিপালক, বিচার-দিবসের পূর্বে তুমি আমাদের পত্রিকা দান কর” §। ১৬। তাহারা যাহা বলিতেছে, তৎপ্রতি তুমি, (হে মোহম্মদ,) ধৈর্য ধারণ কর, এবং আমার দাস শক্তিশালী দাউদকে স্মরণ কর, নিশ্চয় সে পুনর্জীবনকারী ছিল। ১৭। নিশ্চয় আমি গিরিশ্রেণীকে তাহার সঙ্গে বাধ্য রাখিয়াছিলাম, প্রাতঃসন্ধ্যা তাহারা স্তব করিত। ১৮। এবং একত্রীকৃত পক্ষী সকলকে বাধ্য করিয়াছিলাম, প্রত্যেকে তাহার প্রতি পুনর্জীবনকারী ছিল ॥ ১৯। এবং তাহার রাজ্যকে আমি দৃঢ় করিয়াছিলাম ও তাহাকে বিজ্ঞান ও মীমাংসার বাক্য (শিক্ষা) দান করিয়াছিলাম। ২০। এবং তোমার নিকটে কি, (হে মোহম্মদ,) পরস্পর বিরোধকারীদিগের সংবাদ পহুঁছিয়াছে ? (স্মরণ কর,) যখন তাহারা প্রাচীর লঙ্ঘন করিয়া মন্দিরে উপস্থিত হইল। ২১। + যখন তাহারা দাউ-

* এতান অর্থে বদরের রণক্ষেত্র। অর্থাৎ বদরে কোরেশগণ হজরতের বিরুদ্ধে যুদ্ধ করিবার জন্য সৈন্য উপস্থিত করিয়া পরাজিত হইবে। কোর-আন যে ঐশ্বরিক গ্রন্থ, এই আয়ত তাহার একটি প্রমাণ। মদিনাগমনের পর যে বদরে যুদ্ধ হইবে ও কাকেরগণ পরাজিত হইয়া পলায়ন করিবে, পরমেশ্বর পূর্ন হইতে মক্কাতেই হজরতকে এই সংবাদ দান করিলেন। (ত, হো,)

+ ফেরওণকে কৌলখারী বলিবার তাৎপর্য এই যে, তাহার নিকটে চারিটি লৌহকীলক ছিল, তদ্বারা সে বিশ্বাসী পুরুষদিগকে উৎপীড়ন করিত।

‡ সমুদ জাতি প্রেরিতপুরুষ সালেহকে মিথ্যাবাদী বলিয়াছিল। প্রথমতঃ সমুদ সালেহের উপদেশ গ্রহণ করে; দ্বিতীয়বার যখন তিনি উপস্থিত হইয়া ঈশ্বরের দিকে আসিবার জন্য তাহাদিগকে নিমন্ত্রণ করেন, তখন তাহারা তাঁহাকে মিথ্যাবাদী বলিয়া অগ্রাহ্য করিয়াছিল। কথিত আছে, তাঁহাব মৃত্যুর পর সমুদজাতি ধর্ম পরিত্যাগ করে। পরমেশ্বর পুনর্বার তাঁহাকে জীবিত করিয়া তাহাদের নিকটে প্রেরণ করেন, সেই সময় তাহারা সালেহকে চিনিতে পারে না। তিনি যে প্রেরিতপুরুষ, তাহার প্রমাণ চাহে। তদুপলক্ষে প্রমাণস্বরূপ পাষণ হইতে উষ্ট্র বাহির হয়। তখন কতক লোক বিশ্বাস স্থাপন করে, কতকগুলি লোক তাঁহাকে মিথ্যাবাদী বলে, তাহারা বিনাশ প্রাপ্ত হয়। (ত, হো,)

§ অর্থাৎ মক্কার কাকেরগণ যখন হজরতের মুখে কেরামতের শাস্তির কথা শ্রবণ করিত, তখন উপহাস করিয়া বলিত, আমাদের শাস্তির ভাগ বা নিদর্শনলিপি এক্ষণই দাও। (ত, ফা,)

॥ পর্বতাদির স্তব স্তুতি করা আপাততঃ যদিচ অসম্ভব বলিয়া বোধ হয়, কিন্তু ঈশ্বরের শক্তি কোশলে ইহা হওয়া আশ্চর্য কিছুই নহে। পর্বত ও পক্ষী সকল দাউদের অমুগত ছিল, তাহার সঙ্গে সঙ্গে তাহারা চলিত, তাহার সুরের সঙ্গে সুর মিলাইয়া গান করিত। (ত, হো,)

দের নিকটে প্রবেশ করিল, তখন সে তাহাদিগ হইতে ভীত হইল; তাহারা বলিল, “তুমি ভয় করিও না, আমরা দুই বিরোধকারী, আমাদের একজন অস্ত্রের প্রতি অত্যাচার করিয়াছে; অতএব তুমি গ্রাম্যভূসারে আমাদের মধ্যে বিচার কর, অত্যাচার করিও না, এবং সরল পথের দিকে আমাদিগকে চালনা কর *। ২২। নিশ্চয় এ আমার ভ্রাতা, তাহার উনশত মেঘ আছে, এবং আমার একটি মাত্র মেঘ, পরে সে বলিয়াছে, ইহা আমাকে অর্পণ কর; এবং এ কথায় সে আমাকে আক্রমণ করিয়াছে”। ২৩। সে (দাউদ) বলিল, “সত্য সত্যই সে আপনার মেঘদলের দিকে তোমার মেঘ সকলকে আনয়ন করিতে চাহিয়া তোমার প্রতি অত্যাচার করিয়াছে;” নিশ্চয় যাহারা বিশ্বাস স্থাপন ও সংকল্প করিয়াছে, তাহারা ব্যতীত অধিকাংশ অংশী পরম্পরের প্রতি অত্যাচার করিয়া থাকে, এবং তাহারা (বিশ্বাসী লোক) অল্প। দাউদ বৃষ্টিতে পারিল যে, ইহা পরীক্ষা ভিন্ন নহে; অনন্তর আপন প্রতিপালকের নিকটে ক্ষমা প্রার্থনা করিল, এবং প্রণত ভাবে পতিত হইল ও (ঈশ্বরের দিকে) প্রত্যাগমন করিল †। ২৪। পরে আমি তাহার জন্ত উহা ক্ষমা করিলাম, এবং নিশ্চয় আমার নিকটে তাহার (উন্নত) পদ ও উত্তম পুনর্শ্লিলনভূমি হয়। ২৫। (বলিলাম,) “হে দাউদ, আমি তোমাকে পৃথিবীতে অধিপতি করিলাম, অনন্তর তুমি মানবকুলের মধ্যে গ্রাম্যভূসারে বিচার করিতে থাক, এবং প্রবৃত্তির অহুসরণ করিও না, তবে ঈশ্বরের পথ হইতে তোমাকে বিভ্রান্ত করিবে; নিশ্চয় যাহারা ঈশ্বরের পথ হইতে বিপথগামী হয়, তাহাদের জন্ত শাস্তি আছে, যেহেতু তাহারা বিচারের দিনকে ভুলিয়াছে”। ২৬। (র, ২, আ, ১২)

এবং ভূমণ্ডল ও নভোমণ্ডল ও যাহা কিছু উভয়ের মধ্যে আছে, তাহা আমি নিরর্থক সৃজন করি নাই; (নিরর্থক সৃজন) করিয়াছি, ধর্মদ্রোহীদিগের এই অহুমান।

* মহাপুরুষ দাউদ এইরূপ নিয়ম করিয়াছিলেন যে, একদিন বিচারালয়ে বসিয়া বিচার করিতেন, একদিন পরিবারবর্গের সহিত বাস করিতেন, একদিন সাধন ভজনের জন্ত নিজগৃহে থাকিতেন, তখন ঘরবান্ কাহাকে সেই ভজনাগারে প্রবেশ করিতে দিত না। সেই দিন কয়েক বাক্তি প্রাচীর লঙ্ঘন করিয়া তাঁহার নিকটে উপস্থিত হয়। (ত, কা,)

† কথিত আছে যে, এই দুই বারী প্রতিবাদী স্বর্গীয় দূত ছিলেন। তাহাদের অভিযোগের গূঢ় উদ্দেশ্য এই ছিল যে, “নরপাল দাউদের উনশত ভাৰ্গ্যা ছিল, একোন শত ভাৰ্গ্যাসঙ্গে একটি প্রতিবেশীর সন্দরী স্ত্রীর প্রতি তাহার দৃষ্টি পড়ে। সেই প্রতিবেশীর নাম উড়িয়া, স্ত্রীর নাম বংশেবা ছিল। তিনি সেই স্ত্রীকে দেখিয়াই প্রহরণ করিতে ইচ্ছুক হন, তাহার স্বামীকে সৈন্তস্রোতীভুক্ত করিয়া যুদ্ধক্ষেত্রে পাঠাইয়া দেন। যুদ্ধে সে প্রাণত্যাগ করে। তৎপর তিনি উক্ত যুবতীকে বিবাহ করেন। বংশেবার পাণিগ্রহণোদ্দেশ্যেই তিনি কোশল করিয়া উড়িয়াকে প্রবল শত্রুর সঙ্গে যুদ্ধ করিতে পাঠাইয়াছিলেন। দাউদ নিশ্চিত জানিতেন যে, সে যুদ্ধক্ষেত্রে হইতে ফিরিয়া আসিবে না।” সেই গুরুতর অপরাধ বুঝাইবার জন্তই স্বর্গীয় দূতদ্বিগের আগমন হইয়াছিল। (ত, কা,)

অনন্তর যাহারা অগ্নি (দণ্ড) সম্বন্ধে অবিশ্বাসী, তাহাদের প্রতি আক্ষেপ *। ২৭।
 যাহারা বিশ্বাস স্থাপন ও শুভ কর্ম সকল করিয়াছে, তাহাদিগকে কি আমি ধরাতলে
 উপজীবকারীদিগের তুল্য করিব? আমি কি ধর্মভীরুদিগকে কুক্রিয়ানীল লোকদিগের তুল্য
 করিব? ২৮। আমি এই গ্রন্থ তোমার প্রতি, (হে মোহাম্মদ,) যে অবতারণ
 করিয়াছি, তাহা কল্যাণবিধায়ক, যেন তাহার আয়ত সকল তাহারা অমুখ্যান করে, এবং
 যেন বুদ্ধিমান লোকেরা উপদেশ গ্রহণ করে। ২৯। এবং আমি দাউদকে সোলয়মান
 (পুত্র) দান করিয়াছিলাম, সে উত্তম দাস ছিল, নিশ্চয় সে পুনর্খিলনকারী ছিল। ৩০।
 (স্মরণ কর,) যখন তাহার নিকটে অপরাধে দ্রুতগতি অশ্ব সকলকে (তিনপদে)
 উপস্থিত করা হইল, তখন সে বলিল, “নিশ্চয় আমি স্বীয় প্রতিশালকের প্রসঙ্গ অপেক্ষা
 ধনাসক্তিকে ভালবাসি;” এতদূর পর্য্যন্ত যে, (সূধ্য) আবরণের দিকে ঝুঁকিয়া ছিল।
 ৩১+৩২। (বলিল,) “আমার নিকটে সে সকল ফিরাইয়া আন;” পরে (করবালযোগে
 অশ্বসকলের) পদে ও গলদেশে সংঘর্ষণে প্রবৃত্ত হইল। ৩৩। এবং সত্য সত্যই
 আমি সোলয়মানকে পরীক্ষা করিয়াছিলাম, তাহার সিংহাসনের উপর এক কলেবর
 স্থাপন করিয়াছিলাম, তৎপর সে ফিরিয়া আসে §। ৩৪। সে বলিয়াছিল, “হে আমার

* অর্থাৎ জগৎ নিরর্থক সৃষ্ট হয় নাই, জগৎসৃষ্টিতে আমার পূর্ণ শক্তি ও কৌশল জাঙ্ঘল্যমান
 বিজ্ঞমান। কাকেরগণ তাহা বুঝে না, তাহারা অমুমান করে যে, আমি ছালোক ভুলোক নিরর্থক
 সৃষ্টি করিয়াছি। (ত, হো,)

† ধর্মহোমী কোরেশগণ বিশ্বাসীদিগকে বলিয়াছিল যে, পরলোকে ঈশ্বর আত্মাদিগকে
 তোমাদের তুল্য বা তোমাদিগ অপেক্ষা অধিক দান করিবেন। তাহাতেই এই আয়ত অবতীর্ণ
 হয়। (ত, হো,)

‡ কথিত আছে যে, সোলয়মান ধর্মবিশেষীদিগের সঙ্গে যুদ্ধ করিয়া সহস্র অশ্ব তাহাদিগ
 হইতে গ্রহণ করিয়াছিলেন। কেহ কেহ বলেন যে, দাউদ অমালেকা জাতির সঙ্গে সংগ্রাম করিয়া
 সহস্র ঘোটক লইয়াছিলেন; সোলয়মান উত্তরাধিকারহুত্রে তাহা প্রাপ্ত হন। অস্ত্র উল্লসিত হইয়াছে,
 কতকগুলি পক্ষধারী সামুদ্রিক ঘোটক ছিল, দৈত্যগণ সমুদ্র হইতে সোলয়মানের জন্ত সে সকল
 আনয়ন করিয়াছিল। এখানে প্রসঙ্গ অর্থে উপাসনা; অর্থদর্শনে সোলয়মান একপ আকৃষ্ট হইয়াছিলেন
 যে, আপাত্তিক উপাসনা ভুলিয়া যান, এবং সূধ্য অন্তর্মিত হয়। অথের প্রতি আসক্তিবশতঃ
 তিনি ঈশ্বরোপাসনা হইতে নিবৃত্ত হইলেন বলিয়া, পরে অত্যন্ত অনুতপ্ত হন; এই দুঃখে ঘোটক-
 বৃন্দকে বধ করিতে আদেশ করেন। তিনি অশ্ব সকলের পদে ও গলদেশে করবালদ্বারা সংঘর্ষণে
 প্রবৃত্ত হইলেন; অর্থাৎ কষ্ট দ্বিগুণ করিতে প্রবৃত্ত হইলেন। সেই সময়ে অশ্বমাংস-ভোজন বৈধ
 ছিল, ভোজনের জন্ত পদের মাংস সকল ছেদন করিতে লাগিলেন। তিন পদে দণ্ডায়মান হওয়া
 অথের বিশেষ প্রশংসা। (ত, হো,)

§ কথিত আছে যে, সোলয়মান অত্যন্ত পীড়িত হইয়াছিলেন, কেহ প্রাণশূন্য প্রতীয়মান হইয়াছিল,
 রাজ্যে অশান্তি উপস্থিত না হয়, এই উদ্দেশ্যে ঠাহাকে সিংহাসনের উপর বসাইয়া রাখা হয়। পরে
 তিনি আরোপ্যের দিকে ফিরিয়া আইসেন। একপ প্রসিদ্ধি যে, কোন অধর্মের জন্ত সোলয়মানের

প্রতিপালক, আমাকে ক্ষমা কর, এবং আমাকে (এমন) রাজত্ব দান কর যে, আমার পরে কাহারও জ্ঞান উপযুক্ত নয়; নিশ্চয় তুমি বদাশ্ব *। ৩৫। পরে আমি তাহার জ্ঞান বায়ুকে বাধ্য করি, যেখানে সে চাহিয়াছে। তাহার আদেশক্রমে তথায় মন্দ মন্দ প্রবাহিত হইয়াছে। ৩৬। এবং প্রত্যেক প্রাসাদনিৰ্মাণকারী ও বারিগর্ভে প্রবেশকারী শয়তান সকলকে (বাধ্য করিয়াছিলাম)। ৩৭। + এবং অশ্ব (দৈত্যগণ) শৃঙ্খলে পরস্পর সম্বন্ধ ছিল †। ৩৮। আমি বলিয়াছিলাম, ইহা আমার দান, পরে (তাহাদিগকে) অভয় দান কর, বা গণনা না করিয়া আবদ্ধ রাখ। ৩৯। এবং নিশ্চয় আমার নিকটে তাহার জ্ঞান সান্নিধ্য ও পুনর্জন্ম আছে। ৪০। (র, ৩, আ, ১৪)

এবং আমার দাস আয়ুবকে স্মরণ কর, যখন সে আপন প্রতিপালককে ডাকিল যে, “নিশ্চয় আমাকে শয়তান উৎপীড়ন ও যন্ত্রণা দ্বারা আক্রমণ করিয়াছে” ‡। ৪১। (আমি বলিয়াছিলাম,) তুমি আপন পদদ্বারা (ভূমিকে) আঘাত কর, ইহা স্নানভূমি ও শীতল পানীয়ভূমি §। ৪২। আমার নিজের দাব্যবশতঃ এবং বৃদ্ধিমান লোকদিগের উপ-

রাজ্যসম্বন্ধীয় অঙ্গুরীয় অঙ্গুলিচ্যুত হইয়াছিল। সেই অঙ্গুরীয়কের সত্যাব এ প্রকার ছিল যে, তাহা অঙ্গুলিতে যে ব্যক্তি ধারণ করিত, সেই সোলয়মানের আকৃতি লাভ করিত। সেই অঙ্গুলিচ্যুত অঙ্গুরীয়ক সোলয়মানের অঙ্গুরের সখরা নামক এক দৈত্য প্রাপ্ত হয়, সে তাহা পরিধান করিয়া চল্লিশ দিন সোলয়মানের সিংহাসনে উপবিষ্ট থাকে। পরে অঙ্গুরীয়ক সোলয়মানের হস্তগত হয় এবং তিনি রাজ্যে ফিরিয়া আইসেন, তৎপর দীনভাবে প্রার্থনা করেন। (ত, হো,)

* সোলয়মান দৈববলে জানিতে পারিয়াছিলেন যে, পার্শ্বিক রাজ্যের প্রতি হজরত মোহাম্মদেব দৃষ্টি নিপতিত হইবে না। যেহেতু পৃথিবী ও পৃথিবীস্থ সমুদায় সম্পদ তাহার নিকট মশকের পালক-তুলাও পরিগণিত হয় নাই, এ জ্ঞান তিনি এ প্রকার প্রার্থনা করিয়াছিলেন। কেহ বলিয়াছেন, সোলয়মানের পার্শ্বিক রাজ্য ফিলিস্তিন ও শক্তিগত রাজ্য। এই রাজ্য হজরত মোহাম্মদ প্রাপ্ত হইয়াছিলেন। হজরত বলিয়াছেন যে, একদা এক দৈত্য অকস্মাৎ আমার নিকটে উপস্থিত হইয়া আমার নমাজ ভঙ্গ করিতে উদ্যত হইয়াছিল; ঈশ্বর আমাকে শক্তি দান করিলেন, আমি তাহাকে ধরলাম, এবং ইচ্ছা করিলাম যে, তাহাকে মসজিদের স্তম্ভে বাঁধিয়া রাখি। পরে সোলয়মানের প্রার্থনা স্মরণ করিয়া তাহাকে ছাড়িয়া দেই, সে নিরাশ ও অকৃতকার্য হইয়া ফিরিয়া যায়। (ত, হো,)

† সোলয়মানের অঙ্গুরের কতকগুলি দৈত্য সমুদ্রগর্ভে নিমগ্ন হইয়া মণিসমূহ আহরণ করিত, কতকগুলি স্থপতির কার্য্য করিত। যে সকল দৈত্য উচ্ছৃঙ্খল ও অব্যাহা হইয়াছিল, সোলয়মান তাহাদিগকে শৃঙ্খলে বদ্ধ করিয়া রাখিতেন, যেন কাহাকে উৎপীড়ন না করে। (ত, হো,)

‡ আয়ুবের রোগ বিপদ দুঃখ দেখিয়া শয়তান সন্তোষ প্রকাশ করিতেছিল, এবং অনুযোগ করিয়া বলিতেছিল, “কি ভাবিতেছ? ঈশ্বর যে তোমা হইতে সম্পদ কাড়িয়া লইলেন, এবং দুঃখ বিপদে আক্রান্ত করিলেন।” পরে শয়তানের কুমন্ত্রণায় আয়ুবকে তাহার আঙ্গুরীয় বজনেরা দেশচ্যুত করে; তাহারায় ভয় পাইয়াছিল যে, তাহার রোগ বা তাহাদের মধ্যে সংক্রামিত হয়। আখিয়া নুরাতে আয়ুবের কষ্টে বৃত্তান্ত বিবৃত হইয়াছে। পরিশেষে ঈশ্বর তাহার প্রার্থনা গ্রহণ করেন। (ত হো)

§ পরে আয়ুব ঈশ্বরের আদেশানুসারে মৃত্যুকায় পদাঘাত করেন, তাহাতে দুই জনশ্রোত বাহির

দেশের জগ্ন তাহাকে আমি তাহার পরিজন এবং তাহাদের অনুরূপ তাহাদের সঙ্গী দান করিয়াছিলাম * । ৪৩ । এবং (বলিয়াছিলাম,) স্বহস্তে শাখাপুঞ্জ গ্রহণ কর, পরে তদ্বারা আঘাত কর, শপথ ভঙ্গ করিও না ; † নিশ্চয় আমি তাহাকে সহিষ্ণু প্রাপ্ত হইয়াছিলাম, সে উত্তম দাস ছিল, নিশ্চয় সে পুনর্জন্মকারী ছিল । ৪৪ । এবং হস্তবান্ ও চক্ষুমান্ আমার দাস এব্রাহিম ও এস্‌হাক এবং ইয়কুবকে স্মরণ কর ‡ । ৪৫ । নিশ্চয় আমি পরলোকস্মরণরূপ শুদ্ধ প্রকৃতিতে তাহাদিগকে চিহ্নিত করিয়াছিলাম । ৪৬ । এবং নিশ্চয় তাহারা আমার নিকটে গৃহীত সাধুদিগের অন্তর্গত ছিল । ৪৭ । এসমায়িল ও ইয়সা এবং জোল্‌কেফলকে স্মরণ কর, তাহারা প্রত্যেকে সাধুদিগের অন্তর্গত ছিল § । ৪৮ । ইহা (এই প্রেরিত পুরুষদিগের তত্ত্ব) স্মরণীয়, নিশ্চয় ধর্ম্মভীরু লোকদিগের জগ্ন উৎকৃষ্ট পুনর্গমন-স্থান আছে । ৪৯ । তাহাদের জগ্ন নিত্য উজ্জ্বল সকল দ্বার প্রমুক্ত করিয়া আছে । ৫০ । তথায় তাহারা উপাধানে ভর দিয়া থাকিবে, তথায় তাহারা প্রচুর ফল ও পানীয় চাহিবে । ৫১ । এবং তাহাদের নিকটে সমবয়স্কা ঈশ্বরীমূলিতলোচনা নারীগণ থাকিবে । ৫২ । বিচারের দিবসের জগ্ন যাহা অঙ্গীকৃত হইয়াছে, তাহা ইহাই । ৫৩ । নিশ্চয় ইহা আমার (প্রদত্ত) উপজীবিকা, ইহার কোন বিনাশ নাই । ৫৪ । + এই (বিনিময়,) নিশ্চয় সীমালঙ্ঘনকারীদিগের জগ্ন মন্দ প্রত্যাগমন-ভূমি নরক লোক, তথায় তাহারা প্রবিষ্ট হইবে, পরন্তু উহা দ্রঘণ্তম স্থান । ৫৫ + ৫৬ । এই (শাস্তি) উষ্ণ

হয়, একটি উষ্ণ প্রস্রবণ, একটি শীতল প্রস্রবণ । উষ্ণ প্রস্রবণটি স্নানের জগ্ন হয়, আয়ুব তাহাতে স্নান করিয়া শারীরিক রোগ হইতে সম্পূর্ণরূপে মুক্ত হন, এবং শীতল প্রস্রবণের জল পান করিয়া আন্তরিক রোগ হইতে মুক্তিলাভ করেন । কথিত আছে যে, একটিমাত্র প্রস্রবণই ছিল, স্নানের সময় উহার জল উষ্ণ, পানের সময় শীতল হইত !

(ত, হো,)

* অর্থাৎ আয়ুবের মৃত সন্তান সন্ততি পুনর্জীবিত হইল, এবং সেই সন্তানদিগের অনুরূপ দ্বিগুণ সন্তান হইল ।

(ত, হো,)

+ আয়ুবের পত্নীর নাম রহিমা ছিল ; আয়ুব যখন গুরুতর রোগে আক্রান্ত, তখন সে কার্য্যানুরোধে স্থানান্তরে গিয়াছিল, তথায় অনেক বিলম্ব করে, তাহাতে আয়ুব তাহাকে এক শত যষ্টির আঘাত করিবেন বলিয়া প্রতিজ্ঞা করেন । ঈশ্বর-প্রসাদে আরোগ্য লাভ করিলে পর তিনি সেই প্রতিজ্ঞা স্মরণ করিয়া প্রহারের ইচ্ছা করেন, তাহাতেই এই উক্তি হয় ।

(ত, হো,)

‡ হস্তবান্ ও চক্ষুমান্ অর্থে সংকল্পশীল ও তত্ত্বজ্ঞ ।

(ত, হো,)

§ ইয়সা আখতুবের পুত্র এবং প্রেরিত পুরুষ এলিয়াসের স্থলাভিষিক্ত ছিলেন, পরে তিনি প্রেরিতত্ব লাভ করেন । জোল্‌কেফল আয়ুবের পুত্র ছিলেন । পিতার মৃত্যুর পর তিনি প্রেরিত হন, এবং শাম দেশের কোন বিশেষ জাতির নেতৃত্বপদ লাভ করেন । পরমেশ্বর কর্তৃক তিনি জোল্‌কেফল নামে অভিহিত হন ; অনেকে, তিনি সেই ইয়সাই, এরূপ জানেন । এলিয়াস কর্তৃক ধর্ম্ম-স্থাপনের ভারপ্রাপ্ত হইয়াই তাঁহার জোল্‌কেফল নাম হয় । জোল্‌কেফল শব্দের অর্থ ভারবাহক ।

(ত, হো,)

জল ও পিক, তাহারা তাহা আশ্বাদন করিবে। ৫৭। ঈদৃশ নানাপ্রকার অশ্রু (শান্তি) আছে। ৫৮। তোমাদের সঙ্গে এই দল (নরকে) আগমনকারী ; (দেবগণ বলিবে,) “ইহাদের প্রতি কোন সাধুবাদ না হোক, নিশ্চয় ইহারা নরকানলে প্রবেশ করিবে” *। ৫৯। তাহারা (অনুগামিগণ) বলিবে, “বরং তোমরা সেই লোক, যে তোমাদের প্রতি সাধুবাদ না হোক ; তোমরাই তাহাকে (শান্তিকে) আমাদের অশ্রু উপস্থিত করিয়াছ, অনন্তর কুংসিত স্থান (নরক)। ৬০। তাহারা বলিবে, “হে আমাদের প্রতিপালক, যে ব্যক্তি আমাদের অশ্রু ইহা উপস্থিত করিয়াছে, পরে অগ্নির মধ্যে তাহার সম্বন্ধে দ্বিগুণ শান্তি বৃদ্ধি করিয়া দাও”। ৬১। এবং তাহারা বলিবে, “আমাদের কি হইয়াছে যে, আমরা সেই সকল লোককে দেখিতেছি না, যাহাদিগকে আমরা নিকৃষ্ট গণনা করিয়াছিলাম †। ৬২। আমরা কি তাহাদিগের প্রতি উপহাস করিলাম, বা তাহাদিগ হইতে (আমাদের) চক্ষুসকল বাকিয়া গিয়াছে” ‡। ৬৩। নিশ্চয় এই নরকবাসীদিগের বিবাদ সত্য। ৬৪। (র, ৪, আ, ২৪)

তুমি বল, (হে মোহম্মদ), “আমি ভয়প্রদর্শনকারী, এতদ্বির নহি ; এবং এক পরাক্রান্ত ঈশ্বর ব্যতীত কোন উপাস্ত নাই। ৬৫। তিনি ভুলোক ও দ্ব্যলোকের এবং উভয়ের মধ্যে যে কিছু আছে, তাহার প্রতিপালক ; তিনি পরাক্রান্ত ক্ষমানীল”। ৬৬। তুমি বল, “(কেয়ামতের) সেই সংবাদ মহান্। ৬৭। +তোমরা তাহার অগ্রাহকারী। ৬৮। তাহা হইলে যখন পরস্পর বাথিতগু করিতে, তখন এই উন্নত দলের (দেবগণের) সম্বন্ধে আমার কোন জ্ঞান থাকিত না §। ৬৯। আমি স্পষ্ট ভয়প্রদর্শক, এ বিষয়ে ব্যতীত আমার প্রতি প্রত্যাদেশ প্রেরিত হয় না”। ৭০। (স্মরণ কর,) যখন তোমার প্রতিপালক দেবগণকে বলিলেন, “নিশ্চয় আমি স্মৃতিকায়োগে মহুগ্নের সৃষ্টিকর্তা। ৭১। অনন্তর

* অর্থাৎ ধর্মদ্রোহী কোরেশদলপতিদের সঙ্গে তাহাদের অনুগত লোকেরাও নরকে যাইবে।

(ত, হো,)

† অর্থাৎ যখন ধর্মবিশেষী কোরেশগণ নরকের দিকে দৃষ্টিপাত করিবে, তখন দীন দুঃখী মোসলমানদিগকে, যথা, এমার, সহিব ও খোকাব এবং বেলালকে দেখিতে পাইবে না, এবং এইরূপ বলিবে।

(ত, হো,)

‡ নরকে হেয় নিকৃষ্ট মোসলমানদিগকে দেখিতে না পাইয়া নরকবাসী কোরেশদিগের বিষমসম্মিলিত জিজ্ঞাসাত্মক এইরূপ বাক্য। পরমেশ্বর দীনদুঃখীদিগকে স্বর্গোন্মাদে লইয়া যাইবেন, কাকেরগণ তাহা দেখিয়া আক্ষেপ করিবে।

(ত, হো,)

§ অর্থাৎ হজরত বলিতেছেন যে, আমার এই প্রেরিতব্যবিশয়ে বাহা তোমরা অগ্রাহ করিতেছ, বিবেচনা কর, আমি নবি না হইলে আমার প্রতি প্রত্যাদেশ হইত না। দেবতার বা তোমাদের বিষয়ে কথোপকথন করিয়া থাকেন, তাহা শুনিতে পাইতাম না। আমার প্রেরিতদের ইহা অপেক্ষা উচ্চতর প্রমাণ নাই যে, আদম ও দেবগণের বৃত্তান্ত সেই ভাবে বর্ণন করিতেছি, যে রূপ প্রাচীন গ্রন্থে লিপিবদ্ধ। অথচ তাহা আমি পাঠ করি নাই ও শ্রবণ করি নাই।

(ত, হো,)

যখন তাহা গঠন করিব ও তন্মধ্যে আপন প্রাণ ফুৎকার করিব, তখন তোমরা তাহার উদ্দেশে প্রণত হইয়া পড়িও”। ৭২। পরিশেষে শয়তান ব্যতীত যুগপৎ সমুদায় দেবতা প্রণাম করিল, সে গর্ক করিল, এবং সে কাফেরদিগের অন্তর্গত ছিল। ৭৩+৭৪। তিনি বলিলেন, “এব্লিস, আমি স্বহস্তে যাহাকে সৃজন করিয়াছি, তাহাকে প্রণাম করিতে তোমার কি প্রতিবন্ধক ছিল? তুমি অহঙ্কার করিয়াছ; তুমি কি উচ্চপদস্থদিগের অন্তর্গত”? ৭৫। সে বলিল, “আমি তাহা অপেক্ষা শ্রেষ্ঠ, আমাকে তুমি অগ্নিদ্বারা সৃজন করিয়াছ ও তাহাকে মৃত্তিকাধারা সৃষ্টি করিয়াছ”। ৭৬। তিনি বলিলেন, “অতএব তুমি এস্থান হইতে বহির্গত হও, অনন্তর নিশ্চয় তুমি তাড়িত। ৭৭। এবং নিশ্চয় তোমার প্রতি বিচারের দিন পর্য্যন্ত আমার অভিসম্পাত রহিল”। ৭৮। সে বলিল, “হে আমার প্রতিপালক, অনন্তর আমাকে পুনরুত্থানের দিন পর্য্যন্ত অবকাশ দান কর”। ৭৯। তিনি বলিলেন, “পরে নিশ্চয় তুমি সেই নিদিষ্ট সময়ের দিন পর্য্যন্ত অবকাশপ্রাপ্তদিগের অন্তর্গত”। ৮০+৮১। সে বলিল “তোমার গৌরবের শপথ, আমি অবশ্য তোমার দাসদিগকে, তাহাদের মধ্যে চিহ্নিতগণকে ব্যতীত, যুগপৎ বিপথগামী করিব”। ৮২+৮৩। তিনি বলিলেন, “অনন্তর সত্য এবং সত্য বলিতেছি। ৮৪। আমি তোমাদ্বারা ও যাহারা তোমার অমুসরণ করিবে, তাহাদের দ্বারা একযোগে নরকলোক পূর্ণ করিব”। ৮৫। তুমি বল, (হে মোহম্মদ,) তৎসম্বন্ধে (কোর্-আন্ প্রচারসম্বন্ধে) আমি তোমাদের নিকটে কোন পারিশ্রমিক প্রার্থনা করি না, এবং আমি ক্লেশদানকারীদিগের অন্তর্গত নহি। ৮৬। উহা (কোর্-আন্) সমুদায় জগতের উপদেশ ভিন্ন নহে। ৮৭। এবং অবশ্য তোমরা কিয়ৎকাল পরে তাহার সংবাদ জানিবে। ৮৮। (র, ৫, আ, ২৫)

সূরা জোমর ❀

.....

উনচত্বারিংশ অধ্যায়

.....

৭৫ আয়ত, ৮ রকু

(দূতা দয়ালু পরমেশ্বরের নামে প্রবৃত্ত হইতেছি ।)

পরাক্রান্ত কৌশলময় পরমেশ্বর হইতে (কোর্-আন্) গ্রন্থের অবতারণ। ১। নিশ্চয় আমি তোমার প্রতি, (হে মোহম্মদ,) সত্যতঃ গ্রন্থ অবতারণ করিয়াছি; অনন্তর তুমি

* এই সূরা মকাবে অবতীর্ণ হইয়াছে।

পরমেশ্বরকে তাঁহার উদ্দেশ্যে পূজাকে বিস্তৃত করতঃ অর্চনা করিতে থাক। ২। জানিও, ঈশ্বরের জগুই বিস্তৃত পূজা; এবং যাহারা তাঁহাকে ছাড়িয়া (অগ্নি) বন্ধু সকল (উপাস্ত সকল) গ্রহণ করিয়াছে, তাহারা (বলে,) ঈশ্বরের সান্নিধ্য-পদে সন্নিহিত করিবে, তজ্জন্ত ব্যতীত আমরা তাহাদিগকে অর্চনা করি না। নিশ্চয় ঈশ্বর, তাহারা যে বিষয়ে বিরুদ্ধাচরণ করিতেছে, তদ্বিষয়ে তাহাদের মধ্যে আজ্ঞা প্রচার করিবেন; যে ব্যক্তি মিথ্যাবাদী ধর্মদ্রোহী, একান্তই ঈশ্বর তাহাকে পথপ্রদর্শন করেন না। ৩। যদি ঈশ্বর সম্ভান গ্রহণ করিতে চাহিতেন, তাহা হইলে তিনি যাহা সৃষ্টি করেন, তাহা হইতে যাহাকে ইচ্ছা হইত, অবশ্য গ্রহণ করিতেন; পবিত্রতা তাঁহার, তিনি এক মাত্র পরাক্রান্ত ঈশ্বর। ৪। তিনি সত্যতঃ ভূমণ্ডল ও নভোমণ্ডল স্বজন করিয়াছেন, তিনি রজনীকে দিবার মধ্যে অমুপ্রবিষ্ট ও দিবাকে রজনীর ভিতরে অমুপ্রবিষ্ট করেন, এবং সূর্য্য চন্দ্রমাকে বাধ্য করিয়াছেন, প্রত্যেকে নির্দিষ্ট সময়ে সঞ্চরণ করে; জানিও, তিনি ক্ষমালীল পরাক্রান্ত। ৫। তোমাদিগকে, (হে লোক সকল,) তিনি এক ব্যক্তি হইতে সৃষ্টি করিয়াছেন, তৎপর তাহা হইতে (সেই ব্যক্তি হইতে) তাহার ভাৰ্গ্যা স্বজন করিয়াছেন, এবং তোমাদের জন্ত আট জোড়া (পুংস্ত্রী) পশু অবতারণ করিয়াছেন, অন্ধকার (আবরণ) ত্রয়ের মধ্যে সৃষ্টির পর তিনি তোমাদিগকে তোমাদের জননীর গর্ভে এক প্রকার স্বজনে স্বজন করিয়াছেন; * এই ঈশ্বরই তোমাদের প্রতিপালক, তাঁহারই রাজত্ব, তিনি ব্যতীত কোন ঈশ্বর নাই। অনন্তর কোথায় তোমরা ফিরিয়া যাইতেছ ? ৬। যদি তোমরা ধর্মদ্রোহী হও, তবে নিশ্চয় পরমেশ্বর তোমাদিগের প্রতি বীতাহুরাগ থাকিবেন, এবং তিনি স্বীয় ধর্মদ্রোহী দাসদিগের প্রতি প্রসন্ন নহেন; যদি তোমরা কৃতজ্ঞ হও, তবে তিনি তাহা (কৃতজ্ঞতা) তোমাদের জন্ত মনোনীত করিবেন। কোন ভারবাহক অগ্নের ভার বহন করে না, তৎপর আপন প্রতিপালকের নিকটে তোমাদের প্রতিগমন; অনন্তর তোমরা যাহা করিতেছ, তদ্বিষয়ে তিনি তোমাদিগকে সংবাদ দিবেন, নিশ্চয় তিনি অন্তরের তত্ত্বজ্ঞ। ৭। যখন মনুষ্যকে কোন দুঃখ আশ্রয় করে, তখন সে আপন প্রতিপালককে তাঁহার দিকে উন্মুখ হওতঃ ডাকিয়া থাকে; তৎপর যখন তিনি আপনা হইতে কোন সম্পদ তাহাকে দান করেন, তাঁহার নিকটে সে পূর্বে যে প্রার্থনা করিতেছিল, তাহা ভুলিয়া যায়, এবং ঈশ্বরের জন্ত অংশী নির্দ্ধারিত করে, যেন তাঁহার পথ হইতে

* একমাত্র আদম হইতে মনুষ্যের সৃষ্টি। কথিত আছে যে, প্রথমতঃ তাঁহার ঔরসে সম্ভানের উৎপত্তি হয়, তৎপর তাঁহার পার্শ্বস্থি হইতে তাঁহার ভাৰ্গ্যা হবার সৃষ্টি হয়। গো, উষ্ট্র, ছাগ, মেঘ এক এক জাতীয় পুং স্ত্রী এক এক জোড়া আটটি পশু লোকের উপকারসাধন করিবার জন্ত স্বর্গ হইতে প্রেরিত হইয়াছিল। পরমেশ্বর শুভ্রকে ঘনীভূত রক্তে পরিণত করেন, পরে সেই রক্ত মাংসখণ্ডে পরিণত হয়, তৎপর মাংসাচ্ছাদিত অস্থি হয়, অবশেষে সুগঠিত দেহ উৎপন্ন হইয়া থাকে। স্রোণের আবরণক্লেদ, অস্ত্র, জরায়ুকোষ, জঠর।

(ত, হো,)

তাহাকে বিভ্রান্ত করে। তুমি বল, (হে মোহম্মদ,) কিছুকাল তুমি আপন ধর্মদ্রোহিতার ফলভোগ করিতে থাক, নিশ্চয় তুমি নরকাগ্নিনিবাসীদিগের অন্তর্গত। ৮। যে ব্যক্তি নিশাকালে প্রণত ও দণ্ডায়মান হওতঃ সাধনাকারী, পরলোককে ভয় করে, এবং স্বীয় প্রতিপালকের দয়া আশা করিয়া থাকে, সে কি (ধর্মদ্রোহীর তুল্য)? * তুমি জিজ্ঞাসা কর, যাহারা জ্ঞান রাখে ও যাহারা জ্ঞান রাখে না, তাহারা কি তুল্য? বুদ্ধিমান লোকেরা উপদেশ গ্রহণ করে, এতদ্বিষয় নহে। ৯। (র, ১, আ, ২)

তুমি (আমার পক্ষ হইতে) বল, (হে মোহম্মদ,) যাহারা বিশ্বাস স্থাপন করিয়াছে, হে আমার সেই দাস সকল, তোমরা আপন প্রতিপালককে ভয় করিতে থাক; যাহারা এই সংসারে শুভ কর্ম করিয়াছে, তাহাদের জগুই শুভ, এবং ঈশ্বরের পৃথিবী বিস্তীর্ণ, সহিষ্ণুদিগকে অগণাভাবে তাহাদের পুরস্কার পূর্ণ দেওয়া যাইবে, এতদ্বিষয় নহে। ১০। তুমি বল, নিশ্চয় আমি পরমেশ্বরকে তাঁহার উদ্দেশ্যে ধর্ম বিপুল করতঃ অর্চনা করিতে আদিষ্ট হইয়াছি। ১১। এবং আদিষ্ট হইয়াছি যে, মোসলমানদিগের প্রথম হইব। ১২। তুমি বল যে, নিশ্চয় যদি আমি স্বীয় প্রতিপালককে অগ্রাহ্য করি, তবে মহাদিনের শাস্তিকে ভয় করিয়া থাকি। ১৩। বল, আমি ঈশ্বরকে তাঁহার উদ্দেশ্যে স্বীয় ধর্ম বিপুল করতঃ অর্চনা করিয়া থাকি। ১৪। + পরে তাঁহাকে ছাড়িয়া, বাহাকে ইচ্ছা কর, তোমরা অর্চনা করিতে থাক; তুমি বল, যাহারা আপন জীবনের ও আপন পরিজনদের ক্ষতি করিয়াছে, নিশ্চয় তাহারাই কেয়ামতের দিনে ক্ষতিগ্রস্ত। জানিও, ইহা সেই স্পষ্ট ক্ষতি। ১৫। তাহাদের জগুই তাহাদের উপর অগ্নির চন্দ্রাতপ ও নিম্নে চন্দ্রাতপ

* এস্থলে ঈদূশ ধর্মসাধক ওমর বা আলি বা এমার অথবা সোলয়মান কিংবা মসউদের পুত্র আবদোল্লা, সর্কাপেক্স প্রসিদ্ধ জোনমুরিন হন। (ত, হো,)

+ যাহারা হিতকার্য করে, তাহার বিনিময়ে সংসারে তাহাদের হিতাশ্রয় অমুসারে স্বাস্থ্য ও কল্যাণ হয়। অনেকে বলেন, আফ্রিকায় যে আবৃত্তালেবের পুত্র জাফের ও তাঁহার বন্ধুগণ প্রস্থান করিয়াছিলেন, তাহাদের প্রতি এই আয়ত্তের লক্ষ্য। এখানে শুভ কর্ম অর্থে মক্কা হইতে প্রস্থান করা। তাঁহার আফ্রিকায় প্রস্থান করিয়া নিরাপদে ছিলেন, শত্রুর আক্রমণ ও অশুচি বিপদ হইতে রক্ষা পাইয়াছিলেন। “ঈশ্বরের পৃথিবী বিস্তীর্ণ” অর্থাৎ যিনি ইচ্ছা করেন, স্থানান্তরিত হইতে পারেন। কথিত আছে যে, পৃথিবীতে যাহারা দুঃপরিপদগ্রস্ত হইয়া ধৈর্যধারণ করিয়াছে, কেয়ামতের দিনে তাহাদিগকে শ্রান্তভাবে উপস্থিত করা যাইবে। তাহার পুরস্কার পরিমাণ করার জগু তুল্যবস্ত্রাদি স্থাপন করা যাইবে না। তাহাদের প্রতি অগণ্য ও অপরিমিত পুরস্কার বর্ধিত হইবে। তাহাদিগের এত দূর গৌরব হইবে, যাহারা সংসারে রূপে নিরাপদে জীবন যাপন করিয়াছিল, উহা দেখিয়া তাহার ইচ্ছা করিবে যে, হায়! আমাদের দেহ যদি অস্ত্র দ্বারা খণ্ড খণ্ড করা হইত, ভাল ছিল; তাহা হইলে অল্প এই ভাগ্যান্বেষীলোকদিগের শ্রেষ্ঠভুক্ত হইতে পারিতাম। (ত, হো,)

‡ অশিবাদিগণ বলিয়াছিল যে, হে মোহম্মদ, তুমি স্বীয় পৈতৃক ধর্মের বিরুদ্ধাচরণ করিয়া ক্ষতি করিলে। তাহাতেই এই আয়ত্ত অবতীর্ণ হয়। অপিচ আকাশ বলিয়াছেন যে, পরমেশ্বর স্বর্গলোকে

হইবে, ইহা (এই শান্তি ;) ইহা দ্বারা পরমেশ্বর স্বীয় দাসদিগকে ভয় দেখাইয়া থাকেন, হে আমার কিছরগণ, অতএব আমাকে ভয় কর । ১৬ । এবং যাহারা প্রতিমা হইতে— তাহারা যে তাহার পূজা করিবে, তাহা হইতে প্রতিনিবৃত্ত হয়, এবং ঈশ্বরের দিকে উন্মুগ্ন হয়, তাহাদের জন্ত স্বেচ্ছাবাদ আছে ; অনন্তর তুমি আমার দাসদিগকে স্বেচ্ছাবাদ দান কর * । ১৭ । যাহারা কথা শ্রবণ করে, পরে তাহার কল্যাণের অন্বেষণ করিয়া থাকে, ইহারাই তাহারা, যাহাদিগকে ঈশ্বর পথ প্রদর্শন করিয়াছেন, এবং ইহারাই তাহারা যে বুদ্ধিমান * । ১৮ । অনন্তর সেই ব্যক্তিকে কি, যাহার উপর শান্তির বাক্য নির্ধারিত হইয়াছে, পরে যে ব্যক্তি অগ্নিতে আছে, তাহাকে কি তুমি উদ্ধার করিবে ? ১৯ । কিন্তু যাহারা আপন প্রতিপালককে ভয় করে, তাহাদের জন্ত (স্বর্গে) প্রাসাদ সকল আছে, তাহার উপরেও বিনির্দিষ্ট প্রাসাদ সকল আছে, তাহার নিম্নে পয়ঃপ্রণালী সকল প্রবাহিত হয় ; ঈশ্বরের অঙ্গীকার আছে, পরমেশ্বর অঙ্গীকারের অত্যাচার করেন না । ২০ । তুমি কি দেখ নাই যে, ঈশ্বর আকাশ হইতে বারিবর্ষণ করিয়াছেন, পরে তাহা ধরাতলে প্রস্রবণযোগে সঞ্চালিত করিয়াছেন, তৎপর তাহাদ্বারা শস্তক্ষেত্র বাহির করেন, তাহার বর্ণ বিভিন্ন, তৎপর উহা শুষ্ক হয়, পরে তুমি তাহাকে পীতবর্ণ দর্শন করিয়া থাক, তৎপর তিনি তাহা বিচূর্ণ করেন ; নিশ্চয় ইহার মধ্যে বুদ্ধিমান লোকদিগের জন্ত উপদেশ আছে । ২১ । (র, ২, আ, ১২)

অনন্তর পরমেশ্বর যাহার হৃদয়কে এসলাম ধর্মের জন্ত প্রসারিত করিয়াছেন, সে কি (যাহার হৃদয় সঙ্কুচিত, তাহার তুলা ?) পরন্তু সে স্বীয় প্রতিপালকের আলোকের উপর আছে ; অনন্তর ঈশ্বরস্বরণবিষয়ে যাহাদের অন্তর কঠিন, তাহাদের প্রতি আক্ষেপ, ইহারাই স্পষ্ট পথপ্রাপ্তিতে আছে * । ২২ । পরমেশ্বর অত্যাশ্চর্য বচন প্রেরণ করিয়াছেন,

অত্যন্ত মনুষ্যের জন্ত গৃহ ও পরিজন সৃজন করিয়াছেন ; যে ব্যক্তি ঈশ্বর ও তাহার প্রেরিতপুরুষের অনুগত হইবে, ঈশ্বর তাহাকে স্বর্গে লইয়া যাইবেন, গৃহ ও পরিজন প্রদান করিবেন । যে ব্যক্তি অবাধ্য হইবে, তাহাকে নরকে লইয়া যাইবেন, তাহার গৃহ ও পরিজন অনুগত অপর ব্যক্তিকে দিবেন । অতএব পুনরুত্থানের দিনে গৃহ ও পরিজনসম্বন্ধে কাকেরগণ ক্ষতিগ্রস্ত হইবে । (ত, হো,)

* বোর অজানতা ও পৌত্তলিকতার সময়ে সোলামানকারি সি ও আবু গোকারী এবং ওমরের পুত্র জয়দ ঈশ্বরের একমাত্র স্বীকার করিয়াছিলেন ; তাহাদের সম্বন্ধে এই আয়ত অবতীর্ণ হয় । পৃথিবীতে যুদ্ধকালে স্বর্গীয় দুতের মুখে তাহারা স্বেচ্ছাবাদ প্রাপ্ত হইবেন যে, পরলোকে তাহাদের পাপ ক্ষমা হইবে ও তাহারা নিত্যকাল স্বর্গে থাকিবেন । (ত, হো,)

+ মহান্না আবুবেকর হজরত মোহাম্মদের নিকটে গৌরবান্বিত হইলে পর, মহানুভব ওসমান ও তলহা ও জোবরর এবং জয়দের পুত্র সাদ ও আবুওকাসের পুত্র সাদ এবং অণকের পুত্র আবদররহমান এই ছয় ব্যক্তি তাহার নিকটে এসলামধর্মের ভিত্তি জিজ্ঞাসা করেন । আবুবেকর তদ্বিষয়ে বাহা বলেন, তাহা শ্রবণ করিয়া তাহারা মোসলমান হন । তাহাদিগের সম্বন্ধে এই আয়ত অবতীর্ণ হয় । (ত, হো,)

‡ হজরত বলিয়াছেন যে, পরলোকের প্রতি দৃষ্টি ও ইহলোকের প্রতি বিমুগ্ধ হওয়া এবং পূর্ব হইতে যত্নের দ্বারা প্রাপ্ত থাকাই প্রশস্ত হৃদয়ের লক্ষণ । (ত, হো,)

এমন এক গ্রন্থ যে, দুই পরম্পর সদৃশ ; * যাহারা স্বীয় প্রতিপালককে ভয় করিয়া থাকে, তাহাদের স্বকৃ তাহাতে শিহরিয়া উঠে, তৎপর তাহাদের চক্ষু ও তাহাদের অন্তর ঈশ্বর-প্রসঙ্গের দিকে বিনম্র হয়, ইহাই ঈশ্বরের পথপ্রদর্শন। তিনি যাহাকে ইচ্ছা করেন, এতদ্বারা পথ দেখাইয়া থাকেন, এবং ঈশ্বর যাহাকে (চাহেন,) পথভ্রান্ত করেন, পরে তাহার জ্ঞান কোন পথপ্রদর্শক নাই। ২৩। অনন্তর যে ব্যক্তি স্বীয় আননকে কেয়ামত দিনের বিগর্হিত শাস্তি হইতে নিবারণিত করে, (সে কি শাস্তিগ্রস্ত লোকদিগের শ্রায় ?) এবং অত্যাচারীদিগকে বলা হইবে যে, যাহা তোমরা করিতেছিলে, তাহার স্বাদ গ্রহণ কর। ২৪। তাহাদের পূর্ববর্তী লোকেরাও অসত্যারোপ করিয়াছে, পরে অজ্ঞাত স্থান হইতে তাহাদের প্রতি শাস্তি উপস্থিত হইয়াছে। ২৫। অবশেষে পরমেশ্বর তাহাদিগকে সাংসারিক জীবনে দুর্গতি ভোগ করাইয়াছেন ; এবং অবশ্য পারত্রিক শাস্তি গুরুতর, হায় ! যদি তাহারা জানিত, (ভাল ছিল)। ২৬। এবং সত্য সত্যই আমি মানব-মণ্ডলীর জ্ঞান এই কোরু-আনে বিবিধ দৃষ্টান্ত বর্ণন করিয়াছি, যেন তাহারা উপদেশ গ্রহণ করে। ২৭। আরব্য কোরু আনু অক্ষুন্ন, সম্ভবতঃ তাহারা (তদ্ব্যববোধে) ধর্মভীক হইবে। ২৮। পরমেশ্বর এক ব্যক্তির এক দাসের দৃষ্টান্ত বর্ণন করিলেন, তাহার সম্বন্ধে অনেক দুশ্চরিত্র অংশী প্রভু ছিল, এবং একজনের জ্ঞান এক ব্যক্তি ছিল ; দৃষ্টান্ত কি পরম্পর তুল্য ? ঈশ্বরেরই সম্যক প্রশংসা, বরং তাহাদের অধিকাংশই বুঝিতেছে না। ২৯। নিশ্চয় তুমি মরিবে, নিশ্চয় তাহারা মরিবে। ৩০। তৎপর নিশ্চয় তোমরা পুনরুত্থানের দিনে আপন প্রতিপালকের নিকটে পরম্পর বিরোধ করিবে। ৩১। (র, ৩, আ, ১০)

অনন্তর যে ব্যক্তি ঈশ্বরের প্রতি অসত্যারোপ করিয়াছে ও সত্যের প্রতি, যখন তাহার নিকটে উপস্থিত হইয়াছে, অসত্যারোপ করিয়াছে, তাহা অপেক্ষা কে অধিক অত্যাচারী ? কাফেরদিগের জ্ঞান কি নরকলোকে স্থান নাই ? ৩২। এবং যে ব্যক্তি সত্য (ধর্ম) সহ আগমন করিয়াছে ও যে ব্যক্তি তাহা বিশ্বাস করিয়াছে, ইহারাই তাহারা যে ধর্মভীক। ৩৩। তাহারা আপন প্রতিপালকের নিকটে যাহা ইচ্ছা করে, তাহাদের জ্ঞান তাহা আছে, ইহাই হিতকারী লোকদিগের বিনিময়। ৩৪। তাহাতে ঈশ্বর তাহাদিগ হইতে

* “এমন এক গ্রন্থ যে, দুই পরম্পর সদৃশ” অর্থাৎ কোরু-আনু যে, তাহার এক আয়ত কথা ও অর্থের সৌন্দর্য্যাদিতে অল্প আয়তের তুল্য, অথবা একাংশ অস্ত্রাংশের প্রমাণস্বরূপ, তদ্ব্যবধি বিরোধী ভাব নাই। (ত, হো,)

+ অর্থাৎ অনেক প্রভুর এক দাস হইলে তাহাকে কোন প্রভুই আপনার বলিয়া জানিতে পারে না, এবং কেহই পূর্ণরূপে তাহার সংবাদ লয় না ; এক দাস এক প্রভুর হইলে প্রভু তাহাকে আপনার বলিয়া মনে করেন, এবং তাহার প্রতি দৃষ্টি রাখেন। একেশ্বরের ভৃত্য ও বহু দেবতার ভৃত্য ঈদৃশ। (ত, হো,)

সেই অকল্যাণ নিবারণ করেন যাহা তাহারা করিয়াছে ; এবং যাহা (যে সংকল্প) তাহারা করিতেছিল, তিনি উত্তমরূপে তাহাদিগের সেই পুরস্কার তাহাদিগকে বিনিময়-স্বরূপ দিয়া থাকেন। ৩৫। ঈশ্বর কি আপন দাসের কার্যাসম্পাদক নহেন? যাহা তত্ত্বিন্ন হয়, সেই (প্রতিমা) সন্থকে তাহারা তোমাকে ভয় দেখাইয়া থাকে ; এবং ঈশ্বর যাহাকে বিপথগামী করেন, অনন্তর তাহার কোন পথপ্রদর্শক নাই। ৩৬। এবং ঈশ্বর যাহাকে পথপ্রদর্শন করেন, অনন্তর তাহার কোন পথভ্রাস্তকারী নাই ; ঈশ্বর কি পরাক্রান্ত প্রতিফলদাতা নহেন? ৩৭। যদি তুমি তাহাদিগকে জিজ্ঞাসা কর, ভূমণ্ডল ও নভোমণ্ডল কে সৃজন করিয়াছে? তাহারা অবশ্য বলিবে, পরমেশ্বর ; তুমি বলিও, অনন্তর তোমরা কি দেখিয়াছ যে, ঈশ্বর ব্যতীত যাহাদিগকে তোমরা আহ্বান করিধা থাক, যদি ঈশ্বর আমাকে দুঃখ দিতে চাহেন, তাহারা কি তাঁহার (প্রদেয়) দুঃখের নিবারক হইবে? অথবা যদি আমার প্রতি তিনি অনুগ্রহ করিতে চাহেন, তাহারা কি তাঁহার অনুগ্রহের অবরোধক হইবে? তুমি বল, ঈশ্বরই আমার পক্ষে প্রচুর, নির্ভরক্ষারী লোকেরা তাঁহার প্রতিই নির্ভর করিয়া থাকে। ৩৮। তুমি বল, হে আমার সম্প্রদায়, তোমরা স্বীয় ভূমিতে কার্য করিতে থাক, নিশ্চয় আমিও কার্যাকারক ; পরে অচিরে তোমরা জানিতে পাইবে যে, (তোমাদের ও আমাদের মধ্যে) কাহার প্রতি, তাহাকে নির্ধাতিত করে, এমন শাস্তি উপস্থিত হয় ও কাহার প্রতি চিরশাস্তি অবতরণ করে। ৩৯+৪০। নিশ্চয় আমি তোমার প্রতি, (হে মোহম্মদ,) মানবমণ্ডলীর জন্ত গ্রন্থ সত্যভাবে অবতারণ করিয়াছি ; অনন্তর যে ব্যক্তি পথপ্রাপ্ত হইয়াছে, সে আপন জীবনের জগুই (পাইয়াছে,) এবং যে ব্যক্তি বিপথগামী হইয়াছে, (আপনার) প্রতি সে বিপথ-গামী হয়, এতদ্বিষয় নহে, এবং তুমি তাহাদের সন্থকে রক্ষক নও। ৪১। (র, ৪, আ, ১০)

পরমেশ্বর প্রাণকে তাহার মৃত্যুকালে হরণ করেন, এবং যাহা (যে প্রাণ) মরে নাই, তাহাকে তাহার নিদ্রারস্থায় (হরণ করেন ;) অনন্তর যাহার প্রতি মৃত্যুর আদেশ হইয়াছে, তাহাকে বদ্ধ রাখেন ও অপর (আত্মাকে) নির্দিষ্ট কাল পর্যন্ত প্রেরণ করেন। নিশ্চয় ইহাতে চিন্তা করে, এমন জাতির জন্ত নিদর্শন সকল আছে *। ৪২। তাহারা কি ঈশ্বরকে ছাড়িয়া শফায়তকারী সকল গ্রহণ করিয়াছে? তুমি বল, (হে মোহম্মদ,) যদিচ গ্রহণ করিয়াছে, তথাপি তাহারা কিছুই ক্ষমতা রাখে না ও জ্ঞান রাখে না। ৪৩। বল, সমগ্র শফায়ত ঈশ্বরেরই, স্বর্গ ও মর্ত্যের রাজত্ব তাঁহারই ; তৎপর তাঁহার

* প্রত্যেক মনুষ্যের জীবনগত ও চৈতন্যগত বিবিধ প্রাণ। মৃত্যুকালে জীবনগত প্রাণের বিচ্ছেদ হয়, জীবনগত প্রাণের বিলোপে চৈতন্যগত প্রাণও বিলুপ্ত হইয়া থাকে। মনুষ্যের নিদ্রাকালে চৈতন্যগত প্রাণ তাহা হইতে বিচ্ছিন্ন হয়, তাহার বিলুপ্তিবশতঃ জীবনগত প্রাণের বিলোপ হয় না। এস্থলে অপর প্রাণের প্রেরণ চৈতন্যগত প্রাণের প্রেরণ, অর্থাৎ জাগরিত অবস্থায় ঈশ্বর এই প্রাণকে প্রেরণ করিয়া থাকেন।

(ত, হে,)

দিকেই তোমরা পুনর্দিলিত হইবে। ৪৪। এবং যখন ঈশ্বর একমাত্র, (এই বাক্য) উচ্চারণ করা যায়, তখন পরলোকে অবিশ্বাসীদের অন্তর বীতরাগ হয়, এবং যখন তিনি ব্যতীত যাহা, তাহার (নাম) উচ্চারণ করা যায়, তখন অকস্মাৎ তাহারা আত্মাদিত হইয়া থাকে। ৪৫। তুমি বল, “হে হ্যালোক-ও ভুলোকের স্রষ্টা, আন্তর্বাহুবিৎ পরমেশ্বর, তাহারা যে বিষয়ে বিরোধ করিতেছে, তুমি সে বিষয়ে স্বীয় দাসমণ্ডলীর মধ্যে বিচার করিবে”। ৪৬। এবং যাহারা অত্যাচার করিয়াছে, পৃথিবীতে যাহা কিছু আছে, যদি সমগ্র তাহাদের হয় ও তৎসদৃশ তাহার সঙ্গে হয়, তবে অবশ্য তাহারা তাহা কেয়ামতের কঠিন শাস্তির বিনিময়ে দিবে; এবং যাহা তাহারা মনে করিতেছিল না, ঈশ্বর হইতে তাহা তাহাদের জ্ঞান প্রকাশ পাইবে*। ৪৭। এবং তাহারা যাহা করিয়াছিল, তাহার অকল্যাণ সকল তাহাদের জ্ঞান প্রকাশিত হইবে ও যে বিষয়ে তাহারা উপহাস করিতেছিল, উহা তাহাদিগকে ঘেরিবে। ৪৮। অনন্তর যখন মহুগ্নকে দুঃখ আশ্রয় করে, তখন সে আমাকে আহ্বান করিয়া থাকে; তৎপর যখন আমি আপন সন্নিধান হইতে তাহাকে সম্পদ দান করি, তখন সে বলে, “(আমার) জ্ঞানপ্রযুক্তই তাহা আমাকে প্রদত্ত হইয়াছে, এতদ্ভিন্ন নহে;” বরং ইহা পরীক্ষা, কিন্তু তাহাদের অধিকাংশই বুঝিতেছে না। ৪৯। তাহাদের পূর্বে যাহারা ছিল, তাহারা সত্যই ইহা বলিয়াছে, তাহারা যাহা (যে ধন সম্পত্তি) অর্জন করিতেছিল, উহা তাহাদিগ হইতে (শাস্তি) দূর করে নাই। ৫০। তাহারা যাহা (যে দুষ্কর্ম) করিয়াছিল, পরে তাহার অকল্যাণ সকল তাহাদিগের প্রতি পহঁছিল, এবং তাহাদের মধ্যে যাহারা অত্যাচার করিয়াছে, যাহা করিয়াছে, তাহার অকল্যাণ সকল অচিরে তাহাদিগের প্রতি পহঁছিবে; এবং তাহারা (ঈশ্বরের) পরাভবকারী নহে। ৫১। তাহারা কি জানিতেছে না যে, ঈশ্বর যাহাকে ইচ্ছা করেন, তাহাকে বিস্তৃত ও সঙ্কচিত উপজীবিকা দিয়া থাকেন; নিশ্চয় ইহার মধ্যে বিশ্বাসী সম্প্রদায়ের জ্ঞান নিদর্শন সকল আছে। ৫২। (র, ৫, আ, ১১)

তুমি (আমার পক্ষ হইতে) বল, হে আমার দাসবৃন্দ, যাহারা স্বীয় জীবনসম্বন্ধে অহিতাচরণ করিয়াছে, তাহারা যেন ঈশ্বরের অহুগ্রহ হইতে নিরাশ না হয়; নিশ্চয় ঈশ্বর সমগ্র পাপ ক্ষমা করিয়া থাকেন, নিশ্চয় তিনি সেই ক্ষমাশীল দয়ালু। ৫৩। এবং তোমরা আপন প্রতিপালকের অভিমুখে প্রত্যাগমন কর, তোমাদের প্রতি শাস্তি পহঁচিবার পূর্বে তাহার অহুগত হও, তৎপর তোমরা আহুকূলা প্রাপ্ত হইবে না। ৫৪। এবং তোমাদের প্রতি আকস্মিক শাস্তি ও তোমরা জান না (এমন অবস্থায়) উপনীত

* অর্থাৎ পৌত্তলিকদিগের এই সংস্কার যে, পুত্তলিকার অহুরোধমতে তাহারা ঈশ্বরের সান্নিধ্যপদ লাভ করিতে পারিবে। কিন্তু পরলোকে তাহাদের সংস্কারের বিপরীত ঈশ্বর হইতে শাস্তি উপস্থিত হইবে। (ত, হো,)

হইবার পূর্বে, তোমাদের প্রতিপালক হইতে যে স্মরণ কল্যাণ তোমাদের প্রতি অবতীর্ণ হইয়াছে, তাহার অম্লসরণ কর। ৫৫। + কোন ব্যক্তি বলিবে যে, “ঈশ্বরসম্বন্ধে আমি যে অপরাধ করিয়াছি, তৎপ্রতি হায়! আক্ষেপ, এবং নিশ্চয় আমি উপহাসকারীদের অন্তর্গত ছিলাম;” অথবা বলিবে, “যদি পরমেশ্বর আমাকে পথপ্রদর্শন করিতেন, তবে অবশ্য আমি ধর্মভীরুদিগের অন্তর্গত হইতাম;” কিংবা শান্তি-দর্শনের সময় বলিবে, “যদি আমার (সংসারে) পুনর্গমন হয়, তবে আমি হিতকারীদের অন্তর্গত হইব;” (তোমরা তাহার পূর্বে কল্যাণজনক কোর্-আনের অম্লসরণ কর)। ৫৬+৫৭+৫৮। (ঈশ্বর বলিবেন,) “হাঁ, সত্যই তোমার প্রতি আমার নিদর্শন সকল উপস্থিত হইয়াছিল, পরে তুমি তৎপ্রতি অসত্যারোপ করিয়াছ ও গর্ষ করিয়াছ, এবং ধর্মবিশ্বেষীদের অন্তর্গত হইয়াছ।” ৫৯। এবং যাহারা ঈশ্বরের প্রতি অসত্যারোপ করিয়াছে, পুনরুত্থানের দিন তুমি, (হে মোহাম্মদ,) তাহাদের মুখ কলঙ্কিত দেখিবে; নরকে অহঙ্কারী লোক-দিগের জন্ত কি স্থান নাই? ৬০। এবং যাহারা ধর্মভীরু হইয়াছে, পরমেশ্বর তাহাদিগকে তাহাদের অভীষ্টসিদ্ধির সহিত উদ্ধার করিবেন, অন্তত তাহাদিগকে স্পর্শ করিবে না ও তাহারা শোকাকুল হইবে না। ৬১। ঈশ্বর সমুদায় পদার্থের স্রষ্টা, এবং তিনি সমুদায় বস্তুর উপরে কার্য্যাসম্পাদক। ৬২। স্বর্গ ও মর্ত্যের কুঞ্জিকা সকল তাঁহারই, * এবং যাহারা ঈশ্বরের নিদর্শনসকলসম্বন্ধে বিদ্রোহাচরণ করিয়াছে, ইহারা ই তাহারা যে ক্ষতিকারী। ৬৩। (র, ৬, আ, ১১)

তুমি জিজ্ঞাসা কর, (হে মোহাম্মদ,) “অনন্তর তোমরা কি আমাকে আদেশ করিতেছ, হে মূর্খগণ, আমি ঈশ্বর ব্যতীত (অগ্রকে) অর্চনা করিব?” ৬৪। সত্য সত্যই তোমার প্রতি ও তোমার পূর্বে যাহারা ছিল, তাহাদের প্রতি একরূপ প্রত্যাদেশ করা হইয়াছে যে, যদি তুমি (ঈশ্বরের) অংশী নিরূপণ কর, তবে অবশ্য তোমার ক্রিয়া বিনষ্ট হইবে, এবং অবশ্য তুমি ক্ষতিগ্রস্তদিগের অন্তর্গত হইবে। ৬৫। বরং ঈশ্বরকে তুমি অর্চনা কর, এবং কৃতজ্ঞদিগের অন্তর্গত হও। ৬৬। তাহারা ঈশ্বরকে তাঁহার যথার্থ মর্যাদায় মর্যাদা করে নাই, এবং পুনরুত্থানের দিনে সমগ্র পৃথিবী তাঁহার মুষ্টিতে ও স্বর্গলোক সকল তাঁহার দক্ষিণ হস্তে ও ত্রয়োবীজ ভাবে থাকিবে; পবিত্রতা তাঁহারই, তাহারা যাহাকে অংশী স্থাপন করিতেছে, তদপেক্ষা তিনি উন্নত। ৬৭। এবং হ্রবান্তে ফুৎকার করা হইবে, অনন্তর ঈশ্বর যাহাকে চাহেন, তদ্ব্যতীত যে জন স্বর্গে ও যে জন পৃথিবীতে আছে, অজ্ঞান হইয়া পড়িবে; তৎপর তাহাতে পুনরবার ফুৎকার করা হইবে, অনন্তর

* স্বর্গ ও পৃথিবীর ভাণ্ডারের কুঞ্জিকা ঈশ্বরের হস্তে। অর্থাৎ তিনি উর্ধ্ব ও অধোলোকের সমুদায় ব্যাপারের কর্তা। অস্ত্র কাহারও তদ্বিবরে কোন অধিকার নাই। যাহার হস্তে ভাণ্ডারের চাবি আছে, কেবল তাহারই যেমন ভাণ্ডারে প্রবেশাদির অধিকার, অন্তের নহে, তদ্রূপ স্বর্গ মর্ত্যে একাকী ঈশ্বরেরই অধিকার।

(ত, হো,)

অকস্মাৎ তাহারা দণ্ডায়মান হওতঃ নিরীক্ষণ করিতে থাকিবে। ৬৮। এবং ধরাতল তাহার প্রতিপালকের জ্যোতিতে জ্যোতিমান হইবে ও পুণ্ডক (কাঁথালিপি) স্থাপন করা যাইবে, এবং সংবাদবাহক ও সাক্ষীগণকে আনয়ন করা হইবে; এবং তাহাদের মধ্যে সত্যভাবে বিচার-নিষ্পত্তি হইবে ও তাহারা উৎপীড়িত হইবে না। ৬৯। এবং প্রত্যেক ব্যক্তিকে, তাহারা যাহা করিয়াছে, তাহার (ফল) পূর্ণ দেওয়া যাইবে, এবং তিনি, তাহারা যাহা করিয়া থাকে, তাহার জ্ঞাত। ৭০। (র, ৭, আ, ৭)

এবং দলে দলে ধর্মদ্রোহীদিগকে নরকের দিকে চালনা করা হইবে, এ পর্যন্ত, যখন তাহারা তথায় উপস্থিত হইবে, তখন তাহার দ্বার সকল খোলা যাইবে, এবং তাহার রক্ষকগণ তাহাদিগকে জিজ্ঞাসা করিবে, “তোমাদের মধ্যে হইতে তোমাদের প্রতি কি প্রেরিতপুরুষগণ আগমন করেন নাই যে, তোমাদের নিকটে তোমাদের প্রতিপালকের নিদর্শন সকল পাঠ করেন এবং তোমাদের এই দিবসের সাক্ষাৎকারবিষয়ে তোমাদিগকে ভয় প্রদর্শন করেন?” তাহারা বলিবে, “হাঁ”; কিন্তু কাকেরদিগের প্রতি শাস্তির বাক্য প্রমাণিত হইল। ৭১। বলা হইবে, “তোমরা নরকের দ্বারে প্রবেশ কর, তথায় নিত্য স্থায়ী হইবে”; অনন্তর (নরকলোক) অহঙ্কারীদিগের গহিত স্থান হয়। ৭২। এবং যাহারা আপন প্রতিপালককে ভয় করিয়াছে, তাহাদিগকে দলে দলে স্বর্গের দিকে চালনা করা হইবে; এ পর্যন্ত, যখন তাহারা তথায় উপস্থিত হইবে, তাহার দ্বার সকল উন্মুক্ত করা যাইবে, এবং তাহার রক্ষকগণ তাহাদিগকে বলিবে, “তোমাদের প্রতি সেলাম হোক, তোমরা সুখী, অনন্তর তোমরা তথায় প্রবেশ কর, চিরস্থায়ী হইবে”। ৭৩। তাহারা বলিবে, “সেই ঈশ্বরেরই সমাক্ষ প্রশংসা যিনি আমাদের সম্বন্ধে স্বীয় অঙ্গীকার সফল করিধাছেন ও আমাদের (স্বর্গ) ভূমির উত্তরাধিকারী করিধাছেন, স্বর্গের যে স্থানে ইচ্ছা করি, অবস্থিতি করিতেছি;” অনন্তর কর্মীদিগের উত্তম পুরস্কার হয়। ৭৪। এবং তুমি, (হে মোহাম্মদ,) দেবতাদিগকে দেখিবে যে, সিংহাসনের সমস্তাং আবেষ্টনপূর্বক আপন প্রতিপালকের প্রশংসার স্তব করিতেছে ও তাহাদের মধ্যে সত্যভাবে মীমাংসা করা হইবে; এবং বলা হইবে, “বিশ্বালাক পরমেশ্বরেরই সমাক্ষ প্রশংসা”। ৭৫। (র, ৮, আ, ৫)

সূরা মুমেন ❀



চত্বারিংশ অধ্যায়



৮৫ আয়ত, ৯ রকু

(দাতা দয়ালু পরমেশ্বরের নামে প্রবৃত্ত হইতেছি)

হাম ৭। ১। পরাক্রমশালী জ্ঞানময় ঈশ্বর হইতে গ্রন্থের অবতরণ। ২।+তিনি পাপক্ষমাকারী, অমুতাপগ্রহণকারী, কঠিন শাস্তিদাতা, মহিমাম্বিত ; তিনি ব্যতীত উপাস্য নাই, তাঁহার দিকেই পুনর্গমন। ৩। ধর্মদ্রোহিগণ ব্যতীত (কেহ) ঈশ্বরের নিদর্শন সকল সম্বন্ধে বিবাদ করে না, নগর সকলে তাহাদিগের গমনাগমন, (হে মোহম্মদ,) তোমাকে যেন প্রবঞ্চিত না করে ৬। ৪। ইহাদের (এই সম্প্রদায়ের) পূর্বে মুহীয সম্প্রদায় ও তাহাদের পরে অনেক দল অসত্যারোপ করিয়াছিল এবং প্রত্যেক সম্প্রদায় আপন প্রেরিতপুরুষদিগকে ধরিতে উদ্যোগ করিয়াছিল ও অসত্যরূপে বিবাদ করিয়াছিল, যেন তাহারা সত্যকে পরাভূত করে ; পরে আমি তাহাদিগকে ধরিয়াছিলাম, অবশেষে কেমন শাস্তি হইল। ৫। এবং এই প্রকার তোমার প্রতিপালকের বাক্য কাফেরদিগের সম্বন্ধে প্রমাণিত হইয়াছে, নিশ্চয় তাহারা নরকানল-নিবাসী। ৬। যাহারা (ঈশ্বরের) সিংহাসন বহন করে, এবং যাহারা তাঁহার চতুর্দিকে আপন প্রতিপালকের প্রশংসার স্তব করিয়া থাকে ও তাঁহার প্রতি বিশ্বাস রাখে ও যাহারা বিশ্বাসী, তাহাদের জন্য তাহারা ক্ষমা প্রার্থনা করিয়া বলে, “হে আমাদের প্রতিপালক, তুমি জ্ঞান ও করুণাবশতঃ সমুদায় বিষয় আয়ত্ত করিয়া লইয়াছ ; অতএব যাহারা (পাপ হইতে) প্রতিনিবৃত্ত হইয়াছে ও তোমার পথের অনুসরণ করিয়াছে, তাহাদিগকে ক্ষমা কর, তাহাদিগকে নরকদণ্ড হইতে রক্ষা কর। ৭। হে আমাদের প্রতিপালক, তুমি তাহাদিগের সম্বন্ধে ও যে ব্যক্তি সংকর্ষ করিয়াছে, তাহার সম্বন্ধে ও

* এই সূরা মক্কাতে অবতীর্ণ হইয়াছে।

+ “হাম” ব্যবচ্ছেদক শব্দ। হ, বর্ণের অর্থ, ঈশ্বরের আজ্ঞা, যাহা কখনও নিগারিত ও খণ্ডিত হয় না। ম, বর্ণের অর্থ, তাঁহার রাজ্য, যাহার কখনও বিচ্যুতি ও বিনাশ নাই। (ত, হো,)

‡ অর্থাৎ ঈশ্বর বলিতেছেন, ধর্মদ্রোহী কোরেশগণ শাম ও এরমন প্রভৃতি দেশের নগরে নগরে বাণিজ্যার্থে গমনাগমন করিয়া থাকে ; তাহা দেখিয়া হে মোহম্মদ, তুমি মনে করিবে না যে, তাহাদিগকে অবকাশ দেওয়া যাইবে ও তাহাদিগ হইতে শাস্তি নিবৃত্ত রাখা হইবে, তাহা নয়। তাহাদের পরিণাম ক্ষতি ও বিনাশ। (ত, হো,)

তাহাদের পিতৃগণের ও তাহাদের পত্নীগণের এবং সন্তানগণের সম্বন্ধে বাহা অঙ্গীকার করিয়াছ, তদনুসারে নিত্য উত্তান সকলে তাহাদিগকে লইয়া যাও; নিশ্চয় তুমি বিজ্ঞানময় পরাক্রান্ত। ৮। + অকল্যাণ সকল হইতে তুমি তাহাদিগকে রক্ষা কর, এবং যে ব্যক্তিকে সেই দিন, তুমি অকল্যাণরাশি হইতে বাঁচাইলে, পরে সত্যই তুমি তাহার প্রতি দয়া করিলে, এবং ইহা সেই মহা কৃতার্থতা। ৯। (র, ১, আ, ২)

নিশ্চয় ধর্ম্মজ্যোতির্গণকে ডাকিয়া বলা হইবে যে, “একান্তই ঈশ্বরের প্রতি তোমাদের শক্রতা আপন জীবনের প্রতি তোমাদের শত্রুতা অপেক্ষা গুরুতর; যখন তোমরা বিশ্বাসের দিকে আহৃত হইয়াছিলে, তখন অগ্রাহ্য করিতেছিলে” *। ১০। তাহারা বলিবে, “হে আমাদের প্রতিপালক, দুইবার আমাদিগকে মারিয়াছ ও দুইবার জীবিত করিয়াছ, অনন্তর আমরা আপন অপরাধ হৃদয়ঙ্গম করিয়াছি; পরে নির্গমনের দিকে কোন পথ আছে কি” †? ১১। ইহা এই হেতু যে, যখন বলা হইত, ঈশ্বর একমাত্র, তখন তোমরা অগ্রাহ্য করিতে, এবং যদি তাঁহার সঙ্গে অংশী স্থাপন করা হইত, তোমরা বিশ্বাস করিতে; অনন্তর উন্নত গৌরবান্বিত ঈশ্বরেরই আজ্ঞা সত্য। ১২। তিনিই যিনি আপন নিদর্শন সকল তোমাদিগকে প্রদর্শন করিয়া থাকেন, এবং স্বর্গ হইতে তোমাদের জগ্ন জীবিকা প্রেরণ করেন; যে ব্যক্তি (ঈশ্বরের প্রতি) উন্মুখ হয়, সে ব্যতীত উপদেশ গ্রহণ করে না। ১৩। অনন্তর যদিচ ধর্ম্মজ্যোতির্গণ অবজ্ঞা করে, তথাপি তোমরা ঈশ্বরকে তাঁহার জগ্ন ধর্ম্ম বিস্তার করতঃ আহ্বান করিতে থাক। ১৪। সিংহাসনাধিপতি (ঈশ্বর) শ্রেণী সকলের সমুন্নতিবিধায়ক; তিনি স্বীয় আজ্ঞানুসারে আপন দাসদিগের বাহার প্রতি ইচ্ছা করেন, আত্মা (জেব্রিল) অবতারণ করিয়া থাকেন, যেন সে (লোকদিগকে) সেই সম্মিলনদিবসের ভয় প্রদর্শন করে ‡। ১৫। + যে দিবস তাহারা (কবর হইতে) বহির্গত হইবে, তখন ঈশ্বরের নিকটে তাহাদের কিছুই গুপ্ত থাকিবে না; অত্কার রাজত্ব কাহার?

* অর্থাৎ যখন কাকেরগণ নরকে উপস্থিত হইবে, তখন তাহারা আপন আত্মার সঙ্গে শত্রুতা করিয়া এবং অনুযোগ ও ভৎসনা করিয়া বলিবে যে, যে সময় ক্ষমতা ছিল, তখন কেন বিশ্বাসী হও নাই। এই কথা শুনিয়া স্বর্গের দূতগণ তাহাদিগকে ডাকিয়া একপ বলিবেন। (ভ, হো,)

+ প্রথম মৃত্যু পৃথিবীতে প্রাণত্যাগ, প্রথম জীবনধারণ কবরে জীবিত হওয়া, এবং দ্বিতীয় মৃত্যু কবরে ও দ্বিতীয় জীবনধারণ পুনরুত্থানে। (ভ, হো,)

‡ অর্থাৎ পরমেশ্বর প্রেরিতপুরুষদিগের পদ ও শ্রেণীর উন্নতিকারক। তিনি মহাপুরুষ আদমের পদ তাহার আত্মার সংশোধন দ্বারা সমুন্নত করিয়াছেন। মুহাকে আহ্বান দ্বারা, এভাহিমকে বন্ধুতা দ্বারা, মূলকে সান্নিধ্যলাভ দ্বারা, ঈসাকে বৈরাগ্য দ্বারা এবং মোহাম্মদকে শকায়ত দ্বারা সমুন্নত করিয়াছেন। কেহ বলেন, “ঈশ্বর শ্রেণী সকলের সমুন্নতিবিধায়ক” অর্থে, বাহাকে ইচ্ছা তিনি তত্ত্ব-জ্ঞানের আলোক দ্বারা পদোন্নত করিয়া থাকেন, বুঝায়। তিনি প্রেমিকদিগকে তাহাদের আত্মবিশ্বাস দ্বারা সমুন্নত করেন। বাহার প্রতি ইচ্ছা করেন, জেব্রিল অবতারণ করিয়া থাকেন, অর্থাৎ জেব্রিল দ্বারা তাহাকে প্রেরিতত্বপদে উন্নতি করেন। (ভ, হো,)

একমাত্র পরাক্রান্ত ঈশ্বরেরই * । ১৬ । অল্প প্রত্যেক ব্যক্তিকে, তাহারা যাহা করিয়াছে তদনুরূপ বিনিময় দান করা হইবে; অল্প অত্যাচার নাই, নিশ্চয় ঈশ্বর বিচারে সত্ত্বর ১৭ । তুমি, (হে মোহাম্মদ,) তাহাদিগকে সেই পুনরুত্থানদিনের ভয় প্রদর্শন কর ; যখন (শোক ও ভয়ে) শোকাবুলদিগের হৃদয় গলদেশের নিকটস্থ হইবে, তখন অত্যাচারীদিগের জন্ত কেহ সহায় হইবে না, কোন পাপক্ষমার অনুরোধকারীর (কথা) গৃহীত হইবে না । ১৮ । দৃষ্টির অপকারিতা ও অন্তর যাহা গোপন রাখে, তাহা তিনি জানেন । ১৯ । এবং পরমেশ্বর যথার্থভাবে বিচার করিয়া থাকেন, তাহারা তাঁহাকে ছাড়িয়া যাহাদিগকে আহ্বান করিয়া থাকে, (সেই পুতলিকাদি) কিছুই বিচার করে না ; নিশ্চয় ঈশ্বর সেই দ্রষ্টা শ্রোতা । ২০ । (র, ২, আ, ১১)

তাহারা কি ভূতলে ভ্রমণ করে নাই ? তবে দেগিতে পাইবে, তাহাদের পূর্বে যাহারা ছিল, তাহাদের পরিণাম কিরূপ হইয়াছে । তাহারা পৃথিবীতে তাহাদের অপেক্ষা পরাক্রম ও (উচ্চ হুগ ও বৃহৎ নগরাদি) চিহ্নে প্রবলতর ছিল ; পরে ঈশ্বর তাহাদিগকে তাহাদের অপরাধের জন্ত আক্রমণ করিয়াছিলেন, এবং ঈশ্বর হইতে তাহাদের নিমিত্ত কোন আশ্রয় ছিল না । ২১ । ইহা এজ্ঞাত হয় যে, তাহাদের নিকটে তাহাদের প্রেরিতপুরুষগণ প্রমাণ সকল সহ উপস্থিত হইয়াছিল, পরে তাহারা অগ্রাহ্য করে, অনন্তর পরমেশ্বর তাহাদিগকে আক্রমণ করেন ; নিশ্চয় তিনি শক্তিমান কঠিন শাস্তিদাতা । ২২ । সত্য সত্যই আমি মুসাকে স্বীয় নিদর্শন সকল ও উজ্জ্বল প্রমাণসহ ফেরাওণ ও হামান এবং কার্বণের প্রতি প্রেবণ করিয়াছিলাম ; অনন্তর তাহারা (তাহাকে) মিথ্যাবাদী ঐন্দ্রজালিক বলিয়াছিল । ২৩ + ২৪ । পরে যখন সে আমার নিকট হইতে সত্য সহকারে তাহাদের প্রতি উপস্থিত হইল, তখন তাহারা বলিল, “যাহারা ইহার সঙ্গে বিশ্বাস স্থাপন করিয়াছে, তাহাদের পুত্রগণকে বধ কর, এবং কন্যাদিগকে জীবিত রাখ ;” পথভ্রান্তিতে শিন্ন কাফেরদিগের চক্রান্ত ছিল না । ২৫ । এবং ফেরাওণ বলিয়াছিল, “আমাকে

* অর্থাৎ কেয়ামতের দিনে নিনাদকারী স্বর্গীয় দূত উচ্চৈঃশব্দে জিজ্ঞাসা করিবে যে, অল্পকার রাজত্ব কাহার ? সকলে বলিবে, একমাত্র পরাক্রান্ত ঈশ্বরের । (ত, হো,)

† ফেরাওণ মেসরের আমলকা জাতির মধ্যে সর্বপ্রধান ছিল, সে ঈশ্বরভয়ের গরু করিয়াছিল, হামান তাহার মন্ত্রী ছিল । কার্বণ ফেরাওণের একজন পারিষদ ছিল । মুসা তাহাদের নিকটে উপস্থিত হইয়া সত্য ধর্ম প্রচার ও অনেক অদ্ভুত ক্রিয়া প্রদর্শন করেন । তাহারা তাঁহাকে অগ্রাহ্য করে ও মিথ্যাবাদী বলে । (ত, হো,)

‡ মুসার জন্মগ্রহণের পূর্বে ফেরাওণীয় সম্প্রদায় বনিএশ্রায়েলের পুত্রদিগকে বধ করিতেছিল, তাহার জন্ম হইলে পর নিবৃত্ত থাকে । পরে যখন মুসা উপনীত হইয়া “আমি ঈশ্বরের প্রেরিত” এক্রূপ বলিতে লাগিলেন, তখন পুনরায় ফেরাওণের পারিষদগণ বলিতে লাগিল যে, “বনিএশ্রায়েলের বালকদিগকে বধ কর, এবং কন্যাদিগকে জীবিত রাখ, তাহারা আমাদের কন্যাগণের সেবা করিবে ।”

(ত, হো,)

তোমরা ছাড়িয়া দাও, আমি মুসাকে বধ করিব, এবং সে যেন আপন প্রতিপালকের নিকটে (প্রাণরক্ষার জন্ত) প্রার্থনা করে; নিশ্চয় আমি ভয় পাইতেছি যে, সে তোমাদের ধর্মকে বিপর্যস্ত করিবে, এবং পৃথিবীতে উপপ্লব আনয়ন করিবে” * । ২৬ । এবং মুসা বলিয়াছিল, “যাহারা বিচারের দিনকে বিশ্বাস করে না, নিশ্চয় আমি সেই সমুদায় গর্কিত লোক হইতে আমার প্রতিপালক ও তোমাদের প্রতিপালকের আশ্রয় গ্রহণ করিলাম” । ২৭ । (র, ৩, আ, ৭)

এবং ফেরওণের স্বর্ণগণসম্পর্কীয় এক বিশ্বাসী ব্যক্তি যে স্বীয় বিশ্বাসকে লুকাইয়া রাখিতেছিল, সে বলিল, “এজন্ত সেই ব্যক্তিকে কি তোমরা বধ করিবে যে, সে বলিয়া থাকে, আমার প্রতিপালক ঈশ্বর ? সত্যই সে তোমাদের নিকটে তোমাদের প্রতিপালক হইতে প্রমাণ সকল সহ উপস্থিত হইয়াছে ; এবং যদি সে অসত্যবাদী হয় তবে তাহার অসত্য তাহার সম্বন্ধেই আছে, এবং যদি সত্যবাদী হয়, তবে সে যাহা তোমাদের সম্বন্ধে অঙ্গীকার করিয়া থাকে, তাহার কোনটি (এই পৃথিবীতে) তোমাদের নিকটে উপস্থিত হইবে ; যে ব্যক্তি সীমালঙ্ঘনকারী মিথ্যাবাদী, নিশ্চয় ঈশ্বর তাহাকে পথপ্রদর্শন করেন না । ২৮ । হে আমার জ্ঞাতীগণ, অতীত ধরাতলে পরাক্রমবশতঃ তোমাদের জন্ত রাজত্ব ; পরে আমাদিগকে ঈশ্বরের শাস্তি হইতে (রক্ষা পাইতে,) যদি (তাহা) আমাদের প্রতি উপস্থিত হয়, কে সাহায্য দান করিবে” ? ফেরওণ বলিল, “যাহা আমি দেখিতেছি, তাহা ভিন্ন তোমাদিগকে দেখাইতেছি না, এবং সরলপথ ব্যতীত তোমাদিগকে প্রদর্শন করিতেছি না” । ২৯ । এবং বিশ্বাস স্থাপন করিয়াছে, এমন এক ব্যক্তি বলিল, “হে আমার জ্ঞাতীগণ, নিশ্চয় আমি তোমাদের সম্বন্ধে এই সম্প্রদায় সকলের দিনের ছায়া ভয় পাইতেছি । ৩০ । কৃত্রিম সম্প্রদায় ও আদ এবং সমুদ জাতি ও যাহারা তাহাদের পরে হইয়াছিল, তাহাদের অবস্থার তুল্য (বা) হয় ; এবং ঈশ্বর দাসবৃন্দের প্রতি অত্যাচার আকাজক্ষা করেন না । ৩১ । এবং হে আমার জ্ঞাতীগণ, নিশ্চয় আমি তোমাদের সম্বন্ধে সেই নিনাদের দিবসকে ভয় করিতেছি, যে দিন তোমরা পৃষ্ঠভঙ্গ দিয়া ফিরিয়া যাইবে, তোমাদের জন্ত ঈশ্বর হইতে রক্ষাকারী কেহ নাই, এবং ঈশ্বর যাহাকে পথভ্রাস্ত করেন, অনন্তর তাহার জন্ত কোন পথপ্রদর্শক নাই । ৩২ + ৩৩ । এবং সত্য সত্যই পূর্বে তোমাদের নিকটে সে যাহা আনয়ন করিয়াছিল, তৎপ্রতি তোমরা সর্বদা সন্দেহযুক্ত

* ফেরওণ মন্ত্রিগণের সঙ্গে পরামর্শ করিতে লাগিল যে, মুসাকে হত্যা করা আবশ্যিক । তাহাতে তাহার বল, “তুমি তাহাকে বধ করিতে উদ্যত হইলে সে কোন যাত্র করিতে পারে, তাহাতে তোমার অমঙ্গল হইবে । লোকে বলিবে যে, ফেরওণ মুসার সঙ্গে প্রতিযোগিতা করিতে পারিল না, তাহাকে বধ করিল । পরামর্শ এই যে, পৃথিবীর সমুদায় ঐলজালিক লোককে ডাকিয়া আনয়ন করা যাউক, তাহার তাহার সঙ্গে প্রতিযোগিতা করুক ।” ফেরওণ এই কথা গ্রাহ্য করিল । সে মনে মনে বুঝিতে পারিয়াছিল যে, মুসা এক জন পেগাশ্বর ; তাহাকে বধ করিতে তাহার ভয় হইল । (ত, ৩০,)

ছিল; এ পর্যন্ত, সে যখন প্রাণত্যাগ করিল, সে পর্যন্ত তোমরা বলিয়াছিলে যে, তাহার পর ঈশ্বর কোন প্রেরিতপুরুষ প্রেরণ করিবেন না। * যে ব্যক্তি সীমালঙ্ঘনকারী ও সংশয়প্রবণ, তাহাকে এইরূপে পরমেশ্বর পথভ্রাস্ত করিয়া থাকেন। ৩৪। যাহারা ঈশ্বরের নিদর্শনাবলী সম্বন্ধে, তাহাদের নিকটে উপস্থিত প্রমাণ ব্যতীত বিবাদ করে, তাহাদিগকে (তিনি পথভ্রাস্ত করেন;) ঈশ্বরের নিকটে ও বিশ্বাসী পুরুষদের নিকটে (তাহা) মহা অসন্তোষকর। এইরূপ প্রত্যেক গর্ষিত অবোধের অন্তরের উপর ঈশ্বর মোহর করিয়া থাকেন”। ৩৫। এবং ফেরওণ বলিল, “হে হামান, আমার জ্ঞাত এক অট্টালিকা নির্মাণ কর, আমি পথ সকলে পঁছিব। ৩৬।+দ্যালোকের পথ সকলে (পঁছিব,) অনন্তর মুসার ঈশ্বরের দিকে নিরীক্ষণ করিব, এবং নিশ্চয় আমি তাহাকে মিথ্যাবাদী মনে করিতেছি”; এবং এইরূপে ফেরওণের জ্ঞাত তাহার দুষ্ক্রিয়া সজ্জিত হইয়াছিল ও (তাহাকে সং) পথ হইতে নিবৃত্ত করিয়াছিল, এবং ফেরওণের প্রবঞ্চনা তাহার বিনাশের প্রতি ভিন্ন ছিল না। ৩৭। (র, ৪, আ, ১০)

এবং বিশ্বাসী ব্যক্তি বলিল, “হে আমার জ্ঞাতীগণ, তোমরা আমার অনুসরণ কর, আমি তোমাদিগকে সংপথ প্রদর্শন করিব। ৩৮। হে আমার জ্ঞাতীগণ, এই পার্থিব জীবন (সামান্য) সম্ভোগ, এতদ্ভিন্ন নহে, এবং নিশ্চয় পরলোক, উহাই নিত্য নিকেতন। ৩৯। যে ব্যক্তি কুকর্ম করিয়াছে, পরে তৎসদৃশ ভিন্ন তাহাকে বিনিময় দেওয়া যাইবে না; এবং স্ত্রীপুরুষের মধ্যে যে ব্যক্তি শুভকর্ম করিয়াছে, সেই বিশ্বাসী হয়, অনন্তর ইহারাই স্বর্গলোকে প্রবেশ করিবে, তথায় অগণ্যরূপে জীবিকা দেওয়া যাইবে। ৪০। এবং হে আমার জ্ঞাতীগণ, আমার জ্ঞাত কি হইল যে, আমি তোমাদিগকে পরিত্রাণের দিকে আহ্বান করিয়া থাকি, এবং তোমরা আমাকে

* কথিত আছে যে, মুসার সময়ের ফেরওণই ইয়ুসোফের বিদ্যমানকালে ফেরওণ ছিল। ইয়ুসোফের এক মূলাবান্ অশ্বের মৃত্যু হয়। পরে ইয়ুসোফের প্রার্থনামুসারে ঈশ্বর তাহাকে জীবিত করেন। ইহা দেখিয়া ফেরওণ তাহার প্রতি বিশ্বাসী হইয়া ধর্মে দীক্ষিত হয়। ইয়ুসোফের পরলোক হইলে পর ফেরওণ ধর্ম ত্যাগ করে, এবং মুসার সময় পর্যন্ত জীবিত থাকে। তাহাতেই বিশ্বাসী ব্যক্তি ফেরওণকে বলে যে, ইতিপূর্বে ইয়ুসোফ মৃত অবস্থাকে জীবনদানাদিরূপ উজ্জল প্রমাণসহ তোমাদের নিকটে উপস্থিত হইয়াছিলেন। কেহ কেহ বলেন, মুসার সময়ের ফেরওণ ইয়ুসোফের সময়ের ফেরওণের বংশসম্মত ছিল। পরমেশ্বর ইয়ুসোফের পুত্র ইয়ুসোফকে সেই ফেরওণের নিকটে ধর্মপ্রবর্তকরূপে প্রেরণ করিয়াছিলেন, বিশ্বেতি বংশের ইয়ুসোফ তাহার নিকটে অলৌকিক ক্রিয়া সকল করিয়াছিলেন, কিছুতেই ফেরওণ আকৃষ্ট হয় নাই। ফেরওণের বংশোদ্ভব বিশ্বাসী ব্যক্তি তাহার সংবাদ দিতেছেন যে, ইয়ুসোফ তোমাদের নিকটে আসিয়াছিলেন। (ত, হো,)

+ ফেরওণ অট্টালিকা-নির্মাণে প্রবৃত্ত হইল, তাহা দেখিয়া মুসা ভয়ে প্রার্থনা করিতে লাগিলেন। তখন তাহার প্রতি প্রত্যাদেশ হইল যে, “দুঃখ করিও না, দেপ তাহার সঙ্গে আমি কিরূপ আচরণ করি”। পরে পরমেশ্বর তাহার অট্টালিকা সমাপ্ত হইলে পর ভগ্ন করিয়া ফেলিলেন। (ত, হো,)

নরকাগ্নির দিকে আহ্বান কর। ৪১। তোমরা আমাকে আহ্বান করিয়া থাক, যেন আমি ঈশ্বরসম্বন্ধে বিধেয়ী হই ও যাহার সম্বন্ধে আমার জ্ঞান নাই, তাহাকে তাহার সঙ্গে অংশী নিরূপণ করি; কিন্তু আমি তোমাদিগকে পরাক্রান্ত ক্ষমালীল (ঈশ্বরের) দিকে আহ্বান করিয়া থাকি। ৪২। ইহলোকে ও পরলোকে যাহার জ্ঞান আহ্বান নাই, তোমরা আমাকে নিঃসন্দেহ তাহার দিকে আহ্বান করিতেছ, এতস্তি নহে; এবং এই যে ঈশ্বরের দিকে আমাদের প্রত্যাবর্তন, এবং এই যে সীমালঙ্ঘনকারিগণ নরকাগ্নি-নিবাসী। ৪৩। অনন্তর অবশ্য আমি তোমাদিগকে যাহা বলিতেছি, তোমরা তাহা স্মরণ করিবে, এবং আমি আপন কার্য্য ঈশ্বরের প্রতি সমর্পণ করিতেছি, নিশ্চয় ঈশ্বর দাস-দিগের প্রতি দৃষ্টিকারী”। ৪৪। পরিশেষে তাহারা যে প্রতারণা করিয়াছিল, সেই অন্তত হইতে পরমেশ্বর তাহাকে বাচাইলেন, এবং ফেরওণের পরিজনকে বিগহিত শাস্তি আবেষ্টন করিল *। ৪৫। তাহার (নরকের) উপর প্রাতঃসন্ধ্যা অনল উপস্থাপিত করা হইবে, এবং যে দিন কেয়ামত স্থিতি করিবে, (আমি বলিব,) “ফেরওণের পরি-জনকে গুরুতর শাস্তির মধ্যে প্রবেশ করাও”। ৪৬। এবং (স্মরণ কর,) যখন তাহার অগ্নিমধ্যে পরস্পর বিরোধ করিবে, তখন দুর্বল লোকেরা, যাহারা ঔদ্ধত্যচরণ করিয়া-ছিল, তাহাদিগকে বলিবে, “নিশ্চয় আমরা তোমাদের অহুগামী ছিলাম, অনন্তর তোমরা কি আমাদিগ হইতে অগ্নি (দণ্ডের) আংশিকনিবারণকারী হও?” ৪৭। যাহারা উদ্ধত হইয়াছিল, তাহারা বলিবে, “নিশ্চয় আমরা সকলেই তন্মধ্যে আছি, সত্য সত্যই ঈশ্বর দাসদিগের মধ্যে আদেশ (বিচার-নিষ্পত্তি) করিয়াছেন”। ৪৮। এবং যাহারা অগ্নিতে অবস্থিত, তাহারা নরকের রক্ষকদিগকে বলিবে, “তোমরা আপন প্রতিপালকের নিকটে প্রার্থনা কর, যেন এক দিন আমাদিগ হইতে শাস্তির (অংশ) থর্ব্ব করেন”। ৪৯। তাহারা বলিবে, “তোমাদের নিকটে কি তোমাদের প্রেরিত পুরুষগণ প্রমাণ সকল সহ সমাগত হন নাই?” (নরকবাসিগণ) বলিবে, “হাঁ”; তাহারা বলিবে, “তবে তোমরা প্রার্থনা করিতে থাক”। কিন্তু কাফেরদিগের প্রার্থনা বিভ্রান্তির মধ্যে ভিন্ন নহে। ৫০। (র, ৫, আ, ১৩)

* ফেরওণ সেই বিশ্বাসী পুরুষকে বধ করিতে আদেশ করে, তিনি পর্তুভাভিমুখে পলাইয়া বান, এবং উপাসনা প্রার্থনায় নিযুক্ত হন। পরমেশ্বর স্বাপদলকে সৈন্তরূপে পাঠাইয়া দেন, তাহারা তাহাকে ঘেরিয়া গ্রহরীর কার্য্য করিতে থাকে। ঈশ্বরে আত্মসমর্পণের ফল তিনি অবিলম্বে প্রাপ্ত হন, শত্রুর আক্রমণ হইতে নিশ্চিত থাকেন। কশফোলু আশ্রয় গ্রহণে উক্ত হইয়াছে যে, ফেরওণ তাহাকে ধরিয়া আনিয়া শাস্তিদানের জন্ত কতিপয় পারিষদকে প্রেরণ করে; তাহারা তাহার নিকটে গৃহস্থিয়া দেখে যে, তিনি উপাসনা করিতেছেন, এবং ব্যাঘ্র গুম্বুকাদি স্বাপদকুল তাহাকে পরিবেষ্টন করিয়া রক্ষা করিতেছে। ইহা দেখিয়া তাহারা ভয়প্রাপ্ত হয়, এবং ফেরওণের নিকটে প্রত্যাগমন করিয়া সবিশেষ জ্ঞাপন করে। ফেরওণ সকলকে শাসন করে, যেন এই কথা প্রকাশ না হয়। পরমেশ্বর জেব্রিলযোগে এই সংবাদ জ্ঞাপন করিতেছেন। (ত, হো,)

নিশ্চয় আমি স্বীয় প্রেরিতপুরুষদিগকে ও বিশ্বাসীদিগকে পার্থিব জীবনে ও যে দিবস সাক্ষিগণ দণ্ডায়মান হইবে, যে দিবস অত্যাচারীদিগকে তাহাদের হেতু বর্ণন কোন লাভ দর্শাইবে না সেই (কেয়ামতের) দিবস সাহায্য দান করিব; এবং তাহাদের জন্ত (অত্যাচারীদের জন্ত) অভিসম্পাত ও তাহাদের জন্ত অন্তঃস্থান আছে। ৫১+৫২। এবং সত্য সত্যই আমি মুসা-কে ধর্মালোক দান করিয়াছি, এবং বনিএশ্রায়েলকে গ্রন্থের উত্তরাধিকারী করিয়াছি। ৫৩ + বুদ্ধিমান লোকদিগের জন্তই পথপ্রদর্শন ও উপদেশ। ৫৪। অনন্তর তুমি, (হে মোহাম্মদ,) ধৈর্যধারণ কর, নিশ্চয় ঈশ্বরের অপীকার সত্য; ও স্বীয় পাপের জন্ত ক্ষমা প্রার্থনা কর, এবং প্রাতঃসন্ধ্যা স্বীয় প্রতিপালকের প্রশংসার স্তব করিতে থাক। ৫৫। নিশ্চয় যাহারা পরমেশ্বরের নিদর্শন সকল সম্বন্ধে, তাহাদের প্রতি উপস্থিত প্রমাণ ব্যতিরেকে, বিতণ্ডা করিয়া থাকে, তাহাদের হৃদয়ে অহংকার ভিন্ন নহে, তাহারা তৎপ্রতি পছন্দে না; অনন্তর তুমি ঈশ্বরের নিকটে আশ্রয় প্রার্থনা কর, নিশ্চয় সেই তিনি শ্রোতা দ্রষ্টা*। ৫৬। অবশ্য ভুলোক ও ছালোকের সৃষ্টি (তোমাদের নিকটে) মনুষ্য-সৃষ্টি অপেক্ষা শ্রেষ্ঠ, কিন্তু অধিকাংশ মনুষ্য বুঝিতেছে না। ৫৭। এবং অন্ধ ও চক্ষুহীন তুল্য নহে, এবং যাহারা বিশ্বাস স্থাপন ও শুভকর্ম সকল করিয়াছে, তাহারা ও অসৎকর্মশীল (তুল্য নহে;) তোমরা যে উপদেশ গ্রহণ করিয়া থাক, তাহা অল্পই। ৫৮। নিশ্চয় কেয়ামত আগমনকারী, তাহাতে নিঃসন্দেহ; কিন্তু অধিকাংশ মনুষ্য বিশ্বাস করিতেছে না। ৫৯। এবং তোমাদের প্রতিপালক বলিয়াছেন যে, আমার নিকটে প্রার্থনা কর, আমি তোমাদিগের (প্রার্থনা) গ্রহণ করিব; নিশ্চয় যাহারা আমার উপাসনাতে গর্ব করে, অবশ্য তাহারা হীন হওতঃ নরকে প্রবেশ করিবে। ৬০। (র, ৬, আ, ১০)

এই পরমেশ্বর, যিনি তোমাদের জন্ত রজনী সৃজন করিয়াছেন, যেন তাহাতে তোমরা বিশ্রাম লাভ কর এবং (পদার্থের) প্রদর্শন দিবা (সৃষ্টি করিয়াছেন;) নিশ্চয় ঈশ্বর মানবমণ্ডলীর প্রতি রূপাবান, কিন্তু অধিকাংশ মনুষ্য ধন্বাদ করে না। ৬১। এই পরমেশ্বরই তোমাদের প্রতিপালক, সমুদায় পদার্থের সৃষ্টিকর্তা, তিনি ব্যতীত কোন উপাস্ত নাই; অনন্তর কোথা হইতে তোমরা ফিরিয়া যাইতেছ? ৬২। যাহারা ঈশ্বরের

* কাকেরগণ কোর্-আনের অতরণ ও পুনরুত্থানসম্বন্ধে বাস্তবতা করিয়া বলিতেছিল যে, কোর্-আন্ ঈশ্বরের বাণী নহে ও পুনরুত্থান সম্ভব নহে; তাহাতেই এই আয়ত অবতীর্ণ হয়। “তাহাদের হৃদয়ে অহংকার ভিন্ন নহে” অর্থাৎ কাকেরদিগের অন্তরে প্রাধান্য ও কর্তৃত্ব করার ইচ্ছা ও উদ্ধতা বিদ্যমান। “ঈশ্বরের নিকটে আশ্রয় প্রার্থনা কর” অর্থাৎ তাহাদের অসদাচরণ হইতে রক্ষা পাইবার জন্ত ঈশ্বরের শরণাপন্ন হও। (ত, হো,)

+ অর্থাৎ যিনি মৌলিক উপাদান ব্যতীত স্বর্গ-মর্ত্য-সৃজন সমর্থ, তিনি ঈদৃশ ক্ষমতা ও মৌলিক উপাদানসম্বন্ধে কি দ্বিতীয়বার মনুষ্য সৃজন করিতে পারেন না?

নিদর্শন সকল অস্বীকার করিতেছিল, এইরূপে তাহারা ফিরিয়া যাইতেছে। ৬৩। সেই ঈশ্বর, যিনি তোমাদের জন্ত পৃথিবীকে অবস্থানভূমি ও আকাশকে গুহজ করিয়াছেন, এবং তোমাদিগকে আকৃতিবদ্ধ করিয়াছেন, অনন্তর তোমাদিগের আকার উন্মত্ত করিয়াছেন, এবং বিশ্বুদ্ধ (বস্তু) হইতে তোমাদিগকে উপজীবিকা দিয়াছেন, এই ঈশ্বরই তোমাদের প্রতিপালক; অবশেষে বিশ্বপালক পরমেশ্বরই মহোন্নত। ৬৪। তিনি জীবন্ত, তিনি ব্যতীত উপাস্ত নাই, অনন্তর তাঁহাকে তাঁহার উদ্দেশ্যে ধর্ম বিশ্বুদ্ধ করতঃ আহ্বান করিতে থাক; বিশ্বপালক পরমেশ্বরেরই সম্যক প্রশংসা। ৬৫। তুমি বল, (হে মোহাম্মদ,) যখন আমার প্রতি আমার প্রতিপালক হইতে প্রমাণ সকল উপস্থিত হইয়াছে, তখন তোমরা ঈশ্বরকে ছাড়িয়া যাহাদিগকে আহ্বান করিয়া থাক, তাহাদিগকে অর্চনা করিতে নিশ্চয় আমি নিষিদ্ধ হইয়াছি; এবং আদিষ্ট হইয়াছি যে, বিশ্বপালকের আজ্ঞানুগত হইব। ৬৬। তিনিই, যিনি তোমাদিগকে মৃত্তিকায়োগে, তৎপর স্তম্ভায়োগে, তৎপর ঘনীভূত শোণিত-যোগে সৃজন করিয়াছেন; তৎপর শিশুরূপে বাহির করেন, তৎপর (তোমাদিগকে পালন করেন,) যেন তোমরা স্বীয় যৌবনে উপনীত হও, তৎপর যেন বৃদ্ধ হও, এবং তোমাদের মধ্যে কাহাকে পূর্বে প্রাণশূন্য করা হয়, এবং (অবশিষ্ট রাখা যায়,) যেন তোমরা নির্দিষ্ট কালে উপনীত হও; সম্ভব যে তোমরা জ্ঞানলাভ করিবে। ৬৭। তিনিই, যিনি বাচান ও মারেন; অনন্তর যখন কোন বিষয়ে (সৃজনে) অবধারিত করেন, তখন তাহাকে 'হউক' বলেন, এতদ্ভিন্ন নহে, পরে তাহাতেই হয়। ৬৮। (র, ৭, আ, ৮)

যাহারা ঈশ্বরিক নিদর্শনাবলীসম্বন্ধে বিতণ্ডা করিয়া থাকে, তুমি কি তাহাদের প্রতি দৃষ্টি কর নাই? কোথা হইতে তাহারা ফিরিয়া যাইতেছে *? ৬৯। যাহারা গ্রন্থের প্রতি ও আমি স্বীয় প্রেরিতপুরুষদিগকে যৎসহ প্রেরণ করিয়াছি, তাহার প্রতি অসত্যারোপ করিয়াছে, পরে তাহারা অবশ্য (আপন অবস্থা) জানিবে। ৭০। যখন তাহাদের গলে গলবন্ধন ও শৃঙ্খলপুঞ্জ হইবে, উষোদকের মধ্যে তাহারা আকৃষ্ট হইবে, তৎপর অগ্নিতে ঝলসান যাইবে; তৎপর তাহাদিগকে বলা হইবে, “ঈশ্বর ব্যতীত তোমরা যাহাকে অংশী স্থাপন করিতেছিলে, সে কোথায়?” তাহারা বলিবে, “আমাদিগ হইতে তাহারা অন্তর্হিত হইয়াছে, বরং ইতিপূর্বে আমরা (ঈশ্বরকে ছাড়িয়া) অস্ত্র কিছুকে আহ্বান করিতেছিলাম না”; এইরূপে ঈশ্বর কাকেরদিগকে বিভ্রান্ত করিয়া থাকেন।

* অর্থাৎ কোয়ামতের দিনে কাকেরগণ আমার দিকে ফিরিয়া আসিবে, আপনাদের কার্যের ফল ভোগ করিবে, আমি কোন কারণে তাহাদিগকে ছাড়িয়া দিব না। পরমেশ্বর পৃথিবীতেই হজরতের সাক্ষাতে কাকেরদিগকে কোন কোন শাস্তি দিয়াছেন। কেহ হত, কেহ বা বন্দী হইয়াছে, অনেকে ছুঁড়িকা দি বিপদ দ্বারা আক্রান্ত হইয়াছে। অবশিষ্ট শাস্তি পরলোকে হইবে। মক্কার কাকেরগণ তর্কবিতর্কচ্ছলে হজরত দ্বারা নানাপ্রকার অলৌকিকতা দেখিতে চাহিয়াছিল, তাহাতে প্রশ্রবণের উপস্থিতি ও উদ্ভান সকলের প্রকাশ এবং তাঁহার আকাশে আরোহণ তাহাদের সাক্ষাতে হয়। (ত. হো,)

৭১+৭২+৭৩+৭৪। (বলা যাইবে,) “তোমরা পৃথিবীতে অসত্যসহ যে আনন্দ ও বিলাসামোদ করিতেছিলে, তজ্জন্ম ইহা (এই শাস্তি)। ৭৫। তোমরা নরকের দ্বারে তথায় নিত্য স্থায়ী হইতে প্রবেশ কর, অনন্তর (উহা) অহঙ্কারীদিগের জন্ম গহিত স্থান হয়”। ৭৬। পরিশেষে তুমি, (হে মোহাম্মদ,) ধৈর্য ধারণ কর, নিশ্চয় ঈশ্বরের অঙ্গীকার সত্য; পরে তাহাদের প্রতি আমি যাহা অঙ্গীকার করি, তাহার কোনটি যদি তোমাকে আমি প্রদর্শন করি, বা তোমার প্রাণ হরণ করি, পরে আমার দিকেই তাহারা ফিরিয়া আসিবে। ৭৭। এবং সত্য সত্যই আমি তোমার পূর্বে প্রেরিতপুরুষগণকে প্রেরণ করিয়াছি, তাহাদের মধ্যে কেহ আছে যে, আমি তোমার নিকটে তাহার কথা বর্ণন করিয়াছি, এবং তাহাদের মধ্যে কেহ আছে যে, তোমার নিকটে বর্ণন করি নাই; ঈশ্বরের আদেশানুসারে ব্যতীত কোন নিদর্শন আনয়ন করিতে কোন প্রেরিতপুরুষের (সাধ্য) ছিল না। অনন্তর যখন ঈশ্বরের আদেশ সমাগত হইল, তখন সত্যভাবে বিচার নিষ্পত্তি করা গেল, তথায় অসত্যভাষিগণ ক্ষতিগ্রস্ত হইল *। ৭৮। (র, ৮, আ, ১০)

সেই ঈশ্বর, যিনি তোমাদের জন্ম গ্রাম্য পশু হৃদয় করিয়াছেন যে, তোমরা তাহার কোনটির উপর আরোহণ করিবে ও তাহার কোনটিকে ভক্ষণ করিবে। ৭৯। এবং তন্মধ্যে তোমাদের লাভ সকল আছে, তাহার (কাহারও) উপর আরোহণ করিয়া তোমাদের অন্তরে যে অভিলাষ আছে, তোমরা তাহাতে উপস্থিত হইবে; এবং তাহার উপর ও নৌকা সকলের উপর তোমরা সমারোপিত হইয়া থাক। ৮০। এবং তিনি তোমাদিগকে স্বীয় নিদর্শনাবলী প্রদর্শন করিতেছেন, অনন্তর ঈশ্বরের নিদর্শন সকলের কোনটিকে তোমরা অগ্রাহ্য করিতেছ? ৮১। পরিশেষে তাহারা কি পৃথিবীতে ভ্রমণ করে নাই? তাহা হইলে তাহাদের পূর্বে যাহারা ছিল, তাহাদের পরিণাম কি প্রকার হইয়াছে দেখিবে; তাহারা তাহাদিগের অপেক্ষা অধিক ছিল, এবং ধরাতলে (বৃহৎ নগর দুর্গাদির) নিদর্শনানুসারে ও শক্তিতে প্রবলতর ছিল, পরে তাহারা যাহা উপার্জন করিতেছিল, তাহা তাহাদিগ হইতে (শাস্তি) নিবারণ করে নাই। ৮২। অনন্তর যখন তাহাদের নিকটে তাহাদের প্রেরিতপুরুষগণ প্রমাণ সকল সহ আগমন করিল, তখন তাহারা, তাহাদের নিকটে যে কিছু বিত্ত ছিল, তজ্জন্ম প্রছষ্ট হইল; এবং তাহারা যে বিষয়ে উপহাস করিতেছিল, উহা তাহাদিগকে পরিবেষ্টন করিল †। ৮৩। পরে যখন

* ঈশ্বর বলিতেছেন যে, কতকগুলি পেগাম্বর, যথা, ইয়সা প্রভৃতির নাম তোমার নিকটে বলিয়াছি। ঈশ্বারীত অনেক আছে যে, তুমি তাহাদের নাম ও বৃত্তান্ত অবগত নও। অনেকে বলেন, সমুদায় প্রেরিতপুরুষ আট সহস্র ছিলেন, তন্মধ্যে চারি সহস্র বনিআশ্রায়েল ও চারি সহস্র অপর জাতীয়। এরূপ প্রসিদ্ধি যে, সর্বশুদ্ধ একশত চতুর্বিংশতি সহস্র বা ততোধিক প্রেরিতপুরুষ ছিলেন।

(ত, হো,)

+ তাহারা বাহাকে বিত্তা বলিত, প্রকৃত পক্ষে উহা অবিত্তা। তাহাদের অসত্যে ভক্তি প্রদান

আমার শাস্তি তাহারা দেখিল, তখন বলিল, “একমাত্র ঈশ্বরের প্রতি আমরা বিশ্বাস স্থাপন করিলাম, তাঁহার সঙ্গে আমরা যাহার অংশনিরূপক ছিলাম, তৎপ্রতি বিরূপ হইলাম”। ৮৪। অনন্তর যখন তাহারা আমার শাস্তি দর্শন করিল, তখন তাহাদিগের বিশ্বাস তাহাদিগকে ফল দান করিল না, ঈশ্বরের (এই) নিয়ম, যাহা তাঁহার দাসবৃন্দের প্রতি বর্জিয়াছে ; এবং তথায় ধর্মদ্রোহিগণ ক্ষতিগ্রস্ত হইয়াছে *। ৮৫। (র, ২, আ, ৭)

সূরা হাম সজ্জদা †

.....

একচত্বারিংশ অধ্যায়

.....

৫৪ আয়ত, ৬ রকু

(দাতা দয়ালু পরমেশ্বরের নামে প্রবৃত্ত হইতেছি।)

হাম §। ১। দাতা দয়ালু ঈশ্বর হইতে অবতারণ §। ২। এই গ্রন্থ যে, ইহার বচন সকল আরব্য কোরু-আনের অবস্থায় বিভক্ত করা হইয়াছে ; জ্ঞান রাখে, এমন জ্ঞাতির জন্য ও সত্য সন্দেহ অবিশ্বাস, এই বিজ্ঞা ছিল। কেহ কেহ বলেন, এস্থলে বিজ্ঞা অর্থে বাণিজ্যবিজ্ঞা বা চিকিৎসাবিজ্ঞা কিংবা জ্যোতির্বিজ্ঞা, নন্দারা কামেরগণ গর্ষিত ও পরাক্রান্ত হইয়া প্রেরিতপুরুষদিগের প্রতি ও তাঁহাদের অলৌকিক ক্রিয়া সকলের প্রতি উপহাস করিয়াছিল। অতএব ঈশ্বর তাহাদিগকে বিনাশ করেন। (ত, হো,)

* পরমেশ্বর পূর্বতন মণ্ডলীর প্রতি এই নিয়ম স্থাপন করিয়াছিলেন যে, শাস্তি পাইবার সময় দোষ স্বীকার করিয়া বিবাসী হইলে, কিছুতেই তখন শাস্তি রহিত হইবে না। (ত, হো,)

† এই সূরা মক্কাতে অবতীর্ণ হইয়াছে।

‡ ঈশ্বরের মহানাম ব্যবচ্ছেদক বর্ণাবলীর মধ্যে প্রচ্ছন্ন আছে, সকল ব্যক্তির তাহার উচ্চায়ে অধিকার নাই। কথিত আছে, ‘হা’ বর্ণের সাক্ষেতিক অর্থ ঐশী কৌশল, ‘ম’ বর্ণের অর্থ, বিশ্বাসীদিগের প্রতি ঈশ্বরের হিতসাধন। বহরোল্ হকায়েক গ্রন্থে উক্ত হইয়াছে যে, সেই বিষয়ের প্রতি “হাম” এই শব্দের লক্ষ্য, যাহা পরমেশ্বর ও তাঁহার প্রেমাস্পদ মোহম্মদের মধ্যে আছে। কোন উন্নত দেবতা ও সুসম্ভারপ্রচারক ও প্রেরিতপুরুষও তাহা উপলব্ধি করিতে পারেন না। হা ও মিম অর্থাৎ হ, ম এই দুই অক্ষর ঈশ্বরের নামবিশেষ রহমাণের মধ্যে আছে। এইরূপ এই দুই বর্ণ মোহম্মদ এই নামের মধ্যে আছে। অতএব নামবয়ের অন্তর্গত উক্ত দুই বর্ণের শপথ করিয়া কোরু-আনের অবতারণ ইত্যাদি বলা যাইতেছে। (ত, হো,)

§ অর্থাৎ লোকের সাধারণ জীবনদাতা, বিশেষ বিশেষ হৃদয়ের শাস্তিসংরক্ষণে কৃপাবান পরমেশ্বর হইতে কোরু-আনের অবতরণ। এই দুই নামের সঙ্গে কোরু-আনের সম্বন্ধ থাকাতে এই প্রমাণিত হইতেছে যে, ধর্ম এবং সাংসারিক, আধ্যাত্মিক ও বাহ্যিক কল্যাণ কোরু-আনের উপর নির্ভর করে। (ত, হো,)

হুসংবাদদাতা ও ভয়প্রদর্শক। কিন্তু তাহাদের অধিকাংশই অগ্রাহ্য করিয়াছে, অনন্তর তাহারা শ্রবণ করে না *। ৩+৪। এবং তাহারা বলে, “তুমি যাহার প্রতি আহ্বান করিয়া থাক, তাহা ইহাতে আমাদের অন্তর আবরণের মধ্যে আছে, এবং আমাদের কর্ণে গুরুভার, আমাদের মধ্যে ও তোমার মধ্যে আচ্ছাদন আছে; অনন্তর তুমি কার্য্য করিতে থাক, আমরাও কার্য্যকারক”। ৫। তুমি বল, (হে মোহম্মদ,) আমি তোমাদের ঞায় মনুষ্য, এতস্তি নহে; আমার প্রতি প্রত্যাশা ইহাতেছে যে, তোমাদের উপাস্ত্র একমাত্র ঈশ্বর, অতএব তাঁহার দিকে সরল ভাবে থাক ও তাঁহার নিকটে ক্ষমা প্রার্থনা কর। এবং অংশীবাদীদিগের ও যাহারা জকাত দান করে না, তাহাদের প্রতি আক্ষেপ; তাহারা পরকালকে অগ্রাহ্য করে। ৬+৭। নিশ্চয় যাহারা বিশ্বাস স্থাপন ও শুভকর্ম্ম সকল করিয়াছে, তাহাদের জন্ত অনিবার্য্য পুরস্কার আছে †। ৮। (র, ১, আ, ৮)

তুমি জিজ্ঞাসা কর, (হে মোহম্মদ,) দুই দিবসে যিনি পৃথিবী সৃজন করিয়াছেন, তাঁহার সম্বন্ধে কি তোমরা অবজ্ঞা করিতেছ, এবং তাঁহার সদ্শ নিরূপণ করিতেছ? ইনিই জগতের প্রতিপালক হন। ৯। এবং তিনি তথায় (পৃথিবীতে) তাহার উপরিভাগে পর্ব্বত সকল সৃজন করিয়াছেন ও তন্মধ্যে আশীর্বাদ রাগিয়াছেন, এবং তথায় চারি দিবসের মধ্যে জীবিকা সকল নিরূপণ করিয়াছেন; জিজ্ঞাসুদিগের জন্ত (উত্তর) তুল্য হইয়াছে ‡। ১০। তৎপর তিনি আকাশে আরোহণ করিলেন, উহা ধূমময় ছিল; অনন্তর তাহাকে ও পৃথিবীকে বলিলেন, “তোমরা সহর্ষে বা বিমর্ষে এস;” উভয়ে বলিল, “আমরা সহর্ষে সমাগত হইলাম”। ১১। পরে তিনি দুই দিবসের মধ্যে তাহাদিগকে

* কোর-আন্ এমন এক গ্রন্থ যে, তাহার বচন সকল নিষেধবিধি ও দণ্ডপুরস্কারের অঙ্গীকারে বিভক্ত। আরব্য ভাষায় ইহা বিবৃত হইয়াছে, আরব্য ভাষাভিৎ লোকদিগের পাঠ ও হৃদয়ঙ্গম করার পক্ষে ইহা অতি সহজ হইয়াছে। ইহা পাণ্ডিদিগের সম্বন্ধে নরকের ভয়প্রদর্শক ও বিশ্বাসীদের সম্বন্ধে স্বর্গের হুসংবাদদাতা, ধর্ম্মজোহী লোকেরা তাহা গ্রাহ্য করিতেছে না। (ত, হো,)

† পীড়িত, অক্ষম ও দুর্ব্বল লোক সকল, যাহারা অশক্তিবশতঃ উপাসনাদি করিতে পারে না, তাহাদের সম্বন্ধে এই আয়ত অবতীর্ণ হইয়াছে। স্ত্রী ও সবল অবস্থায় ধর্ম্মসাধনার জন্ত যে পুরস্কার পরমেশ্বর তাহাদিগকে দান করিতে নির্দ্ধারিত করিয়াছেন, অস্বাস্থ্য ও দুর্ব্বলতাবশতঃ উপাসনাদি না করিতে পারিলেও সেই পুরস্কার দিবেন। এই জন্তই বাক্ত হইয়াছে, “তাহাদের জন্ত অনিবার্য্য পুরস্কার আছে।” ওমরের পুত্র আবদোল্লা বলিয়াছেন যে, হজরত মোহম্মদ এরূপ আজ্ঞা করিয়াছেন যে, ধার্মিক ব্যক্তি পীড়িত হইলে পরমেশ্বর স্বর্গীয় দূতকে আদেশ করেন যে, যে পর্য্যন্ত আমি ইহাকে আরোগ্য দান না করি, সে পর্য্যন্ত এ হস্তাবস্থায় যে সংকর্ম্ম করিত, সেই কর্ম্ম ইহার নামে লিখিবে। (ত, হো,)

‡ অর্থাৎ অবশিষ্ট চারি দিবসে পৃথিবীর প্রত্যেক বিভাগের লোকের জন্ত পরমেশ্বর যব, গোঁধূম, ধান্ত, খোন্দ্রা এবং মাংস ইত্যাদি উপজীবিকা নির্দ্ধারণ করেন। “জিজ্ঞাসুদিগের জন্ত (উত্তর) তুল্য হইয়াছে,” অর্থাৎ প্রথকারীদিগের প্রথের উত্তর ঠিক দেওয়া হইয়াছে। (ত, হো,)

সপ্ত স্বর্গরূপে নির্ধারিত করিলেন ও প্রত্যেক স্বর্গের প্রতি তাহার কার্য অমুপ্রাণন করিলেন, এবং আমি পৃথিবীর আকাশকে দীপাবলী দ্বারা (নক্ষত্রমণ্ডল দ্বারা) শোভিত করিলাম ও রক্ষা করিলাম; পরাক্রমশালী জ্ঞানময় (ঈশ্বরের) এই নিরূপণ। ১২। পরে যদি তাহারা অস্বীকার করে, তবে তুমি বলিও, “আমি তোমাদিগকে আদ ও সমুদের সদৃশ আকাশের বজ্রাঘাতের ভয় প্রদর্শন করিতেছি”। ১৩। যখন তাহাদের নিকটে প্রেরিতপুরুষগণ তাহাদের সমুখ ভাগ দিয়া ও তাহাদের পশ্চাত্তাগ দিয়া উপস্থিত হইল, তখন (বলিয়াছিল,) “ঈশ্বর ব্যতীত (অন্তের) পূজা করিও না;” তাহারা বলিল, “আমাদের প্রতিপালক ঈশ্বর ইচ্ছা করিলে দেবতাদিগকে অবতারণ করিবেন, অতএব তোমরা যৎসহ প্রেরিত হইয়াছ, নিশ্চয় আমরা তদ্বিষয়ে অবিশ্বাসী”। ১৪। কিন্তু আদজাতি পরে পৃথিবীতে নিরর্থক অহঙ্কার করিয়াছিল, এবং তাহারা বলিয়াছিল, “পরাক্রমে কে আমাদের অপেক্ষা শ্রেষ্ঠ?” তাহারা কি দেখে নাই যে, সেই ঈশ্বর, যিনি তাহাদিগকে সৃজন করিয়াছেন, তিনি তাহাদিগের অপেক্ষা পরাক্রমে শ্রেষ্ঠ, এবং তাহারা আগার নিদর্শন সকলকে অগ্রাহ করিতেছিল। ১৫। পরে আমি দুর্দিনে তাহাদের প্রতি প্রবল বায়ু প্রেরণ করিয়াছিলাম, যেন পার্থিব জীবনে তাহাদিগকে দুর্গতির শাস্তি আন্বাদন করায়; এবং নিশ্চয় পারলৌকিক শাস্তি অধিকতর দুর্গতিজনক ও তাহাদিগকে সাহায্য দান করা হইবে না। ১৬। যে সমুদ জাতি ছিল, পরে আমি তাহাদিগকে পথ প্রদর্শন করিয়াছিলাম, অবশেষে তাহারা পথপ্রদর্শনের উপর অন্ধতা স্বীকার করিল; অনন্তর তাহারা যাহা করিতেছিল, তজ্জন্ত তাহাদিগকে লাঞ্ছনার শাস্তিরূপ বজ্র আক্রমণ করিয়াছিল। ১৭। এবং যাহারা বিশ্বাস স্থাপন করিয়াছিল ও ধর্মভীরু হইতেছিল, তাহাদিগকে আমি বাঁচাইয়াছিলাম। ১৮। (র, ২, আ, ১০)

এবং যে দিবস ঈশ্বরের শত্রুগণ নরকানলের দিকে সমুখাপিত হইবে, তখন তাহারা নিবারিত হইবে *। ১৯। এ পর্য্যন্ত, যখন তাহারা তাহার নিকটে উপস্থিত হইবে, তখন তাহারা যাহা করিয়াছিল, তদ্বিষয়ে তাহাদের সম্বন্ধে তাহাদের কর্ণ ও তাহাদের চক্ষু এবং তাহাদের চক্ষাবলী সাক্ষ্যদান করিবে। ২০। এবং তাহারা স্বীয় স্পর্শেন্দ্রিয় সকলকে বলিবে, “কেন তোমরা আমাদের সম্বন্ধে সাক্ষ্য দান করিলে?” তাহারা বলিবে, “যিনি প্রত্যেক বস্তুকে বাকপটু করিয়াছেন, সেই ঈশ্বরই আমাদের বাকপটু করিয়াছেন;” এবং তিনি তোমাদিগকে প্রথমবার সৃজন করিয়াছেন ও তাহার অভিমুখে তোমরা প্রত্যাবর্তিত হইবে। ২১। তোমাদের সম্বন্ধে তোমাদের প্রোক্ত ও তোমাদের নেত্র এবং তোমাদের ত্বক্ যে সাক্ষ্য দান করে, তোমরা তাহা হইতে লুকায়িত থাকিতে পারিতেছে না; কিন্তু মনে করিয়াছ যে, তোমরা যাহা করিতেছিলে, ঈশ্বর তাহার

* কাকেরদিগের শ্রেণীভুক্ত অপর লোক পশ্চাৎ আসিবে, এই সকলকে নরকে লইয়া যাওয়া হইবে, এই উদ্দেশ্যে পূর্ববর্তী দলকে পথে দণ্ডায়মান করাইয়া প্রতীক্ষা করান হইবে। (ভ, হো,)

অধিকাংশই জানেন না। ২২। এবং তোমাদের ইহা কল্পনা, তোমরা যে কল্পনা আপন প্রতিপালকসম্বন্ধে করিতেছিলে, ইহা তোমাদিগকে বিনাশ করিল; অনন্তর তোমরা ক্ষতিগ্রস্তদিগের অন্তর্গত হইলে *। ২৩। পরিশেষে যদি তাহারা ধৈর্যধারণ করে, তথাপি অগ্নি তাহাদের স্থান হইবে, এবং যদি ক্ষমা প্রার্থনা করে, তথাপি তাহারা ক্ষমাপ্রাপ্তদিগের অন্তর্গত হইবে না। ২৪। এবং আমি তাহাদের জন্ত সহচর সকল নির্ধারণ করিয়াছিলাম, পরে তাহারা তাহাদের সম্মুখে ও তাহাদের পশ্চাতে বাহা তাহাদের জন্ত সজ্জিত করিয়াছিল, তাহাদের পূর্ববর্তী মানব ও দানবমণ্ডলীর প্রতি (শাস্তির) বাক্য বাহা হইয়াছিল, তাহাদের প্রতি তাহা প্রমাণিত হইল; নিশ্চয় তাহারা ক্ষতিগ্রস্ত হইয়াছিল +। ২৫। (র, ৩, আ, ৭)

এবং ধর্মত্ৰোহিণ বলিল, “তোমরা এই কোর-আন্ শ্রবণ করিও না, ইহার (পাঠের) মধ্যে উচ্ছৃঙ্খল বাক্য বল, সম্ভবতঃ তোমরা জয়লাভ করিবে”। ২৬। অনন্তর যাহারা ধর্মত্ৰোহী হইয়াছে, তাহাদিগকে আমি অবশ্য কঠিন শাস্তি আন্বাদন করাইব, এবং তাহারা যাহা করিতেছিল, অবশ্য তাহাদিগকে তাহার অন্তর্ভুক্ত বিনিময় দান করিব। ২৭। ঈশ্বরের শত্রুদিগের এই অগ্নি বিনিময় হয়, তথায় তাহাদের চিরনিবাস হইবে; তাহারা যে আমার নিদর্শনাবলীকে অগ্রাহ্য করিতেছিল, তদনুরূপ তাহাদিগের বিনিময় হইবে। ২৮। এবং ধর্মত্ৰোহিণ বলিবে, “হে আমাদের প্রতিপালক, দানব ও মানবজাতির যাহারা আমাদের পথভ্রান্ত করিয়াছে, তাহাদিগকে আমাদের নিকটে প্রদর্শন কর, আমরা তাহাদিগকে আপন পদতলে স্থাপন করিব, তাহাতে তাহারা নিকৃষ্টতম হইবে”। ২৯। নিশ্চয় যাহারা বলিয়াছে যে, “আমাদের প্রতিপালক পরমেশ্বর”, তৎপর স্থির রহিয়াছে, (মৃত্যুকালে) তাহাদের নিকটে দেবগণ অবতরণ করে, (বলে,) “ভয় করিও না, ও দুঃখ করিও না, তোমাদিগকে যে বিষয়ে অঙ্গীকার করা যাইতেছে, সেই স্বর্গের বিষয়ে তোমরা সন্তুষ্ট থাক ঃ। ৩০। ঐহিক জীবনে এবং পরলোকে আমরা তোমাদের বন্ধু, এবং সেখানে তোমাদের জীবন যাহা চাহে, তাহা আছে, এবং তোমরা যাহা প্রার্থনা কর, সেখানে তাহা আছে”। ৩১। ক্ষমাশীল দয়ালু (ঈশ্বর হইতে) ভোজ্যসামগ্রী হয়। ৩২। (র, ৪, আ, ৭)

* অর্থাৎ কাকেরগণ মনে করিত, আমরা প্রকাশ্যে যাহা করি, তাহা ঈশ্বর জানিতে পান, কিন্তু তিনি আমাদের গুপ্ত কার্য জানেন না। ইহা কল্পনা, সত্য নহে। (ত, হো,)

+ এখানে তাহাদের সহচর শয়তান, সম্মুখস্থ সামগ্রী ঐহিক অনিত্য হুখ সৌভাগ্য, পশ্চাত্তর্জী সামগ্রী অঙ্গীকৃত পারলৌকিক শাস্তি। পরমেশ্বর সাধুকে সাধুদিগের সহবাসে রাখেন, তাহাদের সঙ্গ ও দৃষ্টান্ত দ্বারা তাহার তপস্তা ও সাধুতার বৃদ্ধি করিয়া দেন। (ত, হো,)

‡ অর্থাৎ তাহারা ই স্থির রহিয়াছে, যাহারা সংকল্প করিয়াছে, বিবেচনা করিয়া চলিয়াছে, সাধন ভজন করিয়াছে, পাপে প্রবৃত্ত হয় নাই, ঐহিক হুখের প্রতি অমুরাগশূন্য, পরলোকের প্রতি অমুরাগী। (ত, হো,)

এবং যে ব্যক্তি ঈশ্বরের দিকে (লোকদিগকে) আহ্বান করিয়াছে ও সংকল্প করিয়াছে, এবং বলিয়াছে যে, নিশ্চয় আমি মোসলমানদিগের অন্তর্গত হই; বাক্যানুসারে তাহা অপেক্ষা কে শ্রেষ্ঠ? *। ৩৩। এবং শুভ ও অশুভ তুল্য নয়, যাহা অতীব শুভ, তদ্বারা ভূমি, (হে মোহম্মদ,) অন্তর্ভুক্ত দূর কর; (একরূপ করিলে,) পরে সেই ব্যক্তি, যে তোমার ও তাহার মধ্যে শত্রুতা আছে, অকস্মাৎ যেন সে ঘনিষ্ঠ বন্ধু হয় †। ৩৪। এবং যাহারা ঐখ্যধারণ করে, তাহাদিগকে ভিন্ন এই (প্রকৃতি) সংলগ্ন করা হয় না ও যাহারা মহা সৌভাগ্যশালী, তাহাদিগকে ব্যতীত ইহা সংলগ্ন করা হয় না। ৩৫। এবং যদি শয়তান হইতে তোমার প্রতি কুমন্ত্রণা প্রয়োজিত হয়, তবে ঈশ্বরের আশ্রয় প্রার্থনা করিও; নিশ্চয় তিনি শ্রোতা ও জ্ঞাতা। ৩৬। দিবা ও রাত্রি এবং চন্দ্র সূর্য্য তাঁহার নিদর্শনাবলীর অন্তর্গত, তোমরা সূর্য্য ও চন্দ্রের উদ্দেশে প্রণাম করিও না; যিনি ইহাদিগকে সৃজন করিয়াছেন, যদি তোমরা তাঁহার পূজা করিতেছ, তবে সেই ঈশ্বরকে নমস্কার কর। ৩৭। পরন্তু যদি তাহারা অহঙ্কার করে, (কি ভয়;) পরে যাহারা তোমার প্রতিপালকের নিকটে আছে, তাহারা অহর্নিশি তাঁহার স্তব করিয়া থাকে, এবং তাহারা প্রাস্ত হয় না। ৩৮ এবং তাঁহার নিদর্শনাবলীর অন্তর্গত যে, ভূমি দেখিয়া থাক, ভূমি কর্ষিত হয়, পরে যখন আমি তাহার উপর বারি বর্ষণ করি, তখন (উদ্ভিদগমবশতঃ) স্পন্দিত হয়, এবং (উদ্ভিদ) সমৃদ্ধগত হয়; নিশ্চয় যিনি তাহাকে জীবিত করিলেন, তিনি মৃতসঞ্জীবক, নিশ্চয় তিনি সর্বোপরি ক্ষমতামণ্ডলী। ৩৯। নিশ্চয় যাহারা আমার নিদর্শনাবলীসম্বন্ধে কুটিলতা করে, তাহা আমার নিকটে গুপ্ত থাকে না; অনন্তর যে ব্যক্তি ক্লেমামতের দিনে নিরাপদে উপস্থিত হয়, সে শ্রেষ্ঠ, না, যে ব্যক্তি অগ্নিতে নিক্ষিপ্ত হইয়া থাকে, সে? তোমরা যাহা ইচ্ছা কর, করিতে থাক; নিশ্চয় তোমরা যাহা কর, তিনি তাহার দ্রষ্টা। ৪০। নিশ্চয় যাহারা উপদেশকে (কোব্-আনকে,) যখন তাহাদের নিকটে উপস্থিত হইয়াছে, অগ্রাহ্য করিয়াছে, (তাহা গুপ্ত নহে;) নিশ্চয় উহা সম্মানিত গ্রন্থ। ৪১। তাহাতে কোন অসত্য তাহার প্রতি (কোব্-আনের প্রতি) তাহার সম্মুখ ও তাহার পশ্চাৎ হইতে উপস্থিত হয় না; প্রশংসিত বিজ্ঞানময় (ঈশ্বর) হইতে তাহা অবতারণিত হইয়াছে। ৪২। তোমাকে, (হে মোহম্মদ,) তোমার পূর্বে প্রেরিতপুরুষদিগকে যাহা বলা হইয়াছে, তন্নিম্ন বলা যাইতেছে না; নিশ্চয় তোমার প্রতিপালক ক্ষমাশীল ও দুঃখজনক শাস্তিদাতা। ৪৩। এবং যদি আমি তাহাকে আজমী ভাষার কোব্-আন্ করিতাম, তাহা

* যখন বেলাল আজানদানে প্রবৃত্ত হইতেন, তখন ইহুদিগা বলিত, কাক ডাকিতেছে ও নমাজে আহ্বান করিতেছে। এইরূপ তাহারা অনেক অন্ত্যায় উক্তি করিত। এই আয়ত বেলালের সম্বন্ধে অবতীর্ণ হইয়াছে। আজানদান সংকল্পের অন্তর্গত। (ত, হো,)

† অর্থাৎ ঈশ্বর একমাত্র, এই বিশ্বাস করা এবং তাঁহার অঙ্গী নির্ণয় করা, এ দুই শুভাশুভ এক নহে। ক্রোধকে শাস্ত্যবস্থা দ্বারা, অপরাধকে ক্ষমা দ্বারা নিবারণ করিবে। (ত, হো,)

হইলে নিশ্চয় তাহারা বলিত, “কেন তাহার আয়ত সকল অভিব্যক্ত করা হয় নাই ? কি আজমী (ভাষা) ও আরব্য (লোক) ?” তুমি বল, (হে মোহাম্মদ,) যাহারা বিশ্বাস স্থাপন করিয়াছে, উহা তাহাদের জন্ত পথপ্রদর্শন ও স্বাস্থ্য ; এবং যাহারা বিশ্বাস করে না, তাহাদের কর্ণে ভার হয়, এবং উহা তাহাদের নিকটে অন্ধতা । তাহারা (ঈদৃশ,) যেন দূরদেশ হইতে (তাহাদিগকে) আহ্বান করা যাইতেছে । ৪৪ । (র, ৫, আ, ১২)

এবং সত্য সত্যই আমি মুসায়ে গ্রন্থ দান করিয়াছি, অনন্তর তন্মধ্যে বিপর্যয় করা হইয়াছে ; এবং যদি, (হে মোহাম্মদ,) তোমার প্রতিপালকের বাক্য পূর্বে প্রচার না হইত, তবে তাহাদের মধ্যে অবশ্য বিচার-নিষ্পত্তি করা যাইত ; এবং নিশ্চয় তাহারা তৎপ্রতি গভীর সন্দেহের মধ্যে আছে * । ৪৫ । যে ব্যক্তি সংকল্প করিয়াছে, পরে তাহা তাহার জীবনের জন্ত হয়, এবং যে ব্যক্তি কুরুষ করিয়াছে, পরে (তাহার মন্দফল) তাহার উপ-রেই ; এবং তোমার প্রতিপালক দাসদিগের সম্বন্ধে অত্যাচারী নহেন । ৪৬ । কেষামতের জ্ঞান তাঁহার প্রতিই প্রতাপিত হয়, এবং তাঁহার জ্ঞান ব্যতীত কোন ফল আপন আবরণ হইতে উন্মুক্ত হয় না ও কোন নারী গর্ভ ধারণ করে না ও প্রসব করে না ; এবং যে দিবস তিনি তাহাদিগকে ডাকিয়া বলিবেন, “আমার অংশিগণ কোথায় ?” তাহারা বলিবে, “তোমাকে জ্ঞাপন করিয়াছি যে, আমরাদিগের এ বিষয়ে কোন সাক্ষী নাই” । ৪৭ । এবং ইতিপূর্বে তাহারা যাহা অর্চনা করিত, তাহাদিগ হইতে তাহা লুপ্তায়িত হইল, এবং তাহারা মনে করিল যে, তাহাদের জন্ত কোন পলায়নের স্থান নাই । ৪৮ । মনুষ্য শুভ প্রার্থনায় পরিশ্রান্ত হয় না, এবং যদি অশুভ তাহাকে আশ্রয় করে, তবে নিরাশ হতাশাস হয় । ৪৯ । এবং তাহাকে যে দুঃখ আশ্রয় করিয়াছে, তাহার পর যদি আমি আপন সন্নিধান হইতে কোন করুণা তাহাকে ভোগ করাই, তবে সে অবশ্য বলিবে, “ইহা আমার জন্তই ও আমি মনে করি না যে, কেষামত স্থিতি করিবে, এবং যদি আমি স্বীয় প্রতিপালকের দিকে ফিরিয়া আসি, তবে নিশ্চয় আমার জন্ত তাঁহার নিকটে কল্যাণ আছে ;” অবশ্য আমি কাফেরদিগকে, তাহারা যাহা করিয়াছে, তাহা জ্ঞাপন করিব, এবং অবশ্য আমি তাহাদিগকে গুরুতর শাস্তি ভোগ করাইব । ৫০ । এবং যখন আমি মল্লশ্যের প্রতি সম্পদ দান করি, তখন সে বিমুখ হয় ও আপন পার্শ্ব সরাইয়া থাকে ; এবং যখন তাহাকে অকল্যাণ আশ্রয় করে, তখন সে প্রচুর প্রার্থনাকারী হয় । ৫১ । তুমি বল, (হে মোহাম্মদ,) তোমরা কি দেখিতেছ ? যদি ঈশ্বরের নিকট হইতে (কোর-আন্) হয়, তাহার পর তোমরা তৎপ্রতি বিব্রোহাচরণ করিয়া থাক, তবে যে

* “তন্মধ্যে বিপর্যয় করা হইয়াছে” অর্থাৎ কোর-আনে কেহ কেহ বিশ্বাস স্থাপন করিয়াছে, কেহ কেহ অবিশ্বাস করিয়াছে । যদি কেষামতের অঙ্গীকার না থাকিত, পুনরুত্থানের পর পাপের দণ্ড দেওয়া যাইবে, এরূপ পূর্বে ঈশ্বরের অঙ্গীকার না করিতেন, তবে তাহাদিগকে এক্ষণে শাস্তি দেওয়া যাইত ।

(ত, হো,)

ব্যক্তি মহাবিকৃতভাবে আসে, তাহা অপেক্ষা কে অধিক বিপৎগামী ? ৫২। শীঘ্র আমি চতুর্দিকে ও তাহাদের জীবনের মধ্যে আমার নিদর্শন সকল প্রদর্শন করিব; এ পর্য্যন্ত, তাহাদের জন্ত প্রকাশিত হইবে যে, নিশ্চয় ইহা সত্য। তোমার প্রতিপালক কি যথেষ্ট নয় যে, তিনি সর্ব বিষয়ে সাক্ষী ? ৫৩। জানিও, নিশ্চয় তাহারা স্বীয় প্রতিপালকের সাক্ষাৎকার বিষয়ে সজ্জিত; জানিও, নিশ্চয় তিনি সর্ববিষয়ে আবেষ্টনকারী। ৫৪।
(র, ৬, আ, ১০)

সূরা শূরা *

.....

দাচত্বারিংশ অধ্যায়

.....

৫৩ আয়ত, ৫ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হাম। ১। অস্কা ৮। ২। কৌশলময় পরাক্রান্ত ঈশ্বর এইরূপে তোমার প্রতি, (হে মোহম্মদ,) ও যাহারা তোমার পূর্বে ছিল, তাহাদের প্রতি প্রত্যাদেশ করিয়াছেন। ৩। স্বর্গে যাহা কিছু আছে ও পৃথিবীতে যাহা কিছু আছে, তাহা তাঁহারই; তিনি সমুন্নত মহান। ৪। এবং দু্যলোক সকল (তাঁহার প্রতাপে) আপনার উপর বিদীর্ণ হইতে উপক্রম, দেবগণ স্বীয় প্রতিপালকের প্রশংসার তুব করিয়া থাকে, এবং যাহারা পৃথিবীতে আছে, তাহাদের জন্ত ক্ষমা প্রার্থনা করে; জানিও, নিশ্চয় ঈশ্বর ক্ষমাশীল দয়ালু। ৫। এবং যাহারা তাঁহাকে ছাড়িয়া (অত) বন্ধুগণ গ্রহণ করে, ঈশ্বর তাহাদের সম্বন্ধে প্রহরী; তুমি তাহাদের সম্বন্ধে তদ্বাবধায়ক নও। ৬। এবং এইরূপে

* এই সূরা মক্কাতে অবতীর্ণ হইয়াছে।

† মহান আলি বলিয়াছেন, “হাম” “অস্কা” এই বাবচ্ছেদক শব্দদ্বয়ের অক্ষরাবলীর সাত্ত্বিক অর্থ ক্রমাগত দক্ষ হওরা, ভয়হীন, শান্তি, রূপান্তর হওরা, প্রসন্ন নিকেপ করা। এই বর্ণাবলীর অবতরণ হইলে হজরতের মুখমণ্ডলে বিবাদের চিহ্ন প্রকাশ পায়। কেহ তাহার কারণ জিজ্ঞাসা করিলে বলিলেন, আমার মণ্ডলীসম্বন্ধে যাহা বটবে, সে বিষয়ে আত্মকে জ্ঞাপন করা হইয়াছে। কেহ বলিয়াছেন যে, এই সকল বর্ণ ক্রমাগত কৌশলময়, গৌরবান্বিত, জ্ঞানময় ব্রহ্ম ও শক্তিপূর্ণ ঈশ্বরের এই কয় গুণবাচক শব্দের আদি বর্ণ। এতদ্বির অস্তিত্ব সাত্ত্বিক অর্থও হয়।

(ত, হে,)

আমি তোমার প্রতি আরব্য কোর্-আন্ প্রত্যাশে করিয়াছি, যেন তুমি মকানিবাসীকে ও যাহারা তাহার পার্শ্বে বাস করে, তাহাদিগকে ভয় প্রদর্শন কর, এবং সম্মিলনের (কেয়ামতের) দিনের ভয় প্রদর্শন কর; তদ্বিষয়ে সন্দেহ নাই, একদল স্বর্গে ও একদল নরকে থাকিবে। ৭। এবং ঈশ্বর যদি চাহিতেন, তবে তাহাদিগকে এক মণ্ডলীভুক্ত করিতেন, কিন্তু তিনি যাহাকে ইচ্ছা করেন, স্বীয় অমুগ্রহের মধ্যে আনয়ন করিয়া থাকেন; যাহারা অত্যাচারী, তাহাদের জন্ত কোন বন্ধু ও সাহায্যকারী নাই। ৮। তাহারা কি তাঁহাকে ছাড়িয়া (অন্ত) বন্ধু সকল গ্রহণ করিয়াছে? অনন্তর সেই ঈশ্বরই বন্ধু, এবং তিনি মৃতকে জীবিত করেন, তিনি সর্বোপরি ক্ষমতাশালী। ৯। (র, ১, আ, ২)

এবং তোমরা, (হে বিশ্বাসিগণ,) যে কোন বিষয়ে (কাফেরদিগের সঙ্গে) বিরোধ কর, অনন্তর ঈশ্বরের প্রতি তাহার নীমাংসা; এই পরমেশ্বরই আমার প্রতিপালক, আমি তাঁহার প্রতি নির্ভর করিয়াছি, এবং তাঁহার দিকেই পুনর্নির্মিত হইতেছি। ১০। তিনি নিখিল স্বর্গ ও মর্ত্যালোকের স্রষ্টা, তিনি তোমাদের জন্ত তোমাদের জাতি হইতে পুংস্ত্রী যুগল ও চতুষ্পদ জাতি হইতে পুংস্ত্রী যুগল সজ্জন করিয়াছেন, তাহাতে তোমাদিগকে বিকীরণ করিয়া থাকেন; কোন পদার্থ তাঁহার সদৃশ নহে, এবং তিনি শ্রোতা ও দ্রষ্টা। ১১। স্বর্গ ও মর্ত্যের কুঞ্জিকা সকল তাঁহারই, তিনি যাহাকে ইচ্ছা করেন, তাহার জন্ত জীবিকা বিস্তৃত বা সঙ্কচিত করিয়া থাকেন; নিশ্চয় তিনি সর্ববিষয়ে জ্ঞানী। ১২। তিনি হুহাকে ধর্মের যে কিছু আদেশ করিয়াছিলেন, তাহা তোমাদের জন্ত নির্দ্বারিত করিয়াছেন; এবং তোমার প্রতি আমি বাহা প্রত্যাশে করিয়াছি, এবং এব্রাহিম ও মুসা, ঈসাকে যে উপদেশ করিয়াছি যে, ধর্মকে প্রতিষ্ঠিত রাখ, এবং তাহাতে বিচ্ছিন্ন হইও না, তাহা (তোমাদের জন্ত নির্দ্বারিত;) যাহার দিকে তুমি তাহাদিগকে আহ্বান করিয়া থাক, অংশিবাদীদিগের প্রতি তাহা গুরুতর। পরমেশ্বর যাহাকে ইচ্ছা করেন, আপনার নিকটে গ্রহণ করিয়া থাকেন, এবং যে ব্যক্তি পুনর্নির্মিত হয়, তাহাকে আপনার দিকে পথ প্রদর্শন করেন। ১৩। এবং তাহাদের নিকটে জ্ঞানাগমের পর আপনাদের মধ্যে পরস্পর শত্রুতাবশতঃ ভিন্ন তাহারা বিচ্ছিন্ন হয় নাই; * নির্দিষ্ট কাল পর্যন্ত (অবকাশদান বিষয়ে) তোমার প্রতিপালকের বাক্য পূর্বের প্রচার না হইলে, অবশ্য তাহাদের মধ্যে বিচারনিষ্পত্তি হইত। নিশ্চয় তাহাদের পরে যাহাদিগকে গ্রন্থের উত্তরাধিকারী করা গিয়াছে, তাহারা তদ্বিষয়ে উৎকণ্ঠাজনক সন্দেহের মধ্যে আছে। ১৪। অনন্তর এই (ধর্মের) জন্ত তুমি আহ্বান করিতে থাক, যেদ্রুপ তুমি আদিষ্ট হইয়াছ, তদ্রূপ স্থিতি কর, এবং তাহাদিগের বাসনার অনুসরণ করিও না। এবং বল, “গ্রন্থের যে কিছু

* অর্থাৎ আদ, নমুদ প্রভৃতি পূর্বতনমণ্ডলী এবং ইহুদি ও ঈসায়ী সম্প্রদায় প্রেরিতপুরুষদিগের নিকটে তওরাৎ ও ইঞ্জিল প্রভৃতি ধর্মপুস্তকের জ্ঞান লাভ করিয়া শত্রুতাবশতঃ ধর্ম পরিত্যাগ করিয়াছে, এবং বিচ্ছিন্ন হইয়া কুপথগামী হইয়াছে।

(ত, হে,)

ঈশ্বর অবতারণ করিয়াছেন, আমি তৎপ্রতি বিশ্বাস করিলাম ; আমি আদিষ্ট হইয়াছি যে, তোমাদের মধ্যে বিচার করিব। পরমেশ্বর তোমাদের প্রতিপালক ও আমাদের প্রতিপালক, আমাদের জগৎ আমাদের কার্য্য (কার্য্যের ফল) ও তোমাদের জগৎ তোমাদের কার্য্য, তোমাদের ও আমাদের মধ্যে বাধিতণ্ডা নাই ; পরমেশ্বর আমাদের মধ্যে সন্মিলন সংস্থাপন করিবেন, এবং তাঁহার দিকেই পুনর্সন্মিলন” । ১৫ । এবং যাহারা ঈশ্বরের (দর্শ) সম্বন্ধে তাহা গ্রহণ করার পর বাধিতণ্ডা করে, তাহাদের বাধিতণ্ডা তাহাদের প্রতিপালকের নিকটে অমূলক, এবং তাহাদের প্রতি ক্রোধ ও তাহাদের জগৎ কঠিন শাস্তি হয় । ১৬ । সেই ঈশ্বর, যিনি সত্যভাবে গ্রন্থ ও পরিমাণসম্মত অবতারণ করিয়াছেন ; * এবং প্রকৃতপক্ষে কিসে তোমাকে জ্ঞাপন করিয়াছে যে, সম্ভবতঃ কেয়ামত সন্নিহিত ? ১৭ । যাহারা তৎপ্রতি (কেয়ামতের প্রতি) বিশ্বাস রাখে না, তাহারা তাহা সহর প্রার্থনা করে, ও যাহারা বিশ্বাস রাখে, তাহারা তাহা হইতে ভীত হয়, এবং জানে যে, উহা সত্য ; জানিও, নিশ্চয় যাহারা পুনরুত্থানদৃষ্টে বাধিতণ্ডা করিয়া থাকে, তাহারা দূরতর পথভ্রাস্ত্রব মধ্যে আছে । ১৮ । পরমেশ্বর আপন দাসমণ্ডলীর প্রতি দয়াবান্, তিনি যাহাকে ইচ্ছা করেন, উপজীবিকা দিয়া থাকেন ; তিনি শক্তিমান্ এবং পরাক্রান্ত । ১৯ । (র, ২, আ, ১০)

যে ব্যক্তি পারলৌকিক ক্রমিক্ষেত্র ইচ্ছা করে, আমি তাহার জগৎ তাহার ক্রমিক্ষেত্রে বৃদ্ধি দান করিব ; এবং যে ব্যক্তি সাংসারিক ক্ষেত্র আকাজ্জা করে, আমি তাহার কিছু তাহাকে দান করিয়া থাকি, কিন্তু পরলোকে তাহার জগৎ কোন ভাগ নাই । ২০ । তাহাদের কি সেই অংশী সকল আছে যে, তাহাদের জগৎ ধর্ম্মের (একু) কোন বিধি নির্ধারণ করিয়াছে, যাহা ঈশ্বর আদেশ করেন নাই ? এবং যদি (ঈশ্বরের) মৌমাংসা-বাক্য না হইত, তবে তাহাদের মধ্যে নিষ্পত্তি হইয়া যাইত ; নিশ্চয় যাহারা অত্যাচারী, তাহাদের জগৎ দুঃখকরী শাস্তি আছে । ২১ । তুমি অত্যাচারীদেরকে দেখিবে যে, তাহারা গাছ করিয়াছে, তজ্জগৎ ভয়াবুল আছে, এবং উহা তাহাদের প্রতি সজ্জনীয় ; যাহারা বিশ্বাস স্থাপন ও সংকর্ষ সকল করিয়াছে, তাহারা স্বগোষ্ঠান সকলে থাকিবে, তাহারা যাহা আকাজ্জা করে, আপন প্রতিপালকের নিকট তাহাদের জগৎ তাহা আছে, ইহা সেই মহা উন্নতি । ২২ । যাহারা বিশ্বাস স্থাপন ও সংকর্ষ সকল করিয়াছে, সেই স্বীয় দাসদিগকে পরমেশ্বর যে স্তম্ভসংবাদ দান করেন, তাহা ইহা ; তুমি বল, (হে মোহম্মদ,) “স্বর্ণের প্রতি প্রণয় স্থাপন ব্যতীত আমি এই (কোব্-আন্) সম্বন্ধে কোন পারিশ্রমিক তোমাদের নিকটে প্রার্থনা করি না ; এবং যে ব্যক্তি শুভাচরণ করে, আমি তাহাতে

* এস্থলে প্রকৃতপক্ষে পরিমাণসম্মত অর্থে জ্ঞায়পরতা ; ঈশ্বর হিতাহিত বিচারের জগৎ জ্ঞায়পরতাকে প্রেরণ করিয়াছেন ও তাহার তত্ত্ব গ্রন্থবদ্ধ হইয়াছে । কেহ কেহ বলেন, এস্থানে পরিমাণসম্মত হজরত মোহম্মদ, জ্ঞায়বিচারের বিধি তাহাতেই আশ্রয় করিয়াছে । (ত, হো,)

তাহার জন্ত শুভ বর্ধিত করিয়া থাকি, নিশ্চয় ঈশ্বর কমানীল মর্যজ্ঞ” *। ২৩। তাহারা কি বলে যে, (প্রেরিত পুরুষগণ) ঈশ্বরসম্বন্ধে অসত্য রচনা করিয়াছে? অনন্তর ঈশ্বর ইচ্ছা করিলে, তোমার মনের উপর মোহর করিবেন, এবং ঈশ্বর অসত্যকে লুপ্ত করেন ও স্বীয় বাণ্য দ্বারা সত্যকে স্থিরীকৃত করিয়া থাকেন; নিশ্চয় তিনি অন্তরের রহস্তবিৎ। ২৪। এবং তিনিই, যিনি স্বীয় দাসদিগের পুনর্মিলন গ্রহণ করেন ও পাপ সকল ক্ষমা করিয়া থাকেন, এবং তোমরা যাহা করিয়া থাক, তিনি তাহার জ্ঞাতা। ২৫। যাহারা বিশ্বাস স্থাপন ও সংকল্প সকল করিয়াছে, তিনি তাহাদের (প্রার্থনা) গ্রাহ্য করেন ও স্বীয় করুণাশূণ্য তাহাদিগকে অধিক দান করিয়া থাকেন; এবং (এই যে) ধর্মদ্রোহিগণ, তাহাদের জন্ত কঠিন শাস্তি আছে। ২৬। এবং যদি পরমেশ্বর স্বীয় দাসদিগের জন্ত উপজীবিকা বিস্তৃত করিতেন, তবে অবশ্য তাহারা ধরাভালে বিপ্লব করিত; কিন্তু তিনি যাহা চাহেন, সেই পরিমাণে (জীবিকা) অবতারণ করেন, নিশ্চয় তিনি স্বীয় দাসমণ্ডলী সম্বন্ধে জ্ঞাতা দ্রষ্টা। ২৭। তিনিই, যিনি তাহাদের নিরাশ হওয়ার পর বৃষ্টি বর্ষণ করেন, এবং স্বীয় দয়াকে বিকীর্ণ করিয়া থাকেন, তিনি প্রশংসিত বহু। ২৮। এবং স্বর্গ মর্ত্যের সৃষ্টি ও উভয়ের মধ্যে যে জন্ত সকল বিস্তার করিয়াছেন, তাহা তাহার নিদর্শনাবলীর অন্তর্গত; এবং তিনি যখন ইচ্ছা করিবেন, তখন তাহাদিগকে একত্র সংগ্রহ করিতে সমর্থ। ২৯। (র, ৩, আ, ১০)

তোমাদিগকে যে কোন দুঃখ আশ্রয় করে, তোমাদের হস্ত যে (পাপ) অহুষ্ঠান করিয়াছে, তাহা তজ্জন্ত হয় এবং তিনি অধিকাংশ (পাপ) ক্ষমা করেন *। ৩০। এবং তোমরা পৃথিবীতে (ঈশ্বরের) পরাভবকারী নও, এবং তোমাদের জন্ত ঈশ্বর ব্যতীত কোন বহু ও সাহায্যকারী নাই। ৩১। এবং সাগরে তরঙ্গী সকল গিরিশ্রেণীর স্তায় তাহার নিদর্শনাবলীর অন্তর্গত। ৩২। তিনি ইচ্ছা করিলে বায়ুকে নিবৃত্ত করেন, তখন

* হজরত মদিনার চলিয়া আসিলে পর আনসার সম্প্রদায়স্থ প্রধান প্রধান লোকেরা তাহার নিকটে যাইয়া নিবেদন করিলেন যে, “আপনি আমাদের ভাগিনের ও আমাদের ধর্মনেতা; আমরা দেখিতেছি যে, আপনার ব্যয় অধিক, আয় অল্প। যদি আপনি আদেশ করেন, তবে আমরা স্বীয় জায়োপার্জিত কিছু অর্থ আনিয়া আপনাকে উৎসর্গ করিতে পারি, তাহা আপনি আবশ্যকমতে ব্যয় করিবেন; ভাড়াতে অর্থসম্বন্ধে আপনার মনের ভার লাঘব হইবে”। এতদুপলক্ষে এই আয়ত অবতীর্ণ হয়, যথা—হে মোহম্মদ, তুমি বল যে, প্রচারসম্বন্ধে আমি কাহারও নিকটে পারিশ্রমিক প্রত্যাশা করি না, কেবল স্বগণের নিকটে বহুতা আকাঙ্ক্ষা করি। অর্থাৎ কোরেশ দলের উচিত যে, আমি যে তাহাদের স্বগণ, কুটুম্ব, ভজ্ঞন্ত আমাকে ভালবাসে, আমার কার্যে বাধা না দেয় ও আমার সঙ্গে শত্রুতা না করে।

(ত. হো,)

+ মহান্না আলি বলিয়াছেন যে, এই ঘটন অত্যন্ত আশাজনক। ঈশ্বর বলিতেছেন, কোন কোন পাপের জন্ত বিশ্বাসীদিগের প্রতি শাস্তি উপস্থিত হইবে, কিন্তু তাহাদের অধিকাংশ পাপ ক্ষমা করা যাইবে।

(ত. হো)

তাহার (সমুদ্রের) পৃষ্ঠোপরি (নৌকা সকল) স্থির হয় ; নিশ্চয় ইহাতে প্রত্যেক সহিষ্ণু ও কৃতজ্ঞ লোকদিগের জন্ত নিদর্শনাবলী আছে । ৩৩ । + অথবা তিনি, তাহারা যে (অপকন্ম করিয়াছে, তজ্জন্ত তাহাদিগকে বিনাশ করেন, এবং অধিকাংশ (অপরাধ) ক্ষমা করিয়া থাকেন । ৩৪ । + এবং যাহারা আমার নিদর্শনাবলীসম্বন্ধে বিরোধ করে, তাহারা (ঈশ্বরের) প্রতিফল দান যে কি, তাহা) জানিবে, তাহাদের জন্ত পলায়নের কোন স্থান নাই । ৩৫ । অনন্তর তোমাদিগকে যে কোন বস্তু দেওয়া গিয়াছে, (উহা) পার্থিব জীবনের ফললাভ ; এবং যাহারা বিশ্বাস স্থাপন করিয়াছে ও স্বীয় প্রতিপালকের প্রতি নির্ভর করিতেছে, তাহাদের জন্ত এবং যাহারা গুরুতর পাপ হইতে ও দুরাচার হইতে প্রতিনিবৃত্ত হয়, এবং যখন ক্রুদ্ধ হয়, তখন ক্ষমা করিয়া থাকে, এবং যাহারা আপন প্রতিপালকের (আজ্ঞা) গ্রাহ্য করে ও উপাসনাকে প্রতিষ্ঠিত রাখে, তাহাদের জন্ত ঈশ্বরের নিকটে যাহা আছে, তাহা কল্যাণকর ও অধিকতর স্থায়ী ; এবং তাহাদের কার্য আপনাদের মধ্যে পরামর্শমতে হয় ও তাহাদিগকে আমি যে উপজীবিকা দিয়াছি, তাহারা তাহা ব্যয় করিয়া থাকে । ৩৬+৩৭+৩৮ । এবং যখন যাহাদের প্রতি নিপীড়ন উপস্থিত হয়, তাহারা তাহার প্রতিদ্বন্দ্বিতা করে (তাহাদের জন্ত) । ৩৯ । এবং অপকারের বিনিময়ে তৎসদৃশ অপকার ; পরন্তু যে ব্যক্তি ক্ষমা করে ও সন্ধি স্থাপন করে, পরে ঈশ্বরের নিকটে তাহার পুরস্কার আছে । নিশ্চয় তিনি অত্যাচারীদিগকে প্রেম করেন না । ৪০ । এবং নিশ্চয় নিজে উৎপীড়িত হওয়ার পর যাহারা প্রতিহিংসা করে, ইহারাই, ইহাদের উপর (ভৎসনার) কোন পথ নাই । ৪১ । যাহারা মানবমণ্ডলীর প্রতি অত্যাচার করে, এবং ধরাতে নিরর্থক উৎপাত করিয়া থাকে, তাহাদের প্রতি পথ আছে, এতদ্ভিন্ন নহে ; ইহারাই, ইহাদের জন্ত দুঃখজনক শাস্তি আছে । ৪২ । অবশ্য যে ব্যক্তি ধৈর্যধারণ ও ক্ষমা করে, নিশ্চয় ইহা প্রার্থিত কার্য সকলের অন্তর্গত । ৪৩ । (র, ৪, আ, ১৪)

এবং যাহাকে ঈশ্বর পথভ্রান্ত করেন, পরে তদভাবে তাহার জন্ত কোন বন্ধু নাই ; তুমি অত্যাচারীদিগকে দেখিবে যে, যখন তাহারা শাস্তি দর্শন করিবে, বলিবে, “ফিরিয়া যাওয়ার দিকে কি কোন পথ আছে” ? ৪৪ । এবং তুমি তাহাদিগকে দেখিবে যে, তাহার (নরকের) দিকে হীনতায় কাতর করতঃ উপস্থিত করা যাইতেছে, অর্ধনিমীলিত নয়নকোণে তাহারা দেখিতেছে এবং বিশ্বাসী লোকেরা বলিবে, “নিশ্চয় যাহারা কেষামতের দিনে আপন জীবনকে ও আপন পরিজনকে ক্ষতিগ্রস্ত করিয়াছে, তাহারাই ক্ষতিকারক ;” জানিও, নিশ্চয় অত্যাচারিগণ চির শাস্তিতে থাকিবে । ৪৫ । ঈশ্বর ব্যতীত তাহাদের কোন সহায় হইবে না যে, তাহাদিগকে সাহায্য দান করিবে ; ঈশ্বর যাহাকে পথভ্রান্ত করেন, অনন্তর তাহার জন্ত কোন পথ নাই । ৪৬ । ঈশ্বরের নিকট হইতে যাহার প্রতিনিবৃত্তি নাই, সেই দিন আসিবার পূর্বে তোমরা আপন প্রতিপালকের (আজ্ঞা) গ্রাহ্য কর ; সেই দিন তোমাদের জন্ত কোন আশ্রয়ভূমি নাই, এবং

তোমাদের কোন অসম্মতির (স্থল) নাই । ৪৭ । অনন্তর যদি তাহারা বিমুখ হয়, তবে (জানিও,) তাহাদের প্রতি আমি তোমাকে রক্ষকরূপে প্রেরণ করি নাই, প্রচার ভিন্ন তোমার প্রতি (কোন ভার) নাই ; এবং নিশ্চয় যখন আমি আপন সন্নিধান হইতে দয়া মনু্যকে আশ্বাসন করাই, তখন সে তাহাতে আহ্লাদিত হয়, এবং তাহার হস্ত যাহা অগ্রে প্রেরণ করিয়াছে, (যে দুষ্কর্ম করিয়াছে,) তজ্জন্ত যদি তাহার প্রতি অকল্যাণ উপস্থিত হয়, তবে নিশ্চয় সেই মনু্য ঈশ্বরবিরোধী হইয়া থাকে । ৪৮ । স্বর্গ ও পৃথিবীর সমাক্ রাজত্ব ঈশ্বরেরই ; তিনি যাহা ইচ্ছা করেন, সৃষ্টি করিয়া থাকেন, যাহাকে ইচ্ছা করেন, কণ্ঠা দান করেন ও যাহাকে ইচ্ছা করেন, পুত্র দান করিয়া থাকেন । ৪৯ । + অথবা তাহাদের সহিত পুত্র ও কণ্ঠা সম্মিলিত করেন, এবং যাহাকে ইচ্ছা করেন, বন্ধ্যা করিয়া থাকেন ; নিশ্চয় তিনি শক্তিমান্ জ্ঞানী । ৫০ । এবং অতুপ্রাণন দ্বারা বা যবনিকার অন্তরাল হইতে ভিন্ন কোন মনু্যয়ের (অধিকার) নাই যে, ঈশ্বর তাহার সঙ্গে কণা কহেন ; অথবা তিনি প্রেরিতপুরুষ (স্বর্গীয় দূত) প্রেরণ করেন, পবে সে তাহার আজ্ঞাক্রমে ইচ্ছান্তরূপ অতুপ্রাণন করিয়া থাকে । নিশ্চয় তিনি উন্নত কৌশলময় । ৫১ । এবং এদ্রূপে আমি তোমার প্রতি স্বীয় বাণীযোগে কোর-আন্ প্রত্যাদেশ করিয়াছি ; গ্রন্থ কি ও দর্শ্য কি, তুমি জানিতে না, কিন্তু আমি তাহাকে (প্রত্যাদেশকে) অলোকস্বরূপ করিয়াছি, আপন দাসদিগের মধ্যে যাহাকে ইচ্ছা করি, তদ্বারা আমি পথ প্রদর্শন করিয়া থাকি । নিশ্চয় তুমি সরল পথের দিকে পথ প্রদর্শন করিয়া থাক । ৫২ । + নিগিল স্বর্গে যে কিছু আছে ও পৃথিবীতে যে কিছু আছে, তাহা যাহার, সেই ঈশ্বরেরই পথ জানিও ; ঈশ্বরের দিকে দ্রিষ্টা সকলের প্রত্যাবর্তন । ৫৩ । (র, ৫, আ, ১০)

সূরা জোখরোফ

.....

ত্রয়শ্চত্বারিংশ অধ্যায়

.....

৮৯ আয়ত, ৭ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হাম ৴ । ১ । দেদীপ্যমান্ গ্রন্থের ৭ পথ । ২ । + নিশ্চয় আমি ইহাকে আরবা কোর-আন্ রূপে সৃষ্টি করিয়াছি যে, তোমরা হৃদয়দ্বন্দ্ব করিতেছ । ৩ । এবং নিশ্চয় ইহা

* এই সূরা মক্কাতে অবতীর্ণ হইয়াছে ।

+ ব্যবচ্ছেদক বর্ণাবলী বিজ্ঞাপন ও উদ্বোধন উদ্দেশ্যে হয়, তাহা অবশ্যে শোভার চৈতন্যোদয়

মূল গ্রন্থের (স্বর্গে সংরক্ষিত গ্রন্থের) ভিতরে আমার নিকটে আছে ; নিশ্চয় (ইহা) সমুদ্রত বৈজ্ঞানিক । ৪ । অনন্তর তোমরা সীমলজ্ঞানকারী দল বলিয়া আমি কি তোমাদিগ হইতে, (হে কোরেশগণ,) উপদেশকে অপসারিত করিব * ? ৫ । এবং পূর্বতন লোকদিগের প্রতি আমি এই সংবাদবাহক প্রেরণ করিয়াছিলাম । ৬ । অনন্তর এমন কোন তত্ত্ববাহক তাহাদের নিকটে আসে নাই যে, তাহারা তাহার প্রতি বাঙ্গ করে নাই । ৭ । পরে তাহাদিগ অপেক্ষা আক্রমণে প্রবলতর লোকদিগকে আমি বিনাশ করিয়াছি, এবং পূর্ববর্তী লোকদিগের দৃষ্টান্ত (বর্ণিত) হইয়াছে । ৮ । যদি তুমি, (হে মোহাম্মদ,) তাহাদিগকে ভিজ্ঞাসা কর, “কে ভুলোক ও নিখিল স্বর্গলোক সৃজন করিয়াছেন ?” তাহারা অবশ্য বলিবে যে, “পরাক্রান্ত জ্ঞানী (ঈশ্বর) এ সকল সৃজন করিয়াছেন” । ৯ ।+তিনিই, যিনি তোমাদের জন্ত ধরাকে শয্যা করিয়াছেন ও তন্মধ্যে তোমাদের জন্ত বস্তু সকল করিয়াছেন, যেন তোমরা পথ প্রাপ্ত হও । ১০ । যিনি আকাশ হইতে পরিমিতরূপে বারিবর্ষণ করিয়াছেন, পরে তদ্বারা আমি মৃত নগরকে (ভূগুণ্মাদির উদ্গমে) জীবিত করিয়াছি, এইরূপ (কবর হইতে) তোমরা বহির্গত হইবে । ১১ । যিনি বহুবিধ (জীবজন্তু) সর্বতোভাবে সৃষ্টি করিয়াছেন, এবং তোমাদের জন্ত নৌকা ও গুপ্ত সকলকে, যাহার উপর তোমরা আরোহণ করিয়া থাক, সৃজন করিয়াছেন । ১২ ।+যেন তাহার পৃষ্ঠোপরি তোমরা আরোহণ কর ; তৎপর যখন তদুপরি আরুঢ় হও, তখন আপন প্রতিপালকের (প্রদত্ত) সম্পদ স্মরণ করিও, এবং বলিও, “যিনি আমাদের জন্ত ইহা অধিকৃত করিয়াছেন, আমরা তৎসম্বন্ধে সমর্থ ছিলাম না, পবিত্রতা তাহারই ঃ । ১৩ ।+এবং নিশ্চয় আমরা আপন প্রতিপালকের দিকে পুনর্নির্ভরকারী” । ১৪ । এবং তাহারা তাহার জন্ত তাহার দাসমণ্ডলী হইতে অংশ (সন্তান) নিরূপণ করিয়াছে ; নিশ্চয় মহুগ্য স্পষ্ট ধর্ম্মদ্রোহী ঃ । ১৫ । (র, ১, আ ১৫)

হইয়া পাকে । এতলে ছা ও মিম বর্ণদ্বয় কোর্-আনের মহাবাকা-শ্রবণের উত্তেজনাত্মক । কশফোল আশ্রয়ে উক্ত হইয়াছে যে, ‘হা’র লক্ষ্য ঈশ্বরের জীবন ও ‘মিম’র লক্ষ্য তাহার রাজত্ব । অগ্নয় জীবন ও অগ্নিগ্নর রাজত্বের পপ স্মরণ করা বাইতেছে, ইহার এই অর্থ । (ত, হো,)

* অর্থাৎ তোমরা কোর্-আনের উপদেশকে অগ্রাহ্য করিতেছ ও অসত্য বলিতেছ, তজ্জন্ত আমি প্রত্যাশে নিবারণ করিব না, বরং ক্রমশঃ তাহা প্রেরণ করিব । তোমাদের বিজোহাফরণের জন্ত কোর্-আনকে স্বর্গে প্রত্যাহার করিব না । আমি জানিতেছি যে, এমন একজাতি শীঘ্র আসিবে যে, তাহারা ইহাকে মান্য করিবে, এবং ইহার উপদেশানুযায়ী আচরণ করিবে । (ত, হো,)

+ যখন হজরত অশ্বের রেকাবে পদস্থাপন করিতেন, তখন “বেস্মালা” বলিতেন, এবং যখন তাহার পৃষ্ঠোপরি আরোহণ করিতেন, তখন “অল্-হম্দলেলাহে” বসন উচ্চারণ করিতেন, সর্বাবস্থায় “সব্-হানহু” (পবিত্রতা তাহার) বলিতেন । আরোহী উচিত যে, “অল্-হম্দলেলাহে” উচ্চারণ করেন । (ত, হো,)

‡ ঈশ্বরের স্রষ্টা, মহিমা ও জ্ঞান স্বীকার করিয়াও কারকেরগণ মূর্ত্তাবশতঃ তাহার সন্তান হইয়াছে

যাহা সৃষ্টি করেন, তাহা হইতে কি তিনি কত্যাগণ গ্রহণ করিয়া থাকেন ও তোমাদিগকে পুত্র বলিয়া স্বীকার করেন? ১৬। এবং ঈশ্বরের জ্ঞাত যে সাদৃশ্য বর্ণন করিয়াছে, তদ্বিষয়ে (তদ্বিকক্ষে) যখন তাহাদের এক ব্যক্তি বিজ্ঞাপিত হয়, তখন তাহার মুখ মলিন হইয়া যায়, এবং বিষাদপূর্ণ হয়। ১৭। যে ব্যক্তি বিভূষণে প্রতিপালিত এবং যে কলহে অপ্রকাশিত, তাহাকে কি (ঈশ্বর পুত্ররূপে গ্রহণ করিবেন)*? ১৮। এবং যাহারা ঈশ্বরের কিঙ্কর, সেই দেবতাদিগকে তাহারা নারী স্থির করিয়াছে; তাহাদের সৃষ্টির সময়ে তাহারা কি উপস্থিত ছিল? অবশ্য তাহাদের সাক্ষ্য লেখা যাইবে ও প্রশ্ন করা হইবে †। ১৯। এবং তাহারা বলিল, “যদি ঈশ্বর চাহিতেন, তবে আমরা তাহাদিগকে অর্চনা করিতাম না;” এ বিষয়ে তাহাদের জ্ঞান নাই, তাহারা অসত্য ভিন্ন বলে না ‡। ২০। তাহাদিগকে কি আমি তাহার (কোরু-আনের) পূর্বে কোন গ্রন্থ দান করিয়াছি, পরে তাহারা তাহার অবলম্বনকারী হইয়াছে §? ২১। বরং তাহারা বলে যে, “নিশ্চয় আমরা আপন পিতৃপুরুষদিগকে এক রীতিতে প্রাপ্ত হইয়াছি, এবং নিশ্চয় আমরা তাহাদের পদচিহ্নেতে পথপ্রাপ্ত”। ২২। এইরূপ তোমার পূর্বে, (হে মোহম্মদ,) আমি এমন কোন গ্রামে কোন ভয়প্রদর্শককে প্রেরণ করি নাই যে, তাহার সম্পন্ন লোকেরা বলে নাই যে, “নিশ্চয় আমরা আমাদের পিতৃপুরুষদিগকে এক রীতিতে প্রাপ্ত হইয়াছি, এবং এরূপ বলে, দেবতাদিগকে তাহার কত্যা বলিয়া থাকে। তাহারা জানে না যে, শারীরিক প্রকৃতি হইতে সম্ভাব্য উৎপত্তি হয়, কিন্তু তিনি দৈহিকপ্রকৃতি-বিবর্জিত, সমুদয় দেহের স্রষ্টা। (ত, হো,)

* “যে ব্যক্তি বিভূষণে প্রতিপালিত” অর্থাৎ যে ব্যক্তি বেশ ভূষা ও বিলাস আমোদে লালিত পালিত হয়, সে সংগ্রামক্ষেত্রে প্রবেশের ক্ষমতা রাখে না; এবং যে তর্ক বিতর্ক ও বিবাদস্থলে প্রমাণ প্রয়োগ করিতে পারে না, ঈশ্বর কি এরূপ ব্যক্তিকে পুত্র বলিয়া গ্রহণ করেন? আরবা অনেকেশ্বরবাদী লোকেরা বীরত্ব ও বাগ্মিতার গর্ব করিত, কিন্তু প্রায়শঃ তাহারা এ দুই বিষয়ে বঞ্চিত থাকিত। (ত, ফা,)

† হজরত কাকেরদিগকে জিজ্ঞাসা করিয়াছিলেন, “তোমরা কিরূপে জান যে, দেবগণ স্ত্রীলোক?” তাহারা বলিয়াছিল যে, “ইহা পিতা পিতামহের মুখে শুনিয়াছি, এবং আমরা সাক্ষ্য দান করিতেছি যে, তাহারা মিথ্যা বলেন নাই।” তাহাতে ঈশ্বর বলিলেন, “শীঘ্রই ইহাদের সাক্ষ্য লেখা যাইবে ও কেরামতে তদ্বিষয়ে জিজ্ঞাসা করা হইবে”। (ত, হো,)

‡ অর্থাৎ পৌত্তলিকগণ বলে, “তাহাদিগকে পূজা করিতে পরমেশ্বর আমাদের সম্বন্ধে নির্দারণ করিয়াছেন, ইহা তাহার অনুমোদিত কার্য। অতএব তিনি তজ্জাত আবাদিগকে শান্তি দান করিবেন না”। বাস্তবিক তর্কস্থলে তাহারা মিথ্যা বলিতেছিল, পবিত্ররূপ ঈশ্বর কখনও কোন ধর্মাবিরোধী ধর্মবিরুদ্ধ কার্যকে অনুমোদন করেন না। (ত, হো,)

§ অর্থাৎ ঈশ্বর বলিতেছেন, কোরু-আনের পূর্বে তাহাদিগকে এমন কোন গ্রন্থ দান করি নাই যে, তাহা তাহাদের কথার সত্যতার প্রমাণ প্রদর্শন করিবে; তাহারা বুজির নিয়মাত্মসত্ত্বেও কোন প্রমাণ রাখে না। (ত, হো,)

নিশ্চয় আমরা তাহাদের পদচিহ্নের অমুসরণকারী”। ২৩। (প্রেরিতপুরুষ) বলিয়াছিল, “আপন পিতৃপুরুষদিগকে তোমরা যে বিষয়ে প্রাপ্ত হইয়াছ, তাহা অপেক্ষা শ্রেষ্ঠধর্ম যদিচ তোমাদের নিকটে আনয়ন করিয়াছি, (তথাপি কি তোমরা পিতৃপুরুষদিগের অমুসরণ করিতেছ ?)” তাহারা বলিয়াছিল, “তোমরা যৎসহ প্রেরিত হইয়াছ, তৎসম্বন্ধে নিশ্চয় আমরা বিরোধী”। ২৪। অনন্তর আমি তাহাদিগ হইতে প্রাতিশোধ লইয়াছি, পরে দেখ, মিথ্যাবাদীদিগের কিরূপ পরিণাম হইয়াছে ? ২৫। (র, ২, আ, ১০)

এবং (স্মরণ কর,) যখন এব্রাহিম স্বীয় পিতা ও জ্ঞাতিবর্গকে বলিয়াছিল, “আমাকে যিনি সৃজন করিয়াছেন, তাঁহাকে ব্যতীত তোমরা যাহাকে অর্চনা করিয়া থাক, তৎপ্রতি নিশ্চয় আমি বীতরাগ ; পরে একান্তই তিনি আমাকে পথ প্রদর্শন করিবেন *। ২৬+২৭। এবং তিনি তাহাকে (একত্ববাদের বাক্যকে) তাহার সন্তানগণের মধ্যে স্থায়ী বাক্য করিয়াছেন, সম্ভবতঃ তাহারা (কাফেরগণ) ফিরিয়া আসিবে” †। ২৮। বরং ইহাদিগকে ও ইহাদের পিতৃপুরুষদিগকে, যে পর্য্যন্ত ইহাদের নিকটে সত্য (ধর্ম) ও দীপ্যমান প্রেরিত পুরুষ উপস্থিত হয়, (ধন সম্পত্তি ও দীর্ঘায়ুযোগে) আমি ফলভোগী করিয়াছি। ২৯। যখন তাহাদের নিকটে সত্য উপস্থিত হইল, তখন তাহারা বলিল, “ইহা ভোজ্যবাজী, এবং নিশ্চয় আমরা তৎসম্বন্ধে বিরোধী”। ৩০। এবং তাহারা বলিল, “এই দুই গ্রামের (মক্কা ও তায়েফের) কোন প্রধান ব্যক্তির প্রতি কেন এই কোর্-আন্ অবতারিত হইল না” ? ৩১। তোমার প্রতিপালকের রূপা (প্রেরিত) তাহারা কি ভাগ করিতেছে ? আমি তাহাদের মধ্যে সাংসারিক জীবনে তাহাদের উপজীবিকা ভাগ করিয়াছি ও তাহাদের এক জনকে অগ্র জনের উপর পদাঙ্গুসারে উন্নত করিয়াছি, যেন তাহাদের এক অন্তকে স্তূপরূপ গ্রহণ করে ; তাহারা যাহা সংগ্রহ করিয়া থাকে, তাহা অপেক্ষা তোমার প্রতিপালকের রূপা শ্রেষ্ঠ। ৩২। তাহা না হইলে মানবমণ্ডলী (ধনসংগ্রহে) এক দল হইত ; ঈশ্বরের সম্বন্ধে যাহারা বিশ্বাসী হইয়াছে, তাহাদের জন্ত অবশ্য আমি তাহাদের গৃহের নিমিত্ত রৌপ্যময় ছাদ এবং সোপানাবলী, যাহার উপর পদস্থাপন করিয়া (উপরে) উঠে, এবং তাহাদের গৃহের দ্বার সকল ও সিংহাসন সকল, যাহার উপর ভর দিয়া বসে, প্রস্তুত করিতাম, বাহ্য শোভান্বিত (করিতাম,) এ সমুদায় পার্থিব জীবনের ভোগ ভিন্ন নহে। এবং তোমার প্রতিপালকের নিকটে ধর্মভীরুদিগের জন্ত পরলোক হয় ‡। ৩৩+৩৪+৩৫। (র, ৩, আ, ১০)

* অর্থাৎ ঈশ্বর বলিতেছেন, যদি তোমরা পিতৃপুরুষদিগের মতামুসরণ করিয়া থাক, তবে কেন তোমাদের পূর্ব পুরুষ এব্রাহিমের অমুসরণ করিতেছ না ? (ত, হো,)

† কেহ কেহ বলেন, এস্থলে এব্রাহিমের সন্তান হজরত মোহাম্মদ, এই বংশেই একত্ববাদ চির প্রতিষ্ঠিত থাকে। কেহ কেহ বলেন, পরমেশ্বর এব্রাহিমের বংশপরম্পরাতে একত্ববাদ স্থায়ী করিয়াছেন। (ত, হো,)

‡ সংসারের প্রতি অবজ্ঞাসূচক এই আয়াত, অর্থাৎ ঈশ্বর বলিতেছেন যে আমার নিকটে সংসারের

এবং যে ব্যক্তি ঈশ্বরস্মরণে শৈথিল্য করে, আমি তাহার জন্ত পাপপুরুষ নির্ধারণ করি, পরে সে তাহার পারিষদ হয়। ৩৬। নিশ্চয় তাহার (পাপ পুরুষগণ) তাহাদিগকে পথ হইতে নিবৃত্ত করে, এবং (মলুষ) মনে করে যে, তাহার পথপ্রাপ্ত ৩৭। এতদূর পর্য্যন্ত যে, যখন আমার নিকটে উপস্থিত হইবে, তখন (শয়তানকে পাপী) বলিবে যে, “যদি তোমার ও আমার মধ্যে পূর্বে পশ্চিমের ত্রায় দূরতা থাকিত, (ভাল ছিল;) অপিত তুমি অসং সঙ্গী হও”। ৩৮। এবং (আমি বলিব,) অত্ন কখনও তোমাদিগকে ফল দর্শাইবে না; যখন তোমরা অত্যাচার করিয়াছ, তখন তোমরা শাস্তির মধ্যে পরস্পর অঙ্গী হও। ৩৯। অনন্তর তুমি কি, (হে মোহাম্মদ,) বধিরকে শুনাইতেছ, বা অন্ধকে এবং সেই ব্যক্তিকে, যে স্পষ্ট পথপ্রাপ্তিতে আছে, পথ প্রদর্শন করিতেছ * ? ৪০। অনন্তর যদি আমি তোমাকে (এই পৃথিবী হইতে পূর্বে) লইয়াও যাই, পরে নিশ্চয় আমি তাহাদের প্রতিশোধকারী হইব। ৪১।+ অথবা তাহাদের প্রতি বাহা অঙ্গীকার করিয়াছি, তোমাকে দেখাইব; পরিশেষে নিশ্চয় আমি তাহাদের উপর ক্ষমতাশালী হই। ৪২। অবশেষে তোমার প্রতি বাহা প্রত্যাদেশ করা হইয়াছে, তুমি তাহা অবলম্বন কর, নিশ্চয় তুমি সরল পথে আছ। ৪৩। এবং নিশ্চয় (কোরু-আন্) তোমার জন্ত ও তোমার দলের জন্ত উপদেশ হয়, এবং অবশ্য তুমি (কেয়ামতে) জিজ্ঞাসিত হইবে। ৪৪। আমি তোমার পূর্বে যাহাদিগকে প্রেরণ করিয়াছি, সেই আমার প্রেরিত পুরুষদিগের (বিষয়) জিজ্ঞাসা কর, ঈশ্বর ব্যতীত (অত্ন) উপাস্ত কি আমি নির্ধারণ করিয়াছিলাম যে, পূজিত হইবে ? ৪৫। (র, ৪, আ, ১০)

এবং সত্য সত্যই আমি মুসাকে আপন নিদর্শনাবলী সহ ফেরগণ ও তাহার প্রধান পুরুষদিগের নিকটে প্রেরণ করিয়াছিলাম; পরে সে বলিয়াছিল যে, “নিশ্চয় আমি অখিল জগতের প্রতিপালকের প্রেরিত”। ৪৬। অনন্তর যখন সে আমার নিদর্শনাবলী সহ তাহাদের নিকটে উপস্থিত হইল, অকস্মাৎ তাহার তৎসম্বন্ধে হাস্ত করিতে লাগিল। ৪৭। এবং আমি তাহাদিগকে এমন কোন নিদর্শন প্রদর্শন করি নাই যে, তাহা তাহার সদৃশ নিদর্শন অপেক্ষা শ্রেষ্ঠ ছিল না; শাস্তি দ্বারা তাহাদিগকে আক্রমণ করিয়াছিলাম, কোন মূল্য ও মর্যাদা নাই। আমি উৎসাহ দিলে এরূপ হইত যে, লোক সকল সসারের ধনমান অবেষণ করিত ও তৎপ্রতি আসক্তিবশতঃ তাহা সংগ্রহে রত থাকিত, এবং এই কারণে সাধন ভজন ও আত্মগত্য হইতে নিবৃত্ত হইয়া অধর্মাচারে রত হইত। যদি আমি তাহাদের গৃহের সোপান, ছাদ ও দ্বার এবং সিংহাসন সকল স্বর্ণ রজতে নির্মাণ করিয়া দিতাম, তাহা হইলেও উহা পার্থিব জীবনের ক্ষণিক ভোগ ভিন্ন হইত না; কিন্তু ধার্মিকলোকেরা ঈশ্বরের নিকটে পারলৌকিক সম্পদ লাভ করিয়া থাকে।

(ভ, হো,)

* কোরেশগণ সন্ধর্ষের অমুসরণ করিবে বলিয়া হজরতের মনে সম্পূর্ণ আশা ছিল। তিনি দৃঢ়তার সহিত প্রচার করিতে থাকেন, তাহাদেরও শত্রুতা ও অবজ্ঞা বৃদ্ধি পায়, ইহাতেই ঈশ্বর এরূপ বলেন।

(ভ, হো,)

যেন তাহারা ফিরিয়া আইসে। ৪৮ । এবং তাহারা বলিয়াছিল, “হে জাহ্নকর, তুমি আপন প্রতিপালকের নিকটে, তিনি তোমার নিকট যাহা অঙ্গীকার করিয়াছেন, তাহা আমাদের জন্ত প্রার্থনা কর; নিশ্চয় আমরা পথপ্রাপ্ত” * । ৪৯ । অনন্তর যখন আমি তাহাদিগ হইতে শাস্তি দূর করিলাম, তখন অকস্মাৎ তাহারা অঙ্গীকার ভঙ্গ করিল । ৫০ । এবং ফেরগণ আপন দলকে ডাকিয়া বলিল, “হে আমার সম্প্রদায়, আমার জন্ত কি মেসরের রাজত্ব নয়? এই পয়ঃপ্রণালী সকল আমার (প্রাসাদের) নিম্ন দিয়া কি প্রবাহিত হইতেছে না †? অনন্তর তোমরা কি দেখিতেছ না” ? ৫১ । ভাল, সে নিকৃষ্ট, তাহা অপেক্ষা আমি শ্রেষ্ঠ । ৫২ । + এবং সে স্পষ্ট কথা কহিতে সমর্থ নয় ‡ । ৫৩ । অনন্তর কেন তাহার প্রতি স্তব্ধ কেয়ূর নিক্ষিপ্ত হয় নাই, অথবা তাহার সন্ধে সম্মিলিত দেবগণ আগমন করে নাই §? ৫৪ । অবশেষে সে আপন দলকে হতবুদ্ধি করিল, পরে তাহারা তাহার অহুগত হইল, নিশ্চয় তাহারা পায়গুদল ছিল । ৫৫ । অনন্তর যখন তাহারা আমাকে জোধ্যিত করিল, তখন আমি তাহাদিগ হইতে প্রতিশোধ লইলাম, পরে তাহাদিগকে যুগপৎ জলমগ্ন করিলাম । ৫৬ । + অবশেষে আমি তাহাদিগকে ভবিষ্যৎ লোকদিগের জন্ত দৃষ্টান্ত ও অগ্রণী করিলাম । ৫৭ । (র, ৫, আ, ১২)

এবং যখন মরয়মের পুত্রে (ঈসায়) দৃষ্টান্ত প্রদত্ত হইল, তখন অকস্মাৎ তোমার জ্ঞাতিগণ, (হে মোহম্মদ,) তাহাতে উচ্চস্বনি করিল । ৫৮ । এবং বলিল, “আমাদের উপাস্ত দেবগণ শ্রেষ্ঠ, না, সে?” তাহারা বাদাম্ববাদচ্ছলে ভিন্ন উহা তোমার জন্ত ব্যক্ত করে নাই, বরং তাহারা বিবাদকারী দল ॥ ৫৯ । সে (ঈসা) ভূত্যা ভিন্ন নহে,

* যখন ফেরগণীয় দল দ্রুতিক্ষ জলপ্লাবনাদি দর্শন করিল, তখন তাহারা কাতরভাবে মুসার নিকটে একগু প্রার্থনা করে, “তোমার প্রতি ঈশ্বর অঙ্গীকার করিয়াছেন যে, তুমি প্রার্থনা করিলে তিনি আমাদিগ হইতে শাস্তি দূর করিবেন, তবে সেই প্রার্থনা কর ।” এখানে জাহ্নকর সম্মানহুৎক সম্বোধন । মেসরবাসীদিগের নিকটে ঐলজালিক বিদ্যা বিশেষ গৌরবের বিদ্যা, জাহ্ন করা প্রশংসিত গুণ ছিল হে জাহ্নকর, অর্থাৎ হে মহাকাব্যে নিপুণ বা ঐলজালিক বিদ্যার অগ্রণী । (ত, হো,)

† ফেরগণের প্রাসাদের প্রান্তে নীলনদের স্রোত তিন শত বাটভাগে বিভক্ত হইয়াছিল, তন্মধ্যে মোল্ক প্রণালী, তুলুল প্রণালী, দমিয়াতু প্রণালী ও তনিস প্রণালী বৃহৎ ছিল । এই চারি জলস্রোত উদ্ভানের ভিতর দিয়া ফেরগণের হর্দ্যমূলে প্রবাহিত হইত, তজ্জন্ত সে গর্ব করিত । (ত, হো,)

‡ অর্থাৎ “মুসার জিহ্বা জড়তাপ্রাপ্ত, সে স্পষ্টরূপে কথা উচ্চারণ করিতে পারে না ।” দুরাশা ফেরগণ এ কথা মিথ্যা বলিয়াছিল । যে হেতু ইতিপূর্বে ঈশ্বরের কৃপায় তাহার জিহ্বার গ্রন্থি উন্মুক্ত হইয়াছিল, তখন লোকের নিকটে তাহা গুপ্ত ছিল । তাহারা তাহাকে পূর্ববৎ অস্পষ্টভাবী জানিত ।

§ তৎকালে যাহারা প্রাধান্ত ও নেতৃত্ব লাভ করিত, তাহাদিগকে স্বর্ণময় কেয়ূর বাহতে ও হার কণ্ঠে পরাইয়া দিত । এজন্ত ফেরগণ বলিল, “মুসা যদি একজন ভবিষ্যদ্বক্তা ও নেতা সত্য হয়, তবে কেন পরমেশ্বর তাহাকে কেয়ূর পরাইয়া দেন নাই?” (ত, হো,)

॥ হজরত মোহম্মদ কোরেশজাতীয় প্রধান পুরুষদিগকে বলিয়াছিলেন, “ঈশ্বর ব্যতীত তোমরা

তাহাকে আমি সম্পদ দান করিয়াছি, এবং বনিএশ্রায়েলের জন্ত তাহাকে দৃষ্টান্ত করিয়াছি। ৬০। এবং যদি আমি ইচ্ছা করিতাম, তবে অবশ্য তোমাদিগের পরিবর্তে দেবগণ সৃজন করিতাম, যেন তাহারা ধরাতলে স্থলাভিষিক্ত হয়। ৬১। নিশ্চয় সে (ঈসা) কেয়ামতের নিদর্শনস্বরূপ, অতএব তৎসম্বন্ধে তোমরা সন্দেহ করিও না; এবং তুমি বল, (হে মোহাম্মদ,) তোমরা আমার অনুসরণ কর, ইহাই সরল পথ *। ৬২। এবং শয়তান তোমাদিগকে নিবৃত্ত না করুক, নিশ্চয় সে তোমাদের স্পষ্ট শত্রু। ৬৩। এবং যখন ঈসা অলৌকিকতা সহ আগমন করিয়াছিল, তখন বলিয়াছিল, “নিশ্চয় আমি তোমাদের নিকটে, (হে লোক সকল,) প্রকৃষ্ট জ্ঞান সহ উপস্থিত হইয়াছি; তোমরা যে কোন একটি বিষয়ে পরস্পর বিরোধ করিয়া থাক, তাহা তোমাদের জন্ত বর্ণন করিব, পরন্তু তোমরা ঈশ্বরকে ভয় করিতে থাক ও আমার অনুসরণ কর। ৬৪। নিশ্চয় সেই ঈশ্বরই আমার প্রতিপালক ও তোমাদের প্রতিপালক, অনন্তর তোমরা তাঁহাকে অর্চনা কর, ইহাই সরল পথ”। ৬৫। পরে সম্প্রদায় সকল আপনাদের মধ্যে পরস্পর বিরোধ করিল; যাহারা অত্যাচার করিয়াছে, দুঃখজনক দিনের শাস্তিবশতঃ তাহাদের জন্ত আক্ষেপ। ৬৬। কেয়ামত যে অকস্মাৎ তাহাদের প্রতি উপস্থিত হইবে, তদ্বিত্ত তাহারা

যে অস্ত্র বস্তুকে অর্চনা কর, তদ্বিষয়ে কোন শাস্ত্রীয় প্রমাণ নাই।” তাহাতে তাহাদের কতকগুলি লোক বলিয়া উঠে যে, “ঈশ্বর বাস্তবী ঈসা হন, তিনি ঈসাদিগের উপাস্য, তুমি মনে কর, ঈসা ঈশ্বরের সাদৃশ্যতা, এ বিষয়ে তোমরাও কোন শাস্ত্র নাই।” কোরেশগণ এই কথায় উচ্চপদনি করিয়া উঠিল ও মনে করিল যে, হজরত পরাস্ত হইলেন। অনেকে বলিতে লাগিল যে, “ঈসা সৃষ্ট পদার্থ হইয়া ঈসাদিগের উপাস্ত হইয়াছে, অতএব আমাদের ঈশ্বরও সৃষ্ট পদার্থ হওয়া উচিত। যখন ঈসা ঈশ্বরের পুত্ররূপে বিহিত হইয়াছে, তখন দেবগণ কেন ঈশ্বরের কন্যা হইতে পারিবেন না? যদি ঈসায়িলল ঈশ্বরকে ছাড়িয়া ঈসাকে পূজা করিয়া অধোগতি প্রাপ্ত হয়, তবে আমরাও আমাদের দেবগণের সহিত অধোগতি প্রাপ্ত হইব।” (ত, হো,)

* কেয়ামতের প্রাক্কালে মিথ্যাবাদী দজ্জাল প্রবল হইয়া উঠিলে, মহাপুঙ্খ ঈসা বিচিত্র বসন পরিধান করিয়া স্বর্গ হইতে পৃথিবীতে দমস্ক নগরের পূর্বপ্রান্তে গুল মনোমেটের নিকটে অবতীর্ণ হইবেন। তিনি দুই স্বর্ণীয় দূতের ডানায় উভয় করতল স্থাপন করিয়া নামিবেন। তাহার পবিত্র কপোলে স্বর্ণবিন্দুসকল প্রকাশ পাইবে; যখন মস্তক অবনত করিবেন, তখন তাহার মুখমণ্ডল হইতে উহা বিন্দু বিন্দু ক্ষরিত হইবে, এবং যখন মস্তক উন্নত করিবেন, তখন নিদাঘকণিকা সকল তাহার গণ্ডস্থলে মুক্তাফলের স্থায় শোভা পাইবে। তিনি যে কাফেরের নিকটে উপস্থিত হইবেন, তাহার মৃত্যু হইবে। অনন্তর তিনি দজ্জালের অনুসন্ধানে বাহির হইবেন। দজ্জাল আপনাকে ঈসা মসিহ বলিয়া প্রচার করিয়াছিল। শামদেশে বাবলদনামক গ্রামের নিকটে ঈসা দজ্জালকে প্রাপ্ত হইয়া বধ করিবেন। তখন দুর্দান্ত ইয়াজুজ ও মাজুজ নির্গত হইবে। মহাত্মা ঈসা তুরগিরিতে বিশ্বাসীদিগকে লইয়া যাইবেন, এবং সেই স্থানকে দুর্গ করিয়া থাকিবেন। তৎপর প্রলয় হইবে। অতএব জানা যায় যে, ঈসা কেয়ামতের পূর্বলক্ষণস্বরূপ। (ত, হো,)

প্রতীক্ষা করিতেছে না, এবং তাহারা বৃদ্ধিতেছে না। ৬৭। সেই দিবস ধর্মভীরুগণ ব্যতীত অণু বন্ধুগণ তাহাদের এক অগ্নের পরস্পর শত্রু। ৬৮। (র, ৬, আ, ১১)

হে আমার দাসগণ, অণু তোমাদের প্রতি ভয় নাই, এবং তোমরা শোকগ্রস্ত হইবে না। ৬৯। যাহারা আমার নিদর্শন সকলের প্রতি বিশ্বাস স্থাপন করিয়াছিল, এবং মোসলমান ছিল। ৭০। (তাহাদিগকে বলা হইবে,) “তোমরা ও তোমাদের ভাৰ্য্যাগণ সানন্দে স্বর্গে প্রবেশ কর”। ৭১। তাহাদের প্রতি বৃহৎ সুবর্ণপাত্র ও সোরাহী সকল পরিবেশন করা হইবে, তন্মধ্যে প্রাণ যাহা অভিলାষ করে, তাহা থাকিবে ; এবং (বলা হইবে,) চক্ষুও স্বাদ গ্রহণ করিবে, * তোমরা তথায় নিত্যনিবাসী হইবে। ৭২। এবং ইহাই সেই স্বর্গ, তোমরা যাহা (যে সংকল্প) করিয়াছ, তজ্জন্ত তোমদিগকে তাহার উত্তরাধিকারী করা হইয়াছে। ৭৩। তোমাদের জ্ঞাত এখানে প্রচুর ফল আছে, তাহা হইতে তোমরা ভক্ষণ করিতেছ। ৭৪। নিশ্চয় পাপিগণ নরকদণ্ডের মধ্যে নিত্যনিবাসী। ৭৫। তাহাদিগ হইতে (শাস্তি) শিথিল করা হইবে না, তাহাতে তাহারা তথায় নিরাশ হইয়া থাকিবে। ৭৬। এবং আমি তাহাদের প্রতি অত্যাচার করি নাই, কিন্তু তাহারা অত্যাচারী ছিল। ৭৭। তাহারা (নরকাধাক্ষকে) ডাকিয়া বলিবে, “হে প্রভো, উচিত যে, আমাদের প্রতি তোমার প্রতিপালক মৃত্যুর আদেশ করেন ;” সে বলিবে, “নিশ্চয় তোমরা (এস্থলে) স্থায়ী”। ৭৮। সত্য সত্যই তোমাদের নিকটে আমি সত্য আনয়ন করিয়াছি, কিন্তু তোমাদের অধিকাংশই সত্যের উদ্দেশ্যে অসন্তুষ্ট। ৭৯। তাহারা কি কোন কার্যে সন্তুষ্ট হইয়াছে ? অনন্তর নিশ্চয় আমি (তাহাদের কার্যের বিরুদ্ধে) সন্তুষ্ট। ৮০। তাহারা কি মনে করিতেছে যে, আমি তাহাদের রহস্য ও তাহাদের গুপ্ত বাক্য শ্রবণ করি না ? হাঁ (শ্রবণ করি,) বরং আমার প্রেরিতগণ তাহাদের নিকটে (বসিয়া) শ্রুতিয়া থাকে। ৮১। তুমি বল, (হে মোহম্মদ,) “যদি ঈশ্বরের কোন সন্তান হইত, তবে আমি (তাহার) সম্মানকারীদের মধ্যে প্রথম হইতাম”†। ৮২। তাহারা যাহা বর্ণন করে, তদপেক্ষা স্বর্গ মর্ত্যের

* যাহা দর্শনে আনন্দ হয়, নয়ন তদর্শনেই স্বাদ গ্রহণ করে। প্রেমাম্পদের রূপদর্শনেই চক্ষু আনন্দপ্রাপ্ত ও পরিতৃপ্ত হয়। প্রেমাম্পদের প্রতি প্রেমিক লোকের অনুরাগ যত প্রবল হয়, দর্শনের আনন্দন ততই বৃদ্ধি হইয়া থাকে। অনুরাগ প্রেমতরুর ফলস্বরূপ, যাহার যত প্রেম বাড়ে, প্রেমাম্পদকে দেখিবার অনুরাগ ও স্পৃহা তাহার তত বৃদ্ধি পায়, সে তত দর্শনের রস আনন্দন করিতে থাকে। স্বর্গবাসীগণ স্বর্গে প্রেমাম্পদ ঈশ্বরের দর্শনের রস আনন্দন করিবেন। (ত, হো,)

† এই আয়তের মর্ম এই যে, যদি ঈশ্বরের কোন পুত্র থাকিত, তবে স্পষ্ট প্রমাণে তাহা প্রমাণিত হইত, আমি তাহাকে সম্মান করিতাম। অর্থাৎ আমি যে সর্বদা ঈশ্বরকে গোঁরব দান করিয়া থাকি, তাহার সন্তান থাকিলে, সেই সন্তানের অবশ্য সম্মান করিতাম। বাস্তবিক তাহার কোন সন্তান নাই। এক দিন হারেসের পুত্র নজর কোরেশবংশীয় প্রধান পুত্রবৃন্দের সভায় বসিয়া কোর-আনের আয়ত বিশেষক লক্ষ্য করিয়া উপহাস বিক্রম করিতেছিল। অলিদি মঘয়রা সেই সময়ে এসলামধর্ম-

প্রতিপালক সিংহাসনাধিপতির পবিত্রতা (অধিক)। ৮৩। পরে তাহাদিগকে ছাড়িয়া দাও, তর্কবিতর্ক করুক ও যাহা অঙ্গীকৃত হইতেছে, সেই দিনের সাক্ষাৎকার পর্যন্ত ক্রীড়ামোদ করিতে থাকুক। ৮৪। এবং তিনিই যিনি স্বর্গে উপাস্ত ও পৃথিবীতে * উপাস্ত, এবং তিনি কৌশলময় জ্ঞানী। ৮৫। স্বর্গ মর্ত্যের ও উভয়ের মধ্যে যে কিছু আছে, তাহার রাজত্ব যাহার, তিনি মহোন্নত ও তাঁহার নিকটে কেয়ামতের জ্ঞান, এবং তাঁহার দিকে তোমরা ফিরিয়া যাইবে। ৮৬। এবং যে ব্যক্তি সত্যোতে সাক্ষ্য দান করিয়াছে, সে ব্যতীত তাহারা ঈশ্বরকে ছাড়িয়া যাহাদিগকে আহ্বান করিয়া থাকে, তাহারা শফায়তের ক্ষমতা রাখে না, এবং তাহারা জানিতেছে। ৮৭। যদি তুমি তাহাদিগকে জিজ্ঞাসা কর যে, কে তাহাদিগকে সৃজন করিয়াছে? তবে অবশ্য তাহারা বলিবে, পরমেশ্বর; অনন্তর কোথা হইতে তাহারা ফিরিয়া যাইতেছে? ৮৮। এবং (প্রেরিত পুরুষ কর্তৃক) অনেক বলা হইয়া থাকে যে, “হে আমার প্রতিপালক, নিশ্চয় ইহারা এমন এক দল যে, বিশ্বাস করিতেছে না”। (আমি বলিয়াছি,) অনন্তর তুমি তাহাদিগ হইতে বিমূণ হও, এবং সেলাম বল, পরে অবশ্য তাহারা জানিতে পাইবে। ৮৯। (র, ৭, আ, ২১)

গ্রহণে সমুচ্চত ছিল, সে সর্বদা কোর্-আনের প্রশংসা করিত। সে নজরের ব্যঙ্গ বিক্রমে দুঃখিত হইয়া বলে, “নজর, তুমি কোর্-আনের প্রতি উপহাস করিতেছ? মোহাম্মদ অথবা উক্তি করেন না।” নজর বলিল, “আমিও সত্য বলি; মোহাম্মদ বলে, ঈশ্বর ব্যতীত উপাস্ত নাই, আমিও তাহা বলি এবং দেবগণ তাঁহার কল্পা, এই কথা তৎসঙ্গে বোণ করি।” এই উক্তি হজরত শুনিতে পান, তিনি অত্যন্ত দুঃখিত হন, তাহাতে জেব্রিল উক্ত আয়ত আনয়ন করে। নজর আলিদের নিকটে যাইয়া এই আয়ত পাঠ করিয়া বলে যে, মোহাম্মদের ঈশ্বর আমার কথা সপ্রমাণ করিয়াছে। যথা, “যদি ঈশ্বরের কোন সন্তান থাকিত, তবে আমি সম্মানকারীদের প্রথম হইতাম।” আলি এই কথা শুনিয়া বলিল, “তুমি নিরর্থক, ঈশ্বর তোমার বাক্য মিথ্যা প্রমাণিত করিয়াছেন। ইহা নিষেধ অর্থে হয়, ইহার স্বর্ণ, ঈশ্বরের সন্তান নাই।” (ত, হো,)

সূরা দোখান *

.....

চতুশ্চত্বারিংশ অধ্যায়

.....

৫৯ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হাম ১। ১। দীপ্যমান গ্রন্থের শপথ। ২। + নিশ্চয় আমি তাহাকে শুভরজনীতে অবতারণ করিয়াছি, নিশ্চয় আমি ভয়প্রদর্শক ছিলাম। ৩। তাহাতে (সেই রাত্রিতে) প্রত্যেক দৃঢ়কার্য্য নিষ্পত্তি করা হয় ৫। ৪। + আমি আপন সন্নিধান হইতে (সেই রজনীতে) আদেশ (অবতারণ করিয়াছি ।) নিশ্চয় আমি (তোমার) প্রেরক হই। ৫। তোমার প্রতিপালকের দয়াবশতঃ (তাহা অবতারিত হইয়াছে ;) নিশ্চয় তিনি শ্রোতা জ্ঞাত। ৬। + যদি তোমরা বিশ্বাসী হও, তবে (জানিও,) তিনি স্বর্গ মর্ত্যের ও উভয়ের মধ্যে যে কিছু আছে, তাহার প্রতিপালক। ৭। তিনি বাতীত উপাশ্রু নাই, তিনিই বাচান ও মারেন ; তিনি তোমাদের প্রতিপালক ও তোমাদের পূর্ববর্তী পিতৃপুরুষদিগের প্রতিপালক। ৮। বরং তাহারা সন্দেহের মধ্যে ক্রীড়া করিতেছে। ৯। অনন্তর যে

* এই সূরা মক্কাতে অবতীর্ণ হইয়াছে।

† এ স্থলে “হাম” এই ব্যবচ্ছেদক বর্ণের অর্থ, আমি স্বীয় প্রেমাস্পদদিগকে কৃপাশুণে সংরক্ষণ করিয়াছি ইত্যাদি। (ত, হো,)

‡ এই শুভরাত্রি “শবেকদর” নামক রাত্রি, এই রজনী বিশেষ কল্যাণযুক্ত। এই রজনীতে মহাঐশ্বর্য কোর্-আন, যাহা ধর্ম ও সংসারসম্বন্ধীয় লাভের কারণ, এবং আধ্যাত্মিক ও বাহ্যিক অতীষ্ট সিদ্ধির হেতু, স্বর্গ হইতে পৃথিবীর আকাশে অবতীর্ণ হইয়াছিল। এই রাত্রিতে কোর্-আনের অবতারণ দ্বারা ঈশ্বর পাপীদিগের ভয়প্রদর্শক হইয়াছেন। অনেকে বলেন যে, “শবেবরাত” সেই শুভরাত্রি, উহা শাবানমাসের মধ্যভাগের রাত্রি। সেই রাত্রিতে দেবগণ অবতীর্ণ হন ও প্রার্থনা পরিগৃহীত হয়, বিবাদ মীমাংসিত ও সম্পদ বিতরিত হয়, এজ্ঞা ইহা কল্যাণযুক্ত রাত্রি। সমুদায় রজনীর মধ্যে এই শবেবরাত ইসলাম সম্প্রদায়কে প্রদত্ত হইয়াছে, তাহা শ্রেষ্ঠ রজনী। হাদিসে উক্ত হইয়াছে যে, এ সেই রজনীতে বনিকল্ব বংশের ছাগ পশুদিগের রোমাবলীর সংখ্যামুসারে পাপীদিগের পাপ ক্ষমা হয়। এই রাত্রিতে জম্জমের জল বর্ধিত হইয়া থাকে। শাস্ত্রে উক্ত হইয়াছে যে, যে ব্যক্তি এই রজনীতে সাত রকাত নমাজ পড়ে, পরমেশ্বর একশত স্বর্গীয় দূত তাহার প্রতি প্রেরণ করেন; ত্রিশ স্বর্গীয় দূত স্বর্গের সুসংবাদ দান, অপর ত্রিশ দূত নরকের শাস্তি হইতে অভয় দান করেন, অস্ত্র ত্রিশ জন সাংসারিক বিপদ হইতে রক্ষা করিয়া থাকেন, দশ স্বর্গীয় দূত তাহা হইতে শরতানের প্রভাষণ দূর করেন, এবং নিশীথে ঈশ্বরের দাসদিগের প্রতি সম্পদ সকল বিভাগ করেন। (ত, হো,)

দিবস আকাশ স্পষ্ট ধূম আনয়ন করিবে, মানবমণ্ডলীকে আবৃত করিবে, তুমি তাহার প্রতীক্ষা করিতে থাক, উহাই হুঃগজনক শাস্তি। ১০ + ১১। (তাহারা বলিবে,) “হে আমাদের প্রতিপালক, আমাদের হইতে শাস্তি উন্মোচন কর, নিশ্চয় আমরা বিশ্বাসী হই”। ১২। তাহাদের উপদেশ গ্রহণ কিরূপ? এবং সত্যই তাহাদের নিকটে দীপ্যমান প্রেরিতপুরুষ আসিয়াছিল। ১৩। + তৎপর তাহা হইতে তাহারা মুখ ফিরাইল, এবং বলিল, “সে শিক্ষিত ক্ষিপ্ত”। ১৪। নিশ্চয় আমি অল্প শাস্তির উন্মোচনকারী হই, নিশ্চয় তোমরা (ধর্মদ্রোহিতায়) প্রত্যাবর্তনকারী হও *। ১৫। যে দিবস আমি মহা আক্রমণে আক্রমণ করিব, নিশ্চয় তখন আমি প্রতিশোধকারী হইব। ১৬। এবং সত্য সত্যই আমি তাহাদের পূর্বে ফেরওণের দলকে পরীক্ষা করিয়াছিলাম, এবং তাহাদের নিকটে গৌরবান্বিত প্রেরিতপুরুষ আসিয়া এইরূপ বলিয়াছিল যে, “ঈশ্বরের দাসদিগকে তোমরা আমার প্রতি অর্পণ কর, নিশ্চয় আমি তোমাদের জন্ত বিশ্বস্ত প্রেরিতপুরুষ। ১৭ + ১৮। + এবং ঈশ্বরের সন্মুখে ঔদ্ধত্য করিও না, নিশ্চয় আমি তোমাদের নিকটে স্পষ্ট প্রমাণ উপস্থিত করিব। ১৯। এবং তোমরা যে আমাকে চূর্ণ করিবে, (তজ্জন্ত) নিশ্চয় আমি স্বীয় প্রতিপালকের ও তোমাদের প্রতিপালকের আশ্রয় গ্রহণ করিয়াছি। ২০। এবং যদি আমাকে তোমরা বিশ্বাস না কর, তবে আমি হইতে সরিয়া যাও”। ২১। পরে সে স্বীয় প্রতিপালকের নিকটে প্রার্থনা করিয়া বলিল যে, “ইহারা অপরাধী দল”। ২২। অনন্তর (আমি বলিলাম,) “আমার দাসগণ সহ তুমি রাহিত্যে চলিয়া যাও, নিশ্চয় তোমরা অনুমত হইবে। ২৩। এবং স্তখে সাগর সমুত্তীর্ণ হইও, নিশ্চয় তাহারা এমন এক সৈন্তদল যে নিমগ্ন হইবে” †। ২৪। তাহারা বহু উপবন ও প্রস্রবণ এবং শস্তক্ষেত্র ও ধনসম্পত্তি ও উৎকৃষ্ট গৃহনিচয়, যথায় তাহারা আমোদ করিতেছিল, পরিত্যাগ করিল। ২৫ + ২৬। + এইরূপে আমি অজ্ঞ দলকে (বনিএশ্রায়েলকে) তাহার

* কথিত আছে যে, দুস্তিকের সময়ে আবুহুফিয়ান ও কতিপয় কোরেণ মদিনার আগমন করিয়া দুর্ভিক্ষ-নিবারণের জন্ত ঈশ্বরের নামে শপথ করিয়া হজরতকে বিশেষ অনুরোধ করে। হজরত প্রার্থনা করেন, তাহাতে দুর্ভিক্ষজনিত বিপদ দূর হয়, কিন্তু তাহারা পূর্ববৎ ধর্মের বিরুদ্ধাচারে প্রবৃত্ত থাকে। কেহ কেহ বলেন, ধূম কেয়ামতের নিদর্শনবিশেষ। যখন লোক সকল আর্তনাদ ও প্রার্থনা করিবে, তখন চল্লিশ দিনের পর ধূম বিদূরিত হইবে, তাহারা পুনর্ব্বার পূর্ববৎ পাপাচারে প্রবৃত্ত হইবে।

(ত, হো,)

† অর্থাৎ ঈশ্বর মুসাকে বলিয়াছিলেন যে, তুমি উৎপীড়িত এশ্রায়েলসন্তানদিগকে সঙ্গে করিয়া রজনীতে প্রস্থান কর। কিন্তু ফেরওণ ও তাহার সম্প্রদায় সংবাদ পাইয়া ধরিবার জন্ত তোমাদিগের অনুসরণ করিবে। তুমি সাগরকূলে যাইয়া সাগরে যষ্টি প্রহার করিও, তাহাতে সাগরবন্ধে শুষ্ক পথ প্রসারিত হইবে, এশ্রায়েলবংশ নির্বিঘ্নে সমুদ্র পার হইয়া যাইবে। তুমি পুনর্ব্বার অর্ণববন্ধে যষ্টির আঘাত করিও না, তাহা হইলে বারি পূর্ব্বাবস্থা প্রাপ্ত হইবে; তখন ফেরওণের সৈন্তদল তোমাদের অনুসরণে সাগরে নামিয়া জলমগ্ন হইবে।

(ত, হো,)

উত্তবাধিকারী করিয়াছিলাম। ২৮। অনন্তর তাহাদের প্রতি স্বর্গ ও পৃথিবী রোদন করে নাই, এবং তাহারা অবকাশ প্রাপ্ত হয় নাই *। ২৯। (র, ১, আ, ২৯)

এবং সত্য সত্যই আমি এস্মায়েলবংশকে ফেরেশ্বরের দুর্গতিজনক শাস্তি হইতে উদ্ধার করিয়াছি; নিশ্চয় সে মৌমালাজ্ঞানকারীদিগের মধ্যে উদ্ধৃত ছিল। ৩০+৩১। এবং সত্য সত্যই আমি জ্ঞানেতে তাহাদিগকে নিগিল জগতেব উপর স্বীকার করিয়াছি। ৩২। এবং তাহাদিগকে কতক নিদর্শন দান করিয়াছি, তন্মধ্যে যাহা স্পষ্ট পরীক্ষা ছিল, (দিয়াছি)। ৩৩। নিশ্চয় ইহারা বলিয়া থাকে। ৩৪।+“আমাদের প্রথম মৃত্যু ব্যতীত ইহা (পরিণাম) নহে, এবং আমরা পুনরুত্থানকারী নহি। ৩৫। যদি তোমরা সত্যবাদী হও, তবে আমাদের পিতৃপুরুষদিগকে আনয়ন কর”। ৩৬। তাহারা (কোরেশগণ) কি শ্রেষ্ঠ, না, তোন্নার সম্প্রদায় ও যাহারা তাহাদের পক্ষে ছিল, তাহারা? তাহাদিগকে আমি ধ্বংস করিয়াছি, নিশ্চয় তাহারা অপরাধী ছিল। ৩৭। এবং আমি স্বর্গ ও মর্ত্য উভয়ের মধ্যে যাহা কিছু আছে, ক্রীড়াচ্ছলে সৃজন করি নাই। ৩৮। আমি সত্যভাবে ব্যতীত উভয়কে সৃষ্টি করি নাই, কিন্তু তাহাদের অপিকাংশেই বৃথিতেছে না। ৩৯। নিশ্চয় সেই বিচারের দিন তাহাদের একত্র হওয়ার সময়। ৪০।+যে দিন কোন বন্ধু বন্ধু হইতে কিছু ফল লাভ করিলে না, এবং যাহাকে ঈশ্বর অন্তগ্রহ করিয়াছেন, সে ব্যতীত তাহার সাহায্য প্রাপ্ত হইবে না; নিশ্চয় তিনি সেই পরাক্রান্ত দয়ালু। ৪১+৪২। (র, ২, আ, ১৩)

নিশ্চয় জরুমতর। ৪৩।+অপরাদীদিগের খাদ্য। ৪৪।+ তাহা উদরে দ্রবীভূত তাম্বের ত্রায় ও উষ্ণোদকের ত্রায় উচ্ছৃমিত হইবে। ৪৫+৪৬। (আমি স্বর্গীয় দূতদিগকে বলিব,) “তাহাকে ধর, পরে নরকের ভিতরের দিকে আকর্ষণ কর। ৪৭।+৩৭পর তাহার মস্তকের উপর উষ্ণোদকেব শান্তি সিদ্ধন কর”। ৪৮। (বলিব,) আশ্বাদন কর, নিশ্চয় তুমি (স্বীয় কল্পনায়) পরাক্রান্ত গৌরবান্বিত। ৪৯। নিশ্চয় যাহাব প্রতি তুমি মান্দেহ করিতেছিলে, এই তাহা। ৫০। নিশ্চয় ধার্মিক লোকেরা নিরাপদ স্থানে, উত্তানে ও

* হজরত বলিয়াছেন যে, প্রত্যেক ঈশ্বরকিঙ্করের জন্ত স্বর্গে দুই দ্বার আছে, এক দ্বার দিয়া উপজীবিকা অবতরণ করে, অল্প দ্বার দিয়া সংকল্প স্বর্গে আরোহণ করিয়া থাকে। কাহারও মৃত্যু হইলে তাহার সম্বন্ধে উভয় দ্বারের কাণ্ড বন্ধ হয়, তাহাতে দ্বার ক্রন্দন করে। কেহ কেহ বলিয়াছেন যে, আকাশের ক্রন্দন চতুর্দিক্ আরম্ভ হয়। বিশ্বাসী দলের নেতা হোসেন করবলাতে নিহত হইলে, স্বর্গ তাহার জন্ত ক্রন্দন করিয়াছিল। চতুর্দিক্ রক্তবর্ণ হওয়াই সেই ক্রন্দনের চিহ্ন। মহাপুরুষ মুসার পবলোক হইলে চল্লিশ দিন পর্যন্ত স্বর্গ ও পৃথিবী রোদন করিয়াছিল। (ত, হো,)

+ পূর্বকালে তোকা নামক এক জন মহাপ্রতাপশালী অগ্নির উপাসক মদিনা আক্রমণ করিতে গিয়াছিলেন; সেখানে তাহার সম্বন্ধে অনেক ঘটনা হইয়াছিল। দুইজন জ্ঞানবান লোকের উপদেশে তিনি একেবারে বিশ্বাস স্থাপন করেন। (ত, হো,)

প্রশ্রবণ সকলের মধ্যে থাকিবে। ৫১+৫২।+পরস্পর সম্মুখীন হইয়া সন্দোহ ও আন্তরক (উৎকৃষ্ট কৌশল বস্ত্রবিশেষ) পরিধান করিবে। ৫৩।+এইরূপ হইবে, এবং আমি তাহাদিগকে স্থলোচনা (দিব্যান্বনার) সঙ্গে বিবাহিত করিব। ৫৪। তথায় নিরাপদে তাহারা প্রত্যেক ফলের প্রার্থী হইবে। ৫৫।+প্রথম মৃত্যু ভিন্ন তথায় তাহারা মৃত্যু আশ্বাদন করিবে না, এবং তিনি তাহাদিগকে নরকদণ্ড হইতে রক্ষা করিবেন। ৫৬।+তোমার প্রতিপালকের কৃপামুসারে ইহা সেই মহা কৃতার্থতা। ৫৭। অনন্তর তোমার রসনাযোগে আমি তাহাকে (কোর-আন্কে) সহজ করিয়াছি, এতস্তি নহে ; সম্ভবতঃ তাহারা উপদেশ গ্রহণ করিবে। ৫৮। অবশেষে তুমি প্রতীক্ষা করিতে থাক, নিশ্চয় তাহারাও প্রতীক্ষাকারী। ৫৯। (র, ৩, আ, ১৭)

সূরা জাসিয়া *

.....

পঞ্চচত্বারিংশ অধ্যায়

.....

৩৭ আয়ত, ৪ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হাম ৭। ১। বিজ্ঞানময় পরাক্রান্ত পরমেশ্বর হইতে গ্রন্থের অবতরণ। ২। নিশ্চয় বিশ্বাসীদিগের জন্তু ছালোকে ও ভুলোকে নিদর্শনাবলী আছে। ৩। এবং তোমাদের হইতে ৬ স্থলচর ইতর জীবগণ হইতে যাহা (যে বিবিধ আকৃতি) বিকীর্ণ হয়, তাহার সৃষ্টিতে বিশ্বাসী সম্প্রদায়ের জন্তু নিদর্শনাবলী আছে। ৪।+এবং দিবা রজনীর পরিবর্তনে ও ঈশ্বর আকাশ হইতে যে জীবিকা (বৃষ্টি) বর্ষণ করেন, পরে তদ্বারা ভূমিকে তাহার মৃত্যুর পর জীবিত করেন, তাহাতে এবং বায়ুর সঞ্চরণে জ্ঞানিগণের জন্তু নিদর্শনাবলী আছে। ৫। ঈশ্বরের এই নিদর্শনাবলী (কোর-আনের আয়ত সকল) আমি তোমার নিকটে, (হে মোহাম্মদ,) সত্যভাবে পাঠ করিতেছি ; অনন্তর ঈশ্বরের (উপদেশ) ও

* এই সূরা মক্কাতে অবতীর্ণ হইয়াছে।

+ এছলৈ এই ব্যবচ্ছেদক বর্ণনয় ঈশ্বরের সজ্জিত নাম। যথা:—‘হ’ অর্থে জীবন্ত ও রক্ষক, ‘ম’ অর্থে রাজা ও মহিমাযিত। অথবা ‘হ’ ঈশ্বরের আদি আজ্ঞা, ‘ম’ তাহার নিত্য রাজত্ব, এই দুই প্রকারেই বর্ণিত হয়। (ত, হো,)

তাঁহার নিদর্শনাবলীর পরে কোন্ কথাকে তাহারা বিশ্বাস করিতেছে ? ৬। প্রত্যেক মিথ্যাবাদী পাপীদিগের জন্য আক্ষেপ। ৭। + তাহার নিকটে ঐশ্বরিক নিদর্শন সকল পঠিত হয়, সে (হারেসের পুত্র নজর) শ্রবণ করে, তৎপর গর্কিত ভাবে দৃঢ় থাকে, যেন তাহা শ্রবণ কবে নাই ; অনন্তর তুমি তাহাকে দুঃখকর দণ্ডের সংবাদ দান কর। ৮। এবং যখন সে আমার নিদর্শনাবলীর কিছু অবগত হয়, তখন তৎপ্রতি ব্যঙ্গ করে ; তাহারাই যে, তাহাদের জন্য দুর্গতিজনক শাস্তি আছে। ৯। তাহাদের পশ্চাতে নরক আছে, এবং তাহারা যাহা উপার্জন করিয়াছে, তাহা ও ঈশ্বর ব্যতীত যাহাদিগকে বন্ধুরূপে গ্রহণ করিয়াছে, তাহারা তাহাদিগ হইতে (বিপদ) কিছুই নিবারণ করিবে না ; এবং তাহাদের জন্য মহাশাস্তি আছে। ১০। এই (কোর-আন্) আলোকস্বরূপ ; এবং যাহারা আপন প্রতিপালকের নিদর্শনাবলীসম্বন্ধে বিরুদ্ধাচরণ করিয়াছে, তাহাদের জন্য দুঃখকরী শাস্তির শাস্তি আছে। ১১। (র, ১, আ, ১১)

সেই পরমেশ্বর, যিনি তোমাদের জন্য সাগরকে বাধ্য করিয়াছেন, তাহাতে তন্মধ্যে পোত সকল তাঁহার আদেশক্রমে সঞ্চালিত হয়, এবং তাহাতে তোমরা তাঁহার গুণে (জীবিকা) অন্বেষণ কর ; সম্ভবতঃ তোমরা কৃতজ্ঞ হইবে। ১২। এবং স্বর্গে যে কিছু আছে ও পৃথিবীতে যে কিছু আছে, তৎসমুদায় তিনি স্বতঃ তোমাদের নিমিত্ত বাধ্য করিয়াছেন ; নিশ্চয় ইহার মধ্যে চিন্তাশীল দলের জন্য নিদর্শনাবলী আছে। ১৩। বিশ্বাসীদিগকে তুমি, (হে মোহাম্মদ,) বল, যাহারা ঐশ্বরিক দিন সকলের প্রত্যাশা রাখে না, তাহাদিগকে যেন তাহারা উপেক্ষা করে ; তখন তিনি এক দলকে, তাহারা যাহা করিতেছিল, তজ্জন্তু বিনিময় দান করিবেন *। ১৪। যে ব্যক্তি সংকর্ষ করিয়াছে, পরে (তাহা) তাহার জীবনের জন্য হয়, এবং যে ব্যক্তি দুষ্কর্ষ করিয়াছে, পরে তাহার প্রতি (উহা) হয় ; তৎপর আপন প্রতিপালকের দিকে তোমরা পুনর্গমন করিবে। ১৫। সত্য সত্যই আমি এস্রায়েলবংশকে গ্রন্থ ও প্রজ্ঞান এবং প্রেরিতত্ব দান করিয়াছি, এবং বিশুদ্ধ বস্তু হইতে উপজীবিকা দিয়াছি, সমুদায় জগতের উপর তাহাদিগকে উন্নত করিয়াছি। ১৬। এবং আমি তাহাদিগকে (ধর্ম) বিষয়ের উজ্জ্বল প্রমাণ সকল দান করিয়াছি, তাহাদের নিকটে (ধর্ম) জ্ঞান উপস্থিত হওয়ার পর, আপনাদের মধ্যে পরস্পর বিদ্বেষিতাবশতঃ ভিন্ন তাহারা বিরোধ করে নাই ; অনন্তর তাহারা যে বিষয়ে বিরোধ করিতেছিল, তদ্বিষয়ে পুনরুত্থানের দিনে তোমার প্রতিপালক তাহাদের মধ্যে বিচার নিষ্পত্তি করিবেন। ১৭। তৎপর আমি তোমাকে ধর্মবিধির উপর স্থাপন করিয়াছি, অতএব তুমি তাহার অনুসরণ কর, এবং অজ্ঞানীদিগের বাসনার অন্তর্বর্তন করিও না। ১৮। নিশ্চয়

* “যাহারা ঐশ্বরিক দিন সকলের প্রত্যাশা রাখে না,” অর্থাৎ যাহারা স্বীয় মৃত্যুর দিনকে চিন্তা করে না। এস্থলে পুনরুত্থান ও অজ্ঞাকারের দিন ঐশ্বরিক দিন। কাকেরগণ আপনাদের এই মৃত্যুর দিনকে ভয় করে না।
(ত, হো,)

তাহারা তোমা হইতে ঈশ্বরের (শান্তির) কিছুই নিরসন করিবে না, এবং নিশ্চিত অত্যাচারিগণ পরস্পর পরস্পরের বন্ধু ; ঈশ্বর ধর্মভীরুদিগের বন্ধু । ১৯ । মানব-মণ্ডলীর জন্ত এই প্রমাণাবলী এবং বিশ্বাসিদলের জন্ত ধর্মালোক ও অমূল্য হইবে । ২০ । দুষ্ক্রিয়ালোক লোক কি ভাবিয়াছে যে, আমি তাহাদিগকে, যাহারা বিশ্বাস স্থাপন ও সংকল্প সকল করিয়াছে, তাহাদের অমূল্য করিব ? তাহাদের জীবন ও তাহাদের মৃত্যু তুলা, তাহারা যাহা আদেশ করিয়া থাকে, তাহা অকল্যাণ * । ২১ । (র, ২, আ, ১০)

এবং সত্যভাবে পরমেশ্বর স্বর্গ ও মর্ত্য সৃজন করিয়াছেন ও তাহাতে প্রত্যেক ব্যক্তিকে, তাহারা যাহা উপার্জন করিয়াছে, তজ্জন্ত বিনিময় দেওয়া যাইবে, এবং তাহারা অত্যাচারিত হইবে না । ২২ । অনন্তর তুমি কি, (হে মোহাম্মদ,) সেই ব্যক্তিকে দেখ নাই যে, স্বীয় প্রবৃত্তিকে স্বীয় উপাশ্রয় করিয়াছে, এবং জ্ঞানসম্বন্ধে পরমেশ্বর তাহাকে পথভ্রান্ত করিয়াছেন ও তাহার কর্ণ ও তাহার মনের উপর দৃঢ় বন্ধন এবং তাহার চক্ষুর উপর আবরণ রাখিয়াছেন ? পরে ঈশ্বরভাবে কে তাহাকে পথ প্রদর্শন করিবে ? অনন্তর তোমরা কি উপদেশ গ্রহণ করিতেছ না ? ২৩ । এবং তাহারা বলিয়াছে যে, “আমাদিগের এই (জীবন) পার্থিব জীবন ভিন্ন নহে, আমরা মরি ও বাঁচি, এবং কাল ব্যতীত আমাদিগকে বিনাশ করে না ;” এ সম্বন্ধে তাহাদিগের কোন জ্ঞান নাই, তাহারা কল্পনা ভিন্ন করিতেছে না † । ২৪ । এবং যখন তাহাদের নিকটে আমার উজ্জ্বল বচনাবলী পঠিত হয়, তখন, “যদি তোমরা সত্যবাদী হও, তবে আমাদের পিতৃপুরুষদিগকে আনয়ন কর” বলা ভিন্ন তাহাদের বিতর্ক হয় না ‡ । ২৫ । তুমি বল, “পরমেশ্বর তোমাদিগকে জীবিত রাখেন, তৎপর তোমাদিগের প্রাণধারণ করেন, তৎপর কেয়ামতের দিনে তোমাদিগকে একত্র করিবেন, তাহাতে নিঃসন্দেহ ; কিন্তু অধিকাংশ মন্তব্য বুঝিতেছে না । ২৬ । (র, ৩, আ, ৫)

* অর্থাৎ গৌরব ও সম্মানে অংশিবাদিগণ বিশ্বাসীদিগের তুলা হইবে না । যাহারা বিশ্বাস-সহকারে প্রাণত্যাগ করিলে, তাহারা বিশ্বাসের সহিত জীবিত হইবে, এবং যাহারা অধ্যর্মে মরিবে, তাহারা অধ্যর্মে পুনরুজ্জীবিত হইবে । তাহারা যাহা আদেশ করে, তাহা মিথ্যা, অর্থাৎ তাহারা অংশিবাদ ও একত্ববাদকে তুলা বলে । (ত, হো,)

† এই কথা বক্তারা পুনর্জন্মমতের বিশ্বাসী । তাহাদিগের মত এই যে, যে ব্যক্তির মৃত্যু হয়, তাহার আত্মা অন্ত দেহ আশ্রয় করে, এবং পৃথিবীতে পুনঃ প্রকাশিত হয়, পুনর্বার প্রাণত্যাগ করিয়া পুনর্বার জন্মগ্রহণ করে । এতদ্ব্যতীত মনে করে যে, শাক্যব্রাহ্মণ একজন প্রেরিতপুরুষ ছিলেন, তিনি এক সহস্র সপ্তশত দেহে আপনাকে দর্শন করিয়াছিলেন । (ত, হো,)

‡ অর্থাৎ কাকেরগণ বলে, “যদি মৃত্যুর পর কেয়ামতের সময় লোক সকল জীবিত হইয়া উঠে, তোমাদের এই কথা সত্য হয়, তবে আমাদের পূর্বপুরুষদিগকে পুনর্জীবিত কর ।” তাহারা মূর্খতা ও ঈর্ষাবশতঃ এই কথা বলিয়া থাকে । ঈশ্বরের বিধি এই যে, নির্দোষ সময় কেয়ামতে বাতীত কেহ পুনর্জীবিত হইবে না । (ত, হো,)

এবং ঈশ্বরেরই স্বর্গ ও পৃথিবীর রাজত্ব, এবং যে দিবস কেয়ামত স্থিতি করিবে, সেই দিবস অসত্যবাদিগণ ক্ষতিগ্রস্ত হইবে। ২৭। এবং তুমি প্রত্যেক মণ্ডলীকে (সভয়ে) জানুপরি উপবিষ্ট, প্রত্যেক মণ্ডলীকে স্বীয় পুস্তক (কার্য-লিপির) দিকে আহৃত দেখিতে পাইবে ; (আমি বলিব,) “তোমরা যাহা করিতেছিলে, অজ্ঞ তাহার ফল দেওয়া যাইবে”। ২৮। আমার এই পুস্তক (কার্যলিপি) সত্যতঃ তোমাদের নিকটে বলিতেছে যে, তোমরা যাহা করিতেছিলে, নিশ্চয় আমি তাহা লিখিয়াছিলাম। ২৯। অনন্তর যাহারা বিশ্বাস স্থাপন ও সংকল্প সকল করিয়াছে, পরে তাহাদের প্রতিপালক তাহাদিগকে স্বীয় অল্পগ্রহের মধ্যে আনয়ন করিবেন, ইহাই সেই স্পষ্ট কামনাসিদ্ধি। ৩০। কিছু যাহারা অপর্যায়ের করিয়াছে, তাহাদিগকে (বলিব,) “অনন্তর তোমাদের নিকটে কি আমার নিদর্শন সকল পঠিত হয় নাই ? পরে তোমরা গর্ভ করিয়াছ, এবং তোমরা অপরাধী দল ছিলে”। ৩১। এবং যখন বলা হয় যে, “নিশ্চয় ঈশ্বরের অঙ্গীকার এবং কেয়ামত সত্য, তাহাতে সন্দেহ নাই ;” তোমরা বল, “আমরা জানি না, কেয়ামত কি ? ও আমরা (ইহা তোমাদের) কল্পনা ভিন্ন ঞ্জনা করি না, আমরা প্রত্যয়কারক নহি”। ৩২। এবং তাহারা যাহা করিয়াছে, তাহার অকল্যাণ সকল তাহাদের জন্ত প্রকাশিত হইবে ও তাহারা যে বিষয়ে উপহাস করিতেছিল, তাহা তাহাদিগকে ঘেরিবে। ৩৩। এবং বলা হইবে, “তোমরা যেমন তোমাদের এই দিনের সাক্ষাৎকারকে ভুলিয়া গিয়াছ, তদ্রূপ অজ্ঞ আমিও তোমাদিগকে ভুলিয়াছি ; তোমাদের স্থান অগ্নি ও তোমাদের কোন সাহায্যকারী নাই। ৩৪। ইহা সে জন্ত যে, তোমরা ঈশ্বরের নিদর্শনাবলীর প্রতি বাদ করিয়াছ, এবং পার্থিব জীবন তোমাদিগকে প্রতারণা করিয়াছে ;” অনন্তর অজ্ঞ তাহা হইতে (নরক হইতে) তাহারা বহিষ্কৃত হইবে না ও তাহাদের আপত্তি গৃহীত হইবে না। ৩৫। অবশেষে দু্যলোক সকলের প্রতিপালক ও ভুলোকের প্রতিপালক ও নিগিল জগতের প্রতিপালক পরমেশ্বরেরই সম্যক্ প্রশংসা। ৩৬। এবং দু্যলোকে ও ভুলোকে তাহারই মহত্ত্ব, তিনি পরাক্রান্ত কৌশলময়। ৩৭। (র, ৪, আ, ১১)

সূরা আহকাফ *

.....

ষট্ চত্বারিংশ অধ্যায়

.....

৩৫ আয়ত, ৪ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হাম ৮। ১। পরাক্রান্ত বিজ্ঞানময় পরমেশ্বর হইতে গন্তের অবতরণ। ২। আমি নির্দিষ্ট কাল ও সত্যভাবে ব্যতীত নিমিল স্বর্গ ও পৃথিবী এবং উভয়ের মধ্যে যে কিছু আছে, তাহা সজ্ঞ করি নাই; যে (কেয়ামত) বিষয়ে ভয় প্রদর্শিত হইয়াছে, কাফেরগণ তাহার অগ্রাহ্যকরী। ৩। তুমি বল, (হে মোহম্মদ,) “ঈশ্বরকে ছাড়িয়া তোমরা বাহাদিগকে আহ্বান করিয়া থাক, তাহাদিগকে কি দেগিয়াছ? আমাকে প্রদর্শন কর যে, তাহারা পৃথিবীর কি সৃষ্টি করিয়াছে? স্বর্গনিচয়ে তাহাদের কি অংশ আছে? যদি তোমরা সত্যবাদী হও, (প্রমাণস্বচক) ইহার পূর্বতন কোন গ্রন্থ অথবা জ্ঞানের কোন প্রসঙ্গ আমার নিকটে উপস্থিত কর”। ৪। যাহারা ঈশ্বরকে ছাড়িয়া এমন ব্যক্তিদিগকে আহ্বান করে যে, কেয়ামতের দিন পর্যন্ত তাহাদিগকে উত্তর দান করে না, এবং তাহারা তাহাদের প্রার্থনায় উদাসীন, তাহাদিগ অপেক্ষা কে সমধিক পথভ্রান্ত? ৫। যখন লোক সকল (কেয়ামতে) একত্রীকৃত হইবে, তখন (সেই উপাস্তগণ) তাহাদের শত্রু হইবে ও তাহাদের ভজনার অগ্রাহ্যকারী হইবে। ৬। এবং যখন তাহাদের নিকটে আমার উজ্জ্বল বচন সকল পঠিত হয়, তখন যাহারা সত্যের বিরোধী হইয়াছে, তাহারা তাহাদের নিকটে (উহা) উপস্থিত হইলে বলে যে, “ইহা স্পষ্ট ইঙ্গিতভিন্ন নহে”। ৭। তাহারা কি বলে, “তাহা রচনা করিয়াছে?” তুমি বল, “যদিও আমি তাহা রচনা করিয়া থাকি, অনন্তর ঈশ্বরের পক্ষ হইতে তোমরা আমার সম্বন্ধে কিছুই করিতে পার না; তোমরা যে বিষয়ে (কথা) উপস্থিত করিয়া থাক, তিনি তাহার স্ববিজ্ঞাত। আমার মধ্যে ও তোমাদের মধ্যে ঈশ্বরই যথেষ্ট সাক্ষী, এবং তিনি ক্ষমাশীল দয়ালু”। ৮। তুমি বল, “আমি প্রেরিতপুরুষদিগের মধ্যে নূতন নহি, এবং

* এই সূরা মক্কাতে অবতীর্ণ হইয়াছে।

+ “হা” বর্ণের লক্ষ্য ঈশ্বরের আজ্ঞা, “মিম”র লক্ষ্য তাহার রাজত্বের মহত্ব। অর্থাৎ স্বীয় মহত্বসম্বিত রাজ্য ও আজ্ঞার শপথ স্মরণ করিয়া তিনি বলিতেছেন যে, আমার প্রতি বিশ্বাসী আছে, এমন কোন ব্যক্তিকে আমি শাস্তি দান করিব না। অজ্ঞাত উক্ত হইয়াছে যে, “হা” অর্থে একত্ববাদীদিগের সংরক্ষণ, “মিম” অর্থে তাঁহাদের প্রতি ঈশ্বরের প্রসন্নতা।

(ত, হো,)

আমি জানি না যে, আমার সম্বন্ধে ও তোমাদের সম্বন্ধে কি করা যাইবে ; আমার প্রতি যাহা প্রত্যাদেশ করা হয়, আমি তাহার অম্লসরণ ভিন্ন করি না, এবং আমি স্পষ্ট ভয়প্রদর্শক ভিন্ন নহি”*। ৯। তুমি বল, “তোমরা কি দেখিয়াছ ? যদি ঈশ্বরের নিকট হইতে (কোর্-আন্) হয় ও তোমরা তৎপ্রতি বিরুদ্ধাচরণ কর, (তাহাতে কি ?) তাহার সদৃশ (গ্রন্থে) এস্রায়েলবংশের একজন সাক্ষ্য দান করিয়াছে, অনন্তর সে বিশ্বাসী হইয়াছে, এবং তোমরা গর্ষ করিয়াছ ; নিশ্চয় পরমেশ্বর অত্যাচারিদলকে পথ প্রদর্শন করেন না” †। ১০। (র, ১, আ, ১০)

এবং ধর্ম্মজ্যোতিগণ বিশ্বাসীদিগকে বলিয়াছে, “(এই ধর্ম্ম) যদি শ্রেষ্ঠ হইত, তবে তাহারা ইহার দিকে আমাদিগকে অতিক্রম করিত না ;” এবং যখন তৎসম্বন্ধে তাহারা পথ প্রাপ্ত হয় নাই, তখন অবশ্য বলিবে যে, ইহা পুরাতন অসত্য ‡। ১১। ইহার পূর্বে মুসার গ্রন্থ অগ্রণী ও অন্তগ্রন্থরূপ হয়, এবং অত্যাচারীদিগকে ভয় প্রদর্শন ও হিতকারী লোকদিগকে স্তম্ভবাদ দান করিতে আবশ্য ভাষায় এই গ্রন্থ (মুসার গ্রন্থেব) প্রমাণপ্রদ। ১২। নিশ্চয় যাহারা বলিয়াছে, “আমাদের প্রতিপালক ঈশ্বর,” তৎপর (ধর্ম্মে) স্থির রহিয়াছে, পরে তাহাদের সম্বন্ধে কোন ভয় নাই, এবং তাহারা শোক করিবে না। ১৩। ইহারাই স্বর্গনিবাসী, তথায় নিত্যস্থায়ী হইবে; ইহারা যাহা করিতেছিল,

* অর্থাৎ আমার পূর্বে অনেক প্রেরিত পুংগব হইয়া গিয়াছেন, আমি নূতন প্রেরিত নহি; আমার কার্যে কেন তোমরা বাধা দেও ? আমার মকায় থাকি হইবে না, এতান হইতে প্রস্থান করিতে হইবে, তোমরা ভূগর্ভে নিহিত হইবে, না, প্রস্তর দ্বারা আবৃত হইবে, আমি জানি না। এই আয়ত অবতীর্ণ হইলে পর অংশবাদিগণ আত্মাদিত হইল। এবং পরস্পর বলিল যে, আমাদের ও মোহম্মদের কার্য্য ঈশ্বরের নিকটে তুল্য, আমরা যেমন পরিণাম অজ্ঞাত, সেও তদ্রূপ অজ্ঞাত। পুনশ্চ একপক্ষও কথিত আছে যে, হুজরত স্বপ্নে দেখিয়াছিলেন যে, এক রমণীয় ভূমিতে সদলে প্রস্থান করিয়াছেন। তাঁহার অনুসর্গিগণ এই স্বপ্নবৃত্তান্ত-শ্রবণে, তদ্রূপ স্থানে চলিয়া যাওয়া হইবে নিশ্চয় জানিয়া, বিশেষ আনন্দ প্রকাশ করেন। এ দিকে প্রস্থানের বিলম্ব ও কোরেশদিগের অত্যাচার বৃদ্ধি হইয়া উঠে; তাহারা মক্কা ছাড়িবার জন্ত ব্যগ্র হন। তাহাতেই, আমি জানি না, আমার সম্বন্ধে ও তোমাদের সম্বন্ধে কি হইবে ? আমি প্রত্যাদেশে ব্যতীত চালিত হই না, এই উক্তি হয়। (ত, হো,)

† এই আয়তের মর্ম্ম এই যে, যদি কোর্-আন্ ঈশ্বরের প্রেরিত হয়, এবং তোমরা তাহা গ্রাহ্য না কর, তাহাতে কি ? মুসা কোর্-আনের সদৃশ তওরাত গ্রন্থে কোর্-আন্ সম্বন্ধে সাক্ষ্য দান করিয়াছেন ; কোর্-আন্ যে ঈশ্বর হইতে অবতীর্ণ হইবে, এ বিষয়ে তিনি বিশ্বাসী ছিলেন। (ত, হো,)

‡ অর্থাৎ কাকেরগণ ব্যস্ত করিয়া বলিয়াছিল যে, এই ধর্ম্ম শ্রেষ্ঠ হইলে তাহারা আমাদের পূর্বে অবলম্বন করিত না, আমরা তাহা সর্ব্বাঙ্গে গ্রহণ করিতাম; যেহেতু আমরা শৌর্য্যবীৰ্য্য বিজ্ঞা বুদ্ধি খ্যাতি অতিপত্তি ও পাণ্ডিত্যে তাহাদিগ অপেক্ষা শ্রেষ্ঠ। অথবা ইহুদিগণ সেলামের পুত্র ও তাহার সহচরগণের এসলামধর্ম্ম-গ্রহণের পর বলিয়াছিল, মোহম্মদ যাহা বলিয়া থাকে, তাহা যদি উত্তম হইত, তবে আমাদের পূর্বে কেহ গ্রহণ করিতে পারিত না। (ত, হো,)

তদনুরূপ বিনিময় আছে। ১৪। এবং আমি মনুষ্যকে তাহার পিতা মাতা সন্মুখে হিতানুষ্ঠান করিতে উপদেশ দিয়াছি, তাহাকে তাহার মাতা কষ্টে গর্ভে ধারণ করিয়াছে ও কষ্টে তাহাকে প্রসব করিয়াছে, এবং তাহার গর্ভে স্থিতি ও তাহার স্তন্যভ্যাগ ত্রিশ মাস হয়; এ পর্য্যন্ত যখন সে স্বীয় বয়ঃপূর্ণতায় উপনীত হইল ও চল্লিশ বৎসরে উপস্থিত হইল, তখন বলিল, “হে আমার প্রতিপালক, তুমি আমাকে সাহায্য দান কর, যেন তোমার দাতব্যের যাহা তুমি আমার প্রতি ও আমার পিতা মাতার প্রতি দান করিয়াছ, তাহার কৃতজ্ঞতা অর্পণ করি, এবং এমন সংকল্প করি যে, তুমি তাহা অনুমোদন কর, এবং আমার জন্ত আমার সন্তানবর্গকে সংশোধন কর; নিশ্চয় আমি তোমার দিকে পুনর্মিলিত হইয়াছি। এবং আমি মোসলমানদিগের অন্তর্গত হই” *। ১৫। ইহারাই তাহারা, তাহারা যে অনুষ্ঠান করে, আমি তাহাদিগ হইতে তাহার অত্যুৎকৃষ্ট গ্রহণ করিয়া থাকি ও তাহাদিগের অন্তঃপাশে পরিহার করি; স্বর্গনিবাসীদিগের ভিতরে তাহারা থাকিবে, তাহারা যে অঙ্গীকার প্রাপ্ত হইয়াছে, সেই অঙ্গীকার সত্য। ১৬। এবং যে ব্যক্তি স্বীয় জনক জননীকে বলিল, “তোমাদের প্রতি আমি অসম্মত, তোমরা কি আমাকে নিশ্চিত বলিতেছ যে, আমি (কবর হইতে) বাহির হইব? এবং নিশ্চয় আমার পূর্বে বহু যুগ গত হইয়াছে, (কেহই নির্গত হয় নাই।)” উভয়ে ঈশ্বরের নিকটে অর্গনাদ করিতে লাগিল, (বলিতে লাগিল,) “তোমার প্রতি আক্ষেপ, তুমি বিশ্বাসী হ, নিশ্চয় ঈশ্বরের অঙ্গীকার সত্য;” পরে সে বলে, “ইহা পূর্বতন কাহিনী ভিন্ন নহে” †। ১৭। ইহারাই তাহারা, যাহাদের উপর মণ্ডলী সকলের প্রতি (শাস্তি) বাক্য প্রমাণিত হইয়াছে, নিশ্চয় তাহাদের পূর্বে দেব দানব গণ হইয়াছে, নিশ্চয়

* অধিকাংশ ভাষ্যকারের মত এই যে, আবুবকর সেদিকের সন্মুখে এই আয়তের বিশেষ লক্ষ্য। তিনি ছয় মাস কাল মাতৃগর্ভে ছিলেন, পূর্ণ দুই বৎসর স্তন্য পান করিয়াছিলেন, অষ্টাদশ বৎসরের সময়ে হজরত মোহাম্মদের নিন্দা সঙ্গী হন। তখন হজরতের বয়ঃক্রম বিশ বৎসর ছিল। হজরত চল্লিশ বৎসর বয়সে প্রেরিত হইয়া লাভ করেন। মহান্না আবুবকরের তখন আটত্রিশ বৎসর বয়ঃক্রম। সেই হইতে তিনি হজরতের প্রেরিত হইয়া বিশ্বাসী হন। চল্লিশ বৎসর বয়ঃক্রমকালে তিনি “হে আমার প্রতিপালক,” ইত্যাদি প্রার্থনা করেন, পরমেশ্বর তাহার প্রার্থনা পূর্ণ করিয়া তাহার সহায় হন। আবুবকর পরমেশ্বরের সাহায্যে উৎপীড়িত কোন কোন দাসকে ক্রয় করিয়া দাসত্ব হইতে মুক্ত করেন। তিনি সন্তানের কল্যাণদৃষ্ট্যে যে প্রার্থনা করেন, সেই প্রার্থনা পূর্ণ হয়। তাহার কন্যা আয়শা হজরতের সহধর্মিণী ও তাহার পুত্র আবদোল্লহমান ও তৎপুত্র আবুঅতিক মোসলমান হন। আবু কাহাফা ও আবুবকর ও আবদোল্লহমান এবং আবুঅতিক এই পিতামহ পিতা পুত্র পৌত্র এই চারি পুরুষ মোসলমান হজরত স্বীয় সহচরদিগের মধ্যে এক আবুবকরের বংশেই দর্শন করিয়াছেন।

(ত, হো,)

† এক কাকের, যে জনকজননীর বিরোধী ছিল, তাহার সন্মুখে এই আয়ত অবতীর্ণ হইয়াছে।

(ত, হো,)

তাহারা ক্ষতিগ্রস্ত ছিল। ১৮। এবং যাহা করিয়াছে, তদনুরূপ প্রত্যেকের জন্য (উচ্চ নীচ) শ্রেণী সকল আছে, এবং তাহাদের কার্য (কর্মফল) তাহাদিগকে পূর্ণ দেওয়া হইবে, এবং তাহারা অত্যাচারিত হইবে না। ১৯। যে দিবস ঈশ্বরোহী-দিগকে অগ্নিতে উপস্থিত করা হইবে, (বলা হইবে,) স্বীয় পার্থিব জীবনে তোমরা আপনাদের সুখ সামগ্রী সকল লইয়াছ ও তদ্বারা তোমরা ফল ভোগ করিয়াছ, অনন্তর অল্প দুর্গতির শাস্তি তোমাদিগকে বিনিময় দেওয়া যাইবে; যেহেতু তোমরা পৃথিবীতে অল্পচিত্তে গর্ব করিতেছিলে, এবং যেহেতু তোমরা দুষ্ক্রিয়া করিতেছিলে। ২০। (র, ২, আ, ১০)

এবং আদজাতির ভ্রাতাকে স্মরণ কর, যখন সে আহকাফ ভূমিযোগে আপন সম্প্রদায়কে ভয় প্রদর্শন করিয়াছিল; এবং নিশ্চয় তাহাদের সম্মুখ ও পশ্চাৎ দিগ্ভয় প্রদর্শক-গণ (এই বলিয়া) চলিয়া গিয়াছিল যে, “ঈশ্বরকে ভিন্ন অর্চনা করিও না, নিশ্চয় আমি তোমাদের সম্বন্ধে মহাদিনের শাস্তিকে ভয় করি” *। ২১। তাহারা বলিয়াছিল, “তুমি কি আমাদের নিকটে আসিয়াছ যে, আমাদের পক্ষে স্বীয় উপাশ্রয় দেবগণ হইতে নিবৃত্ত রাখিবে? যদি তুমি সত্যবাদীদিগের অন্তর্গত হও, তবে যাহা (যে শাস্তি) আমাদের প্রতি অঙ্গীকার করিতেছ, তাহা আমাদের নিকটে আনয়ন কর”। ২২। সে বলিল, “(কখন শাস্তি হইবে,) ঈশ্বরের নিকটে তাহার জ্ঞান, এতস্তি নহে; এবং আমি যৎসহ প্রেরিত হইয়াছি, তাহা তোমাদিগের প্রতি প্রচার করিব, কিন্তু আমি তোমাদিগকে এমন দল দেখিতেছি যে, মূর্থতা করিতেছ”। ২৩। অনন্তর যখন তাহারা তাহাকে (শাস্তিকে) প্রকাণ্ড বারিবাহরূপে তাহাদের প্রান্তরে সম্মুখীন দর্শন করিল, তখন পরস্পর বলিল, “ইহা আমাদের প্রতি বর্ষণকারী বারিবাহ;” (প্রেরিতপুরুষ আদ বলিল,) “বরং তোমরা যাহা শীঘ্র চাহিয়াছিলে, তাহাই ইহা, ইহার মধ্যে প্রভঞ্জন আছে, দুঃখকরী শাস্তি আছে। ২৪।+এ আপন প্রতিপালকের আদেশক্রমে সমুদায় বস্তু বিনাশ করিবে;” অনন্তর তাহারা (এরূপ) হইল যে, তাহাদের আশ্রয় ব্যতীত (অল্প কিছু) দৃষ্ট হইতে ছিল না, এই প্রকার আমি অপরাধী দলকে বিনিময় দান করি। ২৫। এবং সত্য সত্যই আমি তাহাদিগকে (আদজাতিকে) যে বিষয়ে ক্ষমতা দান করিয়াছি, তদ্বিষয়ে তোমাদিগকে ক্ষমতা দান করি নাই, তাহাদের জন্ত চক্ষু ও কর্ণ এবং মন সৃজন করিয়াছিলাম; যখন তাহারা ঐশ্বরিক নিদর্শনাবলীকে অগ্রাহ্য করিতেছিল ও যে

* প্রেরিতপুরুষ হদকে আদজাতির ভ্রাতা বলা হইয়াছে। তিনি হদজাতির প্রতি ঈর্ষপ্রচারের জন্ত প্রেরিত হইয়াছিলেন। আহকাফ এক বালুকাময় স্থানের নাম, উহা এয়মন দেশে হজরমৌত নগরের নিকট ছিল। আদজাতি অধিতীয় ঈশ্বরকে মান্ত করিতে অসম্মত হয়, হদ সেই বালুকাক্ষেত্রে তাহারা চাপা পড়িবে, এই ভয় দেখাইয়াছিলেন। হদের পূর্বে এক সংবাদবাহক তাহাদের প্রতি প্রেরিত হইয়াছিলেন, এবং হদের পরে অনেক প্রেরিতপুরুষ আসিয়াছিলেন। (ত, হো,)

বিষয়ে উপহাস করিতেছিল, তাহা তাহাদিগকে ঘেরিল, তখন তাহাদের শ্রোত্র ও তাহাদের নেত্র এবং তাহাদের চিত্ত তাহাদিগ হইতে কোন (শাস্তি) নিবারণ করিল না। ২৬। (র, ৩, আ, ৬,)

এবং সত্য সত্যই আমি, (হে মক্কাবাসীগণ,) তোমাদের পার্শ্বস্থ যে কোন গ্রাম ছিল, তাহা ধ্বংস করিয়াছি, এবং নানা প্রকার নিদর্শনাবলী প্রত্যানয়ন করিয়াছি, যেন তাহারা ফিরিয়া আইসে। ২৭। অনন্তর ঈশ্বরকে ছাড়িয়া যাহাদিগকে তাহারা (ঈশ্বরের) সান্নিধ্য জ্ঞাত উপাস্তরূপে গ্রহণ করিয়াছিল, তাহারা কেন তাহাদিগকে সাহায্য দান করিল না? বরং তাহাদিগ হইতে অন্তর্হিত হইল, এবং ইহাই তাহাদিগের অসত্যাচরণ ও যাহা তাহারা রচনা করিতেছিল। ২৮। (স্মরণ কর,) যখন তোমার প্রতি একদল দৈত্যকে কোর্-আন্ শ্রবণ করিতে প্রত্যানয়ন করিয়াছিলাম; অনন্তর যখন তাহারা তাহার নিকটে উপস্থিত হইল, তখন পরস্পর বলিল, চূপ কর; পরে যখন পাঠ সমাপ্ত হইল, তখন তাহারা (বিশ্বাসী হইয়া) স্বীয় সম্প্রদায়ের দিকে ভয়প্রদর্শকরূপে চলিয়া গেল *। ২৯। তাহারা বলিল, “হে আমাদের সম্প্রদায়, আমরা এক গ্রন্থ শ্রবণ করিয়াছি যে, মুসার পরে তাহার পূর্বে যাহা আছে, তাহার প্রমাণকারিরূপে অবতারণিত হইয়াছে, তাহা সত্যের প্রতি ও সরল পথের দিকে পথ প্রদর্শন করে। ৩০। হে আমাদের সম্প্রদায়, তোমরা ঈশ্বরের আস্থান স্বীকার কর ও তৎপ্রতি বিশ্বাসী হও; তিনি তোমাদের জ্ঞাত তোমাদের পাপ ক্ষমা করিবেন, এবং ক্লেণকর দণ্ড হইতে তোমাদিগকে আশ্রয় দিবেন”। ৩১। যে ব্যক্তি ঈশ্বরের আস্থান গ্রহণ করে না, পরে সে ধরাতলে (তাহার) পরাভবকারী নহে, এবং তিনি বাতীত তাহার বন্ধু নাই; ইহারাই স্পষ্ট নিপথে আছে। ৩২। তাহারা কি দেখে নাই যে, সেই ঈশ্বর, যিনি ভূমণ্ডল ও নভোমণ্ডল সৃজন করিয়াছেন, এবং উভয়ের সৃষ্টিতে শ্রান্ত হন নাই, তিনি মৃতকে জীবিত করার বিষয়ে ক্ষমতাবান? হাঁ নিশ্চয়, তিনি সর্ববিষয়ে ক্ষমতাশালী! ৩৩। এবং যে দিবস ধর্ম্মজোহী-দিগকে অগ্নিতে উপস্থিত করা হইবে, (বলা হইবে,) “ইহা কি সত্য নহে?” তাহারা বলিবে, “হাঁ, আমাদের প্রতিপালকের শপথ, (সত্য।)” তিনি বলিবেন, “পরে তোমরা যে বিরুদ্ধাচরণ করিতেছিলে, তজ্জ্ঞাত শাস্তি আন্বাদন কর”। ৩৪। অনন্তর যেমন উত্তমশীল প্রেরিত পুরুষগণ দৈর্ঘ্য ধারণ করিয়াছিল, তুমি তদ্রূপ দৈর্ঘ্য ধারণ কর, এবং তাহাদের জ্ঞাত ব্যস্ত হইও না; (কেয়ামতের বিষয়ে) যাহা অঙ্গীকার করা হইয়াছে, যে দিন তাহারা তাহা দেখিবে, (তাহারা মনে করিবে,) যেন দিবসের এক দণ্ড ভিন্ন

* কেহ বলেন, সাত জন; কেহ নয়, কেহ দশ, কেহ ষাট, কেহ বা সত্তোর জন দৈত্য কোর্-আন্ শ্রবণার্থ আসিয়াছিল, বলিয়া থাকেন। তাহারা কোর্-আন্ শুনিয়া তৎপ্রতি বিশ্বাস স্থাপন করে, এবং হৃদয়ত কর্তৃক প্রচারকরূপে নিযুক্ত হয়। (ত, হো,)

(পৃথিবীতে) স্থিতি করে নাই, (ইহাই) প্রচার; অনন্তর দুষ্ক্রিয়ালীল লোকেরা ভিন্ন সংহার প্রাপ্ত হইবে না। ৩৫। (র, ৪, আ, ২)

সূরা মোহাম্মদ ❀

.....

সপ্তচত্বারিংশ অধ্যায়

.....

৩৮ আয়ত, ৪ রকু

(দাতা দয়ালু পরমেশ্বরের নামে প্রবৃত্ত হইতেছি।)

যাহারা ধর্মবিরোধী হইয়াছে, এবং ঈশ্বরের পথ হইতে (লোকদিগকে) নিবৃত্ত রাখিয়াছে, তাহাদের ক্রিয়া সকলকে তিনি বাথ করিয়াছেন। ১। এবং যাহারা বিশ্বাস স্থাপন ও সংকর্ষ সকল করিয়াছে, মোহাম্মদের প্রতি যাহা অবতারিত হইয়াছে, তাহাতে বিশ্বাস করিয়াছে, এবং উহা তাহাদের প্রতিপালক হইতে (আগত) সত্য হয়, (বিশ্বাস করিয়াছে,) তিনি তাহাদিগ হইতে তাহাদের পাপপুঞ্জ দূর করিয়াছেন, এবং তাহাদের অবস্থা সংশোধন করিয়াছেন। ২। ইহা এজ্ঞ যে, যাহারা বিরুদ্ধাচারী হইয়াছিল, তাহারা অসত্যের অনুসরণ করিয়াছিল, এবং যাহারা বিশ্বাসী হইয়াছিল, তাহারা আপন প্রতিপালক হইতে (আগত) সত্যের অনুসরণ করিয়াছিল; এইরূপ পরমেশ্বর মানবমণ্ডলীর জ্ঞাত তাহাদের অবস্থা সকল বর্ণন করেন। ৩। অনন্তর যখন তোমরা ধর্মবিরোধীদিগের সঙ্গে (রণক্ষেত্রে) মিলিত হও, তখন তাহাদের কণ্ঠ ছেদন করিও; এ পর্যন্ত যখন তাহাদিগকে অধিকতর ধ্বংস করিলে, তখন দৃঢ় বন্ধন করিও, অবশেষে ইহার পর হয় হিতসাধন করিও, অথবা (অর্থাৎ) বিনিময় গ্রহণ করিও, এ পর্যন্ত (যুদ্ধকর্তা) যেন তাহার (যুদ্ধের) অস্ত্র সকল পরিত্যাগ করে, ইহাই (আজ্ঞা।) এবং যদি ঈশ্বর ইচ্ছা করিতেন, তবে (স্বয়ং) তাহাদিগ হইতে তিনি প্রতিশোধ লইতেন, কিন্তু তিনি তোমাদের এক জনকে অগ্নি জন দ্বারা পরীক্ষা করেন; এবং যাহারা ঈশ্বরের দ্বন্দ্বোপস্থিত পথে নিহত হইয়াছে, নিশ্চয় তিনি তাহাদের ক্রিয়া সকলকে বিফল করিবেন না। ৪।

* এই সূরা মদিনাতে অবতীর্ণ হইয়াছে।

† বদরের যুদ্ধকালে এই আজ্ঞা হয়, এই হইতে সংগ্রাম নির্ধারিত হইয়াছিল। “যদি ঈশ্বর ইচ্ছা

৪। অবশ্য তিনি তাহাদিগকে পথ প্রদর্শন করিবেন ও তাহাদের অবস্থা সংশোধন করিবেন। ৫। এবং তিনি তাহাদিগকে যাহার পরিচয় দান করিয়াছেন, সেই স্বর্গে তাহাদিগকে লইয়া যাইবেন। ৬। হে বিশ্বাসিগণ, যদি তোমরা ঈশ্বরকে (ঈশ্বরের ধর্মকে) সাহায্য দান কর, তিনিও তোমাদিগকে সাহায্য দান করিবেন ও তোমাদের চরণ দৃঢ় করিবেন। ৭। যাহারা ধর্মবিরোধী হইয়াছে, পরে তাহাদিগের বিপাক (হউক,) এবং তাহাদিগের ক্রিয়া সকলকে তিনি নিষ্ফল করিয়াছেন। ৮। ইহা এজ্ঞা যে, ঈশ্বর যাহা অবতারণ করিয়াছেন, তাহাকে তাহারা অবজ্ঞা করিয়াছে, অনন্তর তাহাদিগের ক্রিয়া সকল তিনি বিনষ্ট করিয়াছেন। ৯। পরে তাহারা কি পৃথিবীতে ভ্রমণ করে নাই? তবে দেখিবে, তাহাদের পূর্বে যাহারা ছিল, তাহাদিগের পরিণাম কিরূপ হইয়াছে; পরমেশ্বর তাহাদের প্রতি মৃত্যু আনয়ন করিয়াছিলেন, এবং (এই) কাকেরদিগের (শাস্তি) তাহার অমুরূপ হইবে। ১০। ইহা এজ্ঞা যে, ঈশ্বর বিশ্বাসীদিগের প্রভু, এবং এজ্ঞা যে, ধর্মদ্রোহিগণ তাহাদের প্রভু নহে। ১১। (র, ১, আ, ১১)

যাহারা বিশ্বাসস্থাপন ও সংকার্য্য সকল করিয়াছে, নিশ্চয় ঈশ্বর তাহাদিগকে স্বর্গোত্তান সকলে লইয়া যাইবেন, যাহার নিম্ন দিয়া পয়ঃপ্রণালী সকল প্রবাহিত হয়; এবং যাহারা ধর্মবিরোধী হইয়াছে, তাহারা পশুগণ যেমন ভক্ষণ করে, তদ্রূপ সম্ভোগ করে ও ভক্ষণ করিয়া থাকে, এবং অগ্নি তাহাদের জন্ত বাসস্থান*। ১২। তোমার সেই গ্রাম অপেক্ষা, যাহা তোমাকে নির্বাসিত করিয়াছে, শক্তি অমুসারে প্রবলতর বহু গ্রাম ছিল; তাহাদিগকে আমি ধ্বংস করিয়াছি, পরে তাহাদের সাহায্যকারী কেহ হয় নাই†। ১৩। অনন্তর যে ব্যক্তি স্বীয় প্রতিপালকের প্রমাণের প্রতি (বিশ্বাসী) আছে, সে কি সেই ব্যক্তির তুল্য, যাহার জন্ত তাহার গর্হিত কার্য্য সকল সজ্জিত রহিয়াছে ও যে স্বীয় প্রকৃতির অমুসরণ করিয়াছে? ১৪। স্বর্গলোকের বর্ণনা—যাহা ধান্মিকের প্রতি অঙ্গীকার করা হইয়াছে, তথায় নির্মল জলের প্রণালী সকল আছে, এবং ছুন্দের প্রণালী সকল আছে; তাহার স্বাদ বিকৃত হয় না, এবং পানকারীদিগের স্বাদজনক সুরার প্রণালী সকল আছে, এবং পরিকৃত মধুর প্রণালী সকল আছে, এবং তথায় তাহাদের জন্ত বহুবিধ

করিতেন, তবে তাহাদিগ হইতে তিনি প্রতিশোধ লইতেন।” অর্থাৎ শত্রুদিগের সঙ্গে তোমাদের যুদ্ধ করিতে হইত না, তিনিই সাক্ষাৎসম্মুখে তাহাদিগ হইতে প্রতিশোধ লইতেন। তিনি তোমাদের একজন দ্বারা অন্য জনকে পরীক্ষা করেন, অর্থাৎ বিশ্বাসীকে কাকেরের সঙ্গে সংগ্রাম করিতে লিপ্ত করেন। (ত, হো,)

* অর্থাৎ কাকেরদিগের অবস্থা ও পশুর অবস্থা তুল্য; পশুগণ যেমন শরীরের জন্ত ও পানাহারের জন্ত জীবন ধারণ করে, কাকেরগণও তদ্রূপ জীবন ধারণ করিয়া থাকে। (ত, হো,)

† এস্থলে গ্রাম অর্থে গ্রামবাসী বুঝাইবে; মক্কাবাসিগণ হজরতকে নির্বাসিত করিয়াছিল, পরমেশ্বর মক্কাবাসীদিগের অপেক্ষা বলবিক্রমে প্রবল অনেক গ্রামবাসীকে ধ্বংস করিয়াছেন। (ত, হো,)

কল আছে ও তাহাদের প্রতিপালকের ক্ষমা আছে ; * তাহারা কি সেই সকল ব্যক্তির তুল্য, যাহারা অগ্নিমধ্যে নিত্যনিবাসী হয় ও যাহাদিগকে উষ্ণোদক পান করান হয়, পরে যাহাদিগের অস্ত্র সকল খণ্ড খণ্ড হয় ? ১৫। এবং তাহাদিগের মধ্যে কেহ আছে যে, তোমার নিকটে (কোর-আন) শ্রবণ করে ; এ পর্য্যন্ত যখন তোমার নিকট হইতে বাহির হইয়া যায়, তখন যাহাদিগকে জ্ঞান প্রদত্ত হইয়াছে, তাহাদিগকে বলে, “এক্ষণে তিনি কি বলিলেন ?” ইহারাই তাহারা, যাহাদিগের অন্তরে ঈশ্বর দৃঢ় বন্ধন রাখিয়াছেন, এবং যাহারা স্বীয় প্রবৃত্তির অনুসরণ করিয়াছে †। ১৬। এবং যাহারা পথ প্রাপ্ত হইয়াছে, তিনি তাহাদিগের প্রতি পথ-প্রদর্শন বৃদ্ধি করিয়াছেন ও তাহাদিগকে তাহাদের সংসারবিরাগ দান করিয়াছেন। ১৭। অবশেষে তাহারা কেয়ামত ভিন্ন প্রতীক্ষা করিতেছে না যে, তাহাদের নিকটে অকস্মাৎ উপস্থিত হইবে ; অনন্তর নিশ্চয় তাহার নিদর্শন সকল আসিয়াছে। পরে যখন তাহাদের নিকটে তাহাদের শিক্ষা (কেয়ামত) উপস্থিত হইবে, তখন কোথা হইতে তাহাদের (উপদেশ গ্রহণ হইবে) ? ১৮। অবশেষে জানিও যে, (হে মোহম্মদ,) ঈশ্বর ব্যতীত উপাস্ত নাই ; তুমি স্বীয় পাপের জন্ত এবং বিশ্বাসী পুরুষদিগের ও বিশ্বাসিনী নারীদিগের পাপের জন্ত ক্ষমা প্রার্থনা কর। ঈশ্বর তোমাদের পরিক্রমণের স্থান ও অবস্থিতির স্থান জ্ঞাত আছেন ‡। ১৯। (র, ২, আ, ৮)

এবং যাহারা বিশ্বাস স্থাপন করিয়াছে, তাহারা বলে, “কেন কোন শূরা অবতারিত হইল না ?” অনন্তর যখন দৃঢ় শূরা অবতারিত হয় ও তন্মধ্যে সংগ্রামের প্রসঙ্গ করা যায়, তখন যাহাদিগের অন্তরে রোগ আছে, তাহাদিগকে তুমি দেখিবে, যাহার উপর মৃত্যুর মুচ্ছা সঞ্চারিত, তদ্বৎ দৃষ্টিতে তাহারা তোমার প্রতি তাকাইতেছে ; অনন্তর তাহাদিগের প্রতি আক্ষেপ §। ২০। (তাহাদের অবস্থা প্রকাশে) আহুগত্য ও বিহিত

* ইহার আধ্যাত্মিক অর্থ এই যে, স্বর্গলোকে কলস্কর নিম্নে যেমন চারিটি প্রণালী প্রবাহিত, ঈশ্বর-প্রেমিকদিগের হৃদয়ভূমিতে বিশ্বাসতত্ত্বের নিম্নেও চারিটি প্রণালী সঞ্চারিত। নির্মূল জলপ্রণালী বিবেকরূপ প্রণালী ; দুষ্কপ্রণালী মূল জ্ঞানরূপ প্রণালী, যাহা চিরকাল বিদ্যমান থাকে ; শূরা-প্রণালী ঈশ্বর-প্রেমের উচ্ছ্বাসরূপ প্রণালী ; বিদ্যুৎ মধুপ্রণালী ঈশ্বরসান্নিধ্যরূপ মিষ্ট আশ্বাদন ; কলপুঞ্জ তত্ত্বের প্রকাশ ও ঈশ্বরবিভাব, পাপক্ষমা ইত্যাদি। এ স্থলে স্বর্ণগোদানব্দ সোভাগাশালী লোকদিগের বর্ণনার পর নরকনিবাসীদিগের দুঃখ ক্লেশের অবস্থা বর্ণিত হইয়াছে। (ত, হো,)

† যখন হজরত খোত্বা পড়িতেন ও কপটদিগের কুৎসা করিতেন, তখন অনেক কপট লোক মসজিদের বাহিরে বাইয়া ব্যঙ্গচ্ছলে হজরতের জ্ঞানবান্ সচরদিগকে বলিত, “এক্ষণে তুমি কি বলিলেন ?” (ত, হো,)

‡ বিশ্বাসী নরনারীর জন্ত ক্ষমা প্রার্থনা করা, এই মণ্ডলীসম্বন্ধে হজরতের প্রতি ঈশ্বরকর্তৃক একটি বিশেষ অধিকার দান বলিতে হইবে। তিনি কাহারও পাপের জন্ত বিহিত ক্ষমা প্রার্থনা করিলেই ক্ষমা হইবে, ঈশ্বরের এই অঙ্গীকার। (ত, হো,)

§ অর্থাৎ মোসলমানগণ কাকেরদিগের অত্যাচারে ক্লান্ত হইয়া ষ্বেহাদের অনুমতিসূচক শূরা

বাক্য ; অনন্তর যখন কার্য স্থির হয়, তখন যদি তাহারা ঈশ্বরকে সত্য বলে, তবে তাহাদের জ্ঞান কল্যাণ হয়। ২১। পরে, (হে ক্ষীণবিশ্বাসিগণ,) তোমরা কি উত্তত হইয়াছ যে, যদি তোমরা কার্য্যাধ্যক্ষ হও, তবে পৃথিবীতে উৎপাত করিবে ও স্বীয় কুটুম্বিতা ছিন্ন করিবে? ২২। ইহা রাই তাহারা, যাহাদিগকে ঈশ্বর অভিসম্পাত করিয়াছেন ; অনন্তর তিনি তাহাদিগকে বধির করিয়াছেন ও তাহাদের চক্ষু অন্ধ করিয়াছেন। ২৩। পরিশেষে তাহারা কি কোরু-আনের বিষয় ভাবে না, তাহাদের অন্তরের উপর কি তাহার কুলুপ আছে? ২৪। নিশ্চয় যাহারা তাহাদের জ্ঞান ধর্মালোক প্রকাশিত হওয়ার পর স্বীয় পৃষ্ঠের দিকে ফিরিয়া গিয়াছে, শয়তান তাহাদের জ্ঞান (শত্রুতা) সাজাইয়াছে, এবং তিনি তাহাদিগকে অবকাশ দিয়াছেন। ২৫। ইহা এজ্ঞা যে, ঈশ্বর যাহা অবতারণ করিয়াছেন, তাহাকে যাহারা অবজ্ঞা করে, তাহাদিগকে (কপটদিগকে) তাহারা (ইহুদিগণ) বলিয়াছে যে, “অবশ্য কোন কোন কার্যে আমরা তোমাদিগের আনুগত্য করিব;” এবং পরমেশ্বর তাহাদের রহস্য জানিতেছেন। ২৬। অনন্তর যখন দেবগণ তাহাদিগের প্রাণ হরণ করিবে, এবং তাহাদের মুখে ও তাহাদের পৃষ্ঠে প্রহার করিবে, তখন (তাহাদের অবস্থা) কিরূপ হইবে? ২৭। ইহা এজ্ঞা যে, যাহা ঈশ্বরকে ক্রুদ্ধ করিয়া তুলিয়াছে ও তাহার প্রসন্নতাকে মলিন করিয়াছে, তাহারা তাহার অনুসরণ করিয়াছে ; অনন্তর তিনি তাহাদের ক্রিয়া সকল বিনষ্ট করিয়াছেন। ২৮। (র, ৩, আ, ৯)

যাহাদিগের অন্তরে রোগ আছে, তাহারা কি মনে করে যে, ঈশ্বর তাহাদের ঈর্ষ্যা সকল প্রকাশ করিবেন না? ২৯। এবং যদি আমি ইচ্ছা করিতাম, তবে অবশ্য তোমাকে তাহাদিগকে দেখাইতাম, পরে তুমি তাহাদিগকে অবশ্য তাহাদের লক্ষণ দ্বারা চিনিতে ও কথার স্বরেতে অবশ্য তুমি তাহাদিগকে চিনিতে ; ঈশ্বর তাহাদের কার্য্য সকল জানিতেছেন। ৩০। এবং অবশ্য আমি তোমাদিগকে এ পর্য্যন্ত পরীক্ষা করিব যে, তোমাদিগের মধ্যে ধর্মগোন্ধা ও সহিষ্ণুদিগকে অবগত হইব, এবং তোমাদের অবস্থা সকল পরীক্ষা করিব। ৩১। নিশ্চয় যাহারা ধর্মদ্রোহী হইয়াছে ও ঈশ্বরের পথ হইতে (লোকদিগকে) নিবৃত্ত করিয়াছে, এবং তাহাদের জ্ঞান ধর্মালোক প্রকাশিত হওয়ার পর প্রেরিতপুরুষের সঙ্গে শত্রুতা করিয়াছে, তাহারা ঈশ্বরকে কখনও কিছুই পীড়া দিবে না ; এবং অবশ্য তাহাদের কার্য্য সকল বিনষ্ট হইবে। ৩২। হে বিশ্বাসিগণ, তোমরা ঈশ্বরের অনুগত হও ও প্রেরিতপুরুষের অনুগত হও, এবং স্বীয় কর্ত্তব্য বিফল করিও না। ৩৩। নিশ্চয় যাহারা ধর্মবিরোধী হইয়াছে ও ঈশ্বরের পথ হইতে (লোকদিগকে) নিবৃত্ত করিয়াছে, তৎপর প্রাণত্যাগ করিয়াছে ও তাহারা সেই কাকের রহিয়াছে, অনন্তর প্রার্থনা করিত ; যখন আদেশ হইত, তখন অপরিপক্ক লোকেরা ভয় পাইয়া মুমূর্ষু লোকের স্থায় জ্যোতি-হীন স্থিরদৃষ্টিতে হজরতের মুখের দিকে তাকাইয়া থাকিত। তাহারা এই আদেশ হইতে অব্যাহতি চাহিত।

পরমেশ্বর তাহাদিগকে কখনও ক্ষমা করিবেন না। ৩৪। অবশেষে শিখিল হইও না, এবং শাস্তির দিকে (তাহাদিগকে) আহ্বান করিও না, এবং তোমরা বিজয়ী হও ; এবং ঈশ্বর তোমাদের সঙ্গে আছেন ও তিনি তোমাদের কার্য সকলকে কখনও তোমাদিগ হইতে নষ্ট করিবেন না। ৩৫। পার্থিব জীবন ক্রীড়া ও কৌতুক, এতস্তিম্ন নহে ; যদি তোমরা বিশ্বাস স্থাপন কর ও ধর্মভীরু হও, তবে তিনি তোমাদিগকে তোমাদের পারি-
শ্রমিক প্রদান করিবেন, এবং তিনি তোমাদের নিকটে তোমাদের ধনসম্পত্তি চাহিবেন না। ৩৬। যদি তিনি তোমাদিগ হইতে তাহা প্রার্থনা করেন, পরে তোমাদিগকে বাধ্য করেন, এবং তোমরা কুপণ হও, তবে তিনি তোমাদিগের নীচতা প্রকাশ করেন। ৩৭। জানিও, তোমরা এই লোক যে, ঈশ্বরোদ্দেশে (ধর্মযুদ্ধে) ব্যয় করিতে আহুত হইতেছ ; অনন্তর তোমাদের মধ্যে কেহ আছে যে, কুপণতা করে ? এবং যে ব্যক্তি কুপণতা করে, পরে সে আপন জীবনের জন্ত কার্পণ্য করে, এতস্তিম্ন নহে। এবং ঈশ্বর ধনী ও তোমরা দীন ; যদি তোমরা বিমুখ হও, তবে তিনি তোমাদের ছাড়া এক দলকে (তোমাদের স্থলে) পরিবর্তিত করিবেন, তৎপর তাহারা তোমাদের স্থায় হইবে না। ৩৮। (র, ৪, আ, ১০)

সূরা ফৎহ ❀

.....

অষ্টচত্বারিংশ অধ্যায়

.....

১৯ আয়ত, ৪ রকু

(দাতা দয়ালু পরমেশ্বরের নামে প্রবৃত্ত হইতেছি।)

নিশ্চয় আমি দীপ্যমান বিজয়ে তোমাকে, (হে মোহম্মদ,) বিজয় দান

* মদিনাপ্রস্থানের অষ্টম বৎসরে হজরত স্বপ্নে দেখিয়াছিলেন যে, তিনি কতিপয় সহঃর সহ মক্কা-
তীর্থে গিয়া ওমরাত্রত উদ্‌যাপন করিয়াছেন। তাঁহার ধর্মবজ্জগণ এই স্বপ্নবৃত্তান্ত শ্রবণ করিয়া মনে
করিলেন যে, এই বৎসরেই স্বপ্নবটনা কার্যে পরিণত হইবে। হজরত যাত্রার জন্ত প্রস্তুত হইয়া
জোলুকালা মাদের প্রথম চন্দ্রোদয়ে সোমবারে ওমরার এহরাম বন্ধনপূর্বক মদিনা হইতে নির্গত হন,
তখন বলি উপহারের জন্ত সন্তোরটি উষ্ট্র সঙ্গে গ্রহণ করেন। এই যাত্রায় প্রায় সমুদায় ধর্মবজ্জুই তাঁহার
সঙ্গে ছিলেন। হজরত আসিতেছেন, মক্কার হুশিবাঈ কোরেশগণ এই সংবাদ পাইয়া তাঁহার পথ
অবরোধ করিবার জন্ত দলবদ্ধভাবে মক্কা হইতে বাহির হয়, এবং বলদা নামক স্থানে শিবির স্থাপন
করে। হজরত এই সংবাদ অবগত হইয়া হোদয়বিদ্ঘাতে অবতরণ করেন। কাকেরদিগের পক্ষ হইতে

করিলাম * । ১ । + তোমার যে কিছু পাপ পূর্বে হইয়াছে ও যাহা পরে হইয়াছে, তাহা যেন পরমেশ্বর তোমার জন্ত ক্ষমা করেন, এবং স্বীয় দান তোমার প্রতি পূর্ণ করেন ও সরল পথ তোমাকে প্রদর্শন করেন † । ২ । + এবং প্রবল সাহায্যে পরমেশ্বর তোমাকে যেন সাহায্য দান করেন । ৩ । তিনিই যিনি বিশ্বাসীদের অন্তরে সান্ত্বনা প্রেরণ করিয়াছেন, যেন তাহাদের (পূর্বে) বিশ্বাসের সহিত বিশ্বাস বৃদ্ধি হয় ; এবং স্বর্গ ও পৃথিবীর সৈন্ত ঈশ্বরেরই, পরমেশ্বর জ্ঞানবান্ কৌশলময় হন ‡ । ৪ । + অপিচ বিশ্বাসী পুঙ্খ মসুদের পুত্র অরওরা হজরতের নিকটে আসিয়া তাঁহার আগমনের কারণ জ্ঞাত হয় । তৎপর জলি-সকনানী আগমন করিয়া অবগত হয় যে, হজরত মোহাম্মদ সংগ্রামের অভিলাষী নহেন, কাবাদর্শন ও ব্রতপালন উদ্দেশ্যে বাইতেছেন । কিন্তু কোরেশগণ মূর্থতাবশতঃ কোনরূপেই হজরতকে সবাঞ্ছাবে মক্কায় প্রবেশ করিতে দিতে চাহিল না । হজরত স্বীয় প্রচারবন্ধু ওসমানকে তাহাদের নিকটে প্রেরণ করেন । তাহার ঠাহাকে আবদ্ধ করিয়া রাখে । এ দিকে কোরেশগণ ওসমানকে হত্যা করিয়াছে বলিয়া হজরতের নিকটে প্রচার হইল, তচ্ছবণে তিনি ও তাঁহার বন্ধুবর্গ অত্যন্ত শোকাবুল হইলেন, এবং সকলে কোরেশদিগের সঙ্গে প্রাণপণে সংগ্রাম করিবেন বলিয়া প্রতিজ্ঞা করিলেন । পরে কোরেশগণ ওসমানের পুত্র সহিনকে হজরতের নিকটে পাঠাইয়া এই মর্মে সন্ধি স্থাপন করে যে, ছই বৎসরের মধ্যে কোরেশ ও মুসলমানগণ পরস্পর যুদ্ধ করিবেন না, প্রকাশ্যে বা গোপনে এক দল অস্ত্র দলের বিরোধী হইবেন না, এবং নির্দ্বারিত হয় যে, এ বৎসর হজরত ওসরা ব্রত ভঙ্গ করিয়া চলিয়া বাইবেন, আগামী বৎসর মক্কায় আসিতে পারিবেন । এতদ্বিত্ত সন্ধিপত্রে অস্ত্র কয়েক সত্ত্বও ছিল । এই সন্ধিবন্ধনে হজরতের অধিকাংশ পারিষদ অসন্তুষ্ট হন । হজরত ব্রতভঙ্গের নিয়মানুসারে হোদয়বিয়াতেই মন্তক মুণ্ডন করেন, এবং কতক উষ্ট্র বলিদান করিয়া, কতকগুলিকে বিহিত বলিদানের জন্ত মক্কাতে পাঠাইয়া দেন, এবং তথাকার দীন দরিদ্রদিগকে দান করেন । পরে হজরতের ধর্মবন্ধুগণও যথানিয়মে তাঁহার দৃষ্টান্তানুসারে ব্রতভঙ্গ করেন । হজরত বিশ দিন হোদয়বিয়ায় ছিলেন । তথা হইতে প্রত্য-গমনকালে এক দিন রাত্রিতে এই সুরার অভ্যুদয় হয় । তিনি বন্ধুদিগকে বলিয়াছিলেন যে, অস্ত্র রজনীতে এই সুরা অবতারণিত হইল, সুযোগ্যদয় অপেক্ষা এই সুরা আমার নিকটে প্রিয়তর । পরে কংহ সুরা তাহাদের নিকটে পাঠ করেন । এই কংহ সুরা মদিনাসম্পর্কীয় । (ত, হো,)

* “কংহ” শব্দের অর্থ বিজয় । হোদয়বিয়ায় কোরেশদিগের সঙ্গে সন্ধিবন্ধনই হজরতের বিজয়-লাভের বিশেষ উপায় হয় । ইতিপূর্বে মক্কাহিত মোসলমানেরা শত্রুভয়ে স্ব স্ব ধর্মবিশ্বাস গোপন করিয়া রাখিতেছিল, এক্ষণ হইতে একান্তে তর্কবিতর্ক ও বিচারে প্রবৃত্ত হইল ও তাহাদিগের নিকটে কোর-আন্ পাঠ করিতে লাগিল, তাহাতে অনেক লোক মোসলমান হয়, এবং ইহাই মক্কা অধিকারের কারণ হইয়া উঠে । (ত, হো,)

+ অর্থাৎ বিজয়ের পূর্বে ও পরে, বা এই আরতের অবতরণের পূর্বে বা পরে যে পাপ হইয়াছে ও হইবে, তাহার ক্ষমা হয় । কোন কোন তত্ত্বজ্ঞ লোক বলেন, এস্থলে পূর্ববর্তী পাপ আদম ও হবার পাপ, পরবর্তী পাপ মওলীর পাপ, অর্থাৎ আদম ও হবার পাপকে হজরতের প্রসাদে ও মওলীর পাপকে তাঁহার শকারতে ক্ষমা করা হইবে । (ত, হো,)

† : অর্থাৎ বিশ্বাসীদেরকে বলা হইয়াছে যে, তোমরা ঈশ্বরের ধর্মকে জগৎ করিতে দৃঢ়ব্রতবান্ হও ; তাহার স্বর্গ ও পৃথিবীতে আধিপত্য, তাঁহার সৈন্তের অর্থাৎ কি ? অরাতিকুলের সঙ্গে সংগ্রামের

বিশ্বাসিনী নারীদিগকে তিনি স্বর্গোচ্চান সকলে লইয়া যাইবেন, যাহার নিম্ন দিয়া পয়ঃ-প্রণালী সকল প্রবাহিত হইতেছে, তাহারা তথায় নিত্যবাসী হইবে, এবং তিনি তাহাদের অধর্ম সকল তাহাদিগ হইতে দূর করিবেন, ইহা ঈশ্বরের নিকটে মহা অভীষ্ট-সিদ্ধি হয়। ৫। এবং তিনি কপট পুরুষ ও কপট নারীদিগকে ও অংশিবাদী পুরুষ ও অংশিবাদিনী নারীদিগকে, যাহারা পরমেশ্বরের সহক্ষে কুকল্পনাকারী হয়, শাস্তি দান করিবেন ; তাহাদের প্রতি অকল্যাণের চক্র ঘোরে, এবং তাহাদের প্রতি পরমেশ্বর ক্রোধ করিয়াছেন ও তাহাদিগকে অভিশাপ দিয়াছেন ও তাহাদের জগ্ন নরক প্রস্তুত রাখিয়াছেন, এবং (উহা) গর্হিত স্থান। ৬। স্বর্গ ও অবনীর সৈন্তবৃন্দ ঈশ্বরেরই, ঈশ্বর পরাক্রান্ত প্রজ্ঞাবান হন। ৭। নিশ্চয় আমি তোমাকে, (হে মোহাম্মদ,) সাক্ষী ও হুসংবাদদাতা এবং ভয়প্রদর্শকরূপে প্রেরণ করিয়াছি। ৮। + যেন তোমরা, (হে লোক সকল,) ঈশ্বরের প্রতি ও তাঁহার প্রেরিতপুরুষের প্রতি বিশ্বাসী হও, এবং তাঁহাকে (তাঁহার ধর্মকে) বল বিধান কর ও তাঁহাকে গৌরব দান কর, এবং প্রাতঃসন্ধ্যা তাঁহাকে প্রণাম কর। ৯। নিশ্চয় যাহারা তোমার সঙ্গে অঙ্গীকার করে, তাহারা ঈশ্বরের সঙ্গে অঙ্গীকার করে, এতস্তিন্ন নহে ; তাহাদের হস্তের উপর ঈশ্বরের হস্ত আছে। অনন্তর যে ব্যক্তি অঙ্গীকার ভঙ্গ করে, পরে সে আপন জীবনসম্বন্ধে অঙ্গীকার ভঙ্গ করে, এতস্তিন্ন নহে ; এবং যে ব্যক্তি ঈশ্বরের সঙ্গে যে বিষয়ে অঙ্গীকার করিয়াছিল, তাহা পূর্ণ করিয়াছে, পরে অচিরেই তিনি তাহাকে মহাপুরস্কার প্রদান করিবেন *। ১০। (র, ১, আ, ১০)

শীঘ্র পশ্চাদ্গামী আরব্য যাযাবরগণ তোমাকে, (হে মোহাম্মদ,) বলিবে, “আমাদের সম্পত্তিপুঞ্জ ও আমাদের পরিজনবর্গ আমাদের দিগকে লিপ্ত রাখিয়াছে, অতএব তুমি আমাদের জগ্ন ক্ষমা প্রার্থনা কর ;” তাহাদের অন্তরে যাহা নয়, তাহারা আপন রসনায় তাহা বলে। তুমি বল, “অনন্তর কে ঈশ্বর হইতে (রক্ষা করিতে) তোমাদের জগ্ন কিছু ক্ষমতা রাখে, যদি তিনি তোমাদিগের অপকার করিতে ইচ্ছা করেন, বা তোমাদের উপকার করিতে ইচ্ছা করেন ? বরং তোমরা যাহা করিতেছ, পরমেশ্বর তাহার জ্ঞাতা হন ‡।

সময় তিনি কি আপন প্রেমাম্পদ বিশ্বাসীদিগকে পরিত্যাগ করিবেন ? এ স্থলে স্বর্গস্থ সৈন্ত দেব সৈন্ত, পৃথিবীস্থ সেনা ধর্মযোদ্ধা বিশ্বাসিবৃন্দ। (ত, হো,)

* হোদয়বিষ্মতে যে কতিপয় বিশ্বাসী পুরুষ হজরতের সঙ্গে অঙ্গীকারে বদ্ধ হইরাছিলেন, এ স্থলে সেই অঙ্গীকারের প্রসঙ্গ। (ত, হো,)

† হজরত মোহাম্মদ ওমরাত্তপালনে কৃতসঙ্কল্প হইয়া আস্লাম ও আহিনিয়া এবং মজনিয়া প্রভৃতি আরব্য প্রান্তরনিবাসী লোকদিগকে তাঁহার সঙ্গে মক্কাযাত্রা করিতে পত্রদ্বারা অমুরোধ করিয়াছিলেন। কোরেশজাতি শত্রুতাচরণ করিয়া তাহাদের সঙ্গে সংগ্রাম করিবে ভাবিয়া ভীত হয়, তাহারা তাহা গোপন করিয়া অন্তরঙ্গ আপত্তি উত্থাপন করে। তাহাতে পরমেশ্বর প্রেরিত পুরুষকে এই সংবাদ দান করিতেছেন। (ত, হো,)

১১। বরং তোমরা মনে করিয়াছ যে, প্রেরিতপুরুষ ও বিশ্বাসিগণ কখনও পরিবারের নিকটে ফিরিয়া যাইবে না, এবং তোমাদের অন্তরে ইহা (এই ভাব) সজ্জিত হইয়াছে ও তোমরা কুকল্পনায় কল্পনা করিয়াছ, এবং তোমরা মৃত্যুগ্রস্ত দল হও”। ১২। যে ব্যক্তি ঈশ্বর ও তাঁহার প্রেরিতপুরুষের প্রতি বিশ্বাস স্থাপন করে নাই, পরে নিশ্চয় আমি সেই কাফেরদিগের জন্ত নরক প্রস্তুত রাখিয়াছি। ১৩। ছালোক ও ভুলোকের সম্যক রাজত্ব ঈশ্বরেরই ; তিনি যাহাকে ইচ্ছা করেন, ক্ষমা করিয়া থাকেন ও যাহাকে ইচ্ছা করেন, শাস্তি দেন, এবং ঈশ্বর ক্ষমাশীল দয়ালু হন। ১৪। যখন তোমরা লুণ্ঠনীয় সামগ্রীপুঞ্জের দিকে তাহা হস্তগত করিতে যাইবে, তখন পশ্চাদগামী লোকেরা অবশ্য বলিবে, “আগাদিগকে ছাড়িয়া দাও, আমরাও তোমাদের অনুসরণ করিব ;” তাহারা চাহে যে, ঈশ্বরের বাক্য পরিবর্তিত করে। তুমি বল, “তোমরা আমাদের অনুসরণ কখনও করিবে না, ইতিপূর্বে পরমেশ্বর এইরূপ বলিয়াছেন ;” পরে তাহারা অবশ্য বলিবে, “বরং তোমরা আমাদের সঙ্গে ঈর্ষ্যা করিয়া থাক।” বরং তাহারা অল্প বৈ বুঝিতেছে না *। ১৫। তুমি পশ্চাদগামী আরব্য বাযাবরদিগকে বল যে, “অচিরে তোমরা এক দল প্রবল যোদ্ধার দিকে আহত হইবে, তাহাদের সঙ্গে যুদ্ধ করিবে, কিংবা মোসলমান হইবে ; অনন্তর যদি তোমরা অতুগত হও, তবে ঈশ্বর তোমাদিগকে উৎকৃষ্ট পুরস্কার দান করিবেন ; ইতিপূর্বে যেমন তোমরা বিমুখ হইয়াছ, সেরূপ যদি বিমুখ হও, তবে ঈশ্বর তোমাদিগকে ক্লেণকরী শাস্তিতে শাস্তি দান করিবেন”। ১৬। (যুদ্ধ না করিলে) অন্ধের প্রতি দোষ নাই ও গন্ধের প্রতি দোষ নাই, এবং রোগীর প্রতি দোষ নাই ; যে ব্যক্তি ঈশ্বরের ও তাঁহার প্রেরিতপুরুষের আত্মগত স্বীকার করে, তাহাকে তিনি সেই স্বর্গোচ্চানে লইয়া যান, যাহার নিম্ন দিয়া পয়ঃপ্রণালী সকল প্রবাহিত হইতেছে, এবং যে ব্যক্তি বিমুখ হইবে, তিনি তাহাকে দুঃখজনক শাস্তিতে শাস্তি দান করিবেন। ১৭। (র, ২ আ, ৭)

সত্য সত্যই পরমেশ্বর বিশ্বাসীদিগের প্রতি তখন প্রসন্ন হইয়াছেন, যখন তাহারা তরু-তলে তোমার সঙ্গে, (হে মোহম্মদ,) অঙ্গীকার করিতেছিল ; অনন্তর তাহাদের অন্তরে যাহা আছে, তিনি জানিয়াছেন, পরে তাহাদের প্রতি সান্ত্বনা অবতারণ করিয়াছেন, এবং তাহাদিগকে উপস্থিত বিজয় পুরস্কার দিয়াছেন *। ১৮। + এবং প্রচুর লুণ্ঠনসামগ্রী যে,

* হজরত হিজরি সষ্ট বৎসরে জেলহজ্জ মাসে হোদয়বিয়া হইতে মদিনায় ফিরিয়া আইসেন, সপ্তম বৎসরে খয়বরের সংগ্রামের উদ্বোধন করেন। এই আদেশ হয় যে, যে সকল লোক হোদয়বিয়ায় উপস্থিত ছিল, তাহারা মাত্র এই যুদ্ধে যোগ দান করিবে, অন্য লোকে নয়। যখন এইরূপ স্থির হইল, তখন পশ্চাদগামী লোকেরা বলিতে লাগিল যে, ছাড়িয়া দাও, আমরাও তোমাদের সঙ্গে যোগ দিব ও যুদ্ধক্ষেত্রে যাইব। তাহাতে এই আয়ত অবতীর্ণ হয়। (ভ, হো’)

+ হজরত মোহম্মদ হোদয়বিয়ায় উপস্থিত হইয়া, তিনি ওমরার জন্ত আসিয়াছেন, যুদ্ধের প্রার্থা

তাহারা তাহা গ্রহণ করিবে, (সেই পুরস্কার দিয়াছেন ;) ঈশ্বর পরাক্রান্ত কোশল-ময় হন। ১৯। পরমেশ্বর তোমাদের সম্বন্ধে প্রচুর লুণ্ঠনসামগ্রীর অঙ্গীকার করিয়াছেন যে, তোমরা তাহা গ্রহণ করিবে ; অনন্তর ইহা সত্তর তোমাদিগকে দিবেন, এবং তোমা-দিগের হইতে লোকের হস্ত নিবারিত করিলেন, যেন (ইহা) বিশ্বাসীদিগের জ্ঞান নিদর্শন হয় ও তোমাদিগকে সরল পথ প্রদর্শন করে *। ২০।† এবং অগ্নি (লুণ্ঠন-সামগ্রীরও অঙ্গীকার করিয়াছেন,) তৎপ্রতি 'তোমরা (এক্ষণে) স্তম্ভম হও নাই, সত্যই ঈশ্বর তাহাকে ঘেরিয়া আছেন ; ঈশ্বর সর্বোপরি ক্ষমতাবান্ হন ‡। ২১। যদি ধর্মবিরোধিগণ তোমাদের সঙ্গে সংগ্রাম করে, তবে অবশ্য তাহারা পৃষ্ঠভঙ্গ দিবে, তৎপর কোন সহায় ও কোন সাহায্যকারী পাইবে না। ২২। ঈশ্বরের সেই নিয়ম, যাহা ইতিপূর্বে হইয়া গিয়াছে, এবং তুমি ঐশ্বরিক নিয়মের কখনও কোন

নহেন, এই কথা জ্ঞাপন করিবার জ্ঞান ওশ্বিম্যার পুত্র হারেসকে মক্কায় পাঠাইয়া দেন। মকানিবাসিগণ তাঁহাকে নগরে প্রবেশ করিতে ও কণ্ঠ কহিতে বাধা দেয় : হজরত পুনর্বীর মহামুহূব ওসমানকে প্রেরণ করেন, তাঁহাকে তাহারা অবরুদ্ধ করিয়া রাখে, তিনি কোরেশগণ কর্তৃক হত হইয়াছেন, একপ রটনা হয়। পনের শত সহচর হজরতের সঙ্গে ছিলেন, তিনি বৃদ্ধতলে তাঁহাদিগকে ডাকিয়া আনিয়া কোরেশদিগের সঙ্গে সংগ্রাম করিতে অঙ্গীকারে বদ্ধ করেন। আবদোদা মগ্ফল বলেন, “বৃদ্ধ হইতে একটি শাখা হজরতের পৃষ্ঠে পতিত হয়, আমি হজরতের পৃষ্ঠভাগে দণ্ডায়মান ছিলাম, উক্ত শাখা তাঁহার পিঠ হইতে সরাইয়াছিল।” তাঁহার ধর্মবন্ধুগণ কোরেশদিগের যুদ্ধে প্রাণান্ত করিবেন ও কখনও পলায়ন করিবেন না, একপ অঙ্গীকার করিয়াছিলেন। সেই সময় হজরত বলিয়াছিলেন যে, “অগ্নি তোমরা বর্তমান যুগের শ্রেষ্ঠ লোক হইলে।” এবং তিনি ইহাও বলিয়াছিলেন, “এই তরুণলে যাহারা প্রতিজ্ঞাবদ্ধ হইল, তাহাদের কেহ নরকগামী হইবে না।” এই অঙ্গীকারকে “বেঅতর্ রজ্‌ওয়ান” বলে। পরমেশ্বর এই অঙ্গীকারে সন্তুষ্ট হন। (ত, হো,)

* হজরত হোদয়বিয়া হইতে কিরিয় আসিয়া খয়বরে যুদ্ধযাত্রার আয়োজন করিলেন। চৌদ্দশত লোক সঙ্গে করিয়া তিনি মদিনা হইতে খয়বরের দুর্গের অভিমুখে যাত্রা করিয়াছিলেন, সহবা নামক স্থান হইতে মরহবা হইয়া চলিয়া যান। প্রত্যয়ে হরজা প্রাস্তরের পথ দিয়া খয়বরের দুর্গের সন্ধিহিত হন, তখন দুর্গবাসিগণ এ বিষয় কিছুই অবগত ছিল না। তাহারা দুর্গ হইতে বাহির হইয়া উদ্ভান ও শস্তক্ষেত্রের কার্যে লিপ্ত হইতেছিল। অকস্মাৎ এসলাম সৈন্য দেখিতে পাইয়া ব্যস্তসমস্ত হওত দুর্গাভিমুখে চলিয়া যায়। ইহদিগা দুর্গের রক্ষক ছিল, তখন মোসলমানমণ্ডলী তাহাদের সঙ্গে যুদ্ধে প্রবৃত্ত হইয়া দুর্গ অধিকার করে। ভয়ঙ্কর যুদ্ধের পর হজরতের পক্ষে জয়লাভ হয়। প্রচুর ধনসম্পত্তি, গৃহসামগ্রী ও আহাৰ্য্য বস্তু মোসলমানেরা অধিকার করেন। খয়বরের দুর্গ সুদৃঢ় ছিল, বীরবর আলি কর্তৃক তাহা অধিকৃত হয়। আলি সেই দুর্গের এক লৌহ কপাট উৎপাটন করিয়া আপনার ঢাল প্রস্তত করেন। ইহদিগা অভয় প্রার্থনা করে। তথায় শত্রুগণ ভাগমাসের সঙ্গে বিষ মাখাইয়া হজরতকে খাইতে দেয়, উছা খরা পড়ে, তিনি রক্ষা পান। (ত, হো,)

† এ স্থলে অগ্নি লুণ্ঠনসামগ্রী ইত্যাদির অঙ্গীকার, পারস্ত ইত্যাদি দেশজয়লাভের পর তথায় যে সকল লুণ্ঠনসামগ্রী হস্তগত হইবে, তাহার অঙ্গীকার। (ত, হো,)

পরিবর্তন পাইবে না * । ২৩ । এবং তিনিই যিনি তোমাদিগ হইতে তাহাদের হস্ত ও তাহাদিগ হইতে তোমাদের হস্ত মক্কা প্রদেশে তাহাদিগের প্রতি তোমাদিগকে বিজয়দানের পর নিবারণিত করিয়াছিলেন ; তোমরা যাহা করিয়া থাক, পরমেশ্বর তাহার দর্শক হন † । ২৪ । সেই যাহারা কাকের হইয়াছে, তাহারাই তোমাদিগকে মস্জিদোলহরাম হইতে নিবৃত্ত করিয়াছে, এবং বলির দ্রব্যকে আপন স্থানে পহুছিতে বাধা দিয়াছে ; যদি বিশ্বাসী পুরুষগণ ও বিশ্বাসিনী নারীগণ না থাকিত, তাহাদিগকে তোমরা জান না, পাছে তাহাদিগকে তোমরা বিদলিত কর, পরে অজ্ঞানতাপ্রযুক্ত তাহাদিগ হইতে তোমাদের প্রতি বিষমতা উপস্থিত হয়, (তজ্জগ জয়লাভ ক্ষান্ত রাখা হয় ;) তাহাতে ঈশ্বর যাহাকে ইচ্ছা করেন, স্বীয় অমুগ্রহের মধ্যে লইয়া আইসেন । যদি (এই দুই দল) পরস্পর বিভিন্ন থাকিত, তবে অবশ্য আমি তাহাদের মধ্যে যাহারা কাকের হইয়াছে, তাহাদিগকে দুঃখজনক শাস্তিতে শাস্তি দান করিতাম ‡ । ২৫ । যখন ধর্মদ্রোহিগণ স্বীয় অন্তরে মূর্তাবশতঃ অভিমানে অভিমান করিল, তখন পরমেশ্বর আপন প্রেরিতপুরুষের প্রতি ও বিশ্বাসীদিগের প্রতি সান্ত্বনা প্রেরণ করিলেন, এবং তাহাদের প্রতি সংসারবিরাগের বাক্য ধাৰ্য্য করিলেন, তাহারা তাহার উত্তম অধিকারী ও তৎসম্বন্ধিত ছিল ; এবং ঈশ্বর সর্ববিষয়ে জ্ঞানী হন । ২৬ । (র, ৩, আ, ২)

সত্য সত্যই পরমেশ্বর স্বীয় প্রেরিতপুরুষের প্রতি স্বপ্ন যথার্থ প্রমাণিত করিয়াছেন ; যদি ঈশ্বর ইচ্ছা করেন, তবে অবশ্য তোমরা আপন মস্তক মুণ্ডন ও কেশচ্ছেদন করতঃ নির্ভয়ে নির্বিক্সে মস্জিদোলহরামে প্রবেশ করিবে । অনন্তর তোমরা যাহা জান না,

* ইতিপূর্বে অস্তান্ত মণ্ডলীতে প্রেরিতপুরুষ বিজয়লাভ করিয়াছেন । প্রেরিতপুরুষগণ জয়যুক্ত হইবেন, ইহা ঈশ্বরের নিয়ম ও বিধি । (ত, হো,)

† যখন হজরত হোদয়বিয়ার ছিলেন, তখন তাঁহার প্রাভাতিক উপাসনার সময়ে মকানিবাসী আশি জন লোক, তনইম গিরি হইতে অতর্কিতভাবে অবতরণ করিয়া হজরতকে ও তাঁহার বন্ধুমণ্ডলীকে আক্রমণপূর্বক হত্যা করিতে উদ্যত হয় । হজরতের সহচরগণ সেই দহাদিগের উপর জয়লাভ করেন, এবং তাহাদিগকে বন্ধন করিয়া হজরতের নিকটে লইয়া যান । তিনি সেই দহাদিগকে মুক্তি দান করেন । এতদুপলক্ষে এই আয়ত অবতীর্ণ হয় । (ত, হো,)

‡ ইহার অর্থ এই যে, ঈশ্বর বলিতেছেন, হে মোহাম্মদ, মক্কার উম্মাগচারী লোকেরা তোমাকে ওমরাব্রতপালনে বাধা দিল ও কোরবাণীর পশু সকলকে কোরবাণীর ভূমিতে পহুছিতে দিল না, অতএব তাহারা সমূলে বিনাশ পাইবার উপযুক্ত হইল ; কিন্তু বর্তমান বৎসর আমি তোমাকে কোরেশদিগের সঙ্গে সংগ্রাম করিতে নিবেদন করিতেছি । যেহেতু তাহাদের সঙ্গে গুপ্তভাবে অনেক বিশ্বাসী নরনারী আছে, উহারা আপন বিশ্বাসকে অপ্রকাশিত রাখিয়াছে, যুদ্ধ উপস্থিত হইলে তোমরা না জানিতে পাইয়া তাহাদিগকেও হত্যা করিয়া বসিবে । পরে তাহাদের হত্যা জন্ত তোমরা শোকগ্রস্ত হইবে । কথিত আছে যে, সত্তোর জন বিশ্বাসী স্ত্রী পুরুষ আপন বিশ্বাস গোপন করিয়া বিজোহী কোরেশদিগের সঙ্গে একত্র বাস করিতেছিল । (ত, হো,)

তিনি জানেন, পরে তিনি ইহা ব্যতীত বিজয় সম্বন্ধিত নির্ধারণ করিয়াছেন *। ২৭।
তিনিই যিনি আপন প্রেরিতপুরুষকে তত্ত্বালোক ও সত্যধর্মসহ তাহাকে সমগ্র ধর্মের
উপর বিজয়ী করিতে প্রেরণ করিয়াছেন, এবং ঈশ্বরই যথেষ্ট (সত্যের) প্রকাশক। ২৮।
মোহাম্মদ ঈশ্বরের প্রেরিত, এবং যাহারা তাহার সঙ্গে আছে, তাহারা কাকেরদিগের প্রতি
নির্দয় ও আপনাদের মধ্যে সদয়; তুমি তাহাদিগকে রক্ষাকারক, প্রণামকারক, ঈশ্বরের
কৃপা ও প্রসন্নতার অন্বেষণকারী দেখিবে। নমস্কারপুঞ্জের চিহ্নযোগে তাহাদের মুখমণ্ডলে
তাহাদের চিহ্ন, তাহাদের এই বৃত্তান্ত তওরাতে আছে, এবং তাহাদের বৃত্তান্ত ইঞ্জিলে
আছে। যেমন কোন শস্ত্রক্ষেত্র স্বীয় হরিৎকাণ্ডকে বাহিত করে, পরে তাহাকে সবল
করে, অনন্তর তাহা পরিপুষ্ট হয়, অবশেষে স্বীয় পদোপরি দণ্ডায়মান হওতঃ কৃষকদিগকে
পুলকিত করে, (তক্রপ মোসলমানদিগের অবস্থা,) তাহাতে কাকেরগণ তাহাদের
প্রতি ক্রোধ করে। যাহারা বিশ্বাস স্থাপন ও সংকল্প সকল করিয়াছে, তাহাদের সকলকে
পরমেশ্বর ক্ষমা ও মহাপুরস্কারদানে অঙ্গীকার করিয়াছেন †। ২৯। (র, ৪, আ, ৩)

শূরা হোজরাত ‡

.....

উনপঞ্চাশত্তম অধ্যায়

.....

১৮ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে বিশ্বাসিগণ, পরমেশ্বর ও তাঁহার প্রেরিতপুরুষের সম্মুখে তোমরা অগ্রবর্তী হইও

* হজরত হোদয়বিয়া হইতে ফিরিয়া আসিলে পর তাঁহার কোন কোন বন্ধু পরস্পর বলিতেছিল
যে, “স্বপ্নবৃত্তান্ত সত্য হইল না, আমরা কাবা প্রদক্ষিণ ও ত্রত-বিহিত অন্ত্যস্ত নিয়ম পালন করিতে
পারিলাম না;” তাহাতেই এই আয়ত অবতীর্ণ হয় যে, ঈশ্বর প্রেরিতপুরুষের স্বপ্নকে সত্য করিয়াছেন,
বিশেষ প্রয়োজনবশতঃ এ বৎসর বিলম্ব হইল; কিন্তু ঈশ্বরেচ্ছাক্রমে নিরাপদে আগামী বৎসর মস্জি-
দোলহুসরামে বাইতে পারিবে, তথায় মন্তক মুণ্ডনাদি করিতে সক্ষম হইবে। তোমরা যাহা জান না,
ঈশ্বর তাহা জানেন; তোমরা অবিলম্বে জয়লাভ করিবে, তিনি ইহা নির্ধারণ করিয়াছেন। অর্থাৎ
ওমরাব্রতপালনের পূর্বে বিশ্বাসিগণ খয়বর জয় করিতে পারিবে; ওমরার বিলম্ব হওয়াতে তাহাদের
মনে যে ক্রোধ জন্মিয়াছে, তাহা দূর হইবে। (ত, হো,)

† যেমন শস্ত্রক্ষেত্রের ক্ষুদ্র চারা সকল বৃদ্ধিপ্রাপ্ত ও পরিপুষ্ট হইয়া কৃষকের মনে আনন্দ উৎপাদন
করে, হজরত ও তাঁহার অনুগামীগণের অবস্থা তক্রপ। তাঁহাদের প্রথম ধর্মপ্রচারের অবস্থা দুর্বল ছিল,
সময়ে সবল হইল ও সবলভাবে স্থিতি করিল, জগতের লোক দেখিয়া বিস্মিত হইল। (ত, হো,)

‡ এই শূরা মদিনাতে অবতীর্ণ হইয়াছে।

না, এবং ঈশ্বরকে ভয় করিও ; নিশ্চয় ঈশ্বর শ্রোতা জ্ঞাতা । ১। হে বিশ্বাসিবল্, সংবাদ-বাহকের ধ্বনির উপর স্বীয় ধ্বনিকে উন্নত করিও না, এবং তোমাদের ক্রিয়াপুঞ্জ বিফল না হয় উদ্দেশ্যে, তোমাদের পরস্পরের প্রতি উচ্চ কথা বলার ছায়, তাহার প্রতি তোমরা কথা উচ্চ বলিও না, এবং তোমরা জানিতেছ না । ২। নিশ্চয় যাহারা ঈশ্বরের প্রেরিতপুরুষের নিকটে স্বীয় ধ্বনিকে বিনয় করে, তাহারাই ইহারা হয় যে, পরমেশ্বর তাহাদের অন্তরকে বিষয়নিবৃত্তির জন্ত পরীক্ষা করিয়াছেন । তাহাদের নিমিত্ত ক্ষমা ও মহাপুরস্কার আছে * । ৩। নিশ্চয় যাহারা কুটীরের পশ্চাত্তাপ হইতে তোমাকে ডাকে, তাহাদের অধিকাংশই বুঝে না । ৪। এবং তাহাদের নিকটে তোমার আগমন করা পর্য্যন্ত যদি তাহারা ধৈর্য্যধারণ করিত, তাহা হইলে তাহাদের জন্ত মঙ্গল ছিল ; ঈশ্বর ক্ষমাশীল দয়াবান † । ৫। হে বিশ্বাসিগণ, যদি তোমাদের নিকটে কোন দুর্বৃত্ত লোক সংবাদ আনয়ন করে, তবে অত্মসন্ধান করিও ; এরূপ যেন না হয়, যেন তোমরা অজ্ঞানতাবশতঃ কোন দলে বিপদ উপস্থিত কর, যাহা করিলে পরে তৎসম্বন্ধে অতুতপ্ত হইবে ‡ । ৬। এবং জানিও, তোমাদের মধ্যে ঈশ্বরের প্রেরিতপুরুষ আছে, যদি

* কয়সের পুত্র সাবেতের কণ্ঠধর উচ্চ ছিল । সে সর্বদা হজরতের সঙ্গে তারখরে কথা কহিত । এই আয়ত অবতীর্ণ হইলে পর, সে গৃহে বসিয়া রোদন বিলাপ করিতে থাকে । হজরত এই সংবাদ পাইয়া তাহাকে ডাকিয়া আনিয়া কারণ জিজ্ঞাসা করেন । সে বলে, “হে প্রেরিতপুরুষ, আমার কর্ণে ভার আছে, আমি আপনার সম্মুখে উচ্চৈঃস্বরে কথা কহিয়া থাকি ; ভয় হইতেছে যে, আমার ধর্ম্ম কৰ্ম্ম বা বিনষ্ট হইয়া গিয়াছে ।” হজরত বলিলেন, “কল্যাণসহকারে জীবিত থাকিতে ও কল্যাণসহকারে প্রাণত্যাগ করিতে তুমি কি সম্মত নও ? তুমি স্বর্গনিবাসীদিগের অন্তর্গত হও ।” সাবেত বলিল, “আমি এই সুসংবাদ-শ্রবণে আত্মাদিত হইলাম, আপনার সাক্ষাতে আমি আর কখনও উচ্চধ্বনি করিব না ।” “পরমেশ্বর তাহাদের অন্তরকে বিষয়নিবৃত্তির জন্ত পরীক্ষা করিয়াছেন,” অর্থাৎ পরমেশ্বর সেই সকল লোকের অন্তর সংসারাসক্তিনিবৃত্তির জন্ত বিশুদ্ধ করিয়াছেন । (ভ, হো,)

† হজরত এক দল সৈন্য কোন জাতির প্রতি প্রেরণ করিয়াছিলেন । তাহারা কতিপয় লোককে বন্দী করিয়া মদিনায় লইয়া আইসে । ভমিন বংশের এক দল, যথা, আলিসের পুত্র আক্বা ও হাজ্জেরের পুত্র আতাব এবং বদরের পুত্র জেরকাণ প্রভৃতি বন্দীদের পশ্চাতে মদিনায় মধ্যাহ্নকালে উপস্থিত হইয়া হজরতের কুটীরের বহির্ভাগে আগমনপূর্ব্বক উচ্চৈঃস্বরে বলিতে থাকে, “হে প্রেরিতপুরুষ, শীঘ্র বাহির হউন, বন্দীদের সম্বন্ধে যথাকর্তব্য বিধান করুন ।” তখন হজরত নিম্নিত ছিলেন, তিনি তাহাদের আত্মানে জাগরিত হইয়া বাহিরে চলিয়া আইসেন । তিনি তাহাদের এক ব্যক্তিকে বন্দীদের প্রতি বিহিত বিধানের পরামর্শ জিজ্ঞাসা করেন, সে অঙ্গলোককে মুক্ত করিতে বলে । হজরত তাহাই করিলেন । এতদুপলক্ষে এই আয়ত অবতীর্ণ হয় । (ভ, হো,)

‡ হজরত মোহম্মদ মদিনাপ্রস্থানের নবম-বৎসরে আক্বার পুত্র অলিদকে মন্তলক-পরিবারের নিকট হইতে দান গ্রহণ করিতে প্রেরণ করেন । পৌত্তলিকতার সময়ে মন্তলক-পরিবারের সঙ্গে অলিদের বিরোধ ছিল । তাহারা অলিদের আগমন সংবাদ শ্রবণ করিয়া পুরাতন শত্রুতা পরিত্যাগপূর্ব্বক নূতন প্রেমের হৃদ্যপাত করে । তাহাকে অভ্যর্থনা করিবার জন্ত একযোগে বহুলোক অগ্রসর

অধিকাংশ কার্যে সে তোমাদের আজ্ঞাবহ হয়, তবে তোমরা অবশ্য দুঃখে পড় ; কিন্তু ঈশ্বর তোমাদের সহকে বিশ্বাস ভালবাসেন ও তোমাদের অন্তরে তাহা সজ্জিত করিয়াছেন এবং তিনি তোমাদের সহকে অর্থ ও দুরাচার এবং অবাধ্যতাকে ঘৃণিত করিয়াছেন । ইহারাই তাহারা যে, ঈশ্বরের কৃপা ও দানাত্মসারে পথপ্রাপ্ত, এবং পরমেশ্বর জ্ঞানময় কৌশলময় ৭+৮ । এবং যদি বিশ্বাসীদের দুই দল পরস্পর যুদ্ধ করে, পরে তোমরা উভয়ের মধ্যে সম্মিলন স্থাপন করিও ; অনন্তর যদি তাহাদের এক অংশের প্রতি অত্যাচারণ করে, তবে যে অত্যাচার করিয়াছে, যে পর্য্যন্ত সে ঈশ্বরের আজ্ঞার দিকে ফিরিয়া (না) আইসে, সে পর্য্যন্ত তাহার সঙ্গে তোমরা সংগ্রাম করিও । পরে যদি ফিরিয়া আইসে, তবে উভয়ের মধ্যে ত্রাত্মসারে সন্ধি স্থাপন করিও, এবং বিচার করিও, নিশ্চয় ঈশ্বর বিচারকদিগকে প্রেম করেন* । ৯ । বিশ্বাসিগণ পরস্পর ভ্রাতা ভিন্ন নহে, অতএব আপন ভ্রাতৃবর্গের মধ্যে তোমরা সম্মিলন স্থাপন কর, এবং ঈশ্বরকে ভয় করিতে থাক, সম্ভবতঃ তোমরা দয়া প্রাপ্ত হইবে । ১০ । (র, ১, আ, ১০,)

হে বিশ্বাসিগণ, এক দল অগ্র দলকে যেন উপহাস না করে, হয়তো উহার তাহাদিগ অপেক্ষা উত্তম হয়, এবং নারীগণ অগ্র নারীগণকে যেন (উপহাস না করে,) হয়তো উহার তাহাদিগ অপেক্ষা উত্তম হয় ; এবং তোমরা আপনাদের পরস্পরের প্রতি দোষারোপ করিও না ও পরস্পরকে নীচ উপাধিযোগে ডাকিও না, বিশ্বাসলাভের পর উন্মার্গ-চারী (বলা) দুর্নাম হয় । যাহারা পুনর্দিলিত না হইয়াছে, পরে ইহারাই সেই অত্যাচারী ৭ । ১১ । হে বিশ্বাসিগণ, তোমরা বাছল্য কল্পনা হইতে নিবৃত্ত থাক, নিশ্চয়

হয় । তাহারা যুদ্ধ করিতে আসিতেছে মনে করিয়া অলিদ হজরতের নিকটে পলায়ন করিয়া চলিয়া যায়, এবং বলে, মন্তলক-পরিবার বিরোধী হইয়াছে, এবং ধর্ম পরিত্যাগ করিয়াছে ও জকাত-দানে অসম্মত হইয়া আমাকে হত্যা করিতে উদ্যত হইয়াছিল । তখন হজরত অলিদের পুত্র খালেদকে কতিপয় লোক সমভিব্যাহারে যথার্থ তত্ত্ব অনুসন্ধান করিবার জন্ত প্রেরণ করেন । খালেদ বাইরা দেখেন যে, তাহারা সামাজিক উপাসনাদি মোসলমান ধর্মের সমুদায় রীতি নীতি পালন করিতেছে । তিনি ফিরিয়া আসিয়া সবিশেষ হজরতকে নিবেদন করেন । তাহাতেই এই আয়ত অবতীর্ণ হয় ।

(ত, হো,)

* আব্দোল্লাওয়াহা ও এব্ন আবু এই দুই জনের মধ্যে হজরতের সাক্ষাতে বিবাদ উপস্থিত হয় । গালি ভিরস্বারে বিরোধ আরম্ভ হইয়া পরে পরস্পর প্রহার ও যুদ্ধ ঘটয়া উঠে । উভয়কে সাহায্য দান করিতে উভয় পক্ষের আত্মীয় স্বগণ দলবদ্ধ হইয়া মিলিত হয় । তাহাতেই এই আয়ত প্রকাশ পায় ।

(ত, হো,)

+ ভিন্ন-পরিবারস্থ কতিপয় লোক, দীন দুঃখী বেলাল ও সোলমান এবং এযার ও হবারের প্রতি উপহাস বিক্রম করিত ; তাহাতেই এই আয়ত অবতীর্ণ হয় । তোমরা আপনাদের পরস্পরের প্রতি দোষারোপ করিও না ও পরস্পরকে নীচ উপাধি-যোগে ডাকিও না । অর্থাৎ বিশ্বাসিগণ পরস্পর

কোন কোন কল্পনা পাপ, এবং অজস্রকান লইও না ও আপনাদের পরস্পরের দোষ গোপনে আলোচনা করিও না ; তোমাদের কোন ব্যক্তি কি আপন মৃত ভ্রাতার মাংস ভক্ষণ করিতে ভালবাসে ? তাহা হইলে তোমরা তাহার প্রতি অসন্তুষ্ট হইবে ; এবং ঈশ্বরকে ভয় করিতে থাক, নিশ্চয় ঈশ্বর পুনর্জন্মলনকারী দয়ালু* । ১২ । হে লোক সকল, নিশ্চয় আমি তোমাদিগকে এক পুরুষ ও এক নারী হইতে সৃজন করিয়াছি, এবং তোমাদিগকে বহু সম্প্রদায় ও পরিবারে বিভক্ত করিয়াছি, যেন তোমরা পরস্পরকে চিনিয়া লও ; নিশ্চয় তোমাদের মধ্যে সমধিক বিষয়বিরাগী লোক ঈশ্বরের নিকটে তোমাদের মধ্যে সমধিক গৌরবান্বিত, নিশ্চয় ঈশ্বর জ্ঞানী তত্ত্বজ্ঞ । ১৩ । আরব্যা যাযাবরগণ বলিল, “আমরা বিশ্বাস স্থাপন করিলাম,” তুমি বল “তোমরা বিশ্বাস কর নাই, কিন্তু বল, এসলাম ধর্ম গ্রহণ করিলাম, এক্ষণও তোমাদের অন্তরে বিশ্বাস প্রবেশ করে নাই ; এবং যদি তোমরা ঈশ্বরের ও তাঁহার প্রেরিতপুরুষের অতুল্য হও, তবে তিনি তোমাদের কর্মপুঞ্জের কিছুই ন্যূন করিবেন না, নিশ্চয় ঈশ্বর ক্ষমাশীল দয়ালু” । ১৪ । যাহারা ঈশ্বর ও তাঁহার প্রেরিতপুরুষের প্রতি বিশ্বাস স্থাপন করিয়াছে, তৎপর সন্দেহ করে নাই, এবং ঈশ্বরোদ্দেশে স্বীয় ধন ও স্বীয় জীবন দ্বারা সংগ্রাম করিয়াছে, তাহারা বিশ্বাসী, এতদ্বিষয় নহে ; ইহারাই তাহারা যে সত্যবাদী হয় । ১৫ । তুমি বল, “তোমরা কি স্বীয় ধর্ম ঈশ্বরকে জ্ঞাপন করিতেছ ? এবং পরমেশ্বর, স্বর্গলোকে যে কিছু আছে ও পৃথিবীতে যে কিছু আছে, জ্ঞাত আছেন ও ঈশ্বর সর্বজ্ঞ” । ১৬ । তাহারা যে মোসলমান হইয়াছে, তজ্জগা তোমার প্রতি, (হে মোহাম্মদ,) উপকার স্থাপন করিতেছে ; তুমি বল, “স্বীয় এসলাম ধর্মেতে তোমরা জ্ঞাত, অতএব এক বিশ্বাসী অস্ত্র বিশ্বাসীর প্রতি দোষারোপ করিলে নিজে প্রতি দোষারোপ করা হয় । মোসলমানকে ইহুদি বা ঈসারী ও বিশ্বাসীকে কপট বলা নীচ উপাধিযোগে ডাক । (ত, হো,)

* হজরতের ধর্মবুদ্ধিগের দুই ব্যক্তি আপনাদের আত্মীয় সোলমান নামক ব্যক্তিকে হজরতের নিকটে পাঠাইয়া পাদ্য প্রার্থনা করিয়াছিলেন । হজরত আপনার অমুগত আসামার প্রতি অন্ন-প্রদানের ভার অর্পণ করেন । আসামা বলেন, আমার নিকটে কোনরূপ খাদ্যসামগ্রী নাই । সোলমান কিরিয়া বাইয়া হজরতের উক্ত পারিষদদ্বয়কে তাহা জ্ঞাপন করেন । তাঁহারা গোপনে পরস্পর বলিতে থাকেন যে, “সোলমান গভীর কুপে পদস্থাপন করিলে কুপ শুদ্ধ হইয়া যায়।” আসামার সম্বন্ধে বলেন যে, “আসামার নিকটে অন্ন ছিল, কিন্তু সে কুপণতা করিয়াছে ।” পরে তাঁহারা অজস্রকানে প্রবৃত্ত হন যে, আসামা সত্য বলিয়াছে কি না ? তাহার নিকটে অন্ন ছিল, না, খাদ্য দ্রব্য রাখিয়া কুপণতা করিয়াছে ? পরদিন তাঁহারা হজরতের নিকটে আসিলে তিনি জিজ্ঞাসা করিলেন, “তোমাদের দস্তুর অভ্যন্তরে সদা মাংসখণ্ড দেখিতেছি ।” তাঁহারা বলিলেন, “আমরা মাংস ভক্ষণ করি নাই ।” হজরত বলিলেন, “আমি পাদ্য মাংসের কণা কহিতেছি না, মনুষ্যমাংসের কথা কহিতেছি । তোমরা নিম্না করাতে সোলমান ও আসামার মাংস ভক্ষণ করিয়াছ ।” তাহাতেই এই আশ্রয় অবতীর্ণ হয় ।

(ত, হো)

আমার প্রতি উপকার স্থাপন করিও না, বরং ঈশ্বর তোমাদের প্রতি উপকার স্থাপন করিতেছেন ; যেহেতু যদি তোমরা সত্যবাদী হও, তবে জানিও, বিশ্বাস দ্বারা তিনি তোমাদিগকে পথপ্রদর্শন করিয়াছেন” * । ১৭ । নিশ্চয় পরমেশ্বর স্বর্গ ও মর্ত্যের রহস্য জানিতেছেন, এবং ঈশ্বর, তোমরা যাহা করিয়া থাক, তাহার দ্রষ্টা । ১৮ । (র, ২, আ, ৮)

সূরা কা +

পঞ্চাশত্তম অধ্যায়

৪৫ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি ।)

কা, § মহৎ কোর্-আনের শপথ । ১ । বরং তাহারা আশ্চর্য্যান্বিত হইয়াছে, যেহেতু তাহাদের মধ্য হইতে ভয়প্রদর্শক তাহাদের নিকটে আগমন করিয়াছে ; পরে ধর্ম্মত্রোহিণী বলিল, “ইহা আশ্চর্য্য বিষয় । ২ । + কি আমরা যখন মরিব ও মৃত্তিকা হইয়া যাইব, তখন (পুনরুত্থিত হইব ?) এই পুনরুত্থান অসম্ভব” । ৩ । সতাই মৃত্তিকা তাহাদিগের যাহা (যে অস্থি মাংস) বিনষ্ট করে, তাহা আমি জ্ঞাত আছি, এবং আমার নিকটে স্মারক গ্রন্থ আছে । ৪ । বরং তাহারা সত্যের প্রতি, যখন তাহাদের নিকটে উপস্থিত হইয়াছে, অসত্যারোপ করিয়াছে ; অনন্তর তাহারা এক বিষয়ে ক্ষিপ্ত হয় § । ৫ । পরিশেষে তাহারা কি তাহাদের উপরিস্থিত নভোমণ্ডলের দিকে দৃষ্টি করিতেছে না ? আমি

* আসদ-পরিবারের কতিপয় লোক মদিনায় আগমন করিয়া ধর্ম্মদীক্ষার বচন উচ্চারণপূর্ব্বক বলিতেছিল, “হে প্রেরিতপুরুষ, আরবা লোক প্রত্যেকে একাকী আপনার নিকটে আসিয়াছে ও আমরা সজ্ঞ ও সপরিবারে আসিয়াছি ; অধিকাংশ আরবা লোক আপনার সঙ্গে সংগ্রাম করিয়াছে, আমরা তাহা করি নাই । অতএব আমরা আপনার প্রতি বিশেষ উপকার স্থাপন করিয়াছি ।” এতদুপলক্ষে ঈশ্বর এইরূপ বলিতেছেন । (ত, হো,)

+ এই সূরা মক্কাতে অবতীর্ণ হইয়াছে ।

‡ “কা” পরমেশ্বরের বা কোর্-আনের নাম বিশেষ । এতদ্বিত্ত অল্প অনেক অর্থ হইয়া থাকে । (ত, হো,)

§ “তাহারা এক বিষয়ে ক্ষিপ্ত হয়” অর্থাৎ কোর্-আনের বা হজরতের বিষয়ে তাহারা ক্ষিপ্তত্বলা । তাহারা কখন কোর্-আনকে ইল্লজাল, কখন কবিতা, কখন মন্ত, হজরতকে কখন উল্লভ, কখন ভবিষ্যদ্বক্তা, কখন কবি বলিয়া থাকে । (ত, হো,)

তাহাকে কেমন নির্মাণ করিয়াছি ও তাহাকে শোভিত করিয়াছি, এবং তাহার কোন হিজ্র নাই। ৬। তাহারা পৃথিবীর দিকে (কি দৃষ্টি করিতেছে না ?) তাহাকে আমি প্রসারিত করিয়াছি ও তন্মধ্যে পর্বত সকল স্থাপন করিয়াছি, এবং তাহার মধ্যে সর্ববিধ আনন্দজনক (উদ্ভিদ) প্রত্যেক পুনর্জীবনকারী দাসের দর্শন ও উপদেশের জ্ঞান উৎপাদন করিয়াছি। ৭ + ৮। এবং আমি আকাশ হইতে শুভকর বারি বর্ষণ করিয়াছি, পরে তন্মারা উদ্ভান সকল ও কর্তিত হওয়ার শস্তকণা এবং উন্নত খোঁসাতরু, বাহার স্তরে স্তরে ফল হয়, দাসদিগের উপক্ৰীবিকাস্বরূপ উৎপাদন করিয়াছি; তন্মারা মৃত নগরকে জীবিত করিয়াছি, এইরূপে (কবর হইতে) বহির্গমন হয়। ৯ + ১০ + ১১। তাহাদের পূর্বে মুহীম সম্প্রদায় ও রসনিবাসিগণ এবং সমুদ্র ও আদ জাতি এবং ফেরগণ ও লুতের ভ্রাতৃবর্গ, অপিত আয়কানিবাসিগণ ও তোমার সম্প্রদায় অসত্যারোপ করিয়াছিল, প্রত্যেক প্রেরিত পুরুষদিগের প্রতি অসত্যারোপ করিয়াছিল; অনন্তর শাস্তির অঙ্গীকার প্রমাণিত হইয়াছিল। ১২ + ১৩ + ১৪। পরন্তু আমি কি প্রথম সৃষ্টিতে কাতর হইয়াছিলাম ? বরং তাহারা অভিনব সৃষ্টিবিষয়ে সন্দেহের মধ্যে আছে। ১৫। (র, ১, আ, ১৫)

এবং সত্য সত্যই আমি মনুষ্যকে সৃজন করিয়াছি ও তাহার মন তাহাকে যে মন্ত্রণা দান করে, আমি তাহা জ্ঞাত হই; আমি প্রাণের শিরা অপেক্ষা তাহার পক্ষে নিকটতর *। ১৬। (স্মরণ কর,) যখন দুই উপবিষ্ট গ্রহণকারী দক্ষিণ ও বাম দিক হইতে (বাক্যাদি) গ্রহণ করিতে থাকে †। ১৭। সে (মনুষ্য) এমন কোন বাক্য উচ্চারণ করে না, তাহার নিকটে যে রক্ষক সমুপস্থিত, সে (তাহা লিপি করে না)। ১৮। এবং মৃত্যুর মুচ্ছা সত্যতঃ আসিবে, (তাহাকে বলিবে,) ইহা তাহাই, যাহা হইতে তুমি অপস্থত হইতেছিলে। ১৯। এবং স্মরণবাণে ফুৎকার করা হইবে; (দেবগণ বলিবে,) “ইহাই শাস্তির অঙ্গীকারের দিন”। ২০। এবং প্রত্যেক ব্যক্তি আগমন করিবে, তাহার সঙ্গে পরিচালক ও সাক্ষী (আগমন করিবে)। ২১। (আমি বলিব,) “সত্য সত্যই তুমি এবিষয়ে নিশ্চিন্ত ছিলে, অনন্তর আমি তোমা হইতে তোমার আবরণ উন্মোচন করিলাম, পরে অল্প তোমার চক্ষু তীক্ষ্ণ হইল”। ২২। এবং তাহার সহচর (দেবতা) বলিবে, “এই তাহা, যাহা (যে কার্যালিপি) আমার নিকটে উপস্থিত আছে”। ২৩। (আমি সেই দুই স্বর্গীয় দূতকে বলিব) “প্রত্যেক দুর্দান্ত, কল্যাণের বিরোধী, সীমালঙ্ঘনকারী, সন্দেহপ্রবণ যে ব্যক্তি ঈশ্বরের সঙ্গে অল্প উপাস্ত নির্ধারণ করে, সেই কাকেরকে

* প্রাণের শিরা সমুদায় অঙ্গ প্রত্যঙ্গ অপেক্ষা মনুষ্যজ্ঞার সমধিক নিকটবর্তী। এই উক্তি দ্বারা বুঝা বাইতেছে যে, তদপেক্ষা ঈশ্বর মনুষ্যের অধিক নিকটবর্তী। যেমন মনুষ্য যখন আপনাকে অবেষণ করে, তখনই প্রাপ্ত হয়, তদ্রূপ ঈশ্বরকে যখন অবেষণ করে, তৎক্ষণাৎ লাভ করিয়া থাকে। (ত, হো,)
 † এ স্থলে দুই উপবিষ্ট গ্রহণকারী দুই স্বর্গীয় দূত, তাহারা মনুষ্যের দক্ষিণ ও বামে উপবিষ্ট থাকে ও তাহার বাক্য ও কার্য ইত্যাদি লিপি করে। (ত, হো,)

নরকে নিক্ষেপ কর; অনন্তর কঠিন শাস্তির মধ্যে তাহাকে নিক্ষেপ কর।”+ ২৪+২৫+২৬। তাহার সহচর বলিবে, “হে আমাদের প্রতিপালক, আমি তাহাকে বিপথগামী করি নাই, কিন্তু সে নিজেই দূরতর পথভ্রান্তির মধ্যে ছিল।” ২৭। তিনি বলিবেন, “আমার নিকটে তোমরা বিরোধ করিও না, এবং বস্তুতঃ আমি তোমাদের প্রতি পূর্বেই শাস্তির অঙ্গীকার করিয়াছি। ২৮। আমার নিকটে বাক্য পরিবর্তিত করা হয় না, এবং আমি দাসদিগের প্রতি অত্যাচারী নহি।” ২৯। (র, ২, আ, ১৪)

(স্মরণ কর,) যে দিন আমি নরকলোককে বলিব, “তুমি কি (পাণ্ডী দ্বারা) পূর্ণ হইয়াছ ?” এবং সে কহিবে, “কিছু অধিক আছে কি” ? ৩০। এবং ধার্মিক লোকদিগের জন্ত স্বর্গলোক অদূরে সন্নিহিত করা হইবে। ৩১। (আমি বলিব,) “ইহা সেই, যাহা প্রত্যেক প্রত্যাবর্তনকারী (ঈশ্বরের আজ্ঞা) প্রতিপালনকারীর জন্ত অঙ্গীকৃত হইয়াছে।” ৩২। যে ব্যক্তি অন্তরে ঈশ্বরকে ভয় করে, এবং পুনর্শিলনকারী অন্তরের সহিত উপস্থিত হয়। ৩৩।+ (আমি তাহাকে বলিব,) “তোমরা স্থখে ইহাতে প্রবেশ কর, ইহাই নিত্যবাসের দিন”। ৩৪। তাহারা যাহা ইচ্ছা করে, তথায় তাহাদের জন্ত তাহা থাকিবে, এবং আমার নিকটে অধিক থাকিবে। ৩৫। তাহাদের পূর্বে আমি বহুমণ্ডলীকে বিনাশ করিয়াছি, তাহারা তাহাদিগ অপেক্ষা বীরত্বে শ্রবল ছিল; পরে নগর সকলের দিকে তাহারা পথ অনুসন্ধান করিয়াছিল, (তাহাদের) কোন পলায়নের স্থান কি ছিল * ? ৩৬। নিশ্চয় ইহাতে যাহার অন্তর আছে, সেই ব্যক্তির জন্ত, অথবা যে কর্ণকে স্থাপন করে এবং যে উপস্থিত থাকে, তাহার জন্ত উপদেশ আছে †। ৩৭। সত্য সত্যই আমি ষষ্ঠ দিবসে স্বর্গ ও মর্ত্য এবং উভয়ের মধ্যে যে কিছু আছে, সৃজন করিয়াছি, এবং কোন ক্লাস্তি আমাকে আশ্রয় করে নাই। ৩৮। অনন্তর তাহারা যাহা

* “নগর সকলের দিকে তাহারা পথ অনুসন্ধান করিয়াছিল।” অর্থাৎ সেই সকল লোক বাণিজ্যার্থ নগরে নগরে ভ্রমণ করিয়া প্রচুর ধনসম্পত্তি লাভ করিয়াছিল। “তাহাদের কোন পলায়নের স্থান কি ছিল ?” অর্থাৎ ঈশ্বরের দণ্ডাজ্ঞা হইতে পলায়ন করিয়া রক্ষা পায়, এমন কোন আশ্রয়ভূমি তাহাদের জন্ত ছিল না। যখন সংহারের আদেশ অবতীর্ণ হইল, তখন কোন বস্তুই তাহাদিগকে রক্ষা করিল না। (ত, হো,)

+ অর্থাৎ যাহার অন্তর চিন্তাশীল ও সচেতন এবং যে ব্যক্তি শ্রবণের জন্ত উৎসুক হইয়া বিশ্বাস সহকারে কর্ণকে উন্মুক্ত রাখে ও যে জন শ্রবণকালে অর্থ হৃদয়ঙ্গম করিবার জন্ত উপস্থিত থাকে, অর্থাৎ মনঃসংযোগ করে, তাহার জন্ত কোন্ স্থানে উপদেশ আছে। আরবের বিবাসী লোককে অন্তঃকরণবুদ্ধি, হজরত মোহাম্মদের শূণ্যের সাক্ষী, গ্রন্থাধিকারী বিবাসীদিগকে উপস্থিত লোক বলা যায়। কোর্-আন্-শ্রবণের সময় একপ কর্ণ স্থাপন আবশ্যক, যেন হজরতের মুখ হইতে শ্রবণ করা যাইতেছে; অনন্তর হৃদয়ঙ্গম করিবার সময় তদপেক্ষা উন্নত অবস্থা আবশ্যক, তখন একপ ভাব হওয়া উচিত, যেন জেব্রিল হইতে শ্রবণ করা হইতেছে; পরে তাহা অপেক্ষাও উন্নত অবস্থা আবশ্যক, তখন শ্রোতার একপ ভাব হওয়া উচিত, যেন সে ঈশ্বর হইতে শুনিতেছে। ইহাই সর্বোচ্চ অবস্থা। (ত, হো,)

বলিয়া থাকে, তৎপ্রতি তুমি, (হে মোহাম্মদ,) ধৈর্য্য ধারণ কর, এবং সূর্য্যোদয়ের পূর্বে ও অন্তগমনের পূর্বে ও রজনীতে আপন প্রতিপালকের প্রশংসার স্তব কর, পরে সায়ং উপাসনান্তে তাঁহার স্তুতি কর, এবং প্রণাম সমূহের পরও (স্তুতি কর) * । ৩৯+৪০ । এবং সেই দিন ঘোষণাকারী নিকটবর্ত্তী স্থান হইতে যে ঘোষণা করিবে, তুমি তাহা শ্রবণ করিও । ৪১ । সেই দিন তাহার। সত্যতঃ মহাধ্বনি শ্রবণ করিবে, উহাই (কবর হইতে) বাহির হইবার দিন । ৪২ । নিশ্চয় আমি প্রাণদান ও প্রাণহরণ করিয়া থাকি, এবং (মৃত্যুর পর) আমার দিকেই প্রত্যাবর্ত্তন হয় । ৪৩ ।+সেই দিন তাহাদের উপর হইতে পৃথিবী বিদীর্ণ হইবে, তাহারা সত্ত্বর (বাহির হইবে,) এই পুনরুত্থান বিধান আমার সম্বন্ধে সহজ । ৪৪ । তাহার। যাহা বলিয়া থাকে, আমি তাহা জানিতেছি এবং তুমি তাহাদের সম্বন্ধে বলপ্রয়োগকারী নও ; অনন্তর যে ব্যক্তি শান্তির অঙ্গীকারকে ভয় করে, তুমি কোর্-আন্ দ্বারা তাহাদিগকে উপদেশ দান করিতে থাক । ৪৫ । (র, ৩, আ, ১৬)

সূরা জারেয়াত †

.....

একপঞ্চাশত্তম অধ্যায়

.....

৬০ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি ।)

বিকিরণরূপে ধূলী বিকীর্ণকারী (বায়ুর শপথ) । ১ ।+অনন্তর ভারবহনকারী বায়ুর শপথ । ২ ।+অনন্তর ধীরে (নৌকা) সঞ্চালনকারী (বায়ুর শপথ) । ৩ ।+অনন্তর কার্য্যবিভাগকারী (বায়ুর শপথ) ‡ । ৪ ।+নিশ্চয় তোমাদিগের প্রতি যাহা অঙ্গীকার

* এখানে স্তুতি অর্থে নমাজ । অর্থাৎ সূর্য্যোদয়ের পূর্বে ও সূর্য্যাস্তের পূর্বে এবং রজনীতে নমাজ পড় । “প্রণামসমূহের পরও স্তুতি কর ।” অর্থাৎ প্রণাম সকল করিয়াও নমাজ পড় । (ত, হো,)

† এই সূরা মক্কাতে অবতীর্ণ হইয়াছে ।

‡ বায়ুপুঞ্জসম্বন্ধে ঈশ্বর এত সকল শপথ করেন । প্রথমতঃ ধূলী উড়াইয়া যে প্রবল বায়ু প্রবাহিত হয় ও মেঘ উৎপাদন করে, তৎসম্বন্ধে শপথ । পরে মেঘ সকলকে বহন করিয়া যে বায়ু প্রবাহিত হয়, তাহার সম্বন্ধে শপথ । পরে বারিবর্ষণের প্রাক্কালে যে বায়ু ধীরে ধীরে প্রবাহিত হইয়া পাকে, তৎসম্বন্ধে শপথ । অনন্তর বিষয়বিভাগকারী অর্থাৎ ঈশ্বরাজ্যক্রমে এক স্থান হইতে স্থানান্তরে মেঘ সকলকে সঞ্চালন করিয়া বারিবর্ষণে প্রবর্ত্তিত যে বায়ু, তাহার শপথ । (ত, ফা,)

করা যাইতেছে, তাহা সত্য। ৫। + এবং নিশ্চয় বিচার সম্ভবনীয়। ৬। বস্তুবলীসংযুক্ত
 ছালোকের শপথ *। ৭। নিশ্চয় তোমরা কথার মধ্যে বিরোধকারী। ৮। যে ব্যক্তি
 (কল্যাণ হইতে) নিবারণিত হইয়াছে, সে তাহা হইতে (কোর-আনু হইতে) নিবারণিত হইয়া
 থাকে। ৯। মিথ্যাবাদিগণ নিহত হইয়াছে। ১০। + তাহারাই (মিথ্যাবাদী), যাহারা
 মায়াতে বিশ্বাস্ত। ১১। + তাহারাজিজ্ঞাসা করিতেছে যে, কখন বিচারের দিন হইবে?
 ১২। যে দিবস তাহার অগ্নিতে দগ্ধিত হইবে। ১৩। (আমি বলিব,) তোমরা
 আপন শাস্তি ভোগ করিতে থাক, তোমরা যে বিষয়ে ব্যগ্র হইতেছিলে, ইহা তাহা।
 ১৪। নিশ্চয় ধার্মিক লোকেরা স্বর্গোদ্যান ও প্রস্রবণ সকলের মধ্যে থাকিবে। ১৫।
 তাহাদের প্রতিপালক তাহাদিগকে যাহা দান করিয়াছেন, তাহার তাহার গ্রহণকারী
 হইবে, নিশ্চয় তাহার ইতিপূর্বে হিতকারক ছিল। ১৬। তাহার রজনীর অলক্ষণ শয়ন
 করিত। ১৭। এবং প্রাতঃকালে তাহার ক্ষমা প্রার্থনা করিত। ১৮। এবং তাহাদের
 সম্পত্তিতে প্রাণীদিগের ও দরিদ্রদিগের স্বত্ব ছিল। ১৯। এবং পৃথিবীতে বিশ্বাসীদিগের
 জন্ত নিদর্শনাবলী আছে। ২০। এবং তোমাদের জীবনের মধ্যে (নিদর্শনাবলী আছে,)
 অনন্তর তোমরা কি দেগিতেছ না? ২১। এবং তোমাদের উপজীবিকা ও যাহা
 তোমাদের প্রতি অঙ্গীকৃত হইয়াছে, তাহা আকাশে আছে। ২২। অনন্তর স্বর্গ ও
 পৃথিবীর প্রতিপালকের শপথ, যেমন তোমরা এই যে কথা কহিতেছ, তদ্রূপ নিশ্চয় ইহা
 সত্য §। ২৩। (র, ১, আ, ২৩)

তোমার নিকটে কি, (হে মোহম্মদ,) এত্রাহিমের গৌরবাধিত অভ্যাগতদিগের
 বৃত্তান্ত সমুপস্থিত হইয়াছে ¶। ২৪। (স্মরণ কর,) যখন তাহার নিকটে তাহার প্রবেশ
 করিল, তখন বলিল, “সেলাম”; সে কহিল, “সেলাম”, (মনে মনে কহিল, ইহার।)

* বস্তুবলীসংযুক্ত ছালোকের শপথ, অর্থাৎ নক্ষত্রপুঞ্জের পরিভ্রমণের পথযুক্ত যে ছালোক,
 তৎসম্বন্ধে শপথ। কেহ কেহ বলেন, এই বস্তুবলীসংযুক্ত ছালোক সপ্তম স্বর্গ। ঈশ্বর এই সপ্তম
 স্বর্গের শপথ স্মরণ করিতেছেন। (ত, হো,)

+ অর্থাৎ প্রেরিতপুত্রের সম্বন্ধে কথা হইলে, তোমরা তাহাকে কখন কবি বল, কখন ঐজাজালিক,
 কখন বা ভবিষ্যদ্বক্তা, কখন ক্ষিপ্ত বলিয়া থাক। কোর-আনের সম্বন্ধে কথা হইলে, তাহাকে জাহ্নমদ্র,
 কবিভাও কল্পিত বাক্য এবং প্রাচীন গল্প বলিয়া থাক। (ত, হো,)

‡ অর্থাৎ তোমাদের জীবনোপায় শস্তাদির উৎপত্তির কারণ যে মেঘ, তাহা আকাশে আছে।
 অপিচ তোমাদের প্রতি যে সকল পুরস্কার ও সম্পদদানের অঙ্গীকার করা হইতেছে, তাহা সপ্তম স্বর্গে
 আছে। (ত, হো,)

§ অর্থাৎ তোমরা যেমন কথা কহিতেছ, তাহাতে সন্দেহ নাই, তদ্রূপ উপজীবিকাদান বিষয়ে কোন
 সন্দেহ নাই, নিশ্চয় সত্য। (ত, হো,)

¶ এত্রাহিমের সেই অভ্যাগতগণ একাদশ স্বর্গীয় দূত ছিলেন। তাহার দুরাচার লুতীয় সম্প্রদায়কে

অপরিচিত দল । ২৫। অনন্তর সে আপন পরিজনদের নিকটে চলিয়া গেল, পরে স্থল গোবৎস (কবাব) আনয়ন করিল । ২৬। + অবশেষে তাহাদের নিকটে তাহা উপস্থিত করিয়া বলিল, “তোমরা কি ভক্ষণ কর না”? ২৭। অনন্তর (তাহারা ভক্ষণ না করিলে,) সে তাহাদিগ হইতে অন্তরে ভয় পাইল; তাহারা বলিল, “তুমি ভয় করিও না;” এবং তাহারা তাহাকে জ্ঞানবান্ পুত্রসম্বন্ধে হুস্ববাদ দান করিল * । ২৮। পরে তাহার ভাৰ্য্যা (বিস্ময়শূচক) শব্দে উপস্থিত হইল, অনন্তর আপন কপোলে (সবিস্ময়ে) চপেটাঘাত করিল, এবং বলিল, “বৃদ্ধা বক্ষ্যা (কি প্রসব করিবে)”? ২৯। তাহারা কহিল, “সেই একরূপই, (কিন্তু) তোমার প্রতিপালক যে, নিশ্চয় জ্ঞানময় কৌশলময়” । ৩০। সে (এব্রাহিম) দ্বিজ্ঞাসা করিল, “হে প্রেরিত পুরুষগণ, অনন্তর তোমাদের কি লক্ষ্য”? ৩১। তাহারা কহিল, “নিশ্চয় আমরা এক অপরাধী সম্প্রদায়ের প্রতি প্রেরিত হইয়াছি । ৩২। + যেহেতু সৌমালজ্ঞানকারী-দিগের জন্ত তোমার প্রতিপালকের নিকটে প্রস্তুত পরিণত চিহ্নিত যুক্তিকা আছে, তাহাদের প্রতি আমরা (তাহা) বর্ণন করিব” * । ৩৩ + ৩৪। অনন্তর তথায় বিশ্বাসী-দিগের যে কেহ ছিল, তাহাদিগকে আমি বাহির করিলাম । ৩৫। পরে আমি বিশ্বাসী-

সংহার করিবার জন্ত প্রেরিত হইয়াছিলেন । কেহ কেহ বলেন, তাহারা ছেত্রিল ও মেকায়িল এবং এশ্রাকিল এবং জোকাইল এই চারিজন স্বর্গীয় দূত ছিলেন । (ত, হো,)

* তৎকালে কাহারও সঙ্গে কাহারও শত্রুতা থাকিলে এক জন অশ্ব জনের বাড়ীতে আহাতি দিয়া করিত না । দেবগণ ভোজন না করিলে এব্রাহিম ভয় পাইলেন যে, ইহার বা চোর, আমার অনিষ্ট সাধন করিতে আসিয়াছে । ইহা বুঝিতে পারিয়া দেবগণ বলিলেন, ভয় করিও না, আমরা ঈশ্বরের প্রেরিত । এব্রাহিম কহিলেন, ইহা পূর্বে কেন বল নাই, তাহা হইলে আমি এই গোবৎসকে তাহার মাতা হইতে বিচ্ছিন্ন করিয়া আনিয়া বধ করিতাম না । তখন ছেত্রিল সেই গোবৎস কবাবের উপর আপন পালক স্থাপন করিলেন, তাহাতে গোবৎস জীবিত হইয়া উঠিল, এবং কুর্দন ও নিনাদ করিতে করিতে স্বাতার অভিমুখে ধাবিত হইল । এব্রাহিমপত্নী সারা পশ্চাতে দণ্ডায়মান হইয়া এই অবস্থা দর্শন করিয়াছিলেন । এব্রাহিম গোবৎসের জীবনপ্রাপ্তি দেখিয়া বিস্মিত হন । দেবগণ পুনর্বার কথা কহিতে প্রবৃত্ত হইয়া বলিলেন, তোমার একটা জ্ঞানবান্ পুত্র জন্মগ্রহণ করিবে, আমরা তাহার হুস্ববাদ দান করিতেছি । (ত, হো,)

+ কথিত আছে যে, সেই সকল প্রস্তর গুহ ও কুকরেখার চিহ্নিত ছিল, অথবা যে প্রস্তর দ্বারা যে ব্যক্তি নিহত হইবে, সেই প্রস্তরে তাহার নাম অঙ্কিত ছিল । সেই সমুদায় প্রস্তরবর্ণণে লোক সকল নিহত হইলে, উহা তাহাদের সম্পর্কিত কতকগুলি লোকের নিকটে উপস্থিত হয়, বাহারা তখন নগরে ছিল না । বাস্তবিক প্রস্তরবর্ণণে নগরবাসী সমুদায় লোকের মৃত্যু হয় নাই । যখন এব্রাহিম জানিতে পাইলেন যে, ইহার ষড়তককাতে লুতীয় সম্প্রদায়কে সংহার করিতে বাইতেছেন, তখন তিনি আপন পুত্র লুতের জন্ত চিন্তিত হইলেন । দেবতার বলিলেন যে, তুমি চিন্তা করিও না, লুত ও তাহার কস্তাগণ রক্ষা পাইবে । (ত, হো,)

দিগের এক গৃহ ভিন্ন তথায় প্রাপ্ত হই নাই * । ৩৬ । + এবং যাহারা দুঃখকর শাস্তিকে ভয় করিয়া থাকে, তাহাদের জন্ত তথায় নিদর্শন রাখিলাম । ৩৭ । এবং মুসাতে (নিদর্শন আছে,) (স্মরণ কর,) যখন আমি তাহাকে ফেরওণের নিকটে উজ্জল নিদর্শনসহ প্রেরণ করিয়াছিলাম । ৩৮ । অনন্তর (ফেরওণ) আপন বলে ফিরিয়া গেল, এবং উন্নত বা ঐজ্জ্বালিক বলিল । ৩৯ । পরে আমি তাহাকে ও তাহার সৈন্তবৃন্দকে আক্রমণ করিলাম, অবশেষে তাহাদিগকে জ্বলেতে নিক্ষেপ করিলাম, এবং সে নিন্দিত হইল । ৪০ । এবং আদ জাতিতে (নিদর্শন আছে, স্মরণ কর,) যখন তাহাদের প্রতি নিফল বাত্যা প্রেরণ করিয়াছিলাম । ৪১ । যৎপ্রতি উপস্থিত হইয়াছে, এমন কিছুকেই ছাড়িল না যে, তাহাকে জীর্ণ অস্থিতুল্য করে নাই । ৪২ । এবং সমুদ জাতিতে (নিদর্শন আছে,) (স্মরণ কর,) যখন তাহাদিগকে বলা হইল যে, “কিয়ংকাল পর্য্যন্ত তোমরা ফলভোগ করিতে থাক” * । ৪৩ । অনন্তর তাহারা আপন প্রতিপালকের আদেশের অবাধ্য হইল, পরে তাহাদিগকে বজ্রধ্বনি আক্রমণ করিল, এবং তাহারা (উহা) দেখিতেছিল । ৪৪ । পরে তাহারা দণ্ডায়মান থাকিতে সমর্থ হইল না, এবং প্রতিফলদাতা হইল না । ৪৫ । পূর্বে আমি স্ত্রীসম্প্রদায়কে (সংহার করিয়াছিলাম,) নিশ্চয় তাহারা কুক্ৰিয়ালীল দল ছিল । ৪৬ । (র, ২, আ, ২৩)

স্বর্গ, তাহাকে আমি নিজহস্তে নির্মাণ করিয়াছি, এবং নিশ্চয় আমি ক্ষমতাবান । ৪৭ । এবং পৃথিবী, তাহাকে আমি প্রসারিত করিয়াছি, অনন্তর আমি উত্তম প্রসারণকারী । ৪৮ । আমি প্রত্যেক পদার্থ দ্বিবিধ সৃজন করিয়াছি, ভরসা যে, তোমরা উপদেশ গ্রহণ করিবে । ৪৯ । (প্রেরিত পুরুষ বলিয়াছে,) “পরিশেষে তোমরা ঈশ্বরের দিকে পলায়ন কর, নিশ্চয় আমি তাঁহার নিকট হইতে তোমাদের জন্ত স্পষ্ট ভয়প্রদর্শক হই । ৫০ । এবং সেই ঈশ্বরের সঙ্গে অস্ত্র উপাশ্রয় নির্ধারণ করিও না, নিশ্চয় আমি তোমাদের জন্ত তাঁহা হইতে স্পষ্ট ভয়প্রদর্শক হই” । ৫১ । এইরূপ তাহাদের পূর্বে যাহারা ছিল, তাহাদের নিকটে কোন প্রেরিত পুরুষ আগমন করে নাই যে, তাহারা ঐজ্জ্বালিক বা ক্ষিপ্ত বলে নাই । ৫২ । তাহারা কি এবিষয়ে পরস্পর নির্দেশ করিয়াছে ? বঃ তাহারা দুর্দান্ত দল ঙ্গ । ৫৩ । অনন্তর তুমি তাহাদিগ হইতে মুখ ফিরাইও, পরিশেষে তুমি তিরস্কৃত নও । ৫৪ । এবং তুমি উপদেশ দান করিতে

* অর্থাৎ লুতের গৃহে কোন বিপদ হয় নাই, তাহা বাতীত সমুদয় অধিবাসী ও ধর্ম্মবিরোধী লোক সপরিবারে বিনাশপ্রাপ্ত হয় । (ত, হো,)

+ অর্থাৎ শাস্তি উপস্থিত না হওয়া পর্য্যন্ত, আপন জীবনের ঐহিক সুখ ভোগ করিতে থাক । তিন দিবস পরে তাহারা শাস্তিগ্রস্ত হয় । (ত, হো,)

‡ অর্থাৎ পুনরুত্থান হইবে না, পূর্বতন লোকেরা কি পরস্পর এরূপ নির্দেশ করিয়াছে ? তাহা নহে । (ত, হো,)

থাক, পরে নিশ্চয় উপদেশ বিশ্বাসীদিগকে ফল বিধান করিবে। ৫৫। এবং আমাকে
 স্মরণ করিবে, এ উদ্দেশ্য ব্যতীত আমি মানব ও দানবকে স্মরণ করি নাই। ৫৬। এবং
 তাহাদের নিকটে আমি কোন উপজীবিকা ইচ্ছা করি না, এবং ইচ্ছা করি না যে,
 আমাকে তাহারা অল্প দান করে। ৫৭। নিশ্চয় ঈশ্বর, তিনিই জীবিকাদাতা দৃঢ়শক্তি-
 শালী। ৫৮। নিশ্চয় যাহারা অত্যাচার করিয়াছে, তাহাদের জন্ত তাহাদের (পূর্ববর্তী)
 বন্ধুদিগের দণ্ডাংশের ন্যায় দণ্ডাংশ আছে * ; অনন্তর তাহারা যেন (তজ্জগৎ) বাগ্ন
 না হয়। ৫৯। অবশেষে যাহারা আপনাদের দিনসম্বন্ধে, যাহা তাহাদের প্রতি অঙ্গীকার
 করা হইয়াছে, অবিশ্বাস করিয়াছে, তাহাদের প্রতি ধিক্। ৬০। (র, ৩, আ, ১৪)

সূরা তুর †

.....

দ্বাপঞ্চাশতন অধ্যায়

.....

৪৯ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুর পর্বতের শপথ। ১। + উন্মুক্ত পত্রে লিখিত গ্রন্থের শপথ। ২ + ৩। + কাবা
 মন্দিরের শপথ। ৪। + উন্নত ছাদের (গগনমণ্ডলের) শপথ। ৫। + পরিপূর্ণ সাগরের
 শপথ ৬। ৬। নিশ্চয়, (হে মোহাম্মদ,) তোমার প্রতিপালকের শাস্তি সম্ভবনীয়। ৭। +

* আরবা সমুদ্র শব্দের প্রকৃত অর্থ জলপূর্ণ ডোল নামক জলপাত্র বিশেষ। এস্থলে ভাবার্থ
 দণ্ডাংশরূপে গৃহীত হইয়াছে।

† এই সূরা মক্কাতে অবতীর্ণ হইয়াছে।

‡ তুর পর্বত সায়না গিরি, যথায় মহাপুরুষ মুসা ঈশ্বরের বাণী শ্রবণ করিয়াছিলেন। গ্রন্থ অর্থে
 কোর-আন্ বা মুসা যে প্রস্তরফলকে অঙ্কিত ঈশ্বরের আদেশ পাইয়াছিলেন, তাহা বা তওরাত অথবা
 স্বর্গে দেবতাদিগের জন্ত যে গ্রন্থ লিপিবদ্ধ হইয়া রক্ষিত আছে, তাহা। পরিপূর্ণ সাগর মহাসাগর,
 অথবা বহরোল্ হয়ওয়ান নামক সমুদ্র, যাহা সর্বোচ্চ স্বর্গের নিম্নে আছে, সেই সমুদ্র হইতে চল্লিশ
 দিন অবিভ্রান্ত কবর সকলের উপর বারিবর্ষণ হইবে; প্রথম স্তরখানির পর বর্ষণ আরম্ভ হইয়া দ্বিতীয়
 স্তরখানিতে মৃতব্যক্তিগণ কবর হইতে বাহির হওয়া পর্য্যন্ত বর্ষণ হইতে থাকিবে। অথবা পরিপূর্ণ
 সাগর অর্থে নরকলোক। এই কয়েকটি বচনের আধ্যাত্মিক অর্থ এই যে, তুর মানবান্না, এই

তাহার কোন নিবারণকারী নাই। ৮।+যে দিবস আকাশ বিকম্পনে বিকম্পিত হইবে। ৯।+এবং গিরিশ্রেণী বিচলনে বিচলিত হইবে। ১০।+অনন্তর সেই দিবস সেই মিথ্যাবাদীদিগের প্রতি আক্ষেপ। ১১।+যাহারা কলিত বাক্যে আমোদ করিয়া থাকে। ১২। যে দিবস তাহারা নরকাগ্নির দিকে আহ্বানে আহৃত হইবে। ১৩। (বলা হইবে) “এই সেই অগ্নি, যৎসম্বন্ধে তোমরা অসত্যারোপ করিতেছিলে। ১৪। অনন্তর ইহা কি কুহক, অথবা তোমরা দেখিতেছ না? ১৫। ইহার মধ্যে প্রবেশ কর, পরে ধৈর্য্যধারণ কর, বা ধৈর্য্যাবলম্বন না কর, তোমাদের পক্ষে সমান ; তোমরা যাহা করিতেছিলে, তাহার বিনিময় তোমাদিগকে প্রদত্ত হইবে, এতস্তিম্ব নহে”। ১৬। নিশ্চয় ধর্ম্ম-ভীরুগণ উচ্চান ও সম্পদের মধ্যে, তাহাদের প্রতিপালক তাহাদিগকে যাহা দান করিয়াছেন, তজ্জন্ত আনন্দে থাকিবে ; এবং তাহাদের প্রতিপালক তাহাদিগকে নরকদণ্ড হইতে রক্ষা করিবেন। ১৭+১৮। (বলিবেন,) “তোমরা যে (সংকর্ম্ম) করিতেছিলে, তজ্জন্ত সিংহাসন সকলের উপর শ্রেণীবদ্ধভাবে ভর দিয়া বসিয়া উপাদেয় পান ভোজন করিতে থাক ;” এবং বিশালাক্ষী দিব্যান্ধনাদিগকে আমি তাহাদিগের পত্নী করিব। ১৯+২০। এবং যাহারা বিশ্বাস স্থাপন করিয়াছে ও যাহাদের সন্তানগণ বিশ্বাসালুসারে তাহাদের অনুসরণ করিয়াছে, আমি তাহাদের সহিত তাহাদের সন্তানগণকে (স্বর্গলোকে) সম্মিলিত করিব ও তাহাদের কার্যের কিছুই ক্ষতি করিব না ; প্রত্যেক মনুষ্য যাহা করিয়াছে, তাহা সংরক্ষিত আছে। ২১। এবং আমি ফল ও মাংস, যাহা তাহারা ইচ্ছা করে, তাহাদিগকে তদ্বারা সাহায্য দান করিব। ২২। তথায় তাহারা পরস্পরের পানপাত্র আকর্ষণ করিবে, তন্মধ্যে প্রলাপবাক্য ও পাপাচার হইবে না। ২৩। এবং তাহাদের পার্শ্বে তাহাদের দাসগণ ঘুরিয়া বেড়াইবে, তাহারা যেন প্রচ্ছন্ন মৃত্যুস্বরূপ *। ২৪। এবং তাহারা পরস্পর পরস্পরের নিকটে প্রশ্ন করতঃ সমাগত হইবে। ২৫। তাহারা বলিবে, “নিশ্চয় আমরা ইতিপূর্বে স্বীয় পরিভ্রমের মধ্যে (শান্তির ভয়ে) ভীত ছিলাম। ২৬। অনন্তর ঈশ্বর আমাদের প্রতি উপকার করিলেন, (নরকের) উষ্ণ বায়ুর দণ্ড হইতে মানবাস্বরূপ পর্বতে বিবেক ঈশ্বরের বাণী শ্রবণ করে। লিখিত গ্রন্থ বিশ্বাস, হৃদয়রূপ উন্মুক্ত পত্রে ঈশ্বরের দয়াক্রম লেখনীবোণে তাহা লিখিত। এস্থলে কাবামলির ঈশ্বরপ্রেমিকদিগের অন্তঃকরণ, যাহা ঐশ্বরিক দৃষ্টির আলোকে উজ্জ্বল হইয়াছে, উন্নত ছাদ উন্নত লোকদিগের আশ্রয়, পরিপূর্ণ সাগর সেই অন্তঃকরণ, যাহা প্রেমানলে সম্তপ্ত হইয়াছে। (ত, হো,)

* অর্থাৎ দাসগণ পরিত্রস্তাবে সমস্ত সংরক্ষিত মৃত্যুর স্তায় নির্মল। হজরত মোহাম্মদকে কেহ জিজ্ঞাসা করিয়াছিল যে, দাসগণ যদি এরূপ হয়, তবে প্রভু কিরূপ হইবে? হজরত বলেন, নক্ষত্র-পুঞ্জের উপর পূর্ণচন্দ্রের বরূপ প্রাধান্য, দাসের উপর প্রভুর সেই প্রকার প্রাধান্য। শাস্ত্রে উল্লিখিত হইয়াছে যে, অংশিবাদীদিগের সন্তানগণ স্বর্গলোকবাসীদিগের দাস ও তাহাদের ভাষণগণ দিব্যান্ধন হইবে। বিশ্বাসীদিগের সন্তানগণ পৃথিবীতে যে ভাবে পিতার সঙ্গে ছিল, স্বর্গলোকেও সেই ভাবে থাকিবে। (ত, হো,)

আমাদিগকে রক্ষা করিলেন। ২৭। নিশ্চয় আমরা পূর্বে তাঁহাকে আহ্বান করিতে-
ছিলাম, নিশ্চয় তিনি সং ও দয়ালু”। ২৮। (র, ১, আ, ২৮)

অনন্তর তুমি, (হে মোহম্মদ,) উপদেশ দান করিতে থাক ; পরন্তু তুমি স্বীয় প্রতি-
পালকের প্রসাদে ভবিষ্যৎকাল নও, এবং ক্ষিপ্তও নও *। ২৯। তাহারা কি বলিয়া
থাকে, “সে কবি, আমরা তাহার সম্বন্ধে কালের দুর্ঘটনা প্রতীক্ষা করিতেছি”। ৩০।
তুমি বল, “প্রতীক্ষা কর, অনন্তর নিশ্চয় আমি তোমাদের সঙ্গে প্রতীক্ষাকারীদের
অন্তর্গত”। ৩১। তাহাদের বুদ্ধি কি তাহাদিগকে ইহা আদেশ করে? তাহারা কি
দুর্দান্ত দল? ৩২। তাহারা কি বলিয়া থাকে যে, তাহাকে (কোর্-আন্কে) সে রচনা
করিয়াছে? বরং তাহারা বিশ্বাস করিতেছে না। ৩৩। অনন্তর যদি তাহারা সত্যবাদী
হয়, তবে উচিত যে, এতৎসদৃশ বাণ্য উপস্থিত করে। ৩৪। তাহারা কি কোন পদার্থ
কর্তৃক ব্যতীত সৃষ্ট হইয়াছে? তাহারা কি সৃষ্টিকর্তা? ৩৫। তাহারা কি স্বর্ণ ও মর্ত্য
সৃজন করিয়াছে? বরং তাহারা বিশ্বাস করিতেছে না। ৩৬। তাহাদের নিকটে কি
তোমার প্রতিপালকের ভাণ্ডার? তাহারা কি পরাক্রান্ত? ৩৭। তাহাদের জ্ঞান কি
(স্বর্গের) সোপান আছে যে, তদুপরি (আরোহণ করিয়া) (ঈশ্বরবাণী) শ্রবণ করিয়া
থাকে? তবে উচিত যে, তাহাদের শ্রোতা উজ্জল প্রমাণ আনয়ন করে। ৩৮। তাঁহার
জ্ঞান কি কণ্ঠ সকল, তোমাদের জ্ঞান পুত্রগণ আছে? ৩৯। তুমি কি তাহাদের নিকটে
কোন পারিশ্রমিক প্রার্থনা কর? অনন্তর তাহারা বিনিময়ে ভারাক্রান্ত হইয়াছে? ৪০।
তাহাদের নিকটে কি গুপ্তবাণ্য আছে? অনন্তর তাহারা লিখিয়া থাকে? ৪১। তাহারা
কি প্রবঞ্চনা ইচ্ছা করিয়া থাকে? অনন্তর যাহারা ধর্মদ্রোহী হইয়াছে, তাহারাই প্রব-
ঞ্চিত। ৪২। ঈশ্বর ব্যতীত তাহাদের জ্ঞান কি উপাস্ত আছে? তাহারা যাহাকে অংশী
নিরূপণ করিয়া থাকে, তাহা অপেক্ষা ঈশ্বর পবিত্র। ৪৩। এবং তাহারা আকাশের এক
খণ্ড পতিত দেখিলে বলিবে, “(ইহা) সম্বন্ধ মেঘ”। ৪৪। অনন্তর যে পর্যন্ত না তাহারা
আপনাদের সেই দিনের সঙ্গে সাক্ষাৎ করে, যাহাতে তাহারা মুচ্ছিত হইয়া পড়িবে, সে
পর্যন্ত তাহাদিগকে ছাড়িয়া দাও। ৪৫। +যে দিবস তাহাদিগের প্রত্যারণা কিছুই
তাহাদিগের ফল বিধান করিবে না, এবং তাহারা সাহায্য প্রাপ্ত হইবে না। ৪৬। এবং
নিশ্চয় যাহারা অত্যাচার করিয়াছে, তাদের জ্ঞান এতদ্ভিন্ন শাস্তি আছে, কিন্তু তাহাদের
অধিকাংশ লোক বুঝিতেছে না। ৪৭। এবং তুমি স্বীয় প্রতিপালকের আজ্ঞার জ্ঞান
ধৈর্য্য ধারণ কর; অনন্তর নিশ্চয় তুমি আমার চক্ষুর নিকটে আছ, (প্রাতঃকালে)
গাত্রোথানের সময়ে স্বীয় প্রতিপালকের প্রশংসার স্তব কর এবং রজনীর কিয়ৎকাল

* মক্কাতে কভকগুলি লোক ছিল, তাহারা লোকের নিকটে হজরতকে কাহেন অর্থাৎ ভবিষ্যৎকাল ও
কিছু বলিয়া বেড়াইত। তাহাতেই এই আয়ত অবতীর্ণ হয়। (ত, হো,)

পরে তাঁহার স্তব কর ও তারকাবলী পশ্চাদ্গমন করিলে (স্তব কর) । ৪৮ + ৪৯ ।
(র, ২, আ, ২১)

সূরা নজম ❀

.....

ত্রয়ঃপঞ্চাশতম অধ্যায়

.....

৬২ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি ।)

নক্ষত্রের শপথ, যখন পতিত হয় ১ । ১ । +তোমাদের সহচর (মোহম্মদ) বিপথ-
গামী হয় নাই, এবং পথ হারায় নাই । ২ । এবং সে প্রবৃত্তি অনুসারে কথা কহে না ।
৩ । (তাহার প্রতি) যাহা প্রেরিত হয়, তাহা প্রত্যাদেশ ভিন্ন নহে । ৪ । +দৃঢ়শক্তি
বলবান্ (জেব্রিল) তাহাকে শিক্ষা দিয়াছে, পরে সে (জেব্রিল) দণ্ডায়মান হইয়া-
ছিল । ৫ + ৬ । +এবং সে উন্নত গগনপ্রান্তে ছিল । ৭ । তৎপর নিকটে আসিল, পরে
নামিয়া আসিল । ৮ । অনন্তর দুই ধুপরিমাণ অথবা তদপেক্ষা নিকটতর হইল । ৯ ।
পরে তাঁহার দাসের প্রতি তিনি যে প্রত্যাদেশ করিয়াছেন, সে (জেব্রিল) সেই
প্রত্যাদেশ পৃছাইল । ১০ । (প্রেরিত পুরুষের) অন্তর যাহা দর্শন করিল, তাহা
মিথ্যা গণ্য করিল না ১১ । +অনন্তর তোমরা কি, (হে লোক সকল,)

* এই সূরা মক্কাতে অবতীর্ণ হইয়াছে ।

+ অর্থাৎ যে সকল নক্ষত্র পদিকদিগকে জল ও স্থলপথে পথপ্রদর্শন করিয়া থাকে, সেই সমস্ত
নক্ষত্রের শপথ; অথবা হজরতের জন্মকালে যে বিশেষ নক্ষত্র পৃথিবীর নিকটবর্তী হইয়াছিল, তাহার
শপথ; কিংবা এতলে নক্ষত্র অর্থে হজরত মোহম্মদেবু দেহ, যাহা মেরাজের রজনীতে স্বর্ণ হইতে অবতরণ
করিয়াছিল, তাহার শপথ । (ত, হো,)

‡ জেব্রিলের একপ শক্তি ছিল যে, তিনি লুতীয়া সম্প্রদায়ের বাসভূমি শহরস্তান নগরকে পৃথিবী
হইতে উৎপাটন করিয়া স্বীয় পক্ষে স্থাপনপূর্বক স্বর্গের নিকটে লইয়া গিয়াছিলেন, এবং এক নিনাদে
সমুদ্রজাতিকে সম্পূর্ণরূপে সংহার করিয়াছিলেন । “জেব্রিল দণ্ডায়মান হইয়াছিল” অর্থাৎ যে কার্যে তিনি
আসিষ্ট হইয়াছিলেন, সে কার্যে প্রবৃত্ত হইয়াছিলেন । অথবা স্বীয় প্রকৃত আকারে দণ্ডায়মান হইয়া-
ছিলেন । তিনি গগনপ্রান্তে উন্নত স্থানে উদয়াচলের নিকটে ছিলেন, হজরত তাঁহাকে দেখিতে পান ।
হজরত ব্যতীত অন্য কেহই জেব্রিলকে দিব্যাকৃতিতে দর্শন করে নাই । হজরত তাঁহাকে দুইবার
দর্শন করিয়াছিলেন । প্রথম বারে তিনি তাঁহাকে মৌলিক আকারে দর্শন করিয়া অচেতন হন । পরে
সংজ্ঞা লাভ করিয়া দেখিতে পান যে, জেব্রিল নিকটে উপবিষ্ট; এক হস্ত তাঁহার বক্ষে, এক হস্ত তাঁহার

সে যাহা দেখিয়াছে, তৎসম্বন্ধে তাহার সঙ্গে বিতর্ক করিতেছে? ১২। এবং সত্য সত্যই সে তাহাকে দ্বিতীয় বার সেদরতোল্ মস্তহার নিকটে দেখিয়াছিল, যাহার নিকটে আশ্রয়ভূমি স্বর্ণোত্তান *। ১৩+১৪+১৫। যখন সেদরাকে যে কিছু আচ্ছাদন করিল, সেই আচ্ছাদন ছিল, তখন (প্রেরিত পুরুষের) দৃষ্টি বন্ধ হইল না, এবং (লক্ষ্যকে) অতিক্রম করিল না। ১৬+১৭। সত্য সত্যই সে আশ্রয় প্রতিপালকের কোন মহা নিদর্শন দেখিয়াছিল। ১৮। অনন্তর তোমরা কি লাত ও ঘোরুয়া এবং অপর তৃতীয় মনাতকে দেখিয়াছ? ১৯+২০। তোমাদের জ্ঞান কি পুত্র ও তাহার জ্ঞান কণ্ডা হয়? ২১। এই বিভাগ সেই সময় অল্পচিত হয়। ২২। ইহা সেই কতক নাম ভিন্ন নহে, তোমরা ও তোমাদের পিতৃপুরুষগণ যে নামকরণ করিয়াছ, পরমেশ্বর এতৎসম্বন্ধে কোন প্রমাণ প্রেরণ করেন নাই; তাহারা কল্পনা ও তাহাদের মন যাহা ইচ্ছা করে, তাহার অনুসরণ ভিন্ন করিতেছে না, এবং সত্য সত্যই তাহাদের নিকটে তাহাদের প্রতিপালক হইতে ধর্মালোক উপস্থিত হইয়াছে। ২৩। মনুষ্যের জ্ঞান কি সে যাহা ইচ্ছা করে, তাহাই হয়? ২৪। অনন্তর ঈশ্বরেরই ইহলোক ও পরলোক। ২৫। (র, ১, আ, ২৫)

বাহুতে স্থাপন করিয়া আছেন। আরবের প্রধান পুরুষদিগের মধ্যে এই রীতি ছিল যে, দুই পক্ষে কোন অঙ্গীকার দৃঢ়বদ্ধ করিতে চাহিলে ধনুর্কাণসহ পরস্পর সম্মুখীনভাবে উপস্থিত হইত, এবং ধনুকে শূণ্য স্থাপন করিয়া একযোগে শরনিক্ষেপ করিত; তাহাতে এই বুঝাইত যে, উভয় পক্ষে যথাবিধি যোগ স্থাপিত হইল। “দুই ধনু পরিমাণ অথবা তদপেক্ষা নিকটতর হইল” ইহার মর্ম্ম এই যে, হজরতের সঙ্গে ছেত্রিলের ঘনিষ্ঠ যোগ স্থাপিত হইল। (ত, হো,)

* সেদরতোল্ মস্তহা স্বর্ণস্থ একটি বৃক্ষের নাম। সেদরা বদরীতরুকে বলে, “সেদরতোল্ মস্তহা” শেষ বদরীতরু। মনুষ্যের জ্ঞান ও ক্রিয়া সেই বৃক্ষ পর্য্যন্ত পরিসমাপ্ত হয়, তাহাকে অতিক্রম করে না। প্রসিদ্ধ ভাণ্ডকারদিগের মতে এই আয়তের মর্ম্ম এই যে, হজরত সেদরতোল্ মস্তহার নিকটে অন্তঃকরণে পরমেশ্বরকে দুই বার দর্শন করিয়াছিলেন। সেদরতোল্ মস্তহার নিকটে এক স্বর্ণ আছে, তাহা সাধুদিগের বিশ্রামস্থান, অথবা ধর্ম্মযুদ্ধে নিহত আত্মা সকলের আশ্রয়ভূমি। হজরত সেই স্থানে ছেত্রিলকে বা ঈশ্বরকে দর্শন করিয়াছিলেন। ছেত্রিলের ছয় লক্ষ পক্ষ, এক এক পক্ষ পূর্বদিক্ হইতে পশ্চিম দিক্ পর্য্যন্ত বিস্তৃত। (ত, হো,)

+ “যখন সেদরাকে যে কিছু আচ্ছাদন করিল, সেই আচ্ছাদন ছিল” ইহার তাৎপর্য্য এই যে, সেই বৃক্ষে বহু দেবতা সম্মিলিত হইয়াছিলেন। প্রত্যেক পক্ষে এক এক জন দেবতা ছিলেন। তাহার চতুশ্চাপে হুবর্ণরঞ্জিত পতঙ্গের স্থায় জ্যোতিঃপুঞ্জ দেবতাগণ উড্ডীন হইতেছিলেন। (ত, হো,)

‡ লাত প্রতিমা বিশেষ, ঘোরুয়া বৃক্ষবিশেষ; গংফান জাতি তাহাকে পূজা করে। মনাত প্রস্তরবিশেষ; ইজিল ও খজাজা জাতি তাহাকে প্রদক্ষিণ করিয়া থাকে। অথবা তাহা প্রতিমা বিশেষ, যাহা কাববংশীয় লোকেরা পূজা করে। কাকেরদিগের সংস্কার এই যে, প্রত্যেক প্রতিমার অভ্যন্তরে এক এক দৈত্য অবস্থিতি করিয়া থাকে। সেই দানবগণ বা দেবতা সকল ঈশ্বরের কণ্ডা।

(ত, হো,)

এবং অহুমতিপ্রদানের পর, যাহার প্রতি পরমেশ্বর ইচ্ছা করেন ও সম্মত হন, সে ব্যতীত (অন্তের) ও স্বর্গে অনেক দেবতা আছে যে, তাহাদের শফায়তে কোন ফল বিধান করে না। ২৬। নিশ্চয় যাহারা পরলোকে বিশ্বাস করে না, তাহারা দেবতাদিগকে কল্পার নামে নামকরণ করিয়া থাকে। ২৭। তৎসম্বন্ধে তাহাদের কোন জ্ঞান নাই, তাহারা কল্পনাকে ভিন্ন অহুসরণ করিতেছে না, এবং নিশ্চয় কল্পনা সত্য-সম্বন্ধে কিছুই ফল বিধান করে না। ২৮। অনন্তর যে আমার প্রসঙ্গ হইতে মুখ ফিরাইয়াছে, এবং পাখিব জীবন ভিন্ন আকাজ্জা করে নাই, তাহা হইতে তুমি, (হে মোহম্মদ,) বিমুখ হও। ২৯। জ্ঞানসম্বন্ধে ইহাই তাহাদিগের সীমা; নিশ্চয় তোমার প্রতিপালক, যে ব্যক্তি তাঁহার পথ হইতে বিভ্রান্ত হইয়াছে, তাহাকে উত্তম জানেন, এবং যে ব্যক্তি পথপ্রাপ্ত হইয়াছে, তাহাকে তিনি উত্তম জানেন। ৩০। স্বর্গলোকে যে কিছু আছে ও ভূলোকে যে কিছু আছে, তাহা ঈশ্বরেরই; যাহারা দুষ্কর্ম করিয়াছে, যেৰূপ কার্য্য করিয়াছে, তদনুরূপ তিনি তাহাদিগকে বিনিময় দান করিবেন, এবং যাহারা সংকর্ম করিয়াছে, তাহাদিগকে শুভ বিনিময় দান করিবেন। ৩১। যাহারা সামান্য পাপ ভিন্ন মহা পাপ ও দুষ্করিত্ব হইতে নিবৃত্ত হইয়াছে, (তাহারাই সংকর্মশীল,) নিশ্চয় তোমার প্রতিপালক প্রচুর ক্ষমাশীল। তিনি তোমাদিগকে উত্তম জানেন, যখন তিনি তোমাদিগকে মৃত্তিকা হইতে সৃজন করিয়াছেন ও যখন তোমরা আপন মাতৃগর্ভে জ্ঞপ্তি ছিলে; তখন তোমরা আপনাদের জীবনকে নির্বিকার বলিও না, যে ব্যক্তি বৈরাগ্যাবলম্বন করিয়াছে, তিনি তাহাকে উত্তম জানেন। ৩২। (র, ২, আ, ৭)

অনন্তর যে ব্যক্তি ফিরিয়া গিয়াছে ও অল্প দান করিয়াছে, এবং কৃপণ হইয়াছে, তুমি কি, (হে মোহম্মদ,) তাহাকে দেখিয়াছ ? *। ৩৩+৩৪। তাহার নিকটে কি গুপ্ত বিষয়ের জ্ঞান আছে, অনন্তর সে (সমুদায়) দেখিতেছে ? ৩৫। মুসার ও যে (প্রতিজ্ঞা) পূর্ণ করিয়াছে, সেই এব্রাহিমের পুস্তিকা সকলে যাহা আছে, তাহার সংবাদ কি প্রদত্ত হয় নাই † ? ৩৬+৩৭। +এই যে কোন ভারবাহী অস্ত্রের ভার উত্তোলন করে না। ৩৮।

* ময়রার পুত্র অলিদ হজরতের পশ্চাৎ পশ্চাৎ বাইয়া তাঁহার উপদেশ অবগন করিতেছিল। কাকেরগণ ভৎসনা করিয়া তাহাকে বলে, “তুই পৈতৃক ধর্ম পরিভাগ করিতেছিস ও তাহাদিগকে বিপণগামী বলিয়া নির্দেশ করিতেছিস।” সে উত্তর দান করে, “কি করি, ঈশ্বরের শাস্তিকে ভয় করিতেছি।” ধর্মবিষেদীদিগের একজন বলে, “এই পরিমাণ ধন যদি তুমি আমাকে দান কর, তবে তোমার প্রতি শাস্তি উপস্থিত হইলে আমি তাহা বহন করিব।” অলিদ তাহাতে সম্মত হইয়া অঙ্গীকারে বদ্ধ হয়। কতক ধন প্রদান করে, অবশিষ্ট দানে কুণ্ঠিত হয়। এতদুপলক্ষেই এই আয়ত সমুদ্রুত। (ত, হো,)

† এব্রাহিম ধীর জীবন, সম্পত্তি ও সম্ভান ঈশ্বরকে উৎসর্গ করিতে যে অঙ্গীকারে বদ্ধ হইয়াছিলেন, তাহা পূর্ণ করিয়াছিলেন। এই আয়তের মর্ম এই যে, মুসা ও এব্রাহিমের পুস্তিকাতে যাহা লিখিত আছে, ঈশ্বর অলিদ কি তাহার তত্ত্ব রাখে না ? (ত, হো,)

এই যে যাঁহা চেষ্টা করে, তত্ত্বিন্ন মনুষ্যের জন্ত নহে। ৩৯। এবং সে আপন চেষ্টাকে (চেষ্টার ফলকে) অবশ্য (কেয়ামতে) দেখিবে। ৪০। তৎপর তাহাকে পূর্ণ বিনিময় প্রদত্ত হইবে। ৪১। এবং এই যে তোমার প্রতিপালকের দিকেই সীমা। ৪২। এবং এই যে তিনি হাঁসান ও কাঁদান। ৪৩। এবং এই যে তিনি মারেন ও বাঁচান। ৪৪।+ এবং এই যে তিনি (জরায়ুতে) নিক্ষিপ্ত শুক্র দ্বারা দ্বিবিধ পুরুষ ও নারী সৃজন করিয়া ছেন। ৪৫+৪৬। এবং এই যে তাঁহার দিকেই দ্বিতীয় বার উৎপত্তি। ৪৭।+এবং এই যে তিনিই ধনী করেন ও মূলধন প্রদান করেন। ৪৮। এবং এই যে তিনিই শেওরা নক্ষত্রের প্রতিপালক*। ৪৯। এবং এই যে তিনি প্রথমে আদ ও সমুদ জাতিকে সংহার করিয়াছেন, অনন্তর অবশিষ্ট রাখেন নাই†। ৫০+৫১। এবং পূর্বে তিনি মুহীয সম্প্রদায়কে (সংহার করিয়াছেন,) নিশ্চয় তাহারা সমধিক অত্যাচারী ও সমধিক সীমালঙ্ঘনকারী ছিল। ৫২। এবং (জেরিল) মওতফেক্কা নগরকে ভূতলশায়ী করিয়াছিল। ৫৩। অনন্তর তাহাকে যাহা আচ্ছাদনে আচ্ছাদন করিয়াছিল‡। ৫৪। অনন্তর তোমার প্রতিপালকের কোন্ সম্পদে তুমি, (হে মনুষ্য,) সন্দেহ করিতেছ? ৫৫। এই (প্রেরিতপুরুষ) পূর্বতন ভয়প্রদর্শকশ্রেণীর ভয়প্রদর্শক। ৫৬। নিকটে আগমনকারী (কেয়ামত) নিকটস্থ হইয়াছে। ৫৭। পরমেশ্বর ব্যতীত তাহার প্রকাশক নাই। ৫৮। অনন্তর তোমরা কি এই কথায় বিশ্বাসিত হইতেছ? ৫৯। এবং হাস্য করিতেছ? রোদন করিতেছ না? ৬০। এবং তোমরা আমোদ করিতেছ। ৬১। অনন্তর ঈশ্বরকে তোমরা প্রণাম কর ও তাঁহাকে অর্চনা করিতে থাক। ৬২। (র, ৩, আ, ৩০)

* দুইটি বিশেষ নক্ষত্রকে শেওরা বলে। একটির নাম গমিসা, অষ্টটির নাম আবুর। আবুকিশা, যে হজরতের জননীরা একজন পিতামহ ছিলেন, তিনি আবুর নক্ষত্রকে পূজা করিতেন ও পুস্তলপূজা বিষয়ে কোরেশদিগের সঙ্গে বিবাদ করিয়াছেন। কোরেশগণ শত্রুতাবশতঃ হজরতকে আবুকিশার সন্তান বলিয়া থাকে। (ত, হো,)

+ আদজাতি বখন সংহার-প্রাপ্ত হয়, তখন তাহাদের বংশীয় কতিপয় লোক মক্কাতে স্থিতি করিতেছিল, তাহাদিগকে লকিম গোষ্ঠী বলে। পরে তাহারা ধর্মবিদ্বেষী হয়, তাহাদিগকে শেষ আদ ও পূর্বোক্ত আদ জাতিতে প্রথম আদ বলিয়া থাকে। (ত, হো,)

‡ মওতফেক্কা নগর লুতীয় সম্প্রদায়ের বাসস্থান। নগরবাসিগণ অত্যন্ত দুরাচার ও উৎপীড়ক হইলে পর জেরিল নগরকে শূন্যমার্গে তুলিয়া ভূতলে নিক্ষেপপূর্বক চূর্ণ বিচূর্ণ করেন ও বিশেষ চিহ্নে চিহ্নিত প্রস্তররাশি বর্ষণ করিয়া তাহাকে ঢাকিয়া ফেলেন। (ত, হো,)

সূরা কমর ❁

.....

চতুঃপঞ্চাশত্তম অধ্যায়

.....

৫৫ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি ।)

কেয়ামত নিকটবর্তী হইয়াছে ও চন্দ্রমা বিভক্ত হইয়াছে * । ১ । এবং যদি তাহারা কোন নিদর্শন দর্শন করে, তবে মুখ ফিরাই ও বলে, (ইহা) প্রচলিত জাহু । ২ । এবং তাহারা অসত্যারোপ করিয়াছে ও স্বেচ্ছার অনুসরণ করিয়া থাকে ; প্রত্যেক বিষয় নির্দ্ধারিত আছে † । ৩ । এবং সত্য সত্যই (পূর্বতন) সংবাদ সকলের যন্মধ্যে যাহা নিষেধ ও উচ্চ বিজ্ঞান ছিল, তাহা তাহাদের নিকটে পহুঁছিয়াছে ; অনন্তর ভয়প্রদর্শন ফল প্রদান করে না । ৪ + ৫ । অবশেষে তুমি, (হে মোহাম্মদ,) তাহাদিগ হইতে বিমুখ হও, সেই দিবস আশ্বানকারী (এস্রাফিল) কোন গর্হিত বিষয়ের দিকে (তাহাদিগকে) আশ্বন করিবে । ৬ । তাহাদের চক্ষু ভয়ে বিস্তল হইবে, তাহারা কবর সকল হইতে বাহির হইয়া আসিবে, যেন তাহারা বিক্ষিপ্ত পক্ষপাল, আশ্বানকারীর দিকে ধাবিত ; ধর্ম্মদ্রোহিগণ বলিবে, “ইহাই কঠোর দিন” । ৭ + ৮ । তাহাদের পূর্বে মুহীয সম্প্রদায়

* এই সূরা মক্কাতে অবতীর্ণ হইয়াছে ।

† এক দিবস রাত্রিতে আবুজহল ও এক ইহুদি হজরতের নিকটে উপস্থিত হয় । আবুজহল বলে, “হে মোহাম্মদ, কোন অলৌকিক নিদর্শন আমাদিগকে প্রদর্শন কর, অস্তখা তোমার শিরশ্ছেদন করিব ।” হজরত জিজ্ঞাসা করেন, তুমি কি চাও ? তখন আবুজহল বলে, “মোহাম্মদ, তুমি আমাদের জগৎ চন্দ্রকে বিধা বিভক্ত কর ।” ইহা শুনিয়া হজরত চন্দ্রমার প্রতি অঙ্গুলী সঙ্কেত করিলেন, তৎক্ষণাৎ চন্দ্র বিখণ্ড হইয়া গেল ; এক খণ্ড যখাছানে রহিল, অপর খণ্ড দূরে স্থাপিত হইল । অতঃপর আবুজহল বলিল, এই দুই ভাগকে সংযুক্ত কর । হজরত ইঙ্গিত করিলেন, তৎক্ষণাৎ সংযুক্ত হইয়া পূর্বাবস্থা প্রাপ্ত হইল । ইহা দেখিয়া ইহুদি এসলাম ধর্ম্ম গ্রহণ করিল । কিন্তু আবুজহল বলিল, “সে জাদুমন্ত্রে আমার দৃষ্টিভ্রম জন্মাইয়াছে, বাস্তবিক চন্দ্র বিখণ্ড হয় নাই ।” আবুজহল পরে এ বিষয় নানাহ্বানের পথিক লোককে জিজ্ঞাসা করে ; তাহারা সকলেই বলে যে, অমুক রজনীতে আমরা চন্দ্রকে বিখণ্ডিত দেখিয়াছি । কিন্তু সে এ সকল দেখিয়া শুনিয়াও বিশ্বাস করে নাই । বরং বলে, “মোহাম্মদ প্রবল জাদুকর ।” কথিত আছে, সেই দিন বিধা বিভক্ত চন্দ্রমার ভিতর দিয়া হেরা পর্বত দৃষ্ট হইয়াছিল । চন্দ্রমা বিখণ্ডিত হওয়া কেয়ামতের পূর্বলক্ষণ ।

(ত, হো,)

‡ অর্থাৎ কাকেরদিগের ছুঁড়াগ্য ও খাশিকদিগের দৌভাগ্য ইত্যাদি প্রত্যেক বিষয় নির্দ্ধারিত আছে ।

(ত, হো,)

(পুনরুত্থানবিষয়ে) অসত্যারোপ করিয়াছিল, অনন্তর তাহারা আমার দাস (মুহার) প্রতি অসত্যারোপ করিয়া বলিয়াছিল, “সে ক্ষিপ্ত” এবং তাহাকে নিবারণিত করিয়াছিল *। ২। পরে সে স্বীয় প্রতিপালককে ডাকিয়া বলিল, “নিশ্চয় আমি পরাভূত, অতএব তুমি প্রতিফল দান কর”। ১০। অনন্তর আমি বর্ষণকারী বারিযুক্ত আকাশের দ্বার সকল উন্মুক্ত করিলাম। ১১।+ এবং ভূতল হইতে প্রস্রবণ সকল সঞ্চারিত করিলাম, অবশেষে জল নির্ধারিত কার্যসাধনে একত্রিত হইল। ১২। এবং তাহাকে আমি কৌলক ও কাষ্ঠফলকসংযুক্ত নৌকার উপর আরোপিত করিলাম। ১৩। যে জন কাফের হইয়াছে, তাহার প্রতিফলস্বরূপ আমার চক্ষুর সম্মুখে তাহা চলিল। ১৪। এবং সত্য সত্যই আমি ইহাকে নিদর্শন করিয়াছি, অনন্তর কোন উপদেশগ্রহীতা কি আছে? ১৫। অবশেষে আমার শাস্তি ও আমার ভয়প্রদর্শন কেমন ছিল? ১৬। এবং সত্য সত্যই আমি কোর্-আন্কে উপদেশের জন্ত সহজ করিয়াছি, অনন্তর কোন উপদেশগ্রহীতা কি আছে? ১৭। অদে জাতি অসত্যারোপ করিয়াছিল, অনন্তর আমার শাস্তি ও আমার ভয়প্রদর্শন কেমন হইয়াছিল? ১৮। নিশ্চয় আমি তাহাদের প্রতি স্থিরীকৃত হৃদ্দিনে প্রচণ্ড বায়ু প্রেরণ করিয়াছিলাম। ১৯।+ উহা লোকদিগের প্রতি উৎপাত উপস্থিত করিল, যেন তাহারা উন্মূলিত খোদ্রাতক ছিল। ২০। অনন্তর আমার শাস্তি ও আমার ভয়-প্রদর্শন কেমন ছিল? ২১। এবং সত্য সত্যই আমি উপদেশের জন্ত কোর্-আন্কে সহজ করিয়াছি; অনন্তর কোন উপদেশগ্রহীতা কি আছে? ২২। (র, ১, আ, ২২)

সমুদ জাতি ভয়প্রদর্শকদিগের প্রতি অসত্যারোপ করিয়াছিল। ২৩। অনন্তর তাহারা বলিয়াছিল যে, “আমরা কি আপনাদের অন্তর্গত এক ব্যক্তির অনুসরণ করিব? নিশ্চয় আমরা তখন উন্মত্ততা ও পথভ্রান্তির মধ্যে থাকিব। ২৪। আমাদের মধ্যে কি তাহার প্রতি উপদেশ অবতারণিত হইয়াছে? বরং সে মিথ্যাবাদী আত্মপ্রিয়”। ২৫। কে মিথ্যাবাদী আত্মপ্রিয়? তাহারা কল্যাণ জানিবে। ২৬। নিশ্চয় আমি তাহাদের পরীক্ষা-স্বরূপ এক উষ্ট্রের প্রেরণকারী ছিলাম, পরে (বলিলাম, হে সালেহ,) তুমি তাহাদিগকে প্রতীক্ষা কর ও ধৈর্যধারণ করিতে থাক। ২৭। এবং তাহাদিগকে জ্ঞাপন কর যে, তাহাদের মধ্যে (কূপের) জল বিভাগ করা হইয়াছে, জলের প্রত্যেক (অংশ) (তাহার অধিকারীর প্রতি) উপস্থিত করা হইবে। ২৮। অনন্তর তাহারা আপন সঙ্গীকে ডাকিল, পরে আক্রমণ করিল, অবশেষে পদ ছিন্ন করিল। ২৯। অনন্তর আমার শাস্তি ও আমার

* অর্থাৎ যখন মুহা ঈশ্বরের অধিতীয়ত্ব স্বীকারের জন্ত উপদেশ দিতে প্রবৃত্ত হইতেন, তখন বিরোধী লোকেরা তাঁহাকে গালি দিত ও ভৎসনা করিত, এবং তাঁহার উপর প্রস্তর নিক্ষেপ করিত; তাহাতে তিনি অচৈতন্য হইয়া পড়িতেন, উপদেশ দিতে পারিতেন না। (ত, হো,)

.. + সমুদ জাতি প্রেরিত পুঙ্খ সালেহকে অগ্রাহ্য করে, এবং তাঁহাকে প্রেরিতদের প্রমাণবল্লভ আশ্চর্য্য ক্রিয়া প্রদর্শন করিতে বলে। তিনি প্রার্থনাবলে একটা উষ্ট্রকে প্রস্তরের ভিতর হইতে

ভয়প্রদর্শন কেমন ছিল? ৩০। নিশ্চয় আমি তাহাদের প্রতি একমাত্র নিনাদ প্রেরণ করিয়াছিলাম, পরে (সেই ধ্বনিতে) তাহারা ভূণের গ্রাঘ খণ্ড খণ্ড হইয়াছিল। ৩১। এবং সত্য সত্যই আমি কোব্-আনুকে উপদেশের জন্ত সহজ করিয়াছি, অনন্তর কোন উপদেশ-গ্রহীতা কি আছে? ৩২। লুতায় সম্প্রদায় ভয়প্রদর্শকগণের প্রতি অসত্যারোপ করিয়াছিল। ৩৩। নিশ্চয় আমি লুতের পরিজনকে পরিত্যাগ করিয়া তাহাদের প্রতি প্রস্তরবৃষ্টি প্রেরণ করিয়াছিলাম, তাহাদিগকে (লুতের পরিজনকে) প্রাতঃকালে আপন সন্নিধানের রূপা দ্বারা উদ্ধার করিয়াছিলাম; যে ব্যক্তি রুতজ্ঞতা স্বীকার করিয়াছে, তাহাকে এইরূপে আমি বিনিময় দান করিয়া থাকি। ৩৪+৩৫। এবং সত্য সত্যই আমার আক্রমণ তাহাদিগকে ভয় দেখাইয়াছিল, অনন্তর ভয়প্রদর্শনের প্রতি তাহারা সন্দেহ করিয়াছিল। ৩৬। এবং সত্য সত্যই তাহারা তাহাকে তাহার অতিথির মধ্য হইতে ডাকিয়া ছিল; অনন্তর আমি তাহাদের চক্ষু বিলোপ করিয়াছিলাম, পরে (বলিয়াছিলাম,) আমার শাস্তি ও আমার ভয়প্রদর্শন আশ্বাদন কর *। ৩৭। এবং সত্য সত্যই প্রাতঃকালে স্থায়ী শাস্তি তাহাদের প্রতি উপস্থিত হইল। ৩৮। অনন্তর (আমি বলিলাম,) আমার শাস্তি ও আমার ভয়প্রদর্শন আশ্বাদন কর। ৩৯। এবং সত্য সত্যই উপদেশের জন্ত আমি কোব্-আনুকে সহজ করিয়াছি, পরে কোন উপদেশগ্রহীতা কি আছে? ৪০। (র, ২, আ, ১৮)

এবং সত্য সত্যই ফেরওণের পরিজনদের প্রতি ভয়প্রদর্শকগণ উপস্থিত হইয়াছিল। ৪১। তাহারা আমার সমগ্রনিদর্শনের প্রতি অসত্যারোপ করিয়াছিল, অনন্তর আমি তাহাদিগকে প্রবল পরাক্রমের আক্রমণে আক্রমণ করিয়াছিলাম। ৪২। তোমাদের বাহির করেন। একটি কুপের জল এইরূপ ভাগ করা হইয়াছিল যে, এক দিন সমুদ্র জাতি ও এক দিন তাহাদের গৃহপালিত পশু এবং এক দিন সেই উষ্ট্রী সেই জল পান করিত। এই অলৌকিক উষ্ট্রী বিষয়ে বিশেষ বৃত্তান্ত পূর্বে বিবৃত হইয়াছে। মস্দা ও কেদার নামক দুই ব্যক্তিকে সমুদ্রগণ ডাকিয়া উষ্ট্রীকে বধ করিতে বলে। তাহারা সেই উষ্ট্রীকে জলপান করিয়া ফিরিয়া আসিবার সময় পথে আক্রমণ করে। প্রথমতঃ মস্দা বাণ নিক্ষেপ করিয়া উষ্ট্রীর চরণ বিদ্ধ করে, পরে কেদার সম্বন্ধে স্থান হইতে বাহির হইয়া আসিয়া করবাল দ্বারা তাহাকে গণ্ড খণ্ড করিয়া ফেলে, এবং সমুদ্রগণকে তাহার মাংস বিভাগ করিয়া দেয়। তখন উষ্ট্রীর শাবক মনো পর্বতে আরোহণ করিয়া তিন বার শব্দ করে, পরে তথা হইতে স্বর্গে চলিয়া যায়। কথিত আছে, শাবকটি হত হইয়াছিল। এই ঘটনার তিন দিবস পরে সমুদ্রজাতির উপর শাস্তি অবতীর্ণ হয়। (ত, হো,)

* হুশী যুবা পুরুষের রূপ ধারণ করিয়া লুতের নিকটে জেত্রিলাদি যে সকল দেবতা উপস্থিত হইয়াছিলেন, নগরের ছুশরিত্র লোকেরা সেই মানবরূপধারী দেবতাদিগকে তাহাদের হস্তে সমর্পণ করিবার জন্ত লুতকে ডাকিয়া অমুরোধ করিয়াছিল। লুত তাহা অগ্রাহ করেন, তাহাতে তাহারা প্রাচীর ভাঙ্গিয়া গৃহে প্রবেশ করিতে উদ্যত হয়। তখন জেত্রিল পক্ষাঘাতে তাহাদের চক্ষু অন্ধ করিয়া ফেলেন। (ত, হো,)

কাফেরগণ কি, (হে কোরেশকুল,) ইহাদিগ অপেক্ষা শ্রেষ্ঠ ? তোমাদের অল্প ধর্মপুস্তিকা সকলে কি উদ্ধারের (বিধি) আছে ? ৪৩। তাহারা কি বলিয়া থাকে যে, আমরা এক প্রতিহিংসাকারী দল ? ৪৪। শীঘ্র এই দলকে পরাস্ত করা যাইবে, এবং পৃষ্ঠ ভঙ্গ করিয়া দেওয়া যাইবে *। ৪৫। বরং কেয়ামত তাহাদের অঙ্গীকারভূমি এবং কেয়ামত স্থকঠিন ও স্থিত। ৪৬। নিশ্চয় অপরাধিগণ পথভ্রান্তি ও ক্ষিপ্তভাবমধ্যে আছে। ৪৭। (স্মরণ কর,) যে দিবস অনলে তাহারা অধোমুখে আকৃষ্ট হইবে, (আমি বলিব,) নরকের সংস্পর্শ আশ্বাদন কর। ৪৮। নিশ্চয় আমি নির্ধারিতরূপে সমুদায় বস্তু সৃজন করিয়াছি। ৪৯। এবং আমার আজ্ঞা চকুর পলকসদৃশ একবার ভিন্ন নহে। ৫০। এবং সত্য সত্যই আমি তোমাদের সমধর্মী দলকে সংহার করিয়াছি ; অনন্তর কোন উপদেশগ্রহীতা কি আছে ? ৫১। এবং তাহারা যাহা করিয়াছে, তাহার প্রত্যেক বিষয় (কার্যালিপি) পুস্তিকায় (লিপিত) আছে। ৫২। এবং প্রত্যেক ক্ষুদ্র ও বৃহৎ লিপিত আছে। ৫৩। নিশ্চয় ধর্মভারগণ জলপ্রণালী ও উদ্যান সকলের মধ্যে শক্তিমান্ রাজার নিকটে সতোর বাসস্থানে থাকিবে। ৫৪ + ৫৫। (র, ৩, আ, ১৫)

সূরা রহমান †

.....

পঞ্চপঞ্চাশত্তম অধ্যায়

.....

৭৮ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি ।)

পরমেশ্বর কোর্-আন্ শিক্ষা দিয়াছেন। ১ + ২। + মনুষ্ঠাকে সৃষ্টি করিয়াছেন, তাহাকে কথা কহিতে শিক্ষা দিয়াছেন। ৩ + ৪। সূর্য ও চন্দ্র নিয়মেতে চালিত। ৫। + ৬। ও

* অর্থাৎ সকলে রণক্ষেত্র হইতে পৃষ্ঠভঙ্গ দিয়া পলায়ন করিবে। এই ব্যাপার বদরের যুদ্ধে হইয়াছিল। এই আয়ত হজরতের প্রেরিত্ব ও কোর্-আনের সত্যতাবিশেষে এক প্রমাণ। মহান্না ওমর বলিয়াছেন, যখন এই আয়ত অবতীর্ণ হইল, তখন হজরত কহিলেন, এই আয়তের মর্ম কি, বুঝিতে পারিলাম না। পরে ষ্ঠাৎ বদরের যুদ্ধের সময় দেখিলাম যে, হজরত বর্ম পরিধান করিতেছেন, এবং বলিতেছেন, “এই দলকে পরাস্ত করা যাইবে” ইহার মর্ম কি, অল্প অবধারণ করিলাম। সে দিন শত্রুকুল হত ও বন্দী হইয়াছিল, এবং তাহাদের অনেক সৈন্ত পরাস্ত হইয়া পলায়ন করিয়াছিল।

(ড, হো,)

† এই সূরা মক্কাতে অবতীর্ণ হইয়াছে।

তরু নমস্কার করিতেছে * । ৬ । এবং আকাশ, তাহাকে তিনি উন্নীত করিয়াছেন ও পরিমাণ স্থাপন করিয়াছেন, যেন তোমরা (আদান-প্রদানে) পরিমাণবিষয়ে অতিক্রম না কর । ৭+৮ । এবং জ্বালাহুসারে পরিমাণকে তোমরা ঠিক রাখিও, পরিমাণ খর্ব করিও না । ৯ । এবং পৃথিবী, তাহাকে তিনি মানবমণ্ডলীর জন্ত প্রসারিত রাখিয়াছেন । ১০ ।+তথায় ফলপুঞ্জ ও খোন্দাফলশালী খোন্দাতরু এবং বিচালিযুক্ত শস্তকণা ও পুষ্প (তিনি সৃজন করিয়াছেন) । ১১+১২ । অনন্তর, (হে পরি ও মানবগণ,) স্বীয় প্রতিপালকের কোন্ সম্পদের প্রতি তোমরা দুইয়ে অসত্যারোপ করিতেছ ? ১৩ । দগ্ধ মৃত্তিকার জায় শুষ্ক মৃত্তিকায়োগে তিনি মহুগ্ধ সৃষ্টি করিয়াছেন । ১৪ ।+এবং দৈতাদিগকে শিক্ষামুক্ত অগ্নি দ্বারা সৃজন করিয়াছেন । ১৫ । অনন্তর তোমরা স্বীয় প্রতিপালকের কোন্ সম্পদের প্রতি অসত্যারোপ করিতেছ ? ১৬ । তিনি দুই পূর্ব ও দুই পশ্চিমের প্রতিপালক † । ১৭ । অনন্তর তোমরা স্বীয় প্রতিপালকের কোন্ সম্পদের প্রতি অসত্যারোপ করিতেছ ? ১৮ । তিনি দুই সাগরকে মিলিতে প্রবর্তিত করিয়াছেন । ১৯ ।+উভয়ের মধ্যে আবরণ আছে, এক অল্পকে অতিক্রম করে না ‡ । ২০ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২১ । উভয় হইতে মুক্তা ও প্রবাল বহির্গত হয় । ২২ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২৩ । সাগরে সঞ্চারশীল পর্বততুল্য নৌকাসকল তাঁহারই । ২৪ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২৫ । (র, ১, আ, ২৫)

যে কেহ ইহার উপর (পৃথিবীর উপর) আছে, সেই অনিত্য । ২৬ ।+এবং তোমার মহা গৌরব ও বদাগ্ধ প্রতিপালকের আনন নিত্য । ২৭ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ২৮ । যে জন স্বর্গে ও পৃথিবীতে আছে, সেই তাঁহার নিকটে প্রার্থনা করে ; প্রতিদিন তিনি একাবস্থায় আছেন । ২৯ । অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ ? ৩০ ।

* * তৃণ ও তরু নমস্কার করিতেছে, অর্থাৎ ঈশ্বরের আজ্ঞাপালন করিতেছে, অথবা ছায়াযোগে নমস্কার করিতেছে । (ত, হো,)

† “দুই পূর্ব” এক পূর্ব সূর্যের উত্তরায়ণে ও অপর পূর্ব সূর্যের দক্ষিণায়নে নির্দিষ্ট । এইরূপ “দুই পশ্চিম” এক পশ্চিম সূর্যের গতি অনুসারে শীতকালে ও অপর গ্রীষ্মকালে নির্দিষ্ট । এই অরনাদিতে পৃথিবীর পক্ষে অনেক মঙ্গল হয় । তাহা শস্তোৎপত্তি ও জীবের বিশ্রামাদির কারণ হইয়া থাকে । (ত, হো,)

‡ দুই সাগর, পারস্তসাগর ও রোমীয় সাগর । একদিকে উভয় সাগরের গর্ভ পরস্পর মিলিত । এক সাগরের জল মিষ্ট ও সুরস, অপরের জল লবণাক্ত ও বিষাদ । কিন্তু বীপ বা অন্ত কোন আবরণ মধ্যে থাকি বশতঃ এক সাগরের জল অন্ত সাগরের জলকে বিকৃত করিতে পারে না । (ত, হো,)

হে ভারগ্রস্ত দলদ্বয়, শীঘ্রই তোমাদের জগ (বিচার করিতে) আমি অবসরপ্রাপ্ত হইব। ৩১। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩২। হে মানব ও দানবদল, যদি তোমরা স্বর্গ ও পৃথিবীর প্রাপ্ত হইতে বহির্গত হইতে সক্ষম হও, তবে বাহির হইয়া যাও; (ঈশ্বরের) পরাক্রম ছাড়িয়া বাহির হইতে পারিবে না*। ৩৩। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩৪। তোমাদের প্রতি অগ্নিশিখা ও ধূম প্রেরিত হইবে, অনন্তর প্রতিহিংসা করিতে পারিবে না। ৩৫। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩৬। পরে যখন আকাশ বিদীর্ণ হইবে, তখন তাহা আরক্তিম চন্দ্রের দ্বারা লোহিতবর্ণ হইবে। ৩৭। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৩৮। অবশেষে সেই দিবস দানব ও মানব স্বীয় অপরাধসম্বন্ধে জিজ্ঞাসিত হইবে না। ৩৯। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৪০। পাপিগণ আপন লক্ষণ দ্বারা পরিচিত হইবে, পরে ললাটের কেশযোগে ও পদযোগে গৃহীত হইবে†। ৪১। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৪২। এই সেই নরক, পাপিগণ যাহাকে অসত্য বলিতেছিল। ৪৩। তাহারা তাহার (অগ্নির) মণ্ডে ও উচ্ছ্বসিত উষ্ণোদকের মধ্যে ঘুরিতে থাকিবে। ৪৪। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৪৫। (র, ২, আ, ২০)

এবং যে ব্যক্তি আপন প্রতিপালকের (সাক্ষাতে) দণ্ডায়মান হওয়াকে ভয় করিয়াছে, তাহার জগ দুই স্বর্গোচ্চান হয় ‡। ৪৬। অনন্তর স্বীয় প্রতিপালকের কোন্

* অর্থাৎ তোমরা যে স্থানে যাইবে, সেই স্থানেই তোমাদের সঙ্গে সঙ্গে মৃত্যু স্থিতি করিবে। তোমাদের হস্তে এমন কোন সমতা ও উপায় নাই যে, তাহা হইতে রক্ষা পাইবে। কথিত আছে যে, কেয়ামতের দিন স্বর্গীয় দূতগণ পুনরুত্থিত লোকদিগের চতুর্দিকে শ্রেণীবদ্ধরূপে দণ্ডায়মান হইয়া এক্রপ ঘোষণা করিতে থাকিবে যে, “হে দৈত্যকুল ও মনুষ্যগণ, এই কেয়ামতের ভূমি, যদি সক্ষম হও, বাহিরে যাও, কিন্তু তোমরা বাহির হইতে পারিবে না।” (ত, হো,)

† অর্থাৎ পাপিদিগকে তাহাদের মলিন মুখ ও শোক দুঃখের অবস্থা দেখিয়া চেনা যাইবে। কেশাকর্ষণ করিয়া কখন তাহাদিগকে নরকে টানিয়া লওয়া যাইবে, কখন বা চরণ ধরিয়া উর্দ্ধমুখে নরকে নিক্ষেপ করা হইবে। (ত, হো,)

‡ অর্থাৎ যে ব্যক্তি বিচারকে ভয় ও পাপ পরিত্যাগ করে, তাহাকে দুইটি স্বর্গোচ্চান দেওয়া যাইবে। একটির নাম উচ্চান অদন, অপরটির নাম উচ্চান নইম। কথিত আছে যে, এক উচ্চান ঈশ্বরভীরু মনুষ্যের জন্ত, অপরটি ঈশ্বরভীরু দৈত্যদিগের জন্ত হইবে। প্রত্যেক উচ্চানের দৈর্ঘ্য ও বিস্তার শত বৎসরের পথ, এবং প্রত্যেকের ভিতরে স্বরম্মা আবাস, স্বরস ও হৃদয় ফল, রূপবতী বিবাহাঙ্গনা সকল আছে। (ত, হো,)

সম্পদের প্রতি তোমরা অসত্যারোপ করিতেছ? ৪৭।+সেই দুই (উজান) বহুতর শাখায়ুক্ত। ৪৮। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৪৯। সেই দুই (উজান) মধ্যে দুই জলপ্রণালী প্রবাহিত। ৫০। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৫১। সেই দুয়ের মধ্যে সমুদায় ফল দুই প্রকার আছে*। ৫২। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৫৩। তাহারা ফর্শ আসনে (পীনোপাধানে) পৃষ্ঠস্থাপনকারী হইয়া (বসিবে,) তাহার (ফর্শের) কৌষেয় আচ্ছাদন হইবে, এবং উভয় উজানের ফলপুঞ্জ (তাহাদের) নিকটে থাকিবে। ৫৪। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৫৫। তথায় (প্রাসাদাদিতে) (লজ্জাবশতঃ) অপ্রশংসিতানা অঙ্গনাগণ থাকিবে, তাহাদের পূর্বে মনুষ্য ও দৈত্য তাহাদিগের সঙ্গে মিলিত হয় নাই। ৫৬। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৫৭। তাহারা (দিব্যাঙ্গনাগণ) ইয়াকুতমণি ও প্রবালস্বরূপ। ৫৮। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৫৯। শুভ কক্ষের বিনিময় শুভ ভিন্ন নহে। ৬০। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৬১। এবং সেই দুই ভিন্ন (আরও) দুই স্বর্গোজান আছে। ৬২। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৬৩। সেই দুই (উজান) অতিশয় হরিদ্বর্ণ। ৬৪। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৬৫। তাহাদের ভিতরে দুই বেগবতী পয়ঃপ্রণালী আছে। ৬৬। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৬৭। সেই দুই (উজানের) মধ্যে ফলপুঞ্জ ও গোম্বা এবং দাড়িম্ব তরু হয়। ৬৮। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৬৯। তথায় উত্তমা স্তন্দরী নারীগণ হয়। ৭০। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৭১। দিব্যাঙ্গনাগণ পটমণ্ডপের অভ্যন্তরে (বরের জন্ত) লুকাইত। ৭২। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৭৩। তাহাদের পূর্বে মনুষ্য ও দৈত্য তাহাদের সঙ্গে মিলিত হয় নাই। ৭৪। অনন্তর স্বীয় প্রতিপালকের কোন্ সম্পদের প্রতি তোমরা অসত্যারোপ করিতেছ? ৭৫। তাহারা হরিদ্বর্ণ উপাধানের উপর পৃষ্ঠ স্থাপন করিবে ও উৎকৃষ্ট আসনে বসিবে। ৭৬। অনন্তর স্বীয় প্রতিপালকের কোন্ সম্পদের প্রতি তোমরা

* অর্থাৎ এক প্রকার ফল আছে, বাহা পৃথিবীতে দৃষ্ট হইয়াছে; অগ্রবিধ অভিনব ফল আছে, বাহা কখনও নয়নগোচর হয় নাই। (ত, হো.)

অসত্যারোপ করিতেছ ? ৭৭। তোমার মহিমাম্বিত ও মহাবদান্ত প্রতিপালকের নাম শুভকর। ৭৮। (র, ৩, আ, ৩৩,)

সূরা ওয়াকেরা *

.....

ষট্‌পঞ্চাশত্তম অধ্যায়

.....

৯৬ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি।)

(স্মরণ কর,) যখন সজ্জটনীয় (কেয়ামত) ঘটবে। ১।+তাহা ঘটবার সময় কোন অসত্যবক্তা নাই। ২। (সেই দিন) এক দলের অবনমনকারী, এক দলের উন্নমনকারী। ৩।+(স্মরণ কর,) যখন পৃথিবী বিকম্পনে বিকম্পিত, এবং পর্ততপুঞ্জ বিচূর্ণনে বিচূর্ণীকৃত হইবে। ৪+৫।+তখন ধূলী বিক্ষিপ্ত হইবে। ৬।+এবং তোমরা তিন প্রকার হইবে। ৭। অনন্তর দক্ষিণদিকের লোক, দক্ষিণদিকের লোক কি? ৮। এবং বাম দিকের লোক, বাম দিকের লোক কি? ৯। অগ্রগামিগণ অগ্রগামী। ১০।+ইহারাই সম্পদের উত্তান সকলের সম্মিহিত। ১১+১২। পূর্ববর্তী লোকদিগের একদল এবং পশ্চাৎবর্তী লোকদিগের অল্লাংশ ‡। ১৩+১৪।+সুবর্ণখচিত সিংহাসন সকলের উপর থাকিবে। ১৫।+তাহার উপর পরস্পর সম্মুখবর্তী হইয়া (পীনোপাধানে) পৃষ্ঠ স্থাপন করিয়া বসিবে। ১৬। তাহাদের নিকটে নিত্যস্থায়ী বালকগণ (ভৃত্যগণ)

* এই সূরা মক্কাতে অবতীর্ণ হইয়াছে।

+ আদমের ঔরসজাত যে সকল সন্তান জন্মগ্রহণের সময় দক্ষিণ পার্শ্বে ছিলেন, তাহারা দক্ষিণ দিগের লোক, অথবা সেই দিবস যাহাদের দক্ষিণ হস্তে কার্যালিপি অর্পিত হইবে, তাহারা দক্ষিণদিকের লোক, মহাভাগ্যবান্। তাহারা স্বর্ণোদ্ভানের দক্ষিণ পার্শ্বে অবস্থিতি করিবেন। এবং আদমের ঔরসজাত যে সকল সন্তান জন্মগ্রহণের সময়ে তাহার বাম পার্শ্বে ছিল, তাহারা বাম দিকের লোক, অথবা সেই দিবস যাহাদের বাম হস্তে কার্যালিপি অর্পিত হইবে, তাহারা বাম দিকের লোক, দুর্ভাগ্যবান্। তাহারা নরকে স্থিতি করিবে। নরক স্বর্গের বাম পার্শ্বে স্থিত। স্বর্গেতে যাহারা শ্রেষ্ঠ, তাহারা অগ্রগামী; যথা, কেরুণের বিদ্যাসী পরিজন ও আবুবেকর এবং আলি, অথবা যাহারা কোর-আনের অধিকারী, কিংবা যাহারা ধর্মযুদ্ধে অগ্রগামী, তাহারা সর্বোপরে স্বর্গে বাইবে। (ত, হো,)

‡ পূর্ববর্তী লোক অর্থাৎ পূর্ববর্তী মুহা এব্রাহিম প্রভৃতি পেগাম্বরবর্গের মণ্ডলীই লোক অধিক; পশ্চাৎবর্তী কেবল হজরত মোহাম্মদের মণ্ডলীর লোক। (ত, হো,)

আবখোরা ও আফতাবা (জলপাত্র বিশেষ) এবং নির্মল সূরার পানপাত্রসহ ঘুরিতে থাকিবে। ১৭+১৮।+তদ্বারা চৈতন্যবিলোপ ও শিরঃপীড়া হয় না। ১৯। এবং সেই ফলপুঞ্জ, যাহা তাহার মনোনীত করিবে, এবং সেই পক্ষিমাংস, যাহা তাহার ইচ্ছা করিবে, (তৎসহ ভৃত্যগণ গমনাগমন করিবে)। ২০+২১। এবং বিশালাক্ষী দিব্যান্ধনাগণ থাকিবে। ২২। তাহার প্রচ্ছন্ন মুক্তাসদৃশ। ২৩। তাহার (সাধুগণ) যাগ করিতেছিল, তাহার বিনিময় (আমি দিব)। ২৪। তথায় তাহার “সেলাম” “সেলাম” কথিত হওয়া ন্যাত্তীত নিরর্থক বাক্য ও পাপ বাক্য শ্রবণ করিবে না। ২৫+২৬। এবং দক্ষিণদিকের লোক, দক্ষিণদিকের লোক কি? ২৭। তাহার কণ্টকহীন বদরীতরু এবং ফলপূর্ণ মোজ বৃক্ষের তলে ও প্রসারিত ছায়াতে থাকিবে। ২৮+২৯+৩০।+নিপতিত বারি এবং অচ্ছেদ্য ও অনিবার্য প্রচুর ফলের মধ্যে থাকিবে। ৩১+৩২+৩৩। এবং উন্নত ফর্শ আসনে থাকিবে। ৩৪। নিশ্চয় আমি এক প্রকার সৃষ্টিতে তাহাদিগকে (দিব্যান্ধনাগগণকে) সৃষ্টি করিয়াছি। ৩৫।+অনন্তর তাহাদিগকে আমি কুমারী করিয়াছি। ৩৬।+দক্ষিণদিকের লোকদিগের জন্ত সমবয়স্ক ও প্রেমিকা করিয়াছি*। ৩৭+৩৮। (র ১, আ, ৩৮)

পূর্ববর্তী লোকদিগের একদল এবং পশ্চাৎবর্তী লোকদিগের এক দল †। ৩৯+৪০। এবং বামদিকের লোক সকল, বামদিকের লোক কি? ৪১। উষ্ণ বায়ু ও উষ্ণোদকের মধ্যে এবং ধূম যাহা লীতল ও সম্মাগ্র নয়, তাহার ছায়ায় থাকিবে। ৪২+৪৩+৪৪। নিশ্চয় তাহার ইতিপূর্বে বিলাসে প্রতিপালিত হইয়াছিল। ৪৫। এবং মহাপাপে নিয়ত

* তেত্রিশ বৎসর বয়স্ক। সমুদায় বস্ত্র। সমবয়স্ক, তাহাদের স্বামিগণও এই বয়সপ্রাপ্ত। বালিকাদিগকে স্বর্গে আনয়ন করা হইলে উপরি উক্ত বয়স পর্যন্ত বয়স্ক করিয়া স্বামী হস্তে সমর্পণ করা যাইবে। বৃদ্ধাদিগকেও এই বয়ঃক্রমে পরিবর্তিত করা হইবে। কোন নারী পৃথিবীতে স্বামী গ্রহণ না করিয়া থাকিলে, তাহাকে কোন এক স্বর্গবাসীর ভাণ্ডা করিয়া দেওয়া যাইবে। যদি স্বামী থাকে, কিন্তু স্বামী স্বর্গবাসী নয়, তবে অস্ত্র কোন স্বর্গবাসীর প্রতি সেই নারী প্রদত্ত হইবে, এবং যদি স্বামী স্বর্গবাসী হয়, তবে পুনর্ব্বার তাহারই হস্তে অর্পিত হইবে। একাধিক স্বামী থাকিলে শেষ স্বামীই স্বর্গে স্বামী বলিয়া পরিগণিত হইবে। (ত, হো.)

† যখন “পশ্চাৎবর্তী দলের অজ্ঞান” এই আয়ত অবতীর্ণ হয়, তখন ওমর অশ্রুপূর্ণলোচনে জিজ্ঞাসা করিলেন যে, “প্রেরিত মহাপুরুষ, আমরা তোমার অনুগত ও তোমার প্রতি বিশ্বাসী হইয়াছি; এ কি, আমাদের অজ্ঞসম্বন্ধ বাতীত উদ্ধার পাইবে না?” তাহাতেই “পূর্ববর্তী লোকদিগের এক দল ও পশ্চাৎবর্তী লোকদিগের এক দল” এই আয়ত অবতীর্ণ হয়। হজরত এই আয়ত পাঠ করিলে ওমর সন্তুষ্ট হন। হজরত বলিলেন, “আদম হইতে আমার সময় পর্যন্ত এক দল ও আমা হইতে কেয়ামত পর্যন্ত এক দল উদ্ধার পাইবে। স্বর্গবাসীদিগের এক শত বিংশতি শ্রেণী হইবে, এবং তাহার ষাট শ্রেণী আমার মণ্ডলীর অন্তর্গত।” এতদ্বারা জানা যাইতেছে যে, হজরতের অনুবর্তী মণ্ডলীর কোন ব্যক্তি চিরকালের জন্ত নরকবাসী হইবে না। (ত, হো.)

স্থিতি করিতেছিল। ৪৬+৪৭। এবং বলিতেছিল, “কি যখন আমরা মরিব ও মৃত্তিকা হইয়া যাইব, এবং অস্থিপুঞ্জ হইব, তখন কি নিশ্চয় আমরা সমুখিত হইব? অথবা আমাদের পূর্ববর্তী পিতৃপুরুষগণ (সমুখিত হইবে)?” ৪৮+৪৯+৫০। তুমি বল, (হে মোহম্মদ,) নিশ্চয় পূর্ববর্তী ও পশ্চাত্তী লোকগণ নিরূপিত দিনে এক সময়েতে একত্রীভূত হইবে। ৫১। তৎপর নিশ্চয় তোমরা, হে বিপথগামী ও অসত্যারোপকারিগণ, অবশ্য জকুম তরুর (ফল) ভক্ষণ করিবে। ৫২+৫৩।+অনন্তর তদ্বারা উদরপূর্ণকারী হইবে। ৫৪। পরে তাহার উপর উষোদক পান করিবে। ৫৫। অবশেষে তৃষ্ণার্ত উষ্ট্রের পানের গায় পানকারী হইবে। ৫৬। বিচারের দিবসে ইহাই তাহাদের আতিথ্যোপহার। ৫৭। আমি তোমাদিগকে সৃষ্টি করিয়াছি, অনন্তর কেন তোমরা বিশ্বাস করিতেছ না? ৫৮। অবশেষে যাঃ জরায়ুতে নিষ্কিপ্ত হয়, তোমরা কি তাঃ দেখিয়া থাক? ৫৯। তোমরা কি তাহা সৃষ্টি কর, না, আমি সৃষ্টিকর্তা? ৬০। আমি তোমাদের মধ্যে মৃত্যু নির্দারণ করিয়াছি, এবং আমি তোমাদের সদৃশ অস্ত্র দলকে (তোমাদের স্থানে) পরিবর্তিত করিতে ও তোমরা জ্ঞাত নও, এমন স্থানে তোমাদিগকে সৃষ্টি করিতে কাতর নহি। ৬১+৬২। এবং সত্য সত্যই তোমরা প্রথম সৃষ্টি জ্ঞাত হইয়াছ, তবে কেন উপদেশ গ্রহণ করিতেছ না? ৬৩। যাহা তোমরা বপন কর, অনন্তর তাহা কি তোমরা দেখ? ৬৪। তোমরা কি অঙ্কুর উৎপাদন কর? না, আমি অঙ্কুরোৎপাদক? ৬৫। আমি ইচ্ছা করিলে তাহাকে চূর্ণ করিয়া ফেলি, পরে তোমরা বিস্মিত হও। ৬৬। (বল,) “নিশ্চয় আমরা প্রতিফল-প্রাপ্ত। ৬৭।+বরং আমরা বঞ্চিত”। ৬৮। অনন্তর তোমরা কি সেই জল দেখিয়াছ, যাহা পান করিয়া থাক? ৬৯। তোমরা কি তাহা মেঘ হইতে বর্ষণ করিয়াছ? অথবা আমি বর্ষণকারী? ৭০। যদি আমি ইচ্ছা করি, তবে তাহা বিশ্বাদ করিতে পারি; অনন্তর তোমরা কেন ধগবাদ করিতেছ না? ৭১। পরে সেই অগ্নি কি দেখিয়াছ, যাহা (বৃক্ষশাখা হইতে) প্রজ্জ্বলিত করিয়া থাকি? ৭২। তোমরা কি তাহার বৃক্ষকে সৃষ্টি করিয়াছ, অথবা আমি সৃষ্টিকর্তা? ৭৩। আমি পৃথিবী-দিগের জগৎ তাহাকে উপদেশ ও লাভস্বরূপ করিয়াছি। ৭৪। অনন্তর তুমি, (হে মোহম্মদ,) স্বীয় মহা প্রতিপালকের নামের স্তব করিতে থাক। ৭৫। (র, ২, আ, ৩৭)

অবশেষে নক্ষত্রমণ্ডলীর নিপাতভূমিসম্বন্ধে আমি শপথ করিতেছি *। ৭৬।+এবং যদি তোমরা বুঝিতে পার, নিশ্চয় তবে ইহা মঙ্গলপথ। ৭৭। নিশ্চয় ইহা গৌরবাঘিত কোর্-আন্। ৭৮। গুপ্ত গ্রন্থে (স্বর্গস্থ গ্রন্থে) হিত। ৭৯। পবিত্র পুরুষগণ ব্যতীত ইহাকে স্পর্শ করে না। ৮০। নির্খল জগতের প্রাতিপালক কর্তৃক (ইহা) অবতারণিত।

* এ স্থলে নক্ষত্রাকালী অর্থে কোর্-আনের বাক্যাবলী, নিপাতভূমি অর্থে হজরতের পবিত্র অস্ত্রঃকরণ।
এতদ্ভিন্ন অস্ত্র অনেক প্রকার অর্থ হইতে পারে। (ত, হো,

৮১। অনন্তর তোমরা কি এই বাণীর প্রতি অগ্রাহকারী? ৮২। এবং আপনাদের লভ্যাংশ এই কর যে, তোমরা অসত্যারোপ করিয়া থাক। ৮৩। অনন্তর কেন যখন প্রাণ কণ্ঠে উপস্থিত হয়, তোমরা তখন দেখিতে পাও না? ৮৪+৮৫।+এবং আমি তোমাদের অপেক্ষা তৎসম্বন্ধে নিকটতর, কিন্তু তোমরা দেখিতে পাও না। ৮৬। অনন্তর যদি তোমরা দণ্ডার্ন না হও, তবে তোমরা সত্যবাদী হইলে কেন তাহাকে (আত্মাকে) ফিরাইয়া লও না? ৮৭+৮৮। অবশেষে কিন্তু যদি (মৃত ব্যক্তি) (ঈশ্বরের) সান্নিধ্যবর্তীদিগের অন্তর্গত হয়, তবে আরাম ও সুগন্ধি পুষ্প এবং সম্পদের উদ্ভান আছে। ৮৯+৯০+৯১। এবং যদি কিন্তু দক্ষিণদিকের লোক হয়, তবে তোমার প্রতি দক্ষিণদিকের লোকের সেলাম আছে। ৯২+৯৩। এবং যদি কিন্তু বিপথগামী ও অসত্যারোপকারীদিগের অন্তর্গত হয়, তবে উষ্ণোদকের আতিথ্যোপহার এবং নরকে প্রবেশ। ৯৪। ইহা নিঃসন্দেহ সত্য। ৯৫। অনন্তর তুমি স্বীয় মহাপ্রতিপালকের নামের স্তব কর। ৯৬। (র, ৩, আ, ২১)

সূরা হদিদ *

.....

সপ্তপঞ্চাশত্তম অধ্যায়

.....

২৯ আয়ত, ৪ রকু

(দাতা দয়ালু পরমেশ্বরের নামে প্রবৃত্ত হইতেছি।)

যাহা স্বর্গে ও পৃথিবীতে আছে, তাহা ঈশ্বরকে স্তব করিতেছে; তিনি পরাক্রান্ত বিজ্ঞানময়। ১। তাঁহারই স্বর্গলোক ও পৃথিবীর রাজত্ব, তিনি বাচান ও মারেন, এবং তিনি সর্ববিষয়ে ক্ষমতাবান। ২। তিনি (সর্বতোভাবে) প্রথম ও অন্তিম, বাহ্য ও গুপ্ত, এবং তিনি সর্বজ্ঞ। ৩। তিনিই যিনি ষষ্ঠ দিবসে স্বর্গ ও মর্ত্য সৃজন করিয়াছেন, তৎপর উচ্চ স্বর্গের উপর স্থিতি করিয়াছেন; পৃথিবীতে যাহা উপস্থিত হয় ও যাহা তাহা হইতে বাহির হইয়া থাকে, এবং যাহা আকাশ হইতে অবতারিত হয় ও যাহা তথায় সমুখিত হইয়া থাকে, তিনি জ্ঞাত হন; এবং যেস্থানে তোমরা থাক, তিনি তথায় তোমাদের সঙ্গে থাকেন, এবং তোমরা যাহা করিয়া থাক, পরমেশ্বর তাহার দ্রষ্টা। ৪। স্বর্গ ও পৃথিবীর রাজত্ব তাঁহারই, এবং ঈশ্বরের দিকেই ক্রিয়া সকল প্রত্যাবর্ত্তিত হয়। ৫। তিনি রাত্রিকে

* এই সূরা মদিনাতে অবতীর্ণ হইয়াছে।

দিবার মধ্যে প্রবেশিত করেন ও দিবাকে রাত্রির মধ্যে প্রবেশিত করিয়া থাকেন, এবং তিনি অন্তরের রহস্যবিৎ । ৬ । তোমরা, (হে লোক সকল,) ঈশ্বর ও তাঁহার প্রেরিত-পুরুষের প্রতি বিশ্বাস স্থাপন কর, এবং যে বিষয়ে তোমাদিগকে তিনি উত্তরাধিকারী করিয়াছেন, তাহা হইতে ব্যয় করিতে থাক ; অনন্তর তোমাদের মধ্যে যাহারা বিশ্বাস স্থাপন ও (সদ্) ব্যয় করিয়াছে, তাহাদের জন্য মহাপুরস্কার আছে । ৭ । তোমাদের কি হইয়াছে যে, তোমরা ঈশ্বর ও প্রেরিতপুরুষের প্রতি বিশ্বাস স্থাপন করিতেছ না ? তিনি তোমাদিগকে স্বীয় প্রতিপালকের প্রতি বিশ্বাস স্থাপন করিবার জন্য ডাকিতেছেন ; যদি তোমরা বিশ্বাসী হও, তবে সত্যি তিনি তোমাদিগ হইতে অঙ্গীকার গ্রহণ করিয়াছেন । ৮ । তিনি যিনি স্বীয় দাসের প্রতি উজ্জল নিদর্শনাবলী প্রেরণ করেন, যেন তোমাদিগকে অঙ্ককার হইতে জ্যোতির দিকে বাহির করে ; নিশ্চয় ঈশ্বর তোমাদের প্রতি রূপাবান্ দয়ালু । ৯ । তোমাদের কি হইয়াছে যে, ঈশ্বরোদ্দেশে ব্যয় করিতেছ না ? স্বর্গ ও পৃথিবীর অধিকার ঈশ্বরেরই ; যে ব্যক্তি জয়লাভের পূর্বে দান করিয়াছে ও সংগ্রাম করিয়াছে, সে তোমাদের তুল্য নয় ; ইহার পদাঙ্গুসারে, যাহারা পরে ব্যয় করে ও যুদ্ধ করিয়া থাকে, তাহাদিগের অপেক্ষা শ্রেষ্ঠ । এবং পরমেশ্বর প্রত্যেকের সঙ্গে উত্তম অঙ্গীকার করিয়াছেন ও তোমরা যাহা করিয়া থাক, ঈশ্বর তাহার জ্ঞাত । ১০ । (র, ১, আ, ১০)

সে কে যে ঈশ্বরকে উত্তম ঋণে ঋণ দান করে ? অনন্তর তিনি তাহার জন্য দ্বিগুণ করেন, এবং তাহার নিমিত্ত মহা পুরস্কার আছে * । ১১ । যে দিবস তুমি, (হে মোহম্মদ,) বিশ্বাসী পুরুষ ও বিশ্বাসিনী নারীদিগকে দেখিবেন যে, তাহাদের জ্যোতি তাহাদের সম্মুখে ও তাহাদের দক্ষিণ দিকে সঞ্চার করিতেছে, (বলা হইবে,) “তোমাদের প্রতি স্তম্ভবাদ, অল্প স্বর্গোচ্চান সকল (তোমাদের জন্য,) উহার নিম্ন দিয়া পয়ঃপ্রণালী সকল প্রবাহিত হয়, তথায় তোমরা চিরনিবাসী হইবে, ইহাই সেই মহাক্কুতার্থতা” † । ১২ । যে দিবস কপট পুরুষ ও কপট নারীগণ বিশ্বাসীদিগকে বলিবে, “আমাদের প্রতি দৃষ্টিপাত কর; তোমাদের জ্যোতি হইতে আমরা জ্যোতি আকর্ষণ করিব;” তখন বলা হইবে, “তোমরা আপনাদের পশ্চাভাগে কিরিয়া যাও, পরে জ্যোতি অন্বেষণ করিও ।” অনন্তর তাহাদের মধ্যে এক প্রাচীর স্থাপিত হইবে, তাহার এক দ্বার থাকিবে, তাহার (প্রাচীরের) অভ্যন্তর ভাগে রূপা ও তাহার বহির্দেশে তাহার সম্মুখ দিকে শান্তি

* এ হলে ঈশ্বরকে ঋণদানের অর্থ, ধর্মযুদ্ধে অর্থ ব্যয় করা । যাহারা যুদ্ধে অর্থ দান করিয়া থাকে, তাহার পরলোকে তাহার দ্বিগুণ প্রাপ্ত হইবে । (ত, কা,)

† কেরামতের সময় ধার্মিক লোক সকল যখন সন্ধ্যা পোলের উপর দিয়া গমন করিবে, তখন ভয়ানক অঙ্ককার হইবে । বিশ্বাসের আলোক তাহাদের সঙ্গে সঙ্গে অগ্রে চলিবে, এবং দক্ষিণ দিকে যে সংকার্য সকল সঞ্চিত হয়, সেই দিকে আলোক সঞ্চারিত হইবে । (ত, কা,)

থাকিবে *। ১৩। তাহারা তাহাদিগকে (বিশ্বাসীদিগকে) ডাকিয়া বলিবে, “আমরা কি তোমাদের সঙ্গে ছিলাম না ?” তাহারা বলিবে, “হাঁ ছিলে, কিন্তু তোমরা আপনাদের জীবনকে বিপদগ্রস্ত করিয়াছ ও (আমাদের অকল্যাণ) প্রতীক্ষা করিয়াছ ; এবং সন্দেহ করিয়াছ ও বাসনা সকল তোমাদিগকে এতদূর প্রভারিত করিয়াছে যে, ঈশ্বরের আদেশ উপস্থিত হইল, আর প্রতারক (শয়তান) ঈশ্বরের (আদেশ) সম্বন্ধে তোমাদিগকে প্রভারিত করিল। ১৪। অনন্তর অগ্ন্যকার দিনে তোমাদিগ হইতে ও যাহারা ধর্মদ্রোহী হইয়াছে, তাহাদিগ হইতে অপরাধের বিনিময় গ্রহণ করা হইবে না ; তোমাদিগের আশ্রয়স্থান অগ্নি, উহাই তোমাদিগের বন্ধু, এবং (উহা) বিগর্হিত প্রত্যাবর্তনভূমি”। ১৫। যাহারা বিশ্বাস স্থাপন করিয়াছে, তাহাদের জ্ঞান কি সময় আসে নাই যে, ঈশ্বরের ও যে সত্য অবতীর্ণ হইয়াছে, তাহার প্রসঙ্গে তাহাদিগের অন্তঃকরণ নম্র হয়, এবং পূর্বে যাহাদিগকে গ্রন্থ প্রদান করা হইয়াছে, তাহাদের অহরূপ না হয় ? অনন্তর তাহাদের সম্বন্ধে কাল দীর্ঘ হইয়াছে, অবশেষে তাহাদের অন্তঃকরণ কঠিন হইয়া গিয়াছে, এবং তাহাদিগের অধিকাংশই পাষাণ। ১৬। জানিও, নিশ্চয় পরমেশ্বর পৃথিবীকে তাহার মৃত্যুর পর জীবিত করিয়া থাকেন ; সতাই আমি তোমাদের জ্ঞান নিদর্শনাবলী ব্যক্ত করিয়াছি, ভরসা যে, তোমরা জ্ঞান লাভ করিবে। ১৭। নিশ্চয় ধর্মার্থদাতা পুরুষ ও ধর্মার্থদাত্রী নারীগণ বস্তৃতঃ পরমেশ্বরকে উত্তম ঋণে ঋণ দান করিয়াছে ; তাহাদিগকে দ্বিগুণ দেওয়া হইবে, এবং তাহাদের জ্ঞান মহা পুরস্কার আছে। ১৮। যাহারা ঈশ্বরের ও তাহার প্রেরিতপুরুষের প্রতি বিশ্বাস স্থাপন করিয়াছে, ইহারাই তাহারা যে, সত্যবাদী ও স্বীয় প্রতিপালকের সন্নিধানে ধর্মযুদ্ধে নিহত ; তাহাদের জ্ঞান তাহাদের পুরস্কার ও তাহাদের জ্যোতি আছে। এবং যাহারা ধর্মদ্রোহী হইয়াছে ও আমার নিদর্শনাবলীর প্রতি অসত্যারোপ করিয়াছে, ইহারাই নরকলোকনিবাসী। ১৯। (র, ২, আ, ২)

তোমরা জানিও যে, পার্থিব জীবনে ক্রীড়া ও আমোদ, সৌন্দর্য্যঘটা ও আপনাদের মধ্যে গর্ষ হয়, এবং ধন ও সম্ভান সম্ভতিতে বৃদ্ধি হয় ; তাহা বারিবর্ষণসদৃশ, (তদ্বারা) যে অঙ্কুরোদগম হয়, কৃষকদিগকে আনন্দিত করে, তৎপর তাহা শুষ্ক হয়, পরে তাহাকে ভূমি পাণ্ডুবর্ণ দেখিয়া থাক, তৎপর চূর্ণীকৃত হয়। পরলোকে কঠিন শাস্তি আছে,

* প্রাচীরের ভিতরের দিকে অদূরে স্বর্গলোক, তথায় বিশ্বাসিগণ গমন করিবে। বাহিরের দিকে নরক, তথায় কপট লোকেরা বাইবে। কিন্তু কপট লোকেরা পশ্চাত্তাপে দৃষ্টি করিয়া কোন জ্যোতি দেখিতে পাইবে না। পরে বিশ্বাসী লোকদিগের প্রতি লক্ষ্য করিবে, তখন তাহাদের ও বিশ্বাসীদিগের মধ্যে যে এক প্রাচীর স্থাপিত, সেই প্রাচীরের একট দ্বার থাকিবে। তাহারা কাতর হইয়া সেই দ্বার দিয়া দৃষ্টি করিয়া বিশ্বাসীদিগকে দেখিবে যে, তাহারা আনন্দে স্বর্গোত্তানের দিকে বাইতেছেন।

(ত, হো,)

এবং ঈশ্বরের প্রসন্নতা ও ক্ষমা আছে ; পার্থিব জীবন প্রতারণার সামগ্রী ভিন্ন নহে । ২০ । স্বীয় প্রতিপালকের ক্ষমার দিকে ও সেই নভোমণ্ডল ও ভূমণ্ডলের তুল্য যাহার বিস্তৃতি, সেই স্বর্গলোকের দিকে তোমরা অগ্রসর হও ; যাহারা ঈশ্বরের ও তাঁহার প্রেরিতপুরুষের প্রতি বিশ্বাস স্থাপন করিয়াছে, তাহা তাহাদের জন্য রক্ষিত, ইহাই ঈশ্বরের করুণা ; তিনি যাহাকে ইচ্ছা করেন, তাহাকে দান করিয়া থাকেন, পরমেশ্বর মহা রূপাবান । ২১ । এমন কোন বিপদ ধরাতলে ও তোমাদের জীবনে উপস্থিত হয় না যে, তাহা উপস্থিত করিবার পূর্বে তাহা গ্রন্থে লিখিত হয় নাই ; নিশ্চয় ইহা ঈশ্বরের সম্বন্ধে সহজ । ২২ । যেন তাহাতে তোমরা, যাহা বিনষ্ট হইয়াছে, তৎসম্বন্ধে শোক না কর, এবং যাহা তোমাদের প্রতি সমাগত হইয়াছে, তৎসম্বন্ধে আহ্লাদিত না হও ; ঈশ্বর সমুদায় গর্ভিত আত্মাভিমানীকে প্রেম করেন না । ২৩ । যাহারা রূপগত করে ও লোকদিগকে রূপগত হইতে আদেশ করিয়া থাকে, এবং যে ব্যক্তি বিমুখ হয়, পরে নিশ্চয় সেই ঈশ্বর (তদ্বিষয়ে) নিকাম প্রশংসিত । ২৪ । সত্য সত্যই আমি স্বীয় প্রেরিতপুরুষদিগকে প্রমাণাবলী সহ প্রেরণ করিয়াছি; এবং তাহাদের সঙ্গে গ্রন্থ ও পরিমাণ-যন্ত্র (নিয়মপ্রণালী) অবতারণ করিয়াছি, যেন লোকসকল আয়েতে স্থিতি করে ; এবং আমি লৌহ অবতারণ করিয়াছি, তাহার মধ্যে গুরুতর সংগ্রাম ও মনুষ্যের জন্য লাভ আছে, এবং তাহাতে পরমেশ্বর জ্ঞাত হন যে, গোপনে কে তাঁহাকে ও তাঁহার প্রেরিতপুরুষকে সাহায্য দান করে । নিশ্চয় ঈশ্বর শক্তিশালী পরাক্রান্ত * । ২৫ । (র, ৩, আ, ৬)

এবং সত্য সত্যই আমি মুহাকে ও এব্রাহিমকে প্রেরণ করিয়াছি, এবং উভয়ের সম্ভানবর্গের মধ্যে প্রেরিতত্ব ও গ্রন্থ স্থাপন করিয়াছি ; অনন্তর তাহাদের কতক লোক পথপ্রাপ্ত এবং তাহাদের অধিকাংশ হুশ্চরিত্র হইয়াছে । ২৬ । তৎপর তাহাদের অন্তরঙ্গ আপন প্রেরিতপুরুষদিগকে আমি প্রেরণ করিয়াছিলাম, এবং মরয়মের পুত্র ঈসাকে প্রেরণ করিয়াছিলাম ও তাহাকে ইঞ্জিল গ্রন্থ দিয়াছিলাম ; এবং যাহারা তাহার অন্তরঙ্গ করিয়াছে, তাহাদের অন্তরে দয়া ও কোমলতা স্থাপন করিয়াছি । এবং সেই নিষ্কিনাশ্রয়, তাহারা তাহা আবিষ্কার করিয়াছে, ঈশ্বরের প্রসন্নতা অন্বেষণ ব্যতীত আমি তাহাদের সম্বন্ধে তাহা লিপি করি নাই ; অনন্তর তাহারা তাহার সত্যসংরক্ষণে তাহা

* ঈশ্বরের প্রেরিত জল, অগ্নি ও লবণ এবং লৌহ এই চারিটি জব্য বিশেষ শুভকর । লৌহ দ্বারা সমুদায় প্রয়োজনীয় কার্য সম্পাদনোপযোগী যন্ত্রাদি প্রস্তুত হয় ; তাহাতে এই বিশেষ লাভ হইয়া থাকে যে, শর, করবালাদি যুদ্ধায় নিৰ্ম্মিত হয় । তৎসাহায্যে কাকেরদিগের উপর বিধাসীদিগের জয়লাভ ও তাঁহাদের নগর আপদশূন্য হইয়া থাকে । গোপনে ঈশ্বরকে ও প্রেরিতপুরুষকে সাহায্যদানের অর্থ এই যে, প্রেরিতপুরুষের অসাক্ষাতে সাহায্য দান করা । কপট লোকেরা সাক্ষাতে হজরতের সহায়তা করিত, অসাক্ষাতে তাঁহার সপক্ষে থাকিত না ।

সংরক্ষণ করে নাই। পরে আমি তাহাদের মধ্যে যাহারা বিশ্বাস স্থাপন করিয়াছিল, তাহাদিগকে তাহাদের পুরস্কার প্রদান করিয়াছি, এবং তাহাদের অধিকাংশই পাষাণ ছিল *। ২৭। হে বিশ্বাসিগণ, তোমরা ঈশ্বরকে ভয় করিতে থাক ও তাঁহার প্রেরিত-পুরুষের প্রতি বিশ্বাস স্থাপন কর, তিনি স্বীয় অনুগ্রহের দুই ভাগ তোমাদিগকে প্রদান করিবেন, † এবং তোমাদের জন্ত জ্যোতি বিকীর্ণ করিবেন, তদ্বারা তোমরা চলিতে থাকিবে ও তিনি তোমাদিগকে ক্ষমা করিবেন; পরমেশ্বর ক্ষমাশীল ও দয়ালু। ২৮। † তাহাতে গ্রন্থাধিকারিগণ জানিবে যে, তাহারা ঈশ্বরের কোন উপকারসম্বন্ধে ক্ষমতা রাখে না, এবং উপকার ঈশ্বরের হস্তে আছে; তিনি যাহাকে ইচ্ছা করেন, তাহা বিধান করিয়া থাকেন। পরমেশ্বর মহোপকারী। ২৯। (র, ৪, আ, ৪)

সূরা মজাদলা ‡

.....

অষ্টপঞ্চাশত্তম অধ্যায়

.....

২২ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি।)

যে তোমার নিকটে, (হে মোহাম্মদ,) আপন স্বামিসম্বন্ধে বাদাত্তবাদ করিতেছে ও ঈশ্বরের নিকটে অভিযোগ করিতেছে, সতাই পরমেশ্বর সেই নারীর কথা শ্রবণ করিয়াছেন; এবং পরমেশ্বর তোমাদের দুইয়ের কথোপকথন শুনিতেছিলেন, নিশ্চয় ঈশ্বর শ্রোতা দ্রষ্টা §। ১। তোমাদের মধ্যে যাহারা স্বীয় ভাৰ্য্যাদিগকে (মাতা বলিয়া) পরিত্যাগ

* মহাপুরুষ ঈসার মণ্ডলীর অন্তর্গত কতিপয় লোক তাঁহার স্বর্গারোহণের পর ইঞ্জিলের বিধি অমান্য করিয়া কাকের হয়, কতিপয় লোক উক্ত ধর্ম্মে স্থিতি করিয়া পর্ব্বতে চলিয়া যায়, অবিবাহিত থাকিয়া অন্ন পান পরিত্যাগপূর্ব্বক কঠোর সাধনায় প্রবৃত্ত হয়। বস্তুতঃ তাহাদের প্রতি এই বিধি ছিল না। (ত, হো,)

† হজরত মোহাম্মদের প্রতি বিশ্বাস স্থাপন তাহাদের প্রতি ঈশ্বরের এক অনুগ্রহ এবং সাধারণ প্রেরিত-পুরুষদিগের প্রতি আর এক প্রকার অনুগ্রহ। (ত, হো,)

‡ এই সূরা মদিনাতে অবতীর্ণ হইয়াছে।

§ এক দিন সামেরতের পুত্র ওস্ স্বীয় ভাৰ্য্যা খওলার সঙ্গে মিলিত হইতে অভিলাষী হয়, খওলা অসম্মতি প্রকাশ করে। ওস্ তাহাতে ক্রুদ্ধ হইয়া বলে, “তুই আমার মাতৃতুল্য।” পৌত্তলিকতার

করে, তাহারা তাহাদের মাতা হয় না ; তাহাদের মাতা, যাহারা তাহাদিগকে প্রসব করিয়াছে, তাহারা ভিন্ন নহে, এবং নিশ্চয় তাহারা মিথ্যা (অবৈধ) কথা বলে । নিশ্চয় ঈশ্বর ক্রমাশীল মার্জ্জনাকারী * । ২ । এবং যাহারা আপন ভাৰ্য্যাগণকে বৰ্জ্জন করে, তৎপর যাহা বলিয়াছে, তৎপ্রতি (তাহা ভঙ্গ করিতে) ফিরিয়া আইসে, তবে উভয়ের সংস্পর্শ হওয়ার পূর্বে (একটি দাসের) গ্রীবামুক্তি (আবশ্যক,) এই (বিধি ;) এতদ্বারা তোমাদিগকে উপদেশ দেওয়া যাইতেছে, এবং তোমরা যাহা করিয়া থাক, ঈশ্বর তাহার জ্ঞাতা । ৩ । অনন্তর যে ব্যক্তি (দাস) প্রাপ্ত না হয়, পরে উভয়ের সংস্পর্শ হওয়ার পূর্বে ক্রমাশয়ে দুই মাস তাহার পক্ষে রোজাপালন (রিধি ;) অবশেষে যে ব্যক্তি অক্ষম হয়, পরে সে যার জন দরিদ্রকে ভোজ্য দান করিবে। ইহা এজ্ঞা যে, ঈশ্বর ও তাহার প্রেরিত-পুরুষের প্রতি তোমরা বিশ্বাস স্থাপন কর, ইহাই ঈশ্বরের সীমা ; এবং কাকেরদিগের জন্ত দুঃখজনক শাস্তি আছে † । ৪ । নিশ্চয় যাহারা পরমেশ্বর ও তাহার প্রেরিত-পুরুষের সঙ্গে বিরুদ্ধাচরণ করে, তাহাদের পূর্ববর্তিগণ যেমন লাহিত হইয়াছে, তদ্রূপ তাহারা লাহিত হয় ; সত্যই আমি স্পষ্ট নিদর্শনাবলী অবতারণ করিয়াছি, এবং ধর্ম্মপ্রোহীদিগের জন্ত দুর্গতির শাস্তি আছে । ৫ । যে দিবস পরমেশ্বর তাহাদিগকে একযোগে সমুখাপন করিবেন, তখন তাহারা যাহা করিয়াছে, তিনি তাহাদিগকে জানাইবেন ; পরমেশ্বর তাহা মনে রাখিয়াছেন ও তাহারা তাহা ভুলিয়াছে, ঈশ্বর সর্ববিষয়ে সাক্ষী । ৬ । (র, ১, আ, ৬)

তুমি কি, (হে মোহম্মদ,) দেখ নাই যে, ঈশ্বর স্বর্গেতে যে কিছু আছে ও পৃথিবীতে

সময়ে আরব্য পুরুষেরা এইরূপ উক্তি করিলেই ভাৰ্য্যা বর্জিত হইত। খওলা এই কথা শ্রবণ করিয়া হজরতের নিকটে যাইয়া অভিযোগ করে; হজরত বলেন, “তুমি ওসের সখ্কে অবৈধ হইয়াছ।” খওলা বলে, “সে আমাকে বর্জ্জন করে নাই।” ইহা শ্রবণ করিয়া হজরত কহেন, “বর্জ্জন করিয়াছে ভিন্ন আমি মনে করিতেছি ন, তুমি তাহার সখ্কে অবৈধ হইয়াছ।” অনেকগুলি শিশু সন্তান ছিল ও ওসের সঙ্গে বছকালের প্রণয় ছিল বলিয়া খওলা অত্যন্ত শোকার্ত হইল ও পুনর্ব্বার হজরতের নিকটে প্রার্থনা জানাইল, হজরত সেই উত্তরই প্রদান করিলেন। . তখন উর্দ্ধমুখে খওলা ঈশ্বরকে ডাকিয়া বলিল, “পরমেশ্বর, আমি তোমার নিকটে অভিযোগ উপস্থিত করিলাম।” তাহাতেই এই আয়ত অবতীর্ণ হয়। (ত, হো,)

* অর্থাৎ কোন নারীকে মা বলিলেই সে মা হয় না, গর্ভধারিণী ভিন্ন অন্য কেহ মাতা নহে।

(ত, হো,)

† অর্থাৎ যে ব্যক্তি স্ত্রীকে মা বলিয়া তাহার সহবাস হইতে বিরত হইয়াছে, সে যদি পুনরায় সেই স্ত্রীর সহবাস ইচ্ছা করে, তবে সহবাসের পূর্বে প্রারম্ভিক্তব্যরূপ তাহাকে একজন ক্রীতদাসের দাসত্ব মুক্ত করিতে হইবে। তদভাবে ক্রমাশয়ে দুই মাস রোজাপালনের বিধি। তাহাতে অক্ষম হইলে, যার জন দরিদ্রকে অন্ন ব্যঞ্জন প্রস্তুত করিয়া দুই বেলা প্রচুররূপে ভোজন করাইবে।

(ত, হো,)

যে কিছু আছে জানিতেছেন ; (এমন) তিন জনের পরস্পর গুপ্ত কথা হয় না যে, তিনি তাহাদের চতুর্থ নহেন, এবং (এমন) পাঁচ জন নহে যে, তিনি তাহাদের ষষ্ঠ নহেন, এবং যে স্থানে হউক, এমন এতদপেক্ষা নূন ও অধিকাংশ লোক নয় যে, তিনি তাহাদের সঙ্গে নহেন। তৎপর তাহারা যাহা করিয়াছে, কেয়ামতের দিনে তিনি তাহাদিগকে তাহা আনাইবেন ; নিশ্চয় ঈশ্বর সর্ববিষয়ে জ্ঞানী * । ৭ । পরস্পর গুপ্ত কথনে যাহারা নিষিদ্ধ হইয়াছে, তাহাদের প্রতি কি তুমি দৃষ্টি কর নাই ? তাহারা যে বিষয়ে নিষিদ্ধ হইয়াছে, তৎপর তাহার প্রতি পুনঃ প্রবৃত্ত হয়, এবং পাপ ও শক্রতা এবং প্রেরিতপুরুষের প্রতি অবাধ্যতাচরণবিষয়ে গোপনে কথোপকথন করে ; যখন তোমার নিকটে উপস্থিত হয়, ঈশ্বর যে (বাক্য) দ্বারা তোমাকে আশীর্বাদ করেন নাই, তৎসহযোগে তোমাকে আশীর্বাদ করিয়া থাকে, এবং আপন মনেতে বলে, যাহা আমরা বলিয়া থাকি, তজ্জন্ত কেন ঈশ্বর আমাদের প্রতি শাস্তি দান করেন না ? তাহাদের জন্ত নরকলোক যথেষ্ট, তাহারা তাহাতে প্রবেশ করিবে, অনন্তর (উহা) বিগর্হিত স্থান † । ৮ । হে বিশ্বাসিগণ, যখন তোমরা পরস্পর গোপনে কথা বল, তখন পাপ ও শক্রতা এবং প্রেরিতপুরুষের প্রতি অবাধ্যতাচরণবিষয়ে গুপ্ত কথোপকথন করিও না ; এবং শুভাচরণ ও বৈরাগ্যবিষয়ে গোপনে প্রসঙ্গ করিও ও যাহার দিকে তোমরা সমুখিত হইবে, সেই ঈশ্বরকে ভয় করিও । ৯ । বিশ্বাসীদিগকে বিষয় করিতে শয়তানের গুপ্ত কথোপকথন, এতদ্বিত্ত নহে ; ঈশ্বরের আদেশ ব্যতীত সে তাহাদের কিছুই অনিষ্টকারক নহে, অতএব বিশ্বাসিগণ যেন ঈশ্বরের প্রতি নির্ভর করে । ১০ । হে বিশ্বাসিগণ, যখন তোমাদিগকে বলা হয় যে, সভাতে (স্থান) প্রমুক্ত রাখিও, তখন স্থান প্রমুক্ত করিও, ঈশ্বর তোমাদের জন্ত প্রমুক্তি বিধান করিবেন, এবং যখন বলা হয়, তোমরা উঠ, তখন উঠিও ; তোমাদের মধ্যে যাহারা বিশ্বাসী ও যাহাদিগকে পদাভ্যুত্থানে জ্ঞান প্রদত্ত হইয়াছে, তাহাদিগকে পরমেশ্বর সমুন্নত করিবেন । তোমরা যাহা করিয়া থাক, ঈশ্বর তাহার

* এক দিন ওমরের পুত্র রোবয় ও রোবয়ের ভ্রাতা জয়ব ওমিয়ার পুত্র সফওয়ানের সঙ্গে কথোপকথন করিতেছিল। এক জন বলিল, আমরা যাহা বলি, ঈশ্বর কি তাহা জানেন ? অজ্ঞ ব্যক্তি বলিল, কতক জানেন না। তৃতীয় জন বলিল, যদি কতক জানেন, তবে সমুদায় জানিয়া থাকেন, যেহেতু তাহার জ্ঞানে প্রতিবন্ধকতা নাই। তাহাতেই এই আয়ত অবতীর্ণ হয়। (ভ, হো,)

† ইহদি ও কপট লোকদিগের একরূপ স্বভাব ছিল যে, যখন হজরত কোথাও সৈন্ত প্রেরণ করিতেন ও তাহাদের সংবাদ আসিতে বিলম্ব হইত, তখন তাহারা গণপ্রান্তে বসিয়া এই ভাবে আকার ইঙ্গিতে পরস্পর কথোপকথন করিত যে, বিশ্বাসী লোকেরা তাহা শ্রবণ করিয়া মনে করিত যে, প্রেরিত সৈন্তদলের যোয় বিপদ ঘটনাছে, ইহা ভাবিয়া তাহারা মহা শোকার্ত হইত। হজরত ইহা শ্রবণ করিয়া তাহাদিগকে ভ্রূপ কথোপকথন করিতে নিষেধ করেন। তাহারা তিন দিবস নিষেধ মান্ত করে, পরে আবার ভ্রূপ আচরণে প্রবৃত্ত হয়। তাহাতেই এই আয়ত অবতীর্ণ হয়। (ভ, হো,)

জ্ঞাতা *। ১১। হে বিশ্বাসিগণ, যখন তোমরা প্রেরিতপুরুষের সঙ্গে গোপনে কথোপকথন কর, তখন স্বীয় গুপ্ত কথনের পূর্বে কিছু খয়রাত (ধর্মার্থ দান) উপস্থিত করিও, ইহা তোমাদের জন্ত মঙ্গল ও পরম পুণ্য ; অনন্তর যদি (দানের সামগ্রী) প্রাপ্ত না হও, তবে নিশ্চয় ঈশ্বর ক্ষমাশীল দয়ালু ন। ১২। তোমরা কি স্বীয় গুপ্ত কথনের পূর্বে খয়রাত উপস্থিত করিতে ভয় পাইলে ? অনন্তর যখন কর নাই, এবং ঈশ্বর তোমাদের প্রতি প্রত্যাভূত হইয়াছেন, তখন উপাসনাকে প্রতিষ্ঠিত রাখ ও জ্ঞাত দান কর, এবং পরমেশ্বর ও তাঁহার প্রেরিতপুরুষের অহুগত হও ; তোমরা যাহা করিয়া থাক, ঈশ্বর তাহার তত্ত্বজ্ঞ। ১৩। (র, ২, আ, ৭)

এক দলের সঙ্গে যাহারা প্রণয় স্থাপন করিয়াছিল, ঈশ্বর যাহাদের প্রতি ক্রোধ করিয়াছিলেন, তুমি, (হে মোহম্মদ,) তাহাদিগের প্রতি কি দৃষ্টি কর নাই ? তাহারা তোমাদেরও নহে এবং তাহাদেরও নহে, তাহারা অসত্যে শপথ করে, অথচ তাহারা বুঝিতেছে ঃ। ১৪। পরমেশ্বর তাহাদের জন্ত কঠিন শাস্তি প্রস্তুত রাখিয়াছেন, নিশ্চয় তাহারা যাহা করিতেছে, তাহা অন্তত। ১৫। তাহারা আপনাদের শপথকে ঢালরূপে গ্রহণ করিয়াছে, পরে ঈশ্বরের পথ হইতে (লোকদিগকে) অবরুদ্ধ রাখিয়াছে, অবশেষে তাহাদের জন্ত লাঞ্ছনাজনক শাস্তি আছে। ১৬। তাহাদিগের ধন সম্পত্তি ও তাহাদিগের সমস্ত সন্ততি ঈশ্বরের (শাস্তির) কিছুই তাহাদিগ হইতে নিবারণ করিবে না ; ইহাৱাই

* বদরের রণক্ষেত্রের এক দল লোক আসিয়া হজরতের সভায় উপস্থিত হয়। কতিপয় ধর্মবন্ধু হজরতকে ঘেরিয়া বসিয়াছিলেন। বদরের লোকগণ সেলাম করিয়া মস্জিদের মধ্যে দণ্ডায়মান থাকে, কেহ তাহাদিগকে স্থান দান করে না। তখন হজরত বলেন, হে অমুক, হে অমুক, গাত্ৰোত্থান কর ; তখন তাহারা উঠিয়া বদরনিবাসীদিগকে স্থান দান করেন। উহা দেখিয়া কপট লোকেরা পরস্পর বলাবলি করিতে থাকে। তাহাতে এই আয়ত অবতীর্ণ হয়। (ত, হো,)

+ হজরতের সঙ্গে গোপনে কথা কহিবার জন্ত তাঁহার নিকটে লোকের ভিড় হইত ; ক্রমে এত লোকের সমাগম হইতে থাকে যে, কথা কহিতে তাঁহার অবকাশ হইয়া উঠে না। তাহাতেই এই আয়ত অবতীর্ণ হয়। কথিত আছে, খয়রাতের নিয়ম দশ দিন পর্যন্ত ছিল, পরে তাহা রহিত হয়। মহান্সা আলি এক এক দিন এক একটা স্বর্ণমুদ্রা দান করিয়া কথোপকথন করিয়াছিলেন। কেহ কেহ বলেন, এক দিন এক দণ্ড মাত্র তিনি এ কার্য্য করিয়াছিলেন, অল্প কেহ নহে। (ত, হো,)

‡ নবতলের পুত্র আবদোল্লা এক জন কপট লোক ছিল। সে প্রেরিতপুরুষের সহবাসে থাকিত ও তাঁহার কথা শুনিয়া ইহুদিদিগকে যাইয়া বলিত। এক দিবস হজরত কতিপয় ধর্মবন্ধু সহ কুঠারে ছিলেন। তখন তিনি বন্ধুদিগকে বলিলেন যে, এক্ষণ এমন এক জন লোক আসিবে, তাহার মন অহঙ্কৃত ও উচ্ছৃঙ্খল হয়, এবং সে শয়তানের দৃষ্টিতে দর্শন করে। ইতিমধ্যে অকস্মাৎ আবদোল্লা উপস্থিত হইল। হজরত তাহাকে দেখিয়াই বলেন, তুমি কেন আমাকে গালি দাও ও তোমার অমুক অমুক বন্ধু গালি দিয়া থাকে ? আবদোল্লা ও তাহার বন্ধুগণ শপথ করিয়া বলিল যে, কখনই আমরা একপ্রাণ অপরাধ করি নাই। তাহাতে এই আয়ত অবতীর্ণ হয়। (ত, হো,)

নরকানলনিবাসী, তথায় তাহারা চিরস্থায়ী হইবে। ১৭। যে দিবস পরমেশ্বর তাহাদিগকে যুগপৎ সমুৎপাদন করিবেন, তখন তাহারা তাঁহার সম্বন্ধে শপথ করিবে, যেমন তোমাদের প্রতি শপথ করিয়া থাকে, এবং মনে করে যে, তাহারা কোন বিষয়ের উপর স্থিতি করিতেছে ; জানিও, নিশ্চয়ই তাহারা মিথ্যাবাদী। ১৮। তাহাদের উপর শয়তান বিজয় লাভ করিয়াছে, অনন্তর ঈশ্বরস্বরূপে তাহাদিগকে বিন্ধিত করিয়া তুলিয়াছে, ইহারাই শয়তানের লোক ; জানিও, নিশ্চয় সেই সকল শয়তানের দল ক্ষতিগ্রস্ত হয়। ১৯। নিশ্চয় যাহারা ঈশ্বর ও তাঁহার প্রেরিতপুরুষের সঙ্গে প্রতিদ্বন্দ্বিতা করিয়া থাকে, ইহারাই অতিশয় লাজ্বনার মধ্যে আছে। ২০। পরমেশ্বর লিখিয়াছেন যে, অবশ্য আমি বিজয়ী হইব ও আমার প্রেরিতপুরুষগণ (বিজয়ী হইবে ;) নিশ্চয় ঈশ্বর শক্তিশালী পরাক্রান্ত। ২১। তুমি (এমন) কোন সম্প্রদায়কে পাইবে না, যে ঈশ্বর ও পরলোকের প্রতি বিশ্বাস স্থাপন করে, যাহারা ঈশ্বর ও তাঁহার প্রেরিতপুরুষের সঙ্গে প্রতিদ্বন্দ্বিতা করিয়া থাকে, যদিচ তাহারা তাহাদের পিতা ও তাহাদের সন্তান এবং তাহাদের কুটুম্ব হয়, তাহাদের প্রতি আবার বন্ধুতা স্থাপন করে ; ইহারাই যে, তিনি তাহাদের অন্তরে ধর্ম লিখিয়াছেন, এবং আপনার প্রাণ দ্বারা তাহাদিগকে সাহায্য দান করিয়াছেন, এবং যাহার ভিতর দিয়া জলপ্রণালী সকল প্রবাহিত হয়, তিনি তাহাদিগকে সেই স্বর্গোচ্চানে লইয়া যাইবেন, তথায় তাহারা চিরস্থায়ী হইবে। তাহাদের প্রতি ঈশ্বর সন্তুষ্ট হইয়াছেন ও তাহারা তাঁহার প্রতি সন্তুষ্ট হইয়াছে ; ইহারাই ঈশ্বরের সম্প্রদায়, জানিও, নিশ্চয় ঈশ্বরের লোক তাহারা হয়, তাহারা মুক্ত হইবে। ২২। (র, ৩, আ, ৯)

সূরা হশর *

.....

উনষষ্ঠিতম অধ্যায়

.....

২৪ আয়ত, ৩ রকু

(দাতা দয়ালু পরমেশ্বরের নামে প্রবৃত্ত হইতেছি ।)

স্বর্গেতে যে কিছু আছে ও পৃথিবীতে যে কিছু আছে, তৎসমুদায় ঈশ্বরকে স্তব করিতেছে, এবং তিনি পরাক্রান্ত জ্ঞানগয়। ১। তিনিই, যিনি গৃহাধিকারীর মধ্যে যাহার ধর্মজ্যোতী হইয়াছিল, তাহাদিগকে প্রথম সৈন্যসংগ্রহে তাহাদের গৃহ হইতে বাহির করিয়া-

* এই সূরা মদিনাতে অবতীর্ণ হইয়াছে।

ছিলেন ; তোমরা, (হে মোসলমানগণ,) মনে কর নাই যে, তাহারা বাহির হইবে, এবং তাহারা মনে করিয়াছিল যে, তাহাদের দুর্গ সকল ঈশ্বরের (শাস্তি) হইতে তাহাদিগের পক্ষে প্রতিরোধক হইবে। অনন্তর তাহারা যাহা মনে করে নাই, সেই স্থান হইতে ঈশ্বরের (শাস্তি) তাহাদিগের প্রতি উপস্থিত হইল ও তাহাদের অন্তরে ভয় নিক্ষেপ করিল, এবং তাহারা আপনাদের গৃহপুঞ্জ স্বহস্তে ও বিশ্বাসীদিগের হস্তে নষ্ট করিতে লাগিল ; অবশেষে, হে চক্ষুমান লোক সকল, তোমরা শিক্ষা লাভ কর *। ২। এবং যদি পরমেশ্বর তাহাদের প্রতি দেশচ্যুতি লিপি না করিতেন, তবে অবশ্য পৃথিবীতে তাহাদিগকে শাস্তি দিতেন, এবং পরলোকে তাহাদের জ্ঞাত অগ্নিদণ্ড রহিয়াছে। ৩। ইহা এজ্ঞাত যে, তাহারা পরমেশ্বর ও তাঁহার প্রেরিতপুরুষের সঙ্গে বিরোধ করিয়াছে, এবং যে ব্যক্তি ঈশ্বরের সঙ্গে শত্রুতা করে, পরে নিশ্চয় পরমেশ্বর (তাহার সম্বন্ধে) কঠিন শাস্তিদাতা হন। ৪। তোমরা যে খোশ্মাতরু ছেদন করিয়াছ, অথবা তাহা আপন মূলোপরি দণ্ডায়মান থাকিতে রাখিয়াছ, তাহা ঈশ্বরের আজ্ঞাক্রমেই হইয়াছে, এবং তাহাতে চুরাচারগণ লাক্ষিত হইয়া থাকে †। ৫। পরমেশ্বর আপন প্রেরিতপুরুষের প্রতি তাহাদের যাহা কিছু প্রত্যর্পণ করিলেন, তৎপ্রতি তোমরা, (হে বিশ্বাসিগণ,) অশ্ব ও উষ্ট্র চালনা কর নাই ; কিন্তু পরমেশ্বর স্বীয় প্রেরিতপুরুষকে যাহার উপর ইচ্ছা করেন, বিজয়ী করিয়া থাকেন, এবং ঈশ্বর সর্বোপরি ক্ষমতাশীল ‡। ৬। পরমেশ্বর

* মদিনার চারি পাঁচ কোশ অন্তরে একদল ইহুদি বাস করিত, তাহারা নজিরগোষ্ঠী বলিয়া পরিচিত। প্রথমতঃ তাহারা হজরতের সঙ্গে সন্ধি স্থাপন করিয়াছিল। পরে মক্কার কান্ধেরদিগের সঙ্গে পত্রাদি দ্বারা যোগ স্থাপন করে এবং একদিন হজরত যেখানে বসিয়াছিলেন, তাহাদের ক্ষেহ উপর হইতে সেই স্থানে একটি বৃহৎ গাঁত। যত্র ফেলিয়া দেয় : তাহা তাঁহার উপর পড়িলে তাঁহার মস্তক চূর্ণ হইয়া যাইত, ঈশ্বর রক্ষা করিলেন। তখন হইতে হজরত তাহাদের সঙ্গে যুদ্ধ করিবার উদ্দেশে মোসলমানদিগকে একত্রিত করেন। যখন তিনি সদলবলে যাইয়া তাহাদিগকে আবেষ্টন করিলেন, তখন তাহারা ভয় পাইল। তাহারা হজরতের শরণাপন্ন হইল। তিনি তাহাদিগকে অভয়দান করিলেন, এবং স্থান ত্যাগ করিয়া চলিয়া যাইতে বলিলেন। তাহারা যে সমস্ত ধনসম্পত্তি সঙ্গে লইয়া যাইতে পারিবে, তাহা লইয়া যাইতে অনুমতি করিলেন। তাহাদের গৃহ, উদ্যান, শত্ৰুকেত্রাদি হজরতের হস্তগত হইল। তাহাদের গৃহাদি উচ্ছিন্ন হইল। (ত, হো,)

† নজিরগোষ্ঠীর প্রতি আক্রমণ করার সময় পুরাতন খোশ্মাতরু রাখিয়া নূতন তরুগুলিকে ছেদন করিতে সৈন্তদিগের প্রতি হজরতের আদেশ হইয়াছিল। সলামের পুত্র অবদোলা ও আবুলয়লা এই কার্যে নিযুক্ত হইয়াছিলেন। আবুলয়লা বৃক্ষচ্ছেদন করিতেছিল, আর বলিতেছিল যে, এতদ্বারা কপটিদিগের হৃদয় ছিন্ন করিতেছি। অবদোলা মহা উৎসাহে বৃক্ষ কাটিতেছিল, এবং বলিতেছিল যে, জানিতেছি, পরমেশ্বর এই সকল বৃক্ষ মোসলমানদের হস্তে পুনঃ প্রদান করিবেন ; যে সকল খোশ্মাতরু উৎকৃষ্ট, তাহা তাঁহাদের জ্ঞাত রাখিতেছি। (ত, হো,)

‡ নজিরবংশীয় লোকেরা স্থানান্তরিত হইবার সময় পঞ্চাশটি বর্ষ ও পঞ্চাশটি পতাকা এবং তিন শত চল্লিশটি করবাল ফেলিয়া যায়। তাহাদের ধনসম্পত্তি গৃহাদি সমুদায় হজরত অধিকার করেন,

গ্রামবাসীদিগের যে কিছু স্বীয় প্রেরিতপুরুষের প্রতি প্রত্যাৰ্পণ করিয়াছেন, তাহা ঈশ্বরের ও প্রেরিতপুরুষের ও (তাহার) স্বজনবর্গের এবং অনাথদিগের ও দরিদ্রদিগের এবং পথিকদিগের জন্ত হয়, যেন তাহা তোমাদের ধনীদিগের মধ্যে হস্তে হস্তে গৃহীত না হয় ; এবং প্রেরিতপুরুষ তোমাদিগকে যাহা দান করে, পরে তোমরা তাহা গ্রহণ করিও, এবং তোমাদিগকে যাহা নিষেধ করে, পরে তাহা হইতে তোমরা নিবৃত্ত থাকিও, এবং ঈশ্বরকে ভয় করিও, নিশ্চয় ঈশ্বর কঠিন শাস্তিদাতা * । ৭ । + যাহারা ঈশ্বরের প্রসন্নতা ও রূপা অন্বেষণ এবং ঈশ্বরকে ও তাঁহার প্রেরিতপুরুষকে সাহায্য দান করিতে গিয়া স্বীয় গৃহ ও সম্পত্তি হইতে বহিষ্কৃত হইয়াছে, সেই দেশত্যাগী নির্ধন পুরুষদিগের জন্ত ধনের অংশ আছে ; ইহারাই তাহারা যে সত্যবাদী । ৮ । এবং যাহারা ইহাদের (মোহাজেরদিগের) পূর্বে আলে (মদিনাতে) ও বিশ্বাসে (এসলাম ধর্মে) স্থিতি করিয়াছিল, যে ব্যক্তি তাহাদের অভিমুখে দেশত্যাগ করিয়া চলিয়া আসিয়াছিল, তাহাকে ভালবাসে, এবং যাহা (দেশচ্যুত লোকদিগকে) প্রদত্ত হয়, তাহাতে আপন অন্তরে কোন স্পৃহা উপলব্ধি করে না, এবং যদিচ তাহাদের অভাব থাকে, তথাপি (অন্তরে) আপন (বস্তুর) প্রতি অধিকার দান করে, এবং যাহারা আপন জীবনকে রূপণত হইতে রক্ষা করিয়াছে, তাহাদের জন্ত (ধনের অংশ আছে ;) অনন্তর তাহারা ইহারা যে, মুক্ত হইবে ৭ । ৯ । এবং যাহারা

এবং তিনি স্বেচ্ছানুসারে এক এক বস্তু আপন অনুগত এক এক জনকে প্রদান করিয়াছিলেন । “তৎপ্রতি তোমরা অশ্ব ও উষ্ট্র চালনা কর নাই,” অর্থাৎ এই সকল সম্পত্তি হস্তগত করিবার জন্ত অস্বাভাবিক বা উষ্ট্রারোহণে যাইয়া তোমাদিগকে বিশেষ যত্ন করিতে হয় নাই ও রেশ পাইতে হয় নাই । (ত, হো,)

* পৌত্তলিক লোকেরা যে সকল সামগ্রী লুণ্ঠন করিত, তাহাদের দলপতি তাহার চতুর্থাংশ লইত, এবং আর এক অংশ উপচৌকন বলিয়া আপনাদিগের জন্ত গ্রহণ করিত, সেই অংশের নাম সফি । দলপতি অবশিষ্টাংশ দলের জন্ত রাখিয়া দিত, দলের ধনী লোকেরা আপনাদের মধ্যে তাহা ভাগ করিয়া লইত, দরিদ্রগণ বঞ্চিত থাকিত । নজিরগোষ্ঠীর লুণ্ঠিত দ্রব্যজাতের সম্বন্ধে তদ্রূপ আচরণ হইবে, বিশ্বাসিমণ্ডলীর প্রধান প্রধান লোকেরা মনে করিয়া হজরতকে বলিয়াছিলেন, “প্রেরিত মহাপুরুষ, আপনি লুণ্ঠিত সামগ্রীর চতুর্থাংশ ও সফি গ্রহণ করুন, আমরা অবশিষ্টাংশ বিভাগ করিয়া লই ।” কিন্তু পরমেশ্বর সেই ধনে হজরতের স্বত্ব স্থাপন করেন । আরতোল্লিখিত বিধি অনুসারে তাহার এক এক অংশ যথাযোগ্য পাত্রে বিভক্ত হয় ; যে অংশ ঈশ্বরের জন্ত নিশ্চিত, তাহা মস্জিদ ও কাবামন্দিরসংস্কারে ব্যয়িত হইতে থাকে । (ত, হো,)

+ হজরত আনসার লোকদিগকে ডাকিয়া মোহাজের (দেশত্যাগী) সম্প্রদায়ের প্রতি তাহাদের অনুগ্রহ ও আনুকূল্য উল্লেখ করিয়া বলিলেন “হে আনসারসম্প্রদায়, যদি ইচ্ছা কর, নজিরগোষ্ঠীর ধনসম্পত্তি তোমাদিগকে বিভাগ করিয়া দিতে পারি । মোহাজেরদল পূর্ববৎ তোমাদের নিবাসে স্থিতি করিবে, এবং তোমরা ইচ্ছা করিলে সম্পত্তি মোহাজেরদিগকে দান করিবে, তাহারা তোমাদের বাসস্থান পরিত্যাগ করিয়া চলিয়া যাইবে ।” ইহা শুনিয়া ওকাসের পুত্র সাদ ও মাজের পুত্র সাদ এবং এযাদার পুত্র সাদ যে মদিনাবাসী আনসারদিগের অগ্রণী ছিলেন, বলিলেন, “প্রেরিত

ইহাদের পরে উপস্থিত হইয়াছে, তাহারা বলিতেছে, “হে আমাদের প্রতিপালক, তুমি আমাদের জন্ত এবং যাহারা বিশ্বাসে আমাদের অগ্রে গমন করিয়াছে, আমাদের সেই ভ্রাতাদের জন্ত ক্ষমা কর, এবং যাহারা বিশ্বাস স্থাপন করিয়াছে, তাহাদের সম্বন্ধে তুমি আমাদের সম্বন্ধে দীর্ঘা প্রদান করিও না; হে আমাদের প্রতিপালক, নিশ্চয় তুমি অহুগ্রহকারক দয়াময়।” ১০। (র, ১, আ, ১০)

কপট লোকদিগের দিকে, (হে মোহম্মদ,) তুমি কি দৃষ্টি কর নাই? তাহারা, গ্রন্থাধিকারীদিগের মধ্যে যাহারা কাকের হইয়াছে, সেই আপন ভ্রাতাদিগকে বলিয়া থাকে, “যদি তোমরা বহিষ্কৃত হও, তবে অবশ্য আমরা তোমাদের সঙ্গে বহির্গত হইব, এবং আমরা কখনও তোমাদের বিষয়ে কাহারও অহুগ্রহ হইব না ও যদি তোমাদের সঙ্গে সংগ্রাম করা হয়, তবে অবশ্য আমরা তোমাদিগকে সাহায্য দান করিব;” এবং ঈশ্বর সাক্ষ্য দান করিতেছেন যে, নিশ্চয় তাহারা মিথ্যাবাদী *। ১১। যদি তাহারা বহিষ্কৃত হয়, ইহারা তাহাদের সঙ্গে বহির্গত হইবে না, এবং যদি যুদ্ধ করা হয়, তবে তাহাদিগকে সাহায্য দানও করিবে না, এবং যদি তাহাদিগকে সাহায্য দানও করে, তবে অবশ্য (পরে) পৃষ্ঠভঙ্গ দিয়া ফিরিয়া যাইবে, তৎপর সাহায্য প্রদত্ত হইবে না। ১২। অবশ্য, (হে মোসলমানগণ,) তাহাদের অন্তরে ঈশ্বর অপেক্ষা তোমরা ভয়সম্বন্ধে প্রবল হও, ইহা এজ্ঞা যে, তাহারা (এমন) একদল যে, জ্ঞান রাখে না। ১৩। দুর্গসম্বন্ধিত গ্রামেতে অথবা প্রাচীরের পশ্চাদ্দেশ হইতে ব্যতীত দলবদ্ধ ভাবে তাহারা তোমাদের সঙ্গে যুদ্ধ করিবে না, তাহাদের সংগ্রাম তাহাদের মধ্যে স্তব্ধ হইবে; তুমি তাহাদিগকে দলবদ্ধ মনে করিতেছ, কিন্তু তাহাদের অন্তঃকরণ বিক্ষিপ্ত, ইহা এজ্ঞা যে, তাহারা (এমন) একদল যে, জ্ঞান রাখে না। ১৪। তাহাদের অল্প পূর্বে যাহারা আপন কার্যের দুর্গতি ভোগ করিয়াছে, তাহাদের অবস্থা সদৃশ (ইহাদের অবস্থা হইবে,) এবং ইহাদের জন্ত দুঃখজনক শাস্তি আছে†। ১৫। শয়তানের অবস্থার তুল্য (তাহাদের অবস্থা;)

নহাপুরুষ, আমাদের ইচ্ছা যে, ধনসম্পত্তি সমুদায় মোহাম্মদেরদিগকে ভাগ করিয়া দেন, এবং তাহারা সেইরূপ আমাদের আলয়ে বাস করেন, তাহাতে তাহাদের দ্বারা আমাদের আবাস উজ্জল ও পবিত্র হইবে।” ইহা শ্রবণ করিয়া হজরত তাহাদের প্রতি আশীর্বাদ করিলেন, এবং পরমেশ্বর তাহাদের সম্বন্ধে এইরূপ বলিলেন। (ত, হো,)

* এমন আরিও এমন নব্বতন এবং রফাআ ও তাহাদের দলস্থ লোকেরা নজির-পরিবারকে এই সংবাদ জ্ঞাপন করে, “তোমাদের সঙ্গে আমাদের ঐক্য আছে, তোমরা মোহাম্মদের সঙ্গে যে যুদ্ধে প্রবৃত্ত হইয়াছ, আমরা তদ্বিষয়ে তোমাদিগকে সাহায্য দান করিব। তোমাদের সঙ্গে আমাদের সম্পূর্ণ যোগ রহিল। যদি মোহাম্মদ তোমাদের উপর জয়ী হয়, এবং তোমাদিগকে নির্বাসিত করে, আমরা তোমাদের সঙ্গে মিলিত হইব।” এই উপলক্ষে এই আশ্রিত অবতীর্ণ হয়। (ত, হো,)

† অর্থাৎ কিয়দ্দিন পূর্বে বদরের যুদ্ধে কাকেরদিগের যে দুর্দশা ঘটিয়াছিল, এই নজির-গোষ্ঠীরও স্তাছাই ঘটবে। (ত, ফা,)

(স্মরণ কর,) যখন সে মনুষ্যকে “ধৰ্ম্মদ্রোহী হও” বলিল, পরে যখন ধৰ্ম্মদ্রোহী হইল, তখন সে বলিল, “নিশ্চয় আমি তোমার প্রতি বীতরাগ, নিশ্চয় আমি বিশ্বপালক পরমেশ্বরকে ভয় করি” * । ১৬ । অনন্তর উভয়ের (এই) পরিণাম হইল, নিশ্চয় উভয়ে (শয়তান ও সেই মনুষ্য) নরকারিতে থাকিবে, তথায় নিত্য নিবাসী হইবে, এবং অত্যাচারীদিগের জন্ত এই বিনিময় । ১৭ । (র, ২, আ, ৭)

হে বিশ্বাসিগণ, তোমরা ঈশ্বরকে ভয় করিতে থাক, এবং উচিত যে, প্রত্যেক ব্যক্তি, যাহা কল্যাকার (পরকালের) জন্ত পাঠাইয়াছে, তাহা চিন্তা করে ; এবং তোমরা ঈশ্বরকে ভয় করিতে থাক, তোমরা যাহা করিয়া থাক, নিশ্চয় পরমেশ্বর তাহার জ্ঞাত । ১৮ । এবং যাহারা ঈশ্বরকে ভুলিয়া গিয়াছে, তোমরা তাহাদের সদৃশ হইও না ; অনন্তর তিনি তাহাদিগকে তাহাদের জীবনের (কল্যাণ) বিস্মৃত করাইয়াছেন, ইহারাই সেই পাষাণ লোক । ১৯ । নরকানলনিবাসী ও স্বর্গলোকনিবাসী তুল্য নহে ; স্বর্গনিবাসী, তাহারা ই সিদ্ধকাম । ২০ । যদি আমি এই কোরু-আন পূর্বতোপরি অবতারণ করিতাম, তবে তুমি, (হে মোহাম্মদ,) অবশ্য ঈশ্বরের ভয়ে তাহাকে বিদীর্ণ ও অবনত দেখিতে ; † এবং এই সকল দৃষ্টান্ত আমি মানবমণ্ডলীর জন্ত বর্ণন করিতেছি, ভরসা যে, তাহারা চিন্তা করিবে । ২১ । তিনিই ঈশ্বর, যিনি তিনি ব্যতীত উপাস্ত নাই, তিনি অন্তর্বাছবিৎ, তিনি দাতা দয়ালু । ২২ । তিনিই ঈশ্বর, যিনি তিনি ব্যতীত উপাস্ত নাই, রাজা অতি-পবিত্র নির্বিকার অভয়দাতা রক্ষক বিজ্ঞতা পরাক্রান্ত গৌরবাধিত ; যাহা অংশী নিরূপিত হয়, তাহা অপেক্ষা ঈশ্বরের পবিত্রতা (অধিক) । ২৩ । সেই ঈশ্বরই স্রষ্টা আবিষ্কর্তা আকৃতির বিধাতা, উত্তম নাম সকল তাঁহারই, স্বর্গে ও পৃথিবীতে যে কিছু আছে, তাঁহাকে স্তব করিয়া থাকে ; এবং তিনিই বিজয়ী কৌশলময় । ২৪ । (র, ৩, আ, ৭)

* অর্থাৎ শয়তান পরলোকে একরূপ বলিবে । বদরের যুদ্ধের দিনও সে একজন কাকেরের রূপ ধারণ করিয়া হজরতের বিরুদ্ধে সংগ্রাম করিতে লোকদিগকে উৎসাহ দান করিয়াছিল ; যখন সে হজরতের পক্ষে দেবগৈরু সকল দৃষ্টি করিল, তখন পলাইয়া গেল । আনকাল সূর্য্যোদে এ বিষয় বিবৃত হইয়াছে । কপট লোকদিগের অবস্থা এই দৃষ্টান্তের অনুরূপ । (তা, কা,)

† অর্থাৎ কোরু-আনের মর্দ পর্বত পরিগ্রহ করিতে পারিলেও ঈশ্বরভয়ে নত হইত ও বিদীর্ণ হইয়া যাইত । কাকেরদিগের অন্তর পর্বত অপেক্ষাও কঠিন । (ভ, হো,)

সূরা মোম্তহেনত *

.....

ষষ্ঠিতম অধ্যায়

.....

১৩ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে বিশ্বাসিগণ, আমার শত্রুকে ও তোমাদের শত্রুকে তোমরা বন্ধুরূপে গ্রহণ করিও না, তোমরা তাহাদের নিকটে প্রণয় সহকারে (নিপি) প্রেরণ করিতেছ, বস্তুতঃ তোমাদের প্রতি যে সত্য উপস্থিত হইয়াছে, তাহারা তৎপ্রতি অবিশ্বাসী ; তোমরা আপন প্রতিপালক পরমেশ্বরের প্রতি বিশ্বাস স্থাপন করিয়াছ বলিয়া তাহারা তোমাদিগকে ও প্রেরিতপুরুষকে বহিষ্কৃত করিতেছে । তোমরা যদি আমার প্রসন্নতা অব্বেষণে জেহাদ করিতে বাহির হও, তবে তাহাদের প্রতি প্রণয়কে লুকাইয়া রাখ ; এবং তোমরা যাহা গোপন কর ও যাহা প্রকাশ্যে করিয়া থাক, তাহা আমি উত্তমরূপে জানি, এবং তোমাদের মধ্যে যে ব্যক্তি তাহা করে, অনন্তর সত্যই সে সরল পথ হারায় ৭।১। তাহারা তোমাদিগকে পাইলে তোমাদিগের শত্রু হইবে, এবং তাহারা অমঙ্গলসাধনে তোমাদের প্রতি স্বীয় হস্ত ও স্বীয় রসনা প্রসারণ করিবে, এবং তাহারা ভালবাসে, যদি তোমরা কাকের হও ২।২। কেষামতের দিনে তোমাদের কুটুম্ব ও তোমাদের সম্মানগণ তোমাদের উপকার করিবে না, তিনি তোমাদিগের মধ্যে বিচার নিষ্পত্তি করিবেন, এবং

* এই সূরা মদিনাতে অবতীর্ণ হয় ।

+ মদিনা-প্রস্থানের ষষ্ঠ বৎসরে হজরত গোপনে মক্কাগমনে উদ্ভূত হইয়াছিলেন । তখন মোহাম্মদের সম্প্রদায়স্থ আবু বলতার পুত্র খাতেবনামক ব্যক্তি মক্কা কোরেশদিগকে এ বিষয় জ্ঞাপন করিয়া এক পত্র লিখিয়া পাঠায় । হজরতকে ছেত্রিল এই সংবাদ দান করেন । হজরতের আজ্ঞাক্রমে আলি ও জোবরর ও মেকদাদ রোজেখাক্‌নামক স্থানে বাইরা আবুওমরের ভৃত্য সারা হইতে পত্র কাড়িয়া লন, এবং হজরতের হস্তে উহা সমর্পণ করেন । হজরত খাতেবকে ডাকিয়া এরূপ পত্র লিখিবার কারণ জিজ্ঞাসা করিলে, সে শপথ করিয়া বলে, “আমি এসলাম ধর্ম পরিত্যাগ করি নাই, আমার পরিবারবর্গ মক্কাতে আছে, তাহাদিগকে সংরক্ষণ করে, মোহাম্মদের-সম্প্রদায়ে এমন কেহই নাই । যুদ্ধ ঘটিলে তাহারা শত্রুপক্ষীয় বলিয়া বিপদগ্রস্ত হইতে পারে, এই ভাবিয়া আমি তাহাদের রক্ষণাবেক্ষণের জন্য তজ্জপ পত্র লিখিয়াছি । খাতেবের কথায় ওমর ক্রুদ্ধ হইয়া, তাহার শিরশ্ছেদনে উদ্ভূত হন । হজরত তাঁহাকে সে কার্য হইতে নিবারণ করিয়া বলেন যে, খাতেব যাহা বলিতেছে সত্য, তাহা অবিশ্বাস করার কোন কারণ নাই । এতদুপলক্ষে এই আয়ত অবতীর্ণ হয় । (ত, হো,)

তোমরা যাহা করিয়া থাক, ঈশ্বর তাহার দর্শক। ৩। নিশ্চয় এব্রাহিম ও তাঁহার সঙ্গীদিগের অহুসরণ তোমাদের জন্ত উত্তম; (স্মরণ কর,) যখন তাহারা আপন দলকে বলিল, “নিশ্চয় আমরা তোমাদের প্রতি ও তোমরা ঈশ্বরকে ছাড়িয়া যাহাকে অর্চনা করিয়া থাক, তাহার প্রতি বীতরাগ, আমরা তোমাদের সম্বন্ধে বিরোধী হইয়াছি, এবং যে পর্য্যন্ত না তোমরা একমাত্র ঈশ্বরের প্রতি বিশ্বাস স্থাপন কর, সে পর্য্যন্ত তোমাদের ও আমাদের মধ্যে চিরশত্রুতা ও বিদ্বেষ প্রকাশিত রহিল;” কিন্তু এব্রাহিমের বাক্য আপন পিতার প্রতি (এই,) “অবশ্য আমি তোমার জন্ত, (হে পিতা,) ক্ষমা প্রার্থনা করিব, এবং ঈশ্বর হইতে তোমার নিমিত্ত (শান্তি) কিছুই (দূর করিতে) আমি সমর্থ নহি; হে আমাদের প্রতিপালক, তোমার প্রতি আমরা নির্ভর করিলাম, এবং তোমার প্রতি আমরা উন্মুখ হইলাম, এবং তোমার দিকে (আমাদের) প্রতিগমন। ৪। হে আমাদের প্রতিপালক, আমাদের ধর্ম্মদ্রোহীদের দ্বারা পরাভূত করিও না, এবং হে আমাদের প্রতিপালক, আমাদের ক্ষমা কর, নিশ্চয় তুমি পরাক্রান্ত বিজ্ঞাতা”। ৫। সত্য সত্যি তোমাদের জন্ত, (তোমাদের মধ্যে) যে ব্যক্তি ঈশ্বর ও পারলৌকিক দিবস আশা করে, তাহার জন্ত, তাহাদের মধ্যে শুভ অহুসরণীয় আছে; এবং যে ব্যক্তি ফিরিয়া যায়, পরে নিশ্চয় (তাহার সম্বন্ধে) সেই ঈশ্বর প্রশংসিত নিকাম। ৬। (র, ১, আ, ৬)

পরমেশ্বর সমুদ্রত যে, তোমাদের মধ্যে এবং তাহাদের যাহাদিগের প্রতি তোমরা শত্রুতা স্থাপন করিয়াছ, তাহাদের মধ্যে বন্ধুতা স্থাপন করেন; এবং ঈশ্বর ক্ষমতাবান্ ও ঈশ্বর ক্ষমাশীল দয়ালু *। ৭। যাহারা তোমাদের সঙ্গে ধর্ম্মবিষয়ে সংগ্রাম করে নাই, এবং তোমাদিগকে তোমাদের আশ্রয় হইতে বহিষ্কৃত করে নাই, তোমরা যে তাহাদিগের হিত সাধন করিবে ও তাহাদের প্রতি ঋয়াচরণ করিবে, তাহা হইতে ঈশ্বর তোমাদিগকে নিবারণ করিতেছেন না; নিশ্চয় ঈশ্বর ঋয়াবান্দিগকে প্রেম করেন †। ৮। ধর্ম্মবিষয়ে তোমাদের সঙ্গে যাহারা যুদ্ধ করিয়াছে, এবং তোমাদিগকে তোমাদের আশ্রয় হইতে বহিষ্কৃত করিয়াছে ও তোমাদের বহিষ্করণ (অত্মকে) সাহায্য দান করিয়াছে, তাহাদের সঙ্গে বন্ধুতা করিতে পরমেশ্বর তোমাদিগকে নিষেধ করিতেছেন, এতদ্বিলম্ব নহে; এবং

* বিশ্বাসিগণ মক্কাস্থিত পৌত্তলিকদিগের সঙ্গে বন্ধুতার বন্ধন ছিন্ন করিয়া ফেলেন, তাহাতেই পরমেশ্বর এই অঙ্গীকার করেন। পরে আবুহুস্ফিয়ান ও ওমরের পুত্র নহল এবং হজ্রামের পুত্র হকিম প্রভৃতি আরবের প্রধান পুরুষগণ, যে মোসলমানদিগের ভয়ানক শত্রু ছিল, এসলাম ধর্ম্ম গ্রহণ করিয়া বন্ধ হয়, এবং তাহাদের সহচরগণও মোসলমানবুলের প্রতি প্রণয় স্থাপন করে।

(ত, হো,)

† হজরতের সঙ্গে খজ্রাআ-বংশীয় লোকগণ এইরূপ সন্ধি ও অঙ্গীকারদ্বারা বন্ধ ছিল যে, তাহার কখনও মোসলমানদিগের বিরুদ্ধে দণ্ডায়মান হইবে না ও এসলামধর্ম্মের শত্রুদিগের সাহায্য দান করিবে না। তাহাদের সম্বন্ধে পরমেশ্বর এরূপ বলেন।

(ত, হো,)

যাহারা তাহাদের সঙ্গে বন্ধুতা করে, অনন্তর ইহারাই তাহারা যে, অত্যাচারী। ৯। হে বিশ্বাসিগণ, যখন তোমাদের নিকটে মোহাজের বিশ্বাসিনী নারীগণ উপস্থিত হয়, তখন তাহাদিগকে তোমরা পরীক্ষা করিও, * পরমেশ্বর তাহাদের বিশ্বাস উত্তম জ্ঞাত; অনন্তর যদি তোমরা তাহাদিগকে বিশ্বাসিনী জ্ঞান, তবে তাহাদিগকে কাকেরদিগের প্রতি পুনঃ প্রেরণ করিও না, ইহারা তাহাদের জন্য বৈধ নহে, এবং তাহারাও ইহাদের নিমিত্ত বৈধ হয় না, তাহারা যাহা (কাবিন স্ত্রী) বায় করিয়াছে, তাহাদিগকে তোমরা তাহা প্রদান করিও। যখন তাহাদিগকে তাহাদের মোহর (স্বীকৃতি) প্রদান কর, তখন তাহাদিগকে তোমাদের বিবাহ করিতে তোমাদিগের পক্ষে দোষ নয়, এবং তোমরা কাকের নারীকুলের সম্বন্ধে গ্রহণ করিও না ও যাহা তোমরা (কাবিনে) বায় করিয়াছ, তাহা চাহিয়া লইবে; অপিত উচিত যে, (অংশবাদিগণ) যাহা বায় করিয়াছে, তাহা চাহে, ইহাই ঈশ্বরের আজ্ঞা, তিনি তোমাদের মধ্যে আদেশ করিতেছেন, এবং পরমেশ্বর জ্ঞানী বিজ্ঞাত। ১০। এবং যদি তোমাদের ভাষ্যাবর্গের কোন এক জন কাকেরদিগের নিকট তোমাদিগ হইতে হারাইয়া যায়, তবে (সেই কাকেরদিগকে) দণ্ডিত করিও; অনন্তর যাহাদিগের স্ত্রী চলিয়া গিয়াছে, তাহাদিগকে, তাহারা যাহা (কাবিনের শর্তে) বায় করিয়াছে, তদনুরূপ দান করিও। এবং যাহার প্রতি তোমরা বিশ্বাসী, সেই ঈশ্বরকে ভয় করিও। ১১। হে স্বর্গীয় সংবাদবাহক, যদি বিশ্বাসিনী

* যখন কোন অজ্ঞাতকুলশীল নারী উপস্থিত হইত, তখন হজরতের ইঙ্গিতক্রমে তাহার কোন পারিষদ জিজ্ঞাসা করিতেন, সে ধর্মোদ্দেশ্যে, ঈশ্বর ও প্রেরিতপুরুষের উদ্দেশ্যে বাহির হইয়া আসিয়াছে, না, কোন যুবকের প্রেমে। আকৃষ্ট হইয়া আসিয়াছে? সেই স্ত্রীলোককে শপথপূর্বক তাহার উত্তর দান করিতে হইবে। (ত, হা,)

† হোদয়বিয়াতে যখন সন্ধি স্থাপিত হয়, তখন সন্ধির এক শর্ত ছিল যে, মক্কা হইতে যে কোন মোসলমান মদিনায় চলিয়া যাইবে, হজরত মোহম্মদ তাহাকে পুনর্ব্বার মক্কা কাকেরদিগের নিকটে পাঠাইয়া দিবেন। যদি কোন মোসলমান মদিনা হইতে মক্কাভিমুখে চলিয়া যায়, তবে কোরেশগণ তাহাকে আর কিরিয়া পাঠাইবে না। হজরতের হোদয়বিয়ায় অবস্থানকালে এক দল মোসলমান মক্কা হইতে পলায়ন করিয়া তাহার নিকটে উপস্থিত হয়; তাহাদের সঙ্গে সবিয়াএস লামিয়া নামী এক নারী ছিল, তাহার পশ্চাতে তাহার স্বামী মোসাকেরনখজুমী উপস্থিত হইয়া হজরতকে বলে যে, “সন্ধির নির্ধারণ এরূপ যে, আমাদের মধ্য হইতে যে কেহ তোমার নিকটে আসিবে, তুমি তাহাকে আমাদের নিকট প্রত্যর্পণ করিবে”। তখন স্বর্গীয় দূত খেত্রিন আবির্ভূত হইয়া হজরতকে বলেন, “পুরুষের সম্বন্ধে এই নির্ধারণ হইয়াছে, নারীর সম্বন্ধে নয়। বিশ্বাসিনী নারীকে কাকেরদের হস্তে প্রত্যর্পণ করা উচিত নহে” এবং এই আয়ত অবতীর্ণ হয়। “তোমরা তাহাদিগকে পরীক্ষা করিও,” অর্থাৎ সেই নারীগণ শপথ করিয়া বলিবে যে, স্বামীর সঙ্গে শত্রুতা ও অশু কাহার প্রতি প্রণয় তাহাদের আগমনের কারণ নহে, অপর কোন সাংসারিক উদ্দেশ্যও হেতু নহে; বরং তাহারা পরমেশ্বর ও প্রেরিতপুরুষ এবং এসলামধর্মকে লক্ষ্য করিয়া চলিয়া আসিয়াছে। (ত, হা,)

‡ অর্থাৎ কাকেরদিগকে আক্রমণ করিয়া তাহাদের সঙ্গে যুদ্ধ করিও, পরিণামে তোমাদেরই

নারীগণ, ঈশ্বরের সঙ্গে কিছুই অংশী স্থাপন করিবে না ও চুরি করিবে না, এবং ব্যভিচার করিবে না ও আপন সম্ভানগণকে হত্যা করিবে না, এবং অসত্যকে তাহা বন্ধনপূর্বক আপন হস্ত ও আপন পদের মধ্যে আনয়ন করিবে না ও বৈধ বিষয়ে তোমার সম্বন্ধে অপরাধ করিবে না, এই বিষয়ে তোমাতে আত্মোৎসর্গ করিতে তোমার নিকটে আগমন করে, তবে তুমি তাহাদের আত্মোৎসর্গ গ্রহণ করিও, এবং তাহাদের জন্ত ঈশ্বরের নিকটে ক্ষমা প্রার্থনা করিও ; নিশ্চয় ঈশ্বর ক্ষমাশীল দয়ালু * । ১২ । হে বিশ্বাসিগণ, যাহাদের উপর ঈশ্বর ক্রোধ করিয়াছেন, তোমরা সেই দলের সঙ্গে বন্ধুতা করিও না ; যেমন কবরস্থিত ধর্মদ্রোহিগণ নিরাশ হইয়াছে, তদ্রূপ নিশ্চয় তাহারা পরলোকে নিরাশ হইয়াছে † । ১৩ । (র. ২, আ, ৭)

জরলাভ হইবে। তাহাদিগের যে সকল ধনসম্পত্তি লুণ্ঠন করিবে, তাহা হইতে তোমাদের মধ্যে যাহাদিগের স্ত্রী ধর্মত্যাগ করিয়া কাকেরদিগের শরণাগত হইয়াছে, তাহাদিগকে তাহাদের প্রদত্ত স্ত্রীধনের অনুরূপ প্রদান করিবে। মোহাজের সম্প্রদায়ের ছয় জন নারী ধর্ম ত্যাগ করিয়া কাকের-দিগের নিকটে চলিয়া গিয়াছিল। হজরত লুণ্ঠিত সামগ্রী হইতে তাহাদের স্বামীদিগকে প্রাপ্য স্ত্রীধন প্রদান করেন। সন্ধি পর্যন্ত এই আদেশ প্রচলিত ছিল, সন্ধির নিয়ম ভঙ্গ হইলে পর রহিত হয়। (ত, হো,)

* মক্ষা অধিকারের দিন যখন পুরুষগণ দীক্ষা গ্রহণ বা আত্মোৎসর্গ করিল, তখন স্ত্রীলোকেরাও আসিয়া আত্মোৎসর্গ করিতে ইচ্ছা প্রকাশ করে। আরবের বিপথগামী অজ্ঞান স্ত্রীলোকেরা অনেক সময় জীবিত সন্তানকে মৃত্তিকায় প্রোথিত করিত, গর্ভস্থ সন্তানকে হত্যা করিত ; সেই জন্তই সন্তান হত্যা করিবে না, এই অঙ্গীকারের উল্লেখ হইয়াছে। “অসত্যকে তাহা বন্ধনপূর্বক আপন হস্ত ও আপন পদের মধ্যে আনয়ন করিবে না।” অর্থাৎ অবৈধজাত সন্তানকে, স্বামীর ঔরসজাত, একরূপ মিথ্যা কথা বলিয়া, স্বীয় হস্তপদের মধ্যে আনয়ন করিয়া প্রতিপালন করিবে না। “বৈধবিষয়ে তোমার সম্বন্ধে অপরাধ করিবে না,” অর্থাৎ অনুচিত শোক প্রকাশ, কেশ ছিন্ন, বক্ষোবিদীর্ণ করা বিষয়ে তুমি বাহা নিষেধ কর, তাহা মান্য করিবে। কথিত আছে যে, এই সকল অঙ্গীকারে বদ্ধ হইয়া নারীগণ এক জলপূর্ণ পাতে হস্ত স্থাপন করিত, পরে হজরত স্বীয় হস্ত জলে ডুবাইতেন। কেহ কেহ বলেন, হজরতের আজ্ঞানুসারে খদিজাদেবীর ভগিনী আসিয়া নারীগণের দীক্ষাকার্য সম্পাদন করিয়াছিলেন। (ত, হো,)

† কবরস্থিত লোকেরা যেমন পৃথিবীতে ফিরিয়া আসিবার আর আশা রাখে না, তদ্রূপ ইহাদিগণও পারলৌকিক পুরস্কারের কোন আশা রাখে না। (ত, হো,)

মুরা সফ্য *

একষষ্ঠিতম অধ্যায়

—:~:—

১৪ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

স্বর্গে যাহা কিছু আছে ও পৃথিবীতে যাহা কিছু আছে, (সকলই) পরমেশ্বরের স্তুব করিয়া থাকে, এবং তিনি পরাক্রান্ত বিজ্ঞাতা । ১ । হে বিশ্বাসিগণ, যাহা তোমরা কর না, তাহা কেন বলিয়া থাক ? ২ । তোমরা যাহা কর না, তাহা তোমাদের বলা ঈশ্বরের নিকটে মহাবিরক্তিকর । ৩ । নিশ্চয় ঈশ্বর, তাঁহার পথে শ্রেণীবদ্ধরূপে যাহারা সংগ্রাম করে, তাহাদিগকে প্রেম করিয়া থাকেন, তাহারা পরস্পর যেন দৃঢ়বন্ধ অট্টালিকা । ৪ । এবং স্মরণ কর, যখন মুসা আপন দলকে বলিল, “হে আমার সম্প্রদায়, তোমরা আমাকে কেন পীড়ন করিতেছ ? এবং বস্তুতঃ তোমরা জানিতেছ যে, একান্তই আমি তোমাদের প্রতি ঈশ্বর কর্তৃক প্রেরিত ;” পরে যখন তাহারা কুটিলতা করিল, তখন ঈশ্বর তাহাদের অন্তঃকরণ অসরল করিলেন, এবং ঈশ্বর দুর্বৃত্তদলকে পথ প্রদর্শন করেন না । ৫ । এবং (স্মরণ কর,) যখন মরয়মের পুত্র ঈসা বলিল, “হে বনিএশ্রায়েল, নিশ্চয় আমি আমার পূর্ববর্তী তওরাত গ্রন্থের যাহা ছিল, তাহার প্রমাণকারকরূপে ও আমার পরে যে প্রেরিতপুরুষ, যাহার নাম আহম্মদ, আগমন করিবেন, তাঁহার স্তম্ভবাদ-দাতারূপে ঈশ্বর কর্তৃক তোমাদের প্রতি প্রেরিত ;” অনন্তর যখন তাহাদের নিকটে সে বহু অলৌকিকতাসহ আগমন করিল, তখন তাহারা বলিল, “ইহা স্পষ্ট ইল্লজাল” † । ৬ । এবং যে ব্যক্তি ঈশ্বরের প্রতি অসত্য রচনা করিয়াছে, এদিকে সে এসলাম ধর্মের দিকে আহূত হইতেছে, তাহা অপেক্ষা কে অধিক অত্যাচারী ? ‡ এবং পরমেশ্বর অত্যাচারি-দলকে পথ প্রদর্শন করেন না । ৭ । তাহারা আপন মুখে ঐশ্বরিক জ্যোতিকে নির্বাণ করিতে চাহে ; এবং যদিচ ধর্মদ্রোহিগণ বিরক্ত হয়, তথাপি পরমেশ্বর স্বীয় জ্যোতি পূর্ণ করিবেন । ৮ । তিনিই যিনি আপন প্রেরিতপুরুষকে ধর্মালোক ও সত্যধর্মসহ

* এই মুরা মদিনাতে অবতীর্ণ হইয়াছে ।

† মহান্বা ঈসা স্তবকে জীবন দান, কুঠরোগী প্রভৃতিকে আরোগ্য দান ইত্যাদি অলৌকিক কার্য্য করিয়াছিলেন । (ত, হো,)

‡ ঈশ্বরের প্রতি অসত্যারোপ করার অর্থ, তাঁহার প্রেরিতপুরুষকে অসত্যবাদী ও কোন্-আনের আয়ত্ত সকলকে ইল্লজাল বলা ইত্যাদি ।

পাঠাইয়াছেন ; অংশিবাদিগণ যদিচ বিরক্ত হয়, তথাপি সমগ্র ধর্মের উপর তাহাকে জয়যুক্ত করিতে (প্রেরণ করিয়াছেন) । ৯ । (র, ১, আ, ২)

যাহা ক্লেশকরী শাস্তি হইতে তোমাদিগকে উদ্ধার করিবে, হে বিশ্বাসিগণ, সেই বাণিজ্যের প্রতি আমি তোমাদিগকে কি পথ প্রদর্শন করিব ? ১০ । তোমরা ঈশ্বরের ও তাঁহার প্রেরিতপুরুষের প্রতি বিশ্বাস স্থাপন কর, এবং ঈশ্বরোদ্দেশ্যে আপন ধনপুঞ্জ ও আপন জীবন দ্বারা জেহাদ কর ; যদি তোমরা বুঝিয়া থাক, তবে তোমাদের জন্ত ইহাই কল্যাণ । ১১ । + তিনি তোমাদের জন্ত তোমাদের পাপপুঞ্জ ক্ষমা করিবেন, এবং যাহার নিম্ন দিয়া পয়ঃপ্রণালী সকল প্রবাহিত হইতেছে, সেই স্বর্গোচ্চানে এবং নিত্য স্বর্গে বিস্তৃত আলয় সকলে তোমাদিগকে লইয়া যাইবেন, ইহা মনোরথসিদ্ধি । ১২ । + এবং অজ্ঞ (সম্পদ,) যাহা তোমরা ভালবাস, (প্রদান করিবেন;) ঈশ্বর হইতেই আমুকূল্য ও সন্নিহিত বিজয়, এবং তুমি বিশ্বাসিবৃন্দকে স্বেচ্ছাবাদ দান কর । ১৩ । হে বিশ্বাসিগণ, তোমরা ঈশ্বরের আমুকূল্যদাতা হও, যথা মরয়মের নন্দন ঈসা স্বীয় ধর্মবন্ধুদিগকে বলিয়াছিল, “কে ঈশ্বরের পক্ষে আমার সাহায্যকারী ?” ধর্মবন্ধুগণ উত্তর দান করিয়াছিল, “আমরা ঈশ্বরের সাহায্যকারী ;” অনন্তর এশ্রায়েলবংশীয় একদল বিশ্বাস স্থাপন করিল, এবং এক দল ধর্মবিরোধী হইল । অবশেষে আমি বিশ্বাসীদিগকে তাহাদের শত্রুর উপর সাহায্য দান করিলাম, পরে তাহারা বিজয়ী হইল * । ১৪ । (র, ২, আ, ৫)

সূরা জোমোয়া †

.....

দ্বাষষ্ঠিতম অধ্যায়

.....

১১ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

যাহা কিছু স্বর্গে ও যাহা কিছু পৃথিবীতে আছে, তৎসমুদায় ঈশ্বরকে স্তব করিয়া থাকে ; তিনি সুপবিত্র রাজা পরাক্রান্ত বিজ্ঞাতা । ১ । তিনিই যিনি অশিক্ষিত

* মহান্না ইসার স্বর্গারোহণের পর তাঁহার ধর্মবন্ধুগণ ধর্মপ্রচারে বিশেষ যত্ন পরিশ্রম করিয়াছিলেন, তাহাতেই তাঁহার প্রবর্তিত ধর্ম জগতে প্রতিষ্ঠিত হয় । ইজরত মোহাম্মদের স্বর্গারোহণের পর তৎস্বলাভিষিক্ত (খলিফাগণ) ধর্মপ্রচারে তাঁহাদের অপেক্ষা অধিক পরিশ্রম করিয়াছিলেন । (ত, কা, ১)

† এই সূরা মদিনাতে অবতীর্ণ হইয়াছে ।

লোকদিগের প্রতি, তাহাদিগের মধ্যে হইতে প্রেরিতপুরুষ প্রেরণ করিয়াছেন ; সে তাহার আয়ত (বচন) সকল তাহাদের নিকটে পাঠ করে ও তাহাদিগকে শুদ্ধ করে, এবং তাহাদিগকে গ্রন্থ ও প্রজ্ঞান শিক্ষা দেয়। নিশ্চয় তাহারা পূর্বে স্পষ্ট পথভ্রান্তির মধ্যে ছিল। ২। + এবং তাহাদের অপর লোকদিগের জন্ত (প্রেরণ করিয়াছেন) যে, এক্ষণে তাহাদিগের সঙ্গে মিলিত হয় নাই ; এবং তিনি পরাক্রান্ত কৌশলময় *। ৩। ইহাই ঈশ্বরের করুণা, তিনি যাহাকে ইচ্ছা করেন, বিতরণ করিয়া থাকেন ; এবং পরমেশ্বর মহা কৃপাবান। ৪। যাহারা তওরাত গ্রন্থবহনে বাধ্য হইয়াছে, তৎপর তাহা বহন করে নাই, তাহাদের দৃষ্টান্ত, গ্রন্থপুঞ্জ বহন করিয়া থাকে যে গর্দভ, তাহার দৃষ্টান্ত-তুলা ; যাহারা ঐশ্বরিক নিদর্শনাবলীর প্রতি অসত্যারোপ করিয়াছে, তাহাদের দৃষ্টান্ত বিগর্হিত। পরমেশ্বর অত্যাচারিদলকে পথ প্রদর্শন করেন না†। ৫। তুমি, (হে মোহাম্মদ,) বল, “হে ইহুদিগণ, যদি তোমরা মনে করিয়া থাক যে, (অন্ত) লোক ব্যতীত তোমরাই ঈশ্বরের বন্ধু, যদি তোমরা সত্যবাদী হও, তবে মৃত্যু আকাঙ্ক্ষা কর”। ৬। তাহাদের হস্ত বাহা (যে পাপ) পূর্বে প্রেরণ করিয়াছে, তজ্জন্ত কখনও তাহারা তাহা আকাঙ্ক্ষা করিবে না ; পরমেশ্বর অত্যাচারীদিগের সহক্ষে জানী। ৭। তুমি বল, “নিশ্চয় যাহা হইতে তোমরা পলায়ন করিতেছ, পরে অবশ্য সেই মৃত্যু তোমাদের সঙ্গে মিলিত হইবে, তৎপর অন্তর্বাহবিৎ (পরমেশ্বরের) দিকে তোমরা প্রত্যাবর্তিত হইবে ; অবশেষে তোমরা যাহা করিতেছিলে, তিনি তাহার সংবাদ তোমাদিগকে প্রদান করিবেন”। ৮। (র, ১, আ, ৮)

হে বিশ্বাসিগণ, যখন তোমরা জোমোয়া (শুক্রবার) দিবসের নমাজের জন্ত আহূত হও, তখন ঈশ্বরস্বরণের দিকে সত্বর হইও, এবং ক্রয় বিক্রয় পরিত্যাগ করিও ; যদি তোমরা বুঝিতেছ, তবে ইহাই তোমাদের পক্ষে কল্যাণ। ৯। যখন নমাজ সমাপ্ত হয়, তখন ভূতলে বিচ্ছিন্ন হইয়া পড়িও, এবং ঈশ্বরের করুণায় (জীবিকা) অন্বেষণ করিও ও ঈশ্বরকে প্রচুররূপে স্মরণ করিও ; সম্ভবতঃ তোমরা উদ্ধার পাইবে। ১০। এবং যখন তাহারা বাণিজ্য অথবা আমোদ দর্শন করে, তখন তদুদ্দেশ্যে বিচ্ছিন্ন হইয়া পড়ে ও তোমাকে দণ্ডায়মান অবস্থায় ছাড়িয়া যায় ; তুমি বল, “ঈশ্বরের নিকটে যাহা

* অর্থাৎ এই প্রেরিতপুরুষ মোহাম্মদ অন্ত অশিক্ষিত লোকদিগের জন্তও প্রেরিত। পারস্তদেশীয় লোক সেই অশিক্ষিত লোক, তাহাদেরও স্বর্গীয় গ্রন্থ ছিল না। পরমেশ্বর প্রথমতঃ আরবদিগকে এই ধর্মের জন্ত সৃষ্টি করেন, পরে পারস্তদেশীয় লোক ইসলামধর্ম গ্রহণ করিয়া আরবদিগের সঙ্গে যোগ দান করেন। (ত, কা,)

† তওরাত গ্রন্থ বহন না করার অর্থ, তত্ত্বরাতের বিধি অনুসারে কার্য না করা। ইহুদিগণ তাহাদের ধর্মগ্রন্থ তওরাত অধ্যয়নমাত্র করিত, কিন্তু তদনুযায়ী কার্য করিত না। তজ্জন্ত গর্দভের পুণ্ডক-বহনের অবস্থা তুলা তাহাদের অবস্থা হইয়াছে। (ত, হো)

আছে, তাহা আমোদ অপেক্ষা ও বাণিজ্য অপেক্ষা উত্তম, ঈশ্বর জীবিকাদাতার মধ্যে শ্রেষ্ঠ”। ১১। (র, ২, আ, ৩)

সূরা মোনাফেকোন ❁

.....

ত্রিষষ্ঠিতম অধ্যায়

.....

১১ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

যখন তোমার নিকটে, (হে মোহম্মদ,) কপট লোকেরা উপস্থিত হয়ে বলে, “আমরা সাক্ষ্য দান করিতেছি যে, তুমি নিশ্চয় ঈশ্বরের প্রেরিত, এবং ঈশ্বর আনিতেছেন যে, তুমি তাঁহার প্রেরিত;” এবং ঈশ্বর সাক্ষ্য দান করেন যে, নিশ্চয় কপট লোকেরা মিথ্যাবাদী। ১। তাহারা আপনাদের শপথকে ঢালরূপে গ্রহণ করিয়াছে, অনন্তর (লোকদিগকে) ঈশ্বরের পথ হইতে নিবারণ করে ; নিশ্চয় যাহা করিয়া থাকে, তাহাতে তাহারা মন্দ লোক ন। ২। ইহা এজ্ঞত্ব যে, পূর্বে তাহারা বিশ্বাস স্থাপন করিয়াছিল, তৎপর ধর্মবিরোধী হইয়াছে, অবশেষে তাহাদের মনের উপর মোহর করা হইয়াছে ; অনন্তর তাহারা জ্ঞান রাখে না। ৩। এবং যখন তুমি তাহাদিগকে দর্শন কর, তখন তাহাদের (বিনম্র) কলেবর তোমাকে বিস্ময়াপন্ন করে, এবং যদি তাহারা কথা কহিতে থাকে, তুমি তাহাদের কথা শ্রবণ-গোচর করিও, তাহারা যেন প্রাচীরস্থ শুষ্ক কাঠ, তাহারা প্রত্যেক নিনাদ আপনাদের উপর গণনা করে, তাহারা শক্র, তুমি তাহাদিগ হইতে সাবধান হইও ; ঈশ্বর তাহাদিগকে বিনাশ করুন, কোথা হইতে তাহারা ফিরিয়া যাইতেছে ? ৪। এবং যখন তাহাদিগকে বলা হয়, “এস, ঈশ্বরের প্রেরিতপুরুষ

* এই সূরা মদিনাতে অবতীর্ণ হইয়াছে।

+ কপট লোকেরা আপনাদের সমস্ত ষোড়শমানবিগের দোষ ঘোষণা ও নিন্দা করিত। তাহাদিগকে এ বিষয়ে ধরিলে অস্বীকার করিয়া শপথপূর্বক বলিত যে, এ কথা আমরা কখনও বলি নাই। (ত, কা,)

‡ “প্রাচীরস্থ শুষ্ক কাঠ” অর্থাৎ বুদ্ধি বিবেচনা ও জ্ঞানশূন্য। “কথা কহিতে থাকে” অর্থাৎ শপথাদি করিতে থাকে। “তাহারা প্রত্যেক নিনাদ আপনাদের উপর গণনা করে,” ইহার অর্থ, নগ্নে কোনরূপ কোলাহল হইলেই তাহারা ভীকৃতাবশতঃ মনে করে যে, তাহাদিগকে বা ঈশ্বর আক্রমণ করিতে আসিল। (ত, হো,)

তোমাদের জন্ত ক্ষমা প্রার্থনা করিবেন,” তখন তাহারা স্বীয় মস্তক ঘুরাইয়া থাকে ; এবং তুমি তাহাদিগকে দেখিতেছ যে, প্রতিনিবৃত্ত হইতেছে ও তাহারা অহঙ্কার করিতেছে । ৫ । তুমি তাহাদের জন্ত ক্ষমা প্রার্থনা কর, বা তাহাদের জন্ত ক্ষমা প্রার্থনা না কর, তাহাদিগের সম্বন্ধে তুল্য ; ঈশ্বর তাহাদিগকে ক্ষমা করিবেন না, নিশ্চয় ঈশ্বর দুর্কৃতদলকে পথ প্রদর্শন করেন না । ৬ । ইহারাই তাহারা, যাহারা বলিয়া থাকে, “যাহারা ঈশ্বরের প্রেরিতপুরুষের নিকটে আছে, যে পর্যন্ত না তাহারা বিক্ষিপ্ত হইয়া পড়ে, তাহাদের সম্বন্ধে ব্যয় করিও না ;” স্বর্গ ও পৃথিবীর ভাণ্ডার সকল ঈশ্বরেরই, কিন্তু কপট লোকেরা জানিতেছে না । ৭ । তাহারা বলিয়া থাকে, “যদি আমরা মদিনার দিকে ফিরিঃ যাই, তবে অবশ্য শ্রেষ্ঠ লোক তথা হইতে নিকৃষ্টকে বহিষ্কৃত করিবে ;” ঈশ্বরের ও তাঁহার প্রেরিতপুরুষের এবং বিশ্বাসীদিগেরই শ্রেষ্ঠত্ব, কিন্তু কপট লোকেরা বুঝিতেছে না । ৮ । (র, ১, আ, ৮)

হে বিশ্বাসিগণ, তোমাদের ধন সম্পত্তি ও তোমাদের সম্ভান সম্ভতি যেন ঈশ্বরপ্রসঙ্গ হইতে তোমাদিগকে শিথিল না করে ; এবং যাহাদিগকে ইহা করে, পরে ইহারাই তাহারা যে ক্ষতিগ্রস্ত । ৯ । তোমাদের কাহারও প্রতি মৃত্যু আসিবার পূর্বে, তোমাদিগকে আমি উপজীবিকারূপে যাহা দিয়াছি, তাহা হইতে ব্যয় করিও ; পরে সে বলিবে, “হে আমার প্রতিপালক, কিয়ংকাল পর্যন্ত যদি তুমি আমাকে অবকাশ দিতে, তাহা হইলে সদকা (ধর্মার্থ ফকিরদিগকে দান) দান করিতাম ও সাধুদিগের অন্তর্গত হইতাম” । ১০ । পরমেশ্বর কোন ব্যক্তিকে, তাহার কাল উপস্থিত হইলে, কখনও অবকাশ দান করেন না ; এবং তোমরা যাহা করিয়া থাক, ঈশ্বর তাহার জ্ঞাত । ১১ । (র, ২, আ, ৩)

সূরা তগাবোন ❀

.....

চতুঃষষ্টিতম অধ্যায়

.....

১৮ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

যাহা কিছু স্বর্গেতে ও যাহা কিছু পৃথিবীতে আছে, তাহা ঈশ্বরকে স্তব করিয়া থাকে ; তাঁহারই সম্যক রাজত্ব ও তাঁহারই সম্যক প্রশংসা, এবং তিনি সর্বোপরি ক্ষমতালী ।

১। তিনিই যিনি তোমাদিগকে সৃজন করিয়াছেন, অনন্তর তোমাদের কেহ ধর্ম-বিরোধী ও তোমাদের কেহ বিশ্বাসী হইয়াছে ; এবং তোমরা যাহা করিয়া থাক, পরমেশ্বর তাহার দর্শক। ২। তিনি ঠিকভাবে দু্যলোক ও ভূলোক সৃষ্টি করিয়াছেন, এবং তোমাদিগকে আকৃতিবদ্ধ করিয়াছেন, পরন্তু তোমাদিগকে উত্তম আকৃতি দান করিয়াছেন ; এবং তাঁহার দিকেই (তোমাদের) প্রতিগমন। ৩। স্বর্গে ও মর্ত্যে যাহা কিছু আছে, তিনি তাহা জানিতেছেন, এবং তোমরা যাহা গোপনে কর ও যাহা প্রকাশ্যে করিয়া থাক, তাহা জ্ঞাত হন ; পরমেশ্বর অন্তরের রহস্তজ্ঞ। ৪। পূর্বে যাহারা ধর্মদ্রোহী হইয়াছিল, তাহাদের সংবাদ কি তোমাদের নিকটে উপস্থিত হয় নাই ? অনন্তর তাহারা আপন কার্যের প্রতিফল আন্বাদন করিয়াছে, এবং তাহাদের জন্ত দুঃখজনক শাস্তি আছে *। ৫। ইহা এজ্ঞা যে, তাহাদের নিকটে তাহাদের প্রেরিতপুরুষগণ উজ্জল প্রমাণাবলী সহ উপস্থিত হইতেছিল ; পরে তাহারা বলিয়াছিল, “কি, মনুষ্য আমাদিগকে পথ প্রদর্শন করিবে ?” অবশেষে ধর্মবিরোধী হইল ও বিমুগ্ধ হইল, এবং পরমেশ্বর নিষ্পৃহ হইলেন ও ঈশ্বর নিকাম প্রশংসিত। ৬। ধর্মদ্রোহিগণ মনে করিয়াছে যে, তাহারা কখনও সমুখাপিত হইবে না ; তুমি বল, (হে মোহম্মদ,) হাঁ, আমার প্রতিপালকের শপথ, অবশ্য তোমরা সমুখাপিত হইবে, তৎপর তোমরা যাহা করিয়াছ, তাহার সংবাদ তোমাদিগকে দেওয়া যাইবে। ইহা ঈশ্বরের সম্বন্ধে সহজ। ৭। অনন্তর ঈশ্বর ও তাঁহার প্রেরিতপুরুষের প্রতি এবং যে জ্যোতি আমি অবতারণ করিয়াছি, তাহার প্রতি তোমরা বিশ্বাস স্থাপন কর ; তোমরা যাহা করিয়া থাক, পরমেশ্বর তাহার জ্ঞাত। ৮। (স্মরণ কর,) যে দিন একত্রীভূত করার দিনের জ্ঞাত তোমাদিগকে একত্রীকৃত করা হইবে, উহাই কৈয়ামতের দিন ; ৯। যে ব্যক্তি ঈশ্বরের প্রতি বিশ্বাস স্থাপন করে এবং সংকল্প করিয়া থাকে, তিনি তাহা হইতে তাহার পাপ সকল দূর করিবেন, এবং যাহার নিম্ন দিয়া জলপ্রণালী সকল প্রবাহিত হইতেছে, তাহাকে সেই স্বর্গোন্মানে লইয়া যাইবেন, তথায় সে সর্বক্ষণ থাকিবে, ইহাই মহা মনোরথসিদ্ধি। ১০। এবং যাহারা ধর্মদ্রোহী হইয়াছে ও আমার নিদর্শনাবলীর প্রতি অসত্যারোপ করিয়াছে, তাহারাই নরকানলনিবাসী, তাহারা তথায় চিরকাল থাকিবে, এবং (উহা) কুৎসিত স্থান। ১০। (র, ১, আ, ১০)

ঈশ্বরের আজ্ঞা ভিন্ন কোন বিপদ উপস্থিত হয় না, এবং যে ব্যক্তি ঈশ্বরের প্রতি

* তাহাদের ধর্মদ্রোহিতার শাস্তি অনরকট অতিবৃষ্টি ইত্যাদি।

(ত, জ,)

+ দানব ও মানবের প্রথম দল ও শেষ দলের মধ্যে, সমুদায় ভূলোকনিবাসী ও স্বর্গলোকনিবাসীতে, প্রত্যেক মনুষ্য ও তাহার ক্রিয়াতে, উৎপীড়িত ও উৎপীড়ক লোকেতে, সাধুর পুরস্কার ও পাপীর দণ্ডেতে একত্রীকৃত হইবে।

(ত, জ,)

বিশ্বাস স্থাপন করে, তিনি তাহার অন্তরকে পথ প্রদর্শন করিয়া থাকেন ; পরমেশ্বর সর্বজ্ঞ । ১১ । এবং তোমরা, (হে লোক সকল,) ঈশ্বরের আত্মগত্য কর ও প্রেরিত-পুরুষের আত্মগত্য করিতে থাক ; অনন্তর যদি তোমরা বিমুখ হও, তবে (জানিও,) আমার প্রেরিতপুরুষের প্রতি স্পষ্ট প্রচার ভিন্ন নহে । ১২ । সেই ঈশ্বর, তিনি ব্যতীত উপাস্ত নাই ; অতএব বিশ্বাসিগণ ঈশ্বরের প্রতি যেন নির্ভর করে । ১৩ । হে বিশ্বাসিগণ, নিশ্চয় তোমাদের ভাৰ্য্যাগণ ও সন্তানগণের মধ্যে কেহ তোমাদের জন্ত শত্রু ; অতএব তোমরা তাহাদিগ হইতে সাবধান হইও, এবং যদি ক্ষমা কর ও উপেক্ষা কর, এবং মার্জনা কর, তবে নিশ্চয় ঈশ্বর ক্ষমাশীল দয়ালু । ১৪ । তোমাদের ধন সম্পত্তি ও তোমাদের সন্তানসন্ততি পরীক্ষা, এতদ্ভিন্ন নহে ; এবং পরমেশ্বর, তাঁহার নিকটেই মহা পুরস্কার । ১৫ । অনন্তর তোমরা যত দূর পার, ঈশ্বরকে ভয় করিতে থাক, এবং (আজ্ঞা) শ্রবণ কর ও আত্মগত্য কর ও (ধর্ম্মার্থ) ব্যয় কর, তোমাদের জীবনের জন্ত কল্যাণ হইবে ; এবং যে ব্যক্তি আপন জীবনকে রূপণতা হইতে রক্ষা করিয়াছে, পরে ইহারাই তাহারা যে, উদ্ধার পাইবে । ১৬ । যদি তোমরা ঈশ্বরকে উত্তমশ্রদ্ধা ঋণ দান কর, তিনি তোমাদের জন্ত তাহা দ্বিগুণ করিবেন, এবং তোমাদিগকে ক্ষমা করিবেন ; ঈশ্বর মর্যাদাভিজ্ঞ দয়ালু । ১৭ ।+তিনি অন্তর্বাহবিৎ পরাক্রান্ত বিজ্ঞাতা । ১৮ । (র, ২, আ, ৮)

সূরা তলাক *

.....

পঞ্চাষষ্ঠিতম অধ্যায়

.....

১২ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে সংবাদবাহক, (তুমি স্বীয় মণ্ডলীকে বল,) যখন তোমরা ভাৰ্য্যাদিগকে বর্জন কর, তখন তাহাদিগকে তাহাদের (স্বত্ব) গণনায় বর্জন করিবে, এবং তোমরা সেই গণনাকে পরিগণিত করিও, এবং আপন প্রতিপালক ঈশ্বরকে ভয় করিও ; তাহাদিগকে তাহাদের গৃহ হইতে বাহির করিও না, এবং তাহারা স্পষ্ট দুঃখ করিতে ভিন্ন বাহির হইবে না । এবং এই সকল পরমেশ্বরের নির্ধারণ হয়, যে ব্যক্তি তাঁহার নির্ধারণাবলীকে

* এই সূরা যদিনাতে অবতীর্ণ হইয়াছে ।

উল্লেখ করে, পরে সে নিশ্চয় আপন জীবনের প্রতি অত্যাচার করে ; (হে বর্জনকারিন্,) তুমি জান না, সম্ভবতঃ পরমেশ্বর ইহার পর কোন ব্যাপার সজ্জিত করিবেন * । ১ ।

অনন্তর যখন তাহারা স্বীয় নির্দ্ধারিত কালে উপস্থিত হয়, তখন তাহাদিগকে তোমরা বৈধরূপে গ্রহণ করিও, অথবা বৈধরূপে তাহাদিগকে বিচ্ছিন্ন করিও, তোমাদের মধ্যে দুইজন স্মারপরায়াণ লোককে সাক্ষী গ্রহণ করিও, এবং ঈশ্বরোদ্দেশ্যে সাক্ষ্য ঠিক রাখিও, ইহাই (আদেশ ;) যে ব্যক্তি ঈশ্বরের প্রতি ও পরলোকের প্রতি বিশ্বাস স্থাপন করিয়াছে, তাহাকে এতদ্বারা উপদেশ দেওয়া হইয়া থাকে, এবং যে ব্যক্তি ঈশ্বরকে ভয় করে, তিনি তাহার জন্ত মুক্তির পথ বিধান করেন । ২ ।+এবং তিনি তাহাকে, যে স্থান হইতে সে মনে করে না, সেই স্থান হইতে জীবিকা প্রদান করিয়া থাকেন ; যে ব্যক্তি ঈশ্বরের প্রতি নির্ভর করে, পরে তিনিই তাহার পক্ষে যথেষ্ট । নিশ্চয় ঈশ্বর স্বীয় কার্যে উপনীত হইবেন, সত্যই পরমেশ্বর প্রত্যেক বস্তুর পরিমাণ নির্দ্ধারণ করিয়াছেন । ৩ ।

তোমাদের ভাৰ্য্যাদিগের মধ্যে যাহারা ঋতুসম্বন্ধে নিরাশ হইয়াছে ও যাহারা ঋতুমতী হয় নাই, যদি তোমরা সন্দেহ কর, তবে তাহাদের গণনা তিন মাস, এবং গর্ভবতী নারীগণের গর্ভ স্থাপন (প্রসব করা) পর্যন্ত তাহাদের নির্দ্ধারিত কাল ; এবং যে ব্যক্তি ঈশ্বরকে ভয় করে, তিনি তাহার জন্ত তাহার কার্য সহজ করিয়া দেন । ৪ । ইহাই ঈশ্বরের আজ্ঞা, ইহা তিনি তোমাদের প্রতি অবতারণ করিয়াছেন ; এবং যে ব্যক্তি ঈশ্বরকে ভয় করে, তিনি তাহা হইতে তাহার অপরাধ সকল দূর করিবেন ও তাহার পুরস্কার বৃদ্ধি করিবেন । ৫ । তোমরা যে স্বীয় আয়ত্ত স্থানে বাস কর, তথায় তাহাদিগকে (বর্জিতা ভাৰ্য্যাদিগকে) রাখিয়া দিও, এবং তোমরা তাহাদিগকে (এমন) যন্ত্ৰণা দিও না যে, তাহাদের প্রতি সঙ্কট আনয়ন করিবে ; যদি তাহারা গর্ভবতী হয়, তবে যে পর্যন্ত না তাহারা আপন গর্ভ স্থাপন করে, সে পর্যন্ত তোমরা তাহাদিগকে ভরণ পোষণ করিতে থাকিবে । অনন্তর যদি তাহারা তোমাদের (সন্তানের) জন্ত স্তন্য দান করে, তবে তাহাদিগকে তাহাদের পারিশ্রমিক প্রদান করিবে, এবং বৈধরূপে পরস্পরের মধ্যে তোমরা কাজ করিতে থাক ; যদি তোমরা ক্লেশ দান কর, তবে তাহাকে অল্প নারী স্তন্য দান করিবে । ৬ । সচ্ছল ব্যক্তি আপন সচ্ছলতাহুসারে যেন ব্যয় করে, এবং যাহার

* অর্থাৎ ঋতুগণনা অনুসারে স্ত্রী বর্জন করিবে, তিন ঋতু পর্যন্ত গণনা করিয়া প্রতীক্ষা করা আবশ্যিক । ঋতুমতী হওয়ার পূর্বে ভাৰ্য্যাকে বর্জন করিবে, তাহা হইলে সমুদায় ঋতু পূর্ণরূপে পরিগণিত হইবে । ঋতুর পরে সেই স্ত্রী শুদ্ধ হইলেও তাহার নিকটবর্তী হইবে না । ইতি পূর্বে নারী যে গৃহে বাস করিত, বর্জন অবস্থায় সেই গৃহে থাকিয়া সে নির্দ্ধারিত সময় পূর্ণ করিবে । সেই সময় সে স্বয়ং বহির্গত হইবে না, অল্প কেহ তাহাকে বাহির করিবে না । এরূপ বাহির হওয়া হুকুমের মধ্যে পরিগণিত । উভয়ের পুনঃসম্মিলনের আশায়ই নির্দিষ্ট কাল এরূপ বন্ধ থাকার বিধি । পরমেশ্বর এই অভিনব নিয়ম প্রবর্তিত করিয়াছেন ।

(ত, হো,)

প্রতি তাহার উপজীবিকা সঙ্কোচ করা হইয়াছে, পরে ঈশ্বর তাহাকে যাহা দিয়াছেন, তাহা হইতে সে যেন ব্যয় করিতে থাকে ; পরমেশ্বর কোন ব্যক্তিকে তাহাকে যেমন (শক্তি) দান করিয়াছেন, তদনুরূপ ব্যতীত ক্লেশ দান করেন না, শীঘ্রই পরমেশ্বর অসচ্ছলতার পর সচ্ছলতা বিধান করিবেন । ৭ । (র, ১, আ, ৭)

এবং অনেক গ্রাম (গ্রামবাসী) আপন প্রতিপালকের ও তাঁহার প্রেরিত পুরুষের আজ্ঞা উল্লঙ্ঘন করিয়াছে ; অনন্তর আমি কঠিন গণনানুসারে তাহাদের গণনা করিয়াছি, এবং গুরুতর শাস্তিতে তাহাদিগকে শাস্তি দান করিয়াছি । ৮ । পরে তাহারা স্বীয় কার্যের অপকারিতা আত্মদান করিয়াছে, এবং তাহাদের কার্যের পরিণাম ক্ষতি হইয়াছে । ৯ । পরমেশ্বর তাহাদের জন্ত কঠিন শাস্তি প্রস্তুত রাখিয়াছেন ; অবশেষে, হে বুদ্ধিমান্ বিশ্বাসী লোক সকল, তোমরা ঈশ্বরকে ভয় করিতে থাক, সত্যই পরমেশ্বর তোমাদের প্রতি এক উপদেশ (কোর্-আন্) অবতারণ করিয়াছেন । ১০ । এক প্রেরিত পুরুষ (পাঠাইয়াছেন,) সে তোমাদের নিকটে ঈশ্বরের উজ্জল নিদর্শনাবলী পাঠ করিয়া থাকে ; যাহারা বিশ্বাস স্থাপন ও সংকল্প করিয়াছে, যেন তাহাদিগকে তমঃপুঞ্জ হইতে অলোকের দিকে বাহির করে, এবং যাহারা ঈশ্বরের প্রতি বিশ্বাস স্থাপন করে ও সংকল্প করিয়া থাকে, তিনি তাহাদিগকে স্বর্গোচ্চানে লইয়া যাইবেন, যাহার নিম্ন দিয়া জলপ্রণালী সকল প্রবাহিত হয়, তথায় তাহারা নিত্যানিবাসী হইবে, নিশ্চয় পরমেশ্বর তাহাদের জন্ত অত্যন্তম জীবিকা বিধান করিবেন । ১১ । সেই পরমেশ্বর, যিনি সপ্তস্বর্গ ও তৎসদৃশ পৃথিবী সৃজন করিয়াছেন, উভয়ের মধ্যে আদেশ অবতারণ করেন, যেন তোমরা জানিতে পার যে, ঈশ্বর সর্ববিষয়ে শক্তিশালী, অপিত নিশ্চয় পরমেশ্বর জ্ঞানানুসারে সমুদায় আয়ত্ত করিয়াছেন । ১২ । (র, ২, আ, ৫)

সূরা তহরিম ۞

—••❁••—

ষট্‌ষষ্ঠিতম অধ্যায়

—:~:—

১২ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে সংবাদবাহক, ঈশ্বর তোমার জন্ত যাহা বৈধ করিয়াছেন, স্বীয় ভাষাদিগের

* এই সূরা মদিনাতে অবতীর্ণ হইয়াছে ।

সন্তোষ প্রয়াস করত তাহা কেন অবৈধ করিতেছ? পরমেশ্বর ক্ষমাশীল দয়ালু * ।
১। সতাই ঈশ্বর তোমাদের শপথ উল্লোচন তোমাদের জ্ঞা বিধি দিয়াছেন,
পরমেশ্বর তোমাদের বন্ধু এবং তিনি জ্ঞাতা বিজ্ঞাতা † । ২। এবং (স্মরণ কর,) যখন
সংবাদবাহক স্বীয় ভাৰ্য্যাদিগের কাহার নিকটে কোনও কথা গোপনে বলিল, পরে যখন
তাহা সেই স্ত্রী জ্ঞাপন করিল, এবং পরমেশ্বর তাহার (প্রেরিতের) নিকটে উহা প্রকাশ
করিলেন, (প্রেরিতপুরুষ) তাহার কোনটী (হফ্সাকে) জানাইল ও তাহার কোনটী
হইতে নিবৃত্ত হইল ; অনন্তর যখন তাহাকে তাহা জানাইল, তখন সে জিজ্ঞাসা করিল,
“কে তোমাকে ইহা জানাইয়াছে?” সে বলিল, “জ্ঞাতা তব্জজ (ঈশ্বর) আমাকে
সংবাদ দিয়াছেন” ‡ । ৩। তোমরা দুই জনে, (হে পেগম্বরের দুই ভাৰ্য্যা,) যদি ঈশ্বরের

* হজরত মোহম্মদ মধুর শরবত ভালবাসিতেন। একদা তাঁহার অশ্রুতম ভাৰ্য্যা জয়নব কিঞ্চিৎ
মধু সংগ্রহ করিয়া রাখিয়াছিলেন, হজরত যখন তাঁহার গৃহে উপস্থিত হইতেন, তখন তিনি মধুপান।
প্রস্তুত করিয়া দিতেন, তদনুরোধে তাঁহার আলেয়ে হজরতকে কিছু অধিক বিলম্ব করিতে হইত।
ইহা তাঁহার কোন কোন পত্নীর পক্ষে কষ্টকর হয়। তাঁহার সহধর্মিণী আয়শা ও হফসা পরস্পর
পরামর্শ করিয়া স্থির করিলেন যে, হজরত যখন জয়নবের গৃহে মধুর শরবত পান করিয়া আমাদের
কাহারও নিকটে আগমন করিবেন, তখন বলিব যে, তোমার মধু হইতে মগফুরের গন্ধ নির্গত হইতেছে।
মগফুর অরকতনামক বৃক্ষ বিশেষের নির্গাস, তাহা অতিশয় দুর্গন্ধ। হজরত হৃগন্ধ ভালবাসিতেন,
দুর্গন্ধকে অত্যন্ত ঘৃণা করিতেন। এক দিন তিনি মধু পান করিয়া তাঁহাদের প্রত্যেকের নিকটে
উপস্থিত হন। প্রত্যেকেই বলেন, “হজরত, আপনার মধু দিয়া মগফুরের গন্ধ আসিতেছে;” তিনি
উত্তর করেন, “আমি মগফুর পাই নাই, জয়নবের আলেয়ে মধুর শরবত পান করিয়াছি।” তাঁহারা
বলিলেন, “হয়তো মধুমক্ষিকা অরকত কুম্ভ হইতে মধু আহরণ করিয়াছিল।” ইহা পুনঃ পুনঃ বলা
হইলে হজরত কহিলেন, “ঈশ্বরের শপথ, আর কখনও উহা পান করিব না।” তাহাতেই এই আয়ত
অবতীর্ণ হয়। পরন্তু এরূপ প্রসিদ্ধি যে, হজরত হফসার বারের দিন তাঁহার গৃহে যাইতেন; একদা
তিনি হজরতের আজ্ঞাক্রমে পিত্রায়ে গিয়াছিলেন, হজরত কেবতকুলোদ্ভবা দাসীপত্নী মারিয়াকে
ডাকাইয়া নিজের সেবায় নিযুক্ত করেন। হফসা তাহা অবগত হইয়া অসন্তোষ প্রকাশ করেন। হজরত
বলেন, “হে হফসা, যদি আমি তাহাকে নিজের সম্বন্ধে অবৈধ করি, তাহাতে তুমি কি সম্মত নও?”
তিনি বলিলেন, “হাঁ সম্মত”। হজরত কহিলেন, “এ কথা কাহারও নিকটে বাক্ত করিবে না, তোমার
নিকটে গুপ্ত রহিল।” হফসা সম্মত হইলেন। কিন্তু যখন হজরত তাঁহার গৃহ হইতে চলিয়া গেলেন,
তৎক্ষণাৎ হফসা আয়শাকে যাইয়া এই সুসংবাদ দান করিয়া বলিলেন, “আমরা কেবতনারীর হস্ত
হইতে মুক্তি পাইয়াছি।” পরে হজরত আয়শার গৃহে আগমন করিলে তখন আয়শা ইজিভে এই
বৃত্তান্ত বলেন। এতদুপলক্ষে এই সূরা অবতীর্ণ হয়। অর্থাৎ মারিয়াকে পরমেশ্বর তোমার প্রতি বৈধ
করিয়াছেন, তাহাকে কেন আপনার সম্বন্ধে অবৈধ করিয়া তুলিলে ও শপথ করিলে? (ত, হো,)

+ অর্থাৎ প্রায়শ্চিত্তযোগে শপথ ভঙ্গ করিতে ঈশ্বর বিধি দিয়াছেন। সেই প্রায়শ্চিত্তবিধি সূরা
মায়দাতে বিবৃত হইয়াছে। (ত, হো,)

‡ অর্থাৎ হে বিশ্বাসিগণ, স্মরণ কর, যখন হজরত মারিয়াকে গ্রহণ করার অবৈধতাবিষয়ে অশ্ববা
মধুপানসম্বন্ধে হফসানারী আপন পত্নীকে গোপনে বলেন, পরে হফসা তাহা সাক্ষী আয়শাকে জ্ঞাপন

দিকে ফিরিয়া আইস, (ভাল হয় ;) অনন্তর নিশ্চয় তোমাদের অন্তর কুটিল হইয়াছে । এবং যদি তাহার প্রতি (তাহাকে ক্লেদানে) তোমরা পরস্পর অঙ্কুল হও, তবে নিশ্চয় (জানিও,) সেই ঈশ্বর ও জেব্রিল এবং সাধু বিশ্বাসিগণ তাহার বন্ধু আছেন, এবং অতঃপর দেবগণ সাহায্যকারী হয় । ৪ । যদি সে তোমাদিগকে বর্জন করে, তবে তাহার প্রতিপালক তোমাদিগ অপেক্ষা উত্তম মোসলমান, বিশ্বাসিনী, সাধনপরায়ণ, পাপ হইতে প্রতিনিবৃত্তা, অর্চনাকারিণী, উপবাসব্রতধারিণী, বিবাহিতা ও কুমারী নারীদিগকে তাহাকে বিনিময় দান করিতে সমুত্তত । ৫ । হে বিশ্বাসিগণ, তোমরা আপনাদের জীবনকে ও আপনাদের পরিজনকে সেই অগ্নি হইতে রক্ষা কর, যাহার ইন্ধনপুঞ্জ মানব-গণ ও (প্রতিমা বা স্বর্ণ রজতাদি) প্রস্তুতরাশি হয়, তাহার উপর দুর্দম কঠোর দেবগণ (নিযুক্ত) ; তাহাদিগকে যাহা আদেশ করিয়াছেন, তাহারা ঈশ্বরের সেই আজ্ঞা অমান্য করে না, এবং যাহা আজ্ঞা করা হয়, তাহা করিয়া থাকে । ৬ । আমি (বলিব,) “হে ধর্মবিরোধিগণ, অতঃপর তোমরা আপত্তি করিও না ; তোমরা যাহা করিতেছ, তদ্রূপ বিনিময় দেওয়া যাইবে, এতদ্বিষয় নহে” । ৭ । (র, ১, আ, ৭)

হে বিশ্বাসিগণ, ঈশ্বরের দিকে তোমরা বিশুদ্ধ প্রত্যাগমনে প্রত্যাগমন কর ; * তোমাদিগ হইতে তোমাদের দোষ সকল নিরাকরণ করিতে এবং যাহার নিয়ম দিয়া পয়ঃ-প্রণালী সকল প্রবাহিত হয়, সেই স্বর্গোচ্চান সকলে, যে দিবস পরমেশ্বর সংবাদবাহককে ও তাহার সঙ্গী বিশ্বাসীদিগকে অপকৃষ্ট করেন না, সেই দিবস লইয়া যাইতে তোমাদের প্রতিপালক সমুত্তত আছেন । তাহাদের জ্যোতি তাহাদের সমুখভাগে ও তাহাদের দক্ষিণ দিকে ধাবিত হইতে থাকিবে, এবং তাহারা বলিবে, “হে আমাদের প্রতিপালক, আমাদের জন্ত আমাদের জ্যোতিকে পূর্ণ কর, এবং আমাদের ক্ষমা কর, নিশ্চয় তুমি সর্বোপরি ক্ষমতাশালী” । ৮ । হে সংবাদবাহক, তুমি ধর্মদ্রোহী ও কপট লোকদিগের সঙ্গে জেহাদ করিও, এবং তাহাদের প্রতি কঠিন হইও ও তাহাদের আবাস নরকলোক, (উহা) গর্হিত স্থান । ৯ । পরমেশ্বর ধর্মদ্রোহীদিগের নিমিত্ত হুহার ভার্য্যা ও লুতের ভার্য্যার দৃষ্টান্ত বর্ণন করিয়াছেন ; তাহারা আমার ভৃত্যদিগের মধ্যে দুই সাধু ভৃত্যের অধীনে (বিবাহিত) ছিল, পরে তাহারা উভয়ে অপচয় করিল, অনন্তর তাহারা (হুহা ও লুত) তাহাদিগ হইতে ঈশ্বরের (শাস্তি) কিছুই নিবারণ করিতে পারিল না ।

করেন ; হফ্.সা বে আয়শাকে বলেন, ঈশ্বর হজরতের নিকটে তাহা প্রকাশ করেন । হজরত তাহার কতক হফ্.সাকে জানাইলেন, অর্থাৎ তোমাকে এই এই কথা বলিয়াছিল, তুমি ইহার মধ্যে এই কথা প্রকাশ করিয়াছ । কোন কোন কথা তিনি হফ্.সাকে বলিলেন না । (ত, হো,)

* সরল অন্তঃকরণের প্রত্যাবর্তন বা অনুতাপ এরূপ হয় যে, মনেতে আর কখনও কৃত পাপের চিন্তার উদয় হয় না, অন্তরে বিশ্বাসের জ্যোতি অলিতে থাকে । ইহাই বিশুদ্ধ প্রত্যাবর্তন বা অনুতাপ । (ত, ফা,)

এবং বলা হইল, “প্রবেশকারীদিগের সঙ্গে তোমরা দুইজনে নরকায়িতে প্রবেশ কর” * । ১০ । এবং পরমেশ্বর বিশ্বাসীদিগের জন্ত ফেরওণের স্ত্রীর দৃষ্টান্ত বর্ণন করিলেন ; (স্মরণ কর,) যখন সে বলিল, “হে আমার প্রতিপালক, আমার জন্ত স্বর্গে আপন সন্নিধানে একটি আলায় নিৰ্মাণ কর, এবং আমাকে ফেরওণ ও তাহার ক্রিয়া হইতে রক্ষা কর, অত্যাচারিদল হইতে আমাকে উদ্ধার কর” † । ১১ । + এবং এমরাণের কণ্ঠা মরয়মের (দৃষ্টান্ত,) যে স্বীয় জননেত্রিয়কে সংরক্ষণ করিয়াছিল, অনন্তর আমি তন্মধ্যে স্বীয় আত্মা ফুৎকার করিয়াছিলাম, এবং সে আপন প্রতিপালকের বাক্যাবলী ও তাঁহার গ্রন্থ সকলকে প্রত্যয় করিয়াছিল, এবং আজ্ঞানুবর্তীদিগের অন্তর্গত ছিল । ১২ । (র, ২, আ, ৫)

সূরা মোল্ক ‡

—... ❀ ...—

সপ্তষষ্টিতম অধ্যায়

--- ::---

৩০ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি।)

যাহার হস্তে রাজত্ব, তিনি মহা সমুন্নত এবং তিনি সর্বোপরি ক্ষমতাশালী । ১ । + যিনি কার্যাতঃ তোমাদের মধ্যে কে অভ্যন্তর, তোমাদিগকে ইহা পরীক্ষা করিতে জীবন ও মৃত্যু সৃজন করিয়াছেন ; তিনি পরাক্রান্ত ক্ষমশীল । ২ । + যিনি স্তরে স্তরে সপ্ত স্বর্গ সৃজন করিয়াছেন, ঈশ্বরের সৃষ্টিতে তুমি, (হে দর্শক,) কোন ক্রটি দেখিতে পাইবে না ; অনন্তর চক্ষুকে ফিরাইয়া লইয়া যাও, কোন ক্রটি কি দেখিতেছ ? তৎপর দুইবার নয়ন ফিরাইয়া লইয়া যাও, তোমার দিকে চক্ষু নিস্তেজ হইয়া ফিরিয়া আসিবে, এবং তাহা ক্লান্ত থাকিবে । ৩ । সত্য সত্যই আমি পৃথিবীর আকাশকে (নক্ষত্ররূপ) দীপাবলী দ্বারা শোভিত করিয়াছি, এবং তাহাকে (সেই নক্ষত্রপুঞ্জকে) শয়তানকুলের তাড়ানের যন্ত্র করিয়াছি, এবং আমি তাহাদের জন্ত নরকদণ্ড প্রস্তুত

* অর্থাৎ স্বীয় ধর্ম ঠিক রাখিও, স্বামী কোন স্ত্রীকে উদ্ধার করিতে পারে না । এ কথা সাধারণ নারীকে বলা হইয়াছে । ইহা মনে করা উচিত নয় যে, ঈশ্বর হজরতের সহধর্মিণীদিগকে বলিয়াছেন । (ত, ফা,)

+ এই নারী মহাপুরুষ মুসাকে প্রতিপালন করিয়াছিলেন ও তাঁহার সহায় ছিলেন, এবং ধর্ম্মে বিশ্বাস স্থাপন করিয়াছিলেন ; পরিশেষে ফেরওণ তাঁহাকে বহু যন্ত্রণা দানে মৃত্যু করে । (ত, ফা,)

‡ এই সূরা মক্কাতে অবতীর্ণ হইয়াছে ।

রাখিয়াছি। ৯। এবং যাহারা আপন প্রতিপালকের সম্বন্ধে বিত্ৰোহী হইয়াছে, তাহাদের জন্ত নরকদণ্ড আছে, এবং (উহা) গর্হিত স্থান। ৫। যখন তথায় তাহারা নিক্ষিপ্ত হইবে, তখন তাহারা এক নিনাদ শ্রবণ করিবে, এবং তাহা গর্দভধ্বনি (ভূল্য) *। ৬।+যখন কোন দল তাহার মধ্যে নিক্ষিপ্ত হইবে, তখন তাহা ক্রোধে খণ্ড খণ্ড হইবার উপক্রম হইবে; তাহার প্রহরিগণ তাহাদিগকে জিজ্ঞাসা করিবে, “তোমাদের নিকটে কি ভয়প্রদর্শক উপস্থিত হন নাই”? ৭। তাহারা বলিবে, “হা নিশ্চয়, আমাদের জন্ত ভয়প্রদর্শক আসিয়াছিলেন। ৮।+অনন্তর (তাহার প্রতি) আমরা অসত্যারোপ করিয়াছি এবং বলিয়াছি যে, পরমেশ্বর কিছুই অবতারণ করেন নাই; তোমরা মহা পথভ্রান্তির মধ্যে বৈ নও”। ৯। এবং বলিবে, “যদি আমরা শুনিতাম, অথবা বুঝিতাম, তবে নরকনিবাসীদিগের মধ্যে থাকিতাম না”। ১০। অনন্তর আপনাদের অপরাধ স্বীকার করিবে, অবশেষে নরকনিবাসীদিগের জন্ত অভিসম্পাত হউক। ১১। নিশ্চয় যাহারা আপন প্রতিপালককে গোপনে ভয় করে, তাহাদের জন্ত ক্ষমা ও মহা পুরস্কার আছে। ১২। তোমরা আপনাদের বাক্য গোপন কর বা তাহা প্রকাশ কর, নিশ্চয় তিনি অন্তরের রহস্তজ্ঞ। ১৩। যিনি সৃষ্টি করিয়াছেন, তিনি কি জানেন না? তিনি সুস্বদর্শী তত্ত্বজ্ঞ। ১৪। (৩, ১, আ, ১৪)

তিনি যিনি তোমাদের জন্ত পৃথিবীকে বিনীত করিয়াছেন, অনন্তর তোমরা তাহার চতুর্দিকে চলিতে থাক, তাঁহার (প্রদত্ত) জীবিকা হইতে ভোগ কর, এবং তাঁহার দিকেই পুনরুত্থান হয়। ১৫। যিনি স্বর্গে আছেন, তিনি যে, (হে কাকেরগণ,) তোমাদিগকে স্তম্ভিকায় প্রোথিত করিবেন, তাহা হইতে কি তোমরা নিশ্চিন্ত হইয়াছ? অনন্তর অকস্মাৎ এই (পৃথিবী) তোলপাড় হইবে। ১৬।+যিনি স্বর্গেতে আছেন, তিনি যে তোমাদের প্রতি প্রস্তরবর্ষা মেঘ প্রেরণ করিবেন, তাহা হইতে কি তোমরা নিশ্চিন্ত হইয়াছ? অনন্তর কেমন আমার ভয়প্রদর্শন, অবশ্য জানিবে। ১৭। এবং সত্য সত্যই তাহাদের পূর্বে যাহারা ছিল, তাহারা অসত্যারোপ করিয়াছিল, অবশেষে আমার শাস্তি কেমন হইয়াছিল? ১৮। তাহারা কি আপনাদের উপর প্রসারিত ও সঙ্কচিতপক্ষ পক্ষিকুলকে দেখিতেছে না? পরমেশ্বর ভিন্ন তাহাদিগকে (কেহ) ধারণ করিতেছে না, নিশ্চয় তিনি সকল পদার্থের প্রতি দৃষ্টিকারী। ১৯। যে ব্যক্তি তোমাদের জন্ত নৈঋত (পরিচালক হয়,) ঈশ্বর ভিন্ন তোমাদিগকে সাহায্য দান করিবে, এ কে হয়? ধর্মভ্রোহিগণ প্রতারণায় ভিন্ন নহে। ২০। যদি তিনি স্বীয় জীবিকা বন্ধ করেন, কে সেই ব্যক্তি, যে তোমাদিগকে উপজীবিকা দান করিবে? বরং তাহারা অবাধ্যতায় ও

* যখন কাকেরদিগকে উপস্থিত করা যাইবে, তখন নরক কোলাহল করিবে, এবং তাহার উচ্ছ্বাস হইতে থাকিবে। উচ্ছ্বাসিত উচ্চৈঃস্বরিত মাংসের স্তায় নরক তাহাদিগকে একবার উপরে তুলিবে ও একবার নীচে নামাইবে। (ত,হো.)

পলায়নে স্থিরতর। ২১। অনন্তর যে ব্যক্তি স্বীয় মুখের দিকে নত হইয়া (অধোমুখে) গমন করে, সে অধিকতর পথপ্রাপ্ত না, যে ব্যক্তি সরল পথে সোজা হইয়া গমন করে, সে * ? ২২। তুমি বল, (হে মোহম্মদ,) তিনিই, যিনি তোমাদিগকে সৃজন করিয়াছেন, এবং তোমাদের নিমিত্ত চক্ষু ও কর্ণ এবং হৃদয় স্থাপন করিয়াছেন ; তোমরা অল্পই ধন্বাদ করিয়া থাক। ২৩। তুমি বল, তিনিই, যিনি ধরাতলে তোমাদিগকে বিক্ষিপ্ত করিয়াছেন, এবং তাঁহার দিকে তোমরা একত্রীকৃত হইবে। ২৪। তাহারা বলিয়া থাকে, “যদি তোমরা সত্যবাদী হও, তবে কবে এই (কেয়ামতের) অঙ্গীকার (পূর্ণ) হইবে” ? ২৫। বল, (এই) জ্ঞান ঈশ্বরের নিকটে ভিন্ন নহে, এবং আমি স্পষ্ট ভয়প্রদর্শক বৈ নহি। ২৬। অনন্তর যখন তাহা নিকটবর্তী দেখিবে, তখন কাফেরদিগের মুখ মলিন হইবে ; বলা হইবে, “যাহা তোমরা চাহিতেছিলে, এই তাহা”। ২৭। তুমি বল, “তোমরা কি দেখিয়াছ, যদি পরমেশ্বর আমাদের ও আমার সঙ্গে যাহারা আছে, তাহাদিগকে বধ করেন, অথবা আমার প্রতি অত্যাচার করেন, (প্রত্যেক অবস্থায়) কে ধর্মবিশ্বাসীদের দৃষ্টিতে দুঃখজনক শাস্তি হইতে বাঁচাইবে” ? ২৮। বল, তিনিই পরমেশ্বর, আমরা তাঁহার প্রতি বিশ্বাস স্থাপন করিয়াছি ও তাঁহার প্রতি নির্ভর করিয়াছি ; অনন্তর তোমরা শীঘ্রই জানিবে, সে কে যে, স্পষ্ট পথপ্রাপ্তির মধ্যে আছে। ২৯। বল, দেখিয়াছ কি, যদি তোমাদের জল শুষ্ক হইয়া যায়, তবে কে শ্রোতোজল তোমাদের নিকটে আনয়ন করিবে ? ৩০। (র, ২, আ, ১৬)

* অর্থাৎ কাফেরগণ দক্ষিণে বামে সম্মুখে পশ্চাতে দৃষ্টি করে না, অধোবদনে গমন করে, তাহারা প্রবঞ্চনার প্রাস্তরে ঘুরিয়া বেড়ায়। বিশ্বাসীগণ ইতস্ততঃ দৃষ্টি করিয়া সরল পথে চলে। (ত, হো,)

+ অর্থাৎ বিশ্বাস ও একত্ববাদ ব্যতীত ঈশ্বরের শাস্তি হইতে তোমাদিগকে অল্প কিছুই বাঁচাইতে পারিবে না। (ত, হো,)

সূরা কলম *

—:~:—

অষ্টাষ্টিতম অধ্যায়

—:~:—

৫২ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি।)

ন, ৭ লেখনীর ও যাহা লিখিত হয়, তাহার শপথ ১। ১। তুমি, (হে মোহাম্মদ,) স্বীয় প্রতিপালকের দানসম্বন্ধে ক্ষিপ্ত নও ২। ২। নিশ্চয় তোমার জ্ঞান অগু পুরস্কার আছে। ৩। এবং নিশ্চয় তুমি মহা চরিত্রবান্। ৪। অনন্তর তুমি অচিরে দেখিবে ও তাহারা দেখিবে যে, তোমাদের মধ্যে কাহার সঙ্কটাবস্থা হয়। ৫+৬। নিশ্চয় তোমার প্রতিপালক, যে ব্যক্তি তাঁহার পথ হইতে হারাইয়া গিয়াছে, তাহাকে উত্তম জানেন, এবং তিনি পথপ্রাপ্তদিগকে বিশেষ জানেন। ৭। অনন্তর তুমি মিথ্যাবাদীদিগের অনুগত হইও না। ৮। তাহারা ভালবাসে যে, যদি তুমি কোমল ব্যবহার কর, তবে তাহারাও কোমল ব্যবহার করিবে। ৯। এবং তুমি প্রত্যেক নীচ শপথকারী, নিন্দাকারী, কথার ছিত্রাঙ্ঘেণে গমনকারী, কল্যাণের প্রতিরোধকারী, সীমালঙ্ঘনকারী, অপরাধী উদ্ধতদিগের, অতঃপর জারজের, সে ধনশালী ও বহু পুত্রবান্ বলিয়া, অনুগত হইও না ১০+১১+১২+১৩+১৪। যখন তাহার নিকটে আমার আয়ত সকল পঠিত

* এই সূরা মক্কাতে অবতীর্ণ হইয়াছে।

+ ন, এই ব্যবচ্ছেদক বর্ণ ঈশ্বরের নামাবলীর কৃঞ্জিকা। ইহা জ্যোতি ও সাহায্যদাতা এই দুই নামের প্রকাশক, এবং ঈশ্বরের রহমান নামের অন্তিম বর্ণ। কপিত হইয়াছে যে, ইহা সূরা বিশেষের নাম, বা আলোককলকের, কিংবা স্বর্গস্থ প্রণালী বিশেষের নাম, অথবা বিশ্বাদীদিগের সম্বন্ধে ঈশ্বরের সাহায্যদানের শপথ। এরূপ প্রসিদ্ধি যে, এই হুন (ন) মৎস্তবিশেষের নাম, যাহার পৃষ্ঠোপরি পৃথিবী স্থাপিত।

(ত, হো)

‡ প্রথমতঃ ঈশ্বর যাহা সৃজন করেন, তাহা লেখনী, পরে মসীপাত্র সৃষ্টি করেন; এই দুয়ের ও মসীপাত্র হইতে মসী গ্রহণ করিয়া লেখনী যাহা লিপি করিয়াছে, পরমেশ্বর তাহার শপথ স্মরণ করিলেন। ঈশ্বরের লেখনী জ্যোতিষ্মতী জগদ্ব্যাপিনী শক্তিবিশেষ, লিপি প্রত্যাদেশ।

(ত, হো,)

§ অলিদের পুত্র ময়রার কথার উত্তরে এই উক্তি হইয়াছে।

(ত, হো,)

¶ যখন হজরত এই আয়ত কোরেশদিগের সভায় পাঠ করিলেন, যে সকল দোষের উল্লেখ হইয়াছে, অলিদ তাহা নিজের চরিত্রে বিদ্যমান দেখিল; কিন্তু জারজ শব্দের বাচ্য হইতে পারে, সে এরূপ বিশ্বাস করিতে পারিল না। মনে মনে ভাবিল, “আমি কোরেশদলপতি, আমার পিতা একজন প্রসিদ্ধ লোক; কিন্তু জানি, মোহাম্মদ অসত্য বলে না, সে যে জারজ বলিল, ইহা কেমন করিয়া আপনার

হয়, তখন সে বলে, “ইহা পূর্বতন উপাখ্যানাবলী”। ১৫। সম্ভবই আমি নাসিকার উপর তাহাকে চিহ্নিত করিব। ১৬। নিশ্চয় যে রূপ উদ্ভানস্বামীদিগকে পরীক্ষা করিয়া ছিলাম, আমি তাহাদিগকে সেরূপ পরীক্ষা করিয়াছি; (স্মরণ কর,) যখন তাহারা শপথ করিয়াছিল যে, অবশ্য প্রাতঃকালে তাহা উচ্ছিন্ন করিবে, এবং “এনশায় আন্না” (যদি ঈশ্বর ইচ্ছা করেন) বলিতেছিল না*। ১৭+১৮। অনন্তর তোমার প্রতিপালক হইতে এক ঘূর্ণ্যমান বায়ু (শাস্তিবিশেষ) সেই (উদ্ভানের) উপর ঘুরিয়াছিল, এবং তাহারা নিদ্রিত ছিল। ১৯। পরে প্রাতঃকালে তাহা উচ্ছিন্ন হইল। ২০।+অবশেষে প্রভাত হইলে তাহারা পরস্পরকে ডাকিতেছিল। ২১।+“যদি তোমরা কর্তনকারী হও, তবে প্রভাতে স্বীয় ক্ষেত্রে গমন কর”। ২২। অনন্তর চলিয়া গেল ও তাহারা পরস্পর গোপনে বলিতেছিল যে, “অতঃ তোমাদের নিকটে কোন দরিদ্র তথায় প্রবেশ করিবে না”। ২৩+২৪। এবং প্রত্যুষে ক্ষমতাশালী (আপনাদিগকে মনে করত) সেই সন্মেলের উদ্দেশ্যে চলিল। ২৫। অনন্তর যখন তাহারা তাহা দেখিল, বলিল, “নিশ্চয় আমরা বিভ্রান্ত। ২৬।+বরং আমরা বঞ্চিত”। ২৭। তাহাদের মধ্যস্থ ব্যক্তি বলিল, “আমি তোমাদিগকে কি বলি নাই যে, কেন তোমরা স্তব করিতেছ না”? ২৮। তাহারা বলিল, “আমাদের প্রতিপালকেরই পবিত্রতা, নিশ্চয় আমরা অত্যাচারী হইয়াছি”। ২৯। অবশেষে তাহাদের একজন অগ্র জনের নিকটে পরস্পর তিরস্কার করত অগ্রসর হইল। ৩০। তাহারা বলিল, “হায়, আমাদের প্রতি আক্ষেপ, নিশ্চয় আমরা সীমালঙ্ঘনকারী হইয়াছি। ৩১। ভরসা যে, আমাদের প্রতিপালক এতদপেক্ষা উত্তম (উদ্ভান) আমাদিগকে বিনিময় দান করিবেন; নিশ্চয় আমরা আমাদের প্রতিপালকের দিকে সমুৎসুক”।

সম্বন্ধে আরোপ করিব?” সে এরূপ চিন্তা করিয়া উন্মুক্ত করবাল হস্তে মাতার নিকটে উপস্থিত হইল। অনেক ভয়প্রদর্শন করিলে পর জননী এরূপ বলিল যে, “তোমার পিতা বৃদ্ধ হইয়াছিলেন, তাঁহার গ্রীসহবাসের ক্ষমতা ছিল না। তদীয় ত্রাতৃপুত্রগণ তাঁহার ধনের উত্তরাধিকারী হইবে, এরূপ আশা করিতেছিল। তাহাতে আমার ঈর্ষ্যা হইল, আমি অমুক দাসকে ক্রয় করিয়া আনয়ন করি ও তাহার সর্ঙ্গে মিলিত হই, তুমি তাহারই সম্ভান।” তখন অলিদ হজরতের বাক্যের সত্যতার স্পষ্ট প্রমাণ লাভ করে। (ত, হো,)

* এয়মন দেশের অন্তর্গত সনানামক প্রদেশে এক জন সাধু পুরুষ ছিলেন, তাঁহার খোশ্বা ইত্যাদি ফলের এক উদ্ভান ছিল। তিনি সেই উদ্ভানের ফল সংগ্রহ করিবার দিন দরিদ্রদিগকে ডাকিয়া আনিতেন, এবং তরুতলে এক শয্যা প্রসারণ করিতেন। হস্ত প্রসারণ করিয়া বৃক্ষের যে ফল ধরা যাইতে পারিত না, বায়ু বাহা নিক্ষেপ করিত, অথবা শয্যার দিকে যাহা পতিত হইত, তিনি তাহা দরিদ্রদিগকে দান করিতেন। আপন লভ্য ফলেরও দশ ভাগের এক ভাগ দীন দুঃখীদিগকে দিতেন। সেই ধার্মিক পুরুষের পরলোক হইলে পর তাঁহার পুত্রগণ পরস্পর বলিল যে, “সম্পত্তি অল্প, পরিবার অধিক, পিতা যে রূপ করিয়াছেন, আমরা তদ্রূপ আচরণ করিলে আমাদের জীবিকা সর্দ্ধী হইবে। প্রত্যুষে দরিদ্রগণ সংবাদ না পাইতেই আমরা উদ্ভানে যাইয়া সমুদায় ফল ছিড়িয়া আনিব।” তখন তাহারা শপথ করে। পরমেশ্বর এইরূপ বলেন। (ত, হো,)

৩২। এই প্রকার শাস্তি ; এবং নিশ্চয় পারলৌকিক শাস্তি (ইহা অপেক্ষা) গুরুতর, যদি তাহারা জানিত, (ভাল ছিল)। ৩৩। (র, ১, আ, ৩৩)

নিশ্চয় ধর্মভীরু লোকদিগের জ্ঞান তাহাদের প্রতিপালকের নিকটে সম্পদের উজ্জান সকল আছে। ৩৪। অনন্তর আমি কি মোসলমানদিগকে পাপীদিগের তুল্য করিব ? ৩৫। তোমাদের কি হইয়াছে, (হে কাফেরগণ,) তোমরা কেমন আজ্ঞা করিতেছ ? ৩৬। তোমাদের নিকটে কি গ্রন্থ আছে, তন্মধ্যে তোমরা পাঠ করিয়া থাক ? নিশ্চয় তাহাতে যাহা মনোনীত কর, তাহা তোমাদের জ্ঞান হয়। ৩৭ + ৩৮। আমার সম্বন্ধে তোমাদের কি প্রতিজ্ঞা সকল আছে যে, কেয়ামতের দিন পর্য্যন্ত পঁছবিবে ? নিশ্চয় যাহা তোমরা নির্ধারণ করিয়া থাক, তাহা তোমাদের জ্ঞান হয়। ৩৯। তুমি তাহাদিগকে, (হে মোহম্মদ,) জিজ্ঞাসা কর, তাহাদের কে এ বিষয়ে প্রতিভূ * ? ৪০। তাহাদের জ্ঞান কি অংশী সকল আছে ? অনন্তর উচিত যে, যদি তাহারা সত্যবাদী হয়, তবে আপনাদের অংশীদিগকে উপস্থিত করে। ৪১। যে দিবস পদ হইতে আবরণ উন্মোচন করা যাইবে ও তাহারা যে প্রণামের দিকে আহৃত হইবে, তখন সমর্থ হইবে না †। ৪২। + তাহাদের চক্ষে কাতরতা হইবে, দুর্গতি তাহাদিগকে ঘেরিয়া লইবে, এবং সত্যই প্রকৃত অবস্থায় তাহারা প্রণামের দিকে আহৃত হইতেছিল। ৪৩। অনন্তর আমাকে ও যাহারা এই বাক্যকে অসত্য বলে, তাহাদিগকে ছাড়িয়া দাও ; যেস্থান হইতে জানিতেছে না, তথা হইতে সম্বরই অল্পে অল্পে আমি তাহাদিগকে টানিয়া লইব ‡। ৪৪। + এবং তাহাদিগকে অবকাশ দিব, নিশ্চয় আমার কৌশল দৃঢ়। ৪৫। তুমি কি তাহাদিগ হইতে পারিশ্রমিক চাহিতেছ ? অনন্তর তাহারা গুরুতর দণ্ডার্থ। ৪৬। তাহাদের নিকটে কি গুপ্ততত্ত্ব আছে, পরে তাহারা (তাহা) লিখিয়া থাকে ? ৪৭। অনন্তর তুমি স্বীয় প্রতিপালকের আজ্ঞার জ্ঞান ধৈর্য্য ধারণ কর, এবং মৎস্তাধিষ্ঠিত ব্যক্তির জ্ঞান হইও না ; যখন সে প্রার্থনা করিয়াছিল, তখন বিষাদপূর্ণ ছিল §। ৪৮। যদি তাহার এই জ্ঞান না থাকিত যে, তাহার

* অর্থাৎ তোমাদের মধ্যে কে এ বিষয়ে সমর্থ আছে যে, পরলোকে তাহা রক্ষা করিতে পারিবে ? (ত, হো,)

+ “পদ হইতে আবরণ উন্মোচন করার” অর্থ, ঈশ্বরের সিংহাসনের প্রাস্ত প্রদর্শন করা বা ঈশ্বরের প্রকাশ পাওয়া, অথবা হুকটিন ও ভয়ানক ব্যাপার প্রকাশ পাইয়া পড়া। হজরত বলিয়াছেন যে, পরদেখর সেই দিবস মহা জ্যোতিঃ প্রদর্শন করিবেন, তিনি সিংহাসনের পদপ্রান্ত হইতে আলোক বিকীর্ণ করিবেন, সমুদায় বিশ্বাসী নরনারী তাহার উদ্দেশ্যে প্রণত হইবে। যাহারা পৃথিবীতে কপট ভাবে প্রণাম করিয়াছিল, তাহারা মাত্র অবশিষ্ট থাকিবে। যখন তাহারা প্রণাম করিতে চাহিবে, পারিবে না, তাহাদের পৃষ্ঠ বন্ধ হইবে না। (ত, হো,)

‡ “সম্বরই অল্পে অল্পে তাহাদিগকে আমি টানিয়া লইব” অর্থাৎ আমি ক্রমে তাহাদের প্রতি শাস্তি উপস্থিত করিব। (ত, হো,)

§ মৎস্তাধিষ্ঠিত ব্যক্তি মহাপুরুষ ইয়ুনস। তিনি লোকের উৎপীড়নে অধৈর্য্য হইয়াছিলেন

প্রতিপালকের কৃপা আছে, তবে অবশ্য মরুভূমিতে সে নিষ্কিপ্ত হইত, এবং সে লাহিত হইত। ৪২। অনন্তর তাহার প্রতিপালক তাহাকে গ্রহণ করিলেন, পরে তাহাকে সাধুদিগের অন্তর্গত করিয়া লইলেন। ৫০। নিশ্চয় তোমাকে স্বীয় দৃষ্টিতে পদস্থলিত করিতে কাফেরগণ সম্মুখত ; যখন তাহারা কোর্-আন্ শ্রবণ করে, তখন বলিয়া থাকে যে, “নিশ্চয় সে ক্দিপ্ত”। ৫১। কিন্তু উহা জগদ্বাসীদিগের জ্ঞান উপদেশ ভিন্ন নহে। ৫২। (র, ২, আ, ১২)

সূরা হাক্কা

-:~:-

উনসপ্ততিতম অধ্যায়

—:~:—

৫২ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

কেয়ামত। ১। কি সেই কেয়ামত ? ২। কিসে তোমাকে জানাইয়াছে, কেয়ামত কিরূপ হয় ? ৩। সমুদ ও আদ জাতি কেয়ামতের বিষয়ে অসত্যারোপ করিয়াছিল। ৪। অনন্তর কিন্তু সমুদ জাতি সীমাতিক্রান্ত নিনাদে মারা গেল। ৫। কিন্তু আদ জাতি পরে সীমাতিক্রান্ত মহা বাতায় মারা গেল। ৬। সপ্ত রাত্রি অষ্ট দিবা মূলচ্ছেদনে (বিনাশসাধনে) তাহাদের প্রতি উহা প্রবল ছিল ; অনন্তর তুমি সেই জাতিকে তথায় ভূতলশায়ী দেখিতেছ, যেন তাহারা শুষ্ক খোশ্মাতরুর কাণ্ড ৭। ৭। অবশেষে তুমি কি তাহাদিগের কিছু অবশিষ্ট দেখিতেছ ? ৮। এবং ফেরগণ ও তাহার পূর্বে যাহারা ছিল, তাহারা এবং মওতফকাতনিবাসিগণ পাপাচারে উপস্থিত হইয়াছিল। ৯। অনন্তর তাহারা স্বীয় প্রতিপালকের প্রেরিতকে অমান্য করিয়াছিল ; অবশেষে মহা আক্রমণে তিনি তাহাদিগকে আক্রমণ করিয়াছিলেন। নিশ্চয় যখন জল সীমা অতিক্রম করিল, তখন আমি তোমাদিগকে (তোমাদের পূর্বপুরুষদিগকে) নৌকায় আরোহণ করাইলাম, যেন ইহাকে তোমাদের জ্ঞান উপদেশস্বরূপ করি, এবং কোন স্মরণকারক কর্তৃক স্মরণ রাখে।

বলিয়া তাহার শাস্তিধরূপ মৎস্তের গর্ভে স্থান গ্রহণ করিয়াছিলেন। এই বৃন্তান্ত সূরা ইয়ূনসে বিবৃত হইয়াছে। (ত, হো,)

* এই সূরা মক্কাতে অবতীর্ণ হইয়াছে।

+ অর্থাৎ ভূতলে পতিত অন্তঃসারশূন্য ছিন্নমূল খোশ্মাতরুর নিম্নভাগের ছায় তাহারা পড়িয়া আছে, সকলে উচ্ছিন্ন হইয়াছে। এক বৃহস্পতিবার সন্ধ্যাকালে আরম্ভ হইয়া অপর বৃহস্পতিবার সন্ধ্যাকালে বাত্যা শেষ হইয়াছিল। (ত, হো,)

১০ + ১১ + ১২। অনন্তর যখন সুরবাণ্ডে একবার ফুৎকারে ফুৎকার করা হইবে, এবং পৃথিবী ও পর্বতশ্রেণী উর্দ্ধে সমুখাপিত হইবে, তখন তাহারা একমাত্র বিচূর্ণনে বিচূর্ণীকৃত হইয়া যাইবে। ১৩ + ১৪। পরিশেষে সেই দিবস কেয়ামত সজ্জাটিত হইবে। ১৫। + এবং নভোমণ্ডল বিদীর্ণ হইবে, পরন্তু উহা সেই দিবস লুপ্ত হইয়া পড়িবে। ১৬। + এবং দেবতারাই হার প্রাস্তভাগে থাকিবে, সেই দিবস, (হে মোহম্মদ,) তোমার প্রভুর সিংহাসন আট জনে আপনাদের উপর বহন করিবে *। ১৭। সেই দিবস তোমাদিগকে, (হে লোক সকল,) সম্মুখে আনয়ন করা হইবে, তোমাদের কোন গোপনীয় বিষয় গুপ্ত থাকিবে না। ১৮। অনন্তর কিন্তু যে ব্যক্তিকে তাহার পুস্তক (কার্যালিপি) তাহার দক্ষিণ হস্তে দেওয়া হইয়াছে, পরে তাহাকে বলা হইবে, এস এবং আমার (প্রদত্ত) কার্যালিপি পাঠ কর। ১৯। (বলিবে,) “নিশ্চয় আমি মনে করিতেছিলাম যে, একান্তই আমি আপন হিসাবের সঙ্গে মিলিত হইব”। ২০। + অনন্তর যাহার ফলপুঞ্জ সন্নিহিত, সেই (সহজলভ্য) উন্নত স্বর্গোচ্চানে সে মনোমত জীবনযাপনে থাকিবে। ২১ + ২২ + ২৩। (বলা হইবে,) “অতীত কালে যাহা সম্পাদন করিয়াছ, তজ্জন্তু স্মৃতি পান ভোজন কর”। ২৪। কিন্তু যে ব্যক্তিকে তাহার পুস্তক (কার্যালিপি) তাহার বাম হস্তে দেওয়া হইয়াছে, পরে সে বলিবে, “হায়! আপন পুস্তক যদি আমাকে না দেওয়া হইত। ২৫ + ২৬। এবং আপন হিসাব কি, না জানিতাম, (ভাল ছিল)। ২৭। হায়! যদি ইহা অন্তক হইত। ২৮। আমার সম্পত্তি আমা হইতে (শাস্তি) নিবারণ করিল না। ২৯। আমা হইতে আমার রাজত্ব বিলুপ্ত হইল”। ৩০। (বলা হইবে, “হে দেবগণ,) ইহাকে ধর, পরে গলবন্ধন ইহার গলে স্থাপন কর। ৩১। + তৎপর ইহাকে নরকে প্রবেশ করাও। ৩২। + তাহার পর যাহার দৈর্ঘ্য সন্তোর হস্ত, সেই শৃঙ্খলে বদ্ধ করিয়া তাহাকে আনয়ন কর। ৩৩। নিশ্চয় সে মহা ঈশ্বরের প্রতি বিশ্বাস স্থাপন করে নাই। ৩৪। + এবং দরিদ্রকে আহারদানে প্রবৃত্তি দান করিত না। ৩৫। অনন্তর অণু তাহার জন্ত এ স্থানে কোন বন্ধু নাই। ৩৬। + এবং পীতবারি ব্যতীত পানীয় নাই। ৩৭। + পাপী লোক ব্যতীত তাহা পান করে না”। ৩৮। (র, ১, আ, ৩৮)

অনন্তর আমি, তোমরা যাহা দেখিতেছ ও যাহা দেখিতেছ না, তাহার শপথ করিতেছি। ৩৯ + ৪০। নিশ্চয় ইহা (কোর-আন্) মহা প্রেরিতের বাক্য। ৪১। + এবং উহা কবির কথা নহে, যাহা তোমরা বিশ্বাস করিতেছ, তাহা অল্পই হয়। ৪২। এবং

* এক্ষণ চারি জন ফেরেস্তার স্বক্কে ঈশ্বরের সিংহাসন আছে, সে দিবস আট জনের প্রয়োজন হইবে। (ত, কা,)

সেই দিবস পার্শ্বত্যা ছাগপণ্ডর আকৃতিবিশিষ্ট ফেরেস্তাগণ ঈশ্বরের সিংহাসন স্বক্কে বহন করিবেন। তাহাদের পায়ের ধূর হইতে জাহ্নুদেশ পর্যন্ত দূরতা এক স্বর্গ হইতে অপর স্বর্গের দূরতার তুল্য। দেবজ্ঞান আট শ্রেণীতে সেই সিংহাসন ধারণ করিবেন। (ত, হো,)

ভবিষ্যৎকৃত্য বাক্য নহে, যে উপদেশ গ্রহণ করিতেছে, তাহা অল্পই হয়। ৪৩। নিখিল জগতের প্রতিপালক হইতে তাহা অবতারণিত। ৪৪। যদি (প্রেরিত পুরুষ) আমার সম্বন্ধে কোন কোন কথা রচনা করে, তবে অবশ্য আমি তাহার দক্ষিণ হস্ত ধারণ করিব। ৪৫ + ৪৬। তৎপর অবশ্য তাহার হৃদয়ের শিরা ছিন্ন করিব। ৪৭। অনন্তর তাহা হইতে (শাস্তির) নিবারণকারী তোমাদের মধ্যে কেহ নাই, এবং নিশ্চয় ইহা (কোর-আন্) ধর্মভীরু লোকদিগের জন্ত উপদেশ হয়। ৪৮। নিশ্চয় আমি জানিতেছি যে, তোমাদের মধ্যে অসত্যবাদিগণ আছে। ৪৯। নিশ্চয় ইহা (কোর-আন্) ধর্মদ্রোহীদিগের সম্বন্ধে আক্ষেপজনক হয়। ৫০। নিশ্চয় ইহা ঋব সত্য। ৫১। অনন্তর তুমি, (হে মোহাম্মদ,) স্বীয় মহা প্রভুর নামের স্তব কর। ৫২। (র, ২, আ, ১৪)

সূরা মেরাজ *

—:~:—

সপ্ততিতম অধ্যায়

—:~:—

৪৪ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি।)

গৌরবান্বিত পরমেশ্বর হইতে যাহার কোন নিবারণকারী নাই, ধর্মদ্রোহীদিগের সম্বন্ধে সেই সজ্জটনীয় শাস্তিবিষয়ে এক জন জিজ্ঞাসা করিল †। ১+২+৩। যাহার পরিমাণ পঞ্চাশ সহস্র বৎসর হয়, সেই দিবস দেবগণ ও আত্মা তাঁহার দিকে সমুখান করিতে থাকে ‡। ৪।+অনন্তর তুমি উত্তম ধৈর্য্যে ধৈর্য্যধারণ কর। ৫। নিশ্চয় তাহারা তাহা দূরে দেখিতেছে। ৬।+এবং আমি তাহা নিকটে দেখিতেছি। ৭। যে দিবস গগনমণ্ডল দ্রবীভূত তাম্রসদৃশ হইবে। ৮।+এবং গিরিশ্রেণী বিচিত্র উর্ণাতুলা হইবে। ৯।+এবং কোন আত্মীয় আত্মীয়ের (পাপের সংবাদ) জিজ্ঞাসা করিবে না। ১০।+পরস্পর তাহাদিগকে দেখাইয়া দেওয়া হইবে, অপরাধিগণ অভিলাষ

* এই সূরা মক্কাতে অবতীর্ণ হইয়াছে।

† কথিত আছে যে, এই জিজ্ঞাসা আবুজহল ছিল। সে কেরামতের শাস্তি সত্তর উপস্থিত করার জন্ত হজরতের নিকটে প্রার্থনা করিয়াছিল।

‡ অর্থাৎ কেরামতের দিন কাকেরদিগের সম্বন্ধে এইরূপ দীর্ঘ হইবে। কেরামতের প্রাপ্তরে পঞ্চাশটি বিশ্রাম ও অবস্থিতিস্থান আছে। লোকদিগকে প্রত্যেক বিশ্রামস্থানে সহস্র বৎসর রাখিয়া দিবে। (ত, হো,)

করিবে যে, যদি সেই দিবস শান্তির বিনিময়ে আপন সম্মানকে ও আপন পত্নীকে এবং আপন ভ্রাতাকে ও আপন স্বগণকে, যাহাকে (পৃথিবীতে) স্থান দিয়াছে, দান করে। ১১+১২+১৩।+এবং ধরাতলে যাহারা আছে, সমুদায়কে (বিনিময়স্বরূপ দান করে,) তৎপর তাহাকে মুক্তি দেয়। ১৪।+না না, নিশ্চয় উহা (নরক) শিখাবান্ অগ্নি, শিরশ্চর্খ আকর্ষণ করিয়া থাকে *। ১৫+১৬।+যাহারা (ধর্মপথ হইতে) ফিরিয়া গিয়াছে ও বিমুখ হইয়াছে, এবং (পার্থিব সম্পত্তি) সংগ্রহ করিয়াছে, পরে (তাহা) বন্ধ রাখিয়াছে, উহা তাহাদিগকে ডাকিয়া লয়। ১৭+১৮। নিশ্চয় মনুষ্য ধৈর্যাহীন সৃষ্ট হইয়াছে। ১৯। যখন তাহার প্রতি অকল্যাণ উপস্থিত হয়, তখন সে উৎকণ্ঠিত হইয়া থাকে। ২০। এবং যখন কল্যাণ তাহার প্রতি উপস্থিত হয়, তখন (তাহার) নিবারক হইয়া থাকে। ২১। উপাসকগণ, সেই যাহারা স্বীয় উপাসনাতে দৃঢ়ব্রত, এবং যাহাদের সম্পত্তির মধ্যে প্রার্থী ও দরিদ্রের নিমিত্ত স্বত্ব নির্দ্ধারিত আছে, যাহারা বিচারের দিবসকে সত্য বলিয়া থাকে এবং সেই যাহারা আপন প্রতিপালকের শাস্তি হইতে ভীত, তাহারা ব্যতীত। ২২+২৩+২৪+২৫+২৬। নিশ্চয় তাহাদের প্রতিপালকের শাস্তি অনিবার্য। ২৭। এবং সেই যাহারা আপন ভাৰ্য্যাদিগের সম্বন্ধে, কিংবা তাহাদের দক্ষিণ হস্ত যাহাদিগকে অধিকার করিয়াছে, সেই (দাসীদিগের সম্বন্ধে) ব্যতীত আপন জননেদ্রিয়ার সংরক্ষক, (তাহারা ব্যতীত;) অনন্তর নিশ্চয় তাহারা ভৎসনার যোগ্য নহে। ২৮+২৯+৩০। অনন্তর যাহারা এতদ্ভিন্ন অভিলাষ করে, পরে ইহারাই তাহারা যে, সীমালঙ্ঘনকারী। ৩১। এবং সেই যাহারা স্বীয় গচ্ছিত (সামগ্রীর) ও স্বীয় অঙ্গীকারের সংরক্ষক। ৩২। এবং সেই যাহারা আপন সাক্ষাদানে প্রতিষ্ঠিত। ৩৩। এবং সেই যাহারা আপন উপাসনার প্রতি অবধান করে। ৩৪। ইহারাই স্বর্গোত্তান সকলে সম্মানিত। ৩৫। (র, ১, আ, ৩৫)

অনন্তর কেন, (হে মোহম্মদ,) ধর্মদ্রোহিগণ তোমার সম্মুখে দলে দলে দক্ষিণ ও বাম দিক্ হইতে ধাবমান +? ৩৬+৩৭। তাহাদের প্রত্যেক ব্যক্তি কি কামনা করে যে, সম্পদের উত্তানে সমানীত হইবে? ৩৮। না না, নিশ্চয় আমি তাহাদিগকে যাহা দ্বারা সৃষ্টি করিয়াছি, তাহা তাহারা জানে †। ৩৯। অনন্তর আমি পূর্ক

* অগ্নিজিহ্বা দুই শত কি এক শত বৎসরের পথ হইতে কাকেরদিগের মস্তক আকর্ষণ করিবে। চুষক যেমন লৌহ আকর্ষণ করে, নরকানলের শিখা কাকেরদিগকে তজ্জপ টানিবে। (ত, হো,)

+ উক্ত আয়ত অবতীর্ণ হইলে পর অংশিবাদিগণ হজরতের চতুস্পার্শ্ব ঘেরিয়া ব্যঙ্গ করিয়া বলিতে লাগিল যে, যদি মোহম্মদের বঙ্গুগণ পারলৌকিক উজ্জানের আশা করে, আমরাও তাহাদের পূর্ক হইতে আশা পোষণ করিতেছি। এতদ্বুলকে এই আয়ত হয়। (ত, হো,)

‡ অর্থাৎ তাহারা গুরুযোগে সৃষ্ট হইয়াছে, গুত্রের সঙ্গে পবিত্র আধ্যাত্মিক জগতের কোন সম্বন্ধ নাই। কলঙ্ক ও অপবিত্রতা হইতে মুক্ত না হইলে ও দেবচরিত্র লাভ না করিলে কেহ স্বর্গোত্তানে প্রবেশ করিতে সক্ষম নহে। (ত, হো,)

পশ্চিমের প্রতিপালকের নামে শপথ করিতেছি যে, নিশ্চয় আমি তাহাদের অপেক্ষা উৎকৃষ্ট লোক (তাহাদের স্থানে) পরিবর্তিত করিতে সমর্থ, এবং আমি কাতর নহি। ৪০ + ৪১। অনন্তর যে পর্য্যন্ত না তাহারা, যাহা অস্বীকৃত হইয়াছে, সেই আপন দিনের সঙ্গে সাক্ষাৎ করে, সে পর্য্যন্ত তাহাদিগকে নিরর্থক কার্য্য ও ক্রীড়ামোদ করিতে ছাড়িয়া দাও। ৪২। যে দিন তাহারা কবর হইতে বেগে নির্গত হইবে, যেন তাহারা কোন স্থাপিত লক্ষ্যের দিকে দৌড়িতেছে, (বোধ হইবে)। ৪৩। + সেই দিন, তাহাদের চক্ষু অভিভূত হইবে, দুর্গতি তাহাদিগকে ঘেরিয়া লইবে, এই সেই দিন, যাহা তাহাদিগকে অস্বীকার করা হইয়াছে। ৪৪। (র, ২, আ, ২)

সূরা নুহা *

— ❦ —

একসপ্ততিতম অধ্যায়

— : * : —

২৮ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

নিশ্চয় আমি নুহাকে তাহার সম্প্রদায়ের প্রতি প্রেরণ করিয়াছিলাম, (বলিয়াছিলাম) যে, তুমি আপন দলকে তাহাদের প্রতি দুঃখকর শাস্তি উপস্থিত হইবার পূর্বে ভয়প্রদর্শন কর। ১। সে বলিয়াছিল, “হে আমার সম্প্রদায়, নিশ্চয় আমি তোমাদের নিমিত্ত স্পষ্ট ভয়প্রদর্শক; এই যে তোমরা ঈশ্বরকে অর্চনা করিও ও তাঁহাকে ভয় করিও, এবং আমার অমুগত হইও। ২ + ৩। + তিনি তোমাদের অগ্র তোমাদের পাপ সকল ক্ষমা করিবেন, এবং এক নির্দিষ্ট কাল পর্য্যন্ত তোমাদিগকে (শান্তি ও মৃত্যু হইতে) অবকাশ দিবেন; নিশ্চয় ঈশ্বরের নির্ধারিত কাল যখন উপস্থিত হয়, যদি তোমরা জ্ঞাত থাক, তবে (জানিবে,) নিবারিত রাখা হয় না”। ৪। সে বলিয়াছিল, “হে আমার প্রতিপালক, নিশ্চয় আমি আপন দলকে অহর্নিশি আহ্বান করিতেছি; পরন্তু আমার আহ্বান পলায়ন করা ভিন্ন তাহাদের সম্বন্ধে (কিছুই) বৃদ্ধি করে নাই। ৫ + ৬। এবং নিশ্চয় আমি যখন তাহাদিগকে আহ্বান করিলাম, যেন তুমি তাহাদিগকে ক্ষমা কর, তাহারা স্বীয় অজুলি স্বীয় কর্ণে স্থাপন করিল ও স্বীয় বস্ত্র (আপনাদের উপর) পরিবেষ্টন করিল, এবং (বিব্রোহিতায়) স্থিরতর হইল ও অহঙ্কার করিল। ৭। তৎপর নিশ্চয় আমি তাহাদিগকে উচ্চৈঃস্বরে আহ্বান করিলাম। ৮। তদনন্তর আমি তাহাদিগকে প্রকাশ

* এই সূরা মক্কাতে অবতীর্ণ হইয়াছে।

করিয়া বলিলাম, এবং তাহাদিগকে গোপনে বলিলাম। ৯।+অনন্তর বলিলাম, স্বীয় প্রতিপালকের নিকটে তোমরা ক্ষমা প্রার্থনা কর, নিশ্চয় তিনি ক্ষমাশীল হন। ১০।+ তিনি তোমাদের উপর প্রচুর বারিবর্ষণকারী আকাশ (মেঘ) প্রেরণ করিবেন। ১১। ধনসম্পত্তি ও সম্ভানসম্ভতি সম্বন্ধে তিনি তোমাদিগকে সাহায্য দান করিবেন, এবং তোমাদের নিমিত্ত বহু উত্তান ও তোমাদের নিমিত্ত বহু জলপ্রণালী উৎপাদন করিবেন। ১২। কি হইয়াছে যে, তোমরা গৌরবান্বিত পরমেশ্বরের প্রতি ভরসা স্থাপন করিতেছ না? ১৩। বস্তুতঃ তিনি তোমাদিগকে বিভিন্ন প্রকার সৃজন করিয়াছেন। ১৪। তোমরা কি দেখিতেছ না যে, ঈশ্বর কেমন করিয়া স্তরে স্তরে সপ্ত স্বর্গ সৃষ্টি করিয়াছেন? ১৫।+এবং সেই সকলের মধ্যে চন্দ্রমাকে প্রদীপ্ত করিয়াছেন ও দিবাকরকে দীপস্বরূপ করিয়াছেন। ১৬। পরমেশ্বর তোমাদিগকে মৃত্তিকা হইতে এক প্রকার উৎপাদনে উৎপাদিত করিয়াছেন*। ১৭।+তৎপর তোমাদিগকে তন্মধ্যে ফিরাইয়া লইয়া যাইবেন, এবং তোমাদিগকে এক প্রকার বহিষ্করণে বহিষ্কৃত করিবেন। ১৮। এবং পরমেশ্বর তোমাদের জন্য ধরাতলকে শয্যা করিয়াছেন, যেন তোমরা তাহার প্রসারিত পথ সকলে চলিতে থাক। ১৯+২০। (র, ১, আ, ২০)

মুহা বলিল, “হে আমার প্রতিপালক, নিশ্চয় তাহারা আমাকে অগ্রাহ্য করিয়াছে, এবং যাহাদের সম্পত্তি ও যাহাদের সম্ভান সম্ভতি ক্ষতি ভিন্ন তাহাদের পক্ষে বৃদ্ধি করে নাই, সেই সকল লোকের অনুসরণ করিয়াছে†। ২১। এবং তাহারা মহা প্রবঞ্চনায় প্রবঞ্চনা করিয়াছে। ২২। এবং পরস্পর বলিয়াছে, তোমরা কখনও স্বীয় উপাস্তদেব-দিগকে পরিত্যাগ করিও না, ওদ্দ ও সোওয়া, ইয়ুগুস এবং ইয়উক ও নসরকে ছাড়িও না‡। ২৩। এবং সত্যই তাহারা বহুলোককে বিপথগামী করিয়াছে; এবং বিপথগমনে ভিন্ন তুমি অত্যাচারীদিগকে, (হে পরমেশ্বর,) বর্ধিত করিও না”। ২৪। তাহাদের পাপের জন্য তাহাদিগকে জলে ডুবান হইল, পরে অনলে প্রবেশ করান হইল, অবশেষে

* অর্থাৎ ঈশ্বর তোমাদের আদিপুরুষ আদমের দেহরূপ বৃক্ষকে মৃত্তিকা হইতে উৎপাদিত করিয়াছেন। (ত, হো,)

† মুহুর উপদেশ শ্রবণ করিয়া সাধারণ লোকেরা স্থিরভাবে চিন্তা করিতে লাগিল, কিন্তু তাহাদের দলপতিগণ তাহাদিগকে কুমন্ত্রণা দান ও প্রভারণা করিল। তাহাতে তাহারা পূর্বাপেক্ষা ক্রিয়ামূলক হইল, এবং তাহাদের হিংসা ও অবাধ্যতা বৃদ্ধি পাইল।

‡ ওদ্দ তদানীন্তন কালের পুরুষাকৃতি প্রতিমা বিশেষ; সোওয়া নারীর আকৃতি প্রতিমা; ইয়ুগুস এক প্রকার প্রতিমা যে শার্দূলবৎ তাহার আকার; ইয়উক অবাধুতি প্রতিমা; নসর প্রতিমূর্ত্তি বিশেষ, তাহার আকার গুত্রসদৃশ। মুহীর সম্প্রদায়ের লোকেরা এই সকল প্রতিমাকে পূজা করিত। পুনশ্চ রবিত আছে, উক্ত পাঁচ নামে পূর্বকালে পাঁচজন সাধুপুরুষ ছিলেন, তাহাদের মৃত্যুর পর তাহাদের প্রত্যেকের প্রতিমূর্ত্তি স্থাপন করিয়া লোকে পূজা করিত। (ত, হো,)

আপনাদের জন্ত তাহারা পরমেশ্বরকে ব্যতীত সাহায্যকারী পাইল না। ২৫। এবং মুহা বলিল, “হে আমার প্রতিপালক, ধরাতলে ধ্বংসপ্রাপ্তদের কোন আলয় পরিত্যাগ করিও না*। ২৬। নিশ্চয় যদি তুমি তাহাদিগকে ছাড়িয়া দেও, তবে তাহারা তোমার দাসদিগকে বিপথগামী করিবে, এবং দুর্ভাগ্যের কান্নার ভিন্ন জন্ম দান করিবে না। ২৭। হে আমার প্রতিপালক, আমাকে ও আমার পিতামাতাকে এবং যে ব্যক্তি আমার আলয়ে বিশ্বাসী হইয়া প্রবেশ করিয়াছে, তাহাকে ও (সমুদায়) বিশ্বাসী ও বিশ্বাসিনীদিগকে ক্ষমা কর; এবং অত্যাচারীকে সংহার ভিন্ন বদ্ধিত করিও না”। ২৮। (র, ২, আ, ৮)

সূরা জৈম †

—*: :—

দাসপুতিতম অধ্যায়

—*: :—

২৮ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি বল, (হে মোহম্মদ,) আমার প্রতি যে প্রত্যাশা করা হইয়াছে, দৈত্যাদিগের এক দল তাহা শ্রবণ করিয়াছে; পরে তাহারা বলিয়াছে যে, নিশ্চয় আমরা আশ্চর্য্য কোর-আন্ শুনিয়াছি ‡। ১।+উহা সরল পথের দিকে পথপ্রদর্শন করিয়া থাকে, অনন্তর আমরা তৎপ্রতি বিশ্বাস স্থাপন করিয়াছি, এবং স্বীয় প্রতিপালকের সঙ্গে আমরা কখনও কাহাকে অংশী করিব না। ২।+এবং এই যে আমাদের প্রতিপালকের মহোচ্চতর মহিমা, তিনি কোন ভাষণ ও কোন সম্মান গ্রহণ করেন নাই। ৩।+এবং এই যে আমাদের নির্বোধ লোকেরা ঈশ্বরসম্বন্ধে অতিরিক্ত বলিতেছিল। ৪।+এবং এই যে আমরা মনে করিতেছিলাম যে, মনুষ্য ও দৈত্য ঈশ্বরের সম্বন্ধে কখনও অসত্য বলে না। ৫।+এবং এই যে মানবমণ্ডলীর কয়েক ব্যক্তি দানবকুলের কয়েক জনের আশ্রয়

* “কোন আলয় পরিত্যাগ করিও না” অর্থাৎ কাহাকেও জীবিত রাখিও না। (ত, হো,)

† এই সূরা মক্কাতে অবতীর্ণ হইয়াছে।

‡ ইতিপূর্বে সূরা আহকাকে উক্ত হইয়াছে যে, এক দল দৈত্য হজরতের নিকটে বাইয়া কোর-আন্ শ্রবণপূর্বক বিশ্বাসী হইয়াছিল। কেহ বলে, তাহারা নয় জন ছিল, কেহ বলে, সাত জন ছিল। তাহারা দৈত্যপরিবারের মধ্যে প্রধান এবং শয়তানের সাধারণ সৈন্যদলের অধিনায়ক ছিল। তাহারা বিশ্বাসী হইয়া স্বজাতির নিকটে বাইয়া নানা কথা বলিতেছিল। ঈশ্বর তাহার সংবাদ দিতেছেন। (ত, হো,)

নইতেছিল, পরে তাহাদের সম্বন্ধে উহা অবাধ্যতা বৃদ্ধি করিয়াছে *। ৬।+ এবং এই যে তাহারা মনে করিয়াছে, যেমন তোমরা মনে করিয়াছ যে, ঈশ্বর কখনও কাহাকে প্রেরণ করিবেন না। ৭। এবং এই যে আমরা আকাশকে ধরিলাম, পরে তাহাকে দৃঢ় প্রহরী ও দীপ্ত তারকাবলী দ্বারা পূর্ণ পাইলাম †। ৮। এবং এই যে আমরা (ঈশ্বরবাণী) শ্রবণের জন্ত তাহার স্থানে স্থানে বসিতেছিলাম; পরে যে ব্যক্তি শ্রবণ করে, এক্ষণ সে আপনার জন্ত লক্ষীকৃত দীপ্ত তারা (উৎপাদিত) প্রাপ্ত হয়। ৯।+ এবং এই যে আমরা বুঝিতেছি না, যাহারা পৃথিবীতে আছে, অমঙ্গল তাহাদিগকে পাইতে ইচ্ছা করিয়াছে, না, তাহাদের প্রতিপালক তাহাদের প্রতি শুভ ইচ্ছা করিয়াছেন ‡? ১০।+ এবং আমাদের মধ্যে কতিপয় সাধু আছে ও আমাদের মধ্যে কতিপয় এতভিন্ন; আমরা বিভিন্ন সম্প্রদায় হই। ১১।+ এবং এই যে, আমরা বুঝিয়াছি যে, পৃথিবীতে কখনও ঈশ্বরকে পরাভূত করিতে পারিব না, এবং পলায়ন দ্বারা তাহাকে কখনও পরাভূত করিব না। ১২।+ এবং এই যে আমরা যখন উপদেশ শ্রবণ করিলাম, তখন তৎপ্রতি বিশ্বাসী হইলাম; অনন্তর যে ব্যক্তি আপন প্রতিপালকের প্রতি বিশ্বাস স্থাপন করে, পরে সে কোন ক্ষতি ও কোন অত্যাচারকে ভয় করে না। ১৩।+ এবং এই যে আমাদের মধ্যে কতক মোসলমান ও আমাদের মধ্যে কতক অত্যাচারী; অনন্তর যে সকল ব্যক্তি মোসলমান হইয়াছে, পরে ইহারাই সরল পথের চেষ্টা করিয়াছে। ১৪। কিন্তু অত্যাচারিগণ, পরে তাহারা নরকের জন্ত ইচ্ছন হয়। ১৫।+ এবং (বল, হে মোহাম্মদ, আমার প্রতি প্রত্যাদেশ করা হইয়াছে যে, মক্ষা) যদি পথে দণ্ডায়মান হয়, তবে আমি তাহাকে প্রচুর জল পান করাইয়া থাকি §। ১৬।+ তাহাতে আমি তাহাদিগকে তদ্বিশয়ে পরীক্ষা করি, এবং যে ব্যক্তি আপন প্রতিপালকের প্রসঙ্গ হইতে বিমূখ হয়, তিনি তাহার প্রতি কঠিন শাস্তি আনয়ন করেন। ১৭।+ এবং এই যে ঈশ্বরেরই জন্ত মন্দির, পরে (তথায়) ঈশ্বরের সঙ্গ তোমরা (অন্ত) কাহাকে আহ্বান করিও না। ১৮।+ এবং এই যে যখন

* যখন কোন পশিক ভয়ঙ্কর প্রাপ্তরে উপস্থিত হইত, তখন বলিত, “দুই লোকের অত্যাচার হইতে রক্ষা পাইবার জন্ত এই প্রাপ্তরের স্বামী দৈত্যের আশ্রয় গ্রহণ করিতেছি”। পশিকদিগের বিশ্বাস যে, ইহা দ্বারা তাহারা নিরাপদ হয়। এইরূপ আশ্রয়-প্রার্থনায় দৈত্যদিগের অহঙ্কার বৃদ্ধি হইয়াছিল।

(ত, হো,)

† অর্থাৎ ঈশ্বর যে উচ্চ স্বর্গে স্বর্গীয় দূতের সঙ্গে কথা কহেন, দৈত্যগণ তদুপরি আরোহণ করিয়া শুনিতে না পায়, এজন্য কতিপয় দেবতা প্রহরিরূপে নিযুক্ত আছেন, এবং দৈত্যদিগকে তাড়াইবার জন্ত উৎপাদিত সকল নিকৃষ্ট হয়।

(ত, হো,)

‡ অর্থাৎ দীপ্ততারা কি পৃথিবীর লোককে দক্ষ করিবার জন্ত সঞ্চালিত হয়? না, ঈশ্বর এই উপায়ে আমাদের তাড়াইয়া মঙ্গল বিধান করিতে চাহেন?

(ত, হো,)

§ অর্থাৎ লোকে যদি ধর্মপথে—সরলপথে স্থির থাকে, তবে তাহাকে পরমেশ্বর প্রচুর সম্পদ প্রদান করেন, ও অভয় দান করেন।

(ত, হো,)

ঈশ্বরের দাস (মোহাম্মদ) তাঁহাকে আহ্বান করিতে দণ্ডায়মান হয়, তখন (দৈত্যগণ) ভিড় করিয়া তাহার উপর পড়িতে উত্তত হইয়া থাকে। ১৯। (র, ১, আ, ১৯)

তুমি বল, (হে মোহাম্মদ,) আমি আপন প্রতিপালককে আহ্বান করিতেছি, এতদ্ভিন্ন নহে; এবং তাঁহার সঙ্গে কাহাকেও অংশী করি না। ২০। বল, নিশ্চয় আমি তোমাদিগকে ক্লেশ দিতে ও (তোমাদের) কল্যাণ সাধন করিতে ক্ষমতা রাখি না। ২১। বল, নিশ্চয় আমাকে ঈশ্বরের (শাস্তি) হইতে কেহ কখনও আশ্রয় দান করিবে না, এবং আমি তাঁহাকে ছাড়িয়া কোন আশ্রয় কখনও প্রাপ্ত হইব না। ২২।+কিন্তু ঈশ্বর হইতে (সংবাদ) প্রচার ও তাঁহার সংবাদ আনয়ন ভিন্ন (আমার কার্য) নহে; এবং যে ব্যক্তি ঈশ্বরের ও তাঁহার প্রেরিত পুরুষের অবাধ্যতাচরণ করে, নিশ্চয় তাহার জ্ঞান নরকাগ্নি আছে, সে তথায় নিতানিবাসী হইবে। ২৩। এ পর্য্যন্ত যে, তাহাদিগকে যাহা অঙ্গীকার করা যাইতেছে, যখন তাহারা তাহা দেখিবে, তখন অবশ্য জানিবে যে, সহায় অনুসারে কে সমধিক দুর্বল এবং গণনায় অল্পতর? ২৪। তুমি বল, তোমাদিগকে যে (শাস্তির) অঙ্গীকার করা যাইতেছে, তাহা কি নিকটে, অথবা তজ্জ্ঞ আমার প্রতিপালক কিছু সময় নির্দ্ধারিত করিবেন, আমি তাহা জানি না*। ২৫। তিনি রহস্যবিৎ, অনন্তর তিনি স্বীয় রহস্যবিষয়ে প্রেরিতপুরুষদিগের যাহাকে মনোনীত করেন, তাহাকে ব্যতীত (অন্য) কাহাকেও জ্ঞাপন করেন না; পরে নিশ্চয় তিনি সেই (প্রেরিতপুরুষের) সম্মুখ-ভাগে ও তাহার পশ্চাৎভাগে রক্ষক প্রেরণ করেন। ২৬+২৭।+তাহাতে তিনি জানেন যে, সত্যই তাহারা আপন প্রতিপালকের সংবাদাবলী পৃচ্ছাইয়াছে, এবং যে কিছু তাহাদের নিকটে আছে, তিনি তাহা আবেষ্টন করিয়া আছেন, এবং প্রত্যেক বস্তু গণনায় আশ্রয় কবিয়াছেন। ২৮। (র, ২, আ, ২)

* অর্থাৎ পূর্বেই আয়ত শ্রবণ করিয়া কাকেরগণ জিজ্ঞাসা করিয়াছিল যে, এই শাস্তির অঙ্গীকার কখন পূর্ণ হইবে? তাহাতে এই আয়ত অবতীর্ণ হয়। (ত, হো,)

+ অর্থাৎ পরমেশ্বর প্রেরিত পুরুষকে রহস্য জ্ঞাপন করিয়া থাকেন। পরে শয়তানের আক্রমণ হইতে তাঁহাকে রক্ষা করিবার জন্ত তাঁহার সঙ্গে দেবতাগণকে প্রহরী নিযুক্ত করেন; এবং নিজে যে প্রেরিত, এ বিষয়ে ভুল না হয়, ইহাই প্রহরিনিয়োগের অন্ততর কারণ। অপর লোকদিগের জ্ঞানে ভুল হইতে পাবে, প্রেরিতপুরুষের জ্ঞান সন্দেহহীন। (ত, কা,)

সূরা মোজ্জম্মেলো *

-:~:-

ত্রিসপ্ততম অধ্যায়

—:~:—

২০ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে কহলাবৃত পুরুষ, ১। ১। + অলক্ষণ ব্যতীত রাত্রিতে দণ্ডায়মান থাক। ২। + তাহার (রাত্রির) অর্দ্ধভাগ বা তাহার অল্প ন্যূনাংশ (নমাজে দণ্ডায়মান থাক)। ৩। অথবা তাহার উপর অধিক কর, এবং ধীর পাঠে কোর-আন পাঠ কর। ৪। নিশ্চয় আমি এক্ষণ তোমার প্রতি গুরুতর বাক্য অবতারণ করিব ৫। ৫। নিশ্চয় রজনীতে নমাজের জ্ঞান সমুখান, ইহা স্বথভঙ্গবশতঃ এবং ঠিক বাক্য উচ্চারণপ্রযুক্ত গুরুতর ৬। ৬। নিশ্চয় দিবাভাগে তোমার কার্য্যভিনিবেশ-বাহুল্য। ৭। এবং স্বীয় প্রতিপালকের নাম স্মরণ কর ও (সংসার হইতে) বিচ্ছিন্নরূপে তাঁহার দিকে বিচ্ছিন্ন হইয়া পড়। ৮। তিনি পূর্ব ও পশ্চিমের প্রতিপালক, তিনি ব্যতীত উপাস্ত নাই; অতএব তাঁহাকে

* এই সূরা মক্কাতে অবতীর্ণ হইয়াছে।

+ প্রেরিতস্বলান্দের পূর্বে হজরত যখন নমাজ পড়িতেন, তখন এক কহল দ্বারা আপনাকে আচ্ছাদিত করিতেন। তাঁহার সহধর্ম্মিণী খদিজা দেবী বলিয়াছেন যে, উহা দৈর্ঘ্যে চতুর্দশ হস্ত এক উত্তরীয় বস্ত্ররূপ ছিল, তাহার অর্দ্ধাংশ আমার মস্তকোপরি থাকিত, অপরার্দ্ধ দ্বারা আপনাকে আবৃত করিয়া তিনি নমাজ পড়িতেন। পরমেশ্বর সেই বস্ত্রাবৃত মহাপুরুষকে সম্বোধন করিয়া বলিতেছেন। (ত, হো,)

‡ অর্থাৎ ইতিপূর্বে আমি সহজ কথা সকল বলিয়াছি। এক্ষণ নিবেদ্যবিধি, বৈধাবৈধ ও দণ্ড পুরস্কারের আজ্ঞা প্রদান করিব, যাহা কাকেরদিগের পক্ষে ক্ষয়ক্ষয় করা ও প্রতিপালন করা কঠিন হইবে। “তোমার প্রতি গুরুতর বাক্য অবতারণ করিব,” অর্থাৎ গুরুতর প্রত্যাদেশ অবতারণ করিব। প্রত্যাদেশ হজরত কর্তৃক ঘটানির স্তায় শ্রুত হইত। স্বাভাবিক ধনি ও বচন ও বর্ণাবলীর স্তায় অমুভূত হইত না। আরশা বলিয়াছেন যে, স্তন্যদান শীতের সময় দেখিয়াছি, যখন হজরতের প্রতি প্রত্যাদেশ অবতীর্ণ হইত, তখন তাঁহার ললাটদেশ হইতে ঘর্ম্মবিন্দু নির্গত হইত। তদ্রূপ প্রত্যাদেশের অবতরণের সময় যদি হজরত উষ্ট্রের উপর আরুঢ় থাকিতেন, তবে উষ্ট্রের পদ বক্র হইয়া বাইত। তদবস্থায় উরুদেশে মস্তক অবনত করিয়া তিনি শয়ন করিতেন, তাহার উরু স্তয় হইবার আশঙ্কা হইত। (ত, হো,)

§ রাত্রিতে নিদ্রা ও বিশ্রাম ত্যাগ করিয়া নমাজ পড়া জীবনের পক্ষে কঠিন, এবং সেই সময় অস্ত্র কোন পোশাক থাকে না, কোর-আনের বচন সকল উচ্চারণে মনঃসংযোগ হয়; তজ্জন্ত সেই নমাজের ফল অধিক, সুতরাং সেই উপাসনা গুরুতর।

কার্যসম্পাদকরূপে গ্রহণ কর। ৯। এবং তাহারা যাহা বলিয়া থাকে, তৎপ্রতি ধৈর্যধারণ কর, এবং তাহাদিগকে উত্তম বর্জনে বর্জন কর। ১০। এবং আমাকে ও ধনবান্ মিথ্যাবাদী (কোরেশদিগকে) ছাড়, এবং তাহাদিগকে অল্প অবকাশ দাও*। ১১। নিশ্চয় আমার নিকটে বন্ধন সকল ও নরক আছে। ১২।+এবং কণ্ঠাবরোধক খাদ্য ও দুঃপজনক শাস্তি আছে। ১৩। সেই দিবস পৃথিবী ও গিরিশ্রেণী কম্পিত হইবে, এবং পর্বত সকল বিক্ষিপ্ত মৃত্তিকাস্তূপ হইয়া যাইবে। ১৪। নিশ্চয় আমি, (হে মক্কাবাসিগণ,) যেমন ফেরওণের প্রতি প্রেরিতপুরুষ প্রেরণ করিয়াছিলাম, তদ্রূপ তোমাদের প্রতিও প্রেরিতপুরুষ, তোমাদের প্রতি সাক্ষ্যদাতা প্রেরণ করিয়াছি। ১৫। অনন্তর ফেরওণ সেই প্রেরিতপুরুষকে অগ্রাহ্য করিয়াছিল, পরে আমি তাহাকে কঠিন আক্রমণে আক্রমণ করিয়াছিলাম। ১৬। অবশেষে যদি তোমরা কাকের হইয়া থাক, তবে যে দিবস বালকদিগকে বৃদ্ধ করিবে, আকাশ যাহাতে বিদীর্ণ হইবে, কেমন করিয়া সেই দিবস তোমরা রক্ষা পাইবে? তাহার অঙ্গীকার কার্যে পরিণত হয়†। ১৭+১৮। নিশ্চয় ইহাই উপদেশ, অনন্তর যে ব্যক্তি ইচ্ছা করে, সে স্থায়ী প্রতিপালকের দিকে পথ অবলম্বন করিবে। ১৯। (র, ১, আ, ১২)

নিশ্চয়, (হে মোহাম্মদ,) তোমার প্রতিপালক জ্ঞাত হইতেছেন যে, তুমি ও তোমার একদল সহচর রজনীর প্রায় দুই তৃতীয়াংশ ও তাহার অর্দ্ধাংশ এবং তাহার এক তৃতীয়াংশ (নমাজে) দণ্ডায়মান থাক; ঈশ্বর দিবারাত্রি পরিমাণ করিয়া থাকেন, তিনি জানিয়াছেন যে, তোমরা কখন তাহা ধারণ করিতে পার না, অতএব (অনুগ্রহপূর্বক) তিনি তোমাদের প্রতি ক্ষিরিলেন। অনন্তর কোব্-আনের যাহা সহজ, তাহা হইতে তোমরা পাঠ কর; তিনি জ্ঞাত হইয়াছেন যে, অচিরে তোমাদের কেহ কেহ পীড়িত হইবে, অপর লোক ঈশ্বরের অনুগ্রহে (উপজীবিকা) অনুসন্ধান করত পৃথিবীতে পর্যটন করিবে, এবং অন্ত লোক ঈশ্বরোদ্দেশ্যে সংগ্রাম করিতে থাকিবে। অতএব তাহার যাহা সহজ, তাহা পাঠ কর, এবং নমাজকে প্রতিষ্ঠিত রাখ, এবং জকাত দান কর, ও ঈশ্বরকে উৎকৃষ্ট ঋণ ঋণ দান কর; এবং তোমরা আপনাদের জীবনের জন্ত যে কিছু কল্যাণ পূর্বে প্রেরণ করিবে, তাহা ঈশ্বরের নিকটে প্রাপ্ত হইবে, তিনি কল্যাণবিধানে ও পুরস্কারদানে প্রোক্ষিত। এবং তোমরা ঈশ্বরের নিকটে ক্ষমা প্রার্থনা কর, নিশ্চয় পরমেশ্বর ক্ষমাশীল দয়ালু। ২০। (র, ২, আ, ১)

* এই আয়ত অবতরণের কিয়ৎকাল পরেই বদরের যুদ্ধ সম্বটন ও কোরেশদলপতিগণ নিধন প্রাপ্ত হইয়াছিল। “আমাকে ও ধনবান্ মিথ্যাবাদী কোরেশদিগকে ছাড়,” অর্থাৎ কোরেশপ্রধানপুরুষদিগের কার্য আমার হস্তে অর্পণ কর। (ত, হো,)

+ অর্থাৎ চিন্তা ও ভয়ে সেই দিবস বালকগণের কেশ লজ্জ হইয়া যাইবে, তাহাদের জীবনে বৃদ্ধদের লক্ষণ প্রকাশ পাইবে ও সেই দিবস আকাশ বিদীর্ণ হইবে। (ত, হো,)

সূরা মোদস্সের *

—:~:—

চতুঃসপ্ততিতম অধ্যায়

—:~:—

৫৬ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

হে বস্ত্রাবৃত পুরুষ, ৭। ১।+দণ্ডায়মান হও, পরে ভয় প্রদর্শন কর। ২।+এবং আপন প্রতিপালককে পরে গৌরবান্বিত কর। ৩।+এবং স্বীয় বস্ত্রপুঞ্জকে পরে শুদ্ধ কর ৬। ৪।+এবং অন্তঃকৃতিকে পরে দূর কর। ৫।+এবং অধিক অভিলাষ করত উপকার করিবে না। ৬।+এবং স্বীয় প্রতিপালকের (আজ্ঞার) জ্ঞাত পরে ধৈর্য্য ধারণ কর। ৭। অনন্তর যখন সূর্য্যবাণে ফুৎকার করা হইবে, তখন এই সেই দিন যে কঠিন দিন, ধর্ম্মদ্রোহীদের সম্বন্ধে সহজ নয়। ৮+৯+১০। আমাকে এবং যাহাকে আমি অসামান্যরূপে সজ্ঞন করিয়াছি ও যাহাকে প্রভূত ধন ও সম্পৃস্থিত বহু সম্ভান প্রদান করিয়াছি, এবং যাহার জ্ঞাত (সম্পদ আধিপত্যের) শয্যা প্রসারণ করিয়াছি, তাহাকে ছাড়িয়া দাও ১। ১১+১২+১৩+১৪। তৎপর সে অভিলাষ করিতেছে যে, আমি

* এই সূরা মক্কাতে অবতীর্ণ হইয়াছে।

+ হজরত বলিয়াছেন, “এক সময়ে আমি পথ দিয়া চলিতেছিলাম, অকস্মাৎ আকাশ হইতে এক ধনি অবর্ণ করিলাম; উপরে দৃষ্টি করিয়া দেখিলাম যে, যিনি হেরাগলরে আমাকে দেখা দিয়াছিলেন, সেই দিব্যপুরুষ শূন্যমার্গে সিংহাসনে উপবিষ্ট আছেন। তাঁহার তেজঃপুঞ্জ মুষ্টি দেখিয়া আমার মনে ভয়ের সকার হইল, দ্রুতপদে গৃহে ফিরিয়া যাইয়া বলিলাম, বস্ত্রদ্বারা আমাকে আচ্ছাদিত কর। আমি এ বিষয়ের চিন্তায় মগ্ন ছিলাম, এমন সময়ে এইরূপ প্রত্যাদেশ হইল।” এখানে বস্ত্রাবৃত, প্রেরিতঈদসনে আবৃত এই অর্পণ হয়। (ত, হো,)

‡ বস্ত্রপুঞ্জ শুদ্ধ করার অর্থ, বস্ত্রকে মালিন্যমুক্ত করা অথবা আরবের প্রধান পুরুষদিগের দীর্ঘ পরিচ্ছদের বিপরীত খর্ব্ব পরিচ্ছদ প্রস্তুত করা, ইহাই তাহাদের আচরণ-পরিচর্য্যার প্রথম চিহ্ন। ধার্মিক লোকেরা পাঁচটি আধ্যাত্মিক পরিচ্ছদ ধারণ করেন, প্রেমের পরিচ্ছদ, ভক্তজ্ঞানের পরিচ্ছদ, একত্ববাদের পরিচ্ছদ, বিশ্বাসের পরিচ্ছদ, এসলাম ধর্ম্মের পরিচ্ছদ। এই সকল পরিচ্ছদকে নির্মূল রাখার সম্বন্ধেও এই উক্তি হইতে পারে। (ত, হো,)

§ অলিদ ময়মরা হজরত হইতে সূরাবিশেষ অবর্ণ করিয়া সজ্ঞনবর্গের নিকটে ফিরিয়া যাইয়া বলিয়াছিল, “এক্ষণ মোহম্মদ হইতে যে বাণী অবর্ণ করিলাম, উহা মনুষ্য ও দৈত্যের বাক্য নহে। সেই কথার এমন একটি মাধুর্য্য ও লালিত্য এবং তেজ ও সৌন্দর্য্য আছে যে, অস্ত্র কোন বাক্যের তাহা নাই, এই বচনই প্রবল হইবে, পরাস্ত হইবে না ও অবনতি স্বীকার করিবে না।” কোরেশগণ এতচ্ছবণে মনে করিল যে, অলিদ এসলাম ধর্ম্মে বিশ্বাস স্থাপন করিয়াছে। অবশেষে আবুজহল তাহাকে নানা কথায় ভুলাইয়া আপনাদের অজ্ঞানতার পোষকতার প্রবর্ত্তিত করে। তাহাতে সে

অধিক দান করিব। ১৫। না না, নিশ্চয় সে আমার নিদর্শনাবলীসম্বন্ধে শত্রু হয়। ১৬। অচিরে আমি তাহাকে উপরে উঠাইব*। ১৭। নিশ্চয় সে ভাবিয়াছিল ও ঠিক করিয়াছিল। ১৮।+অনন্তর বিনষ্ট হউক, সে কেমন ঠিক করিয়াছে†। ১৯।+তৎপর বিনষ্ট হউক, সে কেমন ঠিক করিয়াছে। ২০।+তাহার পর দৃষ্টি করিল। ২১।+তৎপর (কোর-আনের বিষয়ে) মুখ বিরস করিল ও ললাট কুঞ্চিত করিল। ২২।+তাহার পর পিঠ ফিরাইল ও গর্ক করিল। ২৩।+পরে বলিল, “ইহা (ঐন্দ্রজালিক হইতে) অল্পকৃত ইন্দ্রজাল ভিন্ন নহে। ২৪।+ইহা মানবীয় বচনাবলী ভিন্ন নহে”। ২৫। অচিরে আমি তাহাকে নরকে লইয়া যাইব। ২৬। এবং কিসে তোমাকে জানাইয়াছে, (হে মোহাম্মদ,) নরক কি হয়? তাহা (কাহাকেও) অবশিষ্ট রাখে না ও ছাড়ে না। ২৭। মহুয়ের প্রদাহক। ২৮। তৎপ্রতি উনবিংশতি (অধ্যক্ষ)‡। ২৯। এবং আমি দেবতাদিগকে ব্যতীত নরকের স্বামী করি নাই, কাফেরদিগের পরীক্ষার জন্ত ভিন্ন তাহাদের সম্মুখ (অগ্নি) করি নাই; তাহাতে গ্রন্থাধিকারিগণ প্রভায় করিবে, বিশ্বাসে বিশ্বাসিগণ বদ্ধিত হইবে, এবং যাহাদিগকে গ্রন্থ দেওয়া হইয়াছে, তাহারাও বিশ্বাসিগণ সন্দেহ করিবে না। এবং তাহাতে যাহাদের অন্তঃকরণে রোগ আছে, তাহারাও কাফেরগণ বলিবে, “পরমেশ্বর এই দৃষ্টান্ত দ্বারা কি ইচ্ছা করিয়াছেন?” এইরূপ ঈশ্বর যাহাকে ইচ্ছা করেন, পথভ্রাস্ত করিয়া থাকেন ও যাহাকে ইচ্ছা করেন, পথ দেখাইয়া থাকেন; § এবং তোমার

কোর-আনকে কহক বলে। হজরত এই কথা শুনিয়া অত্যন্ত বিষম হন। ঈশ্বর এতদুপলক্ষেই এই সকল আয়ত প্রেরণ করেন। (ত, হো,)

* এক অতুল্য অগ্নিময় পর্বত আছে, পাপীদিগকে উক্ত পর্বতের চূড়ায় চড়াইয়া নিয়ে নিক্ষেপ করা হইবে। অথবা নরকে এক উচ্চ ভূমি আছে, তাহার উপর কেহ উঠিতে পারে না, অলিদকে অগ্নিময় শৃঙ্খলে বদ্ধ করিয়া সমুদ্রের দিকে টানিয়া লইয়া যাওয়া হইবে, পশ্চাত্তাপে যমদূতগণ অগ্নিময় মুদগরের প্রহার করিবে। অলিদের জন্ত এই মহাশাস্তি নির্দারিত। (ত, হো,)

† অলিদ কোর-আনের প্রশংসা করিলে কোরেশগণ তাহাকে তিরস্কার করে। সে বলে, “মোহাম্মদকে তোমরা ক্ষিপ্ত বলিয়া থাক, অথচ তোমরা নিশ্চয় জান, তাহার পূর্ণ জ্ঞান আছে, সে দৈত্যপ্রসিদ্ধ নহে। মনে করিতেছ যে, সে একজন ভবিষ্যন্ত, কিন্তু সে জ্যোতির্বিদ ভবিষ্যন্তের জ্ঞান কথা কহে না। অপিত মিথ্যাবাদী বলিয়া থাক, কিন্তু সে কখনও অন্যতবাদিতাদোষে দোষী হয় নাই। তোমরা তাহাকে কবি বলিয়া অমুমান কর, কিন্তু তাহার কথা কাব্য নহে।” ইহা শুনিয়া সকলে বলিল, “তুমিই ভাবিয়া দেখ যে, তাহাকে কি বল। যাইবে।” অলিদ মনে মনে চিন্তা করিয়া বলিল, “সে ঐন্দ্রজালিক।” তাহাতেই এই অয়ত অবতীর্ণ হয়। (ত, হো,)

‡ ইহাদিগণ নরকের অধ্যক্ষের সংখ্যা বিষয়ে প্রশ্ন করিয়াছিল, তাহাতে হজরত একবার দুই হস্তের সমুদায় অঙ্গুলি আর একবার নয়টি অঙ্গুলি প্রদর্শন করেন। এই ইঙ্গিতে ১৯ সংখ্যা হয়। তাহাতে ইহাদিগণ বলে, ইহা সত্য, আমাদের ধর্মগ্রন্থ তওরাতেরও এরূপ লিখিত আছে।

§ এই আয়ত শ্রবণ করিয়া আবুজহল কোরেশবহুদিগকে ডাকিয়া বলিল, “শুন, উনিশ জনের

প্রতিপালকের সৈন্তকে (সাহায্যের জন্য প্রেরিত দেবসৈন্তকে) তিনি ভিন্ন জানেন না, এবং ইহা লোকের জন্য উপদেশ ভিন্ন নহে। ৩০। (র, ১, আ, ৩০)

না না, চন্ডের শপথ। ৩১। এবং রজনীর শপথ, যখন পিঠ ফিরায়। ৩২। এবং উষাকালের শপথ, যখন প্রকাশ পায়। ৩৩। নিশ্চয় উহা (নরক) এক মহা সামগ্রী। ৩৪। মনুষ্যের জন্য ভয়প্রদর্শক। ৩৫। তোমাদের মধ্যে যে ব্যক্তি অগ্রসর হয় বা পশ্চাদ্গমন করে, তাহার জন্য ভয়প্রদর্শক। ৩৬। দক্ষিণ দিকের লোক ব্যতীত, প্রত্যেক ব্যক্তি যাহা করিয়াছে, তজ্জন্ম (নরকে) বদ্ধক থাকে। ৩৭+৩৮। তাহারা স্বর্গোত্তান সকলে থাকিবে, অপরাধীদিগের সম্বন্ধে (অধ্যক্ষগণ) প্রশ্ন করিবে। ৩৯+৪০। “কিসে তোমাদিগকে নরকে আনয়ন করিল”? ৪১। তাহারা বলিবে, “আমরা উপাসকদিগের অন্তর্গত ছিলাম না। ৪২।+এবং দরিদ্রদিগকে ভোজ্য দান করিতাম না। ৪৩।+এবং তাক্কিদিগের সঙ্গে তর্ক করিতাম। ৪৪।+এবং যে পর্যন্ত না মৃত্যু আমাদের নিকটে উপস্থিত হইল, সে পর্যন্ত বিচারের দিনকে মিথ্যা বলিতেছিলাম”। ৪৫+৪৬। অনন্তর শফায়তকারীদিগের শফায়ত তাহাদিগকে ফল বিধান করিবে না। ৪৭। পরে তাহাদের কি ছিল যে, তাহারা উপদেশের অগ্রাহকারী হইল? ৪৮।+তাহারা যেন পলাতক গর্দভ, যে ব্যাঘ্র হইতে পলায়ন করিয়াছে। ৪৯+৫০। বরং তাহাদের প্রত্যেক ব্যক্তি ইচ্ছা করিতেছে যে, (তাহাদিগকে) প্রযুক্ত পুস্তক প্রদত্ত হয় *। ৫১+৫২। কখনই নয়, (দেওয়া হইবে না,) এবং তাহারা পরলোকে ভয় করিতেছে না। ৫৩। (কোর্-আন্ সম্বন্ধে বলে,) “নিশ্চয় ইহা কখনই উপদেশ নয়। ৫৪ অনন্তর যে ব্যক্তি ইচ্ছা করে, তাহা আবৃত্তি করুক”। ৫৫। এবং ঈশ্বর ইচ্ছা করেন ব্যতীত তাহারা আবৃত্তি করে না, তিনি ক্ষমাশীল ও ভয়হীন। ৫৬। (র, ২, আ, ২৬)

অধিক লোক মোহম্মদের সহায় ও বন্ধু নাই, এবং নরকে প্রব্রী নাই; তোমাদের এক জন কি তাহাদের দশ জনকে দূর করিতে পারিবে না?” তাহাতে আবুজল্ আসদ বলিল যে, “আমি সত্তের জনকে পরাস্ত করিব, অবশিষ্ট দুই জনের জন্য তোমরা আছ।” (ত, হো,)

* অংশিবাগিগণ বলিত, হে মোহম্মদ, আমাদের জন্য এমন পুস্তক স্বর্গ হইতে আনয়ন কর, বাহাতে লিখা থাকিবে, “ঈশ্বর হইতে অমূকের জন্য ইহা আগত, সে যেন ইহার অনুসরণ করে।”

সূরা কেয়ামত ❁

.....

পঞ্চসপ্ততিতম অধ্যায়

.....

৪০ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

নিশ্চয় আমি কেয়ামতের দিনসম্বন্ধে শপথ করিতেছি । ১ । + এবং নিশ্চয় (পাপের জগৎ) ভংসনাকারী প্রাণসম্বন্ধে আমি শপথ করিতেছি । ২ । মনুষ্য কি মনে করিতেছে যে, আমি কখনও তাহার অস্থি সংগ্রহ করিব না ? ৩ । বরং আমি তাহার অঙ্গুলির শিরোভাগ ঠিক করিতে সক্ষম । ৪ । বরং মনুষ্য ইচ্ছা করে যে, আপন সম্মুখস্থিত (কেয়ামতের) সম্বন্ধে অপরাধ করে । ৫ । প্রশ্ন করে যে, “কখন কেয়ামতের দিন হইবে” ? ৬ । অনন্তর যখন দৃষ্টি নিস্তেজ হইবে । ৭ । + এবং চন্দ্রমা তমসাবৃত হইবে । ৮ । + রবি শশী সম্মিলিত হইয়া পড়িবে । ৯ । + সেই দিন মনুষ্য বলিবে, “পলায়নের স্থান কোথায়” ? ১০ । না না, কোন আশ্রয় নাই । ১১ । তোমার প্রতিপালকের নিকটে, (হে মোহাম্মদ,) সেই দিন বিশ্রাম-স্থান । ১২ । সেই দিন মনুষ্যকে, সে বাহা অগ্রে প্রেরণ করিয়াছে ও পশ্চাতে রাখিয়াছে, তাহা জ্ঞাপন করা হইবে । ১৩ । বরং মনুষ্য আপন জীবনসম্বন্ধে প্রমাণ । ১৪ । এবং সে যদিচ স্বীয় আপত্তি সকল উপস্থিত করে, (তথাপি তাহা যে মিথ্যা আপত্তি, বুঝিতে পারিবে) । ১৫ । তৎসঙ্গে (কোব্-আনের সঙ্গে) আপন জিহ্বাকে, (তুমি, হে মোহাম্মদ,) তাহা শীঘ্র আয়ত্ত করিতে পরিচালিত করিও না । ১৬ । নিশ্চয় আমার প্রতি তাহা (তোমার হৃদয়ে) সংগ্রহ করার ও তাহা পাঠের (ভার) । ১৭ । অনন্তর যখন তাহা (স্বর্গীয় দূত) পাঠ করে, তখন তুমি (অন্তরে) তাহার পাঠের অনুসরণ করিও । ১৮ । তৎপর নিশ্চয় আমার প্রতি তাহার ব্যাখ্যার (ভার) । ১৯ । না না, বরং, (হে কাফেরগণ,) তোমরা আশুকে

* এই সূরা মক্কাতে অবতীর্ণ হইয়াছে ।

+ “বাহা অগ্রে প্রেরণ করিয়াছে,” অর্থাৎ ঈশ্বরের বিরুদ্ধে যে সকল কার্য্য করিয়াছে । “বাহা পশ্চাতে রাখিয়াছে” যে ধন সম্পত্তি পৃথিবীতে ফেলিয়া রাখিয়াছে, ইহা তাহার বিদিত হইবে, এবং তজ্জগৎ আক্ষেপ করিবে । অতএব অনুতাপান্তে পাপ সংহার করা আবশ্যক । দান বিতরণ দ্বারা ধন সম্পত্তি অগ্রে প্রেরণ করা প্রয়োজন, তাহা হইলে তাহা স্থায়ী হইবে । (ত, হো,)

‡ যখন জেব্রিল কোব্-আন্ অধ্যয়ন করিতেন, তাহার পাঠের সঙ্গে সঙ্গে হজরতও পড়িতেন । কোন কথা তিনি স্পষ্ট বুঝিতে না পারিয়া পড়িতে অক্ষম হইলে ব্যস্ত হইয়া পড়িতেন । তাহাতে পরমেশ্বর বলেন যে, সেই সময় পড়িবার প্রয়োজন নাই, শ্রবণ করা ও মনে ধারণ করা আবশ্যক । (ত, কা,)

(সংসারকে) ভালবাস । ২০ । + এবং চরমকে (পরলোকে) পরিত্যাগ কর । ২১ । সেই দিন কতক মুখ প্রফুল্ল হইয়া উঠিবে । ২২ । + আপন প্রতিপালকের দিকে অবলোকন-কারী হইবে । ২৩ । এবং সেই দিন কতক মুখ আকুঞ্চিতলাট হইয়া পড়িবে । ২৪ । + তুমি মনে করিতেছ যে, তাহাদের প্রতি কোন বিপদ আনয়ন করা হইবে । ২৫ । না না, যখন (সংসারের বিচ্ছেদে কাতর) প্রাণ কণ্ঠে পঁছছিবে । ২৬ । + এবং বলা হইবে, “মস্তবিন্ কে আছে” * ২৭ । + এবং (মুম্ব্) মনে করিবে যে, এই বিচ্ছেদ হয় । ২৮ । + চরণ চরণের সঙ্গে জড়াইয়া যাইবে । ২৯ । + সেই দিন তোমার প্রতিপালকের দিকেই প্রস্থান । ৩০ । (র, ১, আ, ৩০)

পরে সে (কোর্-আন্) প্রত্যয় করিল না ও উপাসনা করিল না † । ৩১ । + কিন্তু অসত্যারোপ করিল, এবং ফিরিয়া গেল । ৩২ । + তৎপর বিলাসগতিতে আপন পরিজনদের নিকটে গেল । ৩৩ । তোমার প্রতি আক্ষেপ, অবশেষে আক্ষেপ । ৩৪ । + তৎপর তোমার প্রতি আক্ষেপ, অবশেষে আক্ষেপ ‡ । ৩৫ । মনুষ্য কি মনে করে যে, নিরর্থক ছাড়িয়া দেওয়া যাইবে ? ৩৬ । সে কি এক বিন্দু স্তব্ধ নয়, যাহা গর্ভে নিক্ষিপ্ত হইয়া থাকে ? ৩৭ । তৎপর ঘনীভূত রক্ত হইয়াছে, পরে তিনি (হস্তপদাদি) সৃষ্টি করিয়াছেন, অবশেষে সৃষ্টি করিয়াছেন । ৩৮ । + পরে তাহা হইতে দ্বিবিধ নরনারী সৃষ্টি করিয়াছেন । ৩৯ । ইনি মৃতকে সঞ্জীবিত করার বিষয়ে কি স্কন্ধ নহেন ? ৪০ । (র, ২, আ, ১০)

সূরা দহর \$

.....

ষট্‌সপ্ততম অধ্যায়

.....

৩১ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

কালের মধ্যে কি এমন কোন এক কাল মনুষ্যের প্রতি উপস্থিত হইয়াছিল যে,

* অর্থাৎ সেই ব্যক্তি উপস্থিত স্বর্গীয় দূতকে বলিবে যে, মস্তাবি-প্রয়োগে আরোগ্য দান করিতে পারে, এমন লোক কে আছে ? মৃত্যুকালে সংসারের সঙ্গে বিচ্ছেদ ও পরলোকে প্রবেশের ক্লেশ অবিখ্যাসীর পক্ষে ঘটবে । (ভ, হে,)

+ এ ব্যক্তি আবুহল । (ভ, হে,)

‡ এই আয়ত অবতীর্ণ হইলে পর হজরত দেখিলেন যে, আবুহল আনন্দে চলিয়া যাইতেছে; তিনি তাহার অঞ্চল ধারণ করিয়া পুনঃ পুনঃ “তোমার প্রতি আক্ষেপ” এরূপ বলিলেন । (ভ, হে,)

\$ এই সূরা মক্কাতে অবতীর্ণ হইয়াছে ।

কোন বস্তু উল্লিখিত হয় নাই * ১। নিশ্চয় আমি ময়ূরাকে মিশ্রিত (স্বী-পুরুষের)
 গুক্রযোগে সৃষ্টি করিয়াছি, যেন তাহাকে পরীক্ষা করি, পরে তাহাকে শ্রোতা ও ব্রহ্ম
 করিয়াছি। ২। নিশ্চয় আমি তাহাকে পথপ্রবর্শন করিয়াছি, সে হয় কৃতজ্ঞ অথবা
 কৃতত্ত্ব হইতেছে। ৩। নিশ্চয় আমি ধর্মদ্রোহীদের জন্ত গলবন্ধন ও শৃঙ্খলপুঞ্জ এবং
 প্রজ্জলিত বহি প্রস্তুত রাখিয়াছি। ৪। নিশ্চয় সাধুলোকেরা (পরলোকে) সেই পান-
 পাত্র হইতে পান করিবে, যাহা কর্পূর প্রসবণের মিশ্রণ হয় ; ঈশ্বরের ভূত্যাগ তাহা
 হইতে পান করিবে, তাহার (সেই প্রসবণকে) সঞ্চালনে (ইতস্ততঃ) সঞ্চালিত করিবে।
 ৫+৬। তাহার সঙ্কল্প পূর্ণ করে ও যাহার অকল্যাণ পরিব্যাপক হয়, সেই দিবসকে ভয়
 করিয়া থাকে ৭। ৭। এবং তাহার দরিত্রকে ও অনাথকে এবং বন্দীকে ভোজ্য উহার
 স্বীয় প্রয়োজনসঙ্গে ভোজন করাইয়া থাকে। ৮। (বলে,) “ঈশ্বরের আনন্দোদ্দেশ্যে
 আমরা তোমাদিগকে আহা করাইতেছি, এতদ্ভিন্ন নহে ; তোমাদিগ হইতে কোন
 বিনিময় ও কৃতজ্ঞতা ইচ্ছা করি না। ৯। নিশ্চয় আমরা সেই দুঃস্থ বিরস দিনে স্বীয়
 প্রতিপালক হইতে ভীত আছি”। ১০। অনন্তর পরমেশ্বর এই দিনের কাটিয়া হইতে
 তাহাদিগকে রক্ষা করিলেন ও তাহাদের প্রতি আনন্দ ও স্তুতি সংযোজিত করিলেন।
 ১১। এবং তাহার যৈ ধৈর্য্যধারণ করিয়াছে, তজ্জন্ত স্বর্গোচ্চান ও কৌষেয় বস্ত্র তাহাদের
 বিনিময় হইবে। ১২। তথায় তাহার সিংহাসন সকলের উপর উপধানে পৃষ্ঠ স্থাপন
 করিয়া থাকিবে, তথায় আতপ ও কঠিন শীত দেখিবে না। ১৩। এবং (সেই উপবনের)

* এখানে জিজ্ঞাসাত্মক শব্দ নিশ্চার্থক। অর্থাৎ নিশ্চয় তাহাদের মধ্যে এক কাল উপস্থিত হইয়াছিল
 যে, সেই সময়ে কোন বস্তু উল্লিখিত হয় নাই। চল্লিশ বৎসর মক্কা ও তায়েকের মধ্যে লোকে গুক্র ও
 জলানিল মুদগ্নি এই চতুর্ভূত, বাহা দ্বারা দেহ সঙ্গঠিত হয়, বৃষিত না, এবং জানিত না যে, তাহার নাম
 কি ও তদ্বার। সৃষ্টি-প্রক্রিয়ার কোশলে কি উপকার হইয়া থাকে। (ত, হো,)

† একদা হজরত আপন প্রিয় জামাতা আলির গৃহে উপস্থিত হইয়া দৌহিত্র হাসন ও হোসয়নকে
 পীড়িত দেখেন। তিনি প্রিয়তমা কস্তা কাতমাকে বলিলেন যে, “তোমরা কোন সঙ্কল্প কর,
 তাহাতে তোমার পুত্রদ্বয় আরোগ্য লাভ করিবে।” তাহার সঙ্কল্প করিলেন যে, তিন দিবস
 রোজা পালন করিবেন। ঈশ্বরকৃপায় হাসন ও হোসয়ন রোগমুক্ত হইলেন। তাহার রোজা পালন
 করিলেন, প্রথম দিবস যখন আলি ও কাতমা ব্রতান্তে নিশামুখে কয়েক খান। রুটী প্রস্তুত করিয়া
 ভক্ষণে প্রবৃত্ত হইয়াছেন, তখন এক দরিত্র আসিয়া খাদ্যপ্রার্থী হয়। রুটিকা অধিক ছিল না,
 আলি নিজের অংশ সেই দুঃখীকে দান করিলেন, কাতমা প্রভৃতি সকলেই নিজ নিজ অংশ
 তাহাকে দিলেন। তাহার গুক্র জল পান করিয়া সেই রাত্রি যাপন করিলেন। দ্বিতীয় দিবস
 রাত্রিতে যখন তাহার ব্রতান্ত পারণা করিতে প্রবৃত্ত হন, তখন এক অনাথ আসিয়া খাদ্য প্রার্থনা
 করে। তাহার সমুদায় অন্ন তাহাকে প্রদান করেন। তৃতীয় রজনীতে পারণার সময় এক বন্দী
 আসিয়া ভোজ্য প্রার্থনা করে, তাহাকে তাহার সেই দিনের আহাৰ্য্য প্রদান করেন। এতদুপলক্ষে
 ঈশ্বর আরত প্রেরণ করেন। (ত, হো,)

ছায়া তাহাদের সম্বন্ধে সন্নিহিত ও তাহার ফলপুঞ্জ বাধ্যতায় বাধ্য থাকিবে। ১৪। এবং তাহাদের প্রতি রৌপ্যময় তৈজসপাত্র ও যে সকল সোরাহি কাচবৎ হয়, পরিবেশিত হইবে। ১৫। রজতের কাচ, (পানপাত্রদাতৃগণ) তাহা পরিমাণে পরিমিত করিয়াছে। ১৬। এবং তথায় পানপাত্র পান করান হইবে, তন্মধ্যে সলসাবিল নামাভিহিত গুণ্ডির প্রস্রবণের মিশ্রণ হয়*। ১৭+১৮। এবং তাহাদের নিকটে বালক (ভূত্যাগণ) সর্বদা ঘুরিয়া বেড়াইবে, এবং যখন তোমরা তাহাদিগকে দেখিবে, তখন তাহাদিগকে বিক্ষিপ্ত মুক্তাফল মনে করিবে। ১৯। যখন তুমি দৃষ্টি করিবে, তৎপর ঐশ্বর্য ও মহারাজত্ব দর্শন করিতে পাইবে। ২০। তাহাদের উপর হরিষর্গ সোন্দোস ও আস্তবুরক বসনাবলী ও তাহারা রজতকঙ্কণে অলঙ্কৃত হইবে, এবং তাহাদের প্রতিপালক তাহাদিগকে নির্মল সুরা পান করাইবেন†। ২১। (বলা হইবে,) “নিশ্চয় এই তোমাদের জ্ঞাত বিনিময় হইল, তোমাদের যত্ন আদৃত হইল”। ২২। (র, ১, আ, ২২)

নিশ্চয় আমি তোমার প্রতি, (হে মোহাম্মদ,) কোর-আন্ ক্রমশঃ অবতারণ করিয়াছি। ২৩। অনন্তর স্বীয় প্রতিপালকের আজ্ঞার নিমিত্ত ধৈর্যধারণ কর, এবং তাহাদিগের অন্তর্গত পাপী বা ধর্মবিদ্রোহী লোকদিগের অন্তর্গত হইও না। ২৪। এবং প্রাতঃসম্মান আপন প্রতিপালকের নাম স্মরণ কর। ২৫। পরে রজনীর কিয়দংশ তাঁহাকে নমস্কার কর ও দীর্ঘ রজনী তাঁহাকে স্তব কর। ২৬। নিশ্চয় ইহারা সংসারকে প্রেম করে, এবং আপন পশ্চাত্তাপে গুরুতর দিবসকে পরিত্যাগ করিয়া থাকে। ২৭। আমি তাহাদিগকে সৃষ্টি করিয়াছি ও তাহাদের দেহগ্রন্থিকে দৃঢ় করিয়াছি, এবং যখন আমি ইচ্ছা করিব, তখন তাহাদের সদৃশ (একদল তাহাদের স্থলে) পরিবর্তনে পরিবর্তিত করিব। ২৮। নিশ্চয় ইহা (কোর-আন্) উপদেশ হয়; অনন্তর যে ব্যক্তি ইচ্ছা করে, সে স্বীয় প্রতিপালকের দিকে পথ অবলম্বন করুক। ২৯। এবং ঈশ্বরের ইচ্ছা ব্যতীত তোমরা ইচ্ছা করিতেছ না, নিশ্চয় ঈশ্বর জ্ঞানময় কৌশলময়। ৩০। তিনি যাহাকে ইচ্ছা করেন, স্বীয় অন্তঃপ্রহের মধ্যে আনয়ন করিয়া থাকেন, এবং অত্যাচারিগণের জ্ঞাত ক্লেশকরী শাস্তি প্রস্তুত আছে। ৩১। (র, ২, আ, ৯)

* গুণ্ডি অর্থাৎ গুরু আর্জকের যোগে সুরা সুরস ও অধিক আনন্দজনক হইয়া থাকে। (ত, হো,)

† তত্ত্ব শব্দের অর্থ নির্মল গ্রহণ করা গিয়াছে। তত্ত্ব নামে স্বর্গীয় প্রস্রবণবিশেষও আছে, তাহার জলপানে ঈর্ষ্যাঘেব হইতে অন্তর নিমুক্ত হয়, অথবা পানকারীর অন্তর হইতে ঈশ্বরবিরাগ ও বিষয়াসক্তির মলিনতা চলিয়া যায়। (ত, হো,)

সূরা মোর্সলাত ❀

.....

সপ্তসপ্ততম অধ্যায়

.....

৫০ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

মুহূসফারিত (বায়ুর) শপথ । ১ । + অনন্তর বেগে বেগবান্ (বায়ুর শপথ) । ২ । + এবং (জলদজ্জাল) বিকিরণে বিকিরণকারী (বায়ুর শপথ) । ৩ । + অবশেষে বিয়োজনে বিয়োজক (বায়ুর শপথ) ৭ । ৪ । অনন্তর কারণ-প্রদর্শন অথবা ভয়প্রদর্শনের জ্ঞাত উপদেশাবতরণকারী (দেবগণের শপথ) । ৫ + ৬ । + নিশ্চয় তোমরা যাহা অঙ্গীকৃত হইতেছ, তাহা অবশ্য সজ্জটনীয় । ৭ । অনন্তর যখন তারকাপুঞ্জ নির্ধারিত হইবে । ৮ । + এবং যখন গগনমণ্ডল বিদীর্ণ হইবে । ৯ । + এবং যখন শৈলশ্রেণী উৎখাত হইবে । ১০ । এবং যখন প্রেরিত পুরুষগণ (যথাসময়ে) সমবেত হইবে । ১১ । (জিজ্ঞাসা করা যাইবে,) “কোন্ দিবসের জ্ঞাত (নক্ষত্রাদিকে) নিবৃত্ত রাখা হইয়াছে” ? ১২ । (তাহার বলিবে,) “বিচারনিষ্পত্তির দিনের জ্ঞাত” । ১৩ । এবং কিসে তোমাকে জানাইয়াছে, বিচারনিষ্পত্তির দিন কি ? ১৪ । সেই দিবস অসত্যারোপকারীদিগের জ্ঞাত আক্ষেপ । ১৫ । আমি কি পূর্বতন লোকদিগকে বিনাশ করি নাই ? ১৬ । তৎপর পরবর্তী লোকদিগকেও তাহাদের অহুগামী করিব । ১৭ । আমি অপরাধীদিগের সঙ্গে এইরূপ করিয়া থাকি । ১৮ । সেই দিবস অসত্যারোপকারীদিগের জ্ঞাত আক্ষেপ । ১৯ । আমি কি তোমাদিগকে নিকৃষ্ট বারি (শুক্র) দ্বারা সৃজন করি নাই ? ২০ । অনন্তর তাহা এক দৃঢ় স্থানে এক নির্দিষ্ট পরিমাণ (সময়) পর্য্যন্ত রাখিয়াছি । ২১ + ২২ । অনন্তর পরিমাণ করিয়াছি, অবশেষে আমি উত্তম পরিমাণকারক । ২৩ । সেই দিবস অসত্যারোপকারীদিগের জ্ঞাত আক্ষেপ । ২৪ । আমি কি জীবিত ও মৃতব্যক্তিগণের সংগ্রহকারী ধরাতলকে করি নাই ? ২৫ + ২৬ । + এবং তন্মধ্যে সমুন্নত গিরিশ্রেণী স্থাপন করিয়াছি, এবং তোমাদিগকে স্রস বারি পান করাইয়াছি । ২৭ । সেই দিবস অসত্যারোপকারী লোকদিগের জ্ঞাত আক্ষেপ । ২৮ । (বলা হইবে,) “যাহার প্রতি তোমরা অসত্যারোপ করিতেছিলে, সেই বস্তুর নিকটে যাও” । ২৯ । ত্রিশাখাবিশিষ্ট (ধূমের) ছায়ায় দিকে যাও, তাহা ছায়াপ্রদায়ক

* এই সূরা মক্কাতে অবতীর্ণ হইয়াছে ।

+ এই সকল বাক্য বিশেষ বিশেষ দেবতার প্রতিও প্রয়োজিত হইতে পারে । (ত, হো,)

‡ অর্থাৎ পৃথিবী জীবিত লোকদিগকে পৃষ্ঠে ধারণ করে, মৃত ব্যক্তিদিগকে গর্ভে পোষণ করিয়া থাকে । (ত, হো,)

নহে, এবং তাহা জলন্ত অগ্নি প্রশমিত করিবে না * । ৩০ + ৩১ । নিশ্চয় তাহা অট্টালিকা-
তুল্য (বৃহৎ) ফুলিঙ্গ সকল নিক্ষেপ করে । ৩২ । যেন তাহা পীতবর্ণ উদ্ভ্রংশী । ৩৩ ।
সেই দিন অসত্যারোপকারীদিগের জগ্ন আক্ষেপ । ৩৪ । এই এক দিন যে, তাহারা কথা
বলিবে না । ৩৫ । এবং তাহাদিগকে অহুমতি দেওয়া যাইবে না যে, পরে আপত্তি করে ।
৩৬ । সেই দিবস অসত্যারোপকারীদিগের জগ্ন আক্ষেপ । ৩৭ । (বলা হইবে,) “এই
বিচারনিষ্পত্তির দিন, আমি তোমাকে ও পূর্বতন লোকদিগকে একত্রিত করিয়াছি ।
৩৮ । অনন্তর যদি তোমাদের প্রবঞ্চনা থাকে, তবে আমার প্রতি প্রবঞ্চনা কর” ।
৩৯ । সেই দিবস অসত্যারোপকারীদিগের জগ্ন আক্ষেপ । ৪০ । (র, ১, আ, ৪০)

নিশ্চয় ধর্মভীরুলোকেরা যে ছায়া ও পয়ঃপ্রণালী এবং ফলপুঞ্জ অভিলাষ করিয়া থাকে,
তাহারা তাহার মধ্যে থাকিবে । ৪১ + ৪২ । (বলা হইবে,) “তোমরা যাহা (যে সংকল্প)
করিতেছিলে, তজ্জগ্ন স্মৃষ্টি ভোজন ও পান কর” । ৪৩ । নিশ্চয় আমি এই প্রকার হিত-
কারিলোকদিগকে বিনিময় দান করিয়া থাকি । ৪৪ । সেই দিন অসত্যারোপকারীদিগের
জগ্ন আক্ষেপ । ৪৫ । (বলা হইবে,) “অল্প ভক্ষণ কর ও ফলভোগ করিতে থাক, নিশ্চয়
তোমরা অপরাধী” । ৪৬ । সেই দিবস অসত্যারোপকারীদিগের জগ্ন আক্ষেপ । ৪৭ ।
এবং যখন তাহাদিগকে বলা যায়, “উপাসনা কর,” তাহারা উপাসনা করে না ।
৪৮ । সেই দিবস অসত্যারোপকারীদিগের জগ্ন আক্ষেপ । ৪৯ । অনন্তর এই (কোর-
আনের) পরে কোন্ কথাকে তাহারা বিশ্বাস করিতেছে ? ৫০ । (র, ২, আ, ১০)

সূরা নবা †

অষ্টসপ্ততিতম অধ্যায়

৪০ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি ।)

তাহারা কোন্ বিষয়ে পরস্পর জিজ্ঞাসা করিতেছে ? ১ । যে বিষয়ে তাহারা বিরোধ-
কারী, সেই মহাসংবাদের বিষয়ে । ২ + ৩ । না, না, শীঘ্র তাহারা (তাহা) জানিতে
পাইবে । ৪ । তৎপর না, না, শীঘ্র জানিতে পাইবে । ৫ । আমি কি পৃথিবীকে শয্যা ও
পর্কতশ্রেণীকে কীলকস্বরূপ করি নাই ? ৬ + ৭ । + এবং তোমাদিগকে জ্বীপুর্কষ স্বজন

* নরকলোক হইতে তিনটি শাখা বহির্গত হয়, একটা জ্যোতির শাখা, তাহা বিশ্বাসীদিগের উপর
ছায়া বিস্তার করে; অল্প একটা ধূময়শাখা, তাহা কপটিদিগের উপর ছায়া দান করে; অপরটি জলন্ত
হুতাসনের শাখা, তাহা কাকেরদিগের উপর ছায়া প্রসারণ করিয়া থাকে ।

† এই সূরা মক্কাতে অবতীর্ণ হইয়াছে ।

করিয়াছি। ৮। + এবং নিদ্রাকে তোমাদের বিশ্রাম করিয়াছি। ৯। + এবং রজনীকে আবরণ করিয়াছি। ১০। এবং দিবাকে জীবিকা অন্বেষণের কাল করিয়াছি। ১১। এবং তোমাদের উপর দৃঢ় সপ্ত (স্বর্গ) নির্মাণ করিয়াছি। ১২। এবং সমুজ্জল দীপ (সূর্য) সৃজন করিয়াছি। ১৩। এবং বারিবর্ষী বারিদজ্জাল হইতে বারিবিন্দু বর্ষণ করিয়াছি। ১৪। তাহাতে তদ্বারা শস্যকণা ও উদ্ভিদ এবং পরিবেষ্টিত উদ্ভান সকল নিঃসারিত করি *। ১৫+১৬। নিশ্চয় বিচারনিষ্পত্তির দিন এক নির্দ্ধারিত কাল হয়। ১৭। যে দিবস সূরবাণ্ডে ফুৎকার করা হইবে, তখন দলে দলে তোমরা (কবর হইতে) সমুপস্থিত হইবে। ১৮। এবং আকাশ উন্মুক্ত হইবে, পরে বহু দ্বার হইয়া যাইবে। ১৯। এবং পর্বত সকলকে চালিত করা হইবে, অনন্তর মরীচিকা (তুলা) হইয়া যাইবে। ২০। নিশ্চয় নিরয়লোক দুর্ধীনীত লোকদিগের জন্ত প্রতীক্ষাকারী প্রত্যাবর্তন-ভূমি হইবে। ২১+২২। তাহারা তথায় বহুযুগ স্থিতি করিবে। ২৩। তথায় তাহারা পীত ও উষ্ণ বারি ব্যতীত কোন শৈত্য ও পানীয় আশ্বাদন করিবে না। ২৪+২৫। +সমুচিত বিনিময় দেওয়া যাইবে। ২৬। নিশ্চয় তাহারা বিচারের আশা করিতেছিল না। ২৭। +এবং আমার নিদর্শনাবলীর প্রতি অসত্যারোপে অসত্যারোপ করিয়াছিল। ২৮। এবং আমি প্রত্যেক বিষয়কে লিপিসাধনে আয়ত্ত করিয়াছি। ২৯। + (অসত্যারোপ করিয়াছিল,) অতএব (বলিব,) স্বাদ গ্রহণ কর; অনন্তর শাস্তি ব্যতীত তোমাদিগের প্রতি (কিছু) বৃদ্ধি করিব না। ৩০। (র, ১, আ, ৩০)

নিশ্চয় ধর্মভীরু লোকদিগের জন্ত মনোরথসিদ্ধি। ৩১। উদ্ভান সকল ও দ্রাক্ষাতরু সকল থাকিবে। ৩২। এবং সমবয়স্ক নবযুবতীগণ ঋ ও পুনঃ পুনঃ পরিবেশন করিতেছে এক্রূপ পানপাত্র থাকিবে। ৩৩+৩৪। তথায় তাহারা নিরর্থক বাক্য ও অসত্য শ্রবণ করিবে না। ৩৫। তোমার প্রতিপালক হইতে, (হে মোহমদ,) দানের হিসাবানুসারে বিনিময় হয়। ৩৬। তিনি ভূলোক ও দু্যলোকের এবং যাহা কিছু উভয়ের মধ্যে আছে, তাহার প্রতিপালক; তিনি দাতা, তাঁহার (প্রতাপে) তাহারা কথা কহিতে পারিবে না। ৩৭। যে দিবস দেবগণ ও আত্মা সকল শ্রেণীবদ্ধরূপে দণ্ডায়মান হইবে, তখন পরমেশ্বর যে ব্যক্তিকে অহুমতি করিবেন, সে ব্যতীত কথা কহিবে না, এবং সে ঠিক বলিবে। ৩৮। সত্যই এই দিন, অনন্তর যে ব্যক্তি ইচ্ছা করে, সে আপন প্রতিপালকের দিকে স্থান গ্রহণ করুক। ৩৯। নিশ্চয় আমি তোমাদিগকে সন্নিহিত শাস্তিবিষয়ে ভয় প্রদর্শন করিলাম, যে দিবস মহুয়া, তাহার হস্ত যাহা পূর্বে প্রেরণ করিয়াছে, তাহা

* “পরিবেষ্টিত উদ্ভান” অর্থাৎ বৃক্ষে বৃক্ষে জড়িত উদ্ভান।

(ত. হো.)

+ স্বর্গে নারী বোড়শবর্ষীয়া, পুরুষ ত্রয়স্ত্রিংশৎ বর্ষীয় হইবে। কেহ কেহ বলেন, নরনারী সকলেই ত্রয়স্ত্রিংশৎ বৎসর বয়স্ক হইবে।

(ভ. হো.)

দর্শন করিবে; এবং কাফেরগণ বলিবে যে, “হায়! যদি আমি মৃত্তিকা হইতাম, (ভাল ছিল)”। ৪০। (র, ২, আ, ১০)

সূরা নাজিয়াত *

উনাশীতিতম অধ্যায়

৪৬ আয়ত, ২ রকু

(দাতা দয়ালু পরমেশ্বরের নামে প্রবৃত্ত হইতেছি।)

কঠিনরূপে (কাফেরদিগের প্রাণ) আকর্ষণকারী (দেবগণের) শপথ। ১। + এবং (বিশ্বাসীদিগের প্রাণ) বহিষ্করণে বহিষ্কারক। ২। + এবং সন্তরণে সন্তরণকারক। ৩। + অনন্তর (আজ্ঞাপালনে সর্বোপরি) অগ্রগমনে অগ্রগামী। ৪। + অবশেষে কার্ণের তত্ত্বাবধায়ক (দেবগণের শপথ) ৫। (স্মরণ কর,) যে দিবস স্পন্দনকারী (পর্বতাদি) স্পন্দিত হইবে। ৬। অল্পবর্তী তাহার অল্পবর্তন করিবে ৭। ৭। সেই দিন বহু হৃদয় ত্রস্ত হইবে। ৮। তাহাদের দৃষ্টি ক্ষীণ হইয়া যাইবে। ৯। তাহারা বলিতেছে, “যখন আমরা বিকৃত অস্থিপুঞ্জ হইয়া যাইব, তখন আমরা কি পূর্বাবস্থায় পরিণত হইব, কি (পুনরুত্থিত হইব)?” ১০ + ১১। তাহারা বলিল, “সেই সময় (বিচারস্থলে) ফিরিয়া আসা ক্ষতিজনক”। ১২। অনন্তর উহা এক চীৎকার, এতস্তিন্ন নহে ১৩। + অবশেষে অকস্মাৎ তাহারা সাহেব্রাতে আসিবে ১৪। তোমার নিকটে কি, (হে মোহম্মদ,) মুসার বৃত্তান্ত উপস্থিত হয় নাই? ১৫। (স্মরণ কর,) যখন তাহার প্রতিপালক তাহাকে তোয়নামক পুণ্যপ্রান্তরে ডাকিয়া বলিয়াছিলেন। ১৬। “তুমি ফেরওণের নিকটে যাও, নিশ্চয় সে সীমালঙ্ঘনকারী। ১৭। অনন্তর বল, পবিত্র

* এই সূরা মক্কাতে অবতীর্ণ হইয়াছে।

† এক দেবতা আছেন যে, তিনি কাফেরদিগের শিরার ভিতরে প্রবেশ করিয়া তাহাদের প্রাণ টানিয়া বাহির করেন। এক স্বর্গীয় দূত বিশ্বাসীদিগের শরীরের বন্ধন উন্মোচন করেন, তাহাতে তাহাদের প্রাণ আনন্দে স্বর্গলোকের দিকে ধাবিত হয়। কিন্তু শারীরিক রেশ ও রোগযন্ত্রণা অল্প প্রকার, এ বিষয়ে বিশ্বাসী অবিশ্বাসী তুল্য। এস্থলে আত্মারই প্রসঙ্গ হইয়াছে। বিশ্বাসীর আত্মাই আনন্দে গমন করে। একশ্রেণীর দেবতা আছেন যে, তাহারা আকাশে সন্তরণ করেন, অর্থাৎ উড্ডীয়মান হন। কোন আজ্ঞা হইলে তাহা পৃথিবীভার জন্ত এক অল্প অপেক্ষা বেগে অধিকতর অগ্রসর হন। ঈশ্বর তাহাদের শপথ করিলেন, কখনও ইহাদের গুণ ও সৌন্দর্যাদিরও দিবা করা হয়। (ত, ফা.)

‡ এক সুরক্ষণির অমুরগণে আর এক সুরক্ষণি হইবে, দুই বার সুরক্ষণি হইলেই মৃত সকল জীবিত হইয়া কবর হইতে বাহির হইবে। (ত, হো,)

§ অর্থাৎ এত্রাকিলের এক সুরক্ষণিতে কবরস্থ সমুদায় লোক জীবিত হইবে। (ত, হো,)

§ জেরুজেলমের অদূরে রিহানামক পর্বতের পার্শ্বে সাহেব্রনামক এক স্থান আছে। সেই স্থানেই পুনরুত্থিত লোকসকল সমবেত হইবে। কথিত আছে যে, পরমেশ্বর তখন তাহাকে চল্লিশটি পৃথিবীর ভূল্য বিকৃত করিবেন। (ত, হো,)

হওয়ার দিকে তোমার কি (অভিলাষ) আছে? ১৮। + এবং আমি তোমাকে তোমার প্রতিপালকের দিকে পথ প্রদর্শন করিব, পরে তুমি ভয় পাইবে”। ১৯। অনন্তর ফেরওণকে সে মহা অলৌকিকতা প্রদর্শন করিল। ২০। পরে সে অসত্যারোপ করিল ও অবাধ্য হইল। ২১। তৎপর দৌড়িয়া পৃষ্ঠভঙ্গ দিল। ২২। অনন্তর (লোক) সংগ্রহ করিল, পরে ডাকিল। ২৩। পরিশেষে বলিল, “আমি তোমাদের মহাপ্রতিপালক”। ২৪। অবশেষে পরমেশ্বর ঐহিক ও পারলৌকিক শক্তিতে তাহাকে ধরিলেন। ২৫। নিশ্চয় যাহারা আশঙ্কা করে, তাহাদের জ্ঞান ইহার মধ্যে শিক্ষা আছে। ২৬। (র, ১, আ, ২৬)

সৃষ্টির মধ্যে তোমরা কি দৃঢ়তর, না স্বর্গলোক? (পরমেশ্বর) তাহাকে নির্মাণ করিয়াছেন। ২৭। তিনি তাহার ছাদ সমুন্নত করিয়াছেন, অনন্তর তাহাকে ঠিক রাখিয়াছেন। ২৮। তাহার রাত্তিকে আচ্ছাদিত করিয়াছেন, এবং তাহার উষা বাহির করিয়াছেন। ২৯। এবং ইহার পরে ভূতলকে প্রসারিত করিয়াছেন। ৩০। তাহা হইতে তাহার জল এবং তাহার তৃণক্ষেত্র বাহির করিয়াছেন। ৩১। এবং গিরিশ্রেণীকে তোমাদের ও তোমাদের গ্রাম্য পশুদিগের লাভের জন্ত দৃঢ়বদ্ধ করিয়াছেন। ৩২+৩৩। অনন্তর (স্মরণ কর,) যখন ঘোর বিপদ উপস্থিত হইবে। ৩৪। সে দিবস মনুষ্য (কার্য্যে) যাহা চেষ্টা করিয়াছে, তাহা স্মরণ করিবে। ৩৫। এবং যে দর্শন করিতেছে, তাহার জ্ঞান নরকলোক প্রকাশিত হইবে। ৩৬। অনন্তর কিন্তু যে ব্যক্তি সীমালঙ্ঘন করিয়াছে। ৩৭। এবং পার্থিব জীবনকে স্বীকার করিয়াছে। ৩৮। পরে নিশ্চয়ই সেই নরকলোক (তাহার) অবস্থিতি-স্থান। ৩৯। কিন্তু যে ব্যক্তি স্বীয় প্রতিপালকের নিকটে দণ্ডায়মান হইতে ভয় পাইয়াছে, এবং চিন্তকে বিলাসবাসনা হইতে নিবৃত্ত রাখিয়াছে, পরিশেষে নিশ্চয় সেই স্বর্গলোক (তাহার) অবস্থিতি-স্থান। ৪০+৪১। কেয়ামতের বিষয় তাহারা তোমাকে প্রশ্ন করিতেছে যে, কখন তাহার সমুপস্থিতি হইবে। ৪২। তাহার স্মরণসম্বন্ধে (জ্ঞানসম্বন্ধে) তুমি, (হে মোহম্মদ,) কিসে আছ *? ৪৩। তোমার প্রতিপালকের প্রতিই তাহার (জ্ঞানের) সীমা। ৪৪। যাহারা তাঁহাকে ভয় করে, তুমি তাহাদের ভয়প্রদর্শক, এতদ্ভিন্ন নও। ৪৫। যে দিবস তাহারা উহা দর্শন করিবে, যেন এক সন্ধ্যা বা প্রাতঃকাল ভিন্ন তাহারা (পৃথিবীতে) বিলম্ব করে নাই (মনে করিবে)। ৪৬। (র, ২, আ, ২০)

* আয়শা বলিয়াছিলেন যে, হজরত ইছা করিতেছিলেন, কেয়ামতপ্রকাশের সময় পরমেশ্বরকে জিজ্ঞাসা করিয়া অবগত হন। তাহাতেই ঈশ্বর বলিলেন, তুমি কেয়ামতের জ্ঞানবিষয়ে কিসে আছ, অর্থাৎ সেই জ্ঞানের অধিকারী তুমি নও। সাবধান, তাহা জিজ্ঞাসা করিও না। (ত, হো, ১)

সূরা অবস *

অশীতিতম অধ্যায়

৪২ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

সে মুখ বিরস করিল ও মুখ ফিরাইল । ১ । +যেহেতু তাহার নিকটে এক অন্ধ উপস্থিত হইয়াছে † । ২ । এবং কিসে তোমাকে জানাইয়াছে যে, সম্ভবতঃ সে শুদ্ধ হইবে ? ৩ । অথবা উপদেশ গ্রহণ করিতেছে ; অনন্তর উপদেশদান তাহাকে উপকৃত করিতেছে ? ৪ । কিন্তু যে ব্যক্তি নিরাকাজ্ঞ, অবশেষে তুমি তাহার জন্ত যত্ন করিতেছ । ৫ + ৬ । এবং সে যে শুদ্ধ হয় না, তাহাতে তোমার প্রতি অমুযোগ নাই । ৭ । এবং কিন্তু যে ব্যক্তি তোমার নিকটে দৌড়িয়া আসিয়াছে ও যে (ঈশ্বরকে) ভয় করিতেছে, অনন্তর তুমি তাহার সম্বন্ধে উপেক্ষা করিতেছ ‡ ? ৮ + ৯ + ১০ । না, না, নিশ্চয়ই ইহা (কোর্-আনের আয়ত সকল) উপদেশ হয় । ১১ । পরে যে ব্যক্তি ইচ্ছা করে, সে সাধু মহাত্মা লেখকদিগের হস্তে (লিখিত) যে শুদ্ধ উন্নত সম্মানিত পুস্তিকাপুঞ্জ, তাহা আবৃত্তি করুক । ১২ + ১৩ + ১৪ + ১৫ + ১৬ । মহুশ্য বিনষ্ট হউক, কিসে তাহাকে বিদ্রোহী করিল ? ১৭ । কোন্ পদার্থ হইতে তিনি তাহাকে সজ্জন করিয়াছেন ? শুরু দ্বারা তাহাকে সৃষ্টি করিয়াছেন, অনন্তর তাহাকে নিয়মিত করিয়াছেন । ১৮ + ১৯ । তৎপর (প্রসব হওয়ার) পথ তাহার পক্ষে সহজ করিয়াছেন । ২০ । তৎপর তাহাকে মারিলেন, অবশেষে তাহাকে কবরে স্থাপিত করিলেন । ২১ । তাহার পর যখন ইচ্ছা করিলেন, তাহাকে বাঁচাইলেন । ২২ । না, না, তিনি তাহাকে যাহা আদেশ করিয়াছেন, সে তাহা সম্পাদন করে না । ২৩ । অনন্তর মহুশ্য যেন স্বীয় অঙ্গের প্রতি দৃষ্টিপাত করে । ২৪ । নিশ্চয় আমি বারিবর্ষণ করিয়াছি । ২৫ । তৎপর ক্ষেত্রকে বিদারণে বিদারিত করিয়াছি । ২৬ । পরে তন্মধ্যে শস্তকণিকা ও ত্রাণকা এবং সেও ও জয়তুন এবং খোন্দাতরু এবং ঘনপাদপ-সন্নিবিষ্ট উত্তান সকল এবং ফল ও তৃণ তোমাদের ও তোমাদের পশু সকলের লাভের জন্ত আমি উৎপাদন

* এই সূরা মক্কাতে অবতীর্ণ হইয়াছে ।

† একদা ওয় মক্কতুন্নে পূর্ব আবদোল্লা হজরতের সভায় উপস্থিত হইয়াছিলেন । তখন হজরত কোরেশজাতীয় সম্ভ্রান্ত ধনী পুরুষদিগের নিকটে এসলামধর্ম প্রচার করিতেছিলেন । উক্ত আবদোল্লা অন্ধ ছিলেন, তিনি জানিতে পারেন নাই যে, কীদূশ লোক হজরতের নিকটে উপবিষ্ট । তিনি কোন বিষয়ের প্রশ্ন করিয়া হজরতের কথা ভঙ্গ করেন, তজ্জন্ত হজরত বিষন্ন হন, এবং মুখ বিরস করেন ও মুখ ফিরাইয়া লন । তাহাতে জেত্রিল এই আয়ত উপস্থিত করেন । (ভ, হো,)

‡ যখন জেত্রিল এই আয়ত সকল পাঠ করিলেন, তখন হজরতের মুখমণ্ডল বিবর্ণ হইয়া যায় । তিনি আবদোল্লার পশ্চাতে ধাবিত হন ও তাঁহাকে ধরিয়া মন্দিরে লইয়া যান, বসিবার জন্ত আপন চাদর আসন করিয়া দেন ও তাঁহার অন্তরকে প্রশ্রুত করেন । তৎপর যখন তাঁহাকে দেখিতেন, সম্মান করিতেন । তিনি চুইবার যুদ্ধবাত্ম্যর সময় তাঁহাকে মদিনার খলিফার পদে নিযুক্ত করিয়াছিলেন । (ভ, হো,)

করিয়াছি। ২৭+২৮+২৯+৩০+৩১+৩২। পরিশেষে যখন ঘোর নিনাদ হইবে। ৩৩। সেই দিবস লোক স্বীয় মাতা হইতে এবং স্বীয় পিতা হইতে ও ভ্রাতা হইতে এবং স্বীয় ভাৰ্য্যা হইতে ও স্বীয় পুত্র হইতে পলায়ন করিবে। ৩৪+৩৫+৩৬। সেই দিবস তাহাদের মধ্যে প্রত্যেক ব্যক্তির এমন এক ভাব হইবে যে, তাহাকে (অস্ত্রের সম্বন্ধে) নিশ্চিন্ত রাখিবে। ৩৭। সেই দিবস কতক আনন উজ্জল সহাস্ত সর্ষ থাকিবে। ৩৮+৩৯। এবং সেই দিবস কতক মুখমণ্ডলের উপর মালিগ হইবে। ৪০। কালিমা তাহাকে আচ্ছাদন করিবে। ৪১। ইহারাই তাহারা যে, দুরাচার কাফের। ৪২। (র, ১, আ, ৪২)

সূরা তক্‌ওয়ির *

একাশীতিতম অধ্যায়

২৯ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

যখন সূর্য্য আবৃত হইবে। ১। এবং যখন নক্ষত্রবৃন্দ মলিন হইবে। ২। এবং যখন পর্ব্বতশ্রেণী সঞ্চালিত হইবে। ৩। এবং যখন আসন্নপ্রসবা উষ্ট্রীসকল পরিত্যক্ত হইবে। ৪। এবং যখন আরণ্য পশু (হিংস্র অহিংস্র) একত্রিত হইবে। ৫।+ যখন সাগর সকল জমিয়া যাইবে। ৬।+এবং যখন জীবাত্মা সকল (সাধু সাধুর সঙ্গে, অসাধু অসাধুর সঙ্গে) মিলিত হইবে। ৭। এবং যখন জীবিত অবস্থায় মৃত্তিকায় প্রোথিত (কব্জা) দিগকে জিজ্ঞাসা করা হইবে, “কোন্ অপরাধে হত হইয়াছ” § ৮+৯। এবং যখন কার্যালিপি সকল খোলা যাইবে। ১০। এবং যখন আকাশ উদ্‌ঘাটিত হইবে। ১১। এবং যখন নরক প্রজ্জলিত হইবে। ১২।+এবং যখন স্বর্গ সন্নিহিত করা যাইবে। ১৩।+তখন প্রত্যেক ব্যক্তি যাহা উপস্থিত করিয়াছে, জ্ঞাত হইবে § ১৪। অনন্তর (দিবসে) লুকায়িত হয়, সূর্য্যরশ্মিতে বিশ্রামস্থানে প্রস্থানকারী যে সকল নক্ষত্র, তাহার শপথ করিতেছি। ১৫+১৬। রজনী যখন অন্ধকারাবৃত হয়, তাহার (শপথ করিতেছি)। ১৭।+উষা যখন সমুদিত হয়, তাহার (শপথ করিতেছি)। ১৮।+যে নিশ্চয় উহা (কোব্-আন্) সিংহাসনাধিপতি (ঈশ্বরের) নিকটে পদস্থ আজ্ঞাবহ গৌরবান্বিত

* এই সূরা মক্কাতে অবতীর্ণ হইয়াছে।

+ আসন্নপ্রসবা উষ্ট্রী আরবীয় লোকদিগের বিশেষ আদরের সামগ্রী। কেন্নামতের সময়ে তাহার। তাহা পরিত্যাগ করিবে। (ত, হো,

‡ আরবীয় লোকেরা অর্থাভাবে প্রতিপালনে অসমর্থ হইয়া শিশু কন্তাদিগকে জীবিতাবস্থায় মৃত্তিকায় প্রোথিত করিত; পুনরুত্থানকালে সেই কন্তাদিগকে প্রশ্ন করা হইবে যে, “তোমরা কি জন্তু হত হইয়াছ?” তাহার। বলিবে, “অজ্ঞাতসারে আমরাদিগকে বধ করিয়াছে।” তাহাতে হত্যাকারী লাঞ্চিত হইবে। (ত, হো,)

§ অর্থাৎ তাহার। পৃথিবীতে যে সকল সদসংকল্প করিয়াছে, তাহার ফলভোগ করিবে। (ত, হো,)

শক্তিশালী, তৎপর বিশ্বস্ত প্রেরিতপুরুষের বাণী। ১২+২০+২১। এবং তোমাদের বন্ধু ক্ষিপ্ত নহে। ২২। এবং সত্য সত্যই সে তাহাকে (স্বর্গীয় দূত জেব্রিলকে) সমুজ্জল গগনপ্রান্তে দেখিয়াছে। ২৩। এবং সে গুপ্ত বিষয়ে (প্রত্যাদেশে) কুপণ নহে। ২৪। এবং তাহা (কোর-আন্) নিস্তাড়িত শয়তানের বাক্য নহে। ২৫।+অনন্তর তোমরা কোথায় যাইতেছ ? ২৬। তাহা বিশ্বের পক্ষে উপদেশ ভিন্ন নহে। ২৭।+তোমাদের মধ্যে যে ব্যক্তি চাহে যে সরল পথে চলে, তাহার জ্ঞান (উপদেশ ভিন্ন নহে)। ২৮। এবং বিশ্বপালক পরমেশ্বর ইচ্ছা না করিলে তোমরা (উপদেশ) ইচ্ছা কর না। ২৯। (র, ১, আ, ২৯)

সূরা এনফেতার *

দ্ব্যশীতিতম অধ্যায়

১৯ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

যখন আকাশ বিদীর্ণ হইবে। ১।+এবং যখন নক্ষত্রপুঞ্জ পড়িয়া যাইবে *। ২।+এবং যখন সমুদ্র সকল সঞ্চালিত হইবে। ৩।+এবং যখন সমাধিপুঞ্জ উৎখাত হইবে। ৪।+তখন প্রত্যেক ব্যক্তি যাহা পূর্বে প্রেরণ করিয়াছে ও পশ্চাৎ রাখিয়া দিয়াছে, তাহা জ্ঞাত হইবে। ৫। হে মহম্মদ, যিনি তোমাকে সৃষ্টি করিয়াছেন, পরে তোমাকে সঙ্গঠিত করিয়াছেন, অনন্তর তোমাকে ঠিক করিয়া লইয়াছেন, যে আকারে তিনি ইচ্ছা করিয়াছেন, তোমাকে সংযোজিত করিয়াছেন ; তোমার সেই গৌরবান্বিত প্রতিপালকের সন্মুখে কিসে তোমাকে প্রবক্ষিত করিল ? ৬+৭+৮। না না, বরং তোমরা কেয়ামতসম্বন্ধে অসত্যারোপ করিতেছ। ৯।+এবং নিশ্চয় তোমাদের প্রতি গৌরবান্বিত লিপিকর সকল রক্ষকস্বরূপ আছে। ১০+১১।+তোমরা যাহা করিয়া থাক, তাহার জ্ঞাত হয়। ১২। নিশ্চয় সাধুলোকেরা সম্পদের মধ্যে থাকিবে। ১৩।+এবং নিশ্চয় পাপাচারিগণ নরকে থাকিবে। ১৪।+বিচারের দিবস তাহার তথায় উপস্থিত হইবে। ১৫। এবং তাহার তথা হইতে অন্তর্হিত হইবে না। ১৬। এবং কিসে তোমাকে, (হে মহম্মদ,) জানাইয়াছে যে, বিচারের দিন কি ? ১৭।+তৎপর কিসে তোমাকে জানাইয়াছে, বিচারের দিন কি ? ১৮। যে দিবস কোন ব্যক্তি কোন ব্যক্তির সন্মুখে কিছুই ক্ষমতা রাখিবে না, এবং যে দিবস ঈশ্বরের আজ্ঞাই থাকিবে। ১৯। (র, ১, আ, ১৯)

* এই সূরা মক্কাতে অবতীর্ণ হইয়াছে।

† নক্ষত্রাবলী ফাযুসের দ্বায় স্বর্গের সম্মুখভাগে জ্যোতির শৃঙ্খলে লটকান আছে, সেই শৃঙ্খল দেবতাদিগের হস্তে রহিয়াছে। যখন স্বর্গবাদিগণ বিনাশ প্রাপ্ত হইবে, তখন তাহা তাহাদের হস্তচ্যুত হইবে, এবং সেই তারকাপুঞ্জ ভূতলে পড়িয়া যাইবে। (ত, হো,)

সূরা তৎফিক *

ত্র্যশীতিতম অধ্যায়

৩৬ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

সেই অসম্পূর্ণ পরিমাণকারীদিগের প্রতি আক্ষেপ † । ১ । + যাহারা (নিজের জ্ঞান) লোকের সম্বন্ধে যখন (দ্রব্য) পরিমাণ করে, পূর্ণ গ্রহণ করিয়া থাকে । ২ । এবং যখন তাহাদিগকে পরিমাণ করিয়া দেয়, অথবা তাহাদিগকে তুল করিয়া দেয়, ক্ষতি করিয়া থাকে । ৩ । এই সকল লোক কি মনে করে না যে, যে দিন লোক সকল নিখিল বিশ্বের প্রতিপালকের নিমিত্ত দণ্ডায়মান থাকিবে, সেই মহাদিনের জ্ঞান তাহারা সমুখাপিত হইবে ? ৪ + ৫ + ৬ । না না, নিশ্চয় দুর্ভাগ্যলোকদিগের কার্য্যালিপি সেজিনে হইবে ‡ । ৭ । এবং কিসে তোমাকে জানাইয়াছে যে, সেজিন কি ? ৮ । (তাহা) লিপিবদ্ধ এক পুস্তিকা হয় । ৯ । সেই দিবস সেই অসত্যারোপকারীদিগের জ্ঞান আক্ষেপ । ১০ । + যাহারা বিচারের দিনের প্রতি অসত্যারোপ করিতেছে । ১১ । এবং প্রত্যেক সীমালঙ্ঘনকারী পাপী ব্যতিরেকে তৎপ্রতি অসত্যারোপ করে নাই । ১২ । + যখন আমার নিদর্শনাবলী তাহার নিকটে পড়া যায়, তখন সে বলে, “(এ সকল) পূর্বতন কাহিনী” । ১৩ । না না, বরং তাহারা যে আচরণ করিতেছিল, তাহা তাহাদিগের অন্তরে কালিমা বদ্ধ করিয়াছে । ১৪ । না না, নিশ্চয় তাহারা সেই দিবস স্বীয় প্রতিপালক হইতে লুকায়িত থাকিবে । ১৫ । + তৎপর নিশ্চয় তাহারা নরকে প্রবেশ করিবে । ১৬ । তাহার পর (তাহাদিগকে) বলা হইবে, “যাহার সম্বন্ধে তোমরা অসত্যারোপ করিতে-ছিলে, ইহাই তাহা” । ১৭ । না না, নিশ্চয় সাধুদিগের (কার্য্যালিপি) এল্লেন্নে হইবে § । ১৮ । এবং কিসে তোমাকে জানাইয়াছে, এল্লেন্নে কি ? ১৯ । (তাহা) লিপিবদ্ধ এক পুস্তিকা । ২০ । সন্নিহিত (দেবগণ) তাহার দিকে উপস্থিত হয় ¶ । ২১ । নিশ্চয় সাধুলোকেরা সম্পদের মধ্যে থাকিবে । ২২ । + তাহারা সিংহাসন সকলের উপর (বসিয়া) নিরীক্ষণ করিতে থাকিবে । ২৩ । + তুমি তাহাদের মুখমণ্ডলে সম্পদের ক্ষুধা দর্শন করিবে । ২৪ । মোহর আঁটা বিলুপ্ত হইতে তাহাদিগকে পান করান হইবে । ২৫ । (মোমের স্থলে) তাহার মোহর মৃগনাভি হইবে, এবং পরে ইহার মধ্যে উচিত যে,

* এই হুরা মক্কাতে অবতীর্ণ হইয়াছে ।

+ মদিনানিবাসিগণ তোল ও মাপে অতিশয় অপচয় করিত । হজরত মক্কা হইতে মদিনায় চলিয়া আসিবার সময় পথে এই হুরা অবতারিত হয় । (ত, হো,)

‡ সেজিন শয়তান ও তাহার অনুচরদিগের নিবাসভূমি, অথবা শয়তান ও পাপীদিগের কার্য্যালিপি । (ত, হো,)

§ উচ্চতম স্বর্গের স্থানবিশেষের নাম এল্লেন্নে, অথবা সাধুদিগের কার্য্যালিপি এল্লেন্নে । (ত, হো,)

¶ অর্থাৎ উচ্চপদস্থ দেবগণ এল্লেন্নেকে অভ্যর্থনা করিবে । (ত, হো,)

স্পৃহাকারিগণ স্পৃহা করে। ২৬। এবং তস্‌নিম হইতে তাহার মিশ্রণ। ২৭। + (উহা) এক প্রস্রবণ হয়, সন্নিহিত দেবগণ (তাহা হইতে বারি) পান করিয়া থাকে *। ২৮। নিশ্চয় অপরাধিগণ বিশ্বাসীদিগের প্রতি হান্স করিতেছিল। ২৯। এবং যখন তাহারা (কাফেরগণ) তাহাদের নিকটে উপস্থিত হইত, তখন পরস্পর কটাক্ষপাত করিত। ৩০। এবং যখন স্বীয় পরিজনের নিকটে ফিরিয়া যাইত, তখন সহর্ষে ফিরিয়া যাইত †। ৩১। এবং যখন তাহারা তাহাদিগকে (বিশ্বাসীদিগকে) দেখিত, বলিত যে, নিশ্চয় ইহারা বিপথগামী। ৩২। এবং তাহাদের প্রতি রক্ষক প্রেরিত হয় নাই। ৩৩। অনন্তর অণু বিশ্বাসিগণ ধর্ম্মদ্রোহীদিগের প্রতি হান্স করিতেছে। ৩৪। + সিংহাসনোপরি (উপবিষ্ট হইয়া) নিরীক্ষণ করিতেছে, (বলিতেছে)। ৩৫। কাফেরদিগকে কি, তাহারা যাহা করিয়াছে, তদনুসারে বিনিময় দেওয়া হইয়াছে? ৩৬। (র, ১, আ, ৩৬)

সূরা এন্‌শকাক ‡

চতুর্দশীতিতম অধ্যায়

২৫ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

যখন আকাশ বিদীর্ণ হইবে। ১। এবং সে স্বীয় প্রতিপালকের (আজ্জার) জ্ঞান কর্ণার্ণ করিবে ও সে (আজ্জাশ্রবণের) উপযুক্ত হয়। ২। এবং যখন পৃথিবী আকৃষ্ট হইবে। ৩। + এবং তন্মধ্যে যে কিছু আছে, নিক্ষিপ্ত হইবে ও সে শূণ্য হইয়া যাইবে। ৪। + এবং সে স্বীয় প্রতিপালকের (আজ্জার) জ্ঞান কর্ণপাত করিবে ও সে উপযুক্ত হয়। ৫। যখন, হে মনুষ্য, নিশ্চয় তুমি আপন প্রতিপালকের প্রতি (সাক্ষাৎকারের জ্ঞান) প্রযত্নে প্রযত্নবান হইবে, তাহার সাক্ষাৎকারী হইবে। ৬। অনন্তর কিন্তু যাহাকে তাহার দক্ষিণ হস্তে তাহার পুস্তক (কার্যালিপি) প্রদত্ত হইয়াছে, পরে অচিরেই তাহাকে সহজবিচারে বিচারিত হইতে হইবে। ৭ + ৮। + এবং সে সহর্ষে স্বীয় পরিজনের দিকে ফিরিয়া যাইবে। ৯। কিন্তু যাহাকে তাহার পুস্তক তাহার পৃষ্ঠের পশ্চাত্তাগে প্রদত্ত

* তস্‌নিম এক জলপ্রণালীর নাম। সর্বোচ্চ বর্গ “আর্শের” নিয়মিত হইতে বেহেশতে তাহার স্রোত নিগতিত হইয়া থাকে। তাহার জল বিশুদ্ধ ও বেহেশতবাসীদের জন্য অভ্যুৎকৃষ্ট পানীয়। ঈশ্বরের সন্নিহিত দেবগণের প্রতি ঈশ্বরের অমিশ্র প্রেম, অতএব তাহাদের পানীয় অমিশ্র ও বিশুদ্ধ হয়। যাহাদের ঈশ্বরের সাংসারিক প্রেমের সঙ্গে মিশ্রিত, তাহাদের হুয়া অণু হুয়া দ্বারা মিশ্রিত। (ত, হো,)

† একদিন মহান্বা আলি কতিপয় মোসলমানের সঙ্গে পথ দিয়া যাইতেছিলেন, কয়েক জন কপট লোক তাহাদিগকে দেখিয়া হাসিয়াছিল, এবং নয়নকোণে ইঙ্গিত করিয়াছিল, পরে বহুদিগকে বলিয়াছিল, “আমাদের না মন্তক ইনি?” আলি ইহা শ্রবণ করিয়া মহা হান্স করেন। তিনি হজরতের মসৃণ উপস্থিত না হইতেই এই সকল আয়ত অবতীর্ণ হয়। (ত, হো,)

‡ এই সূরা মক্কাতে অবতীর্ণ হইয়াছে।

হইয়াছে, পরে অচিরেই সে মৃত্যুকে আহ্বান করিবে। ১০ + ১১। এবং নরকে পহুঁছিব। ১২। নিশ্চয় সে (সংসারে) আপন পরিজনের মধ্যে আনন্দিত ছিল। ১৩। নিশ্চয় সে মনে করিয়াছিল যে, (ঈশ্বরের দিকে) পুনরাগমন করিবে না। ১৪। সত্য বটে, নিশ্চয় তাহার প্রতিপালক তাহার বিষয়ে দর্শক ছিলেন। ১৫। অনন্তর আরক্ৰিম গগনপ্রাস্তরের এবং রজনীর ও যে সমস্ত সংগ্রহ (রজনী) (গোপন) করে, সেই সকলের এবং চন্দ্রমার, যখন সে পূর্ণ হয়, আমি শপথ করিতেছি যে, অবশ্য এক অবস্থা হইতে অবস্থান্তরে তোমরা আরুঢ় হইবে। ১৬ + ১৭ + ১৮ + ১৯। অনন্তর তাহাদের কি হইল যে, বিশ্বাস করিতেছেন না? ২০। + এবং যখন তাহাদিগের নিকটে কোর-আন পঠিত হয়, তাহারা প্রণাম করে না। ২১। বরং ধর্মদ্রোহিণ অসত্যারোপ করে। ২২। এবং যাহা তাহারা মনে পোষণ করে, ঈশ্বর তাহা উত্তম জ্ঞাত। ২৩। অনন্তর তুমি, (হে মোহম্মদ,) তাহাদিগকে দুঃখকর শাস্তির সংবাদ দান কর। ২৪। + কিন্তু যাহারা বিশ্বাস স্থাপন ও সৎকর্ম সকল করিয়াছে, তাহাদের জন্য অন্তর পুরস্কার আছে। ২৫। (র, ১, আ, ২৫)

সূরা বোরুজ্জ *

পঞ্চাশীতিতম অধ্যায়

২২ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

বোরুজ্জযুক্ত আকাশের ও অঙ্গীকৃত দিবসের এবং উপস্থিত ও উপস্থাপিতের শপথ †। ১ + ২ + ৩। + ইচ্ছনসমন্বিত অগ্নিকুণ্ডনিবাসিগণ মারা গিয়াছে ‡। ৪ + ৫। +

* এই সূরা মক্কাতে অবতীর্ণ হইয়াছে।

† বোরুজ্জ নভোমণ্ডলের ষাটশ অংশের এক অংশ। উপস্থিত ও উপস্থাপিত সাক্ষী ও সাক্ষ্য। একমতে উপস্থিত হজরত মোহম্মদ, উপস্থাপিত তাঁহার মণ্ডলী, অথবা উপস্থিত তাঁহার মণ্ডলী, উপস্থাপিত অপর মণ্ডলী সকল, এ সম্বন্ধে মতভেদ আছে। (ত, হো,)

‡ এরমদদেশে জোনওয়ানসনামক এক নরপতি ছিলেন। তাঁহার এক জন ভবিষ্যদ্বক্তা ঐল্লজালিক অনুচর ছিল, তাহার প্রতি রাজা রাজ্যসংক্রান্ত বিশেষ কার্যভার গ্রহণ করিয়াছিলেন। সে বুদ্ধাবস্থায় এক বালককে পোষকরূপে গ্রহণ করে, এবং তাহাকে আপন বিদ্যা শিক্ষাদানে প্রবৃত্ত হয়। বালক তাহাতে মনোযোগ বিধান না করিয়া, একজন সন্ন্যাসীর নিকট যাইয়া সন্ন্যাসধর্মে উপদ্রষ্ট ও দীক্ষিত হয়। কিছু দিন পরে তাহাছারা অনেক অলৌকিক কার্য প্রকাশ পায়। রাজা পৌত্তলিকতার পক্ষ ও একেশ্বরবাদের ঘোর বিরোধী ছিলেন। বালককে একেশ্বরবাদী জানিয়া, নানা উপায়ে তাহাকে বধ করিতে চেষ্টা করেন। বালকের দৈববলপ্রযুক্ত প্রথমতঃ তিনি কিছুতেই তাহাকে হত্যা করিতে পারেন না। পরে বালক নিজেই নিহত হইতে প্রস্তুত হয়। রাজা তাহার নির্দেশিত উপায় অবলম্বন করিয়া তাহাকে নিধন করেন। কিন্তু রাজ্যান্তরেগণ বালকের দৈবশক্তি দেখিয়া তাহার অবলম্বিত ধর্মপথ আশ্রয় করে। রাজা তাহাতে ক্রুদ্ধ হন, এবং পর্বতপ্রান্তে কতকগুলি অগ্নিকুণ্ড করেন। স্বীয় অনুচরবর্গের প্রত্যেককে ধর্মমত জিজ্ঞাসা করিয়া, বাহাদিগকে একেশ্বরবিবাসী জানিতে পারিয়াছিলেন, একে একে ক্রমশঃ তাহাদিগকে সেই অগ্নিকুণ্ডে নিক্ষেপ করেন। ঈশ্বর তাহারই সংবাদ দিতেছেন। (ত, হো,)

যখন তাহারা (রাজা ও অমুচরগণ) তাহার নিকটে বসিয়াছিল । ৬ । + এবং বিশ্বাসী-দিগের প্রতি যাহা করিতেছিল, তাহারা তদ্বিষয়ে সাক্ষী ছিল । ৭ । এবং স্বর্গ ও মর্ত্য যাহার রাজত্ব, সেই পরাক্রান্ত প্রশংসিত পরমেশ্বরের প্রতি বিশ্বাস স্থাপন করা বিষয় ব্যতীত তাহাদের অপরাধ ধরিল না ; ঈশ্বর সর্ববিষয়ে সাক্ষী । ৮ + ৯ । নিশ্চয় যাহারা বিশ্বাসী নরনারীগণকে সঙ্কটাপন্ন করিয়াছে, তৎপর অমুতাপ করে নাই, পরে তাহাদের জন্ত নরকদণ্ড ও তাহাদের জন্ত দহনশাস্তি আছে । ১০ । নিশ্চয় যাহারা বিশ্বাস স্থাপন ও সংকল্প সকল করিয়াছে, যাহার নিম্ন দিয়া পয়ঃপ্রণালীপুঞ্জ প্রবাহিত হয়, তাহাদের জন্ত সেই স্বর্গোত্তান সকল আছে ; ইহাই মহা মনোরথসিদ্ধি । ১১ । নিশ্চয় তোমার প্রতিপালকের আক্রমণ কঠিন । ১২ । নিশ্চয় তিনি প্রথম সৃষ্টি করেন, এবং দ্বিতীয় বার করিবেন । ১৩ । এবং তিনি ক্ষমাশীল বহু । ১৪ । + তিনি সম্মানিত উচ্চতম স্বর্গের অধিপতি । ১৫ । + তিনি যাহা ইচ্ছা করেন, তাহার বিধায়ক । ১৬ । তোমার নিকটে কি, (হে মোহম্মদ,) ফেরণ ও সমুদ্রের সেনাবৃন্দের সংবাদ পৌঁছিয়াছে ? ১৭ + ১৮ । বরং কাফেরগণ অসত্যারোপেই আছে । ১৯ । এবং পরমেশ্বর তাহাদের পশ্চাদ্ভাগ দিয়া আবেষ্টনকারী । ২০ । বরং সেই গৌরবাহিত কোর্-আন্ (স্বর্গীয়লিপি) ফলকে সংরক্ষিত । ২১ + ২২ । (র, ১, আ, ২২)

সূরা তারেক *

যড়শীতিতম অধ্যায়

১৭ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

আকাশের ও নিশায় আগমনকারীর শপথ । ১ । + এবং কিসে তোমাকে, (হে মোহম্মদ,) জানাইয়াছে যে, নিশায় আগমনকারী কি ? ২ । + তাহা সমুজ্জল নক্ষত্র । ৩ । এমন কোন ব্যক্তি নাই যে, তাহার সম্বন্ধে (দেবতা) রক্ষক নাই । ৪ । অনন্তর উচিত যে, মনুষ্য দেখে, সে কিসের দ্বারা সৃষ্ট হইয়াছে । ৫ । বেগবান্ বারিদ্ধারা সৃষ্ট হইয়াছে । ৬ । + তাহা (পুরুষের) পৃষ্ঠ এবং (নারীর) বক্ষোস্থির ভিতর হইতে নির্গত হয় । ৭ । নিশ্চয় তিনি তাহার পুনর্বিধানে ক্ষমতাবান্ । ৮ । যে দিবস অন্তস্তম্ব সকল পরীক্ষিত হইবে । ৯ । তখন তাহার (মনুষ্যের) কোন শক্তি ও কোন সাহায্যকারী থাকিবে না । ১০ । মেঘযুক্ত গগনমার্গের শপথ । ১১ । + বিদার্য পৃথিবীর শপথ । ১২ । + নিশ্চয় এই (কোর্-আন্) সিদ্ধান্ত বাক্য । ১৩ । + এবং তাহা অনর্থ বাণী নহে । ১৪ । নিশ্চয় তাহারা ছলনায় ছলনা করিয়া থাকে । ১৫ । এবং আমিও ছলনায় ছলনা করিয়া

* এই সূরা মকাত্তে অবতীর্ণ হইয়াছে ।

থাকি। ১৬। অনন্তর তুমি কাফেরদিগকে অবকাশ দান কর, কিছু কাল তাহাদিগকে অবকাশ দাও। ১৭। (র, ১, আ, ১৭)

সূরা আলা ❀

সপ্তাশীতিতম অধ্যায়

১৯ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি স্বীয় মহোচ্চ প্রতিপালকের নামের স্তব কর। ১। + যিনি সৃষ্টি করিয়াছেন, পরে সংগঠিত করিয়াছেন। ২। + এবং যিনি নিয়মিত করিয়াছেন, অবশেষে পথ প্রদর্শন করিয়াছেন। ৩। + এবং যিনি শাস্ত্র সমুদ্ভেদ করিয়াছেন। ৪। + পরে তাহাকে শুষ্ক ও মলিন করিয়াছেন। ৫। অচিরে আমি তোমাকে, (হে মোহম্মদ,) পড়াইব, পরিশেষে ঈশ্বর যাহা ইচ্ছা করেন, তদ্ব্যতীত বিস্মৃত হইবে না; † নিশ্চয় তিনি ব্যক্ত ও যাহা অব্যক্ত আছে, জ্ঞাত আছেন। ৬+৭। এবং সহজ (ধর্মবিধির) জ্ঞাত তোমাকে আমি সাহায্য দান করিব। ৮। অনন্তর যদি কোর্-আনের উপদেশ ফলোপধায়ক হয়, তবে উপদেশ দান করিতে থাক। ৯। যে ব্যক্তি ভয় পায়, সে অচিরে উপদেশ গ্রহণ করিবে। ১০। + এবং সেই একান্ত হতভাগ্য, যে মহানলে উপস্থিত হইবে, তাহা হইতে (সেই উপদেশ হইতে) দূরে থাকিবে। ১১+১২। তৎপর সে তন্মধ্যে মরিবে না ও বাঁচিবে না। ১৩। সত্যই যে ব্যক্তি শুদ্ধ হইয়াছে, সে মুক্তি পাইয়াছে। ১৪। এবং সে স্বীয় প্রতিপালকের নাম আবৃত্তি করিয়াছে, অনন্তর উপাসনা করিয়াছে। ১৫। বরং, (হে হতভাগ্য লোকসকল,) সাংসারিক জীবন তোমরা অধিকার করিতেছ। ১৬। পরলোক উৎকৃষ্ট ও সমধিক স্থায়ী। ১৭। নিশ্চয় ইহা পূর্বতন গ্রন্থসকলে—এব্রাহিম ও মুসার গ্রন্থে (লিখিত আছে)। ১৮+১৯। (র, ১, আ, ১৯)

সূরা গাশিয়া ‡

অষ্টাশীতিতম অধ্যায়

২৬ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তোমার নিকটে কি কেয়ামতের বৃত্তান্ত উপস্থিত হইয়াছে? ১। সেই দিবস কত মুখ বিমর্ষ হইবে। ২। (নরকের) কর্মচারিগণ পরিশ্রম করিবে। ৩। প্রজ্বলিত

* এই সূরা মক্কাতে অবতীর্ণ হইয়াছে।

† যখন জেরিল আয়ত বা সূরা সহ হজরতের নিকটে অবতীর্ণ হইয়া তাহা পাঠ করিতেন, হজরতও তাহাতে প্রবৃত্ত হইতেন। জেরিল পাঠ সমাপ্ত না করিতেই, হজরত ভুলিয়া বা যান, এই ভয়ে প্রথম হইতে পড়িতেন। এজ্ঞ পরমেশ্বর এই আয়ত প্রেরণ করেন। এই আয়তে হজরতের প্রতি এই শুভ সংবাদ আছে যে, যাহা আমি তোমাকে শিক্ষা দান করিব, তাহা তুমি ভুলিবে না, আমার আদেশে জেরিল তোমার শিক্ষাদানে নিযুক্ত থাকিবে। (ত, হো,)*

‡ এই সূরা মক্কাতে অবতীর্ণ হইয়াছে।

অনলে (কাকেরগণ) প্রবেশ করিবে। ৪। অত্যাধ প্রাণালীর জল তাহাদিগকে পান করান হইবে। ৫। জরিয় ব্যতীত তাহাদের জন্ত ঋণ থাকিবে না *। ৬। তাহা (দেহকে) পরিপুষ্ট করে না, এবং ক্ষুধা নিবারণ করে না। ৭। সেই দিবস কত মুখ ক্ষুধিযুক্ত হইবে। ৮। উন্নত স্বর্গে আপন (সংকার্যের) যত্নেতে সন্তুষ্ট থাকিবে। ৯। ১০। তুমি তথায় অনর্থ বাক্য শুনিতে পাইবে না। ১১। তথায় জলপ্রাণালী প্রবাহিত। ১২। তথায় উচ্চসিংহাসন সকল আছে। ১৩। এবং জলপাত্র (সোরাহী) সকল স্থাপিত। ১৪। এবং উপাধান সকল শ্রেণীবদ্ধ। ১৫। এবং শয্যা সকল বিস্তৃত আছে। ১৬। অনন্তর তাহারা কি উষ্ট্রের দিকে দৃষ্টি করিতেছে না যে, কেমন করিয়া সৃষ্ট হইয়াছে? ১৭। এবং আকাশের দিকে—কেমন উন্নত হইয়াছে? ১৮। এবং পর্বতশ্রেণীর দিকে—কেমন করিয়া স্থাপিত হইয়াছে? ১৯। এবং পৃথিবীর দিকে—কেমন করিয়া প্রসারিত হইয়াছে? ২০। অনন্তর তুমি উপদেশ দান কর, তুমি উপদেশ-দাতা, এতদ্ভিন্ন নহে। ২১। তুমি তাহাদের সম্বন্ধে অধ্যক্ষ নও। ২২। কিন্তু যে ব্যক্তি বিমুখ হইয়াছে, ও ধর্মদ্রোহী হইয়াছে, পরে পরমেশ্বর তাহাকে মহাদণ্ডে দণ্ডিত করিবেন। ২৩+২৪। নিশ্চয় আমার দিকে তাহাদের পুনর্শ্রলন। ২৫। তৎপর নিশ্চয় আমার নিকটে তাহাদের বিচার। ২৬। (র, ১, আ, ২৬)

সূরা ফজর †

উনবতীতম অধ্যায়

৩০ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

উষাকালের ও দশ রজনীর ও যুগল ও একাকীর এবং যখন চলিয়া যায়, সেই রাত্রির শপথ ৬। ১+২+৩+৪। ইহার মধ্যে কি জ্ঞানবানের জন্ত (জ্ঞানীর বিশ্বাস) শপথ

* এক প্রকার তৃণজাতীয় উদ্ভিদের নাম জরিয়, তাহা যখন সরস থাকে, তখন আরব্য লোকেরা তাহাকে শব্দ রক বলে। উষ্ট্রাদি পশু উহা ভক্ষণ করিয়া থাকে। শুষ্ক হইলে উক্ত উদ্ভিদকে জরিয় বলে, তখন কোন পশু তাহা স্পর্শও করে না। পরলোকে এই জরিয়ের আকারে আগ্নেয় বৃক্ষ হইবে। (ত, হো,)

† এই সূরা মক্কাতে অবতীর্ণ হইয়াছে।

‡ অর্থাৎ বৎসরের প্রথম মহরম মাসের প্রথম দিবসের উষার বা ইদকোরবাণের উষার শপথ, অথবা শুক্লাসরীর উষা ইত্যাদির শপথও হইতে পারে। জেলহজার দশ রজনী, বাহাতে হজরতের অঙ্গবিশেষ অরকা হইয়া থাকে, অথবা মহরমের প্রথম দশ যামিনী, যাহা হইতে অন্তরা নির্দিষ্ট, কিংবা রুমজান মাসের শেষ দশ রাত্রি, শবেকদর বাহার মধ্যে আছে, অথবা শাবান মাসের মধ্য দশ রাত্রি, বাহাতে সবেবরাত স্থিতি করে, তাহার শপথ। মান ও অপমান, ক্রমতা ও কাতরতা, জ্ঞান ও

আছে ? ৫। এবং তুমি কি দেখ নাই যে, তোমার প্রতিপালক সন্তুধারী সেই আদএরমের প্রতি, যাহার সদৃশ নগর সকলে সৃষ্ট হয় নাই, কি করিয়াছিলেন * ? ৬+৭+৮। সমুদ জাতির প্রতি, যাহারা প্রান্তরে (আশ্রয়ের জন্ত) প্রস্তর কাটিয়া লইয়াছিল ও কীলকধারী ফেরওণের প্রতি যাহারা নগর সকলে উচ্ছৃঙ্খল হইয়াছিল, পরে তথায় অতিশয় উৎপাত করিয়াছিল ? ৯+১০+১১+১২।+পরে তোমার প্রতিপালক তাহাদের প্রতি শাস্তির কশাঘাত করিয়াছিলেন। ১৩।+নিশ্চয় তোমার প্রতিপালক সঙ্কেতস্থানে আছেন। ১৪। অনন্তর কিন্তু মনুষ্য, যখন তাহাকে তাহার প্রতিপালক পরীক্ষা করেন, পরে তাহাকে সম্মানিত করেন ও তাহাকে সম্পদ দান করেন, তখন বলে, “আমার প্রতিপালক আমাকে সম্মানিত করিয়াছেন”। ১৫। এবং কিন্তু যখন তাহাকে পরীক্ষা করেন, অনন্তর তাহার উপজীবিকা তাহার সম্বন্ধে খর্ব করেন, তখন সে বলিয়া থাকে, “আমার প্রতিপালক আমাকে হেয় করিয়াছেন”। ১৬। না না, বরং তোমরা অন্যথাকে সম্মান কর নাই। ১৭।+এবং দরিদ্রদিগকে আহারদানে প্রবৃত্তি দান করিতেছ না। ১৮।+এবং তোমরা প্রচুর ভোগে স্বল্প ভোগ করিতেছ। ১৯।+এবং প্রভূত প্রেমে ধনকে প্রেম করিতেছ। ২০। না না, যখন ভূমণ্ডল চূর্ণ বিচূর্ণ হইয়া যাইবে। ২১।+এবং তোমার প্রতিপালক ও দেবগণ বহুশ্রেণীতে আগমন করিবেন। ২২। সেই দিবস নরক আনয়ন করা হইবে, সেই দিবস মনুষ্য উপদেশ গ্রহণ করিবে, এবং কোথায় উপদেশ-স্বীকারে (উপকার হইবে)। ২৩। সে বলিবে, “হায়! যদি আমি স্বীয় জীবনের জন্ত পূর্বে (পুণ্যকর্ম) প্রেরণ করিতাম”। ২৪। অনন্তর সেই দিবস তাঁহার শাস্তির ত্রায় কেহ শাস্তি দান করিবে না। ২৫।+এবং তাঁহার বন্ধনের ত্রায় কেহ বন্ধন করিবে না। ২৬। (মৃত্যুকালে বিশ্বাসী আত্মাকে বলা হইবে,) “হে স্বধী প্রাণ, তুমি প্রসন্নতা-প্রাপ্ত, আপন প্রতিপালকের দিকে প্রসন্নভাবে ফিরিয়া যাও”। মূর্ততা, বল ও দুর্বলতা, জীবন ও মৃত্যু, এ সমস্ত মানবস্বকীয় ভাব যুগল। অপমানশূন্য সম্মান, কাতরতাবিহীন ক্ষমতা, মূর্ততাহীন জ্ঞান, দুর্বলতালশূন্য বল, মৃত্যুহীন জীবন এ সমস্ত ঐশ্বরিক ভাব একাকী। এই যুগল ও একাকীর শপথ। (ত, হো,)

* এরম আদজাতির এক সুপ্রসিদ্ধ মহা সমৃদ্ধ নগরের নাম। আদনামক পুরুষের নামানুসারে তাহার বংশেরও নাম আদ হইয়াছে। আদের পুত্র শদাদ উক্ত এরম নগর নির্মাণ করিয়াছিলেন। কথিত আছে যে, শদাদ একজন মহা পরাক্রান্ত ভূপতি ছিলেন। তিনি নয় শত বৎসর বাঁচিয়াছিলেন। শদাদ পৃথিবীর নানাস্থান হইতে মণি মুক্তা ও মূল্যবান ধাতু প্রভৃতিদিগকে সংগ্রহপূর্বক সহস্র কর্মচারী নিযুক্ত করিয়া তিন শত বৎসরে এই নগর নির্মাণ করিয়াছিলেন। নগর নির্মিত হইলে পর তিনি রাজধানী হইতে অশুচরবৃন্দসহ তাহা দর্শন করিতে যাত্রা করেন। তখন পরমেশ্বর এক স্বর্গীয় দূত পাঠাইয়া দেন। তিনি এক মহা শব্দ করেন, তাহাতেই পথে তাহাদের মৃত্যু হয় ও এরম নগর অদৃশ্য হইয়া যায়। এরম নগরে যেসকল উৎকৃষ্ট প্রাসাদাদি ছিল, তদ্রূপ কোন নগরে ছিল না। সন্তুধারীর অর্থ সন্তুযুক্ত-পটমণ্ডপধারী, অর্থাৎ আদজাতি পটমণ্ডপে বাস করিত। (ত, হো,)

২৭+২৮। (কেয়ামতের দিন বলা হইবে,) “অনন্তর আমার দাসবৃন্দের মধ্যে প্রবেশ কর। ২৯। এবং আমার স্বর্গলোকে প্রবেশ কর”। ৩০। (র, ১, আ, ৩০)

সূরা বলদ *

নবতিতম অধ্যায়

২০ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

আমি এই (মক্কা) নগরের শপথ করিতেছি। ১।+বস্তুতঃ তুমি, (হে মোহাম্মদ,) এই নগরে বৈধ হইবে। ২।+এবং জন্মদাতার ও যাহা জাত হইয়াছে, তাহার শপথ করিতেছি। ৩।+সত্য সত্যই আমি মহুয়কে কষ্টের ভিতরে সৃজন করিয়াছি। ৪। সে কি মনে করে যে, তাহার উপর কোন ব্যক্তি কখনও ক্ষমতা পাইবে না? ৫। সে বলিয়া থাকে যে, আমি ধনপুঞ্জ ব্যয় করিয়াছি। ৬। সে কি মনে করে যে, তাহাকে কেহ দেখে নাই? ৭। আমি কি তাহার জন্ত দুই চক্ষু ও এক জিহ্বা এবং অধরোষ্ঠদ্বয় সৃষ্টি করি নাই? ৮+৯। এবং (সত্য ও অসত্য) দুই পথ তাহাকে প্রদর্শন করিয়াছি। ১০। অনন্তর সে কঠিন পথে আসিল না। ১১। এবং তোমাকে কিসে জানাইয়াছে যে, কঠিন পথ কি? ১২। গ্রীবা (দাসত্ববন্ধন) মুক্ত করা। ১৩। অথবা ক্ষুধার দিন নিরাশ্রয় কুটুম্বকে বা ধূলিবিলুপ্তিত দীনহীনকে ভোজ্য দান করা। ১৪+১৫+১৬। তৎপর যাহারা বিশ্বাস স্থাপন করিয়াছে ও পরস্পরকে সহিষ্ণুতা বিষয়ে উপদেশ দিয়াছে ও পরস্পরকে দয়াসম্বন্ধে উপদেশ দান করিয়াছে, তাহাদের অন্তর্গত হওয়া। ১৭। ইহারাই সৌভাগ্যশালী। ১৮। এবং যাহারা আমার নিদর্শনাবলীসম্বন্ধে বিদ্রোহী হইয়াছে, তাহারা দুর্ভাগ্য। ১৯। তাহাদের সম্বন্ধে অবরুদ্ধ অগ্নি হইবে ৭। ২০। (র, ১, আ, ২০)

* এই সূরা মক্কাতে অবতীর্ণ হইয়াছে।

+ অর্থাৎ মহাতীর্থ বলিয়া মক্কা নগরে যুদ্ধাদি করা যে অবৈধ ছিল, কিছুকালের জন্ত তোমার সম্বন্ধে তাহা বৈধ হইবে। মক্কাতে যে হজরত জয়লাভ করিবেন, তাহার এই অঙ্গীকার। (ত, হো)

‡ “জন্মদাতা” হজরত মোহাম্মদ এবং “জাত” এব্রাহিম নামক তাহার পুত্র। এই দুয়ের শপথ। (ত, হো,)

§ অর্থাৎ জন্ম, মৃত্যু ও জীবনে মহুয় নানা প্রকার কষ্ট পাইবে। (ত, হো,)

¶ বিচারের দিন পুণ্যধান্ লোকেরা দক্ষিণ পার্শ্বে ও পাপী লোকেরা বাম পার্শ্বে দণ্ডারমান হইবে। সেই বামপার্শ্বস্থ পাপীদিগের জন্ত অবরুদ্ধ অগ্নি থাকিবে। অর্থাৎ তাহাদিগকে যে অগ্নিময় নরকে শাস্তি দান করা হইবে, তাহার দ্বার দৃঢ়রূপে বন্ধ করা যাইবে; তাহারা একবার যে তাহাতে প্রবেশ করিবে, আর বাহির হইতে পারিবে না। (ত, হো,)

সূরা শম্স *

একনবতিতম অধ্যায়

১৫ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

সূর্য্য ও তাহার কিরণের শপথ । ১ ।+ এবং চন্দের (শপথ,) যখন তাহার (সূর্য্যের) অলুসরণ করে । ২ । এবং দিবার (শপথ,) যখন তাহাকে (সূর্য্যকে) প্রকাশ করে । ৩ । এবং রজনীর (শপথ,) যখন তাহাকে আচ্ছাদন করে । ৪ । এবং আকাশের ও যাহা তাহাকে নির্মাণ করিয়াছে, (ঈশ্বরের) সেই (স্বরূপের) (শপথ) । ৫ ।+ এবং ভূমণ্ডলের ও যাহা তাহাকে প্রসারিত করিয়াছে, তাহার (শপথ) । ৬ ।+ এবং জীবনের ও যাহা তাহাকে সঙ্গঠিত করিয়াছে, তাহার (শপথ) । ৭ । পরিশেষে তাহার পাপ ও তাহার সাধুতা তিনি তাহাকে জ্ঞাপন করিয়াছেন । ৮ । সত্যই যে ব্যক্তি তাহাকে (প্রাণকে) বিশ্বস্ত করিয়াছে, নিশ্চয় সে মুক্ত হইয়াছে । ৯ । এবং সত্যই যে ব্যক্তি তাহাকে প্রোথিত করিয়াছে, সে নিরাশ হইয়াছে । ১০ । সমুদ জাতি আপন ঔদ্ধত্যবশতঃ অসত্যারোপ করিয়াছিল । ১১ ।+ যখন তাহাদের মহাহতভাগ্য ব্যক্তি সমুখান করিল, তখন ঈশ্বরের প্রেরিতপুরুষ (সালেহ) তাহাদিগকে বলিল, “ঈশ্বরের উষ্ট্রকে (ছাড়িয়া দাও) ও তাহাকে জল পান করাও” । ১২+১৩ । অনন্তর তাহারা তাহার প্রতি অসত্যারোপ করিল, কে তাহাকে (উষ্ট্রকে) (হত্যা করিতে) অলুসরণ করিল; অবশেষে তাহাদের প্রতিপালক তাহাদের অপরাধপ্রযুক্ত তাহাদের প্রতি মৃত্যু স্থাপন করিলেন, পরে তাহাদিগের প্রতি (শাস্তি) তুল্য করিলেন । ১৪ ।+ এবং তিনি তাহার প্রতিফলদানকে ভয় করেন না । ১৫ । (র, ১, আ, ১৫)

সূরা লয়ল †

দ্বিনবতিতম অধ্যায়

২১ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

রজনীর শপথ, যখন (জগৎ) আচ্ছাদন করে । ১ ।+ এবং দিবার (শপথ,) যখন প্রকাশিত হয় । ২ । নর ও নারীকে যাহা সৃষ্টি করিয়াছে, সেই (ঈশ্বরস্বরূপের শপথ) । ৩ ।+ নিশ্চয় তোমাদের যত্ন (ক্রিয়ার ফল) বিভিন্ন হয় । ৪ । অনন্তর কিন্তু যে ব্যক্তি দান করিয়াছে ও ধর্ম্মাচরণ করিয়াছে, এবং শ্রেয়কে সত্য জানিয়াছে । ৫+৬ ।+ পরে আমি অচিরেই তাহাকে আরামের জগ্ন সাহায্য দান করিব । ৭ । কিন্তু যে ব্যক্তি কুপণতা করিয়াছে ও নিঃশঙ্ক হইয়াছে, এবং কল্যাণের প্রতি অসত্যারোপ করিয়াছে, পরে আমি তাহাকে কষ্টদানের জগ্ন সাহায্যতা করিব । ৮+৯+১০ । এবং যখন সে অধোমুখে পড়িবে, তখন তাহা হইতে তাহার ধন (শাস্তি) কিছুই নিবারণ করিবে না ।

* এই সূরা মক্কাতে অবতীর্ণ হইয়াছে ।

† এই সূরা মক্কাতে অবতীর্ণ হইয়াছে ।

১১।+নিশ্চয় আমার প্রতি (তাহার) পথপ্রদর্শনের (ভার)। ১২। এবং নিশ্চয় আমারই ইহলোক ও পরলোক। ১৩। অনন্তর শিখা বিস্তৃত করিতেছে, (এমন) অগ্নির ভয় তোমাদিগকে প্রদর্শন করিলাম। ১৪। যে অসত্যারোপ করিয়াছে ও বিমুখ হইয়াছে, সেই মহাহতভাগ্য ব্যতীত স্বধা (অস্ত্র) উপস্থিত হইবে না। ১৫+১৬। এবং যে ব্যক্তি আপন ধন বিতরণ করে ও পরিচর্য্যায়, সেই পরম ধার্মিককে অবশ্য সেই (অগ্নি) হইতে বিচ্ছিন্ন করা যাইবে। ১৭+১৮। এবং স্বীয় সমুদ্রত প্রতিপালকের আনন অন্বেষণ ব্যতীত, কোন ব্যক্তির জন্ত বিনিময় দেওয়া যাইতে পারে, (এমন) সম্পদ তাহার নিকটে নাই। ১৯+২০। এবং অবশ্য শীঘ্র সে সন্তুষ্ট হইবে *। ২১। (র, ১, আ, ২১)

সূরা জোহা †

তিনবতীতম অধ্যায়

১১ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

মধ্যাহ্ন কালের এবং যখন (জগৎ) আচ্ছাদিত করে, রজনীর শপথ। ১+২।+ তোমার প্রতিপালক তোমাকে পরিত্যাগ করেন নাই, এবং তোমাকে শত্রু স্থির করেন নাই ‡। ৩। এবং অবশ্য তোমার জন্ত ইহলোক অপেক্ষা পরলোক কল্যাণকর হইবে। ৪। এবং অবশ্য শীঘ্র তোমার প্রতিপালক তোমাকে দান করিবেন, পরে তুমি সন্তুষ্ট হইবে। ৫। তোমাকে তিনি কি নিরাশ্রয় প্রাপ্ত হন নাই, পরে আশ্রয় দান করেন নাই ¶ ৬। এবং তিনি তোমাকে বিপথগামী পাইয়াছিলেন, পরিশেষে পথ প্রদর্শন করিয়াছেন। ৭। এবং তিনি তোমাকে নির্ধন পাইয়াছিলেন, পরে ধনবান করিয়াছেন §। ৮। পরিশেষে কিন্তু নিরাশ্রয়ের প্রতি তুমি বল প্রয়োগ করিও না। ৯। এবং কিন্তু প্রার্থীর প্রতি পরে ধমক দিও না। ১০। কিন্তু তোমার প্রতিপালকের দান পরে বর্ণন করিও। ১১। (র, ১, আ, ১১)

* কাকের লোকেরা বলিয়াছিল যে, বেলালকে ক্রয় করিয়া দাসত্ব হইতে মুক্ত করা বিধিই আবুবেকর বাধ্য ছিল। পরমেশ্বর এই আয়ত দ্বারা এ কথা খণ্ডন করিলেন। (ত, হো,)

† এই সূরা মক্কাতে অবতীর্ণ হইয়াছে।

‡ কয়েক দিন প্রত্যাশে লাভ না করাতে হজরতের মন বিষন্ন ছিল, কোন কার্যে তাঁহার উৎসাহ ছিল না। তখন কাকেরগণ বলিতে লাগিল যে, ইহার প্রভু ইহাকে পরিত্যাগ করিয়াছে। তৎপর দূরা অবতীর্ণ হয়। প্রথমতঃ উচ্ছল মধ্যাহ্ন কালের পরে অপরাহ্ন বেলার শপথ হয়। অর্থাৎ বাহ্যেও ঈশ্বরের দুই শক্তি এবং অন্তরেও আলোক ও অন্ধকার হয়, উভয়েই ঈশ্বরের। ঈশ্বর অপেক্ষা কোন সমুদ্র অধিক ক্ষমতাবান নাই। (ত, ফা,)

§ যদিহাদেবী যেমন সম্রাটকুলোদ্ভবা ছিলেন, তদ্রূপ তাঁহার প্রচুর ধন ছিল। হজরতের সঙ্গে বিবাহ হইলে পর সমুদায় ধন সম্পত্তি তিনি তাঁহাকে উৎসর্গ করেন। (ত, ফা,)

সূরা এনশরাহ ❀

চতুর্নবতিতম অধ্যায়

৮ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

তোমার জ্ঞান কি তোমার বক্ষঃস্থলকে আমি উন্মুক্ত করি নাই † ? ১। এবং আমি তোমা হইতে তোমার ভার, যাহা তোমার পৃষ্ঠকে ভঙ্গ করিয়াছে, নামাইয়াছি। ২+৩।+এবং তোমার জ্ঞান তোমার প্রসঙ্গ (প্রশংসা) উন্নীত করিয়াছি। ৪। অনন্তর নিশ্চয় কষ্টের সহিত স্বপ্ন আছে। ৫।+নিশ্চয় কষ্টের সহিত স্বপ্ন আছে। ৬। পরে যখন তুমি অবসর গ্রহণ করিবে, তখন (সাধনায়) পরিশ্রম করিও। ৭। এবং স্বীয় প্রতিপালকের প্রতি পরে অতুরক্ত হইও। ৮। (র, ১, আ, ৮)

সূরা তীন ‡

পঞ্চনবতিতম অধ্যায়

৮ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

তীন ও জয়তুন এবং তুর সিনিয়া ও এই নিরাপদ নগরের শপথ ৪। ১+২+৩। সত্য সত্যই আমি মনুষ্যকে অত্যন্তম সজ্ঞানে সৃষ্টি করিয়াছি। ৪। তৎপর তাহাকে নীচ অপেক্ষাও অধিক নীচে পরিণত করিয়াছি। ৫। যাহারা বিশ্বাস স্থাপন ও সংক্রিয়া সকল করিয়াছে, তাহাদিগকে ব্যতীত; অনন্তর তাহাদের জ্ঞান অক্ষুণ্ণ পুরস্কার আছে। ৬। অবশেষে ধর্ম (দণ্ডপুরস্কারের বিধি প্রকাশ পাওয়ার) পর, (হে মনুষ্য,) কিসে তোমার প্রতি অসত্যারোপ করিতেছে? ৭। পরমেশ্বর কি আজ্ঞাপ্রচারকদিগের মধ্যে শ্রেষ্ঠ আজ্ঞাপ্রচারক নহেন? ৮। (র, ১, আ, ৮)

* এই সূরা মক্কাতে অবতীর্ণ হইয়াছে।

† বক্ষঃস্থল উন্মুক্ত করা, অর্থাৎ বক্ষোবিদীর্ণ করা। কথিত আছে যে, তাহা দুই বার হইয়াছিল। একবার শৈশবকালে হজরত যখন আপন ধাত্রী মাতা হালিমার গৃহে ছিলেন, তখন একদিন প্রান্তরে স্বর্গীয় দূত তাহার বক্ষঃ বিদীর্ণ করিয়া হৃদয়ের অভ্যন্তর ভাগ প্রকাশন করিয়াছিলেন। দ্বিতীয়বার প্রেরিত হু লাহ হইলে পর মেরাজের দিন, জেরিল ও মেকারিল তাহার বক্ষঃ বিদীর্ণ করিয়া পরীক্ষার করেন, এবং হৃদয়কোষ বিশ্বাসলোভিতে পূর্ণ করেন। (ত, হো,)

‡ এই সূরা মক্কাতে অবতীর্ণ হইয়াছে।

§ তীন অর্থাৎ আজির ও জয়তুন এই দুইটি বিশেষ ফল। আজির অতি পবিত্র ফল, সহজ-পাচ্য, সুরস ও ঔষধার্থ এবং অধিকতর লাভজনক। জয়তুন হইতে রুটিকার উপকরণ ও তৈল এবং ঔষধ প্রস্তুত হইয়া থাকে। এজন্য উহাকে উপাদেয় ফল বলে। অথবা তীন ও জয়তুন জেরজেলমহ দুইটি মন্দিরের নাম। (ত, হো,)

সূরা অলক্ *

ষষ্ঠতম অধ্যায়

১৯ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

যিনি সৃষ্টি করিয়াছেন, সেই তোমার প্রতিপালকের নামের প্রশাদে তুমি পাঠ কর ৷ ১ ৷ তিনি মনুষ্যকে ঘনীভূত শোণিতযোগে সৃজন করিয়াছেন ৷ ২ ৷ পাঠ কর, এবং যিনি লেখনীযোগে (লিখিতে) শিক্ষা দিয়াছেন, তোমার সেই প্রতিপালক মহাগৌরবান্বিত ৷ ৩+৪ ৷ মনুষ্যকে তাহা শিক্ষা দান করিয়াছেন, যাহা সে জানিত না ৷ ৫ ৷ না, না, নিশ্চয় মনুষ্য আপনাকে সম্পন্ন দেখিলে ঔদ্ধত্য করিয়া থাকে ৷ ৬+৭ ৷ নিশ্চয় তোমার প্রতিপালকের দিকে প্রতিগমন ৷ ৮ ৷ উপাসনাকালে দাসকে যে নিবারণ করে, তাহাকে তুমি কি দেখিয়াছ ৷ ৯+১০ ৷ দেখিয়াছ কি তুমি, সে যদি সংপথে থাকে, অথবা ধর্মবিষয়ে আদেশ করে ৷ ১১+১২ ৷ দেখিয়াছ কি তুমি, যদি অসত্যারোপ করে ও ফিরিয়া যায় ৷ ১৩ ৷ তিনি কি তাহা জানেন নাই ? যেহেতু ঈশ্বর দেখিয়া থাকেন ৷ ১৪ ৷ না, না, যদি নিবৃত্ত না হয়, তবে আমি অবশ্য (তাহার) ললাটের (কেশ) টানিয়া ধরিব ৷ ১৫ ৷+সেই পাপী মিথ্যাবাদীর ললাট ৷ ১৬ ৷ অনন্তর উচিত যে, সে আপন পারিষদদিগকে ডাকে ৷ ১৭ ৷ সত্বর আমি নরকের দ্বারবানদিগকে ডাকিব ৷ ১৮ ৷+না, না, তুমি তাহার অন্তগত হইও না, এবং (ঈশ্বরকে) প্রণাম কর ও (তাঁহার) সান্নিধ্যবর্তী হও ৷ ১৯ ৷ (র, ১, আ, ১৯)

* এই সূরা মক্কাতে অবতীর্ণ হইয়াছে ।

† একদা হজরত হেরাগঙ্গরে উপবিষ্ট ছিলেন, অথবা গিরিশিখরে দণ্ডায়মান ছিলেন, এমন সময় স্বর্গীয় দূত জেব্রিল তাঁহার নিকটে উপস্থিত হইয়া বলেন, “হে মোহম্মদ, পরমেশ্বর আমাকে তোমার নিকটে পাঠাইয়াছেন, তুমি এই মণ্ডলীসম্বন্ধে ঈশ্বর-নিয়োজিত ধর্মপ্রবর্তক ।” ইহা বলিয়াই আদেশ করিলেন, “পড় ।” হজরত কহিলেন, “আমি পাঠক নহি ।” তখন তিনি একেবারে অবসন্ন হইয়া পড়িয়াছিলেন । জেব্রিল তাঁহাকে ধরিয়া হেলাইলেন, পরে বলিলেন, “পাঠ কর ।” হজরত, “আমি পাঠক নহি” বলিলেন । এইরূপ তিন বার হইল । কেহ কেহ বলেন, জেব্রিল রক্তমাণিকাখচিত একখানা গ্রন্থ স্বর্গ হইতে আনয়ন করিয়াছিলেন, তাহা হজরতের সম্মুখে ধারণ করিয়া পাঠ করিতে ক্রমশঃ তিন বার বলিয়াছিলেন । তাহাতে হজরত তজ্রপ বলেন ও পরে অচেতন হন । তখন জেব্রিল তাঁহাকে ছাড়িয়া এই সকল আয়ত উচ্চারণ করেন । (ত, হো,)

‡ অর্থাৎ আবুজহল বলিয়াছিল যে, মোহম্মদকে নমাজে প্রণাম করিতে দেখিলে আমি তাঁহার মন্তকে পদাঘাত করিব । একদিন তিনি নমাজ পড়িতেছিলেন, কেহ বাইয়া তাহাকে সংবাদ দিল । সে দ্রুতগতি নিকটে আসিয়াই মলিনমুখে ও কম্পিতকলেবরে ফিরিয়া গেল । লোকে জিজ্ঞাসা করিল, তোমার কি হইল ? সে বলিল যে, আমি মোহম্মদের নিকটে এক গর্ভ দেখিলাম, তাহাতে এক প্রকাণ্ড সর্প মুখবাদান করিয়া রহিয়াছে । ইহা দেখিয়া বড় ভয় পাইয়াছি । এতদ্বপক্ষে এই আয়ত অবতীর্ণ হয় । (ত, হো,)

সূরা কদর ❁

সপ্তনবতিতম অধ্যায়

৫ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

নিশ্চয় আমি তাহাকে (কোর-আনকে) শবেকদর রজনীতে অবতারণ করিয়াছি † ।

১। এবং কিসে তোমাকে জানাইয়াছে যে, শবেকদর কি ? ২। শবেকদর সহস্র মাস অপেক্ষা শ্রেষ্ঠ। ৩। তাহাতে দেবগণ ও আত্মা সকল প্রত্যেক কার্যের জন্য আপন প্রতিপালকের আজ্ঞাক্রমে অবতরণ করে। ৪। + উহা উষার অভ্যুদয় পর্যন্ত কুশলময়। ৫। (র, ১, আ, ৫)

সূরা বয়িনত ‡

অষ্টনবতিতম অধ্যায়

৮ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

গ্রন্থাধিকারীদিগের অন্তর্গত কাকেরগণ এবং অংশিবাদিগণ, যে পর্যন্ত না উজ্জল প্রমাণ তাহাদের নিকটে উপস্থিত হয়, সে পর্যন্ত (বিদ্রোহিতা হইতে) প্রতিনিবৃত্ত হয় নাই। ১। ঈশ্বরের প্রেরিত (মোহম্মদ,) সে পবিত্র পুস্তিকা সকল পাঠ করিয়া থাকে। ২। + তন্মধ্যে অক্ষর লিপি সকল আছে। ৩। এবং যাহাদিগকে গ্রন্থ প্রদান করা হইয়াছে, তাহারা (ইহুদি ও ঈসায়িগণ) তাহাদের নিকটে উজ্জল প্রমাণ উপস্থিত হওয়ার পর ভিন্ন বিচ্ছিন্ন হয় নাই। ৪। এত্ৰাহিমের অনুসরণে ঈশ্বরকে তছুদ্দেশে ধর্ম বিস্মৃত করতঃ অর্চনা করিতে এবং উপাসনাকে প্রতিষ্ঠিত রাখিতে ও জ্ঞাত দান করিতে ভিন্ন তাহাদিগকে আদেশ করা হয় নাই, ইহাই প্রকৃত ধর্ম। ৫। নিশ্চয় গ্রন্থাধিকারীদিগের মধ্যে যাহারা ধর্মদ্রোহী হইয়াছে, তাহারা ও অংশিবাদিগণ নরকানলে থাকিবে, তথায় নিত্যবাস করিবে ; ইহারাই তাহারা যে, অধম জীব। ৬। নিশ্চয় যাহারা বিশ্বাস স্থাপন ও সংক্রিয়া সকল করিয়াছে, ইহারাই তাহারা যে, জীবশ্রেষ্ঠ। ৭। তাহাদের পুরস্কার তাহাদের প্রতিপালকের নিকটে নিত্য স্বর্গোচ্চান সকল হয়, যাহার নিয়ম দিয়া পয়ঃপ্রণালীপুঞ্জ প্রবাহিত হইয়া থাকে, তথায় তাহারা নিত্যবাসী হইবে। পরমেশ্বর তাহাদের প্রতি প্রসন্ন হইয়াছেন ও তাহারাও তাঁহার প্রতি সন্তুষ্ট হইয়াছে ; যে ব্যক্তি আপন প্রতিপালককে ভয় করে, তাহার সম্বন্ধেই ইহা হয়। ৮। (র, ১, আ, ৮)

* এই সূরা মক্কাতে অবতীর্ণ হইয়াছে।

† শবেকদর বা লয়লাতোলু কদরের অর্থ সম্মানের রাত্রি। এই রজনীতেই কোর-আন স্বর্ণ হইতে পৃথিবীর আকাশে অবতীর্ণ হইয়াছিল। তন্মত ইহার সম্মান। উহা রমজান মাসের সপ্তবিংশতি রজনী। এই রাত্রিতে উপাসনা-সাধনার বিশেষ লাভ হয়।

‡ এই সূরা মদিনাতে অবতীর্ণ হইয়াছে।

(ত, হো,)

সূরা জেল্‌জাল *

উনশততম অধ্যায়

৮ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

(স্মরণ কর,) যখন ভূমি স্বীয় কম্পনে কম্পিত হইবে । ১ । + এবং ভূমি স্বীয় ভারপুঞ্জ বাহির করিবে ৷ ২ । + এবং মনুষ্য বলিবে, ইহার কি হইল । ৩ । সেই দিবস সে আপন বৃত্তান্ত বর্ণন করিবে ৷ ৪ । + যেহেতু তোমার প্রতিপালক তাহাকে প্রত্যাদেশ করিয়াছেন । ৫ । সেই দিবস মনুষ্য বিভিন্ন অবস্থায় পরিবর্তিত হইবে, তাহাতে তাহাদের কৰ্ম্মপুঞ্জ (কিয়ার ফল) তাহাদিগকে প্রদর্শন করা যাইবে । ৬ । অনন্তর যে ব্যক্তি বিন্দু পরিমাণ কল্যাণ করে, সে তাহা দর্শন করিবে । ৭ । এবং যে ব্যক্তি বিন্দু পরিমাণ অকল্যাণ করে, সে তাহা দেখিতে পাইবে । ৮ । (র, ১, আ, ৮)

সূরা আদিয়া §

শততম অধ্যায়

১১ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

ক্রতগতি অশ্ববৃন্দের শপথ ৷ ১ । + অনন্তর পদাঘাতে প্রস্তুত হইতে অগ্নি উদ্দিগরণকারী (অশ্বের) । ২ । + অবশেষে উষাকালে লুণ্ঠনকারী (অশ্বারুঢ়ের শপথ) । ৩ । + পরিশেষে ঘোটকবৃন্দ তখন (প্রাতঃকালে) ধূলী উৎক্ষেপ করে । ৪ । + অনন্তর তখন (বিপক্ষের) এক দলের ভিতর উপস্থিত হয় । ৫ । নিশ্চয় মনুষ্য স্বীয় প্রতিপালকের প্রতি অকৃতজ্ঞ । ৬ । এবং নিশ্চয় সে এ বিষয়ে সাক্ষী । ৭ । নিশ্চয় সে ধনাসক্তিতে দৃঢ় । ৮ । অনন্তর সে কি জানিতেছে না যে, কবরে যাহা আছে, যখন তাহা সমুখাপিত হইবে ? ৯ । + এবং যে কিছু হৃদয়ে আছে, উপস্থিত করা যাইবে । ১০ । + নিশ্চয় তাহাদের প্রতিপালক সেই দিবস তাহাদের (অবস্থা) সম্বন্ধে জ্ঞাত । ১১ । (র, ১, আ, ১১)

* এই সূরা মদিনাতে অবতীর্ণ হইয়াছে ।

+ কেরামতের কিয়ৎকাল পূর্বে মুক্তিকার অভ্যন্তর হইতে, তাহার ভিতরে স্বর্ণরজতাদি যাহা কিছু আছে, সমুদায় বাহির হইয়া পড়িবে । তাহার কোন গ্রাহক থাকিবে না । (ত, হো,)

‡ অর্থাৎ বিচারের সময় পৃথিবী মনুষ্যের অপরাধ সকল বর্ণন করিবে । (ত, হো,)

§ এই সূরা মক্কাতে অবতীর্ণ হইয়াছে ।

৷ ওমর আনসারীর পুত্র মঞ্জরকে হজরত এক দল ধর্ম্মবন্ধুসহ কেননা পরিবারের প্রতি প্রেরণ করিয়াছিলেন, এবং বলিয়াছিলেন যে, উষাকালে তাহাদিগকে আক্রমণ করিয়া লুণ্ঠন করিবে, এবং অল্প দিবস কিরিয়া আসিবে । মঞ্জর সৈন্তে যাইয়া তজ্জপ করিয়াছিল, কিন্তু প্রত্যাগমনকালে এক বৃহৎ নদী পার হইতে অধিক বিলম্ব হয় । তাহাতে কপট লোকেরা পরশ্পর বলিতে থাকে যে, সমুদায় সৈন্ত হুত্তর প্রান্তরে মারা পড়িয়াছে, তাহাদের সংবাদ প্রদান করে এমন একটি লোকও অবশিষ্ট নাই । এতদুপলক্ষে এই আয়ত অবতীর্ণ হয় । (ত, হো,)

সূরা কারেয়া •

একাধিকশততম অধ্যায়

১১ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

আঘাতকারী (কেয়ামত) † । ১ । + আঘাতকারী কি ? ২ । এবং কিসে তোমাকে জানাইয়াছে যে, আঘাতকারী কি হয় ? ৩ । যে দিবস মানবমণ্ডলী বিক্ষিপ্ত পক্ষপালের গায় হইয়া যাইবে । ৪ । + এবং পূর্বতশ্রেণী ধূনিত পশুরোমসদৃশ হইবে । ৫ । অনন্তর কিন্তু যে ব্যক্তির নিক্তি ভার হইবে, পরে সে সন্তোষের জীবনে থাকিবে । ৬ + ৭ । কিন্তু যে ব্যক্তির নিক্তি হাল্কা হইবে, পরে তাহার অবস্থানভূমি হাওরিয়া হইবে । ৮ + ৯ । কিসে তোমাকে জানাইয়াছে, হাওরিয়া কি ? ১০ । তাহা প্রজ্বলিত হতাশন । ১১ । (র, ১, আ, ১১)

সূরা তকাসোর ‡

দ্ব্যধিকশততম অধ্যায়

৮ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

যে পর্য্যন্ত না তোমরা, (হে লোক সকল,) সমাধিক্ষেত্রে পঁছ, সে পর্য্যন্ত (ধন) বাহুল্যের (গর্ভ) তোমাদিগকে মুগ্ধ করিয়া রাখিল । ১ + ২ । না না, অচিরেই তোমরা জানিতে পাইবে । ৩ । + তৎপর না না, অচিরেই তোমরা জানিতে পাইবে । ৪ । + না না, যদি তোমরা ঐক্যবদ্ধ জ্ঞাত হও, তবে অবশ্য অহিম (নরকবিশেষ) দেখিবে । ৫ + ৬ । তৎপর অবশ্য তাহাকে নিশ্চিত দৃষ্টিতে দেখিবে । ৭ । তাহার পর সেই দিবস সম্পদ সম্বন্ধে তোমাদিগকে প্রশ্ন করা হইবে § । ৮ । (র, ১, আ, ৮)

সূরা অসর \$

ত্র্যধিকশততম অধ্যায়

৩ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি ।)

কালের শপথ ¶ । ১ । যাহারা বিশ্বাস স্থাপন ও সংক্রিয়া সকল করিয়াছে, সত্যভাবে

* এই সূরা মক্কাতে অবতীর্ণ হইয়াছে ।

† আঘাতকারী অর্থে কেয়ামত । সেই দিন আতঙ্কে লোকের চিত্ত আহত হইবে । (ভ, হো,)

‡ এই সূরা মক্কাতে অবতীর্ণ হইয়াছে ।

§ অর্থাৎ ধনসম্পদে আসক্ত হইয়া তোমরা যে সাধন ভজন হইতে বিরত হইয়াছ, তাহা পরে প্রশ্ন করা যাইবে ও তাহার বিচার হইবে । (ভ, হো,)

\$ এই সূরা মক্কাতে অবতীর্ণ হইয়াছে ।

¶ মহান্ধা আবুবেকরকে আবুল আশদ বলিয়াছিল, “আবুবেকর, তুমি পৈতৃক ধর্ম পরিভাষণ করিয়া প্রতিমাপূজা হইতে নিবৃত্ত হইয়াছ, ইহাতে নিজের কতি করিয়াছ ।” তাহাতেই এই সকল আয়ত অবতীর্ণ হয় । (ভ, হো,)

পরম্পরকে উপদেশ দিয়াছে, এবং ধৈর্যের সহিত পরম্পরকে উপদেশ দান করিয়াছে, তাহারা ব্যতীত নিশ্চয় (অন্ত) মনুষ্য কৃতির মধ্যে আছে। ২+৩। (র, ১, আ, ৩)

সূরা হমজা *

চতুর্দশিকশততম অধ্যায়

৯ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

প্রত্যেক দোষোন্মোষণকারী ও দোষকারীর প্রতি, যে ধন সংগ্রহ করিয়াছে ও তাহা গণনা করিয়াছে, আক্ষেপ +। ১+২।। সে মনে করিয়া থাকে যে, তাহার ধন তাহাকে অমরত্ব দান করিবে। ৩। না না, অবশ্য সে হোতমাতে নিষ্কিণ হইবে। ৪। এবং কিসে তোমাকে জানাইয়াছে, হোতমা কি হয়? ৫। তাহা ঈশ্বরের প্রজ্জলিত বহি। ৬। + যাহা অন্তঃকরণে প্রবল হইবে। ৭। নিশ্চয় উহা (নরক,) তাহাদের সম্বন্ধে দীর্ঘ স্তম্ভে দ্বার অবরুদ্ধ হয় \$। ৮+৯। (র, ১, আ, ২)

সূরা ফীল \$

পঞ্চাধিকশততম অধ্যায়

৫ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি কি দেখ নাই যে, তোমার প্রতিপালক গজস্বামীদিগের সম্বন্ধে কেমন আচরণ করিয়াছিলেন? ১। তাহাদের চক্রান্তকে তিনি কি বিফলতার মধ্যে স্থাপন করেন

* এই সূরা মক্কাতে অবতীর্ণ হইয়াছে।

+ শরিকের পুত্র আধুনস মগররার পুত্র অলিদের নিকটে হজরতের দোষ ঘোষণা করিত, অলিদও দোষ কীর্তন করিত; তাহাদের সম্বন্ধে পরমেশ্বর আয়ত প্রেরণ করেন। (ত, হো,)

† মোহম্মদীয় শাস্ত্রে ক্রমশঃ অষ্ট বর্গ ও সপ্ত নরকের নাম ও বিবরণ উল্লিখিত হইয়াছে; ১ম খোলদ, ২য় দারসুলাম, ৩য় দারোলুকার, ৪র্থ অদন, ৫ম নয়িম, ৬ষ্ঠ মাওরা, ৭ম অলয়িন, ৮ম ফেরদওস, এই অষ্টবিধ বর্গ। ১ম জেহন্নম, ২য় নতি, ৩য় হোতমা, ৪র্থ সরির, ৫ম সক্র, ৬ষ্ঠ জহিম, ৭ম হাবিরা, এই সপ্ত নরক। এই সূরাতে নরক যে বাহিরে নয়, অন্তরে, ইহাই পরিব্যক্ত হইয়াছে।

\$ এই সূরা মক্কাতে অবতীর্ণ হইয়াছে।

¶ আব্রহানামক এক জন দুর্ভাগ্য ইসরাইলীয়ের নামে রাজ্যের অধিপতি ছিল। দেশ দেশান্তর হইতে সহস্র সহস্র লোক আসিয়া কাবামশির প্রদক্ষিণ ও তাহাকে বিশেষ সন্মান করে, ইহা দেখিয়া তাহার মনে ঈর্ষানল প্রজ্জলিত হইয়া উঠে। সে কাবার গৌরব ধ্বংস করিবার জন্য মহামূল্য প্রস্তর দ্বারা এক পরম স্নায় প্রকাণ্ড মন্দির নির্মাণ করে। পরে দেশ দেশান্তরের লোক সকল তাহা দ্বারা বাধ্য হইয়া আসিয়া সেই মন্দিরকে গৌরব দান করিতে থাকে। কেননা বংশীর এক ব্যক্তি মন্দিরের সেবাতে নিযুক্ত ছিল। সে এক দিন রাজ্যে উক্ত নব মন্দিরকে কোন দুর্ভাগ্য দ্বারা কলঙ্কিত করে, এবং পলাইয়া যায়। এই বিবরণ সর্বত্র প্রচার হয়। তখন হইতে লোক সকল আর সেই মন্দিরকে সন্মান করিতে আসে না। আব্রহা এই ব্যাপারে অত্যন্ত ক্ষুব্ধ হয়। সে বহু সৈন্যদল ও প্রকাণ্ড প্রকাণ্ড হস্তী সঙ্গে করিয়া, কাবামশির উৎখাত করার জন্য সজ্জিতযুদ্ধে বাত্মা করে। মক্কার নিকটে আসিয়াই পাহাড় লুণ্ঠন করিতে থাকে। মক্কার প্রধান প্রধান লোকেরা তত্তে এক পর্বতের উপর বাইরা আশ্রয় লয়। আব্রহা সৈন্য সকল প্রথমতঃ প্রেরিত করিয়া হস্তিবৃৎকে কাবামশিরের প্রতি

নাই ? ২। + এবং তিনি তাহাদের প্রতি দলে দলে বিহ্বল প্রেরণ করিয়াছিলেন। ৩। + (সেই পক্ষিসৈন্য) তাহাদের প্রতি কর্দমজাত (ক্ষুদ্র) প্রস্তর নিক্ষেপ করিতেছিল। ৪। + পরে তাহাদিগকে (পশু) ভক্ষিত শস্ত্র-ক্ষেত্রের ত্রায় করিয়াছিল। ৫। (র, ১, আ, ৫)

সূরা কোরেশ *

ষড়্বিকশততম অধ্যায়

৪ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

কোরেশের সম্মিলন অগ্র, তাহাদের সম্মিলন নীত গ্রীষ্মে বিদেশযাত্রায় হইয়াছে †। ১ + ২। অনন্তর উচিত যে, তাহারা এই মন্দিরের প্রতিপালককে অর্চনা করে। ৩। তিনি তাহাদিগকে ক্ষুধায় আহার দিয়াছেন ও ভয় হইতে নিঃশঙ্ক করিয়াছেন। ৪। (র, ১, আ, ৪)

সূরা মাউন ‡

সপ্তাধিকশততম অধ্যায়

৭ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

যে ব্যক্তি বিচারের দিবসের প্রতি অসত্যারোপ করে, তুমি তাহাকে কি দেখিয়াছ § ? ১। অনন্তর এ সে, যে ব্যক্তি নিরাশ্রয়কে দুঃখ দেয়, এবং দরিদ্রকে ভোজ্যাদানে প্রবৃত্তি দান করে না। ২ + ৩। অবশেষে সেই উপাসকদিগের সম্বন্ধে আক্ষেপ,

প্রেরণ করে। হস্তিদলমধ্যে মহম্মদনামক হস্তী অত্যন্ত বলশালী ও বৃহৎকায় ছিল, সেই হস্তী মক্কা নগরের প্রাচীরের নিকটে যাইয়াই শিবিরাভিমুখে কিরিয়া আইসে। হস্তিপক বহু চেষ্টা করিয়াও তাহাকে কিরয়াইতে পারে নাই। প্রধান মাতঙ্গ বিমুখ হইয়া চলিয়া আসিলে পর সমুদায় মাতঙ্গ বেগে পলায়ন করে। আবু রহা এই ঘটনায় নিতান্ত অবসন্ন হইয়া পড়ে। ইতিমধ্যে অকস্মাৎ দলে দলে কৃষ্ণবর্ণ পক্ষী আসিয়া আবু রহার সেনাবৃন্দকে আক্রমণ করিয়া প্রস্তর বর্ষণ করিতে থাকে, তাহাতে সৈন্তকুল সমূলে বিনষ্ট হয়। (ত, হো,)

* এই সূরা মক্কাতে অবতীর্ণ হইয়াছে।

† কোরেশগণ বাণিজ্যার্থে দুইবার বিদেশে যাত্রা করিত। তাহারা নীত ঋতুতে এরমনে, গ্রীষ্ম ঋতুতে শামদেশে যাইত। লোকের তাহাদিগকে “আহলে হরম” অর্থাৎ কাবার চতুঃসীমান্তবর্তী লোক বলিত ও বিশেষ সম্মান করিত। কনানার পুত্র নজরের উপাধি কোরেশ ছিল, তদনুসারে-আরবের যে ব্যক্তি নজরের সঙ্গে সন্ধা রাখিত, সেই কোরেশ বলিয়া পরিচিত হইয়াছে। কোন কোন অভিজ্ঞ লোকেরা বলেন যে, মালেকের পুত্র নজরের পৌত্র কহরের এই উপাধি ছিল। তাহাদের প্রতি যে সম্পদ প্রদত্ত হইয়াছে, তাহা প্রমাণিত করিবার জন্য পরমেশ্বর এই সূরা প্রেরণ করিয়াছেন। (ত, হো,)

‡ এই সূরা মক্কাতে অবতীর্ণ হইয়াছে।

§ এই সূরার অর্দ্ধাংশ কাকেরদিগের সম্বন্ধে ও অর্দ্ধাংশ কপট লোকের সম্বন্ধে। দুরাত্ম আবুজহল কেরামতে বিশ্বাস করিত না, মিথ্যা বলিত। কোন অনাথ নিরাশ্রয় তাহার নিকটে অন্ন বস্ত্র প্রার্থনা করিলে, তাহাকে প্রহার করিয়া তাড়াইয়া দিত। তাহার সম্বন্ধে এই আয়ত অবতীর্ণ হয়। ইহাও কথিত আছে যে, আবু হুফিরাণ এক উষ্ট্রের মাংস ভাগ করিতেছিল, একটি নিরাশ্রয় দুঃখী তাহার কিয়দংশ ভিক্ষা করে, তাহাতে সে তাহাকে বটি দ্বারা প্রহার করে। তদনুসারে এই আয়ত অবতীর্ণ হয়। (ত, হো,)

সেই যাহারা স্বীয় উপাসনায় হতচেতন। ৪+৫। সেই যাহারা কণ্টাচরণ করে। ৬।+ এবং মাউন হইতে নিবৃত্ত থাকে *। ৭। (র, ১, আ, ৭)

সূরা কওসর †

অষ্টাধিকশততম অধ্যায়

৩ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

নিশ্চয় তোমাকে আমি কওসর দান করিয়াছি ‡। ১। অনন্তর তুমি আপন প্রতিপালকের জন্ত নমাজ পড় ও উষ্ট্র বলিদান কর। ২। নিশ্চয় তোমার যে শত্রু, সে নিঃসন্তান হয়। ৩। (র, ১, আ, ৩)

সূরা কাফেরোণ §

নবাধিকশততম অধ্যায়

৬ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি বল, হে কাফেরগণ ¶। ১।+তোমরা যাহাকে পূজা করিয়া থাক, আমি তাহাকে পূজা করি না। ২। এবং আমি যাহাকে অর্চনা করিয়া থাকি, তোমরা তাঁহাকে অর্চনা কর না। ৩। এবং তোমরা যাহার পূজা কর, আমি তাহার পূজক নহি। ৪।

* মাউন সেই সকল গৃহসামগ্রী, যদ্বারা লোকে পরস্পরকে সাহায্য দান করিয়া থাকে; যথা রন্ধন-স্থালী, পানপাত্র, কুঠার, কোদালী ইত্যাদি। কেহ কেহ বলেন, জল, অগ্নি ও লবণ এই তিন সামগ্রী মাউন। (ত, হো,)

† এই সূরা মক্কাতে অবতীর্ণ হইয়াছে।

‡ একদা ওয়াইলের পুত্র আস, বনোসহমধারের নিকটে হজরতের সঙ্গে সাক্ষাৎ করিয়া কিয়ৎক্ষণ কথোপকথন করে; পরে হজরত চলিয়া যান, এবং আস মন্দিরে উপস্থিত হয়। কতিপয় কোরেশ প্রধানপুরুষ তথায় উপবিষ্ট ছিলেন। তাঁহারা তাহাকে জিজ্ঞাসা করিলেন, “তুমি কাহার সঙ্গে কথা কহিতেছিলে?” সে বলিল, “অপুত্রক ব্যক্তির সঙ্গে।” খদিজাদেবীর গর্ভে তাহেরনামক এক পুত্র ছিলেন, তখন তাঁহার মৃত্যু হইয়াছিল। আসের উক্তি শ্রবণ করিয়া হজরতের অন্তর বিশেষ ক্ষুব্ধ হয়। পরমেশ্বর তাঁহার সান্ত্বনার জন্ত এই সূরা প্রেরণ করেন। কওসর শব্দের অর্থ বাহুল্য। অর্থাৎ পরমেশ্বর বলিতেছেন যে, আমি তোমাকে জ্ঞান ধর্মাদি স্বর্গীয় সম্পদ বহু পরিমাণে প্রদান করিয়াছি। অথবা কওসর শব্দ স্বর্গীয় পয়ঃপ্রণালী বিশেষ, তাহার কুল ও সোপানাদি স্বর্ণমণিক্যখচিত, মুস্তিকা হৃগন্ধ, হিমশিলা অপেক্ষা গুরু। অপিচ কওসর স্বর্গই এক মাসের পথব্যাপিনী বাপীবিশেষ। সেই সরোবরের জল দ্রুত অপেক্ষা অধিক শুভ্র ও মৃগনাভি অপেক্ষা অধিক মৃগন্ধ। (ত, হো,)

§ এই সূরা মক্কাতে অবতীর্ণ হইয়াছে।

¶ কতিপয় কোরেশ, যথা, আবুহুইল, আস ও অলিদ এবং অনিরা প্রভৃতি আব্বাসের বাচনিক হজরতকে বলিয়া পাঠায় যে, তুমি এক বৎসর আমাদের উপাশ্রয় দেবতাদিগকে অর্চনা করিও। এই সংবাদ পাইবার সময়ই জেব্রিল আসিয়া এই সূরা উপস্থিত করেন। (ত, হো,)

এবং আমি ঈহাকে পূজা করি, তোমরা তাঁহার পূজক নও। ৫। তোমাদের জ্ঞান তোমাদের ধর্ম, আমার জ্ঞান আমার ধর্ম। ৬। (র, ১, আ, ৬)

সূরা নসর *

দশাধিকশততম অধ্যায়

৩ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

যখন ঈশ্বরের সাহায্য উপস্থিত হইবে, এবং (মক্কা) জয় হইবে। ১। + তখন তুমি লোকদিগকে দলে দলে ঈশ্বরিক ধর্মে প্রবেশ করিতে দেখিবে। ২। + অতএব আপন প্রতিপালকের প্রশংসার স্তব কর ও তাঁহার নিকটে ক্ষমা প্রার্থনা কর, নিশ্চয় তিনি প্রত্যাৱর্তনকারী। ৩। (র, ১, আ, ৩)

সূরা লহব †

একাদশাধিকশততম অধ্যায়

৫ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

আবুলহবের হস্ত বিনষ্ট হউক ও সে বিনষ্ট হউক ‡। ১। তাহার ধন ও সে যাহা উপার্জন করিয়াছে, তাহা তাহা হইতে (শাস্তি) কিছুই নিবারণ করে নাই। ২। অবশ্য সে এবং তাহার ভাৰ্য্যা শিখাবিশিষ্ট অনলে উপস্থিত হইবে, তাহার গ্রীবাদেশে ইক্ষন উত্তোলক খোঁচা বন্ধলের রজ্জু থাকিবে §। ৩+৪+৫। (র, ১, আ, ৫)

সূরা এখলাস ¶

দ্বাদশাধিকশততম অধ্যায়

৪ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি বল, (হে মোহম্মদ,) তিনি একমাত্র ঈশ্বর ॥ ১। নিরাম ঈশ্বর। ২। তিনি

* এই সূরা মদিনাতে অবতীর্ণ হইয়াছে।

† এই সূরা মক্কাতে অবতীর্ণ হইয়াছে।

‡ আবুলহব দুই হস্তে এক প্রস্তর উত্তোলন করিয়া হজরতের প্রতি নিক্ষেপ করিতে উদ্যত হইয়াছিল; তাহাতেই ঈশ্বর এই আয়ত প্রেরণ করেন। (ত, হো,)

§ আবুলহবের আলয় হজরতের আলয়ের নিকটে ছিল, তাহার স্ত্রী ওম্মজামিল: দিবাভাগে কটকপুঞ্জ সংগ্রহ করিয়া রাখিত, রাত্রিতে যে পণ দিয়া হজরত গমনাগমন করিতেন, সেই পণে তাহা বিক্ষীর্ণ করিত, যেন হজরতের বসনপ্রান্তে বা চরণে কটক বিদ্ধ হয়। হজরত নমাজের জন্ত বাহিরে আসিয়া সেই কটক সকল ফুড়াইয়া লইতেন। ওম্মজামিলা এই পাপের জন্ত নরকের ইক্ষন বহন করিবে। (ত, হো,)

¶ এই সূরা মক্কাতে অবতীর্ণ হইয়াছে।

॥ এক দল লোক হজরতকে বলিয়াছিল যে, “মোহম্মদ, তোমার পরমেশ্বরের বর্ণনা কর, তাহা

জাত নহেন ও জন্মদানও করেন নাই। ৩। এবং তাঁহার তুল্য কোন ব্যক্তি নাই। ৪।
(র, ১, আ, ৪)

সূরা ফলক *

ত্রয়োদশাধিকশততম অধ্যায়

৬ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি বল, যাহা সৃষ্ট হইয়াছে, তাহার অপকারিতা হইতে ও প্রথমরজনীর অন্ধকার যখন বিকীর্ণ হয়, সেই অন্ধকারের অপকারিতা হইতে এবং গ্রন্থিমধ্যে কুহককারিণী নারীদিগের অপকারিতা হইতে এবং যখন বিদ্রোহ করে, বিদ্রোহকারীর অপকারিতা হইতে আমি প্রাতঃকালের প্রতিপালকের নিকটে আশ্রয় লইতেছি ৷ ১+২+৩+৪+৫+৬। (র, ১, আ, ৬)

সূরা নাস †

চতুর্দশাধিকশততম অধ্যায়

৬ আয়ত, ১ রকু

(দাতা দয়ালু পরমেশ্বরের নামে প্রবৃত্ত হইতেছি।)

তুমি বল, যে মল্লগ্নের অন্তরে কুমন্ত্রণা দান করে, আমি সেই দানব ও মানবজাতীয় লুকায়িত কুমন্ত্রণাদায়কের অপকারিতা হইতে, সেই মল্লগ্নের প্রতিপালক, মল্লগ্নের রাজা, মল্লগ্নের উপাশ্রয় গ্রহণ করিতেছি। ১+২+৩+৪+৫+৬। (র, ১, আ, ৬)

হজরত মোহম্মদের প্রার্থনা

“হে ঈশ্বর, সমাধিমধ্যে আমার আত্মক দূর কর, হে ঈশ্বর, মহাকোর-আনের অনুরোধে আমাকে দয়া কর, এবং আমার জন্ত (তাহাকে) নেতা ও আলোক এবং সত্বপদেশ ও করুণা স্বরূপ কর। হে ঈশ্বর, তাহার যাহা আমি বিন্মৃত হইয়াছি, তাহা স্মরণ করাইয়া দাও ও তাহার যাহা আমি জানি না, তাহা আমাকে শিক্ষা দাও, এবং অহোরাত্র তাহার পাঠে আমাকে অধিকারী কর, হে নিখিল বিশ্বের পালক, তাহাকে আমার প্রমাণ স্বরূপ কর।”

হইলে আমরা বিশ্বাস করিব। তওরাতে তাঁহার বর্ণনা পাঠ করিয়াছি। তুমি বল দেখি, ঈশ্বর কি পদার্থ? তিনি কি আহাৰ পান করিয়া থাকেন, তিনি কাহার উত্তরাধিকারী এবং তাঁহার উত্তরাধিকারী কে?” তাহাতে পরমেশ্বর এই সূরা অবতারণ করেন। (ভ, হো,)

* এই সূরা মদিনাতে অবতীর্ণ হইয়াছে।

† একজন ইহুদি বালক হজরতের সেবাতে নিযুক্ত ছিল। ইহুদি বংশীর আসমের পুত্র লবরকের কস্তাপণ বিশেষ অনুরোধ করিয়া তাহার বোণে হজরতের চিত্রণীর কিয়দংশ গ্রহণ করিয়াছিল, এবং সে হজরতের নামের প্রভাবে ভৎসাহায্যে রজ্জুর উপর আশ্চর্য্য ঐলজালিক ফিরা করিতেছিল। হজরতকে ছেত্রিল এই কথা জ্ঞাপন করেন। হজরত আলিকে পাঠাইয়া সেই রজ্জু আনয়ন করিয়াছিলেন। তাহাতে সে এগারটা গ্রন্থি স্থাপন করিয়াছিল। ছেত্রিল এগারটি আয়ত পাঠ করেন, এগার গ্রন্থি সেই রজ্জু হইতে খুলিয়া যায়। (ভ, হো,)

‡ এই সূরা মদিনাতে অবতীর্ণ হইয়াছে।

কোর্-আন্ শরীফের সর্বপ্রথম বাঙ্গলা অনুবাদক ভাই গিরিশচন্দ্র সেনের গ্রন্থাবলী

	মূল্য
১। কোর্-আন্ শরীফ (মূল হইতে সম্পূর্ণ বঙ্গানুবাদ) ...	৬৮
২। হাদিস (পূর্ববিভাগ) ১০ খণ্ড (ঐ) ...	৬৮
৩। ঐ (উত্তর বিভাগ) ৪ খণ্ড (ঐ) ...	৬৮
৪। মহাপুরুষ মোহাম্মদ ও তৎপ্রবর্তিত এসলাম ধর্ম ...	৬০
(মহাপুরুষ মোহাম্মদের সংক্ষিপ্ত জীবনী এবং কোর্-আন্ শরীফ, হাদিস ও কতিপয় প্রামাণিক ধর্মত্বিহাস গ্রন্থ হইতে সংকলিত, তদীয় ধর্মের সারসংগ্রহ ও সমালোচনা)	
৫। চারিজন ধর্মনেতা ...	৬০
(মহাপুরুষ মোহাম্মদের প্রথম খলিফা চতুষ্টয় : আবুবকর-ওমর-ওসমান এবং আলির জীবন বৃত্তান্ত)	
৬। এমাম হাসান ও হোসয়নের জীবনী ...	১০
(রওজতোশ্ শোহদা নামক প্রসিদ্ধ প্রাচীন মূল পারস্ত গ্রন্থ অবলম্বনে রচিত)	
৭। হাফেজ (১ম ভাগ) ...	১৮
(মহাপ্রেমিক খাজা হাফেজ প্রণীত দেওয়ান হাফেজ নামক মূল পারস্ত গ্রন্থের বঙ্গানুবাদ)	
৮। তাপসমালা (৬ খণ্ড) ...	৩৮
(২৬ জন মোসলমান তপস্বীদিগের জীবন বৃত্তান্ত। মহামাত্র মোলানা শেখ ফরিদোদ্দিন আত্তা বিরচিত তেজ করতোল আওলিয়া নামক মূল পারস্ত পুস্তক হইতে সংকলিত)	
৯। হিতোপাখ্যানমালা ১ম ...	১৮০
(কবি শেখ সাদি প্রণীত গোলেস্তা নামক মূল পারস্ত গ্রন্থ হইতে সংকলিত)	
১০। হিতোপাখ্যানমালা ২য় ...	৬০
(কবি শেখ সাদি প্রণীত বৃন্তা নামক মূল পারস্ত গ্রন্থ হইতে সংকলিত)	

	মূল্য
১১। হিতোপাখ্যানমালা ১ম ও ২য় হইতে মনোনীতাংশ ...	১।
১২। মহাপুরুষ চরিত ১ম	১৮/০
(মহাপুরুষ এব্রাহিম-মুসা-দাউদের জীবন চরিত। আদি বাইবেল—কোৰ্-আন্ শরীফ ও বিশেষ বিশেষ মোহম্মদীয় গ্রন্থ, যথা—প্রসিদ্ধ পারস্ত পুরাবৃত্ত মেরাজোলনব্বত—জামেওত্ত-তয়ারিখ—খোলাসতোল্ আখিয়া ইত্যাদি হইতে সংকলিত)	
১৩। মহাপুরুষ চরিত ২য় (মহাপুরুষ মোহম্মদের জীবন চরিত)	৪/০
১৪। চারিটা সাধনী মুসলমান নারী	১৮/০
(দেবী খাদিজা-ফাতেমা-আয়শা ও তপস্বিনী রাবেয়ায় সংক্ষিপ্ত জীবনী)	
১৫। মহালিপি ১ম—১০ম লিপি	১৮/০
(পরম সাধু মখছুম্ শরফোদ্দিন আম্মদ মনিরী কর্তৃক পারস্ত ভাষায় লিখিত মূল শততম মহালিপির বঙ্গানুবাদ)	
১৬। ধর্ম-সাধন নীতি	১০
(মহাদার্শনিক আবুহামেদ মোহাম্মদ গজালী বিরচিত কিমিয়ায় সাদতের উর্দু অনুবাদ। আক্‌সির হেদায়তের তেরাজোল আবেদিন—মফ্‌হাজোল আবেদিন গ্রন্থ হইতে অনুবাদ ও সংকলন)	
১৭। দরবেশী	১০
(কিমিয়ায় সাদত প্রভৃতি মূল মোহম্মদীয় শাস্ত্র হইতে সংকলিত মোসলমান সাধকদিগের বৈরাগ্যাত্ম ও সাধন প্রণালীর বিশেষ বিবরণ)	
১৮। ধর্মবন্ধুর প্রতি কর্তব্য	৮/০
(কিমিয়ায় সাদত ও তেজ্জ করতোল নামক মূল পারস্ত গ্রন্থ হইতে সংকলিত)	
১৯। নীতিমালা (১ম)	১৮/০
(আক্‌সির হেদায়ত নামক মূল উর্দু পুস্তকের অনুবাদ)	
২০। তত্ত্বরত্নমালা	১৮/০
(মস্তে কোওয়ার ও মৌলবী জালালোদ্দীন রোমী প্রণীত মসনবি মৌলবী রোম নামক মূল পারস্ত পুস্তক হইতে সংকলিত)	

২১।	তত্ত্বকুসুম	
	(গোলসানে আশ্রার নামক মূল পারস্তু গ্রন্থ হইতে সংকলিত)					
২২।	তত্ত্ব সন্দর্ভ-মালা (নববিধান তত্ত্ব)	১৮/০
২৩।	শ্রীমদ্রামকৃষ্ণ পরমহংসের উক্তি ও সংক্ষিপ্ত জীবনী	৮/০
	(পরমহংস রামকৃষ্ণের সর্বপ্রথম জীবনী)					
২৪।	Keshub Chunder Sen—corrected Statements of					
	some disputed facts in his life	১১/০
২৫।	ব্রহ্মময়ী চরিত (ভাই গিরিশচন্দ্রের সহধর্মিণী চরিত)				..	১০
২৬।	আত্মজীবনী	১২

প্রাপ্তিস্থান—

অধ্যক্ষ, নববিধান পাব্লিকেশন্স কমিটি,

ভারতবর্ষীয় ব্রহ্মমন্দির,

৯৫নং কেশবচন্দ্র সেন স্ট্রীট, কলিকাতা

